





2004.12

SCB

#15,974









# IN LIBRVM Psalmorum, Ioan-

nis Caluini Commentarius.


*Thomas & Locus me tenet.*



Excudebat Nicolaus Barbirius

& Thomas Courteau.


*M. D. LXIIII.*





# IOANNES CALVINVS

piis & ingenuis Lectoribus Salutem.



**S**tantum vtilitatis afferat Ecclesiæ Dei Commentariorum meorum lectio, quantum ego ex scriptione fructus percepi, non erit cur me suscepti laboris peniteat. Tamen si librum Psalmorum in hac tenui nostra schola exposueram ante tres annos, hac opera perfunctus, statueram non publicare latius quæ apud domesticos familiariter deposueram. Et primum enarrationem aggredier fratribus meorum rogatu, dixeram quod veram erat, me ideo supersedere quod fidelissimus Ecclesiæ doctor Martinus Bucerus summa quam in hoc opere præstitit eruditione, diligentia, & fide id saltem consequutus erat, ne tantus esset operæ meæ vñs. Nec verò de VVolphangi Musculi commentariis, si iam tunc in lucem prodissent, tacere fas fuisset, quando & hic sedulitate & industria non parum laudis, bonorum iudicio meritus est. Nondum ad finem operis peruenieram, dum ecce nouis precibus sollicitor, ne meditationes meas fideliter & dextrè, non absque magno labore exceptas, perire sinam. Ego in proposito manere: tantum quod pridem in animo fuerat, promittere (ne genti nostræ in libro tam vtili deesset adiumentum) me scripturum aliquid Gallicè. Id dum tentare cogito, repente præter consilium instinctu nescio quo, periculum in Psalmo vno feci Latinæ enarrationis. Iam vbi successus voto respondens spem longè superabar, creuit animus: itaque idem in paucis aliquot tentare incipio. Hoc animaduerso familiares, ac si me tenerent obstrictum, audacius, stimulare ne in cursu deficerem. Vna mihi fuit obtemperandi ratio, quæ me initio ad primam experientiam impulerat, nequando me repugnante vel inscio emergent in publicum quæ ex meis sermonibus excepta fuerant. Is certè metus ad opus texendum magis me pertraxit, quam tulerit libera voluntas. Interea tamen in operis progressu certius intelligere cœpi quàm non superuacua esset lubricatio: ac priuato quoque meo exemplo expertus sum, me lectoribus non ita exercitatis comòdum fore intelligendis Psalmis adiutorem. Quàm varias ac splendoras opes contineat hic thesaurus, verbis assequi difficile est: equidem quidquid dicturus sum, dignitate longè inferius fore scio. Sed quia præstat gustum aliquem tantæ vtilitatis vel tenuem dare lectoribus, quàm prorsus de ea tacere: breuiter attingere licebit quod rei magnitudo non patitur planè explicare. Librum hunc non abs re vocare soleo *αγογὴ* omnium animarum partium: quando nullum in se affectum quisquam reperiet, cuius in hoc speculo non reluceat imago. Imò omnes hic dolores, tristitias, metus, dubitationes, spes, curas, anxietates, turbulentos denique motus quibus iactari solent humanæ mentes, Spiritus sanctus ad viuam repræsentauit. Reliqua Scriptura continet quæ Deus seruis suis mandata iniunxit ad nos perferenda. Hic verò Prophetæ ipsi cum Deo loquentes, quia interiores omnes sensus retegunt, quenque nostrum vocant aut trahunt ad proprium sui examē, nequid ex tot infirmitatibus quibus sumus obnoxii, tórque vitii quibus sumus referti, occultum maneat. Rarus & singularis profectus, vbi excussis omnibus latebris, cor hypocrisis deterrima tabe abstersum in lucem producit. Denique si inuocatio Dei maximum salutis nostræ præsidium est, quando non aliunde melior ac certior peti eius potest regula quàm ex hoc libro: ut quisque in eius intelligentia optimè profecerit, bonam cælestis doctrinæ partē erit assecutus. Seria precatio, ex necessitatibus nostræ sensu primum, deinde ex promissionum fide nascitur. Hic tū ad mala sua sentienda optimè expergescent lectores, quàm de querendis remediis admonebuntur. Atque adeò quidquid ad nos animandos facere potest vbi orādis est Deus, in hoc libro monstratur. Nec verò tantum occurrunt promissiones: sed inter

Dei inuitationem & carnis impedimenta, nobis sæpe in medio statuitur qui se ad precandū accingit: vt si quando nos exagitent varæ dubitationes, luctari discamus, donec liber ad Deum animus assurgat. Neque id modò, sed per hasitationes, metus, trepidationes, nitamur tamen ad orandū, donec solatii nos nò pœniteat. Sic enim statuendū est, quanuis ianuam precibus nostris præcludat diffidentia, non esse tamen cedendum quoties vacillant animi, vel inquietudine feruntur, donec ex suis certaminibus victrix emergat fides. Et multis in locis animaduertere licet, seruos Dei ita fluctuantes inter orandum, vt alternis vicibus ferè oppressi, palmam arduo conatu obtineant. Illic ab vna parte se prodit carnis infirmitas: ab altera verò se exerit vis fidei, si non tam strenua quàm optandum foret, parata saltè ad certandum, donec paulatim solidum robur acquirat. Quia tamen quæ ad rationem ritè precandi valent, toto opere sparsa reperientur, superuacua repetitione nò onerabo lectores, neque etiam morabor eorum progressum. Tantùm hoc in transcurso indicare operæ pretium fuit, Præstari nobis hoc libro, quo nihil magis est optabile, non modò vt familiaris ad Deum pateat accessus, sed vt infirmitates quas pudor hominibus fateri prohibet, fas ac liberum sit coram eo explicare. Iam verò sacrificium laudum quod sibi pretiosissimum & suauissimi odoris esse pronuntiat Deus, quomodo ritè offerre oporteat, hic etiam ad amussim præscribitur. Nusquā magis luculenta tum singularis erga Ecclesiam Dei beneficentia, vel omnium eius operum præconia leguntur, nusquam tot narratur liberationes, tum tam splendide ornantur paternæ erga nos ipsius prouidentia & curæ documenta: nusquam denique vel Dei laudandi plenior traditur ratio, vel ad præstandū hoc pietatis officium acrius stimulamur. Ad hæc quanuis præceptis, quæcunque ad vitam sanctæ, piæ, iustæque formandam valent, reſertus sit liber, præcipuè tamen nos ad crucis tolerantiā instiguet: quæ vera est obedientiæ probatio, vbi propriis affectibus valere iussis, Deo non subicimus, patimurque eius arbitrio vitam nostram ita gubernari vt quæ nobis acerbissimæ sunt ærumnæ, quia ab ipso proficiuntur, dulcescant. Postremò non generalia solum recitantur bonitatis Dei encomia, quæ doceant in ipso solo acquiescendum, vt certum in omni necessitate ab eo auxilium piæ mentes expectent: sed gratuita peccatorum remissio, quæ sola & Deum nobis placat, & tranquillam cum eo pacem nobis acquirit, sic commendatur, vt nihil prorsus desit ad scientiam æternæ salutis. Cæterum si labor à me in his commentariis sumptus lectoribus proderit, sciant mediocri certaminum (quibus me Dominus exercuit) experientia me non medioeriter fuisse adiutum, non modò vt accommodarem ad præsentē vsū quidquid licuerat doctrinæ colligere: sed vt ad cōsiliū scriptoris cuiusque psalmodiū intelligendū familiarior pateret via. Et quū inter eos præcipuus sit Dauid, vt eius querimonias de intestinis Ecclesiæ malis plenius cognoscerem, mihi non parum profuit, eadem quæ ipse deplorat, aut similia perpeſsum esse à domesticis Ecclesiæ hostibus. Neque enim, quanuis ab eo longissimè distem, imò ad multas quibus excelluit, virtutes agrè lentèque aspirans, contrariis vitiis adhuc laborem: siquid tamen mihi cum ipso commune est, conferre piget. Ergo quanuis inter legenda fidei, patientiæ, ardoris, zelus, integritatis documenta meritò innumeros mihi gemitus dissimilitudo expresserit: magnopere tamē profuit, quasi in speculo cernere tum vocationis meæ exordia, tum continuum functionis cursū: vt quidquid præstantissimus ille Rex ac Propheta per tulit, mihi ad imitationē fuisse propositū certius agnoscerem. Conditio quidem mea quanto sit inferior, dicere nihil attinet. Verū sicuti ille à caulis ouium ad summam imperii dignitatem euectus est, ita me Deus ab obscuris tenuibusque principiis extractum, hoc tam honorifico munere dignatus est, vt Euangelii præco essem ac minister. Theologiæ me pater tenellum adhuc puerum destinauerat. Sed quum videret legum scientiam paſsim augere suos cultores opibus, spes illa repente eum impulsit ad mutandum cōsiliū. Ita factum est, vt reuocatus à Philosophiæ studio, ad leges discendas tra herer. quibus tamen ut patris voluntati obsequer, fidelem operam impendere

conatus



conatus sum, Deus tamen arcana providentiæ suæ fræno cursum meum aliò tan-  
dem reflexit. Ac primo quidem, quum superstitionibus Papatus magis pertinaci-  
ter addictus essem, quàm ut facile esset è tam profundo luto me extrahere, animum  
meum, qui pro ætate nimis obdurerat, subita cōuersione ad docilitatem subegit.  
Itaque aliquo veræ pietatis gustu imbutus, tanto proficiendi studio exarsî, ut reli-  
qua studia quanuis non abiicerem, frigidius tamen sectarer. Necdū elapsus erat an-  
nus; quū omnes purioris doctrinæ cupidi ad me nouitiū adhuc & tyronē discendi  
causa ventitabant. Ego qui natura subrusticus, vmbream & otium semper amaui,  
tuæ latebras captare: quæ adeò concessæ non sunt, ut mihi secessus omnes instar  
publicæ scholæ essent. Denique dum hoc mihi vnum animo est, ignobile otium  
colere, Deus ita per varios flexus me circumegit, ut nusquam tamē quiescere per-  
mitteret, donec repugnante ingenio, in lucem pertractus sum. Eoque consilio  
reliq̃ta patria, in Germaniam concessi, ut in obscuro aliquo angulo abditus, quie-  
te diu negata fruerer. Ecce autem quum incognitus Basilæ laterem, quia mul-  
tis piis hominibus in Gallia exultis graue passum apud Germanos odium ignes il-  
li excitauerat, parsi sunt eius restringendi causa improbi & mendaces libelli, nō  
alios tam crudeliter tractari quàm Anabaptistas, ac turbulentos homines, qui per  
uerfis deliriis non religionem modò, sed totum ordinem politicum conuellerent.  
Ego hoc ab aulicis artificibus agi videns, non modò ut indigna sanguinis innoxii  
effusio, falsa sanctorum Martyrum infamia sepeliretur: sed ut posthac per cædes  
quaslibet absque vllius misericordia grassari liceret, silentium meum non posse à  
perfidia excusari censui, nisi me pro virili opponerē. Hæc mihi edenda Institutio-  
nis causa fuit: primum ut ab iniusta contumelia vindicaretur frater meus, quo-  
rum mors pretiosa erat in conspectu Domini: deinde quum multis miseris eadem  
instarent supplicia, pro illis dolor saltem aliquis & sollicitudo, exterarum gentes tan-  
geret. Neque enim densum hoc & laboriosum opus, quale nunc extat, sed breue-  
duntaxat Enchiridion tunc in lucem proditit. neque in alium finem, nisi ut te-  
stata esset eorum fides quos videbam ab impijs & perfidis adulatoribus sceleratè  
proscindi. Porro an propositum esset mihi famam aucupari, patuit ex breui dis-  
cessu, præsertim quum nemo illic sciuisset me auctorem esse. Quod etiam alibi sem-  
per dissimulaui, & in animo erat idem institutum prosequi, donec Genæ non  
tam consilio, vel hortatu, quàm formidabili Gulielmi Farelli obtestatione reten-  
tus sum, ac si Deus violentiam mihi è cælo manum iniiceret. Quum rectum iter  
Argentoratum tendenti bella clausissent, hæc celeriter transire statueram, ut non  
longior quàm vnus noctis mora in vrbe mihi foret. Paulo antè, huius optimi vi-  
ri & Petri Virei opera profligatus erat Papatus: sed res adhuc incōpositæ, & Vrbs  
in prauas & noxias factiones diuisa. Vnus homo, qui nunc turpi desfectione iterum  
ad Papistas rediit, statim fecit ut innotescerem. Hic Farellus (ut incredibili zelo  
promouendi Euangelii flagrabat) statim ad me retinendum obnixè neruos omnes  
intendit. Et quum priuatis & occultis studiis me intelligeret esse deditum, vbi se  
vidit rogando nihil proficere, vsque ad execrationem descendit, ut Deus otio meo  
malediceret, si me à serendis subsidijs in tanta necessitate subducerem. Quo terro-  
re percussus, susceptū iter ita omisi, ut mihi & verecundiæ & timiditatis meæ cō-  
scius, obeundo certo muneri fidem meam non obstringerem. Vix quatuor men-  
ses præterierant, quum nos ab vna parte aggressi sunt Anabaptistæ, ab altera, sce-  
leratus quidam apostata, qui clandestinis quorundam præcerum opibus fretus, mul-  
tum negotij facessere nobis poterat. Interea seditiones domesticæ, & quidem aliæ  
super alias mirificæ nos iactantur. Ego qui natura timido, molli, & pusillo animo  
me esse fateor, inter prima rudimenta hos tã impetuosos fluctus excipere coactus  
sum: quibus etsi non succubui, me tamen non tanta sustinuit magnanimitas, quin  
turbulenta eiectione plusquam decebat latus sim. Atque hoc vocationis vinculo  
solutus & liber, statuerã priuatus quiescere, dum præstantissimus Christi minister  
Martinus Bucerus me iterum simili qua vsus fuerat Farellus, obsecratione ad no-

uam stationem retraxit. Ionæ itaque exemplo quod proposuerat territus, in decedi munere perrexi. Atque etiam quum semper essem mei similis, celebritatem fugitans, nescio quo modo ad Imperiales conuentus raptus sum, ubi vellē nollem necesse mihi fuit in conspectum multorum prodire. Postea quum Dominus Urbis huius misertus, exitiales illas turbas sedasset, ac mirabili sua virtute dissipasset tam scelerata cōsilia, quā sanguinarios conatus, mihi pristinæ stationis repetendæ præter animi votū imposita fuit necessitas. Etsi enim maiori curæ erat huius Ecclesiæ salus, quā ut eius causâ mortem oppetere recusarem: mihi tamen multos excusationis colores suggererat mea timiditas, cur nō libenter humeros de integro subicerem oneri tam arduo. Vicit tandem officii religio ac fides ut gregi a quo auulsus fueram, me restituerem: quanto tamen cum mœrore, quantis lachrymis, & quanta anxietate, Dominus mihi optinui testis est, & multi pii homines, qui hac molestia liberatum me optassent, nisi idem metus quo vrgebar, restrictos simul mecum tenuisset. Ab eo tempore quā variis certaminibus me exercuerit, & quibus experimentis probauerit si narrare velim, longa erit historia, Sed nequid inutili sermone lectoribus fastidii afferā, quod paulo antè attigi, breuiter nunc repeto, quum mihi suis vestigiis viam monstraret David, non parum inde solatii me fuisse expertum. Nam sicuti sanctum illum Regem continuis bellis fatigarunt Philisthini & alii exteri hostes, sed interior perfidorum hominum malitia & improbitas grauius vulnerauit: sic ego vndique laceratus vix momentum vnum vel ab externis, vel ab intestinis pugnis quietum habui, Quum multa sæpius molitus sit Satan ad diruendum huius Ecclesiæ statum, eo vsque ventū est, ut ego, qui imbellis sum ac mericulosus, mortiferos cōsictus opposito meo corpore, frangere coactus fuerim, Totis quinque annis, quum nimia potentia instructi essent peruersi homines, & pars etiam plebis eorum illecebris corrupta effrenem licentiam appeteret, pro disciplina tuenda nobis absque intermissione pugnandum fuit. Prophanis enim hominibus, caelestisque doctrinæ contemptoribus susque deque erat Ecclesiæ ruina, modò quam optabant potestatem adepti, pro libidine quiduis auderent. Multos etiam inedia & fames, quosdam inexplabilis ambitio, vel turpis questus cupiditas agebat in furorem, ut omnia miscendo, se potius nobiscum pessundarent, quā manerēt in ordine. Hoc tam longo temporis tractu vix quidquam ab illis omissum puto quod in Satanæ officina fabricari soleat. Nec tandem alius improbis eorum machinationibus potuī esse finis, quā in ignominiosa eorum clade, quæ etiam triste mihi spectaculum præbuit, nam etsi quolibet supplicio digni erant, saluos tamen & incolumes florere mallebam: quod factum esset, nisi sanis consiliis fuissent prorsus immorigeri. Hoc quinquenni examen quauis durum mihi ac molestum fuerit, non leuius me excruciat eorum malignitas, qui virulentis calumniis me, ac meum ministerium oppugnare non desinunt. Etsi enim bonam partem maledicendi libido excæcat, ut impudentiam suam cum dedecore statim prodāt, alios non ita regit sua versutia quin ipsi quoque conuicti, probro se iaceant: ubi tamen centies purgatus quis fuerit à crimine, absque vlla causâ repeti, toleratu acerba est indignitas. Quia arcana Dei prouidentia mundū gubernari assero, insurgunt proterui homines, ac Deum hoc modo fieri peccati autorem causantur. Futilis calumnia, & quæ nisi cupidus auditors nata esset, facile per se euanesceret, sed multorum animos vel inuidia & lior, vel ingratitude, vel prauitas occupat, ut à nullo quantumuis præposito, atque etiam prodigioso mendacio abhorreant, Alii æternam Dei prædestinationem, quæ reprobos ab electis discernit, contendunt evertere: alii patrocinium liberi arbitrii suscipiunt, mox in eorum partes multos rapit non tam inscitia, quā peruersum nescio quod studium. Arque has molestias si inferrent professi hostes, ferendum esset. Qui autem sub nomine fraterno delitescunt, nec modò vescuntur facto Christi panis, sed eum quoque aliis ministrant: qui denique pleno ore gloriantur se Euāgelii esse præcones: eos tam nefaria bella moliri, quā detestabile



bile est? Hic verò cum Davide cōqueri optimo iure licet, Homo pacis meæ, & qui me cū panē edebat, extulit contra me calcaneū, Psal. 41. 10. Itē, Psal. 55. 14, Vnanimis meus, & collega qui me cū ad Templū Dei pergebat, cum quo dulce comuni cabi cōsistū, me hostiliter probris impetuit, Alii de meis thesauris, alii de immēsa potentia friuolos rumores spargunt: ab aliis iactantur meæ lauitiæ. scilicet qui tenui victu & plebeio vestitu cōtētus, nec à minimis etiā quibusque plus frugalitatis requirit quā in eo spectatur, is nimīū lautus habebitur. Potentiæ, cui inuident, vniū ipsi essent successores. regnū enim meū mole qua obruor laborum æstimant. Me non esse pecuniosum si viuis quibuscū non persuadeo, mors tandem ostendet. Me quidem quia nihil plus quā suppetit appeto, minime pauperem esse fateor. His figmentis quum nullus sit color, plausum tamen apud multos ideo obtinent, quia maior pars hoc vnū tegendis suis flagitiis remediū esse confidit, si albis nigra misceatur: atque hoc optimū impunitatis & licentiæ cōpendiū fore, si concidat seruatorum Christi authoritas. Accedunt etiā placentarii scurræ, de quibus conqueritur Dauid, Psal. 35. 16: nec mensarum figuritores solū, sed quicunque potentum gratiam falsis delationibus venantur. Ad has iniurias vorandas pridem assuetus, quanuis propē occalluerim, fieri tamen non potest, vbi crescit proteruita quin amaris interdum punctionibus feriar. Nec satis erat à vicinis ita inhumani-ter tractari, nisi à mari etiā glaciali nescio quæ intemperies hominum malè feri-atorum turmam contra me accenderet. Loquor adhuc de intestinis Ecclesiæ ho-stitibus, qui Euangelium Christi magnifice iactantes, quia crassum de carnali Christi manducatione eorum commentum non amplector, plusquam hostili impetu in me feruntur: de quibus etiā cū Dauide mihi testari licet, Dum pacē quero, eos ad bellū ruere, Psal. 120. 7. Porro in eo se prodit immanis omnium ingratitudo, quòd hominem, cui in de fensione causæ cōmunis strenue laboranti suppetias ferre debe-bant, à lateribus & tergo adoriuntur. Certè si vel exiguo humanitatis sensu predi-ti forent, maxima quæque odia placare debueraut qui in me effuso impetu fertur Pa-pistarum furor. Sed quando hæc Davidis fuit conditio, vt de populo suo bene meri-tus, gratis tamen exofus multis esset, sicuti Psal. 69. 5, queritur se soluisse quod non rauerat: mihi non leui solatio fuit, dum grauitis eorum odiis impetor quorum officiis subleuari me decebat; ad tale tamque præclarum exemplar me formare. Atque etiā ad Psalmos intelligendos non paruo mihi adiumento fuit hac pe-rina, ne velut in regione incognita peregrinarer. Et agnoscent lectores, nisi fal-lor, vbi intimos tam Davidis, quā aliorum sensus explico, non secus ac de re-bus familiariter compertis differere. Porro quum fideliter studuerim huius the-sauri communem piis omnibus vsum facere, etiā si non adeptus sum q od vo-lebam, nonnihil tamen gratiæ meretur hic conatus. Neque tamen aliud postu-lo, nisi vt ex sua quisque utilitate & fructu quem percipiet, æquus ac ingenuus sit laboris mei censor. Certè quod dixi, lectio ipsa clarè monstrabit, me vt placerem nequaquam quæsisse, nisi quatenus prodessem. Itaque non modo simplex docen-ditatio vbiq; a me seruata est, sed quo longius abesset omnis ostentatio a refu-tationibus vt plurimum abstinui, vbi liberior patebat plausibilis iactantiæ campus. Neque vnquam contrarias sententias attigi, nisi vbi periculum erat ne tacendo, dubios ac perplexos relinquerem lectores. Nec me latet quanto suauiores multis sint illecebræ, ex multiplici congerie suggerere materiam ambitiosi splendoris: sed nihil plaris fuit, quā Ecclesiæ ædificationi consulere. Faxit Deus, qui mihi hunc animum dedit, vt successus etiā respondeat.

Geneuæ, X. Calendas Augusti. M. D. L V I. I.





# IN LIBRVM PSAL-

morum Iohannis Caluini commentarius.



## ARGVMENTVM PSALMI I.

Sine Exra, sine alius quispiam Psalmos in vnum volumen collegit, videtur operis in-  
itio Psalmum hunc locasse praefationis instar: quo pias omnes hortaretur ad Legis Dei me-  
ditationem. Summa autem est, felices esse qui studium suum caelesti sapientia addicunt: pro-  
fanis autem Dei contemptoribus, quauis ad tempus se beatos putent, pessimum tandem exiti-  
um instare.

**B**EATVS vir qui non ambulat in consilio  
impiorum, & in via sceleratorum non insistit,  
& in cathedra derisorum non sedet:  
2 Sed in Lege Domini desiderium eius, & in  
Lege eius meditatur die & nocte.

## IOHANNIS CALVINI COMMENTARIVS.

1 *Beatus vir.* Hæc (vt nuper at-  
tigi) præcipua est sententia, bene sem-  
per fore pios Dei cultoribus qui assidue  
in eius Lege proficere student. Quia e-  
nim à maiori parte mundi ridetur eor-  
um simplicitas ac si operam luderent,  
hoc clypeo muniri vult fuit, cunctos mor-  
tales sine Dei benedictione miseros ef-  
se: Deum verò nullis nisi doctrinæ suæ  
studiosis propitium esse. Cæterum, quia  
semper tantà corruptio in mundo gra-  
sata est, vt ferè communis viuendi ratio  
nihil aliud esset quàm defectio à Lege  
Dei, antequam Propheta fœlices Legis  
discipulos esse pronuntiet, cauendū esse  
præcipit ne eos abripiat vulgi impietas.  
Nam à malorum detestatione incipiēs  
fieri non posse admonet vt cor suum  
quisquam applicet ad meditationem  
Diuinæ Legis, nisi ab impiorum socie-  
tate se colligat, ac separet. Vtilis certè  
admonitio, videmus enim quàm incon-  
sideratè in Satanæ laqueos se omnes  
proiciant: saltem quàm pauci sibi ea-

ueant à vitiorum illecebris. Quare ne  
tam simus improvidi, hoc tenere neces-  
se est, mundum exitiabilibus corruptelis  
referendum esse: vt primus ad rectè vni-  
endum sit ingressus, renuntiare impiorum  
consuetudini, quæ nos alioqui sua labe  
infigeret. Quia autem priore loco Pro-  
pheta cauere pios iussit à malis obsta-  
culis, hunc quoque ordinem sequamur.  
Quòd beatos esse affirmat quibus nihil  
commune est cum impiis, vix commu-  
nis sensus vel opinio admitteret. nam  
quum naturaliter fœlicitatem omnes  
appetant, videmus tamen quàm securè  
sibi indulgeant in peccatis: imò vt quis  
que pro sua libidine à iustitia longissi-  
mè recessit, quia votorum suorum com-  
pos est, beatus censetur. Contrà verò  
hic Propheta docet, neminem ad Dei  
timorem & cultum, Legisque studium  
rite posse animari, donec statuerit, mi-  
seros esse omnes impios, & eodem im-  
plicitos fore exitio qui non procul ab  
eorum consortio discesserint. Sed quia  
A.j.

res est difficilis, impios quibus permitti sumus ita fugere, ut sumus prorsus ab ipsis alieni; Propheta ad augendā exhortationis vehementiam, verborum congerie utitur. Ac primò quidem ambulare vètat in eorum consilio: deinde stare in via: postremò in cathedra sedere. Summa quidem est, dandam esse operam seruis Dei ut ab illorum moribus in totum abhorreant. Sed quia astutus suas fallacias insinuat Satan, ne quis incautus fallatur, ostendit Propheta quomodo paulatim à recta via deflectere soleant homines. Neque enim primo statim gradu ad superbium vsque Dei contemptum procedunt: sed postquam cøperunt malis consiliis aurem præbere, longius subinde eos Satan abducit, donec in manifestam defectionem ruant. Ideo à consilio incipit Propheta: quo nomine intelligo prauitatem quæ nondum palam se exerit. Deinde nominat *viam*, quæ sumitur pro viuendi ratione vel instituto. Tertiò ponit *cathedram*: qua voce metaphorice designat conceptam ex continuo viuendi more duritiem. Eodem etiam referri debent tria verba, *ambulare insistere, & sedere*. Nam ubi quis sponte post prauas concupiscentias errauit, eum inebriat peccandi consuetudo, ut sui oblitus, in malitia obdurescat: quod Propheta vocat *in via insistere*: Tandem sequitur desperata obstinatio, quam sessionis metaphora designat. An eadè sit gradatio in vocibus רטעוּם, טעוּם, & לִצִּים, viderint alii: mihi quidem non videtur, nisi saltem in postrema. Derisores enim dicuntur, qui abiecto omni Dei timore, peccandi licentiam ex fiducia impunitatis arripiunt, & quasi nunquam sit reddenda ratio, securè Dei iudicio illudunt. Quia tamen רטעוּם vocant Hebræi palam sceleratos, non malè iunguntur cum professà viuendi

ratione. Caterum, si Propheta seculo necesse fuit pios Dei cultores, ut vitam suam rectè componerent, ab impiorum còsortio retrahi: quò hodie corruptior est mundus, eò magis solícite, ut ab eius inquinamentis puri seruemur, fugienda nobis est noxia omnis societas. Quamquam non tantum ab impiis recedere fideles iubet Propheta, ne eos inficiat contagio, sed huc vsque admonitio se extendit, ne sibi quisque impietatis sit magister. fieri enim potest ut qui nihil labis contraxit ex malis exemplis, malos tamen sponte imitando, eorum sit similis. In secundo versu non simpliciter beatos pronuntiat (ut alibi) qui Deum timent, sed pietatem designat per Legis studium: quo docemur non aliter Deum rite colere, nisi quum obeditur verbo eius. Non ergo pro cuiusque arbitrio fingenda religio est, sed ex Dei verbo sumenda est pietatis regula. Quòd de Lege sola hic loquitur, non perinde accipi debet ac si reliquæ Scripturæ nullus daretur locus: quin potius quum tota Scriptura nihil aliud fuerit quàm Legis expositio, sub capite ipso comprehenditur corpus. Legem ergo cum suis accessionibus Propheta commendat. nec verò aliter staret quod nuper diximus, propositum ei fuisse ad Psalmos quoque legendos hortari fideles. Quòd autem primò requirit ut *desiderium piorum sit in Lege Domini*, ex his verbis discamus, minimè Deo probari coactum vel seruilem cultum, nec alios esse idoneos Legis Discipulos, nisi qui hilari animo ad eam accedunt, & quos ita delectat eius doctrina, ut nihil potius ducant vel suauius quàm in ea proficere. Ex hoc Legis amore fluit assidua eius *meditatio*, quam mox subiicit Propheta. Fieri enim non potest quin se libenter in ea exercent quicunque vero eius amore tanguntur.

3 Et erit tanquam arbor plantata super riuos aquarum, quæ fructum suum dabit tempore suo: & cuius folium non defluet, & quicquid faciet secundabitur.

Similitudine illustrat proximam sententiam, & simul confirmat. nam

quomodo felices censendi sint qui Deum timent, ostendit: quia scilicet non ad mo-



ad momētum duntaxat fluxa inanique lætitia fruuntur, sed stabilis sit eorum conditio. Subest autem tacita antithesis inter vigorem arboris in loco irriguo plātata, & euanidam eius speciem, quæ tamen pulchrè viret, tamen propter soli sterilitatem citò arefcit. Nam de impiis videbimus Psalmo 37. 35, interdum similes esse cedris Libani. Omni enim opum & honorum copia sic affluunt, vt nihil ad præsentem felicitatem desit: sed quantumuis in sublime erecti sint, longèque & latè ramos suos proiciant, quia tamen sub terra nulla est radix, neque etiam humor suppetit vnde succum trahant, statim euanescit ac perit, vel marcescit totius eorum decor. Sola igitur

Dei benedictio est quæ nos in prospero statu conseruat. Qui ex hac similitudine colligunt, fideles fructus suos tempestiuè proferre, quia prudenter discernunt quando bene agendum sit: argutè, meo iudicio, philosophantur, extra Prophetæ sensum. Nihil enim aliud voluit quàm perpetuò florere Dei fides, semperque irrigari arcana Dei gratia, vt quicquid illis accidit, adiumento sit in salutem: quum impios rapiat subita tempestas, vel immodicus calor absumat. Quòd autem *fructum proferre* dicit *tempore suo*, hoc verbo iustam maturitatem exprimit: quia impii licet præcocès fructus csterent, nihil tamen producant nisi abortiuum.

*4 Non sic impii, sed tanquam quisquilia quas proiciunt.*

Poterat impios conferre arbori citò exarescenti, sicuti Ieremias 17. 6, similes myricæ in deserto crescenti eos facit. Sed hac similitudine non contentus, longe contemptius eos deiecit: nempe quia non respicit lætam fortunam in qua ad breue tempus exultant: sed magis expendit quisnam demum eos exitus maneat. Sensus ergo est, *Quauis nunc feliciter habeant impii, mox tamen quisquiliis similes fore: quia vbi*

Dominus eos ad inopiam redegerit, ira suæ flatu huc & illuc dispellet. Porro hac loquendi forma docet nos Spiritus sanctus, fidei oculis contemplari quod alioqui incredibile videri posset. Quauis enim emineat impius instar procerae arboris, statuere tamen oportet, paleam vel glumam fore simul ac eius altitudinem statu suo deicere volet Deus.

*5 Propterea non consistent impii in iudicio, neque scelerati in concilio iustorum.*

*6 Quia nouit Iehoua viam iustorum, & iter impiorum peribit.*

Quinto versu Prophetæ docet, scilicet vitæ statum in recta conscientia fundatum esse: id eo quæ non esse mirum si ex felicitate quam sibi imaginati sunt impii, repente excidant. Subest autem species concessionis: ac si tacitè fateretur Prophetæ, impios quidem sibi placere, suosque triumphos agere quadiu res in mundo miscentur: sicut latrones in syluis vel speluncis extra iudicis conspectum lasciuunt: sed res non semper ita fore confusas: vbi autem in legitimum ordinem reductæ fuerint, suas impiis istis delicias excussum iri, vt sentiant se ebrios fuisse, dum fæ-

lices sibi visi sunt. Videmus nunc vt Prophetæ miseros esse impios asserat: quia felicitas interior sit conscientia bonum. Non negat, antequam cogantur ad examen, prosperè illis succedere omnia: sed felices esse negat, nisi solida eos & firma integritas sustineat. nã ex probatione iustorum vera demum integritas apparet. Porro quauis Dominus iudicium, quo iustos à reprobis discernit, quotidie exerceat, quia tamen id fit ex parte tantum, altius oculos attollere conuenit, si cupimus consilium iustorum, cuius hic fit mentio, aspicere. Incipit quidem nunc desue-

re impiorum pro speritas, quoties sui iudicii signa profert Deus. tunc enim expergefati, velint nolint à cœtu iustorum se abdicari agnoscunt. Sed quia non semper hoc, neque in omnibus cõpletur, patienter expectandus est ultimæ reuelationis dies, quo segregabit Christus agnos ab hædis. Quanquam tenendum est, generaliter miseræ addici impios, quia intus sibi malè cõscii sunt: & quoties reddenda est vitæ ratio, tanquam expergefati, somnium fuisse intelligunt, quod sibi visi sunt extra se ipsos felices. Cæterum, quia res videntur fortuito hic versari, nec facile est in cõfusa permissione agnoscere quod dixerat Propheta, ideo nos ad aliud princi-

pium reuocat, Deum scilicet esse mundi iudicem. vnde sequitur, fieri non posse quin rectis & iustis bene sit, impiis autem pessimum exitium impendat. Quauis ergo in speciem nihil dei cultoribus proficit sua integritas, quia tamè proprium Dei munus est, ipsos tueri, & eorum saluti consulere, sub eius præsidio felices esse necesse est. Inde verò rursum colligere licet, quia certus est scelerum vltor, quauis ad tempus dissimulet, tandem perditurum omnes impios. Quare ne fallat nos imaginaria eorum felicitas, in rebus turbatis semper nobis occurrat Dei prouidentia, cuius est statum mundi ad rectam normam componere.

### ARGVMENTVM PSALMI II.

*Gloriatur David regnum suum, quauis ingenti hostium multitudine & valida potentia oppugnetur. fore tamen perpetuum: quia Dei suffulsum est manu & virtute. Addit etiam, multis hostibus propagatum iri vsque ad vltimos terra fines. Ideoque Regis & alios primores hortatur, ut deposita superbia, iugum à Deo imposuim mansuetis animis suscipiant: quia frustra excusare nitentur. Cæterum, hic typus vaticinium continet de futuro Christi regno.*

*Psalmus II.*

**VT** quid tumultuantur gentes & populi fremunt inane?

2 *Conuenerunt Reges terra, & Principes congregati sunt simul contra Iehouam, & contra Christum eius.*

*Disrum amus vincula eorum, & prouiciamus à nobis iugum ipsorum.*

Scimus quàm multi conspirauerint contra Dauidem, & conati sint obstare ne regnaret: à quibus sic terreri potuit secundum carnis sensum, ut spem regnandi protinus abiiceret. Nec verò dubiū est quin anxie cum grauissimis tētationibus ei luctandum fuerit. Sed quia sibi probè cõscius erat, se nihil temere tētasse, ut ambitio prauaque cupiditas plerosque ad res nouas impellit: quin potius certò persuasus esset, se, quum nihil tale appeteret, Diuinitus creatum esse Regem: alta fiducia contra totum mundum sese erexit, quemadmodū his verbis magnificè tam Regibus, quàm eorum copiis infultat. Fateretur quidem sibi arduum esse certamen, quia nō exigui tantum manus, sed integri populi cum Regibus in eum conspirarent: sed deinde animose iactat, frustra id fieri: quia bellum non cum homine mortali,

sed cum Deo ipso suscipiunt. Porro incertum est, loquaturne tantum de hostibus intestinis, an verò querimoniam suam ad externos quoque extendat. Et certè quum in eum hostes vndique insurrexerint, & postquam turbas in populo composuit, suo etiam ordine infestati fuerint vicini: ego utrosque libenter complector, tam Iudæos quàm Gētiles. Durum enim esset sub pluribus gentibus ac populis notari vnam gentem: itē de multis Regibus fieri sermonem, si in vnum Saulem respiceret. Adde, quod figuræ complemento melius quadrat, diuersas hostium species coniungi: quia scimus Christo non modò cum domesticis hostibus, sed etiā cū extraneis fuisse negotium: quia cõmunis fuit ad machinandam eius ruinam totius mundi conspiratio. Et Iudæi quidem in Christum, sicut in Dauidem, priores fure-



re ceperunt: deinde alias gentes eadem infamia corripuit. Hec summa est, quam libet robustis praesidiis valeant qui conantur eum euertere, irritos tamen esse eorum tumultus, & vana consilia. Populis motum & fremitum assignans, Regibus & Proceribus conuentum ad inuenda consilia, apertissime loquutus est. Interim significat, vbi diu multumque commouerint Reges, vbi populi effuderint suos impetus, omnes nihil profecturos. Sed notanda est fiducia ratio, quod scilicet non temere vel priuato motu se ingesserit ad regnandum, sed tantum Dei vocationem sequutus sit. Vnde colligit in sua persona Deum imitari: quia fieri non potest quin regni, cuius est author, se vindicem ostendat. Nam se titulo Messiae vel Christi insigniens, non nisi Dei auspiciis ac mandato se regnare praedicat: quia allata per manum Samuelis unctio, eum Regem ex priuato homine creauerit. Non putabant quidem hostes Davidis se contra Deum ruere, imò hunc sibi esse animum fortiter negassent: non tamen absque David illis Deum opponit, quasi rectè contra eum suos impetus dirigant: quia regnum ab ipso erectum labefactare volentes, exca ferocia in ipsum incurunt. Nam si Deo sunt rebelles quicunque potestati ab eo ordinatae resistunt, id longe verius cõpetere debuit in sacrum illud regnum quod singulari priuilegio sancitum fuit. Sed iam ad figuram substantiam venire operæpretium est. Quod enim de Christo vaticinatus fuerit Dauid, hinc certò liquet, quod sciebat regnum suum non nisi vmbatile esse. Atque vt ad Christum referre discamus quæcunque de se olim cecinit Dauid, tenendum est principium istud quod passim in omnibus Prophetis occurrit, illum cum posteris non tam sua causa creatum fuisse Regem quam vt Redemptoris imago foret. Tamenetsi autem hoc sæpius repetendum erit, in praesentia tamen breuiter monendi sunt lectores (quia temporale illud regnum velut arrha quædam veteri populo fuit æterni regni, quod demum in Christi persona verè stabilitum fuit) quæ de se pronuntiat Dauid non violentè vel allegoricè ad Christum tor-

queri, sed verè de eo prædicta esse. Nam si regni naturam expendimus, absurdum foret, omisso fine vel scopo, subsistere in prima vmbra. Hic quidem prophetico spiritu describi Christi regnum, Apostoli nobis idonei sunt testes, qui videntes impios contra Christum conspirare, hac doctrina se ad precand. m. armant, Actorum 4.24. Sed ne quibus cauillis obnoxia sit fides nostra, ex omnibus Prophetis palam constat, propriè in Christum cõpetere quæ testatus est Dauid de suo regno. Sit igitur hoc fixum, Quicumque Christi imperio se nõ subiciunt, eos cum Deo bellare. Nam quum Deo placeat nos per Filium sui manum regere, frustra proficentur se eius imperium non abaugere qui parere ipsi Christo recusant. Vera enim est sententia, Quisquis non honorat Filium, neque Patrem honorat qui misit illum, Iohan. 5.23. Ac nostra magnopere interest, indiuiduam hanc coniunctionem tenere, quod sicuti Dei maiestas in Filio vnigenito refulsit, non nisi in eius persona timeri & coli velit Pater. Iam ex hoc loco duplex consolatio elici potest. nam quoties mundum tumultuari contingeret, vt Christi regnum turbet vel moretur, si nobis occurrat in memoria, impleri quod iam olim prædictum est, nulla nouitas nos percellat. Quinetiam quæ experti sunt Apostoli, cum praesentibus exemplis conferre valde proderit. Per se quidem tranquillum esset Christi regnum, vnde etiam vera pax mundo exoritur: sed sit hominum vitio & malitia vt nunquam sine turbis emergat. Quare nihil mirum est vel insolitum si tumultuetur mundus, simul ac erigitur Christo solum. Sequitur altera consolatio, quod vbi suas vires in vnum contulerint impii, etiam si immensa sua multitudine opibus & praesidiis confisi, non modò superbas blasphemias desumpunt, sed caelum ipsum furiose impetant: illis tamen insultare tutò possumus, hoc vno verbo freti, quod Deum in caelis laceffunt. Quare dum videmus hostium copia & viribus Christum propè obrui, nobis in mentem veniat bellum ipsos Deo inferre, cui non praeualebunt, ideòque irritum & inane fore quicquid moliri nõ cessant. Disca-

mus præterea hanc doctrinam ad totum Evangelii cursum extendere. Nam ad Christi personam non debere restrinigi, illa quam citavi Apostolorum præcatio clarè testatur.

3 *Disrumpamus.* Prosopopœia est in qua Propheta loquentes suos hostes inducit, quo melius impium & sacrilegum eorum consilium exprimat: non quod palàm Deo se rebelles esse professi fuerint: (quovis enim potius colore tegebant suam contumaciam, ac ferociter iactabant Deum à parte sua stare) sed quum illis penitus decretum

esset per fas aut nefas deicere ex regno iure Davidem, quicquid ore proferrent, hæc tamen eorum fuit consultatio, quo modo possent regnum Divinitus ordinatum euertere. Nec verò mihi dubium est quin suum imperium metaphoricè *vincula & iugum* in eorum persona appellans, factum eorum obliquè perstringat. nam quasi de servili & pudèda subiectione contemptim loquentes inducit: sicuti videmus omnes Christi hostes non minus indignè ferre si cogantur subesse eius imperio, quàm si extrema illis ignominia imponeretur.

4 *Qui habitat in calis irridebit. Dominus subsannabit eos.*

5 *Tunc loquetur ad eos in ira sua, & in furore suo turbabit eos.*

6 *Ego verò unxi Regem meum super Sion montem sanctum meum.*

Postquam & strepitum, consilia, & superbiam, apparatus & copias, virèfque & conatus hostium retulit David, his omnibus opponit Dei potentiam, quam illis fore contrariam inde colligit, quia eius decretum oppugnant. Quemadmodum autem nuper Reges terræ appellans, infirmum & caducum statum notabat: sic nunc rursus Deum nominans Calis habitatorem, hoc elogio extollit eius potentiam: ac si diceret, illæsam & integram manere, quicquid homines moliantur. Quantumvis enim sese efferant, nunquam pertingent in calum usque: imò dum calum terræ miscere cogitant, saltem quasi locusta, Dominus interea quietus è sublimi spectat vesanos eorum motus. Deo autem risum tribuit ob duas causas: Primum ut sciamus non opus illi esse magnis præsidiiis, ut compescat homines impiè tumultuantes, quasi res difficilis esset & laboriosa, sed hoc ludendo facturum quoties libuerit. Deinde significat non cessare Deum quandiu regnū Filii sui turbari patitur, quia vel alibi sit occupatus, vel succurrere non possit, vel Filii sui honorem negligat: sed consultò differre vindictam in maturum tem-

pus donec illorum furem ludibrio exposuerit. Teneamus ergo, si non statim manum suam exerat Deus contra impios, suum illi esse tempus ridendi: & quanquam nobis interea flendum sit, hæc tamen cogitatio doloris acerbitatem mitiget, imò etiam lachrymas abstergat, quòd Deus non dissimulat tanquàm lentus vel debilis: sed quia vult ad tempus quieto contemptu hostium petulantiam frangere. Per adverbium *tunc*, opportunum iudicii tempus notat: perinde ac si dixisset, postquam visus fuerit Dominus pro nihilo ducere impios eorum conatus qui se regno Filii eius opponunt, repente mutata vice ostendit nihil se gravius ferre tali audacia. Porro sermonem Deo attribuit, non ut erudiat, hostes sed eorum dementiam tantum convincat. Imò *loquendi* verbo nihil aliud intelligit quàm demonstrationem calefactis iræ, quam impii non nisi experti sentiunt. Putabant hostes Davidis sibi in eo perdendo minimum fore negotii, quòd ex ignobili tugurio profectus, temere aspirasset ad regnum. Prophetia & vñctio Samuelis illis instar fabulæ erat. Vbi verò tandem Deus, illis profligatis, Davidè in regno locavit, non



tam lingua quàm manu loquutus est, ut palàm taceret se regni illius authorem esse. Discamus ergo hic de reali sermone agi, quum Dominus verbum nullum proferens, decretum tamen suum manifestat. Sic quoties ira suæ documentis regnum Filii sui asserit contra impios, utcumque taceat re ipsa, sonorè loquitur. Postea David sub Dei persona clarius explicat quomodo hostes sui impie contra Deum ipsum ruant: nempe quia ferre nequeant quem instituit Regem. Summa est, quantumvis proteruiant impij, sensuros tandem quid sit bellum cælo inferre. Est autem emphaticum pronomen *Ego*, quo significat Deus longius se ab hominibus terrenis distare, quàm ut suam vnius gloriam tota eorum multitudo vel minimum obscureret. Quoties ergo formidabilis est nobis hominum potentia, veniat nobis in mentem quanto vnus Deus præponderet.

7 *Narrabo decretum, Iehoua dixit ad me, Filius meus es, ego hodie genui te.*

8 *Postula à me, & dabo Gentes hereditatem tuam, & possessionem tuam terminos terra.*

7 *Narrabo, &c.* Ut ignorantia prætextum eripiat David suis hostibus, præconis munus suscipit ad Dei edictum promulgandum, vel saltem proficitur se non venire sine certo & liquido vocationis suæ testimonio: ac si diceret, non temere se prodire in medium, ut regnum occupet, sed proferre Dei mandatum, sine quo temere se in illum honorem extulisset. Caterùm, hoc in Christo verius impletum fuit: nec dubium est quin David spiritu prophetico in eum præcipuè respexerit. Nam hoc modo inexcusabiles redditi sunt omnes impij, quòd non miraculis solum probauit Christus se legitima potestate à Deo fuisse instructum, sed hoc palàm quoque fecit Euangelij præconio. Imò hoc idem testimonium quotidie in toto orbe personat. Nam quanuis initio Apostoli Christum à Deo Patre creatum esse Regem testati sint, deinde post eos idem munus obierint doctores: quia tamen legatione omnes pro Christo ipso functi sunt, rectè & aptè sibi ipse vnus vindicat quicquid per eos egit. Ideo e-

Caterùm, his verbis immutabile Dei decretum, quod fidem nostram inter turbulenta mundi procellas fulciat nobis proponitur: quia scilicet Deus regnum Filii sui cuius author est, haud dubie tuebitur ad finemque. Idèd quicquid machinètur homines nobis hoc vnū sufficiat, Dei vnctionem non posse ab ipsis deleri. *Montis Sion* diserrè hic fit mentio, non quòd primò illic vnctus fuerit David, sed quia suo demum tempore solenni consecrationis ritu patefacta fuit oculi veritas, & effectus sanctita. Quanquàm autem David se & alios his verbis reuocauit ad Dei promissionem, simul tamè inuere voluit sacrum esse suum regnum, & à templo Dei inseparabile. Id porro verius in Christi regnum competit, quod & spirituale esse scimus, & Sacrorio coniunctum, & præcipuam Diuini cultus partem

tiam Paulus Ephe. 2. 17, eius personæ tribuit quod Euangelij ministri eius nomine egerunt. Veniens, inquit, annuntiavit pacem propinquis & longinquis. Atque hinc etiam melius sancitur Euangelij authoritas, quia licet ab alijs publicetur, Christi tamen vocari non desinit. Sic enim statuendum est, quoties ab hominibus Euangelium audimus, non tam ipsos, quàm eorum ore Christum loqui. Atqui hoc singulare beneficium est, quòd Christus, ne dubia sit nobis regni sui maiestas, propria voce nos ad se comiter inuitat. Quo magis cauendum est, ne quod promulgat edictum, impiè repudiemus. *Filius meus es*. Potuit quidem David regituris inuitu censerì Dei filius, quemadmodum sciimus, Principes, eo quòd præ alijs excellent. tam Deos quàm Dei filios vocari. Sed hic Deus singulari elogio Davidè ornans, eum non modò supra cunctos mortales, sed etià supra Angelos extollit. Quod prudenter expendit Apostolus ad Hebr. 1. 5, dum hoc nulli vnquàm

Angelo fuisse dictum admonet. Quauis enim Angelis inferior esset Dauid, quatenus tamen gestauit Christi personam, merito illis longe praeferitur. Sciamus ergo hic Dei filium non vnum quem iam ex multis, sed vnigenitum designari, vt solus in caelo & in terra emineat. Quod autem Deus, se illum genuisse pronuntiat, referri debet ad hominum sensum, vel notitiam. Dauid enim genitus à Deo fuit, dum clarè apparuit eius electio. Itaque aduerbium *Hodie*, tempus illius demonstrationis notat: quia postquam innotuit creatum Diuinitus fuisse Regem, prodiit tanquam nuper ex Deo genitus: quia homini priuato tantus honor haberi non poterat. Eadem in Christo quoque relatio tenenda est. non enim genitus dicitur nisi quatenus Pater Filium suum esse testatus est. Scio locum hunc de æterna Christi generatione à multis fuisse expositum, qui & in aduerbio *Hodie*, argutè philosophati sunt, ac si perpetuum actum extra tempus notaret. Sed huius vaticinii fidelior ac magis idoneus interpretes est Paulus, qui Actorum cap. 13. 33. ad illam quam dixi caelestis Christi gloriae demonstrationem nos reuocat. Genitus ergo fuisse dicitur, non vt Filius Dei esse, quo ad se inciperet, sed vt talis paterfieri mundo. Denique hæc genitura non de mutuo Patris & Filii respectu intelligi debet: sed tantum significat, eum qui fuerat ab initio absconditus in arcano Patris sinu, & obscure deinde sub Lege adumbratus, ex quo prodiit cum claris insignibus, cognitum fuisse Dei Filium: sicuti etiam dicitur Iohan 1. 14. Conspeximus gloriam eius tanquam vnigeniti Filii. Simul tamen memoria tenendum est quod docet Paulus ad Romanos capite 1, versu 4, fuisse declaratum Filium in potentia dum resurrexit à mortuis. Ideoque præcipuè in diem illum competit quod hic dicitur. Quicquid sit, solenne & legitimum manifestationis tempus Spiritus sanctus hic designat, sicuti infra Psal. 118. 24, Hæc dies quam fecit Dominus, exultamus & lætemur in ea.

8 *Postula à me.* Verum quidem est, rogatum fuisse à Christo Patrem, Ioannis capite decimo septimo, versu

quinto, vt ipsum gloria ornaret, quam apud eum possederat ab initio ante creationem mundi. simplicior tamen sensus est, quod Pater Filio nihil negabit de propagando eius regno in vltimos vsque terræ fines. Sed in re noua inducitur Christus sese Patri cum precibus offerens, quò illustrior sit gratia in hac parte Dei liberalitas, quod Filium suum toti mundo praeferere dignatus est. Et si enim quatenus æternus est Sermo Dei, penes eum iure summu imperium, & maiestas semper fuit, vt nulla accessione crescere potuerit, tamen exaltatus in carne fuit, in qua induerat serui formam. Quare non est hoc solius Deitatis elogium, sed ad totam Mediatoris personam extenditur: quia postquàm exinanitus fuit Christus, datum illi fuit non en quod est super omne nomen, vt coram eo flectatur omne genu, Philipp. 2. 9. Quamquam autem scimus Dauidem præclaris victoriis positum latè regnasse, vt multæ gentes illi tributariæ fuerint, min me tamen completum in eo fuit quod hic dicitur. Nam si cum aliis monarchiis eius regnum conferas, satis angustis finibus incusum fuit. Ideo ne frustra atque etiam absurdè vaticinium hoc de immensa Regni amplitudine editum fuerit, ad Christum venire necesse est, qui solus mundum sibi subegit, ac suo imperio terras omnes & populos complexus est. Itaque hic, vt pluribus aliis locis, Gentium vocatio prædicitur: ne vnus tantum gentis Rex credatur qui à Deo mittendus est Redemptor. Quod autem regnum hoc dissipatum, multis ruinis deformè mutilumque cernimus, ex hominum malitia provenit, quæ eos tam ferlici & optanda subiectione reddit indignos. Cæterum quauis impediatur hominum ingratitude ne perfecte floreat regnum Christi, non tamen huius prophetiæ effectum abolet: dum Christus dispersas reliquias vndique colligit, & in misera vastitate suos retinet iacrosi dei vinculo coniunctos: vt non vnus duntaxat angulus, sed totus orbis eius imperio subiaceat. Adde etiam quod utcunq; ferociant impij, eiusque dominationem repudiēt: non tamen sua contumacia illis & potestatem ipsius redi-



gunt in nihilum : quò etiam pertinet quod proximè sequitur.

9 *Conteres eos virga ferrea, quasi vas figuli confringes eos.*

Hoc disertè expressum est, vt sciremus potentia instructum esse Christum, qua inuitis quoque & reluctantibus imperet. Subindicat enim David non omnes sponte iugum subituros, sed multos fore præfractos ac rebelles, quos tamen violenter domitos in ordinem coget. Regni quidem, de quo loquitur, species & decor in eo magis refulget, quòd voluntarius populus à diè occurrit vt se morigerè præbeat: sed quia maior pars indocili ferocia sese contra attollit, necesse fuit hoc quoque adiungi, Talibus obstaculis superiorem fore hunc Regem. Atque huius quidem bellicæ virtutis speciem exhibere cepit Deus in persona Davidis, à quo scimus hostes quamplurimos armis fuisse victos ac prostratos: sed in Christo plenior constat veritas, qui nõ gladio vel hasta, sed Spiritu oris sui impios ad interitum vsque percutit. Mirum tamen videri posset, quum Prophetæ alibi Christi mansuetudinem, clementiam, & facilitatem celebrent, hinc rigidum & austerum, plenumque terroris describi. Sed quia seuera hæc ac formidabilis dominatio nõ nisi ad incutiendum hostibus metum posita est: humanitati, qua suos Christus blandè & suauiter fouet, minimè cõtraria est. Nam vt se placidis ouibus amabilem Pastorem exhibet, ita feras bestias necesse est ab eo durius tractari, vt earum truculentiam vel corrigat, vel compescat. Itaque Psalmo 110. 5. postquam laudata est piorum obedientia, simul potentia armatur Christus, qua Reges & exercitus sibi aduersos in die iræ suæ perdat. Et certè utrūque illi aptè tribuitur: quia à Patre missus est vt pauperes ac miseros, salutis nuntio exhilaret, captiuos soluat, ægros sanet, tristes & afflictos ex mortis tenebris educat in lucem vitæ, Ies. 61. 1. Rursum quia multi sua ingratitude eius in se vindictam prouocant, ad subigendam

eorum duritiam quodammodo nouam personam induit. Sed quæritur quodnam sit ferreum istud sceptrum quod Christo in manum dedit Pater ad frangendos hostes. Respondeo pro armis omnibus Spiritum oris sui ei sufficere, sicuti nuper ex Iesaja citaui. Ergo vt digitum non moueat Christus, loquendo satis valide fulminat contra hostes suos, & sola virga labiorum eos in nihilum redigit. Quantumuis enim fremant, calcitent, ac furioso impetu resistent: coguntur tandem iudicem suum sentire, cui regium honorem negant. Denique variis modis conteruntur, donec fiant scabellum pedum eius. Quomodo Euangelii doctrina sceptrum sit ferreum, colligere licet ex Paulo, 2. Corinthior. capite quarto, vbi docet eius ministros præditos esse armis spiritualibus vt deiciant omnem altitudinem quæ se extollit aduersus Christum, &c. Fateor quidem etiam ipsos fideles mactari Deo in sacrificium, vt eos sua gratia viuificet: quia humiliari nos prius oportet, quam Christus nobis manum porrigat. Sed quia Christus discipulos suos ad pœnitentiam ita erudit, vt illis nequaquam terribilis appareat: quin potius ostenso pastoris pædo, tristitiam eorum mox in gaudium vertat: aded non virtutis scepro ferreo ad ipsos frangendos vt salutari manus suæ vmbra magis eos protegat, virtutèque fulciat. Quare non nisi in rebelles & incredulos competit fractura ista, qui non pœnitentia subacti, sed desperatione oppressi Christo succumbunt. Cæterum, quanquam non omnes voce compellat, quia tamè verbo suo denuntiat quæcunque in eos exerceri iudicia, verè dicitur impium Spiritu oris sui interficere, 2. Thess. 2. 8. Pulchra autem similitudine stultæ eorum superbiam traducit. Quantumuis enim durasit & plusquam lapidea eorum obstinatio, vas tamè figilibus magis fra-

capit  
4to

giles esse docet, quia tamen non statim contereri videmus quicumque Christo resistunt, imò sub ferreis eorum malleis Ecclesia infirma testæ similis est, pios omnes admonitos esse cõuenit, ut quotidiana Christi iudicia tãquã horri-

bilis ruina, quæ manet omnes impios, præludia reputando, diem ultimum patienter expectent, quo ipsos aduentus sui flâma prorsus absumet. Interim sufficiat eũ in medio hostium suorum dominari.

*10 Et nunc Reges ad mentem redite, erudimini Iudices terræ.*

*11 Seruite Iehoua in timore, exultate in tremore.*

Postquam vltionem Dei proposuit David tanquam iudicii eius præco: nũc Propheta ac doctoris partes suscipiens incredulos ad pœnitentiam hortatur, ne serò experiri cogantur non fatiles, nec irritas fuisse minas. Nominatim vero Reges & Proceres alloquitur, qui non ita facile mansuescunt. Adde, quod inanis sapientiæ fastus quo turgent, eos quid rectum sit discere non paritur. Porro si ne ipsi quidem Regibus pareat David, qui videntur legibus solui, & exẽpti cõmuni ordine, multo magis ad vulgus hominum prruiet eius exhortatio, ut omnes à summo vtque ad infimum humiliet. Per aduerbium Nunc significat maturẽ illis esse respiscendum: quia non semper eadem dabitur opportunitas. Interim subindicat adhuc se vtiliter eos monere, quia pœnitentiæ locus est si maturent. Quum eos iubet intelligentia esse præditos, oblique falsam prudentiæ confidentiam in ipsis perstringit: ac si dixisset, Hoc rectẽ sapiendi initium esse, deposito fastu se addicere Christi imperio. Ergo quantumvis sibi placeant mundi principes in suo acumine, sciamus eos planẽ desipere donec fiant humiles Christi discipuli. Porro intelli-

gendi modum definit, eos Domino *seruire* iubens *in timore*. Nam quia altitudine sua confisi, se communi iure solutos somniant, hæc maxime superbia eos excæcat, vt ne Deo quidẽ subesse dignetur. Ergo donec ipsi timere didicerit recta mête priuatos esse admonet. Et certe quia eos incurat securitas, vt obsequia sua Deo subtrahant, primũ cogendi sunt ad timorem, vt corrigatur eorum rebellio. Caterũ, ne molestia illis sit hæc seruitus ad quam eos vocat, *Exultandi* verbo, suauem & optandam esse docet, quia materiam afferat veræ lætitiæ. Sed ne suo more lasciuia, & inanibus gaudiis ebri, se beatos esse fingant dum mimici sunt Deo: iterum nomine *tremoris*, ad supplicem modestamque submissiõnem eos hortatur. Est enim antithesis inter lætum & hilarem tranquillam conscientiam statum, dum fideles Deum quem reuerentur, sibi propitium esse gaudent: & effrenem petulantiam ad quam impios rapit Dei contemptus & obliuio. Subindicat igitur Propheta, quandiu intemperanter pro carnis libidine exultant superbi, suo exinio eos ludere: hoc verò vnicũ & salutare esse gaudium, acquiescere in Dei metu & reuerentiã.

*12 Osculamini Filium ne quando irascatur, & pereatis de via, quando exardebit breui ira eius: beati omnes qui confidunt in eo.*

Clarius adhuc exprimit quẽnam Deus timorem & cultum exigar. Nam sicuti regnare vult per manum Filii sui, & in eius persona gloriæ suæ notas & insignia insculpsit: hæc nostræ erga eum obedientiæ & pietatis legitima est probatio, reuerenter amplecti quem nobis Regem præficit, secundum illud Io-

han. 5. 23, Qui non honorat Filium neque Patrem honorat qui misit illum. Nam Osculi nomine, solenne honoris testimonium vel symbolum designat, quo subditi erga suum Regem defungi solebant. Summa est, Deum honore suo fraudari nisi in Christo colitur. Quanquam autem Habraicũ



nomen **YH** tam filium quàm electum significat: vtrius tamen modo accipias, idem manebit sensus. Verè enim electus à Patre fuit Christus, cui data fuit omnis potestas, vt solus supra homines & Angelos emineat, qua de causa etiam dicitur signatus esse à Deo, Ioan. 6. 27, quia peculiaris in eum dignitas collata est, quæ ab omnihus creaturis eum eximat. Quòd Puerum vertunt alii Interpretes, durius est ac magis coarctum: ego verò nomen Filii libenter retineo, quod superiori sententiæ respondet, vbi dictum fuit, Filius meus es, ego hodie genui te. Quod sequitur continuò post, Christi contemptoribus non impunè cessurum esse suum factum, admonet: ac si dixisset, Quia non spernitur Christus absque Patris contumelia, qui eum sua gloria ornauit, tale sacrilegium Pater ipse inultum non sinet. Iam verò ne spe longioris moræ frustra se laetent, atque ex præsentī quiete sibi inanes faciant delicias, denuntiat iram eius breui momento exarsuram. Videmus enim si ad tempus conuiueat Deus, & impios toleret, ex illius lenitate crescere ipsis audaciam: quia eius iudicium nisi ex carnis sensu & experientia non concipiunt. Scio particulā **YHWH** secus à quibusdam exponi, nempe simul ac ira Dei vel modicè exarserit, actum fore de reprobis: sed magis consentaneum est ad tempus referre, ne callum ex suo torpore obducant superbi, atque ex Dei patientia impunitatē sibi promittant. Porro tametsi videtur causæ redditio esse, & aduerbium quod ponitur, sapius apud Hebræos causale est: nolui tamen ab interpretatione magis recepta discedere. Placuit tamen reddere per aduerbium Quando, quod tam causam quàm tempus notat. *Perire de via* quidam exponunt Propter viam

peruersam, vel sceleratam viuendi rationem. Alii resoluunt, Ne via vestra pereat, secundum illud Psal. 1. 6, Via impiorum peribit. Mihi magis arridet diuersus sensus, quòd Dauid fore denuntiet, vt eos intercipiat subitus Dei furor, dum se putabunt adhuc esse in medio stadio. Scimus enim vt Dei contemptores sibi in secunda fortuna blandiri soleant, & quasi in lato campo se iacent. Non abs re igitur minatur Propheta, quum dixerint, Pax & securitas, se procul distare à fine suo putantes, repentinò interitu abreptum iri, 1. Thess. 5. 3. Clausula Psalmi temperat quod prius de seueritate dictum fuit: quia promiscuè omnibus terrorem incuteret ferrea Christi virga, & igneus Dei furor, nisi addita esset hæc consolatio. Postquam ergo de horribili, quod incredulis impendat, iudicio disseruit, nunc proposita gratia Dei dulcedine, fideles & pios eius cultores ad bene sperandum inuitat. Eundem quoque ordinem Paulus tenet, 2. Corin. 10. 6. Nam vbi dixit in promptu sibi esse vindictam contra incredulos, continuò post addit, sermonem ad fideles dirigens, Postquam impleta fuerit vestra obedientia. Nunc tenemus Prophetæ consiliū. Quia enim fideles rigorem, de quo meminit, ad se extendere poterant, asylum spei ipsis aperit, quò cōfugiant ab ira Dei: quem admodum & Ioel 2. 32, postquam impios citauit ad horribile Dei tribunal, consolationem mox subiicit, Quisquis inuocauerit nomen Domini, saluum fore. Seorsum enim legenda mihi videtur exclamatio hæc, *Beati omnes qui confidunt in eo*. Quanuis autem tam ad Deū quàm ad Christum referri possit pronomen, melius tamen, meo iudicio, conuenit de Christo intelligi quem prius osculari iusserat.

#### ARGUMENTUM. PSALMI III.

Dauid Regno pulsus, licet vltima rerum omnium desperatio vrgeret, Deum tamen inuocat: eiusque promissione se fulcit contra ingentes terrores, hostium ludibria crudelēque impetum, ipsam denique mortem, qua tunc se oculis ingerebat. Tandem sibi totique Ecclesie de salutis exitu gratulatur.

Psalmus iii.

**C**anticum Dauidis, quum fugeret à facie Absalom filii sui.

Quàm acerbus fuerit Dauidis mœror in cōspiratione domestica quæ ex proprii

no-

filii perfidia exorta erat, cuique nostrū ex naturæ sensu colligere promptum est. Iam quum hanc cladem sua culpa Diuinitus illatam sibi esse sciret, obstuprum alienæ vxori oblatum, & fufum innoxium sanguinem, totus concidere potuit & anxietati succumbere, nisi Dei promissione erectus, vitam in morte sperasset. Porro quia peccata sua non attingit, sciendum est alteram solūmprecationum suarum partem hoc Psalmo complexum esse. Quod de adulterio, & scelestâ Vriæ proditione pœnam Deus sumebat, non dubium est grauibz diris que animi tormentis initio fuisse constrictum. sed postquam humiliatus coram Deo animum collegit, certus de

impetrata venia, Deum à sua parte securè statuit, quem sciebat regni sui semper fore præsidem. De filio autem totaque eius factione conquestus est: quia sciebat eos ad labefactandum Dei decretum impiè insurgere. Ita si quando Deus improbis & scelestis hominibus ad nos castigandos tanquam flagellis vtatur, causam primò expendere conuenit, nihil scilicet nos perpeti, quod non promeriti simus: vt hæc meditatio nos ad pœnitentiam erudiat. Verū si Deus potius quam nos oppugnant hostes, cōtinuò pōst succedat hæc fiducia, eius præsidio nos fore saluos, cuius gratiam quæ nobis promissa est, spernunt illi, & conculcant.

2 *Domine, quàm multiplicati sunt oppressores mei: multi insurgunt contra me.*

3 *Multi dicunt anima mea, Non est salus ipsi in Deo. Selah.*

Docet Sacra historia non modò regia potestate exutum fuisse Dauidem, sed ab omnibus ferè desertum: vt totidem fere haberet hostes, quot subditos. Quam enim profugum comitati sunt pauci quidam fideles amici, non tam eorum custodia, quàm deserti latebris tutus euasit. Quare non mirum est, obiecta illa multitudine fuisse territum: quia nihil magis inopinatum accidere potuit, quàm tam subita defectio. Sed raræ fidei signum fuit, quòd tanto metu perculsus, querimoniam suam in Dei sinū deponere ausus est. Et certè hoc vnicum sedandis nostris timoribus remedium est, quicquid nos curarum angit, in eum reiicere: sicuti vicissim qui se ab eo respici non putant, prostratos iacere necesse est. Deinde hostium suorum superbiam clarius & magis emphaticè exprimit, quòd sibi insulset tanquam perditio ac desperatio. Significat autem inde illis creuissè audaciam, quia à Deo abiectum esse considerent. Fortè etiam his verbis obliquè notatur eorum impietas, quòd pro nihilo ducerent Dei auxilium in Rege, quem elegerat, seruando. Atque hoc secundum magis probabile est, neque enim Ab salom Dei fa

uorem sibi pollicitus est, sed præterita eius ratione, victoriam ex suis viribus sperauit. Dauid ergo eum & reliquos ita loquētes consultò inducit, vt ostendat immani & barbaro Dei contemptu in furorem animari, ac si susque deque ducerent quòd toties mirabiliter ereptus esset ex maximis periculis. Nam etsi impii dum insurgunt ad nos perdendos, non palàm eò insolentiæ prorumpunt vt Dei fauorem negent quicquam nobis profuturum: quia tamen vel fortunæ tribuunt omnia, vel vt quisque viribus pollet, eum statuunt fore victorè, & ideo per fas & nefas intrepide ruunt, quòd illis perinde sit Deum habere iratum, vel propitium: hinc constat nihil ab eis æstimari illius gratiam & ludibrio haberi fideles, ac si nihil prodesset, sub Dei manu & custodia esse. Quòd vertunt quidam, Multi dicunt de anima mea, præsentī loco non quadrat. Nā etsi hoc sensu interdum capitur apud Hebræos, plus tamen aliquid exprimere nunc Dauid voluit, nempe sua præcordia quodammodo transfigi hostiū ludibriis. Ergo Anima sedem affectuum mihi significat Atq3 hunc sēſū ex opposito respōdet quod abbi vidēbim<sup>9</sup> P.



35.3, Dic animæ meæ, Salus tua ego sum. Docet igitur suo exemplo David, quâvis vna voce totus mundus nos ad desperationem impellat, Deum vnum potius audiendum esse, ac spem salutis ab eo promissæ semper esse intus fouendam: & quia animas nostras confodere tentant impij, precibus esse confirmandas. De voce Selah, non conueniunt inter se Interpretes. Quidam tradunt affirmationis notam esse, tantundemque valere ac Verè, aut Amen. Alii accipiunt pro Seculo. Sed quia 770 attollere significat, probabilis est eorum

opinio qui hac voce eleuationem in cōcentu notari putant. Quanquam simul tenendum est, canendi modulos sententiæ aptatos fuisse, atque ita concentum cum re, vel subiecta materia (ve loquuntur) fuisse coniunctum, sicuti nunc postquam conquisitus est David spem suam probrosè fuisse derisum, ac si nihil eum iuuaret à Deo protegi, in hac blasphemia insilit, quæ eius animum grauiter vulnerabat: sicuti paulò post, vbi sibi subiecit fiduciæ confirmationem, eandem vocem iterum repetet.

4 *Et tu Iehoua, clypeus es pro me, gloria mea, & exaltans caput meum.*

5 *Voce mea ad Dominum clamaui, & exaudiuit me de monte sanctitatis sue, Selah.*

Copula in particulam aduersatiuam resolui debet, quia David plenam fiduciæ vocem sacrilegæ hostium proteruius opponens, quicquid loquantur illi, se nihilominus in Dei verbum recumbere testatur. Porro, certam spem liberationis prius ab eo fuisse conceptam hinc apparet, quod nulla sit castigationis Dei manu inflictæ mentio. Quin potius Dei auxilio fretus, animosè cum hostibus suis congregitur, quilegitimum Regem è solio deicere volentes, impium & sceleratum bellum gerebant. Denique culpam suam ante confessus, non nisi præsentem causam expendit. Sic enim Dei seruos, vbi ab improbis vexantur, postquam de peccatis suis ingemuerint, & suppliciter confugerit ad Dei misericordiam, ad præsentis causæ intuitum oculos referre decet, vt non dubitent sibi indignè vexari Deum fore adiutorem. Præsertim vbi per ipsorum molestias Dei veritas oppugnatur, hac fiducia magnificè in sublime efferrî decet, minimè dubium esse quin Deus promissionum suarum fidem contra perfidos nebulones asserat. Nā alioqui videri posset David hæc sibi falsò arrogare, quā se ipsum Dei gloria & auxilio nudasset. verū quia persuasus est nō prorsus se excidisse à gratia Dei, quin stet adhuc firma electio: ideo animum resumit ad bene sperandum. Ac

primò quidem Deum clypeo comparans, se eius virtute munitum intelligit: hinc etiam colligit eundem esse suam gloriam: quia regis dignitatis quā ipsum dignatus erat, futurus sit assertor & custos. Hinc fiducia illa, vt capite erecto incedere audeat.

5 *Voce mea ad Dominum.* Declarat se nunquam ita fractum fuisse rebus aduersis, vel impiis ludibriis detectum, quin sua vota ad Deum conuerteret. Atque hæc vera fuit fidei eius probatio, quod eam precando exercuit inter ipsas angustias. Nihil enim minus consentaneum, quàm frænum rodendo gemitus nostros à Deo subducere, si eius promissionibus fidem habemus. Neque est in his verbis pleonasmus: sed discretè vocis suæ meminit David, quo melius exprimeret, vicunque obstreperent impii, se tamè minimè obmutuisse quin clarè sonaret in ore suo Dei nomen: quod in tam graui duræque tentatione difficile fuit. Fieri etiam potest vt hanc preceationis vocem opponat tumultuosis eorum clamoribus qui vel fortunam accusant, vel Deo maledicunt, vel sine modestia euilant: denique confuso impetu profundunt doloris sui intemperiem. Sed mihi hoc præcipuè videtur notasse David, inter hostium blasphemias, quibus tentabant fidem eius obruere, se non fuisse elinguem: quin po-

tius vocē ad Deum extulisse, quem impii fingebant ab eo aduersum. Addit non frustra se clamasse, vt ad eandem constātiā pios omnes hortetur. Quod dicit *ē monte sanctitatis*, vel (quod idem valet) *ē monte sancto*, non recte à quibusdam de cælo exponitur. Fateor quidem cælum alibi sæpe vocari sanctum Dei palatium: sed hic non dubito quin Dauid respexerit ad Arcam fœderis, quæ iam in monte Sion locata erat. Disertè verò affirmat se illinc fuisse exauditū, licet in desertum fugere coactus esset. Refert enim Sacra historia 2. Sam. 15. 24, quum Abiathar sacerdos Arcam à Leuitis portari iussisset, Dauidem hoc non fuisse passum. Atque in eo mira enituit sancti viri fides. Quia enim sciebat electum à Domino fuisse illud Arcæ domicilium, diuelli à sacro illo Diuinæ præsentis symbolo maluit, non secus ac propriis visceribus, quàm præter cæleste decretum aliquid nouare.

6 *Ego decubui, & soporatus sum: & euigilavi, quia Dominus sustentat me.*

7 *Non timebo à myriadibus populi qui vndique aduersum me posuerunt castra.*

Si retinemus præteritum in verbis tempus, miram & propè incredibilem animi constantiā Dauid prædicat, quod inter multas mortes tam securus dormierit, ac si extra omne discrimen fuisset. Et certè quanuis inter sauos curarum fluctus æstuauerit, illos tamen fide sedatos fuisse certum est, vt ipse quantumuis anxius in Deo quiesceret. Ita pii semper ab omni metu emergunt victores, sicuti impios qui in Deum non recumbunt, etiam in minimis periculis obruit desperatio. Quidam temporis enallagen esse putant, ideòque in tempore futuro reddunt, Iacebo & dormiā: quia mox futuri temporis verbum subiicitur, Dominus sustentabit me. Sed quia continuum actum hic designat, in tribus primis verbis necesse esse nō putauim mutare tempus. Sciendum tamen est, securitatem hanc non referri propriè ad tempus afflictionis, vel saltem non restringi: potius enim, meo iudicio, quantum bonum ex fide & precibus adeptus fuerit, Dauid commemorat,

Nunc gloriatur quanuis priuatus esset Arcæ conspectu, non tamen loci distantia factum esse quin votis suis propinquus esset Deus. Quibus verbis significat, se mediam viam tenuisse, ne vel signum visibile contemneret, quod Dominus pro temporis ruditate instituerat: vel superstitiosè loco affixus, quicquam de gloria Dei carnale conciperet. Ita non temere voces in aerem euanidas sparsit, vt solent increduli, qui precantur etiam ipsi, sed quò debeant voces suas dirigere, incerti sunt. Dauid autem rectè se ad Tabernaculum conuertit, vnde promiserat Deus se propitium fore seruis suis. Hinc orandi fiducia, cui non defuit successus. Hodie quā in Christo nobis sit exhibitum quod olim adumbrabāt Legis figuræ, multo familiarior nobis ad Deum accessus patet, modò ne à via scientes ac volentes erremus.

nampe pacem & tranquillum animi bene compositi statum. Hoc metaphoricè significat, se ordinariis vitæ actionibus securè perfunctum esse, dicēs, Ego, inquit, in lecto non iacui peruigil & inquietus, sed placidè dormiui, quum anxius & trepidis non contingat talis dormitio. Sed notemus Dauidem Dei præsidio, non autem suo stupore fuisse ita securum. Nam impios quoque sopitos tenet mentis ebrietas, dum se fecus cum morte pepigisse somniant. At secus Dauid, qui nisi Dei virtute suffultus & ope protectus, quieret non habuit. Proximo versu inæstimabilē vim eius fiduciæ amplificat, quam ex Dei protectione cōcipiunt pii omnes. Nam vt immensa est Dei potentia, ita statuūt inuictam fore cōtra quoslibet impetus, furores, apparatus, & copias totius mundi. Et sanè nisi hunc tribuimus Deo honorem, subinde concident nobis animi. Quare in periculis discamus non metiri humano modo Dei auxilium: sed quicquid obiectum fuerit terroris, ideo despicere



spicere, quia friuolum est quicquid aduersus Deum moliantur homines.

**2 Surge Domine, serua me Deus mi: quia percussisti omnes inimicos meos in maxilla, dentes impiorum confregisti:**

**9 Domino est salus super populū tuū benedictio tua. Selah**

**8 Surge Domine.** Quia proximiis versibus gloriatus est Dauid de pacato statu, videri posset nunc à Domino petere vt tota vita incolumis maneat: ac si dixisset, Domine quando abs te prostrati sunt hostes mei, hanc gratiam in finem vsque prosequere, & continua. Sed quia nouū non est vt Dauid in Psalmis permisceat varios affectus, magis probabile videtur, postquā fiduciā suā mentionem inseruit, ad eandem iterum preces redire. Seruari igitur petit, quia erit in presenti discrimine. Quod sequitur de hostibus percussis, bifariam exponi potest: vel vt precando in memoriam reuocet superiores victorias, vel vt Dei auxilium expertus, & potitus suo voto gratiarum actionem subiogat. in quam sententiam libenter inclino. Primum igitur refert, se ad Dei opē fugisse in periculis, & salutē ab eo suppliciter precatū. Deinde, ob eā allatā gratias agit: quo restatur liberationē se à Deo acceptū ferre

**9 Domino est salus.** Quia 7 interdū

pro 12 accipitur apud Hebræos, quidā non incommode vertunt, A Domine est salus. Sequitur tamē sum quod simplicius erat, penes Deum salutem constare. Quibus verbis non modò seruandū partes & laudem vni Deo vendicat, eius namque omnibus humanis subsidiiis tacite opponens: sed vt mille imminerent mortes, ob stare tamē Deo non posse quo minus ad seruandum sufficiat: imò in promptu exerat nullo negotio quā semper apud se habet salutem. In fine Psalmi asseruit Dauid non tam sibi priuatim hoc fuisse datum, quā toti populo, ne pessum iret quā in eius regno fundata erat communis Ecclesię salus. Agnoscit ergo Dauid, ideo dissipatam fuisse impiam coniurationem, quia Deo cura erat Ecclesię seruandę. Colligimus tamen ex hoc loco, Ecclesiā à malis omnibus semper liberatū iri: quia Deus, cui suppetit seruandi facultas, ab ea gratiam suam & benedictionem nunquam subducat.

### ARGVMENTVM PSALMI IIII.

Postquam Deum initio precatus est Dauid vt sibi opem ferat, statim sermo em ad hostes conuertens, Dei promissione fretus tanquam victor triumphat. Itaque suo exemplo nos docet, quoties res aduersa vrgent, vel extrema angustia premunt, meditandas esse promissiones Dei, quibus spes salutis ostenditur: vt hoc clypeo obiecto, omnes temptationum nostri percurrere liceat.

Psalmus. IIIII.

**Præfecto in neginoth canticum Davidis.**

**P** Quo tempore compositus fuerit hic Psalmus incertum est, nisi quod ex contextu probabilis coniectura elicitur, tunc profugum fuisse & exulem. Ego itaque ad tempus refero, quo eum persequeretur Saul. Et tamen si quis de altera fuga accipere malit ad quam eum compulsi coniuratio Absalom, non valde contendam. Sed quia paulò post vno verbo notabit diurnum sibi fuisse certamen, melius conuenit quod priore loco adduxi. Scimus enim quā variè iustus fuerit antequam emergeret, ex quo infestus illi esse Saul cōpiti. De vocibus quas hic versus continet, hoc tantū breuiter attingam: Quod

נצנצ nonnulli vertunt In seculū, quasi ad ordinariam cansionem editus fuerit Psalmus: tanquam coactum reiicio. Rectius sentiūt alii נצנצ vocari, qui præ aliis excellit & eminet. Sed quia de genere excellētiæ & dignitatis non inter omnes conuenit, nobis sufficiat hac voce notari Præfectum canticorum. Nam Victoris nomen mihi non probatur: quia licet præfenti argumento respondeat, aliis tamen locis, vbi repeti videbimus, nullo modo conuenit. Neginoth ego à נגננ deduco, quod significat pulsare: ideoque nō dubio instrumentū fuisse musicū. Vnde sequitur Psalmū nō modò alta voce, sed adhibitis quoque musicis instrumentis fuisse

canendum, quæ regebat & moderabatur Præfectus ille cuius facta fuit mētio

2 *Dum clamo, responde mihi Deus iustitia mea: in angustia dilatasti mihi, miserere mei, & audi precationem meam.*

His verbis probatur Davidis fides, qui ad extrema redactus, & quidem longa malorum serie fere consumptus, mœrori tamen non succubuit: nec fractus fuit animo quin ad Deum liberatorem confugeret. Nam precando testatus est David, sibi omnibus præidiis nudato spem in Deo fuisse residuam. Porro, Deum iustitiae suae appellat, ac si diceret iuris sui vindicem, quod passim omnes eum damnarent, & hostium calumniis, peruersisque vulgi iudiciis oppressa esset eius innocentia. Idque diligenter norandum est. Nam quum nihil sit acerbius quàm nos immeritò damnari, & vnà cum iniusta vi perferre infamiam, id tamen quotidie sanctis accidit, vt scilicet bene agendo male audiāt: sicque exerceri expedit, vt auersi ab omnibus mundi illecebris, ab vno Deo toti pendeant. Ergo iustitia pro bona causa capitur, cuius testem Deum constituens David, conqueritur homines sibi maleuolos esse & iniquos: suoque exemplo nos docet, si quando non appareat coram mundo nostra integritas, non decerè tamen nos animis frangi, quia in cælo est vindex noster. Dixerunt profani homines nullum esse virtuti melius theatrum conscientia. atqui hæc consolatio lōgè exuperat, quòd scimus nos in Dei & Angelorum cōspectu stare, dum iniuste homines nobis insultāt. Hac fortitudine præditum fuisse videmus Paulum 1. Corint. 4. 5. Nam quum apud Corinthios multi de eo sparsi essent sinistri rumores, ad Dei tribunal prouocat. Eadem fiducia Iesaias 50. 6. & sequētibz, quæcunque in ipsum probra iaciebant hostes, despicit. Quare hæc vna patientiæ nostræ futura est, si nullus æquitati sit locus in mundo, in Deū respicere, eiusque iudicio esse contētos.

Obiici tamen potest quæstio, quum tota hominum puritas meræ sint apud Deū sordes, quomodo suam iustitiam in eius conspectum proferre audeant. Quod ad Dauidem spectat, facilis est solutio: quia non nisi hostiū suorum respectu, de sua iustitia gloriatur. sibi enim probè conscius erat, nihil se nisi ex Dei vocatione & mandato tentasse: idcōque non temere iuris sui patronum aduocat. Hinc colligimus, Dauidem, quo alacrius toti mundo Deum opponeret, hoc elogio ipsum ornasse. Quòd bis audiri postulat, in eo nobis & doloris vehementia, & precandi ardor exprimitur. Secundo etiam loco ostendit vnde impetrandi fiduciam concipiat, nempe ex Dei misericordia. Et certe quoties aliquid petimus, hinc initium facere conuenit, vt Dominus pro gratuita suabonitate misericors nostris succurrat.

*Dilatasti mihi.* Quidam putant Dauidem sibi promittere quod nondum erat expertus, & effectum gratiæ Dei spe sua anteuertere. Atqui, meo iudicio, pristina Dei beneficia potius cōmemorat, quibus se confirmet in posterum. Sic enim solent fideles reuocare in mentem quæ ad fidei cōfirmationem valent. Et multi posthac occurrent similes loci, vbi David quòd fidem suam erigat contra terrores & pericula, varias experientias colliget, quibus didicerat semper Deum suis adesse, nec eorum vota vnquam frustrari. Est autem metaphorica loquutio, qua significat sibi vndique obfesso & clauso patefactum fuisse exitum. *Angustiam*, de qua loquitur, non minus ad animum quàm ad rē ipsam puto referri. neque enim ferreus fuit David, quin res aduersæ eum in miseris anxietates conicerent.

3 *Fili viri, vsquequo gloria mea ad ignominiam, diligeris vanitatem, quæretis mendacium? Selah.*

4 *At scitote quòd selegit Iehoua benignum sibi, Iehoua exaudiet dum clamanero ad eum.*



3 *Fili viri.* Hunc suauissimū Dauidi fructū protulit sua precatio, quod collecto animo potuit non modò repellere hostium suorum furorem, sed vltro eos laceßere, ac intrepide despicere quicquid machinabantur. Quare et firma nobis constet fiducia, nonnisi iisdem armis instructos in arenam descendere conuenit, quoties ab improbis impetimur. Summa autem est, quum Deus suo præsidio Dauidem tueri velit, frustra ad eum perdendum eniti cunctos mortales, quantumuis magnas alioqui ad nocendum vires afferant. *Filos autem* nō Adam vel hominis, sed *virī* appellans, obiter eorum arrogantiam perstringere videtur. Neque enim quibusdam Hebræis assentior, qui Proceres notari putant. Sed potius ironica est cōcessio, qua eorum insolentiā subannat: quia nobiles & cordati sibi esse videbātur, quum tamen cæca duntaxat eos rabies ad nefarios conatus impelleret. In voce *vsquequo*, damnatur praua eorum obstinatio. Significat enim Dauid non subito tantū aliquo motu fuisse incitatos: sed penitus eorum cordibus insinuum fuisse contumax nocendi studium. nisi enim eos recto sensu priuasset sua malitia, multis experimentis, quæ eos ab incepto desistere cogerent, probauerat Deus se Dauidis esse custodē. Quia autem illis propositum erat, probrosē deicere quem in solium regum extulerat Deus: quarit quousque suam gloriam pergent in dedecus trahere. Notandum autem est quòd apud summos & infimos omni genere ignominie grauat, glorie tamē sibi Diuinitus concessa possessionem animosē retinere: nec dubitat quin eam tandem asserat Deus quibuscunque maculis indignē aspersa fuerit. *Diligeris vanitatem.* His verbis partim exprobrat hostibus peruersam libidinem qua videbat ipsos impelli, quanuis pium zelum falsō prætexerēt: partim eorum stultitiam deridet, quòd contra Deum pugnando, successum tamen sibi promittant. Et valde emphatica est obiurgatio. Nam impii quantumuis crassa malitia in omne scelus ruant, se tamen fallacibus blanditiis deludunt, ne quis eos sensus mordeat. **Exclamat**

ergo Dauid, quanuis sponte excutiant & luctato colore ornent suam iniustitiam, nihil eos proficere. Et certē quantum sibi blandiantur impii, vbi ad serium examen tracti fuerint, semper hoc constabit, ideo ipsos hallucinari, quia ab initio propositum est fallaciter agere. Cæterum, ex hoc loco nobis sumendus est inuictæ constantie clypeus, quoties prudentia & astu superari nos videbimus ab improbis. Nam quibuscunque machinis nos impetant, si modò erimus nobis bene consci, stabit Deus à parte nostra, aduersus quem nō praualebunt. Polleat ingenio licet, superpetat illis facultas nos laedendi, in proptu sint rationes & subsidia, acutè omnia dispiciant: quicquid tamen excudēt mendacium erit ac vanitas.

4 *Scitote quòd selegit.* Confirmatio est superioris sententiæ. hanc enim sibi fiducia causam esse ostendit, quia Deo regni sui auctore nititur. Et certē tunc demum licebit securè cōtra hostes nostros gloriari, si nobis certa erit Dei vocatio. Itaque Dauid minime hic suas vires iactat, vel opes, vel exercitus, quibus sibi regnum acquisierit: sed quia Diuinitus electus est, astu profectū multa conari significat, quia sensuri sint Deum sibi aduersum, cuius potentie succumbent. Ac primò quidem dicit se à Deo fuisse segregatum: quo significat non hominum arbitrio, vel propria libidine, sed cælesti decreto esse eximium. Nā quum מלך Hebræis diuinitus significet, hoc loco ad excellentiam refertur: ac si diceret, Vos nullum Regem admittitis, nisi vestris suffragiis electū, vel qui vobis adlubescit: atqui hoc proprium Dei munus est, quencunque voluerit, assumere. Per nomen *Benigni*, nō dubito quin ius regum sibi ex re ipsa vel effectu asserat, ac si notam vel insignem suæ vocationis proferret. Verè enim dictum fuit veteri proverbio, Propriam dotem Regum esse clementiam. Deus autem quos honore dignatur, ne sint mortua idola, donis ad suū munus exequendum necessariis instruere solet. Nonnulli מלך passivè accipiunt nō pro beneficio, sed qui Dei fauore in solio locatus est. Sed quia nullum hu-

ius significationis exemplum mihi in Scriptura occurrit, communem sententiam seque tutius iudico, quod Deus regem elegerit qui verè suæ vocationi respondet, quia misericors est ac beneficus. Hinc colligit se exaudiri iri quoties ad Deum clamauerit. Nam in eo præcipue fidem suam probat Dominus, quod opus suum non deserit, sed quos semel

amplexus est, perpetuo tueretur. quo docemur, intrepide ambulare in viis nostris: quia nunquam irritum erit quicquid fuerimus aggressi ex eius nutu. Hoc nobis fixum maneat, nunquam Dei auxilium de se sincerè in suo cursu pergentibus: sine qua consolatione singulis mentis fideles concidere necesse est.

5 *Contremiscite, & non peccabitis: loquimini in corde vestro super cubile vestrum, & tacete. Selah.*

6 *Sacrificate sacrificia iustitiæ, & sperate in Domino.*

5 *Contremiscite.* Nunc hostes suos ad resipiscentiam hortatur, si fortè adhuc sanabilis sit eorum insania. Primò autem contremiscere eos iubet, vel tumultuari: quo verbo eorum stuporem perstringit, quia Dei timore & viuo sensu vacui, præcipientes ruant. Et certè hinc tantum audaciæ impiis omnibus, ut bellum cum Deo suscipere nò dubitent, quia eos obdurat ebria securitas: & eorum socordiae callum obducit voluntarius stupor, dum & seipsos & Deum obliui, sequuntur quocunque impellit libido. Hanc eorum furori optimam fore medicinam docet, ne amplius peccent, si à suo veterino expergefati, moueri ac trepidare incipiant: ac si diceret, Simul atque torporem vestrum & indolentiam excusseritis, ita fiet ut resideat peccandi cupiditas. Ideo enim bonis ac simplicibus molesti sunt impii, tantasque turbas excitant, quia secum nimis sunt pacati. Postea admonet ut secum *in cubili loquantur*, hoc est, in otio, & quasi in alto recessu rationes subducant: quod opponitur intemperantiæ ipsorum feruori. Tandem silentium illis præcipit. Notandum verò est, huius silentii causam esse motum vel trepidationem cuius nuper meminuit. Nam si quos ad peccandum abrupit phrenetica temeritas, hoc principium est reditus ad sanam mentem, se ex sopore expergefacerè ac metum & terrorem. Sequitur deinde composita meditatio: tum volunt ac reuoluunt quò se proiicerint. ita demum qui nihil prius non audebant, discunt modesti

esse ac quieti, saltem vesanos suos impetus compescunt. *Loqui super cubile*, ex communi nùquam irritum dictum est. Scimus enim, dum interdiu versamur inter homines, sensus magis distrahi: deinde sapius perperam fieri iudicium ab externa specie: contrà solitudo nos magis attentos reddit. Deinde, non obstat pudor quin verè quisque sua vitia reputet. Subducit ergo Dauid hostes suos à testibus vel arbitris, quò se rectius ac simplicius examinent. Hæc autè exhortatio ad nos omnes spectat: quia nihil proliuius est quàm ut alii alios inani plausu decipiant, donec singuli in seipsos descendant, ac secum ipsi loquantur. Paulus ad Ephes. cap. 4. 26, hunc locum citans, vel saltem alludens ad sententiam Davidis, Græcam versionem sequutus est, Irascimini, & ne peccetis: prudenter tamen & concianè ad suum propositum aptauit. Nam illic docet, quum vitiose iracundiam suam profundant homines contra proximos, iustam in seipsis iram materiâ habere, ut à peccato abstinèant: idèque iubet potius intus eos frenare, sibique irasci. deinde nò irâ succensere in personas, quàm in vitia.

6 *Sacrificate* Plerique existimant Dauidem ad reddendum penitentiae testimonium hostes suos horrari: & certè fateor in hunc finem mandata ex parte fuisse Sacrificia, ut populum stimulare ad vitæ nouitatem. Sed dum ego expendo quale hominum genus Dauidem oppugnauerit, non dubito quin eorum hypocrisis mordeat, & retundat fallacem iactantiam. Dauid

videnim quum profugus in desertis, vel cauernis, vel montibus, vel in regionibus exteris erraret, videri alienus poterat ab Ecclesia Dei. Et certe vulgò eum putabant instar putridi membri à Sanctorum corpore resectum. Interim penes hostes erat Arca fœderis, illi Tēplum occupabant, primi erant in offerendis sacrificiis. Ergo eadem, confidentia qua semper inflatos scimus fuisse hypocritas, sese contra Dauidem iactabant. Nec dubium est quin superbe Dei nomine abusi fuerint, quasi vnici eius cultores. Quemadmodum autem impiis exprobat Ieremias, 7. 4, templum Domini mendaciter ipsos obtendere: sic etiam Dauid Deum externis ceremoniis placari negat, quoniam requirat pura sacrificia. Subest enim tacita antithesis inter sacrificia iustitiæ, & omnes inanes & adulterinos ritus, in quibus sibi pla-

cent fucati Dei cultores. Summa igitur est, iactatis Deum à vobis stare, quia vobis patet altare eius, vt illic vestras hostias cum magna pompa mactetis: me autem, quia à Sancta terra exulo, & à Templi accessu prohibeor; putatis à Deo negligi. Atqui longè aliter colendus est Deus, si velitis in eo sperare. nā impura vestra sacrificia quibus eius altare polluitis, nihil aliud quàm eius irā prouocant: tantum abest vt reddant vobis propitium. Discamus igitur ex hoc loco, si nobis certamen sit cum veræ pietatis corruptoribus, quanuis plenis buccis eius nomen detonent, & se venditent externo eius cultu, posse eorum iactantiā tutò refelli: quia recta sacrificia non offerant. Sed interim simul cauendum est ne vana ostentatio pietatis præposteram confidentiam veræ spei loco in nobis foueat.

7 *Multi dicunt, Quis ostendet nobis bonum? attolle super nos lumen vultus tui Iehoua.*

8 *Dedisti latitiam in corde meo plusquam quo tempore frumentum eorum & vinum eorum multiplicata sunt.*

7 *Multi dicunt* Quidam existimant Dauidem hîc conqueri de crudeli hostium suorum malitia, quòd vitam suam cupide appeterent. Ego autem non dubito quin Dauid vnicum votum quo ardebat, variis desideriis compareret, quibus totus ferè mundus huc illuc agitur. Nam quia principium hoc non tenent profani homines, Solos demum omni ex parte esse beatos quibus propitius est Deus: deinde, Peregrinadum esse in terra, vt spe & patientia contendat ad meliorem vitam, in caducis bonis subsistit. itaque modò illis prosperè sit secundum carnem, non magna Dei cura tanguntur. Quum ergo pecudum more hoc vel illud pro summa felicitàte arripiant, meritò se ab illis Dauid separat, scopum sibi prorsus contrarium præfigens. Nec verò refello quod quibusdam placet, Dauidem conqueri de suis gregalibus, qui quum impares essent ferèdis ærumnis, præ cædio & ægritudine gemitabant, quietem sibi optantes. Ego tamen la-

tius extendere malo, vt Dauid vnicò Dei fauore contentus, se nihil respicere vel morari testetur quid alii cupiant. Hæc autem comparatio non parum amplificat, dum fideles posthabitis bonis præsentibus, in Deo acquiescunt, nec quicquam pluris faciunt quàm illum sibi propitium sentire. Primum ergo si significat Dauid, desipere eos omnes qui sibi optantes lætam fortunam, non incipiunt à Dei gratia: ita enim fieri vt illos vagi errores circūagant. Deinde aliud vitium perstringit, quòd crassi & terreni homines, carnis quieti & cōmodis addicti, in sola eorum fruitione subsident. Vnde etiam sit vt susque deque illis sit Deus, quasi eo non indigeant, cū suppetunt reliquæ ex voto. Ipse verò contrà, vt aliis omnibus bonis careat, paternum Dei amorem sibi instar omnium esse testatur. Hæc igitur summa est, Tamen si cupide præsentibus delictis vel commodis vulgò inhient homines, ego tamen perfectā felicitàtem nō alibi



quàm in Dei gratia statuo. *Lumen vul-*  
*lus Dei* accipit pro serena facie, sicuti  
rursum videtur obscura nobis & obnu-  
bila Dei facies, dum aliquod iræ signū  
ostendit. Pulchra autem metaphora di-  
citur *attolli* hoc lumen, dum in cordibus  
nostris refulgens, fiduciam & sp̄e ge-  
nerat. Neque enim sufficeret à Deo nos  
amari, nisi ad nos perveniret amoris  
sensus: sed corda nostra Spiritu suo ir-  
radians, vero & solido gaudio nos ex-  
hilarat. Docet autem hic locus, quan-  
vis affluat rerum omnium copia, mise-  
ros tamen esse qui bus propositum non  
est, in Deo acquiescere. Rursum verò  
fideles, quanvis inter multas molestias  
vexentur, hoc vno verè beatos esse, quia  
illis refulget paterna Dei facies, quæ  
omnes tenebras illuminat, mortemque  
ipsam vivificat, ut ita dicam.

8 *Dedisti latissimam.* Altera cõpa-  
ratione vim sui affectus melius expri-  
mit atque illustrat, quòd scilicet bonū  
illud quod optauerat, adeptus, minimè  
invidet aliorum opulentia & deliciis,  
sed præclarè contentus sit sua sorte. Sū-  
ma est, pluris sibi esse propitiū Dei vul-  
tum, quam si horrea frumento referta,  
cellaque vino plenas haberet. Quāquā

autem in voce *חַיְיב*, variant Interpre-  
tes, quia nonnulli vertunt A tempore, ac  
Dauidem intelligunt hostium suorum  
bonis fuisse latatum: mihi tamen longè  
melius congruere videtur alter sensus,  
quòd scilicet se vno Dei favore magis  
gaudere dicat, quàm terrenos homines,  
dum bonis omnibus fruuntur, quorum  
desiderio ut plurimum ardent. Dixerat  
enim, rebus prosperis intentos ac dedi-  
tos Deum non magnopere curare: nunc  
verò addit, largo vini & frumenti pro-  
uentu non perinde esse latos, ut ipse est  
vnico Divinae bonitatis sensu. Atque hic  
versus vtilem doctrinam cõtinet. vide-  
mus enim ut terreni homines, postquā  
sp̄eta Dei gratia, totos se ingurgitant  
in caducas delicias, adeò non sanari, ut  
ipsa copia magis eorum cupiditates in-  
flammet. ita fit ut in media saturitate,  
cæca inquietudo mentes eorum solici-  
tet. Nunquam ergo tranquilla pax & so-  
lidum gaudium nobis obtinget, donec  
affulgeat Dei favor. Et si autem fideles  
sua cõmoda ipsi quoque expetunt, præ-  
postero tamen ardore ad ea non ferun-  
tur, quin patienter sustineant illis pri-  
uari, modò se Deo curæ esse intelli-  
gant.

9 *In pace simul dormiam & quiescam: quia tu Iehova so-*  
*lus seorsum in fiducia locasti me.*

Concludit se perinde securum esse  
ac quietum, quia protegitur Dei manu,  
ac si omnibus mundi præsidius vallatus  
esset. Scimus autē bonum hoc præ aliis  
esse oprabile, nempe vacuum esse omni  
metu, nec torqueri vel angī vlla cura.  
Ideo cõfirmatio est proximæ sententiæ,  
quòd gaudium de luce paterni Dei a-  
moris conceptum, meritò aliis omnibus  
præferat: quia interior pax animi, quæ-  
cunque fingi possunt bona exuperet.  
Multi locum hunc ita exponunt, quòd  
speret Dauid hostes sibi recõciliatū iri  
ut cum illis placidè dormiat: quia de-  
derat illi Deus, sine molestia & nemine  
obturbante quiescere. Meo tamen iu-  
dicio, hic aprior erit sensus, quòd seor-  
sum non minus tranquillè aget, quàm in  
magna turba: quoniā ipsum Deus tu-

tetur. Nam in particula, *יְהוָה*, subau-  
dio *י* similitudinis notam. Nec placet  
quod *יְהוָה* quidam ad Deū referunt, ita  
verentes, Tu solus Domine in fiducia  
locasti me, quia sublata antithesi inter  
duo adverbia Simul & Seorsum, vel so-  
litariè, multum gratia ex sententiā de-  
cedet. In summa, gloriatur sibi ita suf-  
ficere vnus Dei tutelam, ut sub ea non  
minus secure dormiat, licet omnibus  
humanis custodiis nudatus, quàm si mul-  
tas circum se excubias haberet, vel vn-  
dique munitus esset multis fodalibus.  
Itaque eius exēplo discamus hunc ho-  
norem Deo tribuere, quoties ab homi-  
nibus nihil defensionis apparet, ut so-  
la eius manus instar ingentis exercitus  
in pace nos contineat

#### ARGUMENTVM PSALMI V.

Dauid graviter iniusta hostiū sanctorū oppressus, & p'us adhuc malorū metuens, Dei  
auxi-

*auxilium implorat. Quod autem facilius impetret quod petit, postquam ex precandi ardore magnitudinem doloris sui ostendit, primo hostium suorum intolerabilem malitiam profert, quam à Deo relinqui inultam absurdum foret. Deinde fidem & patientiam suam, consolationem etiam inserit, quasi de prospero successu nihil dubitet. Tandem concludit, ubi liberatus fuerit, fructum gratia piis omnibus fore communera.* Psalmus V<sup>o</sup>

## **P**refecto super Nehiloth Canticum Davidis.

Hebraicam vocem quidam, Hæreditates, alii, Exercitus vertunt. Prioros hanc rationem afferunt suæ sententiæ, quòd David pro salute duodecimi Tribuum præcatus sit. Alteri verò, quia obsessus ab ingenti hominum multitudine, se contulerit ad Dei præsidium. at-

que ita particula Super, valebit. Contra. Sed quia ænigmaticas istas inscriptiones non probo, libenter subscribo corum sententiæ, qui vel instrumentum, vel tonum musicum fuisse docent: de specie autem non admodum laboro.

2 *Verba mea ausculta Iehoua, intellige sermonem meum.*

3 *Aduerte ad vocem clamoris mei, Rex meus, & Deus meus, quia ad te precabor.*

Non audeo certò statuere, vniùsne solum temporis quas ab hostibus suis iniurias perpeffus est, deploret hoc Psalmo David: an verò generaliter de variis persequutionibus queratur, quibus diu vexatus fuit sub Saule. Eum etiam quidam ex Hebræis ad Absalom vsque extendunt, quia per viros dolosos & sanguinarios putant Doeg & Achitophel notari. Mihi tamen magis probabile videtur, quum Saule mortuo tranquillam regni possessionem adeptus foret David, preces quas in suis ærumnis & periculis meditatus fuerat, scriptis mandasse. Iam vt verba tractemus, quòd rem vnã tribus modis exponit, hæc repetitio affectus vehementiam notat, & longam orandi perseverantiã. Nec enim superflua congerie delectatus est, vt abs re profunderet diuersos loquendi modos: sed quemadmodum ferid ad precandum intentus erat, multiplices suos gemitus repræsentauit. Significat ergo nec frigide, nec pauculis tantum verbis orasse, sed prout urgebat vis doloris, se in descendens apud Deum suis malis fuisse anxium: & quia non statim apparebat exitus, in iisdem querimoniis repetendis fuisse assiduũ. Quòd autem discretis verbis vota non cõcipit, species est reticentiæ magis emphatica quàm si distinctè loquutus foret. Nam quid cupiat in corde suo premens, mentus ostendit se intimos animi sui sensus

coram Deo sic efferre, vt lingua ad loquendum non sufficiat. Vox etiam Clamoris pro clamorosa vel sonora voce, ad notandum studii ardorem pertinet. Neque enim clamauit David tanquam ad aures surdi, sed feruor doloris, interiorque anxietas in clamorẽ erupit. Et si autẽ verbũ *הנה* (vnde nomen *אנה* quo hic vsus est Propheta) Hebræis tam clare effari, quàm tacite susurrare significat, videtur hæc secunda expositio melius præsentì loco congruere. Nam vbi verba sua in genere proposuit David, ea videtur in obscuras querimonias & clamorem partiri. Sub priore autem membro notat confusum strepitum qualis in Cantico Ezechie describitur, vbi vocem articulatam impedit dolor, Sicut grus & hirundo garriebam: geniebam instar columbæ. Porro si quando vel ignauus sumus ad precandum, vel citò labascunt pii impetus, hinc stimuli ad nos pungendos petendi sunt Deum quoque vocando *Regem suum & Deum suum*, quia acrius se ad bene sperandam incitauit: discamus hæc elogia in similem aptare vsum, nempe vt Deum nobis familiarem reddamus. In fine testatur, se nõ fratrum rodere, vt solent increduli: sed ad Deum gemitus suos dirigere. Nã qui posthabito Deo, vel intus fremunt, vel apud homines querulantur, indigni sunt quos Deus ipse respiciat. Quidam vertunt, Quando ad te precor. sed mihi

Videtur potius esse causæ redditio, in qua Dauidi propositum fuit, animum suum in fiduciam attollere, sumpto hoc

generali principio, Quicumque Deum in suis malis inuocant, nunquam ab ipso repulsam pati.

#### 4 *Iehoua manè audias vocem meam: manè disponam tibi & speculabor.*

Potest etiam hæc sententia in futuro tempore modi indicatui legi. Ego tamē optantis potius esse sentio, quemadmodum reddidi. Postquam enim Deum rogauit ut suis votis annueret, nunc ad festinationem eum sollicitat. Nam etsi non improbo, quòd quidam ipsum putant ad matutinas preces alludere, quæ in Templo quotidie Sacrificiis coniungi solebāt ex Legis præscripto: non tamen dubito quin longioris moræ tædio cōpulsus, salutem suam accelerari cupiat: ac si dixisset, Simul atq; expergi scar, hæc prima futura est mea cogitatio. Tu itaque Domine opem qua indigeo, ne longius differas: sed mox respondeas votis meis. *Disponere* Deo tantundem valere interpretor, ac rectā se ad eum applicare. Plerique, quasi eclipsica esset loquutio, subaudiunt Orationem. Sed potius (meo iudicio) testari voluit Dauid se minimè flecti huc vel illuc, ac distrahi, sed hunc ordinem sibi esse statutum ut ad Deum confugiat. Est autem tacita antithesis inter vagos & erroneos eo-

rum discursus qui ad mundi auxilia circūspiciunt, vel pendēt ex suis cōsiliis, & rectum fidei ductum: quo fit ut pii omnes à vanis illecebris retracti, se ad unum Deum conuertant. Nā **הוה** Hebræis ordinare vel disponere, interdum comparare vel aptare significat. Optime autem cohuenit sensus quòd profiteatur Dauid se minimè distractum iri per flexuosos circuitus, sed rectā se ad Deum venturum. *Speculandi* verbo tam spem & patientiam, quàm sollicitudinem designat. Nam quum **הוה** apud Hebræos tam expectare quàm aspicere significet, non dubito quin dicere velit Dauid, postquam suas curas in Dei sinū deposuerit, se suspensio animo quasi in excubiis fore, donec re ipsa pateat fuisse à Deo exauditum. Etsi autem desiderio semper inquietudo aliqua subest: qui tamen speculatur, quam expectit Dei gratiam patienter eam expectat. Docet itaque hic locus friuolas esse preces, quibus non est spes annexa, quæ mentes velut in speculam euchar.

#### 5 *Quia non Deus volens impietatem tu: non habitabit tecum malum.*

#### 6 *Non stabunt insani coram oculis tuis: odisti omnes qui iniquitatem perpetrant.*

#### 7 *Perdes qui loquuntur mendacium: virum sanguinarium & dolosum abominabitur Iehoua.*

Hic sibi Dauid ex hostium malitia & prauitate cōciliat Dei fauorem. Est quidem velut abrupta oratio, ut Sancti precando sæpe balbutiunt: verum hæc balbuties Deo gravior est quàm omnes quantumvis nitidæ ac splendide Rhetorici figuræ. Porro ad hanc scopum tendit Dauid, quum ad summum crudelitatis & perfidiæ venerint hostes sui, fieri non posse quin eos mature Deus compescat. Ratiocinatur autem ab ipsius Dei natura, nam quum illi

placeat iustitia & rectitudo, inde colligit, de improbis & sceleratis omnibus vindictam sumpturum. Quis enim fieri potest ut impune effugiant eius manum, quandoquidem iudex est mundi? Locus notatu apprime dignus. Scimus enim quantopere nos conlitteret effrænis impiorum proteruitia, nam quia Deus non statim eam cohibet, vel stupemus attoniti, vel desperatione concidimus. Atqui Dauid hinc potius fiduciæ materiā petit. Nā quòd maior hec cetera

grassan-



grassantur hostes, eo alacrius Deum vindicem implorat, cuius officium est improbos omnes perdere, quia odio habet omne scelus. Discant ergo pii omnes, quoties illis certamen est cum vi, fraudibus, & iniustitia, ad Deum assurgere, ut se ad certam spem liberationis animent: sicuti etiam eos hortatur Paulus 2. ad Thess. 1. 5. Documentum, inquit est iudicii eius, quod nunc crucem suffertis: quia iustum est apud Deum repêdere iis qui vos affligunt, afflictionē: vobis autem qui affligimini, relaxatio nē nobiscum. Et certe alioqui non esset mundi iudex, nisi impiis omnibus apud eum merces sua esset reposita. Nunc tenemus huius doctrinæ vsum: nempe dū improbis lasciuientibus, nobis obrepat dubitatio an Deus curam nostri gerat: ut hunc clypeum opponere discamus, Deus, cui odio ac detestationi est omnis iniquitas, istos elabi inultos non sinet: licet verò ad tempus eos ferat, tandem conscendet tribunal, seque vindicem ostendet. Cæterum hinc colligitur etiam vniuersalis doctrina, Deum, quanuis per Satanam & impios operetur, eorumque malitia vtatur ad exe-

quenda sua iudicia, non tamen esse peccati autorem, nec peccatum ei placere: quia semper iustus ei finis propositus est: ut meritò eos damnet ac puniat quos arcana sua prouidentia impellit quò visum est. Vbi su quinto **Y7** quidā in masculino genere accipiunt pro Scelesto homine: sed ego malitiam potius intelligo. Simpliciter enim pronuntias David, nullum Deo consensum esse cū iniustitia. postea ad homines ipso, descendit, negans *insanos coram eius oculis staturos*. Est autem optima consequentia, Deo exosa est iniquitas: ergo de omnibus iniquis iustam vitionem sumet. Insanos vocat, more Scripturæ, qui cæca cupiditate ad peccandum ruunt. Nihil enim magis furiosum impiis qui abiecto Dei timore, nocendi libidine feruntur: imo nulla est amentia deterior, quam Dei contemptus, quo fit ut fas omne peruertant homines. Quanuis autem hoc sibi ad consolationem proponat David, simul tamen inde elicitur vtilis eruditio ad timorem Dei: nam Spiritus Deum scelerum vltorem fore pronuntians, frænum nobis iniicit, ne spe impunitatis peccemus.

**8 Et ego in multitudine misericordiæ tuæ ingrediar domum tuam, adorabo in templo sancto tuo in timore tui.**

Copulam aduersatiue positā esse quidam putant, quasi David se impius comparans, Deum sibi propitium fore prædicet: sed expendant Lectores an non magis conueniat illatiuè accipere, hoc modo, Quia impios ferre nequeas Domine, ego igitur manu tua seruatus, solennes tibi pro liberatione accepta, gratias in templo tuo agam. Si prior expositio magis placeat, simpliciter suam erga Deum pietatem commendans Propheta, se ab eorum ordine disiungit, de quibus loquutus est. Sed videtur circumstantia loci poscere ut Deo gratiarum actionem promittat: nam quia hostes suos nuper Deo exosos esse dixerat, nūc concepta salutis fiducia, se ad gratitudinem inuitat. Veniam, inquit, ad Templum in multitudine misericordiæ tuæ: ac si diceret, quanuis nunc ferè perditus videri queat, se tamen Dei gratia saluum fore & incolumem. Docet itaque hic locus, quum nos vrgent extremæ tentationes, statuendam esse Dei gratiam an-

te oculos, ut inter summa quæque discrimina bene speremus. Adhæc quia caro gratiam Dei vel malignè extenuat, vel æstimat vulgari modo, discamus ingentem eius magnitudinē esse, quæ sufficiat vincendis terroribus. Quanquā autem consilium Davidis fuit, sibi certam salutem polliceri ex Dei misericordia: simul tamen ostendit, vbi fuerit seruatus, gratum se & memorem fore. Iam quia hypocritæ gratias agēdo, nihil aliud quā nomē Dei profanant, vt sunt impuri & polluti: ideo se asserit vtrūcumque *Dei timore*, vt sincero & integro corde eum adoret. Cæterum hinc colligere licet generalem doctrinam, donec suæ bonitatis gustū Deus nobis præbuerit, accessum nobis ad eum non patere: nec quēquā rite orare, nisi qui gratiam eius expertus, sibi propitiū fore statuit ac persuasus est. Adiungitur tamē Dei timor, qui rectam piāque fiduciam a carnis securitate discernat.

9 *Iehona deduc me in iustitia tua propter aduersarios meos: dirige coram facie mea viam tuam.*

10 *Quia non est in ore eorum rectitudo: intimum eorum prauitates, sepulchrum patens guttur eorum, linguis suis dolose agunt.*

11 *Fac eos errare Deus, cadant à consiliis suis, in multitudine scelerum suorum disperde eos: quia rebelles fuerunt tibi.*

9 *Iehona deduc me.* Quidam ira exponunt, Ostēde mihi quid rectum sit, & fac vt totus iustitiæ tuæ addictus sim, idque propter aduersarios, quia periculum est ne Sancti malis & fraudulentis impiorum artibus impulsī, à recta via declinent. Pia quidem & utilis sententia est: sed altera expositio aptior, vt Deus seruum suum per medias hostium insidias saluum deducat: & quum videbitur vndique captus & constrictus, exitum ei patefaciat Dei ergo iustitia hoc loco (sicuti plurimis alijs) pro fide & clementia eius capitur, quam in tutandis fidelibus ostendit. Ideoque præpositio In tantumdem valet ac Pro, vel secundum. Dauid enim Deum sibi itineris ducem esse optans, ex eius iustitia spem impetrandi sibi facit, ac si dixisset, Domine, quia iustus es, auxilio tuo me protegas, vt prauas hostium machinationes euadam. Idem sibi vult posterius membrum, vbi postulat *viam Dei coram facie sua dirigere.* Hoc est Diuinitus se eximi ab angustijs, quibus sic inclusus erat, vt secundum carnem nunquam se exiturum putaret. Sic autem fatetur se vitandis hostium insidijs parem non esse, nisi & prudentiam suppeditet Deus, & viam per inuiā aperiat. Idem & nos eius exemplo facere conuenit: vt nobis diffusi, quum nos consilium deficiet, aut inualescet hostium improbitas, ad Deum properemus, in cuius manu sunt exitus mortis, vt alibi videbimus.

10 *Quia non est in ore eorum.* Easde querimonias denuo repetit, quod maiore odio suos aduersarios apud Deum graueret in se verò prouocet ipsius Dei misericordiam, qui iniuste oppressis opem se laturum promissit. Atque hoc notandum est, quod crudelius in nos sentiunt hostes, vel magis sceleratè nos vexant, eò maiore fiducia gemitus nostros in

cælum esse tollendos: quia Deus non patietur ad extremum vsque grassari eorum furorem: malitiam quoque & peruersos astus in lucem protrahet. Primo loco accusat eos perfidiam, quòd nihil rectum aut sincerum loquantur: eam sam assignat, quòd intus reperi sint iniquitate. Postea cõparat eos si pulchris, ac si diceret, voracissimos esse gurgites: quo notatur inexplebilis fundendi sanguinis cupiditas. Tandem eorum fallacias iterum recenset: vnde colligimus non mediocribus iniurijs fuisse tentatus sed illi certamē fuisse cum hostibus deterrimis, quibus nulla erat vel humanitas vel moderatio. tam miserè oppressus, non modò continuat suas preces, sed ex statu confuso & desperato, materiam sperandi petit. Quòd autem Paulus, Rom. 3. 13, locum hunc citans, ad totum genus humanum extendit, non facit præter mentem Spiritus. nam quum axioma istud pro confesso sumat, Sub Davidis personam nobis describi Ecclesiam tam in Christo capite quàm in membris: sequitur, in hostium numero censei debere quicumque non regeneriti sunt Dei Spiritu, siue exteri sint, siue domestici. Neque enim Dauid hoc loco vel Assyrios vel Aegyptios ad Dei tribunal vocat: sed Iudeos degeneres, qui in carne circumcisi, se ex sancta Abrahamæ progenie esse gloriabantur. Non ergo detorquet Paulus hæc verba à genuino sensu, ea ad cunctos mortales accommodans: sed propriè asserit, ostensum fuisse à Davide quales natura sint.

11 *Fac eos errare.* Quia DUX Hebrais, tã excindere vel perdere, quàm peccare, significat, & metaphoricè pro Errare vel hallucinari capitur, vterque sensus præfenti loco aptè quadrat: sed quia continnò post subiicit Dauid, *cadant à suis consilijs*, non dubito quin hoc

primam

primum votū secundo affine sit ac simile. Duo itaque hæc simul coniungo, tanquam causam & effectum, vt Deus mente priuatus in errorem impellat: deinde vt eos sua cōsilia frustrentur. vnde enim sit vt in ipsi frustra consultant, inconsideratē etiam ac sine iudicio ferantur, & turpiter impingant, nisi quia Dominus in astutia eos deprehendit? Intercipite eorum vafritiem, spiritu soporis & vertiginis eos inebriat, vt desipiant in rebus minimis. Ergo si nobis timemus ab insidiis & fraudibus hominum: & qui nobis nocere cupiunt, videmus sagaces & acutos esse: redeat nobis in memoriā hæc sententia, perpetuum esse Dei munus, stupore & amentia eos percutere qui ad peccandum sapiunt. Sic fiet vt nobis deridentibus quantus astutus eorum machinationes Dominus statu suo dissipet, ac tandem prostituat eos ludibrio. In summa, optat Dauid manum Dei iniici suis

hostibus, ac prohiberi à prauis suis delationibus. Et certē necesse est, quum Satan fraudum omnium artifex, omnes nocendi modos impiis suggerat, quæ callidē excogitant, Diuinitus in nihilum redigi. Cadere à consiliis, intelligit, non asequi neque efficere quod statuerāt. Porro nam deinde illis imprecatur quam meriti sunt: quia dum homini innoxio iniquē & scelestē fuerūt infesti, Deo quoque *rebelles fuerūt*. Hoc, quidē minime cogitat superbi, tūti esse miserōs homunciones, vt laedatur Deus in ipsorum personæ: neque enim ictus suos magis in calumpniant vibrari, quam si puluerem aut lutū pedibus calcarent. At, nā hanc inestimabilem mercedem suis cultoribus Deus rependit, quod in se recipit ipsorum causam. Quisquis ergo sibi recte cōfici erit, nec ab integritate deflexerit, idignē vexatus, non est quod dubiet. Deum instar elypei hostibus suis obicere.

*11 Et latentur omnes sperantes in te, in æternum exultēt: & protege eos, & oblectentur in te diligentes nomen tuum.*

*13 Quia tu benedices iusto Iehoua, beneuolentia quasi scuto circundabis eos.*

*12 Et latentur omnes.* Siue in futuro tempore, siue in modo optandi legatur hæc verba, non ita multum ad sensum interest. vtroque enim modo fixum manebit quod voluit Propheta: nempe si Dei manu liberetur, fructū huius gratiæ piis omnibus fore communem: ac si dixisset, Domine, si mihi opem tuleris, non in me solo residebit tuum beneficium, sed patebit ad omnes tuos cultores: quia sic fiet vt magis confirmetur eorum fides, nomēque tuum celebrent. ergo vt facilius liberationem à Domino impetret, eam à sine vel effectu commendat, quod piis omnibus maiorem fiduciam suggeret, eosque animabit ad laudē & gratiarum actionem Deo reddendā. Docet autem hic locus, nos Deo ingratos esse, nisi accommodamus in vsu nostrum quæcunque in proximis nostris confert beneficia: quibus testatur bonitatem suam communiter piis omnibus semper expositam fore, ideoque additur ratio lætitiæ, quia Dominus eos proteget. Nam quoties vni ex fidelibus se be-

neficum ostendit, statuerē debent (vt diximus) eundem erga se fore. Porro docet hic locus non aliunde quā ex Dei praesidio nasci verum gaudium: quia, licet mille mortibus simus expositi, abundē nobis sufficere hoc debet, protegi nos Dei manu. Sed hoc fiet si nos inanes mundi vmbra non decipiant, vt sub illis delitescamus. Hoc etiam notandum est, quod in Deo sperantes, dicit *nomen eius diligere*. Nec enim fieri potest quin suavis sit Dei memoria, nōsque solidē oblectet: imō rapiat in amorem sui postquam ipse nobis suæ bonitatis gustum præbuit. Sic uti rursus omnes increduli sepultum vellent Dei nomen, eiusque memoriam cum horrore fugiunt.

*13 Quia tu benedices.* Confirmat superiorem sententiam, quod scilicet ex sua persona commune documentum si dei sumpturi sint omnes Dei serui, quia ab vno exemplo iudicium de perpetua erga omnes pios gratia fieri velit. Atque iterum admonet nō aliud esse legi-



timum gaudium, nisi quod ex sensu paterna Dei benevolentia concipitur. *Benedicendi* verbum Hebraeis (quum de hominibus sit sermo) bene precari significat: quum verò ad Deum refertur, tantundem valet ac bene fortunare (ut loquuntur) vel bonis omnibus cumulare. Nam quia efficax est fauor Dei, benedictio eius, bonorum omnium affluentiam ex se producit. Nomen *iusti*, non ad vnum hominem restringitur, sed indefinitè omnes Dei cultores significat. Ceterum, iustos vocat Scriptura, non qui tales operum meritis censentur, sed quia iustitiam aspirant: quia postquam Dominus eos fauore suo complexus est pecca-

ARGUMENTUM PSALMI VI.

David manu Dei affluctus, quia se agnoscit iram Dei sua culpa prouocasse, ut leuationem impetret, peccatis suis veniam dari postulat: finisque deplorat, si ei medius tollatur, Dei laudanda facultatem sibi ablatam iri. Deinde recepta sanctorum Dei gratiam celebrat, sermonemque ad hostes conuertit, quos eius malis insultant.

Psalmus. VI.

**P**refecto in Neginoth, super octauam Canticum Davidis.

Cantici nomen ostendit, David, postquam liberationem à malis que deplorat, adeptus fuerat, sui doloris affectus hoc Psalmo complexum esse. quale verò fuerit castigationis genus, incertum est. Nam qui restringunt ad morbum, rationem cur ita sentiant, satis firmam non adducunt. Insistunt in verbo *72*, quod agrotare quidem significat, sed metaphorice hic accipi, magis probabile est. Obiciunt, Ezeciam, ubi à morbo conualuit, de morte idem cecinisse. Atqui Psalmo 116, ubi nullas morbi mentio, eadem querimonia in persona totius Ecclesiae legitur. Quanquam autem ex his verbis elicimus, Davidem in vltimo discrimine versatum esse: fieri tamen potest ut alio afflictionis genere quam corporis morbo laborauerit. Quare sumamus quod certius est, du-

ra non imputando, rectum studium pro iustitia perfectione illis fert acceptum. Eodem pertinet quod sequitur, *Coronabis eos gratuito* fauore vel beneplacito, *tantum sicut*: intelligit enim probe fore vndique munitos fideles: quia nulla ex parte illis deerit gratia, quæ & inuictum est propugnaculum, & certam secum salutem adfert. Quanquam autem Coronandi verbum quo vitur, sæpe ornatum vel decus Hebraeis notat: quia tamen additur similitudo scuti, non dubito quin metaphorice pro Munire vel circūdari sumatur. Sensus ergo est, quantumuis magna & varia pericula iustos obsideant, Deo tamen propitio saluos fore.

ra aliqua clade fuisse percussum, vel inflictam fuisse poenam. quæ mortis tenebras vndique eius oculis offunderet. Illud quidem tenendum est, non eodem quo precatus est articulo Psalmum fuisse compositum: sed quas in periculis & tristitia preces conceperat, postea data relaxatione, in monumentum fuisse ab eo digestas: ideoque merorem cum quo aliquandiu luctatum fuisse certum est, cum posteriori lætitia coniungit. Quantum ad vocem *Octaua* spectat, quia alibi diximus *77* organum musicum esse, nescio an conueniat citharam octo chordarum notari: Facile igitur patior referri ad tonum, ut certum cantus discrimen designet. Quanquam in re obscura, & levis etiā momenti, liberam cuique coniecturam relinquo.

2 *Iehoua ne in furere tuo arguas me, & ne in ira tua corripas me.*

Quauis malum forte ab hominibus inflatum esset, prudenter David, sibi cum Deo negotium esse reputat. Malè enim in suis arumnis proficiunt, quibus non statim occurrunt sua peccata, ut se iram Dei pro meritis fuisse sentiant. Et tamen videmus quantus torpor omnes ferè occupet in hac parte. nam quum se

miseros esse clamitent, ad manū ferientem vix centesimus quisque respicit. Quare vndeunque proveniant mala: discamus protinus sensus nostros ad Deū referre, eumque agnoscere iudicem, qui nos ad suū tribunal reos citat: quādo spōte nō ante uertimur ei iudiciū. Sed quia sæpe fit ut homines, dū coguntur sentire iratū sibi esse Deum

Deū, potius ad impias querimonias proficiat, quam seipſos inculcet, ac ſua peccata: notādū eſt, Dauidē nō ſimpliciter quicquid ſuſtinet malorum Deo aſcribere, ſed ſateri iuſtam rependi mercedem ſuis peccatis. Nō enim expoſtulat cum Deo, quaſi infeſtus ſcruat abſque cauſa: ſed arguendi & caſtigandi partes ei tribuens, tantū optat pœnis ſtatui modū. quibus verbis declarat iuſtum eſſe ſcelerum vltorem. Cæterū, vbi conſeſſus eſt iure ſe corripi, ſummum ius vel rigorem deprecatur. Neque enim pœnam omnino refugit, quod iniquum eſſet, atque ei quoque noxiū magis eſſet quā vtile: ſed tantū iram Dei exhorret, quæ interitum peccatoribus minatur. Nam iræ & furori tacitè opponitur pœterna & levis caſtigatio: ſicuti ex Ieremiz verbis 10. 24, patet, Caſtiga me, inquit, Domine: ſed in iudicio, non in ira tua. Dicitur quidem irascei Deus peccatoribus, quoties illis pœnas infligit, ſed

impropriè quia non modò aliquā gratiæ ſuæ dulcedinem aſpergit, quæ dolo rem mitiget, ſed pœnas temperans, & clementer manum ſuam ſuſtinens, ſe illis propitiū eſſe demonſtrat. Quia tamen neceſſe eſt, quoties ſclerum vltor apparet, horrore nos percelli, non abſre Dauid, pro carnis ſenſu, iram & furorem eius inuit. Senſus ergo eſt, Ego quidem Domine dignum me fateor quem in nihilum redigas: ſed quia ſerēda tuæ ſeueritati par non eſt, ne me pro meritis tractes: quin potius ignoſcas peccata, quibus iram tuam in me pronocaui. Nos verò quoties rebus aduerſis prememur, diſcāmus, exemplo Dauidis, ad hoc remedium conſugere vt Deo recōciliemur: quia minimè ſperandum eſt vt nobis bene ſit ac proſpere, niſi ipſo fauente. Vnde ſequitur, nunquam deſore malorum congeriem, do nec peccata nobis remittat.

3 *Miferere mei Iehoua, quia infirmus ſum: ſana me Iehoua, quia territa ſunt oſſa mea.*

4 *Et anima mea territa eſt valde: & tu Iehoua vſquequo?*

3 *Miferere mei.* Quum Dei miſericordiam implorat, hinc melius patet, iræ & furoris nominibus non ſcruitiā vel immodicum rigorem, ſed tantū iudicium notaſſe, quale Deus in reprobos exercet, quibus clementer tanquam filiis non pareit. Nam ſi de iniuſta pœnæ grauitate conqueſtus foret, nunc tātū ſubiiceret, Moderare tibi, ne delicti menſuram puniendo excedas. Ergo ad ſolam miſericordiam ſe conferens, nihil ſe aliud optare oſtendit, quā ne ſecum iure agatur. Iam quo Deus ad ignoſcendum magis propenſus ſit, ſe prope deficere teſtatur. Infirmum enim (vt prius admonui) non ſe vocat quia ægrotet, ſed quia deiectus ac fractus ſit. Quia autem hunc finem in pœnis ſumēdis Deo propoſitum eſſe ſcimus, vt nos humiliet, ſimul ac ſerulis eius ſubaſti ſumus, eius miſericordiæ aperta eſt ianua, Adde quòd quum proprium ſit eius minus infirmos ſanare, iacentes erigere, ſulcire debiles, mortuis denique vitam reſtituere: hæc vna ratio ad pendendam eius gratiam nobis ſufficit, ſi mali, ſuccūbimus. Vbi verò ſpem ſalu-

tis non alibi quā in ſola Dei clementia ſibi repositam eſſe teſtatus eſt, ſuā que deiectionem flebiliter in medium protulit: cauſe ſubiicit ſuum effectum ſanitatem à Deo petens. Atque hic ordo nobis tenendus eſt, vt quicquid petimus à Deo bonorum, ſciamus ex fonte gratuita bonitatis fluere: & pœnis tunc demū eximi, poſtquā noſtri miſertus eſt. *Quia territa ſunt.* Cōfirmat quod nuper atugi, ſe ex malorum grauitate ſpem concipere leuationis: quia Deus ad opem miſeris ferendam eò propior eſt, quò magis vrgeri & ſerē obrui cernit. Porro terrore attribuit oſſibus, non quòd ſenſu prædita ſint: ſed quia ex vehementia doloris totū corpus concutitur. Nec carnē nominat quæ tenerior eſt, ſed Oſſium nomine intelligit præcipuum robur ſuū fuiſſe tremefactū. Cauſā deinde aſignat, animā ſuā valde territā eſſe dicēs. Nam copula, meo iudicio, cauſalē particulam valet: ac ſi diſtinctū eſſet, Tā grauis eſt ac violēta interior cordis anxietas, vt totū corporis robur cōturbet. Nā animā ꝑ vita accipi, mali

non probatur, neque etiam conuenit.

4 *Et tu leuona vsquequo?* Ecliptica oratio ad exprimendam doloris vementiam facit, quæ non animos modò tenet constrictos, sed fauces etiam: vt sermonem in medio cursu absorbeat. Scîus tamê hic in oratione abrupta ambiguus est. Quid am enim subaudiunt, Me affuges, vel corripere perges. Alii, quousque differes misericordiam tuâ. Sed quæ proximè sequitur ratio, hunc secundum sensum magis probabilem esse ostendit: nempe dum optat Dauid se

à Domino respici. Conqueritur ergo se nunc à Deo relictum esse, vel nullum haberi sui respectum, sicuti longe à nobis abesse videtur quoties eius auxilium vel gratia re ipsa non apparet. Hoc autem nobis pro sua indulgentia concedit Deus, vt ipsum accelerare optemus ad opem nobis ferendam: vbi de mora còquesti sumus, ne votum nostrum vel dolor ultra metas erumpat, permittendum esse Dei arbitrio, ne aliter maturer quam visum fuerit.

5 *Conuertere Domine, eripe animam meam: saluum me fac propter misericordiam tuam.*

6 *Quia nulla in morte memoria tui: in sepulchro quis confitebitur tibi?*

5 *Conuertere Domine.* Sicuti absentiam Dei nuper defleuit, nunc postulat sibi dari signum eius præsentia. Nam in eo sita est nostra felicitas, si à Deo respiciamur. Putamus autem à nobis alienum esse, nisi pròbet se habere curam nostri. Vltimo in discrimine versatum fuisse tunc Dauidem, ex his verbis colligimus, dum & animâ suam eripi quasi ex mortis faucibus, & se in salutem restitui præcatur. Morbi tamen nulla sit mentio: idèoque de genere afflictionis indicium suspendo. Caterùm rursus confirmat Dauid quod secundo versu attigerat de misericordia Dei: nempe liberationem se nò aliunde quàm ab ipsa sperare. Quare nunquam miseriis suis remedium inuenient homines, donec propria merita, quorum fiducia se decipiunt, obliui, ad gratuitam Dei bonitatem confugere didicerint.

6 *Quia nulla in morte.* Postquam omnia gratis in nos contulit Deus, nihil vicissim exigit, nisi vt simus beneficiorum suorum memores. Ad hanc gratitudinem refertur quod dicit Dauid, nullam in morte fore Dei memoriam, in sepulchro nullam fore eius laudem. Nâ intelligit, si fuerit eius gratia à morte seruatus, gratum se ac memorem fore. Deplorat autem hanc sibi facultatem ereptum iri, si fuerit è medio sublatus: quia amplius non versabitur inter homines, vt Dei nomen celebret. Porro hinc perperam & inscitè quidam colligunt mortuos carere omni sensu, nec

vllum in ipsis vigere: quia non nisi de mutua gratia Dei prædicatione agitur in qua te viui homines exercent. Scimus enim ideo nos in hac terra locatos esse vt vno consensu & ore Deum laudemus, huncque esse vitæ nostræ finem. Nunc quamuis mors finem afferat talibus preconiis, non tamen sequitur, fideles animas corporibus exutas priuari intelligentiâ, vel nullo tangi Dei affectu. Adde, quòd in morte ipsa Dei iudiciû apprehēderat Dauid: quòd eum obmutescere cogebat, quoad laudes Deo canendas. Nam quû sola Dei bonitas sensu percepta, os nobis ad eum celebrandum aperiat, vbi ablata est hilaritas, laudes quoque cessare necesse est. Quare nihil mirum si ira Dei, quæ nos terrore absorbet, laudes eius extinguere dicatur. Atque hinc soluitur altera quæstio, cur Dauid mortem tantopere exhorruerit, quasi extra mûdum nihil spei residuum foret. Docti viri, tres causas numerant cur Patres sub Legè tâto constricti fuerint mortis metu: nempe quòd gratia Dei nòdum Christi aduentu patefacta non nisi obscuræ promissiones tenuem futuræ vitæ gustû dabant. Deinde, quòd præsens vita, in qua se Deus Patrè declarat, per se sit optabilis. Tertio, quòd anxii erant ne qua post suum discessum accideret in religione mutatio. Atqui mihi non satis solidæ videntur ista rationes. neque enim semper idem timor Dauidis animum occupauit: vt pòre qui satur dierum, animam in sinum Dei pla-



eidē suo tempore deposuit. Secūda autem ratio nobis hodie esset cum vetustis Patribus communis: quando magis illustribus documentis paternus Dei erga nos amor etiam in hac vita refulget. Ego verò (vt nuper dixi) in hac querimonia Davidis aliud considero: nem-

pe quòd Dei ultoris manum sibi aduersam instare sentiens, metu obruitur, vt ferè obstupefeat. Idem & de Ezechia dicendum, quòd non simpliciter mortem, sed iram Dei, & quidem non vulgarem, fuerit deprecatus, Ies. 38, 3.

7 *Laboravi in gemitu meo, natum faciam per singulas noctes lectum meum: lacrymis meis culcitram meam madefaciam.*

8 *Caligavit præ indignatione oculus meus: cõsensit in persequentoribus meis.*

Ququam hyperbolicae sunt loquutiones, non tamen poetice amplificat David suum moerorem, sed verè & simpliciter, quàm durus acerbisque fuerit, declarat. Nam semper illud tenendum est, non fuisse corporalibus malis tam grauitè vulneratum, sed quòd Deum sibi infestum cogitans, quasi apertos inferos cernebat: quæ tristitia alias omnes superat. Atque vt quisque syncerè Deo addictus est, eius ira durius percellitur. Quo factum est vt sancti rara aliàs fortitudine præditi, tenerrimam mollietiam hac in parte ostenderint. Nec aliud nos impedit, quàm carnis nostræ stupor, quo minus in nobis experiamur quod David in se describit. Qui verò mediocriter experti sunt quid sit certare cum formidine æternæ mortis, nullum in his verbis excessum

reperient. Quare sciamus Dauidem cõscientiæ suæ terroribus afflictum, non vulgari modo seipsum cruciasse, sed fere iacuisse exanimem. Quod ad verba spectat, oculum sibi caligasse dicit: quia & animi dolor facilè ad oculos penetrat, & illinc se maximè profert. Quia verbum *פָּנָיו* pro quo reddidi Cõsensui, interdum significat recedere è suo loco: nonnulli exponunt, euasisse vel fugisse oculorum aciem. Alii intelligunt, tumore, qui ex fletu nascitur, absconditos fuisse oculos. Mihi tamen primum illud simplicius visum est, quòd queratur David, quasi senio deficere oculos. Quòd addit *per singulas noctes*, hinc colligimus quasi longo dolore contabuisse, & tamen nunquam destitisse à precibus.

9 *Discedite à me omnes operarii iniquitatis: quia audiuit Dominus vocem fletus mei.*

10 *Audiuit Dominus deprecationem meam, Dominus orationem meam suscipiet.*

11 *Pudefiant & turbentur omnes inimici mei, retrocedant & pudefiant repente.*

Postquam dolores suos & molestias exoneravit David in sinum Dei, nunc quodammodo induit nouam personam. Porrò, non dubium est quin diuturno langore confectus fuerit, antequam ad hanc fiduciam emergeret: quia nuper vidimus multas ab eo noctes in continuo fletu consumptas fuisse. Nunc quò molestius ei fuit moræ tardium, alacrius ad canendum triumphum sese excitat. Sermonem verò in aduersarios dirigēs

significat hanc non fuisse vltimam partem temptationis, quòd impii homines tanquam perditio & desperato insultabant. Scimus enim quàm insolenter se efferat eorum superbia & crudelitas contra Dei filios, vbi cruce oppressos vident. Et huc eos Satan impellit, vt ad desperationem adigat fideles, dum spem suam ludibrio haberi vident. Caterùm, docet hic locus gratiam Dei piis vnica esse vitæ lætæ: simulac aliquod iræ suæ

signum dedit Deus, non modò expauescere, sed ferè demergi in tenebras mortis. rursus vbi Deum propitium agnoscent, vitam illis proinus restitui. Notandum autem quòd ter repetit Dauid, exauditas fuisse suas preces: quo testatur liberationem se Deo ferre acceptam: & in hac fiducia se confirmat, quòd non frustra se ad Deum conuertit. Atque ita statuere oportet, si quem ex precibus nostris fructum percipere volumus, non fuisse surdas Dei aures ad vota nostra. Per vocem *stetus* non modò vehementiam & ardorem designat, sed innuit se luctu & flebilibus queri-

moniis fuisse occupatum. Notanda quoque est confidenria & securitas Dauidis, quam sibi ex Dei favore sumit. Nā hinc docemur, nihil esse in toto mundo quod non despicere liceat, si persuasi sumus nos à Deo amari. Et simul tenemus quid valeat paternus erga nos eius amor. Per adueibium *repente* significat, vbi deplorata videtur piorum salus, præter spem Diuinitus ipsos eripi. Nam dum res confusas in latum statum subito Deus conuertit, eò magis illustrat, & admirabilem reddit suam potentiam.

### ARGVMENTVM PSALMI VII.

*David iniqua calumnia grauatus, Deum sibi patronum ac vindicem aduocat, eique tuendam commendat suam innocentiam. Ac primum quidem testatur se non male consciur sibi esse. Deinde ostendit magnè se ferre ad Dei gloriam, ut iudicium contra impios exerceat. Tertio, ut se ad fiduciam animet, Dei bonitatem & iustitiam sicum reputat, & promissionem in medium proponit. Postremo quasi voti compos, hostium suorum stultitiam & irritos conatus deridet: mōdò Dei auxilio fretus, sui promissis, quicquid machinati fuerint in eorum perniciem cessurum.*

*Psalmus VII.*

**S**iggaion Dauidis, quod cecinit Iehoua super verbis Chus filij Iemini.

De voce Siggaion non consentiunt inter se Hebræi interpretes. Quidam enim pro musico instrumento accipiunt. Aliis videtur esse concentus ad cæmen modulandum. Alii putant initium fuisse tritæ cantilenæ, ad cuius modulos Psalmum hunc Dauid cantari voluerit. Alii Hebræicum nomen Latine oblectationem reddunt. Mihi secunda opinio videtur maxime probabilis, certā fuisse melodix, vel cantici speciem: ac si quis vel Sapphicum, vel Phaleucium cæmen dicat. Sed ego de re leuissimum non contendo. Porro, quòd Psalmus fuisse compositus dicitur super verbis Chus, mihi non placet (quod vulgò tamē receptum est) per Verba negotiorum intelligi. Fateor quidem Hebræis vsitatam esse loquendi formam, ut Verbum pro re vel causa sumatur: sed quia paulò post exprimit Dauid falsi criminis inuidia se fuisse grauatum, non dubito quin de ipsa delatione vel calumnia hic loquatur, cuius authorē, vel certè ministrū fuisse

interpretor Chus, aliquē ex consanguineis Saulis. Neque enim satis firma ratione mouentur quidā, ut Saulē obliquē sub nomine alieno perstringi dicant. A vero nomine secundum ipsos, ideo abstinuit Dauid, ut regis dignitati parceret. Plurimū (fateor) apud ipsum valuit sacræ vnctionis reuerētia. Sed quā alibi disertē Saulē nominet, vbi nō minus acriter in eum inuehitur, nec minus atro carbone eū depingit, cur hic potius eius nomē suppresserit? Meo itaque iudicio, hic sine figura proprio nomine exprimitur improbus delator, qui Dauidi odiū ex ficto crimine cōstauerat: siue à Rege fuerit subornatus, siue fauorē captās, ultro Dauidē calūniatus fuerit. Scimus enim Dauidē vulgò magna infamia flagrasse, quasi in Regē & socerum suum ingratus ac perfidus fuisset. Quamquam autem Saul ex familia Iemini fuit, nihil tamen absurdi erit, si dicamus vnum ex eius cognatis Dauidem falsò accusasse.

2 *Iehoua Deus mi, in te confido, serua me ab omnibus persequentibus me, & libera me.*

3 *Ne forte rapiat tãquam leo animam meam: discerpatur, & non sit qui liberet.*

Initiò multos sibi hostes esse dicit: secundo autem versu vnum quempiam singulari numero designat. Et certè quò omnium animi in eũ accensì forèt, meritò ab omnibus suis persequutoribus eripi petiit. Sed quia impia Regis crudelitàs, instat facis, cõtra hominem innoxium totius populi odia inflàmabat, meritò etiam peculiariter in ipsum, sty-lum cõuertit. Ita primo versu se describit qualis erat: secundo autè versu fontem, vel causam mali ostendit. Porro, quòd præfatur Deo se confisum esse, in hoc verbo magna subest emphasis. Est quidem præteriti tẽporis, idèoque propriè vertendũ esset, In te confisus sum: sed quia tẽpora verborum subinde mutantur apud Hebræos, malui vertere

Confido: præsertim quum satis constet, cõtinuũ (vt loquuntur) actum notari. Neque enim fiducia iactat Dauid, à qua iã exciderit, sed quã constanter fouet in suis angustis. Atque hæc vera est fidei nostræ probatio, quum rebus aduersis afflicti, in Deo tamen sperare non desinimus. Hinc etiã colligimus, clausam esse precibus nostris ianuam, nisi eam clavis fiducia aperiat. Nec superuacuum est, quòd Iehouã appellat Deum suum, sed hoc velut aggere opposito, tẽrationum fluctus repellit, ne fidem suam obruant. In secundo versu, leonis similitudine Saulis sæuitiam amplificat, quo propensior sit Deus ad opem ferendam: sicuti hoc sibi munus vendicat, miseris oues e faucibus luporum eripere.

4 *Iehoua Deus mi. si feci istud, si est iniquitas in manibus meis:*

5 *Si rependi pacem mecũ colenti, malum: & non eripui qui me affligebat sine causa:*

6 *Prosequatur inimicus animam meam, & comprehendat: & prosternat in terrã vitam meam, & gloriam meam in puluere detineat. Selah.*

4 *Iehoua Deus.* Hic Dauid, vt sibi Deum conciliet, se iniustè & nullum ob crimen vexari testatur. Et quo plus vehementiæ habeat testimonium, imprecatione vitur. Nam si quid deliquit, paratum se esse dicit ad subeundam noxã: imò sese ad grauissima quæque supplicia offert, nisi ab eo crimine prorsus immunis sit, cuius eum ferè conuictum omnes putabant. Quia autem non alia lege optat sibi à Deo succurri, nisi comperita fuerit sua integritas, docet nos suo exemplo, quoties ad Deum cõfugimus, dandam in primis esse operam vt probe nobis simus conscii de causã nostræ iustitiæ. Magnã enim ei iniuriã facimus, si eum accersere velimus malæ causæ patronum. Pronomen *istud*, de re vulgò notã eum loqui significat. Vnde colligere licet, calumniam quæ à Chus profecta erat, lōgè latèque sparsam esse. Quum autem iniustus hominum præ-

iudiciis damnatus, nihil remedii in terra cerneret, sese ad Dei tribunal recepit: ac satis habuit, coram celesti iudice suã innocentia assertere. quod pios omnes imitari decet, vt cõtra peruersos ru mores vnicò Dei iudicio contenti sint. Clarius deinde proficitur nullum à se commissum fuisse crimen. Tãdem duas species commemorat, quòd iniuriã nullam intulerit: quum potius studuerit hostes suos iuare, à quibus tamen sine causa latus fuerat. Sic autem resolu quatum versum, Si quem in pace lacefui, ac non potius supplicia tuli indignis qui me gratis persequuntur. Nã quum vulgò exosus foret Dauid, acti regnandi cupiditas eum ad perfidã detectionem impulsit, & struendas Sauli insidias, cui obstricta erat eius fides: priore membro ab illa infamia se purgat. Ideo forte Saulè vocat peccatũ suũ, quia iure regio sanctus ac tutus esse de-



bebat, ne quid hostile in eum tentare fas esset. Quanquā potest hoc nomē indefinite accipit: acsi dixisset, Nemo qui modestē se ab iniuria continuerit, ac se humaniter erga me gesserit, vere queretur se fuisse vllō meo maleficio offensum. Et tamen ita vulgō persuasū erant de Davide, in media pace eum mouisse graues turbas, & causam dedisse bello. Vnde melius apparet, modō probetur Deo, in hac sola consolatione acquiescere. In secunda parte versus longius progreditur, nempe quod non tantū bonis amicus fuerit, sed etiam improbis: nec tantū se colubauerit ab omni vindicta, sed opem tulerit inimicis, à quibus graues iniurias perpeffus erat. Et certe non admodum præclara virtus esset, bonos & placidos amore prosequi, nisi in malis quoque patienter ferendis moderatio & æquitas accederet. Vbi verò quispiam non modō acceptas iniurias retaliat, sed malum beneficentia vincere conatur, verum specimen Diuinæ virtutis exhibet. atque hoc modo vnum se ex filiis Dei esse demonstrat, quia non nisi à Spiritu adoptionis talis māluerudo procedit. Quod ad verba spectat, quia פְּהַלֵּל diuidere significat, quidam vt nihil subaudiant, ita exponant hunc locum, Si ego me subdixi à persecutoribus quin suppetias

illis ferrem. Receptior tamen est altera interpretatio, vt sit eripere vel eruere à periculo: quia separamus quæ volumus in tuto locare. Ita subaudienda erit negatio: quod in Psalmis non rarō fieri videbimus.

6 *Persequatur inimicus.* Magnum optimæ fiduciæ signum, quod nullam quantumvis atrocis pœnæ speciem recusat David, si in maleficio deprehensus fuerit. Talem conscientiam si possemus coram Deo asserere, promptior ad ferendum statim nobis auxilium esset eius manus. Sed quia sæpe fit, vt qui nos infestant, prouocati à nobis fuerint: vel quia offensi ardemus studio vindictæ, indigni sumus, quibus Deus succurrat: imò ianuā nostrā intemperies precibus nostris claudit. Primum David hostium libidini subiici paratus est, vt vitam suam comprehendant, & prosteruant in terram: deinde prostium eorum ludibrio, vt etiā mortuus aternæ ignominie subiaceat. Quāquā nomē יְיָ quidam pro vitā sumi volunt, vt ter idem repetat. Sed mihi plenior videtur fore sensus si referas ad memoriā: acsi dixisset, Non modō me hostis perdat, sed mortuum quoque afficiat probris omnibus, vt nomen meum in luto vel stercore habuerit.

7 *Surge Iehoua in furore tuo, euehere in hostium meorum indignationibus, & erigila super me ad iudicium quod mandasti.*

8 *Et congregatio populorum circundabit te: & propter hanc in excelsum reuertere.*

9 *Iehoua iudicabit populos: iudica me o Iehoua secundū iustitiam meam, & secundum integritatem super me.*

7 *Surge Domine* Hostium suorū indignationibus iram Dei opponit, atque idem nobis in simili rerum nostrarum statu agendum. Nam dum ardent impii, & ad nos perdendos furoris sui flammās proliciunt, rogandus est Deus vt ipse quoque incalcescat: hoc est, re ipsa ostendat non minus sibi esse reli & potentia ad nos ferendos. Surgendi verbum metaphorice sumitur pro Cō-

scendere tribunal, vel se accingere ad resistendum: quia dormire videtur Deus quandiu auxilium suum differt. Ideo rogat etiam paulō post David vt experiscatur: quia hoc instar obliuionis erat, nūserum & oppressum omni ope destituere. In fine versus ostendit, se nihil petere nisi ex Dei præscripto. Atque hæc nobis in precibus tenenda est regula, vt vota nostra formemus ad eius volum-

voluntate, sicuti etiam Iohānes admonet, 1. Ioh. 5. 14. Nec sane aliter ex fide incipitur oratio, nisi dum in primis respiciamus quid Deus præcipiat, ne temere vel fortuito profiliant animi nostri ad appetendum plusquam licet. Dauid ergo ut ritè precetur, in verbum Dei & promissionem recumbit: ac si diceret, Domine non me aliqua ambitio, vel stultus impetus, vel prauum desiderium impellit ut inconsideratè petam quicquid carni meæ arri det: sed mihi præluet verbum tuum, cui securè innitor. Nam quum Deus ultro ipsum vocasset ad spem regni, eiusdem partes erant seruum, quem deligerat, tueri & asserere. Itaque perinde est ac si dixisset, Quum ego priuata sorte contentus essem, tibi placuit me Regem creare: nunc ergo tuum est causam hanc suscipere contra Saulem & eius asseclas, qui tuum decretum euertere moluntur, dum me oppugnant. Verbum עוֹרָרָא posset etiam transituè accipi pro Engere, vel stabilire Dauidi ius suum. Summa tamè huc redit, quòd Dei vocatione fretus, manum sibi ab eo porrigi cupit. Ideoque fidelibus cauendum est, ne has metas excedant, si Dei præsidium sibi adesse cupiunt.

8 *Et congregatio populorum.* Quidā locum hunc ad populum Israeliticum restringunt, ac si promitteret Dauid, simulac in regni solium euectus foret, se operam daturum vt populus antea dissipatus, iterum coalesceret in purū Dei cultum. Nam sub Saule vel neglecta fuerat religio, vel tanta scelerum licentia grassata fuerat, vt pauci ad Deum respicerent. Ergo secundum illos Interpretes sensus est, Domine vbi Regem me constitueris, totus populus ex vaga confusaque alienatione in viam redibit, vt agnoscant omnes te in medio sui præsidere, teque vt Regem vnicum adorent. Sed hoc potius communiter de multis populis dictum accipio. Fructū enim liberationis suæ hic commendat Dauid: quia longè latèque patebit eius fama: ac si dixisset, Domine regnum mihi asserendo, non priuatim modò beneficium hoc conferes in meam personam, sed cōmune multis populis documentum erit iusti tui iudicii, vt oculos

conuertant ad tuum tribunal. Alludit enim Dauid ad coronam populique Regem suum in solenni conuentu circumdat. In eundem sensum continuò post subiicit, vt Deus qui ad tempus in silentio iacuit, in sublime se attollat, vt gloriam suam conspicuam reddat non vni vel alteri, sed totis populis. Subest enim tacita comparatio, etiam si vnus hominis ratio habenda non sit, esse tamè cōsentaneum vt Deus mundum in metu & reuerentia iudicii sui contineat.

9 *Dominus iudicabit populos.* Pendet hæc sententiā ex proximo versu. Precatus fuerat Dauid vt Deus se populis iudicem ostenderet: nunc sumit hoc pro certo & confesso, proprium esse Dei munus iudicare populos. Nam futurū verbi tempus, vt in generalibus sententiis, continuum actum denotat. Neque hic de populo vno tantum loquitur, sed cūctas gentes comprehendit. Nam quia Deum agnoscit totius mundi iudicem, inde postea ratiocinatur, causæ suæ & iuris assertorem fore. Atque hoc nobis, quonies deserti oppressique videmur, in memoriam redire debet, quia Dei est mundum gubernare, nequaquam posse fieri vt munere suo se abdicet: nihilo scilicet magis quàm vt abneget se ipsum. Ex hoc fonte, quantumuis longa malorum series nobis incumbat, fluet perennis consolatio: quia turò colligere licebit, tutāque nostrā innocentia illis fore curam. Absurdum enim foret, eum qui multis populis præstet, bonū vnū negligere. Neque enim idem quod terrenis iudicibus, illi contingit, vt in magnis & publicis negotiis occupatus, priuatas causas negligat. Porò iterum suā integritatem in medium profert, ne videatur, sicuti solent hypocritæ, falsò Dei nomen obidendere. Nam quia personas Deus non accipit, non nisi ex causæ bonitate sperandum est vt stet à parte nostra, nobisque faueat. Sed queritur quomodo suam integritatem iactet coram Deo Dauid, qui alibi deprecatur eius iudicium. Solutio facilis est, quia hic non agitur quomodo respondeat, si exigat ab eo Deus totius vitæ rationem: sed se hostibus suis comparans, non frustra se eorum respectu iustum esse asserit. Vbi autem pro se quisque Sando-

rum in Dei iudicium prodit, longè dis- asy lum superest in misericordia Dei.  
 Versa est ratio: quia tunc vnicum illis

10 *Cesset quæso malitia impiorum, & dirigas iustum, qui probans corda & renes Deus iustus.*

11 *Clypeus meus super Deum, qui seruat rectos corde.*

12 *Deus indicans iustum, & contemptorem Dei quotidie.*

10 *Cesset quæso.* Iniriò precatur vt Deus impiorum malitiæ modum & finem imponat. vnde sequitur, diuturnam non exigui temporis fuisse crucem. Aliis potius videtur dira esse imprecatio, qui verbum **Q**ui transitiuè accipiunt pro Perdere vel consumere. Ita secundum eos optat Dauid, vt malum quod concipiunt impij, Deus in ipsorum capita retorqueat. Mihi tamen simplicius illud videtur, vt Dauid suis molestiis exitum dari postulet. idèoque votum à fine mox sequitur, vt Deus *iustum* vel *dirigat*, vel stabiliat. Num verous modo legas, parum interest. Sensus enim est, vt Deus iustos iniuste oppressos restituat & fulciat: vt constet eos Diuinitus in suo statu manere. *Quia probans corda.* Copula hoc loco non ineptè in causalem particulam resoluitur. Neque enim dubium est quin addita ratione precationem suam confirmet Dauid. Quæquam autem iam tertio ostendit se bonæ conscientie testimonio fretum audacter ac cedere, plus tamen exprimit quàm antea, quòd non externis tantum operibus integer extiterit, sed arcano etiam cordis affectu puritatem coluerit. Ac videtur fiduciam hanc, hostium suorum insolentia opponere, à quibus probabile est tales calumniarum nebulas fuisse in vulgus sparsas, vt miserum hominem cogerent *cor & renes* suos Deo in examè offerre. Fieri etiam potest vt fucofos illis prætextus excutiat, quibus satis habebant, homines decipere. Ostendit enim licet theatri plausum tulerint, hoc nullius esse momenti: quia mox ad Dei tribunal venturi sint, bi non de titulis, vel externo splendore operum, sed de cordis integritate erit cognitio.

11 *Clypeus meus.* Non mirum est quòd subinde precibus meditationes permiscet Dauid, quibus se ad fiduciam apimet. Quantumuis enim alacriter ad

Deum feramur, statim labascit, vel ad languorem inclinat ardor noster, nisi vires nouas colligat. Ergo vt eodem tenore preces suas continuet Dauid, sententias sibi ex communi pietatis doctrina suggerens, fidem suam fouet atque etiam excitat. Dicit autem, quia Deus *rectos corde seruat*, se eius præsidio satis munitum esse. Vnde sequitur, rectè sibi fuisse consciùm. Quum autem non iustos simpliciter, sed rectos corde dicit, videtur ad interius illud cordis & renum examen respicere.

12 *Deus indicans.* Alii legunt, Deus iudex iust & Despirascitur quotidie. Quam autè huc quoque sensu verba admittunt, quia tamè in priore plenior est doctrina, libenter eam sequutus sum: sicuti & doctissimis quibusque magis probari video. adde quòd ad præsentem causam melius quadrat. Quia enim hoc suis maledictis adepti erant Saul & similes, vt Dauidem totus ferè populus damnaver, hac se vna spe pius vir sustentat, quòd Deus, rebus in mundo confusis, discernit tamen inter iustos & impios. Itaque à peruersis hominum iudiciis ad eum prouocat qui falli nunquā potest. Quæritur tamen quomodo quotidianum iudicium Deo tribuat, quem videmus penas in longum tempus sape differre. Et certè Scriptura non abs re eius *propheta* prædicat. sed quanquam non statim iudicia sua exequitur, quia nullū tempus est, imò nullus dies præterit, quo non certis documentis probet, quæ permista sunt in mundo, à se discerni: fixum hoc manet, nunquam eum ab officio suo cessare. Quisquis enim oculos attollet ad considerandum mundi regimen, clarè videbit, patientiam Dei longè à conuiuètia differre: certè fideles de die in diem ad eum intrepidè confugient.



13 *Nisi conuersus fuerit, gladium suum acuet: arcum suum retendit, direxit illum:*

14 *Et ei parauit vasum mortis, sagittas suas persequentibus aptabit.*

15 *Ecce parturiet iniquitatem, & concepit prauitatem, & pariet mendacium.*

13 *Nisi conuersus.* Hi tres versus duobus modis exponi solent. Quidam enim putant, si perrexerint hostes Dauidis in sua malitia, denuntiari vindictam quam meretur eorum obstinatio. ita in secundo membro nomen Dei subaudiunt: ac si dictum esset, Si non respiciat hostis meus, sentiet tandē Deum suis armis instructum esse ad tuendam iustorum salutem. Si hoc modo accipias tertius versus erit causę redditio: quia impii quum meras violentias concipiāt, parturiant iniquitatem, & fraudes pariant, rectā Deum impetunt, & ex professo in certamen prouocant. Sed rectius (meo iudicio) alii vno contextu legunt istos duos versus: quanquam ne illi in exprimenda mente Dauidis mihi satisfaciunt. Neque enim dubito quin Dauid horribiles hostium conatus referens, Dei gratiam hac descriptione magis illustret. Nā quum validis copiis & armorum apparatu muniti, furiose in eum irruerent, nihil nisi exitium sperantes, quis nō dixisset de ipso actum esse? Subest autem ironiæ species, dum sibi mortis formidinem ab ipsis proponit. Nam tantundem est ac si dixisset, Nisi animi propositū mutauerit hostis meus, vel impetum suum ac vires aliō conuerterit, quis impediet quominus sub eius manu peream? Nam quum illi arma suppetant, eadem meam modis omnibus machinatur. Saulem verò propriē designat, ideoque dicit sagittas aptasse persequentoribus: quia multos ad manū habebat satellites, qui operam suam libenter ad perdendum Dauidem locassent. Propheta igitur consilium fuit, ex periculi magnitudine ingentem Dei gratiam extollere. Conuersio hīc non pro resipiscencia, sed tantū pro diuersa voluntate accipitur: ac si dixisset, fuisse in arbitrio hostis, quicquid dictasset li-

bido, perficere. Vnde melius apparet quā admirabilis fuerit quæ repente præter spem sequuta est mutatio. Quum dicit Saulem parasse arcui suo instructa mortifera, significat nihil me diocre agitasse, sed illi fuisse decretū lethaliter vulnerare quē petebat. *וְיִפְחֹת* Ardentes quidam vertunt, quia hæc quoque verbi significatio est apud Hebræos: sed præsentī loco magis conuenit quod reddidi. Conqueritur autem Dauid. sibi non ab vno tantū homine fuisse timendum, sed à magna turba: quia Saul multos persequentores in hominem miserum & profugum armabat.

15 *Ecce parturiet.* Hactenus quā formidabile instaret discipulus, exposuit Dauid: nunc superbos conatus Saulis cum magnifico apparatu deridens, irritos cecidisse prædicat. Aduerbio demonstrandi miraculum amplificat in re inopinata: Ecce, inquit, quum iniquitatem enixus fuerit, sicuti molestiam conceperat, demum exiit inanis flatus ac vanitas: quia Deus praua eius consilia frustratus est. Iniquitas & molestia pro quibusuis iniuriis sumuntur, quas Saul Dauidi inferre cōgitabat. Quanquam autem in verbis ordinem esse inuersum putant quidam Interpretes, quia parturire antē ponitur, quam concipere: ego tamen existimo gradus apte fuisse distinctos, modò ita resoluas, Ecce iniquitatem parturiet, quia molestiam concepit. hoc est, sicuti pridem apud se meditatus est mihi perniciem, ita inferre conabitur. Postea addit peperisse mendacium, quia spe sua deceptus fuerat: quemadmodum Iesaias 26. 18, dicit, ventum parere incredulos, quorum praua audacia nō respōdet euentus. Quæ tunc ergo videbimus impios de nobis perdēdis cōsilia coquere, nobis in mētē

Veniat ipsos sibi mentiri. Ceterum patenter feramus, si usque ad partum non appareat frustratio.

16 *Puteum fodit, & effodit eam: & cecidit in foveam quam fecit.*

17 *Conuertetur prauitas eius in caput eius, & super verticem eius violentia eius descendet.*

Hic David non tantum successu caruisse dicit impias machinationes, sed mirabili Dei providentia in contrarium finem versas esse. Id metaphoricè primum canit, similitudinem putei & foveæ usurpans: deinde sine figura idem simplicibus verbis pronuntiat, quod scilicet iniquitas redierit in caput auctoris. Non dubito autem quin prouerbialis fuerit apud Hæbræos loquendi forma, quisquis puteum fodisset, in eum caderet: quò notare vellent dolosos homines inuidiis suis ac fraudibus capi, vel necis artifices arte perire sua. Duplex autem est huius doctrinæ usus. nā qui-

buscunque nocendi artibus polleant hostes nostri, sperandus est hic exitus quem Deus promittit, ut seipso proprio gladio confodiant. neque enim hoc fortuitum est, sed malum quod innoxiiis intendunt, Deus arcana manus suæ directione in eorum capita retorquet. Rursum si quando nos carnis libido ad lædēdos proximos, vel ad prauum aliquod facinus nos instigat, succurrat hæc Dei ultio, Qui foveam aliis parant, in eam deiici. Ita fiet ut quantum sibi quisque, suæque saluti consulere vellet, ab omni se cohibeat iniuria.

18 *Celebrabo Iehouam secundum iustitiam eius: & canam nomini Iehouæ excelsi.*

Quia in hunc finem suos Deus liberat ut sacrificia laudis ei vicissim rependant, David hic pro accepta liberatione se gratum fore promittit: & simul cōfirmat quòd elapsus esset à morte, hoc minime esse dubium vel obscurum Dei opus. Neque enim verè & ex animo salutis suæ laudem Deo ascriberet, nisi seriò persuasus esset, aliter se quam humanitus fuisse seruatum. Quare non modò debitam suo liberatori gratitudinem promittit, sed summam

affirmat quod recensuit toto Psalmo, se vitam Dei gratiæ debere, quia nō passus esset sibi à Saule eripi. Iustitia Dei hoc loco pro fide accipitur quam seruis suis præstat in tuenda eorum vita. Neque enim iustitiā suam Deus intus absconditam tenet, sed eam profert in vsum nostrum, dum nos contra omnem iniustam vim defendit, ab oppressione liberat: & quanuis à scelestis hominibus oppugnemur, seruat tamen incolumes.

#### ARGVMENTVM PSALMI VIII.

David patet nam Dei erga humanum genus beneficentiam reputans, simplici gratiarum actione non contentus, in admirationem eius rapitur.

1 *Præfetto super Haggithith canticum Davidis.*

2 *Iehoua Domine noster, quàm admirabile est nomen tuum in tota terra, ad ponendum decus tuam supra calos.*

An חתנא musæum instrumentum significet, an modulationis speciē,

an verò celebris ac noti carminis initium, ego incertum relinquo. Nam qui Psalmum

Psalmi ita vocari putant, quòd in vrbe Gath fuerit compositus, coactam expositionem nimis procul accersunt. Ex tribus verò primis sententiis quam eligas, non magni interest. Quid verò contineat Psalmus ipse, & quorsum spectet, præcipuè videndum. Proponit quidem sibi Dauid ante oculos miram Dei virtutem & gloriam in toto mundi opificio & gubernatione: sed hanc partem leuiter tantum perstringens, in consideratione summæ erga nos bonitatis insistit. Et certè quanquam in toto naturæ ordine amplissima occurrit celebrandi Dei materia, quia tamen propria experientia magis afficimur, non abs re ex professo specialem ergo humanum genus gratiam Dauid commendat: quia hoc est maximè illustre speculū in quo perspicere licet eius gloriam. Mirum tamen est cur ab exclamatione incipiat, quum res ipsa prius narrari soleat, quàm extolli eius magnitudo. Atqui si tenemus quod alibi dicitur, non posse verbis exprimi Dei opera, nequaquàm mirum videbitur, Dauidem hac loquendi forma se fateri narrationi imparem. Quia ergo Dauid inestimabilem gratiam, qua Deus humanum genus dignatus est, secum expendens, sensus omnes suos absorbere sentit vel obrui, exclamat rem admi-

ratione dignam esse, quia verbis concipi non potest. Adde, quòd Spiritus sanctus qui Dauidis linguam direxit, non dubium est quin communem hominum torporem in illius persona exciter, ne immensum Dei amorem, & innumera quibus fruatur beneficia parce tantum & frigide suo more laudent: sed potius nervos omnes intendant ad hoc pietatis exercitium. Nam hoc epiphonema quo vsus est Dauid, declarat, vbi intentata ad hanc cogitationem fuerit tota humani ingenii facultas, longe infra subsistere. Nomen Dei hic positum esse interpretor pro celebri eius notitia, quatenus scilicet se nobis patefacit. nam arguta eorum speculatio mihi non placeat, quibus nihil aliud est Dei nomen, quàm Deus ipse. Nam hoc ad opera aut virtutes ex quibus cognoscitur, potius quàm ad essentiam referri debet. Terram ergo admirabili Dei gloria plenā esse dicit, vt decus eius supra caelos confcendat. Rectè enim (meo iudicio) verbum **יְיָ** quidam accipiunt in machor, hoc est, infinitiuo modo, pro Locare. Nam in secundo mēbro amplificatio est: ac si dixisset minorem esse terram, quàm vt decus vel magnificam Dei formā contineat. Atque hoc modo **יְיָ** non erit relatiuum, sed expletiuum vel exegeticam particulam valebit.

### 3 *Ex ore infantum & lactentium fundasti robur propter aduersarios tuos, ad profligandum inimicum & ultorem.*

Iam in ipsum argumentum quod tractandum suscepit, ingreditur: nempe quòd Dei prouidentia, vt se proferat in humano genere, non adultæ ætatem expectet, sed à prima vsque infantia clarè iam refulgeat quantum satis sit ad refellendos omnes impios, qui profano suo contemptu Dei nomen extinguere cuperent. Quòd quidem **יְיָ** tantundem ac **יְיָ** valere putant, absurdum est: quia emphasin qua vsus est Dauid, perperam dimittit. Sensus ergo est, Deum, vt prouidentiam suam commendet, non opus habere magna Rhetorum facundia, ac ne formato quidem sermone: quia mutas infantium linguas ad eam celebrandam satis promptas & disertas habeat.

Quæritur tamen quo sensu pueros gloriæ Dei faciat præcones. Stultè (meo iudicio) philosophantur, qui hoc fieri putant, dum pueri articulatè incipiunt loqui, quia tunc quoque vis animæ intellectiua apparet. nam vt demus, paruulos ad septennium vsque vocari, quomodo à mamma pendere fingent, qui distinctè iam loquuntur? Nihil melius conuenit allegoricè paruulos & lactentes sumi pro fidelibus, qui Dei Spiritu renati, nihil vetus sapiunt. Et quid attinet Dauidis verba torquere, quorum genuinus sensus tam aptè fluit? Paruulos & lactentes dicit satis validos esse patronos qui Dei prouidentiam asserant. Cur viris non mandat istas partes, nisi vt ostendat linguas



infantiles ansequam verbum effari queant, sonore tamen loqui quàm liberalis sit Deus erga genus humanum? Vnde enim statim ab utero egressis alimentum praelo est, nisi quia Deus mirabiliter sanguinem in lac transformat? unde etiam fugendi industria, nisi quia idem Deus arcano instinctu linguas eorum aptat? Ergo optima ratione David quantum cessent omnes viriles linguæ, os elingue infantium ad celebrandam, Dei laudem satis idoneum esse pronuntiat. Ceterum quòd paruulos nò solùm testes vel præcones Dei gloriæ inducit, sed eorum ori attribuit firmum robur, magna energia nò caret. Perinde enim est ac si dixisset inuidiosos esse Dei milites, qui totum impiorum exercitum, si ad conflictum ventum fuerit, facile dissipent ac proterant. Notandum enim est, contra quos infantibus mutus intungatur tuenda gloriæ Dei: nempe contra ferreos Dei contemptores, qui Gigantum more bellum calis indicare non dubitant. Quum ergo Cyclopes isti furioso impetu conuellant, ac peruertant quicquid est pietatis in mundo, suæque duritie cælum ipsum perfringere conentur, David per ludibrium in aciem puerorum ora educit, & satis validis armis instructa esse, ac fortitudine pollere dicit ad prosternendam eorum superbiam. Ideo mox subiicit, *propter aduersarios*. Neque enim forti potentia bellare necesse est Deo ad vincendos fideles, qui sponte vocem eius sequuntur, propensumque obsequium exhibent simul ac digito signum dederit. Fatcor quidem lucere Dei prouidentiam præsertim fidelium causa, quia soli oculati sunt ad eam spectandam. Verùm quia dociles se præbent, placide ipsos Deus erudit: contra hostes verò proprie se armat, qui nunquam nisi coacti cedunt. Quidam *Fundandi* verbum nimis restrictè accipiunt, quòd scilicet in ipso partu vel generatione hominis Deus gloriæ suæ fundamenta faciat. Ego enim pro stabilire positum esse non dubito, ac si dixisset Prophetæ, pro bellicosus & firmis copiis,

puerorum ora Deo ad perdendos impios sufficere. *Ad profligandum*. In verbo תַּשְׁחִיחַ variant Interpretes. Proprie est tacere cessare. nam est in coniugatione Hiphil à neutro תַּשׁ, quod cessare significat. Sed metaphorice plerumque sumitur pro Perdere vel redigere in nihilum: quia interitus finē affert. Alii vertunt, Vt compescas: quasi intelligeret David silentium illis imponi, vt maledicere vel obstrepere desinant. Sed quia ad hostile prælium plena gratiæ allusio est in hoc loco (vt nuper exposui) mihi verbum militare placuit, *Ad profligandum*. Sed quaeritur quomodo hostes suos profliget Deus, quorum sacrilega petulantia violenter contra omnia Diuinæ prouidentie exempla impingere non cessat. Respondet, non profligari quòd ad modestiam cogatur: sed quia cum suis blasphemis & canino latratu turpiter confusi iacēt. Summa est, à prima hominis generatione vel exortu ita conspicuum esse Diuinæ prouidentie fulgorem, vt infantes à matrum vberibus pendentes, eorum furorem prosternant: quia etiam si centies crepent, frustra robur quod in illa debilitate se profert, subuertere nituntur. Quanquam autem in omnibus incredulis regnat vlciscendi libido, sicuti Deus filios suos mansuetudinis Spiritu regit: tamen pro loci præsentis circumstantia hoc epithetum Prophetæ Dei contemptoribus attribuit, qui non modò truculenti sunt in homines, sed vesana rabie ad Deum quoque oppugnandum ardent. Quod ad explicandam Prophetæ mentem attinet, iam de functus sum fidi interpretis officio. Tantùm restat vnus scrupulus, quia videtur Christus Matt. capite 21. 16, testimonium hoc aliò trahere, dum id ad pueros decennes accommodat. Sed facilis solutio est, Christum à maiori ad minus ratiocinari: nihil scilicet absurdi esse si Deus, qui pueros adhuc infantes gloriæ suæ vindices constituit, postquam ad septem annos & ultra progressi sunt, præconium ex eorum linguis eliciat.

4 Quando video celos tuos, opera digitorum tuorum, lunam & stellas, quas concinnasti.

5 *Quid est homo, quod memor es eius, & filius hominis quia eum visitas?*

Quoniam particula **¶** apud Hebræos, tantundem saepe valet ac Latini Quia, & simpliciter affirmat, Græci ferè & Latini veteres scorsum legerunt quartum versum, ac si perfecta esset sententia: sed non dubium est quin sequenti conveniat. Itaque duos versus cōtexere necesse est. Rursum tamen Hebraicum illud **¶**, aduersatiuè exponi posset pro Quauis, hoc sensu, Tamen in cælesti machina incomparabilis Dei maiestas refulget, ac meritò in sui intuitu detinet hominum oculos: peculiari tamen modo gloriam eius in tam benigno, quo homines profequitur, favore spectari. nec sensus hic malè quadraret: sequi tamen libuit quod magis receptum erat. Caterùm ad notandum Prophetæ consilium attentos Lectores esse conuenit, nepe quod hac cōparatione ingentem Dei bonitatē amplificat: quia mirum sit cæli Creatorē, cuius tā sublimis gloria fursū nos in sui admirationē rapit, eoufque descendere vt curam generis humani suscipere dignetur. Atque hæc antithesis ex voce **¶** colligitur, quia hominem à fragilitate potius quàm virtute denominat. Videmus enim miseros homines in terra reptando, vilissimis quibusque creaturis esse permixtos, meritò itaque despicere posset eos Deus nullo loco dueere, si rationem haberet dignitatis. Ideo interrogatiuè eorum sortem extenuat Prophetæ, significans inde clarius perspicere mirificam Dei bonitatem, quod tantus opifex, cuius refulget in cælis maiestas, calamitosum hoc & nullius pretii animal, summa gloria ornare, & innumeris opibus locupletare velit. Neque enim, si in a-

nimo erat liberalitatem suam exercere, necesse ei fuit ex puluere & luto deligere homines, quos præferret aliis omnibus creaturis: quia suppetebat in cælis materia. Ergo quisquis non stupefcit ad hoc miraculum, plusquam ingratus & stupidus est. huc spectat quod celos vocat Dei, & opera digitorum eius. Quis sit enim vt ab illa tam nobili & præclara opificii sui parte egressus, ad nos vermiculos se demittat, nisi vt bonitatē suam magis illustret? Vnde etiam colligimus nimis perperā Dei gratia eos abuti, qui ex sua præstantia superbiendi ansam arripiunt. Quasi verò aut eam adepti sint propria industria, aut merito eam possideant: ac non potius sua eos origo admoneat, alioqui & sordidis prorsusque indignis esse collatā. Ergo quicquid in nobis honorificum cernimus, ad grauitum Dei fauorem celebrandum, sensus nostros excitet. In fine quarti versus, pro eo quod alii virtutem Præparare vel fundare, reddere visum est Concinnare. videtur enim respicere Prophetæ ad pulcherrimum ordinem quo Deus stellarum positum tam aptè distinxit, & cursum moderatur. Deum memorem esse hominis, tantundem valet, ac pater no amore hominē complecti, ueri ac fouere sub fide sua: & prouidentiam suam ad eum vsque extendere. **¶** quia omnes ferè Interpretes pro visitare accipiunt, nolui ab eis discedere, quū, sensus optimè cōgrueret. Quia tamē recordari interdū significat, & iteratio eiusdē sententiæ sub diuersis verbis frequēter in Psalmis occurrit, non incommodè ita vertetur, quasi dixisset, hoc mirum esse quod Deus assidue de hominibus cogitet

6 *Quia minuisti eum paululum à Deo, & gloria & decore coronasti eum.*

7 *Præfecisti eum operibus manuum tuarum: omnia posuisti sub pedibus eius.*

6 *Quia minuisti* Mihi dubium non fuit quin copula Hebraica **¶** in aduerbium causale mutata fuerit: quasi positum esset, Nam certè. confirmat enim quod nuper dixit de immensa Dei

gratia erga homines, quod scilicet illis se propinquum & eorum memorem ostendat. Ac primò quidem tot decoribus ornatos esse dicit, vt eorum conditio, Diuina & cælesti gloria non lon-

gè sit inferior. Deinde externum in omnes creaturas imperium & ius commendat. ex quo apparet in quàm altum dignitatis gradum eos Deus extulerit. Equidem non dubito quin præclaras dotes commendet, quæ declarant homines ad imaginem Dei formatos esse, & creatos ad spem beatæ vitæ & immortalis. Nam quòd ratione præditi sunt, qua discernant inter bonum & malum, quòd illis inditum est religionis semen, quòd mutua est inter eos communicatio, sacris quibusdam vinculis astricta, quòd inter eos viget honesti respectus & pudor, & legum moderatio: hæc non obscura sunt summæ & cælestis sapientiæ signa. Quare non immerito exclamat David, 'gloria & decore ornatum esse humani genus. Coronari enim, metaphoricè hic capitur, quasi dixisset vestitum esse & decoratum honoris insignibus, quæ non longè à Divino fulgore absint. Quòd **וְהָאֱלֹהִים** Græci verterunt Angelos, mihi non displicet. Certè nonnomen hoc sæpe ad Angelos transferri notum est, & verba Davidis perinde valere interpretor, ac si dixisset, parum abesse homines à Divino & cælesti statu. Quia tamen magis genuina videtur altera versio, & in eam ferè Hebræi consentiunt, eam sequutus sum. Nec obstat quòd Apostolus a d Hebræos 2.7, Ab Angelis, posuit, non autem, A Deo: quia scimus quàm liberè sibi permiserint Apostoli citare Scripturæ locos: non quidem ut torquerent in alienum sensum, sed quia illis satis fuit digito monstrare, quod docebant, Dei oraculis esse sancitum. Quare modò de summa rei constaret, verba mutare, nulla illis fuit religio. In no do altero soluendo plus est difficultatis. nam quum hic de præstantia hominum disserat Propheta, & dicat eos ad Deum propè accedere, Apostolus ad Christi exinanitionem trahit. Primò videndum est quid conveniat, quod de toto genere humano dictum est, Christi personæ aptari. Deinde quomodo exponere liceat, Christum fuisse immixtum in morte sua, dum sine forma & decore, sub crucis probro & maledictione quasi deformis iacuit. Ta-

metli verò sufficeret ad primam questionem soluendam, quod quidam dicunt, aptam & congruam esse anagogen à membris ad caput: ego tamen vltra progredior. quia non tantum omnis creaturæ primogenitus est Christus, sed humani generis instaurator. nam quæ hic recenset David, propriè ad creationis initium & integram naturam spectant. Porro scimus Adæ lapsu totum humanum genus à nativa sua origine excidisse: quia & propè deleta fuit Dei imago, & exuti fuimus præcipuis donis quæ nos quasi semideos factura erant: denique ex summa excellentia ad tristem sordamque inopiam redacti. Tali corruptione cessavit Dei liberalitas quæ hic David prædicat: saltem ut in puro suo nitore minimè appareat. Quamvis enim non prorsus extincta fuerit, quantula tamen portio inter miseras ruinas cernitur? Sed quia rursus donorum omnium plenitudinem cælestis Pater in Filium suum contulit, ut ex hoc fonte hauriamus omnes: iure in eum primo gradu competit quicquid per ipsum nobis Deus largitur: imò ipse est via Dei imago, ad quam nos reformari oportet: vnde reliqua omnia dependet. Si quis excipiat, Davidem prius rogasse, quidnam est homo, quia tam liberaliter Deus in animal contemptibile & nullius pretii favorem suum effudit, talem non esse in Christo admirationis causam, qui non vnus quilibet est ex vulgo hominum, sed vnigenitus Dei filius, facilis solutio est, quod humanæ Christi naturæ datum est, esse gratuitum: imò hoc maxime illustre misericordiæ Dei speculum esse, quòd mortalis homo & filius Adæ, vnicus est Dei filius, & Dominus gloriæ, & Angelorum caput. Et simul notandum est quicquid donorum accepit, id eò magis gratuitum censeri, quia magis ad nos pertinet. Ergo præstantia eius & cælestis dignitas ad nos quoque extenditur, in quorum gratiam ea ditatus est. Quod de breui abiectione deinde tractat Apostolus, non est exegericū, sed *xar' inefficacius* ad suū institutū deflectit quod alio sensu dictū fuerat. Neque enim dubitavit Paulus Rom. 10 6, hoc modo per amplificatio-



reornare Moſis verba, vbi dicit, Quis aſcendet in cælum, &c. Deut. 10. 12. Non ergo tantum ſpectauit Apoſtolus quid Dauid ſenſiſſet, verum ad nomen *diminutionis & decoris* alludens, illam in morte Chriſti, hoc in reſurreccióne conſtituit. Eodem ſerè accedit expoſitio illa Pauli, ad Ephēſios capite 4. 8, qua locū Pſalmi 68. 19, non tam interpretatur, quàm pia deflexione ad Chriſti perſonam accomodat.

7 *Præſeſti eum.* Iam ad ſecundum illud quod nuper attingi, caput deſcendit: hinc ſcilicet conſtare quanto amore complexus fuerit Deus homines, & quanti eos fecerit, quum illis dominium contulit rerum omnium. Nam quum ipſe nulla re indigeat, in illorum vſus deſtinauit omnem cæli & terræ opulentiam. Karus certè & incomparabilis honor, quòd mortalis homo vice Dei in mundo tanquam ſuo iure dominatur: & quocunq; ſpectat oculos, videt nihil ſibi ad beatam vitam deeſſe. Porro quòd primò ad Corin. 15. 27, citatur hic locus, vbi de ſpirituale Chriſti regno agitur, ſi cui videtur ab hoc ſenſu nimis remotum: in promptu eſt reſponſio, nempe generale hoc eſſe, totum mundi ordinem ita eſſe compoſitum, vt hominum felicitati ſeruiat. Quomodo id vni Chriſto propriè conueniat, iam oſtendi paulò antè. Hoc vidèdū modò

reſtat; quàm longè pateat omnium ſubiectione. Certè ſiquid aduerſum eſt hominibus in cælo vel in terra, iam collapſa eſt illa ordinis integritas. vnde ſequitur humanum genus, poſtquam defecciónē Adæ diſſipatum eſt, non modò hac tam præclara & honorifica ſorte priuatum eſſe, ac priori dominio non potiri: ſed captium teneri ſub deformi pudendæque ſeruitute. Quanquam autem Chriſtus legitimus eſt cæli & terræ hæres, per quem recuperant fideles quod ipſis in Adam ablatum fuerat, non tamè adhuc re ipſa plenam imperii ſui poſſeſſionem adit. Vnde colligit Apoſtolus hoc ſolidè completum non iri, donec abolita mors fuerit. Sic itaque ratiocinatur, Si Chriſto ſubiecta ſunt omnia, nihil eius membris aduerſum eſſe debet. Atqui videmus mortis tyrannidem adhuc graſſari. Sequitur ergo manere ſpem melioris ſtatus. Hoc autem ab illo quod dixi principio manat, naturaliter in hunc finem conditum eſſe mundum, vt ad felicitatem hominis ſpectent ſingulæ eius partes tanquam ad ſuum ſcopum. Sic alibi probat, omnes nos ad Chriſti tribunal eſſe olim liſtendos vltimo die, quia ſcriptum ſit, Mihi ſpectetur omne genu. Subaudiēda enim eſt minor propoſitio, multos adhuc ſuperbè & contumaciter excutere iugū & minimè ad genu flexionē eſſe propoſitos.

8 *Oues & boues vniuerſos, atque etiā iumēta agreſtia*

9 *Volucres calorū & piſces maris, quod perambulat ſemitas marium.*

10 *Iehoua Domine noſter, quàm admirabile eſt nomen tuum in tota terra.*

Nondum penitus ſoluta videtur proxima quaſtio, nam ſi expoſitiuè narrat hic Propheta quomodo Deus omnia nobis ſubiecerit, talis ſubiectione ad præſentem terrenæ vitæ vſum reſtringitur. Reſpòdeo, Prophetam hic non omnia complecti, de quibus loquutus erat: ſed exemplum in parte vna duntaxat vel ſpecie proferre. imò eam maximè partem elegit, quæ rudibus quoque & craſſis ſatis conſpicua eſt. Nemo enim tam

hebeti vel tardo eſt ingenio, qui ſi aperiat oculos, non videat mirabili Dei prouidentia fieri vt equi & boues hominibus ſua obſequia præbeant: vt ad eſcendum veſtiendos lanam producant oves, vt iuſdem alimentum ex propria carne omne genus animalia ſuppeditent. Quo magis viſibile eſt dominii huius documentum, quoties vel cibo veſcimur, vel fruimur reliquis commodis, Diuinæ gratiæ ſenſu nos magis deſer

afñci. Non ergo simpliciter intelligit David, omnibus Dei operibus præfectum esse hominem, quia se lana & pel libus vestiatur, quia animalium carne vescatur, quia eorum laborem ad sua com moda applicet: sed tantum demonstrat in hoc spectaculo dominium illud quo ipsum Deus ornauit. Huc autem spectat summa, Deum in homine creando specimen immensa erga eum gratiæ & plus quam paterni amoris edidisse, quod merito nos omnes reddere debeat attonitos. Iam quanvis hominis defectione cōditio illa ferè pessum ierit, manere tamen adhuc quasdam illius Diuinæ liberalitatis reliquias, quæ ad creandam nobis admirationem sufficiant. Sed quia

in hac lugubri dissipatione non amplius refulget legitimus ille naturæ ordo, fideles tamen, quos Deus sub Christo capite ad se colligit, residua bonorum, quibus in Adam spoliati fuerant, parte sic potiri, vt ampla illis admirationis materia suppetat, quod tam benigne ab eo tractentur. Etsi autem David tantum in temporalibus Dei beneficiis subsidit nostrum tamè est altius progredi, & inestimabiles cælestis regni thesauros, quos in Christo explicuit, & quæcunque ad spiritualem vitam pertinent dona reputare, vt hæc consideratio corda nostra ad pietatis studium accendat. nec torpere nos sinat in celebrandis eius laudibus.

## ARGVMENTVM PSALMI IX.

*David postquam recensuit superiores quas adeptus erat victorias, ac in eorum successu, Dei gratiam & virtutem magnificè extulit: tunc denuo surgentibus novis hostibus & periculis implorat eiusdem Dei fidem quem prius Libratorem erat experitus, eorumque superbiam propterni optat.* Psalmus. IX.

### **P**raefecto *Almuth Laben, Canticum Davidis.*

Inscriptio hæc varie exponitur. Nonnulli enim transferunt, Super morte Laben: & hunc præcipuum aliquem ex ducibus hostium fuisse volunt. Alii malunt, fictitium fuisse nomen: putantque in hoc Psalmo notari Goliath. Alii muscum fuisse instrumentum docent. Mihi vero rectius, vel saltem (vt in re obscura) magis probabile videtur, initium fuisse celebris carminis, ad cuius modulos composuit Psalmus. Quod autem disputant Interpretes quam victoriam hic prædicet David, meo iudicio inane

est. Primum quod epiniciū esse existimant, in quo simpliciter Deo gratias agat David, contextus eorum errorem coarguit. Etsi enim maior pars in canendis Dei laudibus consumitur, tamen hoc totum ad precationem referri debet. nā vt animum suum ad fiduciam erigat, more suo commemorat quam insigni Dei potentia ereptus ante fuisset ex vi & manu hostium. Quare absurdum est, gratiarum actionem, quam multas liberationes complecti voluit, ad victoriam vnam restringere.

2 *Celebrabo Iehouam in toto corde meo : narrabo omnia mirabilia tua.*

3 *Letabor & exultabo in te , psallam nomini tuo ô Excelsè.*

4 *Dum vertuntur inimici mei retorsum, concidunt & profligantur à facie tua.*

2 *Celebrabo Iehouam.* Ita præfatur vt Deum ad opem in præsentibus malis

ferendam sibi conciliet. Nam quia Deus continuo tenore gratiam suam erga fideles prosequitur, quicquid in nos contulit, spem nostram in posterum tempus fouere debet. Est quidem in iis verbis gratitudinis professio, sed tamen se hac memoria sinuul animat Dauid ad bene sperandum: & hoc modo ianuam suæ præcationis aperit. Totum cor pro integro accipitur, vel sincero, quod opponitur duplici. Ita se non solum à crassis hypocritis discernit, qui summis tantum labris, absque interiore affectu, Deum laudant: sed quicquid præclarè hætenus gessit, se in solidum testatur agnoscere profectum à mera Dei gratia. Nam quamuis profanos quoque homine, ubi aliqua memorabili victoria potiti sunt, Deum sua laude fraudare pudeat, videmus tamen postquam vno verbo confessi sunt à Deo se fuisse adiutos, statim ad vanam iactantiam relabi: & sibi ipsis canere triumphos, ac si Deo nihil deberēt. Denique nihil aliud quam ludūt, quoties obtēdūt Dei nomē suis rebus gestis quia post oblatum Deo libamen, sacrificant suis consiliis, industria, virtuti, copiis. ita enim sub vnius superbi Regis persona, cōmunis omnium ambitio scitè perstringitur à propheta Abacuc capite 1. 16. Imò videmus veteres illos & famosos Duces, quū suo nomine supplicationes decerni peterēt, nihil minus quā falforum deorum honorem curasse: sed tantum fallaci titulo ad suam iactantiam fuisse abusos. Quare merito Dauid filiis huius seculi se dissimilem esse affirmat. quorum fallaciam detegit praua illa partitio, dum eius laudi quam se Deo tribuere sinxerant, maiorem ad se partem rapiunt nā certe hoc non est Deum laudare in toto corde, si vel minimum ex eius gloria delibet mortalisis homo, quod sibi arroget: tantū abest vt tolerabilis sit sacrilega eorum superbia, qui seipsos efferendo, gloriam eius, quantum in ipsis est obtulerant. *Narrabo omnia mirabilia* Confirmat hoc membro quod prius dixi, non de vna tantum victoria aut liberatione verba fieri: quia sibi in genere meditanda proponit Dauid quæ Deus in eius gra-

tiam miracula ediderat. Porro miracula appellat, non quauis beneficia sibi Diuinitus præstita, sed liberationes illas magis insignes & memoratu dignas, in quibus cælestis potentia specimē lucebat. Nam etsi Dominus bonorum omnium auctor vult agnosci: quibusdam tamen donis clariores notas insculpit, quæ sensus nostros alioqui torpentes melius expergeficiunt. Ergo perinde est ac si testetur Dauid se non vulgari modo fuisse à Deo seruatum, sed conspicuū illic fuisse Dei virtutem, quia munus suam supra communem & vseratum ordinem mirabiliter extulerit.

3 *Labor & exultabo.* En quomodo sincerè & absque furo Deum celebrat fideles: nempe dum in seipsis minime acquiescunt, nec eos inebriat stultitia carnis confidentia, sed in Deo solo lætantur. quod nihil aliud est quàm lætitiæ materiam ex mera eius gratia petere, quoniam in ea consistat tota felicitas. Tenenda est enim antithesis inter gaudium quod ex seipsis capiunt homines, & quod in Deo quærunt. Ac quò melius exprimat Dauid, se nihil sibi facere reliquum quod ipsum vana delectatione detineat vel occupet, Exultandi verbum addit, quod significat plenum lætitiæ cumulum sibi in Deo omni ex parte constare, vt ne minima quidē gutta alibi quærenda sit. Iā memoria quoque repetere conuenit quod supra attigimus, Dauidem priora gratiæ Dei documenta sibi proponere, vt alacrius sua ad Deum vota concipiat. nam qui præcationis suæ exordio sibi lætitiæ materiam in Deo suppetere affirmat, optima fiducia se præmunit.

4 *Dum vertuntur.* His verbis causam reddit, cur Dei laudes suscipiat canendas: quia scilicet se toties victorem non propria nec militum suorum virtute, sed gratuito Dei favore fuisse agnoscat. Priore membro historicè narrat, hostes fuisse prostratos vel in fugā compulso: postea ex fidei sensu adiungit hoc non accidisse humanitus vel fortuito, sed quia Deus contra ipsos in acie steterit. Prudenter ergo



Dauid, quum hostes suos terga dare conspiceret, mentis oculos ad Deum extulit, ut sentiret non aliunde quam ex abscondito eius auxilio victoriam sibi manare. Et certe ipse vnus est qui Spiritu consilii regit simplices, rursumque astutos dementat, stuporéque percutit: qui mollibus & pauidis inspirat fortitudinem, audacissimos verò quosque metu percellit: qui infirmos instruit nouo robore, robustos verò debilitat: qui manu imbelles sustentat, gladios verò à belli-

cosis defluere facit: denique qui prosperum vel tristem pugnae euentum quocunque vult, inclinat. Ergo quoues videmus hostes nostros cadere, cauendum est ne sensus noster in hoc aspectu sublestat, sicuti profani homines videndo excutunt: sed nobis occurrat hæc doctrina, quæ retro aguntur, profligari à facie Domini. Verba futuri temporis in præsens conuertit, quia Dauid Dei gratiam quæ illi pridem ostensa fuerat, sibi ante oculos iterum proponit.

*5 Quia fecisti iudicium meum & causam meam: sedisti super solum iudex iustus.*

*6 Increpasti Gentes, profligasti impium. nomen eorum deleuisti in seculum & semper.*

Vltra progreditur hoc versu, sibi manum adiutricem à Deo fuisse porrectam quia iniuste affligebatur. Et certe videndum est ut militemus sub Dei auspiciis si cupimus eum nobis adesse. ideo appellat ipsum iudicem iustitiæ, vel iustum quod idem valet: ac si diceret, Deum egisse pro more suo & ratione perpetua, quoniam bonas causas soleat tuendas suscipere. Epithetum iusti malui reddere in nominandi casu, quia sic magis emphatica est loquutio: ac si dixisset, Deum tandem suscepisse iudicis personam tribunalque conscendisse ut iudicis partes impleret. Ideoque ius & rectum à sua parte stetisse gloriatur, iuris sui & causæ Deum vindicem fuisse dicens. Quò etiam pertinet quod proximo versu sequitur, profligatum fuisse impium.

Neque enim hostes prostratos videns, eorum cladi simpliciter insultat: sed eos iniustitiæ condemnans, dicit quas meriti erant pœnas, dedidisse. Gentium nomine intelligit non paucos tantum impios fuisse deletos, sed ingentes copias, & quidem ex diuersis partibus insurgentes. Hinc autem melius resulget Dei bonitas, quòd in vnus serui sui fauorè ne totis quidè populis pepercerit. Quod famam eorum dicit in seculum fuisse extinctam, sic accipe, quòd sine spe resurgendi excisi, & aeternæ ignominia addicti fuerint. Neque enim alioqui discernere liceret quomodo sepeliat Deus nomen impiorum cum ipsis, nisi quia pronuntiat memoriam iusti semper in benedictione fore, Prouer. 10. 6.

*7 Inimice, finita sunt vastitates in seculum, & vrbes destruxisti: periit memoria ipsorum cum ipsis.*

*8 Et Iehoua perpetuo sedet, solium suum ad iudicium parauit.*

*9 Et ipse indicabit orbem in iustitia, iudicabit populos in rectitudine.*

*7 Inimice, finita.* Variè exponitur septimus versus. Quidam enim literam *¶*, pro interrogationis nota accipiunt, ac si Dauid hostes suos compellās, quæreret sintne impletæ vastitates, sicuti ipse statuerant omnia perdere. Nam verbum *פָּנָה* nunc perficere, nunc si-

nem imponere significat. Ita ironice perstringeret Dauid stultam, hostium confidentiam. Alii sine interrogatione magis apertam ironiam faciunt, putantque duplicem statum describi: quia Dauid priore loco hostes inducit sauo impetu grassantes, & obstinate pergentes

in sua sanctitia : vt videri possint nullum finem faciuri, nisi penitus exciso Dauidis regno. Deinde e regione statuit Deū in folio sedentem, vt furiosos illos conatus reprimat. Si placeat hic sensus, copula ꝑ in aduersatiuam particulam resoluenda erit, hoc modo, Tu quidem hostis nihil nisi cades & vrbium ruinas spirabas : atqui demum se iudicē in cælo sedere Deus ostendit, qui res in terra turbatas componat. Aliis videtur Dauid gratias Deo agere, quod quam impiis decretum esset omnia perdere, finem imposuerit eorum vastationibus. Coactius alii impletas vastitates exponunt, quod Deus iusta vindicta, quæ in Dauidem machinati fuerant impii, in eorum capita verterit. Alii primum Dauidem conqueri existimant, quod Deus miserā populi sui dispersionem tacitus diu tulerit : atque ita factum sit vt impii pro libidine omnia perderent : postea consolationis loco subicere, Deum tamen præesse rebus humanis. Mihi non displicet, ironicè primò describi quàm formidabilis inter primos motus fuisset hostium potētia: deinde opponi Dei iudicium, quod illorum progressus repente præter spem abruptit. Scimus enim impios, quanuis non aperti abrogēt Deo imperium : tamen non minus audacter ad omnem scelerum licētiam ruerē, quàm si compedibus vincus esset. Similem ferè loquendi formam annotauimus Psalmo 7. 13. Atque hæc comparatio auxilii Diuinitus allati miraculum optimè illustrat, quod nec impii sibi nocendi modum statuerint, nisi omnibus funditus deletis, & initio visa fuerit instare vltima vastitas: rebus verò ita confusus tempestiue apparuerit Deus. Ergo quoties nihil præter interitum nobis occurrit, meminerimus oculos conicere ad caeleste solum, vnde rebus humanis prospicit Deus. Omnes enim tentationum conflictus hoc clypeo repellere conuenit: licet in mundo ad vltimam desperationem redacti simus,

Deum nihilominus in cælo iudicem sedere. Imò quum dissimulat, nec statim medetur malis nostris, fidei sensu apprehendere conuenit occultā eius prouidentiam. Primò dicit Deum perpetuò sedere: quo intelligit, quantumuis altè se efferat hominū violentia, & sine modo prorumpat eorum furor, Deum tamen nunquam ex sua sede posse detrahi: nec fieri posse vt se iudicis officio & potestate abdicet. quod secundo mēbro clarius exprimit dicit enim nō ideo tantum regnare, vt sublimis emineat eius maiestas & gloria, sed vt mundum in se gubernet.

9 *Et ipse iudicabit.* Sicuti nuper testatus est Dauid, Deum nō otiosa potentia esse præditum, vt deliciis indulgeat, sed vt in recta iustaque mundi gubernatione exerceat suum imperium: sic nunc huius doctrinæ vsum addit, quod scilicet cælo inclusa non sit Dei virtus, sed se ad homines iuuandos patefaciat. Atque hæc vera theologia est, Deum non imaginari, cum Epicuro, videntem otio vel deliciis, & qui se vno cōtentus, humanum genus negligat: sed in folio potentia & æquitatis locare, vt certò persuasi simus, etiam si non statim succurrat iniuste oppressis, nunquā tamen eorum curam abicere. Et cerè ita statuendum est, quum dissimulat, non deferere suas partes, sed exercere suorum patientiam: idèoque pacatis animis expectandum esse exitum. Pronomen demonstratiuum apud me pondus habet: ac si diceret, non posse hoc Deo eripi quin ipse mundum iudicet, suæque iudicia ad omnes populos extendat. Vnde sequitur, multo magis suorum fore iudicem. Et indicia hæc recta esse pronuntiat Dauid, vt iniuste & crudeliter vexati, auxilium ab ipso certa spe peramus: quia quum populos in rectitudine iudicet, nec iniustas violentias semper impune grassari sinet, nec innocentiam ope sua fraudabit.

10 *Et erit Iehoua munimentum pauperi, protectio opportunitis temporibus in tribulatione.*

11 *Et sperabunt in te qui cognoscunt nomen tuum: quia nō derelinquis quærentes te Iehoua.*

11 *Psallite Iehoua habitatori Sion, annuntiate inter populos gesta eius.*

13 *Quia requirens sanguinem, eius recordatus est, non est oblitus clamoris pauperum.*

10 *Et erit Iehoua.* Occurrit tentationi quæ duriter infirmos percellit, dū se ac sui similes impiorum libidini vident expositos, silente Deo. Nam admonet, ideo suam opem differre, & in speciem relinquere suos fideles, ut laborantibus & afflictis magis opportunè tandem succurrat. vnde sequitur ipsum minime cessare in suo officio, siquādo bonos & innoxios ad inopiam redigi patitur, si in lachrymis & querimoniis eos exercet: quia hoc modo lucernam accendit, ut melius appareant sua iudicia. ideo etiam exprimit, præsidium suum tēpestiuè in ipsa afflictione proferre: quo docemur eius providentiæ dandum esse spatium, ut tandem se in necessitate proferat. Quare si nihil nobis melius est quam Dei manu protegi, paternūque eius fauorem sentire, ne adeo molestum sit consensu coram mundo pauperes & miseros: sed dolorem nostrum leniat hæc consolatio, non procul abesse Deum, quem ad nos iuandos ærumnæ nostræ accersunt. Quibusdam דבדב videtur esse simplex dictio, quæ Hebræis prohibitionem significat: hic autē metaphoricè pro angustia accipiunt, dum quis in arctum coactus, nullum exitum inuenit. Magis tamen probabilis est eorum sententia, qui ד seruilem literam esse docent. dicitur itaque præsto esse Deus ad opportunitates, nempe dum pios vrget afflictio. Versu vndecimo fructum hunc cōsequi docet, quoties iustos liberat Dominus, ut ipsi & reliqui omnes in fiducia gratiæ eius magis ac magis proficiant. nisi enim persuasum nobis sit, Deo curæ esse reshumanas, continua inquietudine nos vexari necesse erit. sed quia plurimi ad Dei iudicia cæcutiunt, profectum hunc Dauid ad solos fideles restringit. & certè ubi nulla est pietas, nullus est operū Dei sensus. Notādum etiā quod fidelibus tribuit notitiā Dei, quia hinc nascitur religio, quæ ignorantia & stupore hominum extinguitur. Porro,

quāuis Dei nomē multi simpliciter pro Deo accipiunt, ego tamē (ut iā alibi dixi) amplius aliquid exprimi arbitror: nā quia occulta & incōprehēnsibilis est eius essentia, quatenus se nobis patefacit, maiestas eius in nomine statuitur. Sperādī causam deinde exponit, quia Deus non deserit qui ipsum querunt. Fit autē hoc duobus modis, vel inuocatione & precibus, vel studio sanctè rectèque viuēdi. Et hoc quidē semper cū illo cōiūctum est: sed quia hic de præsidio Dei agitur, in quo sita est piorū salus, Querere Deū, interpretor, ad eius fidem confugere.

12 *Psallite Iehoua.* Dauid nō contentus priuata gratiarum actione, fideles ad consensum laudādi Dei hortatur: nā modò quia ad hoc pietatis officium alii alios incitare debent: sed quia liberationes, de quibus agitur, publico solēniq; præconio dignæ erāt. quod etiam secundo mēbro clarius exprimitur, ubi eas annuntiari iubet inter populos. Sensus enim est, nō satis pro sua dignitate celebrari, nisi sua fama totum orbē impleat. Quauis autem hoc esset quasi surdis canere: hac tamen loquēdi forma testari voluit Dauid, magis angustus esse Iudææ fines quā ut immensam illam laudem Dei amplitudinē possent capere. Deum *habitatorē Sionis* vocat, ut eū à fictitiis omnibus Gentium idolis discernat. Est enim tacita cōparatio inter Deum illū qui fœdus suum cum Abrahamā & Israele pepigerat, & deos omnes qui passim in mundo temere colebātur. Neque enim satis est, confusum Dei nomen in pretio & honore esse, nisi vero & vnico Deo distinctè tribuatur suus cultus. Porro, quia Deus locum illum delegerat ubi nomen suū inuocaretur, meritò Dauid hoc illi quasi proprium domicilium assignat: non quod ipsum fas sit loco includere, quæ cæli calorum nō capiunt: sed quia promiserat illā fore suā requiē in seculum seculi, ut alibi videbimus. Neque enim Dauid suo arbitrio sedem illi Deo assignauerat, sed oraculo



culo edoctus erat, Deo ipsi placere, sicut à Mose sapius prædictum erat. Quo etiã cõfirmatur quod pr.<sup>o</sup> dixi, Psalmũ hunc nõ fuisse cõpositum de eade Goliath: quia nõ nisi sub finẽ regni Davidis ex Dei mādato, Arca fœderis Sionem trāsata fuit. Durũ enim & coactum est quod nõnulli cõiiciunt, de re futura spiritu prophetico Davidẽ loquutum esse. Cæterũ videmus sanctos Patres, dum Sionẽ cõcurrerent ad offerẽda Deo sacrificia, nihil aggressos esse proprio mortu: sed in fide Verbi fundatos suã obedientiam Deo probasse. Vnde sequitur, perperã obtendi eorum exemplum ad excusandos cultus quos sibi superstitioni homines spõte fabricat. Adde quòd tũ non satis fuit à verbo Dei pendere fideles, nisi externis symbolis adiuti, sursum mētes attolleret, ipsumque spiritualiter coleret. Vera quidẽ præsentis suã signa exhibuit Deus in illo visibili Sanctuario, sed nõ vt populi sensus terrenis elementis alligaret: quin potius externa illa symbola, scalarum loco esse voluit, quibus in calũ vsque assurgeret fideles. Nã ab initio Deus & Sacramẽta & externa omnia pietatis exercitia ad hunc finẽ retulit, vt populi sui ruditati cõsuleret. Itaque hic legitimus hodie est illorum visus, si nos ad Deũ spiritualiter in celesti gloria sua quærẽdũ adiuuãt: non autem occupant in mundo, vel retinẽt in carnis figmentis, qua de re posthac opportunior erit tractãdi loc<sup>o</sup>. Sicuti autẽ olim Dominus, quum se incolam Sionis vocaret, solidã fiduciam, quietis, & gaudii materiam populo suo dare voluit: nunc postquam egressa est Lex è Sion, & ex illo fonte ad nos fœdus gratiæ manauit: sciamus eum vbique præsidere in medio fidelium, qui eum purẽ & ritẽ ex præscripto verbi eius adorant.

13 *Quia requirens.* Nomen sanguinum plurali numero hic positum est: ideo relatiuum quod subiicitur, cõmodẽ eodem referemus. quia tamen Hebræis satis tritum est, ordinem antecedentis & relatiui inuertere, quidam de pauperibus exponunt hoc modo, Requirit sanguinem, recordatus est ipsorum: nempe pauperum de quibus paulò post loquitur. Quamquam autem ad summam rei parum interest vt rous

modo veritas: prior tamen sensus melius fuit. Est autẽ repetitio eius quod nuper dixerat, Dei virtutem in misericordia cum seruis suis iniuste afflictis præcipue considerandam esse. Vnam enim operum Dei speciem ex multis tanquã apprimẽ memorabilem commendat, quòd scilicet pauperes à morte liberet: & si quando ipsos affligi sinit, deinde tamen illatas iniurias viciscatur. Quamquam autem verba quibus vtitur, continuũ actum designent: mihi tamen dubium non est quin Deum requirere innoxium sanguinem, & clamoris suorum memorem esse, ex illis, quæ retulit, exemplis agnosci velit. Atque iterum inculcat quod prius attigi, Deum non semper maturẽ, vt vellemus, occurrere iniuriis, neque inter ipsa initia frangere impiorum conatus: sed potius auxilium suum suspendere, vt irritus videri possit clamor noster: quod tenere operæpretium est. nam si Dei auxilium metimur sensu nostro, subinde nobis labascent animi, nec tandem guttam bonæ spei retinebimus. Vellemus (vt dixi) ipsum procul extenta manu anteuertere quas nobis parari videt molestias: ipse autem dissimulat, nec prohibet quò minus sanguis innoxius fundatur. sed hæc consolatio nos sustineat, quòd tandem re ipsa ostendet, pretiosum sibi fuisse sanguinem nostrum. Si quis obiciat, serum esse Dei auxilium postquã malis omnibus defuncti sumus: respondeo, ipsum non vltã quiescere quã nobis vtile est sub cruce humiliari. nec ideo vindictam auxilio præferre, quã si non semper ad nos iuandos voluntarius sit ac paratus: sed quia manifestandæ gratiæ non semper idoneum esse tempus agnoscit. Interim hoc singulare est non modò paterni eius erga nos amoris, sed & beatæ immortalitatis testimonium, quòd mortuos etiam curat. Nã si gratia sua nos semper præueniret, quis non affixus esset præsentis vitæ? Sed dum mortẽ nostram viciscitur, hinc apparet coram ipso nos manere superstitẽs. neque enim hominũ more colit eorum memoriam quos seruare viuos non potuit: sed re ipsa probat foueri in suo sinu & custodia qui videntur secundum carnem extincti. Hæc

ratio est cur dicat David, ipsum recordari sanguinis, dum eum requirit: quia licet suos in ipso articulo ex impiorum gladiis non liberet, eades tamē inultas non patitur. Eodem & posterius membrum spectat, *non obliuiscis clamoris*: quia licet ad suorum querimonias nō statim

se attendere, effectū probet tandem à se observatas fuisse demonstrat. Clamoris verò discretū sit mentio, ut vota sua, gemitus, & preces ad Deum dirigant quicumque eum cupiant sentire liberatorem aut vindicem.

*14 Miserere mei Iehoua, vide afflictionem meam ab iis qui me persequuntur, tu qui me exaltas è portis mortis:*

*15 Ut recitem omnes laudes tuas in portis filie Sion, exultem in salute tua.*

*14 Miserere mei* Hanc existimo secundam esse partem Psalmi. Aliis secus videtur, quod scilicet David ut plerunque solet, inter agēdas gratias simul etiam narret quid inter ipsas necessitatis angustias precatus sit: & fateor eiusmodi exempla passim occurrere. Sed dum omnes circumstantias propius expendo, in diuersam partem inclinare cogor: principio scilicet collatas sibi gratias celebrasse, ut viam sibi ad orandum sterneret, nam Psalmus demum precatione claudetur. Non ergo hic obiter inferit quæ prius inter media pericula & curas vota conceperat: sed ex professo Dei opem implorat, petitque ut idē ille, quem sæpe liberatorem erat expertus, gratiæ suæ cursum cōtinuet. Ac fieri potest ut hostes iā aliquoties victi, collectis nouis viribus & animis, extrema tentauerint: ut sæpe videmus desperatos tumultuosius & maiore impetu furere. Certum quidem est, quum precatus est David, oblatum fuisse illi maximum terrorē. neque enim abs re Deum suæ afflictionis testem aduocat. Notandum autem est, dum ad Dei misericordiam suppliciter confugit, æquo & modesto animo crucem sibi impositā ferre. Sed in primis notandum est epithetum quo Deum ornat, suum exaltatorem à portis mortis vocans. neque enim melius nomen occurrit pro Hebraico *מִן מוֹת*. Nam primò fidem suam ab

experientia confirmat, quia sæpe ereptus fuerat è summis periculis: deinde salutē sibi promittit in ipsis mortis faucibus, quia cōsueuerit Deus nō tantū visitatis modis seruos suos iuuare, eorumque malis mederi, sed ipsos è sepulchro educere, postquam spes vitæ præcisa est. Portas enī mortis metaphorice appellat vltima discrimina quæ interitum minantur, imò iam apertum sepulchrum ostendant. Ergo ne vel malorum præsentium grauitas, vel impendentium metus idem nostram absorbeat, vel preces nostras abrumpat: renouemus in memoriā, non frustrā hoc Deo munus ascribi, quod suos extollat è portis mortis.

*15 Ut recitem.* Quanquam simpliciter intelligit David, per omnes cœtus, & ubicunque erit maxima populi frequentia, se Dei laudes celebraturum (quia tunc in portis solebant agere cōuentus) videtur tamen allusio esse ad portas mortis. acsi dixisset, postquam ereptus est à sepulchro, se daturum operam ut Dei gratiam in maxima luce restitueret. Sed quia non sufficit, Dei laudes in linguis nostris sonare, nisi ex animo proficiantur, additur interior lætitia. acsi dixisset, non alium in finem sibi in animo esse, præsentī vitæ frui, quàm ut gaudeat se à Deo seruatum esse. Sub Filia nomine, populum vel ciuitatem intelligi nouum est, sed urbem ipsam à præcipua parte denominat.

*16 Demersa sunt gentes in foueam quam fecerunt: in rete quod absconderunt, captus est pes eorum.*

*17 Notus est Iehoua iudicium faciēdo: in opere manuum suarum illaqueatus est impius. Higaion Selah.*

*Demer-*

16 *Demersa sunt.* Iam David fiducia erectus, hostibus suis insultat. Ac primum quidē metaphoricē dicit, propria eos astutia & insidiis fuisse irretitos. Deinde hoc idē sine figura exprimit, quod in suo scelere illaqueati fuerint. Hoc verò non fortuito cecidisse, sed opus Dei & illustre iudicii eius specimen esse affirmat. Porro nō temere venatoribus velaucupibus cōparat hostes suos. quauis enim violentia & impetu sepe grassentur impii, semper tamen fraudibus & obliquis artificiiis patrem suum Satanam imitantur, qui mendacii pater est: itaque quicquid habent ingeni, ad malitiam & noxia consilia descedunt. Quoties ergo dolose perniciem nobis machinantur impii, veniat nobis in mētem, minimē nouum esse si Dei filiis retia & laquei tendantur. Simul autē consolatio hęc succurrat, quicquid tentent, euentum non esse in eorum manu, sed Deum illis aduersum fore: non modò vt eos frustretur, sed etiam vt deprehēdat in prauis consiliis quæ sibi fabricant: omnesque eorum copias conuertat in ipsorum capita.

17 *Notus est Iehoua iudiciū faciendo.*

18 *Conuertentur impii in infernum: omnes gentes oblitate Deum.*

19 *Quia non in aeternum obliuioni erit pauper: spes humilium non vsque peribit.*

18 *Conuertentur.* Multi in opatiuo transferunt Conuertantur, ac si esset imprecatio: sed potius (meo iudicio) se & alios omnes pios David in posterum confirmat, quicquid conentur scelerati, ipsis infelicitate cessorum pronuntians. Conuertendi verbo alium quā putent exitum eos manere significat. subest enim tacita antithesis inter altitudinem audaciæ & ruinā. Quia enim nullo Dei metu tenentur, sese efferunt supra nubes. Deinde quasi illis fœdus esset cum morte, (quemadmodum dicit Iesaias 28.15) multo superbius insolescunt. dum ipsos tam securē furere videmus, admonet Propheta præcipientes amentia ferri vt tandem in sepulchrum decidāt, à quo putabant se longissimē distare. Hic ergo subita & inopinata mutatio nobis describitur, quæ Deus, vbi visum

Sic ad verbum legitur, Cognitus Iehoua iudicium fecit: sed abrupta est oratio, quam obscuram reddit breuitas: ideoque duobus modis exponitur. Quidam enim exponunt, tum demum cognosci Deum, vbi pœnas de improbis exigit. Sed alter sensus melius quadrat, palam esse & omnibus manifestū, quoties impios illaqueat sua malitia, Deum iudicis partes implere. In summa, quoties contra illos retorquet Deus quascunque excogitant nocendi artes, iudicium eius magis illustre esse prædicat, quā vt vel naturæ vel fortunæ adscribi queat. Nos verò, si quando Deus manus suæ virtutem clare exerat, discamus aperire oculos vt fidem nostram confirmet iudicia quæ cōtra Ecclesiæ hostes exercet. Cur interposita sit vox *Higaiōn*, quæ propriè meditationem significat, non alia magis probabilis ratio mihi occurrit, quā quod pias mentes retinere vult David in meditando Dei iudiciis. Eodem spectat vox *Selah*, quā alibi diximus sic cantum temperasse, vt ipsa modulatio rei & argumento congrueret.

est, res turbatas in ordinem restituit. Quoties ergo extra omne discrimen altē volitant impii, fidei oculis contemplerur quod illis paratum est sepulchrum: certòque persuasi sumus, Dei manum, licet occulta sit, propè instare, quæ eorum cursum, quo cælum petebant, ad inferos momento retorqueat. Nomen Hebraicum מְלִיכִים quod dubiū erat, per infernum reddere nō dubitauit. Tamen si enim non displicet quod alii vertunt Sepulchrum: certum tamen est, notari aliquid à Propheta ultra communem mortem. alioqui nihil de sceleratis diceret, quod non etiam promiscuè caderet in omnes fideles. Sicuti ergo nō simpliciter de aeterno interitu loquitur, ita etiam sub metaphora sepulchri, impios omnes perituros significat & exitialem illis fore suam confidentiam, D. i.



qua per omne nefas ad calcēdam iustitiam & innoxios opprimendos conscendunt. Descendunt quidem & fideles in sepulchrum, sed non illo violento impulsu, qui eos sine spe exitus demergat. quin potius in sepulchro reconditi, spe tamen in cælo habitant.

19 *Quia non in finem.* Confirmatio est prioris sententiæ, quod Deus non deseret in perpetuum inopes & affligtos. Quibus verbis significat, videri quidem posse ad tempus derelinqui. Quare sciamus nobis hac lege Dei auxilium promitti, vt tamen non præueniat no-

stras afflictiones: sed vbi nos diu cruce domuerit, tandem succurrat. Et de spe vel expectatione nominatim loquitur Dauid, vt nos ad preces hortetur. Ideo enim ad nostras ærūnas conuincet Deus, quia vult precibus nostris expergefieri. nam vbi vota nostra exaudit, quasi memor nostri esse incipiat, manum suam potentia instructā ad nos iuuandos porrigit. Sed iterum repetit Dauid non statim id fieri, ne desinamus bene sperare, quanuis non statim arrideat prosper euentus.

20 *Surge Iehoua, ne roboretur homo: iudicentur Gentes in conspectu tuo.*

21 *Impone Iehoua terrorem ipsis, vt cognoscant Gentes quod homo sint.*

20 *Surge Iehoua.* Surgendi verbum non ad Deum, sed ad externam rei speciem & sensus nostros refertur. Quia nō sentitur Deus suorum liberator, nisi quum oculis nostris, velut pro tribunali sedens apparet. Ratio additur, quæ Deū ad vindicandas suorum iniurias inducat, *ne scilicet roboretur homo*: quia ipso surgente, omnem impiorum ferociam protinus concidere necesse est. Vnde enim fit vt improbi vel tam audacter insolēscant, vel tantum valeant ad nocendū, nisi quia Deus quiescit, frānūque laxat? Simul verō ac signum iudicii sui ostenderit, solo nutu compescet superbos eorum tumultus, virēque franget. Docemur autem hac precandi forma, quantumuis impotenter superbiant hostes nostri, tamen in manu Dei esse, nec plus posse, quā illis permittit: nec dubium esse quin Deus, quoties vult, redditurus sit omnes eorum conatus vanos & irritos. Ideoque nomen Hominis ponit quod ab ærumnis deductum est, ac si quis Latine diceret mortalem hominem, vel caducum. Porro, Deus Gentes coram facie sua iudicare dicitur, quum eas quodammodo ad tribunal suum stare cogit. Scimus enim incredulos, donec violentè trahantur in conspectum Dei, tergum illi obuertere, vt iudicem suum nō cogitent.

21 *Impone Iehoua.* מורה Græcus Interpres legislatorem venit: à ירה deducens, quod docere interdum significat. Sed circumstantia loci postulat vt pro metu vel terrore sumamus. idque inter omnes sanī iudicii Doctores conuenit. Porro, videndum est de qua timoris specie loquatur. nam Deus communiter electos etiam suos timore subigit ad obsequium. Sed quia suum erga eos rigorem temperat, & simul emollit lapidea ipsorum corda, vt spōte & placide se submittant, propriē nō dicitur eos metu cogere. Erga reprobos diuersum agendi modum tenet. quia enim inflexibilis est eorum durities, vt facilius sit eos frangi quā corrigi, violentè indomitam ipsorum contumaciam subigit: non quod respiciant, sed quia, velint nolint, illis exprimitur suæ infirmitatis confessio. Quantumuis enim fremant, atque ebulliat ipsorum rabies, imō truculentia superent feras belluas: obiecto tamen Dei terrore, cum suo imperu sternuntur, atque etiam mole ruūt sua. Quod quidā exponunt de Dauide, vt sub eius iugum Deus Gentes mittat, eiūsque imperio reddat tributarias, frigidū est ac coactū. Terror enim generaliter quæuis Dei flagella cōprehēdit, quibus retunditur eorū contumacia, qui Deo nunquam parerent nisi inuiti. Sequitur deinde quorsum Gentes adigi oport-

oporteat, nempe vt se mortales homines cognoscāt. Quod etsi prima specie videtur leuis esse momenti, non vulgarem tamen doctrinam continet. Quid enim est homo, vt digitum à seipso mouere audeat? Atqui perinde exultat impiorum omnium licentia, acsi omnibus impedimentis soluti essent. Sibi quidē falsa imaginatione arrogant quicquid Dei proprium est: denique nunquam eò intemperantia ruerent, nisi illis ignota esset sua conditio. Non intelligit quidē Dauid eò vsque profecturos esse impios sub Dei ferulis, vt verē se & ex animo humiliēt: sed cognitio de qua loquitur, tantum est experimentalis: acsi dixisset, Fac Domine, quando eos ignoratio sui in furorem præcipitat, vt reipsa sentiant vires suas stultæ confidentiæ esse impares, ac vbi eos frustratæ erunt

vanæ spes, pudefacti iaceant. Hoc verò sæpe accidere potest, vt tamen non respiciant, quibus ostensa est sua infirmitas: sed satis est cum ludibrio sacrilegæ eorum audaciam traduci, vt re ipsa appareat ridiculam fuisse quam de suauirtute fiduciam præsumperant. Quātum ad electos Dei spectat, aliter eos proficere conuenit, vt infirmitatis suæ sensu deiecti, sponte se omni fiducia exinanniant. hoc verò fiet si homines se meminierint. Scitē enim & prudenter ab Augustino dictum est, totam hominis humilitatem in sui notitia positam esse. Porro quoniam omnibus ingenerata est superbia, necesse est promiscuē omnib⁹ à Deo terrorem incuti, vt fideles modestiam discant: reprobi verò, licet cōscendere non desinant supra humanam sortem, cum dedecore retrocedant.

## ARGVMENTVM PSALMI X.

*Suo & pium omnium nomine conqueritur. Dauid, fraudes, & apinas, crudelem violentiam, omnēque iniustitia genus passim grassari in mundo: causamque assignat, quod impii & scelerati homines lato & prospero rerum suarum successu obuii, excessu Dei metu, sibi quiduis inapune licere consulant. Itaque opem Dei imploreat, vt remedium afferat extremis malis. Tandem spe liberationis se & alios fideles consolatur. Porro hac descriptio viuæ publici status corrupti & peruersæ inagiem quasi in speculo representat. Quare ubi iniquitas instar diluuii exundat, ne fidem percellat tentationis nouitas, vt animum despondeat filii Dei, oculos ad hoc speculum referre discant. Nam ad leuandum dolorem, plurimum valet hac comparatio, nihil nobis hodie accidere quod non olim experta sit Ecclesia Dei: imò in eadem arena nos exerceri cum Dauide sanctisque aliis Patribus. Deinde monentur fideles, in rebus ita confusis querentem esse Deum: quia nisi succurrendi partes tribuant Deo, nihil ceco frenitu & cæcis in ærem queri nonis proficiunt.*

*Psalmus X.*

**V**T quid Iehoua stas procul? comines ad opportuna tempora in angustia?

2 In superbia impius persequitur pauperem, comprehenduntur in astutiis quas cogitant.

1 *Vt quid Iehoua.* Videmus vt Prophetæ desperatis malis remedium querens, statim ab initio Deum reuocā compellet. Atque hec nobis tenenda est ratio, vt turbati & anxii solatium petamus ex Dei prouidentia: quia inter curarum nostrarum agitationes & æstus fixa manere debet hæc persuasio, propriū eius esse munus miseris & afflictis auxilio iuuare. Impropiè tamen & per anthropathiam, Deum in loco remoto stare

dicat, cuius oculos nihil fugit. Sed quia Dominus secum humano more, agere nobis permittit, nihil absurdum continent istæ loquutiones, modò sciamus figuratē ad Deum trās ferri quod ex præteriti rerum intuitu sensus noster concipit. nā fieri quidē potest vt homo quispiā iustus iniuria ante oculos suos pauperi factā nō cōpescat, quia deest facultas: id autem in Deum nō cōpetit, qui semper armatus est inuicta potentia: quare si

D.ii.

diffimulat, perinde est acsi procul se subduceret. Verbum **וַיִּתְּנָהּ** quod abscondere significat, duobus modis exponitur. nam secundum quosdam, expositulat David cum Deo, quod se occultet, quasi res humanas cura sua non dignetur. Alii accipiunt pro claudere oculos: quod simplicius videtur. Porro notandum est quanuis hic queratur David Deum longe abesse, de eius tamen presentia certo fuisse persuasum. alioqui frustra eum aduocasset. Interrogatio autem qua vitur huc tendit, Quid hoc sibi vult Domine, quum tuum sit mundum gubernare, & quæ virtute tua sustines, iustitia quoque moderari, ut non citius contra tantam impiorum audaciam te vindicem ostendas? Quamquam David non tam expostulandi causa sic loquitur, quam ut seipsum ad imperandi fiduciam animet. Pro infirmitate quidem sensus sui minimè cōsentaneum esse dicit ut Deus ab officio suo tandiu cesset: non desinit tamen interea suum illi honorem deferre, & tantum molestia onus, quo grauatur, precibus in eius sinum deponit. Eodem pertinet quod sequitur, Ad opportunitates. Nam ut Deus singulis momentis manum suam non proferat: ubi tamen simplices & innoxios opprimi conspiciat, non est amplius cessandi tempus. Agendi enim opportunitas breuiter desinitur, quum versantur fideles in angu-

stia. De qua loquendi forma diximus proximo Psalmo, versu decimo.

2 *In superbia.* Priusquam imprecationem concipiat contra impios, crimen eorum breuiter exponit, quod scilicet miseros non alia de causa crudeliter vexet, nisi quia superbe eos despiciunt. Scuitiam verò non parum amplificat hæc circumstantia, quod humanitatis obliui, pauperibus & afflictis contumelio se insultent. Superba quidem semper est crudelitas, imò superbia omnium iniuriarum mater est: quia nisi quis fastu se efferrer supra proximos, & plus æquo sibi arrogans, illos despiceret, nobis communis humanitas modestiæ & æquitatis legem præscribit. sed hic exprimere voluit David, impiis, quos accusat, non nisi altos & feroces spiritus in causa esse cur, non laceffiti, sæuiant contra miseros & inopes. Quisquis ergo iuste & sine noxa versari cum fratribus cupit, ne sibi placeat cum aliorum contumelia, sed animum suum superbiæ morbo in primis purgare studeat. **וַיִּתְּנָהּ** Hebræis tāpati quā in inferre persecutionem significat: ideo quibusdam magis placet in neutro genere accipere. Non malè etiā verti posset, pauperem ardere in superbia impij: quia hæc frequentior est verbi significatio. nam fastus impiorum miseros homines instar ignis deuorat.

3 *Quia se laudat impius super desiderio anima sua, & violentus sibi benedicit: spernit Iehouam.*

4 *Impius in altitudine naribus suæ non exquirat, omnes eius versutia, non Deus.*

3 *Quia se laudat.* Varie exponitur hic versus. Quidam in accusatio causauerunt Impium & violentum: quia durum esse putant, verba transitua absolute posita esse. sed quum satis constet, frequenter apud Hebræos casum subaudi, ubi eadem patientis & agentis est persona, commodior (meo iudicio) & aptior erit illa interpretatio quam sequutus sum: nempe quod se impius laudet, vel gloriatur super desiderio animæ suæ, sibi que benedicat. Nunc queritur quale sit istud animæ desiderium.

Sic quidem ferè accipi solet, impios sibi blādiri & applaudere, dum fortuna respondet eorum votis, & quicquid illis in mentem venit optare, consequuntur: sicuti paulò post subiiciet, prospero suo statu ad quiduis audendum aburi. Sed *desiderium animæ* hic mihi libidinem & intemperantiam magis notat: ut sensus sit, suauiter eos sibi indulgere in prauis suis cupiditatibus, & contempto Dei iudicio, securè à reatu se absolvere. Pro quo Moses Deuteronomii capite vigesimonono, versu 19, dicit Benedicere ani-

ma



intra sua super inuentionibus vel signis cordis. Dicit quidem paulò post Dauid impios sua prosperitate abuti, vt sibi delicias faciant: sed nunc grauius aliquid (meo iudicio) exprimit: quod scilicet laudem acquirant ex audacia, & in sceleribus suis gloriantur: quæ securitas effrenis proteritiæ causa est. Itaque Laudandi & benedicendi verba eodem sensu posita interpretor: sicuti Impius & Violentus synonyma sunt, quod ad præsentem locum attinet: licet inter se differant rãquam genus & species. His conuenit quod proximè additur in fine versus, impios illos Deum spernere. Nã quòd aliqui Blasphemare vertunt, alii Ad iram prouocare, à contextu remotius est. quin potius Dauid supinè illius indulgentiæ causam esse docet crassum Dei contemptum. Nam qui Deum fore iudicem reputat, ei terror obicitur ne animæ suæ benedicere audeat, dum sibi malè conscius est.

4 *Impius in altitudine.* Vertunt alii, præ violentia iræ suæ, vel in superbia quam præ se fert, Deum non requirit impius. Sed partim sensum deprauant: partim extenuant quod exprimere voluit Dauid. Primò verbum Exquirendi absolute positum, perperam restringitur, quum simpliciter intelligat Dauid, impios sine examine sibi quiduis permittere, vel non discernere inter fas & nefas: quia illis sua cupiditas pro lege est. imò tanquam legibus soluti, licitum sibi esse fingunt quicquid libuit. Principium rectè agendi in tota vita, inquisitio est: dum scilicet neque temere pro nostro ingenio, neque peruersæ carnis nostræ impetu rapimur. Studiũ verò inquirendi ex modestia nascitur,

dum nobis Deum arbitrum & moderatorem præcicimus, vt æquum est. Rectè ergo Propheta impios dicit, omni delectu posthabito, quicquid concupiscunt, securè aggredi: quia elati superbia nullam Deo iudicii potestatem relinquunt. Non dubito hoc loco acceptum esse in proprio & natiuo sensu, non autem metaphoricè pro ira: quia fastuosi homines vultu quoque impudentiam suam produnt. In secundo membro durius eos vel saltem apertius accusat Propheta, quòd omnes eorum prauæ cogitationes ostendant nullum illis esse Deum. Quibus verbis intelligo, sacrilega audacia fas omne & ius peruertere, ac si nullus sederet in cælo Deus. Nam si quem esse Deum persuasi forent, comprimeret eos futuri iudicii metus. Non quòd distinctè negent esse Deũ, sed quia sua illum virtute spoliāt. idoli autem instar erit Deus, si otiosa essentia contentus, iudicis officio se abdicet. Deum itaque, quantum in se est, abolent quicunque mundum non subiiciunt eius prouidentia, vel ad eum regendum non sentiunt manum eius esse extentam. Nequè verò sufficit frigidam de iudicio Dei notitiã concipere: quia is demum verus est prouidentia eius sensus, qui nos in eius reuerentia continet. Maior pars Interpretum generaliter hoc sumit, omnes impii hominis cogitationes tendere ad Deum negandum. Ego מוֹמִין (vt sæpe aliàs) in malam partem accipi arbitror, pro astutis & iniquis cogitationibus: vt ille sit sensus quem notauimus, quum impii nihil non machinari audeant, satis inde liquere, omnem Dei metum ex eorum cordibus esse deletum.

5 *Prosperantur via eius omni tempore: altitudo iudicia tua coram ipso. in omnes inimicos suos sufflat.*

6 *Dicit in corde suo, Non nutabo in generationem & generationem, quia non in malo.*

In principio versus non parum variant Interpretes. Græcus, quia putabat à radice ללל deduci futurũ ללל, vertit, Inquinatæ sunt viæ eius. Atqui inter Hebræos satis conuenit esse à radice ללל. Sed multi actiue sumunt pro

Terrorẽ incutere, vel molestiam afferre: ac si dictum esset, Viæ impii formidabiles sunt bonis, eosque ex cruciat. Quidam etiam ad Deum referunt, quòd viæ eius veniant, hoc est succedant omni tempore: nimis tamen coactè, meo

iudicio, Sed quum in aliis Scripturæ locis idem valeat quod prosperari, miror de loco præsentis inter doctos esse controuersiam, quum secundo membro mox clarè ostendat Propheta se de fœlici impiorum statu loqui, & continuo lætitiæ tenorè qui eos inebriat. Porro non tantum de ista fœlicitate conqueritur Propheta, sed eorum crimen inde exaggerat, quod Dei benignitate se ad malum obdurent. Ideoque sic resoluo, Quoniam illis cõtinua prosperitas fuit, Deum sibi obstrictum esse somniant, ita fit vt procul à se repellant eius iudicia. Quod si quis aduersetur, statim se statum posse discutere confidunt. Tenemus nunc simplicem Prophetæ sensum, quod scilicet Deo illudant impij, tolerantia eius prætextu: sicuti nequam ille Dionysius in secunda nauigatione iactabat deos sacrilegis fauere. Hinc fit vt Dei iudicia longissimè repellant. Nam quod alta illis esse Dei iudicia, nonnulli tantundem valere putant, ac si diceret Propheta, nimis clementer ipsis ignosci: quemadmodum alibi conqueritur eximi à communibus miseriis: verbis non tam aptè conuenit, imò durum ac contortum esse apparet. Dicuntur ergo iudicia Dei, altitudo esse impiis, quia freti longa distantia, non modò sibi inducias in totam vitam, sed æternum cū morte fœdus promittunt. Videmus enim vt tempus sibi prorogando, veterum sibi obducant: imò Deum cælo inclusum fingentes, quasi nihil sibi esset cum eo negotij, sese ad spem impunitatis cõfirmant. Sicuti apud Iesaiam 22. 13, Prophetarum minas suis sâhnis excipiunt, Edamus & bibamus, eras moriemur. Nam quum seuera denuntiatione vindictæ Dei populum terreret Prophetæ, isti fabulas esse clamabant. Ideoque acriter in eos inuehitur Deus, quod se ad luctum, cinerem, & saccum vocante, ipsi ad citharam & epulas populum inuitauerint. Tandemque iussuandum subicit. Vivo ego si vnquâ delebitur iniquitas hæc. Attollit quidè fideles in sublimis oculos, vt Dei iudicia suspiciant: sed non secus metuant ac si iam capitibus suis inflarent. Impij verò contrà, quauis ea despiciant, ne tamè eorum metus vel cura turbentur, in calum ab-

legant: sicut Epicurei Deum palàm negare non audentes, fingunt in otio deliciari. Ex illo stupore manat confidentia de qua loquitur Dauid, quod solo statu se perdituros non dubitant quicquid hostium extiterit. Nam verbum *quod* illaqueare interdum significat, hic pro sufflare aptius sumitur. Eandem sententiam proximo versu confirmat, quod statuam in cordibus suis se extra orane mutationis discrimen versari. Quamvis autem superbas eiusmodi voces sæpe euomant, solum tamen prauæ arrogantia occultum vlcus, quod intus fouent, perstringit Dauid: idèoque non recitat quid ore loquantur, sed quid sibi in corde persuadeant. Quæritur tamen cur in aliis accuset Dauid quod de seipso toties proficitur, nam Dei præsidio fretus, periculis omnibus animo se insultat. Et certè filios Dei salutè suam in tuto locare conuenit, vt mundo centies ruente, stabiles se mansuros cogitent. At solutio facilis est, fideles sibi stabilitatem non alibi quàm in Deo promittere, & quidem talem vt se tamen omnibus procellis expositos esse nouerint, & patienter subiciant. Longe verò duo hæc inter se differunt. Dei contemptorem, qui prospera fortuna hodie fruatur, humanæ conditionis obliuisci, vt sibi quietum nidum falsa imaginatione supra nubes figaturus pium hominem, dum vitam suam de filo pendere, milleque mortibus obsessam esse reputat, seque ad ferendas quasilibet ærumnas offert, nec secus in mundo agit ac si in mari procelloso nauiget, solius tamen gratiæ Dei fiducia molestias & anxietates suas lenire ac solari. Dicit impius, Non mouebo, vel Non nutabo in perpetuum, quia scilicet roboris sui duritiem ad omnes impetus sustinendos satis validam esse putat. Dicit fidelis, Vt nutare mihi contingat, imò etiam cadere, subindèque in profundum demergi, non erit tamen exitialis ruina: quoniam supponet Deus manum suam. Hinc & altera quæstio soluitur. nam fideles in seipsis trepidi, ad gratiæ Dei asylum properè confugiunt: impij verò quauis ei pauescant ad strepitum solii cadentis, & in continua inquietudine

dine versentur, callum tamen stuporis sibi obducunt, vel accersunt sibi insanam vertiginem, ut extra se positi malam suam sentiant. Causæ redditio, quæ sequitur, *quia non in malo*, duos sensus recipit, vel quòd ex priori immunitate

spem quieti & lætistatui concipiant impii, vel quòd se à communi hominum ordine, fallaci imaginatione, separent: Sicuti apud Iesaiam 28.15, dicunt, *Quæ transibit tempestas*, nos tamen minime attinget.

7 *Execratione os eius plenum est, & fraudibus, & malitia: sub lingua eius, afflictio & iniquitas.*

8 *Sedebit in insidiis pagorum, in latebris occidet innocentem: oculi eius ad pauperem collimabunt.*

9 *In sidiabitur in abscondito, quasi leo in cubili suo: insidiabitur ad rapiendum pauperem: rapiet pauperem attrahendo eum in rete suam.*

10 *Ateret se, deiciet: tum cadet, in fortitudinibus eius cæcus afflictorum.*

7 *Execrationes os, &c.* Huc tendunt quatuor isti versus, si Deus servis suis succurrere velit, nunc opportunum adesse tempus: quia ad extremum usque licentia prorupit impiorum licentia. Primò conqueritur, eorum linguas perjuris & fraudibus refertas esse, gestare vel occultare molestiâ & iniurias: quia nihil cum ipsis negotii tractari queat nisi cum damno. פסל, quod maledictio nem vertunt, non est verborum execratio quam in alios torqueant, sed potius devotio proprii capitis: quia non dubitant sibi quidvis imprecari, quo melius fallant. Ideoque non malè à quibusdam vertitur Perjurium. debet enim hoc nomen aliis duobus coniungi. Maledicunt ergo, quatenus ad fraudandum & nocendum expedit: hinc molestia & iniquitas, quia læqueos ex dolis, peruriis, & malitia contextos, sine suo incommodo simplices effugere nequeunt.

8 *Sedebit in insidiis.* Verba futuri temporis, quia continuum actum designant, consultò in aliud tempus mutare noluit: quia hic Hebraismus in alias quoque linguas manavit. Describit ergo David quid facere soleant impii. Ac primò quidem latronibus eos comparat qui viarum angustias obsident, & latebras sibi deligunt, ex quibus incautos Viatores deprehendant, Dicit etiâ ocu-

los eorū intetos esse, similitudine à iaculatoribus sumpta, qui collimant, semiclausis oculis, ut rectius feriât. Neq; verò hic de vulgo latronum sermo est: sed in magnos prædones stylum dirigit qui sub honoris titulis pompæque & splendore flagitia sua occultant. Ideo. פסל nonnulli vertunt palatia: quasi David eos ex magnificis atriis spoliaria fecisset dicat, in quibus miseros homines iugulent. Ego verò ut allusionem esse concedam, continuum tamen similitudinis filum retineo: atque ita interpreto, non secus ac latrones villarum exitus obsident, ita istos, vbicunque sint suas insidias tendere. Proximo versu alia comparatione, eorum sevitia gravius exaggerat, dicens eos ad prædam inhiare non secus ac leones in suis lustris. æquare verò truculentas bestias, maior est immanitas, quàm latronum more grassari. Notandum autem quòd fraudes & insidias semper violentiæ coniungit, ut clarius exprimat, modis omnibus miseros fore Dei filios, nisi celesti auxilio iuventur. Additur etiam altera similitudo quæ dolosas captiones sævitia mistas clarius exprimat. Dicit enim eos rapere, sed in rete suam trahendo. quibus verbis intelligit, non modò aperta vi & impetu ipsos rueri, sed simul tendere quoque retia quibus decipiant. Hoc totum decimo



versu rursus inculcat, gestum ipsum quasi per hypotyposin oculis subiciens. Atterunt se, inquit, & demittunt, ne scilicet truculentia sua procul terreant: quia potius illecebris suis captare volunt quos non possunt nisi propiore accessu lacerare. Videmus ut duo simul coniungat, auctupia vel decipulas: deinde subitam violentiam, quoties in illorum manus incidit praeda. Nam secunda parte intelligit, seu impetu præter spem irruere, dum simplices vident suæ libidini esse obnoxios, ac si leo ex sua cubatione furiose confurgeret ad prædam lacerandam. Senfus apertus est, vndique metuendos esse impios, quia suam crudelitatem dissimulant, donec plagis suis irretitos teneant quos vorare cupiunt. In verbis aliqua est obscuritas. Nam ubi vertimus Exercitum afflictorum, vox Habraica **סלכא**

quibusdam videtur esse quatuor *literarum*: rectius tamen sentiunt, qui docent esse compositam, & duas valere. Quamvis ergo verbum sit singularis numeri, collectivè tamen per **סלכא** magnam turbam designat Propheta, quæ affligitur ab vnoquoque istorum leonum. **עצומים** substantivè reddidi Fortitudines: quia non dubium est, quin Propheta hoc nomine vngues & dentes leonis denotet, in quibus præcipuum est bellæ illius robur. Quia tamen propriè est nomen Toar, non malè conveniet per similitudinem vngues ipsos & dentes vocari robustos milites. Eodem verò sensus redit, licet fraudulenta demissione vires suas tegant, fore tamen illis in promptu quasi armatam satellitiæ turmam, vel vngues & dentes, simulac oblata fuerit nocendi occasio.

11 *Dixit in corde suo, oblitus est Deus: abscondit faciem suam ne videat in perpetuum.*

12 *Surge Iehoua Deus, attolle manum tuam, ne obliuiscaris pauperum.*

13 *Ut quid spernit impius Deum? dicit in corde suo, Non requires.*

11 *Dixit in corde.* Iterum fontem audacia notat: quod scilicet impij ex Dei coniuventia impunitatem sibi promittant. Quia verò non palam ore proferunt sacrilegam istam blasphemiam, Deum esse oblitum, & clausisse oculos ne vquam videat, sed profundas sibi cogitationes abscondunt, ut Iesaias 29. 15, loquitur: Propheta eandem loquendi formam (quam prius) vsurpat, & mox tertio repetet, impios sibi intus in cordibus dicere, res humanas à Deo minime curari. Notandum autem quod impij ex præsentis intuitu sic æstimant suam fortunam, ut Deum quodammodo sibi obstrictum imaginentur. Vnde fit ut in perpetuum securi sint, quia non reputant, post longam Dei tolerantiam grauius instare iudicium.

12 *Surge Iehoua.* Quanquam hoc morbo cõmuniter laborant cuncti mortales, ut Deum pro carnis sæ sensu, curari vel iacere fingant, dum sua iudicia non exequuntur longum tamen disceri

men est inter fideles & reprobos: quia hi errore ex carnis infirmitate obiectum fouent, sibi quæ blanditiis ex stupore cupidè accersunt, donec tandem impia pertinacia ad crassum Dei contemptum se obdurent. Illi autem priores statimè suis mentibus falsam imaginationem excutiant: seque castigant & vltro reuocant ad sanam mentem. cuius rei illustre speculum nobis in hoc loco proponitur. Humanis enim loquendi formis Propheta eundem sibi errorem obrepisse declarat, quem nuper in Dei contemptoribus damnauit. Sed maturè ad eum corrigendum occurrit, & iniecta manu secum lustratur: vel mentem suam cohibet, ne quid concipiat Dei iustitia & gloria alienum. Commune ergo tentationis semen omnibus est iesitum, ut Deo monum suam & iudicium occultante, de eius providentia dubitare incipiant. sed longè differunt pii à reprobis: quia alij carnis sensum sive statim corrigunt: alij verò

in peruersa imaginatione sibi indulgēt. Sic Dauid Surgendi verbo non tam Deum excitat, quā me uigilat ipse, vel se expergefacere conatur, ut aliud speret de auxilio Dei, quā conspicit. Continet itaque hic versus vtilem doctrinam, quō magis supinæ ignorantie callum sibi impij obducunt, ut Deum res humanas non curare sibi persuadeant, nec scelerum fore vindicem: ut nos eō magis in contrariam partem nitamur. Imō nobis incitamento esse debet illorum impietas, ut acriter dubitationes repellamus, quas illi non modō admittunt, sed sibi data opera fabricant.

13 *Ut quid spernit.* Quāquam rationes Deo proferre superuacuum est, quibus eum persuadeamus: nobis tamē in precibus secum familiariter (non secus ac filius terrenum patrem alloquitur) agere permittit. Nam vsus precan-

14 *Vidisti, quoniam tu molestiam & vexationem consideras, ut ponas in manum tuam: super te relinquet pauper, orphano tu eris adiutor.*

15 *Contere brachium scelerati & improbi: quares impietatem eius, non inuenies.*

14 *Vidisti, quoniam, &c.* Hāc repente Dauid sancto zelo accensus, in arenam prodit: fidēque instructus, sacrilegas illas opiniones acriter repellit. ceterum quia nihil apud homines proficere poterat, se ad Deum conuertit. Nam si cut impij proteruam scelerum licentiā sibi facere volētes, procul se à Deo subducunt, & peruerso mentis errore sibi fingunt longam distantiam: ita ex opposito fideles à vagis & erraticis opinionibus se colligere operæpretium est, & sursum erectis mentibus, Deum quasi præsentem alloqui. Meritō itaque Dauid, ne hominum blasphemias succumbat, mentis suæ intuitum ab hominibus auertit. Additur ratio ad confirmationem huius sententiæ, quia Deus molestiam & vexationem consideret. Nam quia omnium iniuriarum cognitio Dei propria est, Dauid fieri non posse colligit, ut impijs per fas & nefas grassantibus, excutiat. Porro à genere ad speciem vel hypotheseum descendit: quod diligenter notandum est. Nihil enim faci-

di semper notandus est: ut scilicet Deus omnium nostrorum affectuum testis sit: non quod alioqui ipsum lateant, sed quia, dum coram ipso effundimus corda nostra, tantundem leuantur curæ nostræ, & augefcit impetrandi fiducia. Sic Dauid in præsentia sibi proponēs quā absurdum & intolerabile esset, Deum impune sperni ab impijs, inde spem remedii concepit. Idem verbum nunc repetitur, quo prius vsus fuerat: quod alij vertunt Prouocare, alij Blasphemare. Sed illa, quā prætulī, significatio haud dubiè aptior est contextui: quia ubi Deo eripitur potestas & munus iudicandi, quasi in ordinem cogitur. Porro quum nuper conquestus esset, simplos negare Deum, vel fingere, neglecta hominum cura, perpetuò dormientem, nunc eodem sensu dicit non requirere.

lius quā generaliter fateri, mundum & res humanas Deo esse curæ: sed hāc doctrinam aptare ad quotidianos vsus, difficillimum. Et tamen friget quicquid de potentia & iustitia Dei Scriptura prædicat, nisi quisque sibi, prout necessitas tulerit, hoc ipsum accommodet. Dicamus itaque exemplo Dauidis ratiocinari, quum Dei sit notare quicquid noxæ infertur bonis & simplicibus, ab eo considerari molestias nostras & dolores, etiam, dum ad tempus conuiuet. Ad dit etiam, Deum non otiosa speculatione à cælo despiciere quæ hic sunt, sed suscipere iudicium. Nam ponere in manum nihil aliud est quā seriō & cum effectu cognoscere. Sed nostrum est patienter quiescere, quandiu in manu Dei reposita erit vindicta, donec brachium suum ad opem ferendam extendat. Ideo mox sequitur, Super te relinquet pauper. Quibus verbis significat Dauid, dandum esse tempus Dei prouidentie, ut pii homines, dum miserè premuntur, suas curas in Dei sinum relici-

ant: & postquam suam ei salutem commendauerint, non festinent in suis votis: sed exonerati respirent, donec ostendat re ipsa Deus opportunum esse agendi tempus. Deo igitur relinquit quisquis in eius fidem se ita confert, vt fidelem depositarium esse persuasus, maturum redemptionis tempus placide expectet. Quidam passim legunt Relinquetur. Sed prior sensus rectior est, & cum ratione grammaticæ conuenit, nisi quodd defectiua est loquutio: quia non exprimitur quid relinquat. Sed hic defectus Hebræis tritus est, & in re ipsa nulla est obscuritas: non fore scilicet irritas preces omnium piorum. vbi se totos suæque negotia Deo commiserint. Nam duo hæc mēbra cohærēt, Super te relinquet pauper, orphano tu eris adiutor. Et pupillum metaphoricè nominat quem prius dixerat pauperem. Verbum autem præteriti temporis continuū aſum designat.

15 *Contere brachium.* Idem valet hæc loquendi forma, ac frangere potentiam. Non est autem simplex præcatio: sed quia impotens hostium furor vt plurimum animos nostros percellit, ac si nul-

lo obstaculo inhiberi posset, hanc fidelis suæ futuram supponit Dauid, ne terroribus succumbat, quod simul ac Deo placuerit impios frangere, eos & quicquid machinantur, in nihilum rediget. Quare vt sensus clarior sit in hunc modum resoluenda est oratio, Domine, simul ac tibi visum fuerit frangere brachium impii, momento efficies vt dispereat, & euanescent robusti impetus quibus ad nocendum effertur. Precatur quidem Dauid vt Deus auxiliū suum & vindictam acceleret, sed interim hac se consolatio sustentat, quodd impij non lasciuiant nisi Dei permisso: quia in eius arbitrio est, vbi tribunal conscenderit, solo conspectu eos delere. Et certè non feci sac sol exorians nebulas & vapores suo calore discutit, aeremque obscurum serenat: sic Deus, vbi manum suam exerit ad exequendas iudicis partes, quicquid in mundo turbulentum fuit ac confusum, restituit. *Sceleratum & imprecbum* augendi causa (meo iudicio) posuit: ac si cixisset, quantumuis in sua malitia & impietate insaniant improbi, Deo tamen promptum in manu esse remedium.

16 *Iehoua Rex seculi & semper: perierunt gentes e terra eius.*

17 *Desiderium inopum exaudisti Iehoua: diriges cor eorum: audiet auris tua:*

18 *Vt iudices pupillum & pauperem, ne pergat amplius terrere homo è terra.*

15 *Iehoua Rex seculi & semper.* Nunc Dauid, quasi votis tuis potitus, in sanctam gratulationem insurgit. Nam quodd Deum appellat æternum Regem fiducia & lætitiæ testimonium est. Regis nomine, mundi gubernandi partes ei asserit: æternitas verò regni huc spectat, temporum angustiis perperam ipsum includi. Nam quia brevis est humanæ vitæ transitus, etiam qui maximis imperiis pollent mortales, seruos suos vt plurimum frustrantur: sicuti Psalmus 6.3, admonet, non esse fidendum in Principibus, vel filiis hominum, in quibus non est salus: quia exibit spiritus eorum, & reuertetur in terram suam: quia peribunt omnes eorum cogitationes. Sa pe enim

vires eos deficiunt, & dum tardius se ad iuuandum accingunt, occasio illis effluit. Atqui de cælesti Rege magis honorifice sentiendum, quia si nō statim exequitur sua iudicia, semper eadem penes ipsum & integra facultas manet: de nique non sibi priuatim, sed nobis in æternum & vsque regnat: ne quid illum impediatalongior mora, quo minus oportune ad opem mortuis vel desperatis ferendam manum extendat. *Perierunt gentes.* Sensus est, terram sanctam inquinamenti & sordibus, quibus polluta fuerat, purgatam demū esse. Indigna enim erat illa profanatio, quā terra in hæreditatem data populo Dei sanctisque eius cultoribus dicata, impios &



& scelestos incolas aleret. Neque enim per Gentes, externos nominat, sed hypocritas qui Dei nomine iniuste gloria-bantur: sicuti hodie plerique titulo re-nus Christiani locum in Ecclesiæ gremio occupant. Nec verò nouū est Pro-phetis apostatas, qui à sanctis Patrum moribus descuerant, probrose vocare gentes: nec tantum incircuncisis conferri, sed etiam Chanaanais qui maxime erant detestabiles. Pater tuus Chanaam mater tua Chittæ, Ezech. 16. 3. Alii si-miles loci sæpe occurrunt. Falsos ergo & adulterinos Abrahamæ filios Gentium nomine infamās, gratias Deo agit, quòd tales corrupelas expulerit è sua Eccle-sia. Ceterum hoc exemplo docemur, non esse nouum si hodie quoque profani homines Ecclesiam Dei contami-nant. Rogandus tamen est Deus vt do-mum suam citò repurget, nec sacrum suum templum porcis & canibus instar sterquilini exponat.

17 *Desiderium incipum.* Confirmat his verbis Propheta quod nuper dixi: nempe dum hypocritæ in Ecclesia regnant, vel sua multitudine fideles ob-ruunt, assidue rogandum esse Deum vt eos exterminet. nam veros Dei cultores merito angere & vrere debet tam fœda confusio. Et Spiritus sanctus hoc oraculo confirmat, quod olim Deus Pa-trum precibus concessit, nos hodie im-petraturos, si modò erimus: (vt decet) de Ecclesiæ liberatione solliciti. Quod sequitur, *Diriges cor eorum*, variè expo-nunt Interpretes. Tantundem quibus-dam valet, ac dare votis successum. A-liis est Cor formare, ne quid petāt fide-les, nisi quod rectum ac iustum est: sicuti Paulus docet Spiritum intus dictare gemitus inenarrabiles, Romanorum 8.

26. Vtraque fortè expositio nimis est restricta. Primò enim Dei gratiam in eo commendat David, quia suos cultores in rebus turbatis sustinet, ne ani-mos despondeant: fortitudine & patien-tia instruit, erigit in bonam spem, inci-tat etiam ad preces. Nam verbum *יָדָךְ* non modò dirigere, sed stabilire signi-ficat. Est autem singulare Dei benefi-cium, dum in tentatione sensus nostros retinet, nec patitur aliò reflecti. Mox sequitur alterum membrum, non frustra

dirigi piorum affectus, vt cum spe & pa-tientia ad obsequium cōpositi, ad Deū respiciant, ipsūque inuocent: quia Dei aures ad exaudiendos gemitus ne-quaquam surdæ erunt. Ita motus du-plicis gratiæ consensus hic laudatur, quòd Deus cultores suos deficere, vel à fide excidere, vel precibus renuntiare non sinat, sed ad se reuocet, donec resp-cta appareat spes eorum nō vanam nec irritam fuisse. Posset non malè ita re-solui oratio, Stabiles cor ipsorum, do-nec audiat auris tua.

18 *Vindictæ.* Proximam senten-tiam in specialem vsum accomodat, ne dubitent fideles vbi iniuste oppressi fuerint, Deum tandem fore vindicem qui ipsos liberet. Quibus verbis admo-net fortiter durandum esse sub cruce & ærumnis: quia sæpe Dominus non antè seruis suis vult opitulari, quàm ad extre-ma redacti fuerint. Id quidē factū diffi-cile est, quia cuperet quisque nostrum prorsus immunis esse à molestia: ideo-que nisi Deus citò praueniat, lentus & segnis videtur. Verum si locum dare cu-pimus eius auxilio, domandus est fer-uor noster, sedanda impatientia, miti-gandi dolores, vsque dum miseræ no-stræ Dei gratiam prouocent. *Ne per-gat amplius.* Iterum Dei potentiam ad frangendos impios commendat, vt in-ter tumultuosos eorum impetus firmum nobis maneat istud principium, Simul ac Domino visum fuerit, euanidum fore quicquid moliantur. Verbum *יָדָךְ* quidam in neutro genere accipiunt, vt sit sēsus, Ne amplius mortalis homo ti-meat. Sed ratio postulat transitiuè ex-poni: nec absurdum est, impios, licet ca-pita supra nubes extollant, vocari mor-tales, vel homines multis ærumnis ob-noxios: quia obliquè hoc modo perstrin-gitur vesana eorum audacia, dum suæ fortis obliui, atroces minas spirant, ef-flant horrendos terrores, perinde ac si eorū libidini reprimendæ ne Deus qui-dem sufficeret. Particula etiam è *terra*, tacitam continet antithesin inter humi-le terræ domicilium, & cælorum altitu-dinem. Vnde enim ad oppugnandos Dei filios prodennet? è terra scilicet, pe-rinde ac si vermiculi è terræ fissuris e-mergeret. Atqui hoc modò Deū ipsum

impetunt, qui è cælo auxilium seruis suis promittit.

# ARGVMENTVM PSALMI XI.

*Dua sunt huius Psalmi partes: in priore refert David quàm duros exceperit tentationum insidius. & quanta anxietate confectus fuerit quo tempore eum persequeretur Saul. Deinde sibi de salute Diuinitus oblata gratulatur: Deique iustitiam in mundo regendo prædicat.*  
*Psalmus. XI.*

**P**Refecto Psalmus Davidis.

2 In Iehoua confido: quomodo dicitis anima mea, Migrare in montem vestrum sicut auis?

3 Certè ecce impii tendent arcum, aptarunt sagittas super neruum, ut iaculentur in occulto contra rectos corde.

4 Certè fundamenta destructa sunt: iustus quid fecit?

*In Iehoua, &c.* Omnes ferè Interpretes querimoniam esse putant, in qua David populares suos accuset, quòd latebras vbique queritans, nihil vsquam humanitatis inueniat. Et verum quidem est, quum huc & illuc erraret Saulis scuritiam fugiens, nusquam tutum illi fuisse perfugium, saltem vbi diu quietus staret. Quare meritò cum sua gente expostulare potuit, quòd nullus hospitio profugum excipere dignatus esset. Sed ego altius eum respicere existimo. nam quum certatim omnes ad desperationem eum impellerent, necesse fuit pro carnis infirmitate nõ leuiter eum percelli. sed fide munitus, intrepidè & constanter in Dei promissiones recubuit, ut tentationibus minimè cederet. Has spirituales luctus nunc commemorat, quibus inter vltima discrimina eum exercuit Deus. Itaque Psalmum ( ut nuper admonui) in duo membra distinguere conuenit. Antequam enim Dei iustitiã in tuenda piorum salute celebret David, se cum ipsa morte conflixisse exponit: & tamen fide rectãque conscientia adeptum esse victoriam. Initiò quoniã suadebant omnes ut relicta patria, in aliquod exilium se abderet, ut nulla spes vitæ residua ei fieret, nisi se abdicaret à promisso Regno, huic peruerso consilio suæ in Deo fiduciæ clypeum opponit. Sed antequam de re plura dicam, operæpretiũ est verba interpretari. Verbum *וָיָגַר* quod vertimus migrare, scribitur in numero plurali: in singulari tamen legitur: quod corruptè fieri arbitror. Nam quia hoc sibi vni dictum re-

fert David, doctores Hebræi numerum pluralem non congruere putantes, ausi sunt aliter legere quàm scriptum erat. Quod inde clarius colligitur, quia nonnulli eorum, sensum literalem retinere volentes, anxie se torquent cur Migrare potius dictum sit, quàm Migra: & tandem ad frigidam argutiam confugiunt, quasi fugæ authores compellent tam corpus quàm animam. Atqui in re non difficili tantopere laborare superuacuum fuit: quia certum est non dictum esse Davidi ut solus fugeret, sed vnà cum suis comitibus, quos omnes idem periculum manebat. Quauis ergo vnum Davidem præ aliis aggressi sint, socios tamen complexi sunt, quorum & communis erat causa, & simile periculum. In eo etiam quod sequitur, variant Interpretes. multi vertunt, De monte vestro, ac si esset *הַר צִיּוֹן* & secundum eos est mutatio personæ: quia dicendũ erat, Transmigre à monte nostro. Sed hoc per se durum ac coactum est. Nichilo etiam melius conuenit quod ipsi volunt, Iudæam vocari montem. Alii legendum putant *הַר צִיּוֹן* hoc est, in montem sicut auis, absque pronomine. Verum si sequimur quod dixi, optimè fluet contextus, *Migrate in montem vestrum*, quia habitandi locus in patria non datur. Neque tamen existimo quæpiam certum montem notari, sed ablegatum fuisse Davidem in rupes desertas, quò illum fors duceret. Huius consilii authores damnans, testatur se Dei promissione fretum, ad tale exilium minime animum adiicere. Hæc igitur

igitur fuit Dauidis conditio, ut in extrema necessitate eum omnes procul in loca deserta extruderent. Ceterum, quia innuere videtur disidentia hoc fore signum, si in fuga salutem statuatur, quaeritur annon licuerit ei fugere. Imò scimus variis exiliis subinde fuisse circumactum: in speluncis quoque interdum latitasse. Respondeo, quanvis instar trepidæ auiculæ fuerit instabilis, & per diuersos errores deflexerit ab hostium aucupiiis: tamen sic firmum in fide stetit, ut se a populo Dei nunquam alienaret. Quāvis enim aliis esset desperatus, quasi putridum membrum, se tamen ab Ecclesiæ corpore nunquam disiunxit. Et certè vox illa Fugite, ad meram desperationem tendebat. Huic verò trepidationi cedere nō debuit, ut de euentu incertus aufugeret. Et ideo expressit, animæ suæ hoc fuisse dictum, significans petiit suum penitus fuisse confixum probrosa illa reiectione: sicuti non aliò (ut dixi) dirigi videbat, quàm ad labefactandam fidem suam. Summa est, quum semper vixisset innoxius, ut decebat purum Dei cultorem, fuisse tamen aeterno exilio addictum. Docet autem hic versus, quamlibet nos mundus exagitet, semper tamen in statione nostra manendum esse, ne à Dei promissionibus excidamus, vel ne ipsæ nobis excidant: atque, ut sursum & deorsum feramur, in fide nostra vocationis pedem esse figendum.

3 Certè ecce impii. Quidam hoc excusationis loco additum putant in eorū persona qui iubebant Dauidem fuga sibi consulere. Secundum alios expostulat Dauid cū suis popularibus, qui mortem illi vndique intentatam videntes, hospitium tamen negabant. sed potius (meo iudicio) narrationem suam prosequitur. Consilium enim eius est, non modò pericula quibus obsessus fuit, sed mortem ipsam ante oculos ponere. Ideo dicit, quocunque se abdiderit, non posse tamen ex hostium manibus elabi.

Porro, tam miseri status descriptio oblatam à Deo postea salutem magis illustrat. Quantum ad verba spectat, quòd dicit intentos esse impios ad iaculandum in occulto, quidam metaphoricè accipiunt, quia astute & per insidias eum circumuenire tentabant. Mihi tamen simplicior sensus magis arridet, nihil esse tam absconditum, quòd non penetrent hostium iacula: ideòque mortē in omnes cauernas sibi fore indiuiduā comitē.

4 Certè fundamenta. **תִּתֻּן** quidam vertunt Retia: quo sensu alibi saepe nomen hoc Scriptura usurpat: & exponunt, dissipatas fuisse impias fraudes quibus Dauidem adorti fuerant impii. Quod si recipimus, ubi continuò post addit, iustus quid operatus est? sensus erit, minimè sua opera vel industria factum esse ut saluus euaderet: quin potius quietum & quasi dormientem, Diuinitus ex retibus vel plagis hostiū fuisse ereptum. Sed nomen Fundamenti cōtextui melius quadrat: quia referre pergit quibus angustiis fuerit confictus, ut iam nihil saluum esset. Nondum tamen inter Interpretes de sensu conuenit. Quidam exponunt, nusquam esse locum figendi pedis: alii, fœdera in quibus debebat esse stabilitas, subinde à Saule rupta esse. Sunt etiam qui allegoricè intelligant, iustos Dei sacerdotes, qui erant terræ futura, è medio sublato. Sed ego metaphoram ab ædificiis sumptam esse non dubito, quæ, dirutis fundamentis, tota concidere & pessum ire necesse est: ut queratur Dauid se coram mundo funditus euersum, ut nihil in suis fortunis saluum maneat. Postea iterum repetit se immeritò tam crudeliter plecti: idque facit partim ut bonæ conscientie testimonio se in malis soletur: partim ut sibi ad spem liberationis transitum faciat. Nam inde ad fiduciam animatus fuit, quòd ex causæ bonitate cōciperet Deum à parte sua stare, sibi que fore propitium.

4 *Iehoua in palatio sanctitatis suæ, Iehoua in calis solium eius: oculi eius videbunt, palpebra eius considerabunt filios hominum.*

5 *Iehoua iustum probabit, impium verò & qui diligit ini-*



*quitatem, odit anima eius.*

4 *Iehoua in palatio.* Nunc sequitur illa quam dixi gloriatio. nam humanis auxiliis exclusus Dauid, ad Dei providentiam se confert. Insignis verò (ut alibi dixi) hæc fidei probatio est, quum tenebris undique in mundo circumdatur, lucē e celo petere, quæ nos in spem salutis dirigat. Nam etsi fatentur omnes Diuinitus mundum regere: vbi tamen tristis rerum confusio caliginem obducit, pauci sunt quorum animis hæc persuasio firma penitus infideat. Atqui Dauidis exemplo sic nobis reputanda est Dei providentia, ut rebus perditis remediū ex eius iudicio speremus. Subest enim inter cælum & terram antithesis quia si in terreno & visibili rerum statu fixus steteret Dauidis sensus, nullū exitum reperisset. Nunc verò quanuis in mundo prostrata iaceat omnis æquitas, perierit fides: Deum tamen integrū in celo sedere cogitat, à quo speranda sit collapsi ordinis restitutio. Neque enim simpliciter dicit Deū habitare in cælo, sed regnare tanquam in palatio regio, & solium iudicii illic tenere. Et certe nō aliter iustus honor ei deferitur, nisi quum hoc nobis certō persuasum est, miseris omnibus & iniuste oppressis sacrū esse asylum, eius tribunal. Quare dum in terra grassantur fraudes, doli, perfidia, crudelitas, violentiæ, & rapinæ, denique omnia iniustitiæ & scele- rum tenebris permixta sunt, præluceat tamen nobis fides ad conspiciendum cæleste Dei solium: atque hic intuitus nobis ad tolerantiam sufficiat. Templum sanctitatis, vel sanctum quod sæpius pro Sione capitur) hæc haud dubiè cælum significat: quod etiam repetitio ostendit.

6 *Pluet super impios, laqueos, ignem, & sulphur, & ventum turbinum: pars calicis eorum.*

7 *Quia iustus Iehoua iustitias diligit, rectum probat facies eius.*

6 *Pluet super, &c.* Iam postremò constituit Dauid, licet paulisper cesset Deus ac differat, venturum tamē vltionis tēpus. Ita videmus gradatim eum ad spē felicis exitus conficere, ne reiū omnium dissipatio fidē suā labefaceret:

Certum enim est idem bis dicere. *Oculi eius videbunt.* Ex proxima sententiā colligit, nihil Deum latere: idēque facta hominum in rationem tādē cum ipso ventura. Nam si Deus in cælo regnat, & illic locatū est eius solium: sequitur, fieri non posse quin rebus humanis intentus sit, ut tandem iudicium suum exerceat. Nam Epicurus & similes, qui otiosum fingunt, potius sternunt illi cubile, quàm tribunal erigant. Hæc autem fidei gloria est, Deum mundi opificem minimè negligere ordinem à se conditum. Quāquam autem ad tempus iudicia suspendat, in solo tan- en eius intuitu acquiescere nos decet: sicuti nunc Dauidem videmus vnico hoc solatio contentum esse, quòd Deus præsideat humano generi, & quæ cunque in mundo geruntur, obseruet: quanuis non protinus appareat eius cognitio. Clarior etiam expositio mox additur, Deum inter iustos & iniustos discernere: & quidē ut minimè sit ignauus spectator. Probare enim iustum dicitur, & odio prosequi impios. Verbum *IN*, quod probare vertimus, examen sæpe notat: sed hoc loco simplicius interpretor, Deum sic inquirere de iniusticiis: quæque causa, ut iustos ab impiis distinguat. Exosos autem ei esse dicit qui iniuriis & noxis student: quia sicuti mutuum inter homines consuetudinem instituit, eam vult à nobis illam coli. Ergo vt sanctum suum ordinem tueatur, improbis, qui aliis molesti sunt, hostem esse oportet. Iusto etiam Dei odio amor iniustitiæ opponitur, ut sciamus eos qui sibi in maleficiis placent, talibus blanditiis nihil proficere.

quia Deo stabile manet in cælo tribunal, eius intuitu se sustinet. Deinde expendit quid requirat iudicis officium. vnde colligit facta hominum Dei oculos non effugere: & quanuis non statim poenam exigit de maleficiis, odio ta-  
men

men prosequi omnes improbos. Tandē subicit, quum armatus sit Deus potentia, irritum vel inane non fore illud odium. Ita quantisper à pœnis quiescit Deus, agnitio iustitiæ eius, spem nostrā probe fouebit, donec effectu probet se nunquam à sua specula discessisse. Scitè autem quas Deus infligit pœnas, pluiæ comparat, sicuti enim non sunt cōtinuæ pluiæ, sed eas Dominus, quoties visum est, emittit: imò vbi maxima est serenitas, repentè grandinem aut violentum imbrem excitat: ita repentinam vindictam significat impiis instare, vt hilares & deliciis suis ebrui, momento pereant. Interea tamen verum est Dauidem ad Sodomæ & Gomorræ excidiū alludere. Sicuti enim Propheta, quum Dei gratiam electis promittere volunt, redemptionem semel factam commemorant: ita dum reprobos terrere volunt, minantur Sodomæ & Gomorræ exitium. nec abs re, quum in eo perpetuum iræ Dei documētum extare admoneat Iudas in sua Epistola. Prudenter etiam & concinnè, antequam ad ignem & sulphur veniat, laqueos ponit. Scimus enim impios, quandiu illis parciat Deus, nihil metuere, sed proteruè exultare quasi in libero campo: deinde si quid aduersi impendet, effugia sibi cōminisci: denique semper illudere Deo, quasi deprehendi nequeant, donec laqueis suis constringat. Deus ergo vindictæ suæ exordium à laqueis facit, omnia impiis subterfugia præcludens: vbi autem irretitos & victos tenet, diris & horrendis modis in eos fulminat: sicuti igne cælesti Sodomam & vicinas vrbes consumpsit. Nomen מַדְוֵה alii vertunt Incensiones vel ardores: alii Commotiones vel terrores: sed cōtextus, quam adduxi interpretationem, postulat: quia ventis procellosis mouetur tempestas, quam sequitur fulminatio.

*Pars calicis eorum.* Hoc verbo testatur certa fore & rata Dei iudicia, vtcunque fallaci adulatione impii se deludant. Frequenter occurrit in Scripturis hæc metaphora. Quia enim nihil difficilius

sibi persuadet caro, quàm clades & misérias, quæ fortuitæ videntur, Diuinitus iusto temperamento accidere, Deus personam patris familiars sibi induit, qui singulis distribuat suam mensuram vel demensum. Hoc itaque loco significat Dauid, repositam certò mercedem impiis, frustra que repugnaturus quum Dominus iræ suæ calicem bibendum porrexerit: nec verò paratum esse calicem quem guttatim delibent: sed quem sorbere totum cogantur, sicut illis denuntiat Propheta Ezech. 23. 34, Vsq̃ue ad faciem hauries.

7 *Quia iustus lehoua.* Nuper ab officio Dei ratiocinatus est, vindictam sumpturum de reprobis: nunc autem eius natura, bonis & rectis auxiliatorem fore colligit. Nam quia iustus est, consequens esse ostendit vt iustitiam diligat. alioqui enim seipsum abnegaret. Frigida etiam speculatio esset, iustitiam in Deo inclusam concipere, nisi in mentem nobis veniret, Deum agnoscere qui quid suum est, atque huius rei specimen in mundi gubernatione edere. Quidam rē ipsam pro personis accipiūt, ac si dixisset, Homines iustitiarum: sed melius conuenit literalis sensus, Deo gratam esse rectitudinē, idēoque fauere bonis causis. vnde concludit, rectos homines ab eo aspici. Paulò antè dixerat alio sensu, Deū intueri filios hominum, nempe quia iudicaturus est de cuiusque vita: hūc verò rectos & simplices peculiari cura dignari significat, vt fide sua tueatur. Atque hæc clausula satis declarat quid toto Psalmo voluerit: nempe Dei præsidio saluos fore omnes qui eius gratiæ innixi, iustitiam sincere colunt: ex quorū numero ipse vnus, adeoque præcipuus erat. Quāquā autē variè exponitur hoc postremum membrum, *Rectum probat facies eius*: genuinum tamen sensum esse non dubito, quòd Deus rectorum perpetuam rationem habeat, nec vnquam ab illis auertat oculos. Illud enim coactum est, Rectos visuros faciem Dei. sed ego in refutandis aliis opinionibus non insistō.

#### ARGVMENTVM PSALMI XII.

David perditum statum populi deplorans & extremam recti ordinis dissipationem, precatur, vt Deus suis manibꝯ succurrat. Deinde vt se & omnes pios seleiur,

postquam Dei promissionem retulit de ferendo suis auxilio, fidem eius & constantiam in seruandis promissis commendat. Unde concludit tandē etiam in maximis corruptelis, piorum liberatorem fore.

Psalms XII.

**P**refecto super octauam Canticum Davidis.

2 *Serua Iehoua, quia defecit misericors, quia consumpti sunt veraces ex filiis hominum.*

3 *Fallaciam loquitur quisque cum socio suo, labijs blanditiarum in corde & corde loquuntur.*

1 *Prefecto super oct.* De Octaua duæ sunt Interpretum sententiæ. quibusdam musicum est instrumentum: alii tonum esse malūt. Quia autem parum interest vtrūvis eligas, in hac re non adeo laboro. Quod initium carminis nonnulli fuisse diuinant, non adeo mihi probabile videtur. hoc quidem conuenit ad modulationem referri. Initio conqueritur Dauid, terram sceleratis hominibus, & ad omne scelerum genus proiecitis ita fuisse coopertam, vt nullum recti & æquæ studium vigeret, nemo bonorum esset defensor: nulla denique humanitas vel fides amplius restaret. Credibile autem est tempus notari quo cum persequeretur Saul: quia tunc summi & infimi quique ad infontem & miserum hominem perdendum conspirauerant. Horrendum tamen dictū est, sic in populo electo euersam fuisse iustitiam, vt omnes vno consensu bonæ causæ insensī, ad scruitiam & crudelitatem ferrentur. Neque enim hic alienigenas accusat, sed hoc iniquitatis diluuium grassari in Ecclesia testatur. Quare ne hodie in tristi corruptissimi & prorsus confusi status aspectu animos despondeant fideles, ferendum patienter cogitent, si eadem sit sua conditio, quæ olim fuit Davidis. Notandam verò quod Deum hac de causa inelamat Dauid ad opem ferendam, quia nulla superest inter homines reſtitudo: vt eius exēplo in summa dēsp̄ratione ad Deum confugere discamus. Nam & hoc statuendum est, quod res magis in mundo confuse sunt, Deo maxime opportuam esse seruandi tempus.

2 *Defecit misericors.* Querimoniā

nonnulli esse putant de indigna eadē iustorum: ac si dixisset, quicumque æquitatem fidemque colebant, crudeliter à Saule fuisse occisos. Ego verò simplicius accipio, nihil amplius beneficentiæ aut veritatis esse residuum inter homines. Duabus autem vocibus expressit vnde constet vera iustitia. Quemadmodum enim duæ sunt iniustitiæ species, violentia & fraus: ita iustè viuunt, quā bona fide versantur inter se homines absque iniuria, & mutuam inter se societatem ritè fouent, quum neque leones sunt, neque vulpes. Quod si tamen quæ hic describitur confusio nos premat, cauendum est ne vilemus cum lupis, vel communis scelerum licētia nos abripiat: sed potius ad exemplum Davidis nos referamus.

3 *Fallaciam loquitur.* Partem illā iniustitiæ hoc versu notat quæ veritati contraria est. Dicit in eorum sermone nihil esse sincerum vel simplex, quia ad fallendum intenti sint. Modū postea definit, quia scilicet blanditijs quisque socium illaqueet. Fontem quoque & primam causam designat, quia corde duplici loquantur. Hæc verò cordis (vt ita loquar) duplicitas bilingues & flexilquos homines reddit. Vnde & blanditias Hebræi חלקות à diuisione nominant. Nam vt integrum cor ingenuè expandunt quibus propositum est veraciter agere cum proximis: ita perfidī & fallaces partem affectus sui reconditam tenent, & simulationis fūco tegunt, vt nihil certi queat ex eorum sermone colligi. Sit ergo simplex sermo noster, vt character sit recti animi.

4 *Excidat Iehoua omnia labia blanditiarum, linguam*  
magnā



*magnificentias loquentem.*

*5 Qui dixerunt, Linguis nostris roborabimur: labia nostræ penes nos sunt: quis noster Dominus est?*

Querelæ imprecationem annectit, ut Deus abscondat perfidas linguas Quæquam verò dubium est optine destrui perfidos homines, an priuari tantum nocendi facultate: contextus tamen ad priorem sensum magis nos deducit, ut Deus quoquo modo aboleat pestem illam. Quod autem præterita malitia tam ardentem in linguas virulentas inuehitur, hinc colligimus quanto ex his plus noxæ senserit: & certe gladiis ac telis omnibus magis exitiales sunt fraudes & calumniæ. Caterum ex secundo membro clarius patet quales illæ fuerint adulationes quarum proximo versu facta fuit mentio. Quidam enim seruiliter & putide adulantur, ut parati sint quidvis facere & pati: sed hic diuersum genus David notat, nempe qui blandiendo se tamen magnifice iactant, & captionibus audaciam permiscunt. Non ergo de sordido & plebeio adulatorum grege lo-

quitur, sed aulicos calumniatores perstringit, qui non modò suauiter se insinuant, sed grandiloqua mentiendi libidine obruunt miseros homines. Quod & sequenti versu melius confirmat. nam summa autoritate præditos esse oportet, qui in mendaciis sibi satis esse præsidii statuunt. Atque hic est summus impietatis cumulus, cum tali fiducia insurgere, ut improba verborum iactantia ius & fas omne pervertere nihil pudeat. perinde enim faciunt ac si apertè Deo ipsi prælium indicerent. Quod quidam legunt, Linguas nostras roborabimus: etsi tolerabile est, minus tamen cum ratione grammatica conuenit propter additam literam *h*. Deinde aptior est, hic sensus, linguis suis instructos quouis prorupere: quemadmodum genus hoc hominum suis calumniis omnia deformans, solem tenebris tantum non obducit.

*6 Propter vastationem inopum, propter gemitum pauperum nunc exurgã, dicet Iehoua: ponã in salute quem illaqueat.*

*7 Eloquia Iehoua eloquia pura: argentum fusum in eximio catino terræ, purgatum septies.*

6 Propter vastationem. Iam sibi materiam consolationis proponit David, quod non passurus sit Deus impios sine fine & modo ita grassari. Verum ut se & alios in hac doctrina efficacius confirmet, Deum ipsum inducit loquentem. Est enim hoc magis emphaticum, ubi in medium prodit Deus, & ore suo liberatorem se miseris adesse pronuntiat. Subest etiam magna emphasis in adverbio *nunc*, quo significat Deus salutem apud se nobis ita esse repositam, ut non statim eam proferat. se enim hæcenus iacuisse dicit, donec suorum miseris & clamoribus expergefactus fuerit. Ergo quoties iniuriæ hostium, rapinæ, & vastationes nihil nobis præter lachrymas & gemitus reliquum facient, meminerimus iam adesse tempus quo Deus ad iudicium surgere velit. Hæc eadem doctrina animos nostros ad tolerantiã formare debet, nec molesti no-

bis sit inter miseros & inopes censeri, quorû Deus se vindicem fore promittit. In secundomembro versus variant Interpretes. *Ponere in salute* nonnullis tantundem valet ac salutem dare vel afferre, ac si *superuacuum* esset. sed potius iniuste oppressis restitutio in integrum promittitur. Sed quod sequitur, plus difficultatis in se continet. Verbo *nunc* nunc sufflare, nunc illaqueare, interdum etiam loqui significat. Qui pro Loqui hoc loco positum putat, ipsi quoque inter se dissentiunt. Quidam vertunt, Loquetur sibi Deus, hoc est apud se discernet: quæ superuacua foret ac frigida repetitio, quia iam retulerat Dei decretum. Magis etiam coactum est, quod alii ad quemlibet piorum referunt: quasi David vicissim ipsos de fide & constantia Dei loquentes inducat. Nam huic verbo contextunt proximam sententiam, *Eloquia De-*  
E.i.

*mini, &c.* Magis probabilis aliorum opinio, qui decreto Dei, sermonem subiciunt volunt qui ad pios dirigitur. Neque enim satis foret, Deum apud se statuere quid facturum sit in salutem nostram, nisi recta nos & nominatim compelleret. nam inde nobis spes salutis affulget, quum Deus voce sua ostendit se nobis fore propitium. Alloquitur quidē ipsos quoque incredulos, sed sine fructu, quia surdi sunt: sicuti etiam sine fructu liberaliter ipsos tractat, quia stupidi sunt, ac sine sensu, eius beneficia deorant. Ego autem quia sub verbo **וְנִי** promissiones commodē & aptē comprehendere posse video, ne idem bis dicatur, libenter illum quem posui sensum amplector, Deum se surrecturum dicere, ut in salutem restituat qui undique hostium laqueis impliciti & capti videntur: acsi dictum esset, Quamvis inopes & miseros impii irretitos teneant quasi partam prædam, ego tamen eos locabo in tuto. Nec verò nouum est, demonstratiuum pronomē loco relatiui sumi. Siquis suffragandi verbum malit, non valde repugno: nam hoc modò scitē impiorum superbiam perfringeret David, qui solo statu quiduis se posse confidunt, ut visum est Psalmo 9.

7 *Eloquia Iehoua.* Nunc Deum in suis promissis certum, fidum, ac constantem esse prædicat. Hoc autem verbi Dei encomium frustra interponeret, nisi prius se & alios vocasset ad meditando Dei promissiones in rebus aduersis. Itaque hæc series tenenda est, postquā retulit, Deum seruis suis spem propinquæ liberationis facere in vltimis angustiis, iam ad fidei & spei futurā subiacere, nihil futiliter vel frustrandi causa à Deo promitti. Quanquam autem leue hoc in speciem videtur, si quis tamen propius & attentius expēdat quàm propensa sint ad diffidentiam & impias dubitationes, hominum ingenia, facile agnosceret quàm utile sit fidem nostram hoc testimonio fulciri, quòd De-

us fallax non sit, nec inanibus verbis nos læset, nec immodicē vel potentiā vel bonitatem suam iactet: sed verbo offerat quod re ipsa præstare vult. Nemo quidem est qui non ex animo se idem sentire profiteatur quòd tradit David, Eloquia Domini pura esse: sed qui in vmbra & otio, verbi Dei fidem suis præconis liberaliter extollunt, vbi ad serium conflictum ventum est etiam si palam blasphemias in Deum euomere non audent: sæpe tamen malæ fidei eum insimulant. Simul enim ac opem suam differt, fidem eius requirimus: ac perinde obstrepiamus, acsi nos fraudasset. Quanquam ergo nihil generali omnium consensu magis receptū est quàm Deum esse veracem: pauci tamen solidē in rebus aduersis in hanc eius laudē subscribunt: ideòque magnopere expedit, ansam diffidentię nostræ præcidere: & quoties de fide promissionum Dei obrepit aliqua dubitatio, statim hunc clypeum opponere conuenit, sermones Dei esse puros. Similitudo argēti quam subiicit, tantæ quidem rei dignitate & præstantia longē inferior est: sed optimē sensus nostri modulo respondet. Nā argentum si probē excoctum est, in legitimo pretio apud nos habetur. At Dei verbum cuius inestimabile pretium est, non pari honore dignamur: ac vilior nobis est eius puritas, quàm corruptibilis metalli. Quinetiam bona pars scorias in suo cerebro fabricat, quibus nitorem qui in Dei verbo relucet, deformet vel obscurer. Multi vocem **וְנִי**, quasi simplex esset, Dominum interpretantur. secundum eos hic esset sensus, Verbum Dei instar esse argenti purissimi, quod exactē summæque arte & cura omni facie purgatum est, non in vsum vulgarem, sed Principis terræ. Ego tamen aliis magis assentior, qui **וְנִי** seruilem litteram esse dicunt, & **וְנִי** nitidum vel bene politum vas, vel castinum esse docent.

8 *Tu Iehoua custodies eos, seruabis eum à generatione hac in æternum.*

9 *Circumcirca impii ambulant, dum exaltantur opprobrium filius hominum.*

gus sit bonorum numerus, fixa hæc hæ  
reat in animis nostris persuasio, **Deum**  
fore eorum custodem, & quidem perpe-  
tuum. Nam ideo additur **וְיָחַד**, ut fi-  
duciam nostram procul extendere dis-  
camus: quia non semel, neque ad vnum  
modò diem Deus opem à se sperare  
iubet, sed quandiu grassabitur hostium  
improbitas. Quo tamen simul mone-  
mur, non ad breue tempus duntaxat pa-  
ratum nobis esse bellum, sed quotidie  
in acie standum esse. Quòd si occulta e-  
rit Dei custodia, patienter expectent  
fideles donec exurgat Deus: & quo ma-  
ius diluvium exundat, sese in metu &  
solicitudine contineant.

9 *Circumcirca.* חסב Hebraice circuitum significat: ideo quidam allegorice exponunt, impios occupare omnes exitus, vt bonos vndique obsideant. alii etiam subtilius, ambagibus & flexuosis artibus insidias oblique tendere. Ego simplicem sensum esse arbitror, sic occupare totam terram, vt per omnes eius plagas vagentur: ac si diceret, quocunque vertantur oculi, ipforum turmas hincinde occurrere. Proximo membro conqueritur, ipforum tyrannide contumeliose opprimi humanum genus: sitamen placet disunctio. nam hic dissentiunt Interpretes: videtur tamen proprius hoc accedere ad Prophetæ mentē. Quidam ita vertunt vno contextu, Impii passim volitant per circuitum, dum probra inter filios hominum, hoc est nihili homines, vel quisquiliæ exaltantur: quæ expositio non malè conuenit. Contingit enim vt plurimum, sicuti morbi à capite in membra defluunt, ita à principibus ad totum populum manare corruptelas. Quia tamē magis recepta est prior expositio, & doctissimi Grammatici חסב nomen singulare esse docent, ego illam sequutus sum: nō quòd posterior displiceat, sed quia alterutram eligere oportuit.

Eiusdem fere argumenti est hic Psalmus cum proximo. David enim non solum extre-  
mis angustis constrictus, sed oppressus longa ac multiplici malorum congerie, quod unum re-  
me tuū ei supererat, Dei fidem implorat & auxilium. tandēque collecto animo, inter mor-  
tis terrores certam vitæ fiduciam ex Dei promissione concepit. Psal. XII

*Psal. XIII.*  
Eii.



**P** *Refecto Canticum Davidis. Vſquequo Iehoua, obliuifceris mei in aeternum? vſquequo abscondes faciem tuam a me?*

*2 Vſquequo ponam conſilia in anima mea? anxietatem? in corde meo quotidie? vſquequo exaltabitur inimicus meus ſuper me?*

**1** *Vſquequo Iehoua.* Verum quidē est, tanto paſſim odio ob falſas calumnias grauarum fuiſſe Dauidē, vt omnes ferē putarent Deum non minus ei eſſe inſenſum, quā Saulem & reliquos hoſtes. Sed hic non tam ex aliorum opinione, quā ex proprio ſenſu à Deo ſe negligi conqueritur: non quod in eius animo extincta eſſet promiſſionum Dei fides, vel in eius gratiam non recumberet: ſed quia fieri aliter non poteſt, vbi diu malis vrgemur, nec apparet vilum opus Diuinū ſignum quin ſe ingerat hæc cogitatio, Deum noſtri oblitum eſſe. Neque enim humano modo vel naturæ ſenſu in noſtris miſeriis agnoſcimus, Deo noſtri eſſe curam: ſed fide inuiſibilem eius prouidentiam apprehendimus. Sic Dauid, quantum ex re ipſa æſtimari poterat, ſibi viſus eſt à Deo deſeri. Simul tamen, præſente fidei luce vſque ad Dei gratiam (quanuis eſſet abscondita) mētis oculis penetravit. Itaque nihil vſquā bonæ ſpei cernens, quā longē ſe humani ingenii captus extendere poterat, dolore coactus, exclamat ſe non reſpici à Deo: hæc tamen eadem querimonia teſtatur, fide ſe altius atollī, vt præter carnis iudicium, ſalutem ſuam in Dei manu eſſe ſtatuat. alioqui quomodo gemitus ſuos ad ipſum votāque dirigeret? Sic nobis cum temptationibus luctandū eſt, vt in ipſo cōſictu fides nobis dicteſt ſuperanda eſſe mala quæ nos ad deſperationem ſollicitant: quemadmodū Dauidem non prohibuit à quærendo Deo carnis infirmitas, ſed affectus in ſpecie contrarios optimè coniunxit. Porro impropria loquutio eſt, *Quonſque in aeternū*: ſed cui multo plus ſubeſt efficaciz, quā ſi vſitato loquendi more rogaflet, Cur tandiu? Significat enim vt ſpem ſuam foueret, ſeque animaret ad patientiā, procul reſpexiſſe: ideoque non conqueri de malo paucorum dierum, quemadmodū

ſolent teneri & puſillanimes, qui tantū cernunt ante pedes, & ad primum inſultum ſtatim ſuccumbunt. Quare ſuo exemplo nos docet quā lōgiſſimē extendere mentes noſtras ne præſens dolor ſpem nobis præſcindat.

**2** *Vſquequo ponam.* Scimus in rebus aduerſis homines aſtuare, ac circumſpicere huc & illuc ad quærenda remedia: præſertim vbi ſe deſtitui vident, anxie torquentur ac diſtrahuntur in varias partes: atque in magnis periculis ſollicitudo & metus ſubinde conſilia mutare cogunt, vbi nulla certa occurrit ratio. Conqueritur ergo Dauid, dum hinc inde accerſit conſilia, tali cōgerie fruſtra ſe fatigari: dolorem quotidianum coniungens, fontem huius inquietudinis designat. Nā ſicuti in morbis acutis cuperent ægroti ad ſingula momenta locum mutare: & quo acrius dolores vrgent, magis ſubiti ſunt & feruidi ad nouos motus aut mutationes: ſic vbi animos occupat dolor, raptantur miſeri homines, ac illis leuius eſt ſine proſectu ſe cruciari, quā ſedatis & quietis animis mala ſua perpeti. Quamquam autem Dominus ſpiritum conſilii fidelibus ſe daturum promittit, Ieſ. 19. 20. non tamen ſemper ipſum in primo articulo ſuppeditat, ſed quaſi per flexuoſas ambages ad tempus diſcurrere patitur, vel perplexos inter ſpinas hæſere. **¶** Nonnulli pro toto die accipiunt: ſed mihi porius notari videtur alia aſſiduitas, nempe quod ſingulis diebus recurrat dolor. In fine verſus aliud malum deplorat, quod aduerſarii audacius inſultent, dum ipſum vident diuturno languore proſus cōfici. Plurimū autē in precibus valet hæc ratio, quia Deo nihil minus eſt tolerabile iſta crudeli inſolētia, dū hoſtes nō ſolū miſeriis noſtris paſcuntur, ſed quo nos magis deprimi vident, eo altius inſurgunt.

3 *Respice, responde mihi Iehoua Deus meus: illumina oculos meos nequando dormiam in morte.*

4 *Nequando dicat inimicus meus, Praualui contra eum: quime affligunt, exultent si lapsus fuero.*

3 *Respice, responde.* Quoniam ideo videtur Deus non protinus auxilium suis ferre, quia eorum necessitates non respicit, priore loco petit Dauid ut respiciat Deus: secundo, ut succurrat. Neutrum quidem in Deo prius aut posterius est: sed iam prius dictum fuit, sapientiusque erit posthac iterandum, Spiritum sanctum precandi formas ad sensum nostrum data opera accommodare. Nisi persuasus fuisset Dauid se esse sub Dei oculis, nihil profuisset ad Deum clamare: sed hac erat fidei cognitio. Interim donec re ipsa Deus ad opitulandum manum exerat, clausos esse eius oculos dicit carnis ratio. Ceterum tantundem valet loquutio: ac si Dei misericordiam priore loco statueret: deinde adiungeret eius auxilium, quia tunc deum nos exaudit Deus, dum nostri miserum, ad nos iuuandos flexatur. Illuminare oculos, Hebraeis tantundem valet ac dare spiritum vitalem. vitae enim praecipuus vigor in oculis apparet. Hoc sensu dicit Solomon, Prou. 29. 13, tamen miseri hominis, quam rapacis oculos à Domino illuminari. Et quum Ionatas praedia deficeret, dicit Sacra historia caliginem fuisse offusam eius oculis: rursus postquam fauim mellis gustauit, lucem eius oculis fuisse redditam,

1. Sam. 14. 27. Similis fere metaphora est in verbo Dormiendi, quum ad mortem trahitur. Ceterum in summa fateatur Dauid, nisi à Deo affulgeat lux vitae, se mortis tenebris statim iri obrutum: ac se iam esse quasi exanimem, nisi Dominus vigorem inspiret. Hinc verò nobis vitae fiducia, quod licet mille mortes nobis intentet mundus, tamen est in manu Dei vitae nostrae instauratio.

4 *Nequando dicat inimicus.* Iterum repetit quod de hostium superbia nuper dixerat: indignum scilicet esse, ut Deus seruum suum impiis ridendum propinet. Erant autem quasi in excubiis Dauidis hostes, ut ludibriis insectarentur eius ruinam. Atqui quum proprium Dei sit munus, compescere improborum proteruiam, quoties in suis sceleribus gloriantur, merito à tali inastantia arceri postulat Dauid. Sed notandum est, suae integritatis probè fuisse conscium, ac fretum etiam causae aequitate: ut indignum esset atque absurdum deferri in periculo, & ab hostibus opprimi. Quare tunc deum cum eo nobis communis erit hac precatio, si sub Dei imperio & auspiciis militamus, ut nos vincere hostes nequeant, quin de ipso Deo impios agant triumphos.

5 *Ego autem in bonitate tua confido: exultabit cor meum in salute tua cantabo Domino, quia mihi bene fecit.*

Tamen si nondum sentit Propheta quantum profecerit orando, spe tamen liberationis ex verbo Dei concepta fretus, spei clypeum temptationibus opponit, quarum terrore percelli poterat. Quauis ergo duriter angatur ac multae curae ipsum ad desperationem sollicitet, se tamen in fiducia gratiae Dei & salutis statuum pronuntiat. Hac verò eadem fiducia praeditos suffultosque esse conuenit pios omnes, ut in praecipuis rite persequerent: unde etiam colligimus quod

prius admonui, fide apprehendi Dei gratiam, quae carnis iudicio abscondita est. Quanquam autem ex diuersis verborum temporibus elicere diuersos sensus liceat: ego tamen non dubito quin testetur Dauid, se firmum stetit in spe promissae salutis, & statuum usque in finem, quamlibet graue temptationum onus incumbat. Itaque in verbo Exultandi futurum tempus continuum actum designat: quod scilicet fidei gaudium nullus unquam moror ei excutiet. Ne-

tandum verò quòd Dei bonitatem ordine priorem statuit, tanquam salutis causam. *Cantabo Domino.* Hoc postremum refero ad futurum tempus. Quamvis enim nondum votis suis potitus sit, Deum tamen iam adesse liberatorem non dubitans, ad gratias agendas se obligat. Et sanè ita nos ad precandum accingi decet, ut simul ad canendas Dei laudes parati simus: quod fieri non potest, nisi certò persuasi simus, vota nostra non fore irrita. Quamvis enim non simus à dolore immunes, necesse tamen est ut emergat hæc fidei alacritas, quæ futura lætitiæ canticum nobis dicet: sicut

et David ad celebrandam Dei gratiam prius se comparat quam appareat malorum exitus. Verbum **לְדַבֵּר** quod alii Retribuere vertunt, non aliud hic significat, quam merum beneficium conferre, sicuti & pluribus aliis locis. Qualis enim esset ista gratiarum actio, Deum mercedem servitio suo debitam rependisse? quo ineptarum & friuola argutia refellitur, qui ad probanda operum merita locum hunc detorquent. Denique ad canenda Dei beneficia, antequam ea perceperit festinans, salutem quæ tunc procul remota erat, sibi ante oculos statuit.

### ARGUMENTVM PSALMI. XIII.

*Principio impij Dei contemptum describit, ad quem se totus fere populus proiecerat & quò plus gravitatis habere querimonia sub Dei persona eum indicat. Deinde spe remedium quod Divinitus instare persuasus est, quamvis anxie interim suspiraret, se & alios consolatur.* Psalmus XIII.

**P**refecto Davidis. *Dixit stultus in corde suo, Non est Deus. corruerunt, abominabile fecerunt opus: non est qui faciat bonum.*

Plerique ex Iudæis vaticinium in hoc Psalmo editum esse volunt de futura gentis suæ oppressione: ac si David in Spiritu Ecclesiam Dei sub Gentium tyrannide afflictam desereret. Itaque quod hic dicitur, ad præsentem suam dissipationem referunt, ac si essent pretiosa illa Dei hæreditas quam dequerant fere bestię. Sed facillè apparet, dum gentis suæ dedecus tegere volunt, ad Gentes sine ratione torquere quod de peruersis Abrahę filiis dictum est. Certè nullus Paulo Apostolo magis idoneus erit Interpres, qui ad populum legalem disertè accommodat, Rom. 3. 19. Deinde ut nobis destillat testimoniũ, contextus clarè demonstrat domesticos potius fidelium tyrannos & hostes, quam externos à Davide notari. quod tenere nostra magnopere refert. Scimus enim quam duriter nos cruciet hæc tentatio, quum in media Ecclesia grassari scelerum colluuiem, bonos & simplices iniuste affligi, improbos crudeliter pro sua libidine dominari cernimus. Triste enim hoc spectaculum nos fere exanimat: quare exemplo, quod nobis David proponit, nos muni-

ri non parum utile est, ut in deploratis Ecclesię ruinis fiducia liberationis nos sustentet. Ego quidem non dubito confusum & perditum Iudæam statum hic describi, quem inuexit Saul quum palam furere cõpisset. tunc enim perinde ac extincta Dei memoria, pietas omnis disfluxerat, nec maior vigeat inter homines integritas. *Dixit stultus.* Quum **לְבַלְבֵל** Hebræis non stultum modo, sed peruersum quoque & nequam hominem significet, non incommode posset ita exponi in hoc loco: ego tamè quod magis receptum est, libenter sequor, ut vesanię damnentur omnes profani homines, qui abiecto Dei metu, se ad iniustitiam proiciunt. Neque enim vulgaris stultitię hostes suos insultat David, sed potius in eorũ vecordiam, insanamque duritiem inuehitur quos mundus valde sapere iudicat. Nā qui maxime prudentes & consulti tam sibi quam aliis videntur, eos ut plurimum videmus fodere astutia latebras, ut Deum spernendo ac ridendo, ingenii sui acumen exerceant. Primò itaque sciendum est, quātumvis mundus versutis & nascutis hominibus applaudat, qui sibi quidvis

licentię



licentia indulgent, insania tamen ipsos à Spiritu sancto damnari: quia nullus est magis brutus stupor, quam Dei obliuio. Simul tamen notandum est vnde colligat eos extitisse omnem pietatis sensum: nempe quia ordinem omnem peruerterint, ut nullum maneat iusti ac iniusti discrimen; nulla honesti cura, nullum humanitatis studium. Non igitur de abscondito cordis affectu pronuntiat Dauid, nisi quatenus impii suo iudicio se produunt: ac si diceret, *Qui sit ut homines isti ad eò impòrtunè lasciuiant, nulla sit recti vel aequi apud eos ratio, denique ut immaniter ruant in omne scelerum genus, nisi quia excusso pietatis sensu, omnem Dei memoriam, quantum in se est, ex animis suis deleuerunt?* Nam quorum animis insidet aliqua religio, eos semper necesse est aliquo modestiæ frano retineri, ne quidvis audeant, vnde sequitur, vbi suæ libidini absque pudore impii tam præfractè & audacter indulgent, exuisse Dei notitiam. Dicit autem eos in corde suo loqui: quia licet execrabilem hanc blasphemiam ore non euomant, effranis tamen vitæ licentia clamat, corda ipsorù omni pietate vacua, hanc sibi cantilenam suauiter canere. Non quòd subdita ratione, vel formati (ut aiunt) syllogismis nullum esse Deum statuunt (Deus enim sceleratissimos etiam quos

que, ut magis sint inexcusabiles, arcanis conscientiaè punctationibus subinde exercet, ut suum numen & imperium agnoscere cogantur) sed ipsi quicquid rectæ notitiæ Deus instillat, partim suffocant sua malitia, partim adulterant: donec emortua iaceat religio. Quauis enim non planè Deum esse negent, cælo tamè includunt iustitia & virtute sua spoliatum: quod est idolum loco Dei fingere. Nam perinde ac si nihil vnquæ sibi futurum esset cum eò negotiū, à singulis vitæ actionibus procul eum repellunt. Vbi autem detrahitur è folio suo Deus, ut iudex esse desinat, ad solum cumulum peruenit impietas: ut verissimè dictum sit à Dauide, qui securè omnium scelerum impunitatem sibi permittunt, in corde suo Deum negare. Ceterum quia Psalmus 53, paucis mutatis verbis, nihil aliud quam huius repetitionem continet, quid inter se differat, suis locis monebo. Vbi hinc conqueritur Dauid, eos abominabile fecisse opus: illie pro opere ponitur iniquitas. Obseruent autem Lectores, non de vno vel altero opere Dauide loqui, sed quædam modū dixerat eos peruertisse, vel corruptisse omnem legitimum ordinem. ita nunc addit, totam vitam suam sordasse, ut sit abominabilis: cuius rei probatione adducit, quia nullam inter se iustitiam colant, sed omnis beneficentiæ sint oblitii.

*2 Iehoua è calis prospexit super filios hominū, ut videret an sit qui intelligat, qui requirat Deum.*

*3 Quisque recessit, simul putridi facti sunt: non est qui faciat bonum, ne vnus quidem.*

*2 Iehoua è calis.* Hoc magis emphaticum est, Deum loquentem induci, quam si sententiam tulisset Dauid in sua persona. Nam quum Deus in folio suo cognitor locatur, prodigiosum in modum stupidi sumus, nisi terrorem incutiat eius maiestas. Facit enim peccandi consuetudo ut obdurescant homines in suis peccatis, ac tanquam in densa caligine nihil discernant. Dauid ergo ut talibus blanditus nihil eos proficere doceat, dum impune regnant scelera in mundo, Deum è cælo testatur speculari & inquirere, ut ipsum non la

teat quid inter homines agatur. Et si autem nulla inquisitione opus est Deo non tamen frustra terreni iudicis formam suscipit, ut pro modulo nostro paulatini arcanam eius prouidentiam apprehendamus, quæ statim sensu nostro concipi non potest. Atque utinam huc usque nos deducat hæc loquendi ratio; ut discamus nos citare ad Dei tribunal ac nobis torporem excutiat hæc sententia, dum sibi delicias mundus facit, ac reprobi sua vel scordia, vel hypocrisis, vel impudentia peccata sua sepeliunt, & cæcutiunt in remulera sua perul

cacia, Deum tamen è cælo prospicere. *An sit qui intelligat.* Quia hinc pendet bene & iuste viuendi ratio, vt luce intelligentiæ regamur, meritò Dauid initio Psalmi, stultitiam docuit esse omnium scelerum radicem. & hoc loco integritatis & rectæ vitæ exordium à sana mente facit. Sed quia perperam maior pars ingenium suum ad vafritiem applicat, continuò post Dauid veram intelligentiam definit vno verbo, nempe si queritur Deus: quo significat non aliter probè vitam institui posse, nisi homines se totos Deo addicant. Quidā nimis restrictè accipiunt nomē **לֵב טָהוֹר** quum in genere pronuntiat Dauid omnino ratione & iudicio reprobos prorsus destitui. *Quisque recessit.* Verbum **רָחַק** quidā Fœtere vertunt, vt proximo verbo respondeat, quod Hebræis est Putridum fieri. Sed nulla necessitas cogit duo verba eodem modo exponere, ac si idem bis dicatur. Imò melius conuenit, damnari homines impiæ defectionis, quia alienati sint, vel procul recesserint à Deo: postea notari fœtidam corruptelam in tota eorum vita: sicuti apostata nihil nisi putridum spirant. Et verbum Hebræicū vbique ferè in hoc sensu capitur. Deinde Plasmò 53, ponitur verbum **רָחַק** quod idem valet. In summa, pronuntiat Dauid sic omnes vagis cupiditatibus fuisse abreptos, vt nihil in eorum vita sincerum vel integrum maneat. Hæc est vniuersalis defectio, quæ omnem pietatem exstinguit. Porro non partem aliquam duntaxat perstringit, sed omnes pariter in eundem coniecit reatū. Hoc verò detestabile portentum fuit, omnes Abrahæ filios, qui in sacrū Dei peculiū electi erant, à primò ad vltimū sic esse corruptos. Sed quæ

ritur quomodo exceptionē tollat, Dauid vt ne vnus quidē integer supersit: quū tamē paulò post miseros & afflictos cōmet moret in Deū sperare. Deinde, si omnes impii erant, quisnam fuit ille Israel, cuius futuram redemptionem prædicat in fine Psalmi? Imò quum ipse vnus esset è corpore populi, cur saltem à reliquis se non excipit? Respondeo, *Quid inuehitur in carnales Abrahæ filios, in eorum ordine exiguum semen, quod sibi Deus segregauerat, non censeri.* Atque hæc ratio est cur Paulus ad Rom. 3. 10, ad totum humanum genus extendat hanc sententiam. Quanquam enim Dauid confusam vastitatem, quæ sub Saule fuit, deplorat: minimè tamen dubium est ab eo tacitè conferri cum Dei filiis quicumque non sunt Spiritu rege, sed feruntur carnis suæ ingenio. Quidā ita soluūt, non videri à Paulo testimonium Dauidis, quasi dixisset naturaliter vitiosos esse homines sed proponi hanc similitudinē, quòd Procures electi populi scelerati fuerint: ne mirū sit iniusticiā passim regnare in mundo. Verum nimis frigida solutio est: quia illic minimè dissputat Paulus qualis sit maior pars hominum, sed quicumque suapte natura feruntur & aguntur. Notandum igitur est, quum se & exiguas piorum reliquias toti populo Dauid opponit, manifestum statui discrimen inter Dei filios, qui Spiritu eius reformati sunt, & omnes posteros Adæ, in quibus dominatur corruptio & prauitas. Vnde sequitur, nos omnes quum nascimur amētiam hanc quæ describitur à Dauide, & totius vitæ fœtorem afferre ex vtero, talisque manere donèc arcana sua gratia nos Deus in nouas creaturas refingat.

#### 4 *An non cognoscunt omnes operarii iniquitatis? comedētes populum meum, comedunt panem: Dominum non inuocāt.*

Interrogatio hæc addita est, quæ superiorē doctrinā amplifcet. Nam quum dixisset Propheta, Deum è cælo facta hominum notare, ac deprehendisse omnes esse peruersos: nunc inducit cum admiratione clamantem, Quanam est ista dementia, quòd ferarum more absque vilo humanitatis sensu, in populum

meum grassantur qui cum fouere & omnibus officiis prosequi debebant? Porro hanc Deo tribuit personam, non quòd ei nouum quicquam sit vel inopinatum, sed quo eius indignationē magis exprimat. Sic & propheta Isai. cap. 59. vers. 16, idem fere argumentum tradens, dicit etiam ipse, Deum vidisse & mi-

ratum esse quod nemo intercederet. Tales quidem affectus in se Deus non suscipit, sed eorum induit formā ac similitudinem, quo maiori horrore nos percellat, dum scelerum nostrorum portentis se quodammodo turbari dicit. Nos verò, nisi plusquam saxei sumus, totos ex paucis cerere conuenit, quum Deus tale detestationis signum nobis proponit. Iam verò confirmat hic versus quod initio dixi, non de externis tyrannis, vel professis Ecclesiæ hostibus haberi sermonem, sed de proceribus ipsius populi, qui potentia & honore pollebant. Neque enim hoc aptè in homines à Dei cultu prorsus alienos competeret: quia nihil mirum esset, eos qui viuendi regulam non tenent, violenter prædari. Sed hac circumstantia non parum augeatur indignitas, quod ipsi pastores regem crudeliter deuorant: ac ne Dei quidem populo & hæreditati parcunt. Similis etiam querimonia legitur Michæ 3. 1. Audite principes domus Israel, an non vestrum est scire iudicium? Rapisit verò pellem à populo meo, & carnem ab ossibus eius, &c. Si in Babylonios vel Aegyptios ita scirent qui

Deum se colere proficentur, minimè tam inexcusabilis esset eorum iniustitia: nisi sed dum sanguine & carne fidelium passentur non secus ac pane, hoc verò monstrum est, quod meritò tam Angelos, quàm homines reddat attonitos. nam si gutta illis maneret sanæ mentis, retraheret eos à tanto furore. Necessè igitur est à diabolo esse excæcatos, vt nihil penitus sentiant, dum scientes & volentes tam atrociter excoriant ac deglutiunt populum Dei. Docet autem hic locus quantopere displiceat Deo & abominabilis sit crudelitas, quam aduersus pios exercent laruati pastores. In fine versus, vbi ipsos dicit Deum non inuocare, iterum fontem & causam designat tam effranis iniustitiæ, quod scilicet nulla tangantur Dei reuerentia. Nam religio mutua inter nos æquitatis optima est magistra. vbi verò extinctum est eius studium, concidit etiam omnis iustitiæ respectus. Caterum Dei inuocatio, quia præcipuè est pietatis exercitium, non hic solum sed pluribus Scripturæ locis totum Dei cultum per Synecdochen completitur.

5 *Illic trepidarunt trepidatione, quia Deus in generatione iusta.*

6 *Consilium inopis probro afficitis, quod leuona sit spes eius.*

5 *Illic trepidarunt.* Nunc Propheeta se & reliquos fideles optima consolatione animat, quod Deus non deseret suos ad extremum vsque, quin tandem appareat eorum vindex. Aduerbum loci quidam ita exponunt quasi Deus in Sanctorum conspectu pœnas, sumpturus sit de reprobis: quia in illos exercuerunt suam tyrannidem, sed potius exprimitur pœna, quam daturi sunt, certitudo, ac si eam digito monstraret. Quanquam ex Psalmo 53, colligere licet subitū quoque & inopinatum Dei iudicium notari. illic enim additur, Non est, vel, non fuit timor. Scio quidem membrum illud ab Interpretibus variè accipi. Quidam enim subaudiunt, nullum parem esse timorem: alii referunt ad cæcas perturbaciones, quibus vexantur mentes impiæ.

Nam & hoc Legis suæ transgressoribus tormentum Deus minatur, vt fugiant ne mine persequente, Leuit. 26. 17: & pauescant a strepitu folii cadentis: sicuti videmus ipsos esse suos carnifices, ac intus se circummultuari sine externo motu. Sed ego aliam esse Prophetae mentem iudico: quod scilicet rebus tranquillis & prosperis, repente in ipsos Deus fulminet. Nam vbi dixerint Pax & securitas, eorum capitibus subitum & incredibile exitium impendet, 1. Thess. 5. 3. Ergo hac spe fideles erigit ac sustinet Propheta, quod impii, dum se immunes putabunt ab omnipericulo, imò securè triumphos suos agent, subita ruina perdentur. Additur ratio, quia Deus iustos suo patrocinio tueri velit. Porro vt salutem eorū asserat, necesse est ipsum contra iniustos.



& violentos eorum hostes è cælo fulminare. Est tamè in voce יְיָ aliqua ambiguitas. nam quia Hebræis nomen hoc seculum, vel cursum humanæ vitæ interdum significat, posset hic elici sensus, Quamvis Deus ad tempus dissimulet in iurias, ipsum tamen semper adesse suis servis, suæque gratia eos per totam ætatem prosequi. Simplicius tamen videtur, Deum à parte iustorum stare: ut יְיָ idem hoc loco valeat quoddam interdu Latinis, Natio. Psal. 53. 6, addit, Quoniam dissipavit Deus ossa obsidentis te, pudore afficies: quoniam Dominus reiecit eos. Quibus verbis clarius explicat Propheta quomodo iustis præsideat Deus: nempe dum eos eripit è mortis faucibus, ac si quis obsidione liberet qui in angustum redacti erant. Vnde sequitur, patienter nobis ferendam esse oppressionem, si cupimus Dei manu opportunè servari. Ossa autem metaphoricè robur vel potentia significant: quia non aliter satis pateret, Dei manu conterì impios, nisi opibus & copiis essent formidabiles. Horratur deinde fideles ad sanctam gloriationem, ne dubitent reprobis instare probrosum interitum: quia scilicet Dominus ipsos reiecit, quo aduerso omnia infelicitè cedere necesse est. Quia שָׁמָּה spernere interdum

significat, quidam ita vertunt, Quia Deus spreuit eos: sed improprie, meo iudicio. Magis quadraret, Còtempnibiles eos reddidit, vel, probro & ignominia subiecit. Vnde sequitur nihil sibi quàm dedecus accersere, dum in sublime quasi Deo inuito contendunt.

6 *Consilium inopis.* Inuehitur in istos Gigantes quibus ludibrio est fidelium simplicitas, dum in suis miseriis Deum liberatorem quieti expectant. Et certè nihil carni videtur magis absurdum, quàm ad Deum confugere, dū malis nostris non succurrit: quia scilicet Deum ex præsentis gratia eius intuitu æstimat. Ideo increduli quoties malis obrui vident Dei filios inanem (ut ipsi quidem videtur) confidentiam illis exprobrant, fannisque suis exagitant hanc securitatem, quoddam in Deum, à quo nihil sentiunt auxilii, recumbant. Itaque huic superbia insultans David, hæc quoque exitii causam illis fore denuntiat, quoddam stultitia damnent pauperes & miseros, quia freti Dei præsidio malis non succumbant. ac simul admonet nihil magis esse consultum, quàm à Domino pendere: atque hanc esse optimam prudentiam, quamvis, sumus afflicti, quiescere in salute ab eo promissa.

7 *Quis dabit ex Sion salutem Israel? ubi conuerterit Iehona captivitatē populi sui latabitur Iacob, exultabit Israel.*

7 *Quis dabit.* David proposita còsolationis doctrina, iterum ad vota & gemitus redit. Quo docet, etiam si diu languere nos Deus sinat, nō debere tamen nos tædio frangi, quin semper in ipso gloriemur: deinde hoc in diuturnis molestiis optimum esse solatium, vota subinde repetere. Porrò non respicit ad dextram vel sinistram, ut ab vno Deo oculos deflectens, aliū liberatorem querat: sed sciscitando quis dabit salutem, tantum feruorè desiderii exprimit: ac si dixisset, Quando tandem Deus salutem suam proferet? nam addito Sionis nomine, spem suam in Deo fixam esse testatur. nam ille erat sacer locus vnde promiserat Deus se exauditurum feruorū suorum preces: illud erat domicilium Arcæ fœderis, quæ artha & symbolum erat præsentia Dei. Non ergo du-

bitat quisnam futurus sit salutis autor: sed anxie rogat quando tandem prodibit salus illa, non aliunde speranda quàm ab vno Deo. Queritur tamè, si hæc præcatio pertinet ad tempus Saulis, qui còueniat Sionem nominari tanquam Dei sanctuarium. Sicut placeat, Spiritu prophetico fuisse prædictū à Davide quod nondum palam factum erat, non repugno. mihi tamen probabile videtur, postquam Arca fœderis in monte Sion locata erat, compositum fuisse hunc Psalmum. Scimus enim Davidem, ut posteris consuleret, per otium æternæ memoriæ mandasse quæ longo ante tempore acciderat. Caterum quoddam Israel liberari cupit, hinc cognoscimus nō tã priuatim de se cogitasse, quàm de còmunis Ecclesiæ salute fuisse sollicitū. Quod eo diligentius notandū est, quia dum prius

prius dolor vnumquenque occupat, ferè negligitur publica fratrum salus. Atqui singulos suis malis Deus admonet, vt cu ras suas ad totum Ecclesiæ corpus conuertant, quemadmodum Dauid secum Israelem cõplectitur, *vbi conuerteris*. Statuit his verbis Dauid, Deum minimè passurum vt sub perpetuo mœrore tabescant fideles, sicut alibi dicitur, Psal. 126. 5, *Qui seminant in lachrymis, in exultatione metent*. Neque enim dubium est quin se & pios omnes rursus confirmet atque hortetur ad spẽ liberationis promissæ. Primò itaque dicit, Deum, licet, moram trahat, vel saltem non festinet pro nostro desiderio, vindicem tamen fore qui suos à captiuitate redimat. Deinde à lætiore exitu mitigat eorum dolorem, quia in gaudium tandem verte-

tur. Captiuitas porro cuius meminit, nõ est Babylonica, vel dispersio inter prophanas Gentes, sed domestica potius oppressio quum tyrannicè in Ecclesia dominantur improbi. Quare docemur his verbis, dam tales bestię Dei gregem vastant ac disperdunt, vel superbe conculcant, ad Deum confugere, cuius proprium munus est ex dissipatione colligere suũ Israelem. Ipsum verò *Captiuitatis* nomẽ docet, vbi impii pro sua libidine rectum ordinem peruertunt in medio Ecclesiæ sinu Babylonem esse vel Aegyptum, Quauis autem sancti populi lætitiã Dauid in tempus liberationis differat, consolatio tamen hæc non modo ad tẽperandum dolorem nostrum valere debet, sed etiam læticia condiendum.

## ARGVMENTVM PSALMI XV.

*Docet hic Psalmus qua lege Deus sibi Indios in populum delegerit, sub quo sanctuarium locauerit in medio ipsorum: nempe vt iuste recteque viuendo, se pecularem & sacrum eius populum esse testentur.*

*Psalmus. XV.*

*Canticum Davidis.*

**I**ehoua quis habitabit in tabernaculo tuo? quis requiescet in monte sanctitatis tuæ?

2 *Qui ambulat integer & facit iustitiã, & qui loquitur veritatem in corde suo.*

I Domine quis &c. Quia nihil magis tritum est in mundo quàm falsò ob tendere Dei nomen idque sibi magna pars hominum securè indulget: consilium tũ Dauid hominibus relictis Deum ipsum compellat, significans, cunctos mortales, si fallaci titulo abutantur, suis blãditis nihil proficere, quia Deus semper manet sui similis: & quemadmodum si delis est, ita mutuo fidem vult sibi præstari. Quauis enim gratis adoptauerit Abraham, stipulatus tamen est vt viueret integer: atque hæc est generalis regula fœderis quod ab initio cum tota Ecclesia pepigit. Summa est frustra ab hypocritis, qui locum in templo Dei occupant, prætexi Dei nomen: quia neminem inter suos agnoscit, nisi qui iustitiam & rectitudinem colit tota vita. Videbat Dauid templum ingenti hominum multitudine refertum quæ sun-

dem cultum profitebatur, seque exter no ritu in Dei conspectum sistebat: ideo admirantis personam suscipit, & sermo nem conuertit ad Deum, qui in confusa hominum mistura suos ab alienis discernit. Triplex autem est huius doctrinæ vsus. Primò enim si verè censerimus primus inter Dei filios, admonet Spiritus sanctus vitæ integritate hoc esse probandum: quia non sufficiat cæremoniis Deum colere nisi rectè & innoxie viuamus. Secundò quia sæpe contingit Ecclesiam Dei multis inquinamētis deformem cernere, nequis ad hoc scandalum impingat, discrimen ponitur inter perpetuos Ecclesiæ ciues, & inquilinos qui ad tempus sunt illis permisti. Valde necessaria admonitio, ne, si Dei templum multis sordibus infectum sit, fastidium & morositas nos ad defectionem impellant. Sordes intelligo, vitæ

impura & corrupta vitia. Nam modo pura religio quo ad doctrinam & ritus vigeat, hominum delictis non ita nos offendendi conuenit, vt propterea scindamus vnitatem. Atqui omnium tēporum experientia docet quā grauīs sit ista tentatio, Ecclesiam Dei, quæ absterfis omnibus maculis pura nitere debebat, multos impios hypocritas vel sceleratos homines in sinu suo fouere. Hæc olim Catharitis, Nouatianis, & Donatistis fuit occasio vt à societate piorum desciceret. Et eadem hodie diffidia renouant Anabaptistæ: quia non putant verā esse Ecclesiam, quæ vitia tolerat. Verū non frustra Christus Matt. 25. 32, sibi munus vendicat segregandi agnos ab hædis: quin potius admonet ferenda esse mala quæ corrigere non licet, donec maturum adueniat purgationis tempus. Simul tamen iubentur fideles, pro se quisque dare operam, vt à corruptelis purgetur Dei Ecclesia. Atque hic tertius est quem notauimus doctrinæ vsus. Quanquam enim non ante vltimum diem perfectè mundabitur sacra Dei arca, dum Christus suo aduentu foras paleam eiiciet: hoc tamen facere nunc incipit Euangelii sui doctrina, quam ideo ventilabrum nominat. Quare minimè torpendum est in hac parte, sed acriter potius eniti cōuenit vt se in casta puraque disciplina continent quicunque nomen Christo dederunt. Sed illud præcipue memoria tenendum est arceri iniustos omnes à Sanctuarii ingressu: & sacrilegum eorū audaciam dampnari, dum sine ulla reuerentia prorumpunt in cætum piorum. Tabernaculi meminit, quia nōdum extructum erat templum. Summa tamen est, non patere ad Deum accessum nisi puris eius cultoribus.

### 3 *Qui non detrahit linguā suā, non infert socio suum malum, & opprobrium non tollit contra proximum suum.*

Postquam breuiter complexus est Dauid, quibus dotibus prædicos esse oporteat quicumque locum in Ecclesia tenere cupiunt, vitia quædam enumerat, quibus puros esse conuenit. Ac primo quidem denuntiat, ne sint obretractores: deinde vt ab omni maleficio & iniuria sibi temperent: tertio, ne calūnias & falsa probra suo patrocinio adiument.

2 *Qui ambulat integer.* Notanda est tacita antithesis inter inanem titulationem, vel nudam professionem quæ cæremoniis constat: & hoc solidum pietatis testimonium, quod commendat Dauid. Quæri tamen posset, quomodo cultus charitatis officia ordine præcedat, cur hic nulla fidei ac precationum fiat mentio, nam certè istis notis decebat legitimos Dei filios ab hypocritis distingui. In promptu solutio est fidem Dei inuocationē, spiritualia sacrificia minimè à Dauide excludi: sed quia multis cæremoniis hypocritæ se vt plurimū venditant (quorum tamen impietatem coarguit vita exterior, dum pleni sunt fastu, crudelitate, violētia, fraudibus & rapinis dediti) vt in luxū trahatur quicumque tales sunt, veræ & sinceræ fidei probationem peti ex secunda Legis tabula. Nam vt quisque iustitiam & æquitatem cum proximis suis colit, re ipsa demonstrat se Deum timere. Non ergo politica iustitia contentus est Dauid, quasi satis sit hominibus reddere quod suum est, Deum verò fraudare iure suo liceat: sed probos Dei cultores designat à iustitiæ fructibus. Ac primo quidem loco sinceritatem requirit vt simpliciter & sine malo astu in negotiis versetur: deinde iustitiam, vt student proximis benefacere: neminem lædant, & abstineant ab omni noxa. Tertio, fidem in suis sermonibus, nequid fallaciter vel captiose loquantur. *Loqui in corde*, dura quidem & impropria est locutio, sed quæ melius exprimit sensum Dauidis, quā si dixisset, ex corde. Tale enim cordis & linguæ consensum & symphoniam notat, vt sermo sit viua latentis affectus effigies.

Reliqua deinde videbimus. Maledictionem ergo Dauid, tanquam primum iniustitiæ caput quo læduntur proximi, statuit. Nam si nomen bonum multis diuitiis præcellit, Pro. 22. 1, nulla grauior noxa inferri potest hominibus, quā dum violatur eorum fama. Porro non quodlibet conuiuium hīc damnatur, sed obretractandi morbus ac libido, quæ ad



ad spargendas calumnias malignos homines incitat. Quamquam nondubium est quin Spiritus sancti consilium sit, falsas omnes vel improbas criminationes damnare. Quod proximè sequitur, debere à filiis Dei procul abesse omnem iniustitiã, latus patet: nequid scilicet damni fratribus suis inferant. Socios autem & proximos intelligit. non eos tantum quibuscum familiaris usus vel necessitudo intercedit, sed omnes etiam qui communi humanitatis vinculo deiuncti sunt, ac cõiuncti: idque facit augenda inuidiã causa, quo magis abhorreant fideles ab omni maleficio: quandoquidem ius huma-

næ societatis violat quisquis alteri nocet. In tertio membro non contentiunt Interpretes. nam Leuare probum quidam pro Communiſci, accipiunt: quia improbi calumnias de nihilo suscitant. ita esset repetitio eiusdem sententiæ, ne sibi fideles lingua detrahere permittant. Sed ego aliud vitium reprehendi puto, nempe crudelitatem nimiam, qua ministros de proximis sermones vel auide haurimus, vel temere aduittimus: quibus supprimendis danda potius erat opera. Nam qui fista mendacia repudiant, quasi patiuntur in terram excidere: qui verò spargant, & de manu in manum tradunt, nõ ineptè tollere dicuntur.

*4 Contemptus in oculis eius reiectus: qui verò timentes Dominum honorat, quum irruerit ad damnum inferendum, non mutat.*

Prima pars huius versus variè exponitur. Quidam sensum hunc eliciunt, quòd Dei cultores apud se contemptibiles sint, nullòque in pretio. quem si recipimus, subaudienda erit copula, quam David non exprimit. Ego præterquam quòd asyncheton video durum esse, alia ratione adducor vt Davidem aliud voluisse credam. Nam res duas inter se oppositas comparat, peruersos & nihili homines despiciere, iustos autem & pietatis studiosos honore prosequi. Hæc duo membra vt inter se respondeant, non aliter possum quod de contemptu dicitur accipere, quàm impios à filiis Dei contemni, & referre quam merentur ignominie mercedem. Verum quidem est, fideles, quanuis magna cum laude viuant, non tamen efferrì confidentia: quin potius sibi displicere, quia sentiunt quantum adhuc ad perfectionem sibi desit. Sed dum expendo quid postulet circumstantia loci: non tam humilitatē vel modestiam laudari puto, quàm ingenuum & sincerum iudicium, vbi neque improbis parcitur, & virtuti debitus habetur honor. Nam adulatio quæ vitia tegendo alit, nõ minus pestiferum est quàm vulgare malum. Fateor quidē, si dominentur improbi, non ita spernendos esse quin illis pareamus quantum feret officii nostri ratio: cauendum

tamen est ne seruilis assentatio eodem nos cum ipsis reatu implicet. Nam qui eorum scelera nõ modò dissimulat, si etiã honore dignatur, sibi probari quantum in se est, ostendit. Ideo docet Paulus Ephes. 5. 11, speciem impiæ communicationis esse, vbi scelera non coarguimus. Et certè hoc nimis peruersum est, in hominum fauorem oblique Deo includere: quod faciunt quicunque improbis gratificari stident. Quamquam non tam personas respicit David, quàm delicta ipsa. Nam qui honorificè colit impios videt, ac mundi applausu obstinatior reddi in malitia, si cõsensum spõte adiungat, quid aliud quàm regnum vitii attribuit? Væ autem qui dicunt malum esse bonum, & tenebras lucem, inquit Iesaias 5. 20. Caterum, quòd reiectos posuit David pro turpibus & flagitiosis, etiam si in alto honoris gradu locati sint, non debet asperum videri, vel coactum. Nam si aruspibus & aliis profanis viribus repulsos vocare licuit homines nequam & perditos, licet dignitate & opibus pollerent (quemadmodum author est Cicero De aruspicum responsis cur celestis Interpretres non probolis annumeret quicunque reprobantur à Deo? Summa igitur est, filios Dei libere iudicare de quocunque factis, neque gratia ad prauam assentationem

infecti, vt improbos in sua malitia foueant. Non vulgaris etiam virtus est, quæ proximè sequitur, honore prosequi pios homines & iustos. Nam quia sæpe sunt quasi mundi catharmata, sæpe fit vt qui sunt illis amici, passim mundi odia in se excitent. Ergo maior pars honorum amicitiam reicit, & contemptos iacere patitur: quod fieri non potest sine graui & atroci Dei iniuria. Dilectamus ergo non à censu, vel pecunia, vel fluxis honoribus aestimare, sed pietatem habere in pretio. Et certè nemo ad pietatis studium vnquam animum adiciet, nisi qui Dei seruos reuerbitur: sicuti vicissim eorum obseruantia ad imitationem quoque incitat. *Quam iurauerit ad damnum.* Optime quadraret Græca versio, nisi puncta obstarent: quibustamet si nunquam caruerunt Hebraei, credibile tamen est non semper scribendo ab illis fuisse expressa. Ego tamen receptam lectionem sequor. Sensus autem est, fideles potius iacturam facturos, quàm vt à fide discedant. Nulla enim fidei approbatio est, vbi quisque stat suis promissis, quatenus sibi commodum esse videt. atqui nihil magistrum est, quàm ex leui aliquo damno prætextum captare ad pacta rescindenda, simul ac quidpiam alii aliis polliciti sunt. Seorsum expendunt singuli quid sibi vile sit: & si grauantur promissis stare, ingeniose excogitant longè plus dāni, quàm timendum sit. Honeſta quidem excusatio videtur, vbi quis conqueritur

iacturam se facturum nisi à pacto resiliat. Hinc tanta perfidia licentia inter homines, quòd se, fide data, non vltà obstringi putant, quàm ferat cuiusque utilitas. David ergo ista leuitate damnata, aliam in promissis constantiam à filiis Dei requirit. Hic iam oriuntur quæstiones, Si latroni promiseris redemptionis pretium, atque ita dimissus fueris, an præstanda sit fides. Deinde, si quis indignè fraudatus fuerit, an iusiurandum rescindere liceat. Quod ad latronem spectat, qui pecuniam illi afferet, in aliud incurrit vitium: quia communem humani generis hostem non sine publica perniciæ sumptibus suis alet. Nec verò hanc necessitatem fidelibus imponit David, sed tantum priuatis commodis sua promissa, maxime si iuramento sancta sint, præferri iubet. Vbi quis dolo malo circumuentus iurauit, tanti debet esse nominis Dei sanctitas, vt damnum potius patienter sustineat, quàm violet iusiurandum: modò tamen priuata utilitatis respectu non ducatur, fraudem sibi factam detegere licebit. nulla etiã ratio impedit quo minus cū parte aduersa placide transigat. Perperam multi Hebraei Interpretes locum hunc ad vota restringunt: quasi hortetur David fideles ad implenda vota, vbi promiserint se ieiunio affligere. Nihil enim magis remotum ab illius mente: quia non nisi de secunda Legis tabula & mutua inter homines rectitudine disserit.

*y Pecuniam suam non ponit in fœnore, & munus super innocentem non accipit. qui facit hac, nō mouebitur in seculum.*

Hoc versu fidelibus David præcipit ne vel fœnore grauent proximos suos, vel muneribus corrupti, iniustis causis faueant. Quod ad prius membrum spectat, quia videtur David in genere & sine exceptione dānare vsuras omnes, nomen ipsum passim detestabile fuit. Sed quum astuti homines sibi fabricassent speciosos titulos, hoc artificio elapsos se putantes, maiore licetia prædati sunt, quàm si palam & aperte fœnerati essent. Atqui Deus sophisticè & facilius columbis minimè vult secum

agi: sed rē ipsam simpliciter respicit. quare nulla deterior est fœneris species, quàm iniusta contrahendi ratio, vbi mutua æquitas nō colitur. Sciamus ergo, cōtractus omnes quibus alter ex alterius damno lucrum iniquè caprat, quocunque tandem nomine vestiuntur, dānari. Quæritur tamē an hoc loco habendæ sint omnes vsuræ. Si præcisè dānentur, periculū est ne multi in eas angustias putantes se redactos, vt quocūque se vertant, vndique immineat peccatum, ipsa desperatione audaciores faci

facti, absque defectu se præcipitent. simul verò ac quidpiam concessum fuerit, multi sibi habenas laxabunt, fœnerandi licentiam sine modo putantes sibi factam esse. Primo itaque loco admonitos esse Lectores velim, ne ingeniosi sint ad captandos fraudandi colores: nec sibi fingant quicquam esse licitum, quod aliis graue & damnosum sit. Jam quod ad fœnus spectat, vix fieri potest vt inueniatur in mûdo fœnerator, qui non idem sit rapax & iniquo turpique quæstui deditus. Itaque non immerito olim Cato in eodem fere gradu posuit fœnerari & hominem occidere: quia huic hominum generi propositum est, alienum sanguinem exugere. Est etiam valde indignum, dum singuli laboriose victum sibi acquirunt, dum se agricolæ quotidianis operis fatigant, opifices multum sudando aliis seruiûnt, mercatores non modò se exercent laboribus, sed multa quoque incommoda & pericula subeunt, solos trapezistas sedendo vectigal ex omnium labore colligere. Ad hæc scimus, vt plurimum: non eos qui diuites sunt, fœnore exhauriri: sed tenues homines, qui potius leuandi erant. Quare non abs re Deus Leuit. 25. 25, fœnerari vetuit, rationem hanc addens, Si attenuatus fuerit populus meus, non grauabis eum vsura. Videmus finem Legis, ne crudeliter opprimantur pauperes, qui potius misericordia digni erant. Quanquam autem politica fuit Lex quam Deus peculiariter Iudæis tulit: communis tamen Gentium & ætatum omnium est ista æquitas, ne miseros homines & attritos deuoremus. Vnde sequitur, sub illicito fœnore non comprehendi lucrum, quod sine cuiuspiam iniuria fa-

cit qui mutuò dat pecuniam. Nomen etiam **וַשׁוּ** quo vtitur Dauid, à mordendo deductum, satis ostendit, vsuras, quatenus furandi & prædandi licentiâ secum trahunt, damnari. Ezechiel quidem 28. 4, quoduis augmentum videtur damnare: sed non dubium est quin ad iniustas & captiosas lucrandi artes respiciat, quibus diuites egenam plebè rodebant. Summa hæc sit, modò cordibus nostris insculpta sit, quam Christus Matth. 7. 12 præscribit, æquitatis regula, Quod quisque sibi fieri vult, vt proximis faciat, longa disputatione de vsuris minimè opus fore. Quod postea sequitur in contextu, propriè quidem ad iudices spectat, qui mercede conducti, ius & fas omne peruertunt: longias tamen extendi potest. quia sæpe contingit priuatos quoque homines lucro corrumpi, vt suum patrociniū malis causis accommodent. Tales igitur corruptelas, quibus à vero & recto abducimur, in genere complectitur Dauid. Quidam iudicum rapacitatem notari putant, dum redemptionis pretium extorquent ab innocuis, quos gratis iuare debuissent: sed diuersum esse sensum ex simili Ezechielis loco patet. *Qui facit hæc.* Hæc clausula rursus admonet, nò omnes qui se ingerunt in sanctuarium, perpetuos esse ciues Hierosolymæ, sed cū Ismaele (cui similes sunt) eiectioni iri hypocritas, & quicunque sanctorum titulo mendaciter se venditant. Quod autem Psalmus 46 toti Ecclesiæ tribuit, ad vnumquemque fidelium hic Dauid accommodat. Ratio illic exprimitur, quia Deus in medio Ierosolymæ habitat. scimus autem à perfidis & improbis, qui ore tantum & labiis fictè ad cū accedunt, longè remotum esse.

### ARGVMENTVM PSALMI XVI.

*Initio Dauid se Dei tutela commendat: deinde ex meditatione beneficiorum eius ad gratias agendas se accendit. Et quanquam suo cultu nihil Deo commendet, se tamen ei vni addiri, & à superstitionibus alienum fore iussatur. Causam quoque adducit, quia plena & solida sit felicitas, in vno Deo acquiescere, qui nihil suis deesse patitur.*

#### *Mistham Davidis*

De voce Mistham non conuenit etiā inter Hebræos Interpretes. Quidam à **מִשְׁתָּה** deducunt, ac si esset aureum inguæ. Alii putant initium esse carminis

#### *Psalmus XVI.*

tunc celebris & noui. Aliis potius videtur esse modulationis species: quibus ego assentior. Sequitur mox,



*CVstodi me Deus, in te confido.*

Precatio, qua se in Dei fidem committit. Nec verò (vt alibi sepe) Dei auxilium in aliquo certo periculo implorat, sed in totam vitam petit sibi esse custodem: sicuti non aliter quàm sub eius præsidio tuti sumus tum in vita, tum in morte. Quod de fiducia sequitur, tantundem valet ac si nobis ore Davidis promitteret Spiritus sanctus, Deum ad

opem nobis omnibus ferendam parati esse, modò certa fide & stabili in eum recumbamus. non alios verò in tutelam ab eo suscipi, nisi qui se ei ex animo commendant. Simul tamen monēdi sumus, Davidem, quibuscunque malorum procellis agitatus fuerit, stetit hac fide subnixum.

*2 Dices Iehoua, Dominus meus es, beneficentia mea non ad te.*

*3 Sanctis qui in terra sunt & praeclaris, omnis voluntas mea in ipsis.*

*2 Dices Iehoua.* Praefatur David se nihil posse Deo conferre, non modò quia nulla re indigeat, sed quia ad eum suis obsequiis promerendum nulla superpetat facultas homini mortali. Interea tamen animum colligit: & quia gratam habet Deus nostram pietatem, se vnum ex cultoribus eius fore proficitur. Porro, vt se ad hoc officium efficacius horretur, animam suam compellat. Est enim verbum fœminini generis, quod non nisi in animam competit. Si cui magis placeat in tempore praeterito legere, Dixisti, non reclamo: quia de continuo animi sui sensu differit, ac si dixisset, Mihi quidem penitus infixum est ac persuasum, nihil vtilitatis vel fructus ad Deum ex me redire: Sanctis tamen me adiungam socium, vt eum laudem sacrificiis simul colamus. Duo autem hic distinctè ponuntur, Deum iure suo posse omnia à nobis exigere, quos sibi tenet in solidum obstrictos. nam herile imperium ei tribuens David, se & sua omnia eius esse praedicat. Postea inopiam suam fatetur. Quamquam hoc posterius membrum duobus modis exponunt Interpretes. Nam quia *וְלֹא יָצָא* verti potest, Super te, quidam sensum hunc eliciunt, Deum nullis nostris beneficiis onerari, vt quicquam nobis debeat: ac beneficentiae nomen passiuè accipiunt, ac si David assereret, quicquid sibi Diuinitus collatum est, non prouenire ex obligatione aliqua vel merito. Sententia tamen (meo iudicio) latius patet, quòd homi-

nes quantūvis sedulò se impendere Deo conentur, nihil tamen praestare queant: quia scilicet ad eum vsque non pertingat quicquid in manu nostra est: non modò quia ipse nullius rei indiget, se vno contentus, sed quia nos bonorum omnium vacui & egeni sumus: nec quicquam nobis suppetit, quo simus erga eum liberales. Ex hac tamen doctrina sequitur illud quod prius attigi, Deum nullis meritis obstringi posse, vt sit hominibus debitor. Summa est, quum ad Deum accedimus, exuendam esse omnem confidentiam. Nam si quid penes nos esse fingimus, quia praecipuam honoris sui partem ei detrahimus, non mirum est si nos repudiet. Si verò nostra obsequia agnoscimus per se nihili esse, nullòque pretio digna, hæc humilitas quasi sufficitus est boni odoris, qui illis gratiam conciliet.

*3 Sanctis qui in terra sunt.* Vno ferè consensu omnes accipiunt hunc locum, ac si subiceret David, vnum hunc Dei rite colendi modum esse, si de sanctis eius seruis bene mereri studemus. & certè quia nulla nostra beneficia ad Deum perueniunt, fideles subrogat in suum locum, erga quos se exercet nostra charitas. Hic ergo legitimus est Dei cultus, quum homines inter se mutuò sunt beneficii. Et si autem ad indignos quoque extendere se charitas nostra debet (sicuti Pater caelestis solem suum oriri facit super bonos & malos, Matth. 5. 45) meritò tamen David sanctos alios

pra-

præfert, ac in gradu altiore locat. Ego verò licet hanc doctrinam sub verbis Davidis comprehendere non negem, longius tamen eum progredi arbitror: nēpe quòd se applicabit ad pios Deicoltores, & illis socius erit, vel comes: sicuti omnes Dei filios fraternæ cōiunctionis nexu inter se deuinctos esse oportet, vt eodem affectu & studio Patrem suū colant. Nunc videmus, Dauidem, postquā confessus est nihil se reperire quod Deo afferat, cui se totum debet, ideo ad Sanctos animum adiicere, quia Deus à cœtu fidelium in mundo celebrari velit, & in hunc finem eos adoptauerit, vt sub auspiciis suis & Spiritus sancti ductu vnanimis agant. Docet itaque hic locus, nullum gratius Deo sacrificium esse, quàm vbi serio animum adiicimus ad societatem fidelium: vt sancto pietatis vinculo coniuncti, fraternam beneuolentiam colamus. Hæc est Sanctorum communicatio, quæ ipsos à profa-

nis mundi pollutionibus separat, vt sacrum sint Dei peculium. Sanctos autem qui in terra sunt, diserte exprimit, quia Deus etiam in hoc mundo illustres gloriæ suæ notas extare vult, quibus nos ad se deducat. Ac ideo fideles imaginem eius gestant, vt nos suo exemplo incitent ad celestis vitæ mediationē. Eadem causa præclaros vocat, vel magnificos, quia iustitia & sanctitate, in quibus relucet Spiritus eius claritas, nihil pretiosius esse nobis debet: sicuti proximus Psalmus præcepit in pretio habendos esse qui Deum amant. Quare summa attentione, obseruandi sunt nobis sinceri Dei cultores, vt nihil pluri nobis sit quàm in eorum cœtū nos aggregare. quod ita demum fiet, si prudenter reputemus quænam vera sit præstantia & dignitas, nec vanus mundi splendor & fallaces pompæ oculos nobis perstringant.

4 *Multiplicabuntur eorum dolores qui offerunt alieno: non libabo libamina eorum de sanguine, nec tollam nomina eorum labiis meis.*

Iam rationem definit colendi cū Sanctis fraterni consensus, pronuntians cum incredulis & superstitiosis nihil sibi fore commune. Neque enim aliter in vnum Ecclesiæ corpus coalescimus sub Deo, quàm dum abruptimus omnes impios nexu, disungimus nos ab idololatriis, & ab omnibus inquinamentis, quæ purum Dei cultum corrumpūt ac vitiant, integri sumus ac immunes. Huc quidē certum est tendere Davidis consilium, sed in verbis variant Interpretes. Nam **תצער** quidam videntur Idola, vt sensus sit, postquam semel falsos deos sibi comminisci stulti homines cœperunt, nullum esse insanæ modum, donec immensam deorū turbam accumulēt. Sed quia nomen hoc in genere feminino positum legitur, potius retineo Dolores vel molestias. quāquā multiplex adhuc potest esse sensus. Nōnullis videtur esse imprecatio, ac si Dauid sancto zelo accensus, iustæ Dei vindictæ superstitiosos addiceret. Alii (quibus libentius subscribo) non mutant futurum verbi tempus: sed mihi nō

videntur satis distinctè exprimere quales molestias designet Dauid. Dicunt quidē miseros homines noua assidue figmēta sibi accersere in quibus se anxie torqueant: verū ego finem simul notari puto, quòd scilicet non modò sine profectu se macerent, sed etiam miserē & infelicitate saragāt in suam perniciem. Nam quòd se longius abducant ab eorum consortio, hoc axioma sumit, Adeò nihil ipsos proficere vanis suis superstitionibus, vt strenuē laborādo, grauioribus subinde malis se inuoluant. Quis enim euentus manet miseros homines, qui sponte se diabolo mancipāt, nisi vt eos spes sua frustretur? quemadmodum Deus conqueritur apud Ieremiam, Dereliquerunt me fontem aquæ viuæ, & foderunt sibi cisternas aridas, quæ rimis vndique persuunt. In proximo etiam membro aliqua est ambiguitas. Verbum **תתן** Hebræis in coniugatione Cal, significat dotare vel dare: sed quia in coniugatione Hiphil, sæpius accipitur pro currere, vel festinare, multis placuit hæc posterior interpretatio.

ratio, quoddam superstitiosi homines cupide festinent post alienos deos. Et certe videmus illos tanquam furore percitos, præcipientes ruere: atque hunc importunum ardorem Prophetæ illis sæpe exprobrant. Itaque mihi placeret hic sensus si eum communis linguæ usus admitteret. Cæterum, quia notant Grammatici alium similem locum non occurrere, alteram sententiam in versione sequutus sum. Hæc verò summa erit, dum substantiam suam profundunt ac dilapidant increduli, non modò perdere quæcunque idolis suis offerunt dona, sed iram Dei in se prouocando, nouis subinde molestiis se obruere. Fortè etià ad communem Scripturæ doctrinam aliusit Prophetæ, quòd idololatræ spiritalis cum vero Deo coniugii fidem violando, cum idolis paciscantur. Nam Ezechiel cap. 16. ver. 33, nò abs re Iudæis exprobrat, quomodo amator scortum donis alliciat, ipsos mercedem obtulisse idolis quibus se prostituerent. Optimè tamen constat simplex sensus, dum falsos deos, muneribus ornant increduli, non modò sumptum perdere, sed cumulare sibi alios atque alios dolores, quia infelix tandem erit exitus. *Non habeo libamina.* Nonnulli sacrificia ex sanguine intelligunt vel cruenta vel ex rapinis parata. Sed quoniam Prophetæ hæc non inuehitur in homines crudeles & sanguinarios, sed in genere fictitios ac vitiosos cultus damnat: deinde nò simpliciter sacrificia nominat, sed designat libandi ritum: miniquè dubito, quin tacite legali ceremoniæ opponat sanguinis libamen. Scimus enim gustum sanguinis tam in victu communi quam in sacrificiis, veteri populo fuisse vetitum, quo magis à cædibus & omni sœuitia

abhorreret. Rursus testantur historię Gentes in suis sacrificiis sanguinem libare solitas. Pronuntiat ergo Dauid se non modò alienum fore à prauis erroribus, qui idololatrias seducunt, sed in externa quoque professione sibi curæ fore ne vllum det signum consensum. Eodem spectat quod continuò post sequitur, Non sumam eorum nomina in labiis meis. Tanto enim odio & detestationi sibi fore idola dicit, ut ab eorum nominibus, tanquam à nefando sacrilegio, sibi caueat: non quòd fas nò sit eorum nomina proferre, quæ subinde in Prophetis occurrunt, sed quia non aliter exprimere potuit Dauid summam detestationem, qua falsos deos persequi debent fideles. Quod etià apparet in loquendi forma qua vitur. *relatiua enim tantum ponens, idola ipsa subicit.* Quare suo exemplo præcipit fidelibus non modò ut errores caueant ac impias opiniones, sed etiam ut ab omni consensus simulatione abstineant. Palam enim est de externo cultu eum loqui, qui vel puræ vel peruersæ religionis testimonium est. Quòd si fidelibus fas non est vllò simbolo ostendere sibi cum superstitiosis esse consensum, nò est quòd sibi indulgeant laruati Nicodemitæ friuolo isto prætextu, occultam se fidem intus fouere, dum se Papistarum sacrilegiis adiungunt, sunt qui *alienos, & eorum nomina* de cultoribus falsorum deorum exponant: sed Dauid potius ipsos deos (meo iudicio) intelligit. Nam hic scopus est, Quauis superstitionum colluue referta sit terra, & increduli in ornâdis suis idolis sine modo prodigi sint: piis tamen & sanctis abominabile semper fore quicquid illi consingunt.

5 *Iehoua pars portionis mee & calicis mei, tu sustentas sortem meam,*

6 *Funes ceciderunt mihi in amœnis: utique hereditas pulchra est mihi.*

5 *Iehoua pars, &c.* Clarius nunc sententiam suam explicat. causam enim ostendit cur se ab idololatriis disjungens, in Ecclesia Dei manere velit: & societatem errorum cum detestatione fu-

giens, ad purum Dei cultum aspiret: nempe quia in vno vero Deo acquiescat. Nā inde misera illa inquietudo, ut phrenetico impetu huc illuc discurrat ac vagentur cæci homines, quia vera Dei  
notitia



notitia priuati sunt. Nec certè fieri aliter potest quin sæpe vacillent quicunque non sunt in Deo fundati: & qui rectam fidem non tenent, intra cuius metas se contineant, quin eos abripiat errorum impetus. Cæterùm docet hic locus eos demum rite in vera pietate edoctos esse, quibus vnus Deus sufficit. Nam Dauid partem sortis suæ & hereditatem vocando, & calicem, se eo vno ita contentum affirmat, vt nihil appetat extra ipsum, nec prauis desideriis titilletur. Discamus ergo, vbi se Deus nobis offert, ita eum amplecti, vt omnes salutis nostræ partes ac numeros in eo quaramus. nam ex hoc fonte omnes quæ vnquam in mundo grassatæ sunt superstitiones, manasse certum est, quia superstitionis hominibus vnus Deus non satisfecit. Acqui non aliter à nobis possidetur, quàm si portio sit sortis nostræ, hoc est, si nos sibi in totum addictos teneat, ne vlla amplius infidelitatis cura nos sollicitet. Ideo Iudæos apostatas accusans, quòd post idola discurrerent, Ipsi, ipsi, inquit, sint portio tua. Quibus verbis ostendit se idolis locum cedere, nisi in solidū nobis sufficiat. Ac tres quidē similitudines ponit Dauid. nam primum hereditati Deum cōparat: deinde calici: tertio vindicem possessionis facit. Alludit autē ad hereditates, quas scimus inter Iudæos Diuinitus fuisse ita distributas, vt sua quæque sorte contentum esse Lex iuberet. Iam sub voce Calicis, vel hereditarii fundi prouentus

7 *Prædicabo Iehouam qui mihi dat consilium: etiam notitibus erudiunt me renes mei.*

Postremò fateatur Dauid hoc quocumque mera Dei gratia sibi fuisse datum, vt in tanti boni possessionem fide veniret. Nihil enim prodesset, Deum se nobis liberaliter offerre, nisi fide eum reciperemus: quando, reprobos & electos communiter ad se inuitat, sed priores sua ingratitude rāto bono se fraudāt. Sciamus ergo vtrunque prouenire ex gratuito Dei dono, quòd ipse nostra est hereditas, & eum fide possidemus. Hoc consilium est cuius Dauid meminit: interior scilicet Spiritus illuminatio, ne pro carnis nostræ cæcitate, salutem ad quam nos vocat, respuamus, Vnde col-

notatur, vel (per synecdochen) ordinarius victus: ac si dixisset, Deum & proprietate & fructu suum esse. Nec superuacua est tertia cōparatio: quia plerumque contingit à sua possessione depelli iustos dominos, quia nullus eos tuetur. Deus verò ita se nobis in hereditatem dedit, vt eiusdem virtute salua nobis maneat fruitio. Parum enim iuuaret nos semel ipso potitos esse, nisi cōtra quotidianos diaboli impetus possessionē assereret. Quod exponunt quidam, Tu fudus es in quo sita est mea portio, mihi frigidum videtur,

6 *Funes ceciderunt mihi.* Melius cōfirmat quod iam dixit proximo versu, nempe sedato ac tranquillo animo se in vno Deo acquiescere: imò ita gloriari, vt magnificè despiciat quicquid extra ipsum optabile sibi mundus fingit. Nam honorifico elogio Deum extollens, se quicquam amplius expetere negat. Cæterùm multiplex huius doctrinæ vsus est: quia non tantum ab omnibus superstitionum figmentis retrahere nos debet, sed etiam ab omnibus carnis & mundi illecebris. Quoties ergo nobis obrepunt quæ nos ab vno Deo abducant, ex opposito hæc sententia occurrat, Præclare nobiscum actum esse, quòd se nobis fruendum dederit ille qui perfectam in se continet bonorum omnium summam. Sic fiet vt nobis semper iucunda sit ac suauis nostra conditio: quia nulla beatæ vitæ parte destituitur qui Deum possidet.

ligimus, non minus inscitè quàm impiè gratiā Dei lacerari, vbi eius optio vel reiectio in libero hominis arbitrio statuitur. De externa verò doctrina hicnū agi, ex verbis clarè patet: quia dicit se nos erudiri, dū remotus est à cōspectu hominū. Deinde quū hoc dicit fieri in renibus suis, non dubiū est quin arcanas inspirationes designet. Iā vbi dicit hoc fieri renibus, obserua numerū plurale. Dauid enim nō fidei modò inritū adseribit Deo, sed assidue se in eius schola perficere agnoscit, quæadmodū necesse est mentis nostræ vanitatē tota vita corrigi, accendi clarius fidei lumen, & modis

omnibus nos ad spiritualem prudentiam altius prouehi.

8 *Posui Iehouam coram me iugiter: quoniam à dextera meis est, non mouebor.*

9 *Propterea gaudet cor meum, latatur lingua mea: etiam caro mea habitat confidenter.*

8 *Posui Iehouam.* Iterum fidem suam prædicat. nam Deum in conspectu statuere, nihil aliud est quam tenere suos omnes sensu ligatos, ne aliò diffuant. Necessè quidè est aliis quàm carnis oculis ipsum conspiciere: quia ratio apparet, nisi supra mundum conscendimus: sed fides tamen nos coercet, ne tergum ei obuertamus. Sensus ergo est, Dauidem sic iprentum fuisse & affixum Dei prouidentia, vt certò persuasus esset, quoties instaret aliqua necessitas, illum sibi præsto fore ad opem ferendam. Addit etiam *iugiter*, vt sciamus constanter innixum fuisse Dei auxilio, vt variis certaminibus agitatum nullus metus alio reflectere oculos cogeret. Atque ita nos à Deo pendere conuenit, vt certò statuamus, etiam quum longissimè ab eis se videtur, eum nobis propinquum esse. hic conspectus efficiet ne inanibus huius mundi spe Aris ludamur. *Quoniam à dextera meus est.* Hoc secundum membrum disiunctim lego. nam quod alii contextunt, Posui Dominum in conspectu meo, quia à dextris mihi est, frigidum videtur, & doctrinam multum extenuat: ac si diceret Dauid se experientia meriti Dei præsentia: quod minimè decet. Meo itaque iudicio, plena fuit hæc sententia, quòd sibi Deum præ oculis stauerit, vt se in omnibus periculis ad eum reciperet. Nunc vt alacrior sit ad bene sperandum, quid valeat Dei auxilium & paterna cura, sibi proponit: nempe vt suos quibus adest, in firmo statu cõtineat. Securus ergo est ab omni discrimine, & sibi certam salutem promittit: quia Deum fidei oculis quasi præsentem intuetur. Porro hoc loco euertitur Sorbonicum illud commentum, fideles de perseverantia finali dubios esse: quia Dauid gratia Dei fiduciam in futurum tempus clarè extendit. Et cer-

tè misera esset conditio, in singula momenta trepidare, ac si de continuo gratia progressu nihil nobis extaret.

9 *Propterea gaudet cor meum.* Commendat hoc versu incomparabilem fidei fructum, cuius passim meminit Scriptura: nempe quòd nò modò tranquillè, sed læti etiam & hilares sub Dei præsidio degimus. Scimus præcipuum beatæ vitæ caput esse *ubiquitas*, sicuti nihil infelicius est quàm inter varias curas & pauores astuare. Atqui impii quantum spiritui recordia aut stuporis se inebrient, nunquàm tamen vera lætitia fruuntur, nec serena mentis quiete: quin potius turbidos motus intus sentiunt, qui subinde illos perturbant, ac excutiant torporem. Denique nemini placidè gaudere contingit, nisi qui recumbere didicit in vnum Deum, suamque salutem in eius manu reponere. Quum ergo nos innumera perturbationes vndique obfideant, sciamus hoc vnicum esse remedium, oculos nostros ad Deum dirigere: nec modò animos nostros placabit fides, sed pleno etiam gaudio perfuset. quanquam Dauid non tantum se intus gaudere affirmat, sed linguam quoque suam, imò carnem huius gaudij participem facit. Et meritò, quia fideles nò modò in arcano cordis affectu spirituale gaudium fouent, sed lingua etià proferunt quatenus Deum salutis suæ custodem esse gloriantur. Nomen **יְיָ** quod propriè gloriam significat, nò dubitò hic pro lingua sumi, sicuti Genesis 49.6. nam alioqui trimembris partitio non quadraret. Quauis autè corpus ab incommodis & molestiis immunè non sit: quia tamen non solum animas nostras, sed etiam corpora Deus tuetur, non temere Dauid carni suæ commune facit hoc beneficium, vt securè habitet.

10 *Quia non deseres animam meam in sepulchro: nec*

*pones sanctum tuum ut videat foveam.*

Pergit in explicatione superioris doctrinæ: ideo scilicet nihil sibi ad plenum lætitiæ cumulum deesse, quia ab interitu sibi non metuat. Vnde sequitur, neminē verē Deo fidere, nisi qui salutem sibi à Deo promissam ita apprehendit ut mortem despiciat. Porro notandum est, Dauidem non de certa aliqua specie liberationis restrictè loqui (quemadmodum Psal. 49. 16, Redemit Deus animam meam è manu sepulchri, & aliis similibus) sed æternæ salutis fiduciam certò concipere, quæ anxietate & metu eum liberet: ac si dixisset paratum sibi semper fore exitum è sepulchro, ne in corruptione maneret. Nam Deus suos ab aliquo discrimine liberans, non nisi ad breue tempus vitam illis prorogat. Quantula verò & quàm ieiuna consolatio hæc esset, paulisper respirare, donec mors tandem sine spe salutis nos absorbeat? Hinc sequitur, Dauidem fuisse ita loquutū, eo quòd se attolleret supra communem generis humani sortē. Nam quando in omnes Adæ filios lata est sententia, quia pulvis sunt, redituros in puluerem, Gen. 3. 19, eadem sine exceptione omnes manet conditio. Quare nisi in medium prodcat Christus, qui est primitiæ resurgentium, sub putredine semper iacebunt. Vnde meritò colligit Petrus, Acto. 2. 30, non potuisse Dauidem ita gloriari, nisi Spiritu propheta, & in authorem vitæ sibi pronissum respexisset, qui solus hoc priuilegio ornandus erat. Hoc tamen non obstat quin David iure sibi immunitatem à morte promiserit: quia Christus non sibi priuatim resurgendo immortalitatē peperit, sed nobis omnibus. Quòd autem Petrus Actorum 2. 30, & Paulus 13. 33, in sola eius persona impletum fuisse hoc vaticinium contendunt, sic accipe,

ipsum à sepulchri corruptione fuisse prorsus & solidè exemptum, ut mēbra sua gradatim, & pro cuiusque mensura in societatem suam vocet. Nam quum Davidis cadaver in puluerem redactū sit, aptè colligunt Apostoli ipsam à corruptione non fuisse immunem. Eadem ratio ad fideles omnes pertinet, quorū nemo à putredine intactus, vitæ incorruptibilis sit particeps. Vnde sequitur, vitæ plenitudinem, quæ in capite solo residet, guttatim solū vel per partes ad membra defluere. Posset tamen de Christo eadem ferè questio obici (qui & ipse in sepulchrum descendit) sed quæ ad soluendum facilis est. Notanda est enim vtriusque vocis etymologia. Sepulchrū enim **קבר** vocatur, tanquam inexplēbilis gurgēs qui omnia consumit: **קבר** verò à corruptione. quare non tam locus hic notatur quàm qualitas: ac si dictum esset vitam Christi à sepulchri iure fore immunem, quia ne mortuum quidem eius corpus corruptioni erit obnoxium. Porro sepulchrum Christi viuifico Spiritus eius odore scimus perfusum fuisse, ut ei ianua foret ad immortalē gloriam. Fateor veteres tam Græcos quàm Latinos interpretes hæc verba in diuersum sensum traxisse, quod anima Christi ex inferis reducta fuerit. sed præstat in genuina illa simplicitate manere, ne ridiculi simus Iudæis. deinde ne vna argutia plures alias gignens, nos in labyrinthum coniciat. Certè in secundo membro minime dubium est fieri corporis mentionem: atqui scimus Dauidi nihil magis esse tritum quàm idem bis repetere. **נפשי** autem licet Latine Anima veramus, Hebræis tamē nihil aliud est quàm vitalis spiritus, vel ipsa vita.

*11 Notam mihi facies viā vitæ: satietas lætitiarum in facie tua, incunditates in dextera tua semper.*

Confirmat sententiam proximi versus, modūque explicat quo Deus à mortis seruitute eum eximet, nempe quia eius ductu, certò ad vitam perueniet. Vnde iterū colligimus quòd prius

dixi, hic fideles ab extraneis & reprobis discerni quoad perpetuum statum. nam si quis ostensam viam vitæ Dauidi fuisse dicat, quia viuendi tempus prorogatum ei fuerit, merum erit cauillum.



Nimis enī extenuatur Dei gratia, si dicamus eū suis ad pauculos tantū annos, vitæ esse ducem: quia hoc modo nihil à reprobis differrent, quibus commune est solis lumen. Quòd si hic peculiarem Dei gratiam, quia non nisi filios suos dignatur, commendat David: hæc vitæ ostensio haud dubiè ad beatam immortalitatem extenditur, imò ille demum vitæ tenet viam, qui sic Deo coniunctus est, ut in ipso, non extra ipsum viuat. Postea subiicit, Deo propitio nihil ad plenum felicitatis cumulum deesse. Quamquam autem Dei facies, pro aspectu tã passiuo quàm actiuo potest accipi, ego tamen vtrunque simul complector: quia ad lætitiæ causam ordinè præcedit paternus eius fauor, dum nos sereno vultu aspicit: neque tamen aarè nos exultat, quàm vicissim amabilem eius vultum conspiciamus. Quin etiam hoc membro ditèrte exprimere voluit David ad quos pertineant delicia, quarum plena

in manu Dei reposita est copia. Qui sit enim, quum penes Deum sint auitantates quibus totum mundum repleat, ut tristis & mortifera caligo maiorem humani generis partem occupet, nisi quia non omnes peræquè Deus serenis & pateris oculis aspicit, neque etiam omnibus aperit oculos, ut non alibi quum in ipso gaudii materiam quærant? Porro satietas fluxis mundi illecebris opponitur, quæ postquam aliquandiu luserunt miseros homines, ieiunos tandem & famelicos relinquunt. Quantumvis enim se in voluptates ingurgent, fastidio tamen potius læguent quàm satiantur: deinde tēporales delicia non secus ac somnia euanescent. Testatur ergo David, nusquam inueniri solidum gaudium in quo acquiescant hominum mentes, nisi in solo Deo: idèoque solos fideles qui vnica eius gratia contenti sunt, numeris omnibus beatos esse.

#### ARGVMENTVM PSALMI XVII.

*Psalmus hic continet tristem querimoniam de crudeli hostium superbia. Deinde testatur David, præter meritum ita se inhumani ter vexari, quia nullam illis suuendi causam dederit. Simul Deum vindicem implorat, ut eas manu liberetur. Est autem inscriptio nullum tempus designat, probabile tamen est Davidem hic de Saule & eius afflicis conqueri.*  
*Psalmus X VII.*

**P***recatio Davidis. Audi Iehoua iustitiam, attende ad clamorem meum: ausculta precationem meam, qua non est in labiis fraudulentis.*

*2 A presentia vultus tui iudicium meum prodeat: oculi tui aspiciant rectitudines.*

Initiò, causæ suæ bonitatem in me dium adducit, quia promissit Deus se minime passurum ut innoxii opprimerentur, quin tandem illis succurrat. Nam quòd Iustitiæ nomen quidam exponunt Precationem iustam, mihi frigidum videtur. Potius David ex sua integritate fiduciam concipiens, inter se & hostes Deum statuit quasi arbitrum, ut de causâ cognoscat. Alibi enim vidimus, ubi cum perversis hominibus nobis negotium est, licere coram Deo innocentiam nostram testari. Sed quia non sufficeret fidelibus, sibi esse rectè conscios, precationem secun-

do loco adiungit. Sæpe enim continget, profanos quoque homines iure gloriari de bona causâ: quia tamen non agnoscunt Diuinitus mundum gubernari, subsidunt in conscientia suæ theatro, (ut loquuntur) ac frænum rodentes, contumaciter magis quàm constanter ferunt iniurias, quia ex fide & inuocatione Dei nullum petunt solatium. At fideles non tantum nituntur causæ suæ bonitate, sed eam Deo tuendam commendant: & quoties aliquid contingit aduersi, confugiunt ad eius auxilium. Hæc igitur ratio est contextus, ut Deus si Davidem cognoscat iuste & sine

noxæ officio fuisse perfunctum, ideòque iniquè vexari ab hostibus, eū respiciat: præsertim quia fretus eius auxilio bene sperat, & interea sincere ipsum precatur. Per *clamerim* & *precationem* idem significat: sed vox Clamoris & eiusdē sententiæ repetitio ad vehementiam notandā valent. Porro quia hypocritæ se magnifice iactāt, & in fiducia signū vocē tumultuose efferunt, negat David se dolose loqui, hoc est fumos obtendere regendis suis delictis, sed ingenuè prodire in conspectum Dei. Ergo hac precandi forma Spiritus sanctus nos ad studium rectè viuendi instituit, vt si qui nobis insensī sint, gloriari liceat nos extra culpam esse. Deinde quoties improbi nos oppugnant, idem Spiritus ad præcandum nos inuitat: quia si quis bonæ conscientiæ testimonio fretus, preces negligat, Deum fraudat legitimo suo honore, iudicandi munus ei non deferens. Discamus præterea, vbi ad Deū accedimus, fucosè agendum non esse: quia tota rhetorica nostræ gratia corā Deo mera est simplicitas.

3 *Probasti cor meum, visitasti nocte: examinasti, non inuenies: cogitatio mea non transibit os meum.*

4 *Ad facta hominum, in verbo tuorum ego custodini vias dissipatoris.*

3 *Probasti cor.* Quidam præteritum tempus in primis tribus verbis loco futuri possum existimant: rectius ac magis perspicue ita resoluunt alii, Si cor meum probes, ac visites nocte, & penitus examines, non reperietur vlla fallacia. Caterum vt nihil mutetur, non malè sensus quadrahit hoc modo, Tu Domine qui arcanas omnes cordis mei sensus tenes, sicuti tuum est probare homines, optime nosti me non esse duplicem, nec quicquam fraudis intus alere. Certe consilium Davidis ambiguum non est, quia enim perperam falsa inuidia grauatus, nullam apud homines æquitatem impetrare poterat, prouocat ad Deum iudicem: sed ne temerè id faciat, serium examen sibi indicit, quia externa specie non fallatur Deus, cuius proprium est occultos cordis recessus excutere. Tempus noctis in Dei visita-

2 *A presentia vultus tui.* Ad verbum est, Ab ante faciem tuam, vel Coram facie tua: quibus verbis intelligit David, nisi Deus exurgat vindex; ius suum calumniis obrutum latere, sequè pro damnato haberi. Tacitè enim mendaciorum tenebris opponitur Dei cognitio: ac si dixisset se non alium expectere iudicem quàm Deum, nec fugere eius tribunal, quia & cor purum & bonam causam asserat. Eodem spectat quod mox subiicit de aspectu. Neque enim Deum excitationis insinuat: sed tantum precatur vt re ipsa ostendat; minimè se conuiuere ad hominum scelera, vel susque deque habere miseròs homines qui præter meritum malè tractantur. Iudicii nomen quidam nimis restrictè pro iurè regni promissi accipiunt, ac si peteret se Dei manu in solio locari, quia & ab ipso Rex electus erat, & eius auspiciis ac nomine per manū Samuelis vnctus: Sed nõ dubito quin multis ac variis iniuriis oppressus, in fidem ac patrocinium Dei se conseruat.

tionem exprimit, quia vbi quis subductus est ab hominum oculis, clarius videt quæ alioqui laterent vitia: sicuti rursum hominum conspectus pudore vitia nostra obducit: ac si dixisset, Domine, quum noctis tenebræ conscientiam sublati integumentis magis aperiāt, & tunc sine testibus & arbitris liberius se proferat affectus, si eo articulo me examines, nihil in corde meo reperietur perfidiæ. Hinc colligimus quanta fuerit Davidis sinceritas, qui seipsum intus colligē, tā intrepide se Dei iudicio exploradū permittit. Nec verò se ab externis tantum criminibus purgat, sed etiam ab omni clandestina malitia: quod scilicet ingenuè præ se tulerit quæ agitabat in animo. Nam cogitare nostrum dicitur *os transgreari*, quum fallendi causa aliud versat animus, quàm lingua assermet. quanquam *non* potest in  
F. III.

malam partem accipi pro captiosis & fallacibus consiliis.

4 *Ad facta hominum.* Variè hùc versum exponunt Interpretes. Quidam enim ¶ pro Contra sumi putantes, verunt: Ad facta hominum, quæ contra verbum tuum perpetrant. sed ego aliis potius assentior, qui hic rectum iudicium laudari dicunt, quod ad præscriptum verbi Dei exigitur. Sunt enim qui solertia præditi, sedulo quidem observant facta hominum, sed non secundum verbum Domini. Nondum tamen plenum huius loci sensum tenemus. adhuc enim videndum est quasnam *via* dicat *diffipatoris*. Videtur quibusdam suos sodales norare, qui statim ad rapinas, prædonum more volassent, nisi eo: compescuisset: utpote qui ad vltima redacti, desperatione erant audaces. Scimus enim quàm acris sit stimulus necessitas. Verùm illa etiam expositio videtur mihi coacta: potius itaque ad hostes refero. Iam& in verbo: Observandi, variant Interpretes. Quidam enim ita accipiunt, quasi David se proteruis hominibus & per scelera grassantibus, strenuè opposuerit. Alii, quòd intentus fuerit ad discrimen recti & iniqui, ut sibi cauere à malis exemplis: quæ autem videret verbo Dei congruere, illa imitaretur. Atqui non dubito aliam fuisse Davidis mentem, nempe quòd testari voluit, quantumvis eum improbi homines ad ma-

lum impellerent, se tamen reiectum fuisse Dei verbo, ne vi & iniuriis certaret, vel malum pro malo rependeret. Dicit igitur, qualiacunque fuerint opera hominum, se ita semper additum fuisse verbo Dei, & quasi ab ore eius pependisse. ut sibi licitum minimè putaret, quantumvis esset prouocatus iniuriis, parem mercedem hostibus referre. Scimus quàm dura sit hæc tentatio, & ad vincendum difficilis, non respicere qualiter se nobiscum gerant homines, sed quid Deus vetet aut iubeat. Nam qui ad æquitatē propensi sunt, ut prodesse omnibus studeant, neminem verò lædere velint: vbi sunt læcessiti, pròrumpunt cæco impetu ad vindictam: præsertim vbi videmus ius & fas omne perueriti, talis confusio nos exæcat, ut non dubitemus vululare cum lupis. Ergo exemplo Davidis, hæc nobis optima erit moderatio: nis ratio, vbi nos suis maleficiis, hostes ad nocendum stimulant, oculos in verbum Dei coniicere. Ita enim fiet ut nunquam excutiant mentes nostræ, quin sibi caueant à viis peruersis: quia Deus non tantum præceptis suis affectus nostros frænabit, sed promissionibus quæque ad patiētiā erudit. Neque enim tantum nos vetando prohibet à maleficiis, sed vindicem nostrum se fore pronuntians, simul admonet ut demus locum iræ.

5 *Sustenta gressus meos in semitis tuis, ne labantur plantæ meæ.*

6 *Ego inuocaui te, certè exaudies me Deus: inclina aurem tuam mihi, audi sermonem meum.*

5 *Sustenta gressus.* Si Dei semitas accipimus pro Legis præceptis, sensus clarus erit, nempe quòd David licet verè gloriatus sit se inter grauissimas tentationes constanter iustitiam coluisse puro animo, propriæ tamen infirmitatis sibi conscius Deo se regendum tradat, sibi que dari petat perseverandi gratiam: ac si dixisset, Sicut hæcenus te ducere in recto cursu perrexi, ita in futurum tempus retine gressus meos, ne labantur. Et certè ut quisque maxime excellit, sibi præcipitio metuere debet. Hæc

enim Satanæ astutia est, ex virtute fabricare carnis confidentiam quæ torporem inducat. Quanquam autem hùc sensum non prorsus repudio: probabilius tamen mihi est, Davidem hùc feliciem à Domino successū precari: ac si dixisset, Domine quādo vides me integritati fuisse deditum, ita me gubernare ut omnibus appareat te meum esse custodem, nec me finas hostium libidine deici. Ita per Vias Domini intelligitur non doctrinam qua vita nostra regitur, sed virtutē qua nos fulcit, ac præsidium quo



nos cōseruat: nec tantum ideo sic vocat, quod omnes euentus in eius sint manu: sed quia vbi curam nostram habet, fluunt omnia nobis commodē. Quum addit, *ne labantur planta mea*, significat singulis momētis multos casus aduersos instare, & periculum esse ne pereamus, nisi nos Dei manus sustineat.

6 *Ego inuocauī.* Verbum hoc præteriti temporis continuum actum designat, ideoque præsens tempus completur. Si particula *Quia* hoc loco est causalis, sensus erit, Dauidem inde sumpsit

se precandi fiduciam, quia fretus Dei promissione, vota sua non fore irrita sperabat. Nisi forte magis placeat mutare tempus verbi (sicuti quidam faciunt) hoc sensu, Orabo, quia expertus sum hæc genus preces meas abs te fuisse exauditas. Ego tamen quod mihi visum est simplicius, elegi: Dauid enim, meo iudicio, hic se bona spe ad Deum inuocandum hortatur & animat: ac si dixisset, Quum ego te inuocem, certè o Deus, vota mea non spernes. Mox tamen postulat sibi concedi quod dixerat se sperare.

7 *Mirifica misericordias tuas seruator sperantium ab his qui se effecerunt contra dexteram tuam.*

8 *Custodi vt pupillam filiam oculi, in umbra alarum tuarum absconde me.*

9 *A facie impiorum qui me perdere conantur, inimicorum meorum qui in anima obsident me.*

7 *Mirifica misericordias.* Quoniam verbū *הפלה* nunc admirabilem vel eximium reddere, nunc segregare significat, uterque sensus præsentī loco non male conueniet. Nam (vt dicitur Psal. 31. 20) bonitas Dei recondita est eius cultoribus instar peculiaris thesauri, vt eā opportunē depromat etiam in vltimo desperationis articulo. Ergo si vertere placeat, Segrega, sensus erit, vt Deus illam gratiæ speciem, qua los electos dignatur, erga seruum suum Dauidem proferat. Nam quum promiscuē in discrimen coniiciat bonos & malos, diuerso exitu tandem probat se non confuse miscere paleam tritico, quia suos separatim colligit. Dauid tamen (meo iudicio) quia videbat non nisi raro & insolito modo se posse liberari, admirificam Dei virtutem confugit. Nam qui putant eum optare vt Deus persecutoribus gratiam suam arceat, nimis violenter contextum torquent. Porro hæc circumstantia, periculum magnitudo exprimitur: quia alioqui satis fuisset vñsato & vulgari modo Dauidem iuari, sicuti suos quotidie Deus fauore suo prosequi, & auxilio suo tueri solet. Coegit ergo eum grauissima anxietas miraculum in sua salute expectere. Elogium quo hic ornatur Deus, ad spem impetrandi fa-

orit. nam quum sibi Deus seruandi partes asserat quotquot in ipso confidunt, merito Dauid qui vnus erat ex illorum numero, salutem promittere sibi potuit. Ergo quoties ad Deum accedimus, primū nobis in mentem veniat, quia non frustra vocatur Deus sperantium seruator, modo in eius gratiam recumbat fides nostra, minime timendum esse quin paratus sit ad opem nobis ferendam. Quod si clausæ sint omnes viæ, simul etiam in mentem veniat, penes ipsum esse incredibiles auxiliandi modos qui eius potentiam melius illustrent. Cæterum quia participium Sperantes, sine adiectione ponitur, quidam interpretes cum sine versus coniungunt, ac si inuersus esset verborum ordo. Sic ergo resoluunt, Seruator sperantium in dextera tua ab iis qui insurgunt. Sed quia hoc durum est, exposicio verò quā attuli, melius fluit, & magis est recepta, eam sequamur. Vno itaque complexu Deo tribuit suos tuēdi & seruādi munus cōtra omnes impios qui ad oppugnandā eorū salutem insurgunt. Dicuntur autem se efferre cōtra Dei manum, quia molestiā piis quos Deus seruandos suscepit, inferendo aperte bellum ei intendant. Atque hæc sententia doctrinam continet apprimè vtilem, violari Deum in nostra perso-

na, quia se nostræ salutis custodem semel professus, quoties iuste oppetimur, manum suam pro clypeo opponit. Atque huc spectat duæ similitudines quas David subiunxit de pupilla oculi & auium pullis. Nam quum Deus exprime re volens quantam curam suorum habeat, se gallinæ & aliis auiibus similis faciat, quæ fouendis & regendis suis pullis alas extendunt: ac pronuntiet sibi non minus charos esse quàm est hominibus oculi pupilla, pars terrentissima corporis: sequitur, bellum contra ipsum moueri quoties ad lædendos fideles confurgitur. Nam quum hæc præcandi forma à Spiritu sancto dictata sit, promissionem in se continet. Incredibilis verò Dei bonitas, quòd se eousque demittit, & quodammodo transformatur, ut fidem nostram

supra omnes carnis sensus extollat.

9 *A facie impiorum.* Iterum hostes suos accusans, gratiam Dei ab innocentia suæ commendatione sibi conciliat: simul tamen conqueritur de ipsorum saninitia, quo Deus ad auxiliandum propensior sit. Dicit enim primò, vastandi & perdendi libidine ipsos ardere. Deinde addit se obsideri in anima: quo significat, non alio pretio quàm morte sua contentos fore. Itaque quò plus terroris nobis incutit hostium crudelitas, eò etiam magis precandi studium acueri debet. Quamquam autem monitore opus non habet Deus, hic tamen est precationis usus & finis, ut fideles dum sua mala & sollicitudines exonerant in Dei sinum, certò statuant suas necessitates ab ipso respici.

10 *Adipe suo se clausurunt, ore suo loquuti sunt cum superbia.*

11 *In vestigiis nostris nunc circūdederunt me. oculos suos posuerunt ad depressendum in terram.*

12 *Similitudo eius ut leonis expetit ad rapiendum, atque ut catuli leonis habitantis in occultis.*

10 *Adipe suo.* Siquis vertere malit ut faciunt alii, Adipem suum clausurunt, eodem redibit sensus. Nam quòd Hebræi quidam exponunt, Adipe referros, quia impeditum erat eorum guttur, caruisse libera voce, nimis dilutum est. Ego vero per vocem Adipis, fastum quo non secus ac pinguedine tangebant, notari existimo. Est autem concinna metaphora, pectus eorum ferocia non secus ac pinguedine fuisse obturatum. Neque tamen nego, conqueri Dauidem, opulentia & deliciis fuisse inflatos: sicuti impios videmus, quo pinguius saginantur, magis contumeliose superbire: sed interius vitium hic puto describi, quòd scilicet confidentia undique stipati, se & ab omni humanitate subducunt. eius deinde signum in lingua extare dicit. Summa igitur est, intus superbia tumere: neque verò eam dissimulare, dum verborum ampullas proiciunt. Nam in Orii nomine hic non est pleonasmus, ut sæpe alibi: quia intelligit Da-

uid, palam & plenis buccis efflare contumelias, quæ testes sunt eorum superbiæ.

11 *In vestigiis nostris.* Confirmat quod prius dixit de furiosa nocendi libidine, quæ flagrabant hostes. dicit enim tam crudeliter fuisse intentos ad machinandum exitium, ut quocunque deflatteret, non desinerent à teigo instare. Quum dicit Gressus nostros, haud dubie suos comites complectitur, quamquam statim ad se vnum redit: nisi quis fortè alteram lectionem magis probeat, quia nonnulli codices habent **11110** plurali numero. Sed in eo parum est momenti. simpliciter enim conqueritur David, nisi Deus è cælo manum porrigat, iam sibi nullum effugium restare, quia simul ac pedem mouit, insectantur hostes, gressusque omnes observant. Per aduersum temporis Nunc, significat non solum in presenti periculo se versari, sed singulis momentis, quancunque in partem se vertat, gressus suos ab-

hostibus infisti & vrgeri. Posterius me-  
brum ita exponunt quidam, ac si venato-  
ribus hostes conferret Dauid, qui oculis  
in terram deiectionis, taciti prædæ inhi-  
ant. Gestum ergo notari putant in oculis  
deorsum fixis. Et certe fraudulentum  
homines sæpe ita composito sunt vultu.  
rectius tamen intelligunt alii hac figura  
notari continuum & infatigabilem  
ardorem quo feruntur impii ad euertenda  
omnia. Ponere itaque oculos, nihil  
aliud erit quam applicare totum suum ac-  
cumen, & conatus intendere. Quod au-  
tem sequitur, Ad deliciendum in terram  
tantundem valebit atque ad prosternendum.  
Nam impii, quasi stante mundo si-

bi concidere necesse esset, totum huma-  
num genus euersum cuperent: ideoque  
ad omnes prosternendos strenuè se com-  
parant. Id similitudine amplificat proxi-  
mus versus, ubi dicitur similes esse leoni-  
bus & catulis leonum. Teneda autem illa ra-  
tio est, quo insolentius contra nos faciunt  
impii, propior est nobis esse Dei manu ut  
eorum truculentiæ se opponat: cuius hæc  
propria laus est, feras & sanguinarias  
belluas compescere. Lustra, vel occultas  
latebras ideo nominat, quia hostes eius  
variis lædendi artibus pollebant: & fa-  
cultas etiam ad manum erat, ut difficile  
esset resistere.

13 Surge Iehoua, præueni faciem eius, prosterne eum: eripe  
animam meam ab impio, gladio tuo,

14 A viris manu tua Iehoua, à viris qui sunt à seculo:  
quorum portio est in vita, quorum ventrem imples bonis tuis  
reconditis: saturantur filii, & residuum suum dimittunt par-  
uulis suis.

Quò violentius premebatur Dauid  
subitum quoque Dei auxilium imple-  
rat: faciem enim pro rapido impetu ac-  
cipit, ad quem arcendum summa festi-  
natione opus erat. Quibus verbis docet  
Spiritus, ubi iam mors se propè offen-  
tat, Deum præsentibus remediis esse in-  
structum, quæ momento interponere  
poterit. Nectantur liberandi partes tri-  
buit Deo, sed ad impios conterendos si-  
mul armat potentia. Quamquæ eorum  
deiectione non optat, nisi quatenus hu-  
miliari necesse fuit, ut à maleficiis cessā-  
rent: quemadmodum ex sequenti mem-  
bro colligimus, ubi iterum postulat ani-  
mæ suam eripi. facile enim passus esset  
integros stare, nisi viribus suis iniussu &  
crudeliter abusi essent. Sciamus ergo  
Deum suis consulere, dum impios euer-  
tit, frangitque ipsorum robur: ut scilicet  
ab exitio liberet innoxias animas. Cæ-  
terum quod Interpretes appositiue le-  
gunt Ab impio, qui gladius tuus est: Itē,  
A viris qui sunt manus tua, mihi nō pro-  
batur. Fateor quidem, vndeunque pro-  
ueniant mala, nos Dei manu castigari,  
impioque esse eius flagella, atque hoc  
apertissimum esse patientiæ argumentum:

sed quia modus loquendi hoc loco es-  
set asperior, deinde precationi non ad-  
modum quadraret, aliam expositionem  
libentius amplector: nempe ut Deus  
gladio suo ipsum eripiat, viros quorum  
nimis diuturna fuit potentia & felicitàs,  
manu sua percutiat. Gladium enim  
Dei humanis subsidiis opponit: ac si di-  
ceret, nisi Deus prodeat ipse vindex,  
gladiumque suū exerat, nullam spem li-  
berationis reliquam esse. Quod proximo  
versu sequitur, A viris manu tua Do-  
mine, à viris qui sunt à seculo: ita conte-  
xo, Domine vindica me tua manu, vel  
ope cælesti, à viris, à viris inquam, quo-  
rum tyrannis nimis diu vixit, & quos  
nimis diu in prosperitatis suæ sæcibus  
residere passus es. Hæc autem repe-  
titiue emphatica est: quia Dauid in-  
dignitate retentus, primò suspendit  
sententiam: deinde collecto spiritu,  
qua de re angatur, exponit. Cæte-  
rum quia numero singulari nuper usus  
fuerat, iam declarat complures sibi  
esse infestos, & quidem validos ac  
potentes: ut nulla nisi à Dei ope  
spes supersit. Particula A seculo, variè  
exponitur. Quidam vertunt, Tempo-



rales, ac si negaret Dauid eorum statum fore durabilem: quod minimè consentaneum videtur. Alii sic vocari putant qui penitus mundo sunt dediti, ac nihil nisi terrenum sapiunt. Itaque secundum eos, Dauid brutis animalibus hostes suos comparat: atque huc quoque referunt quod proxime sequitur, Partem eorum esse in vita: quia scilicet spiritu vacui, bonisque caducis affixi, supra mundum non conscendunt. Portio enim cuiusque dicitur, in quo suam quisque felicitatem locat. Sed quum 777 Hebræis seculū, vel humanæ vitæ cursum significet, non dubito quin Dauid queratur hostes suos viguisse ultra iustum tempus. Nam ut tolerabilis sit ad exiguum tempus impiorum proteruita, eos tamen, dum contra Deum lasciuunt, stabiles manere absurdum est. Atque hunc sensum confirmat præpositio 777 qua exprimit Dauid, non à triduo duntaxat, vel nuper emeruisse, sed iam à seculo durasse eorum felicitatem, quam momento euanescere oportuit. Nisi forte à seculo eos denominet, quia rerum potiuntur inter homines, honoribus & copiis exultant: ac si in eorum tantum gratiam conditus esset mundus. Quod verò dicit, portionem eorum esse in vita, sic interpretor, ab omnibus incommodis esse immunes, ac deliciis affluere, adeoque à communi sorte esse exemptos: sicut vicissim miseri hominis portio in morte esse dicitur. Hoc ergo minime consentaneum esse dicit, impios

*Ego in iustitia videbo faciem tuam: satiabor quum euigilaue-  
ro effigie tua.*

Postquam anxie molestias quæ ipsum vrebant & torquebant, coram Deo exposuit, ne tentationum mole obruatur, alis fiduciæ se attollit in serenam tranquillitatem, in qua res legitimo suo ordine compositas videat. Nam hîc primùm tacita comparatio est inter statum bene ordinatum, ubi Deus suo iudicio constituet quæ nunc confusa sunt, & turbulenta caliginem, quæ tacente Deo faciemque suam occultante, mundum occupat. Nam Dauid inter illas quas reuulit, afflictiones, videri poterat in ater-  
nas tenebras demersus: impii enim pro-

volitare latos & alacres extra mœnis metum, sibi que quasi iure hæreditario vendicare quietam ac beatam vitam. Eodem spectat quod mox adiungit Dauid, Deum bonis suis abditis farcire eorum ventres: ut certè videmus eos non tantum cõmuni luce, & spiritu, alimentis, & reliquis commoditatibus promiscuè frui, sed lauius sæpe ac splendidius tractari à Domino, ac si præ aliis delicatos filios in gremio foueret. Itaque abscondita Dei bona vocantur raræ & magis exquisitæ lauitia. Dura hæc tentatio est, si quis Dei fauorem à terrena felicitate æstimet. itaque non mirum est hac circumstantia vehementer fuisse turbatum. Sed meminerimus ex pia querimonia leuationem eum petere, non autem obstrepere Deo, ut nos quoque eius exemplo gemitus nostros discamus in calum dirigere. Quidam subtilius exponunt, vocari abdita Dei bona, quæ impii ipsi cum stupore vorant, vel quia nõ apparet ratio cur tam liberaliter sua bona Deus in ipsos profundat. Sed illa quam attuli expositio, ut simplex ac genuina est, alias per se satis refellit. Vltimus gradus est, quod continua successione diuitias suas ad filios & nepotes vsque transmittunt. Nam quæ ex filiis Dei non sint, quibus promissa est hæc benedictio, sequitur in diem magnationis eos saginari, Ideoque finis querimonie est, ut maturè vindicta suâ exerat Deus, quando tandem abusi sunt eius indulgentia.

spera fortuna, honoribus & diuitiis florentes, videntur Deo propinqui. Atqui Dauid superbæ ipsorum iactantiæ insultat: & quanuis in speciem procul à Deo sit reiectus, sibi tamen familiarem eius conspectum promittit. Pronomen *Ego* emphaticum est: ac si dixisset suas æumnas & probra non fore obstaculo quominus ex paterno Dei amore plenam lætitiā rursus percipiat. Nam & hoc notandum est, hoc vno contentum esse ad summam beatitudinis, si Deum sibi propitium sentiat, quo aduerso impii frustra se felices imaginantur.

Dei

Dei enim conspectus nihil aliud est, quam paterni fauoris sensus, quo nos non modò exhilarat, absterfus nostris doloribus, sed in calum vsque rapit. Iustitiæ nomine significat se bonæ conscientiae mercede nequaquam frustratum iri. Quandiu enim cruce & mileriis suos humiliat Deus, mundus eorum similitudine petulantur illudat, ac si temere & stultè puritati studerent. Cum hoc ludibrii genere Dauid nunc luctatur, sibi-que repositum pietatis fructum esse asserit, modò ab obedientia iustitiæ Dei non discedat: quemadmodum Iesaias cap. 3. ver. 10, fideles hortatur ut se hac persuasionem sustineant, Iusto bene erit. Neque tamen ideo salutis suæ causam ascribit operibus, quia non disputat quibus meritis recipiendus sit in Dei gratiam: sed tantum hoc statuit, operà non perdere quicunque Deum colunt: quia utique ad tempus faciem ab illis suâ subducit, opportunè lucidum eius conspectum tandè restituit. *Satiabor*. Arguè quidam Interpretes magis quàm propriè ad vltimam resurrectionē hoc restringunt, ac si Dauid spem beatæ lætitiæ differret, ac desiderium suspenderet vsque in futuram vitam. Et satietas quidem hæc de qua loquitur, nō ante vltimum Christi aduentum suis omnibus numeris cōstabit, fateor: sed quia Sancti, vbi Deus amoris sui notitia eos irradiat, in hac luce acquiescunt, meritò hanc pacē Dauid, vel gaudium Spiritus, societatem vocat. Nam etsi impii sua abundantia crepent: quia tamen in-explebilis est eorum cupiditas, vel quia vento pascuntur, vel quia attoniti, bona sua non sentiunt, vel quia diris conscien-

tiae tormentis laborant, nunquam animis sunt sedatis & tranquillis, sed inter cæcas agitationes astuant. Vna est igitur Dei gratia quæ nobis sufficit, ne in-tempestiuus desiderii huc illuc raptemur. Itaque non dubito quin Dauid ad inanes mundi lauitias alludat, quæ nihil quàm appetitus irriant: ut non alios solido gaudio frui ostendat, nisi quibus vnus Deus satisfacit. Quia autem ad verbum Hebraicè dicit, *Satiabor* in euigilando faciem tuam, vel facie tua: nonnulli priorem sensum magis probantes, euigilare faciem Dei vel expergisci intelligunt, quum lumen gratiæ eius quod prius nebulis obductum erat, emergit. Verum mihi aptius videtur, referre verbum Euigilandi ad Dauidem, ut tantundem valeat ac respirare à tristitia. Etsi enim stupore nunquam fuerat oppressus, fieri tamen non potuit quin post longam fatigationem quasi sopitus iaceret. Neque enim omnes conflictus tam animose sustinent ac repellunt Sancti, quin pro carnis infirmitate laqueescant ad tempus, vel tanquam offusis tenebris expauescant. hanc igitur perturbationem Dauid sopori comparat. Vbi autem iterum effulserit Dei fauor, se recepto vigore tranquillum fore dicit. Verè quidem dicit Paulus, 2. Corinth. 5. 7, quandiu in mundo peregrinamur, per fidem incedere, non per aspectum: sed quia nihilominus effugiē Dei non tantum in Euangelii speculo, sed in tot documentis gratiæ eius quotidie cernimus, se quisque à torpore excitet, vt non satiet spiritualis fœlicitas, donec facie ad faciem se nobis fruendum exhibeat Deus.

## ARGVMENTVM PSALMI XVIII.

Scimus per quas difficultates, & quàm ardua obstacula Dauid ad regnum peruenire, nam vsque ad mortem Saulis exul & profugus, trepidè vitam inter multas mortes protulit. Deinde quum Deus iam eum sua manu in sibi locasset, exceptus fuit inter filios discipulis: & quū potentior esset aduersa factio, parum sape absit ab interitu. Hostes verò externi eum ad senem vsque duriter exercuerunt. His malis, nisi Dei virtute adiutus, nunquam superior fuisset. Multas ergo & insignes victorias adeptus, non sibi ut silent profani homines triumphum canit: sed Deum illarum auctorem iussu encomiis celebrat. Tsaltraus ergo hic initium est, quo magnificè Dauid tam in regno suo auspiciando, quàm in tuendo eius statu admirabilem Dei gratiam extollit. Deinde ostendit in regno suo adumbratam fuisse regni Christi imaginem, ut statuam fideles, quauis inuito & reluctante toto mōdo, Christum invicibilis Patris potentia semper fore victorem.

Tsaltraus XVIII.

**P** *Rascto, serui Iehoua Davidis, qui recitauit Iehoua verba Cantici huius, die quo eum Iehoua eripuit à manu omnium hostium eius, & à manu Saulis.*

Non parum ad rem facit temporis notatio, vt sciamus Dauidem rebus pacatis non luxuriasse in ebria latitia: sicuti profani homines, vbi data est illis à malis relaxatio, excussi beneficiorum Dei memoria, vel se immergunt in crasas voluptates, vel cristas erigunt, vel iactantia suæ fumis Dei gloriam obscurant. Refert enim Sacra historia, quum iam ætate fere consumptus esset, defunctusque omnibus molestiis quietus sederet, cecinisse hoc canticum Domino, 2. Sam. 22. capite. Conuenit etiam inscriptio hæc, quam non temere fuisse appositam, ex istis rationibus colligimus. Tempus verò designat, postquam eum Deus eripuerat ab omnibus inimicis, vt sciamus tunc prorsus tranquillâ fuisse regni possessionem, & non semel, neque in vno tantum hostium genere Deum illi opem tulisse, quum vbiunde renouarentur certamina, finis vnus belii, vnusque esset alterius: imò sæpe multiplices copiarum aduersus eum surgerent. Vix enim quisquam alius reperitur à mundo creato, quem tam variè exercuerit Deus. Sed quia enim crudelius quam reliqui omnes, maioreque furore & pertinacia Saul persequutus fuerat: ideo di ferte exprimitur eius nomen, quum prius generalis facta esset omnium hostium mentio. Neque enim postremo loco ponitur quasi esset recentior, qui iam ante annos circiter triginta mortuus erat, à cuius morte complures exteros hostes debellauerat ipse Dauid, & coniurationem filii Absalom extinxerat. Quia ergo apprimè hanc esse memorabilem

Dei gratiam nouerat, quòd per tot annos ab innumeris moribus elapsus esset: imò quot f. r. dies sub regno Saulis transegerat, totidem se miraculis fuisse Diuinitus redemptum, nò sine causa præcipuè huius liberationis historiam celebrat. *Seruum* *Uei* se nominans, de sua vocatione haud dubiè testari voluit: ac si negaret se temere inuolasse in regnū, sed tantum Dei oraculo paruissè. Hæc autem in tot procellis maximè necessaria sultura: imò in naufragiis hic vnicus portus fuit, sibi de cælesti mādato probè esse consciū. Nihil enim in rebus aduersis homine miserius, si ingenii sui motu discrimen subit. Optimo itaque consilio Dauid testatū esse voluit, ite neque ambitione fuisse impulsū ad hæc certamina, quibus grauitè perculsus fuit, neque malis artibus præter fas quicquā tentasse: sed præluxisse Dei mādatum. Quod nobis cognitū nò parum vtile est, ne immunitatē speremus ab omni molestia, vbi sequimur vocatē Deū: sed nos potius ad duram militiā paremus. Ergo Serui nomē ad publicū munus hoc loco (vt sæpe alibi) refertur: sicuti quū Prophetæ & Apostoli se Dei seruos vocāt. ac si diceret se non esse Regem à seipso creatū, sed Diuinit<sup>9</sup> electū. Interi digna obseruari est eius modestia, quòd tot victoriis nobilis, tot gentium domitor, tanta dignitate & opulentia præditus, non alio quàm serui Dei elogio se insignit: ac si hoc omni mundi præstantia magis honorificum censeret, fideliter munus à Deo iniunctum obtulisse.

2 *Et dixit, Diligam te Iehoua fortitudo mea.*

3 *Iehoua petra mea, munitio mea, & liberator meus: Deus meus, rupes mea, sperabo in eo clypeus meus, & cornu salutis mea, refugium meum.*

2 *Et dixit.* Ego hic vel syllabas, vel paucas voces curiosus non persequar, in quibus ab hoc Psalmō differt Canticum illud quod 2. Sam. refertur. Tātam si quod maioris momenti occur-

ret discrimen, suo loco perstringam: sicuti notabilis est huius sententiæ omisio, Diligam te Domine fortitudo mea. Porro, quia verbum **Uei** non nisi in coniugatione Pihel Scriptura vsurpat pre-



pro Diligere: hic autē positū est in cōiugatione Cal. Hebræi quidā interpretātur Misericordiā querere, ac si dixisset Dauid, Domine quādo te misericordē sum toties expertus, perpetuō in tuas misericordias recumbā. atque hæc quidē expositio non male quadraret: nolui tamē ab altera magis recepta discedere. Notandum verō est, amorē Dei tāquā præcipuum pietatis caput hic poni: quia nulla re melius colitur Deus. Fateor quidē Reuerentiæ nomine magis exprimi quem illi debemus cultum, ut in suo gradu emineat eius maiestas: sed quia nihil magis requirit quā ut omnes cordis nostri affectus possideat, nullum ei præstātus sacrificium est, quā vbi liberalis & spōtanei amoris vinculo nos sibi deuinctos tenet: sicuti vicissim nusquam melius, quā in gratuita bonitate, eius gloria refulget. Ideo Moses Deut. 10. 12, summam Legis colligere volens, Nunc, inquit, Israel quid à te petit Dominus Deus, nisi ut ipsum diligas? Quāquam simul ostēdit Dauid, se nō ita afñxum esse Dei beneficiis, ut in autorem sit ingratus. quod vitium omnibus seculis fuit nimium vulgare. Et hodie videmus vt maior pars mūdi, neglecto vel posthabito Deo, suauiter in eius donis se oblectet. Dauid autem ne in hanc ingratitudinem incidat, his verbis quasi nuncupat solēne votum, Domine, quia tu fortitudo mea es, sincero amore tibi addictus ero.

3 *Dominus petra mea.* Quod multa elogia congerit quibus Deum ornet, nō est superuacū. Scimus enim quā difficile sit mentes & corda hominum tenere Deo addicta. Nā vel Deum sibi nō sufficere imaginantur, vt semper alibi subsidia requirant: vel primo quoque tētionis impulsu ab eius fiducia excidunt. Dauid ergo varios seruādi modos

Deo tribuēs, modō eum habeat salutis suæ præsidem, satis supérque se munitū esse testatur: ac si diceret, non modō cōtra vnum discriminis genus tutos esse quos Deus auxilio suo vultucri, sed omni ex parte ita septos esse validō præsidio, vt nullæ mortes metuēda sint. Videmus ergo nō modō gratitudinis causa hic celebrari Dei laudes, sed instrui firma & constanti fide animos, vt subinde ad Deum recurrant, quicquid acciderit: & certō persuasi sint multiplicē esse eius virtutem, prout varias nocendi species excogitant impii. Nec verō abs re (vt nuper admonui) in hac parte tam copiosus est Dauid. nam si nos vno modo adiuuerit Deus, simulac exorta est noua tempestas, non secus expauescimus ac si nūquam eius auxilium essemus experti. Et qui in vna molestia defensionem ab eo expectant, postea à maligne restringunt eius potentiam: perinde faciunt ac si in confictum descēdēs, de pectore securus sit, quia thorace & clypeo munitus est: capiti verō metuat, quia caret galea. Ideo Dauid panoplian hic suppeditat fidelibus, vt sentiant se ad nullos ictus esse expositos modō armati sint Dei virtute. Atque hunc consilii sui finem declarat quum dicit, *Sperabo in eo.* Quare discamus eius exemplo, quæcunque nos anxietates impetāt, obuiere hos Dei titulos: imò nostræ memoriæ insideant, vt quicquid timoris ingerat Satā, procul ab ingressu arceatur. Neque enim tantū in malis præsentibus vacillamus, sed fingimus etiam nobis vana pericula in futurū tempus, quæ frustra nos cōturbent. 2. Sam 22. 3, pro *Deus meus rupes mea*, habetur *Deus rupis meæ*. Et post nomen *refugii*, habetur *Arx mea*, seruator meus, à violentia seruabis me: quæ pleniorē efficiunt sententiam, sed eodem spectant.

4 *Laudatum inuocabo Iehouam, & ab inimicis meis seruator.*

5 *Circumdederant me fines mortis, torrentes impietatis terruerant me.*

6 *Fures sepulchri circumdederant me, prauenerant me laquei mortis.*

7 *In angustia mea inuocaui Iehouam, & ad Deum meum clamaui: & audiuit de templo suo vocem meam, & clamor meus coram eo peruenit ad aures eius.*

4 *Laudatum inuocabo.* Quamquam inuocatio Dei (vt alibi dictum est) totum saepe cultum comprehendit, quia ramentum hic sequitur precationis effectus, nō dubito quin hic significet Conferre se in fidem Dei, & salutem ab eo petere. Atque hoc spei suae testimoniū Dauid subiecit, quia Dei opem imporat in necessitate quisquis in eo sperat. pronūtiat igitur se saluum fore, & omnium hostium victorem, quia ad Deum confugiet. Vocat autem Deum laudatum, non modò quia dignus sit laude, vt omnes ferè exponunt: sed vt significet preces suas laudibus mistas fore. Sic enim videtur exigere loci circumstantia, quòd de superioribus beneficiis gratias agēs, eius opem nouis votis expetet. Et certè nisi qui gratiae Dei memoria se eriget, nunquam liberè precabitur. Ideo Paulus Philip. 4.6, hortatur fidele., vt in omni precatione cum gratiarum actione curas suas & petitiones deponant in sinum Dei. Adde quòd obstruunt Deo, & cum eo expostulant quicunque laudem eius suis votis non coniungunt.

5 *Circumdabant me.* Iam narrare incipit Dauid quàm certis & illustribus documentis expertus sit, manum Dei satis esse ad repellendum quoduis maioris genus validam & robustam. Nec mirum est, poeticè & splendido verborum ornatu amplificari quae simplicius, & æquabili stylo describi poterant: nā Spiritus sanctus cum malignis & prauis hominum ingeniis certare volens, Dauidem hic quasi hyperbolica facundia instruxit, quae ad consideranda Dei beneficia mundum expergefaceret. Vix vllum est tam palpabile Dei auxilium, quod non obscurer nostra malignitas. Ergo Dauid, vt efficacius sensus nostros penetret, salutem sibi Diuinitus allatā, in toto mundi opificio cōspiciuam fuisse dicit. Hoc eius consiliū tenendum est, ne putemus in stylo altiore modum excedere. Porro, summa est, quum iam redactus esset in vltimas angustias, cōfugisse ad opem Dei, & mirabiliter fu-

isse seruatum. Quod ad verba attinet *חבלים* vocant Hebræi vel funes, vel dolores: vel etiam quoduis exitiale malū: quia hominem corrūpit, ac rēdit in eius interitū. Vt Psalmus respondeat Cantico, mihi non displicet pro contritione accipi, quia illic habetur *מַסְכְּרֵי מוֹת*, quod nomē à cōterendo deductū est. sed quia verbo Circumdandi aptior erit metaphora sumpta à funibus vel laqueis, ac si dixisset se mortis periculis fuisse vndique implicitum: hāc interpretationem libenter sum amplexus. Quod sequitur de torrentibus, tantundē valet ac si dixisset, violēto impetu nō sec⁹ ac naufragio se fuisse obrutū. Cæterū, torrentes Belial vocat, quia in eum conspirauerant improbi homines ac peruersi. Nam apud Hebræos nomen illud latè patet, de etymologia nō consentiunt Interpretes. Cur Hieronymus verterit, abique iugo, nescio. Magis recepta opinio est, compositum esse ex *חבל* & *לע*, quia non ascendunt impii, vel non proficiunt. Certè quoduis scelus detestabile hac voce designant Hebræi: vnde probabile est, Dauidē ad suos hostes respexisse, qui impie & sceleratè exitium ei machinabantur. Quamquam si quis Mortiferos torrentes exponere malit, non repugno. Proximo versu iterum repetit se corruptionibus vel funibus sepulchri fuisse obsessum. Quum idem sit Hebraicum nomen, placuit etiam hoc loco Funes vertere, non tantū quia obsidendi verbo vitur, vel Cingendi, sed quia mox eodem sensu (vt ego quidem arbitror) adiungit laqueos mortis. Hæc est periculi descriptio, quae liberationis gloriam illustrat: quia quum in tantam desperationem coniectus esset Dauid, humanitus eripi non potuit.

7 *In angustia mea.* Quòd Dauid iam in gurgitem mortis fere demersus, cor suum precibus in cælum extulit, præclarum rare fidei testimonium fuit. Sciamus ergo tale speculum nobis statuit ante oculos, ne qua malorum atrocitas

citas nos à precatando deterreat. Quòd autem fructum hunc attulit precatio, hinc melius innotuit Diuinitus esse liberatum. Clamandi verbo ardorem (vt alibi diximus) vehemensque studiū denotat. Deinde appellans Deum suum, se à crasis Dei contemptoribus vel hypocrisis discernit, qui necessitate quidē coacti, cæleste numen confusē inuocāt: sed nec familiariter, nec puro corde ad Deum accedunt, de cuius paterna gratia nihil tenent. Vbi ergo præluceat fides, vt persuasi simus Deum nobis esse

Patrem, tunc demum mutæ communicationi aperta est ianua. Adde quòd Dauid Deum à parte sua statuens, hostibus suis aduersum facit, quod ad commendationē pietatis eius pertinet. Per nomen Templi hoc loco non Sanctuariū (vt alibi sæpe) sed cælum intelligitur. Nam figura quam statim subiiciet, non posset sanctuario aptari. Sensus ergo est quum in mundo desertus esset, ac surdæ essent omnium hominum aures, Deum è cælo manum porrexisse.

8 *Tunc mouit se, & contremuit terra, & fundamenta montium tumultuata sunt, & mouerunt se, quia iratus erat.*

9 *Ascendit fumus in naves eius, & ignis ex ore eius consumpsit: carbones succensi sunt ab eo.*

10 *Et inclinauit celos, & descendit: & caligo sub pedibus eius.*

11 *Et equitauit super Cherub, & volauit: & delatus est super pennas venti.*


12 *Posuit tenebras latibulum suum, per circuitus eius, tabernaculum eius tenebrositas aquarum, nubes calorum.*

8 *Tunc mouit se.* Quia non poterat Dauid pro dignitate satis attollere quod expertus erat Dei auxiliū, imaginē eius in cælo & terra depingit: ac si diceret tam fuisse visibile, quam manifestæ sunt mutationes quæ cælo & terræ diuersam faciem induunt. Nam si æquabilis & idem semper fluere rerum tenor, non ita sensibilis esset Dei potētia. Vbi autem vel subito imbre, vel tonitru, vel procellis cælum transformat, necesse est qui prius torpebant, expergesceri: quia tam inopinatæ vices Dei præsentiam melius ostendunt. Sereno quidem & tranquillo cælo planè conspicua est Dei maiestas. sed quia sensus suos ad eā reputandam non erigunt homines donec propius descendant: Dauid vt nos efficacius tangat, repētinas quibus percelli solemus, mutationes enumerat, Deūque inducit nunc vestitum obscura nube, nunc procellis turbantem, nunc præcipiti ventorum impetu secantem medium aera, nunc fulgurantem, nunc iaculantem grandines & fulmina. Summa huc redit, Deum illam qui omnes mundi partes sua virtute, quoties ita

visum est, concutit, vbi Dauidi liberator adesse voluit, non minus apertè certisque indiciis apparuisse, quam si virtutem suam sursum & deorsum in omnibus creaturis exeruisset. Primò dicit concussam fuisse terram, quia nihil est magis formidabile terræ motu. Pro Fundamenti montium, in Cantico habetur, Cælorum fundamenta, eodem tamen sensu, nihil scilicet tam stabile vel firmum fuisse in mundo quod non trepidauerit, ac loco motum fuerit. Neque tamen (vt iam præfatus sum) hoc historicè refert Dauid, sed istas similitudines adhibet, dubitationis tollendæ causa, propter hominum foecordiam, qui Deum non apprehendunt nisi in externis signis. Quòd enim hæc palam edita fuisset miracula quidam sentiunt, vix credibile est, quum in narranda eius vita Spiritus sanctus de his prorsus taceat. Nec vero hyperbolicus iste loquendi modus calumniis obnoxius esse potest, si nobis in mentem veniat nostra socordia: deinde etiam prauitras, sicuti nunc admonui. Dauid enim qui longè <sup>eu-</sup>latior & magis perspicax fuit ulgo



hominum, quia apud tardos & hebetes simplici loquendi modo satis proficere non poterat, quam ipse fide & Spiritu senserat Dei potentiam, sub externis figuris describit. Certè minimè dubium est, præsentissimum Dei numen certius apprehensum fuisse à Dauide, quàm stupidum hominum vulgus in terræ motibus, procellis, fulminibus, tristi cælorum obductione, rapidis ventis Dei manum sentiat. Simul expendere conuenit quantumuis mirabiliter testatam fecisset Deus gratiam suam in Dauide seruando, multos tamen putasse vel sua industria, vel fortuitò, vel aliis naturalibus modis prosperè illi omnia celsisse. nam talis stupor vel malitia eum coegit vt creaturas omnes testes aduocaret. Prudenter etiam & rectè quidam obseruant, eum in hac tota descriptione ad communem Ecclesiæ redemptionem alludere. Nam quum tunc perpetuum documentum statuerit Deus, vnde colligerent fideles salutis suæ esse vindicem, quæcunque postea vel publicè, vel priuatim beneficia in populum suum contulit, primæ illius redemptionis quædam fuerant velut appendices. Ideo aliis quoque locis vt auxilia populo Diuinitus præstita commenderet, illud tam memorabile specimen quasi archetypum gratiæ Dei proponit. Et certè quum eum extorrem à patria multi ludibrio haberent, quasi abdicatum à Dei familia, multi fremerent regnum violenter fuisse ab eo raptum, optima fuit ratio cur suæ salutis præsidium sub comuni populi liberatione includeret: ac si diceret se immeritò repudiari tantquam alienum quem Deus re ipsa probasset coram se nobile & eximium Ecclesiæ membrum censeret. Videmus enim vt Prophetæ, quoties spem salutis facere volunt populo, eum ad primum fœdus reuocent, quod miraculis illis in AEGypto, in transitu Maris rubri, & in monte Sinai editis sancitum fuerat. Terram irato Deo tremuisse dicit impiorum respectu. Sic enim sæpe loquitur Deus, se indignatione & zelo accensum pro asserenda fidelium salute armaduere.

*Ascendit fumus*  Hebræis vel alium vel nares propriè significat:

sed quia metaphoricè interdum pro iracundia capitur, quidam ita vertunt, Ascendit fumus in furore eius: meo iudicio parum appositè. Nebulas enim & vapores, quibus cælum obtenebrescit, Dauid crassiori fumo comparat, quem exhalant nares irati hominis. Atque hic melius cognoscitur quàm formidabilis sit ira Dei, dum flatu suo cælum obnubilat: solisque & stellarum omnium fulgorem nobis auferens, tenebris nos opprimit. Nec verò aliter quadraret quod proxime sequitur, ignem ex ore eius profectum consumere. significat enim Deum absque maiore conatu, simulac flatum emisit à naribus, & os aperuerit, ignem excitaturum, qui fumo suototum mundum obscuraret: deinde ardore deuoret. Nam quod addit, carbones esse succensos, ad distinctionem euangeliæ flammæ valet. Inclinatio cælorum, tempus obnubilum designat. Nam vbi densi vapores medium aerem occupant, videntur nubes capitibus nostris incumbere: neque id solum, sed Dei maiestas propiore accessu nobis horrorem incutit, & anxietate constringit, qui sereno cælo late effusi eramus in latitiâ. Cæterum meminimus sub cali caligine iram Dei nobis depingi: quia sicut pura luce iueunda Dei facies nos exhilarat: ita cælo turbido, quasi minacibus superciliis in nos rueret, frontem contrahere præ tristitia cogimur. Interea monemur nullam in cælo vel terra mutationem fieri, quæ Dei præsentia non sit testis.

II *Et equitauit super Cherub.* Quemadmodum in nubibus & aeris contractione signum iræ Dei nobis depinxit, acsi fumum è naribus efflaret, ac minitabundus descenderet ad homines terribili virtutis suæ mole vrgendos. item in fulguribus & fulgetris ignem flammantem ab ore eius exire dixit: ita nunc super ventos & turbines equitatem inducit, vt celeri cursu, vel pernici volatipotius totum orbem perlustraret. Similis etiam descriptio Psalmo 104.3. habetur, vbi dicitur Deus vehi super alas ventorum, & illos quaquaersum vt celeres nuntios emittere. Cæterum non simpliciter Deum facit ventorum moderatorem, & qui sua virtute eos impellat, sed simul

simul dicit equitare super Cherub: vt sciamus ipsos ventorum impetus eius mandato per Angelos gubernari. Scimus enim sub figura Cherubim representatos fuisse Angelos. Itaque non dubito quin Davidis consilium fuerit ad Arcam fœderis alludere. Sic enim Dei potentiam in naturæ miraculis hic spectandam proponit, vt tamen à templo non recedat, vbi sciebat peculiari modo Deū se filiis Abrahæ patefecisse. Nō igitur Deum mundi opificem solūmodo celebrat, sed qui cum Israele fœdus pepigit, sibi que in medio eius elegit sacrum domicilium. Poterat enim suo nomine vocare Angelos: sed consultò visibile Arcæ symbolū posuit, vt fideles ad tē-

pli cultum animos referrent. Quod sequitur de obscuro Dei tentorio, repetitio est superioris sententiæ sub aliis verbis: quòd scilicet Deus tenebris aerem obducens, homines quodam modo prohibeat à sui conspectu: perinde ac si Rex quispiam populo infensus, in recessum & latebras sese abdat. Falluntur enim qui generaliter hunc versum trahunt ad probandam arcanam Dei gloriam, ac si David humanæ curiositatis audaciam cohibere volens, Deum latere in tenebris diceret. Habitat quidem Deus lucem inaccessam, fateor: sed non dubito quin hæc loquutio ad loci præsentis circumstantiam restringi debeat, eo quem attuli sensu.

13 *Præfulgore in conspectu eius nubes eius transierunt, grando & carbones ignis.*

14 *Et intonuit in calis Iehoua, excelsus edidit vocem suam, grando & carbones ignis.*

15 *Et misit sagittas suas, & dissipauit eos: & fulgura multiplicauit, & conturbauit eos.*

16 *Et apparuerunt gurgites aquarū, & reuēta sunt fundamenta orbis ab increpatione tua Iehoua, à flatu spiritus naris tue.*

17 *Misit è sublimi, assumpsit me: eduxit me ex aquis magnis.*

18 *Eripuit me ab hoste meo robusto, & ab aduersario meo: quoniam præ me roborati erant.*

19 *Præuenerant me in die cōfractionis meæ: & fuit Iehoua in firmamentum mhi.*

20 *Et eduxit me in latitudinem: eripuit me, quia mihi bene volebat.*

13 *Præfulgore &c.* Iterum redit ad fulgetra, quæ discussis nubibus calū aperiunt, ideòque dicit nubes Dei (hoc est, quas sibi opposuerat in signum iræ vt luce vultus sui priuaret homines) transisse præ fulgore eius, vel à fulgore. nam subita ista mutationes vehemētiore potentiæ Dei sensu nos afficiunt. Addit, grandinem subsequutam esse cū carbonibus ignis, nempe quā scinduntur nubes tonitru, vel erumpunt fulmi-

na, vel nubes se in grandinem resoluant.

14 *Et intonuit.* Idem aliis verbis inculcat, Deum è cælo tonuisse: ipsum verò tonitru appellat vocem Dei, ne putemus vel fortuitò, vel naturalibus causis gigni absque cælesti imperio. Vident quidem philosophi medias vel inferiores causas, nempe vbi frigidi & humidī vapores siccis & calidis exhalationibus in sublimē tendēbus visclaudūt,

ex cōflictu atque etiam nubium fragore sonitum excitari: sed David supra meteora spiritu conscēdens, Deū præsidentem statuit, qui suo iussu penetret in abditas terræ venas, ac inde educat exhalationes: deinde in species distribuēs, per aerem spargat, conglomeret inde vapores, eosque cum raris & siccis caloribus in pugnam committat, quasi vocem ipse emitteret ex ore suo. Hanc repetitionem Canticum prosequitur: sensus tamen per omnia conuenit. Tenendum verò est quod prius dixi, Davidē sub his figuris terribilem Dei potentiā nobis describere, quo gratiam eius in sua liberatione melius illustret. Et ipse mox consiliū suū exponit, quum hostes suos scribit *fuisse dissipatos* sagittis Dei: ac si diceret, non manibus hominū vel gladiis fuisse prostratos, sed Deum in ipsos palam fulminasse: non quòd rē ita fuisse gestam historicē asserat, sed quia rudes & maligni aliter adduci nō poterant ut Deum sentirent esse eius liberatorem: ac si diceret, Deum è cælo tonare negent, ac in toto naturæ ordine præsertim verò in mirandis vicibus potentiam eius aboleant quicunque non agnoscunt eius manu me fuisse seruātū. Quia autem fulgura Deus tanquam sagittas iaculatur, metaphoram priore loco posuit: deinde rem expressit suo nomine.

16 *Et apparuerunt.* Hoc versu haud dubiè ad miraculum in transitu. Maris rubri editum alludit. quo consilio id fiat, prius admonui. Nam quia specialibus beneficiis, quæcunque olim Deus in singulos Abraham filios contulit, fœdus suum semel cum toto populo sanctum subinde reuocauit in memoriam, ut de cōtinua eius gratia certò persuasi essēt, atque vna liberatio specimen illis vel pignus esset perpetuæ salutis: David opportunè auxilium sibi priuatim è cælis oblatum cum illa antiqua Ecclesiæ redemptione coniungit. Quia enim gratia illa quam sibi exhibitā fuisse prædicat, à prima redemptione non erat separanda, quum pars eius & appendix esset: quasi vno momento & miraculum siccati Maris rubri, & auxilium sibi præstitum intueretur. Summa est, Deum qui semel viam per Mare suis patefecit, &

hac lege se vindicem eorum ostendit, vè confiderent sub eius custodia perpetuò se fore incolumes, iam rursus in vno homine seruando admirabilem suam virtutē exeruisse, ut antiquæ illius historiæ memoriam renouaret. Vnde melius liquet, Davidem in his hyperbolis non poetice fabulari, sed methodum fidelibus à Deo prescriptam tenere. Simul etiam notādā est illa ratio quæ ad amplificandam Dei gratiam eum coegit, quòd maior pars populi eā clausis oculis præteriret siue malitia, siue stupore. Nomen Hebraicum *דִּיפְסָא*, quod ego verti *gurgites*, proprie alucos significat: sed minimè ambiguum est quin hoc loco significet David, ipsas aquarū scaturigines fuisse conspicuas, atque ita potuisse discerni vnde fluminibus ad continuum cursum in exhausta vis & copia aquarum suppetat.

17 *Mist è sublimi.* Hic breuiter tāsplendide narrationis finis ostenditur: nempe ut sciamus Davidem ex profundis abyssis nō propria industria, neque etiam hominū opibus emerxisse, sed Dei manu fuisse extractum. Dicitur enim Deus è sublimi auxiliū mittere, vbi mirabiliter & modis insolitis nos seruat: atque ita hæc missio terrenis subsidiis opponitur, quibus perperā solemus mentes nostras affigere. Non improbo eorū sententiam qui de Angelis exponunt, latius tamen extendo: quia quibuscunque seruemur modis, Deus creaturas suas, quæ præsto sunt ad eius nutum, nobis destinat, easque ad opem nobis ferendā accingit. Cæterum licet è cælo proficiat quoduis auxiliū genus, non immeritò David manum sibi ab excelso fuisse porrectam affirmat, ut beneficiū hoc incredibile aliis magis cōmunibus *וְאֵת יִשְׁרָאֵל* præferat. est enim tacita cōparatio inter hanc virtutem insolitam & alios vulgares ac quotidianos iuvandi modos. Quòd se dicit ex aquis magnis fuisse Diuinitus eductum, metaphorica locutio est. hostium enim sæuitiam rapidis torrentibus similem faciens, quibus centies absorberi poterat, periculi magnitudinem clarius exprimit: ac si diceret se ex alto naufragio præter spem fuisse ereptum. Proximo versu rē ipsam absque figura simpliciter narrat; quòd sci-



scilicet liberatus fuerit ab hoste robusto, qui eum capitaliter oderat, ac persequabatur. Nam inde commendat Dei potentiam, quod nullæ hominum vires obstiterint quo minus salutem in vltima desperatione afferret. In fine versus quia habetur particula *⁂* apud Hebræos vt plurimum causalis, in hanc ferre sententiam conueniunt. Interpretes, Mihi Deus ex alto succurrit, quia magis inualuerant hostes, quàm vt sperandum quicquam esset ab hominibus. Vnde etiam colligitur vtilis doctrina, tunc maximè opportunum esse Deo tempus ad suos iuuandos, quàm sustinendis hostibus sunt impares: imò fracti & afflicti, eorum violentiæ succumbunt, non secus ac si naufragus, spe enatandi amissa, in profundum raperetur. Posset tamen etiam aduersariuè exponi, quanuis superior esset hostis, Dauidem fuisse nihilominus seruatum.

19 *Prauenient me.* Aliis verbis confirmat proximam sententiam, quia suffultus fuerit Dei auxilio, vbi iā nulla euasio erat. Vndiq; enim se fuisse circumuentū refert: neque id vulgari obsidione, sed vt hostes miserum vrgendo affligerent. Ex qua circumstantia melius apparet, non nisi Dei manu eductum

fuisse in latitudinem. Vnde enim tā subita à morte in vitā restitutio, nisi quia Deus testari voluit penes se esse mortis exitus? Causam demum ascribit non aliā fuisse quàm merum Dei beneplacitum, vt tota & solida laus penes ipsum resideat. Beneplaciti verò meminit, ad vocationem suam respiciens. In hoc enim præcipuè incubuit, certamina quibus agitatus fuerat, non aliunde fuisse excitata, nisi quod paruerat Deo vocanti, eiúsque oraculum obedienter amplexus fuerat. Ambitiosi enim & turbulenti homines, qui sua cupiditate præcipientes ad quiduis audendum feruntur, sibi que temere pericula accersunt, quanuis strenuè & animosè luctando sæpe votis potiuntur, infelicitèr tamen ad extremum concidunt, quia indigni sunt quos fulciat Deus, quum ipsi insanas moles sine vocationis fundamento in cælum efferant. In summa, testatur Dauid sibi paratam semper fuisse opem Dei, quia non sponte se ingesserat: sed quum tenui fortuna contentus foret, libenterque in caulis ouium vel patris tugurio lateret, vnctus fuerat manu Samuelis: quod gratuitæ electionis Dei symbolum erat.

21 *Retribuit mihi Iehoua secundum iustitiam meam: secundum puritatem manuum mearum rependit mihi:*

22 *Quia custodiui vias Iehoua, & non in pie defeci à Deo meo.*

2 *Quia omnia iudicia eius coram me, & edicta eius à me non reieci:*

24 *Et fui integer cum eo, & custodiui me ab iniquitate mea.*

25 *Et rependit Iehoua mihi secundum iustitiam meam, secundum puritatem manuum mearum coram oculis eius.*

21 *Retribuit mihi.* Videri posset Dauid primo intuitu secū pugnare: nam qui nuper Dei beneplacito omnia accepta retulit, nunc sibi iustam mercedem repensam fuisse iactat. Verum si tenemus in quem finem hæc suæ integritatis elogia subiungat Dei beneplacito, facilis erit vtriusque sententiæ consensus. Prius testatus est se non nisi

Deo duce venisse in spem regni, neque hominum suffragiis fuisse euectum, vel proprio motu prorupisse: sed quoniam ita Deo placuerat, nunc secundo loco addit, se fidele obsequiū præbuisse Deo vt nunquam ab eius nutu deflexerit. Vtrunque enim fuit necessarium, vt gratis Dauidem suo fauore præueniret Deus, ipsūque Regē eligeret: Dauid

autem vicissim obedienter & pura conscientia regnum sibi Diuinitus oblatum susceperet: deinde quicquid tentarent impii ad labefactandam eius fidem, constanter teneret rectum vocationis suae cursum. Nunc videmus adeo nihil esse dissidii inter duas istas sententias, vt aptissimè inter se respondeant. Dauid hic Deum velut agonothetam statuit, cuius auspiciis & ductu productus fuerit ad obeunda certamina. hoc verò ab electione pendet, quia fauore suo eum complexus, Regem creauerat. Postea addit, se iniunctas sibi partes quo debuit obsequio ad finem vsque obisse. Non mirum ergo si Deus athletam suum quem ipse vltro asciuerat, & quem videbat bona fide officio defunctum, praesidio suo tutatus sit, atque etiam apertis miraculis testatus sit eius se esse vindicem. Nec verò hic captanda laudis causa inanem iactantiam effutiuit, sed per os eius vtilem nobis doctrinam dicere voluit Spiritus, nunquam desore nobis auxilium Dei, modò nobis còstet vocationis nostrae ratio; nec quicquam iniussu eius tentemus. Interim quoque illud fixum maneat, Initium recti cursus esse, beneplacitum quo nos Deus adoptat, & vocationem qua nos vltro praenit. Adhuc tamen restat vna quaestio. Nam si Deus mercedem iustitiae repperit, videtur vt quisque promeritus est, ita in quenque esse liberalis. Respondet deo, mercedis nomine non ostendi quid Deus nobis debeat, ideòque perperam & falso meritum vel operum dignitatē ex eo colligi. sic enim Deus iustus iudex cuique retribuit secundum sua opera, vt tamen omnes sibi teneat obnoxios, nemini verò sit ipse strictus. Ratio est non ea solum quam Augustinus reddit, nullam eum iustitiam in nobis inuenire cui premium reddat, nisi quam gratis donauit: sed etiam quia operum nostrorum maculis ignoscens, iniustitiam imputat quod iure respuere posset. Quòd si nihil operum nostrorum absque venia Deo placeat, sequitur non meriti, sed indulgentiae esse mercedem. Ceterum hic specialis notanda est ratio, neque enim hic Dauid quasi legitima iustitia frenus, coram Deo se ingerit: sed studium suum, quod Deo probari sciebat,

contra impias hostium calumnias asserere volens, arbitrium defert ipsi Deo. Scimus enim quam indignè falsa inuidia grauitus fuerit: neque verò tam eius fama probis istis impetebatur, quam communis totius Ecclesiae salus. Quauis enim Saulē priuatus dolor in rabiem ageret, alique omnes vt Regi nauarent operam, acriter & violento impetu contra Dauidem ruerent: minimè tamen dubium est, Satanæ impulsu regnum illud tñtopere fuisse opugnatum: quia in vnius hominis persona Deus spem publicae salutis posuerat. Hæc ratio est cur tam sollicitè & vehementer contendat Dauid in asserenda causæ suæ iustitia. Porro vbi ad tribunal Dei cum hostibus suis litigat, non agitur de tota vita, sed de certa causa. Tenendus ergo est disceptationis status, quòd Dauidem scilicet multis criminibus onerabant. primum defectionis & perfidiae, quia à Rege & socio suo desciderat: deinde latrocinii, acsi instar prædonis, regnū occupasset: seditionis etiam, quasi tranquillū regni statum turbasset: postremo crudelitatis & multorum scelerum, quasi causam dedisset cædibus, & multis illicitis artibus conspirationem suam profectus esset. Ipse autem coram Deo suam innocentiam tueri volens, affirmat se integrè & sincerè in hac causa fuisse versatum: quia neque aggressus sit quicquā præter Dei mandatum, & quicquid moliti sint hostes, se tamen intra suas metas continuerit. Hinc stultè infertur, Deum hominibus propitium esse prout dignos fauore suo iudicat: quia tantum hic asseritur causæ bonitatis contra improbos calumniatores: non autem in examen vocatur tota hominis vita, vt gratiam quis obtineat, iustusque censeatur. In summa, Dauid ab effectu colligit, suam causam placuisse Deo, non quòd vna victoria perpetuum sit bonæ causæ signum: sed quia manifestis signis auxilii sui ostenderit Deus se stare à parte Dauidis.

22. *Quia custodiui.* De puritate manuum suarum loquutus erat: quia tamen videbat peruersa de se iudicia fieri, vias Domini se seruasse affirmans, prouocat quodammodo ad eius tribunal.

Solenz

Solent idem confidenter iactare hypocritæ, imò nihil illis promptius est quàm per lusum obtendere sacrum Dei nomen: sed David nihil in medium profert, quod non re ipsa compertum esset hominibus, si qua viguisset inter ipsos æquitas. Quare eius exemplo danda in primis opera est vt nobis bene cōscii simus. Accedat deinde hæc magnanimitas, vt spretis hominum falsis iudiciis, vindicem nostrum in cælo quæramus. Adit, se non impiè defecisse à Deo: quia semper ad metam vocationis suæ rectè tendebat, quanuis multa impii ad euertendā eius fidē machinarentur. Verbū enim quod vtitur, nō lapsū vnū denotat, sed defectionem, quæ hominem à Deo prorsus alienat. Quanuis autem David pro carnis infirmitate interdū deliquerit: nunquam tamē recessit à studio pietatis, vel mandata sibi militiam deseruit.

23 *Quoniam omnia iudicia.* Iam ostendit vnde illa rectè agendi inflexibilis constantia inter tot grauissimas tentationes: quia scilicet mentem suam retulerit ad Dei Legem. Sicuti enim nos assidue insultus nobis mouet Satan, ita etiam ad arma confugere necesse est. arma autem nobis suppeditat Diuinæ Legis meditatio. Discant igitur quibus cordi est integritas, se in verbi Dei studio quotidie exercere. simul enim ac negligitur doctrina, faciliè socordia obrepit, & euanesceat omnis Dei timor. Inter iudicia & edicta subtilius hæc non distinguo: si cui tamē libeat ponere discrimen, Iudicia ad secundam Legis tabulam referre conueniet: Statuta autem, quæ Hebræis נְקִיטָה vocantur, de cultu pietatis accipere. *Fui integer*

*cum eo.* Verba hæc apud Dauidem omnia sunt futuri temporis: quia non de euanido aliquo actu gloriatur, sed de firma perseverantia. Quod autem prius admonui, quia inulte se David daminari ab hominibus videbat, Deum sibi ferre iudicem, hinc clarius patet, quum dicit se fuisse integrum cum eo. Sic quidem de Sanctis aliquando Scriptura loquitur, vt eos ab hypocritis discernat, quibus satis est externam ceremoniarum præferre: sed hoc loco David ad refutandos sinistros rumores securè Deū appellat. Quod etiam cōfirmat repetitio quæ paulo post sequetur, Secundum munditiem manuum mearum coram oculis eius: in quibus verbis non obscura antithesis apparet inter Dei oculos & confusum vel malignum mundi intuitum: ac si diceret se iniquas calumnias nihil morari, modò coram Deo sit integer, cuius iudicium nulli maligni & præsteri affectus peruertunt. Porro integritas quam sibi asserit, non perfectio est, sed sinceritas quæ simulationi opponitur. quod etiam ex proximo membro licet colligere, vbi dicit, *Custodini me ab iniquitate mea.* Tacitè enim fateretur se nō ita à vitiosis affectibus purum fuisse & immunem, quin sæpe hostium improbitas eum pungeret. Intestinum igitur ei bellum fuit cum multis tentationibus: quia (vt homo erat) fieri non potuit quin multas carnis punctiones sentiret. Sed hæc fuit virtutis eius probatio, manum sibi iniicere, & quicquid sciebat verbo Dei aduersum, cohibere. neque enim quisquam in pietatis studio perget, nisi qui sedulò se custodiet ab iniquitate sua.

26 *Cum mansueto mansuerè ages, cum virò integro integrum te preestabis.*

27 *Cum puro purus eris, & cum peruerso peruerse ages.*

28 *Quia tu populum afflictum seruabis, & oculos superbos deicies.*

26 *Cum mansueto &c.* Eandem sententiam prosequitur. Dei enim gratiam, qua liberatus fuerat: suæ integri-

tatis testem adducens, de cæcis & indignis hostium calumniis triumphū agit. Fateor quidem hoc hypocritis quoque



solēne esse. prosperi enim successus eos ita efferunt ut non modò contra Deum ferociter exultent. Sed quum illi Deo palàm illudant, ubi eos sua tolerantia ad pœnitentiam inuitat, improbæ eorum confidentiæ nihil affine habet hæc Davidis gloriatio. Neque enim ex Dei indulgentia fucum induxit suis sceleribus, sed tot auxilia, quibus certò expertus erat sibi propitiū esse Deū, pro illustribus fauoris eius documētis iure sumpsit. Atque hoc discriminē tenendum est, quòd impii rebus prosperis ebrii, impudenter iactant se Deo placere cum tamen Deo posthabito, fortunæ potius sacrificent: fideles autem ex interiore conscientia sensu, Dei gratiā prædicant in rebus prosperis. Ita hoc loco David propter causæ æquitatē se Diuinitus fuisse adiutum gloriatur. Primò enim ad contextū accommodāda est hæc sententiā, quòd Deus hominem innoxium toties à præsentī morte eripiens, benignum se erga benignos, & purum erga puros re ipsa probauerit. Deinde communem doctrinam elicere conuenit, Deum nunquam frustrari seruos suos, quin benignè eos tractet, si modò eius auxilium cum mansuetudine & patientia expectent. Sic dicebat Iacob, Gen. 30. 33, Reuertī faciet ad me Deus iustitiam meam. Finis est, ut bona spe fideles se ad colēdam integritatem animent, quia ad vnumquēque redibit iustitiæ suæ fructus. Posterius membrum, ubi dicitur peruersè agere Deus cum peruersis, licet asperius sit, nihil tamen absurdi continet: imò non sine optima ratione hunc loquendi modum Spiritus usurpat, ut hypocritas & crassos Dei contēptores à sua somnolētia expergeficiat. Videmus enim, ubi de seueris & tremēdis Dei iudiciis concionatur Scriptura, ubi Deus ipse horribilem vindictam denuntiat, quàm securè hæc omnia transiliant. Hic ergo brutus & quasi prodigiosus stupor Deum cogit excudere nouas loquendi formas, & quasi alienam personam induere. Sic etiam Levitici 26. 21, Si mecum ambulabitis peruersè vel temere, ego vicissim contra vos peruersè vel fortuito ambulabo. Ac si diceret, peruiasiam eorum in causa fore ut solitæ

moderationis oblitus, quaquaversum in eos irruat. Hoc enim proficiunt tandem sua durite præfracti homines, ut Deus ad eos conterēdos sese magis obduret, ac contra saxeos ferreus reddatur. Adde quod Spiritus sermonem ad impios dirigens, ex eorum sensu ut plurimum loquitur. Atqui ubi seriò Deus in ipsos fulminat, cæcis suis terroribus eum transfigurant, quia nihil in ipso concipiunt nisi sauum, atrox, & immane. Iam videmus cur David non simpliciter Deo tribuat iudicis nomen & officium, sed violento impetu armet: si cuti prouerbio dicitur, Malo nodo quærendum esse malum cuneum.

28 *Quatuor populorum afflictum.* Hic versus continet speciem correptionis, quia enim experientia demonstrat saepe duriter affligi mansuetos, & sinceros inuoluit tristissimis molestiis, ne quis falsò dici putet Deum clementer agere cum mansuetis, admonet David finem esse expectandum: quia etsi nò protinus accurrat Deus ad opem bonis ferendam, ubi tamen eorum patientiam aliquandiu exercuit, prostratos erigit, & desperatis salutem affert: vnde sequitur non nisi ab exitu astimandum esse quomodo placide & humaniter agat Deus cum mansuetis, & purum se gerat cum puris. Nisi enī suspēsos expectatione teneat fideles, propriū eius non esset afflictos seruare. Atq; hoc nò vulgare in rebus aduersis solatiū est, cōsulto differri quod aliqui paratū est Dei auxiliū, ut afflicti seruemur. Nec verò nimis acerba nobis esse debent quas perferimus iniurias, quæ salutariferum Dei fauorem nobis conciliant. In secundo membro diuersa est lectio Cantici: ubi habetur, Oculi tui contra superbos ad deliciēdū. Sed hæc varietas in sensu nihil mutat: nisi quod illic superbis Spiritus sanctus magis apertè denuntiat, quā ad ipsos euerrendos aduigilet Deus, non posse ruinam effugere. Vtriusque verò loci hæc summa est, quò magis securi impii sibi indulgent, magisque proteruè malos sub pedibus suis despiciunt, eò propiores esse exitio. Quoties ergo nobis crudeliter insultant, sciamus hoc tantum obstare, quo minus præfractam eorum

contumaciā retūdat Deus, quia nōdū ad cumulū vsque peruenit eorū superbia.

29 *Quia tu illuminabis lucernam meam Iehoua : Deus meus illuminabit tenebras meas.*

30 *Quia in te perrumpam cuneum turmæ, & in Deo meo transiliam murum.*

31 *Dei integra via est : sermo Iehouæ excoctus, clypeus est omnibus confidentibus in ipso.*

32 *Quoniam quis Deus præter Iehouam? & quis fortis præter Deum nostrum?*

33 *Deus qui præcinxit me virtute, & posuit integram viam meam.*

29 *Quia tu illuminabis* Paulò expressior est loquendi forma in Cantico, ubi Deus non lucernam dicitur accendere, sed ipse vocatur lucerna. sensus tamen eodem redit, nempe factum esse Dei gratia ut Dauid tenebris immersus in lucem rediret. Neque enim simpliciter gratiæ ei aguntur quòd Dauidi præluxerit, sed quòd illustrauerit eius tenebras. Itaque fatetur Dauid in eas angustias se redactū, ut similis esset perditio ac desperato: res enim confusas, tenebris comparat. Potest quidem hoc per anagogen ad spirituales mentis illuminationem transferri: sed interim spectandum quid agat Dauid, ne à genuino eius sensu recedamus. Quemadmodum autem agnoscit se Dei fauore, non secus ac luce viuifica, fuisse recreatum, nos quoque eius exemplo statuamus nullum rebus nostris aduersis exitum fore, nisi Deus caligine discussa, lucem lætitiæ nobis restituat. Interim ne molestum sit per tenebras iter facere, modò lucernæ vices nobis præstet Deus. Proximo versu suas victorias Deo ascribit quòd ipso duce perfrigerit cuneos hostium vel phalanges & vrbes munitas expugnauerit: ita videmus, quantumuis strenuus esset bellator, eum tamen nihil sibi arrogare. In temporibus verborum hoc semel teneant lectores, præteritum & futurum subinde in hoc Psalmo promiscuè vsurpari: non tātum quia diuersas historias complectitur Dauid, sed quia se statuit velut in re præsentī, & continuum tenorem gratiæ Dei si-

mul contexit.

31 *Dei integra via est.* Via Dei hīc non pro doctrina, sed ratione agendi quam tenet erga suos, capitur. Sensus ergo est, Deum nunquam frustrari seruos suos, neque in ipso articulo deserre, sicuti homines clientibus suis opem non ferunt nisi quatenus expedit: sed bona fide tueri quos suscepit in suam fidem. Caterū quia nobis cum Deo nihil esset negotii, nisi cum verbo suo nobis occurreret: ideo Dauid postquam asseruit, Deū non fallaciter iuare suos, simul addit, sermonem eius esse purgatum. Sciamus, minimè esse dubitandum quin se Deus integrum effectū ipso erga nos præster, quia pollicitus est fore salutis nostræ custodem: eius autem promissio certa est veritas. Porro hic per sermonem, non præcepta, sed promissiones intelligi, ex proximo mēbro colligitur, ubi dicit *clypeum esse confidentibus*. Videtur quidem vulgare hoc elogium, sermonem Dei purum esse omni fraude & fallacia, instar argenti à scoria sua purgati: sed nostra infidelitas facit ut Deus sub hac similitudine fidem suam magnificè commendet: quia nihil magis procliuē est, quoties spei nostræ euentus non respondet, quàm ut impiæ de verbo Dei dubitationes statim nobis obrepant, Reliqua petant Lectores ex Psalmo 12.

32 *Quoniam quis Deus.* Hīc Dauid vanis hominum figmentis insultans, qui temere sibi fabricant tutelares deos, confirmat quod prius dixi, se nihil vq-

quam nisi Dei auspiciis & mandato fu-  
isse aggressum. nam si progressus esset  
ultra vocationis metas, non licuisset tā-  
ta fiducia Deum in partes suas trahere.  
Quamquam autem vni verò Deo ficti-  
tios omnes opponit: simul tamen pro-  
sternit omnes vanas spes quibus mun-  
dus circumagitur, ne in Deo acquiescat.  
Neque enim hic de nudo Dei titulo agi-  
tur: sed pronuntiat David, nihil aliunde  
auxilii quærendum esse, quia solus ipse  
potentia sit præditus. Consilium tamen  
eius quod notavi, tenendum est: quodd  
scilicet omnibus suis hostibus Deū tā-  
quam ducem, sub quo militauit intrepī-  
dè opponens, se nihil libidinosè vel ma-

la conscientia tentasse affirmat.

33 *Deus qui præcinxit.* Metaphora  
est vel à balteo sumpta, vel ab ipsis re-  
nibus, in quibus Scriptura interdum vi-  
gorem aut robur locat. Perinde est igitur  
acsi diceret se virtute Dei fuisse tor-  
tè, qui aliqui futurus erat mollis & e-  
neruus. Postea de successu ipso loquitur:  
quia non sufficeret animis promptos esse  
& alacres, viribus etiam pollere, nisi  
accederet sælix euentus, quem profa-  
ni homines vel à fortuna prouenire ima-  
ginantur: David autem vni Deo ascribit.  
Nam *via* pro cursu actionum ponitur:  
acsi diceret, quicquid aggressus est, Deū  
prosperè sua benedictione direxisse.

34 *Ponens pedes meos sicut ceruarum, & super excelsa  
mea statuit me.*

35 *Instituens manus meas ad prælium, & conteretur ar-  
cus chalybeus brachiis meis.*

36 *Et dedisti mihi scutum salutis tue, & dextera tua ful-  
ciuit me, & clementia tua auxit me.*

37 *Dilatasti gressus meos sub me, & non nutarunt tali  
mei.*

Quia multas arces occupauerat Da-  
uid, quæ ob arduum & difficilem acces-  
sum inexpugnabiles creditæ fuerant,  
Dei gratiam hac in parte extollit. Nam  
*pedes sicut ceruarum* sibi dados fuisse di-  
cis, celeritatè insolitā notat, & quæ in ho-  
mines naturaliter nō cōpetit. Sensus er-  
go est extraordinario modo fuisse Di-  
uinitus adiutum, vt instar capræ pernici  
cursu rupes inaccesas transcenderet. Vo-  
cat autem *excelsa sua* arcès quibus vi-  
ctor iure belli potius est: quia meritò  
gloriarī potuit se nihil alienum occupa-  
re, quum se Diuinitus illic vocatum sci-  
ret, Quum dicit *manus suas edoluit*, & for-  
matas fuisse *ad prælium*, fatetur pugnan-  
di dexteritatem sibi propria industria  
non fuisse partam, vel exercitatione &  
vfu: sed obligisè singulari Dei dono.  
Etsi autem generaliter hoc verum est,  
vim & peritiam bellandi non nisi ab ar-  
cano Dei instinctu esse: continuo tamè  
pōst ostendit David se præter commu-  
nem & vñtatum hominum morem fu-

isse ad obeunda certamina fortitudine  
instructum: quia brachia eius adfrangen-  
dos arcus æneos satis valida fuerint.  
Nam vt fuerit homo nervosus, humilis  
tamè describitur eius statura: & ipsa si-  
militudo aliquid humana virtute al-  
tius designat. Proximo versu se vna  
Dei gratia tutum & saluum fuisse præ-  
dicat. Nam sub *clypeo Diuina salutis* sig-  
nificat, nisi à Deo mirabiliter seruatus  
esset, ad multos lethales ictus se fuisse  
expositum, atque ita clypeus salutis Dei,  
tegumentis omnibus & armis quibus  
munitus erat, tacitè opponitur. Eius rei  
causam iterum refert ad gratuitam Dei  
bonitatem, qua dicit se auctum fuisse,  
vel magis ac magis prouectum. Augen-  
di enim verbo continuos fauoris Dei  
progressus notat. Per dilatationem in-  
gressus, intelligit viam sibi æquabilem  
per inuia fuisse patefactam. Subest enim  
antithesis inter latum spatium & an-  
gustias, ex quibus pedem mouere non  
licet. Sensus est, quum in extremam de-  
spera-



operationem coniectus esset, Diuinitus fuisse expeditum. Atque hæc ad corrigendam nostram diffidentiam apprimè utilis est admonitio. nisi enim nobis amena sit ante oculos planities in qua liberè exulter caro, trepidamus ac si nos

terra deficeret. Teneamus ergo, non frustra munus hoc Deo ascribi. vt vias nostras dilatet ac complanet. Huius gratiæ effectum subiicit, quòd pedes sui non nugarint, hoc est, nullo aduerso casu deiectus fuerit.

38 *Persequar inimicos meos, & comprehendam eos nec reuertar donec consumpserim eos.*

39 *Affluxi eos, nec potuerunt surgere, ceciderunt sub pedibus meis.*

40 *Et accinxisti me fortitudine ad prælum: incuruasti inimicos meos subtus me.*

41 *Et inimicorum meorum dedisti mihi ceruicem, & ossa mea perdidisti ipsos.*

In hoc totus est Dauid vt ab effectu demonstraret, Deo se propitio in omnibus victorijs vsum esse: vnde sequitur, rectam & iustam fuisse eius causam. Nā etsi impijs quoque & sceleratis prosperos successus interdum Deus concedit, exitu tamen ostendit, se illis aduersum fuisse & infensum. Signa autem fauoris qualia patefecit erga Dauidem, soli eius serui sentiunt: vt hoc modo testetur eos sibi probari & gratos esse. Quamquam autem nimium militariter videtur loqui, dum pronuntiat se finem cadibus nō facturum, nisi omnibus hostibus consumptis: imò videtur mansuetudinem illam obliuisci, quæ lucere debet in cunctis fidelibus, vt Patrem cælestem referant: quia tamen nihil tentabat præter Dei mandatum, & Spiritus eius fræno affectus suos regebat, sciāmus has non esse hominis sanguinarii vel truculenti voces, sed qui iudicium sibi à Deo iniunctum fideliter exequitur. Et certè scimus tanta ingenij mansuetudine fuisse præditum, vt vel à gutta sanguinis fundenda abhorruerit, nisi quatenus ferebat officij ratio & necessitas. Ergo tenenda est Dauidis vocatio: deinde purus zelus, & ab omni carnis perturbatione vacuus. Notandum præterea est, hīc vocari hostes quorum indomabilis pertinacia talem Dei vindictam prouocauit. Nam quatenus sustinuit Christi personam, non nisi de obstinatis vltimam pœnam sumpsit,

qui humano imperio in ordinem cogi non poterant. res enim ipsa demonstrat nihil ei magis cordi fuisse, quàm vt resipiscētibz parceret. Sicuti Christus ad pœnitentiam comiter omnes inuitans, ferreo sceptro conterit qui peruicaciter ad extremum resistunt. Summa est, Dauidem, quum militaret sub Dei auspicijs, Rex ab ipso electus, & nihil nisi ex iussu eius agendum suscipiens, fuisse quoque Diuinitus adiutum vt inuitus staret contra omnium hostium insultus, imò ingētes & validissimas copias profligare. Porro sub hoc typo sciāmus inuictum regni Christi statum fuisse adumbratū, vt Dei virtute fretus prostratis suis hostibus emergat sēper superior, Rexque maneat inuito mundo. Quum verò nobis communes sint eius victoriæ, sequitur, inexpugnabile nobis præsidium contra omnes diaboli conatus, omnes peccati machinas & carnis tentationes promitti. Quauis itaque tranquillum regnum Christus non nisi bellando obtineat, nobis satis sit ad eius conseruationem, semper paratam fore Dei manum. Profugus quidem ad tempus fuit Dauid, vt vitam suam ferarum canernis vix regeret: sed Deus tandem terga hostium vertit, nec modò coniecit in fugam, sed etiam profligandos tradidit: ita quauis ad tempus immineant ceruicibus nostris hostes, faciet tandem Deus vt non solum terga nobis vertant, sed ante oculos

nostros pereant ut digni sunt. Memores interim simus ad quam militiam nos Deus vocet, cum quo hominum genere configere nos velit, & quibus armis instruat: ut nobis sufficiat, spirituali eius virtute diabolum, carnem, & peccatum sub pedibus nostris prosterni. Quibus autem gladium dedit, si modò sub Christo capite regnent, eos etiam tue-

bitur, nec iniuste opprimi sinet. Quod attinet ad verba, Interpretes ferè vno consensu vertunt, Dare hostes dorsum, pro In fugam conicere: sed quia 977 proprie cervicem Hebræis significat, non incommodus erit sensus, datam fuisse hostium cervicem, quia Deus maciandos tradiderit.

42 *Vociferabuntur, & nullus servator: ad Iehouam, nec respondebit illis.*

43 *Et comminuam eos tanquam puluerem à facie venti: velut lutum platearum calcabo eos.*

44 *Eripies me è contentionibus populi: constitues me caput Gentium: populus quem non cognoui, seruiunt mihi.*

45 *Ad auditum auris obedient mihi: filij alienorum mentientur mihi.*

46 *Filij alienorum deficient, trepidabunt ex penetralibus suis.*

42 *Vociferabuntur.* Mutatio temporis in verbo, contextum narrationis non abrupit. sic itaque resoluti debet, Quauis ad Deum clamarent, reiectas fuisse eorum preces. Prosequitur verò quod prius dixerat, tandem exitu patefactum esse quàm falsò iactarēt hostes Dei nomen, qui se ab illis auersum ostendit. Verum quidem est, sic eos interdū prosperè agendo fuisse elatos, ut vulgò creditum fuerit Deum illis fauere, quum interea David nocte & die clamando nihil proficeret: sed vbi serui sui patientiam satis exercuit Deus, illos spe vana deiecit ac frustratus est: imò nec preces eorum dignatus est audire. Tenemus nunc consilium Davidis: quia enim diu perperam Dei nomine abusi fuerant impii, fallacem eorum iactantiam deridet. Porro notandum est, de hypocritis qui nunquam sincero affectu Deum inuocant, haberi sermonem. nunquam enim fallit promissio, Deū propè esse omnibus qui eū in veritate querūt, Psal. 145. 18. Nò ergo repudiatos fuisse hostes suos dicit David, quū serio cordis affectu ad Deū cōfugerent, sed quum solita impudentia putarent eum sibi obstrictum ad sceleratos suos conatus iuuandos. Nam dum vota

in vltima necessitate concipiunt impii, et si pauore deiectionis, metuque tremantes, humilitatem præ se ferunt: non tamen mutant propositum ut resipiscant. Adde quòd illis audacia, & durities pro fide est, vel dubitando querimonias suas profundunt, magis ut Deo obstrepant, quàm ut suam fiduciā in eius sinu deponant. Cæterum hinc colligēda est utilis admonitio, quicumque miseris crudeliter insultauerint, ac superbè reiecerint supplices, Deum etiam ad sua vota surdum sensuros. Proximo etiā versu docemur, postquam impios Deus abiecit, proicere ad omnem contumeliā, & instar luti calcandos tradere. Neque enim tantum denuntiat, superbis & crudelibus clausas fore suas aures, sed minatur etiam se facturum ut mercedem eadem mensura recipiant.

44 *Eripies me è contentionibus.* Summatim colligit David se Dei auxilium modis omnibus expertum esse: nam & magnum ei discrimen ex domesticis turbis instabat, nisi mirabiliter sedate essent, ferocia populi in ordinem coacta. Hoc etiam secundum præter communem opinionem accidit, ut longè latèque victor, gentes vicinas prosterneret, quæ nuper totum ferè Israel em-

fre-

fregerant. Fuit enim illa incredibilis renouatio: quòd non modò populum clade affectum subito restituit, sed tributarios sibi reddidit, à quibus pax impetrari nò poterat. Fuisse etiam hoc præclarum, si populus accepta graui clade, incolumis stetisset, ac viribus iterum collectis recuperasset priorè statum: sed hoc longè præstantius beneficiù ex inspirato Deus contulit, vt subigeret suos victores. Vtrumque David commemorat, quum tumultuaretur in eum populus, illos intestinos motus nò nisi Diuinitus esse compositos: deinde eiusdem Dei auspiciis & virtute, validis gentibus sub iugum redactis, propagatum fuisse imperium, quod debile & semifractum fuerat sub Saule. hinc patet, non minus intus & domi, quàm contra externos hostes fuisse adiutum. Porro, quum nobis in hoc typo Spiritus sanctus regnum Christi depingat: sciamus hunc tam erigendi quàm conseruandi eius esse modum, vt Deus non solum exerto brachio pugnet contra professos hostes qui aliunde insurgunt, sed etiam domesticos tumultus & rixas compefcat. Quod etiam in Christi persona palàm ostensum fuit ab initio, quia primum ei obstaculum fuit ab insana gentis suæ contumacia: iam temporum omnium experientia ostendit, disidia & contentiones, quibus Ecclesiam scindunt & lacerant hypocritæ, non minus noxia esse ad labefactandum Christi regnum, quàm violètos hostium conatus, nisi Deus manum suam opponeret. Ergo vt regnum filii sui promoueat ac tueatur, non modò externas hostes coram ipso prosternit, sed eum liberat à domesticis contentionibus. In Cantico aliud verbum habetur pro, In caput Gentium ponere, nempe **תשמיני** quod custodire significat, idèoque ad stabilem & diuturnam regni possessionem refertur. Scimus enim quàm difficile sit in officio retinere qui iugo nò dum assuefacti sunt. Idèoque nihil frequentius quàm imperia nuper parta nouis motibus concuti. David autem in Cantico Deum pronuntiat dignitatis, quam ipso auspice adeptus erat vt Gentibus dominaretur, fuisse custodem.

44 *Populus quem non cognoui.* To-

tus hic còtextus optimè cõfirmat quod nunc attingi, non restringi narrationem hanc ad Davidis personam, sed varicinium esse de futuro Christi regno. Potuit quidem gloriari David, populos quorum mores & ingenia non penitus nouerat, sibi fuisse subiectos: sed quoscunque deuicit, nò fuisse vel prorsus incognitos, vel tam procul disitos, certum est, Quare tunc Deus non nisi sub obscura vnbra delineauit immensum Filii sui regnum, cuius amplitudo ab Ortu solis vsque ad Occasum patet, totumque mundum occupat. Eodem etià facit quod proximè sequitur, Ad solam famam obedient mihi. nam etsi nomen adeò celebre sibi conciliauerat David ex victoriis, vt multi armis depositis vltro ad deditionem descenderet: quia tamen armorum potentia illi quoque fracti fuerunt, quàm sub oculis ipsorù infelicitè experti erant vicini, propriè non dicentur obsequium præstitisse ad solà famam. Verius hoc in Christum competit, qui verbo subigit sibi mundum, & ad solam auditum morigeros sibi reddit qui prius rebelles fuerant. Ergo quatenus Christi personam sustinuit David, Deus Gentes remoras, & quæ prius Israeli, quo ad consuetudinem, fuerant incognitæ, eius imperio subiecit. Sed fuit illud præludium promissæ Christo dominationis, cuius fines ad vltimas vsque mûdi plagas oportuit extendi. Armis etiam & bellica virtute tantù nomē sibi David peperit, vt multi ex hostibus metu fracti deditionem facerent. Sed ita sub typo ostensa fuit Gentium subiectio, quæ solo Euangelii præconio in ordinem coactæ sunt. Nā fidei obedientia, in qua fundatum est Christi imperium, ex auditu est, Rom. cap. 10. ver. 17.

46 *Filii aliorum.* Hoc loco describitur quod in nouis dominationibus vt plurimum accidere solet, vt scilicet victorem suppliciter adorent qui redacti sunt in potestatem: sed ficta & coacta humilitate, quia seruili ter non spon te parent. Nam quòd Mentiendi verbù quidam Interpretes aliò transferunt, quasi diceret vel inani spe delusos fuisse hostes, vel vt pœnam effugerent, mē daciter negasse quicquā hostile se ma-



chinatos, non satis exprimere videtur Davidis mentem. Quare generaliter, ut alibi (meo iudicio) pro seruiliter humiliari capitur. Nā verbum **וְהָיָה** quod Hebræis est mentiri, metaphoricè interdum tantundem valet atque humiliari, vel subiectionis iugum suscipere, ficto tamē & illiberali modo. Filios autem alieni vocat, vel alienorum, qui prius sui iuris prorsus ab Israele diuisi fuerant. Hoc verò videmus etiam in Christo impleri, ad quem multi supplices accedunt duplici & perfido animo: quos ideo aptè Spiritus alienigenas vocat: quia etsi electo populo permixti sunt, sincera tamen fide non coalescunt in idem corpus, ut Ecclesia filii censerī debeant. Verū quidem est, cunctos Gētilis initio ex alienis fuisse ascitos: sed

ubi induunt nouum affectum, qui prius erāt hospites & aduenæ, fiūt ciues Sanctorum, & domestici Dei. Quod additur continuò post, Filii alieni defluent, trepidabunt ex suis penetralibus, terrificum illud nomen de quo diximus, amplificat. Est enim hoc reuerentiæ nō vulgare signū, qui latebris teguntur, altisque munitionib⁹ sunt inclusi, metu perculsos in lucē prodire. Porro, sicuti hostes Davidis ex suis penetralib⁹ extraxit timor, ut supplices occurrerēt: ita incredulos Euangelium timore perculsos ad præstandū Christo obsequiū cogit. Hæc enim (teste Paulo 2. Cor. 14. 24) vis est prophetiæ, ut conscientias arguens, & manifestās occulta cordium, qui rebelles antè fuerant, metu prosternat, ad dandam Deo gloriam.

47 *Viuat Iehoua, & benedictus fortis meus, & exaltetur Deus salutis meæ.*

48 *Deus qui dat vindictas mihi, & subigit populos sub me.*

49 *Liberator meus ab inimicis meis: etiam ab his qui cōtra me insurrexerant extulisti me, à viro violēto eruisti me.*

50 *Propterea celebrabo te in Gentibus Iehoua, & nomini tuo canam.*

51 *Magnificans salutes Regis sui, & præstans misericordiam Christo suo Dauidi & semini eius in perpetuum.*

47 *Viuat Iehoua.* Si placet in optatū modo legere, Viuat Deus: aspera erit loquutio, quam tamen sumpta ab hominibus translatio excusat, quibus moris est in hunc modum non tantū bene precari, sed etiam honorifica acclamatione suos duces in sublimē extollere, ita esset quasi triumphale elogium. Non male tamen quadrat simplex affirmatio qua David pronuntiet Deum viuere, hoc est summa virtute esse præditum. Cæterū, vita hæc ad Dei essentiā non restringitur, sed potius ex operibus æstimāda est quæ vitam eius nobis manifestant. Simul enim ac virtutem suam ab oculis nostris subduxit, euanescebat etiā ex animis sensu: ac notitia vitæ eius. Itaque viuere dicitur, quatenus claris potentia suæ documentis mūdum sua manu contineri demonstrat. Hæc Dei vi-

tam quia experimento senserat David, laudibus & gratiarum actione prosequitur. Nam si in præfenti modo legamus, Viuit Dominus, copula quæ sequitur, illationem valet: ideoque sic resoluenda est, Ergo benedictus sit fortis meus. Iam epitheto *fortis*, deinde Seruatoris, confirmat quod prius dixi, Deum non clām viuere in seipso duntaxat, sed vigorem suum proferre in gubernatione totius mundi. **וַיַּחַי** enim transitivè hic ponitur pro eo qui robur confert.

48 *Deus qui dat vindictas.* Rursus acceptas Deo refert quas adeptus est victorias, sicut enim nunquam eas sperasset nisi fretus Dei auxilio: ita nūc eundem agnoscit vnicū auctorem: ac ne defunctoriē laudis partem aspergere videatur, disertè repetit, nihil se habere nisi quod datū est. Ac primò quidem

dem faretur se virtute caelesti fuisse instructum, vt de hostibus quas meriti erant pœnas exigeret. Quia autem primo intuitu absurdum videri posset, à Deo armari fideles ad vindictam, tenenda est (vt prius admonui) Dauidis vocatio. Neque enim priuatus homo erat, sed pro regia potestate, iudicium quod exequutus est, Diuinitus ei iniunctum erat. Quisquis læsus est, si ad se vliscendum profilit, Dei partes occupat: itaque non sine sacrilega temeritate illatas sibi iniurias retaliant priuati homines: sed Deus qui se vindicem esse pronuntiat, Reges & Magistratus gladio armans, vltionum suarum ministros constituit. Itaque vindictas posuit Dauid pro iustis pœnis quas Dei mandato reposcere licuit: modò tamen ritè composito Spiritus zelo ageretur, non carnis impetu. Nisi enim ad vocationem talis moderatio accedat, frustra iactabunt Reges sibi vltionem à Deo mandatam: quia non minus præposterum est, permissio gladio ad carnis libidinem abuti, quàm eum Dei iniussu arripere. Ecclesiæ sub Christi auspiciis militanti non alia quàm aduersus obstinatos vindicta permittitur. Iubemur beneficiis certare cum hostibus, pro eorum salute precari: ergo simul optanda illis est respicietia, & sanitas mentis, donec, certò constet perditæ esse ac desperatæ malitiæ. interim resignada est arbitrio Dei vindicta, ne ante tempus præcipientes feramur. Deinde ex periculis & difficultatibus colligit se aliter non potuisse saluū euadere, nisi Dei manu seruatus esset. Huc enim pertinet eleuatio de qua loquitur, mirabiliter fuisse sublatum, ne videri hostium violētia succumberet.

50 *Propterea celebrabo te.* Hoc versu docet beneficia Dei quæ retulit, nouo & insolito præconio digna esse, vt eorum fama ad Gentes vsque penetret. Subest enim tacita comparatio inter ordinarium Dei cultum quo tunc solebant fideles in templo defungi, & hanc gratiarum actionem quæ tam angustis finibus capi non poterat. Sensus est igitur, Domine non tantum ex præscripto Legis ritu gratias tibi agam in cœtu fidelium: sed longius manabunt laudes tuæ, sicuti per totum orbem memora-

bilis est tua in me gratia. Cæterum, hinc vaticinium de futuro Christi regno elicitur: quia nisi in societatem electi populi allecæ fuissent Gentes, frustra inter surdos & absurda cætara fuissent laudes Dei. Quare scite Paulus & appositè hoc testimonio probat non esse foruitam Gentium vocationē, Rom. 15. 9. Pluribus enim locis postea videbimus Dei laudibus sacrum domiciliū assignari in Ecclesia. Quare alibi quā in Iudæa nō potuit ritè & cū fructu celebrari Dei nomen, donec perforatæ essent aures Gentibus: quod factū est vbi eas Deus per Euangelium ascendit.

51 *Magnificans solutes.* Versus hic à fine demonstrat cur tam liberaliter Deus egerit cum Dauid: quia scilicet eum vnixerat in Regem. Nā se Regem Dei vocando, se nec temere irrupisse, nec prauis factionibus obtrusum fuisse testatur, sed iure legitimo regnasse, quia sic Deo placuit. Id vnctionis syn-bolo probat: quia Deus, Samuelis manu eū vngendo, non secus ius regnandi asseruit, quàm si manu sua palam è cælo exerta in regio solio locasset. Hæc electionem continua salutum serie magnificè fuisse sancitam dicit: vnde sequitur, ex professo cū Deo bellare omnes quibus rata non est eius vocatio. Causam simul ascribit Dei clementiæ: vt sciamus in mero Dei beneplacito fundatum fuisse illud regnum. Iam ex clausula apertius constat quod prius dixi, Dauidē non tā historicè narrare mirificas & varias gratiæ Dei species quas in se expertus erat, quàm de perpetuo regni statu vaticinari. Ac notandum est, Seminis nomine non quoslibet posterōs intelligi, sed peculiariter notari successorem illum cui se fore in patrem Deus pollicitus fuerat. Nam quū prædicta esset regni stabilitas, quandiu sol & luna in cælo fulgerent, 2. Samuel. cap. 7. vers. 12, necesse fuit ad eū descendere, qui Rex æternus non temporalis futurus erat. Itaque semen suum nobis commēdat Dauid eximia illa promissione ornatum, quæ nec in Solomonem, nec in alium quempiam ex successoribus perfectè competit, sed in Filium Dei vnigenitum: sicuti Apostolus Hebr. capit. 1. vers. 4, hac dignitate ipsum

Angelis antecellere docet. Ita rectè nos ad corpus deducat. proficiemus in hoc Psalmo, si umbra

### ARGVMENTVM PSALMI XIX.

David fideles ad considerandam Dei gloriam hortari volens, primò eius speculum in calorum machina & exquisiti ordinis artificio proponit: deinde ad Legem nos remocat, in qua magis familiariter se Deus patefecit electo populo. Itaque hanc peculiarem gratiam pluribus verbis prosequitur, Legis usum commendans. Tandem Psalmum precatione claudit.

*Psalmus XIX.*

**P**refecto Canticum Davidis. *Celi enarrant gloriam Dei, & opera manuum eius annuntiat expansio.*

2 *Dies ad diem eructat sermonem, & nox ad noctem annuntiat scientiam.*

3 *Non sermo & nò verba, ubi non audiatur vox eorum.*

4 *In omnem terram exiit scriptura ipsorum, & ad extremitatem orbis, sermones ipsorum: soli posuit tabernaculum in ipsis.*

5 *Et ipse tanquam sponsus egreditur è thalamo suo: exultat tanquam vir robustus ad currendum spatium.*

6 *Ab extremitate calorum egressus eius, & circuitus eius super extrema eorum: nullisque absconditur à calore eius.*

1 *Celi enarrant.* Dixi iam huius Psalmi duas esse partes, quarum in priorè Dei gloriam celebrat David ab operibus: in altera autem notitiam plenius in verbo relucentem prædicat. Quanquam autem non nisi calorum meminit, non tamen dubium est quin sub nobilissima parte, & cuius excellentia magis conspicua est, totum mundi opificium per synecdochen designet. Nihil certè tam est obscurum vel contemptibile in minimis terræ angulis, in quo non aliqua virtutis & sapientiæ Dei nota cernatur: sed quia cælis insculpta est expressior imago, hos præcipuè David elegit, quorum splendor nos ad totum mundum lustrandum dirigeret. Nam ubi quis ex cæli intuitu Deum agnouerit, non modò in terræ superficie, sed in minimis quibusque plantulis eius sapientiam & virtutem reputare & mirari disces. Primo versu rem vnam suo more bis repetit. Calos enim inducit tanquam testes ac præcones gloriæ Dei, personâ

mutæ creaturæ alienam attribuēs, quæ magis ingratitudinem exprobet hominibus, si tam clarum testimonium surdis auribus prætereunt. Efficacius enim mouet ac afficit hæc loquutio, quam si dixisset calos monstrare. Est quidè hoc magnum, in calorum splendore oculis nostris offerri viam Dei imaginem: sed quia sensus melius excitat sonoræ vocis prædicatio, vel certius saltem ac maiore cum profectu docet, quam simplex conspectus cui nulla coniuncta est admonitio: notanda est huius figuræ emphasis, quòd calos suo præconio Dei gloriam enarrare dicit. Repetitio quæ secundo membro additur, exegetica est. Exponit enim David quomodo gloriam Dei cæli nobis prædicent: quia scilicet apertè testentur non se fortuito confiatos esse, sed ab opifice præstantissimo mirabiliter conditos. Fieri enim nò potest quin ad ipsum usque auctorem nos attollat. calorum intuitus, ac mirabilis quæ illic apparet distinctio, ornatus,



ornatus, & splendor luculentum eius prouidentiae testimonium reddant. Creationis quidem tempus & modum Scriptura explicat: sed etiam Deo tacente, cæli ipsi eius manibus se compositos fuisse clamitant: quod ipsum ad testandam eius gloriam abundè sufficit. Simul enim ac Deum agnoscimus mundi opificem, mentes nostras in admirationem immensa eius bonitatis, sapientiae & potentiae rapi necesse est.

2 *Dies ad diem.* Quanquam subtilius intelligunt Philosophi quàm puerè distincti sint stellarum ordines, ut in tanta multitudine nihil sit còfusum, huius tamen prouidentiae Dei rudibus & illiteratis certius documentum est continua dierum successio. Dauid ergo hinc à cælis non descendit ad alias mundi partes, sed ab effectu magis sensibili & propinquo còfirmat quod nuper dixit, in cælis non solum splendere, imò etiam resonare Dei gloriam. Et si autem variè exponi possunt verba, sensus tamen ferè idem manet. Nonnulli sic resoluunt, nullum diem præterfluere, quo non insigne aliquod documentum suae virtutis Deus edat. Alii verò notari volunt doctrinae incrementa, ut semper dies posterior noui aliquid afferat. Durius est quod intelligant quidam, dies & noctes inter se colloqui, & de Conditoris sui gloria differere. Neque verò dubito quin Dauid ex ordinatis dierum & noctium vicibus, solis & lunæ stellarumque cursum & reuolutionem mirabili Dei consilio temperari doceat. Siue autem Diem de die vertamus, siue Diem ad diem, parum interest: quia tantum notatur concinna temporum series quam dierum & noctium successio efficit. Dies quidem vnus, si satis attenti essemus ut decebat, nobis idoneus esset gloriae Dei testis: nox etiam vna idem officium præstaret. Sed quum videmus solem & lunam quotidie suo ambitu mundum complecti, interdiu solem supercapita nostra extare, lunam succedere vicibus, gradatim solem ascendere, & simul propius ad nos accedere, postea iter suum reflectere, ut à nobis paulatim recedat, hinc dierum vel noctium longitudinem confici, & hanc varietatem æquabili lege ita esse

dispositam ut quotannis recurat: hæc longè clarior testificatio est. Quare non immerito Dauid, quanuis Deus nullum verbum faciat, dierum tamen & noctium tam bene aptatam seriem de gloria Dei magnificè còcionari dicit: nec iam ignorantiae prætextum reliquum esse hominibus, quia quum doctorum officio tam probe fungantur dies & noctes, satis scientiae ex eorum magisterio consequi possint.

3 *Non sermo.* Duas ferè contrarias interpretationes recipit hic versus, quarum tamen vtraque est probabilis: quia ad verbum sic legitur, Non eloquium & non sermones, non auditus vox eorum. Quidam simul contexunt duos versus, ac si suspensa esset sententia usque ad posterius membrum, *In omnem terram, &c.* Itaque secundum eos sensus est, quanuis muti sint cæli, nec loquendi facultate præditi, satis tamen alta & canora voce prædicare Dei gloriam. Sed si hoc voluit Dauid, quorsum attinebat ter repetere, non esse illis articulatam sermonem? frigida sanè esset rei notæ inculcatio. Altera igitur explicatio, ut magis recepta est, ita melius congruere videtur. Nam in lingua Hebraica, quæ còcisa est, sæpe aliquid subauditur: præsertim Hebræis tritum est relatiua omittere. Adde quòd tertia negatio *לֹא* exceptionem magis denotat à mèbris prioribus: ac si dictum esset, non obstat linguarum discrepantiam quin ubique exaudiat calorum præconium. Facit enim linguarum dissonantia ut cesset mutua inter varias gentes communicatio: & qui facundissimus est in sua gente, inter externos obmutescat, vel barbarus sit sili qui tentet. Imò si quis linguarum omnium notitia sit instructus, non poterit tamen Græcum simul & Latinum compellare: imò simulac sermonem ad hos vel illos còuerterit, ab aliis intelligi desinet. Dauid ergo tacita comparatione amplificat huius testimonii efficaciam quòd cæli Creatori suo reddunt: ac si diceret, quanuis inter se populi linguis differant, tamen ad omnes pariter docendos communem cælis sermonem esse: nec quicquam præter concordiam obitare quo minus alienissimi quique quasi ex

ore vnus doctoris proficiant.

4 *In omnem terram exiit.* Hic declarat quomodo cæli apud omnes populos sine discrimine promiscuè concionentur: nempe quia vbique terrarum intelligant homines cælos ad celebrandam Dei gloriâ propositos esse testes. Cæterum, quia nomē *ΥΠ* nunc lineam, nūc structuram Hebrais significat, quidam hunc sensum eliciunt, quod calorū architectura quasi linearim ad regulam cōposita, longè latèque Dei gloriā prædicet. Sed quum metaphoricè celestis machinæ splendorē Dauid hic instar doctoris de gloria Dei concionatē inductat, frigida esset ista loquutio, lineam calorū exire in vltimos vsque terræ fines. Adde, quod statim proximo membro verba vbique exaudiri subiicit. quid autem verbis affine cum specie ædifici? Quod si vertamus Scripturam, hæc duo optimè conuenient, in cælis, tanquā in volumine omnibus cōspicuo, descriptam esse Dei gloriā, & simul inditam illis esse sonoram vocem quæ ad omnium aures perueniat. Atque ita monemur, visualem ( vt ita loquar ) esse sermonem illum, cuius facta prius fuit mentio. Oculis enim, non auribus loquuntur cæli: vt meritò eorum speciem tam distinctè ordinatam Scripturæ cōparet Dauid. Porro, quod nomen *ΥΠ* versus in scriptione significet, satis patet ex Iesaiæ 28. 10, vbi Deus Iudæos pueris nōdum satis per ætatem docilibus comparans, sic loquitur, Erit illis præceptum ad præceptum, præceptum ad præceptum, versus ad versus, versus ad versus, paulisper ibi, paulisper ibi. Itaque (meo iudicio) sensus est, gloriā Dei non obscuris literulis notatam, sed splendido charactere expressam esse, cuius lectio omnibus exposita sit ac facilis. Hactenus genuinum Prophætæ sensum exposui. Nā quod pars ista Psalmi ad allegorias detorta fuit, nulla ratione factum esse lectores facile agnoscent. Iniriō monui, quod etiā ex cōtextu patet, antequā Dauid ad Legē veniat, Dei gloriā in mūdi opificio spectandam proponere. Nunc si ex cælis Apostolos, & ex sole Christum facimus, locum amplius non habebit illa partitio. adde quod præpostera fuisset

ratio, Legem in contextu Euangelio postponere. Sed quia nihil magis clarū est quā Dei notitiā hic tractari, quæ in mundi speculo naturaliter omnibus offertur, à longiori disputatione supersedeo. Tantū, quia ex Pauli verbis occasione sumpserunt allegorici isti Interpretes, nodus hic soluendus erit. Paulus de Gentiu vocatione differens, principium illud sumit, Saluū fore quisquis inuocauerit nomē Domini: deinde addit non posse inuocari, donec ex Euangelii doctrina cognitus fuerit. Cæterum, quia Iudæi specie sacrilegii non carere ducebant, quod Paulus salutis promissionem Gentibus vulgaret, querit an non ipsi quoque audierint. Ac respondet, ex hoc loco apertam illis fuisse scholam in qua pietatē & Dei cultū discerent, quia In omnem terram exiuit, &c. Verū intempestiuè tunc Paulus dixisset Euangelii vocem ex ore Apostolorum fuisse in toto mundo auditā, quæ vixdū ad paucos peruenerat. Certè illorum prædicatio nondum exierat in regiones longinquas, sed Iudææ finibus adhuc manebat inclusa. Porro, eius consilium minimè ambiguum est: dicere enim voluit, iam antea cæcis seculis Deum patefecisse Gentibus suā gloriā, atque hoc amplioris doctrinæ fuisse præludium. Nam etsi ad tempus separata fuit electi populi conditio à Gentibus, nūrum tamen videri non debuit quod vtrisque tādē Deus promiscuè se patefecit, quos pridem communiter ad se inuitauerat: sicuti alibi dicit, quo tempore passus est Deus Gentes errare per vias suas, non tamen se reliquisse *αμαρτυροι*, Act. 14. 16. Vnde colligimus, nimis crasse deceptos fuisse qui Paulū à literalī sensu discessisse finxerunt. Quod Lectores facilius etiam ex nostris in locum illum Commentariis intelligent. *Soli præsuit tabernaculum.* Sicuti ex tota mundi machina cælos præcipuè elegit Dauid in quibus imaginem Dei spectandam proponeret, quia illic tanquā in sublimi theatro melius cōspicitur: ita nunc solem in altissimo gradu positum demonstrat, quia in eius fulgore luculētius se proferat Dei maiestas. Nam etsi aliis planetis sunt etiam sui cursus & quasi stadia, & firmamentum

stellas

stellas omnes fixas in suam reuolutionē trahit: rudibus tamen & indoctis astrologiæ arcana David frustra conatus esset tradere. Itaque satis habuit crasso stylo ingratitude arguere totum mūdum, nisi ex solis conspectu in pietate proficiat. Hæc ratio est cur dicat tentorium ei paratum esse: deinde egredi ipsum ab vna celi extremitate, & transire celeriter in partem oppositam. Neque enim argutè inter Philosophos de integro solis circuitu disputat, sed rudissimis quibusque se accomodat, intra ocularem experientiam se continet. Ideoque dimidiam cursus partem quæ sub hemisphærio nostro non cernitur, subtricit. Tria verò in sole consideranda proponit, formæ splendorem ac præstantiam: deinde cursus celeritatem: tertio incredibilem vim caloris. Dignitatem

& ornatum similitudine sponsi cōmendat: addit deinde similitudinem cursoris. Mira enim fuit olim eorum pernecitas qui vel quadrigis vel pedibus in stadio certabant: quæ etsi lōgissimè absuit à celeritate solis, nihil tamen in communi hominum vsu inuenire potuit David quod propius accederet. Quod vegetatium calorem in tertio mēbro notari quidam putant, mihi non probatur. Est quidem mirabile hoc Dei opus, & insigne bonitatis specimen, quod vis solis in terram vsque penetrās, sua inspiratione eam fecundat: sed quia dicit, neminem vel nihil abscondi ab eius calore, de violento actu, quo tam homines quàm reliqua animantia, plantæ etiam & arbores torrentur, potius intelligo: quia viuificum calorem, quo nos vegetari scētimus, effugere nullus cupit.

*7 Lex Domini perfecta, instaurans animam: testimonium Iehouæ fidele, erudiens in sapientia paruulum.*

*8 Statuta Iehouæ recta, ex hilarantia cor: præceptū Domini purum illuminans oculos.*

*9 Timor Iehouæ sincerus, permanens in seculum: iudicia Iehouæ veritas, iustificata simul.*

*7 Lex Domini &c.* Sequitur nunc pars secunda Psalmi. Postquam enim totum humanū genus ostēdit satis à multis magistris doceri de vnico Deo, Iudæos nunc aggreditur, quibus magis Deus innotuerat per verbum suum. Nā quod de ipso testatur celi, nō eō vsque deducit homines, vt veram pietatem perdiscant: sed tantum huc valet, vt redantur inexcusabiles. Verum quidē est, nisi essemus nimis hebetes, esse in mundi theatro satis multa documenta quæ nos ad pietatem inuitent: sed quia in luce clara cecutimus, sine verbi subsidio nihil nobis prodesset splendida ista gloriæ Dei representatio, licet sonoræ concionis loco esse debeat. Itaque Deus quos ad salutem vocare statuit, peculiari gratia dignatur: sicut olim, quoniam omnibus sine exceptione testatus sit se esse Deum, tamē Abraham filiis seorsum Legē dedit, quæ certiore & magis propinqua notitia eos imbueret. vnde sequitur, Iudæos duplici vinculo ad Deū

colendum obstrictos esse. Nam quum Gentes, quibus tantum per mutas creaturas loquutus est Deus, nulla ignorantia excuset, quanto minus tolerabilis est eorum stupor, qui vocem ex sacro eius ore profectam audire negligunt? Hic ergo finis est vt se alacrius addant Iudæi in Dei obsequium, quos sanctiore vinculo sibi deuinxit. Porro sub Legis nomine non tantum intelligit regulam iustè viuendi vel decem præcepta: sed comprehendit totum fœdus quo Deus populum illum à reliquo mundo distinxerat: ac totam Moysi doctrinam, cuius partes deinde enumerat sub vocibus Testamentii, Statutorum, & aliis. Neque enim elogia hæc, quibus Legem commendat, solis decem præceptis quadrarent, nisi accederet adoptio gratuita, & quæ ex ea dependent promissiones: denique totum illud doctrinæ corpus ex quo constat vera religio & pietas. Quantum ad voces Hebraicas, ideo curiosè in cuiusque



significatione tradenda nō laboro, quia ex aliis locis colligere promptum est interdum confundi. ערוך quidē generaliter pro cōuentione accipitur, quia Deus, ubi se in Deum fore pollicitus est Abraham filiis, vicissim ab ipsis fidem & obedientiam stipulatur. Est igitur mutua inter Deum & populum pactio. טקורר quā ego alios sequutus, Statuta verti. quidam ad cæremonias restringunt, non rectē ( meo iudicio ) quia pro edictis in genere passim video accipi. Itaque מצוה quod proximē sequitur, ferē synonymum est. De aliis videbimus suo loco. Prima Legis commendatio est, quod sit integra vel perfecta: quo verbo significat David, siquis in Legge Dei rite sit edoctus, ei ad perfectam sapientiam nihil defore. Quauis enim profanis scriptis aspersa sint verē & viles sententiæ, & Deus aliquam iustitiæ notitiā indiderit hominum animis, facit tamen naturæ corruptela ne qua inter homines reperiatur pura lux doctrinæ, sed mutila quædam principia, & quidem implicita ignorantia tenebris. Vnde meritō David laudem hanc vendicat Legi, quod in se perfectam & absolutam sapientiam contineat. Quia animæ conuersio quam paulō post subiicit, proculdubio pro instauratione ponitur, non dubitauit ita vertere. Sunt enim qui nimis argutē hīc philosophātur de penitentia & reformatione hominis. Fa-teor quidem non recreari animam Dei Legge, quin renouetur in iustitiam: sed tenēdus interea est simplex Davidis sensus, quod sicut anima vegetat corpus, sic etiam Lex vita sit animæ. Dicit autem animam restitui, ad miserum statum alludens in quo omnes nascimur. Et si enim quædam primæ originis reliquiæ adhuc supersunt, quia tamen nulla pars ab inquinamento & labe pura manet, sic vitiata animæ cōditio parum à morte differt, prorsusque ad mortem rēdit. Itaque necesse est vt Deus adhibito Legis suæ remedio succurrat: nō quod per se id præstet Legis litera, vt postea fusius dicitur: sed quia Deus ad restituendas animas, verbi sui organo vtitur. Dū vocat testimonium lebona fidele, repetitio est proximæ sententiæ, vt Legis integritas & fides aut veritas testimonii idem

valeant: nepe ubi nos Dei verbo regendos tradimus, non esse errandi periculū, quia certō hac via Dominus suos in salutem dirigit. Eruditio in sapientia videtur adiecta esse tāquam instaurationis animæ principium. Nā quum præstantissima animæ facultas sit intelligentia, eam David ex Legge petendam docet, quia naturaliter ea destituimur. Neque enim Paruulorum nomine vnā tantum hominum speciem designat, ac si alii per se satis saperēt: sed primō admonet, nullos recta intelligentia præditos esse, donec in Legge Dei profecerint. Simul etiam ostendit quales Deus discipulos postulet: nempe qui stultescant apud se, & in puerorum ordinem descendant, ne impediat proprii sensus altitudo quominus Dei verbo se penitus dociles afferant.

8 *Statuta lebona.* Quanquam nihil nisi vulgare dicere videtur, quum statuta Domini recta vocat: siquis tamen antithesim consideret inter rectitudinem Legis & flexuosas vias quibus se inuoluunt homines dum sensum proprium sequitur, hoc elogiū non parui esse momenti intelliget. Scimus quantopere sibi quisque addictus sit, & quā difficile sit falsæ prudentiæ confidentiā ex animis nostris reuellere. Emphatica igitur doctrina est, rite aliter nō posse institui vitā hominis, quā si formetur ad Dei Legē, extra quam semper in tortuosis ambagibus erratur. Addit secundo, *statuta Dei exhilarare cor*: quia nulla aliā est nisi bonæ conscientia solidā lætitia: quā tunc demum fruimur, ubi certō sumus persuasi vitā nostram Deo placere. Verē quidem pacis origo est ex fide quæ nos gratis Deo reconciliat: sed hinc etiam piis Dei cultoribus inestimabile gaudiū oritur, quod sciunt non temere nec frustra se fatigare, quum Deū vitæ suæ arbitrum & approbatōem habent. In summa, hæc hilaritas prauis omnibus illecebris & voluptatibus opponitur, quæ exitialiter miseras animas inescant. ac si diceret David, quicumque peccando se oblectant, multiplicem dolorum materiam sibi accersere, sincerum verō gaudium Legis Dei studio acquiri. In fine versus, regulam Diuinæ Legis puram esse, & oculos il-lumi-

luminare tradens, subindicat perperam aliunde peti boni & mali discrimē, quia vitæ puritatem inquinat suis facibus quicquid ex se commiscuntur homines. Deinde cum toto suo acumine cæcos esse, & semper in tenebris errare, donec ad celestis doctrinæ lucē conuertāt oculos. Vnde sequitur nō alios rectē sapere nisi qui Deum sequuntur ducem & magistrum, & ad pacem quam verbo suo præ se fert, attentī sunt. Verū hinc emergit non parua quæstio, quia hæc Legis encomia quæ referuntur à Davide, Paulus funditus euerit. Quomodo enim hæc inter se conuenient, quod Lex recreet animas, sit tamen mortua & exitialis litera: quod corda exhilaret, spiritum tamen seruitutis afferens, incutiat terrorem: quod illuminet oculos, velo tamen opposito lucem intus suppressat? Sed primò memoria tenendū est quod primò admonui, Dauidem non de nudis præceptis differere, sed complecti totum fœdus quo sibi Deus Abrahæ filios in populum adoptauerat: itaque regulæ bene viuendi gratuitas salutis promissiones adiungit, imò Christum ipsum, in quo fundata erat adoptio. Paulus verò cui negotium erat cum peruersis Legis interpretibus, qui eam à gratia & Spiritu Christi separabant, nudum Moysi ministerium attingit. Porro certum est, ubi Legem non viuificat Spiritus Christi, non inutilem modò, sed mortiferam quoque esse suis discipulis. Nā extra Christum, non nisi inexorabilis rigor in Lege viget, qui totum humanū genus iræ Dei & maledictioni subicit. Deinde manet in nobis carnis rebellio, quæ Dei & Legis odium in nobis accendit: vnde manat tristis illa seruitus & horror. Hæc diuersa Legis acceptio facile speciem dissidii in Dauidis & Pauli verbis conciliat, quia Pauli consilium

est ostendere quid Lex seorsum (quatenus sine promissione gratiæ seuerè, quod debemus Deo, exigit) præstare nobis queat: Dauid totam Legis doctrinam commendat, cui Euangelium respondet: ideoque Christum sub ea includit.

9 *Timor Iehoua sincerus.* Hic per timorem intelligitur ratio colendi Dei: itaque actiue sumitur hoc nomen, pro doctrina quæ nobis præscribit quomodo Deū timere oporteat. sic enī vt plurimū metuūt homines Deū, vt falsos & vitiosos cultus excogitando, iram eius magis in se prouocent. Merito igitur Dauid præpostera hominum studia oblique damnans, obseruantiam Legis puram ab omni sorde esse affirmat. Addit *perpetuò stare*, ac si vocaret æternæ felicitatis thesaurum. Videmus enim vt cæco impetu mundus ad res euanidas feratur: quo fit vt in inanem beatæ vitæ vmbra captando veram beatitudinem amittat. In secundo membro, Dei præcepta veritatis elogio insigniens, quicquid posthabita Lege ex arbitrio suo suscipiunt homines, vanitatis insinuat. Nec certè, melius nos ad studium amorémq; Legis incitare poterat quàm ista admonitio, eos omnes qui sibi extra Legem Dei capiunt viuendi consilium, seipso fallere, merâque imposturas sectari. Falluntur autem (meo iudicio) qui iudicia tantum de secunda tabulæ præceptis exponunt, quani Dauidi propositum sit fructum quem ex Dei Lege percipiunt fideles, variis loquendi modis celebrare. Quod dicitur *iustificata simul*, tantundem valet atque omnia sine exceptione ad vnum recta esse. Hoc elogio Legem Dei ab omnibus profanis doctrinis discernit, quia nihil maculæ aut vitii in ea deprehendatur, sed absoluta sit omnibus numeris.

10 *Desiderabilia præ auro & obrixi multo, dulcia præ melle & succo sanorum.*

11 *Etiam seruus tuus in illis circumspectus redditur, & in eorum obseruatione retributio multa.*

Legem Dei iam commendat tam à pretio, quàm à dulcedine. Pendet autem hoc elogium ex superioribus: quia tot ac tantæ utilitates, quas nuper recē

suit, meritò efficiunt vt auro & argento posthabitis, summi & vnici thesauri loco nobis sit celestis doctrina. Pro auro obrixi quidam Gemmam vertunt: sed

hæc magis recepta interpretatio est de auro puro & probè recocto, quam & multi Scripturæ loci confirmant. Est autem nomen deductum à **וְיִצְחָק** quod roborare significat: vnde conuocare licet non certæ regionis aurum sic vocari, vt Ophir, sed artificio purgatum. Quin potius apparet ex Ieremiæ cap. 10. vers. 9, terram Vphaz inde nomen sumpsisse, quia auri nitidissimi fodinas haberet. Etymologia auri obrizi incerta est, nisi quod Hieronymus diuinat quasi ophrizon ita dici, hoc est allatum ex terra Ophir. Summa est, non æstimari pro merito Legem, nisi eam omnibus mundi diuitiis præferimus. Hæc autem æstimatio si apud nos obtineat, facile nimia auri & argenti cupiditate animos nostros purgabit. Porro ad hanc reuerentiam accedat etiam amor & delectatio necesse est, vt Lex nõ modò ad obsequiũ nos cogat, sed suauiter etiã illiciat: quod fieri non potest quin simul corrigantur carnis delicia, quibus nos inescari mirũ non est, quãdiu insipido gustu iustitiæ Dei respuimus. Cæterum hinc iterum colligere licet, non de nudis præceptis & mortua litera haberi sermonem: sed promissiones quibus offertur gratia, simul comprehendi: nam si Lex tantum iubendo terreret, quomodo esset amabilis? Certè si à spe veniæ & Christi Spiritu separetur, tam procul abest à mellis dulcedine, vt sua potius amaritudine miseras animas interficiat.

II *Etiã seruus tuus.* Quancumque hoc generaliter ad quoslibet pios extẽdi potest, rectè tamen de ipso Dauide accipitur, vt testetur se proprio experimento probè tenere quicquid hæcenus docuit. Et certè nemo de cælesti doctrina verè & seriò disseret, nisi qui eam penitus animo infixam alit. Fatetur ergo Dauid se quicquid habet prudentiæ ad regendam & formandam vitam, ex Dei Lege adeptum esse. Quauis tamen de se propriè loquatur, generalem in suo exemplo regulam proponit, si ratio vitæ bene instituendæ quaeritur, vnã Dei Legem satis supérque sufficere: simulatque ab ea disceditur, multis erroribus obnoxiiu esse cõsum. Ac notandum est quod Dauid ex abrupto sermonem ad Deum conuertens,

eum sui dicti testem citat, quo certius persuadeat sincerè se & ex intimo affectu loqui. Quia verbum **וְיִצְחָק** tam docere quàm cauere significat, quidam hoc loco vertunt, Docetur, vel admonetur seruus tuus per Legis mandata. Sed quia plenior sententia est, circumspectum reddi vel cautum qui se Deo regendum tradit, mihi hæc versio magis placuit. Secundo membro declarat, quicunque se Deo addicunt ad seruandam quam præscribit iustitiam, minime operam ludere, quia ampla illis merces apud eum reposita est. Porro hæc quoque non vulgaris est commendatio Legis, quod in ea Dominus nobiscum paciscitur, sèquæ ad remuneranda nostra obsequia quodammodo obligat. Et si enim iure suo à nobis exigit quicquid Lex continet: liberaliter tamẽ quam non debet mercedem, seruis suis promittit. Verum quidem est, irritas esse legales promissiones nostro vitio, quia longè à plena iustitia vel perfectissimus quisque abest: nulla autem hominibus speranda est operum merces, donec Legi in solidum satisfecerint. Ita hæc duo bene inter se conueniunt, vitam æternam operum mercedem fore, si quis Legem omni ex parte impleat: & tamen in Lege denuntiare maledictionem cunctis hominibus, quia totus mundus operum iustitia destituitur. Quod etiam mox ex proximo versu petebit. Postquam enim hoc Legis beneficium celebrauit Dauid, quod Dei cultoribus amplam mercedem offert, statim aliò sermonem transferens, exclamat, Delicta quis intelligit? vbi reos æternæ mortis pronuntians cunctos homines, quicquid ex operum meritis concipi potest fiducia in nihilum redigit. Si quis obiiciat, frustra Legem isto encomio ornari quod effectu caret, prompta responsio est: quia in facere adoptionis inclusa est gratuita peccatorum venia, ex qua dependet iustitiæ imputatio, fidelium operibus mercedem quauis indebitam rependi. Nam quod in Lege Deus perfectis, iustitiæ obseruatoribus promittit, fideles paternæ eius indulgentiæ obtinent, dum illorum conatum & piũ obsequendi studiũ pro iustitiæ perfectione gratum habet.



- 12 *Errores quis intelliget? ab occultis meis munda me.*  
 13 *Etiam à superbis contine seruum tuum, ne dominetur mihi: tunc integer ero, & mundabor à scelere multo.*  
 14 *Sint ad beneplacitum eloquia oris mei, & meditatio cordis mei coram te Iehoua, fortitudo mea & redemptor meus.*

Hæc exclamatio ostendit quomodo Legis promissiones, quibus addita est conditio, accipere conueniat: nempe simulac in medium prodeunt, vt quisque vitam suam examinet, nec facta modò sua, sed cogitationes etiam exigat ad perfectam illam iustitiæ normam quæ in Lege traditur. Sic fiet vt ad vnum omnes, spe mercedis abscissa, ad Dei misericordiam confugere necesse habeant. Neque enim reputare satis est quid Legis doctrina contineat, nisi etiam veniamus ad nostras personas in quibus reperitur defectus. Papistæ simulac audiunt, Qui fecerit hæc, viuet in ipsis, Leuit. 18.5, securè operum suorum meritis æternam vitam alligant, ac si in eorum arbitrio esset Legem præstare, cuius omnes sumus transgressores non tantum in vno apice, sed in singulis partibus. Ideo quæ Dauid quasi labyrintho obsessus, delictorum multitudine se obrui cum admiratione fatetur. Hoc igitur primò tenendum, quia Legis iustitia destitui-mur in nostris personis: ideo etiam à spe mercedis quæ illic promittitur, excludi: deinde non vno aut altero delicto, sed innumeris nos coram Deo reos constringi: vt cum acerbissimo dolore descendenda sit nostra prauitas, quæ non tantum Dei benedictione nos priuat, sed vitam conuertit in mortem: sicuti non dubium est quin Dauid, postquam Deum liberaliter præmiū offerre dixerat omnibus qui Legem obseruant, horrore percussus eruperit in hanc vocem. Per חַטֹּאתַי vel errores, quidam minora delicta notari putant: verum Dauid (meo iudicio) simpliciter dicere voluit, pluribus Satana fallacii nos implicari, quàm vt quisque centesimam malorum suorum partem sentiat. Errore quidem & incogitantia sæpe delinquant Sancti: sed contingit etiam Satanæ laqueis irretitos non perspicere

crassa peccata. Vnde meritò errores in genere vocantur, quibus sibi præ stupore homines & carnis illecebris decepti indulgent. Se enim & alios ad Dei tribunal citas, quannisi sibi conscii non sint, non tamen ideo absolui admonet, quia Deus longè acutius cernit quàm hominum conscientia, vt attentissimos quosque maior pars sui reatus fugiat. Confessioni subicitur venia precatio. Mundandi enim verbum non ad regere rationis donum, sed ad gratuitam condonationem refertur. Nam Hæbræis חַטֹּאתַי innocenter esse significat. Iam de erroribus quoque mentem suam clarius explicat, occulta peccata vocans, in quibus scilicet homines seipsos decipiunt, nec sponte modò & accersitis blanditiis, sed quia ad Dei iudicium non penetrant. Porro ad nos iustificandos inanis est ignorantia prætextus, nec excusare quequam prodest, quia in propria causa nemo idoneus est iudex. Itaque à Dei absolutione petenda mundities: iam si in iudicium Dei venire necesse est quæ nos fugiunt errata, nisi venia deleantur, quomodo impune euadet qui arguente ipsam conscientia, suus iudex esse cogitur? Iam memoria tenendum, non vno tantum reatu nos teneri, sed obrui innumera colluie. Nam quo diligentius in se quisque inquireret, fatetur cum Dauide, nullum fore modum vel finem, si Dominus occulta mala nostra detegat: quia nemo comprehendit quorū modis sit obnoxius. Vnde etiam apparet quàm supina hypocrisis dementauerit Papistas, quibus facile & expeditum negotium est semel quotannis omnia peccata in fasciculum colligere. Iubet decretum Lateranensis concilii confiteri semel in anno omnia peccata: nulla spes veniæ nisi sub conditione hæc relinquitur. quisque in aurem sacerdotis demur-

murans, pulchrè se defungi existimat, quasi digitis supputare posset quæcunque toto anno peccata admisit: quum se uero examine vix ad partem centesimam sancti perueniant, ideòque consentiant in hanc vocem Davidis, Errata quis intelligit? Nec valet exceptio, satis esse si faciant singuli quod in se est. Nam quum impossibile sit præstare quod Lex iubet, necesse est quilibet serio timoris Dei sensu præditus est, desperatione obrui, quandiu hac necessitate obstringi se putat: qui autem hoc modo exonerant peccata, prorsus esse stupidos. Scio alios secus exponere, ut directione Spiritus sui Dominus ab erroribus eum reuocet. Verùm ad veniã amplius refertur hæc precatio: sicuti quæ mox sequitur proximo versu, opem ad superândas tentationes auxiliũque Spiritus sancti implorat. *A superbiis*, inquit David, *prohibe seruum tuum*: per Superbias intelligens apertas transgressiones, quibus adiuncta est contumacia. Prohibendi verbo significat, quæ carnis est ad peccandum procliuias, Sanctos etiam statim diffuere, vel præcipientes ferri, nisi sua custodia Deus eos arceat. Notandum enim quòd seruus Dei se nominans, fateatur tamen se opus habere frãno, ne contumaciter ad transgrediendam Dei Legem erumpat. nam etsi Dei Spiritu regenitus gemebat sub victoriorum suorum onere, sciebat tamen quanta sit carnis pernicacia; & quàm facili obrepit Dei obliuio: vnde nascitur contemptus & impietas. Quod si à transgressionum periculo tuus non fuit David, qui in Dei timore vsque adeo profecerat, quomodo sibi per liberum arbitrium moderabitur homo carnalis, in quo dominãtur innumera libidines? Discamus igitur, quanuis iam abnegatione nostri domita sit carnis lasciuia, nobis tamen metueret: quia nisi nos contineat Deus, furiose ebulliet superbia contra Deum. Atque hanc sententiam confirmat mox addita ratio, *ne dominetur mihi*. clarè enim hoc verbo affirmat, se non modò imparem fore ad resistendum, nisi succurrat Deus, sed scelerum imperio se prorsus fore addictum. Docet ergo hic locus, non modò totum humanum genus naturaliter peccato

mancipatum esse, sed ipsos quoque fideles, nisi ad eos regendos assiduè inuigilet Deus, & in perseverantia confirmet, fore peccati mancipia. Altera etiã utilis admonitio hic traditur, Nunquam pro impetranda venia orandum esse, quin simul petamus Dei virtute in posterum nos armari, ne præualeant tentationes. Quamquam autem stimulus concupiscentiæ punguntur, non tamen despondere animos conuenit, sed rogandus est Deus ut nos cohibeat. Optasset quidem David nullum in se vitiosum motum sentire: sed quia agnoscit, donec exuerit corruptam naturam, se nunquam à peccati reliquiis fore immunem, se ad pugnandum Spiritus gratia instrui postulat, ne iniquitas victrix dominetur. In fine versus duo notanda sunt: nam quum affirmat David se tunc integrum fore & purum à multò scelere, primò hunc honorem spirituali Dei præsidio tribuit, ut eo fretus, certam sibi victoriam contra omnes Satanae exercitus promittat. Deinde fateatur, nisi Diuinitus adiutus fuerit, se immensa malorum turba & congerie oppressum iri. Neque enim ab vno tantum vel altero scelere mundum se fore dicit, sed à multis. Vnde sequitur, simul ac nos destituit gratia Dei, nullum fore peccati genus quo nos Satan nõ illaqueet. Hæc igitur Davidis confessio, precandi solitudinem in nobis acuat, quia inter tot ac tam multiplices insidias minimè torpendum est. Rursum pia illa gloriatio in cordibus nostris palmam obrineat, quamlibet multis & validis copiis nos oppugnet Satan, modò auxilietur nobis Deus, inuictos tamen fore, atque ita staturos, ut nobis maneat incolumis integritas.

24 *Sint ad beneplacitum.* Expressus Dei gratia ad rectè sanctæque viuendum muniri se postulat. Summa enim est, Ut non modò à transgressionibus eum Deus prohibeat, ne in externum actũ erupãt, sed ut linguã quoque & animum formet in obsequium Legis suæ. Scimus quàm difficile sit etiã perfectissimis, verba & cogitationes ita frænare ut nihil Dei volũtati aduersum, vel animo vel ore cõcipiãt: & tamen hæc interior puritas præcipuè à nobis

in Lege exigitur. Quò autem rarior est virtus, exacta hæc cordis & linguæ continentia, eò magis discamus quàm necessària sūt nobis Spiritus gubernatio ad vitam rectè probèque instituendam. Per nomen Beneplaciti, ostendit non aliam

esse bene viuendi regulam, quàm si Deo placere ac se probare homines studeant. Quòd in clausula vocatur Deus fortitudo & redemptor, ad impetrandi fiduciam valet.

## ARGVMENTVM PSALMI XX.

*Communis Eccl. sia precatio pro Rege Israelis, vt ei Deus auxiliũ in discrimine ferat: & pro statu Regni, vt eum tueatur incolumem, quia publicam salutem in se continet. Cui adiungitur promissio, Deum regni istius, cuius author est, fore presidem, vt perpetua eius conseruationi inuigilet.*

*Psalmus XX.*

**P**refectò Canticum Davidis.

2 *Exaudiat te Iehoua, in die tribulationis protegat te nomen Dei Iacob.*

3 *Mittat auxilium tibi è Sanctuario, & è Sion sustineat te.*

Quanquam inscriptio ostendit Psalmum à Dauide fuisse compositum, nihil tamè absurdi est quòd de se in aliorum persona loquitur. Nam quum iniunctum ei esset Prophetæ munus, meritò fidelibus distauit precandi formam, non tam imperio vel regio edicto seipsum commendans, quàm ex doctoris officio ostendens, ad totius Ecclesiæ studium & curam spectare, vt regnũ quod erexit Deus, saluum maneat. Quòd verò multi Interpretes ad certum tempus precem hanc restringunt, mihi non probatur. Fieri potest vt prima occasio sumpta ex vno bello fuerit, siue contra Ammonitas, siue cõtra alios hostes. Cõsiliũ tamè Spiritus sancti (meo iudicio) fuit, ordinariam precandi formam Ecclesiæ tradere, cuius vsum ex verbis fuisse colligimus quoties discrimen aliquod instabat. Cæterum quanquam filiis suis in genere præcipit Deus pro Regibus orare, peculiaris tamen fuit huius regni & ab aliis omnibus distincta ratio: quia Deus populum suum non nisi per manũ Davidis & seminis eius gubernare & tueri statuerat. Præcipuè verò notandũ est sub typo regni temporalis descriptum fuisse longè melius regimen, vnde pendebat plena Ecclesiæ lætitia & felicitas. Itaque, huc consultò respexit Dauid vt omnes Dei filios hortetur ad piã sollicitudinẽ pro regno Christi gerendam, quæ nos ad continuas preces excitulet.

2 *Exaudiat te Iehoua. Spiritus san-*

ctus populũ orantem inducens, vt Deus Regis votis respondeat, simul admonet Reges ipsos officii, vt in suis negotiis fidẽ Dei implorẽt. Diẽ tribulationis nominãs, à molestiis nõ fore immunes ostẽdit, ne animos despõdeant siquãdo eos periclitari cõtingat. Sũma est, quòd fideles, ne à capite corpus separetur, cõmunibus suffragiis preces Regis adiuuant. Quod nomen Dei pro Deo ipso ponitur, ratione non caret: nam quia nobis incomprehensibilis est Dei essentia, quatenus nobis patefacta est eius gratia & virtus, in eum sperare conuenit. Itaque ex nomine, inuocandi fiducia nascitur. Cupiũt ergo fideles Regẽ protegi Dei auxilio, cuius nomen inuocatur inter filios Iacob. Neque enim eorum opinioni assentior, qui putant mentionem Patriarchæ fieri, quem Deus non ab simili modo ac seruum suũ Dauidem exercuit. Potius existimo, vñtato Scripturæ more, populum electum hac voce intelligi: quia hæc quoque adoptionis pars erat, sub tutela Regis Diuinitus præfecti degere. Hinc tenenda est anagoge quam attigi. Quando enim Christus Rex noster pro æterni Sacerdotii ratione apud Deum intercedere non desinit, totum Ecclesiæ corpus eius precibus succinere conuenit: sicuti etiã nulla spes est nos exaudiri, nisi ipso præunte. Hæc verò non exigua leniendis nostris doloribus consolatio est, quòd nostras angustias, quoties affligimur, suas esse ducit, modò simul in nien



tem veniat, animos in tribulatione colligere, quia hic Spiritus oraculo prædictum est, regnum Christi periculis & incommodis obnoxium fore.

3 *Mittat auxilium è Sanctuario.* Hoc est, auxilietur tibi è monte Sion, ubi Arcam fœderis locari iubens, domicilium sibi illic delegit. Nam quia non patitur carnis infirmitas ut in cælum usque homines euolent, obuiam ipse prodit, & per externa fidei exercitia ostendit se illis propinquum. Sic Arca fœderis, præ-

sentia eius pignus fuit populo veteri: & Sanctuarium, cæli imago. Sed quia Deus montem Sion designans, ubi perpetuò ipsum colerent fideles, regnum sacerdotio coniunxerat, hoc sacrum vinculum Dauid haud dubiè spectauit. Atque hinc conicio Psalmum hunc à Dauide iam sene sub extremum vitæ tempus fuisse compositum. Nam quòd prophetice quidà de Sione loquutū putat, priusquàm in eo delecta esset Arca statio, coactum videtur, parumque probabile.

4 *Recordetur omnis oblationis tue, & holocaustum tuum pingue reddat. Selah.*

5 *Det tibi secundum cor tuum, & omne consilium tuum impleat:*

6 *Vt exultemus in salute tua, & in nomine Dei nostri triumphauerimus, ubi implebit Iehoua omnes petitiones tuas.*

4 *Recordetur, &c.* Verbum hoc pro attendere accipio, sicuti aliis pluribus locis: ita Obluisci sæpe tantundem valere ac negligere, vel non dignari sua cura & intuitu. Summa est ut Deus re ipsa demonstraret sibi accepta fuisse Regis sacrificia. Duæ quidè species ponuntur, Minha quæ ornandis omnibus victimis legitima erat accessio, & per se etià offerrebat: deinde holocaustum: sed per synecdochè omnia sacrificia notare voluit Dauid: sicut etiam sub sacrificiis vota & preces complexus est. Scimus enim, quoties orabant Patres sub Lege, spem impetrandi fundatam in sacrificiis fuisse: sicuti etiam hodie non aliter gratæ orationes Deo nisi quatenus eas sui sacrificii odore Christus perfundit & sanctificat. Ergo solennes Regis preces, quæ victimis & oblationibus annexæ erant, cupiunt fideles valere ad prosperum successum. Quod etiam clarior ex proximo versu colligitur, ubi affectus & consilia Regis Deo commendant. Porro quia absurdum esset à Deo petere ut morem gerat stultis prauisque desideriis, tenendum principium est, Regem hic describi non ambitioni suæ deditum, non flagrantem auaritia, non pro sua libidine quidvis appetentem, sed intentum muneri sibi iniuncto, publicæque salutis addictum, ut nihil nisi Spiritus instigauit & præscripto oris Dei postulet.

6 *Vt exultemus.* Possit etiam duobus aliis modis hic versus exponi, sicuti quidam precationem contextunt acsi dictum esset, Fac Domine ut exultemus. Alii verò putant fideles officio precandi defunctos in bonam spem se erigere, imò certa spe erectos quodammodo ià triumphum agere: sicuti Dauid eiusmodi gratulationum precibus subinde permiscet, quibus ad continuum crescendo crescat a lacrimas. Sed ego omnibus propius expensis, finem Diuinæ gratiæ vel fructum notari existimo, idèoque subaudiendâ duxi particulam *Vt.* Nam fideles quò facilius Regi suo impetrent Dei fauorem, cõmunem lætitiâ, & gratiarum actionem in medium proponunt: acsi dicerent, non pro capite vnius hominis se esse sollicitos, sed de totius Ecclesiæ utilitate. Cæterum quod dicitur, *in salute tua*, etsi tam ad Deum quàm ad Regem potest referri, quia sæpe Dei salus vocatur quàm ipse confert: contextus tamen postulat de Rege magis intelligi. nã quia populus in Regis vmbra viuēbat (sicuti dicit Iere. 4. 20) ideo nunc testatur fideles, eo saluo & florente se omnes hilares fore ac beatos. Interca ut suū gaudium à profanis tripudiis distinguant, profitentur se vexillum erecturos in nomine Dei. Hebraicum verbum tantundem valere ac vexillare, si apud Latinos receptum foret. Sensus autem est agni-

agnituros Dei gratiam fideles, vt eius triumphum celebrent.

7 *Nunc cognoui quòd seruanerit Iehoua vnctum suum: exaudiet illum è calis Sanctuarii sui in fortitudinibus salutis dextera sua.*

8 *Hi in curru, & hi in equis: nos autem nominis Iehoua Dei nostri recordabimur.*

9 *Hi incuruati sunt & ceciderunt: nos verò surreximus & erecti sumus.*

10 *Iehoua serua: Rex exaudiat nos die quo inuocabimus.*

7 *Nunc cognoui.* Nunc sequitur gratulatio, in qua recitant fideles se expertos esse Dei bonitatem in tuenda Regis salute. Simul tamen annexa est fidei doctrina, quod Deus re ipsa ostenderit, sua virtute stare regnum Davidis, quia in sua vocatione fundatum sit. Sen- sus ergo est certa experientia liquere, Deum custodem esse eius regni quòd ipse instituit & cuius est autor. nam Messias epiterho in hunc finem ornatur David vt statuunt fideles legiūm esse & sacrum Regem quem Deus à se electum externa vnctione testatus fuerat. Quod ergo ex maximis periculis ereptus fuerat David, hoc Dei gratiæ ascribunt fideles simulque causa addū, quia Deus suo præsidio tegere ac tutari voluerit quem iusserat vngi in Regem populi sui. Spem verò futuri temporis clarius adhuc confirmant altero membro, quòd Deus cum e calo exaudiet. Retineo enim futurum verbi tempus: quia non dubito quin documentum quod iam exhibuerat Deus, extendant ad continuam regni confirmationem. Hic verò iam alterius Sanctuarii mentio fit, nempe celestis. Sicut enim Deus per Arcam fœderis ad populum descendere tunc dignatus est, quo familiarius innotesceret sic etiam rursus mentes suorum ad se sursum trahere voluit, ne quid de ipso carnale vel terrenum conciperent: atque vt scirent toto mundo superiorem esse. Ita sub visibili & manu facto Sanctuario commendatur paterna Dei indulgentia, & familiaris vsus quem cum populo suo habet: sub Sanctuario autem celorum, immensa potentia, imperium & maiestas. *In fortitudinibus salutis* tan-

tundem valet ac si dixisset potentes salutis, vel potentias salutares. Itaque in ipsa loquutione est hypallage. Sensus tamen huc reddit, Et pro sua admirabili virtute seruet Deus Regem suo mandato vnctū: quia Spiritus qui hanc precem dictauit, tot Satanæ furiosis conatibus videbat fore obnoxium, vt vulgari modo stare non posset. Nō tamen displicet altera expositio quā in margine notauimus: nempe quòd fideles, vt se melius animent, sibi proponunt salutem dexterae Dei esse in fortitudinibus, hoc est, satis validam ad superanda quauis obstacula.

8 *In curru.* Hoc ad hostes Israelis nō restringo, vt alii Interpretes: sed potius fideles cum reliquo mundo cōferri arbitror. Hoc enim cunctis ferè mortalibus videmus esse ingenitum, vt quantis quisque opibus, potentia, vel militaribus copiis præditus est, tantum concipiat animi & fiducia. Testatur ergo populus Dei se nō vulgari hominū more spem locasse in armis vel bellico apparatu, sed tantum in auxilio Dei. Quā autē hæc duo inter se opponit Spiritus, notandum est, simulac mentes nostras occupat carnis fiducia, Dei obliuionē quodammodo obducere. Fieri enim nō potest vt qui sua virtute confusus victoriā sibi promittit, in Deum respiciat. Ideo Recordandi verbo vtitur Propheta, vt ostendat fideles non nisi vacuos omnibus impedimentis, ad Deū confugere. Porro hæc Dei recordatio primū fideles, quibuslibet copiis polleant, retrahit tamē à vana cōfidētia, ne quid aliunde quā ex mera Dei gratia expectent. Deinde si omnib⁹ subsidiis orbatī sint ac

destituti, confirmat tamen vt intrepidè & constanter Deum inuocent. Sicuti rursum profani homines, vbi viribus polent, superbia excecati non dubitant secure Deum contemnere: ad inopiam vero redacti, miserè expauescunt. Denique nobis hic Dei memoriam commendat Spiritus, quæ tam in nuditate quàm in copis vigorem suum retinens, vanas spes quibus inflari solet caro, subigat. Verbum **וַיִּצִי** quia est in coniugatione Hiphil, transitiuè quidam exponunt, Recordari faciemus. Sed quia nouum non est neutraliter etiam accipi verba apud Hebræos, quæ proprie transitiua sunt, amplexus sum quod præsentī loco melius quadrabat.

9 *Hi incuruati sunt.* Probabile est hic tanquam digito monstrari Israelis hostes, qui Diuinitus prostrati fuerant, quum nihil minus futurū putarent. Subest autem tacita antithesis inter ferociam qua ad tempus elati fuerant hostes, quum audacter irruerent ad omnia perdenda, & populi Dei oppressionem. Sicuti enim Surgere non nisi eorum est qui prius iacebant, ita Incuruari & Cadere propriè dicuntur quos suæ securitas in sublime extulit. Ergo ab euentu docet Propheta, quanto satius sit spes omnes nostras ad Deum vnum applicare, quàm propriis viribus inniti.

10 *Iehoua serua.* Quidam vno con-textu legunt, Iehoua serua Regem: forte quia absurdum illis videtur ad Regem terrenum, quod Dei proprium est, trāfferri, vt scilicet inuocetur atque exaudiat. Verum si in Christum, vt oportet, coniicimus oculos, non erit cur miremur Dauidi & eius successoribus, quatenus personam eius gestarunt, per similitudinem attribui quod in ipsum compe-tit. Quia autem per eius manum nos re-

git Deus ac seruat, non allunde speranda est salus. Sicut etiam fideles olim ad Regem suum, tanquam saluificæ Dei gratiæ ministrum, confugere solebant. Hinc illud Ieremiæ Thren. 4. 23, quod prius citauī, Spiritus oris nostri Christus de quo diximus, In vmbra tua viuemus inter Gentes. Ideo etiam quoties restitutionem Ecclesiæ suæ promittit, Deus symbolum salutis proponit in regno. Nunc videmus, non absque optima ratione fideles indui, auxilium à Rege petētes, cui in fidem & custodiam dati sūt, & qui Dei loco in capite eorum præ-sidet. Sicuti Micheas dicit 2. 13, Transibit Rex coram ipsis, & Iehoua in capite eorum. Quibus verbis significat, Regem fore instar speculi, in quo affligetæ Dei imago. Redeo nunc ad præsentem locum. Ecliptica loquutio, quum dicitur, Serua Domine, maiorem continet emphasis, quàm si adiectum fuisset nomen: quia hoc modo ostendit Dauid, commu-niter ad totum Ecclesiæ corpus spectare salutem istam. Et Psal. 138. 15, eadem verborum forma concipitur precatio, quam eandem esse certum est. Summa est, vt Deus Regem suum benedicens, totius populi Seruati appareat. Deinde exprimitur salutis modus, vt Rex Dei virtute instructus sit ad liberandum populum, quoties eius opem implora-uerint: quia non aliter quàm eius manu & opera promiserat Deus suos fore saluos. Hunc manifestato Christo discamus hunc honorem deferre, ac aliam salutem, nisi quam nobis à Patre offeret, speremus. Eius verò tunc demum futuri sumus participes, si omnes sub communi nostro capite in vnum corpus collecti, mutuam alii pro aliis curam geramus, non autem seorsum quisque sibi consulat.

#### ARGVMENTVM PSALMI XXI.

Psalmus hic publicam gratiarum actionem pro saluti Regis statu continet. Eius autem & superioris similis ferè est ratio, nam sicuti illi dictata fuit communis precandi forma vt totus populus pro capitis sui salute esset sollicitus: ita nunc ostenditur, singulorum in Regis statum ad publicam latissimam spectare: quia hic mox Deus reuocatur prout seruare integrum volebat. Precipue vero Spiritus sanctus fidelium mentes in Christum direxit, qui Regni huius finis erat & perfectio, vt scirent, non aliter quàm sub capite Diuinitus orinato, se fore saluos.

Psalmus XXI.

**P** Resetto canticum Dauidis. Iehoua in virtute tua letabitur Rex, & in salute tua quàm exultabit valde?



2 *Desiderium cordis eius dedisti ei, & quod protulit labiis suis non negasti. Selah.*

3 *Quoniam praeuenies eum benedictionibus boni: impones capiti eius coronam auream.*

1 *Iehoua in virtute.* Poterat Dauid priuatim gratias Deo agere pro victoriis & aliis insignibus donis quibus ornatus fuerat: sed testari propositum habuit, non modò se, Deo autore, regnare, sed etiam quicquid in eum Deus cõtulerat, in publicam omnium vilitatem redire. Ac initio quidem statuunt fideles ita Regem Dei auspiciis creatum esse Dauidem, vt eius tuendi curã Deus ipse susceperit. Itaque apparet Psalmũ in hunc quoque finem compositũ fuisse, vt sibi promitterent stabilem ac diuturnam fore hanc Dei gratiam: sicuti necesse erat, vt starent in firma fiducia, de Rege bene sperare, cuius cõspectus, Dei propitii & fauentis speculum erat. Sensus autem verborum est, Domine, virtute tua Regem sustinens, efficies vt per te saluus maneat atque ita salutẽ suã potentia tuã ascribens, non vulgari modo in te lætetur. Robur enim & salutem haud dubiẽ pro valido & robusto auxilio posuit, significans Dei potentiam in Rege tuendo fore talem, vt eum ab omni periculo liberum & saluum præstaret. Secũdo versu notatur gaudii causa, quòd Regis vota exaudierit Deus, ac liberaliter dederit quacunque optabat. nam hoc teneri, & penitus animis infixum esse, operæpretium fuit, prospere omnes Dauidis successus totidem esse Dei beneficia, atque etiam documenta legitimæ eius vocationis. Ac Dauid quidem his verbis significat se carnis desideriis vota non laxasse, vt profani homines libidinosẽ huc & illuc animos sine delectu applicant: sed ita frãnasse suos affectus, vt nihil nisi æquũ & rectum expeteret. Etsi enim quibusdam vitiis (vt fert hominum infirmitas) laborauit, bis etiam turpiter lapsus est: continua tamen regni administratio talis fuit, vt faciliẽ constaret Spiritum sanctum primas illic tenere. Sed quia Spiritu prophetico in Christũ maximẽ respexit, qui non sibi, sed in bonum no-

strum regnat, & cuius vnicum votum ad salutem nostram tendit, hinc colligere licet vtilissimam doctrinam, minimẽ timendum esse quoties pro Ecclesia oramus, ne Deus preces nostras repudiet, quas non nisi præcunte cælesti nostro Rege concipimus.

2 *Quoniam praeuenies.* Mutatio temporis in verbis, rei contextum non abruptit: itaque hanc sententiã libenter in tempus futurum transfero, sicuti Hebræis scimus satis tritam esse hanc enallagen. Porrò, qui Psalmum hunc restringunt ad vltimam victoriam quã de exteris Gentibus adeptus est Dauid, & coronam, cuius hĩc fit mentio, Regis Ammon esse putant, quam celebrat Sacra historia: meo iudicio nimis extenuant quod de perpetua regni fœlicitate distant Spiritus sanctus. Nec verò mihi dubium est quin posteros suos usque ad Christum complexus fuerit Dauid: atque ita assiduos gratiæ Dei progressus in seruando regno illo commendauerit. Neque enim de vno tantũ homine dictum fuerat, Ero illi in Patrem, & ipse erit mihi in Filium, 2. Sam. 7. 14. sed oraculum illud à Solomone usque ad Christum extẽdi debuit: sicuti optimus testis est Iesaias 9. 6, cõpletũ fuisse docens, quum Filius datus est vel exhibitus. Porrò, quum dicit, Præuenies, significat vltro Deum fore liberalera, & ad largiendum propensum, vt non modò rogatus annuat, sed etiam vota Regis antevertens, omni bonorum genere præter spem eum, cumulet. Per benedictiones intellige affluentiam vel largitatem. Quòd quidam Hebraicum *ויו* Bonitatem vertũt, mihi non placet: potius enim pro beneficentia vel gratuitis Dei muneribus & donis accipitur: ac si dictum esset, nihil Regi de fore ad beatã vitæ summam, quia Deus spõte cum multiplici bonorum copia ad locupletandum eum occurreret. *Coronam* verò distertẽ nominat, quia regni erat insigne:

acti dixisset, Deum eius Regis, quē ipse creauerat, fore custodem. Iam verò quum Propheta cidarim, postquam ad longum tempus iacuisset, reponendam in Christi capite testetur, colligimus hoc cantico erectas fuisse pias mentes in spem æterni regni, cuius vmbra tan-

tum vel obscura imago in filiis Davidis proposita fuit. Quare hic regni Christi perpetuitas asseritur, quia non hominum fauore vel suffragiis impositus fuerit solio, sed Deus e cælo caput eius corona ornaauerit.

4 *Vitam petiit abs te, dedisti ei protractionem dierum in seculum & semper.*

5 *Magna gloria eius in salute tua, splendorem & decorem posuisti super eum.*

6 *Quia posuisti eum benedictiones in seculum, exhilarasti eum letitia coram vultu tuo.*

4 *Vitam petiit.* Confirmat hic versus quod nuper attigi, Psalmum hūc ad vnus hominis personā minime restringi. Quauis enim prorogata fuerit Davidis vita vsquedum senio cōfectus & satur dierum ē terra migraret: breuius tamen fuit eius curriculum, quā vt ad istam dierum longitudinē accesserit, quæ pluribus seculis constare dicitur. Imò si tempus à primordio regni Davidis ad exilium Babylonicum supputes, non reperietur hæc longitudo in Davidis successoribus. Quare non dubium est quin Regem æternum hic cōprehendat David. Subest autem hic cōparatio inter obscurum & contēptibile, imò grauissimis periculis refertum, & desperationi affine regni principiū, deinde incredibile illā gloriam quæ sequuta est, quum Deus regnum illud à communi ordine eximens, ferè supra cælos locauit. Neque enim vulgare est Aogium, quādiu sol & luna in cælo fulgebunt, stabile fore regnum illud. Ergo David se vitam petiisse commemorās, tacite in quas sæpe angustias reductus fuerit notat: vt sit sensus, Domine, ex quo seruum tuum sacra vñctione ad spē regni vocasti, talis fuit eius conditio vt pro singulari beneficio duceret elabi ē faucibus mortis: iam verò non solum tua gratia saluus euasit, sed pollicitus etiam es cōtinuum per multa secula in eius posteris successionem. Atque hoc non parum amplificat Dei gratiam, quòd miserum hominem, ferèque exanimem, quum trepidè mortem depre-

caretur, inastimabili hoc honore dignatus sit, vt regale sceptrū ad posteros in seculū vsque transmitteret. Quòd quidam exponunt, Dedisti ei vitam quā petebat, & quidē vt dies eius protraheres in seculum & perpetuū, frigidum est ac coactum. Tenenda est enim illa antithesis inter principiū regni infirmum & ignobile, & illud inopinatū decus quo Deus seruū suū ornauit, testem aduocans lunam, siquando semē eius deficeret. Simile in Christo quoque specimen editū fuit, quem Pater à contēptu, ignominia, morte, sepulchro, desperatione, in cæleste imperium extulit, vt sudeat perpetuū ad eius dexteram, futurus tandem Iudex mundi.

5 *Magna gloria eius.* Significat his verbis populus Rēgem suū, quia Dei manu protegitur & auxilio liberatur, magis illustrem fore quā si vel tranquille cū omnium plausu regnaret, vel hominum opibus & præsidio defensus esset, vel sua denique virtute & industria stetit inuictus: quia inde clarius apparuit, non nisi Dei auspiciis & mandato dignitatem regiam adeptum esse. Hoc ergo Regibus profanis relinquunt fideles, vt se rebus suis gestis nobilitēt, famāmque sibi cōparēt ex propria virtute, quia Diuinæ gratiæ approbationē pluris quā omnes mundi triumphos faciunt. Interim tale sibi promittūt Dei auxilium quod Regi magnificè ornando sufficiat.

6 *Posuisti eum benedictiones.* Quidā simpliciter exponunt, Regē hūc à Deo electum

electum esse, in quem affatim gratias suas effundat. certum tamen est, plus aliquid hac loquendi forma exprimi: nempe tam vberem bonorum copiam affluere Regi, ut merito Diuinæ beneficentiæ exemplar esse possit: vel etiam ut inter precandum vulgò fatuum sit eius nomen celebre ad exemplum. Dicunt enim Hebræi poni in maledictionem qui sic redduntur detestabiles, & quibus tā horribilis infligitur Dei vindicta, ut imprecationibus & diris feruiat eorum nomen: ita vicissim dicitur in benedictionem poni, sub cuius nomine vota concipimus: quemadmodum si quis dicat, Deus te eodem favore quo feruum suum Dauidem prosequatur. Ego tamen si interpretationem hanc non reicio, illa tamen sum contentus, quod

Rex omni genere bonorum abundans, præclarum sit liberalitatis Diuinæ exemplar. Quod proxime sequitur de lætitia, diligenter notandum est. non enim tantum intelligit populus Deum Regi benefacturum, quia benigne & paterno oculo eum respiciet: sed hanc propriam designat gaudii causam, quod Rex ipse Deum sibi propitium agnosceret. Neque enim sufficeret, Deum curam nostri gerere, nobisque prospicere, nisi vicissim nobis sereno suo vultu irradians, bonitatis suæ gustum præberet: quemadmodum Psalmo 3 vidimus, Multi dicunt, Quis ostendet nobis bonum? Illustra Domine faciē tuam super nos, & salui erimus. Et sane hæc solida est felicitas, Deum nobis propitium sentire, ut quasi sub eius oculis habitemus,

7 *Quia Rex sperat in Iehoua, & in bonitate excelsi, non mutabit.*

8 *Inueniet manus tua omnes inimicos tuos, dextera tua inueniet ocores tuos.*

9 *Pones eos tanquam in fornacē ignis in tempore iræ tuæ Iehoua: in ira sua opprimit eos & consumet eos ignis.*

10 *Fructum eorum è terra perdes, & semen eorum à filiis hominum.*

7 *Quia Rex sperat.* Hic rursum gloriatur Sancti Regem suum fore stabilem, quia Deo innititur: & modum quoque exprimunt, nempe in spe, vel fiducia. Ego vno contextu totum versum lego, ut tantum sit vnum principale verbum, Regem, quia spe fundatus erit in Deo eiusque bonitate, ruinis quæ huius mundi Regna euertunt, non fore obnoxium. Porro, quum antè dictum fuerit, quæcunque Regi suo tribuunt fideles, spectare ad totum Ecclesiæ corpus, communis hic offertur promissio, quæ nos inter varias mundi iactationes in tranquilla statione contineat. Quâvis enim tanquam in rota voluatur mundus, unde fit ut repente decendant qui in summum culmen fuerant euecti: regnū tamen Iuda, & sub eius typo regnū Christi excipitur. Sed meminerimus hac demum firmitate subniti qui certa fide in Dei gremium se coniciunt, eiusque mi-

sericordia freti, salutem ei suam commendant. Nam & sperandi materia simul exprimitur, quod Deus clementer suos foueat, quos gratuito amplexus est.

8 *Inueniet manus tua.* Hactenus descripta fuit interior regni felicitas: nūc additur, sicuti necesse erat, inuictū contra hostes robur. perinde enim hoc valet ac si Rex hostium omnium victor prædicaretur. Dixi autē hoc membrū minime esse superuacuum, quia non satis esset intus florere regnum, & pace, opibus, omnique bonorum copia referum esse, nisi ab externa quoque violentia probè munitum foret. Atque hoc præsertim regno Christi conuenit, cui nūquam hostes defunt in mundo. Etsi enim non semper oppugnatur aperto Marte, sed aliqua interdum relaxatio conceditur, malitiam tamen & nocendi libidinem nunquam exuunt Satanæ



ministri:ideoque euerfionē regni Christi moliri nunquam desinunt. Bene autē habet quōd Rex noster, qui manum suā opponit ad nos protegendos, omnibus est superior. Porro, quia verbū **NYD** sufficere interdum significat, & hic in priore membro intericitur **h**, propter diuersam syntaxin verbum ipsum variē accipiūt quidam Interpretes: ac si dictū esset, Manus tua omnibus inimicis sufficit, dextera tua inueniet qui te oderrunt. Ita gradatim ascenderet sentētia, Manus tua ad resistēdum par erit, dextera tua hostes apprehendet, vt cladem non effugiant. Additur etiam horribilis vindictæ species, ex qua colligimus nō de quibuscumque hic fieri sermonem, sed de impiis & vesanis Dei cōtēptoribus, qui contra vnigenitum eius Filium, Gigantum more insurgunt. ipsa enim pēnæ atrocitas sceleris grauitatem ostendit. Putant quidam Dauidem alludere ad supplicii genus quod eū de Ammonitis sumpsisse refert Sacra historia: sed magis probabile est metaphoricē exponi horrendū exitiū quod omnes Christi aduersarios manet. Quauis enim furore ardeant contra Ecclesiam, & sua scelerata iurgia mundum inflamment: vbi tamē ad cumulum peruenerit eorum impietas, hæc illis merces reposita est apud Deū, vt in suam fornacem cōiectos absumat. Primo autem membro Rex ipse ultor vocatur, deinde transfertur munus hoc ad Dei personam: tandem ultionis exequutio igni tribuitur. quæ tria optimē inter se conueniunt. Scimus enim Christo mandatum fuisse iudicium vt hostes suos in ignem æternum præcipitet: sed operæpretium fuit disertē exprimere, non hominis hoc, sed Dei esse iudicium. Nō minus etiam vtile fuit extremā & terrificam vindictæ speciē exponi, quo experegeret eorum torpor qui Dei minas alioqui securē cōtēmnunt. Iam hoc idem ad piorum consolationem non parum valet: scimus enim quā formidabilis sit impiorum crudelitas, cui facile succūberet fides nostra, nisi ad Dei iudicium assurgeret. Tempus iræ admo-

net patienter ferendam esse crucem, donec exercere nos & humiliare Dominus placuerit. Discamus ergo, si non statim potentiā suam exierit ad perdendos impios, spem nostram ad tempus illud extendere, quod cælestis Pater iudicio suo præfixit, & Rex noster terrificæ suæ virtute armatus, prodibit ad sumēdam ultionem. Nunc enim quādiu dissimulat, non obliuiscitur vel sui, vel nostri: sed ridet eorum amentiam qui impunē grassando, plus audaciæ in dies colligunt. Et si autem nobis parum suavis est iste Dei risus, militia tamen nostra defungi nos oportet, donec aduentat ultionis dies, qui idem redemptionis annus erit, sicuti Iesaias cap. 34. vers. 8, loquitur. Cæterum, non displicet, in postremo mēbro, Christi hostibus denūtiari exitium quo Sodomam & Gomorrhaim olim Deus perdidit. Quia enim illud fuit præ aliis Diuini in omnes impios iudicii memorabile documentum, imō illa fuit visibilis imago æternæ gehēnæ quæ reprobis parata est: frequenter in Scriptura occurrit hæc similitudo.

10 *Fructum eorum ē terra.* Hæc circūstantia amplificat Dauid iræ Dei magnitudinem, quia ad ipsos quoque filios peruagabitur. Est autem hoc satis tritum doctrinæ caput in Scriptura, Deum non modò de primis scelerum authoribus pēnam exigere, sed reicere in sinum filiorum. Neque tamē dum ita vindictam suam persequitur in tertiam & quartam generationem, temere infontes scelestis inuoluit: sed quā maledictum sit impiorum semen quod gratia sua priuauit, & omnes sint filii iræ ultimo exitio deuoti: non minus in filios quā in patres iusta est eius seueritas. Quis enim litem intēter, si gratiam quæ suos cōplectitur, ab indignis subducit? Vtroque enim modo quā sibi charū sit ac pretiosum Christi regnum, demonstrat: quōd ad fidelium posteros misericordiam producit vsque ad mille generationes, & in reprobis residet ira eius vsque in tertiam & quartam generationem.

11 *Quia expandērunt super te malum, cogitauerūt super te fraudem quam non poterunt perficere.*

12 Quoniam pones eos tumulum, in funibus tuis prepara-  
bis contra facies eorum.

13 Exaltare Iehoua in virtute tua, cantabimus & psalle-  
mus fortitudinem tuam.

11 Quia expanderunt. Hoc versu pronuntiat David quale prædixit excidium impios esse promeritos: quia non homini solum terreno molesti fuerint, sed imperum suæ superbæ conuerterint in Deum ipsam. Quemadmodum enim Psalmo 2 dictum fuit, regnum illud in Davidis persona, Dei mandato consecratum violare nemo potuit quin Deo nefariū ac sacrilegum bellum inferret: multo autem magis in oppugnatione regni Christi violatur Dei maiestas, qui nō nisi per eius manum dominari vult in mundo. Porro quia verbum **נחל** Hebræis nunc expandere, nunc diuertere significat, utroque modo non incommode verti potest: quod scilicet impij quasi expansis retibus conati sint Dei potentiam sibi subicere, vel eius opprimendæ causæ malitiam suam deflecterint: quemadmodum si quis torrentem, cauata fossâ, in locum aliquem deriuat. Dicit postea cogitasse fraudem, vel consilium quod effectu carebit. quibus verbis perstringit cæcæ eorum audaciam, qui aduersus Deum bellando, quiduis tentare non dubitant.

12 Pones eos tumulum. Quia **נחל** Hebræis humerum propriè significat, quidam sensum illum retinent, ac si diceret capita ipsorum deiectum iri, ut in corporibus curuatis humeri emineant: ita secundum eos metaphorice notatur

futura hostium subiectio. Magistamen altera expositio inter Hebræos quoque recepta est, quod Deus in aliquem angulum retrusos à maleficiis arcebit. Nā **נחל** pro parte, vel regione, vel loco sæpe accipitur: sed quia paulò post Deum producit arcu instructum, ut sagittas suas in eorum faciem dirigat, non dubito quin metaphoram continuans, eos tumulo compareret ubi figi solet scopus, ita pulchrè sensus fluat, Tu Domine statues eos instar tumuli in quem sagittas tuas emittas. Semper autem in hoc est ut nos ad patientiam erudiat, donec ad suum finem Deus opportunè adducat impios.

13 Exaltare Iehoua. Tandem Psalmus precatione clauditur, quæ rursus confirmat regnum, cuius fit mentio, cū Dei gloria sic coniunctum esse, ut illuc reluceat eius potentia. Quanquā autem Deus in extollendo Dauide virtutem suam olim extulit: quod tamen hic dicitur, non nisi in Christo solidè impletum est: qui ita nobis præfectus est in Regem à Patre celesti, ut idē sit Deus manifestatus in carne. Cæterum ut reprobis merito terrorem incutere debet Diuina eius virtus, ita nobis suauissimæ consolationis plena describitur, quæ nos ad gaudium, cantica, & gratiarum actiones incitet.

## ARGVMENTVM PSALMI XXII.

David hoc Psalmo in eas angustias redactum se conqueritur, ut similis sit homini desperato. Postquam tamen mala quæ ipsum misere angebant recensuit, ex tentationum abyssu emergens, animum colligit ad bene sperandum. Interim verò in sua persona typum Christi proponit, quem prophético Spiritu sciebat deici oportere miris & insolitis modis, atque quam eum Pater extolleret. Ita Psalmus duobus membris illud Iesaja vaticinium explicat, E carcere & iudicio sublatu est: generationem eius quis enarrabit? Iesaja. 53. 8. Psal. XXII.

**P** Ræfecto, super ceruam aurora canticum Davidis.

Quāquā hæc inscriptio obscura est, ut tamen in ea se plus a quo torquerent Interpretes, inde factum est quod

mysterium nescio quod sublimè in re parna quærebant. **לילה** quidam pro stella matutina, alij pro fortitudine acci-  
I. i.

cipi volunt: rectius tamen pro cerua accipitur. Iam quia prophetia esse de Christo, Apostoli luculenti sunt testes: putarunt Veteres non satis magnifice ornari Christi dignitatem, nisi Ceruæ nomen allegorico sensu ad sacrificium trāsferrent. Idem tentarunt quibus magis placebat nomen Auroræ. sed quia in istis argutiis nihil solidi reperio, præstabit quod simplicius ac magis genuinū est, elige. Mihi certe credibile est initiū

fuisse cantilenæ vulgaris: nam quomodo alioqui inscriptio Psalmi argumēto cōueniat, non video. Ex contextu autē apparet, Dauidem hīc non vnā modō persecutionem, sed quasunque sub Saul passus est, complexum esse: an verō rebus suis iam prosperis Psalmum hunc composuerit, incertum est: nisi quod statueret licet quæ in mediis curis, anxietatibus, & mœroribus meditatus est, hīc describi.

2 *Deus meus, Deus meus, quare dereliquisti me, remotus à salute mea, verbis rugitus mei?*

3 *Deus meus, clamō per diem, & non exaudis: & nocte, nec silentiū est mihi.*

2 *Deus meus, &c.* Primus versus duas notabiles sententias continet: quæ etsi in speciem videntur contrariæ, quotidie tamen piorum animis simul obrepunt. Quod se à Deo relictum & abiectum dicit, querimonia videtur esse hominis desperati: quæ enim residua est fidei scintilla, vbi in Deo nihil auxilii sentitur? Et tamen quod Deum suū bis appellat, suōsque gemitus in eius sinum deponit, non obscurā est fidei confessio. Atqui hoc intestino cōflictū pios exerceri necesse est, quoties favoris sui signa Deus subducit, vt quocunque vertant oculos, nihil præter noctis tenebras occurrat. Atque hoc fidelibus accidere dico, vt secum luctando tam carnis infirmitatem prodant, quā fidem testentur. Reptos enim, quia diffidentia suā indulgent, obruit sua anxietas, vt ad Dei gratiā fide nō aspirent. Quod autē se David sustinuerit, neque à tēratione fuerit absorptus, ex verbis colligere promptum est: quia etsi eum grauiter urgebat tristitia, non tamen in hanc vocem erupit, nisi strenuē resistendo, Deus meus, Deus meus. Idem quotidie quisque fidelium in se experitur, vt, pro carnis sensu, à Deo se reiectum & desertum existimet: fide tamen apprehendat absconditam gratiam. ira fit vt in eorum precibus contrarii affectus simul permixti sint ac impliciti. Fieri non potest quin Deum vel propitiū vel aduersum carnis sensus ex præsentī rerum aspectu concipiat. Ergo vbi nos diu in mœrore

iacere & quasi tabescere sinit, perinde nos affici necesse est secundum carnem, ac si eum cepisset nostri obliuio. Vbi totam hominis mentem occupat talis anxietas, demergit in profunda incredulitate, vt ad remedium amplius non aspīret. Si verō ex opposito succurrat fides, idem ille qui ex re ipsa Deum sibi infensum vel alienum æstimat, in promissionis speculo latentem ac remotam eius gratiam conspiciat. Inter hos duos affectus alternant hī, dum Satan obiectis iræ Dei signis, eos ad desperationē impellit, & præcipites agere molitur. Fides autem ad promissiones eos reuocans, patienter quiescere, & in Deum recumbere docet, quousque paternā faciē rursus proferat. Nunc tenemus ex quo fonte profecta sit tam hæc exclamatio, Deus meus, Deus meus, quā querimonia quæ statim additur, *Vt quid me dereliquisti?* Nam quum doloris vehementia, & carnis infirmitas vocem hanc exprimeret, Ego à Deo relictus sum: ne oppressus succūberet, correctionem dictauit fides, vt Deum suum intrepidē vocaret, à quo se relictum putabat. Imò videmus priores dedisse partes fidei, quia antequam sibi permittrat querimoniam proferre, occupandi causā, præfatur se nihilominus ad Deū suū cōfugere. Et sanè quia carnis affectus simul ac ebulliūt, nō facile cohibētur, imò nos abripiunt vitra metas: maturē inter ipsa principia frangendi sunt. Itaque optimum ordinem tenuit Dauid, fide præueniens



teniens dolorē suum, & pia inuocatione temperās quod postea de malorū suorū magnitudine deplorat. Si enim præcise dixisset, Cur Iehoua me deseris? visus esset acerba expostulatione fremere aduersus Deum: imò periculum erat ne qua immodica doloris amaritudo eius animum inficeret. nunc verò fidei repagulum sibi opponens, sensus omnes suos compescit, ne vltra iustum modum profluant. Nec supernacua est repetitio, dum bis Deum suum nominat: atque etiam paulò post tertio inculcat idem elogium. Nam quia arduum est ac molestum cum hac tentationis specie certamen, vbi Deus quasi abiecta nostri cura, ad nostras miseras & geminas conuincit, ideo in querenda confirmatione enixius Dauid insistit. Neque enim primo statim congressu palmā obinet fides, sed multis agitationibus exercita, victrix tandem emergit. Interea nō dico Dauidem tam animosum & infractū fuisse athletam, vt non vacillauerit eius fides. Quamlibet enim seriò conentur fideles, subactō carnis suæ sensu, totos se Deo addicere: aliqua tamen infirmitate semper laborant. Hinc illa claudicatio sancti Iacob, cuius metio fit apud Moysen, Gen. 32. 24: quia licet superior fuerit in lucta, vitiosi tamē defectus notam gestauit. Talibus exemplis suos ad perseverantiā animat Deus, ne infirmitatis sibi consci, animos despondeant. Quare hæc nobis ratio tenēda est, quoties tumultuatur caro nostra, & quasi violentis procellis ad impatiētiā nos rapit, vt contrā nitamur, ad cohibendos eius impetus. Sic fiet vt duriter quidem iactemur, ex naufragio tamen semper emergat fides nostra. Cæterum Dauidem non frustra verba, quibus falciret fidem suam, iterasse, ex ipsa querimonia forma elicimus. Neque enim simpliciter pronuntiat se à Deo relictū, sed addit *remotum esse à salute sua*: quòd scilicet periclitari eum videns, nullū bonæ spei signum daret. Nam quū penes Deū sit viuandi facultas, vbi salutem nostrā hostium libidini expositrā videns, quiescit tamen perinde ac si nō curaret, quis non dicat manum suam retrahere ne nos liberet? Iam per *verba rugitus* signi-

ficat non leuibus tormentis se fuisse cruciatum. Certè non ea fuit animi eius mollities, vt ob vulgare aliquid malū sæuos vlulatus ederet: ingentem ergo mœstitiam fuisse oportet, quæ homini mansuetō & ad subeundas ærumnas infractō rugitus extorsit. Iam quum Christus in cruce pendens, inter vltimos spiritus eandem vocem ediderit, Mat. 27. 46, videndum est quī conueniat vnigenitum Dei Filium tanto doloris motu perculsum fuisse, vt se à Deo Patre relictum clamaret. Coegit hæc absurditas multos Interpretes ad eaptandum effugium. Itaque dixerunt Christum ex vulgi magis opinione quàm proprio sensu ita conquestum esse. Sed interea non viderunt se multum detrudere ex beneficio redemptionis, dum Christum à terroribus, quos peccatoribus incurrit Dei iudicium, prorsus immunem fuisse fingūt. Inanis verò fuit hic metus, quòd veriti sunt Christum tanto dolori subiacere, ne eius gloriam minuerent. Nam quum clarè testetur Petrus Acto. 2. 24, impossibile fuisse eum retineri à doloribus mortis, sequitur nō fuisse immunē ab illis, & penitus liberum. Et certè suscepta nostra persona, nostròque reatu, necesse habuit ad Dei tribunal se instar peccatoris sistere. Hinc horror ille & pavor qui ad deprecandam mortem eū coegit: non quia tam acerbum illi foret è vita migrare, sed quia ante oculos erat Dei maledictio quæ peccatoribus incubit. Quòd si primo cōsiliū elicitæ fuerunt sanguinis guttæ, vt opus fuerit consolatore Angelo, Luc. 22. 43. non mirum est si in vltimo agone confessus est tantum dolorem. Interea notādum est, sic humanos affectus passum esse Christum, vt carnis infirmitate lapsus non sit: quia naturæ integritas purum ab omni excessu eū præstabat. Tentationes ergo, quibus eum aggressus esset Satan, sine vllō vulnere quod notam claudicationis relinqueret, vincere potuit. Minimè verò dubium est quin illo clamore palàm ostenderit Christus, quanuis hic suas miseras deplorat Dauid, Psalmum hunc tamen prophético Spiritu de se fuisse compositum.

3 *Deus meus clamo.* Hoc versu longam mali durationem exprimit, quæ molestiam ac tedium augebat. Accessit etiam grauior tentatio, quod clamando visus est operam ludere. Nam quum vnicum malis nostris remedium sit, Deum inuocare: si precibus nihil proficimus, quid amplius residuum est? Conqueritur ergo Deum ad sua vota quodammodo surdum esse. Quum in secundo membro dicit non dari sibi silentiũ, sensus est, nihil solatii eum sentire, quod

eius animum tranquillet. Quãdiu enim eum vrgebat afflictio, animi inquietudine impulsus fuit ad clamandum. Atque hic perspicitur fidei constantia, quã non fregit malorum diurnitas. Hæc enim rite precandi regula est, vt qui visus est diu sine profectu aerem verberasse, non propterea desistat. Interim hoc fidelibus conceditur paterna Dei indulgentia, vt si voto suo frustrati ad tempus fuerint, suas anxietates in eius sinum exonerent.

4 *Tu autem sanctus, inhabitans laudes Israel.*

5 *In te sperauerunt Patres nostri, sperauerunt & libera-  
sti eos.*

6 *Ad te clamauerunt, & seruati sunt: in te sperauerunt,  
& non sunt pudesacti.*

7 *At ego vermis, & non vir: opprobrium hominum, & cõ-  
tempus populi.*

8 *Omnes videntes me, subsannant me: diducunt labium,  
mouent caput.*

9 *Denoluit ad Ichouam, eripiat eum, liberet eum: quia ei  
bene vult.*

4 *Tu autem sanctus.* Copula quæ Hebraicè legitur, in aduersatiuam particulam, haud dubiè resolui debet. Sunt qui putant æternum & immutabilem Dei statum opponi miseris quas sentiebat Dauid. quibus non subscribo: quia simplicior & magis genuinus occurrit sensus, nempe quod Deus se electo populo semper ostenderit propitium. Neque enim hic agitur qualis sit in cælo, sed qualem se hominibus ostēderit. Nunc quæritur, suamne querimoniam his verbis exaggeret Dauid, quod solus ipse nihil à Deo impetret: an verò tanquam clypei obiectu tentationem repellat, dum sibi Deum proponit perpetuum suorum liberatorem. Ego vt fatear hoc ad doloris auxilium valere, nõ tamen dubito quin diffidentia remedium sibi accersat Dauid. Quia enim periculosa erat tentatio, videre se à Deo deserì, ne eam assidua meditatione aleret, mentem ad cõtinua documenta gratia Dei reflexit, ex quibus conciperet aliquod bonæ spei fo-

mentũ. Non ergo tantũ quærere voluit quĩ fieret vt Deus, qui clemēter semper egerat cum populo suo, nunc miserum hominē, quasi naturæ suæ oblitus, omni solatio & ope destituit: sed clypeum etiam arripere, quo se regeret contra ignita Satanae tela. Deum vocat *sanctum* quia semper maneat sui similis. Dicit *inhabitare Laudes Israel*, quia beneficus erga electum populum, laudis materiam continuo gratiarũ tenore suppeditet. nisi enim bonitatis suæ gustũ præbeat Deus, nos obmutescere necesse est. Iam quũ Dauid sit vnũ ex mēbris, cõtra obstacula nititur, vt speret se in societatem corporis tandem receptum iri ad canendas Dei laudes.

5 *In te.* Redditio causæ est cur Deus inter laudes populi sedeat: quia scilicet ad fideles seruandos manũ semper habuerit exertam. Dauid enim (vt nuper dixi) atatum omnium exempla colligit, quibus se erigat & confirmet, certoque sibi persuadeat, quando neminem vnquã ex electo populo repudiauērit Deũ se quoque

se quoque vnum fore ex eorum numero quibus salus in Dei manu reposita est. Ideo disertè commemorat se ex eorum progenie ortum esse qui exauditi fuerant, significans se eiusdem quam experti erant gratiæ hæredem esse. Respicit enim ad fœdus quo Deus Abraham genus sibi adoptauerat: quia parū esset tenere quæ Deus seruis suis exhibuit misericordiæ documenta, nisi se ad eorum ordinem quisque nostrum aggreget, sicuti David in Dei Ecclesia se includit. Quòd ter repetit, Patres sperando salutem adeptos esse, non dubium est quin verecundè insinuet cōmunem sibi cum illis spem esse: qua sit vt promissionum effectus ad nos perueniat. Nam vt in vsum suum quis accommodet quæ Deus olim seruis suis præstitit beneficia, in promissiones gratuitas & fidem illis subnixam oculis dirigere conuenit. Porro vt fiduciam hanc non fuisse frigidam vel emortuam demonstrat, simul dicit eos *clamasse*. Se enim Deo fidere, impudenter mentitur quisquis in malis suis torpens, eius opem non implorat. Ergo ex precibus cognoscitur fidei veritas, sicuti bonitas arboris ex fructu. Interim notandum est, nō alias censerī coram Deo legitimas preces, nisi quæ ex fiducia manant, & cum ea sunt coniunctæ. Neque enim temere David inter verba Sperandi medium clamorem locat.

7 *Atego vermis.* Non obmurmurat Deo, quasi indignè secum agatur, sed sortem suam deplorans, quo magis, Dei misericordiam prouocat, dicit se non haberi hominis loco. Videtur quidem primo intuitu, ad deiiciendum animum, imò ad fidem abolendam id spectare: sed ex contextu certò patebit ex opposito proferre quàm misera sit sua conditio, vt inde spem leuationis cōcipiat. Ergo ab impossibili arguit, fieri non posse quin tandem manum porrigat Deus afflictissimo & desperato. Nam si omnium qui mediocriter fuerunt vnquam afflictī, misertus est, quomodo seruum suum desereret in profundissima omnium malorum abyssi demersum? Hoc modo quoties ingenti afflictionum mole obruimur, inde petendum est sperandæ liberationis argumē-

tum potius quàm desperationi nos dedamus. Quod si hunc præstātissimū seruū seruum tam duriter exercuit Deus, & eò vsque deiecit vt locus ei non esset inter contemptissimos homines, ne molestum nobis sit eius exemplo humiliori. Quanquam in mentem nobis precipiū venire debet Filius Dei, in quo etiam hoc fuisse impletum scimus: sicuti Iesaiæ vaticinio testatū fuerat, Cōtemptus fuit, nec reputauimus cum: vir fuit dolorum, non forma ei, neque decor: vt quisque abscederet ab eo faciem suam, Ies. 53.3. Quibus verbis satis refellitur friuola eorum argutia, qui in Vermis nomine philosophari sunt, ac si singulare aliquod mysterium in Christi generatione notaret David: ac non potius se infra homines deiectum fuisse & quasi ex animantium numero resectum diceret. Quòd autem huc se redigipassus est Dei Filius, imò ad inferos vsque descendit, ad eò cælestē eius gloriā non obscurat, vt potius illustre speculum sit incomparabilis erga nos eius gratiæ.

8 *Omnes videntes me.* Est exegesis proximæ sententiæ. dixerat se infimis quibusque, & quasi populi quisquiliis esse probro: nunc quibus vulgò affectus fuisset probris recitat, nempe quod verborum probris non contenti, tum labia protrahendo, tum quatendo capita, petulantiam in gestu ipso prodiderint. Nam quòd Aperire in labio, pro Conuitia proferre quidam exponunt, mihi congruere non videtur: 2 enim superuacuum est, vt sæpe apud Hebræos. Itaque vertere placuit, *diducunt labium*, quia hic gestus est palàm & contumeliose illudentium. Sed quod sequitur, longè atrocius fuit, quum obliicerent, Deum quem sibi Patrem professus fuerat, ab eo esse auersum. Scimus enim Davidem, vbi se inultè dānari in mundo videbat, huc configere solitum, vt sibi bene conscius, Deum haberet in cælo vindicem. Nunc illi exprobrant omnes, inani iactantia temere gloriatum esse de auxilio Dei: Vbi est ille Deus, inquiunt, in quem recubuit? vbi ille amor quo confisus est? Nullum est Satanæ magis lethale telum ad vulnerandas animas, quàm dum promissio-



nes Dei in ludibrium vertendo, spem nobis excutere tentat. Quamquam non simpliciter irritas fuisse Davidis preces, & fallacem quem iactabat Dei amorem dicunt: sed eum oblique perstringunt tamquam hypocritam, qui falso Dei nomen à quo alienus erat, obtenderet. Quam acerba fuerit tentatio, quisque ex proprio sensu æstimare potest: sed remedium quo usus est sinceram fiduciam suam affectum probauit: quia nisi Deum habuisset certum testem, nunquam ausus esset querimoniam hanc ad eum deferre. Quare danda opera est quoties hypocrisis nobis obicant homines, ut interior cordis sinceritas apud Deum pro nobis respondeat. Atque hæc nobis sacra sit anchora, quoties mordacibus sannis si-

dem nobis excutere molitur Satan, Deum citare testem, ut suam in nobis tuendis iustitiam asserat: quando nulla scelerior blasphemia inuri potest eius nomini, quam dicere, vana fiducia inflatos qui spem in eo reponunt, seque irrita opinionione decipere qui se Deo charos esse perfracti sunt. Iam quum eodem telo appetitus fuerit Filius Dei, nihilo magis fidelibus, qui eius membra sunt, parceret Satan. Quare hoc clypeo munitos esse conuenit, quauis deplorati sint apud homines, si tamē curas suas in Deum coniciant, non fore irritas eorum preces. Verbo optimè exprimitur natura & vis fidei, quæ in Dei prouidentiam reclinās, curarum & molestiarum oneribus animos nostros leuat.

10 *Certe tu eductor meus es ex utero, fiduciam mihi auctor super uera matris meæ*

11 *Super te proiectus sum è vulua, de ventre matris meæ Deus meus es.*

12 *Ne procul discedas à me, quia tribulatio propinqua est, quia nemo auxilium ferens.*

10 *Certe tu eductor meus.* Rursum nouam munitionem erigit David, quæ Satanæ machinas sustineat ac repellat. Colligit enim Dei beneficia, quibus pridem didicerat ipsum sibi esse Patrem. Imò antequam nasceretur, tale paterni amoris specimen sibi fuisse à Deo exhibitum refert, ut merito mortis caligine oppressus, vitam ab ipso sperare audeat. Hanc enim prudentiam dicat Spiritus fidelibus, ut in rebus trepidis testimonia Diuinæ bonitatis colligant, quæ valeant ad fulciendam fidem. Sic enim statuendum est, quum Dei nunquam fatigetur liberalitas, nec eius diuitias exhauriat largitio, sicut à prima infantia Patrem eum experti sumus, talem ad vltimum vsque senium nobis fore. Quod se fateretur manu Dei ductum ex utero, & super ubera matris sibi datam esse fiduciam materiam, sensus est, ita naturaliter in lucem prodire infantes, & lacte materno pasci, ut illic refulceat admirabilis Dei prouidentia. Vilescit quidem hoc miraculum assiduo vsu: verum nisi ingratitude stupor os oculos nostros velaret, in sui admi-

rationem nos raperent quotquot eduntur in mundo partus. Quid enim obstat quominus in suo fœtore centies putrescat fœtus, antequam instet nascendi maturitas, nisi quia Deus arcana & incomprehensibili virtute in sepulchro uiuum custodit? Iam in lucem editus, quum sit obnoxius tot miseriis, digitum autem ad se iuuandum mouere nequeat, quomodo ad diem vnum viueret, nisi eum exciperet Deus paterno gremio fouendum? Merito itaque dicitur infans super eum proici: quia nisi teneros fœtus pascat, præstetque omnibus nutricis officiis, in ipso nascendi articulo iam eos expectant centum mortes, quibus statim suffocarentur. Concludit tandem Deum suum fuisse. et si enim ad bruta quoque animalia similis eius gratia in speciem ostenditur: Patrem tamen humano tantum generi peculiariter se ostendit. Quauis autem infantes non statim imbuat Deus sui notitia, dicitur tamen illis fiduciam dare: quia re ipsa ostendens sibi curæ esse eorum vitam, ad se quodammodo eos reuocat sicuti alibi dicitur pullos coruorum qui eum inuocant, alere

alere, Psal. 147. 9. Quum autem Deus ratione carentes ita praeueniat, quasi ut & rogatus spem suorum minimè frustrabitur. quo etiam argumento luctatus est Dauid ad tentationem domandam.

12 *Ne procul discedas.* Alia ratione pronocat Dei misericordiam, quòd vergeatur summis angustiis. Nec verò mihi dubiū est quin sibi proposuerit quod

13 *Circumdederunt me tauri validi, tauri Basan obsederunt me.*

14 *Aperuerūt super meos suū, ut leo rapiens & rugiens.*

15 *Sicut aqua diffluxi, & dissoluta sū. omnia ossa mea: fuit cor meum instar cerae, liquefactū est in medio viscerū meorum.*

16 *Aruit tanquam testa vigor meus, & lingua mea faucibus meis adhaeret: & in puluerem mortis posuisti me.*

17 *Quia circumdederunt me canes, cœtus malignantium circumdederunt me: foderunt manus meas & pedes meos.*

13 *Circumdederunt me &c.* Iam de hostiū suorū fœuitia & truculento furore conqueritur: ac primò quidem tauris, deinde leonibus, tertio canibus eos comparat. Scimus, ubi accensa est taurorum ira, quàm terribili impetu ferantur: leo etiam infestum & humano generi formidabile animal: iam canibus quàm acris & infesta sit ad nocendum audacia, ubi in hominem irati insiliunt, notū est. Sūma est, hostes Dauidis adeò fuisse sanguinarios & crudeles, ut feris belluis similes magis essent quàm hominibus. Non autem simpliciter vocat tauros, sed robustos. Nam quòd quidam מַרְסִי Multos transferunt, mihi non placet. Verū quidē est, ingentibus copiis Dauidem fuisse oppugnatū: sed ex secundo membro patet, de fortitudine, non de numero hic agi. *Tauris* enim *Basan* vocat quasi bene saginatos, ideòque proceros & fortes: quia montem illum scimus opimis & pinguibus pascuis fuisse nobilem.

15 *Sicut aqua diffluxi.* Hactenus dixit se à feris belluis obsessum, non procul à morte abfuisse, ac si singulis momentis vorandus esset: nunc interitorem quoque mœstitiā deplorat: unde colligimus, ad pericula minimè fuisse stupidū, nō enim vulgarem metum fuisse oportet, quo propemodū euauit, quo

passim Deo officium tribuit Scriptura, ut miseris succurrat, & paratior sit ad opem ferendam, quòd res nostræ magis angustæ sunt. Ergo ipsa desperatio instar scalæ fuit, quæ eius mentem ad precandi affectum attolleret. Ita nōs malorum sensus colligere debet sub alas Dei, ut auxilii sui præsencia sollicitum se de salute nostra esse demonstret.

dissoluta sunt eius ossa, & cor liquefactū. Videmus ergo, Dauidem non instar immoderatae rupis verberatum fuisse fluctibus, sed intus duris agitationibus fuisse perculsum: quibus sustinendis pro carnis infirmitate impar erat, nisi Spiritus virtute fuisset adiutus. Quomodo autem passionē istā in Christum competent, nuper admonui. Nam ut vêtus erat homo, infirmitatibus carnis nostræ vere obnoxius fuit, citra corruptelam duntaxat. Integra enim naturæ puritas quæ in eo fuit, humanos affectus non abolet, sed moderatius tantum ne excessu sint vitiosi. Dolorum itaque magnitudo sic eum debilitare potuit, ut composito tamen animo inter quævis tormenta se Deo subiiceret. Nobis etsi idē non datur, qui & affectus turbulentos patimur, & eos nunquam ita colubemus quin sua intemperie huc vel illuc nos impellant: exemplo tamen Dauidis animos colligere oportet, & infirmitate ferè exanimē ad Deum gerere, ut nos instaurent.

16 *Aruit tanquam testa, &c.* Vigorem intelligit quem nobis suppetiat radicalis humor. Eodem pertinet quod adiungit linguā faucibus affixā esse. Scimus enim immodico mœrore nō modò absumi vitales spiritus, sed omnem ferè succum aduri. Postea dicit se addictum sepulchro esse, significans omnem sibi

spem vitæ ablatam. quo sensu etiam dicit Paulus, 2. Corin. 1.9, se accepisse mortis iudicium. Hyperbolicè autem de se loquutus est Dauid, ut nos longius deduceret: quia horribile Christi cum morte certamè, quo elicitus fuit sanguis pro sudore, descensus ad inferos, quo iram Dei peccatoribus debitam gustauit, exinanitio denique ipsa nullis vulgaribus loquendi formis satis exprimi potuit. Iam de morte loquitur Dauid, ut solent perturbati homines, qui pauore attoniti, nihil præter puluerem & nihil concipiunt. Quoties autem Sanctorum mentes occupat hæc caligo, permixta semper est aliqua infidelitas, quæ eos non statim ad lucem nouæ vitæ emergere patitur. In Christo autem mirabiliter duo hæc fuerunt coniuncta, terror ex Dei maledictione se ingerens, & patientia ex fide tranquillans omnes motus, ut sub Dei imperio quiescerent. Nos qui præter non sumus virtute præditi, si quando nihil nisi interitum cernentes, attoniti ad tempus iacemus, paulatim tamen eniti oportet ad spem quæ mortuos vivificat.

17 *Foderunt manus meas. Ad verbū habetur, Sicut leo manus meas. Quum verò in hanc lectionē hodie conveniant omnes libri Hebraici, à tãto cōsensu recedere mihi religio esset, nisi ita cogeret sententiæ ratio, & probabilis esset cōiectura, locum à Iudæis fraude esse corruptū. Certè non dubium est quin Græcus interpres literam *h* legerit, (vbi) nunc habetur. Quod enim garriunt Iudæi, de industria inuersum fuisse litera-*

lem sensum, colore potius caret. Quid enim opus erat in re non necessariā tã audacter ludere? In eos verò cadit non levis falsitatis suspicio, quib⁹ unicū studiū est Iesum crucifixū spoliare suis insignibus, ne Christus & Redemptor appareat. Si recipimus quod volunt, perplexus & valde obscurus erit sensus. Primum defectiva erit loquutio, ad quam supplendā repetendū esse dicunt Obsidendi verbū. Sed quid illud est, manus & pedes cingere? Nam ad has partes nihilo magis spectat obsidio, quàm ad totum hominem. Deprehensi, ad deliras fabulas suo more confugiunt, leonem, ubi quispiam occurrat, circulū facere cauda antequā ad prædam ruat: unde satis apparet, ratione eos destitui. Iam quum similitudine leonis proximo versu usus fuerit, superuacua nunc esset iteratio. Omitto quod ex nostris quidam observant, nomen cū nota similitudinis coniunctum, ferè aliter punctuari. Neque tamen subigendis Iudæis laboro, quorum indomita est adrixandum pertinacia: tantum breuiter ostendere volui quàm improbè ob diuersam huius loci lectionē Christianos exagitent. Nā quod obiciūt, ex Legis præscripto neminem cōfixū fuisse clauis, in eo crassā historiæ incitiā potuunt: quia certū est Romanos multa ex patrio more in provincias transfuisse. Si Dauidē obiciāt nunquam fuisse cruci affixū, facili solutio est, metaphorice conquestū esse, non fecus se constringi ab hostibus quàm qui per flos in manibus & pedibus ad lignum affigitur: quales etiam metaphoræ paulò post occurrent.

28 *Numerabo oīa ossa mea: ipsi aspiciunt, & intuetur me.*

19 *Diuidunt sibi indumenta mea, super vestem meam mittunt sortem.*

20 *Et tu Ieboua, ne procul absis: fortitudo mea, ad auxilium meum festina.*

21 *Eripe à gladio animā meam à manu canis unican meā.*

12 *Serua me ex ore leonis, & à cornibus unicorنيum ex audias me.*

18 *Numerabo, &c.* מִנּוּמָא dicuntur ossa Hebræis à robore, ideo hoc nomen interdum vel ad amicos, quorum præsidio fortes sumus: vel in defensione-

ne, ad argumenta & rationes quæ causæ robora sunt, transfertur. Ideo quidam sic præsentem locum exprimunt, Rationes meas numerando nihil proficiam, quia



quia semel decretum est hostibus meis. per fas aut nefas, nullo æquitatis respectu, me perdere. Alii verò, Si colligam quæcunque ad me iuuandum facere videntur auxilia, nihil proderunt. Sed quia expositio quæ magis recepta est, simplicior & magis genuina videtur, eam libentius amplector: nempe ut queratur Dauid, in corpore macie confectio ossa apparere: mox enim adiungit, hostes voluptatem capere ex tali spectaculo. Concinne autem fuit contextus, tam inexplabilem esse hostium scuitiam, ut miserum hominem languore confectum, & quasi tabidum cernentes, oculos tamen tam tristi spectaculo pascant. Quod proximo versu de vestibus sequitur, translatum est. perinde enim est ac si dixisset fortuuz omnes suas in prædam esse expositas, ut solent victores vel spolia diripere, vel inter se fortiri quid cuique obtigat. Sua enim ornamenta, opes suas & quæcunque possederat, vestibus comparas, cõque ritus, postquam illis spoliatus est, cum ludibrio inter hostes diuidi tanquam præmiiu victoriæ. quo magis augetur indignitas, quia nõ secus ac de homine mortuo triumphum agebant. Quod autem literaliter (ut aiunt) & absque figura Ioannem hunc citant Euangelistæ, in eo nihil est absurdum: nam quod certius sciremus, in hoc Psalmo Christum nobis prophético Spiritu descriptum esse, eorum quæ adumbrata sunt in Dauide visibile complementum cælestis Pater in persona Filii sui extare voluit. Matthæus cap. 8. 17. paraliticos, cæcos, & claudos suis morbis sanatos referens, hoc modo completum fuisse dicit Iesaiæ vaticinium, quod Christus ad tollendas nostras infirmitates missus fuerit: quum tamen Prophetia spirituale illi medicum nobis Filium Dei proponat. Sed ut ad credendum tardius sumus & difficiles, nihil mirum si pro nostra crassitie palpabilis demonstratio nobis fuit exhibita, quæ ad exasperandum stuporem nostrum sufficeret.

20 *Et tu Iehoua.* Tenendum me-

moria est quicquid hactenus de se exposuit Dauid. Nam quum nihil ad miseria rum cumulum deesset, nec interim scintilla vlla micaret futuræ liberationis: quod non solum patienter durauit, sed ex desperationis abyssu emerfit ad Dei inuocationem, admirabile est fidei documentum. Notemus ergo, Dauidem suas lamentationes non fudisse tanquam vanas & irritas, ut sæpe animi homines temere proiciunt suos gemitus: quia preces aditæ satis demonstrant sperasse quæ optabat exitum. Imo quum Deum nominat suam fortitudinem, in hoc epitheto clarius fiduciæ suæ testimonium reddit. Nõ enim dubitanter concipit sua vota, sed sibi promittit quod nondum videt auxilium. Per gladium per manum canis, per os leonis, & cornua unicornium intelligitur præsens mortis periculum, & quidem multiplex. Vnde colligimus, quum in se prorsus deficeret à morte obsessus, stetit tamen fortem in Domino, & vitæ spiritum semper in eius animo vixisse. Quod animam unicam pro chara & pretiosa quidam accipiunt, non conuenit: quia potius significat, inter tot mortes nihil sibi opis in toto mundo offerri, sicuti Psalmo 35. 17. eodem sensu vnica anima ponitur pro solitaria, & quæ subfidiis omnibus destituitur: quod etiã ex Psalmo 25. 16. clarius patebit, ubi pauperem & vnicum se vocans Dauid, haud dubiè amicis omnibus se orbatum, & à toto mûdo desertum cõqueritur. In fine 22 versus, ubi dicitur, Respõde mihi, vel Exaudi me à cornibus: quanquam loquutio Hebraica Latinis auribus nonnihil obscura est: sensus tamen non est ambiguus, quia tantum causa pro effectu ponitur. Inde enim liberatio, quia nos Deus exaudit. Si roget quispiã quomodo hoc Christo aptari possit, quem Pater nõ eripuit à morte: respondeo vno verbo, fuisse potètius ereptum, quàm si periculo occursu foret: quãto scilicet pl<sup>9</sup> est resurgere à morte, quàm graui morbo sanari. Quare mors nõ obstitit quo minus testata sit demum resurrectioni, Christum fuisse exaudiu

13 *Narrabo nomen tuum fratribus meis, in medio cætus laudabo te.*

24 *Timentes Iehouam laudate ipsum, omne semen Iacob*

*glorificate ipsum: & metuite ab eo omne semen Israel.*

25 *Quia non spreuit, neque aduersatus est pauperem, neque abscondit faciem suam ab eo: & quum clamaret ad eum, audiuit.*

23 *Narrabo nomen tuum, &c.* David promittens, ubi liberatus fuerit, se non fore ingratum, confirmat quod prius dixi, se nunquam tentatione sic fuisse deiectum, quin se ad resistendum colligeret. Quomodo enim se ad sacrificium gratiarum actionis pararet, nisi ex præmium pro salutis fiducia? Nam ut demus Psalmum fuisse compositum postquam re ipsa obtinuit David quod volebat, non tamen dubium est quin meditationes illo tempore à se conceptas postea in carmine retulerit. Notandum verò quòd non vulgare gratitudinis symbolum promittit: sed quale pro raris beneficiis Deus exigit, nepe ut fideles in Sæculariū veniret, atque illic solenni ritu testatū facerent quam experti erant gratiam. Huc enim pertinet publica gratiarum actio, primum ut se modis omnibus exerceant fideles in Dei cultu, & alii alios mutuo inuitent. Scimus autem incredibilem Dei potentiam, & quidem non vno genere miraculi in seruando Dauide refulsisse. Quare mirum non est, si ad profitemdam suam pietatem solenni voto se obliget. Per fratres designat Israelitas, non solum quia ex eodem genere orti erant, sed magis quia communis religio eos tanquam sacrum vinculum spirituali cognitione inter se deuinctos tenebat. Hunc versus A postolus ad Hebræos 2. 12, ad Christum accommodans, colligit eiusdem nobiscum naturæ fuisse participem nobisque vera carnis societate fuisse coniunctum, quos pro fratribus agnoscit, tamque honorifico nomine dignatur. Dixi iam aliquoties (quod idem ex fine Psalmi euncere promptum erit) sub Davidis typo Christum hic nobis fuisse adumbratum: scilicet ergo Apostolus & prudenter obseruat, sub hoc nomine sanctum nobis fuisse cum Christo ius fraternæ coniunctionis. Etsi autem competit hoc aliquatenus in totum genus humanum, vera tamen fruitio penes fideles solos residet. Qua ratione etiam Christus ore suo titulum hunc restringit

ad discipulos, Vade, nuntia fratribus meis & Petro, Ascendo ad Patrem meum & Patrem vestrum, Iohā. 20. 17. Illa enim carnis cognatione, qua nos sibi sociauit, impii dissidio incredulitatis suæ abruptum, vestra culpa alieni prorsus reddantur. Quem admodum enim David totum Abrahamæ genus hac voce complexus, sermonem continuo post ad veros Dei cultores specialiter dirigit, ita Christus qui duram maceriam cunctis Gentibus adoptionem publicauerat, sequere hoc modo obtrulerat in fratrem, non alios quam fideles in gradu fratrum retinet.

24 *Timentis lebanum, &c.* Hic rursum certius exprimitur ille quem dixi publicæ gratiarum actionis fructus: nempe inuitatio qua quisque pro se Ecclesiam ad Deum laudandum suo exemplo stimulat. recitat enim se in hunc finem in cœtu celebraturum nomen Dei, ut fratres suos ad idem agendum hortetur. Sed quia se in Ecclesiam ut plurimum ingerunt hypocritæ, & in area Domini palea tritico permista est, nominatim pios & Deum timentes compellat. Et certe quauis pleno gutture Dei laudes impuri homines detonent, nihil aliud quam profanant sacrum eius nomen. Eset quidem optandus omnium mundi ordinum cōcensus: sed quia prima pars harmoniæ ex sincero cordis affectu fluit, nemo legitimus erit gloria Dei praeconator, nisi qui eum reuerenter colat. Postea qui dem nominat semen Iacob & Israel, ad communem populi vocationem respiciens: & certe per eum non steterit quo minus omnes filii Abrahamæ Deum vno ore laudarent: sed quia multos videbat degeneres Israelitas, ab illis veros & integros discernit: simulque ostendit, non rite celebrari Dei nomen, nisi ubi viget interior pietas. Ideoque reuerentiam iterum coniungit Dei laudibus in sua exhortatione, Metuite, inquit, ab eo, quia luforiū est quicquid hac in parte ostēat hypocritæ. Porro meum cōmēdat, non qui absterreat fideles à Dei accessu, sed ve-

rè humiliatos in eius Sanctuarium addu-  
cat, sicuti dictū fuit Psal. 5. Siquis mire-  
tur Dauidem hortari ad laudandū Deū  
quibus nūper hanc laudem dederat: pro-  
pta est responsio, sanctissimos etiā quos-  
que tam pleno Dei timore nunquam es-  
se imbutos, quin opus habeant cōtinuis  
stimulis. Quare minimè superuacuum  
est quod timentes Deum iubet ab eome-  
tuere, vt supplices coram eo se proster-  
nant.

25 *Quia non spreuit.* Hæc mutua  
inter fideles communicatio vigere de-

26 *At te laus mea in cœtum magno: vota mea reddam co-  
ram timentibus eum.*

27 *Comedent pauperes, & saturabuntur: laudabunt Ieho-  
nam qui querunt eum, viuet cor vestrum perpetuò.*

28 *Recordabuntur, & conuertentur ad Iehouam cuncti  
fines terra: & prosterneēt se corā facie eius omnes trib⁹ gētīū.*

29 *Quia Iehoua est regnū, vt dominator sit in gentibus.*

30 *Comedent & adorabunt omnes pingues terra: coram  
facie eius se inclinabunt omnes qui descendunt in puluerem,  
& qui animam suam non viuificat.*

26 *At te laus mea.* Et si alteram  
versionem non repudio, mihi tamen  
videtur Hebraica loquutio sensum hūc  
exigere, quòd Dauid canendi argumen-  
tum ex Deo petat. Itaque verbum sub-  
audio, Proueniet, vel Profluet laus mea  
à te. Quod ideo dictum interpretor, vt  
salutem suam Dauid testetur se Deo in  
solidum acceptam ferre. Scimus enim  
quā multi, laudandi Dei prætextu,  
suas & suorum laudes ebuccinant, & re-  
lictō Deo, hinc inde accersant materiā  
ad canendos suos triumphos. Porro i-  
dem quod nuper attigerat repetit se pu-  
blice editurum gratitudinis suæ signa  
quibus alios adificet, idque non absque  
solenni pietatis exercitio, quod Lex  
mandabat. Nam in arduis negotiis, &  
vbi instabat aliquod discrimen, vouere  
solebant sacrificium pacificum, quod  
voto suo potiti soluebant. Ergo quum  
vnius esset ex Sanctorum numero Da-  
uid, ad communem Ecclesiæ normam,  
vt decebat, se composuit, Hæc vota sunt  
quæ se nuncupasse inter extremas an-  
gustias significat, & ad quorum solutio-  
nem magno & alacri, fiduciaque pleno

bet vt alii aliis gratulantes, gratias pro  
cuiusque salute communiter agāt: sicut  
etiam docet Paulus 2. ad Corinth. cap.  
1. 11. Vt ex multis personis, inquit, pro  
dono in nos collato per multos gratiæ  
agantur pro nobis. Cæterum hæc Daui-  
dis confessio in alterum quoque finem  
spectauit, vt eandem erga se Dei fore  
miseri cordiā singuli sperarent, Interea  
docemur his verbis, patienter ferendas  
esse afflictiones quādiu visum fuerit  
Domino ad inopiam redigere, tandem  
miserè oppressis succurrat.

animo se accingit. Quāquam autem  
promiscuè coram omnibus caremonia  
hac ipsum defungi oportuit: se tamen  
iterum cupere fatetur vt quicunque a-  
derunt testes, puri sint cultores Dei. Ita  
quāuis in manu nostra non sit purga-  
re Dei Ecclesiam, officiū tamen nostrū  
est puritatem optare. Papistæ verò lo-  
cum hunc ad ficticia sua vota torquen-  
tes, magis insulsi sunt ac ridiculi, quā  
vt longa refutatione opus sit. Quid e-  
nim simile puerilibus ineptiis, quibus  
pro sua imaginatione Deum placare  
tentant, cum hoc sancto gratitudinis  
testimonio, quod non modò Patribus  
dictauit pietatis sensus, sed Deus ipse  
præcepit Lege sua, ratūque habuit?  
Imò qua fronte stultas & fortidas suas  
superstitiones sacrificio omnium præ-  
stantissimo æquare audent, nempe gra-  
tiarum actionis, sicuti Scriptura osten-  
dit præcipuam cultus Dei partem in  
eo sitam esse, vt testentur fideles Deum  
se agnoscere bonorū omnium authorē.

27 *Comedēt pauperes.* Respicit ad mo-  
rē tūc receptum. solebant enim epulari  
in sacrificiis, vt satis notum est. Tale  
verò epulum promittit, quo exerceat



suam charitatem, ac probet. Ac sanè ea demum grata suauisque Deo oblatio est, cui annexa est humanitas & misericordia: alioqui cæremonia quibus Dei cultum profitentur homines, cum toto suo splendore & pompa in fumum euanescent. Quanquam non simpliciter (fateor) erogaturum se promittit pauperibus & famelicis vnde ipsos pascat, sed alia de causa dicit epuli fore participes: vt scilicet oblata consolationis materia, reuigescat in eorum animis hilaritas. Nam quasi in speculo intuebantur Dei bonitatē miseris omnibus expositam, quæ incredibili solatio leniret malorum omnium dolorem. Ideo addit *Laudabunt Iehouam qui quærunt eum*. Et si enim saturitas ipsa ad gratias Deo agendas incitare debuit, non tamen dubium est finem sacrificii notari: quod clarius etiam nunc ex clausula versus liquet. Neque enim viuificandis in seculum cordibus prandium vnum sufficere poterat, sed spes de parato apud Deum auxilio concepta, quia liberationem vnius hominis cuncti fideles ad se meritò trahebant. Vnde sequitur, ita celebratas fuisse Dei laudes in pacificis vt spem quoque suam illic exercuerint. Caterum quia hypoëritis satis est mortua cæremonia defungi, hunc legitimū vsum ad veros & sanctos Israelitas restringit. Hæc enim certa est pietatis nota, Deum quærere. Quod si sacris epulis in spiritualem vitam refecti fuerunt Patres sub Lege, multo vberius hodie hæc vis se proferet in sacra Christi cæna, modò verè & ex animo Dominum quærant quicumque ad eius participationem accedunt.

28 *Recordabuntur, &c.* Hic locus citra cōtrouersia ostēdit, Dauidē in sua persona nō subsistere, sed promissum Christum describere sub typo: quia tūc notum principium esse debebat, Diuinitus creatum esse Regē, vt sub vno capite populus in beatam vitam coalesceret: quod solidè tandem in Christo cōpletū fuit. Fateor quidē magnū & celebre fuisse inter vicinas gentes nomen Dauidis: sed quæstula hæc fuit mundi portio? Adde quod externos quibus imperii sui iugū imposuit, nūquā adduxit ad purum Dei cultū. Quare multū obfuit coacta

illa seruitus quæ terreno Regi profanas Gentes subiecit, à voluntario pietatis obsequio, quod ex dissipatione ad Deum eas colligeret. Non vulgaris autem his verbis notatur mutatio, reddituras esse ad Deum vbi probè eius gratiā agnouerint. Quinetiam ad sacri epuli societatem eas inuitans, in Ecclesiæ corpus manifeste inserit. Quod verbū *Recordandi* quidam ad renouatam in Gentibus fidei lucem trahunt, ac si tunc illis subiisset Dei memoria cuius oblitæ fuerant ad tempus: nimis argutum & remotum videtur. Conuersio quidem vel redditus cuius sit mentio, significat (fateor) impia defectione alienatas prius fuisse à Deo: sed recordatio nō aliò spectat nisi quod insignibus Dei miraculis expergefactæ Gētes, ad purā religionē, à qua dilapsæ erāt, iterum se cōferent. Notandū autē est, cultū Dei ex eius notitia deduci: quia supplices ad eū adorandū vēturos dicit qui in meditatione operū Dei hucusque profecerint, ne amplius superbo cōceptu cōtra ipsū lasciuiaūt. Quē sēsū expressius cōfirmat quæ mox additur ratio, *Iehoua esse regnum, vt Gentibus imperet*. Nā quod alii interpretantur, non mirū esse si Gētes ad tribuēdū Deo honorem cogātur à quo creatæ sunt, & cuius regūtur manu, licet eam ipsis vitæ fœdus nō pepigerit: ego tanquā frigidū repudio. Nec enim dubium est quin cōueniat hic locus cū aliis pluribus vaticiniis, quibus erigitur solium Dei in quo Christus ad gubernandū orbē præsideat. Quāquam ergo promiscuè ad totū orbē patet Dei prouidentia, sciamus tunc verè dominari, vbi discussis tenebris & effusa verbi sui luce conspicuus eminet. Talis apud Iesaiā est regni eius descriptio, Iudicabit populos & arguet Gētes, Iesai. 2. 4. Porro quum orbē terrarum nō antè sibi Deus subegerit, quàm dū Euāgelii prædicatione spōte se passi sunt in ordinem cogi qui prius indomiti fuerāt, cōuersionē hanc non nisi Christi ductū & auspiciis factā esse, colligere licet. Siquis obiciat, nunquā totū orbē fuisse cōuersum: facilis solutio est, tēpus quo repēte per Euāgelium passim innotuit Deus, cōferri cū veteri illo statu, dum sui notitiā Iudææ finibus inclusā tenuit. Scimus enim fulgetti

instar celeriter Christū ab ortu in occasum penetrasse, vt vñdique Gentes in Ecclesiam accerseret.

30 *Comedent, & adorabunt.* Ne quis pro absurdo ducat, nunc pingues terræ admitti conuiuas ad epulū quod nuper pauperibus tantū destinare visus est: sciamus pauperibus ideo datum esse priorem locum, quia illis maxime proposita erat in exēplo Davidis consolatio. Secundo tamen loco diuites & beatos adiungi necesse fuit, ne putarent ab eiusdem gratiæ participatione se excludi. Quauis enim ad quarendum doloris solatium eos non vrgeat præsens malorum necessitas: remedio tamen opus habent, ne se inebrient deliciis, sed potius gaudium suum in calo reponāt. Deinde quum ipsi quoque obnoxii sint variis incommodis, maledicta erit eorū opulentia, si in terris mētes ipsorum derineat. Summa est, commune fore sacrificium hoc tam vegetis & pinguibus, quā macilentis ac semimortuis: vt priores, deposita ferocia, corā Deo se humilient: alteri verò quāuis deiecti, animos spiritali gaudio attollant ad Deum bonorum omniū authorē: sicuti vtrōsque Iacobus admonet cap. I. vers. 10, Glorietur frater ma-

gnus & diues in humilitate sua: cōtempus autem & ignobilis in sua altitudine. Quod si Deus sub Lege plenos famelicis, splēdidos obscuris, fēlices miseris ita coniunxit, multo magis hodie sub Euangelio valere debet ista ratio. Quum ergo sibi diuites alibi victum of ferri audiūt quā in terrena abundātia, discant ita sobrie libare quā ad tēporalem vsuū largitus est Deus, ne illis insipida sint spirituales epulæ, vel ad eas nauseent præ fastidio. Quādiu enim residebūt in suis facibus, nūquam eas pio desiderio appetent, vel oblectationem vllam capient ex gustu. Sicuti autē macerari pingues conuenit, vt Deo se pascendos offerant: ita famelicos exerta & intrepida fiducia animat David, ne ipsos impediat sua inopia ab accessu: imò ipsos quoque mortuos ad epulandum inuitat, vt qui sunt despectissimi & ferē coram mundo fētidi, se tamen ad sacram Dei mensam ingerere audeant. Mutatio numeri in fine versus sensum nonnihil obfcurat: certū tamen est Prophetam hoc velle, eiusdem gratiæ sibi fore socios qui iam vidētur in cinerem redacti, & in quibus nulla speratur à morte in vitam restitutio.

31 *Semen seruiet ei, cēsebitur Domino in generationem: veniet & narrabūt iustitiā eius populo qui nascetur, quia fecit.*

Quò beneficii magnitudinem magis extollat, tale fore dicit, cuius nunquam ad posteros delēda sit memoria: modū tamen eius perpetuandā exprimit, quia orbis conuersio de qua loquutus est, nō momentanea tantū erit, sed per continuas ætates propagabitur. Vnde iterū colligimus, hic non celebrari Dei gloriam, quæ ex caduco & euanido rumore nata, quæ Gentes peruenit, sed qua suis radiis mundum illustrabit vsque in finem. Quare hic insigni elogio asseritur Ecclesiæ perpetuitas, non quòd semper floreat, vel æquabili tenore fluat eius successio: sed quia Deus nomen suum in mundo extingui nolens, semper aliquos suscitabit à quibus piē colatur. Iam tenendum est, semen hoc in quo custodiēdus erat cultus Dei, fructū esse incorruptibilis seminis: quia non aliunde Ec-

clesiam suam gignit Deus & propagat nisi ex verbo. *Censeri Domino in generationem*, duobus modis exponitur. Quidā nomen Hebraicum נֶפֶשׁ pro ætatem successione accipiunt, alii pro generatione, quo sensu Latinis dicitur hominū natio. Quia vterque sensus non malè quadrat, & in idem ferē recidūt, per me libera sit electio Lectoribus: nisi quòd mihi magis placere fateor, electum Dei populum & peculiarem gentem hac voce designari, quæ censeatur Dei hæreditas. Caterū, quia non legitur hic cēsentiale nomen Dei Iehoua (vt paulò antè) sed Adonai, non improbo eorū sententiam quibus videri disserē Christus Ecclesiæ præfici, vt in censum suum referat quotquot nomen Deo Patri dederint. Et verò quia celestis Pater electos omnes Filio in fidem & custodiam

dedit, pro suis non agnoscit nisi qui ex illius grege fuerint. *Veniunt & narrabunt.* Confirmat quod antè dixi, quia patres beneficii notitiam ad filios quasi per manus trāsmitterent, semper celebre fore eius nomen. Vnde & alterum illud colligitur, sola gratiæ Dei prædicatione fieri vt nunquam intereat Ecclesia. Simul cura & studium propagandæ veræ doctrinæ nobis iniungitur, quo post mortem nostrā superstes maneat. Nam quū hoc piis omnibus commune tribuat officium Spiritus sanctus, operā dare institutis liberis vt noua soboles ad Deū colēdum succedat, summiæ turpitudinis dānatur eorum ignauia quibus Dei memoriā æterno silēcio obruere nulla religio est: vt per eos non stet quominus intercidat. *Iustitiæ* nomē hoc loco refertur ad fidē quā in suis seruandis præstat, cuius memorabile documentū fuit Dauidis liberatio: nam seruū suū à vi &

iniuria improborum vindicās, iustum se probauit. Atque hinc colligere licet quā chara sit Deo nostra salus, quòd eā cū iustitiæ suæ laude coniungit. Si ergo in eo relucet Dei iustitia, quòd spem nostrā non frustrat, nō deserit nos in periculis, sed præsidio suo saluos & incolumes præstat: non magis metuendū est ne desit nobis, quū ita feret necessitas, quā ne obliuiscatur sui. Cæterū, meminerimus nō pro aliquo particulari auxilio, sed pro humani generis redēptione, cōfessionē laudis à nobis exigi. In summa, Spiritus sanctus per os Dauidis præconiū resurrectionis Christi nobis cōmendat. In fine Psalmi quidā Interpretes particulam *וְ* resoluunt in pronomē *וְ*, ac si dictum esset, iustitiā quam fecit: plenior tamen loquutio est. Eo quòd iustitiæ specimē exhibuerit Deus, effectu vel re ipsa demonstrans se fidum esse suorum custodem,

#### ARGVMENTVM PSALMI XXIII.

*Psalmus hic neque preces habet admistās, neque mala deplorat petendæ leuationis causa, sed meram gratiarum actionem continet. Vnde apparet eo tempore fuisse compositum, quo Dauid tranquillū regnum adeptus, prosperè & ex voto agebat. Ergo in rebus latis & prosperis, ne simili sit profanis hominibus qui dum sibi videntur fortunati, sepulto Deo suauiter in deliciis se immergunt, in ipso prosperi status authore se oblectat: nec tantum agnoscit eius beneficio quietum nunc, ab omnibus incommodis molestiisque immunem se agere, sed eiusdē prouidentia vsque in finem beatum fore confidit: & quidem in eum finē vt se in puro eius cultu exercent.*

*Psalmus X X I I I.*

**C**anticum Dauidis. *Iehoua pascor meus, non destituar. In pascuis herbosis accubare me facit: ad aquas leniter fluentes deducit me.*

3 *Animam meā restituit: ducit me per vias iustitiæ, propter nomen suum.*

4 *Etiamsi ambulauero in valle umbræ mortis, non timebo malum, quia tu mecum es: virga tua & pedum tuum, ipsa me consolantur.*

**I**ehoua Pascor meus, &c. Quum quis beneficiis tanquam paternæ suæ dulcedinis gustu Deus nos blandè ad se inuitet, nihil tamen magis procliue est quā vt in pace & latitia nobis obrepat eius obliuio: imò non tantū plurimos inebriat felicitas vt sine modo exultent, sed etiam ferociam parit, vt superbe proteruant aduersus Deum. Ita-

que vix centesima pars, dum suis commodis fruitur, se temperanter continet in timore Dei. Quò diligentius obseruādum nobis est hoc exemplum Dauidis, qui in summo dignitatis gradu, in splendore opū & honorum, in maxima opulentia, inter regales delicias non modò testatur se Dei esse memorem, sed ex eius beneficiis scalas sibi facit quibus ad

cum



eum propius conscendat. Atque hoc modo non tantum frænât carnis lasciuia, sed se acius stimulat ad gratitudinem & pietatis exercitia: quemadmodum ex clausula Psalmi patet, ubi se dicit habitaturum in domo Domini in lōgitudinem dierum. Sic & Psalmo 18, quo tempore plausus ei ubique dabatur, seruum Dei se vocando, quàm composito esset ad modestiam affectu, ostēdit: simulque suam gratitudinem celebrandis eius laudibus professus est. Porro, sub pastoris similitudine, Dei erga se prouidentiam commendat: ac si dixisset, non secus habitā sui curam à Deo ipso, quàm pastor sollicitus est de ouibus sibi commissis. Quod autem frequenter in Scriptura, pastoris nomen Deus vsurpat, personamque induit, non vulgare est teneri in nos amoris signū. Nam quum humilis & abiecta sit loquēdi forma, singulariter erga nos affectus sit oportet, qui se nostra causa ita demittere non grauat. mirum itaque nisi tam blanda & familiaris inuitatio ad eum nos alliciat, ut turē & placidē sub eius custodia quiescamus. Sed notandū est, non aliis Pastorem esse Deum, nisi qui & infirmitatis inopieque suæ conficii, eius præsidio sentiunt se egere: & sponte in eius ouili manentes, ei se regendos tradunt. Dauid qui virtute & copiis præstabat, libenter tamen se ouem confessus est, ut Deum haberet Pastorem: quis ergo nostrum se ab hac necessitate eximet, quos omnes propria infirmitas conuincit plusquam esse miseros, nisi sub eius Pastoris tutela degamus? Cæterum, memoria tenere conuenit, in eo felicitatis summam constitui, si ad nos gubernandos extenta eius manus, si degamus sub eius umbra, eiusque prouidentia in salutem nostram inuigilet. Quare ut omnia nobis abunde suppetant, sciamus non aliunde nos beatos esse, nisi quia Deus in suo grege censere nos dignatur. Adde quod tunc demum cum legitimo honore tribuitur officium Pastoris Deo, ubi persuasi sumus vnicū eius prouidentiam nobis sufficere. Nam sicut in summa abundantia vacui sunt & famelici quorum Deus nō est Pastor: ita certum est nobis, quos in curam suam suscepit, nihil ad plenā

bonorum copiam defore. Ideo Dauid se à nullo defectu metuerē pronuntiat, quia à Deo pascitur.

2 In pascuis herbosis. Quantum ad verba spectat, pascua vel campos herbar, pro herbosis & pinguibus posuit. Quanquam sunt qui תרמל vertunt Turguria: quod si magis placeat, sentius erit, paratum esse stabulū in pascuis opimis, sub quo tegatur à solis aestu. Nam si in frigidis regionibus molestus est ouium gregi immodicus ardor, multo minus tolerabilis foret aestas in ludæa sine stabulis: quod etiam videtur referri verbū יצא. Aquas quietum dixit, pro leniter fluentibus: quia ad ouium potum incommodi sunt rapidi torrentes, atque etiam ut plurimum noxii. Exponit autē Dauid hoc versu & sequentibus, particulam illam *Nō destituar*: refeit enim quàm liberaliter sibi prospectum sit, à similitudine qua vsus est non discedēs. Summa tamen huc redit, nihil à celesti Pastore fuisse omissum quo minus feliciter degeret sub eius cura. Largam igitur abundantiam ad omnes vitæ vsus, paratis herbis comparat, & aquis leniter fluentibus: vel etiam commoditatē tuguriis: quia nō satis esset pabulo saturari, nisi aquarū pot' & umbra stabuli in refrigeriū accederet. Iā quia munus quoque boni pastoris est fouere suas oues, vel etiā infirmas refocillare, hoc à Deo beneficiū ser recipere prædicat Dauid. Nā *restitutio animæ* (ut vertimus) vel cōuersio (ut habetur ad verbum) tantūdem valet ac reficere, vel restaurare, quemadmodum Psalmo 19, dictum est, *Vias autem iustitiæ*, pro facilibus & planis posuit: nam quum in sua metaphora persisteret, absurdum esset de Spiritu sancti directione accipere. Quemadmodū ergo nuper dixit, quæcunque ad vitæ cōseruationem spectant, benignē sibi à Deo suppeditari: ita nunc addit, se protēgi ab omni molestia. Summa est, Deū nulla in parte fidelibus suis deesse, quia & eos sua virtute sustinet, vegetat, viuificat, & noxas omnes auertit, ut per vias æquabiles cōmodē incedant. Cæterum, ne quid suæ dignitati arroget, tantæ liberalitatis causam Dei bonitati ascribit, hæc omnia præstare dicens *propter nomen suum*. Et certē quod nos

sibi in oues eligit, & nobis impendit pastoris officia, prorsus gratuitum beneficium est: vt Psalmo 65, videbimus.

4 *Etiamsi ambulauero.* Quia fideles, quanuis tutò sub Dei manu habitèt, non tamen procul absunt à multis periculis: imò quo melius sentiànt quàm sibi necessaria sit Dei protectio, communibus miseriis subiacent obnoxii: nominatim hic commemorat Dauid, si quid aduersi contigerit, se recumbere in Dei providentiam. Ita non promittit continuas delicias, sed etiam ad varios euentus fortiter subeundos Dei auxilio se munit. Porro, in metaphora persistēs, quam Deus in gubernadis fidelibus curam adhibet, pastoris baculo & pedo comparat, ea se ad vitæ tutelam contētum esse dicens. Quemadmodum enim si per vallem obscuram oberret ovis, sola pastoris præsentia ab incurfu ferarū aliisque noxis tutam ipsam præstat: ita nunc pronuntiat Dauid, quoties in aliquod discrimen inciderit, sibi in pastorali Dei cura satis fore præsidii. Iam videmus vt in prospera lautaque fortuna nunquam oblitus fuerit se hominem esse, sed tunc etiam quæ accidere poterāt aduersa, maturè fuisse meditātū. Et certè hinc tanta nobis trepidatio vbi nos Deus cruce exercet, quòd quisque vt placidè dormiat, carnis securitate se inuoluit. Atqui ab hoc torporis somno longè differt fidei quies: imò quum rebus aduersis fidem examinet Deus, sequitur

neminem verè fidere, nisi qui ad omnes vincendos metus inuicta constantia armatus est. Neque tamen se omni metu vacuum esse iactauit Dauid, sed tantum fore superiorem, vt intrepide quocūque deductus fuerit à pastore suo, pergat: quod ex contextu melius patet. Primò dicit, *Nontimebo malum*: sed causam morè reddens, aperte fatetur se in baculi pastoralis respectu querere timoris remedium. Quorsum enim *consilium* ista, nisi quia metus cum sollicitate Tenendū igitur est, quum Dauid animo apprehenderet quæ incidere poterant incommoda, non aliter fuisse tentationum victorem, nisi quia se in Dei curam reiecit: quod ipsum (licet obscurius) hac etiam particula ante dixerat, *Quia tu mecum es*: neque enim Dei præsentiam requireret timoris vacuitas. Adde quòd non vulgaribus tantum & quotidianis malis opponit Dei præsidium, sed qua mortis caligine mentes perturbant. Nam *N: 253* Grammaticis Hebræis videtur esse dictio composita, quasi dicas lethalem umbram. Alludit autem Dauid ad obscuros recessus aut ferarum cauernas: quòd si quis accesserit, statim primo ingressu occurrit mortis terror. Nūc quando Deus in Filii vniuenti persona se nobis luculentius quam olim Patribus sub Lege pastorem exhibuit, non satis honoris tribuimus eius custodiæ, nisi cōiectis in eā oculis calcamus omnes formidines.

5 *Parabis in conspectu meo mensam coram persequutori-*  
*bis meis, perunges oleo caput meum: calix meus exuberans.*

6 *Vtique bonum & clementia persequuntur me cunctis*  
*diebus vite mee, & habitabo in domo Iehoua in longitudi-*  
*nem dierum.*

5 *Parabis.* Verba futuri temporis continuū actum hoc loco designāt. Dauid ergo iam sine figura repetit quæ sub pastoris similitudine hætenus narrauit de Dei beneficentia. dicit enim eius largitate sibi suppetere quæcūque necessaria sunt ad vitæ vsum. *Parare mensam* tantundè valet ac sine molestia & difficultate victam largiri, perinde ac si pater filio cibum porrigeret. Atque beneficium hoc amplificat circūstantia ad

data, quòd licet sibi inuideāt multi maleuoli, perditumque cupiant, imò Dei benedictione fraudare conentur: Deus tamen ipse liberalem se ac beneficium præstare non desinat. Quod de oleo subiicit, pertinet ad morē tunc vstitutum: scimus enim tunc laucioribus conuiuiis adhibita fuisse vnguenta, vt nemo suos hospites vel conuiuas splendide excipere videretur nisi vnguētis delibutos. Porro, tam effusa olei copia, quàm pleni-

plenitudo calicis, ad eam abundantiam referri debet quæ exuperat necessarios usus. Est enim commendatio regalis illius opulentia, qua Sacra historia testatur eum fuisse non mediocriter ornatum. Quanquam autem non omnes per æquè liberaliter tractantur, nemo tamen reperietur quem non Deus sua beneficentia obstringat: ut fateri necesse sit beneficium suis omnibus esse patrem: interea se quisque pro uberiore donorum copia ad gratitudinem incitet. Nā si malignus est qui in pane cibario paternam Dei providentiam non agnoscit, quanto minus tolerabilis erit eorum socordia, qui sine gustu Divinae bonitatis plena copia se ingurgitant? David ergo suo exemplo diuites officii admonet, ut eò maiore animo prorumpat ad gratiarum actionem, quò indulgentius ipsos Deus pascit. Cæterum meminerimus, etiam quibus affluit largior copia, moderationem nihilominus tenendam esse, quā si ad mediocrem & temperatum modò usum facultas suppeteret. Nā quum plus satis ad luxuriam proni simus natura, non ideo profusus est Deus erga fideles, & hunc in ipsis morbum irriter. Tenenda est enim omnibus illa Pauli regula, Phil. 4. 12, ut sciant non minus abundare quam penuriam pati. Ne egestas nos deliciat, tolerantia fulciri opus est: rursus ne ultra modum efferat largitas, cohiberi opus est temperantiæ freno. Dominus etiam dum fideles locupletat, simul lascivias carnis cupiditates restringit continentia spiritali, ut modum sponte sibi præscribat ipsi: non quòd nefas sit diuitibus frui liberalius præfenti copia, quā si restrictè cum illis Deus ageret, sed quia omnibus cauendum est (adeoque ipsis Regibus) ne delicias & luxuria diffluant. Quanvis enim David sibi plus iure permisit, quā si vnus quivis fuisset è vulgo, aut si in tugurio paterno mansisset: sibi tamen moderatus est inter lautitias, ut eum pinguedo minimè saginaret: vnde factum est ut paratam sibi Diuinitus mensam ab hara discerneret. Hoc quoque notatu dignum est, quum ex prædiis, vestigalibus, aliisque regni prouentu viveret David, Deo tamen gratias egisse, ac si ex eius manu

quotidie cibum perciperet. Vnde colligimus non fuisse opibus suis excæcatum, sed Deum semper statuisse patrē familias, qui cibum & potum ex suo penu depromptū opportunè distribueret.

6 *Utiq̃ue bonum & clementia.* Postquam gratias sibi à Deo collatas recensuit, nunc earum tenorem extendit usque ad finem vitæ suæ. Vnde autē fiducia hæc, ut Dei beneficentiam & clementiam æternas sibi fore comites promittat, nisi ex promissione qua Deus sua erga fideles beneficia condire solet, ne insipido palato temere vorètur? Nā antea quum sibi diceret in mortis tenebris intentos fore oculos ad contēplandam Dei providentiam, satis testatus est se non pēdere à rebus externis, nec gratiam Dei carnis suæ sensu metiri: scētiā ubi omnia terrena aduementa deficient, sibi fidem manere in verbo Dei inclusam. Quanvis ergo eum experientia ad bene sperandum alliceret, præcipue tamen promissionem amplexus est, qua suos Deus in posterum confirmat. Siquis obiciat, temere hominem in hac caduca vita sibi æquabilem prosperæ fortunæ cursum promittere: respondeo, Dauidem non ita loquutum esse ut legē Deo imponeret, sed quantum fert mūdi conditio, Dei erga se beneficentiam sperasse qua contentus foret. Neque enim dicit calicem perpetuò fore plenū, vel caput delibutum vnguentis: sed in genere, quia infatigabilis est Dei bonitas, colligit sibi in finem usque fore beneficium. *habitabo in domo Domini.* Hac clausula apertè demonstrat, se in terrenis voluptatibus aut comodis minimè subsistere, sed scopum sibi in cælo figere ad quem omnia referat. Perinde enim est ac si dixisset se non viuere tantum ut uiuat, sed potius ut se exerceat in Dei timore & cultu, & in tota pietate in dies proficiat. Manifestum enim discrimen inter se & profanos homines statuit, quibus satis est ventrem suum lauti farciri: neque id modò, sed etiam tanti sibi esse significat Deo viuere, ut inde omnes carnis commoditates æstimer. Palam affirmat, hunc se finem in omnibus quæ retulit Dei beneficiis spectasse, ut habitaret in domo Domini. Vnde sequitur, sublata huius boni frutione eum pro



nihilò duxisse reliqua omnia: ac si dixisset, non aliter se oblectari terrenis cōmodis, nisi simul ex Dei grege esset: sicuti etiam alibi scribit, Beatum dicent, populum, cuius hæc sunt, beatus populus cuius Iehoua est Deus, Psal. 144. 15. Quorsum enim tantopere appeteret in templo versari, nisi vt sacrificia simul

cum aliis offerret, aliisque fidei exercitiis proficeret ad meditationē celestis vitæ? Certum igitur est, Dauidem præsentium bonorum adminiculis ad spem æternæ hæreditatis fuisse euectum: unde colligimus, belluinos esse homines quibus proposita est alia felicitas quàm ad Deum accedere.

## ARGVMENTVM PSALMI XXIIII.

*Quum Deus totum humanum genus considerit, & imperio suo contineat, gratiam qua electum populum dignatus est, hac comparatione amplificat Dauid: nempe quod Sanctuarium instar domicilii erexit, vt habitaret inter filios Abrahæ: simulque ostendit, quantis Iudeis omnibus expositum esset Sanctuarium, non tamen quibuslibet Deum propinquum esse, sed veris tantum pietatis cultoribus qui se à mundi sordibus purgarunt, vt sanctitati & iustitia se addicerent. Porro, quia extructo templo, luculentius apparuit Dei gratia, eam splendido elogio commendat, quo alacrius fideles in eius colendi studio proficiant.*

Psalmus XXIIII.

**C**anticum Dauidis. *Iehoua est terra & plenitudo eius, orbis, & qui habitant in eo.*

2 *Quia ipse super maria fundauit eam, & super flumina disposuit eam.*

3 *Quis ascendet in montem Iehoua? quis stabit in loco sanctitatis eius?*

4 *Mundus manibus, & purus corde, qui non extulit in vanum animam suam, & non iurauit in fraudem.*

1 *Iehoua est terra.* Videbimus aliis compluribus locis conferri filios Abrahæ cum reliquo mundo: vt melius inde pateat gratuita Dei bonitas, quod eos ex omnibus populis suo fauore amplexus est. Huc ergo tendit Psalmi exordium, Iudæos nihil habere à seipsis cur ad Deum propius quàm Gentes, vel magis familiariter accedant. Nam quum Deus sua providentia mundum in statu conseruet, peræquè ad omnes extenditur imperii eius potestas, vt merito vbique colendus sit, sicuti omnibus sine exceptione paternam erga eos curam ostendit. Porro, quum Iudæos prætulerit aliis Gentibus, sacrum aliquod coniunctionis vinculum intercedere oportet, quod eos à profanis hominibus discernat. Hoc argumento ad sanctitatem eos inuitat & hortatur Dauid, quia æquum est quos sibi in filios Deus adoptauit, proprias notas gestare, ne pro-

sus exteris similes sint: non quod ad Deum præueniendum eos incitet, vt sibi eius gratiam concilient: sed à fine electionis admonet, ratam demum & firmam honoris possessionem fore si ad pietatem recteque viuendum aspirent. Frustrà enim seorsum collecti essent in peculium Dei, nisi sanctitati darèt operam. In summa, Deum totius mundi Regem esse prædicat, vt ipso naturæ iure cuncti mortales ad eius cultum sint obstricti. deinde commemorans cum exigua hominum parte peragisse salutis fœdus, & erecto tabernaculo dedisse filiis Abrahæ præsentis suæ symbolum, vt certi essent ipsum in medio sui residere: cordis & manuum puritati dandam esse operam docet, si in sancta eius familia censi rupiant. *Tlemitudinis* nomine quanquam omnes copias, quibus ornata est terra, comprehendi fateor, & id probat etià Pauli autoritas: non ta-

men

men dubito quin homines ipsos designet, qui maximè illustre sunt terræ ornamentum & decus. Nam si deficerent, non minus deformis esset vastitas & solitudo terræ, quàm si reliquis opibus eâ Deus nudaret. Quorsum enim tam multiplices fructus, tanta abundantia & amœnitas, nisi ut vsus & commoditas perueniat ad homines? Itaque David proximo membro mentem suam explicat, quòd de hominibus maxime loquitur. Nam quum idem soleat bis repetere, idem valent *terra plenitudo & orbis habitatores*. Neque tamen nego, diuitias quibus in vsum hominum affuit, simul comprehendendi. Ideo scitè Paulus 1. Cor. 10. 26, quum de cibis differit, hoc testimonio confirmat, nullum alimenti genus immundum esse, Quia Domini est terra & plenitudo eius.

2 *Qua ipse super maria*. Confirmat, iure sub Dei manu esse homines, ut eum vbique orbis Regem agnoscat, idque ab ipso creationis ordine: quia palàm in tota terræ superficie admirabilis Dei prouidentia reluceat. Sumit autem quod maximè conspicuum est eius rei documentum. Qui sit enim ut terra super aquas emineat, nisi quia Deus consultò hospitium parare hominibus voluit? Nam & Philosophi fatentur, quum aquæ elementum terra superius sit, fieri præter naturam ut vlla regio sicca & habitabilis maneat. Itaque hoc insigne miraculum magnificè extollitur Iob cap. 28. 25, Quòd Deus violentos maris impetus compescat, ne statim terra obruta, succedat horribilis confusio. Nec etiam tacetur à Mose in historia creationis. postquam enim aquas narrauit ita effusas fuisse ut totam terram obtegerent: addit, speciali Dei mandato cessasse, ut spatium vacuum relinquerent animalibus postea creandis, Gene. 1. 9. Hinc colligimus, antequam exstarent homines, iam Deo curæ ipsos fuisse, quòd hospitium aliàsque comoditates eis parauerit: nec prorsus reputasse alienos, quibus nò minus benignè prospexit, quàm propriis liberis paterfamilias. Etsi autem non disputat philosophicè David de terræ situ, vbi dicit super maria fundatam, sed populariter loquens, ad rudium captum se accom-

modat: non tamen ratione caret loquendi forma quæ sumpta est ab ipso conspectu. Terræ quidem elementum quatenus in ordine sphaerico infimum locum occupat, infra aquas subsidit: sed quum pars habitabilis aquis sit superior, vnde fieri dicemus ut stabilis maneat hæc distinctio, nisi quòd aquæ Diuinitus instar fundamenti substratae sunt? Iam si ab ipsa mudi origine paternam curam Deus ad totum humanum genus extendit, prærogativa honoris qua cæteris præstât Iudæi, ex gratuito delectu nascitur.

3 *Qui ascender*. Quòd erecto Sanctuario domicilium sibi inter Iudæos elegit Deus, merè esse gratiæ, quia per se notum erat, tacitè hic solum notatur. Præcipuè verò David in altero membro insinuat, ut veros Israelitas à falsis discernat. nam inde argumentum sumit, ut Iudæos ad sanctam & rectam vitam hortetur, quia segregati sint à Deo in peculium. Quauis enim reliqui homines quatenus ab ipso creati sunt, pertineant ad eius imperium: qui tamen locum in Ecclesia obtinet, propius ad eum accedit. Ergo quoscuque admittit Deus in gregem suum, ipsa adoptione ad sanctitatem vocat. Porro his verbis oblique hypocritas perstringit David, quibus nulla religio erat sacrum Dei nomen falsò obtinere, ut scimus ipsos inanibus tantum titulis & externis insignibus efferrì: imò data opera celebrat hanc singularem Dei gratiam, ut pro se quisque discat, nisi se ad purum Dei cultum sanctificet, ab accessu Sanctuarii arceri. Verum quid est, impios & sceleratos frequentasse Tabernaculum, ideòque illis per Iesaiam 1. 12, Deus exprobat quod indignè terant pauperculum atrijs suis: sed hic disputat David quibus iure ingressus pateat. Nam quum sacra sit Dei domus, siqui perperam illuc & præter fas irrumpunt, eorum corruptela & abusus nihil quàm pollutio est. Quia ergo legitimus nò est eorum ascensus, David eum pro nullo ducit: imò sub his verbis inclusa est grauis obiurgatio, quòd impuri homines dum ascendere audent in Sanctuarium, suis illud sordibus inquinant. Qua de re plura dixi Psal. 15. Cæterum in secunda parte versus videtur perseverantiam

notare: acsi dixisset, Quis ascendet in montem Sion, vt se in Dei conspectum sistat? *וְיָ* Hebræis ( fateor ) surgere significat, sed pro Stare plerumque accipitur, vt visu fuit Psalmo primo. Quam autem repetitio est eiusdem rei, non tamen simplex est: sed finem ascensuum exprimens, auget, vt sepe alibi. Hæc summa est, vt cunque tempore Dauidis permisti in Ecclesia essent bonis mali: declarat tamen quàm friuola sit externa professio, nisi accedat interior veritas. nam quod de tabernaculo fœderis dicit, ad perpetuum Ecclesiæ regimen accomodare oportet.

4 *Mundus manibus.* Manuū & cordis puritate, & nominis Dei reuerentia totam pietatem complectitur, & vitam rectè compositam designat. Vera quidē puritas in corde sedem habet, sed fructus suos in operibus manuum profert. Ideoque scitè puro cordi adiūgitur totius vitæ mundities: quia ridiculè quis iactabit sibi integrum cor esse, nisi bonā radicem à fructibus demonstret: neque rursus sufficiet manus, pedes, & oculos ad iustam normam formare, nisi externam continentiam præcedat cordis puritas. Si cui absurdum videtur, priorem locum manibus tribui: facilis responsio est, sæpe effectus nominari ante suas causas: non quòd præeant ordine, sed quia interdum vile est incipere à rebus magis notis. Vult ergo Dauid, Iudæos in Dei cōspectum afferre puras manus, &

quidem ex corde non ficto. *Extollere*, velt assumere *animam*, nō dubito quin sumatur pro Iurare. Itaque exigitur à Deī cultoribus religio in iureiurando: & per synecdochē sub vna specie notatur fides in omni negotio ac integritas. Quòd autem de iuramentis sermo sit, ex particula exegetica quæ mox additur, colligere licet, vbi dicit, *neque iurauit ad fraudem*. Quia tamen duplex lectio est in voce Animæ, hoc est, legi potest, Animam meam, vel animam suam, propter punctum hirec: quidam Hebræi interpretes relatiuum primæ personæ de ipso Deo accipiunt: quod ego tanquam durum & coactū repudio. Est autē emphatica loquutio, quæ significat, animas suas quasi vades offerre Deo quicumque iurant. Nisi fortè magis placeat Tollere animā positum esse pro Applicare ad mēdaciū: quod in medio relinquo, quia ad sensum parum interest. Nascitur tamen hic quæstio, cur fidem & Dei inuocationem ne verbo quidem attingat Dauid: sed quæ facilis est ad soluendum. Quia enim rarò contingit vt quis cum fratribus suis iustè & innoxie se gerat, nisi verò Dei timore præditus vt sollicitè ambulet in eius cōspectu, nō abs re pietatē ab his testimoniis æstimat Dauid. Qua ratione Christus vocat præcipua Legis, misericordiam, iudiciū & fidem, Matth. 23. 23. Et charitas à Paulo dicitur nunc finis Legis, 1. Tim. 1. 5, nunc perfectionis vinculum, Col. 3. 14.

5 *Accipiet benedictionem à Iehoua, & iustitiam à Deo salutis suæ.*

6 *Hac generatio querentium eum, inquirentium faciem tuam Iacob. Selah.*

5 *Accipiet benedictionem.* Quo efficacius promoueat animos, pronuntiat, nihil esse optabilius, quàm cēseri in Dei grege & inter Ecclesiæ domesticos. Teneda verò est antithesis inter veros Israelitas ac degeneres: nā quo sibi plus licentiæ indulgent improbi, eo confidētius nomen Dei obtinent, acsi obstrictum sibi tenerent: quia iisdem ornati sunt symbolis quibus fideles. Itaque demonstratiuum pronomen *Hac* in versu sequenti, pondere non caret: quia diser-

tè excludit totam illam adulterinā gentē, quæ tantum cæremoniæ largus superbiebat. Et nunc quū de benedictione loquitur, significat, nō omnes qui se titulo tenus pro Dei cultoribus venditāt, promissā benedictionis fore participes, sed qui suæ vocationi ex animo respondent. Cæterum ( vt iam diximus ) hæc valde efficax est ad pietatem & probam vitam exhortatio, dum audiunt fideles se in iustitia colenda operam non ludere, quia certa benedictio apud Deum



Deum reposita sit. *Iustitia* nomen duobus modis potest exponi, vel pro omnibus Dei beneficiis quibus se iustum esse probat ac bonæ fidei erga fideles: vel pro iustitiæ fructu. Mens quidem Davidis minimè dubia est, sperandum non esse ut ad eos perueniat iustitiæ merces qui iniustus sacrum eius cultum profanant: rursus fieri non posse ut veros suos cultores frustretur Deus, quia proprium eius est beneficiis iustitiam suam testari.

6 *Hac generatio.* Iam nuper monui hac demonstratione deleri ex catalogo seruorum Dei fictitios omnes Israelitas qui Circumcisione tantum & pecudum sacrificiis freti, seipsum Deo offerre non curant: interim se temere ingerunt in Ecclesiam. Tales enim quantumvis Dei studio se teneri simulent, templi accessu nihil aliud habent propositum quam se longius subducere. Quia autem nihil magis tritum in ore omnium erat, quam omnes esse sanctum semen, nomen Sanctæ generationis restrinxit ad puros Legis observatores: ac si dixisset, non omnes qui secundum carnem progeniti sunt ex Abraham, legitimos propter-

ea filios esse. Verè quidem dicitur aliis pluribus locis, ut Psalmo 27 vidimus, eos faciem Dei querere qui testandæ pietatis causa coram arca fœderis se in caeremoniis exercent: nempe si sincerus affectus illuc eos ducit. Sed quoniam niam hypocritis externa quædam Dei querendi species communis est, quem tamen suis ambagibus fugitant: pronuntiat hoc loco David, non verè queri Deum, nisi præeunte sanctitatis & iustitiæ studio. Et quo plus energiæ habeat sententia, eam in secunda persona repetens, sermonem ad Deum conuertit. Perinde enim est ac si hypocritas qui pro nihilo ducunt coram mundo abuti Dei nomine, ad ipsius Dei tribunal citaret: significans, quicquid garriant apud homines, aliud fore Dei iudicium. Nomen *Iacob* collectivè additum est ad eiusdem doctrinæ confirmationem: ac si dixisset, licet totum carnale semen *Iacob* à Gentibus distinguat Circumcisio, non aliter cognosci electum populum quam Dei reuerentia & timore: sicut Christus dicebat, *Hic est verus Israelita in quo dolus non est*, Ioan. 1. 47.

7 *Attollite porta capita vestra, & eleuamini portæ æternæ & intrabit Rex gloria*

8 *Quis iste Rex gloria? Iehoua fortis & potens, Iehoua fortis imperio.*

9 *Attollite porta capita vestra, attollite inquam portæ æternæ, & intrabit Rex gloria*

10 *Quisnam hic Rex gloria? Iehoua exercituum, ipse, Rex gloria.*

7 *Attollite porta.* Quia nondum exstabat magnificus ille templi splendor in quo plerumque fuit externæ dignitatis quam in tabernaculo, David hic de futura eius structura concionatur: atque hoc modo fideles animat ut libentius, maioremque fiducia caeremoniis legalibus operam impendant. Fuit enim beneficium Dei non vulgare, quod Deus visibili symbolo in medio ipsorum residebat, caelestique suum domicilium volebat in terra conspici. Atque huius doctrinæ vsus inter nos quoque hodie vigere debet: quia inestimabili Dei gra-

tia est, nos pro carnis nostræ infirmitate pietatis exercitiis sursum ad Deum attolli. Quorsum enim verbi prædicatio, Sacramenta, sacri ipsi conuentus, totumque externum Ecclesiæ regimen, nisi ut nos Deo coniungant? Non abs re igitur David cultum legalem tam celebri encomio commendat, quum se Deus in arca fœderis fidelibus offerret, certumque pignus daret præsentis sui auxilii, quoties fuisset inuocatus. Etsi autem non habitat Deus in templis manu factis, neque eum oblectant externæ pompæ: quia tamen vtile fuit, & ita etiâ placuit

Deo, rudem & quasi infantilem populum terrenis elementis ad Deum euehi, non dubitat hic David sumptuosum templi ædificium ad fidei confirmationem proponere, vt certò statuatur Iudæi non esse illud inane theatrum : sed vbi Deum ex præscripto verbi eius rite colunt, stare se ante eius oculos, vt effectum propinquum sentiant. Summa igitur est Templum quod sibi Deus in monte Sion extrui iusserat quo maiori splendore vincebat Tabernaculum, eo magis illi iuste fore speculum gloriæ & potestatis Dei inter Iudæos habitantis. Interea sicuri ipse ingenti Templi desiderio flagrabat, sic eundem ardorem in omnium piorum cordibus accendit, vt magis ac magis in Dei timore proficiant, legalibus rudimentis adiuti. *Portas vocat æternas*, quarum diuturna stabilitas in verbo Dei fundata erat. Etsi enim materia & artificio excelluit templum illud, summa tamē præstantia in eo sita fuit, quòd eius ædificio insculpta erat promissio Dei, quā alibi videbimus. Hæc requies mea in seculum seculi, Psal. 132. 14. Cæterum non dubito quin subaudienda sit Tabernaculi antithesis. Nam quum tabernaculo nunquam fixa fuisset sedes, sed variis hospitii subinde exceptum quodammodo peregrinaretur : vbi mons Sion electus est, firma cœpit esse Dei statio. Iam quia Christi aduentu visibilis illa vmbra euauit, mirum non est in monte Sion templum non conspici, cuius amplitudo totum orbem occupat. Siquis obiiciat, tempore Babylonici exilii dirutas fuisse quas Solomon ædificauit portas : respondeo, in illa temporalis ruina stetisse decretum Dei, cuius virtute paulò post sequuta est templi in stauratio : quòd perinde fuit ac si semper integrum durasset. Locum hunc inscitè corrupit Græcus interpres. Etsi enim **דִּוְנָה** Hebræi metaphoricè interdū vocant principes, relatiuū tamē annexum nō alium sensum admittit, quàm vt portæ capita sua attollant : alioqui dicendum esset, Principes vestri vel vestros. Ideo quòd quidam hoc loco Reges & Magistratus officii sui moneri volunt, vt patefaciant Deo ingressum, quanuis plausibile commentum est, à mente tamē & verbis Prophetæ remo-

tum est. Quàm verò stultè ac turpiter hoc loco abusi sint Papistæ ad crassa ludibria quibus Christum ad inferos penetrantem inducunt, ex genuino verborum sensu plus satis patet. Hinc verò disceamus sanctum Dei verbum sobriè reuerenterque tractare, ac Papistas detestari, qui in eo peruertendo nefariis suis sacrilegiis quasi impune ludunt.

8 *Quis est iste.* Huc spectant elogia quibus extollitur Dei virtus, vt sciāt Iudæi, non sedere otiosum in templo, sed vt præsto sit ad opem suis ferendā. Porro magnam emphasin cōtinet tam interrogatio, quàm geminatio eiusdem sententiæ. Personam enim admirantis suscipit Propheta, quò efficacius doceat inexpugnabili virtute Deum venire instructum ad tuendam populi salutem, vt sub eius vmbra salui sint fideles. Iam verò dictum fuit, non habuisse Deum in Templo, ac si immensa eius esset sentia illic inclusa foret : sed illam virtutis & gratiæ fuisse præsentiam vt ferrebat promissio per Mosem data, Vbi memoriam posuero nomini meo : veniā ad te, & benedicam tibi, Exod. 20. 24. Id sibi non frustra esse promissum, sed Deum verè in medio sui stare sentierūt fideles, qui non supersticiosè quasi templo affixum quærebant, sed externi templi cultu adiuti, tendebant in cælum. Summa est, quoties Deum populus in templo inuocauerit, effectum ipso palam fore quàm non inane sit vel lusorium præsentia Dei symbolum Arca fœderis, quia Deus potentem manum suam protegendæ fidelium salutis semper exeret. Repetitio autem admonet, fideles in hac meditatione non posse nimis esse assiduos vel sedulos. Iam quum Filius Dei carne indutus apparuit *Rex gloria*, & lehoua exercituum, non vmbra tilis figura tantum, sed verè templum suum ingressus est, vt in medio nostri habitet. Quare nihil obdat quo minus gloriemur nos eius virtute fore inuictos. Quoniam autem neque mons Sion hodie locus est Sanctuario dicatus, neque amplius Arca fœderis imago, Dei est habitantis inter Cherubim : quatenus tamen communis nobis ratio est cum Patribus, vt verbi prædicatio & Sacramenta Deum nobis coniungant, hæc admi

adminicula reuerenter amplecti conuenit, quia fieri non potest, si impio fastu spernuntur quin Deus se tandem prorsus à nobis subducatur.

## ARGVMENTVM PSALMI XXV.

*Psalmus hic meditationes precibus mistis continet. Dauid enim hostium sanctia duriter vexatur, et opem à Deo impetret, primam agnoscit peccata sua hoc modo in se à Deo ipso castigari: idcoque eorum veniam petit, quò Deum habeat propitium ac liberatorem. Deinde gratiam Spiritus sancti implorat, qua fretus, inter varios tentationes se contineat sub Dei timore. Meditationes verò pluribus locis inserit, quibus vel se ad bene sperandum stimulet, vel à mundi illecebris sensus suos ad Deum colligat.* Psalmus X. X V.

**D**Auidis. *Ad te Iehoua animam meam leuauit.*

2 *Deus mi, in te speravi: ne pudefiam, ne latentur inimici mei de me.*

3 *Etiam omnes qui te expectant non pudefient: pudefient qui perfidè a gunt sine causa.*

1 *Ad te Iehoua.* Praefatur se non circumagi huc & illuc infidelium more, sed spem suam & vota dirigere in vnum Deum. Nihil enim verè & sincerè Dei inuocationi magis contrarium, quàm vacillando circumspicere (sicuti profani homines solent) an aliqua mundi auxilia succurrant. Interea verò Deum omittere, vel non rectè se conferre in eius fidem & tutelam. Nam qui putant Dauidem testari se fuisse penitus Deo additum, ac si in sacrificium se obtulisset, non satis attendunt rationem còtextus. Potius ad impetrandi fiduciam sumit quod in precibus maximi est momenti, spem sibi fuisse in Deo fixam, nec mundi illecebris fuisse impeditum vel retentum quominus liber & solutus ad Deum ascenderet. Quare hæc sit nobis rite orandi regula, non distrahi in spes varias & ancipites, nec in terrenis auxiliis subsistere: sed Deo tribuere hunc honorem, ut ex intimo affectu vota nostra ad Deum tollamus. Ceterum in mutando verbi tempore alios Interpretes sequutus sum: quàmquam per futurum tempus continuum actum designat.

2 *Deus mi, in te speravi.* Ex hoc versu colligimus, quod deinde clarius patebit, Dauidi fuisse cum hominibus negotium: sed quia persuasus erat, hostes suos esse quàm Dei ferulas, meritò eius manu compesci postulat, ne magis insolescant. Sperandi verbo confir-

mat quod nuper dixit de animæ ad Deum eleuatione. Nam vel ita modus exprimitur quo se fideles animæ sursum attollunt: vel fiducia & spes additur tantum illius effectus causa. Et certè huiusmodi è mundo sublatis sursum erigimur. Dauid ergo toto animi desiderio ad Deum raptus fuit, quia promissionibus eius fretus salutem haud dubiam inde sperabat. Deprecatio qua vtitur, ex communi Scripturæ doctrina sumpta est, pueri fieri nunquàm posse quicunque in Deo sperant. Hæc etiam ratio ad prouocandam Dei misericordiam notanda est, ne obnoxius sit hostium ludibriis, quorum improbitas non magis pios animos vulnerat, quàm Deum ipsum lacerasset.

3 *Etiam omnes qui te expectant.* Si verba in optandi modum resoluas, hoc versu precectionem suam continuat Dauid, & quod de se vno dixerat, communiter ad cunctos fideles extendit. Sed ego in diuersam potius sententiam inclino, ut Dauid fructum gratiæ Dei ostendat, qui ex liberatione sua proveniet. Ponderus autem subest in particula Etiam, nam quia sciebat multorum oculos in se esse còiectos, nec obscura erat eius in Deo fiducia, suum exemplum longè patere intelligit: quia scilicet omnes Dei filios eriget, ac prosterne improborum ferociam. Posset etiam alius esse sensus, ac si in fidei suæ còfirmatione sibi proponeret Dauid quod passim Deus promittit. Sed illa quæ attuli interpretatio



mihi videtur aptissima esse: nā per se-  
lestos qui perfidē agunt sine causa, non  
dubium est quin peculiariter hostes suos  
intelligat. Ergo vbi liberatus fuerit, do-  
cet nō fore priuatum beneficium, cuius  
ad omnes perueniet fructus: sicuti fieri  
non poterat quin multorum labasceret  
fides, si fuisset à Deo relictus. In mem-  
bro opposito ratiocinatur, si confusi ia-

ceant improbi, ad Dei gloriam id spe-  
dare: quia eorum in rebus prosperis  
exultatio palam Deo illudit, dum con-  
tempto eius iudicio audacius ad licen-  
tiam peccandi ruunt. Quod addit, *sine*  
*causa*, ad crimen amplificandum valet.  
Minus enim ferenda est eius prauitas,  
qui nulla iniuria lacessitus, vltro ad læ-  
dendos homines innoxios fertur.

4 *Vias tuas Iehoua fac me intelligere, semitas tuas doce*  
*me.*

5 *Dirige me in veritate tua, & doceme: quia tu Deus*  
*salutis mee, te expectaui toto die.*

6 *Recordare miserationum tuarū Iehoua, & bonitatum,*  
*quia fuerunt à seculo.*

7 *Transgressionum inuentutis mee, & iniquitatum mea-*  
*rum ne memineris: secundum clementiam tuam recorderis*  
*mei tu propter bonitatem tuam, Iehoua.*

4 *Vias tuas.* Per vias Domini in-  
terdum significat David laetos & salu-  
tares exitus, vt alibi visum fuit: sapius  
verò intelligit sanctē iustēque viuendi  
regulam. Hic, quia mox additur veritas,  
precationis summa est (meo iudicio) vt  
Deus seruum suum in fide promissio-  
num suarum retineat, neque sinat huc  
vel illuc dilabi. Ita enim compositis ad  
patientiam animis, nihil perperam ten-  
tamus, si toti pendemus à Dei prou-  
identia. Non ergo simpliciter hoc loco  
postulat David Spiritu Dei se regi, ne à  
recto cursu deflectat: sed sibi patet fieri  
quàm verax & fidelis sit Deus in suis  
promissis, vt quietus sub eius oculis de-  
gat. Si quis generalem esse sensum ma-  
lit, ac si David Deo se gubernādum tra-  
deret, non valde repugno: quia tamē mi-  
hi probabile est, sub Veritatis nomine  
in proximo versu exponi quasnam vias  
& semitas vocet, ad præsentem circun-  
stantiam votum hoc referre non dubi-  
to: quòd scilicet David vel ab impa-  
tētia, vel à cupidine vindictæ, vel ab  
illicito quouis feruore metuens, prom-  
issiones Dei penitus cordi suo insculpi  
postulet. Diximus enim, quandiu viget  
in animis nostris hæc cogitatio, Deo  
nos cura esse, domandis tentationibus  
optimum esse frænum. Quòd si tamen  
vias Dei & semitas pro doctrina acci-

pere placeat, mihi semper illud fixum  
est, Davidem ad cæcos impulsus respi-  
cere, qui nos rebus aduersis iactatos  
præcipitāt in lōgos errores, donec ver-  
bo Dei cohibiti fuerint vel sedati. Ita  
sensus est, Quicquid acciderit, ne vnquā  
permittas Domine, me excidere à viis  
tuis, vel contumacia, vel praua aliqua  
cupiditate abripi: sed potius pacatum  
me sub quieta obedientia cōtineat tua  
veritas. Quòd autem inculcat sibi pate-  
fieri vias, sequē doceri in illis & dirigi,  
non superuacuum est. Nam quum sēsus  
nostros obtenebrent res aduersæ, quàm  
difficile sit in illa caligine discernere  
quid sequi oporteat, vnumquenque do-  
cet propria experientia. Quòd si Davi-  
di tam eximio Prophetæ, tantæque lucē  
intelligentiæ prædito hæc demon-  
stratio necessaria fuit, quid nobis fiet, ni  
si Deus in afflictionibus nebulas discuti-  
at, ne lucis suæ conspectum impediāt?  
Semper igitur petendum, quoties aliqua  
tentatio nos perturbat, vt nobis prælu-  
ceat Dei veritas, ne peruersa cōsilia ca-  
ptādo, per flexuosas ambages vagemur.  
Notāda est quæ additur causa redditio.  
*Deū enī salutis suæ* vocādo, quæ iā ab eo  
perceperat beneficia, ad spē futurī tēpo-  
ris applicat, deinde fiduciam suam ite-  
rum repetit. Ita prius argumentum  
sumptū est ab ipsius Dei natura, & quasi  
à pro-

à proprio officio: quia scilicet hac lege tuendam suscipit fidelium salutem, & eorum necessitatibus subuenit, vt eandē gratiam in finem vsque velit prosequi. Sed quia huic tantæ bonitati necesse est vt respondeat nostra fiducia, hanc quoque profert Dauid vna cum perseverantia testimonio. Nam per *totum diem*, vel per omnes dies, significat se infatigabili constantia pendisse ab vno Deo. Atque hoc fidei proprium est, inter summas anxietates respicere in Deum: & quasi tacita quiete in promissum eius auxilium recumbere. Cæterum vt memoria beneficiorum Dei spem nostram foueat ac sustineat, reputare discamus qualem se iam nobis exhibuerit: sicuti Dauid hanc sibi futuram statuit, quod Deum expertus sit salutis autorem.

6 *Recordare, &c.* Primò hinc apparet, Dauidem fuisse grauiter afflictum vt omni ferè misericordia Dei gustu priuatus foret. Perinde enim ad gratiæ suæ memoriam reuocat Deum, ac si eius esset oblitus: hæc igitur hominis non parum anxii & mæsti querimonia est. Cæterum hinc colligimus, etiamsi ad tempus subtrahat Deus omne bonitatis signum, & ad mala nostra conueniens, tanquam alienos deferat, fortiter tamen luctandum esse, donec ex hac tentatione ad vtrum quod audimus, animus noster perumpat: nempe vt Deus quasi ad pristinam suam consuetudinem reuersus, elementius nobiscum de nouo agere incipiat. Neque enim hæc precandi forma locum habeat, nisi vbi faciem suam à nobis abscondit, seque vlla nostri cura tangi dissimulat. Porro Dauid ad miserationes & bonitates confugiens, nihil se de suis meritis spei præsumere testatur. Nam qui ex solo misericordiae Dei fonte haurit, nihil in se reperit quod Deum ad remunerationem obstringat. Sed quia aditum claudebat interruptio, optimo remedio hoc obstaculum superat: quòd scilicet Deus qui natura misericors est, quanuis ad tempus suspendat manum suam: non tamen vel seipsum abneget, vel ingentum sibi misericordiae affectum exuat, qui deficere nihilo magis potest, quàm æterna eius essentia. Hæc nobis doctrina tenenda

est, Deum ab initio fuisse misericordem vt si quando rigidus erga nos & inexorabilis appareat, non tamen sui dissimilem putemus vel propositum mutasse. Atque hinc colligimus in quem vsu passim Scriptura referat, eum omnibus seculis suos elementer respexisse. Fixum quippe hoc manere debet, quanuis Dei bonitas interdum lateat quasi sepulta, nunquam tamen extingui.

7 *Transgressionem inuenturis.* Quia peccata nostra maceriam opponunt inter nos & Deum, ne exaudiat vota nostra, vel manum ad nos iuuandos extendat, hoc impedimentum nunc tollit Dauid. Verum quidem est in genere, præposterè & frustra orare homines, nisi à peccatorum remissione exordiū faciant. Nulla enim spes obtinendæ gratiæ, nisi Deo propitio: quomodo autè nos amabit, nisi prius gratis sibi reconciliet? Hic ergo (vt dixi) legitimus est orandi ordo, primò accessu petere vt peccata nobis condonet. Sed disertè hic confessus est Dauid, se non aliter quàm abolitis peccatis, gratiæ Dei fore participem. Ergo vt suæ bonitatis memor sit Deus, eum peccata nostra obliuisci necesse est, quorum conspectus fauorem eius à nobis auertit. Iam verò apertius confirmat quod prius dixi, quanuis iniuste in eum seuirent improbi, se ramentum acceptum ferre peccatis suis quicquid patiebatur. Quorsum enim ad Dei misericordiam confugiens, peccatis suis veniam dari posceret, nisi quia meritas se pœnas dare agnosceat? Prudèter ergo animum conuertit ad primam mali causam, vt verum remediū inueniat: atque ita suo exemplo nos docet, quòd vrget nos externa aliqua afflictio, non modo rogandum esse Deū vt nos ad ea eripiat, sed vt peccata nostra deleat, quibus & iram eius & flagella prouocauimus. Alioqui imitabimur malos medicos, qui neglectis morborum causis, dolorem tantum leniunt, & aduentitia tantum fomenta adhibent ad curationem. Nec verò solummodo fatetur Dauid leuia delicta vt solent hypocritæ, qui defunctorie vno verbo reatum fatentes, vel effugia quaerunt, vel extenuant culpæ grauitatem: sed repetit ab ipsa pueritia quo r

modis iram Dei in se concitauerit. Nō enim quæ adolefcētes peccata admisit ideo commemorat, quāsi nullius recentis culpæ sibi sit conscius, sed quo maiori se reatu obstringat. Ac primū quidem se non cōpisse nuper reputans, sed pridem peccata peccatis cumulasse, sub ipsa congerie quodammodo se incuruat. Deinde si Deus summo iure agere velit, nō hesternā modo, vel paucorū dierum delicta in iudicium ventura significat, sed quicquid à puero deliquit, posse nūc merito imputari. Quoties ergo nos iræ suæ iudiciis terrebit Deus, non solum in mentem nobis veniat postrema offensa, sed nouum pudorem nouosque gemitus afferant omnes anteaactæ vitæ

transgressionēs. Porro quò melius exprimat gratuitam se veniam petere, Deo nihil præter meram eius bonitatem obicit. Dicit igitur, *Recordari mei secundum clementiam tuam*: facit enim peccatorū obliuio vt nos Deus paternis oculis aspiat. Huius autem aspectus nō aliam sibi causam proponit, nisi quia Deus bonus est: vnde sequitur, vt nos in gratiam recipiat, non nisi bonitate sua adduci. Quamquam vbi dicitur nostri recordari Deus secundum clementiam suam, subaudienda est antithesis inter duas recordationis species: nempe dum peccatores in ira sua visitat, vel quos cōtemnere aliquandiu visus est, suo fauore iterum dignatur.

8 *Bonus & rectus Iehoua: ideo docebit peccatores in via.*

9 *Diriget pauperes in iudicio, & docebit pauperes viam suam.*

10 *Omnes via Iehouæ clementia & veritas custodientibus fœdus eius, & testimonium eius.*

11 *Propter nomen tuum Iehoua, propitius sis iniquitati meæ, quia multa est.*

8 *Bonus & rectus.* Quasi à continuo precandi tenore paulisper desistens Dei bonitatem secum meditatur: quo se rursus magis accendat. Sentiunt enim fideles, nisi nouis subinde aculeis interorandum se excitent, animos suos statim languescere: adeò rara & difficilis res est constans & indefessa attentio. Atque omnino vt fouendo igni materiam sapius ingerere necesse est: ita studium orandi, ne torpescat & tandem deficiat, talibus adminiculis opus habet. Quare Dauid se ad perseverantiam animare volens, seipsum alloquitur, Deūque bonum & rectum esse affirmat, vt hac meditatione refectus, alacrior iterum surgat ad precandum. Notanda autem hæc consequentia est, Deum, quia bonus est & rectus, peccatoribus manū porrigere, vt eos in viam reducat. Nam Deo æquitatem tribuere qua tantum erga dignos & bene meritos vtatur, frigida & ieiuna est imaginatio: & tamen non aliter vulgò Deum mundus bonum cognoscit. Vnde enim fit vt Dei miseri-

cordiam vix centesimus quisque ad se applicet, nisi quia eam ad dignos restrungunt? Atqui hic dicitur rectitudinis suæ specimen edere, dum transgressores in via docet, quod tantumdem valet atque vocare ad penitentiam, & instituire ad rectè viuendum. Et certè nisi ad inferos penetret Dei bonitas: neminem vnquā attinget. Fictitias suas praparações iacent Papistæ: nos verò teneamus, nisi anteuertat Deus homines sua gratia, actum esse de omnibus. Hanc praueniētem (vt loquuntur) gratiam nunc commēdat Dauid: siue quum Deus ab initio nos vocans, regenerationis Spiritu corruptam naturā refingit: siue quū peccatis alienatos à defectione reducit. Nā quum peccatores dicantur quos Deus recipit in discipulos, sequitur, eius Spiritu renouari vt dociles & morigeri esse incipiāt.

9 *Diriget pauperes.* Hic de secunda gratia loquitur, quam Deus erga fideles suos exerit, postquam subacti adiugū ferendū, obediēter eius imperio se submittūt. Hæc verò docilitas nusquam repe-



reperietur, donec elat<sup>9</sup> superbia animus indomitus fuerit. Quia **וְיָי** Hebræi pauperes vocant vel afflictos, & metaphorice nomen hoc transferunt ad m̃a suetos & humiles: mihi probabile est, Dauidem tam afflictiones quibus retunditur carnis ferocia, quã ipsam modestiæ virtutem complexum esse: ac si dixisset, Postquam humiliavi Deus, manu benignè porrecta, totovix cursu eos deducit. Cæterum quidam *iudicium & viam* Domini pro iusta & bene composita viuendi ratione accipiunt. Alii verò referunt ad Dei providentiam: quod rectius videtur, & ad contextum aptius, quia mox addit *omnes via Iehoua, clementia & veritas*. Sensus ergo est, qui verè in seipsis deiecti, se in Dei fidem contulerint, sensuros quàm bene filiis suis consulat. Ergo iudicium & via eius nihil aliud est quàm gubernatio, qua declarat se, vt optimum patrem decet, curare suorum salutem, vt oppressos subleuet, deiectos erigat, mœstos exhilaret ac soletur, miseris succurrat. Nunc teneamus quales sint gratiæ Dei erga nos progressus: nempe quòd primùm errantes & palatos, imò profugos in viã re-ducit, compescit nostram contumaciã, & prius indomitos in obsequium iustitiæ suæ flegit. deinde quòd afflictos & laborantes non deserit, sed postquã eos cruce formauit ad humilitatem & modestiam, prouidum se in regenda eorũ vita patrem declarat.

10 *Omnes via Iehoua.* Falluntur Interpretes qui veram & suauem Legis doctrinam in hoc versu dici putant, talẽque reipsã sentiri ab eius cultoribus: ac si congrueret hic locus cum illo Christi dicto, iugum meum suauẽ est, & onus meum leue. Matth. 11. 30. Neque enim solum coacta est eiusmodi interpretatio sed faciliè refelli potest ex multis similibus locis, vbi viz Domini sumuntur passiuo sensu, pro paterna quam in suis tuendis & fouendis tenet, ratione: imò pro tota gubernatione qua res humanas temperat. Summa igitur est, sic Dominum agere cum suis fidelibus, vt omni ex parte propitium & veracem eum sentiant. Neque enim hic narrat Dauid qualẽ promiscuè se Deus erga humanũ

genus præstet, sed qualem ipsum experiantur eius filii. Vidimus enim Psalm<sup>o</sup> 18. 26, præfractis durum esse & rigidum atque vt clementer ignoscat, videmus tamen nullo dulcedinis eius sensu affici: tantum abest vt eius promissionibus innixi, plenam ab eo felicitatem expectent. Imò simulatque aliquid aduersi contigit, fremunt & indignantur, Deum crudelitatis insimulant, vel sardum esse suis precibus querunt: in latitia verò, eius conspectum fugitant. Quare non immeritò Dei clementiam & fidem quasi peculiarem thesaurum fidelibus designat: ac si diceret non esse timendum ne Deus nos frustretur, si manemus in suo fœdere. *Fœdus & Testimonium* idem valet, nisi quòd secundum exegeticè additum est. Comprehendit autem totam Legis doctrinam, in qua cum electo populo paciscitur.

11 *Propter nomen tuum Iehoua propitius, &c.* Quia copula interponitur, putant quidam hoc membrum eclipticè positum esse, vt verbum aliquod subaudiendum sit, deinde sententiam illam seorsum legunt, *Propitius sis iniquitati meæ*. Itaque secundum eos sensus esset, Domine licet fœdus tuum non exactè custodierim, ne tamen propterea desinas beneficium te erga me ostendere, ac ne tuam beneficentiam arceat mea iniquitas, eam mihi condona. Sed ego, aliis potius assentior qui copulam (sicut aliis pluribus locis) superuacuum esse putant, vt vno contextu cohæreat totus versus. In verbi etiam tempore dissentiunt Interpretes, quidam enim præteritum retinent ac si gratias Deo ageret Dauid ob remissum sibi peccatum. Sed verior est altera expositio, quæ etiam magis recepta est: Dauidem scilicet iterum ad misericordiæ Dei asyllum confugere vt veniam obtineat. Nam ¶ est temporis conuersiuum: futurum verò optatiui loco sumitur. Porro hunc versum ita cum præcedentibus coniungo, Quum secum meditatus esset Propheta, Deum beneficium & fidelem esse suis cultoribus, iam in se descendens, agnoscit nonnisi intercedente venia, posse in hoc numero se censeri, ideoque ad deprecationem se confert: sicuti

Psalmo 19.13, vbi concionatus est de mercede quæ reposita est fidelibus, vbi Legē seruauerint: repēte exclamat, Delecta quis intelliget? Quauis ergo non ignoret Dauid quā liberaliter promittat Deus custodientibus pactum suum quicquid ad beatā vitam pertinet, quia tamen simul videt quā procul adhuc à perfectā Legis iustitia absit, non subsistit in illa fiducia, sed multis delictis, quorum sibi consci⁹ est remedium quaerit, ita, vt Deus nos in seruis sui. reputet, semper rogandus est vt paterna indulgentia infirmitates nostras toleret: quia sine gratuita remissione peccatorum nulla operum retributio speranda est. Cæ-

terum quod certi⁹ exprimat totū se à mercedē Dei gratia pēdere, disertē ponit, Propter nomē tuum, significans Deum quoties ignoscit suis, non aliunde causam sumere quā à seipso: sicut paulō antē dixit eodem sensu, Propter bonitatem tuā. Quoniam ipsa culpæ magnitudine coactus fuit ad implorandum Dei nomen: quia mox sequitur confessio, quod magna sit vel multa iniquitas (vtrouque enim modo verti potest nomen 27) ac si dixisset, Magno quidem onere me premunt peccata, vt ipsa magnitudo vel grauitas spem veniæ præcidere mihi queat: sed pluri est immensa tui nominis gloria, Domine, quam vt me repudies.

22 *Quis est vir timens Iehouam? docebit eum in via quā eligat.*

13 *Anima eius in bono morabitur, & semen eius hereditate possidebit terram.*

14 *Consilium Iehouæ timentibus eum, vt notum faciat illis fœdus suum.*

15 *Oculi mei semper ad Iehouam, quia ipse educet è reti pedes meos.*

12 *Quis est vir, &c.* Iterum secum meditando qualem se Deus seruis suis exhibeat, nouum vigorem colligit. Diximus enim, nihil magis esse procliue quā vt flaccescat precandī attentio, nisi promissionum Dei recordatio eam sustentet. Interea dubium non est quin se partim accuset Dauid, partim verò meliore spe concepta, ad Dei timorem hortetur. Primū enim significans, ideo recta intelligentia sanōque iudicio destituti homines, quia Deo se cum reuerentia & timore regendos non offerunt: suæ socordiae imputat, quod obtenebrata mente post suas cupiditates vagatus sit. rursus verò si Deo se addicat & docilem præbeat, Spiritum sanctum sibi viā ducem promittit. Videtur autem interrogatio notare eorū paucitatem qui Deū timent. Nam etsi promiscuē omnes orant, & præ se ferunt aliquod pietatis studium quotusquisque, se penitus excutit: imò suo torpori indulgent ferē omnes. Itaque rarissimus est Dei timor: quo

fit vt Spiritu consilii & prudentiæ munitus vt plurimum priuetur. Quod quidam Interpretes in verbo *Eligat*, futurum tempus in præsens resolunt, ac si dictum esset, Deum monstrare viam quam ipse probat, & per quam vult homines incedere: mihi non placet. nam electio hæc (meo iudicio) potius ad vnumquēque refertur, ac si dictum esset, Modò nos ad Dei timorem simus composui, ipsum non defore suo officio, quin Spiritu prudentiæ ad viam eligendam nos dirigat. Nam quum nobis institnenda est vitæ ratio, velut in biuiio stamus, imò in singulis ferē actionibus hæremus suspēsi & perplexi, nisi Deus nobis ad viam monstrandam occurrat. Dicit ergo Dauid, Quāuis nesciat homines quid rectū sit, & quid ipsos eligere oporteat: modò tamē pia docilitate se ad Deum sequendum accingant, illum semper certum ac fidum ducē fore. Porro quia hic timor Dei non est nobis ingenuus, temere hic quispiam ratiocinetur Deum cessare donec

donec sua præparatione se insinuēt homines in eius gratiam, vt rectos eorum conatus adiuuet. Nam de prima hac gratia nuper concionatus est Dauid, quòd Deus transgressores doceat: nunc verò secundam addit, quòd regendos suscipiat qui iam domiti sunt ac mansueta facti, vt præeunte Spiritus luce teneant quid facto opus sit.

13 *Anima eius.* Si summa est hominis felicitas, nihil aggredi vel tentare nisi auctore Deo, summū quoque & incomparabile beneficium est, illum habere vitæ ducem ne vnquam aberremus: sed adiūgitur accessionis vice terrena etiam benedictio, in qua prioris gratiæ fructus palā apparet: sicuti etiā docet Paulus, Pietati non solum æternam salutem, sed quæ ad præsentē vitam spectant, etiam promitti, 1. Tim. 4. 3. Summa est, veros Dei cultores nō spiritaliter modò beatos esse, sed ab eo quoque benedici quod ad præsentis vitæ statum. Verum quidem est, non semper ex animi voto eos tractari, nec certo & æquabili modo fluere quas optaret commoditates: imò sæpe quum impii deliciantur, molestiis & ærumnis vexari eos contingit. Sed sciendum est, quoties suam benedictionem Deus subducit, eos expergeri vt se procul adhuc à perfectō Dei timore distare sentiant. Interea tamen quatenus expedit, sic fruuntur Dei beneficiis, vt præ hominibus profanis & Dei contemptoribus verè sint felices: quia in extrema inopia Deum tamē sibi esse præsentem persuasi, in hoc tuto consolationis portu quiescunt. Hoc certè verissimum est, ex vno fonte oriri omnes nostras misérias, quæ cursum benedictionis Dei nostris peccatis abruptimus, & tamen eius gratiam in hac tam confusa perturbatione lucere, vt Sanctorum conditio melior sit: quia etiam si bonis non saturantur, paternum Dei fauorem assidue gustant. atque huc libenter refero *anima* nomen: quòd scilicet in percipiendis Dei donis nō sint insipidi, vt ad eos placandos longè plus valeat mediocritas, quàm impiis satisfaciatur summa abundantia. Ergo sua vt quisque sorte intus contentus est, & cum hilaritate patientiam & quietem colit, eius anima dici-

tur habitare in bono. Quòd quidam Interpretes istud Habitare ad tēpus mortis trahunt, argutum est magis quàm firmum: potius enim (vt dictū est) de terrena vitæ statu loquitur. Deinde amplificandi causa secundo loco addit, Posterius fidelium, terræ fore hæredes: vnde sequitur, Deum suo fauore eos prosequi. Vnde rursus colligimus mortem seruis Dei non esse interitum, nec extinguī dum migrant ex hoc mundo, sed manere superstites. absurdum enim esset, Deum vitam priuare in quorum gratiam aliis benefacit. Quatenus autem terræ hæreditas ad filios Sanctorū perueniat, vt alibi dictum fuit, tum futurus videbimus Psal. 37.

14 *Consilium lehouæ.* Confirmat aliis verbis quod nuper dixerat, Deum omnibus piis Doctorem & Magistrum fore, & suo more bis idem repetit in eodem versu. Neque enim aliud est fœdus Dei quàm secretum vel consilium: sed nomine Secreti, doctrinæ excellentiam commendat, quæ nobis proposita est in Lege Dei. Vtunque enim alto fastu profani homines Moſen & Prophetas despiciant, agnoscunt tamen fideles in eorum doctrina sibi calorū arcana pateſceri, quæ humanæ sapientiæ modum longè superant. Itaque quisquis in Legge ritè proficere cupit, reuerenter suspiciat quam continet doctrinam. Iam verò hic locus nos ad modestiam & humilitatem inuitat, ne freti proprio ingenio aut solertia nostræ consili, perumpere tētemus ad mysteria, quorum notitiam singulare esse Dei donū pronuntiat Dauid, Psal. 111. 10. Deinde quū timor Dei, ingressus esse dicatur ad rectam intelligentiam, quantum quisque in fide crescere cupit, progressus etiam in Dei timore faciat. Cæterum, vbi viget pietas, periculum nō est ne in Deo quærendo operam ludamus. Arcanum quidem est Dei fœdus, humano captu altius: sed quum Deus non frustra queri velit, quicunque ad eius cultum recto studio aspirant, Spiritus ductu peruenient ad celestem sapientiam, quæ in eorum salutem destinata est. Obliquè autem literales discipulos Legis perstringit Dauid, qui falsò & inaniter fœderis Dei participes se iactabant. Etsi



enim voce sua promiscuè alloquitur Deus bonos & malos, nisi tamen addit sincerus affectus, surdis canit: quemadmodum dicit Iesaias 28. 11, Impiis Legem esse similem clauso & obsignato libro. Itaque mirum non est, puros Dei cultores quibus arcanum suum reſerat, à ſcelestis vel hypocritis discerni. Hac verò ſpe ſibi propoſita David fidenter ad Dei ſcholam accedens, & alios ſecū adducens, non obſcurè oſtendit detestabile eſſe eorum ſigmentum, qui à Scripturæ non ſecus ac labyrinthi acceſſu totam plebem arcant: quaſi verò non diſertè ex quolibet ordine vocentur ad fœderis Dei notiſſimam quicunque eum ex corde timent.

15 *Oculi mei ſemper.* Hic fidē ſuam eiùſque perſeuerantiā non jaçantia causa celebrat David, ſed ut impetrandi fiducia alacrior reddatur ad precan-

dum. Nam quia omnibus qui in Deum reſpiciunt, data eſt promiſſio, ſpem eorum non fore irritam, nec poſſe pudeſci fieri: ſæpe ſe hoc clypeo Sancti muniunt. Interea ſuo exemplo legitimam precandi rationem aliis præſcribit, ut ſcilicet deſixos contineant in Deo ſuos ſenſus. Nam Oculorum nomine, quorū ſenſus acerrimus eſt, & totum hominē ad ſe rapit, omnes affectus notari rarum non eſt. Ratio quæ additur, ſpem deſiderio eſſe coniunctam clariuſ oſtendit: acſi dixiſſet ſe non dubitanter ac trepidè mentem ſuam conſicere in auxilium Dei, ſed quia perſuaſus eſt ſibi fore liberatorem: & pronomen *Ipe* emphaticum eſt: docet enim ſe non circumſpectare huc & illuc, eorūque more qui alternando varias ſibi ſalutes conſingunt, ſed Deo vno contentum eſſe.

16 *Reſpice ad me, miſerere mei, quia unicus ſum & pauper.*

17 *Afflictiones cordis mei ſe dilatarunt, de anguſtiis educas me.*

18 *Vide afflictionem meam & laborem meum, & tolle omnia peccata mea.*

19 *Vide inimicos meos, quia multiplicati ſunt, & odio violento oderunt me.*

20 *Cuſtodi animam meam, & erue me ne pudeſcam, quia ſperaui in te.*

21 *Integritas & reſtitudo cuſtodiant me, quia te expectaui.*

22 *Redime Deus Iſraelem ex omnibus tribulationibus eius.*

16 *Reſpice ad me.* Quia nobis hoc dicat carnis ſenſus, Deum, niſi ab eo iuuemur, oblitum noſtri eſſe: ordinē ſequitur David, quò nos ducit natura, rationem ſui à Deo haberi petēs, acſi antè neglectus foret. Sic autem reſoluo verba, Reſpice ad me ut miſerearis mei. Cauſam enim ſalutis ponit Dei inſtitutum, cui deinde effectus ſubiicitur. quia ſimul ac nos dignatus fuerit Deus ſua cura, manus etiam ad auxilium ferendum parata erit. deinde ad ſcandendū

Deum miſeriam ſuam proponit, vocans ſe *unicum*, hoc eſt ſolitarium, deinde *Pauperem*. Nec vrrò dubium eſt quin ad promiſſiones alludat, quibus pronūtiat Deus ſe miſeris & deſperatis preſto fore ad opem ferendam.

17 *Afflictiones cordis mei.* Fatetur hoc verſu non modò externum ſibi bellum eſſe cū hoſtibus & moleſtiis quas inferunt, ſed intus etiam mœrore & angoribus ſe torqueri. Et notāda eſt loquutio qua ſignificat tantam eſſe curarū cōgeriri,

riem, vt omnes cordis sui partes occupet: quæadmodum si violētæ aquæ lōgè lateque grassando, regionem aliquā obruerent. Quādo autē totum cor Dauidis videmus anxietate fuisse possessum, non est quòd miremur si nos interdum sua mole tentationes deiciant: sed cū Dauidē petamus vt nobis Deus quasi in desperationis articulo succurrat.

18 *Vide afflictionem meam.* Querimonias istas toties inculcans, satis ostēdit non leuibus se malis fuisse tēratum: quod sedulò notandum est, vt nobis quū eodem exercebimur modo, suppetat ratio orandi. Tale enim speculum nobis Spiritus sanctus proponit, ne afflictionum multitudini vel oneri mentes nostræ succumbant. Sed vt malis suis leuationem obtineat, rursus petit remitti sibi peccata, sibi reuocans in memoriā quod paulò antè attigerat, se non aliter sperare Deum propitium, nisi gratuita reuocatiuus esset. Et certe nimis stupidi sunt qui externa liberatione cōtenti, mala intestina non excutunt, sed quantum in se est, cuperent obliuione sepulta esse. Ergo Dauid vt remedium inueniat suis molestiis, à peccatorum remissione incipit, quia Deo irato & infenso, omnia infelicitè nobis cedere necesse est: peccatis autem nostris merito semper irascitur. Atque hæc regula tenenda est, quanuis ob diuersos fines Dominus suos cruce erudiat, quoties tamen affligimur, ad conscientię examen nos vocari, vt supplices reconciliationem cum Deo quæramus.

19 *Vide inimicos.* Hoc versu de hostiū copia & crudelitate expostulat, quia eo propensior est Deus ad suos iuandos, quo magis premūtur, & pro gravitate periculi potentius succurrit. *Odiū DNI*, hoc est violētæ, pro Crudeli & sanguinario capitur. Quia verò tantus erat hostium furor, vt placari non posset nisi Dauidis morte, custodē vitæ suæ Deum aduocat: vnde colligitur extrema illa quā dixi necessitas. Quod proximè sequitur, *ne pudeam*, duplicè sensum admittit. Quidā futurum tēpus retinent, ac si statueret Dauid se iam exaudiri esse, & in optato successu, spei mercedem sibi promitteret. Ego tamen in diuersam partem magis inclino, vt pre-

cationem suam continuet. Summa est, quando in Deum recumbit, ne eum spes de salute concepta frustretur: nullus enim ad serium precandī affectum efficacior stimulus quàm vbi testari licet, in ipso nos confidere. Quo magis rogāndus est Deus vt spem nobis augeat, si exigua est, torpentem exciter, nutantem stabiliat, debilem confirmet, erigat etiā collapsam.

21 *Integritas & rectitudo.* Quibusdam videtur simplex esse precatio, ac si Dauid se ab omni noxa immunem seruari postulet, quemadmodū innoxie se gessit, & abstinuit tam ab omni fraude quàm iniuria. Alii vocū duplicant, vt sibi purum & integrum cordis affectū donari petat, ne scilicet ad vindictam, vel alia tuēdæ vitæ suæ illicita media proficiat: ita sensus esset, Domine, quanquā me caro ad quærēda quælibet subsidia sollicitet, hostes etiam sua importunitate huc me impellant, cohibe tamē prauos in me affectus, vt me in pura & integra æquitate contineam: atque æquitas & rectitudo tanquam duæ optimæ salutis custodes mihi sufficiāt. priorem tamen sensum magis amplector, quia mox adiungit suæ integritatis testimonium. Quisquis enim Deum expectat placido & mansueto spiritu, quiduis potius perferet, quàm vt sibi permittat, iniustitia cum hostibus certare. Itaque (meo iudicio) profitetur Dauid se ita rectè versatum esse inter homines, vt ipsum hostes immeritò laceſcant. & quia sibi optimè conscius est, Deum implorat innocentie suæ vindicem. Sed quum iam tribus locis confessus sit, iure se castigari, mirum videri possit quòd nunc de sua integritate gloriatur. Alibi iam soluta fuit hæc quæstio, vbi diximus Sanctos, quantum ad se attinet, in Dei conspectum semper cū veniæ deprecatione supplices prodire: hoc tamē non obſtare quominus causa suæ bonitatem coram Deo cōmemorent. Et tamen quòd se in Deo sperasse dicit, necessariò addi oportuit: quia vt nostri defensionem suscipiat Deus, non satis est ius & rectitudinem à pace nostra stare, nisi Dei promissionibus innixi, sub eius patrocinio tutelæque quiescimus. Ita sæpe contingit vt strenuis &

cordatis viris, dum ingenio suo freti, vel à fortuna pendentes, bonas causas defendūt, nō tamē respōdeat successus. Ergo vt Deus nostræ integritatis vindex sit & protector, primū colēda est cum hostilibus nostris iustitia & integritas, deinde cōmittēda est Deo nostra salus.

22 *Redime Deus Israel.* Hæc clausula ostendit Dauid quale fuerit illud hostium genus de quibus cōquestus est. Intestinos enim fuisse credibile est, qui Dei populo, quasi malum visceribus inclusum, molesti erant. Nam & ex verbo Redimendi colligimus, dura seruitute oppressam tunc fuisse Ecclesiam. Itaque non dubito, Saulem, & qui ty-

rannicè cum eo dominabantur, in hoc Psalmo perstringi. Caterū, simul ostendit se non priuatim consulere suæ salutis, sed completi communem totius populi statum: quemadmodum totius inter sanctos societas postulat vt singuli publicis miseriis affecti, apud Deum vno consensu gemant. Hoc verò ad fidei confirmationē non parum valuit, quòd Dauid nihil se à toto fidelium corpore separatū habere cogitans, quas patiebatur iniurias, sibi cum omnibus piis duxit esse communes. sed illa etiā tenēda ratio, vt dum sua quisque mala deplorat, simul etiam curas suas & vota extendat ad totam Ecclesiam.

### ARGVMENTVM PSAL. XXVI.

*Psalmus hic superiori serè similis est. Propheta enim multis iniuriis oppressus, nequequam inueniens subsidii in mundo, implorat Dei fidem, vt causam hominis iniuste afflictæ suscipere & innocentiam asserere vellet. Et quoniam certamen erat illi cum hypocritis ad iudicium Dei prouocat, odiosos eos perstringens, quòd falso Dei nomen obtenderent. Tandem quasi voti compes, sacrificium laudis pro liberatione promittit. Psalmus XXVI.*

**D**avidis. *Iudicame Iehoua, quia ego in integritate mea ambulauis, & in Iehoua speraui, non nutabo.*

2 *Proba me Iehoua, & tenta me, examina renes meos & cor meum.*

3 *Quia bonitas tua coram oculis meis: ideo ambulauis in veritate tua.*

4 *Non sedi cum hominibus vanitatis, & cum versutis non ingrediar.*

1 *Iudica me Ieh. &c.* Dixi iā Dauidem ad Dei iudicium confugere, quia nihil reperiebat æquitatis in hominibus. Iudicare autem Hebræis dicitur qui causæ cognitionem suscipit. perinde igitur est ac si Dauid appelleret Deum iuris sui vindicem. Nam quum ad tempus nos hostium iniuriis & perulantia exponit, videtur causam nostram negligere: vbi verò cohibet hostes nostros ne pro libidine grassentur ad nocendū, re ipsa demonstrat sibi curæ esse defensionem iuris nostri. Itaque discamus exemplo Davidis, vbi destitimus hominum præsidio, conferre nos ad Dei tribunal, & in eius protectione acquiesce-

re. Quæ sequuntur, variè exponunt Interpretes. Quidam vno contextu legūt, Iudica me, quia ego in integritate mea ambulauis. Alii verò ad posterius membrum referunt, Quia ambulauis in mea integritate, ideo non nutabo. Ego verò libenter extendo ad vtrunque. Nā quia proprium Dei munus est bonas causas asserere ac tueri, eum sibi patronū constituens, integritatis suæ & spei testem citat. vnde & fiduciam opis impetrādæ concepit. Si tamē disjungere placet, magis probabile videtur, seorsum hæc sententiam legere, Iudica me Iehoua: deinde sequatur altera precatio, ne Deus nutare ipsum permittat: quia se innoxie &



& sincerè gessit, &c. Cæterùm in pronomine possessiuo notanda est emphasis, quam Interpretes male prætereunt. Nō enim simpliciter testatur se integrum fuisse, sed constanter perrexisse in recto cursu, nec deiectum fuisse à proposito, quamlibet violentis machinis impulsus fuerit. Scimus enim, vbi nos improbi inuadunt, si vi aut malis artibus nos obruant, quàm difficile sit eundem retinere animum. In eo enim ponitur spes victoriæ, si fortiter & strenue arma armis & fraudes fraudibus opponimus. Atque hæc tentatio probos & moderatos homines vt plurimum percellit: qui alioqui rectè agendi studio tenentur, vt hostium importunitate coacti, à via deflectant. Itaque discamus exemplo Dauidis, etiam quum datur nocendi occasio, & quum hostes variis modis nos lacessunt & sollicitant, firmi in gradu nostro manere, nec ab integritatis nostræ tenore sinamus nos vilo modo abduci.

2. *Proba me.* Quo se magis indignè & præter meritum calumniis premi videbat Dauid, accensus fuit doloris vehementia, vt intrepide iustitiam suā assereret: nec tantum ab externis sceleribus se purgat, sed etiam de cordis sui rectitudine puroque affectu gloriatur: simul cum hostibus suis tacite se comparat. Nam quia crassi erant hypocritæ superbè iactantes Dei nomen, hanc eorum impudentiam ac duritiam traducit eorum Deo. Declarat verò hæc contestatio quàm bene sibi conscius fuerit, quum audet Dei iudicio omnes animæ suæ recessus examini subiicere. Notandum semper est, hostium improbitate fuisse coactū vt se tam magnificè efferreret. Nisi enim iniuste damnatus fuisset ab hominibus, suppliciter deprecatus fuisset tale examen. Sciebat enim rectè agendi studium quo flagrabat, procul adhuc à summa perfectione abesse. Sed vbi se falsò grauari videt, hominum iniquitas eum animat vt ad Dei tribunal accedere non dubitet. Cæterùm quia sciebat externam innocentiae speciem illic non magni esse momenti, sinceram cordis rectitudinē in medium profert. Nam quoddā ita nonnulli distinguunt, vt eorum superiores affectus significet, *rener* sensuales (vt loquuntur) & magis cras-

fos, subtile est magis quàm firmum. Sci mus enim Hebræos Renum nomine, quod maxime in hominibus reconditū est, notare. Dauid ergo bene sibi conscius totum se Deo examinandum offert: nō vt securi homines, vel potius stupidi, qui sibi blandientes, suis deliciis fœcum se Deo facturos putant. neque enim dubium est quum se probe & penitus excusserit antequam ita confidenter prodiree in conspectum Dei. Atque hoc in primis videndum est, si cupimus nos Deo probare, vt non modò abstinuerit ab iniuria qui iniuste læsus est, sed etiam perfructus sit in recto affectu.

3. *Quia bonitas tua.* Potest vno contextu hic versus legi, & diuidi in duo membra: eodem tamen fere sensu. Si contexere vno tenore placeat, vt trunque verbum principale erit, hoc modo, quia mihi bonitas tua, Domine, versata semper est ante oculos, & in fide tua quiesci, prauas omnes cupiditates frænauit in animo meo, ne hostium malitia lacessitus, ad retaliandum impelleret. ita in hoc versu esset causa redditio. Probabilis etiam est altera expositio, Quia bonitas tua mihi ante oculos fuit, ambulauit in veritate quam præcipis. Sed tunc superuacua esset copula: quod Hebræis satis vsitatum est. Etsi autem affinis est hæc sententia priori, sequi tamen malo quod à verbis minus remotum est. Quia enim rara & difficilis virtus est, non tantum se cohibere à maleficiis, vbi omnia huc provocant, sed à cordis integritate nō deflectere: declarat Propheta quomodo inter tam arduas tentationes prosequutus sit rectū cursum: nempe quia Dei bonitatem qua sollicitè suos conseruat, ob oculos sibi proposuit, ne ad peruersas artes declinā, illius patrocinio se priuaret: fidemque eius sequutus, animam suam in patientia possederit: quia certò persuasius erat fieri non posse vt Deus fideles suos deserat, qui in eum recumbunt. Et certè nisi Dei bonitate fretus, inter tot ac tam duros insultus pedem in colenda integritate non fixisset. Atqui hoc inter Dei filios & profanos homines notabile discrimen est: quod illi meliorem exitum à Domino sperantes, ab eipsis verbo pendent, neque inquietudi-

ne ad noxias artes feruntur: hiverò posteriores, quanvis bonas causas sustineant, quia tamen ignota est illis Dei providentia, raptantur huc & illuc, illicita consilia captant, cōfugiunt ad fraudes: denique nihil aliud habent propositum, quàm malum malo vincere. Vnde etiam miseri & tristes, interdum etiam tragici exitus: quia posthabita Dei gratia, tantum ad versutias & caliditates intenti sunt. Summa est, Davidem in servanda iustitia constantem fuisse, quia Deum sibi ducem statuerat. Priore autem loco, mentionem facit Bonitatis: deinde addit *veritatem*, quia non nisi ex promissionibus cognoscitur bonitas; quæ nos infracta animi magnitudine per omnes tentationes dirigat.

4 *Non sedi.* Iterum proficitur se longè fuisse dissimilem hostibus suis. Nam semper antithesis notanda est, quòd pravi homines nocendo & lædendo, probitatis studium ei nunquam excusserint. Posset etiam hic versus cum superiore coniungi tanquam sententiæ complementum, quòd David confisus Dei gratia, se ab impostoribus subdukerit. Sedendi autem & *ingrediendi* verbis, consilii participatio & operum societas notatur: sicuti Psalmo primo dictum est. Negat enim David sibi cum vanis & fraudulentis hominibus fuisse quicquam commune. Et certè hoc optimum remedium est quod nos à con-

fessu impiorum reuocet atque arceat, si oculos in Dei bonitatem defigimus: sicuti nunquam ad eorum vasritiem accedet qui in Dei fide ambulabit, eius providentiæ omnes euentus committens. Quos priore membro dicit *homines vanitatis*, eisdem **וְהַמְלֵכִים** paulò post vocat: hoc est rectos & fallacis implicitos. Nam inde simulandi vanitas, quòd homines versuti aliud habent in animo reconditum, quàm lingua ostendant. Hoc verò nomen ab **וְהַמְלֵכִים** deduci absurdum est: nec ad rem pertinet eorum imposturas puerorum ludo conferri. Fateor quidem, quicumque fraudibus dediti sunt, subsanatores esse: sed quorsum tam coacta expositio, quàm palàm sit fontem monstrari vnde procedunt mendacia & fraudes? Ita scite fides quæ in Dei promissiones intèta est, flexuosis omnibus & pravis consiliis opponitur, quibus nos inuoluit incredulitas quoties Dei præsidio suum honorem non tribuimus. Docet enim suo exemplo David, minimè timendum esse, ne impiis in prædam nos exponat nostra simplicitas, vbi promittit Deus nos sub manu sua tutos fore. Sua quidem etiam filiis Dei prudentia est, sed quæ longè à carnis astutia differt. sic enim duce & rectore Spiritu insidias præcauent, ut tamen sibi ad nullam vasritiem habenas laxent.

5 *Odi cœtum transgressorum, & cum sceleratis non sedebo.*

6 *Lauabo in puritate manus meas, & circumdabo altare tuum Iehoua:*

7 *Ut audire faciam vocem laudis, & enarrem omnia mirabilia tua.*

5 *Odi cœtum.* Contestationem illā iterum repetit, quantopere scilicet ab impiis abhorreat. Prius negavit consuetudinem sibi cum illis fuisse: nunc aperius declarat, cum detestatione se fugisse illorum consortium. Id enim exprimitur Odii nomine. Verum quidem est passim odio haberi improbos, sed

quotusquisque se ab illis subducit, ne illorum mores imitetur? David vtrunque ponit, sibi fuisse exosos illorum cœtus, seque cum illis non communicasse. vnde apparet, non tam cum personis quàm cum vitiis ei fuisse bellum. Aliam quoque moderationem ponit, se ita fugere improbos, ut tamen eorum odio Ecclesiam

Ecclesiam Dei non deserat, neque se à societate Diuinitus mandata abdicet. In hac autem parte non leuiter à multis peccatur, qui dum vident malos bonis permixtos esse, pollui se cōtagione existimant, nisi protinus discessionem fecerint à toto grege. Iam olim Donatistas & antea etiam Catharos ac Nouati discipulos ad noxia dissidia impulit hæc morositas. & nostro seculo Anabaptistæ eodem fastu diuortium à sanctis Ecclesiis fecerunt, quia videbant nō purgatas esse omni forde, sicuti optandum fuerat. Imò quum Donatistæ pertinacius verbis insisterent, ridiculos se fecerunt in actione quadam. Indictus fuerat conuentus ad sedandas discordias. quum honoris causa sedere iussi essent à Tribuno, stare se dixerunt, quia nefas esset cum improbis sedere. tunc lepidè Augustinus excepit, Cur ergo ad nos intrare vobis religio non fuit? Vtrunque enim simul scriptum est, Ad malignos non ingrediar, & cum sceleratis non sedebo. Prudenter itaque Dauid zelum suum temperat, vt se ab impiis separans, non tamen desinat templum frequentare, quoad postulat Dei mādātum, & præscripta in Lege ratio. Certè dum cœtum improborum nominat, colligere licet, non exiguum fuisse eorum numerum, tūc igitur voluisse credibile est, quasi soli in populo Dei excellere, atque etiam dominarentur. hoc tamen non obstitit quominus Dauid ad sacrificia pro more accederet. Publicè quidem curandū est ne tali flagitio inquinetur Ecclesia: priuatim etiam pro se quisque eniti debet ne remissio & indulgentia vitiorum morbos foveat. Si quando tamen non viget ea seueritas, singulos fideles non impedit talis corruptio, quin piè & sanctè in Ecclesiæ societate maneant. Interea notādum quid Dauidem retinuerit, nempe sacrorum participatio.

6 *Lauabo in puritate.* Hic se in communi sacrorum vsu à sceleratis separat, qui eundem profitebantur Dei cultū, seque magna pompa primos ingerebant, ac si penes eos esset templi dominiū. Quum igitur hoc Dauid cum hypocritis haberet commune, quod simul templum ingrediebantur, & altare

circundarent: vt se probet verum Dei cultorem, non externis tantum cæmoniis se defungi testatur, sed sincera pietate ad Deum colendum se venire. Neque enim dubium est quin ad solennem ablutionis ritum alludat, qui sub Lege in vsu fuit. Sed quum hypocritæ vera puritate neglecta, tantum in aqua mūdiciem quærerent, hic crassa eorum superstitio perstringitur. volebat enim Deus symbolo illo homines suæ pollutionis admonitos ad pœnitentiam hortari. Adeo igitur externa lotio per se nihil profuit, vt hypocritas longius arceret à Dei accessu: ideo plus sordium & seditatis ab illis lauando contrahi arguit Propheta, vbi suam ablutionem in puritate fore pronūtiat וְקִיֵּן enim mūdiciem cuiuslibet rei significat, indeque ad innocentiam transfertur: ita inane studium quo se fatigant hypocritæ, videmus rideri, vbi eorum lotionibus detrahitur puritas. Nos verò exemplo Dauidis, vtcunque in Ecclesia emineant improbi, templaque occupent eorum turmæ, sic colamus externam professionem fidei, ne falsò obtendamus externa symbola, veræ pietatis loco: deinde vt ab omni scelerum macula puri & vacui simus. Quia populo Altare attingere non licebat, *Circundandi* verbo vsus est Dauid.

7 *Vt audire faciam.* His verbis ostendit sacrificia se in legitimum vsum ac finem referre, à quo hypocritæ procul absunt. Quosum enim pietatis exercitia instituerit Deus, minimè tenent, atque etiam parui pendunt: quia satis est simulationis pompam vel spectrum Deo obtrudere. Ergo Dauid spirituale cultum à luforio & ficto discernere volens, se ad celebrandum Dei nomen in templum venire affirmat. Est autem synecdoche in eius verbis, quia vnica tantum species attingitur. Sacrificiis enim non tantum mandata sunt gratiarum actio, sed etiam meditatio pœnitentiæ ac fidei. Sed quia vltimus finis est, vel saltem præcipuus respectus, vt cognitis Dei beneficiis celebretur eius bonitas, absurdum non fuit sub hac parte reliquas comprehendere. Sic etiam Psalmo 50. 14. omnibus externis cæimoniis opponitur vnicum



laudis sacrificium, ac si in eo posita esset pietatis summa. Item Psalmo 116. 12, Quid rependam Domino pro omnibus eius munerationibus? Calicem salutem accipiam, & nomen Iehoua inuocabo. Cæ-

terum quo melius illustret David raritatem Dei potentiam, eiusque beneficia splendor diducit extollat, utitur *mirabili* nomine: ac si diceret non vulgari modo se fuisse à Deo adiutum.

8 *Iehoua, dilexi habitaculum domus tua, & locum domicilij gloriae tuae.*

9 *Ne colligas cum impiis animam meam, & cum viris sanguinum vitam meam.*

10 *Quia in manibus eorum malitia, & dextera eorum plena est muneribus.*

11 *Ego autem in integritate mea ambulabo: redime me, & miserere mei.*

8 *Iehoua, dilexi.* Confirmat hoc versu se non defunctorie venire in templum, sed serio affectu. Nam profani homines, quanuis etiam ipsi ventitent ad sacros cœtus, latebras tamē hoc modo quærunt ad fugitandum Dei cōspectum: pii verò & integri homines non vanæ ostentationis causa frequentant tēplum, sed quia rectā aspirant ad quærendum Deum, libenter & cupide quæ illic offert Deus adiumenta, ad suū vsum accommodant. ac vtilitas ista desiderium & amorem in eorum cordibus accendit. Ostendit autem hæc contestatio, Dauidem, quamlibet alios fide præcelleret, veritum tamen fuisse ne vulgaribus istis rudimentis, quæ Deus Ecclesiæ suæ tradiderat, eum primaret tyrannica hostium violentia. Nam se communi disciplina & ordine opus habere vidēs, de retinenda templi possessione sollicitē cōtendit. Vnde colligimus quā prauum sit eorum fastidium qui tanquam superuacua contemnunt pietatis exercitia, quibus ne ipse quidem Dauid carere potuit. Fuit quidem alia eius temporis ratio, fateor, quum Lex adhuc instar prædagogi veterem populum seruiliter præ nobis regeret: hoc tamē nobis commune est, quod adminiculis opus habet fidei nostræ infirmitas. Quū verò in hūc vsum destinauerit nobis Deus tam Sacramenta, quā totum Ecclesiæ ordinem, vix eorum superbiæ qui securē trās uolant quæ videmus sanctis Dei seruis tanto in pretio fuisse. יְיָ Aliquidam

deducit ab oculo: atque ita Pulcritudinem vel aspectum vertunt: quod sequutus est Vetus interpres. Sed quia vbique ferè pro domicilio capitur, quod simplicius erat, retinere malui. Iam quod Sanctuarium domus Dei vocatur, & locus domicilij gloriæ eius, scimus quā frequenter in Scriptura occurrant huius generis locutiones, ad testandam Dei præsentiam: non quod Deus vel in tentorio habitaret, vel etiam animos suorum terrenis symbolis affixos tenere vellet: sed quia necesse fuit fideles de præsentia Dei virtute commonefieri, ne se putarent frustra eum quærere, sicut iam alibi dictum fuit. Cæterum, ut inter nos habitet Dei gloria, viam eius imaginem in Verbo & Sacramentis lucere oportet. Vnde sequitur, quæcunque cēsentur templa in Papatu, scæda potius esse Satanae prostibula.

9 *Ne colligas.* Postquam de sua innocentia testatus est, ad precationem redit, Deum vindicem implorans. Videri quidem primo intuiui posset absurda precatio, ne Deus iustum eodem exitio cum sceleratis inuoluat: sed Deus pro paterna indulgentia tam liberis expostulationes suis permittit, ut precando suas ipsi anxietates corrigant. Dauid enim hoc votum concipiens, sibi ante oculos posuit iustum Dei iudicium, ut solitudine ac metu se eximeret: quia à Deo nihil magis alienum sit, quam promiscuè bonos reprobis miscere. Nam quum אֲדָמָה Hebrais nunc colligere

ligere nunc perdere significet, hoc loco positum esse interpretor pro Congerere in acervum, sicuti in confusa strage fieri solet. Talis fuit Abraham obiectio Gen. cap. 18. vers. 25, Absit à te, vt iustum interficias cum impio, sitque eadem conditio iusti & impii. Sciamus ergo dictari à Spiritu sancto has precandi formas, vt certò persuasi sint fideles Deum nunc de cuiusque causa cognoscere, vt tandem æquum iudicium proferat. Pro<sup>o</sup> Sceleratis ponit Sanguinarios in secundo membro, amplificans quod dixerat. Etsi enim non statim ad cædes vsque prorumpunt multi improbi, se tamen temporis successu ad scitiam obdurant. nec verò Satan quiescere eos finit, quousque in cruenta facinora præcipitet.

10 *Quia in manibus eorum.* מַחֲשָׁבֹת  
Hebræis propriè interior dolus est ac machinatio. Sed hic non ineptè ad manus transfertur: quia exprimere voluit David, impios, de quibus loquitur, non modò secum tacitè fraudes agitare, sed etiam manibus strenuè exequi quicquid malitiæ in animis concipiunt. Jam quum *dextræ eorum* dicit *plenas esse muneribus*, hinc colligere licet non quolibet è medio vulgo homines sed Proceres ipsos notari, in quos hoc genus corruptelæ competit. Nam etsi mercede conduci possunt gregarii & sordidi homines, scimus tamen munera iudicibus & aliis Proceribus, penes quos est potestas, offerri. Scimus etiam tunc

pejssimos homines rerum potitos esse: ideòque non esse mirū si queratur David ius fuisse expositum nundinationi. Monemur autè hoc verbo fieri aliter nò posse quin se ad iniquitatem prostituat qui muneribus delectantur. Nec certè frustra pronuntiat Deus excæcari donis oculos prudentum, & perueriti iustorum corda.

11 *Ego autem in integritate mea.* In hac repetitione notanda est circumstantia, quæ Davidis iustitiam melius illustrat: quia scilicet inter tot tentationes constanter in via perrexit. Videbat plurimos muneribus repèditefcere, vt hodie quicunque gubernacula tenent, breui tēporis spatio accumulante magnam vim opum, extruunt sumptuosà palatia, prædia longè latèque extendunt: quòd nullis illecebris ad æmulationem flexus fuit, documentam exhibuit raræ & heroicæ virtutis. Meritò igitur se affirmat quanuis illos mundus beatos duceret, non fuisse à solita integritate abductū: vt inde pateat plus tribuisse providentiæ Dei quàm malis artibus. ideo se redimi postulat, quia scilicet iniuriis oppressus, variisque modis tentatus, ab vno tamen Deo pependit, cum redemptionem sperans. Vnde etiam colligimus, duris angustiis tunc fuisse constrictū. Porro hanc redemptionem ex Dei gratia tanquam ex proprio fonte deducit. causam verò effectui suo subiici prius vidimus.

12 *Pes meus stetit in rectitudine, in cætibus benedicam te Iehoua.*

Duobus modis exponi potest hic versus. Putant enim quidam Davidem his verbis asserere quam inter homines æquitatem coluerat: sed mihi magis placeat, celebrari Dei gratiā simulque gratitudinem promittit. Metaphoricè ergo dicit se fuisse seruatum incolumem. Quia verò sciebat se nonnisi Dei manu

suffultum stetisse, ideo ad laudem & gratiarum actionem se accingit. Nec verò tantum dicit se priuatim fore beneficii memorem, sed publicos etiam conuentus testes fore, quia ad exemplum interest, quam quisque expertus est Dei gratiam, palam celebrari.

#### ARGVMENTVM PSALMI XXVII.

Hoc Psalmo vota & meditationes recitat David, quibus se inter magna discriminà exercuerat. Nam gratiarum actio quam admiscet, compositum fuisse ostendit postquàm liberatus fuerat David. Et fieri potest vt quas diuersis meditationibus preces coneeperat, simul commemoraret. Videre quidem hic licet, quàm inuicta animi magnitudine sanctus vir

*praditus fuerit, ad superandos gravissimos hostium insulsi. Mira etiam eius pietas in hoc relucet, quod neque optavit in alium finem vivere, quam ut Deum coleret: neque ulla anxietate vel cura ab hoc proposito deflecti potuit.*

*Psalms XXVII.*

**D***avidis. Iehoua lux mea & salus mea, à quo timebo?*  
*Iehoua fortitudo vita mea, à quo trepidabo?*

2 *Quum appropinquarent ad me maligni ad vorandam carnem meam, oppressores mei & hostes mei in me, corruerunt, & ceciderunt.*

3 *Si consistant aduersum me castra non timebit cor meum: si consurget in me praelium, in hoc ego confidam,*

1 *Iehoua lux mea.* Sic quidem accipi potest hoc initium, ut David iam Dei misericordiam expertus, testimonium gratitudinis suæ edat. Sed ego in diuersam potius sententiam inclino, quod propositum sibi cum grauissimis tentationibus certamen videns, se præmuniat ac fiduciæ materiam colligat: si cui necesse est Sanctos acriter secū luctari, ut dubitationibus ad quas nimis propensa est caro, repulsis aut subactis, alacres & expediti ad orandum properent. David ergo variis agitatus procelis, tandem seipsum colligit, & victricē aduersus curas quibus astuauerat, vocē emittit, Deo propitiō & fauente nihil esse metuendum. Huc etiam spectat verborum congeries, quod Deum non modo lucem suam nominat, sed salutem quoque & vitæ suæ rupem vel robur. Nam hunc quasi triplicē clypeum variis terroribus opponere voluit, qui ad eos excipiendos sufficeret. Lucis autem nomine iucunditatem & beatæ vitæ summam notari, satis tritum est. Expositionis causa adiungit salutem esse ac robur vitæ: quia scilicet Dei ope tutus sit, & immunis seruetur à mortis tenebris, inde certè metus omnes oriri deprehendemus, quod nimis chara sit nobis vita: eius verò non agnoscimus Deum custodem. Itaque nulla erit animis tranquillitas, donec persuasi erimus vitam nostram probe munitam esse, quia eam Dominus manu virtutēque sua tuetur. Interrogatio autem ostendit quantum Dei præsidio tribuat David, quum securè cunctis hostibus & noxiis insultat. Et certè non aliter Deo iustus defertur

honor, nisi dum eius ope freti, de certa salute gloriari audemus. Itaque David quasi in trutina appendens quicquid potentia est in mundo & inferis, totū hoc pluma leuius esse ducit, quā vnus Deus longè præponderet. Discamus ergo tanti facere Dei virtutem ad nos seruandos, ut ad profligandos omnes metus præualeant: non quod in hac carnis infirmitate à maiore semper intacta sint fidelium mentes, sed quia statim recepto vigore, ex alta fiduciæ arce pericula omnia despiciamus. Ideo trepidant qui nunquam gustarunt Dei gratiam, quia recumbere in ipsum nequeunt, quem sibi sæpe insensum concipiunt, vel saltem à se procul remotum. Verū vbi nobis ante oculos versantur Dei promissiones, eiusque gratiam offerunt, atrocem ei iniuriam facit nostra incredulitas, nisi imperterrito animo eum omnibus nostris hostibus audemus opponere. Quum ergo blandē nos ad se Deus inuitet, ac salutis nostræ fore præsidem asserat, vbi eius promissiones amplexi sumus (quia persuasi sumus eum esse veracem) simul eius potentiam in sublime extollere conuenit, ut animos nostros in sui admirationem rapiat. Tenenda enim est ista comparatio, Quid ad Deum omnes creaturæ? Porro hanc fiduciam longius extendere conuenit, ut omnes conscientie formidines discutiatur: sicuti Paulus de æterna salute differens, libere exclamat, Si Deus pro nobis, quis contra nos? Rom. 8.31.

2 *Quum appropinquarent.* Cur hæc sententia reddatur in futuro tempore, sicuti faciūt nonnulli Interpretes, nul-



la est ratio. Cæterû, vt retineamus præteritum tempus quo vsus est Propheeta, duplex tamen adhuc sensus esse potest: vel vt Dauid celebret quam Dei beneficio adeptus erat victoriam: vel referat qualiter se ad bene sperandum animauerit in ipsa tentatione, priora scilicet Dei beneficia secum reputando: quæ posterior expositio magis aridet. Summa autem huc redit, non esse cur dubitet in posterum Dauid de auxilio Dei, quod antè expertus fuerat, quia ad fidei confirmationem nihil magis valet, quàm earum rerum recordatio, in quibus Deus clarû tam gratiæ quàm veritatis & potentiæ specimen nobis edidit. Itaque hunc versum & proximè sequentē simul connecto. In hoc enim priore Dauid in memoriâ sibi reducit quas antè sub Dei auspiciis victorias tulerat. Inde verò concludit, quibus-  
cunque obsessus fuerit copiis, & quicquid machinentur hostes, se intrepidè staturum. **2177** appropinquare significat: sed hic refertur ad irruptionem quam fecerunt hostes Dauidis, quum eum vrgerent. Quòd alii Pugnare vertunt, frigidum est. Vocat autem eos peruersos vel malignos, testandæ suæ innocentiae causa. Immanem verò trucu-

lentiam exprimit, eos ad vorandam carnem suam instituisse, referens.

3 *Si consistent aduersum me.* Infert (sicut dixi) ex sua experientia, quicquid acciderit aduersi, bene sperandû esse nec de potentia Dei iam vsu perspecta dubitandum. Id quidem primo versu testatus erat, sed probatione interposita, iterum repetit. *Casitorum & Exercitus* nomine complectitur Propheeta quicquid formidabile est in mundo, ac si diceret. Quauis conspirent cuncti mortales in suam perniciem, se eorum vires paruipendere: quia superior sit Dei virtus quam ipse a sua parte stare nouit. Porro se pronuntians securum fore, nõ prorsus à metu se eximit: (quod magis stupori tribuendum esset, quàm virtuti) sed opponit fidei clypeum, ne obiectis terroribus cor suum succubat. Particulam, *In hoc*, quidam trahunt ad sequentem versum, quòd se habitaturum in domo Dei confidat. sed potius ex superiori doctrina pendet. Tunc enim fructum suum opportuno tempore fides profert, quum in mediis periculis fortes & intrepidi stamus. Intelligit ergo Dauid, quia Dei præsidio innititur vbi ad rem ventum fuerit, spem suam inuictam fore.

4 *Vnum petii à Iehoua, hoc persequar, vt inhabitem in domo Iehoua cunctis diebus vite mee, ad conspiciendam pulchritudinem Iehoua, visitandum templum eius.*

5 *Quia abscondet me in tugurio in die mali, occultabit me in secreto tentorii sui, in rupe exaltabit me.*

6 *Et nunc exaltabit caput meum super inimicos meos qui me obsident, & sacrificabo in tentorio eius sacrificia iubili, cantabo & psallam Iehoua,*

4 *Vnum petii.* Quidam hoc ad vaticinium referunt de perpetuo regni statu, in quo non priuata modò Dauidis ipsius, sed totius populi felicitas sita erat: ac si diceret, se tam singulari gratiæ testimonio cõtentum, nihil aliud dies & noctes cogitasse. Mihi tamè simplicior videtur esse sensus, Quum patria extorris, vxore spoliatus, cognatis orbat, cunctis denique opibus priuatus fo-

ret: se tamen horum desiderio non ita fuisse anxium, præut ipsam vrebatur ac cruciabat hæc molestia, quòd exularet à Sanctuario Dei, & sacrorum vsu careret. Subest igitur in voce *Vnum*, tacita antithesis, quia commodis omnibus posthabitis, intentus fuit Dauid ad cultum Dei, vt minus acerbum esset, domus suæ accessu, quàm Sanctuarii prohiberi. Vno igitur contextu hæc legenda

sunt, vnicè Dauidem optasse vt habitaret in templo Domini. Neque enim probabile est, obscurum aliquod votum notari quod supprimat, quum aperte clamet qua maximè cura angeretur. Constantiam deinde propositi adiungit, quòd non desinet has preces iterare: multos enim videmus magno impetu incitari, in quibus non modò successu temporis languescit ardor, sed momento ferè extinguitur. Ergo in hoc voto se tota vita perseveraturum affirmans, hac nota ab hypocritis se discernit. Videndum tamen est quanam ratio tantopere Dauidem stimulauerit: poterat certe extra templum Deum inuocare: quocunque etiam protugus migraret, secum ferebat eximià Dei promissionem, vt externi ædificii conspectum morari non debuerit. videtur etià nescio quid crassum imaginari de ipso Deo, ac si eum ligno & lapidib<sup>9</sup> alligeret. Verùm si prudenter expendimus verba, colligere pròptum erit, aliò ipsum spectasse, quàm ad præclare structuræ & quamlibet pretiosi ornatus còspectu. Loquitur quidem de templi pulchritudine, sed eam non tam in oculari specie locat, quàm in typo celesti, qui Mosi fuit propositus, vt habetur Exo. 25. 40. Vide vt omnia facias iuxta exemplar quod tibi in monte ostensum fuit. Quia igitur non ad hominis arbitrium composita fuit templi forma, sed rerum spiritalium imago fuit, ad hunc finem oculos suos omnesque sèsus direxit Propheta. Quo magis detestabilis est eorū vrsania qui locum hunc ad picturas & idola detorquent, quæ adeò inter templorum decora numerari nò mereantur, vt potius stercorea sint & spurcicia quæ totam sacrorum puritatem inquinant. Videndum nunc an similiter affecti esse debeant fideles sub Christo. Etsi autem fateor longè nos à Patribus differre, quatenus tamen suos adhuc sub externo aliquo ordine Deus continet, terrenisque rudimentis ad se deducit, manere adhuc templis suum decorem, qui affectus votæque fidelium meritò ad se rapere debeat. Nā Verbum, Sacramenta, preces publicæ, aliq<sup>3</sup> huius generis adminicula reiici nequeunt absque imigio Dei contemptu, qui illis velut in

speculo vel imagine se nobis repræsentat.

5 *Quia abscondet me.* Hc sibi ipse promittit non fore irritam suam precationem. Quauis enim ad tempus visibili Sanctuario careat, non tamen dubitat, vbiunque sit, Dei manu se potestum iri. Alludit autem ad templum quod fidelibus symbolum erat præsentiæ Dei: ac si diceret, In concipiendo voto quod retulit, se minimè luisse operam: quia quisquis Deum verè & sincero animo queret, tutus latebit sub vmbra præsidiij eius. Ita non inanem templi figuram esse testatur: quia illic alas suas quodammodo expandit Deus, vt fideles sub tutelam suam colligat. Vnde concludit, quia nihil magis in votis habet, quàm sub istas alas confugere, temporibus aduersis paratum sibi fore asylum in protectione Dei, quod *Rupis* similitudine inexpugnabile esse dicit. solebant enim arces olim munitionis causa in locis excelsis extrui. Quanquam autem nunc vndique cingatur ab hostibus, se tamen superiorem fore gloriatur. Loquitur quidè trita est in Scripturis, qui morore oppressi sunt, curuos incedere ac demisso vultu: contra autem reddita lætitia, caput attollere. Sic. Psalmo 3. 4. loquutus est Dauid, Tu Domine exaltas caput meū. Sed quia hic obsidio ab altera parte ponitur, exprimere voluit se in illo Dei receptu sublimè fore, vt securè tela hostium despiciat, quibus aliqui fuisset confosus. Quòd verò in tales angustias reductus, quæ propinquam mortem minirabantur, se victorem fore confidit, insigne fidei suæ specimen præbet: quo docemur non metiri Dei auxilium externa specie, vel externo modo: sed media quoque in morte salutem sperare ex victrici eius manu.

6 *Et sacrificabo in interiorio.* Votum gratiarum actionis nuncupans, postquam ex discrimine ereptus fuerit, se iterum in spe liberationis confirmat. Scimus fideles solèni ritu, vbi aliquod memorabile Dei beneficium experti erant vota soluisse sub Lege. Hic ergo Dauid in suo exilio vbi prohibebatur à templi accessu, se iterum ad Altare venturum gloriatur, vt Deo laudem sacrificet. Videtur tamen sacram inubilatio-

nem & cantica quibus se Deo gratias agiturum proficitur, tacite opponere profanis mundi triumphis,

7 *Audi Iehoua vocem meam qua clamo, miserere mei, & responde mihi.*

8 *Tibi dixit cor meum, Quarite faciem meam-faciem tuam Iehoua quaram.*

9 *Ne abscondas faciem tuam à me, ne abiicias in ira seruum tuum: fortitudo mea fuisti, ne deseras me, & non derelinquas me Deus salutis mee.*

7 *Audi Iehoua.* Iterum ad preces reuertitur. Recitat autem quibus armis instructus fuerit ad eluctandas tentationes. *Clamandi* verbo vehementiam notat (vt alibi diximus) quo Deum ad opem ferendam citius flectat. Eodem etià sine paulò post commemorat suam miseriam: quia quo magis premuntur fidei, ipsa necessitas Dei gratiam conciliat.

8 *Tibi dixi cor.* Fecit personæ mutatione in verbis, vt locum hunc variè exponerent Interpretes. Verùm quisquis propius expendet mentem Dauidis, videbit contextum optimè fluere. Quia enim nostrum non est temere irrumpere ad Deum, nisi prior ipse nos inuiter, iniriò refert Dauid se fuisse meditatum quàm comiter & blandè suus Deus præueniat, dū ad faciem suam querendam vltro hortatur. postea asserit, se alacritate concepta, venturum quò Deus vocat. In dictione *h* ambiguum potest esse sensus, tantundem Hebræis valet ac Latinis, Tibi. Sed quia li-tera seruilis *h* non rarò pro De sumitur, non malè vertetur, De te dixit 'cor meum: in quam partē maior pars Interpretum inclinat. Mihi tamea (vt ingenuè loquar) magis probatur, notari tuum Prophetæ cum Deo colloquium. Dixi nuper fieri non posse vt quisquam fide assurgat ad Deum querendum, donec eius inuitatione patefactus fuerit aditus: quem admodum etiam alibi ostēdit Prophetæ testimonio, Dicam illis, Vos populus meus: & illi vicissim mihi, Tu Deus noster, Zach. 13. 9. Iam ergo Dauid se hac clauē ianuam sibi ad Deū querendum fuisse apertam dicit: quia

veluti Deo succinens, promissionem hanc in medium attulerit. & certè: nisi hac præeunte symphonia, nemo inuocationis chorum ducet. Simul ergo ac Deū se liberaliter nobis offerre audimus, prompto animo respondeamus, Amen: eiusque promissiones non secus reputemus nobiscum, acsi familiaris cum eo nobis sermo esset. Ita nihil opus est anxium artificium & lōgas ambages querere, quibus se fideles in Dei gratiam insinuent: quando hæc præfatio facilem illis viam sternit, Quantumuis indignissimus quos excipias Domine, mandatum tamen tuum quo accedere nos iubet, satis animi nobis facit. Vox ergo Dei in animis nostris, non secus atque echo in concauis locis, resonare debet, vt ex mutuo concentu emergat inuocationis fiducia, *Faciem* pro auxilio vulgò exponūt: acsi dictum esset, *Querite me.* Sed non dubito quin Dauid hīc quoque ad Sanctuarium alludens, manifestatū nis modum intelligat, quo se Deus aliquatenus visibilem reddebat. Quanquā enim de eo nihil crassum vel carnale imaginari fas est: quia tamen Arcam fœderis præsentia suæ tessellam esse voluit, nō absurdè passim vocatur eius facies. Verum quidem est peregrinari nos à Deo quandiu in mundo degimus, quia remota est fides ab aspectu: sed æquè verum est, in speculo & ænigmate Deū à nobis cerni, donec vltimo die palam se nobis exhibeat. Quare non dubito sub hac voce notari adminicula quibus Deus nos ad se attollit, ex sua immensa gloria ad nos descendens, atque in terra nobis proponens imaginem celestis suæ gloriæ. Ceterum quia in vnius Dei ar-



bitrio est, se nobis conspiciendum præbere (quod facit in Verbo & Sacramentis) in hoc intuitu retineri oculos nostros decet: ne idem nobis contingat quod Papistis, qui Deum erraticis suis figmentis impiè transformant, dum ei pro libidine affingunt quascunque in suo cerebro pinxerunt imagines.

9 *Ne abscondas faciem.* Eleganter cōtinuat eādē loquēdi formā, licet diuerso sensu. Facies enim Dei ad sensibīle gratiæ eius & fauoris effectū hic trāsfertur, ac si dictum esset, Fac Domine ut re ipsa experiar te mihi fuisse propinquum tuāque virtutem in salute mea palām contempler. Tenenda enim est anagoge à verbo Dei ad experimentalem (vt loquuntur) gratiæ notitiā: quia vt Deus se nobis actu (vt vulgò dicunt) præsentem exhibeat, antè in verbo quærendus est. Quod sequitur *Ne abicias in ira seruum tuum*, quidam Hebræi interpretes paulò coactius exponunt, ne seruū tuum occupari sinas in prauis mundicijs,

quæ nihil sunt quàm ira & furor. Ego autem verbum *WJ* pro Auerfari, vel remouere, libenter accipio, sicuti etiam multi vertunt. Probabilior est eorum sententia qui dicunt, Ne declinare ad iram facias seruū tuum: quia fieri non potest quin vbi à Deo ad extremum vsque quispiam deseritur, tumultuose fremat, seque indignationis feruore præcipitet. Si quis Dauidem huic tentationi putet nunc obuiam ire, non repugno. merito enim sibi ab impatientia timuit, quæ nos labefactat & deiecit è gradu. Ego tamen primam expositionem retineo, quam & duo verba quæ postea sequuntur, confirmant, atque ita in Ira nomine tacita erit peccati confessio: quia Dauid licet agnoscat iure se à Deo posse deiici, iram eius deprecatur. Iam priora Dei beneficia in memoriam reuocando, sese ad spem impetrandi animat: & hoc argumento Deum ad opem suam continuandam inducit, ne mutilum opus suum deserat.

10 *Quando pater meus & mater mea deseruerint me, Iehoua colliget me.*

11 *Docce me Iehoua viam tuam, & deduc me per semitam rectitudinis, propter aduersarios meos.*

12 *Ne tradas me desiderio oppressorum meorum, quia surrexerunt in me testes mendaces, & profrens violentiam.*

10 *Quando pater, &c.* Quia ex Sacra historia patet, Isai, quatenus facultas tulit, filio suo Dauidi quod debebat officium præstitisse: allegoricè quidam hic procures & consiliarios notari putāt: quod nullo modo conuenit. Et verò in hoc scrupulo frustra insistant: quia hic nō conqueritur Dauid se in humaniter à patre vel matre fuisse proditum: sed hac comparatione magis amplificat Dei gratiam, quòd semper sibi paratam sentiet, quanuis omni hominum auxilio destitui contingat. Etsi enim particula *WJ* apud Hebræos vt plurimum est casualis, saepe tamen pro aduerbio temporis poni notum est. Voluit igitur exprimere Dauid quicquid beneuolentiæ, amoris, studii, curæ, officii inter homines inueniri potest, longè inferius esse paterne Dei misericordias, quæ suos com-

plebitur. Summus certe hominum amor in parentibus residet, qui non minus tenero affectu liberos quàm propria viscera diligunt. Atqui Deus nos altius euellit, pronuntians per Iesaiam, Etiam si mater obliuiscatur fœtus suū, semper nostri se fore memorem, Iesai. 49. 15. In hoc gradu eum collocat Dauid, vt ipse qui fons est omnis bonitatis, longè supra cū ceteros mortales emineat, qui natura maligni sunt ac restricti. Defectiua autem oratio est, qualis illa Iesaiæ 63. 16, Abraham nesciuit nos, nec Israel nos agnouit, tu tamen pater noster es. Summa huc tendit, Quanuis naturaliter propensi sint terreni parentes ad prolem suam iuuandam, imò ardentius eius fouendæ curam suscipiant: tamen vbi extincta fuerit omnis in mundo pietas, Deum erga suos fideles patris simul &

matris officio functurum. Vnde sequitur, perperam à nobis aestimari Dei gratiam, nisi omnes carnis sensus fides nostra superet. centies enim contingeret euertere naturæ ordinem potius quam ut Deus suis desit.

11 *Doce me viam tuam.* Putant multi Dauidem hic à Deo postulare ut eius Spiritu regatur, ne cum hostibus improbè & sceleratè agendo certeret: quæ doctrina perutilis est, sed præsentì loco quadrare non videtur. Simplicius est (meo iudicio) Dauidem cupere manum sibi Diuinitus porrigi, tutòque de duci ad felicem exitum, quo hostium insidias & vim euadat. Viæ enim rectitudinem difficultatibus, obstaculis, salebris, & præcipitiis opponit: quibus superandis impar erat, nisi ducis partes ad eum regendum Deus susciperet. Cæterum quisquis ita se Deo committere cupiet, primum ab astutia & malis artibus absterneat necesse est. Neque enim sperandum vt obliquis & prauis consiliis Deus benedicat, qui non nisi simplicibus, & qui se in eius fidem conferunt, optabilem euentum promittit.

12 *Ne tradas me desiderio oppresso.* Nomen *וְחֵלֶד*, id est animæ suæ desiderii tantundem valet ac si dixisset, Ne

me permittas arbitrio vel libidini hostium, atque ita significat, cupidè inhære ad se perdendum. Duobus enim modis suos Deus eripit, vel impiorum sauitiam placando, vt mansuescant: vel vbi furore ardere sinit, manus eorum & violentiam compescendo, vt frustra nocere cupiant ac conentur. Adiungit deinde, tam calumniis falsisque delationibus, quam vi aperta se oppugnari. Proferre enim violentiam eos dicit qui præter arma & cædes nihil iactant. Ita videmus sanctum virum vndique fuisse misère oppressum. Neque enim eius integritas, quam scimus fuisse singularem, eum à virulentis calumniis eximere potuit, interim ab altera parte viribus & potentia obruebatur. Quare si quando impii in nos non tantum minaciter & crudeli impetu surgant, sed etiam mendacii infament, vt videantur iure nobis infesti: veniat nobis in memoriam Dauidis exemplum, qui utroque modo impetitus fuit. imò succurrat, Christum Dei filium non minus iniuriæ à linguis mendacibus, quam à gladiis passum esse. Cæterum in solatium nobis dictata fuit hæc precatio, vt Deus innocentiam nostram asserat, & defensionis suæ clypeum opponat hostium truculentia.

13 *Nisi credidissem videre bonum Iehouæ in terra uiuentium.*

14 *Expecta Iehouam, roborare, & confortabit cor tuum, & expecta Iehouam.*

13 *Nisi credidissem.* Satis conuenit inter Interpretes orationem esse defectiuam. Quædã tamen particulã *אֲנִי* affirmandi causã positam esse putant, ac si species esset iurisiurandi, sicuti Hebrais tritum est elipticè iurare. abrupto enim verborum contextu imprecationem subaudiunt, vel periurii pœnam. Plures tamen in diuersam sententiam descendunt, quòd Dauid sola fide se fuisse suffultum dicat: quia aliqui centies periisset. Hunc igitur sensum eliciunt, Nisi Dei promissione subnixus, certò statuissem me incolumem seruatum iri, stetitissimè in hac fide: extinctus eram, nec apparebat ullum remedium. Quòd nonnulli terram viuorum ad ex-

lestem hæreditatem referunt, coactum est, atque etiam ab vsu Scripturæ dissidet. Nam quum Ezechias conqueritur in suo Cantico, Isa. 38. 11, spem sibi fuisse ablatam videndi Dei in terra viuorum præsentem vitam haud dubiè designat, quia mox sequitur: Non aspiciam hominem ultra cum habitatoribus orbis. & similis loquendi forma alio loco nobis occurret. Credidit autem Dauid se adhuc fruturum bonitate Dei in hoc mundo, quia omni gratiæ eius gustu ad tempus priuatus, nullam lucis scintillam aspicere poterat. Ergo ex mortis caligine sibi gratiæ Dei aspectum promisit, & hæc fide sustinuit suam vitam, quanuis secundum carnis

sentum deplorata esset ac perdita. Notandum tamē est, Dauidem non temere progressum esse vltra quam pollicitus esset Deus. Tamen si enim pietas promissiones habet non tantum futuræ vitæ, sed etiam præsentis, Dauid tamen nunquam hæc hypotesin sumere ausus esset, nisi speciali aliquo oraculo instructus. & certe promissus erat ei successor qui sæper in solio eius sederet. Merito itaque se nunquam moriturum sperauit, nisi hoc completo. Quare nequis præposita exempli eius imitatione, fidei metas transiliat, tenere cōuenit quid ipse proprium & à nobis separatam habuerit. In genere tamen nos omnes sperare oportet, quanuis non apertè nos liberet Deus, & fauorem suum visibili modo declaret, propitium tamen in hac quoque vita semper nobis fore.

15 *Expecta Iehouam.* Dubitari potest an à seipso Dauid sermonem ad alios conuertat, suoque exemplo eos hortetur ad fortitudinem & patientiam constantiam, sicut in fine Psalmi 31. 19. postquam de se priuatim loquutus est, transitum facit ad omnes pios. Sed quia hæc in singulari numero loquitur, nec vllā notam apponit vnde colligere liceat sermonem ad alios dirigere, mihi probabile est, eum sibi ipsi addere stimulos ad fiduciam, ne vñquam animo labascar, quia enim sibi infirmitatis erat cōscius, salutem verò suam nouerat, sub fidei custodia seruata esse, opportune se in futurum tempus confirmat. Porro sub verbo Expectandi se admonet de nouis exercitiis, crucemque sibi tolerandam pro-

ponit. Tūc enim Deum expectare dicimur, vbi subducta gratia sua languere nos sub ærumnis patitur. Dauid ergo vno certamine defunctus, ad alia obeunda se de integro comparat. Quia autem nihil magis difficile est quam tribuere Deo hunc honorem, vt ab eo pendeamus quum se procul occultat, vel auxilium suum differt: ideo se Dauid ad robur colligendum incitat, ac si diceret, Si tibi obrepit trepidatio, si fidem tuam tentatio concutit, si carnis tuæ sensus fluctuat, ne succumbas: sed potius enitere in fatigabili animi virtute. Caterum hinc discimus non contumacia fortes esse Dei filios, sed patientia vbi Deo suas animas placidè commendant: sicut dicit Iesaias 30. 15. In spe & silentio erit fortitudo vestra. Iam quia ad tam arduos conatus sufficere nō poterat Dauid, robur sibi à Deo precarium accersit. Si tantum dixisset, Viriliter age, visus esset in medium proferre liberi arbitrii sui motus. sed quum mox vice correctionis subiicit, Deum præsto adfore, qui robur suppeditet: satis clarè ostendit, quum strenuè laborant Sancti, aliena virtute pugnare. Neque enim, vt fingunt Papistæ, in primam aciem conatum suum emittit Dauid, postea Dei suppetias aduocat: sed vbi se ad officium hortatus est, quia viribus se destitui agnoscit, de festus remedium quær it in Spiritus gratia. Iam quia tota vita sciebat militandum esse, ac subinde emergere nouos conflictus, & sæpe in lōgum tempus extrahi Sæctorum molestias, iterum repetit quod dixerat de expectando Deo.

## ARGVMENTVM PSALMI XXVIII.

Dauid postquam ope Domini ex ingentibus periculis ereptus fuerat, suo more primū quā inter angustias, conceperat vota: deinde gratulationem & Dei laudes conscripsit, vt alios suo exemplo ad idem agendum adduceret. Probabile autem est de Sanctis persecutionibus sic exaltari.  
Psalmus. XXVIII.

**D**Auidis. *Ad te Iehoua clamabo. fortitudo mea, ne taceas à me: fortè sileas à me, tunc assimilabor descendentibus in sepulchrum.*

2 *Audi vocem precationum mearum dum clamo ad te, dum tollo manus meas ad Sacrarium sanctitatis tue.*



1 *Ad te Iehoua, &c.* Præfatur sibi receptum esse ad vniuersam Dei opem, quod tam de fide sua quam de bona conscientia testetur. Et si enim multis passim miseris laborant homines, vix tamē centesimus quisque ad Deum confugit: sed maior pars vel frænum contumaciter arrodit, vel in aerem spargit inanes vultus, vel desperatione victa, malis succumbit: quia & omnes vestri sibi male consci sunt, neque vnquam gustarunt quid valeat Dei gratia, vt in eam respiciant. Deum robur suum vocando, melius confirmat, non modò in vmbra & quiete se persuasum fuisse de auxilio Dei, sed eandem fidem in vltimis tentationibus adhuc fouere. Postea adiungit quanta necessitas vrgeat, mortuis se comparans: quanquam non modò exprimere voluit periculi magnitudinem, sed etiam simul professus est, quò salute indigeat, se non huc & illuc circumspicere: sed ita pèdere ab vno Deo, vt extra eius gratiâ nullas spes sibi residuas faciat. Perinde enim est ac si dixisset, Nullus sum si à me discesseris: nisi tu vnus succurras, perii. Neque enim sufficeret, eum qui miserè affligitur, suas misérias sentire, nisi inopiâ suâ conuietus, ac diffusus mundi præsiidiis, ad Deum vnus se colligeret. Sicut autem Scriptura Deum respondere dicit fidelibus, dum re ipsa ostendit eorum vota sibi curâ fuisse: ita sensibili ac præsentis eius auxilio opponitur Silenti verbum, vbi se preces audire dissimulat.

2 *Audi vocem precationum.* Repetitio hæc, anxietatis signum est. Precandi etiam ardor & vehementia ex vocis nomine & clamandi verbo colligitur. Significat enim se cura & metu perculsum, non frigide præcatum esse, sed

flagrasse ingenti desiderio: vt qui doloris impetu compulsi clamorem attolunt. Secundo membro per synecdochè signo res notatur. Trita omnibus secus fuit cæremonia, vt homines precandi causa manus sursum leuaret. Gestum huc profanis quoque & idololatris extorsit natura, vt visibili signo ad Deum vnum sensus suos dirigerent. Certum quidem est, maiorem partem, vbi cæremonia hac defungitur, in figmentis suis euanescente: sed tamen ipsa manuum leuatio, vbi abest hypocrisis & fallacia, pia & veræ precationis est appendix. Non tamen Dauid hic se in celum dicere manus tollere, sed ad Sanctuarium, vt scilicet illo subsidio adiutus, in celum vsque facilius conscenderet. Neque enim tam crassus fuit, vel superstitiosè affixus externo Sanctuario, quin sciret Deum spiritualiter querendum esse: at tunc dum ad ipsum accedere homines, dum relicto mundo, fide in celestem gloriam penetrant. Nam quia fœderis Dei testera erat Sanctuariū, promissæ gratiæ præsentiam Dauid illic nò secus ac in speculo intuebatur. Sicuti nunc fideles vt Deum sibi propinquum esse statuunt, ad Christum rectè intendere conuenit, qui sub humili carnis habitu ad nos descendit, vt ad Patrem euehat. Sciamus ergo Dauidem non aliter in Sanctuario hæsisse, quam vt promissione Dei subnixus, mundi elementa transcederet, in quibus tamen se ex Legis præscripto exercuit. יְיָ interior locus est Tabernaculi, vel adytum in quo locata erat Arca fœderis. Sic autem vocatur à responsis vel oraculis, quæ Deus inde ad testandam populo gratiæ suæ præsentiam edebat.

3 *Ne trahas me cum impiis & cum operariis iniquitatis, qui pacem loquuntur cum proximis suis, quum in cordibus eorum sit malitia.*

4 *Da illis secundum opera ipsorum, & secundum malitiâ facinorum suorum: secundum opus manuum suarum da illis, repende mercedem illis.*

6 *Quia non animaduertunt ad opera Iehoua, & ad opus manuum eius, destruat eos, nec adificet eos.*

3 *Ne trahas me.* Summa est, Ne in causâ dissimili Deus iustum cū sceleratis promiscuè eodem exitio permisceat. Porro, nō dubium est quin hostes suos designans, suam integritatem obliquè asserat. Neque tamen in hūc modum precatus est, quasi Deum putaret nullo delectu habito, temere in homines scire, sed potius à natura Dei ratiocinatur sibi esse bene sperandū, quia proprium eius sit pios à reprobis discernere, ac singulis rependere iustam mercedem. Per *operarios iniquitatis* intelligit homines in totū sceleribus deditos, nam etsi interdum labantur filii Dei, vel aberrent, vel quouis modo delinquant: non tamen eos oblectant sua vitia: quin potius ad respiscētū eos sollicitat Dei timor. Postea eorū malitiam definit & amplificat, quod amicitia simulatione perfidè bonos circumueniant, aliudque lingua proferant, aliud occultum gerant in corde. Est autem tolerabilior aperta prauitas, quàm hæc vulpina astutia, quæ se ad nocendum blandè insinuat. Monemur autem hac sententia, Deo maximè esse detestabiles quicumque blanditiis, tanquā veneno, adoriuntur simplices & incautos.

4 *Da illis.* Postquam innocentia suæ rationem à Deo haberi petiit, cōtra hostes suos imprecatione fulminat. Cōgeries autem verborum ostendit, diu inultūque sub onere genuisse, antequam ad expetendam hanc vindictam prorumperet. Nam eos non semel, nec exiguo tempore, neque in vno genere peccasse significat, sed ed progressos esse continuis maleficiis, vt prorsus intolerabilis esset eorum audacia. Scimus autem quàm molesta & grauissimè tentatio sit, cernere impios absque modo & fine grassantes: perinde ac si conuiueat Deus ad eorum audaciam. Dauid ergo quasi diuturna tolerantia fessus, & sub mole fatiscens, postulat vt tandem compefeat Deus hostium lasciuia, qui pridè scelera sceleribus addere non cessabāt. Ita videmus in hoc versu nihil esse superuacuum, vbi *peribus* adiungit *facinorum molitiā*, & *pera manuum*: & quod meriti sunt, rependi tertio postulat. Adde, quod eadem opera fiduciam suam testatur: quam instantiam filiis Dei sæpe

exprimunt hypocritæ, dum suis cauillis mundi iudicia eludunt. Videmus enim vt improbissimus quisque sua impunitate non contentus, vltro in crimen vocet innoxios: & lupus (vt est in prouerbio) agnos de aqua turbata accuset. Dauidem igitur hæc necessitas ad implorandam Dei fidem compulit. Hic rursum de cupiditate vindictæ, perplexa oritur quæstio, quam tamen paucis expediam, quia alibi tractata fuit. Ac primò certum est, si nos ad vindictam expetendam caro incitat, affectū hunc coram Deo peruersum esse. Præterquā enim quod Deus hostibus malum imprecari, priuatæ iniuriæ respectu, quæque nostrum verat: fieri non potest quin affectus omnes qui ex odio nascuntur, sint turbulēti. Non est igitur quod Dauidis exemplum obtendant qui sua intemperie feruntur ad expetendā vindictam. Neque enim sanctus Propheta priuato dolore hic exandescit, vt hostes exitio deuoeat, sed deposito carnis affectu, de re ipsa iudicat. Quare vt impiis malè quis precetur, antè omnis perturbatio facessat necesse est. Deinde adhibenda est quoque prudentia, ne malorum quæ nos offendunt, indignitas ad inconsideratum zelum nos præcipitet: quod ipsis Christi discipulis accidit, dū igne caelesti absumi cupiunt qui Magistro hospitium negauerant, Luc. capit. 9. vers. 54. Atque hoc quidem se facere obtendunt Eliæ exemplo: Christus tamen eos seuerè increpans, nescire dicit quo spiritu agantur. In primis tenenda est communis regula, vt nobis totius generis humani salus cordi sit ac curæ: ita fiet vt non modò locum demus misericordiae Dei, sed etiam optemus reduci ad sanam mentem qui deuoto animo videntur in suam perniciem ruere. In summa, Dauid liber & vacuus omni præpostero impetu, præditus etiā Spiritu discretionis & iudicii, nō tam suam quàm Dei causam hic egit: & hac precatione se & alios fideles admonuit, impios, quauis ad tempus impunè protuleriant, venturos tandem ad caeleste tribunal.

5 *Quia non animaduertunt.* Hoc versu radicem impietatis detegit, improbos dicens ita esse audaces ad nocendum:

cendum: quia dum hominibus infestii sunt, nec ab ulla maleficii specie abstinere, non putant sibi cum Deo esse negotium. Etiam enim eos punit conscientia, se tamen blanditiis demulcent, tandemque contumacia ad stuporem obdurant. Ac primò quidem rebus prosperis ebrii, Deum sibi amicum esse fingunt: bonos verò qui multis ærumnis oppressi sunt, ab eo non curari: denique fortuito rotari mundum. ita sponte cæcutiunt in clara luce. Sic aduersarii Dauidis quum volentes ignorarent eum Diuinitus creatum esse Regem, animos ad eum persequendum sumpserunt. Quare de hac eorum crassa ignorantia cõqueritur: sicuti eã generaliter omnibus impiis exprobrat Iesaias 5.20. Hæc porro doctrina duplicem vsum continet, Quia non mediocre filii Dei solatium est, ita persuasos esse dum iniquè vexantur, Dei providentia vtiliter exerceri ad patientiam: & rebus in mûdo turbatis ac confusis, Deum sedere nihilominus in cælo moderatorem. Deinde ad subigendos carnis nostræ impetus aptissimum est hoc frænum, ne tanquam Andabataz in tenebris certemus, ac si Deus res humanas non respiceret. Quare sedulo reputare discamus quæcunque Deus exercet iudicia, quæ totidem sunt iustitiæ eius in regendo humano genere documenta. Quod si etiã omnia confu-

se misceri contingat, fidei oculos ad cõsideranda occulta Dei iudicia in cælum attollere conuenit. Sed quum Deus etiã in magna caligine nunquam desinat proferre quædam suæ providentiæ signa, inexcusabilis socordia est ad ea nõ attendere, quam prauitatem exaggerat Propheta, iterum repetens *Opus manuum Dei*. Innuit enim, reprobos secure peragendo, quicquid ad frãnandum eorum furorem operum Dei occurrit, calcare. *Destruat eos, nec ædificet.* Quidam substantiui loco esse volunt quod in hoc versu præcessit: ac si dixisset, Belluinus hic furor eos destruet. sed potius subaudiendum est nomen Dei: atque ita optime fluere contextus. Quia tamen verba sunt futuri temporis, potest ita exponi sententia: vt Dauid iam sibi promittat quem reprobis nuper optauit interitum: neque hunc sensum repudio: quãquam (meo iudicio) vota sua adhuc cõtinuat. Sic autem pessundari cupit impios, vt rursus nunquam emergant, vel recuperent priorem statum. Hoc enim sibi vult trita Hebræis figura, *Destruat, & non ædificet*: sicuti Malachias 1. cap. 4. ver. loquitur de Edom. Nos verò ne infanabili plaga feriamur, discamus experefacere sensus nostros ad reputanda Dei opera, quæ nos ad timorem eius erudiant, contineant in patientia, & in pietate confirmant.

6 *Benedictus Iehoua, quia audiuit vocem deprecationum mearum.*

7 *Iehoua fortitudo mea, & clypeus meus: in ipso sperauit cor meum, & adiutus sum: ideo exultabit cor meum, & cantico meo celebrabo eum.*

8 *Iehoua fortitudo illis, & robur salutis Christi sui ipse.*

6 *Benedictus Iehoua.* Hæc est secunda pars Psalmi, in qua Deo gratias agere incipit Propheta. hætenus enim vidimus quomodo se inter discrimina precando exercuerit: hac verò gratulatione docet non vanas fuisse preces: atque ita suo exemplo confirmat, Deum quoties verè & ex animo quæretur, præsto ad opem suis ferendam fore. Eandẽ sententiam proximo versu fusius declarat, Deum appellans fortitudinem suã

& clypeum. Nam hinc se exauditus fuisse persuasus erat, quod mirabiliter seruatus esset. Addit se fiduciæ suæ vel spei respectu fuisse adiutum: quia sæpe fit vt qui Deum inuocant, sua incredulitate respuant nihilominus eius gratiã. Tertiò dicit lætitiæ suæ cõiunctum fore testimonium gratitudinis. nã etsi ad Deum confugiunt impii & hypocritæ dum angustis vrgentur, simul tamen ac elapsi sunt, liberatoris sui obliti



phrenetico tantum gaudio exultant. Summa igitur est, Dauidem non frustra sperasse, quia re ipsa expertus fuerit Deum præfenti virtute instructum esse ad suos seruandos: atque hanc veri solidique gaudii fuisse materiã, quod Deũ sibi fuisse propitium sentiat. Vade etiã se memorẽ & gratum fore promittit. & certẽ ideo Dominus hilaritate corda nostra perfundit, vt ora nobis ad canẽdas suas laudes aperiat.

8 *Iehoua fortitudo illis.* Exegeticẽ reperit quod dixerat, Deum sibi fuisse robur: nempe quia suis copiis benedixerat. Vfus enim fuerat hominum manu & opera Dauid: vni tamen victoriã ascribit. Nam quum à Deo profectũ sciret quicquid humanitus auxilii obtigerat, prosperum etiam successum à gratuito eius fauore mansisse: in illis etiam mediis intuitus est eius manum, acsi apertẽ se è cælo exereret. Et certẽ nimis indignum est vt media humana, (quæ nihil aliud sunt quàm instrumenta potentie Dei) eius gloriam obscurẽt: quo tamen vitio nihil est magis commune. Emphaticum verò est, quod de militi-

bus suis loquens, pronomine tantum vtitur, acsi digito eos moniti aret. Posteriorius membrum est causæ redditio. Se enim cum toto exercitu, victorici fortitudine Diuinitus armatum fuisse asserit, quia sub Dei auspiciis militabat. Hoc enim sibi vult *Christi* nomen: quia nisi Deus ipsum creasset Regem, & gratuita adoptione amplexus foret, non fuisset in eum propensior quàm in Saulem. Atque hoc modo solam Dei virtutem qua in regnum euectus fuerat, extollẽs, suæ industriæ aut virtuti nihil reliquum facit. Interea discamus, vt quisque legitime vocationis sibi conscius est, ita ad bene sperandum hac doctrina animari. Quanquam præcipue tenendum est quod alibi attigimus, ex hoc fonte fluere quæcunque in nos Deus confert beneficia, quia gratis in Christo nos elegit. Et *saluus* plurali numero ponit, quia non semel, nec vno modo seruatus fuerat. Sensus est igitur, Ex quo Deus per manum Samuelis Dauidem vnixerat, nunquam ab eo inuadẽ cessasse, sed innumeris modis fuisse eius liberatorem, donec opus gratiæ suæ in eo compleret.

9 *Serua populum tuum, & benedic hereditati tua: pascẽ eos, & extolle eos vsque in perpetuum.*

Hac clausula non tam propriam, quàm totius Ecclesiæ salutem sibi fuisse curæ ostendit. imò priuatim sibi nec vixisse nec regnasse, sed in commune populi commodum: Probẽ enim tenebat, non alio fine se electum fuisse Regem. Atque in eo, filii Dei personam se gerere ostendit, quem dum Zacharias capit. 9. vers. 9, prædicit seruandum fore, haud dubiẽ nihil seorsum à membris ei promittit, sed vt salutis effectus ad totum eius corpus se diffundat. Interim legem terrenis Regibus suo exemplo præferbit, vt publicæ utilitati addicti, non nisi populi causa salui esse cupiant. Sed quàm procul absint ab hoc affectu, dicere nihil attinet. Factum enim ex cæci ti, perinde reliquum mundum despi-

ciunt, acsi ex communi hominum ordine eos eximeret suus splendor ac dignitas. Neque tamẽ mirum est, tam superbẽ & contumeliosẽ calcari hominum genus, quod magna ex parte à ferendo Christi iugo abhorret. Nos verò meminerimus Dauidem instar speculi esse, in quo continuum gratiarum suarum renorem nobis Deus proponit. Tantum videndum est vt paterno eius amoris respondere fidei nostræ obedientia, vt nos populum suum & hereditatem agnoscat. Quanquam autem Pastoris nomine Scriptura Dauidẽ sæpe insignit: hoc tamen munus ipse Deo assignans, minime idoneum se fateatur, nisi quatenus Dei minister est.

ARGVMENTVM PSALMI XXIX.

*Vt coram Deo humiliet cunctos mortales à summis vsque ad infimos, celebrat formidabilem eius potentiam a variis naturæ miraculis quibus non secus ad dandam ipsi Deo gloriam*

gloriam experge fieri nos dicit, ac si ipse sua voce imperium sibi affereret. Postquam verò superbos, qui non libenter cedunt, metu percussos non sine obiurgationis specie hortatus est, fideles suauiter ad voluntarium Dei cultum inuitat. *Psalmus XXIX.*

*Anticum Davidis. Afferte Iehoua, filij fortium: affer-*  
*te Iehoua gloriam & robur.*

*2 Afferte Iehoua, gloriam nominis eius: adorete coram*  
*Iehoua in splendore Sanctuarij eius.*

*3 Vox Iehoua super aquas, Deus glorie tonat, Iehoua su-*  
*per aquas magnas.*

*4 Vox Iehoua in virtute, vox Iehoua in decore.*

*1 Afferte Iehoua.* Tamen si consi-  
lium Davidis fuit, ad Dei cultum & ti-  
morem adducere cunctos mortales: quia  
tamen procures qui dignitate excellunt,  
difficilius est in ordinem cogere, eos  
disertè compellat. Græcum interpre-  
tem vocis affinitate deceptum fuisse,  
certum est, vt Filios arietum verteret.  
Ac de vocis quidem significatione inter  
se conueniunt omnes Hebræi: sed vbi  
ad rem ventum est, frigidis commentis  
peruertunt vel obscurant genuinū sen-  
sum. Quidam enim de Angelis, alii de  
stellis exponunt: alii verò procures istos  
quorum fit mentio, sanctos Patres esse  
volunt. atqui fastum potius corrigere  
voluit David, quo ebrii Principes mun-  
di huius, cornua aduersus Deum erigunt.  
Atque hæc ratio est cur Deum terrificā  
voce per tonitrua, grandines, procellas,  
& fulmina, duos istos & præfractos Gi-  
gantes cogentem inducat, qui nisi metu  
perculsi, nullum cæleste numen reuereri  
sustinent. Videmus ergo cur ad filios  
potentum, aliis omisissis, peculiariter ser-  
monem conuertat: quia scilicet nihil eis  
magis tritum est, quàm altitudine sua  
ad sacrilegium abuti, dum sibi furiose  
arrogant quicquid Dei proprium est:  
saltem vt modestè se Deo subiiciant, &  
sua fragilitatis memores, recumbant in  
eius gratiam, quasi vi compelli necesse  
est. Ideo iubet afferre Deo robur, quia  
falsa imaginatione delusi, virtutem qua  
præditi sunt, sibi aliunde quàm è cælo,  
suppetere reputant. Summa est, vt fastu  
deposito, falsæque propriæ virtutis opi-  
nionē, Deum glorificent, sicuti meretur.  
*Gloriam enim non sibi eius, vocat eius ma-*  
*iestate dignam, qua eum procures mun-*  
*di fraudare solent. Repetitio quoque o-*

stendit, vehementius virgandos esse, vt  
illis iusta confessio extorqueatur. Per  
*splendorem Sanctuarij* non cælum, (vt qui-  
dam volunt) sed Tabernaculum fœde-  
ris intelligit, symbolis gloriæ Dei or-  
natum. sic enim liquebit ex contextu.  
Et consultò eius loci meminit Prophe-  
ta, in quo se verus Deus patefecerat, vt  
ad purum eius cultum superstitionibus  
valere iussis, se conferant cuncti mor-  
tales. Neque enim sufficeret, consultè  
numen aliquod cæleste coli, nisi vnus &  
idem Deus colatur. quod fieri non po-  
test, donec reuocatus fuerit mundus ab  
omnibus figmentis.

*3 Vox Iehoua super aquas.* Nunc ea  
quæ nuper attingi, naturæ miracula com-  
memorat: ac Dei quidem non minus  
potentiam quàm bonitatem poterat in  
operibus eius celebrare: deinde quum  
nihil sit in ordinario naturæ cursu, in  
tota cæli & terræ machina, quod nos  
ad Dei noticiam non inuiter, poterat  
(sicuti alibi Psal. 19. 1) solem & stellas,  
totumque cælorum exercitum, terrarum-  
que cum sua opulencia in medium pro-  
ferre. sed ea tantum Dei opera eligit,  
quæ non solum testantur orbem ab eo  
semel fuisse conditum, euiusque imperio  
gubernari: sed torpentes quoque exper-  
gefaciunt, & quasi inuitos trahunt ad  
eum suppliciter adorandum. quod etiā  
fateri coactus est Horatius, non profa-  
nus modò poeta, sed Epicureus, & im-  
purus Dei contemptor,

*Parcus deorum cultor & infrequens,  
Insansentis dum sapientia  
Consultus erro, nunc retrorsum  
Vela dare, atque iterare cursus  
Cogor relicto. namque Dispersit  
Ignes corusco rubila diuidens,*

*Plerumque per purum tonantes.*

*Egit equos, volucrumque currum,*

*Quo bruta tellus. & quæ sequuntur.* Et experientia ipsa loquitur, qui audacissime Deum contemnunt, ad tonitrua, procellas, & similes impetus maxime expauescere. Non abs re igitur Prophetam nos ad species istas reuocat quæ barbaris & stupidis incutiunt aliquæ Diuinitatis sensum, & quantumvis ignauos ac socordes excitant. Non dicit solem quotidie oriri, spargi eius radiis viuificam lucem, non dicit pluuiam leniter stillare, quæ suo succo terram fecundet: sed tonitrua, violentos imbres, & quæ terrifico motu mentes hominum

percellunt, in testimonium adducit. Loquitur certe Deus in omnibus suis creaturis: sed eas voces nunc commemorat Propheta, quæ dura increpatione somnolentiam nostram vel potius veterum corrigant. Diximus enim, præcipue ad eos spectare hunc sermonem, qui præfracta duritie omnem Dei notitiâ, quantum in se est, repellunt. Et ipsæ loquendi figuræ satis exprimunt, Dauidi fuisse propositum, terrore subigere contumaciam, quæ alioqui non libenter cedit. Ter enim inculcat, vocem Dei in magnis & impetuosus imbribus audiri: & proximo versu addit, plenam virtutis & magnifici splendoris esse.

5 *Vox Iehoua, confringens cedros, confringit in quâ Iehoua cedros Libani.*

6 *Et exilire facit Libanum quasi vitulum, & Siriõ quasi filium unicornium.*

7 *Vox Iehoua, excidens flammis ignis.*

8 *Vox Iehoua contremiscere facit desertum: contremiscere facit Iehoua desertum Cades.*

5 *Vox Iehoua confringens.* Videmus ut Propheta ad frangendam hominum duritiem, singulis verbis Deum formidabilem inducat. Ac videtur quid oblique superbis & vana confidentia turgidis amentiam exprobrare, quod vocem Dei tonantem non audiant, quæ scindit aerem fulminibus, concutit excelsos montes, procerissimas quasque arbores prosternit ac delicit. Quale enim portentum est, ubi omnes brutæ mundi partes coram Deo tremunt, solos homines sensu & ratione præditos non moueri? Adde quodd, si ingenio & doctrina valent, sibi obstruendis auribus incantationes accersunt, ne ad eorum sensum vox Domini quantumvis sonora, penetraret. Neque enim de causis inferioribus satis argute sibi videntur disserere Philosophi, nisi longa distantia Deum à suis operibus separent. Diabolica autem hæc scientia est, quæ in naturæ contemplatione nos retinens, à Deo auertit. Si quis hominem cognoscere appetens, præterita tota facie, intuitum in extremos tantum vngues defigat, merito ri-

debitur eius stultitia. atqui maiore amentia laborat Philosophi, qui ex mediis & propinquis causis vela sibi contextunt, ne maius Dei palam operantem agnoscere cogantur. *Cedros Libani* præcipue commemorat, quia illic admodum proceræ & formosæ erant. Libani & montis Hermon, item *deserti Cades* meminit, quia hæc loca Iudæis notiora erant. Metaphora verò planè poetica, & cui cõiuncta est hyperbole, utitur, dicens, *Libanum saltare ad vocem Dei quasi vitulum, Siriõ verò* (qui idem est mōs Hermō) *instar unicornis*, quod scimus perniciosissimum esse animal. Alludit autem ad terrificum tonitruum fragorē, qui montes videtur à suis radicibus ferè conuellere. Similis est figura, ubi dicit, *Iehoua excidere flammis ignis*, dū scilicet exhalationes quasi eius malleo percussæ, in fulgetra & fulmina erumpunt. De his rebus acutissime Aristoteles in Meteoris disputat, quantum ad propinquas causas, nisi quodd præcipuum caput omittit. Eset quidem vtilis & iucunda earum rerum inuestigatio, si nos ut decebat, manu duceret



duceret ad ipsum naturæ auctorem: sed ubi toridem obstaculis nos moratur ac retardat, quot occurrunt mediæ causæ, nihil est magis præposterum. perinde enim est ac si quis in primis rudimentis tota vita subsistat. Denique hoc est ita discere, vt nihil vnquam scias. Vnum igitur laude dignum acumen est, vehiculis istis attolli in cælum vsque, vt non tantum confusus sonitus aures nostras feriat, sed vox Domini ad pietatem erudiat. Quidam verbum *הוֹרִי*, aliter exponunt, quodd Deus parituri faciat deser-

tum Cader, quia in populi transitu multa in eo miracula ædita fuerunt: quem sensum tanquam longè petitū & nimis coactum repudio. Videtur enim potius aludere Dauid ad communem hominum sensum. nam quum per se horrida sine solitudines, plus illic terroris incutiunt tonitrua, grandines & procellæ: non displicet tamen, pro feris ipsis desertū accipi per synecdochen: atque ita proximus versus, ubi ceruarum fit mētio, exegericè additus erit.

9 *Vox Iehouæ parturire facit cernas, & reteggit sylvas, & in templo eius omnes dicunt laudem.*

10 *Iehoua diluuiο præsidet, præsidet inquam Iehoua Rex in perpetuum.*

11 *Iehoua robur populo suo dabit, Iehoua benedicet populo suo in pace.*

9 *Vox Iehouæ parturire facit.* Subest (vt diximus) tacita comparatio. Est enim plusquam absurdum & monstro simile, homines, Dei voce non affici, cuius vis tam efficaciter se exerit erga feras bestias. Iam quidem scæda ingratitudo est, in toto naturæ ordine, nō scire eius providentiam & imperium: sed detestabilis est ista socordia, raris saltem & insolitis eius operibus, quæ feras bestias ad obsequium cogunt, ipsos non doceri. Quodd cernas potissimum nominari quidam Interpretes existimant ob difficile partum, non displicet. Dicitur autē vox Domini sylvas detegere, vel quia nullis integumentis arcetur quominus in abditissimos quosque recessus & cavernas penetret: vel quia fulmina, imbres, & procellosi venti foliis decussis arbores denudant. Vterque enim sensus non malè conuenit. In templo eius. Quum vox Dei totum mundum impleat, seq̃ue diffundat in vltimas vsque plagas: eius tamen gloriam in sola Ecclesia celebrari dicit Propheta: quia scilicet Deus illic non modò articulatè loquitur, sed blandè etiam fideles ad se inuitat. Terrifica enim eius vox, quæ variis modis in aere tonat, sic verberat hominum aures, & corda pulsat, vt tamen recedere quàm appropinquare malint. Omitto quodd hena pars surdis auribus sonitum vocis

Diuinæ in procellis, imbribus, tonitru, & fulminibus præterit. Quia ergo nō eò vsque proficiunt homines in illa æniuersali schola, vt se Deo subiiciant: scitè Dauid specialiter fideles dicit, laudēs Dei in templo eius canere: vtpote qui familiariter edocti paterna eius voce, totos se addicunt in eius cultum & consecrāt. Nemo enim rite gloriam Dei prædicat, nisi qui voluntarius est eius cultor. Ac posset hoc in modum querimoniz accipi, vt Dauid accuset totius mundi silentium: quia quum vbique vox eius personet, nusquam prædicentur eius laudes nisi in vnico tēplo. Videtur tamen piorum exemplo totum humanum genus hortari ad celebrandum Dei nomen, & consultò templum statuere quasi auditorium gloriæ Dei: vt sciremus, ad Deū verè cognoscendum & laudandum, alia voce opus esse, quàm per tonitrua, imbres & procellas in aere, montibus, & syluis auditur. nisi enim articulatè nos doceat, & quidē paterni amoris gustum præbens, ad se blandè alliciat: muti semper iacebimus. Sola est igitur salutis doctrina quæ eius gratiam, totamque voluntatem nobis clarè patefaciens, corda nostra exhilarat, oraque nostra aperit ad canendas eius laudes. Itaque hinc eius laudādi ratio discēda est: & certè videmus, nullū tūcin toto orbe, excepta Lu

dæa, fuisse pietatis lumē: imò Philosophi qui visi sunt ad Dei notitiā propius accedere, nihil prorsus afferunt quod eū verè glorificet. Quicquid enī de religione differunt, nō modo frigidum est, sed ferè insipidum. Ergo in solo eius verbo lucet veritas, quæ nos ad pietatem adducat.

IO *Iehoua diluuisio presidet.* Quidam Dauidem ad illam memorabilem Dei vindictam alludere putant, quum semel orbem terrarum submersit: quia tunc testatum fecit omnibus seculis se hominum esse iudicem. Quibus etsi ex parte assentior, sententiam tamen longius extendo. Idem enim, meo iudicio, argumentum prosequitur Dauid, admonens, ipsas quoque inūdationes quæ terræ interitum minantur, sic tēperari Dei providentia, ut ipsum gubernacula semper tenere appareat. Ergo inter alia potestati Dei documenta hoc commemorat Dauid, etiam quum maxima aeris intemperie videntur elementa simul inter se misceri & confundi, Deum tamen è so-

lio suo caelesti regere ac moderari istas perturbaciones. Ideo exegeticè addit, Deum perpetuò sedere Regem.

II *Iehoua robur populo suo dabit.* Reddit ad superiorem sententiam, Deum scilicet, quanvis promiscuè virtutē suam visibilem exhibeat toti mūdo, peculiari tamen modo erga electum populū exerere: imò longè aliter quàm suprā, nunc eum describit, qui scilicet non metu & formidine prosternat quos alloquitur, sed potius sustentet, foueat ac confirmet. Roboris nomen totum statum cōtinet. Itaque quicquid ad tuendam vitam fidelium pertinet, à sola Dei gratia pendere significat. Id amplificat Benedicendi verbo. Dicitur enim benedicere Deus in pace quos tam liberaliter ac benignè tractat, ut nihil ad prosperum vitæ cursum, plenāque felicitàte desit. Hinc ergo discamus sic reuereri Dei imperium, ut tamen ab eo prospera omnia speremus: & quātum ipse valet immensa potentia, certò persuasi simus, inuictō præsidio nos munitos esse.

### ARGVMENTVM PSALMI XXX.

*Dauid ex magno aliquo discrimine liberatus, non solum ipse priuatim Deo gratias agit, sed sanctos omnes ad hoc officium inuitat simul & hortatur. Deinde fatetur, quia sibi in rebus prosperis nimis securè blandius fuerat, confidentiam suam merito correptam fuisse. Tertio, postquam breuiter maiorem suum exposuit, ad gratiarum actionem iterum reuertitur.*

*Psalmus XXX.*

**P***salms canticum dedicationis domus Dauid.*

2 *Exaltabo te Iehoua, quia extulisti me, neque exultasti inimicos meos de me.*

3 *Iehoua Deus mi, clamaui ad te, & sanasti me.*

4 *Iehoua, ascendere fecisti è sepulcro animam meam, viuificasti me à descendentibus in foueam.*

Dubitant Interpretes à Dauide ne compositus fuerit hic Psalmus, an author eius fuerit quispiam ex prophetis postquam ab exilio Babylonico reuersi sunt Iudæi. Domus enim templum illi significat. Sed quum inscriptio differt nomen Dauidis exprimat, magis videtur probabile, de priuatis adibus haberi sermonem. Porro quòd diuinant quidam, Dauidem, quum palatium dedicare vellet, graui morbo fuisse corre-

ptū, solida ratione non nititur: quin potius conicere ex Sacra historia licet, simulac palatium suum edificauit, tranquillè & commodè illic habitasse. Dicebat enim Propheta Nathan, pudendum sibi esse quòd quiesceret ipse in domo cedrina, Arca verò fœderis sub pellibus iaceret. Deinde ad morbū restringere quod hic de periculo refertur, nulla ratio cogit. magis credibile est, quum extincto Absalom, deletaque eius

eius factione, & composito exitiali illo motu, quasi postliminio in pristinum regni statum reuersus esset, hanc Dei gratiam celebrasse. Commemorat enim se ideo fuisse Dei manu castigatum, quia latiore fortuna nimis exultans & fere ebrius, falso & stultè æternā à rebus aduersis immunitatē sibi promiserat. Porro magnificā & regiā illā domū, cuius paulo antè memini, iam incolere cœperat regno vixdum bene pacato. tunc igitur nondum humanæ fragilitatis obliuio obrepere potuit, quæ iram Dei prouocaret, periculūque accerferet: quod ab ultimo interitu parū absuit. Quare absurdum non est, ob recuperatum priorē statum, hoc Psalmo celebrari Dei gratiam. Domum enim quæ incestis stupris Absalom, aliisque flagitiis polluta fuerat, iterum dedicare necesse fuit. & sub hoc nomine videtur notari restitutio tā in vitam quā in regnum: ac si diceret hunc se hymnum cecinisse Deo, postquam rebus publicè compositis, domū quoque suam solenni more dedicauit, vt in sua familia degeret. Cæterum de hac legali cæremonia breuiter hoc notandum est, quia ad reputanda Dei beneficia segnes admodum & frigidi sumus: hoc genus exercitii veteri populo fuisse mandatum, vt agnosceret nullius rei vsum sine gratiarum actione purum & legitimum esse. Ergo sicut in primitiis prouentum totius anni Deo ferebant acceptum, sic etiam domos consecrādo, Dei se inquilinos esse fatebantur, quia eos hospitio exciperet. Ideo si deletus ad bellum fiebat, hæc iusta vacationis causa fuit. Adde quod hoc ritu simul admonebantur, tunc rite & ordine vnumquēque domo sua frui, si quoddam esset Dei Sacrarium, vbi vigeret pietas & syncerus eius cultus. Nunc quanuis cessauerint Legis figuræ, tenenda est tamen Pauli doctrina, Quæcunque Deus in vsum nostrum destinat fide & precibus demum sanctificari.

2. *Exaltabo te Iehoua.* Quia tanquā è sepulchro in auram vitalem sublatus fuerat, nomen Dei se exaltaturum promittit. Sicut enim Deus nos in profando demersos, manu sua in altum erigit, sic vicissim nostrum est laudes eius ore & lingua efferre. Hostes quibus latitiæ materiam non fuisse præbitam dicit, tā domesticos quā externos intelligere licet. Quanuis enim improbi & maleuoli seruii adulatione eum coluerint, occultum tamen odium fouebant, vt parati essent ad insultandū, si oblata fuisset occasio. Secundo versu ratiocinatur se Dei gratia saluū esse, quia in ipso mortis articulo vota sua ad Deum vnum direxerit, ac repente senserit non frustra se id fecisse. Nam hinc certius colligimus, Deum nobis salutis esse authorem vbi preces nostras exaudiuit. Cæterum quia verbum **אֲשׁוּבָה** Hebræis significat *sanare*, hac ratione inducti sunt Interpretes vt ad morbum redstringerent. Sed quia certum est, interdum sumi pro restituere, imò ad altare vel domum transferri, vbi instaurationis fit mentio: aptè hinc de qualibet liberatione exponere licebit. Neque enim tantum in morbis periclitatur hominis vita, sed etiam aliis pluribus modis. & scimus hanc loquēdi formam passim in Psalmis occurrere, quod Dauidi reddita fuerit vita, quoties cum Dominus è graui summoque aliquo discrimine eripuit. Itaque amplificandi causa mox subiicitur, *Ascēdere fecisti è sepulchro animam meam.* neque enim gratiæ magnitudinē se verbis assequi putauit, nisi sepulchro & foueæ cōferret illius tēporis caliginem, quo se in fugam trepidè conicere coactus est, vt latebris vitam suā protegeret, donec sedata esset tumultus flamma. ergo tanquam rediuuius, se mirabiliter à præsentī morte extractum fuisse prædicat. Et certè quanta rerum omnium desperatio miserè cum vrgeret, ex Sacra historia patet.

5 *Canite Iehoua mansueti eius, & confitemini memoria sanctitatis eius.*

6 *Quia momentum in ira eius, vita in beneplacito eius. Vespere morabitur fletus, & manè veniet exultatio.*



5 *Canite Iehoua manifesti eius.* Quo suam gratitudinem melius testetur, Sanctos omnes ad canendas Dei laudes sibi socios aduocat, & ab vna specie tranfit ad totum genus. Quia enim præter spem seruatus, hoc exemplo de perpetua & immensa erga cunctos fideles Dei bonitate edoctus fuerat, in hanc exhortationem erumpit, qua communē totius Ecclesiæ salutem cum sua cōpletur. Neque enim recitat tantum qualem ipse Deū expertus fuerit, sed quā liberaliter propensoque fauore suos omnes iuuare soleat. Denique vno documento admonitus, ad generalē doctrinam sensus suos refert. Quid valeat epithethum *Domini Dominus*, quo sæpe fideles in signis David, dictum est P salmo 16. Cælestis enim adoptio eos ad beneficentiæ studium accēdere debet, quo Patris ingenium referant, qui solem suum oriiri facit super bonos & malos, Mat. 5. 45. Nihil autem est quo propius ad Deum accedant homines, quā beneficentiæ. *Memoria sensuatis* in secundo membro versus, ad Tabernaculum referri potest ac si iuberet David, omnes Dei filios prodire coram Arca fœderis, quæ memoriale erat præsentis Dei. Litera enim *H* locum sæpe denotat. Libenter tamen eorum sententiæ subscribo, quibus Memoria tantundem valet ac Nomen. & certè suis operibus memorabile se Deus reddit, ubi relucet gloria eius imago, cuius intuitu nos ad eum laudandum expergeri conuenit.

6 *Quia momentum in ira.* Vitam momento opponi, extra controuersiam est, ideoque pro longa duratione, vel continuo diuturni temporis progressu accipi. Fatetur autem David, si quando suos castigat Deus, non tantum mitigare penarum rigorem, sed statim placari, & iræ suæ modum imponere: indulgentiam verò & fauorem prorogare in longum tempus. Ac generalem sententiam (vt dixi) proferre maluit, quā speciatim de se loqui, vt intelligant pii omnes continuum hunc gratiæ tenorem ad se pertinere. hinc tamen colligimus quanta spiritus mansuetudine, & quā prompto obsequio, Dei ferulis tergum subiecerit. Scimus, à primo ætatis flore toto ferè vitæ tractu, multij lici affli-

ctionum congerie ita fuisse exerciti, vt miser & ærumnosus præ omnib⁹ aliis censeretur potuerit: Dei tamen bonitatem prædicans, se leuiter exiguo tempore, & quasi in transcurso rebus aduersis iactatum fuisse agnoscit. Porro hinc tanta moderatio & æquitas, quodd pluris æstimauit Dei beneficia, & in cruce toleranda magis se placidum præbuit quā vulgò mundus soleat. Si prosperè nobis est, sine sensu voramus Dei beneficia. certè nobis per socordiam effluunt, simul verò ac triste aliquid & aduersum accidit, perinde conquerimus de eius rigore æstimumque benignè & clementer nobiscum egisset. Denique morositas nostrā & tadium in dolore seculum ex momento facit: malignitas verò & ingratitude gratiam Dei, quantumuis in nos prorogetur, momentaneam esse fingit. Sola igitur nostrā prauitas impedit quominus reipsa sentiamus omnes iram Dei breuem esse, gratiam verò toto vitæ cursu in nos prorogari. Neque enim frustra toties pronuntiat se misericordem & propitium esse in mille generationes, longæ patientiæ, tardum ad iram, ad dandam veniam propensum & facilem: & quod dicit per Iesaiam, quia ad regnum Christi spectat, quotidie impleri necesse est. Ad momentum in ira mea afflixi te, sed misericordiis sempiternis te colligam, Iesa. 54. 7. Conditio nostra, fateor, tot miseris in hoc mundo implicita est, tantæque varietate agitur, vt nullus ferè dies sine molestia & dolore prætereat deinde inter tot dubios euentus fieri non potest quin assidue anxii simus ac trepidi. Quocunque igitur se vertant homines, labyrinthus malorum eos circumdat: sed quamlibet multis iræ suæ signis terreat Deus, atque humiliet fideles suos, dulcedinem tamen gratiæ suæ semper aspergit, quæ mærorem temperet ac leniat. Ergo si iusta trutina examinent iram & beneplacitum, semper verum erit, illam esse momentaneam, hoc autem extendi vsque ad vitæ finem. quāquam vltà progredi conuenit. perperam enim includitur Dei graua intra huius caducæ vitæ fines. Ac omnino sic habendum, nullos, nisi qui celestis vitæ gustu supra mundum feruntur, seriò hunc indefessum &

& perpetuum gratiæ Dei cursum sentire, vt alacriter eius castigaciones perferant. Itaque eò nos reuocat Paulus, 2. Cor. 4. 17, vt inuicta tolerantia confirmet. Momentanea leuitas afflictionis nostræ mirè supramodum æternum pòdus gloriæ parit, nobis non spectantibus quæ videntur, sed quæ sunt abscondita. Interea tenendum est, Deum suis nunquam tam graues vel diuturnas pœnas infligere, quin manum subinde retrahat & aliquo solatio condiat doloris acerbicatem. Ita quisquis ad vitæ cælestis meditationem erectus erit, nunquam afflictionibus, licet continuis, succumbet: & illis ingêtes ac multiplices Dei

gratias conferens, tantum his deferet honoris, vt bonitas centuplo iram præponderet. Secundo membro figuratè eandem sententiam repetit. non intelligit simpliciter vnus noctis fore afflictionem: verùm si qua tanquam vespere aut in solis occasu caligo incubuerit, lucè paulò pòst exorituram, quæ tristes animos recreet. Huc tendit Davidis consiliū, nisi essemus nūquam præcipientes, Dominum, etiam vbi ad breue tempus nos malorum caligine obruere visus est, semper opportunè suggerere lætitiæ materiam, ac si post noctem surgeret aurorā.

7 *Ego autē dixerā in quiete mea; non mouebor perpetuò.*

8 *Iehoua, in beneplacito tuo stabilieras monti meo robur, abscondisti faciem tuam, fui percussus.*

9 *Iehoua, ad te clamaui, & ad Dominum meum deprecatus sum.*

10 *Quæ utilitas in sanguine meo vbi descendero in foueā? an celebrabit te puluis? an prædicabit veritatem tuam?*

11 *Exaudi Iehoua, & miserere mei, Iehoua sis mihi adiutor.*

7 *Ego autem dixeram.* Hæc est cōfessio cuius antea memini, in qua se agnoscit iuste & meritò dedisse stultæ securitatis pœnam, quia scilicet conditionis suæ oblitus, nimium rebus prosperis se addixerat. *Quietis* enim nomine tranquillum & fœlicem Regni statum intelligit. Alii **נחמ** vertunt Abundantiam: quo sensu alibi sæpe accipitur: sed contextus melius quadrat nomen Quietis, ac si diceret, Vbi vndique arrisit fortuna, nec quæquam apparuit periculi vnde metuendum esset, mentem suam quasi sopore fuisse perasam, vt sibi continuum fœlicitatis cursum promitteret. Hæc enim fiducia carnis, etiam Sanctis, dum in suis deliciis, tantquam in fœcibus, resident, subinde obrepit: ideo Ieremias 31. 18, se indomito vitulo comparat antequam subigeretur à Domino, & assuesceret ad iugum. Et si autē prima specie leue esse videtur hoc vitium, colligeretamen ex pœnis licet quantopere Deo displiceat: quod nobis

mirum non erit, si reputemus ex qua radice nascatur, & quos rursus fructus ex se pariat. Quum enim innumera assidue mortes nobis versentur ante oculos, & tot mutationum exempla nos ad timorem curamque sollicitent, diabolica superbia fascinatos esse oportet qui sibi persuadent vitam suam à comuni totius mundi sorte immunem fore. vident confusa varietate misceri totam terram, & singulas eius partes quo dammodo huc illuc versari. perinde ac si non essent ex hominum numero, imaginantur se fore semper stabiles, nec vllis mutationibus obnoxios. hinc carnis lasciuia, vt suis cupiditatibus licenter indulgeant: hinc fastus & crudelitas, hinc etiam precandi negligentia. Quomodo enim ad Deum confugerent, quos nullus stimulat vel mouet suæ necessitatis sensus? Est etiam Dei filius sua pia securitas quæ turbulentis mundi procellis, tranquillos eorum animos tenet: sicuti David etiam si

torum mundum quatesieri vidisset, Dei promissioni innixus, de regni sui perpetuitate bene sperare debuit. Sed fideles quauis fidei suæ alis in sublime elati, res aduersas despiciant, quia tamen reputant communibus molestiis se esse obnoxios, comparant se ad tolerantiam, singulis horis intenti sunt ad excipendos ictus: in ea militia ad quam se norunt destinatos, excusso torpore se exercent, trepidè se cōferunt in fidem Dei, nec se alibi tutos fore confidunt, quàm sub eius manu. Aliter Dauid, qui prosperi status illecebris captus, æternam sibi quietem ex proprio sensu magis quàm ex Dei verbo pollicitus est. Idè accidit & sancto Regi Ezechiz, qui nuper afflictus graui morbo, simul ac bene & ex voto successit, carnis vanitate ad superbiam & ostentationem rapitur, 2. Paral. 32. 24. quo magis cauere nos docet, ne inter lætos successus blanditiis sibi nos fascinet Satan. Quo igitur quisque benignius tractatur à Deo à talibus insidiis diligentius sibi caueat. Neque tamen credibile est, sic obtorpuisse Dauidem, vt Deo contempto, malis omnibus insultaret: sicuti multos Cyclopes videmus, dum suauiter in sua crapula demersi sunt, proteruè ridere omnia Dei iudicia. sed mollis quædam inertia mentem eius occupauerat, vt frigidior esset ad precandum, non penderet à Dei fauore, denique fluxa & caduca fœlicitati nimium consideret.

8 *Iehoua in beneplacito tuo.* Hoc versu notatur discrimen inter fiduciam quæ in verbo Dei fundata est, & carnis securitatem quæ ex arrogantia emergit. Neque enim fideles, dum in Deum recumbunt, segne: interea sunt ad precandum: quin potius sedulò reputantes quanta discriminum congerie cingantur, & quotquot humanæ fragilitatis exempla cernunt, his admoniti, ad Deum suspirant. Hac igitur in parte deliquit Propheta, quòd anchoram suam figens in præsentis opulencia & pace, aut vela expandens ad secundos ventos, à gratuito Dei fauore non pependit, vt singulis momentis paratus esset, quicquid conculcerat, in eius manum resignare. Notanda est enim anthetesis inter stabilitatem, cuius fiducia ex pace concipitur,

& quæ locatur in gratuito Dei fauore. Quòd *stabilitum menti suo robur* fuisse dicit, quidam Interpretes de monte Sion exponunt. Alii accipiunt pro arce munita, quia olim solebant in montibus & locis editis propugnacula extrui. Ego sicuti metaphorice pro solida futura nomen hoc accipio, ita libenter assentior, Prophetam ad montem Sion alludere. Stultitiam ergo suam accusat Dauid, quòd non reputauerit vt decebat, nihil in nido quem sibi fingeat, esse firmitatis, sed in solo Dei beneplacito. *Abcondisti faciem tuam.* Nunc fatetur, postquam priuatus est Dei donis, hoc quasi elleboro mentem suam à prauæ confidentiæ veterino fuisse purgatam. Mira certè & incredibilis ratio, quòd Deus abseondita facie sua, tanquam obductis tenebris, serui sui oculos illuminauit, qui in clara luce nihil videbant. Sed ira necesse est nos violenter concuti ad abigendas blanditias, quæ & fidem suffocant, & inuocationem Dei morantur, & dulci amentia nos prorsus obstupesciunt. quòd si tali remedio opus habuit Dauid, non ea præditi sumus sanitate quin vtile nobis sit, pinguedinem securitatis, inopia abstergi. Itaque non est quòd miremur Deum subinde abscondere faciem suam, ad cuius intuitum, dum serena affulget, perperam cæcutimus.

9 *Iehoua ad te.* Iam sequitur castigationis fructus, quòd Dauid in tranquæ prius aurem dormiens, suamque pigritiam obliuione fouens, repente expauescens clamare ad Deum incipit. Nam sicut ferrum, vbi diuturna quiete rubiginem contraxit, accommodari ad villos vsus non potest, donec igne recoctum & malleo contusum fuerit: sic postquam semel præualuit carnis securitas, nemo se ad precandum alacriter accinget, nisi cruce maceratus, & probè subactus. Atque hæc præcipua est afflictionum utilitas, dum miserix nostræ conscios ad expetendam Dei gratiam reuocant.

10 *Quæ utilitas.* Nonnulli ita exponunt, Quid profuerit me vixisse, nisi eousque vitam meam proroges, donec cursum vocationis meæ absolueris? Verùm nimis restricta videtur esse sententia



rentia hæc. nec certè *Sanguis* hîc pro vita, sed pro morte ponitur: ac si diceret, *Quem* ex morte mea fructum elicies? *Quod* ex altero mēbro certius colligere licet, ubi cadaver suum ad annuntians Dei laudes inutile fore conqueritur; *Diserte* tamē videtur facta esse *veritas*; mentio: quia consentaneum non erat Dauidem immatura morte è medio abripi, antequam præstaret Deus quod de futuro hærede promiserat. Nam quum mutua sit relatio inter Dei promissiones & fidem nostram, veritas quasi media est, qua Deus palàm ostendit se non ideo liberaliter verbis nobiscum agere, vt nos inani spe lætetur ac demum frustretur. Porro vt longiorem vitam obtineat, argumentum ducit à Dei laudibus, ad quas celebrandas nati sumus et conditi: ac si diceret, Quorsum me creasti ô Deus, nisi vt toto vitæ meæ curriculo testis ac præco sim tuæ gratiæ ad illustrandum nomen tuum? atqui hoc studium mors mea abruptet, quia ex extinctis ad æternum silentium redigar. Exoritur tamen quæstio: annon mors etiam fidelium, perinde ac vita, Deum glorificet. Sed Dauid non simpliciter loquutus est de morte, quia circumstantiam addidit quam tractauit Psalmo 6. Nam quia successorem illi Deus promiserat, hac spe præcisi non immeritò terruit eum frustratio,

vt coact⁹ exclamaret, *Quæ* utilitas in sanguine meo? *Gloriæ* enim Dei intererat, superstitem eum manere, donec voti sui compos fidei præstitæ ac completæ testimonium Deo redderet. In fine versus quærens an pulvis confitebatur Deo, non prorsus eripit mortuis eius laudandi facultatem, vt Psalmo 6, exposui. Nā si fideles carnis onere grauati, in hoc tamē pietatis officio se exerceant, quomodo exuti & soluti corporis vinculis residues cessarent? Tenendum igitur est, Dauidem non tractare ex professō quid agant, vel in quo se exerceant mortui, sed tantum respicere in quem finem viuamus in hoc mundo, nempe vt alii aliis vicissim gloria Dei simus præcones. hæc meditatione defuncti vsque ad vltimam vitæ metam, in morte obmutescimus.

II *Exaudi Iehoua.* Hac clausula priorem querimoniam temperat & corrigit. absurdum enim fuisset, quasi despectu salute, exposulare cum Deo, & in hoc fremitu desinere. Postquam ergo flebiliter rogauit quid morte sua Deus proficeret, se ad liberiores precandi formas animas, & noua spe concepta implorat Dei misericordiam & auxilium. priori autem loco gratiam Deistatuit, vnde opem quam flagitat, sperare debuit.

12 *Conuertisti luctum meum in tripudium mihi soluisti saccum meum, & cinxisti me latitia,*

13 *Vt psallat tibi gloria & non sileat: Iehoua Deus mi, perpetuò celebrabo te.*

12 *Conuertisti.* Gratiarum actione à qua exorsus fuerat, Psalmum claudit. Nam quòd incolumis euasit, Dei opus & beneficium esse confirmat. deinde causam finalem adiungit, vt quod reliquum est vitæ, ad canendas Dei laudes impendat. Porro sicuti fatetur Dauid se in malis non fuisse stupidum vel ferreum quiritistis & mœstus lugeret, ita ostendit, luam ipso ad deprecandam iram Dei se fuisse deductum. Vtrunque maxime dignum est obseruatu, ne Stoicam duritiē singamus in Sanctis, quæ omnē dolo

ris sensum eis ademerit. deinde, vt sciamus, lugendo, penitentiam meditando esse. hoc posterius *Sacci* nomine designat. Solenne enim fuit veteri populo saccum in luctu induere, & quidem non alia de causa, nisi vt reorum more, suppliciter in sordido habitu ad veniam impetrandam coram cœlesti iudice prodiret. atque etiam scimus Orientales populos præ aliis ad ceremonias fuisse proclines. Iam tenemus, Dauidem, quauis patienter se Deo subiceret, non fuisse dolore vacuum. Sed videmus simul,

existitiam eius fuisse secundum Deum sicut Paulus loquitur: quod testanda pernitentia causa ad sacculum se contulit. Tripudii voce non inteligitur lasciuia quouis vel profana saltatio, sed grauis & sancta professio lætitiæ, qualem recitat sacra historia, quum Dauid Arcam fœderis in locum suum deferret. Ceterum si dandus est coniecturis locus, hinc etiam colligere licet, magnum hoc discrimen, de quo loquutus est Dauid, ad morbum aliquem perperam restringi, neque enim verisimile est, sacculum induisse, quum lecto affixus iaceret. Non esset quidem per se hæc satis firma ratio, sed tamen in re dubia pondere non caret. Significat igitur Dauid, se deposita lugubri veste, à squalore & sordibus ad lætitiā fuisse reuersum: idque vnius Dei gratiæ ascribens, liberatorem suum fuisse testatur.

13 *Vt psallas tibi gloria.* Clarius exprimit hoc versu se agnoscere in quē finem Diuinitus à morte ereptus fuerit, sibi que curæ futurum vt iustum grati-

tudinis officium Deo rependat. Gloriæ nomen alii ad corpus, alii ad animam aut superiores animæ sensus referunt. Quia autem non additur pronomen, alii vertere malunt in accusatiuo casu, & subaudiunt particulam Quisque, ac si diceret Propheta, beneficium hoc esse dignum quod publicis omnium præconiis celebretur. Sed quia coactæ sunt eiusmodi interpretationes, maneo in sententia quam posui. Nomē 7122 pro lingua interdum metaphoricè sumi certū est; & visum fuit Psalmō 16.9. Porro quum Dauid mox adiciat, *perpetuus celebrabo te*, contextus exigit vt peculiariter officium suum hic commemoret. Sensus ergo est, Domine, quia me ideo seruatum agnosco vt laudes tuæ in lingua mea resonent, hanc tibi operam fideliter præstabo, & partibus meis ad mortem vsque defungar. *Psallere & non filere* apud Hebræos amplificat, ac si dictū esset, Ne lingua mea muta sit, vel debita laude fraudet Deum, sed potius se in eius gloriam consecrat.

#### ARGVMENTVM PSALMI XXXI.

Dauid ex summo aliquo discrimine, vel etiam pluribus liberatus, primum quas preces conceperit, obiectis sibi mortis terroribus, recitat. Deinde adiungit gratiarum actionem, eamque non vulgarem quia in celebranda liberatione multis verbis insistit, pioque omnes ad bene sperandum hortatur, quia tam præclarum in se & memorabile bonitatis Dei exemplum videant.

Psalmus XXXI.

**P**refecto canticum Dauidis. *In te Iehoua speraui, ne pudeam in æternum, in iustitia tua libera me.*

2 *Inclina ad me aurem tuam, celerriter eripe me: sis mihi in rupem fortitudinis, in domum munitionum ad seruandum me.*

3 *Quia arx mea, & propugnaculum meum tu: & propter nomen tuum diriges me, & deduces me.*

4 *Erue me è reti quod absconderunt mihi, quia tu fortitudo mea.*

1 *In te Domine.* Quod putat quidam compositum fuisse Psalmum postquam Dauid ex deserto Maon præter spem incolomis euaserat, mihi non displicet: quanuis dubia tantum sit coniectura, certè vel maximum aliquod è suis periculis, vel plura etiam commemorat.

Initiū autem qua precationis forma in suo cruciatu & anxietate vsus sit, refert in quibus verbis mirè ardentes affectus spirat. Fiduciæ argumentum sumit, quia sperauit in Domino, vel etiam confidat. verbū enim præteriti tēporis videtur cōtinuū actū notare. Tenebat enī principiū illud

ferri non posse vt spes quæ in Deum recumbit, nos frustretur. Interea nihil affert præter vnicam fidem, salutem sibi ideo tantum promittens, quia Dei ope & gratia saluum se fore credat. quia iā alibi exposita fuit hæc sententia, & sæpius recurrer, satis est eā vno verbo attigisse. Vtinā sic in ea omnes se exercent, vt cū Dauidē quoties ad Deū accedimus, præfari liceat, ex hoc fōte manare preces nostras, quia salutē nostrā in Dei manu repositam esse persuasi sumus. Particula *In æternum*, duobus modis exponi potest. quia enim gratiam suam interdum subducit Deus, non malè conueniet sensus, Quauis nunc ope tua destituatur, ne tamen ad finem vsque, vel perpetuò me abiciās. ita Dauid contra tentationes se patientia armare volens, temporalibus angustiis frustrationem opponeret. Si quis ita accipere malit, Quicquid acciderit malorum, vt semper ad opem ferendam præsto sit Deus, subindēque prout res postulabit, manum porrigat: hunc quoque sensum non repudio. Petit autem *liberari in iustitia Dei*, eo quòd Deus fidem seruis suis datam præstando, iustum se probet. Nimis argutè philosophantur qui Dauidem ad iustitiam quam Deus gratuito suis largitur confingere dicunt, quia propria operum iustitia vacuus sit. Stultè verò alii, qui Deū pro iustitia sua seruare Sanctos putant: quia sic meriti sunt, vt æquum sit mercedem illis rependi. Nam ex frequenti Psalmorum vsu colligere promptum est, iustitiā Dei pro fide accipi, qua suos omnes tuetur, qui se eius præsidio tutelæque committunt. Ergo à natura Dei spem suam confirmat Dauid, quia seipsum abnegare nequeat.

2 *Inclina ad me aurem tuam.* Expriunt hæc verba quanto ardore accensus fuerit aninus Dauidis ad precandum. neque enim Rhetorum more orationis splendorem vel ornatum affectat, sed tantum affectus sui vehementiam aptis verborum figuris describit. In festinatione etiam ostenditur periculi magnitudo. acsi diceret, mox de vita aeternum fore, nisi Deus auxilium suum acceleret. *Arvis*, *propugnaculi* & *rupis* nominibus significat se hostibus suis imparem esse ad resistendum: ideoque

unicam spem restare in Dei presidio.

3 *Quia arx mea.* Potest vno contextu legi hic versus, Quia tu mihi es instar arcis munitæ, propter nomen tuū dirigas me ac deducas toto vitæ cursu: atque ita copula ( vt sepe alias ) superuacua esset. Ego tamen in diuersum sensum inclino, quòd Dauid hac meditatione interposita, non modò ad studiū precandi, sed impetrandi quoque fiduciam animet. Scimus enim hoc illi esse familiare, præcibus miscere quæ ad tollendā dubitationem, & certitudinem confirmandam valeant. Postquam ergo suam necessitatem exposuit, iam vt animum colligat & erigat, statuit certum fore voti sui successum. Prius dixerat, Sis mihi in rupem & propugnaculum: nūc addit, Certè tu es arx mea & propugnaculum: significans se non temere iacasse has voces: vt multa optare solent à Deo increduli, quos dubii euentus timor insensos tenet. Hinc etiam alterum deducit, quòd perpetuò vitæ cursu Deum habiturus sit ducē ac gubernatorē. Ac duobus quidem verbis rem vnā designat, propter varios casus, ( vt ego quidē interpretor ) & inæquales vices quibus circumagitur hominum vitā acsi dixisset, Siue per montes arduos reptandum, siue per salebras enitendum, siue inter spinas ambulandum sit, te mihi perpetuum ducem fore confido. Porro quia semper vacillandi materiam in se reperient homines, diserte petit Dauid vt Deus nomen suum vel gloriam respiciat: sicuti non aliunde ad nos iuuandos propriè inducitur: atque ita tenendum est, Dei nomen quatenus meritis omnibus opponitur, vnicam salutis nostræ causam censer. Proximo versu insidias & fraudes, quibus circumuentus fuerat ab hostibus, sub *reis* similitudine videtur notare. Scimus enim de eius morte inita sæpe fuisse cōsilia, quæ nullum effugium relinquerent: & quum magna astutia pollerent hostes, propter incredibile odium, acris ad eum perdendū fuisse intentos, quā vt sibi humanitus cauere potuerit. Hac de causa Deum appellat suam fortitudinem: acsi diceret, sufficere ad scindendos omnes laqueos quibus irretitos videt miseros homi-



5 *In manu tua commendabo spiritum meum, redemisti me Iehoua Deus veritatis.*

6 *Odio habui omnes observantes vanitates fallaces: ego autem in Iehoua speravi.*

7 *Exultabo & latabor in bonitate tua: quia respexisti afflictionem meam: cognovisti in angustiis animam meam:*

8 *Et non conclusisti me in manu inimici: statuisti in latitudine pedes meos.*

5 *In manu tua.* Iterum fidem suā Deo proponit Dauid, ac testatur se tantum honoris tribuere Dei providentiæ, ut suas omnes curas in eam exoneret. Quisquis enim se committit in Dei manum & custodiam, non modò eum sibi fert arbitrum vitæ & mortis, sed placidè inter omnia pericula in eius præsidium recumbit. Verbo futuri temporis continuum actum haud dubiè designat. itaque in præfenti aptè vertitur. Notandum verò est, fieri non posse ut quis vitam suam Deo verè commendet, nisi qui mille mortibus se expositum reputans, illam vel de filo pendere sentit, vel ab evanido flatu nihil ferè differat. Sic Dauid in summa desperatione unū hoc sibi reliquum facit, ut Deo vitæ custode ac præside fretus, in cursu suo pergat. Mirum est autem, quum nos omnes tam multa sollicitent, vix centesimum quæque huc vsque sapere, ut vitam suam in Dei manu deponat. Lati & securi in diem multi viuunt, ac si eorum conditio nidus esset tranquillus, & ab omni incommodo reconditus: simul verò ac metus aliquis obiectus est; prorsus eos exanimat anxietas. Ita fit ut nunquam se ad Deum referant: qui avel se decipiunt vanis illecebris, vel trepidatione perculsi, pauoreque attoniti, nullum paternæ eius sollicitudinis gustum capiunt. Porro quum nos varii curarum æstus exagitent, ac interdum etiam præcipites decedant, vel abripiant à recto officii cursu, vel saltem de gradu moueant: omnibus sedandis vnicum hoc remedium est, Deum, qui nobis auctor est vitæ, eundem quoque esse cōseruatorem: vnum hoc omnium onerum leuamen, ne mæore oppressos despe-

ratio absorbeat. Quando itaque Deus vitæ nostræ curam suscipere & gerere dignatur, quanuis subinde variæ mortes impendeant, discamus semper ad hoc asyllum confugere: imò quo pluribus quisque periculis obnoxius est, in hac meditatione attentius se exerceat. hic denique nobis contra omnes insultus discriminum clypeus sit, contra omnes iactationes & procillas sit statio. Quanuis de salute nostra actum sit, Deum tamen fidum esse eius custodè: hinc deinde emergat precatio, ut eam Deus tuendam & asserendam suscipiat. Efficiet etiam hæc fiducia ut quisque se ad obeundum vocationis suæ munus prompto obsequio accingat, & constanter in trepidèque contendat semper ad metam. Vnde enim fit ut tam multi segnes sint ac residues, alii perfidè officium deserant, nisi quia nimium providi terrentur periculis & incommodis: nullum interea Dei providentiæ locum relinquunt. Denique quisquis in Dei præsidio nō acquiescit, ut eius fidei & tutelæ vitam suam commendet, nondum quid sit vivere, benedidit. Contrà verò quisquis Deum statuet vitæ custodem eam vel in media morte saluam fore non dubitabit. Neque enim vitam nostram ideo tantum deponere oportet in manu Dei, ut illam in mundo superstitem conseruet: sed etiam ut ab interitu vindicet in ipsa morte, sicuti Christus exemplo suo docuit. Quemadmodum enim Dauid vitam sibi inter mortis discrimina prorogari optauit: sic Christus caducæ huius vitæ metam egressus est, ut in morte, spiritus saluus foret. Generalis ergo est ista precatio qua vitam suam Deo commendant fideles: primū

ut eā manu sua protegat, quandiu periculis mūdi hui' obnoxia est: in morte vero, in qua nihil præter interitū cernitur, arcana sua custodia seruet incolumem. Sic porro statuendū est, nec in via, nec in morte à Deo nos vnquā deserit: quia quos præsidio suo saluos ad finem vique deducit, tandem ad se recipit morietes. Hic vnus est ex præcipuis Scripturæ locis ad corrigendam distidenciā maximè idoneus: primū ne se peruersis curis & molestiis vltra modū torqueāt fideles: deinde, ne metu fracti, ab officio discedant, ne ad captandas vanas spes & fallacia subsidia defluant vel labantur, ne terroribus succumbant, ne denique mortem exhorreant: quæ licet carnis sit interitus, animas tamen non extinguit. Præcipue verò ad superandas omnes tentationes valere hoc debet, quòd Christus animam suam moriens Patri commendans, omnes suorum animas custodiendas suscepit: ideo & Stephanus Act. 7. 59, eum custodem inuocat, Domine Iesu, suscipe Spiritum meū, inquit. Cæterum, quia anima sedes est vitæ, ideo pro vita accipi satis notum est. *Redemisti me.* Quòd præteritū tempus quidam in futurum conuertunt, mihi nō videtur ratione fieri. nec enim dubito quin se ad fidendum animet Dauid, quæ iam expertus erat gratiæ Dei documenta, in memoriam reuocās. Hoc enim non leuiter nos in posterum confirmat, ut certò persuasi simus, Deo vitā nostram fore curæ, si iam prius liberator noster fuerit. Atque huc pertinet epithetum, quo Deum insignit. Deum enim veracem vel fidelem nominat, quia eundem perpetuò futurum credat, qualis antea fuit. ita hoc vinculo precandi fiduciam & spem futuri auxilii cum superioribus beneficiis connectit, ac si diceret, Domine, tu qui similis tui semper manes, neque hominum more animum mutas, iam re ipsa testaris es te salutis meæ esse vindicem. nunc igitur in manu tua animam, cuius fuisti seruator, depono. Quòd Dauid hīc de terrena vita pronuntiat, Paulus 2. Tim. 1. 12, ad æternam salutem transferit, Noui, inquit, cui crediderim, & quòd potens sit ad seruandum depositum. Et sanè quum ex liberatione temporali Dauid tantū con-

ceperit fiducia, plusquā maligni & ingrati sumus, nisi contra omnes Satanæ machinas inuicta fortitudine instruit redemptionis Christi sanguine parata.

6 *Odio habui.* Quo melius exprimat, fidem suam in Deo penitus defixā esse, vitiosis affectibus, qui mentes nostras auertere à Deo solent, & quibus ut plurimum laborant increduli, purum se fuisse affirmat. Nam contrariorum antithesis (ut scimus rem melius illustrat. Cæterum, nomen **לְבַד** ad magicas artes restringi (ut faciunt quidam Interpretes) absurdum est. Fateor quidē talibus imposturis valde addictos fuisse Orientales, ut vulgare inter eos fuerit malum: sed quum innumeris fraudibus, hominum mentes illaqueet Satan, & totidem illecebris à Deo auertat, speciem vnā duntaxat notari à Propheta, nequaquam probabile est. Quascūque ergo vanas spes nobis fingimas, quæ nos à Dei fiducia retrahant, *vanitates* generaliter appellat Dauid, & quidem falsitatis vel mendacii: quia etsi ad tempus magnifica ostentatione nos pascit, tādē deludit ac frustratur. Itaque testatur se abiectis vanitatibus, quas ad spes sibi fabricandas imaginari homines solent, in solum Deum recumbere. Quia verò nō modò se quisque inebriat fallacibus mundi illecebris, sed alii alios decipiūt: disertè asserit Propheta sibi odio fuisse omnes qui se talibus mendaciis implicant: ut certè summopere nobis fugiendi sunt, nisi vltro velimus noxiis eorum captionibus irretiri. Secundum verò membrum coniunctim legendum est, *in Iehoua speravi*, quia & causam odii assignat, & simul testatur, nō aliter spem suam homines Deo addicere, nisi ab omnibus auocamentis abhorreant.

7 *Exultabo* Hic inseritur gratiarum actio: quanquam multi suspensam orationem esse malunt, ac Dauidem, votum concipere, si fuerit præsentis discrimine liberatus. Sed quia nulla conditio apponitur, magis in illam sententiam inclino, eum abrupto præcādi cōtextu sibi exitum promittere, de quo gratias merito agat. nec verò mirum est, diuersos affectus in Psalmis misceri, in quibus tam suas tentationes quàm fidei luctas exposuit Dauid: deinde quā

iam salutem adeptus cecinerit Dei laudes, interdum diuersa tempora complectitur: sicuti hic dicit *respectam fuisse afflictionem suam à Deo*, per respectum allacæ sibi opis, effectum intelligens. & quo hoc melius confirmet, addit se non fuisse traditum in manus inimici: in qui-

bus verbis tacita antithesis subest: quæ esset vndique cõclusus duris angustiis, mirabiliter à Deo fuisse ereptum. Eodem etiam pertinet quod additur, *pedes eius in latitudine fuisse positos*: quia notatur subita & inopinata mutatio.

9 *Miserere mei Iehoua, quia tribulatio mihi: cõputruie præ ira oculus meus, anima mea, & venter meus.*

10 *Quia defecit præ dolore vita mea, & anni mei præ gemitu: concidit in arumna mea virtus mea, & ossa mea cõputruerunt.*

11 *Propter omnes hostes meos fui opprobrium, etiã vicinis meis valde, & terror notis meis: & videntes me foris, recesserunt à me.*

12 *Oblivioni traditus sum sicut mortuus à corde, similis factus sum vasi confracto.*

13 *Quia audiui conuiuium multorum: pavor circũquaque dum consultant simul contra me, & de capienda anima mea cogitant.*

9 *Miserere mei Iehoua.* Multis querimoniis amplificat miseriam suam, & doloris gravitatem, vt Deum ad succurrendum fleat: nõ quòd rationibus ad eum persuadendum opus sit, sed quia fideles vt curas suas exonerent, familiariter secum agere patitur. Nam quo pluribus vrgetur malis, dum ea coram Deo deplorat, tantumdem se erigunt ad spem auxilii impetrandi. Etsi autẽ hyperbolicæ videri possent loquutiones, Dauidi tamen propositum fuisse nõ dubito, sensus suos in medium proferre. Primò dicit, oculos suos, animam, & venter contabuisse mœrore. vnde apparet, nec leuiter, nec ad breue tẽpus his malorum tormentis fuisse vexatum. Ea certẽ mansuetudine præditus erat, vt nõ exacẽdesceret exiguo impulsu, neque tristitiã intẽperantia se conficeret. Deinde ad mala toleranda pridem erat assuefactus. Ergo non nisi durissimẽ, imò incredibili modo afflictus, eovsque indignationis prorupit. Iam per vocem Iræ, ostendit non ita se in cõstantia ferreum, vel passionum expertẽ fuisse, quin prorsum periret eius dolor ad nimiam veh-

mentiam & ardorem. Vnde colligimus, Sanctis durum sæpe, & arduum fuisse cum suis passionibus certamen: nec eorum patientiam fuisse immunem à tristitia, sed anxie luctando, hoc tandem esse adeptos, ne eos malorum cõgeries obrueret. Per *vitam* intelligunt quidã sensus vitales, quod etsi non prorsus relicto, simpliciter tamen exponere placet, quòd mœrore cõsumptus, vitam suam annos effluere & deficere senserit. Atque his verbis iterũ nõ tã mollitiẽ suã, quàm malorum atrocitatem deplorat, etsi Dauidem minimẽ puduit infirmitatem suam, cui remedium quærebat, liberẽ fateri. Quòd dicit, *Robur suum concidisse sub arumna*, quidam Interpretes malunt, Sub iniquitate, & *IRM*, fateor, vtrunque Hebræis significat, imò sæpius delictum & culpam: sed quum pro pœna interdum sumatur, quod melius contextui congruere visum est, elegi. Quanquam autem verum est, quicquid vnquam malorum perpassus est Dauid, culpæ suæ ascribere solitum: quia tamen tantum hic recitans suas misérias, causam subicit, probabile est,



rem vnâ pluribus modis suo more exprimere.

II *Propter omnes hostes meos.* Alii vertunt, præ hostibus. & quia litera **D** sæpe apud Hebræos comparatiue accipitur, sensum hunc eliciunt, quod amici & familiares Davidis eum supra omnes eius hostes probrosum duxerunt. Sed aliud, meo iudicio, voluit: quum passim esset exosus, totumque ferè populum in suam factionem traxissent hostes, infamia se apud amicos & propinquos flagrasse, sicuti commune iudicium quasi violenta tempestas, abripere animos nostros solet. ideo copulam **et** amplificandi causa positâ fuisse arbitror: quod detestabilis fuerit David, non alienis modò, quibus antè fuerat ignotus, sed præcipuis amicis. Addit etiam, quum procul aspicerent fugisse. Nam aduerbio *foris*, significat non fuisse dignatos miserum hominem propiore accessu: imò ne qua mali contagio ad ipsos pertingeret, omnem quauis remotum conspectum fugisse: quod sibi fraudi & decori fore ducerent, vllum ostendere amicitia signum.

12 *Oblivioni traditus sum.* Prosequitur eandem sententiam, seque non secus ex omnium memoria deletum fuisse conqueritur, acsi mortuus fuisset. Etsi enim quorundam post mortem viget memoria apud superstites, sæpius tamen contingit euanescere: quia nec quicquid est commercii, nec viui mortuorum aliquo officii genere prosequi aut iuuare pos-

sunt. Idem confirmat similitudine vasis corrupti, qua extremus contemptus & deiectio notatur: acsi dixisset, nullo iam loco vel numero se dignum censerì. Addit postremò, se exagitatam vulgò fuisse multis probris, & perculsum fuisse terroribus. Quanquam mihi magis placeret **וְכָל** Magnos vertere, quàm Multos. Inde enim augetur indignitas, si primores, qui nò minus iudicio quàm autoritate pollent, nos tradunt & infamant, quasi sceleratos: quia apud plebeios instar est præiudicii, quicquid ab illis profectum est. Optimè ergo congruet sensus, à toto Procerum ordine contumeliose damnatum fuisse Davidem, vt eorum splendore oppressa fuerit afflictì hominis innocentia, quam sententiam confirmat quod continuò post adiungit, *Pavor circumquaque dum consultant simul.* Nam quum de iisdem loquatur, aptius in primores hoc compere certum est, quàm in obsecrum vulgus. Porro videmus, impios sic fraudulentis consiliis inter se conspirasse ad perdendum Davidem, vt prius inuidiam ei conflauerint tanquam homini scelesto & reprobo. Sic etiam conuictis eum lacerasse, vt proteruiam furo grauitatis tegerent, de eius pernicie inter se consultando, acsi iam minimè ferendus esset. itaque non mirum est, tot ac tam acerbis tentationibus (sicut nuper visum fuit) vulneratum fuisse eius animum.

14 *Ego tamen in te speravi, Iehoua, dixi, Deus meus es.*

15 *In manu tua sunt tempora mea, erue me è manu hostiũ meorum, & à persequentibus me.*

16 *Lucere fac super seruum tuum faciem tuam, serua me in bonitate tua.*

17 *Iehoua, ne pudeam, quia inuocaui te: pudefiant impij, sileant in sepulchro.*

18 *Obmutescant labia mendacia, quæ loquuntur aduersus iustum durè in superbia & contumelia.*

14 *Ego tamen in te, &c.* Hic ponitur copula **et**, sed aduersatiue particula loco. Nā fidei suæ constantiam omnibus quas retulit, tentationum machinis op-

ponens David, negat se fuisse labefactatũ, sed potius firmum steterisse in salute à Deo speranda: neque tamen ita se fuisse magnanimum prædicat quia

pro carnis infirmitate ferè oppressus iacuerit. Hæc enim quanuis in speciem contraria, simul coniungi debent, eum dolore cõtabuissè, vigoreque omni fuisse priuatum: & tamen bona spe suffultũ, vt à Dei inuocatione non desisteret. Sic ergo in tristitia dirorumque cruciatuum tenebris fuit demersus, vt occulta lux fidei intus fulgeret in eius corde: sic gemitu sub ingenti tentationum mole, vt animum tamen ad Deum inuocandũ colligeret. Ergo per multa obstacula enixus est vt ad hanc confessionem emergeret. Modum postea spei suæ definit, quòd scilicet secum ita reputauerit Deum sibi nunquam desore. sed loquutio notanda est, *Dixi, Deus meus es tu*: quo verbo significat ita statuisse penitus in animo suo, vt nullam contrà dubitationẽ admitteret. Donec enim præualuerit ista persuasio, vt sensus nostros occupet, semper incerti vacillabimus, Notandum tamen est, istud Dicere, nõ modò interius esse & arcanum, vt in corde potius quàm in lingua resonet: sed ad Deum ipsum quasi vnicum testẽ dirigi. Nihil enim difficilius est, vbi fidẽ nostram deludi videmus à toto mundo, quàm sermonem ad Deum vnum dirigere, & acquiescere in hoc conscientia nostræ testimonio, quòd sit Deus noster. Atque hæc vera demum fidei probatio est, quamlibet violenti fluctus insurgãt, quamlibet etiam duri imperius nos concutiant, stabile hoc principium retinere, nos sub Dei esse tutela, & liberè cum ipso in hunc modum loqui, Tu Deus noster es.

15 *In manu tua.* Quo alacrius salutem suam Deo commendat, præfatur se eo custode fretum non imaginari fortuitos & cæcos euentus, quos vulgò metuunt homines. Perinde enim est acsi dixisset, Domine, penes te mortis ac vitæ meæ arbitrium est & potestas. quanquã non temere plurali numero vsum esse arbitror, sed vt casuum varietatem notaret, qua agitur vita hominum. frigidè enim exponi videtur hoc nomen de vitæ termino: quia vel tempus suum vel dies suos David in manu Dei esse simpliciter dixisset. Ego itaque non dubito quin varias resolutiones cogitans, totumque discrimina quæ assidue impendent,

tot inopinatos euentus qui subinde accidunt, securè nihilominus recumbat in Dei prouidentiam: quia statuit eã moderatricem esse vniũque fortunæ, vt loquantur. Videmus primò, vt non in genere tantum vocet Deum mundi gubernatorem, sed vitam suam affirmet esse in eius manu: neque id simpliciter, sed quibuscunque versari modis contingat, inter omnes vicissitudines positam semper esse sub Dei manu: hinc precationẽ deducit, vt seruetur è manu hostium.

16 *Lucere fac super seruum tuum faciem tuam.* Diximus alibi, & postea videbimus pluribus locis, hanc loquendi formam ductam esse à communi hominum sensu, qui se à Deo non respici existimant, nisi re ipsa & effectu ostendat se gerere eorum curam. Nõ enim secus faciem eius obscurant afflictiones, ac nebula, solis splendore. Petit igitur David, præfenti Dei auxilio sibi palam fieri, ipsum sibi propitium esse ac fauentem: quod in afflictionum caligine cernere, non ita facile erat. Quanquam duobus modis faciem suam super nos illustrare dicitur: vel quum oculos aperit ad res nostras curãdas, vel quum fauorẽ suum nobis ostendit. Sunt quidem hæc duo signa coniuncta, imò alterum ex altero pèdet: sed in priore loquutione, pro sensu carnis nostræ tribuitur Deo mutatio, quæ propriè in Deum non cõpetit. Secunda autem loquutio exprimit, nobis potius quàm Deo clausos esse vel hebetes oculos, quandiu videtur miseriae nostras non curare. *Seruandi* verbo quid prius voluerit, explicat. quia autẽ nulla tunc extabat salutis ratio, ad eam sperandã proposita bonitate se animat.

17 *Iehoua, ne pudeam.* Prosequitur suam precationem, & quo plus spei concipiat, se hostibus suis opponit. quia bis absurdum fuisset, illos impunè elabi, quorum impietas iram Dei apertè prouocabat: innoxium verò hominem qui in Deum recubuerat, cum frustratione ludibrio exponi. Tenemus nunc quid valeat comparatio. Porro, spei vel fiduciae loco nunc inuocatio ponitur, & meritò: quia necesse est vt ad Deum cõfugiat, & vota sua clamorẽsque dirigat quisquis in eius prouidentia recumbit. *Silere in sepulchro*, tantundem valet, atque

quæ impios morte compesci ne amplius noceant. Silentium verò tam dolosis & perfidis machinationibus quàm tumultuoso fastui opponitur. Ideo mox proximo versu addit, *Obmutescant labia mea* dicitur. quia voce eum completi interpretor tam vafritiem, fictos ad persuadendum colores & calumnias, quàm ven-

tosam iactantiam. Dicit enim durū vel præfactum loqui contra iustos, idque in superbia & contemptu: quia tam audaces ad mentiendum reddebat hostes Davidis peruersa elatio, quæ semper ferè contumeliam ex se parit: quia fieri vix potest quin alios contemptum despiciat quisquis arrogat sibi plus iusto.

19 *Quam multa bonitas tua quam abscondisti timentibus te, exercuisti confidentibus in te, coram filiis hominum.*

20 *Abscondes eos in abscondito vultus tui, à superbis viri occultabis eos in tugurio, à rixa linguarum.*

21 *Benedictus Iehoua, quia mirabilem reddidit bonitatē suam erga me in ciuitate munita.*

19 *Quam magna bonitas* Hoc verū exclamat benignum erga suos cultores & beneficium esse Deum, supra quàm sēsus noster capiat. Bonitas enim hic pro affectu suo capitur. Interrogatio autem vehementia non caret: quia non simpliciter prædicat David benignum esse Deum, sed in admirationem bonitatis quæ expertus erat, rapitur. Neque enim dubium est quin pro sua experientia erumpat in hanc vocem, quia mirificè & inopinato modo ex suis malis liberatus fuerat. Itaque fideles suo exemplo iubet supra mentis suæ captum asurgere, vt longè plus sibi promittant & expectent à gratia Dei, quàm concipiat humana ratio. Bonitatem Dei cultoribus absconditam esse dicit, quia peculiaris est eorum thesaurus. Etsi enim sese variis modis extendit ad profanos & indignos, ipsisque promiscuè est exposita: longè tamen vberius & luculentius se profert erga fideles: quia etiam soli omnibus Dei beneficiis fruuntur in salutem. Adde, quòd Deus, licet solè suū oriri faciat super bonos & malos, Mat. 5. 45, imò se brutis quoque animalibus liberalem exhibeat: se tamen verè & in solidum Patrem non declarat nisi seruis suis. Quare non abs re abscondita dicitur fidelibus Dei bonitas, quos propius & magis familiariter fauore suo prosequi dignatur. Quidam subtilius bonitatem Dei absconditam intelligunt, quia Deus sæpe filios suos cruce & miferis exerceas, suam erga eos gratiam

occultat, neque tamen eorum obliuiscitur. Probabilius tamen est, pro reposito thesauro sumi: nisi fortè ad piorum sensum id referre placeat: quia soli (vt dictum est) Diuinæ beneficentiæ fructum animis percipiunt: quum impios impediat brutus stupor, ne Deum agnoscant beneficium Patrem, dum se ingurgitant eius opibus. ita fit vt Dei bonitas omnes mundi partes impleat ac occupet, vulgò tamen ignota sit. Sed Propheta mentem certius aperiet antithesis inter fideles & extraneos. Sicut enim homo prouidus, ita erit in omnes liberalis, vt filios tamen vel domesticos non defraudet, nec prodigè largiendo exhaust domum suam: ita Deus exteris benefaciens, filiis tamen seruare nouit quod in ipsos competit quasi hæreditario iure. Augustinus parum appositè his verbis probat, eos qui sine fide horrent iudicium Dei, non gustare eius bonitatem: & eius error clarius proximo membro refellitur, vt David pronuntiat, ipsum Deum coram mundo hoc testatum facere, nempe inestimabili bonitate se erga cultores suos esse præditum, vt eorum salutem prospiciat. Vnde colligimus non de æterna beatitudine, quæ pios in cœlis manet, hic tractari, sed de auxiliis ac beneficiis quæ ad præsentis vitæ conseruationem pertinet: quæ adeò manifesta esse docet, vt profani quoque homines, oculati eorum testes esse cogantur. etsi enim omnia Dei opera clausis oculis præterit mundus, ac maximè pa-



ternam eius erga Sanctos curam igno-  
rat: certum tamen est, quotidie sic fulge-  
re eius documenta, vt ne reprobos qui-  
dem lateat, nisi quatenus oblatam sibi  
lucem suffocant. Itaque verè pronun-  
ciat Dauid, Deum coram filiis hominū  
exerere bonitatis suæ testimonia erga  
fideles, vt certò constet, non temere nec  
frustra eum coli.

20 *Abscondes eos in abscondito.* Gra-  
tiam Dei hac in parte specialiter com-  
mendat, quòd fideles ab omnibus noxis  
defendit ac tucur. Nam quum assidue  
& innumeris modis eorum salutem op-  
pugnet Satan, eisque maior pars mun-  
di infensa sit, multis discriminibus ob-  
noxios esse necesse est. Itaque nisi eos  
sua manu Deus protegeret, ac subinde  
ad opem ferendam occurreret, miserri-  
ma esset eorum conditio. Alludit autem  
ad illam absconsionem cuius nuper me-  
minit. quanquam primo intuitu durior  
esse videtur metaphora: aptissimè tamē  
exprimit, hoc vno tutos & saluos esse  
fideles, si Dominus eos respicit. Itaque  
magnificè hoc elogio extollitur pro-  
uidentiæ Dei virtus, quòd sola ad omne  
malorum genus repellendum sufficiat,  
ac radiis suis perstringat improborum  
omnium oculos, manusque eneruet. Qui  
busdam alludere videtur Propheta ad  
Sanctuarium: quod etsi non reiciio, non  
satis tamen solidum arbitror. Dicit au-  
tem abscondi fideles à superbis viri &  
rxis linguarum. quia nisi compestat  
Deus reprobos, scimus quàm furioso

impetu contra bonos & simplices ef-  
ferre se audeant: sed quamlibet effrænis  
sit eorum libido & insolentia, ne quid  
tamen bonis noceat, mirabiliter Deus  
ex fulgore aspectus sui umbram oppo-  
nit. Alii כספֿים vertunt Conspira-  
tiones, alii Prauitates, sed nulla ratione.  
nec vero respondet etymologia: quia  
non ab eleuando deductum est. Super-  
bia additur Contentio linguarum: quia  
etsi Dei filiis metuenda sit hostium cru-  
delitas, superperat tamen virulenta eo-  
rum maledicètia: quod plus satis exper-  
tus est Dauid. Quum autem nobis meri-  
tò charior debeat esse integritas quàm  
vita nostra, discamus sic iustitiam cole-  
re, vt freti Dei patrocínio, falsas omnes  
calumnias spernamus: semperque no-  
bis in mentem veniat, hoc propriū esse  
Dei munus, suos ab iniustis probris as-  
ferere.

21 *Benedixit Iehoua.* Generales  
quas posuit sententias, priuatim ad se  
accommodat, ac prædicat, in liberatio-  
ne vitæ suæ mirificam fuisse Dei boni-  
tatem. Quia verò de auxilio loquitur  
quod in rebus confusis & perditis repē-  
te & præter spem allatum erat, rectè sen-  
tiunt Interpretes, qui subaudiunt si-  
militudinis notam, Quasi in vrbe muni-  
ta. nam quum ad omnes ictus pateret  
Dauid, iniuriisque omnibus expositus  
foret, sibi in hac nuditate & inopia plu-  
ris fuisse Dei auxilium iactat, quàm vr-  
bem bene munitam, vel inexpugnabile  
propugnaculum.

22 *Ego autem dixeram in trepidatione mea, Proiectus sum  
à conspectu oculorum tuorum. vtique tamen exaudisti vocem  
deprecationum mearum, dum clamaui ad te.*

23 *Diligite Iehouam, omnes mansueti eius: fideles custo-  
dit Iehoua, & rependit abundè superbè se gerenti.*

24 *Fortiter vos gerite, & roborabit cor vestrum, omnes  
qui speratis in Iehoua.*

22 *Et ego dixi.* Fatetur hoc versu  
Dauid se diffidentia sua præmeriti  
fuisse vt desertus & abiectus à Deo pe-  
risset. probrosum hoc quidem erat corā  
hominibus: sed quo melius illuſtret Dei  
gratiam, non dubitat vitii sui dedecus  
palam facere. Eandem ferè confessio-

nem repetet P sal. 116, Ego dixi in præ-  
cipitatione mea, Omnis homo mendax.  
Scio, ידנָן à quibusdam exponi pro fu-  
ga, quasi Dauid mortem fugitans, pro-  
pterea quòd impar esset ad resistendum,  
hoc pauore fuerit percussus. Sed ego ad  
animi perturbationem magis refero. Ita-  
qua

que siue Festinationē veritas, siue alio modo, intelligit, se quasi præcipientem fuisse abreptum, vt se putaret à Deo negligi. Opponitur autem hæc festinatio rationi sedata & composita: quia etsi metu percussus fuit Dauid, non tamen succubuit, ac si fixa in eius mēte sterisset hæc persuasio. Scimus enim, sæpe terroribus inquietari fideles, & feruore impatientiæ, vel nimium celeribus votis quasi præcipientes impelli: sed postea redire ad seipsos. Quod autem hæc tentatione nūquam excussa fuerit Dauidi fides ex cōtextu patet: quia mox addit exauditas fuisse suas preces. atqui extincta fide serium precandi affectum concipere non potuit. quare hic festinationis tantum lapsus fuit. Quod si sanctum Dei Prophetam, tantæque præstantia ornatum in desperationē rapere potuit præpostera cogitationis festinatio, quanto perere nobis timendum est ne exitiali ruina animi nobis concidant? etsi autem ad amplificandam Dei gratiam pertinet hæc confessio, vt diximus: secūdo tamen membro satis demonstrat Dauid, fidem suam, quanuis concussa fuerit, nō fuisse tamen radicitus euulsam: quia precari interea non destitit. Ac sæpe hoc modo luctantur Sancti cum propria diffidentia, vt partim animos suos colligāt & effrangent ad precandum. Nec obstat carnis infirmitas quominus etiam ferē deiecti, indefessos Deo athletas se præbeant. Quanquam autem tētationi Dauid strenuē repugnauerat, se tamen indignum fuisse agnoscit Dei gratia quā sua dubitatione quodammodo arcebat, Nam particula **וְ**, hoc loco aduersatiuē capitur: quod scilicet præter meritum saluatus fuerit Dauid, quia cum eius infidelitate certauit immensa Dei bonitas. Quia tamen nota est affirmatio apud Hebræos, placuit reddere. Vtique tamen. Nec verò dubito quin variis eam tentationibus opponat, quibus animum eius huc illuc impulsū fuisse credibile est.

23 *Diligite Iehouam* Non hortatur hic, meo iudicio, pios ad Dei timorem & reuerentiam, sicut multi volunt: sed tantum eos ad fiduciā animat, ac si iuberet prorsus addictos esse Deo, spes omnes suas in eum coniicere, & in eo

penitus acquiescere, ne aliō ferantur. unde enim sit vt nos oblectent nostra signimenta, nisi quia non sapit nobis Deus, vt par erat: nec ei sensus omnes nostri adhærent? quare dilectio hæc, votorum omnium summam in se continet. Naturaliter bene & beata sibi esse cupiunt omnes: sed dum maior pars illecebris mundi capta, mendacia & imposturas diligit, vix centesimus quisque mentem ad Deum applicat. Sensum hunc confirmat quæ statim additur ratio. Mansuetos enim ad Deum amandum hortatur Propheta, quia veraces custodiat. perinde ergo est ac si contentos esse iuberet eius præsidio. Interim admonet, rectæ conscientiæ studendum esse, & integritatem colendam, quia Deus rectorum ac veracium se fore custodem promittit. Ex opposito pronuntiat, Superbis abundē rependere mercedem, ne, vbi videmus illis prosperē ad tempus succedere, praua æmulatio nos sollicitet, vel certe nos frangat & exanimet eorum ferocitas, dum quidvis sibi licere putāt. Summa igitur est, Quauis sibi plaudat impij, dum impune in sceleribus suis grassantur, fideles autem in multis timoribus & periculis versentur: vos tamen Deo addicite, & recumbite in eius gratiam: quia veraces semper defendet, superbis verò quam meriti sunt mercedem rependet. In particula **וְ** non cōsentiunt Interpretes. Superbiam quidam vertunt, hoc sensu, Deus pro superbia retribuet superbe agentibus. Alii exponunt, Ad cumulum, vel, ultra mē furam, quia **וְ** Hebræis residuum significat, pro quo posuimus *abundē*. Nōnulli intelligunt, Vsq̃ue ad filios & nepotes, qui residui manebunt ex illorum semine. Cæterum quia eadem vox pro Excellentia sapius accipitur, non dubito quin Propheta faceret superbos perstringat, qui suam præstantiam sibi non modo clypei, sed inuictæ munitionis loco contra Deū esse fingūt. Quia ergo eos exæcat vel fascinat sua potestas, vt intemperanter ac sine modo abiectis & debilibus insultent: elegantior Propheta dicit, pro excellentia qua turgēt repositam illis esse mercedem.

24 *Fortiter vos gerite* Eodem pertinet hæc exhortatio. hæc enim constā-  
N.ii.

ria de qua præcipit, in illo Dei amore fundata est: vbi toto corde quam promittit salutem, omnibus illecebris valere iussis, amplectimur. Neque tamen superuacua est fortitudinis & constantia mentio, quia vbi quis in Deum recubnerit, ad multos Satanæ impetus sustinendos se comparet atque armet necesse est. Primum ergo est, vt nos placide in Dei fidem & tutelam tradamus. ac bonitatis eius gustus sensus omnes nostros retineat. Deinde vt firma con-

stantia & insatigabili virtute instructi, subinde ad noua prælia stemus accincti. Quia tamen nemo sponte sua ad pugandum sufficeret, Dauid Spiritû fortitudinis sperare à Deo & petere nos iubet. quod notatu apprimè dignum est. Nam hinc colligimus, vbi nos affici admonet Spiritus Dei, non expèdere qualis sit cuiusque facultas, nec officiû ipsum propria hominum virtute metiri: sed poti⁹ ad preces nos accèdere, vt defecû nostrû solus, qui potest, De⁹ corrigat.

### ARGVMENTVM PSALMI XXXII.

*Dauid probe & serio expertus quàm miserum sit Dei manum sentire ob peccata infectum, exclamat, hoc summum & vnicum esse beata vira caput, si Deus hominem ab omni reatu, sibi gratuito reconciliet. Postquam verò de impetrata venia gratias egit, alios secû in huius felicitatis societatem inuitat, eius obtinenda modum suo exemplo præscribens.*  
*Psalmus XXXII.*

**E***Rudiens Dauidis. Beati quibus remissa est iniquitas, quorum tecta est transgressio.*

*2 Beatus homo cui non imputat Iehoua iniquitatem, & iræ cuius spiritu non est dolus.*

Inscriptio gustum aliquem argumenti præbet. Quidam putant nomen *יְהוָה*, ex versu 7 desumptum esse: sed rectius est, ex toto cõtextu fuisse Psalmo impositum. Dauid enim post lûgos & horribiles cruciatus, quum Deus propositis iræ suæ signis, eû seuerè torqueret: tandem gratiam adeptus, documentum hoc ad suum & totius Ecclesiæ vñ accommodat, vt se aliõsque erudiat in præcipuo salutis capite. Quia enim fieri non potest quin miserè trepident cû- & mortales, donec certò persuasi sint, Deum sibi esse propitiû, vel, quod deterius est, se ipsos & Deû obliiti, in mortifero stupore iaceant: non alibi quàm in gratuita peccatorum venia, sitam esse felicitatem docet: quia nec quicquam miserius sit quàm Deum habere aduersum, nec aliter nobis propitiû sit, quàm vbi paterna indulgètia peccatis nostris ignoscit.

**I Beati quibus.** Tam ex ardenti cordis affectu, quàm ex seria meditatione erumpit in hanc exclamationem. Nam quum totus ferè mundus à Dei iudicio sensus suos auertens, mortiferam sibi

obliuionem inducat, falsisque deliciis se inebriet: Dauid sicuti iræ Dei metu fuerat perculsus, vt ad quærendam misericordiam se conferret, alios etiam clara & sonora voce expergeficit: pronuntians, eos demum beatos esse, quibus placatus est Deus, vt pro filiis agnoscat, quibus meritò inimicus esset. Tamen autem alios hypocrisis & superbia exacerbat, alios crassus Dei contemptus, vt de quærenda venia minimè solliciti sint: fatentur tamè omnes venia sibi opus esse: nec sane quisquam est quem non ad Dei tribunal accuset propria conscientia, multisque stimulis pungat. Hanc igitur confessionem profanis quoque hominibus extorquet ipsa natura, Quia nemo perfectus est, necessariam omnibus esse veniam: actum demum præclarè nobiscum agi, quum peccata Deus remittit. Sed interea multis caliginem obducit hypocrisis, multos denulcer peruersa carnis securitas, vt nullo aut frigido iræ Dei sensu tangantur. Et accedit duplex error, quod peccata sua omnes extenuant, nec centesima ex parte reputant quàm sint Deo obnoxii. Deinde fru-



friuiolas sibi expiationes fingunt, quibus se à noxa liberent, Deique gratiam redimant. Ita omnibus seculis passim inualuit hæc opinio, Quauis singuli vi-  
tiis laborent, simul tamen ornatos esse meritis, quæ illis gratiam concilient co-  
ram Deo: deinde quauis iram Dei pro-  
uocet suis delictis, in promptu esse pia-  
cula, & satisfactiones quibus se absol-  
uant. Atque hæc Satanæ impostura cõ-  
muniter in Papistis, Turcis, & Iudæis,  
aliisque gentibus regnat. Itaque quis-  
quis non furiosa amentia abreptus fue-  
rit in Papatu, sententiam hanc admit-  
tet, Miseros esse homines, nisi cum illis  
clementer agat Deus, peccata non im-  
putando. Sed longius progressus est Da-  
uid, totâ hominû vitâ iræ & maledictio-  
ni Dei subiiciens, nisi quatenus mera  
gratia Deus ad se recipere dignatur: cu-  
ius rei Spiritus qui per Dauidem loquu-  
tus est, per os Pauli, Rom. 4.6, certus  
nobis est interpret ac testis. Nisi vsus  
fuisset hoc testimonio Paulus, nunquam  
ad genuinam Prophetæ mentem pene-  
traissent lectores: sicuti Papistæ licet cõ-  
tillint in templis suis, Beati quorum re-  
missæ sunt iniquitates, tamen quasi vul-  
gare aliquod leuissque momenti dictum  
prætereunt. Atque Paulo hæc plena est  
iustitiæ fidei definitio, ac si dixisset Pro-  
pheta, tunc demum beatos esse homines  
quum Deo gratis reconciliati, pro iustis  
censentur. Hæc igitur beatitudo quam  
celebrat Dauid, omnibus hominum me-  
ritis in nihilum reductis, operum iusti-  
tiam euertit. Nam cõmentum partialis  
iustitiæ, quo se Papistæ & alii deludant,  
futile est. quia ne inter eos quidem qui  
caelestis doctrinæ luce carent, quisquam  
reperietur tam vassanus, qui sibi perfe-  
ctam iustitiam arroget: quod etiam tes-  
tantur expiationes, lauacra, & alia pla-  
candi Dei remedia, quæ semper in vsu  
fuerunt cunctis gentibus. Sed interea suas  
virtutes perinde obrudere Deo non du-  
bitant, ac si magnam beatitudinis partem  
sibi ipsi acquirerent. Dauid autem longè  
aliuni ordinem præscribit, vt in quæren-  
da felicitate omnes ab hoc principio  
incipiant, Non aliter sibi propitiû fore  
Deum, quàm si gratis ignoret: & fa-  
uore suo dignetur qui æterno interitu  
digni essent, ac merito pronuntiat Da-

uid, sublata misericordia, miseros in  
solidû & maledictos esse cunctos mor-  
tâles: quia quû naturaliter tantum ad  
malum ferantur omnes, donec regeniti  
fuerint, totam eorum vitâ Deo exosam  
& abominabilem esse certum est. Dein-  
de etiam post regenerationem quum  
nullum hominis opus sine venia place-  
re Deo queat, à spe salutis excludi ne-  
cesse est. Certè nihil præter anxiam tre-  
pidationem illis restabit. Durum hoc  
Papistis videtur, Sanctorum opera, quia  
maculis aspersa sunt, mercede indigna  
esse. sed in eo crassam inscitiam pro-  
dunt, quòd Dei iudicium cui obscurus  
est stellarum splendor, ex suo sensu æsti-  
mât. Fixa igitur maneat doctrina hæc,  
Quia non aliter iusti coram Deo reputa-  
mur, nisi gratuita peccatorum remissi-  
one, hanc æternæ salutis esse ianuam: i-  
deoque solos esse beatos qui in Dei mi-  
sericordiam recumbunt. Tenenda enim  
est illa quam notari, antithesis inter  
fideles, qui remissionem peccatorum  
amplexi, acquiescunt in mera Dei gra-  
tia, & reliquos omnes, qui ad gratiæ  
asylum confugere negligunt. Porro  
quòd ter idem inculcat Dauid, non est  
superuacua repetitio. Per se quidè hoc  
satis clarum erat, beatum esse hominem  
cui remissa est iniquitas: sed quàm sit  
persuasum difficile, vt cordibus penitus  
infixum maneat, experientia ostendit.  
Maior pars (vt admonui) suis illecebris  
capta, quantum in se est, conscientiæ ter-  
rores, omnemque iræ Dei metum pro-  
cul à se depellit. Quaquam autem Deû  
sibi propitium appetunt, fugitant tamen  
magis eius conspectum, quàm ad eius  
gratiam ex animo sincerèque aspirant.  
Quos verò Deus verè expergefecit, vt  
tangantur viuo miseræ suæ sensu, as-  
sidua inquietudo exagitat, vt difficile  
sit eorum animos pacare. Gstant quidè  
Dei misericordiâ, & eam apprehendere  
conantur: sed subinde ad multos insul-  
tus vel expauescunt, vel nutant. His dua-  
bus de causis, pluribus verbis in testan-  
da peccatorum remissione insistit, nem-  
pe vt sopitos excitet, securis sollicitudi-  
nè iniiciat, torpentèsque impellat. dein-  
de vt trepidas & anxias mentes certa  
constantique fiducia tranquillet. Apud  
priora talis est huius doctrinæ vsus,

Quid facitis miser? si vos vna & altera punctio non sollicitat, si ad incuriendum terrorē nō sufficit qualiscūque peccatorum agnitio: quā peruersum tamen est, immensa congerie obrutos, securē adhuc dormire? Apud debiles autem & trepidos non parum solatii & confirmationis continet hæc repetitio. nam quum subinde recurrant dubitationes, non satis esset vna in lucta superiores stare. Ergo ne inter varios motus quibus turbantur, desperatio eos absorbeat, Spiritus sanctus remissionem peccatorum pluribus verbis confirmat & sancit. Iam expendere conuenit quid valeant loquendi formæ. Certè remissio de qua hic agitur, cū satisfactioibus nō cōuenit. Deus enim leuādo, aut tollēdo, deīde tegēdo & nō imputādo peccata gratis ignoscit. Quare Papistæ satisfactiones suas, & supererogationis (vt vocant) opera ingerendo, beatitudine ista se priuant. Adde quōd Dauid verba hæc ad plenā veniā extēdit. Itaque in tempestiua hic est pœnæ & culpæ distinctio, qua Papistæ dimidiam tantū veniā faciunt. Nunc tandē videndū est ad quos pertineat hæc felicitas, quod ex circumstantia temporis colligere promptum est. Nam quum dicit Dauid, se vnica Dei misericordia beatum esse, nō erat ab Ecclesia alienus, imō præ aliis multis profecerat in timore cultūque Dei, & vitæ sanctitate, seque exercuerat in omnibus pietatis officiis. Post istos progressus ita eum exercuit Deus, vt proram & puppim salutis suæ in gratuita cum Deo reconciliatione locaret. Nec verō frustra Zacharias in suo Cantico, Luc. 1. 77, hanc salutis scientiam vocat, tenere remissionem peccatorū. Ergo vt quisque sanctitate maximē excellit, se à iustitiæ perfectione adhuc longē abesse sentiat, ne alibi confidat quā in mera Dei misericordia. Vnde apparet nimis crassē hallucinari qui in peccatorum remissione non nisi initiū iustitiæ esse putant. Nam quum se quotidie multis delictis obstringant fideles, nihil proderit viam semel adeptos esse, nisi eadem eos gratia vsque ad vltimam vitæ meram prosequatur. Siquis obiciat, beatos alibi vocari qui timent Dominū, qui ambulant in viis eius, qui

integri sunt corde, &c. facilis responsio est: quia nullibi reperietur perfectus Dei timor, Legis observatio, & cordis integritas, quicquid vbique Scriptura de beatitudine prædicat, quā in gratuito Dei fauore quo nos sibi reconciliat, esse fundatum.

2 *In cuius spiritu non est dolus.* Hæc particula fideles discernit tā ab hypocritis quā à stupidis contemptoribus quorum vtrisque nec curæ est ista felicitas, nec eius potiundæ ratio constare potest. Malè sibi conscii sunt scelerati, sibi tamen in suo fectore placent: obstinant se ad impudentiam, minas ludibrio habent, vel saltem fallacibus blanditiis se inuoluunt, ne cogantur in Dei conspectum prodire. ergo quauis vrantur miserix suæ sensu, vel cæcis tormentis vexentur, peruersa tamen obliuione metum omnem Dei suffocant. Hypocritæ, siquando eos mordet conscientia, inanibus pharmacis leniunt dolorē: si eos Deus ad tribunal suum citat, laruas nescio quas pro defensione opponunt: nec vquam integumentis carent quibus lucem è cordibus suis arcent. Hos omnes impedit interior dolus, ne felicitatem quærant in paterno Dei amore. Quin etiam multi eorum vel proteruiunt coram Deo, vel superba confidentia turgent, vt se beato somnient quauis aduerso Deo. Significat ergo Dauid, neminem antè gustare quid valeat peccatorum remissio, quā ex eius corde absterfus fuerit dolus. Porro quid intelligat per hoc nomen, ex his quæ dixi colligere licet. Quisquis ergo se nō examinat coram Deo, quin potius Dei iudiciū fugitans, vel abdit in tenebras, vel foliis obteggit: secum dolose agit, & cum ipso Deo. Ita non mirum est, si malum non sentiens, medicinam respicit. Huius doli notandæ sunt duæ illæ quas tetigi species. Ququam autem non ita obduruerunt multi, quin tangerentur aliquo timore & gratiæ desiderio: sibi tamen interea indulgent, vel frigidè mouentur ad veniam quærendam. Hinc fit vt nondum capiant quā inestimabilis sit felicitas, Deum habere propitium. Talis fuit ad tempus Dauid, cui obrepfit dolosa securitas ad obtenebrandam eius mentē, ne ad huius felicitatis

studium emergeret. Hoc eodem morbo laborât ipe Sancti. Quare si hac felicità quâ nobis proponit David frui cupimus, sedulo curandû est ne Satâ fallat.

eiiscorda nostra occupâs, miserâ nostrâ sensum nobis adimat, in qua tabescere necesse est quicumque subterfugia quarant.

3 *Quando tacui contabuerunt ossa mea, & quum eiularem tota die.*

4 *Quia interdum & noctu ingrauescebat super me manus tua, versus est in siccitates aestatis viror meus. Selah*

3 *Quando tacui.* Sententiam quam posuit, propria experientia confirmat quoddam scilicet humiliatus Dei manu, senserit nihil esse miserius quàm ab eius gratia alienari: quibus verbis significat non posse doctrinâ hanc rite percipi donec irâ suâ sensu nos Deus excue rit. Nec verò de mediocri tantum examine loquitur, sed extremo rigore se penitus subactum fuisse refert. Et certe mira est in hac parte carnis nostræ non modò pigritia, sed etiam durities. Itaque nisi violentis modis tracti, nunquam ad reconciliationem cum Deo querendam iusto fervore properabimus. In summa, suo exemplo Propheta docet, tunc demû nos capere quanta sit felicità, Deû habere propitiû, ubi grauius tentationû luctis intus exercitati, probè sensimus quàm formidabilis sit ira Dei. Dicit autè, siue taceret, siue clamore ac rugitu exonerare têtaret suum dolorè, semper ossa sua sensuisse: ac si diceret totum robur suum fuisse emarcidum. Vnde sequitur, quocumque se vertat peccator, & quoscumque induat affectus, non tamen leuare suum malum, nec quicquam proficere, donec cum Deo redierit in gratiam. Sæpe enim cõttingit, grauisima tristitia cõtstringi qui frænum arrodunt, intusque deuorant ac comprimunt suum dolorem: postea quasi subito furore abripi, & vim doloris eo maiore impetu erumpere, quo se diutius cohibuerunt. Silentii nomine nõ indolentiam vel stuporem designat, sed affectum qui medius est inter tolerantia & contumaciam, vitio & virtuti affinis. Neque enim ossa eius quasi senio consumpta essent, nisi inter diros animi cruciatus: & tamen spei vel obedientie non fuit silentium, quod miserò nihil solatii attulit.

4 *Quia interdum.* Hoc versu clarius explicat vnde tantus mœror, quia scilicet Dei manum sensit infestam sibi esse. Hic enim malorum omnium cumulus est, vrgeri Dei manu, vt sentiat peccator sibi cû eo iudice negotiû esse cuius ira & seueritas præter æternâ mortè innumeratas mortes in se cõtinet. Hinc cõtqueritur David succû suû exaruisse, non modò quoddam simpliciter reputaret sua mala, sed causam & fontem agnosceret. Tunc enim concidit totus hominû vigor, ubi Deus iudex apparet, ac propositis irâ suâ signis eos humiliat ac prosternit. Tunc impletur illud Iesaiæ, 40.7, Exaruit herba & emarcuit flos, quia spiritus Domini sufflauit in eo. Dicit autem non vulgare fuisse castigationis genus, quo didicit verè irâ Dei metuerè, quia manus Domini noctes & dies ingrauescere non cessauit. Cerrè iam à puero ad Dei timorem tam arcano Spiritus instinctu, quàm doctrina formatus erat ad pietatem. Et tamen ad hanc sapientiam discendam ad eò non satis fuerunt rudimenta quibus fuerat imbutus, vt tanquam nouitium in medio cursu erudiri necesse fuerit. Imò: quum iam lógo vsu assueuisset ad gemèda sua peccata, de integro ad diuturna exercitia retractus est. vnde colligere licet quàm serò respiscât homines, ubi semel lapsi sunt: atque etiam quàm sint ad parèdû tardi, donec subinde plagas suas ingeminet Deus, & cõtinuâdo augeat. Si quis roget de Dauide, an callû obduxerat ad plagas, quas sciebat Diuinitus sibi infligi, responsio ex contextu petenda est, detentû fuisse & cõtstrictû in perplexis doloribus, & lentis tormentis fuisse distractum, donec bene domitus mansuesceret: quod principium est querendi remedii. Vnde iterû colligimus, non



frustra iterari castigationes quibus in frustra succumbat, quam scimus esse in de nos videtur Deus seuire, nec frustra ma- mitari, nisi durissimis plagis cogatur. num eius aggrauari, donet ferocia no-

5 *Peccatum meum tibi notum feci, & iniquitatem meam non abscondi: dixi, Confitebor super me scelus meum Iehoue: & tu remisisti noxam peccati mei. Selah.*

6 *Propterea orabit ad te omnis mansuetus tempore inueniendi: utique in diluvio aquarum multarum ad eum non appropinquabunt.*

7 *Tu latibulum mihi, à tribulatione custodies me, cantibus liberationis circundabis me. Selah.*

5 *Peccatum meum no. feci.* Iam exitum suæ miseræ describit Propheta, ut eius felicitatis, de qua meminit, potiùs omnibus in promptu exposita sit ratio. Quum ergo infœliciter eum angeret ac torqueret ira Dei sentus, hæc unica leuatio fuit, ingenuè se damnare coram Deo, & ad veniæ deprecationem suppliciter confugere. Non dicit autem simpliciter sibi in mentem venisse peccata, nam & Cain & Iudæ idem contigit, sed nullo profectu: quia dum sibi male conscii sunt reprobi, non desinunt seipsum exedere, & fremere aduersus Deum: imò quanuis inuitos ad iudicium suum cogat, cuperent tamen se abscondere. Sed hic longè diuersa peccati agnitio describitur, dum scilicet peccator sponte ad Deum se confert: quia spem salutis non in peruicacia vel hypocrisi, sed in veniæ deprecatione statuit. Hæc enim voluntaria cõfessio cum fide semper coniuncta est: quia alioqui latebras semper captabit peccator, quibus effugiat conspectum Dei. ac verba Davidis aperte ostendunt, sincerè & ex animo prodiisse ante Dei oculos ne quid celaret. Nam quum dicit se notum fecisse peccatum, nec abscondisse: postea rursus membrum more Hebræico ad amplificandum addit. Quare dubiū non est quin David coram Deo se sistens, sensus omnes suos effuderit. Scimus ut sua mala extenuent hypocritæ, vel fueros inducant, vel tergiuersando obscurerent: denique nunquam ingenuè & pleno ore rectam confessionem asserant. Hæc prauitate se fuisse implicitum negat David, quia sine ulla simulatione

parefecerit Deo quicquid eum premebat. quod etiam confirmat *Dicendi* verbo. Nam quum reprobi trahantur, perinde ac si iudex sceleratos in quaestionem ageret, consultò & propenso animi motu se venisse testatur. Nam istud dicere, nihil aliud est quàm secum deliberare: vnde sequitur, veniã sibi fuisse pollicitum à Dei misericordia, ne liberæ confessioni viam præcluderet terror. Particula *Super me*, vel contra me, significat onus fuisse à Davide omnes prætextus quibus bona pars hominum se exonerat, culpam aliò transferens, vel deriuans. Statuit ergo David sese Dei iudicio penitus subiicere, proferreque suū reatū, ut apud sedamnatum veniam impetraret. *Et tu remisisti.* Membrū hoc molestis & diris agitationibus opponitur, quibus se vexatum fuisse dixit antequam fide gratiam Dei apprehenderet. Caterū his verbis docet, quoties se peccator cum ingenua confessione offerret, reconciliationem cum Deo paratam fore: quia non sibi vniplacabilem fuisse Deum recitat, sed communem in suo exemplo doctrinam tradit, ne dubitent qui laborant, sub onere sibi fore propitiū, simulac recta & voluntario affectu ad eū se cõtulerint. Siquis hinc colligat, penitentiã igitur & cõfessionē causam esse obtinendæ gratiæ: solutio non difficilis est, Davidē hic nō differere de causa, sed modū ostendere quo se Deo reconciliat peccator. Quanuis enim interueniat confessio, alius tamen penetrandum est, nempe quòd fides corda nostra aperiens & linguas, eadem quoque veniã impetret. Neque enim semper

semper quicquid necessario requiritur inter causas numerare conuenit. Siquis rudius malit, veniam confessione sua adeptus est Dauid, non quod eam actu ipso loquendi promeritus fuerit, sed quia fide directrice iudicem suum suppliciter deprecatus est. Porro quum eadem inter nos hodie vigere debeat consistendi ratio quæ olim Patribus sub Lege fuit, satis hoc loco refellitur tyrannicum Papæ edictum, quo nos à Deo ad suos sacrificios ablegat.

6 *Propterea orabit.* Disertè exprimit, quicquid hætenus proposuit in sua persona, communiter spectare ad omnes Dei filios: quod sedulo notandum est, quia ob dissidentiam nobis ingentiam maior pars ægrè & maligne Dei gratiam ad se admittit. Hinc etiam colligimus confessionis actum, ut loquuntur, veniam non fuisse promeritum, sed fide magis & præsibus: quia hunc potius eiusdem modum fidelibus præscribit, ut ad orationem confugiant, quæ verum est fidei sacrificium. Cæterum dicamus, in Dauide editum fuisse à Deo clementiæ specimen, quod non tantum ad nos omnes pertineat, sed etiam ostendat quomodo reconciliatio querenda sit. Quanquam autem vniuersalis nota ad confirmationem cuiusque piorum valeat: simul tamen ostendit, nemini spem salutis aliter fieri, quam si coram Deo supplices se prosternant, quia eius misericordia omnes ad vnum indigent. *Tertius inueniendi* quod mox subiicitur, quidam ad solennes & statas precandi horas referunt, sed rectius alii, meo iudicio, locum hunc comparant cum illo Isaie cap. 55. 6, *Quærite Iehouam dum inueniri potest: inuocate eum dum prope est.* Semper quidem tempestiuè queritur Deus, quia singulis momentis egemus eius gratia & ipse etiam vltro nobis occurrit: sed quia nos segnitie,

vel etiam socordia impedit ab eo querendo, hic Dauid articulos propriè designat quibus fideles sua necessitas sollicitat. Quod hoc loco abusi sunt Papistæ, ut sibi accerferent e celo patronos, indigna quidem refutatione est insulitas. hinc tamen perspicere licet vel quam sceleratè corruerint totam Scripturam, vel quam crassa inscitia in rebus apertis hallucinati fuerint. *In diluuiis aquarum multarum.* Congruit hoc dictum cum illo Ioelis vaticinio, *Quisquis inuocauerit nomen Domini, saluus erit.* Ioel, 2. 32. Sècuse est, etià si nos vndiq; circudèr pro fundi mortis gurgites, metuendum non esse ne nos abiorbeant: sed tutos & incolumes fore, modò nobis fide receptus sit ad Dei misericordiam. Emphatica igitur circumstantia est, in ipsa morte salutem certam fore fidelibus, modò se in asylum gratiæ Dei conferant. Nam sub Diluuii voce notantur quæuis discrimina, quibus vitædis nulla ratio apparet. Tandem ad gratias agendas se conuertit. Quanquam autem paucis verbis celebrat Dei gratiam. subest tamen in hac breuitate multa energia. Nam primò alium salutis portum esse negat, quam Deum ipsum: deinde fidem sibi in posterum fore custodem promittit. libenter enim retineo futurum verbi tēpus, quod alii nulla ratione in præteritum vertunt Neque tamen se immunem à tribulationibus fore putat, sed illis Dei præsidium opponit. Postremò quicquid acciderit malorum, sibi Deum liberatorem fore confirmat. Nam verbo *Circumdandi* multiplices ac varias salutis species designat: ac si diceret, innumeris modis se Deo fore obstrictum, ut vberimahine inde materia eius laudandi suppetat. Videmus interea vt suo more gratitudinis officium Deo offerat, pro auxilio cantica ereptionis ponens.

8 *Erudiam te, & docebo te in qua via ambules: consulari super te oculo meo.*

9 *Nescitis sicut equus, sicut mulus quibus non est intelligentia: canistro & freno maxillæ eius constringes, ne calcitent contra te.*

10 *Multi dolores impio: at sperantem in Iehoua bonitas*

*circumdabit.*

*11 Latamini in Iehoua, & exultate iusti, cantate omnes recti corde.*

8 *Erudiam te.* Quo plus energiaz habeat exhortatio, sermonem ad singulos dirigit. Nam facilius in animos penetrat quod dicitur, ubi quisque peculiariter doctrinam ipsam ad se applicat. Porro quum omnibus Dei filiis salutis via hic monstretur, summo opere cauendum est, ne ab ea vel minimū quis defleat. Dilectum autem ex hoc loco, hac lege nos Deus reconciliari, vt quisque fratres suos eiusdem beneficii participes facere studeat, ac solitudinem suam per oculi intuitum melius declarat. Interea tenendum est, quicumque de salute nostra solliciti sunt, eos nobis à Domino constitui vias duces. Vnde apparet, quam paternè nobis prospiciat.

9 *Nesitis sicut equus.* Breuiter nunc sui cōsiliū, quod se daturum præsatus est, summam exponit. omnes enim ad placidam docilitatem hortatur: atque vt depōsita contumacia mansuetudinis spiritum induant. Prudenter autem de corrigenda duritie pios admonet: quia si atrecti essemus ad Dei ferulas, vt decebat, certatim quisque ad quærendam Dei gratiam properaret. nunc vnde tanta in omnibus tarditas, nisi quia vel stupidifumus, vel etiam refractarii? Brutis autem animalibus præfractos omnes comparans Dauid pudorem illis incutit, & si mul denuntiat, contra stimulos calcitrando, nihil proficere. Homines (inquit) equorum ferociā subigere norūt frānis, & lupatis: quid igitur Deū putāt saturū, vbi eos intractabiles expertus fuerit?

10 *Multi dolores iungio.* Sine figura pronuntiat quali: ac belles & obstinatos maneat conditio. Prius dixerat Deum nō carere frānis vel lupatis, quibus eorum proteritum compescat: nunc addit nullum illorum miseris finem vel modum fore donec prorsus consumpti fuerint. Quauis ergo ad tempus nobis parcat Deus, terreat nos hæc denuntiatio, ne temporalis impunitas nos obduret: neque sic nos decipiat prosperitas cui Deus maledicit, quim reconditi isti dolores quos Deus reprobis omnibus mi-

natur, nobis in mentem veniant. Sicut autem innumeris vindictis armatū esse Deum cōtra reprobos dixit, rursum addit, Immensa bonitate instructum esse qua suos omnes subleuet. Summa est, nō aliud esse malis nostris remedium, nisi vt humiliati sub Dei manu, salutem nostram in sola eius misericordia fundemus: eos verò qui in Deum recubuerint omnibus numeris beatos fore quia vndecunque eos oppugnet Satan, Dominus cum suo præsidio occurret.

11 *Latamini in Iehoua.* Postquam Dauid veram felicitatem piis omnibus promptam & expositam esse docuit, nō immeritò eos ad lætitiā hortatur. Iubet autem in Iehoua latari, ac si diceret, nihil ob stare quominus Deum sibi propitium esse statuant qui tam benignè & comiter ad reconciliationem se offert. Interea notemus hunc incomparabilem esse fidei fructum, quem etiam commendat Paulus, dum scilicet piorum conscientiz tranquillæ & hilares pace & gaudio spiritali fruuntur. Nam vbicumque viagebit fides, eam sequetur hæc sancta gloriatio. Sed quia mundo sua impietas obstaculum est, ne ad huius gaudii participationem accedat: ideo solos iustos cōpellat Dauid, quos eisdē *rectos corde* nominat, vt sciamus externæ iustitiæ speciem quæ hominibus arridet, nihil esse coram Deo. Sed quomodo iustos vocat quorum tota felicitas in gratuita Dei clementia posita est, dum illis peccata non imputat? Respondeo non alios recipi in gratiam, nisi qui sibi in vitiis displicent, & ex animo resipiscunt: non quod penitentia sibi veniam acquirant sed quia à Spiritu regenerationis diuelli nunquam potest fides. Iam verò vbi se Deo addicere cœperunt, rectitudinē cordis illorum perinde acceptam habet ac si integra esset ac perfecta. neque enim solum hominem Deo reconciliari fides, sed quicquid in eo adhuc est imperfectum sanctificat, vt gratuita Dei indulgentia iustus sit, qui nullo merito tantum bonum acquirere sibi posset.

AR-



## ARGVMENTVM PSALMI XXXIII.

David aut quisquis huius Psalmi fuit author, vt fideles ad laudandū Deum incitet, argumētum proponit in generali eius prouidentia, quā sustinet, tueritur, ac gubernat totum mundum. Deinde paternam erga electum populum eius curam celebrat: simul ostendens quā necesse sit peculiari eius tutela pios foueri. *Psalmus XXXIII.*

**E**xultate iusti in Iehoua, rectis decora est laus.

2 *Celebrate Iehouam in cithara, in nablo & decachor do psallite illi.*

33 *Cantate ei canticum nouum, strenuē canite cum iubilatione:*

4 *Quia rectum verbum Iehoua, & omnia opera eius in fide.*

1 *Exultate iusti in Iehoua.* Nomina- tim fideles vel iustos compellat, quia soli idopei sunt gloria Dei pracones. Neque enim increduli qui Dei bonitatem nunquam gustarunt, cum possunt ex animo laudare: & Deus nomē suum impuris eorum linguis attingi non vult. Sed ex contextu melius patebit cur hac exhortatio solis fidelibus propriē conueniat, atque ita posterius membrum exponunt multi, rectis laudem congruere: quia si ad idem tentandum se accingūt impii, vel hypocritae, id in Dei probrum, & dedecus magis vergit quā in laudem: imō nihil quā sacrum eius nomen profanant. ac verē quidem hoc dicitur, quemadmodum iam admonui, Deum sibi consultō in hunc finem gratuita adoptione creare Ecclesiā in mundo, vt nomen suum ritē à legitimis testibus laudetur. Genuinus tamen sensus est, laudē rectis decoram esse, quia nihil sit potius in quo se exerceāt. Et certē quum assiduus beneficii Deus celebrāda suae gloriā materiam ipsis praebet, ac immensa (vt alibi vidimus) eius bonitas in proprium thesaurum ipsis sit reposita, eos de laudibus Dei silere turpe & absurdum foret. Huc autem summa redit, hoc praecipuum esse studium in quo iustos occupari debeat, vt iustitiā, bonitatem, & virtutem Dei, quarum notitiam animis infixam gerunt, praedicēt apud homines. Vbi ego alios Interpretes sequutus, *decoram laudem* transuli, apte etiam legi posset Desiderabilem, ab

NON quod optare vel expetere significat. Et certe quum fideles tam suauiter alliciat Deus, totis animi votis ad laudes eius canendas cos ferri cōuenit. Notandum quōd vbi iustos posuit Propheta, nomine Rectitudinis, sub quo comprehenditur interior animi sinceritas, statim quā vera sit iustitia definit.

2 *Celebrate Iehouam.* Non dubiū est quin vehementiam & ardorem affectus in Deo laudando hoc versu exprimat, vbi in hunc vsum instrumenta musica applicari iubet. nihil enim vult à fidelibus onniti quod mentes sensusque hominum ad canendas Dei laudes accendat. Etsi enim nonnisi articulata voce propriē celebratur Dei nomen, hae tamen adminicula quibus se magis incitare fideles solent, non frustra addit, praesertim quum ad veterem populum verba faceret. Discrimen nāque tenendum est, ne quicquid Iudaeis olim praeciptum fuit, promiscuē ad nos trahamus: nec verō mihi dubium est quin cymbala pulsare, canere ad citharam & nablum, totūque illud musicæ genus, cuius mentio frequenter in Psalmis recurret, pars fuerit legalis paedagogiae: loquor de solenni templi cultu. Nam & hodie si musicis instrumentis se exhiberēt fideles, fateor hoc illis debere esse propositum, ne à Dei laudibus suam latitiā separent: sed dum sacros suos cōuētus peragūnt, nihilo magis ad canēdas Dei laudes cōgruere arbitror musica

instrumenta, quàm si quis suffitus, lucernas, & similes Legis umbras in usum reuocet. Stultè itaque hoc, vt alia multa, à Iudæis mutuati sunt Papistæ. Homines externis pompis deditos oblectat ille strepitus: sed Deo magis placeat quam nobis per Apostolum suum commendat simplicitas. Nam Paulus, 1. Cor. 14. 16. Deum in publico fidelium cœtu benedicere non nisi lingua cognita permittit. Certè vox hominis, quantis non vulgò intelligatur, mortuis omnibus organis præstat. Quid ergo de cantillatione dicendum, quæ tantum inani sonitu aures verberat? Si quis obiciat, musicam ad excitandos hominum animos plurimum valere: fateor id quidem, sed timendum semper est ne qua corruptela obrepit, quæ & purum vitiet Dei cultum, & homines superstitione illiget. Porro quum de periculo nos diserte Spiritus sanctus doceat per os Pauli, vltra quàm illic docemur progredi, non modò incòsideratum zelum, sed impiam perniciam esse dico.

3 *Cantate ei canticum nouum* Quum de magnificis Dei operibus, ac de Ecclesiæ præsertim conseruatione postea disserat, non mirum est de nouo cantico, hoc est raro & exquisito, eum præcipere.

5 *Diligit iustitiam & iudicium: bonitate Iehoua plena est terra.*

6 *Verbo Iehoua cali firmati sunt, & Spiritu oris eius omnis exercitus eorum.*

7 *Congregauit sicut cumulum aquas maris, posuit in thesauris abyssos.*

8 *Timeat à Iehoua omnis terra, ab ipso paueant omnes incolæ orbis.*

9 *Quia ipse dixit, & fuit: ipse mandauit, & stetit.*

5 *Diligit iustitiam & iudiciũ.* Confirmatio est proximæ sententiæ, quia Deus scilicet natura iustitiam & aequitatem amet. Vnde sequitur, fieri non posse vt cum præpotenti affectus, more hominum, ad praua consilia rapiat. Videtur quidem primo intuitu hoc vulgare & friuolum esse Dei elogium, quia fatentur omnes Deum in suis operibus optimam aequitatis regulam tenere. Quor

re. Nam quo propius & diligentius expendunt fideles Dei opera, altius etiam in eius laudes efferri æquum est. Iubet ergo meditari non vulgare canticum, quod tam splendida materiæ respondeat. Eodem pertinet secundum membrum, vt strenuè psallendo incumbant. Sic enim verbum *וַיְהִי* interpretor quod tamen alii ad modos concinnè aptandos referre malunt.

2 *Quia rectum verbum Iehoua* Generalem (vt nuper dixi) Dei prouidentiam qua regitur totus mundus, initio proponit, ac dicit, in toto operum suorum cursu Deum sic imperiũ suum exercere, vt resulgeat vbique summa æquitas & fides. Verbum & opus quidam volunt esse synonyma: sed ego ita distinguo, vt verbum tantundem valeat ac cõsilium Dei, vel mandatum: opus verò sit eius effectus & executio. Fateor geminari eandẽ sententiã diuersis verbis, vt alibi passim: sed rara nõ est in repetitionibus modica deflexio, vt idem variè & pluribus modis dicatur. Sũma est quicquid statuit Deus ac mandat, rectũ est: quicquid opere ipso perficit, fidele, & verax. Interea notandum est, Verbum non accipi pro doctrina, sed pro mundi gubernandi ratione.

sum ergo (dicet quispiam) noui cantici, quasi in re inusitata, nuper facta est mentio? Sed primò plus satis constat quàm turpiter cæcutiat bona pars mundi ad Dei iustitiam, dum vel neglectam præterit innumera prouidentie eius documenta, vel etiã fortuito accidere imaginatur. Accedit autẽ deterius vitium, quod nisi Deus votis nostris obsequitur, statim obstrepimus eius iustitiæ: ita postquam

quam hoc principium in ore omnium pro cōfesso voluit, Deum iuste omnia agere, vix centesimus quisque fixum in animo suo retinet. alioqui simulac prodiit hæc doctrina in medium, Deo ita placere, quisque se eius arbitrio obedienter subiceret. Nunc ubi in rebus aduersis ægerrimè coguntur homines in ordinem, vt Deum agnoscat ac profiteantur iustum esse, in prosperis verò diffidunt & euanescent: non mirum est si assermet Propheta, Deo iustitiam esse cordi, vt rectum moderatorem esse persuadeat. Itaque quisque hanc doctrinam penitus imbibit, sciat se multum proficisse. Alii exponunt, Deum amare in hominibus rectitudinem: quod verum quidem est, sed à contextu remotum: quia hic Spiritus sancti consilium est, contra impietatis venenum, quod in multorum cordibus residet, Dei gloriā asserere. In secunda parte versus alterā virtutis speciem in Deo commendat Propheta, quòd *plena sit terra eius bonitate*. Et si autem Dei iustitia ad celebrandum eius nomen meritò stimulare nos debet, acrior tamē stimulus est eius bonitas: quia vt quisque beneficium & misericordem ipsum sentit, magis ad eum colendum afficitur. Porro, adhuc de omnibus Dei beneficiis sermo habetur, quæ spargit in totum humanum genus: ea dicit Propheta, quocūque vertamus oculos passim occurrere.

6 *Verbo leuauit cali firmati sunt.* Quòd nos ad reputanda Dei opera melius experefaciat, ipsam mundi creationem nobis proponit. Donec enim agnitus fuerit Deus mundi Creator & opifex, quis credat ab eo curari res humanas, mūdique statum eius consilio & manu gubernari? Mundi autem creatio ad Dei providentiam continua serie nos deducit: non quòd tam dextrè ratiocinemur omnes, vel tā recto iudicio præditi sint, vt mundum statuunt eadem Dei virtute, quæ se in illo creādo semel exeruit, hodie sustineri: quin potius maior pars eū à cælo otiosum spectare fingit quicquid in terris agitur. Sed aliter ritè nemo tenet mundum à Deo conditum, nisi persuasus quoque sit, ab eodem foueri & conseruari in suo statu. Scire igitur & aptè Propheta, vt nobis certitudinē in-

figat providentiæ Dei in continuo naturæ ordine, nos ad ipsam mundi originem reuocat. Porro, nomen Cælorum synecdochice pro vniuersa mundi machina posuit: quia (vt alibi dictum est) eorum maximè conspectu in admirationem rapimur. Ideo mox addit eorū exercitū: qua voce sydera & stellas intelligit, vītuto Scripturæ more. nam si hoc ornatu carerent cæli, quodammodo vacui essent. Cælos autem dicens verbo Dei conditos, potētiā dicens magis amplificat, quòd solo nutu cōtentus, neque accersuerit aliūde subsidia, neque etiā multum operæ vel laboris impenderit ad tam splendidum & nobile opificiū. Quanquam autem verbum Dei & spiritum oris tam externis oronibus mediis, quàm laboris difficultati quæ in Deo fingi posset, opposuit Propheta: verè tamen & certò hinc colligitur, mundum per æternum Dei sermonem, qui Filius est vnigenitus, fabricatum esse. Subtilius veteres hoc elogio vsi sunt cōtra Sabellianos, vt æternam Spiritus Deitatem assererent. Atqui ex aliis locis patet, ac præsertim ex *Isaia cap. 41. vers. 4.* spiritu oris notari sermonem. illic enim de Christo dicitur, Percutiet terram virga oris sui, & spiritu labiorū interficiet impium. Sicut autem potestate & efficacia plenus sermo allegoricè vocatur oris sceptrum: ita alio hinc postea dicitur halitus, ad discriminandum sermonis Dei & inanis resonantiæ, quæ ex ore hominum prodit. Ergo in probanda Deitate Spiritus, hoc testimonio Sabellium vrgere non aude-rem. Quare nobis sufficiat, Deum verbo suo ita cælos formasse, vt hinc probetur æterna Christi Diuinitas. Si quis obiciat non fore distinctas Personas, si voces Verbi & Spiritus sint synonymæ: respondeo non simpliciter spiritum hic poni vt aliis locis, in quibus apertè à Verbo distinguitur, sed figuratè spiritū oris pro ipsa pronuntiatione sumi, ac si dictum esset, Simulac halitus vocis suæ emisit Deus, vel protulit verbo quid fieri vellet, cælos repente extitisse, & quidem incredibili stellarum copia & varietate instructos. Verum quidem est, similitudinem hanc ab hominibus sumptam esse: sed alibi sæpe docet Scriptu-



ra, æterno illo Sermone, qui vnigenitus Dei filius in carne apparuit, mundum fuisse creatum.

7 *Congregauit sicut cumulum aquas maris.* Non omnia quæ de singulis mundi partibus dici poterat, profectur, sed breuiter sub vna parte alias omnes designat. Cõmendat autẽ infigne in mûdi superficie, & dignũ notatu miraculum, quòd Deus elementũ aquæ fluidum & instabile, instar solidi acerui collectum suo arbitrio teneat. Fatẽtur enim Physici, & experiẽtia palàm clamat, aquas terra superiores esse. quũ liquidæ sint & diffuãt, quĩ sit vt se nõ effundãt ad terrã obruendã, & hæc quæ loco inferior est, sicca emineat? Hic certẽ perspicimus, Deũ vt generis humani salutĩ cõsuleret, arcanis aggeribus aquas cohibuissẽ, & hodie tenere clausas: & elegãter Propheta iussu Dei cõsistere pronũtiat ac si firmæ & solidæ materiæ aceruus foret. nec abs re hoc Diuinæ virtutis specimen alibi cõmmendat Spiritus, sicuti Ieremiæ 5.22, & Iob 38.8. Secũda parte versus videtur hoc ipsum repetere, sed cum amplificatione: quia Deus non tantũ immensam aquarum molẽ in mari compefcit, sed in ipsis quoque terræ visceribus mira & incomprehensibili virtute recondat. Nam quisquis elementa inter se conferet, præter naturam fieri dicet, vt abyssi vel immensi

gurgites aquarum subter terram lateãt, qui potius debuerant eam submergere, atque hĩc altera quoque Dei virtus refulget, quòd terram tot caui meatus & voragines non singulis momentis absorbeant. Nam etsi casmate interdum pereunt vrbes & agri, corpus tamen ipsum in suo gradu manet.

8 *Timeat à Iehoua omnis terra.* Cõcludit iustam esse causam cur reuerenter subiciat se totus orbis imperio Dei, à quo suam habet originem, & à quo seruatur. Nã timere & metuere à Iehoua nihil aliud est quàm formidabilem eius potestatem suscipere. Est autẽ hoc nimis crassi stuporis, nõ intẽdere ad Dei præsentiam, à quo est nostrũ esse, & in quo status noster consistit. vtrũque enim attingit Propheta, orbem fuisse simulac Deus loquutus est, & eius mandato aliquẽ habuissẽ statum: quia non satis fuisset momento eius conditum, nisi suffultus Dei virtute staret. Deus ergo non magno apparatu ad mundi creationem vsus est: sed vt probaret immẽsam Verbi sui potentiam, iussit vt imperiũ proutinũ esset opus. Cæterũ, verbum Mando dandi confirmat quod paulò antè diximus, sermonem nihil aliud esse quàm nutum, & loqui nihil aliud quàm iubere: quod tamen sic accipere conuenit, vt in hoc nutu vel mandato se proferat æterna Dei sapientia.

10 *Iehoua dissipat consilium Gentium, tollit cogitationes populorum.*

11 *Consilium Iehoua in æternum stabit, cogitationes cordis eius in sæculum & sæculum.*

12 *Beata gens cui Iehoua Deus est, populus quem elegit in hereditatem sibi.*

10 *Iehoua dissipat consilium Gentium.* Postquam breuiter attigit mundi creationem, ad institutum sermonem redit, quotidianos scilicet euentus certos esse prouidentia Dei testes. Porro, ne quis miretur, Deum hĩc induci à Propheta quasi hominibus aduersum, qui dissipet eorum consilia potius quàm stabiliat, & ad prosperum successũ adducat, exemplum elegit: quod ad piorum consolationem maximẽ valebat. Scimus enim

quàm multa assidue audeant homines, & præter ius & fas machinentur, vt suis artibus totum mundum peruertere conentur, vt se tyrannicẽ efferant ad calcãdos bonos & simplices. quid ergo nobis miserius, si in tanta libidine permisissus illis esset exequendi libertas? At vbi ex alto pronuntiat Deus, suarum esse partium, discutere quicquid decernunt, & in nihilum redigere quicquid deliberant: nihil obstat quominus ipsi serui-

de tumultuantibus, quietem colamus. Quare dicitur euertere Deus cōsilia hominum, nō quod eorum frustratione ex professo se oblectet, sed vt compeſcat eorum temeritatem: quia omnia protinus miſcerēt, ſi ſuccederet ex voto: imō quia bellum cum Deo ſuſcipere, contra æquitatem ruere, probos & innoxios vexare non deſinunt, neceſſe eſt eorū furori opponi Dei præſidiū. Imō quia maior hominum pars cōtempta modestia, in conſuſam licentiam fertur, non de ſingulis tantum hominibus, ſed de totis populis loquitur Propheta, acſi diceret, Quāvis inter ſe cōſpicerent homines, magniſque copiis hoc vel illud aggredi deliberent, conſilia tamen eorū fore irrita: quia Deo non erit plus negotii in diſſipanda ingenti multitudine, quā in paucis cohibendis. Quāquam autem Deo propoſitum fuit, nos bona ſpe contra improborum audaciā munire, ſimul tamen cauendum eſſe admonet, ne quid niſi ſuo iuſſu & auſpiciis tentemus.

II *Conſilium Iehoue.* Immenſam Dei potentiam ſic extollit Propheta, vt in eius altitudine fidem noſtram ædificet. neque enim conſilium laudat quod nos in cælo abſconditum procul ſuſpicere & reuereri velit. ſed quia paſſim teſtatur, ſibi cordi eſſe iuſtitiam & rectitudinem, ſibi curæ eſſe iuſtos & probos, ſibi in animo eſſe opitulari ſuis cultoribus, dum iniuſte premuntur: intelligit Propheta hoc ſtabile & ratum fore. ita declarat in quem finem Deus conſilia Gentium diſſipet, quia ſcilicet ad violandum omnem ordinem nullo delectu feruntur. Primum ergo diſcamus, Dei cōſilium inſpicere in verbi ſpeculo: vbi verō ſtatuerimus nihil eum promittere niſi quod præſtare apud ſe decreuit, ſtatim nobis occurrat hæc firmitas de qua diſſerit Propheta. Sed quia eius curſum innumeris obſtaculis abrumperē multi contendunt, imō toti interdum populi: veniat quoque in mentem prior ſententia, Vbi multa agitauerint homines, in Dei manu & arbitrio eſſe diſſipationē. In hac præctica notitia fidem noſtram haud dubiè exerceri voluit Spiritus: quia frigidum alioqui & fruſtu vacuum

elogium hoc eſſet. Atqui vbi nobis propoſitum fuerit, Deum ſuos tueri velle, & eripere ex omnibus periculis quicunque eius nomen inuocant, quicquid moliantur in perniciem noſtram impii, nos minimè terrebunt eorum ſtudia & conatus: quia ſimulac Deus ſe oppoſuerit, nulla erit aſtutia quæ eius conſilium eludat.

12 *Beata gens cui Iehoua, &c.* Aptè cohæret hic verſus cum proximo: quia parum prodeſſet quod de perpetuitate conſilii Dei dictum fuit, tenere, niſi ad nos pertineat. Ergo beatos eſſe exclamans Propheta quos Deus in tutelam ſuſcepit, conſilium cuius nuper meminuit, non eſſe reconditum admonet, ſed vigere & ſpectari in Eccleſiæ ſalute. Atque ita videmus, non eos qui frigide ſpeculantur Dei potentiam, ſed qui in ſuum præſentem vſum aptant, ritè demum agnoſcere mundi gubernatorem. Porro, quum beatitudinem noſtram in eo locat, Si Iehoua ſit Deus noſter, fontem Diuini erga nos amoris designans, vno verbo complectitur quæcunque ad vitam ſæliciter degendam expeti ſolent. Nam quod ſalutis noſtræ curam ſuſcipere, fouere nos ſub alis ſuis, neceſſitatibus proſpicere, opem auxiliūque in periculis ferre dignatur, hoc totū ex eius adoptione pender. Cæterū, ne quis putaret, tantum bonum conſequi homines proprio marte vel induſtria, nominatim ex fonte gratuitæ electionis fluere docet, quod cenſemur in Dei populo. Verum quidem eſt, hac lege creatos initio fuiſſe homines in Adæ perſona, vt omnes filii Dei eſſent: ſed alienatio quæ ex peccato ſequuta eſt, tanto bono nos priuauit. Ergo donec gratuitò nos adoptet Deus, miſeri ſumus naturaliter omnes, nec alia eſt ſælicitatis ianua, quā vt mero beneplacito indignos eligat. Vnde apparet quā inſulſe corrūpant hunc locum qui ad homines transferūt quod Deo aſſignat Propheta: acſi eum ſibi in hæreditatem eligerent. Fatcor quidem, verum Deū ab idolis fide diſcerni: ſed tenendum eſt principiū iſtud. Nihil cum eo nobis eſſe commune, niſi ſua gratia nos præueniat.

13 *E cælis reſpexit Iehoua, vidit omnes filios Adam.*

14 *Ex habitaculo solij sui prospexit ad omnes incolas terra.*

15 *Qui finxit simul corda eorum, qui intelligit omnia opera eorum.*

16 *Nō seruator Rex in multitudine exercitus, nec Gigas eripietur in multitudine roboris.*

17 *Fallax equus ad salutem, & in multitudine virtutis sua non liberabit.*

13 *Ecelis, &c.* Prosequitur eandē doctrinam, non versari scilicet fortuitō res humanas, sed Deum occulte dirigere quicquid agitur. Porro, Dei intuitū ideo commendat, ut nos vicissim fidei oculis inuisibilem eius providētiā aspiciere discamus. Et si enim ob oculos nobis assiduē versantur clara eius documenta, maior tamen pars hominum cæcutit, & pro sua excitatē fortunā cecā fabricat, imō quō vberius & plenior copia suam bonitatem in nos effundit, minus ad eū attollimus sensus nostros, sed præposterē in externa quæ circumstant media, fixi subsidunt. Hanc indigentatē castigat Propheta, quia nulla grauior Deo fieri potest iniuria, quā ubi celo otiosus includitur: quia perinde est ac si in sepulchro iaceret sepultus. qualis enim Dei vita, si nihil cernat, vel curet? Porro, sub voce *Solis* à consequentibus ostendit quā absurdus sit stupor, Deum sensu & intelligentia nudare. Significat enim, cælum non ad delicias, ut somniant Epicurei, otiosum esse palatium, sed Regiā est qua imperium suum per omnes mundi partes exerceat. Quod si in cælorum sacrario sedem ad orbem regēdum sibi locauit, sequitur, minimē negligere res terrenas, sed summa ratione & sapientia eas moderari.

15 *Qui finxit simul corda.* Videtur hoc data opera fuisse additum, quo sibi certō persuadeant fideles, utcunque se astutiis, fraudibus, & clādestinis artibus subducere à Dei conspectu conētur impij, & sibi cauernas effodere: Dei tamen oculos penetrare in istas tenebras. Ab ipsa autem creatione ratiocinatur, fieri non posse quin Deus ad rationem & iu-

dicium consilia hominum factaque vocet. quia et si flexuosos quisque recessus in animo suo occultat, ut mire alij ab alijs differant, ac in tanta varietate confusa sit caligo: Dei tamen oculos non perstringi neque offuscari, quin idoneus sit operis sui cognitor. Ergo per aduerbium Simul, non intelligit, vno temporis momento formata fuisse hominum corda, sed omnia ad vnum & sine exceptione formata esse, ut frustrā notitiā fictoris sui latere vel subterfugere conentur. Huc etiam spectare potest sententia, Homines erraticis cogitationū suarum figmentis nō minuire Dei imperium quominus arcana sua providētia temperet quæ putant fortuitō accidere. Videmus enim ut vanas spes sibi fabricando, Dei virtutem huc & illuc transferant, nec eius ope se putent egere, quandiu ad se tuendos medijs & adminiculis sunt instructi: ideoque sequitur, *Nō seruator Rex*, ut ostendat, vitā hominum non propria virtute, sed vnius Dei gratia stare incolamē. *Regis & Gigantes* potissimū nominat, qui sorte communi exempti, sibi videntur extratellorum iactum esse. quod si quid aduersi acciderit, facilem sibi exitū promittunt. Denique virtutis suæ confidētia ebrii, vix se reputant mortales esse. hanc quoque superbiam magis obdurat stulta vulgi admiratio, dum ad eorum potentiam obstupescit. Quod si neque Rex suis copiis, nec Gigas suo robore, simulac ventum est ad aliquod discrimen, saluus euadit: frustrā totum humanum genus, relicta Dei providentia, ad terrenas opes circumspicit. Vnde sequitur, nihil esse miserius tā fortibus quā infirmis, donec in Dei præsidium recumbant.



enmbant. Proximo versu sub voce *Equi* quoduis auxilii genus per synecdochē designari quidem in genere sentit, qui terrenis mediis vitam suam probe munitam existimant, vt plurimum in ipso articulo destitui, & miserē delusos perire, vt hoc in odo eorum stultitiā Deus coarguat. Verū quidem est, nec frustra Reges armari gladio, nec superuacuum esse equorum vsum, nec quas Deus opes & copias ad tuendam hominum vitam

suppeditat, esse inutiles: siquidem rectū quique modum in vsum ipso teneret. sed quia maior pars quo pluribus cinēta est munimentis, eo longius à Deo recedit, falsaque imaginatione potum ab omni molestia immunem sibi fingit: iure Deus hanc vāsaniam frustratur. Hinc fit vt sæpe sine effectu effluāt Dei dona, quoniam ea mundus ab authore separans, eius quoque benedictione priuatur.

*18 Ecce oculus Iehoua super timentes eum, qui sperant in misericordia eius:*

*19 Ut eripiat à morte animas eorum, & viuificet eos in fame.*

*18 Ecce oculus.* Postquam docuit, nihil sæpe prodesse quæcunque putātur ad tuendos homines optima esse præsidia, imò nihil esse, vbi in illis locatur salutem ex opposito demonstrat, fideles, quanuis neque magna potentia sint præditi, neque opibus abundant, vnica tamē Dei gratia satis esse tutos, & perpetuò saluos fore. Non parum illustrat Prophetæ mētem hæc cōparatio, quod Reges & Gigantes nihil iuuat inexpugnabile suum robur: sanctos verò in fame & penuria Deus viuificet, ac si restituat vitam mortuis. Nunc melius tenemus quorsum Propheta totum mundi robur deiecerit, non vt prostrati iaceant homines scilicet, vel desperatione fracti marcescant, sed vt deposita omni superbia contrahant omnes suos sensus ad vnum Deum, & ab eius tutela vitam suam pendere statuant. Porro oculum Dei ad seruandos suos cultores intentū esse dicens, plus exprimit, quàm si dixisset, ad eos sustinendos manum eius & virtutem sufficere: quia obrepere infirmis poterat dubitatio, an ad singulos eam extendere Deus vellet: nunc verò dum ipsum quasi in excubiis sedentem inducit, vt fidelibus prospiciat, non est cur quisque amplius trepidet, ac secum disceptet, de præsentī Dei auxilio certus, modò sub eius providentia quietus maneat. Hinc clarius elucet quàm verè prius dixerit beatum esse populum, cuius Iehoua est Deus, quia extra ipsum quicquid virtutis & opum sup

petat, inane, fallax, & euandum tādē erit. ipse autem solo intuitu fideles suos, protegat, succurrat eorum inopiæ, fame licos pascat, mortique destinatos viuificet. Etsi autem Dei providentia fouetur totum humanum genus, scimus tamen eum paternā cura nonnisi suos filios peculiariter dignari, vt vere ab eo suas necessitates respici sentiant. Porro quum sibi Deus in fame & morte prompta remedia ad seruandam piorum vitam esse asserat, monemur tunc eius providentiæ deferri iustum honorem, dum in extrema penuria animos non despondent fideles: quin potius è sepulchro spem sursum attollunt. quia Deus in hunc finem clurire suos ad tempus patitur, vt postea satiet: mortisque tenebras offudit, vt vitæ lucem reddat. imò tunc demum fiduciam nostram solidè in eo locare incipimus, vbi mors ante oculos nobis versari cœpit, quia mundi subsidia, donec suæ vanitatis experimentum dederint, sensus nostros tenent implicitos, sibi que addictos. Fideles duobus insignit titulis, quibus tota vitæ nostræ perfectio continetur. primum enim est, vt Deū reuerēter colamus, dein de vt intenti simus in eius gratiam. Et certè hypocritæ quanuis fidem plenam buccis iactent, nunquam tamen Dei bonitatem vel summis labris gustarunt, vt ab eo expectent quod sibi necesse est. Quod autem in Dei cultum & reuerentiam se totos fideles dedunt, hic affectus ex fide nascitur: imò præcipua

hæc pars censetur legitimi cultus, quod ab eius misericordia pendent.

20 *Anima nostra expectat Iehouam: auxilium nostrum, & scutum nostrum ipse est.*

21 *Certè in ipso latabitur cor nostrum, quia in nomine sancto eius sperabimus.*

22 *Sit misericordia tua super nos, Iehoua, quem admodum sperauimus in te.*

20 *Anima nostra.* Quicquid hætenus de prouidentia Dei, ac præsertim fidei, qua suos tuetur, custodia, differuit, non tam à seipso protulit, quam ex ore Spiritus sancti. Nunc vero in persona totius Ecclesiæ succinit, nihil esse melius quam salutem nostram Deo committere. Ita videmus fructum superioris doctrinæ cunctis fidelibus proponi, ut securè excelsæque animo in paternam Dei curam se reiciere non dubitent. Nā hac de causa nihil priuatim de se Propheta testatur, sed sibi pios omnes adiungit in eiusdē fidei consensum. ac subest emphasis in voce Animæ: quia et si Hebræis trita est loquutio, serium tamen affectum exprimit: ac si dicerēt fideles, se integrò ac sincero corde respicere in Deum, quia *sui & auxilii loco* sibi esse ducant.

21 *Certè in ipso latabitur.* Quia particula *in* quæ hic bis repetitur, variè sumitur apud Hebræos, duplex potest esse sensus. Nā si vtroque membro affirmatiuè exponimus, tādē sua lætitia, quæ de spe gloriabuntur fideles. nec mihi displicet, vno contextu, distinctè tamen hæc duo referri, Certè Deus semper nostra lætitia erit, certè sacrum eius nomē instar arcis inuictæ nobis erit ad refugium. Vnde enim fit ut in Dei inuocatione constanter persistant fideles, nisi quia eius gratia contenti, in tristitia & merore retinent solatium istud quod

eorum alacritatem sustineat? Probè igitur affirmant priore loco fideles cor suū lætari in Domino, quia nō vagantur post mundi illecebras, ut pro varia fortunæ inclinatione nutent ac vacillent, sed in gratuito & paterno Dei fauore totam beatæ vitæ summam includunt. Deinde secundo addunt, *se sperare in nomine sancto eius.* Si tamen particulam *in* casualiter accipere libeat, non minus aptè & concinnè sensus fluet, Quia spes nostra in Deo defixa fuit, non deerit ipse suis partibus, quin perennem gaudii materiam suppeditet. Et certè experientia conuincit, merore obrui homines, & in curis, doloribus, & anxietate tabescere, ut mercedem suæ vanitatis reportent: quia nihil difficilius est quam spes eorum vni Deo astringi, ne exultent in fallacibus suis blanditiis.

22 *Sit misericordia tua.* Clauditur tandem Psalmus precatione, quā Propheta piorum omnium nomine cōcipit, ut re ipsa sentiant, nō frustra se Dei bonitate fuisse subnixos. Interea Spiritus hanc orandi regulam per os Prophetæ dictando, ianuā Dei gratiæ aperiri docuit, vbi non aliunde salus vel expectitur vel speratur. Suauissima interim consolatio hinc elicitur, modò ne spes nostra in medio cursu fatiscat, minimè timendum esse quin Deus suam erga nos misericordiam continuo tenore prosequeatur vsque in finem.

#### ARGUMENTVM

Psal. XXXIII.

**D***Auidis, dum ipse mutauit vultum suum coram Abimelech, qui expulit eum, & abiit.*

David ob insignem liberationem gratias Deo agit: & hac occasione perpetuam Dei gratiam erga pios omnes celebrat, eosque tum ad fidem, tum ad

pictatis studium hortatur, hanc vā rationem vitæ feliciter atque ex voto transigendæ esse affirmans, purè & innoxie sub Dei cultu & timore versari

in

in mundo. Porro ex titulo patet quodnam hic prædicet Dei beneficium. Nā quum ad Regem Achis tractus esset, 1. Sam. 27. 2, quem infestissimum omnium hostem, excepto Saule, habebat, credibile non erat, impune dimissum iri. Ergo vnicus vitæ redimendæ modus fuit, saluæ spumis, toruo aspectu, & vultus deformitate insaniam fingere. Nec mirum: quia Achis certa spe victoriæ depulsus, quum iacturâ suam & dedecus vni Dauidi ascriberet, feruebat implacabili in eum odio. Quod ergo præter suam & omnium spem emissus fuit, memorabile gratia Dei specimen in eo æditum fuisse agnoscit, quod ad commune totius Ecclesiæ exemplū pertineat. Quod loco Achis ponitur *Abimelech*, probabile est, nomen hoc posterius fuisse in vulgari vsu apud Philisthinos, sicuti Reges suos *Ægyptii* vocarunt *Pharaones*: & Romani imperatores nomē *Cæsarum* mutuati sunt à *Julio* qui primus tyrānidem occupauerat. Et scimus multis ante natum Dauidem seculis Reges qui ætate Abrahæ dominati sunt in Gerar, sic fuisse vocatos. Quare mirum non est, de manu in manum transisse ad posteros hoc nomen, vt omnibus Regibus Palæsthinæ cōmune foret. Vox *Hebraica* *וַיּוּ*, pro qua *vultum* reddidi, quia gustum & intelligentiam quoque significat: posset hoc modo aptè exponi, quod insipidus apparuerit. Verbum à quo deducitur, quum propriè gustare significet, transfertur ad rationē, intelligentiam & omnes sensus. Bene ergo conueniet Intelligentiæ nomē, quia Dauid se mente alienatū finxit. sed quia ex sermone & vultu composito maximè homo cognoscitur, vt de ipso iudicium fiat, rectè verterunt alii, Dauidem mutasse vultum, quia hoc modo gustum & notitiam sui abstulit. Quanquam autem

hoc artificio elapsus est Dauid, Diuinitus tamen se fuisse ereptum nō dubitat: nec insanix simulationi tribuit salutis laudem: sed potius agnoscit, arcano Dei instinctu mitigatā fuisse hostis sauitiā, vt qui rabie prius ardebat, ludibrio cōtentus fuerit. Et certè minimè sperandū fuit vt Achis tam strenuum hominem, quem toti regno suo exitialem expertus erat, & à quo fuerat grauibz damnis affectus, contemptim expelleret. Nascitur etiam hic quæstio an Spiritus sancti ductu vesaniam finxerit Dauid. Hec enim duo simul coniungere videtur, stultitiæ fictionem, & opabilem successum. Vnde conicere licet, eundem Spiritum à quo dictatus fuit *Psalmus* Dauidi, ad fallendum Regem Achis authorem adducem fuisse. Respondeo, si Dominus ita suos interdum liberet vt aberrent ipsi in eligendis mediis, vel labantur, in eo nihil esse absurdi. Ergo liberatio, Dei opus fuit: vitium intermedium, quod culpa non vacatur, Dauidi ascribi debet. Sic *Iacob* benedictionē adeptus est Dei fauore & beneplacito, simul tamen admista fuit matris astutia, quam fuisse vitiosam constat. Continget ergo, aliquā actionem regi à Dei Spiritu, & tamen Sanctos qui eius organa sunt à recta linea deflectere: idēque in excusando Dauidē laborare superuacuum est: quin potius culpandus videtur, quod vitam suam Deo simpliciter non committens se & gratiam Spiritus quod regebatur, ludibrio exposuerit apud impios. Et si enim asserere nihil audeo, aliquod tamē infirmitatis signum in hoc mendacio appareret. Si quis excipiat, Dauidem celebrare Dei gratiā, quod vultu & sermone mutato mortem effugerit: respondeo iterum, diserte circumstantiam exprimi à Dauidē, quæ Dei gratiam magis illustret, quia non imputatus fuerit lapsus.

2. *Benedicam Iehouam omni tempore, semper laus eius in ore meo.*

3. *In Iehoua gloriabitur anima mea, audient humiles, & gaudebunt.*

4. *Magnificate Iehouam mecum, & exaltemus nomen eius simul.*

5. *Quæsiui Iehouam, & respondit mihi, & ex omni pauore*



*mea eripuit me.*

6 *Aspicient ad eū, & confluēt, & facies eorū nō pudefieri.*

7 *Iste pauper clamauit, & Iehoua audiuit, & ex omnibus angustiiis seruauit eum.*

2 *Benedicam Iehouam.* Beneficii memorem se tota vita fore promittens, eius magnitudinem extollit. Etsi enim quibit die suos Deus iuuat, vt se in eius laudibus assidue exerceant: certum tamen est, beneficiū quod æterna memoria dignum vocatur, ab aliis vulgaribus distingui. Itaque Sanctis quidē hæc tenēda est regula, vt quicquid in ipsos bonorum Deus contulit subinde in mentem reuocent: si quando tamen in illis seruandis splendidius exerat suam virtutem, eo maiore studio ad testandam suam gratitudinem eniti decet. Quod si vnico beneficio nos sibi Deus vsque ad vitæ finem obstringit, vt nunquam fas sit à canēdis eius laudibus cessare: quid vbi nos innumeris cumulat? Iniuo secūdi versus, laudē, quam prius in ore suo fore perennem dixerat, ex corde profecturam addit: vt ab inani linguæ sonitu quo se venditant multi hypocritæ, illam discernat. Sic enim personare Dei laudes in ore nostro debent, vt præeat semper interior animi affectus. Itaque hoc loco anima non spiritum vitalem, sed affectuum sedem significat. ac si diceret, sincero animo gloriam materiam sibi in vno Deo fore, vt tantam salutem nulla vnquam obliuio obscuraret. Altero membro fructum gratiarum actionis notat, quia scilicet inde bonam spem concipient afflicti & miseri homines. Nam **וישׁב** Hebrei vocāt non quoslibet miseros, sed qui malis subacti & humiliati, nihil ferociae spirant, sed dimissi sunt ac supplices. Hos participes gaudii fore dicit non simpliciter pro charitatis affectu (vt quidam nimis frigide exponunt) sed quia in exēplo Dauidis cōmune gratiæ documentū à Deo propositū esse persuasi, animos à mœrore fursu erigent. Gaudiū ergo ex spe oriturū esse pñūtiat: quia velut accepto salutis pignore alacriter se ad Deū cōferēt.

4 *Magnificate Iehouam.* Alterum fructum cōmemorat gratiarum actionis, quia alios scilicet exemplo suo ad idem pietatis officium impellet: imò

pios omnes in societatem accersit, & inuitat, hortaturque vt Deum vno cōsensu magnificē extollant. Itaque docemur, quoties vnique suorum operum Deus tulerit, nos incitari ad bene sperandum: & dum quisque accepta priuatim beneficia cōmemorat, publicē omnes simul ad Deum laudandum stimulari. Nam & in hunc finem palam apud homines gratias Deo agimus, non tantum vt gratitudinis nostræ sint testes, sed vt ipsi quoque sequantur nostrum exemplum.

5 *Quæsiui Iehouam.* Apertius iam & fufius explicat quod nuper attigerat de gaudio: ac primò suas preces auditas fuisse refert. Hoc ad pios omnes ac cōmodat, vt tam præclaro pignore cōfirmati, se ad precandum animēt. Quid sit Deum quærere, ex proximo membro patet: nam alibi diuerso sensu capitur: tantundem enim valet atque animū adiicere, & studia sua applicare ad Deū colendum, & intentos habere ad eum omnes sensus. hic verò nihil aliud est quàm cōfugere ad eius opem, quia mox sequitur, Deum respondisse: propriē autem votis & precibus responderet. *Pauores* suos pro ipsis periculis quæ animū eius metu perculerant, accipit, effectum scilicet pro causa. quanquam minimē dubium est quin se territum fuisse, & timoribus agitatū fateatur. Neque enim sedato animo sua discrimina quasi procul è sublimi despexit, sed diris curarū tormentis vexatus, meritò potuit suos metus ac pauores narrare. imò plurali numero ostendit, se non vno tantum modo fuisse expauesfactum, sed huc illuc inter varias perturbaciones se distractū fuisse. Et certē ab vna parte se ad carnificinam adductum videbat, subire etiā poterat diuersus timor, ne eum Achis ad Saulem gratificandi causa mitteret, vt solent impii vltro citroque lusus sibi facere ex Dei filiis. Iam quia semel productus fuerat ac detectus, vix fieri posuit quin vndique, si fortē clapsus foret, insidias tenderent Saulis latrones. Sed

odium Achis quod ex morte Goliath & exercitus sui clade conceperat, multas formidines gignere potuit: quum & in promptu esset ultio, nec leui supplicio placibilis videri poterat crudelitas. Hoc diligenter notandum est, ne si quando terremur nostris periculis, nos à Dei inuocatione impediat nostra mollities: quia ne Dauid quidem heroica virtute inter alios excelluisse scimus, ferreo animo metus & trepidationes repulit, sed ipse quoque paucioribus vehementer concussus fuit.

6 *Aspiciens ad eum.* Iam admonui versum hunc & sequentem, cum proximo debere contexi. Suam enim experientiam retulit Dauid, quæ aliis exemplo futura erat, ut ad Deum rogandum intrepide accederent. Nunc ergo venturos dicit, & quidem felici successu. Cæterum quanquam in duobus primis verbis præteritum tempus Hebraicè ponitur: non tamen dubito quin sic resoluatur sententia debeat. Vbi ad eum aspexerint, & confluerint, non pudefient eorum facies. Itaque per futurum tempus reddidi: quia non narrat Dauid quid gestum fuerit, sed gratiæ sibi exhibitæ fructum commendat. Scio particulam, Ad eum, à quibusdam referri ad Dauidem, quia & continuo post de se in tertia persona loquitur. rectius tamen de ipso Deo alii interpretes exponunt. Nō cōsen-

tiunt etiā omnes in verbo וַיִּרְאֵהוּ quod nonnulli deduci putantes à radice וירא vertunt Illuminari. Sed mihi genuina verbi significatio huic loco congruere visa est, ac si dixisset, Nunc speculum extabit, in quo liceat serenam & propitiam Dei faciem conspicerem. Audiant igitur posthac miseri homines sursum attollere oculos, & ad Deum quasi expediti accurrere, quia nulla amplius dubitatio eos tardabit, vel segnes reddet. Quod si tamen magis arideat Illuminandi verbum, sensus erit, Qui in tenebris antè torpebant, quasi exorta luce oculos ad Deum erigent: & qui pudore oppressi iacebant, nouam virtutis alacritatem induent. Quia eodem recidit summa, minus contendo vtra interpretatio aptior sit.

7 *Iste pauper clamanit.* Pios omnes Dauid de se loquentes inducit, quo magis emphaticè exprimat quantum momenti ad eos animandos habeat suū exemplum. Pauper iste, inquit, clamauit: ergo pauperes omnes Deus ad clamandum inuitat. Nam in Dauid expendunt quæ ad communem piorum vsum pertinent: quia non magis eum exaudivit Deus, quàm hodie exaudire vult & paratus est omnes miseros qui eadem fide gemitus suos, vota, & clamores ad ipsum dirigunt.

8 *Castrametatur Angelus Iehoua in circuitu timentium eum, & eripiet eos.*

9 *Gustate & videte ut bonus sit Iehoua: beatus vir qui sperat in eo.*

10 *Timeate Iehouam Sancti eius, quia nihil deest timentibus eum.*

11 *Catuli leonum destituti sunt & esurierunt: timentes autem Iehouam non indigebunt ullo bono.*

8 *Castrametatur, &c.* Nunc in genere Dauid concionatur de paterno Dei erga pios omnes fauore: simulque docet in ipso satis ad seruandum esse virtutis, quia ad innumeros telorum iactus expōita est hominū vita: præsertim verò fideles, qui velut ones sunt in medio luporum, quasi multis mortibus obfessos, in singula momenta nouū

aliquod discrimen sollicitat. Ideo asserit Dauid, Angelorum præsidio Dei cultores protegi ac defendi. Huc quidem tendit, ut certò persuasi sint, fideles quauis multis noxis obiecti sint, Deum tamen fidum esse vitæ suæ custodem. Sed quo magis eos in hac spe confirmet, non frustra simul addit, manu & opera Angelorū tueri quoscumque vult-

esse saluos. Sufficeret quidem Deo ad hoc præstandum sua vnus virtus: sed vt nostræ infirmitati indugeat, Angelos adhibere ministros dignatur. neq; enim parum hoc valet ad fidei confirmationem, præsto semper esse ad Dei obsequiū ingentes copias, quoties vult opem nobis ferre: imò Angelos, qui vocantur caelestes principatus & virtutes, quia hoc sibi munus iniunctum esse nouerunt. Merito quidem vocatur Deus Ecclesiæ suæ murus & quoduis genus propugnaculi: sed auxilii sui præsentia pro modulo ruditis nostræ in Angelis suis explicat. Cæterum quod de vno Angelo pronuntiat numero singulari, ad omnes extendere conuenit: quia vocantur simul omnes Spiritus ministratorii ad salutem nostram curandam, Heb. 1.14. & alibi Scriptura, 2. Reg. 6.15, psal. 91.11. luc 16.22, docet, plures singulis destinari Angelos, prout scilicet Domino visum est, nobisque vtile esse nouit. Summa hæc sit, quamlibet multi hostes nos oppugnēt, multaque discrimina nos obsideant, Angelos tamen inuicta Dei potentia armatos excubare, & ab omni parte opponere suum auxilium, vt nos eripiant à malis omnibus.

9 *Gustate & videre.* Obliquè homines insinuat foci cordiæ quia Dei bonitatem, quæ notissima illis esse debebat, non teneant. Verbo enim Gustandi insipidos esse arguit: & simul causam assignat, quòd sine gustu deglutiant Dei beneficia, vel maligno fastidio superprimat. Tantum ergo expergescere eorū sensus iubet, vel palatum afferri aliquo gustu præditum, vt Dei bonitas innotescat, imò perspicua sit. Ad verbum est, Gustare & videre, quia bonus: sed particula *¶* exegerit capitur. Summa est, per Deum minime stare quominus certis experimentis compertam habeant eius bonitatem fideles, quos hic peculiariter David compellat. vnde colligimus, ipsos quoque communi stuporis vitio laborare. Hanc doctrinam confirmat promissio mox addita. Ideo enim *beatus est qui in eo sperat*, quia neminem gratia suæ cupidū frustratur. Sed nobis sola incredulitas obstat quominus largè & munificè omni bonorum affluentia fouetur.

10 *Timeate Iehouam.* Hic fideles, vt ianuam aperiant Dei beneficiis, ad sanctitatem & iustitiam colendam hortatur. Scimus quomodo sibi vulgò prospicere soleant homines, vt quisque vel ad fraudes, vel ad rapinas vel ad iniustam violentiam declinet. fieri verò non potest quin fideles titillet æmulationi cupiditas, vt sibi permittant vlulare inter lupos: atque vt libenter abstineant ab omni iniuria, publica tamen viuendi ratio quasi tempestras eos abripit, seque interea necessitate extensari putant. His temptationibus fratrum inuicem David: ac omnia optimè cessura promittit, modò se in Dei timore contineant, quem omnibus iniquis artibus & cōsiliis opponit: quia maior pars stultitiæ damnat quicunque simplicitati student. quòd ita sibi ac suis commodis malè consulant. Quauis ergo sibi metuant profani homines ab inopia, vnde eos carnis sensus ad quiduis tendendum sollicitat: David hic testatur Deo curæ esse fideles, ne vnquam ipsos egere sinat. Nullus, inquit, metus vel diffidentia vos abducatur à recti studio: quia bonos & probos Deus nunquam destituit. Itaque hunc Deo honorè deferre iubet, vt plus ab eo vno expectet quàm impii ab illicitis suis artibus. Cæterum quia estrani quodam feruore passim ebullit in mundo iniquitas, sanctos discrete alloquitur vt sibi caueant: quia apud promiscuam multitudinem nihil proficeret. Est enim hoc paradoxon, quum malorum lididini exposita sit bonorum & simplicium integritas, in hac tamen plus esse præsidii, quàm in omnibus peruersis remediis. Nec verò absurdum est sanctis qui iam sponte innocentiam colunt, præceptum hoc dari, ne recedant à Dei timore: quia scimus quàm procliuē sit, dum nulla spes prosperè & beatè viuendi, nisi in mundi illecebris appareret, lucem pietatis obrui & extinguī. Et apertissima comparatione doctrinā hanc illustrat, quòd Deus suis suppediret quantum satis est, ac eorum egestati succurrat, quum leones, qui truculentia superant omnes mundi prædones, tamen oberret famelici. Cæterum quod metaphoricè sub leonum nomine quidam violentos & rapaces notari putant, meo iudicio



iudicio nimis est argutum. Simpliciter enim asserit David, qui sibi ab omni iniustitia réperât, plus hoc modo profectus, quam rapiendo & prædando: quia ipsi quoque leones feræque bestia ad prædam nata, sæpe esuriant quum Dominus suos pascit. Potius ergo leones inedia & famæ dicit perituros, quam ut necessario victu fraudet Deus rectos & simplices, qui sola eius benedictione contenti, non aliunde quam ex eius manu alimenta quærunt. Quisquis ve-

rò ita in Deum reiciet suas curas, sibi que nutritium ac patrem fore statuet, quietus & placidus inter homines absque vlla noxa versabitur. Si quis obiciat, bonos & probos sæpe penuria non esse immunes: respondeo, tempestiue ad opẽ ferendã, ubi in vltimas angustias redacti sunt manum Dei extentam esse ut semper vltimus euentus demonstret non frustra quicquid opus est ad tolerandam vitam, ab ipso peti.

12 *Veni te filii, audite me, timorem Iehouæ docebo vos.*

13 *Quisnam est vir cupiens vitam, amans dies quibus videat bonum?*

14 *Custodi linguam tuam à malo, & labium tuum ne loquatur dolose.*

15 *Declina à malitia, & fac bonum: inquire pacem, & persequere illam.*

12 *Venite filii, &c.* Vehementius insinuat ad cohortandos fideles, ne quicquam sibi vilius esse putent, quam iustitiam & innoxiam cum omnibus versari. Nã quia maior pars optimum prosperè & commodè agendi cõpendium esse imaginatur, si quisque vi, fraudibus, iniuriis, & aliis nocendis modis superior esse contendat, necessaria est huius doctrinæ repetitio. Ceterum quia subactis animis opus est, filios appellans, blandò hoc & amabili nomine prauos omnes affectus mitigat. Neque enim quisquam inter tot insultus quietus stabit, nisi qui mansuetudinis Spiritu formatus fuerit ad summam modestiam, Præfatur itaque Propheta, quam tradit viuendi legem, seruari & coli non posse, nisi à mãmueris & morigeris. Eodẽ etiam spectat quod dicit, Venite: & attetos esse iubet, nempe vt deposita omni cõtumacia, sedatòque impetu & seruore, dociles se ac tractabiles præbeant. *Timorem Iehouæ* pro ipsa piè viuendi regula posuit: ac si dixisset, quum virtus & iustitia in omnium ore volitent: paucos tamen esse qui vitam probè & rite instituant: quia ignorant quid sit Deum colere.

13 *Quisnam est vir.* Non interrogat Propheta an quisquam ita sit affectus ac si sponte omnes miseriam sibi ac

cerferent: scimus enim bene & felicitè agendi commune omnibus esse votum: sed in præposteris studiis cecitatem & amentiam perstringit. Quòd quum strenuè omnes ad captandũ quod sibi vtile sit, cursitent, vix centesimus quisque in animum inducat pacem, tranquillumque & optabilem vitam statum iustitia & æquitate redimere. Suos ergo discipulos admonet Propheta, totum fere mūdum iustitia labi & errare, dum aliunde sibi beatam vitam promittit, quam ex Dei benedictione, qua solos simplices & integros dignatur. Sed plus vehementia in se continet hæc exclamatio, vt melius expergeant torpentes & sopiti animi: ac si dixisset, Quum omnes felicitatem appetant, qui sit vt ad eam obtinendam nemo ferè adiiciat animum? ac sibi potius quisque sua culpa varias molestias accersat?

14 *Custodi linguam tuam.* De rarã virtute hic præcipit, vt simus in sermonibus veraces & minimè astuti. Quamquam alii latius extendunt, putantes maledicentiam hoc priore menbro dñari. Simplicius tamen ac rectius est intelligere quod secundo incnbro repetit, *ne dolose* cum proximis loquamur vt verba nostra laquei sint ad circueu- niendum. Quia autẽ nihil difficilius est

quàm ita moderari sermones nostros  
vt lingua purus sit mentis character:  
ideo sedulam custodiam exigit Dauid,  
ne ad fallèdum eam diffuere sinamus.

15 *Declina à malis.* Iubet vt filii  
Dei ab omni iniuria abstineant, seque  
exerceant ad beneficentiam. Vulgò ci-  
tari solet hic versus ac si de duabus pœ-  
nitentiæ partibus cõcionatus esset Da-  
uid. Nam hic primus est resipiscentiæ  
gradus, vt peccator vitia quibus addi-  
ctus est, abiciat, priorique vitæ renun-  
tiet: deinde mores suos formet ad iusti-  
tiam. Sed hic proprie quomodo versari  
cum proximis oporteat, docemur. Quia  
autem sæpe contingit vt qui in aliquam  
hominum partem liberalis est vel etiã  
prodigus, saltem suis officiis multos iu-  
uat, fraudando & nocendo lædat alios:  
ab hac parte meritò incipit Dauid vt  
sibi à malo temperent qui Deo vitam  
suam probare cupiunt. Rursum quia ple-  
rique, si fraudem, aut vim, aut damnum  
nemini attulerint, probè se defunctos  
existimant, meritò adiunxit alterũ præ-  
ceptum de beneficiâ, neque enim suos  
Deus otiosos esse patitur, sed in com-  
mune suas operas conferre, vt alii alio-  
rum commodis mutuò consulant ac stu-

deant. Pacis fouendæ curam deinde cõ-  
mendat. Scimus autem humanitate &  
tolerantia foueri. sed quia sæpe nego-  
tium est cum morosis hominibus, vel  
præfractis, vel ingratis, vel quos mini-  
ma quæque occasio ad pugnas inflam-  
mat: quia multi improbi nos subinde  
laceffunt, alii sua prauitate quantum in  
se est, bonorum animos à se alienant, a-  
lii videntur offensiones de industria cà-  
ptare: non simpliciter querendam esse  
pacem docet, verùm si quando fugitare  
nos videbitur, ad eam persequendam  
constanter eniti iubet. Est quidem hic  
aliquis modus: quia vbi omnia tentaue-  
rint probi & modesti homines ad pa-  
cem redimendam, adeò non emollient,  
vel ad æquitatem stent improborum  
animos, vt potius eorum acuant mali-  
tiam. Deinde eorum impietas nos sæpe  
cogit ad dissidia: imò dum ipsi Deum  
prouocant quasi bello apertè indigē,  
perfidia esset non repugnare. Sed hic  
tantum Dauid in priuatis negotiis vult  
nos mansuetos esse & faciles, & sedulò  
operam dare ne pax effluat, vtrunque  
eam retinere molestum sit ac incom-  
modum.

16 *Oculi Iehoua super inustos, & aures eius ad clamorem eorum.*

17 *Vultus Iehoua super facientes malum, & deleat è terra memoriam eorum.*

18 *Clamauerunt, & Iehoua audiuit, & ex omnibus angustis eorum liberauit eos.*

16 *Oculi Iehoua.* Hæc optima  
patientiæ sultura, dum persuasi sumus,  
nos à Deo respici: atque vt quisque se  
in recti & æquitatis studio continet, il-  
lius præsidio tutum & incolumem fore.  
Ergo ne hæc mundi libidini se expo-  
sitos esse putent, dum innocentia dant  
operam, atque hic metus à via eos ab-  
ducit: hortatur Dauid vt mentes refe-  
rant ad Dei prouidentiam: nec dubitent  
eius alis se protegi. Dicit autem oculos  
Dei intentos ad custodiam iustorum,  
quo alacrius in sua integritate pergant  
boni & simplices. Interim ad vota &  
preces eos stimulat, si quando iniuste la-

cessat eos mundus. Nam aures Dei ad  
clamorem apertas esse dicens, admonet  
hoc opportunum esse remedium in o-  
mnibus ærumnis, vt Deum vltorem im-  
ploret qui præter ius & meritum affli-  
gitur. Pronuntiat etiam ex aduerso, quã-  
uis interdum ad hominum scelera Deus  
in speciem conuiueat: quia non statim  
pœnas exequitur, nihil tamen fugere e-  
ius conspectum. Dum sceleratis, inquit,  
peccandi audaciam addit impunitas,  
vigilat Deus vt in nihilum redigat eo-  
rum memoriam. & tale pœna genus  
consulò exprimit: quia impii non mo-  
dò ad finem vsque vitæ beatos se fore  
con-

confidunt, sed immortalitatem quoque sibi fingunt in mundo. Testimonium hoc scire accommodat Petrus, 1. Pet. 5. 10, ad mitigandos nostros dolores, & sedandam impatientiam, quoties malorum proteruita transuersum nos impellit: quia ad moderationem seruandam nihil vtilius est quam pendere ab auxilio Dei, & bona conscientia fretos ei deferre iudicium. Siquis obiciat, longe aliud experiri bonos, qui diu multumque vexati, nihil tandem auxilii sentiunt: respondendo, Deum neque palam, neque semper eodem modo bonis succurrere. sed tamen ita temperare eorum miseriae ut eos non deferat. Adde quod etiam optimi Dei presidio se defraudant, quia vix centesimus quisque innocentiam adeo pure colit, quin sua culpa aliquid mali sibi accersat. Deus autem simulac lapsi sunt, ne peccata in ipsis radices agant, statim eos castigat, & quidem durius quam reprobos, quibus indulget in exitum. Et tamen utcumque res in mundo permixtae sint ac confusae, sentient pro-

bi homines non frustra opem Dei contra vim & iniurias sibi esse promissam.

18 *Clamauerunt.* Significat quoties clamant audiri. Est enim continua doctrina, quia non refert quid semel aut iterum factum sit à Deo, sed quid perpetuo facere soleat. Est autem proximae sententiae confirmatio: ubi dixerat aures Dei patere ad clamorem iustorum: ac nunc effectum ipso demonstrat Deum surdum non esse, ubi nostras querimoniae & gemitus ad eum deferimus. Ceterum Clamandi verbo admonet, quauis Deus iustos tueatur, non tamen esse à rebus aduersis immunes. mirifice enim temperat suum in illis seruandis presidium ut multis certaminibus eos exerceat. Hic etiam non levis ad precandum stimulus nobis esse debet, quod liberatio non promittitur nisi Deum inuocantibus neque enim providentiam suam ita vult à piis reputari, ut otiosi torpeant: sed potius ut salutis suae custodem esse persuasi, ad eum vota dirigant.

19 *Prope est Iehoua confractis corde, contritos spiritu seruabit.*

20 *Multa mala iusti, & ex omnibus illis liberabit eum Iehoua.*

21 *Custodit omnia ossa eius, vnum ex his non est fractum.*

22 *Occidet impium malitia, & odio habentes iustum perdentur.*

23 *Redimit Iehoua animam seruorum suorum, & non peribunt quicumque confidunt in eo.*

19 *Prope est.* Amplificat & longius extendit superiorem doctrinam, Deum liberatorem suorum esse, quauis ad vltima redacti, & grè iam spiritum trahant, Nam hæc dura est probatio, gratiam Dei usque eo differri, & subduci à sensu nostro dum spiritus nos deficiat: imò hoc incredibile est paradoxon, ubi cordis languore confecti fideles ferè tabescunt, Deum illis esse propinquum. Sed ita clarius refulget eius virtus, dum è se pulchro nos attollit. Adde quod fideles prorsus deiici & atteri conuenit, ut non nisi in Deo respiciant. Vnde etiam colli-

gimus, verè tolerantia nihil esse magis aduersum, quam altitudinem illam de qua garriunt Stoici: quia non prius verè humiliari censetur, quam dumcor dis afflictio coram Deo nos prosternit, ut iacentes erigat, Plena suauissimæ consolationis doctrina, Deum ne tunc quidem à nobis discedere, quum malorum congeries nos quasi exanimatos obruit.

20 *Multa mala iusti.* Prauenit cogitationes quæ ut plurimum mentibus nostris obrepunt, quæ fieri possit ut iusti curæ sint Deo, qui assidue tot aduersis fluctibus iactantur. Quorsum enim Dei



protectio, nisi vt placido otio fruatur qui vitam quietam agunt? & quid magis absurdum quam tumultuose vexari qui nemini facessunt negotium? Ergo ne fidem providentiæ Dei nobis excutiant tentationes, quibus assidue impetimur: tenenda est hæc admonitio, quâuis iustos Deus gubernet, illisque prospiciat, subiectos tamen & obnoxios esse multis miseriis: vt probati talibus experientis specimen edant inuidiæ suæ constantiæ, Deumque liberatorem melius sentiant. Nam si liberi essent ac va-  
cui omni molestia, torperet fides, cessaret Dei invocatio, in cognita & sepulta lateret eorum pietas. Ergo variis documentis eos exerceri vile est, ac præcipue in hunc finem, vt agnoscant inter mortes innumeras se mirabiliter à Domino seruari. Fortuitum enim videri posset quod raro contingeret: vbi autem nullo fine & modo alia atque alia mala recurrunt, si Dominus semper manum porrigat, non iam obscura est eius gratia. David ergo quicquid malorum impendeat, fideles animis paratos esse iubet, quia nunquam eos Deus frustrabitur, cui non magis arduum est milles quàm semel à morte eripere. Quod addit de offibus non parum ad amplificationem valet: vt sciamus, omni ex parte illæsos fore quos Deus tuendos suscepit. Deum ergo facturum pronuntiat ne vnum ex offibus nostris frangatur. quo sensu dicit Christus, capillos capitis nostri numeratos esse, Luc. 12. 7.

22 Occidet impium malitia. Alii רעה רעה

### ARGVMENTVM PSALMI XXXV.

Quandiu infestus Davidi fuit Saul, vt semper in aulis Regum grassatur adulatio, procreet & quicumque tunc aliqua auctoritate pollebant, certatim conspirauerant in perniciem hominis innoxii, deinde in odii sui & crudelitatis societatem promiscuum ferè vulgus traxerant. ita factum est vt summi quique & infimi implacabili in eum furore arderent. Sed quia maximam partem nouerat errore & stultitia inconsideratè impelli, eos tantum sibi hostes proposuit qui sceleratè & destinata malitia obsequium suum Sauli venditabant. Contra hos Deum vindicem implorat. Ac primum quidem, quia nullius mali sibi conscius erat, suam innocentiam coram Deo in medium profert: deinde quum præter meritum vexetur, Deum liberatorem implorat. Vbi de impia illorum sauitia conquestus est, penam qua digni erant imprecatur. Quia autem oraculo & sacra vñitione fretus, meliorem exitum sperabat, gratitudinis suæ testimonia posim admiscet: atque hæc tandem est T. solim clausula, postquàm seruatus fuerit, tota vita Dei laudes celebraturum.

Psalmus XXXV.

**D**avidis. Litiga lehoua cum litigantibus mecum, præliare cum præliantibus mecum.

3 Appre-

2 *Apprehende clypeum, & scutum, & surge in auxilium meum.*

3 *Exere lanceam, & obsiste ad occursum persequentibus meis, dic anima mea, Salus tua ego sum.*

1 *Litiga Iehoua.* Quia non modò vitam Davidis aperto Marte impetebant hostes, sed calumniis & falsis delationibus molesti erant, vtriusque mali remedium postulat. Priori enim loco Deum aduocans causæ suæ patronum, significat, cum improbis & maledicis negotium sibi esse: deinde ad arma suscipienda cum incitans, se violentè opprimi ostendit. Et si autem valde indignum est, sanctum virum qui de omnibus optimè semper meritus fuerat, neminem læserat, tã publice quàm priuatim dignus propter suam humanitatem & modestiam erat omnium favore: non tamen hoc fuisse adeptum ut virulentas linguas effugeret: nobis tamè utile est cognitus, & apprimè ad exemplum prodest. Neque enim mirum aut nouum videti debet, si nos carpant ac mordeant homines maligni, qui ne Dauidi quidem pepercerunt. Sed ut nobis grauis acerbàque sit eorum iniuria, incomparabile solatium hinc offertur, quòd suum patrocinium Deus ipse falsis accusationibus opponit. Surgant ergo calumniatores, fideisq; criminibus nos proscindant, modò còtrà Deus patres defensoris agere ne grauetur. Secundo membro non dubium est, Dauidem precari ut Deus armata hostium violentiæ resistat. Summa est, quòd mendaciis obrutus, & crudelitate oppressus, nec quicquam reperiens auxilii in mundo, tam vitam suam quàm famam Deo tuendam commendat.

2 *Apprehende clypeum.* Impropiè hoc ad Deum transferri certum est, qui nec lancea, nec clypeo indiget, solo flatu vel nutu contentus ad hostes suos profligandos. Huiusmodi tamen figuras quæ primo intuitu à peræ videri possent, non abs re Spiritus sanctus vsurpat, quocertius pro sensus nostri ruditate præsentiam auxilii Domini infigat cordibus nostris. Nam quum se oculis nostris ingerant noxæ & pericula, vndique occurrant manifesti terrores, mors denique

ipsa palam appareat: difficile est absconditam & inuisibilem Dei virtutem cõcipere, quæ nos omni cura metuque liberet. Deorsum enim sensus nostri, ut crassi sunt & terrestres, feruntur. Ergo ut gradatim fides nostra ad caelestem Dei potentiam conscendat, inducitur hominum more gladio & clypeo instructus: sicuti & alibi quòd dicitur vir bellicosus, certum est nostræ infirmitati hoc concedi: quia non aliter pro suo modulo caperent mentes nostræ immensam illam virtutem, quæ omnes auxiliandi formas in se continet, nec aliunde subsidia accersit. Sensus autem est, ut Deus arcana sua & intrinseca virtute armatus se vnum sufficere demonstret, còtra omnes impiorum apparatus & copias. Nomen **קלע** quidam iaculum, aut aliud teli genus esse volunt: sed quia scutum propriè significat, ut vidimus Psal. 5, nò video cur in alienum sensum torqueri hoc loco debeat. Nec verò absurdum est clypeo (ut alibi sæpe) scutum adiungi: & magis cõsentaneum erat, quoduis telum poni cum lancea, cuius proximo versu sit mentio. Incipit ergo David ab armis defensoris, ut Deus hostium impetus sustineat ac repellat. Verbum **קלע** quod est euaginare vel nudare, simpliciter pro depromere, vel exerere accipio. Verbum **קלע** quod transfusi obfiste, tantundem valet ac Claudere apud Hebræos: sed quum velit David quasi interposito muro vel aggere, Dei obiectu prohiberi hostes ab accessu, sensum fideliter reddere mihi visus sum: nisi quis malit. Intercludere occursum, vel obstaculo morari: quæ omnia eodem redeunt. Nam eorum opinio qui nomen esse contendunt, nullo modo probabilis est.

3 *Dic anima mea.* Quidam exponunt, Arcana inspiratione mihi declarare: alii autem, Fac ut re ipsa sentiam salutem meam in manu tua esse. Equidem non dubito Dauidem optare penitus animo suo infixum esse ac persuasum quod

ex presenti rerum intuitu statui non poterat, salutis suae auctorem esse Deum. Nam quae nostra socordia est ac stupiditas, Deus saepe dormientes ac nihil tale sentientes nos liberat. Quare emphatica loquutio est, qua sibi viuum gratiae Dei sensum dari precatur, ut hoc clypeo armatus, quoslibet insultu sustineat, & per omnia obstacula & angustias per

rumpat. acsi diceret, Domine, quicquid se ad labefactandum cor meum ingerat, firmum in hac fiducia me retine, salutem mihi apud te certò esse repositam, atq; ut me huc vel illuc impellant tentationes sensus meos ad te reuoca, ut salus tua omnibus periculis superior eniteatur: imò perinde acsi vocem ore emitteres, intrepide statuam, te propitio, me saluum fore.

4 *Erubescant & pudefiant qui querunt animam meam; vertantur retrorsum, & pudore afficiantur cogitantes malum meum.*

5 *Sint quasi palea coram vento, & Angelus Iehouae impellat.*

6 *Sit via eorum caligo & lubricitates, & Angelus Iehouae persequatur eos.*

7 *Quia sine causa absconderunt mihi foveam retis sui, sine causa foderunt foveam animae meae.*

4. *Erubescant & pudefiant.* Iam Deum contra hostes suos ultorem implorat: nec tantum rogat ut frustretur ac irritos reddat eorum conatus, sed etiam ut mercedem quam meriti sunt, rependat. Primum optat eos pudefieri, dum scilicet spe sua votoque deiectioni fuerint longius deinde progreditur, ut similes sint paleae vel quisquiliis qui sibi videntur altis radicibus bene firmati. Sicut autem vento agitantur quisquiliae, ita inquietudine illis optat ab arcano Angelis impulsu. Grauior est quae sequitur imprecatio, ut quocunque pedem moueant, illis occurrant tenebrae & loca lubrica: ancipites autem & dubios Angelus Domini persequatur. In summa, quicquid tentent. & quocunque se vertant, cupit illis omnia consilia & conatus infelicitate cedere. Porro quum eos ab Angelo impelli optat, colligimus ideo turbari impios, nemine persequente, quia spiritu vertiginis eos Deus percellit, & inquietudine distrahit, ut secum ipsi tumultuentur. Idem clarius exprimit proximo versu, ut per caliginem & loca lubrica Angelus instabiles rapiat, ut neque consilium suppetat neque ratio, ac ne respirandi quidem detur tempus. Has partes Angelis mandari mirum non est, per quorum manum iudicia sua

Deus exequitur: etsi non minus de diabolis quam de Angelis caelestibus ad Dei obsequium promptis locus exponi potest. Scimus enim diabolo permitti quam in reprobos exerceat tyrannidem. unde saepe dicitur malus Dei spiritus. Saulem inuasisse, 1. Sam. 18. 10. sed quia diaboli non nisi inuiti trahuntur ad exequenda Dei mandata, etiam ubi eorum opera Deus vititur, Scriptura electos & sanctos Angelos quasi in superiore gradu ministros statuit. Exercent ergo Deus sua iudicia per angelos reprobos, sic tamen ut electos Angelos ipsis praeficiat. Qua ratione etiam soli vocantur legitimi principatus, Ephes. 3. 10, Colo. 1. 16, & aliis similibus locis. Siquis obiciat, non esse consentaneum ut Angelis qui ministri sunt gratiae & salutis, datique fidelibus custodes, contra reprobos sauiant: solutio est in promptu, non posse excubare ad piorum tutelam, quin simul ad bellandam iustruati sint: nec posse suo auxilio eos protegere quin eorum hostibus infestos se opponant. Quantum ad imprecationes spectat, tenendum memoria est quod a' ibi dixi, Dauidem neque priuatam causam agere, nec temere effutire quicquid distauit bilis, nec zelo inconsiderato ad perniciem hostibus suis optandam ferri: sed duce Spiritu



Spiritu moderata vota in reprobos cōcipere, à quibus procul absunt quicunque vindictæ cupiditate, vel odio, vel incompōsito alio carnis motu aguntur.

7 *Qua sine causa.* Testatur se nō frustra abuti Dei nomine, nec perperā sibi accersere patronum. profert enim suam innocentiam in medium, & se nul-

la sua culpa tam duriter affligi cōque-ritur. quod diligenter notandum est, ne quis in Dei conspectum temere profiliat, vel eum aduocet vindicem nisi bona conscientia fretus. Quum autem se insidiis & malis fraudibus impetitum fuisse dicit, in eo subest tacita integritatis suæ commendatio.

8 *Veniat ei tumultus quē ignorat, & rete eius quod abscondit, apprehendat eum, cum tumultu cadat in illud.*

9 *Et anima mea exultavit in Iehoua, latabitur in salute eius.*

10 *Omnia ossa mea dicent, Iehoua, quis similis tibi, eripiēs pauperem ab eo qui robustus est præ ipso, pauperem & miserum à direptore eius?*

8 *Veniat ei tumultus.* Iterum precatur vt Deus in hostium capita retorquet quā homini iusto & innoxio machinati erant perniciem. Mutatio numeri quā trita sit Hebræis, satis notum est. Itaque quod hic tanquam de vno homine dicitur, ad omnes in genere pertinet: nisi fortē magis placeat, Saulē vel alium quēpiam ex proceribus notari. Sed quia hoc votum à capite ad totum corpus extendi certum est, in ea re parum est momenti. Nomē יְהוָה nunc tumultum, nunc cladem significat: ideo multi vertunt, Veniat illi perditio, aut vastitas, aut ruina. Sed alter sensus melius videtur congruere, quia paulò pōst subiicit, *Cipiat eum rete suum: cadat in illud cum tumultu.* Certē quod alii reddunt, In cladem ipsam cadat, asperū & coactum est. Optimē autem fuit sententia, quoniam securē in suis facibus quiescunt, & quasi procul essent ab omni telorum iactu, nihil metuunt: vt malū inopinatum eos repente, quasi tempestas, obruat. Nihil enim minus illis credibile est, quā suas artes, & astutias, prauāque studia, & quascunq; bonis & simplicibus captiones intentant, ipsis authoribus exitio fore. Apertissimē itaque Dauid optat eos cadere in retia quæ tenderunt, cum tumultu: hoc est, vt ad malum subitum expauescant: quia quō maiore licentia exultant homines propter spem impunitatis falsō conceptam, eò magis attonitos reddit impro-

uisus terror. Interea mihi dubiū non est quin Dauid cladē aliquā nouā & inusitā tam denotet. Veniat ergo tumultus quē ignorat: hoc est, vbi pacē fallacib⁹ illecebris sibi promiserit, percellat eū horror insolitus, & cum tumultuosō pauore sentiat se laqueis suis deprehensum.

9 *Et anima mea.* Alii in optatiuo legūt, *exultat ac latetur.* Sed Dauid (meo iudicio) non tam vota continueat, quā se Deo gratum fore promittit. quod melius ex proximo versu patet, vbi magnificē beneficium hoc extollens, eius memoriam omnibus corporis sui partibus celebraturum se dicit. Ergo quū alii fortunæ tribuant quod seruari sunt, alii suæ industriæ, pauci admodum integram Deo laudem reddāt: Dauid hic se acceptæ gratiæ memorem fore asserit: Anima mea, inquit, nō in liberatione sibi ignota, sed in Dei salute latabitur. Sed amplificandi causa præconium gloriæ Dei ad ossa sua transfert, ac si linguæ officio non contentus, omnia corporis sui membra applicaret ad canendam Dei laudem. Et si autem hyperbolicē loquitur, tamen sine fictione demonstrat eo studii seruiore se esse præditum, vt nervos & ossa impendere cupiat ad testandam pietatem.

10 *Iehoua, quis similis tibi.* Clarius definit suum illud in salute Dei gaudiū, nepe quod vni Deo insolidum ascribet quam adeptus est salutem. Sic enim vulgò laudatur Deus inter homines, vt vix

decimam iuris sui partem obtineat. David autem ab aliis omnibus eum separans, distinctè pronuntiat totam liberationis gloriam in eum solum competere. Et certè ita Deo quod suū est asseritur, quū ornatus sua virtute, spes omnes nostras sibi addictas tenet. Quid enī attinet nomē Dei sonare in ore nostro, si eius potentiam & bonitatem pro arbitrio nostro partimur? Pice ergo David magnitudinem Dei hoc elogio commēdat, quòd vindex sit pauperum, quòd inopes & afflictos eripiat à violentis prædonibus. acsi diceret, proprium eius

officium esse opē ferre miseris: quibus verbis docemur bonam spem in afflictionibus retinendam esse: quia non est cur animos nostros debilitent hostium vires & copix, quantumvis prævaleant, dum è cælo pronuntiat Deus, in hūc finē se regnare vt validis & fortibus resistat. Quòd si gutta sanæ mētis esset in filiis huius seculi qui potentiam suam ad nocendum, & debiles opprimendos effundunt, subsisteret profectò eorum audacia, neque ad iram Dei prouocandam vltra tenderent.

11 *Surgunt testes violenti, quæ non noui quarunt ex me.*

12 *Rependunt mihi malum pro beneficentia in orbitatem animæ meæ.*

13 *Mihi autem in agrotatione eorum, indumentum meū saccus: affixi in ieiunio animam meam, & precatio mea super sinum meum versa est.*

14 *Quasi socius, quasi frater mihi esset, ambulauī, sicut lugens matrem pullatus humiliāui me.*

15 *Ipsi autem in claudicatione mea latati sunt, congregati sunt, congregati sunt, inquam, aduersum me abiecti quos nō noueram, sciderunt labia, & non tacuerunt.*

11 *Surgunt testes.* Futuro tempore designat quid diu passus sit. Deplo- rat autē se calumniis ita fuisse oppres- sum, vt defensionī locus non fuerit: quo nihil grauius & acerbius accidere po- test ingenuis hominibus, sibi quæ bene consciū. Nec verò tantū falsis crimi- nibus se grauatum fuisse dicit, sed auda- ciam ac proteruiam in testibus accusat, quòd violētē surrexerint. Huc pertinet quod addit, *sibi quæ uoscebat abiecta fuisse.* Non ergo fortunis tantū spoliatus fuit David, & in exilium indignē eie- ctus, sed etiā iuris prætextu onera- tus infamia & probriis. In has angustias coniectus, rectā se ad Deum contulit, innocentia suæ vindicem sperā. Ita filiis Dei ambulandum est per infamiam & bonam famam, & patienter ferēdā ca- lumnia, donec eorum innocentia Deus è cælo asserat. Nam quod olim prouer- bjo inter homines profanos iactatum fuit, Nullū pulchrius theatrum esse bo-

na conscientia: magnificè quidem in eo loquuti sunt, sed fieri nō potest vt quē- piam sustineat conscientia puritas nisi ad Deum confugiat.

12 *Rependunt mihi.* Rursus hostiū malitiam exaggerat, quòd non modò infentem, & nihil tale meritum impro- bē vexabant, sed quòd multis magnis- que beneficiis affecti, iniquissimā mer- cedem rependebant. Et si autem hæc in- dignitas quo ad sensum carnis maxime vulnerat probos homines, videturque minimè tolerabilis: dici tamen non po- test quantum hoc asserat solatiū, vbi te- stari coram Deo licet, nos officiis om- nibus perfunctos esse, quæ ad humani- tatem fletere deberent hostium ani- mos, sed eos implacabili sauitia ad no- cendum rapi. Deus enim barbarā hanc & feram ingratitudinem non finit inul- tam. Altera etiā circumstantia melius exprimitur eorū crudelitas, quòd mā- sueti & placidi hominis animam orba-

re conati sunt, hoc est ita nudare & destituere, ut desperatione obrutum perderent. Postea quædam sua officia enumerat, quæ sanctiora quædam mutui amoris vincula esse debebant, si quis apud eos vigeret æquitatis sensus. Non dicit autem se pecunia, vel opibus eos iuuisset, vel fuisse aliis modis liberalem: quia fieri potest ut manu exporrecta restrictus interdum sit animus: sed veri & ferri amoris certiores notas profert, quod non secus indoluerit coram Deo, & anxius fuerit eorum malis, quàm si lugeret matris mortem: denique non aliter erga eos atque germanos fratres affectus fuerit. Quum iure ita sibi deuinctos teneret, quid hac ingratitude scædus, quod rebus eius aduersis odii sui venenum in eum euomuerint? Quod ad verba spectat, *agrotationem* metaphoricè accipio pro quouis incommodo vel tristitia. Significat enim David quoties illis malè esset, socium se doloris fuisse. Huius rei testis fuit precatio, quam se in sinum fudisse narrat. Nam hic genuinus est sensus, quod non ambiciose vota sua coram hominibus iactauerit, ut multo longè plus ostendant quàm in animo lateat: sed tacite secum & remotis arbitris precando testatus sit quàm sincere & ex animo doleret. Sicut enim eos dicimus gaudere in sinu qui arcano & interiore sensu contenti sunt: ita etiam in sinu flere & precari aptè dicitur qui suas lachrymas & vota in aerem non spargit ad captandam hominum gratiam, sed contentus vno Deo teste, affectus suos apud se continet. Quanquam non nego hæc loquendi forma notari precantis gestum: acsi diceret, capite demisso, & complicatis brachiis, ut mori solent, corpus se curuasse ad orandum. sed tenendum præcipuè eius consilium est, quod in votis nihil fictum fuerit. Quod aliis videtur esse obtestatio, & hunc sensum eliciunt, Domine, nisi illis prospera omnia optauerim, quicquid mali est, in me ipsum vertatur: coactum est. Nihilò etiam plus coloris habet altera expositio, Quia pro ipsis orando, nihil profeci, fructus orationis ad me reuersus est. Propius ad mentem Prophetæ & verba hoc accederet, Non secus pro ipsis ac pro me orauit. Sed quod

suprà attuli de arcano affectu, sanis lectoribus (ut spero) satisfaciet. *Saccum & ieiunium* tanquam precationis adminicula posuit. Etsi enim pransi quoque orant fideles, nec quotidie ieiunium sibi indiciunt orandi causa, nec saccum induere necesse habent quoties prodeunt in Dei conspectum: scimus tamen ubi maior aliqua urgebat necessitas, adhibita fuisse hæc exercitia: in clade publica vel periculo saccum omnes induebant, & ieiunium omnibus commune erat, ut simpliciter reatum suum cõfessi, iram Dei placarent. Si quis priuatim affligebatur, iisdem luctus insignibus se ad precandi ardorem stimulabat. Tantundem ergo valuit saccum in Davide, acsi reum se substitueret hostium loco, qui infestis ruebāt in eius perniciem. Porro, ut saccum & cinerem numeremus inter ritus legales, hodie idem manet apud nos ieiunii vsus. Quare si nos Deus ostensis iræ suæ signis ad pœnitentiam inuitat, meminerimus non modò preces solito more fundendas esse, sed addendos etiã stimulos qui ad humilitatem nos sollicitent. Dicit tandem non secus erga eos se fuisse versatum, acsi quisque eorum sibi fuisset frater.

15 *Ipsi autem in claudicatione.* Cur in voce claudicationis laborent Interpretes non video. Diuinant quidam crus Davidi fuisse luxatum: alii ex morbo claudicasse somniant. Sed si quis totum contextum expendat, nihil clarius est quàm notari casus aduersos, acsi dixisset, Simulac labascere me viderunt, & ruinæ propinquum, quasi facto cõcursu, simul conati sunt me prorsus euertere. Ergo hic eadem ferè metaphora est, quæ nuper in voce Morbi. Fuit autem hoc nimis truculenti furoris, quum sæpe hostium suorum infortunio mansuescant homines, ut miseros odisse vel persequi desinant, veteres Davidis amicos eius deiectione ad insultandi proteruiam accendi. Quanquam autem paucos initio designat, mox tamen promiscuum & ignobile vulgus adiungit augendæ indignitatis causa, non quod peragere accuset omnes, sed ut melius pateat quàm hostiliter fuerit oppugnatus. Credibile enim est, qui tunc rerum potiebantur



tur, facies ad excitandum commune incendiandum fuisse, vt certatim populus ad Dauidē perdendum manus tolleretur. Bis autem repetit fuisse congregatos, ad no tandam pertinaciam, nisi forte ita resol uere libeat, Congregati sunt non modò quibus aliquis prætexus erat, sed vsque ad contemptissimos. **וְיָדוּ** propriè dicuntur flagellati vel percussi: sed rectè accipitur hoc nomen pro hominibus probrosis, vel contemptis. Quanquam nonnulli Interpretes à **אֶת** deducunt, quod est dolore afficere, & actiue exponunt, Dolorem inferuit: sed prior ille sensus melius congruit, Dauidem à sordida plebis face contumeliose fuisse tractatum. Particula **נֹמִי**, tam ad causam quam ad personas referri potest. Ego tamen de personis interpretor, hoc sensu, Tantum abest vt queri possint a-

liqua iniuria se fuisse à me lacessitos, vt mihi prorsus sint ignoti. Simul autem inclusa erit querimonia, quòd populus nulla ratione insaniat, quando nullius sceleris sibi sit conscius Dauid, nec suspicari possit vnde tantum odium. In postrema quoque parte versus quam dissentiunt Interpretes, mihi verum & germanum sensum attulisse sufficiet. Ad verbum est, *Sciderunt, & non iacuerunt*, sed Scindendi verbo non dubium est metaphoricè notari oris apertionem acsi diceret, labiis distentis petulanter sua conuitia iactasse. Et quod addit, non tacuisse, repetitio est Hebraeis trita ad vehementiam exprimendam vel excessum: acsi diceret, maledictis nullū fuisse modum vel finē, dum pleno gutture improbi homines quicquid in buccam venit profundunt.

16 *Inter perfidos subfannatores subcineritij panis, frendent super me dentibus suis.*

17 *Domine quousque videbis? eripe animam meam à multis eorum, à leonibus unicam meam.*

18 *Celebrabo te in cœtu magno, in populo multo laudabo te.*

16 *Inter perfidos.* Vertunt alii Cū hypocritis: sed simpliciter, meo iudicio, narratur à Dauide cōspiratio hostium. Et summa est, inter homines dolosos & ad fallendum natos, deinde proiecti pudoris, vnum hoc assiduè agitari, quomodo miserum hominem perdant. Atque nunc redit ad duces & capita, ex quibus malum oriebatur: quia hoc elogium in magnam plebis partem quæ agebatur inconsiderato motu, non congrueret. Dissertè igitur aulicos proceres, aliosque non absimiles accusat sauitiæ, quòd velut rabidæ feræ dentibus contra se frèdant. Primò autem vocat perfidos vel sceleratos, quo facilius opem & auxiliū à Deo impetret, vt in vltima necessitate vocans: deinde *subfannatores* significat perfidæ fronte, & omni verecūdia excussa proiectos esse ad quiduis audendum. De voce **אֶת** quæ proximè sequitur, non satis conuenit, propriè significat panem in foco sub cineribus coctum. Quidam tamen quia sensum

appositum elicere non poterant, sumi putarunt pro garrula dicacitate vel sermone otioso. Alii longius recedere ausi sunt, quòd dicatur illis subfannatio esse loco panis, quia scilicet pascant se & oblectent fannis & ludibriis. Mihi propria nominis significatio videtur retinenda. Quanquam potest adhuc duplex esse sensus. quidam enim **אֶת** sumētes pro placenta, putant hic perstringi liguitores, qui lautas & oppiparas mēsas auchpabantur: quales semper multi in aulis Principum circunvolitant. Aliis verò magis placet, seruiles & sordidos homines perstringi, qui minimo linguas suas ad maledicendum addicerent: sicuti omnibus seculis reperti sunt qui frustra panis (vt loquuntur) linguas venales prostituerēt. Ego quum alios locos expendo, vbi David ingenia morēque hostium suorum describit, in hanc coniecturam inclino, mensarios scurras notari, qui inter pocula de eius cæde disputabant. Conqueritur ergo inter delicias cœnarum

cenarum agitato de sua nece sermones fuisse ab impiis, qui pudorem omnē abiecerant.

17 *Domine quousque videbis.* Particula quam vertimus *Quousque*, apud Hebræos ambigua est, Latine significat quousque videbis, ut tacitus cesses. Sed æque quadrabit altera versio, Quando tandem post longam dissimulationem videre incipies? Cæterum eodem redit summa. Conqueritur enim Dauid de longa tolerantia Dei, quod nimis diu continueat lasciuientibus impiis, vindictamque suspendat. Et si autem Deus fideles iubet quietos expectare, dum ipse maturum ferendi auxilii tempus esse iudicat: permittit tamen ut moræ tardium quo vruntur, in precibus deplorent. Simul ostendit, se non importunè præcipientem ferri tali desiderio, sed quia ultimis angustiis cogitur. Nam & tumultuose ipsos vitam suam impetere dicit, & leonibus cõparat, & animam suam vocat solitariam. Nam qui *Vnicam* accipiunt pro chara & pretiosa, non satis attentè reputant mentem Dauidis. Psal. 22. 21, dictum fuit.

18 *Celebrabote.* Rursus gratitudinem hoc versu promittit, quia nihil

est quod rependant Deo fideles præter sacrificium laudis, ut Psal. 116. 17, videbimus. Hoc etiam modo ad impetrandi fiduciam se animat, dum in mediis curarum & discriminum fluctibus, quasi iam voti compos, in granarum actionē erumpit. In quo illustre perspicitur inuictæ fortitudinis testimonium, quod profugus & extorris, nudatus omni auxilio, denique in summa desperatione: tamen adhuc de laudanda Dei gratia cogitet, votaque nuncupet solennis sacrificii, ac si in mortis tenebris fulgeret liberatio. nec tantum de privata gratiarum actione loquitur, sed quam erepti ex maximis periculis, ex præscripto Legis edere solebant in cœtu publico. Quod Populum fortem aut robustum aut vertunt, mihi non probatur. argutè excogitant, magna virtute præditam esse Ecclesiã: ideoque vocari populum fortem. Sed quum simpliciter Dauid frequentiam & multitudinem populi designet, quæ ad sacros conuentus agendos in Sanctuarium ascendere solebat: non dubito quin suo more bis idem repetens, post magnam Ecclesiam, subiciat *populum multum*. Nam Hebræi cum nomen vtrunque significat.

19 *Ne latentur de me qui immerito inimici mei sunt, neque oculis nitent qui sine causâ osiores mei sunt.*

20 *Quia nõ loquuntur pacem, & super scissuras terre verba fraudulentæ concinant.*

21 *Diduxerunt cõtra me os suum, dixerunt, Ha, ha, vidit oculus noster.*

22 *Vidisti Iehoua, ne taceas, Domine ne procul absis à me.*

23 *Expergiscere & enigila ad iudicium meum, Deus mi, & Domine mi ad causam meam.*

19 *Ne latentur.* Quia ex ruina & interitu Dauidis tripudium captabant hostes, precatur ne tam improbo voto Deus indulgeat. Porro ut Deum causæ sue propitium habeat, iterum testatur, nulla sua culpa se illis exosum esse, sed nera prauitate impelli ad tam crudem affectum. Magni enim interest, bolex conscientie testimonium asferre cotam Deo, ut sit ad nos iuuandos propè-

sior. Nam quod *תפוש* quidam accipiunt pro fallaciter, ac insidiosos hostes hac voce notaret Dauid, nimis argutè philosophantur: ac repetitio quæ mox sequitur, ostendit Dauidem conueni de volutario ipsorum odio, quod homini amico & benemerito, nulla offensa prouocati, sponte infesti essent. *וְתַפּוּשׁ* hic accipitur pro nãtare limis oculis per ludibrium: sicut Psal. 22. 8,

caput mouere, & diducere labia. Proximo versu rursus declarat sibi negotium esse cum implacabili hostium genere, & ad salutem prorsus obstinato, quo plus fiducia de propinquo Dei auxilio concipiat. Sic enim statuere conuenit, quo durius vrgemur, eo certius sperandam esse liberationem. Dicit igitur nihil sonare præter tumultus & cædes. Posterius membrum nonnihil obscurum est propter dubiam significationem nominis **Y A T**. nam quæ eius radix, nunc scindere, nunc Quiescere significet, quidam vertunt, Mansuetos terræ. Alii autem, Cum quietis terræ. ac intelligunt pingues & saturos qui placido otio fruuntur. Vtrique mihi videntur coactos sensus accersere. Nihilo etiam alii rectius exponunt, In cauernis vel locis abditis: ne scilicet praua & versuta eorum consilia pateant. Atqui aptissima metaphora, per *scissuras terræ*, intelligere licebit homines calamitosos, qui velut fracti sunt ac mutili. Dicit igitur Dauid, hostes suos simulat rupturam aliquam patere vident, toto conatu incumbere ad euerisionem. Nam, qui contra Dauidem integra & florente eius fortuna, ne mutire quidem vnquam ausi essent, labenti exitiū machinari cœperunt: vt sciamus impios homines, seruii ingenio, & timidos vt plurimum esse, neque efferti ad ferociam nisi quum ex bonorum & simplicium ærūnis oblata est occasio. Eodē pertinet quod continuo post distento

ore clamantes inducit, *Euge, Euge: & sibi cum plausu gratulantes*, quod Dauidem viderint prostratum iacere, atque ita lato spectaculo positi sint.

22 *Vidisti Iehoua*. Subest antithesis inter hunc Dei aspectum, & illum priorem de quo sibi plaudebāt improbi: ac si diceret, Vos cupidi oculis haeritis meas miseras: atqui Deus quoque oculatus est ad notandam sceleratam eorum malitiam, qui tā crudeliter pascuntur alienis incommodis. Quoniam Dauid cū illis non disceptat: quin potius rectā se ad Deum confert, & machinis illis quæ duriter eius animum quatefacere poterant, Dei providentiam instar valli opponit. Et certe hæc demum solida munio est contra hostium ludibria, vbi illis omissis mentes nostras ad Deū colligimus, & paterna erga nos cura eius freti, petimus vt re ipsa declaret sibi nō incognitas esse molestias nostras: imō quo feruentius inhiare vident improbas ad nostram perniciem, celerius ad opitulandum accurrat. quod pluribus loquendi formis exprimit Dauid, Ne taceas, ne recedas à me, excitare, euigila. Has voces rite emittere potuit Dauid, qui iam persuasus erat, pauperes & afflicti à Deo respici, & obseruari omnes iniurias. Ergo vt rite composita sint vota nostra, fulgeat in cordibus nostris primum necesse est fides providentiæ Dei: nec tantum ordine præcedat omnes affectus, sed etiā tēperet ac dirigat.

24 *Iudica me secundum iustitiam tuam Iehoua Deus mi, & ne latentur de me.*

25 *Nē dicant in corde suo, Euge anima nostra: ne dicant, Perdidimus eum.*

26 *Pudescant & erubescant pariter qui latentur malo meo, induantur pudore & ignominia qui se magnificant super me.*

27 *Iubilent & latentur, quibus placet iustitia mea: & dicant semper, Magnificetur Iehoua qui diligit pacem serui sui.*

28 *Et lingua mea loquetur iustitiam tuam, quotidie laudem tuam.*

24 *Iudica me*. Confirmat proximā sententiam, vt Deus iuris sui patronus

sit atque assertor. Nam quia ad tempus quasi neglectus iacuerat, iustitiam Dei



Dei sibi proponit, quæ non patitur ut rectos & iustos ad extremum deferat. Quadam igitur obsecratio est, ut Deus quia iustus est, seruum suum in bona causa defendens, documentum edat suæ iustitiæ. Et certe ubi omni auxilio privati exclusivæ videmur, nullum est vincendæ tentationi efficacius remediū quàm Dei iustitiam non posse excidere, ex qua pender nostra liberatio. Sic Paulus 2. Thess. 1. 6, ut fideles ad patientiā hortetur, iustum, inquit, est apud Deum respondere iis qui vos affligunt, afflictionem. Ac rursus Dei iustitiam appellat hac in parte, ut compescat hostium insolentiam. Nam quo superbius insultat, eo Deus paratior est ad succurrendum. Graphice autem depingit eorum ferociam, loquentes iterum inducens, ut ostendat, si pro libidine eorum succedat, nullum proterviæ modū facturos. Quia autem tanto magis in se provocant Dei vindictam, quanto se magis efferunt, nō immerito David hoc argumento spem suam erigit, precēsque suas sancit & obsequat.

26 *Pudescant & erubescant.* Hæc imprecatio alibi exposita iam fuit: nisi quoddam notandum est, emphasim subesse in voce *Pariter* vel *Simul*. Nam & sibi bellum à magna turba motum fuisse ostendit, neque tamen se exanimari terrore quin statuatur, simulac Deus manum sustulerit, omnes ad vnum posse vno ictu facile prosterni. Quum dicuntur malum Davidis appetere, in eo crudele odium apparet. Quoddam autem se extollunt vel magnificant, signum est superbiæ. ergo ut Deo exosos reddat David, contumelia & fastu plenos esse dicit. Iam

quum à Spiritu sancto dictata fuerit hæc precandi forma, superbos omnes haud dubiè manet exitus qualis hic prædicitur, ut cum pudore & ignominia retrorsum abeat.

27 *Iubilens & latensur.* Commode etiam hæc duo verba in futuro tempore vertere liceret, non minus quàm in optandi modo: sed quia in eo parum est momenti, in medio relinquo. David enim à fructu commendat quam sibi optat liberationem à Deo: quia scilicet communis erit piis omnibus gaudii & bonæ spei materia, simulque ad canendas Dei laudes ipsos excitabit. Fidelibus autem hunc affectum tribuit, quod eius hominis innoxii saluum manere cupiant. Et si enim vulgò magna invidia flagrabat David, quod rudes & imperiti falsis rumoribus imbuti fuerant: certum tamen est aliquos fuisse in populo æquos & moderatos indices, quibus dolebat sanctorum & notæ probitatis hominem indignè & præter meritum obui. Et certè hoc humanitas postulat, ut quoscunque iniuste cernimus affligi, si iuuandi ratio non suppetit, saltem favore prosequamur. Magnificencia Dei videtur tacite opponere impiorum fastui cuius nuper meminit. Quia enim omnia audendo, gloriam Dei quatum in se est, obscurant: optima ratione votum hoc ex opposito concipiunt fideles, ut reluceat Dei maiestas, dum re ipsa demonstrat seruatorum suorum cura se tangi, si bique cordi esse eorum pacem. Tadem in Psalmi clausula repetit, quibus par est laudibus se Dei iustitiam celebraturum qua seruatus fuerit.

## ARGVMENTVM PSALMI XXXVI.

*Putant serè omnes Davidem hoc Psalmo in genere mirari Dei bonitatem, quod favore & clementia sua reprobos toleret, à quibus tamen impiè contemnitur. Ego verò paulò aliter sentio sanctum Prophetam grauer ab improbis & sceleratis vexari de eorum prauitate conqueritum deinde confugere ad immensam Deo bonitatem, qua non solum promissuè cunctos mirales, sed peculiariter filios suos prosequitur, vti in hac fide respiciet, quod Deo propitio tandem liberabitur. quod patet ex clausula ubi se Dei præsidio saluum fore reputans, contra omnes impiorum insultus sese armat at munit.*

*Psalmus XXXVI.*

**P**refecto, *Servi Iehonæ Davidis.*

2 *Dicit impietas scelerato in medio cordis mei, nullus timor Dei coram oculis eius.*

P. li.

3 *Quia blanditur sibi in oculis suis, donec iniquitas eius inueniatur ad odium.*

4 *Verba oris eius iniquitas & fraus: cessat intelligere ut benefaciat.*

5 *Iniquitatem cogitat super cabili suo: insistit in via non bona, malum non abominatur.*

2 *Dicit impietas.* Cur hic tantum & Psalmo 18, ornatur Dauid titulo Serui Dei potius quam alibi, incertum est, nisi quod in lucta maxime omnium difficilis superior, inuictum se Dei athletam probauit. Scimus enim quam rara sit virtus, ubi impune grassatur impietas, & caliginem nobis offundit, suspicere fidei oculi. Dei prouidentiam, quæ animis nostris ad patientiam compositis, constanter nos in pietate retineat. Porro verbum primum variè exponunt Interpretes. Ad verbum est, Dicitur transgressionis: vel dicit transgressio impio. Quia tamen h interdu pro, sumitur, verentur quidam Impietas de scelerato loquitur in corde meo. acsi diceret Propheta se penitus scire ex sceleribus quæ perpetrant impii, nullo ipsos tangi Dei timore. Sed quia à verborum proprietate discedere opus non est, ego aliis potius assentior, quod scilicet Propheta diceat malitiam impii hominis quæ videtur latere incognita, clarè in corde suo loqui, seque certum esse resem quid ipsa suggerat. Ac primò quidem notandum est, nò de externis sceleribus loqui Prophetam, sed penetrare ad fòrem ipsum: acsi diceret, Quamuis astuta simulatione tegant impii suam malitiam, mihi tamè facta comperta est, ut mihi videar eam loquentem audire. Verum quidem est, quia ruunt impii & prophani homines in omne scelerum genus acsi nulla vniquam reddenda esset ratio, tale eorum vita iudicium posse ferri: sed hoc expressum est, quòd interior ipsorum peruersitas seruis Dei apertè se prodatur. Loquitur autem Dauid nò de quibuslibet, sed de perditis Dei contemptoribus. multi enim lasciuant in suis vitiis, quos tamen non occupat hic vesanus furor. Sed ubi obdormit quispiam ad peccandum, tandem impietas hanc ei socordiam

dicat, ut contempto Dei iudicio sine metu perumpat quocunque libido impulerit. Itaque peccandi securitas præsertim ubi accedit contemptus & ludibrium, quasi Satanæ fascinum. est quod hominem desperatum prodit. Etsi autè vera religio pias mètes continet in Dei timore, & impias cogitationes procul arcet: hoc tamen non obstat quominus in corde suo perspiciantur horribili furore agitari impios, dum nec Deum curant, nec iudicio eius tanguntur. *Nullus timor Dei.* Malarum suggestionum finem breuiter demonstrat, nempe ut sensu boni & mali extincto vel suffocato, quiduis audeant, acsi non sederet Deus in cælo iudex. Sensus ergo est, Sceleratum hominem alloquitur impietas in corde meo, cum ad extremam vesaniam sollicitans, ut abiecto Dei metu, se ad peccandum proiciat. hoc est, Non secus mihi notum est quicquid volutat impii in corde suo acsi Deus me testem & arbitrum locasset ad relegendam hypocrisim, qua detestabilem suam malitiam profundè se pultam esse putant. Quòd ergo nulla Dei reuerentia impios cohibet à peccando, ex occulto isto alloquio oritur, quo eos dementat sua prauitas, ut brutorum animalium instar sibi indulgeant. Quia oculi sunt quasi vitæ duces, & alios sensus motu suo huc vel illuc trahunt: idèò dicitur timor Dei esse ante oculos, quæ vitam hominum regit, ac quæcunque se vertunt, occurrens, obiectu suo libidines refranat. Ergo contraria loquendi forma significat Dauid, sine Dei respectu licentiose vagari impios, quia eos excæcauit sua prauitas.

3 *Quia blanditur sibi.* A fructibus vel signis ostendit nullum vigere Dei timorem apud impios, quia in sceleribus ita se oblectant: ut aliis omnibus execrabiles, foveant tamen suam pertinaciam

ciam, seque vltro ad pergendum obducent. Primò dicit eos blanditiis alere sua vitia, ne sibi peccando displiceant. Sed quum addit, *donec inueniatur iniquitas ad odium*, his verbis notatur extrema obstinatio. sensus enim est, Dum sibi falso adulantur, huc vsque progredi, vt eorum iniquitas sit omnibus execrabilis. Vertunt quidam, Vt ipse suam iniquitatem ad odium inueniat: ac intelligunt, intemperanter eos ruere, donec ex satiètatè obrepat fastidium. Nemo enim adeò nequam est quin sibi interdum displiceat. Sed prior ille sensus ge- nuinus est, Impios, quauis omnibus sint exosi, quia eorum iniquitas patefacta & deprehensa, bilem omnibus mouet: nulla displicetia tangi, quin potius sibi plaudere dum eos populus exhibet, & scelestam eorum vitam exhorret. Hanc igitur amentiam in illis damnat Propheta, quòd eos non moueat scelèrum suorum sorditas que omnes offendit: quia omne boni & mali discrimen quantum in se est, abolent, ac suæ conscientia stuporem inducunt, ne illos ad resipiscentiàm stimulet. Attentè certè considerandus est hic stupor, quòd hominès in sensum reprobum coniecti, dū in se prouocant omnium mortalium odia, malorum tamen suorum sensu priuati sunt.

4 *Verba oris eius.* Vtrunque membrum huius versus eodè referri potest, quòd scilicet mendaciis ludentes nullā intelligentia lucem admittant. Et certè hanc esse Dauidis mentem existimo, quia hic non simpliciter impios accusat quòd dolis & captionibus alios circumueniant, sed potius quòd nihil in ipsis rectum sit, vel sincerum. Diximus iam antè, eum non agere de vitiosis hominibus in quibus manet aliquod Dei semen, sed de profanis contemptoribus qui suis peccatis sunt prorsus addicti. Dicit ergo, illis semper fallaces esse in ore pretextus, quibus sanam omnem doctrinam illudant. Postea addit, vltro suppressere omnem delectum boni & mali, quia meliores esse nolint. Scimus

rationem ad bene agendum hominibus ducem esse. Eam ergo dicte reprobos fugitare, ne vitam suam in melius corrigere cogantur. Docemur autem his verbis, si quādo à via deflexim⁹, hoc vnicū esse remediū, aperire mētis oculos, vt boni & mali discriminē ab errore nos reuocet: contrā, vbi quis intelligentiam reppuit, hoc desperationis signum esse. Proximo versu notatur interior malitia & profunda obstinatio. multos enim cōtinget, licet aliàs non pessimè affecti sint, labi & delinquere, quia repète se offert occasio. Dauid autem reprobos, vbi subducti sunt ab hominum conspectu, consilia male agendi intus coquere dicit: atque ita quauis nulla se illecebra obiciat, nullum eos incitet malum exemplum, sibi ipsis esse scelèrum aucthores ac magistros absque alieno impulsu. Porro quā hac nota reprobos insigniat, quòd meditentur scelera super cubile suum: docentur fideles lōgè aliòd sua studia conferre vbi soli sunt, nempe vt vitam suam examinando, malas cogitationes strenuè à se repellant. Additur deinde pertinacia, quòd in via obliqua & peruersa insistant, hoc est scientes & volentes se ad peccandum obducent, Tandem ratio additur, quia illis malum non displiceat. Voluntaria enim cecitas eos precipitat, vt scelèribus vltro se mancipient. Iam nobis occurrat anti-thesis inter reprobos & fideles. illi se ipsos falsis adulationibus decipiunt: hi verò seueri in se sunt censors. illi laxi habent in vitia rapiuntur: hi cohibentur freno timoris Dei. illi caullis obtegunt vel fucant sua delicta, & lucem in tenebras conuertunt: hi verò libèter agnoscent se peccasse, & ingenua confessione ad pœnitentiam se hortantur. illi repudiant sanum omne iudicium: hi ad vitæ lucē emergere semper cupiūt. illi super cubile excogitant varios peccandi modos: hi sedulo intenti sunt ne sibi peccandi cupiditatem accersant. illi altè se demergunt in Dei contemptu: hi verò in malorum suorum displicentia libenter sese exercent.

6 *Iehoua, ad calos misericordia tua, veritas tua vsque ad nubes.*



7 *Iustitia tua sicut montes Dei, iudicia tua abyssus magna: hominem & iumentum seruas Iehoua.*

8 *Quàm pretiosa bonitas tua Deus! itaque filii hominum in umbra alarum tuarum confident.*

9 *Saturabuntur pinguedine domus tua, & flumio deliciarum tuarum potabis eos.*

10 *Quia apud te est fons vita, & in lumine tuo videbitur lumen.*

6 Iehoua, ad calos, &c. Putant Interpretes postquã exposuit Dauid quanta passim grassetur in mundo corruptio & perueritas, occasione hunc sumpta prorumpere in admirationem incredibilis patientiæ Dei, quod humanum genus tanta scelerum colluue refertum, fauore & beneuolentia prosequi nõ desinat. Ego verò nuper dixi me paulò aliter sentire. Propheta enim ubi de summa hominum prauitate disseruit, ne ipse quoque tanquam diluuii imperu abreptus deficiat, seipsum colligit. Sic enim ferè damnamus impios, vt se in animos nostros insinuet contagio: ac vix centesimus quisque purum se & illibatum in vera pietate conseruat, postquã de aliorum malitia conquestus est. Sensus ergo est, Quauis tristis & horrenda confusio appareat, quæ instar vasti gurgitis absorbere possit pias mentes, Dauidem nihilominus statuere mundum plenum esse Dei bonitate ac iustitia; & optima aequitate calum & terram ab ipso regi. Et certè quoties animos nostros concutit ac percellit mundi corruptio, cauendum est ne sensus noster subsistat in hominum malitia qui miscent omnia ac perturbant. Sed in hac turbulenta caligine occultam Dei providentiam suspicere conuenit. Caterum Dauid hic quatuor præcipuas Dei virtutes per synecdochen enumerat, significans in summa, inæstimabilem Dei virtutem ac potentiam cum pari iustitia reputandam nobis esse, licet mundum temere versari dicter carnalis sensus. Bonitatem Dei vsque ad calos esse dicens, altitudine calos ipsos æquare intelligit. Eadem ratione adiungit veritatem eius pertinere vsque ad nubes. Porro veritas hoc loco vel pro fide accipitur quam Deus

in suis promissis præstat: vel pro iusto temperamento in quo liquida & minime fallax reconditio eius perspicitur. Sed complures alii loci ad promissiones referre cogunt, in quibus seruandis fideliter sibi constat Deus. Et sequitur etiam continuò post iustitiæ elogium, quam excelsis montibus comparat (scimus enim Hebræis Diuinum vocari quicquid excellit) quia illic clarius resulget eius gloria. Postremò dicit, iudicia Dei magnis & profundis abyssis similia esset: quibus verbis admonet, quoeunque vertamus oculos, sursum & deorsum iusto Dei iudicio omnia disponi. Solet in diuersum sensum citari hic locus, quod scilicet iudicia Dei captum nostrum longè superent, sint que magis abscondita quam vt eorum ratio apprehendatur. nec ineptè huc aptatur similitudo abyssi. Latius tamè patere Dauidis verba colligitur ex contextu, nempe quantumuis magna scelerum abyssus inter homines exudet, terramq; obruat, maiorem tamen esse providentiæ Dei abyssum, vt iuste omnia dispenset ac temperet. Quoties ergo in circa & obscura iactatione vacillatides nostra, veniat nobis in mentem, in tota mundi gubernatione iudicia Dei meritò conferri abyssò quæ calum & terram implet atque occupat, vt immensa sua amplitudine curas omnes nostras & molestias deglutiat. Quod addit in fine versus, tã iumenta quã homines à Deo seruari: huc spectat, quum Deus ab bruta vsque animalia curam suam dignetur extendere, multo magis eum prospicere rebus humanis. Et sanè quoties de providentia Dei obrepit dubitatio, clypeum hunc opponere conuenit, Fieri non posse vt Deus qui pecoribus alimenta suppe-

dicat, tuereturque in suo statu, negligat humanum genus. Nam quod iumenta quidam de belluinis hominibus allegorice exponunt, tanquam nimis coactum repudio.

8 *Quàm pretiosa est bonitas tua.* Quod exponunt quidam pretiosam esse clementiam Dei, & pretiosos qui in ea confidunt hominum filios, à verbis remotum est. Nimis etiam argute quidam, diis; hoc est Angelis & filiis hominum eximiam esse Dei clementiam. Et miror Rabbinos ita perperam sudare in fabricandis commētis, quum per se dilucidus sit Prophetæ sensus, nempe quia excellit & se magnifice profert Dei misericordia, ideo in umbra eius considerare filios hominum. Nam quum carentus Dei bonitatem laudauerit Dauid, quæ se in omnes creaturas diffundit, rectè (meo iudicio) sentiunt alii, hic agi de peculiari fauore quo filios suos complectitur. Etsi enim communiter de filius hominū videtur haberi sermo: quæ tamē mox sequuntur, propriè in solos fideles cōpetūt. Atque ita cōsulatō nominat illustrandæ gratiæ Dei causam, quod mortales ex Adam progenitos sub alas suas colligere nō graueretur: sicuti Psal. 8. 5, dictum est, Quid est homo quoddā memor es eius: vel filius hominis quoddā visitas eum? Nunc summam huius loci tenemus, Quauis perditē luxuriēt in sceleribus impij, non tamen obstat hanc tentationem quominus fideles Dei bonitate freti, in paternam eius curam se coniciant: cuius bonitatis gustum impiorum mentes, ut sunt insipidæ, nunquam percipiunt, ut inde ad fidem deducti, sub umbra alarum Dei quiescāt. *Alarum* similitudo satis in Scripturis triata est, quæ Deus exprimit non aliter sua tutela nos foueri; quàm pullos sub matribus: atque ita familiariter & blandè ad se nos inuitat.

9 *Saturabuntur pinguedine* Non dubito quin pinguedinem domus Dei appellat bonorum affluentiam quæ nō

omnibus promiscuè est proposita, sed reposita filiis qui totos se eius fidei cōmittunt. Quidam restringunt ad spirituales gratias: sed mihi videtur magis probabile, comprehendere omnia Dei benèficia, quæ tam ad præsentis vitæ usum quàm ad æternam & cælestem beatitudinem pertinent. nisi quod notandum est, ita coniungi cum puro fidei sensu: quo fit ut rite & legitime illis in salutem nō sitam fruamur. Nam quum se ingurgitent impij bonorum Dei copia, saginatur quidem eorum caro, perinde ac porcorum, sed anima eorum semper est famelica. Solos, (ut dixi) fideles satiat Dei liberalitas, quia illis pignus est paterni erga eos amoris. *Cibo & potu*, plena & perfecta notatur satietas: *fluminis* vero nomine, copiosa vberitas.

10 *Quia apud te fons est vite.* Confirmat proximam doctrinam, cuius tam utilis est cognitio, ut nullis verbis exprimi queat. Nam quum impio abusu optima quæque Dei dona profanent increduli, nisi discrimē illud quod posui tenemus, præstaret nos centies in diu perire, quàm largiter Dei beneficentia pasci. Ergo quum minimè agnoscat increduli se in Deo moueri, viuere, & esse: quin potius propria virtute stare imaginentur: hic ex sensu piorum & quasi in eorum persona affirmat Dauid, Fontem vitæ esse in Deo: quo significat nullam vitæ guttam extra ipsum posse inueniri, & quæ non fluat ex eius gratia. In metaphora *Luminis*, emphasis est expressior, luce carere homines, nisi quatenus eos Dominus irradiat. Quod si hoc de luce vitali verè prædicatur, quomodo ad vitæ cælestis intuitum erimus oculati, nisi Dei Spiritus nos illuminet? Nā tenendum est, sic naturaliter præditos esse homines intelligentes, ut lux in tenebris luceat, quam tenebræ non comprehendunt: quod autem illuminatur, supernaturale esse donum. Interea soli fideles sentiant, lucem se à Deo mutuari, ne in tenebris sepulti iaceant.

11 *Extende misericordiam tuam ad eos qui te cognoscunt, & iustitiam tuam ad rectos corde.*

12 *Ne veniat in me pes superbia, & manus impiorum ne commoneat me.*

*31 Illic ceciderunt qui faciunt iniquitatem : impulsī sunt  
nec poterunt stare.*

11 *Exerte, &c.* Nunc se David ad precandum convertit. Primum quidem in genere postulat ut Deus erga pios omnes misericordiam suam continuat: deinde priatā causam suam agit, auxilium Dei contra hostes suos implorans. Porro nimis pueriliter errant qui Deum protendere dicunt suam misericordiam, eo quod supra caelos emineat. Nam ubi nuper ita loquutus est David, non voluit ( ut dictum est ) illam caelo includere: sed simpliciter testatus est, ubique esse expansam. Hic autem nihil aliud optat, nisi ut Deus suam misericordiam erga pios ad finem usque prosequatur. Huic iustitiam annexit tantquam effectum suae causae. Diximus autē alibi, in eo lucere Dei iustitiā, quod suorum patrocinium suscipit, eorum innocentiam tuetur, iniurias ulciscitur ac reprimat, & in afferenda eorum salute fidelem se probat. Hoc verò totum quā gratuito illis praestet, merito à bonitate incipit David, eamque ordine priorē locat, ut ex mera eius gratia pendere discamus. Iam notanda sunt epithera omnibus descriptibz fideles, nempe quod Deum cognoscant: deinde recti sint corde. Nam hinc colligimus, à Dei notitia oriri veram pietatem: & rursum fieri non posse quin lux fidei corda nostra ad rectitudinem former. Interea tenendum est, tunc rite à nobis Deum cognosci, dū ei suum honorem tribuimus, nempe ut in eum recumbat nostra fiducia.

12 *Ne veniat.* Precationem quam concepit ( ut paulo antē admonui ) ad suam personam accommodat, sed communiter pro omnibus Dei filiis votum

concipiens, testari voluit se nihil sibi priuatim petere, sed tantum optare Deum propitium, quia unus sit ex piorum & rectorum numero qui ad Deum respiciunt. Pedem superbum & manum sceleratorum eodem sensu posuit. Nam quum impii in bonorum perniciem audacter ruant, pedes attollant ad eos calcandos, manus etiam ad quodvis facinus habeant paratas, rogat David ut compescat tam ipsorum pedes quā manus: atque ita fateatur se illorum insolentiae & contumeliis ac violentiae fore obnoxiam, nisi maturē Deus succurrat.

13 *Illic ceciderunt.* Fiduciam ex voto suo colligit, non dubitans quod petiit se iam impetrasse. Aque ita videmus ut fidei certitudo Sanctos ad precandum dirigat. Ceterum quod certius ad bene sperandum se animet, impiorum ruinam, licet adhuc sit abscondita, quasi digne ostendit. Neque enim superuacuum est aduerbium *Illic*: quia dum secunda fortuna superbiunt impii illis mundus plaudat: David quasi è sublimi fidei specula procul aspicit eorū interitum, nec minus securē de eo pronuntiat quā si propē infaret. Ceterum ut nobis constet eadem fiducia, me minerimus, perperam eos facere qui tēporis articulos ex votorum suorum fervore definiunt: sed dandum esse locum providentiae Dei, ut surgat in iudicium quando eius arbitrio opportunum fuerit tempus. Quum dicit esse *impulsos*, in lubrico eos agitari intelligit, ut minimē stabilis sit eorum felicitas. Tandem addit exitialem fore eorum casum, ut nunquam speranda sit restitutio.

ARGUMENTVM PSALMI XXXVII.

*Psalmus hic quem inscriptio, Davidis esse ostendit, doctrinam continet apprime utilem. Nam quum fideles quando peragruntur in mundo, res vident mirè confusas, nisi spe meliori exitus tristitiam suam solentur subinde animos despondere. Quo quisque audacius Deum contemnit, seque prosequit ad omne seculum, eo videtur felicius agere. Nunc, dum proceritas Divi à erga impios favoris videtur signum esse, quid intē colligere licebit nisi vel fortuā regē mundum, fortunāque dominari, vel nullum Deo esse bonorum & malorum discrimen? Contra hos tentationum impulsus nos Dei Spiritus muniri & confirmari in*



*hoc Psalmo. Nam utique prosperè habeant ad tempus impij cadutam & euandam eorum felicitatem esse pronuntiati: ac deoque miseros esse, & maledictam qua exultant latitiam: pior autem & sanctos Dei cultores etià in summis arumnis beatos esse quia Deo curæ sunt: qui tempestiuè deorum illis succurrit. Hoc quidem paradoxon est, a quo abhorret carnis sensus. Nam quia boni prolixè cſurunt, diu sub multis incommodis languent, probis & iniurijs saturantur, dum suos triumphos agunt scelerati & improbi, suisque delicijs se oblectant: cui non obrepit opinio, Deum res humanas non curare? Quo vilior (vt nuper sum praefatus) est huius Psalmi doctrina, quæ sensus nostros à presenti intuitu auertens, iubet in Dei providentia tantisper quiescere, dum suis manus porrigat, & rationem seuerè ab impijs reposit. tanquam furibus & sacrilegis qui paterna sua beneficentia fide abusi sunt.*

**D**avidis. *Ne succenseas ob malos, neque emulatione tangaris ob facientes iniquitatem.*

2 *Quia sicut fœnum velociter succidentur, & tanquam herba virens marcescent.*

3 *Spera in Iehoua, & benefac: in habita terram & pascere fideliter.*

4 *Et oblectare super Iehoua, & dabit tibi petitiones cordis tui.*

5 *Deuolue super Iehouam vias tuas, & confide in eo, & ipse efficiet.*

6 *Et educet quasi lucem iustitiam tuam, & iudicia tua quasi meridiem.*

1 *Ne succenseas.* Hoc generale principium sumit David, non esse cur filios Dei torqueat, vel anxios habeat impiorum læta conditio, in qua suauiter sibi placent, quia breui euanescent. Contra quamvis ad tempus laborent fideles, valem esse eorum exitum vt meritò sua sorte contenti esse debeant. Pendet autem hoc totum à Dei providentia: quia nisi persuasi simus, iusto eius imperio mundum gubernari, statim vacillabunt & tandem concident mentes nostræ. Porro duos vitiosos affectus cohibet David qui tamen inter se plurimum sunt affines, & quorum alter alterum gignit, Ne succenseant in reprobis fideles: deinde, ne praua æmulatio eos sollicitet. Primum enim dum vident impijs bene esse, quia colligere promptum esset, Deo non esse curæ res humanas, periculum est ne abiciant Dei timorem & alienentur à fide. Altera tentatio sequitur, quia eos titillat exemplum, vt scelerum societate se inuoluant. Hæc germana est

sententia, Nam quòd alij תתחורר אל interpreterantur, Nete misceas, coactum est, ac refelli poterit ex contextu. nam certè versu octauo, vbi disertè furoris & iracundiæ fit mentio, absurdum esset, verbum hoc quod subiicitur eodem sensu & in eundem finem aliò trahere. Deinde optimum ordinem tenet David: quia vbi indignatione nobis mouit impiorum prosperitas, mox lapsus ad æmulationem nimium procliujs est. Prius ergo cauendum admonet, ne mentes nostras irriter caduca vel potius imaginaria felicitas: deinde inuidia nos ad peccandum concitet. Additur secundo versu ratio, quia si hodie florent instar herbæ viridis, eras succissi exarescent. Non mirum est si hæc similitudo frequenter occurrat in Scripturis, quia valde appositæ est. Videmus enim quàm euicidus sit herbarum vigor, qui vel vnico venti flatu deiectus, vel solis æstu exustus, sponte concidit sine manu hominis. Atqui Dei iudicium instar falcis fore pro-

nuntiat Dauid ad eos excidendos , vt momento exareant.

3 *Spera in Iehoua.* Iam ad secundum membrum descendit, fidelibus quia sub Dei tutela sunt, bene & feliciter celsura esse omnia. Cæterum quia nihil melius vel optabilius est quam foneri Dei præsidio, ad locandam in eo fiduciam, & simul ad colendam probitatem hortatur. Nec vero temere à fidei doctrina incipit: quia nihil difficilius quam homines, dum circumaguntur in mundo, manere sedatis & compositis animis, nec vlla perturbatione quatesieri. Iam quia vident improbos crescere malis artibus, crescere, & potentiam acquirere peccandi licentia: non minus difficile est in studio probitatis cōstanter stare. Adde quòd non satis est negligere quæ nimio ardore vulgò solent experi. Nam ea præditi fuerunt animi altitudine quidam ex Philosophis, vt opes contemnerent iniuste partas, à fraudibus & rapinis abstinere: quin etiam seuerè exagitarent vanum impiorum splendorem quem stultè vulgus miratur. sed fide vacui Deum fraudarunt suo honore. vnde factum est vt eos lateret vera felicitas. Sicut autem à fide facit exordiū vt Deum ostendat bonorum omnium esse authorem, nec sperandos esse prosperos successus nisi ab vnica eius benedictione: ita notanda est probitatis eius coniunctio, quia rectè & innoxie viuet, ac beneficentiæ studebit quisquis Dei fidei se committet. *Inhabita terram.* Significantius loquitur quàm si promitteret iustos tutò habituros in terra. nā perinde est ac si eos in rem præsentem adducens, in possessione locaret. Cæterum his verbis diuturnum fore illorum statum pronuntiat: quia etsi hospites & inquilini sunt in mundo, Dominus tamen sua manu eos protegit, vt securè quiescant. quod rursus confirmat proxima particula, *Pascere fideliter.* Nam Dei custodia, fretus, sine cura & anxietate quiescere ipsos iubet. Mirum est quòd tam variis expositionibus hunc locum torqueat Interpretes ac lacerent. Quidam Pascendi verbum actiue accipiunt: & alii quidem Fidem pascere tantundem valere, atque Alere in cordibus Dei promissiones. Alii videtur Dauid

præcipere vt fide pascamus fratres nostros, purè Dei verbū quo spiritualiter aluntur animæ, illis ministrantes. Alii fidem accipiunt pro sinceritate, vt fidem pascere sit veraciter se gerere inter homines. Sed prorsus exigit loci circumstantia, quod etiam patitur Hebraica linguæ proprietates, vt *פטר* passiue sumatur. Huc etiā inclinat maior pars Interpretum, qui tamen postea inter se dissident. Quibusdam enim placet nos pasci fide, quum nobis Dei promissiones sufficiunt & quasi illis satiamur. Alii exponunt, *Pasce te fructu fidei:* quia Deus re ipsa ostendit, non frustra verbo suo habitam fuisse fidem. Alii resoluunt, *Cibus tuus sit veritas,* nec quicquam te magis oblectet quàm simpliciter & ingenuè cum proximis versari. Affinis est alia expositio, quanquam non nihil differt, Ne viuas ex rapto, sed legitimo victu contentus sis. Certe in re perspicua sic halluci natos esse doctos homines turpe ac pudendum est. Nisi enim data opera quæque ad quærendum nouum commentum impelleret sua ambitio, statim occurreret germanus Prophetæ sensus, *Inhabita terram,* vt ea fruaris stabili quiete *חַנּוּן* enim non solum Hebræis est veritas aut fides, sed etiam firma diuturnitas. Quis autem non videt, postquam iustis data erat terræ possessio, hoc posterius exegerit fuisse additum?

4 *Et oblectare super Iehoua.* Hæc oblectatio vanis & fallacibus mundi illecebris opponitur, quæ profanos homines sic inebriant, vt spreta Dei benedictione non aliam somnient beatitudinem, quàm quæ ad momentum se ingerit eorum oculis. Atque hæc antithesis inter erratica & vesana gaudia quibus se mundus decipit, & veram quietem, in qua se continent fideles, diligenter notanda est: quia siue nobis arrideant omnia, siue nos Dominus infortuniis exerceat, semper retinendum est illud principium, Quia Deus portio nostra est, tuniculum præclare nobis cecidisse, sicuti Psal. 16. 5, vidimus. Quare huc sedulo reuocandi sunt assidue animi, non aliter nobis bene esse nisi quatenus propitius est Deus, vt lætitia quæ de paterno eius favore concipimus, omnes mundi voluptates superet. Præcepto addi-

additur promissio, si vno Deo ita contenti erimus, ipsum quicquid optauerimus, liberaliter daturum. non quòd statim obtineat fideles quicquid inconsideratè illis in mentem venerit: sicut neque vtile esset, Deum prauis cupiditatibus morem gerere: sed tantum hoc voluit Dauid, si aliis post sua signenta vagantibus, sistimus in solo Deo sensus nostros alia suo ordine accessura.

5 *Deuolue super Iehouam.* Clarius exprimit & confirmat proximam sententiam. Vt enim Deus vtorum nos còpotes faciat, curas nostras spe & patientia in eum còicere oportet. Itaque hinc discimus quomodo inter molestias, discrimina & perturbationum fluctus tranquillis animis simus futuri. Vias pro negotiis omnibus accipi non dubium est. Itaque vias suas in Deum deuoluit qui actionum suarum euentum eius arbitrio resignans, & patienter expectans vtraque fortunam, curas quibus angitur, & quicquid oneris eum premit, in eius sinum exonerat: quod Gallicè dicimus, *lui remettre ses affaires*. Ideo rursus in eum sperare iubet, significans, sola spe iustum tribui Deo honorem, vt vitam nostram moderetur: atque ita communi morbo quo ferè omnes laborant, medetur. Vnde enim fit vt reprobis inuideant filii Dei, sæpe æstuent aut vacillent, dolori intemperanter indulgeant, interdum etià fremant ac tumultuentur, nisi quòd se immodicè curis implicant, & sibi nimis cupidè absque Deo prospicere volentes, quasi in abyssum se demergunt? saltem coaceruant sibi curarum molem cui tandem succumbere coguntur. Huic

vitio occurrens Dauid, nos admonet, si volumus suscipere vitam nostram regimen consulere rebus nostris, ac si essemus tanto oneri ferendo, longè falli: idèoque vnum esse remedium, vt coniectis in Dei prouidentiam oculis, inde anxietatum omnium solatium petamus. Quisquis huic consilio parebit, ex horribili quose frustra omnes fatigant, labyrintho emerget: quia vbi negotia nostra Deus regenda suscepit, nunquam deerit facilis successus. Vnde enim fit vt nos deserat ac frustretur, nisi quia ei viam præcludimus, nimium sapere nobis volentes? Quare si eum agere permitimus, fungetur ipse suo officio, neque spem nostram eludet, sicuti iustè incredulitatem nostram punit.

6 *Educat quasi lumen.* Occupatio est, qua dubitationes præuenit quæ nos vt plurimum angunt dum nobis videmur Deum purè colendo, & cum proximis iustè agendo, operam ludere: imò dum nostra integritas vel improborum calumniis est exposita, vel nobis damnoza est apud homines, idèoque contemni à Deo creditur. Dauid ergo Deum passurum negat vt semper in tenebris lateat nostra iustitia, sed vindicem eius fore, vt conspicua fulgeat, dum scilicet mercedem rependet qualem optamus. Porro ad noctem alludit, cuius tenebras aurora repente exoriens discutit: ac si diceret, Quoties indignè grauamur, & Deus sibi innocentiam nostram probari dissimulat, nõ esse cur nos magis conturbet ista vicissitudo, quàm dum noctis tenebræ operiunt terram, quia diurnæ lucis expectatio spem nostram sustinet.

7 *Sile Iehoue, & expecta eum, ne succenseas in eo qui prosterè dirigit viam suam, in viro perpetrante scelera.*

8 *Desine ab ira, relinque furorem, ne succenseas utique ad peccandum.*

9 *Quoniam improbi excidentur, expectantes autem Iehouam hereditate possidebunt terram.*

10 *Adhuc paululum, & non erit impius: & attendes ad locum eius, nec inuenies.*

11 *Manfueri verò hereditate possidebunt terram, & delectabuntur in multitudine pacis.*



7 *Sile tehoua, & expecta eum.* Prosequitur eandem doctrinam, nempe vt patienter & moderate feramus quicquid inquietare animos nostros solet. Nam inter tot certaminum agitationes patientia non vulgari opus est. Silentii verò metaphora (quæ frequenter in Scripturis occurrit) apertissime declarat fidei naturam. nam vt affectus nostri Deo obstreperunt, ita fides in placidum obsequium nos componens, tumultus omnes in cordibus nostris compescit. Hoc itaque verbo David nos tumultuari vetat, sicuti faciunt increduli, vel cum fremitu nos opponere eius imperio, sed quietis animis cedere vt opus suum in silentio peragat. Porro quia **וַיִּשָׁבֵט** Hebræis nunc dolere, nunc expectare significat, quidam verbum **וַיִּשָׁבֵט** accipiūt hoc loco pro temperate dolere, vel ferre patienter dolere. Simpliciter etiā posset exponi pro dolere coram Deo, vt testis sit omnium nostrarum molestiarum: quia dum harent increduli, magis obmurmurant contra ipsum, quam suas quarimonias coram eo proponant. quia tamen diuersus sensus magis receptus est, ego eum libenter amplector, quod scilicet David ad spem & tolerantiam nos hortetur. Nam Iesus quoque cap. 30. 15. spem silentio coniungit eodem sensu. Postea repetit quod dixerat primo versu, 'Ne succenseas in hominē cui prospere succedit, vel qui vias suas perducit ad optabilem successum, & in viro sceleratē se gerente, vel exequente consilia: quod secundum melius quadrat contextui. Fateor quidem nomen **מוֹסֵט** sapius accipi in malam partem pro fraudibus & captationibus noxiis: sed quum **וַיִּשָׁבֵט** interdum generaliter cogitare significet, sensum hunc admittit lingua Hebræica proprietas, vt Facere consilia tantundem valeat, atque perficere quod quis statuit. Gallice dicim⁹, *venir à bout de ses entreprises*. Videmus autem hæc duo connecti, vias suas ex animi voto disponere, vel secundare, & facere consilia. Durum enim hinc scandalum nobis obicitur, vbi impiis aridet fortuna, ac si Deus impiorū sceleribus faueret: imò in nobis tūc acceditur indignatio. Itaque David breui admonitione nō cōte-

tus non prolixius in hac re insistit. Non enim superflua est verborum congeries quæ proximo verū sequitur, vbi iracundiæ frantum iniicit, furorem sedat, & indignationem mitigat. sed plura remedia, vt necesse est, ad morbum difficilem curatu adhibet. Atque hoc modo quā irritabiles simus & propensi ad concipiēdas offensas, admonet, nisi strenuē luctando, turbulentos nostros affectus in obsequium cogamus. Quāuis autem non sine molestia & sudore carnis impetus subigant fideles, vbi eos ad impatientiam stimulat impiorum prosperitas, hæc tamē repetitio in luctu perseverandum esse docet: quia sit constanter perstemus, non irriti tandem erant nostri conatus. Vltimam particulam secus interpretor quā reliquæ vertunt enim *saltem ad peccandum acsi iuberet* David iram mitigare, ne ad nocendum profiliat. Sed quum **וַיִּשָׁבֵט** sepe affirmet apud Hebræos, nō dubito quin David potius doceat fieri aliter non posse, nisi statim ac celeriter offensionem nostrā occurrimus, quā ad peccadum nos impellat, sicuti in alio Psalmo dicitur, Abrumpe Deus funes impiorum, ne iusti manus suas ad iniquitatem extendant, Ps. 125. 3.

9 *Quoniam impii excidentur.* Non abs re idem sapius inculcat, latam & secundam fortunam quæ potiturum impii, nihil esse aliud quā laruam aut spectrum: quia primus intuitus sensus nostros occupat, ne ad exitum attendant, vnde iudicium fieri decet. Notanda autem est antithesis inter duo membra. Prius impios excisumiri pronuntians, si significat virere & florere donec maturum adueniat excidii tempus. Deinde fidelibus terram hæreditario iure assignans, intelligit sic victuros, vt Dei benedictio eos ad mortem vsque profequatur. Porro à fine (vt paulo ante docui) æstimanda est hominum conditio. Ex epithero etiam quod filiis Dei ascribit, colligimus dura militia eos exerceri, vt probetur eorum fides. Non enim pios vel iustos nominat, sed expectantes Iehouā. Quorum autē ista expectatio, nisi sub crucis onere gement? Caterū terra possessio quā filiis Dei promittit, non semper est oculis exposita, quia & peregrinos in ea vagari oportet, nec

patitur Dominus sedē vsquā figere: quin potius circumagit vt alacrius ad caelestem quietem aspirent. Caro enim semper hic indulgēti cupit. atqui nisi instabiles huc & illuc feramur, obrepit calix aeternae hereditatis obliuio. In hac tamen inquietudine non eripitur ista terrae possessio cuius meminit Dauid: quia & certō sciunt se legitimos esse mundi haeredes: vnde fit vt tranquilla conscientia pane suo vescatur: & quāuis inopia laboret, Deus tamen ipsorū necessitatibus in tempore succurrit. Postremo quauis ē mundo eos exterminare contentur impii, & indignos reputent qui hauriant communem aerem, Deus tamen extēta manu eos protegit. Denique sic eos virtute sua sustinet, vt securius in exilio viuant, quā impii in suo nido cui affixi sunt. Ita hoc bonum quod celebrat Dauid, interius est ac occultum ex parte, quia non capit carnis nostrae stupor quid sit possidere terrā. Et tamen verē ac luculento effectū sentiunt fideles, non frustra sibi illud promissum esse: quoniā iacta in Deum anchora vitā de die in diem placidē trāsfingunt. Et Deus re ipsa declarat vmbra manuum suarū ad eos tuendos sufficere.

10 *Et adhuc paululū.* Confirmatio proximae sententiā. obuiare enim prout esset, longē alium mundi statum a nobis conspici, quā prädicit Dauid, quia impii in suis deliciis exultant, fideles verō assiduo langore miserē tabe-

scunt. Itaque à præcipiti iudicio nos reuocans, ad exiguum tempus quiescere nos iubet, dum radicitus illos Dominus euellat: gratiā verō suae efficaciam erga eos declarat. Hanc ergo prudentiam a fidelibus requirit, vt iudicium suum paulisper suspendat, donec a calo ostēdat Deus adesse tempus plenitudinis: atque ita non subsistant in singulis momentis, sed mentem extendant ad Dei prouidentiam. Quod nunc pro expectantibus Iehouam, *Mansuetos* ponit, optima ratione nititur. Nisi enim quis statuat Deum mirabiliter suos tueri non secus atque oues inter lupos, vim vi repellere semper tentabit. Sola igitur spes mansuetudinem ex se parit, quia franando carnis impetus, feruorēque placando, ad aequitatem & tolerantiam erudit qui se Deo subiiciunt. Atque hinc videtur sumpsisse Christus quod habetur Matt. cap. 5. vers. 5. Et si autem *pax* nomen generaliter apud Hebræos sumitur pro omni prospero rerum successu, melius tamen huic loco conueniet alter sensus, quod dum impii turbas sibi mouebūt, & Deus vndique ipsos terroribus implicabit, fideles se multa pace oblectabunt: nō quod expertes sint omnis molestiā, sed quia interior animi tranquillitas illos fulciet, vt momentaneum esse reputantes quicquid perturbationū sustinent, spe serenitatis promissa interea latentur.

12 *Cogitat impius contra iustum, & fremit contra eum dentibus suis.*

13 *Dominus irridebit eū, quia videt quod veniat dies eius.*

14 *Gladium educunt impii, & arcum suum tendunt, vt prosternant pauperem & egenum, vt mactent rectos via.*

15 *Gladus eorum intrabit in cor ipsorum, & arcus ipsorum frangetur.*

12 *Cogitat impius contra iustū* Praenitit quod obuii poterat contra proximam sententiā. Vbi enim serena quies & lätitia, quum improbi insaniant, & nihil non moliantur contra Dei filios? deinde quomodo in posterum bonam spem fouebūt qui vident multis se moribus circumdatos? Respondet igitur

Dauid, quauis eorum vita petatur variis periculis, quicquid tamen machinantur impii, tatos esse Dei ope, & praesidio, ac in perpetuum fore saluos. Ita cōsiliū Dauidis est, timori nostro occurrere, ne impiorum malitia nos vltra modum terreat, ac si essemus eorum libidini expositi: fatetur autem eos tam

fraudibus instructos esse ad nocendum, quam virulentia & rabie ardere, quum dicit eos confilia infidiose excudere & frendere dentibus. Sed hoc concessio, mox addit, irritos fore eorum conatus: quanquā frigide videtur nostris doloribus mederi. Tantū enim Deum ridentē inducit, quod si curā habet salutem nostram, cur non maturē ad resistendū festinat, sēque acriter opponit hostiū nostrorum furori? Sed hæc iusta patiētiæ nostræ probatio est, ut dictū fuit Psal. 2.4, quod Deus nō statim armatus prodit ad impios profigiandos, sed cōiunct ad tēpus, manūque suspendit. Quia autem sensus carnis tunc nimis lētum esse putat, & ex cessatione colligit, otio suo contentum negligere res humanas: non parū efficax ista consolatio est, eum ridētē fide intueri: quia inde statimū non stare in cælo ignauum, vel clausis oculis mūdi gubernationē fortunæ permittere, sed consultō cessare, quia inanē eorum stultitiam despicit. ac ne rursus obmurmuret caro, cur ridere malit Deus quam vleisci, ratio additur, quia videt propinquū esse diē interitus. Vnde enim fit ut rerum indignitas nos conturbet, nisi quia vbi subitum remedium nō apparet, de meliore statu desperamus? Qui autem videt carnificem exerto gladio stare à tergo scelerati hominis, iam vindictam non experit, sed læto potius spectaculo fruitur. Ideo admonet Dauid, minimē consentaneum esse ut Deus nostro more succēseat, qui impios videt exitio propinquos esse. Tacite enim hic Deus ab hominibus discernitur, qui inter res turbulētas cæcutiunt, neque præ anxietate & metu possunt ridere: quin potius moræ tædio fremunt & indignantur. Atqui non satis est tenere aliā esse Dei rationē, nisi discamus patiēter flere in Dei risu, ut lachrymæ nostræ sint obediētiæ sacrificium. Interim rogandus est ut nos suo lumine illustret: quia sic fiet ut fidei nostræ aspectus eiusdem risus nos faciat participes in media tristitia. Quidam aliō referunt duos istos versus, ac si diceret Dauid, Pios adeo facilius agere, ut ipsis inuideant ma-

li. Sed faciliē iam agnoscent lectores id minime accedere ad Prophetæ mētē.

14 *Gladium educunt impii.* Nunc longius progreditur Dauid, quod scilicet impii gladio & arcu armati, mortem filijs Dei ninitentur: idque facit ut tentationes præueniat, quibus alioqui nos deiici necesse foret. Neque enim Dei promissiones in vmbra & quiete locum habent, sed in grauissimis pugnis. Ergo nunc docet, pace illa de qua paulo antē differuit, minimē priuari iustos, quanvis præsentem illis mortem impii intentent. ac sic resoluī debet oratio, Quanvis gladiū exerant peccatores, & arcū tendāt in perniciem iustorū, quicquid tamen conantur, exitiale ipsis fore. Notandæ autem sunt loquutiones quibus exprimitur misera iustorum cōditio, donec ipsis tādē succurrat Deus. Vocantur enim egeni & pauperes: deinde comparantur victimis, quia nulla ad vim hostium repellendam suppetit facultas, sed potius sub eorum pedibus oppressi iacent. Vnde sequitur, minime felicitatem eis in hoc Psalmo promitti cuius æquabilis tenor semper appareat, sed in miserijs & afflictionibus spem illis læti exitus proponi quod se sustineant. Caterū quia malos quoque sæpe contingit suā culpa exosos esse, & duriter vexari, addit, *redos via*, præter meritum affligi significans. Prius dixerat rectos corde: quo verbo laudata fuit interior cordis integritas: nunc verò probitatem in externis vitæ officijs commendat: atque ita ostendit non modò iniuste affligi, quia nullis maleficijs hostes suos prouocauerint: sed dum laceffuntur iniurijs, non defletere tamen à rectitudine. Porro non iam de risu Dei loquitur Dauid, sed vindictam impijs denuntiat, sicuti & Psalmo 2.4, vidimus, postquam dissimulando aliquandiu passus est Deus impios proteruire, deinde in ira sua loqui ad eos prosternendos. Summa autem est, adeo nihil profecturos, ut gladius quem strinxerant, rediturus sit in eorum viscera, & arcus conterendus.

16 *Melius paucillum iusto quam opulentia impii*  
*magis.*

17 Quia



17 *Quia brachia impiorum frangentur, sustentat autem iustos Iehoua.*

18 *Nonit Iehoua dies integrorum, & hereditas eorum perpetua erit.*

19 *Non pudefient tempore aduerso, & in diebus famis saturabuntur.*

16 *Melius pauxillum iusto.* Versus hic sine vlla probabili causa variè exponitur. **יְמוֹתָם** quidem Hæbreis nunc magnam hominum turbam, nunc rerum abundantiam significat: interdum etiam epitheton numeri pluralis cum substantio singularis numeri iungitur. Sed qui in hunc sensum trahunt verba Dauidis, paucos iustos impiorum multitudini præstare, apertè ea deprauant, ac totam sententiam corrumpunt. Non recipio etiam quod docent alii, exiguum quod possidet iustus, melius esse magna impiorum affluentia, nulla enim necessitas cogit contra grammaticæ rationem non **יְמוֹתָם**, quod multos vel magnos significat, torquere ad nomē **יְמוֹתָם**. Itaque non dubito quin Dauid tenuem vnius iusti hominis fortunam cum opibus & copiis multorum impiorum compareret. Quanquam epitheton **יְמוֹתָם** nō ineptè sumetur pro magnatibus, qui auctoritate & potentia valēt. Dauidis certè consilium minimè obcurum est, quāuis impii excellant in mundo, referti sūt magna abundantia, & suis opibus confidunt: pauxillum tamen quod possidet iustus pluris esse quàm omnes illorum acervos. Atque hinc colligimus, Dauidem non tam de externo statu differere, quàm de arcana benedictione Dei quæ verè iustos locupletat: quia etsi in diē victitent, è cælo tamen non secus ac manna pascuntur: quum impii semper esuriant, vel in sua abundantia sepulti putrescant. Quod etiā spectat quæ proximo versu additur ratio, quòd scilicet nulla sit in mundo stabilitas nisi suffulta Dei manu: atqui propuntiat solos iustos à Deo fulciri, impiorum verò robur frangendum esse. Atque hic iterum videmus vt rite & prudenter aestimetur vera felicitas, oculos in futurum tempus tollendos esse, imo dirigen-

dos ad occultam Dei gratiam, & abscondita iudicia: quia nisi fide persuasi simus Deum nos in sinu paterno fouere, semper nobis molesta erit nostra tenuitas: rursus nisi occurrat nobis ista brachiorum fractio, impiorum fortuna nobis in pretio erit. Quòd si penitus infixa erit cordibus hæc doctrina, vbi didicerint fideles in futuram benedictionis Dei recumbere, non minus suauiter & iucundè pauxillo se oblectabunt, quàm fortiter altos opum cumulos, quibus gloriatur impii, quasi ex alto despicient. Interea monemur, quādiu propriis viribus nituntur, & suo robore insolenter se iactant impii, expectandum esse dum cōterat Deus ipsorum brachia. Nostræ autem infirmitatis hoc optimum esse solatium, quòd nos Deus ipse sustinet.

18 *Nonit Iehoua dies integrorum.* Non abs re toties inculcat Dauid, ideo beatos esse iustos quia eorum necessitatibus Deus prospicit. Videmus quā propensa sint ad dubitationem hominū ingenia, & quā eos torqueant superflua curæ, quibus finem & modum penere nequeūt. Interea obrepit alterum vitium, dum volunt vltra quàm liceat esse prouidi: & tamen acumine & industria polleant, subinde in capiendis consiliis labuntur. deinde successus eos non rarò destituit. Quare nihil utilius est quàm assidue nobis proponi Dei prouidentiam, quæ sola optimè nobis consulere potest. Hac ratione nunc dicit Dauid dies iustorum Deo esse cognitos, hoc est eum minimè latere quibus subiaceant periculis, & quibus subfidiis opus habeant. Huius autem doctrinæ vsus ad singulas mutationes aptandus est quæ nobis ruinam minantur. vtcunque enim versemur ac iactemur, atque ipsa varietas singulis momentis præsentem mortem ostenter, sufficere

nobis debet hæc consolatio, non solum dies nostros à Deo numeratos esse, sed varios etiam casus qui nobis subeundi sunt, ei esse cognitos. Quum sic inuigilet Deus ad tuendam nostram salutem, in hac peregrinatione nõ secus animis quiescere nos conuenit, quàm in fundo hereditario. Quoniam enim à Deo respicimur, inde colligit David hereditatem nostram esse perpetuam. Quum autem integros sic dicit protegi à Domino, nos ad sincerum probitatis studium hortatur: acsi cupimus sub Dei præsidio tuti latere, mansuetudinem colamus, faciliatque à nobis diabolicum illud prouerbium, Inter lupos ululandum esse.

19 *Non pudeant tempore aduerso.* Docet etiam hic versus non promitti immunitatem fidelibus qualem expecteret caro, ab omnibus incommodis, sed liberationem: quæ etsi reipsa percipitur, non tamen gustatur nisi fide. Nã duo hæc coniungere oportet, sicuti malis in hoc mundo permixti sunt fideles, ita famam & res aduersas utrisque esse communes: vnum esse discrimen, quod Deus suis in necessitate manum porrigens, impios deserit. Si quis obiciat, malos saepe tempore famis laute epula-

ri, & largiter saginari, quum boni inedia laborent: respondeo, saturitatem cuius hic fit mentio, præcipuè in eo sitam esse, quod quum tenuiter vixerent fideles, imò ieiuni & steriles ad parum victum suspirent, Deus tamen ipsos alie non secus acsi suppeteret lōgè vberior copia, quàm incredulis qui totum mundum sine satietate ingurgitant. Adde etiam, temporales istas benedictiones (vt alibi diximus) non semper esse conspicuas, vt æquali modo fluant. Nam quanuis aperta sit Dei manus, ipsi sumus restricti, & nostra infidelitas non leue obstaculum est eius beneficentiæ. Iam quia statim diffunderet caro nostra, restrictius nobiscū agit Deus: & ne sua indulgentia nos corrumpat, parcè erogando quod aliqui plena copia largiri paratus esset, ad frugalitatem nos erudit. Certè quisquis expendet quàm sumus omnes ad lasciuia & delicias propensi, esuriem qua Deus exercet suos fideles, non mirabitur. Cæterum, quanuis non suppetit Deus quantum satis esset ad nos saturandos, nisi tamen nobis obstet nostra ingratitude, in fame etiam & egestate sentiemus benignè & liberaliter ab ipso nos alii.

20 *Quia impii peribunt, & inimici Iehoua quasi pretiosum agnorum consumentur, in fumo consumentur.*

21 *Mutuatur impius, & non soluit: iustus autem miseretur & donat.*

22 *Quia benedicti eius hereditate possidebunt terram, & maledicti eius excidentur.*

20 *Quia impii peribunt.* Particulam causalem *¶* aduersatiuè positam interpretor: nisi fortè altius sententiam repetere placeat. Sed aptius coheret ista antitheta, quod iusti satientur in fame, impii autem etiam in media abundantia pereant: quia scilicet ubi sua copia confidunt, Deus occultis modis eos in nihilum redigit. Dei autem inimicos vocans, admonet eius vindicta iuste operiri, quam suis sceleribus sibi accersunt. Quod dicit *consumi tanquã pretiosum agnorum*, quidam de adipe accipiunt. Sed quum *¶* præstantiam (vt alibi

diximus) Hebreis significet, non dubito agnos selectiores, & eximia pinguedinis notari: quod optime ad antithesin quadrat. Hinc enim discimus (quod etiam docet alter Propheta) saginari impios in diem macerationis, vt eorum interitus maturior sit, quo lautius fuerint tractati. *Consumi in fumo* tantundem valet ac breui euanescere, acsi dictum esset, nihil subesse in illis firmi vel solidi. Qui per nomen Pretii adipem intelligunt, ad fumum consumi interpretantur sicuti pinguedo liquefit, vel arescit. Sed vident lectores priorem sensum melius

aelius congruere.

21 *Mutuantur impius.* Falluntur qui putant hic malæ fidei damnari impios, quod fraudando alienum rapiant: rursus laudari in filiis Dei humanitatem, quod parati sint ad leuandam fratrum inopiam. Porius enim Dei benedictionem erga pios commendat Propheta, & ex opposito testatur, impiis nunquam satis esse. Summa igitur est, Deum abunde largiri suis vnde sint erga alios beneficii: impios autem semper. esse famelicos, vt eos ad fraudes & rapias cogat inopia. Et certè nisi oculis nostris obiectum esset stuporis & fœcidiæ velum, quotidie apparent huius rei documenta. Nam quantumuis abundant impii, faciunt tamen inexplebilis eorum cupiditas vt hinc inde quasi prædones rapiant, neque vnquam sint soluendo. interea suppeditat Deus filiis suis quod non modò sufficiat in mediocres vsus, sed vnde etiam alios iuuent. Equidem non nego reprehendi impios quod in-

temperanter omnia vorando, suos creditores fraudulent: laudari etiam iustos, quod in re quum finem vtantur Dei beneficentia: sed consilium Prophetæ est docere quid valeat Dei benedictio. Atque hæc sententiam melius confirmat proximus versus, vbi discrimen statuitur in Dei benedictione vel maledictione. Ergo si queritur vnde filius Dei ad inopes iuuandos, & exercendam beneficentiam facultas: cur impii æs alienum assidue contrahant, cuius solutio extorqueri nunquam potest: respondet David illos esse benedictos à Domino, hos autem eius maledictione pessudari. Quod actiue quidam יְיָ יְיָ exponunt. Beneficentes iusto, coactum & absurdum est. Summa enim est, neque à cælo neque à terra nobis prouenire quicquid ad tuendam vitam, & colenda humanitatis officia necessarium est, sed profluere à solo Dei fauore: si autem gratiam suam subducatur, totius mundi affluentiam non posse nobis sufficere.

23 *A Iehoua gressus viri diriguntur, & viam eius diligit.*

24 *Quum ceciderit, non collidetur: quia Iehoua supponit manum suam.*

25 *Puer fui, etiam senui, nec vidi iustum derelictum, ac semen eius quærens panem.*

26 *Quotidie miseretur, & dat mutuo, & semen eius ad benedictionem.*

23 *A Iehoua gressus.* Quidam simul hæc duo cōnectunt, Dei gratia præparari gressus piorum, quod scilicet non propria v. r. tute sequatur homines quod iustum est ac rectum, sed quatenus Spiritus Domini eos gubernat: vnde secundum colligunt, Deum fauore prosequi & probare quod suum est. Sed David simpliciter Diuinæ erga pios benedictionis elogium continuat, in quibus hoc meritò celebrandum est, quicquid instituunt, in fœlicè & optabilem successum dirigi. Sed notanda simul ratio est cur Deus secundet ac bene fortunet omnes euentus in cursu vitæ nostræ: nepe quia nihil tentamus quod non ei placeat. Nam copulam, particulæ causalis loco in secundo membro positam esse inter-

pretor, atque ita sententiā resoluo, Quoniam Deo grata est piorum via, gressus ipsorum ad lætum finem adducit: vt sensus sit, Quia videt Deus fideles recta conscientia agere, neque deflectere à viâ quàm præscripsit, ideo benedicit ipsorum studia. Et certè quum generaliter loquatur Propheta, certum tamen sit de solis fidelibus haberi sermonem: posterius membrum expositiue accipere necesse est: ita viâ pro instituto & ratione viuendi ponitur: ac si diceret, nihil aliud esse propositum piis, nisi vt ad Dei vocationem vitam suam forment, ac sequantur quod ille mandat. Gressus autem ad externos euentus refero.

24 *Quum ceciderit.* Vulgò hic versus obtinuit locum prouerbii, si quando



Iustus delinquat, lapsus eius non esse mortiferos, sed nihil hoc ad Davidis mentem, qui de piorum felicitate concionatur. Simplex ergo doctrina est, ubi Deus seruos suos calamitatibus affligit, eas simul mitigare, vt non prorsus succumbant, sicut Paulus dicit 2. Corint. 4. 9, deiici quidem ipsos, sed non perire: laborare, sed non destitui. Quidam non collidi iustos dicunt, quia non despondent animum, sed potius inuicta fortitudine sustinent quicquid oneris incumbit. Et ceterè fateor hanc esse causam cur non obruantur, quia propter mollietatem non succumbant oneribus. Latius tamen extendo verba, sic paterna Dei clementia temperari piorum ærumnas, vt sub mole non fathiscant, vel cadendo non ruant præcipites. Ex quibus verbis discimus, fideles quanuis Deum purè colant, & innocentie studeant, non tamen stabiles semper manere in eodem gradu, sed multis incommodis quate fieri & deiici: tantùm hoc inter eos & incredulos esse discrimen, quòd ruinæ lethales non sunt. Scimus enim etiã leuiter percutiatur Deus reprobos, cedere illis in causam vltimi exiti. Vltimus progreditur Selomus dicens, Iustus septies vno die cadere, & toties surgere, Proverb. 24. 16: quibus verbis admonet, non raro affligi pios in vita, sed quotidianis exercitiis probari, neque tamen vnquam deferri à Domino. Breuiter etiã notandum est, leuissimum quenque casum ad nos conterendos satis fore, nisi Dominus manum supponeret.

25 *Puer fui, etiam senui.* Sensus verborum minimè ambiguus est, Dauidem quum ad sensum vsque progressus esset non vidisse quenquam ex iustis, vel ex eorum posteris mendicare panem. sed ex re ipsa difficilis & perplexa quæstio nascitur: quia certum est multos iustos ad mendicitatem redactos esse. Quod autem de sua experientia prædicat Dauid, ad omnes ætates pertinet. Adde quòd ex Mose sententiam hanc hausit. nam mendicitas Deut. 25. 4, inter Dei maledictiones censetur: & ab ea Dei cultores Lex illic diserrè eximit. Quomodo igitur conueniet, neminem ex iustis mendicum fuisse, quem Lazarum inter abiectissimos mendicos statuatur Christus?

Luc 16. 20. Respondeo memoria tenendum esse quod prius attigi, in temporalibus Dei beneficiis non posse præfigi certum & æquabilem modum. Sunt enim multiplices causæ cur non per æquè suum erga omnes pios fauorem declararet Deus in mundo, quia alios castigat dum aliis parcit: quorundam occultos curat morbos, ab aliis abstinet, quia opus non habent simili remedio: quorundam patientiã examinat prout Spiritu fortitudinis instruxit: quosdã denique proponit in exemplũ. Promiscuè autem omnes iræ suæ signis humiliat, vt talibus stmulis excitetur ad penitentiam. Denique variis afflictionibus ad celestis vitæ meditationem eos inuitat: neque tamè irritũ est vel inane quod Lex pronuntiat, terrenis benedictionibus Deum seruos suos dignari, vt documenta sint sui erga eos fauoris. Fateor inquam non frustrari neque de nihilo promitti fidelibus copiam quæ ad victum sufficiat: modò addatur exceptio, quatenus scilicet expedire Deus nouerit: sic enim fiet vt refulgeat in communi hominum vita, Dei benedictio: & tamè inopia quidam fideles laborant, quia ipsis vtile est. Quòd si ad mendicitatem redigi contingat quempiam ex fidelibus, sursum tollendæ sunt mentes ad beatam illam hereditatem, ubi largè repèdet Deus quicquid fluxis suis benedictionibus nunc deest. Tenendum etiam alterum illud, si fideles communiter iisdem pœnis inuoluatur, quibus impios vleiscitur, quum iisdem videatur morbis implicitos, in eo nihil esse absurdi. Nam etsi vsque ad Dei contemptum non prosiliunt, neque additi sunt sceleribus, neque etiam sibi placent, vel defixi sunt in suis vitiis: nõ tamen soluti sunt omni reatu. Quare nõ mirum est si temporalibus pœnis interdum subiaceant. Hoc interea verum est, Deum suis prospicere, vt sorte sua contenti, nulla re egeant, quia parè victitando, liberaliter interim viuunt: sicuti dicit Paulus Philip. 4. 12, Didici abundare, didici & penuriam pati.

26 *Quotidie misereor.* Repetit quod iam semel dixerat, Dei gratiam inexhaustum esse bonorum omnium fontem, ideòque dum se exerit erga fideles, nõ modò ipsis suppetere quod satis

fit in priuatum vsum, sed vnde aliis largiantur. Quod addit de eorum *semine*, variè exponitur. quin de piorum filiis loquatur minimè dubium est, idque colligitur ex versu proximo: sed quòd illos ad *benedictionē* fore dicit, quidam sic accipiunt acsi dixisset, fore beneficentiæ Dei ministros: ita secundum eos sensus esset, parum imitatores fore in iuuantis pauperibus, & liberalitate erga omnes exercēda. sed vereor ne hoc nimis sit argutum. Non recipio etiā quod docent alii, tam insignem fore erga filios piorum Dei gratiam, vt in formu-

lam bonæ & faustæ precatōis trahantur. Fateor hanc loquendi formam pluribus locis ita accipi: sed hic ( meo iudicio ) nihil aliud voluit Dauid quàm celebrare continuam fauoris Dei à patribus in filios seriem: acsi diceret, non extingui Dei benedictionem vbi iustus quispiam moritur, sed peruenire vsque ad eius filios. Et certè nulla est certior hæreditas in quam nobis succedant filii, quàm vbi illos nobiscum Deus paterno suo fauore complexus, benedictionis suæ consortes facit.

27 *Recede à malo, & fac bonum: & inhabita in seculum.*

28 *Quia Iehoua amat iudicium, & non derelinquit mansuetos suos, in seculum custodientur: & semen impiorum excidetur.*

29 *Iusti hæreditate possidebunt terram, & habitabunt in seculum super eam.*

27 *Recede à malo.* Concludit hoc versu Dauid, vt fruamur hac felicitate cuius meminit, abstinendū esse ab omni iniuria, colenda esse officia humanitatis, & beneficentiæ dandam operam. Quamquam autem sententia hæc minimè congruit cum sensu carnis, certum tamen est, totum genus humanum non aliam ob causam tot incōmodis ac molestiis inuolui, nisi quia pro se quisque iniuriis, fraudibus, rapinis & maleficiis deditus, Dei benedictionem respuit. Se ergo ipsos homines impediunt, quo minus agant feliciter in mundo, & quisque lætus ac tranquillus quod suum est, possideat. Non temere igitur Dauid à superiori doctrina ad hanc exhortationem delabatur: quia si mansueti terram possident, vt quisque sibi bene esse optat, sic etiam debet ad probitatem & beneficentiam eniti. Notandum etiam est, hæc duo non sine ratione ab eo coniungi, vt beneficentiæ studeant fideles, & ab omni maleficio sibi temperent. Nam vt Psalmo 34 visum fuit, continget sæpe aliquem non modò humaniter se gere- re erga certos homines, sed plena etiam manu de suo largiri, sed interim aliunde rapere ac prædari vnde suam liberalitatem ostendet. Ergo quisquis officia

sua cupit Deo probari, sic bene mereri studeat de fratribus qui ope eius egebunt, ne vni succurrat cum alterius iactura, vel hunc illius mœstitia exhilaret. Atque his duobus verbis breuiter secundā Legis tabulā cōplexus est Dauid: primū vt manus suas ab omni noxa puras cōtineant fideles, ac nemini præbeant querimonie materiā: deinde ne sibi viuāt, ac priuatis cōmodis sint addicti, sed quoad suppetet facultas, in cōmune prodesse cupiāt. Diximus autem antehac, hanc Dei benedictionē quæ *iustis* promittitur, non semper equali modo perspicis, vt *terram inhabitent*: ac causam attulimus, quia vix vilum tātæ integritatis exemplum reperiatur Deus inter homines, quin sua culpa miseras sibi procreent qui sunt inter alios perfectissimi: ideo nihil mirum si Dominus suam benedictionem subducatur, saltem aliqua ex parte: deinde scimus, vt luxurient affectus carnis, nisi Dominus frænum iniiciat. Adde quòd ad meditationem cælestis vitæ nemo satis alacriter properat, nisi variis stimulis vrgeatur. Hinc fit vt possessio terræ, quam Dauid assignat filiis Dei, non semper sit pedum positio, quia multæ inquietudines eos perturbant. Neque tamen

*fictitium* est quod promittit: quanvis enim experientia communis nondum liquiddemonstret filios Dei hæredes esse terræ, sentimus tamen pro mensura nostræ fidei quid valeat Dei benedictio, quæ assidue instar fontis inexhausti scaturit. Certè plusquam cæci sunt qui non vident præmium hoc iam rependi iustis hominibus, quodd Deus eos suo præsidio tuetur ac sustinet.

28 *Quia Iehoua amat.* Notanda est hæc confirmatio proximæ sententiæ, quia sumitur ex altiore principio, nempe, Deo placere iustitiam & rectitudinem. Quod videtur quidem esse mutilum, sed quia pro confesso sumit Dauid, quod piorum omnium cordibus infixum esse debet, mundum regi Dei providentia, optimè ratiocinatur. Primò itaque tenendum est, Deo curæ esse statum generis humani, nec agitari fortuito, sed consilio eius dirigi, ut rerum omnium euentus suo arbitrio moderetur, manūque gubernet. Addendum secundò quod hic commemorat Dauid, placere Deo iustitiā. Inde sequitur, quisquis iuste & innoxie versatus fuerit inter homines, beatum fore, quia Deo propitio, tandem illis bene succedere necesse est. Sed meminim⁹ promissionem de qua agitur, inde pendere, quodd Deus piorum custodiam suscepit, non ut eos semper foueat in umbra & otio, sed ubi cruce exercuerit, tandem illis succurrat. Magnum enim his verbis pondus subest, quodd *non relinquet Deus mansuetos suos.* Perperam ergo interpretantur hunc Psalmū, qui Dei gra-

tiam, qua suos fideles in hac vita prosequitur, à spe & patientia auellunt. imò ne iudicium repete quis præcipitet, pias mentes suspendit Propheta, donec iudicium suum post mortem impiorum erga eorum posteros demonstret. Perinde enim hoc valet ac si iterum assereret, quanvis non statim appareat Dei iudicium, impios & sceleratos nihilo meliore esse loco, quia iusta eos pœna in filiis suis manet. Quodd si erga illos Dei maledictio non statim vim suam exerit, mirum non est si fauorem suum erga fideles oculum contineat.

29 *Iusti hereditate possidebunt.* Non est superuacua huius doctrinæ repetitio, quam animis nostris insculpere admodum difficile est. Nam quum omnes felicitatem expetant, vix tamen centesimus quisque eam à Deo expectat: quin potius ut bene sibi consulant, quasi data opera certatim prouocant Dei vindictam, dum alii fraudibus & periuriis se contaminant, alii feruntur ad rapinas, alii genus omne scuritæ exercent, alii cadibus quoque & beneficiis grassantur. Quomodo autem perpetua habitatio intelligi debeat, nuper & iam antè aliquoties admonui, nempe quia inter motus turbulentos Deus tamè eos suis alis protegit: & quū nihil sit sub Luna stabile, quasi in tuto portu saluos præstat. Huc deinde accedit interior tranquillitas, quæ centum vitis præcellit: atque ita meritò pro incomparabili priuilegio censetur.

30 *Os iusti loquetur sapientiam, & lingua eius profert iudicium.*

31 *Lex Dei sui in corde eius: non nutabunt gressus eius.*

32 *Observat impius iustum, & querit interficere ipsum.*

33 *Iehoua non relinquet ipsum in manu illius, nec damnabit eum quum indicabitur.*

30 *Os iusti loquetur sapientiam* Quia hypocritis solenne est, quicquid de iustis & rectis prædicat Spiritus Dei, secure ad suum cōmodum obtendere, desinit Dauid quam à filiis suis Deus exigat iustitiā, ac eam in tria capita distin-

guit, quodd sermo eorū sincerus sit, quodd *Lex Dei* in eorū animis dominetur, quodd vitam rectè instituunt. Primum membrū quidam aliter exponunt, quodd scilicet iusti aliis ad bene viuendum duces sint ac magistri: itaque differere de sa-



de sapientia, & de iudicio loqui, tantumdem illis valet ac pia doctrina formare alios & instituire in timore Dei. Quod tamen non improbo, vereor tamen ne sit nimis restrictum. Sapientia enim & rectitudo tam profanis sermonibus & impuris, quibus Dei nomen impii delere conantur, quam versutiis & fraudibus, omnéque genus insidiis, simulque minis ac terroribus opponitur. Sensus ergo est, iustos honorificè & reuerenter Dei iustitiam extollere, ut se & alios in tota pietate erudiant: deinde tam in suis quam in aliorum negotiis, quod rectum est, sine furo probare, nec sophisticè colorem inducere malis causis: denique nūquam à vero deflectere. Additur *cordis integritas*: quæ etsi ordine præcedit, non tamen absurdum est secundo loco eam poni: quia Scripturâ in virtutibus aut vitiis recitandis non tam curiosè ordinem obseruat. Hinc porro ista cordis integritas, si Lex Dei cordi insideat, quæ sola & optimam vitæ regulam præscribit, & frangat prauos omnes affectus & libidines, & animos ad iustitiæ studium format. Neque enim fieri potest ut quis constanter se addicat rectitudini, posthabito sui respectu fratribus se impendat, renuntiet avaritiæ, superbiam domet, & cum proprio ingenio bellum gerat, nisi timore Dei sit præditus. Sequitur tertium membrum, quod ad externa officia refertur. Putant alii promissionem esse. Sed non dubito quin David iustitiæ definitionem hucusque continuet. Sensus igitur est, quantum multæ peccandi occasiones filios Dei sollicitent, ac magna etiam hominum pars quantum in se est, prauitate sua eos à Dei timore abducat: quia tamen Lex Dei occupat & regit eorum corda, non vacillare, sed fixo gradu stare in proposito, vel certè rectum cursum tenere.

32 *Obseruat impius.* Clarius modum exprimit possidendæ terræ, quod scilicet Deus fideles suos vndique hostibus obsessos tueatur. Vnde iterum colligimus, antehac non fuisse illis promissum quietum statum, & ab omni molestia immune: neque enim congrueret hæc inter se, fideles in peccata hæreditate vacare otio ac deliciis, & tamen

quasi oues è faucibus luporum quotidie eripi. Interea continentibus duo versus raram consolationem, quod inter varias noxas, salui tamen Dei auxilio euadēt. Præmonet ergo David fideles, ubi hostes suos in excubiis sedere viderint, & captare omnes nocendi rationes, speculandam ex opposito esse quam pro suorum salute curâ Deus gerit, & quas agit excubias, ut eos seruet incolumes. Fatetur quidem David formidolosas per se esse insidias quibus impij non modo fortunæ bonorum appetant, sed vitam, quia crudeliter in eorum exitium conspirant: iubet tamen nos infractis animis stare: quia Deus se vindicæ fore promissit. Et notanda est circumstantia liberationis, quod eam scilicet eousque differat dum iam mors imminet. Proximo membro monemur etiâ, quantumuis sedulo boni sibi ab omni inuidia caveant, contentur de omnibus bene mereri, fugiant omnes offensas & iurgia, fore tamen falsis accusationibus expositos. Neque enim pronuntiat David, plaudente toto mundo, eorum virtutes celebratum iri iustis laudibus: sed ubi in iudicium tracti fuerint, & calumniis ferè oppressi, ut damnatis sint similes, contentos esse iubet Dei præsidio, qui tandem ab iniquis hominum iudiciis asseret eorum innocentiam. Siquis obiciat multos ex filiis Dei postquam damnati fuerant, sua & acerba morte fuisse multatos: respondeo, eorum tamen vindicem in cælis sedere. Nam quantumuis ad crudelissimam mortem cum summa ignominia raptus fuerit Christus, ab illa tamen damnationis angustia sublatus est, (ut dicit Iesaias cap. 53, 8) & sic Deus agit quotidie cum eius membris. Siquis rursum excipiat, Davidem hic non de futura vita, sed de præsentis piorum statu concionari, reperenda est quam prius attuli, solutio, terrenas scilicet Dei benedictiones restringi ad eius consiliū atque ita quatenus expedire nouit, nunc suppressi vel in totum, vel ex parte, nunc conspicuas extare, non autem fluere æquabili modo. Continget ergo sanctos Martyres ubi damnati fuerint, morti etiam addici quasi à Deo relictos: quia ne ipsis quidem quicquam melius vel magis optabile est, quam ut Dei glo-

riam morte sua illustrent. Neque tamē ipse idem qui impiis ad exercendam sauitiam frantum laxat, assertor esse desinit iustitiæ suorum, quia coram Angelis & tota Ecclesia sibi probari demonstrat, & se cognitorem fore ostendit: imò ē tenebris in quibus demersi sunt,

34 *Expecta Iehouā, & custodi viā eius, & exaltabit te, & hereditate possideas terram: dum excidentur impij, videbis.*

35 *Vidi impium robustum, & se extendentem instar lauri viridis:*

36 *Et transiuit, & ecce non erat: & quasi locum eius neque inuentus est.*

34 *Expecta Iehouam.* Iterum ad exhortationem redit David, vt fideles freti Dei promissionibus ac suffulti, nullis tentationibus se huc illuc per vias obliquas & peruerfas trahendos permittant, sed maneant constantes in obsequio Dei. Primū itaque ad spem & patientiam eos hortatur, acsi iuberet in rebus confusis intentos esse ad Deum, & quiscere donec faciem suam quam abscondit, denuo ostendat. Hinc nascitur istud alterum, ne defleant à via Domini: vbicunque enim vigeunt spes & patientiā, faciliē mentes frangebunt ne ad quicquam illicitum profiliāt. Et certē quod quisque malis artibus sua commoda procurat, hanc reperiemus esse causam. quia nemo in Deum recumbit: vel vbi mox fortuna non arridet, frustra integritatem coli putat. Porro discamus ex hoc loco, si multi etiam ex probis & simplicibus vitam miserē in continuis laboribus trahunt, pœnam hanc meritō huerē, quod vix ceteris quisq; Deū patienter expectat, rectūq; cursū prosequitur: tantū abest vt certo statū propriū illiusse min⁹, nō modō ex stercore suos erigere, sed eruere etiā ex sepulchris. Nec verō David *Exaltādi* verbo abs re vsus est, vt sciam⁹ tūc demū fidelius sape à Deo manū porrigi vbi calamitatū mole obruti vidētur. Subiicit postea David perituros *impios* corā oculis piorū: quia nisi diuēse esset exitus, optimos quosque faciliē ad pec-

cos attollens, facit vt eorū cineres suauissimum odorem spirent. Denique vbi passus fuerit Dominus indignis probis ipsos obrui, feret ipse sententiam, qua iustam eorum causam ab iniustis calumniis asserat.

candū alliceret cōditio in qua ad tēpus reprobi latantur. Et sanē eiusmodi spectaculis nos quotidie Deus oblectaret si ad cernēda eius iudicia oculari essemus. Et tamē quāuis totus mūdus cecuriet, nō desinit Deus sceleribus hominū iustā mercedē repēdere, nisi quod occultiori b⁹ modis illā puniēs, fructū hūc quo nos priuāt stupor noster, à nobis subducit.

35 *Vidi impiū.* Propria experientia cōfirmat quod nuper dixi, quāuis impios inebriet sua felicitas, & admirationi sit apud omnes, caducā tamē esse & euandā, ideōque nihil aliud quā merū figmentum. Ac priore quidem versu hoc nō esse nouū vel insolens dicit, si impius prospera fortuna elatus, selōgē lateque extēdat, & terrorē etiā incutiat simplicibus. Postea addit, momēto euanesce illā magnitudinē quā nō sine admiratione spectata fuit. Quod ad verba pertinet, *וַיֵּרָא* tāfortis vel robustus, quā formidabilis exponi potest, quia verbū à quo deducitur, nūc terrere, nūc robora re significat. Participiū *מתערה* quidā accipiūt pro viridi: sed potius tantūde valet ac se disco operiēs vel extēdēs, sicut arbores procerā & patulā ramos diffundūt. Nec verō dubito quin ferociā eorū perfringat David, qui se intēperāter efferūt. *Transire* secūdo versu positum est pro euanesce. atque ita admonet, paulisper sedendū esse, dū ex trāitu appareat, nebulā duntaxat fuisse quicquid mundus in fortuna impiorum miratur.

37 *Obserua integrum, hominem & considera rectum: quia finis huius hominis, pax.*

38 *Transgressores autē delebuntur simul, finis īpiorū excidetur*

39 *Salus verò iustorum à Iehoua, fortitudo eorum in tempore afflictionis.*

40 *Ei auxiliabitur illis Iehoua, & eruet eos, eruet eos ab impiis: seruabit eos, quia sperant in eo.*

37 *Obserua integrum.* Hortatur David fideles, vt attentius quaecunque occurrunt tam gratiae Dei quam iudicii exempla considerent. sed simul docet, perperam fieri iudicium ex proximo intuitu: quia nisi sedatis mentibus expectetur opportunitas quae in Dei arbitrio posita est, saepe extincta fide, simul affectus promissionum Dei peribit. Hæc ratio est cur requiratur custodiâ, & aspicere iubeat, quia dum sensus nostros occupat quæ semel oblata est oculis tentatio, nobis festinatio, hallucinandi causa est. Quod si quis velut è specula oculos suos procul extendat, verè hoc dictum fuisse agnosceret, sine tandem discerni reprobos à iustis. Atque hæc sententia correctionis loco addita videtur, vt discamus iudicium suspendere, si non statim exequitur Deus quod hactenus docuit: etsi vota nostra nimis ebulliunt, statim occurrat hæc moderatio, nondum venisse finem, dandumque Deo esse tempus quo res confusas in ordinem restituat. Quidam nomē יְהוָה de posteris accipiunt: sed male, quia tantum in exitu discrimē ponit David: quia Deus postquam seruos suos duriter exercuit, rebus eorum aduersis benedicens,

impiorum læticiam in luctum cōuertit.

39 *Salus iustorum à Iehoua.* Summa est, quicquid accidar, iustos tamen saluos fore, quia in manu Dei sunt, & nunquam potest eorum obliuisci. quod diligenter notandum est, vt afflictissimos hæc fiducia sustentet, quam à Deo sperant salutem, certam esse: quia æternus est Deus, suoque imperio mundum gubernat: sicut dicebat Christus Iohan. 10. 29, Pater qui vos dedit mihi, maior omnibus est. Retinet autem David principium illud, Quia Deo probatur iustitia, fieri non posse vt sinceros eius cultores deserat fraudetque suo auxilio. Itaque fideles in ipsum recumbere iubet, non solum dum ex voto res procedunt, sed vbi premunt afflictiones. Quibus verbis docet, sufficere si modò virtutem suppeditat seruis suis Deus, ne angustiis constrikti deficiant, vel sub grauibz miseriis gementes, oneri succumbant. Huc pertinet etiam quod bis *Eruendi* verbum inculcat David, vt se ad tentationes ferendas assuefaciant filii Dei: & si longius eos Deus extrahat, subinde in memoriam reuocent, vbi satis expertus fuerit eorum patientiam, demum liberatorem fore.

#### ARGVMENTVM PSALMI XXXVIII.

David morbo aliquo (vt conicere licet) graui & acerbis laboras, quia se à Domino castigari agnoscit, rursus iram deprecatur. Quo autem Deum ad misericordiam melius flectat multis circumstantiis, mali sui atrocitatem deplorat, quas satis erit suo loco & ordine singulas notare.

Psalmus XXXVIII.

**C**anticum Davidis ad reminiscendum.

2 *Iehoua, ne in furore tuo arguas me, & in ira tua corripias me.*

3 *Quia sagitta tua descēderunt in me, descendit super me manus tua.*

4 *Non est integritas in carne mea à facie ira tua, neque pax ossibus meis à facie peccati mei.*

5 *Quia iniquitates meae transcenderunt caput meum sicut onus graue aggrauat e sunt præ me.*

6 *Putruerunt, contabuerunt liniores mei à facie stultitiæ meæ.*

Quint.



Inscriptio ad argumentum refertur. Nā quoddam initium vulgaris cantici quidam fuisse putant, sicuti in aliis Psalmis ascribi solet cātulenæ exordium vnde petenda erat modulatio: frigidum est. Potius ergo Dauid ne statim efflueret castigatio qua defunctus erat, memoriale hoc tam sibi quàm aliis composuit. sciebat enim quàm facile & cito nobis euanescant pœnæ Diuinitus inflatæ, quibus in totam vitam nos erudiendi decebat: deinde memor erat suæ vocationis. Nam quum toti Ecclesiæ præfatus esset magister & doctor, quicquid in schola Dei priuatim didicerat in communem vsum aptare debuit, vt omnibus prodesset. Atque ita monemur vtile esse exercitii genus, memoria sæpe repetere quas ob peccata nostra Deus pœnas exegit.

2 *Iehoua, ne in furore.* Quia sextus quoque Psalmus ab hoc versu incipit, vbi eum exposui: ne frustra Lectores onerem, nunc ero breuior. Non simpliciter pœnam sibi remitti postulat Dauid, sed tantum vt rigorem iræ suæ moderetur. vnde colligimus Dauidem carnis suæ votis fræna non laxasse, sed precatum esse ex affectu pietatis rectè composito. Naturaliter enim optarent omnes sibi dari impune peccandi licentiam, Atqui Dauid seipsum cohibet, nec Dei indulgentiam sine modo extendit, sed contentus est pœnæ mitigatione. ac si diceret, Ego me tibi permitto castigandum: sed vide interea ne me durius tractes quàm sim ferendo, ac iudicium tuum ad infirmitatis meæ modum attēperes, ne miali grauitas me prorsus obruat. Hæc (vt dixi) precatio ad pietatis normam composita fuit: quia nihil aliud continet quàm quod Deus omnibus suis filiis promittit. Iam verò notandum est, Dauidem non intus secum fremere, sed querimoniam suam proferre coram Deo: neque obstrependi causa, sed suppliciter cum ingenua confessione, deinde cum veniæ fiducia. *Iram & furorem* pro summo rigore posuit Dauid, & paternæ castigationi opposuit.

3 *Quia sagitta tua.* Ostendit summa necessitate se cogi ad petendam malis suis lenationē, nempe quoddam oneris magnitudini succubat. Hæc semper in pre-

cibus tenenda est regula, vt Dei promissiones nobis versentur ante oculos. Promisit autem Deus se pœnas de suis, non quas meriti sunt, sed quas ferre possunt, sumpturum. Hæc ratio est cur toties sancti suam infirmitatem commemorent, dum nimis grauius premuntur. Prudenter autem Dauid sagittas Dei, & *manum* vel plagam nominat quem patitur morbum: quia nisi persuasus esset, Diuinitus se affligi, ad petendum inde vulneris remedium, nunquam animum induxisset. Videmus vt cæcutiant ferè omnes in Dei iudiciis, ac fortuitos esse casus somniant: vix autem centesimus quisque manum Dei respiciat. Atqui Dauid in morbo, sicut in aliis rebus aduersis, manum Dei suis oculis proponit ad puniendi peccata armatam. Et sanè quisquis in mali sui sensu subsistit, nihil à peccudibus differt. Sed quū nos de iudicio admoneant omnia eius flagella, hæc vera fidelium prudentia est, manum percutientis respicere, vt Propheta loquitur. Itaque pronomen emphaticum est, ac si dixisset non esse sibi cum homine mortali negotium, cuius manus sagittas pro virtutis suæ modo vibraret, sed Deū longè alio impetu iaculari sua tela.

4 *Non est integritas.* Quoddam alii Formam vertunt, non videtur tam aptum esse. Iam verò sequitur alterum membrum in quo iustitiæ laudem Deo tribuit Dauid, sine quo prior notitia nihil aut minimum prodesset: imò interdum animos hominum exasperat, vt iram Dei magis prouocent, dum eum insimulant crudelitatis, & execrandas blasphemias in eū euomunt. Quare nihil magis præposterum quàm imaginari nudam & absolutam (vt loquuntur) Dei potentiam, quæ eum iustitia sua spoliaret. Ideo Dauid simulac Deum sibi inensum concepit, conuertitur ad sua peccata, quia iam antè statuit non esse tyrannum qui iniuste sæuiat, sed æquum iudicem qui nunquam irascitur nisi offensus. Ergo si velimus iustam Deo laudem tribuere, discamus exemplo Davidis, iræ eius coniungere nostra peccata. Proximo versu conqueritur, sub ingenti mole ita se esse demersum vt prorsus deficiat: iterum tamen confirmat superiorem doctrinā, quod Deū merito ita seue-

seuerum & formidabilem sentiat. Etsi enim nomen **NY** pro pœna sæpe sumitur, scimus tamen id esse trāslatiuium. Neque etiam nego quin Dauid ad effectum trāsferat quod causæ proprium est, dum *iniquitates* vocat quas sua culpa pœnas contraxit: diserrè tamen simul fateri vult imputandum esse suis peccatis quicquid malorū sustinet. Neque enim exemplo Cain cum Deo expostulat de immodica pœnæ atrocitate: dicebat ille, Maior est pœna mea quàm vt sim ferendo: & quidem eadem voce **NY** illic vitur Moses Genes. 4. 13, vt in verbis Dauidis & Cain sit aliquid simile. Sed Dauidis consilium longè diuersum fuit. nam quum obrepèrent eius animo tentationes istæ, Quàm duriter te Deus tractat: certè quum nullā habeat tui leuandi rationem, vult te perditum & extinctum: non modò spernit tuos gemitus, sed quo magis deiectum videt, violentius persequitur: vt impiis istis figmentis aditum præcluderet: clypeum hunc opposuit, iusto Dei iudicio se affligi. Nam & nuper ascripsit peccatis suis, toram iræ Dei grauitatem: & paulo post repetet, quicquid patitur, sua amentia fuisse conflatum. Quauis ergo sua mala deplorans, videri possit in specie cum Deo litigare, hanc tamen modestiam retinet (quia Deus puniendo, modum non excedit) nihil præter deprecationem sibi restare: quum impii quantumuis malè sibi conscii sint, Deo tamè obturmurent, non secus ac feræ indomitæ catenas quibus constringuntur, dentibus mordent.

6 *Putruerunt.* Mali diuturnitatem hoc versu commemorat, quod leuationi impetrandæ valere debuit. Nam quum Dominus apud Iesaiam 40. 2, pronun-

7 *Incuruatus sum, humiliatus sum valde, quotidie niger incedo:*

8 *Quoniam renes mei impleti sunt combustione, nec est integritas in carne mea,*

9 *Collisus sum & contritus valde, rugini à ruginem cordis mei.*

10 *Domine, coram te omne desiderium meum, & gemitus meus abs te non est absconditus.*

tat, impletam fuisse Ecclesiæ malitiam, & se pro peccatis duplicia ei rependisse: significat, vbi satis exegit pœnarum, se maturè placari: imò si longius prosequutus fuerit suam vindictam, pro sua clementia quasi tadio affici, vt liberationem acceleret. sicut alibi dicit, Examinaui te, sed non instar argenti, ne te consumerè, Isa 48. 10. Huc ergo spectat quòd de mali duratione cōqueritur Dauid, vt iustis pœnis perfunctus, tandem leuationem obtineat. Fuit autem hæc non leuis tentatio seruo Dei, continuò languore confectum, quasi in malis suis putrescere & in sanie liquefieri. In quo magis miranda est eius constantia, quæ non magis fracta fuit moræ longitudine, quàm immenso malorum oneri succubuit. Quòd porro *stultitiā* nostram loco peccati ponit, ad extenuandam culpam minimè pertinet: sicut hypocritæ dum effugere reatum nequeunt, vt tamè excusent dimidia ex parte, fucum ignorantia obtundunt, vel errore & incogitantia se lapsos esse tergiuersantur: sed secūdam Hebraicæ linguæ phrasin per Stultitiæ nomen se desipuissè fateatur, quòd carnis libidini obsequutus fuerit aduersus Deum. Et certè passim quantumuis atrocia scelera Spiritus designans, non subleuat reatum hominum, ac si leuibz tantum delictis obstricti essent. quin potius vesani eos furoris accusat, quòd prauis desideriis excæcati, contra opificem suum ruant. Itaque sèper cum stultitia vel amentia coniunctum est peccatum. Et hoc sensu Dauid de stultitia sua loquitur: ac si diceret se fuisse mente alienatum, & instar pecudis abreptum, & circumactum bruto impetu, dum neglecto Deo suas cupiditates sequutus est.

11 *Cor meum circuiuit, deseruit me virtus mea, & lumen oculorum meorum, ipsum quoque non est mecum.*

7 *Incuruatus sum.* Descriptio hæc satis ostendit extremis doloribus oppressum fuisse sanctum virum, vt mirum sit sub tanta malorum congerie vixisse fidem quæ animum eius sursum attolleret. Porro quum se curuatum fuisse dicit, videtur tacite suam deiectionem opponere multorum peruiaciam, qui nullis Dei flagellis humiliantur, quin potius duritie suæ cum ipso luctantur. etsi enim malis suis cruciari necesse est, se tamen quodammodo obtusefaciunt. Hac ergo circumstantia Dauid celestem suum iudicem ad misericordiam flecit, quod non fuerit vnus ex præfractis qui rigida ceruice stant erecti contra Dei manum: sed deiectus iacuerit: sicuti etiam pios omnes Apostolus hortatur vt se humilient sub iobusta Dei manu, 1. Pet. 5. 6. Quare discamus non aliud leuandis malis nostris esse remedium, nisi vt deposita omni peruiaciam eruemur sub Dei ferulis. Nomen קורבן pro quo *nigrum* reddidi, alii pullatum vertunt, ac interpretantur de externo vestitu, cuius niger color semper insigne luctus fuit. Sed verior eorum sententia qui nigredinem cutis intelligunt. scimus enim vt macie & squalore homines deformet mœstitia. Ergo a signo, doloris magnitudinem ostendit Dauid, quod natiuus celos perierit in sua facie, & similis sit cadaueri iā arefacto. In proximo versu כסליא quidam vertunt Ilia. Magis tamen recepta opinio est, locum notari sub renibus qui vergit ad coxendices, vel medium inter femora & ilia, vbi creditur fuisse vlcus. In voce quoque נקלה variant Interpretes. Ego in versione eos sum sequutus qui primam verbi originē retinent. נקלה enim Hebræis cōbuerere significat. Neque tamen malè alii pro fœditatē accipiunt: quanquam ad vlcus restringere non placet, quia simplex, meo iudicio, sensus est, renes ardore corruptos esse, vel ilia, vel femora: aut certè fœtore scatere. Nam & vitionibus pars illa maximè obnoxia est, & illuc quoque vt plurimum defluunt putridi humores. Quod allegoricè exponunt quidam, Dauidem sibi visum fuisse fœ-

tum dum suam ignominiam expendere, nimis coactum est. Quum addit se *debilitatum & contristum*, confirmatio est superioris sententiæ. Exprimere enim variis loquendi formis voluit, quàm intolerabilis esset doloris vehementia. Nam quum parum virile existimetur erumpere in clamorem vel rugitum, Dauidem verò sciamus ad mala ferenda mollem non fuisse: fauissimè tormentis cruciatum fuisse colligimus, quia lachrymis non contentus, vociferari etiam coactus fuerit. Etsi autem nomen נחנח quod rugitum vertimus, ab alio verbo deductum est quàm quo hic vsus est Dauid: sensus tamen clarus est, se temultuoso cordis impetu compulsus fuisse ad clamorem.

10 *Domine coram te.* Hoc addit, non tam Deum respectu quàm vt se instrueret impetrandi fiducia, atque ita ad præcandum animaret. Quanquam autem duplex potest esse sensus, vel quod Dauid statuatur vota sua & gemitus exaudiri a Domino. vel quod testetur se curas suas & molestias deposuisse in sinu Dei, utque tamen sensus in eundem finem redit. Quandiu enim dubitant homines an gemitus sui ad Deum perueniant, misera consternatio huc & illuc eos exagitat mentesque eorum deuinctas tenet ac captiuas, ne ad Deum assurgant. Hinc autem precandi alacritas nascitur, vbi persuasi sumus gemitus nostros non euanescere in medio aere, sed familiariter a Deo exaudiri. hoc igitur non mediocre solatium Dauidi esse potuit, non accedere dubio & trepido animo ad Deum: sed præsumpta hac quam diximus fiducia, sicut alibi loquitur, lachrymas suas repositas esse in vire Dei, Psal. 56. 9. Nā vt nobis ad Deum pateat, aditus, credendum est ipsum esse remuneratorem, vt dicit Apostolus ad Hebræos cap. 11. 6. Sed alterū ēssūporius amplector, quod Dauid referat se exonerare memores suos in gremiū Dei. Nā ideo nihil proficit maior pars hominū gemendo in suis doloribus, quia vota & suspiria ad Deū nō dirigit. Ergo Dauid vt intrepidè sibi promittat Deū fore liberatorem, suarū anxie-



anxietatum testem semper & consciū fuisse dicit: quia neque frānum intus momorderit, neque querelas & vlulatus in aerem profuderit (vt solent increduli) sed coram Deo ipso exposuerit suos omnes affectus.

11 *Cor meum circūiuit.* Verbū quo vtitur Dauid, Peregrinari, aut Vagari significat, hic verò pro agitatione capitur, quam generat anxietas vbi destituitur consilio. prout enim vexantur inquietudine homines, ita se in omnes partes versant: atque ita circumagitur cor ipsorum, vel discurrit. Sed quum fides, vbi nos addicit Deo in obsequiū, sensus nostros eius verbo affixos teneat, obici potest quæstio, quomodo cor Dauidis perculerit hic vagus error. Respondeo, quanuis suffultus Dei promissionibus in suo gradu consisteret, non fuisse tamen humanæ infirmitatis expertem. Nec certè fieri aliter potest quin simulatque incidimus in aliquod discrimen, caro nostra varios circuitus

nobis ingerat, & ad captanda consilia distrahat in multos errores: hic firmissimus quisque labasceret, nisi sibi frānū iniiceret, quo retentus ac cohibitus fuit Dauid, nempe sensus omnes suos verbi Dei cunctis inclusos tēns. Imò in precibus quietis plus satis experimur quā erratice sint mentes nostræ, quas difficile est eodem tenore intentas ad finem vsque dirigere. Si hoc extra ferium examen contingit, quid fiet in grauibz tempestatum procellis, quæ mille mortes ostentant, nullum exitum? Quare mirum non est si cor Dauidis abripuerint, vt inter æstus turbulentos variis agitationibus obnoxium fuerit. Addit se virtute fuisse priuatum, proinde ac si homini mortuo se conferret. Quod addit de lumine oculorum, quidam ita accipiunt, nihil fuisse residuum cōsiliū vel prouidentię, adeò vndique vrgebat desperatio. Simplicior tamen sensus erit, ablatus ei fuisse vitale lumen quia illic præcipuus se exierit animæ vigor.

12 *Amici mei & socij mei è regione plagæ meæ steterunt, & propinqui mei è loquino steterunt.*

13 *Et laqueos tetenderunt qui querebant animam meam: & qui captabant malum meum, loquuti sunt prauitates, & dolos quotidie meditantur.*

14 *Ego autem tanquam surdus non audio, & quasi mutus non aperiens os suum.*

15 *Et fui tanquam vir non audiens, & in cuius ore non sunt redargutiones.*

12 *Amici mei & socij.* Alias circūstantias ad augendam mali grauitatem addit, quibus Deum ad misericordiam prouocet. Vna est, quòd apud homines nihil opis vel solatii reperiat. Nam *amicos è regione stare* dicens, intelligit cessare ab omni humanitatis officio. Id autem accidere potuit vel superbia, vel timore. Si contemptu se ab homine misero subduxerunt, crudeles erant ac superbi: si inuidiæ metu operam negarūt, timiditas fuit minimè excusabilis. Sed interim Dauidis calamitatem non parum exaggerat, quòd ne amici quidem & propinqui signū aliquod miserationis

ostendere ausi sunt. Est autem ista acerbissima tentatio, vbi quis magna amicorum copia floruit, deinde ab omnibz deferitur. Sequitur altera circūstantia, quòd hostes tēdulas posuerint, loquuti sint in eius perniciem, & dolos inter se machinati sint. Summa est, Quum amici ignaui sedeam, hostes strenuè fatigare, & acriter incumbere ad ipsum perdendum. *Quære animam suam* dicit, quia vt capitales erāt hostes ac sanguinarii, mediocri damno non contenti, eius interitum feruidè expetebant. Interim tamen non tam queritur vi & armis fuisse grassatos, quā dolosas eorū con-

spirationes actus, quas metaphoricè primò designat per *laqueos*: deinde sine figura addit, eos in perniciem suam loqui, & quasi occultis fuffris inter se consilire quomodo noceant. Iam quia certum est Dauidem non petere fucatam rhetoricam ex foro qua Deum sibi conciliet, sed potius argumenta ex Dei verbo sumeret in vsum nostrum aptandæ sunt quas hic ad fidei suæ confirmationem sententias colligit. Si nos deficiunt omnia mundi præsidia, alii nos fraudant iustis officiis, alii nihil quàm eadem nostram spirant: veniat nobis in mentem, non frustra hæc inter precandum Deo proponi, cuius proprium est succurrere miseris, perfide delictos ac proditores in suam tutelam suscipere, compescere improbos, nec modò resistere eorum violentiæ, sed astutis etiam consiliis ire obuiam, fraudesque eludere.

14 *Ego autem tanquam.* Duas ob causas muto & surdo se comparat. Nā primò significat falsis & peruersis iudiciis ita se obrutum, vt ne verbis quidem iustæ defensionis causa facere liceat: deinde patientiam suam in medium profert coram Deo, quo magis eum ad misericordiam inclinet. Talis enim māsuetudo non tantum calamitosi & innoxii hominibus fauorem meritò conciliat, sed veræ quoque pietatis signum

est. Nam qui pendente mundo, & tantum hominum respectu aguntur, si iniurias suas vlisci non poterunt, vociferando, quanta intemperie ferueat ipsorum animus, ostendent. Ergo vi quis placidè & sine tumultu petulantiam hostiū, iniustos impetus, calumnias & fraudes perferat, eum necesse est in Deum recumbere. Caterum quisquis ita statuet, Deum esse suum vindicem, spem suam in silentio fouebit, eiusque opem implorans, compescet suos affectus. Ideo Paulus Rom. 12. 1, concinne dicit tunc dari locum iræ, vbi coram mundo oppressi, acquiescimus tamen in Deo sicuti rursum quisquis frangit laxat suis passionibus, præcipit quo ad potest Deo vindictam, nec eius auxilio aditum concedit. Certum quidem est, Dauidem, si data esset audientia, paratum ad suam innocentiam tuendam fuisse: sed quum nihil proficeret, imò quum videret excludi se ac prohiberi omni patrocinio, se in tolerantia continuit, caulestem iudicem expectans. Ergo se perinde tacuisse dicit ac si iam conuictus obmutesceret. Est autem perquam difficile, vbi rectè nobis sumus consci, patienter & clauso ore ferre iniustam damnationem ac si nos deficerent omnes rationes, & nulla residua esset excusatio.

16 *Quia ad te Iehoua expecto, tu respondebis Domine Deus mi:*

17 *Quia dixi, Ne fortè latentur de me, in lapsu pedis mei aduersum me se extulerunt.*

18 *Certè ego ad claudicationem paratus sum, & dolor meus coram me est semper.*

19 *Certe iniquitatem meam annuntio, expanesco à peccato meo.*

20 *Inimici autem mei roborantur & magnificantur qui mihi aduersarii sunt iniustè.*

21 *Et quireperdunt malum pro beneficentia, aduersantur mihi, eo quòd sequutus sim bonum.*

16 *Quia ad te Iehoua.* Hic fontem patientia demonstrat Dauid, quòd scilicet Dei gratia confusus, omnes mundi tentationes superauit. Et certè nunquam

ad lenitatem compositus erit hominis animus, neque etiam motus suo frangabit, donec in spei statione residere didicerit. Simul etiam addit scilicet assidua meditatione

ditione spem suā aluisse ne deficeret. Atque hæc vnica est perseuerandi ratio, quum Dei promissionibus instructi, cum interpellamus. Imò fidem eius, & in seruandis promissis constantiam, ante oculos ponendo, nobis sumus ipi pro eo sponsores. Itaque Paulus Rom. 5. 4, non abs re patientiam spei coniungit & consolationi. Repetitio autem verborū ostendit, sanctum virum in ardua & difficili fuisse lucta: Tu, inquit, Domine mi, Deus mi exaudies. nempe quia Deo moram trahente, periculum erat ne vel tardio languesceret, vel in desperationem caderet, nisi hac duplici munitione opposita, cōstanter & intrepide pugnasset.

17 Quia dixi, Ne forte. Hæc quoque circumstantia fidem suam & precandi studium confirmat, Quod si contingerit eum deserui, triumphum acturi sint hostes. Hæc autem indignitas non parui est apud Deum momenti, vt nobis opem ferat: quia improbi proteruē insultando, non modò bellum cum carne nostra gerunt, sed rectā oppugnant fidem nostram, & labefactare conantur quicquid est in nobis pietatis. Quorsum enim tendunt eorum ludibria, nisi vt irritum & inane esse persuadeant quicquid pollicitus est Deus? Porro mox addit, non frustra se percelli hoc metu, quia iam expertus sit superbas eorum iactantias. Docemur autem hoc loco, eo plus spei cōcipere de propinquo Dei auxilio, quo crudelius insolenscunt hostes nostri, vel iam rebus aduersis grauatōs magnifico suo fastu calcarunt.

18 Certe ego ad claudicationem. Fecit hic versus vt putarent Interpretes Dauidem laborasse aliquo vlcere, ex quo timenda esset perpetua claudicatio. Sed quā infirma sit hæc diuinitio, suprà Psalmo 35. 15, ostendi. Certe nulla maior ratio est cur Dauidem singamus fuisse claudum, quā Ieremiam, vbi dicit hostes suæ claudicationi inhære, vel esse intentos, Ierem. 21. 10. Potius itaque metaphorica loquutio est, qua significat Dauid, nisi Deus celeriter succurrat, spem nullam sibi esse recuperandi pristini status: sed ita esse afflictum, vt tota vita mutilus vel debilis incedat. Et expositionis loco sequitur, *dolorē sem*

*per cum eo versari.* sensus enim est, vsque adeò vrgeri, vt ne ad momentum quidem aliquid relaxationis concedat obliuio. Vtroque membro fatetur Dauid malum suum esse incurabile, nisi remedium à Deo impetret: nec se ferendo esse parē, nisi ipsius Dei manu erectus & suffultus fuerit. Hinc fit vt sensus omnes suos, & vota ad vnum Deum colligat: quia simulatque ab eo deflexerit, præsentem ruinam cernat.

19 Certe iniquitatem meam. Comparatione amplificat quod nuper dixit de hostium fastu & probris. dicent enim, quum ipse in sordibus & squalore iaceat instar scelerati hominis, ipsos alacres & latos volitare: imò cristas attollere, quia potentia & viribus polleant. Sed prius notare operæpretium est quo sensu dicat se peccatum annuntiare. Falluntur enim, meo iudicio, qui simpliciter hūc locū accipiunt ac si petendæ vniuersæ causæ reum se coram Deo profiteretur. Volunt illi nūc ferē idem repeti quod Psalmo 32. 5, vidimus, Peccatum meum tibi notum feci, iniquitatem meam non operui, &c. Atqui hoc loco non tam de sua pœnitentia loquitur, quam tristem & calamitosum suum statū deplorat: ideòque peccatum & iniquitas pro afflictionibus sumuntur vel pœnis, quæ signa erant iræ Dei: ac si diceret, manum Dei sibi aduersam esse & infestam, vt ex miseræ intuitu vulgò iudicet mundus hominem esse damnatum & reprobum. Quo clarior sit sensus, coniunctim duo isti versus legendi sunt: Ergo iniquitatem meam annuntio, inimici autē mei viuunt: Pæneo à peccato meo, illi autem roborantur. Neque tamen interea nego quin reputet quæ sustinet mala, sibi à peccatis prouenire. In hoc enim differunt pii homines à profanis, quòd rebus aduersis admoniti de suo reatu, suppliciter se fistant ad Dei tribunal. Ergo à signis vel effectibus causam æstimans, duo simul complectitur: quòd prostratus sub ingenti malorum congerie iaceat: deinde quòd hæc omnia mala iuste sint castigationes. Viuere istud quod hostibus tribuit, tantumdem valet ac florere rebus prosperis. Itaque addit *roborari, & augeri potentia.* Sic enim verbum 227 hoc loco interpretor,



quia Multiplicari improprie diceret. Neque enim conqueritur eorum numerum crescere, sed potius eos attollit, ut cum opibus simul maiorem audaciam colligant ad bonos & simplices opprimendos. Addit nullo suo merito ab illis se oppugnari, quo Deum magis propitium inueniat. Et certe ut nos suo favore protegat Deus, semper danda opera est ne quem laedamus, & ne cuiusquam in nos prouocemus odium: cuius sententia continuo post sequitur plenior confirmatio, quod iniurias pro beneficiis rempenderet. Quanquam his verbis ultra progreditur David, quod scilicet non tantum ab omni maleficio abstinerit, sed etiam de illis sit benemeritus. quo minus excusabilis esset eorum rabies, quae non modo sine causa eos ad nocendum impellit, sed neque ullis officiis mitigari potest. Magnopere quidem ingenuas mentes excruciat haec indignitas, dum tam iniquam mercedem rependant mali & peruersi homines. sed ubi succurrit haec consolatio, hac ingratitude non minus Deum offendi, quam eos qui iniuriam sustinent: non est quod ultra modum turbentur. Ergo ad leniendum do-

lorē semper valeat haec doctrina, Quoties iniuriis nos afficiunt improbi qui bus studuimus benefacere, Deum forte certum iudicem. Summus gradus desperatae malitiae adiungitur, quod exosum habuerint integritatis studium in Dauide. Nimis enim praeposteros esse oportet, prauoque & contorto ingenio, quibus ita reſtitudo displicet, ut data opera cum eius cultoribus bellum suscipiant. Est quidem ista grauis tentatio, quo sincerius ad Deum colendum pii incumbunt, eo sibi plures molestias accersere: sed abunde illis sufficere debet haec consolatio, quod non modo eos subleuat bona conscientia, sed Dei misericordiam erga se hac maxime de causa propensam esse norunt: qua fiducia freti, in Dei conspectum prodire audent: & quia communis est ei causa, ut eius patrocinium suscipiat familiariter rogare. Certe David regulam suo exemplo cunctis fidelibus praescripsit, ut omnia mundi odia potius prouocet, quam ut minimum declinent ab officio: neque hostes habere reſugiant quos vident bono & omni iustitia aduersari.

22 *Ne derelinquas me Iehoua Deus mi, nec procul ab sis à me.*

23 *Festina ad auxilium meum Domine, salus mea.*

In hac clausula votorum suorum caput, & totius precationis summam breuiter perstringit, ut scilicet ipsum ab hominibus desertum, & misere omnibus modis afflictum Deus excipiat & erigat. Tribus autem loquendi formis utitur: ne ipsum deserat, vel eius curam abiciat Deus: ne remotus sit: sed opem suam acceleret. Persuasus quidem erat David, Deum semper propinquum esse seruis suis, nec momento vno longius tardare quam oportet: sed quoadmodum alibi vidimus, nihil mirum si sancti dum curas suas & moerores exo-

nerant in gremium Dei, vota concipiant ex carnis suae sensu. Neque enim vel infirmitatem suam fateri pudet: vel quae obrepunt dubitationes tegere expedit. Interea quauis mora Davidi secundum carnem molestia esset, vno tamen verbo clare demonstrat se non dubitate precari quum Deum appellat salutem suam, vel salutis praesidem. Nam quod alii, ad salutem vertunt, coactum est: potius enim David machinis omnibus quibus imperitam fuisse eius fidem vidimus, murum hunc opponit, Indubiam sibi nihilominus in Deo salutem esse.

#### ARGVMENTVM PSALMI XXXIX.

Reſert ini in David quanta doloris amarulentia ad queras nimia intemperie feruenter impulsus fuerit. Facitur enim quum ad tolerantiam & silentium se perisset, maioris et maiori vehementia prorupſſe quoniam inuoluit. Deinde expostulationes precibus mistas recipiat

*reitat, quæ summam animi perturbationem ostendunt: ut satis appareat, non vulgari ce-  
natus cum desperatione luctatum esse.*

*Psalmus XXXIX.*

**P** *Refecto Ieduthun Canticum Davidis.*

2 *Dixi, Custodiã vias meas: ne peccem in lingua mea,  
custodiam ad os meum capistrum dum stat impius coram me.*

3 *Obmutui silentio, tacui à bono, & dolor meus turba-  
tus est.*

4 *Incaluit cor meum intra me, in meditatione mea exarsit  
ignis, loquutus sum lingua.*

Satis notum est Ieduthun vnum fuisse ex Cātoribus quos Sacra historia celebrat. Ideo mihi probabile est Psalmū hunc datum præfecto cantorū qui erat ex eius familia. Nam quòd ad modulationem quidam referunt, & initiū fuisse putant alterius cantici, coactum est. Nihilo magis recipio quòd alii Dauidem hīc de morbo aliquo conqueri diuināt: quā nisi vrgeat ratio, generales sententias ad vnam speciem restringere absurdum est. imò ex tam diro cruciatu quē describit, conicere licet, vel multas afflictiones comprehendī, vel certē vnam ex omnibus grauissimam, & quæ in longum tempus protraxa fuerit. Tenēdum vero est, Dauidē hoc Psalmo non prædicare virtutem suam, quòd vota ad pietatis regulam cōposita coram Deo conceperit: sed potius infirmitatis suæ vitium fateri, quòd efferbuerit immodico dolore, & impetu raptus fuerit ad expostulandum.

2 *Dixi, Custodiam.* Hac circumstātia amplificat Dauid doloris atrocitatē, quòd præter animi sui propositum in acerbissimas querelas proruperit. Sūma enim est. Quum animo ad patientiā composito silentium sibi imperasset, vi tamen doloris hoc consiliū excussū fuisse, & voces extortas, ex quibus patet, nimis intemperanter eum dolere. Dicendi verbo, notum est, sæpe non externum sermonē, sed quid animo quisque conceperit notari: ideoque interdū additur In corde. Intelligit ergo Dauid se non ostentasse fortitudinem in hominum oculis, sed coram Deo fuisse longam meditatione probè munitum ad mala perferenda. Atque hæc sedulitas notanda est. Neque enim ad cauendum

frustra tantopere intentus fuit: sed quia suæ fragilitatis conscius erat, deinde sciebat quā multiplices insidias struere soleat Satan: circumspexit huc & illuc, & custodiam in omnes partes apposuit, ne à dextra vel sinistra furtim obrepens tentatio, in animum penetraret. Ergo clausi vndique erāt aditus, nisi ingenti doloris acerbitate violenter perrupta & auersa fuisset eius constantia. Iam quòd se *capistro os clausisse* dicit *ne loquendo peccaret*, non ita intelligere cōuenit quasi satis habuerit intus premere & vorare quicquid eū angebat: (nihil enim quā fucum faciunt qui vultu & sermone speciem mansuetudinis præbent, quum intus contumacia turgent) sed quia lingua nihil est magis lubricum, testatur Dauid se tātò studio incubuisse ad frāndos affectus, ut ne verbum quidē ex ore efflueret quo proderet aliquam impatientiam. Et certē rara fortitudine præditum esse oportet quisquis verē & sincera deliberatione linguam suam continet, cuius tam procliuus est lapsus. Particulā quæ sequitur, *dum stat impius coram me*, sic ferē omnes accipiunt acū mœrorem suum texisset Dauid, ne blasphemandi occasionem daret improbis, qui simulac filios Dei vident mali succumbere, petulāter insultant non sine ipsius ludibrio. Sed plus quiddam exprimere videtur *standi* verbo: nempe quòd impios rerum potiri videns, hanc indignitatem (quæ alioqui nō parum bonos vr̄it & cruciat) tacitus perferre decreuerit. Non simpliciter ergo dicit se improborū conspectu fuisse retentum, ne illis ridēdum se propinaret: sed quum florent pessimi homines, & superiores gradu alios

despicerent, sibi fixum fuisse in animo placide quiescere. Certè clare ostendit se fuisse obsessum sceleratis hominibus, ut liberum gemitum edere non posset quin cederet in risum & fabulam. Iam quoniam Davidi tam difficile fuerit linguam suam compescere, ne obmurmurando peccaret, discamus eius exemplo, quoties nos angunt molestiæ, ad moderandos nostros affectus acriter eniti, ne qua impia aduersus Deum obtrectatio nobis excidat.

3 *Obmutui silentio.* Iam ostendit non euanidum fuisse illud consiliū cuius meminit, sed re ipsa testatum fecisse quam penitus cordi infixum esset. Dicit ergo se instar muti ad tempus tacuisse: quod insigne patientiæ documētum fuit. Itaque non ut solent leues homines, tacere proposuit, ut effectū careret voluntas, sed diu & constanter se ad patientiam exercuit: neque id silendo tantum, sed prorsus obmutescendo ac si elinguis forer. Particulam *à bono*, sic exponunt quidam, quod non modò nullam protulerit impiam vel temerariā vocem, sed in totum à loquendo abstinerit. Alii putant siluisse à bono, quia miseriis obrutus, nihil usquam solatii inuenerit, vel eum dolor prohibuerit à canendis Dei laudibus. Sed genuinus, meo iudicio, sensus est, Quauis suppetet iusta defensio, vel non deessent honesti expositulandi prætextus, vltro tamen cessasse. Quauis ergo aduersus improbos opponere liceret iustum innocentiae suæ patrocinium, causam tamen suam deferere maluit, quàm sibi ad aliquam doloris intemperiem frænum laxare. Postea subiicit, vbi se aliquandiu ita constrinxit, tandem violentia doloris, perrupta fuisse claustra quæ linguæ suæ opposuerat. Quod si David tam strenuus athleta in medio cursu certaminis defecit, quanto magis similem lapsum meruere nobis necesse est? *Turbatum vero dolorem suum fuisse* dicit: quia magis

accensus fuerit eius ardor ad tumultuandum, ut statim videbimus. Quidam Corruptum vertūt, ac si factus esset deterior, sicuti vulnus putredine vel tabe ingrauescit, sed hoc coactum est.

4 *Incaluit cor meum.* Nunc similitudine amplificat doloris magnitudinem, quod dolor occultè suppressus, plus caloris conceperit, donec ardor ingens magis ac magis inualesceret. Atque hinc vtilem admonitionem colligere licet, nempe quo se quisque magis ad Dei obsequium comparat, toroque studio enititur ad patientiam, eo acrius pungi, quia totas suas vires ad eum oppugnandum Satan exerit, qui stupidis non adeò molestus est. Itaque si quando in nobis ferueant magnæ vitiones, memoriæ reuocandum erit certamen hoc Davidis, ne animos despondeamus, vel saltè ne ad desperationem infirmitas nostra nos præcipitet. Sicca & calida exhalationes quas soli aestate excitat, si nihil in medio aere obstaret, sursum absque tumultu ascenderent: nubes autem oppositæ dum liberum cursum impediunt, ipso conflictu tonitrua generant. Idem & piis cōtingit, quibus sursum ascendere in animo est. nam si ad vagas cogitationes transferrent animum, quasi liberi essent discursus: nunc dum se Deo addicere conantur ex carnis impedimentis exoritur repugnantia, Ideo quoties impetus suos emittit caro, & igne in cordibus nostris accendit: sciamus nos eodem tentationis genere exerceri quod plurimum molestiæ Davidi exhibuit. In fine versus fatetur se mali grauitate victum, stultas & temerarias voces profudisse. Nam in sua persona, humanæ infirmitatis speculum nobis ante oculos ponit, ut periculo admoniti, sollicitè sub vmbra alarum Dei confugere discamus. Et quum dicit *lingua se loquutum esse*, non est pleonasmus, sed plenior delicti confessio, quod scilicet in apertos clamores eruperit.

5 *Notum fac mihi Iehoua finem meum, & numerum dierum meorum, ut sciam cuius ego sim ani.*

6 *Ecce, instar palmorum posuisti dies meos. & animum meum ac si nihil esset coram te: certè tota vanitas, omnis homo dum consistit*



*consistit. Selah.*

7 *Certè in umbra obambulat. vir, certè in vanum tumultuatur: coaceruant, & nesciunt quisnam colliget.*

5 *Notum fac.* Hinc apparet, perperam & vitioso excessu fuisse abreptum, quia cum Deo expostulat, sicuti ex contextu clarius patebit. Miscebit quidem paulò post sanctas & rite compositas preces: sed hic indignè fert, quum fluidus sit & caducus homo, se non mitius tractari: cuiusmodi querelis sermones Iob ferè referti sunt. Non ergo sine stomacho & indignatione dicit, Quando tu Deus mecum tam seuerè agis, fac saltem vt sciam quantum mihi temporis præscripseris ad viuendum. atqui momentum est vita mea. Quid ergo sibi vult tantus rigor? & cur immensam malorum congeriem in caput meum accumulas, ac si multis seculis adhuc victurus essem? quid iuvat me natum esse, vt per continuum malorum seriem breuissimum vitæ tempus miserè traducam? Ideo cõ iunctim legi debet proximus versus, *Ecce posuisti dies meos instar palmorum.* Est autem quatuor digitorum mensura, quæ hic pro exigua mensura sumitur. ac si diceret, vitam hominis subito transuolare, & finem eius initio ferè esse contiguum. Vnde concludit cunctos mortales coram Deo meram esse vanitatè. Quantum ad verba spectat, non postulat Dauid sibi ostendi vitæ breuitatem quasi esset incognita: sed ironiæ species est, ac si dixisset, Suppetemus annorum numerum qui mihi adhuc residui sunt; an ad malorum quæ perfero compensationem sufficiet? 7 77, quidam Mundanum vertunt, alii Temporalem. Posterior interpretatio quadrare non potest, quia nondum palam exprimit vitæ suæ breuitatem, sed ambiguè adhuc loquitur. Si nomen Mundani placeat, sensus erit, ostende an mihi vitam vsque ad mundi finem prorogare velis. Sed rectius, meo iudicio, est quod sequutus sum, & in voce potest esse metathesis 7 & 7. Quamquam potest etiam propriè pro arate, aut vitæ spacio accipi, vbi *anum suum quasi mihi lum coram Deo esse dicit*: quo magis ad misericordiam eum permoueat, suæ fragilitatis testem ipsum citat,

significans eum minimè latere quàm euanida sit hominis vita. *Tota vanitas vel omnis*, tantundem valet ac si dixisset, in toto humano genere nihil esse præter meram vanitatem: hoc autem prædicat de hominibus vbi consistunt, hoc est dum in præcipuo suo vigore volunt aliquid censerì. Etsi autem has querimonia. Dauidi expressit mæror, notandum tamen est, tunc demum sentire homines quàm nihil sint, dum premuntur rebus aduersis. Res enim secundæ eos inebriant, vt suæ sortis obliui & torpore stupidi, vt somnient immortalem statum in terra. Quamquam autem apprimè vtilis est fragilitatis nostræ notitia, cauendum tamen est ne prauo tædio nos ad indignationem stimulet. Verè Dauid & sapienter pronuntiat, etiam dum maxime excellere homo videtur, totum nihil aliud esse quàm bullam ex vanitate cõstatam: in eo solum peccat, quòd ansam expostulandi cum Deo inde arripit. Sic ergo nobis misera nostra conditio displiceat, vt prostrati & supplices ad Dei misericordiam tollamus oculos: quod etiam mox facit Dauid seipsum corrigens. Neque enim subsistit in illa confusa lamentatione, sed fidei sensu transcendit ad cæleste solarium.

7 *Certè in umbra.* Prosequitur eandem sententiam. Umbra enim nomine significat nihil esse in homine solidum, sed inanè (vt loquuntur) apparentiam. Tenebras quidam vertunt, vt sensus sit, vitam hominis euanescere antequam possit cognosci: sed simpliciter prædicat Dauid de singulis hominibus quod Paulus 1. Corin. 7. 31. ad totum mundum extendit, nempe transire eius figuram. Atque ita negat firmum in illis esse statum, quia species virtutis quæ ad breve tempus apparet, mox effugiat. Quòd addit, frustra eos tumultuari, cumulus est vanitatis. ac si dixisset, videri in hoc natos homines, vt bis ridiculi sint, quia parum à spectris differant: & tamen stultis, imo insanis curis frustra se fatigent. Clarius autem exprimit eos despere,

quod dū se anxie occupāt in coaceruandis opibus, illis in mentem non venit subita migratio. Quorsum enim se adeo macerarent, nisi quia imaginantur nihil sibi sufficere? Perinde enim sua inexplibili cupiditate omnes mundi copias ingurgitant, ac si centum seculis essent victuri. Porro non eodem omnino sensu Dauid hominum auariciam deridet, quo Solomo Eccles. 5. 9: quia non tantum de hæredibus loquitur, sed generaliter dicit eos satagere, quum tamē nesciant ad quē peruenturus sit fructus. Vellent quidem sibi consulere: sed quæ demētia est infelicitè se torquere ina-

nibus curis quæ nullum finem nec modum habeant? Fernidas enim & præcipientes curas dānat. quibus abrepti profani homines, cælum terræ miscunt, dū se mortales esse non reputant: tantum abest vt agnoscant viram suam ad quatuor digitos restringi. Quanquam autē Dauid ex incomposito & turbato animi affectu hoc protulit, per se tamen vtilem doctrinam continet, nullum ad temperandas superuacuas curas melius remedium esse, quàm vt in mentem nobis veniat, vitæ nostræ curriculum quasi palmare esse.

8 *Et nunc quid expecto Domine? spes mea ad te est.*

9 *Ex omnibus peccatis meis eripe me, opprobrium stultino statuas me.*

10 *Obmutui, non aperiam os meum, quia tu fecisti.*

8 *Et nunc quid expecto?* Postquam confessus est Dauid se animi feruore fuisse nimis turbatum, iam ad sanam & quietam mentem se recipit: vnde melius apparet quod prius admonui, Psalmum ex precibus rectè ordinatis & ex inconsideratis querelis esse compositum. Dixi autem Dauidem hīc facere initium rite precandi. Idem interdū sentiunt profani homines quod ipse confessus est: sed non eousque eos adducit propriæ vanitatis notitia, vt solidam futuram in Deo quærant: imo seipsos sponte stupefaciunt, vt suauiter dormiant in sua vanitate. Quæterū discamus ex hoc loco, neminem seriò ad Deum respicere, vt ab ipso pendeat vel spem in eo defigat, donec suæ fragilitatis cōuictus fuerit, adeoque in nihilum redactus. Ponder enim subest in aduerbio *nunc*, ac si dixisset, ex blanditiis quibus sopitæ hominum mentes tenentur, se iā expergefatum. Sed vltra hoc rudimentum progredi necesse est: quia non satis est trepidè quærere quid nobis agendū sit, nisi occurrat nobis Deus in quem recumbat nostra expectatio. Quia ergo profanis hominibus prodest de suo nihilo ita conuinci, vt tamen in eo subsistant: discamus ad vltiorem progressum eniti, vt Deus nos ex animis viuificet, sicuti proprium munus eius est, ex

nihilo omnia creare: quia tūc hominū vitas esse definit, & verè incipit aliquid esse, vbi Dei manu exceptus sursum aspirat.

9 *Ex omnibus peccatis.* Pergit in cōtextu piæ sanctæque precationis. Neque enim iam rapitur doloris impetu, vt cum Deo exposculet, sed reum se coram Deo suppliciter statuens, ad misericordiam eius confugit: quia dum se à sceleribus eripi postulat, Deo iustitiæ laudem ascribens, miseræ quam sustinet, culpam in se suscipit: neque vnus tantum peccati se accusat, sed fatetur multiplici reatu se esse obstrictum. Atque hæc regula nobis tenenda est si leuationem in malis nostris quærimus, quia donec fons ipse exhaustus fuerit, nunquam mala ex malis fluere desinent. Certè mitigationem suorum malorum petebat Dauid: sed quia sperabat, simul ac recōciliatus esset Deo, futurum quoque vt scelerum pænæ finem acciperent: tantum petit sibi remitti peccata. Mone-mur autem exemplo Dauidis, non tantum ab ærumnis quæ nobis molestæ sunt leuationem petere, sed incipere ab ipsa causa, vt Deus peccata nobis non impu-ter, sed aboleat nostrum reatum. Quod sequitur de *opprobrio stulti*, tam adiuuè quàm passiuè exponi potest, hoc est ne Deus ipsum prostituat impiorum ludibriis, vel ne eodem probro, cui addic-  
addic-

addicti sunt impii, ipsum inuoluat. Quia vterque sensus nō malē cōueniet, libera sit Lectoribus optio. adde quōd **הַי**, non modō stultum, sed etiam cōtempnibilem ac nihili vel nequā significat. Certum quidem est, reprobos omnes intelligi quos Scriptura stultitiā damnat: quia recta intelligentia priuati, furiose in Dei cōtemptum feruntur.

10 *Obmutui, non aperiam os meum.* Hic iam se obiurgat Dauid, quōd non tenuerit silentium illud, quod antē vidimus doloris vehementia fuisse abruptū. Ergo quōd se obmutuisse dicit, nō æquabilis & perpetuæ moderationis elogium est, sed vitii correctio, ac si impatientiam suam castigans, ita secum loquutus foret, *Quid facis? nam silentium tibi iniunxeras: nunc autem obmurmuras & obstrepis Deo.* quid autem hac tua audacia proficies? Continet autem hic locus valde vilem doctrinam: quia nihil ad compescendos doloris impetus aptius est quā vbi nobis in mentē venit, non cum homine mortali, sed cum Deo esse negotium, qui semper iustitiā suam contra omnes obstreperos hominum susurros, imō contra insanos clamores asseret. Vnde enim fit vt in tantā impatientiam ruat maior pars hominū,

nisi quia non reputat se cum Deo rixari? Ergo dum alii in fortunam reiiciunt, alii in homines, quicquid mali acciderit, alii varias causas sibi fingūt, vix autem centesimus quisque agnoscit Dei manum: liberē sibi in querimoniis indulgent. Contrā Dauid, vt prauos omnes & vitiosos excessus cohibeat, se ad Deum conuertit: & quia ab eo profectum sit quod patitur, sibi obmutescendum esse statuit. Iam quum Dauid extremis malis afflictus, quia Deum agnoscit eorum auctorem, legem tacendi sibi imponat: hoc sciamus vnum esse ex præcipuis exercitiis fidei nostræ, humiliari sub forti Dei manu, & cum silentio acquiescere eius iudiciis. Cæterum notandum est, tunc demum placidē & sedatis animis homines se Deo subiicere, vbi persuasi sunt, non solū absoluta potentia facere quicquid libuerit, sed iustum esse iudicem. nam etsi impii se eius manu percuti sentiunt, quia tamen eum insimulāt scruitū & tyrannidis, non desinunt horrendas in ipsum blasphemias euomere. Interea sic Dauid occulta Dei iudicia reuerenter suspicit & adorat, vt sola eius voluntate contentus, nefas esse ducat verbum contrā facere.

11 *Aufer à me plagā tuam: à vulnere manus tuæ ego defeci.*

12 *In correptionibus propter iniquitatem castigas virum, & tabescere facis quasi tinea præstantiam eius: certē vanitas omnis homo. Selah.*

11 *Aufer à me plagam.* Confirmat suam precationem Dauid, vt veniam adeptus, clementer tractetur. Neque tamen hæc oratio silentium illud, cuius nuper meminit, perturbat. quia vota nostra si ad Dei præscriptum formentur, minimē turbulenta sunt, vt irā Dei prouocent, sed ex fidei & patientiæ silentio manant. Verum quidem est, vbi quis ardentem Deum compellat, fieri nō posse quin permisceat suos affectus, querimonias profundat, & egerat immodicum ardorem. Sed videmus, Dauidem, qui tumultuose nuper mala suadescebat, nunc pacato animo expendere quid meritis sit, & veniā precari. Summa autem est, vt Deus pœnam quam infli-

xit, relaxet. Ratio additur, quia *defecit à contentione manus eius*. Nihil excusationis asserit ad leuandam culpam, sed infirmitati suæ parci cupit. Sicut autem priuatim se cōsumptum esse dicit, quia Dei manum sentiat sibi aduersam: mox quoque generalem sententiam addit, Si Deus summo iure nobiscum agere aggressus fuerit, nihil fore reliquum, nisi vt omnes eo irato deficient. ac disertē ostendit se nō de quolibet homine vel de gregariis tantū loqui: quia si viros castiget Deus, quicquid in ipsis pretiosum est, liquefaciet. Sūma est, neminē mortalium tanta virtute aut gloria excellere, quem ira Dei, si vehementius in eum exarserit, non sit protinus



in nihilum redactura: sed verba propius excutere conuenit. Neque enim Dauid simpliciter commensorat quàm formidabilis sit ira Dei: sed in omnibus pœnis exigendis iustitiam eius prædicat. Prophanis etiam hominibus iudicia Dei interdum terrorem incutiunt, sed in furorem eos impellit sua cæcitas, vt nihilominus cum ipso litigent. Per *correctiones* intelligit seueras pœnas, quæ meritis rigoris testes sunt ac iræ signa. Scimus enim Deum sæpe ferulis suis percutere fideles, vt puniendo, clementiæ & amoris gustum simul præbeat: nec solum tēperet ipsas pœnas, sed solatii condimēto suauis reddat. hic ergo non de paterina castigatione concionatur Dauid, sed quam reprobis infligit, dum iudiciū quale meriti sunt, in eos tanquam inexorabilis iudex exercet: hoc rigore dicit cunctos mortales statim liquefieri, vel *tabescere*. Sed primo intuitu absurda videri posset comparatio Dei cum *tinea*. Quid enim affine habet vermiculo immensa Dei maiestas? Respondeo, aptissime Dauidem hac similitudine fuisse vsū, vt sciamus, quauis non palam fulminet ex cælo Deus, non aliter tamē

occulta eius maledictione consumi reprobos, ac tinea cæco morfu pannū vel lignum absūmit: & simul respicit ad excellentiam, quam dicit quasi putredine corrumpi, vbi Deus infestus est, sicuti pretiosissimas quasque vestes sua tabe conficit tinea. Hoc modo Scriptura varias similitudines ex optimis causis sumptas ad diuersos respectus aptare solet. Ezechias, Iesa. 38. 13, quum Deum similem facit leoni, refert hoc ad animi suū sensum, quia pauore exanimatus conciderat. Hic verò admonet Dauid, quauis non perspiciat mundus horribilem Dei vindictam, reprobos tamen arcano eius morfu cōsumi. Opportunè verò iterum nunc reperitur sententia illa, quòd *omnis homo sit vanitas*, quia nunquam, nisi manu Dei prostrati, in nos descendimus, vt vanitatis nostræ cognitio omni fiducia nos exinaniat. Vnde enim fit vt sibi tam stultè placeant omnes, atque etiam applaudent, nisi quia sponte ad suas infirmitates cæcutiunt, quādiu illis parcit Deus? Vnum igitur remediū est purgandæ superbiæ, vbi territi iræ Dei sensu, nō modò sibi displicere, sed prorsus se dēicere incipiunt.

13 *Audi precationem meam Iehoua, & clamorem meum ausculta ad lacrymas meas ne sileas, quia peregrinus ego coram te, inquit: us sicut omnes Patres mei.*

14 *Desine à me, vt roborer antequam abeam, & non sim.*

13 *Audi precationem meam.* Gradatim amplificat precandi vehemētiā. Secundo enim loco *clamorem* ponit, tertio *lacrymas*. Neque tamen hæc gradatio est rhetorica, quæ ad ornatū & iplēdorem verborum tantū valeat: sed quemadmodum Dauid ex serio & intimo cordis affectu fleuit, nobis omnibus præscribit orandi legem. Quòd se *peregrinum* & *inquilinum* vocat, his vocibus iterum ostēdit quā miserabilis sit sua conditio: & diserte addit, *oravi Deo*: nō tantū quòd à Deo peregrinantur homines quandiu in mundo habitant, sed eodem quo prius sensu dixit, Dies mei tanquam nihilum apud te: quia scilicet Deus absque monitore satis nouerit homines breue itineris spatium in terra

conficere, vel exiguo tempore in ea manere tanquam inquilinos. Summa est, Deum ex cælo videre quā misera sit nostra conditio, nisi nos sua misericordia excipiat.

14 *Desine à me.* Ad verbum est, Claude à me: ideo quidam exponunt, Fac vt maceria sit inter nos interposita, ne manus tua ad me perueniat. Alii subaudiunt Oculos: sed quod ad rem ipsam parum interest: quia postulat Dauid sibi dari pauxillum relaxationis, dum vires recuperet, vel saltem respiret ante mortem. Cæterū hæc clausula perturbationem carnis respicit: quia videtur expostulando, liberum moriendi temporis sibi petere, vt solent homines morioris sui radio cōfecti. Verè quidē agnosceri, nullam

nullam spem esse recuperandæ salutis donec ab ira supersedeat Deus: sed per peram inducias sibi tantum ad moriendum dari postulat. Posset quidem excusari hoc votum: ac si dixisset, Domine quia si ita in me scire pergis, mihi necesse erit miserè perire: da saltem ali quod temporis momentum quo tranquillus animam meam in manus tuas de ponam. Sed ex verbis facile colligimus doloris amaritudine infectum fuisse eius animam, ut puræ & fidei dulcedine cõditâ precatioe concipere non posset. Dicit

enim, *antequam abeam, & non sim.* Quæ loquendi forma propè ad desperationem accedit: non quod mortem David putaret esse interitum, vel abiecta spe salutis, exitio se addiceret: sed quia dolore occupatus, animum suum non ita alacriter ut decebat, sursum attollit. At quæ hæc sententia in querimoniis Iob non semel legitur. Sciendum igitur est, quanvis sedulo compesceret David carnis suæ affectus, hic tamè adhuc aliquidurbationis fuisse passum, ut modum excederet in dolore.

## ARGVMENTVM PSALMI XL.

David ex ingenti aliquo periculo liberatus, & fortè non vno, sed multis, gratiam Dei magnificè celebrat: & hac occasione in admirationem prouidentia Dei eubitur, quæ se extendit ad totum humanum genus. Deinde totum se Deo fore addictum proficitur, ac breuiter definit quomodo rite colendus sit. Mox iterum ad gratiarum actionem redit, muli que elogiis prosequitur eius laudes. Tandem ubi conquestus est de suis hostibus, Psalmum noua precatioe claudit.

Psalmus XL.

**P**refecto Davidis Canticum.

2 *Expectando expectaui Iehouam, & inclinauit ad me, & audiuit clamorem meum:*

3 *Et extraxit me è puteo resonante, è luto cænofo, & statuit super rupem pedes meos, firmavit gressus meos.*

4 *Et posuit in os meum canticum nouum, laudem Deo nostro: videbunt multi, & timebunt, & sperabunt in Iehoua.*

2 *Expectando expectaui.* Exordium Psalmi est gratiarum actio, qua David nõ modò è periculo, sed ex præsentis morte se ereptum fuisse commemorat. Cur diuinent quidam de morbo, nulla ratio est: imò conicere potius licet, multa pericula quibus defunctus erat, hic cõplecti. Et certè non semel ad extremum usque de vita periclitatus est: ut meritò dicat exitiali se gurgite fuisse absorptum, & demersum in luto cænofo. Fidei tamen suæ constantiã ostendit, quod non desierit sperare in Deo, quãuis mali diuturnitas patientiã excutere posset. Neque enim simpliciter se expectasse dicit, sed repetitione significat diu se fuisse auxilium. Ergo quo longius extracta fuit tentatio eo clarius enituit fidei documentum, ubi morem æquo & quieto animo pertulit. Summa igitur est, quomodo opem suam

suspenderet Deus, non tamen Davidis animum tædio elanguisse: postquam vero iustum patientiæ suæ specimen edidit, tandem fuisse exauditus. Porro nobis, in eius exemplo utilis doctrina proponitur, Quanvis non statim appareat Dei auxilium, quin potius data opera nos suspensos & anxios teneat, nõ tamen cedendum esse: quia fides non nisi longa tolerantia solidè probatur. Animum etiam addere debet exitus quem prædicat: quia licet pro desiderii nostri ferro re tardius succurrat Deus, multum à frustratione distat eius quies vel dissimulatio. Nam si inuictum fidei robur nos sustineat, tandem aderit opportunum liberationis tempus.

3 *Et extraxit me.* Lacum desolationis quidam vertunt, quia verbum **יָצָא** vnde nomen **יִצְחָק** descendit, tã per  
R. llii,

dere aut vastare, quàm resonare significat. Sed aptior est allusio ad profundos gurgites ubi tumultuosò impetu aqua fertur. Nam metaphoricè ostendit, non longius se abfuisse à mortis periculo, quàm si in altum puteum, & violento aquarum feruore perstreptentè proiectus foret. Eodem spectat similitudo luti cœnosi, qua significat tenaciter se fuisse defixū in suis malis, ex quibus non facile esset eū auelli. Subiicitur deinde subita & incredibilis mutatio, quæ magnitudinē gratiæ optimè illustrat, dum *pedes suos in rupe locatos fuisse* dicit, quum *tor⁹* antè aquis obrutus esset: grad⁹ suos vel stabilitos vel directos, qui prius non tantum inlubrico vacillabāt, sed erāt in cœno defixi. Concludit, datū sibi à Deo fuisse *in ore canticum nouum*: quo genere loquendi finem liberationis notat. Nā quocūq; modo opituletur nobis Deus, nihil vicissim compensationis exigit, nisi vt graui simus ac memores. Itaque quotquot beneficiis nos prosequitur, toties os nobis aperit ad celebrandum suum nomen. Quum ergo Deus liberaliter nobiscum agendo, ad canendas laudes suas inuitet, meritò reputat Dauid, quandoquidem tam mirabiliter fuit ereptus, suggestam sibi noui cantici materiam: & *nouum* ponit pro singulari & exquisito: sicuti genus liberationis non vulgare erat, sed æterna memoria dignum. Et si enim nullum est tam leue Dei beneficium quod non magnificè prædicare deceat, quo tamen potentius manum suam exerit ad nos iuuandos, vehementius ad hoc pietatis exercitium nos accendi æquum est, vt cantica nostra, gratiæ magnitudini respondeant.

4 Videbunt multi, & timebunt.  
Auxilii quod expertus est fructū laus extendit, quia scilicet multis commu-

ne erit documentum. Et certè quæ in vnumquenque fidelium beneficia confert Deus, testimonia esse vult suæ perpetuæ erga omnes bonitatis, vt alii aliorum exemplo edocti, eandem gratiam sibi expositam fore non dubitent. Quam autè primo intuitu minimè inter se congruere videntur *timere & sperare*, non tamen sine ratione ea simul coniungit Dauid. Neque enim spem quisquam de gratia Dei concipiet, nisi qui prius imbutus fuerit eius reuerentia. Nam generaliter timorè accipio pro sensu pietatis, quem in nobis generat potentia, æquitatis<sup>1</sup> & clementiæ eius agnitio. Valuit quidem iudicium Dei quod exerceuit contra hostes Dauidis ad omnes terrendos: sed potius intelligit Dauid (meo iudicio) salute quā adeptus erat, multos expergesactum iri vt se Deo ad dicant, & reuerenter se contineant sub eius imperio, quia agnoscunt iustum mūdi iudicem. Iam verò quisquis ex animo se Dei imperio subiecit, spem cum reuerentia necessariò coniunget: præsertim vbi ante oculos versabitur gratiæ testimonium, quo Deus ipse communiter omnes ad se inuitat. Diximus enim Deum misericordem & beneficium erga alios ideo nobis proponi, vt statnamus eundem erga nos fore. Iam istud *videre* cuius meminit Dauid, non ad oculos tantum, sed præcipuè ad mentis sensum refertur: quia etsi promiscuè viderunt omnes quod acciderat, multis tamen non venit in mentem agnoscere liberationem Dauidis, opus esse Dei. Quia ergo in considerandis Dei operibus tam multi cæcuiunt: scimus eos modò censeri oculatos, quibus *datum est* in intelligentiæ Spiritus, vt non occupentur in euentis, sed occultam Dei manum fide perspiciant.

5 Beatus vir qui posuit Iehouā spem suam, & non respexit ad superbos & qui diuertunt ad mendacium.

6 Multa fecisti tu Iehoua Deus meus mirabilia tua: & cogitationes tuas super nos non licet ordinare ad te: narra-bō & loquar, prævalent supra narrationem.

5 Beatus vir qui. Recitat qualem bene sperandi materiam sua liberatio

piis omnibus datura sit: nepe, vt contēptis omnibus mūdi illecebris, se totos in eius



in eius fidem securè committāt: nec modo persuasi sint beatos esse qui in vno Deo sperant, sed omnes spes contrarias fallaces & maledictas fore. Nam ista persuasio non nascitur nobiscum: sed partim ex verbo Dei, partim ex operibus concipitur. quamquam solus operū Dei conspectus, ut nuper dixi, hanc lucem minimè in nobis accenderet, nisi Deus verbo suo prælucens, benevolentiam nobis suam ostenderet. Vbi autem se nobis propitium fore pollicitus est, certis etiam documentis bonitatem suam testatam faciens, quod ore protulit, manu obsignat. Itaque David non abs re commemorat, quia ex profunda morte extractus est in vitam, fideles hoc exemplum esse edoctos, quod naturaliter homines sibi non facile persuadent, beatum esse quisquis vno Deo contentus est. Porro quia nos ingenui nostri vanitas ferè deorsum retrahit: & quum vltro ad fallacias simus omnes propensi, multis pravis exemplis tentamur, continuo post subiicit David, beatum esse qui non respicit ad superbos. **סוהנ** qui dam vertunt Diuites, vel Magnates huius seculi: sed perperam (meo iudicio) quia coniunctim hæc duo ponuntur, Superbia & Abstractio ad mendacium. Respicere ergo ad magnates, non significat quod illi imaginantur, ad eorum potentiam & opes se applicare, quasi inde penderet salus: sed tantundem valet atque eorum exemplo ad imitationem rapinam quum passim volitent superbi homines, qui Deo contempto, felicitatis summam in sua ambitione, in fraudibus in rapinis, in astutia locant: statim obrepit peruersa æmulatio, præsertim ubi illis pro voto succedit, vana spes ad id tentandum nos sollicitat. Quare prudenter & non sine magna necessitate David, ut in pura vnius Dei fiducia sensus nostros contineat, à malis exemplis cauere præcipit, quæ nos ad defectionem vndique sollicitant. Cæterum quod dicit superbos ad mendacium diuertere, hoc modo stultam carnis confidentiam breuiter definit. quid enim aliud est eorum superbia, qui figmenta sua in Dei locum subrogant, quam fallax illusio? Certè quisquis vel minimum sibi arrogat, vento stultæ opinionis inflatus, sibi in

perniciem suam blauditur. In summas piæ quæ in vnum Deum recumbit, fiducia opponitur superbia & vanitas: quid nec quicquam carni difficilius est quam acquiescere in vno Deo: & mundus semper fastuosus hominibus refertus est, qui sibi in vanis illecebris placentes, piorum animos statim labefactarēt, nisi iniectum esset frænum hoc ad cohibendas omnes erroneas & vagas opiniones:

6 *Multa fecisti.* Quanquam in verbis non nihil dissentiant Interpretes, satis tamen conuenit, Dauidem hic cum admiratione expendere Dei prouidentiam, qua gubernat humanum genus. Ac primo quidem exclamat, *magna vel multa esse operum Dei miracula*: significant, Deum inastimabili sapientia sic moderari res humanas, ut eius opera quæ assiduo vsu vilescunt, longè humanum captum superent. Ita videmus ab vna specie ad totum genus conscendere: ac si diceret, non hoc tantum vno facio Deum probasse quam de humano genere paternam curam gerit, sed generaliter in singulis mundi partibus fulgere admirabilem eius prouidentiam. Deinde adiungit, *consilia Dei* in nobis curandis altiora esse ac magis recòdita quàm ut distinctè ordinari possint. Quidam exponunt particulam **סוהנ**, super nos comparatiuè: ac si dictum esset, Dei consilia sensu nostro altiora esse. Sed David potius, quàm Deus suscipere de nobis curam dignatur, commēdat. Quia autem hoc modo abrupitur contextus, coguntur verbum **סוהנ** secus accipere quàm transulsi, nempe quòd nullus æquari vel conferri Deo possit. Verum ut à longa refutatione abstineam, hunc genuinum esse sensum prudens Lector mihi concedet, Deum incomprehensibili sapientia ita regere humanum genus, ut eius opera in suum & legitimum ordinem digere nostrum non sit: quia sensus nostri priusquam in tantam altitudinem perueniant, sua tarditate deficiunt. Additur ad Deum, quia etsi ex parte reputamus quàm mirificè nobis Deus prospiciat, restringitur tamen hæc cognitio ad modulum nostrum: ideòque infra immensam Dei gloriā longè subsistit. Nam qui exponunt, Dei consilia

ad Deum non referri, quia maior pars casum & fortunam dominari imaginantur: quasi David hominum ingratitude non perstringeret qui Deum laude sua fraudant: haud dubie falluntur. Nam mox subiticiens, ut cunque opera Dei referre conetur, se in media narratione deficere: satis ostendit, piam & sanctam meditationem in qua se exercent filii Dei, non ultra tenuem gustum conscendere. Tenemus nunc mentem Davidis, nam de salute sibi Divinitus allata praefatus, occasione inde sumpta, Dei providentiam in fovendis & tuendis hominibus generaliter praedicat. Est autem propositum fideles hortari ad considerandam Dei providentiam, ne in eam suas omnes curas reicere dubitent. Quod enim alii vel inquietudine afluant vel ad minimos quosque status trepidant, alii terrenis praesidiis se munire satagunt, ex doctrina huius infirmitas oritur, quod Deus res hominum suo arbitrio gubernet. Iam quia maior pars Dei providentiam suo sensu aestimans, eam malignè obscurat vel extenuat: prudenter David eam in suo gradu locans, obstaculum hoc tollit. Quare huc spectat sententia, ut reuerenter suspiciant homines in operibus Dei quod sensu non comprehendunt, & quoties eos caro ad obstrependum sollicitat, sese supra mundum euehant. Dormire videtur Deus si cessat, nempe quia externis mediis eius manum alligantes, occultis modis agere non reputamus. Quare discamus ex hoc loco, quavis nos fugiat operum eius ratio, semper in consiliis suis admirabilem esse. Cohæret autem hic verus cum proximo: quia nemo rite Deum sibi in solidam fiduciam proponit, nisi qui clausis oculis permittit se regendum eius arbitrio. Nec temere, quum hæc in tertia persona loquutus esset, ser-

monem ad Deum nunc repente conuertit, quo nos efficacius in hac sobrietate & molestia erudiat. Cæterum quum negat distinctè opera Dei posse cognosci: non ideo nos vel notitia, vel inquisitione absterret: sed temeritatem nostram compefcit, quæ in hac parte nimis aliqui exultat. Atque in hunc finem distinctè exprimitur particula *ad te*, qua monemur, etiam si quis sedulo ad meditanda Dei opera sit intentus, tantum fines vel circuitus attingere. Quavis ergo procul à nobis distet tanta altitudo, danda est tamen opera quoad in nobis erit ut per continuos profectus magis ac magis ad eam accedamus, sicuti etiam videmus manum à Deo nobis porrigi, ut hæc mirabilia, quorum minimè sumus capaces, quatenus expedit, nobis patefaciat. Nihil enim magis præposterum, quam appetere crassam infirmitatem providentiae Dei: quia nondum perfectè à nobis comprehenditur, sed tantum ex parte gustatur: sicuti hodie videmus quosdam totis nervis ad eam obruendam non alio prætextu citi, nisi quia intelligentiam nostram superat, quasi verò æquum sit non plus Deo permittere, quam nobis sensus carnis consentaneum esse dicter. Longè aliter David, qui aciem suam immenso fulgore oppressam sentiens, fatetur mirabilia esse, quorum rationem non capit: neque interim abstinere ab omni eorum mentione, sed pro sua mensura ad piam meditationem incubit. Unde colligimus, quàm stulta sit & futilis ista cautio, quia ardua sunt consilia Dei, prorsus de illis tacendum esse. Atqui David oneri succumbens, conscendere tamen non destitit, nec propterea obmutuit, quia ad narrandum impar esset: sed satis habuit fidem suam & sermonem admiratione claudere.

7 *Sacrificium & oblationem non amasti : aures aptasti mihi, holocaustum & piaculum non postulasti:*

8 *Tunc dixi, Ecce venio : in volumine libri scriptum est de me,*

9 *Ut faciam beneplacitum tuum Deus meus: volui, & Lex tua in medio viscerum meorum.*

7 *Sacrificium & oblationem, &c.* Hic David non modò sacrificium laudis, aut vitulos labiorum, sicut loquitur Oseas Propheta, sed testandæ gratitudinis suæ causa Deo se totum offert ac cõsecrat: ac si dixisset, se iam penitus additum esse Deo, quia liberatus incredibili eius virtute, vitam ei bis debeat. In terea tamen de vero eius cultu disserens: ostendit non esse positum in externis cæremoniis, sed spirituale potius esse. Itaque sensus est, non accedere ipsum cum externa tantum pompa & legalibus figuris in conspectum Dei, sed integram cordis pietatem asferre. Scimus autem quum omnium animos occupet religio, vt nemo se palàm & in totum ab eius obsequio subducere audeat: magnā tamen partem flexuosis ambagibus diuertere. Quo fit vt perfidiorie Deū colendo, ferè ludant. Hac occasione David, quifnam rationalis sit Dei cultus, memorat, vt se discernat ab hypocritis, qui ore solum ad Deum appropinquāt, vel certe frigidis cæremoniis eū placare volunt. Venio nunc ad verba. Nō dubium est quin David per quatuor species quas recenset, omnia Legis sacrificia designet. Quare summa est, Deum à suis cultoribus non exigere cæremonias, sed sincero cordis affectu, fide & vitæ sanctimonia contentum esse: neque oblectari visibili Sanctuario, altari, suffitu, victimis, luminaribus, vestitus splendore, externis ablutionibus. Vnde colligit, aliam sibi Dei colendi legē ac regulam tenendam esse: nempe vt ei se totum tradat. *Auris perforasti.* Quidam ad præceptum Legis quod Exod. 21.6 legitur, Dauidem putant alludere. Si quis enim seruus, quum tempus manumissionis aduenerat, libertatem negligeret, in publicum productus hoc coram populo dicebat: tum subula aurem perforabat herus, vt stigma esset perpetuæ seruitutis. Sed mihi videtur coacta argutia. Simplicius alii tantundem valere docent, atque Aptare in obsequium, neque enim vnam duntaxat aurem, sed vtrāque nominat. Iam scimus natura surdos esse homines, quia hebetudine aures illis obstructæ sunt, donec eas perforet Deus. Ergo hac voce notatur docilitas,

ad quam formamur Spiritus sancti gratia. Ego tamen hoc loquendi genus ad circumstantiam huius loci propius accõmodo, Dauidem non fuisse graui & tardo auditu, sicuti vulgus hominum, vt in sacrificiis nihil nisi terrenum intelligeret: sed purgas fuisse eius aures, vt melior esset Legis interpres, externisque omnes ritus ad spirituales Dei cultum referret. Nam aurium perforationem quasi parenthesi includit, de sacrificiis ex professo tractans: vt aptè resoluti possit oratio in hunc modum, Domine tu mihi aures aperuisti, vt dextrè agnoscam quorsum spectet quicquid mandasti de sacrificiis, nempe ea per se nihil asferre oblationis: quia tu, qui Spiritus es, non moraris terrena hæc elementa, nec carne vel sanguine indiges: id eo quod aliquid altius & præstantius requiri. Iam si quis obiciat, sacrificia tamen ex Dei præcepto fuisse oblata: nuper dixi Dauidem hic spirituales Dei cultū ab vmbatili distinguere. In hac verò comparatione, nihil mirum si sacrificia nullius momenti esse dicat, quia tantum ad minicula erant pietatis, tendebantque in alium finem. Cum ergo talibus rudimentis ad fidem & poenitentiam populum suum exercuerit Deus: colligimus, sacrificiis coli nolle. Semper enim illud tenendum est, quicquid per se Deo non placet, sed propter aliud dūtaxat, si pro vero eius cultu censetur, repudiari.

8 *Tunc dixit, Ecce venio.* Aduerbio *tunc* significat non prius se idoneum fuisse discipulum, quam Deus aures aperuisset: ceterum vbi arcano Spiritus instinctu edoctus fuit, dicit se prompto & alacri fuisse animo ad parendum. Atque hīc optimè à serui coactōque obsequio vera obedientia discernitur. Sciamus ergo, quicquid offerant homines Deo friuolum & putidum esse, nisi se ipsos offerant: deinde hanc quoque oblationem nullius esse pretii, nisi voluntaria sit. Notanda enim sunt hæc verba, *Ecce venio.* Item, *Volui facere beneplacitum tuum.* Si quidem Hebraicum verbum *וָלַיְתִי*, tantundem valet ac Complacuit mihi, vel Libenter acquieui. Notatur itaque tam promptitudo ad parendum, quam liberalis affectus & per-



gendi constantia . ac si dixisset, liberè se prætulisse colendi Dei studium aliis omnibus curis & votis: nec sponte duntaxat se fuisse morigerum, sed firmo animi proposito se regulam piè viuendi amplexum esse. Quod iterum tertio membro melius cōfirmat, *Legem Dei visceribus suis infixam esse* asserens. Nam hinc sequitur, quantumvis resplendeant hominum opera, nisi tamen ex viua cordis radice nascatur, meras esse larvas: deinde frustra in obseruatione Legis cōponi pedes & manus, & oculos, nisi à corde incipiat obsequiū . Caterum ex aliis Scripturæ locis notum est, proprium esse munus Spiritus sancti, Legem Dei cordibus nostris insculpere. Non agit quidem in nobis Deus tanquam in lapidibus, vt sine cordis nostri sensu vel intrinseco motu nos rapiat . sed quū naturaliter ingenita sit nobis voluntas, naturæ autem corruptione vitata sit, vt semper ad peccandum inclinet: corrigit eā in melius, vt liberè appetamus iustitiam à qua toto affectu prius eramus auersi: atque hinc vera libertas, vbi corda nostra quæ prius mancipata erant peccato, Deus in obsequium suum format. *In vō homine libri.* Quia Græcus interpres nomen Capituli posuerat, dum volunt quidā argutè philosophari, cum suis ineptis commentis ridiculi fuerunt . Atque nominis Hebraici כְּסֵפֶה eadē est etymologia, quæ Voluminis apud Latinos, barbari rotulum dicerent. Sed videndum est quo sensu peculiariter sibi vñdicet Dauid quod omnibus commune est ac promiscuum . Nam quum Lex cunctis hominibus præscribat sanctæ viuendi rationem: non videtur in vnum hominem vel paucos competere quod hic dicitur. Respondeo, quanuis cōmuniter ad omnes pertineat literalis doctrina Legis, quia tamen per se mortua est, & nihil aliud quàm aerem verberat: Deum alio modo suos docere, & quatenus interior & efficax ista Spiritus doctrina, proprius est eorum thesaurus: in arcano Dei libro non nisi de ipsis scriptum est, vt Dei voluntatem compleant. Personat quidem vox Dei per totum orbem, vt inexcusabiles reddantur quicunque non obtemperant, sed tantum in corda piorum penetrat,

quibus in salutem destinata est. Sic uti ergo Imperator militum suorum nomina recipit, vt certus sit eorū muneris: sicuti magister suos discipulos in catalogo refert: ita Deus filios suos in libro vitæ descriptos habet, vt sub iugo suæ disciplinæ eos cōtineat. Restat scrupulus vnus: quia videtur Apostolus in Epistola ad Heb. 10. 5, violèter locū hunc torquere, dū ad Christū solum restringit quod prædicatur de omnibus electis, & præcisè contendit abrogata esse Legis sacrificia, quæ tantum per comparisonem negat Dauid Deo grata esse: & Græci interpretis potius quàm Prophetæ verba recitans, plus colligit quàm Dauidi propositum fuerit docere. De Christi persona solutio facilis est: quia Dauid nō suo tantum priuato nomine loquutus est, sed in genere quid conueniat omnibus Dei filiis, ostendit. Vbi autem in mediū prodit Ecclesiæ communitas, ad eaput ipsum ascendere necesse est . Nec obstat quod paulò pōst, quæ sustinet mala, culpæ suæ imputat: quia minimè nouum est ad Christum improprie vitia nostra transferri. De abrogatione legalis cultus ita respondeo, non ineptè ex Prophetæ verbis elici: neque enim hic locus aliis compluribus similis est, vbi sacrificia respuit Deus ac damnat, quæ ab hypocritis oblata, meritò ob eorum immunditiam fordebant: quia illic propter abusum & corruptelam damnat Deus externam speciem, quæ nihil aliud erat quàm inane figmentum: hic verò quum de se Propheta disserat, qui sincerus erat Dei cultor, & Deum sacrificiis oblectari neget: inde colligere promptum est spectasse in alium finem, & puerilia fuisse rudimenta quæ veteri populo Deus ad tempus mandauerat. quòd si eorū veritas & substantia in Christo cōtinetur, certum est eius aduentu fuisse abolita. Dauidis quidem seculo adhuc vigebar eorum vsus, sed tamen admonet, perfectum Dei cultum absque sacrificiis consistare suis omnibus numeris: & cæremonias quiddam esse aduentitium vel accidentale, vt loquuntur. idque obseruatum dignum est: vt sciamus, Deum, vbi figuras sustulit quas ad tempus præceperat, non tamen esse sui dissimile. quia tantum in his exercitiis hominū habuit rationē.

Quòd

Quod autem Apostolus Græcum interpretem sequutus, vocem Corporis quæ apud Dauidem non habetur, ad suum propositum deflexit: in hac allusione nihil est absurdi, neq; enim ex professo

mentem Dauidis sumit explicandam: sed quia prius dixerat, vnico Christi sacrificio alia omnia fuisse abolita: simul addit, corpus aptatum fuisse Christo cuius oblatione volutâtê Dei perficeret.

10 *Annuntiaui iustitiam in cœtu magno: ecce labia mea non prohibebo, Iehoua tu nosti.*

11 *Iustitiam tuam non abscondi in medio cordis mei: veritatem tuam & salutem tuam prædicaui, non celavi bonitatem tuam & veritatem tuam in cœtu magno.*

12 *Tu Iehoua ne prohibeas miserationes tuas à me: bonitas tua & veritas tua semper custodiant me.*

10 *Annuntiaui, &c.* Hic rursus Dauid gratitudinem suam in medium profert, non alio consilio nisi vt Deum prouocet ad continuû beneficentiæ cursum. Nam quum Deus, quoties se ostendit erga nos liberalem ad gratias agendas nos inuiter: hæc quoque vna ratio est cur sui similis esse pergat, dum nos videt gratos esse ac memores. Etsi autē priore loco, *iustitia* nomen simpliciter ponit: subaudienda tamē est iustitia Dei quæ paulò post exprimitur. Nec verò arcano tantum affectu vel priuati Deo se laudem dedisse affirmat, sed publicū eius se fuisse præconem in solenni conuentu: sicut tunc fideles hostiis pacificis solebāt testari suam pietatem, si qua insignis liberatio ipsis contigerat. Nam *cœtus magnus* de quo loquitur, non ad forensē vel profanum concursum refertur, sed legitimam Ecclesiam quam tunc scimus solitam congregari ad Sanctuarium. Ideo etiam dicit, se non occultasse in corde iustitiam Dei, quam celebrare palam conuenit in mutuam ædificationem. Et certē quisquis eam intus supprimit, ipsum Dei nomen, quantum in se est, sepultum vellet. Atque huius rei testem appellat Deum, non tantum vt se discernat ab hypoeritis, qui plenis sæpe buccis resonant Dei laudes absque vllō affectu: sed quo certius testatum faciat, sedulò & ingenuè se operam dedisse narrandis Dei laudibus, sibi que curæ fuisse ne qua parte eum fraudaret, hæc autem asseueratio non leuis momenti rem tractari admonet, Etsi enim

præconiis nostris nō indiget Deus, multis tamen de causis vult hanc inter nos mutuam exercitationem vigere.

11 *Iustitiam tuam non abscondi.* Notanda est nominum congeries, quæ ad idem notandum pertinet. Iustitiæ enim Dei coniungitur veritas, salus & misericordia. Quorsum, nisi vt pluribus elogiis Dei beneficium illustret? Notandum tamen est quomodo inter se differant: quia inde colligere licebit quàm rectè & aptè competant in liberationē de qua nunc tractatur. Si hæc quatuor in suum ordinem digerere placeat, *misericordia* tenebit primum gradum, quia sola adducitur Deus vt nos respicere dignetur. *Iustitia* est continua eius protectio, quia suos tuetur, & benignitas, quia ipsos fouet: sicuti iam alibi dictum est. Porro ne quis cubitet, perpetuo tenore æquabilem fluere, additur *veritas*: quo nomine docemur, Deum sui manere similem, nec iuuando fatigari, nec vnquā manum suam retrahere. Quanquam simul tacita subest promissionum indicatio: quia nemo rite iustitiam Dei apprehendet, nisi qui in verbo, vbi offertur, eam amplexus fuerit. *Salus*, iustitiæ effectus est, quia Deus gratuitū suum fauorē erga suos prosequitur, assiduè opē ferendo, donec saluos in solidū præstiterit.

12 *Tu Iehoua ne prohibeas.* Clarius videmus quod nuper attigi, Dauidem loqui de sua gratitudine, vt Deum retineat propitiū: & os aperuisse ad canendas Dei laudes, vt nouas subinde gratias eliceret: quibus filii nostri malignitas

vt plurimum ianuam claudit. Quare diligenter notanda est relatio, vbi Dauid se labia non clausisse dicit, vt vicissim Deus suas misericordias non obsecret vel cohibeat, qua docemur, Dei bonitatem semper fore nobis promptam, imò instar fontis inexhausti erga nos diffuere, nisi eius cursum abrumperet nostra ingratitude. *Miserationes* vel **יְחִיָּה** de quibus loquitur, parum à bonitate differunt: neque tamen de nihilo placuit Dauidi hæc varietas: sed quia aliter sibi satisfacere non poterat

in gratia Dei extollenda: deinde quia fontem clementiæ vel bonitatis ostendi operæpretium fuit: nempe dum misericordiis nostris mouetur ad opem nobis ferendam. Postea salutis suæ custodiam in Dei bonitate & fide locat, quia initiū vt paulò antè dixi à gratuito Dei fauore facere necesse est, vt ad nos vsque perueniat eius liberalitas. Sed quia Deum non antè nobis propitium concipimus quàm nobis amoris sui fidem faciat, meritò constantia eius, & in seruandis promissis veritas annectitur.

13 *Quia circumdederunt me mala vsque in immensum, comprehenderunt me iniquitates meae vt videre non poterim multiplicata sunt supra capillos capitis mei, cor meum deseruit me.*

14 *Placeat tibi Iehoua liberare me: Iehoua ad auxilium meum festina.*

15 *Pudefiant & erubescant simul qui querunt animam meam ad perdendum eam auertantur retrorsum & pudefiant qui querunt malum meum.*

16 *Disperdantur pro mercede pudoris sui qui dixerunt mihi, Euge euge.*

13 *Quia circumdederunt.* Phrasis Hebraica plus exprimit quàm latine redditur. Dicit enim **יְחִיָּה**, super me: significans, non modò vndique se ad omne la-tus esse obsessum, sed capiti etiam suo malòrum congeriem incumbere. Interea non conqueritur, vel immeritò, vel supra culpæ suæ modum se affligi: quin potius ingenuè fatetur rependi peccatis suis mercedem. Nam etsi **יְחִיָּה** (vt alibi sæpius vidimus) pœnam quoque significat, etymologia tamen spectanda est. Ergo quum Dauid quas sustinet pœnas fructus vel effectus iniquitatis vocet, sub est modesta confessio: vnde colligimus quanta mansuetudine & reuerentia, Dei iudiciis se submiserit, qui ingenti malòrum congerie oppressus, suas iniquitates ex opposito longè latèque extendit, ne Deum nimii rigoris insimulet. Iam dum videmus tam seuerè tractatum fuisse Dauidem, discamus etiam sub extremis malis gementes, iudicem nostrum suppliciter deprecari. Adde quod se non fuisse stupidum vel lapideum ostendit,

quum relictus vel desertus fuerit à corde suo. Perinde enim est ac si non modò fractum, sed exanimatum se iacuisse dicat. *Cordis* tamen defectum vel deliquiū intellige de carnis sensu: quia precandi constantia certo documento est, fidem nunquam penitus in eo fuisse extinctam sed quum inops consilii & virtute exinanitus secundum hominem esset, non abs-re cor suum euanuisse dicit.

14 *Placeat tibi Iehoua.* Verbum quo vitur Dauid, ex mero beneplacito velle significat. Ergo liberari cupit gratuita Dei misericordia. De festinatione alibi dictum est. Nam etsi tardante Deo contra tadium nobis luctandum est: pro sua tamen indulgentia hanc precandi formam concedit, vt pro voto nostro ac celeret. Postea suo more inimicos ad Dei tribunal citas, ex eorum crudelitate & iniustus sceleratissime odii fiduciam exorandi petit. Nam ita statuendū est, quo iniquius nobis molesti sunt hostes, ac infestius in nos laeuiunt: Deum ad nos iuuandos magis propensum fo-



re. Atque hæc non vulgaris consolatio est, cū eorum improbitate certare Dei misericordiam, vt paratior sit ad ferendum auxilium, quo ardētius illi ad nocendum feruntur. Cæterum, quo affectu istas imprecationes conceperit Dauid, iam aliquoties dictū est: atque hic memoria repetere conuenit, ne quis iracundiæ suæ fræna laxans, eius exemplū prætexat. Semper enim damnabitur eorum κακὸς ἥλιος, qui carnis impetum pro Spiritus zelo ducem sequuntur. Quum ipsos *super mercede opprobrii sui perire* optat: sensus est, Sicuti hoc vnum specta-

runt vt me ignominia opprimerent, & confuso ac perduto petulanter insultarent: ita similis confusio in eorum capita recidat. Nam secundo membro genus illud confusionis designat, falsos pænas referens, quibus miserum & calamitosum hominem traduxerant. Porro vt hinc docemur, vbi nos atrociter insectati fuerint hostes, paratā illis mercedem esse, vt in eorum capita quicquid machinati sunt, Deus retorqueat aut reuoluat: sic eadem doctrina moderationis frænum esse debet, vt nos humaniter cum proximis geramus.

*17 Exultent & latentur in te omnes inquirentes te: & dicant, Semper magnificetur Iehoua, qui diligunt salutem tuā.*

*18 Ego autem pauper & inops. Iehoua prospexit mihi: auxilium meum & liberator meus, tu Deus mi ne tardes.*

*17 Exultent & latentur* Alio argumento, quod etiam alibi sæpe vsurpat. vicitur ad impetrandam liberationem. non quodd ad Deum persuadendum rationes proferre opus sit, sed quia fidem nostram his futuris confirmare vtile est. Quia ergo Deus communiter ab omnibus, non tantum ab vno vel altero, vult agnoscī misericors: quoties vnum ex suis aliquem liberat, commune beneficium præstat, quod simul fideles in se transferre debent, dum in vnius hominis persona spectant qualis erga omnes futurus sit Deus, qui sibi nō est dissimilis. Ergo se nihil priuatum sibi petere ostendit, quod non ad totam Ecclesiam pertineat. Precatur vt Deus sanctos omnes exhilaret, vel communem ipsis præbeat gratulandi materiam, vt de eius auxilio certi alacriter ad ipsum se conferant. Vnde statuiamus, Deum in singulis hominibus suæ erga nos bonitatis specimen edere. Quod etiam dicit *amare Dei salutem*, notatu dignum est: quia hinc colligimus, verè demum fidē nostram probari, si non aliunde quàm ab vno Deo seruari speramus aut cupimus. Nam qui sibi varias imaginantur salutes in hoc mundo, salutem quam à se peti Deus iubet, negligūt vel respuūt. Idem valet quod prius dixerat, Deum querere: quia vt quis à Deo totus pendeat, & cupiat eius gratia saluus esse,

ne cesse abiecta omni vana spe ad amplectendam eius virtutem addicere omnes sensus. Hic rursus notanda sunt duo antitheta. Dixerat nuper, improbos querere vitam suam: nunc fidelibus diuersum affectum tribuit, quod Deum querant. Illorum subsannationem retulerat, Euge, Euge: hos aliter loquentes inducit, vt *semper magnificetur Deus*.

*19 Ego autem pauper.* In hac clausula gratiarum actioni precationem miscet. quanquam fieri potest, vt votum inter angustias conceptum referat. Porro, initium versus ita resoluti potest, *Quantum miser essem & inops, Deus cogitauit de me.* Quia enim vt quisque miser est, à mundo contemnitur, ita fingimus Deo non esse curæ: statuendū est, miseras nostras non parere Deo fastidium, vt nobis consulere grauetur. Sic tamē potius legamus, *Quum ego miser ac egenus essem, Dominus meam necessitatē respexit: vt hac circumstantia, Dei gratiam amplifcet.* Nam si mature nos Deus sua bonitate præueniens, non expectat dum nos res aduersæ urgeant, nō tam clarè apparet eius erga nos fauor. Hæc igitur comparatio non parum illustrat Dei gloriam in liberatione Dauidis, quod homini despecto & ab omnibus reiecto, spēque & ope destituto manum porrigere dignatus sit. Iam si Dauidem huc inopiz redigi oportuit,

non mirum si gregarii homines eodem saepe modo humiliantur, quo sentiant & serio agnoscant Dei manu se ex desperatione fuisse ereptos. Precationis simplex ac genuinus hic sensus est, Domine auxilium meum es & liberator meus:

ergo ne moreris. Quia enim dubio & vacillanti animo ad Deum accedere absurdum est, fiducia ab experientia colligit suo more, sibi que persuadet, sibi minime defore auxilium quo haecenus seruatus est.

## ARGVMENTVM PSALMI XLI.

*Quum David manu Dei graviter afflictus, inquit se multorum iudiciis premi videret, ac si iam aeterno exitio denotus esset atque additus: contra hanc tentationem spei consolatione se munit. Conqueritur interea partim de crudelitate, partim de perfidia hostium suorum. Et quamquam agnoscit de suis peccatis iustam sumi poenam, eorum tamen malitiam accusat, quod hominem bene meritum improbe vexarent. Postremo gratulationem attexit, quod seruatus fuerit Dei gratia.*

*Psalmus XLI.*

**P***Refecto Canticum Davidis.*

*2 Beatus qui prudenter iudicat super egenum: in die mala liberabit eum Iehoua.*

*3 Iehoua custodiet eum, & viuificabit eum: beatus erit in terra, & non trades eum desiderio hostium eius.*

*4 Iehoua fulciet eum super lectum doloris: omne stratum eius vertisti in infirmitate eius.*

*2 Beatus qui prudenter, &c.* Vulgò multi Interpretes laudari putant humanitatis officia, dum curae sunt miseri homines & iuuantur. Sed rectius alii expendunt Davidis consilium, quod felicitet eorum aequitatem laudet, qui prudenter & moderate iudicant de hominibus afflictis. Nec verò aliter accipi potest participium *יָשַׁח*. Sed tenendum simul est cur David beatos esse pronuntiet qui prudenter sanaque intelligentia aestimant Dei ferulas, dum seruos suos castigat. Diximus, certamen illi fuisse cum praeposteris iudiciis: quia quò duriter euni vigeret afflictio, putarunt multi perditum esse ac desperatum. Neque enim dubium est idem ei contigisse quod sancto Iob, quem amici seuerius à Deo tractari videntes, omnium sceleratissimum iudicant. Et sanè hoc nimis commune vitium est, ut maior pars hominum miseros exitio adiudicet. Nam sicuti diuitibus & aliis quibus prospera fortuna arridet, vulgus quoque hominum applaudit, Dei fauorem ex caeca felicitate aestimans: sic & miseri contumeliosè insultant, & temere Deo

exosos esse imaginatur, quia illis non tam clementer parcit ut reprobis. Haec malà & sinistre iudicandi prauitas seculis omnibus regnavit. Clamitat passim Deus se pluribus de causis probare fideles rebus aduersis, nunc ut eos ad patientiam exerceat, nunc ut subigat vitiosos carnis affectus, nunc ut superfluas carnis cupiditates excoquat & purget, nunc ut eos humiliet, nunc ut aliis statuatur in exemplum, nunc ut ad vitam caelestis meditationem excitet. Sed nos ut plurimum absque discrimine praecipites ferimur, & quicumque sub cruce laborant, eos demergimus infra omnes abyssos (ut ita loquar) huius temeritatis frangenda causa, dicit David beatos esse qui non ita crudeliter sauiunt peruersis iudiciis, sed prudenter discernunt inter plagam & plagam, adeoque malignum illum rigorem carni ingenitum, Spiritus prudentia temperant. Exemplum nuper in persona Iob proposui, què dum amici extrema calamitate confectum aspiciunt, reprobum & deploratum esse non dubitant. Si in tale spectaculum incidere aequus & humanus arbiter, prudentiam

dentiam adhiberet quam nunc laudat David. Nos verò hoc Spiritus testimonio admoniti, cohibere discamus nimiam nostram festinationem. Prudentem autem iudicandum est de afflictis fratribus, ut de eorum salute bene speremus: ne si inclementer ante tempus à nobis damnati fuerint, hic iniustus rigor in capita nostra recidat. Præcipue tamen notandum est quod supra attigi, Davidè malignis sævisque iudiciis ferè obrutum, hac consolatione se armasse, ne tentationi succumberet. Discamus ergo & nos, si quando superbis hominum iudiciis fidem nostram labefactare molitur Satan, sensus nostros ad hanc prudentiam referre, ne desperatio nobis obrepit. Hic genuinus est præsentis doctrinæ usus. *In die mala liberabit.* Quidam superiori membro coniungunt: & tolerabilis esset lætio, nisi hæc distinctio aptior foret, quam & accentus adiuvat. Certè hinc plenior elicitur doctrina, Dominum liberatorem fore pauperis in die aduerso. Putant nonnulli Davidè bene precari dextris & moderatis hominibus, ac si diceret, Dominus, si quando illos contingat miserè affligi, vicissim rependat clementiæ mercedem. Alii sentiunt referri illorum verba, ex quibus eorum prudentia & rectitudo perspicui queat. Falluntur tamen utriusque (meo iudicio) dum sententiam hanc optatiuè legunt. Siue autem in sua, siue in illorum persona loquatur David, breuiter æquitatem commendat, quæ nobis seruanda est erga miseros: nempe quâuis ad tempus se Deus illis infensum ostendat, propitium tamen fore, vel lætior demum exitus appareat, quàm iudicium ferri queat ex præsentis intuitu. Videmus nunc quanto hoc vberius sit & magis emphaticum, sperari à Domino salutem, etiam in die malo. nam alioqui nullus ex dolore emergeret. Neque enim solum hortatur fideles Psi-

ritus sanctus, ut propensi sint ad mansuetudinem, quoties videt fratres suos affligi, sed remedium quoque ostendit leniendi doloris, quoties rebus aduersis concutitur fides nostra.

3 *Iehoua custodiet.* Prosequitur eadem sententiam, quod Dominus miserum hominem custodiet, quem crudeles & iniqui perditum esse iactant. Semper autem repetenda est antithesis inter diem malum & liberationis gratiam. Eodem sensu additur restitutio in vitam, & felicitas in terra. Significat enim David, quâuis similis fuerit mortuo, sibi & piis omnibus spem vitæ non fuisse extinctam. Posset quidem videri absurdum, quod sibi beatam vitam in mundo promittit: quia malè nobiscum ageretur, nisi alibi melior nos conditio maneret. Sed quia de ipso multi desperauerant, disertè exprimit, se adhuc tamen fore superstitem, & quidem non sine manifestis gratiæ Dei signis. Quibus verbis spem melioris vitæ minimè excludit. Quod sequitur de *læto dolorum*, quosdam induxit ad diuinationem (meo iudicio) parum firmam. Quod enim indefinitè de afflictione narratur, ad morbum restringunt. Atqui minimè no num est, qui mæsto sunt animo, conicere se in lætulum, & decubere, quia homines magis interdum tristitia exanimat quam morbus. Certè probabile est grauiorè aliquam cladem tunc fuisse Davidi inflictam, quæ signum esset non vulgaris iræ Dei. In secundo membro versus subest aliqua obscuritas. Quidam enim *stratum vertere* ita accipiunt, quasi Deus, ut refocillationem daret seruo suo, culcitram eius composuerit, ut ægrotis fieri solet quo mollius recumbant. Alii rectius (meo iudicio) versus dicunt esse lætium, qui morbo destinatus erat, ubi redita fuit Davidi sanitas: hoc sensu, quâuis nunc mæstus iaceat quæ Dominus sub cruce erudit, breui tamè ab eiusdem Dei manu cõtinget leuatio, qua vires recuperet.

5 *Ego dixi, Iehoua miserere mei, sana animam meam: quia peccavi tibi.*

6 *Inimici mei dixerunt malum de me, Quando morietur, & peribit nomen eius?*

7 *Quod si venit ad visendum, mendaciter loquitur, cor eius*



*accumulat iniquitatem sibi: ubi egressus erit foras, loquetur.*

5 *Ego dixi.* Ostendit hoc versu in suis malis se minimè captasse blanditias, sicuti maior pars sibi adlatur, & suos dolores vanis solatiis mulceri cupit. Et certè quisquis Spiritu Dei regitur, pœnis admonitus sponte sua peccata agnoscet, ac placide fratrum suorum correctiones suscipiet: imò eas praeueniet voluntaria confessione. Porro, hac nota discernit se David à reprobis & desperatis, quòd suppliciter culpam deprecatus sit, seque còtulerit ad Dei misericordiam. Petit quidem pœnam sibi laxari: sed altius orditur, nempe ut veniam adeptus reconcilietur Deo. Peruertit enim ordinem, ut alibi diximus, qui externis malis remedium optantes, causam ipsam negligunt: perinde ac si quis febrim alendo, tantum sitim restingui vellet. Ergo antequam de animæ sanitate verbum faciat, dicit, *Miserere mei*: cui debet coniungi quod paulò post sequitur, *quoniam peccavi tibi*. Deum enim meritò sibi offensum fatetur, nec aliter propitium fore quàm abolitis peccatis. Particulam *in* proprio & nativo sensu accipio, non aduersatiuè, ut quidam volunt. Ergo ibi ignosci petit, quia peccauit. Hinc sanitas, quæ interponitur quasi misericordiæ effectus, quia confidit David, impetrata venia se à calamitate leuatum iri.

6 *Inimici mei dixerunt.* Dicere pro imprecari hic ponitur. Hac verò indignitate ad misericordiam, ut alibi dictum fuit, Deum prouocat, qui ad opem miseris ferendam eò benignius inclinatur, dum inclementer eos tractari videtur. Atque ita suo exemplo nos ad fiduciam excitat & erigit, quia hostium nostrorum sauitia quo iniquior est, plus nobis fauoris apud Deum conciliat. Forma etiam imprecationis quàm crudele fuerit odium, testatur: quod non nisi interitu, & quidem probroso, placari potest. Cupe rent enim vnà cum ipso memoriam eius deleri. Quod proximo versu sequitur, ad perfidos amicos spectat. Nā qui ex professo hostes erant, palam eum insectabantur, idque proximè ostendit. Nunc contexit alteram querimoniam, multos ficto animo, ac si amici essent, accedere, qui tamen postea virus suum euomerent. Est autem hoc hostium genus magis timendum qui malitiam suam tegunt & fouent, seque insinuant ad nocendum. Postquam ergo de hostibus manifestis conquestus est, ad simulatos amicos descendit, quos dicit non alio sine venire, nisi ut mendaciter loquantur: interim fraudes in cordibus versare, adeoque clam sibi *concernere iniquitatem* perfidiam verò suam proderet, *ubi foras egressi sunt*.

8 *Simul aduersum me susurrant omnes osiores mei, super me cogitant malum mihi,*

9 *Facinus Belial adhaeret ei, & qui iacet, non addet ut resurgat.*

10 *Etiā homo pacis meae in quo speraui, comedens panem meum, contra me extulit calcaneum.*

8 *Simul aduersum me, &c.* Generaliter nunc videtur utrosque completi, tam qui palam & hostiliter tentabant eum opprimere, quàm qui sub amicitia prætecto dolose & per insidias idem machinabantur. Dicit ergo de suo exitio sermones ab omnibus conferri, sicuti multis susurris improbi homines vtero citroque suas proditones agitant. Ideo addit *cogitandi* verbum, quo per-

uersas & scelestas eorum consultationes notat. Cæterum, ex proximo versu patet, ideo sic conspirasse in eius perniciem, quòd reprobum hominem ducerent dignumque mille mortibus. Atque hæc superba insultatio ex maligno illo iudicio oriebatur, cuius in principio Psalmi meminit. Dicunt ergo *facinus Belial* tenere eum conclusum, & velut coarctare. Hoc enim propriè significat verbum

**קצו** Hebræis. Quanquam in versione sequutus sū quod magis receptū erat.

9 *Adhæret ei.* Quod alii reddunt, Fundet in eum, nimis coactum videtur. De voce Belial diximus Psalmo 18. Quia autem Grammatici compositā esse volunt ex **בל** & **על**, quod est Non ascendere, verbum Belial hoc loco interpretor scelus inexpiabile, vel à quo non sit regressus: nisi fortè quis ad cladē ipsam referre malit, ac si diceret hostes, malo insanabili constringi. Quicquid sit, statuunt Deum prorsus infestum esse Dauidi, & fore implacabilem, quia tam atrociter eum puniat. Nam spēs melioris fortunæ mox præcidunt hoc verbo, *non adiciet ut resurgat.* Fuit autem hæc non levis tentatio, quum sibi rectè conscius esset, sic præcipitari hominū damnatione vsque ad ultionis inferos. sed ita placuit Deo seruum suum probare, ut cōtēntus bona conscientia nullis hominū probris cederet. Ac eius quoque exemplo nos docere voluit, alibi quā in terra querendam esse iustitiæ mercedem, quia videmus quam iniqua trutina sæpe mundus virtutes & vitia ponderet.

10 *Etiam homo pacis mea.* Hæc quasi malorū clausulam ponit Dauid, quòd in præcipuo amico, vel etiam pluribus eandem expertus sit perfidiam. Numeri enim mutatio satis vñtata est Hebræis, ut de pluribus loquantur quasi de vno. Ita sensus esset, non modò vulgus hominum, vel alieni quibuscū mihi propior necessitudo nō erat, sed præcipuus quis

que ex amicis, imò ipsi familiares ac domestici, quos ad mensam & conuiuium meum admissi, contumeliose mihi insultant. Viros pacis Hebræi nomināt propinquos & affines. sed hoc sanctioris amicitiae symbolum, panem Dauidis comedere: quia perinde valet ac si diceret, cōtubernalē. Quòd si quis decreto aliquo proditorē accipere malit, non repugno. *efferre calicē* metaphorice accipitur (meo iudicio) pro contumeliose insurgere in hominem deiectum. Alii interpretantur insidias moliri: sed alter ille sensus aptior: quum viderent improbi homines Dauidem nutare, vel iam esse prostratū, hac occasione fuisse abusos, ut eum oblique & tamen simul proteruē impeterent, quod solenne test prauis & seruilibus naturis. Christus locum hunc citans Ioh. 13. 18, ad personam Iudæ accommodat. Et certè sciendū est, quanuis de se loquatur in hoc Psalmo Dauid, nō tamē quasi priuatum hominē loqui, sed quā sustineat Christi personam, quia cōmune est totius Ecclesiæ exemplar: idque notatu dignum est, ut quisque nostrum ad eandem sortem obeundam se compareret. Nam sicut solidè in Christo impleri oportuit quod inchoatum erat in Dauidē: ita quotidie in singulis eius mēbris vsu venire necesse est, ut non tantūm violenter & aperto Marte vexentur, sed etiam domesticos habeant proditores: sicut Paulus non tantūm pugnas foris, sed intus quoque timores Ecclesiæ instare dicit.

11 *Et tu Iehoua miserere mei: erigeme, & rependam illis.*

12 *In hoc cognoui quòd placuerim tibi, quia non iubilabit inimicus meus super me.*

13 *Et ego, in integritate mea sustentabis me, & stabilies me coram facie tua in perpetuum.*

14 *Benedictus Iehoua Deus Israel à seculo & vsque in seculum. Amen, & amen.*

11 *Et tu Iehoua.* Iterum ex hostium suorum iniusta crudelitate colligit precandi fiduciam. Subest autem antithesis inter Deū & homines: ac si diceret, quando nihil in mundo subsidii vel opis restat, imò vbique fera immanitas gra-

satur, vel interior malitia, tu saltem Domine, misericordia tua subleues. atque hæc ratio miseris omnibus tenenda est, quos iniuste mundus persequitur, ne se tantūm in defendendis iniuriis occupent, sed Deo cōmendent suā causam: &

quo magis eorum mētes percellere conatur Satan, hūcque & illuc distrahere, eo attentius in vnum Deum eas colligant. Iterum verò suæ restitutionis causam ponit misericordiam Dei. Sed durum est quod sequitur de vindicta. Nam si nuper verè & ex animo confessus est, merito se affligi, cur non aliis dat veniam, sicut sibi dari postulat? Hoc certè perperā esset abuti Dei gratia, vbi nos restituit, non imitari eius clementiam. Adde quòd non fuisset humilitatis vel modestiæ, adhuc in media morte spirare vindictam. Sed hīc duo tenenda sunt, Dauidem non fuisse quemlibet è vulgo, sed Regem Diuinitus potestate instructum: deinde non carnis impulsu, sed pro ratione officii pœnam hostibus denuntiare quam meriti sunt. Ergo si quisque promiscuè, dum se de hostibus vlciscitur, Dauidis exemplum obtendat, primò notandum est personæ discrimen, deinde videndum vt idem in nobis regnet zelus, imò vt eodē regamur Spiritu. Dauid quum Rex esset, Dei vindictam iure suo exequi potuit: nobis manus sunt ligatæ. secundò vt Christi personam gessit, ita induit puros & sincere affectus, vt non iracundiæ suæ morē gereret, sed Deo impēderet fidelem operam. Denique eodem modò exercuit iustum Dei iudiciū, quo nobis precari licet vt Dominus ipse pœnas sumat de impiis. Nam quia non sumus armati gladio, nostrum est ad cælestem iudicē confugere: sed composito animo rogandus est vt se vindicem nostrum ostendat & cauendum, ne excussio Spiritus frāno, vota nostra intemperanter exultent. Quod ad Dauidem spectat, sic tulit eius vocatio, vt cogeret in eius obsequium rebelles ac in puniendis omnibus sceleratis legitimus esset Dei minister.

12 *In hoc cognoui.* Iam ad gratiarum actionem descendit: nisi forrè mutato verbi tempore ita contexere placeat cum proximo versu. In hoc cognoscam te mihi propitium esse, si non fueris passus hostes meos triumphum agere. sed gratulatio melius conuenit. Postquam enim retulit suas preces, iam Deo liberationē suā ascribit, & prædicat hoc clarum & insigne esse eius beneficium. Quæri tamen potest, an hæc satis firma

sit notitia Diuini in nos amoris, dum hostibus nostris triūphare non permittit. Cōtinget enim sæpè aliquē eripi ex periculo qui tamen propterea Deo gratus non erit. Adhæc beneplacitum Dei non ex nuda experientia, sed præcipuè ex verbo eius cognoscitur. Responso facilis est, Dauidem nō fidei fuisse experitē, sed in eius confirmationē amplexū esse quæ Deus adminicula verbo suo postea addidit. Adde quod non communem tantum fauorem quo prosequitur Deus omnes fideles, sed speciale gratiā qua electus fuerat in Regē, videtur notare: ac si dixisset, Iam Domine, magis ac magis cōfirmor in fide adoptionis qua me dignatus es, vt primogenitus essem inter Reges terræ. Hoc modò auxilium Dei quo leuatus fuera ab vna clade, ad totum regni statum extendit.

13 *Et ego in integritate mea.* Quidam exponunt, quia Dauid integritatem coluerit, porrectam illi fuisse manum à Deo. Sed hoc superiori sententiæ non admodum quadraret, vbi confessus est, merito se plecti: & quanquam eius calamitas hostium insultationi erat obnoxia, nō tamen verisimile est eos fuisse auctores: ideo tempestiua non esset integritatis mentio in hunc finem: quia tunc Dominus respicere integritatem nostram dicitur, vbi ab hominum iniuriis nos vindicat. Quæredus itaque alius sensus. Et quidem integritas tā ad corpus quā ad animam referri potest, Ego incolumis stabo, quia tu me sustentabis ac restitues. Videtur tamen lōgius extendere Dei gratiam, ac si non semel tantum eius manu se adiutum diceret, sed quandiu prosperè vixit, salutē suam fuisse eius virtute sussultam. Si de pietate vel sincero affectu intelligere quis malit quod optimè conueniet, non gloriatur Dauid de vita anteaq̃: sed in ipso examine, quanuis Satan & improbi eius fidem labefactare conati sint, non tamen se fuisse alienatum à timore Dei narrat. Ergo patientiam suam hoc modo in medium proferret, quòd grauiter agitatus & concussus. nō tamē à rectitudine descuerit. Verūm si hæc sententia placeat, notandum est, continuo post adscribi Deo beneficium hoc, quòd steterit Dauid iniunctus, & illos tentationum



tentationum impulsus fortiter sustine-  
rit : & in futurum tempus non de alia  
quàm manus Dei futura eum sperare.  
Si de externo statu loquatur, contextus  
etiam bene fluat, Deum non antè finem  
gratiæ suæ facturum, quàm seruos suos  
in finem vsque saluos præstet. Dicitur  
autem *stabilire coram facie sua*, quos ita  
tuetur vt claris signis paternam erga  
eos curam demonstret: sicuti dicitur sa-

ciem abscondere, dum videtur suorum  
obliuisci. Confirmat & repetit vltimo  
versu gratiarum actionem quam nuper  
attigerat, & nominatim *Deum Isral* ex-  
primens, scèdus cum Patribus percussū  
sibi in animo penitus hæreere testatur,  
quia ex hoc fonte manauerat liberatio.  
Duplex *Amen* ad vehementiam posi-  
tum est, quo melius incitarentur omnes  
pii ad laudandum Deum.

## ARGVMENTVM PSALMI XLII.

*Primò ostendit Dauid, quum profugus erraret ob Sauli sauitiam, nihil sibi fuisse acer-  
bius quam prohiberi à Sanctuarii accessu, quòd Dei cultum terrenis omnibus còmodis præ-  
ferret. Deinde quàm difficiis cum desperatione sibi fuerit lucta, commemorat. Preccm etiam  
& gratiæ Dei meditationem admiscet confirmanda spai suæ causa. Postremò interius illud  
cum mœrore suo certamen repetit.*  
*Psalmus XLIII.*

**P** Resectò erudiens filijs Coræ.

2 Sicut ceruus clamat ad fontes aquarum, ita anima mea  
clamat ad te Deus.

3 Sitiuit anima mea ad Deum, ad Deum viuum: quando  
ingrediar vt appaream coram facie Dei?

4 Fuerunt mihi lacrymæ meæ panis die & nocte, quum dî-  
citur mihi quotidie, Ubi est Deus tuus?

1 *Filiis Coræ.* Quia non ascribitur  
nomen Dauidis, coniciunt multi filios  
Coræ Psalmi esse authores: quod mihi  
nullo modo probatur. Nā quum in Da-  
uidis persona sit composuit, quem Sci-  
mus Spiritu Prophetico excelluisse in-  
ter omnes alios, quis credet ei fuisse a-  
liunde dictatum? Communis erat totius  
Ecclesiæ doctor, & insigne Spiritus or-  
ganon: Leuitis, quorum pars erant filii  
Coræ, Psalmos alios canendos tradide-  
rat, quid igitur opus fuisset eum preca-  
riò ab illis mutuari hanc operam, cui  
præstandæ lōgè superior erat? Mihi ita-  
que probabile est, ideo nominari filios  
Coræ, quia fuit apud eos depositus the-  
sauri loco, vt scimus ex cantoribus alios  
atque alios Psalmorum delectos fuisse  
custodes. Quòd supprimitur Dauidis  
mentio, nihil est in eo incommodi, quia  
idem videmus factum in aliis Psalmis,  
quorum tamen ipsum esse authorem cer-  
tis coniecturis licet colligere. De voce  
ללללל aliquid attingimus Psalmo 32.

Fateor quidem nō semper ascribi, quo-  
ties refert Dauid se Dei ferulis fuisse ca-  
stigatum: hoc tamen notandum est, pro-  
priè in castigationes competere, quarū  
finis est filios Dei erudire, vbi non satis  
ex doctrina proficiunt. De tempore e-  
tiam nō prorsus conuenit. Volunt enim  
quidam Dauidem hīc de clade sua con-  
queri, quum à filio Absalom esset expul-  
sus. Ego verò bonis rationibus (nisi fal-  
lor) adductus, in contrariam sententiam  
magis inclino. Nam coniuratio Absa-  
lom statim sedata fuit, vt diu à Sanctua-  
rii accessu Dauidem non impedierit.  
Atqui diserte diuturnum exilium hīc  
deplorat, sub quo ferè contabuerit. Ne-  
que enim paucorum dierum mœrorem  
tertio versu describit. imò totus còtex-  
tus palàm ostendit diu ipsum iacuisse  
in misero isto statu de quo loquitur.  
Quod obtundunt Arcā scèderis sub re-  
gno Saulis fuisse neglectā, vt non sit ver-  
isimile Dauidem tunc solennes choros  
duxisse, non adeò firmū est. Quanquam  
S. ii.

enim non nisi defunctoriè Deum colebat Saul, noluit tamen profanus videri. Et David ipse alibi ostendit sedulò, festis præsertim diebus, sacros conuentus frequentasse. Certè quod videbimus Psalmo 55, In domum Dei profecti sumus pariter vel vnanimis: ad tempus Saulis pertinet.

2 *Sicut cervus clamat.* Hi duo versus nihil aliud continèt quàm Dauidem omnibus commodis, opibus, deliciis, honoribus denique prætulisse liberum Sanctuarii accessum, vt mandatis in Legge exercitiis fidem pietatèmq; suam aleret ac confirmaret. Nam quòd se ad Deum *viuè* clamare dicit, non simpliciter accipitur, pro flagrare Dei amore & desiderio: sed in mentem venire debet quomodo nos ad se inuiter Deum, & quibus adminiculis sursum attollat mentes nostras. Neque enim iubet rectè nos in cælum còscendere, sed imbecillitati nostræ consulens, propius ad nos descendit. Clamauit igitur David ad Deum, sibi viam clausam esse reputans, quia ab externo cultu erat exclusus: quod vinculum est sacræ cum Deo coniunctionis non quòd per se Deo nos caremonia concilient, sed quia pietatis sunt exercitia, quibus carere non sustinet nostra infirmitas. Itaque à Sanctuario exulans David, non aliter anxius est, quàm si à Deo ipso esset alienatus. Non destitit quidem interea preces suas in cælum dirigere, imò ad ipsum quoque Sanctuarium, sed infirmitatis suæ conscius, viâ qua ad Deū perueniant fideles, sibi clausam esse dolenter ferebat. Quo exemplo refellitur eorum arrogantia, qui media hæc securè prætereunt, imò superbe còtemnunt, ac si in eorum arbitrio esset in cælum momentaneo volatu penetrare. quasi verò Dauidem zelo & alacritate animi superent. Neque tamen substitit in terrenis elemētis Propheta: sed quia sciebat alas sibi deesse quibus volaret, scalis vsus est, per quas ad Deum contenderet. Similitudo cervi, summò desiderii ardorem exprimit. Quod exponūt quidam fluuios experi à cervis, vt se ex lassitudine reficiant, nimis forte restrictum est. Fateor quidem, si venator ceruum vrgeat & canes insistent, occursum fluuiniis nouas vires colligere: sed scimus

etiam certis anni temporibus ceruos incredibili ardore plusquam sitienter aquas expetere: quam sitim à Propheta notari arbitrari: etsi ea de re non contendo. Posterior autem versus clarius demonstrat quod dixi, Dauidem non loqui simpliciter de præsentia Dei, sed cū circumstantia, quoniam sibi Tabernaculum, Altare, sacrificia ritusque alios proponit, quibus testatus fuerat Deus se propinquum fore populo suo. atque ita fideles initium inde facere oportuit quom accedere ad Deum cuperent, nò vt illic manerent affixi, sed vt gloriam Dei, quæ per se abscondita est, signis adiuti quærerent. Ergo vbi notas præsentia Dei in verbo vel signis habemus insculptas, dicere licet cum Dauidè, illi extare Dei faciem, modò puros animos asseramus ad eum spiritualiter quærendum. Vbi autem Deum præsentem aliter imaginamur quàm se verbo & sacris signis patefecit, vel crassum aliquid terrenumque concipimus de cælesti eius maiestate, fingimus meras larvas, quæ Dei gloriam deformant, eiusque veritatem conuertunt in mendacium.

4 *Fuerunt mihi lacryma.* Alium doloris aculeum refert, quo eius animū pungebant reprobī & maleuolī. Nec dubium est quin talibus vrabellis vsus fuerit satan, quo eū grauius vreret. Quid tibi vis? nōne te à Deo reiectum esse vides? Nam certè in tabernaculo vult adorari, à cuius accessu arceris & exulas. Erant violenti impetus ad concutendam sancti viri fidem, nisi rara Spiritus virtute suffultus acriter repugnasset. Apparet autem quàm serio affectu tacitus fuerit. Continget enim nos sæpe moueri, vt tamen non abstrahamur à cibo & potu: sed vbi quis cibum sponte abiicit, lacrymis ita indulget vt se fraudet quotidiano victu, assiduus est in mœroe: non leuiter torqueri apparet. Dicit autem David, non alibi se plus reperisse solatii quàm in lacrymis: itaque se illis fuisse deditum, non secus ac homines cibo ulebantur, seque reficiunt: idque quotidie, nò solum ad breue tempus. Tenendum igitur est, quoties nobis insultant impij, & odiosè exprobant Deum nobis esse aduersum, à Satana impelli, vt fidem nostram deiiciat: idcòque

ideoque non esse locum deliciis ubi tam periculosum bellum nobis mouetur. Accedit etiam altera ratio, quod impiis ludibrio est nomen Dei, quia non sine eius

probro subfannant fidem nostram. Nisi ergo ferrei simus, grauissimo dolore nos vulnerari par est.

5 *Hæc dum recordor, effundo super me animam meam, quia transibam in numero deducens eos usque ad domum Dei, in voce exultationis & laudis, multitudinem tripudiantem.*

6 *Cur deiiceris anima mea & tumultuaris in me? expecta Deum, quia adhuc confitebor ei salutes vultus eius.*

7 *Deus mi, anima mea super me deiecta est dum recordor tui à terra Iordanis, & Hermonim à monte Mizar.*

5 *Hæc dum recordor.* Hic versus propter temporum varietatem non nihil obscurus est. Non tamen dubito quin genuinus sit sensus, Dauidem, quum memoria repeteret priorē statum, plus tristitia ex comparatione sensisse: recordatio, inquam, præteriti temporis ad mala eius augenda non parum momenti attulit, quod nunc templo careat quidux & antesignanus reliquis fuerat ad obeundos sacros cœtus. Scimus, qui à prima pueritia malis sunt assueti, calulum contrahere, & ipsa malorum assiduitas generat in nobis quandam durtiem: quare nihil mirum si Dauid, qui non vnus è vulgo fuerat, sed nuper ordinem primum duxerat inter fideles, durius crucietur, se prorsus reiectum videns, ac ne infimum quidem sibi locum patere. Ita pronomen demonstratiuum *Hæc* cum proxima narratione contexo, nempe quoddam recordatus fuerit Dauid se transire solitū in numero, priorū & eos deducere ad domū Dei. *Effundere animā* metaphoricè quidā exponunt pro mœtorem suum euomere: aliis tantūde vallet ac lætitia diffundi. Sed mihi potius videtur dicere, affectus suos fuisse liquefactos siue gaudio siue mœrore. Nā anima hominis quæ cum solinet, quādiu collectū tenet suū vigorē, dissoluitur immodico affectu, & quasi euanesceit. Dicitur ergo animam effundere qui sui cōpos non est, quin sensus sui dissipati effluant: ac si diceret Dauid, animū suum præ tristitia liquecere ac deficere, dū reputat vnde cōsiderit. Si de gaudio ex

ponere libeat, talis erit cōparatio. Mihi olim tam iucundum fuit ducere populi ordines ad Sāctuariū, vt gaudio animus meus liquefceret, neque apud me esset: & si hoc idem bonū mihi redditū fuerit, eadem lætitia sensus meos rapier. Ego tamen, quid mihi magis placeret, suprà exposui. Cæterū nō est quoddam putemus Dauidē humano more fuisse obrutum tristitia, sed quia ex præsentī miseria iudiciū fecit de ira Dei, piē seipsū cruciauit, quoddam sua culpa Deum in se prouocasset. Atque vt hoc omittā, videamus vnde conceptus fuerit dolor. Tot enim priuatis incōmodis grauatus, ob vnum Sāctuariū angitur, vt ostēdat sibi mitius esse carere vitā, quā à Dei conspectu exulare. atque ita affectus nostros temperari cōuenit, nempe vt gaudium nostrum ad paternū Dei fauorē respiciat: doloris nostri causa sit, eum habere infestum. Nam hæc est secundū Deū tristitia, cuius meminit Paulus 2. Cor. 7. 10. *Per numerum*, qui ἵδ Hebraicè dicitur, non dubito quin choros intellexerit Dauid: qui nō confusi vel turmatim, sed per certos ordines gradiebantur, quum festis diebus ad Tabernaculum venirent.

6 *Cur deiiceris anima mea.* Hinc appareret Dauidē fortiter luctatū esse cū dolore, ne tentationi succūberet. Sed notemus, arduum & durū ei fuisse certamē antequā victor emergeret: imò non vno tantū insultu vel prælio fuisse defunctum, sed sæpius retractum fuisse ad nouas pugnas. Nec mirum est tam gra-



uiter fuisse perculsum, quum nullum fauoris Dei signum occurreret. Porro se nobis statuit Dauid quasi in duas partes diuisum. Quatenus enim fide in Dei promissiones recumbit, inuictæ fortitudinis Spiritu instructus contra affectus carnis suæ surgit, ut eos compescat: & simul castigat suam mollitiem. Quamquam autem bellum cum Satana & mûdo gerit, non tamen rectâ vel apertè cum illis configit, sed seipsum potius deligit antagonistam. Et certè hæc optima est vincendi satanæ ratio, non egressi extra nos, sed cum propriis affectibus suscipere intrinsecum certamen. Ac notandum est quod fatetur Dauid, animam suam fuisse deiectam. Nam dū nostræ infirmitates quasi fluctus insurgunt, quia iam putamus actum de fide nostrâ, solo terrore victi, non audemus manus cōserere. Quoties igitur obrepet hæc ignauia, veniat nobis in mentem, hanc ordinariam esse piorum luctâ, proprios affectus in ordinē cogere, ac præsertim bellum gerere cum diffidentia. Porro duo vitia hic ponuntur, in speciē diuersa, quæ tamē animos nostros simul occupant, deiectio & tumultus. Nā dum faciemus prostrati, simul tamē inquietudo ad fremitū nos impellit. Vtriusque verò remediū additur, nepe spes in Deū quæ sola facit primū ut consistat animi nostri inter maximas tēpestates, deinde ut patiēter quiescat. Postea vim & naturam spei optime exprimit Dauid his verbis, *adhuc confitebor*: nempe ut mētes nostras ad gratiæ absconditæ intuitū procul euehat. Hac enim voce *Adhuc*, fatetur os sibi in præsentia esse obstructū ad canēdas Dei laudes, quia licet vndiq; prematur angustiis spēs suā nihilominus in lōgū tempus extēdit. Atque ut emergat ex præsentī mœrore, sibi promittit quod nō apparet: neque tamen quicquā temere imaginatur ex proprio sensu, sed fretus Dei promissionibus, nō modò ad bene sperandū se animat, sed sibi sponsor est certæ salutis. Neque enim aliter gratiæ Dei apud fratres nostros idonei erimus testes, quā si eam primū cordibus nostris testati erimus. Particula quæ sequitur, variè potest exponi. Maior pars Interpretum subaudit Propter, ut materiam vel causam gra-

tiarum actionis designet. Quod ego libetè recipio. Quamquā non malè cōueniet sensus, si seorsū legamus, *salutes esse vultus Dei*: quia simul ac respicere suos dignatur, saluos præstat. Vultus enim Dei pro fauoris declaratione capitur, quia tūc serena eius facies, refulget: sicuti eam obnubilant vel obscurant res aduersæ.

7 *Deus mi.* Si nihil subaudire placeat, cōstabit versus duabus distinctis sētētis. Sic enim est ad verbū, Deus mi, anima mea super me deiecta est, ideo memorero tui, &c. Sed maior pars Interpretum 12. 77 exponit Propterea quòd, ut sit causæ redditio. Et certè optimè hoc quadrabit, quories Dauid è terra Iordanis, in qua exul latebat, animū ad Sāctuarii recordationē applicuit, magis auctū fuisse eius mœrorem. Quòd si tamen placeat versū distinguere: tenendum erit, Dauidē nō ut dolorē suū alat, Dei recordari in exilio, sed eius leniendi causa. Neque enim eos imitatus est qui nullum nisi in Dei obliuione solatium inueniunt: sed eius manu vulneratus, medicū tamē agnouit. Itatūndē valebit oratio ac si dixisset, Quamquam nunc exulo à Tēplo, & alienus à familia Dei videor, id tamē nō obstabit quominus ad eū respiciā. ut quæque enim sacrificiis destituit quæ mihi vitia essent, verbo tamen suo me non priuauit. Sed quia prior sēsus magis receptus est, deinde expositionis vice additus videtur, præstabit ab eo non discedere. Animam ergo suā Dauid mœrore oppressam esse cōqueritur, quia se ab Ecclesia Dei eiectū esse videat. Subest autē tacita antithesis: ac si diceret, neque vxoris, neque domus, neque vllorū bonorū desiderio æquē se torqueri, atque hac vna cura, quòd à Dei cultu prohiberi se videat. Hinc verò descendū est, quāvis nos deficiat adminicula quæ Deus ad fidei nostræ & pietatis aedificationē instituit, sedulò tamen acuendas esse mentes nostras, ne vnquam obrepat Dei obliuio. Sed hoc præcipuè notandum est: sicuti proximo versū vidimus, Dauidem instar fortis athletæ cum propriis affectibus certasse, ita nunc ostendi quæ ratione constāter perstiterit: nempe quia ad Dei opem cōfugerit tanquam ad sacrū asylum

asylū. Et certè nisi nos ad precandū soli ciet promissionum Dei meditatio, ad nos sustinēdos impar erit. Quomodo enim fieri potest, nisi virtutē Deus sup- peditet, vt tot prauis cogitationibus si- mus superiores, quā singulis momentis se ingerunt? Est enim hominis anima quali officina Saranæ ad fabricandos mille desperationis modos. Quare me- ritò Dauid vbi secum luctatus est, mox se ad preces recipit, Deūque sui dolo- ris testem aduocat. Per terram Iordanis intelligitur regio quæ Iudææ respectu

transfluvialis erat: quod melius proba- tur ex nomine *Hermonim*. Sic enim plu- rali numero vocatur continuus tractus montis Hermon propter diuersa cacu- mina. & fortè numerum pluralem con- sultò posuit, quia eum huc illuc discur- rere & svagari cogeret timor. *Mixar* exiguum multi interpretantur, & vo- lunt oblique conferri cum monte Sion, quasi Dauid collem alioqui paruum monti altissimo præferret. quod mihi vi- detur coactum.

8 *Abyssus ad abyssum clamat ad vocem canalium tuorū: omnes fluctus tui & omnes inundationes tuae super me transie- runt.*

9 *Die mandabit Iehoua bonitatem suam; & nocte canti- cum eius mecum, oratio ad Deum vita mea.*

8 *Abyssus ad abyssum.* His verbis tam malorum grauitas, quā conge- ries & diuturnitas exprimitur: ac si dixisset, non vno tantum genere malorū se premi, sed varia subinde recurrere, vt nullus sit finis nec modus. Primò *abyssi* nomine ostendit, tentationes quibus impetebatur, meritò posse gurgiti- bus conferri: postea de longa continua- tione queritur, & quidem aptissima fi- gura, quòd tentationes se procul incla- ment, & aliæ alias accerfant. In secunda parte versus metaphoram prosequitur, quòd *omnes fluctus & inundationes Dei su- per caput suum transierunt*. Quibus ver- bis significat afflictionum mole se fuisse obrutum & quasi absorptum. Sed no- tandum est quòd scēntiam Saulis & ho- stium, *Dei inundationes* appellat, vt me- minerim<sup>9</sup> semper in rebus aduersis nos humiliare sub forti Dei manu quæ nos as- fligit. Vltrà deinde progredi operæ pre- tiū est, si in nos violenter pluiere velit Deus; simul ac suas cataractas aperuerit vel canales, nullū finē malis nostris fore, donec placatus fuerit. Habet enī mi- ras & incognitas rationes, quib<sup>9</sup> nos per- sequatur. Ita vbi in nos ira eius efferbue- rit, non vna modò erit abyssus ad vos deglutendos, sed abyssus ad abyssum elamabit. Quoniam ea est hominum fo- eordia, vt non satis metuant Dei minas quoties agitur de eius vindicta, veniat

nobis hic versus in mentem.

9 *Die mandabit.* Quanquam vē- bum est futuri temporis, non nego pos- se in præteritum resolui, vt quidam faciunt, qui Dauidem putant superiora Dei beneficia colligere, vt de tristi & misero statu in quo angitur, vehemen- tius expostulet: ac si dixisset, Quis fit vt Deus qui se mihi tam clementem an- tè exhibuit, nūc quasi mutato animo sum- mum rigorē exerat? Sed quia nulla ratio cogit tempus verbi mutare, adeoque altera expositio contextui videtur ap- prior, eam sequamur. Equidem nō repu- gno quin Dauid Dei beneficia quæ iam expertus fuerat, in fidei suæ subsidium adducat: existimo tamen eum sibi pro- mittere in futurum tempus liberationē adhuc occultam: ideo de præterito vel futuro tempore nolim rixari, modò hoc fixū maneat, Dauidē ita rationari, Cur nō sperarem Deum mihi fore pro- pitium, interdiu vt mihi occurrat eius bonitas, & nocte canticum lætitiæ me- cū cubet? Certè hāc cōsolationē mœrori opponit, quē ex horrendis quæ proximo versu retulit, ira Dei signis, cōcipere pō- terat. *Oratio* cuius in fine meminit, non est hominis afficti vel anxii, sed gratu- lationē cōplectitur, vbi Deus fauore suo nos exilarās, liberū ad se accessū refe- rat. Et ideo appellat *Deū vita suæ*, quia ex hac noticia emergit alacritas cordis.

10 *Dicam Deo rupi mea, Quare oblitus es mei? quare pullatus incedo in oppressione hostis?*

11 *Occisio in ossibus meis, dum me probro afficiunt inimi- ci mei, dicentes mihi quotidie, Vbi est Deus tuus?*

12 *Quare deiecta es anima mea? & quare tumultuarius in me? spera in Deum, quia adhuc confitebor ei salutes vultus mei, & Deus meus.*

10 *Dicam Deo rupi mea.* Si proximum verum legamus in tempore præterito, sensus erit, Quum se mihi Deus antea ostenderit tam beneficum, eo maiore fiducia precabor. nam audacè experientia me reddet. Si placeat futurum tempus, coniunget David precationem meditationi quam ex fide cōceperat. Et certè quisquis sibi de paterno Dei favore persuadet quod nuper dixit, etiam eius exemplo animosius precabitur. Nunc ergo talis erit sensus, Quia mihi polliceor Deum propitium, ut interdiu suam misericordiam mihi emit- tat, eamque continuet, ut nocte quoque suppetat canendi materia, liberius apud eum mala mea deslebo, Domine *rupes mea, quare oblitus es mei?* Cæterum hac querela non intelligunt fideles se prorsus à Deo reiectos: quia nisi crederent sub eius cura & tutela se esse, frustra eum inuocaret: sed carnis suæ sensu ita loquuntur. Quare hæc obliuio refer- tur tam ad externam speciem quam ad inquietudinem qua turbantur fideles se- cundum carnem, licet interea fide sta- tuant se à Deo respici, nec surdas sibi fore eius aures.

11 *Occisio in ossibus.* Quanquam o- ratio verbis est perplexa, in summa ta- men rei nulla est obscuritas. Asserit e- nim David se non minori cum dolore fuisse vulneratum hostiū probris, quam si ossa perforassent. quia **וַיַּחַד** occi- dere significat, sensum hunc in versione retinui. Neque tamen eorum improbo sententiam, qui vertunt, Gladiū occiso- rium. Diuersa autem lectio est, quia qui dam loco **וַיַּחַד** ponunt **וַיַּחַד** notam similitu- dinis. Ergo in re dubia malui literam prorsus omittere quæ sæpius superna- cua est. Sed de re ipsa (ut dixi) planè li- quet, nisi quod Interpretes nō satis ex- pendunt sub voce *ossium* notari ascribi-

tatem doloris, quæ maior sentitur ex ossiū percussione, quam si gladius per viscera vel flexibiles alias partes cor- pus transodiatur. Nec verò filius Dei hæc similitudo hyperbolica videri debet: ac si quis Dauidem miratur tam moleste talis hostium subsannationem, ipse suū stuporem prodit. Nam atrocius nihil ac- cidere potest inter scūissima quæque mala, quàm dum, vbi laceratur Dei maiestas, fidēsque nostrā lethaliter im- petitur. Nota est Pauli doctrina de per- sequutione Ismael, Gal. 4. 19. et si enim puerilis risus pro nihilo à multis duci- tur, quia tamen eò tendebat ut lusorium esset sedus Dei, scūissima persecutio secundum iudicium Spiritus sancti cen- seri debet. Ideo non immeritò David probra hostium suorum, quibus verbum Dei cum sua fide calcari videbat, gladio occisorio confert, qui per ossa & medul- las penetrat. Atque vitam discerent quicumque se iactant pro filiis Dei, pri- uatas suas iniurias a quibus perferre: vbi autem fides eorum cum Dei contume- lia oppugnatur, & Verbum etiam quod eos viuificat, in idem trahitur ludibriū, hunc Davidis zelum induere.

12 *Quare deiecta es anima mea?* Repetitio hæc admonet, non ita vno cō- gressu Dauidem vicisse suas tētationes, quin ad idem cer tamen descendere co- actus fuerit. Quo exemplo monemur quanuis eandē nobis molestiam facessat Satan, non tamen debere nos radio frangi. Posterior pars versus vocē vnā diuersam habet à versu sexto, quum ta- men reliqua omnia conueniant. Hic enim ponitur relatiuum primæ perso- næ, *S lux vultus mei.* Nescitur autem an desit in hoc loco litera **וַיַּחַד** quæ tertiā personam constituit: quia tamen in hac quam retuli lectione, cōueniunt omnes codices, non absurdè David vocare Deum



Deum potuit, salutes vultus sui, quod speraret claram & certam liberationē ac si Deus visibili modo, salutis vindi-

cem se offerret, Certum quidem est hoc loca appositivē Deum vocari salutem, quia cōtinuo pōst sequitur, & De<sup>9</sup> meus,

## ARGVMENTVM PSALMI XLIII.

*Psalmus hic proximo affinis est. Nam David, quem probabile est eius authorem esse iniusta hostium violentia & tyrannide fugatus & expulsus à patria, Deum vindicem implorat, seque ad spem restitutionis hortatur.*

*Psalmus XLIII.*

**I**udica me Deus, & discepta litem meam à gente non mansueta, à viro dolofo & improbo eripe me.

2 Quia tu Deus fortitudinis meae: quare alienatus es à me? quare tristis incedo in oppensione hostis?

3 Mitte lucē tuā, & veritatē tuā: ipsa dirigant me, deducant me ad montem sanctitatis tuae, & ad tabernacula tuā.

4 Et ingrediar ad altare Dei ad Deum latitiæ exultationis meae, & celebrabo te in cithara Deus Deus meus.

5 Cur te deiicis anima mea, & quare tumultuaris in me? Spera in Deo, quia adhuc celebrabo eum salutem vultus mei & Deum meum.

1 *Iudica me Deus.* Primò expostulat David de hostium suorum fauicia: paulo pōst tamen ostendet, nihil sibi tristius fuisse quam priuari Sanctuarii accessu. Est autem hoc bonæ conscientiae signum, quòd Deo causæ suæ patrocinium commendat. Nam *iudicare* istud quod primo loco ponit, nihil aliud est quàm causam tuendam suscipere: & clarius deinde sensum suum exprimit per *disceptionem* litis. Hæc quidem summa voti fuit, eripi ab improbis & scelestis, à quibus indignè affligebatur. Sed quia miseris & innoxiiis, qui præter meritum vexantur, auxilium suum promittit: David primo loco se examinandum offert, ut cognita causæ bonitate & perspecta, tandem suppetias ferat. Sicuti autem suauissima hinc consolatio ad nos redit, quòd Deus causæ nostræ cognitor esse non grauetur: ita frustra sperabimus eū fore iniuriarū nostrarū ultorem, nisi in medium prodeat nostra integritas, quæ favorem nobis contra aduersarios conciliet. Per *gentem non mansuetam* intelligitur tota hostium factio, quæ inimicis erat ac humanitatis experta.

Quod sequitur de viro doli & iniquitatis, ad Saulem quidem referri potest, sed videtur potius enallage esse numeri.

2 *Quia tu Deus fortitudinis.* Parum differt hic versus à decimo Psalmi superioris: idque magis in verbis quàm in re. Tentationi enim hunc clypeum opponens, quòd Dei virtutem sibi adesse expertus fuerit, queritur se mœstū incedere, quia hostium libidini sit quasi expositus. Nam quia hoc pro certo & confesso sumebat, non plus hostibus esse potestatis ad inferendas sibi molestias, quàm Dominus permetteret: ideo tanquam de re absurda, quærit, qui fiat ut præualeant hostes, quum ipse sub Dei fide sit ac tutela. Hinc verò animum colligit ad precandum, ut Deus gratiæ suam iterum exerat, quam ad tempus visus est abscondere. Per *lucem* intelligitur fauor: quia sicuti res aduersæ non modò obsecrant Dei faciem, sed cælum quoque nobis obnubilant: ita in Dei benedictione refulget læta serenitas: imò lux vitæ caliginē sub qua mœsti obruebamur, discutit. Atque hoc verbo significat, non aliunde cōtingere omnes mi-

serias, nisi quia Deus paterni amoris signa subducit. simul verò ac latam serenamque faciem ostendere dignatur, liberationem & salutem emergere. Veritatem adiungit, quia lucem nonnisi ex Dei promissionibus sperabat. Nam increduli, quanuis Deum sibi propitium esse cupiant, non tamen ad eius lucem attollunt oculos: quia semper in terram procliue est hominis ingenium, nisi Dei verbo sursum erigatur. Hinc ergo David fiduciam gratiæ Dei concipit, quia Deus, qui verax est ac fallere non potest, seruis suis se ad futurum sit pollicitus. Itaque sic resoluenda est oratio, Emitte lucem tuam, quæ fidei tuæ mihi specimen sit ac documentum, vel quæ reipsa & effectum probet te fidem esse in promissis ac minimè fallacem. Etsi enim cognitio gratiæ Dei ex verbo petenda est, nec fides aliter stabilis erit nisi verbo nitatur, non vulgaris tamen verbi & fidei confirmatio est ipsa experientia, dum ad nos iuuandos manum extendit Deus. Iam quid maximè expetat, & quem sibi proponat restitutionis scopum, exponit, *Dirigant me* (inquit) & *adducant ad montem sanctum tuum*. Sicut enim præcipua meroris causa erat, exulare à cœtu piorum, sic etiam caput omnium bonorum fore ducit, si frui liceat pietatis exercitiis, Deumque in Sanctuario colere. Tacitè quidem David votum gratiarum actionis nuncupat, sed minimè dubium est, his verbis notari quem spectabat liberationis finem, ut scilicet liber pateret

reditus in Sanctuarium, vnde hostium tyrannide expulsus & profligatus erat. idque notatu dignissimum est, quum vxore, fortunis, domo aliisque commoditatibus spoliatus esset, templi semper desiderio sic astuas, ut alia omnia ferè negligeret. Sed hoc breuiter nunc attingere mihi sufficit, quia de tam pio affectu fusius proximo Psalmo disserui. Quæritur tamen quomodo montis Sion fiat mentio, qui non nisi post mortem Saulis designatus fuit ad Dei cultum. Cuius nodi non alia occurrit solutio, nisi quòd David longo post tempore Psalmum componens, quod aliàs in genere de Tabernaculo dicturus erat, simul ad reuelationem sibi postea datam deflexerit. in quo nihil est absurdum.

4 *Et ingrediar ad altare.* Solenne Deo sacrificium promittit in memorià liberationis. Neque enim de quotidiano tantum vel ordinario cultu loquitur. Sed *Altaris* nomine, ubi offerri solebāt pacifica, illud quod dixi gratitudinis signum exprimit: idèòque vocat *Deum lætitiæ* suæ, quia ex mœrore ad hilaritatem tractus hoc beneficium profiteri in animo habeat. Et *lætitiam* vocat *exultationis* ut liberationis gratiam splendidius cõmenderet. Nam posterior genitiuus epitheton valet: quo significat non vulgari se gaudio fuisse perfusus, ubi Deus cum præter spem restituit. De quinto versu quia proximo Psalmo quantum res postulabat, disserui, nunc dicere superfluo.

### ARGUMENTVM PSALMI XLIIII.

Constat Psalmus hic tribus præcipuis membris. In initio enim commemorant fideles immensam Dei misericordiam erga populum suum, & tot documenta quibus paternum amorem testatus fuerat. Deinde queruntur Deum se propitium non iam sentire, ut olim Patribus fuerat. Tertiò in medium proferunt fœdus cum Abraham percussum, quod se optima fide colasse afferunt, quanuis duriter affligi essent: & simul obiciunt, non alio de causâ crudeliter se vexari, nisi quod in sincero Dei cultu constanter permoneant. Subiungitur tandem precatio, ne Deus indignum suorum oppressiõnem negligat, præsertim qua redundat in pietatis contumeliã.

**P**raefectio filiorum Cora, erudiens.

Quis fuerit Psalmi author incertum est, nisi quòd liquiddò constat, à quouis potius quàm à Dauide fuisse compositum. Querimoniæ autem quas continet, propriè conueniunt in miserum

illud & calamitosum tempus, quo grassata est saeuissima tyrannis Antiochi. nisi forte latius extendere libeat: quia post reditum ab exilio, nullum ferè tempus à duris molestiis vacuum fuit.

Certè

Certe ætati Davidis, sub eius regno floruit Ecclesia, nō quadraret tale argumētum. Fieri etiam potest vt in ipso exilio vnus quispiam ex Prophetis querimoniam hanc populo dictauerit. Quamquam simul notandum est, imaginem Ecclesiæ, qualis post Christum manifestatum futura erat, hic depingi, Paulus enim Rom. 8. 26, (vt suo loco iterum videbitur) non ita accipit, quasi illa fuerit vnus seculi conditio: sed admonet, iisdem ærumnis Christianos esse deuotos, nec aliud sperandum illis esse vsque ad finem mundi, quàm quòd

in Iudæis ab exilio reuersis quasi præludium ostendit Deus. Apparuit quidem postea Christus Ecclesiæ Redemptor, sed non in eum finem, vt luxurietur caro in terra, sed potius vt sub cruce militemus vsque dum cælestis regni quies nos excipiat. Quid sibi velit nomen. **יְיָ שְׁמִי**, alibi dictum est. Nam et si interdum lætis argumentis inscribitur, eius tamen vsus frequentior est, vbi agitur de rebus aduersis: quia hæc optima eruditionis species est, vbi Dominus ferociam nostram domando, subiugum nos cogit.

2 *Deus auribus nostris audiuiimus, Patres nostri narrarunt nobis opus quod fecisti in diebus ipsorum, diebus priscis.*

3 *Tu manu tua Gentes expulisti, & plantasti eos, contriui sti populos, & propagasti eos.*

4 *Quia non in gladio suo adepti sunt terram, & brachiū suum non seruauit eos, sed dextera tua & brachium tuum & lumen vultus tui, quia benenolus fuisti erga eos.*

2 *Deus auribus nostris.* Recensent Dei bonitatem, quæ erga Patres olim vsus fuerat Deus, vt ipsa dissimilitudine ad clades suas leuandas eum prouocent. Præstantur autem, se nequaquam de rebus obscuris vel dubiis loqui, sed referre historias ab idoneis authoribus probè testatas. Nam quòd se *auribus* suis dicunt *audisse*, non est pleonasmus, sed emphaticè exprimunt, tam celebrè fuisse gratiæ Dei famam, vt sublata sit omnis dubitatio. Addunt, notitiam hæc ab oculatis testibus per manus fuisse traditam: non quòd Patres qui ex Aegypto redèpti fuerant, post annos mille & quingentos exposuerint posteris Dei beneficia, sed quia cōtinua serie nō tantū prima liberatio, sed varia auxilia quæ subinde attulerat Deus populo suo de manu (quod aiunt) in manum vsque ad vltimam ætatem peruenerint. Quia ergo ex ore primæ generationis loquuti sunt qui post multa secula testes fuerunt ac præcones gratiæ Dei: merited dicū fideles, quod sibi narratum fuit à Patribus, compertum ipsis fuisse: quia cognitio vetustate non interciderat, sed vigeat propter contiguam memoriam.

Summa est, Deum non decem aut vīginti annis beneficium fuisse erga Abraham filios, sed ex quo eos complexus fuerat, non cessasse à continuis gratiæ suæ documentis.

3 *Tu manu tua.* Expositio est proximi versus. Nondum enim disertè notauerat opus illud Dei, Patrum sermone celebratum. Nunc ergo addit Deum *expulisse manu sua Gentes*, vt in earum locum filios Abraham plantaret: malè illas multasse, vt propagaret eosdem Abraham filios. Veteres incolas terræ Chanaam comparat arboribus, quia longa possessione illic radices egerant. Subita igitur quæ contingit mutatio, perinde fuit ac si quis reuulsis arboribus in earum locū alias substituat. Sed quia non satis fuisset populum vno die plantari: additur secunda metaphora, qua fideles factum Dei benedictione fuisse docent, vt electus populus aufereretur: sicuti arbor temporis successu tam radicem quàm ramos longius emittens, magis confirmatur in loco quem occupat. Quorsum autem hanc Dei gratiam nunc prædicent fideles, notare operæ pretium est. nam inde sæpe nobis oboritur despe



rationis materia, dum colligimus, nos a Deo esse repudiatos, quia non eadem quibus patres nostros dignatus est, beneficia erga nos prosequitur. Esset autem absurdum, fideles qui se ad precandum comparant, tali obstaculo fiduciam suam impedire. Ego certe verum esse fateor, quo magis in mentem nobis veniunt quæ Deus in alios contulit beneficia, eo maiore tristitia nos pungi, ubi rebus nostris aduersis non succurrit. Sed fides in alium finem nos dirigit, ut statuamus nos quoque tandem aliquid sensuros leuationis quia Deus sui similis manet. Nec dubium est quin hoc consilio fideles nunc reuocent in memoriam quæ Deus in Ecclesiæ suæ salutem olim egerat, ut se in meliorem spem erigant, sicuti visum fuit initio Psalmi 22. Neque enim subsistunt in nuda comparatione, quæ diuortium faceret inter eos qui Diuinitus fuerunt seruati, & qui nunc sub afflictionibus laborant & gemunt: quin potius vinculum sanctæ coniunctionis sibi proponunt in Dei fœdere, ut inde colligant, ad se pertinere quicquid vnquam in Deo bonitatis experta est Ecclesia. Expostulant quidem primis verbis, quærentes quid sibi velit paterni fauoris interruptio: sed mox se ipsos colligunt, quia succedit noua cogitatio de fide & constantia Dei, qui eos non minus quam Patres adoptauit. Quamquam mirum non est, in animis piorum diuersos inter se affectus etiam precando configere. Sed Spiritus sanctus immodicum dolorem sedando, querimonias omnes cum patientia & obediendi studio conciliat. Cæterum quod dicunt redemptionem sibi narratam fuisse à Patribus: præcepto Legis respōdet, quo iubentur patres docere filios suos. Atque hodie idem onus sibi à Deo esse iniunctum meminerint fideles: quia doctrinam salutis deponit apud eos hac lege, ut ad posteros transmittant: & quantum in se est, studeant eius imperium prorogare, quo per continuas ætates viget eius cultus.

4. *Quoniam non in gladio.* Confirmat à contrariis quod nuper docuit. nā si proprio Marte & industria, terræ hæreditatem adepti non sunt, sequitur, alie a manu fuisse plantatos. Quamquam

enim egressa est ex Ægypto magna multitudo hominum: tamen quem imbelles essent, & seruilibus tantum operibus afflucti, statim consumpti fuissent ab hostibus, qui & copiis & virtute longè præstabant. Denique claris signis tam suā infirmitas populo, quam Dei virtus testata fuit: ut meritò fateri debuerint, terram non suo gladio partam fuisse, & salutem Dei manu sibi fuisse allatam.

*Dextra* autem coniungitur *brachium*, amplificandi causæ: ut sciamus non vulgari modo fuisse seruatos. *Lumen vultus* hoc loco (ut alibi) pro fauoris declaratione capitur: quia sicuti Deus faciem suam oppositis miseris quodammodo obnubilat & contrahit: sic rursum Israëlita, quum eius virtute freti, hostes sine magna difficultate longè lateque proficere rēt, serenam & lucidam eius faciem intuiti sunt, ac si palam se illis propinquū ostenderet. Notanda autem ratiocinatio est qua vititur Propheta populum gratuito Dei dono, terræ esse hæredem; quia virtute sua eam minime acquisierit. Tūc enim demum tribuere Deo incipimus quod suum est, ubi expendimus quam nihili sint vires nostræ. Et certè quod malignè sepeliunt ut plurimum Dei beneficia homines, non aliunde finit nisi quod falsa imaginatione aliquid sibi proprium arrogant. Quare hæc optima gratitudinis ratio, ubi stultæ propriæ virtutis opinio euauerit. Sequitur deinde illustrius gratiæ Dei elogium: ubi tota causa in Dei beneplacitum conferatur. Neque enim aliquam in Abraham persona dignitatem Propheta fingit, vel in eius posteris aliqua merita fabricat, curtam liberaliter cū ipsis egerit Deus: sed totum ascribit Dei beneplacito: quod sumptū videtur ex Moïsi cōtestatione, Nō quia plures essetis aliis gētibz vel præstatiōes, elegit vos Deus, sed quia dilexit Patres vestros, Deut. 4. 37. Etsi autē specialis hīc sit mētio terræ Chanaā, generale tamē sumpsit principium Propheta, cur populum illum Deus in grege suo censere dignatus sit. Et certè hic fons & origo est Ecclesiæ, nempe gratuitus Dei amor: & quibuscūque beneficiis prosequitur Deus suā Ecclesiā, ex eodē fonte manat. Ideo quod collecti sumus in Ecclesiam, quod fo-

uemur ac protegimur Dei manu: causa non alibi quàm in Deo querenda est. Nec verò hic de communi Dei benevolentia agitur, quæ se extendit ad to-

tum humanum genus, sed distinguitur electus populus a reliquo mûdo, & discriminis causa ad merum Dei beneplacitum refertur.

5 *Tu ipse Rex meus, Deus manda salutes Iacob:*

6 *In te aduersarios nostros cornu petiuimus: in nomine tuo calcauimus insurgentes contra nos.*

7 *Quia non in arcu meo sperabo, & gladius meus non seruiabit me.*

8 *Certè seruasti nos ab hostibus nostris, & os fores nostros pudescisti:*

9 *In Deo laudabimus toto die, & nomini tuo in seculum confitebimur. Selah.*

5 *Tu ipse Rex.* Hoc versu clarius exprimiunt quod paulò antè attigi, nempe Dei bonitatem non solum in liberando populo fuisse còspiciam, sed per continuas ætates fluxisse: ideo dicit, *Tu ipse Rex meus.* Hoc enim valet (meo iudicio) demonstratiuum **℟̃**: ac si Prophetà lógam beneficiorum Dei seriem in prima redemptione contexeret: vt appareat Deum qui semel Redemptor fuerat populi sui, non dissimilem fuisse erga posteros. Nisi fortè emphaticè positum sit asserendi causa, vt omnibus aliis exclusis & valere iussis, Deum vnũ salutis suæ præsidem celebrent. Hinc precationem quoque deducunt, vt Deus nouas salutes ordinet ac emittat populo suo. Nã quia innumeros seruandi modos in manu habet, *salutes* dicitur. quasi nũtios, quocũque visum fuerit destinare.

6 *In te aduersarios.* Exponit Prophetà quomodo se Deus Regem populi ostenderit: tantum enim virtutis suppeditasse, vt cunctis hostibus essent formidabiles. Nam huc pertinet similitudo à tauris sumpta, plus quàm humano robore fuisse instructos, vt quicquid obuium esset, cornibus dissectum ac prostratum calcarent. *In Deo, & in nomine Dei,* idem valent, nisi quòd posterior loquutio significat, victorem ideo fuisse populum, quia sub Dei auspiciis militabat. Cæterum, quod de Patribus nuper dixerant, nunc applicant ad seipsos: quia idem erat Ecclesiæ corpus, & con-

sulto id faciunt ad colligendam fiduciã: quia si à Patribus se disungerent, diuersa ratio cursum gratiæ Dei quodammodo interromperet. Nunc vbi datum sibi esse fatentur quicquid in Patres Deus contulerat: securè petere licet vt continuet opus suũ. Porro tenendũ est quod suprà admonui, hac ratione Deo in solidum ascribere suas victorias, quia nihil tale gladio vel arcu suo còsequi poterant. Antithesis enim ista melius illustrat Dei gratiam, vbi reputamus quanta sit nostra inopia, & quàm nihil simus extra Deum. Iterum ergo repetunt, se Diuinitus fuisse seruatos, ab eodẽ Deo expulsos fuisse hostes & pudefactos.

9 *In Deo laudabimus.* Conclusio est primæ partis. Nam in summa agnoscunt tantam seculis omnibus fuisse Dei bonitatem erga filios Abrahæ, vt continua gratiarum actionis materia suppeteret. Perinde enim ac si adhuc in re præsentiforent, assiduam se Deo laudem debere agnoscunt: quia non vno seculo vel exiguo tempore, sed continuis ætatibus floruerint. nam quicquid fœliciter contigerat, acceptum referunt eius gratiæ. Et certè tunc demum ex rebus prosperis sancta & ritè composita læticia cõcipitur, dum erumpit in laudes Dei. Ergo versum hunc meminimus ad lætum illud tempus referri quo Deus populum suum fanore prosequabatur: deinde hîc fideles testari suam gratitudinem, dum omni falsa iactantia deposti-

ta fatentur ab vno Deo profectas esse omnes victorias, quibus in sublime elati fuerant, & vnica eius virtute se habetenus stetit incolumes. Tertiò non semel vel iterum duntaxat sibi datam

canendi fuisse causam, sed longo temporis successu varia paterni fauoris documenta sibi exhibita fuisse, vt merito longa possessio spem eorum stabilitate debuerit.

10 *Veruntamen abominatus es & pudefecisti nos, & non egrederis cum exercitibus nostris.*

11 *Conuertisti nos retrorsum ab affligente, & os fores nostri conculcauerunt sibi.*

12 *Dedisti nos quasi oues in cibum: & inter Gentes disperxisti nos.*

13 *Vendidisti populum tuum, nec inde diuitia, & non auxisti pretia ipsorum.*

14 *Posuisti nos opprobrium vicinis nostris, ludibrium & subsannationem his qui circum nos sunt.*

15 *Posuisti nos prouerbum in Gentibus, agitationem capitis in populis.*

10 *Veruntamen abominatus.* Nunc sequitur expositio qua praesentes ærumnas & extremam calamitatem deplorant. Describitur autem natiuitas, quæ non modò testatur Deum à solita beneuolentia destituisse, sed palam esse aduersum populo suo & infestum. Primò queruntur, se per odium fuisse reiectos. Id enim propriè significat verbum **תנן**, quod Abominari, cum aliis, vertimus. Quanquã si quis malit, Oblivisci, vel longè abesse, non reclamo. Addunt postea, se probro fuisse expositos: quia scilicet nudatis Dei præsidios infelicitèr omnia succedere necesse fuit. Quòd etiam mox declarant, vbi dicunt, Deum iam non egredi quasi Ducem vel Antesignanum, vbi ad bellandum prodeunt. Postea longius extendunt suas querimonias, quòd Deus ipsos in fugam coniecerit, quòd in prædam & cibum exposuerit. Nam quia Sanctis hoc persuasum est, fortes & animosos esse homines quatenus eos Deus sustinet arcana sua virtute: statuunt, in fuga & trepidatione Diuinitus metum incuti, vt ratio & cor deserant miseros homines. Atque hæc sententia sumpta est ex Lege, Deut. 32. 30, vbi dicit Moses, Quomodo corã vno fugerent mille, vel duo fugarent decem millia, nisi quia Dominus tradidit nos,

& conclusit in manum hostium? Quum ergo hoc fidelibus testatum foret: non imputant fortunæ quòd expauescant ad hostium conspectum, in quos prius in trepidè fortes impetus facere soliti erant: sed cælesti decreto fieri sentiunt vt agantur retrorsum. Et sicuti antea confessi sunt, fortitudinem suam priorem fuisse donum Dei, sic vicissim timiditatem à Deo sibi inflictam esse agnoscunt. Vbi autem ita Deus animos fregit, dicunt se parere hostium libidini. Sic enim interpreto partikulã **וה**, quòd hostes pro arbitrio & sine vlla repugnàtia quasi suam prædam diripuerint. Eodem pertinet altera comparatio, vbi dicunt se datos fuisse in cibum. quo significat Propheta, iam ante prælium deuictos, ad satiandam hostium ingluuiem, vltro ante pedes iacuisse. Notandũ, verò est, Deum fieri harum calamitarum authorem, non obstrepenti causa, sed vt confidentius ab eadem manu quæ percussit & vulnerauit, remedium petat fideles. Et cerè fieri non potest vt qui fortunæ imputat sua mala, seriò ad Deum confugiant, vel ab eo auxilium expectet & salutem. Quare vt medeat Deus nostris miseriis, statuere conuenit, non eas temere vel casu accidisse, sed eius manu esse inflictas. Vbi autem se proiectos



iectos hostibus fuisse dixerunt, simul addunt se dispersos fuisse inter Gentes, quæ dissipatio, ceterum moribus erat acerbior. Nam quum tota illius populi gloria & felicitas in eo posita esset, ut sub Deo vno & Rege vno collecti, vnus essent corpus, miseri Gentibus quasi lacera membra, signum fuit extremæ maledictionis.

13 *Vendidisti populum.* Venditos se absque lucro fuisse dicentes, intelligunt se proposituros quasi vilis & nihili mercipia. Secundo etiam membro videntur ad morem licitandi alludere. Scimus enim vanales seruos non ante fuisse addictos emptoribus quàm licitatio pretiū auxisset. Intelligunt ergo, quia pro nihilo habiti fuerint, se fuisse proiectos, ut deterior esset sua conditio quàm omnium seruorum. Quod autem se potius ad Deum conuertunt quàm ad hostes, de quorum superbia & crudelitate conqueri iure poterant, hinc discamus nihil melius nobis esse vel utilius, quàm in rebus aduersis reputare Dei providentiam & iudicium. Etsi enim ubi nobis molesti sunt homines, cum diabolo qui eos instigat, nobis negotium est ad Deum tamen ipsum conscendere necesse est, ut sciamus ab eo nos probari & examinari, siue ut nos castiget, siue ut patientiam nostram exerceat, siue ut virtuosos subigat carnis nostræ affectus, siue ut nos humiliet erudiatque ad nostri abnegationem. Itaque quum audimus tam probrosè habitos fuisse qui sub Lege vixerunt Patres, non est cur nos vllæ contumeliæ delicias si quando huc nos Deus pertrahat. Neque enim Deus hinc simpliciter quilibet populum, sed suum vendidisse dicitur, ac si iam contempnibilis esset ei sua hæreditas. Ac idè hodie etiam licebit in precibus nostris conqueri, modò fidem nostram fulciat hoc exemplum, ne animos quantumuis afflicti despondeamus. Alio sensu dicit apud Iesaiam Deus populum à se venditum sine pretio, cap. 52. ver. 3, ut doceat nihil se in illis redimendis fore negotii quia fidem emptoribus non habeat obstrictam.

14 *Posuisti nos.* De vicinis loquitur quibus omnibus vel simultas, vel a-

pertum odium erat cum populo Dei: ac sæpe quidem accidit, ut vicinitas quæ ad conciliandum mutuum amorem valere debebat, inuidiâ, discordia & contentiones generet. Sed peculiaris fuit ratio in Iudeis qui omnibus inuitis terram occupauerant, & quorum religio apud alios quasi belli clasciscum erat. Erat etiam in multis peruersa æmulatio, ut Idumæis quibus Circumcisio inflabat animos, ac si Deum Abraham ipsi quoque colerent. Hæc verò maior fuit indignitas, subici eorum ludibriis quibus propter verum Dei cultum exosi erant. Mali atrocitatem alia circumstantia amplificat fideles, quod vndique hæc probra ingerantur: quia toto circuitu obfessi erant ab hostibus, ut ne momentum quidem illis quietum foret à molestia, nisi mirabiliter fuissent à Deo protecti. Procedunt deinde longius, sed etiam inter Gentes procul disitis communem fuisse fabulam. Quanquam nomen *hunc* quod *proverbum* vertunt, posset tam pro graui imprecatione quàm pro dictæio sumi: sensus tamen eodem reddit, nullum fuisse sub cælo magis detestabilem populum: quia vulgò eius nomen contumeliæ causâ inter prouerbiales figuras volitaret. Huc quoque spectat *concusio* vel *agratio capitis*, de qua dictum fuit Psalmo 22. 8. Nec dubium est quin Dei vindictam, cuius mentio in Lege fiebat, fideles in se compleri animaduernerint. Nam quo melius se experegerent ad consideranda Dei iudicia, quicquid poenarum de ipsis Deus exegit, cum eius minis conferre, curæ illis fuit. Lex autem, ista Gentium ludibria quæ commemorant, ad verbum denuntiauerat. Et ubi dicit in *Gentibus* & *populis* emphatica est repetitio, quia minimè consentaneum erat ut profanæ Gentes populum à Deo electum suis blasphemis proscinderent. Porro, non abs re conquestos esse, vel vnius Ciceronis locus pro Flacco luculentè testatur, ubi profanus ille Rhetor pro sua superbia, non minus Deo, quàm Iudeis insultat, satis constare gentem esse diis inuisam, quæ tot cladibus subinde attrita, ad extremum miserrima seruitute oppressa erat.

16 *Quotidie opprobrium meum coram me, & ignominia vultus mei obtexit me.*

17 *A voce exprobrantis & conuictantis, à facie aduersarij & ultoris.*

18 *Totum hoc venit nobis, & non obliti sumus tui, nec perfidè egimus in fœdere tuo:*

19 *Non deflexit retro cor nostrum, nec declinavit gressus noster à semita tua.*

20 *Licet contriueris nos in loco draconum, & operueris nos umbra mortis,*

21 *Si obliti sumus nomen Dei nostri, & expandimus manus nostras ad Deum alienum:*

22 *Annon Deus requireret hoc? quia ipse nouit abscondita cordis.*

16 *Quotidie.* כִּלְיָיו longam durationem significat, sed potest accipi pro toto vel integro die à mane vsque ad vesperum, vel pro dierum recurſu. Vtranuis expositionem eligas, summa est, nullum esse malorum finem. Quod iterum mutatur numerus, nihil absurdi est, concipi totius Ecclesiæ sermonem quasi in persona vnius hominis. Sequitur postea cur pudore obruti vultum & oculos attollere non audeant: quia nulla datur à petulantia & hostium conuictis respiratio. Nam si permissum fuisset in latebras se abdere, deuorassent utunque in silentio suas misérias: sed vultus duplicatum est, quum proteruè illuderent hostes. Hunc ergo malorum cumulum sibi impositum esse deplorant: quod assiduè cogantur probra & blasphemias audire. & hostes suos vocant ultores. quo nomine apud Hebræos truculentia & crudelitas notatur cum fastu conuicta, sicuti diximus Psalmo 19.

18 *Totum hoc venit.* Quum prius Deo ascripserint quicquid patiebantur malorum, si nunc se immeritò affligi dicant, Deum insimulant iniustitiæ: ita iam non sancta esset precatio, imò sacrilega blasphemia. Sed notandum est, fideles, etiamsi in suis rebus aduersis apertas causas non perspiciant, manere tamen in hoc principio defixos, constare Deo rationem cur eos tam seuerè & duriter

tractet. Simul tamen notare operæ pretium est, hic non de tempore præterito verba fieri, sed potius in medium proferri tolerantiam, quæ non vulgare pietatis signum erat, quum obedienter iugo Dei collum subiicerent. Videmus enim ut maior pars, non secus atque equi feroces calcitrant, aduersus Deum fremat, & peruiaciter insaniant. Quare non parum in vero Dei timore profecit qui se in afflictionibus continet sub pia custodia, ne qua impatientia transuersum feratur. Nam & hypocritis facile est in rebus prosperis Deo benedicere: qui simulac rigidus apparet, in furem erumpunt. Commemorant ergo fideles, quauis tot malis à recto cursu abripi potuerint, se tamen non oblitos fuisse Dei, quin semper eum colerent, licet minus propitium ac clementem. Non ergo prædicant superiorum temporum virtutes, sed tantum obiciunt se inter medias afflictiones constanter retinuisse Dei fædus. Et certè satis constat, longè antequam sciret Antiochus, populum multis corruptelis fuisse refertum, quæ Dei vindictam promouerant, ut iactari ab ipsis non debuerit quæ hic laudatur integritas. Verum quidem est, ut paulò post videbimus, Deum illis pepercisse, ut ob eius nomen magis quam propria delicta afflicti fuerint: sed hæc Dei indulgentia efficere non debuit ut se eximeret rea-

tu. Tenendum igitur est, nihil aliud nunc, quam suam patientiam in medium proferre, quia à Dei cultu inter graues & duras tentationes non defecerant. Primo autem negant se fuisse oblitos Dei, quia res aduersæ cælum quodammodo obnubilant, vt Dei memoria facile nobis intercidat, ac si longè essemus ab eo diuisi. Addunt se non fuisse fallaces vel perfidos in eius fœdere, quia tunc maximè, vt dixi, retegatur hominum impietas, vbi præter animi sententiam vrgentur. Tertiò cor suum negant retro fuisse versum. Postremò gressus suos non declinasse à Dei semitis. Nam sicuti quotidie nos Deus inuitat, sic corda nostra semper ad eius vocationē intenta esse decet. Hinc sequitur viarum directio: quia externis operibus & tota vita testamur, cor nostrum Deo sincere additum esse. Vbi posui non declinaui gressus, altera etiam à quibusdam affertur probabilis lectio, Declinare fecisti gressum nostrum. Nam & verbum **U**n transiuiue potest accipi, & nulla negatio ponitur, quāquam de sensu ab illis dissentio, quia locū hunc comparat cum illo Iesaja, 63. 17, Quare nos errare fecisti vt non ambulemus in viis tuis? Potius enim huc tendit querimonia, quoniam Deus manum suam ab illis subduxerit: miserè per denia errasse. nam semitæ Dei non semper referuntur ad doctrinam, sed ad secundos & optabiles euentus.

20. Licet contriueris nos. Particula causalis **U**n vel in aduersatidam resolui debet, vel in aduerbium tēporis. Cohærent enim hi tres versus, & pendet sententia vsque ad illam clausulā, Quia ipse nouit abscondita cordis. Pluribus autem verbis recitant quod nuper vidimus: etiam si in profundum malorum fuerint demersi, steterit tamen rectos in suo gradu. Porro si expendimus in quas redacti fuerint angustias, non videbitur nobis hyperbolicum, quòd se dicunt vsque in abyssum fuisse contritos. Nam per locum draconum nō intelligo deserta & solitudines, sed profundissimos gurgites maris, ideòque **U**n potius de balenis interpretor, sicuti & pluribus aliis locis. atque hanc sententiam confirmat posterius membrum, vbi queruntur se fuisse opertos vobis mortis: quod

tantundem valet ac fuisse absorptos à morte ipsa. Sciamus autem in his verbis dictari nobis à Spiritu sancto precandam formam: ideòque multam fortitudinem nobis præcipi, quæ nos sub malorum omnium congerie sustineat, vt verè testari liceat, etiam in summa desperatione, nos sperasse in Deo, nullis tentationibus excusum nobis fuisse eui timorem, nulla denique mole afflictionū fuisse fractos, quin semper in eum respexerimus. Sed locutiones quibus vtuntur propius notare operæ pretium est. Nam vt ostendant se purum retinuisse Dei cultum, animis & manibus non nisi ad vnum Deum Israel se intentos fuisse asserunt. Neque enim satis fuisset confusam aliquam opinionem deitatis apud se fouere, nisi vera religio apud eos viguisset. Nam & qui Deo obmurmurant quauis cogantur numē aliquod agnoscere, fabricant tamen sibi Deum pro arbitrio. Atque hoc diaboli artificium est, quia non statim potest è cordibus euellere omnem religionis sensum, mentes nostras concutere his machinis, quæ redum esse alium Deum, vel quem hæcenus coluimus, alio modo placandum esse, vel aliunde quàm ex Lege & Euangelio petendam esse gratiæ eius certitudinem. Quum ergo inter malorum agitationes & fluctus, plusquam difficile sit rectè compositos in pura fide manere, sedulò tenenda est ista obtestatio, quòd sancti Patres miseris omne genus cōfecti, non destiterint tamen recumbere in verum Deum. quod etiam clarius deinde in contextu exprimunt, non expandimus manus nostras &c. Quibus verbis significant se vno Deo cōrentos, nō habuisse spes huc & illuc diuisas, neque circumspexisse vt alia subsidia quærent. Vnde colligimus, quicunque animos suos distrahunt in spes varias, obliuisci veri Deitæui non tribuimus suum honorem, nisi in eo solo acquiescimus. Et cerè in legitimo eius cultu primum gradum obtinet fides, & quæ inde nascitur inuocatio: quia præcipua gloriæ suæ pars eieripitur, dñ extra eum quaerimus vel minimam salutis nostræ partem. Meminerimus ergo, hoc verum esse pietatis examen, vbi in abyssos deieci, oculos, spes, & vota dirigimus.



in solum Deum. Quo conuincitur impietas Papatus, ubi postquam verbo tenus confessi sunt se credere vnum Deum, prostituunt eius gloriam ad creaturas. Et si enim excusent, se ad Christophorū & quos finxerunt sanctos confugere, vt illis patronis gratiam corā Deo inueniant, constat tamen in forma inuocandi nullum esse discrimen. Deinde etiā si recipimus quod dicunt, friuola tamen excusatio est, patronos sibi querere: quia non sufficiat Christus, imō sepultū sit apud eos eius officium. Diligenter autem notanda est circūstantia huius loci. nam fideles se negant manus expandisse ad alios deos: quia vitium est nimis vulgare, si continua mala vigeant Deo posthabito, querere alia remedia. quādiu nos blandē & suauiter fouet Deus, ad eum nos conferimus: sed. ubi quid aduersi cōtingit, mox incipimus ambigere. Si verō vltcrius premimur, imō

si nullus est malorum finis, ipsa assidue sollicitat nos ad desperationē, desperatio generat peruersas fiducias. hinc nouorum deorum fabrica. De eleuatione manuum alibi dictum est.

22 *Annon Deus requirer.* Grauis est & seria obtestatio, dum audent Deū suę integritatis arbitrum statuere: vnde constat eos non egisse causam suam coram mundo, sed secum loquutos quasi ad Dei tribunal. confidentius etiam addunt nihil Deo esse absconditum. Vnde enim sit vt saepe Deum testem citēt hypocritæ, nisi quia dum fūco obtegunt suam prauitatem, se ex Dei iudicio elapsos esse putant: atque ita transfigurant Deū, quasi suis fallacijs oculos eius perstringerent. Quoties ergo prodimus in conspectum Dei, veniat simul in mentem eius memoria, quoniam est cordiū cognitor, vanis coloribus nihil apud eum profici.

23 *Certē propter te occidimur quotidie, aestimati sumus inquam oues mactationis.*

24 *Exurge, quare obdormis Domine? euigila, ne obliuiscaris in finem.*

25 *Quare faciem tuam abscondis? obliuisceris miseria nostra, & afflictionis nostræ?*

26 *Quoniam afflictā est ad puluerem anima nostra, adhaesit terra venter noster.*

27 *Exurge in auxilium nobis, & redime nos propter bonitatem tuam*

23 *Certē propter te.* Alia ratione, Dei misericordiā sibi cōciliant fideles, quia non ob sua maleficia plestantur, sed tantū propter Dei nomen infestos sibi habeant incredulos. Videtur quidē primo intuitu stulta esse querimonia. nam speciosior fuit illa responsio Socratis in obiurganda vxore, quum diceret, Satiū esse infontem perire, quā suā culpā. Imō cōsolatio quam proponit Christus, Matth. 5. 10, videtur longē ab his verbis differre. Beati qui persecutionem patiuntur propter iustitiam. Item Petrus Si quis propter nomen Christi patitur, hæc potius materia est lætitiæ & gratulationis, 1. Pet. 4. 14. Respondeo, Quā-

uis optimum sit doloris solatium, causam nobis esse coniunctam cum Christo: non tamen frustra nec perperam fideles Deo obicere, indignē se eius causa affligi: quo se acius vindicem opponāt. quia æquum est, rationem ab ipso haberi suę gloriæ, cui tunc insultant impij, dum proteruē sæuiunt cōtra eius cultores. Hinc verō clari⁹ pater, quo tempore in exilio languebat populus, vel Antiochus vastabat Ecclesiam, compositum fuisse hunc Psalmum. quia tunc religio, afflictionum causa fuit. Nā Babylonios ad rabiem adigebat populi cōstantia: cū viderentā victis & profligatis suas superstitiones adhuc dam-

nari: & tota Antiochi rabies ad exting-  
guendum Dei nomen ferebatur. Auge-  
tur etiam indignitas, quod impiorum li-  
bidinem adeo non compescit Deus, vt  
laxatis habentis assidue in sua truculen-  
tia pergant. dicunt ergo se *quotidie occidi*,  
deinde non alio esse in pretio *quam oues*  
*mactationi* destinatas. Caterum memo-  
ria repetere conuenit quod suprà atti-  
gi, non ita fuisse puros ab omni noxa,  
quin Deus iustas de eorū peccatis pœ-  
nas exigeret. sed pro sua incomparabili  
indulgentia sepultis peccatis, iniustus  
persecutionibus nos exponit: vt alacrius  
gloriamur nos crucē ferre cum Christo:  
vt beatæ Resurrectionis socii simus &  
confortes. Diximus autem non alia de  
causa furorem hostium tantopere accē-  
sum fuisse, nisi quia populus à Lege de-  
seiscerit, & verum Dei cultum abicere  
nollet. Tam aptanda est in vsum nostrū  
doctrina: ac primò tenendum est illud,  
exemplo Patrum, placidè ferendas esse  
afflictiones, quibus sancienda est fidei  
nostræ confessio. deinde in profundis-  
simis mortis tenebris constantem inuo-  
candum esse Dei nomen, & in eius ti-  
more perstandum. Paulus tamen vltra  
progreditur, ad Rom. 8. 23, non tantum  
exempli loco hoc recitans, sed depingi  
asserens perpetuam Ecclesiæ sortem. Sic  
ergo statuere conuenit, cælesti decreto  
iniunctam nobis esse perpetuam crucis  
ferendæ militiam, verum quidem est,  
interdum inducias vel relaxationē da-  
ri, quia infirmitati nostræ Deus parcit:  
sed quanuis non semper exerti sint con-  
tra nos gladii, quia tamē sumus Christi  
membra, ad societatem crucis paratos  
esse nos oportet. Ergo ne crucis acer-  
bitas nos terreat: semper hæc Ecclesiæ  
conditio nobis versetur ante oculos,  
quatenus adoptati sumus in Christo, ad  
dictos esse mactationi. alioqui idem  
nobis continget quod videmus multis  
apostatis: nam quia viuēdo assidue mo-  
ri, exponi ludibriis, momentum à metu  
vacuum non habere, nimis durum est  
ac miserum, eorum iudicio: vt se hac ne-  
cessitate eximant, turpiter deserunt &  
abnegant Christum. Ergo ne tadium  
vel horror crucis à pietate nos auellat,  
sit hæc continua nostra meditatio, bi-  
bendum esse calicem quem nobis por-

rigit Deus, nec posse Christianum  
esse, nisi qui se in sacrificium Deo  
offert.

24 *Exurge, quare obdormis?* Iam  
postulant Sancti, vt Deus tandem ipso-  
rum misertus, opem & remedium af-  
ferat. Quoniam autem hanc bulbu-  
riem Deus in sanctorum precibus tole-  
rat, dum exurgere vel expergeferi o-  
ptant: certò tamen persuasos esse con-  
uenit, eum pro salute sua agere excu-  
bias. Neque enim Deum Epicuri finge-  
re licet, qui se otio & deliciis oblectet.  
sed quia pro sensus nostri tarditate, non  
statim apprehendimus quam de nobis  
gerit curam, petunt fideles vt re ipsa de-  
monstrer, neque se obliuiosum neque  
segnem esse. Statuendum quidem est, à  
Deo nos respici, etiam si dissimulet: quia  
tamen hæc persuasio fidei est, non car-  
nis, contrarium illum sensum quem ex  
præsenti rei aspectu concipiunt, fami-  
liariter exonerant in sinum Dei: atque  
hoc modo purulentos affectus ex ani-  
mis suis eiciunt, quo deinde pura & li-  
quida fides emergat. Si quis excipiat,  
orationem, quā nihil magis sacrum est,  
hoc modo pollui, dum peruersa carnis  
imaginatio cum ea miscetur: fateor id  
quidem: sed dum hac licentia vtimur  
quam Dominus permittit, sciamus eius  
indulgentia abstergi vitium hoc, ne pre-  
ces nostras contaminet.

26 *Quoniam afflitta est.* Iterum  
deplorat malorum suorum gravitatem,  
& se inusitato modo affligi, referunt:  
quo Deus ad auxilium ferendum sit  
propensior. nam hac metaphora, non  
tantum se deiectos esse significant, sed  
terræ allisos & affixos, vt surgendi nul-  
la sit facultas. *Animum* pro corpore  
quidam accipiunt, vt sit eiusdem senten-  
tiæ iteratio: sed malo pro parte vitali  
accipere, ac si dixissent, se in terram pro-  
iectos esse, & pronos iacere absque vlla  
spe surgendi: hic querimonia precem  
subiiciunt, vt Deus *surgat in auxilium*.  
Interea *redimendi* verbo significant non  
vulgare se genus auxilii petere, quia al-  
liter quàm redemptione seruari neque-  
āt. Neque tamē dubiū est quin mētes eo-  
rū in præcipuā redēptionē intentæ fue-  
rint, quæ riuos suos emittit, dū nos quoti-  
die variis modis redimit De⁹ ac liberat.

Eti autem nuper piè gloriati sunt de fidei suæ constantia, ut tamen appareat merita non iactasse, hic non reposcunt

quicquam mutuum, sed contenti sunt gratuita Dei bonitate, ad salutis suæ causam.

# ARGUMENTVM PSALMI XLV.

Describitur & splendidis elogiis laudatur Solomonis gratia & decor, quæ in regni administratione, potentia, diuitiis. Præsertim vero quia uxorem alienigenam ex Aegypto duxerat, huic coniugio promittitur Dei benedictio, si modò, noua sponsa, amore gentis suæ valere iussu, totam se marito dedat. Interea non dubium est quin sub hac effigie, maiestas, opulencia & propagatio Regni Christi, suis titulis ornentur ut sciant fideles nihil sibi esse leuius, vel magis optabile quàm subesse Regis huius præstantissimi imperio.

Psalmus XLV.

## Præfatio super lilia filiorum Core, erudiens carmen amorum.

1 Sicuti Psalmum hunc de Solomone esse compositum certò constat, ita incertus est eius autor. Mihi probabile est, siue post eius mortem, siue eo adhuc superstiti, vñ quæpiam ex Prophetis vel piis doctoribus hoc argumentum supposuisse sibi tractandum, ut doceret, quicquid in Solomone spectatum fuerat, altius tendere. Porro vocatur *carmen amorum*, non quia paternum Dei amorem in beneficiis quibus ornatus fuit Solomo, celebrat, sicuti quidam volunt: sed quia gratulationem de læto & felici coniugio continet. ita genitiuus epitheton valebit, ut sit carmen amatorium. Vocatus quidem fuit Solomo דודי דודי, quasi Deo dilectus, 2. Sam. 12. 25. sed contextus, meo iudicio, postulat דודי דודי referri ad nuntium amorem quo se complecti debent coniuges. Sed quia amores

interdum in sinistram partem inclināt, imò coniugalis dilectio nunquam ita rite composita est, quin admixta sit aliqua intemperies carnis: ideo carmen simul vocatur דודי דודי, ut sciamus non agi de obscenis vel minus pudicis amoribus, sed sub Solomonis figura sanctā & diuinam Christi cum Ecclesia coniunctionem nobis proponi. Reliquam partem inscriptionis variè torquent Interpretes. דודי דודי propriè significat liliū: & Psalmus 60 singulari numero ita inscribitur: hinc autem, & Psalmo 80 pluralis numerus ponitur: quare verisimile est vel principium fuisse vulgaris cantici, vel organon musicum. Ego, ut de re non magni momenti, suspendo sententiam, quia sine iactura hoc vel illud sequi liberum erit.

2 *Ebullit cor meum verbum bonum. dicam ego opera mea de Rege. lingua mea, calamus scribe velocis.*

3 *Pulcher es præ filiis hominum. diffusa est gratia in labiis tuis, propterea benedixit te Deus in æternum.*

4 *Accingere gladio tuo super femur tuum o fortis, decore & gloria.*

5 *Et decore tuo prosperare: equitas super verbum equitatis, & mansuetudinis & iustitia: & docebit te terribilia dextera tua.*

6 *Sagittæ tuæ acutæ (ut populi sub te cadant.) in corda inimicorum Regis.*

2 *Ebullit cor meum.* Præfatio satis ostendit non esse vulgare huius canuici argumentum: quia promittit, quisquis fuerit author, verba se facturum de rebus magnis & præclaris. Quam autem non soleat Spiritus uaccas inflare ad

spargendum inanem sonitum, colligere licet, hinc non differi de caduco tantum Regno, sed aliquid excellentius tractari. quorum enim tam magnifica oratio pertinet, cor Prophetæ *ebullire*, ut laborem suum & operam narrandis Re-



gis laudibus impendat? Quamquam autem aliis magis placet Verbum emitte re, altera tamen Verbi significatio melius congruere visa est, quam probat no men ex hoc verbo deductū מְרַחֵם hoc est, sargo vbi fringuntur placentæ: quod seniel & iterum occurrit apud apud Mo sen. ac si dixisset cor suum ali quid præclarum & memorabile spirare. Consensum deinde cordis & linguæ prædicat, vbi *linguam calamo scriba ce leris* & prompti comparat. Orditur au tem ab encomio pulchritudinis: dein de addit eloquentiæ laudem. Porro for mæ elegantiæ in Rege laudatur, nõ quòd per se decor oris, magni æstimari de beat, qui inter virtutes locum nullum obtinet: sed quia in ipso vultu sæpe re luceat generosa indoles: sicuti solo as pectu ostendere potuit Solomo se exi miis dotibus esse præditum. Non imme ritò autem laudatur in Rege facundia: cuius partes sunt non modò consi lio & autoritate populum regere, sed etiam rationibus & sermonis gratia al licere in obsequium: sicut veteres in ore Herculis aureas catenas sinxerunt, quæ vulgus hominum auribus traherent. At que hinc hodie cõuincitur Regum igna uia, qui suæ dignitati minimè consenta neum esse putant verba facere quibus flectantur subditi: imò barbaram tyran nidem eo produunt, quòd illis proposi tum est cogere magis quam periuadere: & mancipiis potius abuti, quàm æqui tate & legibus gubernare docilem & morigerum populum. Caterùm vt hæc dexteritas in Solomone spectata fuit, sic longè plenius deinde refulsit in Chri sto, cui doctrina pro sceptro est: sicuti paulo pòst fufe dicendum erit. Particu la מְרַחֵם non ponitur illatiuè hoc lo co, ac si Solomo propter formæ & elo quentiæ gratiam benedictus esset, quum virumque horum, Dei sit benedictio: sed potiùs causæ redditio est, cur Solomo his donis excelluerit, quia scilicet Deus eum benedixerat. Nam quod alii expo nunt, Deus tibi ob præstantiam tuam benedicit, frigidum est ac coactum.

4 *Accingere gladio.* Hic tam à bel lica fortitudine, quæ terrorem hostibus incutit, quàm à virtutibus, quæ reueren tiã apud subditos consiliant, laudatur

Solomo. nam & suos tueri ac defendere Rex non poterit, nisi formidabilis sit hostibus: & parum erit, audacter bellare contra externos, nisi interior regni status ad æquitatem & iusticiam compositus sit. Primò ergo dicit, gladium quo ac cinctus erit, insignæ fore bellici roboris ad profligandos hostes: deinde etiam potentiæ, ne sit inter suos contempti bilis. simul adiungit, gloriam qua flo rebit, non euanidam fore, sicuti vana Regum ostentatio statim concidit: sed prosperos & diuturnos habi turam successus. Secundò descendit ad virtutes, quæ in pace & tranquillo statu melius nitent: quas eleganti meta phora docet veras esse regni fulturas. Videtur quidem primo intuitu aspera locutio, *equitare super veritatem, mansue tudinem, & iusticiam*: sed quemadmo dum dixi, aptissimè hæc virtutes vehicu lis comparat, quæ Regem in sublime attollant: & eas opponi non modò ina nibus pompis, quibus se iactant terreni Reges, sed vitiiis & corruptelis, quibus vtpurimum conantur autoritatem sibi acquirere. Dicit Solomo ipse in Pro uerbiis, Iustitia & clementia stabiliri Regis thonum. Atqui dum volunt pro fani Reges potentiam suam efferre & munire, equi eorum & quadrigæ sunt ambitio, fastus, ferocia, crudelitas, exa ctiones, rapinæ, violentiæ itaque non mi rum si Deus sæpe ex ventosis vel putri dis soliis eos deturbet. Quare hæc vera est ac solida Regnorum stabilitas, fidè & iusticiam colere, & clementia mo derari suum imperium. Posterius mem brum admonet, scilicet cessurum quic quid Solomo tentabit, si temperamen tum iustitiæ & mansuetudinis, bellicæ fortitudini adiungat. nam qui cæco & turbulento impetu feruntur Reges, etiã si ad momentum metu & pauore omnia repleant, mole statim sua concidunt. fa cit igitur iusta & æquabilis moderatio vt manus fortium tremendæ sint. Proxi mo versu redit ab bellicam potentiam, quum dicit *sagittas Regis aculas* fore, vt penetrent in cerna hostium: quibus verbis significat hostes in manu esse, quibus pro cul feriat hostes quicunque eius imperio repugauerint. ouo etiam sensu *portulus* sub eo *sternendo* fore dicit: ac si diceret,

Quicumque ausi fuerint ad labefectandum Regni eius statum insurgere, misere periruros : quia ad frangendam omni-

nium contumaciam satis erit presidium in Regis manu.

7 *Solum tuum Deus in seculum & usque: sceptrum rectitudinis, sceptrum regni tui.*

8 *Diligis iustitiam, & odio habes impietatem: propterea unxit te Deus Deus tuus oleo letitiae praecōsortibus tuis.*

7 *Solum tuum.* Alias regias virtutes in Solomone commendat, quod solum eius æternum sit: deinde quod iusta rectaque gubernandi ratio. Nam quod Iudaei locum hunc deprauant, quasi ad Deum fieret sermo, nimis puridum est. Quod etiam alii **ד'הלן** in gentiuo casu legunt, ratione caret, ac prodit eorum impudentiam, dum Scripturam turpiter lacerare non dubitant, ne Messia Diuinitatem cogantur fateri. Simplex autem & genuinus sensus est, Solomonem non tyrannice dominari, ut pluresque Reges, sed rectis & aequis legibus, ideoque solum eius omnibus seculis fore stabile. Quamquam autem Deus vocatur, quia Regibus aliquam gloriae suae notam Deus inculpsit, non potuit tamen elogium hoc in homine mortali subsistere: quia nusquam legimus vel hominem vel Angelum hoc titulo ornatum esse absque vlla adiectione. Sic qui dem plurali numero vocantur tam Angeli quam Iudices, sed nemo vnus vocatur **ד'הלן** quin addatur aliqua restrictio: sicuti dum Moses constituitur in in Deum Pharaonis: Exod. 7. 1, vnde colligere licet, canticum hoc altius quam ad umbratile regnum spectare, ut mox videbimus. Proximo versu ponitur clarior definitio rectitudinis, quod scilicet non minus seuerus sit iniquitatis vindex quam assertor iustitiae. Scimus enim quantas dissipationes gignat impunitas & licentia, ubi Reges in puniendis sceleribus molles sunt & remissi: vnde illud veteris dicitur, Deterius esse viuere sub Principe sub quo licent omnia, quam sub quo nihil licet. Nota est etiam Solomonis sententia, Prou. 17. 15, Qui iustificat impium & condemnat iustum, vterque abominatio est Deo. Recta igitur moderatio his duobus membris constat, ut

qui praesunt, seuerere coerceant maleficia, & iustitiam strenue asserant: sicuti à Platone scite & prudenter dictum est, politicum ordinem duabus partibus constare, praemiis, & poenis. Quod addit *unctum fuisse praecōsitiis*, non ponitur tanquam effectus iustitiae, sed potius causa est: quia inde recti & a qui studiū Solomoni, quod populo in Regem Diuinitus praefectus esset. Nam Deus ad honorem & imperium destinans, simul necessariis dotibus eum instruxit: itaque particula **ד'הלן** rursus hoc loco valet quia recti iaceret, non mirum esse quod Solomo tam praecclarus sit iustitiae cultor, quandoquidem electus est ex fratribus numero, qui Sacra vocatione Rex adoptaretur. Nam caelesti oraculo, antequam nasceretur, nuncupatus est regni successor: & postquam impositus est solio, regis quoque virtutibus ornatus est. vnde sequitur, vocationem ordine priorem fuisse iustitiam, atque ita non posse eius causam censer. *Oleum letitiae* vocatur ab effectu, quia Ecclesiae felicitas & salus ex regno illo pendebat.

Huc usque literalem sensum exposui: nunc Solomonis cum Christo comparatio, quam obiter attigi, paulo vberius nobis tractanda est. quamquam piis & modestis hominibus sufficere, quod frequenti Scripturae vsu notum est. Veteri populo in posteris Davidis propositam fuisse Christi imaginem, quia tamen Iudaei & alii prophani homines non facile veritati cedunt, ex contextu ipsius breuiter colligere operae pretium est, non solide nec perfecte in Solomonem competere partem eorum: quae hic dicuntur. At tale sane, ut initio admonui Prophetarum consilium fuit, à trepidatione reuocare pias mentes, quam incutere potuit tristis mutatio, quae paulo post acci-

accidit. Promissa fuerat regni æternitas, quod vno homine mortuo collapsum est. Excipit igitur Propheta, Quâvis abscessa magna parte populi, in fines águstos redactus fuerit Rehabeam, qui primus fuit tam splendori & opulenti regni successor, non esse tamê cur labascatur Ecclesiæ fides: quia illic exhibita fuerit figura æterni regni quod adhuc sperandum erat. Ac primum quidê *Regis* nomen per excellentiam Solomoni tribuitur, vt sciamus non de Rege quolibet haberi sermonem, sed memorabili illo Rege, cuius solium Deus statutum promissit, donec fulgeant in cælo Sol & Luna, Psal. 72. 5. Dauid certè Rex fuerat, & qui deinde sequuti sunt. Notatio igitur est in hac voce, acsi hunc vnum ex aliorum ordine delectum Spiritus sanctus in summo gradu locaret. Iam bellicam fortitudinem in Solomone tantopere celebrari quî conueniet, qui & mansueto fuit ingenio, & tranquillum statum adeptus, pacis artes tantum coluit, nullum vnquam in bello edidit sui specimèn? Sed nihil hoc testimonio clarius afferri potest, vbi asseritur Regni perpetuitas. Neque enim dubium est quin notetur oraculum cuius nuper meminimus, Donec Sol & Luna in cælo maneant, stabit quoque solium Dauidis, Psal. 72. 5. Atqui hoc Iudæi etiam ipsi coguntur ad Messiam referre. Ergo Propheta quâvis de filio Dauidis sermonem inchoauerit, spiritu tamen altius ascendens, Regnum veri & perpetui Messie complexus est. Huc accedit nomen מלך, quod etsi communiter ad Angelos & homines transfertur, simpliciter tamen in vnum hominem non quadrat. itaque non dubiû est quin Diuina Christi maiestas discretè hic notetur. Nunc descendendo ad singulas partes, quas tamen obiter tantum percurrâ. Diximus carnem ita vocari *amatorium* vel *nuptiale*, vt sancta eruditio primum locum obtineat, ne quos fingamus lasciuos amores vel terrenos. Eodem sensu sciamus Christum vocari *speciosâ formâ*, non quod oris pulchritudine spectabilis fuerit, sicuti crassi homines somniant: sed quia eximiiis dotibus ornatus fuerit, quibus alios omnes supereminet. Neque enim nouum est, quod

in Christo spirituale est, sub terrenis figuris describi. Regnum Christi opulentum fore dicitur: additur magnificus splendor, qualis in sælici abundantia & magna potentia conspicitur: adduntur etiam deliciae. atqui nihil horum cõuenit Christi regno, quod alienum est à mundi pompis. sed Propheta quum suâ doctrinam accommodare vellent ad caput populi, non de illo secus ac de cultu Dei loquuti sunt, quẽ adumbrant sub Legalibus ceremoniis. Hanc analogiam si tenemus, nulla restabit huius loci obscuritas. Iam quod Rex Diuinus, postquã laudatus est à facidia, armatur etiam gladio: notatu dignum est. nam & oris facundia voluntarios ac dociles gubernat: & quia multi omnibus seculis rebelles fuerunt & immorigeri, ac futuri sunt, necesse est omnes incredulos exitio suo sentire, Christum nõ venisse inermẽ. Ergo dum nos suauiter ad se inuitat, subeamus prompto obsequio eius iugũ, ne gladio & mortiferis sagittis accinctus in nos ruat. Meritò quidẽ dicitur, in labiis eius diffusam esse gratiam, quia Euangeliũ, vitæ odorem natura sua spirat: verum si præfracti simus, hac gratia in terrorem vertetur: & Christus ex salutis doctrina, gladium sibi & sagittas conflabit. Hinc etiam nobis suggeritur non parua consolatio, ne multitudo & superbia hostium Christi nos exanimet. Videmus quã superbẽ Papistæ Christum repudient, quem sibi iactant esse Regem: quã prophano etiam contemptu maior pars mundi illudat: quã petulanter Turcæ & Iudæi maledicant. Ergo in rebus tam confusis occurrat nobis vaticinium hoc gladium & sagittas sternendis & perendis hostibus suppetere. Iterum breuiter hoc loco repetam quod antè attigi: vitæ quæ versum hunc suis cauillis eludere Iudæi conentur, Solium tuum Deus in seculum seculi, satis tamen valere ad æternam Christi diuinitatem probandam: quia dum nomen מלך vel Angelis vel hominibus adscribitur, simul addi solet nota aliqua quæ discernat eos à vero & vnico Deo: hic autem simpliciter confertur in Christum & absque vlla exceptione. Iam verò notare operæpretium est, sermonem



hic de Christo haberi, quatenus Deus est manifestatus in carne. Etsi enī Deus vocatur, quia Sermo est à Patre genitus ante secula, hic tamen statuitur in persona Mediatoris: unde & paulo pōst Deo subicitur. Et certē si ad Diuinam eius naturam restringas quod dicitur de æterno eius regno, peribit nobis inæstimabilis fructus, quem ex hac doctrina percipimus, quatenus caput est Ecclesie, & salutis nostræ custos ac pascēs, nō

regnare ad tempus, sed æterno imperio potiri, quia hinc nobis solida tam in vita quā in morte securitas. Clarē etiam ex proximo contextu patet, Christum nobis mediatorem proponi, quia vnctus à Deo suo dicitur, & quidem prae sociis. Id autem in æternum Dei Sermonem non competit, sed in Christum carne indutum, in qua & seruus Dei est, & frater noster.

9 *Myrrha & aloë, & casia omnibus vestimentis tuis ex palatiis eburneis unde latificauerunt te.*

10 *Filia Regum inter honorabiles tuas: astitit coniunx ad dexteram tuam in auro Ophir.*

11 *Audi filia, & vide & inclina aurem tuam: & obliuiscere populum tuum & domum patris tui.*

12 *Et amabit Rex decorem tuum: quia ipse dominus tuus, & adorabis eum.*

13 *Et filia Tyri cum munere: vultum tuum deprecabuntur diuites populi.*

9 *Myrrha & aloë.* Ego de vocibus anxie non disputo, quia ne inter Hebræos quidem satis conuenit quid significet tertium nomen, nisi quod ex similitudine conicere licet esse casiam. Satis est quod Propheta dicit vestes Regis, aromaticis & pretiosis odoribus esse perfusas. Solomonem verò describit prodeuntem ex eburneo palatio. unde omnes ei gratulantur & applaudunt. Particulam enim *ו* non interpretor ex me, quia nullum tolerabilem sensum inde elicere liceret, sed refero ad palatia. Quanquam autem non in plebe modo, sed in Regibus quoque virio non carent luxuria & superflua delicia: ab altera tamen parte cauenda est nimia austeritas, ne moderatum splendorem, qui eorum dignitati respondeat, prorsus damnemus, sicuti paulo pōst inducitur Regina sumptuose & magnifice ornata. Interea tamen sciendum est, nō probatum fuisse Deo quicquid hic laudatur in Solomone. Atque vt de aliis taceam, Deo certē statim ab initio displicuit polygamia. Atqui inter benedictiones Dei ponuntur concubinae, neque

enim dubium est quin per *honorabiles* Propheta significet vxores quarum a libi sit mentio. Quauis enim summum gradum teneret vxor Aegyptia, alias tamen quas Sacra historia in medio ordine ponit, liberaliter & honorifice tractatas fuisse apparet: quas ideo filias Regum vocat Propheta, quod ex illis nonnulla regio genere orta essent. Quo modo igitur polygamiam quam Deus in priuatis omnibus, nominatim verò in Regibus improbat, in Solomonis laudibus recenset Propheta? Certē colligere promptum est, dum vulgari more celebrantur Regis opulentia & gloria, non probari abusum: quia Prophetae consilium non fuit, exemplum hominis in certamen cum Dei regula committere. Fuit quidem potentia, dignitas & splendor Solomonis, non vulgaris Dei benedictio: sed quā ipse (vt fieri solet) multis corruptelis vitiauit, dum sibi nō satis temperat, sed largiore copia ad carnis suae licentiam abusus. In summa, quā liberaliter Deus rerum omnium abundantiam in Solomonem effuderit, hic narratur. Quod autem sibi

coaceruauit multas vxores, nec frugalem modum in splendore adhibuit, hoc est quasi accidentale.

II *Audi filia.* De vxore AEgyptiaca, quam nuper dixit stare ad dextrum latus Regis, sermonem haberi nō dubito. Etenim Solomoni alienigenam ducere vxorem fas non fuit, merito tamen hoc quoque numeratur inter Dei dona, quod à Rege potentissimo quæsitum fuerit illius affinitas. Iam verò quia ex Legis præscripto Iudæos oportuit dare operam, vt vxores ante congressum assuefacerent ad purum cultū Dei, & superstitionibus exuerent, puellā ex profana gente natam, quæ per nouū coniugium insita erat in Ecclesiæ corpus, Propheta à praua educatione reuocans, iubet deposita memoria patriæ & paternæ domus, induere aliud ingenium & alios mores. Alioqui enim periculum erat non modò ne priuatim foueret viciosos cultus, quibus assueuerat, sed etiam ne publicè suo exemplo multos in societatem criminis traheret: quod postea contigit. hæc fuit exhortationis ratio, in qua vt auctoritatem sibi consiliat, *filia* nomine vitur, quod in persona cuiuslibet priuati hominis fuisset ineptum. Iam quo melius pateat quanti intersit nouam nuptam prorsus renouari, attentionē pluribus verbis exigit, *Audi, considera, & inclina aurem tuam.* Nam certè hic vehementia & acerbis stimulis opus est, vbi de abnegatione eorum omnium agitur, quæ natura vel consuetudine nobis placent. Admonet autem non esse cur filia Pharaonis agrè patrē, cognatos, totāque AEgyptum deserat: quia ad sedandam absentię tristitiam præclara compensatio occurrat. Contentam enim tali marito esse iubet, vt patria libenter careat. Redeamus nunc ad Christum. ac primò meminerimus, quod spirituale est in eius Regno figurate nobis describi: sicuti propter hominum crassitiem coacti sunt Propheta similitudines mutuari à rebus terrenis. Si tenemus hanc loquendi rationem quæ passim trita est in Scripturis, non mirabimur quod Propheta de palanis eburneis, auro, gemmis & aromatibus prædicat: significat enim foelici bonorum omnium affluencia refer-

rum fore. Quanquam autem donorum spiritualium, quibus Ecclesiam suam Deus locupletat, splendor & dignitas à mundo contemnuntur, coram Deo tamen præstat omnibus mundi diuitiis: etsi necesse non est singula membra curiose ad Christum aptari. quale est quod de multis vxoribus dicitur. Nam si plures fingantur Ecclesiæ, lacerabitur corporis Christi vnitas. Verum quidem est, sicuti quisque fidelium vocatur templum Dei, 1. Cor. 3. 17: ita quodammodo posse vocari Christi sponfam: sed propriè loquendo vnica est sponsa, quæ ex vniuerso populo ceteru colligitur. Dicitur autem sedere ad latus Regis, non quod peculiare aliquod imperium exerceat, sed quoniam in ea dominatur Christus, quo sensu vocatur nostra omnium mater, Gala. 4. 26. Continet autem hic locus insigne vaticinium de futura Gentium vocatio ne: quia factum est vt filius Dei affinitatem cum alienis & hostibus suis contraxerit. Erat enim inter Deum & omnes incircumcisos populos hostile disidium & maceria interposita, quæ illos ab electo Abraham genere discerneret: quia scōdus quod cum Abraham pepigerat Deus, Gentes à regno cælorum vsque ad Christi exhibitionem arcebat. Sacro itaque coniugio mundum dignatus est, non secus ac si olim Iudæus vxorem à Gente extera & profana sumpsisset. Porro vt castam & integram sponfam Propheta Christo sistat, hortatur Ecclesiam ex Gentibus ascitam, vt prioris vitæ oblita, penitus se marito deuoueat. Et quia mutatio hæc qua transfigurantur in nouos homines, qui ex filiis Adæ filii Dei esse incipiunt, difficilis est, eam vehementius vrget Propheta. Nam hac verborum congerie, *Audi, vide, inclina aurem, significat fideles non sine arduo & laborioso conatu se ipsos cum pristina educatione exuere: quia apud propensos & voluntarios superuacua esset talis exhortatio. Et certè experientia ostendit quàm segnes ac tardi simus ad sequendum Deum. Verbo autem videndū meritò perstringitur nostra, socordia, quia inde tam cæcus nostri amor, falsa opinio prudentiæ & virtutis. mundi illecebræ, arrogantia denique & fastus, quod non reputamus quàm pretiosum*

thesaurum Deus in Filio suo vnigenito nobis offerat. nisi obfaret hæc ingratitudo, molestum non esset, Pauli exemplo, ad Philip. capite tertio, versu octauo, quicquid miramur, pro stercore vel nihilo ducere, vt suis nos opibus Christus ditaret. Sicut autem *Filia* nomine noua Ecclesiam blandè & suauiter demulcet: ita & præmio allicit, vt libenter in Christi gratiam, quicquid hæcenus charum habuit spernat ac relinquit. Neque enim vulgare solatium est nos filio Dei in summis deliciis fore. vbi terrenum ingenium exuerimus. Interea discamus, nostri abnegationem sacræ cum Christo coniunctionis principium esse. Nam per domum patris & populum, haud dubiè corruptelas omnes intelligit Propheta, quas ex vtero asserimus, vel quas imbibimus mala consuetudine. imò sub hac loquutione complectitur quicquid ex seipsis habent homines: quia nulla naturæ pars integra est, vel à corruptione immunis. Notanda etiam est quæ additur ratio iustam & legitimam subiectionem excutere Ecclesiam, nisi Christo se addicat. Nam *adoranti* verbo non externa modo cæremonia, sed pius reuerentiæ & præstandi obsequii affectus per synecdochè notatur. Atque vti nam probè, vt par erat, expensa fuisset hæc admonitio: quia & Christi imperio melius paruisset Ecclesia, & hodie de eius auctoritate non esset nobis tantum cum Papistis certamen, qui ecclesiam non satis honorificè haberi putant, nisi cfrani licentia

contra maritum exaltet. Nam etsi summi imperium verbo tenus Christi concedunt, vt coram eo flectatur omnigenum, quum tamen immensam in ferendis legibus potestatem Ecclesiæ arrogant, quid hoc aliud est quam fræno soluere, vt sine modo lasciuiat? Omitto quòd sceleratè titulum Ecclesiæ ad se rapiunt. sed hoc non ferendum sacrilegium est, Christi spoliis ipsam ornare. Est quidem hæc non parua dignitas, sedere ad dexteram Regis, sicuti non vulgaris honor est, piorum omnium cense-ri matrem, quæ sub disciplina sua eos contineat. sed ex innumeris Scripturæ testimoniis colligere promptum est, Christum Ecclesiam suam minimè extollere, vt de suo iure quicquam minuat vel abroget.

13 *Et filia Tyri.* Hæc pars est compensationis, qua Propheta mitigat vel potius abolet desiderium prioris fortunæ, quòd venient Tyrii supplices cum muneribus. Scimus autem quàm celebris fuerit fama Tyri olim: ideo summi honoris loco ponit, ex tam nobili & opulenta vrbe venturos ad summisionem præstandam. Etsi autem minutias omnes sectari vtile non est, vt in Ecclesia reperiamus quæcunque de vxore Solomonis hic dicuntur, hodie tamen fructum aliquem gustamus huius vaticinii quum facit Deus vt nonnulli ex mundi proceribus, licet Christi iugum non suscipiant, Ecclesiam tamen sua humanitate foueant ac tueantur.

14 *Tota gloriosa filia Regis intrinsecus, ex vestibulis auro intextis indumentum eius.*

15 *In vestibulis acupictis adducetur Regi: puella post eam proxima eius adducentur tibi.*

16 *Adducentur in latitiis & exultatione, ingredientur palatium Regis.*

17 *Pro patribus tuis erunt filii tui, constitues eos principes in tota terra.*

18 *Memorabile reddam nomen tuum in omni generatione & generatione: propterea celebrabunt te populi in seculum & usque.*



14 *Tota gloriosa.* Duplex potest esse sensus, Reginam non modò quum in populi conspectum prodit, sed etiam vbi in cubiculo sedet, semper magnifice vestitam esse: vel splendore ornatus non esse fucatum, ad fallèdos simpliciù oculos, sed ex solida opulètia constare. Felicè itaque Regina itarù hac circùstàtia applicat Propheta, quòd nò tantù raris offerationis causà sùptuosas vestes habeat, sed ad quonidianù ornatus. Alii exponùt, totà glorià eius in hoc sità esse quòd eà Rex ad se familiariter inuitet. quia mox tràsitus in cubiculù describitur cum magno & splendido comitatu. Etsi autè pòpa hæc modù excedit, docet tamen interm Propheta, nò ita pretiose vestiri Ecclesià, vt in se còuertat vulgi oculos, sed tantùm in gratià Regis. Ià quòd hodie Ecclesià spiritali decore conspicua nò est, in quo refulgèat Christi diuitiæ, ingratitude hominù impunità est: qui vel sua segnitie liberalitatem Dei respuunt: vel postquà ditati erant, ad inopiam rediguntur.

17 *Pro patribus tuis erunt filii.* Hoc quoque ad regni præsentià facit, quòd posteritas dignitate Patribus nò cedet, atque ita nò minuetur post mortè Solomonis nobilitas generis: quia filii qui ex eo nascètur, proavos omni virtutum excellètia æquabùt. Postea addit *Principes fore in tota terra*, tam latè propagato imperio, vt commodè in plurima regna distribui queat. Porro vaticiniù de Christo hoc, esse facillè colligitur: quia tantùm abest vt filii Solomonis propter regni àplitudinè prouincias inter se partiti sint, vt primus eius hæres exiguà tantùm partem retinuerit. Ita nemo ex legitimis successoribus ad eius potètià accessit, sed omnes vnus tantùm tribus & dimidià domini, quasi in àgustias còclusi fuerùt. Vbi autè ad Christù venit, qui medius fuit inter veterè & nouam Ecclesià, verè filios genuit, numero & præsentià patribus nò cedètes, quos orbi vniuerso præfecit. Etsi enim coràm mundo crucis deformitas Ecclesiæ gloriàm obscurat, si tamen reputamus quàm mirabiliter aucta, & quibus spiritaliù virtutum dōtibus ornata fuerit, fatebimur, non immeritò celebrari eius

gloriàm. Notandum tamen est, principatum hunc, cuius mentio fit, non consistere in personis hominù, sed referri ad caput, nam pasum dominatio & potestas quæ proprie est capius, & peculiariter soli Christo conuenit, transfertur ad membra. scimus enim, qui in Ecclesià maximè eminent, & eà gubernat, Christi nomine non dominari, sed potius esse seruos: sed quia Euangelium suum apud eos deposuit Christus, quod regni eius sceptrum est, eius potestatem quodammodo exercent. Certè Christus per suos ministros sibi orbem subegit, ac totidem sibi crexit principatus quot fuerunt in diuersis regionibus collectæ Ecclesiæ.

18 *Memorable reddam.* Nihilo hoc magis Solomoni congruit, qui turpi & nefanda defectione memoriam nominis sui fœdauit: nam quum superstitionum sordibus terram Deo sacram polluit, nò ne se conspexit æterno dedecore & probro? Certè dignus fuit cuius nomen perpetua obliuio sepultum regeret. Nihilo plus gloriæ promeritus est Rehabeam, qui stolidi sua superbia bonam regni partem amisit. Ergo vt nobis constet elogii veritas, ad Christum transire necesse est, cuius memoria semper viget ac floret. nam etsi contemnitur à mundo, imò superbi homines sacrum eius nomè vel lacerant, vel contumeliose deiiciunt manet tamen ei salua maiestas. Quamquam vndique emergunt hostes innumeri ad opprimendum eius regnum, coram eo tamen flecti incipit omne genu donec potestates omnes sibi contrarias sternat sub pedes suos. Nam furiosi Sathanæ & totius mundi conatus extinguere non potuerùt Christi nomen, quin transfusum ad posteròs, per singulas ætates gloriàm suam obtineat: sicut hodie adhuc videmus linguis omnibus celebrari. Quæquam autem maior pars mundi sacrilegis blasphemii illud proscindit, satis tamen est quòd Deus vbique præcones excitat qui Christi laudes syncerè personent. Interea nostrum est, sedulo dare operam ne vnquam intercadat memoria hæc quæ seculis omnibus superstes vigere debet in æternam hominum salutem.

*Videretur gratiarum esse actio, potius pro certa liberatione, quàm pro continuo Dei auxilio, quo semper flo-  
rent Ecclesia iuratus est. Colligere enim licet, quum ingenti metu percussa esset Ierosolyma, & laboraret in  
summo diſcrimine, fuisse præter spem subita & mirabili Dei viresce ſeruata. Ideo Prophetas, quisquis fuerit  
Pſalmi author, tam inſigne Dei beneficium commendans, hortatur fideles, vt ſe inurepidè in eius tutelam com-  
mittant, nec dubitent, eo caſtode & ſalutis ſuæ vindice freti, contra omnes hoſtiles inſultus, perpetuò ſe fore ſal-  
uos: quia proprium eius munus ſit omnes motus ſedare.*

P S A L M V S X L V I .

**P** *Raſecto filiorum Core, ſuper Alamoth canticum.*

2 *Deus nobis protectio & robur, auxilium in tribulationi-  
bus inuenitur valde.*

3 *Propterea non timebimus dum mouebitur terra, & con-  
cident montes in cormaris.*

1 *Super Alamoth.* In voce עלמות non conſentiunt Interpretes: omiſſis ta-  
men pluribus ſententiis, duas tantum re-  
feram: vel fuiſſe muſicum instrumentum,  
vel initium celebris & noti carminis: at  
que hæc poſterior coniectura magis mi-  
hi probatur. Porro quo tempore compo-  
ſitus fuerit Pſalmus, incertum eſt, niſi  
forte quando repentè ſoluta fuit vrbs  
obſidio, grauiffima clade in exercitu Sē  
nachenb Diuinitus inſiſta, 2. Reg. 19.  
35. quod ego libenter recipio, quia cum  
toto contextu optimè conuenit. Certè  
memorabilem aliquam gratiam Dei ce-  
brari patet, qualis illa fuit.

2 *Deus nobis protectio.* A generali  
ſententia incipit, antequam ad ſpeciem  
liberationis deſcendat. Præfatur enim,  
ſatis eſſe in Deo præſidium ad ſuos ſeruan-  
dos, illiſque dare idoneam ſperandi ma-  
teriam, id enim propriè ſignificat nomē  
חַסְדִּים. In ſecunda parte verſus, ver-  
bum נַחֲמֵנו præteriti eſt temporis ſed  
poſſet non incommodè reſtringi ad ſa-  
lutem ſemel allatam, ſicut etiam alii ver-  
tunt, Inuentus eſt auxilium. ſed quia *tri-  
bulationes*, in numero plurali adiungit  
Propheta, de continuo actu exponere  
placuit, quòd Deus ſe tempeſtiuè offe-  
rat quories vrgent aliqua afflictiones.  
Quanquam ſi de experimentis gratiæ  
Dei loquatur Propheta, præteritum tē-  
pus melius quadrabit. Propheta quidē  
conſilium eſt, extollere Dei potentiam  
& bonitatem erga ſuos: promptum etiā

auxilium laudare, ne in rebus aduerſis a-  
liò circumſpiciant, ſed vna eius prote-  
ctione contenti ſint, ideo diſertè expri-  
mit, talem eſſe Deum erga ſuos, vt ſciat  
Eccleſia peculiariter ſe ab eo deſendi.  
Nec verò dubium eſt quin hac voce ele-  
ctum populum ab alienis & profanis gē-  
tibus ſeparet: atque ita commendat a-  
doptionis priuilegium, quo Deus filios  
Abrahæ dignatus erat. Proinde quum  
dixi generalem eſſe ſententiam, nolui  
promiſcuè extendere ad quaſlibet per-  
ſonas, ſed ad omnia tempora: quia doc-  
et qualiter ſe Deus erga ſuos omnes  
gerere ſoleat. Sequitur deinde illatio,  
nullam eſſe delibus trepidandi cauſam  
quum Deus ſemper ad eos liberandos  
paratus ſit, & quidem inuiſta potentia  
inſtructus. Oſtendit autem Propheta  
quænam vera ſit & legitima ſpei proba-  
tio, vbi ſcilicet rebus ita conſuſis, vt pro-  
pemodum videatur calum rueri, terra  
loco moueri, & montes à radicibus de-  
hiſcere, ſtamus tamen tranquillis & ſe-  
curis animis. Facile enim eſt magnam  
fiduciam præ ſe ferre quandiu periculū  
nullum impendit: verum ſi totius mun-  
di concuſſio animos noſtros labefaceret,  
neque eorū quietem perturbet, hinc fa-  
cilè apparet, Dei potentiæ iuſtum hono-  
rem deſerri. Porro quum dicit, *Non ti-  
mebimus*, pias mentes ab omni ſollicitudi-  
ne vel metu non penitus eximit, ac ſi ſen-  
ſu carerent (ſtupor enim à fidei conſtan-  
tia longiſſimè abeſt) ſed tantum docet,  
qui

quicquid acciderit, nunquam eos terrore obrui, sed potius vires colligere quæ ad placandum terrorem sufficiant. *Terram mutari, & montes cadere in cor maris*, loquutiones sunt hyperbolicæ,

sed quæ significat totius orbis conuersionem. Nam quod nonnulli *cor maris*, de terra exponunt, mihi non probatur. Sed ut constet nobis plena doctrina, ad reliqua pergamus.

4 *Sonabunt & tumultuabuntur aquæ eius, concutientur montes in eleuatione eius. Selah.*

5 *Fluminis riuuli eius latificabunt ciuitatem Dei, Sanctuarium tabernaculorum Excelsi.*

6 *Deus in medio eius, non mouebitur: adiunabit eam Deus ad conspectum auroræ.*

4 *Sonabunt.* Cum hoc versu coniungi debet etiam posterior, quia implet sententiam, ac si dixisset, *Quauis tumultuentur & intumescant aquæ maris, ac violento suo impetu montes ipsos concutiant*, inter horribiles turbas hilariter & placide quiescet Dei ciuitas, exiguis riuis contenta. Nam pronomen relatiuum superuacuum est ex cōmuni vsu linguæ Hebraicæ. Simpliciter enim dicere voluit Propheta, *tenues riuos fluminis sanctæ vrbi plenam lætitiæ materiam daturus, si forte contingat totum mundum labascere*. Iam nuper attigi quàm utilem doctrinam contineat hic locus, nempe tunc demum ritè probari fidem nostram, vbi ad grauissimos conflictus ventum est, adeoque inferi ipsi videntur aperti ut nos absorbeant. Ita nobis depingitur fidei victoria, contra totum mundum, vbi scilicet è rebus confusis sic emergit, ut creaturis omnibus exitium minitantibus, omnes tamen metus superet. Non quòd rideant in periculis filii Dei, aut iocose de morte garriant: sed quia promissum sibi à Deo auxilium pluris æstimant, quàm mala omnia quæ terrorem incutiunt. Præclara videtur Horatii sententia de viro iusto & sibi optimè conscio,

*Si fractus illabatur orbis,*

*Impavidum ferient ruinae:*

Sed quia nunquam repertus est ille quæ fingit, nihil aliud quàm nugatur. Hæc igitur animi magnitudo in solo Dei præsidio fundata est, ut verè iactare queant qui recumbunt in Deum, non modò se impavidos, sed etiam tutos & saluos fore quauis totum mundum

obruent. Nominatim verò Propheta *Ciuitatem Dei latam* fore dicit, quauis non mare aliquod tumultuosum habeat quod opponat fluctibus illis quos retulit, sed tenuem duntaxat flumem. alludit autem ad riuum fluentem ex Siloah qui præterfluebat Ierosolymam. Porro, non dubito quin oblique perstringat. Propheta fallaces eorum confidentias, qui terrenis opibus muniti, extra iactum telorum se esse somniant. Nam qui sibi hinc inde anxie accersunt inuicta mundi præsidia, videntur quidē hostes posse longè ab accessu arcere, non secus ac si vndique mari cincti essent, sed sæpe à suis munitionibus perfundari contingit: quemadmodum si tempestas insulam diluuiò vaster ac euerterat. Qui verò Dei tutelæ se committunt, quauis secundum mundum, expositi sint omnibus iniuriis, nec satis muniti sint ad prohibendos insultus, quiescunt tamē securi. Hæc de causa Iudas reprehendit Iesaias 8.6, quòd spernentes aquas Siloah leniter fluentes, profundos & rapidos fluuios appetant. Est autem illic concinna antithesis inter riuulum Siloah ab vna parte, & Nilum ac Euphraten ab altera: quasi diceret, Deum ab ipsis fraudari suo honore, quasi non prouiderit quum elegit urbem Ierosolymam, quibus præsidii ad eam tutandam opus foret. Ac probabile est, si Psalmus hic, post exercitum Sennacherib cæsum & profligatum, fuerit compositus, authorem eius consultò eandem vsurpasset etaphoram: ut fideles in posterum, sine mundi opibus vnicam Dei gratiam sibi sufficere discerent. Eadem



quoque opera nos hodie ad hanc constantiam hortatur & animat Spiritus, ut contemptis eorum copiis qui magnifice contra nos superbiunt, inter omnes motus & turbas tranquilli stemus: nec pigeat nos vel pudeat nostræ nuditatis, modò ad nos seruandos extensa sit Dei manus. Ergo quauis Dei auxilium tenuiter in speciem quasi per riuulos distillet, plus tranquillitatis nobis afferat, quàm si tota mundi potentia ad nos iuandos simul coaceruata esset. Quum Ierolimam vocat *Sanctuarium tabernaculum Exelsi*, cōcinna allusio est ad statum illius temporis. quāuis enim per singulas tribus imperium suum Deus haberet, hanc tamen regiam sedem elegerat vnde totum populum regeret. Itaque quum pectoram Iudæam diuisa essent tabernacula Exelsi, sub vnū tamen Sanctuarium colligi oportuit, ut Deo subessent.

6 *Deus in iudicio eius.* Nunc osten-

dit vnde tanta Ecclesiæ securitas, quid scilicet Deus in medio eius residet. nam verbum, *movebitur*, feminini generis est, nec potest ad Deum referri, quasi futurus sit immobilis: sed ita resoluī debet oratio, Nō movebitur è statu suo sancta ciuitas: quia Deus illic residet. atque ad opem ferendam semper est paratus: *conspēctus* enim *aurore* tantundem valet acsi dixisset, quotidie simulac sol terris exoritur. Summa est, si cupimus Dei manu protegi, dandam in primis esse operam ut inter nos habitet: quia ex sola eius præsētia pendet spes salutis. Ipse autem non aliam ob causam inter nos habitat, nisi ut nos præster incolumēs. Cæterum, quauis non semper ad nos iuandos festinet Deus pro vtorū nostrorum seruire, satis tamē opportūnē nobis aderit, ut faciliē appareat verum esse quod alibi dicitur, nunquam dormire, ac ne dormire quidem Ecclesiæ custodem, Psalmo 121.4.

7 *Tumultuati sunt populi, mota sunt regna: dedit vocem suam, liquefacta est terra.*

8 *Iehoua exercitū nobiscū: arx nobis Deus Iacob. Selah.*

9 *Venite, considerate opera Iehoua: quas posuerit solitudines in terra.*

10 *Cessare facit pralia vsque ad extremum terra: confringit arcum, dissipat arma, currus exurit igni.*

11 *Quiescite & cognoscite quod ego sim Deus: exaltabor in gentibus, exaltabor in terra.*

12 *Iehoua exercitū nobiscū: arx nobis Deus Iacob. Selah.*

7 *Tumultuati sunt.* Quoniam Ecclesia Dei nunquam taret hostibus, & quidem nimium validis, deinde qui eā crudeliter & effrēni intemperie oppugnant, Propheta nunc doctrinam quam posuit de inexpugnabili Dei tutela, ab experientia confirmat. deinde generalē consolationem elicit: quòd perpetuum sit Dei munus, compescere tumultus omnes ac sedare, & quòd satis robusta sit eius manus ad frangēdos omnes hostium conatus. Possēt, fateor, locus hic indefinitē accipi: quòd obnoxia quidem sit Dei Ciuitas multis tempestatibus, sed tamen Dei beneficio incolumis

semper maneat: verum magis probabile est, ut initio diximus, sermonem haberi de insigni aliqua liberatione, in qua Deus aternæ suæ in seruanda Ecclesia, virtutis & gratiæ specimen præbuerat. Refert igitur Propheta quid cōtigerit, nempe horribili apparatu hostes Ecclesiæ venisse ad eam perdēdam, sed mox Dei voce fuisse quasi liquefactos. Atque hinc ad nos redit inestimabilis consolatio, vbi audimus, quauis totus mundus contra nos surgat, & vesano seruire omnia perturbet, posse monēto redigi in nihilum, simulac Deus se nobis fauere ostenderit. Quauis autem

vox Dei, imperium vel nutum significet, videtur tamen ad Dei promissiones alludere Propheta, quibus testatus est se fore Ecclesiæ custodem. Interim notanda est antithesis inter vocem Dei, & turbulentos regnorum motus.

8 *Lebena exercituum.* Hoc versus docemur qualiter in usum nostrum accommodare liceat quæ passim de immensa Dei virtute prædicat Scriptura, nempe, si persuasi simus ex eorum nos esse numero, quos Deus paterno amore amplexus fouere velit. nã iterum adoptionem commendat, quæ segregatus erat Israel à communi Gentium omnium sorte: alioqui non nisi formidinem incuteret potentia Dei commemoratio. Hinc igitur gloriandi fiducia, quod nos sibi in peculiarem populum delegit, ut virtutem suam ad nos seruandos exerat. Quæ ratione Propheta postquam *Deum exercituum* vocans, eius potentiam celebravit, statim adiungit alterum epithetum, quo sœdus cum Abraham olim percutum confirmat: ut non dubitet eius posterius, ad quos promissæ gratiæ hæreditas pertinet, Deum sibi quoque fore propitium. Nam ut solidè quiescat fides nostra, in Deo simul hæc duo consideranda sunt: nèpe immensa virtus, quæ ad totum mundum subigendum instructus est: deinde paternus amor, quæ verbo suo patefecit. Vbi autem hæc duo coniuncta sunt, nihil ob stare potest quominus cunctis hostibus insultet fides nostra. neque enim dubium est, vel itne opitulari nobis Deus, qui se hoc facturum promissit. iã virtus ad id implendum superpetit, quia Deus est exercituum. Hinc colligimus miserè eos vagari in Scriptura, qui in aere suspensum relinquunt quicquid de potentia Dei prædicatur, nec statuunt sibi fore in Patrè, eo quod sint ex grege eius, & adoptionis participes.

9 *Venite, considerate.* Videtur persequi historiam liberationis, quæ testatus fuerat Deus, se optimum & fidelissimum esse protectorem Ecclesiæ suæ: ut inde petant fideles arma & vires superandis tentationibus quæcunque in posterum emergent. Debent enim ante oculos nobis versari documeta gratiæ Dei, quæ reipsa exhibuit in nobis seruandis, ut promissionum fidem in animis no-

stris sanctiât. Cæterum, hæc exhortatione tacite obiurgat eorum locordia, qui Dei potentiam nõ æstimant quanti par erat: imò totum fere mundum ingratitude arguit. quia vix centesimus quisque satis sibi in Deo præsidii esse agnoscit: ita cæcutiunt omnes ad opera Dei, imò sponte claudunt oculos: quod ad ædificandam eorum fidem maximè valeret. Videmus ut multi fortunæ ascribant quod Dei providentiæ decebat ferre acceptum: alii imaginantur se propria industria adeptos esse quicquid Deus contulit: vel quicquid ab eo solo profectum est, transferant ad medias causas: alii prorsus stupeant. Quare nõ frustra omnes accersit, & ad reputanda Dei opera hortatur: ac si diceret homines ideo non reponere in Deo spem salutis, quia vel ignavi sunt vel maligni in considerandis eius operibus. Quum verò sermonem dirigat promiscuè ad omnes, colligimus pios quoque torpere & frigere donec expergeant. Porro magnificè Dei virtutem in seruando electo populo extollit: quæ contemni solet, vel non expenditur pro merito, ubi vulgari more operatur. Vastitates ergo & alia miracula in medium proponit, quæ sensus hominum efficacius moueant. Quod proxime sequitur, *Cessare facis praelia*, si de speciali Dei auxilio accipere libeat, referri tamen ad hunc finem debet, ut idem in futurum tempus expectet fideles, quod iam experimento perspectum habent. Et sanè videtur Propheta, ex vno actu indefinitè ostendere quàm potenter Deus Ecclesiam suam defendere soleat. quanquã non semel accidit ut fractis animis, & arcu contrito, plaustrisque exustis, motus omnes per Iudæam Deus sedaret, bellaque procul abigeret. ac consentaneum est, Prophetâ occasione sumpta, Iudæis reuocasse in memoriam quàm sæpe Deus maximos hostium conatus fregisset. Certum quidem est, his epithetis Deum ornari, ut toto mundo tumultuante, pacem ab eo speremus.

11 *Quiescite & cognescite.* Videtur iam sermonem peculiariter convertere ad hostes populi Dei, qui nocedi libidini audacius indulgent. quia dum exultant Sanctis molestias, bellum se Deo

inferre non cogitant. quia ergo negotiū sibi tantum cum hominibus esse putātes, insolenter sine metu & pudore ruunt, eorum intemperiem hic refrēnat Propheta: & quo plus vehementiā habeat sermo, Deum ipsum loquentē inducit. Iubet autem primò quiescere, ut se Deum esse cognoscant. videmus enim, dum inconsideratē feruntur homines, nullum moderationi locū esse: ideo non abs re Propheta quietem ab hostibus Ecclesiam exigit, ut feruore placato sentire incipiant cum Deo se confingere. Similem ferē sententiam habuimus

Psalmō 4.5, Cōtremiscite & ne peccetis: cogitate in cubilibus vestris, & silete. Summa est, ut mundus subactis domitisque turbulentis affectibus, Deo Israel, quam meretur gloriam tribuat: quod si furere pergant, denuntiat virtutem suam non esse inclusam Iudææ finibus, sibi que non fore difficile brachiū suum procul extendere ad Gentes, quo se ubique glorificet. Postea repetitur, quod prius dictum fuerat, Deum ad seruandam Ecclesiam quam adoptauit, satis superque armis & viribus pollere.

## ARGUMENTVM PSALMI XLVII.

*Putant nonnulli, Psalmum hunc fuisse compositum quando dedicatum fuit Templum & arca fœderis in Sanctuario locata: sed quia parum firma est diuinitas, præstat, nisi fallor, omiſſa illa circumstantia, ex-  
pendere quid contineat, & in quem præcipuè vsus aptandus sit. Dubium quidem non est ad solennes conuen-  
sus fuisse destinatum: quod ex toto contextu colligere promptum est. imò fieri potest ut ante templum extructum  
quā adhuc in tabernaculo quiesceret arca. Leuitis fuerit dictatur à Davide. Quisquis autē fuerit auctor, har-  
satur non Israelitis modò, sed omnes populos ad purum vniuersi Dei cultum. Quanquam præcipue gratiam  
qua Deus genus Abrahæ pro illa tempore dignatur erare, excolliciscitur etiam ex fonte illo salus toti mundo  
ortura erat. Natiuitatem tamen de futuro Christi regno continet: quia gloriam quæ tunc in vmbra illi Sanctua-  
rio fulgebatur, longè lateque conspicuam fore docet: quando Deus ipse gratia sua radios procul emitteret, ut in sa-  
uam coalescant Reges & populi cum Abrahæ filiis.*

Psalmus XLVII.

**P**Ræfetto, filiorum Coræ Canticum.

2 Omnes populi plaudite manus, iubilare Deo in voce  
exultationis:

3 Quia Iehoua excelsus, terribilis, Rex magnus super  
vniuersam terram.

4 Ordinavit populos sub nobis, & Gentes sub pedibus  
nostris.

5 Selegit nobis hereditatem nostram, gloriam Iacob quæ  
dilexit. Selah.

2 Omnes populi plaudite. Quod populus iubet in ignum lætitiæ & gratulationis plaudum dare Deo, imò ad insolitum gaudium hortatur, cuius vehementia in externam exultationem erumpat, de eorum salute verba fieri certum est. Nam si Deus regnum inter Gentes formidabile erigeret, potius deiceret omnium animos & desperatione obrueret, quàm daret tripudiandi materiam. Adde quod non de vulgari Dei gratia concionatur, sed quæ totum orbem incredibili læticia perfundens, omnium a-

nimos ad celebrandas Dei laudes extimulet. Ergo quod paulò post addit, redactos fuisse cunctos populos sub Israelis obsequium, necesse est non de seruii subiectione intelligere, sed quæ regnis omnibus prior esset magisque optabilis. Neque enim consentaneum foret, eos qui vi & metu coacti seruirent, præ gaudio exultare. Tributarii quidē Davidi eiusque filio Solomoni fuerunt populi complures: sic tamen ut fremerent, atque iniquis auribus ferrent impositum sibi iugum: tantum abest ut læti &



& hilares gratias agerent Deo. Ergo quum nulla foelix sit & expetenda seruitus, nisi qua Deus, Christi filii sui auspiciis domat & subigit qui prius rebelles erant, sequitur, elogium hoc non competere nisi in Christi regnum: qui Rex excelsus ac terribilis non ideo vocatur, quod tyrannica violētia expauesciat miseros homines quibus imperat: sed quia eius maiestas quæ prius habita fuerat contemptui, ad frangendam totius mundi contumaciam sufficit. Notandum enim est Spiritus sancti consilium, quum diu contumeliose tractati & oppressi fuissent Iudæi, ac variis subinde calamitatibus afflicti: tanto nunc illustriorem esse Dei beneficentiam erga eos, quia domitis vndeunque gentibus vicinis, florentissimum erat Davidis regnum: interea verum esse quod monui, nempe in regnum Christi hoc competere, ex cōtextu verborum colligere prōptū est, vbi *Deus Rex terribilis & magnus vocatur super omnem terram.* Ergo non dubiū est quin his elogiis celebrata fuerit Dei gratia ad confirmandos piorum animos intermedio tempore: quo non tantum collapsa erat populi Israelitici dignitas, sed extremis contumeliis oppressus, nullo Dei gratiæ gustu recreari poterat, nisi in solas promissiones recumberet. Scimus quā longa fuerit huius magnificæ potentix interruptio, à morte Solomonis vsque ad Christi aduentum. Erat hoc veluti chasma, quod absorbere posset piās mentes, nisi Dei verbo suffultæ essent. Ergo quum specimen huius regni, quod nunc prædicatur, à Deo fuisset editum sub Dauide, quāquam paulo post sequuta est tristes & ferē pudenda imminutio, deinde grauissimæ clades, & tandem exilium, & miserrima dispersio, quæ ab interitu parum distabat: Spiritus sanctus fideles ad continuandum plausum hortatus est, donec veniret promissus redemptor.

4 *Ordinavit.* Quod alii vertunt Subiicere, cum hac mea interpretatione cōuenit. paulo remotius est quod alii Ducere exponunt. alienum verò prorsus à mente Prophetæ, quod verbum **וַיִּסְדֹּק** alii accipiunt pro perdere. Neque enim dubium est quin subiectio utilis, lata, & optabilis notetur. si quis futurum verbi

tempus retinere malit, mihi non displicet: quia tamen certum est sub typo celebrari futuram Dei gratiam, libenter amplexus sum quod magis probarunt alii Interpretes. Porro quāuis hoc verbum peculiariter gentiles suos hortetur Propheta ad gratitudinem, quod per Dei gratiam cunctis populis dominarentur: certum tamen est, eos qui sub iugum redacti erant, in societatem gaudii coniungi ipsi Iudæis. Ergo quantum ab umbra differt corpus, tantum discrimen fuit inter fictitium plausum, quem olim dederunt profanæ gētes Davidi, & eum quo fideles Christum excipiunt: quia ex voluntario cordis obsequio manat. Et certē si post arcam in templum adductam nulla apparuisset sublimior veritas, quasi puerile erat ludicrum, in angusto illo domicilio Deum locari: sed vbi Dei maiestas quæ in tabernaculo habitauerat, toti mundo patefacta fuit, & cunctæ gētes sub eius imperium fuerunt redactæ, tunc enituit prærogativa ista generis Abrahæ. Itaque his verbis regnum illud cuius meminerat Propheta, definit: subiectionem Gentium commemorans, ut electo populo parere non recuset. Neque enim de arcana providentia hic agitur, qua Deus totum mundum gubernat, sed de speciali potestate quam per verbum suum exercet. itaque ut propriē Rex vocetur, necesse est talem à suis agnosci. Quæritur tamen, dum suis auspiciis & cælesti potentia restituit Christus Ecclesiā, quo sensu dicatur populi subiecti esse Iudæis: quia scimus non aliter ritē compositura esse Ecclesiæ ordinem, nisi emineat vnicum caput, & fideles omnes à summo vsque ad infimum inter membra se contineant: imò quum imperium suum erexit Christus in toto orbe, cōmunis esse cepit cūctis Gentibus adoptio, quæ propria vnius populi antea fuerat. Hoc autē modo libertas omnibus simul data est, ut fraterno iure inter se cōiuncti, ad cælestem hereditatem aspirent. Sed facilis est solutio: quando Gentibus impositum fuit Legis iugum, dominium adeptos esse Iudæos: quemadmodum Pastores iurisdictionē Spiritus verbo exercent, sic Ecclesia vocatur Regina, & piorum omnium mater: Calat. 4. 26, quia apud

eam deposita fuit cælestis doctrina, quæ instar sceptri est ad nos omnes subigendos. Quauis ergo Iudæi, quo tempore in lucem emerit Christi regnum, miseret & probrosæ profanis Gentibus seruiert, fuerintque veluti illarum mæcipia, verè tamen & meritò imperium illis tribuitur, quia Deus virgam virtutis suæ emisit e Sion. quum ipsi Legis essent custodes, munus eorum fuit eius autoritate Gentes frangere : quia non aliter sub Dei obsequium collectus fuit reliquos orbis, nisi dum homines Spiritu Dei renouati, ultro se præbuerunt Iudæis dociles ac morigeros, seque passi sunt eorum magisterio regi. quemadmodum alibi dicitur, In illa die apprehendit septem viri simbriam vnus Iudæi, ac dicent, Ambulabimus post Deum vestrum, &c. Zach. 8. 23

3 *Selegit nobis hereditatem.* Clarius celebrat Propheta peculiarem illam gratiam, quæ dignatus fuerat Deus electum & sanctum genus Abrahæ. Sicuti enim, posthabito toto mundo, paucos homines & ignobiles sibi adoptauerat: ita illud tam insigne paterni amoris pignus segregari oportuit à communi beneficentia qua totum humanum genus prosequitur. Itaque emphaticum est Se-

ligendi verbum. ac si diceret, Deum non egisse cum Abrahæ filiis, vt promiscuè solet cum aliis Gentibus, sed quasi hæreditario iure dignitatem contulisse quæ reliquos omnes præcellant. quod idem cõinuò post exprimit sub nomine *Gloria*. Ergo gratias Deo agere iubet Propheta, quod in persona Iacob populum electum extulerit in summum honoris gradum : vt gloriari posset sortem suam ab aliis omnibus distinctam esse. Simul etiam docet factum id esse gratuito fauore Dei. nam relatiuum pronomen, causalis particulæ vice ponitur, ac si causam dignitatis & præstantiæ in Deo ipso statueret Propheta. Atque hæc regula tenèda est, quoties laudatur Dei gratia erga Iudæos, quia Patres eorum dilexerit, merita omnia in nihilum redigi : iã quum tota sancti Patriarchæ dignitas ex mero Dei beneplacito pendeat, quis sibi proprium quicquam arrogare audeat? discamus ergo, quicquid nobis peculiariter confert Deus supra alios, paterni eius amoris ascribere: quia nos sibi in gregem elegit. Colligimus etiã ex hoc loco, gratiam quæ Deus erga electos suos exerit, non communiter ad omnes patere, sed priuilegium esse quod paucos à maiori numero discernit.

- 6 *Ascendit Deus in iubilo, Iehoua in voce tubæ.*
- 7 *Pfallite Deo, pfallite, pfallite Regi nostro, pfallite.*
- 8 *Quia Rex vniuersæ terræ Deus, pfallite intelligens.*
- 9 *Regnum obtinuit super Gentes, Deus sedet super solium sanctitatis suæ.*
- 10 *Principes populorum congregati sunt ad populū Dei Abrahæ: quia Deo clypei terra, valde exaltatus est.*

6 *Ascendit Deus.* Allusio est ad veterem Legis ritum. nam quia ad celebrandos sacros conuextus adhiberi solebāt tubarum clangor, dicit Propheta Deum ascendere, quum buccinæ ad extollendam eius potentiam hortantur populum & animant. Id enim tantundè valebat olim, ac si Rex magnifico splendore ad suos ingrediens, venerationem sibi concilieret. Interea non dubium est quin sub illa ymbratili cæremonia alium ascensum Propheta commēdaue-

rit : nempe dum Christus supra omnes cælos euectus mundi totius imperium adeptus est, & cælesti virtute instructus superbiam omnē & altitudinē subiugauit. Porro memoria repetitū est quod prius admonui, ad arcam transcribi *Iehoua* nomen. quia tamen illic non inclusa erat Dei essentia vel maiestas, nec virtus etiam alligata, non tamen inane erat præsentia Dei symbolum. Nam sicuti promiserat Deus se habiatūrum in medio populi, quādiu eū ex Legis præ-

scripto

Scripto Iudæi colerent: ita re ipsa monstrabat vere se illis adesse, nec frustra inuocari inter ipsos. verius tamen hoc in gloriæ manifestationem competit, quæ tandem resuscitatur in Christi persona. Summa est quum canerent apud Iudæos bucina ex Legis præscripto, non euaniuisse in aere sonitum illum, quia Deus qui in arca fœderis, præsentia suæ pignus accesserit dederat, verè præsideret in cœtu illo. Hinc exhortationis argumentum duxit Propheta, ut Deo psallant fideles: quia non sint id facturi fortuito. sicut superstitiosi quum nihil habeant certum, frustra eiulant corâ suis idolis. Causam ergo fidelibus supplicare docet Propheta, cur alacriter laudes Dei personent: quia certò sciunt præsentem sibi adesse, ac si inter eos regale solium locasset. Cæterum postquam vocauit Regem electi populi, continuo post dicit Regem esse totius terræ. atque hoc modo ius & honorem primogenituræ asserens Iudæis, Gentes deinde socias adiungit. His autem verbis significat Propheta longè nobilior fore Dei regnum aduentu Messia, quàm sub Legis figuris, quia propagandum sit in ultimos terræ fines: ideo maioris vehementiæ causa, quinque repetit verbum *Psallite*. In voce **לְשׁוֹמְרֵי** mutatio est numeri: nam omnes canendi peritos ad hoc exercitium inuitat. Sed quauis loquatur de scientia artis musicæ, requirit tamen in canendis Dei laudibus veram intelligentiam, ne lingua tantum reboent, ut scimus fieri in Papatu. Requiritur ergo ad legitimum psallendum scientia, ne vano clamore nomē Dei profanetur.

8 *Regnum obtinuit super gentes.* Quia verbum **לְשׁוֹמְרֵי**, sub tempore præterito continuum actum designat, ideo vertimus Regnum obtinuit. Porro quum toties repetat Propheta, Deum super Gentes regnare, colligere promptum est de nouo & prius inaudito regnandi modo haberi sermonem. Subaudienda enim est antithesis inter Legis tempus, quo Deus imperium suum continuerat intra Iudææ limites, & Christi aduentum quo illud ampliavit quàm longè latè: que patet totus orbis. Quamquam autem Dei maiestas scintillis quibusdā enituit inter Gentes, quæ eas sibi tributarias fecit

David: non tamen propriè dixisset Propheta Deum inter illas regnasse, quia & eius cultum aspernabantur, & optassent extinctam prorsus esse Ecclesiam. quare ut constet varietati huius complementi ad Christum venire necesse est. Quod additur secundo membro, *Deum sedere super solium sanctitatis suæ*, duplicem sensum recipit. Sæpe enim hac locutione tabernaculum vel templum intelligitur: interdum verò cælum significat. Si de templo exponere libeat, sensus erit, Deum sic præesse toti mundo, ac populos omnes sub imperio suo complecti, ut primaria tamen eius sedes Ierosolymæ maneat: sicuti etiam inde fluxit Euangelii doctrina, quæ sibi Deus cunctos mortales subegit. De cælo tamen commodè accipere licebit, quòd Deus manū suam exerens ad homines sub obsequium suū cogendos, palam ostendat, se ex solio cælesti, dominari super homines: quia nisi propinquis & claris signis virtutem suam demonstraret, mundi gubernator non agnosceretur.

10 *Principes populorum.* Exornat & amplificat pluribus verbis proximam sententiam. rursus enim definit qualiter sibi Deus regnum acquisierit super Gentes, dum scilicet qui prius alieni erant, in eundem fidei consensum coaluerunt cum Iudæis. Atque ita ex misera dissipatione in vnum corpus variæ Gentes collectæ sunt. nam quum illuxit Euangelii doctrina, non abduxit Iudæos à fœdere quod pridem Deus cum illis pepigerat, sed potius nos illis adiunxit. Quum ergo vocatio Gëtiū nihil aliud fuerit quàm insitio in familiam Abraham, meritò dicit Propheta, vndique fuisse congregatos extraneos ad illam gentē electam: vt talis accessio regnum Dei per omnes terræ plagas diffunderet. Qua ratione dicit Paulus, Ephes. 3. 6, vt hæreditatis æternæ participes essent Gentiles, factos fuisse Iudæis cōcorporeos. Quāquā autē abolitis cæremoniis, sublatus est intermedius paries, qui alios ab aliis separabat: verum tamen etiam non aliter nos censerī inter Dei filios, nisi quia insiti sumus in genus Abraham. Nec de vulgo tantum loquitur Propheta, sed ipsis quoque Principibus nihil ad summam felicitatem potius fore.



dicit, quàm ut se aggregent ad Iudæos, sicuti alibi videbimus, De Sion dicitur, Hic & ille in ea natus est, Psal. 87. 5. Porro collectio futura dicitur ad populum Dei Abraham, ut sciamus nullam carnis dignitatem tribui Iudæis, quæ in ipsorum personis resideat, sed totâ eorum præstantiam inde pendere, quia purus Dei cultus inter ipsos floreat, & emineat cælestis doctrina. Quare nihil hoc ad reiectios Iudæos pertinet, quos sua incredulitas ab Ecclesia abdicauit. Sed quia radicis sanctæ, ut Paulus docet Rom. 11. 16, rami naturaliter sancti sunt, nõ obstitit maioris partis defectio, quin reliquiis maneret hic honor. Itaque cõsumptio illa quæ secundum Iesaiæ vaticinium exundauit in totam terrâ, vocatur populus Dei Abraham, Iesa. 10. 23. Continet autem hic locus vtilem doctrinam, & eam duplicem. Primò enim hinc discimus, quicumque inter Dei filios numerari volunt, debere locum in Ecclesia quærere, ut fraternam vnitatem cum piis omnibus colant: deinde vnitatem Ecclesiæ non aliunde esse æstimandam,

quàm ex sincero ad obsequium verbo Dei præstandum consensu, ut sit vnus ouilis vnus pastor. Monetur etiam, qui honore & opibus excellunt in mundo, deposita omni superbia libenter & modestè commune iugum subire, ut se obsequentes Ecclesiæ filios probent. Quod proximè sequitur, *Dei esse clypeos terra*, multi de principibus intelligunt. Et fateor quidem metaphoram hanc frequenter in Scriptura occurrere: deinde videtur hoc non malè quadrare ad contextum: ac si dixisset Propheta, in arbitrio Dei esse procures mundi in Ecclesiam suam inferere, quia illis quoque dominetur. Sensus tamen simplicior est, quia mundus protegitur, seruatúrque ab vno Deo, iure tantam celsitudinem cum admiratione suspici, quæ ad tam arduam custodiam sufficit. Nam ideo clypeos plurali numero ponit, quia in variis & prope innumeris periculis, quæ assidue singulis mundi partibus impendunt, multiplicem Dei prouidentiam, tanquàm multos clypeos, interuenire necesse est.

## ARGVMENTVM PSALMI XLVIII.

*Hoc Psalmo celebratur memorabilis quedam Ierosolyma liberatio, quum in eius excidium conspirassent multi Reges. Vbi autem Propheta (quisquis fuerit author) Deo gratias egit, occasione inde sumpta, magnificens elogitæ felicem eius vrbis statum extollit, quod Deum habeat perpetuum saltem sua custodem. Neque enim satis fuisset, pios sentire & agnoscere semel Dei manu se fuisse seruatos, nisi in posterum considerent se Dei eiusdem præsidio saluos fore, quia in populum peccatorem adoptati essent. Ideo Propheta in eo præcipuè insistit, non frustra in monte Sion erectum esse Sanctuarium Dei, sed illic inuocari eius nomen, ut in populi sui salutem virtus eius conspicua appareat. Porro ex argumento colligere licet, Psalmum post mortem Davidi fuisse compositum. Fateor quidem Davidi infestos fuisse quosdam exeros Reges, nec per eos fuisse quominus Ierosolymam funditus deleverit: huc vsque tamen progressos fuisse non legimus, ut eam obsidione premerent, ut oportuerit admirabili Dei virtute reprimi illorum conatus. Potius credibile est notari tempus Regis Achaz, quo soluta repenti fuit obsidio in summa desperatione. Vel etiam tempus Iosaphat, & Asaph: quia tunc scimus non nisi celesti auxilio Ierosolymam ab extrema clade mirabiliter seruata fuisse. Hoc quidem pro certo tenendum est, specimen vnum Dei gratiæ proponi fidelibus, in quo agnoscant bene & feliciter secum agi, quod domicilium sibi elegerit Deus in monte Sion, unde ipsi in salutem præstentur.*

*Psalmus XLVIII.*

**M** Canticum Psalmi filiorum Coræ.

*Agnus Iehonæ & landabilis valde, in ciuitate Dei nostri, in monte sanctitatis eius.*

*2 Pulcher situ gaudium totius terræ, mons Sion ad latera Aquilonis, ciuitas Regis magni:*

3 *Deus in palatius eius, notus est in presidium.*

1 *Magnus Iehova.* Antequam speciale illud quod attigi, gratiæ Dei exemplum commemoret Propheta, docet in genere beatam esse Ierosolymam quod eius tuendæ curam Deus suscipere dignatus fuerit. Atque hoc modo Dei Ecclesiam à toto mundo separat: sicuti hoc inestimabile beneficium est, quod Deus ex toto genere humano exiguum numerum cõplectitur paterno fauore. Quamvis ergo in vniuersa mudi gubernatione sapietia eius, bonitas & iustitia sic refulgeat, vt nulla pars vacua sit ab eius laude, sed vbique laudandi materia occurrat: in Ecclesia tamẽ protectione Dei gloriã nunc Propheta celebrat. *Magnũ & laudabilem* esse dicit in Vrbe sancta, an non etiam in toto mundo? Certẽ, vt dixi, nullus est angulus tam reconditus, quod non penetrent eius sapientia, iustitia, bonitas & reliquæ virtutes: sed quia præcipuẽ vult eas in Ecclesia sua conspici, non temere hoc speculum nobis ante oculos ponit, in quo Deus magis ad viuam faciem suam exprimit ac representat. Cæterum *Montem sanctum* nominans, breuiter admonet quo iure Ierosolyma sit Dei ciuitas, nempe quia eius mandato arca fœderis illic erat locata: ac si diceret, Ierosolymam non proprio suo merito sublime esse theatrum, in quo Deus magnitudinem suam spectari velitis: sed quia arca fœderis cælesti mandato illic in symbolum singularis gratiæ deposita fuerit.

2 *Pulcher sit.* In confirmationem proximæ sententiæ, prædicat dotes quibus tunc excelluit mons Sion, quia in illis spectabilis fuit Dei gloria cuius nuper meminit. Etsi autem naturalis hæc fuit situs gratia quam Propheta primo loco recenset, significat tamen in ipsa vrbis specie insculptas ab initio fuisse notas Diuini fauoris, vt intuitus ipse ostenderet specialiter locum illum fuisse Diuinitus ornatum, vt aliquando in talem vsum consecraretur. Quanquam fornosum & delectabilem locum non simpliciter vocari arbitror, quia parem in Iudæa non habuerit, quum satis constet alias vrbes tam fœcunditate quam amœno prospectu, & aliis commodita-

tibus Ierosolymæ non celsisse: sed coniunctim, meo iudicio, vñ cum situ aduentitiam dignitatem complectitur, quæ ex Templo originem ducebat. Ergo quum laudari audimus vrbis pulchritudinem, veniat nobis in mentem spiritalis ille decor, qui post vaticinium de perpetua arce statione ad loci naturam accessit. De voce *¶¶* non cõsentiunt Interpretes. Quidam pro eleuatione accipiunt, ac si dictum esset, in excelsis & edito loco Ierosolymam sitam esse. Alii Clima vertunt, quia metaphoricẽ Hebræi climata vocant ramos, quod in locum extendantur. Ego in re non magni momenti nolui tantopere esse curiosus. Tantum elegi quod magis erat probabile, Regionem illam aspectu præ aliis iucundam & amœnam esse. Dubium autẽ est ponatne in in laudibus montis Sion quod versus Aquilonem expositus fuerit, an ita resoluti debeat oratio, Quamuis ad Septentrionem spectet mons Sion, hoc tamen de eius pulchritudine nihil diminuit. Quamquã prior sensus magis genuin⁹ videtur. Atque hoc quoq; elogio montem ipsum insignit lesaias, præstantiam etiam notare volens. Sic enim 14. 14, in persona Sennacherib loquitur, Ascendam super excelsa nubium, & sedebō super montem testimonii in lateribus Aquilonis. Vocat deinde *Gaudium totius terræ*, non tantum quod salubris esset regio illa propter aeris temperiem vt insulse nugatur Iudæi, vel quod proferret suaves & eximios fructus, qui exteris Gentibus possent afferre lætitiã, quod etiam frigidum est commentum: sed quia inde exoritura erat salus totimodo, sicuti inde vitæ lucem & celestis gratiæ testimonium mutuata sunt omnes Gentes. Nam si extra Deum lætatur homines, exitialis tandem est exitus, risusque conuertitur in stridorẽ dentiũ. Christus autem è Sion cū euangelio suo apparuit, vt solido gaudio æternaq; fœlicitate mundũ perfunderet. Quamquã autem Propheta ætate nondum ad exteros manauerat Euãgelii cognitio, meritò tamen hac loquutione vsus est, vt scirent Iudæi non aliunde petendam esse beatitudinem, quam ex gratuito D:

foedere quod in illo sacrario depositum erat. Interea etiam prædixit quod nouissimo demum tempore impletum fuit Christi aduentu. Hinc autem discamus ad exhilarandas pias mentes, planè sufficere vnicuius Dei fauorem: sicuti eo sublatò, necesse est cunctos mortales misera inquietudine & tristitia torqueri. Quòd continuò post additò de *Ciuitate Regis magni*, in hunc finem tendit, mòtem Sion non modò sanctum esse, sed donatum tanto priuilegio, vt urbem totam sanctificet, quia sedem sibi Deus illic delegerat, vt cuncto populo dominaretur. Tertio versu vbi dicit Deum esse notum in palatiis Ierolymæ, rursus dignitatè eius comèdat à Dei præsidio, sicuti Psalmo 46.6, vidimus, Deus in medio eius, non mouebitur. Palatia verò disertè expressit ad antithesin, vt scirent

Iudæi, quanuis Ciuitas sancta validis turribus munita foret, adèsq̃ haberet splendidas & similes propugnaculis, solo tamen Dei auxilio tutà esse. Proinde his verbis monètur fideles, quanuis in arcibus vel palatiis habitet, sedulò cauedū esse ne splendor ille vel altitudo potentiam Dei obruat. sicuti profani homines terrenis opibus contenti, pro nihilo ducunt Deum habere custodem. Porro quia hæc nobis ingentia est prauitas, vt terrena opulèntia oculos nobis perstringens, Dei obliuionem inducat, summa attentione meditanda nobis est hæc doctrina, ne virtutis & gratiæ Dei notitiam obscurerit quicquid videtur in nobis esse pretio dignum: sed in cunctis dotibus quibus ornati erimus, semper clarè fulgeat Dei gloria, vt statuamus non alibi quàm in ipso, nos beatos esse.

- 4 *Quia ecce Reges congregati sunt, transierunt simul:*  
 5 *Ipsi viderunt, sic admirati sunt, trepidauerunt, præcipites acti sunt.*  
 6 *Tremor apprehendit eos, illic dolor quasi parturientis.*  
 7 *Per ventum Orientalem confringes naues Tharsis.*

4 *Quia ecce Reges.* Hic specialis illa quam dixi, liberatio attingitur. Refert enim Propheta, quomodo Reges simul congregati essent ad perdendam Ierolymam, impetus tamen eorum irritos transisse, nõ secus ac nebulae euanescent: imò dicit, solo aspectu fuisse perditos, neque id vulgariter, quemadmodum mulier parturiens, subito dolore opprimitur. Etsi autem certò non liquet quam historiam commemoret Prophetæ, aptissime tamen quæ hic dicuntur, tam in tempus Achaz, quàm Ezechia vel Asa conueniunt. fuit enim mirabile illud Dei opus, quomodo duo potentissimi Reges Syriæ & Israel, ingenti exercitu instructi, tanto metu perculissent Urbem, vt Rex cum populo ferè exanimis iaceret, repente frangi, & frustrari certa spe potiundæ urbis. vnde & Iesaias capite 7, versu 4, per ludibrium titiones famantes vocat: quomodo duæ quasi fauces accensæ essent ad consumendam in cendio Iudæam. Nec minus stupendum fuit miraculum, innumeras copias Sen-

nacherib nocte vna sine hominum manu ab Angelo deleri, 2. Reg. 19. 35. Iam quomodo Rex Aethiopum collectam myriadem ad oppugnandam Ierolymam venisset, memorabile fuit potentia Dei specimen, tantum apparatus discurrere. Quicquid sit, Iudæos claro documento expertos esse dicit, Deum fuisse Sanctæ urbis custodem, dum inuictò hostiū robori, se opposuit. Ideo dicit fuisse congregatos Reges: quo verbo significat initum fuisse fœdus in Ecclesiæ perniciem. Verbum *Transiendi* bifariam exponi potest: vel quòd copiae ab illis collectæ, in nihilum redactæ fuerint: vel quòd simul & vno consensu, quasi instructa acie expeditionem susceperint. Et hoc secundum videtur contextui esse aptius: quia postea sequitur ad conspectum Urbis stetit attonitos. Quaquam licebit non incommode hunc versum accipere, quasi amplificandi causa additum. Sed quia ad rei summam hoc non adèò facit, eligant Lectores vtrum magis placuerit. Caterum vbi dicit, *Mi-*



tratos fuisse Vrbe visa, trepidasse, alios fuisse  
 precipites, correptos dolore tanquam subiti  
 factus, exornat quibuscunque potest elo-  
 giis miraculum quod exhibuit Deus  
 in profligando tanto apparatu. Sic autē  
 resoluti debet oratio, simulac viderunt  
 miratos esse. Notū est illud Caesaris di-  
 cterium, Veni, vidi, vici, quo Aegyptia-  
 cæ victoriæ facilitatem notauit: Pro-  
 pheta hic contrā, impios dicit obstupu-  
 isse solo conspectu Vrbs, ac si Deus splen-  
 dore gloriæ suæ eorū oculos hebetasset.  
 Et particula **¶** Translatiue posita est,  
 quasi ad rem digito monstrandam, sicuti  
 paulō post sequitur eodem sensu ad-  
 uerbium loci **¶**. Similitudo parturiē-  
 tis ad exprimendam subitam mutatio-  
 nem pertinet. nam hac circumstantia lu-  
 culentius enituit gratia Dei, quod ino-  
 pinato metu percussī, subito animis con-  
 ciderint, & ex securo fastu acti fuerint  
 precipites. Monemur autem hoc loco,  
 nihil noui hodie accidere si validis co-  
 piis oppugnetur Ecclesia, ac formido-  
 losos impetus sustineat: quia sic Deus ab  
 initio suos humiliare consuevit, quo ad-  
 mirabilem suam potentiam magis con-  
 spiciam reddat. Interea nobis occurrat,  
 solum Dei nutum sufficere ad nos libe-

randos: atque, vt nobis obruendis vindi-  
 q3 imminēat hostes, in eius arbitrio esse  
 quoties placuerit, stupore percutere eorū  
 animos, vt inter medios conatus  
 momento deficiant. Atque hæc cogita-  
 tio mentes nostras, quasi injecto fræno,  
 compeſcat, ne huc & illuc circumspecta,  
 ad humana media.

7 *Per ventum Orientalem.* Et si hunc  
 locum variè exponunt Interpretes, con-  
 tenti simus genuino sensu, non secus as-  
 flictos & exitio demeritos fuisse Eccle-  
 siæ hostes, ac Deus subitis procellis na-  
 ues Ciliciæ in mare profundum deiecit.  
 Commemorat autem Dei potentiam  
 quam exerere solet in magnis & violentis  
 tempestatibus, ac si diceret, non esse  
 mirum si Deus, qui confringit ventorū  
 impetu robustas naues, hostes quoque  
 suos virium suarum confidentia infla-  
 tos prostrauerit. Per *Mare Tharsis*, apud  
 Hebræos Mediterraneum intelligitur,  
 propter Ciliciā, quæ sic olī vocata fuit,  
 etiā Iosepho teste: licet tandem nomen  
 hoc ad urbē vnā restrictum fuerit. Quia  
 autem præcipua nauigatio Iudæis erat  
 in Ciliciam, per synecdochen huic re-  
 gioni tribuunt quod aliis remotiori-  
 bus & minus notis commune erat.

8 *Sicut audiuimus, sic vidimus in Vrbe Iehoua exercitū,  
 in Vrbe Dei nostri: Deus stabiliet eam vsque in perpetuum.*  
*Selah,*

9 *Expectauimus Deus misericordiam tuam in medio tem-  
 pli tui.*

10 *Sicuti nomen tuum Deus, sic laus tua super extrema  
 terra, iustitia plena est dextera tua.*

8 *Sicut audiuimus.* Duplex sensus  
 potest huic loco congruere: prior erit, si  
 in persona fidelium dicat Propheta qua-  
 lem Deus olim potentiam exeruerat in  
 liberandis Patribus, prosequuntur nunc  
 fuisse erga nepotes & posteros. Audie-  
 rant enim ex ore Patrum, & ex Sacris  
 historiis didicerant, quā clementer &  
 paternē Deus Ecclesiā suam iuuisset: nūc  
 se oculatos esse testes prædicant, quia  
 re ipsa eandem erga se misericordiam  
 sint experti. Summa igitur esset, fideles  
 non modō in Historiis habere bonitatis  
 & potentiæ Dei testimonium, sed vsu  
 & experientia sentire, adeoque perspi-

cere oculis quod prius cognouerant ex  
 auditione & relatu Patrum. Itaque Deū  
 semper manere sui similem, qui vetusta  
 gratiæ suæ exempla subinde assidue do-  
 cumentis confirmet. Alter sensus paulō  
 argutior est, optimē tamen quadrat,  
 Deum scilicet re ipsa præstitisse quod  
 pollicitus fuerat populo suo, ac si dice-  
 rent fideles, sibi ante oculos fuisse ex-  
 hibitum quod prius tantum auribus  
 perceperant: quia vbi nuda tantum pro-  
 missiones apparent, Dei gratia & salus  
 in spe adhuc abscondita est, effectū  
 autem conspicua redditur. Si hæc in-

terpretatio placeat, continet vberē doctrinam, nempe quod Deus spem verbo suo datam minimē frustretur: nec magis liberaliter promittere soleat, quā implere quod promisit. Vbi dicitur, *in vrbe*, accipitur loco *D* vel *h*, hoc est, de vrbe, vel quoad urbem. Neque enim dicere voluit Propheta, Ierusalem, narratum fuisse fidelibus, Deū seruis suis opem esse laturum: sed Deū ab initio fidem vrbis suę fuisse custodē, & semper talem fore. Et nominatim vrbis Dei fit mentio, quia non eandem promissuē omnibus salutem promittit, sed populo electo & peculiari. Nomen *Iehoua*, ad exprimendam Dei virtutem positū est: sed mox addunt fideles *suum esse Deum*, notandæ adoptionis causā, vt in eum sperare, & familiariter ad eum confugere audeant. Quod verō in concilio Niceno secundo, hunc locum torserunt boni patres, vt probarent non sufficere doctrinam in templis, nisi ad confirmationem accederent picturæ & imagines: nimis pudenda fuit insulitas & relatu indigna, nisi quod vtile nobis est intelligere horrendum in modum percussos fuisse spiritu vertiginis & stuporis, quibus propositum erat Ecclesiā Dei corruptela illa inficere. Clausula versus, Ierusalem a cunctis mundi vrbibus discernit, quæ suas habent vicissitudines, vt non nisi ad tempus floreat. Quia autem status Ierusalem a Deo fidatus est, inter varias mūdi conuersiones firmus permanet. Non mirum igitur si per continuam ætatem seriem, Deus vrbē a se electam tueatur, in qua nominis sui innocationē semper vult re fidere. Quod autem abducto in exilium populo vrbs semel excisa fuit, cum hac sententia non pugnat, quia iam antē va-  
ticinio Ieremiæ ostēsa fuerat restitutio, Iere. 27. 22, ideoque tunc maximē quā-  
stabile esset opus suum, probauit Deus. Nunc, postquam aduentu suo seculum renouauit Christus, quicquid olim de vrbe illa dictum fuit, ad spiritualē Ierusalem pertinere, quæ per omnes mundi plagas dispersa est. Atq; hæc doctrina, quoties animis fluctuamus, succurrere nobis debet, quicquid discrimi-  
num immincat, salutem Ecclesiæ quam Deus stabiliiuit, posse quidem grauiter

concurri, sed nō ita labefactari vt cadat. Cæterum verbum futuri temporis, in præteritum resolui potest, sed eodem sensu.

9 *Expectanimum.* Docet hic versus fideles fuisse Diuinitus seruatos, quia in summa rerum omnium perturbatione patienter quieuerint, donec tandem misertus ipsorum Deus opem afferret. Verbū enim Hebraicum *וַיִּשְׁכַּח*, quod est propriē silere, animi tranquillitatem notat. vnde colligimus fuisse periculis agitatores fideles, vt pro carnis sensu consternari possent vel expauescere. quemadmodum scimus homines in cōtinuo tumultu versari, & quasi cōtrariis fluctibus huc & illuc impelli, do nec eorum mentes fides tranquillet, & ad silentium componat. Summa igitur est, fideles, quum miserē affligerentur, non fuisse tamen ē gradu deiectos, quin recumberent in Dei auxilium: quin potius eius gratiæ patientia & spe ianuā patefecisset. Porro hoc ad illustrandam Dei gratiam valuit, quod quum ab eius expectatione pēderent, nō fuerint frustrati. Vnde etiam colligi potest vtilis admonitio, prohiberi a nobis Dei auxilium, quia diffidimus eius promissionibus, nec præ tumultu patimur ad nos vsque fluere gratiam, quæ silentibus est reposita. Sed quid sibi vult, *in medio templi* an quod illic tantum spem suam aluerint fideles? quum autem quisque domum suam esset reuersus, sperare desierint? Imō certum est spem in templo conceptam domum retulisse, vt in ea constanter starent. Verū quia promiserat Deus, locum illum vbi inuocaretur, sedem & domicilium virtutis & gratiæ suæ fore, nunc dicunt fideles se oraculo illo fretos, non dubitasse quin se Deus misericordem & propitium ostenderet, quia certum habent præsentis eius insigne. Neque enim nostrum est ex proprio sensu imaginari, Deum fore nobis liberatorem, sed quatenus vltro se nobis offert. Iam si vmbatile illud præsentis Dei symbolum sub Lege vaticinio Iere. 27. 22, vt vitam sperarent fideles in media morte: quū ad nos descēderit Christus, vt multo plenius nos Patri suo coniungeret, quauis sursum ac deorsum misceatur mūdus, iusta nobis quiescendi

quiescendi causa est. Tantum danda est opera, ut purus & integer apud nos viget Dei cultus, quo templum eius in medio nostri refulgeat.

10 *Sicuti nomen tuum.* Quidam huc versus cum proxima sententia contexunt: ac si dictum esset, Domine, tu non frustra nomen tuum vis celebrari: quia simul suppeditas materiam laudis. Ita sensus erit, nomen Dei predicari cum effectu, vel eius potentiam simul cum promissionibus extare. Alii paulo argutius exponunt, opera Dei congruere cum nomine eius, quia vocetur *Deus a potentia*, dum re ipsa demonstrat non temere hoc nomen sibi fuisse impositum, sed veram ac debitam laudem tribui. Prior expositio, sicuti minus coacta est, propius accedit ad verba & mentem Prophetæ, Deum scilicet operibus testari, se non frustra coli apud Iudæos pro vero & vnicō Deo. Sed dum particulam expendo quæ sequitur, *Super extrema terra* Prophetam aliud velle existimo, nempe, quocunque peruenerit nominis Dei fama, cognituros homines ipsum esse summam laude dignum, subest enim his verbis tacita anathesis. Scimus tunc passim voluisse idolorum nomina per totum

orbem, sed quantumuis celebres essent fictitii diuina laude caruisse, quod nulum illis extaret signum diuinitatis. Propheta autem hic contra, Domine, ubicunque auditum fuerit nomen tuum, cum solida laude coniunctum erit, vel secum proferet laudis materiam, quia intelliget totus mundus qualem te præstiteris electo populo. Eodem pertinet quod mox additur *Dexteram Dei plenam esse iustitia*, nempe quod auxilium suis ferendo, quasi porrecta manu, iustitiam suam palam demonstraret: nec vno modo vel alterum specimen edat suæ iustitiæ, sed omnes numeros impleat. Porro tenendum est quod alibi diximus, Iustitiam Dei accipi pro fide, quam in suis tuendis seruat, unde inestimabilis ad nos redit consolatio, quod in salute nostra curanda velit iustus agnosci. Iam tenemus Prophetam mentem, nempe falsorum deorum nomen per ora hominum volitare, sine re & vera laude: aliam esse rationem in Deo Israel, quia quocunque perlata fuerit eius fama, intelligent omnes liberatorem esse populi sui, qui spem & vota suorum non frustratur, nec eos in discrimine deserit.

11 *Latabitur mons Sion, exultabunt filia Iudæ, propter iudicia tua.*

12 *Circundate Sion, & circuite eam, numerate turres eius*

13 *Adiците cor vestrum ad murum eius, exaltate turres eius, ut narretis generationi posteræ.*

14 *Quia hic Deus, Deus noster in seculum & usque: ipse deducet nos usque ad mortem.*

11 *Latabitur.* Nunc gratulationem suam absoluit, quod Ierusalem & aliæ Iudææ vrbes, iustitiæ materiam habebunt, quia Deum verè senserunt vindicem suæ salutis. Nam *Iudicii* nomen id eo positum est, quod Deus Ecclesiæ suæ causam suscipiens, eius oppressoribus se hostem professus sit, ut eorum ferociam compesceret. Deinde rursus Prophetam suum & pulchritudinem Ierosolymæ commendat, ac si diceret, urbem esse optimè munitam & inexpugnabilem: quia aliqua ex parte in his externis notis fulgebat Dei benedictio. Quam

quam memoria tenendum est quod prius dixit, Deum in eius palatiis conspici in arcem. Neque enim *turres* vel *murum* nunc commemorans, vult piorum mentes in illis subsistere, sed potius speculum proponit quod Dei faciem repræsentet. *Circundate ergo Sion*, inquit, hoc est, attentè circumspectite: *numerate turres, & studium vestrum applicate ad considerandum eius murum*: æstimate pro dignitate palatia eius, ita faciliè constabit urbem esse Diuinitus electam: quia longè supra alias omnes emineat. Nā in hoc totum est ut appareat qualitas illa & per-



sona qua Dominus Ierosolymam induere: eam sibi in sacrarium & in domicilium populo suo erigens. Ceterum Prophetam finem notando, ut narretur posteritatis forma & splendor Urbis sanctæ, tacite innuere videtur venturum aliquando tempus quo non amplius poterit conspici, Quorsum enim narratio in re manifesta & ante oculos posita: quàm ergo paulo ante dixit, urbem illam perpetuò stabilitam esse, nunc per modum correctionis admonet qualis futura sit perpetuitas, nempe quæ ad renovationem duntaxat Ecclesiæ duret. Nos enim sumus illa posteritas ad quâ pertinet ac dirigitur narratio, quia quæcunque veteri populo Deus beneficia contulit, nobis communia sunt: in quòd splendor ille externus, quo admirabilis fuit Ierosolyma, hodie inter nos emineat, sed quia spiritualibus donis non minus splendide ornata fuit Ecclesia post exhibitum Christum, quàm olim muris & turribus instructa Ierusalem sub Legis umbris. Verbum **וְיִשְׁבֹּן**, verti Exaltate, ad asimationem præstantiæ referens. Nam quod alii exponunt Roborate, minus videtur esse consentaneum. ficut magis probetur aliorum interpretatio, **Aspicite**, non repugno.

14 *Quia hic Deus.* Hinc melius liquet non loquutum fuisse Prophetam de palatiis Ierusalem, ut illic defixi haberent piorum oculi: sed ut se ad intuitum gloriæ Dei attolleret. Nā quocunque se venterent, voluit Deus insculptas gratiæ suæ notas cerni, imò se agnosci quasi præsentem. Vnde colligimus, quicquid dignitatis vel præstantiæ in Ecclesia refulgeat, non aliter esse considerandū, quàm ut nobis Deus occurrat, atque in suis donis celebretur. Porro demonstrationum pronomen **וְיִשְׁבֹּן** minime superuacuum est, sed vnicuique Deum ab omnibus fictitiis adhibita certitudine

discernit. Quantumvis enim audacter Dei nomen usurpent increduli, ac de religione garriant, si quis tamen propius inquiret, reperiet nihil subesse certi vel firmi: imò quicumque in vera fide fundati non sunt, necesse est in suis figuris evanescere. Hoc itaque fidei proprium est, distinetam nobis Dei notitiam proponere, in qua non vacilemus: sicuti superstitio imaginarios & multiplices deos semper ingerit. Quo magis notanda est emphatica ista demonstrationis, cui similis fere est ista Ies. 25. 9. Ecce Deus noster hic: expectauimus eum, & salua bit nos: hic Iehouah, expectauimus eum. Ac si profiteantur fideles non esse sibi incertum Deum, vel quem consulti opinionone apprehendant, sed cuius firma ipsis constat veritas. Prædicant autem fideles Deum perpetuò constantem fore in seruanda Ecclesia, ut se hortentur ac confirmet ad pergendum in continuo fidei tenore. Quod proximè sequitur membrum, videtur exegeticum esse, *Deducet nos ad mortem.* Deum enim sibi hoc verbo æternum ducem ac custodem fore promittunt fideles. Quanquam non intelligunt se Dei gubernatione tantum in hac vita fore tutos, ut in media morte deserantur: sed crasse designat quod dixi, usque ad finem Deo curæ esse quicumque in ipsum recubunt. Si **וְיִשְׁבֹּן** coniunctim legere, ut sit simplex nomen & pro seculo accipere libeat, idem erit sensus. Alii Pueritiam interpretantur, hoc sensu, Sicuti ab exordio Ecclesiam suam fouere cepit Deus, quem admodum pater filios à pueritia educat, ita perget in eodem cursu. Sed prior sententia, meo iudicio, aptius fluit. Aequè remotum est quod alii interpretantur in abscondito. Nisi forte ex professo gubernationem Dei absconditam dixerit Prophetam, ut eam non sensu carnis, sed fide asstimus.

## ARGVMENTVM PSALMI XLIX.

*Quia ut plurimum contingit impios homines vel terrenis deliciis additos, prosperè & feliciter agere, veros autem Dei cultores vel rebus aduersis premi, vel sub miseriis suis languere: ne priores in sua fortuna superbiant, alii verò despondeant animos, docet Prophetam, quantum bonis omnibus pro voto assuant profani homines, quandiu à Deo alieni sunt: umbratilem felicitatem in qua sibi placent, qua instar somni evanescit, minime experendā esse: bonos autem, quantum contumeliose irascuntur, vel affligantur multis malis, respici tantum à Deo, ut tandem ipsos liberet.*

Psalmus. **XLIX.**

1 **Præ-**

**P**refecto filiorum Cora Canticum.

2 Audite hoc omnes populi, auscultate omnes incola orbis.

3 Tā filii mortalium, quā filii viri, simul dives & pauper.

4 Os meum loquetur sapientias: & meditatio cordis mei, intelligentia.

5 Inclinabo ad parabolam aurem meam: aperiam cum cithara anigma meum.

2 Audite hoc. Quoniam Psalmus hic a quocunque fuerit compositus, vñ ex præcipuis celestis philosophiæ capitibus continet, non abs re tam splendidis verbis author præfatur, de rebus magnis & reconditis sibi fore sermonem, quo sibi attentionem conciliet. Putaret forte quispiam prima specie, non nisi vulgare argumentum tractari, quia de breuitate huius vitæ differitur, & de vana fiducia qua seipsum plurimi inebriant, quorum vtrunque videtur satis esse notum. Finis autem est, vt probi & pietatis studiosi homines, quibus res sūt minus prosperæ in mundo, hac consolatione dolorem suum mitigent ac tædium leuent, sibi tandem melius fore, vbi Deus res confusas in ordinem restituet. Sed altius conscendit Propheta, vt-cunque non statim Deus palam ostendat mundum sua prouidentia regi, patienter tamen expectandum esse exitū, qui carnis sensu non percipitur. Hoc quidem Philosophi quoque ipsi præcipiunt, quanuis miserè vexemur in mundo, nullis tamen afflictionibus cedendū esse. Deinde stultè sibi placere qui beati censentur, quia diuitiis, honoribus, & deliciis nihil sit magis euandidum: sed ad fontem ipsum non perueniunt: quia vbi optimè disputant de beata vita, contenti sola virtute, non constituunt Deum in medio, qui res humanas gubernet, vt in eum recumbere discant, quibus alioqui nihil præter desperationem apparet. Friger igitur philosophica de his rebus præceptio. Itaque Spiritus sanctus licet in medium proponat quæ experimento nota sunt, mox tamen altius conscendit, mundum scilicet Diuinitus regi, & dum improbi intemperanter exultant, boni autem contumeliose calcantur, Deum semper in cælo iudicem sedere, vt opportunè reprobis delicias excutiat quibus se oblectant: suos autem cultores è

profundis tenebris erutos, vero gaudio perfundat. Hinc verò petenda est solida consolatio in omnibus miseriis, quæ formidabili conspectu nos obruunt, nisi illuceat Dei facies. quia nisi persuasi simus ipsum habere salutis nostræ curam, nullum cernimus remedium nec finem. Hæc, vt dixi, ratio est cur Propheta nos attentius iubeat mētes & studia erigere ad suam doctrinam: quia de rebus præclaris & sublimibus verba facturum sit. duo tamen norantur in hoc versu: quod scilicet doctrinæ quæ proponit vtilitas, omnibus sit communis: deinde quod omnes seria admonitione opus habeant: quia nemo animum ad rectam considerationē, nisi expergestus, erigat. Pro eo quod vertimus *incola orbis*, quidam vertūt: Habitatores tēporis: quod tamen si præsentī argumento nō maiè conueniret asperius tamen est. nobis sufficiat cunctos mortales promiscuè vocari à Propheta, quia æquè ad omnes pertineat quod dicturus est. Per *filios Adam*, plebeios & ignobiles intelligit: per *Filios viri*, proceres ac nobiles, vel qui dignitate aliqua excellunt. Præfatur ergo, sumos quosque & infimos, sine exceptio ne, sibi docendos esse: quia nemo eorū sponte sapiat, quum tamen doctrinam proferre instituat quæ per æquè attingit totum humanum genus.

4 Os meum loquetur. Meritò his e-logiis doctrinam suam Propheta cōmēdat. Quanuis enim postea ab experientia coarguat hominum stultitiam, principium tamen docendi quod sumet, non cadit sub cōmunem sensum. quanquam hoc pro cōmuni vtitur non solum vt doctrinam suam vendicat à contēptu, sed etiam vt mentes sopitas excitet: & quo id faciat efficacius, non alios modò hortatur ad studium discendi, sed proficitur se simul fore attentum. hoc autem modo constituit se vnum

ex discipulis, qui doctoris partes exequendo, proficere ipse quoque cupiat. Et certe ita omnes Dei Prophetas affectos esse convenit, ut Deum libenter habeant communem magistrum cum reliquo populo, & vocem eius, quam ore suo perferat ad alios primi omnium excipiant. Cæterum Prophetæ consilium fuit auctoritatem & reuerentiam suæ doctrinæ asserere, quia non futiliter garriat de suis commentis, sed tantum proferat quod didicit in schola Dei. hæc autem unica est probè docendi ratio in Ecclesia Dei, ut qui aliis præfatus est magister, aurem ad discendum inclinet priusquam os aperiat ad loquendum, atque ita fideliter de manu in manum tradat quod à Domino accepit. Et certè sapientia non nascitur in hominis ingenio, sed è cælo petenda est: ideoque nemo prudenter & scitè in ædificationem Ecclesiæ vnquam loquetur, nisi qui Deo se prius docilem præbuerit. Quantum ad verba spectat, in tertio versu quidam vertunt Intelligentias: sed quia impropria & dura esset locutio, si dicatur cordis meditatio loqui, sequutus sum quod simpliciter erat. In quinto versu nomē **למשל** quod *Parabolam* verti proprie similitudinem significat: sed sæpe ad graues sententias transfertur, quia si

guris & translationibus ut plurimum ornantur Eodem fere sensu capitur nomē **חידת**, quod *Ænigma* vertit: itaque Ezech. cap. decimo septimo versu secundo duo verba & nomina simul iunguntur, **חידת ומשל**, hoc est, *Ænigmatiza ænigmate, & paraboliza parabola*. Fateor quidè illic notari allegoricū sermonem: sed iam dixi cur Hebræi ænigmata & similitudines vocent insignes & notatu dignas sententias. Nā *Aperiendi* vel *retegendi* verbo testatur Prophetæ sibi minimè esse propositum res de quibus acturus est, perplexis & obscuris ambagibus inuoluere. Et certè quauis longè à sensu nostro remota sit cælestis doctrina propter suam sublimitatem, Spiritus sanctus ad captum nostrum sic temperauit sua oracula, ut tota Scriptura utilis sit nobis ad ædificationem. vnde frustra ignorantia prætextus à multis captatur: quia nihil tam arduum est vel difficile, quod non rudibus & idiotis sit patefactum. Quòd mentionem *Citharæ* factam esse putant multi Interpretes, ut cantus suauitas & illecebra mitigaret si quid esset asperum, nescio an satis firmum sit. Mihi satis est, pro recepto more loquutum fuisse Prophetam, quia tunc solenne erat Psalmos ad citharam canere.

6 *Cur timebo in diebus mali? iniquitas calcanei mei circum dabit me.*

7 *Confidunt super opulentia sua, & in multitudine diuitiarum gloriantur.*

8 *Frater non redimet redimendo: nullus dabit Deo pretium redemptionis eius.*

9 *Et pretiosa erit redemptio animæ eorum, & duratio in seculum:*

10 *Vt viuat amplius in perpetuum, nec videat sepulchrū.*

6 *Cur timebo.* Iam in ipsam doctrinæ tractationem ingreditur Prophetæ, non debere filios Dei ultra modum turbari rebus aduersis, etiamsi proteruè eos vrgeant impii, & iam pro libidine vndique conclusos teneant: quia scilicet Dominus, quauis dissimulet ac quiescat, non tamen dormit in cælo, sed iudicia sua in tempus opportunū differt ac suspendit. porro interrogatio ma-

gis emphatica est, quam si simpliciter assereret se in rebus aduersis æquo & tranquillo animo fore. Secundo membro versus specialiter designat afflictiones quæ plus acerbatis in se continent, & grauius vulnerant animos, dum scilicet improbi dominantur, & violentiam suam impunè exercent. ideo subaudiendum est aduerbium temporis, *dū iniquitas, &c.* Sunt quidā Interpretes qui alium



alium sensum eliciūt, Si timeam in diebus malis, & mihi nimis anxie prospiciam, sicut solent increduli: vbi tandem ad mortem ventum fuerit, iniquitates mex tenebūt obfessum. Ita *calcaneū* pro vitæ exitu accipiunt. sed hoc totum tāquam longè petitum repudio. Neque etiam video qua ratione alii ad cogitationes referat: nullum enim exemplum huius metaphoræ alibi reperiri posse existimo. Pius coloris habet quod alii virtutū insidiatores, quia verbum **נפץ** significat decipere: ac si dixisset Propheta, Quāvis mihi tēdāt insidias perfidi & astuti homines, nō est tamen cur timeā. Sed ego absque figura accipere malo, Quādo me obfidebit hostium iniquitas, qui vrgendo quasi me supplantant. Sicuti etiam Gallicè dicimus, *Poursuivre iusques aux talons*. Fateor eū de hostibus loqui, sed iniquas eorū persecutiones calcaneo suo hærere dicit, quia potētia præualeant, & quasi talos pede prementes, immineant ad ipsum obruendum.

7 *Confidunt super opulentia*. Sequitur ratio cur non debeant filii Dei trepidare in rebus aduersis, ac multò minuc succumbere, etiam dum videntur cōstringi sub hostium manu, vt eorū violentiam vel fraudes effugere nequeant: nempe quia vmbraīli potentia frustrā turgent, quæ statim euanesceat. Ratiocinatur ergo Propheta, dum homines metuiamus, vano & fallaci metu nos turbati: quia non reputamus qualis sit eorū conditio: perinde ac si ab vmbra vel spectro quispiam sibi metuatur. *Gloriantur* inquit, *in multitudine diuitiarum*: & nos stultè in eundem errorem abripimur, quia non reputamus quā caduca sit & momentanea terrenæ huius vitæ conditio. Altius tamen respicit Propheta. neque enim tantū ex re ipsa ostendit, falsò putari beatos qui deliciis, vel opibus, vel honore excellunt in mundo, sed ex eorum sensu, vel potius stupore miseros esse coarguit. Nam quum felicitas in eius sensu qui fruatur, sit posita, stultos & socordes, nemo felices esse diceret, quia intelligentia carent. Propheta autem profanos homines vesanos esse ostendit: quia confidere in sua opulentia, & in diuitiis gloriari, sērum amentię signum sit, vbi stulti homines

non vident quod eorum oculis est expositum. Quotidie enim experiuntur, nullo pretio cuiusque vitam ab aliis posse redimi. vnde sequitur, non minus intelligentia priuatos esse quā phreneticos. Si magis placeat vertere, Fratem vir redimendo non redimet: idem manebit sensus, & phrasis Hebraica hoc patitur. Sunt qui **נפץ** pro vno accipiant. quod tamen non reuicio, videtur tamen non tam aptè congruere. Quod postea dicitur, *Nemo est pretium* quod Deo soluat pro alterius redemptione: huc pertinet, omnium vitam in vnius Dei manu & arbitrio esse: nec posse vlla pactione transigi, vt tempus prorogetur quoties Deo visum fuerit hunc vel illum euocare. Eandem sententiam confirmat sequenti versu, Quod pretiosa sit eorum redemptio. Significat enim non modò raram esse, sed nusquam posse inueniri. sicut primo Samuelis, 3.1, dicitur, sub sacerdotio Heli rara fuisse oracula, quia tunc desierant visiones. Summa ergo est, non posse inter homines inueniri pretium quo sibi, vel aliis æternitatem in mundo redimant. Vbi nos vertimus, *Et duratio eorum in seculum*, alii **לנצח** verbum esse putant, quod cessare interpretantur: ac si diceret Propheta, Nul- lum pretium tāti erit, vt locum habeat. Cessabit igitur perpetuū, quia nunquam ad suum effectū perueniet. sed quia nomen **לנצח**, vt Psalmo 39. 5, vidimus, præfixum vitæ tempus significat, visa est illa magis genuina interpretatio. Quam dicitur versu decimo, *vt adhuc viuat*, clarius exprimit Propheta, non solum postquam mortui fuerint homines, non posse redimi, sed dum superstitēs adhuc agunt in mundo, non posse longius illis prorogari vitam. Docet enim, præfixam cuique esse viuendi finē, quem transilire nequeat: itaque dum in sua peruersa fiducia desipiunt profani homines, propinquos esse sepulchro, à quo frustra se eximere tentabunt. Etsi autem non videtur ænigmaticè loqui Propheta, dum submisso & humili stylo populariter disserit, quia tamen quasi è sublimi Dei solio stuporem hominum hīc damnat, qui superbia excaecati obliuiscuntur se esse homines: quisquis rem ipsam expendet, fatebitur ænigmata

hic proponi. Interea in verbis perspicitur illa apertio cuius meminit, quia Deus articulata doctrinā tradere vult, quæ ne rudissimos quidē idiotas lateat.

11 *Quia videbit ut sapientes moriuntur, simul stultus & insipiens peribunt, & relinquent alienis opulentiam suam.*

12 *Intimum eorum domus eorum in sculum, habitationes eorum in generationem & generationem, vocauerunt nomina sua super terras.*

13 *Et homo in excellentia non manebit, similis factus est iumentis: intereunt.*

11 *Quia videbit.* Ego versum nomen cum decimo cōiunctim lego, quia Prophetæ consilium est, ostendere quanta sit eorum vecordia qui sibi imaginantur æternam in mundo vitam, studiaque sua applicant ad fabricandam sibi in terra perpetuam sedem, quum tamen asidue videant diffluere cunctos mortales. Vulgari prouerbio dicitur, experientiam esse magistrā stultorum: ergo plusquam stulti sunt, qui tot & tā claris exemplis conuicti, non resipiscunt, ut se mortales esse natos cogitent. Sic ergo cōhærent verba Prophetæ, Quum videant cæci isti Dei contemptores, mortem omnibus esse communem, & sapientes promiscuè cum stultis mori: nō desinunt tamē æternū sibi in terra domiciliū fingere. perinde enim vitam instituunt, ac si nunquam hinc migrandum foret. Videt igitur quisque eorum quid aliis contingat, hoc est, sine discrimine in eundem interitum inuolui omnes, quorum diuersa fuit conditio in terris: imò vident multorum opulentiam transferri ad alienos. Nam אֲחֵרִים (quanuis ad quoslibet successores extendi possit hoc nomē, quod simpliciter tam alios quā alienos significat) legitimis vel suis hæredibus opponi arbitror: quia si hæredē quis relinquat ex suo semine, videtur in illius persona quodammodo superstes. Vbi verò ad mortem accedit orbitas, nomen hominis penitus extinguitur. quo minus solatii est profanis hominibus, in quorum locum non succedunt filii, qui personam eorum sustineant. Sed adeo nihil proficiunt his documentis, ut nihil aliud in corde versent, quā æternam vitam in terra. Nam Hebraicum

nomen אֲחֵרִים quum medium cuiusque rei significet, metaphoricè pro corde hominis vel intellectus caput. Sensus itaque clarus est, quod fictitia terrenæ vitæ perpetuitas intimos eorum sensus occupet. Arguior interpretatio ab aliis affertur. nam quia אֲחֵרִים interdū sumitur pro sepulchro, rideri putant eorum stultitiā qui magnifica palatia ingenti sumptu extruunt, in quibus habitet eorū memoria post mortē, sed hoc cōmētum nimis frigidū est. Et quod cōtinuò post sequitur, priorē sententiam melius cōfirmat, nempe istos homines mundo deditos *vocare nomina sua super terras*, hoc est, magno conatu incumbere ut famā obtineant inter mortales. huc deberēt tendere eorū vota, ut nomen ipsorum scriptū esset in libro vitæ, ac benedictū coram Deo & Angelis, nunc perperā rapiuntur in contrarium affectum, ut famosi sint super terram, & altē resonant nomina sua. Nam vocandi verbo, inanē sonitū obliquè designat Prophetæ, quo celebrantur profani homines. Quibusdā magis placet diuersus sensus, Indiderūt nomina sua regionibus, ut gloriæ monumentum posteris relinquerent. Sed non dubito hanc esse Prophetæ mentem, laboriosè ipsos eniti ut sibi celebrem famam in terra comparent.

13 *Et homo in excellentia.* Postquam insanas cogitationes derisit, quibus se sponte decipiunt increduli, nunc addit, quanuis ita sibi placeant, instare tamen illis communem cum brutis pecudibus exitum. Et si enim quo ad animo inter homines & bruta animalia magnum est discrimen, meritò tamen Prophetæ de præsentis vitæ statu loquens, incredulos iumentis

fumentis similes in morte fore dicit. Neque enim opus erat disputare de futura vita, quia negotium erat cum filiis huius seculi qui ad illius spem non penetrant, nec animis aliam felicitatem concipiunt, quam qua nunc fruuntur. Ergo eorum vecordia insultans, Vos quidem, inquit, quasi exempli cōmuni hominum sorte, cornua effertis supra nubes: sed mors vobis imminet quæ abolebit vestram istam superbiam, vt nihil inter vos & asinos vel canes intersit. Nā quod subtilius ludant nonnulli Interpretes, mihi non probatur, fieri homines iu-

mentis similes quia non intelligunt ad quam praestantiam sint conditi, nempe dum animam illis Deus indidit quæ nūquam dormiet vel morietur. Nam mens Propheta satis perspicua est, frustra sibi blandiri profanos homines, propter caducam vitam, quia mox superueniet interitus, qui eos brutis pecudibus aggreget. Ac vltimo verbo seipsum declarat Propheta, cur compareret terrenos homines iumentis, quia scilicet ex ciduntur, vel pereunt. Quod alii subaudiunt relationum **וְכֵן**, in eo parum est momenti.

*14 Hæc via eorum stultitia ipsis, & posteri eorum ori ipsorum acquiescent. Selah.*

*15 Tanquam oves in sepulchro ponuntur, mors pascet eos & dominabuntur eis recti manē, & robur eorum vt veterascat: sepulchrum à domicilio eius.*

*16 Atqui Deus redimet animam meam è manu sepulchri, quia suscepit me.*

**14 Hæc via.** Quia variè exponitur hic versus, antequam verum sensum profero, aliorum sententias breuiter perstringam. quia nomen **וְכֵן** illa interdum significat Hebræis, quidam argutè hoc loco pro adipe accipiunt: ac si dictum esset, Hæc cogitatio illis est instar adipis, quæ sensus suos tegunt ac suffocant. Sed hoc asperius est quam vt longa refutatione indigeat. Quidam sic distinguūt, Hæc via eorum quasi stultitia est: quasi diceret Propheta eos peruersè vitam instituire, quia sanæ mentis non sunt compotes. nec enim fieri posse vt adeo turpiter delirent homines, nisi carerent omni iudicio. Nam si qua intelligentiæ gutta essent præditi, an non reputarent quorsum creati sunt, mētēscque in calum arrigerent? sic illi. Ego autem Propheta existimo simpliciter hoc velle, euentum tandem coarguere, mētē fuisse priuatos qui sic felicitatem suam in mundo locant: ac si diceret, detegi tandem cum magno dedecore eorum vesaniam qui in mundo subsidunt: & quāuis hæc rara prudentia pollere existiment, ubique plaudant in suo acumine, patēsceri tamen cum iusto ludibrio, quā-

fuerint insipidi. Hoc autē consultò dicit Propheta, vt filiorum amentiam magis amplifcet, qui Patrum exemplis edocti non respiscunt. Quia autem hoc quæque posterius membrum variè torquetur ab Interpretibus, primò referam quid alij sentiant. Verbum **וְכֵן** accipiunt pro ambulare, & nomen **וְכֵן** pro mensura: ac si dictū esset, filios eorum Patrum rationē incedere vel progredi. atque ita literā **ו** in **ו** resoluunt notā similitudinis, quod Hebræis satis tritum est. Atque hic sensus, fateor, non adeo longè distat à verbis & sententia Propheta. Quod alii ad iumenta referūt, nimis est contortum. Sed rectius meo iudicio sentiunt alii, nomen **וְכֵן** pro institutis vel præceptis fumentes. deinde melius conuenit verbum **וְכֵן** secundū cōmunem & magis receptū sensum accipere, vt cōsensum vel beneplacitum notet, ideo verti Acquiescere. Hoc autē vult Propheta, quum profanis hominibus vana sua confidentia cedat in stultitiam, vt meritò apud omnes sint ridiculi, prodigiosum esse in posteris furorē, qui ne tali quidem experimento admoniti, sapere incipiūt, sed se oblectant



isidem deliriis, idem sentiunt ac loquuntur quod Patres. Porro, quā velit Deus expendi sua iudicia in mundo, eos attētius decebat reputare quid actū sit cum Patribus: nunc dum prateritis ac neglectis tam insignibus exemplis præcipientes in eandem vanitatem ruunt, eo magis convincitur bruta eorum amentia.

15 *Tanquam oues.* Similitudo valde appositā, descendere istos homines in sepulchrum, sicuti oues sub manu pastoris in suum ouile aggregantur. Nam vix superbo hominī sufficit totus mundus: adeo variis suis figmentis turgent singuli, ut fere proprium sibi solem, aërem, terram storsum appetant. Ab illo immēso fastu quo se longē latēque extendunt, Propheta eos quasi oues coarctuat in sepulchrum, & morti pascendos tradit. Sensus ergo est, quum sibi primatum vsurpent inter homines, vē-turos tandem sub iugum mortis, ut serō discant de nihilo se fuisse gloriatos. Nam prostratos iacere sub tyrannide mortis, miserior est seruitus ac fœdior, quā subesse quibuscumque hominum imperiis. Secundo membro ab hac tristi & infauita sorte separat Propheta Dei filios: atque ita anticipat quod alioqui promptum fuisset obliuiscere: Tu quidem verē prædicas morituros esse qui in hoc mundo cōsistunt: sed quid noui afferes? vel cur hominibus exprobras naturā Legem, quum omnibus imposita sit ista necessitas? deinde quid mortalibus insultas? quasi non sis vnus ex numero. Huic obiectioni scitē occurrit Propheta, quasi diceret, Si mors esset totius hominis interitus, nihil dicerem noui: sed quia increduli meliore vitā, ad quam conditi sumus omnes, indignē se priuāt, merito & rectē eorum vecordiam insector. Nimis enim peruersum est, ut beati sint ad momentum, & quasi somnio abiciere spem & meditationē futuræ vitæ, seque abdicare cælesti gloria. Iam videmus quod initio dixi, longē differre huius Psalmi doctrinam à præceptis philosophicis. nam eleganter & facundē ridetur à Philosophis mundi ambitio, reselluntur stultæ hominum cupiditates, coarguitur etiam caduca hominum fragilitas: sed quod præcipuū est, ab illis omittitur, nos, quia regimur

Dei prouidentia, beatos esse: deinde felicem omnibus nostris malis fore exitum, quia nos manet æterna in cælo hæreditas. Nunc si queratur quale futurū sit rectorum dominium, expedita est responsio: quia reprobos omnes proster ni sub Christo Capite nostro oportet, ut sint scabellum pedum eius, hoc quoque ad omnia eius membra pertinere. Nam quod dicitur traditurus regnum Deo & Patri, hoc certē nō faciet ut aboleat suam Ecclesiam, sed ut sit Deus omnia in omnibus. Ac in adverbio *tem poris manē*, apprime concinna est trāslatio. Nam quia nunc in tenebris versamur, vitā hominis super terrā tacitæ cōparatur nocti vel somno, idque præsertim respectu infidelium, qui in terra quasi sopiti desident: imō tam confusa est rerum omnium caligo, ut pia quoque mētes torpore obruantur, nisi quatenus per verbum suum Deus affulget. Certē nō nisi per speculum & in enigmate cernimus, ideoque aduentus Domini iustar auroræ erit, quā tam electi quā reprobī suo modo euigilēt: priores scilicet, quia excussa tarditate & pigritia, discussis etiam nebulis, claro intuitu facie ad faciem Christum Solem iustitiæ, & in eo plenum vitæ fulgorem cernent: hi verō qui nunc prorsus cæcutiunt, à sua socordia excitati, cognoscere incipient nouam vitam cuius nullum gustum nunc percipiunt. Atque hæc admonitio non ideo tacitū necessaria est, quia caro nostra semper nos deorsum trahit, & magna ex parte fidei lucem suffocat vel obscurat: sed quia profani homines ex continuo mundi circuitu colligūt nullam fore aliam vitam, quē admodum etiam Petrus admonet ridere eos spem Resurrectionis, quoniā ab initio continuus naturæ ordo fluxerit per tot secula, 2. Pett. 3. 4. Quare ne eorum petulantia nos conturbet, succurrat nobis hoc Prophetæ dictum, quanuis nunc demersus sit in tenebris mundus, exoriturum subito nouum manē, quod faciem veræ & æternæ vitæ nobis restituet. Sequitur postea, *rubur eorum*, vel figura ad vetustatem, vel, ut *vetera scat.* Nam utroque modo exponitur nomen **קָדָרָה**. Si legamus Robur, optimē quadrabit sensus: valere istos opibus & potentia

tētia, sed ad breue tempus, quia statim marcescunt & concidunt, imò potius liquefiunt. Sed quia maiori consensu recepta est diuersa sentētia, libenter subscribo, figuram eorum ad defectionem tendere. Sicut enim Paulus 1. Cor. 7. 31. dicit, Præterire figuram huius mundi, significans terreni status euanidam dūtaxat esse speciem: sic Propheta eleganter figurā comparat gloriam inanem, & cui nulla subest soliditas. Quod sequitur, non nihil obſcurum est: quidam verunt, Sepulchrum est domicilium illis: & tum **U** faciunt literam formatiuam nominis. Sed verbis & menti Prophetae melius congruit diuersa interpretatio, sepulchrum illos à domicilio suo manere. Nam mutatio numeri Hebræis familiaris est: intelligit autem Propheta, quantis nunc in splendidis ædibus habitent, ubi videntur fixum sibi habere nidum, breui tamen fore vt egredi cogantur, ac sepulchrū eos excipiat. Fortè etiam tacite alludit ad ambitiosos eorum transiūs, quia nunquam in publicū prodeunt sine magna pompa. negat igitur Propheta hoc illis fore perpetuū, quia tandem in sepulchrum descendēt.

16 *Atqui Deus.* Potest etiam paricula **U** transſerri. Certè. Nam quod in genere dixit Propheta, iustos manē dominaturos, nunc in peculiarem vsum suum applicat, quo fidem suam certius ædificet. Est igitur quasi appendix superioris sententiæ: dum ad suam personam accommodat Propheta quod nuper de iustis omnibus dixerat. *Manum* pro imperio & potestate accipi, satis notum est. nam quod alii pro plaga accipi volunt, nimis est coactum. His autem verbis fateatur Propheta se quidem naturaliter mortī esse obnoxium, sed Deū fore vindicem suum & redemptorem. Porro hic præclarum habemus testimonium fidei, in qua vixerunt & mortui sunt sancti Patres sub Lege. Videmus enim non substituisse eos in præſenti vita, sed mentibus in cælum sublatis currisse per hunc mundum, donec statium suum peragerent. Nam si speraret Propheta ab vno vel altero periculo se esse redimendum: hoc etiam filiis huius seculi commune esset, quos sæpe Deus ex magnis discriminiſus eruit. Sperauit

igitur vitam in morte, quia superatis mundi tenebris, oculos ad illud manē dirigebat quod secum afferret æternū diem. Vnde etiam colligimus spirituales fuisse promissiones Legis, quibus freti sancti Patres, sponte & libenter peregrinati sunt in mundo, vt in cælesti hereditate tandem quiescerent. quo magis mirum est Sadducæos qui in Lege educati erant, cō stuporis delabi potuisse, vt animam hominis putarent nihil aliud esse quā halitum. Plusquā enim cæcus erit qui hunc locum transiliet ac si nulla in eo fieret cælestis vitæ mentio. Quomodo enim torquetur quod proximo versu de nouo & insolito manē dixit? Certè quotidie exoritur Lucifer terris: sed diem certum illic designat, quo Deus ipse solis partes implebit, vt nos illustret gloria suæ conspectu. Iam verò quum subiicit, certè *Deus animam meam redimet ab imperio sepulchri*, nōne sibi peculiare aliquid promittit, quod non cōpetit in reliquos homines? Quod si redimi à morte priuilegium est solis Dei filiis datum, certò colligimus meliorem vitam sperandam esse. Notare etiam operæpretium est quod prius attingi, rite nos demum proficere in Dei promissionibus, dum sibi quisque accommodat quod generaliter omnibus Deus offert, hanc rationem nunc tenet Propheta. Vnde enim de animæ suæ redemptione certus est, nisi quia futura est olim alia conditio piorum, quā nunc in mundo appareat: ipse autem ad Dei filios se aggregans, huius gratiæ se quoque participem esse statuit. Quod postea subiicit, Hebræicè ad verbum sic legitur, *quia suscipiet me*. Sed quidam causalem particulam **U** in aduerbium temporis resolunt: & verbum **U** accipiūt pro tollere è medio: vt sit sensus, Quando me Domini ex hac vita ad se colliger, animam meam eruet ex potestate sepulchri. Sed vereor ne hoc sit nimis cōtortum. Rectius sentiunt alii, futurum tempus loco præteriti positum esse, & propriā significationē causalis particulæ retinent. Neque enim Propheta in seipso querenda fuit spes suæ resurrectionis, sed in gratuita Dei adoptione: quia eum amplexus suo fauore Deus fuerat, eūque assumpserat in ordinem suorum

Quaquam tempus verbi mutare necesse non est, sicuti hæc sententia arrideat, Deus anima mea custodiam suscipiet in morte, ideo eam asseret ab interitu. Vnde enim sit ut de se vulgò actū esse putent homines ubi in sepulchrum descenderint, nisi quia animas suas Dei tutela & fideli non commendant? quia nō

reputant eas, instar pretiosi depositi, saluas manere sub eius custodia? Ergo utcumque in speciem euanescat hominis anima dum migrat à corpore, statendum tamen est, colligi tanquam in Dei sinum, ut illic fideliter seruetur usque ad diem resurrectionis

17 *Ne timeas quum ditabitur vir, quum multiplicabitur gloria domus eius:*

18 *Quia non auferet omnia in morte, non descendet post eum gloria eius:*

19 *Quia anima sua in vita sua benedicet, & confitebuntur tibi quum benefeceris tibi.*

20 *Veniet ad aetatem patrum suorum, usque in perpetuum non videbit lucem.*

21 *Homo in excellentia, & non intelliget: similis factus est iumentis: interibunt.*

17 *Ne timeas.* Eandem quam prius habuimus, sententiam repetit sub forma exhortationis, frustra scilicet terreri Dei filios hostium suorum dimittis & potentia, nec esse cur illis inuideat, quia instar umbræ citò præterit caduca hæc felicitas: ac ne in terra subsidant animi nostri, finem vitæ vult semper nobis versari ante oculos. Sic enim fiet ut nos minime obruat tedium miseriarum, quibus nos in hoc breui curriculo exerceri oportet: deinde vltimo alto animo spernamus fallaces pompas, in quibus sibi tantopere plaudunt profani homines. Ne ergo eiusmodi spectaculis turbemur, prudenter nos Propheta ad mortis considerationem reuocat, quæ momento superueniens, fucato isto splendore exutos in sepulchrum deiiciet. Hoc enim significat his verbis, *nō auferet omnia in morte.* ut præclare agatur cum mortalibus, non posse tamen ultra vitæ finem, in eadem manere gloria. & hanc nuditatem proximo membro confirmat, quum dicit, *non descendet post eum gloria eius.* Quantumvis enim luctentur miseri homines, & quasi inuita natura aliquid post mortem gloriæ sibi asserere contemnit, putredinem tamen & nuditatis probum non effugiunt, quemadmodum

scitè à poeta dictum est,

- mors sola fatetur

*Quantula sint hominum corpuscula.*

19 *Quia anima sua.* Versus hic variis modis torquetur. Quidam ita resoluunt verba, Anima suæ debuerat benedicere in vita. Alii prius membrum ad incredulos referunt, secundum verò ad fideles qui Deum celebrant in omnibus suis beneficiis. Quidam etiam totum contextum de fidelibus accipiunt, sed perperam. Ego verò eos rectè sentire non dubito qui hic quoque notari docent homines carnis deliciis addictos. Ac priore quidem membro dicit eos anima sua benedicere, quandiu in mundo agunt: quod suauiter se oblectent ac ingurgitent terrenis voluptatibus, securè denique sibi in belluina intemperantia indulgeant, sicuti à Christo describitur apud Lucam 12. 19, diues ille, Epulare anima mea ad fatietatem, &c. vel certè quod non alibi quàm in mundo felicitatem expetant: quia nullo celestis vitæ studio tangantur. Quod alii Benefacere vertunt, mihi nō placet. videtur enim mihi locus hic congruere cū illo Moysi, Deuteronomii 29. 19, Ne forte errore quis seductus, animæ suæ benedicat. hoc est, ne sibi blandiatur quasi



quasi Deum impune contemneret. Ridentur enim hic eorum socordia qui se beatos somniantes, delicias sibi faciunt. In altero autem membro, personarum ratio est, atque apostrophe ad voluptuarios istos homines qui se in mundo beatos esse somniant. Intelligit enim Propheta eos non proprio tantum errore inflari dum semideos se esse putant, sed dementari fallaci mundi plausu: dum passim laudantur habenturque in pretio, & vulgi opinione felices censentur, dum libidines suas expleant posthabita celestis vite cura.

20 *Veniet ad aetatem.* Iam admonet quam fallaces sint illa blanditiis quibus se decipiunt increduli, & ab aliis etiam falluntur. Postquam, inquit, inebriari fuerint tam proprio errore quam vulgi plausu, non tamen peruenient ultra patrum aetatem. Atque ut maxime sint longevi, non tamen fruentur perpetua luce. Alii paulo secus interpretantur, Venire ad patrum aetatem pro eo quod est in sepulchrum una cum patribus colligi, sicuti mors vulgo dicitur, via vniuersae carnis. Et paulo antea dixit Propheta turmatim aggregari in sepulchrum, quasi in ouile. Ita hunc volunt esse sensum, Quia in caelum non aspirant, sed iacent in mundo defixi & terrae putredine, venturos ad finem parum. Ita secundum eos lumen perpetuum non videre, tantumdem valet ac demergi in aeternas tenebras, vel prorsus extingui, quia a Deo alienari longe deterius est omni interitu. Ego autem malo coniunctim legere, Quamvis se inanibus blanditiis deludant, non transibunt tamen metam cunctis mortalibus praefixam. Ceterum quia ad summam rei parum interest, libera sit electio. Tantum notandum est, si haec posterior interpretatio magis probetur, quod sequitur de luce sic debere intelligi, luce vitali non potiri incredulos nisi ad breue tempus: quia simulacrum mundo migrauerint, non alia vita illis superest. Monemur autem sedulo cauendum esse ne in hac vita nobis benedicamus, sed potius dandam operam, ut extra mundum egressi, ad caelestem benedictionem tunc feramur: nec minus etiam

cauendum esse, ne vani hominum plausus nos abripiant. Hoc idem dixerunt profani homines

*non si quid turbida Roma*

*Elenet, accedas, examen reimprobum in illa*

*Castiges trutina: nec te quae sineris extra.* Sed quia nobis fere ingenuus est hic error, vanis adulationibus nimium credere, audienda est haec Prophete admonitio.

21 *Homo in excellentia.* Quoniam prius videri poterat nimis contemptum loquutus esse de praesentivita, quae si per se aestimetur, singulare est Dei beneficium, speciem correctionis adhibere, vel sententiam prius a se dictam, uno interposito mitigat, quod scilicet homines in iumenta degenerent, quia insipide vorant quicquid bonorum illis largitur Deus, atque ita excellentiam qua Deus ipsos dignatus fuerat, quasi in nihilum redigunt. Inuehitur ergo Propheta in peruersum abusum, ubi sine ullo pietatis gustu absorbet profani homines quicquid bonorum in eos Deus confert: praesertim vero ubi obstupescunt in caduca dignitate, quae potius adminiculum esse debebat mentibus eorum sursum erigendis. Hanc ingratitude damnat Propheta, quod indignè praestantiam suam corrumpant profani homines, & a recto usu desciscendo, lucem conuertant in tenebras. Unde etiam colligimus non nisi nostra culpa nos in mundo esse miseros: quia si bona nostra agnosceremus quibus nos prosequitur Deus, illisque rite uteremur, iam hic emicarent quaedam futurae beatitudinis scintillae. Sed honor hic corruptela nostra perit. Quamquam autem increduli quoque ipsi, quantisper in mundo viuunt, praecellunt brutis pecudibus, quia ratione & intelligentia praediti, notas adhuc aliquas imaginis Dei retinent: verè tamen a fine ipso pronuntiat Propheta iumentis fore similes, quia inani sua gloria spoliati, in eundem cum pecudibus interitum cadent. Nam quod superstitès a morte erunt eorum animae, id minimè oblaabit quominus in aeternum dedecus mors ipsos demergat.

## ARGUMENTVM PSALMI I.

*Quia semper hypocrisis referat fuis Ecclesia, qui defunctorum externis tantum caeremoniis Deum sibi commendandum fingerent praesertim quia apud Iudaeos multi legales figurae, positabitis veritates, perperam sedati sunt ac si tantum sacrificia & aliorum Deus exigeret: crassum hunc errorem castigat Propheta: severèque denuntiati impiè profanari Dei nomen, dum in caeremoniis locatur pietas: & spiritalem esse Dei cultum ostendit, cuius praecipuae partes sint invocatio & gratiarum actio.*

*Psalmus I.*

*Canticum Asaph.*

**D**eus deorum Iehoua loquutus est, & vocavit terram ab orientis solis usque ad occasum:

2 E Sion perfectione pulchritudinis Deus resplenduit.

3 Veniet Deus noster, & non silebit, ignis in conspectu eius vorabit, & in circuitu eius turbo agitabitur valde.

4 Vocabit calos supernè, & terram ad iudicandum populum suum.

5 Congregate mihi mansuetos meos, qui percutiunt fœdus meum super sacrificiis.

**I Deus deorum.** Quanquam Psalmus inscribitur Asaph, nescitur tamen fueritne eius author: an verò, quò unus esset ex praecipuis cantoribus, eum ex manu Davidis suscepit. Sed quoniam in ea re parum est momenti, potius videamus quod ad rem magis pertinet. Multi putant hic describi renouationem Ecclesiae: & haec opinio passim obtinuit, huc spectasse Prophetam consilium, ut Iudaeos moneret, vmbrailem Legis cultum non nisi temporalem esse, qui paulò post abrogandus esset. Hoc quidè verissimum est, Deum olim talibus rudimentis Iudaeos quasi pueros, exercuisse, usque dum adolefceret Ecclesia, & veniret tempus plenitudinis, ut Paulus vocat, Galat. 4. 4. sed nunc aliud quaeritur dirigatne Propheta sermonem ad seculi sui homines: & legalis cultus abusum & corruptelam simpliciter damnet, an vaticinium edat de futuro Christi regno. Ex còtextu verò facile patebit, Prophetam apud suos aequales fuisse Legis interpretè, ut doceret caeremonias, quo tempore vigebant, nullius per se esse momenti, sed referri potius in alium finem. Et quod obtenditur, Deum nunquàm totum orbem vocasse, nisi quum Evangelium promulgatum fuit, quia Legis doctrina certum & peculiarem populū

sibi collegit: nullo negotio refelli potest. Neque enim intelligit Propheta totum orbem aduocandum, ut commune doctrinam pariter audiant omnes Gentes, sed ut corà toto genere humano Deus causam suam cum Iudaeis disceptet. Còuenit enim hac còtestatio cum illa Moysis Deut. 32. 1. Audite celi quae loquar, audiat terra verba oris mei. Item, Deut. 30. 19. Contestor hodie cælum & terram quòd tibi proposuerim viam vitæ & mortis. Cum illa etiam Iesaiæ, 1. 2. Audite celi & auscultet terra: quia Dominus loquutus est. Et haec vehementia apud hypocrisis necessaria fuit, ut excusis blanditiis seriò ad Dei iudicium attenderet. Praesertim verò in hac causa necesse fuit grauius expergesceri Iudaeos. Nam quum propensi sint homines ad externas larvas, Deum ex suo quoque ingenio metuntur atque ita optimè se erga eum defunctos putant, vbi caeremonias operam dederint. Ita Iudaeis procliuè fuit Legis figuras temere arripere, ac si earum obseruatione Deum rite placerent. & scimus de hac superstitione acerrimum semper fuisse certamen Prophetis, quia pessimi quique & impurissimi homines se pro veris Dei cultoribus audacter veditabant. si modò suā impietate tegere possent fallaci aliqua pietatis

pietatis specie. Quare nō satis habuit Propheta simpliciter docere corrumpti & violari Dei cultum, vbi neglecta fide & puritate cordis, tantum ad externos ritus intenti sunt homines: sed vt torporem excuteret ac fallacem fiduciam corrigeret, necessarii dē seueram hanc denunciationem adhibuit. Quod ergo Deum hic Gentes omnes ad suum tribunal citantem inducit, non ita interpretor, quasi promiscuē toti mundo verā & synce-  
rā pietatis regulam tradat, & vndique Ecclesiam colligat in suum obsequium, sed vt hypocritæ suo more sibi adulari desinant. Nam ad eos pungendos hic non leuis fuit stimulus, testes improbæ suæ dissimulationis habere cūctos mortales, & spoliari larua illa pietatis qua se venditabant. Huc etiā pertinet, quod Iehoua Deum deorum nominat, quia nisi iniecto serio terrore, nunquam Deo illudere desinunt. Quod etiam ex reliquo contextu melius patebit, vbi Dei maiestas formidabilis describitur: vt sentiant hypocritæ nihil se proficere puerilibus nugis, quia negotium sit cum tam severo iudice. Sed ne quis obiciat diuersum quicquam à Lege hic tradi, & conuelli cultum à Mose præscriptum, nominatim exprimit Propheta, consentaneum cum Lege fore iudicium hoc, cuius est præco. Deum enim verba facere ē *Sin*, tantundem valet ac Legis suæ autoritatem sancire. ideoque Propheta, quoties hac loquendi forma v-  
runtur, se Legis interpretes esse asserunt. Nam quia mons ille non hominum temeritate fuerat delectus, relationē habet ad Legem. Itaque nunc Propheta ansam disputandi præcidit Iudæis, quia Deus ipse non aliquo nouo iure reos faciat qui cordis impuritate fucata specie tegunt, sed ex Lege sua per Mo-  
sen lata cum ipsis discipet. *Sin* autem vocat perfectionem decoris: honorifico nomine: quia Deus Sacrarium illud elegerat, vbi nomen suum inuocaretur, & illic eius imago in Legis doctrina fulgebat.

3 *Veni et Deus noster.* Quod repetitur venturum, ad confirmationem doctrinæ valet, vt vehementius concutiat torpentes animos: Veniet, inquit, nec silebit vsque in finem: ne eius patientia abuti pergatis. *Deus noster.* Duobus mo-

dis hoc potest exponi, vel quod Propheta se veris Dei cultoribus, qui paucissimi erant numero, aggregans, se ex aduerso statuat, vt demonstret hypocritas falsō & inaniter iactare, Deum sibi esse communem cum sanctis Patribus. Verum alter sensus mihi magis aridet, quod Propheta, quasi vnus e populo, pronuntiet Deum illum cuius nomen obtinebant omnes filii Abraham, violati sui cultus fore vindicem. Veniet ergo Deus noster, quo nos gloriamur, Deus ille qui sœdus pepigit cum Abraham, idem ille qui per manum Mo-  
sis Legem nobis dedit. Quod de igne & tur-  
bine sequitur, tamen ad expegefacien-  
dos Iudæos positum est, vt tandem expauescere discant ad Dei iudiciū, quod hætenus nimis securē spreuerunt: al-  
lusionem tamen continet ad horribile il-  
lud spectaculum quod Deus in monte Sinai exhibuit, Exod. 19. 16. Scimus enim tonitrua in toto aere sonuisse vnā cum tubis, cælum refertum fuisse fulguribus, flammam vndique ex monte mi-  
cuisse: vt Deus populi animos ad reuerentiam Legis suæ subigeret. Itaque sensus est, Quemadmodum olim tremefecit Deus populum in Lege sua promulganda: ita nunc terrifica potentia armatum fore, vt crassum doctrinæ suæ abusum vlciscatur.

4 *Vocalis calos.* Ex his verbis colligere promptum est quorsum prius dixerit vocandam esse terram. nunc enim idem repetens, Deo non nisi cum Iudæis litem & iudiciū fore affirmat, sed præ sente toto mundo, quia scilicet solenne hoc & insolitum iudicium, longē ab ordinariis differet, quæ Deus quotidie exercet per suos Prophetas. Ergo ne semper in suis latebris desideant hypocritæ, causam illis Propheta agendam esse denuntiat coram Angelis & cunctis mortalibus, nec posse effugere quin trahantur ad tam celebrem conuentum. Quæri tamen potest cur reos citet Propheta pios Dei cultores, quum expositulatio, quàm mox subiciet, non nisi in fucatos & perfidos Iudæos competat. Respondeo hic Deum de tota sua Ecclesia loqui: & quanquam magna pars generis Abraham à pietate delinquerat, respicere tamen ordinem à se institutum. *M*



*fueros ergo vocat, non vt omnibus promiscuè reddat veræ pietatis testimonium, sed vt melius ad finem vocationis suæ attendant: ideoque species ironiæ subest quoad degeneres & simulatos Iudæos: quia obliquè mordentur, quòd professioni suæ minimè respondeant. Siquis subtilius exponere malit, Segregate mihi pauculos qui sincere & ex animo me colunt, ab ista promiscua multitudine quæ nomen meum sceleratè polluit, ne posthac fallaci externiculus integumento se inuoluant: non repugno quin hoc Prophetæ consilio & causæ quam agit, bene conueniat. Nihil tamen absurdi erit, si dicamus, in Ecclesia corrupta, piis & integris, quantum pauci residui essent, deferri tantum honoris, vt eorum respectu mixta ex bonis & malis turba sanctus Dei populus vocetur. Quod postea sequitur, in varios sensus trahunt Interpretes. Quidam enim *super sacrificia* putant dici loco Præter: quasi Deus in veris cultoribus hoc laudet, quòd altius aliquid in suo fœdere requiri agnoscant quàm externas cæremonias, ideoque non subsistant interrenis umbris. Putant alii directè opponi sacrificiis spiritualem Dei cultum: ac si dictum esset, Pro sacrificiis, vel illorum loco *fœdus meum* legitimo ritu sanctiunt: quia syncerum cordis obsequium mihi consecrant. Atqui Prophetæ,*

*meo iudicio, potius verum & genuinum vsum legalis cultus hic commendat. Magni enim interfuit, probè cognosci quem in finè exigeret sacrificia in Lege. Propheta autem clarè hic denuntiat nihil esse momenti in sacrificiis, nisi vt sint quasi sigilla, vel syngraphæ, vel alia adminicula ad sanctiendū Dei fœdus. Imò alludit ad morem passim receptum. nā vt maior esset fœderib⁹ religio & fides, scimus interpositis sacrificiis fuisse confirmata. Itaque Deus quod sanctius populum sibi obstringeret, atque vt firmum ratumque esset suum fœdus, sacrificia instituit. Locus notatu dignus: ex quo apparet quinam apud Deum pro veris Ecclesiæ membris censeantur: nempe qui spiritu mansuetudinis præditi, æquitatem colunt cum fratribus, & oblatum ab ipso fœdus adoptionis sincero fidei obsequio confirmant. Quicumque ergo alium protexunt Dei cultum, & à pura cælestis doctrinæ sanctione defleant, vt millies plenis buccis se Dei esse Ecclesiam iactent, eos Spiritus sanctus ab Ecclesia Dei exterminat: quia non aliò spectent sacrificia & omnes cæremonias, quàm vt in nobis obfignetur pura Dei veritas. Vnde sequitur, ritus omnes qui non pendent ex Dei verbo, adulterinos esse, & cultum omnem qui illuc non refertur, nihil aliud esse quàm pietatis corruptelam.*

6 *Et annuntiabunt celi iustitiam eius, quia Deus iudex ipse. Selah.*

7 *Audi popule mi, & loquar tecum: tu Israel, & annuntiabo tibi, Deus Deus tuus sum ego.*

8 *Non super sacrificiis tuis arguam te, & holocausta tua coram me semper.*

9 *Non sumam è domo tua vitulum, è caulis tuis hircos:*

10 *Quia mea sunt omnes bestia syluæ, animalia in montibus mille.*

11 *Novi omnem volucrem montium: & bestia agri penes me est.*

12 *Si esuriam, non dicam tibi: quoniam meus est orbis & plenitudo eius.*

13 *An comedam carnem taurorum, & sanguinem hircorum bibam?*

6 *Annuntiabunt celi.* Quia tantum erat stuporis in Iudæis, ut ludendo & ineptiendo se fingerent implere omnes iustitiarum numeros, minatur Propheta, quanvis nunc conuiueat Deus, patefacturum iustitiam suam è cælo quæ refellat & exinaniat omnia eorum commenta. Patatissime, inquit, vestris fallaciis placari Deum, quibus habetur ludibrio? utenque nunc spargatis fumos istos, Deus tandem è cælo patefaciet suam iustitiam, asseret à prauis vestris figmentis: testes erunt celi ipsi vestræ perfidiæ, quod contempta vera sanctitate corruperitis syncerum Dei cultum: quia non amplius patietur Deus se vestro arbitrio transformari, ac si in rationem coram eo non veniret interior vestra malitia, quam friuolo prætextu nunc fucatis. Videmus iam appositè loquutū fuisse Prophetam pro causâ quam agit ratione. Nam ut taceantur homines Deum esse iudicem, quia tamen lusus deinde sibi fabricant, quibus transigant cum eo, oblique iudicandi munus & potestatem ei abrogantes, à vanis eorum cauillis necesse est quam laturus est sententiam asseri.

7 *Audi popule mi, & loquar.* Postquam officio præconis functus est Propheta, & addidit etiam quæ meritò percellerent hominum mentes, Deum continuo tenore loquentem inducit atque vterum ostendat causam maximi ponderis tractari, attentionem excitat pluribus verbis. Nam Deus populum suum appellans, auctoritatem verbo suo vendicat: deinde admonet non vulgare sibi sermonem fore, sed exoptulandi sibi esse materiam, quod à legibus pacti sui desciverint. Vertunt quidā cōtestabor cōtra te. Sed ex cōmuni Scripturæ vsu colligim⁹ notari potius cōtestationē de mutuo iure, ac si Deus fœderis sui memoriā renouaret: ac solenni ritū, quod sibi ex pacto deberet, exigeret ab electo populo. Eadem ratione præfatur se Deū esse Israelis, ut Iudæos ad suū vnus arbitriū ac nutū reuocet: atq; emphatica est nominis Dei repetitio:

ac si diceret, Dum me alligatis vestris figmentis, quantum distat hæc audacia & temeritas ab ea quæ mihi debetur reuerentia? Nam quū Deus sim, compescere omnem proteruiatū debebat maiestas mea, ut ad vocem meam siletet omnis caro. Inter vos autem quibus me patefeci in Deum, eo plus obsequii merebar.

8 *Non super sacrificiis.* Hic est causæ status, Deum sacrificia nihil morari, neque dignari vllio pretio si per se æstimentur. non quod frustra sacrificauerint Iudæi, & absque vllō fructū: quia nimis absurdum foret, quicquam inutile fuisse à Deo præceptum. Sed quum Deus officia quædam simpliciter probet, pietatis verò exercitia, quatenus referuntur in legitimum finem, vbi signis nulla veritas coniuncta est, ea meritò repudiat Deus. Atque hæc loquēdi forma Prophetis trita est, ut diximus aliquoties, ac præsertim Psalmo 41. Quoniam ergo cæremoniæ si per se reputentur, nullius sunt momenti: negat Deus eas se flagitare ac si in illis occupari vellet seruos suos, quāt tantum sint spiritalis cultus adiumenta. Sic Iere. 7. 22, negat se quicquā mādasse de sacrificiis. Sic Propheta Mich. 6. 7, dicit, Nūquid abs te postulat Deus tuus ut immoles greges arietū aut in millibus arietū beneplicitū eius? quin potius ut facias iudiciū diligas æquitatē, &c. Sic Oseas 6. 6. Misericordiam volo, & non sacrificium. Denique referi sunt Prophetæ hac doctrina: maxime apud Iesaiam insignes sunt loci, cap. 1. 12, & 58. 1, & 66. 3. Quam sæpe Deus vbi sacrificia ab impiis vitiaata esse conueritur, non modò fructu vacua esse pronuntiat & respuit, sed addit etiam, talibus corruptelis irā suam prouocari. Hæc autem distinctio tenēda est, vbi viget inter homines Dei institutio, & se in cæremoniis ad fidem suam alendam & confirmandam exercent, in parte veræ pietatis locari, cuius sūt adminicula. vbi autē nō modò sine hī de eas hypocritæ obrudūt, sed neglecta gardis mundicie ad propitiandum Deū

singunt esse piacula: non tantum pro nihilo duci quasi friuolas nugas, sed grauius damnari tanquam inquinamenta quæ Dei cultum profanant. Tenemus quid sibi Deus velit his verbis, Non arguam te ob sacrificia: quod scilicet altius respiciat. Posterius membrum commodè ita potest accipi, quod holocausta ante Dei oculos ad satietatem, imò fastidium usque versentur, quemadmodum Iesaiæ 1.13, dicit naufragam sibi pronocari. Alii negationem subaudiunt, & contexunt cum priorè mēbro, quod Deum rationem exigere nolit de omnis sacrificiis, si Iudæi in illis non tam ut decebat, seduli fuerint. Probabilis tamen est eorum sententia, qui relatiuo interposito legunt, De sacrificiis quæ coram me iugiter acti dictum esset, Quauis ex Legis præcepto assidue holocausta mihi offerri conueniat, ego tamen de hoc neglectu litem vobis non mouebo.

9 *Non sumam de domo tua.* Duas ad ducit rationes cur sacrificia non curet, neque illis oblectetur. prior est, quod etiam si vescatur sacrificiis, non tamen indigeat hominum opera, quoniam tota mundi plenitudo sit sub eius manu. altera est, quod cibo & potu nihil opus habeat, quæ subsidia sunt humanæ infirmitatis. Priore igitur loco suam opulentiam profert Deus in medium, ut

minimè opus sit quicquam ab hominibus mutuari: atque hanc doctrinam partem prosequitur quatuor versibus. Deinde se disiungit ab hominibus, qui caducam vitam cibo & potu tolerant: quæ propria vita, quæ totum mundum viuificat, abundè contentus sit. Etsi autem nihil dicere videtur Propheta quod non palam omnibus notum sit ac testatum, quia tamen ad carnalem Dei cultum natura tam sumus procliuus ut Deum æstimemus ex nostro ingenio: hæc admonitio valde utilis est, arcanamque sapientiam continet, ubi omnia conari fuerint homines, nihil tamen posse Deo commodare, sicuti Psalmo 16.2, vidimus, Beneficentia mea non ad te. Secundo Deum nihil in usum poscere, sed quæ sua perfectione contentus sit, hominum vilitatem querere in omnibus præceptis. Eodè ferè tendit illud Iesaiæ cap. 66. vers. 2, Cælum sedes mea, terra scabellum pedum meorum. Quam igitur domum extruetis mihi, &c. Item, Nonne manus mea hæc omnia fecit? Quibus verbis se ab omni necessitate eximit, quia ipse sit æternus: mundus autè iniriū habuerit. Vnde sequitur, penes ipsum plenam esse *autarxiā*, quia ut non superpetat aliarum rerum copia, sibi ipse sufficit.

14 *Sacrifica Deo laudem, & redde Excelso vota tua.*

15 *Inuoca me in die afflictionis, eruā te & glorificabis me.*

14 *Sacrifica Deo laudem.* Hæc secunda pars non parum lucis addit superiori doctrinæ. Nam si tantum sacrificiis nihil pretii esse dixisset, dubitari poterat cur sibi Deus offerri iussisset: nunc comparatio veri cultus illam obscuritatem tollit, quia inde colligitur non contemni à Deo sacrificia, si modò legitimus vsus accedat. Principium illud naturaliter omnium cordibus infixum est, nec potest excuti, Deum esse colendum. Quia verò omnium ingenio nihil magis repugnat, quam purè & spiritua liter Deum colere, fragmenta imaginari necesse est quibus vmbra aliquam obendant. Quod si intelligant se nihil proficere, manent tamen impliciti suis

illis fallaciis: quia verentur, imò exhorrent, omnem Dei cultum abicere. Ita donec regula probè & rite colendi Dei innotuerit, regnum semper obtinet cæremoniæ. Porro in vocibus *laudis* & *precationis* est synecdoche, quia partem vnam duntaxat veri cultus attingit Propheta, quum iubet Deum agnoscere Authorem bonorū omnium, & quam meretur laudem, ei tribuere, ne iure suo fraudetur: deinde ad eius fidem confugere, in eius sinum deponere omnes curas: nec alium expectere liberatorem in precibus, ut tandem pro accepta salute, ei gratia agantur. Fides enim & abnegatio nostri, & vitæ nouitas, & tolerantia crucis, vera sunt sacrificia



scia quæ sibi placere Deus pronuntiat. Sed quia ex fide nascitur Dei inuocatio & tum patientia semper coniuncta est, carnis mortificationem secumtrahit, ne quæ etiam potest constare vera gratitudo sine integro & sincero cordis affectu: non mirum est si sub hac specie totum genus complexus fuerit Propheta. Porro ut doceat spirituales esse Dei cultum, laudem Dei & inuocationem ceremoniis quibuslibet ac externæ pietatis professioni opponit. Nec verò ordinem inuertit à Dei laude incipiens. Videri quidem posset hæc ratio esse præpostera, quæ inuocatio gratiarum actione præcedat: sed quia hinc orandi principium ducitur, quum ascribitur Deo iustus ac debitus honor, atque hæc etiam fidei rudimenta sunt, Deum querere, tanquam vnicum bonorum omnium fontem, non temere Propheta laudem in primo gradu locauit. Adde, quum suis beneficiis nos etiam nondum natos præueniat, an æquum ad opem eius implorandum nos vrgeat vlla necessitas, iam ei deberi gratitudinis testimonium. Denique si secum ex vtero afferrent homines rationem & iudicium, à sacrificio laudis eos incipere deceret. Quanquam hac in re nõ ad eò anxie sudandum est: quum satis Prophetæ fuerit pro vulgi captu crasse describere spirituales Dei cultum sub laude, precibus, & gratiarum actione. Quod de votis *relendis* additur, allusio est ad veterem Legis ritum, sicuti & Psalmo 1. 6. 3, Quid rependam Domino super omnibus quæ contulit mihi? Calicem salutis accipiam, & nomen Iehouæ inuocabo. Postulat in summa gratitudinem à filiis Dei: quam olim solebant testari solennibus sacrificiis. Sed quia locus apprimè obseruatu dignus est, fusius tractandum est hæc doctrinæ caput. Ac primò notandum est quod hic traditur, Deum spiritualiter colendum esse, Iudæis nobiscum fuisse commune ab initio. Nam dum Christus probare vult non alium cultum Deo gratum esse, hac ratione nititur, Deum esse Spiritum, Iohan. 4. 24. Atqui non coepit demum esse Spiritus quum abrogauit ceremonias legales. Sequitur itaque, eodem quo nunc modo voluisse coli à Patribus.

Quòd autem eos ceremoniis onerant, hoc fecit pro temporis ratione, sicuti in abrogatione nobis consuluit. Ceterum idem cultus quoad substantiam, externa tantum specie diuersus est, quòd Deus olim ad rudis & infirmi populi captum se attemperans, per ceremonias & eiusmodi rudimenta manum porrexit: nobiscum verò qui post Christi aduentum adoleuimus, simplicius agit: in ipso interim nulla mutatio. Nam quod blaterabant Manichæi mutatum fuisse Deum propter varium Ecclesiæ regimen: non minus putidum fuit cauillum quàm si quis mutabilem esse Deum garrat, quia non æquabilis est anni tenor, sed ver hyemi, & rursum veri æstas, sicut æstati autūnus per vices succedit. Ià quæ per se frigeant ac ieiuni sint. omnes externi ritus, & tantum ad ædificandam fidem sint viles, ut purè inuocetur Deus: verè denuntiat Propheta frustra hypocritas satagere, qui inanes tantum pompas ostentant. Si quis obiciat, sacrificia perperam omitti, quorum usus non fuit superuacuis sub Lege: solutio in promptu est, quum Propheta Iudæos ad metâ vocat, vel scopum illis proponit, non tollere adiumenta, sed vitium duntaxat corrigere, quòd illis Iudæi tanquam obstaculis, à recta via abducerentur. Notandum autem quòd versu 13, primùm inuocatio præcipitur: deinde inseritur promissio, non fore irritas eorum preces qui ad Deum confugerint: tertium locum gratiarum actio occupat. Quum autem dicitur *in die afflictionis*, non ita restringitur hac temporis circumstantia officium orandi, quin quotidie & singulis momentis illud persequi debeant fideles. Ergo quanuis quieti simus, & immunes ab omni molestia, prosperè fluant nobis omnia, nec villo incommodo premamur, minimè tamen a precibus cessandum: quia de nobis actum fore scimus si vel momento submoueat Deus suam gratiâ. Sed quia rebus aduersis magis serium si dei nostræ examen agitur, non abs re tēpus angustia exprimitur: ac si diceret Propheta, Deū in omni necessitate querendum esse, quia vnicus sit salutis portus. Iam quia ad Dei conspectum ferè trepidant homines, vel quòd immensa

eius gloria terrentur, vel quod propria indignitatis sensus eos deiecit, mox additur promissio quæ nos ad orandi fiduciã animet, atque etiam stimulet. Vbi autem pollicitus est Deus se votis nostris fore propitium, vicissim à nobis gratitudinem postulat. Porro vbi audimus inuocationem quasi primas tenere in Dei cultu, si cupimus, nostram pietatem vero experimento testari, hunc Deo honorem summo studio integrum & illibatum deferre conuenit. Quo fœdior ac magis detestabilis fuit corruptela quæ adhuc hodie grassatur in Papatu, Angelos & homines mortuos temere Deo miscere. Excusasse querere patronos quorum precibus apud Deum iuuentur. Sed primò satis constat quia non agnoscitur Christus mediator, in eius locum subrogari qui patroni vocantur. Deinde formæ precandi palàm conuincunt nullum Dei & cuiuslibet Sanctuli haberi discrimen, quoniam nullo adhibito delectu tantundem à Claudio, quantum à Deo postulât: & Dominicâ orationē ad statua Catharinæ perinde effutiunt ac si Deo supplicarent. Nec verò Papistæ suo iudicio, mortuos inuocando quicquam Dei honori derogant, quia nullum statuunt eius cultum in precibus. Sic enim balbutiunt de adoratione latræ, vt nihil inuocationi faciant residuum. Atqui si probè expendimus Prophetæ verba, colligere promptum erit collapsam esse totam pietatem, nisi inuocetur solus Deus. Siquis Papistas roget, An licuerit sacrificare hominibus mortuis: fortiter ne-

gabunt, & verè: atque hodiè nefas esse concedunt, sacrificium offerre Petro vel Paulo, quia à tam crasso sacrilegio abhorret communis sensus. Atque Deus inuocationem sui nominis præferens omnibus sacrificiis, annon palàm demonstrat non posse absque summo piaculo inuocari mortuos homines? Vnde sequitur, Papistas quantum mulies genua flectant coram Deo, præcipuum tamen gloriæ suæ caput ei eripere, dum vota sua ad sanctos conuertunt. Contra autem expressa sit mentio afflictionis, non parùm solati affert infirmis ac trepidis mentibus. Nam simulac signum gratiæ suæ Deus subducit, obrepat dubitatio an curam suscipere velit salutis nostræ, imò diffidentia nos sollicitat. Contra verò Deus rebus aduersis quasi stimulis nos pungit ad se querendum & inuocandū. Hoc quoque diligenter notandum est, tunc preces nostras ad regulam probè orandi formari, vbi nos præcepto suo inuitat Deus, & addita promissione ad fiduciam impetrandi animat. Quod locum hunc de votis reddendis, Papistæ ad quælibet vota trahunt, quibus temere & sine delectu permittunt sibi tum Deo ludere, nimis pueriliter ineptiunt. Certum est, vt nuper diximus, de solenni gratiarum actione agi: ipsi autem votis suis cum Deo paciscuntur ad se redimendos. Deinde in votis nuncupandis ad eò non curant quid Deo probeatur vt vouere non dubitent quæ palàm repugnent eius verbo.

16 *Impio autem dixit Deus, Quid tibi ad narrandum statuta mea vt sumas fœdus meum super labiis tuis?*

17 *Et tu odisti correctionē, & proiecisti verba mea post te.*

18 *Si videas furem, curre cum eo, & cum adulteris portio tua.*

19 *Os tuum emittis ad malum, & lingua tua nectit dolum.*

20 *Sedebis contra fratrem tuum, loqueris contra filios matris tue, statues probum.*

16 *Impio autem.* Nunc aperius inuehitur in fœdatis Dei cultores quorum tota religio erat ceremonias obicere Deo, ac si fumum oculis eius aspergeret, vt scimus mundum libenter sub falsis

ymbris delitescere. Hic ergo pronuntiat Deus, nihil apud se proficere qui impuro cordi & sceleratæ vitæ ceremonias obtundunt. Hæc sententia, quæ recipi debuerat communi omnium consen-

consensu, & gerrimè & valde iniquis auribus apud Iudæos accepta fuit. Vno quidem verbo fatentur omnes, pollui Dei cultum nisi sincere & ex animo colatur. profanis etiam Poetis extorta fuit hæc confessio: & scimus scelestos à sacrificiis & templorum ingressu fuisse prohibitos. Interim quod omnium cordibus insculptū erat, suffocat hypocrisis, ad eoque penitus obliterat, ut audeant impurissimi quique se ingerere in conspectū Dei, quasi frivolis nugis eum sibi deum & tuerent. Itaque non sine summa necessitate toties doctrinam hanc inculcant Propheta: quo magis laborant impii in simulanda pietate, eo gravius sibi accersere iudicium talibus fallaciis. Imò utcumque clament Spiritus Dei sacri legum esse nominis Dei abusum, sine vera fide & pœnitentia, externam pietatis speciem ostendere. Papistis diabolicus hic error excuti non potest, sufficere finalem intentionem (ut loquuntur) ut evanidæ nugæ Deo placeant. Fatentur quidem non mereri de condigno nisi qui sunt in statu gratiæ: sed hæc persuasio apud eos obtinet, valere ad præparationem nuda pietatis exercitia, quanvis absit cordis integritas. Ita si monachus ab impuro lecto surgens, os suum pollutum & fœtidum obtrudat Deo, & Psalmos sine ullo cordis affectu cantillet: si quis vel scorator, vel periurus, vel rapinis deditus, Missis, votivis peregrinationibus, & similibus nugis scelera sua redimat: nolunt irritum esse laborem. Ex adverso autem reclamat Deus, non modò operam perdere qui externa pietatis signa à fide & sincero cordis affectu disiungunt, sed sacrilegii reos esse, quia nomine suo perperam abutuntur. Atque hoc loco triam obiectionem diluit Propheta & refutat, *Quid? annon aliquo saltem loco admittet Deus quæ in eius honorem fiunt sacrificia?* Ostendit enim meritò hoc illis in crimen imputari: quia Deo mentiuntur, quantum in se est, sacramque eius nomen indignè profanant. Improbam enim eorum audaciam coarguit his verbis, *Quid tibi ut statuta mea enarres?* hoc est, simules te unum esse ex sancto populo, quasi ad te pertineat fœdus meum? Cæterum,

quum totam pietatis professionem hic repudiet Deus, quæ non prodit ex puro corde, quid de cæremoniis fiet, quæ infra verbi Dei prædicationem subsistunt?

17 *Et tu odisti correctionem.* Convincit hypocritas suæ perfidiæ, quòd pietatem quam ore iactant, vita & operibus abnegent. Contemptum verò Dei hinc probat quòd nullam eius verbo reverentiam deferant: hæc enim vera est timoris probatio, ubi nos verbo Dei subiicimus, & libenter amplectimur quicquid illic præcipit ac docet. Atqui hæc semper tendit hominum hypocrisis ut longis & tortuosis ambagibus hanc obedientiam effugiant. Ideo fontem impietatis Propheta designat, ubi verbum Dei post tergum proiici cõqueritur, & principium veri cultus statuit in fidei obedientia. Simul etiam huius perniciæ causam notat: quòd scilicet impuri homines non sustineant ferre Dei iugum. Libenter enim hanc gloriâ concederent, quicquid ex ore eius prodit, verum esse & rectum. sed quia Deus loquendo in ordinem nos cogit, frânique iniicit ad cohibendos omnes carnis nostræ affectus, molestus est ac odiosus nobis eius sermo. Itaque ferocia nostra nos exasperat contra Dei verbum, quia correctiorem non libenter suscipimus. nec fieri potest ut quis mansueto & docili animo Deum loquentem audiat, eiusque verbo obtemperet, donec se regendum & corrigendum ei tradat. Postea fructus impietatis recenset Propheta, quòd hypocritæ furtis & adulteriis addicti, sacrum Dei nomen talibus flagitiis involvant ac permiscant. Porro species tantum quasdam attingens, significat, præfractos omnes & immorigeros qui correctionem respuunt, quocunque tulerit libido, vel prouocauerint mala exempla cupidè & effrânilicentia ruere. Ponit furta, deinde adulteria, tertio calumnias & falsa probra. Verbum *וְתַתְּנוּ* maior pars Interpretum pro curere accipit. quâquam alii deducunt à *וְתַתְּנוּ* ut sit consentire. Quanrū ad Prophetæ mentem, quia parū interest virum legamus, & virumque est probabile, iudicium lectoribus in medio relinquo.



Quum dicit hypocritas *os suum mittere ad malum*, forte non modò obtrectandi morbum perstringit, sed alios omnes noxios sermones: quia statim sequitur, *lingua tua concinat dolos*. Scimus autem quam variis nocendi lædendique artibus instructi sint mendaces & dolosæ linguæ. *Scdenti* verbo alludere videtur ad iudicia, acti diceres, sub legitima censura prætextu fratres iniuste proscindere. quanquam potest de vulgari

petulantia exponi, quia garruli homines sedendo suum otium in maledicentia consumunt. Sed mihi magis probatur atrocius illud crimen damari, vbi scilicet in foro ipso, bonos & simplices calumniantur improbi, & falsa inuidia grauant. *Fratres & filios matrum* nominans, magis emphaticè exprimit quam crudelis sit eorum maledicentia: quia communis natura obliuiscitur, ne videris quidem fratribus parcunt.

21 *Hæc fecisti & tacui: existimasti quod essem futurus tui similis: coarguam te, & ordinabo coram oculis tuis.*

22 *Hoc nunc intelligite qui obliuiscimini Deum: ne rapiat & non sit qui eripiat.*

23 *Sacrificans laudem glorificabit me: & qui viam disponit, ei ostendam salutem Dei.*

21 *Hæc fecisti.* Quia hypocritæ, donec insectam sentiant Dei manum, in seculum se obdurant, nec ullis quamlibet seueris reprehensionibus facile mouentur: deo vehementius insitit Propheta, & denuntiat, quamuis ad tempus conuincat Deus, eos male & in suum exitium vanis adulationibus se mulcere: immò hoc ludibrium Dei grauissimè exagrat, quòd eum sceleribus fauere existiment. Neque enim atrocior contumelia potest afici, quàm dū iustitia sua spoliatur. Non quòd palam sic loquantur hypocritæ, sed quia praua imaginatione Deum transformant, vt sibi delicias faciant ex eius tolerantia. nam si serio persuasi essent, Deum abominari scelera, necesse esset continua inquietudine ipsos torqueri. Ergo tam supina indulgentia ostendit ipso. Deo imponere falsas personas, nec modò detrahere iudicis munus, sed etiam fingere scelerum patronum & approbatorem. Simul etiam hypocritas obiurgat, quòd Dei lenitate & patientia tam perperam abutantur, vt spem impunitatis inde sibi faciant. Itaque denuntiat breui in aperta lucē trahendos esse, vt cernere oculis suis cogatur quæ à Dei oculis abscondere conati sunt flagitia. Sic enim interpretor verbum *ordinare*, quòd Deus distincto ordine catalogum omnium scelerum pro

ponet, quem (velint nolint) legere & agnoscere cogantur.

22 *Hoc nunc intelligite.* Hæc obiurgatio rursus demonstrat, vbi cum securis hypocritis negotium est, nisi acerrimis aculeis pungantur, doctrinam omnem contemptum eludere. Sic tamen minatur Propheta & terret vt spem venie residuam faciat, modò festinè. Sed ne tarditati indulgeat, tam seueritatem iudicii Dei, quam celeritatem proponit: ac simul probrose ingratitudinem obicit, quòd Deum obliuiscunt. Hoc porò in primis notabile est grauius Dei specimen, quòd sceleratis pietatis corruptoribus manum porrigit, quamuis eius cultum improbe violassent, quamuis sacrilega audacia risissent eius patientiam, & in crassa flagitia proiecti foret. etsi, modò ad sanam mentem redeant, ostendit se illis fore propitium. Neque enim ad penitentiam homines inuitat, nisi spe reconciliationis proposita: vt alacriter ante eius conspectum prodire audeant. Hæc certè inestimabilis est clementia: perfidos apostatas & scdificragos qui descuerant a doctrina pietatis in qua fuerant educati, rursus ad se inuitat, vt locum obrineant in Ecclesia. Ecce certè nihil hic dicitur quòd nos magna ex parte non simus experti, quos Deus incredibili misericordia rursus in oculum suum

saum collegit, quum perfida defectio nos ab eo alienasset. Notandum simul quòd admonet Propheta nisi maturent ad Deum redire, qui ab eo descuerunt, non semper apertam forciannam. Et sane cauendum semper est ne per ignauiam nobis effluat tempus beneplaciti, vt frustra deinde exemplo Eiaù, vlulamus, Genes. 27. 34. Huc enim pertinet comminatio, vbi rapuerit Deus, nullum fore liberatorem.

23 *Sacrificans laudem.* Iam tertio inculcat Propheta, Deo nihil esse acceptius sacrificio laudis, quo nostram erga eum gratitudinem testamur. Net superuacua est repetitio, ob duas causas. nam & beneficiorum Dei facilè nobis obrepit obliuio, imò etiam ex mille vix vnù leuiter & defunctorie gustamus. Deinde laudem Dei minime quo decebat pretio æstimamus. Nam quum præcipuum sit pietatis officium, in quo nos tora vita exerceri vult Deus, quasi vulgare aliquid ac friuolū negligitur. Itaque pronuntiat, legitimū Dei cultum, laudis sacrificio contineri. *Glorificandi* enim verbo significat Deus, rite demum ac verè hoc se modo coli, & tribui quàm postulat gloriam, vbi sua beneficia sincero gratulor animo celebrantur inter ho-

mines: alia verò sacrificia, quibus sedulo incumbunt hypocritæ, nihil se morari, nec in cultu reputare. Interea tenendum quoque est quòd suprà attingi, sub Laude comprehendì tam fidem quàm in.ocationem: sola enim experientia nobis de aperit ad Deum laudandum. At qui Dei bonitatem non seuiumus nisi fide, Vnde sequitur, à posteriori vel ab effectu, totum spirituale cultum hic notari: ideo paulò post generaliter requirit Propheta vt viam rectè instituam qui cupiunt sua obsequia probare Deo. Nam quòd *viam ponere*, quidam nihil aliud esse putant quàm peccata confiteri: alii autem interpretantur, tollere offendicula è medio, & viam sternere quam omnes sequantur, verumque videtur esse coactum. Ego autem non dubito quin rectam viam Propheta flexuosis eorum erroribus opponat, qui Deum se querere simulant: atque ita significet, non nisi sincero corde & simplici reuerentia ad Deum accedi. *Salutem Dei* non accipio pro insigni & memorabili: (vt nonnulli volunt) sed Deum in tertia persona de se loquentum arbitror, vt clarius exprimeret, se paterfacturum veris suis cultoribus, quam non frustra censerì velit eorum seruator.

## ARGVMENTVM PSALMI LI.

*Inscriptio quæ mox videbimus, ostendit quæ de causa compositus fuerit hic Psalmus. nam quum post admissum grauissimū scelus, diu in lachryoso torpore iacisset David: postquam cum sua obligatione experscescit Nathan non modo sibi seridè displicuit, & humiliatus est coram Deo, sed pacem apud omnes testari voluit suam penitentiam, eiusque monumentum ad posterum relinquere. Ac initio quidem, sceleris sui atrocitatem sibi proponens. vt se ad spem veniæ evigat, immensam Dei misericordiam variis elogis magnificè extollit: & suppliciter fateretur non vno modo se reum esse, sed dignum multis vortibus: quo melius Dei misericordiam prouocet. Deinde quia æternam abdicationem meritis erat, vt meritis spoliandus esset omnibus Spiritus sancti donis, sollicitè precatur in integrum restitui. Tandem si veniam impetrauerit, se gratum & memorem fore affirmat. Ad hæc ostendit totius Ecclesiæ referre vt à Deo exaudiat. Et cerit quia Deus apud ipsam gratia sua secus deposuerat, videri potius in vniuersi hominis persona, collapsa esse omnium salus.*

Psalmus LI.

**P** Resetto canticum Davidis,

2. Quum venit ad eum Nathan Propheta postquam ingressus fuerat ad Bathseba.

2 Quum venit ad eum Nathan. Còsultò hic memoratur Prophetæ aduentus, ad stuporem Davidis coarguendum: fuit enim hoc prodigio simile, quòd potuit tantus vir, tantaque Spiritus

excellentia præditus, ultra annum torpere in suo vitio, ac si mente alienatus esset. Quis enim non diceret fuisse à Satana fascinaturn, quòd sopita conscientia, Dei iudicium contempse-

rit, vel saltem neglexerit: hæc ergo vecordia nota crimen amplificat, quod nulla punctione sponte tactus est, donec ad eum missus esset Propheta. Sed eadē ratio ad illustrandam Dei gratiam non parum valet, quod vagum & errantem per manum sui Propheta ad se reducere conatur: quo pertinet repetitio eiusdē verbi Venire, in quo subest antithesis. Postquam venisset David ad Bathseba, dicitur ad eum venisse Propheta Nathan. Atqui impuro illo accessu, longē à Deo recesserat: clarius ergo in eo enituit Dei bonitas, dum ad fugitium retrahendum, manū suam procul extendit. Neque tamen putandum est, sic caruisse omni sensu, quin Deum in genere agnosceret mundi Iudicē: quotidie precaretur: nec modō se exerceret in eius cultu, sed viram quoque & officia sua ad Legis normā exigere studeret. Sciamus ergo, non omni Dei timore fuisse penitus vacuum, sed exæcatum in vna

3 *Miserere mei Deus secundum clementiam tuā secundū multitudinem miserationum tuarum dele iniquitates meas.*

4 *Multiplica ad me lauandum à peccato meo, & à scelere meo munda me.*

3 *Miserere mei.* Iam præfatus sum Davidem à precatōe veniā incipere: deinde nō simpliciter & vno verbo petere vt Deus ignoscat, sed pro atrocitate criminis anxie supplicare vt se Deus exorabilem præstet. Itaque postquam clementiæ meminit, addit *multitudinem miserationum*: eo quod non vulgari misericordia indigeat, tanto reatu implicitus. Si tantū oplasset Deum sibi esse propitium, secundum clementiam vel bonitatem suam, hoc modō fuisset confessus se hominem esse perditum: sed dum scelera in medium proponens, disertē exprimit non posse aliter deleri quā si Deus cum immensa miserationum copia succurrat, non parum exagget culpā suā grauitatem. Subest enim tacita antithesis multitudinis scelerum. Sed magis emphaticū est quod continuū pōst sequitur, vt Deus *multiplicet lauare*: nam quod הרהבה quidam nomen esse putant, ab vsu loquendi paulō remotius est: quanquam eodē etiam rediret sensus, vt Deus abundē &

specie, vt sensum iræ Dei peruersis blāditis sopiret. Ita pietas eius quæ aliqui multas scintillas emittebat, hac in parte suffocata fuit. Porro, quum sancto Propheta & præstantissimo Regi obrepserit tam bruta focordia, nemo est qui non ad eius exemplum expauescere debeat. Quod autem ad Propheta vocē statim percussus est, ac deposita omni contumacia docilem se ac morigerum præbuit, hinc colligimus non fuisse extinctum in eius animo pietatis sensum: quia non tam facile nec subito erumperet in illam vocem, Peccavi Domino, quid faciam? 2. Sam. 12. 13, nisi retinisset aliquod pietatis semen, licet absconditum. Docemur autem hoc exemplo, nō esse expectandum, vbi peccauimus, dum è cælo tonet Deus, sed placidē & libenter obtemperādum esse eius Prophetis, quorum ore ad pœnitentiam nos inuitat.

cum multiplicatione lauet. Phrasia tamen illam quæ propitietati linguæ melius conuenit, libentius amplector. Interea minimē ambiguum est quin clarē asserat non leues esse suas sordes, vt modica lotionē elui queant, sed tenaciter hære, imō esse profundas, vt iteratis lotionibus ad eas purgandas opus sit: non quod Deus ipse aliqua difficultate laboret in hominū purgatione, sed quia peccator, quo se magis inquinatum sentit, magis seipsum incitare debet ad anxios & continuos gemitus, quo tandem è terroribus cōscientiæ emergat. Quod ad metaphoram pertinet, scimus frequenter in Scripturis occurrere. Quia enim peccata, quasi sordes & immunditiæ, nos in Dei conspectu fædant ac polluit, fætidōsque reddunt, eorum remissio aptē ablutio vocatur. Atque hac doctrina tam ad commendationem gratiæ Dei, quā ad peccati odium & detestationem valere debet. Nimis enim stupidi sunt quos horrore non percellit hæc locutio.

5 Quia



5 Quia peccata mea ego cognosco, & scelus meum coram me est semper.

6 Tibi, tibi soli peccaui, & malū coram oculis tuis patraui, ut iustificeris in sermonibus tuis, mundus sis iudicando.

7 Ecce in iniquitate genitus sum, & in peccato concepit me mater mea.

8 Ecce veritatem dilexisti in intimis, & in occulto sapientiam mihi patefecisti.

5 Quia peccata. Ostendit cur tā anxie & ardentem in flagitanda venia insistat: quia scilicet non possit quietus manere donec reconciliatus sit Deo. Atque hoc modo testatur se nihil asserre simulationis: qualiter interdū magno verborum splendore, gratiam Dei in remittendis peccatis ornant, qui tamen eam frigide curant, quia nō admodum eius iudicio tanguntur. Dauid ergo ut veniā impetret, non abs re dicit continuis se tormentis vexari, & inquietudine quam patitur, cogi ad hanc precandi vehementiam. Vnde colligimus, non alium reconciliationis modum esse, nisi dum nos propria conscientia vulnerat & affligit, & assidua inquietudine sollicitat, donec propitius sit Deus, ut nos misericordia sua tranquillet. Tunc ergo serio à Deo petimus ut nobis ignoscatur, dum scelerum atrocitas oculis nostris se ingerens, horrorem simul incutit. Vnde sequitur quandiu sibi indulgēt homines, magis in se accendens Dei vindictam, ut seuerius ipsos puniat. Ideo discamus, non modò ore nos damnare, sed rigidum & formidabile examē habere de peccatis nostris, si cupimus à Deo absolui. Neque enim Dauid se apud homines sateri peccata dicit, sed intus sentire, & quidē non sine diro cruciatu: quum hypocritæ à tergo securē proiciant, vel praua obliuione sepeliāt quicquid vitiorum eos pungit. Ac iterū notandum est in Peccatis pluralis numerus. Quamquam enim ex vno fonte omnia manabāt, multiplex tamen eius culpa erat, quòd adulterio adiunxerat perfidiā & crudelitatem: nec vnum hominem modò prodiderat vel paucos, sed totum exercitum, pro salute Ecclesiæ Dei pu-

gnantem. Itaque non abs re in vno scelere multas species agnoscit.

9 Tibi, tibi soli. Sic quidam exponunt hæc verba, quòd Dauid, tamen in homines deliquerat, non nisi Deum habuerit sceleris sui testem. Duplex enim iniuria quam Viri intulerat, hominibus erat incognita: quòd exercitum sibi militantem ad eadem & carnificinam non minus perfidē quàm crudeliter obiecerat, id quoque erat occultum. Scelera ergo in solum Deum admissa intelligūt, quorum nullus mortalium erat conficius. Alii secus interpretantur, quantum offenderit Dauid homines, hoc tamen vno maxime cruciari, quòd violauerit Dei Legem. Sed ego tantumdem valere arbitror hæc verba, ac si dixisset, Domine etiamsi me totus mundus absoluat, mihi tamen plusquam satis est, quòd te sentio iudicem meum, quòd me conscientia ad tribunal tuum citat & trahit: ut nihil proficiant hominum leuationes, si vel mihi pareant, vel adulandi causā extenuent scelus meum, vel blanditiis dolorem meum leniant. Significat ergo se oculos & sensus omnes habere defixos in Deum, ideòque non respicere quid sentiant vel loquantur homines. Quisquis autem sic premittitur iudicii Dei grauitate, vel etiam obruitur, non opus habet alio accusatore, quia Deus vnus pro mille sufficit. Nec dubito quin Dauid, ut aulicas omnes delicias excluderet, ne se illis mulcendum praberet, totum se ad Dei iudiciū reuocauerit: ac statuerit, quanuis nullus mortalium esset molestus, sibi plus satis fore cum Deo negotiū. Atque hæc regula nobis tenenda est, si cupimus vero pœnitentiæ affectu imbui. Et sane

quid nobis prodest hominum suffragiis absolui, vel conuiuentia effugere reatū, si conscientia nos coram Deo accusat? vel saltem Deus ipse nobis infestus est? Hæc autem vna est ratio, ne vanis imaginationibus ludamur, atque apostimū remedium, ingredi in nos ipsos, & sensus omnes ad Deum colligere, vt corā ipso expanescamus, ac metus iræ eius, delitias omnes nobis excuriat. Secundam partem versus, *vt iustificeris in sermonibus tuis*, quidam Interpretes violenter torquent, dum contextunt cum primo versu, ac si ad proximā sententiam referri non debeat. Atqui præterquam quod abruptum verborum tenorem, non video quem tandem sensum possint elicere ex hac precandi forma, Miserere mei, vt purus sis in tuo iudicio. Paulus verò ad Romanos: cap. 3. vers. 3, dubitationem omnem tollit, hominum iniquitatem, Dei iudicio opponens. Quid ergo, inquit: an si quidam ex Iudæis fuerunt increduli, iniustus erit Deus? absit: imò sit Deus verax, omnis autem homo mendax, sicut scriptum est, Vt iustificeris in sermonibus tuis, &c. Videmus enim huc aptari testimonium, quod in hominum sceleribus semper reluceat Dei iustitia, & in mendacibus veritas. Porro, vt sciamus quid sibi velit David, & quorsum tendat, operæpretium est in memoriam reuocare fœdus quod pepigerat Deus cum ipso. Nam quum apud eum deposita esset salus mundi, promptum impiis erat calumniam hanc euomere, Si hic fuit Ecclesie columna, quid nunc miseris hominibus fiet, qui eius sanctitati innixi sunt? si hic erat instar solis vel luciferi, quomodo se ad inferos proiecit? post raturpem eius lapsum, quomodo ab eius semine petenda esset spes salutis? Ergo quum videret prauis hominum iudicii materiam captari oppugnandæ Dei iustitiæ, maturè occurrit, ac pronūtiat indignè transcribi vllam culpæ partem in Deum: se enim ita obnoxium teneri, vt Deus maneat integer, stet illæsa eius iustitia & veritas. Quanquam per sermones non intelligo promissiones, sicuti quibusdam placet, sed potius iudicium quod de ipso Davide saturnus erat Deus: nisi gratuita remissione deletus

fuisse eius reatus cum culpa. Neque enim dubito quin suo more, idem bis repetat. Itaque Deum *iustificari in suis sermonibus*, & *iudicando purum esse*, vnum & idem significant. Sed quia videtur Paulus, Rom. 3. 4, rā vocē hanc, quā sententiæ totius versus aliò inflectere, breuiter ostendendam quomodo propriè eius instituto conueniat quod dicit David. Hæc quidem verba citat, vt probeat quāuis fœdis fragi sint Iudæi, & à gratia sibi promissa exciderint, Deum tamen non esse mendacem: quod primo intuitu nō viderur hinc posse colligi. Verum si illa cuius memini, circumstantia nobis in mentem veniat, facile videbimus appositè adduci testimonium. Nam quum Rex & Propheta esset in Ecclesia cōspicius, adeoque vt præcipua columna, non dubium est quin multorum animos concussisset eius ruina, imò fidem promissionum Dei labefactarit. Certè putassent multi, quia Deus hominem illum sibi tāa necessitudine cōiunxerat, partem aliquam culpæ sustinere. Huic calumniæ occurrit dicens, Domine quāuis me è cælo detractū ad inferos præcipites, iacebo & succumbam: tu interea tribunal tuum tenebis vt dignus es, nec si tibi obtræctēt homines, quicquam decedet tuæ iustitiæ. In hac tantum parte à Propheta verbis discedit Paulus, quod Græcum Interpretem sequutus, Iudicandi verbum passim accipit: & pro Mundum esse, ponit vincere. Cæterum, non adeo in recitandis verbis curiosos fuisse Apostolos quoties ex Lege & Prophetis testimonia adducit, satis notū est. Ideo sufficere nobis debet, quod rectè hunc locum Paulus proposito suo accommodat. Atque hinc colligenda est generalis doctrina, Quicquid reperietur culpæ in hominibus, residere in ipsis, vt Dei iustitia semper integram laudem retineat. Videmus enim quā sacrilega sit mundi audacia ad obstrependum Deo, quoties pro carnis sensu & arbitrio non iudicat. Ergo utcumque interdum, vbi de nihilo extollit Deus contemptissimos quosque: vel quos in sublime extulerat, finit rueret: in his iudiciis species aliqua repugnantia vel absurditatis nos conturbet: tamen hæc admonitio in sobria modestaque reuerentia

nos contineat, quicquid statuat iustum esse. Ideoque tam in operibus quam in dictis eius semper fulgere summam rectitudinem. Porro adverbium *ut*, vel Hebraicum *וְכֵן*, non tam est causale hoc loco quam consequentiam notat. neque enim proprie Davidis lapsu factum est ut Dei gloria in iudiciis emineret: sed quum peccando Dei iustitiam obscurant homines, dicit tandem ipsam suam virtute emergere, ut appareat illustrior: quia proprium Dei munus est, lucem educere ex tenebris.

7 *Ecce in iniquitate.* Iam non modo peccati vnus vel plurium etiam, sicut haecenus, se reum fatetur, sed altius consendit se ab vtero matris nihil aliud attulisse quam peccatum, & naturaliter se totum corruptum esse, & quasi vitiiis delibutum. Ita sceleris vnus atrocitatem reputans, in hanc usque cogitationem tractus est, Quod natus peccato, nihil in se haberet sincerum vel integrum. Et certe non aliter peccata nostra in solidum agnoscimus, nisi totum ingenium nostrum damnemus corruptionis. Imò vnūquodque particulare delictum ad hanc generalem notitiam adducere nos debet, Meram prauitatem in omnibus animae nostrae partibus regnare. Priusquam tamen ultra progrediar, de verbo *וְכֵן* aliquid dicā. Hebraeis ad verbum est, Calefecit se de me, à verbo *חָם*, vel *חֻם*, quod significat calefacere. quia tamen loquutio illa durior est, scitè mitigant Interpretes metaphoram quum reddūt *Concepit me.* Mihi videtur Propheta significare velle, foueri nos & calefieri in peccato quandiu in visceribus matrum latemus. Redeo nūc ad rem ipsam, Davidem vnus peccati agnitio ad lōgum totius vitae examini trahit, donec in se nihil reperiat prater peccatum. neque tamen de naturae suae corruptione loquitur, sicut hypocritae hoc velum obtendere solent ad regendam suam culpam. Peccaui fateor, sed quid facerem? caro sum, nos ad vitia naturaliter propensi sumus. imò prauae cupiditates nos sibi deuinctos & addictos tenent, ut prorsus humanum sit peccare. Tales latebras minimè caprauit David, quibus se à Dei iudicio subduceret: quin potius

ad amplificandam malorum suorum grauitatem à peccato originali ducit exordium. ac si diceret non se hoc vel illo genere criminis nuper reatum contraxisse, sed iniquitate fuisse reuertū ab ipso vtero. Ceterum hoc est illustre testimonium de peccato originali, quo Adam totum humanum genus implicuit. Et hinc etiam colligi potest recta eius definitio. Olim Pelagiani, quia absurdum ducebant nos omnes vnus hominis culpa esse perditos, nugati sunt peccatū sola imitatione ex Adam profectum esse. Atqui Scriptura tā hoc loco quam pluribus aliis, palam asserit ingenitum nobis esse peccatum, ut in eis resideat & infixa sit corruptela. neque enim parentes suos accusat David, vel crimen in eos deriuat, sed se ad tribunal Dei sistens, vitiosum figmentum esse asserit, ut iam prius esset peccator quam emergeret in lucem. Itaque nimis improbè Pelagius peccatum negauit, contagione manare in posterum, ut sit hereditarium. Hodie Papistae, tametsi non negāt vitiatam esse hominum naturam, sic tamen extenuant ut peccatum originale nihil ferè aliud sit, quam praua ad peccatum inclinatio. Restrīngūt deinde ad inferiorem animae partem & crassos appetitus. & quanuis experientia clarè ostendat corruptelam hanc in hominibus vsque ad vitam finē grassari: negant tamen ex quo baptizati sumus peccatum esse. Atqui nisi constet peccato occupari omnes animae partes, vni eius minimè tenemus. Proinde quisquis nō fatetur mentē hominis penitus esse corruptam, & cor peruersum: non nisi particulam originalis peccati agnoscit. Et certè longè aliud sonant verba Davidis, quam balbutiant Papistae, *scitū* scilicet fuisse in peccato, & *calcfacit in malitia.* Neque enim de crassis libidinibus agitur, sed nullam sui partem eximens, peccatum naturaliter in se hāere dicit. Hic iam mouetur quaestio, quomodo à parentibus peccatum transferatur in filios: quae deinde aliā parit de traduce animae, quia multi labem patris ad filium peruenire negāt, nisi anima gignatur ex substantia animae. Sed ne istos labyrinthos ingredi necesse sit, sufficiat tenere, Adam post suam defe-



tionem spoliatum fuisse donis omnibus, quibus ornatus fuerat: ita quum extincta esset quæ prius in eo fulgebat ratio: & voluntas, quæ prius in Dei obsequium formata erat, contumax facta esset: tam mente quàm corde fuisse corruptum, & deinde genuisse filios sui similes. Si quis excipiat, corpora tantum ex corporibus creari, ideòque nihil animæ commune esse cum anima: solutio est, Quia Deus Adā non ornauerat Spiritus sui donis: tāquam priuatum quemlibet hominem, sed in eius personam contulerat quod volebat commune esse toti humano generi, nos omnes in ipso à prima integritate excidisse.

8 *Ecce veritatem.* Confirmat hic versus quod nuper dixi, non captandi prætextus causa Dauidem ad tempus vsque conceptionis reatum suum traxisse, sed potius vt testatum faceret, iam ab infantia se fuisse æternæ morti obnoxium. Vnde sequitur totam eius vitam fuisse damnabilem. Adeo enim culpā in Deū non transferibit (sicut impuri quidā canes cum eo expostulant, quod non aliam indiderit naturam hominibus) vt potius eius iudiciū, corruptelæ nostræ opponat: ac si diceret, Quoties prodimus in conspectum Dei, certam nobis damnationem instare: quia quum ad peccatū nati simus, Deo ipsi placeat reconditudo & sinceritas, vnde necesse est nos ei esse exosos. Quanquam magis emphaticè loquitur, dum asserit non modò Deum requirere vt vita nostra composita sit ad aliquam iustitiæ formam, sed vt corruptum sit & bene purgatum omni fallacia. hac ratione dicit Deum sinceritatem velle in penetralibus: vel quod idē valet, non modò infensum esse externis peccatis, sed exigere sinceram cordis munditiem, vt occultas sordes abominetur. Proximo membro crimen adhuc exaggerat, quod prætextum excusationis obtendere non liceat ab ignorantia: quandoquidem fuerat de officio

suo diuinitus, quantum satis erat edoctus. Dicitio **סודני** à multis ita accipitur ac si diceret, arcana mysteria sibi patefacta esse. Ita secundum eos, occultum ponitur pro rebus ab humano sensu absconditis. Meo autem iudicio, obscuritas vel absconditio de qua loquitur Dauid, nō rā ad res ipsas, quàm ad mentem eius refertur. Hoc enim membrum proximo respondet. ideòque fatetur se non leuiter tantum gustasse cælestē doctrinam, vel specie tenus se illa fuisse aspersionem, sed infixā penitus fuisse cordi suo: quia Deus familiariter eum edocuerat, vt nihil prorsus vtile cognitū celeret. Itaque minus excusabilis erat Dauid, quia vera intelligentia tam præclare instructus, tamen instar brutæ pecudis se proieccisset ad fœdam libidinem: deinde variè precando, tandem ferè obstupuerat. Videmus quorsum spectet Dauid: postquam enim confessus est sceleris sui atrocitatem, se totū quasi ex peccato constatum agnouit: & damnata sua natura, quo sibi plus horrois incurreret, proposuit sibi iudiciū Dei, dixitque illic non magni momenti esse externā speciem, sed exactam sinceritatem requiri. Iam addit se non esse quemlibet è vulgo, vt in turbam se coniciens, communi pœna defungi queat: sed quia decoratus esset eximius Spiritus donis, se maiore culpa constringi. Nunc ad se quisque transferre discat hanc doctrinam, & sibi conscius vnus peccati, alia quoque reuocet in memoriam, vt se totum coram Deo prosternat. Deinde expendat quàm formidabile sit eius iudiciū, & cum illius reconditæ suam vanitatem comparans, se prorsus obrui sentiat. Tandem addat hunc cumulum, si edoctus fuerit à Deo quasi vnus ex domesticis, eò se maiori damnationi esse obnoxium, quia suffocauit lucem Spiritus sancti, peruersus fuerit discipulus, & tot pretiosa dona quibus ornatus fuerat, pedibus calcauerit.

9 *Expiabis me hyssopo & mundabor: lauabis me, & præniue albescam.*

10 *Audire me fac letitiam & gaudium: exultabunt ossa qua contriuiisti.*

*11 Absconde faciem tuam à peccatis meis, & omnes iniquitates meas dele.*

9 *Expiabis me &c.* Prosequitur eandem precationem. atque ista congeries sermonis, ostendit quàm sollicitus fuerit de impetranda venia. *Hysso*pi verò nunc meminit, alludens ad legales caeremonias: non quòd fiduciam suam locaret in externo expiationis symbolo: sed quia sciebat nihil in Lege frustra esse mandatum. Nam quum sacrificia tunc sigilla essent gratiæ Dei, meritò illic testimonium reconciliationis suæ quaesivit: sicut his adminiculis fidem nostram fulcire decet quoties mentes nostræ vacillant. Hoc ergo simpliciter voluit *Dauid*, efficax & ratum in se fore quod Deus populo suo testatus fuerat. Atque eadē nobis tenenda est hodie regula. Quamvis enim non alibi quàm in Christi sanguine quaerenda sit expiatio, quia tamen nec oculis perspicitur, nec manibus palpatur spiritualis gratia, non possumus nisi externis signis adiuti, tranquillis animis statuere, Deum nobis esse propitium. Idem quod de *hysso*ppo diximus, in lotionem quoque valeat. nam umbratiles asperisiones quibus sub Lege usi sunt *Iudæi*, testatæ sunt purgari nos ab omni immunditie, ut Deus placatos nos in gratiam recipiat. Porro Spiritus sancti officium esse scimus, intus ablucere conscientias nostras sanguine Christi, ne ab accessu Dei nos prohibeant fordes nostræ. Coniuncti etiam sunt duo versus, quorum finis est ut se Deus placatum esse ostendat. Quòd existimant quidam optari à *Dauid* nuntium lætitiæ, ut mittatur Propheta quispiam reconciliationis præco & testis, videtur nimis restrictum esse. potius nuntium lætitiæ indefinitè accipitur pro gratiæ testimonio. nam per *ossa contrita* intelligit se extremo mœnore fuisse afflictum, ut vigore exhausto & consumpto, propè deficeret. Itaque sibi meritò gaudium restitui postulat, quo animeretur in novam vitam. Hoc autem gaudium dicit auditu percipi, quia donec verbo Dei exhilaretur peccator ut animum colligat, frustra alia solatia sibi accerset. Hæc igitur vera est pacis & solidæ lætitiæ ratio

acquiescere in Dei promissionibus. Nā utcumque se ad tempus demulceant qui neglectis promissionibus, conscientiaæ terrores pacare vel effugere conantur, certum est cæcis tormentis intus semper vri. Verum utcumque illi obtorpeant, quisquis feruere Dei timore tangitur, non aliud iniquitudinis suæ remedium optabit quàm auditionem istam lætitiæ, dū scilicet promittit Deus, abelito nostro reatu, se nobis esse propitium. Quamvis autem continuis miseriis laborent fideles quandiu in mundo peregrinantur, & intervarios metus, discrimina, molestias suspirent, solus tamen amplexus lætitiæ ad mitigandos eorum dolores sufficit. sicuti gaudium spiritus à fide est inseparabile. Noranda est etiā hæc locutio, ubi Deus abscondere dicitur faciem suam à peccatis, dum ea remittit: nā exeteticè mox additur, *iniquitates meas dele*. Hinc autē intelligimus iustificari nos coram Deo, ubi voluntaria obliuione, peccata nostra delet: atque hanc esse nostram puritatem, dum gratuita venia nos dignatur. Caterum hic repetendum quod prius dixi, *Dauidem* quum vnum à Deo postulat, nempe recipi in gratiam, non frustra congerere tot verba, sed exprimere quàm anxie expetat quod sibi fecerat difficile impetratu. Et certè ubi quis defunctoriè tantum pro remissione peccatorum vota concipit, nondum didicisse quàm horribilis sit Dei offensio: ideo beatos esse pronuntiat *Solomo*, qui seipsum terrent, *Prou. 28. 14*, quia scilicet tristitia quæ eos excruciat, ianuam ad verum gaudium aperit. Sed hic quaeritur, Quum iam ex ore *Nathan* prophetae audisset *Dauid* ablatum esse suum peccatum, *2. Sam. 12. 13*, cur non absolutionem hanc fuerit amplexus, ut placidè vero gaudio fruereetur. nam fidem abrogare Prophetæ non potuit, quin Deo faceret iniuriam. Sicuti hodie non Angelos è cælo mittit Deus, sed hominum voce ad nos recreandos contentus est: sicuti dicit Christus, Qui quid remisérunt in terra discipuli, remissum fore in cælo, *Iohan. 20. 23*. Et *Paulus* *2. Cor. 5. 20*, Evangelii

ministros docet legatione fungi ad recōciliādos homines Deo. Videtur ergo signum infidelitatis fuisse in Dauide, quòd audita voce Nathan, perplexus & dubius nouam certitudinem adhuc querit. Duplex huius quæstionis afferri potest solutio. nam fieri potest vt non statim promiserit Nathan, placatum esse Deū. Neque enim nouum est contexti in Scriptura quæ simul tempore non coharēt. Nec verò absurdum est, postquam seruum suum perculit Deus in illa anxietate, aliquandiu voluisse eum torquere, quo melius humiliaret. hoc modo referret Dauid quāto opere territus fuerit, & quā diros cruciatus pertulerit, vbi in peccati sui notitiā adductus fuit, antequam veniæ nuntium acciperet. Quamquam fidei naturæ minimè repugnat, qui iam de gratia Dei facti sunt certiores, ardenter tamē & sollicitè in petenda venia insistere. Quare vtcunque Dauid iam lenatus esset parte aliqua mœroris, non desistit tamen nouas subinde punitiones sentire, quæ ad Dei miserirordiā suppliciter & timidè refugere ipsum cogerent. Etsi enim Deus veniam nobis promittens, liberaliter nos ad pacē inuitat, nostrum tamen est reputare quā grauiter fuerit offensus, vt cordibus nostris insideat profundus dolor. Adde quòd exiguò nostræ fidei modulo, non statim recipimus illam quæ offertur gratiæ plenitudinem. Quare nihil mirum si Dauid angustiis cōstrictus, tertiò & quartò in petenda venia perstiterit, & sæpius in Dei conspectum se obtulerit, quo se plenius confirmaret. imò sic habendū est, non posse nos serio precari vt Deus peccanti ignoscat, nisi iam fide conce-

perimus, ipsum fore placabilem. Quis enim aperire os auderet, nisi de paterno eius fauore persuasus? Atqui semper inuitum precandi à petenda venia facere conuenit: vnde apparet non pugnare hæc duo inter se, vbi fide amplexi sumus Dei gratiam, precari tamen vt peccata nostra aboleat. Atque huc spectat precandi formula, quæ nobis à celesti magistro tradita est, vbi ab exordio Deum vocantes Patrem, postea tamen addimus vt peccata remittat, Mat. 6.9. Quauis enim Deus in solidū ignoscatur, non admittit tamen fidei nostræ angustia tam effusam eius bonitatem: sed necesse est vt paulatim distiller. Ideòque hoc ad fidei nostræ captum refertur, quòd sæpius iteramus eandem precationem, quia licet non paulatim mitigetur Deus, more hominum, lentī tamō sunt fidei nostræ progressus, qui ad plenam certitudinem nos deducunt. Iam verò admonet nomen *expiationis* *hys* *p* *a* & *as* *p* *e* *r* *s* *i* *o* *n* *i* *s*, quoties pro remissione peccatorum vota facimus, mentes nostras ad sacrificium erigendas esse quo Patre Christus placauit. Neque enim sine sanguine, vt docet Apostolus, Hebr. 9.22, remittuntur peccata: & quod Deus sub figuris Legis restatus est, veteri populo, plenius Christi aduentu manifestauit. Ergo vt gratiam impetret peccator, prius ad Christi sacrificium mentem suā conuertat, quo expiata sunt mundi peccata. deinde sacram Cœnam & Baptismum in fidei suæ confirmationem aduocet. quia minimè sperandum est vt Deus (qui iudex est mundi) redeat nobiscum in gratiam, nisi intercedente placationis pretio.

12 *Cor mundum crea in me Deus, & spiritum rectum innoua in visceribus meis.*

13 *Ne proicias me a facie tua, & Spiritum sanctitatis tuæ ne auferas à me.*

14 *Restitue mihi gaudium salutis tuæ, & Spiritu liberali sustentas me.*

12 *Cor mundum.* Hastenus precatus est Dauid pro obrinenda peccatorum venia: nunc se gratia Spiritus, quā priuatus erat, vel saltem dignus erat pri-

uari, iterum donari postulat. Magni autē interest, duas istas precationes quas perperam docti quidam viri confundunt, distinguere. Ergo hæcenus de gratuita



uita peccatorum remissione egit, nunc transit ad vitæ nouitatem. Nam quia se dignum agnoscit qui spoliatur omnibus Spiritus donis, imò sentit magna ex parte illis se esse exutum, meritò ad institutionem aspirat: ac verbo *Creandi* significat, donec mirabiliter renouatus fuerit Dei virtute, se fore quasi inutilem truncum. quo elogio, poenitentiae donū. vt par est, commendat. Sophistæ, quauis non negent opus nobis esse auxilio Spiritus, & fateri cogantur tam præeunte quàm subsequente gratia nos iuari: Dei tamen gloriam extenuant vel obscurant, dum in medio gradu constituunt rationem hominis quæ eligat, & voluntatem in præbendo assensu. Atqui Dauid *Creandi* verbo magnificum & singularem Dei opus extollit in renouatione hominum, ac si de integro nouas creaturas fingeret. Porro quia iam præditus fuerat Spiritu illo, petit in se renouari. *Creandi* tamen verbo prius confessus est, siue ab initio nos regeneret Deus, siue lapsos in gradum restituat, quicquid est in nobis rectitudinis, gratuitam esse eius donū. Neque enim petit cor suum infirmum adiuuari, & spiritum debilem fulciri aliquo subsidio: sed fatetur nihil esse in corde suo rectū vel purum, donec aliunde proueniat. Vnde sequitur totum cor hominis, vbi in sua natura consideratur, contortum esse & peruersum: quia si vlla esset à natura restitudo vel mundities, non hanc vocaret Dauid Spiritus donum, illam verò Dei creationem. Proximo versu idem votum prosequitur, & remissionē peccatorum cum Spiritus gubernatione connectit: sicuti hoc à gratuita reconciliatione penderet, Spiritu adoptionis nos regi: ac si Deus tanquam filios in sinu suo nos foueret. Quia ergo Spiritus sui participatione non dignatur nisi quos diligit, & in suis reputat: ideo Dauid, vt maneat in possessione Spiritus, sibi adoptionis gratiam manere saluam cupit. quia nisi locum obtrineat inter Dei filios, nihil sibi amplius residuum fore videt. Porro colligere ex his verbis licet, quauis suffocata essent in eo Spiritus dona, non tamen fuisse in totum ablata. Et certè res ipsa ostēdit nō fuisse exinanita, dotes quibus antè polle-

bat. neque enim interea destitit præclarè Regis officio fungi, precibus & aliis pietatis exercitiis incubere, vitamque suam formare ad Dei cultum. Quauis ergo in vna parte stupefactus esset, non erat tamen coniectus in reprobū sensum. Et sane non tam facile & subito expergefactus esset ad obiurgationē Prophetæ Nathan, nisi occultum timoris Dei semen latuisset in eius animo. Nam quod nuper *Spiritum innouari*, præcatus est, restringi debet ad partem. Quæ doctrina vtilis est cognitui: quia docti quidam homines inconsideratè putant, si in peccatum mortale labantur electi, extingui in illis Dei Spiritum, & alienari à Deo: quum Petrus clarè affirmet: Verbum quò regeneriti sumus, esse semen incorruptibile, 1. Pet. 1. 23. & Iohannes etiam doceat: retineri electos ne prorsus excidant, 1. Iohan. 3. 19. Ergo quauis interdum Deus eos abiiciat in speciem, non tamen ita exuit donis omnibus, quin tandem appareat non fuisse penitus abdicatos, etiam quo tempore in illis gratiæ signa non fulgebant. Si quis obiciat, dubitater loqui Dauidem, ac si priuari metueret Dei Spiritu: respondeo, Fideles quum peccarunt, meritò esse anxios, quia repudiarent quantum in se est Dei gratiam: debere tamē in hoc articulo cōsistere, quia semel Dei incorruptibile est, gratiam qua præditi semel fuerunt, nunquam posse euanescere. Sic Dauid peccatum suum reputās timore perculsus fuit: ex opposito tamen statuit, quia vnus erat ex Dei filiis, quod sua culpa perdiderat, sibi adhuc manere.

14 *Restitue mihi.* Iterum repetit mœrori se fore addictum, donec pacem cum Deo fuerit adeptus. & certè nimis stupidi sunt qui Deo infenso quietem sibi indulgent. Docet ergo Dauid sibi nullam fore quietem donec affulgeat paternus Dei fauor. Secundum membrum eodem pertinet quò superiores duo versus, ne scilicet exuatur Spiritus sancti donis, sed maneat in illis integer. In verbis aliqua est ambiguitas: nam verbum *יָשׁוּבָה* quidam Interpretes volunt esse tertiæ personæ, quia nomen *יָשׁוּבָה* femininum est: itaque vertunt, Spiritus me stabiliat. Sed hæc di-

ueritas quoad sensum non magni est momenti. Plus est difficultatis in epithe-  
to **נָדִיב** : nam quum verbum **נָדַב**  
significet liberaliter agere, Hebrei **נָדִיבִים**  
Principes appellant, **נָדִיבִים**.  
Ideo docti homines existimant Dauidē  
hic loqui de *Spiritu principali* vel regio:  
sicut etiam Græci *πνευματικὸν* vertebunt.  
competeret autem hæc precatio in per-  
sonam Dauidis, cui necesse fuit, quum  
Rex creatus esset, heroica virtute excel-

lere ad exequendum suum munus. Etsi  
autem hic sensus mihi non displicet: nec  
male quadrat, longius tamen hanc sen-  
tentiam extēdo, quod Dauid se peccati  
mancipium agnoscens, & reatu suo con-  
strictus, ad liberum illum & vltro-  
neum Spiritum aspires, à quo ferē exciderat.  
Quia enim se peccato mancipauerat, il-  
lud inestimabile libertatis donum non  
nisi singulari Dei gratia recuperare po-  
tuit.

15 *Docebo sceleratos vias tuas, & impii ad te cōuertētur.*

16 *Libera me à sanguinibus Deus Deus salus mea, & can-  
tabit cum iubilo lingua mea iustitiam tuam.*

17 *Domine labia mea aperias, & os meum annuntiabit  
laudem tuam.*

15 *Docebo sceleratos.* Hic se Deo gra-  
tum fore promittit, si fuerit exauditus: &  
fructum suæ gratitudinis commemorat,  
nempe se daturum operam vt suo exem-  
plo alii resipiscant. Et certē non modò  
hoc præscribit charitatis regula, vt ma-  
num alii porrigant qui erecti sunt à Do-  
mino: sed huc etiam impellere eos de-  
bet pietatis studium & zelus gloriæ Dei  
vt omnes, quantum in se est, eiusdem  
gratiæ participes faciant. Iam suæ do-  
ctrinæ conuersionis effectum adiungens  
laboris sui profectum se sperare osten-  
dit. Etsi enim surdis sæpe fabula canitur  
dum studemus in viam reuocare erran-  
tes: non tamen semper ludimus operā,  
quia Dominus verbo suo benedicit.

16 *Libera me.* Hinc apparet quàm  
non sibi blanditus sit Dauid, & quàm  
arduum sustinuerit certamen cum terro-  
ribus mortis, quod toties ad petendam  
veniam recurrit. Quod sanguines quidam  
pro iniusta cæde Viræ accipiunt & cla-  
de exercitus, cuius sibi conscius erat  
Dauid, mihi non probatur. Nam quia  
per Sanguines Hebræis quoduis scelus  
capitale significant, potius videtur, se  
mortis supplicio obuoxium facere, vt  
ostendat unicam sibi spē restare in Dei  
misericordia. *Iustitia* autem Dei, quam  
se cum iubilo celebraturum dicit, pro  
bonitate accipitur. Neque enim iustitiæ  
elogium, vt vulgò putant, tribuitur Deo  
quod rigidus sit ad exequendam vin-

dictam, sed potius quod in seruandis  
promissis & tuenda suorum salute fide-  
lis sit, neque vnquam miseros homines  
frustretur quicumque eius opē implorat.  
Ceterum vbi dicit *Deus Deus salus  
mea*, subest in hac repetitione empha-  
sis aut vehementia: vnde etiam colligi-  
mus, trepide semper & cum anxio ge-  
mitu reputasse quid esset promeritus. In-  
terim ira se inquietudine torqueri & de-  
siderio flagrare demōstrat, vt tamē ar-  
mis fidei sit instructus: quia salutē sibi in  
Deo repositam esse statuit. Eodem ipe-  
cat proximus versus, vbi precatur la-  
bia sibi aperiri: quod tantundem valet  
ac præberi laudis materiā. Scilicet  
hunc ita solere exponi, quasi Dauid lin-  
guā suā dirigi optaret à Spiritu Dei, vt  
idoneus sit ad canendas eius laudes. &  
certē nisi Deus verba nobis suppeditet  
prorsus muti erim⁹. Sed aliud voluit Da-  
uid, se nūc quodāmodo obmutescere, do-  
nec veniā adeptus, ad gratiarū actionē  
vocetur. Eodē mihi videtur sensu nunc  
sibi labia aperiri postulare, quo alibi præ-  
dicat datū sibi in ore fuisse canticū nouū,  
Psalm. 40. 4. Atque ita rursus gratū Deo  
se fore testatur, & beneficii memorem  
quia non alio fine in gratiam se recipi  
postulat, nisi vt apud omnes gratia Dei  
clamosus sit præco. Est enim loquutio  
emphatica *Os meum annuntiabit laudem  
tuam*: ac si promitteret, clara & sonora  
voce palam se Deo gratias acturum.

18 *Quia non acceptum habebis sacrificium: etiam si de holocaustum, non placebit.*

19 *Sacrificia Dei spiritus afflictus; cor afflictum & contritum Deus non despicies.*

20 *Benefac in beneplacito tuo Sio, adifica muros Ierusalē.*

21 *Tunc accepta habebis sacrificia iustitie, holocaustum & oblationem: tunc ascendent super altare tuum vituli.*

18 *Quia non.* Hoc loco docet, quāvis nihil compensationis ad Deum afferat, se gratuita eius misericordia fretum, certō sperare illum sibi fore exorabilem. Ac primō quidem se inopem & vacuū accedere fatetur, sed hoc obstaculū nō fore quo min⁹ impetret quod cupit, quia non moratur Deus sacrificia. Nec verō dubium est quin tacita comparatione crassum vulgi errorem perstringat, quem scimus, ferē omnibus seculis regnasse apud Iudæos. Nam quā sacrificiis expiari peccata Lex doceret, ut operibus suis diffisi, satisfactionem ab vno Christo peterent: illi audacter acsi dato pretio redimerent se à iudicio Dei, cum sacrificiis prodibant. Preposterum hunc fastum à Davide rideri certum est, quum sibi quicquam suppetere negat, quo Deum reconciliet, qui sacrificiis non oblectatur. Iubebat quidem Deus sibi offerri sacrificia, & Dauid cultum hunc minimē neglexit: non ergo simpliciter loquitur acsi respuerit Deus quæ ex eius mandato offerebantur sacrificia, vel quispian ea posset quasi superuacua omittē. imō nuper vidimus Davidem cum toto piorum cœtu, Legio ceremoniis fuisse adiutum: sed finem tantum spectavit, quia hypocrite prava fiducia exerceat, Deū se promere iungebāt. Tamen si ergo se in sacrificiis seculō exercuit: sicuti Deum sibi placabilem fore nemo confidet, nisi qui in medio sistet vnicum Christi sacrificium, quo expiata sunt mundi peccata: verē tamen & meritō nihil se compensationis afferre testatus est: quia gratuitam reconciliationem petebat. Nacue enim, propriē loquendo, ex seipso quicquam afferēbant Iudæi, sacrificia mactando, sed potius à Christo mutuabantur quod eun-

ctis mortalibus deest, redemptinis pretium: adeoque sacrificia Legis hominū respectu, merē passiva erant.

19 *Sacrificia Dei.* Postquam sacrificiis detraxit propitiandi Dei virtutē, quam falsō affinxerant Iudæi, nunc dicit, Etiā si nihil præter cor contritum & humiliatum afferat, hoc Deo abundē sufficere: quia vnum hoc exigit à peccatoribus ut deiecti & prostrati, misericordiam implorent. Neque frustra plurali numero usus est, quo melius exprimeret penitentia sacrificium, pro omnibus vnum sufficere. Si dixisset boni odoris esse hoc sacrificii genus, promptum fuisset Iudæis cauillari, alias tamē esse species quæ non minus Deo placerent. Sicuti videmus hodie Papistas, sua opera Dei gratiæ miscere, ne gratuita sit peccatorum remissio. Consulto itaque David, ut omnia satisfactionum commenta excluderet, vnicam spiritus deiectionē, quacunque Deus probat sacrificia, in se completi asseruit. Et quum sacrificia Dei nominat, videtur obliquē mordere hypocrisis, qui suo tantum arbitrio sacrificia æstimant, dum ad propitiandum Deum valere imaginantur. Hic tamen exoritur difficilis questio: quia si afflictus spiritus pro omnibus sacrificiis cēsetur coram Deo, sequetur, penitentia nos veniam consequi, quod si verum est, iam desinet esse gratuita. Respondeo Davidem hic non differere quid pretii Deo persoluant homines, vel quo merito remissionem peccatorum obineant. imō data opera spiritum afflictum, fictitiis compensationibus opponens, nuditatem hominum detegere voluit: sicuti etiam non aliō tendit spiritus deiectio, quā ut hominem exinaniat, vel in nihilum redigat. Neque enim fieri potest, ubi quid



reliquum nobis facimus, quin se animus noster in aliquam fiduciam tollat. Vnde sequitur, corde contrito iacere omnia merita, vt nihil mutuum afferant homines. Siquis excipiat, fidem præstari esse sacrificium, & ad placandum Deum maioris efficaciam: quia Christum cum vera & solida placatione in medium producit. Primum tenendum est, non posse fidem ab hac humilitate de qua loquitur Dauid, separari. Etsi enim expauescant coram Deo impii, fouent tamen intus peruersam contumaciam, nec fremere vel obrepere desinunt: & quantum suam ferociam non palam despuunt, cor tamen semper inflatus manet. Quum ergo spiritus afflictionis & cor contritum, hominem iræ Dei sensu vulneratum, vero timore & displicentia non modo subigant, sed verè mortificent, vt nullus sit apud se, sed totam suam salutem ex Dei misericordia petat: non mirum est si Deum hoc vno sacrificio contentum esse, Dauid pronuntiet: quia nec fidem disjungit, nec subtiliter numerat singulas penitentiam partes, sed tantum docet non aliter gratiam nos consequi apud Deum, quam dum in nobis deiectioni & confusi, in solam eius misericordiam recumbimus, dum supplices precidimus cum ingenua nuditatis nostræ confessione: denique curui & fracti iacemus vt nos erigat.

20 *Benefac, &c.* Iam non pro se vno priuati orat, sed totam Ecclesiam adiungit, neque immerito: quia per eum non steterat quominus concederet totum Christi regnum. Nam Rex in hunc finem vnctus vt Ecclesiam Dei colligeret, turpi defectione illam dissipauerat, vt timenda esset exitialis ruina. Quamvis ergo sua culpa euertit Dei Ecclesiam quantum in se erat, petit tamen eam gratuita Dei misericordia restitui. Neque verò aliorum innocentiam allegat, sed tantum innititur Dei beneplacito: ac si diceret, Ecclesiam restorationem vbi collapsa est, non absque quam ex mera Dei gratia sperandam. Quanquam autem iam extructa erat Hierosolyma, pro eius tamen ædificatione adhuc precatur, quia nondum scilicet in suam perfectionem venerat, quum de esset præcipua pars, respexit enim Dauid ad oracu-

lū in quo pollicitus erat Deus fixam illi Arcem fœderis stationem fore: deinde regiam sedem. Ideoque Templum nondum conditum quasi tugurium erat. Cæterum docet hic locus proprium esse Dei opus Ecclesiam ædificare, sicut alibi dicitur, Fundamenta eius in montibus sanctis, Psal. 87. 1. neque enim Dauid externam duntaxat structuram respexit, sed animum præcipue applicuit in spirituale Dei Sacramentum, quod hominum manu & industria erigi non potest. Verum quidem est, quantumuis lapidum & cimenti congerant homines, nihil tamen suo labore profecturus in extruendis terrenis muris: sed peculiaris est Ecclesie erectio, quæ admirabili Dei virtute, in terris fundata, supra cælos attollitur. Ad de quod non tantum de vnus mensis vel anni ædificio hic agitur, sed vt Deus statum Ecclesie suæ incolumem vsque ad Christi aduentum tueatur. Verum quum Dauid initio Psalmi & toto contextu professus sit se esse perditum & desperatum, vnde nunc repente tanta audacia, vt totam Ecclesiam Deo commendare non dubitet? Quomodo enim alios omnes in cælum euehet, qui vix ex inferis emerit? Hic certè videmus, simulac reconciliati sumus Deo, non tantum liberam cuique pro salute sua precandi fiduciam permitti, sed nos etiam pro aliis admitti suffragatores: imò quod magis honorificum est, regni Christi gloriam, quæ magis pretiosa est quam totius mundi salus, commendare licet.

21 *Tunc accepta habebis.* Hic primo intuitu species aliqua repugnantia occurrit, sed quæ nullo negotio discutitur. Dixerat, nullius per se momenti esse sacrificia: nunc quatenus exercitia sunt fidei, & penitentiae, & gratiarum actionis symbola, Deo grata fore dicit. *Sacrificia autem iustitie* disertè vocat, hoc est recta vel legitima, quæ rite ex Dei præscripto offeruntur. Quæ etiā loquutione Psal. 4. 6, vsus est, vanas eorum populus deridens, qui tantum fallaci titulo superbiebant. Rursus verò se ad gratitudinem hortatur: & suo etiam exemplo pios omnes, vt voti compotes, non modo tacite secum reputent Dei gratiam, sed in celebri etiam conuentu præ-

prædicet. Ad nomen generale sacrificii duas species adiungit. Quamquam nonnulli בליח & חולח volunt synonyma esse: mihi tamen magis arridet eorum sententia qui prius nomen distinctè positum esse intelligunt pro Sacerdotum sacrificio, quia libatio illic conburebatur. Cæterum, hac varietate significat Dauid non aliter placere Deo legales omnes ritus, quam dum referun-

tur ad iustum finem. Quod totum hunc versum metaphoricè quidam accipiunt trahentes ad Christi regnum, nimis argutum est & coactum. Fateor *vinulos labiorum* vocari ab Hosea, cap. 14. 3, laudes quibus gratiæ agantur Deo: sed minimè obscurum est, cum puro affectu cordis hinc coniungi solennes cæremonias, quibus suam pietatem profitebantur sub Lege cultores Dei.

## ARGVMENTVM PSALMI LII.

Quum occiso Achimelech & reliquis Sacerdotibus passim terror iniectus esset toti populo, ne quis Dauidem inuare auderet, ac Doeg ob prosperum impia delationis successum, triumphos suos ageret, sanctus vir nihilominus animum fide erigens, Psalmum hunc composuit: ubi improbi delatoris crudeli perfidia insultat, seque ad bene sperandum hortatur, quia Deus in calo iustus iudex sedeat, tum ad opem ferus suis ferendam qui spes suas omnes in eum comitantes, tum ad vlciscendam eorum superbiam, qui eo contempserint, quiduis sibi pro libidine indulgent.

PSALMVS LII.

**P**refecto, erudiens Dauidis,

2 Quum venisset Doeg idumeus, & nuntiasset Sauli, ac ei dixisset Dauidem venisse in domum Achimelech.

Quantū attinet ad nomen משיח iam antè diximus propriè solere Psalmis inscribi, ubi Dauid se Dei manu castigatum fuisse commemorat, vel saltem aliquo afflictionis genere admonitum, vt proficeret tanquam sub magistri ferula. cuius rei exempla habuimus Psalmo 32, & 42. Diuersa Psalmi 45 ratio fuit, nempe vt scirent Lectores, in illo amatorio carmine nihil esse lasciuum, sed sacrum & spirituale Christi cum Ecclesia coniugium illic describi. Huic autem Psalmo & sequentibus conuenit eruditio ex correptione profecta. nec enim dubito quin significet Dauid, se nō vulgari modo fuisse tunc probatum & examinatum, vt totum se Deo resignare disceret. Nota verd est Historia, quū profugus erraret Dauid, venisse in Nob ad Achimelech Sacerdotem, & quum discrimen suum detegere non auderet,

simulasse cum arcanis mandatis ad grauiam quadam negotia se fuisse a Rege missum. ita & viaticum obtinuit, & gladium quo occiderat Goliath. Quum verd Doeg, qui Regiis pastoribus præfectus erat, impia delatione fauorem Salis venatus esset, tyranni rabiem non modo in vnum hominem innoxium, sed in omnes Sacerdotes accendit. Ita factum est vt omnes aditus præclusi essent misero exuli: quia tam formidabili sæuitiæ exemplo territi erant omnes, ne vllum humanitatis officium præstarent. Iam quia Doeg hoc scelere elatus, ferocius se gerebat: & perfidiæ merces quam adeptus erat, instar stimuli poterat esse ad alios instigandos, quo certatim ruerent in Dauidis perniciem: sanctus vir pia consolatione se in sublime erigens, scelera tam illius audaciam refutat.

3 Quid gloriaris in malitia potens? bonitas Dei quotidie.

4 Prauitates computat lingua tua, quasi nouacula acuta fraudulenter agens.

5 Diligis malitiam præ bonitate, fallaciam potius loqui quam iustitiam. Selah.

6 *Diligis omnia verba absconsionis lingua dolosa.*

3 *Quid gloriaris.* Quum proditio ex voto celsisset scelerato homini Doeg grauis (vt dixi) & dura illa fuit tentatio ad percellendum Dauidis animū. Itaque non dubito quin se ad lucram sancta hac gloriatioe armauerit. ac primò quidem exaggerat crimē Doeg, quòd in potentia nefario scelere paria, exultet. Nec verò mirum est praefectum pastorum tam splendido titulo ornari, quia non fuit homo pecuarius, qui custodiendis gregibus operam locaret, sed eum autoritate ordinatus pastorum magister: quales fortè hodie sunt in aulis Regum, summi equisonum praefecti. Dicit igitur non esse cur sibi in sua magnitudine applaudat Doeg, quandiu ad crudelitatem & scelus ea perperam abuiuit: imò cur superbiat de nouo fauore Regis, quem sibi acquisiuit impia calumnia: quia sola integritas, fidelis est potentiae & dignitatis custos. Nulla autem vis tyrannica, nulla perfidia vel iniquitas diuturna. Secundò autem membro clarius exprimit vnde tanta impiis recordia & cecitas, vt excusso Dei metu, & extincto pudore, in malitiam biplacere audeant: nempe quia contemptos & humiles spernendo, quiduis in eos sibi licere fingunt: nam indignos esse putat quorum Deus suscipiat curam. Imò Dei providentiam qua suos tuetur, pro nihilo ducentes, aeternam sibi peccandi licentiam promittunt. Ex opposito Dauid sancta confidentia insurgit, superbis istis gigantibus exprobrans, quòd Dei bonitati nihil honoris deferat. Ceterum quia non sèper aequali cursu fluit gratia Dei, quin potius videtur magnis obstaculis procul esse à nobis remota: contra hanc tentationem Dauid se munit, dicens eam singulis diebus vigere. Neque enim dubito quin significet, non obitare multas interruptiones quin Deus subinde bonitatis suae documenta renouet. Hac quidem voce, quod antè expertus erat, se in posterum sperare o-

stendit: quia Deus suos iuuando, & eorum miseras ieuando non fatigetur: sed vt centies rebus aduersis affligi permittat, semper ad opem ferendam paratū fore.

4 *Prauitares meditatur.* Non facit Dauid quod vulgò solent qui iniuste laesi sunt: neque enim conuitia euomit, vt se vlciscatur, sed hostem suum coram Deo accusans, spei materiam inde colligit. Nam quo insolentius proteruiunt mali, eo magis iram Dei ipsos accendere certum est. vnde optima consolatio ad nos redit, maturum instare liberationis tempus, dum se ad extrema quaeque scelera proiciunt qui salutem nostram iniuste oppugnant. Non recenset igitur Dauid hoc loco aduersarii probra, quibus eum infamet apud homines, sed Dei iudicium sibi ante oculos ponens, contra tam atroces quas passus erat iniurias, se ad bonam spem animat. porrò etsi crudelis & sanguinarius erat Doeg, hic arguitur praecipue interior eius prauitas, quòd occulta delatione, per insidias & fraudem prodiderit innoxios Sacerdotes. & ideo comparat eius linguā nouacula acutæ, sicuti Psal. 120. 2. Virulentæ omnes linguæ dicuntur similes esse sagittis acutis. Particulam *Faciens dolum*, multi ad nouaculam referunt, quia dolose scindat, non autem aperto ictu vt gladius: atque hæc quidò est comparationis ratio. sed mihi synaxis videtur fore aptior, si hoc epithetum iungatur Linguæ. Nomen *וַיִּדּוּ* quod perditionem vertunt, quum sit etiā Hebraeis absconsio, mihi sensus hic posterior magis placuit. Videtur enim alludere Dauid ad linguæ abstractionem, quæ est deglutiendi principium. Et cinnamē est metaphora, linguam Doeg appetere fraudulentia verba, quæ simplices & innoxios absorbeant. Porrò his versibus nihil aliud vult Dauid, quàm ab extrema & deplorata hostis sui iniustitia, spei confirmationem petere, quocertius liberationem à Deo expectet.

7 *Etiam Deus perdet te in aeternum, radiet te, & euellet à tabernaculo, & eradicabit te à terra viventium. Selah.*



8 *Et videbunt iusti & timebunt, & super eum ridebunt.*

9 *Ecce vir qui non posuit Deum fortitudinem suam: & confusus est in multitudine diuitiarum suarum, & roboratus est in prauitate sua.*

7 *Etiam Deus perdet te.* Clarius ostendit quod nuper attigi, se in hunc finem exagitare crimen Doeg, quo maiore fiducia propinquum ei iudicium denuntiet: neque id tam illius terrendi causa, quam ad spem suam erigendam. Colligit ergo, Quauis ad tempus cesset Deus, non passurum semper ut tam scelerata proditio inulta maneat. Quia autem nihil magis praefragum est impiis quandiu prospere habent: & quia se extra telorum ractum imaginantur; despiunt ac subsannant omnia Dei iudicia: pios etiam terret illorum potentia, & dum firmis opibus munitos vident, ferre exanimantur. Pluribus verbis eandem sententiam confirmat Propheta, ut quod difficile est creditu, melius sibi persua-deat. Hac ergo verborum congerie, Perdet te Deus, destruet, euellat, eradicabit, tollet e medio, superbi hominis securitati insultans Dauid, animum suum ad bene sperandum attollit, & timiditatem caftigat: quasi diceret, Quamlibet profundas radices egerit Doeg ac validum sit eius robur, Deum ad eius euulsionem satis superque potentem fore. Eodem pertinet quod dicit à tabernaculo & terra uiuorum, quauis tuto nidulentur impii, & in suo tabernaculo suauiter lateant, quia nihil aduersi putent posse illuc penetrare, & de perpetua vitae possessione gloriantur, subito, ubi maturum venerit ira Dei tempus, deiectioni iri. Quanquam fieri potest, ut in voce Tabernaculi, alluserit ad personam Doeg: quia solebant in tabernaculis habitare pastores.

8 *Et videbunt iusti & timebunt.* A fine etiam argumetur, fieri non posse ut quam meritis est poena effugiat Doeg: quia scilicet ideo sua iudicia exercet Deus, ut maiorem sibi reuerentiam apud fideles conciliet, atque eos exhilaret iustitiae suae documentis. Etsi enim reprobis quoque Dei contemptoribus spectabile futurum e-

rat exitium Doeg, duas tamen ob causas peculiariter eius intuitum ad solos iustos restringit. Nam in manifestis quoque Dei operibus cecutiunt reprobi, ut mirum non sit in eius iudiciis nihil proficere: ideoque merito iustos visuros dicit Dauid, quia oculati sunt. Accedit altera ratio, quod Deus in suorum gratiam, ut quam pro tuenda eorum salute sollicitudinem gerit, illis testetur, retundit impiorum ferociam, atque ita eorum dolores in gaudium conuertit. Itaque non mirum est si eos Dauid compelleret testes, quibus tale spectaculum proprie exhibet Deus. Porro Timor hoc loco non formidinem significat, quo saepe homines consternant & expauescunt Dei vindictae: sed pro lata & alacri reuerentia accipitur, dum agnoscunt fideles tanti se fieri coram Deo, ut causas eorum suscipiens, eorum hostibus se opponat. Quandiu enim expositi iniuriis non sentiunt Deum vindicem, multis dubitationibus aestuant, ac si eum non attingeret cura regendi mundi, Experimenta autem iustitiae eius, ad serium pietatis studium sopitas mentes excitant: atque hic timor, risum quem mox subiicit Dauid, minime impedit: quia duo haec optime inter se conueniunt: ut se reuerenter Deo subiciant fideles, quem iniustae crudelitatis ultorem agnoscunt: & eum videntes à parte sua stare, inestimabile gaudium concipiant. quia dum se nobis coniungere dignatur in commune bellum, hac societas potior est triumphis omnibus. Elegas paranomasia quae est in verbis Hebraicis inter Videre & Timere, Latine reddi non potest: quia notare voluit Propheta, intuitu de quo loquitur, non otiosum sed efficacem fore.

9 *Ecce vir.* Putant quidam hoc prouerbii loco in vulgus fuisse iactatum de superbia Doeg. Sed hoc videtur nimis restrictum: potius existimo exegesis

esse timoris & risus, quia voluit exprimere Dauid quomodo proficiat in Dei iudiciis fideles. Nam impiorum frustratio eos admonet patiēter ferēdā esse superbiam, quā suo impetu ruit: deinde eos quoque erudit ad modestiam, ne simili vanitate inflati, contra Deum & homines insolescant. Rixuros ergo fideles de reproborum interitu astant Dauid, non tantum ut ipsi insultent, sed ut se quietos contineant sub Dei auxilio, & vale dicentes mundi illecebris, ei se libenter subiiciant. Quoties ergo nobis occurrunt eiusmodi exempla, Deus sensus nostros, qui ad vagandum nimis alioqui propensi sunt, ad se retrahit, ut eos solus possideat. Porro aduerbium, *Ece, ecce*, hic sumitur, acū in theatrum produceret Dauid infelici exitum, qui superbos Dei contēptores manet: sicuti hæc non vulgaris prudentia est, ex vno documento colligere miseros esse omnes, ac pessimo exito destinatos, qui alibi quā in Deo spem suā constituunt. Caterum coniunctim legenda sunt hæc duo membra, *Non posuit*

*Deum robur suum, & speravit in malis diuitiis*: quia significat Dauid nunquā sin cere homines in Deum recumbere, donec propria inopia consci, seipsos prorsus exinaniant. Quantis per enim imaginantur in se aliquid residere, fieri non potest ut ad Deum cōscendant: ita hoc perpetuum est, quantum sibi arrogant homines, tantumdem Deo detrahere: & qui suis diuitiis confidunt, non ponere Deum robur suum. Et quod de vtra specie hic pronuntiat Dauid, ad omnes extenditur: quoties in mundo & terrenis opibus subdunt hominum mentes, totidem obstaculis prohiberi à quærendo Deo. Nomen *יהוה* (quod Malitiā vertit bona pars Interpretum, quidam etiā pro perniciē actiue accipiunt) videtur hoc loco potius notare substantiam. Scimus enim Dauidi nihil esse magis familiare, quā rem vnā repetere diuersis verbis. Ergo optimè fuit hic contextus, hominem qui diuitiis suis confidit, & roboratur in sua substantia, vel in suo esse (ut loquuntur) Deum fraudare iusto honore.

10 *Ego autem: sicut oliua frondosa in domo Dei: speravi in bonitate Dei in seculum & vsque.*

11 *Celebrabo te in seculum, quia fecisti: expectabo nomen tuum, quia bonum est coram mansuetis tuis.*

10 *Ego autem.* Postquam Dauid fidei & spei alis in sublime euectus, splendorem opulentiae Doeg, quo secundum carnis sensum fuisset obrutus, animosē despexit: exurgit etiam ipse ex suis miseriis. Et quāquā instat inutilis ac putridi trūci proiectus iacet, propter spē futuræ institutionis, oliuæ se cōparat. Et certe nulla ex interitu Doeg consolatio redire poterat ad Dauidem, nisi persuasus fuisset, sumptam fuisse diuinitus vindictam de hominis crudelitate quā aduersus innoxios exercuerat. Ergo Deū malorum quæ indignè perpeffus fuerat ultorem esse reputans Dauid, quod reliquum est sibi promittit, ut collecto no uo vigore iterum floreat: simul tamen ostendit hoc prosperi status summum sibi fore caput, inter Dei cultores censerī & locum tenere, ut se in professione pietatis exerceat: sicut alibi vidimus acer

bis ei fuisse exulare à Dei Sanctuario, quā vxore, & bonis omnibus priuatum errare per ferarum speluncas. Quod rā citam personæ Doeg antithesin quidam subesse volunt, quia fallaci prætectu, tantam sedulus Dei cultor, speculādī causa ad Tabernaculum accesserit, ex remota coniectura petittum est. Potius tam ipsi Doeg quā aliis suis hostibus se opponit Dauid, quod licet nunc profugus a Terra sancta, Tabernaculi conspectu careat: se tamen restitutionem sperare, ubi euulsi fuerint hypocritæ, qui non modo locum illic occupant, sed Templo soli potiuntur, quod tamen inquinant & polluant suis sordibus. Hic ergo memoria repetamus quod alibi dictum fuit, hunc viuendī finem semper nobis esse spectandū, ut reputemur in grege Dei: & quia infirmitas nostra externis adminiculis indiget, sin-

gularis beneficii loco ducendum esse, dum sacros cōuentus, vbi fideles alii alios ad Deum colendum & inuocandū incitant, frequentare licet. Adde quòd Deus, sicuti vnus est, ita vt vnū in se simus, communibus Sacramētis in spem beatæ æternitatis nos colligit, vnoque omnium ore nomen suum vult celebrari. Ergo Dauidis exemplo, fallaciis omnibus præferre discamus locum in Dei Ecclesia. Additur ratio cur futurus sit similis oleæ frondosæ, quia scilicet *sperauit in bonitate Dei*. causale enim particulam subaudio: atque hoc modo antithesin quam nuper attigi prosequitur, quauis hostes eius viderent, longèque extendèrent suos ramos, procera etiam altitudine superbirent, radicem tamen eorum breui emarcidā fore, quia in Dei bonitate fixa non erat: itaque dum illi arescent, succum & vigorem ibi nunquam defore, quia spem suam in Deo reposuit. Porro quia longo malorum tractu cōfici potuit, nisi fiduciæ suæ cōstantiam in lōgum tempus produceret, disertè exprimit se nō præscripsisse Deo certum aliquod tempus, sed æternitatē spe sua fuisse complexum. Neque enim sperare *in seculum* potuit quin Deo permitteret liberā mortis & vitæ suæ potestatem. Vbi perspicimus quid legitimos Dei filios discernat ab hypocritis. nam quum vtrique in Ecclesia simul permixti sint, sicuti in area triticum paleæ mixtum est: alios tamen spes sua in perpetua statione confirmat, alios sua vanitas instar paleæ discutit.

II *Celebrabo te.* Psalmum concludit hac gratiarum actione, qua se ex animo & sincerè defungi dicit, quia agnoscat hoc esse Dei opus, quod obseruatum dignum est, quia, vt maligni sunt homi-

nes, quauis ore gratitudinem aliquam testentur, vix tamen centesimus quisque seriò Dei beneficia reputat & expendit, vt sentiat ipsum esse authorem. Statuit ergo Dauid, quòd elapsus fuerit è manu Doeg, quòd etiam non centies deinde perierit, id fieri nō potuisse, nisi protectus esset Dei auxilio: nec se vno tantum die gratum fore promittit, sed perpetuò vel tota vita. Et certè quum in aliis omnibus pietatis officiis Dei filios ad perseuerantiam enitè cōueniat, hac in parte maximè eos sibi instare necesse est: quia & facile obrepit obliuio, & maior pars etiam dum se defunctam putat tridui laudibus, statim sepeliat quod æterna memoria colendum erat. Postremò spem suam cum gratitudine coniunctam fore dicit. nam *expectare nomen Dei*, nihil aliud est, quàm patienter attendere ad eius gratiam, quauis sit abscondita, & ab eius verbo pendere, quauis effectus in longum tēpus extrahatur. Et quo meliore animo id faciat, spem suam negat fore irritā, *quia bonum sit Dei nomen coram fidelibus*. Quidam neutraliter accipiunt, quòd bonum sit sperare, sicuti Psalmo 118.8. sed alter sensus, meo iudicio, simplicior est, quòd Deus fideles suos nunquam frustretur, quin suam bonitatem illis conspicuam exhibeat. Quauis ergo incredulis odiosum sit Dei nomen, adeoque terrorè incutiat quoties insonat eorum auribus, quia expertes sunt eius bonitatis, dicit Dauid fideles semper cōtinuis experimētis sensisse quàm suaue & iucundū sit Dei nomē. *Māfuetos* autem vocari Dei filios, quia humanitate & beneficētia cælestē Patrē referre debeant, diximus Psalmo 16.3.

Psalmus LIII.

Quia Psalmus iste idem ferè est cum XIII, illinc huius interpretatio petatur.

**P**Resecto super Mahalath, erudiens Dauidis.

2 Dixit stultus in corde suo, Non est Deus: corruperunt, abominabile fecerunt opus: non est qui faciat bonum.

3 Deus è celis prospexit super filios hominum, vt videret an sit qui intelligat, qui requirat Deum.

4 Quisque recessit, simul putridi facti sunt: non est qui



*faciat bonum, ne vnus quidem.*

5 *Annon cognoscunt omnes operarij iniquitatis? comedentes populum meum, comedunt panem, Iehouā non inuocāt.*

6 *Illic trepidarunt trepidatione vbi non est trepidatio: quoniam disperisit Deus ossa castrametantis contra te: pudore affecisti, quoniam Deus spreuit eos.*

7 *Quis dabit ex Sion salutē Israel? vbi conuerterit Deus captiuitatem populi sui, letabitur Iacob, exultabit Israel.*

### ARGVMENTVM PSALMI LIIII.

*Hoc Psalmo recitat Dauid quas apud Deum preces conceperit, dum se à Zypheis proditum intelligens, in praesensimum vitæ discrimen venisset: a. que hoc modo inuictum fidei suæ rebus ostendit, quod morte antea oculis posita, Deum tamen inuocare non desisteret.*

*Psalmus LIIII.*

**P** *Refecto in Neginoth, erudiens Dauidis,*

2 *Dum venerunt Zypheï, & dixerunt Sauli, Annon Dauid latet apud nos?*

2 Dauidem sæpius quæsisse latebras in illa deserti parte quæ vicina erat Zypheis, notum est ex Sacra historia. Bis verò ab accolis fuisse proditum apparet ex primi libri Samuelis cap. 23. 11, & 26. 1. Hanc temporis circumstantiam non abs re designat, vt sciamus nullis malis vnquam fuisse ira fractum, quin spe ad Deum assurgeret. Certè raræ & heroicæ fortitudinis specimen fuit, quò hostilibus copiis vndique oclusis, quo-

cunque pedem moueret, sibi videret occurrere exitium, non tamen desperatione obrui, sed ex profundis illis tenebris ad implorandam Dei opem emergere. Neque enim precari sic potuit, nisi persuasus foret, tam facile esse Deo, mortuum è sepulchro educere, quàm viuum & incolumem in statu suo teneri: quādo nihil iam restabat, nisi vt animam in speiuncæ latebris deponeret.

3 *Deus in nomine tuo serua me, & in virtute tua iudica me.*

4 *Deus audi precatioñē meā, ausculta ad sermones oris mei.*

5 *Quia alieni surrexerunt in me, & formidabiles quæserunt animam meam: non posuerunt Deum in conspectu suo. Selah.*

3 *Deus in nomine tuo.* Quia sci-  
mus Dauidem tunc omnibus humanis  
opibus & subsidiis fuisse exutum, sub-  
audienda est antithesis inter Nomen ac  
virtutem Dei, & inter media omnia ( vt  
loquuntur ) quibus iuari solent homi-  
nes. Etsi enim nihil est auxilii extra  
Deum, ordinarios tamen modos habet  
quibus exerat erga nos gratiam suam  
& virtutem. Vbi autem ita nos destituit,  
vt nihil auxilii sub cælo appareat, tunc

per seipsum agit. Ergo Dauid, quum in  
creaturis nihil spei esset residuum, me-  
ritò ad sacrum hoc asyllum confugit, vt  
sola Dei virtute contentus, miraculo se  
fore saluum consideret. Caterùm, in se-  
cundo membro Deum vindicem aduo-  
cans, qui causam suam disceptet, hoc  
modo suam innocentiam asserit. Et san-  
nè vt nos Deus tuendos suscipiat, danda  
in primis opera est vt probè & rectè  
nobis simus conscii: quia nihil magis  
peruersum

peruerſum eſt, quàm temere ad eum inuocandum proſilire, acſi malarum cauſarum eſſet patronus. Dauid igitur, cauſæ ſuæ bonitate, & probitatis cōſcientia ad petēdam ſalutem animatur. Neque enim dubitat, dum ſuam integritatem Dei iudicio examinandam proponit, eum ſibi fore propitium, ſimulque in vlciscenda hoſtium perfidia & crudelitate, ſeuerum fore Iudicem.

4 *Deus audi.* His verbis affectus ſui vehementiam exprimit. Nec verò dubium eſt, quum tanta vrgeret neceſſitas, anxie & ſummo ardore precatum eſſe: quia fieri nō poteſt quin ex animo æſtuante verba prorumpant: idque etiā proximo verſu declarat, vbi conqueritur ſibi cum barbaris ſerisque hominibus eſſe negotium, quos nulla religio à ſcelerum audacia cohibet. neque id facit quòd monitore opus habeat Deus: ſed metus & inquietudinis ſuæ cauſam referens, in illius ſinum curas ſuas exonerat. Porro ſiue ſolos Zyphæos, nomine *alienorum* intelligat, ſiue illis coniungat totum Saulis exercitum, mihi videtur immanem eorum barbariem ita perſtringere. Multi putant vocari alienos, qui degeneres erāt filii Abrahæ, & abiecto pietatis ſtudio deſciuerant in profanas Gentium corruptelas. Et

fateor Iudæos ſæpe extraneos vocari à Prophetis, quia impiè & ſcelerata viuendo, ab Eccleſia Dei ſe abdicauerint. Sed huius loci mihi videtur diuerſa eſſe ratio. nā quum vicinitas, hoſtes quoque ipſos ad aliquam humanitatem ſpectare ſoleat, Dauid vt eorum truculentiam amplificar, à quibus non minus violenter impetebatur, quàm quiſpiam ignotus, & ſere natus in alio orbe, dicit Ab alienis in ſe impetum fieri: ſignificās belluino furore ruere. Quòd etiam pertinet ſecundum epitheton, *formidabiles*. Nam qui Robuſtos vertunt, nimis extenuant atrocitatem rei. Senſus eſt igitur, hoſtes Dauidis abiecto omni humanitatis ſenſu, non ſecus ac rabioſas feras in eius perniciem ferri. Vnde mirum nō eſt eum expauſcere, vt trepidè ſub Dei tutelam confugiat. *Quære* verò animam dicuntur, quorum crudelitas nulla mediocri læſione contenta, ſatiari non poteſt niſi morte. Iam quo melius eſſe frānem rabiem exprimat, nullum illis eſſe Dei reſpectum dicit: quia hoc ſolū erat frānum quo poterant cohiberi, ſi veniſſet illis in mentē, ſedere munda Iudicem in cælo, ad cuius tribunal ſemel omnibus reddenda eſt vitæ ratio: excuſſa verò Dei memoria nullus erat moderationi ſocus.

6 *Ecce Deus mihi auxiliator, Dominus inter fulcientes animam meam.*

7 *Rependet malum aduerſariis meis, in veritate tua ſuccide illos.*

8 *Voluntariè ſacrificabo tibi, celebrabo nomen tuum Iehoua, quia bonum.*

9 *Quia ex omni anguſtia eruit me, & in aduerſariis meis vidit oculus meus.*

6 *Ecce Deus mihi adiutor.* Docet hic verſus Dauidem non fortuito vota in ærem ieciſſe, ſed precatū eſſe ex viuo fidei ſenſu. Et demonſtratiuum aduerbiū magnā emphāſim continet. Quū iā ne inter feras quidē turò lateret, vbi iſta Dei propinquitās? quum ſerè in ſepulchro demerſum obrueret mortis caligo, quomodo Deum præſentem aſpi-

cere potuit, & quaſi digito monſtrare? quum trepidus in ſingula momenta interitum expectaret, quomodo de præſenti certòque Dei auxilio gloriari potuit? Ergo neceſſe fuit mira fidei virtute excellere, qua tot obſtacula tranſcēdens, ab ipſis inferis vſque ad Deum celeriter penetraret. Caterū, vbi Deū inter deſenſores animæ ſuæ numerat,

non simpliciter intelligit vnum esse ex illis: quia parum tribueret honoris, eum locando in hominum gradu: ac præstaret nullam eius fieri mentionem, quam ita in ordinem cogere. sed potius significat Deum stare ab eorum parte quibus curæ erat ipsius salus, qualis erat Ionathâ, & similes. Quum verò illi & numero pauci essent, & debiles, & timidi, hac tamen fiducia se sustentat, quòd Deo præside, & directore futuri sint omnibus impiis fortiores. Forte etiam alludit ad suam nuditatem. Nam (quia omnium mortalium ope destituebatur) potest ita resolui locutio hæc, ac si dixisset, vnus Dei futurus sibi pro innumeris sufficere.

7 *Rependet malum.* Quia verbum **U** tantundem valet ac, Redire faciet, nō modò viderur poenam minari, sed speciem poenæ simul notare: quòd Deus praua eorum consilia, malignas artes, & improbos conatus in eorum capita retorquet. Etsi autem nō improbo eorum sententiam qui operatiue accipiunt verbum futuri temporis, magis tamen placet proprium sensum retinere, vt David, quasi voti compos, securè quod precatus est expectet. Et sæpe videmus (quo acrius se stimulet ac perseverandi studium erigat) eū talibus sententiis interpositis precandi contextum abrumper. quare nihil absurdi si votis suis sententiam hanc permisceat, Deum fore iustum vltorem, qui mercedem rependat impiis & sceleratis. Iam ad spei confirmationem hoc non parum valet, Deo suam veritatem produci in mediū: quia nisi in tentationum procellis fixa maneret persuasio, Deum, qui salutis nostræ curam sibi vendicat, esse veracem, neque inanibus verbis suos lætare, quoties auxilium suum differt ac suspendit, labascere mentes nostras. Non temere igitur David spem impetrandi in eo locat, quòd Deus nō magis fidem suam abnegare potest, quàm seipsum.

8 *Voluntariè sacrificabo.* Suo more promittit se, vbi fuerit liberatus, gratiæ Dei memorem fore. Nec dubium est quin promittat, simul ac data fuerit fa-

cultas, solennes se Deo gratias acturū. Etsi enim interiore affectu cōtentus est Deus, non debuit tamen David ritus in Lege præscriptos negligere. Ergo sacrificiis accepti beneficii memoriam testatus est, vt ferebat commune piorum officium, vt suo quoque exemplo alios excitaret. Se verò hoc liberaliter facturum dicit, non modò quia pro suo arbitrio cuique liberum erat sacrificia gratiarum actionis offerre, sed quòd libenter & alacri animo, periculo iam defunctus votum suum soluet. Scimus enim maiorem mundi partem, vbi aliqua necessitate constringitur, satis largè polliceri se fore in Dei obsequio: mox verò vbi quisque elapsus est, reuolui ad suum ingenium, Deique gratiam obliuisci. David ergo spontanea sacrificia vouet, vt se ab hypocritis discernat, qui non nisi seruiliter & metu coacti, Deo se subiiciunt. Discamus itaque ex hoc loco, quoties proferimus in Dei conspectum, liberales adferre animos, si cultum nostrum cupimus ei probare. Posterius membrum cum vltimo versu ad tempus letum & tranquillum referri debet. Quauis enim totum Psalmum post liberationem composuerit, hæc tamen tamen recensuit quia precandi forma vsus esset adhuc in ipso discrimine laborans: nunc omni anxietate solutus ac liber, nouam gratiarum actionem subiungit. ac fieri potest vt vno exemplo admonitus, plura Dei beneficia quæ diuersis temporibus erat expertus, quasi in fasciculum collegerit: idè quæ generaliter pronuntiat *nomen Dei esse bonum, & se ereptum ab omni angustia.* Quid sibi velit istud Videre, alibi diximus Psalmo 35. Notat enim hæc locutio suauem & iucundum aspectum. Si quis autem roget an filiis Dei liceat, quum Deus scelera vlciscitur, tale spectaculum cupidè expectere, responsio facilis est, modò puri sint oculi, piè & sanctè oblectari iustitiæ Dei testimoniis: sed vbi praua aliqua libidine tanquam macula infecti sunt, in viriosum & peruersum finem omnia trahere.

## ARGVMENTVM PSALMI LV.

*Etsi multi Interpreter Psalmum hunc ad conspirationem Absalom referunt, qua David à regno pulsus, & in desertum profugit: magis tamen probabile est, quum à Saule persequutus esset in extremas angustias, de iniuria*



*In iusta erat sententia conquestum coram Deo fuisse. Est enim lamentabilis precatus, magnique affectuum servante plene, in qua circumstantiis omnes colligit, qua Deum ad misericordiam moveant. Vbi tamen conceptis, & expositis suo dolore animum ad spem liberationis erigit: & quasi iam adeptus quod optavit, gratia Dei predicat.*

**P**refecto in Neginoth, erudiens Davidis.

2 *Ausculata Deus precationem meam, & ne te abscondas ab oratione mea.*

3 *Attende ad me, & responde mihi: plangam in sermone meo, & tumultuabor.*

4 *A voce inimici coram afflictione impii: quia deuoluunt super me iniquitatem, in ira aduersantur mihi.*

2 *Ausculata Deus.* Ex his verbis liquet, Davidem, quum preces has concepit, constrictum fuisse summo dolore. Neque enim mediocre aliquod incommodum, aut vulgaris molestia animum sancti viri heroica virtute praditum tantopere perculissent. Grauis ergo necessitas plandum & tumultum ei extorsit. Nam quod verbum **וְיָגֵן** quidā vertunt, Dominabor, contextui prorsus repugnat. neque enim iactat David fortitudinem, qua sermoni suo imperet: sed calamitatem suam deplorans, ut se miserabilem faciat, dicit se compelli ad tumultuosos clamores. Quod deinde sequitur *a voce inimici*, tamen si bene cohæret cum proximo versu, potest tamen cum verbis illis contexi, *Ausculata & ne te abscondas*. nisi fortè malis extendere ad totum contextum. Per *vocem* putant notari strepitum, qualis solet esse in hominum turba: ac si dixisset hostem suum magnis copiis instructum venire. Sed ego minas potius intelligo: quia nō dubium est quin Saul, ut eadem innoxii Prophetæ animo spirabat, sic etiam ore subinde creparet. Quod etiam *deuoluere*

*iniquitatem accipiunt pro onerare vel grauare falsis criminibus hominem infontem & nihil tale meritum, videatur nimis argutum esse, & a contextu dissentaneum.* Cohæret cum hac locutione posterius membrum, *in ira aduersantur mihi*. Ergo deuoluere iniquitatem, meo iudicio, nihil aliud est quàm iniuste irrue re in perniciem miseri hominis, & quidvis machinari ad eum opprimendum. Nisi forte distinguere sic placeat inter hæc duo membra, ut *in furore aduersari*, sit palam & violenter grauari ad noninem perdendū: *Deuoluere iniquitatem* sit fraudibus & insidiis pugnare. Ita **וְיָגֵן** occulta malitia erit. *Afflictio impii* a diu sumitur pro iniusta oppressione quàm infert. Atque impii nomine infamat hostem suum, non tam eius accusandi causa, quàm integritatis suæ testanda. Nam hoc in persecutionibus, magnum solatium est, sibi bene esse cōscium, neque sua culpa, sed gratis prouocari: quia tūc quoque sperandum est leuamen à Domino, qui se miseris omnibus patronū & defensorem fore pollicitus est.

5 *Cor meum contremiscit intra me, & terrores mortis considerunt super me.*

6 *Timor & tremor uenerunt in me, & operuit me horror.*

7 *Et dixi, Quis dabit mihi alas sicuti columba? volabo & requiescam.*

8 *Ecce eloḡabo trāsmigrationē, quiescā in deserto. Selah.*

9 *Accelerabo liberationē mihi, à v̄to excitato à turbine.*

5 *Cor meum.* Hinc iam clarius liquet quàm diros cruciatus pertulerit David. Certè non effæminatus quispiā vel mollis loquitur: sed quia iam multa

constantia documenta prabuerat. Nec tamen hic tantum de atrocibus hostiū iniuriis cōqueritur, sed se opertum terroribus & obrutum, dicens, cor sibi

non esse *saxeum* fatetur. Hinc quidem colligitur certaminum magnitudo. Discendū tamen simul est, ubi durius seruos suos exercet Deus, nullam esse tantam fortitudinem quæ non labascatur nobis bene est, quisque sibi videtur inuictus miles : sed ubi serio & confertis manibus pugnandum est, palam se prodit nostra infirmitas. Hac verò occasione Satan astutē nos ad desperationē sollicitat & impellit: ac si Deus, subdūctō Spiritus sui auxilio, se curam salutis nostræ abicere ostenderet. Hoc igitur exemplum obseruatū dignum est, quod Dauid circumdatus ingenti malorum cōgerie, simul etiam insectinū cum timoribus suis certamen habuerit, nec sine lucta & violento conatu emergerit ad inuocandum Dei nomen. Et *terrores* vocans *mortiferos*, ostendit, nisi suffultus esset virtute Dei, sibi proinus fuisse succumbendum.

7 *Qui habitat mihi.* His verbis non modo significat nullum sibi effugium patere, sed miserum statum suum deplorat, quod nihil exilio melius appetere iam queat, non quale hominibus conceditur, sed perinde ac si columba procul in desertum aliquem angulum euolet. denique intelligit se non nisi miraculo elabi posse. Deinde non fore locū exilii inter homines, sed eō se redactum, ut deterior sit sua conditio quàm auicula cuiuslibet. Quod *columbam* nominari quidam putant potius quàm alias aues,

quia pernici volatu excellit : nescio an satis firmum sit. Lōgè ineptius est quod garriunt Iudæi, alam poni in singulārī numero, quoniam vna tantum ala volitent columbæ: cum numeri mutatio passim trita sit in Scripturis. Hæc potius similitudinis ratio est, quod Dauid ef-fugere cupiat hostium suorum sæuitiam non secus ac columba, quæ meticulousa est & imbellis, accipitrem fugit. Vnde colligimus in quas angustias coniectus esset qui regni promissi oblitus, trepidē tantum de ignominiosa fuga cogitet, ac relicta patria, extra hominum cōsuetudinē alicubi in deserto latere paratus sit. Atque huc pertinet quod addit, ut furori hostium cedat, se migrationē longinquam non recusare: nec se inducias querere, vel tempus trahere, quæ admodum solent quibus aliquid spei vel solatii adhuc residuum est. Voces autem sunt hominis desperati secundum carnis sensum. Vnde colligimus quàm diros cruciatūs senserit quum paratus omnibus renūtiare, nec hoc quidem modo vitam redimeret. Itaque nō mirum est in istis anxietatum tormentis cor eius lethali mœrore penitus fuisse vulneratum. *NYIO* quidam Tempestuosum vertunt. & certē procellosus ventus hic notatur quem excitat turbo. Sed quum dicitur motus à turbine, paraphrasis est impetuosī ventī, ac turbulentī qui ad celerē fugā cōpellit viatores, donec rectū vel latebras reperiant.

10 *Perde Domine, diuide linguam ipsorum, quia vidi vexationem & rixam in vrbe.*

11 *Die & nocte circundant eam super muros eius, & labor & molestia in medio eius.*

12 *Prauitates in medio eius, & non discedit à plateis ovis fraus & dolus.*

10 *Perde Domine.* Hic collecto animo rursus se ad Deum inuocandum conuertit: alioqui stultum fuisset, sine profectu querimonias in aerem spargere: sicuti profani homines hoc inani solatii genere non tam se exonerant quàm fatigant. Miscent quidem precibus suis sancti confusos vel inordinatos, gemitus, sed tandem ad orandi fiduciam se

reuocant. Quod autem *linguam eorum scindi* vel diuidi optat, in eo videtur alludere ad pœnam Babylonis inflictam. Summa est, ut Deus subitis dissidiis abruptat impia consilia, & nefarias conspirationes dissipet. Sed memorabile illud specimen obliquè cōmemorat, quo semel testatus est Deus in suo arbitrio esse, mutuam inter sceleratos & improbos

bos communicationem tollendo, frangere eorum vires ac conatus. Sic quotidie peruersas factiones discindit, dum inter se committit Ecclesiæ hostes, vt alii aliis inuideant, laborent diffidentia, ferantur in contrarios affectus: & dum quisque dominari cupit, nec sustinet aliis cedere, seipso vltro eneruent. Porro ad exorandi fiduciam, quanta sit hostium improbitas & malitia recenset. quia semper tenendum est principium illud, Quo insolentius ruunt homines ad peccandum, propius instare Dei vindictam quæ eorum furori occurrat. Ergo ex effreni hominum licentia propinquum sibi fore Dei auxilium colligit Dauid: quia Dei proprium est superbis resistere, humilibus autem dare gratiā, Iacob. 4.6. Primò affirmat se non temerè imprecari hostibus: quia expertus sit esse iniuriis, vexationibus, & molestiis deductos. De vrbe frustra, meo iudicio, laborāt interpretes, fuerintne Ierosolyma an Cei la: quia videtur alio sensu nomen Vrbis posuisse Dauid, quòd scilicet passim & in publico regnaret nocendi lædendique audacia. Subest enim tacita inter urbem & occultos recessus antithesis: ac si dixisset, sine pudore inualuisse rixandi morē, & quotidiano vsu non secus esse receptum, ac cōmunes vrbis leges. Et si verò metropolim regni notari probabile est, vel saltē in qua habitabat Saul, nihil tamen impedit quominus ad totū populi statum communiter hoc extendere liceat. Teneo tamen quod iā dixi,

nomen vrbis indefinitè esse possum, quo ostenderet Dauid non secus in publico grassari licentiā peccādi, quā latrones in sylvarum latebris homines spoliānt. Eodem pertinet quod sequitur in muris excubare hæc vitia. Nā quū muris cingantur vrbes, vt à rapinis & violentiis incurfibus tutæ sint, inuersum naturæ ordinē deplorat Dauid, quòd loco munitionum, rixæ & oppressiones vrbē circundant, vel per circuitū occupant muros. De vocibus **יִנְא** & **וּבִי**, alibi dictum fuit. Fontem quoque designat, prauitates in medio eius habitare dicens, *dolum & fraudem in plateis regnare*. Fieri enim non potest, vbi fraudandi cupiditas, & improbæ peruersæque artes locū obtinent, quin ad prædandum & rapiendum, ad vexandos simplices & quietos profiliant qui se impune id facturos vident. Breuiter, politia bene compositæ, fœdam & detestabilem quæ sub Saule passim erat, *ἀνὸς* opponit, ac si diceret, omnē illius iustitiam, omnē ordinē, omnē recti honestique studium exulare. Quod siue de vna tantum vrbe, siue de pluribus dictū sit, potētī certè loco habendum est, in tam crassas corruptelas fuisse progressos, qui se iactabant sacrū Dei populum, vt eorū vrbes essent quasi latronum spoliaria. Interea tenendum est, vrbes ita viciatas, & prauis moribus imbutas, non solum imprecatione Dauidis, sed Spiritus sancti iudicio in æternum exitium deuoueri.

13 *Certè non inimicus opprobrio me affecit, nam sustinuissem: non aduersarius magnificatus est super me, nam me abscondissem ab eo.*

14 *Tu verò homo secundum ordinem meum, dux meus & familiaris meus:*

15 *Qui simul suauiter fruebamur secreto, in domum Dei ibamus in societate.*

16 *Sit mors exattrix super eos, descendant in sepulchrum viui: quia malitia in habitaculo eorum, in medio eorum.*

13 *Certè non inimicus.* Exaggerat iniuriæ atrocitatem, eo quòd non solū professi hostes molesti essent, sed etiā fucari & perfidi amici. crescit enim in-

dignitas, vbi perniciem nobis molitur qui iuuare debuerant. Sed quia malè exponitur verbum **וּבִי**, ac si diceret Dauid se patienter laturū fuisse, si per-



enisset apertus hostis: monendi sunt lectores, potius eum conqueri quod sibi ab occultis insidiis cauere non potuerit. Ego enim repetitionem expendo, *tulisse, & abscondisse me*, vel delituisse. Ferre igitur hoc loco, non tolerare significat, sed potius ictum elevando repellere: quod Gallicè dicimus, *l'eusse recu le coup*. Nam quum ad cauendos hostes intenti simus, perfidi homines ad ladendum facilius penetrant, simulata amicitia prætextu. Dicit igitur non fuisse hostem, cuius ictum excipere poterat vel sustinere: non fuisse aduersarium, à cuius noxa defendere poterat. Quod *magnificandi* verbum quidam accipiunt pro verbis insultare: meo iudicio nimis restrictum est. tantum enim valet ac violenter se efferre, vel exurgere contra aliquem nocendi causa. Conqueritur in summa David, se clandestinis artibus fuisse oppressum, quibus nullam defensionem opponere potuit. Quem verò hic perstringat incertum est. Vt eorum sententia subscribam qui volunt esse Achitophel, adduci nequeo: quia totus contextus in persecutionem Absalom non competit. Quod ali putant proditorem aliquem notari ex vrbe Ceila, in medio relinquo. Quanquā nō minus probabile est, vnum ex aulicis proceribus accusari, cuius sancta cum Danide coniunctio & familiaritas vulgò nota esset. Nisi fortè quis ad plures extendere hoc malit: sicuti facile coniecere licet non vnum duxerat fuisse fœdifragum, sed ut quisque honore pollebat, ne Regis gratiam amitteret, sancto Prophetæ fuisse infestum. Nihil ergo impedit quominus primarios ex regia cohorte vna cum capite sub hic compellet. Vbi autem videmus Davidem non modò fuisse vi aperta oppugnatum, sed etiam malitiose proditum ab amicis, in eius persona nobis depingitur piorum omnium conditio, ut quisque nostrum ad subeundum hoc duplex certamen paratus sit. Non enim gladiis tantum & cædibus Ecclesiam Dei Satan infestat, sed subornat etiam hostes domesticos qui cam per insidias & fraudes adoriatur. Quod genus hostiū, (ut dicit Bernardus) neque fugere neque fugari datur. Quisquis autē

hic fuerit, primò David eū vocat *hominē sui ordinis*. sic enim *ἄνθρωπος* interpretor, quia nomen estimationis non conuenit: siue passiue sumatur pro æqualitate, siue actiue pro ipsius Davidis iudicio, sicuti quidam vertunt, Tu eras æqualis meus: alii autem, Perinde fuisti à me reputatus atque alter ego. Hoc autem optimè quadrat quod David queratur, mutæ societatis vinculum, quo Deus homines inter se copulat, fuisse abruptum. Sicut enim eadem statio milites in castris consociat, ita in omnibus vitæ partibus æquum est ut necessitudo & communis usus, commune etiam officium, amicitiam inter homines conciliet. Ergo quum ad munus aliquod duo simul vocantur, Deus eos quasi suis auspitiis coniungit, ut fraternè mutuo se iuuent. Cimen ergo proditoris hac circumstantia augeat David. sicuti etiā quū ducem suum vel præfectum nominat. Tertiò quum exprobrat quod secretum communicauerint cum summa dulcedine. Postremò quod simul celebrauerint sacros cōuentus. Nam *ἡ ἀγάπη* societatem hoc loco potius significat, (acsi diceret, se huic perfido amico fuisse proximum comitem) quàm ad turbæ strepitum referri debeat. Cæterum hoc vltimo membro conqueritur proditum se fuisse ab eo homine, quo non solum in terrenis negotiis, sed etiā in Dei cultu, socio atque etiam magistro usus fuerat: quum tamen religio sacratissimum sit humanæ coniunctionis vinculū. Interea sciamus damnari à Spiritu sancto eos omnes qui sacra naturæ fœdera violant quibus erant inter se deuincti. Quædam est totius humani generis societas: sed quousque propius ad nos accedit, eo sanctiore vinculo nobis est coniunctus. Nam principium quod profanis hominibus incognitum fuit, nobis tenendum est, non fortuito, sed Dei providentia fieri, ut vicinitas, cognatio, vocatio communis, homines ipsos inter se consociet. Sacratissimum autem est pietatis fœdus.

16 *Irruat mors.* Iam contra totam factionem inuehitur, neque tamen promiscuè sub hac imprecatione totū populū inuoluit, sed duces vel ætesignanos

qui nulla de causa scelestè eum persequebantur. Diximus autem alibi Dauidem non ita fuisse hostibus suis imprecatum cæco vel prauo affectu: quia non priuatim, sed Dei causam agebat, & moderatorem habebat illius Spiritum. Non fuit igitur votum hoc vel turbidi & inconsiderati zeli, vel iracundiæ, ne quis sibi exemplo Dauidis licere putet, simulac læsus fuerit, diras & maledictiones euomere: quia si nos agat vindictæ cupiditas, perperam sanctum Prophetam amulabimur, qui, sincero & composito zelo hic Deum vindicem implorat contra reprobos qui iam æterno exitio deuoti erant. Quod verbū *¶* ¶ quidam virtutē condemnet, coactum est: sicut etiam quod aliis placet, Mortem exactricem constituat. ego quod simplicius erat elegi. Libenter autem recipio quod anuotant quidam, vbi optat viuos in sepulchrum descendere suos hostes, alludere ad pœnam Coræ, Dathan, &

Abirom, eorūque factioni insidiā. Num. 16. 31. etsi mihi videtur ideo subitum & inopinatum mortis genus ponere, quia sua opulencia tutos se à morte fore putabant: acsi diceret Dauid, Domine, quoniam sua potentia ex cæcati, nō amplius reputant se esse ex ordine mortaliū, fac vt terra viuos deglutiat: hoc est, nequid impediat quominus ad pœnā qua digni sunt, cū suo fastu trahantur. Causā redditio iterum ostendit Dauidem non tam in personas hostium suorum ferri, quā pœnam denuntiare improbis omnibus qui Ecclesiam iniustis molestiis affligunt: *Mahie*, inquit, *in tabernaculis ipsorum.* acsi diceret, Vbiunque domicilium sibi eligant, illic habere multas prauitates. Quod postea melius exprimit, dicens residere *in medio eorum*, quod tantundem valet atque intus ab ipsis foueri, ideōque indiuiduas esse comites, vel in eodem contubernio manere.

17 Ego ad Deum clamabo, & Iehoua seruabit me.

18 Vespere, & manè, & meridie orabo & strepitum edam: & audiet vocem meam.

19 Redemit in pacem animam meam à pralio quod mihi erat: quoniam in multis fuerunt mecum.

20 Audiet Deus, & affliget eos & qui sedet ab initio. Selah. quia non sunt mutationes in ipsis: & non timent Deum.

17 Ego ad Deum clamabo. Retineo futurum tempus in verbis. quia non tū refert quid egerit, quā seipsum animat & hortatur tam ad precandi studium, quā ad spem & fiduciam. Quauis ergo nullum effugium pateat, vt nihil prope modum à mortuo differret, profiteatur tamen se finem precandi non facturum, & sibi successum promittit. Proximo versu perseuerantiam sibi expressius iniungit. neque enim satis erat vno verbo dixisse, orabo: quia idem perfunctoriè faciunt multi qui mo fatiscunt. Prius autem notatur assiduitas, deinde vehementia. Et quod *manè, vespere, & meridie* nominat, colligere licet statas fuisse piis horas ad precandum istis temporibus. Nam quum manè & vespere quotidie sacrificia offerebantur in tem-

plo, quisque admonebatur priuatim quoque domi suæ esse orandum. Medium tempus aliis sacrificiis destinatum erat. Iam quia sumus æquo tardiores ad orandum nisi quisque seipsum sollicitè ac urgeat, præcipuum hoc pietatis officium apud nos frigebit, adeoque obrepet precandi obliuio, nisi nos fræno aliquo retineamus. Deus ergo certas horas præfigens, infirmitati nostræ mederi voluit: quæ eadem ratio transferri debet ad priuatas preces, sicuti patet ex hoc loco: cui etiam respondet Danielis exemplum, 9. 3. Quamquam autem hodie abolita sunt sacrificia quia tamen ab ea pigritia quam talibus adminiculis expergeferi olim necesse fuit, non sumus immunes, communis nobis cura Patribus est ratio, vt singuli nostrum cœ-

tas sibi horas præscribant, quas non patiantur sibi elabi absque precibus. In verbo *tumultuandi*, vt diximus, notatur feruor: quod tanquam summæ ægritudinis & valde anxii metus signum posuit Dauid. Neque enim sonitum vel clamorem edidit nisi quem anxietas animi vel mœstitia extorquebat. Testatur igitur nullos cruciatus vel dolores sibi fore obstaculo quominus suas querimonias ad Deum dirigat, & spem salutis fixam ac firmam foueat in corde suo: quia certò persuasus sit, vota sua à Deo exaudita iri.

19 *Releuit in pacem.* Qui duos superiores versus in tempore præterito legunt, videntur aliqua ratione niti, ac si Dauid hic probaret se fuisse exaudita, quia redemptus fuerit: sed hoc facile diluitur, vel quòd de salute sua persuasus gloriatur se saluū esse: vel quòd diuersas meditationes permisceat: sicuti scimus votis interdum adiungi narrationem euentus qui sequutus est. Postquam ergo narrauit suas preces, profectum quoque addit, vt pro liberatione gratias agat. Dicit autem se redemptū fuisse in pacem, vel ad pacem: quia ultimo discrimine oppressus, eam nō nisi singulari miraculo adeptus sit. Quod postea sequitur, *in multis fuerunt mecum*: duplicem sensum admittit. Quidam de hostibus exponunt: ac secundum eos, *mecum* tantundem valet ac contra me. Ita confirmatio esset redemptionis de qua nuper loquutus est: quòd ingenti hostium turba obsessus, nonnisi admirabili Dei gratia saluus euaserit. Alii de Angelis intelligere malunt, quos scimus turmatim pro nobis pugnare, vt castra locant in circuitu timentium Deum. Literam verò *2* vt sæpe aliàs, superuacua esse putat, ac si dixisset simpliciter, *multi fuerunt mecum*. Atque hic posterior sensus doctrinam continet plenam consolationis, quòd Deus, licet alienis subsidiis non indigeat, infirmitatis tamen nostræ causa multis adiutoribus ad salutem nostram vtatur. Sed fortè aptius erit ad hostes referre, vt Dauid eorum multitudinem commemorans, liberatricem potentiam magis inde extollat.

20 *Audiet Deus.* Quia verbum *222* testificari interdum significat, sic quidam accipiunt, Deus ex aduerso re-

sis contra eos exurget. Sed nescio an syntaxis patiatur: quia vbi de contestatione agitur, Hebræi addunt literam *2*. Ego verò non dubito quin Dauid verbum hoc posuerit pro affligere, in ambiguitate tamen quasi ironicè ludens. nam vt plurimum *222* Hebræis significat respondere. Dixerat autem, *Audiet Deus*: quod ad suam personam haud dubie refert. Nunc ergo addit se fuisse exaudita, vt Deus vindex exurgeret in hostibus eius affligendis. Simul Deū epitheto ornat, ex quo non parum solatii piæ mentes sentiunt in rebus turbulentis ac confusis. Vnde enim tantus impatientiæ feruor qui nos præcipitat, nisi quia ad Dei æternitatem mētes nō attollimus? Atqui nihil magis peruersum, quàm mortales homines, qui singulis momentis instar vmbre dissolunt, Deū sensu suo metiri: quia hoc modo eum ab æterno folio detractum, variis mūdi inclinationibus subiiciunt. *Quia non mutationes.* Quia *227* tam excindere quàm mutare significat, quidam putant Dauidem conqueri quòd Deus nimis diu eorum interitum differat, qui subita pœna digni erāt. Sed quomodo hoc cōueniat non video. melius ergo alii *mutationes* vertunt. Quoniam hic quoque variant Interpretes. Quidā enim ita intelligūt, quòd nulla conuersio in melius speranda sit, quia perdita sit eorum obstinatio adeoque sint additi sue malitiæ, vt ad pœnitentiam sint inflexibiles, ac natia quædam crudelitas eorum animos occupet, ne ad misericordiam vel humanitatem vnquā inclinēt. Rectius alii exponunt sub querimoniæ specie hoc dici, quòd continuo tenore fluat eorū prosperitas, ac si non essent communibus incommodis subiecti. Tāta verò Dei indulgentia eos corrupti dicit, vt omnē metum exuant ac si immunes foret ab omnium hominū sorte. Hoc modo copula Hebraica illationē valebit, Non sunt mutationes, ideoque nō timēt Deū. Et certè quo diutius torpent in suis deliciis, in malitia quoque magis obdurescunt: & vbi dominatur superbia, quādiu Dominus nobis parset, nō reuocamus in memoriā nos esse homines. Obliquè verò perstringit eorū amentiam qui se imaginantur quasi semideos, quia rebus aduersis non subiaceant vt reliqui. quantum e-



vim humanæ vitæ curriculum est, si ad æternam Dei sessionem conferatur? Sedulo igitur cauendum ne rebus prospe-

ris obrepat nobis securitas, quæ etiam contra Deum exulcet.

21 *Misit manus suas in paces suas, violauit fœdus suum.*

22 *Lenia præbuit pro verba oris eius, & cor eius prælium: dulces sunt sermones eius præ oleo, & ipsi iacula.*

23 *Proiice super Iehouam tuum dare, & ipse te pascet, non permittet in æternum nutationem in se,*

24 *Tu Deus proiicies eos in puteum corruptionis: homines sanguinarii & dolosi non dimidiabunt dies suos: ego autem sperabo in te.*

21 *Misit manus.* Quoniam paulo post in plurali numero loquetur probabile est, antequam ad turbam descendat, perstringere autorem & caput impiæ conspirationis. Obiicit autem quod bellum intulerit in media pace, atque hoc modo fidem violauerit. Quibus verbis eum perfidia accusat, quod neque laceratus iniuria, neque bello legitime indicto, vim & arma ex inopinato intenterit. Longè enim sceleratior est qui fœderatos suos sine causa adurit, quàm qui suas iniurias apertè & ingenuè vindicat. Quod fufius deinde prosequitur, dicens butyrum & oleum esse in labris eius, quàm tamè prælium sit in corde, & ipsi quoque sermones sint iacula. Tamei si enī nihil præter dulcedinē priuino gustu saperet, occulta tamè virulentia nō secus ac gladio vel spiculis vulnerabant: velut prouerbio dicitur, fallaces homines venenum melle illitum ore gerere. ac crudelitas ex corde manans illic quoque se exerebat. Porro sci mus Saulem sæpe blandis verbis omnia fuisse pollicitum: imò adulatam esse Dauidi, vt eum in suas passas alliceret. nec dubium quin eandem vafritiem sequuti sint aulici. Et certè hoc peculia re est certamen filiis Dei, vt illecebris deceptorum astuti homines contineantur in perniciem illaqueare. Sed interea Spiritus sanctus omnes obliquos astus damnans, præsertim fallaces blanditias, eos ad simplicitatem colendam hortatur.

23 *Proiice super Iehouam.* Quia verbum דָּן *Hebræis dare significat, ratio Grammaticæ postulat vt דָּן דָּן hoc loco vertatur tuum dare vel donum.*

& si autem maior pars Interpretum diuersum sensum probat, nullam tamen rationem affert cur verti debeat, Onus tuum. Nusquam enim verbum דָּן pro onerare sumitur: & quod nomen inde deductum, onus significet, nullo exemplo constat. Vnde apparet, quia illis dura & absurda erat loquutio, *proiice donum tuum super Iehouam*, necessitate compulsos sensum illum excogitasse. Pia quidem sententia est, curas omnes & molestias quibus grauamur, in Dei sinum exonerandas esse, quia nullum a gremio animis leuandis aliud remedium est quàm si in Dei prouidentiam recumbat. Quia tamen nullū occurrit, simile exemplū in Scripturis, libenter alterā sententiā amplector, quæ vtilem, & valde vberè in se doctrinam continet: siquidem dare nostrum accipimus passim pro beneficiis omnibus quæ nobis à Deo conferri expetimus. Huc itaque rēdet exhortatio vt curam eorū omnium quæ nobis vsui sunt, Deo resignemus. Neque enim satis est Deo petere vt necessitatibus nostris succurrat, nisi etiam petitiones nostræ & vora in eius prouidentiam recumbant. Quia plerosque videmus tumultuose precari: & dum sine modo laborant vel solliciti sunt, Deum ad suas leges velle adigere. Quare non frustra Dauid modestiam hanc in precibus commendat, vt fideles eorum quæ postulant curam remittant Deo, nec enim aliter corrigi potest nimia festinationis vitium, quàm si Dei arbitrio subiciamus quid nobis concedi oporteat. Qui verò exponunt, Agnosce Deum tibi habere tot bonorū fuisse auctorē, vt de

eius liberalitate adhuc sperare debeas: nimis longè recedunt à genuino sensu. Siue autem Dauid alios hortetur, siue seipsum compellet, parum interest. quāquam mihi probatur, suo exemplo communi p̄is omnibus doctrinam ipsum præscribere. Quod proxime subiiciet, ipse te poscit, optimè doctrinam illā confirmat quam exposui. Nam quia multis subsidiis indiget vita nostra, semper ferè sumus inquieti & fluctuamus. Dauid autem promittit Deum fore pastorem loco, qui necessitates nostras curæ habeat, nobisque suppediet quæcūque v̄sus noster flagitabit. Addit postea non passurum ut iusti unquam labantur: vel perpetuò nutent. Nam si **U** pro lapsu accipias, sensus erit, Stabitur Deus semper iustum, ne in æternum labatur. quem sensum tamen non improbo, magis tamen inclino in alterum. Videmus enim ad tempus nutare iustos: & dum agitantur huc & illuc quasi variis procellis, propè labascere. Quia autem nihil acrius est quàm ita inter continuos ætus versari, finem tandem fore promittit Dauid, quia Deus passurus non sit ut semper anxietatibus obnoxii sint, vel periculis & curis concutiantur, sed daturus sit tranquillum statum.

24 *Et tu Deus.* Iterum ad hostes suos redit, ut discrimen ostendat inter suum & illorum exitum. Nam quum ad tempus quasi victores exultent, pii autem iaceant proiecti sub eorum pedibus vnum hoc solatium restat, ut quietem sibi paratam esse confidant, qui trepidantes inter multa discrimina vix se sustinent: fide etiam speculentur quod hostibus suis impendet iudicium. Quod ad verba spectat, quia ponitur nomen *putei* & additur **תהו** quod sepulchrum significat: improprie autem dictum esset, trahēdos esse in puteum sepulchri: ideo multi Interpretes etymologiam vocis Hebraicæ (deducitur enim à **תהו**, quod est corrumpere, vel perdere) potius sequuntur, ac vertunt, Foueam corruptionis. Quia ad summam rei parum interest utrumvis eligas, in medio relinquo. significat enim Dauid, non temporalem modò eladem instare suis hostibus, sed æternum interitum. Atque ita

eos à fidelibus discernit, qui & ipsi metuntur: sapē in profundas malorū foueas, ex quibus postea resurgunt: sed lethalem hostium suorum ruinam Dauid fore pronuntiat. quia Deus in sepulchrum eos deiciet, ubi putrescent. *Viri sanguinarii.* Generali ratione confirmat quòd dixit. Nam quum certa Dei vltio crudeles & dolosos omnes maneat, hostes suos ( quorum sanguinem & dolos erat expertas ) illam effugere non posse colligit. Atqui reclamat experientia. Tyrannis enim nihil est magis sanguinarium, qui totum genus humanum pro sua libidine cædibus adducunt. Viuet autem tyrannus, ad senectutem vsque qui trecenta hominum millia occiderit. & tales disertè notat Dauid, & tamen vulgares sicarios. Respondeo, quauis non ita subito pœnas Deus semper exigar, multis tamen documentis planum fieri quod hīc dicitur. Satis autem est temporales pœnas ut plurimum conspici: nec præcisè exigendus est in illis aqualis modus, sicuti Psalmo 37 fusius disserui. Deinde utcunque scelerati homines vitā longius producant, agere tamen trepidam & inquietam vitam, ut versentur in vmbra mortis, & propriè loquendo, vitā minime viuere. Quam verò omni morte deterior sit vita quæ sic maledicta est à Domino, in rationem venire non meretur: præsertim ubi mala conscientia suis tormentis, tanquā sanissimus carnifex, eos excruciat. Et certè si probè reputam⁹ quid sit iustum vitæ cursum peragere, non alii ad metā perueniunt, quàm qui Deo viuunt & moriuntur: quia illis solis tam mors quàm vita lucrum est. Atque hæc valde tempestiua est consolatio, quoties improbi vel gladio vel fraudibus nos oppugnant, non diu victuros, quia quasi repentino turbine Deus ipsos abripiet: ac discutiet, tanquam nebulas, eorum conatus, quibus videntur totum mundum perdituri. Clausula quoque Psalmi admonet iudicium hoc non nisi fide & patientia cerni: quia Dauid salutis suæ custodiā in spe reponit. Unde colligimus, non ita maturè e medio tolli impios; quin diuturnis iniuriis ad tædium vsque nos exercent.

Argumentum.

*Psalmus hic partim querimonias precibus miscet, partim dolorem mitigat, gratia Dei meditatione. Nam auxilium Dei contra scuritiam Saulis & hostium suorum implorans, David, de successu gloriatur: fieri tamen potest, ut iam defunctus periculo istam gratiarum actionem addideris.* PSALMVS LVI.

**P**Refecto super columba muta in remotis Davidis Mictham  
quum apprehendissent eum Philistini in Gad.

1 Historia cuius meminit inscriptio habetur priore libro Samuelis, capite viceſimo primo. Nam quum nulla iam in latebris omnibus quies eſſet, coactus eſt tandem fugere ad regem Achis. Quamquam hic ſe dicit fuiſſe comprehenſum in itinere: & ex Sacra hiſtoria idem colligere licet, ubi dicit Achis, Ecce vidiſti hominem inſanum, ut quid introduxiſtiſ eum ad me? Et probabile eſt, fuiſſe ſuſpectum acſi eſſet proditor, vel aliquid machinaretur. Eſſi autem mortis diſcrimen ſtultitiæ diſſimulatione effuſiſ, hic tamen ſatis declarat, ſe compoſita mente conſtanter inuocaſſe Deum, ut fides ſub illa infirmitate occulta, virtutem ſuam coram Deo exereret. Non fuit igitur talis animi perturbatio quæ eum ad illicita media præcipitem ageret: ſed in re deſperata aſſutum conſiliũ excogitare coegit eum metus, ut vitæ

ſuæ potius quàm dignitati conſuleret. Quod autẽ minus enituit eius magnanimitas apud homines, eo magis ſtrenuè cum cæcis timoribus intus luſtrata eſt eius fides, ſicuti ex Pſalmo apparet. Quod autem dicit *ſuper columba muta*, quidam initium tritiæ cantilenæ fuiſſe putant. Aliis placet, Davidem metaphoricè vocari columbam. & certè argumento optimè conuenit hoc epitheton. Eodem etiã pertinet, *in remotis*: quia hoſtium furore pulſus in hoſtilem terram, meriò conqueſtus eſt, ſe procul velut in deſerta loca eiectum eſſe. Nam quod alii *palatium* vertunt, coactus eſt. De voce Mictham alibi dictum fuit. Quanquam autem nihil aſſero, ubi Hebræi quoque interpretes inter ſe diſſentiunt: probabile tamen videtur, ut tunc dixi, ſpeciem fuiſſe melodiæ, vel muſicum inſtrumentum.

2 *Miferere mei Deus, quia deuorat me homo, quotidie oppugnans coarctat me.*

3 *Deuorant inimici quotidie, certè multi ad coarctandũ me excelsẽ.*

4 *Quo die timui, ego in te ſperaui.*

5 *In Deo laudabo verbum eius: in Deo ſperaui, non timebo quid faciat caro mihi.*

2 *Miferere mei.* Incertum eſt de externisne hoſtibus, an domeſticis loquatur. Certè quũ ad regem Achis deductus eſſet, quaſi vnica erat omnis inter duas luporum turmas: quum eſſet Philistiinis capitaliter exoſus, nec minus atrociter in eum ſequerentur Gentiles. Porro *hominem* ſingulari numero dicens, indefinite conqueritur ſe nihil inter homines humanitatis reperire: acſi diceret, Domine iam vltima neceſſitas fidẽ au-

xiliũque tuum flagitat: quia ad me vorandum totus mundus inhiat. nam ſtatim plurali numero eandem ſententiã repetit. Particula *quotidie* Sauli eiũſque factioni magis conuenit. Caterũ miſeriã ſuam deplorat David, quia magna & potenti hoſtiũ multitudine prematur, & oppugnetur ſumma crudelitate. Quod ad verba ſpectat, quidam *ANW* exponunt Reſpicere. ſed non dubito eleganti metaphora exprimi inexplẽbile illa ra-



biem qua ad eum deglutendum ardebant hostes. Verbum etiam *וַיִּחַ* quod post alios reddidi per verbum oppugnare, etiam Hebræis comedere significat. ita esset continuatio metaphoræ. Sed quia pluribus locis priore sensu capitur, nolui mutare quod magis receptum erat. Hoc tantum breuiter attingam, male sensum corrumpere qui secundo loco vertunt, Multi pugnantes mecum : ac si diceret, Angelos sibi esse sub. dio. abrumpunt enim querimoniam, quæ continua est toto versu.

4 *Quo die timui* Verba sunt futuri temporis, sed quæ in præteritum resoluti debent. Confessio autem infirmitatis est in timore : sed cum exceptione, quod tamen non succubuerit timori. Quantumvis enim angerent eum pericula, negat tamen spem sibi fuisse excusam. Non iactat ergo heroicam animi altitudinem, qua securè contempserit omnes casus, sed confessus de suo metu, se tamen semper in spe gratiæ Dei perseuerasse dicit. Et certè hoc verum est si dei nostræ examen, ubi nos pro sensu carnis, timores sollicitant, non tamen exturbant animos nostros e gradu. Videntur quidem timor & spes magis esse contrarii affectus, quam ut in eodem corde habitent : sed experientia ostendit verè demum illic spem regnare ubi partem cordis occupat timor. Neque enim tranquillo animi statu spes exercetur, imò quasi sopita est : sed vim suam tunc demum exerit ubi animum curis deiectum erigit, agritudine turbatum sedat, formidine percussum sustinet ac falcit. Ac proinde hæc seria fuit probatio fidei in Dauide, quod metuens non destitit sperare in Domino : ac periculi magnitudine anxius, animum tamen collegit, quòd Deum liberatorem fore consideret.

5 *In Deo laudabo.* Hoc versu animum sperando sibi creuisse docet : quod solet omnibus Dei seruis accidere, Nā etsi agre in spe initio consistunt, imò nō sine arduo certamine timoribus oppressi in spem assurgunt : nitendo tamen vires colligunt ad emergendum, donec maiore fiducia, tanquam strenui athletæ ad insultus repellendos progressum faciant. Porro *laudare* tantundem hic valet ac gloriari : ac si diceret, se victrice si

ducia instructū, iam certa spe exultant. Huius verò lætitiæ materiam statuit in Dei verbo, subindicans, vtrunque videri possit ab eo desertus, & quasi proditus, sibi tamen fidem datam sufficere, quia certò persuasus sit, esse veracem in suis promissis. Non desinam (inquit) gloriari in Deo : quia acquiescam in verbo eius. atque ut palam non iuuet, imò subtrahat manum suam ab ope ferenda, contentus tamen ero vnico eius verbo. Hæc sententia memorabilis est. Videmus quales sint nostræ delitiæ & morositas, ubi Deus mox votis nostris non respondet. Nam etsi obstrepere non audemus, fremit tamen intus caro, quia præter nudas promissiones nihil apparet. Multum ergo profecit qui interitationes vnico Dei verbo fretus viriliter pergit in eius laude. Quod postea sequitur, primo intuitu videtur non magni esse momenti. Quis enim tam amens, ut hominum vires pluris ad nocendum æstimet, quam immensam Dei potentiam ad iuuandum? Sed praua huius & malignæ diffidentia, qua Dei potentiam sub creaturis deiicimus, quisque nostrum si bi nimis idoneus est testis. Itaque non vulgarem fidei profectum hic expressit Dauid, se ad spernendas hostium minas fortitudinem instrugum dicens. Atque hoc certaminis genere præcipuè se exercere debent pii omnes, ut Dei auxilium noxis omnibus præferendo, quicquid terroris est despiciant. Simulatque in nos insiliunt hostes, veniat nobis in mentem, eorum impetus contra Deum ipsū irruere, ac si eo superiores esse contenderent. Iam quid magis indignum, quàm in æquilibrio, ut loquuntur, furiosos istos conatus cum inuicta Dei virtute relinquare? Sicut enim fidem nostram labe faciendo, verbum Dei & auxilium quod promissit, euertere tentant : ita nisi statuiamus Deum à parte nostra stantem, minimo digito vel solo statu satis valere ad frangendos eorum conatus, & copias dissipandas, obliquè eius potentiam extenuamus : imò nihilo plus ei deserimus, quàm homini mortali, qui tantum vni par, à duobus vincitur. Sed quæritur quo modo omnem infirmitatem sic repente exuerit Dauid, ut qui nuper mortem horrebat, nunc intrepidè hostibus suis insultet

sultet. Respondeo, hac fiducia non nota-  
ri vacuitatem timoris, ac si extra telorū  
iactum positus, suauiter rideret omnia  
discrimina: sed quia adeo timori non ce-  
debat, vt victor emergeret, ac opposito  
spei clypeo metus omnes repellens, mu-

nitus esset certa salute, meritò sancta ia-  
ctantia efferri, *In Desperans non timebo.*  
Contemptim verò homines Carnem ap-  
pellat, vt se de stulta eorum audacia  
commonefaciat, dum sui obliui tam  
multa moliri non dubitant.

6 *Quotidie verba mea conturbant me: supra me omnes cogi-  
tationes eorum ad malum.*

7 *Congregantur, occultant se, calcaneae meae observant,  
quia expetunt animam meam.*

8 *Super iniquitate euasio ipsis: in ira populos dei cicies Deo.*

9 *Fugam meam tu in numero habes: pone lachrymas  
meas in utre tuo: annon in commentario tuo?*

6 *Quotidie.* Priorem partem ver-  
sus varie trahunt Interpretes. Quidā  
*verba mea* in casu nominandi legunt, &  
rectè meo iudicio. Alii referunt hoc ad  
hostes Dauidis, ac ita vertunt, Calum-  
niantur sermones meos: vel, tristitia me  
afficiunt propter sermones meos. Sunt  
qui verbum יָיָי neutraliter acci-  
piant, ac vertant, Molesta sunt verba  
mea. Sed quum יָיָי vt plurimū He-  
brais significet tristitia afficere, ac se-  
per in Pihel transitivè sumatur: nihil o-  
pus est à linguae proprietate desistere.  
Melius etiam fuit loquutio illa, Verba  
mea me afficiunt mœrore: quàm si ad  
hostes trahatur. Duplex igitur querimo-  
nia est, quòd Dauid ab vna parte nihil  
reperiat solatii, infœliciter etiam om-  
nia sibi cedere videat, tristisque exitu  
euerti sua consilia: ex opposito autem  
conspirent hostes ad eum perdendum,  
variisque insidias machinentur. Vide-  
tur quidem hoc, primo intuitu, minimè  
consentaneum, quòd nuper se à metu  
liberum & solutum fore professus, nunc  
se ipsum tristitiae sibi autorem esse di-  
cat. sed iam admonui, quàm hostes suos  
despiceret ex fidei specula, non tamen  
extra anxietatem fuisse & metum. Hic  
autem de tentationibus suis loquitur,  
quas fidei constantia vincebat, non tol-  
lebat. Dicit ergo se ratione & consilio  
desistui, quia incommodè cedit quic-  
quid concipit vel deliberat. Mali huius  
gravitatem aget, quòd hostes non ces-  
sant capita inter se conferre, & excu-  
dere varias artes in eius perniciem. Hoc

idem prosequitur quum dicit *congregari*.  
nam cum vno aut altero habere nego-  
tium, tolerabile vnicuique esset: oppu-  
gnari verò vnum hominem à turba &  
exercitu, nimis durum. *Occultandi* verbo  
perstringit astutias, vel clancularias ar-  
tes quibus studebant ex inopinato in-  
cautum opprimere. nā verbū יָיָי  
secundum rationem Grammaticæ de-  
bebat in medio habere י literam. ergo  
9 putant esse quasi notam Hiphil, vt ex-  
primat, latebras in suis fallacis capta-  
re hostes Dauidis, vt eum occultè cir-  
cueniant. Addit, quocumque se vertat  
illos acriter instare, & quodammodo  
talos premere, vt nulla sit relaxatio.  
Causam esse dicit, implacabile odium:  
quia satari aliter quam eius morte ne-  
queant.

8 *Super iniquitate.* Quidam initium  
versus interrogatiue legunt, An erit il-  
lis euasio in prauitate? Sed quia nullane  
cessitas cogit sensum illum remotum  
accersere, praestat sumere verba, vt so-  
nant, Quamuis illis euasio sit in prauita-  
te, tu populos tamen dei cicies, ô Deus.  
Hoc autem ideo dicit, quia vbi impoten-  
ter & sine obstaculo grassati sunt in  
suis maleficiis impii, quasi licentiam  
nacti, lasciuunt: sicuti videmus ho-  
die Cyclopica audacia profanos ho-  
mines inflari; quia sibi videntur es-  
se extra Dei manum. Nec verò im-  
punitatem sibi tantum promittunt,  
sed spes & opes suas locant in male-  
ficiis: & quo audacius & furiosius ruere  
pergunt, putant omnibus incommotis sibi

paratum esse remedium. Postquam hoc ex eorū sensu protulit David, statim retundit peruersam hanc confidentiam, prouocans ad Dei iudicium. Quauis ita superbiant, inquit, vbi maturum aduenierit vindictæ tempus, tu Deus populos prosternes. Plurali autem numero vitatur, confirmandi animi sui causa, quia difficile erat, non expauescere ad tantam hostium turbam. Quoties ergo nos obruent hostium copiae, veniat nobis in mentem, proprium esse Dei munus, non vnū hominem dantaxat vel paucos, non populum modò vnum, sed totum mundū deiicere.

9 *Fugam meam.* Abrupta est precatio, nam petere exorsus ut Deus lachrymas suas respiciat statim, quasi voti compos, pronuntiat, in libro Dei scriptas esse. Nisi forte hanc quoque interrogationem precatiue accipere quispiam malit, videtur tamen sensus hic esse simplicior, Domine nihil opus est ut te pluribus verbis compellem: quia te sponte anteveriisse agnosco, ut præstares quod petendum erat. Sed præstat singula verba expendere. *Fugam suam* dicit numeram esse Deo, quo se miserabilem faciat: quia longo iam tempore vagus, & profugus errare non destituerat. Nec de vna tantum fuga loquitur, sed mutatio est numeri. Quanquam videtur magis emphaticè numero singulari totam vitam suam erraticam notare, ac si vocaret continuam peregrinationem. Debebat igitur continua illa erratio fa-

uorem ex misericordiâ conciliare Davidi, quod anxie & agere per longos & perplexos circuitus vitam traxisset. Itaque lachrymas suas in vtre Dei recondi postulat. Solebant in vtribus seruare vinum & oleum. Itaque sensus est, Ne patiatur Deus lachrymas Davidis in terram excidere, sed fidei custodia tanquam pretiosas conseruet. Porro videmus Davidem hic preces suas fundare in Dei providentia: quia gressus suorum prosequatur oculis suis, quæ ad modum etiam Christus docet capillos capitis nostri numeratos esse coram Deo, Matt. 10, 30. Nisi enim persuasi simus, quicquid patimur molestiarum, venire in rationem coram Deo, nunquam in hanc precandi fiduciam animi nostri emerget, ut Deus in lagena recondat lachrymas nostras, ut earum conspectu ad opem nobis ferendam tandem flectatur. Mox verò se adeptum esse pronuntiat quod optauit. Malo enim (ut iam dixi) affirmatiue hanc partem legere, ut se ad sperandam salutem hac consolatione muniat David, quod omnes sunt lachrymæ in Dei commentario descriptæ sint: qui scilicet carum memoria coram eo non deletur. Quod si priorum lachrymis Deus tantum honoris defert, certè multo minus sinet effluere sanguinem, quin singulas eius guttas numeret. Offa ipsa & carnem exurant tyranni, sanguis tamē se per manebit superstes ad clamandā vindictam: quia nulla ætas delubit quod Deus in sua memoria descriptum habet.

10 *Tunc vertentur inimici mei retrorsum quo die clauero: hoc noui, quod Deus mecum.*

11 *In Deo laudabo verbum: in Iehoua laudabo verbum.*

12 *In Deo speravi: non timebo quid faciat mihi homo.*

10 *Tunc vertentur.* Alacritus victoriam suam iactat, nam quasi in re præfenti articulum temporis designat, quo vertendi sunt inimici sui retrorsum. Quamquam autem nondum tam propinquam eorum ruinam cernebat, Dei tamen promissione fretus, ita notare potuit maturum tempus, quod adhuc patienter expectandum erat. In summa, quauis non tantopere festinet Deus, nec eodē quo David precatus est momento: hostes eius dissipet, statuit tamē sanctus vir pre-

ces suas non fore irritas: ac optimè declarat quomodo vel vnde certus ut de hostibus suis profligandis: nempe quia Deus nunquam frustratur suorum vota & preces, quia hoc penitus animo infixū habet, patienter suspendit animi sui desiderium, ut effectū placidè expectet. Cōtinet autē hic locus vtilē doctrinam, quia David ut impetret quod postulat, nō fortuito vel dubitanter se orare dicit, sed afferre certā persuasionē, quod Deus vota sua propitius exaudier. Porro,



hac fide concepta, spernere non dubitat quicquid Satan cum omnibus impiis tentabit.

11 *In Deo laudabo.* Hic non exprimitur relatiuum, vt paulò ante: sed tamen esse subaudiendum, ex illo priore loco colligitur. Repetitio verò non parum habet vehementia: ac si dictum esset, Quauis Deus gratiæ suæ manifestationem differat, vt videri possit nihil præstas, inanibus verbis Davidè lætare: nō tamen doctum iri sancti viti animum, quin semper gloriatur in Dei verbo. Et certè hoc est subscribere quòd Deus sit verax, 1o. 3. 33, vbi ablato bonitatis & potentiæ eius sensu, verbo solidam gloriā tribuere non desinimus. Repetitio, vt dixi, tendit in hunc finem, Quauis hodie visus à me fuerit Deus recedere, quia opem suam subduxit, in eius tamen verbo quiescam. Idè si cras

cōtingat, & perēdie, in eadē laude persistā. Ad hāc meditationē se assuefaciant fideles, vt inter tētationes firmā gloriā retineant, nudo Verbo contenti. nā etsi Deus illis multiplicem gloriandi materiā subinde in suis beneficiis suppeditat, vix tamē vnquā tres passus conficere licebit, nisi in solū Verbum recūbere didicerint. Eodem pertinet alterius sententiæ repetitio, *In Deo speraui, &c.* Etsi enim fatētur omnes vnus Dei præsidio se fore satis tutos, experientia tamen ostendit, minimis quibuscūque agitationibus, ab eo nos abstrahi. Ergo cum Davide atē idue meditemur hanc doctrinā: quicquid intentent homines, quibuscūque polleant consiliis, aut viribus, quocunque apparatu sint instructi, si eos cōferimus cum Deo, non esse cur terreamur, quia euanesceat quicquid alioqui in illis terribile est.

13 *Super me Deus vota tua, soluam laudes tibi:*

14 *Quia liberaſti animam meam à morte: annon pedes meos à præcipitio? vt ambulem coram Deo in luce viuorum.*

13 *Super me.* Diximus intus, quia iam discrimen euaserat David dū Psalmum hunc composuit, probabile esse, successu edoctum, artexuisse hanc gratiarum actionem. Interea tenendum est, in mediis afflictionibus ea semper fiducia animatum fuisse, vt paratus & accinctus esset ad gratias agendas. Dicit autem *vota Dei esse super se*, quia ad ea reddenda obstrictus sit: sicuti Latini dicunt voti se damnatos, dum adepti sunt quod sub voti nuncupatione petierant. Contrahitur enim obligatio, vbi polliciti sumus nos gratos fore, Deus autem precibus nostris annuit. Vota autē Dei intellige, ac si dicam pecuniam quæ in manu mea est, esse credi oris, quia ipse quoque sum in eius aere. David ergo liberatus, salutem hanc à Deo profectionem fatetur: idèoque votis quæ conceperat se oneratum dicit: quia cōditio iam impleta erat. De quibus autem votis loquatur, patet ex secunda parte versus. Quod ideo notandum est, ne quis incōsiderat cum Papistis, vota qualibet probari imaginetur. Dicit enim se redditurum laudes, vel laudum sacrificia.

Nam hoc nomen quauis laudes significet, ad sacrificia tamen, quatenus earum symbola erant, transfertur. Sciebat quidem David, Deum sacrificia neque præcise & per se exigere, neque morarised quia Legi subiectus negligere sacras ceremonias non debuit, quæ toti populo mādata erant, verisimile est de solenni testimonio loqui, quale solebāt reddere fideles quū insigni aliquo Dei beneficio affecti essent.

14 *Quia liberaſti.* Cōfirmat quod nuper dixi, se vitam suam Deo acceptā ferre, quia perierat, nisi mirabiliter seruatus foret. Nam quò dubitationē eximat, dicit non modò se à fraude, malitia, impetu & gladiis hostium fuisse seruatum, sed ab ipsa morte. Idem alia loquendi forma exprimit, *Quam præcepseret, se retentum esse Dei manu.* ¶ *¶* Venit quidam malè vertunt, A lapsus: quum potius violētum impulsū significet David. In summa, colligit ex magnitudine periculi, se diuinitus fuisse seruatum. Atque id nobis agendum est, vbi nos eripuit Deus ex aliquo discrimine, vt meminerimus quantū & quā

formidabile fuerit. Sumus enim in ipsis malis plus satis meticulosi: sed postea simul cum metu euanesceit gratia Dei memoria. *Ambulare in luce viuorum*, nihil aliud est quàm vitali solis luce frui. Sed particula interposita, *coram*

Deo, discrimen notat inter fideles, quibus propositum est vitam suam referre ad Deum: & profanos homines, qui velut fugitiui, licentiosè oberrant: non quòd fugiant Dei oculos, sed quia tergum ei obuertunt.

### ARGVMENTVM PSALMI LVII.

*Dua sunt huius Psalmi partes: Priore enim suas anxietates exponit Dauid: atque vnde necessitas feru-  
bat, opem Dei implorat contra Saulem & reliquos hostes suos. Deinde liberationis spe concepra, ad soluendum  
Deo sacrificium se accingit.* Psalmus LVII.

**P**refecto ne perdas, Davidis Michtham, quum fugeret à facie Saul, in spelunca.

2 *Miserere mei Deus, miserere mei: quoniam in te confidit anima mea, & in umbra alarum tuarum sperabo, donec transeat iniquitas,*

3 *Clamabo ad Deum excelsum, ad Deum qui perficit erga me.*

4 *Mittet è calo, & seruabit me ab opprobrio absorbentis me, mittet Deus clementiam suam & veritatem suam.*

1 *Davidis Michtham.* Quia de voce Michtham nihil præter coniecturam afferri potest, posthac nihil attingam. Nihilò etiam certior ratio afferri potest, cur Psalmus inscriptus sit *Ne perdas*, ideòque, vt in re obscura & dubia, variant Interpretes. Quidam initium fuisse putant veteris cantilenæ. Alii vocem hanc Dauidi expressam fuisse putant, quum nullum pateret effugium, O Deus ne perdas. Alii hac voce laudari putant Dauidis probitatem, qui Abisai in eadem Saulis ruentem, ab impetu reuocauit: quia etiam in Sacra historia hac obiurgatio ponitur, *Ne perdas*. Sed quia antè precatus fuerat Dauid, quadrare non potest illa opinio. Ergo alterutrum ex illis duobus eligere conuenit: vel quòd ad numeros trita cantilenæ còpositus fuerit Psalmus: vel quòd Dauid precationem subito metu sibi extortà, vt in re memorabili, breuiter hic notare veluerit.

2 *Miserere mei.* Precatio duplicata ostendit Dauidem non leui merore, cura & metu fuisse constrictum. Sed ratio petendæ misericordiæ notanda est, quòd in Deo sperauerit. Quanquam

emphasis etiam subest in nomine Animæ, ac si ex intimo cordis affectu se sperasse diceret: vel spem suam non esse volaticam, vt loquuntur, sed penitus alias radices egisse. Idem metaphoricè mox repetit, vmbra alarum Dei sibi integumento fore dicens. Quanquam enim verbum *חַסֵּן* interdum sperare significat, vt ego etiam verti: quia tamè etià idem valet ac hospitari vel protegere, non displicet ita accipi hoc loco vbi mentio fit vmbra alarum. Summa huc tendit, quando se totum commisit Dauid Dei tutelæ, vt nunc sentiat quod Psalmo 91.1, videbimus, Qui in protectione Dei habitant, tuto & excelsò loco quiescere. Cæterum, Dei custodiam vmbra alarum conferri, alibi diximus: quia Deus vt nos familiaris ad se inuitet, dicit se instar gallinæ vel auis, alas expandere ad nos fouendos. quominus excusabilis est nostra ingrati-  
tudo & prauita, nisi ad tam blandam inuitationem celeriter accurrimus. Adde quòd spem suam non sine circumstantia fixam in Deo fore dicit, & sub vmbra alarum eius quicturam, sed quo tempore instar procellæ vel turbinis transibit iniquitas.

iniquitas. Nisi quis forte nomen **יְיָ** malit Potentiam vertere. Quicquid sit, affirmat David sibi fore in Deo refugium, & alas eius sibi fore loco integumentum quousque transferint omnes afflictionum procellæ. Et certè quanvis interdum nobis sereno & tranquillo cælo apricari liceat: quia tamè subitis procellis quotidie obnoxia est hæc vita, spes nostras in Deum contrahere conuenit, vt nos operiant alæ eius. Spei inuocationem subiicit: quia fieri non potest vt non preces suas ad Deum dirigant qui in eum confidunt. ideoque spè suam ab effectu probat David, quia ad Deum in necessitate confugiet. Deum autem ornat insigni epitheto, nempe quòd erga se compleat quæcunque est pollicitus: vel quòd ad finè vsque perducere velit quod incepit opus. Eodem enim sensu hic positum esse interpretor verbum **יְיָ**, quo legitur Psalmo 138. 8, quia eadem vtrobique ratio est. Atque hoc nobis occurrere debet ad fulciendam spei nostræ perseuerantiam, Deum, quia opus manuum suarum non deserit, salutem fidelium numeris omnibus complere, & illis semper fore ducem, donec eos ad metam vsque perduxerit. Quòd alii vertunt, *ad Eum qui respondit mihi*, frigidum est. Melius quadraret, meo iudicio, *Ad Deum qui desinit me*. Aduersatiuè autem hoc modo resoluenda esset sententia, Licet nunc Deus me destituat, neque me exerta manu iuuet, clamabo nihilominus ad eum. Coactior sensus est, Clamabo ad Deum qui perficit, vel perfectè exequitur rigorem suum erga me. & con-

textus postulat potius ad Dei beneficia referri, vt semper nobis occurrat Dei constantia in prosequenda sua bonitate, quia opus manuum suarum inchoatum non deserit.

4 *Mittet è calo.* Dixi iam sæpius, Dauidem piæ meditationes inferere suis precibus vt agrum animum soletur, quasi sibi representans spei suæ fructum. Ita nunc non secus ac si manum Dei præsentem cerneret, de eius auxilio gloriatur. Quum dicit, *Mittet è calo*, quidam subaudiunt Angelos. mihi indefinita locutio melius videtur congruere: quòd scilicet non obscure, nec vulgari modo, sed potenter & euidenti miraculo proferet Deus quam facturus est salutem. Ergo hac voce magnificum & singulare liberationis genus David se sperare intelligit. Atque ita cælum opponit terrenis mediis vel naturalibus. Quod sequitur, potest duobus modis exponi. Qui vertunt *ab opprobrio*, subaudiunt literam **ו**. Sed fortè non minus commodum esset appositius accipere, *Serua bit me in opprobrium deuota ti me*. Quanquā participium **אֶחָד** pro expectante sumi posset: acti dixisset David, Hostes quidem mei cupidè inhiant meo exitio, & ex insidiis occasionem me perdendi captant: sed Deus cum ipsorum dedecore me eripiet. Pudorem enim & probum incutere Deus impiis dicitur, dum spes eorum frustratur. Sicuti autè prius mirificam & planè celestem sibi liberationem promissit David, ita nunc se eam sperare dicit à Dei clementia & fide: easque statuit tanquam auxiliares eius manus.

8 *Anima mea in medio leonum, iaceo inter ardentes, inter filios hominum: quibus dentes lancea sunt ac sagitte, & lingua eorum gladius acutus.*

6 *Exaltare super celos Deus: super omnē terrā gloria tua.*

7 *Rete parauerunt gressibus meis: incuruata est anima mea: foderunt coram me foveam, ceciderunt in eam. Selah.*

5 *Anima mea.* Describit rursus hostium suorum seuitiam: quo Deum citius ad opem ferendam inclinet. Primum comparat leonibus: deinde furore ardere dicit vel implacabili odio, &

dentes eorum similes esse lanceæ & sagittis. Quod de lingua subiicit, aptè intelligi potest de virulentis calumniis. quæ altius penetrant ad vulnerandos innoxios quàm vlli gladii. Et sci-



mus Dauidi præcipuum fuisse certamē cum falsis criminibus quibus eum improbi gravabant. Quando autem sanctum virum ita crudeliter & variis modis oppugnatum fuisse audimus, ne molestum nobis sit in eandem arenam trahi, sed querimonias nostras coram Deo deferre sufficiat, cuius est fallaces linguas & sceleratas manus à noxa compescere. Ideo mox eum David vindicē implorat. Etsi enim extra rem videtur esse hæc precatio, *Exaltare super calos Deus, super terram gloria tua*, si tamen reputamus quanta sit impiorum proteruita, & quam supinus fastus, ubi Deus ad iniurias conniuet, facili iudicabimus non abs re hoc esse dictum: præsertim quia Saul & totus populus simul conspirauerant, Deum præclaro modo exurgere oportuit ad sternendam illam altitudinem. Atque hinc summa ad nos

consolatio redit, dum se ostendit Deum nobis succurrere ut gloriæ suæ confuset. nam ei non minus quàm nobis insultant impii: ipse autem gloriæ suæ iacturam facere non vult, nec sacrū suum nomen eorum ludibriis prostituere. Postea iterum redit ad querimonias: & cum antehac crudeliter se vexari dixerit, nunc sibi insidias & fraudes intendi deplorat. Incuruatam animam dicit, quemadmodum trepidi homines solent se contrahere: adeoque aues ipse dum sibi metuunt ab aucupio, non audent pennas mouere, sed humi prostrata iacent. Alii vertunt, *incuruauit animam meam*. Sed alter sensus simplicior est, & verbum *שָׁבַב* neutraliter sæpe accipitur. Quanquam autem *שָׁבַב* Hebrais est fœmininum, alibi tamen quoque masculinis verbis iungitur.

8. *Paratum cor meum Deus, paratum cor meum: cantabo & psallam.*

9. *Exurge lingua mea, exurge nablum & cithara, excitabor diluculo.*

10. *Celebrabo te in populis Domine, psallam tibi in nationibus:*

11. *Quia magna ad calos bonitas tua, & ad nubes veritas tua.*

12. *Exaltare super calos Deus, super omnem terram gloria tua.*

8. *Paratum.* Quidam istud *פָּרָא* exponunt Confirmatum est: & verbum hoc Hebræis tam stabilire quàm parare significat. Si placeat illa versio, sensus erit, Dauidem probè & diu meditatum esse quas nunc Deo soluit laudes, acsi diceret, Non repentè, quorundam more, ebullio in gratiarum actionem, sed firmo, & constanti animi proposito canendis Dei laudibus me addixi. Cæterum, mihi altera expositio magis arridet, quod se alacriter accedere dicat Dauid ad laudandum Deum, sicuti Gallicè dicimus, *Je suis dispos, ou délibéré*. Quanquam autem prompta hæc voluntas ubi nascitur ex serio affectu, constantiam ferè comitem trahit, operæ pretiū tamen fuit monere Lectores quid ver-

bum Hebraicum valeat. Cor ergo paratum Dauid tam hypocritarum labris, quàm aliorum torpori opponit: acsi diceret, se sincero zelo accensum esse, se gnieie discussa, & omnibus impedimentis valere iussis, se attentum esse ad voluntarium hoc sacrificium.

9. *Excitare lingua mea.* Poeticè exprimit Dauid vehementiam illam & ardorem cordis sui. Linguam enim suam, citharam & nablum aduocat, ut sibi præsto sint ad celebrandum Dei nomen. *פָּרָא* nō sine causa Linguā reddidi. Etsi enim sapius pro gloria sumitur, ex multis tamen locis patet ad linguā quoque transferri, ut diximus Psalm. 16. Hanc verò significationem exigit contextus, ubi mox fit mentio nabli

& citharæ: ac si diceret Dauid, se tã assa-  
voce quàm musicis instrumentis nomen  
Dei celebraturum. Primas quidem par-  
tes cordi dedit: sed adiungit oris con-  
fessionem: tertio, adminicula adhibet,  
quæ studium magis accendant. Si ver-  
bum **יִי** transitiuè accipere libeat,  
perinde erit. Nam qui serio expege-  
factus est ad laudandum Deum, nulla  
in parte cessat.

10 *Celebrabo te in populis.* Quia Gen-  
tes & populos gratitudinis suæ fore te-  
stes promittit Dauid, colligimus, in his  
afflictionibus gestasse Christi personã:  
idque scire magnopere nostra refert, vt  
nobis conditio nostra ante oculos quasi  
in speculo versetur. Quod autẽ his ver-  
bis respexerit in Christi regnum, Pauli  
authoritate primùm, Rom. 15. 9, deinde  
etiam clara ratione constat. Etsi enim  
cani possunt Dei laudes inter rupes &  
saxa, absurdum tamen esset dicere, nar-  
rabo surdis nomen Dei. vnde sequitur  
Gentes ad Dei notitiam fuisse vocan-

das, vt præconium hoc ad eas perueni-  
ret. Summatim deinde attingit quam  
sibi sumpturus sit canendi materiam,  
nempe quòd bonitas Dei & veritas to-  
tum mundum impleant. Diximus autem  
alibi, non abs re initium fieri à Dei bo-  
nitate, & deinde fidem eius coniungi:  
quia vt propensius sit Deus & liberalis  
ad promittendum, non aliunde quàm  
gratuita sua bonitate adducitur. Sed ne  
facilitas hæc putetur constantia carere,  
fidei & veritatis elogio sanciuntur om-  
nes promissiones. In fine Psalmi ad pre-  
ces iterum conuertitur, ne Deus sua to-  
lerantia impiis augeat proteruiam hõc  
que modo suam gloriam obscuret. Nisi  
forte hic, postquam varicinium edidit  
de Gentium vocatione, votum etiam de  
ea acceleranda concipiat: ac si diceret,  
Domine nõ modo in Iudæa potentiam  
tuam illustres innoxii iuuandis, sed per  
totum mundum iudicia exerceas qui-  
bus imperium tibi asseras apud omnes  
populos.

## ARGVMENTVM PSALMI LVIII.

*Dua sunt huius Psalmi partes: primò enim suam probisatem asserit Dauid contra hostium calumnias. Vbi vero conquestus est, indigne se perpeti graues iniurias ab hostibus, nec minus fraudibus & insidiis quàm crudelitate eorum se oppugnari: prouocat tandem ad Dei iudicium, illisque exitum precatur quale meritis sunt.*  
Psalmus LVIII.

**P**Refecto, *Ne perdas, Dauidis Michtam.*

2 *An verè congregatio iustitiam loquimini? recta iudi-  
catis filij hominum?*

3 *Quin potius in corde malitias agitatis, in terra violen-  
tiam manus vestræ appendunt.*

4 *Alienati sunt impij à vulua, errauerunt ab utero lo-  
quentes mendacium.*

5 *Venenam illis secundum similitudinem veneni serpentis,  
sicuti aspidis surda quæ obturat aurem suam,*

6 *Quæ non audit ad vocem incantantis magi, magicam ex-  
ercentis scienter.*

2 *An verè congregatio.* Dauid ho-  
stes suos in errogatione vltro lacesens,  
ostendit quantum habeat fiduciæ in bo-  
na causa. Nam vbi audemus testimoniũ  
perere à parte aduersa, ostendimus ni-  
hil esse in re ipsa dubitationis: quia si

causa obscura esset, stultæ confidentiæ  
esset aduersarium citare testem. Dauid  
ergo bona consciẽtia fretus, liberè pro-  
dit in medium, & futiles calumnias qui-  
bus eum grauabant apud simplices, re-  
futat, idque proprio eorum iudicio. ac si

diceret, Ego vos testes habeo meæ innocentia, vos tamen fictis criminibus improbè me vexatis: quomodo vos non pudet innoxium ita gratis opprimere? Tenendum verò est quosnam David accuset. Vocat eos congregatione, deinde *filios hominum*. Nam qui **וְהָאֵלֶּיךָ** putant epitheton esse iustitiæ, & vertunt Mutam, aberrant meo iudicio, à mente Davidis. Caterùm, de voce Cōgregationis non cōsentiunt Interpretes. Quidam odiosè perstringi existimant hostes Davidis, quod suos haberent conuentus inuendis peruersis consiliis: sicut improbi sæpe ad noxas excogitandas capita inter se conferunt. Ego tamen aliis potius subscribo, qui honorificè, sed per concessionem, Saulis Consiliarios notari putant, qui in eius perniciem coibant quasi acturi de bono publico. Alii qui literam **וְהָאֵלֶּיךָ** coniungunt cum voce **וְהָאֵלֶּיךָ**, ad eundem sensum accedunt. Sed quia commetum illud à verbis remotum est, præstat genuinam illam versionem retinere. Cæterum ergo illum compellat David, quem sub specie legitimi consilii vocabat Saul ad infontem opprimendum. Fortè verò contemptum vocat filios hominū, detrahens quod titulo tenus cōcesserat: quia potius latronum turba erant quàm iudicum conuentus. Nisi magis placeat, quum præualida manu se oppugnari videret David, & omnes ferè vulgi animos in illam scelestam factionem propensos esse, tamè excelfo animo despicere illam multitudinem. Docemur autem hoc loco, quanuis à toto mundo impetatur serui Dei nullum terrorem illis obstare, modò sibi rectè conscii sint, quominus tam Regibus ipsis & eorum consiliariis, quàm populi quisquiliis insularent. Nos verò discamus, Davidis exemplo, quāuis totius mundus furdus sit, in bonam conscientiam recumbere, atque ita prouocare ad Dei tribunal. Augustinus qui Græcam tantum versionē renebat, argere hic disputat, hominibus rectum esse iudiciū in generalibus principis: sed vbi ad hypothesin ventum est, hallucinari: quia vitiosi affectus rectas notitias obscurant vel deprauant, Hoc quidē dictū plausibile est atque etiā utile, sed nihil ad Davidis mentem.

3 *Quin potius*, Postquam de crassa eorum impudentia conquestus est, iam eos aggreditur, quòd corde machinentur iniustitiā, & manibus exequantur. Itaque particulam **וְהָאֵלֶּיךָ** verto *Quin potius*. quia non dubito, vbi falsas calumnias à se depulit David, vltèrius nunc progredi, & eorum crimina proferre in mediū. Secūdum membrū duobus modis verti potest: *Violentiam appenditis manibus vestris*, vel manus vestræ violentiam appēdunt. Quia tamen non mutatur sensus, sequantur Lectores vtū volent. Quòd autē appendere dicit pro exercere, putant quidam hanc esse metaphora rationem, quòd isti Davidem opprimerēt sub æquitatis prætextu, ac si perfidus & contumax fuisset aduersus Regem, & publicæ quietis turbator. Nec dubiū est quin suā tyrannidē succauerint honestis titulis: vt hypocritæ, etiam si nihil habeant coloris, obtendunt tamen semper aliquid. Sed quia verbum Hebraicum **וְהָאֵלֶּיךָ** latius patet, sumiturque pro dirigere vel aptare, simplicior fortè sensus erit, eos ordinare vel dispo nere quas corde iniquitates conceperant. Particulam *in terra* tantūdem valere puto, ac palam: vt hīc de effrangi eorum licentia exoptulet: quia non clanculum vel in obscuro angulo violentiā suam exercebant.

4 *Alienati sunt*. Eorum malitiam exaggerat, quòd non cœperint nuper ad peccandum se proiicere, sed nati sine ad prauitatem. Scimus enim plerosque non malo aliquo ingenio præditos, velleuitate & libidinis impetu abripi, vel corrumpi malis exemplis, vel aliqua occasione se prostituere ad malū. contrā autem pronuntiat David, hostes suos malitia imbutos esse ab vtero: ac si diceret, perfidiam & crudelitatem cum ipsis natas esse. Et si enim vitiosi omnes nascimur, & omnibus Adæ posteris ingenta est prauitas, vt nihil recti tentare possint quantisper suo ingenio feruntur: scimus tamen arcano Dei fratre no retineri maiorem partem, ne se ad quoduis flagitium proiciant. Ergo quanuis corruptio originalis peccati in toto humano genere grassetur, experientia tamen ostendit, quosdam esse verecundos & honestis moribus: alios mediocri



mediocri tantum corruptela imbutos: alios verò naturæ adeò peruersæ, vt sint prorsus intolerabiles. Hanc igitur effænem malitiam quæ in communi hominum prauitate detestabilis est, Dauid in hostibus suis regnare affirmat: quasi diceret, sibi cum scelerum portētis esse negotium.

5 *Venenum illis.* Pergit in sua amplificatione: & quamquam læuitia ardebant eius hostes, virulentiam tamen magis illis exprobat, sicuti aliis locis vidimus. Nam quòd alii Furorem vertunt, aspidum similitudini non videtur congruere. Neque repugnat etymologia, quia nomen à calore deductum est. Sci mus enim veneni genus esse quod frigore suo enecat: alterum verò quod vre dine & æstu consumit partes vitales. Sensus ergo est, hostes Davidis venenata malitia ad nocendum æquè re fertos esse ac serpentes. Veteratoriam deinde astutiam expressius designat, similes esse dicens surdis aspidibus, quæ aures suas ad vocem incantantium claudunt: ac si diceret, non esse ex vulgo serpentum, sed vafritie superare callidissimas quasque aspides, quæ sibi à magorum insidiis ca-

uent. Si quis quærat, an igitur sit ars aliqua incantandi: Respondeo, si nullæ esset incantationes, puerile & absurdum fore quod hic dicitur. Sumeret enim ex nihilo similitudinem: nisi fortè magis placeat ex communi vulgi errore locutum esse Dauidem. Videtur tamen innuere fascinis incantari serpentes: idque si ne periculo fateri licet. Atque olim Mar si hac scientia pollere in Italia crediti sunt. Certè si nullæ essent incantationes, frustra Lege Dei prohibita ac damna ta essent, Deut. 18. 11. Neque tamen rationem vel artem esse concedo in fascinationibus, sed meris diaboli præstigiis hoc fieri, cuius imposturis Deus inter cæcos, hoc est incredulos, sanum laxat, suis autem, quibus per Verbum & spiritum suum affulget, non ita illudere permittit. Si tamen ansam curiosis quæstionibus præcidere libeat, sequamur quod nuper attigi, Dauidem ex cõmuni errore similitudinem hanc esse mutuatum: ac si dixisset, nullam posse in serpentibus versutiam inueniri quæ non in hominibus istis regnet: etiam si quæ aspides aduersus incantationes astu suo munitæ sint, non magis tamen esse callidas.

7 *Deus contunde dentes ipsorum in ore eorum: maxillas leonum contunde Iehoua.*

8 *Diffuant sicut aqua, abeant sibi: extendant arcum suum ac si se confringerent.*

9 *Quemadmodum limax liquefactionis euanescat, abortiuum mulieris quod non videt solem.*

10 *Antequam sentiant, olla vestra rhamnum, sicut crudus quasi turbo disperdat eum.*

7 *Deus contunde.* Iam descendit ad imprecationem, Deumque vindicem appellat, sicut propria sunt eius partes impiorum violentiæ resistere, dum innoxii molestiam faceßunt. Sed hic ordo notandus est, quòd prius de hostiũ suorum malitia conquestus est Dauid, & bonam conscientiam in medium produxit, quàm Deum aduocet causæ suæ patronum aut iudicem: quia minimè sperandum est vt malas causas tuendas suscipiat. Petit autem hoc versu, vt Deus virtute sua frangat improbos, ac com-

pescat nocendi rabiem qua flagrant. Nam per *dentes* significat non secus laniandi ac discerpendi esse cupidos ac feras bestias: quod secunda parte clarius exprimit, eos leonibus comparans. Vnde apparet quàm furiose in eius perniciem ruerent. Proximo versu & aliis sequentibus eandem sententiam persequitur, & aptissimis similitudinibus exornat. Primum rogat vt eos diffuere faciat Deus aquarum instar, hoc est quàm citissimè. Quo verbo non vulgarem fidem testatus est. Videbat ho-

stes suos magnis copiis & opibus instructos: videbat altis radicibus inniti, & optimè fundatum esse eorum robur: denique videbat saxeis montibus esse similes: imò quum totus populus esset in fensus, multas rupes sibi videbat oppositas, quarum conspectus ingenti terrore deicere poterat eius animū. Ergo Deū precari vt tantam duritiem liquefaciat, & diffuere faciat tam arduas moles, raræ spei & constantiæ fuit. res enim erat incredibilis, nisi Dei potentiam extulisset supra omnia mūdi obstacula. Sequitur altera similitudo, vt irriti eorum conatus abeant: sensus enim verborum est, Quum arcum suum intenderint, vt sagittæ frustra concidant tanquam confractæ. Quia ergo implacabilis erat eorum crudelitas, postulat Dauid vt frustretur Deus ipsorum conatus. Porro hoc votum concipere nō potuit, nisi innicta fortitudine instructus, vt formidabiles hostium apparatus, Dei arbitrio subiiceret: imò ita precando, totam eorum potentiam sub Dei pedibus prosternit. Ergo hæc circumstantia notanda est, ne languescant preces nostræ, quantum aptatæ iam sagittæ mortiferos ictus minentur.

9 *Quemadmodum limax.* Dux istæ comparationes in eundem tendunt scopum quò prima, nempe vt celeriter tanquam res fluidæ aboleantur. Poster hoc videri ridiculum, robustissimos Gigantes cochleis vel limacibus conferri, nisi hunc honorem Deo tribueret Dauid, posse momento & absque negotio discutere ac redigere in nihilum quicquid

11 *Letabitur iustus quum viderit vindictam: manus suas lauabit in sanguine impij.*

12 *Et dicet homo, Atqui fructus est iusto, atqui est Deus iudicans in terra.*

11 *Letabitur iustus.* Quanquã videtur affectum à pia mansuetudine longè remotum iustis tribuere: si tamè memoria tenemus quod alibi sapius dixi, laudari à Dauide puros & bene compositos affectus, in eo nihil est absurdum, fideles duce & moderatore Spiritu sancto gaudium ex Dei iudiciis percipere. Vnde enim sit vt crudeliter vulgò gaudeant homines inimicis suis pereuntibus, nisi

in mundo insuperabile ducitur. Sed fides oculis, Dei iudicia considerans, sperat, vires illas, quarum fiducia suas deliberationes in decem secula extendunt, statim posse dissolui. Videtur autem alludere ad subitos exortus impiorum. acsi diceret, repentinum interitum similem fore origini: ne facilibus incrementis frustra superbiant. Eadem est abortiui ratio: quia si reputamus quantum temporis inani fiducia deuorent, facile statuemus, antequam viuere incipiant, quasi ab ipsis carceribus retrorsū trahi.

10 *Antequam sentiant.* In hoc ver supartim ob voces ambiguas, partim ob perplexum contextum subest nonnulla obscuritas. quia **סִירָה** ollam & spinam significat, duplex sensus potest elici, Antequam adolescant spinæ vestræ in rhamnum, hoc est, crescant in maiorem altitudinem, & desiores fiant. Vel, antequam ollæ vestræ sentiant ignem ex spinis accensum. Si de ollis exponimus, *uium* sumetur p carne cruda, sicuti etiam nos vertimus. si autem pro spinis, sumetur pro immaturo vel tenero. Prophetæ tamen consilium minimè ambiguum est: nam festinationem vindictæ Dei his verbis denotat, ideoque precatur quasi turbine eos abripi: vel antequam adolescant in iustum robur, sicut spinæ in rhamnum dureant: vel antequam matureant, sicuti caro quæ in olla vel lebeate coquitur. Hic tamen posterior sensus videtur melius fluere, vt ira Dei turbulento impetu abripiat impios quasi carnem incoctā, & quæ primū calorē nōdū sensit.

quia turbidis passionibus odii, iracundiæ, & impatientiæ feruntur? vt vindictam intemperanter expectant? Ergo ubi dominatur caro, nihil rectum est vel syncerum. Qui verò Spiritus zelo iustæ Dei vindictæ animum suum conformat, non minus rectè gaudebit quoties pœnas Diuinitus impiis cernit infligi, quàm humaniter eorum conuersionem optabit, vt salui fiant.

Sicuti

Sicut enim Deum sua misericordia nō impedit quominus tempestiue seuerus sit iudex vbi nullus est resipiscentiæ locus: nec rursus seueritas eius clementiæ repugnat: sic etiam iusti iniurias placide tolerando, hostes suos libenter in viam salutis reuocarent, & resipiscere mallent quàm perire. vbi tamē ad maturum vindictæ tempus eos adduxit sua obstinatio, iustam habent gaudendi materiam: quia hoc modo vitam suam Deo pretiosam esse agnoscunt. Si cuti ergo gemunt ac torquentur quādiu ad eorū afflictiones Deus conuiet: ita fieri non potest quia illis iucundum sit iustam sceleribus mercedem rependi.

12 *Et dicet homo.* Ex causa & sine gaudii, qualis hīc describitur, clarius apparet affectum hunc in Sanctis purum esse omni vitio. Quanquam videtur passim ad quosuis extendere quod prius tantum de iustis dixerat. Sed quia confessio hęc non potest nisi fidelibus quadrare, qui verē oculati sunt, eos solos sub nomine hominis notari arbitror: cum hac tamen ratione, vt significet Dauid multos qui percussi fuerant ac turbati, redituros ad tranquillam mentem. Quauis ergo nonnisi filios Dei intelligat, meritō indefinitē loquitur quasi de multitudine: quia scimus quā multos res in mundo confusæ & inordinatæ concutiant: qui rursus patefacta Dei iustitia, animos colligunt, vt passim mutantur iudicia vbi Deus manum suam è cælo exerit. Longē ergo

lateque parebit hęc confessio, sicut etiā dicit Iesaias, 16.9, Vbi apparuerint iudicia tua ò Deus, iustitiam discant habitatores terræ. Quauis autē particula **¶** interdum simpliciter affirmet apud Hebræos: quia tamen sapius amplificat, non dubito quin hic subaudienda sit antithesis inter tērationem, qua premuntur infirmæ mentes quantisper Deus vindictam suam suspendit, & fiduciam quam ex eius iudiciis concipiunt. Aduersatiua igitur particula dubitationem illam repellunt, quæ ex dissimulatione & tolerantia Dei obrepere solet, ac si ex pergefacti soporē suū corrigerēt. Est autē hīc nō exiguus profectus ad pietatē, bene & penitus nobis esse persuasum, iustos sollicitē in Dei timore ambulādo, nō ludere operā. Ideoque Ies. 3. 9, ad hanc sapientiā filios Dei eniti iubet, Dicite, Iusto bene erit, labore manu suarum comedet: quia nisi mox iustorum probitari respondeat fructus, ad diffidentiam lubrici ac proni sunt omnium animi, ac si Deus abiecta mundi cura otium in cælo coleret. Qua de re fusius tractabimus. Psalmo 73. Ratio nem cur fructu suæ pietatis non careant filii Dei, adiungit, quia scilicet *Deus est iudex mundi.* fieri enim non potest, si Dei providentia regitur mundus, quin tandem discrimen apud se esse ostendat inter bonos & malos. Nomen terræ disertē exprimitur: quia profani homines fortunam putantes dominari in mūdo, imperium Dei cælo includunt.

## ARGVMENTVM PSALMI LIX.

*Inscriptio qua mox sequetur, declarat qua occasione scriptus fuerit Psalmus, qui serē proximo similis est. Priore enim loco, quo grauius iniustam hostium sauitiam accuset, nullo suo merito sibi tam infestus esse asseruit. Consequens autem de illorum iniquitate, implorat opem Dei: & postquam sanctis meditationibus ad bonam spem se animauit, de instanti illorum exitu vaticinatur. In fine promittit se liberationis fore memorem, ut Dei gratiam celebret.*

*Psalms LIX.*

**P**refecto, Ne perdas, Dauidis *Mittam*, quum misit Saul, & custodierunt domum, ad eum interficiendum.

2 *Libera me ab inimicis meis Deus mi, ab insurgentibus in me attolle me*

3 *Libera me ab operariis iniquitatis, & à viris sanguinum serua me:*



4 *Quia ecce insidiati sunt anima mea, congregati sunt aduersum me robusti. non peccatum meum, & non scelus meum Iehoua.*

5 *Sine iniquitate cucurrerunt, & se instruxerunt. excitare in occursum meum & vide.*

6 *Et tu Iehoua Deus exercituum, Deus Israel expergiscere ad visitandas omnes gentes: ne miserearis omnium iniquè transgredientium. Selah.*

1 Nota est historia cuius hic fit mentionis. Certe quum militum turma obsessus domi suæ esset David, (1. Sam. 19. 11) & omnes urbis exitus teneret missi à Saule custodes, nulla spes effugii aut vitæ residua erat. Tamen si autem uxoris astu elapsus est, non tamen alibi quàm in Deum misericordia salutem quæsiuit. Et certe quannuis fallendis patris militibus figmentum illud excogitauerit Michol, certum tamen est, pium virum non nisi mirabili Dei præsidio ereptum fuisse. Ergo *custodia domus* hic ponitur ac si dictum esset, conclusum tunc fuisse in mortis angustias. Missi enim fuerant à Saule, non qui viuum caperent, sed qui interficerent.

2 *Libera me.* Quo se magis ad Deum inuocandum horreret, violentam hostium potentiam describit. *Surgendi* enim verbo non modò audaciam notat, vel strenuos ac feruidos impetus, sed vires quibus præualebant: & tamen in altum attolli rogat, ut superior sit ista quasi exundatione. Atque hæc loquutio notanda est ne dubitemus seruandū modum in Dei manu esse, quantumvis supra capita nostra hostes emineant. Sequenti versus non modò se obrutum esse dicit, sed etiam exposulat de iniusta & scelestâ hostium suorum crudelitate. Postea utrunque complectitur, nempe se viribus destitui ad resistendū, & tamē nulla sua culpa tam graues & duos insultus perpeti. Diximus autem alibi, imò sæpius repetiimus, quo sibi melius confecti sunt fideles, eo plus ad quærendum Deum fiduciæ illis suppetere: quia liberior patet aditus, eo quòd communem sustineant cum Deo ipso causam. Nam quia Deus iustitiæ assertor est, ac bonarum causarum patronus, bellum cum eo suscipit quisquis innoxios aggre-

ditur. Primò ergo queritur valida conspiratione se opprimi, & insidiis esse circumuentum. vnde sequitur nihil reliquum esse subsidii in mundo. Postea ad innocentia suæ testimonium descendit. Quannuis enim Deus, suos affligendo, eorum peccata castiget, mernò tamen David, Saulis respectu, ab omni culpa se eximit, atque hoc modo integritatis suæ Deo iudicium defert, quæ peruersis calumniæ apud homines succubuerat. Quicquid iactent, inquit, non reperietur in me scelus nec peccatum. Quannuis tamē bellâdi ratione careant, dicit eos *cucurrere* vel sagagere. quibz verbis intelligit nihil eos omittre ad extremam diligentiam: adeò scilicet in perniciem miseri hominis cupidè intentos esse.

3 *Excitare in occursum.* Alludit ad hostium festinationem, de qua loquutus est, ne minus sedulò Deus auxiliari maturet quàm illi ad perniciem incubant. Rursus tamen ut sibi fauorem conciliet coram Deo, testem ac iudicem causæ suæ ipsum appellat. Porro quum dicit *vide*, sensum carnis permiscet doctrinæ fidei. peride enim ac si præterisset Deus clausis oculis omnes iniurias usque ad illum diem, rogat ut nunc incipiat videre: hoc pro ruditate humanæ mentis. Interea tamen videndi partes Deo tribuens, fide agnoscit nihil eius providentiæ esse absconditum. Quannquam notandum est, Davidem humanitè ita balbutire, ut iam persuasus sit suas afflictiones simul cum integritate & hostium iniuriis Deo esse cognitâs. Sed hac voce, totam rem Dei iudicio examinandam proponit. Proximo versu eandem precationem vehementius prosequitur: ac primò Deum ornat nouis epithetis, vocans Deum exercituum & Deum Israel: quorum priore immensam eius potentiâ

commendat, altero peculiarem quam de filiis suis, & tota Ecclesia gerit curā. Emphaticū etiā est pronomen **אֲנִי** quasi diceret non posse magis fieri ut Deus abiciat iudicandi munus quam ut seipsum abneget, vel exuat suam essentiam. Hortatur autem ad visitandas omnes gentes, non quod tam late pateret causae quam agit cognitio, sed ratiocinatur à maiori ad minus: quum ne profani quidem & extranei manum & vindictam Dei effugiant, certius & magis horribile iudicium instare hostibus intestinis, qui sub fraterno titulo piis molesti sunt, & ordinem diuinitus in Ecclesia sancitum conturbant. Quanquam ergo Dauidi bellum non erat cū omnibus populis, Deū ad omnes visitandos excitans, absurdum fore ostendit, si domesticos Ecclesiae hostes impunē grassari sinat. Simul etiam contra tentationē luctatur, qua probabile est duriter fuisse agitatū. premebatur enim nō à quatuor vel quinque improbis, sed ab ingenti turba: contra tamē se attollit, propriū Dei mu-

nus esse reputans non modò paucos in ordinem cogere, sed poenas exigere de sceleribus totius mundi. Nam Dei iudicium ad ultimos usque terrae fines extendens, ea multitudine terreri non debuit quae exigua erat generis humani portio. Quanquam ut paulo post iterum videbimus, non incommodè potest hoc de Israelitis intelligi, qui in suas tribus quasi in populos, diuisi erant. Dei verò misericordiam ab iniquis transgressoribus prohibens, non dubium est quin reprobos tantum notet, quorum deplorata erat iniquitas. Quanquam simul tenendum est quod antea attigimus tam priuato affectu fuisse exutum, quam purgatum omni turbida intemperie. Præterquam ergo quòd exitio iam addictos esse nouit, de quibus tam seuerè loquitur, puro & composito Spiritus zelo, communem potius Ecclesiae causam, quam suam agit. Ideo non est cur eius exemplum obtendant quos ad crepanda anathemata impellit priuatus dolor.

7 *Reuertentur ad vesperum, strepitum edent ut canis, & circuibunt urbem.*

8 *Ecce garrient ore suo, gladii in labiis ipsorum, quia Quis audiet?*

9 *Tu autem Iehoua ridebis eos, subsannabis omnes Gentes.*

10 *Fortitudinē eius ad te custodiā, quia Deus arx mea est.*

7 *Reuertentur ad.* Comparat hostes suos famelicis & rabiosis canibus, quos fames ad varios circuitus sine fine instigat: arque hoc modo accusat inexplabilem eorum scitiam, quòd nocendi libidine ardent, nullum satagendi faciunt modum. Dicit enim ad vesperū reuerti, non quòd reliquo tempore quiescerent, sed quia infatigabili studio pergerent in sua malitia, si nihil toto die profecerint, inquit, vesper tamen adhuc cursitantes deprehendet. Aptè autē latratus similitudo conuenit ad formidabiles eorum insultus exprimendos. Sequenti versu eorum ferociam describit. *Garrient* enim, vel ebullire ore suo dicēs, intelligit palam & absque dissimulatione nefanda sua consilia proferre. Nam etsi verbum **וַיִּבְרַח** metaphoricè *Hæbræi*, loqui significat, quia tamen pro-

priè tantundem valet ac securire, plus videtur notare quam simpliciter loqui. Sensus quidem est, non modò clanculum agitare secreta consilia in perniciem hominis infantis, sed publicè & cum iactantia effutire quid animis conceperint. Ideo quod sequitur, *gladios esse in labiis eorum*, tantundem valet ac spirare meras cades, vel totidem ad iugulandum miserum hominem euomere gladios, quot voces proferunt. Tandem subicit eò licentiā ipsos ruere, quia nullum dedecus inde metuant. Quauis autem probabile sit Dauidem hic suo more perstringere vesanā impiorum socordiam, qui metus excutiendi causā, Deum in cælo dormire fingunt: meo tamen iudicio, conqueritur, eo securius agitare praua consilia, & quasi medio foro publicare, quia

in possessionem nocendi pridem venerint. Sic enim fascinauerant totum vulgus, & Dauidem suis calumniis deformauerant, vt nemo pro excusatione mihi ferri hominis muti & cauderet. Imò quo quisque atrocius in Regis gratiam persequebatur miserum hominem, eo maiore erat in pretio, quasi boni publici cordatus defensor.

9 *Tu autem Ithoua.* Contra hæc obstacula Dauid se nihilominus erigit ad meliorem fiduciam. Appositè autem *videndi* similitudine vtitur, quo Dei potentiam altius extollat: quasi diceret, Vbi omnia machinati sunt impii, Deum nullo negotio & quasi per iocum dissipare omnes eorum conatus. Quantis per enim conuiuet Deus, gliscit eorum proteruitia, & insolentius erumpit: quia non intelligunt, Deum, vbi otiosi videtur, solo nutu iudicia sua exequi. Contempnim ergo dicit non opus esse magno apparatu: quia simul ac vult Deus pœnas sumere, ludendo eos in nihilum rediget. Grauius autem hoc modo inuehiunt in cæcum eorum furorem, quia vires suas intemperatè efferendo, Deum sopitum iacere fingant. Quod additur secundo membro de cunctis Gentibus, huc spectat, etiamsi numero æquarent totum mundum, ludibrio tamen fore cum suis opibus & copiis. Quanquam potest ita resolui, Sicuti tu subsannas omnes Gentes. Certum quidem est Dauidem eludere stultam hostium suorum iactantiam, qui multitudinem sua freti nihil non audebant.

10 *Fortitudinem eius.* Fecit huius loci obscuritas, vt eum suis commentis variè flexerint Interpretes. Nulli tamè magis violenter torquent, quàm qui fingunt in relatiuo *eius*, esse personæ mutationem, ac si Dauid loquens de seipso, tertiam personam primæ loco poneret. Mouit fortè tam eos quàm Græcum interpretem ratio parum firma, quia postremo versu legitur, Fortitudinē meā tibi canam, vel Fortitudo mea tibi. Atqui vbi ventum illuc fuerit, satis liquebit quàm aptè ad se transferat Dauid quod prius de Saule dixerat. Dubium igitur non est quin relatiuum de Saule

debeat intelligi. Quidam enim seorsum particulam hanc exponunt, Saulis esse fortitudinem: quia longe superior sit viribus, vt iam penes eum sit victoria. Alii sic coniungunt, Quauis hodie sis illius fortitudo, ô Deus, quia eum sustines in regno ac tueris: ego tamen non desinam sperare dum me quoque in regnum solum extollas, sicuti pollicitus es. Propius ad Prophetæ mentem accedunt qui vno contextu legentes Fortitudinem eius ad te custodiam, hunc eliciunt sensum, Quauis hostis meus roboris sui fiducia intemperanter se iactet, ego tamen quietus manebo: quia scio, quicquid conetur, occulta tua prouidentia frangi. Et certè sic cogendi sunt in ordinē cuncti mortales, conatus eorū & vires subiiciamus Dei arbitrio. Mihi tamen melius videtur congruere alia versio, Fortitudo mea ad te: custodiam. Sicuti etiam in fine Psalmi, non dubito quin nominandi casu vertendum sit, *Fortitudo mea ad te: canam.* Quod ad summam rei non admodum interest: quia Dauid in speculam fidei conscendit, vnde intrepidè violentos hostis sui impetus despiciat, statuens nihil posse nisi Dei permisso. Verum si duo hæc separatum accipias, Fortitudo eius ad te, custodiam: sententia erit dilucidior. Prior enim loco Dauid, potentiam Deo vendicans qua gubernet totum mundū, hostem suum arcano frano constringi, totūque eius robur aliunde pendere colligit, vt ne digitum quidem mouere queat nisi annuente Deo. Postea subiicit se pacato & tranquillo animo fore, vt patiēter quēlibet euentū expectet. Verū enī *custodiā* hic tantundē valet, ac me cōtinebo: vel, tacitè attēdā quidnā Deo placeat. Atq; in cōiugatione niphāl hoc sensu capitur Iesaiæ 7. 4. Hic quidē ponitur in cōiugatione cal. sed nihil impedit quominus vertam<sup>r</sup>, Tacitè obseruabo quēcūque Deus euentum dare volet. Interea nō displicet quod quidā annotant, Dauidē alludere ad custodes obfidendā domus suæ causā missos: ac si diceret, ex opposito sibi atiam esse custodiā, dum quieta mente & composita, quid facturus sit Deus speculatur.

11 *Deus clementiæ meæ proueniet me, Deus videre me facies*



*faciet in aduersariis meis.*

12 *Ne interimas eos, ne forte obliuiscatur populus meus: vagari fac eos in virtute tua, & disce eos clypeus noster Domine.*

13 *Peccatum oris eorum, sermo labiorum ipsorum: deprehendantur in superbia sua, & de execratione & mendacio verba faciant.*

II *Deus clementia mea.* Scribitur quidem hic affixum tertiæ personæ, sed punctus apponitur qui primam personam notat. Græcus quidem interpret transiit in tertia personæ: & hoc testimonio sæpe Augustinus vitur contra Pelagianos, vt probet Dei gratiam anteuertere omnia hominum merita: piè quidem, sed nimis argutè. sicuti etiam proximum versum sæpe adducit, vt retundat quicquid liberi arbitrii viribus arrogat homines. Custodiam, inquit, ad te fortitudinem meam. hoc est, modestè & humiliter subicere se Deo debent homines, quia nulla fortitudine prædiri sunt nisi quam suppeditat. Dictu quidè plausibile est, fortitudinem suã ad Deum custodire, qui sibi extra ipsum nihil virium tribuendo, ab vna eius virtute pendent. Sancta etiam & utilis est doctrina: sed nobis sedulo cauendum est ne Scripturam torqueamus. Certe verbum **וְיָ** nihil aliud hic significat quam maturè occurrere. Nec aliud intelligit Dauid quam promptum sibi fore auxilium Dei quo opportunè seruetur. Summa igitur est, Vt cunque cesset Deus, vel opè suã differat, in ipso tamen articulo aderit. Et certe nisi immodicus votorum nostrorum feruor præcipites nos ageret, satis perspecta nobis foret Dei sedulitas & festinatio ad nos iuuandos: sed dum nimis properamus, videtur nobis tardare. Iam confirmandæ fidei suæ causã, Deum appellat clementiæ suæ, quem sæpe misericordem expertus erat: superioris enim temporis documenta certam spem dabant similis in posterum gratiæ. Nam quod actiue quidam accipiunt, ac si laudem clementiæ sibi tribueret Dauid, frigidum & coactum est. trita est autem passiva locutio.

12 *Ne interimas eos.* Prudenter hoc sibi Dauid ad patientiæ materiam suggerit. Nisi ex tẽplo Deus ad nihilum

redigat hostes nostros, fingimus elapsos esse ex Dei manu: & quauis eos lenta & diuturna tabe paulatim conficiat, non reputamus poenam de illis sumi. Quia igitur præpostere inhiant ferè omnes ad subitam hostium suorum perniciem, Dauid seipsum cohibens, Dei iudicium in leuioribus etiã malis sub quibus languent reprobi, expendit. Certum quidè est, nisi oculis nobis obstrueret socordia, in subita impiorum clade magis conspicuam esse Dei vindictam: sed quia statim memoria nobis effluit, non frustra optat Dauid quotidie renouari idè spectaculum, vt iudicii Dei cognitio penitus cordibus infixã maneat. Quamquam, vt dixi, contra longioris moræ tardiam hac doctrina se armat & munit, Deum consultò vltimam vltionem differre: ne si impios vno momẽto deleat, statim memoria extinguatur. Atque ita populi Israelitici ingrati tudinem oblique perstringit, quod tam malè in illustribus Dei iudiciis proficeret. Hic verò morbus hodie quoque nimis regnat in mundo, vt Dei iudicia quæ notiora sunt quam vt clausis oculis præteriri queant, impia obliuione in tenebras mergantur: vt necesse sit quotidie in theatrum nos deduci, vbi Dei manum aspicere cogamur. Atque hoc nobis in mentem veniat, vbi Deus non statim contra impios fulminat, nec tollit eos de medio, sed sensim atterendo consumit. Rogat autem vt Deus eos faciat vagari: nempe vt homines malis & egestate afflicti, huc illuc oberrent, dum nusquam inueniunt dolori suo solatium. Quod melius, exprimitur altero verbo *fac descendere*, vel *disce*. Cupit enim ex honorifico gradu detractos, quasi ad pedes proici, vt in sua miseria & probris continuum iræ Dei spectaculum exhibeant. Quod ergo nonnulli nomen **וְיָ** vertunt Exercitum, & accipiunt pro Dei popu-

10 : coactum est . Potius Dei virtutem appellat Dauid ad perdendos impios, quia terrenis opibus freti, putabant se esse inexpugnabiles. Porro quo facilius impetret quod postulat, in fine versus ostendit se causam totius Ecclesiae agere. Huc enim spectat pluralis numerus, *chypus noster Domine*. Et certe quia diuinitus electus erat in Regem, in eius persona continebatur salus Ecclesiae. Ideoque non priuatum ipse impetebatur, sed totus populus, cuius saluti hoc modo consulere Deus volebat. Eadem etiam fuit ratio cur patienter tulerit Deum modelari sua iudicia, vt in assidua eorum meditatione populum retineret.

13 *Peccatum oris*. Subaudiunt quidam Interpretes particulam causalem propter, vt cohareat hæc sententia cum superiore versu. Et certe nõ dubium est quin hic sit causæ re dditio, cur æquum sit eos iactari, vt instabiles & inquieti semper vagentur. Optimè tamen con-

ueniet abrupta & defectiua locutio, an si diceret Dauid non opus esse longo examine, quia palàm se prodat eorum iniquitas in linguæ proteruita. Peccatū, inquit, eminet in eorum ore: quia plenè buccis superbiam & crudelitatem suam euomunt. Atque hunc sensum cõfirmat quod continuo pōst sequitur, *deprehendantur in superbia sua*. Nam fontem insolentiae designat, quod tam petulanter & sine pudore sua magniloquentia opprimerent innoxium. Specialiter deinde explicat quomodo scelera sua ore proferrent, eos dicens *verba facere de execratione & mendacio*. Quo verbo significat, nihil præter diras maledictiones crepare, totosque esse addictos fraudibus & calumniis. Qui passim accipiunt verbum *Ἰδὺ*, ac interpretantur, In exemplum fore vindictæ Dei impiis quibus certas & memorabiles eius notas insculpsit: longius videntur recedere à mente Dauidis.

14 *Cōsume, in furore cōsume, vt non sinit: cognoscant quòd Deus dominator sit in Iacob, vsque ad fines terræ. Selah.*

15 *Et reuertentur ad vesperum: latrabunt vt canis, & circuibunt urbem.*

16 *Ipsi vagabuntur ad comedendum: si non fuerint saturati, etiam pernoctabunt.*

17 *Ego vero cantabo fortitudinem tuam, laudabo manè clementiam tuam: quia fuisti arx mihi. & refugium in die tribulationis meæ.*

18 *Fortitudo mea ad te, psallam: quia Deus arx mea, Deus clementia mea.*

14 *Consume*. Videtur sibi contrarius esse Dauid, dum nunc vltimum interitum imprecatur hostibus, quos prius nolebat tam citò interfici. Quorsum enim consumptio in furore, nisi vt repè re tollat è medio Deus qui perdendi sunt, non autem mediocres vel tardas de illis pœnas sumat? Sed non dubium est quin diuersum tempus noter. atque ita facilè tollitur dissidium, quod in exemplum diu propositos, tandem vltimo exitio deuouet, vbi scilicet maturum aduenierit tempus. Scimus imperatori-

bus Romanis solenne fuisse, postquam captiuos ad diem triumphi seruatos per urbem circumduxerant, vbi in Capitolium ventum erat, illos tradere in manus licitorum, vt statim ingularentur. Sic nunc precatur Dauid, vbi Deus impios ad tempus superstites reliquerit: donec celebrem de ipsis triumphum ageret, tãdem in exitum tradi. Iam hæc duo inter se optimè conueniunt, iudicia Dei nobis statui ante oculos longo tēporis successu, ne excidat eorū recordatio: & tamē vbi satis edoctus fuerit mūdus, infē-

fo & aduerso Deo nihil reprobis superes  
se prater lentam tabem, mature tunc ad  
suum exitium deduci, quo melius exper  
gefaiat tale spectaculum pigras men  
tes vel leuioribus pœnis minus atten  
tas. Ideo subiicit, *ut cognoscant usque ad  
ultimos fines terra Deum in Iacob domina  
ri*. Nam quod alii copula interposita ex  
ponunt, *Ut cognoscant Deum in Iacob*  
& reliquis mundi plagis dominari: mi  
hi non placet, ac sensum peruertit. Po  
tius enim exquisitum supplicii genus no  
rat Dauid, cuius fama ad remotissimas  
quoque Gentes perueniat, & cæcis ipsis  
ac profanis hominibus incutiat Dei  
metum. Nominatim verò imperiū Dei  
agnosci vult in Ecclesiæ gubernatione:  
quia valde absurdum videri poterat, res  
illic tam confusas esse vbi sibi Deus ere  
xerat regium solium, vt sacrarium eius  
nihil à cauerna latronum differret.

15 *Et reuertentur*. Non ita multū  
refert siue in futuro tempore legamus  
hæc verba, siue resoluamus in tempus  
optatum, vt precationem suam conti  
nuet Dauid. Quamquam libenter in eam  
sententiam inclino, postquam Dauid  
votis suis finem imposuit, nunc spem  
concipere felicitis successus quem opta  
uerat. Est autem concinna allusio ad id  
quod prius dixerat de rabiosa eorum  
fame. Neque enim nunc eodem sensu  
verba quibus antè vsus fuerat repetit,  
sed ironicè dicit alio modo fore fame  
licos, & aliter quàm sperassent ipsis ces  
surum. prius conquestus est, instar canū  
latrare, nempe quia eos agebat inexpl  
bilis nocendi cupiditas & furor: nunc  
verò improbos eorum conatus substan  
sans, dicit, vbi satagendo se toto die  
fatigauerint, frustratum iri suis votis.  
Itaque superiori querimoniz opponit  
tur hæc gratulatio de irrita & inani eor  
um diligentia. In fine versus 16, quidā  
particulam *NON* hoc est, si non, vo  
lunt iurisiurandi esse formulā. Sed quia  
nimis subtiliter dessectunt Prophetæ  
verba, eorum commento non assentior.  
Alii volunt bis repeti negationem, Si  
nō fuerint saturati, neque pernoctabūt.

Sed hoc quoque videtur remotum esse.  
Simplex verò & genuinus sensus spon  
te occurrit, *Quauis non fuerint saturati,*  
cogentur tamen ire cubitum. atque hac  
circumstantia magis augeatur inedia &  
famis incommoditas, quod vbi sine pro  
fectu rotum diem mendicando consum  
pserint, fessū tamen ieiunum & vacuum  
ventrem in lectum afferant.

17 *Ego vero cantabo*. Non modò  
intelligit his verbis sibi fore canendi  
materiam, sed iam se ad gratiarū actio  
nem accingit. Ac primò liberationem  
suam fateatur magnificum fore virtutis  
Dei opus, deinde gratuitum beneficiū.  
Verum quidem est, Dauidem sine stre  
pitu furtim vxoris solertia tunc elapsū  
esse ex hostium manibus: sed quia hoc  
stratagemate elusit Deus apparatū &  
copias Saulis, meritò dicitur exeruisse  
robur suum. Quamquam Dauid exēplo  
vno admonitus, videtur longius respe  
xisse, atque ita complexus esse varia au  
xilia quæ subinde expertus est.

18 *Fortitudo mea ad te*. Clarius ex  
primit se acceptū Deo ferre quod salu  
est. Nā virtutis suæ laudē Deo resignās,  
nihil sibi facit reliquum. Prius dixerat  
fortitudinem hostis sui esse ad Deū: idē  
nunc de sua prædicat. Sed elegāter am  
biguam locutionem diuerso sensu pon  
it. Nam Deus fortitudinem impiorum  
continet, vt cohibeat ac frænet, imò o  
stendat fallaces & nullas esse quas illi  
vires sibi arrogant. Interea suos fulciēs,  
robur illis suppeditat, ne vnquam defi  
ciant. Antehac ergo gloriatus est se fo  
re securum, quod Saul arcana Dei pro  
uidentia constrictus, ne ad leuandum  
quidem digitum idoneus foret. Nunc  
quantumuis ipse debilis sit, prædicat fa  
tis sibi virtutis esse in Deo: idēque sub  
iungit sibi iustam esse psallendi causam:  
sicuti Spiritus per os Iacobi 5. 13, letos  
& hilares ad psallendum inuitat. Quod  
alii legūt, Fortitudinem meam ad te ca  
nam: duriusculum esse Lectores vident.  
Itaque non dubito distincta esse hæc  
duo membra, sicuti antè attigi.

### ARGVMENTVM PSALMI LX.

Dauid iam locatus in silio, & insignibus aliquot victoriis potitus, quæ ad stabilendum regnum eius  
celores poterant, Dei gratiam prædicat & extollit: neque id sestanda modò gratitudinis causa, sed vt residuum



populum qui iugum subire adhuc recusabat, sibi conciliet, atque ira colligasaceru populi corpori. Postquam autem dixit fulgere aperta benedictionis Dei signa, qua testentur ipsum diuinitus et eum esse Regem, precipit ad evaculum reuocare fideles, ut intelligant se egalescere Dei auspiciis, si vultum ei à Samuele factam consensu suo approbent. Simul etiam preces admittit, ut perficiat Deus quod cepit.

Psalmus LX.

**P** *Refecto, super Susan eduth, Davidis Michtham ad descendum,*

2 *Quum praeliaretur contra Syrios Mesopotamia, & contra Syrios Soba, reuersusque Ioab cecidisset Idumæos in valle Regis ad duodecim milia.*

1 *Præfatio &c.* De priore inscriptionis parte quia alibi dictum est, minus nunc laboro: nisi quod iterum repeto *Susan eduth*, quod litum testimonii vel pulchritudinis vertunt, mihi videri initium veteris cantilenæ. Quod postea additur, *ad descendum* vix huc referunt, quod datus fuerit Psalmus Leuitis quæ ediscerent. Sed alii hoc commentum merito repudiant: quia peculiaris nota non quadraret in re Psalmis omnibus communi. Magis ergo probabile est notari doctrinæ genus, quod huic Psalmo conueniat. Conicere autem licet, quum David tot præclaris victoriis ornatus, nondum tamen pacato regno frueretur, hac voce notasse finem sibi propositum, ut factionibus abolitis, qui ante rebelles fuerant, tot documentis victi, tunc saltem agnoscerent regem diuinitus creatum: ac si diceret, Saltem experientia doceat regnum meum Deo placere. quod multis benedictionibus nobilitat in oculis hominum. Venio nunc ad circumstantiam historię & temporis. Hoc canticum dicitur esse quasi epinicion victoriæ quam adeptus est de Syriis, & aliis fœderatis gentibus. Hebræi, quia Mesopotamiam aliasque regiones censent in Syria, quā ipsi Aram nominant, postea in species distinguere coguntur: sicuti hoc loco ponitur Syria נַהָרִים pro Mesopotamia quam ex Latinis quidam Græcos amulati, Iteramnem vocauerunt. Deinde ponitur Syria צוֹכָה, quam non absque ratione quidam Sopenhem esse coniciunt, quia ad ripam Euphratis adiacet. Dicitur autem 2. Samuelis capite 8. versu 3, Rohob rex Soba percussus à Davide, quum profectus esset ad oc-

cupandum imperium Fluminis. Tertia etiam Syria Damasci illic ponitur, quæ Iudææ propior est, adeoque contigua. Alii etiam Scripturæ locis Syria latius extenditur, & pro locorum diuersitate adduntur alia epitheta. Quum autem tunc David bellum à vicina quoque Syria illatum fuerit, & exercitum qui illinc ad iuuandos Ammonitas venerat, communiter profligauerit, exoritur hæc quæstio, cur tantum incolas Mesopotamiæ & regionis Soba nomen. Mihi verisimile est, de longinquis gentibus, quia plus formidinis incusserant, habitum fuisse sermonem: quia illustrius hoc fuit specimen gratiæ Dei, tam longe propagari Davidis imperium. Ergo vicinis gentibus præteritis, longinquos & solatama terribiles populos David commemorat, quorum strages propter nouitatem fere incredibilis erat. Quod autem in Sacra historia viginti duo millia numerantur, quum inscriptio hæc non nisi duodecim millia contineat: solutio facilis est. Illic enim dicitur Abisai profligasse copias, quarum strages hic ad fratrem eius Ioab refertur. Verum simul notandum est, inter se partitos fuisse exercitum. Quum autem Abisai gradu honoris & auctoritate inferior esset, mirum non est, quanuis communiter ambo hostes percussissent, laudem totius victoriæ summo duci tribui: sicuti etiam primo Samuelis capite decimo octauo, versu septimo Davidi, cuius auspiciis res gesta est, totum hoc tribuitur. Iterea probabile quoque est, in ipso prælii congressu occisum fuisse circiter dimidium numerum: alios autem dispersos, in fugam cæsos fuisse à Ioab.

3 *Deus repulisti nos, dissipasti nos: iratus es, reuertere ad nos.*

4 *Tremere fecisti terram, fecisti debiscere. sana contritiones eius, quia concussa est.*

5 *Ostendisti populo tuo durum, potasti nos vino stuporis.*

3 *Deus repulisti nos.* Incipit à precatione, quo se & alios melius excitet ad reputandam Dei gratiam. Interponitur enim comparatio, ex quo melius pateat Regnum Saulis à Deo fuisse reprobatum. Ergo de misera tristisque dissipatione conquestus, precatur vt rebus in melius mutatis, propitium se Deus exhibeat populo suo. Nam quod putant quidā Dauidem loqui de suis afflictionibus, non adeò quadrat. Fateor quidē, antequam regno sit positus, duriter fuisse probatum: sed quum se toti populo adiungat, ac deploret communes omnium miseras, mihi non dubium est quin per comparisonem illustret gratiam Dei, quæ statim ab exordio regni eius nouo modo illuxerat. Hac igitur ratione deplorat graues & longas calamitates, quibus propè afflicta fuerat Ecclesia sub Saule. Atque hoc notatu dignum est, quum gentiles suos acerrimos & scruissimos sensisset hostes, vbi nunc solio potitus est, obliuisci omnes illorum iniurias, quia suæ vocationis memor est: ideoque prodire in conspectum Dei quasi vnum ex populo. *Dissipationem* verò ponit quasi præcipuum malum: quia fractis vel attritis Saulis opibus, sic exposita hostibus terra erat in prædam, vt nemo domi suæ tutus lateret, sed omnes ad fugam & exilium, essent parati. Postea hanc vastitatem iterum metaphoricè describit, dicens non minori deformitate affectam esse terram, quàm si *hiatu abrupta* fuisset. Ne-

que enim terrā casmate diuulsam fuisse intelligit: sed ita collapsum fuisse vel deiectum populi statum, vt calamitas vbique conspiceretur qualis terra motum & hiatum sequi solet. Ex quo enim à Deo Saul defecit, cæperunt res eius pessum ire, donec in totum ipse periit, & populum reliquit ferè perditum ac deploratum. Certè omnes tunc erant in summo metu ac trepitatione: hostibus autem ludibrio erat Abrahamæ semen: nec iugum refugisset, si modò tolerabilis oblata esset seminitis conditio. His signis ostendit Dauid alienatum fuisse Deum à Saule, ideoque fontem omnium malorum detegit, Deum iratum fuisse dicens. Caterum, eundem qui percussit medicum nunc implorat, rogans vt sanet fracturas.

5 *Ostendisti.* Primò dicit populū asperum tractatum fuisse: & statim malorum acerbiteriam similitudine exaggerat, quòd inebriati fuerint vino soporis aut vertiginis. De nomine *תרעלה* ne Hebræi quidem Interpretes inter se conueniunt, quia multi transferunt Venenum. Sed facile est colligere Prophe tam de venefica potione specialiter loqui, quæ mentes sensu & intelligentia priuat: ac si dixisset Iudæos malis fuisse obstupefactos. Voluit enim Dei maledictionem, quæ sub Saule grassata fuerat, illis ante oculos ponere: vt deposita perniciacia, folium à Deo reprobatum suis auxiliis fulcire desinerent.

6 *Dedisti timentibus te vexillum, ad vexillandum coram veritate. Selah.*

7 *Vt liberetur dilecti tui serua dextera tua, & exaudime.*

8 *Deus loquutus est in sanctitate sua, latabor: diuidam Sichem, & vallem Suchoth dimetiar*

9 *Meus Galaad, & meus Manassé, & Ephraim robur*

*capitis mei: Iebuda Legislator meus.*

*10 Moab ollalotionis meae: super Edom proiciam calcem meum: Palaestina iubila super me.*

6 *Dedisti.* Quidam prateritum verbi tempus transferunt in optatum modum, ut continua sit precatio. Atqui David potius gratulationem votis permiscens, admonet, in mutatione quae contigerat, apparuisse clarum signum fauoris Dei. Agit ergo Deo gratias totius populi nomine, quia vexillum erexit ad recreandos animos, & colligendam dispersionem. Particulam quae sequitur, *coram veritate*, frigide, meo iudicio, & ieiunè accipiunt qui putant Deum Iudaeis ideo propitium fuisse, quia veraces & integri deprehensi erant. Scimus enim proceres fuisse bis & ter perfidos, totum etiam vulgus cum suo capite fuisse scindendum: quia à primo ad ultimum omnes ad extinguendam Dei gratiam conspirauerant. Itaque non dubito quin significet David exortam è tenebris fuisse Dei veritatem, ubi prater spem restitui subito coepit Ecclesia, quis enim non putasset irritas esse promissiones Dei in tanta desperatione? Dauid igitur in solum euecto, simul emer sit Dei veritas quae suffocata diu fuerat. Quàquam autem toti populo beneficiū hoc praestitum fuit, David tamen admonet Deum respexisse suos cultores, quantumvis paucos numero, ut eorum saluti consuleret. Postea ad precationem iterum redit. Nisi fortè initium versus, *ut euadant dilecti tui*, cum superiore sententia contexere magis placeat: in qua partem ego libèter inclino. nam in ipsa varietate David magnitudinem gratiae commendat, quod Deus suos animauerit ad tollendum vexillum, qui prius sine spe effugii in extremas angustias reducti erant, ut certa instaret perditio, nisi mirabiliter erepti essent. Quos autem prius dixit timentes Dei, eosdem nunc vocat dilectos: qua voce subindicat non ita rependere Deum suis cultoribus mercedè, quin simul gratuita dilectionis respectu habeat. Quod preces adiungit, eo monent, quantumvis in sublimè Deus nos exiuerit suis beneficiis, modeste tamen & humiliter semper

rogandum esse ut opus suum prosequatur.

8 *Deus loquutus est.* Haecenus experimenta attigit, ex quibus perspicere poterat nouus & iam aliquot annis in solitus Dei fauor: quia scilicet populum ex afflicto florentem reddiderat, & ita conuerterat fortunam, ut secunda victoria primam exciperet, secundam tertia. Nunc quod praecipuum erat, populi mentes reuocans ad promissionem, dicit Deum ore suo testatum esse quod effectum postea sanciuir. Nam utcumque Deus innumeris gratiarum exemplis nos obruat, nulla tamen vigeat eorum notitia, nisi praesulgente verbo. Possit autem hoc tam in totius populi quam in Davidis persona legi, & certè David, etiam si seorsum loquatur, minimè tamen se ab vniuerso corpore separat, cui praefectus fuerat in caput. Iubet ergo populum, si non sufficiant documenta gratiae Dei, animos ad hoc oraculum erigere, quo Rex fuerat destinatus cum praclaris elogiis. Ac Deum quidem locutum esse dicit *in sanctitate sua*: quod sicut de Spiritu sancto accipi non placet, quia nimis argutum videtur commentum: ita nescio an de Sanctuario intelligere còueniat. neque enim legimus responsum illic datum fuisse Samueli. Rectius ergo erit retinere nomè Sanctitatis: quia ut rata esset oraculo fides, constantiam suam atque adeò efficaciam promissionis multis signis declarauerat. Quia ergo nullus erat dubitationi locus, epitheto insignit quod per os Samuelis pronuntiatum fuerat. Subiicit continuò post, se in hoc Dei verbo praecipuè acqiescere. Tamen si enim multas victorias adeptus erat, quae proculdubio animum addiderant, se tamen plus à titis cepisse significat ex vocali testimonio, quam ex aliis omnibus signis. Et certè quantumvis ad nos exhilarandos plurimum valere debeant omnia Dei beneficia, meritò tamen summum gradum obtinet fides, quae & lethales omnes tristitias aboleat, & spiritali gaudio mortuos viuificet.

Porrò



Porrò non solum priuatim se latatum esse dicit, sed pios omnes accersit in societatem gaudii. Refert deinde oraculi summā, sed ita ut in ipsa narratione, fidei suæ certitudinem declaret. loquitur enim quasi de re sibi probè comperta & indubiat: sēque facturum gloriatur quod Deus promiserat. *Diuidam*, inquit, *Sichē & vallem Suchoth dimetiar*. Partes autē nominat quæ serò in eius potestatem venerunt: ac eo tempore Psalmus videtur esse compositus quo adhuc manebat eorum possessio penes filium Saulis. Quia ergo magnum de his regionibus certamen fuit Dauidi, quāuis serò, iugum tamen subituras esse dicit, quia Deus fidem suam interponere dignarus sit. Eadem ratio est *Galaad & Mynasse*. Quantum ad Ephraim spectat, quoniam tribus illa maxime populosa fuit, merito vocat robur capitis sui, hoc est principatus. Iam quo plus fidei oraculo cōciliet verustas, tandem addit *Iehudah fore sibi ducem*: ac si diceret, non aliter ritè posse coalescere Abrahæ posteros, nisi colligatur sub tribum Iehudah, vel ducem qui inde progenitus, fuerit: quia sic olim prædictum fuit à Patriarcha Iacob. Nam ad vaticinium illud alludit quod refertur à Mose Gen. 49. 10, Non exhibit sceptrū de Iuda, &c. Et illic etiā ponitur nomen **קְהָנָן** quod Legislatorem vertunt. Hinc ergo constat nullam fore stabilitatem imperii, nisi resideat in tribu Iehuda, quia Deus ab initio non modò sic decreuit, sed pronuntiavit sibi placere. Porrò aptius hoc ad totum populum refertur quàm ad Dauidem, sicuti nuper admonui non tam priuato nomine loqui, quàm suscipere

totius Ecclesiæ personam.

10 *Moab olla*. Transsit iam ad alienigenas, quos longè discernit à suis popularibus. dominari enim eum oportuit filiis Abrahæ tanquam fratribus, non autem mancipiis: in profanos verò & incircuncisos permissum erat durius imperium, quo eos violenter subigeret. Neque tamen victoribus licebit tyrannidis prætextum hinc petere, ut gentes bello deuictas pro libidine opprimāt: quia spectandum est Dei mandatum, in quo longè differunt à Dauidē: qui non tantum regia potestate ornatus fuit, sed creatus à Deo vltor Ecclesiæ, præsertim aduersus implacabiles illos aduersarios qui humanitatis obliti, cognatis suis molesti esse non destiterant. Contēptim Moabitas sibi peluim fore dicit ad pedes lauandos: quia scimus pedum lorionem fuisse in vsu communi Orientalibus. Eadem est ratio in projectione calcei super Edom. Est enim hoc signum contumeliæ: quia sicuti sacro & electo populo superbè insultauerant, ita seruiliter erant tractandi. Quod sequitur de Palæsthina, ambiguum est. Quibusdam videtur esse ironica loquutio, quasi exprobet David inanes iactantias Philistinis: quia integris adhuc viribus petulantē eum incessere solebāt. Et **וַיִּוֹרֶן** non modò clamare iubilo significat, sed etiam tumultuari, vbi se ad prælium concitant milites. Alii simpliciter exponunt de seruilī applausu: quia vicinque præfraetis animis iugum odissent, coacti tamen sunt victori suo adulari, sicuti Psalmo 18. 45, vidimus, Filii alienorum mentientur mihi.

11 *Quis deducet me in urbem munitam? quis deducet me usque ad Edom?*

12 *Annon tu Deus qui repuleras nos, & non egrediebaris Deus inter exercitus nostros?*

13 *Affer nobis auxilium à tribulatione, quia vana salus hominis.*

14 *In Deo faciemus virtutem, & ipse conculcabit aduersarios nostros.*

11 *Quis deducet me*. Iam per modū occupationis vltà progreditur, sēque reliqua à Deo sperare dicit, donec ca-

ptis hostium munitionibus, solidam victoriā adeptus sit. Nam quum adhuc multi acriter resisterent, videri potuit

ante tempus gloriari. Sed quia pollicitus est Deus amulos omnes populos sub eius potestate veturos & manum, quascunque adhuc difficultates vel discrimina restare cernat, Deo praesente securè pergit tanquam ad successus indubios. Urbem munitam quidam interpretatur Raborh, quæ metropolis erat Moabiturum. Sed rectius alii heterosin numeri esse docent, ac Dauidem indefinitè loqui de hostium viribus, quarum receptaculo confisi, statuerant minimè cedere. Ipse autem Deum sibi ad illas expugnandas ducem fore prædicat, sicuti in acie victoriam contulit. Iterum verò comparatione gratiam amplificat, quæ effulserat sub eius regno, ut inde legitimam ac sanctam esse suam vocationem probet. Deus (inquit) qui nos antehac deseruerat, & passus fuerat infeliciter bellare, nunc patefaciet mihi urbium portas, ut per cuncta hostium munitiones perrumpam.

13 *Affer nobis.* Iterum ad precationem redit: imò ab illa quam vidimus spei certitudine deducitur ad precandi studium. dicit autem, modò auxilietur Deus, ut non aliunde quidquid subsidii accedat, in sola eius manu plenam esse salutem. Sic enim ad verbum legitur, *& vana salus hominibus.* ac si diceret, Domine sicuti nullo adiutore indiges quæ virtutem tuam exere placere simulac testatus fueris te nobis favere, non erit cur humanam opem amplius expectamus: quia potentia tua fulgore omnes terrenæ opes evanescent. Quia tamen omnium ferè consensu copula hæc in causalem particulam resolvitur, ego quoque hanc interpretationem libenter admitto. Atque utinam probè cordibus nostris insideret hæc sententia. Vnde enim sit ut totus ferè mundus semper va-

cillet, vel spes vanas concepiat ad se instandum, neglecto Deo, nisi quod nemo gultat salutem Dei, quæ una sufficere debebat, quum extra eam quascunque se ab hominibus offerunt auxilia, fallaces sint præstigia? Nam quòd salutem hominum, quæ nulla est, opponit Dei sabiti, impropria est loquutio. nempe quia stultè varias salutes nobis in mundo imaginamur, per concessione[m] signemur nostris tribuit rei nomen. Neque enim si quando vitur Deus opera hominum in nobis servandis, vel munus illis suum resignat, vel eos ornat suis spoliis. Verè igitur ea quoque salus, Dei censetur, quæ per homines administrat. Sed nihil aliud voluit David, quàm fictitium esse quicquid aliunde quàm à solo Deo auxilii speratur. Hanc sententiam ultimo versu confirmat, quia ne quicquam possumus nisi eius virtute, & ipso iuvante inuicta fortitudine sumus instructi. Duobus enim membris constat quod dicit, *In Deo faciemus virtutem,* nempe simulac gratiam suam subduxerit Deus, concidere & effluere quicquid in hominibus creditur esse virtutis. rursum qui in solo Deo fortes sunt, perfectæ virtute esse præditos, ut superandis cunctis difficultatibus pares sint ac idonei. Ac ne putetur dimidiam solum fortiter agendi laudem Deo aspergere, totum opus in solidum ei postea vèdicat, quum addit *conculcatum hostes.* Quòd si contra homines pugnando, laudem agendi inter nos & Deum partiri fas non est: quanto minus tolerabile est sacrilegium, in salute promerèda vires liberi arbitrii, Spiritus sancti gratia[m] opponere, ac si æqualis esset concursus? Sua itaque superbia se præcipitant quicunque seorsum à Deo sibi arrogat vel minimam guttam virtutis.

## ARGUMENTVM PSALMI LXI.

*Quoniam Psalmus hic à precatione incipit, vel saltem breviter refert orationem à Davide conceptam quum cum promereri gratia[m] auxilia: maior tamen pars in Dei laudibus & gratiarum actione consumitur: quia prædicat se diuinis ab ingenti periculo, qualescunque illud fuerit, liberatum fuisse & in solio regio stabilis.*  
Psalmus LXI.

**P**refecto super Neginoth Davidis,

2 Audi Deus clamorē meum, attende precationi meæ.

3 Ab extremo terra ad te clamabo dum angitur cor meū,

in

*in arcem qua exaltatur supra me deduces me:*

4 *Quia fuisti spes mihi, turris fortitudinis à facie inimici.*

5 *Habitabo in tabernaculo tuo in secula, tutus ero in abscondito alarum tuarum. Selah.*

2 *Audi Deus.* Tametsi non prorsus certum est quo tempore compositus fuerit hic Psalmus, coniectura tamen magis probabilis est, Dauidem aliquandiu positum fuisse regno, dum in has de quibus loquitur, insidias incidit. Et ego libenter eorum subscribo sententia qui ad tempus conspirationis Absalom referunt: quia non potuit nisi profugus, ab extremis terræ finibus clamare, quod secundo versu dicit se facturum. Iam in ipsa prece vehementem affectum *clamoris* nomine designat: quia siue submissus conquectus sit apud Deum, siue altius vocem extulerit, interior tamen animi impetus & zeli ardor clamori merito confertur. Repetitio quoque ostendit constanter perseverasse in precibus. Atque hæc assiduitas exemplo nobis esse debet, ne fatigemur orando, quantum non statim palam faciat Deus se votis nostris fuisse propitium. Per *extremum terræ* non dubito quin locum exilii denotet, ut prohiberetur ab accessu Sanctuarii & Urbis regię. Nam quod nonnulli allegorice accipiunt, acsi diceret ex profunda abyssu se orare: parum solidum mihi videtur. Iam quia postea se Regem nominat, quod nusquam dixisse legitur ante Saulis mortem, colligere promptum est notari tempus illud quo trepidè fugiens furorem filii Absalom in desertum Mahum & alios recessus se abdidit. Nam quia Deus montem Sion elegerat tam domicilio Arcę fœderis, quam Regis solio, dicit Dauid se eiectionem esse in extremos terræ angulos, quia à præcipua & maxime optabili parte eiectionis erat. Iam si Dauid sub umbratili Legis cultu, quantumvis à Sanctuario longè profugus esset, orare tamen non destitit, nulla erit hodie torporis nostri excusatio, nisi fide in cælum conscendimus, quæcunque obstacula nobis obiciat Satan, quando nos ad se tam benignè Deus inuitat, & via patefacta est per Christi sanguinem. Ergo quibus a-

blata est Verbi prædicatio, & qui Sacramentis priuati, ab Ecclesia Dei exulant, Dauidis tamen exemplo, discant, ab ipso deserto & longa distantia ad Deum clamare. Tristitia & mœroris postea meminit. Deinde adiungit, se ab omnibus refugiiis fuisse exclusum, quo clarius in ipso exitu resulgeat Dei gratia. Quia verbum *quod* Hebræis tegere interdum vel inuolucere significat, verunt quidam hoc loco, *Dum voluitur cor meum*: acsi diceret iactari sursum & deorsum, vel æstuarè. Verum hæc expositio durior est. Rectius alii, Dum curis & molestiis inuoluitur vel obruitur cor meum. Ego quod simplicius erat sequi malui: quanquam metaphoram illam non repudio. Cæterum hac particula restatur sibi tristitiam non obstare quominus ad Deum confugiat. De externa tatione nuper diximus, quum à Sanctuario procul remotus esset, distantiā, quæ interposita erat, superasse, ut clamorem suum ad Deum dirigeret: nunc fatetur non fuisse sibi cor ferreū, vel Stoica duritie obstupescitum contra dolores & molestias, sed intus quoque difficilem sibi fuisse luctam cum mœstitia & anxietate cordis. Ergo quo magis se cōstringi agnitione vel cura sentiunt fideles, eo fortius eniti conuenit, ut hæc impedimenta perrumpant. Hæc verò summa est, ut Deus in tutū asylū, à quo videtur excludi, eum recipiat. Rupis enim vel *arcis* nomine securam protectionem intelligit: ab ea se dicit arceri, quia, nisi Dei manu erectus, gradū promouere nequeat. Nam quum vndique circumspiceret, tuta omnia & tranquilla loca quodammodo in sublime attolli putabat, & accessum negare. Conqueritur ergo omnia auxilia sibi abripi, & à se procul alienari: sed interim quantumvis nulla appareat liberationis ratio, se tamen non dubitat fore saluum, si modo Deus porrigere manum velit. Simplex itaque absque figura sensus est,



Quauis mihi subtrahantur omnia auxilia, & totus mundus effugia omnia præcludat, tu Deus præter spem me eripies. Quæ doctrina apprime notatu digna est, vt discamus salutem, quæ à Deo speranda est, proprio carnis sensu non metiri, nec subsistere in mediis quæ occurrunt, sed Dei arbitrio permittere arcanos seruandi modos. Nam quisquis formam præscribere tentat, videtur data opera immensam Dei potentiam in arctum cogere.

4 *Quia fuisti spes mihi,* Vel superiora Dei beneficia confirmandæ fidei suæ causa in memoriam reuocat: vel sibi iam de præsentī liberatione gratulatur. Vtrunque enim probabile est. nam quum nihil nos ad bene sperandū melius animet, quàm recordatio cognitæ & perspectæ Dei gratiæ, in hac meditatione Dauid sæpe inter precandum se exercet. Quia tamen reliquum Psalmum in gratiarum actione consumit, absurdū non erit hinc exordium facere. Quamquam si placeat hic sensus, particula *Quia* affirmatiua potius erit quàm causalis. Versu quidem proximè sequenti securè gloriatur sibi posthac locum semper fore in Sanctuario Dei. Nam quòd putant quidam adhuc eum profugum, &

à patria extorrem, reditum sibi promittere, nescio an conueniat. magis enim videtur de restitutione lætari, quàm longinquam consolationem doloris sedandi causa accersere: quod ex sequenti cōtextu melius patebit. Quanquam autem postliminio in suum palatium reuersus erat, Regiæ tamen dignitati, opibus, splendori, & deliciis cultum Dei præfert. Sicuti enim alibi ostendit, inter sæuissimas calamitates nullo dolore aequè se cruciari, quàm quòd pietatis exercitiis carebat: sic nunc ad felicitatē pluris æstimat, suppliciter coram altari iacere, quàm sedere in Regis solio. Cæterum continuo post declarat se sub externis illis figuris non superstitiose coluisse Deum, vt solebant crassi homines. sibi enim quietem eligit *sub vmbra alarum Dei*. Nam quum visibili Tabernaculo rude vulgus Deum affigeret, Dauid hoc symbolo admonitus, spirituale fidei intuitum sursum extulit. Neque tamen inficior quin vbi de vmbra alarum loquitur, ad Cherubim alludat. Tantū hoc nobis fixum maneat, Dauidem non fuisse retentum in mundi elementis, sed sursum fuisse euectum, vt spiritualiter Deum quæreretur ac coleret.

6 *Quia tu Deus audiuisti vota mea, dedisti hereditatem timentibus nomen tuum.*

7 *Dies super dies Regis adicies, anni eius sicut generatio & generatio.*

8 *Habitabit in seculum coram facie Dei: clementiam & veritatem para, custodient eum.*

9 *Sic canam nomini tuo in seculum, vt reddam vota mea quotidie.*

6 *Quia tu Deus audiuisti.* Confirmat quod nuper dixit de quiete statione sub alis Dei. Inde enim subita lætitia, quòd Deus exauditis eius precibus tenebras in lucem verterat. In nomine *vestrum* est synecdoche. nam quia precando vota nuncupauerat, sub vna parte totum intelligit. Summa est, quauis prudenter colligendis viribus tempus sumpsisset, Sacerdotum etiam fauore, & strenui militum opera esset adiutus, sta-

tum tamen suum nonnisi certa & manifesta Dei virtute recuperasse. Si in nomine *MY* esset litera *h*, nulla esset ambiguitas quin generaliter diceret, Deum hereditatē dedisse suis cultoribus. Nunc potest alter sensus non male quadrare, datam fuisse Dauidi hereditatem quæ manet omnes Dei cultores. Ego tamen generalem sententiam libentius amplector, Deum nunquam frustrari seruos suos, quin perfunctos certamini-

raminibus & molestiis, quibus exercet ac probat eorum fidem, æterna tandem felicitate donet. Obliquè enim stultam confidentiam ridet Dauid, quæ exultat impii in rebus prosperis, quantisper illis indulget Deus, vel parcat. Illa enim felicitas, in qua sibi placent, non nisi imaginaria est, statimque evanescit. Dauid autem nomine *hæreditatis* seruos Dei non euanida prosperitate, sed solido firmoque gaudio frui docet: quia temporales vel momentaneæ afflictiones, quibus probantur, adiumenta sunt æternæ salutis. Gratiæ itaque agit Deo, quia nō ad triduum duntaxat exhilaret suos cultores, sed in certa & stabili vita eos confirmans, quasi hæreditarium illis fundum assignet. Et certè quum fide non possideant impii Dei beneficia, quasi ex raptō in diem viuunt. Vera autem & legitima bonorum fruitio penes solos Dei cultores residet.

7 *Dies super dies.* Non potest ad Davidis personam restringi hæc gratulatio. Etsi enim prorogata fuit eius vita vsque ad vltimum senium, & pacato Regni statu, tradita etiam filio successione, satur dierum inortuus est: non tamē excessit vnus hominis ætatem: & maior etiam vitæ pars multis ærumnis, curis & doloribus miserè confecta fuit. Quare nō dubium est quin istam annorum seriem atque etiā ætatem ad Christum vsque contineret. diximus enim iam sæpius qualis fuerit illius Regni cōditio: nempe vt Deus populum vnū sub vno capite collectum tueretur: ac rursus ex dissipatione colligeret. Iam verò ad nos quoque pertinet ista successio, quia Christum non in se modò, sed in suis membris vsque ad finem mundi viuere oportet, sicut dicitur Iesaiæ 53. 8, Generationem eius (vel ætatem) quis enarrabit? Quamuis enim varix tempestates & procellæ, variæque hostium insultus

quotidie multas ruinas Ecclesiæ minentur, denuntiat tamen Propheta seculis omnibus fore superstitem: Dauid verò vsque ad Christi ipsius aduentum continuam Regni propagationē prædicit.

8 *Habitabit in seculum.* Simplicior loquutio est, quàm quum nuper dicebam, *Habitabo in tabernaculo.* Se enim Dei protectione securum & tranquillum fore dicit, quia eum habebit vitæ suæ custodem. Neque enim dubium est quin per *Dei faciem* notetur prouidentia & paterna cura quam de suis suscipit. Ecce certè inter tot pericula quibus vndique obsidemur, ne ad momētum quidem staremus, nisi nos Dei oculus saluos præstaret. Hæc autem vera est beatæ vitæ stabilitas, vbi persuasi sumus diuinitus eam gubernari. Sequitur altera postulatio, vt Deus *clementiam & fidem* decernat, custodiendo & tuendo Regem: cuius potest duplex esse sensus. Quia enim humanitas & fides veræ sunt Regnorum fulturæ, nō absurdum esset, Dauidem sibi petere mansuetudinis vel clementiæ & integritatis spiritum, vt hoc modo in regno stabiliatur. Meo tamen iudicio probè conueniet alter sensus, vt Deus ad custodiendum Regem clementia & veritate sua se accingat. Nā *יהוה* non tantum parare, sed etiam præficere vel decernere significat: ac si dixisset Regni sui fidelem custodiā in sola Dei misericordia & fide includi. Interea verbo *parandi*, vel præcipiendi ostēdit Deo esse in promptu media quibus suos cōseruet. Tandem concludit se constanter & assidue operam daturum canendis Dei laudibus ad vota sua soluenda. vbi iterum notāda est harmonia inter duas inuocationis Dei partes: quia Dauid nō minus in mediis periculis ad Dei opem confugit, quàm gratum se ostendit postquam liberatus fuerat.

## ARGVMENTVM PSALMI LXII.

Psalmus hic magna ex parte meditationes continet, quibus Dauid se & alios ad spem in Deo locandam animat, & contra tentationum certamina armat & instruit. Quia verò nihil proclinius est quàm sensus nostros fallacibus mundi illecebris à Deo abstrahere effluant & evanescant, acriter in hanc vanitatem inuehitur, vt se, & alios in solo Deo contineat.

Psalmus LXII.

Bb. ii.

**P**raefecto super Ieduthun Psalmus Davidis.

2 Veruntamen ad Deum silet anima mea, ab ipso salua mea.

3 Veruntamen ipse est rupes mea & salus mea, arx mea: non mouebor grauiter.

Quia scitur Ieduthun vnum fuisse ex præcipuis cantoribus, putant quidam mandatas ei fuisse partes canendi huius Psalmi. Et certe Psalmo 39, probabile est notari cantorem ex illa familia. Sed hic diuersa videtur ratio, quia non dicitur Psalmus ipsi Ieduthun fuisse datus, sed super Ieduthun. Vnde nonnulli coniiciunt celebris cantilenæ fuisse initium. Cæterum quia particula **וְ** tantundem sæpe valet atque latinum ad, vel propter, vel coram, vel apud: non male quadrabit, Psalmum hunc fuisse depositum apud posteros Ieduthun. Hoc de inscriptione breuiter dictum sit. Si placeat versio quam posui, Psalmus ex abrupto incipiet, sicuti pathetica sententiæ ut plurimum defectiue sunt: ac omnino tale initium est Psalmi 73. Nā, ut illic clarius videbitur, Propheta ex disceptationibus inter quas æstauerat mentem suam colligens, ac si ansam conerariis rationibus præcideret, aduersatiue pronuntiat, Deus tamen Israeli suo bonus est, Idem & de præsentis loco sentio. Scimus non ita compositas esse piorum mentes, quin sæpe alternis fluctuationibus iactari contingat. Dei quidem verbum placido silentio excipere cupiunt: & si eos castigat, obmutescere: sed interim multi incompositi affectus tumultuando, fidei & patientiæ silentium perturbant: vnde fit ut ebulliant homines: nec minus sua impatientia molestiam & inquietudinem sibi accersant, quam Deo sint obstreperi. Particulam **וְ** quia sæpe exclusiua est apud Hebræos, quidam vertunt Tantummodo: quia verò aliquando affirmat, alii reddunt per Vtique vel certe. Sed plenior sensus cõstat repugnantiam illam subaudiendo, à qua se violenter expedit David, ac si captiuos tenens suos sensus, in obsequium cogeret. Quia igitur turbulentos in eo affectus excitauerat Sa-

tan, eumque impulerat suis machinis ad aliquam intemperiem: nunc seipsum refrænans, statuit sibi *tacendum esse*: quo verbo intelligit patienter & sedato animo ferendam esse crucem. opponitur enim inquietudini, qua contra Deum insurgimus. denique silentium hoc nihil aliud est quam composita subiectio, dum acquiescunt fideles in Dei promissionibus, locum dant eius verbo, imperio obtemperant, omnemque affectuum strepitum in cordibus suis cohibent.

**וְשִׁי** quidam nomen formale esse putant. sed quia ad summam rei parum refert, non adeò laboro. Tertio versu iterum **וְ** aduersatiue sumi sentio. Neque enim sufficit vno prælio vel congressu victores esse fideles in tentationibus, quia mox de integro nouas illis pugnas mouet Satan. Ergo David, quanuis iam emerferit ex ipso gurgite, quia tamē nō omnes difficultates euasit, secundo lustratur. Quinetiam hæc particula sexies in hoc Psalmo nobis occurret. Atque hæc ratio est cur Deum multis epithetis insigniat, vt totidem scilicet clypeis excipiat ac repellat Satanæ insultus. In fine versus, vbi dicit, *non labar*, vel nō mouebor *grauiter*, subindicat fieri quidem posse vt prematur rebus aduersis, quia sciebat communibus in cōmodis se esse obnoxium: sed sibi persuadet casus non fore mortiferos, quia Deus supponet manum suam. Postea simpliciter dicet absque adiectione *Non nutabo*, vel non labar: forè quia oratio profecerat, vt cōfidentius afflictiones despiceret. Quamquam potius videtur idem velle utroque loco. Et certe quanuis ad tēpus afflictii iaceant fideles, quia tamen nō succumbunt quin saltem Deus eos attollar, hoc non est propriè cadere: imò quum Deus Spiritu suo eos sustentet, non est percelli nec labi.

4 Quousque prorrabehis insidias viro? occidemini vos



*omnes quasi paries inclinatus, maceria impulsus.*

5 *Tamen de eleuatione eius consultant ad impellendum: diligunt mendacium, ore suo benedicunt, & in cordibus suis maledicunt. Selah.*

6 *Veruntamen ad Deum sile anima mea, quia ab ipso expectatio mea.*

7 *Veruntamen ipse rupes mea, & salus mea, arx mea, non labar.*

4 Quousque. Verbum תהתהו putant quidam sumi pro cogitare vel machinari insidias. Alii interpretantur linguam protrahere in signum ludibrii. Alii vertunt, Irruere. Mihi videtur optimè quadrare, Quousque cogitabitis super virum? vel, peruersis cogitationibus non desinetis exitium viro machinari? Hostes enim suos insimulat obstinata malitia, quòd nullum non moueant lapidem ad nocendum, nouaque subinde exitia moliantur. Quo exemplo docemur, patienter ferendum esse quoties hostes nostri insanguinabili sauitia pergunt nefaria in perniciem nostram consilia inire: & Satan etiam noua subinde artificia illis suppeditat. Sed videndum quorsum spectet similitudo quæ mox additur. Quidam putant impios conferri parieti inclinato, qui assidue minatur ruinam, sicuti illi in suis sceleribus ad singula momenta labascunt, donec ruant præcipientes. Mihi potius aliò spectasse videtur David. nam sicut paries malè coagmentatus ventrem proiicit, & ferè suam latitudinem externa specie duplicat, quum interior vacuitas in ruinam tendat: sic impii fastus sui vento rurgentes, suarum consultationum terrorem dilatar. Sed quemadmodum paries vitiosus, intusque corruptus, subito impetu cadens, non modò seipsū frangit propria mole, sed conterit in minutas partes, ita hostibus suis David inexpectatam ruinam denūtiat, & qua prorsus conterantur. Nam quum 772 gader propriè quamlibet clausuram significet ex leui infirmæque materia composita, additur tamen epitheton, impetiosi & violenti casus exprimendi causa. Significat ergo David, quauis in sublime erecti sint hostes sui, & ex largo fastuo-

soque pulmone atroces minas crepent, ruituros tamen subito & quidem præcipiti casu, intlar parietis impulsi.

5 *Tamen de eleuatione eius.* Semper aduersariè interpretor particulā 78: quia sicut David ab vna parte ædificat fidem suam, vt firma recubat in gratiam Dei: ita sibi ex aduersa parte proponit hostiū machinationes, superbiæ, crudelitatis, fraudum & audaciæ plenas: acsi diceret, Quauis omnia conando, nihil aliud proficiant nisi quòd se impellunt præcipientes, furore tamen correpti non desinunt semper noui aliquid intendere ad me deiiciendum. Obliquè vero subindicat nō tā sibi quàm Deo bellū interri: sicut apud Poetas pingitur impietas sub Gigantū persona. Neque enim satis animosi Dei hostes sibi videntur, nisi caput efferant supra nubes. Primum David in tertia persona sic de se loquitur, vt tamen diuinitus se exaltatum fuisse intelligat. Quanquam potest etiā commodè intelligi Dei ipsius eleuatio: summa tamen huc redit, impios toto conatu incumbere ad eum opprimendum quem Deus extulit, & in sua altitudine vult tueri. Sequitur autem, bellum eos suscipere cum Deo, qui opus eius euertere conantur. Huc pertinet secundum membrum, *diligere fallacias*: quia scilicet legitimam eius vocationem non ferentes, peruersa consilia quotidie excudere non cessabant, quæ in ipsorum capita reciderent. sicut etiam Psalmo 4. 3. dixit, Filii viri vsquequo gloria mea opproprio? diligitis vanitatem, queritis mendacium? Selah. Quanquam potest etiam mendacii nomen referri ad occultas fraudes, quibus insidiosè adoriebantur sanctum virum: quia mox sequitur, *ore suo benedixisse, quum tamen* Eb. iii.

*in corde maledicerent.* Vtunque sit, contra omnem perfidiam, omnes fraudes & noxas hoc vno se munit Dauid, quod in Dei futuram recumbens, frustra omnibus aduersis machinis imperitur.

6 *Veruntamen ad Deum.* Viderur quædam esse repugnantia species. Nam quod antè animam suam fecisse iactauit, nunc hortatur vt faciat. Si iam Deo filebareius anima, quorsum opus fuit nouum silentium indici, quasi tumultuaretur? Sed notandum est, nunquam ita bene pacatas esse mentes nostras quin sentiant cæcos motus: quemadmodum si mare commoueat leuis aura, non vt magno furore surgant fluctus, sit tamen aliqua fluctuatio. Quum ergo non sine aliqua iactatione se contineant piorum mentes, non abs re Dauid animam suam, quæ iam quæta erat, conticescere iubet. ac si diceret, sibi magis ac magis proficiendum esse in hoc silentio, do-

nec carne in totum subacta, compositus sit ad Dei obsequium. Deinde videmus vt sæpius ad nouam inquietudinem titillet Satan qui videntur optimè sedati. Vt autem sumus instabiles, & ad varios motus plus satis proni, opus est noua confirmatione. Quare ne miremur si Dauid animam suam quæ iam silentio assueta erat, rursus tacitam esse iubet: quia inter carnis impulsus nunquam perfectè quiescimus vt decebat. Et periculum est ne exorientibus subinde nouis Ventis, turbetur interior nostra tranquillitas: idèoque exemplo Dauidis, ad pergendum nos horremur. Silentii sui causam ponit quia etsi non statim respondeat Deus, in eo tamen tutò speret. Nam *expectationem suam à Deo* esse dicit, quia suorum patientiam nunquam frustratur: Reposita (inquit) certa est merces silentio meo, idèoque me cohibebo, ne festinatio mea salutis meæ cursum perturbet.

8 *Ad Deum salus mea, & gloria mea, rupes fortitudinis meæ, spes mea in Deo.*

9 *Sperate in eo omni tempore popule, effundite coram facie eius corda vestra: Deus spes nobis. Selah.*

10 *Veruntamen vanitas filii Adam, mendacium filii viri, in statera vt ascendant ipsi præ vanitate simul.*

11 *Ne confidatis in oppressione & præda, ne euanesca- tis: diuitia si affluant, cor ne apponite.*

8 *Ad Deum salus mea.* Accumulat quicquid potest ad se retinendum: quia nihil infirmitati carnis nostræ proclius est quàm dilabi ab vagos errores. Fatebimur vno verbo, non aliunde quàm ab ipsi petendam salutem esse: sed eius virtute diffusi, hinc inde cupiemus accersere subsidia quæ defectum suppleant. Quotquot ergo elogiis celebrat Dauid potentiam Dei ad seruandum, totidem futuris ad constantiam se confirmat: totidem etiam frans cõpescit carnis suæ leuitatem, nequam salutis suæ partem alibi quàm in Deo quærat. Post quam verò probè se animauit, sermonem conuertit ad alios, & ad certaminum societatem inuitat, quæ victoriæ & triumpho pariter sint consortes *Populus* appellans, mihi dubium non est

quin Iudæos designet: quia antequàm Gentib⁹ illuxisset religio, & Dei notitia, nò alibi quàm in Iudæa vigere poterat spes, ac Dei inuocatio: & clarè electum populum à profanis Gentibus discernit: ac si diceret, indignum esse nisi se totos Deo addicant Abrahæ filii, quibus patefacta est eius gratia, & quos in suum patrocinium recepit. Tempus autem omne intelligit siue prosperum, siue aduersum, significans perperam eos facere qui ad minimam quanque inclinationem cedunt, ac declinant. Quauis itaque afflictionibus suos probet Deus, fortiter in spe & tolerantia standum esse admonet Dauid. Nam hypocritæ, qui in rebus lætis Deo plaudentes, simulac cõtigit aliquid aduersi, animis deficiunt, non sine graui eius iniuria

iniuria Ianuam præcludunt eius potentia. Dandus itaque honor est Deo, ne in grauissimis quibusque malis solari nos definat hæc cogitatio, penes ipsum esse exitus mortis. Iam quia in angustias contrahuntur corda hominum rebus aduersis, & hoc vitio nihil aliud quam se ipsos exasperant contra Deum, mæroremque suum augēt, optimum remediū adhibet Dauid, vt fideles curas suas in Deum exonerando, quodammodo *ante eum oculos corda sua effundant*. Quantisper enim obleratū est cor dolore, nunquam exeunt liberæ preces. Ergo ne obruant nos tentationum onera, hinc nobis leuatio petenda est, quod ægritudini nostræ succurret Deus, modo ne in illius sinum eam relicere negligamus. Porro quum maligna quædam restrictio omnium ferè animos occupans, tandem in desperationem coniciat, eo nobis utilior est Dauidis admonitio. Nam quantum omnes ad quærendos malis suis exitus nō minus solertes sint quam seduli: quia tamen data opera subterfugiunt Dei cōspectum, meros sibi labyrinthos fabricant. In summa, Dauid morbum naturæ nostræ ingenitum corrigit, quia dolorem nostrum occultando, frantum intus rodere malumus quàm pias quærimonas & preces apud Deum fundendo, nos leuare. Vnde fit vt magis ac magis impliciti doloribus, mergamur in desperationem. Iam quod de se vno prædicauerat, extendit ad totum populum, saluum fore pronuntians sub Dei custodia.

IO *Vequantamen vanitas.* Si **77** affirmatiuè accipere libeat pro Certè, vel vtique, erit superioris sententiæ confirmatio: & à repugnantibus ostendit Dauid, quū homines ipsa vanitate sint vaniores, nihil aliud restare, quàm vt spes omnes suas ad vnum Deum referant. Aptè tamen contextus fluat si dicamus, quia videbat Dauid sine profectu furdis se canere hanc doctrinam, quod populus pro suo ingenio diffunderet in spes fallaces, nunc præ indignatione exclamare. Atqui mera vanitas regnat in filiis hominū. Hoc modo damnetur cæcæ hominum incredulitatem quibus satis est vanis illecebris se deipere, quàm inniti Dei promissionibus,

quæ fallere nequeant. Porro quia tantā vanitatem deprehendebat Dauid in electis Abraham filius, pronunciat in genere totum humanum genus mendaciis esse deditū. Nam per aduerbium **777** significat cunctos sine exceptione appetere errandi causam. Iam verò vbi audimus non in paucis hominibus daminari hanc prauitatem, vt vanitate vaniores sint, sed in ipsa natura: quid residuū fieri dicemus rationi, & prudentiæ, ac libero arbitrio? Nec obstat quod fideles hoc morbo purgat Deus: quia si regeneratione Spiritus in illis corrigitur mendacium & vanitas, sequitur natura fuisse mendaces. Et si autem primus homo integer à Deo creatus est, suo tamē lapsu in hanc corruptionem nos traxit, vt prorsus obtenebratum sit quicquid lucis diuinitus nobis datum erat. Si quis obuiat, residere tamen in hominibus non spernenda Dei dona, quibus inter omnes alias creaturas excellunt: solutio facilis est, Quauis præclaris dotibus ornati sint homines, corruptitamen peccati labe, & euanesce in nihilum. Solæ enim Dei cognitio facit vt suam præstantiam retineat quicquid donorum in nos contulit Deus: alioqui vitiantur peccati contagione, quæ huiusmodi integritatis guttam in hominibus reliquit. vnde merito exclamat Dauid cunctos mortales vanitatē esse ac nihilū.

II *Ne confidatis.* Hic admonet Dauid, non ante solidè considerare homines Deo, quàm exuerint fallaces omnes fiducias, quæ totidem sunt auocamenta. Itaque omnia impedimenta tolli iubet, & vitiis quæ Dei locum occupant, animos purgari. Quāquam autem species tantum quasdam attingit, per synecdochen significat nunquam syncerè & absque fūco cor hominis Deo esse additū, donec se contrariis omnibus fiduciis explicuerit. Per rapinas & prædam intelligere possumus tam ipsum rapiendi actum, quàm res malè & iniuste partas. Certum quidem est hac exhortatione reprimi libidinū audaciam, quæ mentes exæcat, vt licere putet quicquid impune conceditur. In contextu etiam variant Interpretres. Quidam enim singulis nominibus sua verba attribunt, hoc modo, *Ne confidatis*



in rapinis, ne euanescentis in praeda: & si diuitiæ affluant, nolite cor adiacere. Alii cum vno verbo contextur rapinas & prædam. Verbum autem euanescenti seorsum indefinitè legunt. Vtranvis syntaxin eligas, non multum ad summam rei interest: quia vbi vāsanam audaciam, qua inflati sunt prædones, dā nauit Propheta, proprio eam nomine designat, quòd scilicet mera sit illusio, in qua euanescent homines. Imò Propheta vno verbo pronūtiat, spes omnes quæ à Deo ad creaturas nos abstrahūt, lusorias esse ac mendaces, præsertim vbi malis & peruersis artibus discescere appetimus. Postquam autem prauas cupiditates damnauit, in quibus palām apparet scelus, subiicit continuo pōst, caue

*12 Semel loquutus est Deus, bis hoc audiri, quòd potestas sit Deo,*

*13 Et tibi Domine clementia. certè turependes cuique secundum opus suum.*

*12 Semel loquutus.* Concludit non aliter posse abstrahi animos à vanitate quàm si penitus & constanter in Dei iudicium intenti sint. Quū igitur huc & illuc ideo raptentur hominum mentes, aut saltem vacillent, quia ad varias mundi inclinationes alternant, tranquilla statio ostenditur à Dauide, vbi scilicet patienter acquiescimus in verbo Dei. Caterū quia ad Deum qui lucem habitat inaccessā, 1. Tim. 6. 16, nemo perueniet nisi fide directrice, Propheta verbum nobis proponit, quo testatur Deus mundū se regere iusto imperio. Et quia magnopere interest nos in Verbi fide stabiliri, eius certitudinem commēdat. Quāquam autem duobus modis contexti possunt verba, finis tamen est Deū sibi probè confitare, vt minimè timenda sit mutatio quum sermonem protulit. Multi ita legunt, Semel ac bis, vel altera vice loquutum esse Deum: vt repetitus sermo ad confirmationem valeat: ac si dixisset, Deum clarè suam potentiā & bonitatem semel atque iterum asseruisse, vt iam ambigere fas non sit. Et locus Iob. 33. 14, non multū videtur ab- similis, quòd Deus semel & altera vice loquatur. eadem enim sunt verba nisi quòd copula interponitur. Sicut magis

dū etiam esse ne opes quauis iustis modis partæ, nos teneant sibi affixos. Porro *Cor adiacere ad diuitias*, non tantū significat nimis cupidè ad eas inhiare, sed earū fiducia perperā efferri, & altū sapere, vt dicit Paulus Rom. capite 11. versu 20. Iam verò quā non superna sua hæc admonitio, quotidiano vsu docemur. Nihil enim magis commune, quā ferociam gigni ex abundantia: mentes verò fastu excæcatas non minus in Deū proteruire, quā insolescere effræni nocendi licentia. præsertim metuenda est furiosa illa cæcitas, ne cum Dei contumelia supercilium nimis altè tollat qui potentiæ suæ fiducia ebrius, suæ fragilitatis obliuiscitur.

adlubescat altera distinctio, *Semel loquutus est Deus, hoc bis audiui*: fruatur suo sensu. Nam & circumstantiæ loci bene conueniunt, & inde eliciuntur vtilis doctrina, quia Deus vbi semel loquutus est sermonem, non retrahat: nostrum esse, diu & prolixè meditari quicquid ex sacro eius ore profectum est. quasi dixisset Dauid, Deus verbo suo nos docet: quod instar perpetui & immutabilis decreti habēdū est: ego vero in verbo eius me sapius exercui, ne temporis successu obreperet huius doctrinæ obliuio. Sed quia simplicior esse videtur altera loquutio, Semel & bis loquutum esse Deum, in illam faciliè inclino. Interea tamen repudianda est eorum argutia, qui dicunt Semel loquutum esse in Lege, iterū deinde in prophetis, quia nihil aliud voluit Dauid quā huius doctrinæ auctoritatē probè sancitā esse: sicuti firmus ac magis ratū nobis esse solet quod sapius promulgatur. Interea meminerimus, simul ac verbū protulit Deus, mox absque cōtrouersia acquiescendū esse: sicuti impuri quidā canes doctrinā amplecti recusant quæ non sit probata tribus vel quatuor Scripturæ testimoniis. Nam & ita apud nos blaterare ausus est nebulo ille, qui gratitiam Dei electionem

& arcānam prouidentiam euertere tentabat. Neque enim Dauidi propositum fuit Deo legem imponere sapius loquēdis, sed dubitationem eximere eius doctrinæ, quæ disertis verbis, non ambiguis testata est. Dauid postea exemplo suo docet, pia attentione reuerenter excipiendum esse Dei sermonem, neque respiciendum quo maior pars solet fastidio. Quia verò non promiscuè quælibet doctrinæ capita hic notat, contexere operæ pretium est quod continuò post addit. Si cupimus firmis animis excipere tentationum fluxus, tribuendum esse Dei potentiam & clementiam suam honorem, quia nunquam à recta linea deflectet quisquis seriò persuasus erit, nihil contingere nisi Dei arbitrio, eumque non minus clementia quàm imperio pollere. Postquam ergo honorificè Dauid de verbi Dei fide præfatus est, nunc dicit se edoctum esse de eius omnipotentia & bonitate. Quidam interpretantur instructum esse Deum potentia ad iuandos fideles: simulque sua clementia adduci ut velit. Rectius tamen, meo iudicio, alii distinguunt, robur esse Deo ad coercendos impios, quantumuis superbè exultent, imò satis robustum esse ad frangendam eorum duritiem: suos autem fouere & tueri, quia nunquam clementiæ suæ & bonitatis obliuiscitur. Quisquis autè ad hanc Dei potètiā & bonitatem, quas à Deo separare fas non est, sensus suos referet, inter sensissimas quasque iactationes rectus & quietus stabit. Vbi autem Deum exuimus sua virtute, ut vulgò fieri solet, æquum est nos vicissim præsidio isto nudari quod ad repellendas omnes tentationes sufficeret. Quia mundus otiosum Deum imaginatur, quomodo non ad minimos quosque motus trepidaret, qui ad cæcos fortunæ impetus se expositum esse putat? Hinc ergo tranquilla securitas, si mundum subiicientes Dei imperio, nos illi ac vitam nostram permittimus. A potentia autem incipere cōuenit, ne dubitemus tuto munimento protegi quicumque sub eius manu degunt: sed statim clementiam adiungi cōuenit, nequa nos anxietas torqueat. Alioqui in animum subibit hæc disceptatio. Quid nobis prodest Dei imperio subesse mundum? an propterea nobis au-

xiliabitur qui indigni sumus eius curæ? Non temere igitur Dauid robur & clementiam simul copulat: quia duabus istis alis ad Deum euehimur, & istis duabus fulturis solidè innitimur, ne vlla tentationum naufragia nos demergant. Hæc summa est, quoties terror aliquis obicitur, veniat nobis in mentem Dei potentia, cui facile ac promptum est discutere omnes noxas quantumuis sint formidabiles. Vbi ita in animis nostris præualebit, facile quicquid est salutis nostræ contrarium prosterneat. Quid enim timendum, vbi idem Deus, qui nos sub vmbra alarum suarum colligit, solo nutu gubernat totum mundum? Satanam & omnes impios deuinctos tenet arcanis catenis? omnia denique omnium cōsilia, studia, & conatus moderatur? modò simul hoc fixum maneat, bonitatem eius piis omnibus, qui ab ipsa pendent, esse expositam. *Tu rependes.* Propius ad suum institutum accommodat quod dixit: nam Dei prouidentia ita mundum subesse pronūtiat, ut futurus sit iustus iudex. Hæc autem expectatio si in animis nostris vigeat, eos à fluctatione colliget sedabit omnē inpatiētiā: frænabit etiam omnē intēperiē, ne ad retaliādās iniurias proliant. Nam hoc fine ad Dei tribunal se & alios omnes citat ac sistit Dauid, ut in spe futuræ liberationis nis se confirmet, fortique animo despicat temulentiam eorum audaciam: quia fieri non potest quin veniant in rationē omnium opera coram Deo, qui nō magis cessabit ab officio iudicis, quàm abnegabit seipsum. Vnde sequitur, quamlibet multis iniuriis sumus obnoxii, imò nos profani homines pro reiectamentis habeant, respici tamen nostras ærūnas à Deo, ut tempestiuè succurrat: quia suo rumtolerantiam non frustrabitur. Quòd autem his sententiis probare contendunt Papistæ, nos operū meritis iustitiam & salutem consequi: quàm friuolum sit, alibi docuimus. Simulatque facta est operum mētio hoc arripiunt, ac si Deus tantum cuiusque merita æstimans, debitam mercedem rependeret. Atqui longè alio consilio Spiritus mercedem operibus promittit, nempe ut innocentia studeant, non autem superbiant sacrilega fiducia, quæ totam salutem à radice

euertit. Sic ergo iudicat Deus de operibus fidelium, ut eorum pretium & æstimatio primum à gratuita peccatorum remissione pendeat, qua sibi reconciliat indignos: deinde à mera indulgentia, quæ mutilis ipsis & sordidis fauorē conciliat. Scimus enim nullum opus coram Deo prodire vel perfectum vel purum nullaque labe infectum. Vnde sequitur meræ esse liberalitatis, quod

mercedem inueniunt. Quum ergo Scriptura mercedem filis Dei promittetis, tantum eos ad studium pietatis & iustitiæ incitet, quo alacrius Deo militent nihil autem Dei ipsius misericordiæ deroget: nimis insulse inferunt Papistæ meriti fideles quod illis rependitur. Quantum ad pœnas, nulla est dubitatio, quin eas merito Legis suæ contemptoribus infligat Deus.

### ARGUMENTVM PSALMI LXIII.

*Psalmus hic non tam preces continet, quàm piæ meditationes, quas sibi inter extremas molestias, anxietates, ac discrimina in solatium proposuit. Vota etiam admiscet, quæ obiectis terroribus anxius Deo nuncupauerat.*

*Psalmus LXIII.*

**C** Anticum Davidis, quum ipse esset in deserto Iehuda.

2 Deus tu, Deus meus es, manē quæram te: si iuuit ad te anima mea, concupiuit te caro mea in terra squalida, & siticulosa sine aquis.

3 Sic in Sanctuario conspexi te ad videndum robur tuum & gloriam tuam.

4 Quia melior clementia tua quàm vita: labia mea laudabunt te.

5 Sic benedicam tibi in vita mea: in nomine tuo leuabo manus meas.

1 In deserto. Per desertum Iehuda intelligi desertum Ziph, ubi David diu berrans latuit, minimè dubium est. Porro quia fideliter recitat quomodo inter ipsa pericula fuerit affectus, colligimus nullis vnquā miseriis sic fuisse prostratum, quin sua vota in celum attolleret: imò certa & constanti fide recumberet in Dei promissiones. Quod eo magis notandum est, ut in summis etiam doloribus ad Deum enitamur, quibus minimæ quæque tentationes omnè ferè eius noticiam excutiunt. Atqui David non modò eum implorat, sed Deum suum esse statuit, ne dubitet suas curas in eius sinum conicere, quum tamen desertus omni auxilio, in vasta & arida solitudine quodammodo tabesceret. Fides hæc quæ persuasus erat Deum sibi propitium esse, & salutis suæ custodem, desiderium in eius corde accendit, ut assiduus votis & ardentibus expeteret quæ sperabat gratiā. Quū dicit animā suā finire & carnem concupiscere, ad egestatē & penuriam alludit quæ premebatur in deserto: quasi diceret, quoniam ieiunus & famelicus omnibus vitæ subsidii indi-

geat, Deū tamē sibi esse instar cibi & potus, ut illuc feratur sua esuries. Quod animæ sitim, carni famem tribuit, non debet scrupulose accipi ista partitio: quia simpliciter intelligit se animā & carne Deum appetere. Quoniam enim nullo appetitu per se mouetur corpus, tamen satis constatanimæ affectus illuc usque penetrare & diffundi.

3 Sic in Sanctuario. Confirmat quod nuper attigisse, quum in deserto rerum omnium inops ageret, nunquam tamen Dei fuisse oblitum. Nam particula Sic, non leue pondus inest: ac si diceret, Quoniam in hac solitudine nihil nisi triste & horridum appareat, ut ipsa loci asperitas possit obtenebrare oculos: ego tamen in gloriæ & virtutis tuæ intuitu me exerceo, perinde ac si in Sanctuario esse. Quādiu liberū fuerat David in Sanctuariū adire, cultū illū legalem minimè neglexerat: quia sciebat talibus adiumentis sibi esse opus. Nunc ubi prohibetur ab accessu, mentem suam ostendit non esse externis symbolis affixam: quia in spirituali Dei aspectu nihil-



Nihilominus se oblectat. Et simul etiam re ipsa demonstrat quàm bene profecerit in illis pietatis exercitiis quæ Dominus in Lege mandauerat, Crassi & supersticiosi homines, quantisper ante oculos versantur ceremoniæ, videntur zeli ardore in cælum ferri: sed vna cum spectacula figura statim religio illis euanesceat. Dauid autem, quanuis nunc priuatus sit ceremoniis, earum tamen memoriam retinet vt ad Deum aspiret ac nitatur. Quare discamus, eius exemplo, etiamsi nos externis omnibus gratiæ Dei symbolis spoliari contingat, inter medias quoque abyssos Deum fidei oculis aspiciendum nobis esse, ne tergum ei obueramus simulacra visibiles figuræ nobis ablata erunt. Sic tota vita spirituale la-uacrum quod semel Christus nobis in Baptismo repræsentauit Eph. 5. 26, Tit. 3. 5, fixum in sensu nostro manere debet. Sic arcana Christi cum membris suis societas non modò in Cænæ actione, sed semper occurrere nobis debet. Imò si qua vis tyrannica sacram Cœnam & alia pietatis subsidia nobis forte eripiat, cauendum tamen est ne se vnquam mentis nostræ oculi à Deo auertant. Quum dicit se *Conspicere ipsam ad videndum*, se dulam attentionem notat: ac si diceret, Studia mea ad hanc meditationem diligenter applico, vt mihi occurrat Dei gloria & virtus quarum imago in Sanctuario refulget.

4 *Quia melior clem.* Quamquam eorum sententiam non repudio qui vno contextu legunt hunc versum, prius tamen membrum, meo iudicio, cum superiore versu aptius coheret. Mihi enim causam, reddere videtur Dauid cur tan to pere Deo fuerit addictus. Ac primò quidem norandum est, sub *vita* nomine comprehendi mediâ omnia quibus statum suum tuentur homines. Quandiu enim videmur nobis probè muniti, in mentem non venit ad Dei misericordiâ confugere. Denique nostrum esse, vt ita loquar, perstringit nobis oculos, ne cer-namus sola Dei gratia nos subsistere. Quia ergo terrenis subsidiis suffulti, Deum ferè obliuiscimur, hic asserit Dauid, melius nobis esse in ipsâ morte sub-niti Dei misericordia, quàm in vitæ ap-

parentia confidere. Frigidius ac dilu-tius alii exponunt, vitam nostram, quanuis pretiosa sit, postponi Dei misericordiæ: ac si diceret, omnibus bonis hoc v-num meritò præferri, quum Deus nobis est propitijs. Atqui tenenda est anti-thesis inter incolumè statum in quem recumbunt homines & Dei misericordi-am, quæ labentibus & mox perituris subuenit, & quæ ad supplendos (vt ita lo-quar) omnes defectus vnicum remediû est. Quòd Augustinus in numero plurali argute philosophatur, non satis firmum est. *וַיִּחַי* Hebræi vitam nominant.

Quia vitas legebat Augustinus putauit, prout quisque vel diuitijs inhiat, vel deditus est voluptatibus, vel delicias sectatur, vel honores appetit, vel ad ingluuiem suam proiectus est ita singulis tri-bui propriam vitam. His autem omni-bus vitis viram æternam opponit, quæ secundum ipsum metonymicè vocatur Dei misericordia: quia mera gratia nobis donatur, non acquiritur operum me-ritis, Atqui simplicior est, vt dixi, Pro-pheta sensus, nihil esse si affluant homi-nes omnibus bonis, si opibus floreat, omnibus denique modis ad vitæ securi-tatem muniti sint: quia præstat à sola Dei misericordia pendere, quàm in effe-tia nostra, omnibusque eius fulturis fun-dari. Vnde sequitur, quanuis laborent in opia fideles, premantur iniurijs, sub mor-bis læqueant, sitiât ac esuriant, multis cu-ris & doloribus angantur, nihil tamè ob-stare eorum felicitati, quia Deo propi-tio in solidum illis bene est. Rursum in-credulos, quanuis totus illis mundus ar-rideat, miseros tamen esse, quia Deo ad uerso ipsorum conditio maledicta est. Hinc colligit Dauid laudandum sibi es-se Deum sicuti bonitatis eius cognitio os nobis aperit. Atque idem clarius pro-ximo versu declarat, quum dicit *benedi-cturû in vita*. Quâquàm aliqua est in ver-bis ambiguitas. Nā particula sic, libera-tionē notare potest, ac si diceret, iustâ si-bi Dei benedictione causam esse, quia re ipsa expertus sit longè melius esse no-bis viuificari ab ipso quàm apud nos viue-re. Potest etiâ de calamitoso & afflicto Danidis statu accipi: quia nuper dixit so-litudinē deserti sibi non obstande quin ad

Deum respiciat. Vita etiā potest accipi tam de ipsa salute Diuinitus oblata, quā de toto vitæ cursu. Ac videtur prior sensus, sicut vberiore doctrinā cōtinet, ita melius congruere, hoc modo, Quia tuo beneficio saluus & incolumis super sum, alacrius tibi benedicam. Sic etiā alibi, Non moriar, sed viuam & narrabo opera Domini, Psal. 118. 17. Itē, Nō mortui laudabūt te Domine, neq; omnes qui descēdūt in sepulchrū: sed nos qui viuimus, benedicemus Domino &c. Psal. 115. 17. Secunda parte versus per *elevationem manuum* vota &, preces intelligit: ac si diceret se non modō gra-

tias acturum, sed sumpturum quoque fiducia precandi, & ita in Dei inuocatione assiduū fore. Et sane Deus ipse liberaliter nobiscum agendo, non modō ad gratitudinem nos incitat, sed spēs nostram confirmat in futurum tempus, ne de solido complemento gratiæ dubitemus, cuius initia sumus experti. Quidam Leuare manus in nomine Dei referunt ad plausum. Alii tantūdem valere putant ac si diceret Dauid, se fretum Dei auxilio, intrepidē congressurum cum hostibus. Sed iam exposui quid mihi magis placeat.

6 *Sicut adipe & pinguedine satiabitur anima mea, & labiis iubilationis laudabit os meum.*

7 *Certē memor ero tui super lectum meum: in vigiliis meditabor de te:*

8 *Quia fusti auxilium mihi, & in umbra alarum tuarū iubilabo.*

9 *Adhæsit anima mea post te, me sustinebit dextera tua.*

6 *Tanquam adipe.* Est proximæ sententiæ confirmatio: quia Dauid metaphorice sibi à Deo promittit vberissimam bonorum omnium copiam, quæ lætitiæ & iubilationis materiam præbeat. Et si autem in otio & abundantia Psalmum hunc composuit, probabile tamen est, quom adhuc inopis & famelicus erraret in deserto, satietatem hanc à qua procul aberat, sperasse. Atque hæc insignis est fidei probatio, quom Dei gratia, licet abscondita, eminus perspicitur. Et hoc exemplum diligenter notandum est, ne animos despondeamus quoties lautē saturantur impii, imō se ingurgitant, & sine modo luxuriant in sua copia: nos verō aridi & inopes esurimus. Nam Dauidem quoque potuit sua egestas ad desperationem impellere: sed quia sciebat proprium esse Dei munus, satiare animam famelicam, sperauit, eo propitio nihil sibi defore. Iam quia multis necessitatibus patientiam nostram Deus probare vult in hac vita, discamus, vsquedum adueniat tempus plenæ satietatis, patienter ferre nostras iniurias. Porro notandum est, sub metaphorâ *adipis & pinguedinis* non intelligi saginam qualis cernitur in profanis homi-

nibus, qui intemperanter luxuriando, ingluuiem suam replent: atque ita obruti quasi mente alienantur. modum enim satietatis statuit Dauid, vt tanto alacrius se accingat ad canēdas Dei laudes.

7 *Certē memor ero.* Posset etiā legi, Quando, vel Quoties memor ero tui, in vigiliis precabor. Sed quia conditionalis particula *Quando* non solum pro aduerbio temporis sumitur, sed quandoque etiā affirmat: nolui sine causâ à recepto sensu recedere. Si affirmatiuē legas, idem valebunt Memor em esse, & Meditari: eritque eiusdem sententiæ repetitio. Sin magis placeat conditionalis particula, sensus erit, Quoties in mentem venerit Dei nomen, Dauidem libenter cogitaturum, & verba etiā facturum de eius beneficiis. Ponit autem notis vigiliis, quia vbi subductissimus ab hominum conspectu, non modō recurrunt curæ, sed animus liberius se applicat ad has vel illas cogitationes. Sequitur causæ redditio, quia Dei auxilio seruatus fuerat. Talis autē experientia (vt sæpius iā dixi) non modō stimulare nos debet ad laudes Dei canendas, sed etiā ad inuocandū eius nomen, sicut dicitur Psal. 5. 8, In multitudinem bonitatis

quæ ingrediatur templum tuum. Secunda pars versus ad spem refertur, quod scilicet exultabit David, vel iubilando, triumphos suos aget sub umbra alarum Dei: quia non minus securè lato & hilari animo quiescet sub præsidio Dei, quàm si esset extra omnem aleam.

9 *Adhæsit anima.* Quia verbum **הקרב** sæpe apprehendere vel persequi significat, præsertim ubi cum præpositione **הנה** constructur, non minus quadrabit hæc versio, Anima mea post te perget, vel cõtenet. Quod si Adhærendi verbum magis placeat, utroque tamen modo significat David cor suum firma perseverantia semper affixū fore Deo. Hoc enim valet dictio **ידהנה**, Quauis longum ac difficile iter facere

oporteat, multæque remoræ impediât, imò quauis Deus ipse procul discedat, Dauidem minimè defatigatum iri quin constanter pergat. Posterius membrum simpliciter posset accipi de illa, cuius prius meminir, liberatione: ac si diceret optimam sibi futuram esse, ne deficiat Deum quærendo & sequendo, quia eius manu hætenus rectus & integer stetit. Ego tamen longius extendo quod sibi donum constantiæ à Spiritu Dei promittat David. Nimis enim magnifice iactasset, sibi ad extremum vsque in Deo persequendo vel amplexando constantem fore animi affectu, nisi mox addita fuisset hæc correctio, cor eius ita firmum fore quatenus Dei manu sustinebitur.

10 *Et ipsi dum quærent ad perdendum animam meam, ibunt in infimas partes terræ.*

11 *Deiciet eum in aciem gladii, pars vulpium erunt.*

12 *Rex autem latabitur in Deo, & gloriabitur quisquis iurat per eum: quia obstruetur os loquentium mendacium.*

10 *Et ipsi dum quærent.* Hic iam securius David, quasi potitus victoria, exultat. Quanquam autem Psalmū composuit rebus suis pacatis, non dubium tamen est, quum adhuc è filo penderet eius vita, hæc eadem sperasse quæ postea cecinit. Summa est, Hostes, quauis immineant eius capiti, breui tamē perituros: quia Deus præcipientes deiciet: neque modò traderint exitum, sed efficiet ut insepultra iaceant eorum cadauera. Nam *partem vulpium esse*, tantundē valet atque à feris vorari & laniari. Sæpe autem pœnam hanc minatur Deus reprobis, ubi hostili gladio perierint, prædam fore lupis & canibus, quia sepulchri honore ipsos priuabit. Contingit quidem interdum idem optimis quibusque, sicuti temporales pœnas bonis & malis communes esse scimus: sed hoc est discrimen, quod Deus seruorū suorum ossa, etiam dum huc & illuc dissipata sunt, colligit, & reponit sub fideli custodia, ne quod ex illis pereat: in reprobis autem ossium dispersio, æterni interitus præludium est.

12 *Rex autem latabitur in Deo.* Quia

Deus non modò priuatim auxiliatus est Dauidi, sed in eius persona, totius Ecclesiæ saluti consuluit, meritò publicam lætitiā cum sua hic coniungit: sicuti etiam à capite pendebat totius corporis incolumitas. Ac pia magnanimitas notanda est, quod multis mortibus obsessus, Regem tamen se vocare non dubitat: quia licet regno promisso non fruatur, eius tamen possessionem fide retinet. Lætitiā verò se in Deo capturum dicens, gratum se fore prædicat: sed extollit Dei gratiam, quia ad piorum omnium conseruationem pertineat. Diximus enim statim electi populi tunc non aliter potuisse esse saluū quàm vigente & florente Davidis regno. quia sub figura illa docere nos voluit Deus, totam nostram felicitatem & gloriam in Christo fundatam esse. Per eos qui iurant in Dei nomine, pios omnes eius cultores synecdochicè designat. Quia enim species est Diuini cultus, statuere eum testem ac iudicem, pietatis professio sæpe per iusiurandum intelligitur. non quod Deus inter seruos suos censeat quicumque in ore habent



facrum eius nomen, quando & multi sceleratè peierando, atroci eum contumelia afficiunt: alii etiam leuibus & friuolis iuramentis violant vel imminuunt eius maiestatem: hypocritæ verò perperam eius nomine abutuntur: sed Dauid non alios hîc designat nisi qui sobriè & reuerenter per Dei nomen iu-

rant, & quorum linguis respondet corda. quod etiam ex antitheto melius liquet. Iurantibus enim per nomen Dei opponit *loquentes mendacia*: qua voce nō tantum perfidos & dolosos homines perstringit, sed etiam qui sacrilegis fallacii Dei nomen profanant.

### ARGVMENTVM PSALMI LXIIII.

*Continet hic Psalmus querimoniam precibus mistam. Nam quo magis Deum ad misericordiam inclinet Dauid, tam de iniusta hostium suorum scuitia, quàm de insidiis peruersisque machinationibus conqueritur. Tandem oculos ad Deum conuersens, sibi de meliore exitu gratulatur.*

*Psalmus LXIIII.*

**P**refecto Psalmus Davidis.

2 *Audi Deus vocem meam in precatione mea: à terrore inimici custodi vitam meam.*

3 *Abscondeme à consilio malignorum, à cœtu operantiū iniquitatem.*

4 *Quoniam acuerunt quasi gladium linguam suam, direxerunt sagittam suam sermonem amarum.*

5 *Adiaculandum in occultis contra integrum: repente iaculabuntur, nec timebunt.*

6 *Obfirmat sibi facinus impium, sermonem conferunt de abscondendis laqueis dicunt, Quis videbit eos?*

7 *Scrutati sunt iniquitates, impleuerunt scrutinium scrutatum, & intimum cuiusque, & cor profundum.*

2 *Audi Deus vocem meam in precatione mea.* Præfatur se orare seriò & ardenti affectu, & simul necessitatem ostendit. Ardoris & vehementiæ signū est vocalis precatio. Mox ad angustias quibus vrgetur descendit, commemorans mortis terrores qui ingerebantur ab hostibus: deinde alias circumstantias quibus gratiam sibi conciliet. Deum enim vitæ suæ custodem implorans, de ea se periclitari significat. Secundo versu dicit sibi esse cum multis certamen, ideòque imparem esse ad sustinendos eorum insultus, nisi Deus succurrat. Quanquam verborum ambiguitas sensum duplicem nobis parit. **וידעו** enim quod arcanum significat, quidam hic accipiunt pro occultis machinationibus: alii verò pro cœtu consultantium.

Ego consilii nomen, quod Latinis quoque dubium est, posui. Secundo loco additur nomen **וידעו** quod aliquando strepitum vel clamorem, aliquando conuentum hominum significat. Deducitur autem à radice **וידעו** quod est tumultuari. Si **וידעו** pro clandestinis insidiis accipere libeat, **וידעו** violentus erit impetus. Hoc modo Dauid protegi cuperet tam à fraudulenta malitia hostium, quàm à vi & armis, ubi meditari quomodo noceant, ad consilia sua exequenda proflunt. Simplicior tamen magisque genuina est prior sententia, Dauidem quo magis in se pro-uocet Dei misericordiam, de multitudine hostium suorum conqueri. Interea testatur Dauid, quantumvis magna turba obruatur, sibi sufficere protectionem

DEM

nem quā è cælo expetit. Causam quoque suam ab hostium malitia & improbitate commendat. nam quo vel iniquius, vel crudelius nobiscum agunt, eo certius statuere licet propitium nobis Deum fore.

4 *Quoniam acuerunt quasi gladium linguam suam.* Quauis in eum capitaliter seuirent hostes, eorum tamen virulentiam præcipuè accusat. Probabile autem est de falsis delationibus & calumniis eum loqui, quibus sciebat se im merito grauari, totique populo reddi inuisum. Comparat ergo linguas eorum gladiis: amarum & virulentum sermonem sagittis. Ex opposito suam probitatem asserit, eos iaculari dicens contra hominem rectum & innoxium. Hac igitur impetrandi fiducia se animauit, quod sibi nullius culpæ conscius, indignè & perfidiose à prauis & scelestis hominibus impetebatur. Iam eos clam & in occulto iaculari, telæque repente vibrare dicens, significat eos multiplici astutia pollere: nec modò acriter intentos esse ad nocendum, sedulôque vigilare, sed etiam ingeniosos esse ac solertes, ut citius transfodiant pectus incauti hominis, quàm suspicari queat sibi quicquam mali instare. Porro quum audimus Dauidem, qui tam sanctè ac pure iustitiam coluerat, fuisse tamen sinistris criminationibus obnoxium: ne miremur si quando Deus nos qui longè à Dauidis integritate absumus, simili tationis genere exerceat. Hoc verò vnicum erit solatium, ad Deum confugere, ut bonæ causæ patrocinium suscipiat. Adiungit aliam circumstantiam, quod sine pudore & metu sagittas veneno illitas ex ore suo vibrent. Talis autem securitas, perditæ audaciæ signum est, ubi improbi centies deprehensi, obstinatè tamen pergunt: quia nec vllus Dei metus, nec hominum verecundia eos retinet quin se gladiatorio & desperato impetu proiciant.

6 *Obfirmant sibi facinus impium:*

8 *Et iaculabitur in eos Deus sagittam, repente erunt plaga ipsorum.*

9 *Et impingere facient super seipsos linguam suam, &*

*sermonem, &c.* Nunc de pertinacia & sceleratis conspirationibus hostiū suorum conqueritur. Postremò addit confidentiam, quā se ad quiduis audendum incitant. Porro non dubium est quin plus illis addiderit animi infirmitas Dauidis, ut petulantius vexarent miserum & profugum hominem, quem videbant omni auxilio destitui. Postquā dixit esse insanabiles, & quos ad humanitatem flecti posse nulla spes sit: addit vltro citroque inter se colloqui quomodo per insidias illum perdant. Sequitur tandem ferocia, quoniam astus suos inuisibiles esse putent. Scimus enim quā securè improbi sua vafritie confisi, simplicibus insultent: quia putant centum rationes sibi semper in promptu fore tegendis scelerum suorum flagitiis. Particulam *¶* tam ad ipsos fraudū architectos, quā ad laqueos & insidias commodè referre licet. Malo tamen de ipsis intelligere, quia superbia excæcati, audacter & licentiosè ruunt quocunque impellit libido: quia nulla eos Dei reuerentia, nullus hominum pudor cohibet. Proximo versu grauius exagitat eorum fraudes. Dicit igitur omnes nocendi artes fuisse percontatos, ut nihil ad exactum scrutinium omiserint. *Scrutinii* verò nomine intelligit occultas nocendi artes. Et addit altos esse recessus malitiæ ipsorum. Nam per *cor profundum & penetralia* vel intimas partes, latebras intelligit, quibus improbi se inuoluunt. Quidam nomen *¶* indefinitè accipiunt hoc modo, Quicquid cōsiliū & astutiæ inuenitur in mortalibus, hostes mei ad se colligunt. Sed quoad summam reiparum interest: quia tenere sufficit, non tantum apertis martibus, sed reconditis etiam malitia hostes Dauidi machinatos fuisse perniciem: atque ad hoc instructos fuisse summa perspicacia, ut inopinatos nocendi modos quasi ex profundis tenebris eruerent.

*fugient quicumque viderint eos.*

10 *Et videbunt omnes homines, & narrabunt opus Dei, & rem eius gestam intelligent.*

11 *Letabitur iustus in Iehoua, & sperabit in eo, & gloriabuntur omnes recti corde.*

8 *Etiaculabitur in eos Deus.* Iam ad gratulationem exurgit Dauid, persuasus non irrita fore sua vota, imò iam exaudita esse à Deo. Etsi autem nòdum oculis conspicua erat Dei vindicta, Dauid tamen repentinam fore pronuntiat: in quo non vulgare profert fidei suæ documentum, quòd dum impios rebus prosperè fluentibus obdurari videt, atque ex conuiuentia & silentio Dei impunitatem sibi promittere, non succumbit tamen tædio, sed animum suum suspendit, donec post longam tolerantiam subito Deus appareat iudex: sicuti emergere præter spem solet ac deprehendere impios, dum se elafpos putantes, sine modo proceruiunt. Itaque semper in diuturnis malis hoc nobis solatium occurrat, Deum pœnas quas de impiis sumpturus est, consultò differre, quo violentius in eos fulminet: quàmque dixerint, Pax & securitas, eos obruat repentino interitu, Iere. 8. 11.

9 *Et impingere facient super siipfos linguam suam.* Prosequitur eandem sententiam: quicquid veneni coquunt in suis consiliis, & lingua sua égerunt, fore tandem illismortiferum. Idem alibi diuersa loquendi figura exprimit, Irretiètur suis laqueis, & cadent in foueam quam fecerunt, Psalmo 57. 7. Hæc enim iusta est merces, vt in eorum capitaretorqueat Deus quicquid noxarum bonis & simplicibus intentant. Etsi autem huius iudicii permulta quoridie exempla Deus coram oculis nostris profert, nobis tamen res est difficilis creditu. Quo magis ad hanc meditationem incumbere nos decet, Deum excubare pro nobis, vt quicquid fraudum in nos excidunt improbi, conuertat in eorum

perniciem, ac si data opera præmium tale captassent. In fine versus admonet notabile fore vindictæ genus, quia *fugient* vel trepidabunt *quicumque fuerint eius spectatores.* Nam quàm cæcutientes hominum oculos præterfluant Dei iudicia, insignes notas extare necesse est vt ad metum & consternationem cogatur mundus.

10 *Et videbunt omnes homines.* Fructum qui ex Dei iudicio prouenit, plenius explicat, nempe quod nouo & insolito spectaculo expergefati qui prius Dei prouidentiam pro nihilo ducebant, melius considerare incipiènt quod prius illis erat incognitum, vt etiam alii aliis narrent. Neque enim huius tam memorabilis gratiæ noticiam ad paucos restringit Dauid, sed dicit passim fore celebrem. Ideo ponit cunctos homines. Porro quum verbum **וְיִרְאוּ** in coniugatione hiphil tam neutraliter quàm actiue sumatur: qui verbum neutrum esse volunt, hunc eliciunt sensum, Cogentur vulgò agnoscere homines diuinum hoc esse opus: atque vbi intellexerint, eius etiam erunt præcones. Sed quia vt plurimum solet Dauid rem vnā bis repetere, non malè conueniet transitiva significatio. Vltimo versu describitur vberior fructus, nempe liberationē hanc lætitiæ, spei & sanctæ gloriationis materiam fore piis omnibus: quia scilicet eundem erga se Deum fore colligent qualis apparuit erga seruum suum Dauidem. Notandum est *vocari rectos corde* quos paulò antè *iustos* dixerat: vt sciamus nullam Deo iustitiam probari, nisi quam ex se profert interior cordis sinceritas. Qua de re alibi fusius disserui.

## ARGVMENTVM PSALMI LXV.

*Psalmus hic mistus est ex precibus & gratiarum actione. Etsi autem inferitur vaticinium de communis gentium fide, specialibus tamen elogiis describitur paternus Dei erga Ecclesiam fauor: & quæ inde fluunt benedictio-*



meditationes. Et specialiter oratur Deus vt eandem quam experti fuerant Iudai, liberalitatem continuet. Duplex autem memoratur Dei gratia: quòd terram suam potenter defendens, & bonorum omnium opulentia diuenerit.  
*Psalmus LXV.*

## **P**raefecto Davidis Psalmus canticum.

- 2 *Te expectat, laus Deus in Sion, & tibi reddetur votū.*
- 3 *Exaudiens orationem, ad te omnis caro veniet.*
- 4 *Verba iniquitatum prauauerunt super me: scelera nostra tu expiabis.*

2 *Te expectat.* Ad verbum est, Tibi silet laus, sed verbum **יְמַיִן** metaphorice pro quiescere accipitur, ac deinde pro expectare. Sēsus autem huc redit, Deum esse ita beneficū erga suos vt quotidie illis suppetit nouam materiam laudis. Esi enim se in totum mūdum diffandit eius liberalitas, peculiari tamen fauore Ecclesiam suam dignatur. Huc etiam accedit, quòd alii, vt cunque saturentur eius beneficiis, non tamen sentiunt vnde proueniant. ita in silentio absorbent ac consumunt quicquid bonorum largitur illis Deus. Nominatim tamen exprimere voluit Propheta, Dei bonitatē sic in Ecclesia fulgere, vt merito illic prädiceretur. Eodem pertinet alterum membrum, vbi de voti redditione agitur. sic enim gratitudinem promittit in populi nomine, vt tamen a posteriori significet semper nouum fore argumentum testandæ celebrandæque Dei bonitatis: quia non desinit suam Ecclesiam assiduo fauore prosequi. Cohæret etiam proximus versus, vbi Deus audire dicitur suorum preces. Causam ergo reddendi voti assignat, quia nunquā frustretur Deus seruos suos, dum ab illis innocatur, sed propitiū annuat eorū votis. atque ita quod secundo loco positum est, ordine tamen prius est. Ceterū hoc epitheton quo Deum insignit Dauid, doctrinam continet apprimē vtilē, nunquam irritas fore nostras preces: quia eas repudiando Deus quodammodo naturam suam exueret. Neque enim recitat Dauid quid semel factum sit, sed perpetuo ornatu Deum vestit: ac si diceret, non magis fieri posse vt Deus surdus sit ad suorum vota, quā vt se ipsum abneget. Hoc si penitus insculptum

erit cordibus nostris, proprium esse Deo & inseparabile exaudire preces, nunquā excutietur nobis orandi fiducia. Iam quum nunquam destituatur facultate iuandī, laetum & prosperum successum indubie sperabimus. Nec minus notatu dignum est quod sequitur, ideo *carnem omnem ad Deū venturam*: quia sicuti nemo coram Deo sistere se auderet, nisi persuasus esset eum sibi fore exorabilem, ita vbi sponte occurrit ac pronuntiat non frustra se inuocari, aperta est ianua vt certatim omnes ad eum confluant. Esi enim hypocritæ & profani homines, dum necessitatē vrgentur, vota in aerem fundunt: hoc tamen non est ad Deum verē accedere, vbi fidei certitudinem non afferunt ex Dei verbo conceptam, sed pendent ab expectatione fortuiti euentus. Præluceant ergo Dei promissiones necesse est, vt via ritē orandi pateat, quia illis sublatiis, prohibemur à Dei accessū, sicuti hunc ordinem statuit Paulus ad Ephesios capite tertio, 12, vt quisquis accedere ad Deū cupit, prædius sit fide per Christum, quæ eum ad fiduciam animet. Hinc colligimus, regulam precandi nullam esse in Papau, vbi suspensis & dubiis animis semper Deum orant. Inestimabile autem semper est priuilegium hoc quod per Euangelium consequimur, vt liber nobis ad Deum ingressus pateat. Omnem verò carnem generaliter nominās Propheta, breuiter indicat, quod tunc singulare erat Iudæis, fore aliquando cunctis Gentibus commune. Atque ita vaticinium est de futuro Christi regnō.

4 *Verba iniquitatum.* Non conqueritur populum falsis calumniis gravari, sed simpliciter fatetur iniquitates esse

obstaculo quominus Deus pro more facilem se & humanum Iudæis exhibeat. Conuenit autem hic locus cum illo Iesaiæ 59. 1. Non est aggrauata auris Domini quominus audiat: sed iniquitates nostræ distantiam ponunt inter nos & ipsum. In summa, quod Deus qui suos liberaliter iuuare solet, imò comiter & blandè ad se inuitat, manum suam ad tempus retrahit, huius mali culpam suis & populi peccatis imputat David. Nam priore loco reatum suum agnoscit, què admodum Daniel capit. 9. vers. 5. sed mox totum populum sibi socium adiungit. Hanc verò sententiam inseruit Propheta, non ut se & alios prohiberet ab orandi fiducia, sed potius ut supra obstaculum emergeret, quod arceret cunctos mortales à Dei successu: nisi statuerent indignos quoque exaudiri. Probabile verò est præsentī aliquo iræ Dei signo perculsos fuisse tunc fideles, quia contra hanc tentationem luctatur David. Porrò videmus in promptu ei fuisse remedium, quia ex opposito reputat proprium esse Dei munus dare veniam peccatis, eaque expiare. Ita hic quoque vetus cum superiori contexti debet, atque aduersariè resolui, hoc

modo, Quauis iniquitates nostræ ut repulsam merentur, procul a conspectu tuo eiciant: quia tamen te ad reconciliationem paratum ostendis, cursum precibus nostris non abruptent. Decemur autem hoc loco, non aliter exorari Deum à nobis posse, nisi dum suppliciter veniam deprecamur nostris peccatis. Interea dubitandum non est quin gratuita peccatorum remissio Deum nobis conciliet. Quod si paulisper gratiam suam submoueat: ad eoque tergum nobis obuertat, Dauidis tamen exemplo ad spem expiationis erumpere conuenit. Quod singulari numero fatur se peccatus obrutum, ratio afferri potest, quod Rex quum esset, totum populum repræsentabat: vel quod hac docendi forma, sicuti Daniel, singulos hortetur ad se priuatim examinandos, ut quisque propriam reatus confessionem afferat. Scimus enim hypocritas defunctori se inuoluere in communi catalogo, ut peccata sua occultent. Atqui David non tantum fidei modestiæ causa, sed serio affectu à seipso exorsus, coram Deo reos omnes peragit.

5 *Beatus quem elegeris, & propinquum feceris tibi: habitabit in atris tuis: satiabimur bono domus tue Sanctuarii palatii tui.*

6 *Terribilia in iustitia respondebis nobis Dens salutis nostræ, spes omnium finium terræ, & maris longinquitatum:*

7 *Stabiliens montes virtute sua, accinctus fortitudine.*

8 *Compesceus sonituum marium, & sonitum fluctuum eorum, & fremitum Gentium.*

9 *Et timebunt habitatores finium à signis tuis: exitus marutinos & vespertinos onare facies.*

5 *Beatus quem.* Quia nuper confessus fuerat populum suis peccatis disfidium à Deo fecisse, ideoque esse indignum qui exaudiat: nunc in asylum confugit gratiæ Dei fauoris, sub quo inclusa est peccatorum remissio. Atque ita confirmat quod de expiatione dixit, ostendens quæ causa Deum miseris

peccatoribus propitiet: quia scilicet gratiæ paterni fauore immeritis complexus est. Nam venia qua nos quotidie prosequitur, ex adoptione pendet: sicuti etiam in ea fundata sunt preces nostræ. Quo enim iure in Dei conspectum prodire auderet peccator ad reconciliationem querendā, nisi persuasus esset

esset hūc sibi esse patrem? Ceterum hic non extendit gratiam Dei ad Gentes, sicuti paulo ante: sed pro ætatis suæ ratione loquitur. Solos enim Iudæos tunc in grege suo censebat Deus, solōsque in Sanctuarium admittebat: nunc quia sublatō discriminē Gentes cum illis promiscuē vocauit, omnibus ad eum familiariter accedere licet. Christus enim est pax nostra, qui propinquos & remotos coniunxit, Ephes. 2. 14. Tenemus nunc quorsum tendat consiliū Dauidis. Nā quia Ecclesiæ & electo populo promissa est remissio peccatorum, exclamat beatos esse quos Deus in gregem suum recipit, vt hoc incomparabili priuilegio fruantur. Porro electionem non omnibus tunc communem fuisse docet: Iudæos hac prærogatiua extollens, quia eos Deus prætulit reliquis gentibus. Nam si anteuertent homines Dei gratiam, non resideret penes ipsum electio cuius potestas & ius ei tribuitur. Ac qui non alio nomine præstabant Iudæi nisi quia eos peculiari gratia Deus fuerat dignatus. Nunc etsi rupta est maceria, vt Deus Gentes quoque simul vocet, Ephes. 2. 14, constat tamen non omnes peræque vocari: & experientia, eorum inscitiam coarguit, qui communem omnibus sine delectu Dei gratiam esse gariunt. Quam enim causam imaginari licet cur Deus non omnes pariter ad se inuitet, nisi quia gratuita eius electio alios ab aliis discernit? Fides quidem & inuocatio media sunt, quæ nobis concilient Dei gratiam, sed fons extra nos querendus est. Beati quidem sumus in Deum sperando, amplexando eius promissiones: beati in quā sumus vbi Christo mediatore freti, statuimus illū nobis esse Patrem, vorāque nostra ad eum dirigimus: sed vnde fides & inuocatio, nisi quia natura alienos gratia coniunxit? Quod ergo nobis manum ad inferos vsque porrigere dignatus est, hinc propinquitas, non autem quod sponte prauenerimus. Imō, propriē loquendo. postquam nos elegit, suum erga nos amorem vocatione testatur. Etsi autem Deus semen Abrahæ sibi in peculium segregauerat, vt circuncisio locum illis in templo daret: dubium tamen non est quin discriminē aliquod inter Iudæos

ipso statuatur Dauid: quia neque omnes efficaciter ad se vocauerat Deus; neque iure omnes locum in templo occupabant. Alludit quidem Propheta ad externum Sanctuarium, Iudæos dicens electos esse, vt appropinquent Deo: sed memoria tenendum est quod Psalmo 15, & 24. 3, vidimus, nō omnes legitimos fuisse Ecclesiæ ciues qui templi pavimentum terebant: quia præcipuē requiritur integritas cordis, & puritas manuum. Quare propinquos Deo fieri intellige, non qui externa tantum specie locum obtinent in templo, sed qui sincera fide se offerunt in conspectum Dei. Tam hīc vocatio adiungitur electioni: nequis somniet oues perpetuō vagari, neque vnquam colligi in ouile, Nam hoc estū se ostendit gratuita Dei adoptio, dum Spiritu eius duce, ad eius Sanctuarium accedimus. Fructum beatitudinis commendat Propheta, satiari dicens templi opulentiā fideles. Nam quauis accedant illuc quoque hypocritæ, vacuū tamen & ieiuni domum redeunt, quantum attinet ad fruitionem spiritualium bonorum. Ac notanda est personæ mutatio, vbi Dauid ad fidelium numerum se aggregat: quia in seipso experimentum proponit satietatis, de qua loquitur. Ceterum intellige satiari fideles, nō vno momento, sed gradatim: quia etsi instillet Deus Spiritus sui dona, suos, tamen quatenus vtile est locupletat, donec adducat ad solidam perfectionem. Verum certē est illud Psalmi 103. 5, Satiari Dei beneficentia os nostrum: sed etiam norandum quod alibi dicitur, Aperi os tuum, & implebo illud, Psal. 81. 11. Impediunt autem nostra angustia, ne tantam nobis copiam bonorum ingerat Deus: sed prout restrictos videt, ita liberalitatem suā ad modulum nostrum attemperat. Bona Sanctuarii vocando, externa adminicula commendat quæ nos ad bonorum cælestium fruitionem deducunt. Etsi enim poterat solus Deus manum & calo porrigere seruis suis, voluit tamen per Legis doctrinam, per sacrificia & alios ritus, externaque pietatis subsidia, satiari fideles animas: sicuti hodie quoque erga nos similibus mediis vtitur. Et quanquam in illis subsistere non conuenit, negligere tamen



fas non est.

6 *Terribilia in iustitia resp.* Confirmat alio genere dicendi, non frustra se beatos vocasse, quibus Deus tēplum suum aperuit, ut domi eius pascantur. Dicit autem responsurum populo suo Deum in miraculis, vel signis terrificis: acsi diceret, Domine tu nos semper exaudies, ut mirificis liberationibus perinde virtus tua patefiat, atque olim dum egressi sunt patres nostri ex Aegypto. Ecclesiam enim semper Deus non vulgari vel ordinario modo, sed terribili potentia seruauit. Atque hoc cognitu fuit vtile, ut in rebus perditis non tamē bene sperare desinerent filii Dei. Porro ubi Dei salutem Iudæis destinauit, simul addit esse spem extremitatum terræ vsque ad vltimos mundi recessus. Vnde sequitur gratiam Dei ad Gentes quoque extendi.

7 *Stabiliens montes.* Per occasionem attingit virtutem Dei, quæ in vniuersa mundi fabrica conspicitur. Nam illa ætate nouum erat Gentes eiusdem cum Iudæis spei fociere facere. Ideoque vt tollatur absurditas, tempestiuē admonet David fortitudinem Dei extare in cunctis mundi partibus. Montes autem potius quàm planas regiones nominat, quia in illa immensa terræ congeries altiusque rupibus rarior apparet Dei potentia. In proximo versu non consentiunt Interpretes. nam in prima voce quidam subaudiunt notam similitudinis hoc sensu, Deum compescere strepitus hominum audacia excitatos, sicuti compescit omnes maris strepitus. Alii metaphorice loquutionem esse volunt, quam deinde sine figura exprimat Da-

uid. Ego autem simplicius Dauidem totum esse iudico: ac priore quidem membro documentum potentiae Dei in mari proferre, altero autem in hominibus: acsi diceret, Deus sedando fluctus ac tempestates maris, quanta sit præditus fortitudine demonstrat. Idem in hominibus specimē exhibet, tumultus compescens ab illis excitatos.

9 *Et timebunt habitatores.* Non dubito quin signa Dei appellet opera eius insignia & memoratu digna, quibus notitas gloriæ suæ insculpsit. Nihil est quidem tam minutum vel contemptibile in cælo vel terra, quod non repræsentet nobis Dei gloriā: sed miraculis *κατα τὰς ἐξουσίας* tribuitur hoc nomen, quia illic clarius refulget Dei maiestas. Summa est, tam illustres fore Dei gratias erga Ecclesiā, ut ad reuerentiam & admirationē barbaras etiam gentes & longissimē remotas cogant. Posterius membrum ita à quibusdā accipitur, quum sol manē exoritur, recreari eius luce homines: quum etiam vicissim nocte fulgēt luna & stellæ, leuari quam alioqui tristitiam ex tenebris conciperent. Hoc modo subaudienda esset dictio Propter: acsi dixisset Propheta, Domine tam manē quàm vesperi exortu solis, lunæ & stellarum homines exhilaras. Sed quia verba, ut sonant, continēt aptum & vtilem sensum, mihi non placet aliunde accersere quod sententiam impleat. Dixerat David ad extremos vsque terræ angulos venturū timorem esse ex Dei miraculis. nunc idem de latitia prædicat: acsi diceret, ab ortu vsque ad occasum solis non formidabilem modò fore Deum, sed gaudii quoque authorem.

10 *Visitasti terram & irrigasti eam, copiose ditasti eam: riuus Dei plenus aquis: parabis frumentum eorum, quia sic illam præparas.*

11 *Sulcos eius inebrias, descendere facis pluuiam in sulcos eius, imbris madefacis eam, germine eius benedicis.*

12 *Corenas annum beneficentia tua, & semina tuæ stillabunt pinguedinem.*

13 *Stillant super habitacula deserti, & exultatione colles accingentur.*

14 *Operiuntur pascua pecudibus, & vallis operiuntur frumento, clamant, etiam canunt.*

10 *Vistasti terram. & irrigasti eam.* Verbum hoc & quæ sequuntur alia, designant continuum actum: ideoque com modè in præsentì tempore venientur. In secundo verbo Interpretes variant: quia nonnulli à פו deducunt, quod desiderare significat: alii à פפן quod est potum dare. Priores ita resoluit, Domine postquàm lógo æstu & siccitate fecisti sitire terram, demùm eam visitas. Melius tamè fuit altera interpretatio, De<sup>9</sup> iurigatione terram visitas. Et còtext<sup>9</sup> hoc modo melius coheret: quia proximè sequitur, *in ditas eam copiose*: quod amplificandi causa additum esse patet. Dubitari tamen potest solamne Iudæam intelligat, an totum orbem. Ego quanvis fatear hæc omnia verè de toto orbe prædicari, existimo tamen Dauidem propriè loqui de Iudæa, sicuti hæcenus celebravit peculiare Dei gratias erga Ecclesiam. Atque huic sententiæ astipulatur quod statim adiungit, *fluvium Dei, vel riuum plenum esse aquis*. Nam quòd fluvium Dei pro magno vel amplo quidam accipiunt, durum est ac coactum: & potius dixisset fluuios plurali numero. Opponit autem, meo iudicio, fluuiis naturalibus quæ regiones suas fecundant, tenuem & exiguum riuum Siloah: alludens ad locum illum Moysi, Deut. 11. 10, Terra quam Deus tuus dabit tibi, non erit similis Aegypto, quam fecundat Nili exundatio: sed terra hæc expectat pluuiam à cælo. Vel fortè metaphoricè appellat pluuiam ipsam, Dei fluvium. Certe hoc ad Iudæam restringi debet, sicuti etiam per pascua vel habitacula deserti intelligitur sicca & asperior regio, quam Scriptura vocat mortuam. Cæterum quanvis hic celebretur Dei liberalitas familiaris nota eleæto populo: nostrum tamen est, ubicunque habitemus, diuitias bonitatis Dei in terræ prouentu & fertilitate agnoscere. Neque enim sua virtute multiplicem bonorum affluentiam generat,

nisi quatenus eam Deus pascendis hominibus aptauit. Ideo scite & concinne Dauid parari dicit hominibus frumentum, quia sic parata est terra à Domino. Sensus autem est, opulentiam hanc prouenire ex terra, quia Deus instar optimi patris familias hominibus prospicere volens, eam formauit ut alimenta suppeditet.

11 *Sulcoreius.* Quidam verba hæc resoluunt in modum optatiuū, ut sit præcatio. Atqui non dubito quin gratiarum actionem continuet Dauid, eo quòd terram pluuiis madefaciens ac saturans, fructificandi vim suggerat. Quibus verbis significat totum naturæ ordinem testimonium esse paterni ergo nos Dei amoris, quòd quotidiani victus nostri curam suscipere dignetur. Pluribus autem verbis inculcat hanc Dei gratiam, quam maior pars mundi impiè sceleratèque obscurat. Nam ut quisque perspicacior est in obseruandis naturalibus medijs, ita illis affixus manet, ut ad Deum minimè conscendat. Debebat quidem philosophia, quo penitus excutit arcana Dei, propius nos ad ipsam adducere, nisi obstarent prauitas nostra & ingratitude. Sed quia acutissimi quique pluuiæ originem in aere & elementis quærentes, oculos & sensus à Deo auertunt, magis nos expergefieri necesse fuit.

12 *Coronas annum ben.* Vertunt alii, Coronas annum beneficentia tuæ quasi diceret Dauid, annos fertiles excellere singulari decore, ac si eos corona ornaret Deus: quemadmodum si abundantior solito sit messis, & copiosæ vindemiæ, hæc erit anni corona. Et certè fateor non æqualem Dei benedictionem in singulis annis fulgere: sed ut alii alios præcellant, nullus tamen ornatu suo prorsus caret. Ita simplex mihi videtur sensus, Dei beneficentiam per singulos annorum circuitus còspicuam esse. Postea sensum suum explicat, ubi dicit *feminas Dei stillare pinguedinem*, nubes

ita metaphoricè appellās, in quibus inequitat Deus, quemadmodum dicitur Psal. 4.3. Quoniam igitur vbertas terræ ex succo & humore, humor ex pluuia, pluuia ex nubibus provenit, eleganter nubes dicit pinguedinē stillare, & quod sint Dei semitæ, aut vehicula: acsi diceret, quocunque iter facit Deus, fluere ad eius pedes frugum copiam & vbertatem. Proximo versu hanc gratiā amplificat, quod pinguedo illa se ad incultas vsque regiones diffundat. *Deserta* quidem vocat nō aridas solitudines, in quibus nihil nascatur, sed loca minus culta, in quibus nō tanta hominū frequentia habitat: sed tamē hinc melius refulget Dei benedictio, dum super mōtium cacumina pinguedinē stillat. Postea ad

valles & planas regiones descendit, ut ostendat nullā esse terræ partē Dei opibus vacuā, qui a ei<sup>9</sup> liberalitas ad locupletandū totū orbē sufficit. Additur etiā cōmendatio ab ipsa varietate, quod *valles* & loca demissa tā *ovibus*, quā *frumento vestitū* sint. Gaudiū rebus inanimatis impropriè tribuit: sicuti etiam ridere dicitur agri, quā sua pulchritudine exilarāt hominū oculos. Mirū tamē est quod iubilationi cātū adiūgat, interposita etiā particula *Et* quā scimus esse emphaticā: quum tamen minus sit canere, quā iubilare. Sed ego ad continuationē gaudii refero quod dicit, *etiam canent*, ut sciamus nō vnus tantūm anni fore gaudium, sed assiduus & recursus. Deinde scimus quā trita sit Hebræis ordinis inuersio.

#### ARGUMENTVM PSALMI LXVI.

Quoniam fieri potest ut Propheta vnam præcipuè liberationem sub persona Ecclesiæ celebret, multipliciter tamen gratias completitur, quibus Deus electū populum persequi non desistit. Sicuti autem miseris & afflictis prædicat Diuinitus allatam fuisse salutē: ita consolationis & patientiæ materiā suggerit, examinatus fuisse dicens iustus argenti, quum tyrannidi hostium subiecti fuissent. In fine videtur priuacim de se loqui, integritati suæ documentum proferens, quod fueris à Deo exauditus qui impiis & sceleratis repudiat.

Psal. LXVI.

**P**refecto Canticum psalmi. *Iubilare Deo omnis terra.*

2 *Canite gloriam nominis eius, ponite gloriā laudem eius.*

3 *Dicite Deo, Quā terribilises in operibus tuis, in multitudine roboris tui mentientur tibi inimici tui.*

4 *Omnis terra adorabit te, & canent tibi, canent nomen tuum. Selah*

1 *Iubilare.* Generalis est præfatio, quam mox sequentur hypotheses. Quia verò sermonem ad totū orbem dirigit, non dubito quin vaticiniū sit de futura regni Dei amplitudine, quæ Christi de mū aduentu spectata fuit. Secundo versu idem cum maiore vehementia confirmat, quo melius pigros alioqui & tardos extimulet ad Deum laudandum. Quid sit *Canere gloriam nominis Dei*, obscurum non est, nempe pro merito ac dignitate extollere sacrum eius nomen, ut iustam & solidam gloriam obrineat. In secundo membro sibi est aliqua ambiguitas. Quidam enim sub aliis verbis idem repeti putantes, vertunt, *Ponite gloriam laudis eius*. Ego autem aliis potius subscribo, qui laudem vertunt in ac cusatio casu. Interea non placet quod

exponūt, non alibi esse gloriandū, quā in Dei laudibus. Rectius & simplicius est, magnificē extollere Dei laudem, ut gloriosa sit. Neque enim mediocri præconio contentus est Propheta, sed vult Dei beneficia pro sua amplitudine splendide prædicari.

3 *Dicite Deo.* Iam materiam suggerit cur velit Deū laudari. Quia autē solent plurimi frigide apud alios de laudibus Dei differere, ut efficacius sensus fidelū tangat Propheta, & experge faciat, sermonē ad Deum iubet dirigi: quia vbi quis eum sine testibus & arbitrīs cōpellat, fictioni non esse locum videns, serio quod in corde habent probe meditatū, in medium profert. Nihil enim melius ad Dei reuerentiam nos cogit, quā vbi nos sistimus coram eius facie.



facie. Atque vt hunc affectum magis accendat, hostes dicit *mentiri Deo ob multitudinem virtutis eius*. Nam si duri & præfracti, qui se libenter eius imperio subducerent, velint nolint coguntur se coram eo humiliare: quid fidelibus agendum est, quos non terroribus sibi subiicit, sed blandè ad se inuitat? Subest enim hæc tacita comparatio inter voluntarium cultum, quem præstant fideles, dulcedine gratiæ illecti: & seruilem coactamque subiectionem, ad quam increduli vi trahuntur. Hoc enim significat *mentiri*, fieri supplicem non alacri obsequio, neque liberè, sed quia necessitas extorquet: sicuti Psalmo 18. 45. diximus. Nam quod alii exponunt, Agnoscant tãdem hostes spe fallaci deceptos se fuisse: alii verò, Negabunt se quicquã hostile fuisse in te molitos: nimis remotum est à verbis ac mente Prophetæ. Quoniam autem multis modis Deo mentiuntur hypocritæ, nihil tamen hoc

loco aliud voluit Propheta, quàm Dei robur hostibus quoque esse formidabile vt inuitos sabigat.

4 *Omni terra ador.* Quòd tam maltus, est Propheta in hoc capite tractando, non est præter rationem. nam quum huic argumentò impares sint omnes linguæ, videmus quàm parci & maligni sint homines, vt vix tenui & ieiuna laude aspergant Deum, ad què celebrandum debuerant neruos omnes ac conatus intendere. Rursus autem vaticinatur Propheta, quanuis tunc soli Iudæi in suo angulo Deum colerent omnes tamen Gentes sub eius imperiũ venturas. Neque verò nunc, sicuti nuper iugum subituros dicit, qui cuperent, si liberum esset, resistere: sed verum ac sincerum cultum exprimit. Psallent tibi, psallent nomini tuo. Est enim hoc præcipuum laudis sacrificium, vt habetur Psalmo 50. 14. 23, ac verum etiam testimonium pietatis.

5 *Venite & videte opera Dei terribilis opere super filios hominum.*

6 *Conuertit mare in aridam: per fluium transferunt pedes: ibi latati sumus in eo.*

7 *Dominatur in fortitudine sua seculo, oculi eius super Gentes speculantur: defectores non exurgent sibi.* Selah.

8 *Benedicite populi Deum nostrum, & resonate vocem laudis eius:*

9 *Qui posuit animas nostras in vitam, & nõ dedit ad lapsum pedes nostros.*

5 *venite.* Hic oblique perstringit omnium ferè ignauitã, cuius culpa fraudatur Deus meritis laudibus. Vnde enim fit vt clausis oculis prætereat maior mundi pars Dei opera, nisi quia vix centesimus quisque ad eorum considerationem studium suum applicat? Stimulis ergo opus est, qui torpentes instigant. Similè fere locum habuimus Psalmo 46. 9, vnde huius loci explicationẽ petere licebit. Summa huc redit, quia homines videt Propheta vel occupari vanis negotiis, vel in peruersis & erraticis studiis vagari, hortatur vt se accingant ad videnda Dei opera: & hortando simul obiurgat tardos & residos. Di-

cendo etiam, *videte*, perperam excutire admonet in re manifesta: quia nisi in ætatu essent opera Dei, frustra conspici iuberet. Speciem quoque operũ Dei ponit, ad quorum intuitum vult omnes esse attentos, nempe rationem quam tenet in gubernando humano genere. Hæc enim experimentalis (vt ita loquar) notitia magis afficit. Ideo Paulus Actuum cap. 17. ver. 27, postquam differuit in genere de potentia Dei, sermonem huc restringit, iubetque vnumquẽque in se descendere, quia illic Deum præsentem sentiet. Sic interpretor particulam istam *Deum* esse admirabilem *opere super filios hominum*: non quòd emi

near eius maiestas supra homines, sed quod in tuendo ac conseruando eorum statu maximè admirabilis sit eius prouidentia, sicuti etiam Psalmo 40. 6, diximus. Ergo quanuis non longius circumspectiāt homines, in seipsis satis reperiet causæ cur Deum reuerentur ac timeant. Tandem à conseruatione generis humani ad specialem Ecclesiæ curā transitum facit Propheta, commemorans electi populi redemptionē. In quo membro est synecdoche: quia minimè dubium est quin breuiter commonefaciat fideles de innumeris Dei beneficiis quibus postea sanciuir hanc liberationis gratiam. Quod etiam breuiter significat mox adiungens, *ibi letati sumus in eo*. Neque enim ad eū & alios posteros spectaret redēptionis letitia, nisi quatenus cōtinui amoris pignus ac documētū à Deo editum foret erga totū Ecclesiæ corpus. Sed quia tūc suorum æternus apparuit seruator, ex hoc etiam fonte commune ad omnes pios gaudium proflixit.

7 *Dominatur.* **וְיָיָהוּ** Hebræis nunc seculum est vel temporis perpetuas, nunc ipsa mundi fabrica. atque hic posterior sensus contextui videtur melius quadrare, & receptior est, Deum fortitudinē præditum esse qua sub imperio suo contineat totum orbem. Quod etiam refertur proximum membrum, *oculos eius speculari super Gentes*. Quanuis enim sub Lege propriam imperii sedē crexerat in Iudæa, sēper tamen prouidentia sua totum orbem complexus est: nec obstitit singulare illud priuilegium quo

dignatus est filios Abrahæ fœderis respectu, quin ad reliquas etiam Gentes fouendas & alendas aspectum suum extenderit. Confirmat Deo curā esse Gentes, quia illic etiam pœnas exigit de sceleratis ac reprobis. Ita nullam generis humani partem à Deo negligi probat ab effectu Propheta, quod impios præcipientes deiiciat. Etsi enim multa confuse in mundo miscentur, nunquam tamen sic in abdito latere patitur sua iudicia, quin signa quadam eorum, & quidem satis illustria, oculatis & attentis spectatoribus proponat.

8 *Benedicite populi.* Quanquam populos omnes communiter hortatur ad laudandum Deum: speciale tamen aliud Dei auxilium commemorat quo restituta fuit salus Ecclesiæ. Ita innuere videtur, Gentes aliquando eius gratiæ fore paticipes, cuius tunc gustum electo populo Deus præbebat. Interea admonet insignem & memoratu dignā esse liberationem, cuius famam vbique vult resonare. Quanquam autem redditam Iudæis fuisse vitam prædicat (quo genere loquendi, non vulgariter adiutos fuisse docet) mox tamen ostendit, potius seruatos fuisse à periculo, quam postliminio restitutos ab aliqua clade. Nam quia à lapsu dicat *seruatos fuisse pedes*, sequitur non eecidisse, sed maturè fuisse occursum ut firmi starent. Neque tamen ideo gratiam Dei extenuat Propheta quod malum anteuenerit: sed fatetur fuisse viuificatos qui Dei beneficio seruati erant incolumes.

10 *Quia probasti nos Deus, examinasti nos sicut examinatur argentum.*

11 *Deduxiste nos in laqueum, posuisti coarctationem in lumbis nostris.*

12 *Equitare fecisti hominem super capita nostra: venimus in ignem & aquam, & eduxisti nos in planitiem.*

10 *Quia probasti nos.* Posset hoc per concessionem legi, interposita particula *Quanuis*: ita amplificaret Propheta Dei gratiam: quia populum liberauerit ex grauissimis malis. Quod tamen libenter recipio: Propheta tamē simul alterum quoque finem spectasse

arbitror, nepe ut optimo solatio, quod ex ei⁹ verbis colligitur, priorum tristitiā leuaret. Nihil enim utilius est quàm reputare nos affligi Dei manu quoties nos res aduersæ premunt: & quidem nō alio consilio nisi ut saluti nostræ consular. Huc spectat probatio & examē de quib⁹ loquitur

loquitur Propheta. Etsi autem suos instar argenti examinet Deus, ut purget eorum vitia, ac si igne excoqueret scortia: simul tamen intelligit documentum fuisse capum eorum patientiæ. Et argenti similitudine exprimere videtur fuisse ad vitium probatos, sicuti argentum non semel in ignem conicitur. Etsi enim gratias Deo agunt fideles, quod tantum probati fuerint afflictionibus, non prorsus consumpti: malorum tamen varietas & grauitas clare exprimitur non tantum hoc verbo, sed toto contextu, ubi dicunt se in laqueum fuisse coniectos, redactos in ultimas angustias hominem fuisse impositum capitiuis suis: denique per naufragium & incendium transisse. Et quia iumentis suis coarctationem vel catenam positam fuisse dicunt, aggrauant quod prius dixerant de laqueo. Sensus enim est non modò filis se fuisse irretitos, sed coarctatos duro & insciubili vinculo. Equiaudi etiam verbo intelligunt tyrannos contumeliose & petulanter fuisse dominatos, & quasi iumentis fuisse abusus. Per ignem & aquam minime dubium est intelligi multiplices arumnas, ac sensus est, nullum fuisse afflictionis genus

quo non exercuerit Deus suam Ecclesiam. Sicut autem duo hæc elementa ad fouendam hominis vitam plurimum valent, ita rursus ad extinguendam. Notandum autem primò est, quod Propheta, quascunque iniurias perpeffus erat populus hostium sæuitia, pro pœnis diuinitus inflatis recenset: ne existiment fideles eo sopito, vel aliud agente, tam duriter se fuisse vexatos: Ecclesiæ autem conditio veluti in speculo statuitur hic nobis ante oculos: ne ubi conigerit ab igne in aquam nos raptari, & ita & ab hac & illuc, ipsa nouitas nos exanimet vel terreat. יְיָ proprie terram irriguam significat. Sed metaphorice hic pro læto & iucundo statu capitur, ac si in campis amœnis & fertilibus suauiter & liberaliter pascerentur fideles. Summa est, quanuis temporalibus pœnis duriter castiget suos Deus, semper tamen dare prosperum & lætabilem exitum. Failletur enim meo iudicio qui ad possessionem terræ Chanaan restringunt: quia hic non fit tantum mentio deserti, sed omnium temporum arumnas quibus humiliatus fuerat populus, comprehendit Propheta.

13 *Veniam in domum tuam cum holocaustis, soluam tibi vota mea,*

14 *Quæ protulerunt labia mea, & os meum loquutum est in afflictione mea*

15 *Holocausta pinguum offeram tibi cum suffitu arietum, faciam boues cum hircis. Selah.*

16 *Venite, audite, & narrabo omnibus timentibus Deum quæ fecerit anima mea.*

13 *Veniam in domum.* Quanquam hætenus totius Ecclesiæ personam sustinuit Propheta, magis tamen emphaticè nunc ex privato animi sui sensu loquitur: & vehementius singulos ad pietatis officium incitat: quia ubi quisque seorsum ad gratias agendas probe animatus erit, symphoniam laudum in commune alacrius cõferent. Summa est, indignè suppressi Dei gloriam quoties in rebus aduersis nobis succurrit, nisi liberationem sequatur solennis gratiarum actio. Nec simpliciter grauitudinem

promittit. Vota se in media afflictione nuncupasse dicens, fidei suæ constantiã ostendit. Nota est Iacobi exhortatio, 5. 13, Oret qui angitur ac tristis est: qui lætus est, canat. Plerosque enim videmus, licet in prospera fortuna blandè fidei laudibus Deum mulceant, simul ac paulo durius vrgentur, vel tumultuose contra eum fremere, vel fractos torpere. Atqui hæc vera est pietatis probatio, si quis inter summos dolores ad Deum suspiret, fideique & tolerantiæ suæ perseuerantiam orando pro-



bet: deinde gratitudinem testetur. Nec abs re dicit se *labiis prouulisse vota*, significans nunquam se ita mœrore fuisse cōstrictum, quin disertè preces concipiens profiteretur se in manu Dei salutem suā deponere. De votis quod alibi fusius tractatum fuit, breuiter repetendum est. Prīmò, nihil vnquam sanctos Patres vouis se Deo, nisi quod ei probari scirent. Deinde non vouis se in alium finem, nisi vt gratitudinis suæ testimonium redderēt. Quare nimis insulse illorum exemplum obtendunt Papistæ non modò temerariis, sed etiam sacrilegis votis, dum primò futiliter obtrudunt Deo quicquid in buccam venit: deinde nihil sibi minus proponunt quàm rectum finem, & diabolica seperbia de rebus sibi non concessis pasciscuntur.

15 *Holocausta pinguium.* Vel Dauidem, vel aliquem ex summis proceribus hic loqui oportet: quia vt tenuis fortunæ homines tam opima & splendida sacrificia offerrent facultas non sinebat. Probabile igitur est Dauidem Psalmi esse auctorem, qui sumptum regale facturum se denuntiat in sacrificiis. Scimus autem cur sibi tunc Deus victimas offerri iusserit pro gratiarum actione, nempe vt sciret populus sua immunditie pollui & vitari Dei laudes, nisi aliū de sanctificentur. Nam vtcunque nobis

sit propositum laudare Dei nomen, impuris tamen labiis ipsum profanamus, nisi quatenus se Christus semel hostiam obtulit vt nos & nostra omnia sanctificet. Ideoque docet Apostolus Heb. 10. 7 per ipsum placere laudes quas Deo referimus. Sufatum sui holocausti hic commendat Propheta, quum inde nonnisi grauis ac putidus odor in cælum ascenderit: sed quatenus figure erant Christi, arietes aliæque victimæ, suauius coram Deo redolebant. Nunc abolitis legalibus figuris, manet nobis spiritualis veritas, quæ proximo versu melius exprimitur, vbi Propheta beneficiorum Dei præconem se fore denuntiat. Nam & sub Lege huc referri oportuit externas ceremonias: quia alioqui inutilis fuisset earum pompa. Præconium ergo gratiæ Dei, verum condimentum fuit ne insipida essent sacrificia. Quòd autem aduocat pios omnes, sive exemplo docet non satis gratos esse Deo nisi qui desiderio flagrant publicandæ quam experti sūt gratiæ, non modò vt incitentur omnes ad eum vno consensu laudandum, sed vt documentis gratiæ eius animentur ad fidem & spem. Quòd autem narratio nem suam destinat solis Dei cultoribus ratio est, quia soli idonei sunt auditores: profanis autem & hypocritis tanquam surdis canitur.

7 *Ad ipsum ore meo clamauit, & exaltauit eum sub lingua mea.*

18 *Iniquitatē si respexi in corde meo, non audiet Dominus.*

19 *Vtique audiuit Deus, attēdit ad vocē precationis meæ.*

20 *Benedictus Deus qui non amouit precationem meam & misericordiam suam à me.*

17 *Ad ipsum.* Confirmat, se Dei auxilio saluum esse, quia eum precatus, ipso effectu senserit fuisse sibi propitium. Votorum enim fructus, gratiam Dei nō parum illustrat, vt nobis sit certior. Iterum per os & linguam, sicuti paulò antè, precandi vehementiam & ardorem exprimit. Nisi orasset ex intimo cordis affectu, repudiatus quidem esset: sed linguam facit cordis comitem, vt sciamus non frigidè eum orasse. Quod nonnulli sub lingua, tantūdem valere putāt atque in corde absurdū est. Sermo enim qui ex

linguæ reflexu procedit, sub lingua nasci dicitur: sicut alibi, Venenum aspidum sub labiis eorum, Psalmus decimo tertio, versu 3. *Exaltandi* verbo significat non alia honoris specie melius coli Deum, quàm vbi ab ipso expetitur salus. Vnde apparet in Papatu spoliari ipsum præcipuā gloriæ suæ parte, vbi vel ad mortuos vel ad statuas distrahuntur hominum vota: & inuocatio Dei ferè pro nihilo ducitur. Sed interim legem purè & rectè orādī subiicit Propheta, ne præterita fide & pœnitentiā, temere se quæque

que ad Deū inuocandū ingerat. Scimus, quoties in genere pronuntiat Scriptura inuocandum esse Deum, quā audacter irrumpant hypocritæ & profani homines, seque permisceant fidelibus. Ergo Propheta vt talibus ludibriis inuam præcludat, cordis integritatem requirit. Fateor quidem Prophetam his verbis suam innocentiam asserere, quē admodum sepe Dauid probitatem suā reali, vt ita dicam, gratiæ Dei testimonio à calumniis asserit: sed consilium maximè fuit tradere suo exemplo communem regulam, vt discamus ad Deum puro corde accedere. Similis est locus ille Ioannis 9. 31, Deus impios non exaudit. Verum quidem est nō alios quā peccatores audiri, quia omnibus ad vnum præscripta est forma vt peccata sibi remitti petant. Sed quanuis ingeniam reatus sui confessionem coram Deo afferant fideles, hoc tamen ipso iā peccatores esse desinunt, quia Deus supplices absoluit. Tenenda enim est Pauli admonitio, 2. Tim. 2. 19, Vt ab iniquitate discedat quisquis inuocat nomen Domini. Porro iniquitatem aspicere in corde, non est esse sibi male consciū (quia videre sua vitia coguntur filii Dei vt si-

bi in illis displiceant: atque hæc cognitio pro summa virtute censi meretur) sed intentum esse & additū iniquitati. Quanquam ideo disertè cordis meminit Propheta, vt ostenderet non modò puras sibi esse manus, vel se coram hominibus esse innoxium, sed vt coram Deo sibi assereret veræ integritatis laudem. Nisi enim externæ vitæ respōdeat interior cordis veritas, sed recondita malitia lateat: quod splendeat coram hominibus, abomitatio erit coram Deo. Subiicit autem cum affirmatione, exauditas fuisse prece: vnde colligitur, nunquam fore spem nostram irritam, modò ex animo Deum quæramus.

20 *Benedictus.* Psalmum gratiarum actione claudit, vnde exorsus fuerat: & causam addit quod repulsam non fuerit passus: figuratè enim dicitur Deus orationem à se depellere, si quem auxilio non dignetur, ac si tergum obuerneret. Fontem verò designat, quia non subdixerit Deus suam misericordiam. Neque enim aliud quā gratuitus eius fauor vel nobis eum reddit placabilem, vel pretium ac impetrandi gratiam conciliat precibus nostris, ne sint infructuosæ.

## ARGVMENTVM PSALMI LXVII.

*Precatio est pro felici Ecclesia statum, non solum vt Deus in Iudæa eum tueatur incolumem, sed etiam vt noua & insolita propagatione augeat. ubi etiam breuiter disseris de regno Christi aduentu in toto orbe erigendum erat.* Psalmus LXVII.

**P**Ræfetto in *Neguinoth*, Psalmus canticum.

2 *Deus misereatur nostri, & benedicat nobis: lucere faciat vultum suum in nobis. Selah.*

3 *Vt cognoscant in terra viam tuam, in omnibus gentibus salutem tuam.*

4 *Celebrent te populi Deus, celebrent te populi omnes:*

5 *Latentur & exultent populi, quoniam indicabis populos in aequitate, & populos in terra diriges. Selah.*

6 *Celebrent te populi Deus, celebrent te populi omnes:*

7 *Terra dedit promentū: benedicet nos Deus Deus noster.*

8 *Benedicet nos Deus, & timebūt eum omnes fines terra.*

2 *Deus misereatur.* Quanquam vacillatur in hoc Psalmo Propheta de

regno Christi, sub quo Dei adoptio communis toti mudo futura erat: Iudæis ta-

men peculiariter gratiam Dei precatur: sicuti primogenitos fuisse scimus, Exod. 4.28, ut meritò ab ipsis incipere debuerit quæ per cunctas gentes spargenda erat Dei benedictio. Quanquam autem in optatiuo modo reddidi totum hunc Psalmum, quia in hunc fere sensum conveniunt omnes Interpretes: non minus tamen commode in tempore futuro verba omnia vertere liceret, sicuti Hebraicè leguntur: ita esset sancta gratulatio ad faciendas pias mentes, ne ambigerent de continuo favoris Dei successu, quin potius incrementa eius sperarent. Quia tamen communi fere consensu receptum est, Prophetam hic precari, mihi satis est lectores monuisse. Porro quum sermonem habeat non de extraneis, sed de Ecclesia ipsa, & tamen quicquid bonorum in eam conferri optat, deriuat ex fonte gratiæ Dei: sequitur, quandiu vivimus, non aliunde nos esse felices, affluere bonorum copia, denique prospere agere, nisi quia gratuito nos amore prosequitur. Quod si verum est, quis eum præuenit suis meritis? Sub *vultus illuminatione* utrunque videtur complecti: quia ubi & amoris sui sensu cordibus nostris inspirat Deus & re ipsa declarat se propitium esse, dicitur super nos lucere serena eius facies sicuti obnubilari dicitur, dum peccatis nostris offensus, conscientias nostras terret, signaque aufert sui favoris.

3 *Ut cognoscant.* Hic clarum est vaticinium de propagatione gratiæ Dei, quæ factum est ut Gentes in unum corpus cum semine Abraham coalescerent. Operatur igitur Propheta conspicuū esse Dei favorem in electo populo, ut Gentes suo fulgore in eiusdem spei societatem adducat. Per *viam* Dei intelligitur fœdus quo se patefecit veteri populo in Patrem, clarius deinde per Euāgelium, quo datus est vberior adoptio-nis Spiritus, unde manat salus: sicut etiā Christus docet hanc esse vitam æternam, cognoscere verum Deum, &c. Iohan. 17.3

4 *Celebrent te.* Quia salvificæ Dei notitiæ cunctos populos dixit fore par-

ticipes, nunc tantæ gratiæ præcones fore dicit, simulque ad gratitudinem hortatur. Et repetitio clarius exprimit sermonem fieri de re noua & insolita. Neque enim si consuetio more & ordine visitato suam erga filios Abraham gratiam prosequutus esset Deus, tanta vehementia opus erat. Nam primò dicit, Celebrent te populi, celebrent te populi omnes, Deinde hanc exclamationē paulo post iterat. Sed opportunè gaudium cum sua causa medium inseritur: quia verè & secùdò laudari non potest Deus, nisi tranquillis & hilaribus animis, ubi Deo reconciliati gloriamur in certa spe salutis, & pax Dei exuperans omnem sensum, palmam obtinet in cordibus nostris, Philip. 4.7. Ipsa verò causæ red-ditio planè demonstrat Gentium vocationem: quia Dei gubernatio cuius hic mentio fit non de generali imperio accipitur, sed de Spirituali iurisdictione quam in Ecclesia sua exercet. Neque enim, propriè loquendo, alios Deus regendos suscipit, nisi quos Legis suæ doctrina colligit in suum obsequium. Et nomen *aquitatis* disertè exprimitur ad commendationē huius regiminis. Deinde eadem fere verba leguntur apud Iesaiam 11.4, & Michæam 4.3, ubi de spargenda per totum orbem salutis doctrina concionantur.

7 *Terra dedit fructum.* Postquam de præcipua Dei gratia loquutus est, addit Deum terrenis quoque benedictionibus prosequi quos amore suo dignatur, ut nihil prorsus, eo propitio, ad beatam & fœlicem vitam desit. Tenendum verò memoria est quod antè diximus, quoties illum veterem populum suis beneficiis Deus ornauit, quasi accensa lampade præluxisse toti mundo, ut ad se quærendum Gentes alliceret. Ideo si liberaliter suppeditet Deus populo suo quicquid opus est, ex hac beneficentia, quasi ex fonte, oriturum prædicat timorem Dei: quia scilicet omnes mundi fines eo libentius se eius imperio addicent, ubi experientia edocti fuerint tam benignum esse erga suos Patrem.

#### ARGVMENTVM PSALMI LXVIII.

Quamvis Davidi propositum sit in hoc Psalmo, quæ Dei gratia adeptus erat de hostibus victorias celebrare, imitio tamen potentiam & bonitatem Dei in genere commendans, materiam eius laudandi proponit



in totius mundi gubernatione. Postea ad redemptionem electi populi descendit: cui etiam adiungit eversum pa-  
serna Dei beneficentia, quam semper erga genus Abrahæ exereve dignatus est. Tandem argumentum quod ex  
professo suscepit, copiose prosequitur, & splendidis elegiis memorabilem illam Dei virtutem prædicat, quam  
ipse privatim fuerat exortus, & qua simul toti populo fuerat conspicua. Unde colligit, se Rege creato statum  
Ecclesiæ fuisse viâ compositum, ut Deus quasi erecto solio, tunc denovo regnare inciperet, qui ante visus fuerat  
procul recessisse. Nec verò dubium est quin magnificam Dei gloriam qua in Christo demum apparuit, sub hoc  
typo delineet.

Psalmus LXXIII.

**P** Resectio Davidis Psalmus Canticum.

2 Exurget Deus, dispergentur inimici eius, & fugient  
qui oderunt eum à facie eius.

3 Sicut propellitur fumus, propelles: sicut liquefcit cera à  
facie ignis, peribunt impii à facie Dei.

4 Iusti autem letabuntur, exultabunt à facie Dei, & ge-  
stient præ lætitia.

5 Cante Deo, psallite nomini eius, exaltate equitantem  
in nubibus in Iah nomine eius, & exultate coram facie eius.

6 Pater pupillorum, & cognitor viduarum, Deus in ha-  
bitaculo sanctuatis suæ.

7 Deus habitare faciens solitarios in familia, educens  
vinctos compedibus: at rebelles habitabunt in terra arida.

2 Exurget Deus. Hoc primo versu  
quasi præfatur David de quibus rebus  
differere velit in hoc Psalmo. Hæc sum-  
ma est, Quamvis Deus ad tempus quie-  
scar, impiis proterve & crudeliter Ec-  
clesiam affligentibus, tandem surgere  
vindictæ: & satis esse præsidii fidelibus  
in eius auxilio simul ac manum suam  
contra impios exerit. Quod sententiam  
hanc ex Mose Num. 10.35, sumptam  
fuisse putant Interpretes, libenter sub-  
seribo. Nec enim mihi dubium est quin  
Moses seculis omnibus dictauerit præ-  
candi formam: ut freti archæ fœderis fi-  
deles, tanquam visibili præsentia Dei  
symbolo, se fore saluos cōsiderent. Hoc  
tantum discrimen notandum est, quod  
Moses Deum ipsum compellans præ-  
catur: David autem re ipsa hoc quotidie  
impleri gloriatur & canit. Nam qui  
verit in modo horradī, Exurgat Deus:  
non satis mihi videtur ad eius consiliū  
attendere. Hæc enim summa est, Expe-  
rientia verum cognosce quod semel do-  
cuit Moses: nempe Deum, simul ac sur-  
rexerit, præditum esse satis valida po-  
tentia ad sternendos omnes hostes, ac

profligandos. Quanquam hortandi mo-  
dus mihi non adeo displicet, modò re-  
soluas, ut dixi, ac si dixisset, Non opus  
esse magno apparatu ut Deus hostes  
suos perdat: quia in eius arbitrio est, si-  
mul ac digitum sustulerit, omnes dis-  
sipare. Interea tacite subindicat, fieri  
Dei tolerantia, ut interdum præualeant  
hostes: & quantumvis insolentant, nihil  
posse nisi eius permissu: quia nondum  
est tempus surgendi. Hoc quoque sua-  
uissimæ consolationis plenum est, vo-  
cari Dei hostes quicumque eius Ecclesiā  
inestant: quia cum nos susceperit tuen-  
dos, non secus afflictor nostris iniuriis  
ac si violaretur sua ipsius maiestas. Pul-  
chra etiam similitudine melius expri-  
mit quàm facile Deo ac promptum sit  
omnes hostium nostrorum conatus dis-  
cutere: nempe sicut fumus vento discussus  
euan fit, vel cera liquefcit coram igne.  
Est autem hoc fere incredibile, tam  
firmi roboris dissipationem fore mo-  
mentaneam: sed Spiritus hoc modo ni-  
miam carnis nostræ timiditatem corri-  
gere voluit: ac si diceret, nō subesse ho-  
stibus nostris quàm putamus firmitudi-

nem, sed quasi fumo hebetari nostros oculos: falli etiam nos in ipsa duritie, quia non reputamus solo Dei conspectu liquefieri montes ipsos.

4 *Iusti autem latibuntur.* Hic explicat David, præcipuè in salutem Ecclesiæ suæ, Deum formidabilem esse impiis. Et videtur lætitiā hanc obliquè opponere mœrori, quo diu sub Saule occupati fuerant animi piorum: ac si dixisset, Postquam humiliavit suos ad tempus Deus, asserre nouam gaudii lucem, ne semper sub tristitia demersi iaceant. Interea docet, tunc verè demum exhilarari pios, dum sibi propitium esse Deum cernunt, suamque ei salutem charā esse. Quāquam autem יָדָבֹר & יָדָבֹר Hebræis idem sæpe valent: hic tamen consultò distingui à Propheta existimo: quia fugiūt impij à facie Dei, quam exhorrent: iusti verò ad eandem faciem exultant, quia nihil illis optabilius quàm sentire propinquum sibi esse Deum. Vidimus autem Psalmo 18. 26, vt Dei conspectus alios expauesciat, alios verò suauiter exhilaret: quia sicuti mansuetus est erga mansuetos, ita cum præfractis præfractè agit. Plurium verborum congerie exprimit Propheta nō mediocrem fore piorum lætitiā, sed quæ omnes eorum affectus in se rapiat & occupet.

5 *Canite Deo.* Iam hortari incipit fideles ad laudandum Deum: materiam tamen initio in genere proponit, sicuti nuper attingi, quòd suo imperio & virtute contineat totum orbem: inde quòd miseros quosque & contemptibiles fouere sua cura & patrociniò tueri dignetur. Hoc ergo elogium est in mēsa Dei potentia, quòd equitet super nubes, vel celos, quia sequitur toto mūdo superiorem esse. Nam etsi hac loquēdi forma admonet Spiritus sanctus nihil crassum vel terrestre concipiendū esse de ipso, præcipuè tamen commendat summum imperium, vt nos ad reuerentiā adducat: ac si diceret, ita supereminere, vt laudes omnes infra ipsū subsidiant. Nam vbi neruos omnes intenderimus, non comprehendemus certè calum & terram, quæ tamen amplitudinē gloriæ Dei æquare nequeunt. Quod additū continuò pōst de *la nom-*

*ne eius*, variè potest accipi. Scimus litteram *beth* sæpe apud Hebræos superuacua esse, ideo posset transferri, la est nomen eius. Vertunt alii, In la est nomen eius: ad verbum, quod mihi non displicet, tamen si *nomen* quoque in ablatiuo casu ponere malui. sed de verbis minus laborandum est, quia non est obscurum Davidis consiliū. Nam quia tunc vanis deorum figmentis superstitio repleuerat totum orbem, voluit vni Deo suum gradum asserere, ac si omnia idola facessere iuberet vbi in medium prodiret Deus Israel. Sed quia non satis esset, simpliciter coli Deum à fidelibus, quem impij quoque dum expauescunt & tremunt, reuereri coguntur, *laos* & alacres accedere ad ipsum iubet: idèque de mira eius bonitate paulò pōst concionatur, quòd ad *pupillos* vsque & *viduas* se demittere non grauetur: ac si diceret, Incomprehensibilem Dei gloriam non esse causam distantia, vt nos, quamlibet miseri simus, ac in sordibus demersi, despiciat. Nam viduas & pupillos nominans, haud dubiè per synecdechen complectitur quos mundus, quasi auxilio indignos, præterire solet. Nam vti plurimū nostra officia ibi locamus vnde spes aliqua compensationis apparet. Deinde primum ferè locum occupat dignitas & splendor: vnde fit vt contempti iaceant pauperes. Quod sequitur, *Deum esse in habitaculo sanctuatis suæ*, siue ad calum referas, siue ad templum, optimè præsentī argumento cōueniet. Neque enim calò inclusus est Deus vt ouium colat, sed potius solij instar est ei calum vnde orbem iudicet. Iam quia domicilium sibi delegit inter homines, vnde familiariter eos ad se inuitat: nihil aptius erigere pauperum fiduciam potest, quàm vbi audiunt non procul quærendum esse. Proximo versū alias quoque species adiungit, quòd orbis & *solitarius* det copiosam sobolem, & *infectos* soluat è compedibus. Postremo autem membro Dei iudicium impiis & profanis eius contemptoribus denuntiat, non modò ad incutiendum illis merum, sed ne eorum forti inuideant fideles. Summa est, quocunque afflictionis genere premamur, in Dei manu esse solarium, quo dolores nostros leniat, & curas exoneret. Quāuis

uis autem impii ad tempus sibi placeāt, quicquid tamen nunc videtur illis maxime prosperum, tandem infelicitate illis cessurum esse. Nam *habitare in arido*

significat quasi in desertum relegari, ne amplius paterna Dei benevolentia, qua improbe abusi sunt, fruantur.

8 *Deus quum egrediebaris coram populo tuo, quum iter faciebas in deserto. Selah.*

9 *Terra mota est, etiam celi stillarunt coram facie Dei huius: Sinai à facie Dei Dei Israel.*

10 *Pluviam liberalem fluere facies Deus super hereditatem tuam, & lassam tu instauras.*

11 *Congregatio tua habitabit in ea: parabis in bonitate tua pauperi Deus.*

8 *Deus quum egrediebaris.* Nunc Dei bonitatem propriè in Ecclesia residere prædicat, quam peculiariter in eū finem delegit ut theatrum esset paternæ suæ sollicitudinis. Hoc autem disertè additur à Propheta, ut quod antea dictū est, filii Abraham propius ad se accommodent: quia sunt ex electo populo. Porro quia redemptio ex Aegypto præcipuū & æternum erat amoris pignus, quo etiā sancita fuerat adoptio pridem in manu Abraham facta, eius historiam breuiter attingit. Summa huc tendit, Deum in illo memorabili exitu testatum esse omnibus seculis quantopere Ecclesiam suā diligeret. Quorsum enim tot miracula, terræ æliques concussio, & montium tremor, nisi ut palam fieret Dei virtutem cum salute populi coniunctam esse? Ideo partes ducis tribuit Deo, qui suis auspiciis populum deduxerit. Neque id solum in traicctu maris Rubri, sed etiā quandiu in deserto vagati sunt Israelitæ. Porro *terra motum* intelligo non solum in Legis promulgatione: sed quia in continuo itineris progressu sapius mutatus est ordo naturæ, ac si elementa omnia trepidarent ad Dei conspectū. Quia tamen præcipuè in monte Sinai terribilem suam potentiam ostendit Deus, quia & tonitrua audiebantur in celo, & totus aer fulgetris plenus erat: disertè montē illū nominat Propheta, in quo spectabilis fuit splēdidius quàm alibi vsquam Dei maiestas. Pronomen demonstratiuum *huius* frigidè ad Sinai quidam referunt: quum potius Dauid

gloriam Dei Israelis illustret. Nam simili figura Propheta non semel declarant, Deum qui colitur inter Abraham filios, non esse imaginarium: nec religionem quæ eius Lege tradita fuit, ambiguum esse. Sic Iesaias cap. 25. ver. 9. Hic hic Deus noster, seruabit nos. Ergo Dauid, quasi in præsentem Dei cōspectum suo adduceret, fidei certitudinem confirmat, distinguitque à dubiis Gentium erroribus: & simul oblique perstringit mundi mentiam, qui Deum sibi in linguis & lapidibus auro & argento figurans, adeo non proficit in Dei notitia, ut in suis fallacis longius euanescat.

10 *Pluviam voluntatum.* Hic Dauid perpetuum gratiæ Dei cursum prædicat, ex quo terram sibi promissam ingressus est populus. Ipsa enim vocatur Dei hereditas, quam assignauerat filiis suis. Alii Ecclesiam intelligunt, sed impropiè: quia paulò post subiciet in ea habitare cœtum Dei. Meritò autē terra Chanaan nomen hoc obtinet, quæ hereditario iure à Patre cælesti tradita fuerat. Porro ex quo in ea locati sunt filii Abraham. Dauid cōmemorat nunquā Deū cessasse ab optimi & indulgentissimi patris familiæ officio: quia victus parandi causa, pluviam semper excitauerit. Porro quum *הַבְּרָכָה* (quod nomen hic in genitiuo plurali vice epitheti ponitur) Hebræis spontanea sit volūtas, vel mera liberalitas, libenter Interpretes assentior qui ad gratuitum Dei beneficium referunt: ac si dixisset Dauid, Deū semper alendi populi sui spō-



te curam habuisse. Nam quod alii pluuiam voluntatum, Optabilem vertunt, quam Gallicè dicimus *Aplaisir*: alii mitem, vtròque fluentem sine impetu, quam Gallicè vocamus *pluye monotone*: nescio an conueniat. Sunt etiam qui largam & vberem pluuiam interpretantur. Sed iam quid mihi magis placeret, ostendi. Liberalitatis ergo suæ signū exhibuit Deus, terram opportuna pluuiā irrigans. Nec dubito quin ad Iudææ situm respexerit, cuius fecunditas erat à rore vel pluuiā cælesti. Eadem ratione dicit *lasitudinem effatam refici*. Additur ratio, quia illam Deus electo populo

habitandam dederit: ac si diceret, Non alio respectu sic benedici, nisi quia sacrum est Ecclesiæ domicilium. Ac quomelius hanc beneficentiam agnoscant Iudæi, comparat eos *famelis* qui in diē aluntur. Etsi enim lautē ad satietatem usque adipe frumenti, vini copia, melle & oleo pascebat eos Deus, sic tamē gratiam suam temperauit, ut à se vno penderet eorum expectatio. Quod alii **היו** pro copioso victu accipiunt, etsi non refecit, potius tamen inclino in diuersum sensum, Deum non aliā quā beneficentia suā respectu induci, ut suis tam prouidē consulat.

12 *Dominus dabit sermonem annuntiatricibus exercitus magni.*

13 *Reges exercituum fugient, fugient: & habitatrix domus diuidet spolia*

14 *Si iaceatis inter ollas, penna columbae aperta argenteo, & posteriora eius in pallore auri.*

15 *Quum dissiparet Omnipotens Reges in ea, dealbabis in Salmon.*

12 *Dominus dabit.* Hic etiam victorias commēdat Dauid, quibus Deus virtutem suam in tuenda populi salute præclarē extulerat. Quum verò ipse profligatis hostibus terram pacisset, ac ampliasset regni terminos, omnium stratagematum laudem in Deum trāscribit. Nam partes Dei esse afferēs, carmen vel præconium triumphale dare, prosperos belli euentus in eius manu esse hac figura docet. Porro, *annuntiatrices exercitus* dicit, quia receptum erat vetusto more, epinicia canī à mulieribus: sicut Miriam soror Moysi cum mulierum choro Dei laudes ad tympanum celebravit, Exod. 15. 20. & mulieres etiā citharistrix Davidis triumphum occiderunt occiso Goliath, stratisque Philistinis, 1. Sam. 18. 6. Cantici tamē nomine, ut nuper dixi, significat Dauid non nisi ab vno Deo proficisci victoriā. Quāquam simul officii admonet fideles ut Dei beneficia qua decet gratitudine prædicent. Proximo versu docet: quamlibet magnis & validis copiis instructi prosiliāt hostes ad perdendā Ec-

clesiā, dissipatum tamen iri. Ac videtur muliebre canticū referre: quāuis in eius persona non minus rectē accipere liceat. Hæc verò circumstantia non parum illustrat Dei gratiam, quod fugati sint potentissimi Reges, quorum viribus longē impares fuissent Iudæi. Vnde enim factum est ut non modò irriti discesserint, sed etiam in longinquam fugā impulsī, quibus facile erat terram obruere suis viribus, nisi quia defensorem se populi sui Deus mirabiliter opposuit? Et *fugendi* verbum bis repetere videtur, quia sapius hostium imperus cælesti auxilio fuerant repulsi. Præda verò magnitudinem hac circumstantia notat, quod pars ad mulieres domi quietas perueniat: ac si diceret, Non solum milites spoliis bene ornatos è prælio reuersos esse, sed præ ingenti opulentia imbelles quoque mulieres fuisse præda socias.

14 *Si iaceatis.* Quia Deum pro suo populo præhæri solitum esse dixerat, nunc per modum correctionis addit, etiam si fideles interdum contingat iacere

iacere in tenebris, Deum nihilominus in tempore prodire liberatorem. Nec dubium est quin oblique miserum illud & calamitosum tempus perstringat quo populus Dei sub Saule duriter fuerat afflictus: quia illustrior & magis notabilis fuit restitutio, quam repente populus e tenebris in lucem emerfit. Quam longius patet doctrina: quia generaliter admonet, inter media afflictiones arcana & mirifica Dei virtute fideles quasi integros seruari, vel subito restitui, ut nulla malorum signa appareant, utrunque enim sensum verba admittunt, quod iacentes in fuligine & tenebris, nitere tamen non desinant: vel quod liberatio contractam ex malis nigredinem discutiatur. Verumuis eligas, summa huc redit, nunquam afflictionibus vel consumi vel obrui fideles quin sua illis maneat incolumitas. Id autem concinna figura docet perinde esse ac si columba inter ollas vel lebetes nullam in alis nigredinem contraherent, sed retinerent nativam pulchritudinem coloris. Vnde sequitur non semper iucunda serenitate frui Ecclesiam, sed ex tenebris erutam splendorem recuperare, ac si ab omni malo intacta foret.

15 *Quum dissipavit.* Quia verbum **שׁוּב** extendere vel diuidere signifi-

cat, posset etiam verti hic locus, Quum in triumpho traduceret. Melius tamen convenit Dispersio: & fuga cuius paulo ante meminit, respondet. Plus est obscuritatis in secundo membro, quia verbum **שׁוּב**, quidam ad Dei congregationem, referunt: quasi diceret David albedine fuisse speciosam. Secundæ tamen personæ etiam esse potest, hoc sensu, Deus tu eam dealbas non secus ac montem Salmō ninibus. Quia tamen ad rei summam nihil ferè interest, sequantur lectores utrum malint. Hoc quidem mihi dubium non est, Davidem profequi quod super dixerat de candore argenti. Quamvis ergo in turbulento hostium insultu, caligine obiecta esset terra, dicit David recuperasse suam albedinem, ut esset quasi nivis coloris sicut mons Salmon, quem fuisse nivolum satis constat. Alii putant esse nomen appellativum, & exponit, Umbra obscura. Sed præstat à recepta lectione non discedere. In reca mihi probabilis est allusio ad etymologiam nominis. nā quia **שׁוּב** umbrā significat, mōs Salmō diu fuit quasi obscurus. Et aptissima erit similitudo, sicuti montem obscurū dealbāt nives, ita obscuritate absterfa resplenduisse candidam faciem terræ.

16 *Mons Dei, mons Basan, mons celsitatum mōs Basan.*

17 *Ut quid exilitis mōtes celsitatum? mons in quo placuit Deo habitare: utique habitabit Iehouah in perpetuum.*

18 *Currus Dei viginti millia millium Angelorum: Dominus in illis, Sinai in Sanctuario.*

16 *Mons Dei.* Hic causam & principium tantæ Dei beneficentiæ notat, quod montem Sion sibi in regiam & templum elegerit, unde eius gratia in totum populum fluere. Quia verò Davidi hæc promissio data fuerat, meritò inde se probat Regem legitimum & diuinitus ordinatum: quia hac dignitate & præstantia mons Sion erat ornatus. Fuerant enim res coniunctæ, Davidem in regio solio ad gubernandum populum sedere, & Deo sacrum esse domicilium in monte illo. Duplex tamē potest esse verborum sensus: vel quod mō-

tem Dei, monti Basan compareret tanquam similem: vel quod opponat. Prior receptus est omnium ferè Interpretum consensu, quamlibet pinguis sit fertilitas montis Basan, Sionem tamen præcellere. Et si autem ad summam rei parum refert, non minus tamen apta erit distinctio, si seorsum legamus, *Mons Dei*: deinde ex opposito, *mons Basan* cum sua celsitate iubeatur cedere sacro monti: ac si dixisset David, Unus est mons Dei, nempe quem sibi oraculo consecravir. Quamvis autem mons Basan excelsus sit & nobilis sua pinguedine, veniat ta-

men cum reliquis montibus, non erit cur superbiant vel insultent: quia æquare non poterunt Sionem, quem Dominus suo beneplacito aliis omnibus prætulit. Si tamen vno contextu totum versum referas ad montem Sion, vocabitur mons excelsus & opimus: quia Dei benedictio qua Iudæi excelebant præcunctis mortalibus, illinc manabat.

17 *Quare saltatis.* In hoc versu nihil est obscurum vel ambiguum. Postquam enim retulit David montem vnicum Deo placuisse in toto orbe, cogit in ordinem altissimos quosque montes. Cæterum quia in plurali numero nunc reperit quod nuper dixerat de monte Basan: hac ratione adducor ut primò montem Basan, deinde quicquid est altitudinis in mundo, Sioni existimè opponi. Porro quum metaphoricè de montibus loquatur David, simplex sensus ex hac figura debet elici, Regnū Christi, quod Deus in persona ipsius Davidis auspiciatus erat, longe excellere supra omnes mundi glorias. Interea non abs re ad recundendam mundi cōfidentiam insurgit David: quia scimus ut contempnibile sit Christi regnum terrenis & profanis hominibus, qui deliciis suis vel opibus addicti, ad spirituales Dei gratias cæcutiunt, Atque eo latius patet eius doctrinæ utilitas, quo magis exultat caro inani superbia, simulac tenuis occasio data est. Nam si à superbia temperare sibi nequeit quibus nulla est ratio, quomodo potentes & opulenti non sibi arrogabunt aliquid eminentia? Cæterum quantumvis sibi applaudant, fideles tamen hac vna prærogativa contentos esse decet, quòd Deo placuit habitare in medio ipsorum. Quandiū enim coniuncti sunt Deo, in quo solo residet plena eorum felicitas, non est cur eos suæ conditionis pœniteat.

18 *Currus Dei.* Quia malignè ut plurimum, nec iusto pretio æstimatur

19 *Ascendisti in altum, captivam duxisti captivitatem, accepisti dona in hominibus: atque etiam rebelles, ut inhabitet Iah Deus.*

20 *Benedictus Deus per singulos dies, enervabit nos Deus salute nostra. Selah.*

21 *Deus nobis, Deus in salutem, & Iehova Domino exitus*

Dei præsentia, eam magnifico elogio commendat hic David. Nam, ut proclive nobis ad dubitationem ingenium est, quicquid occurrit discriminum in mūdo, in trutina sensus nostri virtutem Dei præponderat. Hinc trepidatio in minimis quibusque tentationibus: quia Deum exuimus immensa sua potentia, vel saltē eam nimis extenuamus. Ergo hunc morbum sanare volens David, proponit in medium innumeras Angelorum copias quæ faciliè discutiant omnia mundi impedimenta. Quamquam autem duas tantum myriades nominat, tantundem valet loquutio acsi diceret, præsto esse in obsequium Dei ingentes exercitus ad salutem nostram tuendam, quod abunde ad erigendos animos sufficere debet, quanvis centum mortes nobis minentur. Quòd adiungit *Deū esse in illis*, etiam ad cōmendationem præsentia Dei pertinet, acsi dixisset, nō magis exui possē Deum sua virtute quin sub se quasi inclusos teneat omnes Angelos, quā si separari à sua essentia. Quāquam interim simul ad monet pluris esse vnum Deum quā decem Angelorum mundos, ut ira loquar. Iam ne longa distantia, quam imaginari solemus inter nos & Deum, cursum fidei nostræ abrūpat, proponit nobis Sinai ubi palam apparuit eius maiestas. vnde sequitur quiescere adhuc in suo Sanctuario. Quorsum enim se illic Deus mirabiliter patefecit, nisi ut ostenderet fœdus suum vinculū esse sacrae vnionis inter se & filios Abraham? sicuti etiam dicebat Moyses, Deut. 30. 12, Ne dixeris in corde tuo, Quis ascendet in cælum? quis descendet in abyssos? quis traiciet mare? Propè est enim verbum in ore tuo, &c. Ergo sub nomine *Sinai*, significat David, ut inuictō præsidio tui simus, non aliunde querendam esse certitudinem præsentia Dei, quā ex Lege & Prophetis.



*mortis.*

22 *Certè Deus vulnerabit caput inimicorum suorum, verticem capilli eius qui ambulat in sceleribus suis.*

23 *Dixit Dominus, Ex Basan conuertam, conuertam è profundis maris.*

24 *Intingatur pes tuus in sanguine, lingua canum tuorum ex inimicis ab ipso.*

25 *Viderunt ingressus tuos Deus, ingressus Dei mei Regis mei in Sanctuario.*

19 *Ascendistis in altum.* Minimè dubium est, comparatione diuersi temporis illustrari nouam gratiam, quæ sub Saule sepulta, Dauide Regnum adeptò, iterum illuxerat. Subest enim tacita antithesis inter iacere, & in sublimè attolli: ac si dixisset, in tristi populi dissipatione non apparuisse Dei gloriam, qualis olim conspicua fuerat. Regnum enim Saulis, sicuti à prauis & illicitis exordiis cœperat, maledici oportuit, do nec sub Dauide gratiæ suæ lucem Deus restitueret: quo felici successu palam factum est, Dauidem legitimis auspiciis regnare, quia Diuinitus electus erat. Etsi autem fortiter præliatus erat Dauid, victoriæ tamè laudem à se remouens, vni Deo vendicat. Nam hostes dicit ab eo fuisse captos, & tributum pendere coactos: rebelles etiam fracta ferocia tractos in subiectionem. Porro quos hic **וְרִיבּוֹ** vocat, hoc est rebelles, vel præfractos, vel defectores, certum est ab aliis hostibus distingui, quos paulo antè dixerat captos fuisse. Quasi diceret nò modò sub iugum fuisse còpulsos, qui viribus suis diffusi cesserunt, seque dedere maluerunt quàm pertinaciter resistere. sed etià superbissimos quosque fuisse domitos. Finem deinde norat, *ut Deus inhabitet in medio populi sui*, suæque protectione beatos esse demonstrat quicunque sub eius protectione delitescunt. Cæterum, quia locum hunc Paulus subtiliò ad Christum desceat ad Ephesios capite 4. 8, videndum est quàm bene hoc cum mente Davidis conueniat. Certè principium illud eueri nullo modo potest, Dauidem ea lege præfuisse veteri populo, ut sub figura illa Christus Rex

æternus suum imperium inchoaret. Sèper enim tenenda est promissio aternæ successionis, quæ in Christi demum persona sancita fuit. Sicuti ergo per manū Davidis virtutem suam asseruit Deus, ut in altum euectus, populum suum erigeret: ita in Filio suo vnigenito summam suam altitudinem monstrauit. Iam, ut inter se conueniant singula membra Christus, antequam extolleretur seipsum exinaniuit, nò modò accepta serui forma, sed etiam humiliatus vsque ad mortem crucis. Ergo ut vmbra veritati respondeat, verè in Christi persona impletum esse dicit Paulus quod Dauid Psal. 22. 7, prædixerat, quia antequàm ascenderet deiectus fuerat vsque ad infimas partes terræ, dum factus est opprobrium hominum, & contèptus plebis. Porro ne ascensio ita restringatur ad corpus Christi, vis eius & fructus describitur, nempe quòd imperio suo cælum & terram subiecit. Nā qui prius indomiti erant hostes, eos coegit ad obsequium, sibi que fecit tributarios: sicuti huc tendit Euangelii doctrina, ut increduli, deposito carnis fastu & contumacia, se suæque omnia Christo dedant, & omnis altitudo in ordinem cogatur, captiui fiant sensus hominū & affectus. Quantum verò ad diabolos & omnes reprobos spectat, quos obstinata malitia semper ad defectionem instigat, eos arcana sua potentia constrictos tenet, ne pro sua rabie misceant & perdāt omnia. Hucusque optimè eohæret similitudo Quòd autem Paulus dicit Christum dona dedisse hominibus, discedit quidem à verbis Davidis, quia (ut se rudib⁹

accommodet) Græcam versionē sequitur. sed in re ipsa nihil est repugnantia. Nam vt hostium spoliis non *se*, sed populum suum ditauit: sic Christus locupletari non quæsiuit, quum nulla re indigeat, sed ornandæ Ecclesiæ suæ causa hostes, sibi reddidit tributarios. Ergo re spectu arcana inter caput & corpus societatis, vtrunque verè & propriè dicitur, Deum in carne manifestatum distribuisse suis quæ à captiuis accepit dona. Nec minus in Christum competit quod dicitur in fine versus, vñ *orè* fuisse Deum, vt inter nos habitet: quia non migravit à nobis Christus vt procul quærendus sit, sed vt omnia impleat, quemadmodū etiā Paulus dicit, Ephes. 4. 10. Nam & Deitatis suæ virtutem multo plenius in cælum ascendens exeruit: & quanuis secundum carnem in terra non versetur, carne tamen sua & sanguine animas nostras spiritualiter pascit: quia non obstat locorum distantia quominus caro eius verè sit nobis ci bus, & sanguis eius verè sit potus.

20 *Benedictus Deus.* Sic temperat David quæ de singularibus Dei auxiliis recenset elogium, vt nunquam tamē ab hoc scopo deflectat, Ecclesiam perpetua Dei custodia & defensione stare incolumem. Ideo nūc dicit, *Benedictus sit Dominus quotidie.* Et addit salutem ab eo sperandam cum omni bonorum copia. Verbum *בָּרַךְ* alii vertunt euerabit, alii portabit. sed in re nihil est discriminis. Itaque tenere sufficiat, cōtinuum liberalitatis tenorem fidelibus promitti: ac si diceret David nunquam in cursu beneficentiæ suæ fatigari quin nouis subinde bonis populum suum cumulet. Fortè etiam emphaticè posita est littera *ן*, quæ sæpe demonstratiuum pronomen valet apud Hebræos: ac si digito ostenderet Deum, cui pios omnes inniti decet: sicuti etiam proximo versu, quum dicit, *יְיָ* nobis est *יְיָ*, non videtur superuacua esse demonstratio. Cohærēt autem istæ sententiæ: quia summa hoc rendit, Deum Ecclesiæ suæ perpetuū esse liberatorem. Et quia nimium erraticæ sunt hominum mentes, frænum iniicitur quod sub vnico & certo Deo illas contineat. Quanquam autem omnibus expōita est salus Dei, meritò tamē ad ele-

ctos restringitur priuilegium hoc, vt sentiant modis omnibus se à Deo seruari: quia reprobis sua ingratitude vitam in mortem conuertunt. Nec abs re *salutes* posuit numero plurali, vt sciamus, quāuis nos obsideant innumeræ mortes, innumeros quoque seruandi modos Deo esse in promptu, vt hodie erepti, in crastinum bene speremus. Eodem refero posterius membrum vbi in arbitrio eius esse docet *exitus mortis*. Nam quod alii vertunt Exitus ad mortem, quasi intelligat David promptum & facile esse Deo vlcisci & perdere suos hostes: mihi coactum videtur. Alter verò sensus optimè fluit, miras esse & varias & absconditas rationes Deo, quibus suos à morte in vitam excitet. Definit enim quomodo suorum sit Deus seruator: non quòd præueniat semper mortem ipsam, sed quia vbi passus est quodammodo absorberi, repetè dat mirabiles exitus. Idque eo magis notandum est, vt discamus, eius auxilium non metiri sensu proprio, sed in abyssos demersis, ad Dei manum spes nostras referamus, cuius proprium est viā per inuia patefacere.

22 *Certe Deus.* Quia vt Ecclesia hinc inde à validis & sauis hostibus impetitur, assiduòsque insultus sustinet, nō aliter seruari potest quàm forti & violenta defensione, Deum ad sternendos omnes impios terribili potentia armatum indicit David. Quia verò eandem continuat doctrinam, potest particula *יְיָ* illatiuè accipi: simplex tamē affirmatio sufficere visa est. Primò autē notandum est, vocari Dei hostes quicunque piis iniuste molesti sunt: ne dubitemus ipsum semper fore intermedium ad nos tuendos. Quàm verò sollicitus sit de salute nostra, his loquendi formis optimè exprimitur, *Transfiget Deus caput inimicorum & verticem capilli.* ac si diceret lethaliter vulnerandos esse, vel plaga insanabili quicunque Ecclesiam Dei infestāt: præsertim verò vbi paulo pōst, Deum per multas strages ruentem describit.

23 *Dixit Dominus.* Ne victoriis suis profanum in morem latètur Israelita, sed Deum agnoscant eorum authorem, eos ad principia reuocat David. atque etiam vt confidant se eius gratia

ſia perpetuò fore ſaluos, reuocat in me-  
moriam quomodo ſtatim iam à prima  
origine quaſi ex inferis emerſerint eor-  
um patres Dei manu victrice. Tantun-  
dem enim valet hæc ſententia acſi dixiſ-  
ſet, Non ideo eripuit ſemel Deus popu-  
lum ſuum è gigantum manibus, & gur-  
gibus maris Rubri, vt eum nunc in ſi-  
milibus periculis deſerat: ſed quoties  
ita tulerit neceſſitas, præſto aderit libe-  
rator. Scimus enim tritum hunc Pro-  
phetis eſſe morem, quoties magnificè  
extollere volunt Dei gratiam, redem-  
ptionis hſtoriam in medium proferre:  
vt ex ipſa ſalutis origine colligant fi-  
deles, eoſdem fore in poſterum progref-  
ſus. Ac quo plus energiæ habeat oratio,  
Deum inducit loquentem. Aſſerit autè  
his verbis virtutem & munus excitandi  
è morte in vitam: quia populi egreſſus  
ex mari Rubro, & victoria contra bel-  
licosos gigantes, quædam reſurrectio  
fuit. Quod alii exponunt, Fugabo ex Ba-  
ſan hoſtes: ſtare non poteſt, & contextui  
repugnat: quia ſequitur continuo poſt,  
Reducà ex profundis maris. Quod verò  
Deum ſanguine madidum vel rubicun-  
dum inducit Dauid, accipi non debet  
quaſi ſignū ſauitæ, ſed quo melius ſen-  
tiant fideles quàm ſint ei chari & pre-  
tioſi, dum tantopere pro eorum ſalute  
excandeſcit. Nam & Dauidem ipſum  
ſcimus minimè truculentum ingenio fuiſ-  
ſe: ſed quum puro & integro animo ex-  
penderet Dei iudicia, potuit ſancto ze-  
lo in pernecie reproborum lætari. At-  
que etiam notandum eſt, aſcribi Deo

buod eſt totius Eccleſiæ commune: ſi-  
cuti per manus ſuorum exequitur iuſſas  
contra reprobos vindictas. Quod in ſi-  
ne verſus particulam *ab ipſo*, quidam tra-  
hunt ad Regem hoſtium, alienum eſt à  
ſenſu Dauidis. Senſus ergo eſt, linguas  
canum ſanguinem lanibendo rubicun-  
das fore: tantus erit paſſum cadauerum  
numerus.

25 *Viderunt.* Poſteſt hic verſus  
tā de præliis vel ductu bellorum, quàm  
de gratiarum actione intelligi. Scimus  
enim, quum aliqua nobilis victoria con-  
tigerat, fideles ordine ſolitos fuiſſe pro-  
gredi, vt in templo pacificas victimas  
offerrent. Sunt igitur qui *Dei ingreſſus*  
ad cæteruas populi referant in Sanctua-  
rium confluentes. Mihi tamen non diſ-  
plicet Deo tribui ſummi ducis partes  
ad ordinandos & regendos exercitus.  
Nam quod paulo poſt ſequitur in San-  
ctuario, concinna alluſio eſt ad viſibile  
præſentiz Dei ſymbolum. Vnde enim  
factum eſt vt regendi populi curam ſuſ-  
ciperet Deus, & ad repellendos hoſtium  
impetus præiret, niſi quia pollicitus fue-  
rat ſe ex Sanctuario auditurum ſuorum  
preces? Ego perinde acſi ex illa ſacrà  
ſede prodiret, dicitur fuiſſe conſpectus,  
ad populum ſælicibus auſpiciis ducen-  
dum. Ideoque Dauid, appellans eum  
Regem ſuum, populi oculos à ſe auertit,  
ne regium nomen precariò apud homi-  
nem mortalem depositum, cæleſtem e-  
minentia ſummi capitis obſcuret. Quàm  
enim loquitur in perſona toti po-  
puli, ſe tamè è numero minimè eximit.

26 *Præceſſerunt cantores. ſequenti ſunt psallentes, in me-  
dio puella tympaniſtria.*

27 *In congregationibus benedicite Deum, Dominum è  
fonte Iſrael.*

28 *Illic Benjamin paruulus dominator eorum, principes  
Iehuda in congregatione ipſorum, principes Zabulon, prin-  
cipes Nephtali.*

26 *Præceſſerunt cantores.* Iam haud  
dubiè nò de exercitu ad bellū inſtructo  
ſed de ſolenni populi conuentu loqui-  
tur, vbi in victoriæ gratulatione can-  
endæ ſunt Dei laudes. Quia autem  
palàm oſtenderat Deus ſe fuiſſe bello-

rum ducem, meritò triumphus ei de-  
fertur. Diſtinctos igitur choros canen-  
dis Dei laudibus hic inducit, & nomi-  
natiui ponit tympaniſtrias: quia tym-  
pana pulſare tunc moris fuit mulieribus  
quod hodie abſurdum apud nos foret.

Dd.iii.



Quod postea sequitur, *ex fonte benedicite Deo*, quidā de corde accipiunt quia : scimus fidas laudes, quæ tantum in labiis personant, coram Deo maledictas esse. Genuinus tamen hoc loco sensus vocis est, ut ad Deum laudandum conveniant quicunque originem ducūt à sancto Patriarcha Iacob. Etsi enim non omnes vocationi suæ respondebant, meritò tamen totum genus, quod erat Divinitus electum, ad hoc pietatis officium inuitat. Si quis tamen malit Fontis vel Originis nomine hypocritas, qui se falsò gloriabantur esse Abrahæ filios quum essent degeneres, à probis & sanctis discerni, non repugno. Soli enim fidei imitatores inter legitimos filios censentur. Sed quum generaliter de sanctis populi conventibus loquatur, mirum est primo loco statui tribum Benjamin. Divinam quidam Interpretes, quia propter viciniam, Davidi præsto erāt Beniamitæ : duæ etiam tribus, Zebulon & Nephthali, quavis locorum situ longè distarent, magis coniunctæ & amicæ erant : habitum illis fuisse hunc honorem. Alii per synecdochen per remotos & propinquos totum populum notari volunt. Sed quia potuit alia esse ratio quæ nobis est incognita, satius est in medio relinquere : etsi probabiles coniecturas non repudio. Quòd Benjamin multi *parvulum* vocari putant propter hominum paucitatem, quia tribus illa propter scelus Gibeonitarum ferè extincta fuerat : non videtur quadrare : quia David præcipuos laudum Dei præcones accersens probum illud non memorasset. Cæte-

rum quum Propheta de familiis loquētes sæpe ad Patriarchas alludāt, nō mirū est, posteros Benjamin, patris sui respectu, qui minimò erat inter filios Iacob, vocari gentē parvulā : quavis ante acceptā cladē nō adeò populosā fuerit. Vix etiam recipio quod magno cōsensu tradunt Interpretes, *dominatorem* vocari Benjamin, quia primus Rex Saul ex tribu illa oriundus erat, cuius memoriam importunè renouasset David : quum ~~aliquis~~ illius temporis vbique in Scriptura damnari scimus : & dominatio Saulis, Davidis electione (quæ hic maxime celebratur) sepulta fuerit. Sed potius mihi verisimile est, respectu paucitatis ornari tribum illam dominationis elogio : ac si diceret, Beniamitas, quavis neque magno numero, neque potentia excellerent, caput tamen vnum efficere. & hoc videtur aptè quadrare : nisi cui fortè magis placeat primarium aliquem ducē ex tribu illa fuisse, ut in duabus reliquis quas memorat : vel fortè totū populū, insignē in aliquo prælio navasse operā. Quavis autē honorifico elogio istas tribus ornet, reuocat tamen paulo post ad summum caput, Proceres Iehudah colligendis omnibus copiis præficiens. Subaudiunt aliqui copulam, Principes Iehudah, & congregatio ipsorum. Alii virtutē, Lapidationem. Sed illud primū, iudicio meo, rectius est, congregationem referri ad eam tribum sub cuius auspiciis militabat. Itaque primatus & imperii dignitas asseritur tribui Iehudah, penes quam ius cogendi populi fuit.

29 *Mandavit Deus tuus robur tuum: roborā Deus quod operatus es in nobis.*

30 *Et tēplo tuo super Ierusalē tibi offerent Reges munus.*

31 *Perde cœtum arundinis, congregationem taurorum cum vitulis populorum, calcantem in frustis argenti: dissipa populos qui bella volunt.*

29 *Mandavit Deus tuus.* Quia nihil proclivius est, quàm ut sibi arrogēt homines quod Deo acceptum ferre decebat : iterum inculcat David, populum nūm non fuisse proprio Marte superiorem hostibus, sed virtutem à cælo fuisse sibi ministratam. Deum enim autorem

virtutis fuisse prædicat, quum strenuè præliati sunt Israelitæ : & hoc modo ad gratitudinem eos hortatur : & arrogantiam corrigit, quia mundus ut plurimum Dei gratiam obscurat ac suffocat. Iam verò ut melius ad modestiam eos flectat, simul admonet eiusdem gra-

et continuatione in posterum quoque opus esse. Vnde enim carnis superbia, nisi quod inopie nostrae obliti, non confugimus supplices ad Deum, ut defectus nostros ipse suppleat? Interim docemur hoc loco, non satis esse si nos gratia sua praeueniat Deus, nisi suo quoque auxilio in totam vitam nos sustineat. Nam si hoc verè de externa bellandi virtute dictum est, ubi cum carne & sanguine est negotium, longe verius in animas nostras competit. Ergo ubi cum Satana, peccato & mundo pugnamus, singulis momentis concidere & deficere necesse erit, nisi nos Deus ad perseverantiam confirmet. Tenendum igitur est, quicquid habemus virtutis, a solo Deo fluere, eiusque mandato instillari: nec modò initium ab ipso esse, sed ipsam quoque perseverantiam. Quod proximo verius sequitur, *E templo tuo*, cum eadem sententia cohaeret. Ratio enim redditur cur sua virtute populum illum magis quam alios instruere dignatus sit: quia scilicet virtutem suam volebat exercere è Sanctuario & Arca foederis. Qua ratione etiam nuper expressit David Deum esse populi Israelitici. Quia ergo non frustra iusserat Deus se in Sanctuario coli, vnde etiam pollicitus fuerat se propinquum fore populo ideo nunc dicitur è Templo mandasse suam virtutem, quia ex foedere & promissionibus petenda erat gratiae certitudo. Quod alii vertunt, In Ierosalem: frigidum est, ac Prophetæ sensum pervertit. Precatur enim virtutem è Sanctuario effundi super electum populum, qui sub nomine Regiae urbis per synecdochen comprehenditur. Quæritur tamen cur templi meminerit quod nondum extructum erat. Magis probabile est, templum vel palatium sumi pro tabernaculo, quam fingere prolepsin, sicuti multis placet. Arcam verò foederis iam tunc in Sione fuisse locatam certum est. Sicuti autem prius, quas adeptus erat victorias Deo adscripsit, ita nunc earum fructum vendicat. Dicit enim, Reges qui in ordinè coacti fuerint, nò sibi modò & successu tribus fore tributarios, sed agnituros Deum victorem. quo magis decuit fideles ipsos laudis sacrificia sponte of-

ferre Deo.

31 *Perde cætum.* Vertunt quidam Increpa. Mihi tamen placet distinctio quam linguæ Hebraicæ peritissimi observant. Verbum hoc *רָעָה*, ubi interponitur *בֵּת*, sumi pro increpare: sed dum simpliciter contrahitur, pro perdere accipi. Nomen verò *חַיָּה* pro bestia hic accipi nullo modo convenit. Certa quidè est Davidis precatio, ut Deus populum suū peculiare, perditis sanguinariis hostibus tueatur. Quòd vocat cætum canna vel arundinis, non notatur hoc epitheto debilitas, sed gen. s. armaturæ, ac si diceret lancearios. Nam quum in regionibus quibusdā arboreseant calami, vel saltem ligneam firmitudinem contrahant solent inde confici iacula. Scimus autem Orientales populos fuisse ut plurimum iaculatores in præliis. Vocat deinde *turbam* vel multitudinem *saurosum*, truculentiae causa. Quanquam enim *חַיָּה* dicuntur Hebræis robusti: quia tamen ad tauros transfertur hoc nomē, ubi alibi vidimus, & continuò post subicit David *vinulos populorum*, non dubito quin metaphoricè perstringat hostium feritatem ac sævitiam: vel saltem eorum vires extollens, fateatur Israelitas impares ad resistendū fore, nisi diuinitus adiutos. Proximum membrum ambiguitate non caret, *calcantem in frustis argenti*. *חַיָּה* Hebræis calcare significat: sed quia in coniugatione hithpaël hic positum est, resolui debet ad verbum, *Qui se calcas facit*: quod de gloriatione vel iactantia quidā accipiunt. Alii eliciunt sensum prorsus contrarium, nempe quòd se humilient hostes, atque in signum subiectionis afferant frusta argenti. Sed quorsum peteret David perdi & excidi hostes deuotos, qui fractis animis supplices tributū iam pendebant? Respondent illi, Quauis non palam ferociant qui armis exuti sunt, non tamen ferociam deponere quin semper ad rebellandum parati sint, præsertim verò Ecclesia hostes: quia semper violenta odia fouent quauis ad tempus se contineant, simulac data est occasio, ebullunt in nouum furorem. Sed quia nihil opus est sic torquere verba Davidis, malui simpliciter accipere, quòd exultent

Deum.

calcando frustra argenti. Et fieri potest ut fibulas argenti in calceis gestauerint, ut sciamus in populis Orientalibus semper viguisse immodicum luxum. Certè quod proxime sequitur, illam de abiectione interpretationem non admittit, *dissipa populos qui delectantur praeliis*: ubi ostendit sine causa expetere bella & tumultus: & quanvis nemo eos lacestiat, ultro tamen & cupidè quietos impetere. Cæterùm quoniam David toties victor Deo, salutis suæ & totius populi defensionem commendat: hinc discamus minime sperandum esse in hoc mûdo tranquillum Ecclesiæ statum: quia subinde alios atque alios hostes suscitatur Satan: & Deus etiam hoc modo patientiam no-

stram exercet ac probat. Quòd autem comparat tauris & vitulis, dicitque *telus ubi lectari*, his verbis ad mansuetudinè hortatur fideles, ut paratim inueniant auxilium in Deo. Nam quo petulantius ruunt hostes nostri, suæque libidini furiosius indulgent, eo propèssior erit Deus ad opem ferendam: quando proprium munus eius est, tauros & bellicosos gigantes compescere. Quum igitur præcatio hæc simul doceat Deum omnibus violentis, qui improba cupiditate ad nocendum feruntur, fore aduersum: quoties iniuste impetimur, si quietis animis confugimus ad opem Dei, speranda haud dubiè nobis est hostium nostrorum dissipatio.

32 *Venient primates ex AEgypto, AEthiopia celeriter protendet manus suas ad Deum.*

33 *Regna terra cantate Deo, psallite Domino. Selah.*

34 *Equitanti in calis calorurn antiquitatis: ecce emit-  
et in voce sua vocem virtutis.*

35 *Date robur Deo super Israel: magnificentia eius &  
robur in nubibus.*

36 *Terribilis es Deus à Sanctuariis tuis: Deus Israel ip-  
se dabit robur & fortitudines populo: benedictus Deus.*

32 *Venient primates.* Iterum ad gratulationem reuertitur, & cõfirmat quod paulò ante dixit, Reges ad soluendū Deo tributum venturos. Quod nominatim de AEgyptiis & AEthiopibus testatur. Vnde colligimus vaticinium hoc ad Christi personam extendi, cuius tandè ductu iugū Dei subierūt AEgyptii & AEthiopes. Verbum *יִרְחֹק* quod nos vertimus *Celeriter protendet*, tantundè valet ac currere faciet. Sed metaphora asperitas mitiganda fuit. Cæterùm dubium est an promptitudinem obsequii notet, an verò intelligat suppliciter protensis ad Deum manibus veniam petitorios: quia hic est precantium gestus. Sed quia vtroque modo exprimiur subiectio, satis est tenere consilium Davidis, AEthiopiam & AEgyptum sub Dei potestatem venturas: neque eas modo, sed lōgè distitas mûdi plagas. Ac iam longius progreditur quàm antea, dum *regna mundi cantate Deo* iubet. qua loquen-

di forma voluntarios Dei cultores fore pronuntiat qui prius eum contempserant. Sola enim Dei cognitio, ut alibi dictum est, linguas referat ac soluit ad prædicandum Dei nomen. Idcirco hinc probatur Gentium vocatio, quòd Moses & Propheta eas ad offerendū laudis sacrificium accersant. Porro nequis absurdum ducat, totum orbem colligi in cultum Dei, qui hætenus contentus fuerat populo vno, subiicit David legitimum tamen ei esse imperium in omnes terræ partes, quia *equitat super omnes celos*: qua voce intelligit, quemadmodum initio huius Psalmi diximus, præfere cum summo imperio omnibus creaturis, totumque orbē suo arbitrio moderari. Et si autem hoc generaliter dictum, reuerentiam Dei maiestati conciliat, circumstantia tamen loci negligi non debet: quia Gentium mentionem faciens, quæ tunc extraneæ erant ab Ecclesia, Dei potentiam creationis iure ad eas



gas extendit: ac si diceret, nihil esse mirum si Deus cælis insidens, cunctos terræ incolas complectitur. Ideo *calos antiquitatis* vocat, ut sciamus statim à principio sub eius manu fuisse totum humanum genus. Hic verò clarius refulget Dei gloria, quòd quum immensa sit cælorum machina, tam rapidus motus, ac tam diuersæ reuolutionis inter se confligant, constet tamen optima symmetria & temperamentum, & hic tam concinnus & pulcher ordo tot seculis æquabili tenore continuatus fuerit. Videmus ergo vt cælorum antiquitas melius commender mirabile Dei opificium. Postquam verò creationis meminit, statim descendit ad tonitrua, quæ per *robustam vocem* designat, sicut Psal. 29. 4. vidimus. Quamquam loquutio bifariam resolui potest: vel quòd mandato suo tonitrua excitet, quæ violento sonitu cælum & terram concutiant: vel quòd vocem suam in tonitru robustam edat. Fusius autem in eo, quem nuper citauimus, loco, differui, non abs re proponi nobis tonantem Deum, quia nihil ad incutiendum terrore efficacius penetrat hominum mentes. Atque vt nostrâ incogitantiam expergeficiat, vel potius socordiam corrigat, quasi in re præsentis nos sistens vitur demonstratiua particula Ecce.

35 *Dateretur.* Alludit ad proximam sententiam, vbi dixerat Deum robustam vocem edere. neque enim propriè loquendo, quicquam ei dare nostrum est. Sed quia iusto eum honore fraudamus, postquam eum horribili fragore tonantem induxit Dauid, iubet

nos vicissim resonare eius laudes. Cæterum ne euanescent Gentes solito more in suis commentis, reuocat eas ad Legis doctrinam qua se Deus patefecit: quasi diceret, à creatione mundi & gubernatione necessarios esse progressus ad eam doctrinam qua Deus familiariter ad homines accessit, ne perperâ vagentur. Huc pertinet epitheton *Dei Israel*. Cæterum non tantum linguis vult prædicari Dei virtutem, sed ad fidem simul hortatur: quia tunc propriè tribuimus Deo robur suum, dum acquiescimus in solo eius præsidio. Ideo, postquam dixit, *virtutem eius esse in nubibus*, statim addit, *tremendum esse à suis Sanctuariis*, hoc est virtutem è templo suo exerere, quæ satis ad consternandos hostes valeat. Nam quod quidam de cælo & terra exponunt, non respondet contextui: quia mox sequitur, *Deum Israel à turum fortitudines populo*. Vnde colligimus, de protectione Ecclesiæ Dei haberi sermonem. Sanctuaria autem dicuntur plurali numero, vt alibi vidimus: quia Tabernaculum in tres partes distinctum erat. In summa, Arcam fœderis quasi si ducis signum proponit fidelibus, vt promissione illa freti, Ego in medio vestri habito, Exod. 25. 8, & 29. 45: tranquilli sub Dei alis quiescant, & intrepide eum inuocent. Neque enim alio iute excellat populus Israel, vt sub Dei custodia tuto delitesceret, nisi quia grauito Dei fœdere electus erat in Dei peculium. Notandum verò quòd tremendas illas fortitudines quarum paulo ante meminist applicat nunc in Ecclesiæ salutem.

### ARGVMENTVM PSALMI LXIX.

*Psalmus hic vice simo secundo affinis est. Nam initio conqueritur Dauid de atrocibus hostium seque inuictis & immani violentia: tamen se non ita turbari affirmat quin se patienter sub Dei præsidio contentus, integritatem colere pergat. Imo pietatis causa, & quod in asserenda Dei gloria strenuus fuerit, omnes sibi inuentos esse restatur. Postquam verò iterum conquestus est, se non minus contumeliose quam crudeliter ab hostibus opprimi, quam meritis suis poenam, illis imprecatur. In fine, quasi victor, exultans, solenne laudis sacrificium Deo promittit.*

*Psal. LXIX.*

**P**refectio super Sosaniam Dauidis.

- 2 *Serua me Deus, quia intrarunt aque vsque ad animam.*
- 3 *Demersus sum in lutum profunditatis, vbi non statio: veni in profunditates aquarum, & fluctus aque inundauit me.*
- 4 *Defessus sum clamando, rancum factum est guttur meum,*

*defecerunt oculi mei expectando ad Deum meum.*

5 *Multiplicati sunt supra pilos capitis mei qui oderunt me gratis: aucti sunt qui me perdere cupiunt, aduersarii mendaces: quæ non rapui tunc exolui.*

6 *Deus tu nosti insipientiam meam: & delicta mea non sunt à te abscondita.*

1 *Super Sosanim.* De voce Sosanim alibi dictum est. Vt in re incerta & obscura libenter subscribo eorum coniecturæ qui initium cantilenæ fuisse existimant. Quamquam si quis malit pro instrumento musico accipere, non contendo. Friuola autem eorum diuinatio est qui Psalmum putant compositum fuisse verno tempore, dum florere incipiunt lilia. Porro antequam ultra progredimur notandum est, Dauidem non tam priuato nomine scripsisse hunc Psalmum, quam in totius Ecclesiæ persona, quum gestaret capitis imaginem, sicuti ex cõtex tu melius patet. Et hoc notatu apprimè dignum est, quo magis attenti sinus ad hoc speculum, in quo nobis proponitur communis piorum omnium conditio. Caterum mihi probabile est, Dauidem non vnum modò persequutionis genus fuisse complexum, sed quicquid malorum multis annis perpeßus fuerat.

2 *Serna me Deus, quia intruerunt aquæ.* Sub aquarum figura describit extremis se malis ad desperationem vsque fuisse obrutum: & tamen scimus nõ mollem, nec formiceo animo fuisse, quum incredibili virtute superauerit horrendas tentationes. vnde colligimus quibus tunc angustiis oppressus fuerit. *Animam* frigide meo iudicio pro vita accipiunt quidam: cor potius notari existimo. Quia uis enim quis in altum gurgitem deciderit, poterit tamen aliquantisper ore & naribus oclusis, aquas prohibere: sed tandem, quia sine spiratione non viuimus, coget suffocatio dare aqvi ingressum vt ad cor vsque penetrarent. Hoc sibi vult ista metaphora Dauid, non modò se aquis fuisse obrutum, sed eas quoque ingurgitasse. Deinde suas afflictoes comparat profundo lacu, vt plures est periculi: quia siquis in fonte solius palem figat, poterit se atollere: vt videmus

multos ex aquis emergere cum impetu: qui autem luto adhæret, perit. Iam alias quoque addit circumstantia, *fluxu aquarum se fuisse inandatum.* quibus verbis tumultuosas fuisse suas iactationes significat.

4 *Defessus sum clamando.* Rara & mirabilis patientiæ exemplum fuit, in tam deplorato statu Deum querere. Cõqueritur autem Dauid, vsque ad raucedinem clamando absque profectu se fuisse defessum. Quo verbo non cessationem intelligit, quasi abiecerit studium precandi, postquam se nihil proficere videbat: sed potius infatigabilem perseverantiam describit, sicuti per *exasperatam gurgitem & deficientes oculos.* Certe neque ambitiose clamorem suum extulit coram hominibus, neque raucedo hæc vno die contrafacta fuit. Videmus ergo, vtcumque deficerent corporales sensus, vigorem tamen fidei minimè fuisse extinctum. Iam quum loquutus fuerit Dauid quasi ex ore Christi & ex ore piorum omnium, quatenus sũt Christi mēbra, videri nobis absurdum nõ debet siquãdò morte obrutis nulla apparet vitæ scintilla: imò dũ nobis parcat Deus, maturè ad hanc meditationem accingere nos discamus, vt in profundissimis quibusque malorum gurgitibus fides nos sustentet, imò ad Deum erigat: sicuti, teste Paulo, Rom. 8. 39, nulla est vel altitudo, vel profunditas, quæ nos separare debeat ab immenso eius amore, qui abyssos omnes & inferos quoque absorbet.

5 *Multiplicati sunt supra pilos capitis mei.* Iam sine figura exprimit quod metaphorice dixerat tam de luto quàm de violento aquarum fluxu. Nam quum instaret tanta hostium multitudo, iure sibi metuebat ab innumeris mortibus. Nec verò hyperbolicè dicit *plures fuisse pilos capitis sui*, quum toti populo exolu-

ac detestabilis foret: quia omnibus persuasum erat, impiū esse ac sceleratū patriæ proditorem. Deinde scimus ex Sacra historia, quā multis & validis copiis eum persecutus fuerit Saul. Capitale odium exprimit, dicens incumbere in suam perniciem, quia succisum cupiunt: & tamen asserit præter meritum se tam duriter affligi. quia **וְיָנִי** quod vertunt Gratis, tantundem valet ac nulla iniuria læsos, vel maleficio prouocatos cupidè ferri ad nocendum. Ideoque vocat hostes **קָשָׁו** hoc est mendaces: quibus scilicet nulla est bellandi ratio. Ergo eius exemplo danda nobis opera est, si quando affligimur, vt nos sustineat testimonium bonæ conscientię, ac liberè coram Deo profiteri liceat hostes nostros esse gratuitos. & quo magis difficile est ad hanc moderationem assuescere, eo magis eniti cōuenit. Ineptra autem eorum mollities, quibus intolerabile videtur, iniquè affligi: scitè refellitur nobili illo Socratis responso. Nā quum vxor in carcere lamentaretur, eū iniquè dānatum esse, Quid ergo, inquit, an nocentem perire mallets? Subiicit etiam Dauid, se non modò iniuriis fuisse afflictum, sed probra etiam & contumelias pertulisse, ac si multorum scelerum conuictus foret. quod homini ingenuo acerbius est, quam centum subire mortes. Multi enim ad mortem parati reperientur, qui ad ferendā infamiam pares non erunt. Dicit autem Dauid nō modò suas fortunas fuisse à prædonibus raptas, sed se instar furis & raptoris mutilatum esse. Et certè quum ipsum spoliaret hostes, iudices se hominis scelerati esse iactabant: & scimus honorificè pro iudicibus fuisse habitos. Quare discamus hoc exemplo, non modo ad incommoda, molestias, mortem denique placidè ferendam nos parare, sed etiam ad ignominias & probra, si quando falsis calumniis grauati nos contingat. Imò quum ne Christus ipse quidē fons omnis iustitię & sanctitatis, à falsis calumniis immunis fuerit, cur nos exani-

maret similis conditio, quando hoc verum probitatis est examen, constanter manere in iustitię colendā studio? quauis tam iniquum præmium à mundo reportemus.

6 *Deus tu nosti insipientiam meam.*  
Frustra laborat Augustinus quomodo in Christum hoc competere potuerit: & tandem in membra transfert quod de capite non fuisse propriè dictum. Ironica enim loquutio est, qua Dauid, iniquis hominum iudiciis oppressus, se ad Deū confert, eūque implorat vindicem. Hoc vero magis emphaticum est, quā si palām & sine figura dixisset, notam esse suam integritatem Deo: quia hoc modo hostes suos mordaciter perstringit, & quasi ex alto despicit eorum maledicta: quemadmodum & Ieremias loquitur, cap. 10, 7, Decepisti me Domine, & deceptus sum. Qui etiam locus violēter à quibusdā indoctis exponitur, quasi se deceptum fuisse assereret: quum potius odiose suos calumniatores exagiter: quia dum ipsum improbant, contumeliosius sint ac blasphemius in Deum ipsum. Sic etiam hoc loco Dauid, ne peruersis hominum iudiciis succumbat, Deum statuit causę suę iudicem: & quia sibi bene conscius est, pro nihilo ducit iniquas hominum sententias. Effet quidem optandū, vt hominibus quoque probata esset nostra integritas: neque id tam nostra causa, quā in fratrum adificationem: sed vbi nos studuimus hominibus probare, si trahant in sinistram partem ac deprauent quicquid à nobis rectè fit ac dicitur, tenenda nobis est hæc magnanimitas, vt Dei vnus iudicio contenti, mundum & diabolos omnes spernamus. Neque enim fieri poterit quin subinde deficiant qui nimis bonę famę addicti erunt. Parati quidem semper simus ad satisfactionem: sed si negetur audientia, per infamiam non secus ac per bonam famam pergamus, sicuti Paulus 1. Corinthior. capite quarto versu quinto ad Dei iudicium intrepidè prouocat qui reuelabit abscondita tenebrarum.

7 *Ne erubescant in me qui te expectant Domine, Iehoua exercituum: ne pudeant in me qui querunt te, Deus Israel:*



9 *Quia propter te sustinui opprobrium, operuit ignominia faciem meam.*

10 *Extraneus fui fratribus meis, & alienus factus sum filiis matris meae.*

11 *Quia Zelus domus tua comedit me: & opprobria exprobrantium tibi, cecide: ut super me.*

7 Ne erubescant in me qui te expectant Domine. Commemorat David se propositum esse in exemplar, unde spei vel desperationis materiam pii omnes concipiant. Quauis enim detestabilis esset toti populo, pauculi tamen restabant æqui & candidi testes innocentiae eius: quum scirent illi iniuste eum grauari, & semper inniti Dei gratiae: nec ullis frangi tentationibus quin firmus in pietatis cultu staret, ex tristi & infausto euentu nihil aliud colligere poterant quam operam luisse, piè Deum colendo. Sicut enim, quoties auxiliatur seruis suis Deus, totidem sigillis suam erga nos gratiam confirmat: ita fieri aliter non potuit quin conciderent animis fideles, si David fuisset in extrema necessitate desertus. Hoc periculum nunc Deo obicit, non quòd vlla admonitione indigeat, sed quia familiariter secum agere nobis permittit. *Expectandi* verbum propriè ad spè refertur, sicuti Deum querere ad preces. Atque hæc copula vtiliter docet fidem non esse ignauam, quia nos ad querendum Deum sollicitat.

8 *Quia propter te sustinui opprobrium.* Iam clarius exprimit quod ironice dixerat, delicta sua non esse Deo abscondita. Imò longius progreditur, non modò præter ius & fas se affligari, sed communè sibi esse cū Deo ipso causam, quia nihil nisi ex eius mandato aggressus sit. Etsi enim alias causas habebat Saul, vel saltem alios prætextus: quia tamen hoc verissimum erat, creatam fuisse Davidi inuidiam ex Dei vocatione, quia eum in Regem vnixerat: meritò testatur non proprio vllò scelere, sed quia Deo obsequutus sit, se omnium sententiis perpetrari damnari. Hinc verò non parum solatii capiunt fideles, vbi testari licet, nihil se præter legitimam Dei vocationem tentasse. Quod si ob fidei confessio nem nobis infestus sit mundus (sicuti vi-

demus nunquam acrius furere impios quàm vbi Dei verbum & pietatem oppugnât) duplicatur nobis fiducia. Interea etiam admonet hic locus quàm prodigiosa sit hominum malitia, qui studiū gloriæ eius in dedecus conuertunt. Bene autem nobiscum agitur, quòd probra quibus nos onerant impii, non modò abstergit, sed etiam illustrat, vt superent omnes mundi triumphos. Hæc etiam circūstantia amplificat suam querimoniam, quòd à suis consanguineis & propinquis fuerit inhumaniè reiectus. Vnde etià docemur posthabito carnis & sanguinis respectu, sequendum esse Deum si pietatis causa, fratrum nostrorum offensas effugere non liceat.

10 *Qui Zelus.* Quauis profiterentur Davidis hostes sibi nihil minus esse in animo, quàm attingere sacrum Dei nomen, falsos tamen eorum prætextus refutat, confirmat se pro Deo certare: modumque ostendit, quia zelo Ecclesiæ Dei ardeat. Quanquam non tantum tractat de causa, sed dicit, quātumuis indignè tractetur, se tamen quasi oblitum sui induere sanctum affectum tuendam Ecclesiæ, & simul gloriæ Dei. Hoc vt melius liqueat, notandum est, quauis ore iactent omnes se Deo relinquere suam gloriam, vbi tamen ad Legem, ad regulam piè viuendi ventum est, Deo illudere: neque id modo, sed furiöse quòque impetere ipsum in suo verbo. Quasi verò in aere tantum colivelit, ac non potius erexerit sibi solium inter homines, ex quo eos gubernet. Ideo David Ecclesiam hinc substituit in Dei locum, non vt ad eam transferat quod illius proprium est, sed vt ostendat fabricari inane Dei nomen, vbi repudiatur vera pietatis regula cuius Ecclesia fidelis est custos. Adde quòd Davidi certamè erat cum laruato & adulterino Dei populo:

populo. Tota enim secta Saulis venditabat se titulo Ecclesiæ: Dauidem verò apostatam, vel putridum membrum esse iactabat. Hac indignitate Dauid ad eò non frangitur, vt libenter sustineat insultus omnes pro veræ Ecclesiæ defensione. Interim negat se priuatis cõuitiis moueri: quia deposita sui cura tantum ob Ecclesiæ oppressiõnem anxius ac mœstus sit, imò dolore ardeat, & doloris ardore consumatur. Eodem pertinet secundum membrum: quia se nihil à Deo separatam habere significat. Aliter quidem accipiunt nonnulli, Impios, quum irruere vellent in Dauidem, suos imperus vertisse in Deum, & ita suis blasphemis sanctum virum obliquè pupugisse: quia sciebant nihil ei fore molestius ad ferendum. Sed hæc interpretatio nimis coacta est, sicut & altera, Dauidem non secus fuisse supplicem quoties videbat Dei nomen probrosè lacerari, quàm si reus fuisset læsæ maiestatis. Retineo igitur quod iam dixi, Dauidem, sui oblitum, quicquid sensit doloris, hausisse ex sancto zelo, quo flagrabat quum videret sacrum Dei nomen indignis contumeliis affici. Quo exemplo docemur, quum natura nimis

teneri simus & delicati ad ferendâ ignominiam, mutandum esse præposterum hunc affectum, vt magis nos excruciet probra quæ in Deum redundant. hic enim & excandescere & fulminare oportet: priuata autem maledicta placidè vorare. Quoad enim didicerimus negligere propriam famam, nunquam in nobis accendetur verus zeli feruor, vt pro asserenda Dei gloria cerтемus. Porro quum Dauid totius Ecclesiæ personam sustinuerit, quicquid de se prædicat, impleri necesse fuit in summo capite. Id eoque non mirum est, locum hunc ab Euangelistis Christo aptari, Ioan. 2. 17. Eadè quoque ratione Paulus Rom. 15. 3. 5. 6, vbi ad Christi imitationem hortatur fideles, secundum membrum ad eos omnes extendit: vbi etiam admonet quàm latè pateat hæc doctrina, nempe vt Dei gloriæ prorsus addicti, in omnibus suis dictis & factis eam studeant seruare incolumem, & attentè caueant ne sua culpa obscuretur. Iam verò quum Christus, in quo resulget solida Dei maiestas, non grauat us sit se probris omnibus obicere ad tuendum Patris nomē, quàm turpe nobis ac pudendum erit, eandem sortem recusare?

*11 Et fleui, in ieiunio anima mea, idque fuit in opprobrium mihi.*

*12 Et posui vestimentū meū sacco, & fui illis in dictiteriū.*

*13 Fabulantur in me sedentes in porta, & sum cantilena bibentibus siceram.*

*14 Ego autem precatio mea ad te Iehoua, tempus beneplaciti Deus: in multitudine clementia tua responde mihi in veritate salutis tua.*

11 *Et fleui.* Hic à signis vel effectis probat se puro & ritè composito zelo studuisse gloriæ Dei, quòd scilicet non efferbuerit carnis intemperie: sed potius suppliciter se demittendo, Deum elegerit mœroris sui testem. quo magis conuincitur inflexibilis hostium eius contumacia. Sæpe contingit vt qui se animosè opponunt pro gloria Dei, impios magis prouocent & exasperent, quia contentiosè & sine modestia dimicant: Dauid autem hic testatur sic temperatū

fuisse suum zelum, vt mollire debuerit vel ferream duritiem. Quanquam hac circumstantia ostendit quantopere fuerit oppressus hostium suorum petulantia, vt ne mutire quidem liberum esset, nec aliud restaret, quàm lachrymis & mœrore Dei causam defendere. Sublata enim, vt scimus, loquendi erat libertas: imò atrocibus conuitiis repulsus fuisset damnati hominis sermo. quo maioris constantiæ fuit, non desilire à suo zelo, nec abicere voluntarium illum

luctum, quem pietatis causa susceperat. Dicit ergo *si fletisse, animam suam fuisse in ieiunio, sique sacco vestitum*, quæ luctus erant insignia Iudæis. Quum hoc totum in ludibria & diſteria ab illis conuerſum fuerit, ſequitur diabolico furore fuiſſe correptos. Et hoc exemplo muniri nos conuenit, ne ſimilis hodie contumacia, qua hoſtes Euangelii diabolos ſe magis quàm homines produunt, nos exanimet. Danda interim opera eſt ne oleum addamus camino, ſed imitemur Dauidem & Lot, quibus etſi impios reprehendere non licebat, animos tamen ſuos excruciarunt. Imò etiam ubi nos audire cogentur impii, optimum tamen ſancti zeli condonemum erit modestia & humilitas. Qui Dauidem volunt reatum ſubiſſe pro ſuis hoſtibus, hoc confirmant, quia ſaccum induerit. Sed ſimplicius accipio, quum videret res adeò confuſas, ſubiſſe voluntarium mœrorem, quo teſtarum faceret nihil ſibi eſſe acerbius, quàm videre ſacrum Dei nomen contumeliis expoſitum.

13 *Tabulantur in me ſedentes in porta.* Si à vulgaribus tantum ſcurris & quiſquiliis hominum vexatus fuiſſet, hoc magis erat tolerabile (neque enim mirum eſt, ſordidos homines, quibus nulla eſt honeſti cura, ſe abſque verecundia proſtituere) ſed quum Iudices ipſi in eadem ſe petulantiam, grauitatis obliui, proiciunt, multum creſcit indignitas. Ideo diſſertè cõqueritur Dauid, ſe ipſis proceribus fuiſſe in proverbium. Nam quòd *ſedentes in porta* quidam de toto populo exponunt: primò frigidum eſt, deinde remotum à verbis Dauidis. etſi enim omnium ordinum erat conuentus in porta, ſoli tamen Iudices ſedebant. Atque id confirmat ſecunda parte verſus. quia per *bibentes ſiceram*, haud dubiè primores, qui opibus & dignitate pollebant, designat. Hæc verò ſumma fuit atrocitas, non modò gregarios homines exagitaſſe ſanctum virum, ſed ipſos iuſtitia præſides & Eccleſiæ antiſtites aliis fuiſſe anteſignanos. Et quum idem hodie ubi venia, non abs re hoc exemplar nobis ante oculos ſtatuit Spiritus. In Papatu ut quiſque honore excellit, quo ſtrenuum ſe probet ſidei catholice patronum, eo petulantius bæccator

contra Euangelium eiùſque miniſtros? Imò hic morbus in cunctis ferè Principibus graſſatur: quia ſuam præſtantiam non in virtute, ſed effræni licentia conſtituunt. Probi autem Chriſti ſerui quæ ſunt apud eos loco? Certè hæc vna eſt neque poſtrema ex eorum curis, iocoſe non modò in menſa, ſed in ſuis ſoliis eos ſuis diſſertiis proſcindere, ut fidem abrogent. Generaliter etiam piiſ omni- bus illudunt, & ſuauiſter cantillant de eorum ſimplicitate, quaſi pietatis cauſa temere ſe fatigent ac macerent.

14 *Ego autem.* Raræ fuit virtutis ne illa quidem duritie percelli, ut deſponderet animum Dauid. Docet autè ſimul quo remedio ſe munierit contra graue ſcandalum. Nam quum ſuas face- tias impii quaſi machinas ingererent ad labefactandam eiùſ fidem, dicit ſe precationem fuſiſſe, qua inſultus omnes repelleret: non dubium eſt quin apud homines obmutescere coactus fuerit. exclusus igitur à mundo, ad Deum ſe conuertit. Nunc quoque eodem modo, quanuis apud impios nihil proficiat fideles, victores tamen ſtabunt, ſi ſeipſos contrahant ac colligant ad Deum orandum. Summa eſt, quum omnia expertus Dauid, laborem ſuum irritum videret, relictis hominibus, egiſſe cū ſolo Deo. Quod ſequitur, *tempus beneplaciti Deus*, ſecus exponunt multi Interpretēs, vno ſcilicet contextu legentes, *Ego Deum precatus ſum tempore beneplaciti*, iuxta illud Ieſaiæ 55. 6. Inuocate ipſum dum propèſt. Alii ſic reſolunt, *Precatus ſum ut veniret tempus beneplaciti*, atque ut Deus mihi propitiuſ eſſe inciperet. Ego autem potius exiſtimo Dauidem referre quid tunc ſolatio conceperit, quia hoc ſecum meditatus eſt, Quanuis nunc tempus ſit turbulentum, ubi nihil videor orando proficere, erunt tamen Dei beneplacito ſuæ vices. Sic & Habacuc 2.1. ſtatutū ſe dicit ſuper ſpeculam. Eodem modo Ieſaias 8.17. & Ieremias 14. 22, Expectabo Dominum, qui abſcõdit faciem ſuam à Iacob. Hæc enim eſt vnica nobis vincendi ratio, dū ſpes nobis in tenebris illucet, ac beneplaciti expectatio nos ſuſtinet. Poſtquàm ita ſuam perſeuerantiam Dauid fulciuit, ſtatim adiungit, *Reſponde mihi in multitu-*



*multitudine bonitatis tue*, fiduciam iterum colligens ex Dei natura. Et bonitati adiungit *salutis veritatem*: ac si diceret, certo effectu probari semper Dei clementiam, dum suis in desperatione suc-

currit. Hinc autem fluxit precatio, quod sensus suos ad Deum retrahens, ne ab impiis iactatus euanesceret, persuasus fuerit, discubulis tenebris, fore aliquando serenum tempus beneplaciti.

15 *Erue me de luto ut non immergar, liberer ad aduersarios meos, & à profundis aquarum.*

16 *Ne inundet me fluctus aquarum, & ne deglutiat me profundum, & ne claudat super me puteus os suum.*

17 *Responde mihi Iehoua, quia bona clementia tua: in multitudine miserationum tuarum respice ad me.*

18 *Et ne abscondas faciem tuam à seruo tuo, quia afflictio mihi, festina, responde mihi.*

19 *Accede ad animam meam, redime eam, propter aduersarios meos libera me.*

15 *Erue me ex luto.* Eandem quam antè vsus est, similitudinem repetit, diuerso tamen modo. Prius dixerat se demersum, nunc rogat ne mergatur. Denique quæ sibi accidisse conquestus est, nunc deprecatur ne accidant. Sed hæc varietas facile diluitur, quia initio ex suo sensu & experientia loquutus est: nunc autem ad exitum respiciens, spe liberationis in media morte viuit. Atque id clarius exprimit vltima particula, *ne claudat puteus os suum*: quod tantumdem valet ac si dixisset, Ne me obruat, afflictionum moles, atque absorbeat à dolore. Obtestatio verò per Dei clementiam & miserationes, demonstrat quibus angustiis constrictus fuerit sanctus Propheta. Neque enim dubium est quin difficilem luctam sustinuerit dum arripit hæc arma. Et certè ardui negotii res est, statuere Deum nobis propitium dum irascitur, & propinquum esse dum remouetur est. Ideo colligit David quod huic disidentie opponat: & Dei clementiam, ac magnas miserationes implorans, se ideo tantum bene sperare ostendit, quia Deus sit misericors. Quod dicit, *Respice ad me*, tantumdem valet ac si dixisset, Fac ut reipsa appareat me fuisse exaudutum, dum

scilicet mihi succurres. Proximo etiam versu idem agit. Subinde autem eadem iterando, tam accerbitatem doloris, quam studii ardorem declarat. Petit ne faciem suam abscondat Deus, non quia sibi timeat à repulsa, sed quia fieri non potest quin anxietas huc & illuc miseros homines agitet. Quia autem peculiariter seruos suos ad se inuitat Deus, vnum se esse prædicat ex illorum numero. Neque enim (ut alibi admonui, & susus postea dicendum erit) obsequia iactat quibus quicquam promeritus fuerit, sed potius gratuita Dei electioni innititur: nisi quod simul pietatis suæ testimonium reddat, quia fideliter Deum coluerit à quo fuerat vocatus. De festinatione etiam alibi satis disserui.

19 *Accede ad animam meam.* Quamuis fide persuasus esset, Deum sibi esse propinquum, ut tamen ab effectis metiri solemus Dei præsentiam vel absentiam. David hic ex carnis sensu tacite conqueritur procul se abesse. Nam *appropinquandi* verbo intelligit nullam salutis suæ curâ fuisse Deo: nepe quantum ex re ipsa colligi poterat. Porro Deum implorans ut appropinquet ad vitam suâ, quâ visus fuerat deserere, præclarum exhibet fidei suæ documentum:

imò quo crudelius vrgetur, eo magis cōfidit Deum sibi fore Redemptorem: sicuti alibi dictum fuit, principium hoc semper tenendum esse, Quia Deus su-

perbis resistit, Iac. 4. 6, quanuis ad tempus dissimulet: fieri tamen non possē quin tandem compescat eorum insolētiā qui sine modo resistunt.

20 *Tu nosti opprobrium meum & confusionem meam, & ignominiam meam: coram te omnes aduersarii mei.*

21 *Opprobrium fregit cor meum, & afflictus sum: & expectaui qui commiseraretur, & non erat consolatores, & non inueni.*

22 *Et posuerunt in escam meam fel, & in sitime a potauerunt me aceto.*

20 *Tu nosti opprobrium meum.* Cōfirmatio proximæ sententiæ. Vnde enim fit vt maior pars, vbi impotenter ruere videt impios, ac instar diluuii grassari, animos despondeat, nisi quia putāt obnubilatum esse cælum, vt Deus nihil in terris videat? Ergo Dei prouidentiam hic nobis succurrere oportet, ne dubitemus auxilio nobis maturē venturum: quia neque oculos claudere potest ad nostras misérias, nec pati impunitam malorum licentiam, nisi seipsum abneget. In hoc ergo solatium recūbit Dauid, quod Deum habeat doloris sui, metus, ægritudinum & curarum testē: quia scilicet mundi Iudicem & gubernatorem nihil latet. Nec verò in repetitione ignominie nimis verborum est: quia tñ grauibz tentationum machinis, quæ fortissimum animum labefactare poterant, firmam munitionē opponere necesse fuit. Nihil ingenuis & cordatis hominibus acerbius est ignominia. dum verò ea duplicatur, imò plures simul aggestæ cumulum efficiunt: quā singulari robore opus est ne obruamur? Nam moræ tardio facilē desperatio obrept. Ergo ne oneri succumbat Dauid, colligit, tam multas afflictiones quibus grauiatur, nō esse Deo incognitas. Ignominie verò & probra tam ad externā speciem, quā ad eius affectum aptè referuntur: quia & passim fuisse derisum satis liquet, & fieri nō potuit quin verecundiam, vñā cum dolore tales sanæ inuenerent. Eadem ratione subiicit, *notos esse hostes suos Deo*: ac si diceret, Domine, tu scis me instar ouis vnius circū-

dari à millibus luporum.

21 *Opprobrium fregit cor meum.* Clarius exprimit se non modò tristi desertionis specie fuisse pudefactum, sed morori propemodum cecidisse, quum diu pudefactus iaceret. Vnde colligimus non sine lucta eum vicissē: nec ideo tam cōstanter sustinuisse tentationum fluctus, quod eius animum non attingerent: sed quia duriter percussus, non minori fortitudine resistere. Addit aliam circumstantiam, destitui se omnibus humanitatis officiis: non esse qui condoleat, vel in quem exoneret suos dolores. nam verbum 777 quidam accipiunt pro narrare: quia dum querimonias nostras effundimus apud amicos, inde aliquid leuationis capimus. Hec modo sibi conciliat Dei misericordiam, quia omnibus mundi auxiliis & solatiis priuatus est. Deinde rursum inculcat, nihil hostes suos ad extremam scuitiam omittere. Quanquam autem metaphorica sunt loquutiones, *miscere fel*, aut venenum cibo, & *potui acetum*, sicuti apud Ieremiam, 11. 19, mittere lignum in panem: Ioānes tamen cap. 19. vers. 29, non frustrā impletam fuisse Scripturam memorat, vbi milites acetum Christo propinarunt in cruce: quia visibili signo representari in Christo oportuit quam reprobī crudelitatem exercent in eius mēbra. sicuti Psalmo 22. 19, diximus, quum partitio vestium Christi facta fuit inter milites, non intempestiuē citari versum illum, Partiti sunt inter se vestes meas, & super vestitum meum iecerunt sortem: licet Dauid figuratē intelligat se fuisse spoliatum

spoliatum, suâsque fortunas instar prædæ fuisse direptas. Tenendus tamen genuinus est sensus, sancto Prophetæ nihil relaxationis fuisse datum: quemad-

modum si homo miserè alioqui afflic-  
tus, cibum quoque & potum amarum  
lentia corruptum reperiat.

23 *Sit mensa eorum coram ipsis in laqueum, & pacifica eorum in rete.*

24 *Obtenebrentur oculi eorum ne videant, & lumbos eorum semper fac tremiscere.*

25 *Effunde super eos iram tuam, & furor indignationis tuæ comprehendat eos.*

26 *Sit palatium eorum desertum, in tabernaculis eorum non sit habitans.*

27 *Quia quem tu percussisti persequuti sunt, & super dolorem vulneratorum tuorum numerarunt.*

28 *Adde iniquitatem super iniquitatem eorum, & ne ingrediantur in iustitiam tuam.*

29 *Deleantur de libro viventium, & cum iustis ne scribantur.*

30 *Ego autem pauper & dolens: salus tua exaltabit me.*

23 *Sit mensa eorum coram ipsis in laqueum.* Sequuntur diræ imprecationes, in quibus tenendum est quod alibi docuimus, Davidem non sibi laxasse habenas, ut bilem suam profunderet (sicuti maior pars hominum iniuriis affecta, dolori suo intemperanter indulget) sed duce Spiritu sancto iustum Dei iudiciû implorasse cõtra reprobos: deinde non egisse priuatam causam, sed sancto gloriæ Dei zelo fuisse impulsus ut ad eius tribunal citaret impios. Vnde etiam factum est ut turbulenta passione minimè abreptus fuerit, sicuti qui seipsos vlcisci cupiunt. Quum ergo Spiritus prudentiæ, rectitudinis & moderationis has imprecationes dictauerit Davidi, non est cur eius exemplum obtendant qui vel suam iracundiam euomunt in quoslibet: vel impatientia perperam feruntur ad vindictam, ut neque intenti sint in rectum finem, neque modum seruent. Prudentia enim opus est, quæ discernat inter reprobos, & qui adhuc sunt sanabiles: rectitudine, ut nemo priuatim sibi sit addictus: moderatione, quæ animos ad placidam tolerantiam componat. Hæc

tria quum in Dauide fuisse minime dubium sit, quisquis eum probe imitari cupiet, non temere cæco impetu proliat ad diras: deinde compescat turbidas animi sui passionēs: neque sibi priuatim sit addictus, sed studia sua affectusque ad quærendam Dei gloriam adiciat. Denique, ut veri simus imitatores Davidis, primû induere Christum personā necesse est: ne idem quod olim discipulis obiecit, in nos hodie quoque torqueat, Nescitis cuius Spiritus sitis, Luc. 9. 55. Iam quia conquestus fuerat David, hostes posuisse fel in cibum faum: nunc precatur ut mensa illis cedat in laqueum; & quæ ad pacem sunt, vertantur in rete: his verbis metaphorice optans, ut quæcunque illis in vitam & prosperam communitatem destinata erant, Deus conuerteret in exitium. Vnde colligimus, sicuti Deo propitio, quæ naturaliter & perse noxia essent, adiumento sunt in bonum: ita eo infesto, maledici quæcunque vilia erant, ut toudem sint nobis exitii causa. Atque hæc Dei ultio non leuem merum incutere nobis debet, cû Spiritus sanctus pronuntiat, reprobis



mortifera esse omnia vitæ æt̃ nīnīcula, Tit. 1. 15, vt sol ipse sanitatē in alīs suis portans, Malach. 4. 2, nō nisi pestiferum odorem illis spīret.

24 *Obtenebrēt̃ur oculi eorū ne videāt.* Quia duas hic præcipuē facultates notat, libēt̃er eorū sententiā amplector qui hanc volunt summam esse, Domine priua eos ratione, & intelligentia: deinde enervā eorū vires, vt prorsus inutiles sint ad omnē actionē. Scimus enim nihil rectē posse agi, nisi præluceat consiliū, simulque ad exequendū accedat facultas. Iā quā Ecclesiæ hostibus imminet hæc maledictio, non est quod nos terreat impiorum vel malitia, vel rabies: quia in manu Dei est subitō eos percutere cæcitate, vt nihil videant, & lumbos confringere, vt iaceant confusi.

25 *Effunde super eos iram tuam.* Nō mirum est, Dauidem longius insistere in istas imprecationes: quia furiosos Ecclesiæ hostes, quibus metum iniicere voluit, scimus non faciliē moueri. Ergo vt desistant à sua petulantia, vehementius contra eos insurgit. Cæterū, fideles præcipuē respexit Dauid, qui malis oppressi, non alia futura nituntur, nisi dū audiunt ex ore Dei, quā horribilis maneat ultio ipsorum hostes, siquidem reprobi sunt. Nam sanabiles optasset Dauid pœnis corrigi, sed desperatos exitio suo deuouet: ne pœnam quæ illis decreta est, & quam merēt̃ur, effugiant. Proximo versū vlt̃rā progreditur, nempe vt Deus ad posteros vsque iram suam effundat: sicuti non nouum est patrum scelera reici in sinum filiorum. Nam sicuti Spiritus instinctu diras istas concepit Dauid, ita etiam sumpsit ex ipsa Lege, Exod. cap. 20. ver. 50, vbi pronūtiat Deus se pœnas de impiis contemptoribus sumpturū vsque ad tertiam & quartam generationem. Hoc modo maledici cupit eorum memoriam, vt ne mortuis quidem pareat Deus.

27 *Quia quem tu percussisti.* Crimen eorum profert, vt appareat dignissimos esse tam atrocibus pœnis. Quidā autem hunc versum ita exponunt, Domine, plagis tuis non contenti, scāuerūt in hominem miserum, qui iā manu tua vulneratus erat. Et certē quum humanitas opem afflictis afferre præcipiat,

belluinam scāuitiem prodit quisquis insultat oppressis. Hanc sententiam alii refellunt, nescio an satis firmo argumento, quod non propriē percussus fuerit Dauid manu Dei, quia toto Psalmo de violenta hostium libidine conquestus est. Argutum igitur sensum excogitant: ac si diceret, Hostes suos improbē finxisse sibi esse iustam causam, quia gloriabantur se Dei ministros ad pœnam de scelerato homine sumendam: sicuti vt plurimum impii, huius coloris obtentu, sibi quiduis impune contra mīferos licere putant: sicut etiam alibi dicitur, Venite affligamus eum: Deus enim deseruit ipsum, &c. Psal. 71. 11. Ego autem potius vocari percussū existimo, quem Deus humiliare voluerit tãquam vnum ex filiis suis, vt in ipsa castigatione nota aliqua paterni amoris inculpta esset. *Vulneratos* autem *Dei* nominat eodem ferē sensu quo Iesaias capit. 26. vers. 19, mortuos Dei, nempe qui in ipsa morte sub Dei custodia manebant. Neque enim promiscuē ad omnes hoc extendi potest, sed ad fideles solos pertinet, quorū obedientiam Deus cruce examinat. Inde si arripiant impii occasionem maioris licentiæ, nō mirū est ipsos grauius damnari. Propositis enim talibus exemplis, eos ita secum ratiocinari decebat, Si in viridi hoc sit, quid igitur in arido? Luc. cap. 23. ver. 31. Nunc quum magis obdurescant, apparet contemptu & odio pietatis cōtra filios Dei sic insolescere. Verbū *וְהָיָה* quod verti solet Narrabunt, secus interpretor. significat enim propriē numerare: ideoque appositē transfertur ad augmentum, quod scilicet mala malis addendo, ad summum vsque cumulū dolorem perduxerint.

28 *Adde iniquitatem.* Quia *וְהָיָה* Hebræis tam culpa interdum est, quā iniquitas, sic à quibusdam vertitur hoc loco, vt Deus pœnas pœnis accumulet. Alii etiam longius trahunt, vt scelera ti homines de horum sceleribus pœnas exigant. Atqui ex secundo membro satis liquet, id potius Dauidem precari, quod etiam communi ferē consensu receptum est, vt Deus impios Spiritu suo destituens, coniiciat in sensum reprobū, ne vnquam ad resipiscendum aspīrent.

aspirent. Nam quod interpretantur qui dam *venire in iustitiam*, pro absolui, videtur paulo dilutius quàm exprimat loquutio. Ideo sic resolui debent verba, Crescat magis ac magis eorum iniquitas, & à correctione abhorreant, vt cōstet prorsus alienatos esse à Deo, Hæc autem loquendi forma, quum Scripturæ sit familiaris, & subinde occurrat, non debet videri nobis aspera: & eam vitæ absurditatis causa inflectere, vt quidam faciunt, friuolū est. Exponit Deū addere peccata peccatis, permittendo: & obtundunt hanc esse phrasin linguæ Hebraicæ: quod nemo Hebræus fatēbitur. Nec verò cauillis istis opus est ad Deum excusandum: quia sufficit, dum re, p̄bos excacat, iustas ei causas esse: vt frustra obmurmurēt homines vel litigēt, quasi non peccarent nisi illius impulsu. Et si enim excacationis causæ interdum latent in arcano Dei consilio, sua tamē quæque cōscientia redarguit: & nostrū est reuerenter adorare & mirari quæ sēsum nostrum superant Dei mysteria. Neque enim abs re dictum est, iudicia eius profundam esse abyssum, Psal. 36. 7. Certè quod ad præsentem locum spectat, vbi iudicia sua exequitur Deus, nimis præposterum esset eum inuoluere in partem culpæ. Summa est, iusta Dei vindicta impios demergi in profundum iniquitatis gurgitem, vt nunquam ad sanam mentē redeant: vt qui fordet, sordescat adhuc, Apoc. 22. 11. Cæterum *iustitiam Dei* non interpretor actiue, quæ donat suos electos, Spiritu suo eos regenerans: sed vitæ sanctitatem quæ ei probatur.

29 *Deleantur de libro viuentium.* Hæc vltima est imprecatio, & omnium maxime formidabilis, quæ tamen semper impenitentiam & obstinatum duritiem de qua nuper loquutus est, sequitur. Postquam ergo spem resipiscentiæ illis abstulit, æternum quoque interitum denuntiat: quia perire necesse est quicumque in libro vitæ scripti non reperiuntur. Est quidem impropria loquutio, sed quæ ad nostrum modulum nō malè accommodatur: quum liber vitæ nihil aliud sit, quàm æternum Dei consilium quo suos prædestinauit in salutem. Cer-

tum est nihil posse in eo mutari. Deinde scimus, qui adoptati sunt in spem salutis, eos ante conditum mundum fuisse scriptos, Ephes. 1. 4. Sed quia incomprehensibilis est æterna Dei electio, respectu humanifensus scribi dicuntur quos Deus palam & apertis, signis populo suo accenset. Sic rursus eadem ratione delentur quos Deus palam abdicat & exterminat è sua Ecclesia. Quia ergo David manifestari cupit Dei vindictam, meritò hostium suorum reprobationem ad sensum nostrum accommodat: ac si diceret, Ne recenseas, eos Deus in tuorum numero, vel ordine, nec colligantur cum tua Ecclesia, sed potius eos perdendo, declares abs te reiectos: & quanvis locum ad tempus occupent inter fideles, tandem eos rescera, vt appareat extraneos fuisse, quum domesticis permisti forent. Sicuti etiam dicit Ezech. 13. 9, Non inueniantur in arcano catalogo populi mei. Interea verum manet illud Iohannis, 1. 2. 19, neminem qui verè fuit ex filiis Dei, vnquam deficere. Sed quia fastuose iactant hypocritæ se in Ecclesia esse primos, eorum abdicatio hac similitudine aptè exprimitur, quum Spiritus pronuntiat eos deleri è libro vitæ. Porro notandum est, *istos* vocari secundo membro, omnes Dei electos: quia nō ad immunditiē, vt Paulus dicit, 1. Thess. 4. 7, sed ad sanctimoniam vocati sumus, vt possideat quisque vas suū in honore, 1. Thess. 4. 4. Et nota est illa Pauli gradatio, ad Romanos capite 8. 30, Quos elegit, eos vocat: quos vocauit, iustificat, &c.

30 *Ego autem pauper.* Ex hoc versu melius liquet quàm procul abfuerit à turgido & feroci affectu, sicuti qui suas vindictas impotenter despumant. Neque enim dubium est quin se cum sacrificio contriti & humiliati Spiritus Deo hic offerat, vt hac mansuetudine gratiam sibi consiliet. Ideo addit continuo pōst, *Salus tua exaltabit me.* Certè qui sua intemperie feruntur ad vindictam, ad eō non sunt deiecti, vt se nimium extollant. Hic autē mutua ponitur relatio inter dolorē quo iacebar oppressus, & Dei auxiliū quo se erectū iri sperat. Interea quod alii ad desperationē trahebāt, causā salu-

tis tibi fore, pmittit. Posset etiam aduersari  
ut resoluissent, Quamvis nunc afflictus  
meoriam, salus tamen tua me exaltabit  
Mihi tamen certum est, Dauidem im-  
petrandæ misericordiæ causa suam af-

flictionem in medium proferre. Nec tã-  
tum se erectum iri dicit, sed disertè po-  
nit exaltationem, alludens ad arces in  
locis excelsis positas. Hoc enim propriè  
significat verbum **ΔΔ**.

31 *Laudabo nomen Dei in cantico, & magnificabo eum in  
laude.*

32 *Et placebit hoc Iehoua prae boue iuuenco, qui profert  
cornua & ungulas.*

33 *Viderunt afflicti, & latabuntur quærentes Deum: &  
viuet cor vestrum.*

34 *Quia audiuit ad afflictos Iehoua, & victos suos nõ  
despexit.*

31 *Laudabo nomen Dei.* Hic iam ala-  
criter exurgit, & certa spe liberationis  
fretus triumphum canit victoriæ. Quan-  
quam enim Psalmum hunc discriminũ  
metu perfundus, composuit, certum ta-  
men est, quam anxie trepidaret, hæc ea-  
dem fuisse meditatum: quia gratiam, li-  
cet adhuc spe absconditã, certa fide ap-  
prehendebat. *Magnificari* autem dicitur  
Deus *laudibus nostris*, non quod immen-  
se eius gloriæ quicquam accedat, sed  
quia inter homines extollitur eius no-  
men. Iam quo se melius confirmet Da-  
uid, gratiarum actionem, quam reddere  
Deo parat, boni suauisque odoris sacri-  
ficium fore docet. Nullus enim ad gra-  
titudinem acrior adhiberi potest stimu-  
lus, quàm ubi constat tantopere Deo  
placere hoc pietatis officium: sicuti nõ  
aliã bonorum omnium quæ nobis lar-  
gitur, compensationem exigit, quam  
ut celebretur per nos nomen suũ. Quo-  
minus excusabilis est eorum ignauia qui  
laudes eius silencio vel obliuione sup-  
primunt. Quamvis autẽ nõ omiserit Da-  
uid, neque neglexerit externa sacrificia  
quæ Lex mandabat, meritò tamen spi-  
rituale cultum prætulit, qui omnium  
ceremoniarum finis erat. Quæ de re ple-  
nius didicimus Psalmo 50. 8, & 14. In-  
terim notanda est Dauidis modestia,  
quod licet ad celeste exemplar conscẽ-  
deret, non tamen grauatũ est se demit-  
tere ad cõmentum vsum Ecclesiæ, quasi  
vnius esset ex vulgo: vt ex figuris legali-  
bus disceret quod postea Euangelio cla-  
rius patefactũ est, laudes Dei, quatenus

ex ore nostro manant, impuras esse do-  
nec per Christum sanctificentur. Nunc  
verò plusquam stupida est eorum super-  
stitio, quæ externas rituum pōpas, quæ  
sacrificio mortis Christi sunt abolitæ,  
in vsum adhuc reuocant, & ubi se fati-  
garunt nihil agendo, Deum putant ritè  
placatuẽ esse: quod nihil aliud est quàm  
cras, is velis obterege legitimum hunc  
cultum, quẽ ceremoniis Diuinitus man-  
dati. Dauid longè præferre nõ dubitat.  
Per *bouem iuuencom* intelligitur selectis-  
simus: acsi diceret, nullum esse tam opi-  
mũ vel pretiosum sacrificiũ quod æquẽ  
placeat Deo atque grauarum actio.

33 *Viderunt afflicti.* Fructum suæ  
liberationis aliis etiam communem fo-  
re docet, sicuti Psalmo 22. 23, & 26, &  
pluribus aliis locis iam vidimus: idque  
facit partim vt gratiam Dei apud fide-  
les commendet, partim vt Deus ipse  
ad eum iuuandum sit propensior. Porro  
non intelligit fideles tantum amicitie  
fraternæ causa hoc spectaculo lætos fo-  
re, sed quia in vnius hominis persona cõ-  
mune dabitur salutis pignus. quæ etiam  
ratione afflictos vocat. Quicunque, in-  
quit, Deum quærunt, quamvis malis sint  
afflictĩ, animos recipient meo exemplo.  
Hæc enim duo coniunctim sunt legẽda:  
quoniam non cohereret sensus nisi hoc  
modo, exemplum Dauidis causam fore  
lætitie piis Dei cultoribus, dum suis af-  
flictionibus remediũ quærẽt. Et meritò  
studiũ quærẽdi Dei cõiungit cũ afflictio-  
ne: quia sub Dei ferulis nõ omnes ita p-  
ficiunt vt sincero fidei affectu ab eo salu-  
tem



et petat. In vltima parte vers<sup>us</sup> mutatio est personæ, quæ tamē sensū minimē obscurat: imō hæc apostrophe quasi in re præsentī efficacius exprimit quod volebat Dauid. Nam eos compellens qui malis oppressi iacebant quasi exanimēs, quādam effigiem resurrectionis ante oculos statuit: ac si diceret, Vobis ō mortui, restituetur nouus vigor. non quod intereat fides in Dei filiis donec extinctam alienæ liberationis exemplū viuificet,

sed quia suffocatum iumen denuo accenditur, vt quodam modo reuiuiscat. Modum concinuo post desinit, quod scilicet commune sibi documentum gratiæ Dei in Dauidē exhibitum periuasi, secure colligent respiciē inopes, & victos non desipici. Videmus enim perinde accipere quod vni præstitum fuit ac si Deus res ipsa monstrasset se miseris omnibus ad optulandum præsto fore.

35 *Laudet eū cali & terra maria, & quicquid reptat in eis.*

36 *Quia Deus seruabit Sion, & adificabit vrbes Iehuda, & habitabunt illic, & hereditate obtinebunt eam.*

37 *Et semen seruorum eius hereditario possidebunt eam: & qui diligunt nomen eius, manebunt in ea.*

35 *Laudet eum.* Hinc certius colligere promptum est quod antē attigi, Dauidem in hoc Psalmo, totius Ecclesiæ fuisse interpretem, quia nunc in eam transfert quod de se peculiariter dixerat. Quod autem elementa sensu carentia hortatur ad laudandum Deum, hac hyperbolica loquendi forma ostendit non satis seriō nos esse animatos ad canendas Dei laudes, quarum immensitas totum mundum superat, nisi ascendimus supra sensus nostros: præsertim verō hunc ardorem accendit in corde Dauidis, Ecclesiæ conseruatio. Nec verō dubium est quin Spiritu Prophetico complexus sit totum illud tempus quo Deus regnum & sacerdotium in veteri populo stare voluit. Orditur tamen ab ea instauratione quæ eius opera & manu repente post mortem Saulis illuxit, quum tristis dissipatio tam Diuini cultus interitum, quam terræ vastitatem minitaretur. Primò autem Sionem dicē saluā fore, quia Deus locum in quo volebat inuocari, tuebitur, nec cultum à se præscriptum aboleri sinet. Postea ab Arca fœderis & Sanctuario, benedictionem Dei ad totum terram extendit: quia in religione fundata erat populi fœlicitas. Cæterum intelligit mutationē in melius, non fore momētaneā,

sed fixo & stabili Dei præsidio semper incolumem fore populum. Ideo regni sui auspiciis verē sancitum esse docet quod toties Deus in Lege promiserat, perpetuū scilicet fore terræ illius hæredes. Quæta enim statio temporalis, hostio opponitur: ac si diceret, iam erecto sacro solio venisse tempus quo filii Abrahæ absque migrationis timore fruantur quiete sibi promissā. Vltimo versu ad continuam ætatem seriem id extendit vt patres filii, filii nepotibus acceptam possessionem de manu in manum tradant. Nam solida bonorum omnium perpetuitas Christo innitur, cuius figura erat Dauid. Interea tamen breuiter admonet, terræ demū hæredes fore qui legitimi erant Abrahæ filii. Blanditias enim excuti oportuit hypocritis, qui freti sola generis origine, quū à fide Patrum desciiuissent, terram hereditario iure suam esse perperam iactabant. Quamuis autem terra illa vsque ad Christi aduentum electo populo data fuerit, meminerimus celestis patriæ fuisse symbolum, ideoque verius hodie ac solidius impleri quod hic scribitur de Ecclesiæ protectione: quia timendum non est ne excidat spiritualis templi ædificatio, in qua celestis Dei virtus apparuit.

#### ARGVMENTVM PSALMI LXX.

*Quia Psalmus hic parū est dumtaxat quadragesimi, hoc forte sibi vult inscriptio Ad remiscendum: quia Dauid quinque istos versus aliunde sumpsit in specialem aliquem usum accommodauit. Et ita tantum hoc referam: interpretatio ex suo loco petatur.*

*Psalmus LXX.*

*Ee.iii.*

**P**erfecto Davidis, ad reminiscendum.

2 Deus ad liberandum me, Iehoua ad auxilium meum festina.

3 Erubescant & pudefiant qui querunt animam meā: cōuertantur retrorsum & pudefiant qui optant malum meum.

4 Perdantur super mercede pudoris sui qui dicunt mihi, Euge, euge.

5 Exultent & latentur in te omnes qui te querunt: & dicant: Semper magnificetur Deus, qui diligunt salutem tuam.

6 Ego autem pauper & inops, Deus festina ad me: auxilium meum & liberator meus es: tu Iehoua ne moreris.

#### ARGVMENTVM PSALMI LXXI.

David de sua in Deum fiducia prafatus, partim eum liberatorem implorat: partim conqueritur de superbia hostium suorum: partim fidei suae confirmandae causasse ad testandam gratitudinem comparat & accingit

Psalmus LXXI.

**I**N te Iehoua confido, ne pudefiam in aeternum.

2 In iustitia tua eripe me, & libera me, inclina ad me aurem tuam, & serua me.

3 Sis mihi in rupem fortitudinis, in quam ingrediar semper: mandasti ad seruandum me, quia arx mea & propugnaculum meum tu es.

4 Deus mi libera me à manu impii, à manu improbi & violenti.

1 In te Iehoua. Psalmū hunc scriptū fuisse putant de conspiratione Absalom: & quia senectutis suae meminit David, probabilis est coniectura. Iam quia nobis ad Deum accedentibus sola fides ianuā aperit, vt impetret David quod postulat, testatur suo more se non concipere fittas preces, sed seriō ad Deum confugere: quia certō persuasus sit in eius manu repositam esse suam salutem. Nam qui circumagitur huc & illuc, & spes suas variē partitur, vel trepidē secum disputat, vel contumaciter respuit Dei auxilium, vel impatienter fremit ac tumultuatur: indignus est cui opituletur Deus. Particula autē **יְיָ** in fine primi versus, duplicem sensum recipit, sicuti docui Psalmo 31.2. Nam vel tacita est antithesis inter praesentes aëruas, & latiore exitum quem sperabat David: acsi dixisset, Domine nunc qui-

dem iaceo velut confusus, sed efficies vt aliquando liberer. Vel non pudefieri in seculum, tantundem valet ac nunquam pudefieri. Quia verō reliqua ferē conueniunt cum principio Psalmi 31, quicquid hīc sciēs praetereo, inde petāt Lectores, quos cupio tadio subleuare. In hac particula, ad quem veniam semper, quae illic non ponitur, breuiter petit David, ita expositam sibi esse opem Dei, vt tutum receptum inueniat quoties periculi aliquid instabit. hoc est, Domine semper mihi apud te parata sit defensio: & quoties ad te confugiam, propitius occurras. Quod sequitur, mandasti ad seruandum me, quidam Interpretes resoluūt in tempus optatum: acsi David peteret se committi Angelorum custodiæ. Sed melius est retinere praeiteritū verbi tempus, vt se prioribus experimentis ad bene sperandū animet. Ad Angelos etiam

etiam restringere necesse non est verbum Mandandi: quia etsi illorum opera vitur Deus ad suos tuendos, quia tamē innumera media seruandi penes eum sunt, indefinitē accipio, Deum mandare de suorum salute quod decreuit, quoties fauorem suum palam exerit aliquo signo, & nunc solo nutu, nunc per homines vel alias creaturas exequitur quod apud se statuit. Interea non dubito quin significet Dauid Deo sufficere suum imperium, quanuis aliunde subsidia non accersat: ac si diceret, satis ad nos seruandos authoritatis esse in solo Dei

praecepto.

4 *Deus mi.* Quamquam singularis numerus ponitur, non tamen vnum modò hominē designat: quia credibile est totas hostiū copias, a quibus oppugnabatur complecti. Diximus autem alicubi quātum hoc ad impetrādī fiduciā valeat, vbi nobis confici sumus propriā integritatis vt liberē coram Deo conqueri liceat, iniuste nos & sceleratē ab hostibus oppugnari. quia minimē dubitandum est quin causam nostrā Deus suscipiat, qui patronum se fore promisit iniuste oppressis.

5 *Quia tu expectatio mea, Domine Iehona, fiducia mea à pueritia mea.*

6 *Super te sustentatus sum ab utero, à visceribus matris meae tu extractor meus, in te laus mea semper.*

7 *Quasi prodigiū fui magis, & tu fiducia mea robusta.*

8 *Replebitur os meum laude tua, quotidie gloria tua.*

5 *Quia tu.* Repetit quod paulo antè dixerat de fiducia: nisi fortē hanc sententiam ad rem magis quā ad cordis affectum referre placeat, quasi diceret, ex beneficiis Dei, sibi materiam bene sperandi datam esse. Et certē nō simpliciter hīc refert, se in Deum sperasse, sed experientiam quoque simul coniungit: fateturque sibi iam puero exhibita fuisse gratiæ documenta, ex quibus discere potuerit, nonnisi in solo Deo recumbendum esse. Etsi autem ab affectu ipso realem, vt ita loquar, fidei causam designat, colligere tamen inde licet quā efficax ad fouendam spem eius fuerit beneficiorum Dei recordatio. Cum hoc versū proximus etiā cohæret: nisi quòd longius progreditur Dauid. Celebratenim non modò quæ à puero expertus fuerat beneficia, sed quibus antequam in lucem ederetur, iam affectus fuerat. Ac similis ferē confessio habetur Psal. 22. 10, quā meritò prædicatur admirabilis Dei virtus, & inestimabilis bonitas in hominum generatione: cuius ratio, nisi ad eam effusum assueti, prorsus incredibilis foret. Nam si ad historiam diluuii obstupescimus, dū refert Moses Gen. 8. 13, in fœtida stercore congerie Noe vixisse cum familia decem menses, quum vitalem spiritum

trahere non liceret: cur non æquē mirabimur fortum matris utero inclusum vitam in sordibus degere, quæ semihoræ spatio robustissimos quosque suffocarent? Sed ita scilicet nobis vsu vilescunt Dei miracula. Spiritus autem non abs re ingratitudinem hanc castigat, tam memorabilem Dei gratiam in ortu nostro commendans. Tam quum edimur in lucem, quanuis mater officiū suum præstet, adsit obstetrix, multique alii opitulentur, nisi tamen Deus manum suam quodammodo supponens, susciperet nos in suum gremium, quid nobis fieret, & quæ spes esset prorogandæ vitæ? Imò exitus ab utero, ingressus esset in mille mortes. Quare non abs re vocatur Deus *extractor ab utero*. Cui etiam respōdet clausula versus, *in te laus mea semper*. Significatenim materiam laudandi Dei sibi continua serie fuisse suggestam.

7 *Quasi prodigiū.* Transsit nunc ad querimoniam, quòd propter ingentes misérias quibus opprimebatur, passim fuerit detestabilis. Etsi autem aliqua in speciem repugnantia est in his verbis, Dei beneficiis semper fuisse ornatum & prodigii loco habitum, quia miserē afflictus esset, vtilissimam tamen doctrinam elicimus, nulla calamitatum mole obrutū fuisse quem de bo-



nitate Dei gustum conceperat. Quauis ergo se abominationi esse videret, non potuit tamen vllis tenebris extinguere memoria bonorum, quæ ad fidem dirigendam, instar lampadis, erat in eius corde. *Portenti* verò nomine non vulgaris calamitas exprimitur, quia nisi insolito modo oppressus fuisset, non exhorruissent ad tantam deformitatem quibus non ignota erat misera hominum conditio. Quo magis laudabile specimē constantiæ fuit, non frangi nec debilitari pudore: sed, quo magis reiciebatur à mundo, magis in Deum recumbere. Aduersariu enim resoluti debet sententia, Quauis instar prodigii execrati sint eū homines, Deo tamen subnixum fortiter

stetisse. Si **וְיָבִיחַ** vertere libeat Multos, sensus erit, vulgò notas & celebres fuisse miseras Dauidis: acsi in theatrum productus, populi oculos in se conuerteret. Melius tamen conueniet, meo iudicio, de Magnis vel proceribus intelligere. Hæc verò indignitas quamlibet fortes animos non leuiter percellit, si miserū hominē horrore habent qui videtur prudētia & iudicio excellere, & qui auctoritate præditi sunt. Mox quasi potius voto suo, futuræ gratitudinis testimoniū addit. Et quo alacrius in bonam spem assurgat, plenis buccis se Dei laudes cantaturum promittit: neque id semel, sed infatigabili perseverantia.

9 *Ne prouicias me tempore senectutis, secundum defectiōnem virtutis meæ ne deseras me.*

10 *Quia dixerunt inimici mei de me: & qui obseruant animam meam consultauerunt simul,*

11 *Dicendo, Deus dereliquit eum: persequimini, & comprehendetis eum: quia non eripiens.*

12 *Deus ne procul absis à me, Deus mi ad auxilium meū festina.*

13 *Pudefiant, deficiant aduersarii animæ meæ, operiantur probro & pudore querentes malum meum.*

9 *Ne prouicias.* Quia nuper retulit, Deum susceptorem fuisse animæ suæ ab infantia, deinde etiam in pueritia nutritum, totòque vitæ curriculo fuisse salutis custodem: nunc senio confectus, in paternum eius gremium se reiciit. Nā quo nos magis deficiunt vires, sicut ipsa necessitas ad Deum querendum nos sollicitat, sic etiam speranda est eius ad nos iuuandos propensio. Summa est, Domine, quæ me vegetum in flore ætatis sustinuisti, ne iam caducum & ferè emarcidum desituas: sed quo magis tua ope indigeo, te ad misericordiam flectat meus defectus. Ex hoc versu non temerè coniciunt Interpretes sermonem haberi in hoc Psalmo de coniuratione Absalom. Et certè horribile illud & tragicum spectaculum facere potuit ut non modò promiscuum vulgus, sed qui pollebant grauitate, quasi à monstro detestabili auerterent oculos, quū

filius patrem regno expulsus per ipsa quoque deserta ad necem quærebat.

10 *Quia dixerunt inimici.* Alia etiā circumstantia Dei misericordiam sibi conciliat, quod maiore licentia in ipsum seuiant improbi dum existant à Deo ipso reiectum ac proditum. Scimus enim pessimis etiam quibusque crescere animos & audaciam, ubi innoxios vexando, fingunt sibi nihil cum Deo esse negotii: quia non modò spes impunitatis, eos confirmat, sed etiam de successu gloriantur ubi nihil ad cohibendā eorum libidinē obstaculi apparet. Porro quod tunc Dauidi accidit, filiis Dei propè ordinariū est, ut nihil nō audeant contra ipsos improbi, dum sibi Diuinitus in prædam expositos esse fingunt. Quia enim Dei gratiam præsentī tantū fortuna metuentur, quoscumque affligi patiūtur, contemni, relinqui, & præteriti ab eo putant. Hinc se ad quiduis

uis tentandum mutuo hortantur & a-  
c-  
tuunt, quia miseris nullus sit futurus vin-  
dex. Atqui proterua hæc eorum insulta-  
tio vicissim animos nostros debet erige-  
re: quia Dei gloriæ interest se ipsa com-  
probari quod toties promittit, pauperi-  
bus & afflictis se opem laturum. Nec ve-  
rò quòd sibi veniam à Deo promittunt  
impii, hæc stulta eorum imaginatio cul-  
pam extenuat: quin potius bis in Deum  
sunt contumeliosi, eripiendo quod ei  
maximè proprium est.

12 *Deus ne procul.* Quàm difficilis  
& aspera fuerit illa tentatio, quum Da-  
uidem statuerent impii à Deo reiectum  
esse, vix satis potest exprimi. Neque e-  
nim vocem hanc inconsideratè sparge-  
bant: sed quum visì essent omni prudèn-  
ter expendere, quasi de re comperta fe-

rebant sententiam. Ideoque heroicae  
fortitudinis fuit superare perversa eo-  
rum iudicia, ut Deum nihilominus sibi  
propitium esse consideret Dauid, & fa-  
miliariter ad eum confugeret. Nec du-  
bium est quin Deum suum appellans, gra-  
uem illum durumque insultum hoc cly-  
peo repellat. Auxilium verò Dei implo-  
rans, simul precatur ut pudeant aduer-  
sarii, donec consumpti fuerint. Quanquã  
hæc verba in futuro tempore legere nō  
erit absurdum: quia Dauid precatione  
sua defunctus, sæpe insurgere solet con-  
tra hostes, & quasi triumphum de ipsis  
agere. Sequutus tamen sum quod con-  
textui melius quadrabat. Quia autem iã  
alibi exposui quomodo intelligi debeat  
hæc imprecatio, nunc repetere nihil  
opus est.

14 *Et ego semper sperabo, & adiciam super omnem lau-  
dem tuam.*

15 *Os meum narrabit iustitiam tuam, quotidie salutem  
tuam, quia non cognoui numeros.*

16 *Incedam in fortitudinibus Domini Iehouæ: memora-  
bo iustitiæ tuæ solus.*

14 *Et ego semper.* Iterum quasi vi-  
ctor emergens, gratiarum actionem me-  
ditatur. Quanquam non dubium est quo  
tempore eius simplicitatem ludibrio  
habebant impii, inter illas angustias  
sic fuisse luctatum: quod colligimus ex  
verbis *sperandi*. Quamvis ergo neque ma-  
lorum vllus se ostenderet exitus, & im-  
pii non desinerent superbè ridere eius  
fiduciam: sibi tamen in spe esse perse-  
uerandum statuit: sicuti hæc vera est fi-  
dei probatio, attendere ad solam Dei  
promissionem, ut sola eius luce per den-  
sissimas afflictionum tenebras regatur.  
Hoc igitur sperare, cuius meminit Da-  
uid, ex certaminibus quæ tunc sustinuit  
æstimandum est. Et se *adiuturum* pronun-  
tians *super reliquas Dei laudes*, quàm se-  
curus sit de operabili exitu demonstrat.  
perinde enim est ac si diceret, Domine  
quia pridem ad tua beneficia assuefa-  
ctus sum, non dubito quin noua accessio  
nouam quoque materiam mihi datura  
sit celebrande tuæ gratiæ. Clarius de-  
inde exprimit quale laudis sacrificium  
Deo offerre instituat, assiduam iustitiæ  
& salutis eius præconem se fore assir-

mans. Sæpius verò antehac docui, non  
vocari Dei iustitiam qua cuique repen-  
dit quod suum est, sed fidem quam suis  
præstat in ipsis fouendis, tuendis, ac li-  
berandis. Atque hinc nascitur inastima-  
bilis consolatio, dum salutem nostram  
audimus ita inniti Dei iustitiæ, ut ean-  
dē cum hac firmitudinem habeat. Sa-  
lutem Dei a quæsumi hoc loco satis no-  
tum est. eam iustitiæ adiungit tanquam  
causæ effectum: quia non aliunde per-  
suasus erat se fore saluum, nisi quia ius-  
tus erat Deus, nec se ipsum abnegare  
poterat. Iam quia toties, ac tam variis  
modis, tamque mirabiliter seruatus fue-  
rat, ideo continuum sibi studium fore  
dedit celebrandæ gratiæ Dei. Particu-  
lam *Q* aduersatiuè quidam resoluunt,  
Quamvis incomprehensibilis mihi sit  
Dei salus, vel captum meum excedat,  
ego tamen eam narrabo. Sed propria  
significatio aptius conuenit: quia nihil  
est quod magis accendere animos no-  
stros debeat ad canendas Dei laudes,  
quàm ubi nos innumeris beneficiis pro-  
sequutus est. Nam ut ad specimen vnum  
vel alterum torpeat, ut frigeant in exi-

quo numero: ipsa tamen immensa multitudo torporem & frigus nisi corrigan, minimè excusabilis est nostra ingratitude. Discamus ergo, nò leuiter & quasi cum fastidio gustare Dei bonitatem, sed sensus omnes nostros extendere ad eius amplitudinē, vt nos in admirationē rapiat. Porrò mirum est quomodo in mentem venerit Græco interpreti vertere, Nò noui literaturam. Indignus error est notatu, nisi quòd olim fanatici homines, vt sibi applauderent in sua inscitia, iactabant Dauidis exēplo spernendas esse omnes literas, & scientias liberales: sicut hodie Anabaptistæ non alio prætèxto se pro spiritualibus venditant, nisi quòd omnis scientiæ sunt expertes.

16 *Incedam in fortitudinibus.* Cōmode etiam vertere licet, Ingrediar in fortitudines. atque hæc interpretatio non minus est probabilis. Sicut enim in periculis animos nostros occupat trepidatio & anxietas, quia ad reputandam Dei virtutem non satis sumus attentī: ita vnicum leuandæ in malis anxietati remedium est, penetrare in Dei fortitudines, vt nos vndique muniāt. Sed quia optimè conuenit altera lectio quæ magis recepta est, discedere ab ea nolui. quanquam in sensu variant Interpretes. Quidam exponunt, Prohibeo ad bellum fretus Dei virtute: quod meo iudicio, nimis restrictum est. Incedere enim tantundē valet ac manere in firmo ac perpetuo statu. Etsi enim non sine molestia nituntur fideles, neque alacriter volitāt, quin potius præ lassitudine gemunt: quia tamen obstacula & difficultates inuicta animi magnitudine superant, neque retrocedunt, neque declinant à recta via, saltem desperatione non concidunt, ideo dicuntur pergere, donec eum absoluerint. In sūma, gloriatur Dauid se nunquam frustratum iri Dei auxilio, donec ad metam pertigerit. Quia autem nihil in hac tanta infirmitate difficilius vel rarius est, quàm perseue-

rare, sensus omnes suos colligit ad vnā Dei iustitiam. Quòd enim se tantum illius memorem fore dicit, huc spectat, se relictis omnibus prauis fiduciis, quibus totus ferè mundus circummagitur, in Dei protectione fore prorsus defixum, ne vagentur post suas imaginationes, vel huc & illuc abstrahatur. Augustinus plus centies ad evertenda operum merita hoc testimonio vitur, & plausibiliter iustitiam quæ gratis à Deo donatur, meritoria hominum iustitiæ opponit. fatendum tamen est, in alienum sensum torqueri verba Dauidis, qui simpliciter intelligit neque consilio proprio, neque industria, neque virtuti inniti, neque vllis opibus, vt securè sibi salutem promittat: sed hoc vnum sibi esse propositum, quia iustus est Deus, fieri non posse vt ab eo deseratur. Iustitia enim Dei, vt nuper attigimus, non gratuitum illud donum quo sibi reconciliat homines, vel regenerat in vitæ nouitate, sed fidem in seruandis promissis significat, quæ se æquum, & rectum, & veracē probare vult erga suos cultores. Solam verò Dei iustitiam sibi in oculis & memoria fore dicit: quia nisi attentè ad eam restringimus sensus omnes nostros, miras habet illecebras Satan quibus nos in vanitatem abducatur. Simul enim ac variæ spes obrepserint, nihil proclivius est quàm diffluere: & quisquis Dei gratia non contentus, vel tantillum subsidii aliunde accerset, documentum suo lapsu aliis præbebit quàm euanidæ sint omnes mundi fulturæ quæ Dei auxilio miscentur. Quòd si in externo vitæ statu gradum aliter tenere nò potuit Dauid, quàm se, abdicatis omnibus aliis fiduciis, reiciendo in Dei iustitiam: vbi de spirituali æternæque vita agitur, si vel minimum delapsi fuerimus à gratia Dei, qualis futura est nostra firmitas? Negari igitur non potest quin partitio quam inter liberum arbitrium & Dei gratiam comminiscuntur Papiistæ, miseris animas in ruinam præcipites agat.

17 *Deus docuisti me à pueritia mea, & hucusque annuntiabo mirabilia tua.*

18 *Et etiam vsque ad senectutem & caritatem, Deus, ne deferas me, donec annūtiē robur tuū generationi, cūctis veniē*



*tibus fortitudinem tuam.*

19 *Et iustitia tua, Deus, usque in excelsum: quia fecisti magnifica: Deus quis similis tibi?*

17 *Deus docuisti me.* Iterum recitat quantopere obstrictus sit Dei beneficiis, non modò vt se ad gratitudinē hortetur, sed vt spem suam continuet in futurum tempus, sicuti patebit ex proximo versu. Iam quum Deus tam verbo quàm factis nos doceat, secundam speciem hic notari certum est, quòd scilicet à pueritia vsque continuis experimentis didicerit David, nihil melius esse quàm recumbere in vnum Deum. Porro ne vnquam priuetur hac reali doctrina, testatur se in ea rite profecisse. Nam in hunc finem mirabilium Dei se præconem fore dicit, ne sua ingratitude, beneficentiæ Dei cursum abrumpat. Hinc verò dependet ista precatio, ne in sua senectute excidat. Sic enim ratiocinatur, Quum te ab initio semper tam liberalem ostenderis, ô Deus, nunc quum me deficere vides, num manum porriges ad opitulandum? Atque omnino sic statuendum est, postquam nos ad huc infantes dignatus est amore suo Deus, pueros complexus est eodem fauore totòque vitæ curriculo benefacere non desist, fieri non posse quin sibi ad extremum constet. Ideo particula **¶** illatiuè accipitur: ac si colligeret, Deum, cuius nunquam exhauritur bonitas, & qui mutabilis non est instar hominum, eundem erga senes fore qui fuit erga pueros. Alio deinde argumento precationē suam confirmat, quia si fatiscat in senio, simul etiam euanescet gratia Dei, qua hætenus fuit sustentatus. Nam si gratiā suam Deus tenui gustu libatam mox subducatur nonnisi ad momentū vigeat eius memoria. Si verò pluribus suis beneficiis ornatos in extremo vitæ actu deseruat, hoc etiam modo gratiam perdet eius liberalitas. Se ergo ad finem vsque iuuari David postulat, vt posteris commendet æquabilē gratiæ Dei cursū, ac in morte ipsa testetur, Deū fideles qui ad eū cōfugiūt, nūquā frustrari. Nā per generationem & eos qui venturi sunt, filios & nepotes intelligit, ad quos nō aliter potest gratiæ Dei memoria pparari, do-

nec numeris omnib⁹ absoluta, cursū suū cōpleuerit. *Robur & fortitudinem* tāquē effectus iustitiæ Dei recenset. Interim tamen his elogiis ornat liberationis modum, de qua sibi gratulatur. ac si diceret, exhibitum in eo fuisse raræ virtutis & potentie documentum.

19 *Et iustitia tua.* Alii hunc versum contextunt cum proximo, & verbū narrabo *απο τῶ κοινου* repetētes, iustitiæ nomē vertūt in accusatiuo casu. Sed quia in eo parum est momenti, non insisto. Pluribus quidem verbis idē quod prius dixerat, prosequitur David. ac primò, iustitiā Dei in sublime dicit esse euectam: deinde magnificē operatum esse: tandemque præ admiratione exclamat, *Quis similis tibi?* Est autē hoc notatu dignū, iustitiā Dei, cuius propinqui nobis & conspici sūt effectus, locari tamē in excelsu, quia sensu nostro nō cōprehenditur. Nam dum eā nostro modulo metimur, minima quæque tētatō nos absorbet. Ergo, vt ei aditus ad nos seruādos pateat, ad concipiendā eius amplitudinem, sursum ac deorsū, lōgē & latē mētes nostras diffundi oportet. Eodē refertur secundum mēbrū de magnificis Dei operibus: quia si cognita eius virtuti tribuimus iustā ac debitā laudē, nūquam nos deficiet bene sperandi argumentū. Tandem eo vsque progredi oportet bonitatis Dei sensum, vt nos in admirationē rapiat. Sic enim fiet vt in Deo solo acquiescāt mētes nostræ, quæ huc & illuc subinde præua inquietudine feruntur. Nam si qua nobis ingeritur tētatō, protinus ex musca facimus elephantē: imò fabricamus altissimos mōtes, qui Dei manum à nobis arceāt. Interim Dei potentiā malignē restringimus. Huc ergo tendit exclamatio Davidis, vt discamus fide perrumpere. & omnibus impedimentis præferre Dei potentiā, sicuti meretur. Nam etsi fatētur omnes verbo, nullū esse Deo similē, vix tamen cētesimus quisque penitus ac serio persuasus est, eum vnum ad seruandum sufficere.

20 *Quia videre me fecisti tribulationes magnas & malas, conuersus uiuificabis me, & ex abyssis terra conuersus ex-tolles me.*

21 *Multiplicabis magnitudinem meam, & conuersus consolaberis me.*

22 *Etiam ego canam tibi in organo musico veritatem tuam Deus meus, psallam tibi in cithara Sancte Israel*

23 *Exultabunt labia mea dum psallam tibi, & anima mea quam redemisti.*

24 *Etiam lingua mea quotidie annūtiabit iustitiam tuā: quia pudefacti sunt, quia ignominia affecti sūt querētes malū meū.*

20 *Quia videre me.* Scitur verbū Videndi apud Hebræos transferri ad alios sensus: itaque mala sibi ostensa fuisse queritur Dauid, quæ perpeſsus fuerat. Sicuti autem Deo fert acceptas suas liberationes: ita rursus non nisi eius consilio & voluntate sibi quicquid pertulerat malorum fuisse insuetum agnoscebat. Sed primò tenendum est eius cōsiliū. nam vt comparatione illustret Dei gratiam recenset quā duriter afflictus fuerit. Si prospera fortuna semper æquabiliter vsus esset, erat cur sibi gratularetur: sed non sensisset quid sit incredibili Dei virtute eripi ab interitu. Nam ad mortem vsque descendere necesse est vt Deus appareat Redemptor. Quia enim nascimur sine sensu & intelligentia, prima vitæ nostræ origo non satis clarè auctorem ipsum nobis demonstrat: sed vbi in desperatione succurrit Deus, resurrectio ipsi nobis illustre est gratiæ eius speculum. Hoc modo Dei beneficium amplificat Dauid, quòd demersus in profundam abyſſum, eius tamen manu eductus in lucem emerſerit. Neque solum Dei beneficium se in cōsolationem esse prædicat, sed dignitate fuisse auctum: quæ mutatio velut restitutionis cumulus fuit, perinde ac si ex inferis in cælum vsque euectus foret. Quòd tertio repetit, Deum fuisse cōuersū ad prouidentiam eius cōmédationē spectari: ac si diceret, nihil sibi fortuitò accidisse: aduersi: quia simul ac illuxit Dei fauor, mutata fuerint vices.

22 *Etiam ego* Prorumpit adhuc in gratiarū actione: quia intelligit in hūc

finem tam liberaliter Deum suis opem ferre, vt celebretur eius bonitas. In nominibus *Nebul* & *Cithara* alludit ad morem tunc receptum. nec enim dubium est quin pars illa fuerit legalis pædagogia, & ymbratilis cultus: ad citharam & nablum canere Dei laudes. De publicis gratiarum actionibus loquor: quia et si priuatus non vetamur interponere musica instrumenta, à templis tamen manifeste Spiritus sancti edicto arcentur, dū Paulus 1. Cor. 14. 13, non nisi cognita lingua benedicere vel orare permittit. *Veritatis* nomine intelligit, quum Diuinitus seruatus est, mercedem spei suæ fuisse redditam. Sunt enim res coniunctæ in separabili nexu, promissiones Dei, & veritas in ipsis præstandis. Nisi autem pendamus ex Dei verbo, insipida nobis erant quæcunque beneficia conferret. Nūquam etiam vel ad preces, vel ad gratiarum actiones incitabimur, nisi eodem verbo prælucente. Quo magis detestabilis est diabolici hominis Seruati furor, qui precandi regulam peruerſi docet si fides promissionibus alligatur. quasi verò nobis ad Deum accessus pateat, donec sua voce nos inuitet. Proximo versu melius exprimit se non simulatē, nec defunctori gratias acturum Deo: quia serio seruire ad hoc pietatis officium proſiliet. Figuris enī quibus vitur breuiter intelligit nullum sibi maius oblectamentum fore, quā in Deo laudando: atque ita oblique profanam eorum lætitiā perstringit, qui posthabito Deo sibi in rebus prosperis gratulantur.

Eodem

Eodem quoque ultimus versus tendit, laudibus, & hunc sibi iucundissimum nullum scilicet suave & optabile sibi fore fructum, celebrare laudibus suum re gaudium, nisi coniunctum cum Dei Redemptorem.

## ARGVMENTVM PSALMI LXXII.

David totius Ecclesiæ nomine, vera pro continuo regni sibi premi sui successu concipiens, simul docet veram piæ felicitatem in eo esse positam, dum sub manu Regis Diuinitus electi regnatur. Psalmus LXXII.

**S**olomonis. Deus iudicia tua Regi da, & iustitiam tuam filio Regis.

2 Iudicabit populum tuum in iustitia, & pauperes tuos in iudicio.

3 Proferent montes pacem populo, & colles in iustitia.

4 Iudicabit pauperes populi, seruabit filios afflicti, & cōfringet calumniatorem.

5 Timebunt te cum sole, & coram luna generatio generationum.

6 Descendet sicut pluuia in herbam sectam, sicut imbres irrigantes terram.

1 **Solomonis.** Inscriptio Psalmi auctorem non designat, nam quum discretè in fine dicatur hanc fuisse ultimam orationem Dauidis, magis probabile est Psalmum ab eo fuisse scriptum. Nisi forte votum patris sui Salomo successor, quo notius esset ac magis in populo celebre, in numeros digessit. quod à verisimilitudine non abhorret. Sed quia 7 Hebraeis plura significat, resolvere licebit, carmen hoc fuisse in gratiam Solomonis compositum. Quod si recipimus, notandum tamen erit, sub vnius hominis persona comprehendi perpetuum regni statum. Caterum, omnibus probè expensis, in hac coniecturam libenter inclino, quoddam Dauid inter ultimos spiritus precatus fuerat, redactum fuisse in formam Psalmi à filio, ut æternæ memoriæ consecraretur. Nam hoc videtur ut de re maximè seria, consultò fuisset additum, ultimam esse Dauidis precationem: quo attentius fideles & maiori ardore cum memorabili sancti Regis voto sua ipsi quoque coniungeret. Caterum, quia Salomo argumentum à parte sumptum poetico tantum nitore ornavit, sit nobis David præcipuus author. Qui simpliciter varicinium esse volunt ac regno Christi, videntur nimis vio-

lenter torquere verba. Deinde semper cauendum est ne Iudæis obstreperè detur occasio, ac si nobis propositum esset sophistice ad Christum trahere quæ directè in eum non competunt. Sed quum Dauid Dei mandato vnctus in Regem, sciret hac lege se & postereros suos solum tenere, ut tandem potestas & imperium ad Christum perueniret: deinde in hoc regno ita contineri ad tempus terrenam populi salutem, ut ex umbra illa præstantius tandem aliquid emergeret, nempe spiritualis & æterna felicitas: meritò de huius regni perpetuitate ita fuit sollicitus, tamque ardentè pro ea precatus est, ut inter extremos spiritus votum suum repetens, testatum esse voluerit, hanc ex omnibus suis curis summam esse. Nam quod de æterna dominatione hic habetur, non ad vnum hominem, vel paucos, imò ne ad viginti quidem secula restringi potest: sed notatur successu, quæ in Christo finem & solidum complementum habuit.

1 **Deus iudicia.** Quamquam Dauid apud quem deposita fuerat promissio, anxie sub mortem, filium qui regni successor futurus erat, Deo commendauit: non dubium tamen est quin distauerit toti Ecclesiæ communem orandi for-



mam, tum vt singuli fideles non aliter sibi bene & feliciter fore persuasi, quā sub vno capite, legitimū hunc ordinē colerent: tum vt ab illo vmbraatili regno ad Christum vsque deducerentur. Summa autem est, vt Deus Regem à se electum Spiritu rectitudinis & prudentiæ instruat. Nam *iustitia & iudicii* nominibus formam gubernandi ritē compositam intelligit: eam tyrannicā & effrāni profanorum Regum licentiæ opponens, qui posthabito Deo, pro arbitrio suo dominantur. atque ita terrenis aliis Regibus sacrum Israelis Regem cælesti vnctione præditum distinguit. Quamquam interea colligimus ex eius verbis, nullum regimen posse in mūdo ritē constitui, nisi Dei auspiciis, & præeunte eius Spiritu. Nā si propria virtute satis instructi essent Reges, frustra aliūde precariō rogaret David quod ipsis domi suppeteret. Nunc verō Dei iustitiā & eiusdem iudiciū Regibus dari postulās, nullos esse obeundum munus idoneos esse admonet, nisi quatenus Dei manu formātur. Ideo apud Solomonē Prou. 8. 15, clamat eius sapientia Reges per se regnare. Nec verō mirū est, quū res sit præstantissima ordo politicus, Deum velle agnosci eius authorē, sibi que omnem eius laudem vindicare. A genere tamen ad speciem descendere cōuenit: quia quum singulare Dei opus sit rectum in mundo principatū erigere ac tueri: multo magis necesse fuit, in sacro illo regno, quod præ aliis elegerat, fouendo & conseruando peculiare Spiritus sui gratiam proferre. Per *filium Regis* non dubium quin successores intelligat. Quamquā simul ad oraculū respicit, De fructu ventris tui ponam super sedem tuam, Psal. 132. 11. Atqui nulla in posteris Davidis reperietur talis soliditas, donec ad Christum ventum fuerit. nam scimus, mortuo Solomone, collapsam fuisse regni dignitatē, ab eo tēpore imminutas & accisas fuisse opes: donec populo in exilium traducto, & Rege probrosē occiso, funesta regni clades accidit. Nec verō post reditum talis fuit restitutio, quæ magnam spē faceret, donec tandem ex arido trunco Iesai prodiit Christus. Ideoque inter Davidis filios primum gradum tenet.

2 *Iudicabit populum tuum.* Quidam optatiuē legunt. Alii retinent futurum tempus, vt sit prophetia. sed rectius est aliquid medium subaudire. Quæcunque enim postea dicentur, manant ex illa Dei benedictione, si Rex ornatus fuerit iustitia & iudicio. Ita igitur resoluta oratio debet, Guberna Deus Regem nostrū vt iudicet. vel hoc modo, Vbi donatus fuerit tua iustitia, tunc vere iudicabit. Est enim donum longē præstantius, bene regere populū, quā vt è terra proueniat. Spirituale verō Christi regimē, quo omnia instaurantur in perfectū ordinē, multo magis cæleste est donū. Quamquam autem in genere de toto populo priore membro loquitur, nominationem adiungit *pauperes*, qui propter inopiam suam & infirmitatem alieno subsidio indigent, & quorum gratia Reges armati sunt gladio, vt iniustis eorū oppressionibus succurrant. Hinc etiā nascitur pax, cuius sit mentio versu 3. Nā quum hoc nomen Hebræis non quietem modō, sed prosperos omnes successus denotet, David populum tunc feliciter habiturum docet, si formatus fuerit publicus status ad iustitiæ normam. In *prouentu* verō *pacis*, metaphora est à terræ fecunditate sumpta, ac si dixisset nullum fore angulum felicitate vacuū. Nam *montes* vt plurimum laborant sterilitate, vel saltem non abundant tanta frugum copia vt valles. Cæterum, tam *pacis* quā *iustitiæ* nomen coheret vtrique membro, & bis repeti debet, ac si dixisset, In iustitia pacem diffusum iri per omnes terræ partes. Alii simpliciter legunt iustitiam. sed non videtur esse superuacuum.

4 *Iudicabit pauperes.* Finem & fructum iustæ gubernationis prosequitur, & quod breuiter attigerat de afflictis populi, fusius explicat. Tenendum est verō illud principium, non aliter fieri vt se contineant Reges in iustitia & æquitate, nisi per Dei gratiam: quia vbi non præest è cælo Spiritus rectitudinis, omne imperium in tyrannidem & latrocinium vertitur. Quia autem pollicitus fuerat Deus sibi curæ fore pauperes & afflictos populi sui, vt obtineat David quod pro Rege concipit votum, id in pauperum solatium tendere ostēdit.

dit. Nulla quidem est apud Deum personarum acceptio: sed non abs re Deus tenues, qui iniuriis & violentiæ magis sunt obnoxii, præ aliis commendat. Tollantur enim leges & iudicia, quo quifque erit potèrior, ad fratres suos quoque opprimendos præualebit. Qui ergo non nisi publica defensione tuti sunt, his Regem fore præsidio David specialiter cōmemorat, vindicemque fore testatur ubi indignè violati fuerint. Porro trita est loquendi forma Hebræis, filios afflicti pro afflictis dicere: sicuti Græci interdū loquuntur, ut quum *uis idæpor* dicunt pro medicis. Quia verò in subleuandis & tuendis pauperibus partes obire Rex non potest quas ei assignat David, quin auctoritate & manu cōpescat improbos, non temere additur in fine versus, *violentos* vel prædones, ubi vigebit iustitia, *confractum iri*. Neque enim expectandum est dum vltro cedant, sed gladio reprimendi sunt, ne lasciuia eorum improbitas & audacia. Cordatum igitur Principem esse oportet, atque animosè paratum ad cohibendos improbos, ut mansueti & modesti ius suū obtineant. Atque ita nemo ad regendum populum erit idoneus nisi qui didicerit seuerus esse vbires ita postulat: quia fieri non potest quin sub molli & ignauo Principe, vel etiā nimis facili & remisso grassetur licentia. Ac verè olim dictum fuit, deterius esse sub Principe viuere cuius indulgentia omnia licet, quā sub tyranno ubi nulla est libertas.

5 *Timebunt te.* Si per apostrophē legas, poterit hoc ad Regem non incommode referri, hæc scilicet præcipua fore dignitatis insignia quæ reuerentiam ei apud subditos concilient, si ius cuique suum æqualiter reddat: humanus sit ad iuandos miseros, & ad domandam malorum audaciam seuerus. Sed melius conueniet sine mutatione perso-

næ interpretari de ipso Deo. Quāquam enim inestimabile bonum est, æquitatē mutuo coli inter homines, maiori tamen in pretio meretur esse Dei cultus. Ideoque piæ sanctæque gubernationis fructum non abs re David commēdat, quod pietatem & timorem Dei secū afferet. Ideoque Paulus 1. Tim. 2.2, iubēs orare pro Regibus, finem hunc disertè exprimit, ut tranquillam sub ipsis vitam degamus cum omni honestate & pietate. Quia ergo periculum est ne collapsō ordine politico, dissipetur Religio ac pessum eat Dei cultus, postulat David ut Deus nominis sui ac gloriæ respectū habeat in Rege conseruando. Hoc eodē argumento & Reges admonet sui officii, & populum ad precandum stimulat: quia nihil præstantius est quā ad procurandum Dei cultum votis omnibus eniti. Iam ubi ad Christum venit, hoc longè verius in eum competit: quia non alibi quā in eius regno fundata est vera pietas. Et certè Dei cultum vsque ad finem mundi protendens David, obiter significat, se animo conscendere ad æternum illud regnum quod pollicitus fuerat Deus.

6 *Descendet.* Quāquam videtur asperior esse similitudo, concinnè tamē & scitè exprimit quantum vtilitatis in commune proueniat ex probō & legitimo regni statu. Scimus enim tōderi præta initio ætatis, ubi iam dominatur calor: ita nisi humorem nouum sugeret terra, ipsæ quoque radices propter terræ nuditatem arescerent. Docet ergo David, non aliter Deum consulere Ecclesiæ suæ salutem, sub Regis manu eā protegendo, quā irrigatione terram ab æstu defendit. Hoc verò præcipuè in Christo videmus impleri, qui arcanam gratiam stillando, facit Ecclesiam suam pullulare.

7 *Florebit in diebus eius iustus: & multitudo pacis, donec non sit luna.*

8 *Et dominabitur à mari vsque ad mare, & à flumine vsque ad terminos terræ.*

9 *Coram ipso procident incola deserti, & inimici eius puluerem lingent.*

10 *Reges Tharsis & Insularum munus afferent : Reges Scheba & Seba donum adducent.*

11 *Et prosternent se coram eo omnes Reges, omnes Gentes seruiant ei.*

7 *Florebit.* Necessè non est sapius repetere quod semel dixi, pendere has omnes sententias ex primo versu. Ergo *ut* floreat iustus, & prosperè habeat populum, precatus est Dauid, Regem ornari iustitia & iudicio. Solomonis quidem officium fuit iustos tueri: sed proprium Christi est iustos facere: quia non tantum ius suum cuique reddit, sed Spiritu suo animos reformat. Et hoc modo iustitiâ postliminio reducit, quæ aliqui exularet à mundo. Hanc sequitur Dei benedictio, qua suos omnes exhilarat, dum sub Rege Christo nihil sibi ad solidam felicitatem deesse vident. Si nomen *patris* in proprio sensu & magis restricto accipere libeat, non repugno. Et certè ad summam beatam vitam nihil pace optabilius: quando inter bellicos tumultus nihil ferè inuat rerum omnium abundantia, sed corrumpitur & perit. Quod autè dies Regis prorogat usque ad finem mundi, hinc melius liquet, Dauidem non modò comprehendere posteros suos qui terrenum solum occuparunt, sed conscendere ad Christum, qui à morte resurgens, caelestem sibi vitam ac gloriam acquisiuit, ut Ecclesiam suam sine fine moderetur.

8 *Ee dominabitur.* Quia Dominus terram populo suo in hæreditatem promittens, hos quatuor limites assignauerat, Genes. 15. 18, significat Dauid, saluo & incolumi regno integram fore promissæ terræ possessionem: ut intelligant fideles non nisi floreante regno, Dei benedictionem constare suis omnibus numeris. Dominaturum ergo pronuntiat à Mari rubro, vel sinu illo maris Aegyptiaci usque ad mare Syriacum quod Palaestina vocant: deinde ab Euphrate usque ad desertum magnum. Iam si quis excipiat, Non congruere tam angustos fines Christi imperio, quod propagari debuit ab ortu solis usque ad occasum: solutio facilis est, Dauidem accommodare suo temporis: quia nondum amplitudo illa clare patefacta erat. Exorsus est

igitur ab ea descriptione quæ sub Lege & Prophetis nota & celebris erat: imò & Christus ipse regnum suum inde auspicatus est antequam penetraret in vltimas terræ plagas: sicuti Psalmo 110. 2. dicitur, Sceptrum virtutis tuæ emitte Dominus à sion. Sed paulò post ampliare fines incipit, transmarinos Reges fore etiam tributarios docens, sicuti incolæ deserti, iugum subituros. Quantum ad מלכא non dubito quin hoc nomine designet qui versus Meridiem longius aberant à terra Chanaan. Et in genere statim addit Prophetæ, *hostes Regis terram osculaturus* in signum reuerentiæ. Scimus enim Orientales hac caremencia fuisse vsos, ad quam Alexæder quoque Macedo post domitum Orientem suos cogere voluit, vnde ortæ sunt magnæ lites, quòd Macedones contumaciter respuerent tam seruire & sordidum obsequium. Sensus ergo est, Regè Diuinitus electum in Iehudah longè latèrque hostium fore victorem, ut suppliciter eum venerentur.

10 *Reges Tharsis.* Prosequitur quod cœpit dicere de propagatione regni. Tharsis vocant Hebræi totam plagam quæ ad Ciliciam vergit. Ergo per *Insulas* totum maris Mediterranei tractum significat à Cilicia in Græciam usque. Quia enim Iudæi cõtenti patriæ suæ commodis, non procul nauigabant ut aliæ Gentes: imò Deus eos data opera incluserat, ne se corrumperent externis moribus: hinc factum est ut regiones, quibus oppositum erat mare, vocarent insulas. Fateor quidem Cyprum & Cretam, aliàsque insulas comprehendi: sed hoc nomen patere dico ad omnes terras quæ ultra mare Mediterraneum sitæ erant. Per מלכא & מלכות quoduis tributum aut vectigal intellige, non autem voluntarias oblationes: quia loquitur de hostibus deuictis, & de subiectionis testimonio. Quanquam videtur Scriptura, ut rem odiosam mitiget, consultò vti illis vocibus, ac si oblique subditos



subditos argueret, si vestigalibus fraudarent suos Reges Per **XXIII** quidam volunt notari Arabiam, per **XXIV** verò AEthiopiam. Quamquam probabilis est eorum coniectura qui priore voce intelligunt totam partem sinus Arabici quæ ad Africam inclinat: secunda verò quæ per **D** scribitur, Sabæam, quæ fertilior erat magisque amœna regio. Quàm insulse detortus fuerit hic locus sub Papam, dicere nihil attinet. Cantillant enim versum hunc de Philosophis vel Magis qui ad Christum adorandum venerunt. Quasi verò ex Philosophis Reges subito creare in eorum arbitrio fuerit. Deinde etiam mutare plagas mundi, vt ex Oriente Meridiem vel Occasum facerent. Proximo versu clariùs exprimit totum orbem Christi imperio sub-

iectum fore. Nam certè regnum Iehudah nunquam magis quàm sub Solomone floruit, atqui tunc nonnisi pauci Reges tributum pendebant, & quidem moderatum: deinde hac lege, vt liberis suis legibus viuerent. Dauid ergo à filio suo & nepotibus exorsus, Prophetico spiritu ad spirituale Christi regnum cõscendit. quòd apprimè notatu dignũ est, vt sciamus non temere nos in spẽ eternæ salutis fuisse ascitos: sed quia iã cælestis Pater nos Filio suo destinauerat, hinc etiã colligimus, in Ecclesia & gregge Christi esse Regibus locum: quos hie Dauid non exarmat gladio, nec diademate spoliatur, vt admittat in Ecclesiam, sed cum sua dignitate tuturos esse dicit vt se coram Christo prosternant.

*12 Quia eripiet pauperem clamantem, & inopem cui non est adiutor.*

*13 Miserebitur super egenum & pauperem, & animas pauperum seruuabit.*

*14 A fraude & violentia redimet animas eorum: & pretiosus erit sanguis eorum in oculis eius.*

*15 Et viuet, & dabit ei de auro Seba: & orabit pro eo semper, quotidie benedicet eum.*

*12 Quia eripiet.* Rursus testatur, regnum quod celebrat, minimè tyrannicum vel crudele fore: sicuti maior pars Regum neglecta communi salute, propriis commodis addicta est: vnde fit vt miseros populos inhumaniter premant. imò quo quisque magis est formidabilis, omniãque ingurgitat, eo præstantior habetur. Atqui si de toto genere humano prouerbii vice celebrata fuit sententia, nulla re magis ad Deum accedere mortales, quàm beneficentia: virtutem hanc in Regibus non fulgere, nimis absurdum est, quos sibi Deus propius coniunxit. Quare non abs re Dauid, vt Regem Diuinitus electum amabilem reddat, non modò iustitiæ & æquitatis custodem fore dicit, sed adeò humanum & misericordè, vt contemptissimũ quibusque paratum sit in eo præsidium. quod in Regibus nimis raram est, qui splendore suo excæcati, lon-

gè se à miseris subducunt: ac si cura hæc sua dignitate esset inferior & indigna. Atqui sanguinè plebeium, qui vilis esse solet, ac pro nihilo ferè duci, apud hunc Diuinum Regem summo in pretio fore Dauid prædicat. Constantia etiam & magnanimitas notatur in verbo *redimendi*: quia non satis esset, Regi non placere fraudes & rapinas, nisi se vindicem fortiter opponeret. Sub *fraude* verò & *violentiã* omne maleficii genus completur: quia homo nocendo aut leo est, aut vulpes. Alii enim aperta vi grassantur: alii autem insidiosè & occultis artibus ad iniquitatem obrepunt. Porro scimus datum esse Christo summũ imperium in cælo & in terra, Matt. 28. 18, vt suos non modò protegat à temporalibus noxiis, sed præcipue ab omni Satanæ iniuria, donec omni molestia exemptos in æternam quietem colligat.

*15 Et viuet.* Quod nonnulli verbũ Ffi.

hoc ad pauperes referunt, videtur coactum. Longa igitur vita, quæ non vltima est inter terrenas Dei benedictiones, Regem hunc donandum esse affirmat Dauid. Quæ postea sequuntur, indefinitè legenda sunt: ac si dixisset, Dabitur ei aurum Arabicum, passimque concipiètur vota pro salute eius. Iterum repetit quod de potentia dixerat: quia si Arabia pendat tributum, quanta opum congeries ex tot regionibus magis vicinis, contrahetur? Et si autem non regnat Christus ad aurum coaceruandum, figuratè tamen docere voluit Dauid, remotissimos quosque populos fore in officio, ut se ei totos suæque omnia addicant. Neque enim nouum est, spiritualis regni gloriâ sub externo splendore delineari. Opulentiissimum ergo fore Christi regnum prædixit Dauid, sed pro spirituali eius natura. Vnde apparet quàm sceleratè & nequiter hoc loco abusi sint Papistæ, ut ad se corradarent caducas mundi opes.

Iam sub communibus populi votis quibus commendabitur salus Regis Deo, significat subditos fore voluntarios, ut nihil sibi optabilius esse ducant, quàm eius imperio parere. Et si autem iugum detrectant multum, hypocritæ etiam tacite apud se fremunt, & si daretur optio, libenter abolerent Christi memoriâ: verè tamen in omnes pios competit hic affectus, non modò quia terrenis quibusque Regibus officium hoc præstari iubet Scriptura, sed quia peculiari studio & cura tangi debent propagandi huius regni, in quo & relucet Dei maiestas, & eorum salus ac felicitas inclusa est: idèoque videbimus Psal. 118, precandi formam toti Ecclesiæ dictari, ut Deus Regem hunc benedicat: non quòd indigeat suffragiis nostris Christus: sed hoc pietatis testimonium meritò exigit à suis cultoribus, quo etiam se exerceant ad postulandum regni Dei aduentum.

16 *Erit palma tritici in terra in capite montium, concutietur sicut Libani fructus eius, & egredientur ex vrbe quasi planta terre.*

17 *Erit nomen eius in seculum, coram sole propagabitur nomen eius, & benedicent se in eo omnes Gentes, & beatum predicabunt illum.*

18 *Benedictus Iehoua Deus Deus Israel, faciens mirabilia solus.*

19 *Et benedictum nomen gloriæ eius in seculum, & repleatur gloria eius omnis terra: amen & amen.*

20 *Finunt orationes Dauidis filij Isai.*

16 *Erit palma.* Probabilis est eorum opinio quibus palma secundè valet ac exigua portio. His autè duabus circumscriptionibus rarâ & insolitâ fecunditatè notari putat, quòd ubi panxillu tritici, quantum scilicet palma capere potest, seminatu fuerit, & quidè in montium verticibus, qui ut plurimum non adeò sunt feraces: vberimum tamè prouentu fore, ut aristæ non aliter resonent quàm arbores in Libano. Nescio tamè an adeò subtilis cõparatio inter saturationè & messè, Dauidis verbis respondeat. Simplicius ergo accipere licebit, tantâ fore copiâ tritici in vertici

bus montium, ut metatur plena manu. Sub hac autè specie depingitur Dei benedictio: ac si dixisset Dauid, plenâ fore bonorum abundantiam sub Rege Christo. Additur & propagatio sobolis: ac si diceret, non modò omni genere fructuum fertilè terrâ fore, sed vrbes quoque fore generandis hominibus fecundas. Nomen *Libani* maiori reddere in casu geniuu. quia durior est metonymia, quam alii relinquunt, nomen *montis* pro arboribus ponentes.

17 *Erit nomen eius.* Rursus iterat quod de huius regni perpetuitate prius asseruit. Nec

Nec dubium est quin sedulo illud discernere voluerit a terrenis monarchiis, quæ vel statim evanescunt, vel ruunt tandem sua mole: certè suo interitu ostendunt, nihil esse in mûdo diuturnum & stabile. Quod nomen eius perpetuum fore dicit, non ita debet accipi, quasi superstes futura sit mortui fama: vt profanos quoque homines sollicitat hæc ambitio, ne suum nomen vnâ sepeliatur cum corpore: sed de regno loquens Propheta, nomen eius semper gloriosum & celebre fore dicit. Quod quidam exponunt **וְנִשְׁבַּח** acsi decus quod daturus erat Deus Regibus Iehuda, præferret solis splendori, contextui repugnat. Eodem enim sensu prius dixit, Cum sole, & coram luna. Nunc ergo postquam meminit seculi, exegeticè ad dicit, *propagatum iri nomen coram sole*. Ad verbum est, filiabitur: quia sicut sol quo tidie oritur mundo, renouabitur huius Regis vigor, vt perpetua sit successio. Sic alibi videbimus solem & lunam eiusdem æternitatis vocari testes, Psal. 89. 38. Vnde sequitur, non posse hoc intelligi de terreno imperio, quod in familia Davidis non nisi ad breue tempus floruit: nec modò in tertio successore fuit emarcidum, sed tandem ignominiose etiam extinctum. Christi verò regnum etsi in terra sæpe labascit, vt totius mundi furiosis odiis impetitur, & concutitur grauissimis Satanæ machinis, mirabiliter tamen à Deo fulcitur, ne concidat. Quod sequitur, *In eo se benedicent Gentes*, duplicem sensum admittit. Sæpe enim ita loquuntur Hebræi dū quispiam in exemplar benedictionis sumitur. sicuti in Dauide sibi benedicat, qui Deum sibi precatur non minus esse beneficium & liberalem, quàm Dauidi fuit: sicuti etiam rursum dicitur in Sodoma & Gomorrha maledicere, qui vrbium illarum nomina ad execrationem arripit. Si ergo in eundem sensum hæc duo verba posita sunt, benedicent se in illo, & beatum dicent: benedicere sibi in Rege, tantundem valebit ac sibi eandem precari fortunam: quia omnibus admirationi erit eius felicitas. Si verò distinguere inter hæc duo verba placeat (quod nõ minus probabile est) benedicere in Rege, idem erit ac petere

ab eo felicitatis suæ causam: quia nihil optabilius sibi esse videbunt Gentes, quàm leges ab eo suscipere.

18 *Benedictus*. Postquam suis successoribus bene precatus est David, quia oraculo certior factus erat vota sua non fore irrita, effertur in Dei laudes. Nisi enim fidei oculis speculatur esset quæ hætenus vidimus, non tam libera & alacris fuisset eius exultatio. Quod dicit, *mirabilia facere Deum solum*, ad præsentem causam referri minime dubium est: non modò vt regni excellentiam commendet, sed etiam seipsum & alios admoneat, opus fore ad eius cõseruationem mirifica & incredibili Dei virtute. Et certè per omnes ferè eius posteros nõ stetit quominus soliũ illud centies caderet, atque etiam absorbere-tur. Ne longius progrediar, nõne turpissima Solomonis defectio digna fuit exitiali ruina? Reliqui verò successores, exceptis Iosia, Ezechia, & Iosaphat, paucisque aliis, nõne certatim prolapsi sunt in deterius, & Dei maledictionem sic prouocauerunt quasi dõta opera, vt mirum sit non statim fulminasse ad perdendam totam sobolem? Iam vt spiritu prophetico donatus erat David, quia eum non latebat, Satanam Ecclesiæ saluti semper fore infestum, colligere potuit non sine magnis & arduis difficultatibus Dei gratiam, de qua nunc disserit, in sua gente fore æternam. Es certè euentus postea docuit quot miraculis sua promissa Deus impleuerit, siue reditũ à Babylonico exilio spectemus, siue incredibiles, quæ sequuntur sunt liberationes, donec Christus quasi surculus ab emortua stirpe prodiit. Hinc meritò precatur vt gloria nominis eius repleat totam terram, quando ad vltimos vsque mûdi fines ampliãdũ erat regnum illud. Atque vt serio affectu, imò ardore, his votis se pii omnes socios adiungant, additur confirmatio *Amen & amen*.

20 *Finiunt orationes*. Diximus hoc nõ frustra expressum fuisse à Solomone siquidem ipse poeticis numeris argumẽtum hoc orauit, non modò ne patrem fraudaret debita laude, sed vt acris stimularer Ecclesiam ad easdem fundendas preces, quas David vsque ad vltima spiritum continuauerat. Memi-



nerimus ergo, tam serio affectu, quam indefessa assidue orandum esse Deū vt sub manu Filii sui Ecclesiam tueatur. Et videtur nomen patris Isai reuocare memoriam originis, vt inde magis illu-

stretur Dei gratia, quod hominē ignobilē ex pecudum stabulo, qui etiam minimus & contemptissimus erat inter fratres, in tam excelsū honoris gradū extulerit vt Regē præficeret electo populo.

### ARGVMENTVM PSALMI LXXIII.

*Initio Dauid, vel quisquis sit auctor, quasi repugnante carnis sua sensu, Dei iustitiam & bonitatem prædicat. Deinde facit, vt quum impius videret opibus florere, & suauiter deliciarum, contumeliosè etiam Deo illudere, & inhumaniter vexare bonos & simplices: quis autem quisque integritatem maiore studio coletur, & pluribus incommodis grauatis: omnes Dei filios sub curis & dolibus quasi macie tabescere: Deum verò, quasi in calis ciusus desideat, rebus tam confusus non mederi: se grauiter fuisse perculsum, vt propè curam religionis & Dei timorem abiceret. Tertiò stultitiam suam coarguit, quod ex præsentis rerum statu perperam festinauerit iudicium ferre: & tolerantia opus esse docet, ne fides in perturbationibus labasciat. Tandem concludit, si quis ardeat Dei providentia suos progressus concedat, in ipso fine clarum fore discrimen vnde appareat neque iustos suo præmio fraudari, neque impios effugere iudicis manum.*

Psalmus LXXIII.

**P***salms Asaph. Atqui bonus Israeli Deus rectis corde.*  
*2 Quantum ad me, propemodum fluxerunt pedes mei,*  
*quasi effusi sunt, gressus mei.*  
*3 Quia emulatus sum in stultis, pacem impiorum videns.*

De Psalmi auctore non anxie disputo. quanquam mihi verisimile est, quia eius canendi prouincia mandata fuerit ipsi Asaph, nomen eius poni, præterito Davidis nomine, sicuti res per se nota sæpe taceri solēt. Porro quādiū vtilis sit nobis huius doctrinæ meditatio, ex Prophetæ exemplo colligere promptum est, qui tamen si nō vulgari modo exercitatus erat in vera pietate, vix tamen se retinuit in hac tam lubrica vacillatione: imò antequam ad sanam mentem rediret, ad brutum ferè stuporem collapsum se fuisse fatetur. Nos verò quā tenuiter gustauerimus Dei providentiam, experientia demonstrat. Fate-mur omnes mundum diuinitus regi: sed si cordibus nostris id verè esset infixum, longè alia esset fidei nostræ constantia ad superandas res aduersas. Nunc quum minima quæque occasio excuriat nobis hanc notitiam, apparet nondum seriò & verè nos fuisse persuasos. Ad hac innumeris artificis tenebras nobis obducit Satan: & in confusio mundi rebus tantū est caliginis, vt difficile sit statuere, Deo curæ esse terram. Triumphos suos vt plurimum agunt impii: & quum data opera Dei vitione pronocent, impune videntur illudere dum illis parcat. Boni &

simplices inopia confecti, multis incommodis oppressi, vexati multis iniuriis, operati ignominia & probro, gemunt & suspirant: quo magis student prodesse omnibus, eo maiore licentia eorum tolerantia abuti improbi audent. Quem non sollicitet impia cogitatio, mundum fortuitò volui? Certè mentes infidelium penitus occupat, quas Deus non illustrat suo Spiritu, vt ad æternam vitam se attollant: ideo dicit Solomo repleri corda hominum impietate, & Dei contumelia quia promiscuè omnia eueniunt bonis & malis: quia scilicet res inordinatas non esse sub Dei manu existimant. Scimus quosdam fuisse ex philosophis qui Dei providentiam assererēt. sed vsus docuit adhuc non fuisse seriò persuasos, vt rebus præter animi sententiam cadentibus, quod professi erant, apertè sint destituti. Cuius rei memorabile habemus in Bruto exemplum: nihil potest fingi animosius illo homine, & omnes eius æquales cōfessi sunt cordatissimū esse hominē: atque, vt homo Stoicus, virtutē & providentiā Dei magnificè prædicabat: victus tamē ab Antonio, exclamat, quicquid de virtute credidit, esse meras nugæ: & studium rectè viuendi luforium esse, quia fortuna dominetur in rebus

bus humanis. Ita vir ille heroici pe-  
&oris, & qui speculum erat miræ con-  
stantiæ, virtuti renuntians, & sub eius  
nomine Deo maledicens, turpiter eua-  
nuit. Ita omnium impiorum iudicia huc  
& illuc conuertunt varii euentus. Et  
quomodo tam validis & violentis ma-  
chinis resisterent profani homines, qui  
Dei Spiritu non sunt regeni: quum sin-  
gulari cælestis gratiæ subsidio opus sit,  
ne præualeat eadem tentatio in cordi-  
bus piorum, & contingat etiam ipsos  
interdum concussos labascere: sicuti Da-  
uid nunc fatetur se parum abfuisse à la-  
psu? Sed nunc ad verba descendo.

I. *Alqui bonus.* Adverbium **IN**  
quo vititur, non affirmat simpliciter hoc  
loco, sed aduersatiue capitur pro verun-  
tamen. Quòd autem abruptum facit ex-  
ordium, notare operæpretium est: an-  
tequam in hanc vocem erumperet Da-  
uid, inter dubias & pugnantes senten-  
tias æstuasse. Nam ut strenuus athleta,  
seipsum exercuerat in pugnis difficili-  
mis: postquam verò diu multumque su-  
dauit, discussis impiis imaginationibus,  
constituit Deum tamen seruis suis esse  
propitium, & salutis eorum fidum esse  
custodem. Ita subest antithesis inter pra-  
uas imaginationes quas suggererat Sat-  
tan, & hoc veræ pietatis testimonium  
quo nunc se confirmat: ac si maledice-  
ret carnis suæ sensui qui dubitationem  
admiserat de prouidentia Dei. Nunc  
tenemus quàm emphatica sit exclama-  
tio: quia non ascendit Dauid suggestum  
vt disputet philosophico more, & con-  
cinnò artificio sermonem contexat: sed  
quasi ex inferis emergeret, pleno spiri-  
tu iactare quam adeptus erat victoriam.  
Nam vt suo exemplo doceat quàm ar-  
duum sit certamen, viscera sua quo-  
dammodo profert in medium, & plus  
aliquid vult intelligi quàm verbis ex-  
primat. Summa est, quanuis in speciem  
negligat Deus suos cultores, favore ta-  
men suo eos semper complecti, nam  
specialiter Dei prouidentiam celebrat  
in regendis fidelibus: vt sciant nò modò  
cum aliis creatoris Diuinitus se guber-  
nari, sed Deum in eorum salutem pecu-  
liari cura attendere, non secus ac pater-  
familias sollicitè curat suos domesticos.  
Tametsi ergo totum orbem moderetur,

Ecclesiam tamen suam, quam tuendam  
suscepit, propiore intuitu dignatur. Hac  
ratio est cur Propheta *Israel*è nominet:  
atq; etiam protinus hoc nomen restrin-  
gat ad *rectos corde* in quo est correctio-  
nis species. Multi enim qui superbe ob-  
tédūt *Israelis* nomē, ac si præcipua essēt  
Ecclesiæ membra, *Ismaelitæ* sunt ac *E-*  
*domitæ*. Dauid ergo expungere volens  
è catalogo piorum degeneres Abrahæ fi-  
lios, neminem agnoscit in *Israele* nisi  
purum & integrum Dei cultorem: ac si  
diceret, Quum Deum prædico *Israel*i  
suo bonum esse, non de omnibus intel-  
ligo, qui externa tantum professione  
contenti, fallacem titulum præ se ferunt  
sed de spiritualibus Abrahæ filiis, qui  
se puro cordis affectu Deo consecrant.  
Quòd exponunt quidam, *Deum Israel*,  
hoc est electo populo, *bonum esse*: deinde  
etiam alienigenis, qui modò veram re-  
ctitudinem colunt: frigidum est ac coa-  
ctum. Teneamus ergo quod dixi, nam  
Dauid bonitatē Dei erga electū populū  
& Ecclesiā cōmendās, rescindere mul-  
tos hypocritas coactus fuit qui descie-  
rant à Dei cultu: ideòque paterno Dei  
fauore erant indigni. Cæterum his Pro-  
phetæ verbis respondet Christi dictum  
Ioan. 1. 47, Hic est verus *Israelita* in quo  
dolos non est. Nam quia apud Iudæos  
extincto Dei timore, sola ferè manua-  
lis restabat Circumcisio, Christus legi-  
timos Abrahæ filios à fucatis hac nota  
discernit, quòd dolo puri sint ac vacui.  
Et certè in Dei cultu primas partes ob-  
tinet interior cordis sinceritas.

2. *Quantum ad me.* Ad verbum  
est, Et ego: quod emphaticè legi de-  
bet: quia intelligit Dauid, tentationes  
istas quæ in Deū sunt contumeliosæ, fi-  
dēque obtrūit, non accideret tantum ple-  
bei hominibus, vel qui leniter tantum  
aliquo pietatis gustu præditi sunt: sed si  
bi quoque fuisse communes, qui præ al-  
liis in Dei schola proficere debuerat. Se  
igitur in exemplum proponens, eo ma-  
gis excitare nos voluit & stimulare ad  
solicitem cauendi studium. Esti autem  
non succubuit, se tamen parum à lapsu  
abfuisse dicens, admonet, omnibus in-  
stare cadendi periculo: nūtiū eos forti  
manu Deus retineat. Postea explicat ip-  
sum.

nam tantationis speciem, quod scilicet impios ex presenti fortuna felices æstimates, invidia tactus fuerit. Grauis & noxia tentatio, ubi non modò tacitè cū Deo litigamus, quod res in ordinem nō componat, sed etiam habenas nobis laxamus ad peccandi audaciam, dum nobis videmur id impiane facturi. Celebre est illud Dionysii minoris dictū quum spoliato templo prosperam nauigationem haberet, Viderisne deos, inquit, fauere sacrilegis? Ita eorum prosperitas peccandi est illecebra: quia fin-

gimus Deo placere quibus tam suauiter indulget. Sic Dauidem pupugit prospera illorum conditio, ac si nihil melius foret quàm se adiungere focū. Impios verò, *stultos* vocans, vel insanos, non intelligit inscitia vel errore peccare, sed eorum vesaniā timori Dei opponit, qui est caput sapiētiae. Quamlibet enim astuti sint impii, quia tamen principium recti iudicii non tenent, ad Dei arbitrium formandam esse vitam nostram, in sua cæcitate insaniunt.

4 *Quia non sunt ligamina ad mortem ipsorum, & pingue robur eorum.*

5 *In labore hominis non sunt, & cum homine non flagellantur.*

6 *Propterea circumdat instar torquis eos superbia, operuit eos amictus violentiae.*

7 *Egressus est præ pinguedine oculus eorum, transierunt cogitationes cordis.*

8 *Diffluunt, & loquuntur in malitia rapinam, è sublimi loquuntur.*

9 *Posuerunt in calum os suum, & lingua eorum perambulat in terra.*

4 *Quia non sunt ligamina.* Describit impiorum commoditates, quæ totidem sunt ad labefactandam piorum fidem machinæ. Et à prospera quidem valetudine incipit, quod vegeti sint acrobusti, nec agrè per continuos langores spiritum trahant. Quidam *ligamina ad mortem* accipiunt pro remoris. ac si dixisset eos repente mori in temporis articulo: neque luctari cum doloribus. sicut etiam in libro Iob, 21. 13, terrena ceteretur felicitas, ubi se oblectauerunt profani in suis lautitiis, in puncto ad sepulchrum descendere. Et Iulius Cæsar, pridie quàm occideretur, sibi *idcirco* videtur dixit, subito & ex inopinato mori. Ergo secundum illos Interpretes conuenitur David sine molestis & agitudine impios facili & æquabili cursu transire ad mortem. Sed eorum sententiæ potius subscribo, qui coniunctim legunt hæc duo membra, pingue esse robur

eorum, & non esse ligamina ad mortem, eò quod non trahantur ad mortem quasi captiui. Nā quia morbi vires nostras prosternunt, totidem sunt mortis nuntii, qui nos fragilitatis nostræ admonent. Ideo non frustra comparantur vinculis, quibus nos Deus ad iugum suū astringit, ne vigor & robur ad petulantiam nos incitent. Secundo loco dicit impios læta quiete frui, & quasi priuilegio quodam immunes esse à miseriis, quibus obnoxium est totum genus humanum. Quamquam enim ipsos quoque inuolunt communiter cum bonis afflictiones, & sua in eos iudicia sæpe Deus exercet: Deus tamen consultò nonnullos semper in theatro locat, examinandæ fidei nostræ causæ, in quibus apparet exemptio à miseriis qualis hic describitur. Hæc autem grauis tentatio est, quum laboriosa sit & miseriis repleta hominum vita, atque omni-



omnibus præscripta sit hæc lex ac ratio viuendi, Gen. 3. 19. cernere Dei contemptores in suis deliciis quiescere, ac si è mundo in cælestem aliquem nidum sublatis forent.

6. *Propterea circumdat.* Longius progreditur hæc querimonia, quod Deus, quum ipsos videat sua humanitate indignè & sceleratè aburi, eorum tamè ingratitudinem & contumaciàm tolleret. Vtitur autem similitudine vestitus vt eos ostendat in maleficiis gloriari. Verbum **כְּכֹרֶךְ** à torque deducitur. Itaque impios dicit sua audacia & furore non secus gloriari ac si splendide aureo torque ornati forent: violentiam illis esse pro amictu, quoniam in ea pulcherrimum decus esse existimant. Nā quòd **וְאֵין** nonnulli vertunt Nates, à contextu nimis est remotum. Ego itaque non dubito quin David, postquam à capite vel collo incepit (nam verbum **כְּכֹרֶךְ** etiam coronare significat) nunc vno verbo complexi voluerit totum vestitum. Summa autem est, exacerari impios sua felicitate, vt magis ac magis insolescant. Et aptè superbiam priore loco statuit: deinde violentiam addit comitem. Vnde enim fit vt rapiant ac prædentur vndeque impii, tantumque scuitia exercent, nisi quia pro nihilo ducunt omnes alios? quin potius sibi natum esse fingunt humanum genus. Ergo superbia omnis violentiæ mater.

7. *Egressus est præ pinguedine.* Subiicit non esse mirum si ita petulanter ferociunt impii, quum ipsa pinguedo & sagina ferè eiciat eorum oculos. Verbum Egredi, quidam ita accipiunt, ac si oculi suffocati euanescerent è suo loco. Sed quia pinguedo facit vt prominent oculi, proprium sensum retinere malo. Quanquam sciendum est non de forma corporis loqui Dauidem, sed metaphoricè exprimere fastum quo inflantur impii ob nimiam saturitatem. Nam ita se ingurgitant in suam abundantiam, vt arrogantia deinde crepent. Bisariam etiam exponitur posterius membrum. Quidam per verbum **כְּכֹרֶךְ** effrenam audaciam notari putant, quia se non contineant impii intra communem modum, sed erraticis suis consul-

tationibus nubes transcendant: sicuti sæpe agitant quomodo occupare possint totum mundum: imò vellent sibi creari alios mundos: denique, vt sunt insatiabiles, vaga & effræni cupiditate transvolant calum & terram. Atque hic sensus non malè quadraret, stultas eorum cogitationes nullo modo temperari, nullisque finibus cohiberi. Sed altera quoque interpretatio optime quadrat, prosperos eorum successus superare quicquid animo concipiunt. Et certè videmus quosdam plus adipisci quàm optarint, ac si ipsis dormientibus fortuna in eorum gratiam retia tenderet: sicuti lepidè hac forma pinxerunt Demetriū regem qui tot vrbibus potitus erat, homo alioqui neque indultus, neque vigilans, neque magni consilii. Si ita accipere libeat, exeteticè additum erit hoc membrum ad pinguedinem (cuius antè meminit) desumendam, quòd scilicet Deus supra vota & cogitationes, bonorum omnium copiam illis ingerat.

8. *Dissuunt.* Quidā verbū **וְאֵין** transitiue accipiunt: sed quia grammatica ratio neutralem quoque sensum ad mittit, elegi quod contextui erat aptius quòd scilicet homines se esse obliui, & dissoluta audacia pudorem omnem calcantes, suam improbitatem nō dissimulent: imò palàm gloriantur de suis rapinis. Et certè videmus, impios, vbi ali quando votorum suorum fuerunt compotes, exuere omnem verecundiam, nec captare latebras ad peccandū, sed pleno ore suā turpitudinē efflare: Quid? an nō possum te spoliare omnibus fortunis, atque etiam iugulare? Possunt quidē hoc latrones: sed metu se occultant. Gigantes autē isti, vel Cyclopes, de quibus loquitur David, nō modò se exleges esse fingunt, sed immemores suæ infirmitatis intemperanter despiciunt ac si nullū esset reū & iniqui deserimen. Quòd si tamē magis arideat diuersa interpretatio mihi etiā nō displicet, impios scilicet oppressiones suas iactando, formidinem incutere simplicibus & quietis. Nā quum se videant expositos corū libidini, fieri non potest quin tremant, & quasi liquefiant, vbi vidēt tantū ipsis licere. Quòd dicit loqui è sublimi, tantundem valet ad

suas contumelias euomere in omnium capita. Sic enim despiciere apud Latinos & *καταβλέπειν* apud Græcos dicuntur superbi homines, qui neminem recto aspectu dignantur: sic David ipsos è sublimi loquentes inducit: quia nullam sibi cum hominibus societatem esse putant. Proximo versu dicit tam in Deum quàm in homines esse contumeliosos: quia nihil illis est arduum, sed suo arbi-

trio subiciunt cælum & terram. Si quis ergo illis Dei potentiâ obiciat, audacter perripuit: ab hominibus nihil sinî difficultatis fore putant: ita nullis obstaculis cedit magniloqua eorum lingua, quin tam terram perambulet. Quanquàm autem videtur hyperbolica loquutio, si tamen expendimus quàm effrænis sit eorû proteruia, faciemus Prophetam non aliud docere quàm experientia demonstrat.

10 Propterea reuertetur populus eius huc, & aqua pleni calices exprimentur illis.

11 Et dicunt, Quomodo intelligit Deus? & an est scientia in Excelsis?

12 Ecce isti impii, & tranquilli in seculo, coaceruant diuitias.

13 Certè frustra mandavi cor meum, & laui quotidie manus meas:

14 Et fui flagellatus quotidie, & increpatio mea singulis matutinis.

10 Propterea reuertetur. Variè hanc sententiam torquent Interpretes: primò quia relatiuum sine antecedente ponitur, quidam indefinitè accipiunt de impiis, ac si dictum esset, Impios semper reuolui ad istâ cogitationem: & *populum* accipiunt de magna caterva, quia nemo impius signum tollit quin secû trahat multos comites. Putât ergo illi Prophetâ dicere, turmatim multos confluere ad vnunquenque impium. Deinde in ipso- rum aulis cõtentos esse aquæ potu: ad eò illos fascinat peruersa imaginatio. Atqui multò rectior est sensus, qui etiam maiori consensu receptus est, *populum* Dei reuerti illuc. Nâ quod *והיו* quidam accipiunt pro afflicto, coactum est. Nondum tamè satis cõstat quid Prophetâ velit. Quidam coniunctim legunt, *Populû* Dei huc reuerti, vt plenos calices hauriat aquæ mœroris. Ego verò versum hunc pèdere arbitror ex superiori sermone, vt sensus sit, multos qui habitu fuerant in Dei populo, abripi hac tentatione, ac naufragio etiam aborberi. Neque enim videtur de electis loqui, sed tantum notare laruos Israelitas, qui locum in Ecclesia occupant. Hos ergo dicit in exitum demergi, quia stulta æmulatione dece-

pti, Deo & pietati valedicunt. Quanquàm poterit etiam commodè hoc referri ad electos, quorû permultos ad eò impetuose exagitat ista tentatio vt se conuertant ad obliquos errores: non quòd sceleribus se addicant, sed quia non persistunt in firmo gradu. Sensus ergo erit, non modò profanum vulgus, sed fideles ipsos, quibus propositum est Deum colere, impelli ad illicitam æmulationem. Quod postea sequitur, *aquas pleno calice illis exprimi*, videtur esse causæ redditio, quia eos torquet mœstitia dum nullus apparet pietatis fructus. Nam aquis saturari, translatitiè positum est pro haurire immodicos dolores.

11 Et dicunt. Quod tradunt quidam Interpretes Prophetam redire ad impios, & referre eorum ludibria & blasphemias, quibus se ad peccandum iactigant, mihi non probatur. Potius enim explicat David quod proximo versu dixerat, fideles ad impia commenta delabi, vbi caduca impiorum felicitas oculis ipsis perstringit: nempe quia disputant sine in Deo scientia. Quantum ad profanos homines spectat, nimis inter eos vulgaris est hæc insania. Est qui dem hoc carmen Ouidii, Sollicitor nul-

res esse putare deos: sed quia scimus à Poetis exprimi communes hominum sensus, professus est quasi in populi persona, simulatque aliquid aduersi contigit, effluere omnem Dei notitiam. Neque tantum ambigunt siue Deus, sed eū eo disceptat ac iurgatur. Quid enim sibi vult illa vox, Nec Saturnius hæc oculis pater aspicit æquis, nisi quòd Ioui suo iniustitiam exprobat mulier quæ ex animi sententiâ non tractatur? Ergo hoc inter incredulos nimis vulgare ac tritū negare mundum curæ esse Deo. Sed hic refert David, ipsos quoque fideles vacillare, non quòd prorumpant in istam blasphemiam, sed quia non possunt statim se cohibere vbi cessare videtur Deus in suo officio. Nota est illa expositulatio Ieremiæ, Iustus es Domine, & recta iudicia tua: interim venit in mentē litigare tecū, quod via impiorū prosperetur. Hinc apparet quomodo pias quoque mentes pūgat dubitatio de providentiâ Dei: sed tamē nō penitit vulneret: quia præfatur Ieremias, Frænum hoc modo sibi iniicias. Neque tamen semper ita mature præoccupant Satanæ insidias, quin dubitando inquirant quomodo fieri possit: ut Deus, si mundum respicit, rebus tam inordinatis non succurrat. Eorum qui impie contra Deum blâterant: eius providentiâ negando, sunt duo genera. Quidam enim palam euomunt suas blasphemias, quòd Deus otio suo & deliciis cōtentus, fortunæ omne imperium permittat. Alii, quauis taciti intus sorbeant suas cogitationes, fremunt tamen nihilo minus, & Deum iniustitiæ vel torporis accusant, quòd conuiueat ad scelera, pios negligat, sinatque omnia dissipari ac pessum ire. pii autem, antequam prauæ istæ & nefandæ cogitationes penetrarent in eorum animos, sese exonerant in Deum: neque aliud petunt quàm acquiescere in arcanis eius iudiciis, quorum ratio ipsos fugit.

Sensus ergo huius loci est, non modò impios quum vident res in mundo turbulentas, fortunæ dare cæcum imperium: sed ipsos quoque fideles concuti, ut ambigant de providentiâ Dei: & mirabiliter retineri Dei manu, ne in hac abyssō prorsus mergantur.

12 *Ecce isti.* Quali per hypotyposin demonstrat qualis fuerit ista æmulatio quæ eius animum propè labefactauit, Ecce quum isti scelerari sint homines, quiescunt tamen beati in suis deliciis, & potentia eminēt, neque id ad paucos dies, sed diuturno & quasi perpetuo cursu. Quid autem minus consentaneum, quàm liberaliter à Deo tractari quorum apud homines infamis est ac detestabilis improbitas? **Πῶς** perperam hic pro mundo multi accipiunt: quia potius conqueritur David de stabili & diuturna felicitàte impiorum, quæ tædio moræ bonos conficit. Quum ergo sceleratos videat David tam suauiter à Deo foueri, ad seipsum descendit: & quia sibi veræ probitatis conscius est, secum disceptat quid profuerit iustitiam colere, eo quòd misere affligeretur. Dicit enim se *quotidie flagellari*, & quoties sol exortus aliquid incommodi sibi paratum esse, ut nullus sit miseriarum finis. Summa est, Certè frustra studui mundum habere cor & puras manus, quum me assidue afflictiones maneat, & quasi excubias agant ad me excipiendum prima auro-ra. Hæc enim conditio ostendit nullam esse coram Deo innocentia mercedem: quia suos cultores paulo humanius tractaret. Porro quia duabus partibus constat vera integritas piorum, nempe puritate cordis, & externa operum iustitia, utranque partem David sibi vendicat. Nos quoque, eius exemplo, discamus eas coniungere, ac incipere quidem à munditie cordis, deinde verò eam testari rectitudine & iustitia apud homines.

15 *Si dixero, Narrabo sic, Ecce generatio filiorum tuorum: transgressus sum*

16 *Et si applicui animum ad hoc sciendum, molestia id fuit in oculis meis.*

17 *Donec ingrediar in Sanctuaria Dei, intelligam nouissimum eorum.*



15. *Si dixero.* Quia David cogitationes, quibus tentatus fuerat, peruersas esse videt, frantum sibi iniicit, suamque leuitatem coarguit quòd sibi ambigere permiserit. Etsi autem consilium David minimè obscurum est, in verbis subest aliquid perplexum. **גג** significat transgredi, atque etiam fallere. Ideo Vertunt quidam, Fefelli generationem: acsi dixisset, Fraudarem hoc modo spesua filios tuos. Vertunt alii, Transgressus sum in generationem, hoc est, facerem iniuriam fidelibus. Sed quoniam verba Prophetæ sic habent, ecce generatio filiorum tuorum: *transgressus sum*: ex quibus optimus sensus elicitur, simpliciter ita interpretor, Si impiæ dubitationi assentiar, transgredior, quia ecce perdurant fideles in mundo, & semper populum aliquem tibi conseruas. Ita nihil subaudiendum erit, & verbum **גג** seorsum absque constructione legetur. Diximus autem alibi nomen **גג** propriè ad tēpus referri. Nunc clarè tenemus quid velit David, quum sibi indulgeant profani homines in suis speculationibus, donec seipsum tandem obdurent, & excusso Dei metu, simul abiciant spem salutis: sanctus vir, ne in tale præcipitium ruat, seipsum compescit. *Narrare* hic tantundē valet ac pronuntiare quod meditatus sis, itaque sensus est, Si iudicium quasi de re certa proferam, scelerata erit transgressio. Quum ergo antè suspensus hæreret, nunc se grauius peccasse agnoscit. Ratio interponitur, quia Deus populum aliquem in mundo superstitem tueatur. Et videtur demonstrari quam partem tulam ecce, repetere ex opposito, quia paulo antè dixerat, Ecce isti scelerati. Ecclesiam verò, quæ tam furiose à Sathana & innumeris hostium copiis impetitur, saluam manere, verè Diuinum miraculum est.

16. *Et applicui animum.* Verbum **גג** quo vritur, propriè supputare significat, interdum verò considerare vel expendere: sed adiectio sensum quem posui flagitat, quòd animum suum ad hoc sciendum applicuerit. Caterum quāuis transgressionis se damnauerit, nunc tamen fatetur se non fuisse explicitū ab ambagibus quæ eius animū distrahebāt donec ingressus est Sanctuaria Dei. Sūma

enim verborum huc tendit, quāuis huc & illuc mentem suam verteret, ratiocinando tamen non potuisse assequi quomodo inter tantas perturbaciones Deus mundum gubernet. Porro de seipso loquens, admonet quouisque perueniant homines vbi proprio sensu duce aguntur: nempe deficere sub molestia, quia nihil certum vel stabile reperiant. Nec enim dubium quin Sanctuaria opponat carnis rationi. Vnde sequitur, quicquid ex se homines sapiunt, friuolum esse & euanidum: quia sola docilitas illis prudentiæ loco est, dum à verbo Dei pendunt. Neque verò de incredulis loquitur, qui sponte cæcutiunt, seipsos inuoluunt erroribus, scandala etiam cupide arripiunt, quæ procul à Deo ipsos alienent. Sed quum modestè non minus quàm se dulò incuberet ad piam inquisitionem, reuerenter etiam non minus quàm atenrè suspiceret Dei iudicia, fatetur tamen se enauisse. *molestia* enim tantundem valet ac inutilis labor vel irritus. Quisquis ergo naturaliter ratiocinando, de iudiciis Dei certior fieri vult, absque profectu se fatigabit: adeoque in superiorem gradum transire necesse est. Per *Dei Sanctuaria* quidam etiam ex Hebræis cælestē domicilium intelligunt, in quo habitant piæ animæ & Angeli: acsi dixisset, donec agnoscam non esse creatos homines hac lege, vt paulisper floreat ac deicientur in mundo, sed vt peregrinando aspirant in cælum. Et sane de providentia Dei neminem fateor recte iudicare, nisi qui supra terram conscendit: simplicius tamen ac magis genuinum erit Sanctuarii nomine intelligere cælestem doctrinam. Quia enim Lex reposita erat in Sanctuario, inde petenda erant oracula, & hæc vera erat discendi ratio, scitè David *Ingressi Sanctuaria* posuit pro accedere ad Dei scholā. acsi diceret, Donec sit Deus mihi magister, & ex eipso verbo discā quod alioquimēs mea nō capit, in repudiā mūdī gubernatione deficio. Quū ergo audimus, homines nisi aliunde sapiant quàm ex se ipsis nō esse idoneos ad considerādū providentiæ Dei ordinem. quod iā erit nostrum sapere, nisi obedientes amplecti quod Deus tam verbo suo quàm Spiritu docet? Etsi enim David Sanctuarii voce

Se ad externam illam docendi rationē alludit quam instituerat Deus in populo suo, arcanam tamen Spiritus illuminationem simul cum verbo complectitur. Per *finem illorum* vel nouissima, non intelligit vitæ exitum qui perspicitur ab omnibus: (quid enim opus fuisset in Sanctuaria Dei ingredi? (sed extenditur hic finis ad Dei iudicia, quibus palmam facit, quum dormire vulgò creditur, se in opportunū tempus penas differre quas promeriti sūt improbi. Hoc paulo fufius explicandum est. Si ex Deo qualis sit impiorum conditio discere cupimus: respondet, vbi paulisper floruerint subito marcescere. Quòd si con-

tinuo cursu fluat illis felicitas vsque ad mortem, hoc tamen nihil est, quum eorum vita nihil sit. Quum ergo Deus impios omnes malè perituros pronuntiet, si apertam in hac vita vindictam de illis sumit, occurrat nobis Dei iudicium. Si autem nulla vltio in terra appareat, mentes nostras suspendere cōuenit: quia nondum aduenit finis vel nouissimus dies. Denique si in considerandis Dei operibus rite proficere cupimus, primū rogandus est vt nobis aperiat oculos (quia nihil aliud quàm desipiunt qui à seipsis volunt esse oculati & perspicaces:) dein de authoritas verbo eius danda est.

18 *Certè in lubricis posuisti eos, deiicies eos in desolatio nos.*

19 *Quomodo fuerunt in vastitatem quasi momento? perierunt, consumpti sunt ab horroribus.*

20 *Quasi somnium post expergefatum hominem: Domine in suscitando imaginem eorum contemptibilem reddes.*

18 *Certè in lubricis.* Iam Dauid luctus perfunctus, quasi nouus homo esse incipit: & compositè loquitur quasi ex alta specula, sicuti hoc remedium in rebus turbatis Propheta Habacuc 2.1, suo exemplo nobis præscribit, Ascendam, inquit, super speculam meam. Ostendit ergo Dauid quantū profit Deo appropinquare: Video, inquit, Domine quid agas, quauis enim paulisper subsistant impii, in lubrico tamen agitantur, vt breui concidant. Vtrunque verbum præteriti temporis est: sed ponere in lubrico, de præsentī tempore capitur: ac si diceret ideo raptari, in sublime vt casu grauiore ruant. Hoc quidem videtur etiam bonis commune esse, quia totus mundus lubricus est: sed quia è cælo pendēt fideles, imò fundati sunt in Dei virtute, quamlibet sint fragiles, & incerta eorum conditio, non dicuntur in lubrico stare. Quòd si nutent, vel etiam labantur, Dominus supposita manu nutantes confirmat, & lapso erigit. Inde autem lubricitas impiorum, quòd in sua potentia quasi in glacie pedem figunt, seque vesana elatione ad præcipitium comparant. Neque enim imaginanda est nobis fortunæ rota, quæ temere o-

mnia voluendo misceat: sed tenendum Dei consilium quod attingit Propheta, & quod piis omnibus dicit in Sanctuario patefieri, nempe occulta Dei prouidentia impelli. Qua de re Lectores, si volent, videant pulchrum Claudiani carmen libro primo contra Rufinum.

19 *Quomodo fuerunt.* Hæc admiratio non parum ad confirmationem proxima sententiæ valet. nam sicuti torpore nobis adeoque stuporem inducit prosperitas impiorum, ita inopinata perniciēs melius nos expergefacerit, vt inquirere quisque cogatur quomodo factum sit quod omnes putabant fieri nō posse. Ergo quasi de re incredibili interrogat Propheta. Simul tamen admonet Deum sic quotidie operari, vt nobis iusta sit mirandi occasio, nisi oculi deessent. Imò si fide minus prospiceremus iudicia Dei, nihil noui vel difficile creditu contingeret: quia admiratio ex foecordia nascitur. Quod dicit impios *consumi à terroribus*, duplicem sensum admittit: vel quòd fulminet Deus contra eos insolitis modis qui propternouitatem, formidinem incutiūt: vel quòd Deus, licet manum nō admoveat,

solo flatus sui horrore exanimet hostes suos, & in nihilum redigat: quum tamen secure despiciant omnia pericula, ac si essent extra telorum iactum, & fœdus haberet cū morte. sicuti prius vidimus cū hac iactantia proteruētes induci, Quis noster Dominus est? Psal. 12. 5 Ego vt priore sensum magis amplectar, hac ratione inducor, quod Deus vbi nos adeo tardos ad consideranda iudicia sua videt, vt torporem nostrum corrigat violenta iudicia exercet, ac inusitatis modis persequitur impios, ac si terram concuteret.

20 *Quasi somnium.* Hæc similitudo frequenter in Scriptura occurrit, sicuti Iesaias 29. 7, hostes Ecclesiæ similes fore dicit nocturnæ visioni. Sed alios locos adducere longum esset, atque superuacuum. Apertissime autem conuenit ad locum præsentem. Vnde enim tanta fortunæ impiorum admiratio, nisi quia sopor mentes nostras occupat? denique non secus fingimus beatos esse ac fœlices, quā somniando fabricamus regna quæ nunquam fuerunt. Nam qui verbo Dei illuminati vigilant, quamuis ante eorum oculos splendeant impii: contrario splendore qui longè superat, retinentur. Nos ergo expergefieri Propheta iubet, vt appareat meram vanitatem esse quicquid suscipimus in mundo: sicuti ipse nunc re dieps ad sanam mentem, se prius somniasse ac delirasse agnoscit. Causa additur, quia Deus *imaginem eorum contempnibilem & probrosam reddit.* Hac autem voce perperam, meo iudicio, quidam intelligunt animam hominis, quia formata sit ad Dei imaginem: quū simpliciter externam pompam derideat Propheta, quæ oculos perstringens, simul effugit: quemadmodum & Psalmo 39. 7, habui-

mus, Certè in imagine transit homo: quod tantundem valet ac fluere instar aquæ, cui nulla inest soliditas: vel potius instar figuræ, quæ in speculo refulgens, substantia tamen caret. Imago igitur hic significat quod vulgò dicimus apparentiam. Atque ita oblique errorem nostrū coarguit Propheta, quia de nihilo nobis phantasmata concipimus. Particula **וַיַּעַבְדֵם** proprie significat In vrbe: sed quia frigide hoc dictum esset, multi prudenter tantundem valere iudicant atque **וַיַּעַבְדֵם**, quod etiam ex puncto *causæ colligitur.* Ita vtendum est in *suscitando*, hoc est, vbi transferint somnia ista quæ nos deludunt. Id autem fit non modo quum Deus res turbatas in tolerabilem ordinem restituit, sed quum tenebris discussis, mentes quoque nostras renat. Etsi autem nunquam res in mundo composuere cernuntur vt optandum foret: quia Deus spei nostræ fouendæ causa perfectum statum differt vsque ad diem vltimū iudicii: quoniam tamen manus suam exerit contra impios, illucet quædam aurora, ne densior caligo nos sopore occupet. Trahūt hoc quidam ad vltimum iudicium: ac si dixisset Dauid pollere opibus & potentia impios in mundo, & confusam hanc noctem durare vsquedum suscitabit Deus mortuos. Etsi autem vilis est doctrina, hic locum non habet, quia à contextu prorsus aliena est. Sicuti magis placeat legere In vrbe, sensus erit, non obscuram fore Dei vindictam, quum fluxum impiorum decus subiiciet opprobrio: sed hoc palam fore & conspicuum, quasi in frequenti vrbis foro. Sed melius cohæret Suscitandi verbum quod somniis opponitur.

21 *Quia excanduit cor meum, & renibus meis compunctus sum.*

22 *Et ego stultus. nec cognoui: quasi iumenta fui apud te.*

23 *Ego verò semper tecum tenuisti manum dexteram meam.*

24 *Consilio tuo diriges me: & tandē in gloriam suscipies me.*

21 *Quia excanduit.* Iterum confessionem repetit quam prius ediderat, quod scilicet prauæ emulationis punctiones in animo sentiens, stomachose ligauerit cum Deo. Bilem fermento cō-

parat. Alii vertunt, aceto cor fuisse persusum. Sed melius conuenit cor fuisse acidum, vel turgidum instar fermenti: si cut etiam apud Plautum mulier iracundia feruens, dicitur tota esse in fermento.

Alii



Alii legunt, Compuncti sunt renes mei: & **א** in principio dictionis positum esse volunt loco **ה**, quod ad sensum parum interest. Scimus autem **הוהוה** (quo nomine Hebræi renes intelligunt) deduci à **הלה** quod est appetere, quia sedem cupiditatum ponunt in renibus. Perplexis itaque cogitationibus quasi spinis se fuisse confixum dicit. Vnde autem hæc tam acris indignatio Dauidi, antè diximus. Multi enim profani homines, quanvis cælesti providentia mûdum regi negent, nō tamen se magnopere discredunt, sed rident Fortunæ lusum. Quo autem magis persuasum est fidelibus, Deum esse mundi iudicē, eo magis excalescunt ubi non respōdet eorum votis. Mox verò seuerè se, vt par erat, castigans, stultum primò vocat: deinde accusat suam ignorantia: terriò dicit se bestiis fuisse similem. Si tantum de sua incitia confessus esset, quæri poterat vnde vitium vel defectus. Hoc igitur stultitiæ suæ ascribit, quam magis amplificat, comparans se brutis animalibus. Summa est, prauam illam æmulationem, cuius meminit, ex incitia & errore natam esse: erroris verò culpā in ipso residere, quia mente alienatus desperauerit: neque id vulgari modo, sed ad brutum stuporem vsque. Etsi enim verum est quod antè diximus, homines de operibus Dei nunquam rectum iudiciū facere, quia in illis considerandis deficiunt omnes eorum sensus: meritò tamē Dauid culpam sibi imputat, quòd ab humano iudicio ad brutas pecudes descuerit. Cæterum, quoties non placebit nobis consilii Dei ratio in mûdi gubernatione, meminimus id sensus nostri prauitate fieri. Particula **הוהוה** comparatiue hîc accipitur pro corā te. acsi dixisset, Domine, quanuis aliqua ratione excellere visus sim in mûdo, cælestis tamē sapientiæ tuæ respectu fui quasi iumētū. Nec abs re hæc particulā interposuit. vnde enim sit vt homines sua veritas sic demulceat, nisi quia dum alius alium respicit, omnes sibi blandiuntur? Lusens enim sibi videtur quisque inter cæcos: saltem hoc vno contentus est, quòd alii nihilo magis sapiunt. Vbi autem ad Deum venit, iacet ille, cui indormiebant communis error.

23 *Ego verò semper tecum.* Hic alio sensu dicit se fuisse cū Deo. gratias enim agit quòd in illa ruinæ prociuitate retentus ab eo fuerit ne prorsus excideret. Huius verò gratiæ magnitudinem illustrat confessio illa, quòd vesanus fuerit, & brutum animal. Bis enim ac ter dignus erat qui abiiceretur vbi fremere audebar contra Deum. Cæterum, duobus modis apud Deum esse homines dicuntur, nempe vel sensu & cogitatione, dū persuasi sunt se agere sub illius oculis, eiusque manu regi & virtute sustineri: vel dum illos palantes ac vagos Deus arcano frano continet, nec in totum alienari patitur. Qui ergo se à Deo negligi fingit, nō est apud Deum, proprio sensu: sed occulta eius gratia apud eum manet, quia non deseruit. Denique propinquus est semper Deus electis suis: quia licet tergum obuertiāt, eos tamen paterno semper intuitu prosequitur. Per apprehensionem dexterae significat mirabili Dei virtute se fuisse retractum à profunda illa abyssu in quā se proiciunt reprobi. Quòd ergo se cohibuit Dauid ne prorumperet ad manifestas vsque blasphemias, ne ebdurefceret in errore, quòd, etiā se ipsum stultitiæ damnauit, hoc Dei gratiæ fert acceptum, quòd porrecta dextra ipsum à præcipitio erexerit. Hinc verò pertipimus quàm pretiosa Deo sit salus nostra, quòd, dū procul ab ipso vagamur, solícite tamen nos respicit, manumque extendit ad nos colligendos. Non debet quidem hoc obtendi in prætextum ignauia, sed tamen experientia docet, quum stupidi torpemus, nos Deo curæ esse, adeoque fugitiuis & erroneis propinquum esse. Et notanda est vis metaphora, quum *dextram apprehendere* dicitur. nulla enim tā levis est tentatio quam non faciliè nos deiciat nisi diuinitus fulciamur. Quod ergo non succubimus etiā in grauissimis pugnis, nō aliunde est quā ex Spiritus sancti auxilio: non quòd splendide semper in nobis exerat suam virtutem, quia sæpe eam perficit in nostra infirmitate: sed satis est quòd cæcis & nescientibus succurrit, labantes sustentat, iunò etiam lapsos erigit.

24 *Consilio tuo.* Quoniam verba sunt futuri temporis, hunc genuinum

esse sensum existimo, Domine, postquā nunc tuo ductu in viam semel reductus sum, posthac etiam regere me perges, donec tandem in gloriam tuam suscipiar. Scimus enim Davidi solenne esse, ubi gratias agit, concipere fiduciam in futurum tempus. Postquam ergo confessus est infirmitates suas, celebravit quam expertus erat adiutricem Dei gratiam: nunc de eiusdem perseverantia spem sibi facit. Directio cōsiliū priorē loco ponitur: quia etsi stultis & inconsideratis res interdum bene succedunt (quia nostris erroribus medetur Deus, & quæ malè tentata fuerant, in latiorē exitum vertit) ordinaria tamen & plenior eius benedictio est dare suis prudentiam: & hoc in primis petendum, ut

25 *Quis mihi in calo? & tecum non optavi in terra.*

26 *Defecit caro mea & cor meum: robur cordis mei, & portio mea Deus in seculum.*

27 *Quia ecce, qui discedunt abs te, peribunt: perdidisti omnem fornicantem abs te.*

28 *Quantum ad me, appropinquare Deo, mihi bonum est: posui in Domino Iehoua spem meam, ut enarrem omnia opera tua.*

25 *Quis mihi in calo?* Clarius demonstrat quantum profecerit in Sanctuario Dei: quia ipso vno contentus, quæcunque se præter ipsum offerūt, reiciat. Est quidem aliis linguis aspera loquendi forma qua vitur, sed Hebrais trita, dum interrogatio & affirmatio simul iunguntur. In sensu quidem nulla est ambiguitas, Davidem præter Deum nihil in calo vel in terra appetere, & illo excepto foetere quæcunque homines ad se alliciunt. Et certè tunc demū suam apud nos gloriā obtinet Deus, si huc & illuc nō circumferimur, sed vnus ipse nobis sufficit. Quod si vel minimā partem affectus nostri addicimus creaturis, eatenus Deum fraudamus debito honore. Et tamen hoc scerilegio nihil magis vulgare fuit omnibus seculis, nec hodie est. Quotus enim quisque sensus suos in solo Deo inclusos tener? Videmus quā multos ei comites adiungat superstitio, quāuis enim fateantur Papæ à Deo pendere omnia, innumera

spiritu cōsiliū & iudiciū nos gubernet. Quisquis enim sua prudentia fretus, quicquam aggredi audebit, quia sibi arrogare quod Dei proprium est, cum hac sua temeritate pudebit. Si enim Davidi necesse fuit præeuntem habere Deum, quanto magis eodem duce nobis opus est? Cōsilio deinde adiungitur gloria, quæ, meo iudicio, ad æternam vitam restringi nō debet, sicuti faciunt quidam: sed totum felicitatis nostræ cursum complectitur, à principio quod nunc cernitur in terra: vsque ad finem, quem speramus in calo. Sibi ergo æternam gloriā à grauito Dei fauore promittit David, nō tamē excludit benedictiones quibus in terra suos prosequitur, ut aliquam felicitatis partem iā delibēt.

tamen sibi hinc inde subsidia accersunt. Alii superbia inflati, vel se vel alios homines socios Deo obtrudunt. quo diligentius notanda est hæc doctrina, nobis fas non esse quenquam appetere præter Deum. Quamquam autem *cali* & *terra* nominibus designat quicquid imaginari possunt homines, videtur tamen duas species distinctè notare. neminem ergo se præter Deum in calo quærere dicens, repudiat omnes fictitios deos quibus calum replet communis mundi error ac stultitia. Quod negat se quenquam optare in terra: refero ad fallacias, quibus totus ferè mūdus se inebriat. Nam qui priore illo Satanæ artificio non falluntur, ut sibi falsos deos fabricent: vel arrogātia se decipiunt, dum sua industria, aut virtute, aut prudentia confisi, vsurpāt quod Dei proprium est: vel se inescant fallacibus illecebris, dum recumbunt in hominum fauorem, vel suis opibus aliisque subsidis nituntur. Hæc igitur vna est quærendi

rendi Dei ratio, vbi non abstrahimur per varios circuitus, & exuti omni superstitione & superbia, ad Deū vnū nos rectā conferimus. Nam particula hæc, *tecum neminem volui*, tantundem valet ac si dixisset, Quia te cognoui vnū mihi satis superque esse, non raptor post varios appetitus, sed in te acquiesco. Porro vt Deo vno satiemur, operæ pretium est cognoscere quam bonorum plenitudinem nobis offerat.

26 *Defecit caro mea.* Priorem partem versus ita quidam accipiunt, quòd præ desiderii ardore defecerit cor & caro Dauidis: arque ita testari putant quàm seriò ad Deum sensus suos applicuerit. Quanquam autem similis alibi locutio occurrer, videtur tamen alium sensum exigere quod cōtinuò post additur, *Fortitudo cordis mei Dominus.* Potius antithesin esse arbitror inter defectum quem in se Dauid sentiebat, & robur ei Diuinitus suggestū: ac si diceret, Quauis à Deo separatus nihil sim, omniāque mea in nihilum recidāt, veniēs tamen ad eum, reperio illic plenam fortitudinem. Atque hoc apprime necessarium est, reputare quid simus sine Deo: quia nemo se prorsus in Deū coniciet, nisi qui se deficere sentiens, de suis facultatibus desperat. Neque enim à Deo petimus nisi quod nobis intus deest. Atque hoc quidem faentur omnes, & maior pars sufficere putat, si infirmitatē subleuet Deus, vel inopiā suppetias ferat. Longè plenior est Dauidis cōfessio, dum suā (vt ita loquar) nullitatē corā Deo proponit: itaque meritò addit, *Deum esse portionē suā*: quā similitudine significat Scriptura sortem qua quisque contentus est. Quum ergo transfertur hoc ad Deum, sciamus hanc esse rationem, quia vnus ipse nobis abunde sufficiat, & in eo constet perfecta felicità. Vnde sequitur, nos ingratos esse si aliò reflectimus animum, sicuti dictum est Psal., 16. 4, vbi rationē metaphoræ clarius Dauid explicat. Quòd nugātur quidā vocari Deum portionem nostrā quia anima ex eo sumpta sit: nescio vnde tā futilis argutia illis venerit in mentem, quæ non minus remota est à sententia Dauidis, quàm cælum à terra: & secum trahit Manichæorum delirium, quo fa-

scinatus fuit Seruetus. Sed hoc vt plurimum contingit, homines in Scripturis non exercitatos, & non imbutos vera Theologia, licet periti sint linguæ Hebraicæ, hallucinari tamen in primis rudimentis. Porro licet cordis nomine totam animam comprehendat, non tamē essentiam deficere intelligit, sed vires omnes concidere, quas non nisi ex Dei liberalitate precario obtinet.

27 *Quia ecce qui.* A repugnantibus probat nihil esse melius, quam simpliciter acquiescere in vno Deo: quia simulac ab eo quispiam discesserit, horribilis ipsum interitus manet. Discedere autem sciamus omnes qui spes suas variè partiuntur ac dissipant. Eodem pertinet *formicandū* verbum: quia pessimum adulterii genus est, cor nostrum diuidere, ne in solo Deo fixum maneat: quod facilius erit cognitu si definiatur spiritualis mentis nostræ castitas, quæ in fide, inuocatione Dei, cordis integritate, & verbi obedientia sita est. Quisquis ergo se verbo Dei non subiicit, vt bonorum omnium authorem vnicum sentiens, ab eo pendeat, se tradat ei regendum, ad eum semper confugiat, omnesque affectus ei addicat, similis est mulieri adulteræ, quæ relicto marito, alienis se prostituit. Perinde igitur est ac si Dauid omnes apostatas pronuntiet esse adulteros.

28 *Quantum ad mē.* Ad verbū, Et ego. Sed Dauid seorsum de se loquens, affirmat, quauis totum mundum videat vagis erroribus à Deo alienari, se tamē sub Dei manu semper fore: Pereant, inquit, alii, si restringi non potest eorum libido quin ferantur post mundi fallacias in hoc tamen proposito firmus manebo, vt sacram cum Deo coniunctionē colam. Appropinquandi modum cōtinuò post subiicit, dum in eo fiducia nostra residet. Neque enī aliter nos Deus retinebit, nisi persuasi simus non aliter quàm eius gratia nos saluos stare. Notandus est autem hic locus, ne toto mūdo ad incredulitatem labente, mala exempla nos abripiant ad communē licentiam: sed nos ad vnum Deum resistere discamus. In fine significat, postquam vni Deo se consecrauerit, nunquam sibi de fore eius laudandi materiā,



quia scilicet spem suorum nūquam frustratur. Vnde sequitur, non alios Deo maledicere, vel obstrepere, nisi qui spō-

te nebulas sibi obducunt, ne perspecta eius providentia, eius fidei tutelaque se permittant.

## ARGVMENTVM PSALMI LXXIIII.

*Queruntur sancti de Ecclesiæ vastatione, qua nomen Israelis propè ad interitum adduxerat. Esi autē ex supplicibus votis apparet eorū ascribere peccatis suis quicquid sustinent malorum. Deo tamen abiiciunt sēdus suum, quo genus Abrahæ sibi adoptauit. Deinde in memoriam reuocant quā potenter & magnificē virtutem suam exerueris in liberanda Ecclesiā: & spe inde concepta, precantur vt Deus opem & remedium tandē afferas rebus perditis & deploratis.*

*Psalmus LXXIIII.*

**E**Rudiens Asaph. *Vt quid Deus repulisti in perpetuum, sumabit ira tua in gregem pascuorum tuorum?*

2 *Recordare congregationis tue, quam pridem possedisti, quam redemisti, virga hereditatis tue, montis Sion huius in quo habitasti.*

3 *Eleua percussiones tuas ad desolationes perpetuas contra omnem maleficum hostem Sanctuario.*

4 *Rugierunt aduersarii tui in medio Sanctuariorum tuorum, posuerunt signa sua signa.*

5 *Cognitus est quasi elatus in sublime, in perplexitate ligni secures.*

6 *Et nunc sculpturas eius simul in bipenni & malleis confringunt.*

7 *Miserunt in igne Sanctuaria tua ad terram, polluerunt domicilium nominis tui.*

8 *Dixerunt in corde suo, Populemur eos pariter. incenderunt omnia Tabernacula Dei in terra.*

1 Erudiens Asaph. Inscriptio  
 חִיבּוּב optimè argumento cōuenit. nam etsi rebus latis interdum aptatur, sicuti visum est Psalmo 45: vt plurimū tamen admonet sermonem haberi de iudiciis Dei quibus coguntur in seipso descēdere homines, suaque peccata examinare vt se coram Deo humilient: Psalmum verò à Dauide non fuisse cōpositum, ex argumento colligere promptum est, quia non potuit sua ætate talē Ecclesiæ dissipationem & cladem defflere. Qui aliter sentiūt, Spiritu Prophetico à Dauide fuisse prædictū excusant quod nondum euenerat. Sed quum Psalmos complures probabile sit post mortem Dauidis fuisse compositos à diuer-

sis authoribus: hunc vnum esse ex numero non dubito. De qua tamen calamitate hic tractetur, non adeò certum est. Dux sunt sententiæ: quidam enim ad vrbis & templi excidium referunt, quum populus traductus fuit Babylonem sub Nabuchadnefer. Alii ad templi profanationem quæ sub Antiocho contigit. Vtraque aliquid coloris habet: prior scilicet, quòd hic deplorant fideles se iam destitui signis ac Prophetis: quum satis constet seruissē multos Prophetas quū abductus in exilium fuit populus. Rursum quia paulò antè dicitur, exusta fuisse Sanctuaria, deletas Scripturas, & nihil integri reliquum fuisse: non competit in Antiochi scintillam ac tyrannidē.

Tamet-

Tametsi enim templum sædæ polluit Gentium superstitionibus, mansit tamē saluum ædificium, nec igni tunc flagrant ligna & lapides. Obiungunt quidā per Sanctuaria intelligi Synagogas, vbi non Hierosolymæ modò, sed in reliquis Iudææ urbibus solebant haberi sacri conuentus. Fieri etiam potest vt fideles, templi horrendam vastationem cerentes, tam lugubri spectaculo admoniti, mentes etiam retulerint ad incendiū illud quo absumptum fuerat à Chaldeis atque duas clades simul complexi sint. Ita coniectura erit magis probabilis, ad tempus Antiochi spectare has querimonias, quia tunc Prophetis caruit Dei Ecclesia. Quamquam si magis ad exiliū Babylonicum referre placeat, huius nodi facilis erit solutio: quia licet tunc viderent Ieremias, Ezechiel & Daniel, scimus tamen quasi vocationis suæ cursu perfunctos tacuisse ad tempus: donec sub dicto liberationis rursus in lucem prodiiit Daniel, qui exules ad reditum animaret. Qd̄ respicere videtur Isaias capite 40. in his verbis, Consolamini, consolamini populum meum, dicit Deus vester. Verbum enim futuri temporis, inductum fuisse Prophetis temporale silentium denotat.

1 *Ut quid Deus.* Si hæc querimonia scripta fuit in exilio Babylónico, quanuis annus septuagesimus redēptionis præscriptus fuisset à Ieremia, mirū tamen non est tam longæ moræ tedium plusquam acerbum fuisse, vt quotidie ingemiscerent, ac tam longum spatium instar perpetui sæculi fuisse. Qui verò Antiochi crudelitatem perpessi sunt, quia nullum illis erat definitum tempus, meritò de perpetua Dei iracundia conqueri poterant: præsertim quū viderent sine spe solatii in dies augeri hostiū truculentiam, & res suas in deterius collabi. Multis enim aduersis bellis prius attriti, quæ subinde à vicinis oriebantur, ad vltimam ferè consumptionem tunc venerunt. Norandum autem est, quòd fideles à profanis gentibus vexati, oculos tamen ad Deum attollunt, ac si plagas omnes sola eius manus infligeret. Sciebant enim non nisi in senso Deo, tantum licentiæ contra se permitti profanis gentibus. Ergo persuasi non esse sibi bellum

cum carne & sanguine, sed iusto Dei iudicio se affligi, causam ipsam & fontem omnium malorum considerant, quòd Deus, quo propitio antè fœliciter vixerant, nunc eos abiecerit, neque censere amplius in grege suo dignetur. Nam verbum *ſ* reuocare ac detestari, interdum etiam se procul subducere significat: nec multum interest quocunque modo hic accipias. Summam hanc tenere sufficiat, quoties premamur rebus aduersis, non temere in nos iactari fortunæ tela, sed arcano Dei impulsu flagella hæc aut ferulas excitari, quibus peccata nostra castiget. Ceterum *reſſio & ira* referri debent ad sensum carnis. Etsi enim, propriè loquendo, non irascitur Deus electis suis, quorum morbos afflictionibus quasi medicinis sanat: quia tamen sensus ipse pœnarum iram eius nos apprehendere cogit, per nomē Iræ, Spiritus de suo reatu admonet fideles. Vbi ergo Deus vindictam in nos suam exequitur, nostrum est reputare quid scimus meriti. Et quanquam nūllū iracundiæ motum patitur Deus, per nos tamen non stetit quominus peccatis nostris grauitèr offensus in nos excandesceret. Iam verò vt sibi misericordiam consilient, confugiant ad fœderis memoriam, quo fuerant in filios adoptati. *Gregem enim pascuorum Dei* se vocando, gratuitam electionem commendat, qua segregati fuerant à Genibus. Quod etiam clarius expriment proximo versu.

2 *Recordare congregationis.* Peculium Dei se fuisse iactant, non suo merito, sed adoptionis gratia. Eodem peruenit antiquitas, quòd non venerint à paucis mensibus sub Dei imperium, sed hæreditaria fuerit successio. Nam quo pluribus sæculis amorem suum prosecutus fuerat erga semen Abraham, eo melius stabilita fuit eorum fides. Recitant ergo, se ab initio fuisse Dei populum, nempe ex quo Deus inuiolabile fœdus cum Abraham pepigerat. Additur etiā redemptio qua sancita adoptio fuerat. neque enim verbo solū, sed re ipsa tunc imperium asseruit Deus. Hæc Dei beneficia ad fiduciæ materiam sibi proponunt, & ipsi Deo auctori commemorant, ne opus suum deserat. His etiā freti

continuo se vocant *virgam hereditatis*, hoc est, hereditatem quam sibi ipse dimensus est. Nam quia peticis sicut funiculis solebant agros terminare, alludit ad morem illum. Quanquam alii **וְזוּ** Tribum malunt vertere. magis tamē placet illa metaphora: quod Deus arcana designatione sui beneplaciti, quasi decempeđa, Israelē sibi in proprium fundum distinxit à reliquis Gētibus. Postremo loco ponitur Templū, in quo Deus se habitaturum promiserat: nō quod inclusa illuc esset eius essentia, ut iam sæpius dictum est: sed quia fideles virtute & gratia illic propinquum & præsentem sibi esse sentiebant. Nunc tenemus vnde precandi fiduciam populus sumperit, nempe ex gratuita Dei electione, promissionibus, & cultu sibi tradito.

3 *Eleua percussiones.* Vicissim hostibus imprecatur lethalem plagam, prout crudeliter sauerunt in Sanctuarium Dei: ac si dicerent non sufficere mediocrem pœnam tam impio & sacrilego furori: perdendos ergo esse absque vlla spe sanationis, qui tam hostiliter cōtra Dei templum & populum egerunt: quia desperata sit eorum impietas. Porro, quum hanc orandi formā dictauerit Spiritus, immensum erga nos Dei amorem inde colligimus, quod iniurias nobis illatas tam seuerē velit vlcisci. Deinde quo in pretio habeat numinis sui cultū. cuius violationem ita persequitur. Quātum ad verba spectat, quidā **וְזוּ** transferunt pedes, aut gressus, atque hūc eliciunt sensum, Domine leuato gradu celeriter aduola ad percutiēdos hostes. Alii vertunt Malleos, quod aptē cōuenit. Mihi tamen religio non fuit sequi eorum sententiam qui ad percutiendi actum & ictus ipsos referunt. Posterius membrum à quibusdam aliter exponitur, quod inimicus omnia corruerit in Sanctuario. Sed quia nusquam alibi occurrit hæc syntaxis, nolui à lectione probata & recepta discedere.

4 *Regirunt.* Leonibus comparat hostes, truculentia notanda causa quam in ipsis Dei Sanctuariis exercuisse conqueruntur. Templum autem hoc loco malo intelligere, quàm Synagogas. nec enim absurdum est plurali numero vo-

cari *Sanctuaria*, ut alibi sæpe, quia in tres partes diuisum erat. Quanquam si quis de Synogogis intelligere malit, nō contendo. Imò nulla ratio prohibet ad totam terram extendere quam sibi Deus consecrauerat. Sed illud magis emphaticum, hostium rabiem ita passim grassatam esse, ut ne templo quidē Dei pepererint. Quod dicit *posuisse signa sua*, ad notandam contumeliam pertinet, quod scilicet erectis trophæis superbe triumphauerint de ipso Deo. Nā quod ad magicas diuinationes quidam trahunt (sicuti Nabuchadnefer, Ezechiele teste, 21. 21, auguria sua captauit) nimis est restrictum. Prior autem ille sensus optime quadrat. Nam quisquis terram sanctam ingrediebatur, illic sciebat vigere peculiarem Dei cultum: & templum erat quasi insigne præsentia Dei, ac si extentis vexillis populum illum sub imperio suo teneret. His symbolis, quæ populum Dei separabant à profanis Gentibus, sacrilega signa ab hostibus in templum illata nunc Propheta opponit: ideoque nomen duplicans, auget indignitatem, quod euerfis pietatis insignibus, hostes alienas notas substituerint.

5 *Cognitus est.* Hac circumstantia iterum magis aggrauat Propheta barbaram & feram hostium crudelitatem, quod ædificium tanto sumptu extructū, tanta elegantia splendoreque ornatum, tanta industria & arte expositum immanner dissipauerint. In verbis subest aliqua obscuritas: sensus tamen hic ferè obtinuit. Quum extruendum esset Templum, caesores arborum fuisse celebres ac famosos. **וְזוּ** quidam actiue accipiunt, & exponunt, quasi offerret Deo sacrificia, fuisse illustres & cognitos. Et *perplexitas arborum* politis trabibus opponitur, ut melius pateat quàm exquisito artificio rudes arbores & asperas in tantam elegantiam formauerint. Vel, quod magis placet, significat Propheta in syluis densis ac perplexis delectum sedulo habitum fuisse, ne qua arbor nisi eximia caderetur. Quid si ita accipias? in illa densitate cognitas & probè notatas fuisse arbores quibus admoenda erat securis. quasi iam in sublimi locata essent, & expositæ spectantium oculis



oculis. Certe dubium non est quin hoc versu commendat materię præstantiã, quia sic delecta erat vt posset omnium oculos in se cõuertere, sicut initio proximi versus formam ipsam, quæ singulari artificio expolita erat, per sculpturas vel calaturas intelligit. Nunc verò dicit Chaldaeos nullo respectu in tam præclarum ædificiũ secures & malleos immittere, ac si in delenda tam magnifica structura, Dei gloriam pedibus calcare propositum fuisset. Postea de incendio templi conqueritur, quo prorsus deletum fuit, quum machinis nõnisi semirutum esset. Multi, quia videbant cõmodum sensum ex verbis nõ posse elici putarunt inuersum esse ordinem, ideo sic resoluunt. Miserunt ignem in Sanctuaria tua. Ego verò, quanuis repugnet accentus, non dubito genuinum esse sensum quem posui, quòd incendio ignis templum in terram proiectum fuerit. Atque hic versus melius confirmat, templum ob tres partes, Adytum scilicet interius, Sanctuarium quod mediũ erat, & Atrium, plurali numero vocari: quia mox sequitur, *domicilium nominis tui*. Ponitur autem *Dei* nomen, vt sciamus non fuisse illic comprehensam eius essentiã, sed virtute suã in templo habitasse. quo

maiore fiducia illic à populo inuocaretur. Atque vt melius sauitiæ atrocitatem exprimat Propheta, inducit eos vltro citroque se exhortantes, ne quis fieret vastationi modus. Quasi parum animati, inquit, essent ad nocendum, vnusquisque socio suo stimulos addit, vt sine exceptione vastent ac perdant totum Dei populum. Tandem dicit incensas fuisse omnes synagogas. Sic enim nomẽ **מִוּעָדִים** libenter interpretor, quia generalis nota additur: & disertè exprimit Propheta Sanctuaria totius terræ. Frigidè enim exponunt quidam, quia cælesti Dei Sacratio nocere non poterant, aut vim asferre, in templum terrenum vel Synagogas vertisse suam rabiẽ. Simpliciter enim conqueritur Propheta, hostes ita fuisse intentos ad nomen Dei abolendum vt nullus angulus ab illis relictus fuerit integer. Nomen verò **מִוּעָדִים**, quod de Sanctuario vt plurimum accipitur, non malè secundum etymologiam transfert ad ea loca vbi solebant agi sacri conuentus, non modò ad legendos & enarrandos Prophetas, sed etiam ad inuocandum Dei nomen: quasi diceret, nihil omissum fuisse ab impiis quo extinguerent Dei cultum in Iudæa.

9 *Signa nostra non videmus, non est amplius Prophetarum, & non est nobiscum qui cognoscat, usquequo.*

10 *Usquequo Deus exprobrabit aduersarius? cõtumelia afficiet hostis nomen tuum perpetuò?*

11 *Quousque conuerter manus tuam, & dexteram tuam in medio sinus tui consume.*

12 *Deus autem Rex meus ab initio operans salutes in medio terra.*

9 *Signa nostra.* Grauitatem maiorum exaggerant fideles, quia nihil ad eam leuandam suppetat solatii. Nã hoc vnum præcipuè ad erigendos piorum animos valet, vbi Deus spem reconciliationis affert, se in media ira, misericordię memorem fore promittens. Signa quidam ad miracula restringunt, quibus olim testatus fuerat Deus populo quem affligebat, se adhuc fore propitium. At qui potius queruntur fideles ablata sibi

esse signa gratiæ, quòd Deus faciẽ suam quodãmodo absöderit: ac si dicerent se tenebris esse obrutos, quia Deus pro more nõ affulgeat. quẽadmodũ vulgò dicimus signa dari vel amoris vel odiũ. In summa queruntur non modò nubilosum esse tempus & obscurum, sed se iacere in densis tenebris, vt ne scintilla quidem lucis appareat. Quia autem præcipuum ex signis erat, à Prophetis futuram liberationem promitti, ideo Gg.ii.

deplorat non esse amplius Prophetam qui finem aliquem malis prævideat. Vnde colligimus iniunctum fuisse consolationis munus Prophetis, vt spe misericordiae, animos mœrore collapsos erigerent. Scimus quidem præcones fuisse ac testes iræ Dei, vt præfractos ac rebelles minis & terroribus ad pœnitentiam cogerent: verum si præcise denuntiassent vindictam Dei, nonnisi in exitium cessisset eorum doctrina, quæ tamen in populi salutem destinata erat. Ideo illis tribuitur prædictio exitus futuri: quia sub pœnis temporalibus proponitur pœterna Dei castigatio, quæ tristitiam mitigat, quum perpetua ira miseros peccatores prorsus exanimet. Proinde nos quoque si materiam patientiæ & consolationis querimus, vbi nos Deus castigat, discamus ad istam moderationem, qua nos Deus ad spem inuitat, oculos intendere: atque inde statuamus, Deum ita irasci vt non desinat tamen esse pater. Correctio verò quæ salutem affert, lætitiâ continet dolori admistam. Ad hunc scopum doctrinam suam dirigere, Prophetis omnibus cura fuit. Etsi enim seuerè ac duriter sæpe agunt, vt populi contumaciam metu subigant: vbi tamen prostratos homines vident: mox subiiciunt consolationem, quæ nulla esset sine spe futuri liberationis. Obicitur tamen quaestio, An Deus mitigare tristitiam volens in suis flagellis, annos & dies semper numerauerit. Respondeo, quanquam non semper tempora certò definierint Propheta, sæpius tamè propinquam salutem fuisse pollicitos: omnes verò loquutos fuisse de futura Ecclesiæ restitutione. Siquis rursus excipiat, perperam fecisse populum affligi, quòd generales promissiones ad se non traheret, quas certum est communes fuisse omnibus seculis: respondeo. Quum Deus ad singulas afflictiones adiungere solet redemptionis nuntium, vbi nunc nullus Propheta data opera missus apparet, non abs re populum cõqueri, signa gratiæ quibus affligens erat, deficere. Fuit enim vsque ad Christi aduentum apprimè necessariũ, singulis ætatibus renouari promissæ liberationis memoriam, vt in vnaquaque afflictione scirent fideles adhuc se à Deo respici.

10 *Quousque Domine. Significantius* lo se dolore magis cruciari, quàm dum vident nomen Dei expositum esse impiorũ probis. Atque hac præcandi forma zelum asserendæ Dei gloriæ in cordibus nostris accendere voluit. Et certè quum naturaliter ad mala ferenda nimis delicati simus ac molles, hoc verũ est pietatis experimentum, si nos magis vrit ac torquet Dei contumelia, quam quicquid nos patimur. Non dubium est, subleuissimò tyrânò & barbara gẽte multis modis deus fuisse miseros Iudæos, nec vno ludibriũ genere traductos. Atquẽ Propheta in persona totius Ecclesiæ loquens, probra illa, quæ in capita populi ingerebantur, nihili ferè ducit præ sacrilegis in Deum blasphemis, iusta illud, P sal. 69. 10, Opprobria exprobratiũ tibi ceciderunt super me. Dicitur *perpetuò* iterum additur, quia diuturna impunitas ad audaciam obdurat impios, præsertim vbi Deo maledicunt, ipse autem dissimulat. Ideo continuo post subiicit, *Quousque Deus manum tuam conuerter?* Quanquam autem obscurum nõ esset quò tendat Propheta, in verbis tamen variat Interpretes. Quòd quidam sub Manus nomine in priore membro, sinistra intelligunt, triuolum est: quia potius per nomen Dextræ idem duplicat suo more. Quidam in fine versus verbum *Manus* vertunt prohibe, ac si diceret Propheta, Exere tandem manum tuam, quæ se nimis diu in sinu continuit. Sed illi sine colore ad coactum sensum confugiunt. Qui vertunt, consume, *mediũ sinus Dei* allegoricè accipiunt pro templo ipso: quod mihi non probatur. Multo rectius continuabitur interrogatio vsque ad vltimum verbum hoc modo, *Quousque conuerter manum tuam? ne tempe è medio sinus tui conuerter?* Consume igitur impios istos, qui tam superbè te cõtemnũt. Licebit etiam hoc modo non incommode accipere, Tametsi hostes, quia non tumultuaris, neque palam attollis manũ tuam, te residem & otiosum esse fingũt: fac vt re ipsa sentiant tibi in solo natu satis esse potentiæ ad eos per dendos, vtunque digitum non moueas.

12 *Deus autem.* Miscet ( vt alibi sæpe fieri vidimus ) precibus suis meditationem: qua nouum fidei vigorem colligant

ligant, seque excitent ad precandi studium. Scimus enim quàm difficile sit supra omnes dubitationes assurgere, ut soluto & libero cursu intrepide orando pergamus. Hic ergo sibi in memoriam reuocant fideles documenta misericordiarum & virtutis Dei, quibus per continuas atque seriem testatus est se Regem esse electi populi. Docemur autem hoc exemplo, quia non sufficit vota laibus concipere, nisi ex fide oremus: animos semper reuocandos esse ad beneficia, quibus paternum suum amoris Deus erga nos sanciuir, & quæ electionis eius testimonia esse debent. Nam Regis no-

men quod Deo tribuit Propheta, non ad solum imperium restringi patet: sed quia populum illum regendum susceperat ut saluum & incolumem prae-staret. Quid valeat particula *ab initio*, iam diximus. Per *medium terra* quidam Iudæam ideo notari putant, quod sita esset in umbilico mundi habitabilis. Atqui satis constat pro loco conspicuo sumi: sicuti quum Pharaoni dictum est, Cognoscat Deus in medio terræ, Exo. 8. 22. Simplex itaque sensus est, multas salutes manifestas, fuisse exhibitas electo populo quasi in illustri theatro.

13 *Tu fregisti in virtute tua Mare : contriunxisti capita draconum super aquas,*

14 *Tu confregisti caput Leniathan, posuisti eum escam populo tuo in deserto.*

15 *Tu scidisti fontem & torrentem : tu siccasti fluuios validos.*

16 *Tuus est dies, etiam tua est nox: tu ordinasti lucem & Solem.*

17 *Tu fixisti omnes terminos terra æstatem & hyemem tu formasti.*

13 *Tu fregisti.* Species quasdam salutum maxime memorabiles colligit Propheta. Quanquam omnes ad primam redemptionem pertinent, qua Deus populum suum ab Aegyptiaca tyrannide auerit. Postea descendit ad generale elogium gratiæ Dei, quæ in totum orbem diffunditur. Ita à speciali gratia, qua Deus Ecclesiam suam dignatus est, transitum sibi facit ad beneuolentiam qua prosequitur totum humanum genus. Dicit primò Mare fregisse vel secuisse. Proximum membrum quidam annexum esse putant, quòd cetos & alios maximos pisces siccato mari Deus interfecerit. Ego tamen Pharaonem & eius exercitum metaphorice notari arbitror: quia hæc ratio loquendi Prophetis valde trita est, præsertim ubi sit sermo de Aegyptiis, quorum terram aluit piscosum mare, Nilus verò præterfuit. *Leniathan* ergo non abs re Pharaonem vocat propter commoditates maris, quia illis regnum suum quasi balnea

exerceat. Porro quia hoc sine Deo potentiam suam in liberando populo tunc exeruit, ut speraret Ecclesia perpetuum salutis suæ fore custodem, non debuit hoc documentum ad ætatem vnâ restringi. Ideoque merito ad posteros aptatur, ut inde fidem suam confirment. Cæterum quauis non omnia miracula recenseat quæ Deus in exitu populi edidit: per synecdochen tamen completur quicquid fusiis narratur apud Moysen. Quod dicit *Leniathan* cessasse in cibum Israelitis, & quidem in deserto, concinna allusio est ad Pharaonis interitum: ac si diceret, annuam fuisse tunc repositam, qua vesceretur populus: quia extinctis hostibus securitas non aliter ac cibus vitam protraxit. ac per desertum intelligit non Regionem maritimas, quauis steriles sint & aridæ, sed solitudines procul à mari remotas. Sequenti versu prosequitur idem argumentum, ubi dicit *fontem scissum fuisse*, quum scilicet aqua è rupe elicit fuit.



Tandem addit, *ficcato* fuisse fluuios *uadidos*, quum scilicet reflexo cursu Iordanis, Deus transitum populo suo præbuit. Nā ratione caret quod nonnulli פתח proprium nomen esse volunt.

16 *Tues est dies.* Descendit ad Dei beneficia, quæ communiter ad humanum genus patent. Postquam enim exordium fecit à specialibus gratiis, quibus se Deus patrem electo populo ostendit, nunc opportunè commemorat cunctis mortalibus ipsum esse beneficum. His autem verbis significat non fortuito inter se succedere noctes & dies certis vicibus, sed Dei arbitrio præfixum fuisse hanc ordinē. & ratio additur, quia Deus Soli indiderit vim & munus illuminandæ terræ. Vbi enim lumen posuit, Solem adiungit quasi præcipuum eius vehiculum. In hoc ordine quum aperte refulgeat incomparabilis Dei bonitas erga mortales, non abs re Propheta

fiduciæ materiam inde petit. Eodem spectat quod proximè sequitur de finibus terræ distinctis, de mutuo hyemis & æstatis recurſu. Dubium tamen est extremæne orbis plagas intelligat, an verò speciales terminos, quibus singulæ regiones diuisæ sunt. Etsi enim turbatur violentia hominum, dum insatiabilis cupiditas & ambitio quicquid distinctio- nis in mundo est perumpit, reniter tamē Dei singulare beneficium, quod singulis Gētibz suā habitationē attribuit. Ego tamē fines potius intelligo, qui hominum libidine misceri nequeunt, quod scilicet Deus terræ spatiū hominibus destinauerit quātū ad hospitium sufficeret. Iā hyemis & æstatis vices clare testantur quā benignè Deus hominum necessitatibus prospexerit. Vnde prudenter colligit Propheta, nihil minus esse consentaneū, quā ut erga gregem suum, & domesticos, patris officium facere negligat.

18 *Recordare huius, aduersarius exprobrauit Ieboua: & populus nihili contumelia affecit nomen tuum.*

19 *Ne des bestie animam turturis tue, congregationis pauperum tuorum ne obliuiscaris in finem.*

20 *Respice ad fœdus: quia impleta sunt obscuritates terræ habitaculis violentiæ.*

12 *Ne reuertatur miser pudefactus: pauper & inops laudent nomen tuum.*

22 *Surge Deus, discepta disceptationem tuam: recordare opprobrii tui quod à stulto infertur quotidie.*

23 *Ne obliuiscaris vocis aduersariorum tuorum: tumultus insurgentium contra te ascendit semper.*

17 *Recordare eius.* Postquam vnā Dei potentia & virtute animos piorum extulit Propheta, nunc ad precationis suæ contextū reuertitur. ac primū expostulat quod hostes impune Deo maledicant. Loquutio autem emphatica est, quū dicit, Recordare huius: sicuti etiam non leue crimen est, sacrum Dei nomen ludibrio habere. Ex opposito dicit homines nihili aut vefanos ita petulanter probra sua contra Deum iactare. 722 enim non modò stultum significat, sed etiam flagitiosum ac turpem.

Quare merito Propheta, Dei contemptiores populū nequā vel nihili appellat.

19 *Ne des bestie.* חיה interdum animam Hebræis significat, & quidam ita interpretantur paulo post hoc eodem versu. Hic certum est pro fera bestia, vel pro multitudine accipi. Vtrius modo sumere placeat, aptissimū erit comparatio inter animam imbellis timidæque auiculæ, & robustum exercitū, vel crudelem feram. Comparat enim Ecclesiam turturi: quia etsi in aliquo numero erant fideles, longè tamen im- pares

pāres erant suis hostibus: imò in prādā erant expositi. Postea addit, *ne obliuiscaris animæ*, vel congregationis pauperū tuorum. Repetitur enim nomen **יהוה**, ac gratia non caret quod propter ambiguitatem diuerso sensu positum est. Cōgregationē tamen vettere malui quā animam: quia videtur orare Propheta vt contra ingentes hostium copias Deus pusillum suum gregem custodiat & tueatur. Quo autem magis ad misericordiā flectatur, ad sēderis memoriam eum reuocat Propheta: sicuti hoc perpetuum sanctis asyllum fuit in summis periculis, salutem sperare, quia pepigerat Deus se fore illis in patrem. vnde etiam colligimus non alia futura solidē niti preces nostras, nisi quia Deus gratuita electione nos sibi in populum adoptauit. Vnde etiam apparet quā diabolicus fuerit furor impuri canis Serueti, qui nō dubitat ineptum & stultum lusum vocare, quòd suas Deo promissiones inter precandum obliuiscimus. Ac iterum admonent fideles quā dura ipsos necessitas vrgeat, quia scilicet vbique grassetur violentia & oppressio, ac si loca omnia essent spoliaria & cauernæ latronū. *Oscuitates* autem terræ intelligit, quia vbi Deus faciem suam abscondere videtur, improbi sibi latebras ad quoduis scelus vbique esse putant.

21 *Ne reuertatur.* Istud reuerti, quia relationem habet ad Deum, tantumdem valet ac vacuum discedere. Petunt igitur

tur fideles ne repulsam passi pudeant. Vocant autem se afflictos, pauperes, & inopes, quo sibi misericordiā cōcilient. Notandum tamen est, neque fictē ipsos loqui, neque hyperbolicē aggravare suas miseras: sed tot cladibus fuisse deiectos, vt nihil opis in mundo residuum esset. Quo exēplo monemur, vbi maxime deiecti sumus, egestati nostræ paratum esse remedium in Dei inuocatione.

22 *Surge Deus.* Iterum rogant fideles vt tribunal conscendat Deus. Surgere enim dicitur vbi post longam tolerantiam re ipsa ostendit se officii sui minime oblitum. Porro vt animosius causam hanc suscipiat, eum implorant iuris sui vindicem: ac si dicerent, Domine quia hęc res tua & negotium agitur, non est cessandi locus. Quomodo autem causa hęc sit Dei propria, simul declarant, quia stultorum opprobriis quotidie subiaceat. Quanquam **הוה** hęc iterum *homines nihili* vertere licebit. Mali atrocitatem amplificat circumstantia, quòd ludibrio vno non contenti, suas subfannationes assidue continuant. Ideo concludunt, ne huius proteritiæ obliuiscatur Deus: quia non modò obloqui audent eius maiestati, sed ferociter & tumultuose blasphemias suas euomunt. Etsi autem obliquē id facere videntur, quia tamen Deum vilipendunt, ideo instar Gigantum cæco fastu contra Deum insurgere, & eorum altitudinem sine modo efferrī dicit.

### ARGVMENTVM PSALMI LXXV.

Communis est Ecclesiæ gratulatio, dum reputat solo Dei arbitrio gubernari mundum: se verò eius gratia & virtute sustineri. Quæ fiducia superbis Dei consemptoribus insultat, quos resana sua temeritas ad effrenam licentiam præcipites agit.

Psalmus LXXV.

**P**resētō, *Ne perdas, Psalmus Asaph, Canticum.*

2 Celebrabimus te Deus, celebrabimus, & propinquum nomen tuum: narrabunt mirabilia tua.

3 Quum assumpsero cætum, ego recta iudicabo.

4 Dissoluta est terra & omnes incolæ eius, ego stabiliam columnas eius. Selah.

5 Dixi insanis, Ne insaniatis: & impiis, Ne attollatis cornu.

6 Ne attollaris in altum cornu vestrum: ne loquamini

Gallia

*collo duro.*

7 *Quia neque ab Oriente, neque ab Occasu, neque à Deserto sunt exaltationes.*

8 *Quia Deus index est: hic humiliat, & hic eleuat.*

1 *Ne peras.* De hac inscriptione dixi quātum satis erat Psalmo 57.1. De authore non admodum laboro. Siue fuerit Dauid, siue alius quispiam, statim ab initio Propheta se in gaudium & gratulationem effundit. Et repetitio emphatica est ad exprimendum studii amoreto in canendis Dei laudibus. Etsi autem verba sunt prateriti temporis, ratio tamē postulat in futurum tempus resolui: quod apud Hebræos satis tritū est. Nisi forte commemoret Propheta, Deum olim ob beneficia quæ præstitit, laudatum fuisse in populo suo: vt hoc modo eum ad perseuerantiam inducat, vt sui similis esse pergens, subinde noua laudum argumenta suppeditet. Mutatio persona in secundo membro quosdam Interpretes impulit ad subaudiendum pronomen relatiuum **יוֹמָא**. ac si dictū esset, Domine celebrabimus te, & nomen tuum prope est iis qui narrant mirabilia tua. Ego autem non dubito quin Propheta indefinēte posuerit verbum *narrabunt*, & copulam vsurpauerit vice causalis copulæ, vt sæpe fieri solet. Sensus igitur hoc modo optimē fuit, Confitebitur tibi Deus, quia propinquum est nomen tuum: ideoque referentur mirabilia tua. Eosdem enim haud dubiè præcones fore dicit mirabilium Dei, quos dixerat celebraturos eius laudem. Et certè Deus, virtutem suam exerendo seruis suis os aperit ad enarranda sua opera. In summa, intelligit iustam laudandi Dei materiam suppetere: quia se ostendit præsto fore ad opem suis ferendam. *Nomen* Dei pro potentia sumi satis notum est: *presensia* verò eius vel propinquitas censetur ab auxilio quod in necessitate offert seruis suis.

3 *Quum assumpsi.* 10. **יוֹמָא** Hebræis locum vel diem condicere significat: nomen verò **יוֹמָא** ex eo deductum quo hic vtitur Propheta, tam sacros conuentus quàm dies festos, eorum etiam in Dei nomine collectū significat. Porro quum certum sit, Deum hic loquentem induci, vterque sensus non malè

quadrat, quòd Deus assumpto populo suo res dissipatas reuocaturus sit in legitimum ordinem: vel quòd opportunum iudicandi tempus sibi sumpturus sit. Nam populum suum ad tempus exponens hostidini, videtur eum negligere: quem admodum si grex absque pastore dispersus vegetur. Remedium ergo promittere volens rebus confusis, meritò ab Ecclesiā collectionis incipit. Si tamē magis placeat de tēpore intelligere, hac voce admonet Deus patienter ferendū esse, dū re ipsa declaret venisse maturū tēpus corrigēdi vitia: quia solus ipse annos & dies in potestate habeat, & optimè teneat articulos & momenta. Et certè huc magis inclino, Deum arbitrio suo subiicere quod liberat ab se homines raperent, nempe finē & modum malis præficere, & tempestiuè, quum visum fuerit, surgere ad suos liberando. Quanquam prior etiam interpretatio de colligenda Ecclesiā mihi satis arridet. Absurdum verò videri non debet neque asperum, hic induci Dei personam, vt vicissim fidelium vōtis respondeat. Hac enim hypotyposis multo efficacior est quàm si simpliciter dixisset Propheta Deum tandem fore tempore suo Ecclesiā vindicem, vt dispersam & laceram colligat. Huc tēdit verborum summa. Quauis non statim opituletur suis Deus, nunquam tamen eorū obliuisci, sed remediū quod in prōptu est, differre in tēpus idoneū. *Relata* in dicare tantundē valet atque res turbatas & incōpositas adducere in meliorē statū: sicut dicit Paulus 2. Thess. 1.6, consensaneum esse iustitiæ Dei, relaxationē dare afflictiis: & qui innoxios affligunt, vicissim affligere. Deus ergo sui officii esse pronūtiat moderari res turbatas, & ad æquitatē cōponere, vt nos hæc expectatis in omnib⁹ miseriis sustineat ac soletur.

4 *Dissoluta est terra.* Hoc multi Interpretes propriè existimant competere in Christi personā, cuius aduētū cōcuti oportuit terrā cū suis incolis: quia scimus in hoc regnare vt veterē hominē abo-



beat, & spirituale eius regnum incipere à carnis interitibus tamen vt deinde se quatur noui hominis instauratio. Quò etiam referunt secundam partem versus, *stabilitam columnas eius*: ac si Christus diceret, Simulatque in medium prodiero, terra cum suis incolis liquecet ac soluetur: sed mox eam firmis ac solidis futuris stabiliam, quia electi Spiritu meo renouati, non amplius herbis vel emarcidis floribus erunt similes, sed præditi noua & insolita firmitudine. Atqui non puto hanc argutiam venisse Prophetæ in mentem, ideòque simpliciter interpretor, quauis dissoluta sit terra, in Dei tamen manu esse eius futuras Cohæret enim hic versus cum superiore. Confirmat enim Deum opportuno tempore æquum & rectum fore iudicem: quia facile ei sit, etiamsi tota mundi machina conderit, reparare omnes eius ruinas. Interea non dubito quin respexerit Propheta ad ipsam rerum naturam. Quauis enim locum infimum cælestis circumferentiæ occupet terra, quibus tamen fundamentis nititur, nisi quòd suspensa est in medio aere? Deinde quum tot aquæ penetrent per medias eius venas, annon ipsa quoque diffunderet, nisi arcana Dei virtute stabiliretur? Cæterum Propheta ad naturam alludens, alius tamen conscendit: quauis collapsus sit orbis, penes Deum esse dare nouam firmitatem.

5 *Dixi insani.* Postquam sibi & aliis fidelibus Dei officium ante oculos statuit, nunc de impiis omnibus triumphat, quorum insaniam & cæcum furorē accusat: quia contempto Deo sese intemperanter efferant. Pendet autem sancta hæc instantia, ex iudicio quod instare denuntiavit in persona Dei: quia dum fideles Deum expectant iudicem, breuique affore persuasi sunt, inter medias oppressiones non desinunt gloriari. Etsi enim furor ex impiorum insania ebulliens, fluctus ad eos mergendos proiecit, sufficit tamen Dei manu salutem suam protegi, cui facile est subigere omnem fastum, & compescere temerarios conatus. Nam contemptim derident fideles quicquid moliantur impii atque agitant, desistere iubent ab insania, quia hoc modo significant frustra eos tumultu-

uari, vt furiosos homines æmentia huc & illuc impellit. Notandum est verò quòd superbiam facit audaciæ causam vel matrem, sicuti omnino verum est, non ita præcipitanter ruere homines, nisi quatenus exacerati superbia, sibi nimium arrogant. Quia verò moribus hic non facile euellitur ex cordibus hominum, secundo reperitur, *ne attollant cornu suum in sublime*. Deinde ne præfractè loquantur. hoc enim per *collum pingue* vel durum intelligit: quia fastuosi homines rigida ceruice minas suas efflare solent. Alii vertunt, Ne loquamini duriter collo. Sed altera interpretatio verior.

7 *Quia neque ab Oriente.* Optimum corrigendæ superbiæ remedium, dum admonet Propheta, altitudinem non à terra esse, sed à solo Deo. hoc enim vt plurimum perstringit hominum oculos, vbi dextram & sinistram partē circumspectiunt, & vndique contrahunt opes & subsidia, quibus freti libidinem suam expleant. Quia ergo extra mundum non egrediuntur, Propheta longè eos errare affirmat: quia altitudo & deiciō in sola Dei manu posita sint. Videtur quidem cum experientia communis hoc pugnare, quòd maior pars mundi vel astutia sua, vel gratia & fauore populi, vel alijs terrenis medijs ad summos honorum gradus perueniat. Videtur etiam frigida esse causæ redditio, quòd Deus sit iudex. Respondeo, quauis multi vel malis artibus, vel mundi adiumentis in altitudinem conscendat, hoc tamen non accidere fortuito: sed arcano Dei consilio sic attolli, vt mox quasi quisquilias vel paleam disiciat. Iam non simpliciter iudicium Deo tribuit Propheta, sed quale illud sit definit: nempe vt hunc deiiciens, & illum exaltans, res humanas prout visum est ordinet. Dixi autem, hac ratione optime humiliari sublimes animos, quia hinc profanis hominibus audendi licentia, quòd Deum cælo includunt, nec se arcana eius prouidentia frænari reputant. Denique abrogant Deo imperium vt libidini suæ vacuum & liberum cursum reperiant. Ergo vt sobriè & modestè in gradu nostro quiescere discamus, iudicium Dei vel gubernandi mun-

di ordinem clarè definit, quòd penes eum sit ex hominibus attollere quos visum est, vel deicere. Vnde sequitur, eos omnes qui expansis vanitatis suæ alis ad aliquam altitudinem temerè aspirāt, quantum in se est, Deo ius suum & potestatem eripere : idque faciliè apparet non modò ex temulentis consiliis, sed etiam sacrilega iactantia, Quis me impedit? quid mihi obstat? Quasi verò Deo promptum non sit, solo nutu mille obstacula repentè obicere ad frangendos eorum imperus. Sicuti autem prophani homines sua temeritate & peruersis consiliis Deum spoliare Regis honore conantur : ita quoties nimium ad illorum minas trepidamus, infidelitas nostra Dei imperium malignè restringit, simulac increpuit aliquis motus, non aliter expauescimus, quàm cælesti fulmine percussa, tanta consternatio satis declarat nondum nos probè tenere quid sit mundum à Deo gubernari. Puderet quidem nos eum spoliare

titulo iudicis: imò omnium ferè animà horrent ad hanc blasphemiam : sed vbi naturæ sensus hanc confessionem nobis extorsit, Deum esse mundi Iudicem, ac Regem, otiosum nescio quod imperium imaginamur, ac si humanum genus manu & consilio suo non regeret. Cæterùm qui principium hoc tenuerit, Deum statuere de cunctis mortalibus quod visum est, vt singulis fortunā ipse singat, non subsistet in terrenis mediis. Vñs autem huius doctrinæ est, vt se fideles Deo totos subiciant, nec fallaci confidentiæ vento se efferant. Vbi autem viderint impios proteruire, contemnere non dubitent stultam & vesanam eorum confidentiam. Quanquā autem summa est imperii potestas penes Deum, vocatur tamen Iudex, vt sciamus optima æquitate res humanas ipsū moderari. Hinc fiet vt quisque ab omni iniuria & maleficio abstinens, iniuste læsus, ad Dei tribunal confugiat,

9 *Quia calix in manu Iehouæ, & vinarum faculentum impletusest mistione, & effundet ex eo: utique faces eius expriment, bibent omnes scelerati terræ.*

10 *Ego verò annuntiabo in perpetuum, psallā Deo Iacob.*

11 *Et omnia cornua impiorū cōfringā, exaltabūtur cornua iusti.*

9 *Quia calix.* Iudicium illud cuius nuper meminit, propius accommodat in vsum piorum. Deum enim regnare affirmat, nequa iniquitas maneat inulta: sed vbi lasciuiuerint scelerati homines, eos ad pœnas quas meriti sunt, trahat. Vnde iterum colligimus qualiter reputanda sit nobis Dei prouidentia, nempe quæ singulas vitæ nostræ partes præfenti virtute moderetur. Dicit igitur calicem esse in Dei manu, quo sceleratos inebriet. **וַיִּיבֶרֶת** tam faculentum quàm rubrū significat. sed quia vinum rubrum apud Hebræos fortissimum & acutissimum erat, aptè conuenit hæc similisud, vinum fumosi saporis esse in Dei manu, quo impios extialiter inebriet. ac si diceret incredibilē vindictæ Dei celeritatem esse, sicut forte vinum citò & validè in cerebrum penetrans, vel furorem generat, vel febrem accendit. Dicit ergo vinum in calice Dei rubescere, sicut in Prouerb. dicitur, ca. 23. 1,

Ne respicias vinū quū rubescit in vitro. Nec obstat quod paulo pòst adiungit *mistionem*: quia non malè inter se conueniunt hæc duo, vindicta Dei citò inebriari impios, & eam ebibere vsque ad facē donec intereāt. Nā qui nomen Mistionis aliò trahunt, quòd in calidis regionibus soleāt vinū diluere, nimis dilutè loquuntur ipsi. Porius augēdi causa hoc esset additū, vt vino aromatico conferat Propheta vehementiā iræ Dei ac feruorem. Significat autem his figuris Propheta, non posse impios effugere quin sugendo ad vltimā vique guttam, calicem ebibant à Deo propinatum.

10 *Ego verò annuntiabo.* Hæc Psalmi clausula ostendit fideles sibi gratulari quòd Deum in rebus suis aduersis liberatorem experti sint. Videtur enim propriam experiētā notare in narratione & cāuco. Hinc etiā colligunt se Dei auxilio fracturos quicquid erit potentia in reprobis : se verò iustitia & æqui-

equitate satis ad tuendam suam salutem fore instructos. Nam exaltari cornua iusti tantundem valet ac si dixissent, filios dei

probe & innoxie viuendo, plus sibi prae fidii acquirere, quam si per omne seculum emergere studerent.

## ARGVMENTVM PSALMI LXXVI.

*Illic celebratur Dei gratia & veritas, quod se vrbis Hierosolyma custodem fore pollicitus, incredibili potentia eam aduersus bellicosos & valide instructos hostes defenderis.*

*Psalmus LXXVI.*

**P**raefecto in Neguinoth, Psalmus Asaph canticum.

2 Notus in Iudea Deus, in Israel magnum nomen eius:

3 Et fuit in Salem tabernaculum eius, & habitatio eius in Sion.

4 Illic fregit sagittas arcus, clypeum, & gladium, & bellum Selah.

5 Illustris, tu terribilis praemontibus praeda.

6 Spoliati sunt robusti corde, dormierunt somnum suum & non inuenerunt cuncti homines fortitudinis manus suas.

7 Ab increpatione tua Deus Iacob, sopiti sunt currus & equus.

1 Praefecto in Neguinoth. Probabile est Psalmum hunc longè post mortem Davidis fuisse compositum: ideoque putant nonnulli historiam liberationis describi quae contigit sub rege Iosaphat contra Ammonitas. Ego autem in diuersam partem magis inclino. nam Assyrii duce Sennacherib, non modo Iudaeam ingressi sunt, sed urbem ipsam, regni caput, violenter aggressi: Et scimus quam mirabiliter soluta fuerit obsidio: quum horribili clade per manum Angeli, Deus exercitum illum nocte vna deleuit, 2. Reg. 19. 35. Vnde non abs re dicit Propheta Deum illic fregisse sagittas, gladios & clypeos. Hoc tamen praecipue cognitu necessarium est, perpetuam Dei curam in tuenda quam elegit Ecclesia hic laudari, vt de eius protectione fideles gloriari non dubitent.

2 Notus in Iudea Deus. Initio Psalmi admonet Propheta non humanitus esse factum vt hostes discesserint irriti, sed memorabili Dei auxilio. Vnde enim notitia Dei, & magnitudo nominis, de quibus loquitur, nisi quia Deus manum suam inusitato modo exeruit vt palam constaret sub eius patrocinio & tutela esse urbem & populum? Dicit

igitur Propheta palam apparuisse Dei gloriam, hostibus tali miraculo prostratis. Sequenti versu rationem assignat cur Assyrii profligatis, urbem istam Deus asserere actueri dignatus sit: quia scilicet domicilium illic sibi delegerat in quo nomen suum inuocaretur. Summa est, non esse quod sibi homines in hac vrbis liberatione quam describit, quicquam arrogant, quia magnificè innotuit Deus: & manum suam è caelo conspicuam protulit. Deinde nonnisi gratuita electionis suae respectu adductum fuisse Deum vt se hostibus eius opposuerit. Iam quia illo documento testatus est quam inuictum sit suum robur in seruanda Ecclesia, fideles hic hortatur Propheta, vt sub umbra eius securè quiescant. Nam si Deo pretiosum est nomen suum, non vulgare est fidei pignus, dum audimus ipsum virtutis suae magnitudinem in Ecclesiae suae salute velle cognosci. Porro quum Ecclesia insigne sit gloriae Dei theatrum, sedulo semper cauendum est ne beneficia in eam collata, praecipue quorum memoria vigere debet omnibus seculis, ingratitude nostra obruat. Ceterum quanuis nunc in tabernaculo visibili non colatur Deus, quia ta-



men per Christum in medio nostri & in nobis ipsis habitat, experiemur haud dubiè quoties opus fuerit, nos sub eius protectione saluos ac tutos esse. Nam si terrenum Sacramentum Hierosolymæ salutem attulit, non minorem hodie curam nostri geret quos in templa sibi eligere dignatus est in quibus per Spiritum suum habiter. Simplex vrbis nomen hic ponitur, quod antiquum fuisse apparet ex capite Genesis 14. 18. Quidam successus poris compositum fuisse nomen existimant, quasi Iebusalem: quia nomen hoc postea medio tempore obtinuit, sicut patet ex Iudicum cap. 9. 10, quod eam incoherent ac tenerent Iebusæi. Rectior tamè est etymologia à verbo *וָיָסַד* quod est videre, quia dixerat Abraham, Deus sibi sacrificium videbit, Gen. 22. 8.

4 *Illic confregit.* Definit qualis fuerit illa Dei notitia, nempe quæ admirabile virtutis suæ Specimen in vrbeferuanda edidit. Porro sub figuris describitur hostium profligatio, quia denique aliter non poterant nisi armis spoliarentur. Dicit igitur *fractas fuisse sagittas, gladios & clipeos*, omnesque machinas bellicas: quia impiis erepta fuit vis nocendi. Quam autem telis integris cassi & extincti fuerint, non tamen male conuenit hæc metonymia. *וַיִּשְׁבְּטוּ* quidam vertunt cuspides. Proprie vertendum esset, ignes: sed rectius est pro sagittis accipi. Nam & aues metaphorice interdum sic vocantur propter celeritatem. Sagittis autem tribuntur volatu. Psalmo 91. 6. *lā addit Deum & illustrem esse & terribilem præ montibus præda.* quo nomine violenta & prædatoria regna designat, sicut ab initio scimus, quo quisque plus valebat latrocinando, fines suos magis ampliasse. Magnos ergo illos Reges, qui sibi ampla dominia per vim & iniustas cædes acquisierant, comparat feris bestiis quæ viuunt ex rapto, & eorum regna syluosis montibus, quos bestię ad prædas as-

sueta occupant. Quauis ergo hostes Hierosolymæ violenter grassari solui essent, Deum tamen supra omnes longè excellere Propheta affirmat, ne terroribus succumbant fideles.

9 *Spulsi sunt.* Alia loquendi forma extollitur Dei virtus in hostibus per dendis. Verbum quo vitur deductum est à *שָׁלַח*, & *נָחַ* ponitur loco *וְ*. Nam quod alii infatuatos vertunt, coactum est. Quanquam fateor tantundem valere ac si dixisset consilio & fortitudine fuisse priuatos. Sed tenenda est verbi proprietates. Eodem spectat quod additur secundo membro, viros *robustos non inuenisse manus suas*, hoc est, nihilo magis ad pugnandum fuisse idoneos, quàm si mutili & truncati fuissent eorum manus. Summa est, vires quibus gloriabantur fuisse prostratas. Eodem pertinet quod dicit *dormisse somnum suum*, hoc est, quum prius essent alacres & strenui, ignavia & torpore fuisse quasi sopitos. Spoliati ergo dicit fuisse hostes heroica illa virtute quæ iactabatur, & quæ ratum dabat audaciæ, vt neq; mēs, neq; cor, neque reliquæ partes officium suum fecerint. Quibus verbis admonet in manu Dei esse quicquid facultatis suppetere videtur hominibus, vt singulis momentis quam dedit prudentiam eripere queat, corda effeminare manus reddere imbelles, totumque robur contere. Ac consilium extollitur, tam animositas quàm potentia hostium, vt discant fideles ex opposito attollere Dei virtutem. Eandem sententiam rursus confirmat, dicens *sprios fuisse currum & equum ab increpatione Dei*: ac si diceret, quicquid agilitatis erat in hostibus, solo Dei nutu fuisse deiectum. Ergo vt nos omnia subsidia destituant, sufficiat nobis vnica Dei fauor, quando non opus habet magnis copiis ad repellendos totius mundi impetus, sed solo flatu discutere eos potest.

8 *Tu terribilis, tu, & quis consistet coram facie tua, ex quo ira tua?*

9 *E calis audire fecisti iudicium: terra tremuit, & quieuit,*

10 *Quæ exurgeret ad iudiciū Deus, ad seruandū omnes*

*mansuetos terræ. Selah.*

11 *Certè indignatio hominum confitebitur tibi, residuum indignationum ligabis.*

12 *Venete & reddite Iehouæ Deo vestro: quicunque in circuitu eius sunt, afferant munus terribili.*

13 *Videmiabit spiritum Principum, terribilis Regibus terra.*

8 *Tu terribilis, tu.* Repetitio nominis exclusivam particulam in se continet: ac si dixisset, quicquid est in mundo potentia, facile efflari & concidere in nihilum vbi Deus: in medium prodit: itaque meritò ipsum solum esse formidabilem. quod etiam confirmat comparatio mox addita. Significat enim, quavis superbia crepent impii, Dei tamen conspectum minimè eis fore tolerabilem. Sed quia interdum dissimulat, videturque otiosus spectator, disertè exprimit Prophetæ, simulac irasci cœperit, omnibus impiis ruinâ instare. Quavis ergo ad tempus non modò consistant, sed etiam furore suo, transcendant nubes, expectandum esse admonet Prophetæ iræ tempus. Notemus etiâ, terrorem hunc ita denuntiari impiis, ut suaviter ad Deum alliciat fideles.

9 *Ex ælis.* Cælorum nomine emphaticè exprimit illustrius fuisse Dei iudicium, quàm ut potuerit vel fortunæ vel hominum industria ascribi. Aliquândo enim iudicia sua obscurè exequitur, ac si è terra emergerent. quemadmodum si pium & cordatum suscitet Principem, sancta & legitima quæ vigeat gubernatio, iudicium Dei erit: sed non videbitur pleno fulgore cælus oriri. quia ergo insolitum fuit hoc genus auxilii, peculiari elogio insignitur. Huc etiam pertinet *Auditus*: quia plus est clarè resonare tanquam aliquod tonitru Dei iudicia, & suo fragore omnium aures percellere, quàm si oculis cernerentur. Nec verò dubito quin ad concussionem illam alluserit Prophetæ, quæ homines metu attonitos reddit. Nam quod terram quievisse dicit, ad impios propriè refertur, qui expauescunt palmam Deo concedunt, neque audent amplius suo more tumultuari. Quia ergo solo metu coguntur in ordinem, meritò silentii

causam, timorem ponit: non quia spòte se contineant, sed quia Deus inuitos cōstringit. Summa est, vbi detonat è cælo Deus, cessat è tumultus quo rebus confusis excitatimpiorum protervia. Simul tamè admonet quid proficiant sua peruvicacia homines: quia fulminibus conteri necesse erit quicunque paternâ Dei vocem cum strepitu contempserint.

10 *Quum exurgeret.* Nunc declarat quorsum iudicium illud: nempe ut specimè ederet Deus paterni erga pios omnes amoris. Deum ergo non ore, sed manu loquentem inducit, ut palam ostendat quàm illi chara sit piorum salus. Surgendi verbo ad cessationem respicit, unde tantum sibi licetia sumperat improbi. dicitur enim tribunal consēdere, vbi claro effectu ostendit sibi curæ esse Ecclesiam. Huc enim tēdit Prophetæ consilium, non magis fieri posse ut Deus miseros & innoxios deserat, quàm ut seipsum abneget. Notandum enim est, Deum vocari Iudicem, ut pauperibus iniuste oppressis succurrat. Nam *mansuetos terræ* vocat fideles, qui afflictionibus domiti, nihil altum spirant, sed suppliciter gemendo, crucis onus placidè tolerant. Hic enim optimus est afflictionum fructus, animos nostros ferocia purgatos, ad mansuetudinem ac modestiam flectere: quia inde certò colligimus, nos Dei clientes esse quibus opitulari velit.

11 *Certè indignatio.* Quidam intelligunt, hostes, vbi Deo succubuerint, victoriæ laudem ei daturos: quia fateri cogenur se fractos fuisse potenti eius manu. Alii subtiliorem sensum eliciunt, Dū impios suscitât Deus, & rabiem ipsorum impellit, magis hoc modo illustrare suam gloriam. sicuti Pharaō in hoc fuisse excitatus dicitur, Exod. 18. 4, Rom. 9. 17. Et si autem hic sensus con-

gnet vtilem doctrinam, quia tamen ve-  
reor ne sit nimis argutus, simpliciter  
accipio, Quauis initio hostium furor  
omnia perturbans, quasi tenebras obdu-  
cat, tandem cessurum in laudē Dei: quia  
euentu palam fiet, quicquid moliantur,  
nihil tamen posse contra Deum. Post-  
rior etiam pars versus bifariam potest  
accipi. quia enim verbum **וְיִתֵּן** cinge-  
re significat, quidam subaudiunt pronomen  
te, hoc sensu, Quauis nōdum pro-  
fligati sint omnes Ecclesiæ hostes, tu  
tamen Deus ad perdendos quicunque  
residui sunt, te accinges. Verū simpli-  
cior est altera interpretatio, Quauis  
non desinant hostes truculentiam spi-  
rare, tu tamen impedies ac constringes,  
ne exequantur suos conatus. Non malè  
etiam fortè quadraret, Tu colliges in  
fasciculū, sicuti Gallicè dicimus *trousser*.  
Discamus ergo dū obnubilant impii im-  
periū Dei, patienter expectare, dum læ-  
tiore successu seipsum glorificet Deus,  
& cum ludibrio vesanam eorum auda-  
ciā conterat. Quod si subinde emergāt  
nouī motus, veniat nobis in mentē, pro-  
prium esse Dei munus reliquias indi-  
gnationum constringere, ne se longius  
diffundant. Interea ne miremur subinde  
pullulare novos furores, quia vsque ad  
finem mundi semper habebit Satā quos  
ad vexandos Dei filios instiget.

12 *Vouete* iam ad gratitudinē fi-  
deles hortatur. Quia autem sub Lege  
pro singularibus Dei beneficiis voue-  
bant sacrificia, quibus confitebantur salu-  
tem suam, Deo se acceptam ferre, ad  
hunc pietatis cultum eos reuocat Pro-  
pheta. ac *reddendi* verbo constantiā de-  
signat, ne scilicet in subitam confessio-  
nem erumpant solū, sed continuo tē-  
poris successu restentur penitus infixam  
esse cordibus suis liberationis memoriā.  
Præcipuum quidem est vt apud se repu-  
tent Deum esse salutis authorem: sed nō  
superuacua est solennis pietatis profes-  
sio, qua non modò se quisque ad officiū  
stimulat, sed alii alios. Secundo mem-  
bro videtur vicinas etiam Gentes allo-  
qui: ac si diceret, speciem hanc gratiæ

dignam esse quā ab exteris & incircū-  
cis Gentibus celebretur. Mihi tamen  
aptius esse ad Prophetæ mentem vide-  
tur, compellari vel Leuitas, vel omnes  
Abrahæ posteros: quorum vtrique non  
abs re dicuntur *esse in Dei circuitu*: quia  
& tabernaculum in medio castrorum lo-  
catum erat quandiu in deserto peregrin-  
nati sunt Israelitæ, & statio arcæ dele-  
cta fuit in monte Sion, vt vndique illuc  
confluerent. Leuitis autem seruādi tem-  
pli partes mandata erant, vt in circuitu  
agerent excubias. Particulā **וְיִתֵּן**  
maior pars Interpretum ad Deū refert:  
ita esset nomen toar. Quamquam *timoris*  
nomen passiuè pro Deo ipso interdum  
sumitur. Si ad Gentiles & profanos ho-  
mines referas, sensus erit, tributarios fo-  
re Deo: quia metu perterriti non aude-  
bunt amplius resistere. Sed magis pro-  
babile est, nomen hoc ad Deum trans-  
ferri, quem Propheta iure metuendum  
esse dicit post illud tam nobile virtutis  
specimen editum.

13 *Vindemiabit*. Quia verbum  
**וְיִתֵּן** Hebræis nonnunquā roborare si-  
gnificat, quidam ita vertendum putant  
hoc loco. Sed quum duplicatio sit eiūs-  
dem sententiæ, non dubito priore mē-  
bro Prophetā intelligere Principibus  
auferri mentem & prudentiam: deinde  
in genere exprimi Deum illis esse ter-  
ribilem, quia ex sua altitudine eos dei-  
ciat præcipites. Quoniam autem princi-  
pium rei bene gerendæ, sanum est consi-  
lium, quo sæpe indigent fideles, quia in-  
ter suas angustias perplexi hærent, dum  
impii in suis astutiis nimis sunt perspi-  
caces: hīc Propheta in manu Dei esse  
pronuntiat spiritum priuare & excæcare  
qui videntur præ aliis acuti. Et quia ma-  
ior ferè Principum numerus Ecclesiæ  
Dei insensus est, diserte exprimit Pro-  
pheta satis esse in Deo terroris ad subi-  
gendos totius orbis Reges. Quod tamē  
illis eripi ac vindemiari spiritum dicit,  
restringi debet ad tyrannos, & prædo-  
nes quos infatur Deus: quia videt inge-  
nium & consilia omnia ad nocendum  
applicare.

#### ARGVMENTVM PSALMI LXXVII.

*Quisquis fueris auctor Psalmi, videsur Spiritus per os eius communem precandi formam pro afflictā  
Ecclesia dīnisse, vt in sauisimīs quibusque persecutionibus vasa sua nihilominus in calum dirigerent. Neque  
enim*



*Sim priuatus vnus persona dolor, sed electi populi gemitus, & lamentatio hic exprimitur. Redemptionem verò semel factam pradicant fideles, quia monimentum erat perpetua Dei gratia: vt hoc modo se animent, & melius conseruent in studio precandi.*

*Psalmus LXXVII.*

**P**reſecto ſuper Ieduthun *Psalmus Aſaph.*

2 *Vox mea ad Deum, & clamaui: vox mea ad Deum, & exaudiuit me.*

3 *In die afflictionis mea Dominum quaſiui: manus mea nocte effuſa eſt, & nō ceſſauit: renuit conſolationē anima mea.*

4 *Recordabor Dei, & inquietus ero: meditabor & mœrore opprimeretur ſpiritus meus. Selah.*

5 *Tenuiſti vigilias oculorum meorum: contritus ſum, & non loquar.*

6 *Recenſui dies antiquos, annos ſeculorum.*

7 *Recordabor carminis mei nocte: cum corde meo meditabor, & inueſtigabit ſpiritus meus.*

2 *Vox mea ad Deum.* Non puto nudam eſſe querimoniam, ſicuti ſentiunt quidam Interpretes: quaſi mirentur fideles, Deum, qui prius annuere ſolitus fuerat eorum votis, nunc ſurdum eſſe, & ſine proſectu inuocari. Mihi magis probabile eſt, vel de præſenti ſuo affectu Prophetam loqui: vel repetere memoria quàm propenſum & facilem ad preces ſuas exaudiēdas Deū expertus eſſet. Ego autē libēter huc inclino, Prophetā referre quanto mœrore torqueatur: ac meo iudicio, tā præterito quàm futuro verborum tempore continuū aſtūdeſignat. Primò autem narrat non ſe temere eiulaſſe in aerem, vt multi ſine ratione intemperiem doloris effundunt. ſed rectā ſe ad Deum ſermōnem vertiſſe quum neceſſitas clamorem exprimeret. Nam copula quæ adiungitur verbo *Clamandi*, in aduerbium temporis reſolui debet. Dum clamaui, vox mea ad Deū proſecta eſt. Simul etiam oſtendit non fuiſſe ſibi excuſſam peſſeuerantiā, quāuis ſæpius iterandi eſſent clamores. Quod continuò poſt additur, fidei confirmatio eſt. Copula enim, vt ſæpe aliàs, vice aduerbii cauſalis ponitur. quaſi diceret, Ego ad Deum clamo: quia mihi propitiuſ & exorabilis eſſe ſolet. Proximo verſu clariuſ exprimit quàm grauis & dura tunc fuerit Eccleſiæ oppreſ-

ſio. Quamquam in verbis nonnulla eſt ambiguitas. ¶ metaphorice interdum ſignificat vulnuſ: ideo hunc ſenſum eliciunt multi Interpretes, Vulnuſ meum diffluxit nocte, & non ceſſauit. hoc eſt, ſanies non fuit exinanita vt ſiſtatur fluxio. Atqui potius in genuino ſenſu *manum* accipio, quia verbum ¶ ¶ ¶ quo vtitur, non modò diffluere, ſed etiā difſundi vel extendi ſignificat. Iam quum ſe in die afflictionis Deum quaſiſſe, & manus ſuas ad eum extētas nocte fuiſſe dicit, hæc diſtributio denorat continuū tempus: acſi diceret, inſatigabili ſtudio ſe ad preces fuiſſe intentum. Clauſula verſus aduerſatiuē legi debet, *Quauis* anima Prophetæ nullum ſolatiū ad leniendos cruciatus inueniat, ipſum tamē manus ad Deum tendere. Atque ita cū deſperatione luſtari nos deceat, vt dolor licet inſanabilis, ianuam tamen votis noſtris minimè præcludat.

4 *Recordabor.* Pluribus verbis doloris ſui vehementiam, & ſimul mali grauitatem exprimit. Nam quod vnicum erat remedium ſedandæ mœſtitiæ, ſibi inquietudinis fuiſſe cauſam deplorat. Abſurdum quidem videri poſſet, turbari Dei recordatione pias mentes: ſed ſimpliciter intelligit Prophetā, quauis Dei recordatus ſit, non tamē ſanatā fuiſſe ſuam anxietatem. Fit quidem

sæpe vt tormentum piis augeat Dei recordatio in rebus aduersis, vbi scilicet iratum sibi & infensum concipiunt. Sed non intelligit Propheta cor suum nouis agitationibus percussum fuisse quoties memor erat Dei: tantum conqueritur nulla Dei consolatione se fuisse peccatum, quæ grauissima est tentationis species. Incredulos diris tormentis cruciari mirum non est: quia quum à Deo recedere studeant, iustas defectionis suæ pœnas luunt. Sed vbi Dei recordatio, vnde malis nostris lenimen quarimus, animos nostros non tranquillat, videtur nobiscum ludere. Atqui docet hic locus, vt cunque fremitu, mœrore, tumultu pleni simus, inter hæc tamen obstacula pergendum esse in Dei vocatione. Eodem pertinet proximus versus, vbi dicit totas noctes se peruigiles duxisse, quod Deus nihil relaxationis daret. Quia enim nox in plures vigilias solebat distribui, metaphorice custodias vocat assiduam ægritudinem, quæ somno locum non dabit. Sed quum paulò antè dixerit se clamorosa voce Deum precari, nunc taciturnum se dicat, videtur species aliqua esse repugnantia. Hæc questio iam Psalmo 32, 3, soluta fuit: vbi docuimus fideles mœrore oppressos non seruare æquabilem statum, sed nunc erumpere in gemitus & querimonias, nunc, quasi præclusæ essent fauces, obmutescere. Quare non mirum est si Propheta se malis fatetur ita fuisse oppressum & quasi suffocatum, vt vocem non emitteret.

6 *Recensui dies.* Non dubiū est quin pristinae lætitiæ memoria dolorem suum mitigare conatus sit, sed profectū ram subito sensisse negat. Quanquā per dies initii & annos seculorum non modò breue vitæ suæ curriculum videtur notare, sed plures ætates complecti. Et certe fideles, non modò quæ experti sunt Dei beneficia, sed quæcunque omnibus seculis in Ecclesiam suam contulit, sibi in afflictionibus proponere & in animū reuocare debent. Quanquā ex contextu colligere promptum est, quum superiores Dei gratias in animum colligeret Propheta, à proprio experimento cœ-

pisse. Neque enim dubito quin per *examen suum* designet gratiarum actiones quibus se in rebus lætis & prosperis exercuerat. Etsi autem nullum est sanādis malis nostris aptius remedium, sicuti nuper dixi, Sutan tamen astutē nobis sæpe Dei beneficia suggerit, vt sensus ipse priuationis acrius animos nostros vulneret. Ideo verisimile est acerbis punctationibus lancinatum fuisse Prophetam, dum antea di temporis lætitiā cōferebat malis presentibus. *Noctis* autem disertē meminit, quæ plures curas & cogitationes generat, dum solitarii sumus, subductique ab hominum conspectu. Idem valet quod mox additur *meditari eum corde*: hoc enim affert solitudinem, vt se colligant homines, penitus seipsos excutiant, ac serio remotis arbitris secum loquantur. Posterius membrum versus septimi duplicem sensum admittit. Quia verbum *וַיִּחַן* masculinum est apud Hebræos, nomen verò *וַיִּחַן* fæmininū aliquando, quidam subaudiunt Dei nomen. ac si diceret, Domine nihil est tam absconditum in corde meo, quò non penetraueris. Et sanè propriè dicitur Deus scrutari hominis spiritum, quem expergefecit à torpore, viuisque tormentis examinat: quia tunc excutuntur latebræ omnes, & obscuri recessus, & in lucem protrahuntur affectus prius incogniti. Cæterum, quia ratio Grammaticæ patitur ambiguum esse genus nominis, liberius alii vertunt, Inuestigauit spiritus meus. Quam sententiam, vt magis recepta est & longè melius fuit, libenter amplector. In illa igitur disceptatione cuius meminit, scrutatus est quasnam ob causas tantopere affligeretur: deinde quis tandem foret exitus malorum. Et certè vtilis est hæc meditatio, ad quam nos etiam Deus rebus aduersis sollicitat: quia eorum socordia qui sub Dei flagellis obdurescunt, nihil magis peruersum est. Solū tenendus est modus, ne dolor nos absorbeat: deinde si omnia Dei iudicia peruestigare tentemus, abyssus nos obruat. Significat autem Propheta, quum hinc inde omnia colligeret, nihil solatii apparuisse ad placandum dolorem.

8 *An in secula repellet Dominus? nec adiiciet ultra vt sit.*

*sit benenolus.*

9 *An desit in aeternum clementia eius? consumptum est oraculum in generationem & generationem?*

10 *An oblitus est misereri Deus? an clausit in ira misericordias suas? Selah.*

12 *Et dixi, Occidere meum anni dextera Excelsi.*

8 *An in scula.* Hæc fuit haud dubie pars inquisitionum quas reuoluit in suo spiritu. Interca significat diuturno malorum tractu se propè fuisse confectum. Neque enim in hanc vocem prorupit nisi post longam tolerantiam, ut vix sperare auderet Deum aliquando fore propitium. Merito autè secum Prophetæ disputauit annon benenolus esse pergeret Deus: quia hac lege nos sua beneuolentia complectitur Deus, ut eâ usque in finem continuet. Porro non præcisè expostulat, sed potius secû ducteps, ratiocinatur à natura Dei, fieri non posse quin prosequatur gratuitum suum fauorem erga pios, quibus semel patrè se exhibuit. Iam sicuti ex gratuito Dei beneplacito deduxit quasi ex fonte quæcunque ex eius manu beneficia percipiunt fideles, ita paulo post adiungit bonitatem. acsi diceret, Quomodo cursum abruperet Deus paterni fauoris qui naturam exuere non potest? Videmus ergo ut bonitatis Dei obiectu, tentationum insultus repellat. Dum quærit *an consumptum sit eloquium*, vel oraculû, significat omni se consolatione destitui, quia ad fidem fulciendam nulla occurrat promissio. Hæc autem est abyssus de sperationis, ubi Deus promissiones suas quibus inclusa est salus nostra, è medio tollit. Siquis obiciat, non potuisse Dei eloquio destitui, cui Lex erat præ manibus: respondeo pro temporis infirmitate speciales promissiones tunc fuisse necessarias. Ideo Psalmo 74.9, conquesti sunt fideles, se vstrata signa amplius nō videre, neque esse amplius Prophetam qui inter eos cognoscat. Si David author fuerit huius Psalmi, scimus solitum fuisse in rebus dubiis & perplexis Deum consulere, datæque ei fuisse responsa. Si hæc in malis ablata illi fuit lenatio, iure deplorat sibi non occurrere sermonem quo fidem suam sustineat. Sin verò

alius fuit author, congruit hæc quærimonia medio temporis inter reditum ab exilio & Christi aduentum: quia tunc abruptus quodammodo Prophetiæ cursus fuit: & nullus fuit peculiari Spiritus domino instructus, qui collapsos animos erigeret, vel fulciret. Adde quòd interdû, quanvis offeratur nobis Dei sermo, non tamen ad nos vsque peruenit: quia angustiis constricti, nullam consolationis guttam admittimus. Sed ego priorem sensum amplector, quòd scilicet specialibus Prophetiis caruerit Ecclesia, quæ adhuc suspensa, à solo vmbra inuituit, opus habebat quotidianis futuris. Quanquam hinc utilis admonitio colligitur, non debere nos vltra modum turbari, si quando verbum suum Deus nobis subducatur, sicuti exercet suos miris modis, ut imaginentur aliò conueriti totam Scripturam: & quanvis Deum audire loquentem cupiant, adduci tamen nequeunt, ut in vsum suum applicent eius verba. Est quidem, ut dixi, hoc in primis triste & acerbum, non tamen debet precibus nostris auditum obstruere.

10 *An oblitus est.* Pergit adhuc in illa disceptatione Prophetæ, cuius tamè finis est non spem labefactare, sed potius erigere. Neque enim interrogat de re dubia: sed perinde est acsi diceret, An oblitus est Deus seipsum? vel mutauit naturam? quia Deus esse nō potest quin sit misericors. Fateor quidem non stetit in concussum, quasi ferreo esset petore: sed quo durius impetebatur, eo magis in hanc doctrinam recubuit, sic coniunctam esse bonitatē cum Dei essentia, ut impossibile sit eum non esse misericordem. Ideo quoties in curis & doloribus dubitationes nobis obrepunt, discamus semper ad hunc scopum tendere, An Deus naturam suam exueret, ut nō sit misericors? Eodem spectat posterius membrum, *an clausit vel prohibuit mis-*



*rationes suas in ira?* Celebre enim sanctis Patribus erat elogium illud, Deum longæ esse tolerantiam, tardum ad iram, ad veniam propensum & exorabilem. Unde etiam dictum illud fumpsit Habacuc in suo cantico, 1.2, In ira misericordiae memor erit. Propheta igitur hinc colligit, castigationem quam sentit, non obitare quominus se Deus iterum placatus ad solitum benefaciendi morem conuertat: quia non nisi ad momentum suis irascitur. Imò signa iræ suæ ostendens, tenerimè diligit quos castigat. Manet quidem ira eius perpetuò super reprobos: sed Propheta vnum se inter eius filios numerans, & verba faciens de reliquis fidelibus, ab impossibili, meritò arguit temporalem iram Dei cursum misericordiae non abscindere.

II *Et dixi.* Variè exponitur hic locus. Quidam verbum חלתי deducunt ab חלה quod est occidere, & hinc eliciunt sensum, Prophetam malorum congerie obrutum, non posse aliud sentire, quàm se Diuinitus addictum esse ultimo exitio: ac si confessio esset desperationis. Alii agrotare vel infirmari vertunt, quod est ad contextum longè aptius. Nondum tamen de sensu conuenit: quia secundum quosdam interpretes se hic accusat & coarguit Propheta, quòd tam debili ac molli fuerit animo, nec se virilius opposuerit ad resistendum. Et tolerabilis esset hæc sententia: quia Sancti post suas vacillationes animum solent colligere. Ego tamen diuersum sensum potius amplector, vt dicat Propheta hunc morbum esse temporalem: atque ita morti obliquè compareret: sicuti Psalmo 118, 18, dicitur, Castigans ca-

stigaui me Dominus, & morti non tradidit me. Item, Non moriar, sed viuam. Non dubito igitur quin se exoneret Propheta, statuens ad tempus duntaxat se deici: ideòque patienter ferendam esse ægritudinem, quia lethalis non est. In secundo etiam membro dissentiunt Interpretes. Nam qui versus hunc contextunt cum superioribus, putant Prophetam ita initio fuisse fractum vt de salute sua actum esse crederet: deinde per vices caput extulisse, sicuti naufragi ex aquis subinde emergunt. Porro vocem hanc hortantis esse voluit, vt sibi in memoriam reuocet Propheta annos quibus propitium Deum expertus erat. Reclius tamen sic intelligimus, nò est quod te ipsum ultro morti despondeas, quia tantum laboras sanabili morbo. sic enim restituere solet Dei manus quos percussit. Neque enim repudio eorum sententiam qui שנות vertunt mutationes. nam quum שנה mutare vel iterare significet, שנות Hebræi vocant annos, à reuolutione, quia vertuntur in suos circulos. Vtrius tamen modo accipere libeat, stabit illa quam dixi consolatio, quòd scilicet Propheta aliam vicissitudinem sibi promittens, morti se minimè deuoeat, Paulo aliter interpretantur qui alioqui accedunt: ac si dicere Prophetam, Cur nunc seueritatem Dei nò tolere, cuius beneficentia suauiter antehac te fouit? sicuti Iob dicebat, 2.10, Si bona recepimus è manu Dei, mala etiam cur non feremus? Sed magis probabile est Prophetam respicere in futurum tempus: ac si diceret expectandos esse annos vel reuolutiones dextræ Excelsi, donec propitius affulgeat.

12 *Recordabor operum Dei: certè recordabor ab initio mirabilium tuorum.*

13 *Et meditabor in cunctis operibus tuis, & in factis tuis commentabor.*

14 *Deus in Sanctuario via tua: quis Deus magnus sicut Deus.*

15 *Tu Deus faciens mirabilia, scire fecisti in populis robur tuum.*

12 *Recordabor.* Iam animosius consta tentationes exurgit Propheta quæ ferè ad opprimendam eius fidem præualuerant. Nam recordatio hæc operum Dei ab ea cuius antè meminit, differt: quia tunc eminus intuebatur Dei beneficia, quæ lenire vel minuere dolorem nondam poterant. Hic verò arripit quasi certa testimonia perpetuæ gratiæ: & ideo vehementiâ causâ sententiam repetit, interposita etiâ assueveratione. Nam particula *¶* hoc loco tantum confirmat, vel amplificat. Ergo quasi victor exultat in memoria operû Dei: quia certò persuasus est non alium fore quàm se ab initio ostendit. Secundo, autem membro magnificè extollit quam in suis seruandis potentiam exeruit Deus. Poniť quidè *arcam* vel mirabile: sed mutato numero obscuritatē corrigere non dubitauit: sicuti etiâ paulo post eodem numero singulari plura miracula notabit. Summa est, mirificam Dei virtutem qua semper vsus est in tuenda suorum salute, si modò probè nobis expenditur, sufficere ad superandos omnes dolores. Hinc verò discamus, licet interdum operum Dei recordatio non satis afferat nobis solatii, lucrandum tamen esse, ne tædio frangamur. quod diligenter notandum est. Optamus sèper in dolore reperire quod acerbitatem mitiget: hæc autem est vnica ratio, curas nostras reicere in Deû. Atqui sæpe contingit, Deum, quo propius accedit, in speciem augere nostra tormenta. Multi igitur, quando hac via nihil proficiunt, nihil sibi putant esse melius quàm Deum obliuisci. Ita verbû eius fastidiunt, cuius auditu magis exacerbatur eorum tristitia quàm dulcescat: imò cupiunt Deum procul faceſſere qui ita exulcerat & inflamat ipsorû dolores. Alii vt sepeliât eius memoriam, totos se prophanis occupationibus addicunt. Longè aliter Propheta: qui etsi non statim profectum qualem optabat expertus est, non tamen Deum sibi ante oculos statuere desistit: prudenter hac cogitatione fidē suam sustinēs. Quia Deus animum & ingenium non mutat, fieri non posse quin suis tandem appareat propitius. Discamus etiâ, ad iacuitum operum Dei aperire oculos,

quorum præstantia propter hebetudinem nobis vileſcit, quæ attentos in sui admirationē rapiet. Idem repetit versu duodecimo, se in hac meditatione fore assiduû, donec legitimo tempore maturum eius fructû percipiat. Nam quòd nihil nobis profunt tot gratiæ Dei exempla, nec fidem nostrâ adificant, inde fit quia simulac ea gustare cœpimus, aliò nos abſtrahit nostra leuitas, & in ipsis principiis euaneſcimus.

14 *Deus in sanctuario.* Qui וְתָבִיךְ vertunt, In sanctitates id faciunt coactit quia videtur frigidè esse & ieiuna loquitur, Dei vias in Sanctuario esse. Sed quia hoc ratio Grammaticæ vix patitur, videndum est annon ex gemina nominis significatione vtilis elici queat doctrina. Quòd quidam abruptam exclamationē esse volunt, Deus qui es in Sanctuario, ô viæ tuæ! mihi non probatur: quia illi quoque violentè torquent Prophetæ verba. Vno igitur contextu legendum est hoc membrum, & nomen Sanctuarii vel pro calo, vel pro templo capitur. Ego autem ad calum referre malo, vt sensus sit, vias Dei altè supra mundum excellere, vt necesse sit conscendere supra omnes calos, si cupimus eas: verè cognoscere. Etsi enim aliqua ex parte nobis manifesta sunt Dei opera, notitia tamen hæc infra immensam eorû altitudinem longè subsidit. Adde quòd ne minimo quidem gustu fruantur nisi qui fide in calum assurgunt, & tamè hoc semper extremam est, reuerenter suspicere absconditam Dei sapientiam & virtutem, quæ in operibus eius refulgēs, captum tamen mentis nostræ longè excedit. Siquis excipiat, vias Dei, quæ diffuse sunt per totum mundum, perperam calo includi: facilis solutio est. Quauis enim nullus sit terræ angulus vbi non specimen aliquod Deus exhibeat suæ virtutis, fugit tamen hominum oculos admirabilis operum eius ratio. Siquis de templo intelligere malit, similem ferè habuimus sententiam Psalmo 73. versu 16, Hæc stultitia & fatigatio spiritus, donec ingrediar Sanctuarium Dei Et certè templum in quo se patefecit Deus, fuit quasi calum terreſtre. Tenemus quidem Prophetæ mentem: quia principio turbulentas queriménias effu-

derat, nunc pacato animo miratur & adorât sublimes vias Dei, suæque imbecillitatis conscius, se intra mensurâ suâ placidè & sobriè continet: nec sibi de arcanis Dei iudicium iudicium facere permittit ex carnis sensu. Ideo mox exclamat, *Quis Domini magus sicut Deus?* Quâ comparatione non inuit plures esse deos, sed obliquè perstringit mundi demeritâ, quod vno Deo nō contentus, cuius gloria sic conspicua est, plures sibi fabricet. Nam si puris oculis conspicerent homines Dei opera, in eo solo facile acquiescerent.

15 *Tu Domine.* Confirmat eandem sententiam, magnitudinem Dei probâs, ab operum miraculis. ac si diceret se non loqui de abscondita Dei essentia,

16 *Redemisti in brachio populum tuum, filios Iacob & Ioseph Selah.*

17 *Viderunt te aquæ Deus, viderunt te aquæ: tremuerunt, etiam contremuerunt abissi.*

18 *Exundare aquas fecerunt nubes, vocem dederunt celi: quinetiam sagittæ tuæ discurrunt.*

19 *Vox tonitruï tui in Sphæra: illuxerunt fulgura orbis: tremuit, & concussa est terra.*

20 *In mari via tuæ, & semita tuæ in aquis magnis: & vestigia tuæ non sunt cognita.*

21 *Duxisti quasi onces populum tuum in manu Moïsis & Aaron.*

16 *Redemisti.* Præ aliis omnibus Dei miraculis celebrat populi redemptionem, ad quam ubique Spiritus sanctus pios renovat, ut spem salutis suæ foveant. Tunc verò robur Dei Gentibus fuisse patefactum, satis constat quia etsi factum est Saranæ artificio ut multis fabulis corrupta fuerit historiarum veritas, hoc tamen imputandum est eorum malitiæ, qui oculati testes quum essent, sponte tenebras sibi obducere maluerunt. Qui enim factum est ut Moïsen fingerent fuisse nescio quem magum, totque portenta commiserentur quæ collegit Iosephus contra Appionem: nisi quod data opera volebant obstruere Dei potentiam? Propheta tamen hoc loco nō tam propositum est Gentes ingratiitudinis reas

quæ cælum & terram implet, sed de virtutis, sapientiæ, bonitatis, iustitiæ documentis, quæ palam apparent, licet modum intelligentiæ nostræ excedant. Ad verbum est, *Faciès miraculum:* sed numeri mutatio est, ut nuper dixi. Hinc verò colligimus, magis propinquâ nobis esse Dei gloriam, & clarius perspicui, quàm ut iusta sit ignorantie excusatio. Mirabiliter enim operatur Deus, ut ne profanas quidem gentes sua cæcitas excuset. Ideoque additur, *Fecisti scire in populis robur tuum.* Quod tamen si ad Ecclesiæ liberationem pertinet, ostendit tamen non posse contemni Dei gloriam sine sacrilegio, quam ipse clare & potenter inter Gentes asseruit.

facere, quàm sibi & aliis Dei filiis, suggerere bonæ spei materiam; quia tunc documentum in omnia secula edidit Deus sui erga electos amoris. *Brachium* metaphorice hic accipitur pro insigni & memorabili virtute, quia Deus non occulte & vulgari modo populum suum liberavit, sed quasi brachio extento. Filios Iacob & Ioseph nominans, causam assignat cur illos Deus in populo suo censerit, nempe respectu fœderis quod cum sanctis eorum Patribus pepigerat. Etsi autem dux tribus quæ progenitæ fuerunt à duobus filiis Ioseph, communem originem trahebant à Iacob, honoris tamē causa nomen Ioseph exprimitur, cuius opera & beneficio incolæ servatum fuit totum semen Abraham.



17 *Viderunt te aquæ.* Miracula quædā breuiter attingit, in quibus brachium suum Deus ostenderat. Figuratè autem dicit visum fuisse Deum ab aquis, quod scilicet velut arcano instinctu motæ eius imperio paruerint ad dandum electo populo transitum. Neque enim vel Mare vel Iordanis sponte cedendo, naturam suam mutassint, nisi vtrunque tetigisset potentia Dei sensus: non quod iudicio vel intelligentia cursum reflexerint, sed quia in illo recessu ostendit Deus mortua quoque elementa sibi ad reddendum obsequiū præsto esse. Subest autem obliqua antithesis ad pungendum hominum stuporem, nisi Dei præsentiam, quæ aquis visibilis fuit, in liberatione populi agnoscerant. Quod additur de *abyssis*, tantundem valet acsi dictum esset, non modò superficiem aquarum Dei cōspectu fuisse percussam, sed vim eius ad profundissimos etiam gurgites penetrasse.

18 *Exundare fecerunt.* Quia nomen *DM* non potest in constructione accipi, verbum transitivè positum esse non dubito: etsi ad summam rei parum interest, neque enim obscurus est Prophetæ sensus, Nō mare ipsum modo & fluvium Iordanem Deo tribuisse meritum honorem, sed aquas etiam in nubibus pendentes: quia cælum tonitru concussit, largas pluuias effudit. Docere autem vult, quocumque homines vertant oculos, ubique sursum ac deorsum à cælis vsque ad abyssos in populi redemptione illustrem patere Dei gloriam. Porro quam historiam designet, non satis certum est: nisi fortè quæ refertur Exodi cap. 9. 23, grandinem scilicet, tonitru & fulgetris mistum, horrendam cladem Aegyptiis intulisse. Nam & per sagittas ambulantes non dubium est quin metaphorice fulmina significet. Cohæret versus proximus, ubi

dicit *vocem tonitru* auditam fuisse in sphaera, illuxisse fulgura orbivque ad terræ concussione. Summa hæc tendit satis superque in exitu populi testatam fuisse Dei potentiam oculis & auribus, quoniam & cælum perterritum, & totus aer coruscaverit fulgore; & terra fuerit tremefacta.

20 *In mari viz.* Aliis verbis iterum describit miraculum in mari factum. Nam quod in Israelitas propriè cōpertum, ad Deum transire, cuius auspiciis & ductu per aridū maris Rubri sinū trāsierunt illi. Prædicat autè, iter insolito modo fuisse patefactū, quia nec hominū intuitu exhaustum fuit mare, vel flumē aliò deriuatum: sed per medias a quas ambulavit populus, in quibus mox demersus fuit cū suo exercitu Pharaos: qua ratione dicit *vestigia Dei non fuisse cognita*, quia traiecto populo vitatum a quis cursum restituit. Finis additur, Ecclesiæ liberatio, quæ ad sperandum salutē optimi pignoris loco debuit esse piis omnibus. Populū omnibus cōparās, subindicat, nihil consilii, nihil virtutis in illo fuisse, nisi quod Deus pastoris officio fūgi dignatus est, ut per mare & desertū, aliāque obstaculo gregem rerum omnium inopem, & egenum abduceret in hereditatem promissam. Id cōfirmat ex persona Moysi & Aaron. Etsi enim nobile & memoratu dignum fuit eorum ministerium: hæc tamē circumstātia non parū illustravit Deus suam potentiam, quod duos homines obscuros & contemptos, superbissimi Regis furori & ingētibz copiis opposuit. Quid enim cōtra formidabile tyrānum & gentē bellicosam potuit virga exilis & profugi, & vox miseri mœcipi? Eo igitur magis enituit Dei virtus, dū in vāis illis testaceis ac fictilibus operata est. Quenquā non repugno quin ministros simul cōmendet, quibus tam honorificum munus Deus iniunxit.

### ARGVMENTVM PSALMI LXXVIII.

*Vt breui compendio multas res complectatur, notandum est duo præcipua esse Psalmi huius capita. Nam ab una parte narrat Prophetæ quomodo sibi Ecclesiam Deus adoptaverit ex semine Arahæ, quam suavitè ac benignè eam fovēris, quam misicè ex Aegypto colligeris: quam variis beneficiis eam fovēris prosequitur: ac altera parte exprobrat quā perverſe subinde & sceleratè a Patre tam liberali deserviri Indici, quorū sibi tamopere obſtrexerat ut appareat inſinuatilis Dei bonitas, non solū in foveis ipsō gratuita adoptionis, sed quia continuo tenore certare non desistit cum tam perfida & inſidiatore gentis contumacia. Cæterum gratia renovationem, & quasi eligētiā secundariam commemorat, ubi Deus ex tribu Iuda Davidem elegit qui regno præſt.*

Psalmus LXXVIII.

Hi.iii.

**E***Rudiens Asaph. Ausculta popule mi Legem meam: incli-  
nate aures vestras ad verba oris mei.*

2 *Aperiam in parabolam os meum: eloquar enigmata à  
tempore antiquo.*

3 *Quæ audiuimus & cognouimus, & patres nostrinarra-  
runt nobis,*

4 *Non occultabimus à filiis eorum in generationem po-  
steram, narrantes laudes Iehoua & fortitudinem eius, & mi-  
rabilia eius quæ fecit.*

5 *Et statuit testimoniū in Iacob, & Legē posuit in Israel,  
quia mandauit Patribus nostris vt nota facerēt ea filis suis:*

6 *Vt cognoscat generatio postera, filii qui nascentur sur-  
gant, narrent filiis suis.*

1 *Ausculta.* Ex fine Psalmi conie-  
ctura, meo iudicio, probabilis sumi po-  
test, fuisse scriptum longè post Dauidis  
mortem: quia illic celebratur regnum  
Diuinus erectum in familia Dauidis.  
Deinde per contentionē opponitur tri-  
bus Ephraim, quæ dicitur fuisse repulsa.  
Vnde apparet, decem tribus tunc fuisse  
alienatas à corpore reliquo. neq; enim  
frustra regnum Ephraim quasi adulte-  
rinū, dedecore notatur. Cæterū quif-  
quis fuerit author, non inducit loquen-  
tem Deū, vt quidā putant, sed in docto-  
ris persona Iudæos compellat. Nec ob-  
stat quòd suum nominat populum, sicut  
& Legem suam: quia nouum nō est Pro-  
pheti, nomen eius à quo missi sunt, mu-  
tuari, quo maior constet doctrinæ autho-  
ritas. Quæ verò apud ipsos deposita est  
veritas, ipsis non absre tribuitur, sic Pau-  
lus, Rom. 2. 16, gloriatur de suo Euange-  
lio, nō quod ipse fabricauerat, sed cuius  
præco erat ac testis. Nescio tamen an  
nomen *נבון* aptè Interpretes verte-  
rint Legem: quia videtur generalius  
esse, sicuti in altero membro patet, vbi  
*verba oris* eodem sensu ponit. Porro si  
reputamus quàm segniter Deum audiāt  
qui etiam maximè profitentur se eius  
esse discipulos, fatebimur non frustrā  
hoc præmio vsum fuisse Prophetā. Nā  
alloquitur quidem indociles ac præfra-  
ctos, qui Dei verbo se subicere proter-  
uē recusant: sel quia in ipsis quoque fi-

delibus vtp plurimum nimia est tarditas,  
nō superuacua apud pigros fuit hæc ex-  
hortatio. Iam quo sibi plus attentionis  
conciliet, asserit magnis & arduis de re-  
b<sup>9</sup> verba se facturū. Nomē enim *חֲסִיד*  
graues & insignes sententias Hebræis si-  
gnificat quales sunt paræmia, vel pro-  
uerbia, & apophthegmata. Quia igitur  
materia ipsa, si grauis & ponderosa est  
expergefācit hominum sensus, mera a-  
pophthegmata proferre sibi in animo  
esse testatur author Psalmi. *חֲסִיד*  
quæ, alios sequenti, A Enigmata vertim<sup>9</sup>,  
non tam pro obscuris sententiis, quàm  
argutis vel notatu dignis possum est.  
Neque enim ambagibus inuoluet suum  
canticum Propheta, sed dilucidè & ex-  
plicatè differet tam de beneficiis Dei  
quàm de populi ingratitude. Tantūm  
vt dixi, consilium eius est lectores acue-  
re, vt attentius concionem hanc expen-  
dant. Citatur hic locus à Matthæo, cap.  
23. vers. 35, & accommodatur ad Chri-  
sti personam, vbi obscuris parabolis  
mētes populi tenet suspensas. Voluit e-  
nim hoc modo probare se eximiū Dei  
Prophetam, quo maiore reuerentia exci-  
peretur. In hac igitur parte quum simi-  
lis Propheta fuerit, quia de sublimibus  
mysteriis concionatus est altiore dicen-  
di forma, oppositè transfertur ad eius  
personā quòd Propheta de se affirmat.  
Cæterū si in Psalmo hoc relucet ma-  
iestas, quæ iure suo ad discendi studiū

excitet Lectores & accendat, hinc colligimus quàm seria attentione Euangelium excipere nos conueniat, vbi cælestis sapientiæ thesauros nobis aperit Christus.

3 *Quæ audiuimus.* Quod præfatus de rebus magnis & absconditis se verba facturum, nunc subiicit, communem esse doctrinam, & per manus traditam: videtur non nihil esse repugnantia. Nam si patres filiis narrare oportuit quæ hic dicuntur, debuit familiariter nota esse doctrina toti populo, ac rudissimis quibusque idiotis. Vbi igitur ænigmata quorum nuper meministi? Respondeo, facile hæc conciliari: quia tametsi Psalmus res vulgò notas contineat, splendido tamen ornatu eas illustrat, quo magis afficiat corda hominū, sibi que plus authoritatis acquirat. Interim notandum est, quātumuis excelsa sit verbi Dei maiestas, non tamen obscure quin perueniat eius utilitas ad rudes quoque & paruos: sicuti eos non frustrā Spiritus sanctus ad discendum inuitat. Quod diligenter notandum est, nam si Deus, ad captum hominum se accommodans, submissius loquitur, contemptui est humilis docendi ratio. Sin verò altius assurgens, reuerentiam Verbo suo comparat, obscuritas ad ignauia excusationem obrenditur. Quum his duobus vitiis mundus laboret, Spiritus sanctus stylum ita temperat, ne sublimitas doctrinæ etiam minimis sit recondita, si modò placidam docilitatem & serium proficiendi studium afferant. Prophetæ autem consilium est, omnem dictis suis dubitationem eximere, quia nihil nouum proferre instituat: sed res pridem optime compertas, & sine controuersia receptas in Ecclesia. Ideo non modò *auditus* meminit, sed adiungit quoque *scientiam*: quia multa temere sparguntur quibus tamē non cōstat solida fides. Imò nihil magis commune, quàm fabulis repleri hominum aures. Non abs re igitur Prophetæ quæ audita esse dixerat, simul obsignat certo testimonio. Addit, Iudæos ita fuisse à Patribus edoctos: non quòd semper omnivitiō careat quod est domesticum, sed quia maior est figmentis locus, siquid affertur ex regione longinqua. Præcipuè tamen notandum est, non quoslibet hic

notari patres, sed qui electi erant in peculiarem Dei populum, & apud quos deposita erat cælestis doctrina.

4 *Non occultabimus.* Verbum **נִפְחָל** quidam accipiunt in niphāl, ac vertunt, non esse celata: sed quia ratio Grammaticæ postulat aliter legi, sic resolue, Vt non celemus posteros nostros, sed quod traditum fuit nobis à maioribus, studeamus transmittere ad eorum nepotes, atque hoc modo tollitur omnis ignorantia prætextus, quia voluit hæc Deus per continuas ætatum series promulgari, vt per singulas familias de manu in manum transmissa, ad vltimos vsque peruenirent. Finis etiam ostenditur vt *celebrarent laudes Dei*, & *fortitudinem in miraculis editis*. Cæterum quia consensus hominum ad plenam doctrinæ fidem non sufficeret, Prophetæ vltra progreditur, Deum authorem faciens. Refert igitur, patres non suo arbitrio, sed Dei mandato imbuisse filios hæc doctrina. Quod *statutum & Legem* quidam ad præsentem narrationem referunt, quòd Deus posuerit decretum in Iacob instar regulæ inuiolabilis, vt semper in ore omnium sonaret liberatio populi: nimis videtur restrictum. Itaque ad Legem scriptam extendo, quæ tamen ex parte in hoc data fuit, vt redemptionis memoria populum qui semel collectus fuerat, retineret sub Dei obsequio. Intellegit ergo Prophetæ Deum non modò potenti manu Iudæos sibi acquisisse, sed obsignasse suam gratiam, ne vnquam aboleretur eius notitia. Et certè quasi publicis tabulis consignata fuit, vbi per Legem scriptam sancitum fuit fœdus, vt scirent posteri Abraham se ab aliis gentibus fuisse segregatos. Nam tenere duntaxat nudam hystoriarum rerum gestarum, res fuisset levis momenti, nisi ad gratuitam adoptionem eiusque fructum spectassent. Hoc igitur est decretum, vt patres Legis doctrina imbuti, quasi ex ore Dei, filiis commemorarent, se non modò semel fuisse redemptos, sed collectos in vnum Ecclesiæ corpus, vt Deum liberatorem sanctè purèque omnibus seculis colerent. Particulam **וְנִפְחָל** exegeticè hoc loco positam esse non dubito, pro nempe. Ego reddidi per quia, quod idem valet.



Proximo versa confirmat quod dixit de perpetua doctrinæ successione. Nā hoc scire nostra magnopere interest, nō vni tantum seculo datam fuisse Legem, sed *quam patres ad filios transmitterent* quasi hæreditario iure, ne vnquam intereideret, sed superites maneret vsque ad finem mundi. Hæc ratio est cur dicat Paulus, 1. Tim. 3. 15, Ecclesiam esse columnam & firmamentum veritatis: non quòd per se infirma sit, vel indigeat alienis subsidiis, sed quia per ministros eam Deus propagat, qui dum fideliter incumbunt in manus docendi, quodam modo suis humeris sustinent veritatem. Admonet autem Propheta, dandam esse operam vt in obeundis docendi partibus alii aliis succederent. Quemadmodum igitur Lege nondum scripta, de Abraham dicitur, Gen. 18. 19, Instituet filios suos in viis, & mandatis & præce-

ptis Domini: ita post eius mortem in Iuda Patriarchis fuit eadem necessitas. Lege lata Sacerdotes præfecit Deus Ecclesiæ suæ, qui publici essent magistri & doctores. Hoc idē sub regno Christi esse obseruandum testatus est per Iesaiam, 59. 21, dicens, Ponam verbum meum in ore seminis tui, & seminis quod inde nascetur in perpetuum vsque. Peculiariter tamen interea mandatum datur patribus, vt singuli suas familias sedulo erudiant: & promiscue monentur omnes, operam hanc gratissimam esse Deo, si nomen eius transmittere studeant ad ætates futuras. Neque enim paucos tantum designat his verbis Propheta, Filii qui nascuntur surgant: sed quotquot nascuntur, totidem vult præcones succrescere, quorum opera semper floreat ac vigeat pura religio.

7 *Vt ponant in Deo spem suam, neque obliuiscantur operum Dei, & vt mandata eius obseruent:*

8 *Et non sint sicut patres sui, generatio defectrix & exasperans, generatio quæ non direxit cor suum, & cuius spiritus fidelis non fuit erga Deum.*

9 *Filii Ephraim armati iaculantes arcu versi sunt in die pralii.*

10 *Non custodierunt fœdus Dei, & in Lege eius recusarunt ambulare.*

11 *Et obliuiscuntur operum eius, & mirabilem quæ ostendit illis.*

7 *Vt ponant.* Vsum doctrinæ notat: Primum vt tam pretioso laboris sui fructu alacrius stimulentur patres ad filios docendos, vbi se & purum Dei cultum asserere, & filiorum saluti consulere vident: Deinde vt filii vicissim maiore desiderio accensi, festinent ad discendum, neque vagentur in friuolis speculationibus, sed ad rectum scopum colliment. Est enim illa infœlix & misera fatigatio, semper discere, vt nunquā ad scientiā veritatis peruenias, 2. Tim. 3. 7. Ergo quum audimus quorsum Lex tradita sit, hinc colligere promptū est quonā vera sit atque utilis rite proficiēdi ratio. Spem verò locat in summo gra-

du: deinde obseruationem mandatorū exigit: medio autem loco statuit memoriam operum Dei, quæ ad fidei confirmationem valet, quasi diceret, hanc cælestis sapientiæ esse summam, vt populus Deo affixus sincera fide eum inuocet, atque, alenda fiduciæ suæ causa, meditando eius beneficiis se exerceat: deinde vt se purē addicat in eius obsequiū. Cæterum hinc discamus legitimū Dei cultum à fide incipere: quia præcipua honoris sui parte fraudatur si aliò transerimus spes nostras.

8 *Et non sint sicut.* Hac circumstantia melius admonet. quàm necessaria sit hæc cōcio, quòd scilicet proclines sint Iudæi

Iudæi ad defectionem, nisi firmis vinculis retineantur. Nam pro confesso sumit nihil meliore præditos esse ingenio quam patres, quos dicit perfidos, rebelles, tortuosos, & immorigeros fuisse. Statim igitur diffuerent, nisi assiduus fulturis confirmarentur eorum corda. Imò quod Horatius de gente sua scribit, experientia demonstrat ubique verum esse, Aetas parentum peior auis, tulit Nos nequiores, mox daturos Progeniem vitiosiore. Quid ergo fieret nisi succurreret Deus mundo ita in deterius labenti? Iam quum ex patrum malitia & prauitate doceat Propheta seueram disciplinam Iudæis necessariam esse, quæ à malis exemplis eos reuocet, hinc colligimus quàm stultè sibi mundus persuadeat patrum imitationem instar esse Legis. Nec verò de quibuscumque populis hic agit Propheta, sed de sancto & electo genere Abrahamæ: nec paucorum tantum perstringit, sed totam ferè gentem, in qua passim tam peruicacia, quam obliuio gratiæ Dei & perfida simulatio grassata fuit. Nec vnius tantum ætatis patres commemorat sed longam antiquitatem complectitur ne ex peccandi vetustate capteretur desensio. Quare delectus prudenter habendus est inter patres, quosnam imitari expedit. Et quia difficile reuclitur præpostera illa patrum æmulatio, quorum reuerentia naturaliter ingenita est, pluribus verbis eorum scelera Propheta exaggerat, apostasiam, irrationem, perfidiam, & hypocrisin exprobrans: quæ etsi grauissima sint probra, modum tamè non excedere, ex contextu mox patebit. Verbum **וַיִּסְתַּחֲסוּ**, vertit alii stabilire: sed meo iudicio potius intelligit Propheta per obliquos recessus semper à Deo deflexisse. Verbum etià **וַיִּסְתַּחֲסוּ** quidam accipiunt pro inniti: sed rectior est altera interpretatio, non fuisse constanter & bona fide addictos Deo, qui tamè iurauerant in eius nomen. Porro quòd ex hoc loco colligunt Papistæ, esse in hominis arbitrio flectere cor, ac dirigere in vtramque partem, friuola est consequentia. Quauis enim iure Propheta eos accuset qui cor suum non direxerunt: non tamè ex professò disserit quid à seipsum valeant. Etsi enim proprium Dei opus sit, intrinseco Spiritus motu

conuertere ad se hominum corda, non tamen à culpa eximentur, vel penam effugient quos sua libido & prauitas alio trahit. Ceterum ex vitis quæ his notantur, discendum est qualiter à nobis coli Deus velit. Primò enim deposita peruicacia, iugum eius subeundum est: deinde induendus mansuetudinis spiritus, cordis affectus in Dei obsequium ordinandi, & sectanda rectitudo: & qui dem non euanido feruore, sed sincera constantia.

9 *Filii Ephraim.* Exemplum illius infidelitatis proponit in filis Ephraim. Et quia non facile simplici doctrina resipiscunt qui pertinaciter addicti sunt malo, ex penis à Deo inflictis probat filios Ephraim reprobos fuisse. Nam quum bellicosi essent, signum iræ Dei fuit, terga vertere in prælio, ac disertè exprimit sagittanda fuisse peritos: quia ab surdus est metu fugari qui ad hostes eminus feriendos telis instructi sunt. unde etiam apertius constat, Deum illis fuisse offensum, qui eos non modò destituerit auxilio suo, sed emollierit ipsorum corda. Queritur cur filios Ephraim solos iam accuset, quum in genere nuper tribus omnes comprehenderit. Quidam Interpretes ad cladem referunt quæ à Githais illata fuit quum ad recuperanda spolia obuiam filiis Ephraim progressi sunt. 1. Par. 7. 20. Quòd nimis restrictum est, nam fieri potest ut regnum Israel, quo tempore compositus fuit Psalmus, collapsum & magna ex parte dirutum fuerit. Non malè igitur alii synecdochen esse sentiunt, & filios Ephraim accipiunt pro toto populo: nisi quòd inconsideratè prætereunt fuisse data opera nominatos, quia aliis fuerant defectionis auctores, quum Iaro-beam vitulos erexit. Memoria enim tenere conuenit quòd diximus, circa finem non frustra conferri repulsam tribum Ephraim cum electione tribus Iehudah. Ideoque nunc quoque de filiis Ephraim comparatiue sermo habetur, ut veros Abrahamæ filios admoneat eorum exemplo qui se ab Ecclesia abdicauerant, & se tamen iactabant inani Ecclesiæ titulo. Nā quum multitudine & opibus præstaret ad fallèdos simplices nimium valebat eorum authoritas qua nunc spoliatur eos Pro-

pheta, Dei auxilio nudatos fuisse docēs, Nam huc spectat causæ redditio, quod non custodierint *sædus Domini*. Fuit quidē aliis etiam crimen hoc commune, sed consulto vindictæ Dei exemplum protulit in tribu illa, quæ sua autoritate totum ferè populum corruerat. Quia ergo splendor ac dignitas Ephraim turpis apostasiæ vexillum fuerat, cauere uoluit Propheta ne fallendis simplicibus larua illa adhuc maneret. Porro non leuiter eos accusat, sed exprobrat perfidiam in totius Legis contemptu, & sceleris violatione. tamen enim utrunque nomen eodem sensu accipiat, *sædus* priore loco ponens, satis ostendit se nō solum de regula bene viuendi agere, sed de toto cultu Dei, de fide promissionum & inuocatione, & pietatis doctrina, cuius fundamentum erat adoptio. Fœdus fragos itaque nominat: quia promissionum fidē exciderant, quibus Deus pepigerat se illis fore in patrem. Appositè tamen *Legem* postea adiungit, in qua uelut in publicis tabulis consignatum fuerat fœ-

das. Auget criminis atrocitatem *renuclia* di uerbum, quo significat non fuisse solum impetu quodā temere abreptos, ut leuitate, imperitia, uel errore peccarēt, sed ex professo & deliberata peruicacia uolasse sacrum Dei pactum. Fontem quoque tam fœdæ impietatis designat ingratitudinem, quod redemptionem æterna memoria dignam maligne sepe lierint, ac pro nihilo duxerint. Fuit certè similis portento hæc socordia, discedere à Deo Israelitas, cui tot modis deuincti erant, nec fieri illo modo poterat ut sic à Satana fascinentur, nisi tot miraculorum obliti essent, quæ totidem erant ad eos sub metu Dei & obsequio retinendos vincula. Ac nequa excusatio supersit ad leuandam culpam, splendidiore elogio insignit opera illa: quasi diceret non fuisse vulgarem agendi modum, ut obrepere potuerit obliuio: sed Israelitas peruersè & nequiter clausisse oculos, ne gloriæ Dei intuitu retinerentur.

12 *Coram Patribus eorum egit mirabiliter in terra Aegypti in campo Soan.*

13 *Scidit mare & traduxit eos, & statuit aquas uelut cumulum.*

14 *Et deduxit eos in nube inter diu, & omni nocte in splendore ignis.*

15 *Scidit rupes in deserto, & eos potare fecit in abyssis magnis:*

16 *Et eduxit fluentia ex rupē, & descendere fecit aquas uelut flumines.*

12 *Coram patribus eorum.* Tamen si postero: adhuc in reatum trahit: commode tamen simul incipit de primis gentis authoribus concionari: ac si diceret, iam à prima origine fuisse omnes prauo ingenio & rebelli. Quia tamen filios Ephraim dixerat prolapsos in apostasiam fuisse, quia mirabilium Dei obliti essent, sententiam hanc adhuc persequitur: interea, ut dixi, opportunè transitum sibi facit ad Patres in eundem reatum trahendos. primo loco miracula attingit in medio Aegypti sinu ante populi egressū edita. Locum uerò celeberrimū

nominat illustrioris notitiæ causa. Postea ad Maris transitum descendit, ubi repetit quod alibi uidimus, mutatum esse naturæ ordinem, ut aquæ cursum suum sifterent, adeoque in firmos cumulos uelut montes eleuarentur. Tertio loco narrat traiecto mari Rubro, Deum itineris fuisse ducem populo: & ne momentanea tantum esset redemptio, porrecta manu continuasse suam gratiam. Nam quum difficile ac molestem esset per arida & fabulosa loca pergere, non vulgare beneficium fuit opposita nube protegi ab æstu solis. Quanquam fuit illud excellē-

tioris



floris gratiæ pignus, quòd scilicet Deus populum hunc sub protectione sua esse testatus est, donec in caelestem hæreditatem perueniret. Vnde etiã Paulus 1. Cor. 10. 2 in nube illa Baptismi speciem fuisse docet, sicuti in Maris transitu, cuius fructus nō in hac caduca vita inclusus est, sed ad salutem usque æternam pertinet.

15 *Scidit rupes.* Aliud paterni amoris symbolum producit quo Deus ostendit quantæ sibi curæ esset illius salus. Porro non dicitur simpliciter Deus potum suppeditasse, sed id fecisse præternaturam. Oriuntur quidem interdum ex rupibus flumina, sed rupes quam percussit Moyses, arida prorsus erat. vnde constat aqua illam non fuisse elicitam ex

scaturigine aliqua, sed erutam ex profundissimis abyssis: quasi diceret ex ipso terræ centro. Itaque sensum Prophetæ assequuti non sunt qui interpretantur, in profundis abyssis potasse Israelitas, quoniam aquæ larga abundantia fluere. Potius miraculum amplificat Moyses, quòd ex remotissimis venis aquas illas Deus fluere iusserit. Idem confirmat proximo versu, fuisse amplū & magnum flumen vbi nulla prius fuerat aqua gutta. Nam si tenuis solum riuulus manasset, poterat à profanis hominibus obscurari Dei gratia: sed vbi tanta copia aquarū repētē erūpit quis nō mutatum potius videt naturæ cursū quàm occultā sub terris venam apertā fuisse?

17 *Et adiecerunt adhuc ad peccandum contra eum, ad exasperandum Excelsū in deserto.*

18 *Et tentauerunt Deum in corde suo ad petendum cibum anime suæ.*

19 *Et loquuti sunt contra Deum, dixerunt. An poterit Deus parare mensam in deserto?*

20 *En percussit rupem & fluxerunt aquæ, & flumina inundarunt. an etiam poterit panem dare? an parabit carnem populo suo,*

21 *Propterea audiuit Iehoua & indignatus est, & ignis accensus est in Iacob, atque etiam ira ascendit in Israellem:*

22 *Quia non crediderunt in Deo, & non sperauerunt in salute eius.*

17 *Et adiecerunt.* Postquam breuiter exposuit Propheta continua beneficiorum serie Deum palàm fecisse quā opere amaret Abrahæ filios, nunc addit postquam eos sibi tam sancte obligauerat, pro suo more & ingenio sceleratè in eum insurrexisse. Ac primò quidem eos accusat, quòd mala malis pertinaciter addendo, eum exasperauerint: dein de speciem irritationis designat. *Exasperandi* autem verbo significat non leue fuisse delictum, sed malitiam intolerabilem. Iam loci quoque circumstantia exaggerat criminis magnitudinem, quòd in ipso deserto, recenti adhuc liberationis memoria, vbi quotidie oculis ingerebantur signa præsentis Dei. vbi ne-

cessitas ipsa ad obsequium eos cogere debebat, suam intemperiem non cohibuerint. Quòd ergo coram ipso Deo qui præsentis gloriæ suæ intuitu eos terrebatur, qui tam benignè & suauiter eos ad se alliciebat: quum rerum omnium inopia ad eos cohibendos optimum remedium esset, petulanter tamen se gesserint: prodigiosus certè fuit furor.

18 *Et tentauerunt.* Hæc fuit irritatio cuius meminit: non quòd cibum petere, si cogeret inedia, per se esset illicitum. quis enim vitio vertat si famelici Deum nutricium implorent? Sed in eo peccarunt, quòd cibo Diuinitus sibi destinato non contenti, laxarunt suæ libidinis habenas, Deus enim iam eo: Māna

Pascere cœperat, vt mox iterum videremus. Eius autem alimentum fastidio impulsi, nouos cibos appetunt, ac si reipuerent Patris sui demensum. Hoc significat Prophetam nomine *ananiae petisti cibum* non quod esurire cogere, sed quia eorum concupiscentia non sufficeret, cibo Diuinitus ordinato vesci. Hac ratione dicit eos tentasse Deum: quia ultra fines subrâ Deo præscriptos transierint. Quisquis enim posthabito & neglecto Dei permisso, suam intemperantiam indulgens, plasquam fas est appetit: dicitur Deum tentare ac si tum vellet subiicere suo arbitrio, vel inquireret an plus posset quam velit. Et certe quisquis Dei potentiam à voluntate separat, Deum ipsum, quantum in se est, discerpit. Id autem faciunt qui experiri cupiunt an plus daturus sit, quam petere concedat. Ideoque ne carnis libido ad Deum tentandum nos sollicitet, dicamus frangere nostra desideria, & modeste quiescere intra fines nobis præscriptos. Nam si libere exultet caro, pane quotidiano non contenti, subinde variis modis contra Deum tumultuabimur. Quia autem dixerat ipse tentasse Deum in corde, addit non esse veritatem palam impuro & blasphemum ore proferre quam intus conceperant, impietatem. vnde melius apparuit eorum malitia & prauitate penitus suis se occupatum. Sic enim concupiscentia peccatum concipit dum admittitur prauo consensu. Deinde peccatum ipsum longius prorumpit, sicuti videmus Israelitas ad sacrilegam lasciuiam progressos esse, dum interrogant de potentiâ Dei, ac si eam pro nihilo ducerent, nisi quatenus suæ libidini moram geret. Per *mersam paratam* lautitias intelligit, quibus antea assueuerant in Aegypto. Neque enim eorum animos placabat vnus & simplex cibus, nisi multiplici copia & varietate se oblectarent. Quam dicit,

23 *Mandauerat autem nubibus desuper, & ianuas cœli aperuerat.*

24 *Et pluerat super eos Man in cibum, & frumentum cœlorum dederat illis.*

25 *Panem fortium comederat homo, cibum miserat ipse ad saturitatem.*

*En Deus aquas profluere iussit, & cætera* non dubito quin amarulenta ironia mordeat ipsorum petulantiam. Neque enim verisimile est sic loquutos esse, sed quasi ex eorum persona referi Prophetam quæ sub eorum erant oculis.

21 *Audiuisti Iehoua.* Istud audire Dei, tantundem valet ac legitima cognitio, similitudine à terrenis iudicibus sumpta, qui nisi causa probe cognita punire fontes nequeunt. Sicuti ergo si os au dire dicitur: quorum votis propitius succurrit: sic turpe audire dicitur blasphemias quæ iudiciū ei non effugiūt. Caterum ne putetur ira Dei atrocitas modum excedere, grauitatē sceleris iterum describit Prophetam, quod Deo non crediderint, nec sperauerint in salute eius. Sumit autem pro confessio, promissiones illis fuisse datas, quibus acquiescere ipsos decebat nisi eos transuersos egisset importuna uersania. *Sperare in saluē Dei* tantundem valet ac recumbere in paternam eius prouidentiam, vt sufficientia nostra penes eum tota resideat. Atque hinc colligimus non modò quàm abominabilis Deo sit incredulitas, sed quanam vera sit fidei natura, & quos ex se fructus pariat. Vnde enim fit vt placide se Deo subiiciant homines, nisi quia persuasū salutē suam vnice ei charam esse, daturum quoque statuunt quicquid expedierit, atque ita se permittunt eius arbitrio regēdos? Fides ergo, veræ pietatis radix est, quæ bona omnia ab vno Deo sperare & expectare docet, ac nos in eius obsequium format: sicuti semper Deo obsequere & rebelles esse necesse est quicunque diffidunt. Huc spectat Prophetæ contextus, fidem falsò obtendere qui salutem ab eo non expectant: quia vbi Deo creditur, statim exoritur salutis fiducia, quæ bonorum omnium ei laudem tribuit.

23 *Mandauerat.* Qui putant miraculum hoc referri historico ordine, longè falluntur: quia potius hac comparatione asperius Israelitas urget Propheta, quòd manna saturi non destiterint concupiscere quas sibi à Deo negari iustitias sciebant. Nam ter & quater fœda ingratitudo fuit, respuere caelestem cibum, qui eos Angelis quodammodo sociabat. Si quis in Gallia vel in Italia degens, agrè ferat se non vesci Aegyptiaco pane, & vino Asiatico priuari, nonne Gigantum more cum Deo & natura bellum geret? In Israelitis minus excusabilis fuit intemperies, quibus non modò terrenos cibos ad satietatem suggererat Deus, sed panem caelestem in alimentum dabat. Si passi fuissent longam inedia, decebat tamè modestius cibum à Deo petere: si futurum tantum & quisquiliis victitassent, decebat eos agnoscere in deserto non vulgarem Dei gratiam: si verò tantum datus fuisset cibus panis, erat cur ingentes gratias agerent. Quid nunc, vbi Deus nouum alimentum genus creauit, quod è calo quasi porrecta manu v-

bertim & copiose suppeditat? Hæc ratio est cur *Man* vocetur *vincum caliste & panis fortium*. Quòd autem מַן quidam pro calis accipiunt, quanquam non repudio: minus tamen placet quàm de Angelis accipere, sicuti Chaldeus Interpres & post eum alii sumserunt. Certum quidem est, magnifice idè celebrari miraculum, quo magis detestabilis reddatur populi impietas: quia longè præstantius fuit *Man* è calo plueri, quàm si satiati fuissent vel herbis vel fructibus, vel alio terræ prouentu. Alio sensu Paulus prioris ad Corinthios cap. 10. ver. 3, *Man* appellat spiritualem cibum, quia figura & symbolum erat Christi. Sed hic Propheta consilium est, coarguere duplicem populi ingratitudinem, quòd non modò vulgares cibos, qui ex terra proueniunt, sed Angelicum panem contempserunt. Tollendæ ambiguitatis causa tempus plusquam perfectum in verbis reddere malui: quo melius intelligerent Lectores in memoriam reduci quod antè gestum fuerat.

26 *Pergere fecit ventum Orientalem in calis, & excitauit in virtute sua Austrum.*

27 *Et pluit super eos quasi puluerem carnem, & quasi arenam marium volucrem pennatam.*

28 *Et cadere fecit in medium castrorum eius per circuitum ad tabernacula eius.*

29 *Et comederunt, & saturati sunt valde, & desiderium eorum attulit ipsis.*

30 *Non alienati sunt à desiderio suo: adhuc cibus erat in ore ipsorum,*

31 *Quum ira Dei ascendit in eos, & occidit pingues eorum, & electos Israel prostrauit.*

26 *Pergere fecit.* Narrat Propheta Deum morem gessisse populo suo, non quòd obstreperum illud votum propitius exaudierit, sed vt effectū ipso probaret sibi in manu esse quod illi non crediderant. Vnde etiam patet quàm perperam carnem cum Manna coniungat quidam Interpretes, quorum pror-

fus diuersa est ratio: quia in Manna patris officium præstabat Deus: carnibus repleuit ingluuiem eorum, vt ipsa ingurgitatio eos suffocaret. Etsi autem Deo non fuisset difficile coturnices creare in medio deserto, ventorum tamen impetu illuc aduehi voluit vt discescent Israelitæ elementa omnia parere eius im-



perio, nec obstaculo esse locorum distantiam quominus eius virtus statim ab Oriente in Occasum penetret. Clarum ergo virtutis, cui malignè detraxerant, experimentum habent increduli, vbi elementa omnia præsto sunt ad obsequium, & quicquid mandauit celeriter exequantur. Porro, non dubium est quin ventos pro situ castrorum excitauerit: quannīs promptum esset nullis mediis carnes in medium afferre. Dicit autem comedis & fuisse saturatos, non tantum vt sciamus copiam animi illis fuisse oblatam, qua largiter farcirent ventres suos: sed mera intemperantia fuisse impulsos ad petendas carnes, non autem sollicitos fuisse de victu. Dixerat quidem prius Man illis datum fuisse ad satietatem, sed hic luxuriam & voracitatē discretè perstringere voluit, in qua se prodidit effrasis eorum cupiditas. Quanquam autem alibi singularis priuilegii loco promittit Deus fidelibus se facturum quod optauerint: alio tamen modo hic obsequutus dicitur peruersis impii populi votis: quia quod propitiū negasset, iratus concessit. Quod exemplum notatu dignum est, ne queramur vota nostra arcano Dei consilio corrigi, dum intemperantius effluunt. Tunc enim verè exaudit, vbi non indulget stultis cupiditatibus, sed beneficentiam suam salutis nostræ modo attemperat, sicuti plus impiis largiendo, quàm ipsis vtile sit, nō eos propriè exaudit, sed exitiali mole onerat, quæ ipsos in exitium præcipites agat.

Id clarius exprimit continuò post subiiciens lethalem illis fuisse saginam illam, quasi vnā cum cibo flammam iræ Dei vorassent. *Non alienatos fuisse à desiderio suo*, tantundem valet, ac sua cupidine adhuc flagrasse. Si quis excipiat, hoc non congruere cum proxima sententia, vbi dictum fuerat comedis ad satietatem, facilis est solutio. Scimus enim, nisi intra fines rationis & temperantiæ se contineant hominum animi, esse inexplēbiles, ideòque saturitate non restingui prauī appetitus ardorem. Quidam vertunt, non fuisse frustratos: alii, nondum habuisse cibum fastidiosum quod posterius mentem Prophetæ non malè exprimit: sed à verbo 777 remotum est. Duobus ergo verbis exprimere volui Prophetā præsentem oblationem: quia vbi vindictam de illis sumpsit Deus, adhuc lasciuiabant in sua crapula. Cæterum, *ira Dei* metaphorice ascendere dicitur, dum repentinè in iudicium consurgit: quia dissimulās ad peccata, videtur quodammodo sopitus esse. Quanquam autem per singulos ordines grassata sit pœna, *pingues* tamen & *electos* consultò Prophetā nominat, vt clarius resurgat Dei iudicium. Neque enim temere accidit, vt robustissimos quosque & eximio vigore præditos tabes conficeret. Deinde quia vtr plurimū homines fallit sua virtus, vt audacius proteruiant contra Deum, quia infirmitatis suæ immemores, quiduis sibi licere putant: ideo mirum non est durius in eos scruisse iram Dei.

32 *In omnibus his peccauerunt adhuc, & non crediderunt mirabilibus eius:*

33 *Et consumpsit in vanitate dies eorum, & annos eorū in festinatione.*

34 *Quum occideret eos, querebant eum: reuersi sunt, & manè properabant ad Deum.*

35 *Et recordati sunt quòd Deus rupes eorum, & Deus excelsus redemptor eorum.*

36 *Et blanditi sunt ore suo, & lingua sua mēiti sunt ei:*

37 *Cor autem eorum non fuit rectum coram eo, & non fuerunt veraces in federe eius.*

32 *In omnibus.* Vulgare prouerbium est, stultos plagis sapere, unde sequitur prorsus esse desperatos qui sapinus à Deo castigati non respiciunt. Talem contumaciā describit Propheta in Israelitis, quæ nullis flagellis corrigi potuerit. Hæc formidabilis erat Dei vindicta, tantā fortium virorum stragē cernere. Quod ergo tali portento cōmoti non sunt, eo conuincitur portentosa eorum durities. Quāquam per *mirabilia* nō solum pœnā de qua nuper loquutus est intelligit, sed alia etiam signa cōprehendit quorum antē facta fuit mentio. Duplicis ergo malitiæ eos insimulat, quod non modò fidē abrogauerint verbo Dei, sed etiam eius miracula contēpserint. Ideo subiicit auctas fuisse pœnas, sicuti per Moysen denuntiat ac minatur Deus septuplo durius se acturum cū præfractis qui in sceleribus suis pergent. Cæterum, quia de toto populo hic loquitur, quasi diceret, sine exceptione omnes à minimo vsque ad maximum celeriter fuisse consumptos, probabili ratione referri hoc posset ad grauissimam illam pœnam quæ iureiurādo sancta fuit, perituros omnes in deserto: duobus tantum exceptis, Iosue & Caleb: qui iam propinqui terræ Chanaan cursum retro flexerant. Quam ergo sibi clausissent ingressum, cecidit in deserto quadraginta annis immensa multitudo. *dies* priore loco ponit, deinde *annos*: ac si diceret Dei maledictione præcisum illis fuisse vitæ tempus, vt faciliè constaret in medio cursu ipsos deficere. Consumpti ergo fuerunt *dies in vanitate*, quia euauerunt instar fumus: *anni in festinatione*, quia celeri transitu fluxerunt. **כחלה** quidam vertunt terrorē, ego mallem Tomultum: quia haud dubiè significat Propheta tumultuariè abruptam illis fuisse vitam. Sed Festinationis nomen quod clarius erat, mutare nolui. Hæc autem iusta pertinaciæ fuit merces, vires quibus superbiebant, emarcidas reddere, vt celeriter instar vmbræ diffunderent.

34 *Quum occideret eos.* Hæc circumstantia crimen auget: quia vbi scelerum conuicti, se iustas fatentur pœnas dare, non sincero autem animo supplices sunt, imò praua simulatione Deum e-

ludunt: minus excusabilis est eorum impietas. Si quis mente captus mala sua non sentiat, ignoscitur stupori: qui verò reatum agnoscere cogitur, sui tamen similis manet, vel fucata deprecatione functus, statim ad ingenium redit: hæc perfidia se insanabilem esse demonstrat. Subindicat autem Propheta non vulgares vel obscuras fuisse pœnas, quibus gens illa tam obstinata ad quærendum Deum compulsa fuit: neque solum refert scelera fuisse conuictos, sed etiam redemptionis à qua exciderant, sensu & memoria fuisse tactos. Hoc modo melius tollitur ignorantia prætextus: ac si diceret non fuisse inconsideratè abreptos, vel deceptos errore, sed quasi data opera perfide agendo, in se prouocasse iram Dei: sicuti in hunc finē aperuit illis Deus oculos, vt perditam corū malitiam apertius detegeret, ac si hypocrisin & blanditias eorum discutens, è suis latebris eos traheret in lucem. Perfidiam verò accusans Propheta, quia neque recto corde confessi fuerint culpam, neque verè gloriam redemptionis Deo tribuerint, dicit eos *cre blanditos & lingua mentitos fuisse*, non quod nulla esset agnitio, sed quia oris confessio affectu carens, voluntaria non erat. quod notatu dignum est: quia hinc colligimus non modò crassam hypocrisin cauendam esse, vbi aliud apud homines proficitur lingua, quàm animus sentiat: sed simulationem quoque magis occultam, vbi metu coactus seruili ter blanditur Deo peccator, qui tamen libenter iudicium eius effugeret. Atqui maior pars hoc morbo exitiāliter laborat: quia licet Dei maiestas aliquam illis reuerentiam extorqueat, cuperent tamē extinctam esse omnem lucem doctrinæ. Quare non satis est annuere verbo Dei, nisi accedat serius affectus, nec cor nostrū duplex sit vel diuisum. Ideo simulationis causam & fontē Propheta notat, quod non fuerint *stabiles ac veraces*, ac si diceret, mendacium & fallaciam coram Deo reputari, nisi quod ex pura cordis sinceritate profectum fuerit. Quia verò talis integritas, passim requiritur, in Lege, tanquam sædisfragos accusat qui sædus Dei non coluerint qua decebat fide. Mutua enim (vt alibi di-

etum fuit ) relatio inter fidem nostram ritati vicissim non fallax illius conscia  
& Dei fœdus tenenda est , vt huius ve- sus respondeat.

38 *Et ipse misericors expiauit iniquitatem, & non perdidit: & multiplicauit ad auertendam iram suam, & non excitauit omnem indignationem suam.*

39 *Et recordatus est quia caro sunt: spiritus transiens & non reuertens.*

40 *Quoties exacerbauerunt eum in deserto, mœrore affecterunt in solitudine?*

41 *Et reuersi sunt & tentauerunt Deum, & sanctum Israelis circumscripserunt.*

38 *Et ipse misericors.* Quo melius pateat nulla ratione fuisse flexibiles vt redirent ad sanam mentem , nunc dicit multa eorum peccata Deum tolerasse: sed quoties veniã dedit, non minus impie eius indulgentia fuisse abusus, quàm præfracti fuerāt aduersus rigorem. Interea causam assignat cur non in totū perierint. Etsi enim digni erant interitū, Deum tamen iram suam temperasse refert, vt maneret aliquod residuum semen. Ne quis ergo ex illis vindictæ exemplis colligeret , Deum summo iure egisse, Propheta hic admonet, mediocres , imò mites fuisse pœnas præ atrocitate criminum: quia Deus manum suã sustinuerit , non tam quid meriti essent respiciens , quàm locum dare volēs suæ misericordiæ. Non est autem cur propterea imaginemur mirabile esse Deū, dum nunc asperius nos castigat, nunc comiter ad se allicit: quia pro incomparabili sua sapientia diuersis modis experitur num quæ sit spes sanãdi. Sed hinc crescit reatus , si neque seueritas eius nos corrigit , neque emollit clementia. Notandum autem est, quòd Deus pepercerit populo, causam ascribi eius misericordiæ , quæ naturaliter in ipso residet: vt sciamus non aliunde fuisse adductum vt tam propensius esset ac facilis ad dandam veniam. Porrò quia non semel neque vno modo ignouit Deus, dicit Propheta *expiauisse iniquitatem* , vt non perderet : deinde quum sæpius esset prouocatus auertendæ iræ suæ non fecisse fingem : postremo mitigasse pœnas,

ne ipsa gravitate populum obruerent

39 *Et recordatus est.* Nunc alterã causam adducit , quòd scilicet experiri noluerit Deus robur suum contra homines natura fluxos & enanidos. Loquutiones enim quas vsurpat, fragilitatem notant , quæ miserabilis est hominum conditio. Carnem cum spiritu frequentius Scriptura committit per antithesin, non modò vbi per carnem intelligitur corrupta & vitiosa natura, per spiritum integritas, ad quam renascuntur filii Dei: sed etiam vbi homines caro vocantur, quia nihil in ipsis firmum sit vel solidum. sicuti apud Iesaiam 31.3, Aegyptus caro est, & nō spiritus. Verum hoc loco Propheta eodem sensu *carnem & spiritum* posuit: priori voce corruptioni & putredini obnoxios esse homines significans, altera verò statum, vel nescio quid vmbatile. Quia enim continua defluxio homines ad interitum cōpellit, comparat eos vento ambulanti , & qui proprio motu concidit sine reditu. Peractio enim stadio non ordinur nouam vitam in terra , sicuti & Iob cap. 14.7, dicitur, Arbores quotannis renasci : & herbas vbi hyeme fuerint emortuæ, iterum virescere: hominem verò , postquã interierit, non recuperare vires. Nunc tenemus Prophetæ sensum , Deum pro sua misericordia tolerasse ludæos, non quòd digni essent , sed quia caduca & fluxa eorum conditio veniam illis impetrauerit. Similem ferè sententiam habebimus Psalmo 103.14, vbi dicit Propheta, Deum nobis esse propitium, quia videt



videt herbe similes, statimque instar fœni arescere. Quod si in nobis nihil præter miseriam reperit Deus quo flectatur ad misericordiam, sequitur non nisi mera & gratuita bonitate induci ut nos sustineat. Ceterum ubi negat Propheta, *reuerit* homines peracto cursu, minimè excludit spem futuræ resurrectionis. tantum enim in seipsis considerat homines, ac de terreno eorum statu loquitur. Renouatio autem in celestem vitam miraculum est longè altius natura. Eodem sensu alibi dicitur, Exit spiritus eius, & non reuertitur, Sap. 16. 14. quia scilicet spem futuræ instaurationis ex vtero minimè afferunt homines, sed ex regenerationis gratia eius petenda est.

40 *Quoties exacerbauerunt* Confirmat proximam sententiam: quia scilicet immensa scelerum congerie toties Deum pronocauerint in deserto, ut milles perire necesse fuerit, nisi millies propitius illis fuisset Deus. Interrogatio autem magis emphaticè exprimit, nullum fecisse peccandi modum. *Diseris* nomen, tam loci quàm temporis circun-

stantiam in se continet: ac si ingratitude argueret Propheta, quod tam recentibus Dei beneficis, imò quotidiano eorum aspectu non saltem retenti fuerint: deinde violentiam intemperiam damnavit, quod intra breue tempus tot peccata cumulauerint. Eodem sensu continuo post addit, iterato cursu tentasse Deum. Neque enim verbum *reuerit*, mutationem hic significat, sed continuam peccandi seriem. Pulchra autem metaphora exprimit quàm atroci contumelia Deum afficiant homines ipsam tentando. Verbum enim תִּנֵּה quo vitur, propriè signare vel describere significat. Sed docet, ubi pro sua libidine media Deo præscribere ausus est populus, fuisse quasi cancellis circumdatum, & immensam eius potentiâ infidelitatis angustis fuisse conclusam. Et certe quoties in suo sensu homines subsistunt, perinde est ac si Deum metiri vellent suo modulo: quod nihil aliud est quàm eum ex solio suo deorahere. Nobis enim subiicietur eius maiestas, si ita nostro arbitrio in ordinem cogatur.

42 *Non recordati sunt manus eius die quo redemit eos ab affligente,*

43 *Quando posuit in Ægypto signa sua, & prodigia sua in campo Soan:*

44 *Dum conuertit in sanguinem flumines eorum, & fluentia eorum, ne biberent.*

45 *Misit in eos misionem qua vorauit eos, & ranam que perdidit eos.*

46 *Et dedit bruchos fructum eorum, & laborem eorum locustis:*

47 *Et occidit grandine vitem ipsorum, & sycomoros ipsorum lapide grandinis.*

48 *Et tradidit grandini iumenta ipsorum, & pecora ipsorum lapidibus ignitis.*

49 *Misit in eos indignationem iræ suæ, furorem, iracundiam & afflictionem, immissionem angelorum malorum.*

50 *Direxit semitam iræ suæ: non prohibuit à morte animam ipsorum, & iumentum ipsorum in pestem conclusit.*

51 *Et percussit omne primogenitum in Aegypto, principium virtutum in tabernaculis Cham.*

42 *Non recordati sunt.* Pergit in exprobratione, quia sola beneficiorum Dei memoria eos frænare poterat, nisi quaecunque experti fuerant, sponte & maligne essent obliui. Ex hac impia obliuione nascitur proteruita & omnis rebellio. *Manum Dei* pro virtute per metonymiā accipi satis notum est. Fuit autem in prima illa liberatione populi, nouo & insolito modo extenta Dei manus, quo magis detestabilis fuit populi impietas, in quā nūc inuehitur Prophetā, pro nihilo ducere, vel statim sepelire quod nulla vetustate obsolescere debuerat. Iā aliquot commemorat potentiae Dei exempla, quae primò *signa* vocat, deinde *prodigia*: quo rursus perstringat scēdum populi stuporem. Quanquā autem vnam bis exprimit, in secundo tamen membro augmentum est: ac si diceret, inauditis modis incussum tunc fuisse terrorem, qui non debuit tam citò ex populi animis euanescere.

44 *Conuertit in sanguinem.* Non enumerat ordine miracula, quibus suam potentiam testatus est Deus in redimendo populo: quia satis habuit notas historias in memoriam reuocare quae sufficerent ad detegendam populi malitiam & ingratitudinem. Neque etiam hic longius insistere opus est, quum Mosi historia clarius doceat quae hic breuiter recitantur. Hoc solum teneāt Lectores, quanuis alias saepius grandine aliisque corruptelis vltus fuerit Deus Gentium peccata, quicquid tunc accidit in Aegypto, fuisse extraordinarium, & nunquam antè auditum. ideo pluribus verbis tam memorabiles Dei vindictas exaggerat Prophetā, quod *miseri indignationem irae suae, iracundiam, furorem, & angustiam.* Huc enim spectat verborum congeries, ut sopitae mentes expergeant ad tam densa miracula, quorum & numerus & praestantia caecis ipsis est palpabilis. Tandem addit, Deum iudicia haec exercuisse per Angelos. Etsi enim caelo & terrae certas imposuit leges suo arbitrio, & totum ordinem naturae sic gubernat, ut singu-

lis creaturis proprium sit munus suum, Angelos tamen quoties visum est, ministros adhibet ad exequenda sua imperia, non consuetis vel naturalibus mediis, sed arcana & nobis incomprehensibili virtute. Quod diabolos quidam hic norari putant, quia dicuntur angeli noxii, non refello: nisi quodd ratio qua nituntur, parum firma est. Dicunt enim, Sicuti per electos Angelos sua beneficia nobis Deus dispensat: ita etiam per reprobos iram suam exequi, ac si essent eius carnifices. Quod etsi ex parte verū esse fateor, perpetuum tamen esse nego: quia in contrariam partem occurrunt plurima Scripturae testimonia. Quis enim Assyrium edita ingenti strage in eius exercitu, ab Urbis sanctae obsidione repulit, 2. Reg. capite decimonono, ver. trigesimo quinto, nisi Angelus tunc datus Ecclesiae praeses? Sic & Angelus qui primogenita occidit, Exod. capite vndecimo, vers. quinto, non tantum irae Dei fuit minister & executor contra Aegyptios, sed etiam populi salutem consuluit. Rursus quum auari & sanguinari Reges, vel potius latrones, caelum terrae miscerent, Daniel tamen capite decimo, vers. decimotertio pronuntiat, praefectos illis fuisse sanctos Angelos. Etsi autem probabile est reprobis Angelis additos fuisse ac mancipatos Aegyptios, prout digni erant, noxios tamen simpliciter hic accipere licebit ab effectu, quod aduersis gladiis hostes populi Dei multauerint, & eorum tyrannidem & scruitiam reprimere. Hoc enim modo tam caelestes electique Angeli, quam cacaedamones, ministri noxarum verè censentur. sed diuersis modis. quia priores voluntariū Deo obsequium praestant: alii verò quū semper inhiant ad nocendum, & totum orbem euersum cupiant, idonea sunt organa malis infligendis.

50 *Virexit semitam.* Secundò repetit, iram Dei instar violenti torrentis inundasse totam Aegyptum, ne quā excusationem ingrato populo relinquat, quodd

quoddam præclaris gratiæ sibi præstitæ documentis non fuerit retentus sub Dei obsequio. Tandem attingit Prophetæ miraculum ultimo loco editum, quoddam scilicet omnia Aegypti primogenita una nocte per manum Angeli Deus interfecerit. Vocat autem secundum communem & receptum linguæ Hebraicæ *primum* *primitiis* *virginis*. Nam quum ætatis decursu ad interitum declinent senes, quia tamen renouantur quodammodo in so-

bole, & vigorem in se collapsum recuperant, transfertur Virtutis nomen ad liberos. Eius autem principium dicuntur primogeniti, sicuti plenius exposui Gen. 49. 3. *Tabernacula Chæ* vocat domos Aegypti, quia Mistræ, qui nomē regionis imposuit, fuit filius Chæ, Gen. 10. 6. Porro gratuitum Dei amorem erga posteros Sem, Prophetæ hic cōmendat, quoddam eos prætulerit omnibus filiis Chæ, quā tamē nulla propria dignitate excelleret.

52 *Et transire fecit quasi oves populum suum, & deduxit quasi gregem in deserto.*

53 *Et deduxit in tuto, & nō timuerunt: & aduersarios eorum operuit mare.*

54 *Et adduxit eos ad terminum sanctitatis suæ montem hunc quem acquisiuit dextra eius.*

55 *Et expulit à facie eorum Gentes, & proiecit eas in sortem hereditatis: & habitare fecit in tabernaculis ipsorum filios Israel.*

56 *Et tentauerunt, & exacerbauerunt Deum excelsum, & testimonia eius non custodierunt.*

57 *Et auersi sunt, & perfidē egerunt, sicut patres sui: reflexi sunt quasi arcus dolosus.*

58 *Et ad iracundiam prouocauerunt in excelsis suis: & in sculptrilibus suis ad iram eum concitauerunt.*

52 *Et transire fecit.* Iterum paternum Dei fauorem celebrat erga electū populum, quem (ut alibi diximus) gregiosum cōparat, eo quoddam nihil vel consilii vel opis ad se tutandum habuerit, nisi Deus pastoris munus ac partes suscipere dignatus foret. Hoc autem nō vulgare est amoris specimen, quoddam Deus eoque descendere grauatus non est ut oves suas pasceret. Nec verō imbellis multitudo quicquam aduersus hostes robustos ac bellicosos poterat. Scimus enim ad tempus sordidis opificiis addictū fuisse populum illum, quasi damnatus esset ad metalla vel lapidinas. Dicit autem fuisse deductos sine metu: non quoddam securē ipsi tranquillisque animis in Deum recubuerint, sed quia

duce & custode salutis suæ Deo, non habuerint iustam timendi causam, nisi eos sua infidelitas ad trepidandum cōpulisset. Vnde obstreperæ illæ voces, Cur nos coniecit Deus in has angustias? annon erant sepulchra in Aegypto? Exod. 14. 11. Non ergo ad sensum populi refertur securitas, sed ad Dei præsidium, quo factum est, ut hostibus demersis, pacati in deserto quiescerent. Alia quoque Dei beneficia & simul alias transgressiones recitat, quæ magis produnt ingratitudinem populi, nempe quoddam hereditatē sibi promissā adepti, quasi Deo nihil deberēt, perniciaci semper ac intra &abili fuerint ingenio. Clausula hæc fuit liberationis, locare eos in possessione terræ Chanaan, cuius se ingressu prohib-



buerant: nisi Deo fuisset decretum, superata eorum prauitate, numeris omnibus absolueret quod cœperat. Porro terram ipsam nominat *Fines Sanctuarii Dei*: quòd eam populo suo Deus assignans, sibi etiam consecrauerat. Vnde turpius apparet flagitium populi, qui eadem inquinamenta illuc intulit, quibus olim polluta fuerat. Cuius enim fuit dementiz, quum sciret populus Israel expulsos fuisse ob sua scelera veteres incolas, cum ipsis omni scelerum genere certare? ac si de industria propositum esset in se accerere quam in aliis perpexerat Dei vindictam. Quod postea addit *montem hunc*, non rectè, meo iudicio, quidam ad totam terram extendant, quæ etli montuosa erat, habuit tamen regiones planas & aquabiles, satis amplas & longas. Quare non dubito quin amplificandi causa montem Sion, ubi domicilium sibi & primam sedem elegerat Deus, honorificè addiderit. Fateor quidem synecdochen esse: modò teneant lectore locum disertè exprimi, ex quo, velut ex fonte, manabat totius terræ sanctitas. *Montem hunc dextra Dei vel possessum fuisse vel acquisitum* dicit: (nam verbum *יָד* utrunque significat) ne se efferant Israelitæ quasi proprio Marte terram acquisierint, vel eius possessione fruantur: sicuti Psalmo 44.4, dictum fuit: Quia non in gladio suo facti sunt hæredes terræ, nec brachium eorum seruauit eos: sed dextra tua, & brachium tuum, & lumen vultus tui, quia dilexisti nos. Et mox sequitur explicatio, *expulsas fuisse Gentes ac proiectas in sortem*: quibus verbis modum acquirendi definit Propheta: ac si, diceret, Neque populum Israel adeò fuisse bellacem, neque gentes illas tam fuisse timidas, nisi parata fuisset victoria Dei auspicio ac virtute. Adde quòd legitima non fuisset possessio, nisi Deus spoliatis prioribus incolis, in ius & locum eorum succedere alienos voluisset.

56 *Et tenta erunt.* Hic iam exhibet quòd tot beneficiis ornat, non deserint perfide se gerere: imò quum nouis subinde gratiis renouarentur ad obsequium, sua contumacia iugum excusserint. Quid valeat *tentandis* verbum

prius diximus. Sed addit Propheta generaliter *eos exacerbasse: quia fœdus eius non custodierint.* Hac autè postrema particula melius conuincitur aperta & crassa rebellio, quòd familiariter de officio suo edocti, recusauerint tamen Deo subesse. Nam & Legem vocat *testimonia*, quòd hac paciscendi formula Deus populum illi sibi deuinxerat, sicuti certis legibus inter se cõueniunt homines. Quam autè his verbis non leuiter eos perstrinxit, apostasiam tamen & perfidiam illis postea obiciens, cum ultrò reatus adinngit. Adoptauerat eos Deus sibi in populum: contèpto eius fauore, ultro se abdicant. Collegerat eos sub alas suas: petulanter ad dispersionem ruunt. Pollicitus fuerat se illis fore patrem: recusant filii esse. Viam illis salutis monstrauerat: sponte se in exitium errando proiciunt. Concludit ergo Propheta, populum hunc omnibus seculis impium fuisse & sceleratum. Atque iterum notandum est, nullum damnari atrocius crimè in posteris, nisi quòd patribus nimium fuerint similes: ne quem decipiat peruersa imitatio, ac si iustæ excusationis esset clypeus. Aptissima deinde similitudine (qua etiam Oseas cap. 7.16, vitur) eorum leuitatè exprimit. Nam sicuti falluntur iaculatores qui arcum malè firmum vel malè intensum habent, vel obliquum & flexibilem, ita dicit *reflexum fuisse hunc populum*, & lubrica flexuosaque versutia elapsam, ne manu Dei regeretur.

58 *Pronocauerunt in excelsis.* Speciem defectionis profert, qua palam testati sunt Israelitæ se fidem & obsequium negare Deo. Satis enim & super admoniti fuerant, peruerti & cõtaminari Dei cultum, nisi ab eius Verbo penderent: nunc tota Lege posthabita, ad sua signèta perrumpunt. Atque hos fructus semper producit Legis contemptus, ut crassæ superstitionibus se addicant qui sequi proprium sensum, quam Deo se subicere malunt. Duobus autem modis vitiatum fuisse Dei cultum conqueritur: primo, quòd Dei gloriam deformauerint, idola & sculptilia sibi fingendo: deinde, quòd ad Deum placandum extraneos & vetitos ritus excogitauerint.

59 *Audiuit Deus & iratus est, & execratus est valde Israel.*

60 *Et deseruit habitationem Siloh, tabernaculum ubi habitauit inter homines.*

61 *Et dedit in captiuitatem robur suum, & pulchritudinem suam in manum affligentis.*

62 *Et inclusit in gladium populum suum, & hereditati sue iratus est.*

63 *Electos eius vorauit ignis & virgines eius non sunt laudate.*

64 *Sacerdotes eius in gladio ceciderunt, & vidua eius non luxerunt.*

65 *Et expergefactus est tanquam dormiens Dominus, tanquam fortis clamans præ vino.*

66 *Et percussit aduersarios suos retrò, opprobrium æternum posuit in ipsis.*

59 *Audiuit Deus.* Rursus ostendit Propheta, quum videret Deus se nihil tolerantia proficere, qua non sine ludibrio abutebatur populus ad peccandi licentiam, seueras de eo pœnas sumpsisse. Cæterùm similitudo quam sumit à iudiciis terrenis, frequenter occurrit in Scriptura. Audire enim dicitur Deus, non quòd inquisitione opus sit, sed quia non temere ad sua iudicia profilit, ne quis putet esse præcipientem. Summa est, populum sua scelera sic continuasse, vt tandem clamor in cælum ascenderit: & ipsa pœnæ grauitas culpæ atrocitatem arguit. Postquam enim dixit Israel, quem Deus tantopere dilexerat, fuisse abominatidni, subiicit fuisse etiam orbatum & spoliatum præsentia Dei, quæ vnica erat eius fœlicitas, atque etiam in malis solatium. Fuit igitur hæc Israelis detestatio, quum Deus Arcam fœderis aliò abripi passus est, ac si ipse migrans à Iudæa, populo valediceret. Certum quidem est nò fuisse Deum visibili, tymbolo affixum: sed quia hanc suæ cum populo coniunctionis tesseram dederat, illa ablata, se quoque discedere testatus est. Quia autè in Siloh diuturna fuit statio Arcæ, illicque capta fuit à Philistinis, *Sam. 4. 11.* vocatur habitatio ip-

sius Dei. Sed modus habitandi paulo pòst eleganter exprimitur: nempe quia domicilium fuerit inter homines. Quamuis enim impleat Deus cælum & terrâ, quia tamen ad immensam altitudinem non pettingimus, sua virtute & gratia ad nos descendens quoad expedit & modulus noster ferre potest, propinquum se nobis facit. Est autem valde emphatica loquutio Deum continuis populi sceleribus ita fuisse offensum, vt locum quem vnum in terris delegerat, coactus sit deserere. Proximo versù idè prosequitur: *robur Dei* quo protecti ac defensi fuerant Israelitæ, *tunc fuisse captiuum*: nò quòd alligata virtus eius fuerit ligno externo, sed quatenus antea se hostibus opposuerat gratiam qua tutatus erat populum, quodammodo captiuam esse voluit. Neque tamen hoc refertur ad Philistinos, quasi Deo potiti fuerint: sed intelligit simpliciter Propheta spoliatos & nudatos fuisse Israelitas Dei præsidio, atque ita venisse in hostium potestatem: nò secus ac duce capto, profigatur exercitus. Vocatur etiam Arca *pulchritudo Dei*: quia quum per se esset inuisibilis, formam illam induerat, vt speculum illud statuerat in quo posset còspici. Quam autem dura est ac in speciem ab-

Surda hyperbole, robur Dei fuisse captū à Philistinis, consultò tamen posita est ad scelus populi aggrauandum. Nam quum brachii sui potentiam ad populū iuuandum magnificè proferre solitus esset, grauisimis sceleribus offensum esse oportuit, quum passus esset symbolum illud virtutis suæ violenter à profanis gentibus abripi. Quod autem de Siloh hic refertur, Ieremias, 7. 12 ad omnes spectare docet qui vano præsentia Dei obtentu fallaciter superbiunt, Ire in Silo inquit, & videte quātā ignominia damnauerit Deus locum illum, vbi olim resplēduit eius maiestas. Ideo quæ nisi syn cerè, quæ decet reuerentia Deum excipimus, dum familiariter ad nos accedit, timendum est ne idem nobis quod Siloitis cōtingat. Quo putidior est Papæ & suorū iactantia, qui Romanā sedē hoc solortulo extollūt quia Romæ olim floruerit Ecclesia. Quāli verò Christus qui verū est Deitatis tēplū nō fuerit natus in Bethlehē, educat⁹ in Nazareth: quasi in Capernaū & Ierusalē nō habitauerit, & concionatus sit: quarum vrbium vastitas horribile est ira Dei theatrum,

62. *Includit in gladium.* Alias cladis partes quæ accepta fuit sub sacerdote Heli, commemorat. Arcæ discessu ostendit Deus subductam esse suam gratiam à populo. Idem effictu comprobatum est, quia quicquid floris fuit, abesse sumpsit ira Dei, quam sub ignis nominis Propheta metaphoricè designat. Hostili enim gladio perierunt electi Israël vsque ad triginta millia, 1. Sam. 4. 10, non autem incendio. Sed hoc modo vis repentina ad terrorem exprimitur: ac si diceret, citò fuisse voratos, vt flamma solent quicquid. Stragem hanc alia figura confirmat, quod virorum penuria virgines innuptæ manserint. Dicit enim non fuisse laudatas, quod in nuptiis epithalamia canere solent. Indignitatem augeat, quod *Sacerdotes ipsi* quos Deus peculiariter in suum patrociniū receperat, promiscuè cum aliis perierint. Quod viduas luxisse negat, ira accipio, vel ante tempus mœrore fuisse extinctas: vel quum abductæ essent ab hostibus, prohibitas fuisse à luctu. His autem verbis in summa docere voluit, nihil residuū fuisse ad extremā malorū

congeriem.

65. *Et expergefactus est.* Quidam hoc de Israelitis dictum esse voluntaliū de eorum hostibus. Si arrideat prior sensus, non mirum erit Israelitas vocari *Dei aduersarios*, sicuti apud Iesaiā cap. 1. vers. 24, Heus, ego me de hostibus meis vlciscar. Sensus autem erit, magno confutisse Israelitis, quod ex Dei patientia plus licentiæ sumpserant: quia repente expergefactus, maiore impetu in eos irruit. Sed quia Prophetas videmus ex Mose haurire suam doctrinam, verba etiam formare ad illud exemplar, non minus probabilis est eorum opinio qui de Philistinis accipiunt: quia videtur hunc ordinem ex Mosi Cantico Deut. 32. 27, mutuatus Propheta noster, vbi Deus non ita se pœnas exigere de populo suo pronuntiat, quin rursus compescat hostes suos. Nam quia vulgari prouerio fertur, incertos esse beliorū exitus: si nulla sequuta fuisset mutatio, poterat hæc pœna esse obscurior. Vbi autē afflictis Israelitis victores De⁹ sine hominū manu, præter spem mundi, & conuersum vsum aggreditur, hinc melius apparet, non nisi Diuinitus prostratos fuisse Israelitas. Interea admonet simul Propheta necessitate compulsum fuisse Deum ad sumendam duriores pœnas: quia Philistinos, deinde castigans, fœdus suum, carus videri oblitus poterat, præclare asseruit. Quamquam enim quodammodo se Philistinis ad tēpus adiunxerat, noluit tamen prorsus amorem abiicere erga Abrahamæ filios, ne irrita esset eius fides. Similitudo ebrii hominis, quantum asperior, non abire tamen posita est, quia accommodatur ad populi stuporem. Nam si pura fuisset ac defœcata mēte, non ita se transformasset Deus, neque sumpsisset alienam personam. Eum ergo coegit populi ebrietas, hoc est socordia, vt se homini ebrio conferret: quod ipsis valde pendendum fuit. Quod ad Deum spectat, nihil eius gloriæ derogat similitudo. Videtur sopitus esse, nisi maturè remediū adhibeat malis nostris. Vnde autem sopor, quum fortitudine Gigantes omnes superet? quibus facile est præferre longas vigilas, & qui modico somno contenti sunt. Cessatio eius perinde accipitur à



cur à stupidis acsi attonitus esset ipse. Dicit autem subitam excitationem Dei magis turbulentam fore, quàm si primo momento manum suam extulisset: quem admodum si Gigas temulentus, necdum exhalata crapula, repentè à somno surgat. Quòd dicit *reirò percussos fuis*

*se hostes*, multi ad plagam Philistinis inflictam, 1. Sam. 5. 12, restringunt. Et còuenit nomen *eterna ignominia*, quia dolor ille in anis vlcerosis probrobus fuit, sed quum sensum simpliciorum admittant verba fuisse à tergo percussos, hoc ego in medio relinquo.

67 *Et reprobauit tabernaculum Ioseph, & tribũ Ephraim non elegit,*

68 *Sed elegit tribum Iehuda, montem Sion quẽ dilexit:*

69 *Et extruxit quasi excelsa Sanctuarium eius, quasi terram quam fundauit in seculum.*

70 *Et elegit Dauid seruum suum, & assumpsit eum è caulis onium:*

71 *A tergo lactantiũ assumpsit eum, vt pasceret in Iacob populo suo, & in Israele hereditate sua.*

72 *Et pauit eos in integritate cordis sui, & in prudentia manuum suarum deduxit eos.*

67 *Et reprobauit.* Qui putant Israelitas nuper vocatos fuisse hostes Dei, contextunt hos versus acsi diceret Propheta incurabile fuisse quod illis vulnus Deus inflixit. Egò verò, qui in diuersam sententiam magis inclino, nempe vbi Deus duriter multauit Philistinos, palàm fecisse non esse irritum fœdus suum cum populo, cuius tam seuere erat vindex: potius interpretor correctionis vice hoc fuisse additum, acsi dixisset Propheta non fuisse placatum impiis defectoribus quin pœnarum reliquæ extarent. Hæc igitur, meo iudicio, contextus ratio est, Quum à Philistinis capta fuit Arca, Deum quodam modo fuisse sopitum, quia populi peccatis inebriatus fuerat, ne ad illum tuè dum suo more excubias ageret: nequè tamè diu obtorpuisse in somno, sed quum gens profana eius gloriæ insultaret, tam atroci iniuria fuisse còmorum, perinde acsi Gigas in media crapula expegeret: neque tamen sic fuisse còmorum in gentem profanam & incircuncisam, quin signa aliqua castigationis in scelesto & ingrato populo Israel vsque in finem extarent. Huc tendit reprobatio de qua nunc loquitur, priuatos fuisse Israelitas honoris priuilegio quo antè

Deus ipsos ornauerat, dum arcam suam aliò transferri voluit. Duo igitur capita hic notanda sunt, quum turpi vlcere percussi sunt Philistini, claro documento apparuisse, non nisi Deo volente Israelitas fuisse ab illis deuictos. Neque enim nouas vires recuperauit Deus, vel exercitum nouum collegit, vt paulopòst inuaderet victores, neque ad eam rem adiutus fuit alienis opibus. Alterum caput est, quauis Deus manum exeruerit contra Philistinos, vt se aliqua fœderis sui memoria & electi populi cura adhuc tangi probaret, non tamen sic restituisse populum Israel, quin desertio Silo perpetuum iræ suæ monumentum foret. Reprobauit igitur tribum Ephraim non quòd eos abdicauerit in totum, vel absciderit à reliquo Ecclesiæ corpore, sed quia amplius noluit residere illie Arcam suam. Nam tribui Ephraim opponitur tribus Iehuda, vbi sibi domicilium postea elegit Deus. Hoc modo incipit ostendere Propheta, quum statio data fuit Arcæ fœderis in monte Sion, quodammodo renouatum fuisse populum: & dato reconciliationis symbolo, in gratiam vnde ex ciderat, postliminio rediisse. Israelitas enim, quum Deuseorũ culpa quodã

modo exulasset, ac captiuū fuisset eius, robur, hoc memoriali doceri vtile fuit sic displicuisse eorum scelera, vt præ fastidio prioris domicilii aspectum non ferret. Etsi autem post diuortium illud (quo magis sollicitè sibi in posterum caueret populus) non fuit integra solidaque inauratio: non vulgaris tamen clementia fuit, Deum fixam Arcæ suæ sedem rursus deligere. Quòd autem in Gath, & Accaron, aliisque locis peregrinata est Arca post reditum, vsque dum miraculo mons Sion ostensus fuit, mediū illius temporis non habetur ratio: quia Propheta consilium fuit tam pœnæ exemplum, quàm insperatam Dei gratiam memoria mandare. Terrendum etiam est quod sæpius reperitur apud Moysen, Vbi locum elegerit Deus tuus in quo inuoces eius nomen. Quia autem propter diuturnum hospitium Sion famam illam vulgò obrinuerat, vbi ad hostes traducta fuit Arca, in aliâ spè erecta fuerunt hominum mentes, donec cognita esset loci electio. Quàm autem non reuocet tunc fuerunt decem tribus, quibus & regnum & sacerdotium commune erat cum tribu Iehuda, postea tamen successu temporis eos abscedit sua defectio. Atque hæc ratio est cur odiose dicat Propheta reprobatam fuisse tribum Ephraim, nec electam fuisse tribum Ioseph vnde illa trahebat originem.

68 *Sed elegit tribum.* Nempe quia prætulit reliquo populo, Regem sibi ex ea deligens, quem Israelitis omnibus non minus quàm Iudeis præficeret. *Montem verò Sion elegit, sedem in ea assignans suo Sanctuario.* Porro ne causa extra Deum queratur, gratuita eius dilectione factum esse Propheta docet, vt mons Sion, posthabitis omnibus locis, tanta præstantia ornatus fuerit. Relatum enim, causalis aduerbii loco hic ponitur: ac si dixisset, non in loci dignitate, sed in mero Dei beneplacito fundatum illic fuisse Dei Sanctuarium. Neque enim minus gratuita esse debuit posterior hæc restitutio, quàm prima adoptio populi, vbi Deus cum Abrahamæ fœdus suum pepigit, vel populum redemit ex Aegypto. *Dilectio* autem loci respectum habuit ad homines. vnde sequitur,

mera Dei gratia & liberalitate semper ab initio collectam fuisse Ecclesiam: quia neque in hominibus reperiri unquam potuit intrinseca dignitas, & res est pretiosior quàm vt pendeat à virtute hominum. Proximo versu nihil aliud intelligit Propheta quàm montem Sion donatum fuisse insigni pulchritudine, quæ tamen ad cæleste exemplar referri debet. Neque enim vel in splendore ædificii, vel in cæremoniæ pompa occupari voluit Deus suorum mentes, sed attrollere ad Christum, in quo exhibita fuit umbrarum veritas. Ideo dicitur *extructum fuisse Sanctuarium quasi exulsa*, hoc est: conspicuum fuisse inter sublimes omnes montes, sicuti Iesaias 2.2, & Michæas 4.1, vbi vaticinatur de noui & spiritualis Templi instauratione, dicunt locandum esse in vertice montium, vt emineat supra omnes colles. Et scimus arces tunc fuisse in locis editis. Postea orbi vniuerso comparat montem Sion. Etsi enim singulas regiones vel concuti vel chasmare perire, vel motu aliquo violento turbari, vel aliquam mutationem subire contingit, corpus tamen ipsius terræ stabile firmumque manet: quia altis radicibus nititur. Significat igitur Propheta non esse temporale ædificium de quo loquitur (qualiter sumptuosa Regum palatia aut vetustate cōcidunt, aut obnoxia sunt variis excidiis) sed fundatum esse vt stet integrum vsque ad mundi finem. Siquis excipiat, Templum illud à Chaldeis & Assyriis dirutum fuisse: facilis solutio est, non nisi in Christo constare hanc soliditatem quam celebrat Propheta: quia si per se æstimetur vetus & umbratile Sanctuarium, inane spectrum erit: sed quia Deus pignus esse voluit Christi venturi, merito ei tribuitur perpetuitas: sicuti a libi dicitur fundamenta iecisse Deus in montibus sanctis, Psal. 87.1. Item Iesa. 14.32, Manu sua fundasse Sion. Item, Psal. 74.2, Residere in eo, vt nunquam labascat.

70 *Et elegit.* Facta mentione templi, ad regnū quoque transit: quia hæc duo præcipua erant electionis & gratiæ Dei signa. sicuti etiam Christus vt plenam salutem afferret, Rex & Sacerdos nobis apparuit. Dauidem verò regem

Diuinitys

Diuinitus creatum fuisse probat, quòd ab ouium caulis, & pecudum custodia in solum euectus fuerit. Nam Dei gratiam non parum illustrat hæc mutatio, quòd homo rusticus ex ignobili tugurio in Regem assumptus est. Hanc verò gratiam non restringit Propheta ad personam Davidis: sed admonet quicquid est dignitatis in filiis Abraham, fluere ex fonte illo misericordiæ Dei. Tota enim populi gloria & felicitas continebatur in regno & sacerdotio: quorum vtrunque mero Dei beneplacito ascribit. Atque ideo exordium regni Christi humile & contemptibile esse oportuit, vt figuræ suæ conforme esset, ac palàm faceret Deus nullis externis adminiculis se vsum fuisse ad peragendam salutem nostram. Alia circumstantia Dei gratiam commendat, quòd David ex pastore ouium factus est electi populi & hereditatis Dei pastor. Etsi autem

allusio est ad priorem Davidis statum, docet tamen Spiritus sanctus quantum à tyrannis, prædombus, & auaris exactoribus differant legitimi Reges, quos pastores esse conuenit. Postea addit, fideliter exequutum esse partes sibi iniunctas: quo etiam oblique perstringitur ingratitude ac prauitas populi, qui non modò sanctum & inuiolabile Dei ordinem labefactauit, sed excusso salutari iugo, se in miseram dissipationem proiecit. Quod sequitur de *prudencia manuum*, improprie dictum videtur: significanter tamen exprimere voluit Propheta, Davidem non modò felicè in suis actionibus fuisse, sed gubernatum Dei Spiritu, vt manus ad nullum opus temere proiiceret, sed dextrè scièterque dirigeret quò vocabat fides & officium: atque ita in successu operum eius maior prudentiæ laus, quàm prosperitatis fulgeret.

## ARGVMENTVM PSALMI LXXIX.

*Querimonia est ac lamentatio Ecclesia grauiter afflictâ, in qua tamen si deplorant fideles miseras & indignas suas clades, & hostium acculant sanitatem, se tamen merito faciunt castigari, & supplices ad Dei misericordiam confugiunt, hac spe maxime freti, quòd suas calamitates vident cum Dei probro coniunctas esse, dum impij sacrum eius nomen oppressa Ecclesia blasphemant.*

*Psalmus LXXIX.*

**P** *Salmus Asaph. Deus venerunt gentes in hereditatem tuam, polluerunt Templum sanctitatis tue, posuerunt Ierusalem in acervos.*

2 *Dederunt cadauera seruorum tuorum escam volatilibus calorum, carnem mansuetorum tuorum bestiis terre.*

3 *Fuderunt sanguinem eorum velut aquam in circuitu Ierusalem: & non fuit sepeliens.*

4 *Fuimus opprobrium vicinis nostris, subsannatio & derisio iis qui in circuitu nostro sunt.*

**I** *Deus venerunt.* Psalmus hic inger alios clarè ostendit se longe post mortem Davidis fuisse compositum. Quòd enim excusant quidam, Spiritu Prophetico prædictas fuisse Ecclesiæ clades, vt animarentur posteri ad crucem tolerandam, ratione caret. Neque enim ita in suis vaticinijs historicè loqui Propheta solent. Et quisquis integro iudicio contextum expendet, per se facile videbit tunc fuisse cõpositu quan

do vel exusto templo, & urbe eversa ab Assyriis, tractus fuit in exilium populus: vel quum ab Antiocho templum fuit pollutum multis stragibus editis. Nam ad vtrunque tempus argumentum optime quadrat. Sumamus igitur procõfesso dictatâ fuisse pijs hanc querimoniam quum oppressa Ecclesia, res ad vltimâ desperationem essent adductæ. Scimus enim quàm crudeliter sauerint Assyrii Et si quis pro asserendo Dei cultu sub



tyrannide Antiochimutire ausus fuisset. iugulum inactioni statim præbere necesse erat. Primò autem in persona fidelium conqueritur Propheta de templo polluto, & destructa vrbe: deinde secundo verù & tertio, sanctos promiscuè fuisse casos, & sine honore sepulchri proiecta eorum cadauera. Singula autem fere verba indignitatem exprimunt. Nam quum tertiam illam segregasset Deus populo suo, profanis genibus, vt eam contumeliose calcarent, ac pro sua libidine totam disicerent, prostitui minime æquum fuit. Ergo quasi de peruersio naturæ ordine exposulat Propheta, Gentes venisse dicens in hereditatem Dei. Templi autem euersio, de qua secundo loco agit, minus fuit tolerabilis, quia hoc modo extinguebatur Dei cultus in terra, & religio peribat. Addit, *Ierosolymam*, quæ regia erat Dei sedes, in acruos fuisse redactam: qua voce notatur deformis ruina. Profanatio autem templi & Sanctæ vrbis euersio sicuti impio sacrilegio non carebant, ita meritò debebant contra hostes Dei vindictam prouocare: idè quæ ab illis oritur Propheta. deinde secundo loco ad cades piorum transit. Hac autem circumstantia maior notatur crudelitas, quòd non tantum occiderint seruos Dei, sed insepulta eorum cadauera proiecerint bestiis & aubus in prædæ. Religio autem quædam semper tenuit hominum animos, vt ne hostes quidem fraudarent sepulchri honore. vnde sequitur immanibus belluis esse similes quos delectat ista barbaries, videre mortuos lacerari. Ostendit etiam non fuisse grassatos vulgari hostium more: quòd humano sanguini nihilo magis pepercerint quàm aquæ. vnde colligitur cædendi audiras. Quum autem addit *non fuisse qui sepeliret*, ad fratres & cognatos extenditur: ac si diceret tantum fuisse incussum horrorem, deinde obuios quosque passim ita fuisse rucidatos, vt nemo progredi auderet. Porro, quum in hominum sepultura Deus aliquod testimonium extare voluerit vltimæ resurrectionis, Sanctos hoc iure post mortem spoliari, bis indignum fuit. Queritur tamen, quum re-

probis Deus hanc pœnam saepe denuntiet, cur fideles suos passus sit vorari à bestiis. Tenendum est quod alibi diximus, temporales pœnas, quæ ad solam carnem pertinent, tam electis quàm reprobis esse communes. tantum in exitu est discrimen, quia Deus in salutem fidelibus conuertit quod naturaliter signum iræ erat. Ac omnino de sepulchro quod de morte dicendum est, continget optimos quosque Dei seruos violenter occidi: quam pœnam sanguinarius & aliis Dei contemptoribus scimus saepe infligi. Neque tamen ideo mors sanctorum, pretiosa in conspectu Dei esse desinit: sed vbi iniuste in carne opprimi passus est, vindicta ostendit quàm sibi chari fuerint. Sic vt iræ suæ notas etiam post mortem insculpat reprobis, priuat eos sepulcro: & ideo impio Regi minatur alini sepulturâ, Iere. 22. 19. sed quum suos exponit simili probò, licet ad tempus credatur eos deferere, illis postea in adiumentum salutis conuertit: quia fides eorum hac tentatione probata nouam palmam sibi acquirit. Nam quod olim mortuos vngebant, non nisi ad viuos & superstitus spectabat hæc cæremonia, vt cernentes corpus in custodia reponi, spem vitæ melioris in cordibus suis fouerent. Quare sine iactu ra sepulchro priuantur fideles, dum fide hæc media adminicula transcendunt, vt ad beatam immortalitatem properent.

4 *Fuimus opprobrium.* Alia exposulatio ad prouocandam Dei misericordiam. Nā quo superbius insultat nobis impius, eo propior redemptionis spes affulget: quia minimè Deo tolerabilis est eorum petulantia, dum tam licentio se effertur, præcipuè quum in sacrū Dei nomen redundet contumelia: sicuti apud Iesaiā dicit cap. 37. 22. Quem subfannant? & super quem concutunt caput, virgo filia Sion? Et certè vicini qui partim apostatæ erāt, vel degeneres Abrahamæ filii, partim verò professi religionis hostes, miserum populū vexādo non abstinebant à blasphemis. Quare sciamus non de priuatis ludibriis hic conqueri fideles, sed quæ videbant obli quæ in Deum & Legem eius congeri, sicuti rursus in fine Psalmi videbimus.

5 *Quosque Iehoua irasceris in perpetuum? ardebit ve-*

*lut ignis Zelus tuus?*

6 *Effunde iram tuam super gentes quae te non nouerunt, & super regna quae nomen tuum non inuocant.:*

7 *Quia vorarunt Iacob, & habitationem eius vastarunt.*

8 *Ne recorderis erga nos iniquitatum priorum: festina, praeueniant nos misericordiae tuae, quia afflicti sumus valde.*

9 *Succurre nobis Deus salutis nostrae propter gloriam nominis tui, & libera nos, & propitius esto peccatis nostris propter nomen tuum.*

5 Quousque lebanæ. Iam alibi admonui, duas istas voces Quousque & Perpetuò, dum simul iunguntur, diurnam & longam malorum continuationem notare, cuius etiam nullus apparet finis in posterum: sicuti Latine dicimus Quousque tandem? Colligimus ergo, non primo vel secundo mense ex quo affligi coepit Ecclesia, dictatam fuisse hanc querimoniam, sed quum tandem semisraxi essent animi. Ceterum fatentur hic fideles, non nisi irato Deo, tanta malorum congerie se obrui. nam quum persuasi sint nihil posse impios, quicquid machinentur, nisi quantum Deus permiserit: ex hoc principio facile ratiocinantur, ubi tantum licentiae concedit profanis hostibus, iratum esse & infensum. Nec verò aliter se Dei auxilio saluos sperarent fore: quia eiusdem est compescere qui frænum laxat. præsertim verò ubi nos coarguit propria conscientia, quoties nos flagellis suis ferit Deus, ad manum eius attendere conuenit. Nec verò Deum iniustæ iræ insimulant, sed meritò se plecti agnoscunt. Et si autem semper iustas in rebus suis causas reperiet Deus cur eos castiget, sæpe tamen pro sua indulgentia, eorum delictis parcens, alium in finem cruce eos exercet. sicuti probare voluit patientiã Iob, Martyres verò honorifica militia dignatus est. Sed populus hic sponte ad Dei tribunal se citans, quas sustinet calamitates peccatis suis imputat. vnde probabilis coniectura sumi potest, tempore exilii Babylonicæ compositum fuisse Psalmum: quia sub Antiochi tyrannide diuersam fuisse precandi formam alibi vidimus, Nò recessimus à mandatis tuis, non desciiuimus à fœdere, tuo non de-

fleximus à te, nec defecimus à Lege tua, & tamen hæc omnia eueniunt nobis, Psal. 44. 18. non quòd obstreperent Deo fideles, sed quia sciebant alium Deo finem esse propositum, quàm peccata punire. Duris enim illis certaminibus ad palmam supernæ vocationis eos parabat.

6 Effunde. Videtur à regula charitatis alienum esse hoc votum: quia sic propriis malis singulos esse anxios conuenit, vt alios quoque secum leuari cupiant. Quare videntur perperam fideles incredulis optare exitium, pro quorum salute debebant potius esse solliciti. Sed tenendum est quod alibi diximus, vt rite quis hæc vota concipiat, induendum esse publicum affectum, ne eum priuata iniuriæ titillent, ne carnis impetu feratur contra hostes: sed sui oblitus, communem modò salutem Ecclesiæ respiciat ac curet. Deinde inuocandum esse prudentiæ & iudicii Spiritum, ne inconsideratus zelus precantem impellat. quæ de re alibi fusius disseruimus. Adde quòd fideles non modò posthabita sui cura, toti Ecclesiæ hic consulunt: sed præcipuè oculos intendunt ad Christum, vt desperatos eius hostes exitio deuoueant. Non ergo temere prorumpunt in hanc vocem, vt hos vel illos perdat Deus: nec Dei iudicium anticipat, sed reprobis quale meretur iudiciū optantes, patienter expectant dū reprobos ab electis discernat. cælestis Iudex. Hoc modo nò abiiciunt affectum charitatis: quia etsi cuperent omnes esse saluos sciunt tamen quosdam insanabiles esse Christi hostes, quos manet certus interitus. Quanquam nondum prorsus soluta est quaestio: quia dum proximo versu hostiū crudelitatem accusat, videtur appete

re vindictam. Sed tenendum est quod nuper dixi, non posse, in hunc modum precari nisi qui publicam personam induerint, & onus sui respectu, curam susceperint totius Ecclesiæ: imò Christū Ecclesiæ caput statuerint sibi ante oculos: postremo nisi qui præeunte Spiritu animos suos extulerint ad Dei iudicium, ut parati ad ignoscendum, non hostes quoslibet, à quibus offēsi sunt, sed solos reprobos morti addicāt. Nā qui, antequā spes respicientiæ sit ablata, ad pœnam festinant, eos præposteri zeli damnauit Christus hac voce, Nescitis cuius spiritus sitis, Luc. 9. 55. Adde quod non simpliciter impiis Ecclesiæ persecutoribus fideles perniciem hic optant: sed prout illis familiariter cum Deo agere conceditur, in hūc modū ratiocinantur ab absurdo, Qui sit Domine, ut tam duriter nos affligas, super quos inuocatur nomen tuum: Gentibus autem profanis quæ te spernunt, induigeas: Denique significat alibi, satis aniplam esse Deo materiam exercendæ iræ, quia non soli peccauerint in mundo. Et si autem nostrum non est præscribere Deo legem, imò lex illa nobis patienter ferenda est, ut castigationes incipiant à domo eius, hæc tamē libertas ignoscitur fidelibus, ut postulent non deteriore saltem loco esse, quā increduli & Dei contemptores. Notandum autem, pro eodem sumi, non agnosce re Deum, & nomen eius non inuocare. Diuersis enim loquendi formis significat Prophetæ, nisi præcedat Dei cognitio, non posse ipsum inuocari: sicut etiam Rom. 10. 14, Paulus docet. Neque enim respondere nostrum est, Tu Deus noster donec anteuerterit dicēdo, Vos estis populus meus, Osee 2. 23. sed os nobis aperit dum ad se inuitat. Et si autem inuocatio nominis Dei non restringitur ad solas preces (quia sæpe tantundem valet ac Gallis verbum *Reclamer*) summa tamen huc redit, nisi Dei notitia nos dirigat, non posse nos sincere profiteri veram pietatem. Tunc passim gloriabantur Gentes se Deum colere: sed quia verbo destituebantur, ac sua illis figmenta & falsæ imaginationes Dei loco erant, abominabile fuit quicquid tentarunt: si cur hodie in Papatu, quia non statuunt cæci cultores quid sit Deus, neq; ex ore

eius sciscitantur quid probeat, sed imaginarios sequuntur cultus, certum est repudiari ipsos à Deo: quia idola in eius locum subrogant.

8 *Nereorderis*. Confirmant fideles quod breuius & obscuri⁹ attigerant, iustas de suis peccatis pœnas exigere: quia ex reconciliatione perendum erat maiorum leuamen. Hoc enim primum malis omnibus remedium est, ut nos Deus recipiat in gratiam: quia ipso irato prosperitas ipsa male & infelicitate nobis cedit. *Peccata antiqua*, intelligunt quidam quæ admissa sunt à Patribus. Alii autem eorū qui precantur antiqua peccata vocari putant quæ pueri vel adulescentes admisserint. Ego verò latius patere arbitrari: ac si non modò reatum vnus & alterius culpæ & eius recentis agnoscerent, sed se pridem multiplici reatu, eoque vetusto, cum Patribus fuisse implicitos. Ita longam pertinaciam fatentur in qua obdurerant contra Deum. Et Prophetis oburgationibus respondet confessio hæc. testatur enim Sacra historia suspensam fuisse exilii pœnam, donec expertus fuisset Deus incurabilem esse malitiam. Nec mirum est Patrum culpam filios deprecari, quum Lex pronuntiet, Deum reicare patrum delicta in sinum filiorum, & vltisci peccata in tertiam & quartam generationē. Notanda autem est antithesis inter verbum *festinandi* & *vetusta peccata*: quia si ad calculum vocasset Deus quicquid tribus vel quatuor seculis peccauerant Israelitæ, in longum tempus suspensa fuisset liberatio. Rogant igitur fideles ut abolitis prioribus offēsis ad opem ferendam festinet. Iam quia in ipsis peccatis erat remora & obstaculum, non frustra addunt, ut *Dei misericordia celeriter accurrant*.

9 *Succurre nobis*. Iterum repetunt hoc versu fideles, quicquid afflictio num sustinent, provenire ex ira Dei: nec aliud esse malis solatium, nisi ut Deum sibi propitient. Iam quia sibi multorum scelerum confēci erant, spem veniæ impetrandæ cōfirmant variis loquendi modis. Primò fauorem sibi conciliant hoc epitheto, dum vocant *Deum salutaris fidei*: deinde se nihil à seipsis asferre testantur quod Dei misericordiā prouo



cet, ideóque suam ei gloriám duntaxat obiciunt. Vnde colligimus non satisfactionibus vel ullis operum meritis, sed gratuita venia Deo reconciliari quicumque peccarunt. Tenédum est etiá quod pauló antè attigi, & fusius explicui Psalmo 6: vbi nos Deus castigat, non modò ab externis pœnis leuamen esse oprandum, sed in primis de placando Deo cogitandum esse: nec imitan-

dos esse stultos agrotos qui symptomata tantùm auferri sibi cupiunt, pro nihilo ducunt fontem & causam morbi. De verbo 722 quod reddunt Interpretes, Propitius esto, alibi dictum fuit. Propriè significat expiare, & sacrificiis apratur: ideóque quoties Deum nobis reconciliare cupimus, in mētē veniat nobis mors Christi: quia non sit remissio absque sanguine. Hebr. 9. 22.

12 *Quare dicerent Gētes, Vbi est Deus eorum? nota fiat in Gentibus coram oculis nostris vindicta sanguinis seruorum tuorum qui effusus est.*

11 *Veniat coram facie tua gemitus vincti: secundū magnitudinem brachii tui residuos fac filios mortis:*

12 *Et repende vicinis nostris septuplum in sinum eorū, opprobrium eorum quod exprobrauerunt tibi Iehuah.*

13 *Et nos populus tuus, & oves pascuorum tuorum confitebimur tibi in seculum, in generationem & generationem narantes laudem tuam.*

10 *Quare dicerent.* Alio sensu nunc obiciunt Deo fideles nomē suū. Nobis enim propter nomen suum ignoscit: quia quum sit misericors, & velit os nobis obstruere, vt solus iustus censeatur, gratis peccata nobis ignoscit. Nunc autem deprecantur fideles, ne Deus sacrum suum nomen blasphemis ac maledictis impiorum subiiciat. Vnde etiá monemur, perperam nos precari, nisi salutis nostræ curam cum zelo gloriæ Dei indiuiduo nexu iungamus. Ex secundo membro eadem quæ nuper soluta est, quæstio exoritur. Etsi enim Deus vindicem nostrum se fore pronuntiet, non ideo tamen licet, quum læsi sumus, vltionem appetere. Sed meminerimus, non quibuslibet dictatam esse hanc precandi formam, vt priuatis suis passionibus indulgeant: sed vt duce & magistro Spiritu aduersus reprobos communem agāt causam Ecclesiæ. Ergo vt ritè precemur in hunc modum, primū in nobis resurgeat Spiritus prudentia. Deinde compositus sit ac purus zelus, quem lutulenti carnis affectus perturbant. Tunc liquido zelo & sedato petere licebit vt Deus claris exemplis ostendat

ante oculos nostros sibi pretiosam esse seruorum suorum vitā, quorum sanguinem vlciscitur. Neque enim hic volūt fideles expleri sanguine, ac si cum cupidè appeterent, sed tantū expetunt fidei suæ cōfirmationem ex paterno Dei amore, qui in vlciscendis iniuriis apparet. Notādum præterea est vocari *seruos Dei*, qui tamē ob sua peccata iuste puniebantur: quia utcumque nos castiget Deus, non ideo protinus abiicit, quin potiùs de salute nostra testatur se esse sollicitum. Deindè scimus, vbi grassatur ira Dei in totum Ecclesiæ corpus, quia boni malis permisti sunt, communiter etiam affligi: sicuti Ezechiel, Ieremias, Daniel, & reliqui in exilium tracti sunt. Etsi enim non prorsus erant innoxii, certum tamē est non fuisse tantam cladem illatā populo eorum causa: sed potius in eorum persona spectaculum exhibitum fuisse impiis, quo magis tangerentur.

11 *Veniat coram.* Quia non dubito quin tunc exulauerit populus Dei, quum Spiritus hanc precationem dictauit, vinctos generaliter nominat Propheta qui finibus Assyriæ & Chaldiæ inclusi si erant, vt capitale esset illinc mouere

pedem. *Filios autem mortis nominat, quasi addictos vel destinatos morti, captiuitatis respectu. Quanquam absurdum non erit restringere ad paucos sententiam hanc, qui in arctiorem custodiam traditi erant. Hac autem voce significat Propheta fractos esse & verè humiliatos feroces illos spiritus qui prius contra Deum exultauerant. Et magnitudinem brachii Dei implorat, quia sine insigni miraculo sperari non poterat restitutio Ecclesiæ.*

12 *Et repende.* Satis iam de vindicta dictum est: & hic clarius demonstrant fideles, non tam se moueri priuatis iniuriis, quam pio zelo ex candescere ubi proscindi vident sacrum Dei nomen. qui affectus si vigeat in animis nostris, facile moderabitur carnis intemperiem, si autem accedat Spiritus prudentia, iusto Dei iudicio vota no-

stra rectè subscribent. Vltimo versu fructum suæ liberationis hunc fore prædicant, *ut Dei nomen celebretur*: sicuti minimè in alium finem nobis optanda est salus. Et ipse etiam gratis omnia nobis largitur, tantum ut suam bonitatem illustret. Promittunt autem non exigui temporis gratitudinem, sed cuius memoria tradatur posteris, & per continuas ætates transeat de manu in manum. Notanda etiam circumstantia est, quòd dicit, *Nos populus tuus & oues pascuorum tuorum*. Quia enim electa erat posteritas Abraham quæ nomen Dei celebraret, & laudes eius in Sion resonabant: extinto illo populo, quid futurum erat nisi ut intercideret nomen ipsum Dei? Nec dubium est quin respondeat hic locus vaticinio Iesaiæ capit. 43. ver. 21, Populum hunc mihi creauit, laudem meam narrabit.

#### ARGVMENTVM PSALMI LXXX.

*Precatio est lamentabilis, ut Deus afflictæ suæ Ecclesiæ subuenias. Sed quo facilius apem rebus suis miseris impetrent fideles, eas comparant cum suis exordiis, in quibus resuisit singularis Dei gratia.*

*Psalmus LXXX.*

**P**refecto super Sossannim Eduth, Psalmus Asaph.

2 *Qui pascis Israël ausculta, qui ducis tanquam oues Ioseph, sedens inter Cherubin appare:*

3 *Coram Ephraim & Benjamin & Mnasse excita virtutem tuam, & veni in salutem nobis.*

4 *Deus conuerte nos, & lucere fac faciem tuam, & salu erimus.*

Quanquam Psalmus hic proximo affinis est, mihi tamen videtur compositus esse in gratiam decem tribuum, postquam variis cladibus regnum illud atteri cepit. Neque enim abs re fit expressa mentio Ioseph, Ephraim, & Mnasse. Excipiunt quidam Interpretes, Prophetam ad situm & ordinem castrorum alludere, qualis à Mose Num. capit. 2. vers. 18, describitur, quia ab una parte progrediebantur Ephraim & Mnasse. Sed frigidum esset, præterita tribu Iehuda, & vrbe quoque sancta, in mediū proferri Ioseph, Mnasse, Ephraim & Benjamin: nisi de regno Israel specialis fieret sermo. Si quis obiciat, ex quo a-

lienatae sunt decem tribus à domo Dauidis, fuisse degeneres, & illic corruptum fuisse Dei cultum: respondeo, multos illic pios Dei cultores habitasse, qui non flexerant genu coram Baal, nec se ad communes superstitiones proiecerant. Ideoque in tribu Iehuda duritiem accusat Amos cap. 6. vers. 6, quòd illic nemo ingemiscebat super plaga Ioseph. Scimus etiam, in illa defectione missos fuisse Prophetas qui spem redemptionis facerent. Quauis ergo omnes ferè essent apostatae, residuum semen non neglexit Deus. Et quæadmodum prius futuris malis solatium in vaticiniis gratiæ suæ dederat, sic nunc preces dictando

do, confirmat fouétque in eadem spe, donet reipsa experiantur se non fuisse vanis promissionibus laetatos. Hinc tenemus quid duo isti Psalmi proximi inter se differant. Si cui non satisfaciatur quod dico, electio maneat libera. quisquis tamen circumstantias omnes expendet, libenter (ut spero) mihi assentietur. In vocibus Sôfannim & Eduth non insistam: quia Psalmo quadragesimoquinto retuli quid sentiant Interpretes: nec res tanti moménti est ut magnopere laborandum sit: deinde qui peritissimi sunt vetustatis, nihil afferunt præter coniecturas probabiles.

2 *Qui pascis Israel* Antequam Ephraim & Manasse nominet Prophetas, ponit nomê Ioseph: cur potius quàm Iehuda, nisi quia seorsum de regno Israel, cuius potestas erat penes familiam & posteros Ioseph, verba erat facturus? Neque absurdum est, ut dixi, quum peculiaria illis dati fuerint Prophetæ, postquam Dei flagellis percussi sunt, additam fuisse precationem qua Deus reliquias sibi colligeret. Ceterum, ne sibi blandiantur in cultu adulterino, vocando Deum *seferem Cherubim*, Prophetæ eos ad puram Legis doctrinam reuocat. Propitiatorium enim pignus erat præsentis Dei, ubi Deus se propinquum fore suis promiserat, ut eorum vota exaudiret. Formam hanc Diuinitus præscriptam, hominum arbitrio mutari fas non fuit. Monentur ergo Israelitæ ac iubentur redire ad primam originem, ut Deum propitium inueniant. Ceterum, hoc epitheto

mirus erga homines Dei amor exprimitur, quod se quodammodo extenuat ut ad eos descendat, sedemque & domicilium sibi deligat in terra, ut habitet in medio ipsorum. Neque enim sedet ipse, sicuti loco non includitur quem cæli calor non capiunt: sed respectu hominum locatur inter duos Cherubim, ne fideles remotum à se fingendo, perplexi hæreant in accessu. Interea tenendum quod attrigi, legitimam orandi regulam proponi Israelitis, ne in Dan & Bethel Deum à se fabricatū innocens, sed superstitionibus valere iustus, vera fidei luce regantur, verbum Dei sequendo.

4 *Deus conuertere nos.* Hoc est, restitue. Petierant versus proximo ut virtutem suam erigeret Deus coram Ephraim & Manasse: nunc queruntur se proiectos, donec succurrat Deus, & miseræ dissipationis remedium afferat. Quidam verbum *conuertere*, aliter accipiunt, ac si peterent à Deo fideles, Spiritum regenerationis. Sed quia id nimis argutum est, contenti sumus priore illo sensu, fideles malis afflictos ad Deum confugere, cuius proprium est vitam reddere mortuis. Iam sicuti fatentur malorum omnium hanc esse causam, quod Deus offensus faciem absconderit: ita rursum plenam salutem ab vnico Dei fauore expectant. Hæc (inquiunt) vera erit nobis resurrectio, si modò facies tua nobis illuceat. ac si dicerent, se propitio & fauente Deo beatos fore, sibi que omnia feliciter cessura.

5 *Iehoua Deus exercituum quousque sumabis in oratione populi tui?*

6 *Cibasti nos pane lachrymarum, & propinasti in lachrymis copiam.*

7 *Posuisti nos rixam vicinis nostris, & inimici nostri subsannant apud se.*

8 *Deus exercituum conuertere nos, & fac lucere faciem tuam, & salui erimus.*

5 *Iehoua Deus.* Quum vltro promittat Deus & toties assermet non iri a fore suorum vota, mirum est cur non

obii ciant Sancti sibi esse implacabilem, utcumque ad eum confugiant. Neque enim tantum queruntur se non exaudiri, sed



Deum fumare ubi invocatur: ac si data opera hoc pietatis officium respueret. Vbi igitur illa promissio Iesa. 65. 24, Antequam clamauerint, ego exaudiam? Sed quia Deus auxilium suum differēs, suorum patiētiam exercet, ex sensu carnis dicit Propheta eum esse surdum ad preces: non quod in hac opinione precantes subsistere conueniat: (viam enim sibi praecluderent:) sed quauis eos contrario fidei sensu eniti & penetrare in caelum oporteat, ubi occultam salutem cernant, Deus tamen permittit, quod exonerent animos suos, curas, sollicitudinē dolores & metus quibus anguntur, in medium proferre. Videtur autem tacita esse allusio inter fumum irae Dei, & suffitum qui Sacrificiis adhibebatur sub Lege. Quum enim hic ad purgandum caelum valeret, queruntur diuerso fumo tenebras offundi, ne ad Deum perueniant sui gemitus.

6 *Cibasti nos.* Magnitudinem doloris, & longum etiam malorum tractum his loquendi modis exprimunt: ac si dicerent se confectos fuisse tristitia usque ad summam satietatem. Postea addunt, se in contentionem vicini fuisse dato, quod bifariam potest intelligi, vel

quod rixati cum ipsis vicini fuerint: vel quod victoriā adepti, contenderent de praeda, ut fieri solet dum quisque spolia ad se rapere appetit. Prior tamen sensus videtur melius quadrare, ut querantur totidem sibi hostes fuisse, quos vicinos, quum tamen mutua beneuolentiae vinculum debeat esse ipsa vicinitas. Eodem pertinet secundum membrum, *videre apud se*, hoc est, de rebus aduersis vltro & citro per iocum & ludibrium inter se fabulari. Ceterum, hoc Dei iudicio ascribunt, in cuius manu est flectere hominum animos, ut hoc modo se ad penitentiam hortentur. Quā verò eiusdem hodie reatus simus nobis confecti, non mirum est si nihilo etiam melior est nostra conditio. Sed quā formam hanc precandi fere desperatis Spiritus sanctus dictauerit, spes nobis & libertas suggeritur ne ab inuocatione peccata nostra nos prohibeant. Nec dubium est quin ad superandum obstaculum iterum repetatur, quod prius dictum erat, neque enim inanem bartologiam dictare, suis voluit Deus, sed ut malis grauati, audacter nihilominus assurgerent, hac futura saepius illis oblata fuit, sicuti tertio repetitur in Psalmi clausula.

9 *Vitem ex Aegypto transtulisti, expulisti Gentes, & plantasti eam.*

10 *Expurgasti coram ea, radicasti radices eius, & impleuit terram.*

11 *Operti sunt montes umbra eius, & palmites eius ceciderunt Dei.*

12 *Emisit malleolos suos usque ad Mare, & usque ad Fluvium propagines suas.*

13 *Cur diruisti sepem eius, & discerpserunt eam omnes transeuntes per viam?*

14 *Vastauit eam aperè sylua, & fera agri depasta est eā.*

9 *Vitem ex Aegypto.* Vitis similitudine Propheta commendat singulari gratiam Dei qua redemptum populum dignatus est: quod ad spem impetrandi non parum habuit efficaciam. Quis enim nostrum in Dei conspectum proflire audeat, donec praeueniat nos

ipse? Inuitat autem nos tam beneficiis quam verbo: atque hoc consilio nunc ei obicitur sua liberalitas, ne inchoatum deserat opus manuum suarum. Quamquam autem sine verbo frigerent apud nos Dei beneficia, ubi tamen ad verbi testimonium accedit experientia, non vulgariter

vulgariter nos animat. Et redemptio cuius nunc meminit Propheta, sceleris Dei vestita fuit: quia annis antè quadringentis Abrahæ eam Deus pepigerat. Summa huc redit, indignū esse vt Deus vitæ manu sua plantatam, & exquisitè cultā, à feris bestiis nunc lacerari sinat. Neque enim tridui vel exigui temporis erat Dei sceleris, sed filios Abrahæ sibi adoptauerat quos perpetuò tueretur. Virtutis autem nomine significat Propheta quanto in pretio populus hic corā Deo fuerit, quem non modò instar hæreditarij fundi sibi esse voluit, sed, sicuti vitis supra reliquas possessiones excellit, peculiari honore dignatus est. Quod dicit *terram fuisse purgatam*, metaphorice repetit quod prius sine figura dixerat, Gentes fuisse expultas, vt vacuus esset locus electo populo. Nisi fortè ad continuas fositiones alludat quibus vites, ne degenerent, purgandæ sunt: vt significet Deū sanctum esse agricolæ partibus erga suum populum, quia non destitit post plantationem in eo fouendo & conseruando operam impendere. Nam quod continuo post addit *radicatas fuisse radices*, de prima satione nō debet intelligi, sed de propagatione, quæ vna est culturæ species. Vnde sequitur opertos fuisse montes vmbra eius: quia tota regio, licet montuosa esset, incolis referta fuit: in tantam multitudinem creuit populus ille. Ideoque palmites comparat *rediu Dei*, hoc est pulcherrimis, vel eximijis quibusque: quo illustrior reddatur

Dei benedictio. Mare & Euphratem scimus terminos promissæ hæreditatis fuisse Diuinitus præfixos.

13 *Cur diruisti.* Applicatio est similitudinis: quia nihil minus consentaneum est, quàm Deum vitem à se plantatam, feris bestiis euellendam tradere. Id quidem se facturum se pius minatur ac denuntiat per Prophetas: sed in eum finem, vt populi ingratitude magis reddatur detestabilis, quæ prodigiosum illud pœnæ genus extorsit. Interea nō abs re ex tam præclara Dei beneficentia fiduciam concipere iussi sunt fideles: saltem vt in ipsa euulsione sperarent curæ se futuros Deo, qui opus manuum suarū nunquam deserit. Et si enim ad vastitatem redactus fuit populus, insanabilis suæ perniciæ culpa, paucis tamen palmitibus seruatis, vitem suam deinde restituit Deus. Hæc quidem deprecatio toti populo fuit proposita, quæ horrendæ dissipationi occurreret. Caterum quia paucissimi Deo verè supplices facti sunt, vt iram eius restingerent, tams fuit illos ab interitu eripi, vt noua deinde vitis exurgeret. Porro antithesis illis augetur indignitas, dum ab vna parte Deus vindictor statuitur: ab altera autem non modò quicunque transeunt, sed apri quoque syluestres, aliæque fera bestia. Verbum **ססר** quidam accipiunt pro ventrem farcire: quæ significatio nisi paulò esset ab vsu remotior, præsentī loco aptè quadraret.

15 *Deus exercituum reuertere obsecro, inspicere calis, & vide, & visita vitem hanc,*

16 *Et hortum quem plantauit dextera tua, & super filium quem confirmasti tibi:*

17 *Combusta est igne, excisa est: ab increpatione vultus tui pereunt.*

18 *Sit manus tua super virum dextera tua, super filium hominis quem confirmasti tibi.*

19 *Et non recedemus abs te: viuificabis nos, & nomen tuum innocabimus.*

20 *Iehoua Deus exercituum conuerte nos: fac lucere faciē tuam, & salui erimus.*

15 *Deum exercituum.* His verbis docere voluit Propheta, quauis ad tempus faciem suam occultet Deus, imò speciem alienationis præbeat, tentationi minimè cedendam esse: quia, modò cum certa spe veniæ quaratur, quos abiciere visus est, placatus in gratiam recipiet. Etsi autem hæc summa fuit populi dignitas, censeri Dei vineam: dum tamen hoc respectu Deum sibi conciliant fideles, nihil afferunt proprium, sed tantum postulant ne deficiat in medio liberalitatis cursu. Particulam *et caliz*, non dubito fuisse interpositam, ne fidem suam procul extendere fideles dubitarent, quauis ab ipsis longè distaret Deus à quo recesserant: deinde si nullus liberationis modus apparebat in terra, ut in cælum suspicerent. Quantum attinet ad vocem *וַיִּבֶן*, libenter recipio quod nonnulli vertunt, locum paratum. Quia tamen alius videtur permutatio litteræ *א* in *ב*, ut hortum significet, libera maneat electio. Certum quidem est, metaphoram esse priori affinem, quæ notatur singularis Dei in ornando populo liberalitas. *Virum* quoque *dextra* appellat palmitem manu Dei cõstitutum.

17 *Combusta est igne.* Clades populi iam clarius exprimit. Dixerat vitæ Dei bestiis fuisse expositam ad dispersionem. Longè autem durius est, incendio cõsumi, eradicari, & perire. Etsi autem perfidè descuerant à pietate Israelitæ, erant tamen adhuc Ecclesiæ portio, ut dictum fuit. Quare hoc tristicium exemplo monemur quàm seueris pœnis digna sit nostra ingratitude, præsertim vbi accedit contumacia, ut minis & obiurgationibus nihil Deus apud nos proficiat. Simul autem discamus, vbi passim ardet ira Dei, inter medias tamen incendii flammæ, dolores nostros in Dei sinum reicere, qui mirabiliter Ecclesiam suam ab interitu suscitavit. Paratus quidem esset non modò continuo tenore prosequi suum erga nos fauorem, sed magis ac magis nos locupletare, nisi obstaret nostra prauitas: sed quia fieri non potest quin tot sceleribus succenseat, hoc inestimabilis clementiæ est, vbi ignis à nobis accensus longè latèque grassatus est, eo restitit aliquam Ecclesiæ partem residuam

seruare. vel ut magis propriè loquar, excitare ab ipsis cineribus populum què nomen suum inuocet. Iterum repetit Propheta non vi & armis hostium, sed increpatione vultus Dei Ecclesiam per iisse: quia nunquam speranda est pœnarum mitigatio, nisi verè persuasi simus manu Dei iuste nobis infligi. Et hoc respiciendū signū fuit, ad manū percutientis respicere, sicuti alibi dicitur, *Le. 9. 13.*

18 *Sit manus tua super virum.* Precationem qua vsus fuerat sub figura vineæ, simplicibus verbis repetit, ut manu sua Deus protegat virum dextera sua & hominem quem sibi roborauit. Incertum est autem, de solo Rege, an de populo ipso loquatur. Nam etsi Iarobeam vinctus fuit in Regem, non tamen legitimo iure honorem illum adeptus est: nec quenquā ex successoribus ita Deus probauit, quin semper & ius & potestas regni maneret penes posteros Davidis. Neque enim, ut *Psal. 78. 67.* vidimus, elegit Deus tribum Ephraim: imò inuiolabili eius decreto sceptrum datum fuerat familiæ Iuda, sicuti continet vaticinium Iacob, *Gen. 49. 10.* Ergo impiaruptura fuit, quum maior pars populi descendiit ad Ierobeam. Solui tamen potest hic nodus, quia etsi peruersum fuit regni principiū, sicut dicitur apud Hoseam *13. 11.* Dedi vobis Regem in furore meo: tolerantia deinde probatum fuit: & vnico testata est, ratum Deo fuisse quod perperam tumultu populi gestum fuerat. Potuit igitur populus Israel Regem suum dicere à Deo creatum & stabilitum, qui in remedium dissipationis additus fuerat filiis Davidis. Etsi enim dissidio illo collapsus est status populi, futura tamen illa, arcana Dei consilio supposita fuit ne concideret. Sed ego libenter totum Ecclesiæ corpus complector. Nec temere singulari numero vsus est Propheta, quum vellet Deus populū illum instar esse vnus hominis. quæ etiam ratione Paulus *Gal. 3. 16.* in vno semine insistit. Difflexerant enim Ismael, Esau & alii, quam Deus redemit ac collegit semen Abraham. Ita *Filius hominis* vocabitur populus quem sibi adoptauerat Deus, ut esset quasi vnus homo: quia tamen vnitas hæc pendebar à capite, non displicet Regem diserte



terè notari quatenus retinebat maiorem populi partem, ne exitiali ruina periret. Caterùm hic rursus propheta nonnisi prioribus Dei beneficiis innititur ad conciliandum eius fauorem: ac si diceret, Domine, quia tuum est perficere quod cœpisti, Regem abs te nobis datū custodias. Tandem promittunt fideles se Deo gratos fore, si exauditi fuerint: neque id tantū sacrificio laudis, sed tota vita. Nam *innocatio nominis Dei* pro

vitulis labiorum accipitur. Sed totius vitæ consensum declarat vbi dicit, *non recedemus à te*. Quanquam sic contexti potest hic versus, Domine etiam in rebus nostris deploratis manebimus sub tuo obsequio, neque malorum acerbitas ad defectionem nos impellet. Tua autem gratia & virtute restituti, celebrabimus nomen tuum. De ultimo versu quē tertio inculcat Propheta, superuacuum esset plura dicere.

## ARGVMENTVM PSALMI LXXXI.

*Dua sunt huius Psalmi partes. nam quisquis fuerit auctor, populum hortatur ut redemptus Deo maneat in regnum sacerdotale ac peculiarem Ecclesiam electus, inestimabili huius gratia memet, redemptorem suum tam laudibus quàm sancta vita pœ colat. Deinde sequitur exprobratio ingratiitudinis in Dei persona, quod scilicet blande & comiter populum hunc ad se inuocauit, nihil profecerit quin iugum Legis perniciositer respuerit.*

*Psalmus LXXXI.*

**P**raefecto super *Githith Asaph.*

2 *Exultate Deo fortitudini nostræ, iubilare Deo Iacob:*

3 *Sumite canticum & proferte tympanum, citharam iucunditatum cum nablo:*

4 *Clingite cithara in nouilunio, tempore statuto ad diem sacrificij nostri:*

5 *Quia statutum Israel hoc, iudicium Deo Iacob.*

6 *Testimonium in Ioseph posuit hoc, quum egressus est super terram Aegypti: labium quod nesciebam audiri.*

7 *Amoui ab onere humerum eius: manus eius ab ollis recesserunt.*

8 *In tribulatione clamasti, & eripui te, respondi tibi in occulto tonitru: probaui te super aquas Meriba. Selah.*

2 *Exultate Deo.* Hunc Psalmum probabile est festis diebus, quibus solēnes suos conuentus agebant Iudæi, fuisse destinatum. Nam à principio ostendit non fuisse ordinem illum Diuinitus mandatum, ut surdi & muti ad tabernaculum starent (quia Deus neque otio neque frigidis ac inanibus caeremoniis colitur) sed ut talibus exercitiis fidei unitatem inter se fouerent, profiterentur suam pietatem, & se animarent ad continuos eius progressus, suaque studia coniungerent ad laudandū Deum: denique ut in sacro fœdere retinerentur, quo si-  
bi Deus eos adoptauerat. Quū verò hic

fuerit dierū festorū vsus sub Lege, colligere etiā licet, quoties hodie cōueniūt fideles, debere finem hunc esse propositū, ut se exerceant in vera pietate, Dei beneficia in memoriā reuocent, proficiant in eius verbo, fideisque suæ cōsensū testētur. Friuolis enī ac inutilibus caeremoniis ludunt homines cum Deo, nisi imprimis vigeat doctrina fidei, quæ ad inuocationem eos incitet: nisi etiā beneficiorū recordatio suggerat laudum materiam: imò mera est profanatio nominis Dei, dū extincta doctrina h. ce, externo tantum cultu defungitur populus: ideo Propheta non solum fideles iudex

ad tabernaculum concurrere, sed de fine quoque admonet, ut illic renouetur memoria gratiæ ueræ fœderis, unde augeat fides eorum & pietas, ut celebrentur Dei beneficia, quæ animos ad gratiarum actionem stimulent. Quantum ad tympanum, citharam, & nablum attinet, diximus alibi, & postea dicendum erit, Leuitas non abs re musicis instrumentis usus fuisse sub Lege: quia tenerum adhuc & pueris similem populum Deum talibus rudimentis docere voluit usque ad Christi aduentum. Nunc ubi Euangelii claritas, discussis umbris Legalibus, cultum Dei magis simplicem nobis commendat, stultè ac perperam imitemur quod Propheta non nisi ætati suæ præcepit. Unde apparet Papistas hoc ad se transferendo, simias fuisse. Sub *nomine* per synecdochè alias quoque ferias designat. Quamquam autem quotidie offerebantur sacrificia, dies tamen *Sacrificii* per excellenciam nominat, quibus se ex Legis præscripto sistebant fideles ad tabernaculum.

5 *Quia statutum.* Quò efficacior sit exhortatio, legem hanc impositam esse docet populo Dei, qua sancitur æternum fœdus. Quia autè in fœderibus mutua est conventio: dicit hoc statutum datum fuisse Israeli, & Deum sibi hoc in pepigisse. *וַיַּעַן* quidam deriuant à verbo *וַיַּעַן* quod significat ornare: & ueritè Decus, vel ornamentum Ioseph, sed descendit potius à *וַיַּעַן* & còtextus flagitat pro testimonio uel pactione accipi. Cæterum in nomine *Ioseph* respexit Propheta ad primam originem, quum post mortem Iacob distinctæ fuerunt familiæ. Nam quia nondum ad Iehudam peruenerat tunc primatus, Ruben uerò gradu primogeniti exciderat, meritò excelluit posteritas Ioseph ob memoriâ beneficiorum: quia fratrum suorum totiusque gentis pater & nutritius fuerat. Cæterum fœderis sanctitatem speciali nota commendat Propheta, quia Deus populum sibi acquisierat, dum hunc honorem sibi deferri stipulatus est: ac si diceret, redemptum fuisse hac lege populum, ut statis diebus ad renouandam gratiæ memoriam conflaret. Verbum *quum egressus est*, tam Deo, quàm populo conuenit, Tanta enim est loquutio, Deum coram

populo suo egredi, sicut pastor gregem vel dux exercitum præcedit. Præpositio *Super*, quibusdam uidetur notare altiorē Iudææ situm: quia ascendunt qui illuc veniunt ex Ægypto. Ego autem simpliciter interpretor populum, præeunte Deo, libere peruagatum fuisse per terram Ægypti, quia fractis ac pauefactis incolis datus est transitus. Gratiarum liberationis amplificat, dicens in persona totius populi, se fuisse ex profunda barbarie ereptum. nihil enim molestius est, quàm peregrinari apud Gentem cum qua nulla sit linguæ communicatio, quæ præcipuum est societatis vinculum. Quia enim lingua est uelut character mentis ac speculum, non secus ac syluestres feræ, inuicem alieni sunt qui carènt linguæ usu. Et Iesaias, 33. 19, quum uult durissimum supplicium minari pronuntiat venturos hostes profundis labiis, & confuso guttura. Itaque eo præstantius Dei beneficium populus agnoscit, quòd ab Ægyptiis ereptus fuerit, quorum linguam non intelligebat.

7 *Amor ab onere.* Hic iam Deus quibus & quantis beneficiis sibi deuinxerit populum Israel commemorat. Nā quòd asperior fuerat seruitus. unde erepti fuerant, eo optabilior & magis pretiosa fuit libertas. Quum ergo Propheta refert curuatos fuisse sub onere, & singulæ additos, aliisque seruilibus, & duris operis, contrarios status inter se comparans, magis illustrat redemptionis gratiam. Nunc ab illis ad nos analoge tenenda est: quia ubi non tantum ab onere lateritio subduxit Deus humeros nostros, nec tantum manus nostras à fornacibus remouit, sed ex miserrima Satana tyrannide redemptos, ab inferis eduxit: multo sanctior est nostra obligatio quàm veteris populi. Eandem sententiam prosequitur sequenti versu. Dicit Deus se tulisse supplicias quum *in angustis clamarent.* Quod ego libenter de precibus intelligo. Nam, etsi interdum contingit, eos qui ad ultimam necessitatem redacti sunt, còfuso clamore deflere suas miseras: quia tamè in afflictio populo aliqua, manebant pietatis scintilla, neque affluerat ex cordibus promissio Patribus data, non dubito eorū preces ad Deum fuisse conuersas. Nam & quia

& qui nihil tale meditatum habens, si tamen urgeat maior aliqua necessitas, arcano naturæ instinctu ad Deum feruntur. Quo magis credibile est, promissionem illis fuisse magistram, ut ad Deum respicerent. Quia verò nemo Deum verè implorat nisi auxilium ab eo sperans, melius convincere debuit Israelitas clamor ille, ut redemptionem, oblatam, soli Deo ascriberent. *Arcanum tonitru* quidā exponit nimis argutè, meo iudicio, tonitru quod occulta veritatis gemitus populi, ne Aegyptios magis exacerbarent. Simpliciter intelligo, arcano & admirabili modo exaudicum populum, & tamen edita palam fuisse signa ex quibus colligerent Israelitæ, Divinitus se iuvare. Quanvis ergo non apparuerit Dei facies, tonitru tamen notabile fuit latentis eius præsentiae indicium. Iam

quo pluris gratiam hanc æstimet Israelitæ, oblique illis Deus exprobrat indignis fuisse præstitam: quia maligni ac peruersi ingenii experimentum dederint apud aquas Meriba. Num. capite 14. vers. 34. Ac si diceret, quum palam tunc innotuerit vestra impietas, certè nulla à me habita fuit dignitatis vestrae ratio. Nò minus autè in nos cõpetit, hæc obiurgatio quàm in Israelitas: quia non solum quum afflicti essemus sub Saranæ tyrannide, Deus nostros gemitus audiuit, sed antequam nati essemus, redemptionis pretium nobis statuit in Filio vniogenito. Deinde quum inimici essemus per Euangelium nobis & Spiritum illucens, ad gratiæ suæ participationem nos vocauit: & tamen nò desinitus ei subinde obstrepere, imò ferociter contra eum tumultuari.

9 *Audi popule mi, & cõtestabor te: Israel si audieris me.*

10 *Ne sit in te deus extraneus, & ne adores deum alienum.*

11 *Ego Iehoua Deus tuus, qui te eduxi è terra Aegypti: dilata os tuum, & implebo illud.*

12 *Et non audiuit populus meus vocem meam & Israel reuertit me.*

13 *Et dimisi eos in cogitatione cordis eorum, ambulabunt in consiliis suis.*

9 *Audi popule mi.* Quo melius animos permoueat Propheta, Deum induit persona doctoris, eumque familiariter in medio cœtu loquentem inducit: ut intelligat populus inutiles ac luforios esse conuentus omnes, ubi vox Dei ad fidem & pietatem incitans non resonat. Sed præstat verba expendere. Præfatio hæc breuiter docet, non rite nec purè coli festos dies nisi attentis sint fideles ad Dei vocem: quia ut manus, pedes, oculos, seque totos illi consecrent in obsequium, necesse est ab auribus incipere, atque ita ostendit nullos se agnoscere cultores, nisi qui discipuli sint. *Contestandi* verbo significat se pacisci solenni more, quo maior constet verbis autoritas. Quod postea sequitur, *Israel si audieris me*, puto abruptè esse positum, ut in orationibus patheticis, defectus maiorem vehementiam exprimit. Alii contextunt cum versu sequenti,

Israel si me audieris nò erit in te Deus extraneus. Sed ego vocè desiderantis esse arbitror. Quanquam oblique significat Deus præfractio populo se diffidere, & vix sperare morigerum fore, vel docilem. Præcipuum deinde fœderis caput, & fere summam totam proponit, ut solus ipse emineat. Si cui tamen magis ita resolvere placeat, Israel quum me audieris, nihil est quod æque abs te postulem, vel exigam, nisi ut me vno contentus, alienos deos tibi non accersas: hanc sententiam non improbo. Certè hac voce confirmat Deus quod toties sibi inculcat in Lege & Prophetis, se zelotypum esse, ut socium honoris non admittat. Sed interea simul admonet, principium veri cultus incipere ab obediëntia. Diuersa est apud Mosen series, Exo. 20. 2. 4. & Deuteron. cap. 5. vers. 6. & nam ubi præfatus est Deus se esse Deum Israelis, prohibet ne sibi fabricent no-



uos deos. Hic autem prohibitio priorē locum obinet: deinde additur causæ redditio, quod abundē sufficere debeat Deus ille qui sibi populum acquisiuit. Fortē etiam preparationis vice initio hoc posuit, ut populum à superstitionibus abduceret, quas prius euelli ac purgari necesse est, quam radices in nobis agat vera pietas.

11 *Dilatatio tunc.* Sicuti prius redemptionem populi cōmemorans, fr̄num iniecit Deus quo suos clientes obsequio adstrictos teneret: sibi in futurū tempus bonorum omnium copiam superpetere denuntiat unde expleat populi esuriam. Notandæ verò sunt tres istarationes, quibus in se vno Deus continet Israelitas, ac perperam impięque facere ostendit si ad deos extraneos declinent. Nam voce *Iehouæ*, se Deum naturā esse asserens, negat in arbitrio hominum esse fingere nouos deos, ac emphaticum est pronomen *ego*. Quauis enim prætexerent Aegyptii, se Deum colere celi & terræ opificem, mendacii eos palam coarguebat contemptus Dei Israel: à quo simulac discedunt homines, eius spoliis ornant sua sigmenta, quosunque obtendant colores. Vbi se Iehouam asseruit, Deitatem suam effectū & experimento probat: quia eius clarum specimen exhibuerit in redimendo populo: præsertim quia tunc fidem Patribus datam præstitit. Virtus enim quæ tunc spectata fuit, non seorsum debuit æstimari: quia pendebat à fœdere quod olim cum Abraham pepigerat idem ille Deus, qui probata sua veritate non minus quā potentia, debitam sibi laudem asseruit. Tertiò iam se in posterum offert, hoc sensu, modò pergat Israel in fide, se eundem fore erga filios qualē experti sunt patres, quia exhausta non sit sua liberalitas. Nam verbo *dilatanti*, oblique perstringit angustias quæ beneficentiæ eius viam obstruunt ac si diceret, culpam penuriæ residere in populo, quia bonorum quibus indiget, capax non sit: imò incredulitatis suæ obstaculo arceat ac repellat quæ vltro fluenter beneficia. Nec solum iubet os aperire, sed gratiæ suæ abundantiam splendidius commendat: significans quantumuis se longè ac latè extendant nostra desideria, nihil defore ad ple-

nam satietatem. Vnde sequitur, *pared & tenuiter stillare* in nos cælestes gratias, quia os nimis angustum est, alios verò ieiunos esse & inanes, quia os prior sus claudunt. nam maior pars vel fastidio, vel superbia, vel furore respuit quicquid è cælo bonorum offertur: alii quanuis non in totum reiciant, vix tamen exiguas guttas admittunt, quia sic restricta est eorum fides ut effusam copiam impediāt. Hinc verò nimis clarè detegitur mundi prauitas, quod neque Deum cognitum amplecti, neque in eo acquiescere sustinet. etsi enim externo adorationis signo colit se Deus hic postulat, nō tamē moratur nudū nomē, quia eius maiestas in duabus vel tribus syllabis sita nō est: sed rē potius spectat, ne aliò diffuāt spes nostra: vel laus iustitiæ, salutis & bonorum omnium transferatur. Hoc enim nomine Deitatem sibi vendicat, quod sibi plena bonorum suppetat vbertas ad nos satiandos & explendos.

12 *Et non audiuist.* Nunc queritur Deus, quum Israelitas comiter ad se alliciat, blandam tamen hanc imitationem spernimus: quum pridem cœperis eos hortari, semper aures fuisse clausas Verbo suo. Neque enim de vnus tantum diei cōtumacia expostulat, sed populum statim ab initio stupidum ac præfractum fuisse intelligit, & in eadē obstinatione pergere. Hæc verò prodigiosa malitia est, Deo, vbi paratus est nobiscū ferē æquabili lege pacisci, claudere accessum, & audientiā negare. Ac ne culpā, ignorantia obtentu, extenuent, addit se ex professo & deliberato contēptu fuisse reiectum. Vnde apparet fascinatas à diabolo fuisse eorum mentes. Hinc pronuntiat factum esse ut eos dimiserit in duritia cordis eorum: vel, ut alii vertūt, in cogitatione. **וַיִּשְׁמַע** enim vnde hoc nomen deducit est, vmbilicū propriè significat. Vnde apta est translatio ad cogitationes cordibus implicitas vel etiam ad duritiem quæ medium cor occupat. Quia tamen scimus in Psalmis rem vnā bis solere repeti, prætuli nomen Cogitationis, quia mox sequitur, Ambulabunt post sua cōsilia. Cæterum his verbis iustam se pœnam sumpsisse testatur de populo, dum sana eum do-

ctrina

Arina spoliatis, in reprobum sensum proiecit. Sicut enim Verbo suo nos regens, quasi frano colubet, ne post errores vagemur: ita Prophetas suos auferens Iudæis, peruersis eorum consiliis habenas laxauit, vt sibi errandi essent duces. Atque hoc grauissimum est vindictæ genus & signum horrendæ desperationis, quâ ad nostram proteruiam dissimulans ac silens, correctionis medicinam non adhibet. Quandiu enim nos obiurgat, & ad tribunal suum citando, metu iudicii nos terret, simul inuitat quoque ad pœnitentiam: vbi autem operam se rixando videt ludere, nec quicquam proficere suas admonitiones, taceredo declarat se curam abiicere salutis nostræ. Nihil ergo magis timédum, quàm ita emancipari homines à Deo vt lasciuientes in suis consiliis, à Satana trahantur. Quanquam potest hoc latius expo-

ni, Deum radio fatigatum non curasse de retinendo populo, qui perdita sua malitia spem omnem profectus absciderat. Stultè verò inferunt ex hoc loco quidam, æqualiter distribui omnibus Dei gratiam, donec repudiata fuerit. Nam & tunc singulari priuilegio Deus solos Abrahamæ filios, posthabito toto orbe, ad se vocare dignatus est. Hodie fateor sublatum esse discrimen, vt legatio Euangelii, qua se Deus mundo reconciliat, communis sit omnibus: videmus tamen vt certis in locis excitet Deus pios Doctores. Quanquam non sola vox externa sufficeret, nisi efficaciter ad se traheret quos vocauit. Ceterum quia docet hic locus nullam esse magis exitialem pestem, quàm propriis consiliis regi, nihil aliud superest nisi vt prudentia carnis valere iussa, Spiritu sequamur ducē.

14 *O si populus meus audisset me, Israel in viis meis ambulasset!*

15 *Breui inimicos eorum humiliassem, & super aduersarios eorum vertissem manum meam.*

16 *O sores Iehoua mentiti fuissent illi, & fuisset tempus ipsorum in seculum:*

17 *Et panissem illos adipe frumenti, & melle satiissem te è petra.*

14 *O si populus meus.* Iterum honorifico elogio probrum & dedecus populi melius detegit: quia duplex fuit flagitium, quum vocatione essent populi Dei, nihil ab alienissimis differre: sicuti apud Iesaiam, 1.3, cōqueritur, Bos cognouit possessorem suum, asinus præsepe domini sui: populus autem meus nō intelligit. Quia dictio 17 apud Hebræos non est condicionalis, sed optatiua, non dubito quin Deus instar gementis exclamet miserum esse hunc populum, qui saluti suæ optimè consuli sponse recusauerit. Patris enim suscipiens personam, vbi remediis omnibus tentatis, filios deploratos esse videt, voces emittit dolentis, veluti cum suspirio & gemitu, non quoddam obnoxius sit humanis passionibus, sed quia aliter suum erga nos amorē exprimere non potest. Ac videtur Propheta locum hunc mutatus ex

Cantico Moïsi, Deut. 32.29. vbi iisdem ferè verbis deplorat populi perniciam. Est autem hic tacita exprobratio, vt sciant Iudæi nonnisi per suam malitiam sterisse quominus optime haberet. Si quis obijciat, frustra & sine ratione Deū conqueri, quando in eius arbitrio fuit flectere duras populi ceruices: nunc quādo facere non libuit, non esse cur se homini dolenti compareret: Respondeo, iuste id fieri nostra causa, ne infelicitatis nostræ culpam alibi quàm in nobis quæramus. Sed hic cauendum ne res diuersas misceamus, & quæ non minus inter se distant, quàm cælum à terra. Deus enim ad nos descendens per verbū suū, & sine exceptione inuitans omnes, neminem frustratur. Quicumque enim veniunt, admissi, sentiunt non abs re se fuisse vocatos. Interim ex fonte arcanæ electionis manat hoc discrimen, vt

in paucorum corda verbum penetret, aliorum aures verberet tantaxat. Neque tamen absurdum est eum flebiliter conqueri de nostra amentia ubi non pareremus. Sicuti enim verbo externo nos inuitans, patrem exhibet: cur non etiam patris imaginem referret in hac forma querimonia? Verè enim apud Ezechielem 18 31 pronuntiat se nolle mortem peccatoris, modò ex toto contextu candide & non contentiosè petatur eius dicti interpretatio. Non vult mortem: quomodo? nempe quia vult omnes ad se conuertere. Satis verò constat non esse hanc conuersionem in libero hominum arbitrio, donec ex cordibus lapideis Deus carnea reddiderit: modò renouatio hac (vt scitè Augustinus docet) ipsa creatione præstantior est. Quid autem obstat quominus pariter omnium corda flectat Deus ac formet in obsequium? Hic ergo tenenda est modestia ac sobrietas, ne in arcanum eius iudicium perrumpere tentemus: sed nobis sufficiat voluntas in verbo patefacta. Eorum enim salutem velle meritò censetur ad quos dirigitur vox ista, Iesi. 21, 12. Venite ad me, & conuertimini. Secundo membro definit Propheta quid sit Deum audire. Neque enim satis esset annuere loquenti Deo: quia facile concedunt hypocritæ, verum esse quod ex ore Dei proficiscitur, perinde ac si aures flecteret a finis. Propheta autem non aliter Deum audiri significat, nisi nos eius imperio subicimus.

15 *Breui inimicos.* Hic admonet, quascunque perpessi fuerant elades Israelitæ, imputandas esse eorum peccatis: quia non aliis viribus pugnarunt hostes, quàm quibus è cælo instructi erant. Promiserat Deus suis auspiciis electum populum fore omnium hostium victorem: ne quis eum mala fidei insimulet, affirmat se id facturum fuisse nisi prohibitus esset populi peccatis. Nec dubium est quin tacitè admoneat eos de prioribus victoriis, quas non proprio Marte, sed eius ductu adepti fuerant. Nunc senon modò cohiberi dicit eorum culpa, vt à defensione ipsorum abstineat, sed etiam improbitate cogi, vt hostibus amissis, in ipsos irruat armata manu. Eandem sententiam profe-

quitur quum dicit hostes suppliciter iugum tulisse subituro, nisi illos ad licentiâ armasset Israelitarum impietas, dū excusso iugo contra Deum lasciuunt. *Hostes iehoua* nominans, perstringit Israelitas, quòd abrupto fœderis vinculo, se à Deo distinxerint, ne bellum statim pro ipsis contra hostes communes susciperet. Quemadmodum enim terreni Principes si à sociis fraudètur, descèdunt ad inducias cum reliquis hostibus: & hoc pacto se vlciscuntur de peruriis & fœdis fragis: ita significat Deus se hostibus suis pepercisse: quia perfidè & scelerate à populo Israel deceptus erat. Cur enim manifestos hostes finit inultos esse, & in asserenda sua gloria ad tempus cessat, nisi quòd rebeli & immorigero populo illos opponit, à quibus subigatur? Quid sibi velit verbum *וְנָס*, alibi diximus. Subindicat autem Propheta non aliam quam repròbis sperandam esse pacem, nisi quatenus eorum rabiem constringit Deus oculis catenis, sicuti leo ferrea cauea inclusus, manet semper leo, sed cohibetur ne laniet ac discerpatur qui quinque tantum vel sex pedibus ab eò distans sic impij, licet in nostram perniciem inhient, exequi tamen quod euperent nequeunt: imò eorū ferociâ humiliat Deus, vt māfuetudinè simulèt. Summa est, culpa Israelitarum fieri vt præualeant contra eos hostes, & petulanter insultèt, qui filius Dei morigeris & obsequentibus supplices erant futuri. *Tempus quoque perpetuum* ad promissiones referri debet, sicuti copia tritici & mellis ad satietatē vsque: testatus enim fuerat Deus se fore illis protectorem & custodem ad finem usque. Mutatio igitur tam subita quæ cōtingat, odiòse illis obicitur, quòd data opera suam felicitatem protinus abiecerint. Idem & de terræ fertilitate dicendum. Quis sit enim vt esuriant in ea terra ubi Deus tritici & mellis abundantia illis pollicitus fuerat, nisi quia Dei benedictio eorū culpa exaruit? *Adipē frumenti* metaphoricè vocat similitudinē, nisi quis pro optimo tritico accipere malit. *Mel ex perra* quidam hyperbolicè accipiunt: ac si dictum foret, potius mel fluxisset ex ipsis rupibus, quàm non saturasset Deus hunc populum. Sed quum appareat ex Sacra historia, mel in ca-



his rupibus passim fuisse repertum quam diu florebat Dei benedictio, simplex sensus est tenorem gratiæ Dei continu-

um & æquabilem futurum fuisse, nisi malitia & sceleribus populi abruptus esset.

# ARGVMENTVM PSALMI LXXXII.

*Quia Reger & quicunque potestate pradi sunt, immensam sibi licentiam, fastu excacati, plurimum indulgent: deueniat reddendam esse rationem summo Iudici qui omnem mundi celsitudinem supereminet. Postquam autem officii & conditionis sue eos admonuit, surdis se vident cauere, Deum vindicem implorat.*

*Psalmus LXXXII.*

**P**salms Asaph. *Deus sedet in cœtu Dei, in medio deorum iudicabit.*

2 *Vsq̃uequo indicabitis iniquitatem, & facies impiorum sumetis? Selah.*

3 *Iudicate pauperem & pupillum, inopem & egenum iustificate.*

4 *Eripite pauperem & afflictum, è manu impiorum libere.*

1 *Deus sedet in cœtu Dei.* Hoc valde indignum est, quum certos homines veli Deus humano generi præesse, in commune bonum eos non agnoscere in quem finem excellant, neque etiam cuius beneficio locati sint in tam excelso gradu, sed contempta omni æquitate, libidine dominari. Suo enim splendore heberantur vt totum orbem sibi natum esse putent. Adde quòd, suæ altitudini minimè consentaneum esse ducunt, regi moderatis consiliis: & quum sua dementia plus æquo insaniant, querunt tamen adiutores qui blandiantur & applaudant eorum vitiis. Hanc superbiam vt corrigat Propheta, principis negat sic occupari solia & tribunalia ab hominibus quin Deus retineat summum gradum: sicut etiam, voluit Deus profani & impuri Poetæ ore hoc esse testatum, Regum timendorum in proprios greges, Reges in ipsos imperium est Iouis, Clari Gi ganteo triumpho, Cuncta supercilio mouentis. Ergo ne plus æquo sibi arrogant mundi proceres, Propheta hîc Deo solium erigit vnde omnes iudicet, ac cogat in ordinem, quod valde necessarium est. Erri enim regnare se fatentur per Dei gratiam, & cæremoniis Deum colunt, infatuat tamen eos sua magnitudo, vt falsa

imaginatione Deum à cœtu suo procul expellant. neque enim rationi & legibus subesse sustinent. Hanc vesaniam, qua fascinati sunt mundi Principes ridere consilium Propheta fuit: quòd Deo locum in cœtu suo non relinquunt. Et quo melius refellat ebriam confidentiam qua inebriati sunt mundi Principes, ordinem politicum appellat *cætum Dei*: quia vtcunque refulgeat eius gloria in singulis mundi partibus, præcipuum tamen lumen hac in parte emittit, dum legitima gubernatio inter mortales viger. Tritum quidem Hebræis esse fateor, quicquid eximium est ornare Dei epitheto: sed videtur hîc pro circumstantia loci, Principum ordinem Diuinum vocare Propheta, in quo resplendet peculiaris Dei maiestas: sicut coniugium appellat Solomo patrem Dei, Prover. 2. 17, quòd polleat singulari quadam sanctitate. In secundo membro parum interest quo ad summam rei, legamusne In medio deorum: an iudicet deos in medio: nisi quòd melius fuit cõtextus prior, Quantumuis se extollant mundi Proceres, non tamen imminuere ius Dei quominus primatum inter ipsos teneat, sibi que gubernationem asserat. Caterum hîc nomen *Deorum*, sicuti paulò post, & aliis locis pro

Iudicibus sumitur, quibus specialem gloria notam inculpavit Deus. Nam ad Angelos trahere, rigidum est commentum.

2 *Usquequo iudicabitis.* Multi existimant describi iudicii modum: sed mihi potius videtur Propheta, ut obiurgationi viam pararet, ita praefatus esse. Quamvis capita Reges attollant supra nubes, vivere tamen ipsos quoque hac lege, ut regantur sub Dei manu: ideoque sua ferocia temere luctari, ne rationi cedant. Et si enim deterrimi sunt tyranni, scelerisque sacrilegio occupant locum illum: si quis tamen Dei servus contra ipsos hi scere audeat, quasi fieret ipsis magna iniuria, obdunt sacrum Dei nomen. Ita dum se fingunt communi Lege exemptos, ac solutos, doctrinam eiusque ministros ablegant ad plebem. Denique nullo esse imperium putant nisi ubi exultat effrans libido. Atqui principio hoc posito, Deum inter ipsos gubernare, iam patefactus est aliquis doctrinae aditus. Ergo Propheta ubi sibi auctoritatem peperit, libere invehitur in Principes, & crassissimum vitium castigat, dum se vanales iniustus pauperum vexatoribus prostituunt, & mercede redempti pervertunt omnem aequitatem. Impios autem disertè exprimit, quia probi homines nunquam studebunt corrumpere iudicia. Ad haec furor quidam diabolicus proceres mundi dementat, ut plus improbis vltro deferant, quam innoxii & simplicibus. Fingamus impios cessare, neque adulatione, neque fraudibus, neque pecunia, neque alio artificio sibi acquirere fauorem, qui tamen dominantur, ut plurimum in malam partem magis propensi erunt. Haec ratio est cur exprobet Propheta impios plus reperire fauoris, quam bonos & integros.

3 *Indicate.* Breuiter admonet Propheta quibus documentis probare conueniat iustum & moderatum imperium nempe si ius suum miseris & afflictis tribuant. Est quidem in verbis synecdoche, quia certum est obstrictum esse omnibus eorum fidem: sed non abs re dicit Propheta miseris hominibus & oppressis datos esse patronos, quia & alieno auxilio indigent, nec alibi reperient quam ubi auaritia ambitio, aliaque corruptela cessant. Ideo autem gladium gestant Iudices ad improbos cohibendos ne in furiosa hominum intemperie vis praualcat: & quo quisque potior est, eo audacior sit ad premendos infirmos. Itaque raro cōfugiunt diuites ad opem Magistratum, nisi forte dum inter se litigant. Nunc tenemus cur pauperes & egenos praecipue commendet Propheta: quia non secus ac medicis agroti, Magistratum praedio indigent qui diuitum seuitiae & iniuriis sunt obnoxii. Hoc si Regibus & aliis Iudicibus solide persuasum esset, se tutores pauperibus esse datos, ut se iniuriis opponant, compescantque omnem iniustam violentiam, vigeret ubique summa rectitudo. Nam quisquis pauperes tueri dignabitur, non flectetur huc illuc gratia, sed quod iustum est, tantum respiciet. Hoc etiam colligimus ex Prophetae verbis. Quamuis nemo flagitet opem Principum, ignavia tamen coram Deo damnari, nisi sponte succurrant. Falso enim colorem hunc praetendunt, ubi manifestè grassatur iniustitia, gemitus & querimoniae passim resonant, se mederi non posse malis donec rogati fuerint. Quia igitur per se factis clamor oppressio, si Iudex in alta specula sedens conuiuet, dissimulationem hanc impunè non cessuram Propheta denuntiat,

5 *Non cognoscunt, neque intelligunt, in tenebris ambulant, quanuis moneantur omnia fundamenta terra.*

6 *Ego dixi, Dii estis, & filii Excelsi vos omnes.*

7 *Certè sicut homo moriemini: & sicut quilibet, Principes cadetis.*

8 *Surge Deus indica terram, quia tu haereditabis in cunctis Gentibus.*

**N**on cognoscunt. Postquam officii admonuit Principes, conqueritur se nihil proficere, quia stupidi sunt, nec admittunt sanam doctrinam: imò ut concutiat totus orbis, securi manent in sua socordia. Nam hinc maximè cogarguit & vrget eorum demètiā, quòd, si videant cælum terræ misceri, non tamen moueantur, ac si nulla eos tangeret cura generis humani, cuius tamen specialiter delecti sunt custodes. Dixi autem paulo antè, quid maximè eos priuet intelligentia quia scilicet cæcutiunt in suo fulgore: & quum ferociter excutiāt omne iugum, nulla religio ad modestiā eos flectit. Nam hoc sanæ mentis & prudentiæ initium est, tribuere Deo suum honorem, ut nos Verbisui frāno contineat. Postremum hoc membrum, *moueamur fundamenta terre*, plærque ferè omnes aliò torquent, ac si intèr mundi calamitates hanc esse maximam diceret Propheta, ubi Principes officio non funguntur: quia itans terræ, hoc est hominum conditiō, huic fundamento innitur, si iustitia vigeat. Sensus ergo est secundum eos, labefactari orbem iniusta Principum tyrannide. Ego, quanquam sensum hunc non refello, potius tamen arbitror, ut iam atrigi, damnari prodigiosum stuporem in Iudicibus, qui rebus horrendum in modum confusis & ipsa terræ concussionē non mouentur.

**6 Ego dixi.** Concessio est, qua tamen ostendit Propheta, nihil peruersis Iudicibus præsidii fore in sacra persona quam illis Deus imposuit. Quanquā autem non inducit eos loquentes, tantundem valet hæc exceptio ac si dixisset, Si clipei loco obiciatis vestram dignitatem, nihil vobis proderit hæc gloriatio: imò vos deluditis stulta confidentia, quia Deus vos sibi vicarios constituens, se proprio imperio non spoliauit. Deinde voluit fragilitatis vestræ esse memores, ut solliciti & cum timore minus vobis iniunctum exequamini. Potest hoc etiam accipi in Dei persona quòd vnā cum principatu nomen illis suū detulerit. Ac videtur hoc congruere cum Christi dicto: vocari Deos ad quos Dei sermo factus est. Cōmodè tamè etiā ver ei potest, Fateor vos esse Deos, & filios Excelsi. In re ipsa parū est discriminis, quia hos tantum vult Propheta, nō excusa

ri honoris prætextu Iudices, ut scelerum pœnam effugiant: quia hac lege præfecti sunt mundo ut olim ipsi quoque rationis reddendæ causa ad tribunal cæleste compareant: idèoque non nisi temporali dignitate esse præduos, quæ vna cum mundi figura effluet. Quo sensu continuo post addit, *Atqui sicut homines moriemini*. Ac si diceret, quum instructi sint potestate ad regendum mundum, non exuisse tamen naturā ut mortales esse desinerent. Posterior pars verus malè ab aliis vertitur, meo iudicio, Quasi vnus Principum cadetis. Putant autem illis denuntiari violentiam mortem: sicut ille dicit, Ad generum Cereis sine cæde & sanguine pauci Descendunt Reges, & sicca morte tyranni. Sed quia illud coactum est ac remotum non dubito Principes obscuris & gregariis hominibus conferri. Vnus enim, quemlibet è vulgo significat. Itaque licet homines se esse obliui, fallaci perperitatis confidentia se inebrient, ad promiscuam mortem trahendos esse dicit. Christus calumniam refutare volens qua eum grauabant Pharisei, testimonio hoc vsus est, Iohan. 10. 33. Si vocat (inquit) Scripturā Deos ad quos Dei mandatum peruenit, annon longè dignior est hoc titulo quem Pater signauit Deus? Cæterum his verbis non se cōstituit in ordine Iudicum, sed ratiocinatur à minori ad maius: Si transferur Dei nomen ad eius officarios, (ut vocant), longè magis competere in Filium vni-genitum, qui Patris personam sustinet, in quo relucet eius maiestas, totaque Deitatis plenitudo habitat.

**8 Surge Deus.** Cur Psalmus hic precatione claudatur, initio dixi. Propheta enim se nihil proficere videns monendo & obiurgando, quia principes superbia inflati omni aequitatis doctrinam respuunt: se ad Deum conuertit, & compescendæ eorum insolentiæ vindicem implorat. Hoc autem modo Spiritus sanctus solatiū nobis præscribit quoties libidinosè nos vexāt tyrāni. Et si enim nullū in terris frānū cohibedæ eorū licetiā occurrat, suspicere tamè in cælū cōuenit, atque inde remediū petere: quia nō frustra Deus partes iudicandi orbis sibi vèdicat. Idèoque rogād⁹ est ut res cōfusas ad rationē legitimā cōponat



Quæ mox sequitur ratio quibusdam videtur esse vaticinium de regno Christi, quo Deus cunctas gentes sub potestatem suam redegit. Ego autem latius extendo: Deo in cunctis gentibus obedi-

tiam iure deberi, iusque dominandi perperam & iniuste ei eripi à tyrannis, dum posthabito eius mādato, fas & nefas permiscēt. Itaque rogāndus est vt mūdū rite ordinando, imperium suum recuperet.

## ARGVMENTVM PSALMI LXXXIII.

*Implorat Dei spem Propheta contra Ecclesiæ hostes: atque vt facilius impetret, commemorat quā multa gentes simul conspirauerint, & quidem eo consilio, vt deleto populo Israel, Ecclesiā Dei nomen exiugāt. Interim vt se & alios maiore fiducia ad studium precandi stimulet, propositis in mediū pluribus exemplis, quā potenter solitus sit Deus seruis suis spiritali ostendit.*

*Psalmus LXXXIII.*

### **C**anticum Psalmus Asaph.

2 Deus ne taceas apud te, ne fileas & ne quiescas Deus.

3 Quia ecce inimici tui tumultuantur, & qui te oderunt extulerunt caput.

4 Super populum tuum callidè excogitarunt consilium, & consultauerunt aduersus absconditos tuos.

5 Dixerunt, Venite & excidamus eos à gente, & ne sit in memoria nomen Israel amplius.

2. Deus ne taceas. Quod multorum consensu receptum est, Psalmum hunc eompositum fuisse tempore Regis Iosaphat, mihi etiam probatur: quia scimus quantam pius ille Rex belli molem sustinuerit contra multiplices hostium copias. Quanquam enim præcipui belli authores erant Ammonitæ & Moabitæ, subsidia tamen contraxerant non modò ex Syria, sed etiā ex lōginquis regionibus, quæ multitudine ferè obruerant totam Iudæam. Quoniam ergo hīc refertur longus hostium catalogus, qui inter se conspirauerant ad perdendum Dei populum, probabilis est coniectura, Psalmum tunc fuisse dictatum. nam & Sacra historia refert vnum ex Leuitis pollicitum fuisse Regi victoriam spiritu Prophetico, & leuitas cecinisse coram Domino. Quia autem fieri non potuit quin totus populus cum sancto Rege in tantis periculis magnopere esset obnoxius, plena vehementia & sollicitudinis hīc continetur precatio. Atque huc spectat repetitio quæ occurrit statim in primo versu, *ne taceas apud te, ne fileas, ne quiescas* ac si dicerent fideles, si auxiliari sibi velit Deus, nunquam id tempestiuè facturum nisi celeriter festinet. Quanquam

autem nostrum est patienter quiescere, siquando Deus auxilium suum differat, infirmitati tamen nostræ concedit festinationem hanc optare. Vbi verti, Ne fileas apud te, ad verbum est, Ne fileas tibi: quod per phrasticè resoluūt quidā, ne taceas in propria causa: quod tāquā nimis argutū omisi. Tātūde verò loquutio hæc valet ac si dictum esset, Ne te intus contineas. Potest autem esse superuacua particula, sicut aliis pluribus locis.

3. Quia ecce inimici. Hic necessitas exprimitur, quod tam vi & impetu hostium, quā astutis consiliis premanetur fideles, vt nullum moris elusum pateat. *Tumultuari & efferre caput* dicens intelligit fretos sua potentia insolenter se gerere. Sicuti autem talis ferocia pios animos valde labefactat: ita vnica leuatio est, de ipsa apud Deum conqueri, cuius perpetuum munus est superbos comescere. Ideoque Sancti vt plurimum, vbi Dei supplicia implorant, obiiicere solent hostium suorum proteruiā. Ac notandū est, vocari Dei hostes quicūque Ecclesiā infestant: quia hæc non vulgaris fiduciæ materia est, communes nobiscū Deo hostes esse. Hoc autem ex gratuito eius pacto manat, quo pollicitus est

est se fore aduersarium omaibus hostibus nostris : & meritò , quia ex quo nos amplexus est in suâ tutelam , oppugnari non potest salus nostra , quin simul violetur eius maiestas . Interea pax nobis cum omnibus colèda est quoad licebit : studendūque probitati , vt securè corâ Deo gloriari liceat iniuriam nobis fieri quum præter meritum laceßimur . Iâ utique ad superbiam & violentos impetus hostium accedit etiam hostiū caliditas , danda est tamē sua Deo gloria : vt eius subsidio contenti simus . Sicut enim frâgere solet superbos qui rabiem suam despumant , ita etiam astutos deprehendere in sua astutia . Porro ne hostium insidiis & captionibus putemus nos esse expositos , opportunè suggerit nobis Propieta plenum consolationis & spei epitheron , vocans nos Dei *absconditos* . Nam quòd quidam in contrariam partem trahunt , quia non appareat Dei auxiliū quo protegimur , sicuti alibi vita fidelium vocatur abscondita . Col. 3.3. nimis coactū est , & prorsus remotū tam à mente quàm à verbis Prophetæ . Simpliciter enim docet latere nos sub vmbra alarum Dei . quia etsi videmur patere & obnoxii esse impiorum libidini , occulta Dei virtute seruamur . Ideoque alibi dicitur , Abscondes me in abdito tabernaculi tui , Psal. 27.5. Simul tamen notandum est , non alios occultari sub Dei custodia , nisi qui suis viribus diffusi , trepidi ad Deum cōfugiunt . nam qui persuasi se ad resistendum pares fo-

re , audacter concurrunt , & quasi metu soluti lasciuiunt , tandem dabunt nudatis suæ pœnas . Ideoque nihil tutius est quàm sub Dei vmbra delitescere , dum propria imbecillitatis consciis , salutem nostram in eius sinum coniciamus .

5 *Dixerunt , Venite .* Augetur hæc circumstātia indignitas , quòd in animo habuerint impii Ecclesiā radicitus excidere . Potest quidem hoc restringi ad Ammonitas & Moabitas , qui stabella fuerunt aliis excitandis . Sed quia eorum impulsu Agareni , Syrii , & reliqui non dissimili odio & furore perciti ad perendum Dei populum arma sumpserunt , commodè hanc vocem omnibus tribuimus , quia scilicet inira pactione certatim irruerint , aliique alios hortati sint ad delendum regnum Iudæ . Causa autem tam crudelis odi præcipua fuit , quòd Satan Dei Ecclesiam extinguere semper conatus est : ideoque suos omnes ad furorem impellere non destitit . *Excitare à gente* significat funditus eradicare , ne sit amplius gens aut populus . quod clarius patet ex secundo membro , *Ne memoretur posthac nomen Israel .* Atque hæc circumstantia valuit ad prouocandam Dei misericordiā , quòd bellum hoc non sit susceptum communī more , vt visi & subacti venirent in hostium potestatem , sed ad vltimum vsque exitium progressa sit sæuitia . Perinde autem fuit ac si conati essent euertere Dei consilium in quo fundata est Ecclesiæ perpetuitas .

6 *Quia consultauerunt corde simul , aduersus te fœdus pepigerunt*

7 *Tabernacula Edom , & Ismaelita , Moab & Hagareni ,*

8 *Gebal , & Ammon , & Amalec , Philisthiim , cum habitatoribus Tyri .*

9 *Etiā Assur sociatus est illis : fuerunt brachium filiis Lot . Selah .*

6 *Quia consultauerunt .* Hic multiplices copias recensit , quæ iunctis viribus machinabantur Ecclesiæ Dei ruinam . Quum ergo tam valida factione incumberet multæ gentes in perniciem infirmi regni , necesse fuit maturè subleuari admirabili Dei auxilio , quibus nul-

la ad se tuendos facultas erat . Et tamen in tanta illa desperatione , erupit sancto Regi Asa vox illa verè heroica , 2. Par. cap. 14. vers. 11 , Non est difficile Deo succurrere siue aduersus magnum , siue exiguum exercitum : nec impediet nostra paucitas , quominus ab ingenti mul-

titudine nos eripiat. Idem scilicet Spiritus qui inuicta illa fortitudine instruxit pium Regem, Psalmum hunc toti Ecclesiæ dictauit, vt se intrepidè ad opem Dei conferrer: Ac hodie quoque nobis verba præit ne Dei inuocationi ianuam præcludat vllū discrimen. Nā vt in nos conspiret totus mundus, murus hic athenæus oppositus est ad defensionem regni Christi, Vt quid tumultuatur Gentes, &c. Psal. 2. ver. 1. Nec verò mediocriter nobis prodest, in hoc exemplo quasi in speculo, cernere quid ab initio Ecclesiæ Dei contigerit, ne hodie nos eadem vel similis conditio nimium percellat, dum totus mundus nobis est infestus. Videmus enim vt diabolico furore totum orbem in nos inflamet Papa, itaque quocunque vertamus oculos, totidem infesti ad nos delendos exercitus occurrunt. sed vbi statuerimus, nihil nobis accidere noui, veteri Ecclesiæ fato confirmabimur ad tolerātiā, donec virtutem suam repente Deus exerat, quæ sola ad dissipandos omnes mundi conatus sufficiet. Porro ne ambiguerent fideles an sibi paratum esset è cælo auxilium, clarè affirmat Prophetata, bellum cum Deo suscipere quicunque Ecclesiam infestant, quæ sustinetur eius patrocinio. Scimus enim qua lege pronuntiet se nobis fore auxiliatorem, Quī tangit vos, (inquit) tangit pupillam oculi mei, Zach. cap. 2. ver. 8. Et quod dictū fuit alio Psalmo de Patriarchis, ad omnes fideles extenditur. Ne tangatis Christos meos: & ne sitis molesti Prophetis meis, Psal. 105. 15. Nam vntionem qua nos signauit, vult esse clypei loco, qui nos saluos & incolumes præstet. Quamquam igitur non intulerāt ex professo bellum Deo qui hic numerantur populi: quia tamen vbi Deus iniuste suos imperi videt, medium se constituit ad sustinendos insultus: meritò dicit Prophetata, omnes illos sædus pepigisse contra Deum. Sicuti hodie Papiſtæ quum de nobis perdendis consilia

agitant, siquis roget an fortiores Deo sint futuri, protinus excipient, sibi non esse in animo Gigantum more calum inuadere. sed quia pronūtiat Deus quoties iniuste lædimur, se quoque violari, ex fidei specula longè nos prospicere conuenit quod ipsi tandem effectu ipso sentient. *Consultare corde*, quidam exponunt, strenuè & magno studio deliberare. sicuti Fieri ex animo dicimus quod fit serio ardentiue affectu. Sed potius hæc voce recōditos astus notare voluit Prophetata, de quibus paulò antè conquestus est. *Tentoria Edom*, quidam Interpretes ad bellicum apparatus referūt, ac si diceret Prophetata, venisse bene instructos cum tentoriis ad protrahendum bellum: sed videtur potius alludere ad gentium illarum morem, quia sub tabernaculis degabant. Quamquam hyperbolica est locutio: ac si diceret, tuguria illorum suis locis fuisse euulsa, tanta erat bellandi cupiditas. De singulis autem gentibus curiosè non dissero, quia maior pars frequenti Scripturæ vsu satis nota est. Quòd autem dicit *Assur* cum aliis *fuisse brachium suis* *Let*, hinc certè non parum augetur indignitas. Nephariæ crudelitatis fuisse, exteris Gētibus suppetias ferre contra suos cognatos: nunc quū classicū primi canunt, & vitro accersunt Assyrios & reliquos, perdendis suis fratribus, nōne meritò derestabilis est tam barbara feritas? Nam vt Iosephus ipse commemorat, sine noxa & maleficio per eorum fines transierant Israelitæ: quia Dei mandato sanguini suo pepercerant. Quum ergo viderent Moabitæ & Ammonitæ vigere apud fratres suos sanguinis memoriam, nōne mutuo etiam colenda ipsis erāt humanitas, ne quid hostile tentarent? sed hoc quoque Ecclesiæ quasi fatale est, nō modò ab externis hostibus imperi, sed plus molestiarum ab adulterinis fratribus sufferre. Sicuti hodie nulli importunius in nos insaniunt quàm degeneres Christiani.

10 *Facillis sicut Madianiti sicut Sisara, sicut Iabin, in torrente Cison:*

11 *Perierunt in Endor. fuerunt Percus terra.*

12 *Pone eos, Principes eorum sicut Oreb, & sicuti Zeb, &*

sicuti



*sicuti Zeba & sicuti Salmuna, omnes Principes eorum:*

13. *Qui dixerunt, Hereditate possideamus nobis habitacula Dei.*

10 *Fac illis.* Postquam de gra-  
uissimis suis oppressiōibus conquesti  
sunt fideles, quo propensior esset Deus  
ad opem ferendam, nunc in memoriā  
reuocant quā saepe desperatis populi  
sui rebus remedium attulerit. Vnde col-  
ligere promptum fuit, Deum consulto  
auxilium suum differre, dum premuntur  
eius serui, vt mirabiliter in vltimā ne-  
cessitate perditis succurrat. Duas autem  
historias miscet Propheta, quia debuit  
vno contextu prosequi, *Fac illis sicut  
Madianitis in torrente Cison.* Inserit autē  
cladē Iabin & Sisaræ, sed in distinctio-  
ne non multum fuit momenti, quia satis  
habebat sibi & reliquis fidelibus sugge-  
rere quæ Deus olim in liberando popu-  
lo sæpius ediderat miracula. Summa e-  
nim huc tendit, Deum, qui toties proffi-  
gatis hostibus, pauidas oves suas ē fau-  
cibus luporum eripuit, non destitui nūc  
eadem virtute. Scimus quā mirificē  
populo per manum Gedeonis opitula-  
tus sit, Iudic. 6. Videri enim potuit merū  
ludibrium, quod cum validissimo exer-  
citu congregi ausus fuerit Gedeon, non  
nisi trecentos milites secū ducens, præ-  
sertim qui seruitio assueti, solo domina-  
torum aspectu terreri poterant. Atqui  
factum est vt Madianitæ mutuis vulne-  
ribus conciderent. Eadem Dei gratia  
in cæde Sisaræ & Regis Iabin refulsit,  
Iudicum 4: nam auspiciis mulieris am-  
bo sunt profligati à Barach, qui ingen-  
tibus eorum copiis exiguam manum op-  
ponere ausus est. Dux etiā ipse Sisara  
non fortiter in prælio occubuit, sed quū  
in latebras fugisset, muliebri manu per-  
cussus est. Ergo ne fideles terrore occu-  
pati desperent, tempestiuē sibi obiciūt  
hæc liberationis exempla, quibus testa-  
tus fuerat Deus satis in se vno residere  
potentiæ ad suos tuendos, quoties hu-  
manis opibus destituti, ad eum confu-

gerent. Porro ex illo incredibili & in-  
solito modo liberationum, colligebant  
Deū mirificum esse artificē in Ecclesia  
sua seruanda, vt in solo eius flatu, confi-  
derent sibi esse satis præsidii ad hostes  
sternendos. Neque hoc tantum loco re-  
fertur in hunc finem Madianitarū strage-  
s: sed Iesaias cap. 9. ver. 4, etiam eadē  
ratione futuram Ecclesiæ restitutionem  
confirmat. Quod dicit *fuisse steruus terra*,  
bisariam exponitur, vel quod in terra  
putrefacti sint, vel calcati sint instar  
sterquilini. atque hic posterior sensus  
melius quadrat, licet priorem nō repu-  
diem. Cur dicat *perisse in Endor*, non sa-  
tis liquet. Legitur hoc nomen Iosue ca.  
17. ver. 11. Et probabile est illic deletū  
fuisse exercitum Regis Iabin. Quod e-  
nim appellatiuē quidam accipiunt En-  
dor, quasi dictum esset palam & ocu-  
lari strage, mihi non placet.

13 *Qui dixerunt.* Iterum accusat  
profanos homines sacrilegii, quod præ-  
datoria licētia inuolēt in ipsam Dei hæ-  
reditatē. Certū quidē est, nō hoc verbis  
præ se tulisse, sed quū Deum spernerēt,  
quem sciebāt coli in populo Israël, me-  
rito hoc crimine eos onerat, quod Deū  
hæreditate sua spoliare conati sint. Nec  
verò dubium est quin cōiitiis exagita-  
uerit verū Deū, vt suis figmētis inebria-  
ri, sacrum eius numen pro nihilo duce-  
bāt. Atque vt abstinerint à crassis bla-  
sphemiis, quicquid tamen molestiæ in-  
fertur piis, redundat in Dei contumeliā,  
qui in suam clientelā eos recepit. Sub-  
est etiā huic loquendi formæ nō par-  
ua consolatio, dum Iudæam Propheta  
nuncupat *habitacula Dei*: quia hac lege  
se nobis coniunxit vt perpetuam quietē  
& domiciliū inter nos habeat: imò non  
secus charam & pretiosam habeat Ec-  
clesiam, quā paterfamilias, optimas  
possessions.

14 *Deus mi pone eos tanquam globum, tanquam stipulā  
cor in vento.*

15 *Sicut ignis inflamat syluam, & sicut flamma accen-*

*dit montes.*

16 *Sic persequaris eos in tempestate tua, & turbine tuo terreas eos.*

17 *Imple facies eorum ignominia, ut querant nomen tuum Iehoua.*

18 *Pudefiant & terreantur usque & usque, & confundantur & pereant:*

19 *Et sciant quod tu sis nomen tuum Iehouah, solus tu excelsus super omnem terram.*

14 *Deus mi.* Quia intolerabilis est impiorum superbia dum ad perdendam Ecclesiam se accingunt, rogar Deum Propheta ut eos pudefaciat, quando aliter corrigi eorum insolentia nequit, donec confusi & turpiter frustrati iaceant. Quod hoc modo futurum Prophetam dicit *ut querant nomen Dei*, de vera conuersione, meo iudicio, intelligi non debet. Primus quidem, fateor, hic gradus est ad respiciendum. ubi homines flagellis humiliati, ultro se demittunt: sed Propheta simpliciter coactam & ferulem subiectionem notat, qualis fuit Pharaonis. sepe enim contingit, impios malis subactos dare gloriam Deo ad momentum. Sed quia paulo post phrenetica rursus amentia feruntur, hinc satis detegitur hypocrisis, seque prodit quae in eorum cordibus latebat ferocia. Vult ergo plagis impios cogi ut inuiti Deum agnoscant: ut saltem eorum furor qui ex impunitate prorumpit, restrictus ac inclusus teneatur. Idque melius apparet ex proximo versu, ubi palam aeternum illis interitum precatur, quod minimè quadraret si daretur poenitentiae locus. Nec abs re tot voces accumulat Propheta, partim quia, ut sunt indomabiles reprobi, quauis sepius castigati sint, colligunt tamen subinde novas vires, & nouos spiritus: partim quia nihil apud nos persuasum magis est difficile, quam breui perituros qui lati in summa prosperitate exultant. Id autem fit quia non satis apprehendimus quam formidabilis maneat Dei vindicta Ecclesiae oppressores.

19 *Et sciant quod tu.* Nunc quoque de saluifica Dei notitia non agit, sed

quam reprobis extorquet violenta Dei manus. Quamquam non simpliciter dicit cognituros aliquem esse Deum, sed speciale ponit notitiae genus, quod profani homines, quibus antea contemptui fuit vera religio, tandem sensuri sint vnicum esse Deum illum qui se in Lege patefecit, & in Iudaea colitur. Interim tamen notitiam duntaxat euanidam, radicemque & viuo sensu carentem designat: quia nec serio, nec libenter se Deo subiiciunt reprobi, qui vel ad fictum obsequium inuiti trahuntur, vel, quatenus eos compescit, non audent in apertum furem erumpere. Hac igitur est experimentalis notitia, quae ad cor usque non penetrat, sed vi & necessitate exprimitur. Est autem emphaticum pronomen **יהוה**, quia subest comparatio inter Deum Israelis & alios omnes fictitios: ac si dixisset Propheta, Domine fac ut sentiant, quae sibi fabricati sunt idola, nihil esse. Et certè quantunvis refugiant lucem Dei contemptores, & nunc sibi obducant nebulas, nunc se immergant profundis tenebris, Deus tamè eos persequitur, & trahit ad sui notitiam, quam cuperent ignorantia sepelire. Quia autè promiscuè & indigne transfert mundus ad sua signimenta sacrè Dei nomen, hanc profanationem simul corrigi Prophetam quum addit, *Nomen tuum Iehouah*: ac si diceret, verè in eum solum competere essentiam, aut verè esse quod dicitur: quia utcumque eius gloriam dilacerent increduli, ipse tamen integer manet. Sèper tenenda est illa quam dixi antithesis. Nulla enim fuit tam barbara natio quae non coleret deitatem aliquam: sed vnaquaque regio proprios fingebat sibi deos.

deos. Et quanuis Moabitæ, Idumæi, & reliqui concederent aliquid potestatis Deo Israel, eam tamen putabant Iudææ finibus esse inclusam: sicuti Rex Syriæ vocabat Deum montium, 1. Reg. 20. 23. Præpostera hæc gloriæ Dei partitio vno verbo refellitur, ac euertitur quicquid tunc in mûdo superstitionû fuit quàm vni Deo Israel tam essentia, quàm nomen suum asseritur: quia nisi aboleantur omnia Gentium idola, non obtinebit solus Iehouæ nomen: idèoque addi-

tur, *Tu solus excelsus super terram.* quod diligenter notandum est: superstitionis enim vt plurimû satis est, relinquere Deo suum nomen, hoc est duas vel tres syllabas, quum interea virtutem eius discernant, quasi verò inani titulo contineatur eius maiestas. Sciamus ergo non aliter Deum excellere inter homines, nisi dum imperio suo potitur, nec quicquam opponitur ad obscurandam eius gloriam.

## ARGVMENTVM PSALMI LXX XIII.

Conqueritur sibi nihil esse molestius quàm arceri à Tabernaculi accessu, & à cætu piorum exulare: in quo Deus invocatur: & nihil piorum desiderio obviare posse quominus ad Deum quærendum constanter persumpant. Tandem restitui postulant, iterum testatur pluri sibi esse diem vnum agere in Tabernaculo Dei, quàm diu vitam prærogare inter incredulos.

Psalmus LXX XIII.

**P**refecto super Githith, filiorum Coræ Psalmus.

2 Quam dilecta tabernacula tua Iehoua exercituum!

3 Concupiscit atque etiam deficit anima mea post atria Iehouæ: cor meum & caro mea exultant ad Deum vinum.

4 Etiam passer inuenit sibi domum, & hirundo nidum sibi, ubi reponat pullos suos, o altaria tua Iehouah exercituum. Rex meus & Deus meus.

5 Beati qui habitant in domo tua, semper laudabunt te. Selah.

1 Prefecto. Etsi non inscribitur nomen Dauidis, quia tamen argumentum conuenit eius personæ, probabile est eum fuisse authorem. Nam quòd putant quidam à filiis Coræ eius nomine fuisse compositum, hac ratione satis (vt arbitror) refellitur, quòd ætate sua Dauid Prophetiæ dono magis excelluerit quàm vt mandaret partes istas Leuitis. Vna tantum obstat difficultas, quòd meminit montis Sion, ad quem non antè aduecta fuit Arca fœderis quàm ipse potitus est tranquillo regno. Atqui ab eo tempore semel tantum ab breue tempus priuatus fuit Arcæ conspectu, quum filium suum fugeret. Verba autem sonant tunc iactatum fuisse per varia & longa exilia. Verum si reputamus Dauidem longo post tempore Psalmis complexum esse quæ sub Saule perpeffus fuerat, non mirabimur montem Sion ab eo simul nominari. De voce Githith alibi dictum est, Psalmo octauo.

2 Quam dilecta. Conqueritur Dauid sibi negari in Ecclesia Dei locum vt fidem suam profiteatur, proficiat in pietate, seque exerceat in Dei cultu. Nam qui Tabernacula Dei regnum cælestes esse volunt, quasi ingemiscat se hospitem esse in mundo: non satis attendunt ad præsentem eius necessitatem. Sciebat non frustra sacros conuentus Diuinitus fuisse præscriptos, quia talibus adiumentis opus habent fideles quandiu peregrinantur in mûdo. Erat etiam sibi propriæ infirmitatis conscius, non ignorans quantum ab Angelica perfectione distaret. Quare non immeritò deplorat se destitui mediis illis quorum vsus satis notus est piis. Nam haud dubiè rectum externi ordinis finem spectauit: quia similis non erat hypocritis, qui dum solennes conuentus magna pompa frequentant, licet videantur toti feruere, mera tamen ostentatione defungi volunt erga Deum. In hoc certè crasso fig-



mento minimè occupatus fuit Dauid, sed liberum Sanctuarii ingressum tato- perè optauit, vt sincerè & spiritali mo- do Deum illic coleret. Exclamatio, ar- dentis affectus signum est, quem plenius secundo versu explicat. Vnde colligimus nimium esse stupidos qui ordinè a Deo mandatum, quasi possent proprio mar- te in cælum conscendere, securè negli- gunt. Dixi in secundo versu non vulga- rem desiderii ardorem exprimi, quia quum **QUD** significet vehementer ex- petere, non contentus hoc verbo, adiun- git *animam suam deficere post atria Dei*: quod tantundem valet atque euanesce- re, quum immodico affectu extra nos rapimur. Atria autem posuit: quia quum Sacerdos non esset, non vltra progredi licuit. Scimus enim Sanctuarium inter- ius solis Sacerdotibus fuisse apertum. Tandem exprimit desiderium hoc dif- fundi vsque ad corpus, quod scilicet ex- terno gestu se in ore, oculis & manibus proferret. Dicit autem *ad Deum viuum*, nõ quòd angusto tentorio inclusus esset Deus: sed quia scalis sibi sciebat esse o- pus per quas in cælum cõscenderet. vi- sibile verò Sanctuarium vice scalarum esse: quia ad cæleste exemplar pias men- tes dirigebat. Et, certè quando ad Dei altitudinem nos carnis tarditas assurge- re non patitur, frustrà nos ad se voca- ret, nisi etiã descenderet ad nos vicis- sim: vel saltem interpositis medijs, ma- nus quodammodo ad nos sursum tol- lendos extenderet.

4 *Etiã passer.* Versum hunc qui- dam vno contextu legunt: acsi diceret Propheta, aues prope altaria nidulari. vnde melius apparet quàm iniqua sit eius conditio qui procul inde prohibe- tur. Et huic sententiæ videtur suffragari particula **NON**, quæ accusatiuo casui vt plurimum iungitur. Sed quia interdum etiã seruit exclamationibus, non dubi- to quin Propheta mediũ orationis cur- sum abruptens, exclamet, sibi conspe- ctu altaris nihil fore gratius. Primum

ergo Dauid passeribus se & hirundinib- us comparans, miseriam suam ampli- ficat: quia indignum est ab hæreditate sibi promissâ expelli Abrahæ filios, quũ auiculæ nidos alicubi reperiant. Quan- uis autem nactus quandoque esset com- modum hospitium, imò liceret apud incredulos cum aliqua dignitate mane- re, visus tamen est sibi quodammodo exul à toto orbe quantisper ad Sanctuarium non patebat accessus. Nam certè hic no- bis est viuendi finis vt in Dei cultu exer- ceamur. Porro quanuis non ritè colatur nisi spiritali modo, subsidijs tamen vtì opus est quæ non abs re nobis destina- uit. Hæc ratio est cur in hanc vocem e- rumpat Dauid, *o altaria tua Domine*. Nã quia obicere promptum erat, multos esse angulos in mundo vbi tutò quiesce- ret, imò multos esse hospites qui liben- tẽ cum exciperent, atque ita sine causa tumultuari: respondet, se malle toti mun- do renũtiare, quàm priuari sacro Taber- naculo: nullum locum sibi iucundũ esse procul à Dei altaribus, imò nullum vs- quam domicilium extra Terram sanctã sibi placere. Atque huc pertinet epishe- ta quæ Deo tribuit, Rex meus & Deus meus, significat enim molestam & acer- bã esse vitam, quia exulet à regno Dei: acsi diceret, etiamsi me certatim omnes inuident quandiu à finibus tuis excludor, quum Rex meus sis, quid me iuuaret in mundo agere? iam quum Deus meus sis, quorsum vivo, nisi vt ad te aspirem? Vbi autem me reiciis, cur non omnia hospitia asperner quamlibet suauiter carni meæ arrideant?

5 *Beati qui habitāt.* Hic clarius defi- nit rectũ & legitimũ Sãctuarii vsum: at- que ita se discernit ab hypocritis, qui & ipsi ad cæremonias externas sedulò ac- currunt, sed pietate vacui. Veros autem Dei cultores testatur Dauid asserre lau- dis sacrificiũ, quod à fide separari non pot est. Neque enim ex animo Deũ lau- dabit nisi qui acquiescẽs in eius gratia, spiritali pace & gaudio fruitur.

6 *Beatus homo cui robur in te semita in corde eorum.*

7 *Transcuntes in valle fletus fontem ponent, etiam cister- nas operiet pluuia.*

8 *Veniẽt è virtute in virtutẽ, videbitur Deus deorũ in Sio.*

6 Bea-

**6 Beatus.** Iterum docet, Sanctuarium se non expetere tantum vt pascat oculos, sed vt in fide proficiat. Est enim hic non vulgaris profectus, recumbere toto animo in Deum, quod fieri nō potest nisi deiecto omni fastu, & animis vere humiliatis. Atqui hanc sibi querendi Deirationem statuit, vt precariō mutetur ab eo virtutē qua se destitui sentit. Quod mox sequitur *semitas esse in corde ipsorum*, quidam vno contextu ita exponunt, fœlices esse qui viam sequuntur à Deo præscriptā: quia nihil magis perniciosum est, quàm sapere ex proprio se su. Nec verò frustra de Lege pronūtiatum est, Hæc est via, ambulate in ea, Iesa 30. 21. Verum igitur est, peruersis erroribus circumagi homines vbi vel tātillum à verbo Dei deflexerūt. Sed melius hoc restringitur ad præsentem circumstantiam, fœlices esse qui Deum sibi cupiunt esse vitæ moderatorem, ideoque ad eum accedere cupiunt. Neque enim (vt dictum est) moratur Deus externas caeremonias, sed regere vult ac sibi subicere quos ad Tabernaculum suum inuitat. Quisquis ergo didicit quanta sit fœlicitas, Deo inniti, studia huc sua & omnes sensus applicabit, vt ad Deum celeriter properet.

**7 Transfuentes in valle.** Intelligit nihil posse cordatis strenuūque Dei cultoribus obistere quin ad Sanctuariū festinent. Atque hac loquendi forma confirmat quod prius dixit, nihil magis esse optabile quàm exerceri quotidie in Dei cultu: quando nullæ difficultates, nulla obstacula, piorum desideria morari poterunt quin alacriter per arida desertæ concurrant ad celebrandos sacros conuentus. Quoniā **𐤀𐤃𐤃** significat flere: **𐤀** verò & **𐤀** literæ sunt affines, quarum mutua est transmutatio, vertunt multi, vallem fletus. Probabilis est tamen eorum opinio qui Morum vertunt. Quamquam dubiū non est notari steriles & ieiunas solitudines, per quas molestū est iter facere: quia ad viaticū nihil est magis necessarium potu. Piorum ergo cōstantiā probare voluit Dauid, quia aquæ penuria, ob quam deficiunt viatores, non impedit quominus per valles a-

renosas ad Deū querendum properent. Quibus verbis coarguitur eorū ignauia, quibus graue est quicquam subire incommodi dum proficiendum est in Dei cultu. Suum otium & deliciæ eos oblectant. itaque modò pedem mouere necesse non sit, libenter se prostebuntur Dei cultores: sed liberum doctrinæ & Sacramentorum vsum ne pilo quidem rediment. Videmus quàm multos nidis suis affixos teneat hæc fœcordia, vt nulla commoditate fraudari se sustineant, etiam vbi ad preces publicas, ad audiendā salutis doctrinā, ad sacra mysteria participandā vocātur: videm⁹ alios dormire, alios operam dare lucro, alios implicitos esse profanis negotiis, alios etiam ludere. Vnde mirum non est, qui procul absunt, & qui sine facultatum dispendio frui nequeunt istis salutis adminiculis, domi resides manere. Atqui ne in suis lautitiis sibi placeant, pronuntiat Dauid, quibus cordi est pietas, & qui serio Deum colunt, eos pergere non modò per mollem & lætam viam, sub vmbra, & per delectabiles vias, sed etiam per aspera desertæ: & potius sibi facturos cisternas maximo labore, quàm regionis siccitas eorum iter impediat. Idem & proximo versu repetit: quia enim ex Legis præscripto, postquam Arca fœderis in montem Sion translata fuerat, illic erant sacri conuentus: dicit fideles certatim illuc venturos. Nomen **𐤃𐤓** rarò significat turmam, sæpius autem potentiam vel robur. Ideo ad communem linguæ vsum aptius erit vertere, *Venient è virtute in virtutem*: acsi diceret, fideles collectis subinde viribus ascendere ad montem Sion, nec lassitudine vlla tardari, donec conspiciant Dei faciem. Sicui tamen magis placeat Turma, sensus erit, non paucos modò venturos, sed permultas cateruas. Porro quomodo apparuerit olim Deus in templo seruis suis, alibi dictum est, ac præsertim Psal. 27. 4. 5. Etsi enim nulla illic visibilis erat Dei imago, quia tamen Arca fœderis symbolum erat eius præsentia, experti sunt fideles hoc se adminiculo vtiliter iuuari vt ad Deum accederent.

**9 Iehona Deus exercituum audi precatōnē meā, ausculta**

Liii.

*Deus Iacob. Selah.*

10 *Clypeus noster aspice Deus, & intuerere faciē Christi tui.*

11 *Quia melior est dies vnus in atris tuis, quàm mille: eligi limen tenere in domo Dei mei, potius quàm habitare in tabernaculis impietatis.*

12 *Quia sol & clypeus Iehoua Deus, gratiam & gloriam dabit Iehoua, nō claudet bonum ambulantibus in rectitudine.*

13 *Iehoua exercituum, beatus homo qui confidit in te.*

9 *Iehoua Deus.* Quia stultē & sine profectu profani homines se macerant & torquent in suis desideriis, prudenter Dauid sua vota ad Deum conuertit. Atque hinc etiam etiam apparet nō fuisse ambiosis iactantiis deditum: sicuti mirum ardorem prae se ferunt multi hypocritae, quos intus frigare testis est Deus. Primò autem generaliter audiri postulat: deinde quia videri poterat ab Ecclesia resectus, huic tentationi occurrat. se aggregans & colligans cum omnibus piis sub Dei praesidium. Nisi enim Ecclesiae fuisset membrum, non poterat communiter quasi in omnium persona dicere, *Clypeus noster*. Mox etiam altius conscendit, regiā vnctionē, qua Deus per manū Samuelis, 1. Sam. 16. 12. eum dignatus fuerat, in medium proferens. Emphatica enim est loquutio, quam multi Interpretes nimis frigide transmittunt, *Aspice in faciē Christi tui*. Nam Dei fauorem hinc sibi promittit, quia eius mandato vnctus fuerat in Regem. Quia verò sciebat regnum suum non nisi esse umbratile, non dubium est quin sibi gratiam conciliare studuerit obiecto Mediatore, cuius personam gerebat: acsi dixisset, Quauis indignus sim quem tu restituas, hoc tamen mereatur vnctio qua me typum fecisti vnici Redemptoris. Quibus verbis docemur, non aliter nobis propitiari Deum, quàm vbi Christus in medium prodit, cuius aspectu discutiantur omnes vitiorum nostrorum nebulae.

11 *Quia melior est dies.* Quum maior pars mundi sine ratione viuere apperat, nec aliud habeat in votis quàm sibi vitam prorogare: testatur hic Dauid non modò propositum sibi esse viuendi finem vt Deum colat, sed sibi pluris es-

se diem vnum, quem impendere licebit in cultum Dei, quàm longum tempus transigere inter homines profanos à quibus exulat religio. Quia verò solis Sacerdotibus fas erat Templum ingredi, disertè exprimit Dauid, modò subsistere in atrio liceat, hac sorte contentum se fore. Nam *Q* postem vel limen domus significat. Porro comparatio ista multum amplificat, quum se *malle* dicit in *ipsis Tēpli foribus subsistere, quàm occupare tabernacula impietatis*: quasi diceret, se in vulgarem & ignobilem locum malle reuiri, modò censeatur in Dei populo, quàm primarium gradum tenere inter impios. Rarum certè pietatis exemplum. Quauis enim multi locum sibi in Ecclesia esse cupiant, sic tamen praualet ambitio, vt paucissimis sufficiat in communi numero manere. Omnes enim ferè abripit vesana altius conscendendi cupiditas, vt quieta illis non sit stationi nisi emineant.

12 *Quia sol & clypeus.* Solis comparatio huc tendit, quemadmodum sol luce sua mundum viuificat, fouet, atque hilarat, ita sereno Dei aspectu recreari fideles: imò non aliter viuere & spirare, nisi quatenus illis Deus affulget. Clypei nomine intelligit Propheta, salutē nostram, quae alioqui innumeris periculis exposita esset, eius defensione protegit: quia non satis esset, viuificum nobis esse Dei fauorem, nisi inter tot discrimina virtutem quoque suam ad nos tuendos opponeret. Quòd postea sequitur, *gratiā & gloriam dabit*, ita posset accipi, quos Deus in hoc mundo sua gratia ornauit, tandem in regno suo, caelesti gloria coronare. Sed quia vereor ne arguta sit illa distinctio, praestabit, meo iudicio, ita resoluerē sententiam, Postquam fauore

.. suo



ſuo complexus fuerit Deus fideles, excollet eos in ſummam dignitatem, nec deſinet eos ſuis donis locupletare. Quod etiam confirmat proximo membro, *non prohibebit tonum ambulantiſ in reſtitutione*: ac ſi diceret, nunquam exhauriri Dei beneficentiam quin aſſidue fluat. Interea colligimus ex iis verbis, quicquid eſt in nobis præſtantia, manare ex mera Dei gratia. Simul Dei cultoribus propriam notam aſcribit, quod eorum vita ad integritatem ſit cõpoſita. Quod exclamat in fine Pſalmi *beatos eſſe qui*

*in Deo confident*, videtur referri ad exilii tempus. Prius dixerat beatos eſſe qui habitant in atriis Dei: nunc quauis hoc bono ad tempus caruerit, ſe tamen negat prorsus fuiſſe miſerum: quia optimo ſolatio fretus, Dei gratiam procul intui tus ſit. Atque hoc exemplum notatu dignum eſt, quando enim priuamur Dei beneficiis, angere quidem triſtitia & gemere neceſſe eſt: ſed ne doloris ſenſus nos abſorbeat, ſtatuere conuenit, inter ipſas miſerias nos fide & patientia beatos eſſe.

## ARGVMENTVM PSALMI LXXXV.

*Quia fideles ab exilio Babylonico reuerſos nouis incommodis atque etiam cladibus Deus afflixerat, primò liberationem commemorant, ne opus gratia ſua deſerat imperfectum. Deinde queruntur de longo malorum ſuorum traſitu. Terciò, ſpe & fiducia ereſti, de promiſſa ſibi ſollicitate gloriatur: quia reſtitutio in patriam, cum regno Chriſti annexa erat, unde ſperabant omnem bonorum affluentiam.*

*Pſalmus LXXXV*

**P***Reſectio filiorum Coræ Pſalmus.*

2 *Beneuolus fuiſti Iehoua terræ tuæ, reduxiſti captiuitatem Iacob:*

3 *Abſtulisti iniquitatem populi tui, operuiſti omnia peccata eorum. Selah.*

4 *Auert ſi omnem iram tuam, reuocaſti ab excandefcentia furorem tuum.*

5 *Conuerſte nos Deus ſalutis noſtræ, & remitte iram tuam erga nos.*

2 *Beneuolus fuiſti.* Qui verba hæc in futurum tempus conuertunt, videtur mihi Propheta ſenſum corrumpere. Probabile eſt, populo dira Antiochi tyrannide afflicto Pſalmum fuiſſe dictatum: ideoque ex redemptione ſpes nouæ & continuæ gratiæ in poſterum ſuggeritur: quia hoc modo teſtatur fuerat Deus nullis peccatis extingui poſſe fœderis ſui memoriam, quin exorabilis eſſet erga filios Abraham. Niſi enim tantam Dei bonitatem prius eſſent experti, mole afflictionum, præſertim tã diuturna, obrui neceſſe fuit. Porro quod redempti fuerint, cauſam ſtatuunt in gratuito Dei amore quo terram ſuam proſequutus eſt, quia ipſam elegerat. Vnde ſequitur continuum fuiſſe huius beneplaciti curſum: unde etiam ſprecandi fiduciam ſibi cõparant fideles, quia Deus

electionis ſuæ memor, terræ ſuæ propitius fuerit. Diximus autem alibi, nulla re nos melius animari ad precandũ, quàm ubi recordamur ſuperiores Dei gratias: quia rebus aduerſis ſtatim ſuccumberet fides noſtra & corda noſtra ſuffocaret anxietas, niſi prioris tẽporis experientia Deum ſeruis ſuis exorabilem eſſe, & ſemper, ubi poſtulat neceſſitas, opitulari doceret: præſertim ubi eadem manet continuandæ gratiæ ratio. Ita prudenter ad fideles ſui temporis accommodat Propheta quæ olim Deus beneficia ipſorum Paribus contulerat: quia vtri que in ſpem eiſdem hæreditatis vocati erant.

3 *Abſtulisti iniquitatem populi tui.* Quia merum & anxietatem poterant afferre fidelibus ſua peccata, hanc quoque dubitationem tollit Propheta, quo-

niam Dominus populum suum redimendo, insigne gratuita veniæ specimen ediderit. Fontem prius ostenderat gratuitum Dei beneplacitum: sed postquam interuenerant offensæ, quibus alienauerat se populus à Deo, remediū hoc succurrere oportuit. Nam ablatam fuisse iniquitatem dicens, non intelligit correctos fuisse, & à suis peccatis purgatos fideles, sicuti Deus Spiritu regenerationis eos sanctificans, peccata verè tollit: sed statim explicat quid voluerit. Summa est, Deum Iudæis fuisse reconciliatum, peccata non imputando. Tegere enim peccata dicitur Deus quæ sepelivit, ne in iudicium veniant: sicuti plenius dictum est Psalmo 32.1. Ergo quum populi sui scelera exilio castigasset, restituere eos in patriam volens, abolito reatu obstaculum sustulit. Nam exculpæ remissione pendet etiam pœnarum relaxatio. Quo refellitur Sophistarum commentum, quod magni mysteriorum loco iactitant, retineri à Deo pœnā, licet culpā ignoscat: quum vbique prædicet, in hunc finem se ignoscere, vt placatus pœnas simul mitiget: idque rursū confirmat Propheta proximo versu, vbi dicit exorabilem fuisse Deum populo suo, vt manum suam ab eo castigando

retraheret. Quid hic obgannient Sophistæ, qui Deum fore iustum negant, nisi remissa culpa, pro sua seueritate pœnas exigat? Nā culpæ veniam consequitur hic effectus, vt sua benedictione testetur Deus se iam non esse offensum.

5 *Conuertere nos Deus salutaris n.* Iam ad præsentem vsum accommodant fideles quod antea retulerant de paterna eius indulgentia erga populum redemptū. Deum autem *salutaris* vocant à quo petunt restitui, vt in rebus deploratis, ac perditis, spem tamen hanc foueant, se Dei virtute saluos fore. Nam etsi visibilem bene sperandi materiam oculis nostris non offerat, statuere tamen conuenit, salutem in manu eius, esse absconditam, & eius manifestandā, quoties placuerit, promptum & expeditum esse modum. Quia verò calamitatum omnium causa & origo est ira Dei, eam nunc quoque deprecantur fideles. Atque hic ordo sedulò notandus est, quia, vt teneri sumus ac molles ad ferenda mala, simulac minimo digito ferire nos cœperit Deus, flebiliter quidem petimus vt nobis parcat: sed quod precipuum est omittimus, vt nos à reatu absoluat: quia non libenter ad nos examinandos descendimus.

6 *An perpetuò irasceris erga nos? protrahes iram tuam in seculum & seculum?*

7 *Annon tu conuersus viuificabis nos, & populus tuus labitur in te?*

8 *Ostende nobis Iehoua misericordiam tuam, & salutem tuam da nobis.*

9 *Audiam quid loquatur Deus Iehoua: certè loquetur pacem ad populum suum, & ad mansuetos suos, & non redibunt ad stultitiam.*

6 *An perpetuò.* Deplo rant hoc loco malorum diuturnitatem, & ratiocinantur à natura Dei, qualis in Legge describitur, nempe quòd tardus sit ad iram, longæque patientiæ, ad veniam propensus & facilis: sicuti etiam alibi vidimus, Iram eius momento euanescere, misericordiam durare perpetuò, Psal. 130.6. Sic enim inter precandum, promissiones Dei meditari conuenit, quæ nobis

verba suppeditent. Etsi autem videntur quodammodo expostulare acsi aliū se Deus ostenderet: dubium tamen non est, cum tentatione fortiter luctando, spem leuationis quæsiisse ex Dei natura. acsi principium hoc sumerent, fieri non posse vt Deus perpetuò irasceretur. Interea colligimus, vsque ad tædium malis fuisse granatos, dum ita orarunt vt ferendo iam propemodum essent defessi

fessi. Quare discamus, utcumque non statim palam nobiscum Deus in gratiā redeat, non esse tamen cessandum à continuo precandi studio. Siquis obiciat vanum igitur esse quod Deus iram suam breuem fore promisit. Certè si peccata nostra expēdimus, brevis sēper est, quod si nobis occurrat æternus misericordiæ eius tenor, momentaneam esse fatebimur. Nam quia subinde relabitur caro nostra ad lasciuiam, variis correctionibus penitus subigi necesse est. Eodem sensu quærent *annon se Deus conuertet ad eos uiuificandos*. Quia enim vigeat in eorū cordibus principium hoc, pœnas quibus filios suos castigat Deus, esse temporales, hinc fiduciam colligunt, Deum quanuis nunc meritò sit intensus & auersus, fore sibi exorabilem, ut mortuos in vitam suscitaret, luctumque conuertat in lætitiā. *uiuificandi* enim verbo se mortuis propè similes querantur, vel malis exanimēs. Dum verò lætandi materiam sibi promittunt, nunc se intelligunt mœrore propè esse confectos.

8 *Offende nobis*. Eadem in his verbis subest antithesis: quia misericordiā sibi petentes ostendi & salutem dari, fatentur omni viriusque gustu se esse priuatos. Quum autem talis fuerit olim sanctorum conditio, discamus, etiam extremis malis afflicti & perditī, ad Deum tamen confugere. Scitè verò misericordia priore in gradu locatur: deinde subiicitur salus quam illa ex se generat & profert: quia nō aliunde inducitur Deus ut sit seruator, nisi quia misericors est. Vnde sequitur, quicūque sua merita obiciunt Deo ad impetrandum eius fauorem, salutē viam claudere.

9 *Audiam*. Hic suo exemplo totum Ecclesiæ corpus ad quietam & placidam tolerantiam hortatur. Nam quia efferbuerat quadam vehementia, quasi frano se cohæbet, sicuti semper in votis nostris quamlibet piis & sanctis, cauendum est ne liberius exultent. Nam ubi quis suæ infirmitati indulget, faciliè abripitur immodico feruore ultra metas. Hac ratione silentium nunc sibi & aliis iudicet Propheta, ut Deum patienter expectent. His autem verbis ostendit se composito animo & quasi tacitum manere, quia persuasus sit Ecclesiā

curæ esse Deo: quia si dominari putasset fortunam in mundo, & cæco impetu rotari humanum genus, non ascriberet Deo iubendi partes. *Lequi* enim hoc loco tantundem valet ac præcipere, vel mandare: ac si diceret, quia confidit, in manu Dei esse remediū praesentibus malis, tranquillum se fore, donec opportunū liberandæ Ecclesiæ tempus aduenerit. Sicut ergo contra Deum tumultuatur passio nūm nostrarum interperies, ita patientia species est silentiū, quò se sub eius imperio continent piæ mentes. Secundo mēbro colligit lætiorē rem fore Ecclesiæ statum: quia quū Dei sit præcipere in rebus humanis, fieri non potest quin Ecclesiæ quam diligit, bene consulat. *Pacis* nomine alibi diximus Hebrais fœlicem rerum successum notari. Ideo summa est, Ecclesiā, Dei beneficio prosperè habituram. Cæterum *loquendi* verbo subindicat se attentum fore ad promissiones. Simplicius enim loqui de providentia Dei poterat, Spectabo quid facturū sit Deus: sed quoniam beneficia quibus Ecclesiā prosequitur, ex promissionibus fluunt, os potius quā manum posuit: & simul ostendit patientiā ex tranquillo fidei auditu pendere. Quod ad populū Dei addit *mansuetos eius*, hac nota discernit inter verum & titulare (ut ita loquar) Dei populū: quia quum hypocritæ omnia Ecclesiæ priuilegia superbi sibi arrogent, eorum iactantiam refutari operæpretium est, ut agnoscant iure se excludi à Dei promissionibus. *Et nō redibunt*. Ita resolui solet hæc particula, Ne redeāt ad stultitiā, ac si fructū beneficentia Dei adiungeret. Nā quia fideles suos Deus benigne tractādo allicit, ut sub eius obsequio se cōtineant, Propheta (ut ipsi quidē sentiūt) ad stultitiā redituos negat: quia instar frani erit Dei bonitas ad ipsos retinēdos. Quanquā autē tolerabilis est illa interpretatio, aptius tamē, meo iudicio, referretur ad totū cōplexū: ut sit summa, Postquā satis correxerit Deus Ecclesiā suā, propitium tandē fore: ut Sancti pœnis eruditi, melius sibi in posterum caueant. Causam enim ostendit cur gratiam suā Deus suspēdat ac differat. Sicut enim medicus ægrotum, quanuis iam lenatus sit aliqua



ex parte, retinet sub sua disciplina donec planè cōualuerit, & sublata morbi materia collegerit firmas vires, quia liberum victum statim permittere noxium esset: sic Deus, quia videt non vno die nos bene & penitus curari à vitiis, suas castigationes extrahit: quia alio-

qui procliuis esset relapsus. Ergo Propheta dolorem, quo fideles opprimeret malorum diurnitas, hoc solatio mitigat, consultò Deum plus penarum quam vellent, ab ipsis exigere, vt seriò rescipiant, ac cautiore sin futurum red dantur.

10 *Certè propinqua est timentibus eum salus ipsius, vt inhabitet gloria in terra nostra.*

11 *Misericordia & veritas occurrent inter se, iustitia & pax osculabuntur.*

12 *Veritas è terra germinabit, iustitia è cælo prospiciet.*

13 *Etiam Iehoua dabit bonum, & terra nostra dabit prouentum suum.*

14 *Iustitia corã eo ambulabit, & ponet in via gressus suos.*

10 *Certè propinqua est.* Confirmat proximam sententiã: & quantum in speciem longè à populo suo remotus esset Deus, sibi tamen & aliis Dei cultoribus spem propinquæ liberationis facit, quia occultè respiciat Deus quos palàm negligere videtur. Quòd si particulam *Et*, aduersatiuè accipere libeat, vt sæpius sumitur apud Hebræos, plenior erit sententia. Quia enim nuper dixerat Deū longius in suis castigandis pergere, dum ad nouum lapsum nimis propensos videret: ne molesta esset ipsa tarditas, correctionem hanc adhibuit, etiam dum tardius apparet salus eius, propinquam tamen esse. *Gloriam*, cuius meminit in secunda parte versus, vastitati opponi certum est, quæ quum signum esset horribilis iræ Dei, terram ignominia & probri damnabat. His ergo verbis se & alios fideles hortatur Propheta ad pœnitentiam, tam grauius hostium tyrannide non sine contumelia oppressos fuisse admonens: quia suis peccatis Dei salutem longè repulerint.

11 *Misericordia & veritas.* Verba quidem sunt præteriti temporis, sed quæ in futurum resolui contextus postulat. Libenter autem amplector quod multorum consensu receptum est, vaticinium hoc ad Christi vsque regnum extendi. Nec verò dubium est quin fideles, vbi speranda erat Ecclesiæ restitutio, præsertim ex quo reuersi erant Ba-

bylone, oculos sustulerint ad Christum. Interim consilium Prophetæ est, ostendere quàm liberaliter agat Deus cum sua Ecclesia vbi reconciliatus est. dicit enim hos fructus emergere, vt misericordia & veritas *mutuò sibi occurrant, iustitia & pax sese amplectentur*. Ex his verbis elicit Augustinus pulcherrimam sententiam, plenamque suauissimam consolationis, nempe misericordiam Dei principium esse & fontem omnium promissionum: hinc prodire iustitiam, quæ per Euangelium nobis offertur: ex eadem nasci pacem, quam fide consequimur, vbi Deus nos gratis iustificat. *Iustitiam* porrò intelligit è cælo prospicere, quia gratuitum est Dei donum, non autem acquiritur operum meritis. Venire igitur è cælo, quia inter homines non reperietur, qui eius sunt inopes & vacui. Interea *veritatem è terra germinare* exponit, quia effectu ipso fidelem se Deus comprobatur, implendo quod promissit. Sed quia nobis potius quærenda est soliditas quàm argutia, contenti simus genuino Prophetæ sensu, regnum Christi nobile fore misericordia, veritate, pace & iustitia. Quia verò non hominum laudes prædicat, sed commendat quam prius à solo Deo sperauit & precatus est gratiã, statuendum est omnia hæc bona à Deo fluere. Et per synecdochen his quatuor vocibus notatur vera felicitas. nã vbi impunè grassatur crudelitas, extincta est

Et est fides, oppressa sub pedibus iacet iustitia, confuso tumultu omnia miscentur: nonne præstaret mundum esse prorsus abolitum? Vnde sequitur, nihil esse magis ad beatam vitam optabile, quàm ut vigeant & principatum teneant quatuor istæ virtutes: sicuti similibus ferè elogiis alibi ornatū fuit Christi regnū. Siquis tamen misericordiam & fidem Dei intelligere malit, non repugno. certe è terra germinare fidē, & iustitiam è celo prospicere, tantundem valet ac si dixisset veranque fore sursum & deorsum ubique diffusam, ut cælum & terram impleant. Neque enim seorsum illis aliquid diuersum tribuere voluit, sed communiter de illis asserere, nullum fore terræ angulum ubi non floreat.

13 *Etiā Iehoua.* Quod hunc versum allegoricè quidam accipiunt de proventu spiritualium bonorum, non conuenit cum particula *Quia*, quæ mihi nota re videtur Propheta plenum eius felicitatis cumulum de qua loquutus fuerat. Ponitur ergo hic *terre fructus* quasi præstantioris beneficentiæ accessio. Quamquam enim præcipua Ecclesiæ felicitas quatuor illis quæ retulit donis continetur, non tamen negligenda est externi victus commoditas, modò in suo gradu subsidat. Siquis obiiciat, perperam cum spirituali Christi regno misceri vberem terræ prouentum, facilis responsio est, nihile esse absurdum, si Deus spiritualiter fideles benedicens, paterni quoque amoris gustum aliquem in externis beneficiis præbeat: quando (teste etiam Paulo 1. Tim. 4. 8) pietas nõ futuræ modò vitæ, sed etiam præsentis promissiones ha-

bet. Sed notandum est, sic restringi caduere huius vitæ commoda, ne terrenis blatiis indormiant fideles. Ideoque in terra gustare eos dixi duntaxat paternum Dei amorem, non autem opulentiæ satuari. Porro hic versus docet non modò semel vim & gratiam fecunditatis esse terræ inditam, ut alimenta nobis suggerat (sicuti fingunt profani homines, Deū in prima secreatione singulis elementis mandasse suas partes: nunc verò otiosum sedere) sed quotannis arcana Dei virtute fecundari, prout suam bonitatem vult nobis testatam esse.

14 *Iustitia coram eo.* Quod iustitiā quidam pro iusto homine accipiunt, asperum est. Continet quidem hic sensus vtilem doctrinam, iustus coram Deo ambulabit, & actiones suas componet ad rectitudinem. sed quia nulla necessitas cogit Iustitiæ vocem tam violenter torquere, sumamus quod rectius ac simplicius est, ordinem sub Christi regno tã bene fore compositum, ut iustitia coram Deo ambulet ac occupet omnes vias. hoc modo videtur iterum reuocare fideles ad præcipuam felicitatem: quia utcunque suppeditet seruis suis Deus liberalem victum, non decet tamen illic esse affixos. Et certè in hoc differimus à brutis pecudibus, quod non saginat nos Deus, nec ventres nostros refecit ut mûdo fruamur, sed altius nos deducit. Quod dicit *ambulaturam* coram Deo, significat Dei ordinatione fieri ut iustitia cursum suū habeat: quod est *ponere gressus in vias* sicut ex opposito conqueritur Iesaias, 59. 14, & quietatem non posse ingredi, quoniam autem publico.

## ARGUMENTVM PSALMI LXXXVI.

*Psalmus hic preces sanctis ad fidem alendam & confirmandam meditationibus, deinde etiam laudibus & gratiarum actioni mistas continet. Nam quia pro carnis sensu difficilis erat exitus ab angustiis quibus David premebatur, immensam Dei bonitatem & potentiam opponit. Nec verò tantum impotulus se ab hostibus liberari, sed et suum formari ad Dei timorem, & in eo constanter stabiliri. Psalmus LXXXVI.*

**P**recatio Davidis. *Inclina Iehoua aurem tuam, responde mihi: quia pauper & inops ego.*

2 *Custodi animam meam, quia ego mansuetus sum: seruam tu Deus mi seruum tuum sperantem in te.*

3 *Miserere mei Iehoua, quia ad te clamo quotidie:*

4 *Latifica animam serui tui, quia ad te Domine animam meam leuo:*

5 *Quoniam tu Domine bonus & propitijs, multus clementia erga omnes qui te inuocant.*

6 *Ausculta leuon precationem meam, attende ad vocem deprecationum mearum.*

7 *In die tribulationis meae clamabo ad te, quia respondebis mihi.*

1 *Inclina.* Quanquam nec inscriptio docet, nec ex contextu certò licet colligere de quibus periculis hic queratur Dauid: credibile tamen est, quando eum persequeretur Saul, meditatum fuisse quæ postea hic descripsit quum in pace data esset melior opportunitas. Porro non abs re miseras suas Deo allegat quæ fauorem impetrent: quando naturæ nihil magis proprium est quàm succurrere miseris: & quo quisque durius premitur, & destituitur humanis auxiliis, benignius eum iuuare. Quare, ne in sumis afflictionibus animos nostros obruat desperatio, succurrat hæc futura, pauperibus & miseris dictatam esse hanc precationem à Spiritu sancto.

2 *Custodi animam meam.* Duas alias causas recenset, quibus sibi conciliet Dei auxilium: suam erga proximos humanitatē: deinde spem quam in Deo reposuit. Quanquam autem priore mēbro dignitatem aliquam videtur obtinere, nihil tamen minus arguit propositum, quàm Deum obstringere vllis meritis: sed huc tendit *clementia* mentio vt maiore odio grauet hostes suos, qui innoxium hominem, adeoque benemeritum, nō minus indignè quàm inhumaniter vexabant. Quum ergo pronuntiet Deus, se tam bonis causis, quàm probis iustitiæ cultoribus fore patronum, Dauid non abs re beneficentiam se coluisse testatur: vnde appareat iniquam referre ab hostibus mercedem qui gratis erga misericordem sunt crudeles. Sed quia non sufficeret iustè & humaniter in mundo versari, adiungitur etiam *fiducia in Deum recumbens*, quæ mater est pietatis. Scimus quosdam ea fuisse integritate præditos, vt laudem summæ æquitatis obtinuerint apud homines: sicuti glo-

riabatur Aristides, se nulli dedisse causam luctus. Sed quia illi cum firarū virtutum præstantia, vel ambitione referti erant, vel superbia inflati, vt sibi magis quàm Deo confiderent, non mirum est vanitatis suæ pœnam dedidisse: sicuti profanas historias legendo, stultè miramur qui factum sit vt improborum multitudini exposuerit Deus honestos, graues & temperantes viros: quum propria virtute freti, Dei gratiâ sacrilego fastu cōtemperint. Nam quum idoli loco illis esset sua virtus, ad Deum oculos attollere dignati non sunt. Itaque quāuis nobis simus bene conscii, & Deus nostræ innocentie optimus sit testis, si tamē cupinius eum nobis adesse, spes nostras & curas in eum relicere necesse est. Siquis obiciat, hoc modo ianuam claudi peccatoribus: respondeo, Quum ad se innoxios Deus inuitat, non protinus omnes arcere qui ob sua delicta plectuntur: quia illis ad manum est deprecatio. Ceterum si nos iniuste laceffunt quos nunquam læsimus, duplicatur fiducia.

3 *Miserere mei.* Iterum ad Dei misericordiam confugit. Nam verbū יְיָ Hebræis tantundem valet ac gratificari: perinde ac si diceret, se nihil asferre proprii meriti, sed suppliciter à mera Dei gratia petere liberationem. Iam quòd se *quotidie clamare* dicit, testimonium est spei ac fiduciæ, de qua paulo antè dictū est. Clamandi verbo, vehemētiā notari, sæpius iam monuimus. Quāquam enim non semper sonora voce preces concipiunt Sancti, oculi tamen eorum gemitus altè resonant, & ex eorum cordibus penetrāt vsque ad calū. Perseuerantiam quoq; simul adiūgit, vt sciam⁹ nō fuisse fractū primo vel secūdo insultu, sed infatigabili studio cōtinuasse preces. Pro



Simo versu magis specialiter exprimit quæ in fine optauerit Deū sibi esse misericordem: nempe ut mœrore suo eximatur. Secundo autem membro declarat nihil fictionis in suo clamore esse, quia animam suam ad Deum attollat, quæ præcipua est ritè orandi ratio,

5 *Quoniam tu Iehoua.* A natura Dei confirmat totam superiorem doctrinam, quia frustra ad Deum confugerent miseri, & votis in cælum assurgerent, nisi persuasi essent fidum esse remuneratorem omnibus qui eum inuocant. Huc nunc incumbit Dauid, Deum beneficū esse & exorabilem, ut pro magnitudine suæ clementiæ repudiare nequeat quicumque eius opē implorant. Quod Deū vocat *placabilem*, species est bonitatis. Neq; enim sufficeret in genere esse bonū nisi etiā peccatoribus ignosceret, quod intelligitur per vocē *חַנּוּן*. Quāquam autem multitudinem clementiæ Dei commendat, mox tamen elogium

illud restringit ad fideles qui ipsum inuocant: ut sciamus meritò in suis malis perire, qui neglecto Deo, frænum contumaciter arrodunt. Simul tamen dicit *omnes*, ut sine exceptione à minimo usque ad maximum quilibet audeat se ad Dei misericordiam conferre.

6 *Ausculata Iehoua.* Hoc versu & proximo quum ardentè vota iteret, ostendit, non leui dolore se fuisse constrictum, nec mediocri etiā cura æstuasse. Atque hoc exemplo docemur, nimis frigidus esse vel euāidus, qui præce vna defuncti, nisi mox annuat Deus, fatiscunt. Nec verò inanis est repetitio quæ paulatim fideles exonerant in Deum suas curas: estque boni odoris sacrificiū coram Deo hæc importunitas. Quum dicit, *Exaudiet me Deus quum clamaucro in die tribulationis*, in suum peculiarem usum applicat quod nuper dixit, Deum omnibus ipsum inuocantibus esse propitium & facilem.

8 *Non est sicut tu inter deos Domine, & nullus secundum opera tua.*

9 *Omnes gentes quas fecisti, venient & adorabunt coram facie tua Domine, & gloriam dabunt nomini tuo:*

10 *Quia magnus tu, & faciens mirabilia tu Deus solus.*

11 *Ostende mihi Iehoua vias tuas, ambulabo in veritate tua, vnias cor meum ad timendum nomen tuum.*

8 *Non est sicut tu.* Vel iam voti compos erumpit in gratiarum actionem vel animum & nouas vires ad præcandū colligit: quod posterius magis aridet, nisi fortè vtrunque cōplecti libeat. Quod nomen *יְהוָה* quidam de Angelis accipiunt, ac si eos conferret Dauid cum summo Deo, non videtur huic loco satis quadrare. neque enim Angelos, quasi minores deos, cogit in ordinē, ut cedāt Dei virtuti: sed omnes fictitios deos, in quibus increduli subesse aliquid auxilii putabant, contemptum deridet, quia operibus minimè probent se deos esse. Nam si virtutem operandi secundū plus & minus distribueret, nō assereret Deo in solidum quod suum est. Negat igitur re ipsa & effectu quicquam Diuinum in ipsis deprehendi. Iam ad ope-

ra nos reuocans, satis ostendit friuolū tantū nugis ludere qui subtiliter philosophantur de arcana Dei essentia: manifestas verò notas prætereunt, in quibus refulget eius maiestas. Ergo quum ad Dei altitudinem non perueniant sensus nostri, prudenter Dauid operum testimonio contentus, cōmentitios esse omnes deos pronuntiat qui virtutem nullā exerunt. Si quis obiiciat, Deum absurdè conferri cum inanibus figmentis: facili solutio est, accommodari sermonem ad vulgi incitiam: quia scimus quā audacter supra cælos attollant superstitiosi falsa cerebri sui cōmenta. Ac optimè Dauid insultat eorū amentia, quod si deos fabricent absque villo testimonio.

9 *Omnes Gentes.* Sicui hoc placeat restringere ad præsentem causam, per

me sit liberum. Et certè quam ipse David gratiam expertus erat, sæpe amplificat talibus incomiis. Commode tamen extendere licet ad generalem Dei potentiam. Siue autem de gratia priuatum sibi collata, siue de operibus Dei in genere differat, tenendum est quod alibi diximus, quoties pietatis consensum in Gentibus prædicat, respicere ad regnū Christi: ante cuius aduentum primordia tantum quædam libauit manifestationis suæ gloriæ, quæ tandem Euangelii voce sparsa fuit per totum orbem. Nec verò Dauidem latebat futura Gentium vocatio: sed quia propter nouitatem hoc dictū asperum erat inter Iudæos, venturas Gentes ut promiscue Deum colerēt cū filiis Abrahæ, ac sublato discrimine futuras cælestis doctrinæ participes: mitigandi causa dicit, Gentes quoque esse à Deo creatas: ut minimè absurdum videri debeat, si ipsæ quoque illuminatæ fideiorem & opificem suum demum agnoscant. Ac iterum proximo verlu causam illam repetit: nempe Dei gloriam ex *magnitudine operum* cognosci: quæ vera est discende pietatis ratio. Quauis enim semper carnis superbia in cælum transuolare cupiat: quia tamen in tam longæ inuestigatione deficiunt sensus nostri, nihil utilius nobis est quàm pro firmitatis nostræ modulo, in operum suorum testimoniis Deum quærere. Quare discamus sensus nostros expergefere ad reputanda Dei opera: superbos autem finamus in suis ambagibus vagari, quarum finis semper erit inextricabilis abyssus. Cæterum ne huius modestiæ nos pigeat, magnificè prædicat David Dei opera *mirabilium* nomine, quauis cæcis & inspidis hominibus fordescant. Hoc interim principium diligenter notandum est, non nisi in vnum Deum comperere Deitatis gloriam: quia non alibi reperietur vel sapientia, vel potentia, vel iustitia, & quicquid Diuinum in admirandis eius operibus refulget. Vnde sequitur, Papisas veram Deitatem quantum in se est abnegare, quem Deū fraudantes suis virtutibus, nudum ferè nomen ei relinquunt.

II *Ostende mihi.* Altius nunc conscendit David, ut spiritu sanæ intelligētiæ regatur ad sanctè viuendū & spiritu

fortitudinis in hoc studio confirmetur. *Vias* autem Dei tacite opponit consiliis omnibus quæ ex carnis sensu capere poterat: quia Deo se subiiciens, eumque implorans ducem, fateatur non alium esse rectè viuendi modum, quàm ubi prærit, nos verò sequimur: atque ita in errorem abduci quicumque vel minimum defleunt à Lege, ut sapiant ex proprio cerebro. Idque melius confirmat, continuo post addens, *Ambulo in veritate tua.* Damnat enim vanitatis & mendaciæ quicumque hanc veritatis regulā nō tenēt. Iā nō optat doceri in viis Dei, quasi prius expers fuisset omnis doctrinæ: sed quòd sciret se adhuc implicitum esse multis ignorantia nebulis, ad profectum maiorem aspirat. Notandum quoque est, eum non de externa tantum docendi ratione loqui, sed quā Legem haberet præ manibus, interius Spiritus sancti lumen petere, ne inutiliter in discenda litera laboraret: sicut alibi dicit, *Aperi oculos meos & considera mirabilia in Lege tua, Psal. 119. 18.* Quòd si tantus Propheta, & tanta Spiritus amplitudine donatus, suam tamen ignorantiam ex animo fateatur, quantæ amentia erit non sentire quid nobis desit, ut tenuitatis nostræ cognitio ad vltiorē progressū nos stimulet? Et certè quo quisque magis profecit in doctrina pietatis, eo melius sentit procul se à scopo distare. Secundò addendū est, non sufficere lectionem vel auditum nisi intus nos Deus Spiritu suo illuminet. Adhæc, cor suū formari in Dei obsequium, & in eo constanter stabiliiri potulat: quia sicut mens nostra luce indiget, sic volūtas rectitudine. Alii vertūt, Lætifica cor meum: ac si verbum esset à radice הנה. Sed potius est à הנה quod vnire significat: qui sensus optimè conuenit præsentī loco. Subest enim antithesis, quæ non satis fuit, ut par erat, obseruata, inter firmum propositum, quo adhæret cor hominis Deo ubi à Spiritu regitur: & inquietudinem quæ æstuat, hucque & illuc rapitur, quantum fluctuat inter suos affectus. Postquam ergo quid rectum sit didicerint fideles, accedat firmus consensus necesse est, ne in prauas cupiditates cor ebulliat. Ideoque aptissima est in verbo *viuendi* metaphora, ex qua col-

ligimus turbulentum esse cor hominis, distrabi, & quasi dissipari in varias partes, donec Deus ad se collectum in firmo & æquabili obedientiæ tenore retineat. Hinc etiam patet quid per se liberum arbitrium valeat. Nam quum sint

duæ eius facultates, vtraque se destitui faterur David, lumen Spiritus sancti cæcitati mentis suæ opponens: & cordis rectitudinem affirmans merum esse Dei donum.

12 *Celebrabo te Domine Deus mi in toto corde meo, & glorificabo nomen tuum perpetuo:*

13 *Quia clementia tua magna fuit super me, & liberaſti animam meam e sepulchro inferiori.*

14 *Deus superbi surrexerunt contra me, & cœtus robustorum quaſierunt animam meam: & non statuerunt te in conspectu suo.*

15 *Et tu Domine Deus misericors, & propēsus ad gratiā: procul ab ira, & multus clementia & veritate:*

16 *Respice ad me, & miserere mei, da robur tuum seruo tuo, & serua iulium ancillæ tuæ.*

17 *Fac mecum signum ad beneficentiam, & videbunt aduersarii mei, & pudeſient, quia tu Iehoua auxiliatus es mihi, & consolatus es me.*

12 *Celebrabo te.* Promittit Deo gratitudinem postquam beneficium Patrem modis omnibus expertus fuerit. Sicut autem cor suum vniri Deo petiit ad eum timendum, ita non tantum ore vel lingua se laudum eius fore praconem dicit, sed ex serio cordis affectu, idque constanter. Causam deinde subiicit, quia Deus in ipso liberando rarum & memorabile misericordiæ suæ specimen ediderat. Hæc verò gratiæ magnitudinem quo melius illustret, *sepulchrum inferius* nominat discrimen illud vnde ereptus fuerat: acsi diceret, non vna vel simplici morte se fuisse detentum, sed demersum in profundissimo sepulchro, vt manum à Deo mirabiliter porrigi oportuerit. Nunc quum Christi gratia erepti simus ex altiore mortis abyſſo, minime excusabilis nostra ingratitudo erit, nisi se quisque pro virili in hac liberatione prædicanda exerceat. Nam si Dei nomen tantopere extulit David propter vitam ad breue tempus prorogatā, quas laudes meretur incōparabilis ista redemptio, qua traducti sumus ab inferis ad cælum? Quòd Papistæ hinc Pur-

gatorium suum elicere contendunt, acsi esset infernus superior: nimis putidum est nec refutatione indiget.

14 *Deus superbi.* Legūt alii יָגִבִּי quod alienos significat. Et certe hac voce Scriptura immanem saepe barbariem notat, acsi diceret crudeles. Ego tamen quod receptius erat sequi malui. Nam quum יָגִבִּי Hebræi superbos vocēt, credibile est, propter similitudinem, גִּי mutatum fuisse in גִּי: & melius hoc modo fluere contextus, quia eodem sensu continuo post appellat *robustos*, qui violento impetu & ferocia ruebant ad perdendum: sicuti scimus, vbi regnat superbia, nihil esse moderationis. Exprimit autem absque figura quod nuper dixit de sepulchro: quia quum agnus esset in medio luporum, mox absorptus fuisset, nisi miraculo eum Deus eripuisset quasi ex media morte. Extremā sæuitiæ intemperiem designat quum dicit nullum habuisse Dei respectu: quia nisi nos refranet Dei timor, & iudicii eius sensus, prodigiosus est libidinis nostræ furor ad quiduis audendum. Porro in Dei misericordia his malis remedium quaerit.



Nam quum statim delabatur ad hæc e-logia, *Tu Domine Deus mi, misericors &c.* perinde est ac si diceret, contra audaciã & rabiẽ impiorum satis esse nobis præfidii in Dei bonitate, clementia, & fide. Fieri etiam potest, quum sentiret impios esse Dei flagella, vt ad sedandum immodicum terrorem, Dei misericordiam sibi proposuerit. Hoc enim verum est atque vnicum solatium, quanuis nos Deus castiget, non tamen misericordiã suã obliuisci. Porro satis notum est, desumptam esse sententiã hanc ex Exodi cap. 34. ver. 6, vbi maximè insignis est natura Dei descriptio. Primò vocatur misericors: inde sequitur *propensio ad gratiam*, dum scilicet malis nostris compatitur. Additur tertio *eius tolerantia*, quia non exandescit simulac læsus est, sed pro sua indulgentia ignoscit. Tandẽ dicitur *multus clementia & veritate*: quibus verbis intelligo assiduè beneficum esse & veracem. Quanuis autem non minus laudabilis sit eius seueritas, quàm clementia: quia tamen non nisi peruicia nostra seuerus est, quasi ad exigẽdas pœnas cogatur, Scriptura naturaliter clementẽ & propitiũ prædicans, quasi accidentale esse significat si quando seuerus ac rigidus est. Impropiè quidẽ & crasse loquor, sed tamen huc tendit elogium, quo describitur natura Dei, Deum sic natura propitiũ esse & facilem ad dandam veniam, vt dissimulet, pœnasque differat, nec vnquam nisi malitia nostra coactus, ad vindictã se accingat. Diximus autem alibi cur Dei clementiã iungatur veritas. Nam quia

etiam qui maximè sunt benigni, cupere interdum retractare si quid polliciti sunt, quia suã facilitatis eos penitet: nos qui perperã metiri Deum solemus nostra vlna, diffidimus de eius promissionibus. Ergo Deus se dissimilẽ hominibus esse pronuntiat, quia nõ minus sibi constat largẽ præstare quicquid pollicitus est, quàm liberaliter promittit.

16 *Respice ad me.* Clarius ad præsentem vsum accommodat quod dixit de clementia & bonitate Dei. Nam quia misericors est Deus, ei salutem suã curare fore confidit. Postea sequitur verbũ *¶ M.* quod gratificari significat, referaturque ad gratuitum auxilium. Tandẽ concludit se non nisi precaria Dei virtute fore saluũ: quo fatetur se intus deficere. *Seruum & filium ancilla* se vocando, non sua obsequia iactat, sed ex longa origine, & diuturno cursu gratiã Dei plus conciliat fauoris: ac si diceret, se ab vtero matris domesticum esse Dei seruum, ac vernam. quia de re iam alibi diximus. Vltimo autem versu iterum confirmat se fuisse à Deo quasi derelictum. Neque enim sibi signum aliquod gratiã dari optaret, nisi vndique ad desperationem fuisset impulsus, & ad probandã eius patientiã absconditus fuisset Dei fauor. Hoc autem non vulgaris constantiã experimentum fuit, cum hac tentatione luctari, vt lucem in tenebris cernere non desineret. *Hofes* autem ideo *pudesci* cupit, quòd simplicitatem eius ludibriis suis ac fannis vexabant, quasi stultè in Deum sperasset.

## ARGVMENTVM PSALMI LXXXVII.

Quum piorum animos debilitare posset misera tristisque Ecclesia conditis qualis ab exilio Babylonico fuit, hic miram & incredibilã eius instaurationem promittit Spiritus sanctus, vt nihil sit magis optabile quàm censei in eius membris.

Psalmus LXXXVII.

**F**iliorum Cora Psalmus Canticum.  
Fius in montibus sanctis.

Fundamenta e-

2 Diligit Iehoua portas Sion præ omnibus tabernaculis  
Iacob.

3 Gloriosa dicta sunt de te ciuitas Dei. Selah.

Quum bene est filiis huius seculi, videmus quantopere sua illis placeat cõditio, & quàm magnificè cum superbo

Ecclesiã contemptu eam extollant: ac ne malis quidem domiti, huius suã e-briã confidentiã obliuiscuntur. Interea securò

Securè ab illis despiciatur religio & Dei cultus: quia deliciis, opibus, & honoris splendore contenti, sibi videntur absque Deo esse felices. Iam verò sæpe fit ut eos Dominus omni bonorum genere faginet, iustas tandem & maturas de ipsorum ingratitude pœnas sumpturus. Ecclesiam verò suam variis & grauius ærumnis præmat, vel saltè cōtineat in obscuro & humili statu, ut sibi misera possit videri, certè despectui sit obnoxia. Ergo ne fideles decipiat euanida ista species, aliò reuocari operæpretium est, ut statuât verū esse quod docet Psalmus 33. 12, Beatum esse populum cui Dominus est Deus. Sit igitur Psalmi huius summa, Vnam Dei Ecclesiam supra omnia mundi regna & politias excellere, quia Deum habet salutis suæ præfidē, eiuſque imperio gubernatur. Primum, ut inter violentos motus & horribiles procellas, quibus subinde cōcutitur orbis terrarum, salua maneat. Secūdo, idque præcipuè, ut eiusdem Dei præsidio mirabiliter seruata, tādē ad palmam supernæ vocationis post longam militiā perueniat. hoc singulare Dei beneficiū est, ac simul insigne miraculum, quòd inter tam varias regnorum terræ conuersiones, Ecclesiam suam per continuos ætatum successus propagans, ab interitu vindicat, ut sola in mundo perpetua sit. Verū quia sæpe dū affluunt increduli diuitiis, florēt opibus & potentia, miseram Ecclesiam inter plurima discrimina iactari, imò innumeris naufragiis propemodum obrui constat: in eo præsertim statuenda est eius felicitas, quòd æternum statum in cælo repositum habeat. Iam ad Psalmum intelligendum non parum facit temporis, quo compositus fuit, circumstantia. nam etsi ab exilio Babylo-nico reuersus erat populus, collecta Dei Ecclesia rursus in vnū corpus ex longa dissipatione coaluerat, stabat templum & altare, restitutus erat Dei cultus: quia tamen ex ingēti multitudine exigua tantū portio hominum restabat, Ecclesiæ conditio obscura erat & ignobilis: atque id quod erat residuum, ab hostibus quotidie atterebatur: templum antiquo suo splendore longè inferius erat: fidelibus vix vlla suppetebat in posterū bene sperādi

materia. Certè ut in pristinum statum, vnde exciderant, se vnquam attollerēt, fieri non possē videbatur. Quare periculum erat ne & acceptæ cladis memoria, & præsentium calamitatum mole oppressi labascere, ac tandem desperatione concederent piorum animi. Tā grauius ærumnis ne succumbant, Dominus in hoc Psalmo non tantum recuperaturos promittit quod amiserant, sed in spem incomparabilis gloriæ eos erigit, secundum illud Aggae vaticinium, cap. 2. vers. 10, Maior erit secundi templi quā prioris glōria. Nūc postremò restat, ut in vsum quoque nostrum aptare Psalmum hunc discamus. Tantum apud pios eius seculi homines valere debuit hæc consolatio, ut rebus suis afflictis non modò erecti starēt, sed è sepulchro peringerēt ad cælum. Hodie, quū sciamus, quicquid prædixerat Spiritus, completum fuisse, plusquam ingrati sumus, nisi Patrum experimentum verbis accedens, fidem nostram magis confirmet. Neque epim satis pro dignitate exprimi potest quā splendidè Christus aduentu suo, Ecclesiam ornaucrit. Tunc enim vera religio quæ in angustiis Iudææ prius clausa erat, per totum orbem diffusa fuit. Tunc Deus qui ab vna familia cognitus fuerat, diuersis omnium gentium linguis cœpit inuocari. Tunc mundus qui innumeris superstitionum errorūque sectis miserè laceratus fuerat, in sanctam fidei vnitatem coaluit. Tunc certatim omnes Iudæi se aggregarunt, à quibus abhorruerant: Reges terræ & populi in Christi obsequium sponte se dediderunt: lupi & leones in agnos cōuersi sunt: dona Spiritus in fideles effusa, omnem mundi gloriam, quæuis decora, diuitias omnes longè præcellerent ipsum Ecclesiæ corpus ex regionibus procul inter se remotis mirabiliter collectum & auctum & conseruatum fuit: Euangelii propagatio breui tempore incredibilis cum profectu peræque insigni coniuncta. Ergo si Ecclesiæ nobilitas nunquam fuisset hoc vaticinio celebrata, ipsam tamen verè cælestē esse Dei regnum, præclara & incomparabilis aurei illius seculi conditio palam demonstrat. Cæterum, fideles tunc quoque oportuit in æstimanda Ecclesiæ

præstātia, altius sapere carnis sensu. Nā quo tempore maximè floruit, nō purpura, auro & gemmis, sed Martyrum sanguine fulgebat. Spiritu diues, egenā nihilominus inopisq̃ue terrestrium bonorū erat: sanctitate coram Deo & Angelis nobilis & conspicua, mundo tamen despicibilis erat. Multi externi & professi hostes aut crudeliter sauebant, aut obliquis artibus pessima quæque in eā moliebantur: intus verò timores & insidie. Denique sub Christi cruce adhuc latebat veneranda quidem sed spiritualis eius dignitas. Quare tūc quoque respectiua fuit quæ hoc Psalmo habetur cōsolatio, vt fideles ad perfectiorem Ecclesiæ statum animis assurgerent: nostra autem ratio diuersa est. Factum est proinde patrum nostrorū culpa, vt præclara illa Ecclesiæ species sub impiorū pedibus squalida & deformis iacuerit. Et hodie peccatis nostris oppressa sub misera vastatione, sub diaboli mūdique ludibriis, sub tyrannorum sauitia, sub indignis hostium calumniis gemit: vt filiis seculi, qui sibi bene esse cupiūt, nihil minus sit optabile, quā censeri in Dei populo. Quo melius perspicitur huius Psalmi utilitas, & simul quā necessaria sit assidua eius meditatio. Inscriptio nō tā auctores designat, quā præfectos musicæ ad canendum Psalmum. Quāquam fieri potest vt quispiā ex illa progenie Leuita eum composuerit.

**I** *Fundamenta eius in mont.* Quum relatiuum sit masculinum, falluntur, meo iudicio, qui de Hierosolyma accipiunt, quasi fundata esse dicatur *in montibus sanctis*. Nec me latet quomodo hoc excusent nonnulli docti homines, nomen scilicet populi subaudiendum esse, tamen si de vrbe primaria habetur sermo. Sed quā coacta sit expositio, me tacente omnes vident. Hebræis quibusdā nihil magis probabile visum est quā ad Psalmum referre. atque ita metaphoricè fundamenta de themate exponunt: quia differat de vrbe sancta Ierusalem quæ in montibus sita erat. Ac demiror in re tam facili & exposita fuisse deceptos. nam quum Hebræis tritum sit, relatiuum sine antecedente ponere, loquutio illis dura videri non debuit. Paulò post autem sequitur nomen Dei. Scimus

autem passim dici fundatam esse ab ipso Hierosolymam. Quòd mōtes quidam intelligunt Moria & Siō (quæ duo erant cacumina montis bicipitis) nimis coactum est. Potius quum mōtuosa esset regio, plures vicinos mōtes & contiguos qui Hierosolymam cingebant, notauit Propheta: sicuti alibi videbimus, Ierusalem montes in circuitu eius, Psal. 124. 2. Ergo simplex & genuinus est sensus, quòd Deus elegerit sanctos montes, in quibus vrbe suam fundaret. nam paulò post in contextu sequitur, Excelsus ipse stabiliet eam. Est quidem & aliarum vrbiū conditor: sed de nulla alia vrbe dictum legitur. Hæc requies mea in seculum, hic habitabo, quia elegeram, Psal. 132. 14. Tenendum est semper discrimen, quòd quum aliæ vrbes externæ modò politiz causa, auspiciis Dei & virtute conditæ forent, Hierosolyma peculiare erat eius sacrarium, sedesque Regia. Eodem modo etiam Iesaias loquitur, cap. 14. 32. Quinetiam quum tota Iudæa a Deo sacra esset, dicitur tamen vrbem hanc sibi aliis reiectis, sumpsisse in qua regnaret. Neque enim de terrena politia hic agitur, sed de regimine spirituali, quia ausquā tunc alibi pura religio, & legitimus Dei cultus, & pietatis doctrina, quā Hierosolyma vigebar. Quod exprimitur secundo versu, *Diligite Dominus portas Sion præ omnibus habitaculis Iacob*: hinc docemur totam sanctæ vrbis præstantiam à gratuita Dei electione pēdere. cui respōdet quod Psal. 78. 60, habetur, Deum repudiasse Silo, tribum Ephraim, tabernaculū Ioseph, vt in Sione habitaret, quā dilexit. Ergo causam notat Propheta cur locum vnum aliis prætulerit Deus: & causam statuit non in loci dignitate, sed gratuito Dei amore. Quare si queritur vnde aut cur excellat Hierosolyma, sufficiat brevis responsio, quia sic Deo placuit. Atque hoc Diuini amoris fuit principium: finis autem, vt certus esset aliquis locus, in quo ad fouendam fidei vnitatē cōsisteret vera religio vsque ad Christi aduentum, & vnde postea in omnes mūdi plagas manaret. Proinde hoc elogio Propheta Hierosolymam commendat quòd Deum habeat architectū & præsidem. Deinde quicquid præ aliis locis excel-



excellentiæ habet, Dei gratia & adoptioni adscribit. Quod *Sionem* pro Ierosolyma, & portas pro toto urbis complexu posuit, duplex est synecdoche.

3 *Gloriosæ dicuntur.* Ad verbum est, Quod in te dicitur, sit res gloriosa. Spe standum est Prophetæ consilium, vel potius quod spectet Dei spiritus per os Prophetæ ipsius loquens. Quum humilis ac despecta esset totius populi cōditio, multi & graues vndique aduersarii instaret, paucis animus suppeteret ad vincenda obstacula, quotidie noua aliqua mutatio præter spem exoriretur, & periculum esset ne res in deterius paulatim collapsa, tandem pessum irent: vix vlla Sanctæ urbis instauratio sperari poterat. Ne desperatione victa succumbat corda fidelium, idonca futura soppont-

4 *Memorabo Rahab & Babel inter cognitores meos: ecce Philisthini & Tyrus cum Aethiopia, hic natus est ibi.*

5 *Et de Sion dicitur, Vir & vir natus est in ea, & Excelsus ipse stabiliet eam.*

6 *Dominus recensabit scribendo populos, Hic natus est ibi. Selah.*

4 *Memorabo.* Nomen *Rahab* pro Aegypto in compluribus alijs Scripturæ locis sumitur: & huic optime quadrat ea significatio. cōsilium enim Prophetæ est scribere magnificam illā Ecclesiæ amplitudinem, quæ adhuc in spe abscondita erat. Dicit igitur, eos qui prius infesti hostes fuerant, vel prorsus alieni, non tantum familiares amicos fore, sed inferendos in vnum corpus vt censcantur Hierosolymæ ciues. Priore membro dicit, Memorabo Aegyptum & Babylonē inter meos domesticos. Secundò addit, Philistini, Tyrii & Aethiopes, quibus hætenus tantum fuit dissidium cum populo Dei, nunc perinde cōsentiet ac si essent indigenæ. Præclara Ecclesiæ dignitas, quod vndique ad eam aggregabuntur qui eam spernebant: & qui eam cupiebant excisam ac perditam, summi honoris loco ducunt, ciues eius esse & haberi. sponte omnes patriæ suæ renuntiabant in qua prius superbiebant. vnde cumque ergo nati sint, siue ex Palaestina, siue ex Aethiopia, siue Tyro, profitebuntur se Urbis sanctæ esse ciues. Hebræi hunc locum

tur, quod aliter de futuro eius statu loquutus sit Dominus. neque enim dubium est quin à presenti rerum aspectu reuocentur ad promissiones, quæ sp̄s habebat incredibilis gloriæ. Ergo quanuis nihil magnopere latum appareat, filios tamē Dei iubet Prophetæ Verbo erectos, quæ si in speculatare, vt patienter expectent quæ promissa sunt. Hoc modo admonebantur fideles: primum vt ad vetera oracula attenderent, eaque memoria repeterent, præsertim quæ apud Iesaiam leguntur a capite 40, vsque ad finem libri: deinde vt aures præberent Dei seruis, qui tunc de regno Christi concionabantur. vnde sequitur, rectum de Ecclesiæ felicitate iudicium non posse fieri, nisi dum eam ex Dei verbo æstimamus.

ita exponunt, paucissimos ex alijs gentibus prodituros, qui ingenio aut virtute præstent: sed in Israele magnum fore prouentum. Vix, inquit, singuli apud Tyrios, Aegyptios, Aethiopes, & quosuis alios, ex tabunt laude digni homines vt si quis talis sit, digito monstrari queat ob raritatem: sed in Sion *vir & vir nascetur*, hoc est magna erit talium copia. Christiani ferè vno consensu ad Christum referunt, ac existimant reddi causam cur inter Hierosolymæ ciues numerandi sint qui hætenus extranei fuerat, adeoque infensi hostes: quia scilicet illic nascetur Christus, cuius officium est homines dissipatos, quasi lacera membra, in fidei unitatem & spem vitæ æternæ colligere. Prior interpretatio quum sit prorsus coacta, refutatione nō indiget. Deinde satis liquet, Iudæos stolidi ambitione inductos, quasi data opera torquere hunc locum. Quod afferunt Christiani, quamquam propter argutiam primo intuitu plausibile est, nihil tamē habet solidi: & clara sunt Prophetæ verba, cuiuscunque gentis sint homines, libenter patriæ suæ renuntia-

turos, ut in catalogo populi electi scribantur. *Nates* enim non ponit pro indigenis, sed pro ciuibus. Quod postea subiicitur, *Excelsus stabiliet eam*, non minus proprie vertetur, *Ordinabit*: quia scilicet verbo suo Deus Ecclesiam specialiter gubernat.

5 *Et de Sion dicitur.* Continuat eandem sententiam, quod ex diuersis mundi partibus colligentur noui ciues in Ecclesiam Dei. Quamquam alia figura videtur, quod alienigenæ reputantur in sacro populo, perinde ac si originem à Patre Abraham ducerent. Dixerat proximo versu, Chaldaei & Egyptii ad Ecclesiam domesticos accedent: *Ethiopes*, *palæsthini* & *Tyrri*, nomina dabunt inter eius filios, nunc confirmationis vice addit, ingentem nouæ sobolis turbam fore, ut numerofo populo referta sit ciuitas, quæ ad tempus deserta, postea etiam exiguo hominum numero semple na fuerat. Idem quod breuiter promittitur, pluribus verbis describit Isaias, 54. 1, *Lauda sterilis*, quæ non pariebas: quia plures filii erunt deserta, quàm quæ marito coniuncta est. dilata locum tentorii tui, extende funiculos, & clauos consolida, &c. Item, *Filii tui* è lóginquo veniét, leua per circuitum oculos tuos, omnes isti congregabuntur tibi. Capite autem 44. 5, eadē ferē loquutio extat, vel saltē quæ proximē ad istam accedit quæ hic habetur. *Iste dicit*, Domini sum: ille vocabitur in nomine Israel. scribet hic sua manu, Ego Domini: ille ex nomine Israel se cognominabit. Neque abs re *nascenti* verbo significat Propheta ex gregge populi Dei fore *Egyptios*, *Chaldaeos*, & similes. nam etsi natura geniti non erant ex Sione, sed adoptione inferendi in sancti populi corpus: quia tamē ipse in Ecclesiam transitus secunda est natiuitas, optimē conuenit ista loquutio. nam & ea Lege Christus sibi fideles despondet, ut populum suum obliuiscatur, & domum patris sui, *Psal.* 43. 11, & formati ac regeneriti semine incorruptibili in nouas creaturas, tam Dei, quàm Ec-

clesiæ filii esse incipiant, *Gal.* 4. 19. Et certē non aliter renascimur in cælestem vitam, quàm per Ecclesiæ ministerium. Interea tenendum est discriminē quod ponit Apostolus inter terrenam Ierusalem, quæ ut serua est, in subiectionem generat: & supernā, quæ ingenuos filios per Euāgelium parit. Secunda parte versus exprimitur lōga diurnitas. sæpe enim contingit ut quo citius in eximiā altitudinē emergunt vrbes, breuior sit prosperi status duratio, ne putetur in eum modum caduca Ecclesiæ felicitàs, Propheeta eius firmitudinē à Domino fore pronuntiat: ac si diceret, Non mirum est si nutent aliæ vrbes, variisque inclinationibus subinde sint obnoxia: quia vnā cū mūdo voluntur, neque æternos habent custodes. At noua Ierusalē diuersa erit ratio, cuius perpetuitas in Dei virtute fundata, etiam cælo & terra ruentibus consistet.

6 *Dominus recenset.* Intelligit Propheta tam celebre fore Sionis nomē, ut in ciuium eius numerum ac ordinem referri omnes cupidissimē ambiant. Loquitur enim de sorte maximē honorificæ: ac si diceret, Quā Deus censumaget populorum quos præcipuo honore dignabitur, Sioni potius quàm Babylonī, aut aliis quibusuis urbibus, adscriber. pluris enim erit ista nobilitas, inter ciues Sionis plebeiū locum tenere, quàm alibi vsquā primatum. Simul tamen admonet vnde alienis hominibus repente tantus honor: nepe ex Dei beneficio. Et certē qui Satanæ & peccati mācipia sūt, nunquā sibi propria industria ius supernæ ciuitatis acquirēt: solus est Dominus qui populos ut visum est, in suas classes distribuens, quom par sit hominum cōditio, alio ab aliis discernit. Descriptio cuius hīc fit mētio, ad vocationem pertinet. nam etsi filios suos ante cōditum mundum scripsit in libro vitæ, in suorū tamen catalogo tunc eos demum recenset quom regeneritos adoptionis Spiritu, nota sua insignit.

7 *Et cantores sicut tibicines, omnes fontes mei in te.*

7 *Et cantores.* Partim concisa breuitas, partim ambiguitas vocis vnius attentionem reddit obscuram. *Fmes me-*

taphoricē hic sumi, extra controuersiam est: sed in explicanda metaphora variant Interpretes. Quidam spes interpre-

pretantur, quidā affectus, alii cogitationes. Libenter eorum sententiā subscriberem qui modulationes vertunt, si pateretur hoc linguæ proprietas. quia autem id nimis remotum videri posset, quod rationi maximè consentaneum est amplector, aspectus notari: ac si dictum esset, Ego in te quasi defixis oculis semper intentus ero. nam & radix nominis oculus significat. Nunc videndum est quid sibi velit alterum illud membrum Cantores vt tibicines. abrupta quidem est loquutio, sed de cuius sensu inter omnes satis convenit: tantam lætitiæ materiam fore, vt tam assa voce, quàm musicis instrumentis continuè resonent illic Dei laudes. Confirmat ergo quod prius dixit de magnificationis instauratione: quia ex gaudii magnitudine, & multiplici laudum concentu, quanta eius futura sit felicitas demonstrat. Verùm interea finem describit donorum omnium quibus tam liberaliter Ecclesiam suam

prosequitur Deus: vt scilicet hymnis & canticis suam erga eum gratitudinē testentur fideles. alii מלל vertunt, qui saltant ad modulos vel tripudiant. Sed in eo parum est momenti, quū hoc summatim tenere sufficiat, perpetuam scilicet symphoniam laudū Dei in Ecclesia fore, vbi gratiæ suæ thesaurus explicuerit, mutuasque fore canendi vices. Adde quod Dei Ecclesiam singulari amore, cura, studio amplecti se demonstrat. Propheta, vt suo exemplo ad eundem pios omnes affectum hortetur & accendat, iuxta illud, Psal. 137. 5, Oblivioni detur dextera mea, si nō memor fuero tuæ Ierusalem in principio lætitiæ meæ. Tūc enim demum in Ecclesia subsistunt omnes nostri affectus, dum à vagis vanisque distractionibus collecti, & posthabitis mundi honoribus, deliciis, opibus, pompis, vna spiritali regni Christi gloria contenti sunt.

## ARGVMENTVM PSALMI LXXXVIII.

*Quaquam Psalmus hic grauisimas lamentationes hominis miserrimè afflicti & ferè desperati continet: simul tamen inuictam fidei suæ constantiam, contra mortem luctando, declarat. Prophetam, quod ex profundis mortis tenebris Deum nihilominus redemptorem implorat.*

*Psalmus LXXXVIII.*

**C**anticum Psalmi filiorum Coræ, præfecto super Mahalath ad humiliandum, eruditum Heman Esraie.

2 Iehoua Deus salutis meæ, die clamo, nocte coram te.

3 Veniat in conspectum tuum precatio mea, inclina aurem tuam ad clamorem meum.

4 Quoniam saturata est malis anima mea, & vita mea inferno appropinquauit.

5 Reputatus sum cum descendentibus in sepulchrum: sicut tanquam vir cui nulla virtus,

6 Inter mortuos liber, tanquam occisi iacentes in sepulchro, quorum non es memor amplius, & qui è manu tua abscissi sunt.

1 Canticum Psalmi. Heman cuius nomen hic inscribitur, eum esse probabile est cuius mentio fit in Sacra historia, 1. Reg. 4. 33, vbi dum laudatur prudentia Solomonis, confertur cum Eran, Heman, Chalchol & Darda. Ideoque mirum non est, hominem sapientiæ Spiritu præstantem, Psalmi huius authorē

fuisse. Particulam למנוח quidam appellatiuè vertunt, super infirmitate. Sed ex communi vsu probabile est vel musicum instrumentum notari vel initium cantilenæ. De aliis vocibus iam a libi satis dictū est. Porro tenere operam p̄tū est, in vni<sup>9</sup> hominis persona statui nobis ante oculos rarè afflicti & simul



patientia speculato. neque enim Deus seruum suum, quem tam præclaris dotibus ornauerat ut aliis esset exemplo, priuatim exercuit, sed communem eruditionis materiam dare voluit omnibus suis. Quo etiam consilio Heman velut theatrum conscendens, tam suarum infirmitatum, quam suæ fidei & cōstantiæ testem facit Ecclesiā. Nostri enim plurimum interest, nobilem Dei seruum, & eximii Spiritus donibus excellentem spectare tanta afflictionum mole obrutum, ut flabiliter deplorat se nihil à mortuo distare: ne vel ærumnæ nostræ, quantumvis graues, desperatione nos opprimant: vel si quando nos agritudo, cura, dolor, anxietas, & metus debilitat, ideo tamen despondeamus animos, præsertim ubi videmus sanctum Prophetā non sine violento conatu ex profunda obscuritate in lucem bonæ spei emergere. Quin potius statendum est, per os Heman à Spiritu Dei precandi formulā dictari qua desperatos omnes inuitet.

2. *Iehoua Deus.* Notandū est quod nuper attigi, quanuis simpliciter & citra hyperbolē recitet Propheta quæ passus est anxietatum & dolorum cruciatu, distasse tamen afflictis precandi formam, ne sub vllis malorum tormentis deficerent. Etsi autem pro malorum atrocitate statim eballiet in vehementes querimōnias, breui tamen præfatione tempestiuè se munit: ne affectus sui feruore abreptus, obstrepat potius Deo, & expostulet, quàm suppliciter veniā deprecetur. Deum enim salutis suæ vocans, quasi iniecto frano, cohibet doloris intemperantiā, desperationi ianuā claudit, seque ad crucis tolerantiam munit & comparat. Clamore & assiduitate ostendit quā serio intentus fuerit ad orandum. Fieri quidem potest ut vocem non extulerit pleno guttore: sed clamādi verbo ad contentionem notandam non frustrā vsus est. Eodem spectat perseverantia, dum se dies & noctes continuasse dicit. Nec superuacua etiam est paracula *clamante*, quia etsi communiter omnes querulantur in dolore, multum tamen abest quin effundant coram Deo suos gemitus. Imò maior pars lacrimas querunt, in quibus obmurmuret Deo, cuiusque seueritatem accuset: alii cla-

mores suos temere præiiciunt in aërem. Vnde colligimus, rarā virtutis esse, Deū nobis statuere ante oculos, ad quem vota nostra dirigamus.

4. *Quoniam saturata est malis anima.* His verbis Propheta magnitudinem sui doloris excusari acsi diceret, se non molitue vel deliciis adeo esse clamorū: sed si reputetur sua conditio, immensa malorum congerie ad lamentationem iuste impelli. Nec vnam tantum mali speciem profert, sed alia aliis fuisse aggesta, ut ad tadium vsque cor eius mororibus refertum fuerit. Deinde in specie exprimit vitam suam non precul abfuisse à sepulchro. Sed hoc quoque proximo versu magis exaggerat, ubi se quasi exanimē fuisse conqueritur. Etsi enim spirabat inter viuos, multæ tamen mortes quæ vndique impendebant, totidem erant sepulchra, quibus se mox deglutiendum putabat. Et nomen 722 quod à fortitudine dicitur, potius quàm hominis videtur posuisse, quo melius testatum faceret tantam fuisse atrocitatem malorum quæ vel robustissimum quenque frangeret.

6. *Inter mortuos liber.* Plus quiddā & grauius vulgari morte exprimere voluit Propheta. Primò se liberum esse dicit inter mortuos, quod inutilis esset ad omnia vitæ munera, & quasi à mundo alienatus. Illa enim Augustini argutia nihil ad Prophetæ mentem, Christum vocari liberum inter mortuos, quia singulari priuilegio victoriam adeptus est, ne mors in eum dominaretur. Potius enim dicit Propheta se præsentis vitæ militia perfunctū, nullam animo curam amplius suscipere, quia sensum omnem mala abstulerint. Deinde *vulneratis* se comparans, peius secum agi deplorat, quā si malis debilitatus, paulatim ad mortem descenderet: quia violentā mortē naturaliter magis horremus. Durius in speciem est quod addit, se *oblutioni traditum* esse à Deo, & *abscissum* ob eius manu, vel custodia: quum certum sit, mortuos non minus quàm viuos sub tutela Dei esse. Imò nebulo ille Balaā, cui propositum erat lucem conuertere in tenebras, coactus tamen fuit exclamare, *Moriarer anima mea morte iustorum.* Nam. capite 23. versu 10. Itaque pos-

set videri sententia hæc profani hominis, Deū nō esse amplius memorē hominis mortui. Responsio dari potest, Prophetam ex vulgi sensu loqui, sicuti etiā Scriptura, quum de providentia Dei agitur, stylum accommodat ad visibilem mundi statum, quia ad futuram vitam, quæ abscondita est, non nisi gradatim conscendimus. Existimo tamen Prophetam magis ex turbulento afflicti hominis sensu loquutum esse, quàm respexisse quid rudes & imperiti sentiant. Nec mirum est, hominem Spiritu Dei præditum, vbi prævaluit mœror, quasi attonitum fuisse vt vocem parum considerata emitteret. Quavis enim seruis Dei in summis perturbationibus fides hæc infixata maneat, Deo curæ esse tam viuos

quàm mortuos: sæpe tamen eorum mentes obnubilat dolor, vt non occurrat in re præsentis Dei providentia. Hoc inter querimonias Iob sæpius animaduertere licet, dum præoccupati sunt priorū animi tristitia, non statim penetrare ad arcanam Dei providentiam, quam tamen probè meditati sunt, & insculpta in cordibus suis gestant. Ergo Propheta, quanvis persuasus esset mortuos quoq; esse sub tutela Dei in primo tamē tristitia impetu non tam compositè loquutus est vt decebat: quia suffocatum erat lumen fidei, quod statim enicuit, vt videbimus. Et hoc notatu in primis vtile est, ne si tentationes nos debilitent, animos tamen despondeamus.

7 *Posuisti me in fovea infima, in tenebrosis, in profunditatibus.*

8 *Super me incubuit indignatio tua, & omnibus fluctibus tuis afflixisti me.*

9 *Remouisti notos meos à me, posuisti me abominaciones illis: conclusus sum vt non egrediar.*

10 *Oculus meus dolet præ afflictione mea: inuoco te Iehona quotidie, expando ad te manus meas.*

7 *Posuisti me.* Iam distinctius agnoscit, quicquid patitur malorum, ex Dei manu profectum esse. Nec verò quicquam seriò petendi remedii causa ad Deum confugiet, nisi qui iam persuasus erit, eius manu se percuti, nihil autem fortuito contingere. Iam quo propius ad Deum accedit, notandū est, magis exacerbari dolorem: quia Sanctis nihil magis horribile est Dei iudicio. Alii vertunt, *appropi* quant super ne indignatio tua, & sic interdū accipitur verbum *700*. Sed circumstantia loci accipere cogit, vt pluribus aliis locis, pro circundare vel incumbere: quia vbi de homine in triplex sepulchrum demerso sermo habetur, illud appropinquare nimis esset frigidum. Contextui autē optimè respondet versio quam sequutus sum, vt dicat Propheta se sustinere totā molem iræ Dei, quia eius fluctibus affligitur. Iam quum tā horribile diluuiū Prophetā nō impedierit quominus cor suū & vota ad Deū extolleret; discamus eis

exemplo, in omnibus naufragiis nostris anchorā fidei & precū in calos iacere.

9 *Remouisti.* Quum humanis omnibus auxiliis orbatū esset Propheta, hoc quoque iræ Dei ascribit, in cuius arbitrio est flectere corda hominum ad humanitatem, vel eadē efferare. Quod notatu dignum est: quia nisi in memoriam succurrat, ideo nos destitui humanis mediis, quia Deus manū suam subducit, tumultuamur sine fine & modo: & iure quidem conqueri licebit de hominum ingratitudine, vel sauitia, quoties iustis officiis nos fraudabunt: sed hoc profectu carebit, nisi accedat hæc cognitio, quia Deus nobis offensus est, tollere quæ nobis destinauerat subsidia: sicuti promptum ei est quoties visum fuerit, conciliare nobis omnium animos vt manum porrigant. Addit etiam aliquid grauius, se fuisse detestabilem omnibus amicis: actandem concludit nullum suis mali patere exitum.

10 *Oculus meus.* Ne Prophetam  
Mm iii.

imaginemur fuisse ferreum, rursus in-  
eulcat sibi tam duras fuisse & molestas  
afflictiones, vt in vultu & oculis exta-  
rent mœstitiæ signa. vnde colligimus  
quantopere deiectus fuerit. Sed interea  
testatur se minimè fuisse à Deo abstra-  
ctum, vt multi secum tacite frementes,  
fratrumque rodētes, vt est in prouerbio,

nihil minus sibi proponūt quàm suas cū-  
ras in Deum exonerare, vt solatiū ab eo  
petāt. Quod de *manuum extensione* dicit,  
signum ponit pro re ipsa. Alibi autem  
diximus quorsum spectauerit hæc cere-  
monia, quæ seculis omnibus fuit in com-  
muni vſu.

11 *An mortuis facies miraculum? an mortui surgentes  
confitebuntur tibi? Selah.*

12 *An narrabitur in sepulchro clementia tua, veritas  
tua in interitu?*

13 *An cognoscetur in tenebris mirabile tuum: & iustitia  
tua, in terra obliuionis?*

14 *Ego autem ad te Iehoua clamaui, & manē oratio mea  
præueniet te.*

II *An mortuis.* Significat his ver-  
bis, nisi celeriter festinet Deus ad opem  
ferendam, non venturum in tempore:  
quia vix tantillum à morte distet. ergo  
hunc esse extremum articulum, si Deus  
eum iuuare velit, quia posthac cessabit  
occafio. Querit ergo quousque differre  
velit Deus, an vt mortuos miraculo ex-  
citet. Quanquam autem Propheta de  
ultima resurrectione non loquitur, quæ  
superior erit reliquis omnibus miracu-  
lis, excusari tamen non potest exces-  
sus, quia Deo tempus præscribere no-  
strum non est ferendi auxilii: quia iniu-  
riam facimuseius potentia, nisi statui-  
mus tam facile ei esse reddere vitam  
mortuis, quàm maturè occurrere, & an-  
teuertere vltimum discrimen. Et certè  
talis semper fuit Sanctorum constantia  
quæ carnis infirmitatem aliqua in par-  
te resipere, vt etiam in ipsis virtutibus  
quod vitii admistum erat, necesse fuerit  
paterna Dei indulgentia tolerari. Dum  
querit *an in sepulchro narrabitur Dei bo-  
nitas*, non intelligit mortuos carere sen-  
su, sed prosequitur quod iam antè dixe-  
rat, magis opportunum esse auxilian-  
di tempus dum homines in periculis ad  
huc clamitant, quàm si mortuos è sepul-  
chris excitet. Rationatur autem ex cō-  
muni more, quia Deus solitus non esset  
mortuos è sepulchris testes ac præcones

sua bonitatis producere. Fidem Dei  
annectit clementia: quia quories suorum  
liberator est Deus, se in promissionibus  
veracem fuisse confirmat. Porro ad pro-  
mittendū non aliunde, quàm mera sua  
bonitate inducitur. Quid verò tam fi-  
dem quàm bonitatem, virtutem & iusti-  
tiam in terra obliuionis cognosci negat  
perperam trahunt homines fanatici ad  
crassum errorem, quasi morte aboleren-  
tur homines: quia tantum differit de mo-  
do iuuandi ordinario: quia Deus mun-  
dum hunc instar theatri esse voluit, ad  
gratiam, qua prosequitur humanum ge-  
nus, demonstrandam.

14 *Ego autem ad te.* Quannis ali-  
qua perturbatio fuerit in Propheta ver-  
bis, quam confessus sum viciosam fuisse:  
hoc tamen raræ fidei & pietatis si-  
gnum fuit, nunquam desistere à studio  
precandi. Nam hoc sensu dicit se *manē  
festinasse*: ne putemus lentè & frigide  
fuisse cunctatum, donec cogeret vltima  
necessitas. Modestè autem his verbis  
admonet, non factum esse sua pigritia  
vt in diuturnis malis contabuerit, ac si  
Deum non quæsiisset. Atque exemplū  
hoc in primis est notabile, ne despon-  
deamus animos, siquādo preces nostras,  
licet voluntarias & assiduas, contingat  
tamen profectu carere.



15 *Vt quid Iehoua repudiabis animam, abscondes faciem tuam à me?*

16 *Ego miser & moribundus à pueritia, tuli terrores tuos dubitando:*

17 *Super me transierunt furores tui, formidines tue excederunt me:*

18 *Circumdederunt me sicut aqua quotidie, conxerunt me simul.*

16 *Remouisti à me amicum & socium, familiares mei tenebrae.*

15 *Vt quid Iehoua.* Quauis lamentationes istæ primo intuitu mœrorem abique vlllo solatio præ se ferant, continent tamen in se tacitas preces. Neque enim superbè cum Deo litigat sed flebiliter malis suis exoptat remedium. atque hoc genus querimoniarum merito inter gemitus inenarrabiles censeri debet, quorum meminit Paulus ad Romanos capite 8. versu 26. Nec verò si putasset Propheta se respui & abominatio ni esse, orando perseverasset, verum carnis sensum, cui fortiter reluctabatur, hic in medium proponit, vt re ipsa tandem, & manifesto effectu appareat, nō frustra eum orasse. Ergo quauis hic Psalmus non claudatur gratiarum actione, sed in lamentabilem querimoniam desinat, ac si nullus restaret gratiarum locus, eo vtilior est ad nos in precandi officio retinendos: quia certè non desistit Propheta, gemitus hos in Dei sinum deponens, sperare quam non videbat salutem: quia non vocauit initio Deum salutis suæ, vt sibi postea nihil de eo promitteret. Cur verò se meribundum à puero fuisse dicat incertum est,

nisi quòd probabiliter conicere licet fuisse multis modis duriter examinatus ac si eius vita inter varias trepitationes ac metus è filo penderet. Vnde etiam colligimus, furores Dei & formidines, de quibus continuo post loquitur, non exigui tantum fuisse temporis, idque ex primit per vocem *quotidie*. Iam quum nihil magis horribile sit, quàm Deum nobis insensum concipere, non abs re dilatio auxietatem suam comparat. hinc etiam dubitatio: quia fieri non potuit quin eius animum dira inquietudine iactaret ira Dei sensus. Queritur tamen quomodo fidei consentiat vacillatio. & certè vbi quis perplexus haret ac dubius, imò huc & illuc agitur, videtur absorpta esse fides. Sed experientia nos docet, fidem, dum fluctuatur in his agitationibus, subinde tamen resurgere ne mergatur. quòd si quando suffocatur fouerit tamen absconditam, quia quantumuis insurgant procellæ, clypeum tamen illum opponit, Deum manere fidelem, vt suos nunquam frustretur, vel deserat.

## ARGVMENTVM PSALMI LXXXIX.

Propheta quisquis fuerit Psalmi author, Deo supplicaturus pro afflictis Ecclesia, factus Dei quid cum Davide pepigerat, sibi & reliquis ad bene sperandi materiam prœponit. Commemorat deinde in genere Dei potentiam, qua perspicitur in tota mundi gubernatione: ad hoc ad redemptionis memoriam descendit, in qua Deus paterni sui erga electum populum amoris atque speciem exhibuerat. Inde iterum ad fœdus cū Davide percussum reuertitur, in quo pollicitus fuerat Deus se in Regis fauorem populo seruire fore propiciū. Tandem subiicit querimoniam, quòd Deus quasi patris sui oblitus, Eccliam exponat in ipsorum libidini, nec iam eristi iustitiam quicquam opis vel solatii ostendat.

Psalmus LXXXIX.

Am. iiii.

**E**ruditiūm Ethan Extraita. Clementias Iehoua in æternū cantabo, in atatem & atatem celebrabo veritatem tuā ore meo.

2 Quia dixi, Perpetuò clementia edificabitur: celos stabiles, veritas tua in illis.

3 Pepigi fœdus cum electo meo, iuravi Dauidi seruo meo,

4 Usque in æternū stabiliam semen tuum, & edificabo in atatem & atatem solium tuum. Selah.

1 *Eruditiūm Ethan.* Quisnam fuerit hic Ethan, cui ascribitur Psalmus, mihi non satis liquet. nam si vnum esse dicamus ex iis quatuor quibus ob sapientiæ præstantiam confertur Solomo, 1. Reg. 4. 31, non quadrabit in eius ætatem argumentum. Nisi fortè Solomoni superstes, tristis & funestam, quæ tunc accidit, dissipationem, quæ præludium erat ruinæ, desineat. Esi enim populus in duas partes diuisus, stetit adhuc incolumis, quum tamen dissidium illud sancitam à Deo vnitatem abrumperet, quid potuit spei esse residuum? Adde quòd ab vno capite, a quo decem tribus impiè defecerant, pendebat salus totius corporis. Quàm horribile verò portentum fuit, statim post vnus hominis ætatem cernere regnū illud, quod vsque ad finem mundi integrum florere debebat, misera laceratione deforme? Quis non putasset lusorium & inane fuisse oraculum illud, cuius fideles tam breui temporis spatio pessundata erat? Ergo si placet Ethan illum Psalmi fuisse auctorem, licebit eius querimonias in tempus illud conferre, quo non modò labe factatum fuit Dauidis solium, sed maior pars populi se à Deo alienauit, fratresque mutuis & intestinis discordiis se cōficere cœperūt. Ego certè in re dubia nihil video probabilius. Nam qui volūt Spiritu prophetico præmonitum fuisse populum de futuri cladibus, facillè reselluntur ab ipso contextu, vbi disertè scriptor, quisquis fuerit, mutationē depiorat quæ prima contigit ex factione Iarobeam.

2 *Clementias Iehoua.* Tenendum est quod nuper attigi, exordū fieri à Dei

laudibus & fœderis memoria, vt fideles contra graues tentationum machinas fidem suam stabiliant. Nam vbi nos ad precandum accingimus, si in ipso vestibulo occurrat desperatio, vi & impetu percurrere necesse est, ne flaccescant animi, prorsusque deficiant. Consilium ergo Prophetæ fuit, inter ipsa principia firmis & solidis fulturis munire piorum animos, vt Dei promissione freti, quæ ferè in speciem conciderat, repulsis omnibus tentationum machinis, quibus grauius concutiebatur eorum fides, non dubitarent de regni instauratione bene sperare, & pro ea constanter precari. Esi igitur ex tristi ruinæ spectaculo pro sensu carnis conicere poterat Ethan se & reliquos fideles fuisse delusos, se tamen Dei misericordias quæ tunc erant absconditæ, celebraturum dicit. Quia verò non facile erat, Deum, quem seuerum & rigidum experiebatur, clementem agnoscere: vt hanc tentationem copia & varietas gratiæ Dei superet, sibi in plurali numero proponit bonitates.

3 *Quia dixi.* Rationem assignat cur Dei laudes continuet inter res aduersas, quia ne sic quidem desperet Deū suis propitium fore, quāuis asperius eos castiget. Neque enim os quisquā liberè aperiet ad laudandum Deum, nisi qui certò persuasus erit, etiam dum suis irascitur, nunquam paternum affectū exueret. Istud enim *dicere*, cuius meminit, tantundem valet atque infixum habere in animo: ac si diceret, quicquid hactenus acciderit, sibi tamen non fuisse excussum gratiæ Dei fiduciam in futurum tempus, seque in hoc proposito staturū.

Notandum

Notandum verò est, non sine difficili certamine Prophetam fide amplexum esse Dei bonitatem, quæ tunc prorsus euauenerat vt discamus, siquando auferat nobis Deus omnia amoris signa, statuere tamē in cordibus nostris *aternum misericordie adfictum* de quo hīc agitur. quia metaphora significat Prophetam, Dei misericordiam propagatum iri, vel continuam fore, donec ad finem suum vel complementum perueniat. In secundo membro aliquid subaudiendū est: quia huc summa redit, non minus fore stabilitatis in Dei fide, quā in ipsa cælorum consistentia, quæ æterna est, & ab omni mutatione immunis. Porro calos intellico non modò visibiles, sed qui totam mundi architecturam superant: quia hic Dei veritas supra mundi elementa in cælesti regni Dei gloria locatur.

4 *Pepigi fœdus.* Quo se & omnes pios melius confirmet in fide oraculi, authoritatem accersit ex Dei persona, quem hīc loquentem inducit. Nam quia ex ore Dei pendere debet fides, plus pōderis & energię huic loquendi formæ subest, dum in medium prodit ipse Deus, nōsque propria voce inuitat. Vbi autem hoc modo nos præuenit, nullus iam est temeritati locus: si familiariter ad eum accedimus: sicuti rursus nihil nobis sine verbo Dei imaginari fas est de eius gratia, vel nostro arbitrio sperare quod non est pollicitus. Iam promissio hac loquutione magis redditur authentica, vbi refert Deus iureiurando interposito, fœdus se cum Dauide seruo suo pepigisse. Nam quia solebant olim fœdera incidi in tabulas æneas, metapho-

ram sumptā ex more illo vsurpat. Duobus verò epithetis ornat ipsum Dauidem, vocans electum suū, & seruum. Nā qui priorem titulum ad Abraham trahunt, non satis attendunt ad communē loquendi formam, qua bis idem repetitur. Iam electus Dei vocatur, quem Deus mero beneplacito, non modò posteris Saulis & tot viris insignibus, sed etiam fratribus suis prætulit. Ergo si quæritur fœderis causa vel origo, venire ad Dei electionem necesse est. *Serui* nomine quod continuò pōst sequitur, ne intelligas Dauidem quicquam suis obsequiis fuisse promeritum: sed regię dignitatis intuitu, vocatur Dei minister: quia non se temere ingessit, sed vocatione legitima fretus imperium sibi Diuinitus oblatū recepit. Iam ex ipsa fœderis summa colligimus, Prophetam non frustra in vsum suum & totius populi illud accommodasse: quia non pepigit Deus priuatim cum Dauide, sed totum Ecclesię corpus in futuras ætates respexit. Et si enim de Solomone & reliquis successioribus aliqua ex parte intelligi hoc debet, Stabiliam solum tuum in æternum: scio bat tamen Prophetam, solidam perpetuitatem non posse nisi in Christo reperiri. Et certè Regem vnum creando, non vnus tantum familię Deus respectum habuerat, posthabito & neglecto populo cum quo fœdus antè pepigerat in manu Abraham, sed detulit imperium Dauidi eiusque filiis, vt præfessent in communem omnium salutem, donec Christi aduentu solum verè stabiliretur.

6 *Et celebrabunt cali miraculum tuum Iehouah, etiam veritatem tuam in cœtu Sanctorum:*

7 *Quia quis in nubibus equabitur Iehoua, similis erit Iehoua in filiis deorum?*

8 *Deus terribilis in cœtu Sanctorum valde, & metuentus super omnes qui in circuitu eius sunt.*

9 *Iehoua Deus exercituum quis sicut tu fortis Deus? & veritas tua per circuitus tuos.*

6 *Et celebrabunt cali.* Prophetam loquutus de fœdere Dei, sicuti fides exor-

dium debet facere à verbo. nunc ad generale operum eius encomium descendit.



Quamquam notandum est, non alio fine dūserere Prophetam de admirabili Dei potentia, nisi quo melius illustretur sanctitas fœderis. exclamat enim hunc esse Deū qui mare colēda<sup>9</sup> sit ac menēdus, cui sit habēda iudes: cuius virtuti secute inniti liceat. Itaque *miraculum* quod primo loco ponit, libēter ad potētia restringo quam exerit in conseruatione suā Ecclesiā. Verum quidem est cælos, admirabilis Dei potentia optimos esse testes ac præcones: sed ex contextu melius patebit ad eum quem dixi scopum elegia omnia referri. Nam rectē, meo iudicio, per cælos quidam interpretes Angelos intelligunt, quibus in salute Ecclesiā cōmuni est latina & gratulatio: idque cōfirmat posterius membrum, ubi dicit *veritatem Dei in cætu Sanctorum esse prædicandam*. Neque enim dubium est quin eandem sententiam hic continuet: & Veritatis nomine, insigniat præclaras liberationes quibus Deus fidem seruis suis datam præstiterat.

27 *Quia quis in nubibus.* Nunc magis illustrat Prophetā quod dixit de mirabilibus Dei: ac emphaticē exclamat, Quis poterit Deo in nubibus conferri? Nubes autem vel cælum exprimit: quia mirum non est, in terra nihil inueniri quod ad Dei gloriam accedat. Nam et si excellit homo præ aliis animantibus, videmus tamen quā misera sit abiectā que eius conditio: imō quā plena ignominia & probri. Vnde sequitur sub cælo nullam excellentiam Deo æmulam esse: sed dum in cælos conscendimus, admiratione rapti, fingimus deorum turbā quā veram Deitatem abolet. Ac posterius membrū exegeticum est, ubi negat Prophetā inter filios deorum, quenquam esse vero & vnico Deo similem. Nam quod per nubes vel cælos quidam intelligunt Solem, Lunam, & stellas, ipso contextu refellitur. Summa ergo est.

etiam in cælis ipsis vnicum Deum emēre absque socio. Et Angelos quidem vocat filios deorum quia nec originem ex terra traxerunt, neque corruptibili corpore sunt vestiti: sed caelestes sunt spiritus Diuina præditi gloria. Non quod pars sint essentia Dei, sicuti somniant fanatici homines: sed quia in ipsis potentiam suam Deus exerit, hoc elogio eorum natura à nostra distinguitur. Summa est igitur, Quauis in Angelis refulgeat maior dignitas quā in aliis creaturis, quæ etiam in sui admiratione nos rapit: non tamen appropinquare Deo, vt sua eminentia eum obfurent, vel imperium obtineant cum eo commune. Quod diligenter notandum est: quia vt-cunque Deus passim Angelos pronuntiet sibi esse ministros & paratos ad obsequium: mundus tamen vnico Deo non contentus, multas sibi Deitates fabricat. Eodem pertinet proximus versus ubi dicit propheta *Deum esse formidabilem in cætu Sanctorum*. Diabolicam enim illam superstitionem corrigat ad quam propensi sunt fere omnes, quā Angelos sine modo & ratione extollunt. Atqui si ipsi quoque Angeli tremidant & pauescunt coram Dei maiestate, quomodo non cogentur in ordinem vt solus Deus in solūm regere possit? Porro eos *in circūitu Dei* locans, intelligit instar satellitum circūdare solum eius, præstō que sēper aditū ad subeunda iussa. Postea denuo idem repetit, *Quis sicut tu fortis?* vt metu saltem territi, discamus non spoliare eum debito honore. Cæterum ne nimis nos absterreat, aliquid dulcedinis admiscet, *veritatem eius per omnes circuitus spectari* prædicans: ac si diceret, Deum semper constare suis promissis: & quicquid mutationum accidat, manere tamen à tergo & fronte, à dextra & sinistra veracem.

10 *Tu dominaris superbia maris: dum attolluntur fluctus eius, compescis eos.*

11 *Tu afflixisti sicut vulneratum Aegyptum, in brachio fortitudinis tue dispersisti inimicos tuos.*

12 *Tui sunt celi, etiam tua est terra, orbem & plenitudinem eius tu formasti.*

13 *Aquilone m & Meridiem tu creasti: Thabor & Hermon in nomine tuo exultabunt.*

13 *Tibi brachium cum potentia: roborabis manum tuam, attolles dexteram tuam.*

15 *Iustitia & iudicium locus solii tui, clementia & veritas præcedent faciem tuam.*

10 *Tu dominaris.* Iam admonui, quæ hæcenus generaliter Propheta disferuit de virtute Dei, referenda esse ad redemptionis miraculum, quod iam disferre celebrat. Quamquam enim quidam fluctus maris componi interpretantur, quia Deus non patitur submergi diluvio totum orbem: ego tamen coniunctim duos istos versus legens, Prophetam ex istimo de Rubro mari loqui, quod Deus compescuit ut transitum daret populo suo. Subiicit enim continuo post, totam terram *Aegypti instar hominis occisi fuisse prostratam.* Quibus verbis Dei gratiam in liberanda Ecclesia commendat. Neque enim dubium est quin sibi & aliis proposuerit paternum Dei amorem, quo liberius ad eum confugeret. sicuti Deum prædicans *brachio suo forti contrivisse hostes,* ab experimèntali notitia colligit, quoties visû fuerit, idè se perfacturû.

12 *Tui sunt cali.* Tertio repetit, Deum qui electi populi fuit liberator, imperio suo regere totum orbem. Nam ex creatione colligit Deum actualiter moderari quicquid in calo & terra agitur: quia absurdum esset, calos a Deo creatos, fortuito nunc volvi, & res vel hominum arbitrio, vel temere & casu misceri in terra: quia proprium Dei est tueri & gubernare quicquid condidit: ne cum profanis hominibus imagine-mur pulcherrimi huius theatri conspectu otiosum frui. De *Meridie & Septentrione* loquens, item de montibus *Hermon & Thabor,* accommodat sermonem ad sen-

sum rudis vulgi: quasi diceret, nullam esse mundi partem quæ non revereatur opificem suum, atque obseruet. Proximû quoque versû simul contexto, quod *brachium Dei instructum sit potentia, manus eius robore, & dextra eius summam celsitudinem obtineat.* Nam quod resoluunt quidam in optatium, Robores manum tuâ & dextram attollas: remotius videtur à Propheta mentes, qui simpliciter, ad pios omnes animandos, inæstimabile Dei fortitudinem celebrat.

15 *Iustitia.* Plus etiam valent hæc elogia ad spei confirmationem, quam si in medium proposita esset sola Dei fortitudo. Et quoties fit Dei mentio, ad has præcipue virtutes quæ fidem ædificant, mentes intendere convenit: ne frustra evanescamus in argutis speculationibus: quibus dum se oblectant stulti homines non tenent quid sit Deus, Propheta igitur ad Regum insignia vel pompas alludens, dicit iudicium & iustitiam esse fulguram solii eius, ut conspicuus emineat: *Clementiam* verò & *veritatem* esse quasi apparitores. ac si diceret, loco purpuræ, vel diadematis, vel sceptri, his insignibus ornari Deum, quod iustus sit, & æquus mundi index, misericors pater, & fidelis suorum protector. Nam quia terrenis Regibus non suppetit intrinseca dignitas, aliunde eam mutuuntur: Deus autem qui se vno cõterus, nullis administris indiget, splendorè imaginis suæ in iustitia, bonitate, & veritate sua nobis proponit.

16 *Beatus populus qui novit iubilationem, Iehoua in splendore vultus tui ambulabunt.*

17 *In nomine tuo exultabunt. quotidie, & in iustitia tuâ efferentur.*

18 *Quia gloria roboris eorum tu es, & in beneplacito tuo efferetur cornu nostrum.*

19 *Quia Iehoua clypeus noster, & Sancto Israelis Rex noster.*

16 *Beatus populus.* Prosequitur quod de Ecclesia atigerat, non modò quia ad intuitum operum Dei cæcunt in creduli, sed quia Propheta non aliud quàm p̃is bonam spem dare propositum est, vt secure in Deum recumbant, nullisque malis frangantur, quin eum intrepide inuocent. Beatos autem esse dicit quibus datum est in Deo lætari: quia etsi Dei liberalitate communiter pascantur cuncti mortales, non tamen sensus paternæ eius bonitatis ad omnes peruenit, vt sibi proprium esse persuasi de salute sibi gratulentur. Singulari itaque privilegio dignatur suos electos, gustandam illis bonitatem suam præbēs vt ad gaudium & iubilationem colligant animos. Et certe nihil ñferius quàm incredulos bruto stupore calcare Dei beneficia, quibus se ingurgitant: quia eo fœdior est eorum ingratiitudo, quo largius eos Deus saginat. Hæc igitur vera felicitas, Dei bonitatem concipere, quæ animos nostros gaudio occupans, ad laudes & gratiarum actionem incitet. Effectu deinde probat beatos esse qui læti & hilares Deum agnoscunt patrem: quia non modò fruuntur eius beneficiis, sed fauore eius freti, totum vitam cursum, trā quilibet animis peragāt. Hoc enim valet *ambulare in lumine vultus eius*, dum persuasi sumus peculiariter ab eo salutem nostram curari, cumque excubias agere pro salute nostra, ac quiescere in providentia eius. Eodem pertinet *lætitia in nomine, & gloriatio in iustitia*. Summa enim est, satis & super in Deo reperire fideles quo exultent & gloriantur. Per vocem *quotidie* notare videtur firmam & solidam continuationem: atque ita oblique perstringere stultam eorum arrogantiam qui vento tantum inflati, superbiendo in suis viribus, cornua in sublimem tollunt. Nam vt malè sunt fundati, tandem concidere necesse est. Vnde sequitur, nullam esse veram magnanimitatem, nec ullam virtutem stare, nisi quæ vnus Dei gratia innititur: sicuti e-

tiam magnificè Paulus Rom. 8. 31, se iactat, Si Deus pro nobis, quis præualebit contra nos? Et malis omnibus, tam præsentibus quàm futuris insultat.

18 *Quia gloria.* Confirmat eandem sententiam, quòd scilicet nunquam Deus fideles suos virtute destituit. *Gloriam* enim *virtutis eorum* vocans, significat eos ita semper fulciri præstanti Dei auxilio, vt meritò in ipso glorien- tur, et quod idem valet, virtutem Dei in illis iuuandis ac sustinendis semper extare gloriosam. Quanquam interea monentur sui officii, vt quod sunt salvi & integri, laudem Deo referant. Quòd si verè de præsentivita dictum est, longe magis in spiritualem animæ vitam compert. Iam quo melius commendat hanc Dei beneficentiam, simul docet à mero eius beneplacito pendere. Vnde sequitur, in solidum deuinctos & astrictos esse Deo, qui sola liberalitate & gratuita ad prosequendum suum auxilium inducitur.

16 *Quia Iehoua.* Quia in Rege summum erat populi præsidium, specialiter admonet Propheta, hæc quoque Dei donum esse, quod à Rege ipso pretegitur salus fidelium. Quanquam notandum est, Prophetam non ita fuisse defixum in temporalis & caduco regno, quin finem simul expenderet, sicuti mox videbimus. Sciebat enim nonnisi Christi respectu fauorem Dei à capite in totum Ecclesiæ corpus defluere. Ac primò qui dem metaphoricè Regem vocans *clypeum*, sicuti hanc figuram Scriptura sæpe usurpat, eius tamen manu & opera nonnisi Diuinitus fatetur populum defendi. Ac idem secundo membro repetit, pronuntians Regem à Deo esse datum qui populum gubernet: ideòque de fensione quæ à rege provenit, Dei beneficium esse. Iam meminerimus, quod de umbratili regno dicitur, propriè quædrare in Christi personam, qui nobis datum est à Patre salutis custos, vt eius manu protegamur.

20 *Tunc loquutus es in visione mansuetis tuis, & dixisti, Posui adiutorium super fortem, exaltavi electum è populo.*



21 *Inueni David seruum meum, oleo sanctitatis meae unxi eum.*

22 *Ideo manus mea stabilietur cum eo, utique brachium meum roborabit eum.*

23 *Non erit exactor inimicus in eum, nec filius iniquitatis affliget eum.*

24 *Et conteram à facie eius oppressores eius, & qui oderunt eum percutiam.*

20 *Tunc loquutus est.* Fusus iam explicat cur dixerit Regem electi populi e celo datum esse ad publicæ salutis conseruationem: quia scilicet neque suffragiis hominum fuit electus, neque sumpsit ipse sibi tyrannidem, vel malis artibus obrepit: sed quia Diuinitus electus erat publicæ salutis minister, sub eiusdem Dei auspiciis & ductu officio suo perfungi. Consilium enim Prophetæ est, ut paulò post clarius videbimus, Diuinum hunc Regem à reliquis omnibus discernere. Nam etsi verè docet Paulus Rom. 13.1, non esse potestatem nisi à Deo, longum tamè discrimen fuit inter Dauidem, & terrenos omnes Reges qui humanis mediis imperium adepti sunt. Deus enim seruo suo Dauidi sceptrum de manu (quod aiunt) in manum tradiderat, eumque sua autoritate locauerat in solio. Particula *Et*, quæ propriè significat tunc, accipitur etiam pro olim. Sensus ergo est, quum alii nascentur Reges, qui hereditario iure succedunt parentibus, alii creentur, alii vi & manu potentiam sibi acquirant: Deum huius regni esse authorè, quia voce sua Dauidem elegit. Etsi autem consilium suum patefecit Samveli: quia tamè pluri numero dicit Prophetæ, pluribus idè oraculum fuisse traditum, certò colligerelicet plures fuisse testes adhibitos, qui vno consensu assererent Dauidè fuisse Diuinitus creatum Regè. Et certè quum tunc alii Prophetæ floruerint, probabile non esset de re tanta fuisse calatos. Solus tamè nominatur Samuel, quia & præco fuit vaticiniū, & minister vocationis. Porro quum vel per somnium, vel per visiones Prophetis tunc loquutus sit Deus, hic ponitur altera species. Sequitur deinde summa oraculi, quòd Deus auxilio *ferentem* vel robustum in-

struxerit quem elegerat, ut regno præficeret. Fortis vocatur, non quòd propria fortitudine excelleret: (quando & exigua statura fuit, & inter fratres contemptibilis, ut eum Samuel quoque neglectum præteriret: ) sed quia post electionè ornatus fuit noua virtute, & regius aliis dotibus: sicuti quum Apostolos elegit Christus, non titulo duntaxat eos ornauit, sed simul contulit quæ ad munus exequendum erant necessaria. Et eandem hodie Spiritus gratiam in suis Ministris exerit. Robur ergo Dauidis, cuius hic fit mentio, electionis effectus fuit, quia Deus Regem creando, virtute simul instruxit quæ ad populi conseruationem sufficeret. Quod etiam clarius apparet ex secundo membro, vbi origo notatur inuictæ huius fortitudinis, quia scilicet *electum* Deus è plebe *exulauit*. Sūt enim voces omnes emphaticæ: quia quum pronuntiat Deus se exaltasse, intelligitur humilis & abiecta conditio, in qua obscurus latebat Dauid antequam manum Deus porrigeret. Eodem spectat quod addit. *è populo*. Sensus enī est, Ignobilem tunc & ex infima plebe fuisse, & qui nihil eximium præ se ferret, quum vltimus esset in rustico tugurio, & inter pecuarios. In voce *electi* nos ad suum arbitrium reuocat Deus: acsi vetaret aliam causam inuestigare, quàm quòd ita placuit.

21 *Inueni David.* Confirmat eandè sententiam Prophetæ, nihil fuisse regiū in Davide, nisi quatenus anteuertit eum Deus sua gratia. Hoc enim exprimitur inueniendi verbo: acsi diceret Deus, gratias à se assumptum fuisse. ideoque *serui* nomen non meritum aliquod notat, sed ad vocationem refertur, acsi sanciret Deus sua autoritate eius imperium, quia si Deo probatur, legitimum esse,

dubium non est. Gratuita enim electio secundo membro iterum confirmatur: quia vñctio quam Dauid ipse non quaesivit propria industria, sed præter spem adeptus est, honoris causa fuit. Quia ergo sp̄s & mero suo beneplacito Dauidi occurrit Deus, vt eū manu Samuelis in Regem vngeret, meritò pronuntiat se illum inuenisse. Postea adiungit se eundem fore huius regni, cuius author est: sicuti non solet inchoata sua opera deferere, sed continuo progressu perducere ad suum finem.

23 *Non erit exactor.* Nominatim exprimit, quanuis hostibus non careat Dauid, præsto fore Dei virtutem ad eū tuendum, ne iniusta violentia prematur. Negat igitur Dauidem fore hostibus tributariū: sicuti qui bello deuictus est, cogitur subire iniquas victoris leges. Interim quòd hostes eius vocat *filios iniquitatis*, tacitè ostendit innoxium fore dominationis genus, quod nemo absque iniuria & scelere euertere tentabit.

25 *Et veritas mea & clementia mea cum eo: & in nomine meo exaltabitur cornu eius.*

26 *Et statuam in mari manum eius, & in fluminibus dexteram eius.*

27 *Ipse clamabit ad me, Pater meus es, Deus meus, rupes salutis meae.*

28 *Etiam ego primogenitum ponam eum, excelsum præ Regibus terræ.*

29 *Et in seculum seruabo illi misericordiam meam, & fœdus meum firnum erit ei.*

30 *Et statuam in perpetuum semē eius, & solium eius quasi dies calorū.*

25 *Et veritas mea.* Docet, continuū eius gratiæ quam initio Dauidi ostendit, tenorem fore. tātundem enim valent hæc verba acsi dixisset, vt se veracem præstet, fore semper beneficū. Ita videmus nō modò à principio Deū exhibuisse bonitatis suæ specimen in Dauide, sed eandem clementiam fuisse prosequutū: quod ad totam Christi Ecclesiam spectat, vt in toto salutis nostræ cursu appareat Dei bonitas, non tantū in vestibulo, sicuti nugantur So-

Summa est, Dauidem eiusque posterorū Dei præsidio tutos fore, & probè munitos, ne hostium libidini sint expositi. Iam quòd pessundari regnum passus est Deus, vt Dauidis successores exteris & profanis Regibus graue tributum pendere coacti sint, cum hac promissione non pugnat: quia satis fuit, accisis regni opibus, manere tamen radicem, vsque dum prodiret Christus, in cuius demum manu stabile fuit regnum. Nam quum tantam Dei benedictionem tam Rex quàm populus impiè abiicerent, eorum culpa sæpe concussum regnum fuit: deinde imminutum, & tandem collapsum, neque tamen destitit interea Deus, vt oraculum sanciret de regni perpetuitate, cum illorum ingratitude certando, spem aliquam fouere & tueri. Adde quòd, osiores & oppressores Dauidis nominando, admonet hoc solum non fore immune ab incōmodis & mōlestiis: quia semper aliqui infesti erunt, nisi se Deus opponat.

phistæ. Cornu Dauidis hic, vt sæpe aliàs, pro gloria, dignitate & potentia sumitur. Ideoque sensus est, Dei beneficio prosperum semper & florentem fore regni statum. Additur mox amplitudo. Nam quia populus suis sceleribus viam præcluserat Dei benedictioni, restrictior fuerat eius hæreditas quàm ferebat promissio. Nunc pronuntiat Deus, sub Dauide rursus propagatum iri, vt totam regionem à Mari vsque ad Euphratem populus occupet. Vnde colligimus,

Gimus, nō nisi in Dauidis persona fuisse completum quod per Moſen Deus fuerat pollicitus. Per *ſubditos* tam ſolum Euphratem intelligere licet, qui in multos alueos ſcinditur, quā vicina etiam flumina à parte Syria.

27 *Ipfē clamabit ad me.* Præcipuū Regis huius præſtātiam in eo fore memorat, quōd Filius Dei cenſebitur. Etſi autem quoscuque Deus conſtituit Reges, eodem honore dignatur: (ſicut alibi vidimus, Ego dixi, Dii eſtis, & filii Excellſi omnes, Pſal. 82.6) hic tamē ſingulare aliquid de ſacro & à ſe electo Rege pronuntiat, & alio modo ſibi filium fore intelligit. Et paulō poſt videbimus altiore in gradu locari quā ter reos Reges, quanuis latius dominentur. Hec igitur vnus tantūm Regis in mundo prærogatiua fuit, Filium Dei vocari. Alioqui non frigide modò ſed abſurdè ratiocinatus eſſet Apoſtolus Heb. 1.4, Chriſtum contendens ſuperiorem eſſe Angelis, quia dictum eſt. Ero ei in Patrem, & ipſe erit mihi in Filium. Ergo quanois tam Angeli, quā Reges quicunque regeniti ſunt adoptionis Spiritu, filii, vocentur, eximitur tamen Dauid inſigni prærogatiua à communi omnium ordine, quum Deus promittit ſibi fore filium. Quod ex proximo ver-

ſu clarius liquet, vbi *primogenitum* quoque appellat: quia emineat ſuper omnes terræ Reges: qui honor tã omni humana dignitate, quā Angelica excellentior eſt. Si quīs obiciat, Dauidē vnū ex grege mortaliū, non fuiſſe æqualem Angelis: ſolutio facilis eſt, Si in ſe reputetur, non poſſe in tam ſublimem gradum iure efferri: ſed quatenus Chriſti perſonam ad tempus ſuſtinuit.

29 *In ſeculum.* Sæpius inculcat Deus hac lege erectum à ſe fuiſſe regnū Dauidis, vt in finē vſque ſtabiliatur. Porro *clementiam* priore loco ponens, deinde addens *fœdus*, cauſam fœderis designat: acſi vno verbo diceret eſſe gratiū: nec modò fundatū eſſe in gratia, ſed in eadē quoque perſtare: quia huc redit ſumma verborum, Deum miſericordem ſemper fore erga Dauidem, ne vnquam fœdus intereat. vnde ſequitur, eius firmitatem in mero Dei beneplacito conſiſtere. Proximo verſu effectum ſuæ veritatis exprimit, quia ſemper manebit Dauidis poſteritas in Regio ſolio. Nā quia ſub cælo nihil eſt diuturnum, ideo Prophetæ per *dies cælorum* æternam durationem intelligit. Vnde ſequitur, non poſſe cōſtare huius vaticinii effectū: donec ad Chriſtū ventum fuerit, in quo ſolo demum reperietur iſta æternitas.

31 *Si deſeruerint filii eius legem meam, & in iudiciis meis non ambulauerint:*

32 *Si edicta mea profanauerint, & ſtatuta mea non cuſtodierint:*

33 *Tunc viſitabo in virga tranſgreſſionem eorum, & in plagis iniquitatem eorum.*

34 *Sed clementiam meam non auferam ab eo, & non mentiar in veritate mea:*

35 *Non profanabo fœdus meum, & quod egreſſum eſt è labiis meis non mutabo.*

36 *Semel iuravi in ſanctitate mea, Si Dauidi mentiar.*

37 *Semen eius in æternum ſtabit, & ſolium eius quaſi Sol coram me.*

38 *Sicut Luna ſtabilietur in ſeculum, & teſtis in cælo fidelis. Selah.*



31 *Si deseruerint.* Propheta ultra progreditur. quāuis peccarent Dauidis posterī, Deum tamen pollicitum fuisse se illis fore placabilem, non summo iure exigeret vindictam de eorum transgressionibus. Ceterum, quo efficacior sit promissio, Deum semper loquentem inducit, ac si ex conceptis pacti verbis cum eo ageret. Fuit autem valde necessaria additio: quia nisi pro immensa sua indulgentia nobis Deus ignoscat, ut lubrici sumus, atque ad continuos lapsus proclives, nullum eius nobiscum fœdus ratum & firmum erit. Quia ergo videbat Deus fieri aliter non posse quin posterī Dauidis, quantum in ipsis erat, sua culpa subinde exciderent à fœdere, exceptionem hanc remedii loco addidit. Ceterum, quia vtile est hominibus, castigari Dei ferulis, non promittit Deus impunitatem qua alantur peccata, sed paternam moderationem in pœnis, ut vindictam summo iure non exigat. neque tamen leuibus solum delictis promittit veniam, sed peccatis quoque atrocibus. Neque enim temere has loquendi formas usurpat, *Ligem relinquere. Pro sanare statuta, Non ambulare in iudiciis, Præcepta non seruare.* Neque temere *transgressionem* vel perfidiam & *iniquitatem* ponit. Ergo tolerantia Dei & ænitas, qua sibi recôciliat posteros Dauidis, vsque ad grauissima scelera extenditur. Ostendit porro hic locus, dum cooptantur homines à Deo, non protinus exuere carnem suam cum vitis: sicuti somniant finitici homines, simulac inferimur in corpus Christi debere aboleri quicquid est in nobis corruptelæ. Utinam quidem possemus repente mutare ingenium, ut vigeret in nobis ista, quam requirunt, Angelica perfectio! Sed quoniam procul ab eo nos distare palam est, quandiu circumscribimus hanc carnem, diabolico illo figmento valere iusso, confugiamus omnes ad commune veniæ asyllum. Nam certè de Ecclesiæ suæ domesticis Deus loquitur, ubi veniam domum sceleribus promittens, reos fore defectionis pronuntiat. Iam quod hic dicitur, ad veterem populum restringere nō modò insulsum est, sed prorsus impium. Primum, illud quod iam sæpius visum est, pro confesso sumo, erectum

fuisse vmbatile illud regnū, in quo Mediatorem Deus Ecclesiæ suæ proponeret. idque nō modò probatur Christi & Apostolorum testimonio, sed ex re ipsa certò apertèque colligitur. Nam Christo remoto, ubi illa solī aternitas cuius fit mentio? Secundus enim Dauidis successor maxima imperii parte spoliatus, vix tribum vnā & dimidiam ex duodecim retinuit. Iam quot postea cladibus deforme fuit exiguum illud regnū, donec tandem Rex totiusque populus cum summo dedecore & contumelia in exilium tracti sunt? Qualis verò solī dignitas fuit, quum Rex iugulatis in conspectu filiis, capitale subit iudicium? 2. Reg. 25. 7. Quod deinde precario Iudæis habitare in patria licuit, hoc fuit sine regni honore & titulo. Itaque Ezechiel 21. 27, ter pronuntiat peruersum fore diadema, donec veniat cuius erit. Sequitur ergo, in sola Christi persona residere perpetuum regni statū. Et certè quid vel olim Iudæis cōmune fuisset cum Deo, vel hodie quoque nobis esset nisi ad gratiam conciliandam intercederet Mediator? Iā ergo qualitates regni de quibus diximus, ad nos aptandæ sunt. Sicuti enim aternitas ad spē beatæ immortalitatis nos deducit, inuisum autem robur animos nostros tranquillat, & quicquid machinetur Satā, & quamlibet varix mortes nos circudent, fidē nostram collabi non patitur: ita veniæ quæ promittitur, ad spirituale Christi regnum pertinet. sicuti etiam ex hoc loco æquè colligitur, salutem Ecclesiæ non nisi in Dei gratia & veritate consistere. Si quis obiciat, nunquam deficere in totum qui regenti sunt Dei Spiritu, quia semen incorruptibile in ipsis manet: id verissimum esse fateor. Nec verò vniuersalis defectio hīc notatur, ut nihil pietatis maneat residuum: sed quia interdum contingit fideles ita iugum excutere, ut videri possit suffocatus in illis Dei timor: ideo necesse fuit atrocibus quoque peccatis veniam promitti, ne eos desperatione obrueret talis quilibet lapsus. Sic Dauid ad tempus visus est in speciem orbatus Spiritu, quem sibi restitui postulat. Hæc causa est cur fœdis etiam & mortiferis transgressionibus spē veniæ Deus relinquat

relinquat, ne qua nos scelerum grauitas arceat vel impediat à reconciliatione querenda. Vnde etiā coaguntur nimia veterum seueritas, quibus iterum vel ter tiò lapsos ad pœnitentiam admittere religio fuit. Etsi enim cauendum est ne vitus habena laxet facilitas, nō minus tamen est periculi in rigore immodico. Interea notandum est, vbi Deus se transgressoribus fore propitium denuntiat, qui Legem suam violauerint, & mādāta profanauerint, consulto odiosas istas voces proferre, vt nos in vitiorum odiū & detestationem adducat, non autem alliciat ad peccandum. Summa quidem hæc tenenda est, Quauis non omni ex parte gratiæ Dei respondeant fideles, idēque abdicatione digni sint, Deum tamen illis fore placabilem: quia coniuncta est cum fœdere, peccatorum remissio. Et certe quā in Lege Deus plus exigit quam præstādo finis, quicquid illic promittit, inefficax est atque irritum: vnde illud Pauli, Rom. 4. 14, Si ex Lege hæreditas, exinanita est fides, abolita promissio. Quō etiam respicit illud Ieremia 31. 31, Feriam vobiscum fœdus, non quale pepigi cum patribus vestris, quod statim violauerunt: sed hoc erit fœdus quod vobiscum paciscar, Leges meas inscribam cordibus eorum, & iniquitatibus eorum propitius ero. Cæterum quia non adoptat nos Deus vt impune peccemus, interponitur hīc castigatio, qua ostendit Deus sibi odio esse peccata: & filios suos quid promeriti sint admonens, ad resipiscētiā inuitat & hortatur. Ergo inter indulgentiam quæ peccādi est illecebra: & extremum rigorem, qui in exitum præcipitat, media est paterna castigatio, quæ vim obtinet medicinæ. Propheta verò hīc vaticinium illud attingit quod refertur 2. Samuelis capite 7. 14, vbi Deus se more humano pœnas de fidelibus sumpturum dicit, vel quia ex amore nascitur patris iracundia in puniendis filiis, quia aliter malè consuleret eorum salutē: vel antithesis est inter ipsum & homines: ac si diceret, se remissum fore & lenem: quia si virtutem suam exerere velit, protinus vel solo digiti motu in nihilum nos rediget. Ad hunc quidem scopum tendit vterque locus, quoties fidelium peccata

Deus puniet, salubre fore temperamentum: ideoque ad hunc usum referre conuenit quicquid nobis infligit pœnarum, vt tōdem sint medicinæ. Atque in hoc animis turpiter hallucinati sunt Papistæ: nam quia illis incognitus erat verus castigationum finis ac fructus, Deum imaginari sunt de peccatoribus se vleisci. vnde natæ sunt satisfactiones, & ex illis rursum indulgentiæ quibus se redimere tentarūt. Atqui Deo nihil aliud est propositum, quā vitia suorum corrigere, vt bene purgatos sibi reconciliet: sicut docet Paulus 1. Cor. 11. 32, fideles corripit, ne cum hoc mundo damnentur. Ideo que manam suam suspendit, ne pœnarū onere ipsos opprimat, ac infirmitati eorum parcit. Ita impletur hæc promissio, *Misericordiam eius à fidelibus non auferri*, dum irascitur: quia non desinit amare quos vult esse correctos in salutē. Quāquam notanda est in verbis, personæ mutatio, postquam enim dixit, Si filii eius reliquerint Legem meam, & quæ sequuntur: tandem subiicit, Nō auferam misericordiam meam ab eo. Certè plurali numero debuerat eos nominare de quibus habitus fuit sermo: sed consulto videtur docuisse Prophetam, non nisi Christi respectu nos reconciliari Deo, & ex eo fonte petēdam esse spem misericordiæ. Quod tandem sequitur, *non mentiar in veritate mea*, plus aliquid exprimit, quā si dixisset, Deum in suis dictis fore veracem. Nam fieri poterit vt effectu careāt promissiones, Deus tamen fidelis maneat. Lex vera est ac sancta: quid tamen iuuat, salutē in ea nobis promitti, quā inde nemo consequitur? Ergo longius hoc loco Deus nos ducit, fœdus suum efūcax ratūque fore promittens, non modò quia ipse verax erit, sed quia retinebit suos fideles, ne vanitate sua defluant.

35 *Nox profanabo.* Quia non aliunde quā ex verbo, vera misericordiæ Dei notitia potest concipi, iubet nos in fœdere suo penitus defixos esse. Nam quo præstantius ac magis inestimabile beneficium, postquam semel adoptati sumus, nunquam abiici, eo magis difficile est creditu. Et scimus quā variæ subinde obrepere dubitationes soleant. Ne ergo anxie & absque modo secum

Nnii.

discoptant fideles an Deum habeant sibi propitium, iubentur ad fœdus respicere, ac salutem illic sibi oblatam amplecti. Fidem ergo suam commendat Deus, vt nobis sufficiat sola promissio, neque alibi quæramus certitudinem salutis. Quia autem prius dixerat, Si filii Dauidis statuta mea profanauerint: ad profanationem illam nunc alludēs, negat se eundem mutuō fore 'erga illos: acsi diceret, Quauis non in totum respondeant vocationi suæ fideles, vt par erat, se tamen non passurum vt fœdus eorum culpa dissipetur: quia in pròptu occurreret remedium gratuita veniæ. Priorem enim sententiam prosequitur, Non mentiar in veritate mea: non modò se veracem ex parte sua (vt loquuntur) fore promittens, sed quaecunque obstaculum ingerant homines, ratum fore quod promissit: quia eertabit cum eorum viris, vt bonitatis suæ effectus ad ipsos perueniat. Et certè quum Iudæi sua ingratitude ac perfidia sese alienauerint à Deo, non tamen fuit abolitum fœdus quod innixum erat immobili eius constantiæ. Sic hodie quum peccata nostra vsque in cælos ascendant, Dei bonitas cælos transcendens, illis superior est.

36 *Semel iurauit.* Iureiurando nunc sancit Deus quod prius se retulit pollicitum fuisse Dauidi. vnde apparet, rem non levis momenti fuisse: quia Deus nō frustra sacrum suum nomen interponeret. Interea raræ indulgentiæ signum est, quòd dum nos ad diffidentiam propensos videt, tam humaniter occurrit. Quominus excusationis nobis restat, nisi promissionem tam probè sanctam indubia fide amplectimur, quum Deus, salutis nostræ studio, dum vult nos verbo suo additos esse, nomini suo non parcat. Nisi enim sufficiat nobis simplex promissio, illud quasi pignoris vice substituit. Aduerbiū *Semel*, significat iusiurandum esse irreuocabile, nec vllum esse inconstantia periculum. Dicit autem se iurasse per sanctitatem suam: quia nusquam inuenietur maior per quē iuret. Nam dum nos per ipsum iuramus, eum constituimus Iudicem, nobis-

que præficimus, sicuti natura præest. Sed loquutio magis est emphatica, per *Sanctitatem*, quam si diceret, per seipsum, non modò quia gloriam eius commendat, sed quia ad confirmationē fidei longè est aprior, dum fideles reuocat ad terrenum domicilium Dei quod sibi elegerat, ne procul quærēdus esset. Neque enim dubito quin Sæctuarium designet hoc nomen: neque tamen aliter quàm per seipsum iurat, quia templum in quo residet nominans, extra seipsum non egreditur, sed tantum ruditati nostræ se accommodans, per sanctitatem suam iurat quæ in terra visibilis residet. Quod ad formam iurandi eclipticam attinet, alibi vidimus tritam fuisse Hebræis. Sic autem admonerentur, sobriè sumendū esse Dei nomen, ne temere & audacter iudiciū sibi accerferent: quia abruptus sermo & suspensus, instar fræni erat ad ipsos cohibendos. Nouum autem non est, Deum aliquid mutuari à communi hominum more.

37 *Semen eius.* Sequitur nunc promissio, ius regni semper mansurum penes posteros Dauidis. Duo enim simul coniungit, progeniem & solium. quibus verbis promittitur regni æternitas hæc lege ne ad alienos vnquam transeat. Citantur Sol & Luna testes: quia etsi subiaceant corruptioni, plus in se habent firmitatis quàm terra vel aer: quando elementa videmus cōtinuis mutationibus esse obnoxia. Quia ergo totum mundum sua agitatio assidue permutat, conditio stabilior proponitur in Sole & Luna: ne regnum Dauidis æstimeretur à cōmuni naturæ ordine. Iam quum sedes regia concussa fuerit sub Rehabeam, vt paulò antè diximus, postea verò diruta & euersa: sequitur non posse oraculum hoc restringi ad Dauidem. Neque enim Sol interdum lucere, & Luna noctu destitit, quauis extincta esset sine spe restitutionis externa regni dignitas. Ideo donec ad Christum ventum fuerit, videri fallax in suis promissis Deus posset. Verum hic surculus, qui emerfit ex trunco Isai, re ipsa ostendit fidem optimam his verbis constitisse.

39 *Tu autē abominatus es & repulisti, iratus es Messia tuo:*



4 *Cessare fecisti fœdus serui tui, profanasti ad terram diademata eius.*

41 *Dirupisti omnes muros eius, posuisti munitiones eius fracturam.*

42 *Prædati sunt eum omnes transeuntes viam: fuit opprobrium vicinis suis.*

43 *Extulisti dextram oppressorum eius, exhilarasti omnes aduersarios eius.*

44 *Etiam retudisti robur gladij eius, & non fecisti eum stare in prælio.*

45 *Deleuisti splendorem eius, & solium eius in terram detraxisti.*

46 *Minuisti dies iuuentutis eius, operuisti eum ignominia. Selah.*

39 *Tu autem.* Hic conqueritur Propheta, collapsò regni statu, non extare fidem oraculi. non quòd Deū mēdaciū insimulet, verūm yz curas suas & dolores familiariter reiciat in eius sinum, vt nobis permittit secum familiariter agere. Nam etsi vota nostra ad eius arbitrium formare conuenit, non tamen fines transgreditur qui suppliciter deplorat ablata sibi esse gratia & fauoris signa: modò ne spē abiiciat, vel cōtumaciter obmurmuret, sicuti postea videbimus. Subiicit testimonium placidæ obedientiæ, quo suas querimonias Propheta corrigit vel temperat quum in fine Psalmi Deū benedicit. Itaque quisquis fuerit ille Rabbīnus, qui fas negabat hūc Psalmum recitari, stulta & impia morositate damnauit quod Deus in filiis suis tolerat. Neque enim hæc exposulandi libertas qua vitur Propheta, aliò tendit quàm vt se coram Deo exonerās, dubitationi & impatientiæ resistat, Quū autē dicit *abominatus es & repulisti*, siquis hoc vel exigere velit ad normam Græcæ Latinae linguæ, erit ineptum: quia præcedit quod longè atrocius est, secundo loco additur quod est leuius. Sed quia Hebræi gradus nostros non seruant, nihil est in hoc ordine absurdi. In tercio verbo, causæ redditio est: quia Regē abiectū esse significat Propheta, eo quòd iratus sit Deus. Quidam hostium ludi-

bria hīc recitari putant, nempe vt effugiant offendiculum, quòd Rabbīnus ille ferre non potuit in hoc aspero loquēdi genere. Sed notandum est, Prophetam ex communi sensu loqui, quauis certò apud se statueret non posse reici qui semel electus fuerat. Eodē pertinet quod sequitur de abolito fœdere. Neque enim lenitatis aut inconstantia Deum arguit: sed tantum queritur, præ clara illa quæ vidimus promissa, in speciem cōcidisse. Nam certè quoties interrogant fideles, Quousque tandem dormies? Item, Quousque obliuisceris nostri? Deo somnum, vel obliuionē nō tribuunt: sed proferūt in medium quas sanguis & caro suggerunt tentationes, vt infirmitatem qua premuntur, maturè Deus subleuet. Itaque mirum non est, in horribili dissipatione Propheta aliquid humanitus fuisse passum, vt diceret minimè cōspici quod Deus promiserat. Neque enim erat ferrea mentis, vt omnia videns contraria verbo Dei, tristī illo confusoque spectaculo non tangeretur: sed liberè in Dei conspectum prodians, remedium quærit ne absorbeat morore. quod factum esset, si intus frantum rodendo, neglexisset hoc leuamen. Quod mox addit, *de proiecto in terram diademate*, non videtur competere in tempus Rehabeam: nisi forte laceratio regni, vocetur diadematis proiectio. Sed quæ postea

adduntur, nisi hyperbolicè accipias, necessariò referri debent ad maiorem cladem. Hoc si placeat, non erit author Psal. mi Ethan, ille vnus ex quatuor sapientibus quorum fit mentio in Sacra historia 1. Reg. 4. 31. Quare in re dubia, libera sit cuique probabilis coniecturæ electio.

41 *Dirupisti.* Quanquam aliò causam transcribere promptum esset cur diruta essent, fractæque munitiones, piè tamen sanctæque Propheta Deum agnoscit authorem, quia principium illud retinet, non potuisse nisi eo irato, quod ipse erexerat regnum, libidine hominum dissipari. Postea metaphoricè deplorat expositum in prædam fuisse viatoribus, quemadmodum si ager vel hortus, dirutus maceris, ad spoliationem pateat. Auget alia indignitate quod per se plus satis graue erat, dicès *probrobaberi possum à vicinis.* Neque enim dubium est quin profani homines in occasione tam plausibili proteruè insultauerint, Hiccinè Diuinus est ille Rex Angelis excellentior, cuius solum cum sole & luna statutum erat? Porro quum in Deum reciderent hæc maledicta, meritiò Propheta deplorat contumeliose rideri Mesiam, cuius dignitas cælesti vñctione sancita fuerat. Addit postea, Deum ab hostium parte stetisse: quia satis intelligit nò nisi volente Deo, præualuisse hostes, dū alios *virtuti instruit, alios effeminat.* Denique quotquot acciderant clades, totidè colligit signa esse alienationis Dei: quo propitio, totus mundus quicquid machinatus esset, sacri illius regni stabilitatem conuellere non poterat. Nam si dixisset hostes victoria esse potitos, verū id quidem erat, sed ad extollendam Dei po-

tentiam obscurius: ac si homines Deo oppositi, propriis viribus violassent illius præsidium. Nunc verò secum expedit, non nisi irato Deo, tam misère afflictum esse Regnum quod crexerat Deus.

46 *Minnisti dies.* Quidam ita resoluunt, Domine debilitasti Regem nostrum, vt emarcuerit in primo ætatis flore, & antequam adoleuisset in virum, senio confectus fuerit. Quæ interpretatio etsi probabilis est, vt tamen clarius nobis pateat mens Prophetæ, notandū est non de vno homine cum loqui, sed statum regni conferre vitæ humanæ. Huc ergo tendit querimonia, Deum fecisse vt Regnum senesceret, ac tandem deficeret antequam veniret ad iustam maturitatem: perinde ac si iuuenem, dum vigore adhuc colligit, mors violenta ante tempus abripiat. Et concinna est ista similitudo: quia si respicitur promissio, vix dum planè effluerat regnum, quā inter primos suos progressus, repètte graui ruina deformatum est, tandèmq; euauit. Porro memoria tenendum est quod diximus, dum expostulat Prophetæ euentum nò respondere Dei promissionibus, non tamen arguere Deum mendacii, sed alio fine & consilio proferre hanc repugnantiam, vt fiduciam orandi ex Dei promissionibus colligat: quas quum obieceret Deo, persuasus erat fieri aliter non posse quin se veracem ostenderet. Nam sicuti plerique, quia de profectu desperant, intus sorbent suum dolorem: ita fideles quo liberius Deum appellant de suis promissis, eo fortius luctantur cum diffidentia, & se ad bene sperandum animant.

47 *Vsquequo Iehouah absconditus eris perpetuo, ardebit tanquam ignis indignatio tua?*

48 *Recordare cuius ani ego sim: cur frustra creasses omnes filios hominum?*

49 *Quis vir viuet, & non videbit mortem, redimet animam suam è manu sepulchri? Selah.*

47 *Vsquequo.* Vbi conquestus est de indignis Ecclesiæ cladibus, iam se cōuertit ad preces. Vnde sequitur, quas

hactenus profudit voces doloris, quāquam manabant ex carnis sensu, fuisse tamen cum fide coniunctas. Nam incredulā

increduli tumultuando quanuis ad orandum prostant, nihil tamen petunt nisi similitate. Propheta verò preces annectens suis querelis, testatur nunquam sibi excusam fuisse promissionum Dei fidem. De hoc loquendi genere, Vsq; quo semper, Psal. 79. 55. dictum fuit, notare scilicet nimis diuturnos malorum successus. Porro *quousque absconditus eris Deus* interrogans, subindicat omnia fore salua, simul ac serena eius facies apparuerit. Secundo autem membro iterum commemorat cur Deus paterno aspectu electam populum non dignetur, quia scilicet offensus est. Vnde sequitur, mala omnia ex peccatis proficisci, quum sint irati Dei flagella. Ceterum ubi confessus est Ecclesiam sua culpa tam duriter & misere affligi: vt Deum ad misericordiam flectat: proponit in medium vitæ humanæ breuitatem, in qua si nullum Diuinæ bonitatis gustum percipimus, videbimur frustra creati. Ergo vt summam teneamus, satius erit ab hoc membro incipere, Cur frustra creasses omnes filios hominum? Nam ex vero forte sententiam hanc petunt fideles, quod Deus homines ideo condiderit, & locauerit in mundo, vt se illis exhibeat patrem. Nam quum ad iumenta & brutas pecudes diffundat eius liberalitas, nos huius esse expertes, nimis absurdum esset, qui inter animalia excellimus. Si hic finis est creationis nostræ, præstaret nunquam nasci, quàm sub continuis doloribus tabescere. Huc accedit breue vitæ curriculum: quia nisi maturè acceleret Deus gustanda nobis præbere sua beneficia, in isto euanido transitu non erit opportunum tempus. Nunc tenemus quid velit Propheta in hoc versu. Primò expendit, in hunc finem conditos esse mortales vt fruantur Dei beneficentia in mundo. Vnde colligit, frustra nasci nisi se illis Deus patrem demonstret. Iam quia brevis est vitæ cursus, nisi benefacere festinet Deus, colligit non fore amplius locum ubi vitæ effluerit. Sed primò videtur Sancti nimis licentiose præscribere tempus Deo. Deinde quanuis nos assiduis tormentis Deus excruciet dum in mundo peregrinamur, præpostere tamen inde inferitur frustra nos esse conditos, quia melior in celo vita nos ma-

net, in cuius spem dum adoptamur, non mirum est si nunc abscondita sit in terris vita nostra. Respondeo, Dei concessione Sanctos hanc sibi licentiam sumere, vt Deum suis precibus ad festinationem incitent. modo simul iniuciant sibi modestiæ frænum, & cohibito feruore totos se eius arbitrio permittant. De secundo sic habendum est, si per continuos cruciatus vita hæc nobis agrè trahenda foret, verum quidem est, satis esse solatii ad ferendas miseras, si mentes in calum tollimus: sed neque in tanta infirmitate id quisquam faciet, nisi in hac vita prægustauerit Dei bonitatem. Deinde notandum est, fidelium gemitus non debere ad perfectam regulam exigi, quia non oriuntur ex compellio & tranquillo sensu, sed ex passionum vehementia turbulentium aliquid trahunt. Fateor quidem, si quis meretur Dei amorem ex præsentis statu, perperam eum facere: quia Deus quos diligit castigat, Hebr. 12. 6. sed quia nunquam tam austerus est erga suos, quin gratiam suam re & experientia ipsi sostendat, semper hoc verum manet, vitam hominum inuilem esse, nisi in ea sentiât Deum sibi esse patrem. Quod verò ad secundum membrum spectat, dictum alibi fuit, non fluere æquali tenore preces nostras, sed interdum doloris intemperiem prodere. Ideoque mirum non est, dum piorum sensus occupat & constrictos tenet immodicus dolor vel metus, si obrepit talis incogitantia, vt futuram vitam præ oculis non semper habeant. Putant multi hoc esse valde abiurdum, si filii Dei prima quaque cogitatione non statim in calum penetrent. Quasi verò non sæpe contingat intercedere crassas nebulas quæ aspectum nostrum impediunt vel morentur. Aliud enim est, fidem hebetari, aliud prorsus extinguï. Et sanè quisquis exercitatus est in Dei iudiciis & tentationum militia, fatebitur non tam memorem esse spiritualis vitæ quàm decebat. Ergo quanuis hæc sententia deducta sit ex vero principio, vitiosum tamen excessum respicit. Vnde apparet, in precibus optimè compositis semper nobis opus esse venia: quia nisi infirmitati nostræ Deus ignoscat, semper aliquid nimium elabitur. Proximo versu confirmat quod



de breuitate humanæ vitæ dixi. Sū ma-  
est, clausam fore ianuam Dei gratiæ, ni-  
si maturè occupet patrem se ostendere  
hominibus. Et ponit nomen **דָּוִד**, quod

deductum est à fortitudine, quò melius  
exprimat, neminem à mortis imperio  
immunem esse.

50 *Vbi misericordia tua priores Domine? iurasti Davidi  
in veritate tua.*

51 *Recordare Domine opprobrii seruorum tuorum: susti-  
nui in sinu meo omnia fortium populorum,*

52 *Quæ exprobrarunt inimici tui Iehoua, quæ exprobra-  
runt plantis Messie tui.*

53 *Benedictus Iehoua in æternum. Amen, & amen.*

50 *Vbi misericordia.* Colligit animos  
Propheta ex recordatione beneficiorū  
Dei: ac si rationetur, Deum non posse  
sui esse dissimilem: idèoque non posse  
aboleri beneficentiam quam olim Pa-  
tribus exhibuit. Posset hæc quidem  
comparatio debilitare animos piorum  
dum se minus clementer à Deo tracta-  
ri vident: nisi alterum simul occurre-  
ret, Deū neque mutari vnquam, neque  
in suæ liberalitatis cursu fatigari. Secun-  
dum membrum quidam Interpretes  
contextunt interposito relatiuo, Vbi mi-  
sericordiæ quas iurasti? Quod libenter  
recipio: quia omisso relatiuo idem ferè  
manet sensus. Nam fidem oraculi Deus  
claris experimentis comprobauerat, i-  
deoque tam promissionem quàm multi-  
plices eius effectus obiiiciunt fideles  
Deo. Dicunt autem *in veritate*, quo ad  
se confidentius trahant quicquid olim  
Deus præstiterat: quia communis est ra-  
tio, quum Deus qui semper sibi constat,  
iurauerit in omnes ætates se misericor-  
dem fore posteris Davidis.

51 *Recordare Domine.* Rursus ad-  
ducunt quod ad prouocandam Dei mi-  
sericordiam non parum valebat, ludi-  
brio se haberi ab impiis. Nam quo gra-  
uior est ista tentatio & molestior: ride-  
ri patientiam nostrā ab impiis, vt dam-  
nata Dei fide, nos in desperationē præ-  
cipitent, eo paratior est Deus ad opem  
ferendam, ne tentationi succumbant  
debiles animi. Neque enim simpliciter  
intelligit Propheta, contumelias ho-  
stium sibi esse intolerabiles. sed petulan-  
tiam hanc, qua fidei & patientiæ piorū  
insultant, reprimendam esse à Deo, ne

pudeant in ipso sperantes. Hoc idem  
magis exaggerat secundo membro, quū  
dicit omne probrorum genus se susti-  
nuisse, à multis populis, vel magnis. nam  
**דָּוִד** utroque modo potest accipi.  
Porro quum de seruis Dei communiter  
loquutus esset, non frustra numerum mu-  
tat, vt quisque fidelium magis seriò tan-  
gatur ad orandum. Particula *etiam in  
sinu* emphatica est, quasi diceret, im-  
pios non tantum eminus iactare sua con-  
uitia, sed vomere contra filios Dei, quæ  
ipsi patienter suo sinu excipere cogan-  
tur. Facit autē seculi nostri perversitas  
vt nobis necessarius sit huius doctrinæ  
usus: quia profanis & superbis Dei con-  
tēptoribus referta est terra, qui nobis in-  
sultare non desinunt: & quū Satan facun-  
dus sit talis rhetoricæ magister, mate-  
riam illis suggerunt Ecclesiæ calamita-  
tes. Quod *sinum* accipiunt quidam pro  
arcano cordis affectu, nimis argutum  
videtur.

52 *Quæ exprobrarunt inimici.* Nam  
non dicit impios suis probris vexare fi-  
lios Dei, sed Deum ipsum proscinde-  
re: quia hoc ad conciliandum fauorem  
longe efficacius est, Deū rogare & hor-  
tari vt suam causam suscipiat, non mo-  
dò quia vulneratur in Ecclesiæ suæ per-  
sona, sed quia contumeliæ omnes, qui-  
bus exagitatur fidei simplicitas, in eum  
redundant: sicut apud Iesaiam 37. 22, di-  
cit. Super quem caput concussit hostis  
tuus? & cui conuitiatus est, virgo filia  
Sion? Putabat quidē sceleratus ille atro  
Rapaces miseris Iudæis se illudere,  
quos tenebat obseffos, & quos persua-  
sus erat mox deditionē facturos: Deus  
tamen

tamen perinde accepit ac si eius blasphemii rectè impetitus foret. Hac ratione etiam vocat hostes Dei, quia Ecclesiam hostiliter persequendo, Deum in cuius protectione est, violant. Quod ad secundum membrum pertinet, plantas Christi posuit pro aduètu, sicuti apud Ies. 52. 7. Quàm pulchri sunt pedes annuntiantium pacem? Nam etsi 277 interdum calcem significat, hoc tamen loco, sicuti alibi sæpe, propriè est planta, vel inferior pars pedis. Alii transferunt vestigium, eodem sensu. Cerrè dubiū non est quin per synecdochen pedes designet Prophetæ, & rursus metonymicè aduentum Messæ intelligat. Quia enim videbant impij spe redemptionis Iudæos suspensos esse: & quia promissus erat liberator patienter quaslibet ærumnas ferre: probrosè ridebant eorum patientiam, ac si fabulosum esset quicquid de Christi aduentu testati fuerant Prophetæ. Nunc

et si exhibitus semel fuit mundo, quia tamen receptus in caelestem gloriam, videtur procul distare à nobis, & Ecclesiam suam deseruisse: subannant spem nostram impuri canes, ac si mera esset frustratio.

53 *Benedictus Iehoua in æternū.* Miror cur nonnulli Interpretes versum hūc à librario fingant additū fuisse, quia contextui non responderet. Quasi verò nō æquè in clausula conueniat benedictio Dei, atque in exordio. Ergo mihi dubiū nō est, postquam liberè calamitates Ecclesiæ defleuit Prophetæ, ut doloris acerbiter leniat, consultè derumpere in Dei laudem. De particula *Amen & amē* facile assentior, distinguendi libri causa hic, ut Psal. 41. 14, & 72. 19. 8, esse positam. Sed quisquis Psalmum composuit, hac gratulatione statim dubie in rebus tristissimis leuare statuit doloris magnitudinem, ut alacrius salutem speraret.

## ARGUMENTVM PSALMI XC.

Quia Moses tam de breuitate & miseriis humanæ vitæ, quàm de poenitentiis Israheliticis populo infligitur verba facturus erat, ut consolatione aliqua temperet quæ ex communi naturæ lege, maxime verò ex propriis afflictionibus dolorem & metum concipere possent fideles, de peculiari gratia præfatur, quæ Deus electum populum dignatus est. Recitat deinde paucis quàm misera sit hominum conditio si in mundo subsistant, præsertim vbi Deus ad tribunal suum reos citat. Postquam verò conquisitus est filios quoque Abrahæ hanc seueritatem ad tempus esse expertos, ut merore propè consumpti fuerint, gratuito favore Dei fretus quo illos sibi adoptauerat, precatur ut se rursus clementem, sicut olim, ac beneficium exhibeat ut in finem usque persequatur eorum gratia sua cursum.

Psalmus XC.

**P**recatio Mosis viri Dei. Domine habitaculum tu fuisti nobis in generatione & generatione.

2 *Antequam montes nascerentur, & formares terram & orbem, & à seculo usque in seculum tu es Deus.*

Dubium est compositusne fuerit Psalmus hic à Mose, an verò ex precandi forma per manus ab eo tradita quispian Prophetarum canticum aptauerit in vsum populi. Cerrè non abs re Mose inscriptum esse probabile est: imò, quàm iam eius ætate vigeret Psalmorum vius, eum esse authorem non dubito. Qui verò inscriptionis rationem hanc esse voluit, quòd ab eius posteris cantatus fuerit, cur ad tam frigidum commentum confugiant non video: imò apertè eos refellit quod mox additur epitheton. Neque enim abs re Moses hic disertè

nominiatur *vir Dei*, sed honorifico titulo ornatur, qui authoritatem doctrinæ conciliet. Quòd si permittitur locus coniecturis, credibile est, quum iam instaret mortis tempus: ut diuturnum mœrorem sub quo ferè contabuerat populus, leniret, atque animos malorum cogerie oppressos recrearet, precationem hanc distasse. Etsi enim mirabilis in redèptione affulserat Dei bonitas, quæ sepultis prioribus ærumnis, lætitia eos repletet, scimus tamen eam paulò post illorū ingratitude fuisse extinctam: ita per totos quadraginta

Nn. iiii

annos continuos languor in deserto eos attriuit. Opportune igitur tunc rogare Deum potuit Moses, vt secundū annos quibus populum suum affixerat, clementer & benignè cum ipso ageret.

1 *Domine habitaculum tu fuisi nobis.* Filios Abraham singulari privilegio separans à reliquo humano genere, gratiam adoptionis qua complexus fuerat illos Deus, commendat. Ac finis huius exordii est, vt Deus quam olim erga sanctos Patriarchas exeruit gratiam, nunc iterum renouet ac continuat erga eorum progeniem. Quod putant quidam interpretes Moſen ad tabernaculum alludere, quòd illic non ſecus conſpicua eſſet Dei maiestas, ac ſi reſideret in medio populi: mihi prorsus intempeſtiuum videtur, potius enim totum illud tempus completitur quo peregrinati ſunt Patres in terra Chanaan. Deinde quia nòdum per annos quadraginta ſteterat tabernaculum, minime quadraret tam longa duratio quæ hic ponitur. Non ergo narrat qualè ſe Deus Iſraelitis præbuerit ex quo eos redemit, ſed qualem ſeculis omnibus experti fuerint eorum Patres ab initio uſque. Aptè autem, quū vagi & erratici ſemper fuerint, Deum habitationis loco illis fuiſſe docet. Quā uis enim inſtabilis ſit omnium conditio in terra, ſcimus tamē Abraham eiūſque poſteros præ aliis fuiſſe inquilinos & ſerè exules. Quum ergo vagati ſint in terra Chanaan uſquedum traducti ſunt in Aegyptum, ubi etiam precariò in diem vivebant, neceſſe fuit ſtationē eos quærere ſub umbra Dei, ſine qua vix cēſeri poterant mundi incolæ, quum ubique ſemper fuerint exteri: deinde circumducti per varios circuitus. Quòd verò per omnes peregrinationes eos Dominus ſuſtinuerit, ac protexerit etiam ſua manu, quum inter ſeros & crudeles populos habitarent, & expoſiti eſſent eorum iniuriis, hanc gratiam inſigni e-

logio extollit Moſes, Deum profugis & per noua ſubinde hoſpitiā vagantibus pro habitatione vel domicilio aſſignans. ac eam temporis longitudine amplificat, quia ultra quatuor ſecula non deſtitit illos tueri ſuo præſidio, vt ſub alis eius manerent.

2 *Antequam morer.* Quum velis Moſes ſublime aliquod & reconditum myſterium proferre, videtur tamē ieiune & ſerè pueriliter loqui. Quis enim neſcit Deum eſſe mundo priorem? Verum quidem eſt hoc omnes fateri, ſed in terea vix centeniſmus quiſque ſolidè perſuaſus eſt ſemper manere ſui ſimilem. At qui conſertur hic Deus creaturis, quas ſcimus continuis inclinationibus eſſe obnoxias, vt nihil ſit ſub cælo firmū, præſertim quum humana vita nihil magis aſtuoſū ſit, ne homines à ſuis iactationibus Deū æſtimēt, locatur hic in tràquillo ſtatu. ita æternitas hæc de qua loquitur Moſes, non ad eſſentiam modò refertur, ſed ad prouidentiam qua mundum gubernat. Quauis enim mundum ſubiiciat variis inclinationibus, ipſe quietus manet: nec tantum apud ſe, ſed quia cum fideles experiuntur minime verſatilem, ſed conſtantem in ſua potentia, veritate, iuſtitia, bonitate, qualis ab initio fuit. Non poterat quidem ante conditum mundū perſpicī æterna hæc ac immutabilis Dei conſtantia, quū nulli adhuc eſſet oculi teſtes: ſed à poſteriori colligitur: quia quū voluēt ſua natura. Poſſit etiam hic eſſe antiheſis inter ipſum & omnes ſiſtitiōs Gentium deos, quorum turba errore & ſtultitia hominum paulatim obrepiſit. Sed iam expoſui quorſum tendat Moſis cōſilium, perperam ſcilicet nos facere ſi Deum metimur noſtro capti: ſed ſuperandam eſſe terram & cælum ipſum, quoties de ipſo cogitamus.

3 *Conuerſes hominem ad contritionem, & dices, Reuerſimini filii Adam.*

4 *Quia mille anni in oculis tuis tanquam dies heſternus quando præteriit, & vigilia in nocte.*

5 *Inundaſti eos, ſomnus erunt, manè quaſi herba creſcet.*



6 *Manè florebit & crescet: ad vesperum excidetur & a-  
rescet.*

7 *Quoniam defecimus in ira tua, & in furore tuo corstet  
nati sumus.*

8 *Posuisti iniquitates nostras in conspectu tuo, occulta  
peccata nostra ad lumen vultus tui,*

3 *Conuerter hominem.* Primum commemorat quàm fragilis & caduca sit hominum vita, eiusque ærumnas deplorat: non vt cum Deo exposculet, sed quo propensior sit ad misericordiam: sicuti alibi dicitur parcere mortalibus dum reputat eorum figmentum, recordatur puluerem & fœnum esse, Psal. 103. 14. Comparat autem cursum vitæ nostræ gyro: quia Deus in terra nos locans, per breuem circuitum versat: vbi autem ad vltimum punctum venimus, ad se momento retrahit. Alii secus interpretantur, quòd Deus deducat homines vsque ad interitum, deinde in resurrectione instauret. Sed argutia hæc procul quæsitæ est, nec quadrat contextui. Ponitur ergo simplex definitio vitæ nostræ, quòd brevis quædam versatio sit in qua celeriter gyrum implemus cuius vltimus punctus meta est cursus nostri. Hæc autem cognitio melius ostendit quàm præclare agat Deus cum seruis suis, quum eos adoptat in peculiū vt eos tandem in æternam hæreditatē colligat. nec frustra ex opposito addit mille annos coram Deo esse quasi diem hesternum. Et si enim experientia verū esse conuincit, homines, peracto gyro, statim è mundo abripi, non tamen animis nostris insidet fragilitatis huius notitia, quia supra mundū non respicimus. Vnde enim tantus stupor, vt homines præfenti vitæ, addicti, rationes suas ita componant ac si victuri essent ad duo annorum millia: nisi quia nihil altius concipiunt mente, quàm quod oculis se offert? Quisque se cum aliis comparando, longam sibi vitam fingit. Denique in hac hebetudine triginta annos vel etiam pauciores sibi pro æternitate statuunt: nec agnoscunt vitæ suæ breuitatē quandiu sensus eorum occupat mundus. Hæc ratio est cur nos expergefaciat Moses, ad cælestem Dei æternitatē mentes no-

stras attollens, sine qua non sentimus quàm euanida sit vita nostra. Nam imaginatio longi tēporis, sopori similis est, in quo torpemus omnes, donec cælestis vitæ meditatio inane hoc terreni status figmentum absorbeat. Porro quia tantopere cæcutiunt homines, Deum illis iudicem statuit: ac si diceret, Domine si illā æternitatem ex qua specularis leues istos mundi circuitus, mente conciperēt homines, pro nihilo ducerent præfentem vitam: sed quia non expendunt quæ sit vera diuturnitas, imò sponte oculos suos auertunt à cælo, ideo obstupescunt, & diem vnum reputant quasi centum annos. Hæc autem apostrophe valde emphatica est, quòd Moses fœcordiæ nostræ pertæsus, Deum compellat: ac si diceret, frustra se apud surdos verba facere, qui ne cōtinuo quidē vsu & experimento se caducos esse discunt. Citatur a Petro hæc sententia paulo in diuersum sensum, 2. Pet. 3. 8. neque tamen abusiue quoniam aptè & scite ex Moysis testimonio deducit Petrus quod illic tractat. Vult Moses homines à crassis suis imaginationibus abstractos in cælum attollere. Petrus autem quid? Quia plerique, dum pro eorum voto non festinat Christus, moræ tædio spē resurrectionis abiciunt, præposterum hunc feruorem optimo remedio corrigit. Videt homines, diffuere & excidere a promissionibus Dei, quia videtur Christus nimium tardare. Vnde hoc nisi quia in terra subsistunt? Proprie igitur ad hoc vitium sanandum accommodat Moysis sententiā. Sicut enim delicias sibi faciunt increduli eo quòd mundo nimis affixi, cælestem æternitatem non gustant, ita ex eodem fonte oritur impatientia. Arque hinc colligimus verū huius doctrinæ vsum. Vnde enim tantopere sumus anxii de vita nostra, vt nihil nobis sufficiat, & nobis ipsi molesti sumus, nisi quia perpe-

eum nidum stultè nobis fingimus in mundo? Vnde etiam tanta morositas, vt flaccescant animi nostri in aduentus Christi expectatione, nisi quia in terra desident? Discamus ergo non iudicare ex carnis sensu, sed pendere è Dei iudicio: idèoque fide sursum feramus vsque ad cælestè eius solium, ex quo pronuntiat terrenam vitam nihil esse. Nec verò mille annos duntaxat ad diem vnum Moses restringit, sed ponit diem hesternum qui iam præterit. Quicquid enim adhuc versatur ante oculos, mentes nostras retinet. Quod autem præterit, minus afficit sui recordatione. Quantum ad nomen *vigilia* spectat, scimus veteres noctem in quatuor vigilias distribuere solitos, quarum singulæ ternis horis constabant. Extenuandi verò causa hæc similitudo addita est, mille annos coram Deo nihil differre à tribus horis nocturnis, in quibus vix sciunt homines vigilentne an dormiant.

5 *Inundasti eos.* Confirmat quod prius dixit, homines, dum in mundo peregrinantur, peragere momentaneum quandam circuitum. Nam inundandi verbum non restringo ad grauiores pœnas, sed mortem simpliciter in genere diluuii conferri arbitror, siquidem vbi pauxillum stetimus in mundo, mox cadimus in sepulchrum, & terra obruimur. Ita communis interitus propriè inundatio vocatur. Neque enim secus in ipso vitali flatu nos Dominus inundat, quàm qui pereunt naufragiò absorpti: vt mors aptè dici queat inuisibile diluuium. Tunc verò palàm fieri dicit Moses somnum esse homines qui in suo circulo mirum sibi vigorè arrogāt. Comparatio *herba* quæ additur, huc spectat, prodire manè homines, sicuti herba germinat, virere vel transire ad tempus exiguum, donec succis arescant. Quia verba sunt singularis numeri, videntur melius contexti cum herba nomine. sed commodè etiam referri possunt ad vnumqueque hominem. Quia tamen ad rei summam parum interest, minus laboro. Assiduà porro meditationem requirit hæc doctrina, quia etsi fatemur omnes, vita nostra nihil esse magis caducum, mox tamen quasi furioso impetu singuli ad fingendam terrenam immor-

talitatè rapimur. Nam quisquis se mortalem esse meminit, sibi moderatur, ne vltra modum satagat, sed properet ad metam. Quando autem nullum finem curis nostris ponimus, assiduus stimulis pungi nos oportet, ne pro tenui vitæ vmbra mille vitas nobis somnuiemus.

7 *Quia defecimus in ira tua.* Consultò meminit iræ Dei Moses, cuius sensu nisi tangantur homines, nunquam probè expendunt quod experientia fateri ipsos cogit, quàm citò peracta reuolutione diffuant. Quanquam Moses alia etiam ratione hæc duo simul coniungit: quum hominès natura adeo caduci sint & ferè vmbra tiles, populum Israeliticum aduersa Dei manu fuisse afflictum, quia euaniidæ nostræ fragilitati minus tolerabilis est ira Dei, quàm si mediocri aliqua virtus suppeteret. Cæterum vt demonstret, sibi minimè esse in animo hac querimonia Deo obstrepere, iram Dei, quantumuis fuisset terribilis, iustum tamen esse dicit, quia eam populus sua culpa prouocauerat. nam qui Dei manu percussus non humiliatur magis se obdurant. Ideo hæc vera proficiendi ratio atque etiam superbiæ domandæ, Deum sentire iustum iudicem. Ergo Moses vbi breuiter docuit, homines instar fumi natura euanescere, inde colligit non esse mirum si Deus exanimet ac consumat quos in ira sua persequitur. Notanda autem locutio est Deum, vbi iræ suæ signa proferi, ponere ante oculos hominum peccata: quia inde sequitur, quicquid relaxationis nobis datur, Dei indulgentiæ meritò debere ascribi, qui peccata sepelit vt nobis parcat. **וַיִּחַי** quidā in secundo membro adulescentias vertunt: ac si dixisset Moses, reuocari in memoriam adulescentiæ delicta: quod nimis coactum est ac detortum. sic enim periret antithesis inter abscondita peccata & lumen vultus Dei, quæ significat Moses, quandiu non affulget cum luce iudicii sui Deus, homines se in tenebras abdere, se que inuoluere multis fallaciis. Vbi autem Deus à subterfugiis eos retrahens, quibus conantur elabi, quæ per hypocrisin occultant peccata, oculis suis ad-mouet, tunc metu & terrore subactos verè humiliari.

9 Quia omnes dies nostri transierunt in indignatione tua: consumpsimus annos nostros velut cogitationem.

10 In diebus annorum nostrorum septuaginta anni: & si in fortitudinibus, octoginta anni: & superbia eorum molestia & labor: quia praterit citò, & nos auolamus.

9 Omnes dies nostri. Ququam posset generalis confirmatio esse proximæ sententiæ, totum vitæ humanæ curriculum citò consumi simulac Deus iratus apparet: meo tamen iudicio, potius amplificat Moses quod prius dixit de rigore iræ Dei, & fevero examinae in castigandis peccatis. Dicit enim non exigui modò temporis fuisse hunc terrorem, quem infligit Deus populo suo, sed pro tractum esse vno tenore vsque ad mortem. Conqueritur ergo, Iudæos in continuis malis ferè contabuisse, quia iram suam Deus non remisit nec mitigauerit. Ideoque non mirum est si annos fluxisse dicat instar sermonis, vbi ita perseveranter ira Dei incubuit.

10 Iam diebus annorum. Iterum ad generalem doctrinam redit, quàm fluxa sit hominum conditio, etiam si Deus ad eos terrendos iram suam aperte non exeret. Quæ est, inquit, vitæ duratio? nempè, si numeremus omnes annos, peruenie mustandem in septuagesimum: vel si qui erunt magis vegeti ac viuaces, ad octogesimum vsque nos deducunt. Dies autem annorum emphaticè posuit, quia dum in minutas partes distribuitur tempus, numerus ipse nos decipit, vt viuendi fiduciam nobis prorogemus. Has inanes blanditias refellere volens permittit hominibus colligere in paucis annis multa annorum millia. Simul tamen dicit, hunc magnum acervum statim in nihilum redigi. Amplificet ergo, vt libuerit, homines vitæ suæ spatium, hoc prætextu quòd singuli anni trecentos sexagita quique dies in se cõtineant, certè termin⁹ annorum brevis reperietur. Atqui

ex longa dierum supputatione hæc tandem conficitur summa. Qui autem octogenerius est, ad sepulchrum festinat. Vixit Moses ipse longius, & alii forsaneius ætate: sed de communi ratione loquitur. tunc autem habiti sunt senes & ferè decrepiti qui ad annos octoginta peruenerant: vt non frustra dicat solis robustis id contingere. Superbiam accipit pro virtute vel præstantia, qua se magnificè iactant homines. Sensus autem est, antequam declinent homines ad senium, in medio tamen ætatis flore iam implicari multis molestiis, nec posse curas, cædia, dolores, metus, ægritudines, incommoda, & anxietates effugere, quibus obnoxia est vita mortalis. Cæterum hoc ad totum vitæ curriculum refertur. Et certè si quis repuret qualis sit vitæ nostræ conditio ab infantia vsque ad sepulchrum, reperiet in singulis partibus molestias & labores. Nā *ἡνῶν* & *ἡνῶν* dum simul iunguntur, passim sumuntur pro incommodis & afflictionibus: ac si dixisset Moses, laboriosam esse hominis vitam, multisque tormentis refertā, idque dum maximè superbiunt. Ratio quā subiicit videtur non satis quadrare, citò praterit & nos euolamus. fieri enim potest vt fœlicitas, quæ brevis est, non tamen ideo nulla sit. Sed intelligit Moses stultè gloriari homines in sua excellentia: quia velint nolint coguntur in futurum tempus respicere. Atqui simul ac oculos aperiunt, præcipiti volatu se ad mortem ferri & rapi vident: suam verò præstantiam singulis momentis euanescere.

11 Quis cognoscit vim iræ tue? & secundum timorem tuū ira tua.

12 Ut numeremus dies nostros sic scire fac, & adducemus cor ad sapientiam.

13 Reuertere Iehoua, quousque? placare super seruos tuos.



II *Quis cognoscit.* Iterum ad priuatas afflictiones, populi sermonē refert. Nam hac etiam occasione prius de cōmuni generis humani fragilitate & ætūnis conquestus est. Merito autem exclamat inestimabile esse iræ Dei robur: quia quantisper ipse manum suam subducit, homines non secus ac serui fugitiui, quos Domini conspectus amplius nō terret, petulanter exultant: nec aliter sub obsequium cogitur præfracta eorū natura, quā ubi iudicii sui terrore eos Deus percellit. Sensus ergo est, quandiu se occultat Deus, iramque suam dissimulat, contumacia turgere homines, & violento impetu ruere: sed ubi sentire coguntur quā sit ira eius formidabilis, ferocia suæ obliuio recidere in nihilum. Quod proxime sequitur *secundum timorem tuum ira tua*, solet ita exponi, Quo quisque magis Deū reueretur, eo solere diuini tractari, & seuerius. Iudicium enim à domo Dei incipit, i. Petri 4.17 & quum reprobos in sua pinguedine foueat, electos suos macerat continuis tribulationibus, denique castigat quos diligit, Hebræor. cap. 12. 6. Vera igitur & utilis doctrina est, Deum suos cultores asperius tractare, quā reprobos: sed Mosē aliud hoc loco velle arbitror, nempe sola Dei reuerentia fieri ut verè & ferò sentiamus eius iram. Videmus enim reprobos, etiam si duriter castigantur, vel frangum arrodere, vel calcitrare aduersus Deū, planèque furere, vel stare attonitos, quasi occaluerint ad mala omnia: tantum abest ut subigantur. Quāuis etiam tumultuentur ac clamitent, nō penetrat tamen ira Dei in eorum animos ut mitescat eorum ferocia. Pior tātūm mentes ira Dei vulnerantur, nec fulmina expectant quibus reprobi opponunt duram & ferream cervicem: sed Deo vel minimum digitū mouente, statim contremiscunt. Hanc existimo geruinam esse Prophetæ mentem, dixerat non posse satis cōprehendi humano ingenio quā horribilis sit ira Dei. Videmus autē quāuis cælum & terram concutiat Deus, multos tamen Cyclopes ridere, & tam bruta esse ferocia, ut Deū fulminantē contemnunt. Sed quia doctrinam tractat peculiarem filiis Dei, dicit in illis tenerrimum esse iræ Dei

sensum, ut scilicet eius imperio se placide submittant. Quauis enim impiis carnifex sit propria conscientia, quæ eos quiescere non sinit, ex cæco illo metu adeo non discunt mansuetudinem, ut contumacius obstrepant. Denique solis fidelibus sensibilis est ira Dei, qui domiti, se nihil esse agnoscunt, & cum vera humilitate totos se addicunt Deo. Hæc sapientia in reprobos homines non cadit, qui factum quo inflati sunt, nequeunt deponere: quia sensu iræ eius non tanguntur, eo quod neque ipsum timeant.

12 *Vt numeremus dies nostros.* Alii vertunt, Ad numerum dierum: sed eodem sensu. Nam quia videbat Moses, quod hætenus docuit, hominum ingenio non comprehendi, donec affulgeat Deus spiritu suo: iam ad precationem se conuertit. Videtur quidem primo intuitu ridicula esse precatio, Vt teneamus numerum annorum nostrorum. Quid enim? quum vix annum octogesimum attingāt robusti, an difficile est supputare tam paucos annos? discunt numeros pueri simulac balbutire incipiunt. nec verò arithmeticā à magistro discere opus est ut numerum centenarium digitis supputemus. Atqui eo fœdior & magis pudenda nostra fœcordia, quod tam breue vitæ nostræ spatium nunquam comprehendimus. Nam qui optimus erit arithmeticus, & myriades myriadam distinctæ ac subtiliter tenebit ac excutiet, non tamen poterit octoginta annos supputare in propria vita. Hoc certè prodigio simile est, homines extra seipfos metiri omnia interualla, cognoscere quot pedibus distet luna à centro terræ, quā longis inter se spatiis planetæ diuidantur, denique omnes cæli & terræ dimensioes tenere, quum in seipsis septuaginta annos non numerent. Videmus ergo quod rarissimæ prudentiæ est non frustra Mosē à Deo petere. Posterius quoque membrum apprimè notatu dignum est, quo docet, nos nunc demum cor adiiicere ad sapiētiā, dum capimus vitæ humanæ breuitatem. Quæ enim maior amentia est quā nulla proposita meta vagari? Soli autem fideles, quibus nota est inter hanc caducam vitam & beatam æternitatem, ad quam creati sunt

sunt, distinctio, sciūt quò vitam dirigere oporteat. Ergo nemo composita mente vitam instituet, nisi qui cognito vitæ fine, hoc est morte ipsa, ad considerandū vi. cēdi scopū deductus fuerit, vt ad palmam supernæ vocationis pergat.

13 *Reuertere Iehoua. Querimoniz* precationem subneſcit, vt Deus, qui pridem graues à populo suo pœnas exigere non desierat, tandem ad lenitatem flectatur. Et si enim quotidie multis modis gustum aliquem dabat amoris sui, exilium tamen à terra promissa, durissima erat afflictio, quo admonebantur, se beata illa hæreditate, quam Deus filiis suis destinauerat, esse indignos. Nam & horribile illud iusiurandum quo fulminauerat contra eos Deus, necesse fuit subinde illis venire in mentem, Non introibant in requiem meam, sed putrescent eorum cadauera in deserto, Numer. 14. 23. 32. Nec dubito quin asperam illam

seruitutem, quā perpeſsi erant in Aegyptio, cōiungat cum erroribus deserti: ideoque non immeritò diuturnum languorē deplorat in particula *Quousque*. Sicuti tergum Deus obuertere, vel procul à nobis recedere dicitur, dum fauoris sui signa submouet: ita per reditum intelligitur gratiæ demonstratio. Quantum attinet ad verbum *Qñ*, quia pœnitere significat, non male quadrat hic sensus, Pœniteat te super seruos tuos: quia ex communi Scripturæ vñ constat pœnitentiam Dei vocari, vbi discussa tristitia, gaudii materiam restituens, quasi mutatus apparet. Propius tamen videntur ad mentem Moſis accedere qui vertunt, Consolare te super seruos tuos. quia Deus suauiter nos fouendo, non secus ac pater in filiis suis se oblectat. Id verò nihil aliud est quàm placari, vel propitium esse, sicuti vertimus, quo planior esset sententia.

14 *Satia nos mane bonitate tua, & exultabimus, & letabimur cum tuis diebus nostris.*

15 *Exhilara nos secundum dies afflictionis nostræ, annos quibus vidimus malum.*

16 *Appareat erga seruos tuos opus tuum, & decor tuus super filios eorum.*

17 *Et sit pulchritudo Domini Dei nostri super nos, & opus manuum nostrarum dirige super nos, & opus manuum nostrarum dirige.*

16 *Appareat erga seruos tuos.* Quia Deus Ecclesiam suam deserens, quouamodo alienam personam induit, scitè Moſes *proprium eius opus* nominat protectionis gratiam quam pollicitus fuerat filiis Abraham. Ergo quauis in omnibus pœnarum exemplis, quibus perfidiam, ingratitude, contumaciā, libidines, prauasque cupiditates populi vñ est, conspicuum fuerit eius opus, *ut & ego*, aliis omnia potentia eius documentis illam tuendæ populi salutis curam præfert Moſes qua maxime volebat innoscere. Hac ratione Paulus Rom. 9. 23, Dei bonitatē, gloriæ utulo specialiter insignit. Quauis enim gloriam suam asserat, mundum iudicando, quia tamen nihil ei magis naturale

est quàm beneficium se monstrare, ideo gloria eius in beneficiis excellere dicitur. Quod ad præsentem locum spectat, tantum cœperat Deus populum suum liberare: restabat enim vt fruerentur terra Chanaan. Itaque nisi vltra desertum progressi essent, obscurata fuisset redemptio. Adde quòd ex promissione opus Dei æstimat Moſes, ideoque plenum & suis numeris absolutum fore negat, nisi suā gratiam vsque in finē continuat. Quod etiam clarius exprimitur secundo membro, vbi non modò ætati suæ b. ne precatur, sed *generationi* quæ nondum nata erat: quia talis etiam erat forma fœderis, Gen. 17. 7, Ero Deus tuus & seminis tui. Ceterū, hoc exēplo monemur, in precibus nostris habēdam

esse posteritatis curam: præsertim quia nobis promissa est Ecclesiæ perpetuitas usque ad finem mundi, sicuti proximo Psalmo vidimus, in omnibus votis quibus commendamus eius salutem, completi posteros nostros etiam qui nondum nati sunt, conuenit. Notandum præterea est *decoris & pulchritudinis* nomen. unde colligimus quàm incomparabilis sit erga nos Dei amor. Quauis enim suis donis nos ornans, nihil sibi acquirat: liberaliter tamen nobiscum agendo splendere vult, & decorem suum palam facere: ac si forma eius obscura esset ubi nos sua beneficentia prosequi cessat. Sequitur deinde, *opus manuum nostrarum dirige super nos*: quo significat Moses, nihil posse nos feliciter aggredi vel tentare, nisi dum se ducem & autorem præbet Deus, & auspiciis suis nos regit. Unde sequitur, suos profanis homi-

nibus conatus & studia retrorsum cadere, quia Deum non sequendo, confusse & inordinate omnia peruertunt. Nec superuacua est particula *11177*. nam etsi in optimum finem dirigit Deus quicquid Saran & omnes reprobi moluntur, specialis tamen est Ecclesiæ ratio, in qua pacatum imperium Deus exercet. Nam arcana sua prouidentia opus suum extrà dirigit Deus erga reprobos, sed intus fideles suo Spiritu gubernat, ideòque propriè opus manuum ipsorum ordinat. Et repetitio docet continuum perseverantiæ tenorem requiri in Dei gratia: quia non sufficeret ad dimidium usque iter nos esse perductos, nisi totum cursum compleat. Alii vertunt, confirmat: qui sensus tolerabilis est. Sequutus tamen sum quod ad contextum aptius erat, nempe ut omnes piorum actiones Deus ordinet in finem, prosperum.

#### ARGUMENTVM PSALMI XCI.

*Docet piorum salutem cura esse Deo, ut nunquam eos in periculis desinas. Itaque hortatur fideles, ut eius præsidio confisi, securè per omnia discrimina ambulent. Utilissima doctrina: quia etsi de prouidentia Dei loquuntur omnes, scirentque fidelium esse custodem, vix tamen centesimus quisque salutem suam eius fidei commendat.*

*Psalmus XC I.*

**H***Abitans in abdito Excelsi, in umbra Omnipotentis moratur.*

2 *Dicam Iehoua, Spes mea & arx mea Deus meus, sperabo in ipso.*

3 *Certè ipse liberabit te à laqueo aucupis, à peste noxia:*

4 *Alis suis proteget te, & sub pennis eius tutus eris, scutum & clypeus veritas eius.*

1 *Habitans in abdito.* Hebraei quidam Interpretes vno contextu legunt tres primos versus, ut pendeat sententia usque ad membrum illud, Certè eruet te à laqueo aucupis: atque ita exponit, Qui habitat in refugio Excelsi, & in umbra Dei commoratur, Illi dicam de Iehoua, quod sit spes eius & propugnaculum, & Deus in quo acquiescere tuto liceat: Quoniam liberabit eum à laqueo, &c. Sed quum coactus sit sensus ille, palam est. Deinde qui ita sentiunt, friuola ratione mouentur: quia in primo versu idem bis repeti existimant, ideòque nullum sensum possunt elicere, in quo longe falluntur: res enim diuersas notat

Propheta, quisquis sit Psalmi author, dicens eos qui abscódi latent sub Dei custodia, non esse telorum ictibus expositos, sed inhabitare tutum & quietum iocum. Si quis ita loquatur, Qui Deum habet præsidem salutis suæ, ille quiescet sub vmbra Dei: in secundo mēbro emphatica notatio erit, quia illic humanis auxiliis opponitur Dei potentia. Sic etiam Propheta hoc loco mansuros dicit sub vmbra Dei qui in abdito eius habitant: quia sentient tandem quid valeat eius protectio. Què ergo bona pars mundi quærat sibi varias latebras, atque ut se quique obnoxios vident pluribus malis, circumspectant huc & illuc: docet



docet, nusquam alibi tutam & inexpugnabilem salutis arcē esse, quā in Dei præsidio. Itaque spes omnes quibus ut plurimum deludimur, opponit eorum securitati qui in Deum recumbunt. Eandem doctrinam secundo versu confirmat, simulque ostendit, ex proprio sensu & fidei experiētia se loqui: quod valde necessariū est in doctore. Hæc enim vera demū est cognitio, quam per manus aliis tradere licet, dum proferimus non ex labiis tantū, sed ex intimo corde quod nobis Deus patefecit. Ergo Propheta, ex intimo affectu quod nuper docuit profectum esse testatur. Quāquam autē litera *h* sæpe accipitur pro DE, & hoc loco à plerisque ita vertitur: plus tamē efficaciam habet quod reddidi. Neque enim simpliciter statuunt fideles Deum sibi fore loco arcis, sed eius promissionibus freti, familiariter eum compellant. Ita ex præcādi fiducia confirmat quā tutā sit sub umbra Dei habitatio. Hæc enim sancta gloriatio maximus est fidei triumphus, dum intrepidē confugimus ad Deum, quicquid accidat: certōque persuasi sumus non tantū vota nostra ab eo exaudiri, sed satis sup̄erque auxilii nobis esse in eius manu. Tertio autem versu spem de qua loquutus erat, dicit nō fallacem vel irritam fore, quia Deus suorum perpetuus sit liberator. Neque enim dubito quin sermonem ad seipsum connectat, seque hoc modo ad bene sperandum animet. Quidam laqueum ab excidio vel peste distinguunt, tanquam occultum malum à

manifesto: ac si dixisset Propheta, Siue clām occultis artibus insidiatur nobis Satā, siue aperto Marte nos oppugnet, paratum fore Dei auxilium. quod mihi non displicet. Nam ut quispiam simplicius accipere verba malit, probabile tamen est notari quasi libet malorum species: ut sciamus nulla in parte nos periclitari quin Deus succurrat.

4 *Alis satis proserget te* Hæc similitudo, quam etiam alibi vsurpat Scriptura, miram Dei in tuenda salute nostra sollicitudinem pulchrē depingit. Si in se reputatur Dei maiestas, certe nihil habebit affine vel gallinis vel aliis auib, ut fouendis pullis alas extendat. Ipse verō ut insinuatit nostræ cōsulat, à cælesti sua gloria quodammodo descendere non grauat, v sub gallinæ imagine blandius nos inuitet. Nihil ergo est quod nos impediāt à familiari eius accessu, quando ita comiter se demittit. Quanquam autem veritas Dei, quam *clypei & parma* loco fore dicit, pro fidelitate capitur, quia Deus nunquam suos in necessitate deserit: dubium tamen nō est quin ad Dei promissiones respiciat Propheta, sine quibus nemo in Dei sinum conicere se auderet. Quia igitur sublato verbo gustare nō possemus hanc Dei bonitatem de qua differit Propheta, ipsum testem eius producit. Sicuti autem nuper Deum arcis comparans, tutos & saluos fore dixit qui in eo acquiescunt: ita nunc sub clypei similitudine intermedium fore docet, ut nos ab omni insultu defendat.

5 *Non timebis à terrore noctis, à sagitta qua volabit per diem:*

6 *Ab exitio in tenebris grassante, à peste que in meridie vastat.*

7 *Cadent à latere tuo mille, & decem millia à dextris tuis: ad te non appropinquabit.*

8 *Vt tique oculis tuis aspicias, & retributionem impiorum videbis.*

5 *Non timebis à terrore noctis, à sagitta, &c.* Fusius explicat Propheta quod paulō antē attigi, vndeunque molestiā faceſſat nobis Satā, & quocūque telorū genere nos impetat, si vnico Dei præ-

sidio contenti erimus, nihil nociturum. Idque tenere operapretium est, Quos Deus in tutelam suam suscepit, probē vndique esse munitos. Nam quum nihil difficilius sit quā Deum

amplecti liberatorem, quanvis eousque quis profecerit: ubi tamē occurrunt tot mortes & noxæ quibus obædetur vita nostra, simul obrepit dubitatio quæ inquietudinem & trepidationem generat. Ideo non absre enumerat Propheta diuersas malorum species, ne vnā tantū salutem à Deo sibi promittant fideles, sed innumeris tentationibus fortiter resistant. Nocturni pavoris ideo meminit, quia & tenebræ homines reddunt timidos, & nox pluribus incommodis obnoxia est: deinde si quid increpuit, fingimus nobis maiores metus. Saggiatam interdū volātem potius elegit, meo iudicio, quā aliud quoduis telū, quia & longius vibratur, & propter celeritatem non facili potest præcaueri. Secundo membro idem aliis verbis inculcat, nullum esse genus mali quod nō repellat Deus auxili sui clypeo.

7 *Cadent à latere tuo milia, &c.* Prosequitur eandem sententiā, quanvis eadem sit mortalium omnium conditio in speciem, singulari tamen privilegio eximi fideles à propinquis malis, & quæ ferē eorum capitibus imminēt. alioqui enim protinus in mentem hoc veniret, Quid? nonne tu vnus ex vulgo hominū, quorum vita mille mortibus circumdatur? Hæc dubitationem vt corrigat Propheta, discretè admonet, quanvis totus

mundus ruinis misceatur, Deum tamen peculiari cura seruis suis consulere, ne promiscuē in turba pereant. Valde necessaria admonitio, Quāvis naturaliter cōmunibus incommodis subiecti simus, singulari tamen privilegio nos eximi, vt semper in periculis tuti simus. Proximo versu non modò intelligit experiētiam fore magistrā, quia re ipsa sentient fideles, & quasi oculis cernent salutem suam in Dei manu repositam esse: sed alio argumento confirmat hanc doctrinā, quod scilicet Deus, qui iustus est mundi iudex, impios ac reprobos quomēriti sunt exitio plectēs, suos tueatur. Quanvis ergo res sæpe in terra confusæ sint, in hac tamē obscura caligine dicit Propheta fideles palām cognituros iudicia Dei, vnde colligant non frustrā in eum sperasse. Alloquitur autem oculos & qui præditi sunt vera fidei luce, qui ad consideranda Dei iudicia sedulò excubant, qui etiam patienter & in silentio expectant tempus opportunum: quia maior pars iudicium præcipitās, sua festinatione se conturbat. vnde fit vt sensus carnis ad Dei providentiam excutiat. Adde quod sufficere nobis debet, si iudicia sua Deus ex maiori parte in diem plenæ revelationis diffrens, aliquem tunc gustum præbeat.

9 *Quia tu Iehoua protectio mea, Excelsum posuisti refugium tuum.*

10 *Non occurret tibi malum, & plaga non appropinquabit tabernaculo tuo:*

11 *Quia Angelis suis mandauit de te, vt custodiant te in omnibus viis tuis.*

12 *Super manus portabunt te, ne offendas ad lapidem pedem tuum.*

9 *Quia tu Iehoua.* Multus est in cōmendanda Dei providentia: quia non nisi lentē & multis stimulis exciatur hominum segnities, vt relictis mundi saltoris quibus sunt affixi, rectā se in Deum conferant. Sicuti autem in hoc Psalmio subinde variat personas: ita in hoc versu primò Deum compellat: deinde iterum sermonem ad seipsum con-

uertit. Ac Deum quidem *protectionem* suam nominat, quo efficacius suo exemplo ad eum cogat reliquos fideles. Eadem ratione secū deinde loquitur, quo plus fidei faciat de interiore suo affectu. Nam hæc vera demum fidei probatio est, dum se quisque colligens, absque restibus animum suum examinat: quia ubi Deo vnico non contenti, ad homines reflectimus

tesse dimus oculos, vix fieri potest quin se ambitio in fidei locum insinuet. Dicitur autem Deus censerī pro domicilio: quia sursum & deorsum nobis defensor est ab omnibus noxis, sicut & Psalmo 90. 1. Potest autem coniunctim hic versus legi cum proximo, vt causæ redditio sit. sequitur enim, *Non occurret tibi malum*. Vnde autem arcentur malorum occursum, nisi quia sub Dei tutela quieti saremus? Verum quidem est, fidelibus quoque accidere multa incōmoda: sed intelligit Propheta Deum opponere manum suam contra violentos insultus, ne prorsus obruantur fideles. Deinde hāc custodiam ad totas piorum domos extendit: quia scimus Deum ipsum paterne fauore quo dignatur seruos suos, eorum etiam filios complecti, Nisi forte simplicius accipere libeat, qui Deum eligunt domicilii loco, in suis ædibus tantō habituros.

II *Quia Angelis suis.* Hoc etiam consultō additum fuit à Propheta, vt obuiā iret nostræ infirmitati. vnde perspicimus quā benigne nobis indulgeat, qui non tantum ignosci diffidentiae nostræ vitio, sed remedium adhibet: dū se pronuntiat fore loco arcis & clypei vmbra manū suæ offert, vocat se domicilium, alas denique ad nos fouēdos extendit. nisi tōt & tam luculentæ promissiones nobis sufficiant, annon plusquam ingrati sumus? Si nos terret eius maiestas, gallinæ se comparat: si trepidamus ob hostium potētiam, vel nos exanimat discriminum multitudo, inuictā suam virtutem proponit, quæ absorbeat contrarias omnes potentias. Atqui vbi tot modis ad se nos allicere tētavit, quia videt tardē adhuc & cunctanter accedere, ac si non essemus vno eo contenti: adiungit etiam Angelos, & eos offert salutis custodes. Hoc certē est insigne indulgentiæ eius testimonium, quod se validis copiis armatum esse pronuntians ad nos tuendos, diffidentiam nostram subleuat. nec modō singulis assignat vnum Angelum, sed caelestes suos exercitus de salute cuiusque fidelium iubet esse sollicitos. Nam vnumquēque fidelium alloquitur Propheta, sicut etiam Psalmo 34. 8, vidimus Angelos castrametari in circuitu timentium Deum. Vnde ap-

paret falsum illud esse commentum, suū cuique Angelum singularem esse. Idque tenere maximē nostrā interest: sicuti certamen nobis est cum multis hostibus, ita multis custodibus nos esse instructos. si vnum mihi Angelum praesidiū caput daret Deus, esset hoc quidem aliquid: sed dum audio salutis meæ curam multis mandari, plus momenti habet hæc promissio, sicuti Elisæus hac fiducia ingentes hostium copias spernebat, 2. Reg. 6. 16. Nec repugnant Scripturæ loci, qui videntur officia inter Angelos distribuere, vt singulis hominibus praesint. Constat enim Deum variē per Angelos operari, vt vnum pluribus populis praeficiat, vni verō homini plures. Quomodo autem ad salutem nostram curandā inter se conspirent, nostrum non est nimis anxie & scrupulose disquirere: contenti sumus hac Apostoli doctrina, quia nobis destinati sunt ministri, semper ad munus intentos esse. Nam quod alibi praesto esse dicuntur ad Dei obsequium & exequenda iussa, Psal. 103. 20, & 21, hoc quoque ad fidei nostræ confirmatio nem valet, quoniam ad nos tuendos eorum opera Deus vtatur. Quanquam autē de singulis Ecclesiæ membris agit Propheta, non temere hoc diabolus aptauit ad personam Christi. Nam vtcunque semper ei sit propositum peruertere & corrumpere veritatem Dei, in generalibus tamen principijs speciosum colorē adhibet, satisque acutus est theologus. Et sanē quum totum Adæ genus exulet à regno Dei, nihil cum Angelis est nobis commune, & illi nobiscum nihil habent negotii. Solus ergo Christus est qui sublatō dissidio Angelos nobis conciliat, sicuti proprium eius est colligere quæ dissipata erant in celo & in terra, vt ait Paulus ad Ephesios capite 1. 10. Id sancto Patriarchæ Iacob ostēsum fuit sub figura scalæ, Ge. 28. 12: & quia per Christum coalescimus in vnum corpus cum Angelis, dicebat ipse, Posthac videbitis caelos apertos, & Angeli ascendent ac descendant, Iohannis 1. 51. Videmus ergo propriē in caput congruere quod eius beneficio ad omnia membra pertinet. Iam verō Propheta *vias omnes* plurali numero disertē ponit; quo distinctius exprimat, quocunque pergendū



sit, Angelos semper fore duces. Et certè videmus quàm flexuosus ac multiplex sit cursus vitæ nostræ, & quã multæ tempestates nos huc illuc subinde rapiant. Itaque oportuit singulis ætionibus & cõsiliis nominatim Angelos attribui duces, ut sciamus nobis præire siue ad dextram siue ad sinistram nos ferat necessitas. Interea probabile est, sub viarũ nomine commendari nobis modestiam, ne præcipiti iactu Deum tentemus, sed nos contineamus intra vocationis nostræ fines. Nã si quis se temerè proiciat, & aggre diatur plusquam permittit Deus quã si vellet repugnante Deo supra nubes conscenderet: non est quod sibi Angelos promittat suæ temeritatis ministros vel adiutores. Ac videtur astutè Satan particulam hanc obliterasse dũ Christum ad temerariam proiectionem impellere tentabat.

12 *Super manus.* Amplificat quod dixit de Angelorum custodia, ac si diceret, non solum excubias agere ne quid mali nobis accidat, & paratos esse ad opem ferendã, sed etiã suis manibus fulcire gradus nostros, ut sine offensa cursum nostrum peragamus. Hoc quidè minime apparet, in sublime attolli fideles

qui sæpe anhelant vel laborant ambulando, sæpe impingunt vel labuntur, vix etiã & ægre se trahunt: sed quia in tãta debilitate non solum cadere singulis momentis cõtingeret, sed etiã disfluere, nisi nos mirabiliter fulciret Deus: meritò leuamen quod præstatur Angelorum opera tam magnificè Propheta cõmèdat. Adde quòd superandis tã arduis obstaculis quæ nobis Satan opponit, minime pares essemus, nisi nos Deus attolleret. Quisquis hæc duo inter se conferet, fluidam nostram infirmitatem, deinde spinas, salebras, saltus, asperitates viarum, angustias, præterea hebetudinem mentis nostræ, & Satanæ vasfrictum in struendis infidiis: reperiet non esse hyperbolicum hoc elogium, sed fatebitur nõ posse nos tres passus p̃gredi, nisi quodãmodo præter naturam Angeli nos in aere portent. Quòd autem sæpe impingimus, culpæ nostræ imputandum est, quia nos à capite nostro disungimus. Quanquam autem propriæ infirmitatis conuinci nos vult Deus dum impingimus vel cadimus, quia tamen collidi non permittit, perinde est ac si manum suam supponeret.

13 *Super leonem & aspidem ambulabis, conculcabis leunculum & draconem.*

14 *Quia in me acquieuit, liberabo eum: exaltabo eum, quia cognouit nomen meum.*

15 *Inuocabit me, & respondebo ei: cum ipso. ero in tribulatione, eripiam eum & glorificabo eum.*

16 *Longitudine dierum satiabo eum, & ostendam ei salutem meam.*

13 *Super leonem & aspidem &c.* Confirmat aliis verbis eandem sententiam. Lapidum nomine prius notauit obliuiscula omnia, quibus molitur Satan abruptere salutis nostræ cursum. Iam per aspidem, leonem, leunculum & draconem, significat mortiferos casus quibus obnoxii sumus in mundo. Certè quandiu hæc peregrinamur, ambulandum nobis est inter sauas feras, aut viulenta ani-

malia. Quid ergo nobis fieret, nisi victoriam nobis promitteret Deus contra tot noxas, quæ assidue nobis impendunt? Quisquis ergo suas tentationes expendet, non mirabitur hyperbolica loquendi forma vsum fuisse Prophetam, ut fideles eximeret à trepidatione & metu: imò non dicet esse hyperbolen, quia verè his verbis respondet effectus. Nos quidem procul à telorum iactu,

factu, videmur plusquam bellicosi, sed in minimis quibusque negotiis leones nobis & dracones fingimus, videmurque nobis ad plures lanienas expositi. ideo sermonem ad sensum carnis nostræ attemperavit Propheta. Vbi aspidem Græci verterunt, Hebraicum nomen leonem significat: & in secundo membro repetitio est Hebræis vñtata: ideoque subtilius inter quatuor species distinguere nihil attinet, nisi quod certum est per leones leunculos designari aperta & violenta mala: per aspides verò & dracones, occultas noxas, quibus insidiosè & exinopinato quasi ex serpente latetris impetitur.

14 *Quia in me acquiescit.* Ne fastidiosius simus in tam prolixo sermone, tenendum memoria est quod dixi, Prophetam infirmitati nostræ hoc modo prospicere, quia nunquam satis constanter Dei providentiæ innititur, ubi apparet discrimen aliquod. Hoc consilio nunc quoque Deum loquentem inducit Propheta, ut in eius persona confirmet quod prius docuit. Deus autem è cælo pronuntians, sub alarum suarum protectione nos fore saluos, tantum spè à suis requirit. Nam verbum **פֶּחַח** (quod concupiscere vel amare significat, vel, ut vulgò loquuntur, beneplacitum suum capere) tantundem hic valet ac suauiter recumbere in Deum eiusque gratia oblectari. Promittit ergo se paratum fore ad ferendas nobis suppetias si ex animo eum quæramus. Admonet interea, vitam nostram semper in terra circumdari variis mortibus, nisi ad nos seruandos ipse manum habeat intentam. Et si autem sepe etiam incredulis opitulatur: solis tamen fidelibus ita manum porrigit, ut sit in solidum & finem usque eorum seruator. Aprè etiam spei & desiderio adiungitur cognitio nominis Dei. nam quòd huc & illuc circumspiciunt homines, et eos sua trepidatio diuersos trahit, inde fit quia illis incognita est Dei virtus: imò ne tenuiter quidem gustant quid sit Deus: quia eius loco somniant mortuum nescio quod idolum. Quum ergo vera nominis Dei cognitio fiduciam ex se & inuocationem pariat, nec ab aliis sin-

cerè quærat, nisi qui eius promissiones amplexi, iustum ei honorem tribuunt, scitè & propriè nouitiam hanc propheta quasi spei fontem posuit. Ac melius patebit huius doctrinæ utilitas, si reputamus quàm insulse de fide balbutiant Papistæ. Nam utcumque iubeant Deo penitus adharere, verbum tamen sepe liunt quo aditum patefieri oportet ad ipsum quærendum. Quanquam autem exaltare nihil aliud est quàm tutum & incolumem præstare: hæc tamen metaphoræ ratio est, quòd Deus suos mirabiliter seruat dum eos in sublime propugnaculum attollit.

15 *Inuocauit me.* Expressius demonstrat quid sibi voluerit per illud acquiescere in Deo, vel ei suum amorem & beneplacitum, ut loquuntur, addicere. Amor enim ille & desiderium quæ ex fide nascuntur, nos ad eum inuocandum adducunt. Vnde iterum patet quod nuper attigi, legitimam præcandi rationem fundatam esse in Dei verbo: quia hic nihil proprio arbitrio audendum est, sed quærendus est Deus quatenus nos inuitat. Interea discamus ex hoc contextu, non otiosam esse fidem, sed verè hoc examine probari, dum rectè ad Deum confugiant, qui salutem ab eo expectant. Iterum verò docemur, fideles nunquam ab ærumnis & molestiis fore immunes: quia non mollem & delicatam vitam illis Deus promittit, sed eorum tribulationibus se opem laturum. *Glorificandi* verbo significat non temporale fore Dei auxilium, cuius hætenus meminimus, sed usque dum ad solidam felicitatem perueniant. Ornat quidem eos in mundo, & conspicuam reddit suam gloriam: sed non nisi completo salutis eorum cursu, triumphandi materiam suppetitat. Quod autem de *longitudine dierum* ultimo versu promittit, videtur absurdum esse, quia ut plurimum cōtingit fideles celerè à mūdo migrare. Sed hic repetere cōuenit quod alibi diximus, Dei benedictiones quæ ad hanc cæciuitatē spectant, non esse perpetuas, neque æquali tenore fluere. Quauis enim gustū amoris sui præbeat in opib⁹ vel aliis cōmodis, nō tamè sequitur, odio illi esse pauperes: quanuis sanitas corporis

& firma valetudo, eius beneficium sit, non propterea censebimus ægrotos & debiles ei esse exosos. In hoc genere est vitæ diuturnitas, qua satietaret Deus servos omnes suos, nisi utilius ipsis foret, maturè è mundo migrare. Interea exiguo vitæ spatio melius satiantur, quàm increduli decem seculis. Ita nemini unquam profano continget satiari longitudine dierum: quia etiam si mille annos continuèt, sunt inexplébiles, vitam ipsam ingurgitant: nec Dei bonitate, quæ sola animos tranquillat, vel ad momentum fruuntur. Vnde non immeritò Prophe-

ta singulari privilegio fideles dicit vitam satiare, quibus satis superque sufficit maturum vocationis suæ cursum complere. Et sanè quum pluris longè sit æternitas dierum quàm diuturnitas: salus autem Dei terrenæ vitæ angustias minimè inclusa sit: ad hanc præcipuè intentas esse decet piās mentes tam in morte quàm in vita. Consultò enim hanc quasi extremam clausulam omnibus Dei beneficiis adiecit Propheta, quòd salutem suam ostendat fidelibus postquam eos per totam vitam paterno favore prosequutus fuerit.

## ARGVMENTVM PSALMI XCII.

Continet exhortationem ad laudandum Deum: materiam verò in operibus eius proponit, in quibus præcipuè insistant eius in tuendis fidelibus, & in reprobis perdendis iudicium commendat. Quæ doctrina omnes ad studium colendæ probitatis animat: & ne in crucis tolerantia deficiant, felicem nalis omnibus exitum illis promittit. Rursum ut absterreat à sceleribus, denuntiat omnes impios, ne cunctis ad tempus liveant, brevi perituros.

Psalmus XCII.

**P**salms Cantici ad diem Sabbathi.

- 2 Bonum est cōfiteri Iehouæ, psallere nomini tuo Excelsè,
- 3 Annuntiare manè bonitatem tuam, & veritatem tuam nocte,
- 4 Super psalterio, & super nablo, super higaïō cū cithara.
- 5 Quia exhilarasti me Iehoua in operibus tuis: in factis manuum tuarum exultabo.

2 Bonum est confiteri. Non dubito quin Psalmum hunc cantare soliti fuerint die Sabbathi, sicuti fert inscriptio: & ex aliis locis apparet quosdam alios Psalmos propriè ad hunc usum fuisse destinatos. Porro quia ad verbum Hebraicè legitur, Bonum est ad cōfitendū, insistant quidam Interpretes in litera, & ac subaudiunt bonum esse, canendis Dei laudibus præfixum esse certum diem: ac si diceret Propheta vtilem esse hunc ordinem, quòd delectus fuerit vnus dies in quo se fideles celebrandis Dei operibus exercent. Sed notum est literā nihil plurimum aliud valere quàm vt sit nota תפלה, hoc est infinitui modi: Ideoq̃ simplicior est sensus quem reddi. Cur verò hanc doctrinam Sabbatho accommodet Propheta, ratio in promptu est, quia non fuit dies ille sacer, quasi Deus otio hominū colatur, sed vt po-

pulus negotiis omnibus solutus, totum se conferret ad meditanda Dei opera. Nam, vt lubricæ sunt mentes nostræ, si distrahantur huc & illuc, facillè alienantur à Deo. Itaque vt seriò ad Dei laudes se applicēt, necesse est ab aliis omnibus curis expediti. Admonet igitur Propheta, Sabbathum non rectè coli feriando, quod nimis crassum esset: sed ordinatū esse vt celebretur Dei nomen. Hortantur autem à fructu: quia nihil nos acrius ad officium stimulat, quàm vbi sciamus nos operā non ludere, sed probari Deo quod agimus. Proximo versu materiam & argumentum suggerit laudandi Dei: ac si diceret, nolle Deum celebrari nomē suum à nobis de nihilo, vel ob solam magnitudinem & potentiam, sed ob bonitatem & fidem, quarum sensus & experientia tale studium sponte accendere in cordibus nostris debent. Quibus verbi



Verbis docet non modò dignū esse qui laudetur, sed malignos esse & ingratos si cessamus in hac parte. Nam quum Dei fides & bonitas ad nos proprie dirigantur, nisi animos nostros alliciant & rapiant in eius laudes, inexcusabilis est nostra segnities. Sed quod iubet *annuntiari* bonitatem *mane*, & veritatem eius *per noctes*, videtur absurda esse distributio. nam si Deus perpetuò non per interualla beneficus est, cur exigua diei portio ad eandem hanc virtutem deflinabitur? Idem & de altera parte dici potest, neque enim eius veritas tantum noctu apparet. Sed alio sensu loquitur Propheta, si à primo mane incipimus laudare Deum, continuandas esse eius laudes ad vltimam noctis partem: quia hoc bonitas ipsius & fides merentur. Si verò initium fiat ab eius bonitate, proximè succedet veritas. Ita continuus erit vtriusque tenor, sicuti mutua est confessio. Propheta ergo alteram ab altera disiungere noluit, quum semper inter se cōiunctæ sint, sed tantum docere, nisi nos sociordia nostra impediatur, nunquam deesse argumentum laudandi Dei: nec verè defungi officio gratitudinis, nisi in eo sumus assidui, sicuti ipse bonitatem suam & fidem erga nos perpetuat. Quare versu Leuitas, quibus iniunctum erat canendi munus, propriè compellat, vt musica etiam instrumenta adhibeant: non quia per se hoc necessarium foret, sed quia vtile erat rudimentum veteri populo. Neque enim citharam pulsari voluit Deus, ac si more hominum voluptatem caperet ex melodia: sed quia nò dum aduenerat maturæ ætatis tempus, Iudeos sub illis puerilibus elementis

continuit. Finis autem erat, vt ex cussio torpore, alacrius se accingerent ad Deū ex animo laudandū. Tenendū enim est, cultū Dei nunquā in illis rebus externis fuisse sitū, sed rudes, & infirmos administris istis ad eum spiritualiter colendū opūs habuisse. Simul verò tenendum est discriminē veteris & noui populi: quia quū exhibitō Christo Ecclesia iam adoleuerit, Euāgelii lucē suffocant qui adhuc Ecclesiā inuoluunt veteribus vmbreis. Vnde colligimus, Papiſtas musicis instrumentis nō esse Patrū imitatores, sed simias, qui vmbraſtili Legis cultu, cui finem attulit Euangelium, stultè adhuc obſtantur, qua de re iterū aliis locis dicendum erit.

5 *Quia exhilaraſti me.* Iterum admonet Propheta, diem Sabbathi non esse præscriptum vt ignaui se deant homines, sed vt colligant omnes suos sensus ad meditanda Dei opera. Simul autem ostendit, eos demum legitimos & idoneos esse laudum Dei præcones, qui paternam erga se eius beneficentiam reputant ac sentiunt, vt liberaliter & lætis animis hoc pietatis officiū suscipiāt. Sed admonet interim Propheta, si ritè expendimus Dei opera, illic conspicuā esse eius bonitatem & fidem, de quibus loquutus est: quia hinc demum lætitia, dum se nobis Patrē exhibet Deus, si bique charam & pretiosam esse testatur salutē nostram: sicuti hæc bruti torporis nobis causa est, quòd ad gustandū finem operū Dei insipidi sumus. Porro quū tota mundi machina sursum & deorsum clauditur beneficū & veracē esse Deū, prouidenter ad hac testimoniā attendere discamus, vt nos sancta lætitia ad sacrum eius nomen celebrandum incitet.

6 *Quàm magnificata sunt opera tua Iehoua. valde profunda facta sunt cogitationes tue.*

7 *Vir stultus non cognoscet, neque insipiens intelliget ea.*

8 *Dum florent impii quasi herba, & germinant omnes operarii iniquitatis, vt pereant in perpetuum.*

9 *Et tu excelsus in seculum Iehoua.*

6 *Quàm magnificata.* Propheta de operibus Dei in genere loquutus, nunc ad speciem vnā descendit, nepe quòd

Deus mundum iustitia sua gubernans, quanuis scelerum pœnas ad rēpus differat, tandē ostendit se non excutire quā

risper dissimulat: neque etiam, dum cruciferos suos exercet, eorum salutem negligere. Hanc verò partem, meo iudicio, specialiter attingit, quia deformis confusio quæ in hominum vita grassatur, ordinem providentiæ Dei maximè obscurat. Videmus enim exultare impios acsi nullus esset in cælo iudex, sibi applaudere in sua fortuna: & dum illis parcit, hoc prætextu in maiorem licentiam ruere, acsi ex eius manu elapsi essent. Ad hanc tentationem accedit nostra socordia vel hebetudo, ut putemus Deum abiectæ mundi cura otiosi in cælo. Scimus rursus quanta sit in ferendis tribulationibus carnis nostræ mollietis. Consulto igitur Propheta hanc partem delegit, in qua ostenderet Deum excubare ad tutelam humani generis. Orditur autem ab exclamatione: quia nos præpostera intemperies conturbat, ut operum Dei ratio, quantumvis clarè fulgeat, nobis sit abscondita. Hoc primò tenendum est, Prophetam hic non dissimulare de cæli & terræ opificio, nec de generali Dei providentia in mundi gubernatione: sed restringere sermonem ad iudicia quæ inter homines exercet. Exclamat autem magnifica hic esse Dei opera & profundas cogitationes, quia scilicet longè aliter administret humanum genus quàm ferat captus noster. Nam certè si in arbitrio nostro esset, libenter quisque inverteret quem Deus tenet ordinem. Et quia id penes nos non est, obliquè cum eo expostulamus: quòd non magis festinet tam ad liberandos fideles, quàm ad reprobos viciandos. Nihil enim minus videtur consentaneum, quàm ipsum quiescere dum contra eum ferocunt, dum effræni audacia ad omne facinus grassantur, pro sua libidine vexant bonos & simplices: videtur hoc inquam non esse tolerabile, Deum exponere cultores suos iniuriis & violentiæ malorum. deinde frænorum laxare fraudibus, mendaciis, rapinis, cædibus & omne genus iniquitati. Quid quòd veritatem suam latere in tenebris patitur, & sacrè suum nomen probroscæ calcari? Hæc est operum Dei magnificentia, hæc consilii profunditas quam miratur Propheta. Verum quidem est, tantam esse in mundi fabrica potentiam &

sapientiæ Dei altitudinem, ut sensus nostros longè superet: sed nominatim Propheta cohibere nos voluit ne obstreperemus Deo, dum aliter quàm pro animi nostri voto humanum genus moderatur. Quod igitur à sensu communi abhorret reuerenter suspicere nos iubet: quia Deus ut obsequi nostrum probet, arcana sua iudicia longè supra caput nostrum attollit.

7. *Vir stultus.* Diserte hoc addit, ut culpam sciamus in nobis residere, quòd Dei iudiciis laudem suam non tribuimus. Quanvis enim profunda mysteria esse dixerit, nunc pronuntiat, stupori nostro & socordiam esse imputandum quòd nobis non sint conspicua. Stultos autem vocat omnes incredulos, ac tacite eos fidelibus opponit, quibus Deus per Verbum suum & Spiritum illucet. Nam per hæc omnium mentes occupat hæc inscitia & cecitas, donec celestis gratia oculati reddamur. Ideoque rogandus est Deus ut oculos nostros bene purget ad meditanda sua opera. Interim à contemptu vindicat incomprehensibilem Dei sapientiam, stultitiam & amentiam damnans eos omnes qui fastidiosè eam reiciunt: & à vulgi torpore fideles reuocat ut attentius considerant dis operum Dei mysteriis incumbant.

8. *Dum florent impij.* Pulchra & concinna similitudine refellit ac deridet stultitiam hanc, quòd putamus impios, nisi statim congantur in ordinem, quasi triumphum de ipso Deo agere. Est autem in verbis concessio, quòd fateatur germinare & florere: sed notanda est quæ mox additur correctio, florere ad momentum instar herbarum: quia celeriter marcescit eorum felicitas. atque ita scandalum ad quod totus ferè mundus impingit, prudenter tollit & abolet: quia nimis stultè putamus beatos esse quibus propinquus interitus impendit. florent quidem hodie, sed cras exidentur ut arescant. Alibi videmus, herbis conferri quæ nascuntur in culminibus tectorum, Psal. 129. 6, quia dum illis deest soli pinguedo ex qua succum trahant, spontè pereunt. Sed Prophetam nunc simplici similitudine contentus fuit, quòd prosperas impiorum maturius exitium sibi accersat, non secus ac falcem herbarum maturitas. Ac antithesis  
inter

inter breuem durationem & æternum exitum notanda est: acsi diceret, non re secari vt vere nouo iterum pullulet eorum radix, sicuti herbæ emortuæ vigorem colligunt, sed ad æternum exitum damnari. Quod autem Deum ex opposito dicit *Excelsum in celo* sedere, quidā ita accipiunt acsi illi assereret potentiā ac munus regendi: ne quid putemus foruito accidere, dum rebus humanis præfident tam æquus iudex ac moderator. Alii aliud asserūt. Sed mihi videtur Prophetæ stabilitatem solii Dei cōferre cū versatili mundi agitatione: acsi diceret non æstimandum esse Deum ex mundo in quo nihil fixum est vel stabile: quia longè diuersa eius ratio sit qui terrenas mutationes ex alto quietus despicit: neque id modò vt Deum à creaturis discernat, quo gradū sui honoris obtineat illius maiestas: sed vt nos quoque discamus supra nos & supra totū mūdū asurgere quoties de mirabili & arcana e-

ius prouidentia agitur. quia turbidus est eorum aspectus qui in terra subsistunt. Ergo vt nobis appareant quæ in mundo non cernuntur Dei iudicia, Prophetæ sub voce Sublimitatis admonet Deū nō agere nostro arbitrio: sed prout fert eius æternitas, nos, qui breue est vitæ nostræ curriculum, quia vt plurimum non procedunt nostri conatus, variis scilicet obstaculis abrupti, quia non semper offertur occasio, præcipitanter ferimur, secundum assidue mundi turbationes, fides etiam nostræ turbatur ac labascit: Prophetæ Deum ante oculos nobis statuit in æterno & immutabili solio sedentem, vnde opportunè iudicia sua differt. Hoc ergo elogium non tantum honoris causa ad Dei essentiam refertur, sed ad fidei nostræ fulturam: acsi dictum esset, quauis in terra anxie gemant fideles ac trepident, Deum tamen, qui custos est vitæ ipsorum, in sublimi manere & eos protegere virtute æterna.

10 *Quia ecce inimici tui Iehoua, quia ecce inimici tui peribunt: dissipabuntur omnes operarii iniquitatis.*

11 *Et attolles quasi unicornis cornu meum: perfusus sum oleo viridi.*

12 *Et videbit oculus meus in oppressoribus meis: in iis qui insurgūt cōtra me, in iis qui me infestāt, audiēt aures meæ.*

10 *Quia ecce inimici.* Infert ex proxima sententia, fieri nō posse quin Deus inimicos suos tandem prosternat. Vnde clarius perspicimus quod nuper docui, non aliò spectare Prophetæ consilium, quàm vt fidem nostram armet contra omnia certamina: præsertim vt scandalum illud auertat, quum multi à recta via exturbantur, dum impiorum prosperitas Dei iudicium obnubilat. Si cut autem ardua & difficili lucta hic opus est, vehementer insinuat Prophetæ in doctrinæ suæ cōfirmationē. Emphatica enim est tam demonstratio, quàm re petitio. Primò nō min⁹ securè pronūciat perituros esse Dei hostes, acsi iam ante oculos esset eorum interitus, idque secundo confirmat. vnde colligimus quid ei profuerit fidē suæ intuitu penetrare vltra mundum, vt oculos ad cele-

ste Dei solium dirigeret. Itaque eius exemplo discamus, quoties fidem nostrā concutit impiorum prosperitas, in calū confurgere: quia mox fluct hæc doctrina, fieri non posse vt diu in prospero statu maneant eius hostes. Simul etiam de finit Prophetæ quānam sint hostes Dei. Neque enim quenquam gratis odit, imò quatenus eius signenta sunt homines, paterno eos amore cōplectitur. Sed quū nihil eius naturæ magis aduersum sit quàm iniustitia, sceleratis omnibus irreconciliabile bellū denuntiat. Atque hinc non vulgare solatium percipient fideles, dum exiti reprobos hęc illi causa redditur, quòd Deo exosos esse necesse est qui nō potest seipsum abnegare. Et Prophetæ etiam paulò pōst declarat hunc sibi propositum fuisse finem, vt hac spe, mala omnia, dolores,



curas, anxietates & molestias leniret. Porro sub *olei* figura designat se fructu rû Dei benedictionibus. & *oleum viride* nominat recens, quod emarcidum non est, nec vetustate obsoleuit. Notatu etiam dignum est, quod propriè gratiam Dei piis omnibus communem in suum vsum accomodat. Hoc autem modo significat fringere generalem doctrinam nîl vniusque nostrum se vnum esse ex fi-

liis Dei persuasus, ad eâ participandâ aspiret. Tandem, vîcunque molesti sine hostes, & nunc insidiis, nunc vi & impetu eum infestent, Deum sibi auxiliatorem promittit, vt in hac mundi militia infatigabili studio perseveret. Vnde etiâ apparet quàm inconsideratè quidâ Rabbini, Adam huius Psalmi authorem esse fingant. Quasi verò credibile sit posteros contra eum insurrexisse.

*13 Iustus quasi palma florebit, tanquam cedrus in Libano propagabitur.*

*14 Plantati in domo Iehoua, in atriis Dei nostri florebit.*

*15 Adhuc germinabunt, in senectute pingues & virides erunt.*

*16 Ut annuntient quòd rectus sit Iehoua, rupes mea, & non sit iniquitas in eo.*

*13 Iustus quasi palma.* Transit rursus ad communem doctrinam: quanuis ad tempus multis in cõmodis suos exerceat Deus, molestiis subiciat, & arumnis affligat, vltimo tandem exitu ostendere se eorum non esse oblitum. Nec mirum est tam accuratè in hoc capite doctrinâ insillere Prophetam: quia nihil difficilius est quàm Sanctos, dum si miles sunt mortuis, & vita eorum abscondita est, de instauratione bene sperare. Quòd in cedris fragrantiam boni odoris: in palmis, fructus dulcedinem notari quidam putant: nimis fortè subtile est. Simplicius est, quanuis ad tempus vel exaruerint vel etiâ succissuerint, collecto nouo vigore ex integro surrecturos: vt nõ minori præstâtia & dignitate in Ecclesia Dei floreant, quàm pulcherrimæ arbores in monte Libano. Vnde autè illis crescendi vigor exprimit, *plantatos esse dicens in templo Dei*, non modò quia locum illic occupent (quod hypocritis etiam cõmune est) sed quia viuis radicibus actis, penitus illic sint defixi, vt Deo adhæreant. Quum de atriis loquitur, alludit ad formâ templi, quia solis Sacerdotibus licebat ingredi Sanctuarium, plebs autem ex atrio adorabat. Vero itaque & interiore cordis affectu coniunctos esse Deo intelligit qui in eius domo plantati sunt: ideòque fluxam eorum fœlicitatem fore negat, quia non dependet à mundo.

Neque enim dubium est quin radice in atriis Dei locata, istud florere ad spirituales & æternam vitam extendat. Quod sèsu dicit *adhuc germinaturos*, & *in senectute*, quæ succum & nativum humorem delibcat, *pingues fore*. Perinde enim est ac si eos à communi aliorum fonte eximeret: imò vitam eorum assereret à cõmuni naturæ lege. Ita Iesaias 65. 20, de Ecclesiæ renouatione loquens, dicit in illo beato statu senem centum annorû similem fore puero: significans quanuis naturaliter ad interitum inclinet senectus, vt sit ferè semimortuus qui centesimum annû attigit, sub regno Christi initium seculi fore pueritiam, & viuendi initium. Quod non aliter impletur, nisi quia post mortem sumus in cælo superstitēs.

*16 Ut annuntient.* Clausula hæc apertissimè confirmat, in hoc totum esse Prophetam, vt in rebus turbulentis compositum animi statum retineant fideles: & quanuis seduriter & asperè tractari videant, reprobos verò potiri opibus ac imperiis, vegetos esse, affluere deliciis & honoribus: patientes expectent, dum opportunè discussis tenebris lucidû & distinctum ordinē Deus restituat. Nominatim dicit, ad annuntiandû *quod rectus sit*: quia nisi res mundi ad votum nostrum attemperet, earo nostra non solum imaginatur mundum ab eo negligi, sed eum iniustitiæ insinulat,

et si desereret suos cultores, scelorumque licentiam permetteret. Quod si iustitiam suam illustrat Deus, reprobos vlciscendo, cerò statuere licet, quicquid felicitatis obtinent, pessimi exitii esse præludium.

Et Propheta Deum appellans *rem suam*, se rursus includit in eorum numero quibus Deus iustitiam suam in tuenda eorum salute manifestabit.

## ARGVMENTVM PSALMI XCIII.

*Initio celebras immensam Dei gloriam, deinde addis fidem esse, ut suos nunquam frustreris, quod promissiones eius amplexi, inter mundi procellas & incitationes, tranquillis animis salutem expectant.*

*Psalmos XCIII.*

**I**ehoua regnavit, decorem induit, induit Iehoua fortitudinem,  
accinxit se: etiam firmavit orbem, non mouebitur.

2 *Stabile solium tuum, ex tunc à seculo tu es.*

1 *Iehoua regnavit.* Videmus quod nuper attigi, in Dei potentia nobis proponi fiducia materiam: quia hinc ut plurimum metus & trepidatio, dum sua virtute ut par erat non induimus Deum, maligneque eum suo imperio spoliamus. Non audemus quidem palam id facere, sed si probè de eius omnipotentia persuasi essemus, contra omnes temptationum insultus inuicti à nobis fultura esset. Verbo fatentur omnes quod Prophetæ hæc docet, Deum regnare: sed quotus quisque hunc clypeum, ut decebat, contrariis mundi opibus opponit ut nihil metuat quantumvis formidabile? Hæc igitur gloria Dei est, suo arbitrio moderari humanum genus, decorem & robur induere dicitur, non quòd aliquid in eo aduentitium imaginari oporteat, sed ut ipsa certisque experimentis demonstret admirabili iustitia & sapientia se fouere humanum genus. Porro Deum mundi curam nunquam abiicere, ab ipsa creatione probat. Et certè solus mundi aspectus abunde ad testandam Dei prouidentiam nobis sufficere deberet. Cælum quotidie voluitur, & in mole tantæ magnitudinis nulla est concussio quæ æquabilem cursum in tanta celeritate perturbet. Sol quum in circuitu quotidiano semper diuersum iter teneat, quotannis

in idem redit punctum. Planetæ in suis erroribus stationem tamen suam non deserunt. Terra quomodo in aere penderet, nisi Dei manu suffulta? Quomodo in tam præcipiti cælorum agitatione staret immobilis, nisi firmitudinem hæc à suo opifice haberet? Est igitur emphatica particula *et* ac si latine diceremus, & sanè.

2 *Stabile solium tuum.* Quod alii paratum vertunt, contextui non malè cõuenit, modò coniunctim legamus hæc duo membra, Domine quum tu sis à seculo, solium quoque tibi ab eo tempore erectum est. Nam quod interpretes simpliciter de æternitate Dei hoc dictum esse volunt, frigidum est. docet enim his verbis Propheta, sicuti æterna Dei essentia est, ita semper imperio & maiestate fuisse præditum. Nam *solii* nomine per synecdochen, iustitiam & gubernandi munus designat: ut similitudines istæ ab hominibus sumptæ pro infirmitatis nostræ captui improprie solent ad Deum transferri. Hoc autem elogio crassa omnia commenta, quæ Dei potentiam vel abrogant vel extenuant, Propheta refellit: ac si diceret, non aliter fore Deum, nisi solio suo infideat, hoc est, simul teneat mundi gubernacula.

3 *Extulerunt flumina Iehoua, extulerunt flumina vocem suam, extollent flumina gurgites suos,*

4 *A vocibus aquarum magnarum terribiles fluctus maris, terribilis in excelsis Iehoua.*

5 *Testimonia tua verificata sunt valde: domui tuæ decus*

*sanctitas Iehoua in longitudinem dierum.*

3 *Extulerunt flumina.* Variè Interpretes hunc versum exponunt. Aliqui metaphoricè notari putant violètos hostium impetus qui surrexerant contra Ecclesiam, & Dei gratiam celebrari qui eos compescuerit. Alii simpliciter potius quàm figuratè accipere malunt. Quàm uis terribiles sint magnarum aquarum strepitus, & eorum terrorem superent fluctus maris, Deum tamen in supremo gradu esse terribilem. Ego ut in comparationis argutia non insisto, non dubito quin Propheta quasi per hypotyposim Dei potentiam hic nobis exprimat: quasi diceret, quærendum non esse illustrius specimen potentiae Dei ut nobis formidabilis sit eius maiestas, quàm in rapido fluminum decursu & maris tempestatibus, sicuti Psalmo 29. 4, dictum fuit in tonitru resonare terrificam Dei vocem. Summa est, Deum in fluminum strepitu & tempestuosis maris fluctibus virtutem exerere, quæ nos ad sui reuerentiam commoueat. Nunc si placeat comparatio, addendum erit, hoc quoque nihil esse ubi ad ipsam Dei maiestatem venit, qualis est in celo. Neque tamen repugno quin hic quoque sensus elici possit ex verbis, Quamuis mûdus hic variis modis concutiat in speciem, non

tamen minui Dei potentiam, quia terribili suo imperio perturbationes omnes facile compefcit.

5 *Testimonia tua.* Haecenus retulit Propheta quàm admirabilis sit Deus cum in mundi creatione, tum etiam in gubernatione generis humani. Nunc peculiare beneficii cõmemorat quo populum electum dignatus est, patefacta salutis doctrina. Ac primò quidem Legem Dei à certa fide & veritate commendat: sed quia thesaurus hic cunctis populis promiscuè expositus non erat, continuò post adiungit domum Dei ornata esse splendore in perpetuum. Quamuis ergo se Dei bonitas ad totum mundum extendat, hoc inestimabile Dei beneficii meritò celebrat Propheta, quòd fœdus æternæ vitæ in Ecclesia sua deposuerit, ut illic cælestis sua gloria plenius fulgeret. Quidam ¶ ¶ ¶ pro deconsiderabili accipiunt: ac si dixisset Propheta, Templi decus esse pretiosum, sed ratio Grammaticæ aliud postulat. *Longitudine dierum* notatur perpetua successio, de qua etiã præclare Iesa. 59. 21, Ecce posui verbum meum in ore tuo, in ore seminis tui, & seminis quod deinde sequetur, ut fideli custodia per multas ætates cælestis doctrina vigeat.

## ARGVMENTVM PSALMI XCIIII.

*Implorat auxilium Dei contra impios & violentos qui tyrannicè & crudeliter Sanctos opprimebant. Nec dubium quin de oppressoribus domesticis loquatur: quorum iniqua dominatio non minus Sanctis molesta & infesta erat, quàm omnes Gentium iniuria.*

*Psalmus XCIIII.*

**D**eus ultionum Iehoua Deus ultionum affulge.

*Eleua te Iudex terra, redde mercedem superbis.*

3 *Vsq̃uequo impii Iehoua, vsquequo impii exultabunt?*

4 *Effutiunt, loquuntur duriter, extollunt se omnes operarii iniquitatis:*

5 *Populum tuum Iehoua conterunt, & hereditatem tuam affigunt.*

6 *Viduã & peregrinũ interficiũt, & pupillos occidunt.*

1 *Deus ultionum.* Certum est Iudeos malis vicinis cinctos fuisse, adeoque totidem fuisse acerrimos hostes qui eos vexare & fatigare non cessabāt. Sed quum impiis pro libidine dominan-

tibus, interior afflictio durius eos vrgeret, merito Deum inciamat Propheta ut tam exitiali malo remedium offerat. Loquutio satis trita est, *Deum apparere conspicuum* & in sublime efferri dum manifestum



nifesto effectu se vindicem demonstrat: quia tunc videtur tribunal conscendere ut penas exigit de sceleribus, & virtutem suam exercere mundo in ordinem cogendo. Atque id dicitur respectu nostri: quia non sentimus eum gerere curam nostri, nisi quatenus manum suam aperit & quasi visibili modo profert ad nos iuvandos. Quod bis dicitur, *Deus visitationum*, deinde *Iudex terræ*, proprie spectant hæc epitheta ad præsentis causæ circumstantias: ac si ipsum officii sui moneret Propheta his verbis, Dominetur est vindictam sumere de sceleratis, & terram iudicare, vides autem, dum impune grassatur eorum iniquitas, ut audacia proteruè insultet. Nō quod vlla admonitione indigeat Deus qui nunquam torpet: quin potius dum lentè cunctari videtur, pro opportunitate sibi cognita, iudicia sua temperat. sed eius naturam hoc modo secum reputant fideles, quo se ad meliorem fiduciam aiment & extimulent ad precandi vehementiam: quod etiam pertinet repetitio. Itaque quo petulantius lasciuient impii, semper occurrat nobis hæc doctrina, non posse tamen hoc auferri Deo quin mundi sit iudex ad exigendam de sceleribus vindictam. Et quāuis pro carnis nostræ sensu Deus tenebris inclusus lateat, hæc precandi formam à Spiritu sancto dictatur, nō dubitemus arripere, ut scilicet tādē affulgeat.

3 *Vsq̃uequo impii.* Feruorem suum hoc versu excusat Propheta. quia tempestiua sit festinatio, dum nullum superbiendi modum faciunt improbi. Quia igitur necessitas addere nobis debet animum, ut sciamus iustas preces exauditum iri, testatur hic Propheta suam quærimoniam non de nihilo vel leui de causa nasci, sed extorqueri sibi grauissimis iniuriis. Circumstantia etiā temporis ad augendam indignitatē valet, quod longa Dei patientia obdurerant, atque ex duritie non peruicaciam contraxerant modò, sed impudentiam quoque: ac si eorum improbitati Deus faueret. Nam in aduerbio *vsquequo* bis repetito diuturnus notatur impunitas: ac si dixisset, non incipere nunc denum impios: sed quum nimis diu fuerint tolerati, nullum facere peccandi modum. Iam quum olim tãtā in Ecclesia tyrannidē exercebant re-

probi, nec statim adhibitū fuerit à Deo remediū: ne miremur si hodie quoque longis oppressiōibus subiaceat Ecclesia nec putemus prorsus à Deo desertā, quāuis non protinus sanandis malis manum admoveat. *Exultandi* verbo iactantiā proteruiæ & iactantiæ plenam designat, quum impii longa prosperitate ebrii quiduis sibi licere confidunt.

4 *Effutiant.* Clarius hoc idem exprimit, tanta scilicet ferocia turgere, ut gloriari in sceleribus non dubitent. Verbum *ΥΥ* quod effutire vertimus, plus est quam loqui. Nam quum proprie ebullire significet, metaphorice transferatur ad temerarios sermones. Videmus autem quod sua ambitio & superbia impios homines præcipitet, ut etiam cum magno suo probro & dedecore potentiam suam fuiliter efferant. minando enim, nihil quācades, violentiam, & barbaram atrocitatem crepant. Istæ sunt ebullitiones de quibus loquitur Propheta, dū impii pudoris & modestiæ obliui, se quiduis pro libidine aucturos iactare non dubitant. Atque hæc est *durities sermonis*, quā neque ratio, neque timor, ueque honesti respectus cohibet quin perumpat quocūque tulerit effraus licentia. Iā sicut hæc grauis tētatio fuit olim fidelibus, cernere in Ecclesia prorsus cōfusam dominationē: ira hodie docemur, quoties præposterè, regitur Ecclesia, vel potius opprimitur nihil noui accidere: sed inuocandum esse Deum qui post longam dissimulationem, tandem seruis suis opitulari solet.

5 *Populum tuum.* Vbi de ebria & petulanti verborum iactantia loquutus est, facta quoque describit, quod immaniter Dei Ecclesiam affligant. Si indignum est à profanis Regibus subditos suos iniuste premi, certe electum Dei populum, qui peculiariis est eius hæreditas, tyrannide conteri, multo minus est tolerabile. Iam meminimus dictari hic nobis precandi formam, quoties scelerati homines, ac præsertim hostes domestici, nobis & reliquis fidelibus molesti sunt. Nam quia non tantum Deo curæ est nostra salus, quia homines sumus ab ipso conditi: sed etiā pretiosa, quia nos in speculo suo censet: siquid patimur iniuriæ, familiariter ad eum confugere licet. Sequitur altera amplificatio,

quòd ne viduis quidem parcant, pupillos interficiant ac peregrinos. Atqui Deus postquam in genere præcepit ut iustitiam & æquitatem mutuo colamus, præcipuè tamen viduas & peregrinos & pupillos commendat: quia eo plus merentur humanitatis & misericordiæ, quo magis obnoxii sunt iniuriis. Quo magis se prode impietas & Dei contemptus, ubi promiscuè in eos seruendo non modò violatur ius commune, sed privilegium quod Deus ad tuendam eorum salutem ferre dignatus est. Itaque magis in se prouocant iram Dei qui crudeliter in illos insurgunt. Et certè pueris, quia se defendere nequeunt, etas ipsa infirma

præsidio est etiam aduersus canes & feras bestias. Quàm turpe est igitur & monstruosum hominibus, vires suas contra eos experiri? Porro quasi in speculo ceruimus quàm deformis tunc fuerit in Ecclesia vastitas. Erat Lex, erant iudicia Diuinitus instituta: videmus tamen ut horribili modo exundauerit omne genus scelerum. Ergo sollicitè cauendum est nequid tale nobis vsuueniat: quòd si tamen contingat peregrinos iniuste vexari, raptari viduas in prædam, spoliari pupillos: rogandus est Deus ut eorum patrocinium suscipiat, sicuti exemplo suo Propheta nos ad leuandas eorum misérias hortatur.

7 Et dixerunt, Nō videbit Deus, nō cognosceat Deus Iacob.

8 Intelligite insipientes in populo: & stulti quādo sapietis?

9 Qui plantauit aurem, an non audiet? an qui finxit oculum, non aspiciet?

10 Qui arguit gentes, an non corripiet? qui docet homines scientiam?

7 Et dixerunt. Quod dicit Propheta impios illudere Deo, ac si oculos ei obliterent: non ita debet intelligi, quasi distinctè hoc concipiant in animis suis: sed quia perinde contemnunt eius iudicium, ac si nulla eum tangeret cura humani generis. Nam si penitus inculpiti esset hominum cordibus, se Deo oculos non posse effugere, sufficeret frantum hoc ad cohibendam eorum vitam. Quum ergo hucusque profiliant a daciæ ut hunc diripiant: illum spolient, alium deuorent: certum est in sua socordia esse demersos, ac si absconditi essent à Dei oculis. Certè tam supina securitas ostendit eos peccare ac si nunquam vocandi essent ad reddendam vitæ rationem. Quauis ergo tam crassas blasphemias euomere non audeant, Deum esse rerum omnium ignarum, ac ferè similem trunco, iure tamen illis improbat Propheta quòd mundum existiment Dei prouidentia non regimò palam ei iudicis officium ac potestatem abrogent, quia si persuasi essent ut decet de eius prouidentia, simul tribuerent honorem qui reuerentiam ac metum incuteret. quæ de re fusius alibi disseruimus. Consilium autem Propheta

est, extremam & perditam nequitiam exprimere. dum scilicet abiectione Dei timore, quiduis sibi indulget peccator. Si quis profanus homo, qui nihil vnquam celestis doctrinæ gustauerit, ita insultet, furor erit non ferendus: homines ergo qui à pueris educati fuerant in Legis doctrina, tam contemptum illudere vel fucum facere Deo, immane portentum fuit.

8 Intelligite insipientes. Quum execranda in Deum blasphemia sit, eum Iudicis officio priuare: vehementius in eorum socordiam inuehitur Propheta, qui se illius iudicium subterfugere, imò fallere suis astutiis posse confidunt. Grauius est autè vocare stultos in populo quàm simpliciter stultos: eo quòd minus excusabilis sit talis amentia in filiis Abrahamæ, de quibus dictum fuerat a Mose Deut. 4. 7: Quis populus tam nobilis, qui deos sibi appropinquantes habeat, sicuti hodie Deus tuus ad te descendit? Hæc enim vestra est intelligentia coram cunctis Gentibus, & sapientia, Deum habere legislatorem. Nisi fortè ignominiosos in populo vocat, qui tamen primores erant, summumque tenebant honoris gradum: ac si vocaret gregarios

gregarios. Nam superbos quos sua dignitas excecatur, ita in ordinem cogi vtile necesse est, ut sentiant non alio se loco centeri apud Deum, quam promissu quolibet è vulgo. Et certe videtur eos ad plebem reiegare, ut sibi in sua altitudine placere desinant: nisi quod ironice eorum eminentiam perstringit: ac si diceret, hac maxime nota esse conspicuos, quod reliquos omnes stultitia superent. quam alia etiam ratione exaggetat, quod in ea pertinaciter maneant. id enim valet interrogatio, *Quando tandem sapietis?* Videtur quidem, dum inter rogat, *An non audiret Deus qui aures formauit?* frigide asserere contra impios, Dei providentiam: quia nemo tam barbarus est qui Deo cognitionem plane detrahat: sed, quemadmodum nuper dixi, tam crassa audacia, in qua sibi indulget maior pars mundi, testis est, eos qui tam secure contra Deum irruunt, eius loco imaginari mortuum idolum. quia si serio persuasi essent, ab eo sua facta aspici & notari, non minus saltem honoris ei deferrent quam mortalibus, quorum metu & reuerentia à peccando prohibentur. Non abs re igitur Propheeta ad excutiendum hunc torporem ratiocinatur à naturæ ordine, quum homines visu & auditu præditi sint: quia hæc illis facultas à Deo opifice collata est, fieri non posse ut quicquam eum lateat qui tam aures quam oculos creauit.

10 *Qui arguit Gentes.* Argumentum est à maiori ad minus, fieri non posse ut Deus qui totis populis non parcat, sed vlciscitur eorum peccata, paucos homi-

nes impunitos prætereatur. Quanquam posset etiam esse Gentium comparatio cum Iudæis. Nam si Deus erga Gentes, Legis suæ ignarus, seueritatem exercet, digni sunt grauioribus pœnis Iudæi quos Deus in sua schola familiariter edocuit. quia sicuti electo populo præsidet, ita æquum est illic clarius fulgere eius iustitiam. Ego tamen priorem sensum libentius amplector, quod stultè impunitatem sibi promittant pauci homines, qui Deum vident publicas de cunctis Gentibus pœnas exigere. Restringunt hoc quidam ad insignes & memorabiles vindictas quæ in Scriptura leguntur: quales fuerunt quum Deus Sodomam igne caelesti & totum humanum genus diluuiο perdidit, Gen. cap. 19, & 7. Sed simplicius accipere malo, nimis peruersam eorum contumaciam, qui populis pereuntibus saluos se fore confidunt. Quod postea addit *ipsum docere homines scientiam*, ad perstringendam eorū confidentiam valet qui ex Dei contemptu laudem acuminis vel astutiae captant: sicuti Iesaias 26. 13, vafros istos contemptores maledicit qui sibi cuniculos fodiunt quibus se abscondant à Dei oculis. Atque vtinam hoc morbo nunc quoque mundus non seateat. Sed videmus quibus integumentis tam aulici homines, quam forenses suas mentes obtenebrent, ut sine vlllo pudore subannare Deum audeant. Vos scilicet, inquit, ingeniis vestris confisi, Deum eludere tētatis: quasi vestrum sit eum priuare scientia, qui ex sua plenitudine exiguas tantum particulas in mundum distillat.

11 *Iehoua nouit cogitationes hominum quod vana sint.*

12 *Beatus vir quē erudieris Deus, & à Lege tua docueris:*

13 *Ad præstandam ei quietem à diebus mali, dum foditur scelerato fouea.*

11 *Iehoua nouit.* Rursus insultat hominum fallaciis, qui dum sibi ipsis nebulas obducunt, sperant se Dei oculos posse effugere. Ergo ut sibi inani hoc prætextu blandiri desinant, admonet, fumos istos momento discussum iri, ubi in Dei conspectum vetum fuerit. Vnde sequitur, eos nihil proficere, dum è cælo Deus vanitatis condemnat quicquid astute comminiscuntur. Nam eos ad tribunal

Dei citando, retrahit ad propriæ conscientie examen. Vnde enim securitas, nisi quod Deo tergum obuertunt: sepe liunt omne boni & mali discrimen, & quantum in se est, exunt omnem sensum? Dum ita se inaniter demulcent, denuntiat Propheta rideri à Deo tam pueriles ineptias. Nota est & celebris sententia: sed attendere operæ pretium est ad consilium Prophetæ, quod multi negle-



Etiam prætereunt, nempe impios, dum sibi latebras fabricant, seipsos decipere: quia Deum suavafritia fallere nequeunt. Quoddam verumtamen quidam, *ipsi sunt vanitas*, nimis coactum est. Loquutio enim est tam Hebraica quam Græca, quæ sic resoluti debet, Deus novit hominum cogitationes esse vanas.

12 *Beatus vir.* Nunc ab obiurgatione Propheta ad consolationem tam sui quam piorum omnium transit, quod Deus ipsorum saluti consulat, dum ad tempus affligi sinat. Doctrina apprimè utilis in toto vitæ cursu, quin continua militia peragendus nobis est. Nam ut Deus infirmitati nostræ parcens, aliquid relaxationis concedat, vult tamen semper multis iniuriis esse expositos. Et videmus quanta sit impiorum petulantia, itaque miserrima esset sine hoc solatio nostra conditio, beatos esse quos Deus cruce exercet. ubi nos Deus sibi in populum collegit, videtur segregasse à reliquo mundo, ut iustitiam & aequitatem inter nos colendo, beata pace omnes fruamur. Atqui sæpe continget ut prætextu honorificæ potestatis, tyranni sceleratè opprimant Ecclesiam, ac talis fuit tentatio de qua hoc Psalmo conquestus est Propheta: quia non alios quam domesticos hostes accusat, qui se populi iudices profitebantur. Hic dicit carnis sensus, Si Deus nos respiceret, nunquam tantam licentiam daturum improba illorum libidini. Sed reclamat ex opposito Propheta, aliunde sapiendum esse quam ex proprio cerebro, & opus esse celesti prudentia. Sic enim locum hunc interpretor, ut nos, dum urgent res adversæ, tranquillis animis stemus, & patienter expectemus Dei auxilium, non aliter fieri quam si Dominus nos in schola sua erudiat. Fatetur enim Propheta non ita naturaliter sapere homines, ut per continuas afflictiones pacatis animis ad metam contendant, sed hanc sapientiam Diuinitus illis conferri. Ideo exclamat beatos esse quos Deus Legis suæ doctrina assuefecit ad crucis tolerantiam, & quos etiam arcana Spiritus sui consolatione fulcit, ne rebus adversis succumbant. Nam quod primò dicit, *Beatus qui in eruditi*, ad interioris illuminationis donum excedo: sed mox addit Prophe-

ta sapientiam hanc, quam Deus nobis intus inspirat, simul in Lege proponi & patefieri. Quo elogio commendat externæ doctrinæ usum: sicuti etiam dicit Paulus Rom. 15-4, Omnia scripta esse ad nostram doctrinam: ut per patientiā & consolationem Scripturarum spem habeamus. Iam videmus ex quo fonte haurienda sit patientia, nempe ex Dei oraculis, quæ dolores nostros mitigando, materiam fouendæ spei suppeditat. In summa, consilium Propheta est, primum fideles hortari ad patientiam, ne sub cruce animos despondeant, sed in quiete & silentio Deum expectent liberatorem: deinde eos monere unde petenda sit hæc prudentia, quia enim caro nos assidue sollicitat ad desperationem, centies evahesceret spes nostra, nisi Diuinitus edocui, mala omnia sciremus nobis cessura in salutem. Interea testatur, veram consolationis materiam nobis in Lege Dei suppetere, ut nunquam desperet, vel frangatur, vel se miserum esse ducat quisquis ritè in ea profecerit. Nam hac nota veros discipulos Deus à fictitiis discernit, si ad crucem ferendam parati sint ac compositi, non obstrepant nec tumultuentur, sed liberationē quieti sperent. Et sanè hæc vera est patientiæ ratio, non contumaciter resistere rebus adversis (sicuti præfractam duritiē Stoici pro virtute laudarunt) sed nos libenter subicere Deo, quia in eius gratiam recumbimus. Scitè igitur Prophetæ ab hoc fundamento incipit: ut discant fideles se ideo affligi ad momentum, ut perfuncti sua militia, beatam quietem obtineant. Dicere poterat beatos esse qui ex Lege Dei æquo animo crucem tolerare didicerint: sed solatium posuit quo mitigantur animi, ut se Dei arbitrio placidè submittant. Nam ut quis in rebus adversis lachrymas contineat & gemitus, si absque vlla spe frantum mordet, tantumque tenet illa principia, Nos esse mortales, necessitati frustrà resistere, vel contra fatum niti, Fortunā esse cæcam: hæc perniciosa est magis quam patientia: quia interim libenter adversus Deum calcitraret qui fortitudinis prætextu mala sua despicit. Ad mansuetudinem verò sola hæc doctrina animos nostros subiget, Deum, ubi suos

suos vexationibus exponit, eorum quieti sic consulere. Vbi autē regnabit hæc persuasio, quietem parari fidelibus & refrigerium dum in æstu miseriarū versantur, ne cum mundo pereant, satis superque ad leniendam quamlibet doloris acerbicatem valebit. Hoc modo *dies malos* vel mali intelligeret Propheeta æternum interitum, qui reprobos omnes manet vbi illis ad tempus Deus percerit. Possent etiam sic exponi Prophetæ verba, Beatus qui inter afflictiones quietus & tranquillus esse didicerit. Ita notabitur interior tranquillitas, qua fruuntur fideles etiam inter medias procellas, atque hæc esset contextus ratio, Beatus est homo qui hucusque profecerit in Dei Lege, & sedato animo & composito omnes malorum insultus sustineat. Sed quia mox sequitur, *dum foditur impius sepulchrum*, vt opposita membra inter se respondeant, videtur eorū prudentiam laudare Prophetam qui se in hunc finem à Deo affligi reputant vt

salui sint ab interitu, & felici tandem exitu potiantur. Porro hæc altera pars consolationis omnino addēda fuit: quia fieri non potest, vbi impii triumphant, nec eos Deus compescit, quin violētus doloris feruor in cordibus nostris ebulliat. Tempestiuē igitur occurrit Propheeta, admonens impios super terram relinquī, sicuti cadauer in cubiculo repositum manet, donec effosum sit sepulchrum. His autem verbis docet non posse aliter fideles constanter perstare, nisi speculam conscendant, sicuti loquitur Habacuc 2. 1, vnde procul cernant Dei iudicia. Videbunt impios terrenis deliciis potiri: nisi longius suam cogitationem extendant, præ indignatione deficient. Verum si in mentem veniat, domos quæ vniuersis destinatæ sunt, ad exiguū tempus concedi mortuis, dum illis effoditur sepulchrum, ita & superstitēs manere qui tamen exitio iam sunt deuoti: hæc consolatio ad placandam tristitiam sufficiet.

14. *Certè non abiiciet Iehoua populum suum, & hereditatem suam non derelinquet:*

15. *Quia ad iustitiam reuertetur iudiciū, & post ipsum omnes recti corde.*

14. *Certè non abiiciet.* Clarius superiore sententiam confirmat, fieri posse negans vt Deus populum abiiciat, quem velut sibi hereditarium elegit. Atque hoc nobis sacrum asyly esse debet, quoties malis tentamur, nos tamen esse Dei populum, quia nos sibi gratis adoptauit: itaque charam ei esse & pretiosam salutem nostram: quia non frustrà pollicitus est se non secus Ecclesiæ suæ, ac propriæ hereditatis, sedulum fore custodē. Vnde rursus colligimus, excidere & euanesce patientiam, nisi affulgeat gratiæ notitia ad pacandos omnes carnis tumultus.

15. *Quia ad iustitiam.* Quia in afflictionum tenebris non facile est cernere amorem illum quo Deus suos occultè prosequitur, alio argumento vtitur Propheeta, nempe quod post confusam perturbationem Deus tandē res in legitimū ordinē cōponet. Quia phrasis Prophetæ nōnihil obscura est: dissimulatum

quidā hæc duo legunt, Iustitia ad finem reuertetur: postea, *iudiciū reuertetur*. Sed hoc modo perperā torquēt ac dilacerāt contextū. Ego itaque perinde accipere nō dubito acū dictum esse, iudiciū aptabitur vel conformabitur iustitiæ. Iudiciū porro hic, sicut multis aliis locis, pro gubernatione accipitur, vel publico statu. Iam quia rebus in mundo turbatis videtur iniquum ac peruersum esse regimen, ideo promittit meliorem exitum. Nec tantū dicit redituros ad æquitatē homines qui prius inordinatē dominati fuerint, sed altius penetrat, Dominum tandē in restituenda Ecclesia iustitiam quam occultauerit patefacturū: non quod eius prouidentia vnquam à recto ordine vel minimum deflectat, sed quia hominum respectu, nō semper apparet talis moderatio vel temperamentum vt conspicua sit illius iustitia: quæ iusta gubernatio dicitur vbi correctæ est inæqualitas. Nā sicuti nocte vel

tempore nubilo lumen solis absconditum est, ita dum impij homines tyrannicè bonos vexant, & eorum libidini ac sceleribus laxatur habenæ, inter nos & Dei providentiam interpositæ nebula lucè æquitatis obscurant, & ita quodammodo iudicium à iustitia distrahitur. Rebus autem in verum ordinem restitutis, optimus imperii & iustitiæ consensus in moderata æqualitate apparer. Fide quidem in rebus confusis iustitiam Dei, licet absconditam, apprehendere nos deceat: sed hoc ad sensum & experientiam refertur, quòd tãquam sereno cælo fulgebit Dei iustitia. *Tost cum omnes recti corde. Vertunt aliqui,*

post eam iustitiam, sed quia nomen hoc accipitur pro æquali & ordinato regimine, quum Deus vindictam sumit de improbis & suos liberat: non videtur congruere illa expositio. malo igitur do ipso Deo intelligere, atque ita erit relatiuum sine antecedente. Neque enim Hebræis rarum est, ubi Dei fit mentio, nominis eius loco, ponere relatiuum. Sensus ergo est, iustos omnes, ubi Deus statum mundi composuerit, sumpturos animũ ut eũ alacrius sequatur. Etsi enĩ etiã crucem ferẽdo, per arũnas & afflictiones ad eũ aspirant, ubi tamen sentiunt liberatorem, & talem conspiciunt eius manum, plenius ei sese addicunt.

16 *Quis surget mihi cum aduersantibus? quis se statuet mihi cum operariis iniquitatis?*

17 *Nisi Iehoua auxilio fuisset mihi, propemodum habitasset in silentio anima mea.*

18 *Si dixi, Lapsus est pes meus: bonitas tua Iehoua sustinuit me.*

19 *In multitudine cogitationum mearum, in medio mei cõsolationes tuæ exhilarant animam meam.*

16 *Quis surge?* Hic Propheta quasi per hypotyposin demonstrat quãto opere fuerit destitutus hominum auxilio. Nã quasi in re præsentì exclamat, *Quis stabit pro me?* vel, se opponet hostibus meis? ac sibi cõtinuò respõdet, Nisi Deus tulisset opem, actum de sua salute fuisset. Hoc verò ad amplificandam Dei gratiam valet, dum se prædicat miraculo ereptum fuisse ex morte: quia à toto mundo desertus erat. Quauis enim homines, dum nobis manum porrigunt, ministri sint gratiæ Dei, ubi tamen oculis nostris occurrit inferius aliquid subsidium, non faciliè agnoscimus manum Dei. Porro *in silentio* dicitur habitare vitæ, dum mortui, sensu & vigore carentes, in sepulchris iacent. Itaque fatetur Propheta nullum sibi vitæ seruandæ fuisse remedium, nisi reã manum suã Deus cõlo extendisset.

18 *Si dixi.* Confirmatio est proximæ sententiæ. nam quo Dei bonitatẽ & potentiam melius commendet, commemorat se non à medio æri aliquo pe-

riculo, sed quasi à morte præsentì fuisse seruatum. Sensus autem verborum est mortem ita versatam fuisse ante eius oculos, ut proprio iudicio esset deploratus, quemadmodum Paulus 2. Cor. 1. 9, dicit se nũtium mortis in seipso accepisse, quum omni spe abscissa, vitæ renuntiavit. Quum autem Propheta, quã iam se morti addixerat, præter spem liberatus est, eo illustrius fuit Dei auxilium. Iam si *lapsus pedis* intelligimus de corporali tantum morte, in desperatione Prophetæ nihil erit absurdum: quia Deus sæpè vitam in mundo suis prorogat, quauis, omni spe viuẽdi ablata, ad migrandum parati sint. Quamquam fieri potest ut Propheta hoc suũ dicere ad carnis sensum restituat: quod mihi magis est probabile. quia prius vidimus nunquam eum cessasse ab inuocatione Dei: vnde sequitur aliquid sperantis idque clarius ex proximo versu colligitur, ubi refert suos dolores aliqua semper cõsolatione fuisse mitigatos. *Cogitationes* enim vocat anxias & perplexas



plexas curas, quibus fuisset obrutus, nisi Diuinitus adhibita fuisset aliqua consolatio. Docet igitur hic locens, Deum, pro magnitudine tristitia & mororis, seruis suis in ipso articulo succurrere, vt dilaret eorum angustias, sicut Psal. 4. 2, & 118. 5, dicitur. Itaque quomagus ingrauescent mala nostra, speremus leniendis doloribus potentiorum fore eius gratia. Quod si pro carnis in-

e cura & firmitate agnitudoines nos vrāt & exercitio, sufficiat nobis hoc remedium quod magnificè extollit Prophetam. Nam fideles duplicem in animis suis affectum gerunt, quia ab vna parte anguntur, distrahuntur etiam in varios metus & curas: sed Deus arcanam illis letitiam inspirat, idque pro necessitate modo, ne vllus malorum gorges quantumuis profundus ipsos absorbeat.

20 *An sociabitur tibi solum iniquitatum, artifex molestiae loco iuris?*

21 *Coibunt super animam iusti, & sanguinem innocentis damnabunt.*

22 *Atqui fuit Iehoua mihi in arcem, & Deus meus in rupem fiducia mea.*

23 *Et rependet super eos iniquitatem ipsorum, & in malitia eorum perdet eos, perdet eos Iehoua Deus noster.*

20 *An sociabitur.* Fiduciam rursus colligit à Dei natura: quia fieri non potest vt vel improbis faueat, vel consentiat impiis eorum machinationibus. Deo autem aduerso quomodo interitū effugerent? Plus autem vehementiae habet interrogatio, quā docet omnem iniquitatem Dei naturae esse contrariam. *Solii* autem consilium meminit, quia non accensat vulgares fideles, vel fures, quorum infamia passim nota sit, sed contra tyrannos inuehitur qui fallaciis prae-textu opprimebant Ecclesiam. Dicit ergo, quauis occupent solium quod Deo consecratum est, nihil tamen cum ipso comune habere, quatenus solium illud sceleribus suis polluant ac contamināt. Clarius se exponit altero membro, vbi prorsus à Deo alienos esse pronuntiat qui molestiam fabricant loco iuris. *¶ ¶* significat ius & decretum, vel statutum ordinem. Perstringit igitur Prophetam improbos Iudices, qui per omne oppressionum genus grassando, simulabant tamen se tenere rectam officii cursum. Sic enim perfidi Iudices vt possessionē honesti & speciosi tituli retineant, varios colores accersunt ad tegenda sua tyrannidis flagitia. Nunc tenemus quid Prophetam velit, nempe quāuis honorificum sit solii nomen, vbi tamen corrumpitur

hominum prauitate, suo pretio & honore excidere apud Deum, qui iniquitati suffragari non potest.

21 *Coibunt.* Quia verbū *¶ ¶* vel *¶ ¶* copias vel manum colligere significat, non dubiū est quin significet Prophetam non sibi fieri negotium à gregariis hominibus, sed à ducibus populi qui rerum potiebantur. Exprimit etiam hoc verbo, se & reliquos fideles non ab vno vel altero priuato homine fuisse iniuste tractatos, sed à publico cœtu. Triste quidem, ac etiam turpe exemplum fuit, in legitimo conuentu ita regnare improbos, vt collegium Iudicum nihil aliud esset quā latronum turba. Nam hoc bis indignū est, vbi oppressi fuerint innoxii homines, simul cum iniuria probum sustinere. Deinde quid minus consentaneum, quā vt tota forensis ratio nihil aliud sit quā scelestae conspiratio ad infantes damnandos? Sed hoc exemplo nos hodie armari cōuenit, si tantum licentiae permittat Deus impiis, vt praetextu iuris, in perniciem bonorū & simplicium, tribunal conscendant. Quauis ergo tolerabile non sit primò intriuit, infantes ab ipsis Iudicibus crudeliter vexari, atque etiam grauari ignominia: quia tamen vtraque tentatione seruos suos olim exercuit Deus, discamus non

solum iniustam violentiam æquo animo ferre, sed indignas etiam calumnias, quibus præter meritum grauamur.

22 *Atquisuit.* Concludit Prophetæ quauis in tantas angustias redactus esset, sibi satis fuisse in Deo vno præsidii: quibus verbis iterum eius virtutem illustrat, quia solus ita validos conatus, tantas copias, tantumque furorem subegerit. Non solum autem dicit Deum sibi instar propugnaculi fuisse, ex quo despiceret omnes impetus, & vbi tuto delitesceret: sed vbi sibi gratulatus est de protectione Dei, hostibus quoque exitum denuntiat: quia proprium Dei munus est, quicquid molestiæ intentant bonis, retorquere in eorum capita. Si

tantum irriti & frustranei essent eorum conatus, in eo iam gustum aliquem iustitiæ suæ Deus præberet: sed dum cadunt ipsi in foueam quam parabant, & vbi insidiosè captant omnes vias ad bonos perdēdos, pereunt in sua astutia: totumque robur suum experti, se propriis gladiis conficiunt: tunc mirabile Dei iudicium melius apparet. Et quia id creditu difficile est, bis repetit, *perdet eos, perdet Deus noster.* Vbi etiam notare operæpretium est, fidelibus dari sperandi materiam, quum dicit Prophetæ, Deus noster. reducit enim in memoriam quod prius dixit, Deum hæreditatem suam non negligere, quam in fidem suam suscepit.

## ARGVMENTVM PSALMI XCV.

*Propheta, quisquis sit auctor Psalmi, Iudæos in solemoni cætu hortari volens ad laudandum Deum, duplicem materiam proponit: nempe quia mundum quem creauit, sua virtute sustineat: deinde quod Ecclesiam sibi gratis adoptauerit. Sed quia in multorum labris resonabant sibi laudes, simul etiā hortatur vti sincere ac seriuè populus totum se Deo addicat, ut aque testetur non frustra se electum esse. Et quo omnem hypocrisis excutiat Patres ab initio dicit ingratos Deo & immorigeros fuisse: & penam horribilem illis infligam refert, qua merito terrore posteros debet, ne illorum perniciam sequantur.*

*Psalmus XCV.*

**V**enite, exultemus Iehouæ, iubilemus rupi salutis nostræ:

2 *Præueniamus faciem eius cum laude, in canticis iubilemus ei:*

3 *Quia Deus magnus Iehoua, & Rex magnus super omnes deos,*

4 *Quia in manu eius fines terra, & altitudines montium ipsius sunt.*

5 *Quia ipse est mare, & ipse fecit illud, & aridam manus eius formauerunt.*

*Venite.* Quadrat hic Psalmus ad diē Sabbathi, quo scimus sacros conuentus peculiariter habitos ad celebrandum Dei nomen. Neque enim vnumquenque piorum hortatur ad Deū priuatim laudandum, sed hoc fieri iubet in publico conuentu. Atque ita ostendit, non in mortuis cæremonis suum esse externum Dei cultum, sed præcipuè in laudis sacrificio. Festinationē etiam requirit qua testetur fideles, officium hoc se alacriter obire. Nam verbum *וְיָבִי* quo venit, properare vel maturare significat. Præcipit ergo vt in Dei cōspe-

ctū venire accelerēt: quod operæpretiū fuit in tāta segnitie quæ nobis ingentia est, vbi Deus ad gratias sibi agēdas nos vocat. Sicut autem obliquè Prophetæ veteris populi ignauiam in canendis Deo laudibus perstrinxit: ita sciamus hodie quoque eodem stimulo nobis opus esse, quia non minor est in nobis ingratitudo. Nec parū hoc valuit ad excitandū populi studium, quum iuberet *in Dei conspectum prodire*: quia nihil magis optabile est quàm præsentī Deo sacrificium offerre quod sibi acceptum esse declarat. Tandem enim valet hæc loquutio

loquutio ac si dixisset Deum coram adeste testem, ne se operam ludere putarent. Porro qualis fuerit Dei præsentia in Sanctuario, alibi dixi.

3 *Quia Deus magnus.* His verbis admonet Propheta, suppetere vberem materiam laudandi Dei, ut mendacibus encomiis minimè indigeat, sicuti Regibus adulari solent rhetores. Primò Dei magnitudinem extollit, eum tacitè omnibus diis fictitiis opponens, quos sibi fabricauerant homines. Scimus semper in mundo magnam fuisse deorum turbam vnde illud Pauli 1. Cor. 8. 5, Multos in terra nominari deos. Notanda est igitur antithesis inter Deum Israelis, & alios omnes quos sibi finxerat hominum libido. Siquis excipiat, idolum nihil esse, 1. Cor. 8. 4: Respondeo, hac sententia Prophetam refellere vanos hominum errores, qui Deitates suo arbitrio stultè imaginantur. Quanquam ego sub hoc nomine Angelos libenter complector: ac si diceret, Deum ita excellere, ut lon-

gè emineat supra omnem cælestem gloriam & quicquid Diuinum est, non minus quàm supra omne terrenum figmentum. Angeli quidem dii non sunt: sed quia propius ad Deum accedunt, improprie ad ipsos transfertur hoc nomè: maxime verò hominum respectu, qui immodica admiratione eos superstitione euehunt. Quòd si Dei vnus maiestas in ordinem cogit cælestes Angelos, quàm indignum est eius gloriæ ob stare nihili figmenta? Huius deinde magnitudinis specimen in mundi opificio spectandum proponit, quòd dicit *opus esse manum Dei*, & eius imperio subesse. Atque hæc laus est generalis, quòd Deus conspicuam suam gloriam in mundi creatione reddidit, & quotidie in eius gubernatione vult agnoscere. Nam quum dicit *in manu eius esse penetralia terræ*, intelligit eius prouidentia regi, ac imperio subesse. Alii, fines vertunt. sed potius abyssos notat: quas opponit altitudini montium.

6 *Venite, adoremus, & procidamus, genu flectamus coram facie Iehouæ factoris nostri:*

7 *Quia ipse Deus noster, & nos populus pascuorum eius, & grex manus eius: hodie si vocem eius audieritis.*

6 *Venite adoremus.* Quia iam electum populum ad gratitudinem Propheta hortatur, quòd gratuito Dei beneficio excellat supra omnes Gentes, vehementior est sermo: sicuti plenior laudis materiam nobis Deus suppeditat dum spirituali honore nos dignatur, & præter meritum anteponebat cunctis mortalibus. Itaque tribus verbis rem vnam designat, ut scilicet filii Abraham se totos illi addicant. Verum quidem est, tanti momenti esse Dei cultum, de quo cõcionatur Propheta, ut omnes nostros conatus sibi meritò vendicat: sed notanda est circumstantia quòd scilicet pater-nam Dei fauorem cõmendat, quo Deus solos Abraham filios complexus erat, ut in spem spiritualis & æternæ vitæ eos adoptaret. Hoc quoque notandum est, non tantum de cordis gratitudine hic agi, sed simul requiri professionem æternam pietatis. Hoc enim tribus verbis exprimitur, officio suo nõ defungi fideles

nisi palam & genu flexione & aliis signis Deo se in sacrificium offerant. *Faciem Dei* eo quo nuper dixi sensu accipio, ut scilicet ante Arcam fœderis populus se prosternat: quia sermo de legali cultu habetur. Semper tamen addenda est exceptio, ut sublatis in cælum oculis, spiritualiter Deum colant fideles.

7 *Quia ipse Deus noster.* Quauis in hunc finem creatum sit totum humanum genus, Ecclesia tamen non abs re vocatur Dei plantatio in eius laudem. Itaque meritò officium hoc specialiter ab electo populo exigit Propheta. Hæc ratio est cur admoneat filios Abraham de inestimabili priuilegio quo ipsos dignatus fuerat quum eos in suam curam susceperet. Nam etsi quodammodo hoc ad totum humanum genus posset extendi certum tamè est, Deum vocari Ecclesiæ suæ pastorem, non qualiter reliquos mortales promiscuè alit, sustinet ac gubernat: sed quia eam à toto mundo



distinxit, vt paterno sinu foueat. Vocatur ergo *populus pascuorum* quem Deus peculiari cura & tuetur, & prosequitur omni beneficiorum genere. Poterat quidem distinctius loqui, vocando *gregem pascuorum*, & *populum manus*: vel, si tantum nomē Legi posuisset, cōtinua fluebat metaphora: sed nō adeo curauit sermonis elegantiam, modò populum de inestimabili adoptionis gratia moneret cuius finis erat vt sub Dei fide ac tutela degeret, bonisque omnibus frueretur. *Grex manus* vocatur non tā quod a Deo formatus sit, quā eo quod regitur eius manu. Gallicè dicimus *le troupeau de sa conduite*. Quanquam autem antithesis quam nonnulli obseruant, paulo fortè argutior est quā ferat genuinus Prophetæ sensus, Deum scilicet pascendo populo intentum esse, nec vti conducti- tis pastoribus: dubium tamen non est quin exprimere voluerit Prophetā propinquum illum & familiarē gubernationis modum qui tunc in vno duntaxat populo refulsit. non quod hominum operas Deus abiiceret, qui Sacerdotibus Prophetis, Iudicibus, deinde etiam Regibus populi sui regimen mandauit: sed quia aliter in populo illo quā generali prouidentia in reliquo mundo, pastoris officium obiret. *hodie si vocem eius*. Secundum Hebræos conditio hæc opponitur ad proximam sententiā: ac si denuntiaret Prophetā non aliter māsurum esse populum in possessione suā dignitatis ac privilegii, nisi in Dei obedientia perstaret. Grecus interpres cum sequenti versu contexit, *Ne obduretis cor-*

*da vestra*: quæ sententiā optimè cohereret. Si tamen placet distinctio, quā ponunt Hebræi, voluit exprimere Prophetā, filios Abrahæ ideo esse gregem manus Dei, quia Deus Legem tuam, quasi pedum, in medio eius erexerat, quo se pastorem ostenderet. Ita particula *et* non erit propriè conditionalis, sed expositiua. Vel pro temporis aduerbio sumetur: ac si dictum esset, hanc esse discretionis notam inter Gentes & Iudæos, quia Deus ad hos vocem suam direxerat: sicut alibi dicitur, non ita fecisse reliquis nationibus, Psal. 147. 20. Dixerat autem prius Moses, Deut. 4. 6. 7, Hæc est nobilitas vestra coram populis. quæ enim est natio sub celo, quæ deos habeat ita appropinquantibus sibi? Solent autem multa Prophetæ à Mose mutuari, vt satis notum est: ac emphaticè demonstrat Prophetā in aduerbio *hodie*, Iudæos esse Dei populum, quum audiāt eius vocem: quia non procul quærendum sit testimonium, sed in re præsentī appareat, & sub oculis versetur. Iubet ergo in eo pastorem agnoscere, quod vocē eius audiāt, quia singulari gratia factum est vt eos familiariter alloqui dignatus sit. Quod alii vertunt, Vtinam, & volunt esse aduerbium hortantis, vereor ne sit coactū. Illud verò alterum concinnè fluit, quando vox Dei assidue in auribus resonat, nec semel tantum Patribus ostendit pastoralis curæ, vel quorannis memoriale aliquod duntaxat prabet, sed continuat hoc munus, satis clarè patefieri electos esse Iudæos in gregem.

8 *Ne obduretis cor vestrum sicut in Meriba, secundum diem Massa in deserto,*

9 *Quando tentauerunt me Patres vestri, probauerunt me, quum tamen vidissent opus meum.*

10 *Quadraginta annos litigani cum generatione hac, & dixi, Populus, ut errās corde: & ipsi nō cognouerūt vias meas.*

11 *Quare iuravi in ira mea, Si introibunt in requiē meā.*

8 *Ne obduretis*. Quia duræ cervicis erant, & difficiles ad obsequiū, postquā Dei gratiā extulit ac celebravit in officio pastoris: ita vicissim admonet vt docilitate & placida mansuetudine se

gregem ouium eius esse probent, ac quo melius tangantur, Patrum contumaciā illis exprobrat. Quanquam autem nomen *מריבה* appellatiuum esse potest vt sit rixa vel contentio: quia tamē non dubium

dubium est quin ad historiam respiciat Propheta quæ narratur Exodi capite 17.2.7, malui ad locum referre: quod idem etiam in nomen **סוּד** competit. Quia tamen in secundomembro additur nomen *deserti*, ad norandum tentationis locum: sicuti magis placeat versio, *sicundum diem tentationis*, nolim contendere. Nec sanè in re tantula opus est nos esse nimis curiosos, nam quòd diuersa loca esse quidam volunt, non assentior. Pluribus deinde verbis duritiæ populi explicat: & quo plus efficaciam habeat sermo, Deum loquentem inducit. Porro sub obduratione cordis nō dubium est quin Propheta quemlibet verbi Dei contemptum significet, quanuis multa sint ac diuersæ species. Nam quum in medium proponitur, videmus ab aliis frigide audiri, & contemptim ab aliis fastidiosè respui, ab aliis superbè reiici, ab aliis etiam furiosè non sine probro & blasphemia proscindi. Quum ergo ex auditoribus alii sint ignaui, alii fastidiosii, alii derisores, alii infani & rabiosi: vitia hæc omnia vno verbo Propheta complectitur. Neque enim cor nostrum molle & flexibile ad Deum audiendum censebitur, nisi reuerenter promptoque ad obsequium affectu excipimus eius doctrinam. Quòd si nulla eius est apud nos autoritas, nihilo plus quàm homini mortali tribuimus: in quo se prodit cordis durities, siue tantum ex fœcordia, siue ex fastu, siue ex rebellionē procedat. Consulto autem odiosa voce vsus est, quo magis execrabilem redderet verbi contemptum: sicuti in Lege, sub Adulterii nomine, quamvis scortationem & impuras libidines damnat: sub nomine Homicidii, omne genus violentiæ & iniuriæ odia etiam & similitates. Ergo quisquis neglectim præterit verbū Dei, neque attentus est ad parendum, quanuis non sit apertè contumax, dicitur tamen esse corde lapideo. Ridiculi tamen sunt Papistæ, dum ex hoc loco liberum arbitrium astruere conantur. Primò notandum est corda omnium mortalium naturaliter lapidea esse: quia Scriptura Ezech. 36.26, quum de corde lapideo loquitur, non restringit vitiū ad paucos, sed in genere pronūtiat qualis sit hominum natura. Cæterum quanuis ingeni-

sit nobis talis prauitas, quia tamen voluntaria est, neque sensu caremus, vt lapides: quisquis Dei verbo se regi non patitur, cor suum iam ante lapideū obdurat, ac proprio sensu conuincitur suæ cōtumaciæ. Neque tamen sequitur, molliem & cor in vtraque partem flexibile, esse in manu nostrat: quia rariæ corruptio vt tota hominis voluntas ad malum inclinet, atque etiam feratur. Seipsum tamē quisque obdurat quoties Deo non obedit: quia malitiæ culpam non potest aliò transcribere.

9 *Quando tentauerunt me Patres vestri.* Oblique significat Propheta, sicuti prius atigi, Iudæos ab initio peruersi ingenii & propè indomiti fuisse. Vile tamen ob duas rationes fuit, crimē Patrum filiis reuocari in memoriam. Scimus quàm procliuus in eorum imitatione sit lapsus: nam & licitū videtur quicquid inualuit, & vetustas semper aliquā reuerentiam sibi vindicat: & domestica exemplum nos exerceant, vt sine dēlectu, loco virtutis arripiant posteri quicquid à maioribus profectum est. Itaque videmus quàm audaciter in Papatu, Patrum autoritas verbo Dei opponi soleat. Adde quòd Iudæi, quibus mos erat gloriari in Patribus, facilius hac in parte decepti fuisset. Ideoque nō abs re Propheta eos à Patribus suis abducit, quòd detestabilis fuerit eorum ingratitudo. Altera est ratio quam prius atigi, vt sci rent necessariò se admoneri, Nam si nulla fuisset Patrum rebellio, excipere pròptum erat, Quorsum præcipis ne obduremus corda, quando hætenus genus nostrum docile ac morigerum fuit? Quū verò Patres eorū ab initio duri fuerint ac præfracti, Propheta non de nihilo se in hoc vitio corrigendo nunc insisteret docet. Quæ sequuntur, possunt bifariam exponi. Nam quum tentare Deum, nihil aliud sit quàm prauo & illicito voto efferri ad querendum virtutis eius experimentum: vno contextu legi possent, Tentauerunt me & probauerunt, quanuis iā opus meum vidissent. Et certè iusta hæc Dei querimonia fuit, quum tot documētis testatam præclare fecisset suam potentiam apud eos, quæsisse tamē nouam probationem. Potest tamen *probandi* verbum aliter sumi, hoc modo, Pp.iii.

Tentarunt me Patres vestri, quum ad tot mea beneficia cecutientes, quærerēt vbinam esset Deus. Probarunt igitur, hoc est, re ipsa experti sunt: quia non destiti apud eos præsentiæ meæ signa palam exerere, adeoque viderunt opus meum. Vtrumvis sensum eligas, huc tendit consilium Prophetæ, minus excusabiles fuisse Iudæos, quod Dei virtutem de qua tot experimentis edocti fuerant, quasi incognitam pateferi sibi cuperent. Quærendo cur illos Deus destitueret cibo & potu, etiamsi nullum antè signum datum esset, suam intemperiem probabant, sed quum Deus exerta manu traxisset eos ex Aegypto, totque luculentis testimoniis se illis propinquum esse monstrasset, vbi dubitant de eius præsentiâ ac si antè fuisset absconditus, peruersa obliuio crimen auget. Itaque omnibus expensis, sic resolvere malo Prophetæ verba, Tētauerunt me Patres vestri, quum tamen satis superque probassent, hoc est sensissent veris & claris documentis me suum esse Deum, imò opera mea illis fuissent conspicua. Atque hæc doctrina aequè ad nos pertinet, nā quo melius testata nobis fuerit Dei gratia & virtus, si adhuc expectimus nouas eius probationes, eo deterior est nostra impietas. sicuti hodie videmus multos miracula flagitare, alios expostulare cum Deo, nisi eorum votis obtemperet. Quæritur tamen, cur Prophetæ, tot historiis præteritis, mentionem tantum fecerit Meriba. Nam quum in ipso Maris transitu iam cœperint contra Deum tumultuari, neque vnquam ab eo die destiterint, crimen vnum exprobrans, videtur suo silentio eos à reliquis absolvere. Sed quum frequentes sint in Scripturis synecdochæ, nihil absurdi erit si dicamus sub vna specie plures notari. videtur tamen alia fuisse ratio cur hoc exemplum Prophetæ maximè eligeret: quia ex Mose promptum est colligere, hunc fuisse extremum ingratitudinis & contumaciæ cumulum, vbi populus propter aquam rixatus est. Scio Interprete aliter sentire: sic tamē res habet, tūc implexisse omnes impietatis numeros, vt solus ille strepitus, quasi omnium actionum castrorūque, palam offenderit insaniabilem esse eorum perniciam.

10 *Quadraginta annos.* Obstinatæ malitiæ crimen exaggerat Prophetæ, quod Deus eum ea tandiu sit luctatus absque profectu. accidere enim interdum solet vt ebulliat aliqua proteruita, quæ momēto postea confidit. Deus autem totis quadraginta annis, sibi aliquid fuisse cum populo iurgia conqueritur. vnde indomabilis prauitas colligi potest. Et *generationis* nomine vtitur in eundem finem. Nam 777 seculum vel spatium humanæ vitæ significat. Ad vnius autem ætatis homines transfert: ac si diceret Prophetæ, quandiu vixerunt Israelitæ quos Deus liberauerat, non potuisse in obsequium subigi. Quidam verbum *וירא* vertunt, Contemptus fui: Græcus interpres, *παροχθον*, Insensus fui, vel exacerbatus. sed Hebræi genium sensum tenent, quod Deus litigando, contumacium habuerit certamen. Quod notabile specimen fuit perditæ eorum obstinationis. Iudicium deinde suum profert: ac si diceret, Postquam tot modis suam impietatem prodiderāt, amentiam eorum plus satis fuisse cognitam. *Errores* verò cordis non extenuandi causa ponit sed vecordes & insanos esse pronuntiat: ac si diceret, sibi negotiū nō esse cū hominibus sensu vel intelligentiā prædiis sed potius, cū bestis. Ad dicitur ratio, quia ad tot Dei operā attēti non fuerint, & præcipuè ad doctrinam. Nam sub voce 777 completitur tā Legē & continuas admonitiones, quā miracula quibus eos Deus erudierat. Mira igitur amentia fuit, quā Dominus familiariter habitasset in medio ipsorū, ac tam verbo quā operibus illustris fuisset eius glōria, clausis oculis omnia præteritis. Hæc ratio est cur eorum torporem amentię damnet Prophetæ: quia in tanta luce quasi cæci errauerint.

11 *Quare iuravi.* Si relatiuum *וירא* in proprio sensu accipere libeat non repugno: sicuti etiam multi vertunt. Græcus interpres similitudinis notam esse putans, reddidit *επι* illatio tamē visa est non malè quadrare. non quod tūc demum priuati fuerint promissa hæreditate quum Deum tētaissent: sed postquam de eorum obstinatione loquutus est Prophetæ in persona Dei, colligit, non frustra interposito inieciurando prohibitor



hibitos fuisse à terrâ ingressu. Assiduo enim scelerum progressu satis superque innotuit, quia corrigi nullo modo poterant, non temere fuisse abdicatos à requie Dei. Clarior enim erit sensus, si legas in tempore plus quàm perfectio, iuraueram. quia ante iurgium illud Deus iam illorum malitiam prævidens, eos ab hæreditate promissa excluderat. Quid autem valeat eclipctica hæc iurandi forma, alibi diximus. Cur etiam terra Chanaan vocetur eius requies, ex promissione petenda est ratio. Abraham enim & eius posterum in ea peregrinati fuerant, donec maturum possessionis tempus veniret, AEGYPTUS temporale hospitium & quasi exiliu fuerat. Quum ergo Deus iam ex pacto, Iudæos in terra Chanaan quasi in iusto patrimonio locare paratus esset, merito vocat requiem suam. Quod tamen adiuvè intelligitur: quia scilicet singulare eius beneficium erat, Iudæos illic tanquam in solo natali & quieto domicilio habitare. Hunc locum Apostoli in tertio & quarto capite ad Hebræos, cum Prophetæ verbis breviter conferre operæpretium est. Quòd Græcam versionem sequitur Apostolus non debet videri absurdū. neque enim ex professo tractandum locum suscipit:

sed tantum insistit in adverbio Hodie, & in nomine Quietis. Primò igitur docet nō restringi illud Hodie ad Legis tēpus, sed propriè aptari Euāgelio, in quo plenius loqui Deus cœpit. Doctrinæ autē perfectio plus attentionis iure postulat. Certè quū Deus loqui nō cessauerit, sed Christo patefacto quotidie nos ad se invitet, utendū est occasione ut eius voci obtemperemus. Secundo loco de requie subtilius disputat quàm ferant Prophetæ verba. Sumit enim hoc principium, Quum sub pœnæ denuntiatione inclusa sit tacita promissio, meliorem requiē populo Dei promitti, quàm in terra Chanaan. Postquam enim illic ingressi fuerant Iudæi, Deus spem novæ quietis Ecclesiæ suæ facit. Definit Apostolus nostri abuegationem esse quæ sit ut Deo in vobis operante feriemur ab operibus nostris. Atque hac occasione verus & Legale sabbatum quod umbratile tantum erat, cum spirituali vitanonitate confert. Quum se in ira iurasse dicit, docet se propè ad hanc pœnam infligendam fuisse coactum: ac si diceret, Non fuit hæc levis vel modica irritatio, sed detestabilis eorum perversitas iram mihi accendit quæ simul extorsit iniurandum.

### ARGUMENTVM PSALMI XCVI.

*Exhortatio est ad laudandum Deum, quæ non solum ad Iudæos dirigitur, sed ad omnes Gentes. Unde colligimus, Psalmum hunc ad regnum Christi referri: quia donec passus fuit mundus non alibi quàm in Iudæa invocari potuit eius nomen: Et tunc quoad hoc pietatis officium, Gentes mutæ erant ac sordæ. Incertum non dubium est quin sub Lege fideles incitauerit Spiritus sanctus ad canendas Dei laudes, donec Christus omnes mundi angulos gloria sua illustrans, illic usque exenderet veræ doctrinæ lucem. Psalmus XCVI.*

**C**antate Iehouæ canticum novum, cantate Iehouæ omnis terra.

2 Cantate Iehouæ, benedicite nomini eius, predicate de die in diem salutem eius.

3 Narrate in gentibus gloriam eius, in omnibus populis mirabilia eius.

1 Cantate Iehouæ canticum novum. Docet exordium quod dixi, Prophetā non solos Israelitas, sed promiscue totū orbem hortari ad testandam pietatem. Quod fieri non potuit donec per Euāgelium Deus passim innotuit. Tenendū

enim semper est illud Pauli Rom. 10. 14. Quomodo inuocabunt eum in quem, non crediderunt? Et quum idem alibi Gentium vocationem probet hoc testimonio, Laudate Gentes cum populo eius Rom. 15. 10, sequitur in laudum Pp. iiii.

concentu esse fidei societatem. Adde quod non vulgare vel vſitatum canticum ſed nouum requirit Propheta. Vnde colligimus, ſermonem haberi de inſolita & extraordinaria Dei gratia. Quē admodum Iſaias 42. 10, vbi de inſtauratione Eccleſiæ loquitur, quia incredibile erat miraculum, dicit, Cantate Domino canticum nouum. Admonet igitur Propheta venturum eſſe tēpus quo Deus inopinato more regnum ſuum erigeret. Clarius iterum exprimit participes fore omnes populos gratiæ Dei, iubens vbique prædicari eius ſalutem: & ſalutem hanc non eſſe caducam vel euaniſcentem, ſed perpetuò vigere confirmat: quia vult de die in diem celebrari.

4 *Quia magnus Iehoua & laudabilis valde, terribilis ipſe ſuper omnes deos.*

5 *Quia omnes dii Gentium vanitates: Iehouah autem celos fecit.*

6 *Fortitudo & decor coram eo, robur & decus in ſanctuario eius.*

4 *Quia magnus Iehouah.* Designat Deum illum, quem vult laudari, ne Gētes pro more in ſuis erroribus vagentur. Ergo vt totus mundus ſuperſtitiones abiciat, ſequē conferat ad veram religionem, oſtendit vnicum Deū omni laude dignum eſſe. Atque hoc magni intereſt: quia niſi hoc fræno ſe cohibeāt homines, quo plus operæ impendent ad laudandum Deum, eo magis eum ſpoliabunt ſua gloria. Itaque hic ordo tenendus eſt, ne temere Dei nomen proſanemus: ſicuti faciunt increduli, falſos deos ornando quos ipſi fabricarunt. Nomen Elohim, tam de Angelis quàm de idolis poteſt accipi, vt Pſalmo 95. 3, diximus. Sed ego in ſententia quam illic dixi, maneo comprehendendi, ſcilicet omne numen quod eſt vel cenſetur: quia Deus per Angelos irradiat totum mūdum, in illis refulgēt Deitatis ſcintillæ. Tam homines dum idola fingunt, de nihilo ſibi deos cōminſcuntur. Docet igitur Propheta perperam falli qui vel Angelis aſſingunt immodicā gloriā, vel ſuis idolis, quæ eos abducant à vero & vnicō Deo. Diſſert poſtea Gentium de-

3 *Narrate in Gentibus gloriā eius.* Aliis nominibus inſignit ſalutem illam, nempe gloriæ & mirabilium: acſi diceret, glorioſam fore & admirabilem. quibus epithetis eam diſcernit ab antiquis liberationibus: vt certe nobilius tunc & præſtātius quàm antehac immēſæ tū bonitatis tum potētiae ſuæ ſpecimen Deus edidit, quum apparuit toti mūdo redemptor. Hæc verò ſalus, vt nuper attingi, Gētibus prædicari non potuit, ſi eius fuiſſent expertes. Monemur autem his verbis, non aliter nos pro merito redemptionem à Chriſto partam ſatis agnoſcere, niſi ad incomparabile miraculū, quod in ea reſplendet, ſenſus noſtros attollimus.

mentiā reſutat, quia vanitas ſit ac nihilū quicquid Deū appellant. Nam id Hebræis valet nomen *הוהוה* quod cōtemptim ad idola tranſſertur. Summa eſt, quia nonniſi in vno mundi opifice vera eſt ac ſolida Deitas, friuolas eſſe & ſtultas religiones quæ purū eius cultum corrumpunt. Quæritur tamen an cenſeri nihilum aut vanitas debeant Angeli: quia multi in eis decepti ſunt, putantes deos eſſe. Reſpondeo, Angelis fieri iniuriā dum in eos tranſſertur Dei maiestas: neque tamen ideo redigi in nihilum eorum naturam, ſed quicquid imaginarium illis aſſingitur, nihilum eſſe. Quamquam de craſſis Gentium erroribus hæc tantum agitur quæ ſibi deos audacter imaginata ſunt. Antequam verò earum commenta Propheta reſelleret, prudenter dixit Deum eſſe magnum & laudabilē: hoc eſt, ſic excellere vt facile infinitas gloriæ eius, quicquid de ſuis idolis ſomnient homines, abſorbeat. Noſcenda eſt etiā Prophetæ fiducia, vbi neglecto mortalium omnium conſenſu, veri Dei gloriā ſtrenuè aſſerit. Magnum tunc & arduū certamen erat veris Dei cultoribus

cultoribus contra tantam turbam & congeriem superstitionum qua refertus erat totus mundus. Verus enim Deus in Iudæa, quasi in obscuro recessu, latebat. Iuppiter ubique erat celeberrimus, tota Asia, Europa, & Africa personabat eius nomen. Quum vnaquæque regio peculiare haberet deos, alibi tamen quoque famam obtinebant: solus verus Deus honore suo carebat. Tametsi ergo conspiciuerat totus mundus in mendacia, Propheta hic ex alto despicit quid sentiant vel suis suffragiis probent cuncti mortales: quia eorum vanitas nihil derogat vniui Dei gloriæ. Vnde sequitur, peruersè ex multitudinis consensu fieri de religione iudicium: quia si vel hominum calculis statueretur religio, vel penderet Dei cultus ex nutu hominum, cederet hæc Prophetæ sententia. Ergo utique innumeri homines in errorem consentiant, liberè clamemus post Spiritum sanctum, non posse eos minuere Dei gloriam: quia vtipluri sunt vanitas, ita vanum est ac fallax quicquid ab ipsis prodit. Iam ubi magnitudinem Dei asseruit, eam simul confirmat: quoniam in mundi fabrica relucet eius imago. Nam quum proprium Dei sit, à seipso esse & sua virtute stare: sequitur commentitios esse omnes deos qui non sunt

mundi opifices. Cælos autem per synecdochen posuit, quia illic magis conspicua est Dei potentia pro modo ornatus & pulchritudinis.

6 *Fortitudo & decor.* Quum 711 fortitudinem significet, non videtur mihi Interpretes probè considerasse rationem contextus dum gloriam vertunt: nam certè in secundo membro, eiusdem sententiæ repetitio est: illic autem dicitur, *fortitudo & gloria in eius Sanctuario*. His autem verbis significat non posse Deum rite cognosci quin resplendeat in ipso incomparabilis virtus & maiestas. Potentiam verò & robur priore loco nominat quasi materiam gloriæ. Et quia Deus per se inuisibilis est, fideles reuocat Propheta ad Sanctuarium, quod symbolum fuisse præsentis eius, alibi vidimus. Quia enim mentis nostræ imbecillitas ad cæli altitudinem non conscendit, Propheta admonet non esse nobis obscuram eius gloriam, quia præsentis suæ insignia extare voluit in Templo, in sacrificiis, in Arca fœderis. Ceterum quoties sit Dei mentio, discamus, gloriam hanc quæ in facie eius resurgit animis nostris concipere: quia mortuam potius essentiam imaginantur, quam viuam Deitatem, qui eius potentiam ab eo separant.

7 *Afferre Iehoua congregationes populorum. afferre Iehoua decus & robur.*

8 *Afferre Iehoua decus nominis eius, tollite oblationem, & intrate in atria eius.*

9 *Adorate coram Iehouah in decore Sanctuarii, tremite à facie eius tota terra.*

7 *Afferre Iehoua congregationes populorum.* Quum tunc Deum maneret laus in Sion, & locus ille sacer esset ad celebrandum Dei nomen, sola etiam Abraham posteritas sacerdotio ornata foret, non dubium est quin hic Propheta Ecclesiæ renouationem designet, quæ tandem contigit Christi aduentu. Est igitur antithesis inter veterem populum & Gentium familias, quæ tandem futuræ erant eiusdem adoptionis consortes. Porro *afferre gloriam & fortitudinem*, tantum valet ac gloriam fortitudinis tribuere. Atque vti ostenderet nihil afferre homines de suo, sed Deum iusta lau-

de impiè fraudare nisi eum celebrent, adiungit postea *gloriam nominis eius*, quo verbo significat non aliunde eum mutuari, sed penes eum residere quicquid laudis sibi tribui postulat. Gentes etiam diserte ad eundem cultum cum Iudæis Deo præstandum inuitat: non quod externo ritu qui olim præscriptus in Lege fuit, nunc colendus sit a nobis Deus, sed vnâ significat fore regulam vel formam pietatis in quam consentiunt omnes populi. Atqui nisi diruta fuisset maceria, fas non erat Gentibus communiter cum filiis Dei ingredi Sanctuarii atria. Clarum etiam vaticinium



est de futura Gentium vocatione, quæ aggregari in sacrum cœtum non poterant, donec purgata esset earum immundities. Erat quidem species vna tantum sacrificii Min hab: sed Propheta sub ea complectitur totum Dei cultum, quia hæc magis ordinaria erat pietatis professio. Patet autem ex hoc loco, sicut ex pluribus aliis, vbi de regno Christi agunt Propheta, sub ætatis suæ symbolis notare internum Dei cultum. Neque enim placitas sibi Deus offerri voluit post Christum exhibitum: sed perinde est ac si diceret Propheta, fores Templi quæ olim clausæ fuerant, apertum iri Gētibz. Quibus autem sacrificiis nunc coli Deus velit, Apostolus breuiter docet in epistola ad Hebræos. Quo minus ferendi sunt Papistæ dum hæc testimonia ad suam Missam vel alias nugas detorquent. Aprè interea colligere ex hoc loco licet, veros Dei cultores vacuos ad eius conspectum non accedere: sicut iubemur, nos & nostra omnia offerendo in sacrificium rationale ei cultum præstare, 1. Pet. 2. 2.

9 Adorate coram Iehoua. Prosequitur adhuc eandem sententiam. nam quod olim Deus oblationes exegit à populo suo, non id fecit quod hominum officii indigeat, sed vt fidē suam profiterentur. Docet igitur Propheta quorsum pertineat oblatio cuius meminit, vt scilicet prosternant se coram Deo fide-

10 Dicite in Gentibus, Iehoua regnat. Utique stabilietur orbis, non commouebitur: indicabit populos in rectitudinibus.

11 Latentur cali, & exultet terra, tonet mare & plenitudo eius.

12 Exultet ager, & quicquid in eo est, simul iubilent omnes arbores sylvæ

13 Coram Iehouah: quia venit, quia venit ad iudicandam terram: indicabit orbem in iustitia, & populos in veritate sua.

10 Dicite in Gentibus. Iterum inculcat, non vigere Dei cultum nisi vbi ad regendum præsidet. Quandiu enim solum Dei fuit in angulo Iudææ, cultus eius verè profiteri nō poterāt Gētes, quum imperio non parerēt. Ergo regnum eius Propheta ad vltimas mundi

les, sequē totos & quicquid habent, extēntur eius esse. Ac iterum de Templi pulchritudine meminit, ostendere volens, Gentes cooptandas esse in nouum honorem, vt corpus vnum cum electo populo efficiant. Id verò quo tempore compositus fuit Psalmus, vulgò minime credibile fuit, profanas Gentes promiscuē cum sancto genere Abrahæ admissum in Templum iri. Sed eo nobis testatior meritò esse debet nostra vocatio, quæ tunc monstri loco habita fuit: quia certò nobis constat nō nisi Diuinitus apertam nobis fuisse salutis ianuam. Pulchritudinis autem nomine templo reuerentiam conciliat Propheta, ne temere profiliant homines in conspectum Dei, sed metum & humilitatem asserant. Eodem pertinet clausula versus, *Contremiscite à facie eius*: vt reputantes quanta sit Dei maiestas, suppliciter coram eo se incuruant. Nequē tamen terrere voluit Dei cultores vt fugaret ab eius accessu: (quibus nihil dulcius vel iucundius esse debet quàm ipsum quærere) sed quia nos humiliari necesse est, vt vere & seriò Deum colamus. *Pulchritudo* autem vel decor *Sanctuarii* non in argento vel auro, non in pretiosa materia vel quadratis lapidibus, vel reliquo splendore & opulentia situs erat, sed in imagine celestis prototypi qui Mōsi ostensus fuerat in monte, Exod. 25. 9.

plagas extendit, vt sub eius auspiciis in vnum coalescant qui prius fuerant dispersi, Et per verbū *dicite* significat Deū verbo suo & doctrina propagari velle regni sui fines. Notatu verò dignum est quod subicit de *stabilitate orbis*, et si enim scimus naturæ ordinem ab initio

Diuinitus

Diuinitus fuisse positū, eundē sēper solem lunā & stellas resplenduisse in cælo, iisdem alimētis quibus fideles sustentatos fuisse incredulos, & eundē traxisse spiritum vitalē: tenendum est omnia esse confusa, & horribilem *etætur* instar diluuii mūdum in tenebris demersū tenere quādiu impietas hominū animos occupat: quia extra Deū quid stabile esse potest? Nō immerito igitur docet hic loc⁹ stabiliri orbem, vt amplius nō nutet, vbi rediguntur homines sub manum Dei. Vnde etiā descendum est, quanuis suū officium peragāt singulæ creaturæ, nihil tamen esse in mundo ordinatum, donec regiam sedem sibi Deus figat regendis hominibus. Quæ enim vastitas magis deformis est, quā vbi creator ipse non agnoscitur? Iam vtcunque sibi placeant increduli, semper tamen fluctuari necesse est, & vitā eorū pēdere de filo, quia in Deo fundatus non est eorum status. Atque hīc memoria repetere conuenit quod vidimus Psalmo 46. 6, Deus in medio vr̄bis sanctæ, ideo non commouebitur. Neque etiā displicet, quod adhuc omnia in Lege suspensa essent, oblique conferri cum illis præludiis plenum felicitatis statum qui sub Christo futurus erat. Postea regnū hoc, æquitatis plenum fore prædicit, sicuti Psalmo 46, versu sexto, vidimus, Virga rectitudinis virga regni tui. *Iudicandi* verbo quoduis regimen notatur apud Hebræos. Quod si Deo hic regnandi modus est, vt vitam hominum ad æquitatem formet ac componat, primò colligere licet, vtcunque sibi placeant homines, omnia tamen esse tortuosa, donec eos Christus sibi subiiciat. Hæc autem reſtitudo, non ad externas modò vitæ actiones refertur, sed est iterior cordis nouitas, quia pēdet à Spiritu regene

ratione qua refingimur ad imaginē Dei.

II *Latentur cæli.* Quo melius amplifiet magnitudinem gratiæ Dei, vbi cunctos homines dignatur sub manum suam colligere, ipsas quoque brutas creaturas, sicut arbores, terram, mare & cælos ad societatem latitiæ inuitat. Neque enim metonymicè de Angelis vel hominibus loquitur, quia multos quoque pisces resonare præ gaudio iubet. Hyperbolica igitur est loquutio, qua exprimit nihil esse magis optabile vel beatū, quā sub Dei fide esse. Interea significat, Deum minime regnare more tyrannico vel formidabili, sed plenam suauitatis & latitiæ esse eius potestatem. Nā quod expauescunt impij simul ac erigitur Dei solium, hoc illis accidentale est. Cæterum talis est hyperbolæ quæ ratione non caret: quia sicuti nunc omnia elementa parturiunt ac gemunt nobiscum, teste Paulo, Rom. 8. 22, quia propter nos obnoxia sunt corruptioni: ita non mirū est si ea exhalare mundi instauratio ad quam anxie aspirant. Ex hoc etiā loco quā furiosa sit hominum latitia colligimus vbi sine Deo lacuiunt. In vltima clausula clarius docemur, quādiu abscondita est nobis Dei facies, nullam veri gaudij scintillam nobis micare. Exultant (inquit) à facie Dei, quia venit. Quod si mare & terram occupat mœstitia donec appareat Dei aduentus: quid nobis futurum est, quibus propriè incumbit horribilis maledictio? Et quia res erat creditu difficilis, bis repetit Propheta, simulque diffinit reſtitudinē illam quā nuper attigerat, quod scilicet Deus *iustitia sua & fide mūdū gubernabit.* Vnde sequitur, non nisi luce iustitiæ Dei & veritatis, prauitatem & hypocrisim, quæ hominibus ingentiæ sunt, discuti ac purgari.

### ARGVMENTVM PSALMI XCVII.

*Hic quoque Psalmus describit regnum Dei quale sub Lege non exstabat. vnde sequitur vaticinium esse de Christi regno quod per Euangelium repente illuxit. Cæterum Propheta Deum ampliitudine & gloria ornat quæ meritis ad similitudinem cegat cunctos mortales. Deinde vt amorem & gratiam conciliet Dei regni, admonet non aliud spectare, quā in hominum salutem.*

Psalmus XCVII.

**I**ehoua regnat, exultet terra, latentur insula magna.

2 *Nubes & caligo in circuitu eius, iustitia & iudicium locus solus eius.*

3 *Ignis coram facie eius ambulabit, & exuret in circuitu inimicos suos.*

4 *Illuxerunt fulgura eius orbi, videbit ac tremiscet terra.*

5 *Montes tanquam cera fluxerunt à facie Iehoua, à facie Domini totius terræ.*

1 *Iehoua regnat.* Homines ad lætitiā inuitans, satis declarat nunquam Deum regnare quin simul affulgeat salus & plena felicità. Gaudium verò commune toti mundo faciens, adeoque transmarinis regionibus, significat regnum Dei quod tunc angustiis Iudææ finibus erat inclusum, long. fore amplius, quia ad Gentes usque propagabitur. Proximis quatuor versibus cælestem Dei gloriam suis insignibus exornans Propheta, ad eius reuerentiam subigere voluit cunctos mortales. Nam proponitur in hunc finem formidabilis eius maiestas, vt fastum & prauam carnis confidentiam sub se prosterнат ac conterat. Scimus in conspectu nubili calis plus esse terroris quàm ferena luce: quia obscuritas sensus nostros contrahit. Itaque Prophetam non dubito incutere hoc symbolo terrorem, quo magis reuerenter Deum mundus exciperet. Alii subtilius exponunt, nubem esse in circuitu Dei, quæ temeritatem & audaciam humani ingenii compescat, ne in excutiendis eius mysteriis plus æquo sibi permittant qui nimium curiosi sunt. Etsi autem cōtinet sensus ille vtilem doctrinam, quia tamen argutiis non oblector, retineo illud consilium Prophetæ, quod fuligine so Dei conspectu percellere velit corda hominum, vt tremiscant. Quod etiam confirmat reliquos contextus, vbi dicit ignem coram eo ambulare qui hostes exurat, fulgura eius concutere terrā, adeoque montes liquefacere. Siquis excipiat non conuenire hanc formidinem cum

gaudio cuius nuper meministi: Respondet opimum, quanuis Deus solus sum erigendo, quantum in se est, beare omnes paratus sit, non omnes tamen beneficii capaces esse. Deinde tenendum est quod prius attingi, vtilem hanc admonitionem esse fidelibus, vt protecta carnis altitudine, Deum suppliciter adorent. Solum verò eius in iustitia & iudicio locans, regnum Dei à fructu quem inde percipimus, commendat: quia quum nihil miserius sit, quàm sine iustitia & iudicio viuere, laudem hanc specialiter Deo vindicat Propheta, quod regnando, æquitatem solus in mundo restituar vt certe exultat à nobis omnibus, donec Spiritu mansuetudinis Deus ab subeundum verbi sui iugum nos flectit ac domat. Sed quia magna pars hominū per uicaciter imperium Dei reicit & excutit, cogitur Propheta pingere seueram Dei faciem: vt doceat non impune celsuram impiis præfractā suam malitiam. Quia autem, nisi Deum sibi appropinquantem reuerenter & placitè excipiant homines, duplicatur eorum impietas: iure hæc vindictæ denuntiatio aptatur ad regnum Christi. Qui verò Deum in Filii sui vnigeniti persona contēnunt, dicite Prophetæ eos tandem velint nolint sensuros quàm tremenda sit eius maiestas. Hoc enim intelligit verbo *videndi*: quia dum vident impii frustra se conari, vesano impetu contra Deum quærere incipiunt subterfugia & latebras. Propheta autem hac hebetudine consequi posse negat vt se à Dei facie abscondant.

6 *Annuntiauerunt cali iustitiam eius, & viderunt omnes populi gloriam eius.*



7 *Pudescant omnes serui sculptilis, qui gloriantur in figmentis: adorent coram eo omnes dii.*

8 *Auduit & latata est Sion, & exultauerunt filie Iuda propter iudicia tua Iehoua.*

6 *Annuntiauerunt cali.* Tam illustrem fore Dei iustitiam affirmat, vt cæli quoque futuri sint eius præcones. Distinguit autem quod hic dicitur, ab illa sententia Psalmi 19. 2, Cali enarrant gloriam, &c. quia illic docet tantum Dauid in celorum fabrica lucere imaginē sapientiæ & potestatis Dei: ac si eas Deus vocali testimonio assereret: hic verò spiritualitatem iustitiam quam Deus manifestabit sub regno Christi, totam fore dicit vt celos & terram impleat. Ac multum vehementiæ habet ista prosopopœia quum celos de iustitia Dei loquentes inducit, ac si ad eos quoque penetrasset eius sensus.

7 *Pudescant omnes.* Hic Prophetæ, sicuti proximo Psalmo, verum Deū ab omnibus hominum figmentis apertè discernit, ne elogia quæ protulit, quisque ad commentitiam Deitatem rapiat. Facile admittimus Deum laudari: sed, vt ad superstitionem sumus proclives, vix centesimus quisque continet se in puro Dei cultu: sed simulacrum fit Dei mentio, labimur ad nostra deliria. Et quāuis quisque sibi fingat peculiarem deum, in tam confusa varietate nobis placeamus. Hæc ratio est cur tam sollicite Prophetæ, dum homines hortantur ad Deum cultum, ne falsos deos adorēt, simul designant quisnam sit verus Deus. Sed in ordine Prophetæ hoc quoque notatu dignum est, non aliter euanesce præuas superstitiones, nisi dum obtinet vera religio. Nam quia pro sensu sui tarditate ad verum Deum non perueniunt, necesse est eos in suis mendaciis errare: quæ sola Dei cognitio discit ac purgat, non secus ac sol fulgore suo tenebras dispergit. Ingenita est hominibus religio aliqua: sed quia talis est non solum imbecillitas mentis nostræ, sed etiam cecitas ac stupor, vt conceptum Deitatis sensum statim deprauet: hinc fit vt religio initium sit omnium superstitionum: non id quidem sua natura, sed quia obtenebratæ sunt hominum mentes, vt verum

Deum ab idolis non discernant. Simul autem ac innotuit Dei veritas, fugandis & procul abigendis superstitionibus satis est efficax. Nam si sol (vt diximus) quæcunque aerem offuscant impedimentum absorbet, quid non efficiet ipse Dei conspectus? Non mirum igitur si Prophetæ de regno Dei præfatus, profanis Gentibus insultat, quæ in fictilibus gloriantur: sicuti Iesaias cap. 19. vers. 1, vbi de exortu lucis Euangelicæ loquitur, mox addit, Tunc cadent omnia sculptilia Aegypti. Porro quum Dei cognitio homines latuerit, ne miremur si tam variae superstitiones mundum ab initio occupauerint. Quæ eadem ratio nunc quoque valet. nam apud Turcas, Iudæos, & Papistas scimus extinctam esse veram doctrinæ lucem. quare aliter fieri non potest quàm vt obstupefacti iaceant in suis erroribus: quia impossibile est nisi agnito vero Deo, redire ad sanam mentem, vt eos errorum poeniteat. Nā Prophetæ in verbo *pudescant*, significat tempus esse vt qui dediti fuerant superstitionibus, resipiscant, & se conferant ad verum vniuersi Dei cultum. Non quod tangantur promiscuè omnes vera poenitentia: (videmus enim hodie multos Lucianicos homines, excussis superstitionibus, meretriciam impudētiā induere) sed Dei cognitio fructum hunc ex se profert, vt homines damnatis erroribus, ad Deum se conuertant. Qui verò pernicaciter resistit Deo, (sicuti hodie videmus multos in Papatu manere obstinatos) non tamen dubium est eos intus prosterni, vt cum sua contumacia confusi iaceant. Quum postea dicit, *Adorent coram eo omnes dii*, quanquam propriè in Angelos id competit, in quibus relucet aliqua Deitatis particula, potest tamen impropiè ad deos fictitios extendi: ac si dixisset, Quicquid habetur pro Deo, cedat, & se submittat, vt emineat Deus vnus. Atque hinc colligi potest vera definitio pieratis, quum scilicet verus Deus in solū colitur, & ita vnus eminet, vt nul-

la creatura eius numē obscuret: ac nisi velimus inter nos pessundari verā pietatē, tenendū est hoc principiū, Ne qua creatura à nobis vltra modū euehatur.

8 *Audit & letata est.* Quanquā prius commune gaudium fecerat toti mundo, nunc peculiariter electum populum appellat: primū quia ei oblata sunt gaudii primitiæ: deinde vt tollatur omnis æmulatio & inuidia. Quauis ergo dixerit Gentes æquandas esse filiis Abrahamæ, nunc addit, hac societate nihil decedere Iudæis: quin potius iustā esse lætitiæ causam, quod Deus ex eorum fonte totum mundum irriget. Ceterū, Propheta de legitimis tantū Abrahamæ filiis loquitur, qui dupliciter gauisi sunt vbi Deus imperium suum & gloriā ab

ortu solis vsque ad occasum extendit: primò quia tunc Deus promissam redemptionem in solidum exhibuit in Christo: deinde quod Dei gloriā, quæ latuerat in Iudæa, viderunt vbique diffundi. Nec parua fuit fidei confirmatio quum Gentes secundum vaticinium se benedicere nt in semine Abrahamæ: & religio quæ exosa vel contempta fuerat, passim recipereur. Sed cur potius audisse dicit quā vidisse? Respondeo, hoc verbo vsum fuisse Prophetam ob duas causas, nempe vt fideles antequam id completum esset, gaudium tamē ex spe iam conciperent: deinde significat longē latēque spargendam esse Euangelii gloriā, vt eam fama potius quā intuitu cognituri sint Iudæi.

9 *Quia tu Iehoua excelsus super totam terram, valde exaltatus es supra omnes deos.*

10 *Qui diligitis Iehouam, odio habete malum: custoditis animas mansuetorum suorum, e manu impiorum eripiet eos.*

11 *Lux seminata est iusto, & rectis corde letitia.*

12 *Gaudete iusti in Iehoua. & celebrate memoriam sanctitatis eius.*

9 *Quia tu Iehoua* Quia iam alibi exposui verba, pluribus non insistam. Solum notanda est comparatio inter Deum & Angelos ac quicquid eminet. Nam omnem altitudinem Propheta in ordinem ita cogit, vt penes vnum Deū resideat omnis maiestas. Id autem tūc plenius contigit, dum in Filio suo vni-genito apparuit Deus, qui viua est eius imago. Sicut enim prius obscurior erat eius notitia, sic minus conspicua fuit exaltatio.

10 *Qui diligitis Iehouā.* Hic Dei cultores ad colendā integritatē hortatur, sicuti etiā Paulus 2. Tim. 2. 19, dicit, Discedat ab iniquitate quisquis inuocat nomē Domini. Probat igitur à natura Dei nullos ab eo agnosci vel censi in numero seruorum suorum, nisi qui à malitia discedunt, vt se addicant rectitudini: quia quum sit fons omnis iustitiæ, omnem iniquitatem odio habeat necessesse est: quia se ipsum abnegare non potest, idēque hæc lege nos sibi deuinctos tenet, vt nobis dissidium sit cum omni

iniustitia. Quia tamē hostium prauitas sæpe nos ad vindictam sollicitat, nec videmur salui posse euadere nisi malis artibus: vt his tentationibus occurrat Propheta, pronuntiat Deum esse suorum custodem. Nam qui sub Dei tutela se agere persuasi sunt, non certant cum improbis, neque retaliant acceptas iniurias, vicissim nocendo si la si sunt, sed suā salutē fido eius protectori cōmendant. Ita fratrum nobis iniicitur, ne molestum sit vel graue abstinere à malitia, & seruare puras manus, quauis nos improbi lacestant, vbi Deus animas nostras in custodiam recipere dignatur.

11 *Lux seminata est iusto.* Confirmat proximam sententiā, ac simul obiectionem anticipat quæ contrā afferri poterat. Videmus enim sæpe iustos male & indignē tractari ac si hostium libidini expositi forent. Respondet igitur Propheta, quauis non statim suos liberet Deus, arcana tamen virtute tueri eorum salutē. Ac duplex est metaphora in priore membro versus. Nomine enim lucis

lucis lætitiā designat vel prosperum successum (quæ loquendi ratio passim occurrit in Scriptura) sicuti res aduersæ conferuntur tenebris. Posterior metaphora in voce Sationis videtur aliquotò durior. Quidam dicunt seminari lætitiā iustis, quemadmodum semen, quum proicitur in terram, emoritur vel lateat aliquandiu occultum antequā germinet. Quam sententiā tametsi non improbo, nescio tamen an hic sensus simplicior sit, Quauis iusti vix locum in mundo inueniant, saltem non audeant in publicum prodire, & quasi demersi lateant, Deus tamen eorum felicitatem instar seminis longè latèque disperget:

vel lucem gaudii, quæ cōstricta est, producet. Secundum membrum versus, exegesis est prioris: *lætitiā* enim pro luce ponit, & *rectos corde* pro iustis. Atque hæc definitio iustitiæ notanda est, quòd scilicet non sit externa larua, sed sinceram cordis integritatem requirat, ut non sufficiat linguas, manus & pedes à maleficio continere, si cupimus coram Deo iusti censerī. Tandem vltimo versus pios hortatur ad gratitudinem, ut scilicet persuasi Deum esse suum liberatorem, eius gratiæ acceptam vitam suam referant: & quicquid acciderit, contenti sint eius præsidio.

## ARGVMENTVM PSALMI XCVIII.

*Affinit est hic Psalmus nonagesimo sexto, nec modò simile est argumentum, sed in verbis etiam conueniunt. Summa est, ubi propagata fuerit Dei cognitio per totum orbem, magis quàm antehac conspicuam fore eius gloriam: tum quia Redemptore exhibito, plenior promissionibus generi Abrahamæ datis effectus constabit: tum quia salus repente exorietur toti mundo: qua ratione iubet magnifici nomen Dei celebrari. Psalmus XCVI II 10*

**P**salms, *Cantate Iehouæ canticum nouum, quia mirabilia fecit, salutem peperit ei dextera sua, & brachium sanctitatis eius.*

2 *Notam fecit Iehoua salutem suam, in oculis Gentium reuelauit iustitiam suam.*

3 *Recordatus est bonitatis suæ & veritatis erga domũ Israel: viderunt omnes fines terræ salutem Dei nostri.*

1 *Cantate Iehoua.* Diximus, his verbis notari exquisitam & non vulgarem gratiarum actionem. Quod etiam ex ratione mox addita patet, nepe quia Deus mirabiliter & incredibili modo salutem suam in medium protulerit. Nā de miraculis loquutus, ea specialiter ad summam vnam restringit, quòd Deus salutem sibi acquisierit propria virtute. Quibus verbis significat non humanis mediis, vel ordine consueto, sed inaudito hæcenus modo seruata fuisse Ecclesiam. Miraculum hoc pluribus verbis extollit Iesā. cap. 59. 16, Respexit Deus an esset auxiliator: miratus est neminem esse qui intercederet. Itaque salutem sibi fecit brachio suo, & se iustitia sua firmavit. Vtroque loco brachium Dei ordinariis mediis opponitur: quæ tametsi nihil derogant potentiæ Dei, eius tamē aspectum quasi vela quædā obicurant.

perinde est ac si dixisset Propheta, Non vtetur Deus vsitatis modis ad seruandum mūdũ, sed prodibit ipse in mediũ, ut appareat salutē hanc mirificum esse eius opus. Meritò igitur concludit, hanc admirabilem Dei bonitatem, & quæ incomprehensibilis est humanis ingentis, summis laudibus prædicandam esse. Secundo versus idem clarius exponit, patefactam esse dicens *salutem & iustitiam eius Gentibus*. Quid enim minus sperari potuit, quàm in dēsis illis tenebris ignorantia & cæcitatibus, repente exorituram esse lucem: & in profunda iniquitatum abyssũ, iustitiæ locum fore? Quòd autem salus, quæ effectus est iustitiæ, priore loco ponitur, tametsi inuersus est ordo, id tamen rarum non est, nec absurdum videri debet, vbi de beneficiis Dei habitus est sermo, modũ qui ordine præcedit, explicationis causa adungi.



Porro iustitia Dei ex qua manat salus hominum, non in eo sita est quasi illis rependat quod meriti sunt: sed specimē est bonitatis eius, gratiæ, & fidei, ut alibi dictum est.

3 *Recordatus est.* Postquam de generali reuelatione salutis loquutus est, peculiarem Dei gratiam erga electum populum proprio elogio commendat. Etsi enim Gentibus ac Iudæis communiter se Deus in patrem obtulit, à Iudæis tamē exorsus est, ut essent quasi primogeniti. Hæc enim Gentium gloria est, quod cooptatæ sint ac insitæ in sanctā Abrahæ domum: & ex promissione Abrahæ facta, fluxerit communis totius mundi redemptio: sicuti etiā dicit Christus, Salus ex Iudæis est, Io. cap. 4. vers. 22. Quare meritò dicit Propheta, Deū in mundo redimendo, *fidei* quam dederat populo Israel, *recordatum esse*. Quibus etiā verbis docet, non alia causa indutum fuisse, nisi ut fideliter præstaret quod fuerat pollicitus. Ac quo melius exprimat promissionem non immeritis

vel iustitia hominum fundatam esse, *bonitatem* priore loco nominat, deinde *filem* adiungit quæ ex ea pendet. Summa est, Deum non exiisse extra se, ut loquantur, sed causam reperisse in gratuita sua bonitate, & mero beneplacito quod pridem Abrahæ & eius posteris testatum fecerat. Recordandi autem verbum, ad sensum hominum refertur: quia diuturna suspensio, quædam obliuio videri poterat. Siquidem à die promissionis, ultra duo annorum millia præterierant antequam exhibitus fuerit Christus: & interim tot malis & cladibus subinde afflicti sunt fideles, ut mirū non sit anxie gemuisse, ac si à spe videndæ & fruendæ redemptionis deiectione foarent. Quod continuò post additur, *fines omnes terræ vidisse salutem Dei*, non tantum ad commendationem spectat, ac si dixisset memorabile fore salutis genus, cuius fama ad ultimos vsque terræ fines perueniret: sed etiam significat, Gentes quæ prius suis deliriis fascinatæ fuerant, fore eius participes.

4 *Exultate Iehoua omnis terra, resonate, & exultate, & plaudite:*

5 *Psallite Iehoua in cithara, in cithara & voce cantici:*

6 *Intubis & voce buccinæ psallite coram Rege Iehoua.*

7 *Resonet mare, & plenitudo eius: orbis, & qui habitant in eo.*

8 *Flumina plaudent manu, simul montes exultent:*

9 *Ad conspectum Iehoua, quia venit ad indicandā terram: indicabit orbem in iustitia, & populos in rectitudinibus.*

4 *Exultate.* Repetit exhortationem qua initio usus fuerat, quā ad Gentes dirigens, satis ostendit vnam fore Ecclesiā in toto mundo, ubi Deus diruta maceria, in eundem fidei consensum omnes colliget. In musicis instrumentis ratiudit haud dubiè ad temporis sui molem. Interca noluit Gentes cæremoniis legalibus obstringere. Cæterum, in ver-

borū repetitione vehemētia est: ac si dixisset, quālibet ardēter conentur homines celebrare mundi redēptionē, nullas tamen laudes gratiæ magnitudinī pares fore. Quod etiam ex sequētibz melius patet, ubi rebus inanimatis sensum tribuit. Sed quia totus hic contextus alibi expositus fuit, nunc pluribus dicendis superfedeo.

#### ARGVMENTVM PSALMI XCIX.

Psalmus hic à superioribus in vno differt, quòd regnum Dei & laetitiam qua inde consequitur, ultra Iudæa fines non extendit: sed potius ob adoptionis priuilegium, filios Abrahæ à reliquis Gentibus separari, illos peculiariter ad Deum laudandum exstimulat.

Psalmus XCIX.

I Iehoua

**I**ehoua regnat, contremiscant populi: habitans inter Cherubim, moueatur terra.

2 *Iehoua in Sion magnus, & excelsus ipse super omnes Gentes.*

3 *Confitebuntur nomini tuo magno, & terribili: sanctū est.*

4 *Et robur Regis iudicium diligit: tu statuisti rectitudines, iudicium & iustitiam in Iacob tu fecisti.*

1 *Iehoua regnat.* Tantū populos iubet contremiscere quos prius ad latitiam vocabat. Nam quia vndique obfessi hostibus erant Iudæi, operæ pretiū fuit Dei potentiam apud ipsos extolli, ut scirent illius præsidio se contra omnium odia & furores semper tutos fore. Verbum *יְהוָה*, ut alibi vidimus, nunc cōtremiscere, nunc irasci Hebræis significat: denique refertur ad quemlibet motum, siue ex iracundia nascatur, siue ex timore. Itaque nunc intelligit Propheta, Deum in liberatione electi populi virtutem patefacturum quæ conturbet omnes Gentes, easque tandem sensuras quantopere insanierint in suam perniciem. Dicitur enim regnare Deus, hominum respectu, dum se magnificis potentia documentis in sublime attollit: quia dum opem suam occultat, audacius proteruiunt increduli, ac si nullus esset.

2 *Iehoua in Sion.* Tenēda est illa cuius memini, antithesis, Deū esse magnum in Sion ad perdēdos & in nihilū redigēdos Ecclesiæ suæ hostes. Quod autē addit cōtinuō post *excelsus est super omnes populos*, nō ita debet accipi quasi præsideat in eorum salutem, sed ut dissipet eorum consilia, conatus disturbet, totū robur euerat. Iam quod de celebrando Dei nomine sequitur, non pertinet ad omnes gentes, sed tantum, meo iudicio, gratitudinem à fidelibus requirit Propheta. Et si enim confessionem extorquet Deus ab hostibus deuictis, quia tamen eius gloriæ obstrepere non desinunt, atque etiā blasphemias euomere, illis non congrueret quod dicit, Confitemini nomini Dei quia sanctum est. Fideles ergo propriè compellat, quos ad Dei nomen sponte

celebrandū cognitio sanctitatis eius incitat.

4 *Et robur Regis.* Posset esse comminatio ad hostes terrendos: ac si diceret Deum fortitudine armatum esse ad vlciscendas iniurias: quia iustitiam & æquitatem diligit. Sed malo hoc ad Ecclesiā referre, quod scilicet ea lege subsit Dei imperio, ut iustitiam & integritatem colat. Nō malè etiā quadraret alius sensus, nefas esse imaginari tyrannicum in Deo imperium: quia perpetuus consensus sit inter potentiam eius & rectitudinem. Sed dum expendo totum contextum, non dubito, ubi Deum in Regis folio locuit Propheta, qui de modo regnandi nunc disserat. Nā addit statuisse *rectitudines & æquitatem*. Quod tamen barbariam potest accipi, vel quod Deus in Lege sua perfectam æquitatem populo suo mandauerit: vel quod iustitiam suā & æquitatē semper approbauerit in fouendo & tuendo populo. Et si autem verissimum est, in Dei operibus & iudiciis semper refulsisse summam iustitiam, videtur tamē probabilius de doctrina hoc intelligi, quod Deus qui iustitiam amat imperii formā instituerit in populo Israel, quæ optima esset probe iustæque viuendi regula. Ita verbum *facere* improprie sumetur pro mandare vel præcipere. Nisi forte hoc postremū de ipsa Dei gubernatione seorsum accipere placeat, quod mihi non displicet. Nihil enim ad præstandum Deo obsequium magis animat fideles, vel in studio seruandæ Legis confirmat, quàm dū re ipsa experiuntur Deo se esse curæ: & quam à suis iustitiam sermone requirit, factis mutuo præstare.

5 *Exaltate Iehouam Deum nostrum, & adorate ad scabellum pedum eius: sanctus est.*

6 *Moses & Aaron in Sacerdotibus eius, & Samuel inter inuocantes nomen eius, clamauerunt ad Iehouam, & ipse respondebit eis.*

7 *In columna nubis loquutus est ad eos, custodierunt testimonia eius, & statutum quod dedit illis.*

8 *Iehoua Deus noster, tu respondisti illis, Deus propitius fuisti illis, & ultor super opera eorum.*

9 *Exaltate Iehouam Deum nostrum, & adorare ad montē sanctitatis eius, quia sanctus Iehoua Deus noster.*

5 *Exaltate Iehouam Deum.* Exhortatio hæc ad solam Ecclesiam propriè dirigitur, vt Dei gratiam experta, eo se alacrius ad cultum pietatis addicat. Iudæos ergo ad Deum, qui tam præclare illis opitulatus est, extollendum incitat, & iubet cultum in Lege mandatum offerre. Vocatur quidem sæpe alibi Templum, Dei sedes vel domicilium, vel requies, aut domus habitationis. Quòd autem hic vocatur scabellum pedum eius, optima est huius metaphora ratio. voluit enim Deus ira habitare in medio populi, vt non teneret defixas mentes in externo Templo, & Arca fœderis, sed sursum potius attolleret. Ergo Domus vel habitationis nomen ad fiduciam valuit, quo familiariter pii omnes accedere ad Deum auderent, quem videbant vtrò sibi occurrere. Sed quia procliues sunt hominum animi ad superstitionem, vitium hoc corrigi oportuit, nequid de ipso Deo carnale vel terrenum conciperent, neque subsisterent in externis signis. Propheta ergo templum vocans scabellum pedum Dei, pios altius consergere iubet: quia immensa sua gloria cælum & terram replet. Hoc tamen modo admonet, non alibi quàm in monte Sion legitimum Deo cultum præstari. Nam stylum ita temperat, vt pias mentes supra mandum attollens, nihil tamè derogat sanctitati Templi quatenus locum illum in terra vnicū elegerat Deus vbi inuocaretur. Hinc videmus quàm frustra post Augustinū, multi se torqueāt, quomodo iubeat Propheta adorari scabellum pedum Dei. Subtilis est Augustini responsio, Si ad Christum hominem respicimus, inquit, inuenta est ratio qua

piè adoretur scabellum Dei. Corpus enim assumpsit ex terra, in quo vult adorari: neque tamen aliud quàm Deus adoratur in terra hac: quia & terra, Deitatis est habitaculum, & Deus ipse terra fieri dignatus est. Hoc totum dictū quidem plausibile est, sed nihil ad Prophetæ mentem, qui discrimen ponere volens inter legalem cultum (quem solum Deus probabat) & Gentium superstitiones, filios Abrahamæ ad Templum tanquam ad vexillum euocat: vbi tamè spiritali modo colere Deum iubet, quia cælestem gloriam inhabitat. Nunc vmbis abolitis, fateor non aliter rite Deum coli, nisi vbi nos rectè ad Christum cōferimus, in quo habitat plenitudo Deitatis. Sed improprie & absurde scabellum quis vocaret: quia hac loquendi forma docere Propheta voluit, Deum visibili Templo minimè inclusum esse, sed querendum esse supra omnes cælos, sicuti toto mundo superior est. Nimis putide verò hoc loco abusi sunt phrenetici Græcorum Episcopi in secunda Synodo Nicena, vt probarent Deum in statuis & picturis adorandum esse. Causæ redditio antithesin continet. nam Propheta nomē vnus Dei sanctificans, profanat omnia Gentium idola: ac si diceret, Quamuis suis idolis imaginariam sanctitatem arrogent Gentes, sunt tamen mera vanitas, abominatio, & sterquilinia fetoris plena. Alii vertunt, quia sanctus est. sed parebit ex fine Psalmi, Prophetæ fuisse consilium, hoc epitheta Deum ab omnibus idolis discernere.

6 *Moses & Aaron.* Hac nota commendat peculiarem gratiam qua Deus semen Abrahamæ dignatus est, quòd inde sibi



sibi delegit Prophetas & Sacerdotes, qui ad sanciendum salutis fœdus quasi intermedii spōsores forent. Ac tres quidem nominat, qui primis temporibus excelluerunt. Moyses enim ad populum Deo conciliandum fuit quasi stipulator: Aaron eodem functus est officio: postea Samuel eandem sustinuit personam. Neque tamen dubium est quin sub his tribus personis complexus sit totum populum cum quo Deus fœdus pepigerat. Sed nominatim hos recenset qui huius incomparabilis thesauri fuerant depositarii & custodes. Quod Moſe dicit fuisse in Sacerdotibus, posset videri absurdum, quum eius filii tantum fuerint inter vulgares Leuitas, nec ipse post Legem latam, summi Sacerdotii honorem vnuquam vsurpauerit. Sed quia כוהנים Hebræi primarios homines vocāt, quales sunt filii Regum: nihil impedit quominus Moſen hoc nomine insignierit Prophetam, ac si dixisset vnum ex sacris Ecclesiæ proceribus. Deinde si ad primam originem respicimus, Moſes certe, antequam Lex lata esset, summo Sacerdotio fuit præditus. Tenendum autem Prophetæ consilium est, quod Deus nō modo adoptauerit genus Abrahæ: sed quo certior esset fides fœderis, quosdam voluerit esse Mediatores, quibus inuocandi sui nominis partes iniunxit. Nam *inuocatio* cuius meminit, non qualilibet intelligenda est, sed sacerdotalis: nempe quia internuntii erant Diuinitus electi, qui totius populi nomine in Dei conspectum ptodirent, ac pro omnibus verba facerent. *Clamarunt ad, &c.* Apertius explicat quod iam dixi, Deum singularibus beneficiis ab initio prosequutum fuisse Abrahæ filios, idque gratuiti tantum fœderis respectu. Nam quotquot vnquam in Iudæos contulit beneficia, ex fonte illo manabant. Ideoque quoties experti sunt Deū propitiū, primæ illius gratiæ memoriam renouare illos oportuit. Disertè etiam visibile *columna* nubis symbolum commemorat Prophetam, quo Deus testatam in omnes ætates suam præsentiam voluit: sicuti temporalibus signis vsus est Deus non modo in eorum gratiam quibus exhibita fuerunt, sed qui deinde sequuti sunt. Quauis ergo Deus non semper columnam

nubis obtulerit oculis veteris populi, quia tamen ea est hominum tarditas vt Dei præsentiam non sentiant nisi admoniti externis signis, Prophetam merito reuocat Iudæos ad memorabile hoc pignus: quia Deus Patribus in deserto palam apparuerat, vt certò persuasi essent posteri, eum sibi quoque propinquum semper fore. Consultò autem addit illos seruasse testimonia Dei, vt alias ætates sub eodem obsequio contineat.

8 *Iehoua Deus noster.* Admonet fuisse exauditos, quia mutuum erat inter Dei gratiam & eorum pietatem consensus. Ergo sequitur, eorum exemplo posteros sic debere Deum inuocare, vt non modo eius nomen in supremis labris resonent, sed sincero affectu custodiant eius fœdus. Interea admonet, quod Deus non tam benigne & largiter gloriam suam illustrat omnibus seculis, hominum culpa id accidere: quia posteritas vt plurimum à fide patrum vel desciscit, vel certè declinat. Nihil enim mirum, vbi refrigescit pietas in mundo Deum quoque manum suam subducere vel saltem non exerere tam illustri modo. *Deus propitiū tu fuisse.* Quod antehac de Moſe, Aaron & Samuele dixit, ad totum populum spectasse, ex his verbis clarius apparet. Et certè non sibi priuatim Sacerdotes ibi erant, sed in communem populi salutem. Quare Prophetam non incommode à tribus illis transitum facit ad reliquum populi corpus. Nam relatiua neque ad tres personas restringo, neque de iisdem hominibus præcisè interpretor, sed potius statum Ecclesiæ notari existimo, quod scilicet Deus ad Sacerdotum suorum preces Iudæis fuerit propitiū, & tamen seuerè animaduertit in eorum peccata. Ab vna enim parte celebrat Dei gratiam, quum tam indulgenter populum illum fouerit, ac tam clementer pepercerit eius delictis. Ab altera autem parte commemorat tremenda exempla, quibus vltus est eorum ingratitude, vt posteri se ei obedienter subiicere discant. Semper enim tenendum est, quo liberalius nobiscum agit Deus, eo minus ferre vt ludibrio sit eius liberalitas. In clausula Psalmi sententiam repetit quam habuimus versu quinto:

ac pro scabello pedū ponit *montem sanctitatis*: & quod propter breuitatem obscurius ante dixerat *וַיִּבְרָךְ*, nūc plenius explicat, *Sanctus Iehoua Deus no-*

*ster*. Vult enim, Deum non fortuito coli ab Israelitis, (sicuti Gētium religio à sola opinione pendebat) sed eius cultum in fidei certitudine fundatum esse.

## ARGVMENTVM PSALMI C.

*Inscriptio vice argumenti sufficere nobis debet: deinde ipsa breuitas longiorem sermonem non postulat. Fideles autem propriè ad Deum laudandum inuitati, quòd eos sibi elegerit in populum, & in suam curam suscepit.*

*Psalmus C.*

**P** *Salmus ad laudandum. Exultate Iehoua omnis terra.*

2 *Servite Iehoua in latitia, venite in conspectum eius in exultatione.*

3 *Cognoscite quòd Iehoua ipse est Deus, ipse fecit nos, & non ipsi nos, populus eius, & grex pascuorum eius.*

1 *Exultate.* Partem duntaxat cultus Dei attingit, quæ in reputandis eius beneficiis & gratiarum actione sita est. Quia autem promiscuè compellat totā terram, videtur Spiritu Prophetico ad tempus respexisse quo ex variis Gentibus colligenda erat Ecclesia. Iubet igitur in lætitia Deum coli: significans ita beneficium esse erga suos, ut largam gaudiū materiam eis suppeditet. Quod melius tertio versu exprimit, ubi primò hominum audaciā castigat qui sibi & plures deos & multiplices eorū cultus fingendo, perperam à vero Deo descueverant. Quoniam ergo deorum turba obruit ac sepelivit veram vniū Dei notitiā, eiusque gloriam lacerat: meritò admonet Propheta cunctos mortales, ut ad sanam mentem reuersi, Deum suo honore spoliare desinant: & eorum amentiam coarguit, quòd non contenti vno Deo, in suis cogitationibus euanescant. Nam utcumque verbo fateri cogantur omnes, esse aliquem Deum celi & terræ opificem, mox tamen eius gloriam huc & illuc distrahūt. Atque hoc modo ipsa Diuinitas, quantum in ipsis est, redigitur in nihilum. Quia ergo res ardui negotii sit, retinere homines in puro Dei cultu, non abs re à consueta vanitate Prophetam mundum reuocans, cognoscere iubet quòd Deus sit Deus. Tenenda enim est breuis eius notitiæ definitio, dum scilicet ei integrum relinquitur ius suum, nec opponitur vlla Deitas quæ eius nomen

obscurer. In Papatu quidem relinquitur ei suum nomen: quia tamen eius gloria in duabus syllabis minimè inclusa est, certum est pro Deo non agnosci. Sciamus ergo non stare rectum Dei cultum donec correctā fuerit impia gloriæ eius profanatio quam superstitiones secum afferunt. Postea singulare eius beneficiū prædicat, in quo reputando fideles præcipue suam operam vult consumere. Videtur quidem hoc esse nimis vulgare, quòd *Deus nos fecerit*: sed ut taceam de communi ingratitude, quòd vix centesimus quisque seriò vitam suam Deo acceptā refert, quanuis dū virgētur, non negent se de nihilo creatos esse, quisque tamen sibi Deus est, & seipsum adorat, dum arrogant omnes suis viribus quod Deus suum esse pronuntiat. Deinde tenendum est, Prophetam non de cōmuni creatione hīc agere, ut alibi diximus: sed de spiritali regeneratione qua imaginem suam in electis refingit. Solos ergo fideles hīc Propheta docet esse opus Dei, non quatenus in ytero formati sunt homines, sed quo sēsu Paulus ad Ephes. 2.10, vocat eos *το ποιεῖν* Dei, quia conditi sunt ad bona opera quæ præparauit ut in illis ambulent. Idque ex contextu melius liquet. Nam ubi dicit nos esse populum eius & gregem pascuorū eius, specialem certè gratiam notat, qua sibi Deus in peculium segregauit filios suos, ut eos tanquam sub alis foueat. Quod multo præstantius est quàm homines nasci,

nāsci. Iam si quis gloriatur, se factum esse hominem à seipso: quis non detestetur tam putidum sacrilegium? Nec verò tribuere terrenis patribus hoc licet, quòd nos propria virtute genuerint. quid enim efficeret putridum semen? Atque non dubitant maior pars spiritua- lis vitæ laudē ad se trahere. Quorsum enim tendunt liberi arbitrii præcones, nisi vt persuadeāt propria industria nos

consequi vt filii Dei ex filiis Adæ fiamus? Atqui Propheta *populum Dei* nos vocando, gratuita eius bonitate nos spiritualiter regenitos esse docet. Per *gregem* verò *pascuorum* significat eadem gratia nobis saluum manere vsque ad finem quod semel datum est. Posset etiam secus legi, Fecit nos *populum suū*, &c. sed quia nō mutatur sensus, retinui quod magis receptum erat.

4 *Ingredimini portas eius cum laude, atria eius cum exultatione: celebrate eum, benedicite nomini eius;*

5 *Quoniā bonus est Iehoua, in seculum misericordia eius, & usque in generationem & generationem veritas eius.*

4 *Ingredimini portas.* Clausula exordio ferè similis est, nisi quòd mentionem admiscet legalis cultus: quo tamē simpliciter admonet, non aliter rite de fungi fideles in gratis Deo agendis, nisi etiam in solenni pietatis professione se exerceant. Interea Templi nomine significat Deum nolle nisi ex Legis suæ præscripto coli. Porro vt sciamus assiduam nobis præberi materiam laudandi Dei, dicit *misericordiam eius manere*

*in secula, veritatem quoque eius perpetuā.* Quum ergo nobiscum ita agere non desinat, plusquam turpe nobis esset in sol- uendo laudis sacrificio defatigari. Cur veritatem adiungat misericordiæ, alibi diximus. Nam, vt sumus insipidi, misericordiam Dei, dum se palam exhibet, ne palpando quidē sentimus, donec sacrum os suum ad testandum nobis pateternum amorem aperiat.

## ARGVMENTVM PSALMI CI.

*David, quanquam nondum potiebatur regno, quia tamen Rex iam Diuinitus creatus erat, se cōparat & accingit ad optimū gubernandi modum: neque solum hac pia meditatione se ad præstandum regiū munus excitulas: sed votum Deo nuncupans, fidem se eius ministrum fore promittit, vt maturam impetret possessionem.*

*Psalmus CI.*

**D**Auidis Psalmus. Clementiam & iudicium cantabo, tibi Iehoua psallam.

2 *Prudenter agam in via perfecta, donec venias ad me: ambulabo in integritate cordis mei in medio domus meæ.*

3 *Non statuat coram oculis meis rem perversam, opus declinatum odio habeo, non adhærebit mihi.*

4 *Cor prauum recedet à me, malum non cognoscam.*

5 *Detrahentem clam proximo suo, hunc disperdam: elatū oculis & largum corde, hunc ferre non potero.*

**I** Clementiam. Quod de cantu me- minit, sic intelligant lectores, profiteri hoc Psalmo quod apud se meditat- erat, qualis scilicet Rex futurus esset simulac promissum solum foret adeptus. Cantare ergo clementiam, & iudicium

tantundem valet ac testari solenni verborum nuncupatione, se fore iustum & æquum Regem. Augustinus subtiliter accipit, quòd laudandus sit Deus siue ho- mines seuerè puniat, siue misericordem se illis præstet. Sed David hic nō de ar-

*Qq.iii,*



canis Dei iudiciis, sed de legitima regni administratione concionatur, vtrū verbis quā factis suæ vocationi respōdeat. Quū dicit, *tibi Iehoua pſallam*, Dei beneficium se agnoscit ad tam præclarum & honorificum munus esse destinatum: quia superbæ temeritatis fuisset vltro se ingerere. Non abs re autem regias virtutes duabus his partibus complectitur, clementia & iudicio: quia sicuti præcipuum Regis munus est, suum cuique ius reddere, ita sollicitus erga suos amor & humanitas in eo requiritur. Nec abs re dicit Solomo, Clementia stabiliri so-  
lium, Prou. 16. 12.

2 *Prudenter agam.* Hic significat Dauid probè se expendere quā difficile sibi onus sit impositū vbi Rex creatus est. Scimus, & experientia docet, omnes ferè Reges suo splendore esse ebrios: nec prouerbiū illud temere olim in vsu fuit, Aut Regē, aut fatuū oportuit nasci. Malè quidem interpretabantur, quia scilicet vt plurimum contingit eos qui rerum potiuntur, stultos esse & fatuos, Et certe notabilis est Dei vindicta, quod bestię, & indigni qui cenſeantur in hominum numero, summa imperia vt plurimum occupent: sed quauis Reges non nascantur stulti, eos tamen excæcat sua dignitas, nequid se debere cogitent suis subditis, vt se insolenter efferant, securè se demergant in suas delicias, tandēque sui obliuiscantur. Prudenter ergo se acturum, vel, quod idem valet, summopere attentum fore prædicat: quia rara virtus est, eum qui omnia potest, ita esse temperantem, vt nihil sibi licentiæ permittat. Qui ergo summo imperio præditus, non tentat malè agendo quid possit, sed seipsum frænā suā modestia, vera intelligentia præditus est. Denique testatur, se aliis Regibus nō fore similem quos infatuat sua dignitas: sed pro magnitudine oneris curam se adhibitarum vt intelligenter munus suū impleat. Et notandum est quod prudentiam in *via perfectæ*, siue rectitudine statuit. Vnde colligimus, secundum Deum minimè sapere tyrannos qui ingenium suū ad prauas astutias conferunt, nouas artes quotidie excudunt ongrandis & grauandis subditis: denique non nisi ad nocēdum acuti sunt.

Vt talis vafrities multis displiceat, certè hæc Regum censeatur optima prudentia, & summis laudibus extollitur, si ad propagandos suos fines sint attenti, & exquisitis etiā artificib. polliceant. Atqui non aliam sibi prudentiam appetit Dauid quam quæ sit integra: magistra. *Donec venias.* Duplex est lectio: quidam interrogatiue vertunt, Quando venies? ac si peteret Dauid non se differri in longiorem moram. Et certe iusta ei gemendi & exostulandi fuit ratio, quā tandiu se inopia premi & misere per diuersa exilia iactari videret. Præstabat enim, vt antè homo pecuarius fuerat, ignobilè degere in tugurio patris, quā in Regem vngi, vt a patria eiectus, in summo dedecore & odio ageret. Ego tamen sine interrogatione legere malo, vsquedum, vel quando. quod tamen ipsū paulo aliter interpreto quā plerique: nempe quod Dauid quauis adhuc maneat priuatus homo, necdum sibi promisso iure regio fruatur, seclatari tamen interea integritatem non differet. Sensus ergo est, Domine, quauis longius me suspensum teneas, ego nihilominus integritati studebo. Ita *medium domus suæ* palatio & publicis ædibus opponit: ac si diceret, mira priuatos parietes.

*Nisi tuum coram oculis.* Postquā professus est se in priuata vita probitatis & iustitiæ cultorem fore, sicuti etiam bonos Principes hinc auspicari decet: nunc addit, se in gerendo Principis officio hostem fore iniustitiæ & sceleribus. Rem enim *peruersam coram oculis ponere* tantundem valet ac sibi proponere aliquid impiè agendum. Auersum igitur ab omni scelere se fore pronūtiat: vt certè nemo iustus & æquabilis erit iniustitiæ vltor, nisi qui ab ea penit' ex animo abhorret. Vnde sequitur, non præstare officium Reges, nisi puri sint ab omni prauo consensu. Quidam *ניוץ* simul contextunt, subaudientes literam *ה*, ac si dixisset, Non proponam mihi quicquā impiè agendum. vel, Nulla prauitas mihi adlubesceat, vt eam exequar. Sed alter sensus probabilior est, quod vbi testatus est Dauid se nihil iniquitatis coram oculis suis passurum, mox ad confirmationem addat, se inimicū fore omnibus maleficiis. In po-  
stremo

fermo membro mutatio numeri est, si ad personas declinantium referas. Potest tamen de opere ipso commodè exponi: acsi dixisset, nullis impiis defectio nibus se fore affinem.

4 *Cor prauum.* Quòd prauum cor nonnulli de perfidis hominibus accipiunt, tanquam coactum repudio. Dein de còtextus reclamation. nam quum expositiuè mox addiderit, *malum non cognoscam*, priore mēbro haud dubiè se immunè fore à perfidia & prauitate affirmat. Ac summa est Dauidè operā dauurū vt sibi caueat ab omni maleficio: & quid sit proximis injuriā facere, nesciat.

5 *Detrahentem.* Hoc versu clarius differit de Regis officio, qui gladio armatus est ad coercendos improbos. Nā etsi meritò bonis omnibus displicet obtrectatio, superbia, & alia vitia, non est tamē eorū cuiusque è medio tollere superbos vel obtrectatores: quia non sunt instructi publica potestate, sed mansuēt ligatas. Atque hæc distinctio tenenda est, vt in modestia se contineant filii Dei, nec quisquā vocationis suæ fines trāsiliat. Nam certè quandiu priuatus vixit Dauid, nunquam ausus fuisset hoc tentare: sed solio impositus, gladium sumpsit: è manu Dei quem ad vlciscenda maleficia exereret. Species autem quasdā designat, vt persynecdochen significet se omniū scelerū fore vindicem. Pestis apprime noxia est, clancularia & furti-

ua detractio. perinde enim est acsi quis hominē per insidias occidat: imò calumniator, non secus ac veneficus incautos opprimit. Atque hoc signum est peruersæ & proditoria naturæ, ita lādere alterius famam vt non sit defensionis locus. Malū ergo hoc quia nimis passim grassatur, & tamen minimè est tolerabile in hominum vita, Dauid vlciscendum suscipit. Superbos deinde duabus loquendi formis notat. *Altos oculis* vocat, non quòd supercilia attollat quisquis superbus est: sed quia vt plurimum elato vultu produnt superbi animi sui altitudine. Vocat *latos corde* quia inflatos esse & turbulentos necesse est qui ad res magnas aspirant. Nihil enim illis satis est nisi deglutiāt totum mundum. Atque hinc colligimus, nō vigere rectum ordinem, nisi Principes reprimendæ superbiæ sedulo inuigilent, quæ secum necessariò & ferociā & crudelitatē trahit, parit contumelias, rapinas, & quoduis iniuriæ genus. Ita fiet vt simplices & quieti homines, potentiarum libidini expositi sint, nisi opposita Principum autoritas, eorum audaciam arceat. Iam quum velit Deus piis Regibus detestabilem esse superbiam, certum est ei perinde exosam esse: ideòque à filiis suis placidam mansuetudinem requirit, quia professus est eorum omnium hostis qui emergere altius conantur quàm ferat ipsorum conditio.

6 *Oculi mei ad veraces terræ, vt habitent mecum: ambulans in via integra, hic ministrabit mihi.*

7 *Non habitabit in medio domus meæ faciens fraudem: loquens fallacias non statuetur coram oculis meis.*

8 *In matutinis perdam omnes impios terræ, ad exterminandum ex urbe Iehouæ omnes operarios iniquitatis.*

6 *Oculi mei.* Ponit aliam virtutem cordati principis, sibi fore curā dicens, vt familiares sibi reddat veraces terræ, eorūque vtatur opera, & vt integros habeat ministros. Quidā generaliter accipiunt hanc particulā vt *meum habitent* hoc sensu, Non negligā bonos & innoxios: neque pariar iniustè vexari, sed faciam vt tranquillo statu mecum fruantur. Sed potius significat sibi de-

lectum fore, ne promiscuè assumat hos vel illos, sed prudenter, qualis sit quisque, discernat, vt cōiunctis imos sibi habeat qui integrè viuunt, eosque publicis muneribus praficiat. Ac *veraces* primo loco ponit: quia etiam si quis virtutibus excellat, nisi tamen fidei & integritati sit deditus, nunquā rectè in iudiciis versabitur. Hoc autem notatu dignum est, quia licet optimus sit Princeps, nisi

tamen respondeant ministri, eius innocentia vix ad subditos perueniet. Nam quum ministri sint Principum manus, quicquid ille statuerit, sceleratè peruerrent si auari sint, vel fraudulentis, vel rapaces. quod plus satis experientia notum est. Maior quidem pars Regum, præteritis bonis & integris, imò procul valere iussis, data opera ministros appetunt sui similes, & ad tyrannidem suam appositos: sed in bonis & moderatis hæc quoque mollities apparet, vt pessimis consiliis regantur, & publica munera inconsideratè prostituunt.

7 *Non habebitis.* Potest hic versus tam de aulicis omnibus qui publica iudicia exercent, exponi, quàm de ministris domesticis. Sed quum nuper in genere de omnibus officiariis loquutus sit, videatur nunc sermonem propriè habere de cohorte regia. Nam hinc omnes corruptelæ: si primarii Regum amici, & alii familiares qui eorum aures occupant, fallaces sint ac dolosi, suo exemplo quasi signum licentiæ attollent. Et fieri non potest vt qui domum suam temperanter non continet, tenendis populi gubernaculis sufficiat. Vilescit enim in publico authoritas quæ ne domi quidem gradum suum tenere potest.

8 *In matutinis.* Tandem concludit præcipuam curam se adhibiturum vt terram purget improbis & sceleratis hominibus. Dicit autem manè, quia si residues sint ac lenti Principes, non satis tempestiuè occurrerent sanandis malis. Principiis ergo obstandum: modò ne iracundiæ indulgeat iudex, vel se inconsideratè præcipitet. Plurali etiam numero notatur continua strenuitas: quia non satis esset ludicem semel atque iterum pœnas de improbis seuerè & acriter exigere, nisi in hanc curam perseueranter intentus esset. Damnatur autem hac voce in Principibus segnitie, vbi improbos videntes audacter ad peccandum ruere vel metu vel indulgentia diè de die trahunt. Meminerint ergo Re-

ges & Magistratus se gladio armatos esse, vt Dei iudicia strenuè & maturè exequantur. Non potuit quidem David purgare omnibus inquinamentis terram, quantumvis animosè in eâ rem incumberet: sed tantum promittit se absque vllius personæ respectu seuerum fore iudicem ad tollendos omnes impios. Iudicibus autem sæpe obstat timiditas, ne satis viriliter malos proteruentes compescant. Quare necesse est esse præditos spiritu inuictæ magnitudinis, vt freti Dei auxilio, munus sibi iniunctum peragant. Deinde ambitio & gratia flexibiles eos reddit ne æquabili tenore scelera vbi oportet puniât. Hinc colligimus quantopere placeat Deo seueritas quæ modum non excedit: & quàm rursus non probetur crudelis humanitas quæ improbis habenas laxat: sicuti nulla est maior peccadi illecebra quàm impunitas. Ideo tenendum illud Solomonis, Prou. 17.15, Qui iustificat impium & condemnat innocentem, vterque abominatio est Deo. Emphaticum etiam est quod addit *vt noxios exterminet in ciuitate Dei.* Nam si profanis etiam Regibus communiter mandata est scelerum vindicta, sciebat David sanctiori vinculo se astringi, quum Ecclesiæ Dei præesset. Et certè qui tam honorificum locum obtinet, nisi conatus omnes suos conferant ad purgandas sordes, quantum in se est polluunt Dei Sacrarium: nec solum erga hominis infideliter se gerunt, bonorum salutem prodendo, sed etiâ in Deum ipsum sunt sacrilegi. Iam quum regnum David obscura tantum fuerit regni Christi imago, statuendus nobis est in medio Christus, qui etsi patitur multos hypocritas, quoniam tamen futurus est mundi iudex, vocabit tandem omnes ad rationem, & segregabit agnos ab hædis. Quòd si videtur longiorem moram facere, cogitandum nobis est de aurora illa quæ repente exurget, vt sordibus purgatis vera puritas refulgeat.

## ARGVMENTVM PSALMI CII.

*Videtur hæc precator fuisse dilata fidelibus quum in exilio Babilonico languerent. Primum autem morbi & supplicis de suis afflictionibus queruntur. Deinde Vrbis sanctæ & Templi restitutione Deo commendantur. Et quo maiore fiducia concipiunt suas preces, promissiones Dei commemorant de felici tam Regni quam Sacerdotii regeneratione: nec tantam liberationem sibi promittunt ab exilio, sed etiam precantur vt Deus*



Deus Reges & populus sub obsequium suum coegit. Tandem interposita rursus brevis querimonia de crisi & afflicto suo statu, solatium petunt ex Dei aternitate: quia seruos suos in spei meliorum adoptauit, à communi hominum sorte segregauit.

Psalmus CII.

**P**recatio afflicto, quando constrictus erit, & coram Iehoua effundet meditationem suam.

2 Iehoua audi precem meam: & clamor meus ad te ueniat.

3 Ne abscondas faciem tuam à me in die afflictionis mee: inclina ad me aurem tuam, in die quo clamo festina, responde mihi.

1 *Precatio.* Quisquis ex Prophetis fuerit author Psalmi, certum est eum distasse precandi formam pro Templi & Urbis reparatione. Quod restringitur quidam ad tempus quo impediabatur à vicinis gentibus Templi ædificatio, mihi non placet: potius existimo ante rediitum populi, quum iam instaret promissæ redemptionis tempus, compositum fuisse Psalmum. Tunc enim ceperunt Prophetæ magis erigere piorum animos, iuxta illud uaticinium Iesajæ 4.1, Consolamini, consolamini populum meum, dicit Deus uester. Consilium autem Prophetæ fuit non modò animare populum ad fiduciam, sed curam & sollicitudinem iniicere pro Ecclesiæ salute. Inscriptio ostendit in quem usum & finem destinatus fuerit Psalmus. Nam qui in præterito tempore vertunt, Oratio afflicto dum fuit constrictus, & effudit suam meditationem: uidentur malè sensum reddere. Quin potius uoluit eorum anxietati succurrere quorum uidebat collapsos animos: acsi diceret, Quauis eos cōstringat mœror & desperatio, esse tamē adhuc precandi locū. Quidam uerbum *קוּוּ* uertunt, dum se absconderet: ac putant metaphoricè exprimi gestum precantis, dum præ mœrore faciem erigere non sustinens, quasi in sinum se reuoluit & implicat. Mihi autem uidetur concinna esse allusio, dum ab una parte, angustiarum animi & restrictio ponuntur: ab altera autem, precationum effusio: ut sciamus adeo non claudi ianuam precibus nostris dum contracti dolore: lucem & conspectum hominum fugimus, ut tunc uerè opportunum sit tempus orandi: quia hæc unica curis nostris leuatio

est, dum liberè corda nostra effundere licet coram Deo. Verbum quidē *קוּוּ* sæpe capitur pro orare: sed quia significat meditari, nomen ex eo deductum hîc propriè est meditatio. Notandum est præterea, his uerbis admonitos fuisse Israelitas quomodo animis compositos esse deceret dum conciperent hanc precandi formam, acsi diceret non aliis se eam præscribere nisi quos angebat Ecclesiæ clades

2 *Iehoua audi.* Hæc uehementis iterum ostendit non dictata fuisse uerba quæ securi & hilares effunderent. quod factum non fuisset absque crasso Dei ludibrio. Testatur enim sic loquendo, se diros cruciatus perferre, & ardere ingenti desiderio obtinendæ leuationis. Quare hæc uerba ore nemo resonare poterat, quin profanaret Dei nomen, nisi accederet serius animi affectus. Et circumstantia quæ dixi notanda est, nos à Spiritu sancto ita expergefieri dū pro communi Ecclesiæ salute orandus est Deus. Nam quum priuatim sibi curam quisque gerat, vix centesimus quisque Ecclesiæ malis, ut par est, afficitur: quo magis stimulis opus est sicuti Prophetam uidemus multa uerborum congerie frigus & tarditatem corrigere. Cordis (fateor) partes essent linguam mouere & dirigere ad precandum: sed quia sæpe flaccescit, uel lentè & pigrè munus suum exequitur, lingua adminiculo opus habet. Est hîc igitur aliquid reciproci: quia sicuti cor præire uerba debet ac formare, sic & lingua ipsa cordis torpori opitulatur. Fieri quidem sæpe potest ut fideles orent non tantum serio, sed etiam ardentè, nec tamen uilla uox

ab ore exeat: non tamen dubium est quin per clamorem intelligat Prophetam vehementiam, ad quam erumpere cogit dolor.

3 *Ne abscondas.* Quod rogant ne faciem suam abscondat Deus, non est superuacuum. Nam quum iam per annos septuaginta fere contabuilset in exilio populus, auersus poterat videri Dei fauor. Sed in extrema afflictione iubentur tamen ad preces confugere tamquam ad vnicum remedium. Dicunt enim se clamare *in die afflictionis*, non ut solent hypocritæ, qui fremendo tumul-

tuantur: sed quia se à Deo tunc vocari sentiunt. *Festina, responde.* Quia de his loquutionibus alibi fufius fuit dictum, nunc breuiter tenere fufficiat, Deum vbi per mittit nobis infirmitates proprias sine pudore coram se detegere, & ineptias nostras sustinet, plusquam indulgenter nobiscum agere. Certè coram eo querulari ut pueri solent, eius maiestate minime dignum esset, nisi hanc licentiam vltro concederet. Libenter vtior hoc nomine, ut sciant infirmi qui ad Deum accedere trepidant, tam comiter se inuitari nequid à familiari accessu eos retardet.

4 *Quia consumpti sunt ut fumus dies mei, & ossa mea quasi focus exuta sunt.*

5 *Percussum est tanquam herba & aruit cor meum, quia oblitus sum comedere panem meum.*

6 *A voce gemitus mei adhaferunt ossa mea carni meae.*

7 *Similis factus sum pelicano deserti, fui quasi bubo solitudinum.*

8 *Vigilans, & fui quasi passer solitarius super tectum.*

4 *Quia consumpti sunt.* Sunt quidem hyperbolica loquutiones, sed quæ tamen verè exprimunt quàm grauiter pios animos fauciare debeat Ecclesiæ desolatio. Atque in hac parte seipsum quisque diligenter examinet. Nisi enim Ecclesiæ præferimus aliis omnibus curis, indigni sumus qui censeamur inter eius membra. Et quoties occurrunt istæ loquendi formæ, sciamus nobis exprobrari nostram ignauiam, quia Ecclesiæ incommodis minus afficimur quàm decebat. Dies suos fumo comparat: ossa autem, foci lapidibus, quos temporis successu ignis tandem absumit. Per ossa verò intelligit quicquid est roboris in homine. Et certè nisi sensu carerent, fieri non potuit quin illud triste spectaculum iræ Dei siccaret eorum ossa, totumque vigorem absumeret.

5 *Percussum est.* Sequitur tertia similitudo, vbi dicit cor suum instar herbe percussæ esse emarcidum, ac prorsus aridum. Plus autem quiddam exprimere voluit Prophetam, quàm si dixisset cor suum esse arefactum, & ossa ad siccitatem redactam nempe sicut herba quum

secatur, non amplius potest terræ succum haurire, nec retinere quem a radice vigorem trahebat, sic intelligit cor suum quasi euulsum vel resectum, naturalibus fomētis destitui. *oblitus sum comedere.* Hoc est, tātus fuit mœror, ut neglexerim ordinarium cibum. Edebant quidem in exilio fideles: & hoc fuisset impiæ desperationis signum, inedia se conficere: sed intelligit se mœrore constrictum respuisse omnia oblectamenta, ut etiam cibo & potu se fraudaret. Quamquam autem solitum victum omittunt fideles, dum voluntario ieiunio iram Dei suppliciter deprecantur: non tamen de hac inediæ specie nunc loquitur Prophetam, sed quam affert maior vis tristitiæ vna cum ciborum fastidio & radio rerum omnium. Tandem addit corpus fuisse quasi tabidum, ut ossa cuti adhærerent.

7 *Similis factus sum.* Pro nomine pelicani, alii onocrotalon, alii cucullum ponunt. pro bubone Græcus interpres nycticoracè reddidit. Sed quia aues sūt Iudæis quoque incognitæ, simpliciter tenere sufficiat, notari hoc versu funestas aues,

aves, quæ in latebrosis montibus ac desertis habitant, quarum adeo amœnus & suavis cantus non est, vt horrorem potius incutiat: ac si diceret, se ab hominum consuetudine remotum similem prope fuisse bestia sylvestri. Et certè quæuis degerent fideles in regione culta & fertili, certum tamen est totam Chaldaeam & Assyriam instar deserti illis fuisse, quum Templum & patria vnde

eiectioni erant, obstrictas teneret eorum mentes. Tertia similitudo à passere sumpta, luctum inquietudinis plenè denotat. Et si enim **וַיִּסַּח** quamlibet auem significat, hic tamen non dubito pro patere accipi. Solitarium autem vocat, quia viduatus sit comparare. Scimus autem auctulas illas tam impatienter viduitatem ferre, vt fere luctum omnem superent.

9 *Quotidie exprobrarunt mihi inimici mei: & insanientes in me per me iurauerunt.*

10 *Quia puluerem tanquam panem comedi, & potum meum cum fletu misui.*

11 *A facie indignationis tue & ira tue: quia extulisti me & proiecisti me.*

11 *Dies mei tanquam umbra inclinata, & ego tanquam herba arui.*

9 *Quotidie.* Hac circumstantia sibi misericordiam conciliant fideles, quòd hostibus suis non tantum sint ludibrio, sed etiam execrationi. De hac ergo indignitate conqueritur Propheta, quòd electo Dei populo impii tam probrose insultent, vt etiam mutentur, ex eius cladibus iurandi formulam. Hoc autem fuit Iudæos sumere quasi insigne maledictionis exemplar. Hodie verò quum peræque sibi fræna laxent impii ad petulantiam, discamus his armis nos munire, quæ hoc tentationis genus quamlibet asperum superent. Nam Spiritus sanctus hanc precandi formam dictando, testari voluit, Deum talibus contumeliis moueri vt suis succurrat, quemadmodum habetur apud Iesaiam 37.23, *Quem probris affecisti? & cui conuitiatus es? contra quem exaltasti vocem? nempe contra Sanctum Israelis.* Dixerat autem proximo antè versu Despexit te, filia Sion: super te concussit caput, filia Ierusalem. Hæc certè inestimabilis est consolatio, proteruia hostium nostrorū magis accendi Deum, vt se ad opem nobis ferendam accingat. Secundo membro crudelitatem hostium magis exprimit, *furere* eos dicens. Quum autem verbum **וַיִּסַּח** significet vt plurimum laudare, posset per antiphrasin sumi, Qui me vicerunt. Sed præstat sequi quod vsu ma-

gis receptum est. Quòd autem existimant quidam vocari insanos, qui suam amentiam prodebant, vt constaret re ipsa nihili esse homines, imò quasi facere & quisquilias, videtur nimis detortum. Sufficiat igitur sensus ille, quòd fideles seuitæ vel furiosi odii accusent maledicos.

10 *Quia puluerem.* Quidam inuersum esse ordinem putant, ac notam similitudinis præpositam nomini **וַיִּסַּח** debere præfigi nomini **וַיִּסַּח**: ac si dictum esset, Ego in pane meo nihilo plus reperio saporis quam in pulvere. quia scilicet ciborum fastidium generet cordis mœstitia. Sed simplicius est, *puluerem comedis* loco panis, qui humi prostrati iacerent, vt quasi terrâ lingerent. Scimus enim solenne fuisse lugentibus, pronos in terra iacere. Quanquam aliud dicere voluit Propheta: nempe, quum cibumsumeret, non tuisse mensam appositam, sed panem sordide fuisse in terra proiectum. Ergo in persona fidelium dicit, se ita fuisse terræ affixum, vt ne cibi quidèsumendi gratia inde surrexerit. Quò etiam spectat posterius membrum, *potum cum fletu miscere*. Nā quum mœrorē comibere paulisper soleant qui lugent, dum se reficiunt cibo, dicit Propheta nihil sibi fuisse intermissionis à luctu. Quidam in priore membro non legunt, *Sicut*



Panem, sed, in pane: & quum magna sit affinitas inter 3 & 3, mihi magis probatur lectio illa, quia melius secundo membro respondet.

11 *A facie indignationis* Iam exprimit Propheta iustitiæ magnitudinē non simpliciter ex incommodis vel ærumnis ortam fuisse, sed ex pœnæ Diuinitis inflatæ sensu. Et certè nihil est quod tam grauiter nos vulnerare debeat, quàm vbi sentimus Deum nobis infensum. Huc ergo spectat Propheta sermo, Domine non tantum quæ profanis hominibus venirent in mentem reputo, sed sensum potius meum conuerto ad iram tuam: quia nisi nobis aduersus esses potiremur hæreditate abs te data, vnde nos meritò furor tuus expulit. Est autem vtilis ad aonitio, quum nos manu sua Deus percutit, non tantum ad ictus ingemiscere, vt solent stupidi homines: sed præcipuè causam expendere, vt ferriò humiliemur. Posterius membrum duplicem sensum admittit. quia enim in sublime extollimus quæ volumus durius ad terram allidere, posset violentia deiectionis notari his verbis, Tu me alto & præcipiti iactu fortius contriuxisti, quàm si è gradu deiectus forem. Sed videtur esse alia doloris amplificatio. quia enim nihil acerbius est quàm ex beato statu detractos, in vltimas miseras conici, Propheta hic dolenter conqueritur priuatum fuisse Dei populum præclaris beneficiis quibus olim ornatus fuerat, vt ipsa beneficiorum Dei memoria, quæ ad solatium valere debuerat, magis exasperet dolorem. Nec verò hoc fuit ingratitudinis, trahere in materiã luctus præterita Dei beneficia, quum agnoscerent suã culpã ad miseriam & fœdam nuditatem redactos se fuisse. Neque enim Deum oblectat mutatio, vt post breuē suã bonitatis gustum nos statim frustretur: sed quemadmodum inexhausta est eius bonitas, sic perpetua in nos fluere eius benedictio, nisi eius cursum abrumperet nostra peccata. Quòd ergo bene-

ficiorum Dei recordatio dolores nostros lenire debet, id non obstat quominus magis nobis doleat ex alto cecidisse, dum apparet nos prouocasse iram Dei, vt benignam & beneficam manũ à nobis retraheret. Sic dum reputamus, imaginem Dei quæ in Adam conspicua erat fuisse fulgorem celestis gloriæ: ex opposito autem nobis occurrit pudenda fœditas, quàm nobis in signum iræ suæ Deus inuult: fieri certè nequit quin acerbius nos vulneret ista comparatio. Ergo quoties Deus ornamentis quæ contulerat, nudatos quasi prostituit ad opprobrium, discamus ideo maiorem nobis esse lugendi causam, quia lucem culpa nostra conuertimus in tenebras.

12 *Dies mihi tanquam vmbra.* Scimus dum sol capitibus nostris imminet, in ipso scilicet meridie, non perspicit tam subitas mutationes vmbra: sed vbi vergere ad occasum incipit, singulis ferè momentis variant vmbra. Hæc ratio est cur diserte *vmbra inclinantem* nominet. Etsi autem videtur hoc commune esse cunctis mortalibus quod in personam afflicta Ecclesiæ Propheta confert: specialis tamè hæc ratio in calamitate exilii valuit. Verum quidem est, simulac vergimus ad senium, exiguo tempore nos collabi: sed id Propheta etiam in medio ætatis flore populo Dei accidisse conqueritur. Dierum enim nomine totum vitæ curriculum designat: acsi diceret exilium piis fuisse quasi solis occasum, ea quòd celeriter cõciderent. Tandem repetit similitudinem *herbæ arefactæ*, qua nuper vsus fuerat, significans vitam in exilio fuisse mœroribus implicatam, qui ipsam vitalem succum exurent. nec mirum, quum centum mortibus deterior esset illa viuendi conditio nisi spe futuræ redemptionis suffulti fuissent. Etsi autem non fuerunt prorsus tentatione obruti: non tamen leuem tristitiam concipere oportuit quòd à Deo essent abdicati.

13 *Et tu lehoua in perpetuum habitabis: & memoria tui in generationem & generationem.*

14 *Tu exurges, misereberis Sionis: quia tempus miserendi eius quia venit statutum tempus.*

15 *Quia diligunt serui tui lapides eius, & pulueris eius miserebuntur.*

13 *Et tulerunt.* Quòd Propheta se ad bonam spem erigere volens, sibi proponit æternum Dei statum, videtur longè petita consolatio. Quid enim hoc ad nos, si Deus immutabilis, & semper idem in solio cælesti sedet, quando interim fragilis & caduca conditio ne ad momētum quidem stare nos sinit? Imò ex notitia beatæ quietis, qua Deus fruitur, melius apparet vitam nostram merum esse ludibrium. Sed Propheta in memoriam renouat promissiones, quibus testatus fuerat Deus sibi curæ fore Ecclesiam, ac præcipuè illud insigne fœderis caput, Exod. 25. 8, *Habitabo in medio vestri: sacro hoc & insolubili vinculo fretus, non dubitat pios in squalore iacentes, socios & consortes facere cælestis gloriæ quâ Deus inhabitat. Atque huc quoque spectat nomē memoriæ. Quorsum enim nobis prodesset stare æternam Dei essentiā, nisi in cordibus nostris vigeret eius cognitio, quæ ex gratuito fœdere concepra, fiduciam tuā inter nos & ipsum coniunctionis generat? Sic igitur hæc summa, Tamen si fœno arido simus similes, concedamus singulis momentis, parum distemus à morte, imò iam quasi in sepulchro habitamus: quia tamen fœdus nobiscum pepigir Deus, quo se promissit populi sui fore custodē, seque nobis coniunxit hac lege vt semper in medio nostri habitet, bene esse sperandum: & quanquam si in nobis subsistimus, nihil restat præter meram desperationem, erigendas esse mētes ad cæleste solium, vnde nobis Deum tandem manum porriget. Quisquis mediocriter exercitatus est in Scripturis, agnoscat hoc nobis esse agendum quoties multas mortes nos obsidēt, nempe quum semper maneat Deus sui similis, ac ne vlla quidem obumbratio in eum cadat, nihil impedire quominus nos iuuēt: atque id facturum, quia verbum habemus quo se nobis deuinxit, quia memoriam sui apud nos deposuit, quæ sanctam & inseparabilem societatem continet.*

14 *Tu exurges.* Hæc illa est consequentia cuius memini, Deus æternus est, ergo *miserebitur Sionis.* Aeternitas autem,

in memoria aut verbo spectanda est, vbi se nobis obligans, salutis nostræ custodiam suscipit. Porro quia non deest ei potentia, nec fieri potest vt seipsum abneget, timendum non est quin suo tempore impleat quod promittit. Diximus alibi *surgendi* verbum ad ipsam experientiam referri quæ nobis apparet. Quauis enim quiescat immutabilis, potentiam tamen exersens, suam altitudinē ex æterno actu (vt loquuntur) demonstrat. Ac Propheta quidem vbi de instauratione Ecclesiæ agit, eius causam sibi proponit Dei misericordiam: sed eam facit duplicem, ideòque diuersis verbis vtitur. Quod ad priorem misericordiæ speciē attinet, hæc eius ratio est, quia hic nihil loci habent merita, nec aliunde adduci potest Deus vt Ecclesiā suam ædificet, causam sumit à gratuita sua bonitate. Deinde secundam misericordiam adiungit, quæ promissionibus annexa erat, Tu ergo *misereberis, quia tempus iam adest beneplacito tuo præfixum.* Interea consilium Prophetæ fuit, euehere Dei misericordiam, vt scirent fideles in ea sola inclusam esse suam salutem. Sed iam videndum est quodnam tempus intelligat. **TYM** enim Hebræis dies omnes statos vel conditos significat. Ergo non dubium est quin respiciat ad vaticiniū Ieremiæ quod legitur capite 29. 12, & repetitur secundi libri Chronicorum ultimo cap. 10. Fideles enim ne in ipsa diuturnitate malorum deficerent, recurre oportuit in spem illam, siue in exilio fuisse Diuinitus impositū, ne duraret ultra septuaginta annos. Et videmus Daniele in hac cogitatione fuisse versatum, quum precari pro Ecclesiæ reparatione veller, Dan. 9. 2. Hoc quoque modo nunc Prophetæ consiliū fuit, quo se & alios animaret ad intrepidè operandum, celebre illud vaticinium Deo proferre, vt triste exilium finiret. Et sane nisi in precibus semper nobis occurrat Dei promissiones, vota quasi fumos in aerem iactamus. Simul notandum est, quauis appropinquaret, vel iam implem esset tempus redemptionis promissæ, Prophetam tamen non cessare

à precibus, ad quas nos Deus verbo suo sollicitat: quanvis etiam tempus esset conditum, sic Deum appellat Prophe-  
ta de suo pacto, ut confugere ad meram eius bonitatem non desinat: quia promissiones quas fidei suam obstringit, eius gratiam minime obscurant.

15 *Quia diligunt.* Hoc ad Cyrum & Darium restringi prorsus ineptum est: ac miror quosdam ex nostris tam frigidum commento subscindere. Nam Rabbini mirum non est stultas argutias nimis cupidè venari. Scio alicubi impios vocari Dei servos, Ierem. 25. 9, quia per eorum manum exequitur sua iudicia: imò fateor Cyrum nominatim dici electum Deiseruum, Iesai. 44. 28: sed neque eum neque Darium Spiritus sanctus tam honorifico titulo dignatus esset sine circumstantia. Deinde probabile est compositum fuisse Psalmum antequam editum promulgassent de populi redivitu. Ergo soli fideles in catalogo servorum Dei simpliciter censentur: quia illis propositum est tota vita, Dei vocationi obsequi. Ego certè non dubito quin communiter de tota Ecclesia loquatur: ac si diceret, non ab uno tantum homine concipi hoc votum, sed totum Ecclesiæ corpus in eodem esse consensu. Nam quo Deum melius inclinet, pro omnes quotquot erant in mundo, suffragatores sibi advocat. Et certè ad fiduciam augendam hoc non parum valet, quasi in una persona preces ab omnibus simul concipi: sicuti Paulus secundæ ad Corinth. 1. 11. notat. Subest autem in verbis pondus, quia *lapides Sion* vocat deformem materiam quæ supererat ex ruinis: ut significet non tantum fuisse olim conspicuo illo Templi splendore captos fideles, quum posset non tantum allicere oculos hominum, sed rapere in sui ad-

mirationem omnes sensus: sed quanvis subuersum sit Templum, & deformis tantum vastitas illic appareat, fideles tamen in eius amore manere defixos, in putridis lapidibus & corrupto cemento agnoscere Dei gloriam. Etcertè quum Dei auspiciis conditum fuisset Templum, & reparatio eius ab eodem Deo promissa, non oportuit ab eius ruinis auelli piorum affectus. Intereane ipsos frangerent Gentium ludibria, in verbo Dei aliud speculari necesse fuit, quam oculis cernerent. Nam quia locum sciebant Deo sacrum esse: & rursus illic erigendum esse Templum, quanvis mutili & concissi lapides iacerent sine ordine, disiectaque esset inutilis materia: non abiiciunt fideles Templi reuerentiam. Ergo quo tristior est Ecclesiæ desolatio, eo minus alienari nos oportet ab eius amore. Quin potius hæc misericordia, gemitus & suspiria elicere nobis debet. quæ doctrina utinam nostræ ætati non adeò conveniret. Nam etsi alicubi Deus habet sua templa, ubi viget purior eius cultus, si tamen oculos coniicimus in totum orbem, quia ubique calcatur verbum Dei, & innumeris profanationibus eius cultus sceleratur: certè sanctum eius templum tristibus ruinis ubique dilapsum est: imò Ecclesiola ista in quibus Deus habitat, lacera sunt ac dispersæ. Quid hæc tuguria ad splendidum illud ædificium quod apud Iesaiam, Ezechielem & Zachariam describitur? Sed nulla desolatio obstare debet quominus amemus Ecclesiæ lapides & pulverem. Papistas sinamus in suis altaribus, magnis structuris, & aliis pompis superbire: quia totus ille profanus splendor nihil aliud est quam abominatione coram Deo & Angelis. veri autem templi sacra sunt ruinae.

16 *Et timebunt Gentes nomen Iehouæ, & omnes Reges terre gloriam tuam.*

17 *Quia ædificavit Iehoua Sion, visus est in gloria sua.*

18 *Respexit ad precem solitarii, & non contempsit precem eorum.*

19 *Scribetur hoc ad generationem posteriorem, & populus creatus laudabit Deum.*



16 *Et timebunt.* Fructum liberationis describit Propheta, quod inde illustris reddetur Dei gloria populis & ipsis Regibus. Quo tacite significat, oppressa Ecclesia, simul Dei gloriam deici. sicuti haud dubie tunc derisui fuit impiis Deus Israel, acsi facultas eum deficeret ad opem suis ferendam. Dicit ergo Propheta, si Deus populum suum redemerit, fore hoc notabile potentiae eius specimen, quod Gentes cogat eum reuereri quem subsannant. *Deum enim visum esse in gloria sua* dicit, ubi Ecclesiam suam eduxit e mortis tenebris: sicuti de prima redemptione alibi canitur, Factus est tunc Iuda in sanctitatem eius, Israel fuit potestas eius, Psal. 114. 2. Ita hoc loco Deus populū iterum sibi colligens qui dispersus fuerat, & quasi à morte suscitans Ecclesiam, apparuit in sua gloria. Atque hæc non vulgaris consolatio est, tantum esse Dei erga nos amorē, ut decus suū in salute nostra fulgere velit. Quāvis autē inter medias afflictiones fidelibus abscondita fuerit virtus Dei, eā tamē semper fidei oculis & in speculo promissionum inuenti sunt.

18 *Respexit.* Hoc notatu dignum est, precibus fidelium ascribi piorū redemptionē. Quāvis enim non nisi mera clementia fuerit adductus Deus ad liberandam Ecclesiam, sicuti gratis pollicitus fuerat id se facturum: ut tamen stimulet fideles ad studium precandi, hoc idem quod sponte factururus est, eorū votis se daturū asserit. Neque hæc duo inter se pugnant, Deum gratia misericordia seruare Ecclesiam, & in ea seruanda propitium esse suorū votis: quia quum gratuitis promissionibus annexæ sint preces, harum effectus ex illis fluit. *Preces autem solitarii* exauditas fuisse dicens, non loquitur tantum de vno homine, quia mox plurali numero utetur: sed Iudæos omnes, quādiu eieci à patria exularunt in alieno solo, vocat Sa-

litarios: quia utcumque Assyria & Chaldaea regiones essent apprimè fertiles & amœnæ, non secus tamen illic vagati sunt miseri exules, quā in deserto ut alibi diximus. Cæterum, ut tunc populus solitarius gemendo gratiā adeptus est, ita quāvis nunc dispersi sint fideles, nec legitimos habeant conuentus, Dominus tamen in hac vasta dissipatione eorum gemitus exaudiet, modò sincero fidei consensu simul aspirent ad restitutionē Ecclesiæ.

19 *Scribetur hoc.* Magis extollit redemptionis fructū, quo se & alios omnes ad spem imperandi animet. His autē verbis significat memorabile fore hoc Dei opus, cuius laus propaganda sit in multas ætates. Scimus enim multa esse laude digna, quorū tamen memoria eua nescit: sed Propheta salutem Ecclesiæ pro qua rogat, à vulgaribus beneficiis discernit. *Scribendi* verbo significat historiam publico monumento dignam esse, ut transmittatur eius memoria ad postereros. Et subest cōcinna antithesis inter nouam populi creationē & præsentē interitū, quā Interpretes malè prætereunt. Populo enim abdicato, extincta quodāmodo erat Ecclesia. Certè mortuū videri poterat eius nomen, quum Iudæi profanis Gentibus permisti, nullum corpus efficerent. Itaque reditus quasi secunda fuit natiuitas: ideoque nō abs re Propheta nouam creationem expectat: quia utquēque perisset Ecclesia, persuasus erat Deum mirabili virtute facturū esse ut deintegro rediuiua surgeret. Atque hic locus insignis est, nō semper ita seruari Ecclesiam ut superstes appareat, sed ubi mortua videtur, repente nouam creari, quoties ita Deo visum est. Nulla igitur desolatio hanc nobis spem adimat, sicuti semel Deus ex nihilo mundum condidit, ita proprium esse eius opus, Ecclesiam ex mortis tenebris eruere.

20 *Quia prospexit ex sublimi loco sanctitatis suæ, Iehoua ē calis in terram respexit,*

21 *Ad audiendū gemitū vincti, ad soluedos filios mortis:*

22 *Ut narretur in Siō nomē Iehouæ, & laus eius ī Ierusalē,*

23 *Dū colligētur populi simul, & regna ut seruiāt Iehouæ.*

20 *Quia prospexit.* Nunc Prophe-  
ta redemptionem, ad quam anxie sus-  
pirat, perinde amplectitur ac si peracta  
esset. ac ne tantum Dei beneficium ob-  
scuret hominum malignitas, aperte &  
disertis verbis laudem suam Deo ven-  
dicat: sicuti etiam multis modis coac-  
tus fuit populus agnoscere Dei manū.  
Nam multo antè quàm in exilium tra-  
ctus foret, hæc clades fuerat prædicta,  
vt testatum esset Dei iudicium. Simul  
promissa fuerat liberatio, & tempus no-  
tatum vsque ad L X X. annos. Non po-  
tuit igitur hominum ingratitude exco-  
gitare vel cōminisci alias causas redi-  
tus, quàm merā Dei bonitatē. Dicit er-  
go *Deum à calo respexisse*, ne gratiæ &  
favori Cyri Iudæi acceptam ferant sa-  
lutem palām è calis profectam. *Subli-  
mis* locus *Sanctuarii* tantundem hic va-  
let ac calum. Nam sicuti Templum  
Psal. 26. 8, & 76. 3, habitatio Dei voca-  
tur, respectu hominum ita ne quid ter-  
renum de ipso Deo imaginemur, do-  
micilium sibi in calo assignat: nō quod  
inclusus sit calo, sed vt supra mundum  
à nobis quaratur. Postea iterum repe-  
tit quod de precibus attigerat, vt iterū  
excitet piorum corda ad orandum: de-  
inde ubi liberati fuerint, sentiant fidei  
sue hoc concessum, quod promissioni-  
bus freti, sursum direxerint suos gemi-  
tus. *vinctos* autem dicit, quia etsi com-  
pedibus nexi non erant, captiuitas tamē  
eorum instar durissimi carceris erat.  
Imò paulo post dicit *mortifuisse* *fi-  
natos*, vt tandem sentiant actum fuisse  
de sua salute, nisi extraordinaria Dei  
virtute à morte erepti essent.

22 *Vt narratur.* Hic amplior &  
vberior quàm antehac celebratur redē-  
ptionis fructus: quia non tantū ad gra-  
tias Deo agēdas in vnum coalescēt Iu-  
dæi, sed in patriam reducti, secum etiam  
Reges & populos in fidei unitate &  
eundē Dei cultum colligent. Hoc verò  
tūc prorsus incredibile fuit, nō modò in  
Templo diruto & exciso breui resona-  
turas Dei laudes vt olim, sed venturos  
vndique populos, & Iudæis, qui tūc qua-  
si putridum erant cadauer, aggregādos  
ad Deum colendum. Ratione quidem  
hac vitur Propheta ad spē reditus dā-  
dam populo, quod impossibile sit, locū  
illum quem Deus sibi delegit, perpetuò  
deseri: sed nouam materiam laudandi  
Dei fore denuntiat, quia nomē Dei ad-  
orabitur ab omnibus populis: nec tantū  
ex gente vna constabit Ecclesia, sed ex  
toto orbe. Quod scimus Christi auspi-  
ciis fuisse completum, sicuti etiā testatū  
fuerat vaticinio sancti Iacob, Gen. 49.  
10, Ad ipsum erit collectio Gentium.  
Sed quia Prophetis solenne est conti-  
nuare liberationem ab exilio Babylo-  
nico vsque ad Christi aduentum, Pro-  
pheta non partem vnā duntaxat ar-  
ripit, sed perducit gratiam Dei vsque  
ad suum finem. Etsi autem necesse non  
fuit Ierosolymam ascendere quicunque  
ad Christum conuersi sunt, more tamē  
vfitato legalem cultum posuit tanquam  
symbolum veræ pietatis. Caterum, di-  
scamus ex hoc loco nunquam melius  
celebrari Dei nomen quàm dum pro-  
pagatur religio & crescit Ecclesia, quæ  
ideo vocatur plantatio in laudem Dei,  
Iesa. cap. 61. ver. 3.

24 *Afflixit in via robur meum, coarctauit dies meos.*

25 *Dixi, Deus mi, ne tollas me in dimidio dierum meorū:  
in generationem generationum anni tui.*

26 *Prius terram fundasti, & opus manuum tuarum celi.*

27 *Ipsi peribunt, & tu permanebis, & omnes quasi vesti-  
mentum veterascent: quasi vestem mutabis eos, & muta-  
buntur.*

28 *Et tu idem, & ami tui non deficient.*

29 *Filii seruorum tuorum habitabunt, & semē eorum co-  
ram te stabilietur.*

24 *Affixi in via.* Querimoniā hanc inscire, meo iudicio, quidam ad tempus illud restringunt quo exhibitā fuerunt Iudæis molestiæ, postquam data fuerat redeundi libertas. Potius in voce itineris aut viæ metaphora est. Nam quum metā veteris populi esset Christi exhibitio, iure afflictos se queruntur in medio stadii cursu. Atque ita Deo suam promissionem obiciunt, quod quum remere non cucurrerint, sed sequuti sint eius fidem, in medio itinere attriti fuerint eius manu. Non exostulant quidem cum Deo, ac si spem eorum frustra tus esset: sed quia persuasi sunt eum non agere fallaciter cū suis cultoribus, hac querimonia se ad bene sperandum confirmant. Eodem sensu addunt *dies suos fuisse concisos*, vel in angustum redactos, quia ad tempus plenitudinis respiciunt, quod, nisi Christo patefacto, suspensum semper fuit: ideo sequitur, *Ne perimas me in dimidio dierum meorum*. Nam spatium intermedium vsquedum apparuisset Christus, dimidiæ vitæ comparant: quia matura Ecclesiæ ætas, Christi demum aduētū completa fuit, vt diximus. Etsi enim prædicta illa calamitas fuerat, sic tamen ferebat natura fœderis, vt populum illum Deus sub manu sua protegeret ac tueretur: ideoque exiliū violente quædam ruptura fuit: quo maiore fiducia rogarunt pii ne ante tempus in medio itinere raperentur. Neque enim hoc modo finerunt sibi certū vitæ spatium: sed quia Deus gratis eos adoptās, hac lege dederat vitæ initium vt eos ad Christi vsque aduentum foueret, iure licuit hanc promissionem in medium proferre: ac si dicerent, Domine tu vitā nobis pollicitus es non tridui, vel vnus mensis, vel paucorum annorum, sed donec renouares totum orbem, & colligeres omnes populos sub manu Christi tui. Quid ergo sibi vult interitus in medio cursu? Quæ sequitur ratio, videtur nihil ad præsentem causam facere. Nā etsi æternus est Deus, an ideo æterni erunt homines? Sed Psal. 90. 2, diximus quomodo tempestiue in medium vocetur Dei æternitas, vbi de salutis nostræ fiducia agitur: quia Deus non modò in arcana sua essentia vult æternus agnoscī, sed etiā in verbo, sicut est apud Iesā.

40. 6, Omnis caro scenum, & omnis gratia eius quasi flos herbæ: Verbum autē Domini in æternum manet. Iam quia nos sibi per verbum coniungit, quātumuis distet fragilis nostra conditio à cælesti eius gloria: fides tamen nostra ad beatum illum statum penetrare debet, ex quo Deus miseras nostras respicit. Quanquam aliò quoque spectat comparatio inter æternam Dei vitam, & breue humanæ vitæ curriculum: hac etiā causa ad misericordiam flebitur Deus, dū videt quasi momento transire homines, & mox euanescere: sicuti fusius mox exponitur.

26 *Prius fundasti terram.* Amplificat quod prius dixit, nempe totum mundum, si conferatur cum Deo, euandam esse figuram: paulo post tamen Ecclesiam eximit ab hac communī sorte, quia in verbo Dei fundata est, & eiusdem verbi custodia protegitur. Duo igitur membra sunt, Quum cæli ipsi nihil ferē à fumo differant coram Deo, eam esse fragilitatem in humano genere quæ Dei misericordiam prouocare debeat: Deinde, vt cunque nulla sit cæli & terræ stabilitas, Ecclesiæ tamen salutem, quia suffulta est æterna Dei veritate, firmam perpetuò fore. Priore mēbro docentur fideles, dum prodeunt in conspectum Dei, suppliciter reputare quā fluxa sit & caduca sua conditio, ne aliud quā suam inanitatem afferāt. Primus enim ad conciliandā nobis gratiam gradus est hæc deiectio: sicut etiam nostris miseriis se moueri affirmat Deus vt nobis sit propitius. Huc optimè quadrat cælorum comparatio: quanta enim est eorum vetustas vitæ nostræ respectu, quæ tam citò præterit, vel potius euolat? quot mortalium ætates fluxerunt, ex quo cæli continua agitatione naturam suam retinent? Deinde tam concinna & præclara fabrica se opus esse manuum Dei clamat. Atqui neque antiquitas, neque tam pulcher ornatus cælos eximent ab interitu. Quid ergo nobis miseriis mortalibus fiet, qui vix dum nati morimur? quia nulla est vitæ nostræ particula quæ non celeriter ad mortem inclinet. Quanquam non vno modo exponunt Interpretes *cælos perire*. Quidam simpliciter de mutatione intelligunt, R. i.



quæ species quædam erit interitus. Etsi enim non sunt redigendi in nihilum, ipsa tamen naturæ alteratio ( vt ita loquar ) absumet quod mortale est ac corruptibile : vt alii esse cæli incipiant ac noui. Secundum alios subaudienda est conditio, Si Deo ita placuerit : quia absurdum esse existimant, cælos corruptioni subiici. Sed primum nullaneceffitas cogit asciscere particulam illam quæ magis impedit sensum quàm expediat. Deinde falsò cælis tribuunt immortalem statum, quos Paulus, non secus ac terrâ aliâsq; creaturas, genere & parturire dicit vsque ad diē redēptionis, Rō. 8. 22 eo quòd subiectæ sint corruptioni, non sponte vel natura, sed quia homo se præcipitans, totum mundum in eiusdem ruinæ societatem secū traxit. Duo igitur tenenda sunt: verè nunc obnoxios esse cælos corruptioni propter hominis lapsum: & ita renouatum iri, vt meritò perituros dicat Propheta, quia non iidem erunt, sed alii. Summa est, quocunque vertamus oculos, donec ad Deum ventum fuerit, vbi que nobis desperationem occurrere. Quid enim in nobis est nisi putredo? & quid sumus ipsi nisi mortis speculum? Iam quid aliud est totius mundi mutatio, nisi præsagium quoddam, imò præludium interitus? Si vniuersa mundi fabrica ad finē suum fertur, quid de genere humano fiet? Si interituri sunt omnes populi, quanam erit in singulis hominibus stabilitas? Ergo non alibi

quā in Deo solo quærēda est stabilitas. 29 *Filii seruorum.* His verbis significat Propheta se non petere Ecclesiæ conseruationem quia sit pars generis humani, sed quia Deus extra mundi reuolutiones eam extulerit. Et certè hac lege nos sibi adoptat, vt foueat in sinu suo. Quare non est illatio lōgè petita, quòd inter innumeras procellas, quarū singulæ abripere nos possent, firmā stationē Ecclesiæ sperat Propheta. Nam etsi nostra culpa alienati à Deo, simul quasi abscisi à fonte vitæ sumus: vbi tamen reconciliamur Deo, rursum in nos desuere incipit. Vnde sequitur, fideles, quia regenti sunt semine incorruptibili, à morte fore superstitēs, quia Deus semper idem manet. Nam verbo *habitandi* firmam & æternam hæreditatem significat. dicit autem *coram facie Dri*, quia non secundum mundi respectum vel secundum communem rationem cæli & terræ firma est piorum salus, sed pro sancta coniunctione, quæ illis est cum Deo. *Semen & filios piorum* intelligit non quoslibet, quia multi ex carne geniti, sunt degeneres: sed qui à fide parentum non desciscunt. Disertè autem notata est successio, quia fœdus ad futuras ætates extenditur, vt iterum videbimus Psalmo proximo. Quòd si constanter seruamus vitæ thesaurum apud nos depositum, ne dubitemus, etiā si innumeræ mortes nos circumstent, anchoram fidei nostræ in cælo iacere: vt in Deo resideat salutis nostræ stabilitas.

## ARGVMENTVM PSALMI CIII.

Hoc Psalmo docetur quisque piorum, pro se priuasi gratias Deo agere: deinde pro communi gratias, quæ suorum electos dignatur esse, fœdus salutis in Lege sua pascendo, quo adoptionis suæ participes faceret. Principè verò misericordiam commendat, quæ Deus populum suum, licet grauib; pœnis dignum, sustinet ac tolerare neque id, meriti vel dignitatis respectu, sed quia eius fragilitati indulget. Tandem generali laudum elogio Psalmus clauditur.

Psalmus CIII.

**D** Auidis. *Benedic anima mea Iehouæ, & omnia interiora mea nomini sancto eius.*

2 *Benedic anima mea Iehouæ, & ne obliuiscaris omnium munerum eius:*

3 *Qui propitius est omnibus iniquitatibus tuis, qui sanat omnes infirmitates tuas:*

4 *Qui redimit à sepulchro vitam tuam, qui te coronat clementia & miserationibus:*

5 *Qui satiat bono maxillas tuas, renouabitur tanquã aqua iuuenta tua.*

1 *Benedic anima.* Propheta seipsum ad gratitudinem stimulus, suo exemplo docet quid singulis agendum sit. Et certè segnitie nostra hac in parte continuis stimulis opus habet: imò si ne Propheta quidem ipse, qui singulari ante alios zelo feruebat, immunis fuit ab hoc pigritiæ morbo, sicuti fateatur seipsum sollicitans: quãto nobis hæc medicina magis necessaria est, qui proprii torporis plus satis sumus nobis consci? Ergo Spiritus per os Prophetæ oblique nobis exprobrat quòd non magis seduli sumus ad laudandum Deum: simulque remedium ostendit, ut quisque in seipsum descendens, tarditatem suam corrigat. Nam *anima* nomine non contentus, quo haud dubiè sedem intelligentiæ & affectuum significat, intimas etiam eius partes disertè adiungit quasi mentem & cor suum, omnesque vtriusque facultates compellans. Qui verò ita seipsum alloquitur, quasi remotis arbitris coram Deo secum agit. Et repetitio ad emphasin valet: ac si tarditatem suam argueret.

2 *Ne obliuiscaris.* Hac particula admonet, Deum suis partibus non deesse quin suppeditet largam sui laudandi materiam, modò ne obstarer nobis propria ingratitudo. Ac primò quidem docet, ideo tam liberaliter nobiscum agere, ut per nos celebretur nomen suum: sed interim perstringit nostram vanitatem, quæ nos aliò quouis potius rapit. Quis fit enim ut in hoc præcipuo exercitio pietatis adeò torpeat, nisi quòd immensa Dei beneficia, quæ palàm cælo & terræ apparent, fœda & impia obliuio in cordibus nostris sepelit? Nam si modò eorum vigeret memoria satis nos ad officium propensos fore docet Propheta, quum solùm obliuisci vetat.

3 *Qui propitijs.* Nunc per species enumerat beneficia, in quibus reputan-

dis nos nimis obliuiosos & socordes esse docuit. Nec temere ab hoc capite orditur, quòd Deus peccatis ignoscat: quia gratuita reconciliatio fons est unde reliqua omnia scaturiunt. Etsi enim ad impios quoque se diffundit beneficentia Dei, adeò tamen ea non fruuntur, ut ne gustum quidem capiant. Omnium ergo bonorum quorum vera & solida fruitio ad nos peruenit, hoc initium est, quòd Deus peccata nostra gratis condonans & abolens, in gratiam nos recipit. Imò peccatorum remissio dum nobis Deum propitiat, simul etiam sanctificat quæcunque largitur nobis bona, ut in salutem cedant. Secundum membrum vel repetitio est eiusdem sententiæ, vel latius patet. Nam hi sunt gratuita veniæ effectus quòd Deus nos Spiritu suo gubernans, concupiscentias carnis mortificat, & nos purgat à vitiis, veramque piæ & rectæ vitæ sanitatem restituit. Qui verò intelligunt *sanari infirmitates* à Deo, quia ubi peccata remisit, simul nos à corporalibus morbis liberat: videntur nimis ieiunè restringere Prophetæ sensum. Quare non dubito, medicinam de qua Propheta loquitur, spectare ad delendum reatum, deinde ad curanda vitia quæ nobis inhærent. quod fit Spiritu regenerationis. Siquis tertium addere velit, quòd Deus nobis placatus, etiam pœnas condonet, non repugno. Discamus interea ex hoc loco, donec cælestis medicus opem nobis ferat, nos non tantum intus fouere multos morbos, sed etiam mortuos.

4 *Qui redimit.* Clarius exprimit qualis sit nostra conditio antequam malis nostris Deus medeatur, nempe mortuos esse & sepulchro deuotos. Quo plaris æstimare conuenit Dei misericordiam, quia liberatio est à morte & interitu. Nam si initium spiritualis vitæ, resurrectio est à sepulchro: quid iam reliquum erit

*dit montes.*

16 *Sic persequaris eos in tempestate tua, & turbine tuo terreas eos.*

17 *Imple facies eorum ignominia, ut querant nomen tuum Iehoua.*

18 *Pudefiant & terreantur usque & usque, & confundantur & pereant:*

19 *Et sciant quòd tu sis nomen tuum Iehouah, solus tu excelsus super omnem terram.*

14 *Deus mi.* Quia intolerabilis est impiorum superbia dum ad perendam Ecclesiam se accingunt, rogar Deum Prophetam vt eos pudefaciat, quando aliter corrigi eorum insolentia nequit, donec confusi & turpiter frustrati iaceant. Quod hoc modo futurum Prophetam dicit *vt querant nomen Dei*, de vera conuersione, meo iudicio, intelligi non debet. Primus quidem, fateor, hic gradus est ad respiscendum. vbi homines flagellis humiliati, vltro se demittunt: sed Prophetam simpliciter coactam & seruilem subiectionem notat, qualis fuit Pharaonis. sepe enim contingit, impios malis subactos dare gloriam Deo ad momentum. Sed quia paulò post phrenetica rursus amentia feruntur, hinc satis detegitur hypocrisis, seque prodit quæ in eorum cordibus latebat ferocia. Vult ergo plagis impios cogi vt inuiti Deum agnoscant: vt saltem eorum furor qui ex impunitate prorumpit, constructus ac inclusus teneatur. Idque melius apparet ex proximo versu, vbi palàm æternum illis interitum precatur. quod minimè quadraret si daretur penitentiae locus. Nec abs re tot voces accumulatur Prophetam, partim quia, vt sunt indomabiles reprobi, quanuis sepius castigati sint, colligunt tamen subinde nouas vires, & nouos spiritus: partim quia nihil apud nos persuasum magis est difficile, quàm breui perituros qui læti in summa prosperitate exultant. Id autem fit quia non satis apprehendimus quàm formidabilis maneat Dei vindicta Ecclesie oppressores.

19 *Et sciant quòd tu.* Nunc quoque de salutifica Dei notitia non agit, sed

quam reprobis extorquet violenta Dei manus. Quanquam non simpliciter dicat cognituros aliquem esse Deum, sed speciale ponit notitiæ genus, quòd profani homines, quibus antea contemptui fuit vera religio, tandem sensuri sint vnicum esse Deum illum qui se in Lege patefecit, & in Iudæa colitur. Interim tamen notitiam duntaxat euanidam, radicemque & viuo sensu carentem designat: quia nec serio, nec libenter se Deo subiiciunt reprobi, qui vel ad fictum obsequium inuiti trahuntur, vel, quatenus eos compescit, non audent in apertum furorē erumpere. Hæc igitur est experimentalis notitia, quæ ad cor vsque non penetrat, sed vi & necessitate exprimitur. Est autem emphaticum pronomen *אני*, quia subest comparatio inter Deum Israelis & alios omnes fictitios: ac si dixisset Prophetam, Domine fac vt sentiant, quæ sibi fabricati sunt idola, nihil esse. Et certè quantumuis refugiant lucem Dei contemptores, & nunc sibi obducant nebulas, nunc se immergant profundis tenebris, Deus tamè eos persequitur, & trahit ad sui notitiam, quam cuperent ignorantia sepelire. Quia autè promiscuè & indignè transfert mundus ad sua figmenta sacræ Dei nomen, hanc profanationem simul corrigi Prophetam quum addit, *Nomen tuum Iehouah*: ac si diceret, verè in eum solum competere essentiam, aut verè esse quod dicitur: quia vtunque eius gloriam dilacerent increduli, ipse tamen integer manet. Sæper tenenda est illa quam dixi antithesis. Nulla enim fuit tam barbara natio quæ non coleret deitatem aliquam: sed vnaquæque regio proprios fingebat sibi deos.



deos. Et quanvis Moabitæ, Idumæi, & reliqui concederent aliquid potestatis Deo Israel, eam tamen putabant Iudææ finibus esse inclusam: sicuti Rex Syriæ vocabat Deum montium, 1. Reg. 20. 23. Præpostera hæc gloriæ Dei partitio vno verbo refellitur, ac euertitur quicquid tunc in mûdo superstitionû fuit quû vni Deo Israel tam essentia, quàm nomen suum asseritur: quia nisi aboleantur omnia Gentium idola, non obtinebit solus Iehouæ nomen: ideoque addi-

tur, *Tu solus excelsus super terram.* quod diligenter notandum est: superstitiosis enim vtplurimû satis est, relinquere Deo suum nomen, hoc est duas vel tres syllabas, quum interea virtutem eius discerpant, quasi verò inani titulo contineatur eius maiestas. Sciamus ergo non aliter Deum excellere inter homines, nisi dum imperio suo potitur, nec quicquam opponitur ad obscurandam eius gloriam.

## ARGVMENTVM PSALMI LXXXIII.

Conqueritur sibi nihil esse molestius quàm arceri à Tabernaculi accessu, & à cætu piorum exulare, in quo Deus inuocabatur: & nihil piorum desiderio obstare posse quominus ad Deum quærendum constanter perumpant. Tandem restitui postulant, iterum testatur plus sibi esse diem vnum agere in Tabernaculo Dei, quàm diu vitam prerogare inter incredulos.

Psalmus LXXXIII.

**P**refecto super Githith, filiorum Coræ Psalmus.

2 *Quam dilecta tabernacula tua Iehoua exercituum!*

3 *Concupiscit atque etiam deficit anima mea post atria Iehouæ: cor meum & caro mea exultant ad Deum viuum.*

4 *Etiam passer inuenit sibi domum, & hirundo nidum sibi, ubi reponat pullos suos, o altaria tua Iehouah exercituum Rex meus & Deus meus.*

5 *Beati qui habitant in domo tua, semper laudabunt te.*  
*Selah.*

1 *Prefecto.* Etsi non inscribitur nomen Dauidis, quia tamen argumentum conuenit eius personæ, probabile est eum fuisse authorem. Nam quòd putant quidam à filiis Coræ eius nomine fuisse cõpositum, hac ratione satis (vt arbitror) refellitur, quòd ætate sua Dauid Prophetiæ dono magis excelluerit quàm vt mandaret partes istas Leuitis. Vna tãtùm obstat difficultas, quòd meminit montis Sion, ad quem non antè aduecta fuit Arca fœderis quàm ipse positus est tranquillo regno. Arqui ab eo tempore semel tantùm ab breue tempus priuatus fuit Arcæ conspectu, quum filium suum fugeret. Verba autem sonant tunc iactatum fuisse per varia & lōga exilia. Verùm si reputamus Dauidem longo pōst tempore Psalmis complexum esse quæ sub Saule perpeffus fuerat, non mirabimur montem Sion ab eo simul nominari. De voce Githith alibi dictum est, Psalmo octauo.

2 *Quam dilecta.* Conqueritur Dauid sibi negari in Ecclesia Dei locum vt fidem suam profiteatur, proficiat in pietate, seque exerceat in Dei cultu. Nam qui Tabernacula Dei regnum cæleste esse volunt, quasi ingemiscat se hospitē esse in mundo: non satis attendunt ad præsentem eius necessitatem. Sciebat non frustra sacros conuentus Diuinitus fuisse præscriptos, quia talibus adiumentis opus habent fideles quandiu peregrinantur in mûdo. Erat etiam sibi propriæ infirmitatis conscius, non ignorās quantum ab Angelica perfectione distaret. Quare non immeritò deplorat se destitui mediis illis quorum vsus satis notus est piis. Nam haud dubiè rectum externi ordinis finem spectauit: quia similis non erat hypocritis, qui dum solennes conuentus magna pompa frequentant, licet videantur toti feruere, mera tamen ostentatione defungi volunt erga Deum. In hoc certè crasso fig-

nonyma hæc opposuit, Deum esse misericordem: deinde gratificum, ut ita loquar: terriò, humaniter & cum mansuetudine tolerantem hominum peccata: postremò multa clementia & bonitatis.

9 *Non in perpetuū rixabitur, & non in seculū custodiet.*

10 *Non secundum peccata nostra fecit nobis, neque secundum iniquitates nostras rependit super nos:*

11 *Quia secundum altitudinem calorum super terram preualuit bonitas eius super timentes eum.*

12 *Sicuti procul distat Oriens ab Occidente, procul remouit à nobis peccata nostra.*

9 *Non in perpetuū.* Consequentia ex superioribus Dei epithetis colligit Dauid, Deum, ubi offensus fuerit, fore tamen placabilem: quia natura semper ad ignoscendum propensus est. Hoc autem additum necessarium fuit: quia peccata nostra ianuam clauderent eius bonitati, nisi occurreret eius placandi ratio. Subindicat autem Dauid, Deum licet intendere peccatoribus, ut eos sensu reatus humiliet: mox tamen super sedere, ubi subactos videt ac supplices. Aliter Genesis 6.3, dicit, Non litigabit Spiritus meus amplius cum homine: nempe quia conuictis maleficiis, iam matura erat damnatio. Hic autem Dauid perpetuò rixari negat: quia ut est exorabilis & facilis ad veniam, ius suum non prosequitur. Atque huc pertinet secundum verbum quod phrasi Gallicæ respōdet, *Je tui garde, Il me l'a gardé*, ubi de occulta vltione agitur, quæ intus fouens qui iniuriis ignoscere non potest, nocendi occasionem expectat. Negat autem Dauid, Deum more hominum seruare iniurias, quia vltro ad reconciliationem descendit. Sciendum tamen est, promiscuè hoc non competere in totum humanum genus, sed esse Ecclesiæ priuilegium. Nam disertè apud Moysen Deut. 5.9, vocatur Deus formidabilis vltor, qui Patrum delicta reiciit in sinu filiorum. Sed Dauid omnis incredulis quibus incumbit æterna & implacabilis ira Dei, docet quàm comiter indulgeat filiis suis: sicut etiam loquitur Deus ipse apud Iesai. 54.8, In memento castigationis: miserationibus autem æternis te prosequar. Experimento deinde vel effectu probat quod dixit, quia non nisi ira

Dei tolerantia salui, hætenus steterant Israelitæ. peride acsi diceret, Examine quisque nostrum vitam suam: quot modis prouocauimus iram Dei? imò assidue prouocamus: ipse verò non modò sibi à pœnis temperat, sed benignè etiam alit quos merito perdere poterat.

11 *Quia secundum altitudinem.* Similitudine confirmat, Deum fideles suos non vlcisci ut meriti sunt, sed clementia sua cum eorum maleficiis certare. Porro tantundem valet loquutio acsi immensam erga nos Dei misericordiam esse diceret. Verbum **כבד** siue neutraliter, siue transitiuè accipias, parum interest: quia utroque modo immensitas misericordiae mundi amplitudini confertur, Quia autem Dei misericordiae ad nos vique non pateret accessus, nisi sublato reatus obstaculo, continuo post addit, Deum tam procul abigere à nobis peccata, quàm longè distat Oriens ab Occasu. Summa est, longè latèque pro Orbis magnitudine effundi misericordiam Dei super fideles: ac, nequid impediat eius cursum, aboleri penitus eorum peccata. Confirmat autem quod nuper dixi, non generaliter se tractare qualis erga totum mundum sit Deus, sed qualem se fidelibus præstet. Vnde etiam apparet non hic agi de misericordia qua nos initio sibi reconciliat, sed qua assidue prosequitur quos paterno amore cōplexus est. vna enim species misericordiae est qua nos à morte restituit in vitam, dum adhuc sumus ab eo alieni: altera, qua nos sustinet. quia euanesceret illa, nisi eam quotidiana venia sanciret. Vnde etiam colligimus quàm crasse ineptiane Papistæ, dum gratuitam peccatorum remissionem

missionem semel tantum dari fingunt: postea autem iustitiam acquiri vel retineri eius possessionem operum meritis: quicquid culpæ contrahitur, satisfactio nibus redimi. Videmus autem ut David Dei misericordiam qua sibi nos reconciliat, peccata non imputando, non in-

cludat puncto temporis, sed extendat usque ad vitæ finem. Non minus etiam valide refellit hic locus fanaticos, qui se & alios vesana perfectæ iustitiæ opinione fascinant, ut amplius non indigeant venia.

13 *Sicut misericors est pater erga filios, misericors fuit Iehoua erga timentes se.*

14 *Quia ipse cognoscit figmentum nostrum, recordatus est quod pulvis sumus.*

15 *Homo quasi herba dies eius, quasi flos agri, sic floret.*

16 *Vbi ventus transierit super eum, tunc non erit, nec cognoscet eum amplius locus eius.*

13 *Sicut misericors.* Non tantum similitudine explicat quod dixit, sed simul notat causam cur tam benigne ignoscat Deus, quia scilicet *pater* est. Gratuita igitur adoptio Deum peccatis nostris assidue propitiatur. Ideoque ex illo fonte spes veniæ petenda est. Iam quum nullus suo merito adoptatus fuerit, sequitur gratis remitti peccata. Scimus autem Deum terrenis patribus conferri, non quia similis sit, sed quia aliter incomparabilis erga nos eius amor exprimi non potest. Iam ne ad peccandi licentiam trahatur paternæ Dei indulgentia, iterum reperit David, non nisi sinceris suis cultoribus ita esse propitium. Est quidem hoc non vulgaris tolerantia, quod Solem suum oriri facit super bonos & malos, Matth. 5. 45: sed hic agitur de gratuita imputatione iustitiæ, qua censetur Dei filii. Ea autem non aliis offertur nisi qui tam benefico patri se ad dicunt, & reuerenter subiiciunt eius verbo. Sed quia quaecumque pietatis studium longè à perfectione distat, vnicæ salutis futura relinquitur in Dei bonitate.

14 *Quia ipse cognoscit.* Hic David in nihilum redigens quicquid sibi dignitatis arrogant homines, solum miseriæ respectum esse asserit, qui Deum prouocat ad nos humaniter tolerandos. Quod diligenter rursus notandum est, non modo ad domandam carnis superbiam, sed ne fiduciam nostram moretur vel impediat

nostra indignitas. Nam quo miserior est ac magis despicibilis nostra conditio, propensior ad misericordiam erit Deus: siquidem ut nobis bene faciat, luto nostro & puluere contentus est. Eodè pertinet similitudo quæ mox sequitur, totam hominis præstantiam non secus ac floris caduci vno flatu marefcere. Improprie quidem homo *florere* dicitur: sed quia obici posset, eum tamen aliqua gratia pollere, David per concessionem florere dicit instar herbæ, potius quàm fumum vel umbram, ac rem nihili esse pronuntiat, sicuti iure poterat. Et si enim quandiu viuimus in mundo, naturalibus donis sumus ornati, atque (ut reliqua taceam) in Deo sumus & mouemur Act. 17. 28: quia tamen nihil habemus nisi precarium, & quod in singulas horas auferri potest, pompa est vel figura quæ præterit. Proprie autem de vitæ breuitate hic agitur, cuius Deus rationem habet, elementer nobis ignoscendo: sicut alibi dicitur, Recordatus est quia caro sunt, spiritus transiens & non rediens, Psal. 79. 38. Siquis roget cur præterita mentione animæ quæ tamen potior est pars hominis, David nos pronuntiet esse puluerem & lutum: Respondeo, hoc Deo sufficere ad nos elementer sustinendos, dum videt nostra vita nihil esse fragilius. Et si autem anima, postquam migravit ex ergastulo corporis, superstes manet: in se tamè nihil habet firmitudinis. Creatæ est ut corpus viuificet: sed nulla vitæ



gutta prædita est nisi quam Deus inspirat. Quod si gratiâ suam subducatur Deus anima non aliter flatus erit, quam cor-

pus pulvis: certè in toto homine non nisi mera vanitas reperietur.

17 *At bonitas Iehouæ à seculo & usque in seculum super timentes eum, & iustitia eius super filios filiorum,*

18 *Iis qui custodiunt fœdus eius, & memores sunt statutorum eius, ut faciant ea.*

17 *At bonitas.* Hoc tantum facit hominibus residuum, ut in Dei misericordia subsistant: quia nimium desiperent futuram in se querendo. Post quâ autem exinaniuit homines, opportunum solatium addit. Quauis nulla sit in ipsis virtus intrinseca quæ non in fumum abeat, Deum tamen inexhaustum esse vitæ fontem qui eorum ariditati succurrat. Notanda est hæc antithesis. quod nam enim exiit omni virtute? nempe fideles qui regeniti sunt Dei Spiritu, verâque pietate eum colunt: nihil tamen relinquunt ubi spes eorum subsidat, præter meram Dei bonitatem. Caterum quia æterna est Dei bonitas, non obstat fidelibus infirmitas quominus de æterna salute usque ad finem & in morte ipsa glorientur. Neque enim eorum spēs aliis temporum finibus includit David, quàm Dei gratiam in qua fundata est. Bonitati subiicit *iustitiam*, qua voce iam sæpius diximus notari Dei præsidium quo suos tuetur ac conseruat. Deus ergo iustus est: non quia vnumquemque remunerat prout dignus fuerit, sed quia fideliter cum suis agit, eos manu sua protegendo. Hanc verò iustitiam scitè Propheta inferiore gradu statuit tanquam effectum bonitatis. Eandem quoque super filios & nepotes propagari dicit, secundum illud, Deut. 7. 9, Deus misericors in mille generationes. Est autem hæc eximia amoris probatio, quod non tantum singulos in gratiam recipit, sed quasi hæreditario iure posteros associat, ut eiusdem sint adoptionis consortes. Quomodo enim nos abiiceret qui filios nostros & nepotes in tutelam suam recipiens,

in eorum personis demonstrat quàm sibi pretiosa sit nostra salus? Caterum quia nihil magis proclive, quàm ut falso gratiæ Dei prætextu se deludant hypocritæ, vel filii degeneres perperam ad se rapiant quod patribus promissum est, iterum exceptio illa ponitur, Deum non aliis fore propitium nisi qui vicissim custodiunt eius fœdus, quod sua prauitate irritum reddunt increduli. Quod pro Dei timore, custodia vel observatio fœderis ponitur, notatu dignum est: quia hoc modo significat David non alios esse veros Dei cultores nisi qui reuerenter obediunt eius verbo. Hinc longissimè absunt Papistæ, qui dum se putant æquare sanctitate Angelos ipsos, excutunt tamè Dei iugum, non secus ac rabiosa belluæ, pedibus calcando sacrum eius verbum. Hinc ergo probè David æstimat pietatem hominum, si Dei verbo se subiiciant, præscriptam que ab eo regulam sequantur. Quia autem initium sumit fœdus à commendatione gratiæ, legitima eius custodia fidem in primis & inuocationem requirit. Nec superuacuum est quod addit, *Qui memores sunt statutorum eius*, quâuis enim assidue Deus nos commonefaciat, statim ad mundi curas delabimur, obstrepunt multa auocamenta, multæ illecebræ soporem mentibus nostris inducunt. Ita doctrinæ lucem suffocat obliuio, nisi se identidem excitent fideles. Vigere autem hanc memoriam dicit David, si in actione se exerceant homines: quia multis ad differendum satis prompta est lingua, quibus nimis tardi sunt pedes, & manus ferè mortuæ.

19 *Iehoua in celis stabiliiuit solium suum, & regnum eius in omni dominatione.*

20 *Benedicite Iehouæ Angeli eius potentes virtute, qui faciunt*

*facitis verbum eius, audiendo vocem verbi eius.*

21 *Benedicite Iehoua omnes exercitus eius, ministri eius, qui facitis beneplacitum eius.*

22 *Benedicite Iehoua omnia opera eius in omnibus locis dominationis eius: benedis anima mea Iehoua.*

19 *Iehoua ipse calens.* Postquam retulit David Dei beneficia, quibus tam singulos nostrum sibi obstringit, quam totam Ecclesiam prosequitur, nunc in genere extollit immensam eius gloriam. Summa autem est, quoties Dei fit mentio, ut discant homines transcendere totum mundum: quia superat eius maiestas omnes celos: deinde ut discant potentiam eius non metiri humano modo, quia omnia imperia & dominationes sub se continet. Ac nequis putaret terras solū creaturas cogi in ordinem, Angelos ipsos præcipue compellat. Porro eos in societatem laudandi Dei accersens, se & pios omnes admonet, nihil esse melius vel magis optabile quam laudare Deum: quando nulla Angelis præstantior est exercitatio in qua se occupent. Certè Angeli magis volūtarii sunt ad hoc officium & alacres, quam ut indigeant nostris stimulis. nos verò qua fronte hortandi partes nobis sumere audebimus, quorum tāta est segnitias? Sed quāvis celeriter præcurrant Angeli, nos vix lentè sequamur: David tamen nostra causa canendas Dei laudes illis commendat, ut eorum exemplo exerceat nostrum torporem. Interea notandum est eius consilium quod attigi, sermonem scilicet ad Angelos dirigere: ut sciamus non alium illis esse propositum summum finem, quam extollendā Dei gloriā. Ideo ab vna parte eos *virtute* ornat: sed mox addit totos pendere à Dei nutu: *qui facitis* (inquit) verbum eius. ac si diceret, quantalibet virtute sint præditi, nihil esse illis magis honorificum quam ut Deo pareant. nec tantum dicit Angelos exequi Dei mandata, sed quo promptitudinem obsequii melius exprimat, dicit præsto semper esse ad capeffenda eius iussa.

21 *Omnes exercitus eius.* Hac voce non stellas designat, ut quidam exponunt: sed continuat eandem sententiam. neque tamen superuacua est repetitio:

quia per exercitus intelligit myriades myriadam, quæ astantes ad Dei tribunal, excipiunt omnes eius nutus. Ac vocat iterum *ministros qui faciunt eius beneplacitum*, ut sciamus non esse defixas in otiosa gloriæ Dei speculatione, sed quum nobis dati sint ministri & custodes, ad opus esse paratos. Pro voce verbi, nunc ponit *beneplacitum*, scitè vtrunque, & optima ratione. nam sol, & luna, & stellæ, quanuis obseruent leges à Deo præscriptas, quia tamen intelligentia carent, propriè non dicuntur verbo & voci eius parere. transfertur quidem interdū ad mutas creaturas Obediendi verbum: sed metaphorice dicuntur *audire vocem Dei*, dum arcana naturæ instinctu obtemperant eius decretis. Propriè verò in Angelos hoc cōpetit, quibus propositum est Deo morem gerere, sicuti quid fieri velit ex sacro eius ore intelligunt. Iam beneplaciti nomen clarius latum & hilare obsequium exprimit: ac si dixisset, Angelos non solū Dei præceptis obsequentes esse, sed libenter & cum summa obletatione excipere eius nutus, ut eius beneplacitis obtemperēt. hoc enim valet nomen Hebraicum, ut alibi diximus.

22 *Omnia opera eius.* Tandem se ad omnes creaturas conuertit. quia licet voce & sensu careant, quodammodo tamen personare debent laudes Dei idque facit nostra causa, ut doceat, nulum cæli ac terræ angulum Dei laudibus vacuum esse. Minus enim excusationis nobis restat, dum omnia Dei opera opificem suum laudando, fœcordiam nobis exprobrant, nisi saltem eorum exemplum imitatur. *Omnia autem loca dominationis* disertè ponere videtur, quo feruentius operam suam huc impendāt fideles. Nam si incelebrandis Dei laudibus ne regiones quidem, ubi nulla vox eius auditur, mutæ esse debent, quomodo silere nobis fas erit, quibus os Deus aperit, sacra sua voce nos præueniens?





venti, Auster aerem inficiat. segetes exurat Aquilo: non arbores tantum, sed ædificia prosternat: alii venti fruges terræ corrumpant: trepidandum est sub iustis Dei flagellis. Rursum si Deus suauis aliquo vento temperet nimium calorem, si Aquilone purget aerem fæculentum, si Austris aridam terram humectet: hæc reputanda est eius bonitas. Cæterum quia locum hunc Apostolus citat ad Hebræos cap. 1. 7, & transfert ad Angelos, communi ferè consensu Græci & Latini Interpretes putarunt allegoricè Dauidem loqui. Sic quia Paulus locum ex Psalmo 19. 5, citans, visus fuerat transferre ad Apostolos quod de cælis illic dicitur, totus Psalmus ad allegoriam in-

scite tractus est. Porro Apostoli consiliū non fuit simpliciter exponere quid doceat hoc loco Propheta: sed quia Deus quasi in speculo nobis visibilis proponitur, meritò analogiam posuit Apostolus inter obsequium quod palam & sensibili modo venti Deo præstant, & quod ipse ab Angelis recipit. Summa est, sicuti Deus ventis vititur tanquam nuntiis, huc illuc conuertit, sedat & excitat quoties visum est, ut eorū ministerio declararet suam potentiam: sic Angelos esse creatos ut Dei iussa exequantur. Et certe malè proficimus in spectaculo totius naturæ, nisi fidei oculis speculamur spiritualem illam gloriam, cuius imago in mundo nobis apparet.

5 *Fundauit terram super bases suas, non rutabit in seculum & vsque.*

6 *Abyssus quasi veste operuit eā, super montes stabunt aquæ.*

7 *Ab increpatione tua fugient, à voce tonitruui tui celeriter transibunt.*

8 *Ascendent montes, descendant valles ad locum quem fundasti eis.*

9 *Terminum posuisti, non præteribunt, nõ reuertentur ad operiendam terram.*

5 *Fundauit terram.* Hic in terræ stabilitate prædicat Dei gloriam. quomodo enim locum suum tenet immobilis, quum in medio aere pendeat, & solis aquis fulciatur? Non caret hoc ratione fateor, quia terra infimum locum occupans, ut est centrum mundi, naturaliter illic subsidit. sed in hoc quoque artificio relucet admirabilis Dei potentia. Deinde si aquæ supereminent, quia leuior sunt, cur non ergo circulariter operiunt totam terram? Hic certè non habent philosophi quod respondeant, nisi Dei providentia correptum fuisse naturæ ordinem, ut hospitium pateret hominibus. Nisi enim certo Dei consilio cohiberi aquas cõcedant, non modò maliciam suam produnt & ingratiitudinē, sed inficiam quoque, suntque prorsus barbari. Non abs re igitur inter Dei miracula Propheta cõmemorat quod incredibile nobis esset, nisi experientia convinceret, verum esse. Ac nimium maligni

sumus, nisi hoc tã certo documento admoniti, discamus nihil in mundo esse firmum, nisi quatenus Dei manu fulcitur. Neque enim mundus habet à seipso originem: itaque non aliunde pendet totus naturæ ordo, quàm ex decreto Dei, quod indita est singulis elemētis sua proprietates. Nec tantum hortatur nos Propheta ad gratias Deo agendas, sed in futurum tempus confirmat, ne trepidè & anxie uiuamus in mundo: sicuti necesse esset nisi testatus esset Deus se hominibus stationem dedisse in terra. Atque hoc singulare eius beneficium est, quod vult tranquillis animis nos in terra habitare: quia æternis eam fulturis stabiliiuit. Et si enim sæpe cõtingit vrbes chasmate perire, corpus tamen ipsum terræ manet: imò quicquid motuum accidit, melius cõfirmat, terrā singulis momētis absorberi posse nisi arcana Dei virtute stare.

6 *Abyssus tanquam veste.* Potest hoc duobus modis intelligi, vel quod nunc

mare operiat terram quasi vestis : vel quòd in iis, antequam aquas voce sua Deus in acervum colligeret, abyſſo tecta fuerit terra. Videtur tamen illud melius quadrare Prophetæ verbis , nunc mare eſſe terræ integumentum. Nam in prima creatione abyſſus non tam veſtis erat quàm ſepulchrum, quia nihil ab ornatu magis alienum eſt, quàm confuſa illa vaſtitas & informe chaos. Hic ergo meo iudicio, laudatur mirabilis iſta diſtinctio, quòd quum abyſſus forma careat, ſit tamen ornatus terræ. Quia videtur aliò ducere contextus, illuc magis inclinant Interpretes, teſtimium fuiſſe terram abyſſo antequam ſegregarentur aquæ. Sed facilè ſolvitur hic nodus, ſi futurum tempus, ubi dicit Prophetæ, *Super montes ſtabunt aque*, in potentialem modum reſoluas, quod Hebræis ſatis tritū eſt. Et certè non dubito, ubi dixit Prophetæ veſtitam fuiſſe terræ aquis, exegerit addere, *Super montes ſtarent aquæ* niſi ab increpatione tua fugerent. Vnde enim ſit ut emineant montes, valles ſubſidant, niſi quòd fixi ſint aquis limites, ne reuerti queant ad terram mergendā? Videmus nunc contextum optime fluere, quòd mare, quum abyſſus ſit horrore ſua vaſtitate incutiens , ſpecioſa tamen ſit terræ veſtis. Metaphoræ autem ratio eſt, quia extat aperta terræ ſuperficies. Confirmat autem Prophetæ hoc non eſſe fortuitum. niſi enim aquas cohibeat Dei providentia, annon protinus ſe proiciant aquæ ad terram obruendā? Quæ nam reſtabit montium & vallium diſtinctio? Ergo Prophetæ non temere contendit, claro miraculo, non autem naturaliter fieri ut appareat aliqua terræ facies. Nam ſi habenas mari Deus laxaret, repente ſtarent aquæ ſuper mōtes. Nūc quia fugiunt ab obiurgatione Dei, feruntur in diuerſam partem, *Obiurgationem* vero Dei & *voce* tonitrui vocat terrificū imperium quo Deus prohibet violentos maris impetus. Quanquam enim ſolo nutu hanc diſtinctionem poſuit , & hodie tuetur: ſi tamen reputamus quàm tumultuoſe deſpumat maris feruor , non fru-

ſtra dixit Prophetæ, violento Dei impetio compeſcit: ſicuti & Ieremiæ 5.22 , & Iob 28.25, Deus hac in parte ſuam potentiam magnificè commendat. *Aſcenſus montium & vallium deſcenſus* poeticæ ſunt figuræ, niſi Deus abyſſum ſuis finibus includeret, nullum fore amplius diſcrimen inter montes & valles, quia totam terram ingurgitaret. Valet autem hæc diuerſitas ad terræ pulchritudinem. Dicit vallibus fundatum eſſe locū, quia in radicibus montium nihil eſſet ſolidi, ſed illic dominaretur abyſſus, niſi Deus vacua illic ſpatia eſſe quaſi præter naturam iuberet.

9 *Terminum poſuiſſi.* A perpetuo ordine melius amplificat quod poſuit miraculum. Phyſici hoc fateri coguntur, & vnum eſt ex primis rudimentis, quum aqua circularis ſit, & medium locum inter terram & aerem occupet, fieri cæleſti providentia ut pars terræ ſicca ad hominum habitationem emineat. Huic etiam rei clara eſt nautis demonſtratio: imò ſi rudiffimi idiotæ tantum aperiant oculos, videbunt in mari excelleræ aquarum moles lōge ſupra terræ ſitum. Certe nulli aggeres, nulla etiam ferrea clauſtra facerent tam firmam conſiſtentia qualis in aquis natura fluidis cernitur. Sicuti autem nuper dixi, terræ motus & hiatus qui cladem afferunt certis locis, non euertere terræ ſtatum, ita & de mari ſciendum eſt, quum alicubi fines ſuos tranſiit, fixam tamen manere legem, ut vacua maneat terræ incolis habitatio. Mare Balticum ætate noſtra longos agrorum tractus ſubmerſit, magnamque iacturam Flædris intulit, & aliis vicinis gentibus. ſed hoc ſpeciali diluvio admonitiſimus quid fieret ſublato Dei obſtaculo. Quæ enim factum eſt ut non ſi mul abſorpti ſimus, niſi quia Deus ſauū illud elementum verbo ſuo continuit? Summa eſt, quanvis naturaliter poſſint aquæ terram tegere, hoc tamen non futurum: quia ſicuti eterna eſt veritas , ita ſtabilis manet hic ordo quem Deus verbo ſuo ſanciuit.

10 *Emittens fontes in conuallibus, qui inter montes ambulabunt,*

11 *Bibent omnes bestiae agri: frangent onagri sitim suam.*

12 *Iuxta eos volucris celi habitabit, è medio ramorum dabunt vocem.*

13 *Irrigans montes è cœnaculis suis: è fructu operum tuorum satiabitur terra.*

14 *Germinare faciens herbam animali, & herbam in ministerium hominis, ad educendum panem e terra.*

15 *Et vinum exhilarat cor hominis, ad illustrandum faciem eius oleo: & panis cor hominis sustentat.*

20 *Emittens fontes.* Aliud tam virtutis quàm gratiæ Dei specimen describit, quòd fontes scaturire facit in montibus, qui per medias valles decurrant. Quauis enim terræ siccitas nobis ad hospitium necessaria sit, nisi tamen supereretur aqua ad potum, & terra aperiret suas venas, deficeret omne genus animalium. Hoc ergo temperamentum commendat Propheta, quòd terra quauis arida sit, suo tamen liquore nos irrigat. **וַיִּשְׁלַח** alii vertunt torrentes aut flumina, sed rectius est quod posui. Quod etiam sensu cōtinuò post additur, *inter montes fluere*, quum tamen vix credibile sit ex rupibus & lapidosis locis posse oriri fontes. Quæritur tamen cur *animalia agri* potius dicat Propheta *sitim suam restringere*, quàm homines, quorū gratia conditus est mundus. Mihi non dubium est quin ad amplificandam Dei gratiā ita loquutus sit Propheta, quòd suam curam ad bruta pecora extendere dignatur, imò vsque ad *onagros*: sub qua specie sylvestres feras designat. Et Propheta consultò deserta loca commemorat, vt quisque nostrum deinde amœniores terræ partes & cultu aliquo nitidas cum illis compareret. Nā per vastas quoque solitudines decurrūt flumina: illic fera bestia aliqua Dei benedictione fruuntur: nec vlla est tam sterilis regio quæ non habeat sparsas arbores, vbi resonant auium cantus. Quum in locis illis squalidis appareant signa Diuinæ bonitatis & potentia, quantum admirationis meretur vberimā bonorum copia quæ in regionibus cultis & amœnis conspicitur? Certè vbi nō modò flumen vnum decurrit, crescit herba

pascendis feris, ex paucis arboribus audiuntur auium voces, sed multiplex bonorum copia, & varietas oculis nostris vbique se ingerit, plusquam brutus est stupor noster, nisi ad piam gloriæ Dei meditationem eo magis finius intenti. Eandem sententiam profertur quum dicit Deum *irrigare montes è cœnaculis suis*. Hoc enim miraculum est non vulgare, quòd montes qui videntur perpetua siccitate damnati, & quodammodo in aere pendunt, abundant tamen pascuis. Itaque meritò concludit Propheta, non aliunde prouenire hanc fecunditatē, nisi quia Deus arcanus est agricola. Tribuit quidem improprie laborē Deo, sed nō sine ratione: quia Deus terram ex sua quiete benedicens, efficacius agit quàm si cuncti mortales assiduo labore se conficerent.

14 *Germinare facient.* Iam ad homines descendit, quos Deus peculiari cura tanquam filios dignatur. Postquam ergo de brutis animalibus loquutus est, dicit segetem produci, & ex ea panē ad homines alendos. neque id modò, sed oleum quoque & vinum accedere: quæ duo non solum ad necessitatem, sed ad lætitiā pertinet. Particulā **לַעֲבוֹדָתָם** nonnulli de labore accipiunt quæ agriculturæ impendunt homines. Nam quū sponte & sine humana industria herbæ in montibus nascātur, segetes & herbas satius hominum operam requirere & sudorem notum est. Ergo secundum eos sensus erit, Deum benedicere hominū obsequio quod præstant in agrorū cultu. Sed quoniam argutia hæc coarctior est, rectius sumetur hoc nomen pro seruitio, vt vulgò loquuntur. Nomen *panis*



si cui restrictè accipere libeat non repugno. quanquam probabile est reliquos cibos etiam comprehendere : tantum mihi displicet eorum sententia qui panem excludunt. Infirma autem est eorum ratio, quia paulò post subiicitur alius panis usus, quòd scilicet cor hominis confirmet: quia illic diuerso modo res eadè exprimitur. Intelligit autem Propheta Deum producere herbam hominibus qua alantur, non modò quia victum in tritico terra suppeditat, sed etià in herbis & aliis fructibus: quia non vno tantum genere alimenti pascimur.

15 *Vinum latificat.* His verbis admonet, Deum non modò prospicere hominum necessitati, & largiri quantum ad ordinarios vitæ usus sufficiat: sed pro sua indulgentia liberalius eos tractare, dū corda exhilarat vino & oleo. Nam certè aquæ potu contenta esset natura. ergo ex Dei largitate est vini accessio. Quod dicit *illustrari facies oleo*, variè exponitur. Nam quia tristitia obnubilat faciem, quidam intelligunt nitere lætitia dum commoditate vini & olei fruuntur homines. Quidam argutius ad lucernas referunt: quod ratione caret. Alii literam *Q* comparatiuè accipiunt: ac si dictum esset, nitere magis hominum facies vino quàm si oleo perunctæ essent. Ego verò non dubito quin de vnguents loquatur Propheta. hoc enim vult, Deum nò modò erogare hominibus quod satis sit ad frugalem usum, sed vltèrius progredi, dum eorum deliciis indulget. Ac postremum membrum ubi dicit *panem cor hominis fulcire*, sic interpretor, sufficeret quidem homini panis ad vitam tolerandā, sed Deus vinum & oleum de superabundanti, vt aiunt, largitur. Non est igitur superuacua repetitio de panis usu, sed ad commendationem gratiæ Dei posita est, dū molliter & laute homines, tanquam pater indulgentissimè, filios educat. Ergo iterum dicit, quum Deus satis benignum se nutritum in pane præstet, bis & ter in ipsis lautitiis esse liberalem. Cæterum, quia nihil proclivius est quàm Dei beneficentia ad luxum abuti, quo largior erga homines est Deus, eo magis cauendum est ne abundantiam quæ offertur, contamineat sua intemperie,

Ideo non abs re vetat Paulus Rom. 13. 14, curam carnis agere pro concupiscentiis eius. Nullus enim erit modus si carni demus quantum appetit. Et sanè sicuti benignè nobis Deus indulget, sic legem temperantiæ statuit, vt quisque in sua abundantia sponte se restringat. Emittere boues & asinos ad pascua, qui sua satietate contenti sunt: nobis plusquam opus sit suppeditans, præscribit certā moderationem, ne sua beneficia nimis cupidè voremus, ac in largiore copia frugalitatem nostrā examinat. Hæc autem legitima vtendi ratio, vt nos sustinet victus, nò opprimat. Mutua etiam communicatio quam Deus præcipit, optimè est intemperantiæ frænum. Hac enim lege abundant diuites, vt fratrum succurrant inopiæ. Certè quia Propheta ingluuiem hominum hic cum Dei prouidentia nò permiscet, colligimus ex eius verbis vino licere vti non modò ad necessitatē, sed ad lætitiā. sed hæc lætitiā sobriè temperanda est: primum ne sui obliuiscantur homines, sensus suos obruant, vires suffocent: sed latentur corā Deo suo, quemadmodum iubet Moses, Leui. 23. 40: & cum gratitudine se ita exhilarent vt agiliores reddantur ad Dei obsequium. Qui hoc modo gaudebit, paratus quoque erit ad ferendam tristitiam quoties ita visum Deo fuerit. Tenenda enim est illa Pauli regula Philip. 4. 12. Didici abundare, didici & penuriā pati. Nam si quod imminet iræ Dei signū, etiam qui circūfluet omni lautioris annonæ copia restrictus erit in suo victu: quia se ad saccum & cinerem vocari intelliget. Multò itaque magis à deliciis prohibetur quem sua inopia cogit esse frugi ac sobrium. Denique si alium cogat morbus à vino abstinere, alius vapam tantum habeat, alius nò nisi aquā, contentus sit quisque sua sorte, ac se lætitiā quam Dominus non concedit, libenter & placidè abdicet. Idem & de oleo dicendum. Videmus vnguenta fuisse in usu frequenti apud Iudæos, sicuti apud reliquos Orientales. Alia est hodie nostra ratio, quia magis ad medicinā seruantur vnguenta quàm ad delicias adhibeantur. Dicit tamen Propheta in hunc quoque usum dari oleum vt se eo perfuadant homines. Sed notandū est, quia

quia plus satis ad voluptatem proclives sunt homines, ne ad luxuriā trahatur libertas, tēperantiā legē non debere separari à Dei beneficentia. Et semper addēda est hæc exceptio, ne quis licentiā ex hac doctrina arripiat. Cæterum, vbi sedulo admoniti fuerint homines de cupiditate frānanda, vtile est ipsis cognoscere, Deum permittere moderatas delicias vbi facultas suppetit. alioqui ne

pane quidem & vino trāquilla consciētia vnquam vascetur: imò tandem de sapore aquæ scrupulum sibi iniicient: certē ad mensam nunquā accedent nisi trepidē. Interea maior pars mundi sine delectu in delicias se ingurgitabit: quia non expendet quid secundum Deum liceat: quia optima frugalitatis magistra nobis esse debet paterna Dei indulgentia.

16 *Satiabūtur arbores Iehoua, cedri Libani quas plantauit:*

17 *Quia illic aues nidificāt, ciconia cuius abietes sūt domus.*

18 *Montes excelsi damis, rupes latibulum erinaceis.*

16 *Satiabuntur.* Rursus concionatur de generali Dei prouidentia in fouendis omnibus mundi partibus. ac primum dicit, illa irrigatione de qua loquutus fuerat, saturari arbores, vt hospitium auibz præbeant. Postea dicit latebras etiam dari capreis syluestribus & cuniculis: vt appareat nullam mundi partem ab optimo Patre negligi, & nullam creaturam curæ eius esse expertem. Ab hominibus ergo ad arbo-

res transit Propheta: ac si diceret, non esse mirum si Deus homines ad imaginem suam creatos tam liberaliter nutriat, quum ne ad arbores quidem curā suam extēdere grauetur. *Arbores Iehoua* nominat proceras & quæ pulchritudine excellunt: quia in illis magis conspicua est Dei benedictio, vt vix succus vllus terræ sufficere posse videtur qui ad tantam altitudinem perueniat dum folia quotannis resumunt.

9 *Fecit lunā instata tempora: sol cognouit occasum suum.*

20 *Ponis tenebras, & fit nox: in ea reptat oīs bestia syluæ.*

21 *Leones rugiūt ad prædā, & ad quærēdū à Deo cibū suū.*

22 *Orietur sol, colligētur, & ad sua domicilia accubabūt.*

23 *Egredietur homo ad opus suum & ad laborem suum vsque ad vesp̄erum.*

19 *Fecit lunam.* Descendit iam ad aliud elogium Diuinæ prouidentia, Deū scilicet ita disposuisse solis & lunæ cōsum, vt aptissime cohæreat alterna series. Adeo enim ordinem nō perturbat varietas in mutuis vicibus, vt faciliē appareat non potuisse tempus melius distinguī. Quum dicit lunam creatam esse in tempora stata, consentiunt Interpretes hoc debere intelligi de statis & præfixis diebus. Nam quum soleāt Hebræi supputare menses suos à lunā, eā habēt directricem ad festos dies, & tam ad sacros quam politicos conuentus. Ego tamen synecdochen subesse non dubito: ac si dixisset Propheta, lunam non modo dies à noctibus distinguere, sed etiā notare dies festos, describere annos & menses, denique accommodatam esse

ad multiplices vsus: quia ex eius cursu petitur temporum distinctio. Quum dicit *solē cognoscere occasum suum*, non tantum de quotidiano circuitu intelligo: sed quia gradatim nunc accedens propius ad nos, nunc recedens, suas stationes metiri nouerit, ex quibus æstatē, hyemem, ver & autumnum conficiat. *Reptare noctū* dicit *bestias syluæ*, quia timidē egrediuntur ex suis latebris. Quidam verbum **וַיִּרְאוּ** pro ambulare accipiunt: sed propria significatio nō male conuenit, quia etsi inedia sæpe feras adigit ad rabiem, captant tamen noctis tenebras: ideo propter hanc timiditatē dicuntur reptare,

21 *Leones rugiunt.* Tametsi leones si fames eos cogat, etiā media luce prodeunt & rugitum edunt, descripsit tamē

Propheta quid frequentius accidere solear. dicit ergo leones interdiu progredi non audere, sed tenebris noctis fretos proflire ad prædam. Atque hic mirabilis Dei providentia apparet, quòd tam formidolosum animal in antro se continet, ut liberior sit hominibus ambulatio. Quod autem maiore interdum licentia vagantur leones, id defectioni Adæ imputandum est, quæ illi dominiû in feras bestias abstulit. Manent interea reliquæ quædam pristinæ benedictionis Dei, quòd diurna luce quasi repagulis vel catenis Deus tot truculentas bestias continet. *Cibum à Deo querere* dicens, nō intelligit ad Dei curam se conferre ac si eum nutritum agnoscerent: sed rem ipsam designat, quòd scilicet mirabili ratione Deus bestiis tam vora cibis alimentum provideat.

24 *Quàm magnificata sunt opera tua Iehoua! omnia in sapientia fecisti, impleta est terra opibus tuis.*

25 *Hoc mare magnum & spatiosum regionibus, illic reptile & non numerus, animalia pusilla cum magnis.*

26 *Illic naues ambulant, Leviathan quem formasti ut ludat in eo.*

24 *Quàm magnificata.* Non enumerat Propheta integram operum Dei descriptionem, quod immensum foret: sed tantum species quasdam attingit, ut accuratius apud se quisque reputet ac meditetur qua providentia Deus totum mundum & singulas eius partes gubernet. Itaque sermonem suum abruptus, cum admiratione exclamat, *Quàm magnificata sunt opera tua*: sicuti tunc demum iustus honor tribuitur Deo, ubi stupore correpti fatemur linguas nostras & sensus omnes deficere. Quòd si exigua operam Dei portio nos obstupescere cogit, quantulus erit ingenii nostri modus ut solidam magnitudinem capiat? Primò autem dicit sapienter Deum omnia fecisse: deinde addit terram plenam ac refertā esse eius copiis. Porro nomine *sapientie* non excludit potentiam, sed intelligit nihil in mundo esse confusum: quin potius summa ratione ordinatam esse tot rerum misturam, ut nihil vel addi, vel detrahi, vel corrigi queat. Hoc

22 *Orietur sol.* Prosequitur illam sententiam, sic distribui à Deo temporum vices, ut dies sit proprius hominis. Nisi enim tot feras nobis infestas cohiberet Deus, mox actum foret de genere humano. Quum ergo iam post lapsum hominis videri possint bestie in perniciē nostram natæ, & obuios quosque discerpant ac lanient: necesse est salutem hanc Dei providentia clausam teneri. Eas autem ut recludat in antro sua, tantum pro terrore lucem solis opponit. Gratiam hanc magis commendat Propheta à necessitate: quia nulla alioqui libertas esset hominibus versandi in labore vel negotiis. Quòd ergo luce protegitur homo contra vim & iniurias belluarum, in eo perspicitur incomparabilis Dei bonitas, qui humanis commodis tam paternè prospexit.

verò elogium pravis imaginationibus opponitur quæ nobis sæpe obrepunt, ubi nos in Dei operibus fugit eius consilium. Quasi verò stultitiæ nostræ obnoxius sit Deus, ut cogatur reprehensores ferre, qui in reputandis eius operibus cæcutiunt. Eodem quoque elogio vesaniam eorū coarguit Propheta, qui mundum fortuito constatum esse somniant, sicuti Epicurus ex atomis nugatus est composita fuisse elementa. Quum autē plusquam brutum sit commentum illud, tam coccinnam fabricam & inæstimabili ornatu distinctam, ex cæco atomorum concursu concretam fuisse, Propheta hinc nos Dei sapientiam & incredibile artificium quod resulget in totā mundi gubernatione, diligentius attendere iubet. Sub *opibus* comprehenditur bonitas Dei, & beneficentia. Neque enim sibi diues est, sed in bonum nostrum exuberat, ne quid in usus nostros desit. Terram verò non esse tam fecundā à se ipsa vel locupletē, sed liberalitatis Dei ministram



ministram nobis testatum esse debet.

25 *Hoc mare magnum.* Postquam de terrenis gloriæ Dei testimoniis concionatus est, in mare quoque ascendit, docens illud nouum esse potentia Dei & sapientiæ speculum. Nam si mare piscibus vacuum esset, solo tamen amplitudinis conspectu iam esset admirabile, præsertim dum nunc ventis & tempestatibus intumescit, nunc sedatum residet. Iam nauigatio quauis ab hominum industria profecta sit, pendet tamē ex Dei providentia, qui transitum ho-

minibus per aquas concessit. Sed pisciū abundantia & varietas gloriam Dei nō parum amplificat in mari. *Balanam* tamen vel cetum præcipuē celebrat: quia solum hoc animal satis superque formidabilem Dei virtutem ante oculos exhibet. quare & de eo tam longus sermo in libro Iob textur. Quia autē motus eius ingenti concussione non minus corda hominum quā mare perturbat, Propheta hunc motū *lufus* nomine designat, respectu Dei: ac si diceret balantis datū esse cāpū illum in quo se exerceat.

27 *Omnia ad te respiciunt, vt des escam eorum tempore suo.*

28 *Dabis illis, colligent: aperies manum tuam, satiabuntur bono.*

29 *Abscondes faciem tuam, terre buntur: colliges spiritum eorum, deficient, & in puluerem suum reuertentur.*

30 *Emittes Spiritum tuum, creabuntur: & renouabis faciem terræ.*

27 *Omnia ad te.* Hic rursus Propheta Deum nobis prouidum erga omne animalium genus patrem familias & nutritium describit. Prius dixerat fœnū creari in montibus vnde alantur iumenta: subministrari leonibus ipsis victū eiusdem Dei manu, quauis ex rapto viuāt: nunc addita circumstantia miraculum illud Diuinæ beneficentiæ exprimit. Nā quum infinitæ propemodū sint animalium species, & in singulis tantus numerus, nullum tamen est quod nō indigeat quotidiano victu. hoc intelligit dicens *omnia respicere in Deum*: ac si diceret, non posse vel triduum manere in statu, nisi Deus quotidianæ eorum necessitati subueniens, singula reficeret. Huc pertinet tanta fructuum diuersitas: quia cōmodum & proprium quibusque cibum Deus attribuit ac destinat. Etsi autē ratione & iudicio non pollent bruta animalia, vt necessitati suæ remedium in Deo quærant, imò prona in terram ad pabulū ingurgitandū ferantur: propriè tamē loquutus est Propheta, respicere ad Deum dicens, quorum in edix eius libe-

ralitatem succurrere necesse est, ne mordeficiant. Nec superuacua est temporis notatio, quoddannonam animalibus reponit Deus, vt per totum anni circuitū reperiunt vnde vescantur. Nā quum terra hyeme viscera sua claudat, quid fieret nisi victum curaret in longum tempus? Crescit ergo miraculum, quodd Deus statis temporibus terram fœcundam reddens, benedictionem suam in reliquum annum extendit, quauis esuriem & famē minetur. Quid enim nobis miserius dum suas opes hyeme contrahit terra, nisi animos nostros foueret spes noui prouētus? Quo sensu apposite dicit Deū *manum suam aperire*. Nā si quotidie nasceretur triticum, obscurior esset Dei prouidentia. vbi autem arefcit terra, perinde est ac si manū suam clauderet Deus, vnde sequitur, dum eam fœcundat, quasi exerta manu cibum è cælo nobis porrigere. Quodd si feris & brutis animalibus victum opportunè suppeditat, quo ad satietatem pascantur, nobis eius benedictio inexhaustū erit copiarum, modò ne eam prohibeamus, infide-

litis nostræ obſtaculo.

29 *Abſcondes faciem tuam, &c.* His verbis docet nos ſtare & cadere pro Dei nutu. ſtamus enim quatenus nos ſua virtute ſuſtinet: ſimul autem ac viuificum ſpiritum ſubducit, cadimus. Vidit hoc etiam Plato, qui ſapius docet, propriè loquendo, vnum Deum eſſe, omnia autem in eo ſubſiſtere duntaxat. Nec dubito quin per illum profanum ſcriptore expergeſcere voluerit Deus cunctos mortales, vt ſentirent aliunde ſe vitam mutuari. Ac primò terreri dicit, ſi Deus faciem ſuam abſcondat: ſi ſpiritum eorum auferat, mori, & in puluerem redire. quibus verbis ſignificat viuificos eſſe Dei oculos vbi nos reſpicere dignatur: & quādiu relucet ſerena eius facies, vitā inſpirare omnibus creaturis. Bis ergo inexcufabilis eſt noſtra cæcitas, niſi in illam bonitatem, quæ totum mundū viuificat, viciffim conſpicimus oculos. Gratum verò deſcribit animalium interitum, vbi arcanum ſuum vigorem retrahit Deus, quo melius ex oppoſito continuam inſpirationem commendat, quæ vegetantur. Quamquam autem ultra progredi poterat, omnia ſcilicet in nihilum reditura eſſe, contentus tamen fuit hoc craſſo & populari docendi modo, in putredinem concidere quicquid Diuinitus non fouetur. Dicit autem rurfum quotidie mundū *renouari*, quia *ſpiritum ſuum Deus emittit*. Ec certè in noua animalium ſobole aſſidue cernimus nouam mundi creationem. Quod verò ſpiritum, quem

prius animalium eſſe dixit, nunc tribui Deo, nihil in eo repugantiæ eſt: Deus ſpiritum qui penes eum reſidet, emittit quò viſū eſt: ſimul ac emiſit, omnia creatur. hoc modo quod ſuum erat, noſtrum facit. Cæterum hoc veteri Manichæorū delirio nihil ſuffragatur, quod in deteriori noſtra ætate auxit impurus ille canis Seruetus. Dicebant Manichæi animam hominis particulam eſſe Diuini ſpiritus, & ex eius traduce naſci. hic nebulo dicere auſus eſt boues, aſinos, & canes eſſe partes Diuinæ eſſentiæ. Manichæi ſaltem colorem hunc obrendebāt, quod anima hominis formata eſſet ad Dei imaginem: ſed idem ad porcos ac pecudes tranſſerre, bis deteſtabile portetum eſt. Prophetæ autem nihil minus propoſitum fuit, quàm Dei ſpiritum partiri, vt eſſentialiter aliqua eius portio in ſingulis animantibus habitet. ſed ſpiritum Dei vocauit, qui ab eo proficiſcitur. Interea noſtrum eſſe admonet, quia nobis in vitam datus eſt. Summa huc tendit, dum videmus quotidie mundū deficere & renaſci, in hoc ſpeculo lucere nobis viuificam Dei virtutem. Quotquot enim animalium interitus accidunt, totidem ſunt exempla noſtræ nullitatis, vt ita loquar: dum alia ſuboleſcunt, quædā mundi renouatio nobis oſtenditur. Quādo itaque mundus quotidie interit & renaſcitur in ſuis partibus, hinc colligere promptum eſt, nonniſi arcana Dei virtute ſubſiſtere.

31 *Sit gloria Iehouæ in ſeculum: latetur Iehoua in operibus ſuis.*

32 *Aſſiciens terram, & contremiſcet: ſi tetigerit montes, fumigabunt.*

33 *Canā Iehouæ in vita mea, pſallam Deo meo quādiu ſum.*

34 *Gratus ſit ei ſermo meus, ego letabor in Iehoua.*

35 *Deficiant ſclerati è terra, & impij uſque dum eſſe deſinant: benedic anima mea Iehouæ. Halelu Iah.*

31 *Sit gloria Iehouæ, &c.* Oſtendit quorſum hæcenus in Dei operibus celebrauerit eius potentiam, ſapientiam, & bonitatem, nempe vt ſenſus hominum erigeret ad ipſum laudandum. Neque enim hic vulgariſ honor eſt, quod Deus

mundum tam ſplendido ornatu in gratiam noſtram inſtruxit, vt nō ſolum pulchri huius theatri ſimus ſpectatores, ſed multiplici bonorum copia & varietate, quæ in eo nobis ſunt expoſita, fruamur. Hæc gratitudo vnicæ cōpenſationis lo-

est apud Deum, ubi debita eum laude prosequimur. Quod addit, *latetur Iehoua in operibus suis*, minime superuacuum est. Cupit enim ordinem, quæ ab initio Deus instituit, fluere in legitimo donorum eius usu. Sicut enim eum penituit fecisse hominē, Gen. 6. 6, ita dū suam benedictionē inquinari videt nostris corruptelis, oblectationem ex ea capere desinit. Et certe confusa perturbationes quæ accidunt ubi elementa in officio suo cessant, æstantur displicentia & tædio Deū adduci ut æquabilem cursum suæ beneficentiæ abrumpat: non quod in eum cadant eiusmodi passiones: sed personam optimi Patris induit, quī filiis blādē fouendis & liberaliter alendis se oblectat. Proximo versu ostendit statum mundi in illa Dei lætitia fundatū esse: quia nisi terram vegetet sereno paternoque affectu, simulac eam se uero oculo aspexerit, eremes faciet, montesque ipsos exuret.

33 *Canam Iehoua, &c.* Præit aliis suo exemplo, & se toto vitæ cursu insatigabilem laudum Dei præconem fore denuntiat. Metā verō laudandi Dei in morte locat, non quod Sancti, ubi in aliam vitam migrarunt, supersedeant ab hoc pietatis officio: sed quia in hunc finem sumus conditi, ut Dei nomen per nos in terra celebretur. Cæterū quia indignum se agnoscit qui tam pretiosū sacrificium Deo offerat, suppliciter rogat ut gratæ sint quas Deo cantabit laudes, licet ex pollutis labiis profectæ. Verum quidem est, nihil Deo magis placere vel probari, quā laudum suarum prædicationem, sicuti nihil à nobis tantopere exigit. sed quia pollutio nostræ conta-

minat quod erat natura sua sanctissimū, meritō ad Dei indulgentiā cōfugit Propheta, ne suis canticis grauetur locū dare. ideo docet Apostolus Heb. 10. 9, placere Deo sacrificia gratiarū actionis, quatenus per Christum offeruntur. Iam verō dum promiscuē fruuntur omnes Dei beneficiis, quia vix centesimus quisque respicit in ipsum autorem, subiicit etiā Propheta, *labor in Domino*, raram virtutem significans. quia nihil difficilius quā ex erraticis gaudiis, quæ per cælū & terram euanescent, mentem colligere ut se in Deo contineat.

35 *Deficiant scelerati & terra.* Pendet hæc imprecatio ab illa sententia, *Latetur Deus in operibus suis*. Nam quia scelerati mundum suis sordibus inficiunt, hinc fit ut Deo minus iucunda sit ac ferre displiceat eius fabrica. Neque enim fieri potest quin eum offendant pollutio, quæ per omnes mundi partes dispersa, deprauat & corrumpit tam nobile eius opus. Ergo quia impii peruerso donorum Dei abusu faciunt ut quodāmodo degeneret mūdus, & desciscat à prima sua origine, meritō eos exterminari cupit Propheta vsque dum prorsus deficiant. Meminerimus ergo sic expendere Dei providentiam ut in eius obsequium additi, beneficiis quæ in vsum nostrū sanctificat, ritē & purē utamur. Deinde nobis doleat tā pretiosos thesauros impiè dissipari: ac nobis detestabile portentū sit, mortales non tantū sui opificis obliuisci, sed quasi data opera conuertere in præposterum & indignum finem quicquid ipsis bonorum contulit,

## ARGVMENTVM PSALMI CV.

Commendat singularem Dei gratiam, quod sibi ex toto orbe gratis populum vnum adoptauit. Atque vnde ostendit: se non titulo tenus cum Abraham & eius posteris fœdus pepigisse: postquam eos redemit, non desistit etiam innumereis beneficiis prosequi, idque in eum finem, ut qui redempti fuerant, vicissim sanctè obseruarent eius fœdus, & se totos ad hunc eum cultum addicerent.

Psalmus CV.

**C**elebrate Iehouam, inuocate nomen eius, annuntiate in populis opera eius.

2 *Canite ei, psallite ei, loquimini de omnibus mirabilibus eius.*

3 *Laudate in nomine sancto eius, latetur cor querentium Iehouam.*



4 *Querite Iehouam & fortitudinem eius, inquirete faciem eius iugiter.*

5 *Mementote mirabilium eius quæ fecit, prodigiorum eius & iudiciorum oris eius.*

I *Celebrate Iehouam.* Non aliò spectat exordium hoc, nisi vt totam suâ beatitudinem Abraham genus constituat in adoptione Dei gratuita. Est enim nõ spernendum bonum erat, creatos esse homines, paternæ eius cura foueri in mundo, & alimenta ex eius manu percipere: longe tamẽ præstantior fuit hæc dignatio, electos esse in peculiarem Dei populum. Nam quum in Adam maledicta sit omnium mortalium origo sic distincta a fuit conditio populi illius à reliquis Gentibus, vt gloriari posset se Deo sacrũ esse. Ideo Propheta ad huius grætiæ commendationem tot verba congerit. Neque enim disserit de tota mundi gubernatione, vt Psalmo proximo: sed gubernationi fauorem quo complexus est Deus Israelitas, prædicat. Nominat quidem indefinitè *opera eius & mirabilia*: sed vtrunque ad spirituale fœdus restringit, quo Ecclesiam selegit, quæ in terra cælestem vitam meditaretur. Neque enim mirabilia nunc vocat, quòd sol, luna & stellæ quotidie oriuntur vt mundum illustrent, quòd terra suis temporibus germinat, quòd bonorum omnium copia in alimentum suggeritur animantibus, quòd humano generi liberaliter suppetit tot commoditates: sed quòd ex perditione Adæ progeniem exiguam partem sibi delegit, cui se patrem familiariter præstaret: idèque iubet latari in Dei nomine & *ipsum invocare*: quo priuilegio sola Ecclesia excellit. Verne sequitur, nonnisi ad fideles dirigì sermone, quos Deus in fidem & custodiam suam suscipiens, voluit suo nomine gloriari.

4 *Querite Iehouam.* Quanquam nuper hoc titulo insignierat fideles, quòd Deum quærant, eos tamen iam ad illius quærendi studium hortatur: neque abs re, nam verum quidem est, hæc propriè nota discerni fideles à profanis hominibus, sed multum abest quin eum quo decebat seruire quærant: idèque stimulis assidue opus est, quibus, licet vltro currentes, incitètur. Neque enim hic

vel erraticos homines, vel profus ignauos & terrenis facibus affixos ad Deum quærendum sollicitat Propheta, sed qui prompto iam animo huc tendebat: quia scilicet multis impedimentis eos tardarivideret, ne satis accelerent suum cursum. Quamlibet ergo voluntarii simus, necessaria est nobis hæc incitatio quæ pigritiam nostram calciget. Quum dicit *roborem eius & faciem eius*, non dubiũ est quin speciem manifestationis designet, quæ tunc pro temporis ruditate fideles Deus ad se trahit. Scimus autem pluribus aliis locis Arcam fœderis tam robur quàm faciem Dei vocari solere: quia & his symbolis admonebatur populus, Deum sibi propinquum esse, & reipsa experiebatur eius virtutem. Itaque quo se magis familiarem exhibet Deus, ad eum quærendum alacriores esse animos iubet: vt certè ad minicula quibus infirmitatem nostram Deus subleuat, studium nostrum accendere magis debent. Modestia etiã nobis cõmendatur, vt in quærendo Deo tarditatis nostræ memores, viam teneamus ab eo præscriptam, nec rudimenta fastidiamus, quibus nos ad se paulatim deducit. Additur etiam *iugiter*, nequis in hoc cursu defatigetur, vel stulta perfectionis opinione inflatus, externa pietatis subsidia negligat: quemadmodũ multi, vbi quatuor vel quinque pedes progressi sunt in Dei nouitia, quasi Angelis superiores essent, à lege cõmuni se eximunt. Iterum iubet *recordari mirabilium Dei*, quæ in populi sui liberatione edidit: quia scimus illic virtutem suam nouis & inusitatis modis exeruisse. Per *iudicia oris* quidam Legem intelligunt. Sed quia hæc tria vno contextu lego, malo de signis exponere, quibus Pharaonis superbiam fregit Deus. Adhuc tamen de ratione loquutionis ambigitur. Quidam ob Moysi prædictionem, iudicia oris Dei vocari putant: quod probabile est, quanquam simplicius posset accipi, in signis apparuisse incredibilem Dei potentiam: vnde colligere prom-  
ptum

ptum esset ab eo esse profecta. Equidem Moysi ministerium non excludo quem Prophetam Deus excitauerat Aegyptiis, qui denuntians quod futurum erat, hoc ipso probaret non esse fortui-

tum. Meo tamen iudicio, Propheta ad ipsam miraculorum claritatem alludit: ac si diceret, Quamuis Deus verba non fecisset, re tamen ipsa patuisse eum esse populi sui vindicem.

6 *Semen Abrahæ serui eius, filii Iacob electi eius:*

7 *Ipsæ Iehoua Deus noster, in tota terra iudicia eius.*

8 *Recordatus est in seculum fœderis sui: verbi quod mandauit in mille generationes.*

9 *Quod pepigit cum Abraham, & iuramenti sui ad Isaac.*

10 *Et stabiluit ipsi Iacob in decretum, Israël in fœdus perpetuum,*

11 *Dicens, Tibi dabo terram Chanaan, funiculum hereditatis vestre.*

6 *Semen Abrahæ.* Nomine compellat suam gentem, quam Deus (vt dictum est) speciali adoptione sibi deuinxerat. Fuit enim illud sanctius vinculum coniunctionis, mero Dei beneplacito præferri omnibus populis. Vocans autem filios Abrahæ, & filios Iacob admonet non adeptos fuisse tantum honorem proprio marte: sed quia progeniti erant ex sanctis Patribus. Quamquam simul asserit sanctitatem Patrum à sola Dei electione manare, non autem à natura. Vtrunque enim disertè exprimit, antequam nascerentur filii Abrahæ, iam fuisse heredes fœderis, quia originem à sanctis Patribus traherent: deinde Patres ipsos nō sibi peperisse hoc iuris suo merito vel dignitate, sed gratis fuisse electos. nā ideo vocat Iacob *electum Dei*. Quamquā enim Abraham vocatur ipse quoque Dei seruus, Genes. 26. 24, quia purus fuit eius cultor, secundo tamē loco testatur Propheta non ab hominibus fuisse initiatus, sed à Deo solo, qui eos sibi in peculiū aisciscere dignatus est. Infert ex hoc fœdere, quāuis imperiū Dei pateat per totum orbem, & vbique sua iudicia exerceat, esse tamen peculiarem Deum vni populo, sicut dicitur in Cantico Moysi, Deut. 32. 8. Quum diuideret Excelsus Gentes, quum distribueret po-

pulos, extendit funiculum in Iacob. Atque iterum docere voluit Propheta non excellere Israelitas quod meliores esset aliis, sed propter Dei beneplacitū. Nam si Dei iudicia se extendunt per omnes mundi plagas, æqualis est Gentium omnium conditio, earum respectu. Vnde sequitur discrimen in Dei amore esse, & fontem dignitatis esse gratuitum. Quamuis ergo Deus iure suo possideat totam terram, dicit populum vnum sibi sumpsisse in quo regnaret. Ad nos quoque hodię pertinet hæc admonitio. Nam si probe vocationē nostram expendimus, certē reperiemus non aliunde inductum fuisse Deum vt nos aliis præferret, sed mera sua gratia fuisse contentum.

8 *Recordatus est.* Nunc realem (vt vocant) fœderis effectum commendat: atque ex redēptione probat quod prius dixit, Deum, quum æqualiter dominaretur cunctis Gentibus, vnā tamen genus Abrahæ suo favore esse completum. Nam qui factum est vt Deus in redimendo populo, brachii sui virtutem palām tot miraculis illustrauerit, nisi vt fidem olim seruis suis datam præstaret? Constat igitur antiquum fœdus redemptionis fuisse causam: quia vt verax esset Deus in seruandis promissis, antē oportuit misericordem esse. Quia verò loq-

ga annorum series fluxerat inter promissionem & effectum, recordandi verbo vitur Propheta: ac si diceret non ob solescere longo temporis tractu Dei promissiones, sed dum mandus credit eas esse extintas, vel obliuione deletas vigere earum memoriam coram Deo, ut eas opportunè impleat. quod melius confirmat proximo membro, vbi symmetriam & consensum laudat inter formam pacti & effectum: Non ad diem vnum, inquit, vel paucos Deus pepigit cum Abraham, neque etiam vnus hominis vita finiuit fœdus suum, sed in mille vsque generationes promisit se Deum fore eius posteris. Ergo quauis diu suspensum fuerit complementum, Deus tamen re ipsa ostendit vetustate non collabi vel effluere fidem suam. Porro quia Abraham, quum permissus esset idololatri, primus vocatus est: ideo ab eius persona Propheta incipit. Sed postea in filii quoque & nepotis manu sancitum fuisse commemorat. Depo sinit ergo Deus fœdus suum apud Abraham, & solenni iureiurando pepigit se fore Deū seminis eius. Sed quo certior constaret fides, repetere voluit erga Isaac & Iacob. facit enim talis propagatio ut altius hominum cordibus insideat Dei veritas: deinde ut notior sit ac magis cèlebris Dei gratia, repetitis vixibus sapius testata. ideoque per gradus exprimitur quàm firma sit stabilitas illius fœderis. nam quod de singulis Patriarchis dicitur, peraque ad omnes pertinet. Dicit Propheta Deum iurasse ipsi Isaac: annon prius iurauerat Abraham? Hoc certe extra dubium est. Dicit stabilis fuisse erga Iacob decreti loco, & in fœdus perpetuum. An quodd temporale vel caducum prius fuerit fœdus, & tunc naturam mutauerit? Hoc prorsus remotum est à Propheta consilio. Sed diuersis loquendi formis, plenam & solidam confirmationem asserit: ut si forte in vno homine obscura esset vocatio plus lucis accederet ex quo eius testimonium ad posteros transmiserat: quia hoc modo melius rata fuit eius fides. Hic rursus memoria repetere conuenit. Deum plusquam indulgenter nostræ in-

firmitati consulere, dum & iureiurando & repetito sermone nobis confirmat quod semel pollicitus est. Quo fœdior est nostra ingratitudo dū fidem abrogamus nō loquenti modò, sed etiā iuranti.

II *Dicendo, Tibi dabo.* Quum hæc exigua fuerit portio gratiæ Patribus oblata, videtur Propheta nimis angustè includere Dei fœdas quod ad spem vsque æternæ hæreditatis patebat. Sed Propheta satis habuit per synecdochem monstrare præstitum fuisse ac completum quod Deus Patribus fuerat pollicitus. Huc enim tendit eius consiliū eos non alio iure possidere terram Chanaan, nisi quodd ex Dei pacto legitima erat Abrahæ hæreditas. Certè si quis arham contractus ostendat, non violat contractum. Itaque Propheta visibili symbolo probat: Deū non frustra pepigisse cum seruis suis, nec spem eorum luisse, alias gratiæ partes non tollit vel abolet. imò dum audiunt Israelitæ se iure hæreditario occupare terram, quia sint electus Dei populus, longius transcendere conuenit, ut priuilegia omnia, quibus eos ornare dignatus est, simul colligant. Arque hinc notandum est, dum aliqua in parte sua promissa erga nos complet Deus, malignos esse nos & ingratos, nisi in fidei nostræ confirmationem hæc experientia valeat. neque enim dubium est, quoties se patrem nobis exhibet Deus, quin verbi sui vim & efficaciam realiter, ut loquuntur, cordibus nostris obsignet. Quodd si terra Chanaan in calum deducere Israelitas debuit, quia sciebant respectu fœderis in eam se fuisse adductos: longè plus momenti apud nos habere debet, quodd Deus Christum suum exhibuit, in quo omnes promissiones sunt. Etiam & Amen, 2. Cor. 1. 20. Quum dicit, Tibi dabo *funiculum hereditatis vestræ*, mutatio nō meri ostendit cōmuniter Deū pepigisse cū toto populo, licet ad paucos homines verba faceret: sicut paulo antè videmus fuisse decretū, vel legē perpetuam. Etsi enim sancti Patriarchæ primarii fuerūt promissionis custodes, non tamen priuati sibi amplexi sunt oblatam gratiam, sed ut posteris communis foret.

12. *Quum ipsi essent pauci numero admodum, & peregri-*



*ni in ea:*

13 *Et obambularent è gente ad gentem, è regno ad populum alium:*

14 *Non permisit hominibus nocere illis, & corripuit pro ipsis Reges.*

15 *Ne tangatis christos meos, & Prophetas meos ne ledatis.*

12 *Quum ipsi essent.* Hic enumerat Dei beneficia quibus sanctos Patres ià ab initio prosequutus est: vt appareat longe ante redemptionem non fuisse inane fœdus. Hoc enim tendit narratio quam videbimus, ex quo Abraham in fidem suam recepit, mirabiliter eum fouisse: paternum quoque eius amorem & curâ apparuisse in tuendis duobus aliis Patriarchis. Quamquam vbi dicit eos fuisse numero admodum paucos, non modò virtutem Dei hac circumstantia commendat, sed causam simul notat cur tã benècicus erga eos fuerit Deus. Hoc igitur primo loco tenendum est, ne sibi quicquam arrogent Iudei, Prophetam diserte excipere Patres eorum iam tunc fauorem Dei expertos esse quum infirmi essent & contemptibiles, vagi, inopes & secundum carnem modis omnibus miseri. Sic etiam illis Moses exprobrat, Deut 7. Non elegit Deus patres tuos quòd plures essent numero quam alii populi, vel in illis esset aliqua maior nobilitas: sed quia dilexit eos. In summa, neque multitudinis, neque vllius præstantiæ ratio habita fuit in electione huius populi. Vnica fuit domus Abraham, & quidem sterilis: Isaac ex duobus filiis alterum longè ablegare coactus est, alterum vidit rescutum è sua familia: quamquam domus Iacob fuit fecundior, erat tamen priuata. Deinde non modò ignobiles fuerunt & contempti, quum essent inquilini in alieno solo: sed fames etiã vel aliarum rerum penuria sæpius eos coegit locum mutare. quibus positus cõcidit humanæ dignitatis respectus: & clarè patet, quæcunque meos contulit Deus beneficia, non fluxisse ex alio fonte quàm amoris eius. Causa autem amoris extra eum quærenda non est. Ià si tam sollicitè commendat Spiritus san-

ctus Dei gratiam in terrenis beneficiis, quanto magis hoc tenendum est vbi de cælesti hæreditate habetur sermo? Quòd dicit *migrasse à Genie in Genie*, hac circumstantia clarius demonstrat quam mirabilis fuerit Dei protectio in illis seruandis. Si nrdum aliquem quietum reperissent, fuisset hæc commoditas notabile gratiæ Dei signum: sed quum exalauerint in diuersis locis, hinc inde cum magna inuidia reiecti fuerint, quemadmodum si vêtus propellat quisquiliis, multo clarius illic refulget Dei præsidium. Quum ergo vbique eorum vita è filo penderet, mutatio autem hospitii eos nouis subinde iniuriis redderet obnoxios, sola Dei virtus eos præstitit incolumes.

14 *Non permisit hominibus.* Scimus non duos vel tres Abraham & eius filius fuisse aduersos, sed à totis populis exhibitas fuisse molestias. Quum ergo turmatim multi insurgerent alii post alios, Propheta indefinite dicit prohibitos à noxa fuisse homines. ponitur enim hic nomen *U<sup>o</sup> R.* Deinde amplificat Dei amorè erga seruos suos, quòd eorù causa se Regibus opposuerit. nam quòd ne Regibus quidem Aegypti & Gerar perceret Deus, hinc apparet quàm pretiosa ei fuerit Abraham & generis eius salus. Diximus enim nuper, nullius pretii vel existimationis fuisse sanctos Patres coram mundo: quo illustrius suam bonitatem Deus extulit, Regibus eos præferens. Iam videmus, Iudeos in Patrum persona fuisse humiliatos, ne qua dignitatis specie fingerent partiam sibi fuisse gratiam coram Deo.

15 *Ne tangatis christos meos.* Longius nunc procedit, quum Deus bellum suscepit cum Regibus in fauorem seruorum suorum, non modò fuisse ab eo defensos, quemadmodum solet miseris

hominibus & iniuste oppressis succurre-  
re: sed quia illos suo praesidio tuendos  
susceperat. Neque enim generali illa tā-  
tū ratione suos Deus protegit: sed quia  
iure gratuita adoptionis professus est se  
fore illorum vindicem. Hæc ratio est,  
cur nunc duobus elogiis sanctos Patriar-  
chas insigniat Propheta, vocans Pro-  
phetas & vinctos Dei. Dixisset de aliis  
Deus, Ne tangatis homines innoxios,  
ne miseros lædatis, qui de vobis nihil  
tale meriti sunt: sed in Abraham & eius  
filiis aliam sibi ostendit defensionis cau-  
sam esse. Vinctos vocat quos sibi sanctifi-  
cavit in peculium. Eodem sensu vocat  
Prophetas: quo elogio ornatur etiam  
Abraham ipse, Genesi capite 20.7, quia

scilicet non solum Deus propius se illis  
patefecerat, sed quia celestem doctrinā  
fideliter propagarunt, ut superstes eius  
memoria illis mortuis vigeret. Nondū  
quidem vinctiois erat usus, qualis post  
ea sub Legē fuit: sed quod Deus in lega-  
libus caeremoniis postea ostendit, Pro-  
pheta in Abraham reipsa fuisse testatur:  
sicuti Deus omnibus suis electis inscul-  
pit sanctificationis notam. Iam si tan-  
tum valuit interior Dei vinctio quo tem-  
pore ne Legis quidem figuras Deus  
prodiderat, quanto nunc maiore cura  
suos tuebatur, postquam in Filio suo  
vnigenito vinctiois plenitudinem ex-  
hibuit? •

16 *Et vocauit famem super terram, omnem baculum pa-  
nis contriuit.*

17 *Misit ante eos virum, in seruum venditus est Ioseph.*

18 *Afflixerunt in compede pedes eius, ferrum venit in a-  
nimam eius:*

19 *Usque ad tempus quo venit verbum eius: sermo Ieho-  
ue examinauit eum.*

16 *Et vocauit famem.* Hic nobi-  
lissimum specimen prouidentiae Dei er-  
ga electum populum praedicat, quo tē-  
pore videri poterat irritum & deletum  
esse fœdus. Nam ad confirmationem, ut  
prius dictum fuit, addita fuerat arrhæ lo-  
co vel pignoris, hæreditas terræ Chana-  
an. Quum ergo descensus in Aegyptum  
qui domum Iacob priuabat Terræ con-  
spectu, facere non potuit ut fœdus inter-  
cideret, illuc melius refulsit Dei constā-  
tia. Atqui Deus hac ipsa tentatione  
clarius ostendit quā prouidus esset pa-  
ter in tuendo genere Abraham. Sed præ-  
stat singulas partes expendere. Primò  
doct non fortuitam fuisse illam famē  
quæ Iacob expulit in Aegyptum. Tam  
etsi autem de vna fame nunc agitur, sta-  
tuendum tamen est in genere, non aliā  
esse cuiusvis penuriae causam, nisi quod  
Deus manum suam retrahens, alimenta  
subducit. Sed magis exprimitur Dei  
maledictio, quum dicitur vocata fuisse  
fames: quasi præsto fuerit ad Dei obse-  
quium tanquam ira eius ministra. quo  
manetur, famem & pestem, & alia flagel-

la non temerè oriri, nec ferri exco casu,  
sed Dei manu dirigi quod visum est, &  
parere eius arbitrio. Sequitur ratio voc-  
andæ famis, nempe vbi Deus *frangit  
panis robur*. Aptissima autem est baculi  
metaphora, quia Diuinitus indita fuit  
pani vis & proprietates confirmandi ho-  
minis arcana fultura quæ nos sustineat.  
in ipso quasi baculus latet, quandiu Do-  
minus hoc medio vires nostras vult refi-  
ci. Duobus autem modis conteritur hic  
baculus, vel quum aufert tritici copiam  
quæ sufficiat ad nos alendos: (atque ita  
videtur accipere Ezechiel, capite 4.16,  
Confringam baculum panis in Ierusa-  
lem, comedent in mensura & anxitate,  
bibent aquam cum pauore, ne scilicet  
deficiant:) vel quum sufflat Deus in pa-  
nem ipsum, ut esuriam non tollat, sed  
maneant famelici qui vorando satietatē  
quærunt. Et certè hoc secundum ferè  
ad terræ sterilitatem accedit, ut Deus  
à pane sustentam auferat: quia per se nō  
uiuificat panis: (ut dicitur Deuterono-  
mi cap. 8. versu 3.) sed intrinsecam vir-  
tutem mutuatur ex ore Dei.

27 *Misit ante eos.* Totus hic contextus quasi per hypotyposin ostendit, manu & consilio Dei fuisse gubernatum quicquid contigit in populo illo. Simplex narratio erat, famem venisse in terram, quum Ioseph à fratribus venditus, in Aegyptum delatus esset. Sed emphatice loquitur Propheta Dei consilio præmissum fuisse Ioseph qui domum patris sui aleret: vocatam deinde fuisse famem, tunc Dei providentia oblatum fuisse præter spem remedium. Et si autem hoc generaliter verum est in rebus humanis, peculiarem tamen regendæ Ecclesiæ curam commemorat Propheta. Recitat autem secundo loco quod temporis ordine prius est. Ideo in verbo *intendi* tempus plusquam perfectum melius sensum exprimit: nempe antequam Deus terram Chanaan fame affligeret, remedium parasse seruo suo Iacob, & familiæ eius. Ioseph enim præmiserat quasi œconomum qui victum illis curaret. Po nit autem duo quasi contraria, vnde providentia Dei melius eluceat. Quomodo enim missus est Ioseph à Deo? nempe quum destinatus esset ad mortem. fortè accidit ut fratres vendere ipsum maluerint quàm relinquere in sepulchro. Ipsa igitur venditio si per se reputetur, quasi nubes interposita, obscurat & obteggit Dei providentiam. Vbi enim initum est consilium de eius cæde, quis sperasset fore nutritium paternæ domus? Post, genus mortis inuentum est minus crudele. sed in cisternam proiectus quomodo aliis succurrere poterat? Summa spes fuit, quòd tandem venditus, è cisterna emerisset. Sed rursus parum absuit quin tota vita putresceret in carcere. Quis putaret tam flexuosos circuitus regi Dei providentia? Ideo Propheta occurrit, dicens, respectu quidem hominum fuisse venditum, sed præmissum tamen fuisse Diuinitus. Locus hic notatu dignus est, quia optimè Dei providentiam asserit contra præposterum carnis nostræ stuporè. Quia enim subsistimus in mediis quæ nobis occurrunt, vel hominum consiliis ascribimus quicquid geritur, vel casu accidere putamus: ita nemo ferè ad Deum penetrat. Atqui venditio Ioseph hic non obtenditur quasi velut quod Dei providentiam abscondat, sed po-

tius tanquam insignemonumentum, quod docemur, vbi hoc vel illud moliti sunt homines, euentus esse in Dei manu: imò corda hominum huc & illuc arcano instinctu flectere, ut per eos vel inscios vel nolentes exequatur quod statuit. Sic dicebat Ioseph ipse fratribus, Gene. 45. 5, Vos non me vendidistis ipsis, sed Deus præmisit me vobis in patrem. Ceterum ita Deus occulto frano gubernat res humanas, & pravis consiliis utitur in recti finem, ut tamen permista non sint eius iudicia hominum prauitati. Perperam conspirant fratres Ioseph in eius necem, iniuste etiam cum vendunt, culpà in ipsis residet. Deus per eorum manum prospicit tam ipsis, quàm patri Iacob, torique suæ Ecclesiæ. hoc sanctum consilium nihil fordīs vel maculæ contrahit ex eorum malitia qui prorsus tendebant in diuersum finem: sicut postea testatus est idem Ioseph, Gene. 50. 20, Vos quidem cogitastis de me malum, sed Deus in bonum conuertit.

18 *Affluxerunt.* Non frustra persequitur circuitum illum qui obnubilare poterat hominum mentes ne ad Dei consilium respicerent. Quid enim minus consensaneum, quàm per tam diuersas ambages Deum ad propositum sibi finem venire? Sed providentia Dei superatis tot obstaculis, multo illustrior emergit quàm si breui & facili compendio totum negotium transigeret. Si primo statim aduentu Ioseph deductus esset ad Regem & Aegyptio præfectus, facilis ad secundum actum transitus erat. Sed vbi in carcerem abreptus, quasi extra hominum consuetudinem semimortuam vitam agit: deinde longo post tempore præter spem Regi innotescit, subita illa mutatio, non vulgariter miraculum illustrat. Ergo hic circuitus quem recenset Propheta, ad rei summam non parum facit: decies mortuus est Ioseph antequam videretur. Ergo toties Deus Ecclesiæ suæ curam habuit, patrem eius liberando. Vbi in Aegyptum delatus transfertur de manu in manum, donec in aliud sepulchrum descēdat: annon hinc clarius apparet, Deum, vbi dormire in cælo videtur, maxime excubare pro suis? & melius progredi per varios istos flexus quàm si rectà pergeret, imò celeriter



curreret? Ideo dicit Propheta *afflictos fuisse in compede pedes eius*. quod tamen si a Mose non narratur, certum tamen est ut de re nota & vulgata loqui. Et certe multa per manus tradita fuerunt Iudeis, quorum nulla sit in Scriptura mentio. Satis etiam probabile est non fuisse tradium initio in liberalem custodiam ut postea contigit: sed duntaxat oppressum. Sive autem legamus animam eius venisse in ferrum, sive ferrum venisse in animam, sensus idem manet, sanctum virum ita constrictum fuisse catenis ac si ferro addicta esset eius vita. Vnde sequitur nihil magis sperandam fuisse vitam ab eo, quam ab aliquo cadauere.

19 *Vsq̃ue ad tempus*. Hic docet Propheta, quantum secundum carnis sensum nimis cunctetur Deus, summam moderationem tenere, ut opportunè tandem compleat quod decrevit. *Verbum* hoc loco haud dubie significat non doctrinam sed decretum esse. Quanquam autem relatum eius tam de ipso Deo quam de Ioseph potest intelligi: hoc tamen secundum, mihi magis placet, donec cessaret patieretur exitus Ioseph, qui in Dei consilio latebat. Tenendum semper est, Prophetam reuocare hominum mentes à profana illi imaginatione, quod fortuna temere verset res humanas. Quam enim nihil Ecclesie salute magis con-

fusum fuerit quādiu habitus est Ioseph pro damnato, Propheta hic nos sursum attollit, & iubet reputare occultum verbum, cuius nondum opportuna vel matura erat manifestatio. Eodem modo interpretor quod sequitur *sermo Dei examinavit eum*. Nam de varicinio exponere, ut faciunt multi, videtur nimis argutum. Quousque verò apparuit latior euenius quem Deus occultum & suspensum diu tenuit, serio examinata fuit patientia Ioseph. Et quod profani homines qui non agnoscunt Deum rebus humanis præesse, fatum appellant, Propheeta magis proprio nomine insignit, dicēs sermonem esse Dei & cuiusque verbum. Nec displicet quod Galli sua lingua vocant *destine*. Stoici quum de fato disputant, vel potius balbutiunt, non modo spinosis anfractibus se inuoluunt & rem ipsam, sed verum principium: quia complexum causarum fingentes, eripiunt Deo mundi gubernacula. Impium hoc figmentum est, causas inter se perplexas negere, quibus alligatus sit ipse Deus. Fidem ergo nostram ad arcānum Dei consilium ascendere oportet, quo liberè omnia in suum finem dirigit. Interea docet etiam hic locus, finem piorum afflictionibus Diuinitus esse præfixum, donec probè examinati fuerint.

20 *Misit Rex & soluit eum: Dominator populorum & liberauit eum.*

21 *Constituit eum dominum super domum suam, & dominatorem in cunctis opibus suis:*

22 *Ad vinciendum Principes suos in anima sua, & ut senes sapere doceret.*

23 *Et venit Israel in Aegyptum, & Iacob peregrinatus est in terra Cham.*

24 *Et auxit populum suum valde, multiplicauit eum præ oppressoribus eius.*

20 *Misit Rex*. Liberationem Ioseph splendidis verbis exornat, quia in re tam incredibili maximè enituit rara Dei virtus. Quid enim magis insolitum, quàm Regem potentissimum, hominem exterum e carcere accersere, quem totum regno præficiat, & secundum à se gra-

dum tenere iubeat? Quod autem dicit, *ad vincendum principes*, vulgo exponunt delatum fuisse summum imperium ipsi Ioseph, ut pro sua voluntate coniceret in carcerem etiam regni procères. Alii, quia hoc asperius esse vident, deducunt verbum *וְיָצַח* à verbo *וָיָצַח* quod est

Erudire vt & mutetur in N. Sed miror vt eosquemetaphorâ nō animaduertisse in hoc verbo: nepe quod Ioseph deuinctos suo arbitrio teneret primores AEgyptei vel potestati suæ subiectos. Non agitur hic de vinculis, sed de obstrictione vel nexu obsequii, quum ab eius nutu pēderent tam Principes quàm omnes reliqui. Et quum paulo pōst addit *vt senes sapere doceret*, ostendit Ioseph nō tyrannicè fuisse dominatum, sicuti difficile & raram est in summa potestate nihil permittere suæ libidini: sed summis quibusque regulam fuisse, & exemplar optimè moderationis.

23 *Et venit Israel.* Non recitat totam historiam, neque opus fuit: tantum ponit ante oculos Dei prouidentiam, quam vix centesimus quisque expendit dum legunt quod scriptum est a Mose. Dicit ergo, postquam præmissus fuit Ioseph qui patrem cum familia hospitio exciperet, tunc Iacob venisse in AEgyptum, rebus scilicet mirabiliter ordinatis vt in gente superbissima, quum omnes inedia tabescerent, reperiret panis copiam. Vnde apparet, tarditatem Dei quæ putatur, non aliò spectare, quàm vt optima occasione opus suum compleat.

24 *Et auxit.* Iam alia circumstantia laudatur singularis Dei fauor erga Ecclesiam, quod populus ille breui temporis spatio præter communem modum auctus fuerit. Quam in parte enituit ad-

mirabilis Dei benedictio. quo putidior est quorundam canum latratus, dum populi multiplicationem, quæ a Mose refertur, proteruè sublannat, quia si peret communem naturæ modum. Atqui si visitato more creuisset populus, protinus exciperet nullum illic cerni Dei opus. Ita hoc vnum captant suis caullis, vt Dei benedictionem aboleant. Nos verò qui scimus fas non esse potentiam Dei vel sensu nostro vel communi lege naturæ metiti, reuerenter hoc extraordinarium eius opus miremur. Quod postea sequitur, subobscurum est, præsertim si legamus roboratum fuisse populum. Neque enim notare tempus illud videtur Propheta quo quieri in prospero statu debebant Israelitæ: sed quo contumelio se vexati sunt tanquam mancipia. Postumus tamē hoc κατὰ πρόληψιν accipere de re futura. Nā proximo versū dicit Propheta AEgyptios mutatis animis cœpisse crudeliter in populum grassari. Quamuis ergo nondum palàm scirent in populum AEgyptii, dum & numero hominum & viribus inualefcebat, persequutores tamen eos vocat Propheta. Quamquam certum est, dum seruiliter oppressus fuit populus, formidabilem hostibus suis fuisse: & Moses Exod. 1. 12, clarè affirmat sub tyrannide & iniustus oppressionibus conspicuam adhuc fuisse Dei benedictionem.

25 *Vertit cor eorum vt odio haberent populum suum & fraudulentè agerent cum seruis suis.*

26 *Misit Moses seruum suum, Aaron quem elegit.*

27 *Posuerunt in illis verba signorum eius, & prodigia in terra Cham.*

28 *Misit tenebras, & obtenebrauit, & non fuerunt rebelles verbis eius.*

29 *Cōuertit aquas eorū in sanguinē, & occidit pisces eorū.*

30 *Produxit terra eorū ranas in cubiculis Regū ipsorū.*

25 *Vertit cor eorum.* Quod AEgyptii ex beneuolis & humanis hospitibus sc̃ui postea hostes facti sūt, hoc quoque Dei consilio assignat Propheta. Certum quidem est, prauo malignoque ingenio, fastu & auaritia fuisse illuc compul-

sos: sed non sine Dei prouidentia. qui modo incomprehensibili opus suum ita in reprobis peragit, vt lucem eliciat ex tenebris. Quia loquutio videtur quibusdam durior, passiuè exponunt, cōuertisse corda, quod neque respondet,

cōtextui, & frigidum est. Videmus enim data opera Prophetæ esse propositum totam gubernationem Ecclesiæ subire Deo, vt nihil nisi ex eius voluntate contingat. Si autem hoc quasi duriusculum refugiant teneræ quorundam aures, Spiritus sanctus alibi quoque secure pronuntiat, arcano instinctu impelli huc illuc corda hominum, Pro. 21.1, vt nihil velint, vel faciant, nisi ex eius nutu. Quæ etiam vesaniam est, nihil amplecti nisi quod arrideat rationi humanæ? Qualis erit verbi Dei autoritas, si non admittitur nisi quatenus adlubescit? Qui ergo hanc doctrinam respuunt, quia humano sensui minus grata est, inflati sunt peruersa arrogantia. Alii malignè calumniantur, non incititia, vel errore, sed tantum vt suscitent turbas in Ecclesia, vel odium nobis consient apud imperitos. Sunt etiam quidam nimis timidi, qui patris causa doctrinam hanc cuperent sepultam esse, iniqui certè moderatores. nam videmus hanc olim fuisse causam cur descuerint Ecclesiæ scriptores à puero & genuino Euangelio, & deflexerint ad profanam philosophiam. Vnde enim nobis liberum arbitrium, vnde operum iustitia, nisi quoddam veriti sunt boni Patres ne licentiam darent maledicis vel proteruis hominibus, si liberè profiteretur quod Scripturis proditum est? Quod nisi Deus quasi violenta manu coegisset Augustinum, similis prorsus fuisset aliis. Deus autem quasi malleo eum expoliens, correxit stultam illam prudentiam quæ contra Spiritum sanctum cristas erigit. Videmus quid asserat Spiritus sanctus, Aegyptios sic fuisse malos, vt corda eorum Deus verterit in odium populi sui. Eludunt mediatores, flexisse corda, quia passus fuerit: vel quum Aegyptii corda sua adicerent ad tale odium, quasi per accidens vsus fuerit eorum malitia, quasi elinguis fuerit Spiritus, vt aliud pro alio proferret. Si videtur hoc prima specie absurdum, sciamus non frustra Dei iudicia alibi inscrutabilia vocari, Ro. 11. 33, & abyssum profundam, Psal. 35. 7. Nisi enim infra eorum altitudinem subsideret sensus noster, nullus esset labyrinthus. Interea tenendum est, radicem malitiæ fuisse in ipsi Aegyptiis, vt culpa in Deum transferri ne-

queat. Dico sponte & intrinsecus malos fuisse, non alieno impulsu coactos. Quantum ad Deum spectaret, etiam si non appareat ratio, voluntas Dei sufficere nobis debet. Sed causa etiam apparet, quæ iustitiam Dei ab omni calumnia vindicat. Caterum si modò hoc rudimentum imberberimus, reuenter acquiescendum esse verbo Dei, mysteria hæc quæ vel superbos vel nimis cautos offendunt, sine controuersia nobis sapient. Propheta deinde modum exprimit nocendi, neque enim palam aggressi sunt Aegyptii populum Dei, vt eum conficerent, sed dolis & astutia paulatim opprimere tentarunt. nam Propheta verbum ex Mose ipso mutuatus est. Atque hoc discrete expressum est, ne putemus corda impiorum libero cursu in perniciem nostram ferri. Hoc quidem sufficere nobis deberet, quicquid diabolus & impii in no. machinentur, Deum tamen ipsorum conatus reprimere. sed duplex est fidei confirmatio, vbi audimus eorum manus non solum teneri ligatas, sed etiam corda & mentes, vt nequid consulunt nisi quod Deo visum est.

26 *Misit Mosen.* Hic quæ in populi redemptione notatu digna erant, Propheta breuiter perstringit. Si sponte passus fuisset Aegyptii populum exire neque Mosis opera, neque miraculis opus erat. Sic ergo liberationem illam Deus disposuit, vt negari non possit ipsum fuisse autorem. Hoc sensu vocat Mosen seruum Domini, vt sciamus non à seipso fuisse electum, nec quicquam à seipso tentasse, sed quatenus Dei minister erat executum fuisse partes sibi iniunctas. Idem clarius exprimitur in persona Aaron, quum dicitur fuisse electus. Quod autem singulis tribuitur, ambobus pariter competit. ideoque sic resolui debet oratio, Deum misisse Mosen & Aaron ministros suos: non qui per se idonei forent, vel qui vltro suū obsequium detulerint, sed quia eos elegit. Atque hic locus docet, quicumque vtilis Ecclesiæ operam impendunt, non preparari suo proprio mercede, vel industria formari, sed excitari Diuinitus. Moses homo fuit heroicæ virtutis: sed si per se affirmetur, nullus erat. ideoque iubet Propheta vni Deo ascribi quicquid tam de illo quam de



de Aarone memorabile refertur: ita quicquid conferunt homines in Ecclesie salutē, grauitū esse Dei donū cōstat.

27 *Peſuerunt illis.* Primū leuiter delibat Propheta quæ fufius & pluribus verbis narrātur à Moſe: neque proſequitur continuam hiftoriæ ſeriē: quia ſatis habuit offendere liberationē illam Diuinum fuiſſe opus. Ac rurſum diſtinguit inter Dei potentiam & miniſterium Moſis & Aaron. Nam hoc quidem ſigna dicit edidiſſe, ſed à Deo profecta, vt celeſtis virtus non obſcure apparuerit in eorum manu. Vnam deinde ſpeciem commemorat, quæ tamen prima ordine non fuit, ſed ex qua facile colligitur, Deum fuiſſe redemptionis authorem, in qua tota naturæ ratio mutata fuit: quia nihil magis ſtupendum, quàm lucem in tenebras conuerſi. Secundo membro commendat fidē Moſis & Aaron, quia strenuē executi ſint quicquid mandauerat Deus: acſi diceret, optimum fuiſſe conſenſum inter imperium Dei ipſius, & vtriuſque miniſtri obſequium.

29 *Conuertit aquas.* Quàm grauiſ fuerit hæc plaga Aegyptiis, hinc con-

ſicere licet, quodd elementum aquæ vnū eſt ex duobus vitæ principiis. Clarius autem enituit Dei potentia, quod quanta irrigua ſit illa regio, tamen ſibi exaruerint Aegypti in aquæ abundantiā. Poſtea dicit *productas fuiſſe ranas* quæ penetrarunt vſque ad *Regum cubicula*, quo ſe palam teſtatur eſſe Deum miraculi eſſe authorem. Eſti enim tota Aegyptus ſcateret ranis, oportuit tamen Regum aulas eſſe immunes. Cæterū *Reges* vocat, vel Primores regni, vel filios regios qui in ſpem regni educabātur: quia ſcimus tūc Regē vnū fuiſſe dominatum in Agypto. Hinc verò diſcimus quā facile Deus nec ſine ludibrio in ordinē cogat qui ſuperbiūt in carne. Neque enim ſibi collegit exercitum vt cū Aegyptiis cōfigeret: neque ſtatim armauit Angelos, vel à calo fulminauit, ſed produxit ranas, quæ ſiſtū illius Gētis cōtumelioſē calcarēt, à qua ſcimus deſpectū fuiſſe totū orbē. Glorioſum illis fuiſſet, ſub robuſtis hoſtibus cadere: nunc raris cedere quantum eſt dedecus? Sed ita probare voluit Deus ſibi non opus eſſe validis copiis ad impios perſequentes, quia ludendo id præſtabit quod optes volet.

31 *Dixit, & venit examen muſcarum: pediculi in omni termino eorum.*

32 *Poſuit pluuias eorum grandinem, ignem irflammātem in terra ipſorum.*

33 *Et percuffit vites eorum, & ficulneas ipſorum: & cōtriuuit arborem termini ipſorum.*

34 *Dixit, & venit locuſta, & bruchus abſque numero.*

35 *Et vorauit omnem herbam in terra ipſorum, & conſumpſit fructum telluris ipſorum.*

36 *Et percuffit omne primogenitum in terra ipſorū, principium omnis virtutis eorum.*

37 *Et eduxit eos cum argento & auro: & nullus in familiis eius fuit debilis.*

38 *Latata eſt Aegyptus in egreſſu eorum, quia ceciderat timor eorum ſuper illos.*

31 *Dixit & venit.* Dicendi verbo exprimit non fortuito muſcas & pediculos prodiſſe. ſcimus autem verbum hoc

prolatum fuiſſe ore Moſis: quia etſi per ſe Deus iubere poterat, Moſen interpoſuit quali præconē. Cæterū, nō minus

efficaciz verbo suo dedit Deus, proferri iubens per hominem, quàm si è cælo tonasset ipse. Nam dum nihil effudit minister, sed quatenus Dei organum est, munus suum fideliter peragit, cum externa eius voce coniuncta est interior virtus Spiritus. Hic verò rursus notandum est, muscis & pediculis subiectos fuisse AEgyptios, vt maiore probro Deus eorum contumaciam domaret. Vbi dicit Propheta *pluuiis eorum versas in grandinem*, significat horribilem fuisse impetum grandinis qui naturam tribui nõ posset. Probabile etiam est huic incommodo minus obnoxiam esse AEgyptum quàm alias regiones: imò nõ sepe pluuiam recipit, sed Nilo irrigatur: quo magis AEgyptiis fuit insolitum, terram eorum grandine percuti. *ignem* quoque interposuit Deus, quo plus incuteret terroris. Grando igitur procelloso turbini fuit permixta, vt AEgyptii, qui ad alia miracula obduruerant, tamẽ expauescendi sentirent cum Deo sibi esse negotium.

34 *Veni locusta.* Hæc agrorum calamitas non potuit in fortunam conferri, quia & momento extortæ sunt locustæ, & absque numero, vt totam AEgyptum obruerent. Sed miraculum in verbo maximè conspicuum fuit: quia prædictio abstulit omnẽ dubitationem. Itaque disertè Propheta *bruchos & locustas* irrupisse dicit Deo iubente, ac si dato signo milites ad prælium currerent. Semper quidem hæc insecta, vbi nos infestant, & corrumpunt terræ fruges, Dei flagella sunt: sed Propheta extraordinarium Dei opus hîc notare voluit. Recitat tandem Propheta vltimum miraculum, quod proxima nocte ante populi egressum edidit Angelus, primogenita omnia occidendo. Hanc historiam vt alias superiores leuiter prætereo: quia & alibi vberius fuerunt tractata, & nunc Propheta consilium tenere iussit. Quamquam repetitione hæc Dei virtutem amplificat, dicens *contritas fuisse primitias, & florem virtutis eorum*. Male alii vertunt, Principium doloris. nam quia virile robur in generatione se prædit, principium virtutis vocant Hebræi primogenita, vt diximus Genes. 49. 3.

37 *Et eduxit eos.* Ex opposito commendat Dei gratiam, quæ populum electum ab omnibus plagis intactum & incolumè seruauit. Si promiscuè utrique easdem sensissent plagas, minus notabilis fuisset Dei manus. Nunc dum ex tot cladibus nihil prorsus sentiunt incommo- di, hæc distinctio, quasi in tabula paternæ Dei curam erga suos depingit. Hæc ratione dicit nullum fuisse debilem, vel qui impingeret. nam verbum *וְיָצֵא* vtrunque significat. Ego tamen simpliciter accipere malo, Quum AEgyptus ad interitum tenderet, populum Dei vegetum fuisse, & ab omni morbo immunè. Quum dicit, *eduxit eos*: postea, *in familiis eius*, mutatio est numeri Hebræis satã trita. Nam quod ad Deum quidam referunt, vereor vt nimis coactum sit.

38 *Lacra est AEgyptus.* Alia circumstantia Dei potentiam testatur, quod libenter electum populum dimiserat AEgyptii, quum tamen nihil minus esset propositum. Nam quum centies perditos cuperent, se tamen putabant lupum auribus tenere: ita vindictæ metus ad delendam populi memoriam eos reddebat magis obstinatos. Vnde sequitur occultum esse opus prouidentia Dei, quod priorem affectum repente exuuit. Eodem spectat quod dixit proximo versu, *eductos fuisse cum auro & argento*. Neque enim animus fuisset AEgyptiis se vltro spoliare ad eos ditandos quos cupidè vita priuassent. Fuit igitur hæc Dei liberalitas, in cuius manu & arbitrio sunt omnes mundi copiae. Quum autem violenter eripere posset AEgyptiis quæ dederat, flexit eorum corda vt se vltro nudarent. *Quia ceciderat timor eorum*. Passiuè accipitur. neque enim timebãt Israelitæ AEgyptios, sed terribiles erãt. Nec de vulgari timore loquitur Propheta. nam paulò antè eos instigauerat timor ad seuitiam & tyrannidem. Sed quum ad eum vsque diem præfracta ferocia conati essent metum excutere, Deus repente eos prostrauit. Quare nõ abs re inter Dei virtutes commemorat Propheta, quod fregerit violentos impetus quibus antè feruebant AEgyptii, vt liberos dimitterent quos ferulibus operis atterere stauerant: quasi oves lupis formidolosos redderet.

39 *Extēdit nubē ad tegumentū, & ignē ut luceret nocte.*

40 *Et petuit & adduxit coturnices, & pane calorum satiavit eos.*

41 *Aperuit rupem & fluxerunt aqua, ambulauerunt in aridis locis ut fluius.*

42 *Quia recordatus est verbi sanctitatis suae ad Abraham seruum suum,*

43 *Et eduxit populū suū ī letitia, in exultatiōe electos suos.*

39 *Extendit nubem.* Recenset quādam miracula, quibus gratiam suā Deus erga populū suū prosequutus est in deserto. Atque hanc seriem notare opere ræpretium est. nam ad illud incomparabile redemptionis opus accessit non vulgaris confirmatio, quum Deus se itineris dūcem præstare non destitit. Ergo post Maris transitum nubem extendit interdiu, quā populū protegeret ab æstu solis: noctu illuxit per columnā ignis, ut in tenebris lucidum eius præsentia signum extaret. Hæc cerē perseverantia locuples perpetui amoris testis fuit, ac si palam ostenderet Deus filios Abraham se adoptasse, ut in finem vsque sub custodia sua foueret. Quod de *coturnicibus* sequitur, alio fine recitat Propheeta quā alibi. Certū est ascribi iræ Dei potius quā beneficentia, delatā fuisse copiam coturnicum, ut se populū carnibus satiaret: sicuti etiā antē vidimus exprobari. Sed nūc omiſſa eorum ingratitudine, Propheeta continuam erga eos Dei indulgentiā celebrat. Nisi forte *petendi* verbum accipere liceat in malam partem, quia nō suppliciter Deum rogauit populū, sed sua intemperie proſiliit ad obſtrependum: imō proteruē cum Deo litigauit. Hoc modo amplificatio eſſet, quōd Deus iure suo cedens, prauæ etiam cupiditatis morem gesserit. Quia tamē tacet crimē, sinamū quod simplicius est, coaceruari Dei beneficia quibus redemptionem semel à se factā sanciuīt. Sequitur deinde. *saturatos esse pane cal-* sic autē *ext* & *exult* Man vocatur, ut alibi vidimus. Nam quum naturale sit ē terra nobis produci cibum quo vescimur, apertius tunc Deus porrexīt manū Iudeis, ut eos ē cælo pasceret. Iā quia non satis erat cibo refici

famelicos, nisi & potum Deus suggereret, addit rupē fuisse apertā, & inde fluxisse aquas per loca arida vel desertū.

42 *Quia recordatus est.* Iterum causam designat cur tam benigne Deus cū populo illo egerit, tamque humaniter eum tolerauerit, nempe ut fidei datæ staret: quia cum Abraham pepigerat se fore Deum seminis eius. Hoc autem nō abs re summa cura traditum fuit à Prophetis, gratuitū fœdus fontē esse ex quo fluxit redēptio, & cōtinua salus populi: quia & melius inde innotuit Dei gratia quum nihil subitū fieret, sed tantum impleret Deus quod quatuor antē seculis pollicitus fuerat. Præluxit ergo Deus verbo suo, ne obscura eſſet sua gratia & veritas. Ideo rursus Propheeta inuitat, Deū non fuisse noua causa inducūm ut populū redimeret, sed fidem & effectū fœderis sui comprobasse: perinde ac si quis thesaurum erueret sub terra defosum. Nec dubium est quin longius fidē gentis suæ ducere voluerit Propheeta, ut certō persuasi eſſent omnes posterī, quia tunc testatus erat Deus futuris seculis certam & solidam verbo suo veritatem constare, nō alium fore quā olim experti fuerant Patres. Ideo epitheto insignit verbum illud, quod mortuo Abraham semper viuam efficaciam retinuit. Nam cum Abraham loquutus erat Deus: sed vis fœderis cum homine mortua nō est, quin se Deus veracem erga posterōs ostenderet.

43 *Et eduxit populū.* *Letitia & exultationis* meminit, quo gratia magnitudinē altius extolleret. Neque enī hoc parū fuit, quum diris & atrocibus modis afflicti eſſent AEGYPTII, tota regio plena eſſet lachrymis & ululatu singulari etiam domus funestā: populū qui



nuper mœstus gemebat, imò iacebat fere exanimis, alacrem & latum exire. *Electos* autem Dei vocando, admonet non suo merito vel generis dignitate

tam propitium illis fuisse Deum: sed quia illos adoptauerat, ut nihil gloriæ fiat residuum hominibus, sed in solo Deo gloriari discant.

44 *Et dedit illis terras Gētium, & laborem Populorum in hereditatem adepti sunt:*

45 *Vt custodiant decreta eius, & Legem eius seruent. Hallelu-Ia.*

44 *Et dedit illis.* Causam finalem profert cur Deus mirificam suam virtutem tot modis exeruerit in redimendo populo, cur non destiterit in deserto fouere illum, & tueri: cur terram, sicuti pollicitus fuerat, fruendam illis tradiderit: nempe ut se totos dicarent & addicerent in eius cultum. Et certè hic electionis nostræ finis est, quod Deus populū aliquem vult habere in terra à quo inuocetur & colatur. Porro quo melius ad gratitudinem Iudæos incitet, gratiæ amplitudinem extollit, dicens longè la-

tèque occupasse terras Gentium, & quicquid magno labore acquisierant multi populi, iam quasi hereditario iure tenere. Numerus enim pluralis tam in terris quàm Gentibus beneficium Dei magis exornat. Iam glorificandi Dei modū breuiter definit, *ut Legem custodiant*: quia non satis esset linguis tantum celebrare Dei gratiam, nisi accederent seria pietatis experimenta. Et quia fictitios omnes cultus Deus repudiat, vnica superest eius ritè colendi ratio in seruandis eius præceptis.

### ARGVMENTVM PSALMI CVI.

*Differt hic Psalmus à superiori, quia quum illic diceret, Deum electo populo fuisse plusquam beneficentem Patrem, ut sibi in futurum tempus acquireret puros cultores, nunc præclara illa beneficia faceret malè laudatū fuisse: quia subinde ingem excusserunt Iudæi, Dei gratia radignè abusi fuerint, polluerint se multis iniquitamentis, perfide etiam desinuerint ab eius verbo. Quamquam non tam oburgatio est vel querimonia, quàm confectio ad deprecationem veniæ. Incipit enim Propheta à laudibus Dei, quo se & alios erigat in bonam fiduciā. Deinde votum concipit, ut Dei benedictionem suam erga genus Abrahæ continuet. Ceterum, quia indignus erat populus cui post tot defectiones propitius adhuc esset Deus, postquam confessus est ab initio per continuas avaritias, malitias, ingratiuitudine, superbia, perfidia, & alius vitiiis semper irā Dei prauocasse, veniā tamē postulat.*

Psalmus CVI.

**H**allelu-Ia. *Celebrate Iehouam, quia bonus, quia in seculum clementia eius.*

2 *Quis loquetur potentias Iehouæ, annuntiabit omnem laudem eius?*

3 *Beati qui custodiunt iudicium, qui facit institutam omnem tempore.*

4 *Memento mei Iehoua in beneplacito populi tui, visita me in salute tua:*

5 *Vt videam beneficentiam electorum tuorum, ut lateat in latitibus gentis tue, ut glorier cum hereditate tua.*

I *Celebrate.* Exhortatio quasi inscriptionis vice ponitur: non quod Psalmus ad gratiarum actionem, vel lau-

des Dei contineat, sed ut reconciliatio-nis fiduciā ex præteritis beneficiis colligat populus: atque ita Deum, quous tunc

huic offensus foret, placabilem speret fore. Ergo, Dei laudes canendo, reuocare in memoriam iubet quæ præsentium malorum lenire dolorem possent, & animos à desperatione erigere.

2 *Quis loquitur.* Potest hic versus duobus modis exponi. nã si coniunctim legas cum proxime sequenti, sensus erit non idoneos esse quoslibet laudum Dei præcones, quia impii & scelerati ore impuro nihil aliud quam sacrum eius Nomen profanant, sicuti dicitur Psalmo 50. 16: atque ita huic sententiæ addita esset responsio, *Beati qui custodiunt iudicium.* Ego tamen iudico aliam esse Prophetæ mentem, neminem scilicet mortaliem, utcunque ad canenda Dei laudes studia omnia & conatus suos cõferat, tam splendido argumento parenti fore, cuius immensitas sensus omnes nostros obruit. Quanquam non eo consilio in sublime attollit Dei poténas ut nos ab illis prædicandis deterreat: sed hæc potius ratio ne nos stimulat ut supra vires nitamur. Nam si strenue currendo, longe tamen à perfectione semper distamus, quis iam pigritiæ locus restat? Optimum verò ad nos animandos solacium est, quòd sciimus, utcũque nos facultas deficiat, quas ex animo offerimus laudes Deo place- re: tantum ne frigeamus: quia nimis absurdum esset, qui ad decimam partem non perueniunt, hac occasione in centesima torpere.

3 *Beati qui custodiunt.* Hunc versum à superiori distinguo, sic tamen ut aliquo modo cohereat. Postquam enim eam virtutum Dei immensitatem esse dixit Prophetæ, ut celebrandis earum laudibus impares sint omnes linguæ, nunc etiam addit, non placere Deo laudes quæ in ore tantum resonent, nisi consentiant animi, imò in tota vita respondeat concentus. Brevis autem est veræ pietatis definitio, dum primò iubet custodiri *iudicium*, deinde fieri *iustitiam*. Neque enim dubito quin priore membro syncerum cordis affectum notet: postea descendat ad externa opera. Sci- mus enim umbratilem esse iustitiam, nisi ex animo probitati quis studeat. Perseuerantiam quoque requirit, ne quis se defunctum putet nisi qui constanter & perpetuo tenore in studium rectè iustit-

que viuendi incùbit. Videmus enim multos prouicere quasdam spumas, alios virtutis quadam signa dare, sed aquabilem non tenere cursum.

4 *Memento mei.* His verbis declarat Prophetæ hoc tibi præcipuè esse votum, ut Deus amorè quo Ecclesiæ cõplexus est, ad ipsum extēdat, ut hoc modo benedictionum omnium fiat particeps quibus ab initio Deus dignatus est suos electos, & quas de die in diem cõtinuat. Quæquam non hoc tibi peruatim optat: sed communem totius Ecclesiæ nomine precationem cõcipit, ut fideles insinuat suo exemplo ad idem petendū. *Memento,* inquit, *mei in beneficentia populi tui, hoc est,* fac ut gratitudo fauor quo populum tuū dignatus, ad me perueniat, ne disiangar ab Ecclesiâ, sed vnus censear ex tuorum numero. Nam beneficentiam populi passus sumitur pro dilectione qua Deus electos gratis amplatur. Quamquæ per metonymiam transfert hanc vocē Prophetæ ad signa amoris Dei. Nam quòd gratiam suam Deus à se ipsa & experimenti probat, hoc ex fonte illo gratuito fluit. Porro summam veræ felicitatis in eo statuit Prophetæ, si censeatur in Dei populo: quia hoc modo sentiet Deū sibi esse propitium (quo nihil optabilius est) & eum quoque liberale sciet. Recordandi verbum ad circumspectam rēporis refertur: quia in fine videbimus in tristi & calamitoso populi statu compositum fuisse hunc Psalmum, ut fidelibus obrepere dubitatio posset se obliuioni esse traditos. Eodē spectat posterus mōbrū, *Visita me in salute tua.* Visitare enim Deus videtur à quibus se in specie subduxit: salus autem, est beneficentia demōstratio. Contextite eandem sententiā versu proximo, ut videam in beneficentia electorum tuorum. Socius enim & cõsors eius beneficentia fieri cupit quæ semper experti sunt electi Dei. *Aspectus enim* pro fruitione capitur, ut satis notum est: ut Videre regnum Dei, Ioh 3.3. Videre bonā & vitā, 1. Pet. 3.10. Fallunt enim qui exponunt, Ut videam te electis benefacere: quando neque superior versus unde hic dependet, sensum hunc admittit: & quæ sequuntur, expositionē quam attuli cõfirmāt, *Later in latitina populi tui, & gloriæ cum hereditate tua.* Satis enim

constat Prophetam sibi bonorum omnium societatem optare cum electis, ut Deo vno contentus, beatè & feliciter sub eius præsidio degat. Quauis autè tunc misera esset Ecclesiæ conditio, in rebus tamen confusus hoc principium retinet Propheta, nihil esse melius quàm censerì in grege & populo Dei: quia semper optimus fuerit pater suorum, &

salutis eorum fidelis custos. Tantùm peti eodem se modo tractari quo Deus Ecclesiam suam semper tractare solitus est. Atque hoc vnum sibi sufficere testatur, non diuelli nec separari à comuni Ecclesiæ sorte. Tacita interim querimonia subest, quòd Deus bonitatè suam tunc prohiberet ab Ecclesia afflictà, ac si eam abdicasset.

6 *Peccauimus cum Patribus nostris, iniquè egimus, sceleratè nos gessimus.*

7 *Patres nostri in Aegypto non intellexerunt mirabilia tua: non recordati sunt multitudinis bonitatum tuarum: & rebelles fuerunt ad Mare, in Mari rubro.*

8 *Et seruauit eos propter nomen suum, ut notam faceret potentiam suam.*

9 *Et increpuit Mare rubrum, & exiccatum est: & ambulare fecit eos in abyssis sicut in deserto.*

10 *Et seruauit eos è manu hostis, & redemit eos è manu inimici.*

11 *Et operuerunt aquæ oppressores eorum, unus ex illis non fuit residuus.*

6 *Peccauimus.* Hinc clarius patet, quauis loquutus sit Propheta in persona vnius hominis, dictasse tamen Ecclesiæ communem formam orandi, quia ià totum corpus sibi adiungit. Caterùm, hinc ad finem vsque Psalmi ex veteribus historiis colligit Patres suos maligno semper & improbo ingenio, peruersis moribus, rebelles, ingratos, & perfidos Deo fuisse: posteròsque nihilo meliores agnosceat: ut hac cõfessione edita, venia deprecatio locum obtineat. Quia ergo venia impetranda non antè sumus capaces, quàm peccata nostra damnauerimus, & stupor noster ianuam Dei gratiæ claudit: meritò Propheta in seuera & dura populi castigatione suppliciter reatum faterur, ac, si Deus grauiores velit pœnas exigere, iure id facturum. Alia etiam de causâ vtile fuit peccata sua iudicis ante oculos poni: quia si nos Deus asperius castigat, mox fingimus promissiones eius excidisse. Sed vbi ex opposito monemur, mercedem nos referre quàm peccatis nostris sumus promeriti,

simul occurrunt promissiones quibus se propitium Deus offert, modò ex animo respiciamus. Porro tribus verbis scelerum atrocitatem exaggerat, ne leuiter (ut fieri solet) tangantur animi, sed penitus merore vulneretur. Scimus enim homines vitiis suis teneri implicitos, & sibi parcere, donec ad serium examen cogantur: imò vbi Dominus eos in iudicium citat, defunctoriè tantùm vno verbo dicunt se peccasse. interea hypocrisis sopitos tenet animos. Non est igitur superuacua verborum congeries, quum dicit Propheta *populum peccando iniquè egisse*, proculsque impium fuisse & sceleratum. Et certè si quisque nostrum se examinet, facilè indicabimus non minus nobis esse necessarium ad veram confessionem vrgeri: quia etsi nos absolueri non audemus, nemo tamen est qui non libenter capret latebras & effugia. Eadem ferè forma Daniel capite 9, sua & populi peccata condemnat. Et fieri potest ut author huius Psalmi illius exemplum sequutus sit. Discamus autem



nos ab utroque, hanc esse vnicam rationem placandi Dei, ubi fueri in nos cēsores sumus. Diligenter etiam notandū est, sanctos istos Prophetas, licet nunquam à Dei timore & cultu descuerāt, subire tamen communem reatum cum populo: neque id simulata modestia, sed quia sciebant multis corruptelis se fuisse infectos: ut fieri non potest, dum regnant vitia, & eorum colluuius exundat, quin aliqua etiam ad optimos serpat contagio. Neque enim se cum reliquis comparant, sed ad tribunal Dei prodeūtes, vident se non posse elabi. Tunc verò sic inualuerat impietas apud Iudæos, ut mirum non sit, etiam qui optimi erāt ac integerrimi, fuisse quasi vi tēpestatis abreptos. Quo magis detestabilis est eorū superbia quise vix leuiter putant delinquere: imò diabolicam nescio quam perfectionem imaginantur, ut hodie faciūt quidam fanatici. Certè tenendum est, quanuis sollicitè Daniel se continuerit sub timore Dei, quē etiam Spiritus sanctus vnum ex iustissimis fuisse pronuntiat, Ezec. 14. 14, non tamen fide sua & populi peccata cum graui & seuera detestatione coram Deo fateri. Non fuerat quidem eodem quo vulgus hominum diluio submersus, se tamen sciebat multas labe traxisse. Iam verò *Patres* non ideo adducit Propheta ut eorum prætextu culpam minuat: (sicuti hoc clypeo mulci oburgationes repellunt, se ita edoctos fuisse à patribus, prauam educationem in causa esse:) sed potius grauiori pœnæ se & gētiles suos esse obnoxios, quia ab initio vsque & quasi prima infantia exorsi, non destiterint nouis sceleribus iram Dei magis ac magis in se pronocare. Sic enim multiplici reatu patres vnā cum filiis inuoluit.

7 *Patres nostri.* Hic narrat quomodo populus statim ab exordio redemptionis Deo ingratus fuerit, & se contumaciter in eum gesserit. Neque vnus modò temporis historiam narrabit, sed huc tendet totus sermo, nunquam à sua malitia populum destituisse, quanui. Deus incredibili bonitate contrā certaret. Vnde apparet quam indomitā fuerit & desperata gentis illius prauitas. Primò autem accusat populi dementiam, quæ causa fuit ingratitudinis. Neque enim

stultitiæ nomine culpam extenuat, ut sepe fieri solet: sed traducit fœdum & pudendum populi stuporem, quòd in rebus tam apertis cæcuterit. Erant enim eiusmodi opera Dei, quæ etiam à cæcis conspici deberent. Vnde igitur tam crassa ignorantia, nisi quòd ipsos dementauerat Satan, ut Dei miracula negligèrent quæ lapides ipsos poterant mouere? Iam quum addit *non fuisse recordatos*, melius exprimit non fuisse excusabilem ignorantiam: imò supina magis socordia quàm inscitia eos fuisse cæcos. Causa enim ignorantie fuit, quòd sepelierunt quæ per se satis erant conspicua. Addit quàm subita fuerit obliuio: quod ad crimen augendum valet. fuit enim hoc prodigiosum, quòd ne conspectus quidem ipse eorum animos excitauerit. Hinc factum est ut vix dum egressi ex *Agypto*, in ipso Maris transitu contra suum redemptorem proteruē insurrexerint. Certè nec annus nec seculum tam memorabiles virtutes debuerat eorum cordibus delere. Quantus igitur furor, quòd adhuc in re, præsentī obstrepūte Deo, quasi hostibus eos iugulādos prodiderit? Mare Suph Hebræi vocant sinū illum quo traiectus est populus. Quidam vertunt caricosum: & *QID* algam esse volunt. Qualiscunque autem sit etymologia, de loco ipso nulla dubitatio est. Probabile autem est, quia iuncis refertus erat tractus ille, ideo inditū fuisse nomen.

8 *Et seruauit eos.* Subiicit Propheta quod ex proxima sententia colligere cuius promptum erat, Israelitas, non quia digni essēt, fuisse seruatos, sed quia Deus suæ gloriæ consulere voluit. Ergo ne Deus sacrum suum Nomen prostitueret Gentium opprobriis, superato illo obstaculo, perrexerit ad implendam quam cœperat redemptionem. Porro antithesis inter *nomen Dei*, & hominum merita vel dignitatem notanda est: quia Deus seipsum respiciens, causam in nobis minimè reperit quæ ad nos seruandos flectatur. Modum seruandi postea describit, in quo melius adhuc resurgit inassimilabilis Dei bonitas, quæ in gratiam peruersi adeo populi naturæ ordinē mutauit. *Incepitum fuisse.* Mare dicēs, Dei potētiam prædicat, quòd solo imperio

vel nutu Mare siccauerit, aquas retrocedere iubens, ut liber transitus inter aduersas aquarum moles pateret. Atque ut miraculum extollar, similitudine vitur, quam verisimile est ex Iesaja sumptam esse. dicit enim capite 63. 13. Tu ambulare fecisti populū tuum per abyssos quasi equum in deserto, ut nō impingat. Intelligit autem hoc non sine mira Dei potētia factum esse, ut populus per Mare iter faceret, non secus atque in sicca planicie. Fieri quidē potest ut desertum in quo peregrinatus est populus,

habuerit multas abyssos, iter fuerit salubrosū, multā crepidines: sed non dubium est quin Dei potentiam in Maris transitu aestimet Propheta, & hac comparatione augeat, quod per illud profundum Mare aequabilis fuerit via. Miraculum etiam confirmat ubi dicit *submersos fuisse hostes eorum*: quia ubi Mare liberum iter præbet Israelitis, operit & absorbet Egyptios, ut ne unus quidem *saluus euadat*, unde hoc tam subitum delictum, nisi quia Deus alios ab aliis distinxit.

12 *Et crediderunt verbis eius, cecinerunt laudem eius,*

13 *Festinarunt, obliti sunt operum eius, non expectauerunt ad consiliū eius.*

14 *Et concupuerunt concupiscentiam in deserto: & tenuerunt Deum in solitudine.*

15 *Et dedit illis petitionem eorum: & misit maciem in animam eorum.*

12 *Crediderunt.* Hoc in eorum latidē non ponitur, quod crediderint verbis Dei, & cecinerint laudem eius: sed hinc duplicatur crimen, quod conuicti tam insignibus documentis, mox tamē ad ingenium reuersi, quasi nihil vidisset, cœperunt contra Deum tumulari. Hæc verò minimē excusabilis fuit impietas, momento sepelire præclara beneficia, quæ agnoscere coacti fuerant. Magnitudine ergo operum Dei, fidem & laudem illis quasi inuitis expressam fuisse dicit, ut crimen defectionis augeat: quia quā subacta esset eorum durities, mox relapsi sunt ad suā infidelitatem. Exoritur tamen quæstio, nam quum vera fides, Verbi naturæ respondeat: sicuti Verbum semen est incorruptibile, sic illa nunquā exstinguitur, quanuis suffocari cōtingat. Sed est temporalis quædam fides, ut à Marco vocatur cap. 4. 17, quæ non tam ex Spiritu regenerationis, quàm ex mutabili aliquo affectu manat, ideoque euanesceit. Quamquam ne voluntaria quidē fides: hic à Propheta laudatur, sed potius violenter extorta: quia scilicet velint nolint homines, potentæ Dei sensu ad aliquam eius reuerentiam cogantur. Locus hic notandus est, ne sibi blandiantur qui semel Deo se subiecerint, sed

hanc verā fidei probationem esse discant, ubi sponte amplexi erunt Dei verbum, in hac obedientia constanter persistare. Atque ut populi leuitatē perstringat, dicit *festinaſſe*. Nam quod exponit quidam, celeriter correpto itinere profectos fuisse ad locum Marah, nimis frigide prætereunt emphaticā Prophetæ loquutionem, qua odioſe feruidum & præcipitem eorum errorem infamat, quod tantum ad momentum crediderint, & festinanter obliti sint operū Dei. Tridui enim fuit illis iter à traiectu Maris vsque ad Marah: interim cœperunt obstrepere Deo quod non reperirent aquas dulces. Interea notandum quod alibi vidimus, non alia de causa tam ingratos erga Deum esse homines, nisi quia spernum eius beneficia: quorum si memoria animis nostris hæreret, frangi loco esset ad nos in eius timore retinendos. Speciem transgressionis designat Propheta, quod nō suspēderint vota sua ad tempus opportunum. Mira enim est cupiditatum nostrarū intēperies, ut vix diē vnum Deo concedat, nisi enim prius nobis obsequitur, statim sibi impatientsia, & tandē desperatio. Hoc igitur crimen populi fuit nō conicere curas suas in Deum, non placidē eū inuocare,

Et patienter expectare dum precibus annueret, sed tumultuoso impetu ruere ac si legem imponere Deo vellet. Ideo *confilii* nomine vitur, festinationis crimen exaggerans, quod homines Deo sapere non permittunt, neque pendunt ab eius consilio vt decebat: sed volunt plus quàm liceat esse prouidi, & potius Deū regere, quàm se permittere regēdos illius arbitrio. Ergo ne Deum exasperemus, tenēdum est hoc principium, vt sinamus Deū nobis prospicere, quē admodum vile esse nouit. Et certe fides propria sapiētia nos spolians, in spe & silentio nos continet, donec impleat Deus opus suum, quū semper caro intempestiuē Dei consilium anticipet.

14 *Concupiuerunt.* Historicē profequitur vitium, quod pro doctoris officio breuiter attigerat. Si quis ergo roget quomodo Dei consilium non expectauerint: respondet, quia suis concupiscentiis habenas laxarūt: quia hæc vnica est moderationis ratio, si Deus affectus nostros gubernet, eorūque sit arbiter, Quo nos magis eniti decet ad frandas concupiscendi licentias, quæ naturaliter in nobis ebulliunt. Nam qui sibi appetere permittit plus quàm datur, appetere bellum Deo indicit: quia omnes carnis concupiscentiæ rectā feruntur cōtra Deum. *Tentare Deum* est non acquiescere Dei arbitrio, sed plus experere quàm ipse dare velit. Quū autem diuersis modis tentetur, genus vnū hic notat Propheta, quod Deum excogitatis à se mediis astringere ausus est populus. atque ita cōtempo medio quod amplecti debuerat, sibi imaginatio est nouā Dei virtutem, Nisi nos Deus carnibus pascat, non putabimus esse Deum. Atqui

alimentum suggererebat quod sufficeret. Deus autem, quanuis non alligatus sit vilis mediis, vult tamen mediis à se ordinatis sensus nostros subiici. Exempli gratia, Quanuis nos possit absque pane alere, vult tamen hoc subsidio sustineri vitam nostram: quo neglecto si nouam rationem ei præscribimus, tentamus eius virtutem.

15 *Dedit petitionem.* Elegans est paronomasia in voce *petiti*. nam si pro *petitur*, erit beneplacitum. Ergo Propheta voce affini ad beneplacitum aludens vel desideriu, dicit *Deum misisse in animas eorum maciem*: significans morem quidem gessisse intemperantiæ populi, sic tamen vt præter maciem nihil reulerint quibus fastidio erat Manna. Videlicet etiam obliquē conferre in populum quod perspicimus quotidie in hominibus lautis & fastidiosis, præsertim vbi ventriculus, propter vitiosos humores, salubres cibos respuit: tales enim nonnisi quæ maximè noxia sunt appetunt. quo autem se magis ingurgitant, eo plus malæ habitudinis contrahitur: ita paulatim eos cibus ipse macerat. Videlicet ergo Propheta vitiosum corporis affectū ad animos transferre, & cōferre Iudæos heceticis, quibus nihil profuit largius comedere, imò nocuit propter atrophiam. Ratio est, quia cibo quē improbè petierāt, Deus maledixerit, vt poena transgressionis eos humiliaret. Quod autem ne hoc quidem modo correcta fuit obstinatio, in eo se prodit maior prauitas. Dicitur vulgari prouerbio, Stultos accepto malo sapere. Ergo insanos & insana biles fuisse oportet, qui ne coacti quidem respuerunt.

16 *Et amulati sūt Moysē in castris, Aarō sanctū Iehouā.*

17 *Aperta est terra, & deglutuit Dathan, & operuit super tabernaculum Abiram.*

18 *Et accensus est ignis in conuentu ipsorum, flamma exarsit super impios.*

19 *Fecerūt vitulū in Horeb, & adorauerūt corā sculptili:*

20 *Et mutauerunt gloriam suam in similitudinem beuis comedentis fœnum.*



21 Obliti sunt Dei servatoris sui qui fecerat magnifica in Aegypto,

22 Miracula in terra Cham, terribilia ad mare Rubrum.

16 *Et emulati sunt.* Aliam transgressionem breuiter attingit, sed in qua sibi & aliis materiam longæ meditationis proponat. Nam quod populus diuersos peccandi modos subinde fabricans, ingeniosus fuerit ad prouocandum Deū hoc nobis debet plus incutere horro- ris. Porro quum dicit *emulatos fuisse Moysen & Aaron*, significat diabolico suo fastu contra Deum fuisse elatos, ut iugum ab eo impositum excuterent: sicut etiam dicebat Moyses, Num. 16. 11, Quid sumus ego & Aaron? Nam quum per eorum manus populū regere Deus vellet, hanc gubernationis speciem non ferre, nihil aliud fuit quàm contumaciter resistere Dei imperio. Itaque sub verbo *emulandi* subest magnum pondus, quod dum blande & suauiter fovebat Deus Israelitas sub alis suis, sua tamen forte non contenti, aduersus eum calcitrauerint. Quorsum ista intemperies nisi quod Deum amplius non ferentes nutritium nubes ipsas transcendere cupiunt? Hoc sensu vocatur *Aaron sanctus leuitor*, ut sciamus nihil tam ei quàm Mosi fuisse à Deo separatum. Nam sub vnius persona utrique hoc elogium tribuitur: quo significat Propheta Diuinitus fuisse ad illud ministerium segregatos. Dathan igitur & Abiram delectum hunc labe factam, non cum hominibus, sed cum Deo bellum gerunt: quia quantum in se est profanant Sanctos Dei.

17 *Terra aperta est.* Ex pœnæ magnitudine cognosci potuit criminis atrocitas. Sed Prophætæ consilium fuit populi duritiæ traducere, qui adeo plagis non fuit emendatus (quum tamen lapides quoque mouere debuerit tam horribilis Dei vindicta) ut perulantius insaniebant. Fuit sanè horribile hoc porten- tum, quod terra viuos absorberet Dathan & Abiram cū tota factione: quod ignis à caelo descendens eos consumpsit: sicut dicebat Moyses, Num. 16. 29, Siquid vulgare contigerit, ne credatis Deum qui in caelo regnat, vobis & mihi præfuisse: sed ne hoc nouum accidat & insolitum ut de

hiscat terra, credite saltem me à Deo fuisse missum, Quum verò suo furore abrepti Israelitæ tunc quoque in Deum tumultuati sint, deterrimum fuisse morbum apparet qui tam violento remedio corrigi non potuit. Et quum hypocritas quoque terreat Dei severitas, fremere & iurgari cōtra Deum tam duriter percutientem, prodigiosi furoris fuit. Si quæ- ratur cur paucorum hominum crimen toti populo imputet Propheta, solutio facilis est: quia et si duo tantum præcipui fuerunt authores tumultus, qui du- centos & septuaginta sediciosos homines secum traxerunt, populum tamen con- tagione fuisse infectum, ex fremitu & calumniis apparet. Pœna duces & antesignanos impiæ coniurationis transgressi non est: nempe quia eam mi- g- rare voluit Deus, & vulgò hominum par- cere, quod tamen nouitatis cupidum fuerat, ut omnibus intolerabiles essent Moyses & Aaron.

19 *Fecerunt vitulum.* Hic defectio- nem ponit omnium turpissimam, dum reiecto vero Dei cultu, vitulum sibi fa- bricarunt. Et si autem propositum illis erat, Deū hoc modo colere, brutū tamē stuporē coarguit Propheta quod, *adora- uerunt eum sicut sculptile*: & Deum *sub figura bouis fanum comedentis* repræsentauerint. Nam hinc colligit Propheta auferri Deo quod suum est, totamque eius glo- riam profanari. Et sanè ita est. quauis enim obendant idololatræ colendi Dei zelum, simul tamen ac sibi figurant visibilem Deum, abnegato vero Deo idolū sibi impiè fabricant. Sed flagitium grauius exprobrat quum dicit *in similitu- dinem bouis comedentis fanum*: & ex oppo- sito ponit decus ipsorum, vel gloriam. Nā quum Deus sua gloria eos decoraret, quantæ socordia fuit substituere in eius locum non modò bouem, sed mortuam bouis, formam? quasi aliqua sit affinitas inter Deum, qui omnes alimentorum species procreat, & crassum animal quod fœno vescitur. Notandum igitur Prophætæ consiliū, quia dū homines in mediocri

mediocri superſtitione ſe non cōtinent, ſed proiecō pudore ſaltant ad prodigioſos cultus, turpior eſt eorū cæcitas, & magis deteſtabilis. Si Deum ſibi repræſentaſſet populus ſub hominis figura, id iam impium & ſacrilegum erat. ſed multo ſædior ſtupiditas, quòd boui Deum aſſimilant. Dum vitam ſuſtinēt homines cibo & potu, quia eius uſuram mutuantur à rebus mortuis, fatentur quàm fragilis ſit ſua conditio. Quanto igitur maiore contumelia afficitur Deus quum relegatur ad beſtiæ? Iam compa- ratio de qua diximus, crimē exaggerat. Quale enim decus fuit ſancto populo, mortuam bouis effigiem colere loco Dei? Atqui gloriam ſuam inſtar alarum Deus ſuper filios Abrahæ extendere dignatus fuerat, ut eos ſummæ præſtantia ornaret. Ergo illi ſe nudando, turpitudinem ſuam expoſuerunt Gentium omnium ludibriis. Ideo crimen illud idololatriæ deſcribens Moſes, nuditatis voce utitur. Si quis excipiat, Arcam fœderis fuiſſe Dei imaginem. Reſpōdeo, ſymbolum illud datum fuiſſe Iſraelitis non in

quo deſigerēt mētes ſuas, ſed quo poti⁹ adiuuarentur ad ſpiritualem Dei cultū.

21 *Obliui ſunt.* Repetit ſecūdò Propheta, non inſcitia ſola erraſſe populū, ſed ingratitude: quia iam ſatis ſuperque ſe Deus pateſcecerat. Cæcis etiam ipſis ſublata eſt excuſatio: quia Deus in opificio cæli & terræ conſpicuus appareret. Sed Iſraelitarum crimen longè atrocius, qui Deo valere iuſſo, poſtquam familiariter illis ſe communicauerat conuertunt ſe ad brutas ſuperſtitiones. Sub eſt enim magna in his elogiis emphasi, quòd Deus, ut eorum eſſet ſeruator, incredibilem ſuam potentiam cælis exeeruerat. Si vulgare modò aliquod ſignū dediſſet ſuæ virtutis, debebat tamen attentio retinere populū in eius timore & cultu: nunc quum virtutes apprimè inſignes fuerint, imò terribiles & inſolite, populū clauſis oculis ad idololatriam ſe proicere, nimis indignum fuit. Nam illa Dei notitia, non ſecus ac ſolis fulgore caligo diſcutitur commenta omnia & prauos errores euaneſcere oportuit.

23 *Et dixit ut perderet eos, niſi Moſes electus eius ſteriffet in ruptura corā facie eius, ad euertendā irā eius, ne deleret.*

24 *Et repudiarunt terram deſiderabilem: non crediderunt verbis eius.*

25 *Et tumultuati ſunt in tentoriis ſuis, non audierunt vocem Iehouæ.*

26 *Et extulit manum ſuam ad eos ad diſpergendum eos in deſerto.*

27 *Et ad diſpergendum ſemen eorum inter Gentes, & ad ſeminandum eos per terras.*

23 *Et dixit.* His verbis docet Propheta, quum ſolis precibus cohūbita fuerit Dei ultio, populū ſenſiſſe mirabiliter ſe exilio fuiſſe ereptum, cui iam propinquus erat: in quo ſe prodidit perūicax eius malitia, quādo paulo poſt ad ingenium reuerſus eſt. Quo exprimat grauem Dei offeſſam, dicit feciſſe decretum de perdendis tranſgreſſoribus non quòd in Deum cadant paſſiones humanæ, ut ad momentum excandeſcat, deinde placatus mutet conſilium.

Deus enim in arcano ſuo conſilio, ignoſcere ſtatueraſt, ſicuti fecit. Sed aliud de cretum commemorat Propheta, quo Deus terrere populum voluit, ut agnita culpæ ſuæ grauitate humiliaretur. Hæc eſt pœnitentia cuius ſæpe ſit in Scripturis mentio, non quod Deus in ſeipſo ſit flexibilis: ſed quia ut iræ ſuæ ſenſu nos ſeriò tangat, induere cogitur hominis perſonā: ac ſi Rex qui malefico dare veniā ſtatuit, prius tamē eū ad tribunal ſuū ſiſtat quo melius commēdes ſuā

beneficium. Deus ergo arcanum suum consilium intus sibi retinens, decretum protulit quo populum ostendit æternæ mortis reatu esse obstrictum. Postea dicit *Mosē statisse in raptura*, significans suam intercessionem obuiam iussisse Deo, ne cum extrema ultione perumperet. Alulio autem est ad urbium oppugnationes, nam si murus ariete vel alia machina dirutus fuerit, strenui milites obiectis suis corporibus rupturam claudūt. Itaque Ezechiel 13, 5, pseudoprophetae obicit quod Moī sint dissimiles qui suis blanditiis murum quasi stramineū singentes, se in die pressi ad rupturam non opponant. Existimant quidam Interpretes alludere Prophetam ad diuisionem quam populus abrupto Dei fœdere & sancta unitate, fecerat. & eodem redit sensus: quia in raptura hæc est metaphoræ ratio, quod Deus populum fide sua protegens, erat ei loco muri & antemuralis. Rursum iratus iruebat quasi ad stragem, nisi Moī medius intercessisset.

24 *Et repudierunt.* Hoc apertum indomitæ malitiæ signum fuit, postquæ exitio addicti fuerant Iudæi, vis dum è tanto & tam præsentī periculo ereptos tumultuari contra Deum. Quenam autē tumultus causæ? Fastidiū Terræ sanctæ, quæ nihil illis fuit optabilius. Terra autem *desideri* tam hic quam pluribus aliis locis nō abs re vocatur regio Chanaan, quæ illis destinata erat, in qua fouerentur paterno Dei sinu, & segregati à profanis Gētibus Deū purē colerent: imò quæ celestis hæreditatis arrha illis

erat. Sacrum ergo illud domicilium etiam si populi respuere, quàm fœdæ ingratitude fuit? Ad hæc fastidii causam notat Propheta, quod *verbo Dei fuerint increduli*. Nam si Dei promissionem quæ decebat fide amplexi esset, ingēti terræ desiderio accensi, superassent omnia obstacula. nunc quia fidem derogant, non modò respuunt oblatam sibi hæreditatem, sed tumultum in castris miscēt ac si arma induerent contra Deum.

26 *Et extulit.* Aliam Dei vindictā describit, cuius memoria insidere cordibus debuerat, ut meū assidue renouans, solitudinem etiā incuteret. Nunc ubi nihil proficiteret, cōstat insanabilem fuisse furorē eius gentis. Moderatus quidem sibi tunc est Deus ne semen eorum proiceret in diuersas mūdi plagas: sed sola cōminatio superbiæ eorū in ordinē cogēda sufficere debuit, nisi fuissent intractabiles. *Manum extollere*, bisariā hic potest accipi: quia sæpe in Scriptura leuare Deus manum suam dicitur ad sumendas pœnas: quia tamen receptū ferē est omnium consensu, Prophetam de iureiurando loqui, libenter in hanc partem inclino. Fuit autem solennis manus leuanda rītus quasi Deum è calo accerserent: itaque ad Deum improprie trāsfertur, qui sua altitudine omnia superat, nec iurare potest per maiorem, ut dicit Apostolus, Heb. 6, 13. Verum hoc ut multa alia, mutuatur à communi hominum more. Futura igitur erat horribilis dissipatio populi, nisi precibus Moīis retenta fuisset Terræ sanctæ possessio.

28 *Et copulati sunt Baal-peor: & comederunt sacrificia mortuorum.*

29 *Et ad iracundiam prouocauerunt in operibus suis: & irruit in eos plaga.*

30 *Et feteri Phinees, & vindicauit: & cohibita est plaga.*

31 *Et imputatum est ei ad iustitiam in generationem & generationem usque in seculum.*

28 *Et copulati sunt.* Recitat, Iudeos tā horribili pœna denūtiata, statim tamen prolapsos fuisse ad nouam apostasiam. Putant quidam obliquē eos perstringi, quod mulierū illecebris de-

cepti, ad superstitiones Madianiticas de fecerint. Et certē hoc fuit consiliū Balaam, ubi linguam suam à Deo contractam vidit ne populo malediceret. Quasi enim Regi Balach prostitutas esse puellas



esse puellas quæ blâditiis suis populum ad nouos cultus pelliceret, Num. 31. 16. Quoniam igitur idololatria cuius hic fit mentio, inisium habuit ab adulterinis coniugiis, existimant quidam Interpretes Prophetam hac circumstantia duplicare populi crimen: quòd muliebri copula implicatus, alterum vinculum contraxerit cum Baal-peor. Vtunque sit, inuehitur Propheta in suæ gentis perfidiam, quòd spirituale coniugium, à puro Dei cultu degeneras, violauerit. Scimus enim quum Deus vxoris loco Ecclesiam suam habeat, dum se idolis addicit, non minus turpiter fidem violare, quàm si mulier relicto marito se adulteris prostituat. Satis notum est Baal-peor Madianitarum fuisse idolum. Quæ verò sit nominis ratio, non satis conuenit. **למך** certè tantundem valet ac patronus. Et quia **למך** aperire significat, vertunt quidã, Deum a pertionis. & causam addunt, quod pudenda corâ eo dederent: quod non audeo pro certo recipere. Ac fieri potest vt sit nomen proprium loci, quæ admodum scimus idolis gētilia nomina sæpe imposita fuisse. Tenemus nunc Prophetæ sensum, Iudæos nefarium fecisse diuortium cum Deo, vt se polluerent societate Baal-peor. Turpitudinem magis exaggerat, dicens *comedis sacrificia mortuorum*. Intelligit autem quæ idolis oblata fuerât, quæ prius soliti essent sacrificiis vñsci quæ eos vñiebant vero Deo, qui fons est vitæ exhaustus: quo magis pudenda fuit mutatio, quæ se nefando sacrilegio in mortem vltro addixerant. Erat autem epulum, vt scimus, quasi cultus accessio. Itaque hoc consequebantur suis sacrificiis vt vero Deo valedicentes, mortuos sibi in coniugium accerferent: idèoque duplici dedecore eos onerat, quod nō tantum genu flexerint coram Baal, & mactauerint hostias, sed epulari sint in sacrificiis.

29 *Et prouocauerunt.* Rursus narrat noua plaga fuisse admonitos: vt appareat Deum semper gloriæ suæ seuerū fuisse iudicem, populum castigando sed absque profectu: quia nullis plagis correcti fuerint. Sicuti autem nuper dixit placatum fuisse Deum precibus Moysi, ita nunc dicit plagam fuisse repressam

vel sanatam beneficio Phinees. Quidam verbum **למך** vertunt orare: sed alter sensus contextui aptior est: quod iudicium exercens in scortatore & scortum, zelo suo Dei vindictam anteuertit. *Stetit* ergo, hoc est surrexit, vel se opposuit quum alii omnes dissoluta ignauia cessarent. Quum ergo vnus hominis beneficio sedatam fuisse plagam sentirent Iudæi, eo minus excusabilis fuit eorum peruiacacia, quòd ne sic quidem peccandi finem fecerunt. Sciamus autè hæc omnia nobis dici. nam quum subinde nos castiget Deus, vel alienis exemplis ad pœnitentiam inuitet, quotusquisque sub eius ferulis proficit? Ceterum notatu dignum est, plagam cessasse ex quo exequutus est iudicium Phinees: vt sciamus optimum hoc remedium esse extinguendo vindictæ Dei incendio, vbi peccator ipse vltro iudicis partes ad se puniendum occupat, sicut dicit Paulus 2. Cor. 11. 31. Si nos iudicaremus, vtrique non iudicaremur à Domino. Atque hæc summa dignatio est, dum nobis iudicium in manu permittit Deus, vt de peccatis nostris penas sumamus. Simul tamen notandum est, sedatam tunc fuisse plagam, vnus hominis pœna: quia tunc exhorruit populus suum flagitium cui assueuerat.

31 *Et imputatum.* Vnius hominis laude totum populi corpus infamat Propheta. Nam ex elogio quo Spiritus sanctus præclarum illud facinus Phinees ornare dignatur, colligimus quàm deestabilis fuerit populi scditas. Neque enim penes eum solum resedit decus, sed nobilitas parta fuit eius familiæ in multas ætates. Itaque maioris signominia causa toti populo opponitur vnus Phinees. Queritur tamè quomodo probatus Deo fuerit priuati hominis zelus, qui præter vocationis modum, arrepto gladio iudiciū exercuit. Videtur enim inconsideratè id tētas. Respōdeo, quosdã in Sãctis fuisse singulares & extraordinarios mortuos, qui ad cōmunē regulã exigi non debēt. Moses, quū Aegyptiū occidit, Exo. 2. 11, quāuis iã esset vocatus, quia tamē nō dū data eierat gladii potestas arcano Dei instinctu adductū fuisse certū est vt hoc auderet. Talis fuit impulsus in Phinees. Nā et si nemo putabat gladio Dei

esse armatum, ipse tamen potestatis Diuinitus concessæ probè sibi cōsciū fuit. Atque ita notandum est, vñtatum vocandi modum & ordinem quo Deus vñtur non ob stare quominus electos suos vñvisum est, arcano Spiritus motu gubernet. Sed restat difficilior quæstio: Quomodo imputatum fuerit ipsi Phinees vñnum facinus in iustitiam. Paulus Rom. 4. 2, sola fide iustificari homines probat quia scriptum est, Credidit Abraham Deo, & imputatum ei fuit ad iustitiam. Eodem verbo illic vñtur Moses. Nunc si contrà idem de operibus excipere liceat, non infirmat tantum erit Pauli ratio, sed friuola. Primò videndum est an Phinees vño opere iustitiam adeptus fuerit. Cerrè Lex, etiam si iustificaret, nō tamen singulis operibus salutē promittit, sed iustitiam locat in perfecta obseruatione omnium præceptorum. Restat ergo vt dicamus, ipsi Phinees imputatū fuisse opus suum ad iustitiam: sicuti Deus opera fidelibus non intrinseco merito, sed gratis in iustitiam imputat. Nā quā sola perfecta Legis obseruatio quæ nūquam reperitur, sit iustitia, mortales om-

nes confusos ad Dei tribunal iacere necesse est. Huc accedit quod singula opēra, si vocentur ad examen, reperiuntur nūuo aliquo aspersa. Superest igitur vñcum asyllum in gratuita Dei misericordia. Porro non solum ipsi iustitiam grātis fide consequimur, sed quemadmodū lumen suum mutuatur Luna à Sole, ita eadem fides opera quoque nostra iustificat: quia abolitis vitiis iusta reputantur. Denique tam personis quā operibus iustitiæ titulum, non dignitas, sed sola fides conciliat. Iam redeo ad Paulum: nō tantum ex vna voce ratiocinatur nos grātis & sola fide iustificari: sed altiora principia sumit quæ iam attingi, iustitia destitui cunctos mortales, donec eos sibi Deus recōciliet per Christi sanguinem. Deinde medium obtinendæ veniæ & reconciliationis esse fidem: quia nūquam reperiatur opus iustitiæ. Quare meritò concludit sola fide nos iustificari. Huic verò iustitiæ subalterna est (vt loquuntur) opus iustitiæ: quæ nihil pretii merentur nisi ex mera indulgentia Dei, quatenus nos pro iustis reputat.

32 *Et prouocauerunt ad iracundiam super aquas iurgii, & male cessit ipsi Mosi propter eos:*

33 *Quia exacerbauerunt spiritum eius, & loquutus est labiis suis.*

34 *Non perdiderunt populos de quibus mandauerat illis Iehoua:*

35 *Et cōmisti fuerunt Gentibus, & didicerūt opera eorū.*

36 *Et seruiērūt simulachris eorū, & fuerūt illis in ruinā.*

37 *Et sacrificauerunt filios suos & filias suas demonibus.*

38 *Et effuderunt sanguinem innoxium, sanguinem filiorum suorum & filiarum suarum, quos sacrificauerunt sculptilibus Chanaan: & polluta est terra sanguinibus.*

39 *Et coinquinati sunt in operibus suis: & fornicati sunt in studiis suis.*

32 *Et prouocauerunt.* Nouum crimen recenset quod litigauerint cum Deo ad aquas iurgii. vnde & locus nomē sortitus est. Quāuis enim rixa cōtra Mosē directè suscepta fuerit, erāt tamen

in Deū tumultuosi si causa rectè expenditur. Atque vt magis culpam exaggeret, dicit Mosē propter eos male fuisse multatum. Hinc autem colligitur grauitas offēse, quod Deus ne electissimo qui-

quidem seruo suo pepercerit. Certum quidem est Moſen pœna illa fuiſſe dignum: ſed ſi fontē culpæ quærimus, in illum redūdauit populi iniquitas. Quod ſi priuatus fuit terræ ingreſſu Moſes, quia alieno vitio præter animi ſui ſententiā abreptus fuit ad peccandum, quanto minus tolerabilis eſt populi impietas, qui data opera cum Deo rixatus eſt, & Moſen ſua intemperie ad culpæ ſocietatem pertraxit?

33 *Quia exacerbarunt.* **נחם** proprie eſt exacerbare: ſed quia ponitur in coniugatione hiphil, tranſitiuè quidam accipiunt, quod Moſen rebellare fecerit populus. quod mihi non diſplicet. Quanquam eorum ſententiæ non ſubſcribo qui particulam **אנ** volunt notare eſſe datiuī caſus, quaſi dicatur Moſes rebellis fuiſſe Spiritui Dei. Neque enim tam aſperè de inconsiderato lapſu & errore loquutus eſſet Propheta. Illud autem quod prius reſuli, optimè conuenit, quum tam ſeuerus fuerit Deus contra Moſen, qui populi ſurore quaſi violenter ad peccandū adactus fuerat, præcipuos authores longè atrocius peccaſſe. Interea tamen docet Propheta, quauis propter populum caſtigatus fueri. Moſes, non tamen fuiſſe extra culpam: quia eſt eiꝯ impatientia à populi ſtrepitu principium habuit, debebat tamen ſtare firmior. Subiicit *loquutum fuiſſe labiis ſuis*: quod ad Moſen refero. minus enim probabilis eſt eorum cōiectura qui exponunt denuntiata fuiſſe diſertis verbis pœnam. Porius enim exprimit, Spiritum Moſis tanta perturbatione fuiſſe impulſum vt Deo palam obſtreperet. Ideo ſignificat Propheta, quum docili & manueto ingenio eſſet Moſes, malitia populi quaſi ſtabelle fuiſſe incitatum, vt ipſe quoque turbulentè loquutus ſit, An poterit vobis Deus aquam ex rupe educere? Nu. 20. 10. Tantum enim indignationis iam conceperat apud ſe, vt placidè mandatum Dei non audiret.

3 *Non perdiderunt.* Errare mihi videtur qui pœnā ſimpliciter inſictā reſerri putat: ac ſi exprobrat Iudeis Propheta, eorū culpa factū eſſe ne populos perderet, quia indigni fuerint pluribus viſtorijs. porius enim nouū crimen obijcit illis Propheta, quod ignaui fuerint

in proſtigandis Gētibus, imò in terra purganda morē Deo gerere detrectauerint. Iam ad ſummū cumulū peruenerat iniquitas Amorrhæorū, vt Deus non fruſtra vellet exciſos, præſertim ne eorū ſocietas contagioſa foret ſancto populo. Deus enim terrā illam ſibi in domicilium eligens, volebat ſanctā & ab omni ſorde purā eſſe. Populus ergo iniunctā ſibi vindictā exequi recuſans, ſe inquinamenta vtrò appetere oſtendit. Ideo videmus quā duriter excanduerit ob hunc torporē, Ecce, inquit, iuſſerā gladio interfici omnes iſtos populos: nunc quia non paruiſtis mihi, erunt vobis in ſpinas, cōfigent vtrinque latera veſtra, cōpungent oculos veſtros, &c. Num. 33. 55. Quanuis enim ſpecies clemētiæ fuerit nō omnes ad vnum occidere, nō tamē excuſabilis eſt populus, qui iuſtā Dei vindictā negligit, & terrā inquinamentiſ relinquit obnoxia. Idque notādum eſt, quia in veranque partē ſibi plus æquo indulgēt homines, quod nimis rigidi ſunt vbi opus non eſt, & iudicia corruptunt diſſoluta molitie. Pēdere igitur ab ore Dei nos oportet, ne in hanc vel illā partē perperā labamur. Nam ſi dānantur Iſraelitæ quod integris Gētibus pepercerint, quid de Iudicibus dicendum eſt qui dum erga paucos remiſſi ſunt ac ignaui, in publicam perniciem habenas laxant ſceleribus?

35 *Et commiſi fuerunt.* Fructum præpoſteræ illius humanitatis, deſcribit, quod ſe implicuerint Gentium quibus pepercerant, inquinamentiſ. Si ſoli habitaeſſent in terra, facilius erat retinere purum Dei cultum: nunc non mirum eſt ſi à vicinis pellecti degenerent: quia ad mala exempla nimium propenſi ſumus. Loquitur autē nunc de eorum poſteris qui toties in deſerto prouocauerant iram Dei. Atqui nihilo meliores paribus fuiſſe docet: quia gente renouata eadem infidelitas, contumacia, & ingratiſtudo graſſata eſt. Porro hæc miſtura cum Gētibus, aperta erat reiectio gratiæ: quando hac lege eos adoptauerat Deus, vt ſegregati eſſent à profanis Gētibus, hāc ſanctificationē promiſſua cōmiſſione quantum in ſeſt in nihilum redigunt. Quum addit *diſciſſe opera eorū*, admonet nihil eſſe peſtilētiꝯ impiorum conſuetudinē: quia vt ſumus ad vitia



proclius, fieri non potest ubi inter cor-  
ruptelas versamur, quin mox latius ser-  
pat contagio. Quare hic summa adhibē-  
da est sedulitas & cautio, ne impii, dum  
nobis sunt familiares, vitiosis suis mori-  
bus nos imbuant: ac præsertim ubi ido-  
latriæ periculum est, ad quam vnun-  
quenque suum ingenium inclinat. Quid  
igitur fiet ubi oleum camino addet alie-  
na instigatio? Exprimit igitur Propheta  
Iudæos fuisse Gentium discipulos, vt se  
addicerent eorum superstitionibus. Vti-  
tur autem *seruendi* verbo, quo refellitur  
puerile Papistarum effugium, dum a-  
doratione dulia, non latria, se imagines  
colere excusant. Atqui si imaginibus ser-  
uire fas est, immerito Propheta gentem  
suam accusat quod seruerit dñs alienis.  
Putida igitur est illa distinctio, Deum  
latria colendū esse, imagines autē dulia.  
Reperit hoc illis *ecasse in ruinā*, quo me-  
lius appareat, cōtēptis Dei flagellis, per-  
tūaciter in suis erroribus fuisse defixos.

37 *Et sacrificauerunt.* Speciem v-  
nam superfluitatis designat Propheta  
in qua prodigiosa populi cæcitas appa-  
ret, quod non exhorruerint filios & fi-  
lias suas mactare demonibus. Odiosum  
nomen data opera ponit, quo magis de-  
testabile reddat crimen populi. Vnde  
colligimus quā friuolus sit prætextus  
inconsiderati zeli. Nam quo plus seruo-  
ris in Iudæis fuit, eo sceleratiores fuisse  
cōuincit Propheta: quia vesania sua ab-  
repti, ne propriis quidem filiis peper-  
cerint. Certe si quid valeret bona inten-  
tio qualem fingunt idololatraz, dignum  
maxima laude fuisset opus, obliuisci om-  
nes naturæ affectus in liberis mactan-  
dis. Sed ubi suo arbitrio feruntur homi-  
nes quo magis, satagunt, eo magis au-  
gent crimen. Quid enim dissimile fuit  
inter Abraham & istos quorum memi-  
nit Propheta: nisi quod ille fidei obse-  
quio ad filii immolationem se accinxit:  
hos autem vesanus zelus egit præcipi-  
tes, vt depositio humanitatis aff. &u, in  
proprium sanguinem seuerent?

38 *Et effuderunt.* Actius adhuc in-  
uehitur in illum furorem, quod liberos  
suos mactando, terram polluerint fuso  
innoxio sanguine. Nam si quis obiciat,  
laudari Abraham quod vnigenito suo  
non pepercerit: solutio facilis est, quia  
Deo paruit fidei puritate, omnem crude-  
litate maculam fuisse deletam. Nam si  
obedientia præstantior est omnibus vi-  
ctimis, 1. Sam. 15. 22, pie & recte agendi  
optima est regula: hoc autem horribile  
est vindictæ Dei signum dum supersti-  
tiosi suis tantum signentis dediti, obdu-  
rescunt ad brutam feritatem. Quoties  
Martyres vitam impendunt pro afferē-  
da veritate, suavis est huius sacrificii o-  
dor coram Deo: at quum Decii execra-  
bili forma se exitio deuouent, nefandū  
est sacrilegium. Non abs re igitur hæc  
circumstantia populi crimen Propheta  
exaggerat, quod peruersum cultum se-  
quuta sit immanis scuitia. Nec sine cau-  
sa exprobrat terram ab illis fuisse pollu-  
tam, ex qua veteres incolæ Deos profligi  
iusserat, vt peculiare aliquod habe-  
ret cultus sui domicilium. His ergo sce-  
lerati Israelitæ, qui non modò supersti-  
tionibus terram polluendo, sed etiam  
crudeli mactatione filiorum Deum iure  
suo fraudant, & quodāmodo frustrātur.

39 *Et coinquinati.* Concludit nūc  
in genere, Iudæos modis omnibus fuisse  
coinquinatos ubi in Gētiū mores pro-  
lapi sunt: quia in hominum figmentis  
nihil est præter sordes. Nam *opera homi-  
num* vocat fictitios omnes cultus, quos  
sine Dei mandato sibi excogitant: ac si  
diceret veram sanctitatem cultus Dei  
ex Verbo manare. quicquid ex seipsis in-  
gerunt homines, & admiscunt, profanū  
esse, suoque fetore inficere Dei cultum.  
Certè Israelitis propositum erat Deo  
seruire: sed hoc magno seruiore adepti  
sunt vt spiritus sanctus pronuntiet, pol-  
lutionū suarū fetore & scortationib⁹ feis-  
se Deo abominabiles. quia hæc spiritali-  
lis est castitas, verbo Dei prors⁹ adhære-  
re.

40 *Et exarsit ira Iehoue in populum suum, & abomina-  
tus est hereditatem suam:*

41 *Et tradidit illos in manus Gentium, & dominati sunt  
super eos inimici ipsorum:*

42 *Et subiugarunt ipsos hostes ipsorum, & afflicti sunt sub manu ipsorum.*

43 *Multis vicibus liberavit eos, & ipsi exasperauerunt eum in consiliis suis, & oppressi sunt in iniquitate sua.*

44 *Et vidit quum essent in angustia, audiendo clamorem ipsorum,*

45 *Et recordatus est erga eos fœderis sui, & pœnituit eum secundum magnitudinem clementiarum suarum.*

46 *Et dedit eos in misericordias coram omnibus qui captivos abduxerant eos.*

40 *Et exarsit.* Pœnæ atrocitas cōfirmat quod nuper diximus, non fuisse leuē delictum, quōd populus, Dei cultū adulterare ausus est. Sed populus ipse eo magis insanabilem suam malitiam prodidit, quōd nec ite quidē ad veram pœnitentiam reuocatus est. Fuit certē hæc horribilis vindicta, quōd populus, qui sacra erat & electa hæreditas, expositus fuit Gentium libidini, quæ tamen diaboli mancipia erant. Tunc saltē sua scelera detestari debuit, quibus in illas extremas clades proiectus fuerat. Ideo indignitatem auget Propheta, *subiugatos & afflictos ab hostibus* fuisse dicens: quo turpior fuit amētia, talibus probis non verē & ex animo humiliari sub potētī Dei manu. Pridem enim admoniti fuerant à Mose, non fortuitō nec hostiū virtute se in duram illam seruitutē esse coniectos: sed quia Diuinitas traditi erant, & quasi venundati. Fuit autem iustissima ultio, vexandos & opprimendos tyrannis tradi, qui Dei iugum recusauerunt: & subici hostibus suis calcandos, qui non sustinuerant paterno Dei imperio regi.

43 *Multis vicibus.* Sicuti impia populi obstinatio prodita fuit, quia ne durissimis quidem flagellis posuit corrigi: ita nunc Propheta sceleratam duritiem ex opposito coarguit, quōd nullis beneficiis flexus est ad obsequiū. Patet quidem inter afflictiones sub onere gemuisse: sed vbi Deus nō modō pœnas mitiga, sed mirabiliter eos eripiat, excusabilis postea lapsus est? Meminerimus autē hīc in speculo nobis proponi totius humani generis ingeniū: quia quū Deus

omnes ferē vtroque modo reducere in viam tentet, quotusquique non manet idem? Quōd si nos vel flagellis suis contundat, vel bonitate emolliat, hoc tantū momentaneum est: quia statim in eadem vitia reuoluimur, dico quantumuis sæpe vel pœnas iteret, vel indulgentiam. Quod ad Iudeos spectat, intolerabilis certē fuit vecordia & furor, quōd post tot liberationes nō cessarunt à suis defectionibus. Dicte enim Propheta eos nihilominus exasperasse Deum prauis suis figmentis. Postea repent, iustam illis mercedem fuisse solutam, quia in sua iniquitate oppressi sint. Rursus verō cōmemorat ex auditos fuisse eorum gemitus, quanuis tot malis essent dignissimi. Vnde colligimus infatigabili bonitate certasse cum ipsorum malitia. Cuius enī misericordiæ fuit attendere ad eorum clamorem, qui sanz eius doctrinæ aures clausuerant, surdi fuerant ad omnes oburgationes & minas? Atqui ne hac quidem perseuerantia diabolicum eorum furorem sanauit.

45 *Et recordatus est.* Causam tantæ humanitatis ac tolerantie assignat, quōd Deus fœderis sui memor fuerit: quo nō tantū gratuita venia notatur, sed perstringitur peruersa eorum cecitas, qui talibus remediis ad fœdus in quo salutem suam videbant positam esse, reducti non sunt. Præcipue tamen ingratitudinem illis exprobat, quōd quam digni essent excindi, non agnouerint se Dei clementia seruatos esse. Quod melius confirmat secundo membro, Deum illis pepercisse *secundum magnitudinem suarum miserationum.* Nam quum necesse

fuerit, Deum explicare ingentes bonitatum suarum thesauros in illis redimēdis, inde colligitur quid meriti fuerint. *Pœnitendi* verbo, nō aliqua in Deo ipso mutatio, sed tantum in pœnis ipsis notatur. Nam Deus pœnas mitigando, vel manum retrahendo ab exequendis suis iudiciis, videtur quodammodo mutare cōsiliū. Itaque Scriptura ruditati nostræ se accommodans, ex sensu nostro loquitur.

49 *Dedit eos.* Sicuti nuper dixerat, traditos fuisse Iudæos in manus hostium, quia hostes sola ira Dei armauerat, ut illos sub iugum cogerent: ira nūc ab eodem Deo māsuefactos dicit fuisse

hostes, qui prius eius vindictam diris modis executi fuerunt. Quia ergo Dei manu reguntur corda hominum, ut vel ad salutem inflammet, vel ad humanitatem flectat, quoties ita visum est, quādiu exarsit ira eius in populum, hostes quoque ipsi implacabili odio accensi sunt: eo autem placato, non solum extinctus fuit ignis ille qui ex fornace iudicii eius prodibat, sed crudelitas in misericordia verſa est. Incredibilis enim fuisse illa conuersio, ut hostes saui & truculenti amore complecti & misericordia prosequi inciperent quos prius oderant, nisi Dei prouidentia, ex lupis facti fuissent agni.

47 *Serua nos Iehoua Deus noster: & collige nos ex Gentibus ad celebrandum nomen sanctitatis tuae, ad gloriandum in laude tua.*

48 *Benedictus Iehoua Deus Israel à seculo & in seculū: & dicat omnis populus Amen. Allelu-Ia.*

47 *Serua nos.* Apparet ex hac clausula compositum fuisse Psalmum sub misera & tristi populi dispersione. Et quanquam non extiterint post Aggeum & Malachiam insignes Prophetæ in populo illo, probabile est aliquos ex sacerdotibus Spiritu Prophetico fuisse præditos, qui saltem necessarias consolationes populo dictarent. Ego certè existimo, postquam tyrannide Antiochi dissipatus fuerat iterum populus, præſenti necessitati aptatam fuisse precandi formam, in qua populus, veteres historias repetendo, agnosceret innumeris modis prouocatā fuisse à patribus iram Dei, ex quo eos redemerat. Oportuit enim verè humiliari populum, ne Dei castigationi obstreperet. Quum verò indignis pepercisset Deus, spes veniæ in futurum tempus dabatur, si ex animo studerent eum sibi reconciliare: præfertim quia hic celebratur memoria fœderis, cuius fiducia licebat Deum quanuis offensum inuocare. Quia autem Deus eos elegerat in populum peculiam, petunt ut lacerata membra restituat in vnum corpus, secundum vaticiniū Moſis, Deut. 30. 4. Si disiectus fueris ad, quatuor mundi plagas, inde ego te colligā. Quod tunc demum impletum fuit ubi

multitudo huc & illuc dispersa, in fidei vnitatem coaluit. Etsi enim terrenum regnum, & politiam nunquam recuperavit populus ille, fœlicior tamen fuit hæc collectio, quòd in corpus Christi insiti, vbicumque agerent, sacro & spiritali fidei vinculo inter se & vnā cum Gentibus copulati sunt, ut Ecclesiā vnā in toto orbe diffusam facerent. Finē redēptionis addunt, ut celebrent Dei nomē, seque exerceant in eius laudibus.

48 *Benedictus.* Hic vota populi sic temperat, ut inter suos gemitus, calamitosi exules non desinant tamen Deo gratias agere. Quæ circumstantia diligenter notanda est: quia ubi rebus aduersis premimur, vix centesimus quisque placidè ad Deū accedit: sed fastidiosè precando, vel tumultuose conquerendo, superbiam nostram prodimus. Atqui hæc vna erat exorandi Dei ratio, mansueto spiritu nos subiicere eius ferulis, crucē nobis impositam ferendo. Itaque non abs re Prophetæ afflictos exules ad Deum benedicendum hortatur, quāuis eos asperius castiget: quo etiam tendit hæc particula, *dicat populus Amen.* ac si omnes iuberet Dei laudibus subscribere, quanuis publicè & priuatim anxii laboribus confecti iacerent.



Decet primò res humanas non versari ceco fortuna votatu, sed in variis agitationibus, quas mundus casu accidere putat, reputanda esse Dei iudicia. Ideoque res aduersas, & quicquid calamitatum sustinent homines, naufragia, sterilitates, exilia, morbos, bellorum clades, totidem esse ira Dei testimonia quibus homines ad tributum suum reos citat. Prosperos autem & laetos successus, eius gratia debere adscribi, ut semper quam meretur laudem, vel humanissimi patris, vel iusti iudicis obtineas. Tandem inuehitur in profanos homines, qui in tam clavis prouidentia Dei documentis cacuerunt.

Psalmus CVII.

**C**elebrate Iehouam, quia bonus, quia in seculum clementia eius.

2 Dicant redempti Iehouæ, quos redemit è manu tribulantis,

3 Quos collegit ex terris, ab Oriente & occasu, à Septentrione & Meridie.

4 Errarunt à via in deserto in solitudine, urbem habitationis non inuenerunt:

5 Famelici etià sitibundi, ut anima eorū in ipsis deficeret.

6 Et clamauerunt ad Iehouam in angustia sua: ex tribulationibus eorum eripuit eos.

7 Et direxit eos via recta, ut veniret in urbem habitationis.

8 Celebrent coram Iehoua clementiam suam, mirabilia eius coram filiis hominum:

9 Quia satiauit animam concupiscentem, & animam famelicam impleuit bono.

**I** Celebrate. Versum hunc, quia initium erat proximi psalmi, exposuimus: & constat non solum in vsu frequentissimo fuisse Iudæis, sed ita aliis canticis intercalari solitum, ut dum chorus vnus prosequeretur psalmum aliquem, chorus oppositus alternis vicibus succineret, Celebrate Iehouam quia bonus, &c. Tritam ergo & celebrè sententiā generalis proœmii loco hic posuit quisquis fuerit author. Deinde ad species descendit. Et primò ad gratitudinem hortatur qui ex longinqua & difficili peregrinatione, adeoque ex seruitute & vinculis domū incolomes reuersi sunt. Tales autē vocat redēptos Dei, quia per deserti & inuias solitudines vagando, sæpius à reditu exclusi essent, nisi Deus quasi porrecta manu, duce se illis præbuisset. Quanquā nō quoslibet viatores hic designat, sed qui vel hostili impetu, vel alia vi & necessitate in longinquas regiones ex-

pulsi, extrema quæquæ discrimina experti sunt: imò captiui fuerūt apud hostes, vel piratas, vel alios prædones. Admonet igitur, nō casu fuisse iactatos, nec temere etiam in patriā, relatos esse, sed eorū errores gubernatos fuisse Dei prouidentia. Posset autē secundus hic versus cum primo cōtexi: ac si iuberet Prophetam, quos alloquitur recitare celebre illud canticum. sed nō minus cōmodè seorsum legetur, hoc modo, Redēpti Iehouæ qui ex captiuitate possimino reuersi sunt, prodeāt in mediū, & suscipiāt ipsi suas partes in cānedis Dēi laudibus, ac enariēt quā in sua liberatione experti sunt Dei gratiā. Et si autem id Iudæis fere omnibus cōmune fuit, quibus longinquas professiones suscipere cōtingerat: quia terram suā egredi vix poterāt quin vndique occurrerent vel aspectū vitæ ac difficiles, plenæque variis periculis: nec tamen doctrina promiscue pa-

ret ad totum genus humanum. Reducit autem illis in memoriam quàm saepe à recto itinere abducti hospitio caruerint: quod frequenter contingit in locis incultis. Imò si quis syluam ingreditur, nisi peritus sit itineris, poterit errando subinde præda esse leonum ac luporum. sed peculiariter eos designat qui deprehensi in locis desertis, etiam ob famem & sitim de vita periclitantur. Certum enim est, tales (nisi Dominus succurrat) rari vnius horæ spatio à morte distare.

6 *Clamauerunt.* Verba præteriti temporis, continuum actum hic notât, vt loquuntur Grammatici. Sensus est igitur, Qui errant in locis desertis, saepe quia hospitium non inueniunt, fame & inedia premuntur: & quum eos spes deficit, clamare ad Deum. Certum quidem est, Deum multis laborantibus opem ferre, quauis ad eum sua vota non dirigât. Nec verò Propheta tam fuit propositum laudare piorum fidem, qui ex animo Deum querunt, quàm describere communem naturæ affectum. Nam etsi multorum spes in Deo minimè defixa sit, vbi tamē viget maior aliqua necessitas, arcano ductu ad Deum trahuntur. Atque hoc modo confessionem illis Deus extorquet, non aliunde quàm ab vno ipso salutem petendam esse: imò impios qui Deum aliqui in deliciis & quiete subfannant, Deus ad nominis sui inuocationem nolentes cogit. Fuit hoc ordinarium omnibus seculis, vt prophani homines, quibus religio pro fabula est, necessitate coacti ad Deum clamaret. An id per iocum faciunt? imò arcano naturæ instinctu feruntur ad celebrandum Dei nomen, quod prius ludibrio habuerant. Quod ergo vt plurimum accidere solet, Propheta meo iudicio hic narrat: homines quauis pietate & fide vacuos, & qui optaret nihil sibi esse cum Deo negotii, si grauiori in discrimine versentur, etiam sine certa meditatione, ad Deum inuocandum natura duce & magistra impelli. Quum autem in rebus dubiis vel deploratis ita ad

Deum confugiant, eorum socordia plene arguit hæc confessio, quod rebus tranquillis Deum negligant, quia ipsos inebriat sua prosperitas: & quauis insitum sit eorum cordibus religionis semē, nūquam tamen sapere nisi malis coactos. sapere dico, vt meminerint aliquē esse in celo Deum. Nec est quod obiciat quispiam dixerunt illud scurræ veteris. nam quum templum ingressus, tabulas à mercatoribus illic positas spectaret, quibus profitebantur se deorum beneficium ex naufragio ereptos esse, visus est facere & salic excipere. Atqui non numerantur eorum mortes qui submersi sunt, quorum innumera est turba. Fictitis idolis potuit ille forte sic illudere: sed quauis centuplo plures mergantur in medio mari, quàm salui in portum euadant, hoc gloriam bonitatis non obsecrat, qui sic est misericors vt simul tamen exerceat sua iudicia. Sic de viatoribus per deserta palatis & vagantibus dicendum, si pereunt multi fame & siti, multi vorantur à feris, multi frigore intereunt: nempe totidem iudicii sui spectacula proponit Deus. Vnde colligimus idem omnibus instare, nisi vellet aliquam partem generis humani esse saluam: atque ita medius iudex testidæ misericordie suæ causa quosdā seruat, in aliis seueritatem suam ostendit. Merito itaque subiicit Propheta, Dei manu reduci eos in viam, vt commodum hospitium inueniant: & ideo ad gratias agendas hortatur. Et quo melius confirmet Dei beneficium, misericordiam coniungit Dei mirabilia, ac si diceret, In hac gratia magis conspicuam esse Dei gratiam, quàm vt latere debeat: & dum tacent qui ita liberati sunt, perfido silentio nō aliter suffocare Dei miracula, quàm si onentur lumen solis pedibus calcare. Quid enim aliud dicendum, quum naturæ sensus in discrimine ipso ad Deum nos rapiat, vbi statim eius obliuiscimur, quis negabit malitia & ingratitude nostra eius gloriam obrui?

10 *Habitantes in tenebris & umbra mortis, deuincti angustia & ferro:*

11 *Quia rebelles fuerunt verbis Dei, & consilium Excelsi spreuerunt:*

*spreuerunt:*

12 *Et humiliavit molestia cor ipsorum: afflicti sunt, & nemo adiutor.*

13 *Clamauerunt ad Iehouam in angustia sua: ex tribulationibus eorum liberauit eos.*

14 *Eripuit eos ex tenebris, & umbra mortis, & vincula eorum dirupit.*

15 *Celebrent coram Iehoua clementiam eius, & mirabilia eius coram filijs hominum:*

16 *Quia contriuit portas aneas, & vestes ferreos cōfregit.*

10 *Halitantes in ten.* Alteram periculū speciem commemorat Propheta, in qua Deus virtutē suam & gratiā liberandi hominibus palam exierit. Vocat mundus, vt dixi, agitationes istas ludā Fortunę & Dei prouidentię vix centesimas quisque locū relinquit. Sed aliā prouidentia a nobis exigit Propheta, vt in omnibus rebus aduersis reputemus Dei iudicia: in ipso autem exitu bonitacē. neque enim vel casu incidit quispiam in manus hostium, vel latronum: vel casu seruat. Sed tenendum est principium illud, afflictiones, Dei flagella esse: deo que non alibi quā in eius gratia esse remedium. Si quis a latronibus vel piratis captus nō extemplo inguletur, tantū vixit in singula momēta, & quidem sine spe vitę: itaque eius liberatio documētū est gratię Dei, quę eo clarius effulget, quo pauciores euadunt: tantū abest vt eius laudes extinguere debeant multi interitus. Quare eos omnes ingratitudinis damnat Propheta, qui tam mirabiliter erepti, paulo post salutē sibi pręstitam obliuione inducūt. Et quo eorum crimen melius arguat, iterum cōtra ipsos clamores eorum testes citat. Nam quū in suis angustijs sine fitione

professi sint Deum esse suum liberatorem: qui sit vt in otio & pace notitia hæc euanescat?

11 *Quia rebelles.* Casu sēp notando falsū illum errorē corrigit quod fortuitō res aduersa contingant. Nam si reputantur Dei iudicia, casui & fortunę non relinquitur locus. Iam verō donec persuasi sint homines arduas Diuinis indigi, nunquā in animū inducent salutē ab eo petere. Potrō causę notatio huc nō spectat, quā palam in foro humano scelēratū habeantur de quibus agit Propheta: sed his verbis hortatur afflictos ad examen vitę suę habendum: & quāuis nemo eos accuset, vt ratō in seipsos descendant, vbi semper repēnant malorum causam. Nec simpliciter eos peccasse dicit, sed rebelles fuisse verbo Dei: quo significat vnam esse bene viuendī regulam, se qui quod Deus pręcipit. Quī ergo sic conuicti tenentur, si illis clamorem ad Deum extorquet vltima necessitas, nimis stupidi sunt, nisi agnoscant inopinatam liberationē a Deo esse. Nā ostia chalybea & vestes ferreos nominat amplificandi beneficii causā: ac si diceret, vincula perpetuę seruitutis soluta esse.

17 *Stulti propter viam transgressionis suę, & propter iniquitates suas cruciantur:*

18 *Omniem escam abominatur anima eorum, & appropinquant ad portas mortis.*

19 *Tunc clamant ad Iehouam in tribulatione suā: ex angustijs suis seruat eos.*



20 *Mittit verbum suum, & sanat eos, & eripit eos ex omnibus corruptionibus eorum.*

21 *Celebrent coram Iehoua misericordiam eius, & mirabilia eius apud filios hominum:*

22 *Et sacrificent sacrificia laudis, & pradicent opera eius cum exultatione.*

17 *Stultus, &c.* Descendit ad aliam castigationis speciem. Nam sicuti nuper dixit captiuos tradi in manus hominum qui se à Dei obsequio emancipant, ita nunc docet morbos Diuinitus infligi propter peccata. Vbi autem senserit peccator Dei ferulis se castigari, facilis inde transitus erit ad gratiæ notitiam. Stultos autem vocat qui inconsideratè concupiscentias suas sectando, perniciem sibi accersunt. non quòd ignorantia tantum & errore delinquant, sed quia cæci affectus priuant eos recto iudicio, ut sibi pessimè consulant. Et sane tenendum est semper illud principium, timorè Dei esse sapientiam. Vnde sequitur, amentia rapi & furore qui excutit Dei iugum ut se Diabolo mancipent ac peccato. Caput verò amentia Propheta *defectio- nem* ponit: deinde addit *iniquitates*. quia ubi quis semel à Deo recessit, raptari huc & illuc subinde necesse est, ut nò desinat aliud ex alio peccare. Non autem hic de vulgaribus morbis distret, sed qui lethales prorsus censentur: nec spem vitæ residuam faciunt: quo melius resulgeat liberationis gratia. Nam si quis incommoda valetudine sit leuatus, non ita probè in leui mutatione expèdet Dei manum, quæ se notabili & illustri modo exerit dū semimortuis restituit plenum vigorem. Dicit ergo seruari à multis corruptionibus perinde atque à multis mortibus. Atque huc quoque spectat circumstantia ista, dum dicit Propheta eos *approprique* *re ad portas mortis, & omne oscam abominari*. Nam de clamore prius diximus, nempe homines in extremas angustias redactos, clamando fateri de salute sua actum esse nisi mirabiliter Deus succurrat.

20 *Mittit verbum.* Iterum ostendit Propheta se de exitalibus morbis agere qui propè exanimant homines, eū

eos dicit liberari à perditionibus. Ceterum opè Dei opponit omnibus humanis remediis: acti diceret, sola Dei virtute eos reuiuiscere, quia medicū in terra inuenire impossibile erat. Modus quoque sanandi notandus est: quòd scilicet Deus solo nutu vel mādato morbos omnes mortemque ipsā procul abigat. Neque enim hoc restringo ad fideles, ut faciūt plerique. Verū quidē est, nisi purgētur animæ Dei verbo, corporū sanationē leuis esse momēti. Sed Propheta, Dei clemētiā in reprobis quoque & ingratis vult considerari. Itaque sensus est, Sicuti morbi nō influūt casu in homines, vel tantū ex naturalibus causis proueniūt, sed tanquā Dei apparitores, ei⁹ imperiū exequūtur: ita eūdē ipsū qui percussit, sanare absque vllō negotio: quia sufficit præcipere quid fieri velit. Ceterum ubi Prophetæ mētē tenuerimus, non malè deinde suo loco cōueniet anagoge. Si corporales morbi nō nisi Dei verbo vel imperio sanantur, multo minus animas restituī in viā nisi per Verbū, & qdē fide apprehēsu.

22 *Et sacrificent.* Sētiētiā hāc exgeticè addidit Propheta, quo melius exprimeret fraudari Deū iure suo, nisi hac in parte agnosceatur eius prouidētia. Natura distat, Deo cultū aliquem deberi, & hoc sine magistro profani quoq; homines sētiūt. Et scimus ritū sacrificadi sēper in vsu fuisse apud omnes Gētes: nec dubiū est quā illo principio De⁹, ut aliquo pietatis sensu, retinere voluerit humanū genus. Illuc ergo stupidos vel nimis torpentes renocat Propheta, vera hæc Sacrificia esse admonēs dū agnosceatur ei⁹ beneficētia. Neque tamē inficior quā alludat ad ceremonias Legales: sed quā promiscuē in toto mūdo religio sacrificiis celebatur, reos ingratitudinis peragit qui exempti ab aliquo periculo, silentio laudem Dei sepeliunt.

23 *Qui descendunt in mare nauibus, negotiantes in aquis magnis,*

24 *Ipsi vident opera Iehoua, mirabilia eius in profundo.*

25 *Et dicit, & excitat spiritum procella, & in sublime attollit fluctus eius.*

26 *Ascendunt in celos, descendunt in abyssos: anima eorum in malo dissoluitur.*

27 *Agitantur & nutant tanquam ebrius, & omnis intelligentia eorum absorbetur.*

28 *Et clamant ad Iehouam in angustia sua: & ex tribulationibus eorum educit eos.*

29 *Stare facit procellam in silentio, ut quiescant fluctus ipsorum.*

30 *Et latentur quia sedati sunt: & deducit eos ad regionem voti eorum.*

31 *Celebrent coram Iehoua clementiam eius, & mirabilia eius apud filios hominum:*

32 *Et extollant eum in cœtu populi, & in conuentu senum laudent eum.*

23 *Qui descendunt.* Hic in alia specie ostendit Propheta quantam humani generis curam Deus gerat, dum naufragos in portum adducit, non secus ac si sepulchro in lucem eos attolleret. Quod dicit homines navigationi assuetos cernere in profundo mirabilia Dei, non interpretor generaliter de multiplici miraculorum copia quibus mare refertum est. Verum quidem est, tales esse idoneos testes operû Dei, quia maior illic rerum incredibilium copia & varietas offertur quam in terra: sed ego ad sequentem contextum hoc restringo, quia videtur seipsum exponere Prophetam, narrans quomodo Deus tempestates subito excitet ac cõponat. Summa huc redit, Eos qui nauigant, tempestatibus ad viuum probari, ut ipsa iactatio totidem ostendet mortes quot fluctus insurgunt. Sed magis graphicè Dei prouidentiam nobis depingit. ut enim sciamus nõ spõte mare tumultuari, consultò dicendi verbum usurpat, significans Dei prouidentia & imperio ventos ad mare turban-

dum flare. Verum quidem est nautas ex naturalibus causis tempestates futuras coniiicere, sed subitæ mutationes non nisi ex occulto Dei iussu proueniunt. Non igitur historicè tantum refert procellas ac turbines surgere: sed quia sustinet personam doctoris, ab ipsa causâ incipit. Periculi deinde magnitudinem exprimit: imò quasi mortis imaginem depingit in tabula, quo melius in euentu lætiore Dei gratia refulgeat: *Surgunt, inquit, in calum, descendunt in abyssos*: quasi diceret, sursum euolare, ut euanescat eorum vita: postea præcipites deorsum ruere ac mergi. Adiungit etiam terrores, qui mentes illis concutiant, imò auferunt: significans his verbis, quantumuis periculi sint nautæ qui gubernandis nauibus præsumunt, excidere tamen ab omni intelligentia. vnde sequitur, aliis adminiculis destitui, quorum nullus esset vsus, etiam si ad manum suppetere. Nā etsi arma colligunt, deiicunt bolidè in profundum, flectunt huc vel illuc vela: sed omnibus tētatis, permittunt tandem se

venis raptandos ubi ars defecit. Desperatio enim nihil relinquit cōsiliū. Itaque ubi nihil apparet solatii in mūdo, superest vnus clamor, qui conuincit ipsos similes fuisse mortuis.

29 *Stare facit.* Diceret profanus homo historiam referens, ventos posuisse, & sedatos esse motus: sed Propheta in hac mutatione prouidentiam Dei cōmendat, significans non fieri humanitus vt tam repente cessent violenti illi impetus maris ac ventorum, quibus videtur labefactari mundi machinas. Quā ergo horribili feruore mare ebullit, vt singula quasi gutta inter se pugnent, vnde mox silentium & quies, nisi quod vndas, quarum tam formidabilis erat col-

lisio, Deus cohibet, nec secus stare facit aquas, quā si congelatae essent? Lætitiam opponit timoribus, vnde clarius patet ingratitudo nisi memoriam tam præclara liberationis colāt. Neque enī magistro indigent postquam & discrimine ipso & serenitate reddita satis superque edocti sunt vitam suam sub Dei fuisse manu & custodia. Præterea genus beneficii esse docet, quod nō modo priuatim agnosci vel narrari inter priuatos parietes, sed passim & per celebres cōuentus meretur prædicari. Imò senes disertè ponit, significans quo quisque maiore pollebit prudentia, ita harum laudum magis idoneum fore auditorem & testem.

33 *Ponit flumina in desertū, & exitus aquarū in siccitatē.*

34 *Terram fructiferam in saluginem propter malitiam habitantium in ea.*

35 *Ponit desertum in stagnū aquarum: & terram solitudinis in exitus aquarum.*

36 *Et facit illic habitare famelicos qui ordinant urbem habitationis:*

37 *Et serunt agros, & plantant vineas, & edunt fructum prouentus.*

38 *Et benedicit eos, & multiplicantur valde: & animalia eorum non minuit.*

39 *Postea minuuntur, & deiciuntur præ dolore, malo, & egritudine:*

40 *Effundit contemptum in Principes, & errare facit eos in vastitate ubi non est via.*

41 *Et erigit afflictum à miseria, & statuit instar gregis familias.*

33 *Ponit flumina in desertum.* Recenset mutationes quas fortunæ ascribi nimis absurdum esset. Continget enim fecundas terras arefcere, steriles verò induere nouam naturā. Vnde fit vt sterile fiat vna regio, altera verò insolitam pinguedinem acquirat, nisi quia Deus contra illius incolas iudicia sua exercens, benedictionem ab illis suam tollit, hanc verò pascendis famelicis sæcundat. Quod multæ Asiæ & Græciæ partes, quarū olim famosa vberitas fuit, nūc

iacent squalida, posset hominū paucitati tribui, sed quum experientia doceat siccare quarundam terrarum pinguedinem, quum aliæ fructuosæ esse incipiāt, hic certè Dei prouidentiam quam extollit Propheta, agnosci necesse est. Quanquam non sufficit tenere, Dei cōsiliū dominari in his mutationibus, nisi accedat hoc secundum, quod etiā non omisit Propheta, terrā maledici, propter suos incolas, ubi indigni sunt quos Deus liberaliter pascat. *Signa & exitus aquarū*  
pro



pro agris vel regionibus irriguis posuit: quia continuus humor succum fructuosum suppeditat. In voce *saluginis* est metaphora, quia nihil sale sterilius: unde etiam illud Christi, Marc. 9. 50, Sal si infarvatus fuerit, ad quid proderit amplius? ne ad sterilitatem quidem. Ideo quum aliquem locum damnare volebāt solitudinis, solebāt salē spargere. Ac fieri potest ut Propheta ad morē antiquū alluserit, dicens sale terram aspergi.

35 *Fons desertum.* Hæc mutatio priori opposita, melius illustrat mirabilem Dei potentiam: quia siquid ex pristina fecunditate agris decederet, dicerent profani homines quod olim vulgō iactatum fuit, terram post frequentes partus quasi exhaustam quiescere. Sed unde locis aridis nova pinguedo, ut videri possit mutatus aer cum natura terræ, nisi quod Deus insigne suæ bonitatis specimen illic profert? Quare non abs re Propheta dicit cōverti deserta in stagna aquarum, ut in locis vastis & incultis, ubi ne vnum quidem tugurium antè fuerat, surgant populosæ vrbes. Neque enim magis probabile est mutari terræ naturam, quā cursum solis & astrorum. Quod dicit *satiari famelicos*, duplicē sensum admittit, vel quod ipsi quoque famelici reperiant quod longæ inediæ medeatur: vel quod miseris & vagis hominibus, quos penuria cogit novum hospitium quærere, Deus liberaliter subveniat. Ego potius quod ut plurimum fieri solet, notari arbitror, nempe famelicos, quibus videtur mundus negare victum, & quos etiam patria sua euomit, quæ tamen mater erat, commodè locari in desertis, ut Dei benedictione illic augetur. Vbi reddidi *fructum & proveniunt.* Hebræi multi grammatici duplicationem esse putant, ac subaudiunt copulam. Sed potius annum fructum designat Propheta: ac si diceret, non semel nec paucis annis fructum in illis regionibus provenire, sed fecunditatem esse perpetuam, *וְיָבִישׁוּן* enim vocat Hebræi fructus ornos, & quos terra quotannis affert. Quum dicit *novos incolas terram ferere*, subindicat nullum illic prius arationis vel culturæ fuisse usum: ideoque regionem cuius agris data est insolita pinguedo, novam faciem induere. Tan-

dē addit non nisi Dei benedictione fieri ut per cōtinuos progressus locupletetur quos nuper egestas & inopia premebat.

39 *Postea minuantur.* Antequam ad rem venio, brevitè hoc de vocibus notandum est, *וְיָבִישׁוּן* à quibusdam verti tyrannidem, & certe verbum *וְיָבִישׁוּן* dominari significat. Sed quia metaphoricè pro angustia capitur, videtur hic sensus melius congruere. Duo alia nomina tamen in casu nominatiuo quàm in genitiuo legi possunt. Mihi tamen magis aridet lectio ista, Ab angustia mali & dolore. Quod verò ad summam rei pertinet, si cuti antehac descripta nobis fuit quæ terris quoad fundos agrorum, contingit mutatio, ita nunc docemur non eodem semper in statu manere homines: quia & numero decrescunt, & bellis, vel intestinis seditiōibus, vel aliis incommotis attriti decidunt ex suo gradu. Ergo siue pestis absumat eorum partem, siue ab hostibus cladem accipiant, siue cōficiant seipso mutuis disidiis, sæpe alternat eorum conditio. Vnde autē hoc, nisi quod Deus gratiam suam subducit, quæ prius erat instar occultæ scaturiginis unde fluebat prosperitas? Quum autem varii sint vrbium casus, speciem vnam exprimit Prophetā præ aliis notabilem & conspicuam. Nam quia in privatis & obscuris hominibus non ita expenditur manus Dei, Principes ipsos in theatrum pròducit, quorum nobilitas non patitur latere siquid illis contingit memoratu dignum. Videtur enim mundus in eorum gratiam creatus esse. Ergo dum eos præcipitat Deus è gradu, magis expergefiunt hominum mentes ad considerandum Dei iudicium. Notanda autem loquutio est quum dicit *contempsi Diuinitis effundis super Principes*, sicuti rursus quantisper tueri vult eos in statu reuerentiæ ipsis conciliat. Nota est sententia Danielis, cap. 2. vers. 37, Terrorem tui dñi Rex posuit Deus in ipsis aui-bus cæli & bestijs terre. Et certè quantis armati sint potentia Principes, nihil tamen maiori præsidio est, quā interior dignitas quæ illis Diuinitus insculpta est. Neque aliter ad triduum staret pagus vnus, quàm si occulto frano contineret Deus omnium animos. Ergo ubi contemptibile, Deus Principes reddit,

neceſſe eſt ſumma quæque imperia labe factari. Atque hoc teſtantur hiſtoria, maximos Reges, qui formidabiles toti mûdo fuerant, poſtquam dignitate exuti ſunt, ludibrio fuiſſe ſeruis ſuis. Sed quû prodigii loco cenſeri debeat hæc mutatio, facit ſuſpor noſter vt Dei prouidentia oculis noſtris non occurrat. Poſtea ex oppoſito docet Propheta *abieſtos & ignobiles extilli*, augeri familias: & qui nullo in pretio erant, opibus & dignitate repente florere. in quo Dei prouidentiam agnoſcerent homines, niſi eos hebetaret ſua prauitas.

42 *Videbunt recti, & lætabuntur: & omnis iniquitas obſtruet os ſuum.*

43 *Quis ſapiens, vt obſeruet hæc, & intelligent bonitates Iehouæ?*

42 *Videbunt recti.* Cõcludit tandem Propheta, non excidere iuſtis tot documenta prouidentia Dei: ſed quia fide oculati ſunt, gaudere tali ſpectaculo: impios quoque conſuſos obmutefcere. Nam alios ab aliis prudenter diſcernit: quia impii vt cunq; agnoſcere cogantur Deum mundi gubernatorem, cæcutiunt tamen videndo: nec aliter proſiciunt aſpectu, quàm quòd redduntur magis inexcufaſiles: iuſti autẽ non tantum iudicio polleant, ſed ſpõte etiam aperiant oculos ad contemplandam Dei iuſticiam, bonitatem, & ſapientiam, ſequæ oblectant earum notitia. Nam gaudium, voluntariũ intuitus ſignũ eſt. Quatũ ad impios ſpectat, non intelligit Propheta ſeridẽ eos affici, vt verẽ ſentiant Diuinitus regi mundum, ſed teneri conſtrictos, vt non audeant negare Dei prouidentiam vt cuperent, vel ſaltem reſtarentur quoties oblatrant. nã erſi in propatulo ſint iſtis Dei iudicia, ex cæcitate tamen ſunt eorum mentes, ne claram lucem cernant. Loquutio autem hæc plus habet vehementia quàm ſi dixiſſet obmutefcere ipſos impios. Neque enim obſtrepere ipſi deſinunt: imò videmus quàm proteruẽ fidei noſtræ inſultet, nec dubitent ſordas blaſphemias in Deum euomere. Veriſſimum tamen eſt hoc Propheta dictum, *iniquitati os obſtrui*, quia reipſa, quo petulantius rount, apertius conuincitur eorũ improbitas. Porro lætitia hæc cuius Propheta meminit inde manat, quia nihil ad fidem ædificandam aptius eſt, quàm prouidentia Dei cognitio: quoniam ea ſublata non minus quiſque apud ſe æſtuabit, quàm mundum fortuito verſari ſinget. Proin-

de qui hanc doctrinã partem euertere conantur, filios Dei vero gaudio priuantes, miſera inquietudine torquet animos, & ipſis inferos in hoc mûdo fabricant. Quod enim magis horribile tormentum quàm ſi anxii ſine fine trepidemus? Atqui nulla quies, donec in Dei prouidentiam recumbere didicerimus. Cæterum oſtendit hæc clauſula, quum Deus promiſcuẽ ſuam bonitatem exhibeat hominibus, paucos tamen ex innumera turba proſicere. Vnde ſequitur hortatum prius fuiſſe omnes ad celebrandam Dei bonitatem, quo palam fieret multorum ingratitudo.

43 *Quis ſapiens.* Significat tunc deum ſapere homines vbi ſtudio applicant ad conſiderationem operum Dei: deſipere verò reliquos, & quantumuis callidi appareant, euaneſcere tamen in ſuo acumine, dum clauſis oculis prætereunt lucem ſibi oblatam. Interrogatione autẽ oblique perſtringit falſam perſuaſionem quæ vulgò in mundo graſſatur, dum audaciſſimus quiſque Dei contemptor ſe optimẽ ſapere putat: ac ſi diceret, fatuos omnes deprehenſum iri, qui hæc in parte oculati nõ ſunt. Atque eo magis neceſſaria eſt hæc admonitio, quia videmus quosdam ex ſummis Philoſophis adeò fuiſſe malignos, vt nulla in re magis laborauerint quàm in ſepelienda Dei prouidentia: vel ſaltem in excudendis mediis cauſis, quibus ſe & alios, neglecto Deo, affigerent. Ariſtoles tam ingenio quàm doctrina maximẽ excelluit: vt tamen profanus homo erat, prauicque animi, ſemper hoc habuit propoſitum vt Dei prouidentiam inuolueret multis vagis ſpeculationibus:

imò quicquid perspicaciz in eum Deus contulerat, sacrilegus ille nebulo ad ex ringuendam omnem lucem applicuit. Propheta autem non modò Epicureos (quorum crassior fuit fatuitas) amentiz damnat, sed admonet, in summis illis Philosophis magis detestabile fuisse cecitatis portentum. *Custodiendi* verbo docet non sufficere si quis subitò apprehēdat Dei opera, sed sedula obseruatione esse opus quæ maturè concoquat hanc notitiam. Itaque continua meditatio requiritur, quæ illam penitus animis nostris inculpat. Mutatio numeri gratia non caret quum dicit Propheta, *Quis*

*piens, & intelligens?* Nam primò tacitè conqueritur de eorū paucitate qui Dei iudicia obseruant: ac si diceret, quotusquisque reperietur verus spectator operū Dei? Postea ostendit versari ante omnium oculos, ut nihilo eos impediat præter suam maliciam. Cæterum si quis roget cur Propheta, vbi de iudiciis Dei, & eius seueritate disseruit, nunc tantum clementias eius attingat: Respondeo, in Dei operibus semper excellere & quasi primatum tenere eius bonitatem, sicuti natura ad beneficentiā propensus est, quæ etiam maximè ad se nos allicit.

Psalmus. CVIII.

**C**anticum Psalmi Davidis.

2 Paratum cor meū Deus, paratum cor meum: cantabo & psallam, etiam gloria mea.

3 Exurge nablum & cithara, excitabor diluculo:

4 Celebrabo te in populis Iehoua, & psallam tibi in nationibus.

5 Quia magna supra celos bonitas tua, & ad nubes veritas tua.

6 Exaltare super celos Deus, & super omnem terram gloria tua:

7 Vt liberetur dilecti tui serua dextera tua, & exaudime.

8 Deus loquutus est in sanctitate sua, latabor, diuidam Sechem, & vallem Suchoth dimeriar.

9 Meus Galaad, meus Mnasse, & Ephraim robur capitis mei: Iehuda legislator meus.

10 Moab olla lotionis mea, super Edem proiiciam calceū meum: super Palesthina iubilabo.

11 Quis deducet me in urbem munitam? quis deducet me vsque ad Edom?

12 Annon tu Deus qui repuleras nos, & non egrediebaris Deus inter exercitus nostros?

13 Affer nobis auxilium à tribulatione, quia vana salus hominis.

14 In Deo faciemus virtutem, & ipse conculcabit aduersarios nostros.

Quoniam Psalmus CVIII partum ex LVII, partum ex LX compo-

situs est, superuacuuus esset labor, quæ illic diximus iterum repetere.

Vu.iiii



Constat tribus precipuis membris. Incipit à querimonia: deinde adiungitur catalogus multorum imprecationum: postea sequitur precatio cum testimonio gratitudinis. Etsi autem dubium non est quin de istis suis iniuriis conquestus sit David: quia tamen aliam personam sustinuit, propriè, quicquid dicitur, in Christum Ecclesia caput competit: in singulari fideles, quatenus sunt eius membra, ut iniuste ab hostibus vexati calistis sui iudicii opem implorant.

Psalmus CIX.

**P** Refecto Davidis Psalmus.

Deus laudis mea ne taceas:

2 Quia os impii & os fraudis super me aperta sunt, loquuntur sunt mecum lingua doli:

3 Et verbis odii circumdederunt me, & preliati sunt me cum sine causa.

4 Pro dilectione mea aduersati sunt mihi, & ego ad precem.

5 Et posuerunt super me malum loco beneficentiae, & odium pro dilectione mea.

1 Deus laudis mea. Testatur hoc exordio David, neque alium se expetere integritatis suae vindicem quam Deum, neque etiam alibi posse usquam inueniri. Deum enim laudis suae vocat, licet damnatus sit totius fere mundi iudicii, suam tamen integritatem ei commendat. Quidam actiue accipiunt, ac si David laudem Dei se praeconi diceret. Sed eum sensum refellit circumstantia, quia videmus Davidem iniustus & crudelibus odiis in mundo oppressum, ad Dei iudicium refugere. Ac subest tacita antithesis, quia ubi calumniae praualent, laudem suam & pretium nusquam alibi quam apud Deum obtinet integritas. Sensus ergo est, Domine utcumque habear pro homine deterrimo, & expositus sim totius mundi infamiae, tu innocentiae meae vindex eris, ac proinde me laudator. Concinne etiam respondet quod addit cōtinuò post, *ne taceas*: quia absurdum esset, ubi improborum calumniis obrui, Deum innocentiae nostrae testem silere. Iam memoria tenendum est quod dixi, de priuatis quas patiebatur iniuriis sic eum conqueri, ut in sua persona Christum & totam Ecclesiam corpore repraesentet. Ergo quauis omni probrorum genere nos onerent homines, discamus acquiescere in vnus Dei patrocino. Neque enim puro animo quisquam Deo se committet nisi qui statuet

rit apud se spernenda esse mundi probra, modò sibi bene conscius, Deum habeat causae suae patronum.

2 Quia os impii. Clarius exprimit David se tam sollicitè implorare Dei opem: quia nulla inter homines reperitur aequitas. Etsi autem credibile est, tumultuose oppugnatum fuisse Davidem, conqueritur tamen ora doli vel fraudis contra se fuisse aperta, sequè linguis fallacibus fuisse circumuentum. vnde apparet eum specioso colore grauatum fuisse calumniis apud imperitos, ut criminis infamiam non effugeret.

3 Et verbis odii. Verbis hostilibus se fuisse obsessum deplorat, quum tamè nihil tale fuerit promeritus. Pulchra autem similitudine ostendit tantam fuisse virulentiae copiam in linguis hostium, ut durius fuerit obsessus quam à magno exercitu, & quidem nullo suo merito. Haec belli species notanda est quia Deus filios suos ut plurimum exercet. Nam etsi eos vi aperta oppugnet Satan, ut tamen est parer mendacii, miris calumniarum artificijs eos deformare tētat, ac si essent faeces & excrementa mundi. Iam sicut in Christo fuit impletum quod adumbratum fuerat in Dauid: ita meminimus impleri quotidie in fidelibus ut vespertinae passionum Christi, Coloss. 1. 24, quia semel in se passus illos sibi consortes ac socios accersit.

*A Pro dilectione mea.* Iam testatus fuerat hostes nulla iniuria lacesitos, sibi gratis & tantum diabolico furore infectos esse. Idem nunc confirmat, se illis amicum fuisse dicens. Plus autem est diligere quam abstinere ab omni maleficio. Atque hinc perspicimus quam prodigiosi sint Satanæ impulsus, ubi mentes hominum sibi mancipatas tenet. Nihil enim naturæ minus consentaneum quam odio prosequi & crudeliter infestare qui nos amant. Amori quoque adiungit beneficentiam: significans externis beneficiis se studuisse de illis bene mereri.

*Et ego ad precem.* Quidam intelligunt, quanvis hostes irruerent tanto furore, pro ipsis tamen precatum esse Dauidem: cui sententiæ responderet quod habuimus Psalmo 35. 13. Mihi autem videtur simplicior esse sensus, quod atrociter vexatus, non applicuerit animum ad illicita media, ut paria referret: sed contentus vnus Dei tutela, se ad eum contulerit. Atque hoc magnæ virtutis est, temperare suis affectibus hominem indignè læsum, quem iniuriæ ad vindictam sollici- tant, ut tantum prouocet ad Dei iudi-

cium. Nam qui alioqui bene cum bonis agere cupiunt, si cum improbis negotiū est, fas sibi esse putant retaliare iniurias & nemo est piorum qui non sentiat in se hoc tentationis genus. Atqui Spiritus sanctus fratrium nobis iniicit: atque ut centies sua intemperie nos cogant hostes ad vindictæ desiderium, violentia tamē & fraude omni valere iussu, cōfugiendū esse ad preces. Atque hoc suo exemplo præscribit Dauid, his armis pugnandum esse, si modò sub Dei auspiciis vincere cupimus. Similis locus est Psalmo sexagesimo nono, ver. 13. Loquebātur cōtra me sedentes in porta, canticum fui bibentium siceram: ego verò precationem meam ad te Iehoua. Nam illic quoque eclipica est loquendi forma. Porro his verbis significat Dauid, quanvis totum mundum sibi aduersum experiretur, satis ad tranquillum animi statū fuisse, conicere suas curas in Deum. Iam quia non frustra has preces Dauidi Spiritus sanctus & piis omnibus dictauit, quisquis formam hanc sequetur, ne dubitet, prout contumeliose viderit Deus ipsum vexari, ita ad opem ferendam propensum fore.

6 *Præfice super eum impium, & aduersarius stet ad dexteram eius.*

7 *Dum indicatur, exeat impius, & oratio eius vertatur in peccatum.*

8 *Sint dies eius pauci: præfecturam eius accipias alter.*

9 *Sint filii eius pupilli, & uxor eius vidua:*

10 *Et vagando vagentur filii eius, & mendicent, & querant locis suis vastatis.*

11 *Illeque exaltor quacunque sunt illi: & diripiant extranei laborem eius.*

6 *Præfice super eum.* Quum hæcenus in plurali numero conquestus sit de magna turba, nunc quasi hominem vnum designat. Fieri tamen potest ut de singulis quasi de vno loquatur. Quanquam non minus probabile est, odiosius certum aliquem perstringi qui primatū tenebat inter improbos. Nec displicet eorum coniectura qui referunt ad personam Doeg, quem scimus perfida defectione non solum Dauidi, sed piis Sacer-

dotibus perniciem conlasse (scimus enim Psalium hunc Iudæ aptari à Petro Act. 1. 20) sed æquè, & forte melius quadrabit, hanc querimoniam de amico magis familiari intelligere. Iam quod ad imprecationes spectat, tenendum est quod alibi diximus, Dauidem, quoties diras istas vel maledictionis vota concepit, nec immodico carnis affectu fuisse cōmōtū, nec priuatam causam egisse nec zelo inconsiderato fuisse accensum.

Hæc tria diligenter notanda sunt. nam ut quisque seipsum amat, ita suis commodis intentus, statim profilit ad ultionem: ideo ut sibi quisque priuatim additus est, intemperanter ad curam priuatæ utilitatis rapitur. Ex studio priuati commodi oritur alterum vitium. nemo enim pœnam exeret de suis hostibus quia hoc rectū & iustum sit, sed quia odio suo indulget. præ tenditur quidem hic color, sed intus ebulliens cupiditas, sublata æquitatis memoria, animos excæcat. Vbi correctæ fuerint hæc duo vitia, nempe priuatus nostri respectus & intemperantia carnis, requiritur etiam tertia moderatio, ut cohibito stulti zeli feruore, spiritum sequamur ducē. Nunc siquis præpostero zelo abreptus exemplum Davidis obtendat, nihil proficiet. Nam quod Christus respondit discipulis, meritò in eum competet, Nescitis cuius spiritus sitis, Luc. 9. 55. Quo magis detestabile sacrilegium est quòd Psalmum hunc Monachi præstant, & maxime Franciscani. Res enim minimè oculta est, siquis hostem capitalem habeat quem velit perditum, conducere ex illis nebulonibus aliquem qui quotidie Psalmum hunc recitet. Imò in regno Gallie scio primariam quandam feminam conductitios ex Franciscanis habuisse, qui vnigenito filio hac forma imprecarentur. Sed iam redeo ad Davidem, qui purus omni turbido affectu, vota sua, præeunte Spiritu, protulit, quia impii, contèpto Deo, ad perdendos bonos & simplices grassando, iugū omne excutiant, ut nulla eos modestia retineat vel æquitas: dignissimi sūt hoc supplicio, ut impius super eos dominetur: quia etiam per insidias pestē bonis machinantur, dignissimi sunt quibus subornet Deus aduersarium, qui nunquam discedat ab eorum latere. Tātū à nimia festinatione caueant fideles dum orant, quin potius Dei gratiæ concedant locum: quia fieri poterit ut qui hodie nos capitaliter odit, cras amicus fiat.

7 *Dum iudicatur.* Alia imprecatio, ut in iudicium tractus, sine vlla misericordia plectatur: & quanuis suppliciter petat veniam, iudex tamen inflexibilis maneat. Posset quidem hoc non incommode accipi de ipsius Dei iudicio:

sed quum humanis iudiciis rectè hoc conueniat, nolui à recepta sententia recedere. Duo igitur membra sunt, ut palam fiant impiorum scelera, ne reliquus sit absolutioni locus: deinde ut omnis deprecatio repudietur. Exire ergo impium dicit à conspectu iudicis, qui reiectis & conuictis flagitiis, quam meritus est damnationis infamiam refert. Quantum ad Dei tribunal spectat, absurdum etiam non esset precatōne suā impiis verti in peccatum, quia omnia eorum sacrificia abominationi esse scimus: atque ut ipsi polluti sunt, ita fortiter quæ videntur in illis speciosæ virtutes. Sed quia de terrenis ludicibus contextus melius fluit, in hac parte non insisto.

8 *Sint dies eius pauci.* Quamlibet multis ærumnis resecta sit hæc vita, scimus tamen benedictionis Dei symbolum esse ac testimonium, sicuti Deus sæpe in signum fauoris promittit vitam se prorogaturum hominibus: non quòd in ea subsistere conueniat, sed quia paternus Dei amor in ea gustatur, qui ad spem immortalis vitæ nos deducat. Ex opposito nunc vitæ breuitas in signum maledictionis ponitur. nam Deus scelestos è terra quasi violenter rapiens, indignos esse communi spiritu demonstrat. Idem etiam dicendum est, quum eos honore abdicans, ex alto præcipitat. Verum qui dem est hoc idem filiis Dei contingere, quia tam bonis quàm malis promiscuæ sunt temporales pœnæ: sed nunquam addèd confusa est permissio, quin manifesta Dei iudicia & notata digna interdū appareant. Petrus hunc versum citans primo Actuum cap. 20, dicit oportuisse impleri in Iuda, quia hinc scriptū est, Episcopatum eius accipiat alter. Sumit autem principium illud, Davidē in Christi persona loquutum esse. Quanuis ergo Hebraicum nomen הַיְיָ, præfecturam generaliter significet, aptè Petrus de Apostolatu Iudæ exponit. Ac credibile est, malitia facere Hebræos interpretes, quòd alii hunc locum de vxore, alii de anima (quæ est pretiosum depositum in homine) alii de substantia exponunt. Quorsum enim attinet vocem per se claram & facilem sic torqueri, nisi quia malignè in ea obfcuranda sudant, nec locus apposte ci



tatus videatur à Petro? Porro docemur his verbis, non esse cur superbiant improbi dum regnant in mundo, quia tandem eos manet exitus quē Spiritus hīc denuntiat: & nobis etiam suggeritur optima patientiæ & cōsolationis materia, dum audimus, vtrunque in sublime nūc euecti sint, propinquam tamen abdicationem illis intare. Proximis duobus versibus ad uxorem quoque & liberos extēditur maledictio. & vxoris quidem viduitas, orbitasque filiorum ex illa vitæ breuitate pendent cuius nuper meminit Propheta. sed additur *mendicitas*

& inopia rerum omnium. Vnde colligitur atrocitas criminis: quia mediocri delicto Spiritus sanctus non denuntiaret tam grauem ac seueram pœnam. Quin *exaltoribus* Dauid eius bona deuouet atque addicit in prædam, hoc ad futuram inopiam filiorum refertur. Neque enim de ignobili & paupere quolibet loquitur, qui moriens nihil suis relinquit, sed de eo qui per fas & nefas sibi cum lauit vnde filios locupletaret, nisi raperet Deus ex eius manu male parta spolia.

12 *Ne sit illi protrahens clementiam: & ne sit qui misereatur pupillorum eius.*

13 *Sit posteritas eius in exitium: in generatione altera deleatur nomen ipsum.*

14 *In memoriam reuocetur iniquitas patrum eius coram Iehoua, & scelus matris eius ne deleatur.*

15 *Sint coram Iehoua semper, & deleat è terra memoriam ipsorum.*

16 *Quia non recordatus est facere clementiam, & persequutus est virum miserum ac pauperem & afflictum corde vt interficeret.*

12 *Ne sit illi protrahens.* Protrahe re humanitatem vel clementiam, accipiunt Hebræi pro constanter benefacere: aliquando etiam pro misereri, vel ad humanitatem flecti, vbi longo temporis successu mitescit ira, & calamitas etiam animos emollit. Ideo sic quidam exponunt hunc locum, nequis etiam erga filios sit placabilis: quem sensum confirmat secunda pars versus. Quanquam ipsum quoque impium Dauid cum sobole cōspectitur, ac si diceret. Quauis tarescat ipse diuturnis malis, & continuo tractu perueniat vsque ad filios calamitas, nequis tamen tangatur misericordia. Scimus autem vt plurimum accidere vt crudelibus etiam ingeniis longa miseria inimici vel sympathian extorqueat, vel obliuionem inducat odii & malevolentiae. Hic autem Dauid hostem suum vnà cum progenie ita exosum & detestabilem esse cupit, vt nullis malis satietur totius populi odium sed omnes

acsi ferreo essent corde, ad tale spectaculum obdurescant. Tenendum autem est, Dauidem non temere ferri priuato suo dolore, sed pronuntiare quasi ex ore Dei, quānam impiis reposita sint pœnæ: sicut etiam inter Dei iudicia Lex hoc recenset, nempe cum obdurare corda, nequid misericordiae inueniant qui sine modo fuerunt crudeles, Deut. 10. 30. Nam æquum est eandem illis mensuram rependi qua vsi fuerint erga alios.

13 *Sit posteritas eius.* Prosequitur quod nuper dicere incēpit, vt Deus patrum scelera reiciat in sinum filiorum. Quod iam pluralem numerum vsurpat, sic potest accipi, quia certamen ei fuit cum tota cohorte Saulis, non autem cū vno tantum homine. Ceterum quia semper in malis actionibus aliquos scimus esse duces & antesignanos, non mirum est eum ab vno homine ad plures conuerti, deinde ad ipsum eundē redire. Quanquam simplicius est ad pro-

geni<sup>9</sup> eius referri, quia nomē אָרָם  
est collectiuum. Grauior est autem im-  
precatio quā altera quæ præcessit. Ac-  
cidit enim sepe vt postea resurgat do-  
mus, quam repentina calamitas euertit.  
Sed hic cupit Propheta in eam ruinam  
desicci impios, vt nunquam vires colli-  
gant ad recuperandum pristinum statu.  
Id enim est *nam* eorum *deleri in genera-  
tione altera*, vel post finem seculi. Sicuti  
autem totas impiorum domos exitio de-  
nouet, vt illos Deus in suis posteris pu-  
niet, ita petit in memoriam reuocari patris  
& matris scelera, vt in cumulum damna-  
tionis accedant. est autem hoc ex com-  
muni Scripturæ doctrina sumptum: quia  
sicuti prorogat Deus misericordiam su-  
am & continuat erga posteros, quia vi-  
get fœderis eius memoria in mille gene-  
rationes: ita etiam peccata vlciscitur in  
tertiā & quartā generationem: non  
quod infantes promiscuè secleratis in-  
uoluat, sed quia reprobos priuando gra-  
tia & luce Spiritus sui, vasa iræ appar-  
eat, etiam antequam nascantur, ad in-  
ceritum, Rom. 9. 21. Ab hac seueritate ab-  
horret communis sensus: sed inde disce-  
ndum est, iniuriam fieri arcanis & incom-  
prehensibilibus Dei iudiciis, vbi ea mo-  
dulo nostro metimur. Ergo hæc tam ri-  
gida denuntiatio horrore nos percellat  
qui mentes nostras humiliet ad reueren-  
tiam. Quod autem ad dictum Ezech. 18.  
20, spectat, Non portabit filius iniquita-  
tem patris, sed anima quæ peccauerit,  
ipsa morietur: scimus illic refelli inius-  
tas populi querimonias qui se innoxiiū  
iactabant, ideoque præter meritum affli-  
gi. Atqui vbi Deus vindictam persequi-  
tur à patribus vsque in filios, nulla il-  
lis relinquit defensionis locum: quia eo-  
dem impietatis fasciculo sunt omnes  
impliciti. Et iam diximus hoc esse vindi-  
cæ initium, quod Deus spiritum suum  
tam à filiis quā à patribus subducens,  
vtrosque Satanae mancipat. Quæri posset,  
quum optet Propheta semper coram  
Deo versari peccatum, cur non etiam ad-  
dat, Nomen eorum è calo deleatur: sed  
tantum cupiat excidere ac perire in  
mundo. Respondeo loquutum esse pro  
ratione suæ ætatis, qua nondum spiritua-  
les pœnæ tam liquido patefactæ erant:  
quia nondum aduenerat maturum ple-

næ reuelationis tempus. Deinde vult  
Dauid conspicuam extare Dei vindi-  
cā inter homines, vt sentiat totus  
mundus Deum esse iustum iudicem.

16 *Quæ non recordatus est.* Iam do-  
cet, non abs re se hostibus pœnam adeo-  
diram & atrocem imprecari: quia insa-  
tiabilis fuerit eorum immanitas, & per-  
sequuti sint non minus obstinato quā  
crudeli furore miserum hominem, ac si  
canem mortuum inpereret. Nam &  
Philosophi sordidis & ferulibus inge-  
nitis hoc tribuunt, seuire contra miseros  
quibus nulla sunt ad resistendum vires.  
nam æmulatio est inter pares. Ideoque  
Propheta malitiam hostium suorum  
amplificat, quod persequi sint *miseri  
& inopem*. Magis etiam emphaticum  
est quod addit, *efflictum coris*. Reperiunt  
enim miseri qui tamen superbia tur-  
gere non desinunt, & quo minus feren-  
dum est tale portentum, eo magis in se  
prouocant potentum iracundiam. Vbi  
autem accedit cordis deiectio, signum  
est extremæ seuitæ: siquis adhuc insul-  
ter. quid enim hoc aliud est quā luctari  
cū vmbri? Porro inexplabilis crudeli-  
tas notatur hoc verbo, quod nō recorda-  
tus sit facere misericordiam. Significat  
enim nullis hominis innoxii & miseri-  
cladibus fuisse mitigatum, vt saltem me-  
mor humanæ sortis feritatem suam exue-  
ret. Mutua ergo antithesis respondet in-  
ter talem contumaciam & inexorabile  
Dei iudicium. Iam quum Dauid non ni-  
si Spiritus impulsu loquutus sit, perinde  
habenda est hæc imprecatio ac si Deus  
ipse è caelesti solio tonaret. Ita ab vna  
parte vindictam denuntiando, retundit  
in nobis ac compescit prauos omnes no-  
cendi affectus: ab altera dolorem no-  
strum temperat adhibito solatio, quo pa-  
tienter feramus iniurias. Impune quidē  
ad tempus exultat impius in sua libidine:  
sed hæc comminatio ostendit, Deum,  
non frustra in tutelam suam recipere  
miseros: tantum se sub mansuetudi-  
ne contineant fideles, vt deiectio  
cordis eorum in Dei conspectum as-  
cendat. Et quia nobis nondum dat-  
um est discernere electos à reprobis,  
discamus bene precari omnibus qui no-  
bis molesti sunt, optare totius humani  
generis salutem, pro singulis etiam esse  
soliciti

solliciti. Interea hoc non impedit, si mi, quin liberè prouocemus ad Dei iudiciū, vt desperatos omnes malè perdat.

17 *Et dilexit maledictionem, & veniet ei: & non complacitum fuit ei in benedictione, & elongetur ab eo.*

18 *Et induatur maledictione quasi vestimēto: & veniat, tanquam aqua, in penetralia eius: & sicut oleum in ossa eius.*

19 *Sit ei quasi pallium quo operiatur, & cingulum quo semper se accingat.*

20 *Hoc opus aduersantium mihi à Iehoua, & loquentibus malum super animam meam.*

17 *Et dilexit maledictionem.* Multus est David in recitanda hostium suorum iniquitate, quo melius pateat, vbi in eorū tam rigidus est, tantum subscribere Dei iudicio. Nam hoc semper videndum est, quoties ad Dei tribunal accedimus, vt certa & liquida causæ bonitas eum nobis conciliet. Testatur ergo David se bona cōscientia fretū, Deo iudiciū contra hostes suos deferre. Verba quidem sunt præteriti tēporis, Venit ei maledictio, & benedictio elōgata est: sed quæ in modum optādi resolui debent. Precatur enim adhuc David retaliari hosti suo quæ aliis intulerat mala. Sicut ergo expers omnis beneficentiæ fuerat, imò quasi in deliciis habuerat maleficia: ita nunc obnoxium vult esse omne genus malis. Quidā maledictionē accipiunt pro imprecationibus ac diris: ac si dixisset, execrationibus esse deditū, & nihil præter exitiū vel infaustos & aduersos euentus spirare, quod etsi non repudio, libenter tamen extendo longius, Qui lædendo & nocēdo abolere studuerit omnē benedictionem, bonorum autem & simplicium claudibus oblectatus fuerit. Duos sequentes versus multi Interpretes vertūt in præterito, *Indutus est maledictione*, &c. ac si diceret David, hostem suum non minus cupide appetere maledictionem quàm pretiosum ornamentum: vel, se ea inuolueri perinde ac vestimento, obibūque eius ac medallis penitus esse infixum hunc morbum. Alter tamen sensus simplicior est, vt maledictio adhæreat impio, instar pallii eum operiat, instar cin-

guli eum constringat, adeoque penetret in ossa eius. Semper autem tenere conuenit, Dauidem non agere priuātū causam, nec vnum esse quemlibet ex vniuerso, ne quis temere in exēplum trahat quod peculiari Spiritus instinctu hic dicit. Nec verò dubium est, quatenus erat ex communi ordine fidelium, quin regulā charitatis sequutus, optauerit omnes esse saluos: sed hic spiritum eius extulit, Deus supra omnes respectus humanos, sicuti iracūdia & omni turbida passione eum exiit, vt sancta moderatione, & prudentia Spiritus, reprobū hominē ac perditū deuoueret exitio. Quod exponunt quidam, Dilexit maledictionē, data opera in se prouocauit vindictam, ac si bellum Deo indicens, perniciem sibi accerferet, videtur coactū esse. Quare potius tenenda est illa quam posui interpretatio, additū sic fuisse prauitatis & iniustitiæ, vt nihil recti vel humani ab eo exprimi potuerit. Interea notā dū est, quicquid machinantur improbi, recidere tandē in ipsorum capita: & quo maiore licentia grassantur, sibi accerferere quicquid aliis intentant, nō secus ac Cæcias flando nubes accersit.

20 *Hoc opus.* Operæpretium significat vel mercedem: disertè autem exprimit à Deo: vt testetur sibi in cælesti vindice spem esse residuam, quāuis in terra nudatus sit & orbaris humanis subsidiis. Colligimus autem ex hoc versu, non temere ac futiliter hostibus suis maledixisse Dauidem, sed securè pronūtiasse quod dictabat Spiritus. Fateor equidem multos, dum talem fiduciam



prætexunt, ad petulantiam nihilominus & intemperiem rueret: sed David quod puro fidei oculo cernebat, quieto etiam affectu protulit, (nempe quia pietatem ipse toleret ac Dei manu tegetur) Mercedem hostibus suis esse repositam. Atque hinc colligimus non habuisse respectum ad homines, ut fluctuaret pro ut mundum sentiret propitium vel aduersum, sed in vnum Deum recubuisse. Et certè quisquis ab hominibus pendebit, ad minima quæquæ incommoda ex-

cider. Itaque sancti viri exemplo, quauis totus mundus nos destituat, mentes sursum erigere nos conuenit, & inde vindicem nostrum expectare. Si nos eripere velit per manum hominum, facile reperiet ministros quibus utatur: verum si fidei nostræ probandæ causâ terrenis omnibus auxiliis nos exuat, honore suo spoliandus non est, donec maturè appareat eius iudicium in quo patienter acquiescimus.

21 *Et tu Iehoua Domine mi, fac mecum propter nomen tuum: quia bona clementia tua, eripe me.*

22 *Quia pauper & inops ego sum, & cor meum vulneratum est intra me.*

23 *Sicut umbra dum inclinatur, per ambulo: excussus sum quasi locusta.*

24 *Genua mea collapsa sunt præ ieiunio, & caro mea exaruit à pinguedine.*

25 *Ego autem factus sum opprobrium illis, dum vident me, concutiunt caput suum.*

26 *Adiuua me Iehoua Deus mi, saluum me fac secundum clementiam tuam.*

27 *Et cognoscent quòd manus tua hæc, quòd tu Iehoua feceris.*

21 *Et tu Iehoua Domine mi.* A querimoniis & hostium detestatione transit ad preces: imò postquam Deum sibi proposuit liberatorem, videtur hac occasione se ad precandum animasse: sicuti omnes piæ meditationes quibus Sancti fidem suam exercent & confirmant, ad inuocationem nominis Dei eos sollicitant. Ceterum, nec vllum obsequium iactat quo promeritus sit auxilium Dei, nec sua dignitate nititur: sed unicuique sibi asylum statuit in Dei clementia. Opposuit quidem hostibus suis integritatem cuius sibi conscius erat: quo magis pateret eorum iniquitas, sed de compensatione cum Deo non agit: quia altius principium tenet, omnia se debere gratiæ Dei electioni, & ab ea pendere suam salutem. Atqui si quispiam gloriari potuit propria virtute & meritis, David certè non fuisset vltimus. Adde quòd Christi & totius Ecclesiæ personam su-

stinuit. Vnde sequitur preces omnes diffluere, nisi in Dei clementia fundatæ sint. Specialis quidè Christi fuit ratio, qui sua iustitia Patrem nobis placauit: sed quia à Dei beneplacito pendebat quicquid habuit in hominis natura, suo exemplo ad hunc fontem nos deducere voluit. Nobis verò quid agendum est, quorum integerrimus fateri semper cogetur se multis peccatis esse oneratum? tantum abest ut Deum sibi villo iure obstrictum teneat. Restat igitur hoc vnum, quia Deus natura beneficus est, suamque gratiam vult in salute nostra fulgere, quia bona est misericordia eius, ut nos tueatur. Ergo quoties ad Deum accedimus, hæc duo tenenda sunt, opus quidem esse testimonio bonæ conscientiae: si nullam esse fingendam dignitatem quæ Deum nobis obstringat, nullum meritorium cui debeat mercedem. Nō si in fluxu

*Fluxa huius & caduca vita* conseruatione nomen suum & bonitatem illustret Deus, vbi ad vitam caelestem & aeternā venit, quanto magis cessare debet omnis operum fiducia? Si tantum mihi in terra vitam proroget ad breue tempus, hoc modo glorificat nomen suum, se bonum & vltro beneficium esse ostendens. Quum ergo me ex tyrannide diaboli ereptum adoptat inter filios, Christi sanguine sordes meas purgat, regenerat Spiritu sancto, in corpus Filii sui me inserit, perducit ad caelestem vitam, certè quanto liberalius agit mecum, tanto minus fas est vllam partem laudis mihi vindicare. Ex opposito autem Dauid, quo sibi fauorem acquirat, miseriam & egestatem suam profert in medium: & quia nō sufficeret externa afflictio, nisi sublata omni cōtumacia defectus esset, iterū repetit cor suū vulneratū esse. quo monemur Deū non aliis fore medicum, nisi qui verè humiliati ad eum suspirāt, nec obstupescunt in suis malis.

23 *Sicut vmbra.* Dux ista similitudines aptissimæ sunt: ac de priore qui dicitur aliquid diximus Psalmo 102. vers. 12, optimè scilicet hominem afflictum, & quasi semixanimum conferri vmbra vespertina. Nam dum sol exoritur, vel altè eminet, non tam faciliè perspicitur continua vmbrae mutatio: sed vbi ad occasum vergit, nullū præterit momentum quo non vmbra ante oculos nostros volitet. Altera similitudine notatur etiam instabilis conditio. sicut enim locustæ hincinde saltant, ita conqueritur Dauid sibi motoriam fuisse vitam, quum subinde instarent persequutores, nec vllum ei recessum quietum permitterent. sicut Psalmo 11. 1, dicitur inquit passeris, cui vndique tenduntur laquei ab aucupibus, se coactum fuisse migrare. In summa autem, deplorat miseriam suam sortem, quod nusquam tota sit statio: imò nullus inter homines reliquus sit locus. Quum verò totius Ecclesiæ efigiē in hoc Psalmo nobis representent, ne miremur si nos quoque Deus exagitat, & multa casuum varietate nobis torporem excutit: sicut Paulus 1. Cor. 4. 11, se & alios vocat *agru* *repperit*, quod elogium aliquatenus cōpertum in omnes Dei filios.

24 *Genua mea.* Potest hoc accipi quasi mæroris signum, quod Dauid, licet victus suppetere, confecerit tamen se voluntaria inedia & ieiunio, non minus quàm precibus se addixerit. Potest etiam notari fastidium cibi & potus: quia tristibus ac mœstis scimus insipida esse alimenta, sicuti vita ipsa tædio est. Si quis ad inopiam referre malit, quia Dauid dum scuitiam hostis fugiens, se abdit in cauernas ferarum, multam penuriam & esuriem passus est: fruatur ille suo sensu. Mihi tamen videtur hoc signo grauisimum luctum notare: quia mortē ante oculos cernēs, aborruerit à cibo & potu. Eodem spectat quod proximè sequitur, *carnem exaruisse a pinguedine*: quia spiritus tristis exiccat ossa, Prouerb. 17. 22. Pinguedinem nonnulli exponunt de lautitinis: quasi diceret, se omni delicatiorē victu fuisse priuatum. Simplicior tamē sensus est, maciē contraxisse ex dolore & inedia: quia succus deficeret. Auget indignitatem alia circumstantia, quod *ludibrio sit omnibus*, sicuti etiam conquestus est Psalmo 22. 7. Triste verò & acerbū est filius Dei, maledictionē quā Deus Legis suæ transgressoribus denūtiat, sentire in sua capita cōueri. Dicit enim Lex contemptoribus, Eris in opprobrium & cōcussonem capitis, Deut. 28. 37. Atque hoc genere tentationis impetitus fuit Dauid: nec tantum se pro damnato habitum fuisse dicit, sed etiā petulātè derisum, non sine obliqua Dei sublatione: sicuti solenne est impiis, dum prætextu afflictionū nostrarum cristas erigunt, fidem simul nostram & pietatē mœlescere: quia Deus miseris non succurrit.

26 *Adiuua me.* Precationem suā iterat Propheta, sicuti necesse est eo maiore studio contendere & eniti, quo pluribus machinis nos oppugnat Satan. Quamvis enim persuasissimus Deum nobis esse propitium, vbi tamē moratur, & suis cauillis nos laceſcunt impii, fieri non potest quin se insinuent ac subinde recurrant variæ dubitationes. Itaque non frustrā Dauid ad sustinendos tales insultus clypeum hunc sapius opponit, Deum pro sua clementia suis in necessitate opem ferre. Petit autem, non vulgari modo, sed insigni Dei virtute

liberari, vt hostis confusus obmutescat. Scimus enim Deum obscure interdum suis auxiliari: aliquando autem exere palam brachium suum, vt impii, licet claudant oculos, cogantur tamen Diuinum aliquid sentire. Nam sicuti Deo insultauerunt eius hostes, ita vicissim de illis triumphum agere cupit Dei nomine. Neque enim sibi laudem bellicæ virtutis acquirere studet, sed manifestari Dei potentiam, quæ omnem carnem humiliet. Quanquam hoc non solum de exitu accipi, sed ad ipsam afflictionem extendi potest, præcipue tamen salutem suam Deigratiæ ascribi cupit: quia Dei

manum tã Fortunæ, quàm humanis omnibus mediis opponens, vult Deum vnũ agnosci authorem. Quod diligenter notandũ est, quia etsi cupimus omnes Dei manu seruari, vix tamen centesimus quisque scopum illustrandæ Dei gloriæ sibi proponit. Atqui eam pluris esse nobis decebat, quam propriam salutem: sicuti ordine præcellit. Iam qui impios ipsos cõuici optat, ne Dei manum ignorent, multo magis expendere debet quod in seipso experitur Dei auxilium. Natis enim præposterum esset, obicere aliis Dei manum, nisi eius cognitio animis nostris infideat.

28 *Maledicent ipsi, & tu benedices: dum surrexerint, pudefient, & seruus tuus latabitur.*

29 *Induentur aduersarij mei opprobrio, & operientur quasi veste erubescencia sua.*

30 *Laudabo Iehouam valde ore meo, & in medio magnorum celebrabo eum:*

31 *Eo quòd stet ad dexteram pauperis ad seruandum à condemnationibus animam eius.*

28 *Maledicent ipsi.* Variant hic Interpretes: quia totã sententiã in modum optandi resoluit quidã, Maledicant ipsi, modò tu benedicas: surgant & indecènter confusione. Alii retinent futurum tempus modi indicatiui, quibus ego libenter assentior. Quanquam si quis permissiæ accipere malit, nõ repugno. Falluntur tamen, meo iudicio, qui præcationem esse volunt. Potius enim Dauid, post vota concepta, iam securus de fauore Dei gloriatur: Frustrà (inquit) maledicent mihi: quia tu Deus benedices. Hoc autem modo ostendit se minime terri hostium minis: quauis lingue virulentia non minus quàm gladio instructi sint ad nocendum. Discamus ergo exemplo Dauidis, ne corda nostra vquam percellat hostium malitia, improbitas, audacia, robur, & furor, Deũ a parte nostra statuere, qui instar fumi dissentiat omnes eorum conatus. Et certe tunc demum locus datur gratiæ Dei, vbi eius fulgore euanesceat quicquid terribis obiectum nobis erat à mundo. Dauid ergo Dei fauore fretus, etiã in me-

dio prælio epinicion sibi canit, intrepide sperneas quicquid moliri fuerant hostes: quia contra Dei benedictionem nõ præualebunt. Quod melius proximo mēbro exprimitur, *Quantumuis insurrexerint, pudefient tamen.* Significat enim nõdum hostium intemperiem esse domitã, sed patitur eos furere ac prolicere suos impetus, modò ipse opposita Dei manu tegatur. Ita se & alios suo exemplo contra omnem mundi superbiam erigit ac confirmat, etiam dum superior videtur esse hostium nostrorũ improbitas. Hoc spe finem tristitiæ sibi in futurum tempus promittit. Vnde colligimus, leniter & mansuetis animis ferendas esse afflictiones, donec adueniat maturum gaudij tempus. In eadem etiam gloriatione pergit sequenti versu: quia etsi magna insolentia efferrì videt improbos, procul tamen extendens fidei intuitum, nõ dubitat quin Deus frustretur tãdem & eludat eorum conatus.

30 *Laudabo Iehouam valde ore meo.* Clarus ex hac clausula liquet quod nuper dixi, Dauidem sancta fidei gloriatione



tione lacessere hostes suos, potius quam precari. Nam quasi votorum copos, ad gratitudinem se accingit. Quod autem dicit ore meo, non est in hac voce pleonasmos, sicuti falsò quidam putant: sed exprimit se publicè gratias Deo acturum ac si diceret, Non modò apud me, tacitò cordis affectu, vel priuacim sine testibus expendam quid Deus mihi contulerit, sed solenni laudis sacrificio palam apud homines testabor quantum eius gratiæ debeam. Quo etiam sensu mox adiungit, *in conspectu magnorum*, vel multorum. Nam **עוֹלָם** utroque modo verti potest. Ego tamen Magnos transferre malui, quia Dauid celebrem & honorificum procerum conuentum videtur notare. Certè gratum se fore Deo proficetur non in obscuro tantum angulo, sed maxima populi frequentia, atque inter ipsos proceres. Et si enim pectus linguam præire debet in celebrandis Dei laudibus, frigoris tamen signum est nisi lingua etiam comes accedat Oris verò solum meminit Dauid, quia hoc pro confessio sumebat, vanas & friuolas esse laudes que in hominum auribus resonant, nisi cor loquatur coram Deo. Ideòque ex intimo cordis affectu erumpit in externam cõ-

fessionem: sicuti mutæ & edificationis studium fideles ad hoc officium stimulare debet: alioqui legitimo honore fraudatur Deus. Formam quoque gratiarum actionis ponit, quod *fletum* Deus ad *terram pauperis*. Significat autem, quo tempore visus fuerat Deus, eo neglecto & deserto, procul recessisse, semper tamè fuisse propinquum: ut præsens esset ad operam tempestiue ferendam. Nā certè egestas & afflictio Davidis speciem quandam reiectionis præbebat: eo quod subduceret Deus vel occultaret suam gratiam. agnoscit tamen, Deum sibi, quantum afflictio & pauperi, semper adfuisse. Desperationem clarius exprimit, se à iudicibus anima sua seruatum fuisse dicens, quibus verbis, non modò significat cum potentissimis hostibus, nempe Rege ipso & proceribus regni, sibi fuisse negotium sed illos potentia sua confisos superbè, ac si de vita eius actum foret, tanquam canem mortuum spreuisse. Equidem nõ dubito quin hic queratur non modò salutis hostium se male vexatum fuisse, sed probri & contumeliis traditum: quia scimus eorum iniquitate fuisse oppressum, qui dignitate prædiri, falsum iudici prætextum iactabant.

## ARGVMENTVM PSALMI CX.

*Celebratur æternum Christi tam Regnum quàm Sacerdotium. Ac primò quidem Dauid summum imperium Diuinitus Christo datum esse affirmat, cum inuicta potentia, quæ cunctos hostes, undecunque ingruant, vel prosternat, vel cogat in obsequium. Deinde ad id, finem huius regni longè lateque esse à Deo præiudicatum. Tertiò, Christum non minus Sacerdotis quàm Regis honore esse ornatum, & quidem solenni iuramento, & sperandò non solum fore Sacerdotis ordinem, cuius aduentus finem Leviticis, quod temporale fuit, imponat: perpetuam uero carere sine.*

*Psalmus CX.*

**P**salms Davidis. Dixit Iehoua Domino meo, Sede à dextris meis, donec ponam inimicos tuos scabellum pedibus tuis.

2 Sceptrum potentia tua emittet Iehoua è Sion: dominare in medio inimicorum tuorum.

3 Populus tuus cum voluntariis oblationibus in die exercitus tui, in pulcritudine sanctitatis, ex utero ab aurora tibi ros adolescentie tue.

Quum de se compositum fuisse hunc Psalmum testetur Christus, non aliunde quidem nobis quam ex eius ore petenda est certitudo: verum ut cesset eius

authoritas, atque etiam Apostoli testimonium, Psalmus ipse clamat se non aliam expositionem admittere. Nam ut nobis certamè sit cū pernicacissimis

**Xxi.**

quibusque Iudæis, firmis rationibus extorquebimus, neque in Dauidem, neque in alium quempiam, excepto solo Mediatore, competere quæ hic dicuntur. Fateor quidē in Dauidis persona fuisse adumbratam cōspicien. regni Christi: sed neque de se, neque de vllis successoribus asserere potuit, Regem late dominaturum qui simul Sacerdos esset, non legalis: sed secundum ordinem Melchisedec, & quidem æternus. Neque enim nota & insolita Sacerdotii dignitas erigunt potuit, nisi ablato à Leuitis honore. Nec verò in hominem mortalem competere potuit æternitas cuius hic fit mentio: quia aliis præter hunc vnum, breui & fluxo vitæ curriculo statim honor finitur. Cæterum, quia fufius hæc suo loco mox tractanda erunt, nunc paucis attigisse sufficiat.

*1. Dixit Iehoua.* Posset aliquatenus Dauidis personæ congruere quod hic dicitur: quia neque temere solum ipse conscendit, neque illuc penetravit malis artibus: neque euectus fuit stultis suffragiis, sed Dei mandato regnavit. Imò de cunctis mundi Regibus merito dici posset, Diuinitus locatos esse in suo solio: quia cælesti decreto distincti sunt mundi ordines, nec est potestas nisi à Deo, Rom. 13. 1. Atqui Dauid regnū de quo nunc differit, ab aliis omnibus voluit distinguere, sicuti etiam peculiaris fuit eius ratio. Instruit quidē Deus potestate Reges, sed non sanctificantur sicut Dauid, vt eos sacra vnctio tanquam Christi vicarios insigniat. Vidimus quidē alibi vocari Deos, Psal. 82. 1. 6: quia & Dei placito locum occupant, & eius personam quodammodo sustinent: quia penes eū solum est omnis dominatio: sed illis deest sacra maiestas, qua excelluit Dauid, vt esset vnigeniti filii Dei imago. Adde quod merito prædicat sibi aliter datum fuisse regnum quàm aliis Regibus terrenis, qui tamen præstantur se gratia Dei regnare, se tamen Dei manu sustineri minimè intus reputāt: quin potius vel propria industria se regnare fingunt, vel hereditario iure, vel Fortuna beneficio: idēque ipsorum respectu vt plurimum legitima non est vocatio. Et quia acceptum illi nō referunt quod debent, propriè ad eos non dirigitur

mandatum Dei. Dauid autem qui sibi probe conscius erat Diuinæ electionis, seque modestè cōtinuerat in priuato gradu, donec voce Dei regnare iussus esset, non abs re à communi grege se eximit: ac si diceret, Deum sibi esse regnandi authorē. Cæterum, ne Dauidi quidē posse hoc omni ex parte aptari, patet ex Christi responso quod Matth. cap. 22. 44. legitur. Nam quum Pharisei Christum fore Dauidis filium dixissent, obicit, Quomodo igitur à Dauide ipso vocatur Dominus? Nec est quod obstrepent Iudæi, cauallo vsū fuisse Christū, quia non suo nomine loquatur Dauid, sed populi. Hanc exceptionem refellere promptum est. quauis enim fatendum sit, in communem vsū Ecclesiæ compositum fuisse Psalmum: quia tamen ipse quoque Dauid vnus fuit ex piorum numero, & membrum corporis sub capite, se inde eximere non potuit: imò non potuit canticum alius dicere, quin sua etiam voce simul concinnet. Operæpretium quoque est aliud notare. principium enim vel axiomæ pro confesso sumit, quod tunc receptum erat, nempe Dauidem loquutum esse Spiritu Prophetico: atque ita de futuro Christi regno vaticinatum esse. Hoc posito, haud dubie colligitur, ad Christū respicere qui postea manifestādus erat: quia summum est & vnicum Ecclesiæ caput. Vnde etiā sequitur, aliquid natura humana præstantius in Christo esse, cuius respectu vocatur Dauidis patris sui dominus. Quod melius cōfirmatur secūda parte versus. Et si enim terreni Reges aliquatenus sedent ad dexterā Dei, cuius nomine præsident: hic tamen sublimius aliquid exprimitur, nempe Regē vnum peculiariter eligi qui secundum à Deo potentia & imperii gradum obtineat: cuius dignitatis exigua tantum scintilla emicuit in Dauide, perfecta autem claritas eniuit in Christo. Nam quum dextera Dei longè supra Angelos emineat, sequitur omnibus creaturis præferri qui illic locatur. Porro, non dicemus Angelos, vt Dauidi subicerentur, in ordinem fuisse exactos. Quid ergo superest, nisi vt Spiritu Prophetico supra cælestes Principatus in sublimē tollatur Christi solium? Est autem similitudo

similitudo ab hominibus sumpta : quia sicuti in mundo ad dextram Regis sedet qui est ab eo secundus : ita Filius per cuius manum Pater totum mundum regit, metaphorice summo imperio ornatur per hanc sessionem. *Donec ponam.* Hic asseruat Propheta, quanvis vndique ad turbandum Christi Regnum tumultuentur hostes, superiorem tamē fore omaibus obstaculis. Interea subindicat tranquillum non fore Christi regnū, donec multos & varios hostes subegerit. Ergo quanvis machinas admoueat totus mundus ad labefactandum Christi folium, dicit tamen Dauid statutum esse in sua firmitate : & quicumque contra insurrexerint, tandē sternendos. Teneamus ergo, quanvis innumeri hostes contra Filium Dei conspirent, ac regnū eius conentur euertere, nihil tamen profecturos : quia non praeualebunt aduersus Dei immutabile decretum, quin po eius immensa Dei virtute sternetur sub pedibus Christi. Tam quia ante diem nouissimum hac prophetia non implebitur, necesse est vsque ad finem mundi à variis hostibus subinde oppugnari Christi regnum : sicuti paulo post iterum dicitur, *Dominare in medio inimicorum tuorum.* Iam verò particula *donec*, non significat quid futurum sit post vltimam stragem hostium Christi. Dicit quidē Paulus, 1. Cor. 15. 24, traditurum tunc Deo & Patri regnum quod accepit ex eius manu : sed his verbis non intelligit depositum imperio quasi priuatum hominē fore : tantum regnandi modum designat, quod scilicet Diuina eius maiestas magis conspicua erit. Caterum de solis reprobis hic fit mentio, qui in suam perniciem cadunt sub Christi pedes : quia quā naturaliter Christo repugnet totum humanum genus, alios sic domat & humiliat in voluntarium obsequium, vt deinde attollat in societatem suae gloriae : alios autem prosterne, vt in ruina perpetuò iaceant.

2 *Sceptrum virtutis.* Non modò aliis verbis confirmat quod nuper dixit : sed addit hoc quoque amplius, longē latēque dominaturum esse Christum : quia Deus sceptrū eius procul extēdet. Quamquam autem Dauid multas ex vicinis gentibus sibi tributarias fecit, si tamen

confertur aliis Monarchis eius regnum semper inclusum fuit angustis finibus. Subest autem antithesis, ac si dixisset, nō in monte Sion duntaxat Christum fore Regem, quia Deus amplitudinem eius in longinquas mundi plagas extendet. Atque ideo vocatur sceptrum potentiae : quia hoc mirabile fuit, toto ferē mundo repugnāte propagari nihilominus Christi regnū. In summa, confirmat hic Dauid piorum animos, ne ob vesanam eorum audaciam qui se efferent ad turbandum Christi regnum, atque inter formidabiles tumultus, labascant : quia ad tuendam sacri huius folii gloriam inexpugnabilis Dei potentia se exeret. Quoties ergo agitamur inter varias perturbationes, dicamus in hanc fulturam recumbere, quantumuis insaniet mundus, non esse tam longas ei manus vt Christum detrahat à Patris dextera. iam quia nō sibi regnat Christus, sed in salutem nostram : nos sub inuicti Regis custodia tutos & incolumes fore. Est quidem aspera hac conditio, sed quia Deo visum est, vt nos continua militia exerceat, Christi regnum circūdare hostibus, paremus nos ad tolerantiam & mansuetudinem. Dei autem praesidio freti, intrepidē totius mundi furori insultemus. Hinc etiā elicitur Gērium vocatio, nisi enim pronuntiasset Deus quod hīc audimus de amplitudine regni Christi, non effemus hodie ex eius populo : sed quia rupta materia promulgatum fuit Euangelium, in corpus Ecclesiae fuimus collecti : & virtus Christi ad nos protegendos ac tuendos diffusa.

3 *Populus tuus.* Hīc regnū Christi tam à prompta & alacri obedientia subditū populi, quā à multitudine celebrat. Nomen *populi* saepe oblationes spontaneas significat : sed hoc loco sensus est, electum populum, & qui verē in Christi grege censetur, voluntarium fore, vt sponte & liberaliter ad parendum se offerat. Dicit autem, *in die exercitus*, hoc est quoties agentur solennes conuentus ac legitimi, vel Rex populum lustrare volat, quod Gallice dici posset, *Au des monstres*. Alii vertunt, In die virtutis : sed illa prior interpretatio melius quadrat, Vbi suos colligere volat



Christus, statim ad obsequium præstare, licet violento imperio non cogatur. Deinde ut iterum confirmet Regnū hoc Deo sacrum esse præ aliis, addit *pulcritudines* vel decora *sanctitatis*, ac si diceret, non venturos qui se Christo subiicient, quasi in conspectū profani Regis, sed Dei ipsius: atque hunc scopum omnibus fore, ut Deo cultum exhibeant. *Ex vtero ab aurora*. Singulas huius loci interpretationes referre nihil attinet: quia ubi veram & genuinam protulero, in aliis refutandis multum opera sumere non erit opus. Ego certe non dubito quin hæc Dei benedictionem in augendo Christi populo celebret David: idēque pueritiam, vel sobolem quæ nascetur, rori comparat: quia crescit præter ordinarium modū. Sicut enim mirantur omnes terram irriguam esse, quum tamen defluxus roris non appareat, sed fallat spectantiam oculosi: ita David sobolem incredibili numero nascituram Christo dicit, quæ totam terram operiat. Ros ergo *pueritia* vocatur iuventus ipsa, quæ, iustar roris, maiore copia defluit quàm ut numerari queat. Nā *רוי* est nomen collectivum. Siquis distinctius habere velit sensum verborum, ita resoluat. Ex vtero proditura esse innumeram sobolem, sicuti ros ab aurora distillat. Porro hoc non temerè fuisse prædi-

cium, experientia ostendit: quia incredibile erat tantam multitudinē sub Christi imperio tam exiguo tempore posse colligi, & quidem sola Euangelii voce, quum totus mundus furiosè repugnaret. Pueros autē vocari ex vtero progenitos, qui senes vel prouecti ætatis ad Christum conuersi sunt, mirum non est: quia spiritalis regeneratio pios omnes similes facit infātibz, sicut Petrus docet, 1. Petr. 2. 2. Sic apud Iesaiam 53. 10, dicitur Christus visurus semen longævum: & sub eius Regno promittitur Ecclesiæ inastimabilis fecunditas. Hoc de ratione nominis. Certè ex mundi face, quæ tantum filios iræ continet, numerum aliquem licet exiguum colligi, miraculū esset: duplex verò miraculum est, immensam fere hominum multitudinem Christi Spiritu & Evangelio esse regenitam. Sed meminerimus, Deum hoc honorè dignari electos suos, ut alacres ad iussa capescenda concurrant, soloque nutu regantur. Neque enim pro suis agnosceat Christus nisi qui libenter iugum subibunt, & signo dato sistunt se in eius conspectum. Iam nequis se defunctum putet oculari obsequio, addendum est etiā illud alterum, Christum non externa pōpa sed vera sanctitate velle coli, qualē in Dei conspectum afferri docet.

#### 4 *Iuravit Iehoua, & non poenitebit eum, Tu es sacerdos in seculum secundum rationem Melchisedec.*

4 Versus hic satis euincit non de alio quopiam haberi sermonē quàm de Christo. Nam quod Iudæi, ut vaticiniū obsecrent, *מלך* vertunt Principem: nimis dilutū est, adeoque friuolū. Factor *מלך* vocari proceres, vel qui sunt ex cognatione regia. sed quid dignū ipso Christo loquutus esset David, proceris titulo ipsum insigniens, qui inferior est dignitate regia? Deinde quid hoc sibi veller, principem esse æternū, & ex ratione Melchisedec? Ergo non dubium est quin singulare aliquid designet Spiritus, quod Regem hunc discernat ac separet ab aliis omnibus. Porro notum est elogium quo ornatur Melchisedec apud Moysen Gen. 14. 18. Factor quidem olim etiam in profanis Cælibz

Reges sacerdotio functos esse: sed quia vnicū Deum ritè colebat Melchisedec, vocatur Sacerdos Dei altissimi. Deus autem in populo suo hæc officia misceri noluit. Itaque quum Rex Uzias, qui legitimus erat Davidis successor, suū Deo adolere tētaffet, lepra fuit percussus, 2. Paralip. 26. 21. Fuit igitur diuersa ratio in progenie Davidis quàm in Melchisedec. Et colligere promptū est discrimen hoc notari, quod in hoc nouo Rege, Sacerdotii religio cum diademate & solio coniuncta erit. Nam certè impetii maiestas non tanta fuit in obscuro regulo Melchisedec, ut eo solo respectu proponi debuerit in exemplar. Nā Salem vniuersa eius sedes, ignobile tunc erat oppidulum ubi precatio regnabat

vt nihil in eo memorabile fuerit nisi Sacerdotii & Regni coniunctio. Profanos enim Reges ambitio impulit vt reuerentiæ captandæ causâ honorem Sacerdoti ad se raperet. Melchisedec autem veramque personam Dei mandato sustinuit. Nobis quidem abunde sufficere debet Apostoli autoritas, ne dubitemus Dauidem id sensisse: sed quamlibet peruiacaciter contendant Iudæi, manifesta ratio euincit, clarius hîc describi illum sanctitatis decorem cuius nuper facta fuit mentio: & certam ac iustam notam apponi quæ Sacerdotiî honore Christum attollat supra alios Reges, simulque eius Sacerdotium discernat à Levitico. Huc accedit Dei iussurandum, qui certè sacrum nomen suum rebus leuiculis interponere non solet: imò vt nos suo exemplo ad sobriè & reuerenter iurandum instituat, nunquam iurat nisi graui & seria de causa. Si autem iurasset Deus Messiam fore ducem & gubernatorem populi sui, sicut fuit Melchisedec, insulsa esset nominis eius profanatio: nunc quò appareat rarè aliquid & eximium notari, colligere licet quanti sit ponderis Christi Sacerdotium quod Dei iureiurando sancitur. Et certe in hoc cardine vertitur salus nostra: quia nisi Christo mediatore freti, à Dei conspectu omnes arcemur. Quia verò nobis nihil magis necessarium precandî fiducia, Deus non modò ad se nos inuitat, sed interposito iureiurâdo, patronum nobis cõstituit qui gratiâ cõciliet. Ideo qui sibi præcludit ianuam, Deum insimulant mendacii, atque etiam perjurii. Nec abs re contendit Apostolus, hoc modo abrogatum fuisse Leviticum Sacerdotium, quia illo itante non iuraret Deus nouam fore rationem, nisi futura esset aliqua mutatio. Imò quò pro-

mittit nouum Sacerdotem non dubium est, aliis omnibus præferri, & qui receptū morem aboleat. ¶ Quidam vertunt, secundum verbum: *neum*: quorum sententiam non prorsus repudio. nā hoc modo Dauid Sacerdotium Melchisedec in Dei vocatione & mandato fundatum esse diceret. Sed quia & sæpe superuacuum est, simpliciter *rationem* vertere malui, sicuti etiam maior pars interpretū huc inclinat. Caterū quia comparatio Christi cum Melchisedec plebrosque ex vetustis Ecclesiæ scriptoribus fessellit, quid simile sit, ex Apostolo discendum est, vnde colligere promptū erit quāta incogitantia hallucinati sint. Quid enim magis præposterum quā negligere mysteria omnia de quibus Spiritus per os Apostoli disseruit: & quod ille omisit, vnum arripere? Nam solum in pane & vino philosophantur, cuius oblatio secundum eos vtrique communis est. Atqui Abraham in viaticum, panem & vinum obtulit Melchisedec, non autem in sacrificium Deo. Neque in sacra Cœna oblatio est panis & vini, sicut illi falsò putant: sed comunicatio inter fideles. Quod verò ad præsentem locum spectat, præcipue in perpetuo Sacerdotio similitudo tenenda est: sicuti etiam particula *¶* ad monet. Quemadmodum ergo Melchisedec quasi cælestis quidam homo describitur à Mose: ita nunc Dauid Christum ei cõparans, sine carere intelligit eius Sacerdotiū. Vnde sequitur (quod etiā Apostolus disputat) quia morte nõ impeditur ab exequendo suo munere, nullū ei esse successorem. Quo refutatur detestabile sacrilegium Papalis Missæ. nam vnde Deum hominibus reconciliant Papæ Sacerdotes, eos Christo eripere necesse est honoris mei à Patre datum.

5 Dominus ad dexteram tuam confregit in die ira sua  
Reges.

6 Indicabit in Gentibus, implebit ruinis, confringet caput super terram magnam.

7 Et torrente in via bibet, propterea exaltabit caput.

5 Dominus ad dexteram. Hic terribilem Christi potentiam celebrat David ad profligandos hostes : atque hoc modo confirmat, quauis vndique infe-

stis hostium turbis cingatur, non tamen fore obstaculo improbus illorum conatus quin Deus regem quem constituit defendat. Notanda est tamen particula

in die iræ: quamoneamus, patienter feredam esse nobis crucem, si Deus grassante hostium sæuitia & furore, ad tempus dissimulet: quia ipse nouit maturum & iustum ultionis tempus. Postea Christum Gentibus incircumsis præficit: ac si diceret, non modò electum esse Regem qui uni populo in Iudæa præsit: sed qui Gentes etiam remotas sub imperio suo conpneat, sicuti dictum fuit Psalmo 2. 3. Porro quia in omnibus terræ plagis, sicut in terra Iudææ fines, multi rebelles & immorigeri futuri erant, de eorum quoque strage concionatur: ac si diceret, quicumque resistent Christo, cum sua duritie frangendos.

7 *Et torrente.* Versum hunc nimis durè meo iudicio exponunt multi Interpretes, tantam fore castrorum copiam, ut eorum sanguis fluat torrentis instar cuius potu satietur victor Christus. Nihil rectius aliù allegoricè pro ærumnis & doloribus accipiunt, ac si dictum esset, Christum in hac caduca vita obnoxium fore multis afflictionibus. Atqui potius similitudo est à strenuis & robustis ducibus sumpta, qui, dum festinant ad hostes persequendos, non indulgent deliciis sed ad portum còtenti sunt obuiis quibusque fluminibus, & quidem in trans-

curso, ut stantes suum è flumine refingant. Nā & hoc modo Gedeon cordatos & bellicosos milites expertus est: quia ignauos esse colligēs qui bibendi causa se curuabāt, domū remisit, Iudicū 7. 5. Ego itaque non dubito quin figuratè tribuat David militare robur Christo, negans sumptuum quietem potius causa, quia pergendo raptim è flumine potum hauriet. Quo elogio incutere voluit hostibus terrorem, ut sciant in hac festinatione sibi instare exitium. Siquis roget, Vbi igitur ille elementar & mansuetudinis spiritus, quo præditum fore alibi docet Scriptura? Iesa. 61. 1. Respòdeo, si cuti erga oves mansuetus est pastor, lupis autem & furibus asper & formidabilis: ita Christum suauiter & placidè fouere qui se eius custodiæ còmittunt: sed qui obstinata malitia excutunt eius iugum, sensuros quàm horribili potentia instructus sit. Sicuti ergo vidimus Psalm. 2. 9, sceptrum ferreum esse in eius manu, quo omnem mundi contumaciā conterat: sic etiam ad vliscendos hostes suos sanguinarius dicitur. Quo artētius cauere nos oportet ne præfractio & intractabili ingenio iram eius prouocemus dum nos comiter inuitat.

## ARGUMENTVM PSALMI CXI.

*Inscriptio sit nobis viæ argumenti. Caterùm vs amnes ad Deum laudandum melius animet, exempli ipse præstat. Deinde breuiter varia eius beneficia recenset, quibus fides suæ olim affectit & asiduo prosequitur. Psalmus autem in ordinem alphabeti digestus est, sed ut vs: singuli versus duar literar contineant. Initium primi versus est D: sed in proximo hemistichio ponitur litera A. Tunc cum duo vltimi versus non sunt in hemistichia distincti, sed vterque totas literas comprehendit. Quod tamen errore factum esse reperiet quisquis propius expendet contextum: nam si tres versus ex duobus quis faciat, aptissimè inter se cohærent sententia. itaque à librariis perperam neglecta fuit Prophetæ distinctio.*

Psalmus CXI.

**H** Alelu-Iah. & Celebrabo Iehouam in toto corde, in congregatione iustorum & cætn.

2 *A* Magna opera Iehouæ, & explorata cunctis cupientibus ea.

3 *P* Pulchritudo & decor opus eius, & iustitia eius manet in seculum.

4 *M* Memoriam fecit mirabilibus suis, & clemens & misericors Iehoua.

1 Celebrabo Iehouam. Ducem se alius proponit Prophetæ ad canēdas Dei laudes: quia hæc optima est ac in pri-

mis efficax exhortandi ratio. Duo autē sunt huius sententiæ membra, Prophetam ex animo ac sincero cordis affectu celebra-



celebraturum Dei laudes: deinde id publice facturum in cœtu piorum. Et merito exordium facit à corde: quia Deum intus & sine ulla laudare præstat quàm ficto animo clamare, & tonare eius laudes pleno gutture. Cæterum quisquis tacite apud se Deo gratus erit, simul in aperta voces erumpet: quia alioqui fraudatur Deus dimidia honoris sui parte. Deum ergo celebrare instituit Prophetæ, primum toto corde, hoc est integro, non fucato. Neque enim se omni ex parte officio satisfacturum promittit, sed tantum hypocritis se fore similem negat, qui frigide & corde duplici, imò fallaciter linguam tantum exercent in canendis Dei laudibus. Atque hoc notandum est, nequem exanimet desperatio si cordis perfectionem non asserat qualis optata foret: quia utcumque mutila sint laudes nostræ, Deo tamen placere non desinunt, si modò nô simulate euitimur ad præstandum hunc pietatis cultum. Sequitur altera pars, ubi se proficitur laudum Dei fore præconem apud homines. Quamquàm autem nomen **יְהוָה** Hebræis cœtum arcanum significat: ego tamen duo synonyma hic poni existimo. Interea sicuti subilibi accipere libeat, fruatur suo sensu. Dicit autem *in cœtu iustorum*, quia in hunc maximè finem aguntur sacri conventus, ut Deo laudem sacrificent sui cultores, sicuti Psal. 65. 1, dicitur, Te expectat Iehoua laus in Sion.

2 *Magna opera lebona.* Nunc materiam laudandi Dei in eius operibus suppetere admonet, quæ tamen generaliter nominat, mox tamen explicatione magis dilucida ad Ecclesiæ gubernationem restringet. Cæterum quia magnitudo hæc operum Dei à paucis cognoscitur, vulgò autem fugit mortalium oculos, eius ignorantiam mundi socordia & ingratitude imputat Prophetæ, quia pauci attendere dignantur quanta in ipsis sapientia, bonitas, iustitia, & virtus refulgeat. Quamquàm in secunda parte versus variant Interpretes. Nonnulli enim vertunt, Exquisita omnibus desideriis eorū. Et certe **יְהוָה** beneplacitum Hebræis significat. Sed quia sensus ille durior est, rectius **וְיִצְחָק** adieciui sumetor pro studiosis vel desiderantibus. Quod ad participium *explorata* spectat,

quamquam **וְיִצְחָק** Hebræis propriè est inuestigare, hic tamen opera Iehouæ vocatur **וְיִצְחָק** quasi periphetæ vel cōperta, sicuti Iesaiæ 65. 7, Inuēti sum ab illis qui me non quærebant. Nunc, ut ad Prophetæ mentē reuertar, quia pauci ad reputanda Dei opera studium suum applicant, hinc fieri docet Prophetæ ut maior pars in luce cæcetur. Nam quum excellentiam operum Dei notā esse dicit omnibus eam cupientibus, nullos eius ignaros esse intelligit nisi qui oculos sponte claudunt, imò maligno contemptu suffocant oblatā lucem. Tenendus est tamen intelligentiæ modus, quia scimus tardiores esse ac magis debiles fidelium mentes quandiu in terra peregrinantur, quàm ut ad arcanam operū Dei altitudinem penetrent. Sed utcumque incomprehensibilis sit sapientiæ, æquiritatis, iustitiæ, virtutis, misericordiæ immensitas in Dei operibus, noticiam tamen delubant fideles quæ ad Deū gloriificandum sufficiat. Tātum à reuerētia incipere discamus, ut nobis sapiant opera Dei quæ apud reprobos scelerato fastidio vilescunt. Quia Græcus interpretes vertit, Exquisita in omnes voluntates eius: Augustinus argute philosophatur quomodo plures sint Dei voluntates vel saltē nobis appareāt. Ac utilis quidē doctrina est, quis in Lege suā voluntatem manifestet Deo, esse tamē arcanū aliud consilium, quo mirabiliter genus humanū gubernat: sed nihil ad præsentē locū.

3 *Pulchritudo.* Alii splendore vertunt. Summa est, quicquid agit Deus plenum esse magnifica dignitate. Hoc autē decus & pulchritudinē secundo membro clarius definit: quia ubique conspicua est Dei iustitia. Neque enim potentia solum & imperii specimen extare vult Deus in suis operibus, quod metu percelleret omnium animos, sed iustitiam spectandā exhibet, quæ sua dulcedine nos alliciat. Opponitur autem elogium hoc obstrepentis impiorum calumniis, quibus gloriam operū Dei quātū in se est, sceleratè deformant, proximo versu miracula specialiter cōmēdat, quibus virtutem suā Deus maximè exercuit.

*Facere autem memoriam mirabilis suis tātūde valet ac res memoratū dignas credere vel quærū fama nūquā intereat.* Sicud

autem nuper ad reputandam iustitiam nos hortatus est, ita nunc in miraculis præcipue gratiam & misericordiam ce-

lebrat: idque eodem ferè sensu, quia ex fonte gratuiti amoris manat iustitia illa quam in suis conservandis ostendit.

5 *Portionem dedit timentibus se: recordabitur in seculum fœderis sui.*

6 *Virtutem operum suorum annuntiauit populo suo, ad dandum illis hereditatem Gentium.*

7 *Opera manuum eius veritas & iudicium: veracia omnia statuta eius.*

8 *Stabilita usque in seculum, facta in veritate & rectitudine.*

5 *Portionem dedit timentibus se.* Quoniam Ecclesia speculum est gratiæ & iustitiæ Dei, ad eam Propheta nominatim accommodat quod de illis dixit. Nec verò propositum fuit de qualibet Dei iustitia differere, sed quam erga electos suos peculiariter explicat. Nunc ergo adiungit, Deum curâ habere populi sui, ut necessitatibus eius prospiciat. *¶* 70 sæpius accipitur pro prædicatione alii Escam. Mihi nomen Portionis magis placuit: quo etiam sensu sumitur Proverb. 30. 8, & 11. 15: ac si diceret, Deum populo suo dedisse quicquid opus erat, & hoc fuisse quasi liberale demensum. Scimus enim populum Israël non sua industria, sed Dei benedictione fuisse ditatum, ac si paterfamilias domesticis suis anno nâ victumque divideret. Secundo mēbro causam huius curæ & liberalitatis assignat, quia scilicet affectu probare voluerit fœdas suum non esse irritum vel inane. Atque hoc diligenter notandum est, sicut olim fœderis gratuiti respectu tam benignè egit cum populo Israël, ita non aliunde fluere beneficia quibus nos prosequitur, nisi quia nos sibi adoptavit in populum. Porro memoriâ fœderis semper vigere dicit: quia nunquā fatigatur Deus, benignè suos tractando. Sicuti autem de die in diem ad extremum usque continuat gratiæ suæ testimonia, sic fidem nostram, ut constantiæ eius respondeat, non fluxâ esse oportet sed vitam & mortem transcendere. Proximus versus expositionis loco additus est, Deum in danda Gentium hereditate virtutē operū suorū manifestasse

populo suo. Virtur quidem verbo annūtiandi, sed realem prædicationem intelligit: quia Terræ sanctæ possessio non humanitus parta est, sed cælesti virtute multisque miraculis tradita: ac si palam testatus esset Deus filiis Abraham quā incomparabili potentia sit præditus. Huc etiam pertinet quod multis gentibus populum opponit, qui certè, nisi fretus cælesti auxilio, nunquam prævaluisset contrarios hostes.

7 *Opera manuum eius.* Priore versus parte, exclamat fidelem & rectum in suis operibus Deum cognosci: deinde eandem veritatem & rectitudinem in doctrina Legis commendat: ac si diceret, inter dicta & facta Dei pulcherrimum esse cōsensum, quia ubique verax iustusque apparet. Et si autē redemptio veteris populi, memorabile huius rei documentum f. it, non tamen dubito quin sub operum nomine continuam Ecclesiæ gubernationem complexus sit Propheta: quia non destitit Deus quotidie se probare & iustum & veracē, & hunc quasi infatigabilem cursum tenere. Quāquam autem inter homines plus esset manu quā lingua aliquem cognosci iustum: quia tamen doctrina Legis, vita fuit & salus populi, non abs re Prophetæ pluribus verbis in hac secunda parte insistit, veracia esse omnia statuta dicēs, perpetuò manere, ad summæ fidei & rectitudinis normam exactè esse composita. Et cerè nisi sacro Legis vinculo populum sibi Deus copulasset, perquam tenuis fuisset redemptionis fructus, adeoque statim exaruisset gratia illa,

hila. Notemus ergo primatum hic tribui doctrinæ, quia æternum Dei amo-

rem testando viuifica fuit.

9 *Redemptionem misit populo suo: mandauit in æternum fœdus suum: sanctum & terribile nomen eius.*

10 *Principium sapientiæ timor Iehouæ, intelligentia bona cunctis facientibus ea: laus eius manet perpetuò.*

9 *Redemptionem misit populo suo.* Repetit alius verbis quod sã dixerat: quia initium salutis fuit redemptio, eã prior loco statuit: deinde adiungit confirmationem in Lege, qua factum est ne vnquam excideret Dei adoptio. Etsi enim fœdus olim Deus pepigerat cum Abraham, quæ etiã causa fuit redimendi populi: hoc tamen elogium ad Legẽ refertur, qua sanctum fœdus fuit ne vnquã efflueret. Summa huc redit, Deum non vno tantum die beneficium fuisse patrem in liberando populo, sed gratiam suam Lege promulgata stabiluisse, vt spes vitæ æternæ semper in Ecclesia resideret. Porro tendendum est quod alibi admonui, & fusius repetendum erit Psalmo 119, vbi de Lege sermo habetur, nõ semper nuda præcepta arripi debere: quia Spiritus sanctus maxime ad promissiones in Christo fundatas respicit, quibus Deus electum populum sibi colligens, in vitam æternam regenuit.

10 *Principium sapientiæ.* Postquam de beneficiis Dei concionatus est Propheta, & iustis elogiis Legem ornauit: nunc fideles ad ipsius Dei reuerentiam, Legisque seruandæ studium hortatur. Timorem Dei, principium vel caput sapientiæ vocando, eos omnes damnat amentię qui se Deo in obsequium non addicunt: ac si diceret, brutos esse omnes nec prima tenere rudimenta rectè sapiendi, qui Dei timore penitus imbuti non sunt, & vitam non component ad eius Legem. Quod diligenter notandum est, nam quum sapere passim appetant omnes, totus ferè mundus, contempto Deo, in praua astutia sibi placet. Quum ergo pessimi quique præ aliis sapere credantur, & hac fiducia turgentes contra Deum se obducent, Propheta omnem mundi sapientiam sine Dei timore, sumum vel inane spectrum esse pronuntiat. Et certè quicumque viuendi finem

non tenent, eos desipere & mente alienatos esse certum est. Atqui in hoc nati sumus & viuimus, v nos exerceamus in Dei cultu, nulla ergo deterior cæcitas, nullus magis brutus stupor, quàm vbi contempto Deo, studia nostra aliò conuertimus. quacunque enim vafritie polleant homines profani, deest illis caput, hoc est vera pietas. Eodẽ pertinet quod mox additur, prudentiam bonam esse Deum mandata seruantibus. ac in epitheto 210, subest magna emphasis: quia stultam persuasionem de qua diximus, Propheta refutans, tacitè eos perstringit qui præposterè acuti sunt, ac si diceret, Fateor vulgò prudentes aestimari qui bene consulunt rebus suis, qui foro seruiunt, qui astuti sunt ad reuendendum mundaui fauorem: alios etiam decipiunt. Certe rùm vt hoc nomen illis concedam, inutilis ac peruersa est eorum prudentia: quia sanitas mentis in Legis obseruatione se prodit. Iamverò pro Dei timore, ponitur *obseruatio mādatorum Dei*: quia licet promiscuè omnes ferè iactent se timere Deum, nihil tamen magis vulgare Legis contemptu. Merito igitur hoc examine probari Dei timorem docet Propheta, si libenter iugum eius suscipimus, nõsque regi patimur eius Verbo. Quosdam nomen Principii decepit, vt putarent timorem Dei vocari initium sapientiæ, quasi alphabetum, eo quòd ad veram pietatem homines præparet. sed hoc friuolum est, quò alibi vocetur sapientia, Iob 28. 28. Neque enim timor hic sicut in Canonica Iohannis, 1. Ioh. 4. 18, pro tyrocinio vel rudimento pietatis capitur, sed totam pietatem vel Dei cultum comprehendit. Clausula Psalmi expositione non indiget. Tantum enim hoc vult Propheta, vt intelligent fideles nihil sibi esse potius tota vita, quàm Deum celebrare.



*Quoniam maior pars mundi sibi ex maleficiis bene fore sperat, atque ex rapinis, fraudibus, & iniuriis quibuslibet lucrum vulgò capitur, benedictiones Dei enumerat. Propheta, quæ in puris Dei cultoribus sperantur, ut sciamus studium piæ iustique vivendi primæ mercede non carere.* Psalmus CXII.

**H** Alelu-Ia. *Beatus vir qui timet Iehouam, in mandatis eius delectabitur valde.*

2 *Potens in terra erit semen eius: generatio rectorum benedicetur.*

3 *Opes & diuitiæ in domo eius: & iustitia eius manebit æternum.*

1 *Beatus vir qui timet Iehouā.* Quamquam hortandi verbum præponitur, iam tamen admonui, alius tendere Prophe tam quam ut ad canendas Dei laudes incitet fideles. Nam quia hæc passim habetur felicitas, malis artibus vel iniuriis grassari ad nocendum & quanuis interdum laudetur integritas, vix tamē centesimus quisque eam sequitur, dum se omnes fore miseros putant, nisi per fas & nefas ad se rapiant quicquid prædæ expositum erit: Prophe ta contrā, docet plus à paterno Dei fauore sperandum esse, quam ab omni genere noxarum: ac spe mercedis proposita, nos ad colendam æquitatem & beneficentiam reuocat. Ego autem verba sic resoluo, Beatus vir qui timet Dominum, si seque oblectat in eius mādatis: ut secūdo mēbro definiat Prophe ta in quo positus sit Dei timor. Atque hæc additio valde necessaria fuit, sicut in fine proximi Psalmi attigimus: quia quum omnes securē Legem Dei despiciant, nihil tamen proclius est quam Dei timorem prætexere. Hæc improbitas optime refellitur à Prophe ta, dum neminem agnoscit inter Dei cultores, nisi qui animum suum adicit ad Legem seruandam. Nec emphaticaret verbum *VEN*, quod tantundem valet ac complacitum habere, ut vulgò loquuntur. Nos vertimus *delectari*. nam voluntarium & alacre studium seruandæ Legis, à seruilis & coactō obsequio distinguit Prophe ta: quia non satis est attendere ad Legem Dei, nisi eam libenter amplectimur, ut eius amor sua dulcedine omnes carnis illecebras superet. Itaque donec huc vsque progressus quis

fuerit, ut Legis delectatio eum hilariter in officio contineat, non censetur verus Legis obseruator. Nunc redeo ad totam sententiam. Prophe ta beatos esse assermans Dei cultores, ex aduerso admonet pestiferam esse fallaciam qua se deludunt impii, fictitiam sibi beatitudinem ex maleficiis fingendo.

2. *Potens in terra.* Prophe ta, probandæ quam protulit sententiæ causā, gratiæ Dei testimonia enumerat, quibus remunerari solet suos cultores. Ac primò quidem dicit, non modò in eorum personis residere paternum Dei fauorem, sed extendi ad posteros: sicut etiam in Lege dicitur, Ego sum misericors in mille generationes erga eos qui me diligunt, & custodiunt mādata mea, Exod. 34. 6. Et Psalmo 103. 8. 9, aliisque locis, hoc doctrinæ caput attigimus. Sed quia multi perperam æquali modo metiri volunt temporales Dei gratias: tenendum est quod Psalmo 37. 25, docui, varie scilicet eas dispensari, prout Deo placet. Interdum fiet ut careat liberis optimis viris: qui sterilitas per se censetur Dei maledictio. Sic multi ex Dei cultoribus premūtur egestate & inopia, morbis laborant, variis ærumnis misere affliguntur. Tenenda est igitur generalis regula prout Deus singulis vtile esse no vit, nunc largius, nunc parcius erga suos esse beneficium: imo interdum fauoris sui signa abscondere, ut videri possit negligere prorsus suos. In hac tamen confusione semper apparet non frustra esse dictum *pios cum sua progenie benedicere*. Nam quum improbis nihil aliud propositum sit quam regnare

In mundo, & filios suos attollere supra nubes, ut plurimum vanas eorum spes frustratur Deus. Rursum quum fidelibus satis sit instituere filios suos in Dei timore, ut tenuiter victitent, Deus quasi porrecta manu, eos in sublime attollit. Adde quòd olim sub Lege magis dilicida fuit huius doctrinæ approbatio, quia rudem & infirmum populum terrenis benedictionibus paulatim ad spem meliorem deduci oportuit. Quanquam nisi nostra vitia obstaculo forent hodie quoque clarius fulgerent terrena erga nos Dei beneficia. Nam quod mox additur, *opes & diuitias fore in domibus rectorum*, non peræquè semper experientia verum esse demonstrat, quia sæpe contingit probos & sanctos homines esurire & frugali etiam victu destitui, nempe quia noxium illis esset liberalius à Deo tractari: quia multi ferendæ opulentia idonei non sunt. Interea notemus, gra-

tiam quam celebrat Propheta, in eo maxime conspici, quòd sua mediocritate contenti sunt probi & simplices, quum nulla copia saturarentur profani homines, quanuis totum mundum absorbeant. Verum enim est vetus illud prouerbiū, Tādeesse auaro quod habet: quàm quod non habet quia nihil possidet, sed tantum possidetur à suis diuitiis. Coniunctim etiam cum hoc membro legendum est quod postea sequitur *iustitiam bonorum manere perpetuo*. Atque hoc proprium est & certissimum discrimen quia etiam ad tempus farciunt impii domos suas magnis copiis, vno Dei statu, sicut Dicit Propheta, repentè euanesceat tota illa congeries, Agg. capite primo, versu nono, Et videmus quotidie in prædam exponi quæ rapinis vel fraudibus parua sunt: integritas autem fidelibus optima est, & fidelissima benedictio num Dei custos.

4 *Ortum est in tenebris lumen rectis: clemens, & misericors, & iustus.*

5 *Bonus vir miseretur & mutuo dat, metitur verba sua in rectitudine.*

6 *Certè in æternum non nutabit, in memoriam seculi erit iustus.*

7 *Ab auditu malo non timebit: stabilitum cor eius, quia confidit in Iehoua:*

8 *Suffultum cor eius, non timebit, donec videat in suis aduersarijs.*

4 *Ortum est.* Siue neutraliter siue actiue sumere placeat verbum  $\uparrow$ , eodem redibit sensus. Quanquam viro-uis modo accipias, duplicem adhuc sensum verba admittunt: vel quòd immunes seruet Deus iustos à communibus miseriis, ac si tenebris occupantibus totam terram, Sol luceret in aliquo angulo: vel quòd Deus serenitatem restituat seruis suis, quanuis ad tempus eorum animos tristitia obnubilet, sicuti dies nocti succedit. Si probeat posterior hæc expositio, per tenebras vel tempus nubilum ac pluuiofum, afflictiones intelligit Propheta, quibus seruos suos exercet Deus ad patientiam. Quanquam aptior

videtur altera sententia, nepe toto mundo in malis demerso, lucere Dei gratiā super fideles, ut sentiant, Deo propitio bene ac faeliciter sibi esse. Hoc modo rectè distinguitur eorū conditio à cōmuni hominū sorte. Nā improbi quanuis proferis rebus exultent, quia tamen nō gustant paternum Dei amorem, excuriunt in luce: rebus autem aduersis, in tenebras mortales merguntur. certè nunquam illis est serena tranquillitas. Pii autem, quibus semper lucet Dei gratia, quanuis obnoxii sint communibus miseriis, nunquam tamen tenebris obruantur: ideo non abs re dicitur, ortum lumen in tenebris.

Ceterum si astuè sumamus verbum **¶** **¶** **¶** melius vno tenore fluat verborum syntaxis. Certe mihi dubium non est quin Dent his elogiis insigniat Propheta, *cleniens, miseror, & iustus*. Itaque si in neutro genere legamus, Exortum est lumen, posterius membrum erit causa redditio. Nam quod exponunt nonnulli, iustos & humanos non obtenebrare mandum, ut faciunt improbi & scelesti: neque ex luce dare fumum, sed ex fumo lucem: nimis detorquent Prophetæ verba.

5 *Bonus vir.* Hæc interpretatio communi ferè consensu recepta est. Quamquam ego in alteram magis inclino, bene fore humanis & liberalibus: quia sic melius texetur Prophetæ oratio. Propositum enim est ostendere lōgè falli profanos homines dum pravis & illicitis artibus ad felicitatem aspirant: quia sola Dei gratia fons & causa sit bonorum omnium. Atque hoc modo subaudiendum erit relatiuum. Falli ergo admonet qui maligna tenacitate seuisque exactionibus distescere properant: quia fideles humanitate & beneficentia Dei gratiā velut canali ad se eliciunt. Nā **¶** **¶** **¶** in genere masculino sæpe neutraliter capitur. *Mutuo dare* ponit tãquam misericordie fructum. Nam & fenerator dat mutuo, sed ut miseros, fallaci iuuandi prætextu, exugat. Prosperum ergo successum promittit Deus verè liberalibus, qui misericordia adducti, pauperibus succurrunt, non autem ut tendant retia. **¶** **¶** **¶** in fine versus pro negotiis accipio: sicuti & David Kimhi, qui fidelissimus est inter Rabinos. Nam de sermone hoc predicari, nimis esset frigidum, & simplicius loquutus esset Propheta. Hoc autem optimè conuenit, iustos sua negotia ratione & iudicio metiri, ut in re domestica neque prodigi neq; sortidii, vel nimium tenaces, sed sine luxuria modum teneant. Deinde ut contrahendo, æquitatis regulam semper obseruent.

6 *Certe in æternum.* Potest etiam casualis particula in genuino suo sensu accipi, præsertim si in superiore versu legere placeat, Bene erit vito. prosperitatem enim illam de qua loquutus est, expressius designari, quod scilicet Deus misericordes & humanos sustinet, ne agi-

tetur inter mundi conuersiones. Deinde quod eorum integritatem lucere facit, & ab iniustis calumniis vindicat. Dicitur autem non *labascere*: quia celsi obnoxii sunt communibus incommodis, sæpe etiam videntur malorum oneri succumbere, manent tamen intus in suo gradu, & victrice patientia superant res omnes aduersas. Iam quantum Deus affertor sit iustitiæ ipsorum, non effugiant tamen improborum calumnias: sed satis est coram Deo & Angelis totaque piorum theatro benedictam esse eorum memoriam.

7 *Ab auditu nalo.* Posset videri confirmatio superioris sententiæ ac si dixisset Prophetæ, iustos à sinistra fama quam sibi reprobis culpa sua & vitiiis contrahunt, esse immunes. Verum ego potius intelligo iustos non esse incredulis similes, qui ad minimas quasque rumoris auras trepidant: sed quicquid periculorum nuntietur, placidos & quietos inniti paternæ Dei providentiæ. Vnde enim continua incredulis fluctuatio, nisi quod Deo in cælis otium agente, fortunam ludos suos in terra agere putant? Ergo non mirum est ad strepitum folii cadentis percelli & concidere. Tali inquietudine fideles eximit Prophetæ, quia non pendunt ex rumoribus, neque metu impediuntur quin semper Deum inuocent. Verum quidem est, metuere quoque Dei filios siquid impendet discrimini: quia si nulla eos malorum cura tangeret, stuporis esset, non constantiæ securitas: sed dum agnoscunt Deum vitæ suæ custodem, quantum sollicitudine & metu non sint exuti, in suo tamen cursu pergendo, salutem suam Deo commendant, cuius arbitrio libenter se permittunt. Hæc iustorum est magnanimitas, qua formidolosos rumores, eos contemnere dicit Prophetæ. Porro eius fulturam prudenter in Domino statuit: quia quum innumera mortes à dextris & sinistris nos obsideant, statim desperatione obrui necesse erit, nisi succurrat hæc fiducia, nos sub Dei custodia tutos esse. Restat igitur stabilitas est qualem definit Prophetæ, nempe si in Deo confidimus. Nam quod se vana securitate inebriant profani homines, eo magis in se prouocant Dei fulminat: quia obliuiscuntur quàm fragilis sit huma-



humanæ vitæ conditio, suâque superbia stolidè se aduersus Deû efferunt. Itaque quâ dixerint, Pax & securitas, repentinus superueniet interitus. 1. Thes. 5. 3. Fideles autem sic terret vel sollicitat malorum sensus, vt tamen non labefactet eorum animos: quia fidem non excutit, quâ so-

la fortes sunt ac firmi. In summa, neque ferrei sunt neque stipites: sed fiducia quam in Deo locant, supra omnes anxietates se attollunt. Hoc modo mentes retinent pacatas & compositas, donec veniat maturum ultionis tempus contra reprobos.

9 *Dispersit, dedit pauperibus, iustitia eius perstat in seculum: cornu eius exaltabitur in gloria.*

10 *Impius videbit & irascetur, dentibus suis fremet & tabescet: desiderium impiorum peribit.*

9 *Dispersit.* Rursum affirmat fructu & mercede liberalitatis nunquam fraudari iustos. Ac primò quidem Spargendi verbo significat Propheta, non tenuit eos & maligne erogare pauxillum aliquid, quemadmodum multi exigua stipe defungi volunt erga pauperes: sed copiose largiri, quantum scilicet postulat usus, & patitur eorû facultas. fieri enim poterit vt liberali animo non suppetat rerum abundantia. Sed tantum significat Propheta, restrictos non esse iustos quin parati sint ad spargendum. Deinde simul addit *pauperibus eos largiri*, significans non temere sua proicere, sed adlibere prudentiam & delectum, vt necessitati subiuniat. Scimus à mundo sepe laudari superuacuos & superfluos sumptus, qui sunt vanæ ostentationis causa: itaque centuplo plus bonorû dilapidat luxus, vel ambitio, quàm moderata liberalitas dispenfer. Prophe-  
ta autem beneficentiæ laudem non in promiscua largitione sitam esse docet, sed vbi pauperum inopia succurritur, & consumitur pecunia in rectos vsus ac legitimos. Citatur hic locus à Paulo 2. ad Corinth. capite 9. vers. 9, vbi admonet Deo promptum esse vt nobis copiâ sup-  
peditet, vnde fluat æquali cursu liberalitas: quod optimè cum mente Prophe-  
tæ quadrat. Quod postea sequitur, *iustitiam* talis viri manere perpetuo, bifariam potest accipi. Quia enim virtutis nomē nō meretur imperpetuum ille ambitionis qui

profanos homines ad dissipandum incitat, nō malè cōueniet cōtinuum tenorē laudari à Propheta: sicuti prius dixit iustos metiri suas rationes in iudicio. Si quis tamen iustitiæ fructum interpretari maluit, libenter assentiar. Et cerè videtur esse eiusdem, quam nuper vidimus, sententiæ repetitio. Posteo ostendit Propheta quomodo iustitiæ suæ laudē beneficis Deus asserat, ac mercede non frustreretur: quia scilicet *cornu eorum*, hoc est robur, vel prosuperum statum, magis ac magis attolleret.

10 *Impius videbit.* Sequitur antithesis qualem vidimus Psal. 2. 5, quæ magis illustrat Dei gratiâ erga fideles. Intelligit autem Propheta, quâvis procul omnem pietatis sensum à se reiciat impius, ne Deum existentem rebus humanis præesse: sensuros tamē, velint nolint, iustos non frustra se addicere Dei imperio ad colendam humanitatem. Quantumvis ergo se obdurent, mercedē quam repēdit Deus filiis suis, manifestā illis fore dicit, quæ ad stridorē dētū cogat, & lēta inuidiæ tabe ipsos cōficiat. Tandem addit *impios frustratum iri suis cupiditatibus*. Nam quum sint inextinguibiles & hoc vel illud subinde appetant, non minus tamē audax est eorum confidentia, quàm effrēta cupiditas: ita fit vt totū mundū stulta spe haurire nō dubitēt. Atqui docet Propheta creptū illis iri à Deo quod putabāt in manu sua esse, vt inanes & famelici semper discedant:

#### ARGVMENTVM PSALMI CXIII.

In hoc etiam Psalmo materia laudandi Dei nobis ex eius providentia suggeritur, quod quum calor omnes celsitudine sua longè superet, oculos tamen in terram demittere ad curandum humanum genus dignetur. Porro quia varietas quæ cernitur in terris, plerisque perturbat, dixerit Propheta in subitâ conuersionibus, quæ præter spem accidunt, considerandam adnunciat Dei providentiam: ne dubitemus omnia eius manu & arbitrio gubernari.

**H** Alelu-Iah.  
men Iehoua.

*Laudate serui Iehoua, laudate no-*

2 *Sit nomen Iehoua benedictum ex nunc & usque in seculum.*

3 *Ab ortu Solis usque ad eius occasum laudabile nomen Iehoua.*

4 *Excelsus supra omnes gentes Iehoua, supra calos gloria eius.*

1 *Laudate serui.* Quanquam Psalmus argumentum continet cunctis moralibus commune, peculiariter tamē fideles alloquitur Propheta: quia toti ipsi ritualibus oculis præditi sunt ad cernendam Dei manum. Nec superuacua est duplicatio, si expendimus quā frigidum sint ac pigri homines in hoc pietatis exercitio. Fatemur quidem omnes nos ad celebrandum Dei nomen creatos esse: sed interim iacet inter nos eius gloria. Ideoque meritō corrigitur tā praua segnities: & eadē opera nos stimulat Propheta ad infatigabile studium laudandi Dei. Ergo repetita exhortatio tam ad perseverantiam quā ad ardorē referri debet. Si quis per seruos Dei malit Leuitas intelligere, quib⁹ sub Lege etiā madatae partes canēdi Deo, nō admodū repugno: modò ne excludat reliquos fideles, quibus Deus olim præfecit Leuitas duces ac magistros, ut sine exceptione celebraretur à populo suo. Nec certē alia ratione, ubi de laudibus Dei agitur, nominatim Leuitas Spiritus cōpellat, nisi ut suo exemplo præeāt aliis, totaque Ecclesia sancto concentu respōdeat. Nunc verò quum regale simus Sacerdotium, 1. Pet. 2. 9, & Zacharias cap. 14. 21, testetur cōtempnissimos ex plebe quosque sub regno Christi fore Leuitas, nō dubiū est quin prateritis incredulis, qui muti sunt, nos ad cultum hunc Deo præstādū cōmuniter Propheta inuitet.

2 *Sit nomen.* Confirmat Propheta quod nuper attigi, continuandas esse toto vitæ cursu Dei laudes. Nā si seculis omnibus laudabile est Dei nomen, saltē tā breui tēporis spatio, quo in

mundo peregrinamur, sollicitē curandū est ut nobis mortuis vigeat eius memoria. Proximo versu gloriā nominis Dei in omnes terræ plagas extendit: unde sequitur, minime excusabilē esse nostrā ignauiam, nisi mutuò inter nos resonemus eius laudes. Etsi autē sub Lege non alibi quā in Iudæa ritē celebrari potuit Deus, quia non nisi electo populo innotuerat, digna tamen fuerunt eius opera totius mundi præconiis quæ fuerunt cunctis Gentibus patefacta. Eodem etiam spectat quod sequitur de *celsum* gloriæ Dei, quid enim magis indignū, quā nos in ea extollenda parcos esse ac tardos, quum in sui admirationem sursum rapere debeat cunctas mentes? Nō frustra igitur tantopere extollit Dei nomen Propheta, sed ut sciamus nō esse locum desidæ, & sacrilegam esse silentium nisi ad ipsum laudibus celebrandum supra vires entium, ita ut affectus noster quodammodo calos transcendat. Quod *excelsus* dicit esse *supra omnes gentes*, subest tacita exprobratio ad damnandum clēi populi torporem. nam quid magis absurdum, quā oculos gloriæ Dei testes cessare ab eius laudibus, quæ inter cæcos quoque resurgit? Quāvis enim solos Iudæos Deus celestis doctrinæ luce tunc dignatus esset, nunquam tamen destitui voluit testimonio, quemadmodum dicit Paulus in Actis, capite 14 17, & ad Romanos capite 1. vers. 10. Caterum, hæc sublimitas promulgato Euangelio melius perspecta fuit, quia tunc demum sub eius imperium collectus est orbis.

5 *Quis sicut Iehoua Deus noster, se exaltans ad habitandum.*

6 *Se humilians ad videndum in calis & in terra?*

7 *Attollēs ē pulvere inopem, ē stercorebus erigit miserū:*

8 *Vt collocet eum cum Principibus, cum Principibus populi sui:*

9 *Habitare faciens sterilem in familia, matrem filiorum letantem. Halelu-Iah.*

5 *Quis sicut.* Hic Propheta altitudinem gloriæ & potentiae Dei cum imensa bonitate comparans, hinc laudes eius amplificat. non quod Dei bonitas ab eius gloria separari queat: sed distinctio hæc ponitur hominum respectu, quibus per se formidabilis esset Dei maiestas, nisi comiter se demittens, amabili dulcedine nos alliceret. Summa igitur est, quavis Deus supra caelos habitans, tanto intervallo à nobis distet, non tamen obstat hanc altitudinem quin se nobis propinquum exhibeat, & familiariter salutem nostram curet. Ac Propheta Deum supra caelos excelsum esse dicens, non solum erga homines eius misericordiam commendat, quorum vilis est & abiecta conditio: sed admonet, ipsum caelestes quoque Angelos posse suo iure despiciere, nisi quod paterno amore adductus, ad eos sua cura amplexandos descendit. Quod si Angelorum causa se humiliat, quid de hominibus dicendum, qui in terris reptando, simul etiam innumeris sordibus tenentur impliciti? Si quis roget an non impleat Deus caelum & terram: facilis solutio est, nihil aliud tradi Prophetae verbis, quam ipsum posse pedibus calcare nobilissimas creaturas, imò propter longam distantiam posse eas negligere. In summa, discendum est, non veri nostra propinquitate ut curam nostri Deus gerat, sed quia vltro se demittit.

7 *Attollens.* Hic Propheta in variis conversionibus quæ forsuito creduntur accidere, providentiam Dei celebrat. Quod ergo præter nostram opinionem res mutantur, hoc pedere dicit ab vnus Dei arbitrio. Nam si idem & æquabilis esset cursus, iactarent omnes, naturam, naturam. nunc vicissitudo admonet dominari arcannum Dei consiliū. Atqui rebus insperatis attoniti, trāsferrimus ima-

ginationes nostras ad Fortunam. Quia ergo omni ex parte maligni sumus, Propheta in rebus insolitis iubet nos Dei providentiam mirari. Nā quum vel bubulci, vel alii despectissimi homines ad summa imperia emerferint, tam inopinata novitate sensus nostros melius expergeri æquum est. Nunc tenemus Prophetae consilium. Nā poterat (sicut aliis locis) proponere cæli & terræ architecturam: sed quia in ordinario naturæ cursu caecutiunt mētes nostræ, dicit in operibus insolitis magis conspicuam esse Dei manum. Miraculum etiam amplificat, quū dicit obscuros & sordidos homines non solum ad quemlibet principatum euehi, sed ut in sacro populo emineant: quod maius est quam dominari in aliis terræ partibus. Status enim Ecclesiæ, præcipuum est & maxime speciosum theatrum, vbi Deus admirabilis suæ potentiae, sapientiæ & iustitiæ documenta profert ac explicat.

9 *Habitare faciens.* Aliud cōmemorat Dei opus, quod et si non videtur tam memorabile, nō minus tamen afācit sensus nostros. Nam si mulier quæ diu fuit sterilis, repente concipiat numerosam sobolē, mirari cogimur, licet in quotidianis Dei operibus simus stupidi. וְכִנְיָ nō simpliciter pro ædificio capitur, sed pro ipsa familia, cōtinens pro cōtento, sicuti Græci οἶκος, Latini domū appellāt. Sēsus ergo est, quæ prius solitaria fuerat mulier, donari fecunditate, ut domū liberis impleat. *Latitā* verò matribus tribuit, quia licet ad expendas diuitias, vel honores, vel delicias, vel quælibet commoda, propendeant omnium animi, seboles tamen aliis omnibus præferunt. Quum ergo Deus non modò consuetum naturæ ordinem gubernet, sed mutet etiam rerum vices, an sublime euehēs qui iacebant contemptu, & inu-



hieres steriles fecundans: nisi ad considerandam eius manum attentis sumus, bis damnabilis est stupor noster.

# ARGVMENTVM PSALMI CXIIII.

Brevis est redemptionis descriptio, qua Deus populum suum ex Aegypto in promissam hereditatem deducens, memorabile seculi omnibus virtutis & gratia sua specimen edidit. Finis autem est, ut filii Abraha Deo se totos addicant, qui gratuita adoptione eos complexus, sibi in sacrum & peculiare populum esse voluit.

Psalmus CXIIII.

**Q**uoniam egressus est Israel ex Aegypto, domus Iacob e populo barbaro:

2 Fuit Iehudain sanctificatione eius, Israel dominia eius.

3 Mare vidit & fugit, Iordanis conuersus est retrorsum.

4 Montes exultauerunt ut arietes, colles sicut agni ouium.

1 Quam egressus est. Quum exitus ille tam praeclarum erga filios Abrahae amoris Dei pignus & signum fuerit, non mirum est toties reuocari in memoria. Initio autem admonet Prophetam, non esse amplius futuris populum quem sibi Deus tam pretioso acquisiuit. Nam quod nonnulli interpretantur, tribum Iehuda tunc fuisse sanctificatam Deo, secundum illud Exod. 19. 6, 1. Petr. 2. 9, Vos estis gens sancta, & regnum sacerdotale: mihi à mente Prophetam videtur remotum. Et quod continuo post additur, dubitationem eximit, Israel tunc fuisse Dei imperio additum. Nam eiusdem sententiae sub diuersis verbis repetitio est: ac tribus quidem Iehuda propter excellentiam primatus reliquo populo praefertur. Quoniam minimè dubium est quin idem elogium quo specialiter ornatur, ad totum populi corpus pertineat. Porro dicitur sanctificari Deus hominum respectu: quia in se neque crescit neque minuitur. Et dicitur Iehuda fuisse in eius sanctitatem, Israel in dominium, quia tunc sancta eius maiestas, quae prius obscura fuerat, in sui reuerentiam traxit quicunque tam incredibilis

potentiae fuerunt testes. Quod si Deus populum suum redimendo, regnum sibi crexit, & venerationem peperit sacro suo nomini, excusabilis non est populi ignauia, nisi se in continua tanti beneficii meditatione exerceat.

3 Mare vidit. Non prosequitur quaecunque tunc edita fuerunt miracula, sed summam attingit, Mare, licet mortuum sit elementum, & sensu careat, metu tamen potentiae Dei fuisse contritum: idem fecisse Iordanem & montes ipsos exultasse. Quoniam autem poetice describit Prophetam Maris & Iordanis recessum, verba tamen rei modum non excedunt: ac Mare quidem opifici suo tale praestans obsequium, sanctificauit eius nomen: Iordanis sua subiectione ornauit eius imperium: montes contremiscendo testati sunt quam sacra sibi esset illius maiestas. Sed non magis propositum est celebrare Dei potentiam, quam paternam curam & studium seruandae Ecclesiae. Ideoque prudentes Israelem à Mari, Iordane & montibus separant: sicut diuersa fuit ratio electi populi & mortuorum elementorum.

5 Quid tibi Mare quod fugisti? Iordanis, quod conuersus es retrorsum?

6 Montes exultastis ut arietes, colles sicut agni ouium.

7 A facie Domini contremisce terra, à facie Dei Iacob:

8 Qui conuertit rupem in stagna aquarum, silem in fontem aquarum.

5 *Quid tibi mare.* Propheta hic populariter Mare, Iordanem, & montes interrogat, sicuti nuper sensum & reuerentiam potentia Dei illis tribuit. Atque his figuris acius coarguit hominū stuporem, nisi intelligentiam qua prædicti sunt, ad cōsideranda Dei opera applicēt. Aspectus etiam Maris de quo loquitur Propheta, ad dānandā eorū cecitate satis superque valebit. Mare enim non potuit siccat, neque fluuius Iordanis retro cursum flectere, nisi arcano instinctu, ut Deus obsequium cogeret. Ceterum quanquam ad Mare, Iordanem & montes dirigitur sermo, potius tamen nos cōpellat Propheta, ut quisque nostrū in se descendens, sedulo & attēte in hac consideratione insistat. Ideo quoties occurrunt hæc verba, respondeat quisque non posse ascribi tantam mutationem naturæ & inferioribus causis, sed hic palam fulgere Dei manū. Similitudo ab agnis & arietibus sumpta, videtur quidem à rei magnitudine lōgissimè abesse: sed consilium Prophetæ fuit rudissimè exprimere quā incredibili modo suam illic virtutem Deus explicuerit. Nam quum in montibus quodāmodo fundata sit orbis stabilitas, quid cum arietibus vel agnis simile, ut huc & illuc saltando se agitent? Non ergo miraculū extenuat Propheta, sed sub crasso genere dicēdi rudibus ingeniis melius insculpit inopinata virtutis Dei signa.

7 *A facie Domini.* Vbi interrogādo expergefecit hominum sensus, respōsionem subiicit: quā multi in personā ipsius terræ accipiūt, quia 1 affixum esse putant verbi 1717, acsi diceret terra, Meū est contremiscere à facie Domini. Sed hoc commentum stare non potest, quia mox subiicitur nomen Terræ. Re-

ctus igitur alii 1 superuacuum esse doceant, ut sape aliās: atque hunc eliciunt sensum, Terrā cōtremiscere corā Domino suo æquum est ac decet. Sed quia à plarisque non male resoluitur verbum 1717 in modū imperandi, eos libenter sequutus sum. Probabile enim est, Prophetā rursus ad terram verba facere, quo magis ad vinū afficiat hominū animos. Sentū tamen eodem redit, acsi dixisset, Agedū sic fieri oportuit ut terra à conspectu Regis sui contremisceret, ponitur enim nomen 1717, quod dominum vel herum significat. Postea tamen dissertē adiungit nomen *Dei Iacov*, quo fictitios omnes Deos iubet procul facessere. Nam vt propensū sunt homines ad fallacias, semper utendum est ne idola substituunt in veri Dei locum. Tandem aliud miraculum recēset, quo Deus post transitum populi rursus in deserto suā virtutem magnificē extulit. Hoc autem modo admonet non vno tantum die apparuisse Dei gloriā in exitu populi: sed cōtinuo temporis successu fuisse in aliis operibus conspicuam, sicuti quum ex arida rupe repente fluius exersit, Exod. 17. 6. Verum quidē est scaturire fontes ex rupibus & locis lapideis: sed ex sicca rupe aquam elicere, fuit certē præter naturæ ordinem. Porro hic subtiliter dī sputandum non suscipiā quomodo lapis in aquā fuerit conuersus, & simplex est Prophetæ sensus, vbi prius siccitas erat ac durities, fluxisse aquas. Hinc tamē apparet quā ridiculi sint Sophistæ transubstantiationē fingendo, vbi Scripturæ hoc vel illud conuerri dicit, neque enim substantia lapidis tūc mutata fuit in aquā: sed mirabiliter aquas Deus creauit quæ ex arida rupe fluere.

## ARGVMENTVM PSALMI CXV.

*Psalmum hunc dictatum fuisse Ecclesia quum duriter afflictā esset, colligere propriū est. Orant autem fideles, quāuis indigni sint quos exaudiat Deus, se tamen liberari ne sacrum eius nomen famis & opprobrii Gentium subiaceat. Deinde collectis animis insulant omnium recordia qui idolis additi sunt: & sancta iustitia suam felicitatem efferunt, quod sint à Deo cooperati: unde etiam mutuo se ad gratitudinem hortantur.*

*Psalmus CXV.*

**N**on nobis Iehoua, non nobis, sed nomini tuo da gloriam propter clementiam tuam, propter veritatem tuam.

2 Ut quid dicent gentes, Vbi nunc Deus eorum?

Yy. i.

### 3 *Atqui Deus noster in calo, omnia quæ voluit fecit.*

I *Non nobis.* Quanquam de authore Psalmi certò non constat, neque etiam quando fuerit còpositus, principiũ tamen hoc demonstrat, fideles in rebus deploratis ad Deum confugere. Nò exprimunt autem disertis verbis quid velint, sed oblique insinuant suam postulationem. Interea præfantur se non afferre in medium vlla merita, nec impetrandi fiduciã aliunde cõcipere, nisi quia ipsos liberãdo, *Deus gloriæ suæ consulit*: quia res sint inseparabili nexu coniunctæ. Quamvis ergo repulsam mereantur, rogant tamen ne Deus nomẽ suum Gentium ludibriis prostituat. Suis quidẽ miseriis capiunt solatium & opem afferri: sed quia nihil in se dignũ reperiunt Dei fauore, ipsum appellant gloriæ suæ vindicem. Atque hoc notatu dignum est, quãlibet indigni simus quos Deus respiciat, bene tamen sperandum esse, quia nomẽ suum glorificare vult nos seruãdo, quos ea lege adoptauit vt nunquam deferat. Interea notadũ, humilitatis & modestiæ causã nò cõqueri aperte de suis miseriis nec à salute sua incipere, sed potius à gloriã Dei. Nã quũ ipsa calamitas quædam esset species refectionis, pudore cõfusi, non audebant palàm petere à Domino quod optabant: ideoque insinuatione vsi sunt, vt peccatoribus nihil gratiæ promeritis, patrem se Deus præstaret gloriæ suæ intuitu. Quia autem non semel dictata fuit Ecclesiã hæc præcãdi forma, quoties ad Deum accedimus, veniat nobis in mentem propria dignitate nos exuere, vt gratuita eius bonitas nos ad bene sperandum animet. Imò hic etiam, quum iuari petimus, scopus nobis esse debet, vt illustret nomen Dei liberatio quam adepti erimus. Ac verisimile est promissione admonitos sic orasse. Dixerat enim Deus exilii tempore, Nò propter vos, sed propter me hoc faciam, Iesa. 43. 11. Nunc agnoscunt hoc sibi vnicum esse asy lum, dum spes omnes aliæ deficient. Bis etiam hoc repetendo, melius ostendunt quàm probè sibi confecti sint suæ indignitatis: vt si contingat centies suas preces repudiari, licet mouere nequeant sua causa.

2 *Utiq; il dicent.* Nunc exprimunt

quomodo Ecclesiã seruando, Deus vindex gloriæ suæ sit futurus: quia si illam exitio permittat, impiis Gentium insultationibus obnoxium erit eius nomen. exerta enim ad maledicendum erunt lingua, nudatum esse potentia Deũ Israel, qui suos clientes in vltima necessitate deserat. nò quòd tali admonitione indigeat ipse, sed potius vt ad sanctũ illum zelum animos suos referant fideles, de quo alibi vidimus, Opprobria exprobrantium tibi, ceciderunt super me, Psal. 69. 10. Neque enim rhetoricos colores persuadendi causa fictè inducunt, sed profuturũ se ita felicitos esse de propria salute, vt pluris tamen æstiment Dei gloriã, sicuti meretur. Postea rationẽ assignant cur inter sit Dei gloriã ipsos seruari: quia scilicet scõdus pepigerat, quod impii iactassent abolitum esse & extinctũ. Atque hoc modo & irritũ Dei gratiam, & vanas promissiones esse dixisset. Deo itaque gratiã suam obiciunt, deinde fidem, quarum veranque manebant impiæ calumniæ, si populum quem æterno scõdere sibi deuinxerat & quem adoptauerat gratuita misericordia, frustratus esset. Nunc quum nos quoque Deus Euangelii sui participes faciens, in corpus Filii sui inferere dignatus sit, licebit idem in medium afferre.

3 *Atqui Deus noster.* Iam fideles sancta audaciã se magis animant ad precandum: quia scimus irritas esse nostras preces, si inter dubitationes fluctuamus. Si in eorum animos penetrasset illa blasphemia, futurũ erat lethale vulnus. maturẽ igitur clypeum opponunt: atque ideo abruptum orationis filum. Mox suo loco secundum membrum tractabimus, vbi gentium idolis prauisque superstitionibus insulant. nunc singula verba huius sententiæ expendere operæpretium est. Deum in calis locando, non includunt aliqua loci circumferentia, neque cancellos circumdant immẽsa eius essentia: sed negant finitã esse eius potentiam, vel alligatam humanis mediis: negant obnoxiam esse Fato vel Fortunæ: denique totum mundum subiciunt eius imperio, vt superior omnibus



omnibus obstaculis, libere quicquid visum est exequatur. Quod clarius exprimitur secundo membro *quæcunque vult facit*. Quomodo igitur in cælis Deus habitat? Quia subiectus est mundus eius arbitrio, ut nihil ob stare queat quominus impleat quicquid decreuit. Est autem insignis doctrina, Deum facere quæcunque vult, modo aptetur in verum & legitimum usum. Hæc admonet, ne curio si vel proterui homines licentiam sibi pro more arripiant transferendæ sanæ doctrinæ in phrenetica deliria. Et plus satis quotidie perspicimus hac in parte humani ingenii lasciuia: quia plurimi de hoc mysterio, quod reuerent in primis suspicere decebat, sine ullo pudore & modestia blaterant. Porro ut ad nos redeat huius doctrinæ utilitas, notare convenit cur dicatur facere Deus quæcunque vult: nempe quod Deo plena suppetat facultas ad tuendam Ecclesiæ suæ salutem: deinde quum omnes creaturas contineat sub manu sua, nullo obstaculo prohiberi quominus sua consilia perficiat. Quanquam ergo vident fideles præclusas sibi esse omnes salutis vias, colligunt tamen animos: quia Deus non solum omnibus impediens superior est, sed ipsi etiam utitur ad viam sibi sternendam. Interea simul hoc tenere necesse est, fieri omnia solius Dei decreto, nihil autem fortuito contingere. tantum de usu doctrinæ præfari oportuit, ut se cohibcant mentes nostræ nequid imaginentur indignum Dei gloria, sicut solent erratici spiritus. Sumpto illo principio, ne pudeat nos ingenuè fateri, Deum sic æterno consilio moderari omnia, ut nihil fiat nisi ipso volente & ordinante. ideo appositè & scitè Augustinus hoc testimonio probat, non simpliciter Dei permisso accidere que videntur nobis absurda, sed nutu etiam & decreto. Nam si facit Deus noster quæcunque vult, cur permitteret fieri quæ non vult? Cur diabolus & omnes impios sibi repugnantes non coercent? Si medius fingitur inter actionem & passionem, ut toleret quæ fieri non vult: erit igitur otiosus in celo, ut Epicurei sonant. Quod si fatemur Deum consilio præditum esse ut mundum, cuius est opifex, curet ac

gubernet, nullamque negligat eius partem: inde sequetur, quicquid fit, ipso volente fieri. Qui obganiunt, Deum hoc modo fore malorum auctorem, peruersi sunt dialectici. Nec verò si impuri sunt canes, latratu suo efficient ut metuitus sit propheta, vel Deo eripiant mundi gubernationem. Si nihil fit nisi ex Dei consilio & decreto, videtur peccata non reprobare. Atqui habet arcana suas causas & nobis incognitas, cur fieri velit quod faciunt peruersi homines, non tamen pro vitioso eorum affectu. Voluit Deus Ierosolymam excidi: volebat hoc idem Chaldeos, sed alio modo. ac tamen si Babylonios sapius appellet milites suos conductitios, dicat excitatos suo sibilo, Iesa. 5. 26, imò gladium manus suæ: non tamen propterea dicemus fuisse eius socios: quia longè diversum fuit consilium: ut in excidio Hierosolymæ refulgeat Dei iustitia, Chaldeos sua libido, avaritia, & crudelitas mentis cõdemnet. Quauis ergo fieri velit Deus quicquid fit in mundo, non tamen quicquam mali vult fieri: quia etsi incomprehensibile nobis est eius consilium, optima tamen ei ratio semper cõstat. Quod si nobis sufficit sola eius voluntas, ut certò persuasi simus, quauis iudicia eius sint abyssus profunda, Psal. 36. 7: illic tamen regnare summam iustitiam: hæc inscitia longe doctior erit toto eorum acumine qui opera eius captu suo metiri audent. Iam & hoc rursus notandum est, si facit Deus quæcunque vult, ipsum fieri nolle quæcunque non sunt. Quod in primis vile cognitu est. sæpe enim, quæ ad Ecclesiæ afflictiones conuiert Deus ac quiescit, quærimus cur sinat eam tabescere, cui succurrere in manu eius est. Avaritia, fraudes, perfidia, crudelitas, ambitio, superbia, libidines, ebrietas, omne denique genus corruptelæ hodie grassatur in mundo: quæ mox cessarent si Deo placeret adhibere remedium. Quare hoc nobis tolerantia frænum sit, dum videtur torpere Deus, vel facultate destitui ad opem ferendam, nolle tam subito, quia morâ & dilatione utilem esse nouit: volentem certè sua dissimulatione ferre quæ momento cor rigere posset, si libéret.

- 4 *Idola eorum, argentum & aurum, opus manuum hominum.*  
 5 *Os illis, & non loquentur: oculi illis, & non videbunt.*  
 6 *Aures illis, & non audient: nares illis, & non olfacient.*  
 7 *Manus illis, & non palpabunt: pedes illis, & non ambulabunt: non clamabunt gutture suo.*  
 8 *Similes illis erunt qui faciunt ea, quisquis confidit in ipsis.*

4 *Idola eorum.* Hæc antithesis in hunc finem referri debet, ut melius spēs suam confirmet pii, quæ recumbunt in unum Deum: quia extra ipsum quicquid diuinitatis concipiunt hominum mentes, stultum est ac delusorium figmentum. Nam certè totius mundi errorem & insaniam cognoscere non parum prodest ad veræ pietatis confirmationem, dum ex altera parte occurrit Deus, quæ certò scimus esse terræ & cæli opificem nec frustrare vel fortuito a nobis coli. Porro quo fortius retundat impiorum petulantiam, qui Deum cum electo populo superbo despiciere audebant, contempnimus deinde fallaces eorum deos, primum idola vocans, hoc est res nihili: deinde, quia conflati sint ex mortua materia, vigore & sensu carere arguens. Quid enim magis præposterum, quam ab illis quicquam opis sperare: quando neque materia, ex qua fabricantur: neque forma, quæ accedit ex manu hominum, ullam in se continent diuinitatis guttur, quæ reuerentiam illis conciliet? Interca tamen subindicat Propheta, pretium materiæ nihil dare præstantiæ idolis, ut pluri fieri mereantur. Ideoque aduersariæ resoluti potest oratio: quanvis aurea sint & argentea, non esse tamē deos quia sint opus manuum hominis. Nam si simpliciter materiam vilipendere propositum fuisset, potius vocasset lignum & lapidem: nunc verò auri tantum & argenti meminit. Interca tamen Propheta nihil minus consentaneum esse admonet, quam homines vel essentiam, vel formam, vel honorem etiam Deo conferre, quando ipsi precariū euanidū spiritum trahunt. Vnde sequitur, stultè gloriari Gentes deorum suorum auxilio quibus originem dederunt. Nam vnde idolis principium, nisi ex hominum ar-

bitrio? adest ad manum materia: liberum esset non modo pateram aut vas aliud fingere ex auro vel argento, sed matulam quoque: deum fingere magis liber. Quid magis ridiculum quam nouæ mæstæ accedere nouæ deitatis? Saltem etiam addit Propheta, quanvis membra suis simulachris formet Gentes, non posse vel motum aliquem vel vsum dare. Eo itaque præclarior secum agi intelligunt fideles, quia indubiè stat verus & vnicus Deus ab eorum parte: quando constat Gentes omnes frustra superbire umbrarum præsidio. Quanquam latius extendi debet hæc doctrina, quia inde generaliter colligimus, perperam Deū quæri sub externis figuris, quæ nihil simile vel affine habent cælesti eius gloriæ. Nisi enim hæc sententia hodie tenetur, Gentibus in promptu fuisset exceptio, iniuste se damnari: quia etsi idola sibi in terris conflabāt, persuasi tamē erant Deū in cælo esse. Neque enim Iouē putabant vel lapideū esse, vel aureū, vel fictilem, sed representari sub his signis. Vnde enim loquutio illa, Supplicare ad deos, nisi quod simulachra putabant esse quasi deorum personas? Non habent, inquit Cicero, Siculi deos, ad quos precentur. Barbarè hoc diceret, nisi hæc infixæ fuisset opinio vulgi animis, deorum cælestium figuras sibi ante oculos versari in ære, vel argēto, vel marmore. Sed quia deos sibi propiores putabant, quam ad simulachra accederent: meritò delirium hoc exagitat Propheta quod deitatem includant corruptibilibus signis: quia à natura Dei alienum est, sub lapide, frusto marmoris, vel ligno & trunco, vel ære, vel argento habitare. Et hac ratione vocat Habacuc cap. 2. 8, magisterium salutatis, crassam illam colendi Dei formā. Notanda præterea est ista

ista infectatio, *Os illis, & nō loquentur.* Cur enim ad Deum confugimus, nisi quia vita nostra ab eo pendet, in eius manu est salus nostra, penes eum residet bonorum omnium copia & iuandi facultas? Quid ergo absurdius quàm à simulachris petere quod illis deest, quum & motu & sensu careant?

8 *Similes illis.* Multis videtur esse imprecatio: itaque futurum tempus optandi modo vertunt, Similes fiant. Sed non minus rectè conuenit subsannatio, si affirmeret Propheta idololatrias non minus esse stupidos quàm si trunci esset vel lapides. Merito autem tam acriter inuehitur in homines naturaliter ratione præditos, quod se ipsos abdicent omni ratione & iudicio, sensūque communi priuent. Nam qui à rebus mortuis vitam petunt, nonne quantum in se est extinguūt omne rationis lumē? Summa est, siqua esset gutta sanæ mentis, non tribuerent operibus manuum suarum deitatem, quibus sensum dare nequeūt. Et certè hoc vnum sufficit ad tollendum ignorantia prætextum, quod præter naturæ rationem falsos deos sibi fabricant. Vnde sequitur, sponte claudere oculos, obducere sibi tenebras, seque ob stupefacere: quæ voluntaria cæcitas eos, prorsus inexcusabiles reddit: ne obtendere liceat, errorem à pio zelo profectū esse. Nec mihi dubium est quin Propheta titulum ac colorem ignorantia discutere voluerit: quia sponte obrutescunt homines. *Quisquis confidit.* Hinc clarius patet cur tantopere abominetur Deus simulachra: quia scilicet ferre nequit cultum sibi ereptum ad eam transferri. Nihil Deo magis proprium, quàm ut mundus agnoscat eum esse vnicum salutis authorem: quicquid opus est, petat

ab eo solo & expectet. Ideoque spoliatur debite cultu, & quasi in nihilum redigitur eius maiestas, quoties alibi locatur fiducia. Sacrilegium hoc Propheta acculat, sicuti etiam multis locis zeolotypiæ confertur Dei indignatio, quoties videt idola & commentitios deos suis spoliis ornari. Siquis statuam fingat ex marmore, vel ligno, vel ære, si conflaret ex auro, vel argento non esset hoc per se tam execrabile: sed vbi Deum suis figmentis tentant asfigere, & quasi ipsum elicere è calos in eius locum substituitur mera falsitas. Verum quidem est falsificari (vita loquar) Dei gloriam simul ac induitur forma corruptibilis: (Cui similem me fecistis? clamat per Iesaiam, 40. 25, & 46. 5, & plena est Scriptura talibus testimoniis) duplicatur tamen contumelia vbi eius virtus, gratia, & potestas in idolis inclusa creditur. Quanquam morbi sunt ferè inseparabiles, idolis alligare suam fiduciam postquam fabricata fuerint. Vnde enim tam cupidè appetit mundus lapideos vel ligneos deos, vel fictiles, vel ex quauis terrena materia: nisi quia Deū imaginantur à se remotum, donec aliquo vinculo cōstrictum teneant? Quia igitur nolunt Deum spiritaliter querere, terra aut ex suo solio, mortuis elementis subiiciunt. Hinc fit ut præces dirigant ad simulachra, quia in illis putant propinquas sibi esse: Dei aures, oculos etiam, & manus. Dixi, vix posse duo hæc vitia distinguere, quin diuinum numen idolis arrogente quicunque eas fabricando, Dei veritatē conuertunt in mendacium. Propheta tamen consilium fuit, ut nuper admonui, præcipuum sacrilegium damnare: & quod maximè detestabile est quum dicit idolis *confidere* incredulos.

9 *Israel confide in Iehoua, auxilium eorū; & clypeus eorum ipse.*

10 *Domus Aaron confidite in Iehoua, auxilium eorum & clypeus eorum ipse.*

11 *Qui timetis Iehouam confidite in Iehoua, auxilium eorum & clypeus eorum ipse.*

12 *Iehoua recordatus est nostri, benedicet, benedicet do-*



*mui Israel, benedicet domui Aaron.*

*13 Benedicet timētibus Iehouā, paruulis simul cū magnis.*

*14 Adiciet Iehoua super vos, super vos, & super filios vestros.*

*15 Benedicti vos à Iehoua qui fecit calum & terram.*

9 *Israel confide.* Iterum ad illud doctrinæ caput reuertitur Propheta, non esse timendum veri Dei cultoribus, ne ipsos in necessitate deserat vel frustretur: quia tam propensus est ad curandâ eorum salutem quam potentia instruetus. Cæterum primo loco hortatur Propheta totum Israel in genere ad fidendum Deo: deinde nominatim cōpellat domum Aaron: tertio ponit timentes Deum, cuius ordinis optima est ratio: quia Deus promiscue adoptauerat totum populum, omnibus etiam exposita erat eius gratia, ut deberent communiter in eo spes suas figere, quo sensu dicit Paulus, *Act. 26. 7.* duodecim tribus Israel expectare promissam redemptionem. Non abs re igitur Propheta totum Israël initio complectitur. Rursum tamen, quia peculiariter elegerat sibi Deus Leuitas, præcipuè verò Sacerdotes ex domo Aaron, qui aliis præirēt, essentque religionis auctoritates, plus ab ipsis quam reliquo vulgo requirit: non quod specialis salus illis promissa esset, sed quia æquum erat viam aliis ipsos monstrare, sicuti aditus in Sanctuarium patebat: ac si diceret Propheta, Vos filii Aaron, quos Deus religionis magistris populo suo esse voluit, estote aliis exemplū fidei, quando singulari honore vos dignatus est, Sanctuarium suum vobis aperiens.

11 *Qui timetis Iehouam.* Non loquitur de alienigenis, ut falsò quidam putant, quasi de Gentium vocatione esset vaticinium, quia enim filiis Israel & filiis Aaron eos adiungit, putant incircuncisos notari, qui nondum collecti essent in ouile. Sed eodem argumento colligere liceret Sacerdotes non esse ex genere Abraham, quia seorsum de illis facta est mentio. Quin potius si best correctio in his verbis, quæ veros Dei cultores ab hypocritis, qui degeneres erant Abraham filii, discernit. Quoniam ergo multi carnales Abraham filii descuerant

a fide patris, promissionem ad eos restringit Propheta, qui eam fide amplexi syncrè Deum colebant. Atque nunc tenemus cur per tres istos gradus progressus fuerit: quemadmodum si quis hominē exhortationem dirigat, primò ad totum Ecclesiæ corpus, postea descendat specialiter ad ministros & doctores, qui debent aliis esse antesignani. Quia verò inani Ecclesiæ titulo fallaciter multi se venditāt, idēoque cēseri non merentur in germanis Dei filiis, distincte nominat puros & non fucatos Dei cultores.

12 *Iehoua recordatus est.* Plerique verbum *benedicendi* in præterito tempore vertunt, ac si proposita experientia temporum superiorum fideles ad bene sperandum incitet, hoc modo, iam longo vsu didicimus quid valeat Dei nostri fauor: quia non aliunde nobis & prosperitas, & bonorum omnium copia, & stabilis conditio. Sumit enim principiū illud quod nobis omnibus persuasum esse debet, nos bene & feliciter nunquam habere nisi quatenus Deus benedicit. Iam quia toties erepti fuerant Israelitæ ex multis periculis, toties in necessitate adiuti, tam liberaliter tractati, totidem erant clara gratiæ Dei erga ipsos documenta. Quia tamen nulla ratio cogitur ut in verbis tempus mutare optimè etiā conveniet, fidelibus eandē promittit quā antè expertierant gratiam, ita sensus esset, Deus hætenus fœderis sui memor, nos respexit: ergo eius benedictio, sicuti cœpit, ad finem usque in nos defluet. Eundem verò ordinē repetit, filiis Aaron superiore gradum tribuens in benedictione Dei, laruos autem Israelitas ab ea excludēs. Dicit *pusillos cum magnis*, hac circumstantia magis commendans paternam Dei indulgentiam: quia ne vilissimos quidem & contemptissimos negligat, qui modò ex anime eius fidem implorant. Iam quum nulla sit personarum acceptio apud Deum, ne ab accessu nos absterreat ignobilis & abiecta-

ieſta noſtra conditio, quando tam comiter inuitat qui nullius videntur eſſe pretii. Repetitio etiam in verbo *benedicat*, aſſiduum gratiæ curſum designat. Si magis placeat tempus præteritum retinere, ſenſus erit, longa ſerie fluxiſſe Dei beneficentiam erga populum quæ certa eſſet perpetui amoris probatio. Et hunc ſenſum adiuuat proximus verſus, ubi Deū *multiplicaturum* dicit quæ hætenus beneficia contulerat. Quia enim fons eſt inexhauſtus Dei liberalitas, nūquam deſinit curſum ſuum tenere, quando ſuæ ingratitudinis obſtaculo eā homines non arcant. Vnde ſequitur, ad poſteros quoque manare: quia Deus adoptionis ſuæ gratiam & fructum in mille generationes propagat.

15 *Benedicti vos.* Proximo verſu ſpem fecerat Propheta perpetuæ fæli-

citatis: quia largiendo nunquam aſcendit immenſa Dei facultas, & locupletare nunquam deſinit quos ſemel fecit ſuæ beneficentiæ participes. Nunc confirmandæ huius doctri-næ cauſa, filios Abrahamæ, commemorat ſelectos eſſe à reliquis Gentibus, vt hoc privilegio freti, non dubitent totos ſe tam benigno & benefico patri addicere. Iam quia caro pro ſua tarditate non apprehendit Dei potentiam, cuius cognitio nos ſub Dei præſidio quietos & ſecuros continet: Propheta *Cali & terra opificem* vocans, admonet minimè timendum eſſe ne ipſe vnus ad nos tuendos ſufficiat. Neque enim ſic creauit Deus cælum & terram vt nunc ſedeat otioſus in cælo, ſed vt ſuo imperio moderetur quicquid ſemel condidit.

16 *Cali cali lehoua: at terram dedit filiis hominum.*

17 *Non mortui laudabunt te Deus, neque omnes qui deſcendunt in ſilentium:*

18 *Nos autem benedicemus Deo ex nunc & uſque in ſeculum. Halelu-lah.*

16 *Cali cali lehoua.* Hic bonitatem Dei, paternūque erga humanum genus amorem commendat Propheta, quod, quum nulla re indigeat ipſe, mundum tamen cum ſuis opibus in vſum hominum condiderit. Quorſum enim tanta bonorum varietate (quæ vbique ſe ingerit oculis noſtris) reſerta eſt terra, niſi quia Deus, vt prouidus paterfamilias, neceſſitatibus noſtris conſuluit? Quotquot ergo commoditates hic percipimus, totidem ſunt paternæ eius curæ teſtimonia. hoc Prophetæ conſilium eſt, quod miror tam ſecurè à perſisque inter pretibus negligi. Summa eſt, Deum gloriæ ſuæ contentum, terram locupletariſſe copiis omnibus, nequid hominibus deeſſet, Deum autem omni terrena opulentiâ poſſe carere probat, quoniam inhabitat cælus. nam certe neque vinum, neque triticum illic naſcitur, neque alia vitæ ſubſidia. vnde ſequitur, Deo non eſſe opus quicquam extra ſe querere. atque huc ſpectat duplicatio. Cali cali Deo ſufficiunt: & quia nullis adminiculis indiget, ipſe ſibi eſt pro centum mun-

dis. Reſtat igitur hoc ſecundū, quicquid eſt in mundo opulentiæ, clamare alta voce quā, beneficus pater ſi Deus erga homines. Quum verò de incompara biliſta Dei bonitate concionatus eſſet Spiritus ſanctus, mirum eſt huius doctri-næ nullum fuiſſe guſtum. Canebant ſub Papatu, ſicuti hodie faciunt Pſalmum hunc in templis: ſed an centeſimus quiſque expendit, Deum, omnia nobis largiendo, nihil ſibi præter gratiarū actionem reſiduum facere? Neque in eo tantum ſe prodit mundi ingratitudo, ſed ſæpius ad craſſam & nimis pudendam blaſphemiam vulgò prorumpere auiſi ſunt petiti nebulones, quibus hæ verſus iocofi dictarii loco fuit, quū Deum in cælo deliciari dicerent, nec curare res humanas. Et quum Propheta huc diſerte exprimat, Deo, non alia in re vtilē eſſe mundum niſi vt paternæ erga homines eius ſollicitudini ſeruiat, verba Propheta in ludibrium torſerunt porci iſti & canes aſi propter longam diſtantiā homines non reſpiceret. Ceger hio memorabilē huiſtoriam reſerte. Accidit

nobis in diuersorio quodam cœnanti-  
bus profanus Dei contemptor sermones  
nostros de spe cœlestis vitæ deridens,  
subinde ludibrium hoc euomeret, Cæ-  
lum cæli Domino. illic repente correptus  
diris torminibus cœpit vociferari  
O Deus, O Deus. atque vt erat parulo  
guttore, boatu suo replebat totum cœna-  
culum. Ergo qui in eum seuerè excādue-  
ram, perrexi meo more, stomachosè de-  
nuntians vt tunc saltem sentiret non im-  
punè Deo illudi. Vnus ex conuiuis qui  
hodie adhuc superstes est, homo probus  
& religiosus, sed tamen facetus, hac op-  
portunitate in alium finem vsus est: Tū-  
ne Deum inuocas? an philosophiæ tuæ  
oblitus es? cur nō in suo cælo finis quies-  
ceret? Et quoties ille tonabat, O Deus,  
hic alter subfannās regerebat, Vbi nunc  
est illud tuū, Cælū cæli Domino? Ac tūc  
quidē leuatus est: sed quod reliquū fuit  
vitæ, in suis impuris sordibus transiit.

17 *Non mortui, &c.* Hic vltā pro-  
greditur Propheta. Deūque precatur  
vt hac saltē de causā Deus se placabilē  
exhibeat suæ Ecclesiæ, ne scanditus inte-  
reat humanum genus: & sint qui nō mo-  
do fruuntur eius beneficentiā, sed nomē  
etiam inuocent ac celebrent. Postquam  
enim peculiārē erga Israelitas Dei gra-  
tiam & deinde beneficentiā qua pro-  
sequitur totum genus hominum, lauda-  
uit Propheta: nunc ad Dei misericordiā  
cōfugit, vt populi sui peccatis ignoscat.  
Sumit autē principiū illud, Quum profa-  
næ gentes se ingurgitent Dei beneficiis,  
solum genus Abrahæ ad canendas eius  
laudes esse electū. ac si diceret, Domine  
quid fiet si nos perire sinas, nisi vt nomē  
tuum nobiscū extinctū sepeliatur? Sed  
hic exoritur quæstio: quia videtur priua-  
re sensu omnes mortuos, atqui si animæ  
ex corporū ergastulis egressæ, sunt super-  
stites, alacrius tūc eas vigere certū est.  
vnde sequitur, Deum à mortuis quoque  
laudari. Adde quod domicilium homi-  
nibus in terra assignans, ita ipsos à Deo  
separat vt communem tantum cum bru-

tis animalibus resinquat vitam. Neque  
enim solis hominibus data est terra, sed  
bobus quoque, porcis, & canibus, leoni-  
bus & vrsis, imò & insectis quibuscūbet.  
nulla enim musca est, nullus pediculus  
cui domiciliū nō præbeat terra. Primæ  
quæstionis facilis est solutio: quia in ter-  
ra ideo locati sunt homines, vt vno qua-  
si ore inter ipsos Dei laudes personent.  
Ad hanc symphoniam respexit Propheta,  
sicuti & Scriptura aliis pluribus locis,  
Non moriar, sed viuam, & narrabo o-  
pera Domini, Psal. 118. 17. Dicebat etiā  
pius Rex Ezechias, Isai. 38. 19, Viuens  
viuens ipse confitebitur tibi. Dicebat etiā  
Jonas 2. 10, e ventre ceti cictus, Im-  
molabo, vota reddam Domino. Deni-  
que quia hic nobis viuendi finis est vt si-  
mus in terra præcones gloriæ Dei, non  
est autem talis inter mortuos commu-  
natio & societas, vt mutuò laudes Dei  
inter se cōcinant: merito Propheta par-  
tes laudandi Dei mortuis adimit. Hinc  
alterius quæstionis pendet solutio. dicit  
Propheta terrā hominibus esse datam,  
nempe vbi se exercent in Dei cultu, do-  
nec fruuntur æterna sua felicitate. Nā  
quum ad pecudes & feras perueniāt ter-  
ræ opes, præcipuè tamen in vsum homi-  
num creata esse omnia Spiritus pronun-  
tiat, vt Deum inde Patrem agnoscant.  
Concludit tandē Propheta, Nisi Deus  
Ecclesiā cōseruet, inuersum iri totū natu-  
ræ ordinē, quia irrita erit mūdi creatio,  
nisi sit aliquis populus qui Deū inuocet.  
Inde colligit reliquias aliquas sēper fo-  
re superstites, nec solum promittit inco-  
lumem fore Ecclesiā, sed qui in hunc  
modum seruati fuerint, eos ad gratitu-  
dinem hortatur: imò se omnium nomi-  
ne ad canendas Dei laudes obstringit.  
Nec verò de vnus tantum seculi homi-  
nibus habetur sermo; sed de toto Eccle-  
siæ corpore. quod ideo propagat Deus  
per continuas ætatum series, vt testes  
semper ac præcones habeat suæ iusti-  
tiæ bonitatis, ac misericordiæ.

### ARGVMENTVM PSALMI CXVI.

David ex summis periculis ereptus, quā diros animi cruciatus & anxietates perpeffus fuerit, & in le-  
uante quā mirabiliter à Deo seruatus fuerit, recitat. Nam ex ipsa desperatione clauis enituit Dei virtus  
in resuscitando salutem, quia spes omnes peccatis erant, nisi Deus illi opem tulisset. Hoc modo se ad gratias a-  
gendas incitat, & fatetur nullum aliud suppetere compensationis genus pro innumeris beneficiis.

Psalmus CXVI.



**D**ilexi, quia exaudiet Iehouah vocem precationis meae.  
*Quia inclinavit aurem suam mihi & in diebus meis inuocabo.*

3 *Circumdederunt me laquei mortis. & angustia sepulcri inuenerunt me: tribulationem & dolorem inueni.*

4 *Et in nomine Iehoua inuocabo: obsecro Iehouah libera animam meam.*

1 *Dilexi, quia &c.* Hic ab initio David testatur se dulcedine bonitatis Dei ille & in ipso vno quiescere. Nam defectiua loquutio magis emphatica est, quae exprimit nusquam sibi vel gaudium esse vel quietem nisi in vno Deo. Scimus enim, donec sibi Deus animas nostras penitus deuinciat, semper vagari post inanes illecebras, & inquietudine feruere. Hunc morbum in se curatum esse asserit David, quia certè seferit Deum sibi esse propitium: & quia experius est in solidum beatos esse quicunque Deum inuocant, nullis se deliciis ab eo abstractum iri prædicat. Istud ergo Dilexi, tantundem valet ac si negaret sibi quicquam suae fore extra Deum, vel delectabile. Vnde colligimus, malè proficere in experientia gratiae Dei, qui ab eo exauditi, non se penitus ipsius fidei tradunt. Eodem & secundus versus pertinet, nisi quòd secunda pars sensum commodum admittit, de quo tacent interpretes. Nam quòd dicitur, *In diebus meis inuocabo*, sine controuersia ita exponunt. Ego, cui tam faeliciter antehac successit Deum orare, toto vitæ curriculo in hoc cursu pergam. Sed videndum est annon aequè conueniat, accipi *dies Davidis* pro opportuno querendae opis

tempore, quum scilicet angustiae vrgerent. Neque futurum tempus moror in verbo **קָרָא**: quia & primo versu verbum Exaudiet de tempore præterito haud dubiè capitur. tunc verò copula resoluenda esset in aduerbium temporis: quod Hebraeis satis tritum est. Contextus autem hic optimè cohaeret. Quia aurè mihi præbuit dum eum aduersis meis temporibus inuoco, adeoque in ipso articulo vltimæ necessitatis. Quòd sicui magis arrideat prior expositio, non contendam: quæ tamen sequuntur, magis videntur huic secunda suffragari: quia exegeticè incipit referre David quinam dies illi fuerint. Ceterum vt gloriam Dei pro merito illustret, nullum sibi à morte exitum fuisse prædicat. quemadmodum si quis apud hostes manici & compedibus ligatus, omni spe redemptionis priuatur. Fateatur ergo se morti fuisse mancipatum, se deprehensum ac captum fuisse, vt nulla euasio reliqua esset. Quemadmodum autem se mortis angustias dicit fuisse constructum, ita etiam addit se incidisse in tribulationes & dolores. Hic verò iam confirmat quod nuper dixit, quum videri possit procul à Deo reiectus, sibi hoc maxime oportere num fuisse tempus orandi.

5 *Clemens Iehoua & iustus, & Deus noster misericors.*

6 *Custodiens simplices Iehoua: extenuatus sum & me seruauit.*

7 *Reuertere anima mea in requiem tuam, quia Iehoua rependit super te.*

8 *Quia eripuisti animam meam à morte, oculum meum à lachrymis, pedem meum à lapsu.*

9 *Ambulabo coram facie Iehoua in terris uiuorum.*

5 *Clemens.* Iam illius dilectionis de qua meminit, fructus profert, Dei elogia sibi proponens, quæ ad fidem in eo retinendam valeant. Primum vocat *clementem* quia gratus ad auxiliandum propensius est. Hinc nascitur iustitia quæ exierit ad suos tuendos. Misericordia porro adiungitur, sine qua indigni sumus quibus Deus succurrat. Et quia afflictiones quæ interveniunt, sæpe videntur iustitiæ præcludere ianuam, hinc sequitur, nihil suavius esse quam acquiescere in eo solo, ut paternus eius favor sensus omnes nostros contineat, nec aliò nos rapiat vlla oblectatio aut voluptas. Vsum deinde clementiæ & iustitiæ Dei ac commodat *ad custodiendos simplices*, nepe qui consilio destituti, sibi ipsis prospicere nequeunt. Accipitur hoc nomen *ἰσχυρὸς* sæpe in malam partem pro inconsideratis & stultis, qui recto consilio non obtemperant, sed nunc simplices vocantur qui patent iniuriis, qui cavendis insidiis minimè sunt solertes, qui denique faciliè circumveniuntur, quum filii huius seculi tam astu polleant, quàm rationibus sint instructi ad se protegendos. David ergo se fatetur instar pueri fuisse, qui sibi consulere nequiret, & ad repellenda discrimina quibus erat obnoxius, minimè idoneus esset. Ideo Græcus interpretes non malè reddidit *ταπεινός*. Summa est, ubi neque prudentia, neque ratio miseris suppetit ad repedienda effugia, Deum pro ipsis sapere, & arcanam providentiæ suæ custodiam opponere periculis omnibus quibus impetitur ipsorum salus. Tandem exemplum in se David proponit, quòd redactus ad sumam inopiam, integrum statum per Dei gratiam receperit.

7 *Revertere anima.* Iam se ad collegendum animum hortatur: imò animam suam alloquens, tranquillam esse iubet: quia Deus se propitium exhibuerit. Quòd interpretes quidam sub *quietis* nomine Deum intelligunt, coactum est: potius enim pro tranquillo & bene composito animi statu accipitur. Fatetur enim David se graviter fuisse percutsum & iactatum inter multas agitationes. sicuti quisque nostrum sibi conscius est propriæ inquietudinis, ubi undique mor-

tis terrores impendent. Quamvis ergo rara fortitudine excelleret David, maioris tamen impulsu tumultuatus est: & interior concussio animi eius adeò turbavit ut merito queratur se fuisse quiete sua priuatum. Nunc Dei gratiam sufficere dicit ad sedandas istas perturbaciones. Queritur tamen an sola experientia gratiæ Dei, metum & trepidationem in animis nostris sanet: quia se posthac tranquillum fore David prædicat, quod subleuatus fuerit Dei auxilio. Si autem fideles non aliter quietem suam recuperant nisi quatenus se illis exhibet Deus liberatorem, quisnam erit fidei locus, & quæ vis promissionum? Nam hæc certè est fidei probatio, dum placide & in silentio expectamus quæ Deus occultat fauoris sui signa. Fides autem ubiq;que viget tranquillat cōscientias & mētes ut pax Dei quæ exuperat omnem sensum, illic obteat palmam, sicut dicit Paulus Philip. 4. 7. Itaque pii, quamvis labascat torus mundus, resident in sua statione. Quid ergo sibi vult iste reditus ad quietem? Respondeo, quamvis sursum & deorsum versentur filii Dei, suam tamen illis fulturam manere in Dei verbo, ne prorsus excidant. Cæterum, quamvis promissionibus Dei freti se renunciant in eius providentiam, laborant nihilominus inquietudine & inter tentationum procellas miserè æstuant. Vbi autem succurrit Deus, non modò pax interior custodi eorum mentes, sed hilaritatis & latitiæ materiam concipiunt ex manifesta eius gratia, De hac altera quietis specie nunc tractat David, tempus esse dicens, quamvis in anima sua praua luerint tumultus, ut iam se placidè in Deo oblectet *ἡσυχά* improprie verunt repèdere, qui generaliter Hebræis tam conferre beneficium, quàm mercedem rependere significet: idque confirmat proximo versu animam suam à morte creptā esse dicēs, &c. Hæc igitur est retributio (ut ita loquar) quòd Deus a morte eū liberā, lachrymas absterse rit ab eius oculis. Est autè inuersus ordo verborum: quia more nostro dicendum fuit potius, Eripuit pedes meos à lapsu, oculos meos à lachrymis: imò eripuit animā meā à morte. quia quod præcipuū

est solem? extremo loco ponere, sed Hebraeis hæc series verborum minime absurda est: quæ sic resoluta debet, Non tantum asseruit me Deus à presenti morte, sed liberalius egit mecum, tristitia mihi discutiens, & manum mihi porrigens, ne impingerem. nam est amplificatio gratiæ Dei quod pene exanimem in vitam restituit.

9 *Ambulabo.* Hic Ambulare coram Deo, tantum mihi valet atque agere sub eius cura. Hinc David fore sperat ut sua incolumitate semper fruatur. nihil enim

optabilius est quam Deo pro nobis excubias agere, vitam nostram inclusam esse sub eius custodia. Itaque sicuti impiorum securitas est, procul a Deo recedenda: hoc vno pii se beatos aestimant, quod Deus totam eorum vitam dirigat. Victurum ergo se David prædicat: quia Deum habeat vitam suam custodem. Nam quod addit *in terra vivorum* huc spectat, actum de nobis esse, & singulis fere momentis instare novos interitus, si nostri obliuiscatur.

10 *Credidi, quia loquar: ego afflictus sum valde.*

21 *Ego dixi in trepidatione mea, Omnis homo mendax.*

10 *Credidi.* Iterum recitat quam magno in discrimine versatus sit quo melius eluceat liberationis miraculum. Sed præfatur se ex syncero animi sensu loqui, nec aliud ore proferre quam quod diu meditatum & probe concitum habuerat. Hoc enim valet particula, *Credidi* quia loquar, verba ex serio animi affectu proficisci. Paulus, 2. ad Corinth. cap. 4. 13, locum hunc citans, Græcam versionem sequitur, *Credidi*, propterea loquutus sum. Sed quia alibi admonui Apostolis non fuisse propositum singulas voces aut syllabas referre, sufficiat Davidis verba natio sensu propriè aptari ad causam quæ illic à Paulo tractatur. Postquam enim oblique perstrinxit Corinthios, qui tanquam ex præpti communi sorte hominum, se supra nubes efferebant: *Credidi*, inquit propterea loquutus sum: qui semel excitavit Christum à mortuis, Christi quoque vitam ad nos usque extendit: hoc est, ego credo, & ideo loquor. Inde colligit, stultitia iactantia superbire Corinthios: quia non humiliter amplexentur Christi crucem quum eodem fidei Spiritu ipsos loqui deceat. Quamvis autem Hebraei quidam Interpretes particulam *Quia* aduersariè accipiant, rectior tamen sensus est, quem etiam doctissimi probant, Non loquar nisi quod animo concepi. circumstantia enim loci hoc exigit, externam linguæ professionem cum vero cordis sensu congruere: sicut multifutilliter garriunt quod nunquam in animos eorum penetravit. ac si diceret, Nequis putet me futiles iactare hyperbolas, quia loquor, verè

*Credidi.* Vnde colligitur vultis doctrina, fidem non posse in cordibus mortuam latere quin emergat. Spiritus enim sacro vinculo fidem cordis hic copulat cum externa confessione. quæ autem Deus coniunxit, homo ne separet. Itaque perfide totum Dei verbum corrumpunt simulatores, qui fidem libenter obruerent in tenebris. Sed meminerimus exigi à filiis Dei ordinem quem præscribit David, ut ante credant quam lingua protiteantur. Cæterum (ut dixi) de magnitudine periculi sui differit, quo salutem Diuinitus sibi oblatam magis illustret.

21 *Ego dixi in trepidatione mea.* Quiddam nomen *ἰσχυρ* pro festinatione vel fuga accipiunt: atque interpretatur Davidem, quum celeriter fugeret à facie Saulis, sic fuisse loquutum. Sed quia trepidationem metaphorice significat, non dubito quin recitet David se consternatum fuisse animo, ut quasi in præcipitio esset. Quum ergo mentis agitatio eum raptaret, fatetur se propemodum animo concidisse. In secunda parte versus etiam variant interpretes. Quidam Davidem fateri putant se dubitasse de promissione sibi oblata per Prophetam Samuelem. Erat quidem ille testis idoneus: sed quum videret se David patria expulsum, subinde in varias mortes incurere, obrepere potuit tentatio, frustra & de nihilo fuisse unctum à Samuele. Ergo secundum illos, sensus verborum est, Parum absuit quin prorsus in fugam excederem, & promissio mihi data evanesceret, imò putavi vana spe me fuisse deceptum. Alii contrarium sensum



eiiciunt, Davidem scilicet tentationis fuisse victorem, quod quum astute mentem eius Satan ad desperationem attraheret, seipsum mox corripuerit, atque ansam præciderit suæ incredulitati, hoc modo, Quid agis miser, & quò te precipitas? audesne oblique Deo imputare mendacium? imò sit ille verax, tu autem vanus, mendax, ac perfidus. Ego verò generalius hanc doctrinam patere arbitror, quòd scilicet non sibi directè vaticinium hoc proposuerit David: sed animo confusus, inconsiderate se implicauerit Satana laqueis, vt nihil firmi vsquā conciperet. Quanquam enim saepe labascunt fideles vt densas tenebras illis obicit Satan, vt ferè illis euanescat verbum Dei: fundamentum tamen suum non relinquant, neque Deum consultò incusat mendacii: quin potius impiis cogitationibus frantum iniiciunt. Certe quum dicendū verbum Hebraei fixam persuasionem denotet, sicut Gallicè dicimus, *l'ay conclu ou resolu*: non potuit hæc tentatio ferire animum Davidis, quin statim occurreret. Restat igitur quod dixi, Davidem mente obtenebratum, non omnino illo in Deum non respexisse. Et si enim non ex profecto litigant, vel inquirunt fideles siue Deus verax, neque hæc execranda blasphemia quasi formata (vt ita loquar) occupat eorum sensus: quin potius eam, quoties se insinuat, repellunt ac detestantur: contingit tamen interdū

ipsis vsque adeo turbari, vt nihil cernant præter mendacium & vanitatem. Talis fuit in trepidatione sensus Davidis & quidem confusus, ac si crassa nebula aspectum lucis toilerent, Nihil certi est, nihil stabilis: quid credam? quid sperabo? quò confugiam? Atque ita secum non raro disceptant fideles in hominibus nihil certum esse. nam velum est oppositum eorum oculis, quo prohibentur à conspectu lucis Dei, ideòque in terra subsidunt, donec supra calos euecti, veritatem Dei rursus cernere incipiant. Consilium Davidis est (vt nuper attigi) amplificare modis omnibus Dei gratiam. hæc de causa de suis tentationibus verba faciens, se indignum fuisse fateatur quem Deus ope sua subleuaret. debuerat enim se colligere, vt vaticinio innixus, supra omnem diffidentiam se attolleret. Hòc se fecisse negat, quòd mens còfusa nihil præter vanitatem cerneret. Porro quum tam horribili impulsu percussus fuerit, quid nobis fiet, nisi nos Deus fulciat ac retineat? Quod tamen non eò spectat vt dubii & incerti pendean fideles, sed magis sollicitè Deum inuocent. Sedulo autem ad certandum intenti simus: quia incredibiles sunt istæ luctæ donec ad rem ventum fuerit. Quam simul tenendum est, agitationem hanc quasi momentaneam fuisse in Davide, quum scilicet elapsa vaticinii memoria, dubius oberraret.

12 *Quid rependā Iehoua? omnia beneficia eius super me.*

13 *Calicem salutem accipiam, & nomen Iehoua inuocabo.*

14 *Votamea Iehoua reddam nunc corā toto populo eius.*

12 *Quid rependam.* Iam cum admiratione exclamat se magis obtui immensa beneficiorum Dei mole, quàm vt referendæ gratiæ par esse queat. Enphatica enim interrogatio est, qua studium quidem sibi non deesse ostendit, sed rationem minimè suppetere. Quum ergo se non esse soluendo agnoscat, sumit quod residuum est, nempe vt Dei gratiā celebret quibuscunque potest audibus. Cuperem (inquit) officio defungi: sed dum in omnes partes circumspectio, nihil vsquam inuenio compensationis. Quod ad verba spectat, particulam *Super me*

quidam ita exponunt, quasi diceret David residere in animo si o memoriā omnium beneficiorum quæ Deus in ipsum contulerat. Alii subaudiunt particulam *P R O*, sicuti etiam reddidit Græcus in terpres. Sed melius quadrat distinctio post Iehoua. Postquam enim se Deo remunerando imparem confessus est, imò nihil sibi occurrere quod repēdat simul adiūgit, cōfirmādi causa, nō vna tantum beneficii specie se esse obstrictū, sed innumeris: ac si diceret, Quū nullum sit beneficii genus quo non me Deus sibi deuinxerit, quomodo remunerādi facultas

mibi

mihî suppeteret? Quia ergo omnia præmia deficient, cōfugit ad gratiarum actionem: quæ vna solutio, Deo abunde sufficit. Admonet autē hoc Davidis exemplum nō leuiter aut desinctoriē reputanda esse Dei beneficia: quia si pro merito æstimatur, ipsa cogitatio in admirationem rapere nos debet. Nemo enim est nostrum qui nō onustus sit imensa beneficiorum Dei congerie: sed vanitas nostra, quæ animos nostros in erraticas speculationes abstrahit, huius doctrinæ obliuionem inducit, quæ tamē in assidua sui meditatione nos occupare debuerat. Ac eo plus laudis meretur Dei erga nos liberalitas, quod nihil à nobis mutuum expectat, sicuti nec recipere potest: quia nec vlla re indiget, nos verò bonorum omnium inopes sumus ac vacui.

13 *Calicem salutem.* Alludit ad morem vītatū sub Lege. nam quum solennes agerent Deo gratias, adhibebatur etiam epulum, vbi fiebat in signū lætitiæ sacra libatio. Quia hoc symbolū erat liberationis, Calicem salutem vocat. Et verbum *inuocandi* significat nomen Dei celebrare, quod idem clarius exprimit continuū post, vbi dicit se *red diturum voca sua in catu fidelium*: quia nō alibi quā in Sanctuario fas erat offerre sacrificia. Summa huc tendit, non esse magnopere laborandū fidelibus quomodo se liberēt, quia Deus satisfactiones non querit quibus eos scit carere, sed nuda & simplici gratitudine cōrentus est. nam hæc iusta solutio est, fateri omnia illi nos debere. Quod si Deus tā benignē & humaniter nobis indulget, eo magis detestabilis est nostra ingratitudo, nisi laudes saltem quas exigit, ei referimus. Et certe plusquam indigni sunt qui solis luce & vitali spiritu, ne dicam mundi totius diuitiis fruuntur, qui auctorem tam exiguo iure fraudant. Quāquam autem iam in vsu non sunt legales cæremoniæ, ideōque cessauit exter-

na ista libatio cuius meminit David videret tamen spiritualis cultus, de quo vidimus Psalmo 50. 23, Sacrificium laudis glorificabit me. Interea meminerimus rite Deum a nobis laudari, si non modò linguas, sed nos ipsos & quicquid in nobis est offerimus in sacrificium: nō quod vlla inde ad Deum redeat vtilitas, sed quia gratitudinem nostram hoc modo probari æquum est.

14 *Vota mea rediam.* Quum in mediis periculis vota nuncupauerit, in eo refulget pietatis constantia. tam ostendit se minime esse oblitum, sicuti plerique, dum vrgentur manu Dei, quidem fidem implorant ad momentū, sed memoriam acceptæ salutis mox sepe liunt. Atqui Spiritus de vero cultu disserens, non abs re duas istas partes inseparabili nexu coniungit, Inuoca me in die tribulationis: & liberatus, glorifica me, Psal. 50. 15. Si cui absurdum esse videtur, fideles votorum nuncupatione pacisci cum Deo, vt sibi cōciliant fauorē: Respondeo non promittere ipsos laudis sacrificium, vt blanditijs ipsum instar hominis mortalis demulceant, vel vt sibi obstringant proposita mercede. nuper enim testatus est David nihil se asserre compensationis. Votorum ergo finis & vsus est, primū vt impetrandi fiduciam cordibus suis obsequant filij Dei: deinde vt se magis ad gratiarum actionem incitent. Nam egrē vouendi libertas filiis Dei pro subleuanda eorum infirmitate conceditur: quia hoc modo ad eos descendit indulgentissimus Pater, ac secum permittit familiariter agi, modò in hunc quem dixi finem voueāt. Quicquid sit, nihil tentandum nisi ex eius permissu. Quo magis ridiculi sunt Papistæ, qui stulta qualibet absurdæque vota quæ sine iudicio effutire libuerit, defendunt hoc prætextu. quasi verò licita sit ebrietas, quia Deus nobis permittit comedere.

15 *Preziosa in oculis Iehoua mors mansuetorum eius.*

16 *Agredum Iehoua, quia ego seruus tuus, ego seruus tuus filius ancilla tue, dirupisti vincula mea:*

17 *Tibi sacrificabo hostiā laudis, & nomē Iehoua inuocabo.*

18 *Vota mea Iehoua reddam nunc corā toto populo eius*  
 17 *In atriis domus Iehoua, in medio tui Ierusalem. Hallelu Iah.*

15 *Pretiosa.* Transit ad generalem doctrinam, pios curā esse Deo, ut illis in necessitate opem ferat: quia pretiosa est coram eo ipsorum vita. Hoc autem clypeo munire se voluit contra mortis terrores qui sæpe ingerebantur, quum se mox absorbendum putaret. Nam dum ita Deo conuiuente periclitamur, obrepat opinio, nos tanquam vilia mancipia negligi, vitamque nostram pro nihilo duci. Iam scimus, impios, dum vidēt nos destitui omnibus præfidiis, eo audacius contra nos insolescere, ac si nulla esset vitæ aut mortis nostræ ratio. Eorū ergo libidini opposuit Dauid hanc sententiam, plurius esse Deo suos cultores, quā ut eos fortuito in mortem proiciat. Quanuis ergo ad tēpus simus omnibus fortunæ & hominum iniuriis expositi, semper tamen occurrat hæc cōsolatio, Deum tandem palām facturum quā charas habeat animas nostras. Sicut hodie quum innoxius sanguis funditur, & atrociter insultant impii, ac si, Deo victo triumphos agerent, sēt nobis firma hæc doctrina, mortem fidelium, quæ sordida est coram hominibus, imō probrosa, in oculis Dei esse pretiosam, ut tandem vel mortuis manum porrigat: & horrendis exemplis demonstret quā sibi inuisa sit eorum crudelitas qui iniuste bonos & simplices affligunt. Nam si lachrymas eorum in vtre numeratas seruat, Psalmo 56. vers. 9, quomodo sanguinem euanesce sineret? Suo igitur tempore implebitur Iesaiæ vaticinium, ut terra sanguines suos detegat, Iesai. cap. 26. vers. 21. Cæterum, ut locum demus gratiæ Dei, induamus mansuetudinis spiritum: sicuti Propheta fideles vocans mansuetos, ad ferendum crucis onus iubet colla placidè submittere,

ut in patientia sua possideant animas suas, Luc. 21. 19.

16 *Agedum Iehoua.* Sicuti proximo verū gloriatus est, in sua persona editum fuisse à Deo specimen paterni fauoris quo fideles omnes prosequitur: ita nunc specialiter ad se accommodat generalem doctrinam, *vincula sua soluta esse* dicens: quia vnus fuerit ex numero seruorum Dei. *Vincula* autem nominat, quæ admodum si quis pedibus & manibus ligatis trahatur à carnifice. Porro liberationis suæ causam in eo statuens quod seruus Dei fuerit, minimè iactat sua obsequia, sed potius animum refert ad gratuitam Dei electionem: quia minime in nobis situm est facere nos Dei seruos, sed ex mera eius adoptione nobis cōtingit hæc dignitas. Ideoque Dauid non simpliciter asserit se fuisse Dei seruum, sed *filium ancillæ*: ac si diceret, se iā ab vtero, imō antequā nasceretur, id honoris fuisse adeptum. Ergo se cōmune omnibus speculum: proponit qui se in Dei clientelam addixerint, ut nō dubitent se eius patrociniō saluos fore.

17 *Tibi sacrificabo.* Iterum repetit quod dixerat de gratiarum actione, eāque publica: quoniam non arcano tantū sensu coram Deo, sed externa quoque professione testanda est nobis pietas nostra apud homines. Etsi autem legalibus cærenioniis defunctus est Dauid cum reliquo populo, quia hæc exercitia sciebat non frustrā tunc mandari: verū tamen sinē respexit, ut sacrificium laudis & vitulos labiorum præcipue offerret. *Atria domus Dei* nominat, quia tunc vnicum erat altare, à quo discedere fas non erat: & volebat illic Deus celebrari sacros conuentus, ut mutua esset inter fideles ad cultum pietatis imitatio.

Psalmus CXVII

**L**audate Iehouam omnes gentes, celebrate eum omnes populi:

2 *Quia confirmata est super nos clementia eius, & veritas Iehoua in eternum. Hallelu Iah.*

1 Laudate



**1 Laudate Iehouam.** Quia per os Prophetarum omnes gentes hortatur Spiritus ad canendam Dei misericordiam & veritatem, meritò colligit Paulus ad Romanos cap. 15. 11, hoc vaticinio prædictam fuisse totius mundi vocationem. Nam increduli, quanuis expertes non sint Dei misericordiæ, quia tamen eam non sentiunt, & simul incognita est illis eius veritas, quomodo ad eum laudandum se accingerent? Itaque frustra ad Gentes profanas verba faceret Propheeta, nisi simul cum filiis Abraham congreganda essent in fidei vnitatem. nec est quod nascuti homines suis cauillis eludere conentur hanc Pauli rationem. Hortatur quidem alibi Spiritus, facite, tam montes, quàm fluuios, arbores, pluuias, ventos, & tonitrua ad personandas Dei laudes: quia scilicet omnes creaturæ tacendo clamant suum esse opificem: sed alio modo laudatur ab hominibus qui intelligentia præditi sunt. Sicuti & addita causæ redditio ostendit, neque quia *misericordia Dei & veritas* materiâ præbeant. Porro non intelligit Propheeta laudandum esse passim Deum à Gentibus, quia in angulo Iudææ hæc notitia resideat: sed quatenus diffusa erit per totum orbem. Primum ergo laudari Deum iubet quòd bonitas eius aucta sit vel *cōfirmata* (72) enim Hebræis utrūque

significat) deinde quia stabilis in æternum maneat eius veritas. Qui ergo tanto stupore prætereunt Dei bonitatem, qui cælestem eius doctrinam surdis auribus respuunt, quomodo parati essent ad canendas Dei laudes? Porro *veritas Dei* hoc loco propriè ad testimonium gratiæ refertur. Poterit enim verax esse Deus, vt toti mundo miniretur exitium. sed ideo priore loco clemenciam posuit, vt fides eius paternæ benevolentia testimonium continens, pias animas exhilaret. Non minus quidem laudis meretur potentia eius & iudicium: sed quia nunquam ad laudandum Deum rectè affecti erunt homines, nisi gustu bonitatis eius alleati, non abs re Propheeta misericordiam & fidem delegit, quæ solæ mutis ora aperiant. Porro non dicitur æterna veritas, quasi misericordia, postquam viguit, ad momentum deinde euanescat: (nam eadem ratione exigua esset, respectu misericordiæ, quæ copiosa esse dicitur:) sed sensus est, sic vberè esse Dei misericordiâ super nos, vt fluat continuo cursu, quia coniuncta est cum æterna eius veritate. Caterùm, si legamus confirmatam esse clementiam, exemptus erit scrupulus: quia eodem constantia & firmitatis elogio ornabitur tam clemencia quàm veritas.

### ARGVMENTVM PSALMI CXVIII.

Quocunque tempore composuius fuit Psalmus hic, David regiam potestatem adeptus, quia in communem Ecclesiæ salutem regnare se novit, filios omnes Abraham hortatur ad gratiam hanc reputandam. Pericula etiã commemorat, quorum magnitudo & varietas centies peruerit eum perdere, nisi mirabiliter opera Deus iulisset. Unde colligere promptum est, neque sua ipsius industria, neque hominum fauore, neque humanis mediis ei potuisse regni solium. Simul etiam docet, non temerè se neque illicitis artibus prouipisse ad capiendum Saulis imperium, sed Diuinitus creatum esse Regem. Interea meminerimus, consilium Spiritus fuisse, sub imagine temporalis illius regni describere nobis æternum & spirituale Filii Dei regnũ, sicuti eius personā gestabat David. Psalmus CXVIII.

**Celebrate Iehouam quia bonus, quia in seculum clementia eius.**

**2 Dicat nunc Israel quia in seculum clementia eius.**

**3 Dicat nunc domus Aaron quia in seculum clementia eius.**

**4 Dicant nunc timentes Iehouam quia in seculum clementia eius.**

**1 Celebrate Iehouam.** Videmus Davidẽ nõ agere priuatim gratias Deo, sed populũ clara voce hortari ad cõmune

pietatis officium. Hoc autem fecit, non modò quia dux & magister aliis erat ordinatus: sed quia Deus, eum creando

Regem, Ecclesiæ suæ afflictæ misertus fuerat. Ergo Israelitas ad prædicandam Dei gratiam hortatur, cuius felicibus auspiciis prodit salutis eorum instauration. Generaliter quidē dicit initio, Deū esse bonum, & clementiam eius æternā: sed deinde eius bonitatis documentum in se profert, ut suo loco videbimus. Interea in memoriam reuocare conuenit quod proximo Psalmo admonui, argumentum laudandi Dei nobis proponi in eius misericordia, potius quàm in potentia & iudicio: quia si illic quoque refolget eius gloria, nunquam tamen alacres & voluntarii laudes eius canemus, donec suæ bonitatis dulcedine nos alliciat: sicut Psalmo 51. vers. 17, vidimus, aperiri ora fidelibus ad Deum laudandum ubi sentiunt eum liberato-

rem. Quod autem solum Israelē & filios Aaron alloquitur, id facit ætatis suæ respectu: quia adhuc in vna illa gente residebat adoptio. quanquam eundem rursus ordinem sequitur quem tenuit Psalmo 116. Postquam enim filios Abraham, qui Dei electione segregati erant à Gentibus, hortatus est: item filios Aaron qui Sacerdotii iure aliis præcinere debebant: sermonem conuertit ad alios Dei cultores: quia multi larua ti erant Israelitæ, qui tamen in Ecclesia locum occupabant, ab eanihilominus erant extranei. Nec obstat quod hic Prophetico Spiritu differat David de futuro Christi regno: quia etsi ad Gentes, extensum est, originem tamen & primitias habuit in populo electo.

5 *Ex angustia inuocavi Deum: respondit mihi in latitudine Deus.*

6 *Iehoua mecum, non timebo quid faciat mihi homo.*

7 *Iehoua mecum inter auxilios meos: & ego videbo in aduersariis meis.*

8 *Melius est sperare in Iehoua, quàm considerare in homine.*

9 *Melius est sperare in Iehoua, quàm considerare in Principibus.*

5 *Ex angustia.* Specialis est doctrina quam vidimus, applicatio ad personam Davidis, cui tamen annexa est totius Ecclesiæ gratulatio: cuius publicæ salutis Deus prospexerat, hominem vnum tuendo. Suo autem exemplo pios omnes confirmat, ne rebus aduersis animam despondeant. Et videtur consulto occurrere dubitationi, quæ statim obrepere solet, quoties prædicatur Dei bonitas, cur ergo finat seruos suos tam durius opprimi & laborare. Admonet igitur David ne sic quidem excidere Dei misericordiam, quia paratum est malis nostris solatium & remedium in precibus. Circumstantia temporis quam exprimit, admonet, quo magis nos premittit res aduersæ, tunc verè opportunum esse orandi tempus: dum scilicet se ex angustis precatum dicit, atque hoc modo in latitudinem fuisse educum.

6 *Iehoua mecum.* Vnius Dei auxilio fretus, non paucis tantum hostibus, sed toti mundo insultat: ac si diceret, quia manu Dei protegitur, securè se & ex tuto despiciere quicquid machinari poterunt homines. Et certè tunc demum tribuit iustus honor Deo, quum præ ipso nihili ducitur tota mundi potentia. Hoc etiā modo perstringit omnium ferè incredulitatē, qui se vltro cōsternant vanis terroribus. etsi enim tranquillam animi statim omnes expetunt, quia tamen impiè Deum fraudant virtutis suæ laude, eos tanto illo bono priuat sua ingratitude. Nam si Dei arbitrio & potestati cuncta, ut decet, subiicerent, intrepidè ad superanda omnia incōmoda parati starent, quorum metu subinde expauescunt. Nunc quom Deum præsidio præferant noxios hominum conatus, digni sit quos, exagitet strepitus folii cadētis.

Hanc

Hanc prauitatem suo exemplo corrigere voluit Dauid, se Deo propitio cunctos mortales non metuere asserens: quia scilicet persuasus est, in eius arbitrio esse suam aduersus omnes conatus discutere. Porro si hoc canticum cecinit post liberationem, constat quàm bene profecerit in experientia gratia Dei. Ergo quoties nobis opem Deus tulerit, crescat inde fiducia in posterum, nec tam obliuioſi ſimus quin ſemper occurrat bonitas & virtus Dei in ipsa neceſſitate nobis perſpecta. Quanquam fieri poſſeſt ut hic recitet quas inter media discrimina ſibi meditationes ſuggeſſit: alterum tamen illud magis probabile, poſtquam victoria potius erat, de perpetuo Dei auxilio in futurum tempus gloriari. Quòd *auxiliores* quidam accipiunt pro exigua manu quam ſibi conciliauerat Dauid, mihi videtur nimis dilutum. Frigidè enim Deum numeraret inter ſexcentos illos quos ſecum ducebat, quaſi vnus eſſet ex grege. Simplicius ergo interpretor, vocari Deum auxiliatorè, acſi diceret ſibi ſufficere, modò illum habeat à parte ſua ſtantem. Quauis enim deſtitueretur humanis ſubſidiis, Deum cunctis hoſtibus oppoſere non dubitat.

8 *Melius eſt ſperare.* Videtur niſi niſi vulgare & tritum dicere, fatentur enim vno conſenſu omnes, vbi ad Dei & hominum comparationem venit,

10 *Omnes gentes circundederunt me, in nomine Iehouæ certè excidam eas.*

21 *Circundederunt me, etiam circundederunt me, in nomine Iehouæ certè excidam eas.*

12 *Circundederunt me ſicut apes, extingui ſunt ut ignis ſpinarum, in nomine Iehouæ certè excidam eas.*

13 *Impellendo impulſi me ut caderem, & Iehoua adiuvit me.*

14 *Robur meum & canticum meum Deus, & fuit mihi in ſalutem.*

10 *Omnes Gentes.* Côm memorat his verſibus quàm mirabiliter ereptus fuerit, ut certò agnoſcant omnes, liberationem quæ humanitus contingere nò poſſuit, verè fuiſſe Diuinam. repetit enim

longe pluris illum vnum debere fieri, ideoque niſi eſſe melius, quàm tecum habere in ſpem auxilii quod ſuis promittit. Et quidem hæc conſeſſio reſonat in omnium ore. Interea vix centeſimus quiſque Deum vnum ſibi ſufficere perſuaſus eſt. Quare multum proficit qui vno Deo contentus, etiamſi niſi auxilii reperiat in terris, bene tamen ſperare non deſinit. Eſt autem impropria comparatio, quia in totum neceſſus eſt vel minima ſpei noſtræ partem, quæ tota in Deo fixa eſſe debet, tranſferre ad homines. ſenſus tamen minime eſt ambiguus, rideri vanas ſpes hominum, quibus huc & illuc raptantur: & dum illis mundus arridet, præterito vel ſpecto Deo, criſtas erigunt. Putant nonnulli Dauidem odioſi ſuis hoſtibus obucere quòd à Saulis favore pendèſes decepti fuerint. Sed hoc mihi videtur nimis reſtrictum: nec dubito quin Dauid exèplum ſe piis omnibus proponat, quia amplam mercedem retulerat ſpei ſuæ, quin ſoli Deo innixus, patienter toleraſſet ſe priuari omnibus humanis ſubſidiis. In ſecunda parte verſus, vbi *Principes* loco hominum ponit, amplificatio eſt, acſi diceret, non eos modò ſtultè errare qui plebeis hominibus ſpem ſuam addicunt, ſed qui ſummis etiam Regibus ſunt amici: quia ſemper tandem maledicta erit fiducia quæ in carne fundata eſt: Deo autem propitio mors quoque in vitam verteretur.



salus aliunde quàm è cælo prouenire potuit. Cæterùm, quòd Gentes omnes sibi infestas fuisse conqueritur, hoc quidam referunt ad vicinos populos, à quibus vndique Dauidi fuisse periculū scimus. Meo tamen iudicio simpliciter intelligit totum mūdum sibi fuisse aduersum: quia vnus Dei auxilium capitali & furioso odio opponit quo eum prosequantur tam populares quàm vicini, vt nullus angulus in terra tutus ei foret. Quauis enim exercitus ex pluribus populis non fuerint collecti ad eum obsidendum: quia tamen nulla nisi in latebris ferarum quieti erat statio, imò illinc quoque metu abigebatur, & quotquot obuii erant, totidem cernebat laqueos: non mirum est si dicat circumdatum se fuisse ab omnibus populis. Ecliptica autem loquutio plus habet vehementiæ, quàm si dixisset se sperasse in Deo, & hoc modo victoriam esse adeptum. Nam solum *Dei nomen* in medium proferens, se aliis copiis instructū fuisse negat, vt pereundum certò fuerit, nisi Deus vnus opem tulisset. Particulā *Q* affirmatiuè vertere placuit: sed hoc sensu. Quauis vndique sim obsessus à mundo, tantum mihi succurrat Dei virtus, certè ea satis superque valebit ad omnes hostes meos perdendos. Quòd toties inculcat *se circumdatum fuisse*, in eo exprimitur pertinax & inexplebile odium. Apum verò similitudine vesanum ardorem notat: quia etsi in illis animalibus non tantum est roboris, mira tamē

est ex candescencia: & dum cæco impetu irruunt, non parum iniungunt terroris. Paulò post tamen addit *extinctos fuisse tanquam ignem spinarum*, qui etsi magnū crepitum initio edit, & maiores proicit flammās quàm ex solido ligno, mox tamen concidit. Summa est, hostes tumultuose aggressos esse Dauidem, sed eorum violentiam momento collapsam esse. Itaque tertio repetit, modò adfuit Dei virtus, quicquid fuerit aduersi, statim cessurum.

13 *Impellendo.* Vel est heterosis numeri: vel Saulem qui hostium caput erat, alloquitur. Cæterùm, in persona vnus hominis, omnibus simul insultat: ac se impulsū fuisse prædicans, faterur quidem non propria se virtute stetitisse, sicuti qui pares sunt ad resistendum, firmo gradu contrarios impetus sustinent: sed hinc melius refulget Dei virtus, quòd ab ipsa ruina erectus fuerit. Ideo proximo versu concludit *Deum esse robur suum & laudem*. Nam priore epitheto suam infirmitatē ingenuè agnoscēs, vni Deo ascribit quòd saluus manet. Iā ubi confessus est se in solo Deo fuisse fortem, quatenus scilicet suffultus est eius virtute, continuò post addit *Deus esse laudem suam vel canticum*: quod nomen passiuè accipitur: ac si diceret, nullam in seipso gloriandi materiam sibi suppetere, sed totam salutis suæ laudem residere in vno Deo. Quò etiam spectat versus clausula, ubi Deum sibi in salutē fuisse prædicat.

15 *Vox exultationis & salutis in tabernaculis iustorum: dextera Iehouæ fecit virtutem,*

16 *Dextera Iehouæ exaltata est, dextera Iehouæ fecit virtutem.*

17 *Non moriar, imò viuam. & narrabo opera Dei.*

18 *Castigās castigauit me Deus, sed morti nō tradidit me.*

19 *Aperite mihi portas iustitiæ, ingressus in eas celebrabo Deum.*

20 *Hæc porta Iehouæ, iusti intrabunt in eam*

21 *Celebrabo te, quia exaudisti me, & fuisti mihi in salutem.*

15 *Vox exultationis.* Tale fuisse Dei beneficium asserit, pro quo non satis sit in obscuro recessu gratias agere: non modò quia illic insignis apparuerat Dei virtus & memoratu digna, sed quia fructus ad totam Ecclesiam reditus erat. Quia ergo admirabilis erat liberatio, & communiter piis omnibus utilis, publicam gratiarum actionem promittit Dauid: & eadem opera pios omnes hortatur ad sanctam hanc societatem. Præcipuè tamen hac circumstantia extollere voluit gratiæ Dei magnitudinem: & deinde ab ipso effectu ostendere non sibi priuatim oblatam fuisse salutem, sed in sua persona Ecclesiam fuisse seruatum. Hoc quidem exigit mutua inter fideles communicatio vt alii pro aliis vicissim Deo gratias agant: sed specialis, quam artigi, in Dauide fuit ratio, quem Deus mirabiliter ex multis moribus ereptum, electo populo præfecerat. Notandum quòd vocem lætitiæ & gratulationis cum Dei laude coniungit: sicut fideles minimè gaudere decet sine gratiæ Dei sensu. Porro *facere virtutem* tantundem valet ac magnificè exerere suam potentiam, cuius splendor palam refulgeat. Sæpe enim occultè & sub specie infirmitatis Deus fideles suos liberat, vt sentiant quidem ipsi se manu eius fuisse ereptos, hoc autem aliis non sit perinde cognitum. sed Dauid præclare testatum fuisse opus Dei asserit: vt minimè ambiguum sit vnde contigerit hæc salus. Eodem pertinet altera loquutio *Dexteram Dei fuisse exaltatam*, quia potenter agendo, & præter consuetum morem, Deus manum suam in sublime extulerat.

17 *Non moriar.* Loquitur Dauid quasi quispiam è sepulchro emergens. Nam qui dicit, non moriar fatetur se à morte, cui iam addictus erat, fuisse liberatum. Et certè per annos complures in summa desperatione vixerat, vt singulis momentis variæ mortes instarent, & exitus ab vna, ingressus esset in aliam. Se ergo non moriturum prædicat, quia vitam, à cuius spe exciderat, recuperauit. Caterùm nobis toto vitæ curriculo cantilena hæc meditanda est, quorum vita abscondita est cum Christo in Deo, Coloss. 3. 3. Siqua datur interdum rela-

xatio, dicendum quidem erit cum Dauide, nos qui in morte conclusi eramus, emergere ad nouam vitam. sed tamen assidue per medias tenebras luctandum est: quia salus nostra quæ in spe reposita est, palam còspicua nobis esse nõ potest. Secunda parte versus legitimum ostendit vitæ vsum, quia Deus vitam suis non prorogat vt saturentur cibo & potu, dormiant altum somnum, & fruantur terrenis omnibus commodis: sed vt celebretur eius beneficia, quibus eos quotidie onerat: qua de re diximus Psalmo centesimo decimoquinto.

18 *Castigans.* Hic agnoscit Dauid, quanuis eum iniuriose hostes impeterent, se tamen castigatum fuisse Dei ferulis per illorum manus: deinde hanc fuisse paternam castigationem, quia non inflixerit Deus mortiferas plagas, sed moderatus sit rigori suo. Videtur autem attenuerere peruersa iudicia, quibus odiose premisse videbat: ac si mala omnia quæ perpeffus fuerat, totidem essent reprobationis signa. Quod ergo calumniabatur reprobi, retorquet in contrariam partem, leniter se & paterno more fuisse correctum. Hoc primùm est in rebus aduersis, vt sciamus nos humiliari Dei manu: accedat deinde alterum, hoc modo probari nostram obedientiam, nos expergefieri à nimio torpore, crucifigi veterem hominem, purgari sordes nostras, cogi nos sub Dei obsequium, & stimulari ad meditationem celestis vitæ. Nã si hæc veniant nobis in mentè, nemo erit qui nõ exhorreat fremere aduersus Deum, imò se potius quisque mansueti spiritui subiiciet. Et certè quòd frantum arrodimus, vel prorumpimus ad impatientiam inde contingit, quòd maior pars non reputat afflictiones esse Dei ferulas: alii verò paternam eius moderationem nõ gustant. Quare hoc secundum membrum diligenter notandum est, clementer semper agere Deum cum suis, vt percutiendo sanet: non quòd semper appareat paterna eius indulgentia: sed exitus tandem demonstrat, adeò non fuisse exitiales plagas, vt medicinæ vice fuerint, quæ nos ad exiguum tempus debilitans sanatis nostris vitiis integrum vigorem nobis restitueret.

19 *Aperite.* Hic zeli ardore  
Zc. ii.

prorumpit Dauid ad testandam suam gratitudinem, dum sibi Templum aperiri iubet, quasi victimis in medium adductis. Atque iterum confirmat quod prius dixit, se publicè Deo gratia acturum in legitima o piorum cœtu. Quanquã autem ex more Sacerdotes portas Tēpli aperiēbant populo, videtur tamē aludere Dauid ad diuturnum suum exilium. atque hanc coniecturam melius confirmat proximus versus. Quum ergo diu prohibitus esset ab accessu Sanctuarii, imò priuatus eius conspectu: nunc latatur ac triumphat se admitti vt Deo sacrificet. Simul ostendit se venturum, non vt solebat hypocrita, quibus Deus per Iesaiam i. 17, exprobrat quòd pauimentum suum frustra terant, sed se venturum cum sacrificio laudis. Iam quia sibi veræ pietatis conscius erat, æquum esse dicit, sibi & sui similibus patefieri Templi fores, ad quas accedere pridem ausus non fuerat. *Porta, inquit, est Iehoua:* ergo iustis eam tandem aperiet. Summa huc tendit, quanuis extorris à templo & patria fuisset Dauid, nunc tā ipsam quã sinceros omnes Dei cultores recupera-

re ius suum, statu regni in melius composito. Atque ita oblique deslet Templi profanationem, quandiu sub tyrannide Saulis fuerat à profanis Dei contēptoribus occupatum, ac si canibus & impuris animalibus stabulum esset. Quòd ergo Templum diu fuerat latronum cauerna, hæc indignitas perstringitur: nunc verò quum iustis pateat, vere sacram est: Dei domum asserit. Porro quod cōtigit tempore Saulis, hodie cernitur, vt per summum nefas ac dedecus Sanctuarii Dei occupent sacrilegi eius hostes. Neque enim Antichristus esset Papa, nisi sederet in tēplo Dei. Cæterum quū ille passim omnia templa fœdis pollutionibus in lupanaria conuerterit, studeamus quoad in nobis est, ea purgare, vt purè in illis colatur Deus. Vbi autem sacrum inter nos domicilium eligere dignatur, demus quam possumus operam arcendis inquinamentis & fœtidis misturis quæ puritatem Ecclesiæ corrumpunt. Postea breuiter commemorat Dauid qua de re laudis sacrificium offerre Deo instituat: quia scilicet seruatus fuerit eius gratia.

22 *Lapidem reprobauerunt edificantes, factus est in caput anguli.*

23 *A Iehoua factum est hoc, mirabile est in oculis nostris.*

24 *Hæc dies quã fecit Iehoua, exultemus & letemur in ea.*

25 *Obsecro Iehoua serua, obsecro, obsecro, Iehoua, prosperum successum da obsecro.*

26 *Benedictus qui venit in nomine Iehoua: benedicimus vobis è domo Iehoua.*

22 *Lapidem.* Iam Dauid collecto animo calumniis insultat, quibus iniuste & præter meritum fuerat grauatus. Porro quia durum erat præiudicium, à toto procerum consensu & omnibus qui gubernacula tenebāt damnatum esse, iamque innaluerat opinio, hominem sceleratum esse ac reprobum: hunc errorem consultò refutat, & contra præcipuos quosquē innocentiam suam asserit. Nihil moror (inquit) quòd reiectus fuerim à maximis quibuscque, quando respiciam apparuit Dei iudicio me fuisse electum. Concinna verò metaphora uti-

tur, lapidi se comparans: ipsos verò Ecclesiæ primores architectis. Poterat quidem absurdum videri, priuatos fuisse Dei Spiritu & sana mente regni proceres, penes quos residebat Ecclesiæ potestas: sed prauis & fallacibus eorum suis fragis opponit Dei gratiam, quòd decreto & manu Dei positus sit ad sustinendum totū ædificium. In summa, docet sibi non obstare splendidos titulos, & præstantiam dignitatis qua superbiebant improbi: quia Dei vocatione subnixus, gloriam totius mundi iudiciis superiorem obtineat. Sed quia difficilis erat eius rei



rei persuasio, gratiam Dei pluribus verbis extollit, ut eius autoritate improbos omnes & obstreperos sermones cōpescat. *A Domino*, inquit, *scilicet est*: perinde acsi diceret, *Ite & litigate cū Deo* quicumque me ē solio dēicere cōtenditis, quod ego non temere cōscendi, vel humanis mediis, sed manifesta Dei virtute. Id autem probat, quia omnes quod factum est, quasi incredibile cogantur mirari. Vbi autem supra captum nostrum & mirabiliter operatur Deus, conspicua eius virtus nobis esse debet. Siquis aduersariū accipere malit, in hunc sensum, *Quauis homines in hoc Dei opere oblitescant, non debere tamen repudiari*: fruatur suo sensu. Mihi certē probabile est, *miraculi* nomen à Dauide positum ut Deo cedat omnis carnis proterua, nec quisquam amplius obstrepere auit. Porro quomodo hac in Christum propriē conueniant commōdus disseram, vbi ad 25 versum peruenerimus.

24 *Hec dies*. Nunc faustum & scelicem esse prädicat diem illum quo tandem receptus fuit in Regem, & vnctio Samuelis effectu sancita fuit. Et si autem verum est, dies omnes peraque à Deo creatos esse, David tamē *ext ēst* Diuinum appellat illum diem qui in salutem Ecclesiæ illuxerat post longas tenebras: quia ornatus erat insigni nota & ad posteros memorabili. Quia autem emerferat Ecclesia ex tam densa caligine, fideles ad lætitiā & gratulationem hortatur: idque cōsultō facit: quia multi adhuc ignorabant vel spernēbat Dei gratiam: alios verō tenebat peruersum studium Saulis, ut se Davidis imperio agri sunmitterent.

25 *Obscra Iehoua*. Quia & saepe aduerbium est temporis apud Hebraeos multi hoc loco vertunt. Serua obsecro nunc, quia tamen saepe rogantis quoque aduerbium est, sensum hunc elegi qui præsenti loco nō malē quadrabat. Neque enim dubio quin Spiritus sanctus frequenti repetitione per os Prophetæ excitare in cordibus piorum voluerit raram vehementiam & ardorem precandi, quāquam siqui diuersum potius sensum eligit, facile patiar. Hoc quidē certum est, dictari electo populo pre-

candi formam, ut scelicem successum optet regno Davidis. ex quo pendebat publica omnium salus. His autem verbis testatus est, celestibus auspiciis se regnare: deinde indignos esse qui in Ecclesia locum occupent quicumque ad optandam regni sui sollicitatem non consentiunt. Proximo versu adiungitur speciale votum, quod concipere debent fideles, nempe ut Deus, sicut Davidem constituit gratiæ suæ ministrum, ita benedicat. Nam dicuntur in nomine Domini *venire*, quorum opera vititur in populi sui salutem: sicuti Prophetæ & Doctores, quos ad colligendam Ecclesiā suā excitat: Duces & Præfeti, quos Spiritu suo instruit. Davidis autem singularis fuit ratio, quatenus Christi figuram gestabat: quia sub ipso & successoribus voluit Deus populum suum degere vsque ad Christi aduentum. Posset etiā gratulationis esse elogium, quā dicitur, *Benedictus qui venit*. Sed quia mox subiicitur benedictio Sacerdotalis, potius in illam partem inclino, populum Dauidi precari Dei gratiam & fauorem. Iam quo votum hoc alacrius concipiāt fideles, & inde animentur ad amplectendum quem illis Deus Regem præficit, addit continuo pāst promissio in Sacerdotum persona, *Benedicimus vobis ē domo Domus*. Sic autem pro officii sui ratione loquuntur quibus iniuncta erant benedicendi partes: sicuti pluribus locis Moses docet, & præcipue Numerorum 6.23. Sed non temere coniungunt cum prospero regni statu Ecclesiæ salutem: quin potius admonent, incolumem fore populum quādiū florebit regnum illud & benedictos fore omnes vni cum suo Rege: quia insuperabilis sit nexus inter caput & membra. Iam quā scimus, quā David Rex creatus escripta fuisse fundamenta æterni regni, quod tandē Christi aduentu patefactum fuit: & temporale illud solum, in quo sedebant posteri Davidis, imaginem fuisse perpetui imperii quo donatus est Christus a Patre, & plenam posteratē tam in cælo quā in terra obtineat: non dubiam est quin fideles iubeat Propheta assiduis votis expetere laetos & fecices spirituales huius regni progressus. Oportuit autem qui sub veteribus figuris vixerunt,

pro Dauide & successoribus precari. Vbi verò collapſa fuit tota regni dignitas, oportuit maiore studio promiſſam inſtaurationem à Deo petere. Denique quicquid hic dicitur, propriè in Chriſti perſonam competit: & quod in Dauide obſcurè adumbratum fuerat, ſolide in Chriſto ipſo fuit exhibitum. Arcana fuit Dauidis electio: & quum Samuel eum in Regem vnxiſſet, reiectus fuit à Saule & cunctis populi Ducibus, omneſque eum abominabantur quaſi centum moribus dignum, Tanta igitur ignominia deformis, non viſus eſt idoneus lapis cui daretur locus in ædificio. Eadem regni Chriſti fuerunt exordia, qui in Eccleſiæ redẽptionem miſſus à Patre, nõ ſolùm contemptus fuit à mundo, ſed in odio & execratione habitus: nec modò apud vulgus ignobile, ſed primos Eccleſiæ antiſites. Quæri tamen poſſet quomodo architectos nominet Propheeta qui nihil aliud machinabantur quam totum Templi ædificium euertere: tantum abeſt vt tueri ſtuderet. ſcimus enim quãto furore incubuerint. Scribæ & Sacerdotes Chriſti tempore ad totius pietatis ruinam. Facilis ſolutio eſt, Dauidem ad eorum munus non autem ſi diu reſpicere. Quanquam enim euerſor Eccleſiæ Dei fuit Saul cum ſuis conſiliariis, vocationis tamen reſpectu architecti erant. Ita ſolet impiis Spiritus ſanctus concedere honorificum nomen officii, donec eos Deus abdicet. Scimus quàm ſeſeſti ſæpe fuerint Sacerdotes in veteri populo: manebat tamen penes eos tituli honor & decus, donec e ſuo gradu deiecti eſſent. Sic loquitur Iſaias 42. 19, Quis eſt cæcus, niſi ſeruus meus? & quis ſtupidus, niſi quem ego miſi? Quauis enim illis propoſitum eſſet totum ordinem labefactare, quia tamen in alium finem Diuinitus vocati erant, ſeruos Dei & ab eo miſſos vocat. Sic hodie vtrunq; ſibi Papa cum foetido ſuo Clero titulum Sacerdotii vſurpet, nõ tamen deſinunt profecto eſſe Chriſti hoſtes. Vnde ſequitur, nihil minus quam legitimos eſſe Dei miniſtros: atque hoc illis in grauius iudicium cederet, quòd gregem diſſipando locum tamen occupant paſtorum. Quamquam autem inter ipſos & Sacerdotes Leuiticos magnum eſt diſcrimen: qua-

tenus tamen ordinaria poteſtas penes eos reſidet, titulũ illis concedere nihil obeſt: modò ne hoc prætextu, tyrannidis ſuæ probum obtegant. Nam ſi nudus titulus ad reuerentiam ſufficeret, neceſſe fuiſſet Chriſtum obmutefcere, quum eius doctrinam reſpuerent Sacerdotes. Quin potius docet hic locus, peſſimos interdum eſſe operarios quibus mã datum eſt regenda Eccleſiæ officium. Architectos vocat Dauid in Spiritu, qui Filium Dei & ſalutem humani generis extinguere conati ſunt, & à quibus adulteratus Dei cultus tota religio corrupta, & profanatu Dei Templũ. Ergo ſi promiſcuè audiri oportet, quaſi legitimum paſtorem, quicumque ordinaria poteſtate præditus eſt, taceat Chriſtus: quia vix plurimum contingit deterrimos eius hoſtes deliteſcere ſub paſtorum larua. Videmus quàm valido & firmo clypeo nos inſtruat Spiritus contra inanes Cleri Papalis iactantias. Sint ſane titulo architecti: ſed ſi Chriſtum reprobant, an eum nobis abnegare ſas erit? Imò ſpretis & calcatis eorum placitis, veneremur hunc pretioſum lapidem, in quo ſalus noſtra fundata eſt. Nam quòd dicitur *locatus in capite anguli*, his verbis intellige verum eſſe Eccleſiæ fundamentum, quod totam ædificii molem ſuſtinet: quia in angulis præcipua debet eſſe firmitas. Neque enim placet illi Auguſtini arguta, Chriſtum angularem eſſe lapidem, quia Iudeos cum Gentibus cõiunxit, ſicuti angulus medius eſt inter diuerſos parietes. Poſtea inculeat Dauid (vt dixi) pluribus verbis, perperam æſtimari Chriſti regnum ab hominum ſenſu vel ſuffragiis: quia inuito & repugnanſe mundo, mirabiliter erigitur arcana Dei virtute. Interea meminerim, quod in Chriſti perſona impletum fuit, ſpectare ad continuũ regni eius curſum vſque ad finem mundi, Spreuerunt Chriſtum Eccleſiæ antiſites dum in terra verſatus eſt: nunc Gigantum more belantur cõtra Euangelium & Spiritũ qui Petri & Pauli ſe ſucceſſores nominant, quum priuſ ſint Annæ & Caiaphæ. Atqui nõ eſt quòd ſurioſa hæc rebellio nos cõturbet: ſed ſuppliciter adoremus admirabilem eius potentiã, quæ peruerſa

sa mundi iudicia euerit. Nam si rationem quam Deus in tuenda Ecclesia sua feruat, caperet ingenii nostri modulus, non fieret miraculi mentio. Vnde colligimus operandi modum esse incomprehensibilem, qui cogat omnes humanos sensus euancescere. Quaritur tamen an necesse sit Christum reprobati ab architectis. Atqui male ageretur cum Ecclesia si nullos unquam haberet pastores, nisi salutis suae capitales inimicos. Deinde Paulus 1. Cor. 3. 10, se architectum nominans, docet hoc commune fuisse Apostolis omnibus officium. Respondeo igitur, non damnari perpetuè cecitatis quicumque dignitate pollēt in Ecclesia: sed Spiritum sanctum occurrere huic scandalo, quod alioqui plurimos morari solet, dum vident mundi splendore obrui Christi nomen. Quia ergo Deus, vt potentiam suam clarius illustret, laxat frænum Satanæ, vt qui auctoritate & imperio sunt præditi, Christum respuant: hic Spiritus sanctus nos magno animo esse iubet, & peruersis eiusmodi iudiciis valere iussis, reuerenter quem Deus nobis Regem præficit suscipere. Scimus initio architectos Christum euertere conatos esse. Idem ætate nostra accidit: quia imperiū Christi modis omnibus euertere conati sunt quibus mandatum erat Ecclesiæ regimen, & hodie adhuc quascūque possunt admovent machinas. Sed si huius vaticinii memoria nobis succurrat, adeo nō labasceat fides nostra, vt magis ac magis stabiliatur: quia inde melius cōstat non regnare Christum hominum arbitrio, vel muniri terrenis subsidiis, sicuti imperium non est adeptus humanis suffragiis. Interea si probè ædificant architecti, eo minus excusabilis erit eorum malitia qui non permittunt aptari sacro ædificio. Ceterum quoniam hoc tentationis genere probabimur, semper in mentem veniat, minime æquum esse gubernari Ecclesiam pro capiti nostro. sed in cognitum nobis esse eius regimen: quia quod fit miraculo, non potest à nobis comprehendi. Quod postea sequitur: *diem hunc factū esse à Deo*, admonet mortiferas tenebras grassari, donec per suū Euangelium illuceat sol iustitiæ Christi.

Simul etiam monemur ascribi hoc opus Deo, nequid suæ industriæ arrogēt homines. Exhortatio ad gratulationem, quæ mox sequitur, huc spectat, ne cedamus hostium vesaniæ, quantumvis tumultuentur, ad excutiendum nobis gaudium quod Christum attulit. Nam quam tota nostra felicitas inde fluat, mirū non est, quanvis fremant ac indignentur omnes impii, nos ad gaudiū insuperabile attolli, quod omnes dolores & afflictionum quæ ferēdæ sunt acerbitatem proternat. Precatio quæ sequitur, ante Christi aduentum, trita fuit in populo vsque ad ipsos pueros: sicuti hac voce exceptum fuisse Christum Euāgelistæ commemorant. Necdubium est quin tunc Deus vaticiniū quod protulerat per os Davidis, sancire voluerit: imò acclamatio illa palam demonstrat publico consensu receptam fuisse interpretationem cui nunc obstrepunt & allatrant Iudæi: quod minus excusabilis est eorum perniciacia & improbitas. Nā stuporem non accuso, quum data opera ignorantia nebulas sibi & aliis offundant. Quod autem in illa tristi vastitate ac deformibus ruinis, non cessauit tamē hæc precatio inter Iudæos, animos nobis hodie addere debet illorum persuerantia. Nulla erat tunc regni dignitas, nullum solium, nullum nomen nisi apud Deum: rebus tamen perditis ac deploratis, retinuerunt precandi formam semel a Spiritu sancto dictatam. Hoc exemplo edocti, quamlibet miserè dissipata hodie sit Ecclesia, pro eius tamen restitutione fortiter orare pergamus. Præterea his verbis iterum docemur, non hominum industria vel promoueri vel fulciri Christi regnum, sed hoc vnus Dei esse opus: quia ad solam eius benedictionem confugere docentur fideles. Ipsa etiam verborum repetitio, quam emphaticam esse diximus, significationem nostram excitet: quo ardentius intenti simus ad hoc votum. Posset quidem ipse Deus sponte & absque vllius rogatu Filii sui regnum tam erigere quam eueri sed non frustra hanc curam nobis mandauit: quia nihil est in quo se melius exerceant fideles, quam in expectanda eius gloria.



27 *Deus Iehona, & illuxit nobis : ligate agnum funibus usque ad cornua altaris.*

28 *Deus meus es, & celebrabo te : Deus meus, exaltabo te.*

29 *Celebrat Iehouam, quia bonus, quia in aeternum clementia eius.*

27 *Deus Iehona.* Confirmat quod prius dixit, Deum, Ecclesiae suae miserum, discussis tenebris, gratiae lucem protulisse, ubi in solium conscendit Dauid : quia hoc redemptionis, quae à Christo tandem speranda erat, fuit praeludium. Repetit etiam, Deum huius tam inopinatae salutis esse authorem, & esse à ipso palam probasse dicit, verè se Deum esse. Subest enim his verbis emphasis, Iehoua ipse est Deus fortis, quia lucem vitae nobis restituit. Nam quia confuso Ecclesiae statu fideles propemodum animos desponderant, impii verò imaginabantur actum esse de genere Abraham, Deus ipse quodammodo absconditus erat. Itaque ad gratiarum actionem rursus descendit. Et quia ex Legis praescripto, fideles non sine sacrificiis

solennes Deo agebant gratias, iubet ligari victimam ad cornua altaris. Scimus enim, ut sedulus erat Legis observator Dauid, caeremonias à Deo mandatas minimè neglexisse. Quanquam praecipuum semper finem spectavit, ut rudimentis illis adiutus, spiritualem offerret Deo cultum. Nunc vtriusque legibus abolitis, superest ut per Christum offeramur gratiarum actiones Deo, quas ipse sua puritate sanctificat, ne ab hoc pietatis cultu sordibus carnis nostrae arceamur. Quod verò mētē suā ad Dei laudes direxerit Dauid, clarius apparet ex sequenti versu, ubi promittit se celebraturum Dei nomen, quia Deum suum expertus fuerit : hoc est, re ipsa senserit salutem sibi in eius manu certam & paratā fuisse.

#### ARGUMENTVM PSALMI CXIX.

Quia de rebus variis in hoc Psalmo disseritur, difficile est breui summa exponere quid contineatur nisi quid duo praecipui sunt scopi. Nam ad pietatis & sanctae vitae studium filios Dei hortatur Propheta : deinde regulam & modum veri cultus praescribit, ut se totos Legis doctrina addicant fideles. Sed quia promissiones subinde admiscet, quibus magis animet Dei cultores ad piè iustaeque viuendum, quæ immo etiam inferius de impio Legis contemptu, ne se malis exemplis profanent : variis denique transitus ab uno doctrinae capite ad aliud occurrunt, nec continuo tenore certum aliquod argumentum prosequitur : satius erit singula suis locis excutere.

Psalmus CXIX.

✠ **B** *Beati integri in via, ambulantes in Lege Iehouae.*

2 ✠ *Beati custodientes testimonia eius, qui toto corde exquirunt eum.*

3 ✠ *Certè non operantur iniquitatem qui in viis eius ambulant.*

4 ✠ *Tu mandasti statuta tua custodiri valde.*

5 ✠ *Utinā dirigantur via mea ad custodiēda edicta tua.*

6 ✠ *Tunc non pudoriam quum intentus fuero ad omnia mō data tua,*

7 ✠ *Celebrabo te in rectitudine cordis, quum didicero iusticia iustitia tua.*

8 ✠ *Edicta tua custodiā, neme derelinquas usque longè.*

Psalmum

Psalmū hunc quidam Oñonariū nominant, quia per oñtonos quosque versus, prima dictio incipit ab eadem littera, secundum ordinem alphabeti. quod memoria iuuanda causa factum esse, ex re ipsa colligitur. Continet enim doctrinam, cuius meditatio assidua esse debet inter filios Dei. Itaque vt molestia lectores Propheta leuaret, singulas quasque versuū ogdoadas propriis literis à capite distinxit. quo subsidio pijs etiam & frigidis sublata fuit excusatio ignauia. Quamquam autem Latinis hominibus hoc leuamen commune est, tenere tamen hoc principium conuenit, doctrinam hic proponi in qua se exerceant omnes filii Dei, & quam memoriter discant, quo magis familiaris ac trita sit. De auctore nihil assero, quia nec probabili coniectura elicere quisquā fuerit: nec Interpretum consensu quicquam certi constat. Quia tamen hac doctē alios omnes antecellunt Dauid, mihi religio non erit, alicubi nomen eius ponere. De vocibus etiam quarum creberrima occurrit repetitio, aliquid præfari conuenit. De nomine תורה non loquar, quia tamen à doctrina deductum est, passim pro Lege capitur. חוקים statuta, vel ritus Diuinitus præscriptos, quorum certa constet ratio, quidam Hebræi doctores esse tradunt. מצוות volūt esse præcepta, quæ ad naturæ æquitatē spectant. מצוות certū est esse mādātā, idque ex etymologia probatur. מצוות accipiunt Hebræi pro doctrina Legis, sed cum certa notatione: vt sciamus illic cōprehendi quomodo Deus cum populo suo paciscatur. Cur præcepta Legis vocentur iudicia vel iustitiæ, satis notum est: nempe vt sciamus nihil à Deo præcipi nisi rectum & iustum. deinde non aliam hominibus perfectæ sanctitatis regulam esse quærendam, nisi vt vitam suam in Legis obsequium componant. Eodem ferè sensu vocantur viæ Domini, vt se ab omni errore tutū certū sciat quisquis à Legis ductu non deflectit. Sed quū חוקים etiam promiscuè vocentur quilibet Dei vel Regum edicta, מצוות etiam quum ex multis locis constet ad diuersas species extēdi: re fellitur tam argutum illud discrimen. Quod verò ad Psalmū hunc attinet, ex-

contextu patebit, omnia ferè esse synonyma. Vt Legi plus reuerentiæ conciliet Propheta, variis eā elogijs insignit: eandem tamen doctrinam semper commendans. Nunc ad verba descendō.

I *Beati integri.* Idem paradoxon nunc profertur quod initio libri vidimus. Nam quum beati esse naturaliter appetant cuncti mortales, adeo tamen recta via ad beatitudinē non aspirant, vt per innumeros errores consulto in suū exitiū errare malint. Quare tanta focordia & cæcitas meritō a Spiritu Dei coarguitur. Et verborum quidem clarus est sensus, nisi sua quenque cupiditas bruto impetu in cōtrariā partē raperet. Nā quia vt quisque longius à Deo recesserit se felicem fore imaginatur, quod de pietate & cultu Dei pronuntiat Spiritus, quasi fabulosum, omnes repudiant. Certe vix centesimus quisque hanc doctrinam amplectitur. Via hic ponitur pro vitæ instituto vel cursu: ita integros via dicit, quibus syncerum & æquabile studium est, colendæ iustitiæ, & qui vitam suam ad hunc scopum destinant. Secundo membro clarius definit quanam ratio sit piæ iustæque viuendi, nempe *ambulare in lege Dei*: quia si quis suo arbitrio currat, nihil aliud quā vagabitur: atque vt ei totus mundus applaudit, se tamen absque profectu fatigabit. Posset tamen quæri an à spe felicitatis excludat Propheta quicumque non perfectè Deum colunt. atqui hoc modo soli Angeli felices essent, quia nusquam in terra reperietur perfectæ Legis obseruatio. Solutio facilis est, Vbi integritas exigitur à filiis Dei, non tolli gratuitam veniam, qua sola consistit eorum salus. Sic ergo beati sunt Dei cultores, vt tamen ad misericordiam confugere necesse habeant: quia tantum dimidia est eorum integritas. Hoc modo verè prædicantur felices qui Legem Dei fideliter obseruant: simul tamen illud impletur. Beatos esse quibus non imputat Deus peccata, Psal. 32. 2. Secundo versu eandem doctrinam melius confirmat, *beati vocantur*, non qui sibi sapiunt, vel sanctitatem sibi fingunt suo arbitrio, sed qui pacto, Dei & Legis doctrinæ addicti sunt. Ceterum vt sciamus Deum oculari cultu minime contentum esse, syncerum quo-

que affectum cordis requirit. Et certe si solus Deus vitæ nostræ idoneus est iudex ac arbiter. nō satis est pedibus & manibus obsequium præstare, nisi primum locum teneat cordis veritas.

3 *Certe non operantur.* Etsi videtur nihil nisi vulgare tritumque dicere, quod publico consensu passim receptū est, non peccare qui Deum sequuntur ducem: duas tamen ob causas necessaria est admonitio, ut scilicet discamus totā vitam permittere Deo regendam: dein de magis attenti simus ac solliciti ad audiendam eius doctrinam. Facientur omnes extra errandi esse periculum quisquis Deo obtemperat: sed interim quisque ad suas ambages declinat. Nonne hæc libido vel audacia palam conuincit plures eos facere sua commenta quàm certam Dei legem? Iam quoties lapsus est quispiam, nonne statim objicitur in cogitantia prætextus? ac si nemo sciens & volens vniquam peccasset. Quasi vero non satis ad cauendum suggerat prudentiæ Lex Dei, quæ omnibus delictis remedium affert, quia vitiosas omnes cupiditates frangat. Itaque merito denuntiat Propheta, quicunque in Lege Dei edocti sunt, carere ignorantia prætextu: quia sponte cæcutiunt. Si enim attenderent ad vocem Dei, probè contra omnes Satanæ insidias muniti essent. Iam ut timorem incuriat, dicit quarto versu Legis obseruationem *seuerè à Deo exigì*: vnde sequitur, eius contemptum non fore impunitum. Deum etiam secunda persona compellans, quasi iudicem ante oculos statuit.

5 *Vitam dirigantur.* Quia verbum **Π** stabilire quoque interdum significat, posset videri Propheta sibi optare perseuerandi virtutem: malo tamen *dirigere*, quia etsi aperte nos instituit Deus in Lege sua, puer tamen est mentis nostræ tarditas, quæ etiam cordis contumacia, necesse habemus in singula momenta eius Spiritu dirigi. Quare hoc sit caput omnium votorum, mentem expetere quæ non nisi ex Lege Dei sapiat, & cor etiam docile ac morigerum. Postea subiicit, minimè timendum esse, siquis intentus sit ad seruandam Dei Legem, ne ipsum puniretur vilius consilii vel actionis. Verbo *respicendi* signi-

ficat non esse dandum consilii nostris locum, nec deliberandum ex carnis sensu quid agere conueniat: sed hoc semel statuendum esse, rectam viam tenere qui à Dei præceptis neque ad dextram neque ad sinistram declinant. Etsi autem non desinunt à maiori hominum parte damnari qui reuerenter attendunt ad eius Legem, eos Propheta *negat pude fieri*, quia sibi probe consci sunt coram Deo & Angelis, & cælesti theatro abundè sunt contenti. nā si penderent à mundi opinione, subinde labascerent. Dicit autem *ad omnia præcepta*, quia inter tot Satanæ insidias, in tam crassis tenebris in tanta nostra hebetudine non vulgaris ad cauendum sedulitas requiritur, si omni ex parte culpam effugere cupimus. Quare danda opera est ut in singulis actionibus recurrat Legis memoria quæ nos à lapsu contineat.

7 *Celebratore.* Confirmat, singulare Dei beneficium esse siquis ritè in Lege profecerit. Gratarum enim ad hoc loco signi ponitur: ac si dixisset, Domine tu mihi incomparabile bonum præstiteris si me docueris in Lege tua. Vnde sequitur nihil esse in vita magis expectandum: atque vtiā id nobis bene & penitus persuasum esset. Nam dum sollicitè querendo quicquid nobis utile putamus, nullum prætermittimus carnis commodum: interea quod præcipuū erat negligimus. *Iudicia iustitiæ* tantumdem valet ac præcepta quæ perfectam in se iustitiam continent. atque ita ab exacta doctrinæ perfectione Legē Dei Propheta commendat. Docemur præterea hoc versu, neminem sincero cordis affectu laudare Deum, nisi qui in eius schola huc usque profecit ut vitam formet ad eius obsequium: quia nimis frigida simulatio est, Deum ore & lingua laudare, si vita nostra eum probro afficit. Merito itaque Propheta fructum veræ pietatis hic ponit, Deum sine hypocrisis laudare.

8 *Edicta tua.* Testatur primum, sibi esse in animo seruare Dei Legem: sed interim quia propriæ infirmitatis sibi conscius est, precem adiungit ne deseratur à gratia Dei. Quanquam istud *relinquere* bifariam exponi potest: vel quum Spiritum suum Deus subducit: vel quum



quum perinde rebus aduersis affligi suos patitur ac si ab illis remotus foret. Atque hæc posterior expositio melius conuenit, propter particulam mox additam *usque* valde. Neque enim Prophetæ in totum fugit quin fides sua tentationibus probeatur: sed si examen nimis diu extrahatur deficere metuit. itaque

sua infirmitati ignosci cupit. Sûma est, Tu vides Deus quo sim animo: sed quia homo sum, ne favoris tui signa diutius à me abscondas, vel differas auxilium tuum quàm mihi expediat, ne me delictum putans à recto pietatis studio desciscam.

9 2 *In quo purgabit adolescens viam suam? custodiendo secundum sermonem tuum.*

10 2 *In toto corde meo exquisiui te, ne me errare sinas à mandatis tuis.*

11 2 *In corde meo abscondi eloquium tuum, ut non peccem tibi.*

12 2 *Benedictus tu Iehoua, doce me edicta tua.*

13 2 *Labus meis narraui omnia iudicia oris tui.*

14 2 *In via testimoniorum tuorum delectatus sum ut in omnibus diuitiis.*

15 2 *In statutis tuis meditabor, & considerabo semitas tuas.*

16 2 *In edictis tuis oblectabo me, non obliuiscar verborum tuorum.*

9 *In quo purgabit.* Repetit aliis verbis quod prius dixerat, nempe, ut cûque sibi blandiantur in suis factis homines, nihil tamen purum esse in eorum vita, donec se totos addixerint verbo Domini. Sed quo efficacius permoueat, disertè pueros vel adolescentes in exemplum adducit. Neque enim hos nominans, frânum adultis vel senibus laxat, quasi idonei sint ad regendam vitam, ac ipsis sua prudentia, legis instar sit. sed quia adolescentia homines locat in biuio, ut certum genus vitæ sibi deligant, significat, vbi quis vitam instituere cogitat, nullum consilium posse fideliter succedere, nisi Legem Dei magistrâ & ducem sibi proponat. Hoc modo simul ad mores suos citò vel mature reformandos Prophetæ homines sollicitat, ne in longum tempus differant, sicuti & Solomon dicit Eccle. 12. 1. Memento Creatoris tui in iuuentute tua, antequam veniât dies afflictionis, & anni qui sint tibi tradidit. Et certe videmus, eos qui procrastinant

obdurescere in suis vitiis, ut serò ad ea corrigenda virilem ætatem ingressi nitantur. Accedit altera ratio, quòd adolescentes in quibus magis ebulliunt libidines carnis, quasi duplici frâno opus habeant: & quo minus in ipsis est temperantia, talem lasciuia cohiberi necesse est. Itaque nò immeritò eos Prophetæ peculiariter hortatur ad studium Legis. Iam ducendum est argumentum à maiori ad minus, Nam si ad frâmandos adolescentiæ impetus tam efficax est Lex Domini, ut puros & integros seruet quicunque ad eam respiciunt: minimè dubium est, vbi accesserit ætatis maturitas, & cupiditates deferbuerint, optimum fore remedium sanandis vitiis. Inde igitur tanta malorum colluies in còmuni vita, quòd sibi omnes in sua immundiæ indulgent, vel plus suo ingenio tribuunt quàm celesti doctrinæ. Hæc enim vna est fidelis custodia, cauere nobis secundum Dei sermonem. sed alii, dū sapiunt ex proprio sensu, se proficiunt in

Satanæ laqueos, alii autem flagitiosam vitam ignavia fouent.

10 *In toto corde.* Quamuis Prophetæ verè animum sibi rectum esse prædicet, ne tamen infirmitate labatur, implo rat Dei auxilium. Neque tamen hæc suâ præparatione iactat quasi proprio motu Deum querere inceperit: sed quam adeptus est gratiam celebrans, simul ad perseverandi constantiam aspirat. Stultè ergo Satan, suisque arripunt Papistæ, quasi Sancti libero arbitrio anteverterint gratiam Spiritus, & deinde eius subsidio adiuti fuerint. Neque enim hic inter se & Deum partitur Prophetæ: sed potius rogat ut Deus in finem usque continuet opus suum, sicuti ubique docemur obiter Deo sua beneficia, donec ea ad perfectionem adduxerit. Interim hæc legitima est precandi ratio, ut Dominus manum nobis porrigat, dum videt animis, ita esse compositos ut nihil magis expectamus quam ritè agere. Sicut autem ad petendum donum perseverantia, Deus nos fiducia erigit, ubi rectum affectum cordibus nostris inspirat: sic etiam nos sollicitat in futurum tempus ne securè torpeamus tanquam emeriti, sed petamus ut in singula momenta nos dirigat Spiritu prudentia, & Spiritu virtutis fulciat. David enim hic suo exemplo regulam nobis dicit, ut quisque se Divinitus adiutum fuisse sentiat, eo maiore cura & studio ad continuum eius auxilium implorandum impelli: quia nisi nos sua manu reuneat, statim in errorem labimur: quod etiam clarius exprimitur verbo Hebraico *יָדוּחַ*, est enim tractatum, quod tantundem valet ac in errorem inducere: non quod ex verbi significatione intrinsecum Dei motum probare contendam, sed ut teneant lectores quæ nostra est ad peccatum propensio, simul ac manum laxarit Deus, protinus in errorem labi. Admonet etiam hic locus, quisquis vel tantillum declinat a mandatis Dei, extra viam errare.

11 *In corde meo.* Quia Psalmus hic in sum priuatum compositus non fuit, quoties exemplum suum proponit David, sciamus sub typo nobis præscribi quid sequendum sit. Hoc autem loco

docet, tunc dentum nos ad cauendas Satanæ insidias esse instructos, si Lex Dei penitus cordibus nostris sit infixæ. nisi enim ita solidè corda nostra occupet, nullo negotio subinde excidemus. Nam sicuti qui tantum ex commentariis sapiunt nisi librum semper habeant præ oculis facile produnt suam inscientiam: ita nisi imbiberimus Dei doctrinam & ea probe sumus imbuti, facile nos deprehendet Satan, suisque laqueis induet. Hæc igitur vera dentum munitio est, non leuiter gussasse Legem Dei, vel legendo transuolasse, sed profunde eam recondere in animis nostris. Interea rursus mone mur, quicquid sibi de sua prudentia homines persuadeant, omni tamen recto iudicio destitui, nisi quatenus Deus illorum magister est.

12 *Benedixisti tu.* Et si hucusque profecerat Prophetæ, ut non tantum unus esset ex discipulis Dei, sed publicus Ecclesiæ doctor: quia tamen se & perfectissimos quosque in cursu esse agnoscit usque ad vitæ finem, Spiritum intelligentiæ petere non desinit. Ac in genere qui dem ostendit hic locus, quævis Lex Dei sub oculis nostris versetur, non eo tamè acumine nos pollere ut lucem illic propositam ceruamus, donec Spiritu iudicii nos Deus illuminet. Arque hinc fit ut multi cæcurent in clara luce doctrinæ, quod perspicacia sua confisi, arcana Spiritus illuminationem negligunt. Secundò discamus, neminem mortaliū tanta intelligentia pollere, quin semper incrementis indigeat: quia si Prophetæ cui Deus tam honorificum munus contulerat, profiteretur adhuc se unum esse ex discipulis: cnius socordia erit, nos qui longè adhuc ab eo distamus, ad perfectum non eniti? Adde quod non propria merita ingerit, ut impetret quod postulat: sed Deum per suam gloriam obtestatur. Nam exordium hoc sumens, *Benedixisti tu Iehova* se inde exorandi fiduciā concipere declarat, quod Deus ob immensam bonitatem, iustitiam, misericordiam omni laude dignus sit.

13 *Labii mei.* Testatur hoc versu se non tantum habuisse Legem Dei in corde suo inclusam, sed operam quoque

que dedisse vt multos condiscipulos adduceret in obsequiū Dei. Per se quidē frigidum esset de Lege Dei verba facere, sicut videmus hypocritas facundē garrire de tota pietatis doctrina, à qua tamen sunt alienissimi: sed quod Propheta nuper de cordis affectu professus est, ad linguā quoque nunc transfert. Et continuo post rursus confirmat, ex animo & abique fitione operam se impedisse aliis docendis, dum se non minus oblectationis cepisse prædicat ex Dei doctrina quàm ex cunctis mundi opibus. Pium verò Legis amorem quo flagrabat, oblique cōfert prauæ cupiditati quæ totum ferē mundum occupat: ac si dixisset, *Quum* hominum mentes ad se rapiant diuitiz, mihi non minus iucundū fuit proficere in doctrina pietatis, quàm summa opulentiā affluere.

15 *In præceptis tuis.* Tenendum est quod prius admonui, Prophetā hīc non efflare suas glorias, sed aliis proponere exemplar quod sequantur. Scimus quantum maior pars hominum terrenis curis addicta sit, vt nihil temporis & otii ad doctrinam Dei meditan-

dam relict. Itaque vt frigus illud ac festinantem corrigit, non frustra commendat diligentiam & attentionem. Atque vt mundus non ita nos teneat impictos, scimus tamen quàm facilē in quotidianis tentationibus nobis obrepat Legis Dei obliuio. Itaque non abs re ad continuā exercitationem nos hortatur Propheta, & huc studia omnia applicare nos iubet. Et quoniam erratica est hominum vita, quodd carnalis cupiditatibus huc & illuc distrahi non desinunt, ideo se ad considerandas Dei *semitas* intentū fore dicit. Postea iterum repetit, hoc *studium summa voluptati sibi fuisse*, donec enim hilariter & cum oblectatione animum suum quis adiciat ad Legem Dei, frigide & nimis lentē in ea proficiet. Atque hoc recte viuendi exordium est, vt Lex Dei suauitate nos sua alliciat. Hac etiam vna ratio domādīs vel sanandis carnis cupiditatibus. quid enim naturaliter nobis arridet nisi vitiosum? Itaque semper in illam partem feremur propensi, nisi contraria Legis oblectatio nos retrahat.

17 *Confer seruo tuo, vinam, & custodiā sermonem tuum.*

18 *Aperi oculos meos, & cōspiciā mirabilia ex Lege tua.*

19 *Peregrinus sū in terra, ne abscondas à me mādāta tua.*

20 *Confracta est anima mea pro desiderio ad iudicia tua in omni tempore.*

21 *Perdidisti superbos, maledicti qui declinant à mandatis tuis.*

22 *Aufer à me opprobrium & contemptum, quia testimonia tua custodiri.*

23 *Etiā sederunt Principes, in me loquuti sunt, seruus tuus meditatus est in edictis tuis.*

24 *Etiā testimonia tua oblectationes meæ, viri consilij mei.*

17 *Confer seruo tuo.* Verbum *חַנּוּן* quod retribuere vertunt, Hebræis non significat mutuam mercedem, sed tantundem sæpe valet atque conferre beneficium: sicut ex Psalmo 116.7, & pluribus aliis locis patet. Hic quidem locus postulat de gratuito beneficio ex-

poni. Duplex tamen adhuc posset esse sensus: Vel vt seorsum legatur, hoc modo, *Præsta Deuste liberalem seruo tuo: ita vinam.* vel, tunc me existimabo fecerem. Vel vt tota sententia vno tenore fluat, *Hoc confer seruo tuo Deus vt viuendo custodiam mandata tua.* Si prior



lectio magis placet; testatur his verbis Propheta se absque Dei fauore simile esse mortuo: atque ut alia omnia superpetant, sibi nullā fore vitam, nisi Deum sibi propitium sentiat. Sed rectior est altera expositio, Prophetam hoc summi beneficii loco petere, ut viuendo se totum Deo addicat: quia statuat non aliam sibi esse viuendi causam, nisi ut se exerceat in Dei cultu. Itaque hæc duo simul cohererent, *viuam & custodiam sermonem tuum*: ac si diceret non aliam se vitam expetere nisi in qua se probet verum & fidum Deicultorem. Sibi omnes vitam prorogari a Deo cupiunt, & certatim rapitur totus mundus ad hoc votum: interea quorsum viuendum sit vix cunctis unusquisque reputat. Ut nos ab hoc bruto affectu reuocet Propheta, legitimum vitæ finem præscribit. Interea docet, singulari Spiritus gratia fieri ut quis Dei Legem obseruet. Nam si putasset in libero suo arbitrio esse positū ad custodiendam Dei Legem se accingere, simulata fuisset precatio. Quò proximè accedit secundi versus doctrina. Postquam enim confessus est Diuinitus hominibus conferri seruandæ Legis virtutem, statim addit quenque nostrum cæcum esse donec mentis oculos idem Deus illuminet. Verum quidem est Deū nobis lucere per verbum suum, sed intelligit Propheta, donec velum ex oculis nostris abstulerit, nos cæcutire in clara luce. Perinde ergo est ac si suam & totius humani generis cæcitatem Prophetam defleat, dum sibi velatos & clausos oculos facietur, ne cælestis doctrinæ lucē conspiciant, donec eos arcana Spiritus sui gratia Deus aperiat. Caterum, dum hoc sibi manus Deus vendicat, docet remedium in promptu esse, modò ne proprio acamine consili, spernamus quam offert illuminationis gratiam. Discamus præterea, non ideo nos illuminari, ut contempto externo verbo, rapiamur ad arcanos afflatus: quemadmodum multi fanatici non aliter se putant spirituales nisi reiecto Dei verbo, sua deliria substituunt. Atqui longè alium illuminationis usum notat Propheta, ut ad cernendam viuificam lucem quam profert Deus verbo suo, nobis sufficiant oculi. Et *mirabilia* vocat Legis doctrinā,

primum ut ad suspiciendam eius altitudinem nos humiliet: deinde quo melius persuadeat nobis cælesti gratia opus esse ad intelligenda arcana quæ captum nostrum superant. Atque hinc colligimus, per nomen *Legis* non modò decem præcepta intelligi, sed fœdus æternæ salutis quod Deus pepigit, cum suis appendicibus. Et certe quum sciamus Christum, in quo absconditi sunt omnes thesauri scientiæ & sapientiæ, Coloss. capite 1. vers. 3, finem esse Legis, Romanorum capite 10. vers. 4: non mirum est si eam à sublimibus mysteriis commendat Propheta.

19 *Peregrinus sum.* Operæpretiū est notare cur se inquilinum & hospitem dicat esse in mundo. Profanis enim & terrenis hominibus nihil aliud curæ est nisi ut commodè hic viuant. Qui verò sciunt nobis currendum esse, & hereditatem nobis in cælo repositam, non affixi sunt neque impliciti rebus caducis, sed aspirant quò vocantur. Sensus ergo est, Domine quum mihi per terram celeriter transire necesse sit, quid mihi fiet si doctrina Legis tuæ destituatur? Hinc discamus vnde nos incipere oporteat: ut alacriter ad Deū pergamus. Porro *abscondere* dicitur *Deus mandata sua*, quibus oculos non aperit: quia dum spiritualibus oculis non sunt præditi, videndo non vident, ut absconditum sit quod palam versatur ante oculos. Atque ut demonstret Propheta se non desuntoriè ita precari, adiungit se totum Legis desiderio ardere. Nam quum dicit *animam suam contractam fuisse*, non vulgaris vehementia exprimitur. Quemadmodum enim si quis adeò cupide conferat in re aliquam sensus suos ut ferè evanescant, dicitur intemperie sua consumptus: sic etiam Prophetam animi sui vigorem ardenti Legis desiderio fractum vel exhaustum esse dicit. Et simul perseverantiam notat, quum dicit *omni tempore*, quia interdum cōtinget magno impetu quæpiam ad studium cælestis doctrinæ impelli, sed cuius euanidus erit feruor. Habenda igitur constantia est, ne tædio languescant animi.

21 *Perdidisti superbos.* Alii vertunt increpare. atque id significat Hebræis verbum *גָּלַל*, sed quum in regimine addatur

additur litera **2** *beth*. Nunc autē quum simpliciter dicat **וְיִתְּנָה**, secundum rationem Grammaticā apertius cōuenit Perdendi verbum. Quanquam ad summam rei parum referi, consilium enim Prophetā minime ambiguum est, se Dei iudiciū fuisse edoctum et animū adiiceret ad studium Legis. Et certe nō expectandum est dum nos suis ferulis castiget Deus: sed dum impios & verbi sui contemptores vlciscitur, nimium sumus socordes nisi nos erudiant eius flagella. Ac profecto hęc singularis Dei clementia est, dum nobis parcat, procul terrorem incutere, vt intactos & a castigatione immunes ad se adducat. Nec temere superbos vocat omnes incredulos: quia sola fides est quæ nos humiliat, & omnis rebellio ex superbia nascitur. Quā verò vile sit attentē & sedulō Dei iudicia animaduertere, quibus talem factum compescit, hinc colligimus. quādiu enim vident infirmi furiosē impios contra Deum insurgere, proteruē omne iugum excutere, & impune habere ludibrium totam pietatem: dubitare incipiunt an aliquis in cælo iudex Deus sedeat. Quāuis ergo ad tempus Deus conuiueat, simul tamē atque aliquod exemplum edit; certō statuamus non frustra transgressoribus Legis suæ minatum esse Deum: atque ita in mentem veniat maledictos esse omnes qui ab eo recedunt. Ceterū, notandum est *declinandi* verbo non quodlibet delictum notari, sed effraznem licentiam, quæ ex impio Dei contemptu nascitur. Est quidem illa vniuersalis sententia, Maledictum esse quisquis non permanferit in omnibus quæ scripta sunt: Deuter. capite 27. vers. 26: sed quia Deus paterna indulgentia tolerat qui per infirmitatis vitium claudicant, hic de iudiciis nominatim agitur quæ aduersus reprobos exercet. Illorum verò finem esse docet Iesaias capite 26. vers. 9, vt iustitiam discant habitatores terræ.

22 *Aufer à me*. Potest hic versus duobus modis intelligi. Scimus, quamlibet se filii Dei recte gerant, multis tamen calumniis esse obnoxios. Itaque non frustrā postulant fideles vt Deus contra linguas virulentas synceræ, quæ

colunt, pietatis sit assertor. Nec male conueniet hic sensus, Domine, quia mihi bene conscius sum, & tu mihi etiam veræ integritatis es testis, ne permittas vt improbi, falsa crimina in me congerendo, vitam meam infament. Sed pie-nior erit sententia si vno contextu legatur, Ne patiaris Deus impios ideo mihi illudere quia Legem tuam seruare studeo. Nam ab initio hæc impieras in mundo grassata est, vt Dei cultoribus probri loco obiecta fuerit sua simplicitas, & in ludibrium tracta. Sicuti hodie eadem ferē probra aduersus filios Dei volitant, quod non contenti vilitate viuendi ratione, nimium sapere velint. Nam illud lesuræ capite octauo, vers. 18, nunc quoque impleri oportet, Ecce ego, & pueri mei quos dedisti mihi in portentum. vt filii Dei cum capite suo Christo apud profanos homines monstros sint similes: sicuti & Petrus testatur nos ab illis insanix damnari, quia eorum vias non sequimur, 1. Petri capite quarto vers. 4. Quia autem hæc contumelia in nomen Dei redundat, si ob purum Legis Deitūdiū habentur ludibrio: meritō Prophetā subsanationes istas compesci postulat. Atque etiam ad hoc asyllum nos suo exemplo Iesaias capite 23. vers. 22, confutere docet, quod impiis in terra ferociter probra sua iactantibus, sedeat tamen in cælo iudex noster. Proximo versu clarius asserit Prophetā, se non frustrā precarum esse vt eum Dominus à talibus probris assereret: quia non tantum à plebe & hominum quiquiliis derisus fuerit, sed etiā ab ipsi proceribus qui sedebant tanquam iudices. Nam *seuendi* verbo significat non tantum in suis cubiculis vel mensis perperam & inique loquutos esse, sed publice quoque & in ipso tribunali, vbi ius dicendum erat. Ideo vitur particula **וְאֵל**, quæ tacita comparatione inter obscuros plebis susurros & superba istorum iudicia, amplificat rei indignitatem. In reea tamen quā constanter persuterie in studio pietatis videmus. Nam quia hoc artificio tentabat Satan eum ad desperationem impellere, remedium ex meditatione Legis Dei se qua fuisse dicit. Hic verò docemur non

esse nouum si mundi Iudices iniquè opprimant seruos Dei, & eorum pietati insultent. Hanc contumeliam si effugere non potuit Dauid, cur hodie essemus immunes? Simul tamen discamus, nihil magis esse peruersum quàm pèdere ab hominum iudiciis: quia necesse erat singulis momentis vacillare. Quare satis sit nos Deo probari, quauis nos iniuste traducât homines, nec modò vulgus ignobile, sed ipsi etiâ Iudices, à quibus speranda erat maior aequitas.

24 *Etiâ testimonia tua.* Particula **Q** versum hunc cum superiore cōnectit. Hoc raræ fortitudinis exēplum est, quum mundus perperam de nobis iudicat, nō mutare propositum, nec fluctuari, sed persequi meditationem Diuinæ Legis. Nūc igitur docet Propheta quomodo hanc tentationem eluctatus fuerit: nempe, Testimonia tua (inquit) sunt latitiae meæ. hoc est, Quauis acerba sit & molesta hominum iniquitas, dum mendaciter me accusant, sufficiunt ta-

men ad compensationem delicta Legis. Addit testimonia Dei esse suos *consiliarios*, qua loquendi forma significat se non acquiescere in proprio sensu, sed petere à verbo Dei consilium. Quod diligenter notandum est. videmus enim vt regenda hominum vitæ præsideant cæci affectus. Auarus vnde petit consilium, nisi ex falso principio quod sibi imaginatus est, nihil scilicet melius esse diuitiis? Cur ambitiosi vnâ altitudinem appetunt, nisi quia existimant nihil esse melius quàm tenere gradum honorificum in mundo? Nō igitur mirum est tam miserè errare homines, qui se tam malis consiliariis regendos tradunt. Tunc autem & carnis nostræ & mundi imposturis clausus erit aditus, & contra omnes tentationum impetus stabimus inuicti, si nos verbum Dei gubernet: atque hæc nobis vnica sit prudentia, quicquid præscribit obedienter sequi.

25 *Adhesit pulueri anima mea, vniſi ca me secundum verbum tuum.*

26 *Vias meas narraui, & respondiſti mihi: doce me edicta tua.*

27 *Viam mandatorum tuorū fac vt intelligam, & meditabor in mirabilibus tuis.*

28 *Stillat anima mea præ dolore, erige me secundum verbum tuum.*

29 *Viam falsitatis aufer à me, & Lege tua gratificare mihi.*

30 *Viam veritatis elegi, iudicia tua proposui.*

31 *Adhesi testimoniis tuis Iehouah, ne pudefacias me.*

32 *Viam statutorum tuorum percurram, vbi dilataueris cor meum.*

25 *Adhesit pulueri anima mea.* Significat se de vita non secus desperasse quam si affixus esset sepulchro. Quod notatu dignum est, ne tædeat nos vel pigeat, quoties ita visum fuerit Deo, per varias mortes transire. Suo autem exemplo docet, quum nihil occurrit præter mortem, speique omnes videtur ex-

tingere, ad Deum nihilominus vota nostra dirigere, in cuius manu sunt exitus mortis, quemadmodum vidimus Psal. 68. 21: & cuius proprium munus est vitæ restituere mortuis. Cæterum, quia hæc difficilis lucta est, ideo se & alios reuocat ad Dei promissiones. Nam quum dicitur *secundum verbum tuum*, fatetur, si à Dei



Dei verbo recesserit, nullam spem manere sibi residuam. Verum quia pollicitus est Deus vitam piorum in manu sua & tutela esse, quanuis sepulchro adhaereat, se tamen in vitæ fiduciam erigit.

26 *Vias meas narraui.* Priore membro testatur se absque furo fuisse precatum, nec sequutum esse superbo homines qui prudentia sua, virtute, aut opibus freti, ad Deum non confugiant. Vias enim suas Deo exponere dicitur, qui nihil tentare vel aggredi audeat nisi eius auxilio, sed totus pendens ab eius providentia, sua omnia consilia eius arbitrio permittit, & quasi in eius sinum deponit affectus suos: idque sincere facit, non ut hypocrita, qui aliud lingua præ se ferunt, aliud in corde occultant. Addit etiam *se fuisse exaudutum*: quod in spem futuri temporis non parum valebat. Secundo membro iterum testatur sibi nihil esse pluris quam veram Legis intelligentiam consequi. Sunt enim non nulli qui vota quidem sua Deo aperiunt, sed eam stultis suis cupiditatibus morigerum habere vellent. Ideo dicit Propheta nihil se magis cupere, quam in *Dei statuta rectè doceri*. Quod & proximo versu confirmat, hanc sibi intelligentiam dari rursus postulans. Atque utroque loco notandum est, quanuis oculis nostris Lex Dei sit exposita, nisi tamen accedat interior magister Dei Spiritus, non multum nos posse ex illius lectione consequi. Ceterum ubi posui *Meditabor*, quidam Interpretes vertunt differā: & verbum *אנין* tam ad sermonem quam ad tacitas cogitationes refertur. Sed huic loco posterior significatio melius conuenit. Sic enim resoluo Prophetæ verba, ut mediter in mirabilibus tuis fac ut mandata tua intelligam. Scimus enim, donec mentes nostras Deus purgauerit, veræ sapientiæ gustum percipiant, Legem eius esse nobis insipidā. Atque ex hoc fastidio nascitur ignavia, ut grauetur mundus ad Dei Legem reuerenter attendere, quia admirabilem sapientiam quæ illic recondita est non gustamus. quare non temere Prophetam ignaum intelligentiæ dono sibi patefieri rogat. Hinc verò simul discendū esse prout donati sumus intelligentiæ Spi-

ritu, reuerentiam Legis Dei & eius meditanda studium debere in nobis crescere.

28 *Stillat anima mea præ dolore.* Quemadmodum paulo ante dixerat, animam suam pulveri esse affixam, ita nunc similiter sensu dissiluisse præ dolore conqueritur. Quanquam sunt qui ad lachrymas putent eum alludere: ac si dissilisset animam suam in lacrymas liquefieri. Verum sensus est simplicior, vires dissiluisse instar aquarum. Et verbū quidem est futuri temporis, continuum tamen actū designat. Porro extremi memoris remedium hoc sibi statuit Prophetam, si Deum manum porrigat. sicut enim nuper quum exanimis esset, spem resurrectionis concepit ex Dei gratia: ita nunc ex eadem, noui & plenius vigoris restitutionem sperat, quanuis nunc euenerit. Repetit particulam illam *secundum verbum*, quia absque verbo nobis frigeret Dei potestas. Atqui ubi nobis Deus occurrit, quanuis nos animus & vires deficiant, satis ad nos confirmandos valere debet eius promissio.

29 *Viam falsitatis aufer à me.* Quia sciebat quam propensa sint ad vanitatem ac mendacium hominum ingenia, priore loco mentem suam purgari postulat, ne Satanæ imposturis implicata, in errorem labatur. Deinde ut sibi à mendaciis caueat, Legis doctrina muniri se fert. Quanquam varia est secundi membri interpretatio. Quidam enim ita vertunt, Fac ut Lex tua grata sit mihi. Et certè quia Lex carni, quam cogit in ordinem, odiosa est, merito rogandus est Deus ut suauem & gratiosam nobis eam reddat. Alii exponunt, Miserere mei de Lege tua. ac si misericordiam deduceret Propheta ex proprio suo fonte: quia Deus in Lege sua fidelibus eam promissit. Vterque sensus mihi coactus videtur: ideo tertium libentius amplector, Legem tuam gratuitò mihi dona. Sed verbum *אנין* non potuit aliter transferri quam *gratificore mihi*. crasse quidē & barbarè: sed mihi perinde fuit modò Prophetæ mentē certò teneret lectores. Iā summa nobis cōstat. quia enim nos occupat hebetudo, nihil procliuius est quam ut se errores insinuent. Quare subinde in varias hallucinationes rapi continget.

nisi prudētiā Spiritu nos Deus instruat. Modus autem exprimitur, vt nos instituat in Lege sua. Sed gratificandi verbum posuit ac si dixisset, Hoc quidem incomparabile beneficium est, quod homines Lege tua dirigis: sed quia gratuita est tua liberalitas, petere non dubito vt me in huius boni fructuione admittere digneris. Iam si Propheta qui pridem Deum coluerat, nunc ad nouum profectum aspirans, non petit pleniorē gratiam meritis suis tanquam debitam reperi, sed fateretur hoc gratuitum esse Dei munus: concidit impium illud commentum quod in Papatu obtinuit, augmentum gratiā meritis tanquam debitum retribui.

30 *Viam veritatis elegi.* Hoc versu & proximo se ita animatum fuisse asserit, vt nihil magis expeteret quā sequi quod rectum & verum erat. Non temere hīc ponitur eligendi verbum, nam quod veteri proverbio dictum est, Vitam hominum esse quasi in biuio, non modō ad generalem cursum, sed ad singulas actiones pertinet. Simul enim ac minimum aliquid suscipimus, huc & illuc distrahimur, & quasi tempestate abrepti miscemus varia consilia. Ideō Propheta, vt constanter in recta via pergeret, dicit sibi fixum ac decretum fuisse non relinquere veritatem. Hoc modo se non fuisse expertem tentationum significat: praualluisse tamen, quia animū addixerat studio seruandae Legis. Eodem spectat posterius membrum, vbi dicit *proposita sibi fuisse Dei iudicia*. Neque enim firma esset electio, nisi se fideles in continuo Legis intuitu exerceant, neque vagandi licentiam permittāt o-

culis suis. Sequenti autem versu non modo pium hunc affectum pradicat, sed adiungit simul precationē, ne confusus impiorum ludibriis succumbat, dum Legi Dei totus est affixus. Idem verbum nunc repetit quo prius vsus est, vbi animam suam dicebat affixam esse pulueri: atque ita declarat se Legem Dei ita tenaciter esse amplexum vt ab ea auelli nequeat. Dum ergo pudeferi metuit, vel probris obruit: hinc colligimus, quo syncerius quisque se Deo addicit, magis prouocare impuras & virulentas linguas.

32 *Viam mandatorum tuorum.* Significat Propheta, vbi Deus alacritatē dederit, satis vegetum & alacrem se fore, adeoque constantem ne in medio stadio fatiscat. quibus verbis tacitē fateretur, donec corda hominum dilatauerit Deus, non modō fore ignauos, sed non posse pedem mouere vt ad bene agendum aspirent. Porro vbi corda eorum Deus explicuit, non modō ad ambulandum, sed etiam ad currendum satis fore idoneos. Admonet interea, verā Legis obseruationem non in externis tantum operibus sitam esse, sed requirere voluntarium obsequium, vt cor se quodammodo dilatet. non quod se proprio motu ita compareret, sed quia vbi correctā est eius durities & contumacia, liberaliter se offert: neque amplius suis angustiis constringitur. Docet postremō hic locus, vbi animos nostros in hanc latitudinem formauerit Deus, vires non defore: quia Deus vnā cum recto affectu facultatem quoque sufficiet, vt pedes ad currendum sint parati.

33 *Docce me Iehouah viam edictorum tuorum, & custodiam eam ad finem.*

34 *Fac me intelligere, & seruabo Legem tuam, & custodiam eam in toto corde.*

35 *Dirige me in via statutorum tuorum: quia in ea est beneplacitum meum.*

36 *Inclina cor meum ad testimonia tua, & non ad auaritiam.*

37 *Auerte oculos meos ne videant vanitatem: in via tua viuifica me.*

38 *Confirmas seruo tuo eloquium tuum qui timori tuo deditus est.*

39 *Aufer opprobrium meum quod timui, quia iudicia tua bona.*

40 *Ecce concupiui ad mandata tua, in iustitia tua vivifica me.*

33 *Doce me Iehonab viam edictorum.*  
 Adhuc repetit precationem qua iam saepe usus est in hoc Psalmo: quia magnopere nostra refert, tenere hoc invita esse præcipuum ut nos Deus gubernet. Videmus enim ut maior pars quidvis potius cogitet quam hoc sibi à Deo petendum esse. Ideo votum hoc quod assidue recurrere nobis debet, Spiritus sanctus inculcat: ut non modò qui novitii sunt ac rudes tyrunculi, sed qui magnos progressus fecerunt, non desinant vltra eniti. Et quia Spiritus intelligentiæ à calo datur, arcano eius institutu postulent se ad veram Legis scientiam deduci. Nam secundo membro ostendit Propheta de qua specie doctrinæ loquatur: nempe quæ efficax sit ad mandandum cor hominis. Cæterum vocem *דבר* duobus modis exponunt Interpretes. Quidam pro mercede, hoc sensu, Vbi probe edoctus fuero, non frustra eos laborare cognoscam qui se addicunt ad observantiam Legis tuæ. Ideoque propter mercedem mandata tua custodiam: quia nunquam frustraris cultores tuos. Alii vertunt, Ad finem usque: quia quos Deus efficaciter docet, simul etiam confirmat ne fatigentur in medio itinere, sed absque lassitudine constanter ad metam pergant. Equidem non dubito quin de perseverantiæ dono loquatur: sed expendant lectores annon simpliciter legi possit hic versus ut verba sonant. Neque enim præpositio *IN* exprimitur à Propheta, sed dicit, *Custodiam finem*, ita sensus esset, Domine mihi necesse est assidue doceri, ne deficiam, sed semper intentus sim ad scopum meum. Tu enim hac lege in stadio tuo currere præcipis, ut mors demum sit meta. Hæc verò constantia in me non reperietur, nisi quotidie me doceas, ac qui te duce semper ero in specula: nec oculos à fine meo

vel scopo deflectam. Ego tamen in veritione posui quod magis receptum erat.

34 *Fac me intelligere, & servabo.*  
 Primò admonet hanc esse veram prudentiam, si tantum sapimus ex Lege Domini, ut nos sub eius timore & obsequio contineat. Hanc verò sibi Diuinitus conferri postulans, fatetur homines carnis sensu excæcatos, quovis potius tendere. Et certè longe à communi hominum opinione remotum est, studia omnia conferre ad servandam Dei Legem. Eos enim demum sapere mundus existimat qui bene prospiciunt suis commodis, in negotiis terrenæ vitæ acuti sunt & versuti, astutia etiam pollent ad fallendos simplices. Contrà autem denuntiatur Propheta, recta intelligentia destitui homines quandiu primatum non obtinet Dei timor. Neque enim aliam sibi perspicaciam expetit, nisi ut discat totum se Deo regendum tradere. Fateatur etiam interim, hoc speciale esse Dei donum, non autem proprio Marte vel industria acquiri. nam si idoneus sibi quisque magister foret, superuacua esset ista precatio. Porro quia res non vulgaris est Legis observatio, duobus verbis utitur: ac si diceret, Domine ardua res est ac difficilis Legem tuam exactè ut decet servare, quæ mūditiem plus quam humanam præscribit: sed ego cælestis Spiritus tui luce fretus, non deficiam. Clarior tamen erit sensus si verba sic resoluas, Da mihi inrellectum ut servem & toto corde custodiam. Totius autem cordis sit mentio. ut sciamus procul abesse à Legis iustitia qui externos tantum sensus in officio continent, ut nihil palam designet reprehensione dignum. quia Deus fratrum maxime cordibus iniicit ut illic vigeat pura integritas, cuius deinde fructus in vita



appareant. Atque hæc spiritualis Legis observatio melius cōvincit quam necessitas sit nos Diuinitus ad eā formari.

35 *Dirige me in sentia.* Quod subinde hanc sententiam iterat Propheta, non est superuacuum: quia quum hominibus hic sit viuendi finis vt proficiant in schola Dei, videmus vt suis illecebris mundus eos huc & illuc trahat, ipsi etiam sibi innumera auocamenta fingant. Ac notandum est quod sequitur, hoc esse suum beneplacitum. Est enim hoc rara virtutis, hominem sensus suos & affectus ita colligere, vt blanditiis omnibus quæ carnem titillant valere iussis, non alibi se oblectet quàm in Dei cultu. & tamen hanc palmam adeptus Propheta, sibi adhuc aliquid deesse videt. Nouum igitur Dei subsidium implorat, vt ad desiderium accedat plenus effectus, sicuti Paulus dicit Philip. 2. 13, Deum esse qui in nobis operatur & velle & exequi. Tenendum verò est, non hic gloriari de intrinseco naturæ suæ motu: sed quam accepit gratiam, proferre in medium, vt Deus opus quod inchoauit perficiat: ac si dixisset, Domine qui mihi animum dedisti, adde etiam vires. Iam nomen *beneplaciti*, carnis cupiditatibus tacite opponitur quæ hominum corda suis illecebris deuincta tenent.

36 *Inclina cor meum.* Primo fateatur adeo morigerum non esse cor hominis Dei iustitiæ, vt potius in contrariam partem feratur. Nam si naturaliter & sponte propensio essemus ad Legis iustitiā, frustra dictum esset, Inclina cor meum. Sequitur ergo, corda nostra nihil nisi vitiosum concipere, & cōtumacia esse dedita, donec ea in diuersā partem reflectat Deus. Notanda diligenter est hæc Propheta confessio, corruptam vsque adeo esse hominum naturam, vt quiduis potius quàm quod rectū est appetat: donec manu Dei ad nouam docilitatem reflectatur, vt procliuis ad bonum esse incipiat. Et altero membro ostendit Propheta quid impediatur quominus ad iustitiæ studium aspirent homines: quia scilicet procliues sunt *in auaritiā*. Ac species pro genere per synecdochen ponitur. **ΥΥ** quidem violentius agere significat, sicuti concupiscere vel fraudare

res: sed nomen auaritiæ optimè cōuenit, modò sciamus delectam esse hanc speciem à Propheta quæ radix est omnium malorum, 1. Tim. 6. 10, vt ostenderet nihil magis esse contrarium iustitiæ Dei. Interea monemur in genere, tenent nos prauis & vitiosis affectibus implicitos, vt abhorreat corda nostra à studio Legis Dei, donec propensionem ad bonū inspiret Deus.

37 *Auerte oculos meos.* Docemur his verbis sic occupari sensus omnes nostris vanitate, vt non mirum sit à recti studio esse alienos donec fuerint purgati & reformatissimi prauitatem quam dixit proximo versu regnare in hominū cordibus, ad externos quoque sensus extendit: ac si diceret, morbum concupiscendi non in animis modò latere, sed diffusa esse per omnes partes, vt neque oculi, neque aures, neque pedes, neque manus integram naturam retineant: denique nihil purum sit à corruptela. Et certe scimus labem originalis peccati non tantum residere in aliqua parte hominis, sed possidere totam animā & corpus. Nam si oculos special Dei gratia auertere necesse est à vanitate, sequitur, simulatque aperti fuerint, cupide incurere in Satanæ fallacias quæ vbique se ingerunt. Si tantum laqueos tendere Satā, nos autem ad cauendas eius imposturas providi essemus, nō propriè oculos Deus auerteret à vanitate: sed quia sponte dediti sunt malis illecebris, retrahi necesse est. Quoties ergo oculos aperimus, duas ianuas sciamus Diabolo esse apertas quibus in animā nostrā penetret nisi Spiritus sui custodiā Deus opponat. Quod autem de oculis dicit, pertinet etiam ad alios sensus: quia hic quoque synecdochica est locutio. Ac respondet posterius membrum. quanquam enim alii diuersos sensus afferunt, hunc genuinum esse arbitror, Domine, quia maledicta est vita hominum quandiu suas facultates cōferunt ad peccandum: fac vt quicquid est in me vigoris, nihil nisi iustitiā quam præscribis, spiret. Vt hoc melius pateat, tenere principium istud conuenit, Quod oculi vident, quod aures audiunt, edes ambulant, manus palpan, pretiosa quidem dona esse Dei: excellentius etiam esse donum quod iudicio

& voluntate præditi sumus: sed interim nullum esse oculorum aspectum, nullos sensuum motus, nullam cogitationem, cui non adhæreat vitium & prauitas. Quum ita sit, meritò Propheta se totum Deo mortificandum offert, vt nouā vitam viuere incipiat.

38 *Confirma seruo tuo.* Hic breuiter notatur legitimus & vnicus precandi finis, vt promissionum Dei effectus ad nos perueniat. vnde sequitur, peccatam facere qui habenas temere suis votis laxant. Videmus enim vt Propheta nihil petere vel optare sibi permittat nisi quod Deus promittere dignatus est. Et certè nimis importuna eorum audacia est qui ad Deum sine vlla verbi eius inuitatione percurrunt: perinde ac si arbitrio suo vellent Deum subiicere. Notanda autem est quæ sequitur ratio, *Quia ad timorem tuum:* siquidem relationum **7** *7* **UN** causalem particulā valet. Significat enim Propheta se non subsistere in terrenis cōmodis, vt solent profani homines: nec præposterè abuti promissionibus Dei ad captandas carnis delicias: sed timorem ac reuerentiam Dei sibi esse pro scopo. Et certè hæc optima impetrandi fiducia est, vbi vota nostra non seiungimus à Dei cultu, sed hoc vnū expetimus vt in nobis regnet.

39 *Aufer opprobrium.* Non satis liquidò constat quodnam opprobrium designet. Quia multos calumniatores sciebat esse quasi in excubiis, vt si fortè eum deprehenderent in aliquo delicto, maledicendi occasio suppetere: meritò incidere timuit in talem infamiam, idque sua culpa. Poruit etiā timere aliud probum, quia sciebat improbos homi-

nes optimis quibusque proteruè maledicere, & rectè facta suis calumniis trahere in sinistram partem. Ratio additur, *quod iudicia Dei bona sint,* vt Deus improbas linguas compescat quæ virus petulantia suæ exerunt contra homines innoxios, qui Dei ipsius Legem reuerenter obseruant. Si opprobrium quippiam accipere malit Dei respectu, non malè sentius quadrabit, hoc modo vt Propheta, cui satis erat vitam suā Deo probare, tantum cupiat, vbi apparuerit ad eius tribunal, iudicium effugere hominis reprobī: perinde ac si magno & sublimi animo despiciat quicquid garrunt in mundo homines, modò stet integer in Dei cōspectu. Et certè hoc maxime probū timere. Sāctos omnes decet ne cū ignominia cadāt ad Dei tribunal.

40 *Ecce concupiui.* Iterum repetit quod nuper testatus erat, se prædictum esse pio affectu, & sibi cordi esse reuerentiam: tantum restare vt Deus opus quod inchoauit, absoluat. Si placet hic sensus, tantumdem valebit *in iustitia Dei viuificari* atque in via. Et certè iustitiæ nomē passim occurrit in hoc Psalmo pro Lege Dei, vel iustè viuendi regula. & hoc modo melius duo membra inter se cohærebunt, Domine hoc iam præclarum est gratiæ tuæ munus, quod sanctum seruandæ Legis tuæ desiderium mihi inspiraueris: sed hoc adhuc deest, vt eadem virtus se in tota vita mea exerat. Sed quoniam nomen iustitiæ ambiguum est, liberum erit lectoribus accipere: ac si dixisset, pro tua bonitate, qua soles vti erga omnes tuos, restitue me, tuere ac sustentare. Ego tamen quid magis placeret ostendi.

41 *Et veniant ad me misericordia tua Iehoua, salus tua secundum eloquium tuum.*

42 *Et respondebo probris me afficienti verbum, quia sperauerim in verbo tuo.*

43 *Et ne eripias ex ore meo verbum veritatis usque valde: quia iudicia tua expecto.*

44 *Et custodiam Legem tuam semper in seculum & usque.*

45 *Et ambulabo in latitudine: quia statuta tua exquisiui:*

46 *Et loquar de testimoniis tuis coram Regibus, & non pudeſcam:*

47 *Et oblectabo me in mandatis tuis quæ dilexi.*

48 *Et tollam manus ad ſtatuta tua quæ dilexi, & meditabor in edictis tuis.*

41 *Et veniant ad me.* Non dubium eſt, quum *miſericordias* Dei priore loco ſtatuit, deinde *ſalutem* addit, quin cauſam effectui, vt poſtulat naturæ ordo, præferat. Arque hoc modo fatetur non aliter ſe fore ſaluum niſi mera Dei miſericordia. Porro dum gratitiam ſalutis ſibi optat, promiſſioni ſimul innititur quemadmodum iam vidimus aliis locis. Secundo verſu gloriatur ſe optima deſenſione contra hoſtium calumnias fore inſtructum, quia in Dei verbo ſperauit. Quoniam futurum temporis cecidit in optatum reſoluere, vt multi faciunt: acſi dixiſſet, *Domine quia ſperavi in verbo tuo*, fac vt os mihi liberè apertum ſit ad reſutanda eorū maledicta, neque me obmutefcere permittas dum falſa in me probra cogerūt. Vtrouis modo accipere libeat, primū docemur, nunquā deſore homines maledicos, qui filios Dei quantumvis innoxios inſectari non deſināt. Dubiū autē eſt de quo probri genere loquatur: quia non tantum Dei filios impii aſpergunt infamia, ſed eorū fidei ſuis ſubſanationibus illudunt. Hūc ſecundū ſenſum, quia ad contextum aprior eſt: facile amplector. Ludibriis enim ſuam ſpem in Deo opponit Dauid acſi dixiſſet, Erit quod falſis inſultationibus reſpondeā: quia Deus ſperātes in ſe non fraudat. Quod ſi ad vtrunque extendere quis malit, non repugno. Porro nō dicit ſimpliciter ſe in Deo ſperaviſſe, ſed in eius verbo, quia verbum eſt ſperandi materia. Notanda eſt etiam mutua inter *verbum* & *verbum* relatio: quia niſi Deus ex verbo ſuo aliud verbū nobis ad deſenſionem ſuppeditet, ſtatim obruemur impiorum petulantia. Ergo ſi cupimus inuicti ſtare contra mundi inſultus, fortitudinis principium hūc nobis oſtenditur, nempe ſperare in Dei verbo: quo dum ſulti ſumus, iubet nos Spiritus Dei virulentas impiorum blaſphemias animoſè contemnere, atque vt

eas reſutemus, verbo Spei adiungit verbum Confessionis.

43 *Ne auſeras verbum.* Quæri poſſet cur verbo *veritatis* linguam potius inſtrui poſtulet quā cor muniri. nā hoc ordine prius eſt, & maioris momenti. Quantum enim iuuabit, promptas eſſe & diſertas linguas, ſi corda fide vacua ſint? Atqui vbi ſolida fides, vltro etiam ſequitur lingua. Reſpondeo, Dauidem non ita de externa profeſſione fuiſſe ſollicitum quin fidē cordis præferret. Sed quū apud Deum verba faciat, nihil mirū ſi tātum de illa loquatur. ſub qua tamē hanc cōprehendit: perinde acſi dixiſſet, Domine non modò cor meum fide ſuſtineas, ne tentationibus obruar: ſed fac etiam vt linguæ conſtet plena libertas, vt inter homines te intrepidè celebrem. Videmus vt loquendi fiducia ſibi dari poſtulans, à corde incipiat. Poſſet iterum hic quæri cur dicat *uſque valde*, quaſi verò non metuat verbo veritatis deſtitui ad breue tempus. Atqui hoc valde abſurdum eſſet, quum in ſingula momenta ſollicitus eſſe oporteat, ne vnquam inerme ac nudi deprehendatur. Solutio eius nodi à proprio experimento nobis petenda eſt. Nam in hac carnis infirmitate fieri vix poſteſt quin trepidet interdum robuſtiſſimi etiam quique, dum violentius eos impugnat Satan. Et quanquam fides non ſuccumbit, labascere tamen ſentimus. præſertim non tanta ſuppedit animi præſentia vt æqualis ſemper tenor in linguis conſtet, ac ſemper ad impiorum ludibria prompta ſi reſponſio: quin potius vacillant ad breue tempus & trepidāt. Dauid ergo huius quæ ſe in omnibus prodit infirmitatis ſibi conſcius, precationem ſuam temperat hoc modo, Etiā ſi non ſemper in pròptu mihi ſit quæ opranda eſſet loquendi fiducia, ne me permittas diu obmutefcere. Quibus verbis tacitè fatetur Propheta ſe non fuiſſe tam



se tam constantem & animosum ut par erat, sed linguam suam metu fuisse quasi deuinctam. Hinc verò discendum est, non magis in arbitrio nostro esse ingenue loquendi virtutem, quam cordis affectus. Quatenus itaque linguas nostras gubernat Deus, promptæ sunt ad liberam confessionem, Simul ac spiritû fortitudinis submouet, non modò languent corda, vel prostrata iacent, sed linguæ etiam conticescunt. Addit rationem, quòd *expectaueris ad Dei iudicia*. sic enim loquitur ad verbum. unde colligimus non tantum pro Legis præceptis iudicia accipi, sed hac voce etiam notari promissiones, quæ propriæ expectationem nostram sustinent. Quòd enim nonnulli deduceres à radice חַיִּים, vertunt, Continemus ad iudicia tua: nescio an conueniat. Certe quòd iudicia interpretantur de pœnis, alienum est.

44 *Et custodiam.* Hic promittit non modò ad paucos dies se fore Legis studiosum, sed usque ad vitæ finem. Quod autem tria verba ponit eodem sensu, חַיִּים, עוֹלָם & עַד, non superuacua est congeries: quia subindicat, nisi fortiter ad resistendum insistant fideles, variis subinde tentationibus posse illis excuti Dei timorem, ut à Legis studio desistant. Ideo, quo paratior sit ad pugnam, difficultatem commemorat. Proximus versus optandi modo Legi posset: sequamur tamen quod magis receptum est, nepe Dauidem gloriarì, quia Dei præcepta sollicitè inquirat, viam sibi planam fore & expeditam: quod est *ambulare in latitudine*. Scimus enim plerunque vias hominum vel spinosas esse vel angustas constrictas: quia ipsi sibi varia obstacula accersunt, vel ambagibus se implicant. Ita fit, dum nemo se Dei verbo subicere & regendum tradere sustinet, ut huius arrogantia pœnâ quisque luat: quia Deus undique laqueos nobis tendit, foveas obicit, vias abruptit multis salebris, concludit denique in abyssos: & quo quisque astutior est eo magis anxie laborat. Docet autem hic versus, si quis simpliciter Deo obtemperet, hanc ei mercedem rependi, ut quieto & securo animo iter faciat: quòd si quando occurrant angustia, inueniat tamen exitum. nam fideles, quâ-

tumuis se Deo prabeant dociles, conungit tamè interdum harere perplexos. sed tandè impletur illud Pauli, 2. Cor. 4. 8, Quamuis anxii laborent, non tamen manere constrictos: quia Dei est viam per inuia monstrare: imò quamvis anxie premantur, ambulant nihilominus in latitudine. quia dubios euentus sic Deo committunt, ut eo duce non dubitent ex abyssis liberum sibi fore egressum.

46 *Et loquar de testimoniis tuis.* Vi detur hic secure sibi promittere quod antè precatus est. Postquàm enī dixit, Ne auferas verbum, ex ore meo: nunc quasi voti compos exurgit, seque elinguent fore negat, etiam si coram Regibus habendus sit sermo. Neque enim dubium est quin dicat, toto mundo obstante, sibi fore præsentè animum, ut ingenue Dei gloriam asserat: sed Reges deligit qui præ aliis sunt fornicares, fallaces suo Dei testibus ora claudunt. Sæpe quidem contingit, etiam in infimis hominibus nos cedere. simul enim ac se quispiam opponit verbo Dei, tumidè nos colligimus, & euanescit illa quam initio professi eramus libertas. Maximè tamen ubi ad Regum tribunalia vēum est, timiditas nostra se prodit. Hæc ratio est cur dicat Dauid, non modò contra ignobiles aduersarios se fortiter staturum, sed coram Regibus ipsis constantem & intrepidum se fore. Quibus verbis docemur, tunc demum nos rite professisse in verbo Domini, si mentes nostræ, ubi eas mundus delicere conabitur, contra humanos terrores munia: ne Regum quidem conspectum formident. Nam vano eorum splendore, Dei gloriam obrui, nimis indignum est.

47 *Et oblectabo me.* Similem fere sententiam antè protulerat. Summa est, sic amplexu est amore præcepta Dei ut nihil suauius reperiat continua eorum meditatione. Nam oblectandi verbo exprimitur amoris vehementia. Eodem pertinet, quod continuò post addit, *Tollam manus meas*. Nam quod extensis manibus captamus, cupidè à nobis appeti certum est. Itaque desiderii ardorem metaphorice designat. Nam si quis gestu simul et talena affectum, in omnibus autem vitæ negotiis Legē Dei negligat, nimis putida erit hypocrisis.

Atque iterum confirmat, serium illum & ardentem affectum inde nasci, quod iam Legis dulcedo animos nostros sibi deuinxit. Postremò dicit se *meditationem in Dei testimonio*, Neque enim dubi-

to quin verbum *HW* ad tacitam meditationem, in qua se exercent filii Dei referri debeat. quod etiam maior pars Interpretum agnoscit..

46 *¶ Memento verbi ad seruum tuum, super quo spem mihi dedisti.*

50 *¶ Hæc consolatio mea in afflictione mea : quia sermo tuus viuificat me.*

51 *¶ Superbi deriserunt me plurimum: à Lege tua non declinaui.*

52 *¶ Recordatus sum iudiciorũ tuorum à seculo Iehouah, & me consolatus sum.*

53 *¶ Terror inuasit me propter impios derelinquentes Legem tuam.*

54 *¶ Cantiones fuerunt mihi edicta tua in domo peregrinationis meæ.*

55 *¶ Recordatus sum nocte nominis tui Iehouah, & custodio Legem tuam.*

56 *¶ Hoc factum est mihi, quia statuta tua seruauit.*

49 *Recordare verbi.* Precatur ut Deus re ipsa exhibeat quod pollicitus est. nam effectus demonstrat Deum esse verborum suorum memorem. De promissionibus autem haberi sermonem colligimus ex fine versu, ubi datam sibi sperandi materiam dicit: quod non staret nisi oblata fuisset gratia. Secundo autem versu testatur, quanuis Deus eum adhuc suspensum teneret, se tamē in verbo requieuisse. Interim docet, se in molestiis & curis nō captasse vana solatia, quemadmodum solet mundus, ad leuandas suas miseras, huc & illuc circūspicere: & sique illecebræ arrideāt dolores suos lenire talibus emplastris. Propheta autem se vnico Dei verbo dicit fuisse contentum: & quanuis alia omnia deficerent, se illic reperisse plenam vitam. Interim tacitè fatetur, nisi animum recipiat ex Dei verbo, se fore exanimum. Et certè quanuis profani homines sæpe in suis miseriis inflatos habeāt spiritus, vacui tamen sunt interno animi vigore. Itaque non immeritò Propheta fideles hoc solo viuere & vigere in suis

miseriis dicit, quia illis vitam inspirat Dei verbum. Quare si probè meditemur verbum Domini, etiam in media morte viuemus, nec erit villa tam grauis tristitia quæ non sanetur isto remedio. Quòd autem leuatione destituimur in malis nostris, sit nostra culpa, qui contēpto vel posthabito Dei verbo, vanis solatiis nos ipsos data opera fallimus.

51 *Superbi deriserunt.* Exemplum hoc apprime vtile est, ut discamus, quanuis impiorum ludibriis obnoxia sit nostra simplicitas, firma constantia refutandum esse eorum factum, ne vnquā nobis Legis Dei fastidium obrepāt. Plerosque enim videmus qui alioqui ad Dei timorē propēsi essent, huic tētationi succubere. Iam terra profanis Dei cōtēptoribus semper referta fuit: hodie verò ferè exundat. Quare nisi ad eorum sannas obdurecamus, nulla erit fidei nostræ firmitas. Designat autem proprio nomine incredulos, dum *superbos* vocat. Nam hæc sapientia est infidelium, Deum contemnere, floccifacere eius iudicia, calcare pedibus totam pietatem, denique

rique caeleste regnum conspuere. nec vero tam audacter ruerent, nisi excacati essent superbia. Caterum ita resoluti debent verba, Quamvis mihi superbi illuserint, non tamē deflexi à Lege tua. Notanda etiam particula est, *usque valde*: quia significat, non semel aut vno die se fuisse exagitatum ab impiis, sed quotidie renouatum fuisse certamen. Vnde colligimus, licentiam maiorem inde sumpsisse impios, quod numero praevalerēt: sicuti exiguus semper est piorum numerus qui reuerenter Deum colant. Quare vt maneamus integri, cum magna turba & colluviæ luctandum est.

52 *Recordatus sum iudiciorum.* In hoc Psalmo Iudicia Dei ferè sumuntur pro statutis & decretis, ac si quis diceret rectitudines. Sed propter additam particulam *A seculo*, magis probabile est nunc ita vocari exempla quibus testatus est Deus se iustum esse mundi iudicē. Quorū enim diceret Legem Dei fuisse à seculo? Possēt quidem aliquo modo hoc excusari, quia rectitudo quæ illic ostenditur, non fabricata nuper, sed verè æterna est: quia nihil aliud est Lex scripta quàm testimonium Legis naturæ, quo Deus reducit nobis in memoriam quæ iam cordibus nostris sunt infixæ. Sed ego libenter inclino in alterum sensum, quod recordatus fuerit Dauid iudicia Dei quibus probauit se perpetuam fixisse in mundo Legem. Atque hæc confirmatio valde necessaria nobis est: quia vbi apertè non perspicitur Dei manus, sæpe friget eius doctrina. Vbi autem vindictam Deus sumit de impiis, sancit quæ locutus fuerat. Vnde & pœnæ in Iure civili vocantur sanctiones. Sed hoc verius competit in Dei iudicia, quibus confirmat Legis suæ autoritatem, ac si realis probatio ad verba accederet. Quum autem verustissima quæque Dei iudicia se in memoriam reuocasse dicit, discamus ex hoc verbo, nostra ingratitudine vel socordia fieri quominus satis multa Dei iudicia ad fidei nostræ confirmationem occurrant. Nulla enim ætas præterit qua non clara in hunc finem, documenta ediderit Deus: vt verè dici queat, continuo tenore fluxisse Dei iudicia per singulas ætates: sed ideo nos fugere quia non dignamur aperire oculos. Si

quis obijciat contrarium esse Dei iudiciis vt consolationem nobis afferat quæ debebant terrorem incutere: responsio facilis est, iudiciis Dei terri fideles quatenus illis ad carnis suæ mortificationem expedit: sed quatenus inde agnoscunt Deo curæ esse genus humanum, ampla consolationis materia sese offert. Colligunt enim, vbi ad tempus lasciuierint impii, venturos tandem ad Dei tribunal: se verò, vbi patiēter militauerint, sub tali suæ salutis præfide haud dubie fore saluos.

53 *Terror apprehendit me.* Versus hic duplicem sensum admittit, vel quòd grauius vulneratus fuerit Propheta, Legem Dei violari cernens ab impiis: vel quòd eorum exitium exhorruerit. Nā quod alii Ardorem vertunt, non tam aptè fuit. Retineo igitur Horroris nomen, & zeli vehementiam notari existimo, quia non tantum moieſtulerit Legis transgressionem, sed instar monſtri detestatus fuerit sceleratam eorum audaciam quibus Lex Dei nullo in pretio erat. Notandum verò est, non esse nouū scandali genus, si multi excusso iugo, contra Deum proteruiunt, idque notare operæ pretium est, quia multi friuolam excusationem petunt ex temporis corruptela, ac si inter lupos vlulare fas sit. Atqui Dauidis etiam ætate videmus multos fuisse apostatas qui à pietate desciscerēt: adeo tamen non cōcidiſſe, vel fractum esse, vt timor Dei sanctam potius iracundiam in eius animo accenderit. Quid ergo, si vndique nos obſideant mala exempla, agendum est, nisi vt quisque ad eorū detestationem se extimulet. Atque hic inclusa est tacita antithesis inter fallaces blanditias dum licitum esse creditur quicquid vulgare est: & horrorem quo se Propheta correptum fuisse docet. Si se pro libidine contra Deum efferant impii, quia non euigilamus ad Dei iudicia, trahimus id in occasionem prauæ confidentiæ vel stuporis. contra autem Propheta se horrore correptum dicit: quia Dei patientiam ab vna parte reputans, certò tamen persuasus erat fieri non posse quin tandem pœnas exigeret Deus.

54 *Cantica fuerunt mihi.* Alia loquendi forma repetit quod dixerat Le-



gem Dei sibi vnicam fuisse vel præcipuam oblectationem in vita. Cantus enim latitiæ indicium est. Porro quia Sancti in mundo peregrinantur, nec aliter cenferi possunt filii Dei & calorū hæredes quàm sit terræ sint hospites, per *domum peregrinationum* intelligi potest terrenæ vitæ cursus. Quanquam videtur specialis notari circumstantia, quòd Dauid exul à patria, non destiterit ex Lege Dei solamen petere suis malis, imò gaudium quod exilii mœrorem vinceret. Fuit enim hoc raræ virtutis specimen, quum careret templi conspectu, non posset ad sacrificia accedere, priuatus esset pietatis exercitiis, non tamen fuisse alienatum à Deo. Ergo domus peregrinationis ad amplificationem ponitur, quòd eiectus à patria, infixam in animo Dei Legem retinuerit: & quanuis posset eum denicere exilii acerbitas, tamen Legem meditando, se ad hilaritatem erexerit.

55 *Recordatus sum nocte.* Coniunctim lego totum versum, quia secundum membrum ex priorè dependet. significat enim Propheta se Dei recordatione ad seruandum Legem induci. nam hinc Legis contemptus, quia nemo ferè ad Deum respicit. Itaque Scriptura dum impietatem hominum dānat, dicit oblitos esse Dei, Psal. 50. 21. & 78. 11. & 106. 21. Contra David vnicā Dei memoriam sufficere admonet ad nos in timore Dei & Legis obseruantia retinendos. Et certè quoties se mentibus nostris ingerit Dei maiestas, eius sensu nos humiliari necesse est: vt hæc cogitatio nos ad pieta-

tem sollicitet. Quanquam autem *noctis* verbo significat recordationem non vnius tantum momenti, sed continuam: noctis tamen ideo disertè meminit, quia tunc obruuntur ferè omnium sensus. ac si dixisset, quum alii dormiunt, sibi in somno ipso Deum occurrere. Alia etiam ratione noctis tempus posuit, vt sciamus, quanuis nullus adesset testis vel monitor, imò tenebris esset reclusus, non secus tamen attentum fuisse ad colendam Dei memoriam quam si in illustri theatro versatus foret.

56 *Hoc fuit mihi.* Non dubito Prophetam sub pronomine *mihi* completi omnia Dei beneficia: sed quia coram Deo in rem præsentem venit, demonstratiue loquitur. Itaque sub hac voce includitur tot bonorum quibus ornatus fuerat, recognitio. vel certè speciali aliqua liberatione commemorat probitati suæ testimonium fuisse Diuinitus redditum. Neque tamen iactat quicquam se fuisse promeritum: quemadmodum Pharisæi, quicquid tale occurrit in Scripturis, ad operum merita arripiunt. Atqui non aliud fuit Prophætæ consilium quàm se opponere Dei contemptoribus qui prospera omnia vel arrogant suæ industriæ, vel fortunæ ascribunt, Dei prouidentiam regunt impio silentio. Prophetæ igitur se & nos ad Deum reuocat, & admonet, quia Deus iustus iudex est, mercedem pietati apud Deum esse repositā. Forte etiā hac sancta iactantia malignas impiorum calumnias retundit, quibus alibi vidimus duriter fuisse impetitum.

57 *Portio mea Iehouah dixi ad custodiendū verba tua,*

58 *Deprecatus sum faciem tuam toto corde, miserere mei secundum eloquium tuum.*

59 *Reputavi vias meas, & conuersti pedes meos ad testimonia tua.*

60 *Festinaui, & nō distuli ad custodiendū mādata tua.*

61 *Funes impiorum apprehenderunt me, Legis tua non sum oblitus.*

62 *Media nocte surgam ad confitendum tibi super iudiciis iustitiæ tuæ.*

63 *Socius, ego omnibus qui te timent & qui custodiunt*

*Statuta tua.*

64 *Miserericordia tua Iehouah plena est terra, edicta tua doce me.*

57 *Portio mea.* Ambiguus est verborum sensus, quia & Iehouah in nominandi casu legi potest: & verbum *dixi* referri tam ad prius quam ad posterius membrum. Hæc igitur erit vna lectio, Iehouah est portio mea, ideo decreui Legem tuam seruare. Altera, Deus qui portio mea es, decreui Legem tuam seruare. Tertia, Dixi vel statui Deum esse portionem meam ad custodiendam eius Legem. Quarta, Dixi, vel statui, Domine hæc portio mea est seruare Legem tuam, & hanc ego amplector. Rectè qui dem conuenit hæc sententia, quia Deus portio nostra est, id debere ad seruandam eius Legem animus nobis addere. Iam pluribus aliis locis visum est, Deum vocari hæreditatem fidelium, quia ad solidam eorum felicitatem ipse vnus sufficiat. Et certè quum sibi nos in peculiū elegerit, æquum est vicissim in ipso solo nos acquiescere. Quod si vno Deo contenti erimus, propensi quoque animi nostri erunt ad seruandam eius Legem: & carnis cupiditatibus valere iussis, hæc nobis summa erit oblectatio & firmum propositum. Quanquam autem hæc expositio, sicut dixi, non malè cohæret, continetque vtilem doctrinam, proxima tamen illa quam mihi probari dixi, simplicior est, Statui apud me quod hæc mihi optima sit hæreditas, seruare Dei Legem. Cui affine est illud Pauli dictū, 1. Timoth. 6. 6, Pietas optimus est questus. Comparat autem Dauid Legis obseruantiam omnibus fictitiis bonis quæ ad se hominum cupiditates rapiunt: ac si dixisset, Appetat quisque quod mens eius tulerit, & suis deliciis fruatur: non erit quod aliis inuideas mihi salua manebit hæc portio, vt me Dei verbo addicam.

58 *Precatus sum faciem tuam.* Testatur hoc versu Dauid se ab officio precandi non cessasse: quia sine precibus otiosa torperet fides. Quanquam autem loquendi genus quo vitur, aliis linguis asperum esset, Hebræis tamen familiare illud colloquium exprimit ad quod Deus seruos suos admittit & in-

uitat dum in huius conspectum veniunt. Summam porro votorum verbo vno perstringit, quod implorauerit misericordiam Dei, cuius fiducia ex verbo cōceperat. Primum itaque notemus experge fieri nostram pigritiam, vt fidem nostram precibus exerceamus. Deinde hoc præcipuum esse orandi caput, vt Deus pro gratuita sua bonitate propitius nobis sit, respiciat nostras ærumnas, & inopia succurrat. Et si enim Deus innumeris modis nos iuuat, necessitates etiam nostræ sunt innumera: vnum tamen hoc maximè & vnicè optandum, vt nostri misereatur, vnde reliqua fluunt. Tertiò ne incerta vota in aerem fundamus, dicamus Deum in suis promissis proponi quasi voluntarium debitorem.

59 *Cogitavi.* Summa est, postquā attendit Propheta ad vitæ suæ rationem, sibi non aliud fuisse propositum quam Legis doctrinam sequi. Quibus verbis oblique significat ideo vltra metas vagari homines, & miserè dissipatos huc & illuc ferri, quia inconsideratè sibi indulgent. Acriter quidem inuigilat quisque: studiūque sua applicat quò inclinatur animi libido, sed omnes in electione ipsa cæcutiunt: imò velut clausis oculis vel præcipitanter feruntur, vel per incuriam huc & illuc euanescent. Certè nullus vias suas prudenter considerat: ideòque non abs re hoc rectè viuendi principium esse admonet Propheta, vt à socordia excitati, vias suas reputent & aliquando sobriè cogitent quid sit vitam instituire. Docet autem secundo loco, vbi quis seriatim ad vitam regendam attentus fuerit nihil occurrere posse melius quam si sequatur quò Dominus vocat: Et certè nisi in sua incogitantia stuperent homines, certatim vno consensu Deum sibi vitæ ducem eligerent.

60 *Festinaui.* Quanquam verba sunt præteriti temporis, continuū tamen actū notant. Narrat autem Propheta quantā promptitudine Deo se in obsequium obtulerit. Nam celeritas zelus feruorem significat. Quod deinde *se tardasse negat*,

ex usu linguæ Hebraicæ amplificat quod de festinatione dixit. Nam licet Hebræis loqui & non tacere tantundem valet ac liberè cordatèque & non dissimulanter dicere quod opus est: ita Festinare & non tardare dicitur qui absque cōstatione & mora celeriter currit. Quòd si nobis in mentem ventat nostra segnitie, & ex alia parte tot remora quas Satan incutere non cessat, colligere licebit non frustrà hoc fuisse additum. Nam ut verè & ex animo quis Dei iustitiæ se ad dicere cupiat, scimus tamen quid dicat Paulus Rom. 7. 5. 18. 19, se non prastare quod vellet. Quanvis ergo nullum externum obstatulum nos moeretur, tot tamen impedimentis intus sumus constricti, ut nihil difficilius sit quàm properare ad seruandam Dei Legem. Cæterum tenendum est, Prophetam hic comparatiue loqui, eorum respectu qui magna vitæ parte procrastinant: nec modo cunctanter & lente accedunt ad Deum, sed deliberando subdunt: vel se inter flexuosos anfractus impediunt ne accedant. Non ergo alacrior ad Deum colendum Propheta fuit quàm Paulus, sed tantum his verbis ostendit, strenue luctando, expeditū fuisse sibi cursum. Ac suo exēplo docet frivolas esse excusationes quas nostræ ignavia vel ex mūdi obstatulis, vel ex nostrā ipsorū debilitate obrēdimus.

61 *Cæcus impiorum.* Qui 𐤒𐤍𐤕 vertunt Dolores, nullū genuinum sensum eliciunt, ac tam seipsos quàm Prophetæ verba torquent. Duæ ergo restāt lectiones, quarum vitæque est probabilis, Funes impiorum apprehenderunt me, vel, Cæcus impiorum spoliauerunt me. Vtranvis eligere placeat, testatur Propheta, quom graui tentationis machina pietatem eius concuteret Satan, constanter perstitisse in Legis Dei studio. Quanquam Funes bifariam accipi possunt, vel pro captiosis illecebris quibus cum in suam societatem implicare tentauerūt: vel pro fraudibus quas machinati erant in eius perniciem. Si prior sensus arridet, raram virtutem prædicat Dauid, Quòd quom visi fuissent impij eum suis laqueis induisse, sub custodia tamen Legis Dei se continuerit. Quia tamen maiore consensu receptū est, verbum 𐤒𐤍𐤕 tantundem valere

ac spoliare vel prædari, sequamur hunc sensum, quòd Propheta turmatim ab impijs vexatus, deinde pro eorum libidine spoliatus ac directus, stationem suam non deseruerit. Quòd etiam summæ virtutis specimen fuit. nam extremis iniurijs expositi, nisi Deus succurrat, de eius providentia statim dubitare incipimus. Videtur omni fructu carere pietas: fingimus etiam liberum esse nobis ius vindictæ: inter hos fluctus facilè submergitur Legis Dei memoria. Propheta autem admonet hoc demum esse veræ pietatis signum, si æquabile manet Legis Dei studium, & eadem iustitiæ obseruantia, vbi in prædam impijs expositi, nullum Dei auxilium sentimus.

62 *Media nocte.* Docet hoc versu se non modò probasse & ex animo amplexum esse quicquid Lex Dei continet, sed gratitudinis etiam signum dedisse, quòd particeps esset tanti boni. Videtur quidem hoc vulgare esse. Deo subscribere Lege sua nos docenti. quis enim obstrepere audeat? Multum tamen abest quin Dei doctrinam omni ex parte iustam esse mundus prædiceret. Primò, quæ carnis nostræ proteruita est, vellet quisque aliquid vel mutatum vel detractum. Deinde si detur optio, mallèt homines arbitrio suo potius quàm Dei verbo regi. Denique tam humanæ rationi quàm cupiditatibus magnum est cū Lege Dei dissidium. Non parum ergo profecit ille qui & obedienter amplectitur cælestem doctrinam: & suauiter in ea se oblectans, gratias Deo agit. Quanquam non simpliciter se Dei iustitiam celebrasse refert Propheta, sed media nocte se surrexisse dicens, ardorem sui desiderii exprimit, quia studiis & curis quæ nos à somno excitant, magnam vehementiam inesse oportet. Interim etiam admonet, procul ab omni ostentatione abfuisse quòd Legi Dei testimoniū reddidit, quia secū & absque testibus, illius iustitiæ suis elogij ornauit.

63 *Socius ego omnibus.* Non de fraterno tantum consensu & amore loquitur, quem inter se mutuò colunt fideles: sed intelligit, quoties in aliquem incidere rat qui Deū timeret, se manū porrexisse in signū societatis: nec solū fuisse vñ ex numero & ordine seruorū Dei, sed etiā



adiutorem. Et certè hic consensus in omnib' piis requiritur, vt alij alios promoucant in timore Dei: ac videtur tacita subesse comparatio inter sanctā hāc conspirationem, in qua fideles Dei cultum & pietatem apud se fouent, & impios synceritimos qui passim regnant in mundo. Videmus enim vt aduersus Deum suas phalāges cōstituant profani homines, ac vltro citroque se adiuent ad euertendū Dei cultū. quo magis incitari decet filios Dei ad colēdā sanctā vnitatē. Fideles primū à timore Dei, secundō à Legis obseruatia cōmendat: quia & Dei timor radix est vel origo omnis iustitiæ: & tunc demum nos Deū timere & reuereri apparet, vbi vitam ei nostram in obsequium dicamus.

64 *Misericordia tua.* Hic Propheta Deum per immēsam eius bonitatē quæ relucet in toto mundo, obtestatur, vt se celestis sapientiæ thesauro dignetur. Quæ precatio valde emphatica est. Quod igitur terrā dicit plenam esse misericordia Dei, species est obtestationis. Neque enim tātū in genere (vt alibi) prædicat Dei bonitatem, quod nullam

mundi partem suæ liberalitatis experire relinquat, & eam exerceat non modò erga humanū genus, sed ad bruta quoque animalia extendat. Quid ergo nēpe Dei misericordiam, quæ se in omnes erraturas diffundit, vna in re capit erga se pateri, vt in Lege Dei proficiat. Vnde colligimus, hoc intelligentiæ donum ei fuisse inastimabilis thesauri loco. Quod si hoc præcipuum Diuini fauoris signum est, donari Spiritu intelligentiæ: incredulitas nostra alienationem ab eo nostram prodit. Iam memoria repetere conuenit quod alibi diximus, nimis pudendam esse socordiam nostram, qui exiguo celestis doctrinæ gustu contenti, profectum non magnopere curamus quum tam præclarus Ecclesiæ doctor cupide & ardens semper ad discendum contenderit. Adhæc certum est non de externa doctrinā hic agi, sed de arcana mentis illustratione, quæ donum est Spiritus. Lex promiscuè omnibus erat exposita, sed videt Propheta, nisi illuminetur à Spiritu sancto, hoc non magnæ utilitatis fore, ideoque efficaciter doceri petit.

65 *U Benignè fecisti cum seruo tuo Iehouah secundum verbum tuum.*

66 *U Bonitatem gustus & scientiam doce me: quia mandatis tuis credidi.*

67 *U Priusquam humiliarer ego erraui: at nunc sermonē tuum custodio.*

68 *U Bonus tu & beneficus, doce me edicta tua.*

69 *U Concinnauerunt super me mendacium superbi, ego toto corde custodiam edicta tua.*

70 *U Impinguatum est sicut adeps cor eorum, ego Lege tua me oblecto.*

71 *U Bonum mihi quod afflictus sum vt discam edicta tua.*

72 *U Bonū mihi Lex oris tui super millia auri & argenti.*

65 *Benignè fecisti.* Ad verbum est, Bonum fecisti: quod generaliter quidā accipiunt quasi testetur Propheta se boni consulere quomodocunque à Deo tractetur: quia videat in salutem suam cedere. Verū quia disertè fit mēto promissionis, non dubito quin Dei fidē in

præstanda quam pollicitus est gratia, celebret: ac si dicat, re ipsa vel effectu se expertum esse veracem esse Deum, nec verbis lacerare seruos suos. Statuit igitur Dei promissiones in medium, quia inde ad nos manant omnia eius beneficia: nō tanquā ex primo fonte, sed ex canali-

bus. Etsi enim gratuita Dei bonitas, v-nica ei ad nos liberaliter tractandos causa est, nihil tamen ab eo sperare possumus donec per verbum suum nobis occurrat. Postquam autem cōfessus est Dauid, experientia sibi compertum esse quā verax esset Deus in suis promissis, adiungit votum quale proximo versu habuimus, nepe crescat in recta intelligentia. quanquam paulo diuersis verbis vitur. Ponit enim rectitudinem gustus & scientiam. Nam quū **DU** gustare significet Hebraeis, nomē ex eo deductum propriē capitur pro gustu. transfertur tamen ad mentem. Nec dubium est quin Dauid simul cum sciētia dari sibi postulet sanam discretionem & iudicium. Nam qui disunctim legunt bonitatem & sensum, deprauant totam sententiā. Vt tamen nobis constet integra mens Propheta, addendum est posterius membrū. Dicit se fidē habuisse Dei edictis, hoc est, libenter amplexum esse quicquid in Lege praescribitur: ita se docilem esse & morigerum affirmat. Quū autem Spiritus sancti ductu ita ad obsequium Dei propēsus foret, alterum donū addi postulat, nepe sani gustus & intelligentia. Vnde colligimus duo hāc ad vitā ritē instituendā distinctē requiri, prāditum esse recto affectu, & prudēter intelligere. Quōd fidē iam habebat Propheta Dei mandatis, hāc certē reuerentia ex pio zelo oriebatur. sed ne inconsideratē aberret, non sine causa metuit. Discamus ergo, postquam corda nostra formauerit Deus in Legis suae obsequium, simul petere ab eo prudentiam quae zelum nostrum moderetur.

67 *priusquam humiliarer.* Quia verbum **DU** loqui interdū vel testificari significat quibusdam placet hāc lectio, Antequā meditarer in statutis tuis, ego errabam. Sed hoc nimis coactum videtur. Longius etiā alii recedunt, Quo tempore errauit Propheta, non fuisse quod Deo responderet. Nec verō refutandis istis commentis immoror, quia minimē ambiguum est Prophetae consilium: nempe in sua persona communē humani generis vel lasciuia vel contumaciam describit, quōd scilicet Deo nunquam obsequimur nisi ferulis coacti. Hoc quidem prodigū simile, quōd

praefractē nos Deo subiicere abnuimus: sed tanē experientia ostendit, vbi Deus nobis indulget, semper nos ad ferociam erumpere. Et certē quū in Dei Propheta contumaciam violenter corrigi oportuerit, multo magis hāc eruditio necessaria nobis est. Nam quū principium obedientiae sit carnis mortificatio, quam naturaliter omnes refugiunt, non mirum est si variis afflictionibus Deus in ordinem nos cogat. imō quoniam subinde etiā vbi videtur domita, recalcitrat caro, non mirum est si nos Deus sapius retrahit ad ferulas. Fit autem hoc diuersis modis: quia alios paupertate, alios ignominia, alios morbis, alios domestica incommodo, alios molestis & duris laboribus Deus humiliat: atque ita diuersis vitiis aptat sua remedia. Nunc tenemus quā vtilem doctrinam contineat hāc confessio. De se quidem loquitur Propheta: sicut & Ieremias capite 31. versu 18, dicit se fuisse vitulum indomitum: sed lasciuia quae nobis omnis ingenita est, imaginem ante oculos nobis ponit. Nos verō nimis ingrati sumus, nisi fructus hic quem ex castigationibus percipimus, earum acerbicatem leniat vel temperet. Nihil enim nobis miserius, quandiu sumus Deo rebelles. Atqui hāc vna ratio est, quā nos ad parendum flectat Deus ac mansuefaciat, dum nos ferulis suis erudit. Suo interim exemplo docet Propheta, saltem vbi duritiem nostram subigendo ostēdit Deus, se velle nos habere discipulos, dandam esse operam vt mitefaciamus, & deposita ferocia, quod nobis imponit iugum, libenter feramus. Proximus versus expositione non indiget, quia eādē ferē sententiam continet quam vltimus versus superioris Odonarii. Deum enim per suam bonitatem obsecrat, non vt augeat diuitiis & honoribus, non vt affluat deliciis, sed vt proficiat in Legis intelligentia. Nam quia vulgō totus ferē mundus Dei beneficentiam implorat, & liberaliter secum agere cupit, prout vnumquemque ad diuersa vora rapit carnis intemperies: Dauid abundē sufficere sibi testatur si vna hac in re, quam ferē omnes contemptum praetereunt, sentiat Deum esse liberalem.

69 *Concinnauerunt super me.* Testatur, quum facta sua in malam partem improbi traherent, atque hoc artificio eam deicere tentarent à studio recti, se tamen animum nunquam mutasse. Dura hæc tentatio est, quum innoxii rapimur ad probra & infamiam: neque tantum conuitiis oppetitur, sed obduro etiam specioso colore vulgò nos inuidia exponunt scelerati homines. Videmus enim multos alioqui probos & ad rectè viuendum propensos, vbi tam indigna mercedem rependi sibi vident, vel collabi vel labascere. Quo magis notandum est Prophetæ exemplum, ne hominum malignitas vilò modo nos concutiat: atque vt in hominum conspectu, probitatis famam nobis eripiant, non tamen desinamus Dei timorem intus alere: nobisque sufficiat apud Dei tribunal lucere nostram pietatem, quauis eam hominum calumnia deformet. Quandiu enim pèdebimus ab hominum iudiciis, subinde fluctuabimur, vt dictum est. Deinde quantumuis splendida sint nostra opera, scimus tamen non ventura coram Deo in ratione, si in illis mundi plausum spectemus. Quare oculos conicere discamus ad cælestè illud theatrum, & sinistros sermones despicere. Fruantur sua mercede filii seculi: quia in cælo non in terris reposita est nobis corona. Temporalè infamiâ libenter ferendo, laqueos expediamus quibus nos morari conatur Satan. Verbum *750*, quod alioqui cõiungere significat, hic pro texere vel cõcinnare eleganti metaphora sumitur: quia non tantum crasis probris per cõtumeliam grauatus fuit Prophetæ, sed crimina etiam in eum fixerunt nõ sine artificio & colore, vt videri posset nigerimus. Quauis autem non desierint illi telam hanc texere, perrupit tamen inuicta constantia, & oblerato corde suo, Legem in fideli custodia retinuit. Nec sine causa *superbos* vocat: quia hinc conicere licet, non ex vulgo fuisse ho-

mines, sed primarios, qui honoris & opum confidentia inflati, audacius in eum insurgerent. Certè apertè demonstrat se illorum fastu non secus fuisse calcatum quàm si canis fuisset mortuus. Cui respondet quod statim sequitur proximo versu, *Cor eorum fuisse pinguedinem instar adipis.* quod vitium in Dei contemptoribus nimis vulgare est. Vnde enim fit vt optimis Dei seruis tâ petulanter insultent scelerati homines, quos intus mordet cõscientia, nisi quoddã crassities, quædam occupat eorum corda, vt in sua obstinatione stupidi sint, vel etiam furiosi? Mira autem Prophetæ & summa laude digna magnanimitas, qui omnes suas delicias reposuit in Dei Lege: ac si diceret, hanc suam esse saginam, & se hoc cibo ad satietatem refici. quod fieri nõ potuit nisi cor eius à prauis deliciis vacuum & bene purgatum esset.

71 *Bonum mihi quod afflidus.* Confirmat quam suprà habuimus sententiam, se vtiliter subactum fuisse Dei serulis, vt ad parendum mansuesceret. Quibus verbis fatetur se à praua contumacia, quæ totum humanum genus laborat, nõ fuisse immunem: alioqui ficta esset ista vtilitas quam prædicat, nempe nõ aliter se fuisse docile nisi quia humiliatus fuit. Sicuti nec quisquam nostrum vltro col lum Deo submittit donec malleo naturæ duritiem emolliat. Fructum verò qui ex Dei castigationibus nobis prouenit, assidue gustare operæpretum est, vt nobis dulcescant: atque ita in ordinè cogi nos sinamus qui tam obstreperi sumus & morosi. Postremum quoque versus nulla expositione indiget, quia sententiam continet in hoc Psalmo satis frequentem & per se dilucidam: quoddã scilicet Legem Dei prætulit omnibus mûdi diuitiis, quarum insana cupido maiorem hominum partem miserè demêtat. Nec verò suis fortuneis Legem Dei æquiparat, sed ingenti opulentiâ sibi pluri fuisse asserit.

73 *Manus tuæ fecerunt me & formauerunt me: fac me intelligere, & discam mandata tua.*

74 *Timentes te videbunt me, & letabuntur, quia ad verbum tuum expectant.*



75 *Cognoui, Iehoua, quòd iustitia sint iudicia tua: & in veritate humiliasti me.*

76 *Sit quæso bonitas tua ad consolandum me secundum sermonem tuum ad seruum tuum.*

77 *Veniat mihi misericordia tua, & viuat: quia Lex tua delectatio mea est.*

78 *Pudefiant superbi, quia falsò peruerterunt me: ego meditabor in edictis tuis.*

79 *Conuertantur ad me qui timent te, & nouerunt testimonia tua.*

80 *Sit cor meum integrum in statutis tuis ne pudefiam.*

63 *Manus tua.* Quòd Propheta commemorat te Dei manu fuisse creatum, ad spem obtinendæ quam postulat gratiæ plurimum valet. Nā quum Dei finis figmentum & opus, nec motum vitalem duxat, vt brutis animalibus, nobis contulerit, sed lucem quoque intelligentiæ & rationis addiderit: hinc præcædi fiduciam colligere licet, vt nos in obedientiam Legis suæ dirigat. Neque tamen Deum tanquam sibi obstrictum appellat: sed quia opus à se inchoatum non deserit, tantum implorat notam gratiā qua Deus quod cœpit prosequatur. Nam & ideo Legis subsidio nobis opus est, quia corrupta est tota mentis nostræ integritas, vt non teneamus quid rectum sit, nisi aliunde edocti. Sed hinc etiam maior apparet caritas & stupor, quòd nihil prodest doctrina, donec animas nostras Deus reformet. Tenendum verò memoria est quod antè dixi, quoties ad discenda præcepta Dei sibi intelligentiam dari petit, se & cunctos mortales damnare caritatis, cuius vnicum remedium est Spiritus sancti illuminatio.

74 *Timentis te.* Vel cohæret hic versus proximo, vel latius extenditur ad alia quauis Dei beneficia. Sine autè speciem vnam attingat. siue generaliter loquatur, beneficia Dei quibus ornatus fuerat, hoc elogio in sublime attollit, vt ad omnes Dei cultores commune perueniat gaudium. Neque enim solam latitiæ causam facit quòd sperauerit in Domino, sed quòd ab eo in-

signiter seruatus, multiq̃ue beneficiis auctus, amplum spei suæ premium retulerit. Qua autè communiter seruos omnes suos ad sperandum inuitat Deus, quoties erga vnum quèlibet gratiæ suæ specimen edit, omnibus testatur se veracem esse in suis promissionibus: nec timendum esse ne fraudet in se sperantes.

75 *Cognoui Iehoua.* Quamquam per iudicia in hoc Psalmo intelligitur præcepta Legis, quia tamen Propheta continuo post addit iuste se fuisse castigatum, videtur nomen hoc accipere pro pœnis quibus Deus ad resipiscenciam homines sollicitat. Nā duæ voces, צדק & נקמה sunt hic ferè synonyma. Itaque priore membro fatetur generaliter Propheta Deum sic temperare iudicia sua, vt os impiis obstruat, si qui de sanctiæ vel rigore querantur: ac tantam illis aquitatē lucere, vt fateri cogamur nihil esse melius quàm sic reuocari homines ad seipsos. Deinde exemplum in sua persona statuit. Nam & hypocritæ interdum iustitiae laudem Deo tribuunt vbi alios castigat, nec seueritatem eius vnquam improbant modò sibi parcat: veræ pietatis est, non tam in aliorum peccatis quàm nostris acres & seueros esse censores. Et cognitio cuius Propheta meminit, testis est ferri examinis: quia nisi probe expendisset suum reatum, non poterat certa experientia in suis afflictionibus apprehendere Dei iustitiam. Si quis in sensu vñtato iudicia accipere maluit, taliter ratio cõtexus, Sero Domine Legem tuam sanctam & iustam

fastam esse: neque mihi ideo excidit hæc persuasio, quod me seuerè afflixeris: quia hac quoque in parte rectitudinem perspicio, quæ veri tui naturæ respondet.

76 *Sit quasi clementia.* Quamuis se iure humiliatum confessus sit, eripit tamen suam tristitiam aliquo solatio iuvare. Dei enim misericordiam, quasi necessarium malis suis remedium, imporat. Atque hoc modo ostendit: nihil esse quod dolorem abitergat fidelibus donec propitium sibi Deum sentiant. Porro quam Deus in verbo misericordiam suam offerat, iam illic subest non levis consolatio ad sanandos omnes dolores. Sed de actuali (ut ita loquar) misericordia nunc sermo est, ubi Deus re ipsa quem pollicitus est favorem declarat. Iam enim Propheta promissione Dei fretus, hilaritatem ex spe gratiæ in animo suo fouebat. Sed quia nisi liberator tandem appareat Deus, spes nostra nihil esset quam mera frustratio: sibi impleri postulat quod Deus promissit: acsi diceret, Domine quâdo mihi pollicitus es te pro bonitate tua ad opem mihi ferendam paratum fore, nunc effectum verbi tui exhibeas. Iam verò tenendum est quod a tibi admonui, nō frustra obiiici Deo verbum suum: quia temere in eius conspectum prodirent mortales, nisi ipse viam videri patefaceret. Quum dicit, *Ad firmum tuum*, non vni sibi vendicat Dei misericordiam, acsi singulari oraculo sibi promissa foret: sed quod Deus toti Ecclesiæ promissit, pro fidei natura ad se accommodat. Nisi enim statum me vnum esse ex eorum numero quos compellat Deus, ut ad me quoque pertineant eius promissiones, nunquam ad inuocationem animum erigam. Proximo versu idem serè votum, licet verbis paululum mutatis, repetit ac confirmat. Quemadmodum enim nuper dixerat, non aliter quam Dei misericordia mœrorem suum auferri & gaudium restitui posset: ita nunc vitam sibi fore negat donec reconciliatus Deo fuerit, atque ita se discernit à profanis hominibus quos non magna opere tangit hæc cura, imò qui Deo quoque infeso delicias sibi facere non desinunt. Clarè enim asserit, donec propitium sibi Deum esse agnoscat, se viuendo mortuum esse. Rur-

sus verò simulatque illuxerit Dei misericordia, se restitutum iri à morte in vitam. Interca significat signis paternæ Dei gratiæ ad tempus se fuisse priuatum: quia frustra venire oparet nisi procul abesset. Iam ut impetret quod precatur, dicit Legem Dei suam oblectamentum esse, neque enim aliter sperare potuit, Deum sibi fore misericordem. Adde quod nemo vere sentit quid valeat Dei gratia, nisi qui summa felicitatis in hac via statuet, miseros & maledictos esse non dubitat qui se ab eo disungunt. quod ex Lege Propheta didicerat.

78 *Tudisti superbi.* Iam sæpe vidimus futurum tempus, optatum loco accipi apud Hebræos: non tamen malè quadraret sensus hoc modo, Quia mecum peruerse egerunt superbi, & præter meritum moliti fuerunt, Dominus mercedem illis rependet. Quia tamen inter omnes serè interpretes conuenit precationem esse, ego in versione à communi consensu discedere nolu: præsertim quia sermo ad Deum ipsum dirigitur. Notanda autè ratio est cur Deum hostibus suis aduersarium fore considerat: quia scilicet scelesti & inuoluntarii ipsam oppugnaverant. Quidam *U* uerunt oblique causa, sed videntur amidiū tantum parè attingere: quia meo iudicio nomen hoc ad invidias & fraudes refertur, quibus conati fuerant scelesti homines Davidè perdere. Vnde colligimus, rectè nos vocari ad Dei præsidium quoniam iniuste affligimur: ac simul docemur, nō esse cur nos exanimet eorū insolentia: quia quantumuis sibi arrogant, Dominus tamè factum eorum retundet ac prosterneat cum igominia: ut pudescant, aliis exèplo sint, nihil esse magis ridiculum quam triumphos canere ante victoriam. In secundo mēbro verbum *U* non minus rectè exponi potest loquar, quam meditabor: acsi diceret Propheta, ubi potius victoria fuerit, se præconem fore gratiæ Dei. Loqui enim de statutis eius, tantumdem valet atque ex Lege differere quam fidelis sit suorum custos Deus, quam certus liberator, & quàm iustus vindex. Cohæret etiam proximus versus, ubi dicitur quam adeptus fuerit salutem, piis omnibus comune fore documentum. acsi diceret, Potuit ad tēpus cōditio mea signa

reprobis ferociā augebat, piorum animos deicere: nunc verò collectis animis oculos ad latum spectaculum conuertent. Porro ex duabus notis quibus insignit fideles, discimus quæ sit vera pietatis natura. timorem Dei vel reuerentiam priore loco ponit: sed mox adiungit cælestis doctrinæ scientiam, ut sciamus res esse coniunctas. Nam ut aliqueum Dei timorem præ se ferant superstitiosi, non nisi euanida est species. Deinde ludunt operam qui se fatigant in suis commentis: quia Deus non alia, nisi quæ ex suo mandato præstantur, obsequia in rationes suas referet. Vera igitur religio & cultus Dei ex fide oriuntur: ut nemo ritè Deo seruiat, nisi qui ad octus fuerit in eius schola.

80 *Sic cor meum integrum.* Quem admodum paulò antè sibi optauerat dari sanam mentem, ita nunc pro sincero cordis affectu idem votum concipit. Scimus has esse præcipuas humanæ animæ facultates, quarum utraq; vitiatam & peruersam esse clarè ostendit qui & illuminari petit à Spiritu sancto mentem suam, & cor suum ad obedientiam Legis formari. quo plane refellitur quicquid de libero arbitrio garriunt Papistæ. Neque enim

hic tantum orat Propheta, quia infirmæ sit sua voluntas, Diuinitus adiuuari: sed in solidum prædicat cordis reuerentiam esse donum Spiritus. Ergo prout quisque in verbi Dei notitia profecit, in hac altera precatione se exerceat. Docemur præterea his verbis quamnam vera sit Legis observatio. Nam mundi bona pars ubi defunctoriæ vitæ exterio obsequio ad Dei Legem composuit, sibi nihil deesse putat. Hic autem pronuntiat Spiritus Dei nollū placere Deo obsequium, nisi quod ex cordis integritate profectum sit. De voce *ἰσχυρὸν* alibi diximus, opponi scilicet cor *ἰσχυρὸν* id est integrum, duplici vel fucatorum: acsi diceret Propheta, verè se Deo addicere qui simulationis expertes, purum ei cor offerunt. Quam addit, *Ne pudesim*, significat talem exitum manere superbos omnes qui posthabita eius gratia, propriis viribus nituntur, & hypocritas qui se pulchris coloribus ad tempus ostentant. Sensus ergo est, Nisi nos Deus Spiritu suo regat, & contineat in officio, ut cor nostrum in statibus eius syncerum sit, quanvis ad tempus lateat nostra ignominia, imò nos laudent ac mirentur homines, inflare tamen probum & ignominiam.

81 *Defecit ad salutem tuam anima mea, ad verbum tuum expecto.*

82 *Defecerunt oculi mei ad sermonem tuum, dicendo, Quando consolaberis me?*

83 *Quia fui sicut vter in fumo, edicta tua non sunt oblita.*

84 *Quot sunt dies serui tui? quando facies de persecutoribus meis iudicium?*

85 *Foderunt mihi superbi foveas, quod non est secundum Legem tuam.*

86 *Omnia mandata tua veritas: fallaciter me persequuntur, adiua me.*

87 *Fere consumpserunt me in terra, ego tamen non dereliqui statuta tua.*

88 *Secundum bonitatem tuam vinifica me, & custodiam testimonium oris tui.*



81 *Defecit ad solutē tuam animamea.*

Intelligit Propheta, quanuis diuturno languore confectus, nullum miseris suis finem videret, se tamen nulla molestia vel tardio fuisse fractum quominus semper à Deo penderet. Quod vt clarius fiat incipiendum est à secundo membro: quod exegeticè additum esse patet. Illic enim assertit se in Deo sperare, quod fundamentum est. sed infangibilem spei suæ constantiam exprimere volens, addit se deuorasse omnia tædia quibus alii succumbunt. Quosdam enim videmus satis auidè arripere Dei promissiones, sed paulo post euanescere eorum ardorem, vel saltem rebus aduersis extingui. Videtur quidem primo inuitu aliud sonare verbum **לֹא**, quod est deficere vel consumi. Sed Pro; heta hoc loco, vt alibi, per defectionem intelligit tolerantiam, quæ omni vigore ablato, exanimis non deserit, ac eorum cordibus arcanos & inenarrabiles gemitus inspirat. Itaque hæc defectio deliciis opponitur, quæ longam morā nō sustinent. Proximus versus affinis est, quia ad oculos transfert quod antè dixerat de anima. Hoc discriminē est, quod pro salutis desiderio nūc sermonis desiderium ponit. Nam salus est in actu (vt loquuntur) quum sermo nos expectatione suspensos teneat. Sed quanuis Deus non statim palam exhibeat quod promittit: quia tamen non alibi quàm in verbo salutem offert: nulla etiam alia est sperandi ratio quàm vbi in verbum recumbimus. Quia igitur verbum salutem ordine præcedit, imò speculum est in quo nobis manifestatur, meritò Propheta dum ad salutem suspirat, dicit se vsque ad oculorum defectum fuisse defixum in verbo. Hic verò mira & incredibilis patientiæ virtus in carnis infirmitate apparet, dum languidi & omni vigore destituti, salutem in Deo absconditam quarimus. Tandem significat Propheta quàm non sine causa defecerit, nequis putet nimis mollem & fluidum fuisse. Nam ex Deo querens quando tandem eum consolabitur, satis ostendit, diu fuisse quasi proiectum & desertum.

83 *Quia fui tanquam vir.* Particula **וְ** posset etiam non malè resolui in aduerbium temporis quando, vt vno

contextu legamus, Quando similis veri arefacto fuit Propheta, non tamen fuisse oblitum Legis Dei. Consilium quidem eius minime obscurum est, nempe quanuis duro examine probatus, & ad vitium punctus fuerit, non tamen abductum fuisse à timore Dei. Comparatio autem viris aut vesicæ huc spectat, continuo malorum astu fuisse quasi torridum. Vnde colligimus, non mediocri mœrore tantum lqualem & maciem contraxisse vt ferè exaruerit. Quanquā videtur subesse notatio non modò duri sed etiam lenti cruciatus: sicuti fumus ex astu proueniens, vesicas paulatim arefacit. Sciamus ergo longam fuisse dolorum seriem, quæ centies consumere Prophetam, idque diuturno languore, potuit, nisi suffultus fuisset Dei verbo. Atque hæc denum vera est pietatis experientia, dum afflictiissimi non desinimus tamen Deo nos submittere.

84 *Quot sunt dies serui mei.* Quidam seortum legunt hæc duo membra. ac si primùm generalis querimonia esset de breuitate humanæ vitæ, quales in Psalmis quædam occurrunt, frequentius verò in libro Iob: deinde secundum eos sequitur specialis precatio, vt de hostibus vindictam Deus sumat. Ego verò malo simul contexere, & vtrunque restringere ad Davidis afflictiones: ac si dixisset, Domine quousque tibi decretum est seruum tuum subicere impiorum libidini? & quando tandem eorum sauitia & furori te oppones vindicem? Scriptura enim hoc sensu nomen Dierū sæpe accipit, vt Dies Aegypti, Eze. 30. 9, & dies Babylonis, & dies Hierosolymæ, Psal. 137. 7, quod alibi dicitur Tempus visitationis, Iesa. 10. 3. Plurali autem numero certum & præscriptum tempus designat, quod alibi comparat diebus mercenarii, Iob. 14. 6, & Iesa. 16. 4. 14. Non ergo in genere caducam hominum vitam deplorat, sed de sua militia conqueritur, quam sua opinione nimis longā sustinuerat: idè quæ nō abs re finiri cupit. Etiam autè exposluler cum Deo de sua molestia, non tamen id facit contumaciter, vel obstrependi affectu: sed rogans quousque sibi necesse sit pati, modestè precatur ne Deus opem ferre dis-

ferat. Quòdverò eum ad vindictam suo voto sollicitat, alibi vidimus quomodo hanc precem concipere licuerit: nempe quòd vindictam appeteret qualis proprii Deo convenit. Certum est enim deposuisse vitiosos omnes carnis affectus ut puro & liquido zelo expeteret Dei iudicium. Et si in genere hic tantum optat, interposita Dei manu se ab iniuriis liberari: non autem exitio deuouet suos aduersarios. nan satis habet modò vindex appareat Deus.

85 *Ederunt mihi superbi foueas.* Cōqueritur se fraudibus & vafritie hostium fuisse circumuentum: ac si diceret, non modò aperta vi & gladiis in perniciē suam fuisse grassatos, sed malitiosē & perfidius vel clandestinis artibus captasse quomodo eum perderent. Quòd addit *non fuisse secundum Legem Dei*, ad prouocandam misericordiam pertinere: quia eo propensior est Deus ad suos iuandos, vbi vnā cum eorum salute violari Legē suam videt. Interea suā innocentia testimonium reddit, quòd nihil tale de ipsis fuerit meritis, & quicquid machinati sint, patienter se continuerit. neque enim tenuisset quod sciebat Legi Dei esse aduerium. Proximo versu iterum confirmat, quibuscunque modis vexatus fuerit, non fuisse variis cogitationibus distractū: quia fretus Dei verbo, de eius ope non dubitauerit. Ac primò quidem refert quo clypeo ad excipiēdos omnes insultus munitus fuerit: nempe quòd fideliter sub Dei auspiciis militēt fideles: quia salus quam ex eius verbo sperant, minime dubia est. Hac ratione pradicat verā Dei esse mandata. quo elogio significat extra periculum esse qui in Dei verbum recumbunt, ut hæc futura nos rectis animis sustineat. Secundo cōqueritur de hostium perfidia, ut suprā exposuit. Nā hic repetitur nomē *יְהוָה*.

quo intelligit nullam ab illis habitam fuisse aequitatis rationem. Hinc & liberationis fiduciam cōcipit: quia propriū Dei munus est pauperibus iniuste oppressis succurrere.

87 *Propemodum consumpserunt.* Paulo diuersis verbis repetit quod nuper dixerat, quantūvis duriter tentatus fuerit, se tamen in gradu suo stetisse: nempe quia pietatem non deseruit. Quancūq̃ autem perfectis hoc semel esse dictum sufficeret, si tamen nobis in mentem veniat nostra imbecillitas, fatebimur non esse superuacua dōctrinam. Nec verò extremis tantum certaminibus concussi Legem Dei obliuiscimur, sed maior pars antequam manus conserat diffluit. Quomagis notandum est hoc mirabile Prophetæ robur, quòd ferē semimortuus, non tamen deseruit assidua Legis meditatione animum suum focillare. Non frustra etiam inseruit hoc factum esse in terra. subest enim tacita cæli cōparatio: ac si diceret, Quom se vndique in terris ingereret mortis terrores, se mentem sursum extulisse: quia si fides in cælum pertingat, facile erit ex desperatione emergere. Vltimus etiam versus nihil nouum continet. Nam initio vitam suam Dauid in Dei misericordia locat: non solum quia sibi humanā fragilitas erat conscius, sed quia multis mortibus quotidie se obici videret, imò submota Dei virtute exanimis iaceret. Deinde vbi restitutus fuerit in vitam, se gratum fore promittit: neque id lingua modò, sed tota vita. Nam sicuti Dei auxilia, quibus nos à periculis liberat, totidē sunt nouæ vitæ: ita æquum est, quicquid temporis nobis prorogat, in eius cultum dicare. Quom Lex vocatur *testimonium oris Dei*, hoc elogio præclare asseritur eius autoritas.

89 *⁊ In æternum Iehouah verbum tuum permanet in celis.*

90 *⁊ In generationem & generationem veritas tua: firmasti terram, & consistit.*

91 *⁊ At iudicia tua perstant hucusque: quia omnia sunt seruitui.*

92 *⁊ Nisi Lex tua delectationes meae fuissent, tunc per-  
uissem in afflictione mea.*

93 *⁊ In seculum non obliuiscar statutorum tuorum, quia  
in illis uiuificasti me.*

94 *⁊ Tuus sum ego, serua me: quia statuta tua quaesui.*

95 *⁊ Me expectant impii ad perdendum me, testimonia  
tua considero.*

96 *⁊ In omni perfectione vidi finem: latum mandatum  
tuum valde.*

89 *In aeternum Iehouab.* Hunc versū ita plerique exponunt ac si Dauid hoc proferret documentum veritatis Dei, quia stabilis ac fixa sit calorū conditio. Itaque secundū eos sensus est, Deū probari veracem, quia cali manent in perpetuo statu. Alii etiam magis coactum sensum afferunt, quod veritas Dei ceterior sit quā si ipse stare calorū. At qui mihi videtur Prophecia aliud prorsus velle. Quia enim nihil in terra firmum vel diuturnum cernimus, mentes nostras in cælum attollit, vt illic figant suā anchoram. Certe poterat Dauid (sicuti aliis pluribus locis) dicere, totum mundi ordinem de constantia verbi Dei testari: quod verissimum est. sed quia periculum erat ne suspensæ haberent piorum animæ si veritatem proponeret in mundo, vbi variæ sunt agitationes, eam in calis locans, domicilium attribuit nullis mutationibus obnoxium. Ergo ne quis verbum Dei ex intuitu tot reuolutionum astimet, tacite opponitur cælum terræ: ac si dictum esset, salutem nostram, quatenus inclusa est in verbo Dei, non esse versatilem, vt sunt omnes res terrenæ: sed stare in tuto & tranquillo portu. Idem Prophecia Iesaias 40.6, paulo diuersis verbis docet, Omnis caro scænum, & omnis gloria eius tanquam flos agri. Nam Petro interprete, 1. Pet. 1.24, significat salutis certitudinem in verbo esse quærendam: ideoque perperam facere qui in mundo subsidunt: quia verbi Dei firmitas, mundi naturam longe transcendit. Eandem sententiam repetit & confirmat sequenti versu. diserte enim ad-

monet, quanuis ad momentum versentur fideles in terra quasi inquilini, & statim dissoluant, vitam tamen eorum minimè caducam esse, quia ex incorruptibili semine sunt regeniti. Quanquam vltà progreditur Prophecia. nam sicuti prius fide nos iussit in cælum penetrare, quia in mundo nihil reperimus vbi tuto quiescere liceat: ita nunc rursus ab experientia docet, quanuis voluatur mundus, claris tamen & insignibus Dei testimoniis in eo quoque fulgere Dei veritatem, vt stabilitas verbi non tantum inclusa sit in cælo, sed ad nos vsque perueniat. Hac ratione additur, terram, sicuti à Deo fundata est, firmam manere: ac si diceret, Domine etiam in ipsa terra, quasi in speculo, visibilis nobis est verbi tui veritas: quia licet suspensa sit in medio mari, retinet tamen suum statum. Hac igitur duo inter se optime conueniunt, verbi Dei constantiam ex statu terreno minimè astimandam esse, quia subinde fluctuat, & instar vmbra effluit: rursus tamen ingratos esse homines, nisi hanc eandem sententiam ex parte agnoscant in mundi opificio: quia terræ, quæ alioqui momento vno non staret, firma tamè manet, quia fundata est verbo Dei. Iam non est cur obiciat quispiam difficile esse Dei veritatem extra mundum quærere, quia nimis longè ab hominum sensu remota esset. Occurrit enim Prophecia, quanuis in cælo habitet, signa tamen ante pedes nostros conspicua extare quæ nos pro modulo nostro, & ruditate ad perfectam eius noticiam paulatim attollant. Sic propheta ab vna parte hortatur nos vnde superemus



totum mundam, ut verbo Dei cōstet iusta firmitas quæ fidem nostram fulciat: ab altera parte admonet nos minimè esse excusabiles nisi ex ipso terræ aspectu cognoscimus Dei veritatem, quum se ad pedes vsque nostros extendat. Priori membro reuocantur homines à vanitate sensus sui: altero subleuatur eorum infirmitas, ut quod in cælo plenius quarendum est, in terra degustent.

91 *At iudicia tua persistant.* Nomē **דיוח** quod ego, alios Interpretes sequutus, reddidi hucusque, non malè verti posset quotidie, vel singulis quibusque diebus: sensu tamen non absimili. intelligit enim Propheta, totius naturæ ordinem, solius Dei imperio vel decreto niti. Nam iudicia nominans, ad Legem ipsam alludit: acsi diceret, ubique fulgere rectitudinem illam quæ in Lege Dei patefacta est. Vnde sequitur nimis peruersos esse homines quum infidelitate sua, Dei fidem quantum in se est concutiant & labefactant, in quam recumbunt omnes creaturæ: deinde quum sua contumacia violant Dei iusticiam, & vim præceptis abrogant, in quibus fundata est tota mundi firmitas. Quanquam autem dura est loquutio, omnia elementa esse Dei seruos, plus tamen exprimit quàm si dixisset omnia esse disposita ad præstandū Deo obsequium. Quomodo enim aer, qui tam fluidus est, assiduè spirando nō se cōsumeret, quomodo aqua fluēdo nō deficerent, nisi arcanum audirent Dei imperium? Fide quidem percipimus mundū stare Dei imperio: sed quicumque prædicti sunt aliqua intelligentiæ gutta, ex claris documentis idem colligunt. Sit ergo hoc nobis penitus infixū, arcana Dei virtute sic omnia foueri, ut in statu suo retinendo verbum eius vel mandatum audiant. Tenendus enim est semper Prophete scopus, veritatem Dei quæ in externi. eius operibus refulget, per gradus nos alius deducere, ut indubia sit celestis doctrinæ veritas.

92 *Nisi Lex mea.* Eandem ferè doctrinam continuat Propheta: quia sibi perendum fuisse dicit, nisi malis suis ex Lege Dei solatium quæsisset. Aduer-

bium **מ** Hebræis significat tunc: sed quia de longo tempore interdum capitur, tantundem hic valet ac pridem: nisi cui magis placeat emphaticam esse demonstrationem, acsi adhuc in re præsentī foret. Proprio autem experimento confirmat quod prius dixit, ut appareat non de rebus incognitis eum loqui, sed asserere quod re ipsa didicit ac expertus est, nullum scilicet aliud in rebus miseris solatium & remedium esse, nisi dum acquiescimus in verbo Dei, gratiamque illuc oblatam & salutis nostræ testimonium amplectimur. Certum verò est, idem verbum quod nuper in cælo manere dixit, nunc celebrari, quia etsi in terra personet, penetret in aures nostras, cordibus infideat: retinet tamen caelestem naturam: quia sicut ad nos descendit ut non subiaceat mundi inclinationibus. Declarat autem Propheta se afflictionum mole fuisse grauatum, quæ penitus obruere eum posset: solatium verò quod ex Lege recepit, in tanta desperatione sibi fuisse vitæ loco. Proximus versus gratiarum actionem continet. quia enim salutem attulerat Lex Domini, promittit, se nunquam fore eius immemorem. Simul tamen se & alios admonet quàm necesse sit in animo fouere Legis Dei memoriam: quia etsi viuificam esse experti sumus, facile tamen obrepit eius oblitio, cuius posset a iustam poenam lœuimus dum nos finit Deus in tristitia nostra tabescere.

94 *Tuus sum ego.* Primò hinc sumit precandi fiduciam, quod sit in arcæ & peculio Dei, ut loquuntur. Deinde ab effectu probat se Dei esse, quia eius mandata custodiat. Cæterum hoc non ira accipere conuenit quasi se quicquam promeritum iactaret, quemadmodum apud homines hæc solet adduci ratio ad impetrandum quod petimus, Ego te semper colui, studiū honoris tuo & commodis consulere, obsequia mea tibi fuerunt parata. Quin potius meram Dei gratiam in medium profert David: quia nemo sibi propria industria tantum honoris acquirit ut sit sub Dei clientela, sed ex gratuita eius adoptione manat. Deo itaque sumi hic beneficium obicitur, ne incœptum opus

pus deferat. Nam quod dicit, studiose mandatis Dei se intendere, hoc quoque ex vocatione pendet: quia non ante cepit Dei mandatis studium suum adiacere, quam esset vocatus & receptus in eius familiam. Quia autem à Domino postulat seruari, continuò pòst necessitatem exprimit, se ab impiis ad interitum fuisse quaesitum dicens. Vbi tamen simul pieratis suæ constantiam prædicat: quia mentem suam tunc ad Dei Legem applicuerit. quod notari dignum est. nam qui sponte aliàs ad Deum sequendum propensi forent, concussi ab impiis, quò se vertere debeant nesciunt, vt facile ad praua consilia labuntur. Quare magna virtus est, quanuis in perniciem nostram conspirent improbi, vt secundum carnem de vita periclitemur, tribuere tamen hoc honoris Deo, vt solis eius promissionibus simus contenti. Intelligere autem ad Dei testimonia hoc loco tantundem valet atque verbo Dei addicere mentes nostras, quòd nos contra omnes impetus fulciat, efficax sit ad sedandos metus, ab omnibus peruersis consiliis cohibeat.

96 *In omni perfectione.* Aliis verbis iterum commendat quod primo versu huius literæ docuit, nempe Dei ver-

bum, quia supra caduca mundi elementa longe eminet, mutationi non esse obnoxium. Hic enim dicit nihil sub celo tam perfectum esse, ac solidum, vel absolutum omni ex parte, quòd tamen finem non habeat: solum Dei verbum sua amplitudine superare omnes terminos & metas. Quoniam verbum וְכָל tam consumere & finire, quam perficere significat, quidam nomen וְכָל promensura vel sine accipiunt. Sed ratio postulat de perfectione exponi, vt illustrior sit comparatio, & fidem verbi Dei melius amplificet. ac si dixisset Propheta, postquam omnia circumspexit, præferim quæ exactissima perfectione excellunt, nihil tamen esse ad verbum Dei: quia aliis omnibus impendeat finis, verbo autem Dei semper còstet sua æternitas. Vnde sequitur minimè timendum esse ne in medio cursu nos de situat. Nam huc pertinet nomen *latitudinis*: quia vt quis supra caelos euolet, descendat in profundissimas abyssos, transeat à dextera ad sinistram, non tamen perueniet longius quam nos Dei veritas deducit. Restat vt hanc amplitudinem concipiant animi nostri: quòd fiet vbi se in angustias mundi huius conlicere desierint.

97 *Quàm dilexi Legem tuam toto die ipsa est meditatio mea.*

98 *Præ aduersariis meis sapientem me reddidisti à maledictis tuis: quoniam ea mihi in perpetuum.*

99 *Præ omnibus doctoribus meis prudẽtem me reddidisti: quia testimonia tua meditatio mea.*

100 *Præ semibus intellexi: quia statuta tua seruauit.*

101 *Ab omni semita mala prohibui pedes meos, vt custodiam sermonem tuum.*

102 *A iudiciis tuis non declinavi. quia tu docuisti me.*

103 *Quàm dulcia fuerunt faucibus meis eloquia tua sit præ me ori meo.*

104 *A statutis tuis intellexi, propterea odi omnem semitam falsitatis.*

97 *Quàm dilexi.* Non contentus simplici affirmatione, interrogatiue ex-

clamat se incredibili amore Legis Dei fuisse accensum; & probationem addit,

quod assiduus fuerit in eius meditatione. Nam si quis Legem Dei ubi charam esse iactat, neglecto eius studio animū alio conuertat, nimis crassam hypocritism producit: quia amor semper assiduam meditationem gignit, praesertim, qualis hic exprimitur a Propheta. Et certe nisi corda nostra in sui auctorem inflammeret Lex Dei ac rapiat, statim obrepent multae illecebrae, quae nos ad vanitatem traducant. Ergo amorem Legis hic cōmendat Propheta, qui sensus omnes nostros occupans, animum claudat & obseret fallacius omnibus & corruptelis, ad quas nimium sumus alioqui procliuēs.

98 *Prae aduersariis meis.* Hic commemorat Propheta, se & hostibus suis & magistris & senibus fuisse doctorem quia discipulus erat Legis Dei. Porro aliter intelligit se intelligentia fuisse praeditum supra hostes, quam supra doctores suos: illis enim fuit superior, quia nihil profecerint sua astutia & fraudibus, quam acumen suum in eius perniciem intendere. Sumus enim ut impios sua malitia semper ad nocendum sollicitet. quia autem saepe vari sunt & captiosi, nisi insidiis & iisdem artibus certemus, timemus ne eorum dolis obnoxia sit nostra simplicitas. ideo gloriatur Propheta, suis sibi fuisse in Dei Legge praesidium, ut omnes laqueos effugeret. Quod verò *supra magistros doctrinam sibi veniat*, videtur absurda esse comparatio: quia illi quoque didicerant ex verbo Dei quod utile fuit cognita. Sed non dubium est quin gratias agat Deo Propheta, quod eorum progressus transcendit à quibus rudimenta acceperat. Neque enim nouum est ut magistrum superet discipulus, prout cuique Deus mensuram intelligentiae partitur. Scimus enim ita institui fideles hominum opera & labore, ut Diuinitas illi minentur. Atque hinc praestantia discipuli supra magistrum, quia deus quasi digito monstrare vult ita se uti hominum industria, ut praecipuus interim maneat doctor. Quare discamus nos ei regendos tradere, ut gloriari cum Dauide liceat, eius ductu nos ultra esse progressuros: quam nos ducere poterit humana industria. Idem & de senibus confirma-

tionis vice addit. *Etas enim multum confert*, ut qui natura tardi sunt ac rudes, eos longa experientia & vsus expositat. Propheta autem dicit se ex Legge Dei prudentiam adeptum esse plusquam senilem. Summa est, quisquis se docilem praeberit Deo sensusque suos in eius verbo continuerit, ac seculum se exercuerit in Legge meditanda, illic reperiuntur satius prudentiae: ut tibi consulat contra hostium insidias, & circumspexius sit ad cauendas eorum fraudes: deinde ut ad totum vitam cursum certe possit cum optimis quibusque magistris. Neque tamen prudentiam suam iactat Dauid, quo se ceram mundo vendit: sed exemplo suo admonet, nihil nobis esse melius quam discere ex ore Dei: quia perfectè deum sapient qui edocti sunt in eius schola. Commendatur etiam fidelibus sobrietas, ne aliunde sapere apperant quam ex Dei verbo, ne ambitio vel curiositas ad vanam ostentationem eos titillet. Denique modestia & submissio omnibus praecipitur, ne quis scientiam sibi arroget quia efferratur supra Dei Legem, sed ubi in medium prodit celestis illa Sapientia, sponte se omnes, quantumvis intelligentes aut periti, in ordinem cogant. Quomodo dicit se seruasse Dei statuta, significat qualis fuerit illa meditatio, de qua diximus ut sciamus, non frigide fuisse philosophatum, sed serio affectu fuisse additum Dei praeceptis.

101 *Ab omni semita mala.* Significat se bellum indixisse omnibus vitiis, ut se Deo in obsequium dederet. Vnde colligitur utilis doctrina, nempe, ut Legem Dei seruemus, initio cauedum esse ne gressus nostri in fluxuosas semitas declinent. Nam in tam vitiosa natura, inter tot illecebras, in tanta mentis nostra vanitate nihil procliuus est quam in errorem abduci. Imò rarum miraculum est si rectum cursum in vita quis teneat. Summa itaque attentione opus est ut pedes suos à vagando fideles prohibeant. Proximoverſu constantiam suam praedicat Dauid in studio seruandae Legis. Dicit igitur, ex quo viuendi ratione à Deo accepit, se tenuisse rectum cursum. Iam cum tam lubrica sit via, & pedes tam infirmi, totumque ingenium ad in-



numeros errores flexibile, non leui conatu ad nos retinendos opus est, ne desiccamus à iudiciis Dei. Sed notandum est quale doctrinæ genus designet. etsi enim promiscuè docentur omnes quibus proponitur Dei verbum, vix decimus quisque eius gustum capit: vix autem centesimus eo usque proficit, vt ad extremum in recto cursu pergat. Peculiaris ergo hic docendi modus notatur, nempe quod electos suos Deus intrus ad se trahit: ac si diceret Propheta se arcano spiritus vñ in actu in viam salutis fuisse adductum, & in eadem retentum fuisse.

103 *Quàm dulcia.* Quod aliis verbis dixerat, iterum repetit, se dulcedine Legis Dei sic fuisse captum, vt non aliā oblectationem appeteret. Nam fieri quidem poterit vt tangatur quispiam aliquo reuerentiæ sensu: sed nemo alacriter Legem sequetur nisi qui hanc suauitatem conceperit, Deus autem non seruile obsequium à nobis exigit, sed vult hilariter ad se venire. Quæ ratio est vt Propheta toties in hoc Psalmo commendet verbi Dei dulcedinem. Siquis roget quomodo dicat Propheta tam suauiter se oblectatum fuisse Dei Lege, quæ (teste Paulo 1. Corin. 3. 9) nihil quàm formidinem incurrit: facilis solutio est: Prophetam non loqui de mortua litera quæ lectores suos occidit, sed completi totam Legis doctrinam, cuius præcipua pars est gratuitum salutis fœdus. Paulus Legem Euangelio comparans, tantum attingit præcepta cum minis. atqui si tantum præcipiat Deus, & maledictio nem denuntiet, totum eius sermonem mortiferum esse certum est. Propheta autem Euangelium Legi non opponens, adoptionis gratiam quæ in Lege offertur, merito melle sibi dulciorem esse asserit, hoc est nullas sibi delicias fuisse pares. Iam memoria repetendum est quod alibi dixi, Legem Dei nobis esse inspidam,

vel saltem nunquam ita nobis dulcem esse vt à voluptatibus carnis nos reuocet donec cum proprio ingenio strenuè luctati simus, ad domandos qui in nobis regnant affectus carnis.

104 *A statui inis.* Videtur hic Propheta inuertere ordinem quem nuper posuit. dicebat enim se prohibuisse ab errore pedes vt seruaret Legem Dei: nunc diuersam rationem pœnit, initium faciens à Legis obseruatione. Dicit enim se prius edoctum fuisse à verbo Domini, quàm vitia sua corrigeret. Duo tamen hæc non male inter se cōueniunt, quod fideles sese ab erroribus colligant, vt vitam forment ad regulam verbi Dei: vbi autem iam progressi sunt, quatenus viget in ipsis Dei timor, maiori odio habere incipiant & acrius detestari omnia scelera. Et certe hoc bene viuendum exordium est, vt quisque se à vitiis purgare studeat: quo autem quisque melius profecit, maiore zelo serueat in vitiis detestandis & fugiendis. Porro docemur Prophetæ verbis, ideo homines passim inuolui mendaciis, prauisque erroribus irretiri, quia non verè ex Dei verbo sapiunt. Quum totus mundus desipiat, hoc errantibus subterfugium est, sibi à fallaciis cauere nimis esse difficile. atqui remedium in promptu erit si Prophetæ sequamur consilium, hoc est, si propriæ prudentiæ non innixi, intelligentiam peramus ex Dei verbo, vbi non tantum ostēdit quid rectum sit, sed munit etiam ac prouidos reddit contra omnes fallacias Satanae & mundi imposturas. Atque vtinam hoc eorum animis qui se fideles, hodie iactant, penitus esset infixum. neque enim tanta leuitate maior pars huc illuc subinde ad varios opinionum motus fluctuaret. Nos verò quum tam sedulo incumbat Satan ad spargendos errorum fumos, huic prudentiæ maiorem demus operam.

105 *Lucerna pedi meo verbū tuū, & lūmē semitæ meæ*

106 *Iurani, & stabilitati, ad seruandū iudicia iustitiæ tuæ.*

107 *Afflictus sum usque valde Iehoua, viuificame secundum verbum tuum.*

108 *Voluntaria oris mei tibi quaeso placeant Iehoua, & iudicia tua doce me.*

109 *3* *Anima mea in manu mea semper, & Legem tuam non sum oblitus.*

110 *3* *Posuerunt impii laqueum mihi, & à statutis tuis non erravi.*

111 *3* *Hæreditatis loco habui testimonia tua in æternum: quia lætitia cordis mei sunt.*

112 *3* *Inclinavi cor meum ad facienda edicta tua in perpetuum in finem.*

*105* *Lucerna pedib.* Testatur hoc versu Propheta Legem Dei, sibi fuisse bene vivendi magistram ac directricem, nobisque omnibus suo exemplo eandem præscribit normam. nam dum sequitur quisque quod visum est, incidimus in horribiles labyrinthos. Verùm ut certius teneamus eius mentem, notandum est, omnibus humanis consiliis opponi Dei verbum. Nā quicquid iudicat mundus rectum esse, hoc coram Deo sæpe obliquum ac perversum est: cui non alia probatur vitæ institutio quàm quæ exigitur ad Legis suæ normam. Nec verò aliter dirigi potuit David verbo Domini, quàm prius renuntiasset carnis pruden-  
tia: sicuti hoc nostræ docilitatis principium est. Sed metaphora qua vititur, plus aliquanto explicat: nempe, nisi præluceat Dei verbum, totam hominum vitā tenebris & caligine implicitam esse, ut nihil quàm miserè vagari queant. deinde ubi nos dociles subicimus Legi Dei extra errandi esse periculum. Nam si ea esset verbi obscuritas de qua blatterant Papistæ, falso & mentito elogio ornatum esset à Propheta. Sciamus ergo certam lucem illuc nobis monstrari, modò aperiamus oculos. Eandem sententiam clarius expressit Petrus, 2. Petr. 1. 19, fideles laudans quòd attendant sermoni prophetico tanquàm lucernæ in loco caliginoso ardenti. Iterum de sua constantia loquitur: & quemadmodum nuper retulit se tota vita non deflexisse à Lege Dei, ita nunc agit de mentis suæ proposito. *Iuravit* verbo significat se fidē Deo obstrinxisse ne mutaret consilium. Nam hæc vera est servandæ Legis ratio, ex animo suscipere & amplecti quod præcipit, & quidem æquabili tenore, ne ardor noster (ut sæpe fieri solet) statim

languescat. Hæc eadem est legitima vivendi regula, offerre nos Deo, vitæque nostram dicare. Quæri tamen potest an non temeritatis dampnandum sit Propheta iurandum, qui sibi longè plus sumere ausus est quàm ferat hominum facultas. quis enim par erit servandæ Legi? Temere ergo nunc proflit: ad nuncupandum votum, qui rem impossibilem Deo promittit. Sed facilis responsio est, quoties aliquid Deo promittunt fideles, non respicere quid per se valeat, sed innitigratiæ Dei, cuius est præstare quod à nobis exigit, dum scilicet vires à Spiritu suo suppeditat. Caterùm præter Spiritum non possunt quidquam vovere ubi Deo obsequendum est. neque enim vel ad cogitandum sumus idonei, ut inquit Paulus, 2. Cor. 3. 5. Sed quia Deus manum nobis porrigens, iubet bono & alacri animo esse, & senectus nunquam desore afferit, hinc illa fiducia iurandi. Nec verò vlla est temeritas, ubi promissionibus Dei confisi, quibus nos prævenit, vicissim nos ei offerimus in obsequium. Nondum tamen soluta est questio: quia utcumque filii Dei per Spiritus gratiam emergant tērationum omnium victores, laborant tamen semper aliqua infirmitate. Sed notandum est, in votis & promissionibus fidelium non modò comprehendi pactum illud quo Deus se facturū recipit ut ambulet in præceptis suis, Ezech. 16. 26. sed alterū quod simul additur de gratuitavēnia. Quare fidē de servandā Lege pro gratia sibi datā mēsurā obstrinxit David se cōdū illud Propheta Ps. 103. 11. Parcam illis quemadmodum parcere solet pater filiis tibi servientibus.

107 *Affertur sū.* Docet hic versus Deum non ita molliciter fuisse in sinu suo

suo Patres sub Lege, quin duris tētationibus eos exercuerit. Neque enim leuiter & vulgari modo se afflictum fuisse dicit, sed supra modum: & viuificari postulat, indicat morti se propinquum fuisse. Simul tamen indicat quamuis à morte fuerit obsessus, se tamen non succubuisse, quia in Deum recubuerit. Quod diligenter notandum est. nam vt initio suppetat alacritas ad Deum inuocandum, si ingrauescit tentatio, flaccescunt animi: extremo autem metu excogitur fiducia. Atqui Propheta gratiam Dei implorat, non qua seruetur ineger in vita, sed qua vitam amissam recuperet. Obseruanda etiam est pars ista, *Se. s. sum verbum tuū*: quia frigebit inuocatio, imò nulla erit, nisi in merore & angustia promissio Dei fiduciā addat. Denique nō parebit (vt alibi diximus) accessus ad precandū, nisi hæc clauis ad manū sit.

108 *Voluntaria oris mei.* Potest hic versus tam vno contextu legi, quàm distinguui in duo membra. Prior sensus esset, Suscipe sacrificia mea in hunc finem, vt me præcepta tua doceas. Si magis placeat distinctio diuersa, erunt præcationes: vt sacrificia Deus grata habeat: deinde Prophetam instituat in doctrina Legis. Ego in priorem sententiā magis inclino. asserit enim Propheta (si cut alibi vidimus) sibi nihil fuisse potius quàm probè tenere Legis doctrinam: ac si diceret, Suscipe Domine pro tuo beneplacito quæ offero sacrificia: & quoniam hæc summa est votorum meorum vt in Lege tua rectè instituar, huius tam optati boni fac me compotem. Notandi autem sunt loci oranes, vbi aliis omnibus mundi beneficiis præfertur cælestis doctrinæ cognitio. Et certè quum æternæ salutis pignus in se contineat, pro incomparabili thesauro non abs re ducenda est. Longius tamen orditur Prophetæ, vt Deus cultum suum probare & suscipere dignetur. Per **תִּבְרַךְ** mihi duhium non est quin spontanea quæ vocabant sacrificia intelligat. Fateor quidem de votis & precibus eum propriè loqui. Sed quia ad propitiandum Deum solebant sacrificia offerre, vt cuiusque facultas ferebat, ad ritum illum legalem alludit: sicut laudes Dei, vitulos labiorū appellat *Oseas 14.3.* Nā illa cæremonia te-

statum Deus voluit Patribus, nullas sibi preces nisi sacrificio coniunctas placere vt semper ad Mediatorem mentes suas conuerterent. Fateatur autem primo loco se indignū esse qui precibus quicquā impetret, nisi gratis ipsū exaudiat Deus. Deinde Deū sibi in hoc propitium esse optat, vt ritè proficiat in doctrina Legis. Nam verbū **קָרַב** quo vtitur, significat mero beneplacito fauere. vnde sequitur nihil esse in precibus dignitatis, sed quoniam annuit Deus, liberaliter hoc dare.

109 *Anima mea in manu.* Docet, nullis ærumnis, afflictionibus vel periculis se alienatum fuisse à Dei cultu & Legis obseruantia. Animam enim gestare in manu, tantundè valet ac vitæ periclitari, vt anima sit quasi vento exposita. Sicuti Iob 13. 14, dū tabescit in malis, & in singula momenta mortem expectat & metuit, conqueritur animam sibi esse in manu: ac si diceret, auulsam à suodomicilio, subiacere mortis imperio. Perperam igitur loquitur hæc ab indolis torquetur in absurdum sensum: ac si diceret Propheta, in arbitrio suo esse vitæ suæ regimen. Quin potius hæc circumstantia pietatem suam commēdat: quòd licet inter naufragia iaceretur, & centum mortes verserent ante oculos, vt ne momento quidem securus quiescat, non tamen abiiciat studiū Legis Dei. Hic rursus notandum est quàm duris certaminibus probati fuerint Patres sub Lege, ne discrimina & metus nos absterreat, vel tardio debilitent quominus animis nostris infideat Legis Dei memoria. Sententia proximi versus affinis est, quia propius designat Propheta quomodo vitam suam gestauerit in manu, nempe, quòd vndique improborū insidius cōclusus, spēs ferè vitæ nullam cerneret. Diximus autem alibi quàm difficile sit, vbi suis captiōibus perniciem nobis intendant hostes, non errare à viis Domini. nam & libido carnis ad retaliandū nos incitat: nec villus tuenda vitæ nostræ modus apparet, nisi ceremus iisdem artibus quibus illi nos oppugnant: & fingimus nobis licium esse vlulare inter lupos. quò magis meditanda nobis est hæc doctrina, dum nos impii circumueniunt, nihil esse melius quàm sequi quò Deus vocat, nec quicquam ni-



si ex eius mandato tentare.

111. *Hereditatis loco.* Confirmat rursus sententiam illam quæ nimium repeti non potest, Legem Dei pluris sibi fuisse quam omnes mundi delicias, opes & copias. Dixi, non frustra toties hoc inculcari, quia videmus ut ferueant mundi libidines, quam multiplices solitudinis singuli æstuent, dum innumera appetere non desinunt. interea vix centesimus quisque mediocriter aspirat ad studium Legis Dei. Ego Propheta, ut suo exemplo nos extimulet, dicit testimonia Dei tantæ sibi voluptati esse, ut nihil pretiosius æstimet. Solus enim amor est qui pretium rebus conciliat. ideo ut Legem Dei qua decet reuerentia colamus, ab hac delectatione incipere convenit. Porro non mirum est testimonia Dei lætitiæ afferre, quæ posthabitis & speretis aliis omnibus nos sibi deuinctos teneat. Quid enim suauius quàm nobis celos aperiri, ut libere in Dei conspectu prodire liceat, dum nos sibi in filios adoptans, peccata gratis condonat? Quid optabilius quàm audire ita nobis esse placatum, ut vitæ nostræ curam suscipiat? Hoc breuiter attingere visum est, ne miremur Davidem tantæ affectum fuisse lætitiæ ex Lege Dei. Similitudo autem *hereditatis* frequenter occurrit in Scriptura: & hereditarium vocatur quod summum gradum apud nos obtinet, ut parati animus reliquis omnibus carere, modò id vnum saluam maneat. Itaque significat Propheta, quæcunque adeptus fuerat bona, pro aduentitiis sibi esse, solum celestẽ doctrinam esse hereditatis loco quia extra ipsam nihili omnia æstimet: ut libenter aliis relinquat diuitias, honores, commoda, delicias, modò possideat incomparabilem hunc thesaurum. non quòd in rotum contemneret Dei beneficia quæ ad præsentis vitæ usum spectant, sed quia ligatum non tenebant eius animus.

112. *Inclinaui cor meum.* Describit hoc versu probam Legis obseruantiam,

113. *O Cogitationes obliquas odio habui, & Legem tuam dilexi.*

114. *O Latibulum meum & clypeus meus tu, in verbo tuo speravi.*

dum scilicet hilariter & ex animo nos accingimus ad præstandum quod iubet quia seruile & coactum obsequium à contumacia parum differt. Propheta ergo ut breuiter definiat quid sit Deo seruire, non tantum manus, oculos vel pedes se applicuisse dicit ad Legem seruandam, sed cœpisse à cordis affectu. Quamquam pro verbo *inclinandi*, non male etiam congeneret *Extendere cor*, sed sentium magis receptum teneo, quòd propenso studio ad seruandam Legem accesserit. Caterum hæc cordis inclinatio vagis cupiditatibus opponitur quæ contra Deum exultant, & nos quouis potius rapiunt, quàm inclināt ad recte agendū. Quòd autem Papistæ ad probandum liberum arbitrium hoc gladio se armant, nugatorium est. colligunt ex Prophetæ verbis in potestate hominis esse, cor suū flectere in utranque partem. Sed facilis solutio est, Prophetam hic non iactare quid propria virtute fecerit. nam idem nunc verbum repetit quod ante posuerat, quum diceret *Inclina cor meum*, &c. Si non fuit hæc simulata precatio, certè confessus est, proprium esse opus Spiritus sancti, corda nostra in bonum inclinare & formare. Sed minime nouum est nobis ascribi quod Deus in nobis agit. Clarū est illud Pauli Ph. 2.3, Deum esse qui in nobis velle operatur. Sed propheta cor se inclinasse dicens, nõ separat suū conatum à gratia Spiritus, cuius instinctu alibi testatus est id totum peragi. Si mulietiam constantiam p̃i sui affectus ab euanido aliorū seruire discernit. Itaque dicit se de continuo vitæ cursu cogitasse, ne in via fatiscat, vel etiam retrocedat. Dictio *ΠΡ* exegeticè meo iudicio addita est ad *Πηχ*: atque id, ut sciremus fortiter ipsius fuisse luctatum cum obstaculis & difficultatibus, ne constantiam eius frangerent. Neque enim sine arduo conatu quisquam in puro Dei cultu perseuerat. Quod alii pro mercede accipiunt, videtur nimis remotum.

115 *Declinate à me scelesti, & custodiam mandata Dei mei.*

116 *Sustenta me in sermone tuo, & vinam: & ne pudefacias me ab expectatione mea.*

117 *Confirma me, & saluus ero: & considerabo edicta tua iugiter.*

118 *Conculcasti omnes errantes ab edictis tuis, quia mendacium est dolus eorum.*

119 *Scorias cessare fecisti omnes impios terræ propterea dilexi testimonia tua.*

120 *Horruit à timore tui caro mea, & à iudiciis tuis timui.*

113 *Cogitationes obliquat.* Qui **DHYD** volunt esse nomen thoar, verentur, Cogitantes mala: sed rectius propriis cogitationibus sumitur, hocque verbum magis receptum est. **HYD** proprie ramum significat: sed metaphoricè ad cogitationes aptatur: quæ ex corde profectæ, sicut rami ex trunco arboris, huc & illuc se extendunt. Quia autem minimè dubium est hoc loco sumi in malam partem, addidi epithetum *obliquas*, atque hoc etiam requirit etymologia, sicuti rami arboris perplexi & impliciti transuersum feruntur, ita etiam per obliquos flexus confusè inter se misceri cogitationes. Nam quòd ex Hebræis quidam, Gentium leges intelligunt, quæ excisæ sunt tanquam rami à Lege Dei: argutum quidem est, sed infirmum. Quod ergo simplicius est, retineo, Legi Dei, quæ sola recta est, opponi tortuosa cordis humani figmenta, & quicquid ex peruerso sensu comminiscuntur impii. Et certè quisquis volet Legem Dei verè amplecti, in primis necesse erit ut prauis & vitiosis cogitationibus se abdicet, imò ut à proprio ingenio discedat. Nisi forè magis arrideat altera metaphora, ut **DHYD** altæ cogitationes significet, quia verbum **HYD** pro extollere capitur. Scimus autem nullum esse grauius Deo sacrificium quam obedientiam, ubi nihil sublimè ex nobis sapimus: & docilitas nostra ab humilitate incipit. Quia tamè hæc quoque expositio videri posset longius petita, ab ea supersedeo. Sufficiat nobis

quod dixi, nempe quia Deus nullos Legis suæ discipulos admittit nisi qui vacui sunt & bene purgati contrariis omnibus figmentis, quæ mentem corrumpunt, Prophetam hic testari se inimicū esse obliquis cogitationibus, quæ homines huc & illuc distrahere solent.

114 *Latibulum meum & clypeus.* Sensus est, quia periculis erat Propheta non aliter se tutum esse nisi quatenus sub alis Dei absconditus latebat, se eius promissionibus confisum nihil metuere. Et certè hoc primum est, ut statuunt fideles, vitam suam inter tot discrimina non aliter quam Dei praesidio saluam manere: ut deinde ad ipsum confugiant, & verbo eius innixi, securè expectent quam promissit salutem. Verum quidem est fiduciam hanc ex verbo concipi, quòd Deus nobis sit pro asylo & clypeo: sed hæc mutua coniunctio tenenda est, quòd ubi ex verbo didicimus tutum in Deo nobis latibulum esse, hanc doctrinam in animis nostris foueri & confirmari, dum sentimus quàm necessaria sit nobis Dei defensio. Cæterum, quantum eius potentia in spem salutis abundè nobis sufficere debeat, semper tamen verbum in medio statuere conuenit, ne tardante eius auxilio, fides concidat.

115 *Declinate à me.* Hunc quidem versum nonnulli ita exponunt ac si pronuntiet Dauid alacrius ac maiore studio fore se deditum seruandæ Legi, ubi ab ipso oppugnando improbi destiterint. Et certè ubi Deum sentimus nobis

fuisse liberatorem, plusquam stupidi sumus nisi notitia hac studium eius collēdi in nobis inciteret. Nisi enim pro sensu vel experimento gratia Dei crescat in nobis pietas, turpem ingratitudinem prodimus. Vera igitur & utilis est illa doctrina: sed aliud hoc loco Propheta voluit. Quia enim videbat quantum obstaculi impii nobis afferant, procul eos à se ablegat: vel potius sibi curā fore testatur ne se illaqueet illorum consuetudine. Neque hoc tam sua causa dixit, quā ut suo exemplo doceret, si cupimus inoffenso gradu pergere in via Domini, dandam in primis esse operam ut legissimè absumus à profanis & impiis, non locorum distantia, sed usu & communicatione: quia fieri vix potest, si familiariter ad nos obrepant, quin sua cōtagione protinus nos corrumpant. denique nimis clarum est quā exitialis sit malorum societas: atque hinc fit ut pauci ad finem vsque integri maneant, quia mundus refertus est corruptelis. In tanta autem naturæ nostræ infirmitate nihil proclivius est quā infici, & pollutionem ex minimo contactu contrahere. Quare merito Propheta vi sine offensa in Dei timore pergat, facessere à se iubet impios. Nam quisquis se eorum cōsuetudine se implicuerit, successu tandē tēporis fiet ut se cum illis proiciat ad contemptum Dei, & vitā dissolutā. Atque huic dicto responderet admonitio Pauli 2. Cor. 6. 14. Ne iugum ducamus cum infidelibus. Quanquam autem non erat in arbitrio Prophetae longē fugare impios, significat tamen his verbis, sibi nihil fore posthac cum illis commune. Emphatici etiam *Deum suum* nominat, ut testetur cum vnum sibi esse pluris quā cum cunctos mortales. Nam quia videtur passim grassari in terra scelerum colluvem, divorcium fecit cum hominibus, ut se ad Deum colligeret. Atque hodie magnopere interest, ne mala exempla nos abripiant, Deum statuere à parte nostra, & in eo constanter manere, quia noster est.

116 *Sustenta me in sermone tuo.* Multi legunt, secundum sermonem tuum, ut sumatur loco *2* notæ similitudinis: atque ita sensus esset, Sustenta me secundum fidem quā dedisti, vel prout mihi

pollicitus es. Et certè quoties nobis malum porrigit Deus ut collapsos erigat, vel eadem manu nos fulcit, promissiones suas implet. Videtur tamen Propheta sibi postulare fidei cōstantiam, ut firmus in verbo maneat. Sicut enim dicimur excidere à verbo Dei, excidendo ab eius fide, ita quantisper in eius fidem recumbimus, futura nostra est. Quia verò sciebat Propheta non esse in homine tantum fortitudinis, perseverantiam à Deo petit, tanquam singulare Spiritus donum. Ergo neque alibi reperietur vera stabilitas, quā in verbo Dei: & nemo huic constanter inniti poterit, nisi Spiritus sancti virtute cōfirmatus. Ideo semper rogandus Deus ut nos in fide retineat qui solus eam inchoat & perficit. Porro vitam in fide locans, merā fallaciam esse docet quicquid sibi promittunt homines extra verbum. Solus ergo Dominus verbo suo vivificat, sicut dicit Habacuc cap. 2. 4. Iustus sua fide vivet. Nā utriusque loci idem est sensus: quia postquam Habacuc stultam carnis confidentiam (qua ut plurimum inflati sunt homines) derisit, eo quòd in sublime se attollunt, ut violentius corruant: admonet solos fideles, quos sustinet verbum Dei, in tuto & solido stare. Si prior expositio placeat, secundum membrū exegitice additum erit, *ne pudefacias me ab expectatione mea.* Nam eodem ferè reciderent ista duo, Prophetam Dei gratia secundum eius verbum incolumem servuari, & spei suæ fructum percipere. Videtur tamen, ubi perseverandi constantiā sibi dari precatus est, nunc ultra progredi, ut tandem re ipsa exhibeat Deus quod promissit. Et certè sua cuique infirmitas testis est quā multa dubitationes nobis obrepant si post longam tolerantiam spei nostræ non responderet successus: quia videtur Deus nos frustrari. Eodem spectat proximus versus, nisi quòd verbi nulla sit expressa mentio. *Sclus enim loco vita* ponitur. His quidē verbis significat Propheta, simulac gratiam suam Deus subduxerit, de salute sua actum fore: quòd si Diuinitus fuerit confirmatus, nihil sibi esse metuendum. Multi verbum *777* verum oblectabor: nec male quadrat sensus, quia licet optimū bonitatis suæ gustum prabeat nobis



nobis Deus in nudo verbo, ubi tamē accedit effectus, saporem illum nō parum auget, modō ne os Dei à manu perperā separemus. Hæc enim vera fidei prudentia est, in omnibus Dei beneficiis promissiones expēdere: quarum si nulla habetur ratio, perit nobis omnium bonorū vsus, imō sæpe exitialis est. Respicendi tamen verbum mihi magis placet: quia ut quisque magis expertus est Dei auxilium, ita seipsum expergefacerere debet ad considerandam cælestem doctrinam. Addit præterea se tota vita in hac meditatione fore assiduum.

118 *Conculcasti omnes.* Conculcādi verbo intelligit Deum prostrernere omnes Legis suæ contemptores, ac discipere ex altitudine quam sibi abrogāt. Operitur enim stultæ, aut potius vesanæ confidentiæ quæ turgēt impii dum securè eludunt Dei iudicia: imō sese contra eum efferre non dubitant, ac si eius potētiæ non subiacerent. Et notandū est posterius membrum, quo docet Propheta impios nihil proficere suis astutiis: quin potius vel illaqueari, vel tandem sentire meras fuisse præstigias. Sensus in scitē depravant qui copulam intericiūnt: ac si dixisset Propheta, mendacium & fraudem in ipsis esse. *¶* *¶* enim vafrum & fraudulentū cōsiliū significat, pro quo sæpe cogitationē reddūt Interpretes. Sed hoc nomine non satis Hebraicæ vocis proprietas & vis exprimitur. intelligit enim Propheta, quantumvis illis sua calliditas placeat, eos tamē nihil aliud quā sibi illudere ac mentiri. Et necesse fuit hoc addere, quia videmus quā exitialiter bonā mundi partem inebrient vanæ suæ cogitationes, & quā difficile sit crednū quod hīc pronuntiat Dauid, quo sibi videtur magis perspicaces, magis sibi imponere. Astutis est proximi versus sententia, ubi dicit *aboleri impios à superficie terra quasi scoriam.* Inopinata enim mutatio hac similitudine describitur, quā imaginaria eorum gloria & felicitas in fumum abit. Cæterum notandum est, nō statim vindictā De patesceri contra reprobos, ut pereant, vel è mundo exterminentur: sed quum Deus subinde eos tollendo, se iudicem mundi ostendat, terrāque purget, non mirum est si de eorum exitio

ita loquatur Propheta: Verba enim apud Hebræos sæpe continuum actum designant. Sicut ergo Deus paulatim iudicia sua exequitur, & sæpe donec sua tolerantia abuti videt impios, pœnas suspendit: nostrum est vicissim expectationem nostram tenere suspensam, donec pœnæ gravitate tarditatem cōpenset, sicut ait profanus ille Scriptor. Satis constat subaudiendā esse similitudinis notā in nomine *scoriarum*: neque eorū sententiā improbo qui conferri scoris putant improbos: quia dum permisti sunt fidelibus, quasi facces, eorum puritatem inficiunt ac contaminant. Vbi autem reiecti sunt instar spumæ, melius nitet piorum mundities. Secundo loco addit Prophetam, iudicia Dei profectu apud se nō caruisse: quia *magis diligere inciperet Legis doctrinam.* Et certè quoties Deus sublata manu ostendit mundum suo imperio gubernari, nimis peruersos esse oportet qui se eius præsidio non committunt. Quum verò ultro se per verbum offert, nimis stupidi sunt qui ad tantam gratiā amplexandam non properant. Contrā ubi longius coniuget ad scelera hominum, languescit pietatis studium, quo nos in verbi Dei amore nō rapi decebat.

120 *Horruit à timore tui.* Videtur primo intuitu Propheta secum pugnare. nam quum nuper dixerit, Dei severitate suauiter ad amanda eius testimonia se fuisse illēctū, nunc se horrore correptum fuisse recitat. Sed quāvis duo isti affectus longè diuersi sint, si tamen expendimus quibus rudimētis nos Deus ad reuerentiam Legis suæ formet, videbimus optimè congruere. Ut gratiam Dei expectamus, subigi nos metu oportet. Ergo quia timor, amoris initium est, testatur Propheta, serio Dei timore se fuisse expergefatum ut sollicitē sibi caueret. Nec verò mortificatio carnis res tam facilis est, ut ad eam quisque consentiat nisi violentis modis coactus: ideōque nihil mirum si Deus seruum suum pauore concusserit, ut ad reuerentiam sui flecteret. Porro hæc non vulgaris prudentia est, expauescere coram Deo ubi iudicia sua exercet, quæ maior pars mundi clausis oculis præterit. Docemur ergo his Prophetae verbis, attentius considerata esse iudicia

Dei, vt non tantum placide nos erudiant, sed percellant etiam horrore, qui ad veram vsque poenitentiam nos adducat.

121 *Y Feci iudicium & iustitiam: ne tradas me oppressoribus meis.*

122 *Y Sponde pro seruo tuo in bonum, ne opprimant me superbi.*

123 *Y Oculi mei defecerunt ad salutem tuam & ad sermonem iustitiae tuae.*

124 *Y Fac cum seruo tuo secundum bonitatem tuam, & edicta tua doce me.*

125 *Y Seruus tuus sum, da mihi intelligentiam, vt discam testimonia tua.*

126 *Y Tempus ad faciendum Iehouae, dissipauerunt Legem tuam.*

127 *Y Propterea dilexi statuta tua pra auro & auro ob-rizo.*

128 *Y Propterea omnia mandata tua omnino recta duxi, omnem viam mendacij odio habui.*

121 *Feci iudicium.* Dei auxilium contra improbos qui molesti erant, sic Propheta implorat, vt simul testetur se immerito ab illis vexari. Et certe si Deum cupimus ad opem nobis ferendam descendere, vicissim occurrere ei nos nos decet cum bonae conscientiae testimonio. Quia ergo vbique auxilium suum miseris promittit qui iniuste premuntur, non superuacua est haec Prophetae contestatio, quod hostes suos non prouocauerit, sed se abstinerit ab omni iniuria & maleficio, ac ne malum quidem malo rependere conatus fuerit. Se enim omni tempore iudicium fecisse dicens, intelligit, quaequid machinari sint impio, se constanter coluisse integritatem, nec vnquam a iusto & recto fuisse abductum. Similis ferè precatio est secundi versus. sic enim malo interpretari verbum 117, quam cum aliis vertere, Oblecta seruum tuum bono, vel, fac vt bono delectetur seruus tuus. Secunda versio hunc habet sensum, vt Deus beneficiis seruum suum exhilaret. Tertia vtrū vt animo eius inspiret recti amoris ac desiderium. Nam haec vera est

perfectio, quum nos iustitia & rectitudo oblectat. Ex fine versus colligere licet Dauidem hic supplicas sibi contra hostes petere, itaque melius cōuenit *spondendi* verbum, ac si dixisset, Domine quum in meam perniciem crudeliter ferantur superbi, medium te interponas, ac si fideiussor meus esses. Quod autem inter verbum & nomen litera *Y* non interponitur, durum videri non debet, quia saepe subauditur. Plena autem consolationis loquutio est, Deum sponsoris munus ad nos liberandos suscipere. Metaphorice enim dicitur fideiubere pro nobis, ac si numerata debita pecunia nexos solueret. Huc verò tendit precatio, ne impiis contra nos pro libidine sauire permittat, sed interueniat vindex ad nos seruandos. His autem verbis significat Propheta, se fuisse in extremo discrimine, nec aliam spem sibi relictam quam in Dei auxilio.

123 *Oculi mei defecerunt.* Primò testatur se constatum fuisse cum duris molestis, neque id exiguo tantum tempore, sed vt radio & languore deficere potuerit. Rursus tamen docet se in tam longis

longis & molestis certaminibus nō fuisse fractum animo. Quid sit *deficere ad salutem*, suprà exposuimus: nempe etiam si nullus finis appareat malorum, & vindique se desperatio ingerat, contra tentationem vsque ad totius animæ deliquiū eniti. Si præteritum verbi tempus loco præsentis accipere libet, vt videtur hoc sensu positum, Propheta oculos suos deficere refert, nō quia fatiscant, sed quia vehementi attentione quasi hebetudine contrahant, neque tamen desinant assidue attendere ad Dei salutē. In summa, defectus perseuerantiam significat cum arduo conatu: & momentaneo eorū ardori opponitur qui statim languescunt, nisi Dominus respondeat eorum votis. Simul notatur actus vehemētia quæ sensus omnes propemodum consumat. Sub voce *salutis* non vnum auxilii genus tantum complectitur, sed continuum gratiæ Dei cursum, donec in solidum saluos præstet suos fideles. Modum verò exprimit, quod pependit à verbo Dei. Vbi duo notanda sunt, nepe non aliter expectari salutē à Deo nisi quatenus eius promissionibus freti, in eius tutelā nos cōferimus. Deinde tūc demum tribui Deo salutis laudem, vbi spes nostra in verbo eius defixa perstat. Hac enim via quarēdus est: & quantum suam virtutem occultet, in nudis eius promissionibus acquiescendū est. qua ratione *sermonem* appellat *iustum*, vt se in eius fide confirmet: quia Deus liberaliter promittendo, non vana opinione lætet suos.

124. *Fac cum seruo tuo.* Coniūctim legenda sunt duō membra, quia nō seorsum postulat Deum sibi esse beneficium, deinde magistrum & doctorem: sed potius eum obtestatur per bonitatem & misericordiam, qua vt solitus est erga omnes suos, vt ipsum erudiat in Lege sua. Finis ergo voti est, vt Deus Prophetam doceat in statutis suis: sed exordium facit à Dei misericordia, quo facilius impetret quod cupit. Sic ergo resolui debet oratio, Domine humaniter mecū age, ac tuam erga me bonitatem in hoc ostēde, vt me in præceptis tuis doceas. Et certē hic tota nostra felicitas consistit, vt verē sapiamus ex verbo Domini. Hac autem impetrandi vnica est fiducia, vt clementiam suā & bonitatē Deus erga nos

exerat. Cōmendat igitur Propheta beneficium magnitudinem & præstantiā, dū sibi gratiū præstari rogat. Porro quā ardenter id optauerit, & quā sedulō persequutus sit hoc idē votū, ostendit repetitio quæ sequitur proximo versu, *fac me intelligere vnde discam mandata tua*. Quibus etiā verbus clarius exprimit quomodo suos doceat Deus, nempe sana intelligentia illustrans eorū mētes quæ alioqui cæcæ essent. Parū enim prodesset Legē in auribus nostris sonare, vel scriptā oculis nostris proponi, & hominis voce enarrari, nisi correctio nostro stupore, iunctus nos Deus arcano Spiritus sui instinctu dociles redderet, si quis autem putet Prophetā aliquid meriti Deo obicere dum eius seruum se iactat, facilis est refutatio. Sic quidem vulgō imaginantur homines, quid sumus bene preparati, Deū addere nouam gratiā quam vocāt subsequētem. Atqui Propheta tantum adest à iactanda sua dignitate, vt potius cōmemoret quā opere sit Deo addictus. Neque enim in arbitrio cuiusquam hominis est, se creare Dei seruum, nec quisquam ex seipso afferet quod cenciliet tantum honoris. Quam ergo probe teneat Prophetā indignos esse cunctos mortales qui in hoc ordine censeri debeant, tantum adducit in medium quod adepius esset gratiā, vt Deus suo more perfectiat quod cepit. Sic etiā, Psal. 116. 16. Ego seruus tuus, & filius ancillæ tuæ. Vbi liquidā patet, non gloriari de suis obsequiis, sed tantum referre se vnum esse ex Ecclesiarū membris.

126. *Tempus ad faciendum.* Prophetā impiis & sceleratis imprecari volens quam meriti sunt vindictā, dicit iā maturū venisse rēpus, quia nimis proteruē contra Deum lasciuierint. Et generale verbum *facienti* magis emphaticū est: perinde ac si dixisset, nimis longā videri posse Dei cessationē nisi munus iudicis nūc cōpleat. Proprium enim opus Dei est cohibere impios, atque etiam seuerē vlcisci, dum videt prorsus esse desperatos. Siquis obiciat, aliter precari quā postulet charitatis ratio, Solutio in promptu est, sermonem nunc haberi de reprobis de quorū respicientia nihil speratur. Neque enim dubium est quin Spiritus prudentiæ gubernatum cor Prophetæ



fuerit. Adde quòd non conqueritur de priuatis incommodis, sed syncero re-  
ctoque zelo impellitur ad optandum  
Dei contemptoribus exitium. Neque e-  
nim aliud in medium proponit quàm  
Legis dissipationem, quo demonstrat ni-  
hil Dei cultu sibi pluri esse & nihil æ-  
què pretiosum ac Legis obseruatiã. Sæ-  
pius iam alibi monui, quoties nos mo-  
uent priuata iniuriæ, peruersum esse &  
turbulentum nostrum zelum. Ideo dili-  
genter notandum est, non alia de causâ  
natum fuisse Prophetæ dolorem quàm  
quòd ferre non posset violari Legem  
Dei. Summa autem est, vt rebus confu-  
sis & perditis Deus remedium asserat.  
Nunc restat vt discamus exemplo Da-  
uidis quoties sceleribus referta est ac  
polluta terra, vt nulla sit amplius reue-  
rentia Dei, cum implorare vt gloria suæ  
vindictæ appareat. Hic autem est doctri-  
næ vsus, vt spem nostram & patientiam  
sustineat quoties Deus iudicium suum  
diutius quàm vellemus suspendit. Pro-  
pheta enim antequam sermonem ad  
Deum conuertat, principium hoc sibi  
sumit, quanuis ad tempus in speciem o-  
rietur Deus, nunquam officii sui obliui-  
sci, sed differre iustis de causis sua iudi-  
cia, vt ea tempestiuè demum proferat.

127 *Propterea dilexi.* Non dubito  
quin versus hic cū superiore cohæreat:  
nam alioquin illatiua particula sensu ca-  
reret. Intelligo igitur pretiosam ei fuis-  
se Dei Legem præ auro & gémis, quia  
penitus infixâ esse ei animo hæc per-  
suasio, Vtunque ad tempus conuineat  
Deus, non tamen semper inultum fore,  
iusti & recti dissipationem. Imò quo vi-  
debat peralantius impios ruere, sancta  
indignatio vrendo eius animum, ad Le-  
gis amorem magis incitabat. Locus ap-  
primè notabilis: scitur enim quid faciât  
mala exempla, quia licitum sibi quisque  
putat quod vulgo fieri permittitur. Vn-  
de fit vt mala consuetudo quasi tempe-  
stas nos abripiat. Quo attentius medi-  
tandâ est nobis hæc doctrina, dum sibi  
effrænè licentiâ vsurpât reprobi, fidei o-  
culis consideranda esse Dei iudicia quæ  
ad amorè seruandæ Legis nos stimulât.  
Quòd siquândo fuit huius doctrinæ vsus,  
hodie dâda nobis opera est ne totius se-  
cæ mundi scelerata conspiratio ad vio-

landâ Dei Legē nos inuoluat: sed quo  
se furiosus effertur reprobi, magis in  
nobis crescat Legis reuerentia & di-  
lectio.

128 *Propterea om. prac.* Pendet e-  
tiam hæc illatio ex eadē doctrina, quòd  
scilicet Propheta patienter Dei iudiciū  
expectans, & ardentem simul implorans,  
eius Legi in omnibus & per omnia (vt  
loquūtur) subscripserit, tamque sine ex-  
ceptione fuerit amplexus. Deinde quòd  
odio habuerit omnē viâ fallacē. Ad ver-  
bū est, *omnia præcepta omnium.* sed geniti-  
uus ad res, non ad personas refertur ac si  
diceret, de quibuscūque rebus præcipiat  
Deus, sibi probari omnes quas statuit le-  
ges. Similis est loquutio apud Ezech. 44.  
30, Omnes oblationes omnium: nepe quæ-  
cūque speciē offerat homines. Quod non  
frustra tam diserte Propheta expressit:  
quia nihil proclius est quàm fastidire  
vel respuere quicquid nobis nō adlubef-  
cit. In Lege Dei, ita vt quisque hoc vel  
illo vitio laborat, optaret cōtrariū mā-  
datū à Lege Dei expūctū esse. Atqui no-  
bis fas nō est quicquam addere vel mi-  
nuere: & quā præcepta sua Deus sacro  
& inuiolabili nexu cōiūxerit, tolerabile  
nō est vnus ab aliis diuortiū. Videmus  
ergo Prophetā sancta zelotypia Legis  
eū scelerata eorū cōtumacia certasse qui  
eā spernebāt. Et cerrè quū impios vide-  
mus tâta audacia Deo illudere, & nunc  
audacter insurgere, nūc verò peruertere  
singulas Legis partes: eo nos magis ac-  
cendi cōuenit, & animosiores reddi ad  
veritatē Dei asserendā. Præcipuè verò ex-  
trema seculi nostri impietas postulat vt  
se in hoc studio exerceant fideles. nam  
certatim per ludibriū, salutis doctrinam  
exagitant profani homines, sacrum Dei  
verbum suis subfannationibus contēpi-  
bile reddere conantur, alii blasphemias  
suas vomere non desinūt. Quare perfidæ  
ignaviæ crimē effugere nō possumus, ni-  
si corda nostra zelo incalescant, & san-  
cta æmulatio nos vrât. Neque enim  
tantum dicit Propheta se penitus & si-  
ne exceptione Legem Dei probasse,  
sed addit *otio sibi fuisse omnem viam n en-  
daci, vel fallacem.* Et certe seriò non  
subscribunt Dei præceptis nisi qui reii-  
ciunt omnes calumias quibus sanæ  
doctrinæ puritatem inficiunt vel ob-  
scurant

Securant reprobi. Per viam mendacii non acsi dixisset, detestabiles sibi fuisse omnes corruptelas quæ Dei verbo repugnant.

129 *Res mirabiles testimonia tua, ideo seruauit ea anima mea.*

130 *Ingressus sermonum tuorum, lux intelligentiam conferens paruulis.*

131 *Os meum aperui & respiravi, quia mandata tua dilexi.*

132 *Respice ad me, & miserere mei secundum iudicium erga diligentes nomen tuum.*

133 *Gressus meos dirige secundum eloquium tuum, & ne dominetur in me vlla iniquitas.*

134 *Redime me ab oppressione hominum, & seruabo præcepta tua.*

135 *Faciem tuam illustra erga seruum, & doce me edicta tua.*

136 *Riuus aquarum fluxerunt ex oculis meis, quia non seruauit Legem tuam.*

129 *Res mirabiles.* Itavertere placuit vitandæ amphibologiæ causa. Neque enim Propheta simpliciter intelligit admirabilem esse Legis doctrinam, sed completæ alta & recondita mysteria. Dicit igitur, eo quod videret in Lege Dei comprehendi sublimem & admiratione dignam sapientiam, se in eius reuerentiam fuisse adductum. Hoc autem diligenter notandum est, quia à maiori hominum parte Lex Dei fastuose spernitur dum eius doctrinam probè nō gustant, neque agnoscunt Deum è sublimi loqui, vt deiecta carnis superbia, fidei sensu nos sursum attollat. Colligimus etiam ex hoc loco fieri nō posse vt quis Legem Dei ex animo seruet, nisi reuerenter eā suspiciat: quia puræ & rectæ subiectionis initium est reuerentia. Ideo dixi plerosque aspernari Dei verbū, quia inferius esse putant suo acumine, imò audacius se ad sacrilegum hunc contemptum multi proiciunt, quo suum ingenium ostentent. Caterum vt sibi in illo fastu placeant profani homines, verum tamen Prophetæ elogium est, comprehendendi in Lege Dei mysteria quæ omnes

humanos sensus longè superent.

130 *Ingressus sermonum.* Summa est tam perspicuam esse doctrinæ lucem in verbo Dei, vt statim primo intuitu illuminet. Nā *וְיָכִינֻם* propriè quidem apertio est, sed metaphoricè pro ianua capitur. Itaque vetus interpres nō malè vertit principium: modò sciamus de primis rudimentis hîc agi, acsi dixisset Propheta, nō eos modò qui ad vnguē totam Legē didicerint, & qui in ea perfectè fuerint exercitati, perspicuam illic lucem cernere, sed qui tenuiter eam gustauerint, & saluauerint (vt aiunt) à limine. Nunc ratiocinandū est à minori ad maius: nam si tyrones ac nouitii primo ingressu illuminari incipiunt, quid fiet vbi quis ad plenam scientiam admissus fuerit? Secundo mēbro melius seipsum explicat Propheta. Paruos enim intelligit qui nec ingenio excellunt, nec instructi sunt prudentia, imò indocti sunt ac rudes, eos intelligentia donari affirmat simul ac Legis Dei elementa perceperint. Porro hæc sententia ad excitandum in nobis discendi studiū acerrimus stimulus nobis esse debet, quū

audimus, etiam qui contemptibiles sunt idiotæ coram mundo, si modò animum adiciant ad Legem Dei, prudentiam inde consequi quæ ad salutem æternam sufficiat. Et si enim non omnibus datur venire ad summum gradum, huc usque tamen communis piorum omnium est profectus, ut teneant certam vitæ regulam: ita nemo qui se docilem Deo præbuerit, operam ludet in eius schola quia in ipso vestibulo inestimabilem fructum percipiet. Interea monemur, vagari in tenebris eos omnes qui sensum proprium sequuntur. Nā David *paruulos illuminans* affirmans, significat tunc demum idoneos Legis discipulos fore homines, ubi omni cōfideiā vacui, Deo se summisserint. Rideant verò Papistæ, ut faciunt, quòd Scripturam promiscuè ab omnibus legi volumus: Deus tamen non fallaciter per os Davidis pronuntiat, doctrinæ suæ lucem idiotis expositam. Non ergo frustrabitur eorum studium qui suæ ruditatibus conscii, humiliter se Deo subiacent.

131 *Os meum.* His verbis intelligit, se tanto Legis Dei amore flagrasse ac desiderio, ut assiduus fuerit in suspiriis. Aptissima enim metaphora usus est similem famelicis, vel qui vehementissima sui ardent, se faciens: quia sicut illi aperto ore & anxio anhelitu feruorē suum demonstrant, ac si totum aerem absorbere vellent, ita Propheta se continua inquietudine æstuasse dicit. Oris igitur apertio & attractio spiritus frigide verbi Dei approbationi opponitur. Porro hic docet Spiritus quo ardore ex petenda sit celestis doctrinæ cognitio. Unde colligimus, quicquid male in Legge Dei proficiunt, ignavia suæ poenas dare. Quamquam una cum ardore constantiam simul designat, quam se in continua respiratione fuisse dicit.

132 *Respice ad me.* Postulat hoc versu rationem sui haberi, quemadmodum solitus est Deus semper suos respicere. Nam *DEUS* hoc loco sicut aliis compluribus, communem regulam vel morem vitarum significat. Deinde addit in quem finem respici cupiat, nempe ut leuetur à suis miseris. Est igitur precario hominis afflicti, qui dum videtur Dei auxilio destitui, neque aliud sen-

tire potest quàm se à Deo negligi ac deseri, secum tamen expedit alienum hoc ab ipsius Dei natura & cōsuetudine esse. ac si diceret, Quamvis non appareat mihi signum vllum tui fauoris, imò conditio mea tam misera sit & perditæ, ut pro sensu carnis existimem te mihi tergum veris: quia tamen innumeris documentis statim ab initio mundi ad hunc usque diē testatus es te misericordē esse erga tuos cultores, secundū hanc normā nunc similem erga me benevolentiam ostende. Porro hoc diligenter notandum est, Prophetam diu materiis fuisse oppressū sine aliqua specie leuationis: me animos despondeant quibus nō statim responderet Deus. Simul tamen notandū est, nō alia quàm gratuita Dei bonitatis fiducia Prophetā hoc petere à Deo. Unde colligim⁹ quamvis eximia sanctitate polleret, vnicū tamen hoc fuisse eius asylū. Quantū ad nomen *iudicii* spectat, discamus exēplo Prophetæ, ex variis experimentis agnoscere Dei naturā: ut certò nobis cōstet ipsum nobis esse propitium. Et certe nisi quotidiano usu perspecta nobis esset eius gratia, quis nostrū auderet ad eum accedere? Verū nisi oculi nostri cæcoterent, satis & super claris testimoniis fidē nostrā ædificat, ne dubitemus pios omnes ab eo respici. Tantum danda est opera ut simus ex eorum numero qui nomen ipsius diligunt. Porro hoc epireto fideles designat: quia inter Dei cultores censeri non merentur qui cum seruiliter tantum metuunt. Obsequiū enim liberale à nobis requirit, ut nihil nobis sit magis delectabile quàm sequi quòd nos vocat. Quamquā simul tenendū est, dilectionem hanc ex fide nasci. Imò Prophetā summum fidei effectum hinc commendat, pios qui in Dei gratiam recumbunt, à profanis hominibus discernens, qui mundi illecebris dediti, nunquam in cælum attollunt mentes suas.

133 *Gressus meos dirige.* His verbis (ut sæpe aliàs) ostendit non aliam bene viuendi normam esse, quàm dum se homines in obsequium Legis Dei totos componunt. Sæpius enim iam hoc Psalmō vidimus, quandium vagari sibi permittunt post sua signenta, quantumvis anxie laborēt, Deū respicere quicquid fatagūt. Sed quemadmodū declarat Prophetā,



pheta, tunc demum rite formari hominum vitam ubi se penitus addicunt obsequio Deitæ rursus fatetur, hoc minime in suo arbitrio vel potestate esse. Et certe Lex Dei quid rectū sit nobis præscribens, nihil nos reddet meliores: unde & prædicatio externa confertur mortuæ literæ. Itaque Dauid probe in Lege doctus, cor morigerum sibi dari postulat, ut ambulet in via sibi proposita. Hæc autem duo distinctè notanda sunt: liberaliter Deū agere cū hominibus dū verbo & doctrina eos ad se inuitat: sed hoc totum frigere & carere profectu, donec Spiritu suo regat quos iam docuit. Quod autem nō simpliciter gressus suos dirigere postulat, sed in Dei sermone: hinc discamus non captasse arcanas reuelationes, verbo posthabito, sicuti multi fanatici solent: sed externam doctrinam cum Spiritus gratia coniunxisse: ut hæc solida est fidelium perfectio, dum cordibus eorum insculpit Deus quod voce ostendit rectum esse. Itaque nihil hoc commento magis insipidum, aestimari à Deo hominum vires quum illis præcipit quid eos velit facere: quia frustra personat in auribus nostris doctrina, nisi Dei Spiritus in corda efficaciter penetret. Fatetur enim Propheta frustra se legere vel audire Legem Dei, nisi arcano Spiritus motu vita sua regatur, ut in rectitudine illius doctrinæ ambulet. Secundo membro admonet quā necesse sarium sit nobis in hoc voto assidue exerceri: quia fatetur se peccati esse mæcipium donec sibi ad liberationem porrecta fuerit Dei manus. Dirige me (inquit) ne dominetur iniquitas. Ergo quandiu nobis permittimur, viget ac grassatur tyrannus Satana, ut nobis liberum non sit ab iniquitate nos eximere. Hæc verò vnica est piorū libertas, gubernari à Dei Spiritu, ne iniquitati succumbant, quauis duris & molestis certaminibus fatigentur.

134 *Redime me.* Propheta quid sibi cōgerit referens, demonstrat suo exemplo pios omnes expositos esse rapinis & oppressionibus, & quasi oves in fauibus luporū versari, nisi Deus eos alleuat. Nā quū paucissimi Dei Spiritu regantur, nō mirū est omne studiū æquitatis à mūdo exulare, & omnes passim ruere

in omne scelerū genus, alios impelli seuitia, alios fraudibus esse adductos. Quū ergo iniuriis vndique oppressum se videret Propheta, ad Deum redemptorem se contulit. Nam hoc verbo significat, nisi mirabiliter seruetur, de sua salute actū esse. Secundo mēbro gratitudinē promittit: quia nihil etiam est quod nos melius confirmet in studio integritatis & iustitiæ, quā dū experimur pluris nobis esse Dei præsidium, omnibus quæ sibi profani homines accersere solent illicitis subsidiis. Docemur autem hoc loco, nō certandum esse cū improbis malitia, sed quantumuis iniuste & violenter nos oppugnent, vnica Dei redemptione debere esse cōtentos. Deinde quoties experti erimus in nobis liberandis Dei gratiā, debere nos hoc stimulo incitari ad colendā integritatē. neque enim nos redimit in aliū finem nisi vt liberationi fructus in vita nostra appareant. Et nimis peruersi sumus nisi hæc experientia nobis sufficiat, qui perstant in sincero Dei timore, quauis totum mundum habeāt aduersum, eius auxilio semper manere saluos.

135 *Faciam tuam.* Repetitur hoc versu precatio quam aliquoties vidimus. ostendit enī Propheta nihil sibi esse pluris, quā probi Legē Dei intelligere. Nā dum præfatur vt Deus faciē suā super seruū suū illustret, primò quidem paternum Dei fauorē sibi cōciliat (quia nihil nisi ab eo propitio sperādum est) sed beneficii magnitudinē simul ostēdit: ac si diceret, nullū se documentū amoris Dei magis expetere quā vt rite in eius Lege proficiat. Vnde colligim⁹ quod nuper attingi celestē doctrinā bonis omnibus ab eo præferri. Atque vtiā in animis nostris vigeret hic affectus! Sed quod tātopere extollit Propheta, ferè ab omnibus negligitur. Siqui autem puniuntur hoc desiderio, statim eos ad mūdū illecebras videmus relabi, vt paucissimi posthabitis aliis omnibus votis, ferio cum Dauid ad Legis doctrinam accipere. Cæterum quia hoc priuilegiū nō alios dignatur Deus nisi quos paterni amore cōplexus est, ab hac præcādi forma incipere cōuenit, vt faciē suā super nos lucere faciat. Quāquā loquutio hæc plus aliquid exprimit, quod scilicet tunc

demum radiis gratiæ suæ fideles oblectat Deus, ubi vera Legis suæ intelligentia illustrat eorum mentes. Sape autem cōtingit ipsis quoque obnubilari in hac parte Dei faciem, dum genuino verbi sui gustu eos priuat.

136 *Rini aquarum.* Hic non vulgari zelo gloriæ Dei se flagrasse prædicat David, quod propter Legis contemptum totus in lachrymas defluxerit. Nā licet hyperbolicè loquatur, verè tamen & simpliciter affirmat quo prædictus fuerit affectu, sicut etiam dicit, Psalmo sexagesimo nono, versu decimo, Zelus domus tuæ comedit me. Et certè vbi quæ regnat Dei Spiritus, hunc ardorè excitat qui pios animos vrat, dum vident pro nihilo duci summi Dei imperium. Neque enim satis est si quisque nostrum Deo placere studeat, nisi etiam cupiat Legem eius ab omnibus haberi in pretio. Hoc modo sanctus Lor, teste Petro, animam suam cruciabat, quum videret scelorum omnium colluuiem

Sodomæ regnare, 2. Pet. 2.2. Porro si quando tantum mœrorè expressit Dei filius mundi impietas, eò vsque corruptelæ hodie prolapsi sumus vt ter & quater stupidi sint qui præsentem statum securi & siccis oculis intuetur. Quantus enim mundi furor est in Deo contemnendo & respuenda eius doctrina? Pauli quidem ore profitentur eam se velles recipere, sed vix decimus quisque vita hoc confirmat. Interea innumeri ad Satanæ & Papæ imposturas rapiuntur, alii instar brutorum animalium torpescunt: multi Epicurei palam subsannant quicquid est religionis. Siqua ergo superest in nobis pietatis gutta, non tantum exiguæ lachrymæ ab oculis nostris fluant, sed pleni riui. Cæterum si cupimus puri & sinceri zeli signum dare, sit hoc nostri doloris initium, dum nos proculad huc à perfecta Legis obseruantia distare cernimus, imò prauas carnis concupiscentias subinde contra Dei iustitiam insurgere.

137 *Y Iustus es Iehoua, & recta iudicia tua.*

138 *Y Mandasti iustitiam in testimoniis tuis, & veritatem valde.*

139 *Y Succidit me Zelus meus, quia obliti sunt verborum tuorum aduersarii mei.*

140 *Y Purgatum eloquium vehementer, & seruus tuus dilexit illud.*

141 *Y Paruus ego & contemptus, præcepta tua non sum oblitus.*

142 *Y Iustitia tua, iustitia in seculum, & Lex tua, veritas.*

143 *Y Tribulatio & angustia inuenerunt me, mandata tua oblectationes meæ.*

144 *Y Iustitia testimoniorum tuorum in secula: fac me intelligere, & viam.*

137 *Iustus es.* Tribuit Deo laudē iustitiæ, eamque in eius Lege agnoscit. Nam quod iudicia quidam intelligunt quæ Deus castigandis hominum peccatis exercet, non videtur tam aptè quæ drare. Quia autem adiectiuum *Y* singulari numero ponitur cum iudiciis, sic resolui debet oratio, nullum esse

ex Dei iudiciis quod non rectum sit. Si pro substantiuo accipere libet, idem ferè manebit sensus. Etsi autē iustum esse Deum fatentur omnes, plus tamen expressit Propheta quàm vulgus hominū, imò totus mundus sentiat: quia Deum nominans iustum, intelligit, simulatque ab eo discessum est, nullam alibi posse inueniri

inueniri iustitiæ guttam. Vbi autem addit, huius iustitiæ specimen ac documētum in Lege conspici, Deum sua laude spoliari admonet nisi subscribimus omnibus eius præceptis. Eodem spectat sequens versus, Quod Deus plenam & exactam in Lege sua iustitiam & veritatem tradiderit. Nam aduerbiū **7ND** melius cum nominibus cohæret quam cum verbo *mandasti*: quia scilicet Deo propositum fuit perfectam iustitiæ regulam illic ostendere. Atque his elogiis ornatur Legis doctrina, ut inde sapere discamus omnes, nec quis sibi aliam rectitudinem vel iustitiam fingat: sicuti libenter quisque sibi nouā iustitiæ ideam fingeret.

139 *Consumpsit me.* Loquitur de suis persecutoribus, à quibus multas ei molestias fuisse exhibitas certum est. Sed quanuis infesti essent ac crudeles, negat se tam priuatis iniuriis fuisse offensum quā Legi Dei violatione: imò hoc dolore se fuisse consumptum, ut priuatis incommodis non moueretur. Exemplum apprimè vile: sumus enim ad ferēdas iniurias nimis teneri: itaque simulac digito attingimur, incalcescimus iracundia: frigide interea afficimur grauissimis quibusque Dei offensis. Quod si vigeat in nobis Prophetæ zelus, ad aliam triditiam rapiet in qua toti occupabimur. Causam huius zeli proximo versu notat, celestis doctrinæ amorem. Nam eius contemptum indignè ferre vel seuerè damnare, nisi nos sit amore deuinctos teneat, mera est simulatio. Dicit autem, non temere, nec cæco vel inconsiderato affectu amare se Dei sermonem: quia instar auri vel argenti purus sit ac purgatus omni fæce & scoria. Hanc enim metaphoram in se continet participium **7ND73**, quæ tametsi videtur nihil nisi vulgare sonare, ab omnibus prauis & malignis iudiciis verbū Dei afferens, veram fidei obedientiam graphicè exprimit. Nam quotusquisque vel disādentia sua, vel morositate, vel fastu, vel mollitie non aspergit Dei sermonem aliquamacula? Quum ergo tam obstrepera sit caro, non vulgare est celestis doctrinæ elogium auro bene recocto conferri, ut omni forde pura eniteat. Cæterum ad testimoniū fidem non pa-

rum valet quod ipsum Propheta proprio experimento confirmat. Ergo quo efficacius licentiam nostram colubeat, quoties vitium aliquod imaginamur in Dei verbo, se ex animi sui sensu loqui pronuntiat: quia puritate ista cuius ire minit, suauiter oblectetur,

141 *Tarus, ego.* Sensus est quauis inopia & multis miseris probatus fuerit, constanter tamen perseuerasse in studio pietatis & Legis obseruantia, Nam ideo se contemptibile fuisse Propheta refert, quia tantundem quisque laudis tribuit Deo, quantum saturatur eius beneficentia: & vix centesimus quisque reperietur qui ad Dei cultum animū applicet, nisi votis omnibus fruatur. Hic fit ut hypocritæ dū lautè saginātur, dum opes accumulāt, dū augētur potētia, valde sint liberales in laudādo Deo. Quod si paulo asperius tractari cœperint, mox cessat beneficium illud Dei non ē. Quū igitur mercenarii ferē sint homines in Deo colendo, discamus Prophetæ exemplo, veram pietatem esse gratuitam, vbi nō desinimus Deum benedicere quāuis rebus aduersis nos affligat, reddatque contemptibiles corā mundo. Et certe illa Christi exprobratio, Ioan. 6. 26, diligenter notanda est, *Queritis me, nō quia vidistis signa, sed quia saturati estis panibus.* Ergo ingenue & sincere Deū colunt qui in eius timore cōstantes manent, quanuis contemptibilis sit eorum conditio. denique in terra mercedē non querunt: sed per aſtum & frigus, egestatem, discrimina, contumelias & ludibria indefessi pergunt in militia suæ cursu.

142 *Iusti satui.* Hic alio elogio commendat Legem Dei, quod æterna sit iustitia & veritas: ac si diceret, alias omnes viuendi regulas, qualibet specie fulgeant, nihil habere præter euandam vmbra. Neque enim dubium est quin Legis doctrinā obliquè conferat præceptis omnibus quæ vquam tradita fuerunt, ut sub eius obsequium cogat omnes fideles, quia schola sit perfectæ sapientiæ. Nam vtrunque magis plausibile sit quod argut & subtiliter differēt homines, nihil tamen subest firmi nec solidi. Firmitatem hanc sequenti versu probat ab vna specie, quod tentationibus grauiter vexatus, perpetuum tamen



solatium inuenerit in Lege Dei. Atque hoc legitimum est profectus nostri examen, quæcunque nos angustia constringant, consolationem opponere ex Dei verbo, quæ tristitiam omnem obliteret ex animis nostris. Plus autem exprimit quàm nuper. illic enim tantum dicebat se reuerenter coluisse Deum, quanuis duriter & asperè tractatus, videri posset operam ludere. Nunc verò ubi angitur & cruciatur, dicit se in Lege Dei reperire suauissimam delectationem, quæ dolores omnes leniat, & eorum acerbicatem non modò temperet, sed etiam quadam dulcedine condiat. Et certè ubi ad nos oblectandos non viget hic gustus, nihil procluius est quàm obforberi tristitia. Et notanda est loquutio qua docet Propheta: quanuis undique obsessus ac deprehensus esset, hoc sibi satis efficax fuisse remedium, quòd consolationem ex verbo Dei oblatam amplexus est. Porro quia hoc in nuda præcepta non competeret, quæ ad eò malis nostris nõ medetur, vt potius anxietatè incuriant, certù est sub præceptis per synechoclen cõprehendi totam doctrinam Legem ubi Deus non tantum exigit quod rectum est, sed electos suos ad spem æternæ salutis iuuant, ianuam plenæ fœlicitatis aperit: imò sub Lege, & gratuita adoptio & omnes quæ inde fluunt promissiones continentur.

144 *Iustitia testimoniorum.* Repetit quod nuper dixerat, Iustitiam Dei longè dissimilem esse humanis commẽtis quorum splendor euanesceit, sed perpetuò firmam stare. Bis autem hoc inculcat, quia etsi cogatur mundus iustitiæ laudem ascribere Legi Dei, maior tamen pars rapitur ad fœas speculationes, vt nihil difficilior sit quàm nos tenei adstrictos ad ipsius Dei obsequiũ.

Huc nunc tendit David, iustitiam seculi vel perpetuam, non alibi comprehendi, & alibi frustra quari quàm in Dei Lege. ideòque nunc ponitur clarior definitio iustitiæ, quæ nos intra Legis metas contineat. Posterius membrum coniunctum lego, *Fac me intelligere.* quia etsi mentem suam à Deo illuminari optat David, non tamen aliũ sibi fingit intelligentiæ modum, quàm si in Lege ritè proficiat. Caterùm hic docet non propriè viuere homines si careant celesti sapientiæ luce. & ceriè quando in hunc finem minimè conditi sunt homines vt cum porcis vel asinis ventres suos farciant, sed vt se exerceant in notitia & cultu Dei: ubi hinc degenerant, deterior est eorum vita mille mortibus. David ergo profitetur hoc sibi demum esse viuere, si non tantum pascatur cibo & potu, ac terrenis commodis fruatur, sed aspiret ad meliorem vitam. quod fieri non potest nisi fide directrice. Atque hæc valde utilis est admonitio. etsi enĩ hoc passim vulgare ac tritũ est, hominẽ hac lege esse natum vt intelligendo bruta animalia præcellat, maior tamẽ pars quasi data opera suffocat quicquid Deo lucis inspirat mentibus. Omnes quidem acumen appetere fateor, sed quotusquisque ad cælum aspirat, & reputat initium sapientiæ esse Dei timorem? Quando itaque terrenis curis obruitur celestis vitæ meditatio, nihil aliud quàm se in sepulchrum demergunt homines, vt mundo viuentes, Deo moriantur. Quanquam (vr alibi diximus) vitæ nomine summã votorum suorum designat Propheta: ac si diceret, Domine quanuis sim exanimis, hac vnagratia recreabor, si mentem meam celestis doctrinæ notitiã illustres.

145 *¶ Clamaui in toto corde, responde mihi Iehoua, statuta tua seruaabo.*

146 *¶ Inuocaui te, serua me, & custodiã testimonia tua.*

147 *¶ Præueni crepusculum, & clamaui, ad verbum tuum suspexi.*

148 *¶ Præueniunt oculi mei custodias, ad meditando in sermõne tuo.*

149 *Vocem meam audi secundum clementiam tuam le-  
bona, secundum iudicium tuum viuifica me.*

150 *Appropinquauerunt persecutores malitia, à Lege  
tua recesserunt.*

151 *Prope es tutehouah, Omnia mandata teueritas.*

152 *Initio cognoui de testimoniis tuis, quod in seculum  
fundasti ea.*

145 *Clamavi in toto corde.* Potest vno contextu Legi hic versus, vt in fine ostēdat quid clamandō postulauerit: ita sensus esset, quum flagraret summo desiderio seruandæ Legis, hac de re assidue vota fecisse. Sed sequens versus aliter distinguere cogit hanc sententiam: quia non dubium est illic secundō repeti. Petiit ergo a Deo exaudiri, & in signū gratitudinis promittit se obseruaturum eius præcepta. Clamandi autem verbum indefinitē ponens, non exprimit quas cōceperit preces: sed tantū docet, quum filii seculi huc & illuc distrahantur, se omnes cordis affectus dirigere ad vnū Deum: quod scilicet ab vno illo penderet. Porro quia fateri cogitur mundus, Deum esse bonorum omnium authorē, ex illo principio fluunt multæ perfunctoriæ preces: ideo Dauid se integro corde precatum affirmat. Vbi autem votorum suorum compos fuerit factus, finem sibi proponit Dei gloriam: quia eo maiore studio se ad Deum colendum addiceret. Nam etsi sacrificio laudis rite se coli pronuntiat Deus, Dauid tamen vt se ab hypocritis discernat, qui frigidis & fictis laudibus profanant Dei nomen, nō abs re dicit se vita & operibus gratias agiturum. Sequenti versu quanquam nihil nouum dicit, expressius tamen loquitur. ac primō quidem dicit se clamasse ad Deum: postea addit, ei se precibus commendasse suam salutem. quo significat, siue incolumis esset, siue quid instaret discriminis quod mortem minitaretur, semper in Deum recubuisse: quia non aliter se fore saluum persuasus erat, nisi quod eum haberet salutis suæ custodem.

147 *Preueni crepusculum.* Improprie hoc loco sic vertitur nomen Hebraicum *אור*: quod potius significat summum mane antequam illuceat aurora.

Sed quia Latini crepusculum à crepero deducunt, vt sit dubium tempus & medium inter lucem & tenebras, nolui in voce adeo esse scrupulosus: modo sciant lectores non notari vespertinum tempus ab occasu solis, sed tempus obscuræ lucis sub exortum auroræ. Maximam ergo festinationem exprimit Dauid, quo auroræ aduentum anteuertit in suis precibus. Et clamandi verbo semper notatur vehementia: quia non tam ad sonitum vocis, quam ad contentionem animi refertur. Sed festinationis meminit, vt perseuerantiam melius commēdet. dicit enim, quanuis ita promptus fuerit ad orandum, se tamen non fuisse statim fatigatum: vt increduli, nisi mox eorum votis annuat Deus, tumultuantur & cum eo expostulant. atque ita cum ardore desiderii, patientiam spei coniungens, veram precandi rationem ostendit. Sicut etiam Paulus Philip. 4.6. petitiones nostras apud Deum innotescere volens cum gratiarum actione, admonet turbulentos affectus inter precandum cohibendos esse: quia hic etiam precandi finis est, vt spem nostram alamus. Nec superuacua est verbi mentio: quia hoc tantū fræno retinetur carnis nostræ intentiones, vbi nobis verbum Dei semper versatur ante oculos.

148 *Preuenerunt oculi.* Significat se ad meditantem Dei Legem magis sedulo fuisse attentum quam vigilans noctis ad excubias agendas. Alii verbum *Προ* dissidere possum esse volunt: quod si recipimus, sensus erit, Prophetam non ostentationis causa, sed in fratrum salutem adeo fuisse docendi cupidum, vt nihil sibi otii daret. Sed huic loco melius conuenit verbum Meditandi, quia noctu verba facere de Legē Dei non fuisset tempestiuum: sed tunc secum tacitus reuocabat in memoriam quæ

prius didicerat, ut nulla pars noctis vacua esset à Legis meditatione.

149 *Vocē mēā audi.* Primò declarat non aliam sibi fuisse fiduciam exorandi Dei, nisi quòd recumberet in gratuitam eius bonitatem. Quicquid enim Sancti orando in medium proferant, necesse est à mera Dei gratia incipere. nec alio sensu *Iudicia* nominat secundo mèbro. Quia enim bonitatem suam Deus verbo patefecit, inde petenda est eius certitudo. Ergo Propheta, quum sibi Dei misericordia opus esse cognosceret, recta se ad verbū contulit, ubi Deus blandè homines ad se inuitans, promittit gratiam suam omnibus promptam & expositam fore. Quare ut quis certò statuatur Deum sibi misericordem fore, discat Propheta exemplo petere ut se præster qualè pollicitus est fore. Quod alii Iudicia interpretantur morem vel consuetudinem (quia liberaliter cum suis omnibus agere soleat) tamen si non planè repudio, durum tamen & remotum esse arbitror. sensus autem quem attuli optimè fuit. Porro *viuificari* optat, ut testetur se vel in media vita esse mortuum, nisi quatenus sustinetur Dei virtute. Et certè quisquis propriæ infirmitatis sibi probè conscius est, singulis momentis viuificari se petet, pro nihilo vitam suam ducens. Adde quòd ita seruum suum sæpe exercuit Deus, ut iure potuerit preces, quasi è sepulchro, mittere, ut restitueretur à morte in vitam.

150 *Appropinquauerunt persecutores.* Quia *וַיִּפְּחֻ* in constructione ponitur, non debito quin *וַיִּפְּחֻ* in genitiuo legendum sit: ita appropinquare interpretor ad nocendum. Et miror quid interpretes mouerit ut aliter verterent quam ferat linguæ proprietat. Appropinquauerunt sceleri persecutores. ut taceam *וַיִּפְּחֻ* potius sonare prauitatem vel malitiam, quàm scelus. Dicit ergo sibi instare qui malitiæ intenti sunt, & quidè ita irruere ad inferendā perniciem, ut procul remoti sint à Legge Dei, quia omne recti & æqui studium longè

reliçant. Fuisset autem miserrima Propheta conditio, cernere hostes suos excusso Dei timore & Legis reuerentia, capiti suo imminentes, nisi ex opposito propinquus fuisset Deus. sicuti continuo post subiicit. Atqui hac consolatione se erigit, quòd Deus suos vrgeri videns, maturè etiam ipse occurrit ad opem ferendam, sicuti Paulus dicit Phi. 4.5, Ne sitis solliciti, Dominus prope est moderatio vestra nota sit omnibus. Clausula versus huc spectat, Deum nūquam suos deserere vel frustrari in necessitate, quia verax est in promissis. Illic autem denuntiat sibi semper eorum salutem fore curā. Ergo ne dubitemus paratam semper fore Dei manum ad repellendos hostium nostrorum impetus, nobis hoc fixum maneat, non frustra toties ipsam promittere in verbo suo se fore salutis nostræ custodem.

152 *Initio cognoui de testimoniis tuis.* Quod alii vertunt, Cognoui pridem de testimoniis tuis, tamen si non planè improbo, libentius tamen sensum quem posui, teneo: quòd non tantum cognouerit Propheta æternam esse stabilitatem in Dei testimoniis, sed hanc quoque notitiam ex testimoniis hausserit. Nam quum Latinum DE exprimere volunt Hebræi, sapius vtuntur particula *וְ* vel *וּ*. Dicit igitur se ex Dei testimoniis didicisse vel fuisse edoctum in æternum stabilia esse. Atque hoc primum est fidei caput, Non constare temporalem duntaxat fidem verbo Dei, sed immutabilem semper manere. Neque enim alioqui sub eo includere liceret spem æternæ salutis. Ut autè animis nostris infideat hæc firmitas, necessaria quidem est interior Spiritus reuelatio: quia donec verbi sui certitudinē intus obfignet Deus, subinde apud nos vacillabit eius fides. neque tamè abs re Propheta dicit se ex verbo didicisse: quia ubi per Spiritum suū illuxit Deus, facit etiam ut in verbi speculo reluceat sancta ista veritas quæ in æternum manet.

153 *Vide afflictionem meam, & erue me, quia Legem tuam non sum oblitus.*

154 *Discepta causam meam, & redime me, ad sermonem tuum viuifica me.*



155 *7 Procul ab impiis salus: quia statuta tua non quasi-  
runt.*

156 *7 Miserationes tua magna Iehoua, secundum iudi-  
cia tua uiuifica me.*

157 *7 Multi persecutores mei & oppressores mei: à testi-  
moniis tuis non recessi.*

158 *7 Vidi perfidos, & iurgatus sum, quia sermonem tuum  
non custodierunt.*

159 *7 Vide quia mandata tua dilexi Iehoua, secundum  
elementiam tuam uiuificame.*

160 *7 Caput verbi tui veritas, & in seculum omne iudi-  
cium iustitie tue.*

153 *Vide afflictionem meam.* Do-  
cet suo exemplo, non esse abiiciendos a-  
nimos pietatis cultoribus, si malam in  
mundo mercedem referant. hæc enim eorū  
est conditio vt militent in terra: ideoque  
minimè cōuenit rebus aduersis rumbari,  
sed potius in hoc solatio acquiescere,  
quòd ad Deū inuocādū ianua pateat. Ne  
que tamē Propheta Legis seruūdā studiū  
iactat, quasi mutuat sibi mercedem à  
Deo rependi velit, sed tantum vt osten-  
dat se vnum esse ex Dei seruis, quemad-  
modum alibi de spe sua loquutus est.  
Quamquam propriè ad præsentem cau-  
sam spectat hæc ratio. quia hoc raræ vir-  
tutis signum est, non abduci nos rebus  
aduersis à timore Dei, sed luctari cum  
tentionibus, vt eum quæramus dum vi-  
detur ex professio abigere. Sequenti ver-  
su, afflictionis speciem designat, quòd in  
iustis à malis & improbis vexetur. Ad  
verbum est, Litiga litem meam. quod  
tantundem valet ac suscipere patrocini-  
um, vel causam tuendam suscipere, vel  
asserere ius oppressi. Primò Deum ad-  
uocans Propheta ad causæ suæ defensio-  
nem, iniquè se aut violentia, aut calum-  
niis, aut fraudibus grauari ostendit &  
redemptorem quærens, se imparem esse  
docet ad resistendum, vel ita esse illa-  
queatum vt vna spes super sit in Dei li-  
beratione. In secundo membro *7* vide-  
tur accipi pro *2* nota similitudinis qua  
paulo ante similem præcandi formā po-  
suit. Deinde quum se David hic quæra-

tur quasi deuinctum ab hostibus teneri,  
nisi manu redemptoris vindicetur, meri-  
tò restitui in vitam postulat: quia simili-  
lis est mortuo qui sic deiectus est. Aptè  
quoque additur, secundum sermonem: quia  
hinc nobis elucet spes vitæ, quòd se  
Deus verbo suo promittit fore libera-  
torem. Vnde Propheta ex tenebris ad  
lucem aspirans, verbo se sustentat & eri-  
git. Sicui magis probetur diuersus sen-  
sus, nō simpliciter petet David sibi vitā  
dari, sed spiritualē, vt animetur ad fidē,  
timorem Dei, sanctæque viuendi studiū.

155 *Procul ab impiis salus.* Quia  
persuasus erat Propheta, arcana Dei  
(qui iustus est iudex) prouidentia mun-  
dum regi, ex illo fonte hanc sententiā  
deducit, impios à salute procul remotos  
& salutem ab ipsis. vnde precandi fidu-  
cia nascitur: quia sicuti à verbi sui con-  
temptoribus auersus est Deus, ita seruis  
suis opem ferre paratus est. Porro notā  
dum est, quum hostes suos videret Pro-  
pheta rebus prosperis efferri, animum si-  
de contrā extulisse, vt certò statueret ma-  
ledictas esse omnes eorum delicias, &  
ad exitium tendere. Ergo quoties ex vo-  
to impiis succedit vt laute saginati, in  
sua pinguedine exultent, clypeum hunc  
quem Spiritus sanctus porrigit, ad nos  
muniendos arripere discamus, infelici-  
ter tandem esse perituros, quia  
mandata Dei non exquirunt. vnde ma-  
nat contraria doctrina, quanuis fideles,  
dum sincerè in timore Dei ambulant,

oues sint maſtationi deſtinatæ, propè tamē eorū ſalutem, quæ occulta Dei cuſtodia protegitur. atque in hunc ſenſum proximo verſu addit Prophetæ multas eſſe Dei miſericordias: ac ſi diceret, non alios fore ſaluos niſi qui ad Dei miſericordiā conſugiunt. Caterū quo maiore fiducia accedere audeat, nō tantū dicit miſericordem eſſe Deum, ſed eius miſerationes magnifice prædicat & extollit. Vnde colligimus, illis cōtentum fuiſſe, vt nullum ſubſidium ex ſuis meritis accerſeret. Quanquam ſimul notandum eſt, non leuiter agitatū fuiſſe Prophetam multis tentationibus, dū illis hanc miſericordiæ amplitudinem opponere coactus fuit. Siue autem magnas legamus, ſiue multas, parum intereſt. Quod ſequitur, vt Deus cum *uniſi-* *ret ſecundum iudicia ſua*, de promiſſionibus interpretor. Nam quod alii pro more vel conſuetudine accipiunt, iam antè oſtendi non tam aptè congruere. Conſirmat ergo rursus Prophetæ, nō aliter poſſe vitam à Deo vel ſperari vel peti, niſi dū ex eius verbo ſpes cōcipitur: neque ſæpius inculcat, quia ſumus hac in parte admodum obliuiōſi. Sed vt intrepide liceat quicquid gratiæ ſeruis ſuis promittit Deus, ad nos aptare, ſemper occurrat principium illud de multis vel magnis Dei miſericordiis. Nam fingimus Deum promittere, quia debeat, vel promeriti ſimul, ſtatim obrepet dubitatio quæ precibus ianuam claudet. Quod ſi penitus nobis perſuaſum ſit Deum nō alia cauſa ad ſalutem promittendam adduci niſi quia miſericors eſt, non dubitamus ad eum accedere: quia vltro ſe nobis obſtrinxit.

157 *Multi perſecutores.* Teſtatur, ſicut alibi, quanvis fuerit prouocatus multis iniuriis, ſe tamen non deflexiſſe à recta via. quod ſpecimen magnæ & ſingularis conſtantiæ eſſe admonui. Facile enim eſt rectè agere inter bonos: ſed ſi nos improbi laceſſunt, ſi alter nos oppugnat vi & manu, alter prædatur, alter fraudibus nos circumuenit, alter calumniis nos ſadoritur: difficile eſt perſtare in noſtra integritate, quin potius vlulare incipimus inter lupos. Adde quod licentia quæ illis impune permittitur, violenta eſt machina ad labe-

faciendam fidem noſtram: quia Deus conuincendo, videtur nos in prædam exponere. Itaque Prophetæ per *Dei teſtimonia* non modò regulam bene & recte viuendi intelligit, ſed etiam promiſſiones: ac ſi diceret, Domine ego neque ab integritate diſceſſi, quanvis occaſio mihi daretur ab improbis: neque mihi excuſſa eſt gratia tuæ fiducia, quin patienter auxilium tuum expeſtauerim. Atque vtrumque neceſſarium eſt, quia vicunquere & agendo cum hoſtium ſuorum malitia cerret qui iniuriis afficitur, & ab omni maleficio abſtineat, niſi tamen totus pēdeat à Deo, non ſufficiet hæc reſtitudo ad ſalutem: non quòd ſe ita modeſte quiſquam gerat niſi qui in Deum recumbit, eumque liberatorem expeſtat: ſed ſi hoc poſſet accidere, non ſatis in hac dimidia virtute eſſet momenti: quia ſalus Dei fidelibus qui eam ſerio fidei ſenſu implorant, recondita eſt. Quiſquis autem Deum ſibi liberatorem fore perſuaſus, animū ſuum eius promiſſionibus fulcit ac ſuſtinet, malum etiam bono vincere ſtudebit. Proximo verſu vltro progreditur, ſancto zelo ſe accenſum fuiſſe prædicans quum videret Legem Dei cōtemni ab impiis. Quanquam in verbo vno non conſequentur interpretes, quia *חַוִּיבָא* quidam à *חַיִּיב* deducunt, quod ſæpe litigare ſignificat, etiā in coniugatione *hiḥpahal* alii à *חַוִּיב* quod eſt excidere vel perimere. Priorē ſenſum, quia magis receptus eſt inter doctos, & optime conuenit, amplector. Prophetæ igitur tanto ſe Legis Dei zelo flagraſſe docet vt impium eius ludibrium non poſſet ferre. Potēſt tamen verbo litigandi tam interior excaſcentia notari, quam obiurgatio quæ palam in Dei contemptores inſurrexerit. Ideo quidam vertunt, exhorui, vel tadio affectus ſum. Et certè nemo ad contentionem deſcendet pro aſſerenda Dei gloria, niſi qui ſecum prius excaſduerit, & animū ſuum cruciauerit: ſicuti rurſus ſanctam hanc indignationem ferè ſequitur actio tranſitiua. In ſumma, monemur exemplo Prophetæ, tam indignè ferendum eſſe verbi contemptum, vt animus noſter incaleſcat vſque ad iurgia. Ac primò quidem intus nos pungat dolor: deinde vbi occaſio

ſio tuerit, ſtrenuè eorum proteruiam & ſuperbiam reprimere conemur, nec dubitemus eorū furorē in nos prouocare.

159 *Vile quia mandata.* Tenendū eſt quod prius admonui, quoties ſancti apud Deum ſuam pietatem prædicant non ingerere merita quibus nitantur: ſed principium illud ſumunt, Deum qui ſuos cultores à profanis & ſcleratis diſcernit, propitium iſtis fore, quia ex animo eum quærant. Adde quòd ſyncerus Legis Dei amor certū eſt adoptionis ſignum, quum opus ſit Spiritus ſancti. Ergo Propheta, quāuis nihil ſibi ar-roget, meritò pietatem ſuam proponit in medium, vt certiorē impetrandi ſi-duciam ex Dei gratia quāto expertus eſt concipiat. Interea docemur, veram Legis obſervationem non niſi ex libera-li amore naſci. Deus enim voluntaria ſacrificia quærit, & hoc rectè viuendi principium eſt (ſicut dicit Moſes Deut. 10. 12) eum amare, Quid nūc abs te pet-it Deus tuus Iſrael, niſi vt ipſum dili-gas? Quod idem repetitur in ſumma Le-gis, Deut. 6. 5, Diliges Dominum Deum tuum. Ac proinde Dauid Legem Dei non modò ſibi pretioſam eſſe ante dix-it, ſed delectabilem. Sicuti autem in ſeruanda Lege à ſpontaneo obſequio incipere oportet, vt nihil nos magis de-lectet quàm Dei iuſtitia: ſic rursus tenē-dum eſt, nō niſi gratuitè bonitatis Dei & paterni amoris ſenſu inclinari ani-mos noſtros ad hunc affectum: quia nuda præcepta adeò non ſibi conciliant homines, vt potius abſterreāt. Ergo qui ex Legis doctrina guſtauerit Dei bo-nitatem, iſ demum ad eam aman-dam animum ſuum mutuò adiiciet. Quòd verò toties precem hanc iterat

Propheta vt Deus ipſum viuificet, col-ligimus vitæ ſuæ fragilitatem probè fuiſſe ei cognitam: vt non aliter viuere homines duceret niſi quatenus ſingulis momentis vitam illis Deus inſpirat. Deinde probabile eſt fuiſſe à multis mortibus aſidue obſeſſum: quo magis ſollicitè ad vitæ fontem confugeret. Ac rursus fidei ſuæ fundamentum iacit in Dei bonitate. vnde perſpicimus quā procul à meritorum iactantia nup-er abſuerit dum Legem Dei ſe amare præſatus eſt.

160 *Caput verbi tui.* Quanquam non obſcurum eſt Prophetæ conſilium, duplex tamen poteſteſſe verborum ſenſus. Caput enim quidam ita interpretan-tur, quòd veritas Dei à primo ſtatim li-mine conſpicua refulgeat in eius verbo, vt meritò vocari queat principium. Atque hæc ſententia continet vtilem doctrinam, ſi mentis oculis prædicti ſu-mus. ſimulac oculos conieciſimus in cale-ſtem doctrinam, occurrere nobis e-ius veritatem. Forſan tamen non mi-nus rectè alii diſtinguunt, quòd ab initio conſtituerit verbo Dei certa fi-des, & permaneat vſque in finem. Op-timè enim coherens hac duo meſſi-bra, Deum ab initio fuiſſe veracem in verbo ſuo, & æquabili tenore ſui manere ſimilem. Quòd *iudicium* ad opera Dei referunt, non ad doctrinam, tametiſi non refello, contextui tamen non reſpondet. Teneamus igitur hunc ſenſum, ex quo loqui cœpit Deus, ſem-per fuiſſe fidelem in ſuis promiſſis, nec ſpem ſuorum vnquam ſefeſiſſe: & ita æquabilem fuiſſe huius veritatis cur ſum, vt ab initio vſque ad finem verax ſit & fidelis eius ſermo.

161 *Principes perſequuti ſunt me gratis, & à ſermone tuo expauit cor meum.*

162 *Delectatus ſum ego ſuper ſermone tuo, ſicuti qui educit prædam multam.*

163 *Fraudem odio habui & deteſtatus ſum, Legem tuā dilexi.*

164 *Septies quotidie landaui te ſuper iudiciis iuſti-tiæ tuæ.*



165 *U Pax multa diligentibus Legem tuam, & nullum illis offendiculum.*

166 *U Expectaui ad salutem tuam Iehoua, & mandata tua feci.*

167 *U Custodiuit anima mea testimonia tua, & dilexi ea valde.*

168 *U Custodini mandata tua & testimonia tua: quoniam omnes via mea in conspectu tuo.*

161 *Principes persequuti sunt me gra-  
tis.* Refert in dura & graui tentatione se timore Dei fuisse retentum, vt nihil pio homine indignum tentare cuperet. Est enim procliuus ad desperationem lapsus, vbi Principes qui potētia armati sunt ad nos obruendos, infesti nobis sunt ac molesti. Accedit etiam indignitas, quod quum debeant ad nos protegēdos clypei esse, vires suas ad nocēdum conuertunt. Imò dum ita ē sublimi feriuntur miseri homines, manum Dei quodammodo sibi aduersam esse putāt. Fuit etiam Prophetae specialis ratio dū certamen haberet cum proceribus electi populi, quos in tam honorifico gradu Deus locauerat, vt columnae essent Ecclesiae. Quidam restrictus exponunt, quod scilicet Dauid exhortationē Christi sequutus sit, quae tamen nōdum eius ore erat prolata, tamē piorum omnium cordibus infixā esse debuit, Nolite timere eos qui occidunt corpus: ostendam vobis à quo sit metuēdum: Deū timete, qui postquam corpus occiderit, animā potest mittere in gehennam ignis, Mat. 10.28. Ergo secūdum illos sensus est, quod nulli minis vel terroribus à timore Dei deiectu fuerit Propheta. Sed latius extendit hoc constantiae suae elogium. Nota est illa exhortatio Iesaiæ cap. 8. vers. 12, Ne expauescat is ad eorum terrores, sed Iehoua exercituum sit ipse timor vester & pavor vester. Generaliter illic ostendit Propheta quibus armis instructi fideles, omnes mundi impetus superent: nempe si Deum non modò reuerantur, sed etiam salutis suae custodem semper fore confidant, vt reiiciant in eum omnes curas. Ita enim fiet vt contenti eius praesidio, non declinent ad quicquam machinandum. Sic etiam

hoc loco Propheta, quauis iniusta Principum violentia oppressus triste esset spectaculum, se tamen succubuisse negat, sed reputasse quid sibiliceret, nec æmulatum praua illorum studia, vt fraudem fraude & vim vi repelleret. Hoc est enim *metuere à verbo Domini*, quantum ad praesentem circumstantiam cohibere seipsum, nec quicquam illicitum aggredi. Iam dixi aduerbium *U* *in* *gratis*, ad amplificationem positum esse: quia tentatio eo durior fuit quod hominem innoxium tyranni nulla de causa, sed tantum praua libidine impeterent. Scimus enim ingenuas naturas facilius ad iracundiam abripi, dum impetitur qui neminem lacerauit. Praclarum igitur fuit modestiae specimen in Propheta, frantum sibi iniicere ex verbo Dei, ne maleficiis certaret, vel etiam ne impatientia victus, à sua vocatione deficeret. Itaue discamus quieti manere, quauis tyrannice potestate sibi Diuinitus commissi abutantur Principes, ne tumultuando legitimum ordinem turbemus.

162 *Delectatus sum.* Scimus nullū lucrum plus asferre laetitia, quam dum victores spoliis hostium ditescunt: quia & cum lucro ipso coniuncta est gloria triumphi, & utilitas repente contingēs magis delectat. Hæc ratio est cur celestis doctrinae notitiam quam adeptus erat, spoliis magis comparet Dauid, quam aliis opibus. his enim verbis præcipuam sibi ex Dei sermone laetitiam asferri significat, ad quam nullus quæstus: quilibet optabilis, accedat. Vnde colligimus sermone Dei quasi plenis deliciis & solida felicitate fuisse contentum: quod fieri non potuit quin à prauis cupiditatibus cor suum subduceret. Nec mirum si totam

si totam beatæ vitæ summam Dauid in verbo Dei statuit, ubi sciebat inclusum esse æternæ vitæ thesaurum, sibi que gratuita adoptione offerri. Tertio versu huius oğdoadis melius declarat quod nuper attigi, se purgatum fuisse viciis affectibus, vt iustum honorem & pretium Legi deferret. Quia verò alibi eandem ferè sententiam habuimus, breuiter tantum perstringam cur prius dicat Propheta sibi odio fuisse fraudem, quoniam de Legis amore & studio loquatur. Quia enim scimus ingentiam esse hypocrisis omnium cordibus, & natura liter propensos esse ad vanitatem & fallacias: strenuè in purgandis cordibus nostris laborandum est, vt illic regnet amor Legis. Quod si initium rectè viuendi, & primum iustitiæ caput est, odium fraudis ac detestatio: sequitur nihil integritate esse præstantius. euanescent enim omnes virtutes, nisi primum gradum illa teneat. Nec frustra odio adiungitur detestatio, vt sciamus non sufficere vulgare fraudis odium, nisi ab ea filii Dei hostiliter abhorreant. Iam si Legis amor & fraudis odium res sunt coniunctæ, sequitur dolo & hypocrisis infectos esse quicumque in Dei schola edocti non sunt. Per adverbium *septies*, intelligit Propheta se in celebrandis Dei laudibus assiduum vel frequenter fuisse. quemadmodum Prouerb. 24. 16, dicitur iustus septies in die cadere, dum sæpius in variis tentationes incidit. Quia autem *iudicia Dei* passim sumuntur pro pœnis quas sceleribus irrogat, interdum etiam ad totam prouidentiam referuntur qua Deus mundum gubernat: quidam intelligunt laudatum fuisse Deum à Propheta, quòd iustitiam suam clarè probet tam in puniendis sceleribus, quàm in tota mundi gubernatione. Sed aliis potius assentior qui ad doctrinam referunt: non quòd prior ille sensus mihi displiceat, sed quia in hoc Psalmo celebrandæ Legi Dei propriè insistat Propheta. Summa igitur est, quum in meditando Lege Dei assiduus esset Dauid, tantam reperisse in ea iustitiæ & sapientiæ perfectionem, vt subinde in laudem & gratiarum actionem eruperit. Hæc porro laudandi Dei sedulitas ostendit, Dauidem non modò reuerenter

& honorificè loquentum fuisse de Lege Dei, sed pro incomparabili erga humanum genus beneficio eam duxisse. Neque enim laudem tantum expressit admiratione, sed gratitudinis affectus: quia videbat nihil potuisse dari hominibus præstantius, quàm dum incorruptibili cælestis doctrinæ semine renouatur in beatam & æternam vitam. Atqui ex iis quibus thesaurum hunc Deus offert, vix centesimus quisque mediocre saltè studium ad gratias agenda: Tanta verò passim malignitas in mundo regnat, vt fastuose alii reiciant cælestè doctrinam, alii respuant, alii oblatrent & fremant si quid non arridet.

165 *Pax multa diligentibus Legem tuâ.* Si *paci* nomen accipimus pro felici vitæ statu (sicut Hebræi sæpe hoc sensu vsurpant) *offendiculum* quoque vicissim pro rebus aduersis positum erit: ac si dictum esset, prosperum fore cursum diligentibus Legem Dei, & staturos in gradu, quanuis totus mundus ruat. Sed diuersa interpretatio peræquè conueniet, pacem illis multâ esse, quia scilicet persuasi se Deo placere ac suam vitam, acquiescunt in bona conscientia. Scimus enim hanc *obsequium* merito cèseri primùm beatæ vitæ caput, vb. Deo propitio trāquilli agimus, eiusque paternus fauor in cordibus nostris relucet. Merito autè hanc pacem docet Prophetanus consequi ex amore Legis: quia quisquis aliunde pendet, ad minimâ quanque auram subinde trepidabit. Quòd si placet hic sensus, *offendiculum* in secundo membro significabit omnes animi perturbationes, quibus miserè laborant & astuant qui verbo Dei non innixi, vel sua libidine vel hominum arbitrio feruntur. Cæterum, verouis modo sumamus duas istas voces, consilium Prophete manebit idem, miseros scilicet esse qui Deo addicti non sunt: quia etsi ad tempus sibi plaudant, nulla illis impendit offendicula quæ repètè ipsos in contrariū agant. Ex nomine autem amoris colligimus non seruilis obseruantia Legis acquiri hanc pacem, sed conciliari fide: quia Lex, nulla nos dulcedine ad se alliciet, nisi Deū nobis exhibeat Patrè, & saloris æternæ certitudine animos tranquillet. Contrà autem, profands omnes

& Dei cōtemptores iustè vlciscitur sua cōtamacia & prauitas: quia sibi quisque eorum est carnifex: & quo magis ferocunt contra verbum Dei, eo sauius torquentur, donec vltimam sibi perniciem accersant. Quanquam autem pii etiam suæ sunt agitationes, interior tamen cōsolatio abstergit omnem molestiam, vel erigit ad superanda offendicula, vel ita leuat vt non succumbant.

166 *Expectaui ad salutem tuam.* Sententiam hanc quæ in ore omnium volitat, non abs re sæpius inculcat Propheeta, quòd scilicet nihil facilius est quàm seruandæ laudem & munus Deo tribuere: quum tamen nullum ferè in mundo occurrat firmæ spei exemplum, vbi cum tentationibus diutius luctandum est. Porro ex ordine verborum colligimus, vt quis se contineat sub Dei timore & Legis studio, necesse primùm esse vt salutem in Deo querat. Nam fide gratiæ sublata, vel excussa patientia, huc illuc abrepti, pietatis obliuiscimur. Itaque præcipua fidelium virtus est tolerantia crucis & mortificatio, qua se Deo placidè subiiciunt: quia si hypocritis nihil aduersi contingat, videtur ipsi quoque ad Deum colendum rectè animati. Iam aliæ sunt rationes cur nos ad Dei salutem attentos esse oporteat si cupimus vitæ nostram rectè formare: quia si nos sibi teneant deinceps mundi illecebræ, statim diffluemus. Et videmus ideo maiorem partem deficere, quia difficile est certò statuere non aliter sperandam esse salutem quàm ex gratia Dei. Quare vt persueratè Deum colamus, præluceat nobis fides necesse est: deinde accedat comes patientia, quæ iustitiæ amorem in nobis foueat nam hinc pergendi alicritas (vt diximus) si salutem nostram in sinu Dei absconditam latere æquo animo patimur, nec dubitamus quāvis gratiam suam ab oculis nostris subducatur, fidem remuneratorem fore omnibus qui ipsam querunt. Hanc doctrinā proximò versu aliis verbis confirmat, se ex animo custodire dicens testimonium Dei. Nā anima nomine magis emphaticè expri-

mit, se penitus atque intimo cordis recessu clausam tenuisse Legis doctrinam. Huius tam sedulæ custodiæ causa est singularis amor quem subiecit. Nam qui necessitate & seruiliter Legi obsequitur, ad eò eam arcano cordis domicilio custodiendam non suscipit, vt procul remotam cupiat.

168 *Custodiui mandata tua.* Quod maiore vehementia prius dixit, nunc simplicius iterat, addita ratione. Quanquam non in toto complexu orationis est ista breuitas, sed in sola voce animæ, quam nunc emittit. Interea mandatus adiungit *et symonia*, vt clarius ostendat se non tantum agere de regula bene viuendi, sed complexi totum salutis fœdus. Et certè non potuit tam suavis & amabilis esse Legis doctrina, quia percipiat quid rectum sit: nisi etiam præponeret gratuitum Dei fauorem. Ratio autem quæ assignat Propheeta, huc spectat, quoniam sciebat Deo nihil esse occultum, id sibi instar fratri fuisse ad colendam pietatem: quia nisi tūquam sub oculis Dei viuimus, statim nos huc & illuc abripit carnis lasciuia. Potest etiā esse hic sensus, quòd Deum statuerit vitæ suæ arbitrum & iudicem, quia Scriptura *ambulare in Dei conspectu* dicit qui omnes suas actiones sponte ad eum referunt, & quasi ab oculis hominum subducti, sistant se ad eius tribunal. Hoc modo significat se operam dedisse vt non modò purus esset omni culpa & reprehensione apud homines, sed integrū ac syncerum cor offerret Deo. Vtrūvis sensum eligas, testatur Propheeta tunc demum rite seruari Dei Legem, vbi reputamus nobis negotium esse cum Deo cordium cognitore, & cuius oculis nihil est absconditum. Posset etiam obtestationis esse forma, ac si dixisset, Domine tu optimus es testis quā fideliter Legem tuam seruauerim, quia nihil te latet. Sed videtur potius notasse hoc sanctæ viuendi principium, quòd vitæ suam Deo cōsecrauerit, & semper in eius cōspectum defixos habuerit suos sensus.

169 *Appropinquet clamor meus ad faciem tuam Iehoua secundum verbum tuum da mihi intellectum.*



170 *¶ Veniat precatio mea in conspectum tuum, secundum sermonem tuum libera me.*

171 *¶ Loquentur labia mea laudem, quum docueris me statuta tua.*

172 *¶ Loquitur lingua mea sermonem tuum, quia omnia precepta tua iustitia:*

173 *¶ Sit manus tua ad auxiliandum mihi, quia mandata tua elegi.*

174 *¶ Expetiui salutem tuam Iehoua, & Lex tua delectationes meae.*

175 *¶ Vinat anima mea, & laudet te, & iudicia tua subueniant mihi.*

176 *¶ Erravi sicut ovis perdita: quare seruum tuum, quia statuta tua non sum oblitus.*

169 *Appropinquet clamor meus.* Repetit quod iam ante vidimus, nepe hoc sibi primum esse votum, & quod aliis posthabitis maxime urgeat, ut proficiat in Legem Dei. Nam voce clamoris vehementiam designat: ac si diceret, hac se cura precipue tangi, & hoc desiderio flagrare (sicuti aqua est ac rectum) intelligentiae lucem, qua praecellimus bruta animalia, & proxime ad Deum accedimus, omnibus terrenis commodis praeriri. Ceterum particula *secundum sermonem tuum*, duplicem sensum admittit: & quidam ita exponunt quasi optaret David mentem suam formari ad verbi Dei praescriptum, ne aliter sapiat quam ex Legis doctrina. Nec male congrueret hic sensus, nisi obstarat quod proximo versu sequitur, *secundum sermonem tuum eripe me.* Quia autem non dubito quin duae istae sententiae inter se respondeant, quantum illud magis sit plausibile, Davidem precari ut ad Legis normam sapiat: potius in alterum sensum inclino, quod se intelligentia donari postulet sicuti Deus fuerat pollicitus. Scimus autem, quum liberaliter omnia suis promittat, hoc merito esse praecipuum, ut illuminati eius Spiritu, vera sententiae prudentia possint. Ac multiplex est huius doctrinae utilitas. Primum enim docemur, nihil esse magis expetendum quam ut Deus nos luce sua dirigat: ac similes simus brutis peccandi-

bus. Deinde hoc peculiare esse donum Spiritus sancti: quia frustra David sibi precatur esset dari quod naturaliter esset ingenitum, vel propria industria consequi liceret. Accedit tertio quod de promissione dixi, ne debitent fideles Deo se illuminandos offerre, qui pronuntiat se ducere fore ex ceteris, & qui parulis & humilibus magister & doctor esse non recusat.

170 *Veniat precatio.* Postquam de recta intelligentia votum concepit, nunc Deum liberatorem implorat: quo faceret se assidue in multis periculis versari, e quibus non aliter emergere queat nisi Deus porrigat de caelo manum. Scimus quidem Prophetam, quoties instaret aliqua necessitas, invocasse Dei opem, sed quia indefinitè loquitur, non dubium quin generaliter vitam suam Dei tutelae commendans, innumeris moribus se inclusum teneri reputet, nisi Deus perpetuus sit liberator. Sed hoc inestimabile solatium est, quod in omni discrimine Deus auxilium suum nobis promptum ac paratum fore affirmat.

171 *Loquentur labia.* Nunc alia ratione quam proximo versa ostendit quanta estimaverit recipi à Deo inter discipulos, rectèque in eius ichola proficere: nempe quia pleno ore ad gratias agendas proficiat. Nam verbum *¶ ¶ ¶* quo vivitur, metaphoricè deductum est à staty-

rigine fontium : ideoque nō simpliciter loqui, sed copiosum sermonē profundere significat. Ergo sicut neper vou sui ardore precatione monstrauit, ita nunc gratulationem suam tenuē fore dicit, nihil sibi esse opus alius quā probe in-batum : sic catechē doctrinā, item autē cōfirmat hāc velle cōparē esse regulam, ut nos Dei verbo subiacemus, inque sequimur proprias imaginationes : deinde si Deus ipse sensus nostros aperit ac subigit in tantū obsequium. Vtūque enim hinc conatū Prop̄eta, quōd v. b. Deus Legem suā nobis proposuit, ex qua discendam est quicquid vult esse cognitu in salutem, idem etiam interior est magister, quia nō sufficeret aures nostras externa voce percuti, nisi Deus mentes nostras illustraret Spiritu intelligentiā, & doctrinā nostram Spiritu dociliter corrigeret. Porro sicut inuicilis est doctorum opera donec efficax reddatur, ita etiā notandum est, qui verē sunt theodidacti, non abdicā per arcanas reuelationes a Legē & Scripturā, sicut fanatici homines se in elementis subsidere putant, nisi verbum Dei saluose catechē, post sua signēta voluit. Quarto versū huius oγdoadis dicit, quum profecerit in Legē Dei, se aliis quoque instructis operā daturum. Est quidē hic ordo tenēdus, vt radicē agat in cordibus nostris doctrinā antequam ad alios profertur : debet tamen quisque pro fidei suā mensurā cōmunicare cā fratribus quod accepit, ne sepeliatur doctrinā, cuius fructus & vltimū vult Deus in cōmuni Ecclesiā adificatione extare. Additur etiā ratio, quā p̄ios omnes ad enarrandam Dei Legem sollicitari conuenit, nempe quia hoc modo propagatur iustitia per totum mundum. Neque enim *infinita* titulo præcepta Dei indignis Prop̄eta, simpliciter ea probat, sed obliquē sinuat donec emineat hāc regula ad regendum humanum genus, tolli & horrenda consuetudine plenum esse totum mundum. Inducunt tamen Lectores an non melius conueniat præfati loco respondendi verbum, vel testificādi, quōd proprie significat Hebraicum *וידע* vt sensus sit, Lingua mea testimonium reddet, vel respondebit sermōi tuo : quōd non aliunde petenda sit vera co-

gnitio iustitiæ. Sed tunc subaudienda esset iustitia *by* ad nomen *וידע*.

173 *Sa. manusina.* Quāte addixit Legi doctrinā, manū Dei sibi adiutricem esse posuit. Ceterum, his verbis declarat, assidue opus habere Dei præsidio qui se eiu- verbo regendos tradunt. Et certe quo quisque sincerius probitū studet, eum pluribus modis infestat Satani ac plures etiam aduersarii hinc inde molestiam exhibent. Atqui ubi videt Deus manere constantes in proposito qui semel doctrinam suam amplexi sunt, eo propensior est ad eos iuuandos. Et verbo *עזרתי* expressit, sibi nihil obstaculo fuisse quominus se Legi Dei addiceret. Neque enim sine magno certamine quisquam animum adiecit ad Legis amorem, quum vnam quēque huc illic distraham præui carnis affectus. Ergo electio hac cuius mentione, ostendit non inficitia vel inconsiderato zelo Dei filios præcipue expectare celestē doctrinam : sed quā flexibiles sint more hominum, variisque sentiant carnis impulsus, animam consulto in Dei obsequium subigere.

174 *Esperni salutem tuam.* Quāquā sibi omnes bene esse cupiunt, & nemo etiam planē repudiāt Dei fauorem, votum tamen sollicitè agendi adeo consultum est ac erratum, vt vix centesimus quisque ad Deum aspiret. Nam quum alios rapiat sua ambitio, alios occupet auaritia, alios vrit libido, quo longius à Deo recedunt, eo sibi melius fore imaginantur : denique vt quisque saluus esse cupit, in quærēdis hinc inde mediis iram Dei accersit. Et syntaxis Hebraica constantiam desiderii notat : quia ad verbum dicit *se expectasse salutem Dei*. Deinde modum exprimit salutis patienter expectandæ, ubi sollicitè a aliis enibibus solutum & leuamē petimus ex Dei verbo. Nam quisquis promissæ gratiæ fiducia se non obdegit, ad leuissimos quosque insultus labasset. Prudenter igitur Prop̄eta, ne sensum suum auerteret à speranda salute Dei, eum conuittit in Legis doctrinā.

175 *Viam animam tuam.* Quia verba sunt solum temporis, sic resoluī possit sententia, Denique ubi nūm viam contuleris, studebo me celebrandis tuis laudibus gratum.

gratum ostendere. Si arrideat hic sensus erit gratulationis species, in qua Prophe-  
ta, Dei promissionibus fretus, securi vi-  
tam se am saluam fore predicat. Et cer-  
te quoniam abscondita sit vita nostra sub  
verbo mortis, gloriari tamen hoc eam  
esse tutam, quia fidelis est eius custos: si-  
cut et iustificata eius gratia nos obis  
offerat Dei verbo, fiducia hæc emer-  
git. Quia tamen maior pars interpretū  
in operandi tempus hæc verba transtert,  
sequantur quod magis receptum est, nē-  
pe Dauidem vitam petendo sibi proro-  
gari, sicut simul ostendere cur viuere  
captiui tempore se erigat in caendis  
Dei laudibus, sicuti Psalmo 115. 18, di-  
ctum fuit, Nos qui superstites erimus,  
confitebimur tibi. In secūdo mēbro  
iudicia de præceptis accipere durum  
esset, quibus propriis non competit au-  
xilium ferre. Videtur ergo Prophe-  
ta, quum se obnoxium sentiret innume-  
ris malis (sicuti fideles in mūdo, propter  
effrahem improborum licentiam, quati-  
oues inter lupos habitant) Deum imple-  
rare vindicem, vt arcana suæ prouiden-  
tiæ freno à noxa cohibeat omnes im-  
pios. Atque hæc valde utilis est doctri-  
na, vbi res sursum ac deorsum voluntur  
in mūdo, & sal<sup>9</sup> nostra inter varias & cel-  
las periclitatur, attollere oculos ad Dei  
iudicia, & ex illis remediū petere. Quia  
tamē in hoc Psalmo fere ad Dei præce-  
pta refertur hoc nomen, licebit etiā cō-  
modē ita interpretari hunc locū, vt Pro-  
pheta munus & partes auxiliadi tribuat  
Dei verbo: quia nō vanis promissis nos  
lactat Deus, sed verbum suū, quoties o-  
pus est, præsentī manus suæ virtute con-  
firmat ac fencit. Ita hoc insigne elogium  
erit ad cōmendandā verbi Dei efficaciam

quum Propheta Dei Legem in auxiliū  
suum accersit. Siquis etiam de Legis ob-  
seruatione exponere malit nō repugno:  
ac si dicat Propheta, Domine, præsidio  
sit mihi integritas quam colui, & Rudīū  
quod impendi seruandis tuis præceptis,

176 *Erras sicutis perit.* Non  
fateatur hic sua delicta, vt multi falsū ex-  
istimant, ac si tractus esset in Saranæ  
decipulas: quia repugnat secundum mē-  
brum, vbi se negat obitū esse Legis Dei.  
Ac frivola est solutio, quæ fuisse errantē  
ante tempus vocationis, inde verū fuisse  
pietati deditum, vel errādō retentū fuisse  
se pio aliquo affectu, ne prorsus Dei ti-  
morem abneeret: quia viroque membro  
tēus idem notari certū est. Deinde col-  
ligere propriū est, Prophetam aduer-  
sariū loqui, Quāvis errauerit instar ouis  
perditæ, nunquam tamen obliuionem  
Legis sibi fuisse inductā. Errasse igitur,  
meo iudicio, se dicit, quia vi & impetu  
hostiū profligatus, trepidē huc & illuc  
ad captandas latebras se cōtulerit. Cer-  
te Dauidē ita profugum fuisse scimus, vt  
nūquā inueniret quietum locum exilio.  
Quare aptissime in eum cōpeteret hæc  
similitudo, quod fugatus ac dispulsus, nū-  
quam tamen à Dei Lege deflexerit. Jam  
quia vbique eum persequerantur lupi,  
colligi à Deo precatur, sibi que turā ac  
tranquillam stationem dari, vt tādē va-  
gari destinat. Hæc verō ad exorandū fi-  
daciā optima fuit ratio, quod multis  
iniuriis impulsus, nunquā à Dei timore  
defecerit. quod tamen ad cursum vitæ  
magis referri debet, quā ad speciales  
adūs, vt vocant. Et si enim ad tempus in  
adulterio suo obstupuit, certū tamē est,  
in rebus aduersis pia tolerātia fuisse re-  
tētū, vt perseverāter iusticiā coluerit.

## ARGVMENTVM PSALMI CXX.

Si Dauidem credimus Psalms auctorem fuisse, quod probabile est, refert quam anxie precatus sit, quum  
caulis sanctissimam fugiens, per varia exilia erraret. Maxime vero de prauis delationibus conqueritur, quia si ca-  
lumniam iniussit nisi tale mereretur, auabant. Sin vero diuersa coniectura magis placeat, simplex ac generalis  
querestania erit de falsis delationibus. Hic Psalms & quatuordecim sequentes vocantur Graduum: qua  
ratione non conuenit easam inter Hebræos delationes. Quidam fingunt quin locum fuisse gradus ad partem Tem-  
pli viciis destina- am, quoniam infra subsisterent mulieres, sed sensu est dominatio: & quoniam quantum licet in  
rebus obsequi sibi permitteant Iudei ad quidam fugiendum. Alii Asienensem interpretantur reditum ab exi-  
lio Babilonico. quod pro, ut coactum est, quia pulam est maiorem partem composuit vel a Dauid vel a Solo-  
mones: & consilium prout est ex ipso argumentis, quicunque composuit Dauid, in tempore fuisse de canonicis co-  
gnatis. Alii asconferunt putant esse itas in modulatione. Sive qui dicant fuisse canonicos inuon. Est autem



sem de hac re, quæ levis est momenti, non valde labore, probabilis tamen coniectura est nomen ab alio re canem fuisse impostum. Descendit enim à verbo פָּרַר, quod tantundem valet atque ascendere: idque distinctio maledictionis gradus notari, libenter recipio. Psalmus CXX.

**C**Anticum graduum. Ad Iehouam in angustia mea clamaui, & respondit mihi.

2 Iehoua libera animam meam à labio falsitatis, à lingua doli.

3 Quid dabit tibi, & quid addet tibi lingua doli?

4 Sagitta robusti viri acuta cum carbonibus iuniperorū.

1 *Ad Iehouam in angustia.* Non ascribitur quidem auctoris nomen, sed totius verborum contextus Dauidem nobis representat. Itaque licet nihil ausim pro certo asserere, huc tamen magis inclinamus, Psalmum fuisse ab eo cōpositum: neque absurdum (meo iudicio) erit perinde interpretari ac si nomen expressum foret. Hoc igitur cōcesso, et si Dauid hoc versu se a Domino exaudiri fuisse cōmemorans, gratias agit, præcipuè tamè eius cōsiliū fuit, sub forma querimonie referre quàm sceleratè & crudeliter in eius perniciè studia sua & conatus intenderint Saulis adulatores. Primò tamen de sua gratitudine præfatur, quòd nō frustrà Deum inuocauerit: ut suo exēplo alios ad precandī fiduciā animet, præsertim ubi rebus aduersis premittitur. Quauis enim singulis momentis Dei auxilio indigeant homines, nullū tamen magis opportunum eius querendī tēpus, quam dum urget maius aliquod discrimen. Ideo notanda est circumstantia, fuisse exaudiri, quum tribulatione coactus, in Dei fidem se contulit.

2 *Iehoua libera.* tam speciem afflictionis designat, quòd scilicet fidei criminibus grauatus fuerit. Caterum hostes suos mendacii & falsitatis accusans, innocentiam suam asserit ab eorum calumniis. Hec itaque tendit ex postulatio, quòd sibi nullas culpe sit conscius, præter ias & fas se impeti ab improbis, trahique in odium nullo suo merito. Porro quum duobus modis probos & simplices viros oppugnent fallaces lingue, vel dum eos circumueniunt doli & captationibus, vel dum falsò infamant: de secunda specie nunc Propheta ex postulat. Quòd sit tanta virtute præditus, & omni

sinistra nota purus, remouitque à crimine. Propheta, probis tamè impetitus est: quid mirum si falsa hodie inuidia laborent filii Dei, & quum rectè agere studuerint, malè tamen audiant? Et cerè quum diabolus habeat hostē, eius mendacius grauari necesse est: imò videmus ne Fihio quidē Dei linguas maledicus pepercisse: quo æquius nos ferre decet si immeritò nos improbi traducunt: quia certum est cōmunem hic totius Ecclesiæ fortunam describi.

3 *Quid dabit tibi.* Exaggerat Propheta hostiū suorum malitiā, quòd eos praua libido, etiam nulla vilitate proposita, ad maledicendū rapiat. Quanquā videtur longius progredi, postquam scilicet totum calumniarum suarum virus profuderint, irritos tamè fore, & profectū carituros eorum conatus. Ergo quia Deus innocentie suorum assertor est, hac spe fretus Dauid, perinde ac triumphū acturus de tota calumniatorū turba, nāgno animo insurgit, exprobrās nihil aliud quàm inane maledicendi studium prodere, quòd Deus tandem in ipsorum capita retorquet. Et hoc solatio lenie priorum omnium dolorē, ubi iniuste eorum famam proscindunt calumniatores, nihil profecturos: quia Dominus spem eorum frustrabitur.

4 *Sagitta robusti.* Malitiam eorū qui simplices & innoxios suis calumniis infestant, alia ratione amplificat, quòd probra sua non secus iaculantur ac si quis sagitta proximum suum configeret: & eorum calumnias similes esse carbonibus iuniperi, qui efficacius penetrant, & magis exurunt quàm ex aliis ignis effecti. Summa est, Igneo ardore accensus esse & quasi lethali veneno tinctas

tinuas calumniatorum linguas : ideoque minus esse excusabiles, quod nulla mercede tam exitaliter lædere appetunt. Quia autem nihil hic refert Propheta nisi quod expertus erat : si cum eiusque

similes configi mendaciorum iaculis & quasi carbonibus exuri oportuit, non est quod miremur in eundem quoque modum exerceri optimos quosque Dei servos.

5 *Hei mihi quia peregrinatus sum in Mesech, habitavi inter tentoria Kedar.*

6 *Multum habitavit anima mea cum osore pacis.*

7 *Ego pacem: & dum loquor, ipsi ad bellum.*

5 *Hei mihi.* Conqueritur trahendum sibi fuisse moram cum periculis hominibus: ac si quis miser in tristi exilio senescere cogatur. Scimus Mesechitas & Kedarenos fuisse populos Orientales, quorum priores originem traxerunt à Iaphet, ut docet Moses Gen. 10. 2: alteri vero ex filio Ismaelis fuerunt progeniti. Nam de Hetruscis accipere, prorsus absurdum est, & caret omni colore. Quidam Mesech volunt appellatum esse nomen: & quia יָמָם trahere significat, Prophetam diuturnum exilium, quod sine fine prorogari videbat, desistere existimant. Sed quia continuo post addit Kedar (quo nomine Ismaelitas vocari certum est) non dubito quin per Mesech Arabes illis vicinos designet. Quod si quis Mesechitas à peritiis sagittandi nomen adeptos esse putet; non repugno: modò de hac re conveniat, Prophetam, ac si in terram prædonum relegatus esset, duræ ac molestæ habitationis ædium exprimere. Tenendum enim est, quanvis Arabes nomen metaphorice de suis popularibus loqui: sicut alibi corruptos & degeneres Iudeos, Gentiles vocat. Sed hic quo magis odiose perfringeret hostes suos, còsulto efferas & barbaras gentes elegit, quarum Iudæis nota erat immanis crudelitas. Docemur autem his verbis filiis Dei vix vllum acerbius malum contingere, quam dum pie & innoxie viuendo virulentas tamen calūnias effugere nequeunt. Et notandum est, quum in patria ageret, fuisse inquilinum: quia nihili grauius esset prauorum hominum consuetudine. Nam inde colligimus, Deo, ex cuius Spiritu loquutus est, nihil magis esse detestabile, quam falsas criminationes, quæ Dei Ecclesiam fœda vastitate deformant: ut nihil ferè à latronum

speluncis vel locis ob barbaram feritatem infamibus differat. Iam si triste exilium est filiis Dei, ubi iniustus mendacius obruitur bonorum integritas, quomodo libenter & sine acerbissimo mœore moram traherent in eo loco ubi horrendis blasphemis turpiter fœdatur sacræ Dei nomē, & sacrilegis mendaciis obscuratur veritas? Exclamat David, *Hei mihi*, quia apud adulterinos fratres indigna pietatis suæ mercedē reparet. Quū igitur hodie in Papatu probris omnibus inquinata sit religio, quā lacere tur fides, quum lux in tenebras conuersa sit, Deique maiestas crassissimis ludibriis subiecta, certè in quibus vigeat periculis sensus, non poterunt sine ingenti cruciatu in illis sordibus iacere.

6. *Multum habitavit anima mea.* Tām sine figura ascendit quos prius obliquè notauerit per Mesechitas & Kedarenos nempe larvatos & perfidos Israelitas qui disciuerāt à sanctis Patribus. *Osore* autē *pacis* esse dicit, quia bonis & infonitibus ultro bellum inferant: sicuti addit continuo post sibi ad pacem querendum animum fuisse propensum, imò se prorsus deditum fuisse paci, & omnia tentasse ad illos sibi conciliandos, nisi implacabilis eos crudelitas ad nocendum impelleret. Quem dicit, *Ego pax* vel *pacem* abrupta est loquutio, non tamen obscura, nullam ab ipso profectū iniuriā quæ odii occasionem præbuerit: ac si diceret à parte sua fuisse pacem. Ultra etiā procedit, se dedisse operam ut offensos mitigaret, atque ad concordiam adduceret. Nam *loqui* tantumdem valet ac placidè offerre pacis conditiones, vel de reconciliatione agere. Vnde: melius liquet quam truculentia fuerit hostium Davidis superbia, qui hominem de se benemeritum, & à quo nunquam læsi

fuerāt, ne alloquio quidem dignati sint. Docemur autem exemplo Davidis, non sufficere si fideles abstineant ab iniuria, nisi etiam comiter allicere studeant, & ad benevolentiam flectere. Quod si respuitur eorum modestia & aequitas, patienter expectet dum vindex ex cælo ap-

pareat. Meminerimus tamen ferendum esse moræ tedium, si non statim manum suā exerat Deus: sicuti videmus in hoc Psalmo Davidem gratia de sua liberatione Deo agere, & tamen, quasi languore confectum, longam oppressionem desistere.

### ARGUMENTVM PSALMI CXXI.

*Psalmus hic vi fideles ad bene sperandum de auxilio Dei hortetur & ad eius tutelam confugere docet, primò, quocunque vertamus oculos, pronuntiat nusquam a libi salutem reperiri posse: deinde blandis obliis paternam Dei curam ad suados fideles extollit* Psalmus CXXI.

**C**anticum graduum. *Leuabo oculos meos ad montes, unde veniet auxilium meum.*

*2 Auxilium meum à Iehoua, qui fecit calum & terram.*

**I Leuabo oculos.** Videtur initio Propheta, quisquis sit, hominis increduli personam suscipere. nam sicuti Deus benedictionibus suis præuenit fideles, sponteque illis occurrit, statim etiam ipsi rectâ in eum cōiciunt oculos. Quid ergo sibi vult vagus hic intuitus Propheta, dum oculos circumfert in diuersas partes, quasi eum fides ad Deum nō dirigere? Respondeo, nunquam piorum sensus ita occupari Dei verbo, quin primo impetu ferantur ad illecebras, præsertim ubi nos sollicitant discrimina, vel duris temptationibus concutimur, fieri vix potest ( vt sumus in terram procliuēs ) quin obiectis illecebris moueamur donec sibi frænum iniiciant mentes nostræ, sc̄que ad Deum colligant. Quāquam potest conditionaliter exponi oratione: acsi diceret Propheta, quicquid nobis in mentē veniat, spes omnes quæ ab vno Deo nos abstrahunt, esse quantitas & fallaces. hoc modo non diceret Propheta quid secum agat, vel quid sit facturus, sed tantum eos operam ludere qui posthabito Deo, procul circumspiciunt, & remedia querunt per longos & erraticos circuitus. Certum quidem est, eum in sua persona, morbum quo laborat totum hominum genus, proponere: minimè tamen absurdum erit, eum ex proprio sensu loquutum esse: quia hæc vanitatem nobis omnibus à natura scimus esse ingentiam, vt metu aliquo percussī, huc & illuc vertamus oculos, donec ab errorum ambagibus reductos, ad vnum Deum fides dirigat.

nam, in hoc tantum ab incredulis differimus, quod tamen omnes ad recipientes fallacias propensi & importari creduli sumus, illos præstigiis suis fascinat Satā. Deus autem vitium naturæ nostræ corrigens, longius nos vagari non sinit. Propheta certe consiliū minime ambiguum est, etiam si potentissima quæque mundi subsidia se nobis offerant, nihil tamen salutis extra Deum querendum esse nō, postquam diu se fatigauerint homines captandi, hinc inde remediis, experimento tandem sensuros nihil esse certæ opis nisi in vno Deo. Nam per montes, quicquid in mundo sublime est vel præclarum, intelligit: acsi diceret, quantum totus mundus splendor nobis ardeat, fauorē hunc pronihilo decendum esse. Conueniētia autem legi debent hi duo versus, Vbi oculos meos, extulero ad montes, experiar demum, perperam & sine profectu errare, donec in vnum Deum fuerint defixi. Ac simul notandum est, non frustra hoc epitheto Deum ornari, quod opifex sit cæli & terræ, quia tacite perstringitur hominum ingratitudo, dum in eius virtute acquiescere nequeunt. Nam si solidè agnoscerent Creatorem, persuasi quoque essent ( quia totus mundus in eius manu est, eiusque arbitrio regitur ) imensa virtute esse instructum : nunc, dum aliō eos rapit & eius impetus, iure & imperio suo cum fraudant. Hoc modo accommodare ad præsentem causam epitheton oportet. Summa est, quāsimus natura plus iusto solliciti ad querendum



tendū malis nostris leuamen & remedium, præsertim ubi imminet manifestum aliquod discrimen, perperam tamen discurrere per flexuosas ambages, idēque cohibendos esse sensus nostros, ne aliō se quā ad vnum Deum appli-

cent. Nec malē (iudicio meo) sentiant quidam, hęc hic positum esse pro h. V. quod est super: vt sit sensus, quem h. V. alte speculantur homines, nihil tamen extra Deum verā salutē reperiuros.

3 *Non dabit ad lapsum pedem tuum, non dormitabit custos tuus.*

4 *Ecce non dormitabit neque dormiet custos Israelis.*

5 *Iehoua custos tuus, Iehoua protectio tua ad manum dexteram tuam.*

3 *Non dabit* Hic Propheta, vt fideles reuocet, vt ansam præcidat illecebris omnibus quæ solent pias mentes distrahere. quicquid à mundo expectere vel sperare solent profani homines, fidelibus in vno Deo suppetere & promissum esse prædicat: nec potentiam solum tribuit Deo, sed erga nos ita affectū esse docet, vt saluos omni ex parte præstare velit. Quoties enim extollitur Dei potentia, minus exceptio in ore est, posse quidem si velit, sed de eius consilio nos esse incertos. Ergo fidelibus proponitur Deus custos, vt securē in eius prouidentiam recumbant. Nam sicut ab Epicureis, qui fingunt nullam esse mundi curam Deo, omnis pietas extinguitur: ita qui consuli imaginantur mundum à Deo regi, nec statuunt vnumquēque piorum peculiari eius cura foueri, suspensos relinquunt animos, & continua inquietudine ipsi fluctuant. Certe nunquam vigebit seria Dei inuocatio, donec huius custodie certitudo penitus animis nostris infixa fuerit. Deum verò pronuntiat custodem nostrum esse vt nos sustentet. *Ubi* Hebrais tam lapsus vel ruina, quā trepidatio & aurtio vocatur. Etsi autem fideles contingit sæpe nuare, imò labascere quia tamen sua virtute fulcit eos Deus, recti stare dicuntur. Quia autem inter tot pericula quæ singulis momentis impen-

dent, difficile est à cura & metu nos exire, simul testatur Propheta Deum agere perpetuas excubias.

4 *Ecce non dormitabit.* Vt singulos reuocet ad commune sedus. Dei prouidentiam ad totum Ecclesiæ corpus extendit, nam vt quisque Deum sibi proprium fore credat, à generali promissione incipere cōtin. Eset autem absurda loquutio in aliis linguis, *Non dormitabit, non dormiet*: quia potius dicendum est, non dormiet, imò non dormitabit: sed dum hunc ordinem inuertit Hebraei, ratiocinātura maiori ad minus. Sensus ergo est, quia nunquam vel minimum dormitat Deus, minimè timendum esse nequid nobis contingat eo dormiente. Teneamus nunc Prophete consilium, nam vt singulis persuadeat Deum peculiarem eorum curam gerere, in medium profert quid toti populo sit pollicitus, Deumque pronuntiat Ecclesiæ suæ esse custodem, vt ex hoc fonte singuli riuos ad se deriuent. Itaque quæque priuatim compellant, continuo post repetit, Deus *custos tuus*, ne scilicet dubitet quispiam, quod ad totum Israelē pertinet, in suum vsum applicare. Vocatur autē Deus *prædictio ad dexterā*, vt sciamus nō procul quærēdū esse Deum, sed præsto adesse, imò stare à latere nostro vt nos tueatur.

6 *Die sol non uret, neque luna noctē.*

7 *Iehoua custodiet te ab omni malo, custodiet animam tuam.*

8 *Iehoua exaudiet exitum tuum & egressum tuum ab hoc tempore & vsque in seculum.*

6 *Die sol non vret.* His loquendi formis fructum praesentiae Dei commendat, ac per synecdochen sub specie vna fideles tutos ab omnibus rebus aduersis fore asserit, quia Dei manu protegentur. Quanquam etiam subest metaphora, quia per nocturnum frigus & diurnum aestum Propheta quoduis incommodi genus designat. Sensus ergo est, quantum humana vita miseriis promiscue subiaceant fideles, umbram tamen Dei semper ad latus esse oppositam, ne quid noxae inde sentiant. Quanquam non tales promitti, delicias filius Dei, ut immunes sint ab omni molestia, sed tantum hoc solatio temperat eorum dolores, Deo propitio, ab omni exitiali noxa securos fore, sicuti proximis versibus clarius explicat, Deum ita ab omnibus malis fore suorum custodem, ut eorum vitam incolumem seruet. Atque hoc quidem generale est: postea descendit ad praecipuas vitae partes.

8 *Iehoua custodiet exitum tuum.* Sensus est, quicquid aggrediaris in tota vita, vel instituas, recte & feliciter cederet. Et si autem Deus sententiarum suorum consilia Spiritu suo dirigat, hic tamen locus ad prosperos euentus magis referri videtur. Siquis tamen longius extendere ma-

lit, non reclamo: mihi sufficit quod sine controversia certum est ac solidum amplecti, Deum seruis suis perpetuum fore doctorem, ut manu porrecta, ab initio ad finem usque pro voto eos deducat. Id notare operae pretium est, cur Propheta quod breuiter & vno verbo satis clare expressit, toties repetat. videtur enim superuacua esse inculcatio. Caterum si expendimus quam difficile sit nostram diffidentiam corrigere, colligere licebit non temere insistere Prophetam in commendanda Dei prouidentia. Quotus enim quisque hunc Deo custodis honorem tribuit, ut securitatem inde concipiat, ac in periculis eius inuocet? Imò ubi videmur optime gustasse quid valeat Dei protectio, simulac folium deciderit ex arbore, trepidamus ac si nostri oblitus esset. Ergo quum tot praeis dubitationibus firmus impliciti, & tanta sit nostra ad diffidentiam propensio, admonet hic locus, si brevis sententia nobis non sufficiat, quicquid passim de prouidentia Dei in Scripturis occurrit, colligendum esse: donec penitus cordibus nostris infusetur hoc doctrinae caput Deum semper pro nobis excubias agere: ut vnico eius praesidio contenti, omnibus mundi figmentis valedicamus.

## ARGUMENTVM PSALMI CXXII.

*Hoc Psalmo sibi & toti Ecclesiae gratulatur David, quod tandem designata sit satio Arcae fœderis, & locus electus à Deo vniuersis inuocetur eius nomen. Deinde ut fideles horrentur atque animet ad cultum Dei. Tunc, breuiter commemorat hinc pendere felicitatem populi statum, quid Deus regem delegit. Ierusalem vnde suus progere, tueri & iuuare velit.* Psalms CXXII.

**C**anticum graduum Davidis. *Latatus sum quum dixerint mihi, In domum Iehoua ibimus.*

- 2 *Stantes erunt pedes nostri in atriis tuis Ierusalem,*
- 3 *Ierusalem edificata ut ciuitas, coaptata in se simul.*

1 *Latatus sum.* Saepius dixerat Deus per Moysen, fore aliquando certum & stabilem locum suo Sanctuario: iam tamen ultra mille annos Arca Domini huc & illuc traducta fuerat, quasi peregrinaretur. Dauidi patefactus fuit mons Sion, ubi eam locari Deus volebat, & templum sibi extrui. Sicuti verò ipse oraculum summo gaudio amplexus est, ita se latatum fuisse affirmat quod accesserit totius populi consensus.

Hæc circumstantia non satis expensa fuit, idcircoque non bene vertebant interpretes Latatus sum cum dicentibus mihi. Quamquā sensus tantum hoc modo redditur obscurior: quem prius corrumpit Græca versio & Latina vulgaris, ubi ponitur neutrum genus, Latatus sum in his quæ dicta sunt mihi. Fateor quidem ad verbum esse, Latatus sum in dicentibus mihi: sed litteram Beth resoluti in aduerbium tēporis, nouum non est, idque postulat

stulat contextus. David enim se duplici gaudio affectum testatur: quòd oraculum, quo mons Sion ad solennem Dei cultum electus fuerat, exceptum esse videat communi populi obedientia. Quo exemplo monemur bis gaudendum esse ubi non modò vnuniquemque nostrum Deus Spiritu suo in obsequium verbi sui format, sed alios quoque nobiscum adducit, vt simus omnes eiusdem fidei socii. Scimus quanta sit humani ingenii contumacia, vt semper ferè maior numerus obmurmuret quoties Deus loquitur. Itaque non parua nobis offertur gratulationis materia, ubi nobiscum omnes Deo subscribat. Qui vertunt, Cū dicentibus mihi ihunc eiciunt sensum, Delector eorum consortio qui me inuitant ad Dei cultum, & se mihi offerunt comites, vt simul adeamus Sanctuarium. Sed ex secundo versu clarius liquet, gaudium de quo loquitur, inde fuisse conceptum, quia populum videbat propensa fidei obedientia consentire in cæleste oraculum de legitima & fixa sede Arce fœderis. nā mox sequitur

2 *Stantes erunt.* Præteritum quidem est verbi tempus, quod licebit com modè retinere: sed quia ad summā rei parum interest, mihi non fuit religio liberam optionem dare lectoribus. Nam communem piorum omnium vocem recitat David, quòd pedem demum fixuri sint Hierosolymæ: quia illic Sanctuariū residere volebat Deus, quod prius in varia hospitia subinde traductum fuerat. Tali verò Arce peregrinatione monebat Deus populum suum, non frustra se per Moysen dixisse quòd nuper attigi. Ita quoties Arca fœderis ab vno loco in alterum delata fuit, ad certam stationem experendam stimulauit Deus seruorum suorum vota. Porro illa quam diximus, loci statio, non paruimomenti fuit: quia sicuti vagante Arca, fides populi suspensa fuit: sic postquam Deus elegit certū domicilium, certius testatus est se æternum fore populi custodem. Non mirum igitur quòd fideles cum gratiarū actione prædicent pedes suos iam fore stabilis in portis Ierusalem, qui prius discurrere solebant. Verū quid est diu Arcam habitasse in Silo: sed quia nihil de loco illo promiserat Deus, nullā potuit

esse stabilitas. Rursus quia de monte Sion dictum erat (vt Psal. 132. 14. videbimus) Hæc requies mea in seculū seculi: fideles in hoc verbo fundati, securè iactant, pedes suos in posterum fore quietos & firmos. Iam quum Christus, in quo habitat plenitudo Deitatis, Col. 2. 9. & qui verus est nobis Immanuel, Iesū, 7. 14. inter nos resideat, vberioris gaudii materiam nobis suppeditat. Quare ingrati sumus & stupidi, nisi in summum gaudium nos rapiat illa promissio, Ego vobiscum sum vsque ad consummationem seculi, Matth. 28. 20. præsertim si eam publico consensu. recipi videmus. Nam quod nuper citauimus de requie Domini, in Christi demum persona impletum est: sicut constat ex capite Iesaiæ 11. 10. Requies eius erit gloria. ubi Iesaias non de Christi sepultura loquitur, vt falsò putant Interpretes, sed de futura Ecclesiæ præstantia.

3 *Ierusalem adificata.* Hic incipit David celebrare laudes Hierosolymæ, idque eo consilio vt populus constanter in obsequio maneat. Magni enim interfuit non abstrahi huc & illuc piorum mentes, sed manere defixas in ea vrbe quæ vinculum erat sacræ vnitatis. Et scimus hoc fuisse misera dissipationis initium, quum populus in duo corpora diuisus fuit. Quare nihil mirum si tanto studio locum Diuinitus electum David commendat: quia sciebat inde pendere Ecclesiæ salutem si purè illic ex Legis præscripto Deum colerent filii Abraham: deinde si regiam sedem agnoscerent, quam illic suis auspiciis idem Deus erexerat. Quod dicit Ierusalem ædificatam esse instar vrbis, non tantum ad muros, vel turre, vel fossas refertur, sed præcipuè ad ordinem politicum: etsi ad veterem statum alludere fateor. Salem quidem ab initio celebre fuerat oppidum: sed ex quo regi caput esse voluit Deus, faciem & quodammodo naturam mutauit: vt tunc demum verè inceperit nomen vrbis bene composita mereri. Videri posset hoc primo intuitu frigidum, Ierusalem vocari vrbem: sed notandum est quasi vnicam statui in tota terra, cui aliæ frustra sint amule. Nā certe passus est David alias vrbes manere in suo gradu, sed Ierusalem alius



extollit vt conspicua emineat: sicuti videmus Iesaiam capite 2.2, loqui de monte Sion, quòd sublimior erit aliis omnibus. Colliculum vt Propheta extollat, altissimos quosque orbis montes in ordinem cogit, ne illius obscurent gloria. Sic etiam nunc David Hierosolymam dicit compositam esse tanquam urbem, ne huc vel illuc circumspectant fideles, sed vrbe Diuinitus electa contenti sint: quia nusquam reperient paream. Postquam autem iussit omnes alias vrbes subsidere, praestantiam Hierosolymae paucis verbis ostendit, quòd scilicet coadunata sit, vel omnibus suis parti-

bus apte & concinne vnita. Quidam si- ne figura hoc accipiunt, quòd ciues eius concordiam & pacem simul colant. Mihi tamen non displicet, per similitudinem describi pacem vrbis statum. Mutuam igitur coniunctionem, quae viget inter ciues, & quae inter se cohaerent, comparat aedificiis inter se pulchro artificio aptatis, vt nihil mutilum sit, vel hiuile, vel diuulsum, sed concinnè & vbiq; aequalitas. Caterùm admonet David non aliter stare incolumem Ecclesiam nisi vbi viget consensus, & fide ac charitate coagmentata sanctam vnitatem colit.

4 *Illuc ascenderunt tribus Dei in testimonium Israeli, ad celebrandum nomen Iehoua.*

5 *Quia illic sederunt solia ad iudicium, solia domus Dauid.*

4 *Illuc ascenderunt.* Iam duobus elogiis ornat David Hierosolymam, quòd sacer sit & legitimus locus ad inuocandum Dei nomen: deinde regia sit sedes, vnde ius petendum est toti populo. Scimus his duobus membris conuolare totam salutem nostram, quòd datus est nobis Christus Sacerdos, & in Regem praefectus, qui nos gubernet. Id Deus sub figuris ostendit veteri populo. Sanctuarium enim fixum in monte Sionis, populi fidem còmunem in spiritali Christi sacerdotio Regni etiam eius imago fuit ante oculos proposita in Dauide. Dicit ergo priore loco venturas illuc Dei tribus, vel familias: mox deinde adiungit, fixum illic esse solum iudicij, in quo sedeat ipse cum suis posteris. Scimus cur templum vnum duntaxat & vnum altare extare tunc voluerit Deus, ne scilicet populus in varias superstitiones diffugeret. Iam ergo David praedicat hunc locum Dei voce ordinatum esse in quem vndique conueniant omnes Dei familiae, vel duodecim tribus. Atque vt clarius exprimat quanti intersit purum & legitimum cultum seruari, dicit hoc esse in testimonium. Origo istius nominis est verbum *יָדַע*, quod testificari vel pacisci significat. Notatur autem hic mutua testificatio vel conuentio inter Deum & populum: ac si diceret Prophe- ta, non temere venturas illuc tribus, quia

sic ferat libido: sed quia eas proprio ore Deus inuitet. Summa est igitur, sacros conuentus qui Hierosolyma agentur, non fore inanes vel frivolos: quia de certo loco Deus cum populo suo pepigerit. Vnde colligimus, verum Dei templum non censeri nisi à doctrina. Quod ad tempus Davidis spectat, quoniam ad optauerat Deus veterem populum, & volebat exerceri in externo nominis cultu, regulam praescripsit à qua nefas fuit defletere. Ita non stulte, vel inconsiderato zelo, vel cerebri sui impetu tracti fuerant fideles in montem Sion, sicuti homines ex proprio sensu innumeros cultus sibi fingunt: sed Dei mandato abducti, vt eum colerent in monte Sion. Quo verbo significat alia omnia templa profana esse, & vitiosos cultus, quia Dei praescripto non respódeant. Postea finem huius pacti vel conuentiois addit. *Vt celebretur non in Dei* Et sane sicuti hic adoptionis nostrae, ita omnium actio- num finis est, bonorum omnium gloriam Deo tribuere.

5 *Quia illic sederunt solia.* Intel- ligit solum regni Hierosolymae fixum esse vel locum, vel illic certam esse eius stationem. Scimus aliqua semper fuisse iudicia in populo: sed quum prius fuissent suspensa & variè mutata, nouam gubernationem quae perpetuo ordine fluere, instituit Deus in persona Davidis quia

quia in eius locum posteros iussit succedere vsque ad Christi aduentum. Ergo sicuti de templo & sacerdotio nuper loquutus est: ita nunc regnum quod Deus crexit, firmum & stabile fore prædicat, ut discernat à reliquis mundi imperiis, quæ non modò temporalia sunt, sed etiam caduca. Atque hæc perpetuitas ab aliis Prophetis subinde confirmata fuit, & meritò ut scirent fideles non aliter Deum custodem fore salutis suæ, nisi

sub tutela & præsidio Davidis: itaque ita si incolumes & salui manere cuperent, non crearent suo arbitrio novos Reges, sed placidè sub illo genere regiminis degerent. Itaque emphatica repetitio est in nomine solii, illuc positum est solium (inquit) iudicii vel testitudinis. De inde solum domus David: quia volebat Deus penes eius posteros manere ius & potestatem regnandi, donec patet in Christo solida æternitas.

6 *Precamini pacem Ierusalæ, prosperè sit diligentibus te.*

7 *Sit pax in munitione tua, prosperitas in turribus tuis.*

8 *Propter fratres meos & propinquos meos loquar nunc pacem in te.*

9 *Propter domum Iehouæ Dei nostri quæram bonum tibi.*

6 *Precamini pacem Ierusalem.* Nunc hortatur David omnes pios Dei cultores, ut vota concipiant pro felicitate sacre urbis statu. Et quo efficacius moueat, viciissim eis quoque Dei benedictionem promittit. Cur tantopere de salute illius urbis sollicitus fuerit, antea diximus, & mox iterum in fine Psalmi reperit: nempe quia in regno & sacerdotio inclusa erat totius Ecclesiæ salus. Iam verò quum necesse sit, collapsa comuni salute, unum quenque nostrum miserè perire, non mirum si David hanc curam & hoc studium omnibus Dei filiis commendet. Itaque si ritè ordinare volumus preces nostras, hoc sit exordium, ut Dominus Ecclesiæ corpus conseruet. Quisquis autem priuatim sibi additus, communem statum negligit, non solum ostendit se vacuum esse vero pietatis sensu, sed frustra sibi bene optat, nec quicquam præposteris suis votis proficiet. Quod etiam spectat quæ mox addit promissio, *Prosperè erit diligentibus te.* quod tamen membrum optatiuè legi potest, sed eodem ferè sensu. Quanquam autem verbum *יְהוָה* in quiete vel pace agere significet, quia tamen pacis nomen generaliter pro lato & felicitate statu posuit, ita non dubito quin piis omnibus, quibus cura erit Ecclesiæ, benedictionem Dei & vitam prosperam in genere denuntiet. Quæ sententia sæpius occurrit apud Iesum à 54 capite vsque ad finem. Porro hinc colligimus à Deo maledici omnes qui Ecclesiæ infestant vel e-

ius perniciè quouis genere noxæ machinantur.

7 *Sit pax in munitione tua.* Pacis nomen hoc etiam loco non aliud quam prosperitatem significat. Est enim sententia geminatio in hoc versu: ideo ex secundo membro colligitur prioris sensus. Atqui postea additur nomen *יְהוָה* quod interdum quidem Hebræis quietem significat, sed sæpius pro abundantia vel rebus prosperis capitur. Quæ ratione adductus nomen *יְהוָה* transitu-ali, in munitione tua. Esi enim non improbe quod alii tollam vel autemurale verterunt, munitione tamen turribus melius responderet. Summa est, quod David prosperitatem optat Ecclesiæ quàm lōgè patet per totum circuitum. Porro notandum est, non ita optari prosperitatem externam, ac si non curaret David quomodo intus habeat: sed ad mores alludens, optat sanctam urbem omni ex parte Dei benedictione cinctam esse ac munitam.

8 *Propter fratres meos.* Duas causas enumerat: cur tægatur Ecclesiæ cura, ut suo exemplo pios omnes ad eundem profectum prouocet. Videtur tamen sub esse tacita antithesis, quia apud improbos & malignos suspectus esse poterat, vel saltem obnoxius erat eorum calumniis: ac si in commendanda Ierusalè domestico potius commodo, quàm publicæ utilitati consulere. Nequis obiceret, astutè regnum suum hoc modo stabilire: testatur se non moueri priuato sui

respectu, sed totam Ecclesiam se animo amplecti. Loquar (inquit) de pace tua Ierusalem: non quia vel mihi vel meis utile futurum est, sed quia prosperitas tua sese ad omnes Dei filios diffundet. Neque enim dubium est quin fideles omnes sub fratrum nomine designet. Additur postea secunda ratio, quia nisi flante Ierusalem, non manebit integer Dei cultus, sed pessum ibit. Ego si pretiosa est nobis fratrum salus, si cordi est religio, curanda simul est Ecclesie incolumitas quo ad in nobis erit. Unde sequi-

tur non minus crudeles esse quam impios quibus susque deque est Ecclesie status. nā si columna & firmamentum veritatis est Ecclesia, 1. Tim. 3. 15, eius interitui pietas quoque extingui necesse est. Iam quomodo exitium corporis singula etiam membra non inuoluat? Docet præterea hic locus non inanem esse Ecclesie titulum, sed ubi viget pura religio, illic quærendam esse Ecclesiam. Unde apparet quàm insipidi sunt Papistæ, qui profligata Euangelii doctrina, magnifice tamen Ecclesia nomine superbiant.

### ARGVMENTVM PSALMI CXXIII.

*Hoc Psalmo fideles crudeli Iesum tyrannide oppressi, Deum liberatorem implorant, quia non aliam quam in eius patrocinio sperare videantur.*  
*Psalmus. CXXIII.*

**C**Anticum graduum.  
 bitas in oculis.

*Ad te leuabo oculos meos qui ha-*

2 *Ecce sicut oculi seruorum ad manum dominorum suorum, sicut oculi ancilla ad manum domine sue, ita oculi nostri ad Iehouam Deum nostrum, donec misereatur nostri.*

3 *Miserere nostri Iehoua, miserere nostri, quia valde satiati sumus opprobrio.*

4 *Multum satiata est apud se anima nostra subsannatione diuitum, opprobrio superborum.*

1 *Ad te leuabo oculos meos.* Incertum est quando Psalmus hic, vel à quo etiam Propheta compositus fuerit. Dauidem certe auctorem esse mihi probabile non est: quia ubi persecutiones quas passus est sub Saule, deplorat, aliquid de se priuatim interponere solet. Potius ergo arbitror, quum populus in exilio Babylonico degeret, vel quo tempore grassata est Aniochi fregit hanc precandi formam: prout omnibus in comune dictatam esse ab aliquo Propheta. Quicquid sit, Spiritus sanctus, cuius insinuat Propheta precandi regulam populo tradidit, clara voce nos ad Deum inuitat, quoties non vnus & alter modò sed tota Ecclesia hostium suorum libidine iniuste & superbe vexatur. Diserte autem, in eo iudicio, vocatur Deus calorum habitator, non modò vt eius potentia deferant fideles quantum oportet, sed ubi nihil spei reliquum est in terra: immò

desperata eorum conditio instar sepulchri est, vel in labyrintho demersi sunt, vt cogitent Dei virtutem in calò integram manere. Itaque lube esse videtur anthesis inter turbulentum & confusum mundi statum, & regnum Dei celestis ex quo omnia sic moderatur, vt omnes mundi agitationes, quoties ita visum est, tranquillet, perditis & desperatis succurrat, lucem restituat discussis tenebris, prostratos & deiectos erigat. *Ac leuandi* verbum id confirmat Propheta, ubi scilicet omnia nos in mundo deficient sursum tollendos esse oculos, ubi Deus similis sui perpetuò manet, vtrunque hominum furor omnia hic peruerat.

2 *Ecce sicut oculi seruorum.* Hæc si militudo apprimè apta est ad præsentem causam, quia significat Propheta extra Dei tutelam nihil esse solatiū fidelibus, inermes esse, & ad quàm iniuriā expositos, non vires neque audaciam ad rest-



resistendum suppetere: denique eorum salutem pendere totam ab alieno auxilio. Scimus enim quam indignè olim tractati fuerint serui, & quibus expositi contumeliis: porro ad vim repellendam vix digitum mouere audebant. Omni ergo defensione priuatis restabat quod hic dicitur, vt se herili manu protegi peterent. Eadem etiam ratio ad *anillas* pertinet. Pudenda quidem ac turpis fuit illa conditio, sed facit compensatio quæ hic nobis proponitur, ne seruilis ignominia nos pudeat. Neque enim est cur ægrè feramus cōferri mancipiis, modò Deus sit patronus noster, vitæque nostræ defensionem suscipiat: qui nos confulens exarmat, & cunctis huius mundi opibus exuit, vt discamus vnica eius gratia contenti esse. Nam olim quia seruis gladium vel telum aliquod gestare capitale erat, & omnibus iniuriis obnoxii erant, eo animosius solebant domini se opponere si quis eos absque causâ violauerat. Non dubium igitur, si Deus à sua tutela nos pendere videat, nec propriis opibus confidere, quin ad omnes quæ nobis illata fuerint molestias vindex occurrat. Certum tamen est tēpus hic propriè describi quo populus Dei ad extremam inopiam adeoque desperationem redactus erat. Manum pro auxilio poni, satis notum est.

3 *Miserere nostri Libona.* Prosequitur ac cōfirmat superiore doctrinam. Dixerat piorum oculos, quia prorsus fracti & deiecti erant, ad Dei manum intentos essent: addit satiatos esse op probrio. vnde colligimus, impios non modò violenter grassatos esse ad quiduis audendū, sed per ludibriū quasi calcasse filios Dei. Et certè repetitio quæ vehemētiae & ardoris signum est, simul ostendit nihil defuisse ad summam miseria. Iam vbi ad iniurias accedit subsannatio, nihil est quod ingenuas mentes magis vulneret. Ideo de hac maximè conqueritur Propheta, ac si esset malorū omnium cumulus. *Dives & superbus* Ecclesie insultasse dicit, quia hoc vsu venire solet, vt qui eminent in mundo, populum Dei ex alto despiciant. Nam illis oculos perstringit honoris sui & potentie splendor, ne villo pretio dignetur spirituale Dei regnum: imò quo

prosperior arridet Fortuna impiis, eo magis incurrit eorum superbia, & insolentius despiciat. Docet tamen hic locus, nihil noui accidere si filius huius seculi, qui opibus excellens, contemptibilis sit Ecclesia. Et merito, eisdem vocat superbos, quos & diuites: quia abundantia ferociam parit. Caterum, quia videmus iam olim cooptatū probro fuisse Ecclesiam Dei, & per ludibrium digno ostensam, non est quod nos hodie ex animi mundi contemptus, vel fidem nostram labefacerent impudens suis diuersis nos incesant, imò & conuictis proficiunt. Semper enim tenendum est quod hic refertur, salutari fuisse animam non vnus tantum hominis vel paucorum, sed totius Ecclesie, non modò impia violentia, crudelitate, fraudibus, & aliis maleficiis, sed etiam probro & sublatione. Tenendum etiam est, quicquid est altitudinis in mundo & superbiæ hic contra Ecclesiam Dei statui, vt sit pro quisquiliis & stercore, quemadmodum dicit Paulus 1. Corint. capite 4. versu 13, dum idem hodie nobis vsu venit, sinamus impios turgere suo fastu donec crepent: atque hoc vno contenti simus, quod Deus tamen nos pretiosos ducit. Ac verbo *satiandi*, præsertim dum emphatice repetitur, expressit Propheta diuturnam oppressiōnem, quæ radio & mærorerepleuerit piorum animos. Porro quàm vilis hodie sit hæc admonitio, prolixè differere nihil attinet. Ecclesiam videmus destituta omni mundi præsidio, & iacere sub hostium pedibus, qui copiis omnibus abundant, & formidabili potentia instructi sunt. Papistas videmus securè insurgere, & pleno gutture profundere sua ludibria in nos, & totum Dei cultū. Nobis etiam permitti sunt & vbique volitant Epicurei homines, quibus derisus est nostra simplicitas. Multi etiam Cyclopes contumeliis nos obruunt atque hæc indignitas, ex quo rursus emergere cepit Euangelium, hucusque durant. Quid ergo superest, nisi veteribus circūdari, vitæ lucem in calo quaramus? & quanuis ad satietatem omni probiorum genere repleta sit anima nostra, famelicis tamen votis ad liberationem aspiret?

## ARGVMENTVM PSALMI CXXIIII.

Quia ex summo discrimine Diuinitus liberata fuerat Ecclesia, fideles hortatur Dauid ad gratias agendasque hoc memorabili exemplo admonet, eorum salutem non nisi Dei gratia & virtute stare

Psalmus CXXIIII.

**C**anticum graduum Dauidis.  
pro nobis, dicat nunc Israel:

Sine Iehoua qui fuit

2 Sine Iehoua qui fuit pro nobis, quum insurgerent contra nos homines,

3 Tunc viuos deglutissent nos, quum excandesceret furor eorum in nos:

4 Tunc aqua obruissent nos, torrens transisset super animam nostram.

5 Tunc transissent super animam nostram aqua superba.

1 Sine Iehoua. Quod putant quidam Interpretes describi insulsumiam Ecclesie cladem, quum reliquia populi Babylonem traducta sunt, infirmum est: quia persecutionibus quas sub Antiochityrānide passa est Ecclesia, aquae conueniant quae hic leguntur querimoniae. Sed quā Psalmus praefert nomen Dauidis, & historice narret populum ē summo periculo Diuinitus fuisse ereptū, coacta est illa cōiectura, sub vaticinio describi quod nōdum contigerat. Prophetarum enim alio modo de rebus futura disserere solēt. Quare magis probabile est, Dauidem hic proponere notam historiam, fidelesque hortari vt secū reputēt quod iā responsū expecti erāt Dei auxiliū. Nec verō ad tēpus Dauidis restringere audeo quod hic dicitur. Hoc quidē verū est, gētes profanas se pius ea potētia instructas bellū populo mouisse, vt diluuiū vniūq; esset eorū impetus: sed quia nullā speciem designat, nō vnū (meo iudicio) liberationis genus, sed quascūque inquam supplicia tulerat Deus Ecclesiae suae, hac gratiarum actione celebrat. Scimus autē variis tēporibus saepe Gentiles inuadisse cōtra Ecclesiam tam variis corporis, vt nihil ferē a morte illa distaret. Dabunt ergo Ecclesiae statim qualis ab initio fuerat, quasi in speculo proponit Dauid: vt discant fideles non propriis viribus sterisse, sed admirabili Dei gratia seruata, seque ad Deum in periculis inuocandum afficiant.

2 Sine Iehoua. Bis eandem senten-

tiam non frustra inculcat. Quādiu enim in discrimine versamur, timor nollet modū excedit: perfuncti verō, extenuamus mali nostri magnitudinem. Et Satā hoc artificio nobis illudit ad obscurandā Dei gratiam. Quoniam ergo vtpulcritū, postquam mirabiliter a Domino seruati sumus, varias nobis fingimus imaginationes, quae memoriam gratiae Dei obliterent, cōsultō Dauid populū quasi attonitum inducens, in amplificādo discrimine insinuat. Quare sciamus his verbis fratrum nobis inuici, quod in meditando nostris periculis nos retineat, ne ex animis nostris euaneſcat gratiae Dei sensus. Communis versio nō satis exprimit Dauidis mentem, Nisi Dominus fuisset pro nobis, pronūtiat enim Dauid, non aliter quam Dei auxiliū potuisse seruari: & simul docet, auxiliū illud certum & illustre fuisse. Duo igitur hic distincte notanda sunt, praestituisse Dominum ad ferendam seruis suis opē, & ab eorū parte sterisse: deinde nō aliūde neque aliter potuisse saluos euadere, qui iā perditierant. atque ita docemur tunc demum homines ascribere salutis suae gloriā Deo, quum persuasi fuerint sibi esse propitium, vt eos veri velit, & incolumes praestare. Secundo mēbro in sublime attollitur immensa Dei virtus, cuius specimen ediderat in populo liberando: vt sciamus, non competere in homines talem seruandi modum. Per nomen **QWA** (quod dum est collectiuum, homines ind. finite significat) videtur

videtur notare David ingentē hostium numerum. ac si diceret, populo Dei non fuisse certamen dimicantē cū paucis hominibus, vel vna gente, sed fere à toto mundo fuisse oppugnatum: ut satis constet Iudeis infernum fuisse totū humanū genus. Quam dicit, *vires deglutissent nos*, non modò exprimitur truculenta sauitia, sed etiam virium impavitas. Primò igitur describit quā violenta fuerit aggressio: deinde quā intrinsece ad resistendum vires: quia gladii opus non fuerit ad cædem, sed absque praelio & manu imbellem gregem vorare potuerint immanes illa bestia.

4 *Tunc aquae obruissent nos.* Exornat elegantī metaphora formidabile illud hostium impetū, diluvio cōparās, quod

sua exundatione quicquid obuium est absorbet. & semper hominis expauescenti personam retinet. Aquas nominat, deinde *torrentem*, tertio repetit *aquas impetuosas* vel *superbas*. Dicit *super nos*, *super animam nostram*, ac si ex rei intuitu vellet terrorem incutere. Et certe tantumdem valere debet patheticus hic sermo atque hypotyposis, quo melius sentiant adeles ex quā profundo gurgite eripii fuerint Dei manu. Nam nile de manu salutem suam Deo fert acceptam, qui se ante liberat onem perditum fuisse agnoscit. Adverbium *tunc*, vel deicticon est, actū digito rem monstraret: vel accipitur pro pridem. Quāquam praesenti loco prior significatio magis convenit.

6 *Benedictus Iehoua, qui non dedit nos in pradam dentibus eorum.*

7 *Anima nostra, sicut avis, erepta est è laqueo venantium: laqueus dissipatus est, & nos liberati sumus.*

8 *Auxilium nostrum in nomine Iehoua, qui fecit calum & terram.*

6 *Benedictus Iehoua.* Iam ad gratitudinem pios hortatur, & quasi verba illis dicat: ubi etiam altera similitudine ostendit, actū de ipsi fuisse nisi Deus opem tulisset. Dicit enim non secus fuisse ereptos, quā si quis *pradam ex dentibus* feræ & crudelis bestiae auferat. Eodem & tertia similitudo pertinet, irreptos vndique fuisse, & implicitos hostiū captionibus, non secus atque *ancula reticulo* comprehensa sub manu aucupis iacent. ereptos autem non aliter fuisse quā si quis liberum exitum capris auiibus concedat. Summa est, populum Dei imbellem, consilii inopem, viribus destitutum, non modò cum truculentis sauisque bestias negotium habuisse, sed aucupis etiā & fraudibus tunc illaqueatum, ut tū consilio quā aperto Marte hostibus longè inferior à multis moribus obsideretur. Vnde colligere promptum est mirabiliter fuisse seruatum.

8 *Auxilium nostrum à Iehoua.* Iam ad perpetuum Ecclesiae statum extēdit quod antè experti erant fideles. Sic enim hunc versum interpretor, ut nō tā-

tum de vno beneficio gratias agat, sed asserat nō aliter incolumē manere Ecclesiā, nisi quatenus Dei manu & tutela protegitur. Cōsiliū autē eius est, filios Dei ad bonam spem animare, ut nō dubitent sub Deo custode vitam suam esse in tuto. Est autē notanda antithesis inter Dei auxilium & alia media quibus perperā mundus cōsedit, sicut Psalm. 20. 8, vidimus, illi in curribus, illi inequis, nos autē in nomine Dei inuocabimus. ut fideles omni praua confidentia purgati & vacui ad vnum Dei praesidium se cōferant: eoque freti, securè despiciant quicquid Satan & totus mundus in eos machinantur. Et si autem nomen Dei nihil aliud est quā Deus ipse, subest tamen aliqua notatio: quia quatenus gratiam suam verbo nobis patefecit, facili ad eum accessus patet, ut non procul vel per flexuosos circuitus querendus sit. Nec frustra rursus Deum insignit epitheto Creatoris. Scimus enim quā inquietudine astuant mentes nostrae donec in suum gradum extulerint Dei potentia, ut toto mundo in ordinē coacto;



Sola emineat: quod fieri non potest nisi statuamus omnia eius arbitrio subesse. Neque enim fœmel momento suam potentiam ostendit in mundi creatione, quâ deinde subduceret: verum assidue eandem in illo gubernando demonstrat. Caterum, etsi liberaliter ac pleno ore

fatentur omnes Deum celi & terre esse factorem, ut improbissimos etiam quosque pudeat hoc titulo ipsum non ornare: simul tamen atque obiectum est aliquid terroris, convincitur nostra incredulitas, quod eius auxilium nullo ferè loco dignamur.

## ARGUMENTVM PSALMI CXXV.

*Quis fidelis in hoc mundo profanis hominibus permisti, videntur ad omnes communis vite casus expostum Propheta esse. Hierosolyma comparatur, iunctis praesidio munitis esse docet. Quod si quando Deus improborum ibidine vexari eos permittit, hortatur ad bene sperandum: interim tamen ne premisceat, quod hic dicitur, ad se rapiant hypocrisis, inter veros & falsos Israhelitas discernit.* Psalmus CXXV.

**C**Anticum graduum.

*Qui confidunt in Iehoua, sicut mons Sion non commouebitur, perpetuo residebit.*

2 *Ierusalem montes in circuitu eius, & Iehoua in circuitu populi sui ex nunc & usque in seculum.*

**I** Qui confidunt. Differt hic Psalmus à superiore, quod illic dictum fuit Ecclesiam Diuinitus neque humanis mediis fuisse seruatum: nunc autem docet Spiritus sanctus, in posterum tempus semper saluam fore ac tutam, quia inexpugnabili Dei virtute munita est. Quam autem sub situ visibis Hierosolymae describitur Ecclesia, Propheta consilium est singulos fideles hortari ut salutem communiter toti electo populo promissam, certò sibi persueant ad se spectare. Sed visibilis Ecclesiae imaginem oculis proponens, eorum ruditati se accommodat qui pignitæ carnis suæ retenti, adhuc in terra subsistant. Hoc igitur primò notandum est, si qui arcum Dei praesidium fidei sensu non satis capiunt, illis instar speculi proponi montes, quibus undique cincta erat Hierosolyma, ut minime dubitent: aquæ ab omni periculo tutam esse Ecclesiam, ac si talibus propugnaculis & muris omni ex parte probè clausa foret. Iam verò vtile cognitu est quod nuper attigi, quoties Deus populum suum compeilat, vocem ad singulos dirigere. Bona enim pars promissionem ad totum Ecclesiae corpus extenditur: ita multi eas tanquam procul remotas eminus speculantur, neque ad se aptare audent. Ideo tenenda est quæ hic praescribitur ratio, ut ad se quisque accomodet quicquid Ecclesiae suae communiter Deus promittit.

Porro non temerè Hierosolymam Ecclesia picturam facit, quod illic esset Dei Sæctuarium & Arca foderis. Quod ad verba spectat, duobus modis exponi possunt. Quidam enim prius verbum **וְיִשְׂרָאֵל** non commouebitur, de Hierosolyma accipiunt: posterius autem **וְיְהוָה** referunt ad ipsos fideles, ut sit mutatio numeri quæ Hebraeis satis trita est. Et certè non incommode sic vertetur sententia, Qui confidunt in Domino, sicut mons Sion non commouebitur, in æternum habitabunt, vel, manebunt stabiles. Nam hoc sensu verbum residendi capitur. Nunc tenemus quid velis Propheta: Quauis tot ac tam subitis mutationibus obnoxius sit mundus, ut in singula ferè momèta nouam faciem induat, fideles autem aliis permitti sint, & communis vtriusque sit conditio: illorum tamen salutem inuicò Dei praesidio firmam stare, non quòd tranquillè habitent, sed quia sub Dei custodia frustra impetitur eorum salus, saltem excidere nunquam poterunt etiam si labascant. Sed notemus requiri fidei constantiam sub voce **וְיְהוָה** quæ Hebraeis significat sperantes, vel qui expectant. Ergo quisquis manu Dei suscipi cupit, constanter in eam recumbat: quisquis ab ea cupit protegi, patienter sub ea quiescat. Nam quòd Deus saepe nos in varias partes abripi, vel instar paleae radari patitur, id sit nostra leuitate,

duam

dum in acre volitare malumus, quàm in rupe auxilii eius mentes nostras figere. Similitudo quæ secundo versu ponitur, satis dilucida est, Quemadmodum in circuitu Hierosolymæ continui montes formam murorum representant, ita Deum sua virtute circumdare fideles, ut noxas omnes ab illis arceat. Frequenter occurrunt similes loquutiones, Deum populo

suo murum & antemurale fore: sed ultra progreditur David, vel quisquis fuerit Psalmi author, arcanum præsidium, quo suo toetur Deus, sub montium figura demonstrans, ut tudes & infirmi quos adhuc in terra torpor suus recinet, montium conspectu adiuti, sursum animos attoliant.

3 *Quia non quiescet sceptrum impiorum super sortem iustorum, ne extendant iusti ad iniquitatem manus suas.*

4 *Benefac Iehoua benignis & rectis in cordibus suis.*

5 *Qui autem diuertunt in prauitates suas, ambulare faciet Iehoua cum operariis iniquitatis: pax super Israellem.*

3 *Quia non quiescet.* Est quædam superioris sententiæ correctio. Dixerat in omnes partes extētam esse manū Dei ad protegendam Ecclesiam. Quia verò libenter Dei promissiones luculque trahimus ad nostrum cōmodū, ut simus immunes ab omni molestia, monemur hic non obstate Dei tutelam quominus cruce & afflictionibus interdū exerceamur, ideoque non esse cur sibi mollem & tranquillam vitam in terra promittant fideles: quia satis est non deseri ubi Dei auxilio indigēt. Etsi enim tenerrimè eos diligit cælestis Pater, vult tamen cruce expergeferi, ne carnis suæ deliciis nimium indulgeant. Quare si amplectimur hanc doctrinam, quanuis impiorum tyrannide nos opprimi cōtingat, patienter tamen expectabimus dum eorum sceptrum confringat Deus, vel de manibus excutiat. Dura est tentatio, fateor, videre grassantes impios in hæreditate Domini, & fideles sub eorum pedibus iacētes: sed quia nō sine iusta ratione ita Deus suos humiliat, petendum inde est solatium. Additur etiam ratio, ne iusti tentatione victi, sese ad peccandum prouocent, quæ diligenter notanda est. Nam hinc colligimus ideo temperari à Deo res aduersas, quia infirmitati nostræ parcere vult. Quare etsi non tantum est in nobis fortitudinis & constantiæ ut vel momentum perstemus in officio: hæc sententia nobis occurrat, cura tamen fore Deo ne fracti malis deseramus pietatis cultum. Certè toto vitæ cursu absque vlla

relaxatione nos affligeret, crux semper est nobis utilis. Nam & quam indomita sit carnis nostræ contumacia videmus, & quàm feruidi subinde ebulliant eius impetustimò ut inter ipsas afflictiones quibus in obsequium cogenda erat, non tamen desinat calcitrare. Quo magis necessaria est hæc admonitio, Dominum tēpestiuè modum imponere tētationibus, quia videt nos impares esse ad resistendum. Nec verò Propheta tantum dicit esse periculum ne infirmi deficient, sed ne iusti, qui verè & ex animo Deum colunt, & sediti sunt pie viuendi studio, succumbant ipsi quoque. Ergo utcumque in cordibus nostris vigeat Dei timor, sciamus tamen non esse tanta fortitudine præditos ut sustineamus in finem usque, nisi Dominus infirmitatis nostræ rationē habeat. Quòd si hoc de optimis quibusque athletis pronuntiat Spiritus sanctus, quid de tyronibus fiet, qui nodū ita sunt ad pugnandū cōfirmati? Notanda etiam est loquutio, *ne extendant manus suas*: quia docet violentos esse tentationū impetus, ut iustorum manus, quæ prius erant quasi deuinctæ, & quarū motus cōpositi erant ad Dei arbitriū, nunc quasi solutæ ad peccandi licentiam se laxent.

4 *Benefac Iehoua.* Quanquā Propheta certò iam piis omnibus pollicitus fuerat opportunum Dei auxilium, se tamen ad precationem conuertit, neque id frustra. Nam etsi nos suaserit fides: quia tamen interea vacillant carnis nostræ sensus, preces miscenda sunt æ  
Ecc. i.

confirmationem. Sequamur ergo hanc Prophetæ regulam, qui pios omnes ad fiduciam hortatus, simul ostendit non securè oscitandum esse quin ad Deum confugiant, & precibus ab eo flagitent quod ipse verbo suo iubet eos sperare. Et certè quia in afflictionum tenebris non perspicitur Dei auxilium, quin potius videretur coram Deo nullum esse iustorum & impiorum discrimen: hoc remedio vtendum est. Nec tantum simpliciter rogat vt bonos benignè tractet Deus, sed bonitatè quoque definit, quæ manat ex sincero affectu. Neque enim filiis Dei sufficeret abstinere ab omni maleficio, nisi respondeat interior cordis integritas, imò nisi totam eorum vitam gubernet.

5 *Qui autem diuertunt*, Quia participium *וָשׁוּבוּ* est ex coniugatione Hiphil, secundum rationem Grammaticæ potius actiue exponi deberet. sed quia non parum est verba in illa coniugatione neutraliter quoque accipi, probabilis est ista quam sequutus sum versio. Sed quia actiua significatio non minus aptè quadrat, libera sit electio. Sensus est, ne Deus ad eorū scelera sem

per cōnieat, qui se falsa professione iactantes, pro sua libidine vagantur, vel etiam simplices corrumpunt & secū trahunt ad peccandi licetiam. Neque enim dubium mihi est, de hypocritis haberi sermonē, quos impunitas temporalis ita obdurat, vt inter sanctissimos locum sibi arrogēt, quia ipsis Dominus indulget. Videmus non tantum in mundo permistos esse bonos improbis, sed in ipsa quoque Dei area latere sub palea & quif quilibet triticū. In hoc dubio & cōfuso statu superbiūt mali, ac si essent ex optimis Dei cultoribus. Quare rogandus est Deus vt eos trahat in lucē, & cū operariis iniquitatis in iustas pœnas detrudat. Hinc sequitur pax ista quā optat super Israël. Nō loquitur autē in genere de tota carnali progenie Abraham, sed potius optat purgari Dei Ecclesiā ab hypocritis qui locū in ea occupāt, donec manū suā Deus in iudiciū attollat. Ideo dixi hinc oriri Ecclesiæ pacē, dū iustā vindictam exercēs Deus cōtra fictitios & laruatos Israelitas qui eius viscera discerpunt ac lacerant, rectos corde colligit, ac sua benedictione paternum erga eos fauorem palam demonstrat.

### ARGVMENTVM PSALMI CXXVI.

*Psalmus hic tribus membris constat. Nam primò fideles ab exilio reuerſos hortatur Propheta ad gratitudinem, & liberationis gratiam magnificè extollere: certò agnoscant, Diuinitus, non fortuito casu, vel hominum beneficio se in patriam relictos esse. Ad iungitur deinde precatio, vt Deus opus suum quod cepit absoluas. Tandem quannus non statim oculis appareat plena restitutio, mitigat tamen mora. Adium. Atque vt nunc satis lacrymis reſpēsa sit, affirmat tamen lætam fore messē.*

*Psalmus. CXXVI.*

**C***anticum graduum. Dum reduxit Iehoua captiuitatem Sion, facti sumus tanquam somniantes.*

2 *Iam implebitur risu os nostrum, & lingua nostra exultatione: iam dicent inter Gentes, Magnificè se gessit Iehoua ad agendum cum istis.*

3 *Magnificè Iehoua se gessit ad agendum nobiscum, facti sumus lætantes.*

1 *Dum reduxit.* Quod vaticinium quidam Interpretes hic esse volunt de futuro tempore, durum & coactum est. Ego certè Psalmum à reditu populi compositum esse non dubito: deo verbum *וָשׁוּבוּ* in præterito tempore reddere placuit. Quisquis autem vel ex Leuitico vel ex Prophetis fuerit auctor, pro-

dum Redemptionis magis fuisse mirificū dicit, quā vt Fortunæ ascribi queat. vt hinc colligant fideles verè impletum fuisse Ieremiæ vaticinium, quod finem exilio ad septuaginta annos præfixerat, Iere. 25. 12, & 29. 10. Ac *somniantis* verbo rem incredibile designās, locū in gratitudinē nō restare admonet. Nā quocumque



ties vilitatis modis agit Deus, vt maligni sunt homines, ad obscurandam Dei gratiam cōminisci varias causas solent. Quia autem in populi reditu miraculū resplenduit quod absorbeat vel obstupesciat omnes hominum sensus, cogit insigne Dei opus agnoscere. Hæc ratio est cur somnio cōparet populi redēptio nem: ac si diceret, Certe adeo nulla mēs capiet tam incōparabile Dei beneficiū vt sola cogitatio nos in stuporem rapiat ac si somnium esset, non res gesta. Quanta igitur prauitas erit non agnoscere ipsum auctorem? Porro nō intelligit Prophetā, fideles ita fuisse hebetes vt nō scitirēt se manu Dei redēptos, sed tantum attonitos fuisse pro carnis sensu: ne tanquā de re vulgari apud se ratiocinantes Dei potentiam minoris quā par erat facerent. Nomen **W** liceret etiam vertere, vt quidā faciunt, reductionem: atque ita magis cōcinna analogia esset. Quia tamen ad sensum nihil ferē interest, satis est obiter admonitos esse lectores.

2 *Iam replebitur.* Aduerbiū temporis **W**, ferē verti solet tunc. Sed quia verba futuri sunt tēporis, putauī nō ineptē transferri posse hoc modo, Iam replebitur, & iam dicent. Quāquā si recipimus quod tradunt Hebræi quidā doctores, hanc esse vim particulæ vt futurum tempus in præteritum cōuertat, bene cōueniet sententia. Prophetæ quidē cōsiliū minimē obscurum est. populū enim reditu ita vult lætari, vt non sepe liat obliuione Dei gratiam. ideoque nō vulgarem lætitiā describit, sed quæ ita animos perfundit, vt cogat eos in gestu & voce modum excedere. Interea solidum hoc esse gaudium admonet in quo

doceat filios Dei acquiescere, quoddā concessus sit in patriam reditus. Nam sicuti nihil tunc miserius fuit quā in exilio degere, vbi quodammodo abdicati erant ab hereditate sibi Diuinitus promissa: sic nihil magis optabile illis esse debuit quā restitui. Quam igitur reduciō in patriam testimonium fuerit re nouata Dei adoptionis, non mirum est si Prophetā dicat repletū os fuisse risu & linguam exultatione. Eodem quoque gaudio nos hodie exultare conuenit vbi colligit Deus suam Ecclesiam, sicuti nimirum duri sumus & ferrei, nisi misera eius dissipatio, doloris & luctus nobis causa est. Lōgius deinde progreditur Prophetā, miraculū hoc a cæcis conspectum fuisse dicens. Scimus enim tunc Gentes, cæcorum instar, in tenebris errasse quia nulla in ipsis fulgebāt Dei cognitio: & tamen sic conspicua illic fuit Dei virtus, vt in apertam confessionem erumperent, magnificē Deum egisse cum populo suo. Quo magis pudenda fuit fœcordia inter Iudæos, nisi liberē & pleno ore celebrarent Dei gratiam, quātū laudis apud incredulos obtinuerat. Et notāda est loquutio quæ emphaticē exprimit magnificā Dei potentiam in hac liberatione fuisse cognitā à Gentibus. Vnde & continuo post in sua & Ecclesiæ persona idem repetit: ac si diceret, saltem exeat a nobis confessio qualem Deus incredulis expressit. Quum subiicit *latatos esse*, subest tacita antithesis inter nouum hoc gaudium & diuturnum mœrorem quo fuerāt constrikti in suo exilio. Dissertē autem predicat redditam fuisse lætitiā, quo melius expendat fideles quā lumbis fuerit prior conditio.

4 *Reduc Iehoua captiuitatem nostram sicut riuos in Austro.*

5 *Seminantes in lachrymis, in exultatione metent*

6 *Vadens vadet ac flebit, portans pretium seminis: veniens veniet in exultatione, portans manipulos suos.*

4 *Reduc Iehoua.* Secunda pars Psalmi, vt dixi, precatōnem continet, vt Deus residuos captiuos simul colligat. Atque hanc precandi formā Iudæis qui iam patria fruebantur, dicit aut Spi-

ritus sanctus, ne miseros fratres suos negligerent. Tametsi enim paterfamilias erat toti populo exitus, & dara libertas, scimus tamen exiguum numerum, præ ingenti multitudine, huius be-

neccis fuisse participem. Quosdam enim metus retinuit, quosdam ignavia, quod discrimina viderent insitare quibus obcundis pares non erant: & malent in foribus suis torpere, quam suscipere itineris molestiam. Credibile etiam est, multos presentem quietem & comoda iter ne saluti praeiussit. Certe impletum fuit quod praedixerat Iesus, Etiam si populus aquaret arenam maris, reliquias tantum fore salvas. Quum ergo multi palam respicerent oblatum beneficium, & precaria libertas multis difficultatibus & obstaculis non careret, ut vix pauci cordatiores pedem mouere auderent: non mirum est si Propheta Ecclesiam adhuc pro reductione vota concipere iubeat. Iam simul notandum est qualis fuerit eorum status qui iam reuersi erant. Nam quum occupata esset terra ab exteris, quos omnes habebant infestissimos & iuratos hostes, non secus in patria captiui erant quam inter Babylonios. Itaque duplici respectu necesse fuit Ecclesiam anxie precari, ut Deus colligeret dispersos: nempe ut animum adderet timidis, torpentes excitaret, stupidis delicias excuteret, omnibus porrigeret directricem manum: deinde ut reducere populi manum locaret in libertate & otio. Similitudinis quae additur, hunc sensum multi esse putant. Hoc perinde fore gratum ac si aqua per desertum fluere. Scimus verò quid graue & molestum sit in regione calida iter per siccas arenas facere. Austro verò pro deserto capitur: quia Meridionalis plaga ad latus Iudaeae, vasta & ferè inhabitabilis erat. Mihi tamen rectius videtur, miraculi cōparatione Dei gratiam extolli, & magis augeri à Propheta: ac si diceret, Quamuis difficile sit reliquias dispersas coalescere in vnum corpus, esse tamen in Dei arbitrio non secus ac per desertum aridum riuos ducere. Interim ad medium iter alladit, sicuti ex regionū situ patet. Ita nihil erit in verbis subaudiendum, quae simpliciter hoc sonant, perinde ac si fluuius in regione sterili & arida decurreret. Et certe viam aperire populo qui velut in profunda abyssu demersus erat, perinde fuit ac cursum aquis irrigui: per desertum patefacere.

3 *Seminales in lacrymis.* Hae sen

tentia (meo iudicio) non minus extendi in futurum tempus debet, quam de praeterito intelligi. Fuit Iudaeis sua migratio sationis iusta: quia vaticinio Ieremiae animos eorum ad spem messis erexerat Deus: non tamen sine ingenti merore & cruciatu tracti fuerunt in longinquum exilium. Hoc ergo perinde fuit ac si tempore penuriae miser agricola qui iam esurit, fraudare se ordinario victu cogatur, ut in annum futurum sibi prospiciat, quanquam autem hoc acerbum est, spe messis ad seminandum incitatur. Verum ergo est, Iudaeos, quum in exiliū tracti sunt, non aliter fuisse tristes ac qui semen pretiosum tempore sterilitatis in terram spargit: postea verò sequutam esse latam messem dum liberati sunt: quia Dominus tanquam in vberissimo prouentu hilaritate ipsis restituit. Sed mihi videtur Propheta fideles in posterum quoque hortari ad patientiam. Nec dum enim completa erat Ecclesiae restitutione: imò ob duas causas (quas paulo antè recensui) patet tunc fuisse sationis tempus: quia etsi liberaliter Iudaeos omnes inuitabat Regis edictum, pauci tamen ex multis, sensim & crepide per turmas reuersi sunt: deinde à vicinis mihi ac duriter fuerunt excepti, & multum illis negotii exhibitum, ut aquae tolerabilis esset prior seruitus. Vnde colligimus ferèdum adhuc illis fuisse: quia nondum aduenerat maturum tempus messis: id eoque non frustra eos hortatur Propheta ut strenue laborent, & pergant inter continuas molestias, neque fatiscant, donec melior appareat successus. Quātum ad verba spectat, **700** alii pretium vertunt, alii canistrum, aut vas seminarium. Hae posterior versio ratione caret. Qui pretium interpretantur, locum adducunt ex libro Iob capite vigesimo octauo, versu decimo octauo, Pretium sapientiae omnibus margaritis melius. Sed quum verbum **700** unde nomen hoc deducitur, extendere vel protrahere significet, fortè tam hinc quam in illo altero loco commodius **700** in proprio sensu poterit sumi. videtur enim: Propheta illic non proutum acumē, sed receditā sapiētiā laudare cita praestio sapiētiā, hoc est ppetu⁹ tenor, propter

propter altas radices, dicitur melior margaritis. Ita hoc loco protractio seminis refertur ad ipsos agricolas, nempe vitam suam eos extendere vel prorogare dum seminant. Quod si tamen magis placeat nomē pretii, sensus erit, angusta annona cum lachrymis semen terræ mandari, quia pretiosum ac carū est. Iam laus patet hanc doctrina. Scimus vitam nostram alibi rationi conferri. Saepe autem continget ut seminant dum sit in lachrymis. ideo alacritatem nostram frangat moror, vel retardet, ad spem melius erigere animos decet. Ceterum meminerimus, non omnes Iudeos qui tracti sunt Babylonem, semi-

nasse: quia multi qui obdurerāt aduersus Deum & Prophetas, sicuti contempserant minas omnes, ita priuati sunt spe reducti. quibus incubuit talis desperatio in suis miseris consumpti sunt: quos autem sustinebat Dei promissio, quanuis in extrema media semen fortuito iacerent in terram, spem melius in cordibus suis fouebant. Ergo ut presenti nostræ tristitiæ gaudium succedat, discamus ad exitum quem promittit Deus animos intendere. Ita experiemur, piis omnibus commune esse hoc vaticinium ut Deus non tantum abstergat lachrymas ab eorum oculis, sed corda in inextinguibili gaudio perfundat.

## ARGVMENTVM PSALMI CXXVII.

*Orlinem mundi tam politicum quàm æconomicum, non hominum industria, sed iustitie, consilio, sed sola Dei benedictione stare ostendit. Solum vero generis humani, singulare esse eius donum.*

*Psalmus CXXVII.*

**C***Anticum graduum Solomonis. Nisi le bona adificet domum, frustra laborant qui adificant eam: nisi le bona custodiat urbem, frustra vigilat custos.*

*2 Frustra vobis manē festinando surgere, tardare ad quietem, comedere panem dolorum: sic dabit dilecto suo seminum.*

**1 Nisi le bona.** Cur Psalmum hunc Iudæi à Solomone compositum esse negent, nulla est ratio: & tantundem vale re putant atque in gratiam Solomonis, quum tamen repugnet communis vsus. nam vbique talis inscriptio auctorē designat. Quare importunē nouum commentum fabricant, quum optimē conueniat, Solomonem, qui in rebus politicis instructus fuit, prudentiæ Spiritu de rebus sibi notis & cōperts disserere. Mundum autem duplici de causa, & hominum vitam Diuinitus gubernari asserit. Primò quicquid prosperè successerit hominibus, statim se prodit eorum ingratitude, quod sibi totum hoc ascribunt: ita fraudatur Deus iusto honore. Hoc tam peruersum vitium ut corrigat Solomo, pronuntiat nihil nobis facilliter cedere, nisi quatenus actiones nostras Deus bene fortunat. Deinde propositum ei fuit stultam hominum cōfidentiam retundere, qui posthabito Deo prudentia tantum sua aut viribus freti, quidlibet aggredi audent. Ergo quod sibi

temere arrogāt illis detrahēs, ad modum stili & Dei inuocationē hortatur. Porro non repudiat hominū vel laborē, vel studia, vel consilia: quia virtus est laude digna, quæ officii nostri sunt sedulo curare. Neque enim Dominus vult nos similes esse truncis, vel ignauos iacere, sed in vsum applicari quicquid nobis contulit. Verum quidem est, maximam laborum partem fluere ex Dei maledictione: si tamen manere & primi status integritas, adhuc vellet Deus nos exerceri. sicuti videmus Adā locatū fuisse in horto ut eum excoleret. Quare Solomo vigilantiam quæ Deo probatur, minime damnat: neque etiam laborem, quē dum ex Dei mādato libenter suscipiunt homines, gratum ei sacrificium offerunt. Sed ne superbia excecati, ad se rapiano quod proprium Dei est, satagendo nihil proficere admonet, nisi quatenus eorum laborem Dominus benedicit. Per domum non modò ligneam vel lapideā structuram intelligit, sed completitur totum ordinem æconomicum. sicuti



paulo pōst per nomen *urbis* non tantum ædificia vel cincturam murorum designat, sed cōmunem totius Reipublicæ statum. Est etiam in voce *adificantis* & *conditis* synecdoche: quia generaliter pronuntiat, quicquid operæ, consilii & industriæ homines afferant ad tuendam familiam, vel conservandam urbem, irritum fore, nisi Dominus e cælo prosperos euentus ordinet. Iam memoria repetere convenit quod nuper attingi, nempe quoniam tam cæca superbia occupat ferè hominum mentes, ut Deo contempto, suas facultates sine modo efferaut, nihil vtilius esse quàm in ordinē cogit: ut sentiant, quicquid tentaverint, evanidū fore, nisi profectus à mera gratia accedat. Philosophi quum disputant de statu politico ingeniose quidem omnia colligunt quæ ad rem facere videntur: causas & media erigendæ Reipublicæ acutè ostendunt: rursus vitia quibus corrumpi solet rectus status, denique summa dexteritate persequuntur quicquid in hac parte cognitu necessarium est: nisi quòd præcipuū caput omitunt, nempe homines, quantumvis prudentia & virtute excellent, quicquid moliantur, nihil posse efficere nisi quatenus manum Deus porrigit, imò tantquam organis vitur. Quis unquam ex philosophis agnovit hominem politicum nihil aliud quàm organū esse quod manu Dei dirigatur? Imò præcipuam fellicis status causam locarunt in hominis virtute. Quum ita mortales sacrilega audacia insurgant ad condendas urbes, & constituendum totius mundi statum, meritò Spiritus sanctus talem vesaniam coarguit. Sic ergo nos exerceamus, quique pro facultatis suæ modo & officii ratione, ut interim laus omnis prosperi successus penes unum Deum maneat. Nam & partitio quam fingunt multi, iniqua est, ut dimidiam laudis partem Deo relinquens, qui strenuè se gessit, alteram sibi usurpet: sed vnam Dei benedictiōnem vigere in solidū & regnare oportet. Quod si à mero Dei beneplacito conditio nostra terrena pendet, quibus alis in cælum vique evolarim? Si instituitur domus, vel eligitur certum vitæ genus, imò si feruntur Leges, & exercentur iudicia, hoc totum ni-

hil aliud est quàm in terra reptare: & tamen nostros omnes conatus hic esse evanidos Spiritus sanctus pronuntiat. Quo minus tolerabilis est eorum dementia qui propriis viribus in cælum vique penetrare contendunt. Porro ex hac doctrina colligere licet, nunc non esse si hodie res in mundo turbatae sint ac confusae, si iudicia in urbibus dissipata sint, si coniuges vltro citroque se accusent, parentes de liberis querantur, omnes sortem suam deplorent. Quotus enim quisque in sua vocatione se ad Deū convertit, ac non potius inflatus arrogantia, sese perperam extollit? Iustè ergo Deus ubi nonore suo fraudatur, tristem hanc mercedem rependit ingratis hominibus. Quòd si modestè se omnes Dei providentiæ subicerent, haud dubiè resfulgeret in singulis vitæ partibus tam publice quàm privatim hac beneficiū quam Solomo commendat. Verbum *ἔργον* quod laborare verumus, nō modo operam impendere significat, sed etiam vique ad fatigationem & molestiam satagere. Dixi per *custodiam* intelligi non solum qui locantur in excubiis, sed omnes Magistratus & Iudices. Siquid est in ipsis vigilantia, cæcèse donum est. Sed opus est rursus altera Dei vigilantia: quia nisi excubiis ipse agat è cælo, nulla hominum peripicacia cavendis periculis sufficiet.

2 *Frustra vobis.* Iam plenius exprimit Solomo, homines se frustra cōficere laboribus, & macerare inedia, ut opes sibi acquirant: quia hoc quoque vniū Dei beneficium est. Et quo efficacius permoveat, unumquēque hic compellat, Vobis (inquit) frustra est. Duo, autem media enumerat quæ putantur ad opes colligendas plurimum valere. Nam qui labori non parant, sed noctes diisque consumunt rebus agendis, & tenuiter viciant ex suo labore, non mirum est si diuitias brevi tempore accumulent. Atqui Solomo neque frugali vita, neque sedulitate quicquam profici affirmat: non quòd vetet parsimonia in victu colere, & mane surgere ad laborem obeundum: sed ut nos sollicitè ad preces & inuocationē Dei deinde gratitudinem commendet, in ni-

hi um

hilum redigit quæ Dei gratiam obscurât. Tunc ergo rite auspicabimur si spes nostra à solo Deo pèdeat, cuius etiam votis nostris respondebit. Quod si quis Deo posthabito, alacriter festinet, precipiti suo cursu pessum ibit. Ergo Prophetæ consilium non est, homines ad ignauiam traducere, vt tota vita nihil cogitent, sed torpeant ac indulgeant suæ inertie. sed dum exequantur quod sibi Diuinitus iniunctum est, semper tamen incipiunt à precibus & Dei inuocatione, suosque labores ei benedicendos offerant. *Tanis dolorum* duobus modis potest exponi: vel qui duro & anxio labore partus est: vel qui comeditur cum molestia: sicuti videmus parcos homines & tenaces vix panem gustare quin manum ex ore retrahant. Sed ad id parum interest vt vniûs sensum eligas: quia simpliciter docemur, parcos homines etiâ malignè geniu fraudâdo nihil proficere. Sic *dabit dilecto suo*. Significat, Dei benedictionem de qua differunt, in eius filius ac seruis reipsa cõspici. Neque enim satis fuerit doctrinâ illam tenere, inutile esse quicquid conantur homines, nisi accedat promissio, vt certa spe alacriter officio fungantur. Potest autem legi, Dabit dilecto somnum, vel, dabit per somnum, quæ scilicet frustra increduli proprio Marte acquirere contendunt. Particula *¶* ad certitudinem posita est. nam quod melius persuadeat Solomo quod videtur incredibile & fabulosum, nempe Deum sine magna cura fidelibus victum suggerere, rem quasi

digito demonstrat. Perinde quidem loquatur ac si Deus sua indulgentia ferorum suorum delictum aleret. Sed quia scimus hac lege creatos esse homines, vt se exercent, & proximo Psalmo videbimus felices censeri Dei cultores dum laborem manum suarum comedunt: certum est *somni* nomine inertiã non intelligi, sed placidum laborem, cui se ex fidei obsequio addicunt fideles. Vnde enim tantus incredulus fertur, vt digitu sine tactu non moueat, hoc est quin se torqueat superuacuis curis: nisi quia Dei prouidentie nihil tribuunt? Fideles verò etsi laboriosam agant vitam, conposite tamen & tranquillis animis Dei vocationi parent. ita eorum manus otiosæ non sunt, sed animi se continent in fidei silentio, acsi dormirent. Siquis rursus obiciat, fideles sæpe æstulare diris curis, & dum premuntur rerum omnium inopia, ac destituuntur mediis omnibus, esse in crastinum anxios: Respondet, si perfectæ esset in Dei cultoribus fides & pietas, perspicuam fore Dei benedictionem cuius meminit Prophetæ. itaque quoties immodice torquentur, id contingere eorum viro, quæ in Dei prouidentiam nõ solide recumbit. Addo etiam, magis seueram penam de ipsis exigi quàm de incredulis, quia ipsis vtile est inquietudine huc illuc ad tempus raptari, vt ad quietum hunc somnum perueniant. Interea tamen praualet Dei gratia, & in mediis tenebris seraper emicat, quod Dominus filios suos quasi per somnum alit.

3 *Ecce hereditas Iehouæ filii: merces, fructus ventris.*

4 *Sicut sagitta in manu robusti, ita filii adulescentie.*

5 *Beatus vir qui impleuerit pharetram suam illis. non pudent dum loquentur inimicis suis in porta.*

3 *Ecce hereditas Iehouæ, filii.* Hic speciem vnã profert Solomo, in qua præcipuè agnoscitur vult quod hæcenus in genere testatur est, vitam hominum à Deo gubernari. Nihil videtur magis naturale quam vt homines ex hominibus nascantur. Ita somniat maior pars postquam ab initio id statuit Deus, iam eo cessante, arcana naturæ instinctu

sobolem gigni: imò qui aliquo pietatis sensu præditi sunt, quanuis Deum non negent humani generis patrem esse & authorem, non tamen agnoscunt ad hunc peculiarem delectum eius curam descendere, sed creati homines vniuersali quodam motu. Peruersum hunc errorem corrigere volens Solomo, filio nominat Dei hereditatem: & fructum

uiteri, eius munus. Nam Hebraicum nomen **נָתַן** quod mercedem reddunt, significat quicquid beneficiorum in homines Deus confert, ut clare patet ex multis Scripturæ locis. Itaque sensus est, non fortuito casu obtingere liberos, sed ut Deo visum est singulis partem suam distribuere. Porro quum bis idem repetat, hæreditas & merces idē valent: quia utrūque vel fortunæ vel hominū vigori opponitur. ut quisque maxime vegetus est, idoneus videtur ad procreandā sobolem. Cōtrā pronuntiat Solomo, patres fieri quos Deus hoc honore dignatur. Porro quia non semper numerosā soboles gaudium affert parentibus, additur secunda Dei gratia, dum liberos format, ornatque præclara indole & omni genere virtutum. Merito disputat Aristoteles in Politicis an censeri *πρωτεργια* in bonis debeat: idque negat, nisi accedat *ευετηρια*, hoc est generositas vel naturæ probitas in ipsīs liberis. Et certè multis orbibus vel sterilitas longè esset foecior, quàm lucuosa fecunditas. Ita que non abs re Solomo, ut clarius illustraret Dei beneficium *ευετηρια* ac generosam indolem celebrat in liberis. Videri quidem posset, similitudo, qua vititur, paulò asperior, Quemadmodum armatur sagittarius arcu bene instructo, sic homine liberis suis muniri tanquam arcu & pharetra. Siquis tamen propius expendat, fatebitur elegantius hoc fuisse dictum. admonet enim, quodammodo esse exarmatos qui sobole carent. quid enī aliud est orbitas & solitudo? Nō vulgare autem est Dei donum, hominem renouari in sua progenie: quia nouum robur tunc Deus suppeditat, ut quasi secūdō viuere incipiat qui alioqui statim deiceret. Hæc doctrina apprime cognitu utilis est. nam & brutorum animalium fecunditas vni Deo disertè ascribitur. Si Deus beneficium suum reputari vult, quod vacca & oues & equæ concipiunt, quàm inexcusabilis erit hominum pra-

uitas, ubi Deus honorifico patrum titulo eos ornat, gratiam hanc pro nihilo ducere? Adde quod nisi homines liberos Diuinitus sibi dari reputent, cōtemptim & fastidiose eos alunt, sicut hæc cognitio optimus est alacritatis stimulus ad educandam sobolem. Iam qui sic benècium reputat, libere & sedato animo expectabit dum gratiam suam continuet Deus: neque etiam si exiguum patrimonium filiis relinquat, ultra modum anxius erit.

¶ Non pudefient dum loquentur. Describit hic liberos qui iustitia & integritate præditi, non dubitent vitæ suæ rationem reddere, ut os maleuolis obstruant & calumniatoribus. Scimus in portis olim actos fuisse legitimos conuentūs. Perinde ergo hic de porta loquitur Solomo, ac si nunc quis Tribunal diceret, vel Curiam, vel Senatum. Ac notemus, præcipue innocentiam laudari in sobole, ut hanc gratiam suo pretio æstiment patres. Nuper liberos virtute & præclara natura ornatos sagittis similes fecerat: nequis hoc ad violentiam traheret, ac si latronum instar permittereet per fas & nefas grassari præsidium quod patribus suis asserre debent, disertè in virtute morūque integritate statuit. Docet ergo optandos esse tales liberos qui non violenter opprimant miseros homines, præualeant astu & fraudibus, multas opes iniuste sibi accumulent, tyrannicam potentiam sibi acquirant, sed qui æquitatem colant, non recusent subesse legibus, parati sint ad vitæ suæ defensionem. Quauis autem sub casta disciplina sedulò formare debeant patres suos liberos, meminerint tamen id se non nisi mera & singulari Dei gratia posse consequi. Subiungit etiam Solomo, quātumuis probitati addicti simus, nunquam tamen de fore nobis obrectatores. quia si ab omni maledicto immunis esset integritas, nulla esset cum inimicis disceptatio.

#### ARGVMENTVM PSALMI CXXVIII.

Psalmus hic proximo affinis est, & quodam veluti appendix Nam Dei benedictionem, quam Solomino restitutus est diffundi per totum humanum genus, in veris & sinceris eius cultoribus maxime illustrem esse præstat.

Psalmus CXXVIII.

**C**anticum graduum.  
Cubans in viis eius.

Beatus vir timens Iehouam, am-



2 *Laborem manuum tuarum dum comedes beatus eris, & bene erit tibi.*

3 *Vxor tua sicut vitis fructifera in lateribus domus tua: filii tui sicut planta olivarum in circuitu mensae tuae.*

1 *Beatus vir.* Quia proximo Psalmo dictum est prosperum in omnibus negotiis totoque viarum decursu euentum à sola Dei gratia sperandum esse: nunc admonet Propheta ut qui cupiunt benedictionis Dei esse participes, sincere totos eise addicant, quia cultores suos nunquam frustrabitur. Ac primus quidem versus summam continet, nam reliqui tantum explanationis vice additi sunt. Est autem hoc paradoxon, cui vix centesimus quisque subscribet, beatos esse qui timet Deum, praesertim in hac vita. Multi enim Epicurei passim volitant Dionysio similes, qui secunda nauigatione iactabant deos fauere sacrilegis. Infimos etiam turbat & concurrit malorum felicitas. Deinde sub ærūnis suis fatiscunt, atque ut non bene sit Dei contemptoribus, & tolerabilis sit bonorum conditio, maior tamen pars in reputanda Dei prouidentia vel cæcutit vel conuiuet. Certe diuerſum hoc pridem communi ferè omnium consensu receptum fuit, Optimum esse non nasci, proximum quàm citissimè aboleri. Denique vel totum humanum genus promiscuè miserum esse existimat sensus carnis: vel profanis & sceleratis hominibus magis propitiam esse fortunam quàm bonis. Ab hac autem sententia, ut fuscè disserui Psalmo 37, penitus abhorret, beatos esse qui timent Dominum, quo magis in eius meditatione nos insistere cōuenit. Ceterum quia obscura est hac felicitas, ut eam capere possimus, primò tenenda est eius definitio quæ mox sequetur. Deinde sciendum est, à Dei protectione maximè pendere. Nam ut in acerrimum congerat quæcūque ad beatam vitam facere videntur, nihil certè magis erit optabile quàm delitescere sub Dei præsidio. Quod si bonū hoc, ut meretur, nostro iudicio reliquis omnibus præcellit, quisquis persuasus erit Deo mundum & res humanas curæ esse simul haud dubie statuet summum feli-

citatis caput esse quod hic ponitur. Sed antequam ultra progredior, notandum est, in secunda parte versus non abs re notam apponi quæ Dei cultores à contemptoribus discernit. Videmus ut improbiſſimi quique non minore fastu quàm impudentia & ludibrio timorem Dei tractent. Itaque Propheta probationem in vita exigit, quia res sunt indiuiduæ timor Dei & Legis obseruatio: atque ex radice necesse est prodire fructus. colligimus præterea ex hoc loco, non aliter probari Deo vitam nostram nisi dum ad Legem eius formatur. Certè nulla est sine timore Dei religio. Ex illo autè Propheta deducit quod dixi, ut viuamus ad eius præscriptum & mandatum.

2 *Laborem manuum tuarum.* Quidam male (meo iudicio) sententiā hanc discerpunt, seorsum legentes, Quia laborem manuum tuarum manducabis: deinde, Beatus eris, & bene tibi erit: ut hoc posterius membrum sit initium nouæ sententiæ. Equidem verum esse fateor quod afferunt, hanc Dei gratiam, quod fideles labore suo fruuntur, opponi maledictioni quam scimus toti generi humano fuisse infligam. Sed optimè sensus fluat, si vno contextu legamus, beatos esse filios Dei laborem suum comedendo. alioqui frigida esset adeoque insulsa repetitio. Iam verò Propheta priorem doctrinam confirmans, breuiter admonet secus æstimandam felicitatem esse quàm facere soleat mundus, qui beatam vitam in otio, deliciis, bonoribus & opum abundantia locat. Hic autem seruos Dei ad mediocritatem reuocat Propheta, quæ fere ab omnibus respuitur. Quotusquisque enim, si detur otio, ex suo labore viuere appetet? imò quis pro singulari bono ducet? Simul ac in medium prodit felicitatis nomen, ut inexplibilis gurgis est hominis cupiditas, statim quisque ad intemperiem erumpit. Ergo Propheta hoc vno contentos esse iubet, quod sub Deo nutritio cōmo-

de manuum suarum alentur, sicut dictū fuit Psalmo 34.11, Leones esuriunt & sunt famelici: qui verò Deum inquirunt eos nihil boni deficiet. Meminerimus autem, Prophetam non de vltima felicitàte loqui, quæ nec cibo vel potu constat, nec angustis caducæ vitæ finibus inclusa est: sed promittere etiam in hac peregrinatione vel terreno hospitio fidelibus felicitàtem vitam quatenus patitur mundi conditio: quemadmodum dicit Paulus, pietati vtrunque promitti, ut scilicet Deus toto vitæ curriculo nostri curam gerat, 1. Tim. 4.8, donec ad æternā gloriam tandem nos perducatur. Valet etiam ad emphasim personæ mutatio: quia in tertia persona loquutus, sermonem ad singulos dirigit, hoc sensu, Non tantum immortalis felicità in cælo te manet, sed quantisper in mundo peregrinaris, Deus officium patrifamilias præstare non desinet in te educando, ut tibi quotidianus victus suppetat ex eius manu, modò tenui forte cōtentus sis.

3 *Vxor tua sicut vitis.* Iterum hic describitur benedictio Dei sub specie illa cuius proximè meminit Solomo, nēpe quòd Deus fœcundos reddet suos cultores, ut numerosam sobolem generent. Maior quidem pars sobolem expectit, estque id fere à natura ingentum: sed plerique datam fastidiunt: deinde pauperibus sepe gratior est orbitas, quàm si turbam inopem relinquerent. Verùm utcumque præposteris desideriis variè & inconstanter feratur mundus, hanc suam benedictionē Deus præfert omnibus diuitiis, idēque & nobis in pretio habenda est. Siquis ergo vxorem habet vitæ sociam, commodis moribus, non minoris æstimet hanc bene-

ditionem quàm Solomo, qui affirmat, Prou. 19.14, non nisi à Deo vxorem bonam dari. Siquis enim pater sit magnæ sobolis, grato animo excipiat tam præclarum beneficium. Siquis obiiiciat, Prophetam, sic loquendo, fideles carnis illecebris in terra morari, ne solutis & liberis animis in cælum aspirent: respondeo non esse mirum si Iudæis gustum gratiæ Dei paternique fauoris sub Legē proposuerit, quia tunc scimus pueris fuisse similes. Quanquam sic eum temperauit, ut ad cælestis vitæ meditationē conscenderent. Hodie quoque nobis, licet parcius, fauorem suum temporalibus beneficiis Deus testatū facit quemadmodum nuper citauimus ex Paulo, 1. Tim. 4.8, pietatem habere tam præsentis quàm futuræ vitæ promissiones. Sed hoc modo non iniicitur nobis remora vel impedimentum ne in cælum assurgant mentes nostræ, sed potius scalpæ eriguntur quibus gradatim illuc conscendant. Merito itaque Propheta fideles admonet, fructū iā aliquē suæ integritatis percipere dū illis victū Deus suppeditat, eos fortunat in coniugio & prole, & ad curandam eorum vitam descendit. Sed eo consilio præsentem Dei gratiam commendat, quo alacrius ad æternam suam hæreditatem festinent. Quòd si non semper hæc felicità piis contingat, sed interdum vxor vel molestia sit, vel superba, vel vitiosis moribus si liberi etiam dissoluti sint ac vagi, imò patris domum dedecore afficiat: se ideo Dei benedictione fraudari agnoscant, quod eam sua culpa repulerint. Et sanè si quisque sua vitia reputet, favebitur terrenis Dei beneficiis iuste se priuari.

4 *Ecce certè sic benedicetur vir timens Iehouam.*

5 *Benedicet tibi Iehoua è Sion, & videbis bonum Ierusalem omnibus diebus vitæ tuæ.*

6 *Et videbis filios filiorum tuorum, pacem super Israel.*

4 *Ecce certè sic.* Confirmat Propheta superiore doctrinam, in externo quoque fluxu huius vitæ statu fulgere Dei gratiam, quæ demonstrat nos operam non perdere eum colendo. Quia tamen non tam clare apparet pietatis mer-

ces, primò demonstratiua particula utitur, ecce: deinde addit certè, si enim inter pretor particulam 12. Semper tamen memoria tenendum est quod prius attigi, sic promitti nobis in terra Dei benedictionem, ne sensus nostros occupet

ne detineat: quia spem futuræ vitæ minime suffocari decet. Quo fit ut non semper potiamur æqualiter Dei beneficiis.

5 *Benedicet tibi.* Quidam precationem esse volunt, atque ita futurum tempus resoluunt in optatum. sed potius videtur contextus esse eiusdem doctrinæ: quia clarius nunc exprimit Prophetæ bonorum quæ reulit, Deum esse autorem. Et si enim sæpe nobis ante oculos versantur eius dona, tamen eorum conspectum falsæ imaginatione obscurant. Quare superuacua hæc repetitio non fuit, à Deo benedici fideles quoties aliquid prosperi euenit. Dicit autem de Sion ut pios reuocet ad memoriam foderis quod Deus cum ipsis pepigerat. nam familiariter promiserat se Legis obseruatoribus propitium fore atque hæc rudimenta pietatis à prima infan-

tia imbibere. Quare Prophetæ nihil se nouum vel prius inauditum afferre docet: quia pridem ex Lege didicerant temporalibus quoque beneficiis palam fieri, non frustra coli Deum, atque id ipsi sensuros assentiri. Sed quod addit de bono Ierusalem, piis legem præscribit, ne priuatum sibi tantum consulant, vel propriis commodis sint addicti: quin potius ut præcipuum eorum votum sit videre florentem Dei Ecclesiam. Valde enim absurdum esset, neglecto corpore singula membra optare quod sibi vile sit. Porro quum nimis illuc cupide feramur, non temere Prophetæ studium publicæ salutis commendat, ac benedictiones domesticas sic permiscet communibus Ecclesiæ bonis, ut sciamus res esse coniunctas, & quas distrahere fas non sit.

### ARGVMENTVM PSALMI CXXIX.

*Docet primò hic Psalmus Deum hoc consilio Ecclesiam suam variis molestiis & vexationibus subiacere, se melius liberatorem eius ac vindicem probet. Ergo fidelibus in memoriam reuocat quam misere seculis omnibus afflatus fuerit Dei populus & quàm mirabiliter seruatus ut ex illis documentis spem in futurum tempus colligat. Ideoque in secunda parte sub forma imprecationis docet, impiis omnibus qui Dei populum sine causa infestant, præui visionem inflare.*

**C**anticum graduum, Sape affixerunt me à iuuentute mea dicat nunc Israel.

2 Sape affixerunt me à iuuentute mea, nec tamen potuerunt contra me.

3 Super dorsum meum arauerunt aratores, protraxerunt sulcos suos.

4 Iehoua iustus confregit funes impiorum.

1 *Sape affixerunt.* Probabile est Psalmum hunc fuisse compositum quum Ecclesia Dei in extremas angustias cōiecta, vel magno aliquo discrimine percussa, vel tyrannide oppressa, parum ab interitu distabat. idque conicio ex aduerbio temporis *nunc*, quod mihi videtur emphaticum: ac si diceret Prophetæ, Dum sub tentationum mole ægrè fideles respirant, opportunum esse tempus quo secum reputent, qualiter ab initio Deus & per continuum ætatum seriem populum suum exercuerit. Simul ac Deus hostium nostrorum libidini habenas laxauit, mœrore constrikti, tantum in præsentī malorum sensu occupa-

mur, hinc nascitur desperatio: quia in mentem non venit, idem quoque patientiæ examen sumptum esse de Patribus, nec quicquam nobis accidere quod non experti sint. Hoc ergo fidelibus optimū solatii genus, si oculos referant ad vetusta Ecclesiæ certamina, agnoscat semper laborasse sub cruce, iniusta hostium violentia duriter fuisse vexatam. Iam mihi non occurrit melior coniectura quàm Psalmum fuisse compositum postquam ab exilio reuersus fuerat populus, & à suis vicinis graues multas acerbâsque iniurias perpeffus, tandē sub tyrannide Antiochi propemodum defecit. In illa igitur turbida caligine



Propheta fideles ad fortitudinem animat: nec paucos solum, sed sine exceptio-  
ne totum corpus iubetque, ad sustinen-  
dos tam duros insultus, hunc bonæ spei  
clypeum opponere, Ecclesiam Dei pa-  
triendo semper stenilem victtricem. Ac sin-  
gulis prope verbis subest pondus. *Dicat  
nunc Israel*, hoc est, secum vetera experi-  
menta reputet, ex quibus colligere lice-  
bit Dei populum nunquam à crucis to-  
lerantia fuisse immunem, scilicet tamen  
euentu variis afflictionibus fuisse sem-  
per probatum. De hostibus autem inde-  
finite loquendo, gravitatem exaggerat  
magis quam si Assyrios vel Aegyptios  
nominasset. Certum enim genus non de  
signans, mundum subindicat innumeris  
hostium copiis refertum esse, quos faci-  
le armat Satan ad bonorum perniciem,  
ut omni ex parte noua subinde belia e-  
mergant. Et certe satis testantur histo-  
riae, non fuisse negotium populo Dei cū  
paucis hostibus, sed à toto fere mundo  
oppugnatum: deinde non ab externis tã-  
tum hostibus, sed à domesticis extubitas  
fuisse molestias. *Iuuentutis* nomine intel-  
ligit prima exordia, non tantum quam  
Deus populum eduxit ex Aegypto, sed  
quam Abraham & Patriarchas laborio-  
sa militia per totam fere vitam conse-  
cit. Quum verò immaniter exagitati es-  
sent in terra Chanaan, posteris Aegyp-  
tus deterior fuit habitatio, ubi non mo-  
do sterilitate, sed etiam probris fuerūt  
oppressi. In egressu scimus quanta diffi-  
cultas ab eo tempore si quid relaxatio-  
nis datum est, non tamen diuturna quies  
fuit vsque ad regnum Dauidis. Quan-  
quam autem tunc visa fuit beata eius cō-  
ditio, non multo post exorta sunt turbæ  
atque etiam clades, quæ Dei populo exi-  
tium minarentur. Exilio Babylonico  
parum absuit quin sine ulla spe tanquā  
sepulcro abditi putrescerent. Post redi-  
tum vix breues induciæ ad respirandū  
datae sunt. Certè ad interuentionem sæ-  
pius fuerunt cæsi. Itaque non abs re  
dicuntur fuisse afflicti, nequis conciperet  
mediocri aliquo incommodo fuisse affe-  
ctos, ac si Propheta ante oculos nobis  
statueret Dei populum quasi semimor-  
tuum, quem hostes sub pedibus suis pro-  
stratum calcare non dubitent. Quod si

ad nos venit, horrendas persecutio-  
nes adiungere conueniet, quibus millies  
consumpta fuisset Ecclesia, nisi Deus  
quati rediuuam arcanis modis serua-  
set. Porro nisi in malis nostris obstupe-  
scimus, huius infauitæ ætatis necessitas  
ad eiusdem doctrinæ meditationem nos  
cogit. Ad hæc quum bis dixit, *Affixe-  
runt me, Afflexerunt me*, repetitio mini-  
me supernacua est, ut sciamus Dei popu-  
lum non semel aut iterum bellasse, sed  
continuis exercitiis fuisse ad patientiam  
probatum. Dixerat cœpisse à *iuuentute*,  
significans à prima origine sic fuisse im-  
butum, ut assuesceret ad ferendam cruce-  
m: nunc addit quàm non abs re fuerit  
tam aspera educatio, quia per continuos  
progressus non desitit Deus malis eos  
subigere. Quod si tam austera fuerunt  
pueritiæ rudimenta nisi hodie, postquā  
in virilem ætatem Christi aduentu ac-  
cleuit Ecclesia, robur ad ferendam nobis  
supperat, nimis pudenda erit nostra mol-  
lities. Consolatio autem in postremo  
verbo posita est, quod hostes omnia ex-  
perti, nunquam tamen votis suis potiti  
sint, quia spem & conatus eorum frustra-  
tus est Deus.

3 *Super dorsum meum.* Exornat ap-  
ta similitudine quod dixit de grauib.  
Ecclesiæ pressuris. Nā Dei populum a-  
gro comparat per quem ararum trahi-  
tur. Dicit protractos fuisse sulcos, ut à  
scissura & fossione nullus angulus fuerit  
immunis. His verbis ad viuum expri-  
mit dorso Ecclesiæ semper infixam fuis-  
se crucem, quæ longè & latè ipsam pro-  
scinderet. mox tamen additur eadem  
consolatio. sed sub figura, quod Deus iu-  
stus *absiderit funes*. Ad ararum enim  
alludit, quod scimus funibus alligari: ad  
colla bou. Et aptissime docet paratos  
quidem fuisse impios ad pergendum,  
quia nunquā sessa vel satiata fuisset eo-  
rum crudelitas: fuisse etiam armis instru-  
ctos: sed modum fuisse inexpectatū quo  
Dominus eorū rabie compescuit, perin-  
de ac si quis funes & lora conscindēs, bo-  
ues disrugeret ab aratro. Hinc videmus  
qualis sit Ecclesiæ ratio, quia Deus iugū  
suū vult à nobis placide suscipi, Spiritus  
sanctus non abs re comparat nos terræ  
arabili, quæ nihil opponere potest quin  
tota

rota scindatur aratri traſtu. Si quis argutus philoſophari velit, dicere liceret arationem fieri vt ager ſeminatus tandem fructum referat. Sed Propheta (meo iudicio) ſimplicius concionatur de afflictionibus Eccleſiæ. Epitheton iuſti, quo Deum Propheta inſignit, ad circumſtantiam cauſa aptandum eſt: acſi diceret, Quãuis ad tempus diſſimulet Deus, nunquam tamen obliuiſci ſuæ iu-

ſtititiæ, quin det relaxationem miſeris: ſicut Paulus hanc rationem adducit in ſecunda ſua epiſtola ad Theſſalonicenſes, cap. 1. 7. Atque hoc notatu apprimè dignum eſt, ſalutem Eccleſiæ neceſſariò coniunctam eſſe cum Dei iuſtitia. Prudèter etiã Propheta admonet, ideo non præualuiſſe hoſtes, quia Deus eorũ conatus abruptit, nec paſſus eſt vltra progredi quàm apud ſe decreuerat.

5 *Pudeſcent, & vertentur retrorſum omnes qui oderunt Sion.*

6 *Erunt ſicut herba tectorum, quæ antequam exeat a-reſcit:*

7 *De qua non impleuit manum ſuam meſſor, neque ſinum ſuum manipulos colligens.*

8 *Neque dixerunt tranſeuntes, Benedictio Iehoua ſuper vos, benedicimus vobis in nomine Iehoua.*

5 *Pudeſcent.* Siue hæc precatio ſit, ſiue promiſſio in futurum tempus reſpicit Propheta. Et certè quum verba omnia ſint futuri temporis, aptiſſimè conuenit ſentus ſi ex præteritis colligat quid in finem vſque ſperandum ſit. Vtrouis modo accipias, docet Propheta non eſſe cur animum deſpondeant fideles, vbi videt in ſublime hoſtes ſuos attolli. Neque enim propter altiorè ſitum pluris eſt herba quæ in teſtis naſcitur, quàm ſeges quæ in humili fundo calcatur pedibus. Nam herba tectorum licet altè emineant ſuper hominum capita, primùm ſunt inutiles, deinde paulò poſt a-reſcunt. Alii verbum *אֲבִי* vertunt euellatur: acſi dictum eſſet, abſque manu vel artificio hominis ſiccari. Sed quum propriè educi vel exire ſignificet, intelligit (meo iudicio) Propheta, adeò non eſſe diuturnum vigorem, vt marceſcant ac pereant in primo germine: quia nulla ſubeſt radix, nulla etiam terra quæ ſuccum vel humorem ſuppeditet in alimentum. Quoties ergo nos ter rebat hoſtium ſplendor, vel eminentia, veniat nobis in memoriam hæc compa ratio, herbam in teſtis naſcentem eſſe ſublimem, ſed abſque radice, idèoque non longæ durationis: ſic iſtos, quo pro-

pius ſuperbiæ ſuæ altitudine ad Solem accedunt, citius aſtu conſumptum iri, quia radice carèt: quum ſola humilitas vitam & vigorem a Deo hauriat vt nobis inſpiret.

8 *De qua non impleuit.* Confirmat rursus, quantumuis exurgant impii, vel ſe efferant, manere tamè in herba, quia neque vnquam producant bonam frugem, neque ad maturitatem perueniunt, ſed mera apparentia (vt loquuntur) tur gent. Vt hoc planum faciat, opponit eos herbis frugiferis, quæ ex vallibus & locis depreſſis alimenta hominibus producant. Tandem omnium odio vel contemptu dignos eſſe dicit, quum publicis votis benedicantur ſegetes. Ceterùm, quum doctriam hanc à communi vitæ viſu ſumplerit Propheta, monemur ſimulac oculis noſtris ſpes aliqua pro uentus occurrit, rogandum eſſe Deum, in cuius manu eſt terra fecunditas, vt benedictionem ſuam pleno effectu confirmet. Et certè quam tot periculis obnoxii ſint ierræ fructus, mirum niſi neceſſitas ipſa nos ad orandum ſollicitet. Adde quòd non de ſolis filiis Deo loquitur, qui vere ex eius verbo edocti ſunt terram eius gratia eſſe fertilem: ſed complectitur etiã homines pro-

fanos, quibus naturaliter ingenta est eadem notitia. Porro si non modò habitabimus in Ecclesia Domini, sed studebimus censerì inter legitimos eius

cives, intrepidè despiciere licebit totam hostium nostrorum potentiam, quia et si floreat ad tempus, sintque conspicui, sunt tamè herba steriles & maledictæ.

### ARGUMENTVM PSALMI CXXX.

*Sive priuatim suo nomine oret Propheta, siue Ecclesia totius personam suslineat, malis obrutus ardenti vehementia liberationem flagitat. Et quamquam se iuste castigari agnoscat Dei manu, se tamen & propter omnes ad bene sperandum hortatur, quia Deus suorum sit perpetuus redemptor, & in promptu suppetat ratio quæ eos à morte eripiat.*

*Psalmus CXXX.*

**C**Anticum graduum.

De profundis clamaui ad te Iehoua:

2 Domine audi vocem meam, intenta sint aures tue ad vocem precationum mearum.

3 Si iniquitates observes Deus, Domine quis consistet?

4 Quia apud te est propitiatio ut timearis.

**I De profundis.** Notandù est quòd se velut ex profundo gurgite vocem emittere dicit Propheta, vtpote malis obrutus. Quia enim miseriæ quarum finis non apparet, de desperationem ferè secum trahunt, nihil magis difficile quàm ex graui & atra mœstitia animos excitare ad precandum. Et mirum est, quum rebus latis & tranquillis frigeant preces, quia tunc sensus nostros occupat securitas: malis quæ acuerè nos debebant, magis toepere attonitos. Atqui Propheta ex molestiis, curas, periculis, mœrore, sub quibus demersus est, precandi fiduciam sumit. Anxietatem verò & studii ardorem exprimit tam voce clamoris, quàm repetitione quæ habetur secundo versu. Quo magis detestabilis est barbara Papistarum inciticia dum Psalmum hunc in usum alienum trahentes, scòdè profanant. Quorū enim demurmurāt cum pro mortuis, nisi quòd eos fascinauit Satan vt doctrinam apprimè vtilem suo sacrilegio extinguerent? Nam ex quo ad mortuas vmbas raptus fuit Psalmus, vulgò ferè creditum est nullum esse eius usum inter viuos: atque ita mundo perit incomparabilis thesaurus.

3 **Si iniquitates observes.** Hic iam fatetur se i. has penas luere, quantumvis miserè afflictus sit. Porro quum suo exemplo toti Ecclesiæ regulam dicat, nemo sine humili deprecatione in Dei conspectum se offerre audeat, præsertim

vbi Dominus seuerè nos tractat, sciamus eandem quæ hic editur confessionem à nobis exigi. Nam qui vel sibi blāditur, vel neglectu sua peccata sepelit, dignus est qui tasecat in suis miseriis: certè indignus est qui vel minimum leuationis à Deo impetret. Simul ergo ac iræ suæ signa profert Deus, etiam qui aliis omnium sanctissimus videtur, ad hanc vocè descendat, si iure nobiscum agere statuat Deus, vocetque ad tribunal suum, neminem mortalium posse consistere. Atque vt demus vnum hominem hic precari, simul tamen pronuntiat de toto genere humano: ac si diceret, à primo vsque ad vltimum omnes filios Adæ, si reddenda sit vitæ ratio, perditos esse ac damnatos. Ergo sanctissimus etiam quosque hunc reatum subire necesse est, vt ad misericordiæ asylum confugiant. Nec tamen Propheta extenuandæ culpæ causā alios secum inuoluit: sicut hypocritæ, vbi non audēt prorsus se iudicio eximere, subterfugiū hoc sibi accersunt. An ego vel primus vel solus peccaui? atque ira dum se in turba miscent, dimidiam absolutionem se adeptos credunt. Propheta verò tale effugium minime captauit: imò postquā se penitus excusit, eo grauiore pœna obstrictum esse fatetur, quòd ex toto genere humano ne vnus quidem æternum exitium effugere queat. ac si dixisset, Quisquis accedet in conspectum Dei, quamlibet rara sanctitate polleat, succumbet



cumbet tamen, quid igitur mecum fiet qui non vnus sum ex optimis? Hæc genuina est huius doctrinæ applicatio, vt quisque vitam suam seriò examinet ad perfectionem illam quæ nobis in Lege præscribitur. Sic fiet vt sine exceptione fateri cogatur cunctos mortales æterno interitu dignos esse: singuli verò se milites perditos esse agnoscant. Iam verò docet hic locus, quæ nullus propriis operibus stare queat, quicunque iusti reputantur coram Deo, veniæ & remissione iusto, esse: alioqui euanesceat omnis iustitia. Et Papistæ quidē faciunt defectū operam indulgentia supplicii: sed quia partialem somniant iustitiam, quæ homines sustineat coram Deo, iōgifi imò aberrant à Propheta sensu, sicut ex sequentibus clarius liquebit.

4 *Qui apud te est.* Versus hic longius nos deducit. nam etsi ore tenuis fa-  
tentur omnes neminem esse in mundo quem Deus, si velit, æternæ morti non iure addicat: quotus quisque sibi persuadet quod nunc addit Propheta, gratiam qua indiget, sibi paratam fore? nam vel cum stupore indormiunt suis peccatis, vel fluctuantur inter varias dubitationes, & tandem desperationi succumbunt. Sine controuersia (vt dixi) valet illud axioma inter omnes, neminem extra noxam esse: claudit tamen oculos maior pars ad sua vitia, & in latebris ignorantia suæ securè desidet, nisi violenter excitetur. Vbi autem vrgentur Dei iudicio, trepidant, vel vsque ad desperationem torquentur. Quia igitur nemo Deum sibi propitium fore confidit, nulla est petende veniæ cura. Si quis seriò iudicii Dei sensu expergerit, pudore & metu humiliari necesse erit. Sed non sufficeret talis displicentia, nisi simul accedat fides, quæ deiectos timore animos ad petendam veniā erigat. Rectè ergo Dauid vt verum penitentia affectum induat, se primò ad Dei tribunal sistit: sed ne terrore confusus deficiat, mox spem veniæ adiungit. Et certè qui non vltra gradum hunc procedunt, vt se morte æterna dignos sentiant, eos videmus quasi phreneticos magno impetu contra Deum ruere. Ideo quo se & alios melius confirmet Propheta, pronuntiat non posse à Deo

suam clementiam auelli vel separari. Ac si diceret, Simul ac de te cogito, occurrit etiam tua bonitas, vt non dubitem te mihi fore propitium, quia exuere naturam non potes: certòque persuasus sim te ideo misericordem esse quia Deus es. Sciamus autem non de confusa gratiæ Dei notitia hic agi, sed vnde certò colligat peccator, sin ulac Deum quæserit, paratam reconciliationem fore. Quare nò mirum si apud Papistas nulla viget firma Dei inuocatio, vbi sua merita, satisfactiones, & dignam (vt vocant) præparationem miscantes Dei gratiæ, de reconciliatione cum Deo suspensi ubique semper discipant. Ita fit vt orando nihil quàm suos dolores & cruciatus augeant, quemadmodum si quis lignum ad moneat iam accenso igni. Vt autem orando quis proficiat, eum necesse est à gratuita peccatorum remissione incipere. Notanda est etiam finalis causa cur Deus ad ignoscendū propensus dicatur, & nunquam in medium prodire quin se placabilem seruis suis offerat: quia scilicet nulla maneret pietas in mundo, nullus Dei cultus sine impetranda veniæ fiducia. Hoc quoque principium ignorant Papistæ. Prolixè quidem concionantur de timore Dei, sed quia perplexas dubitatione tenent miseras animas, ædificant sine fundamento. Et certè hic primus Dei ritè colendi gradus est, sponte nos ei & liberali affectu subiicere. Nam quod de eileomofynis docet Paulus 2. Corinth. cap. 9. versu 7, ad omnes vitæ partes extenditur: Deum scilicet hilarem datorem amare. Porro qui fiet vt se Deo quisquam alacriter offerat, nisi recumbat in eius gratiam, certòque persuasus sit sua obsequia placere? quin potius fugient omnes, atque horrebunt Dei conspectum. quòd si non tergum prorsus obueriant, caprabunt tamen subterfugia. Denique sensus iudicii Dei absque spe veniæ, horrorem incurrit, qui odium necessariò ex se generat. Non contemnit quidem Deum peccator, qui minas eius formidans, apud se arguitur: sed tamen fugit. hoc verò ipsum fugere, mera est apostasia & rebellio. Vnde sequitur, Deum nunquam rectè coli absque notitia gratiæ eius. Tenent

da est etiam altera ratio quam attigi, nisi cōsidimus acceptum esse Deo quod ei offerimus, ignavia & torpore nos retineri. Quanquam enim increduli multum fœraioris sepe ostendant (ut videmus Papistas laboriosè suis superstitionibus

incumbere) quia tamē Deum sibi propitium esse non statuunt, nullam interea præstant spontaneum obsequium: quia nisi eos cogeret seruilis formido, mox erumperet horribilis contumacia, quæ metu suppressa latet.

5 *Expectaui Iehouam, expectauit anima mea, & in verbū eius speraui.*

6 *Anima mea ad Dominum ante custodes manē, custodes manē.*

5 *Expectaui Iehouam.* Postquam Deum in genere miseris peccatoribus qui ad eum confugiunt, exorabilem testatus est, concludit se inde animari ad bene sperandum. Nam præteritum verborum tempus loco præsentis accipitur. Porro quum per se emphatica sit repetitio, est etiam auxesis in voce *anima*: ac si diceret, se in Deo sperare, & quidem intimo cordis affectu. Atque hinc etiam colligimus, non modò in hominum oculis fortem fuisse, sed arcano etiam sensu apud Deum quietem & patientiā fouisse: quæ optima est fidei probatio. quia vicunque multos cohibeat ambitio ne aperte Deo obmurmurent, vel dissidentiam suam prodant, vix decimus quisque remotis arbitris vel testibus pacato animo Deum expectat. Addit continuò post, hanc patientiæ suæ futuram esse, quia in Dei promissiones recumbat: quibus sublati, Dei gratiam euanescere necesse est, atque ita mentes nostras concidere, & desperatione obrui. Cæterum, ut verum spei nostræ documentum extet, solo Dei verbo contentos esse docet. Vbi verò quis verbum amplexus, salutem sibi à Deo promittet, fiducia hæc, expectationis vel patientiæ mater erit. Quanquam autem seipsum alloquitur confirmandæ fidei suæ causa, non tamen dubium est quin similem fiduciæ materiam suggerat omnibus Dei filiis: ac primò verbū

illis statuat ut inde toti pendeant. Deinde admonet euandam esse fidem, nisi ad patientiam nos formet.

6 *Anima mea ad Dominum.* Hoc versu tam feruorē sui studii, quàm incōstantiam exprimit. Nam se *custodes* antecedere dicens, quàm sedulò & alacriter ad Deum aspiret, hac similitudine ostendit. Repetitio autem, constantiæ testimonium est. quia nō dubium est quin continuum actum vel tendrem, ideòque perseverantiam designet. Vtrunque verò dignum est notari: quia plus satis apparet quàm lentè ac frigide ad Deum mentes nostræ cōtendant: deinde quàm facile ad minimos quosque status nutet, atque etiam labantur. Porro quia solebant vigiliæ in quatuor partes distribui, sic exponi potest hic locus, Quem admodum nocturni custodes, qui vicibus excubias peragunt, intenti sunt ad auroram, ita Prophetam summa animi attentione ad Deum respexisse. Sed videtur simplicior esse sensus. Sicuti manē alios omnes præueniunt sua vigilantia, & omnium primi surgunt portarum custodes, ut ad suam stationem compareant, ita animum Prophetæ summa celeritate ad quærendum Deum properasse. Repetitio, sicuti iam admonui, docet, in illo intuitu stetisse defixum. quia semper cauendam est, si Dominus longius nos suspendit, ne more radio feruor noster langueat.

7 *Sed speret Israel in Iehouam: quia apud Iehouam clementia. & multa apud eum redemptio.*

8 *Et ipse redimet Israel ex omnibus iniquitatibus eius.*

7 *Speret Israel.* Postquam de se loquutus est Propheta, & commune in sua persona exemplum proposuit, iam ad totum Ecclesiæ corpus doctrinam accommodat. Notandum verò est ubi spem omnium piorum fundatâ esse velit, nemp̃ in Dei misericordia, ex qua nascitur redemptio. Priore membro fideles admonet, etiam si dignitatem nullam afferant, neque merita, sufficere tamen ipsi quod Deus sit misericors. Atque hæc inter fidem Ecclesiæ & gratiam Dei bonitatem mutua relatione diligenter notanda est: ut sciamus, eos omnes qui meritis suis fecerit, Deum remuneratorem sibi fore confidunt, spem suam ad Scripturæ normam minimè componere. Et hoc fonte *redemptionis* deduciturque, ut populi sui redemptor sit Deus non aliunde quam sua misericordia mouetur. *Multum* verò esse dicere, ut se vel in vltima desperatione sustineant fideles, quia in manu Dei sint mulxæ & incredibiles seruandi via. Ac fieri potest ut afflictissimo Ecclesiæ statu compositus fuerit Psalmus, qui deinceps omnes posset, nisi immensa potentia Dei ad suos seruandos magnitudo illis opposita fuisset. Atque hic verus est præsentis doctrinæ vsus, ut in profundis gurgitibus demersi, non tamen dubitent exitum in manu Dei esse, qui rationes absconditas quoties erit opus inueniet. deinde statuunt, quoties afflicta fuerit Ecclesiæ cum fore liberatorem, quod etiam spectat quæ mox sequitur clausula:

8 *Et ipse redimet Israel.* Propius ad Ecclesiæ applicat quod dixit. colligit enim, minime dubium esse quin Deus, cui patent multiplices ad seruandum viæ, futurus sit redemptor populi quem elegit. Quibus verbis docet, ubi testata nobis est Dei adoptio, salutem quoque certam nobis esse. Crassius hoc modo exponere licebit Prophetæ mentem: Quum Dei sit perpetuum munus redimere, non sit autem promiscuè omnium redemptor, sed tantum electi populi, minimè timendum esse quin fideles ex malis omnibus emergant, quia aliqui cessaret Deus ab officio quod sibi vendicat. Atque iterum inculcat, modò ad reatum deprecandum supplex accedat Israel, peccata eius non fore obsta-

culo quominus Deus sit redemptor. Et si enim *semper* pro pœna peccati ponitur, subest tamen cuiuspe notatio. Iam quoties pœnarum mitigationem Deus promittit, simul docet peccata se fore placabilem: non reconciliationem blata spem veniæ facit peccatoribus. Secundum hunc sensum dicitur Ecclesiæ suæ redempturæ non ab exilio Babylonico vel à tyrannide & iniuriis hostium, vel à penuria, vel denique ab aliis incommodis, sed à peccatis, quia donec hominibus quos affligit ignoscatur, nulla speranda est liberatio. Quomodo igitur vel quo ordine petenda sit à malis omnibus liberatio, hinc discamus, nempe ut semper primum gradum teneat peccatorum remissio, sine qua feliciter nihil succedet. Nam qui pœnas tantum excutere cupiunt, similes sunt deliris & grotis, qui de morbo non solliciti, tantum ad symptomata curanda intenti sunt. Ergo ut nos à miseris liberet Deus, danda in primis opera est, ut abolitis peccatis redeamus, cum ipso in gratiam: cui parum proderit, temporalem pœnam laxari, quia id reprobis etiam sæpe contingit: hæc autem est solida liberatio, ubi Deus abolitis peccatis, propitium se ostendit. Vnde etiam colligimus, minime timendum esse, ubi veniam adepti erimus, quin humanitas Dei & clementia nobis parata sit & exposita, quia Redimere ab iniquitate, tantumdem valere atque pœnis vel castigationibus modum imponere. Quo refertur penitentium commentum de satisfactionibus & Purgatorio, quasi Deus culpam condonans, pœnam retineat. Quid si quis obiciat, puniri interdum à Domino qui tam adepti sunt veniam: concedo, non semper eodem momento Deum fauoris sui signa ostendere hominibus, quo sibi eos reconciliat: sed quauis eos erudiat in posterum, rigorem suum interea lenire. Id verò nihil ad satisfactiones pertinet quibus Papistæ fingunt se Deo afferre diuini redemptionis pretium. Certè innumeris locis, ubi Deus externas benedictiones populo suo promittit, semper exordium facit à culpæ remissione. Quare nimis crassa insensitia est, non remitti pœnam donec operibus placatus sit. Iam quum Dei consilium sit, pœnis



ad obsequium cogere fideles, perperam hoc ultra mortem extenditur. Sed non mirum est Papistas tot profana somnia coacervare, qui vnicum reconciliationis modum non tenent, nempe Deum non aliis propitium esse nisi qui expia-

tionem suam quaerunt in Christi sacrificio. Notandum autem quod dicit *ex cunctis iniquit. tuis*, ne unius peccatores, quamvis multiplices reatu se obstrictos sentiant, sperare tamen definant propitium sibi Deum fore.

### ARGVMENTVM PSALMI CXXXI.

*Hic David per populum animum ad strenuè militandum sub auspiciis suis, vel etiam ad obsequium sibi praestandum per omnes hereticos atque iniquos, Deum pronuntiat semper ducem sibi fuisse, nec absque eius mandatis & vocatione quicquam se fuisse aggressum.*

*Psalmus CXXXI.*

*Anticum graduum Davidis. Iehona non est exaltatum cor meum, nec elati sunt oculi mei, nec ambulavi in rebus magnis & absconditis à me:*

I. *Iehona non est exaltatum.* Quia Dei Ecclesis praeceat David, ut se legitimum probaret Regem, ac fideles sibi morigeros redderet, testari voluit nihil se ambitione vel superbia abreptum tentasse: quin potius se quieti & placida modestia fuisse retentum, ut se Deo subiceret. Quae doctrina ideo apprimè est utilis, quod nulla certior bene vivendi regula est, quam dum quisque sorte Diuinitus sibi praescripta contentus, fortunam sibi non fingit, sed Dei vocatione placide expectat: neque plus expetit quam licet: neque se praecipitanter ingerit: neque etiam ad magnitudinem effertur, sed in suo gradu libenter se continet. Porro cor suum exaltatum fuisse negans, fontem omnium meritis & illicitae audaciae notat. Vnde enim sit ut suis cupiditatibus ita feruant homines, ut volent per medium acrem, ut omnia miscendo, mundum conturbent, ut denique sua audacia ferantur praecipites, nisi quia superbia turgēt? Correcta verò altitudine cordis, moderationem omnes colunt. Quod de oculis additur, perinde valet ac nullum superbia signum in gestu aut vultu extitisse: sicut alibi in superbia damnantur alta supercilia. Etsi longius non inepte extendi hoc posset, quod scilicet David non modò cor suum compescuerit, ne se ambitione efferret: sed oculis quoque frantum iniecerit, ne cordi altitudini cupido se comites praebere. Summa est, vni cum corde omnes sensus ad modestiam fuisse submissos. Quod se *negat ambulasse in rebus magnis*, ad animum referri necesse est. Re-

Res certè praeclarae fuerunt, non modò fungi Prophetae officio, sed Regia etià dignitate esse ornatum: imò in sacro vinctum filii Dei solio sedere. Omitto alias excellentiae partes, quibus eum Deus à vulgo hominum exennit. Verum quia se continuit in hoc gradu, ne aliud appeteret quàm Deo & Ecclesiae eius seruire, merito asserit se non ambulasse in rebus magnis. Quamquam ne quis frustrà in verbo vno hareat, particula quae sequitur *supra me*, communiter rebus magnis & absconditis vel mirabilibus aptanda est. Nò ergo agitur quàm humilis vel excelsa fuerit Davidis conditio: quia sufficit tenuisse modum, ne transiliret vocationis suae metas. Neque enim fas sibi duxit vel pedem mouere, nisi quatenus Dei praecepto regebatur. Atque hic tenenda est antithesis inter Davidis submissionem, & prauam corum temeritatem, qui posthabito Dei iussu se ingerunt ultra quàm par est, vel in alienas functiones inuoluant. nam ubi praeclaret Dei vocatio, nihil nobis erit absconditum, vel magnum supra nos, praesertim si ad quodvis obsequium parati simus. quoscunque verò ambitio sollicitat, necesse est in labyrintho vagari. Et sane videmus ut magnificos istos conatus, in quibus fastuose se iactant filii saeculi, frustretur Deus. Per longos suos discursus obequitant, versant totum mundum suo arbitrio, & nihil intationem praetereunt: placent etiam sibi in suo acumine, & indolentia. verum ubi in magnum acervum extulerunt sua consilia, repente eueruntur: quia nil

hil inest solidum. Duobus autem diuersis vitiis laborant qui Deum præire volunt, sequi non sistent. alii enim feruenter se præcipitant, ac si lapides ædificandi causa in calum proticerent. alii vero quamuis non palam suam intemperiem prodant, sed lenti sint & quasi reptando in longum tempus prospiciant: quia tamen non minore arrogantia decernunt, contempto Deo, quid post decem & vi-

ginti annos facturi sint, ac si calo & terræ dominarentur, lapides ædificii sui fundandi causa iaciunt in profundum mare. Atqui, si Deus centum illis vitas proroget, nunquam ad superficiem perueniēt. Quod si Deo se quis subiciat, primum nihil appetens, deinde se continens in suo modulo, cum Dauide planam & aquabilem viam tenebat.

2 *Si non posui & quietam tenui animam meam, sicut est ablactatus super matrem suam, sicut ablactatus super me anima mea.*

3 *Speret Israel in Iehouam ex nunc & usque in seculum.*

2 *Si non posui.* Concinna similitudine hic melius explicat quid sibi. vo- luerit, puero nuper ablactato se comparans. Sensus autem est, curis omnibus valere iussis, quæ ambitiosos homines inquietare solent, paruitatē amasse. Quia autem res est difficilis creditu, iureiurando confirmat: de cuius forma alibi dictum fuit, nam subaudienda est imprecatio quæ tacetur: vt discant homines iurando linguam suam cohibere, ne futiliter Dei nomen usurpēt. Quod ad verba spectat, *ponere animam in star puri*, est eam formare vt similis sit. Deinde ostēditur qua in re, nempe vt quiesceret in silentio. Est enim *שָׁמַיִם* verbum quadraum à *שָׁמַיִם*, quod transiue accipitur pro cogere ad silentium. Porro istud *quiescere* feruēdis studiis opponitur quibus se multi & totum mundum tumultuose perturbant. Infantis pueri similitudo alibi in vitio ponitur. Nā quā dicitur Iesaiæ 28. 9, *Quem docebo scientiam? abducos à lacte? auulsos ab uberribus?* Propheta odiosē populi tarditatem perstringit, ac si nihilo esset ad discendū magis idoneus, quā pueri nondum bimuli. Sed eadem ratione hic lau-

datur simplicitas qua dicit Christus, Matt. 18. 3, *Nisi sitis puero huic similes.* non poteritis ingredi in regnum Dei. Inde autem insanæ cupiditates, quod homines vltra quā par sit, sapere & providi esse appetunt. Ideo addit Dauid, *anima mea super me quieuit*: nō quod propriis viribus niteretur, sed quia animum nullis cupiditatibus agitarum placidē & suauiter in sinu fouebat. Notatur enim antithesis inter vagos & erraticos, imō violentos eorum motus, qui sorte sua non contenti, sese temere proiciunt, & piorū modestiam qui in Dei vocatione tranquillī resident. Iam ex conclusione patet quorsum asserat Dauid, nihil se carnis impulsu fuisse aggressum. Iubet *Israel* sperare in Deo. Certē abrupta esset oratio, nisi quia ad communem Ecclesiæ salutem magnopere interfuit, ipsum Diuinitus in solio regni locatum esse: quia hoc modo de promissa benedictione certi erant fideles. Atque hæc certe optima sperandi ratio, vbi sobriē & humiliter de nobis sentientes, nihil nisi de auctore & approbatore cupimus vel audemus.

#### ARGVMENTVM PSALMI CXXXII.

Propheta quisquis sit Psalmi auctor, Deum in persona fidelium, de sua promissione appellat, ne Regnum vel templum intercidere vquam sinat, sed virumque stabilit ac tueatur.

Psalmus CXXXII.

*Canticum graduum. Memento Iehoua Davidis cum omni afflictione eius:*

2 *Qui iuravit Iehoue, vni t forti Iacob,*

3 *Si introiero in tabernaculum domus mea, si ascendero*

FFF.ii.

*super stratum lecti mei,*

4 *Si dederō somnum oculis meis, palpebris meis dormitationem:*

5 *Donec inuenero locum Iehoua, habitacula forti Iacob.*

1 *Memento Iehoua.* De auctore Psalmi Interpretes non consentiunt: et si minime dubium est vel Dauidem vel Solomonem esse. Nam in solenni dedicatione Templi, quum Solomo preces conciperet, Sacra historia quosdam versus ab eo pronuntiatos recitat: unde probabilis coniectura elicitur iam tunc Psalmum in populo notum fuisse ac celebrē, vel Solomonem pauca verba in eum vsū aptasse cui totum Psalmum destinauerat. Porro quia Dauid a promissa fuerat Regni ac Templi perpetuitas, nomen eius proponitur in medium: quia etiam post eius mortem, superstes nihilominus vigeat Dei veritas. Ita meritō in hanc formam precari Ecclesia potuit, ut præstaret Deus quod seruo suo Dauidi pollicitus fuerat, non priuato eius nomine, sed in omnium piorum gratiam. Quo factis superque refellitur Papistarū stultitia, dum ex hoc loco mortuorum suffragiis nos iuari cōtendūt. Quasi verō hīc patronum ē sepulchro fideles sibi accersant qui apud Deum verba faciat. quin potius ex cōtextu patebit, fœdus tātū spectasse quod Deus cum Dauide pepigerat: quia sciebant hac lege apud vnū hominem fuisse depositum, ut de manu (quod aiunt) in manū ad omnes perueniret. *Afflictionis* autem vel humiliationis nō abs re fit mentio. Nam quod quidam mansuetudinem vertunt, à ratione dissidet. Fateor 2. Chron. capite 6. 42. poni *דודן* hoc est elementias, vel bonitates, quod passiuē mihi positum videtur pro beneficiis quibus ornatus fuerat Dauid: hīc verō eorum sententiā indubit. Describo qui anxias curas intelligūt tōrque difficultates & certamina quibus aggratus fuit Dauid, quantisper eū Deus suspensum tenuit. Itaque summa est, Memento Deus quanta anxietate æstuaue-rit Dauid, quantis cum molestiis luctatus fuerit antequam potius sit regno, quā feruenter etiam & anxie aspiraue-rit ad extruendam tibi Templum: quod tamen secundum tota vita adeptus non est. Et meritō sanē apud fideles pericu-

lis, laboribus, & suspiriis Dauidis obfignata fuit cælestis oraculi veritas: quia abundē testatus est quā firmum certūque duceret quod ex ore Dei profectum erat. Quōd in textu copulam intericiunt, memento Dauidis & afflictionis, mihi non placet. nam particula *et* potius specialem respectum notat, ut in memoriam veniant Dauidis afflictiones, vel ut ipse in Dei conspectum prodeat cum suis afflictionibus, & secundum eas voti compos fiat.

2 *Qui iurauit Iehoua.* Inter afflictiones hanc numerat præcipuam, quōd Dauid de Arcæ statione perplexus seipsum cruciauerit. Iussus quidem à Mose pridem fuerat populus Deum colere in loco quem elegerat, Deut. capite 12. 5. Sciebat Dauid maturum iam adesse tempus quo locus ille patefieret: & tamen dubius hærebat. quod non absque sollicita expectatione fieri potuit: præsertim quum tanto cultus Dei studio flagraret, deinde ageretur de fixa Dei præsentia ad tuendum & regendum populum. Narrat autem iurasse, omnibus aliis posthabitis, sibi fore curæ ædificationē Templi. Quanquam in formula durior est ac seuerior obsecratio, ac si somno cibōque & aliis vitæ adminiculis renūtiaret, donec locus Templo designatus fuerit. Atqui temere id & inconsiderato zelo facturus erat: quia nō erat in eius arbitrio tempus Deo præfigere, multorū verō dierum perferre in ediam, vel multis noctibus peruigilem durare, non ferebat eius facultas. Adhæc quando dicemus nūcupatum ab eo fuisse votum? Scio quid respondeant ex Hebræis quidam, quum expauefactus Angeli conspectu cecidit, hoc iusiurandum fuisse ab eo conceptum. Fateor quidem paulo post monstratam ei fuisse arcam: sed diuinitas est parum firma & prorsus coacta, restringere ad illum temporis artseculum quod potius de longa meditatione intelligi debet. Porro nihil erit absurdum, si dicamus loquendigenus esse hyperbolicum: nec referri hoc loco conceptā deuō



deuotionis formulam, sed ita mitiganda esse verba, Ne vnquam vel domum ingrediar, vel spondam lecti mei concessam, quin me ista cura sollicitet. Per suus certò erat, sed Sanctuarii & Regni statum res esse coniunctas: ideòque nihil mirum si neque Rex sibi visus fuerit, neque vllis vitæ commodis sibi frui tràquillè promiserit, donec certior de loco Templi factus esset. Quia tamè nihil certi habemus, vbi nos distituit Scripturæ testimonium: tantùm assero quod meo iudicio magis est probabile. Sensus autem hic non male quadrabit,

6 *Ecce audiuimus eam in Ephratha, inuenimus eam in campis sylue.*

7 *Ingrediemur in habitationes eius, adorabimus ad scabellum pedum eius.*

8 *Surge Iehoua in requiem tuam, tu & Arca fortitudinis tue.*

9 *Sacerdotes tui induantur iustitia, & mansueti tui exultent.*

6 *Ecce audiuimus eam in Ephratha.* Versus hic valde obscurus est, vt mirum non sit Interpretes in sensu eius quærendo se torquere. Primùm relatiuo generis fœminini nullum antecedens respondet. cogit ergo necessitas ad habitationem referre cuius antè meminuit, licet in numero plurali. In voce Ephratha magis sudatur, vbi nunquam reposita fuit Arca fœderis. Si de tempore anteaçto agitur, debuit potius nominari Silo. Sed quum extra controuersiam sit, nouum domicilium celebrari à Propheta, cur pro Sione Ephratha ponitur? Quidam friuolo commento se expediunt, binominem fuisse locum, & aream quæ offensa fuit Dauidi, dictam quoque fuisse Ephratha, quòd locus esset fertilis. vnde & Hieronymus *xaptoç* verit. quanquam ne ipse quidem sibi vbique constar: quia dum alicubi allegoris suis ludit, interpretatur furorem: quod absurdum est. Equidem non dubito quin à *הר ציון* quod est fructum ferre, deductū sit nomen: sicut & Bethlehẽm, quæ in ea regione sita erat, ob fœconditatem dicta est domus panis. Sed de nomine loci frigida est diuina-

sue domi habitet Dauid, siue in lecto iaceat, semper anxio & inquieto animo fore, donec edoctus de perpetua Arcæ habitatione fuerit. Quantum ad vorum pertinet, ex hoc loco & similibus perperam colligunt Papistæ, quicquid abique delectu votorum effutuerint, Deo probari. Nā sicuti Deo vouere quod sibi gratū fore pronuntiat, laudabile est: ita nimis vitiosa audacia est, dū carnis sue sensu ad quiduis vouendū prosiliunt homines. Itaque spectandum quid probet, ne præcipuo iure suo fraudetur: quia apud eū potior est obediẽtia quàm victima.

tior: itaque quærendum quod ad verisimilitudinem propius accedat. Primū nonnihil coloris haberet hæc expositio, Rumor vulgatus fuerat Arcam fœderis locandam esse in Ephratha, vnde oriundus erat Dauid. & certè credibile est, tã Arcæ, quàm Sanctuarii locum in solo eius natali maxime idoneū visum esse. Nec mirum est si hæc opinio passim hinc inualuerit. Itaque auditis hic positus esset pro communi fama. Quòd si placeat, hic sensus tempus verbi esset plusquàm perfectum, Audieramus eam in Ephratha, inuenimus autem in syluis, hoc est, in loco non tam culto, neque amœno. Scimus enim Ierusalem contribus fuisse cinctam, nec partem illam terræ fuisse frugiferam, vt non abs re vocetur syluosa. Expendant etiã lectores an alter hic sensus male conueniat, vt si dicat fideles se audisse in Ephratha, quia Dominus sublimius aliquid de Ephratha pollicebatur, quàm de Sion. Est enim memorabile illud Michæ 5.2, vaticinium nondum editum fuerat, fieri tamen potest vt iam Deus aliquid magnificum & insigne de Bethlehẽm testatus foret. Audiuimus ergo de Bethle-

hem : sed quia locus ille adhuc in spe nobis est absconditus, interea colendus erit Deus in loco syluoso, donec promissionem, quam de Ephratha suspendit, impleat. Sed quia hæc interpretatio coacta est, eam vix audeo amplecti, certe pro genuina non commendo. Mihi simplicius videtur, nomē Ephratha potius de persona Dauidis quam de loco accipere: ac si dixisset Propheta, Nunc tandem ex quo Regem Ephrathaum sibi Deus delegit, locum simul Arca fœderis fuisse destinatum. Ponitur autem primo loco auditus, quia non fuit in hominum arbitrio Sanctuarium. De vique amfigere, donec patefacta esset Dei voluntas. Nec verò superuacua est gratulatio quòd tandem sub regno Dauidis nobile illud oraculum de æterna Templi statione allatum fuit. Interea ostendunt fideles se Arcam non locasse in hospitio fortuito, sed Diuinitus fuisse edoctos ubi Deus colivellet, sicuti in legitimo cultu semper primatum tenet fides, quæ ipsa ex auditu nascitur. Cæterum quanuis mons Sion nullis ferè dotibus excelleret, ostendunt tamen fideles nefas esse de loco eligendo disceptare: quia iam audierint quid Deo placeat.

7 *Ingredietur in habitationes eius.*

Hic dicat communem exhortationis formam piis omnibus, qua se muuò inuitent ad eum locum qui ab Angelo môstratus fuerat. Et certè æquū est, quocertius innouerit Dei voluntas, eo nos ad obsequiū alacriores reddi. Ergo quū nunc probè teneat populus, locum à Deo fuisse electum, admonet Propheta iam non esse locum desidia, sed maiore studio properandū esse: quia Deus certa quiete electa, familiaris ad se vocat. Quibus verbis damnat eorum omnium segnitiam, qui pro modo reuelationis etiam in zelo non proficiunt. Quòd *habitationes* plurali numero dici volunt, quia in Templo erat sanctuarium interius, deinde media pars, & tertio atrium, nescio an tam argutè loquutus fuerit Psalmi author: non tamen repudio. Plus momēti est in epirheto quod mox additur, nam Propheta Arcam fœderis *scabellum Dei* vocans, breuiter ostendit, immensam Dei essentiam non

includi Sanctuario, sicuti crassi homines fingebant. Si enim tota externi templi maiestas nihil fuit quàm scabellum pedum, fideles ad calos necesse fuit assurgere, vt Deum ipsum reuerenter suspicerent. Certe fas non fuit terrenum quicquam de eo imaginari. Dicitur quidem alibi Dei facies, Psal. 27. 8. nempe vt solida fidei certitudine populus ad symbolum Diuinitus sibi propositum intentus sit. Propheta autem hic distinctius de vtroque loquitur, quòd scilicet Deū templo includere praua superstitio sit: neque tamen frustra externis symbolis Ecclesia vtatur, ne scilicet vel adminicula fidei suæ negligent, vel in ipsis nimis sint defixi. Esti igitur in celo & supra oēs calos habitat Deus, in eo tamè quærēdo nō cogimur sine adiumentis, illuc vt que euolare: quia symboliū præsentia suæ porrigens, pedes suos in terrā extendit, nobisque palpanDOS præbat. Nunc videmus quam vtiliter balbutiat Spiritus sanctus pro infirmitatis nostræ captu, vt nos à terrenis clementis in calum euehat. Niceni verò Concilii secundi plustquam bruta fuit cecitas, dam ad probandum idololatriam, boni patriculi locum hunc torquere ausi sunt, quasi verò Dauid vel Solomo statuas Deo erigere iubeat in quibus colatur. Nūc postquam abolita sunt figuræ legales, rite ad scabellum Dei adorant qui reuerenter eius verbo se subiciunt, & sacramētis se exercent ad spiritualem eius cultum. Et quia sciunt Deum non simpliciter è celo descendere, sed auferre pedes suos, gradatim ad ipsos ascēdunt. Quia autem in Christo non modò quiescunt pedes Dei, sed tota essentia & gloriæ plenitudo residet, in ipso quærendus est Pater. Et certè ideo descendit vt nos sursum attolleret.

9 *Surge Iehoua in requiem tuam.* Est hic loquendi modus satis crassus, vt Deus, qui calum & terram implet, veniat in nouum hospitium, sed iis elogiis externa quæ instituit Deus pietatis exercitia consilio ornantur, quo libentius illis operam impendant fideles. Nam si Deus nullo medio, interposito, rectà nos in calum vocet, quia nobis horrorem incutit longa distantia, friget

innocentiationis studium. Itaque licet locum non mutet, propius tamen ad nos accedit. Sic olim ad populum suum descendit per Arcam fœderis, in qua visibilem exare voluit gratiæ & virtutis præsentiam. Ideo secundum membrum exegerit additum est, ut sciret fideles, Dei aduentum non aliter intelligi nisi quatenus virtutem suam in Arca conspicuam reddebat. Nam & hoc sensu vocatur *arca fortitudinis*: quia non mortuum vel inane spectrum erat, sed ipsa monstrabat Deum Ecclesiæ suæ propinquum esse. Requies autem Dei vocatur mons Sion, quia nusquam alibi in posterum tempus coli Deus volebat, quemadmodum paulo post iterum repetam.

9 *Sacerdotes tui induantur iustitia.* Nunc in genere precatur pro solici Ecclesiæ statu quod ex proxima sententia dependet: quia non alium in finem habitat Deus in medio nostri, quàm ut bene & feliciter nobis sit. Quidam magis optari putant ut vigeat purus Deicultus: atque ita sanctitatem requiri in Sacerdotibus, ut etiam alludat Prophetæ ad sacras illorum vestes. Sed dum omnia simul inter se conféro & propius expendo, potius inclino in diuersam sententiam: vorum hic concipi ut Dei

iustitia refulgeat in populo, sitque vice ornamenti in Sacerdotibus, deinde lætitiæ afferat toti populo. ita iustitiam pro fructu iustitiæ accipio, & illam quidem non est: quia semus ita compositum fuisse Ecclesiæ ordinem, ut præ aliis excelleret. Sciam tamen illis gradum assignans, non desinit communiter pro tota Ecclesiâ precari: ac si diceret, Fac Domine ut iustitiæ tuæ fulgor irradiet à Sacerdotibus in totum populum. Iustitia autem non Deus, velure dicitur quàm apparet liberator noster, tuetur nos sua virtute, & sic gubernat ut testetur se gerere curam nostri. Et certe *Exultatio* quam mox si bñcit, designat beatam vitam. Quia hæc duo coniungat, sequitur, nomen iustitiæ non aliter quàm pro Dei tutela & gubernatione accipi. In eundem sensum paulo post sequetur, Sacerdotes tui induantur salute. Et Solomo in illa solenni precatione quam suprâ attigi, iustitiâ non meminit, sed salutem tantum. Cuiusmodi vel mansueti Dei vocentur omnes fideles, si pius dictum est: quia scilicet nulla est virtus qua propius ad Deum accedant mortales quàm beneficentia.

10 *Propter David seruum tuum ne auerferis faciem Christi tui*

11 *Iuravit Iehoua David in veritate, nec se auertet ab ea, De fructu ventris tui ponam super solum tuum.*

12 *Si custodierint filij tui fœdus meum, & conventiones meas quas docebo eos: etiam filij eorum usque in seculum sedebunt super solum tuum.*

10 *Propter David seruum tuum.* Quidem principium huius versus cum proximo contextunt. quod tamen non refello, facili tamen perspicient lectores versus hunc vno contextu legendam. Porro antequam mentem Prophetæ explico, sciendum est nimis arguta sententiam hunc verbis affingi, Ne auertas faciem Christi tui, hoc est ne prius nos conspectu Redemptoris. Certò enim ex Solomonis precatione colligi, potius rogare Deum ut se Regi propitium exhi-

beat. Sicuti quum Reg. 2. 20, Solomoneum filium suum rogat Beth sibe, eodẽ verbo vitatur: ac si diceret, Ne me relictum à conspectu tuo. Tantumdem igitur valet atque avertam, idque breuiter attingere operæ pretium fuit: quia sententia illa, Ne auertas, non nisi Redemptorẽ, ut est placidum, facili imperitus auerteret. Atqui simpliciter hic rogatur Deus ne regis vota, quæ pro omni populo locupit, aspernetur vel repudiet. Petitur autem hic fauor vel gratia sub David non in



non alia de causa nisi quia Deus cum eo fœdus pepigerat. Nam huius privilegii respectu, non quasi unus quilibet ex vulgari ordine reputandus fuit. Summa est, ut Deus promissionis suæ memor, erga Davidis posteros favorem suum prosequatur: quia & singulis Regibus dicta hic fuit precatio pro Ecclesia: sed fundamentum in persona Davidis iactū fuit. Itaque iam tunc sub figura admoniti fuerunt fideles, Christum mediatorem fore qui pro toto corpore populi intercederet. Sed quia nondum carnem nostram induerat Christus, necdum etiam peracto Sacrificio celestis Sanctuarius ingressus erat, interpositus fuit ad tempus umbratilis mediator, qui exorandi fiduciam populo daret.

II *Iuravit Iehova Davidi.* Tam clarius exprimit nihil se aliud respicere in Dauide quam gratuitā Dei promissionem: quæ apud eum deposita fuerat. Ac ne in eius fide vacillet, iureiurando sanctam fuisse dicit. Quantum ad verba spectat, dicit Deum iurasse veritatem, hoc est, non fallaciter, sed bona fide: idcircoque non esse timendum ne à promissione fluctet. Promittit autem Davidi successorē ex eius semine: quia tam fere de continuâ successionē desperauerat, non quod liberis careret, sed quia domi suæ videbat regnare exitiales turbas, eamque in restituis discordiis sensā esse, quæ totum genus faciliè pessundarent. Quanquam autem designatus fuit Salomo, non dubium tamen est quin promissio ad continuā vique seriē pateret. Quia autem non David priuatus, sed totæ Ecclesiæ Deus hoc modo prospexerat, nunc habetur fideles bono animo esse: quod regnū inter eos Deus erexerit non fluxū vel caducum, sed cuius sancta esset stabilitas. Atque utile fuit tã Regē quam populū de hac extraordinaria fulcra moneri. Videmus enim quàm se insolēter effecerāt terreni Reges: quia etsi ore fatentur Dei gratia se regnare, tamen in suo factu euanescent. Adde quod ut plurimum violenter irrumpunt in solum ut raro locum obineat legitima vocatio. Itaque meritò à terrenis imperiis discernitur sacrum Davidis regnum, quod in celesti oraculo fundatum erat.

12 *Si custodierint filii tui fœdus meū.*

Nunc apertius progreditur ad illam quam dixi seriē qua affertur illius diuturnitas. Etsi autem in hoc mundo Regum filii parentibus hæreditario iure succedunt, certum est tamen regnū Davidis singulari privilegio eximi à cōmuni lege. quia difertē pronuntiat Deus semper exorturam sobolem quæ solū regium obineat: neque id vno vel altero seculo, sed sine fine. Nam etsi delectum fuit regnū illud, breui tamen secuta est restitutio, & in Christo stabilita eius perpetuitas. Hic tamen nascitur quæstio, An regni duratio hominū meritis nitatur. Nā conditio sub qua paciscitur Deus, innuit non aliter ratū fore Dei fœdus, quam si homines bona fide respondeant. Vnde sequitur, effectum gratiæ promissæ pendere ab eorum obedientia. Sed primo loco tenere conuenit, quatenus pollicitus est Deus se missurum redemptorem, à quo speranda esse: salus, fœdus illud fuisse prorsus gratuitum: quia ex prima adopuone fluebat, quæ & ipsa gratuita fuit. Et certè non obstitit impia gentis perfidia quominus Deus exhibito Christo palam ostenderet se eorum meritis nihil tribuere. Ideo dicit Paulus, Rom. 3. 3. Si quidā eorum fuerunt increduli, an ideo exinanita est Dei veritas? significans Deum favorem suum continuasse erga Iudæos, quia gratis eos elegerat. Et quū sapius data opera visi sint eius promissiones in nihilum velle redigere, certasse tamē incredibili bonitate cum eorū malitia, atque ita factum esse ut superior emergerit eius veritas: quia non respexit quid meriti essent, sed in suo proposito firmus stetit. Nunc tenemus quatenus conditionale non fuerit illud fœdus: sed quia secum trahebat alias accessiones, ideo conditio fuit apposita. Si parueritis mandatis meis, ego vobis benedicam. Ab hac odiedientia quia desciuerant Iudæi, in exilium abducti sunt. Ac tunc visus est Deus fœdus suum irritum facere, vel profanare, ut alio loco vidimus. Dissipatio igitur illa, quædam fœderis ruptura fuit, sed ex parte duntaxat & in speciem. Clarus etiam hoc fiet si alius repeta-mus ex Sacra historia quid paulo post Davidis mortem contigerit. Regnum enim

enim collapsum fuit decem tribuum de-  
fectione, vt tantum exigua portio resta-  
ret. Subinde nouis postea cladibus attri-  
tum fuit, donec tandem à radice euul-  
sum perijt. Etsi autem reditus ab exilio  
spem aliquam restitutionis prauit, nul-  
lum tamen fuit tunc nomen regium, &  
in Zorobabel obscura dignitas, donec  
exurgerent Reges adulterini & dege-  
neres. Quis nõ diceret penitus abolitum  
fuisse fœdus Dei? Et tamen quia non  
aliunde prodiit Redemptor, firmum  
ratumque stetit ex effectu patet. Hoc  
sensu dicitur apud Prophetam Ezech.  
21.26, de regio diademate, Tolle cida-  
darim: transuersam, transuersam, trans-  
uersam ponam illam, donec veniat cu-  
ius est. Videtur certe Prophetæ, Dei  
chirographum conscindere, & renun-  
ciare pacto. Nam populi salus regno an-

nexa erat, sicuti habetur in Threnis Ie-  
remiæ, Christus Dominus noster in cu-  
ius spiritu nos spiramus. Quamquam au-  
tem Propheta cidarim tollendo, vide-  
tur fœdus abrumperè, mox tamen in se-  
cunda parte, quatenus gratuitum erat, æ-  
ternum & inuiolabile fore ostendit. quia  
etsi ad tempus Iudæi se abdicauerunt à  
Dei gratia, Redemptorem nihilominus  
promittit. Nam vt Deus ingratum po-  
pulum vltus est, atque ita ostendit non  
frustra cõdit onaliter se loquutum esse,  
demum Christi aduentu gratis præsunt  
quod gratis pollicitus erat, dum cidarim  
reposuit super Christi caput. Ceterum  
vbi obseruantiam pacti sui tam seuerè  
exigit Deus, repudiatis hominum fig-  
mentis in pura verbi sui doctrina nos  
retinet.

13 *Quoniam elegit Iehoua Sion, dilexit eam in sedē sibi.*

14 *Hæc requies mea in æternum, hîc habitabo: quia dilexi  
eam.*

15 *Victum eius benedicens benedicam, pauperes eius satu-  
rabo pane.*

16 *Et Sacerdotes eius induam salute, & mansueti eius  
exultatione exultabunt.*

13 *Quoniam elegit Iehoua Sion.* Hic  
Regnum cum Sacerdotio & spiritali  
cultu coniungens, expressius confirmat  
nõ fuisse electum humano arbitrio, sed  
in cælesti decreto fundatum. Hæc igitur  
connexio notanda est: quia Regni il-  
lius stabilitas non alibi quàm in Chri-  
sto quærenda erat. atqui regnum Chri-  
sti à Sacerdotio inseparabile est. Hinc  
videmus quorsum commemoret Sio-  
nem electam: quia Deus nihil seorsum  
de Regno statuit, sed voluit simul acce-  
dere Sanctuarium, vt vera esset imago  
futuri Mediatoris, qui secundum ordi-  
nem Melchisedec non modo Rex est,  
sed etiam Sacerdos. Vnde sequitur Re-  
gni & Tabernaculi statum res esse indi-  
uiduas. Postea notatur electionis causa:  
nempe montem Sion non sua præstan-  
tia fuisse electum, vt etiã vidimus, Psal.  
68.68, sed quia Domino ita placuit. Fa-  
uor enim vel beneplacitum Dei merito  
loci opponitur. Vnde rursum patet quod

nuper attigimus, fœdus quod pepi-  
git Deus cum Dauidè, à meracius boni-  
tate fuisse profectum.

14 *Hæc requies mea in æternum.* Ean-  
dem sententiam, quo plus authoritatis  
addat, in persona Dei repetit. Pronūtiat  
autem Deus non frustra sibi Templum  
extructum, quia manum suam è cælo  
exerens, re ipsa & efficaciter ostēdet si-  
bi gratum esse cultum quem mandauit.  
Nam requies & habitatio Dei, virtutis  
eius præsentiam hominum respectu si-  
gnificant. Ita in Sion habitauit, quia illic  
rite ex Legis præscripto eum inuocant  
fideles: neque etiam luserunt operam,  
quoniam votis eorum respondit. Et re  
ipsa palam factum est, à Deo fuisse hoc  
promissum qui fallere nequit. quia etsi  
euersum fuit templum, deletum altare, to-  
tus legalis cultus cessauit: statim post-  
liminio rediit gloria Dei & maiestas  
& vsque ad Christi aduentum sedem  
illic suã retinuit. Interim scimus quàm

improbè & sceleratè abusi fuerint Iudai hoc oraculo, ac si Deus illis seruiliter addictus foret: vt hoc prætextu ausi fuerint superbè despiciere Prophetas omnes, imò crudeliter persequi. Quare sciet Lutherus hanc promissionem vocat cruentam: quia, vt solent hypocritæ ex sacro Dei nomine suis flagitijs facere operculum, quicquid scelerum obiectum foret, obtrudere non dubitabant, non esse tamen penes Prophetas eripere quod Deus dederat. Nam templum spoliare Dei gloria, perinde illis erat ac mendacii eum arguere, vel inter eum & eius veritatem facere diuortium. Hac temulentâ fiducia ad fundendum sine modo & sine innoxium sanguinem fuerunt impulsii. Et certè hodie si Romanus satan armatus esset tã honoris titulo, quid non auderet? nulla est syllaba in Scripturis quæ colorem inducat eius tyrânidis. Iam quum immani barbarie cum aperta Dei contumelia totam pietatem dissipet, videmus quàm ferociter vel potius truculento fastu nomen Ecclesiæ ingerat. Quid ergo? abolabitur hierarchia, quam stare necesse est, nisi Christus perfidè sponsam suam deserat? Nobis verò prompta est exceptio, Ecclesiam non esse vni loco alligatam: & ex quo Dei maiestas ad vltimos vsque terræ fines innouit, requiem Dei non nisi in Christo & eius membris esse. Porro æternitas ista Templi quam Propheta prædicat, dextrè intelligi debet, nam quia seculum in Christo renouatum fuit non dicimus vanas fuisse figuras, quarum vis & complementum in eo exiit. Siquis autem obiciat, nominari montem Sion quasi æternum domicilium Dei: iam promptu solutio est, vt vaticinio constet sua veritas, sufficere quòd nunc Christus aduentu suo montem illum dilatauerit vsque ad vltimos terræ fines.

15 *Viduum eius benedicens.* Fuit il-

lud summum caput beatæ vitæ, Deum habitare in medio populi sui: nunc adduntur signa paterni eius amoris, quod viduum ordinari curabit, & suggeret populo suo, succurret inopia, Sacerdotes ornabit salute, & pios omnes lætitia circumdabit. Porro non superuacua fuit hæc adiectio: quia non adeò sumus spirituales vt in calos penetremus, nisi oculis nostris se offerat Dei benedictio. Hæc verò duplex in quotidiano vidui obseruanda est, quòd scilicet terram fecundat vt nobis frumentum, vinum & oleum suppeditet: deinde quòd terra proventus arcana virtute multiplicat, vt nobis in alimentum sufficiant. Hoc quidè loco specialem populi sui curam Deus sibi fore denuntiat, nequid desit ad eius alimenta: & quanuis non suppetat magna vberitas, se tamen facturum vt in penuria satientur pauperes. Non minus autem hoc loco notabilis est quam ridicula Papistarum inscitia, quæ clarè ostendit spiritum suporis fuisse omnes percussos, vt sine iudicio ex stercore cibum facerent: quum in nomine viduum duas literas non distinguerent, viduum legerunt: & quia vox adhuc munda erat, putarunt legendum esse viduam: ita viduas creauerunt ex viduum: monstrum sane incredibile dictum, nisi adhuc in suis templis absque padere eandem sonarent cantilenam. Sed sicut Deus vidui populi sui benedictionem promittit, sic eorum meritos malediciti & linguas, vt prodigiosis delirijs peruertant totum naturæ ordinem. Postea iterum confirmat quod de alijs Dei beneficijs prius dixit, nisi quòd pro iustitia salutem ponit: sed eodem sensu vt suprà exposui. Nam quòd salutem elij puritatem doctrinæ, & vitæ sanctorum dei volunt, nimis longè petitiu est, quia simpliciter intelligit Prophetam, Dei protectione incolumes fore ac beatos.

17 *Illic germinare faciam cornu Dauidi: parauit lucernam Christo meo.*

18 *Inimicos eius induam probro, & super eum florebit diadema eius.*

17 *Illic germinare faciam cornu Dauidi.* Redit ad statum regni cuius se præsi-

dem ac custodem fore promiserat Deus. Sed propius notanda est verborum proprie-



prietas. Faciam, inquit, germinare cornu Davidi. Certum & iatis vulgare est Hebræis tantundem valere *cornu* ac *robur* & potentiam, vel præsidium: sed germinandi verbum contempnam regni originem, tum mirificas restitutiones Propheta denotat. David ex ignobili tugurio & ouium stercorebus, quam inter pecuarii hominis filios minimus esset, in solum educus, assiduis incrementis præter spem auctus est. Iam regnum sub Ieroboam ita resecutum fuit, ut assidue germinando steterit in mediocri aliquo gradu. Ad hæc quot sequutæ sunt euulsiones, quæ toridem erant: interitus præfagia, nisi subinde pululasset nouum germen? Quid autem populo in exilium disperso futurum erat, nisi cornu fractum & contritum germinare Deu. fecisset? Itaque Iesaias 6. 12, non abs re Christum surculo comparat, qui non ex arbore procera, sed ex trunco nascitur. Et fortè ad hoc vaticinium alludit Zacharias, 6. 12, Ecce vir, Germen nomen eius, quia scilicet post horrendam illam vastitatem non aliter restitui potuit Regia potestas. Alio sensu loquitur David, 2. Samuelis 23. 5, ubi continua regni incrementa sub hac voce cõmẽdat. Nunc autem intelligit Propheta, quanuis inter dum vel ardeat vel frangatur cornu Davidis, Deum tamen mirabiliter facturum ut nouus vigor succrescat. Eodem pertinet metaphora *lucerna*, quæ frequenter aliqui occurrat: quia celebre in populo fuit hoc oraculum. Sensus autem est, quanuis obscura interdum vel fuligine infecta esset regni dignitas, fieri tamen nunquam potuisse ut vlla clades eam penitus extinguere. quia illic semper ardebat Dei lucerna, cuius lumẽ etsi minus non erat conspicuum, fidelibus tamen certam salutem mon-

strabat. & Hierosolymæ quidem tunc micabant scintillæ ex lucerna, nunc sol iustitiæ Christus pleno fulgore orbem illustrat.

18 *Inimicos eius induam probro.* Sicut antè iustitia & salute vestiuit sacerdotes, ita nunc etiam probum loco vestis induit Davidis hostibus. Quia enim nõ satis esset prosperè intus agere, nisi Deus ab externa vi & iniuria nos defenderet: nunc additur hæc secunda promissio in qua etiam clarius sæpe nobis relucet Dei favor, quã dũ omni bonorũ genere nos in pace locupletat. Quanto enim magis nos afficiunt hostiũ minæ & terrores, sensus etiam nostros ex perge faciunt ut apprehendant Dei auxilium. monemur tamen hoc loco, nunquam sic in terris quietam fore Ecclesiam quin subinde infestetur à variis hostibus quos in illius perniciem excitare non desinit Satan. Sed bene est quòd audimus ex ore Dei, cum probro tandem & ignominia retro cessuros vbi frustra omnia machinati fuerint. Quod sequitur, variè torquent interpretes. nam quia verbum *YD* in coniugatione hiphil, aspicere interdum significat, quidam vertũt, Conspicietur in eo loco diadema Davidis, vbi germinabit cornu. Quidam à *YD* deducunt quod est laminarum cili dictum esset, coronam Regis aureis laminis splendidam fore. Sed rectius (meo iudicio) eodem sensu quo nuper loquutus est de germine, nunc floridum diadema fore pronuntiat. Sicuti ex opposito Iesaias cap. 28. 1, coronam temulentia Ephraim comparat flori emarcido. Ita sensus erit, quanuis diadema posteris Davidis futurum sit sæpe caducum in speciem, arcano tamen vigore renouatum iri, ut perpetuò floreat.

### ARGVMENTVM PSALMI CXXXIII.

Gratulatio est de, antea populi concordia, ad quam mutuo fovendam fideles omnes incitat Propheta.  
Psalmus CXXXIII.

**C**Anticum graduum Davidis. Ecce quàm bonum & quàm decorum habitare fratres etiam simul.

2 Sicut oleum pretiosum super caput, quod descendit super barbam barbam Aaron, quod descendit super oram vestimentorum eius.

3 *Sicut ros Hermon qui descendit super montes Sion: quia illic mandauit Iehoua benedictionē, vitā in perpetuū.*

1 *Ecce quā bonum.* Non dubito quin Dauidis consilium fuerit hoc Psalmo gratias Deo agere pro reconciliatio-  
ne totius populi, postquam ex longa & tristi dissipatione iterum coaluit, & singulos ad pacis alendæ studium hortari: quia in eius commendatione prolixè inuitit, saltē quoad ferebat Psalmi breuitas. Non abs re autem magnificis elo-  
giis Dei gratiam celebrat, quod populum miserè laceratum, in corpus vnum collegerit. Postquam enim regnum ade-  
ptus est, quia diu pro publico hoste ha-  
bitus fuerat, adhuc maior pars ab ipso erat alienior: imò scimus capitali dissi-  
dio fuisse Iudæos inter se diuisos, vt nul-  
la spes esse cōcordiæ nisi in alterius par-  
tis interitu. Fuit ergo mirabile & inex-  
pectatum Dei opus ad concordiam de-  
scendere, & se mutuo amplecti qui tam  
acribus odiis certauerant. Hanc circun-  
stantiam male prætereunt Interpretes, ac si  
Dauid generaliter & absque propo-  
situ consensum laudaret inter Dei  
cultores. Ac primò quidem aduerbium  
*Ecce*, valde emphaticum esse existimo,  
non modò quia res oculis subiicitur, sed  
quia fuisse tacita comparatio belli inte-  
rimi, quod prope ad vastitatem redacti  
erant, cum lata & optabili pace. Ampli-  
ficat ergo Dei gratiam, quia longa expe-  
rientia Iudæos magis doceat quam inæ-  
stimabile bonum sit vnitas, quia se inte-  
rimis discordiis ferè perdiderint. Quæ  
sensum confirmat particula *Quia*, quæ in  
fine versus ponitur. Deprauāt enim Pro-  
phetæ sensum Interpretes qui eam acci-  
piunt copulæ loco, quum ad vehemen-  
tiā non parum faciat: ac si dixisset, Nos  
qui fratres eramus natura, sic fuimus di-  
stracti, vt alii aliis magis inuisi essent  
quā exteris hostibus. nūc igitur quā bo-  
nū est fraternā illā vnitatem etiam ani-  
mis colere. Interea non dubium est quin  
Spiritus sanctus fraternum consensum,  
qui vigere debet inter omnes Dei filios  
suis laudibus extollat, vt huc quisque ap-  
plicet suum studium. Quod si nos scin-  
dant odia, vel simultates distrahant. Dei  
quidem respectu manebimus fratres:

sed quia frustra erimus laceri corporis  
non censebimur vnum. Itaque sicut in  
Deo Patre & Christo vnum sumus, ita  
mutuo consensu & fraterno amore san-  
cienda inter nos vnitas. Si quando dede-  
rit Dominus vt Papistæ ex defectione  
ad patriam concordiam redeant, his verbis  
licebit gratias Deo agere: interea quicū-  
que se Deo placidè submittit, eos am-  
plecti decet. Quia verò assidue turbu-  
lentos spiritus excitat Satan contrā ni-  
tamur, & sedulo retineamus quicumque  
se præstabant dociles ac morigeros.  
Ceterum præfractos omittere necesse  
est, quibus cum fraterna coniunctio coli  
non potest quin summum patrem abne-  
gemus, à quo oritur omnis cognatio.  
Pax enim quam commendat Dauid, à  
legitimo capite incipere debet. quo sa-  
tis refellitur Papistarum improbitas,  
qui nobis schismata & dissensionē odio-  
se exprobrant, ac si non satis à parte no-  
stra testatum foret, non aliud nos quære-  
re nisi vt nobiscum in Dei veritatem cō-  
sentiant, quæ vnicum est sanctæ vnitatis  
vinculum.

2 *Sicut oleum pretiosum super caput.*  
Apertè confirmat Dauid quod nuper  
docui, veram scilicet fratrum coniunc-  
tionē initium habere à Deo, legitimū-  
que eius finem esse vt purè Deū omnes  
colant, vnōque consensu inuocent. Quor-  
sum enim similitudinem mutuatur à sa-  
cro vnguento, nisi vt religio primū sem-  
per gradum teneat? ac si diceret, insi-  
pidam fore pacem quam inter se colent  
homines, nisi cultus Dei odore perfusa  
sit. Nūc ergo tenemus, sic inter se con-  
iungi homines mutuo amore, vt Deus  
omnes simul gubernet. Quibus verò  
hæc cōditio non placebit, cū illis præsta-  
bit acriter dimicare, quam pacem redi-  
mere Dei contemptu. Hoc enim tenere  
conuenit, in Sacerdotis persona ostendi  
concordiam fluere à vero & puro Dei  
cultu. deinde per *barb. m* & *extremas por-  
tes vestrum*, notari, quā longè latè que pa-  
tet Ecclesiæ, pacē quæ à capite Christo  
manat, diffūdi. Altera similitudo sup-  
ra à *ros*, qui tā in montem *Hermō* quā *super  
Sion*

*Sion* diffillat, ostendit piam concordiam non modò suavis esse odoris corâ Deo, sed proferre etiam vtilis fructus: sicuti ros terram irrigando, succum & vigorẽ suppeditat. Scimus autem quid de Iudæa dicat Moyses, non esse similem Aegyptio quam flumini exundatio fœcundat, sed pluuiam quotidie è cælo expectare. Monuit ergo David, ieiunam ac sterilẽ, miseram denique fore hominum vitam, nisi fraterno consensu foueatur. Montẽ verò Hermò pinguem & opimum fuisse cõstat, quia celebratur inter loca pascua. Præcipua verò montium vbertas ex rore cælesti: quod in monte Sion satis conspicuum erat. Postremò subiicit Da-

uid Deum benedictionem mandare ubi pax colitur, hoc est, lata bonorum abundantia testari quantopere sibi placeat, homines viuere vnanimis. Hanc sententiam aliis verbis imitatus est Paulus 2. Corinth. 13. 11, Philip. 4. 9, Pacẽ colite inter vos, & Deus pacis erit vobiscũ. Studeamus ergo quantum in nobis erit, fraternæ concordie locum dare, vt Dei quoque benedictio apud nos resideat. Extẽtis etiam brachijs optemus amplecti qui à nobis dissident, si modò non abnuent in fidei vnitate redire: si qui calcitent, valere sciamus: quia nobis nulla, vt dictum est, nisi cum filiis Dei fraternitas.

### ARGVMENTVM PSALMI CXXXIII.

*Exhortatio est ad laudandum Deum: quæ tametsi communis est piis omnibus, peculiariter tamen dirigitur ad Sacerdotes & Levitas.*  
*Psalmus CXXXIII.*

**C***anticum graduum. Ecce benedicite Iehouam omnes serui Iehouæ, qui statis in domo Iehouæ per noctes.*

*2 Tollite manus vestras ad Sanctuarium, & benedicite Iehouam.*

*3 Benedicat tibi Iehouæ Sion qui fecit calũ & terram.*

**1** *Ecce benedicite.* Putant quidã Interpretes vnã cum Levitis alios quoque Dei cultores comprehendit: & certè fautor quosdam è populo, qui præ aliis zelo feruebat, in templo pernoctasse (sicuti de Anna vidua legitur Luc. ca. 2. 37, quòd dies & noctes fuerit in precibus assidua) sed ex fine Psalmi patet, Prophetam non alios hortari quàm sacerdotes: quia formulam benedictionis dicitur qua precentur pro communi salute, quod munus solis Sacerdotibus fuit iniunctum. Levitas igitur ab officio cui addicti erant, seruos Dei vocari interpretor, vt sanè eorum maximè erat in templo pernoctare, idque per vices, sicuti docet Sacra historia Leu. 8. 35. Ideoque aduerbio demonstrandi quasi in rē præsentem eos adducit, quia decebat assiduo templi conspectu magis stimulari ad pietatis exercitia. Iam verò notandum est quo consilio Propheta tam sedulò eos incitet ad laudandum Deũ. Nam vt nihil magis procliuẽ est quàm caeremoniis abuti, multi ex Levitis se officio defunctos putassent, si modò ste-

tissent otiosi in templo: ita neglectus fuisset præcipuus finis. Ostendit ergo Propheta totum hoc fore iudicium & nihil, quòd nocturnas excubias agunt Levitæ pro Templi custodia, luminaria accendunt, Sacrificiis dant operam: nisi se exerceant in spiritali Dei cultu, & externos omnes ritus ad præcipuum illud Sacrificium referant, vt Dei laudes celebrentur. ac si diceret, Videtur hoc vobis laboriosum esse, quòd dum alii dormiunt in adibus suis, vos statis in Templo peruigiles. atqui Deus aliũ præstantiorem cultum exigit, vt scilicet laudes eius præcinatis toti populo. Secũdo versu caeremoniam adiungit quæ cum inuocatione Dei coniuncta est. Quorsum enim attollũt homines manus precãdo, nisi vt animos suos ad Deũ erigant? Itaque Propheta eorũ torporẽ tacitè coarguit, qui in tẽplo vel residues manebant, vel nugando & confabulãdo corrumpebant purum Dei cultum.

**3** *Benedicat tibi Iehouæ.* Versus hic (meo iudicio) cogit Psalmum exponere de solis Sacerdotibus & Levitis



quorum proprium ex Legis præscripto erat munus, populo benedicere Num. 6. 23. Postquam verò hortatus est ipsos Propheta ad benedicendum Deum, nunc secundas partes addit, ut populum benedicant in nomine Dei. Neque tamen hoc præceperat Deus ut alii securè viderent: (sicuti in Papatu, modò in templis canillèr Monachi, tota plebs Deù ritè coli existimat) sed Deus Sacerdotes aliis præire voluit, ut quisque priuatim domi suæ imitaretur quod in templo fiebat. Populo autem benedicere, illis præceptum fuit, quatenus Christi personam gerebant. Porro hæc duo nõ abs re distinctè ponuntur, ut Deus qui cæli & terræ creator est, etiam benedicat. Creatoris elogium ponitur notan-

da potentia causa, ut nihil non à Deo sperare audeant fideles. Quid enim aliud mundus est quàm immensa eius virtutis speculum? ut nimium stupidi sint quibus non sufficit eum habere propitium, cuius imperio omnia subesse, & in cuius manu omnem opulentiam esse cernunt. Caterùm, quia aedito creatoris nomine, multi de accessu discederent, ac si procul quærendus esset Deus: ideo Prophe- ta symbolum propinquitatis ante oculos statuit, ut familiariter & liberè ad eum accedere audeant, qui non minus comiter se ab eo inuitari intelligunt, quàm si paternum ipsi gremium porrigeret. Ergo ex cætorum intuitu potè- tiam Dei agnoscant: in domicilio Sion paternum amorem.

### ARGUMENTVM PSALMI CXXXV.

*Exhortatio est ad canendas Dei laudes, partim quia electum populum singulari gratia dignatus fuerat: partim quia eius potentia & gloria appareat in toto mundo. Adhuc etiam antithesis inter idola, quæ vana Dei aut signum sunt: & Deum Israël qui certis, clavisque testimoniis veram se & vnicum Deum probavit: alacrius ad eum laudandum ferantur pii, cuiusque imperio se addicant. Psalmus CXXXV.*

**H** Alelu-Ia.  
hui Iehouæ,

*Laudate nomen Iehouæ, laudate ser-*

- 2 Qui statis in domo Iehouæ, in atriis domus Deus nostri,*
- 3 Laudate Deum, quia bonus Iehoua: canite nomini eius,*  
*quoniam suauis est:*
- 4 Quia Iacob elegit sibi Deus, Israël in peculiū sibi.*

**1** *Laudate nomen Iehouæ.* Quanquā inter huius Psalmi exordium, & superioris nullum ferè est in verbis discrimen, videri tamen posset nunc Prophe- ta non solos Leuitas hortari, sed totum populum: quia causas laudandi Dei commemorat quæ apud pios omnes cõmuniter valere debent. Neque etiam de nocturnis excubiis & continua statione loquitur: sed quia proprium Sacerdotum munus fuit, in hoc pietatis exercitio reliquis præire, & quasi præcinere vel dic- tare Dei laudes, minimè absurdum erit eos vocari primo loco & stimulari ad suas partes. Et quisquæ verba proprius expendet, videbit populum secundo ordine adiungi Sacerdotibus. Nam compellat Prophe- ta seruos Dei stantes in templo eius, deinde in Atriis: quum

proximo Psalmo nulla facta fuerit A- trii mentio. Et videtur plurali numero posuisse Atria: quia Sacerdotibus quoque scum erat Atrium: deinde erat alterum commune totius populi, quem Lex Leuit. capite 16. versu 17, arcebat à Sanctuarii ingressu. Porro ne doctrina hæc vel exhortatio ad laudes Dei tam frequenter repetita fastidium pariat, tenendum memoria est quod alibi diximus, nullum ei sacrificium magis placere, quàm dum gratitudinem nostram ei ipsi testamur, sicut etiam vidimus Psalmo 50. versu 14, Sacrifica Deo laudem, & redde Excella vota tua. Item Psalmo cunctis decimo sexto, versu 12, Quid rependam Deo pro omnibus eius beneficiis? Calicem salutem accipiam, & nomen Iehouæ inuocabo.

Ne diligenter notandi sunt loci qui spiritualem hunc cultum magnifice extollunt: ne praeposito Dei colendi studio, in nugis ludamus operam: sicuti maior pars hominum stulte excogitat & committitur ad Dei cultum, frustra quæ se fatigat omisso præcipuo capite. Ideo toties Spiritus sanctus inculcat verbum Laudate, ne vilescat apud nos vel frigeat hoc pietatis officium. Quanquam simul torporem nostrum oblique perstringit: quia apud sedulos & voluntarios sufficeret parcius exhortatio. Finit tertii versus, ubi dicit, *quia suave est*, duplicem sensum admittit: vel quod suave sit Dei nomen, sicuti priore membro dixerat Deum ipsum esse bonum: vel quia res suavis sit Deo canere. Quamquam **¶** decorum & pulchrum propriè significent: & hic generalis sensus melius convenit.

5 *Quia ego cognoui quod magnus Iehoua, & Deus noster præ omnibus diis.*

6 *Omnia quæ vult Iehoua facit in calis & in terra, in mari & omnibus abyssis:*

7 *Ascendere faciens nubes ab extremo terræ, fulgura ad pluviam facit, educens ventum ex locis suis absconditis.*

5 *Quia ego cognoui.* Ponitur generalis potentia descriptio: quo melius sciant Israelitæ, eundem quem colunt Deum, esse totius mundi opificem, omnia regere suo arbitrio, nec aliam usquâ posse reperiri. Ceterum, non dicit se magnitudinem Dei novisse, ut alios excludat: sed potius ex suo sensu incitat omnes ad eandem attentionem, ut expergefacti cognoscant quod palam conspicuum est. Est enim Dei immensitas nemo capere, gloria tamen eius, quatenus expedit, satis est nobis exponenda, ut totus mundus careat ignorantia pretextu. Nam quisquis calis & terræ conspectu fruitur, quomodo sine summo scelere authorem ipsum clausis oculis perterritus? Sed quo non effuscatus pangeret, suo exemplo ad novitiam gloriae Dei invitaret: vel potius caligat stuporem nostram, quod non sumus ad eam considerandam satis attenti. Ex secundo membro certius colligimus quod nuper atti-

4 *Quia Iacob.* Alias deinde rationes laudandi Dei colligit ex mundi gubernatione. sed quia non nisi à posteris Abraham tunc poterat laudari, quibus solis innotuerat, Prophetæ materiam illis proponit, quod electi sint in populum peculiarem. Et certè incomparabile hoc bonum fuit, quo eos rapi & accendi decuit ad graviora agenda: solos fuisse adoptatos, præteritis cunctis Gentibus. Nam laudem electionis Deo ascribens Prophetæ, clare admonet non excelluisse eos propria virtute, sed quia gratuito favore eos cõplexus est Pater celestis. Omnes quidem sibi promiscuè obstringit, Sotè suum quotidie oriri faciens super bonos & malos, Matt. 5. 45: sed tunc sanctiore vinculo sibi deunxit filios Abraham: sicuti hodie quoscunque in gregem suum adoptat & inserit in corpus vnigeniti Filii sui.

tigi, hoc scilicet esse Prophetæ consiliū, Israelitas retinere in vnus Dei cultu & timore: quia idem Deus qui fœdus suū pepigerat cum eorum Patribus, calis & terra sit creator. Postquam enim Iehouam nominauit, statim addit esse Deum Israelis. Vnde sequitur, quicunque ab hoc Deo declinant, falsè prætere de Dei nomē: sicuti hodie Iudæi & Turcæ, quauis Deum mundi creatorem se colere profiteantur, meras nugas agunt: quia vbi à Lege & Euangelio deducitur, quælibet pietatis iactantia, veri Dei est abnegatio. Itaque Prophetæ non abs re speciali titulo Deum vestit, ut se contineant Israelitæ in Legis doctrina. Si per **¶** scilicet Gentium deos intelligas, erit cõfessio: quia improprie Deū vanis & nihili signis conferret, ac sensus erit, Dei magnitudinem sic excellere, ut in nihilum redigat quicquid Deo tratis fingitur. Videtur tamen Angelos contemneri, ut alibi

diximus : quia etsi in illis Diuinum aliquid emicat, quatenus caelestes sunt virtutes ac principatus : supereminet tamē Deus ipse, vt eos cogat in ordinem, ne magnitudinem suam obfcurant.

6 *Omnia quæ vult leuauit.* Hæc est immensa Dei magnitudo cuius meminit, quod non semel tantum condiderit cælum & terram, sed moderetur etiam omnia suo arbitrio. Nam qui Deum facientur mundi creatorem, & sedere orio sum in cælo fingunt abiecta mundi cura, cum sua virtute impiè spoliant. atqui magnam hominum partem occupat crassum hoc commentum. Si quis roget an credant Deum dormire, negabunt quidem : sed dum imaginantur eū laxare fortunæ habenas, vmbra ille dūtaxat potentiam ei relinquunt, quæ esse stu suo careat, quum Scriptura doceat actualem esse : quia totus mundus eius arbitrio regitur. Nam Propheta disertè hic affirmat, singulas mundi partes curare esse Deo, vt nihil confuse vel fortuitò viquam contingat. Putant vulgò Deum splendide ornatum esse, dum nescio quid de vniuersali providentia balbuiant. Atqui distinctio cæli, terræ & aquarum, particularem curam designat. Præcipuum tamen pondus inest in verbo *וְיָדָה*. Pronuntiat Spiritus sanctus Deum facere quicquid placitum est. Confusa autem gubernatio, de qua vulgò garriunt, tantum huc tendit, vt Deus incogitanter mandī ordinem cōtinuet. Ita hoc modo in nihilum redigitur eius voluntas. Nam si vult, suum habet consilium, certamque rationem. Vnde colligitur specialis eius providentia, quæ vim suam distribuit ad regendas singulas mundi partes : vt nihil fortuitò accidat, sed arcano suo consilio moderetur quæ videntur maxime fortuita. Etsi autem nostrum non est disquirere cur fieri velit quæ repugnant cum sensu nostro, nisi tamen velimus omnia pietatis elementa conuellere, firmum hoc manere debet, nihil accidere nisi quod statuit Deus ac decreuit. Ac si abscondita nobis

est eius voluntas, eam tamen, vt fontem omnis iustitiæ & rectitudinis, reuerenter suspicere cōuenit : quia nihil æquius est quàm vt summum gradū apud nos obtineat. Plura, si videbitur, petant Lectores ex Psalmo 115.

7 *Ascendere faciens.* Speciem vnā atque alteram attingit Propheta, vnde melius possit intelligi, nihil sponte moueri nisi quatenus Dei consilio & manu dirigatur. Quia igitur millesimam operam Dei partem comprehendere non potest sensus noster, pauca tantum exempla hic Propheta delibet, in quibus vult expēdi quod docuit de cælesti providentia. *Nubes dicit attolli ab extremis terræ partibus*, quia vapores è terra surgentes densius coaceruati, nubes tandē efficiunt. Quis verò futurum putaret vt vapores, quos ascendere eminus cōspicimus, mox cælum obfurent, & incumbant nostris capitibus? Hoc ergo insigne est documentum potentiæ Dei, exiguos vapores surgere, qui deinde totū aerem momento occupent. Addit Propheta quod non parum valet ad augendum miraculum, *fulgura pluiæ miseris* : quæ res sunt prorsus cōtrariæ. Nisi hæc ignis & aquæ mistura vsu cognita esset, quis non diceret incredibile esse portentum? Eadem est ventorum ratio. nam etsi vētos naturaliter procreari certum est, & originem philosophi demonstrant, mirabile tamen Dei opus est tā multiplex ventorum agitatio. Caterum, non modò prædicat Dei potentiam qualem philosophi concedunt, sed intelligit nullam pluiæ guttam è cælo decidere nisi quam Deus certa dispensatione stillat. Fateantur omnes Deum esse pluiæ authorem, tonitruum item & ventorum, quia hunc in natura ordinem semel posuit verum Propheta hic vltà progreditur, quoties pluit, non id fieri cæco naturæ instinctu : sed quia Deus ita decreuit, cuius est pro suo arbitrio cælum ex sereno reddere obnubilum, & caligine discusso puram lucem reddere.

8 *Percussit primogeniti Aegypti, ab homine vsque ad bestiam.*

9 *Misit signa & prodigia in medio tui Aegypte, in Pharaone*



*Pharaone & in omnibus servis eius,*

*10 Percussit gentes magnas, & occidit Reges fortes,*

*11 Sihon regem Amorrhæorum, & Og regem Basan, & omnia regna Chanaan.*

*12 Et dedit terram eorum hereditatem, hereditatem Israel populo suo.*

8 *Percussit primogenita.* Rursus de peculiaribus Dei beneficiis dicitur, quibus Ecclesiam & electum populum libi obligaverat. Nam quia sermonem dirigat ad fideles, in Dei laudibus hoc statuit præcipuum caput, quod ex toto humano genere exiguum numerum adepti praeerit. Deinde quod in eorum gratiam magnis regnis & validis gentibus se opposuerit. Quæcunque enim edidit Deus miracula tam in Ægypto quam in terra Chanaan: totidem fuerunt paterni eius erga electum populum amoris testimonia. Quod autem primo loco ponit occisa Ægypti primogenita, non servat historię ordinem, sed memorabile exemplum proponit, unde appareat quàm pretiosa fuerit Deo salus Ecclesiæ suæ: cuius respectu, magno & opulento populo non pepercit. Summa est, in redemptione populi satis superque restatam fuisse Dei virtutem simul cum gratia.

10 *Percussit gentes magnas.* Descendit ad finem redemptionis. Neque enim populum suum eduxit Deus ex Ægypto, ut in vaga peregrinatione statim defereret, sed ut locaret in hereditate

promissa. Hic ergo etiam conspicuum fuisse Dei favorem Propetia docet, ac insatigabilem gratiæ perseverantiam: quod ubi Israel nomen porrexit filiis Abraham, & usque deinceps, perrenitque virtutem suam exercebat, donec promissa terra fruerentur. Porro cum verò Dei extollit, quia nonnulli multis, fragibus tranquilla contingit terre possessio. Bonitatem verò Dei illustrat hæc constantia, quod turmam ignobilis validis Regibus & Gentibus robustis prætulit. Sihon verò & Og duos Reges memorat, non quia fuerint omnium potentissimi, sed quia præclaro terræ aditu in primis erant formidabiles: præsertim quia populus nondum ad bellandū assuefactus foret. Cumulum verò beneficentiæ adiungit Prophetæ, quod tunc terræ possessionē adepti sunt Israelitæ. Nō minor est virtus quàm querere, partem tueri, inquit ille, quum ergo infestissimi hostibus undique cincti essent Israelitæ, in eo maxime enituit Dei virtus, quod neque deleti neque expulsi fuerint, quod centies accidere poterat, nisi in sua possessione fuissent stabili.

*13 Iehoua, nomen tuum in seculum: Iehoua, memoria tui in generationem & generationem.*

*14 Quia iudicabit Iehoua populum suum, & super servis suis poenitentia ducetur.*

13 *Iehoua.* Etsi multæ sunt rationes cur semper florere debeat in mundo nomen Dei: hic tamen propriè concionatur Prophetæ de æterna laude quæ ex Ecclesiæ conseruatione meretur ac sibi acquirit: quia mox subiicitur causæ redditio, quod Deus iudicabit populum

suum. Et certè sicuti totus mundus theatrum est Diuinæ bonitatis, sapientiæ, iustitiæ, virtutis: pars tamen illustrior, insular orchestra, est Ecclesiæ: & quo propius ad nos accedit Deus, quoque beneficia familiarius nobis communicat, in eorum meditatione nos attentius exer-

ceri conuenit. Porro quum *iudicandi* verbum Hebrais omnes iusti legitimi- que regiminis partes in se contineat, futurum tempus de continuo actu posi- tum interpretor, vt frequenter solet: ac si dixisset Propheta, semper Deum prae- sidentem fore & custodem populi sui: ideo- que in tuto esse piorum salutem, quae Deo curae est. Nisi fortè consultò futu- rum tempus notauit Propheta, vt disca- mus in afflictionibus spem nostram sus- pendere: & si quando videbitur à Deo negligi ac deseri, ne tamè exanimemur: quia utcumque opem suam ad tempus occurret, potè quam suos satis humilia- tos videt, vnde cum opportunè se osten- dit. Neque displicet hic sensus, quia Pro- phetam alludere probabile est ad Mo- sè dictum, Deut. 32. 36, cuius etiam ver- ba recitat. Nam dolorem quem ex Dei flagellis sensurus erat populus, Moses lenire volens, Deum fore iudicem po- puli sui denunciat, vt miserè afflictum subleuet ac tueatur. Id nunc ad perpetuū Ecclesiae vsum accommodat quisquis fuerit author Psalmi, Deum nunquam passurum docens vt penitus intereat Ec- clesia, cuius abolitione Rex esse desine- ret. Tempus autem verbi in praeiteritum mutare, ac si Deus populum suum vin- dicasset contra Aegyptios, frigidum

commentum est, ac remotum à Moissè & Psalmi huius contextu. quia verbum *וְנִיחַ* Hebrais tam poenitentia duci, quam consolationē accipere significat. vtrius modo accipias, optime cōstabit sensus. Nam quomies in gratiam redit Deas cum Ecclesia, quanuis nulla in eū cadat mutatio, in re tamen ipsa apparet. Ergo poenitentia dicitur affici, dum Ec- clesiam, quam iratus iustis poenis affli- xerat, clementius tractare incipit. Con- solationem etiam accipere vel placare super populo suo dicitur, dum fœderis sui aeterni memor, vbi eum ad momentū castigauit perpetuis misericordiis pro- sequitur: sicut dicit apud Iesaiam 54. 8. Sūma huc redit, temporalem esse iram Dei erga fideles: ac dum vlciscitur eorum scelera, misericordia sua recordari in medio irae cursu, sicut docet Habacuc cap. 3. 2. atque ita pingitur nobis Deus sub humana figura, quia induitur pa- terno affectu, dum filios suos, qui meri- to abdicandi erant, restituit: quia non potest à visceribus suis auelli. ac si dice- ret, Deum misericordem esse fidelibus, quia filii sunt: ipse verò se orbare nolit. denique ideo esse placabilem, quia de- liciae eius sunt, suauiter fouere quos pro filiis agnoscit.

15 *Simulachra Gentium, argentum & aurum, opus manuum hominis.*

16 *Oculi illis, & non loquentur: oculi illis, & non videbunt.*

17 *Aures ipsis, & non audient: etiam non est spiritus in ore ipsorum.*

18 *Similes sint illis qui faciunt ea, quisquis cōfidit in illis.*

19 *Domus Israel benedicite Iehoua, domus Aaron be- nedicite Iehoua.*

20 *Domus Levi benedicite Iehoua, timentes Iehouam be- nedicite Iehoua.*

21 *Benedictus Iehoua è Sion, qui habitat in Ierusalem. Halelu Ia.*

15 *Simulachra.* Quia tota hæc pars Psalmi exposita alibi fuit, superuacuum esset insistere: & repetitio lectoribus

molesta esset. Consilium ergo Prophe- tæ paucis tantum verbis obiter perstrin- gam. Nam Gentium socordiam exagi-  
tans,

rans, quòd Deum non putarent sibi propinquum esse nisi ad idola confugerent, Israelitas admonet quàm præclare cunctis ipsis actum fuerit: quo se attentius continent in simplici & puro Dei cultu, & à profanis superstitionibus abhorreant. Tandem enim concludit, quo plus impendunt operæ idololatræ in colendis suis idolis, grauius sibi iudicium accersere. Nam certè falsorum deorum cultoribus tam horribilem vindictam denuntiat, vt ab eorum exemplo absterneantur quicunque edocti sunt in Lege Dei. Caterùm quum Psalmus 115 ad sperandum hortetur, Propheta hîc Deū benedicere iubet. Leuitas autem domui Aaron adiungit propter duos Sacerdo-

tii ordines. Reliqua omnia conueniunt, nisi quòd vltimo versu Propheta hic cum reliquo piorum cœtu ipse quoque Deum benedicat. Dicit autem de *Sione*, quia quum pollicitus esset Deus se illinc exauditurum suorum vota, ac odorem gratiæ suæ inde diffunderet, simul etiā laudam materiam suggererat. Ratio etiam additur, quia *habitat in Ierusalem*: quod nihil crassum vel terrestre sonat, quasi tam angusto domicilio inclusus esset Deus: sed ad sensibilem eius gratiam referri debet. quia experientia docebat, quauis cælum & terram impleat eius maiestas, virtute & gratia suis esse præsentem.

## ARGVMENTVM PSALMI CXXXVI.

*Admonet Propheta fraudari Deum iusto beneficiorum suorum fructu, nisi a sidiu sine fideles in canendi eius laudibus. Porro in singulis beneficiis misericordiam eius commendans, simul docet non rite laudari Deum nisi gratuitum esse agnoscimus quicquid in nos contulerit.*

*Psalmus. CXXXVI*

**L**audate Iehouam, quia bonus, quia in seculum clementia eius.

2 Laudate Deum deorum, quia in seculum clementia eius.

3 Laudate Dominum dominorum, quia in seculum clementia eius.

4 Qui fecit mirabilia magna solus, quia in seculum clementia eius.

5 Qui fecit calos intelligenter, quia in seculum clementia eius.

6 Qui extendit terram super aquas, quia in seculum clementia eius.

7 Qui fecit luminaria magna, quia in seculum clementia eius.

8 Solem ad præfecturam in die, quia in seculum clementia eius.

9 Lunam & stellas ad præfecturam in nocte, quia in seculum clementia eius.

1 Qui in seculum. Videri posset inanis battologia, quòd breuib. & cōcis sententiis particulam hanc roties inserit. verùm si feruntur, imò laudem & plausum referunt versus interca-

lares in profanis poetis, non debet videri absurda hæc repetitio, quæ in optima ratione fundata est. Nam etsi fateri coguntur omnes, bonorum omnium fontem esse liberalitatem Dei, non ta-



men purè & in solidum agnoscitur gra-  
tuita eius bonitas : cui tamen summum  
gradû semper attribuit Scriptura. Imò  
Paulus Rom. 3. 23, de ea loquens, glo-  
riam Dei generaliter *κατ' ἐξουσίαν* nomi-  
nat: ac si diceret, Deum, qui in cœlis suis  
operibus summam laudem meretur, vel  
se tamen præcipue glorificari in sua mi-  
sericordia. Et ex Sacra historia collige-  
re promptum est, ex Davidis præscrip-  
to inter cædendam, morem hunc receptum  
fuisse vt alternis Levitæ succederent,  
Quia in æternum clementia eius. Nam  
& Solomon in templi dedicatione ritum  
hunc obtrunxit, 2. Chronic. 7. 3. 6. &  
Iosaphat in epinicio illo solenni, cuius  
mentio fit eiusdem libri: capite 20. 21.  
Præquam verò ad recitationem operû  
Dei veniat Propheta, summâ eius Dei-  
tatem summumque imperium commen-  
dat. non quòd proprie loquendo extra  
ipsû vlla sit Deitatis scintilla: sed quia  
homines ubiqueque partē aliquam glo-  
riæ eius conspiciunt, Deitatem aliquam  
seorsum imaginantur, Deumque ipsum  
perperam distrahunt in partes: neque  
hoc errore contenti, deos sibi ligneos  
& lapideos confingunt. Denique omni-  
bus ingenta est hæc prauitas, vt se deo-  
rum varietate & turba oblectent. Ideo  
Propheta consultò videtur non modo  
in voce *יהוה*, pluralem. numerum  
vsurpasse, sed etiam in voce *יהוה*.  
Sic enim est ad verbum, *Laudate Domi-  
nos dominorum*. ac si diceret perfectam  
omnis dominii plenitudinem in vno  
Deo inueniri.

4 *Qui fecit mirabilia.* Hoc nomi-  
ne insignis omnia Dei opera à minimo  
vsque ad maximum: quo nos in eorum  
admirationem expergefciat. quia pro-  
pter sociordiam nostram vilescunt: quā  
tamen singulis insculptæ sint insignes  
notæ incredibilis tam sapientiæ quàm  
virtutis Dei. Deam autem fecisse & fa-  
cere solùm quicquid admiratione di-  
gnum est, asserit vt discamus non posse  
vel minimam laudis eius guttam aliò  
transferri absque intolerabili sacrile-  
gio: quia vbi illustrauerimus cælû & ter-  
ram, nusquam reperiemus vllum Deita-  
tis speciem, vt ei socium vel æmulum  
adungere liceat. Postea Dei Sapien-  
tiam celebrat in vna specie, quòd sci-

licet tanto artificio *compositi sint cæli*  
vt clamitent mirabiliter se tam pulchra  
distinctione fuisse ornatos. Inde ad terrā  
descendit vt discamus hoc quoque præ-  
clarum & memorabile Dei opus magni  
facere, quia nudam & siccam terrā su-  
perficiem expandat super aquas. Nam  
quam elementis spherica sit forma, na-  
turaliter aquæ terram obtegerent, nisi  
cohiberentur suis claustris: quia Deus  
hospitium concedere voluit humano ge-  
neri: atque hoc inter sua principia po-  
nere coguntur Philosophi. Ergo terræ  
expansio, & vacuum hoc spatium quod  
aquis non obruitur, merito censetur in-  
ter præcipua Dei miracula. Et simul  
Dei gratia ascribitur: quia nulla erat  
ratio cur aquas à suo situ depelleret, nisi  
quia pro immensa sua bonitate homi-  
nibus consultum esse voluit.

17 *Qui fecit luminaria.* Quum  
Moses duo luminaria magna vocet, So-  
lem & Innam, non dubito quin hanc lo-  
quendi rationem sequutus sit Propheta.  
Ideo quod paulo post adiungit de stel-  
lis, quasi accessorium est. Etsi autem lu-  
nam alii planetæ magnitudine superant  
non abs re tamen vocatur secundum  
luminare manifesti effectus causa. Ne-  
que enim Spiritus sancti consilium fuit  
astrologiam docere: sed quum doctri-  
nam proponeret rudissimis quibusque  
idiotis communem, populariter loquu-  
tus est per Moysen, & Prophetas, ne quis  
prætextu difficultatis subrefferet. si-  
cuti videmus nihil cupidius homines  
captare quàm ignorantia prætextum, si  
nimis sublime ac reconditum est quod  
trahitur. Etsi ergo Saturnus Luna maior  
est, quia tamen propter longiorem di-  
stantiam hoc non patet oculis, maluit  
Spiritus sanctus quodammodo balbuti-  
re, quam discendi viam precludere ple-  
beis & indoctis. Eiusdem notæ est quod  
simul addit Propheta, Deum solis & Lu-  
næ vices ordine partitum esse, vt illum  
*diri præficeret*, hanc verò nocti: non quòd  
portantur vilo domipio, sed quia mira-  
bilis in hac distributione Dei œcono-  
mia resulget. Et certè dum Sol interdiu  
suo fulgore terram illustrat, Luna verò  
& stellæ noctu, honorificum ( vt ita lo-  
quar ) obsequium Deo præstant.

10 *Qui percussit Aegyptios in primogenitis ipsorum, quia in seculum clementia eius.*

11 *Et eduxit Israellem e medio eorum, quia in seculum clementia eius.*

12 *In manu forti & brachio extento, quia in seculum clementia eius.*

13 *Qui diuisit mare Rubrum in diuisiones, quia in seculum clementia eius.*

14 *Et transire fecit Israellem per medium eius, quia in seculum clementia eius.*

15 *Et precipitauit Pharaonem & exercitum eius in mare Rubrum, quia in seculum clementia eius.*

16 *Et deduxit populum suum per desertum, quia in seculum clementia eius.*

10 *Qui percussit Aegy. in primogenitis.* Literam  $\Delta$  alii vertunt cum primogenitis. Sed prior interpretatio melius fluere videtur. Ceterum, nisi concionari placeat, superuacuum esset pluribus verbis hic morari lectores: quia nihil habetur quod non alibi tractatum fuerit. Verè autem dicit percussos fuisse Aegyptios in primogenitis, quia licet saepius territi fuerint alii, plagis, non tamen destiterunt contumacia sua furere, donec hac ultima plaga domiti vel fracti Deo cesserunt. Quia verò propositum non erat ordine recensere singula miracula, summam vno verbo complexus est, populum e medio Aegypti forti manu & brachio extento educum fuisse dicens, quia, vt erat vndique obsessus, nullum nisi in mirifica Dei virtute effugium patebat. *Brachii extenti similitudo apertissima est:* quia non solemus brachium extendere nisi quum arduum aliquid molimur. Itaque sensus est, Deum in liberando populo non leui manu visum esse, sed insolito modo exeruisse suam potentiam.

13 *Qui diuisit mare Rubrum.* De voce  $\Delta$  alibi dictum est, itaque mihi religio non fuit vertere mare Rubrum. Quia autem Prophetam *diuisiones* nominat plurali numero, diuisant quidam ex Hebraeis plures fuisse transitus: vt illis solene est de rebus incognitis nugari, totamque Scri-

pturam suis commentis adulterare. Et si autem meritò videntur tales ineptiae, si malum tamen eas detestari conuenit: quia minime dubium est, Rabbinos Satanae astutia, huc fuisse inductos ad labefcendam Scripturam suam. Palam & clare asserit Moses vtrinque sterisse aquarum moles. vnde colligimus continu fuisse spatium. Sed quia turmatim populus transibat, non autem vnus post alium, propter viae amplitudinem, in qua liberè progressi sunt viri & mulieres cum suis, famulis, & iumentis: sciti Prophetam diuisiones nominat, respectu hominum. quia hæc circumstantia, Dei gratiam non parum auxit, videre late hecattos gurgites, vt populo turmatim simul progredienti planus esset iter. Hoc quoque ad gratiae confirmationem valet, quod paulo post submersus fuit Pharaon: quia diuersitas ostendit non accidisse arcana aliquo naturæ motu, quod alii perierint, alii traiecerint salui & incolumes. In hoc igitur discrimine conspicua fuit Dei misericordia ad populum seruandum. Quod vno verbo attingit, Deum fuisse *ducem populi sui in deserto*, longe patet multis enim & variis miraculis opus fuit, vt in loco arido omnibusque vitæ subsidiis carente annos quadraginta transigeret. Itaque in hunc locum decet conferre quaecunque Moses recenset bonitatis & potestatis Dei testimonia: GGg.iii.

quod cibo caelesti aluerit famelicum populum, aquam ex rupe profluere iussit, protexerit sub nube ab aestu Solis, signum dederit suae praesentiae in colum

na ignis, vestes seruauerit integras, vagos exules cum paruulis tutatus. sit sub foliorum tuguriis, & alia quae lectoribus innumera occurrent.

17 *Qui percussit Reges magnos, quia in seculum clementia eius.*

18 *Et occidit Reges insignes, quia in seculum clementia eius.*

19 *Sihon regem Amorrhaeorum, quia in seculum clementia eius.*

20 *Et Og regem Basan, quia in seculum clementia eius.*

21 *Et dedit terram eorum hereditatem, quia in seculum clementia eius.*

22 *Hereditatem Israel seruo suo, quia in seculum clementia eius.*

23 *In humiliatione nostra memor fuit nostri, quia in seculum clementia eius.*

24 *Et eripuit nos ab oppressoribus nostris, quia in seculum clementia eius.*

25 *Qui dat escam omni carni, quia in seculum clementia eius.*

26 *Confitemini Deo calorum, quia in seculum clementia eius.*

23 In humiliatione nostra memor fuit nostri. Sex versus, qui ex proximo Psalmi sumpti sunt, non attingo. Alios etiam quia longa explicatione non indigent, succincte percurram. Tantum docet Propheta, quia Deus continua serie auxiliari populo suo non destitit, nullam aetatem eiusdem bonitatis quae Patribus exhibita fuerat, fuisse expertem. Atque hoc notabilius fuit documentum gratiae, succurrere calamitatibus populi ferè perditum, quam aequabili tenore in regum fouere: quia ipsa necessitas oculos nobis aperit, & sensus excitat. Deinde quia quoties suos liberat Deus, sequi

tur eorum peccatis signoscere. Tandem paternam Dei prouidentiam extendit promiscuè non modò ad totum humanum genus, sed ad cuncta animantia, ut mirum non sit, tam prouidum ac beneficum esse patrem erga electos suos, qui ne bobus quidem & asinis, coruis, & passeribus consulere grauat. Quum ergo brutis animalibus longe praecellant homines, & ipsi longè inter se differant, non propria dignitate, sed adoptione, Dei, ratiocinatur à minori ad maius Propheta, non posse satis extolli incomparabilem Dei erga domesticos suos gratiam.

#### ARGVMENTVM PSALMI CXXXVII.

Quum in exilio Babylonico cessaret legitimus Dei cultus, Propheta totius Ecclesiae personam suscipiens, conuenitur de hostium ludibrio quia in sacrum Dei nomen dirigeantur: & exulibus animosam vocem praestans, ipso ad spem redemptionis erigit.

Psalmus CXXXVII.

**S***uper flumina Babylonis illic sedimus, etiam fleuimus dum recordamur tui Sion.*



2 *Super salices in medio eius suspendimus citharas nostras.*

3 *Tunc quæserunt ex nobis qui ceperant nos, verba cantici, & in suspensionibus nostris latitiam, Canite nobis è cantico Sion.*

4 *Quomodo cantabimus canticum Iehouæ in terra aliena?*

1 *Super flumina Babylonis.* Diximus alibi nimis crasse falli eos qui Dauidem purant prophetico Spiritu populum de futuro exilio admonuisse: quia secus Prophetæ loqui solent de rebus futuris: hic autem differitur de re nota & vñ comperta. Consilium verò Prophetæ quale sit, breuiter expediendum est. Tristis enim illa abdicatio facere potuit ut fides ac religio inter Iudæos euanesceret. Atque ut facilis est lapsus ad superstitiones & corruptelas, dum impiis sumus permisti, periculum fuit ne profanescerent inter Babylonios. Adhæc exilium, duræque seruitus, & quæ illic ferendæ erant indignitates, animos deicere poterant fidelibus. Quisquis ergo fuerit Psalmi author, lamentationis formam dicat, ut gemendo & orando, spem salutis desperatæ foveat. Quanquam alter quoque finis notandus est, hortatur enim eos ne in terra profana pietatem colere desinant, nec se poluant Gentium inquinamentis. Hac ratione filius Edom vindictam imprecatur qualem erant meriti: & Babylonem, cuius caduca felicitas euandem reddebat totum orbem, miseram esse exclamat, suoque exitio propinquam. Porro quam vile, imò necessarium fuerit, fulciri piis animas ne deficerent, sola temporis diuturnitas satis docet. Proceliue enim erat, assuescere pollutis Gentium moribus, nisi per annos septuaginta mira animi fortitudine fuissent præditi. Sedendi itaque verbo longum exilii tempus notat: ac si diceret, non modò abreptum fuisse populum à patriæ conspectu, sed quasi in sepulchro conclusum. Et demonstratio quoque in aduerbio loci **UV** emphatica est, qua in rem præsentem lectores adducit. Erii autem regionis amœnitas, ut erat irrigua, tristitiam mulcere poterat, dicu ta-

men, fideles quandiu illic habitauerunt fuisse in continuo fletu. Ideoque vtiur particula **UV** quæ ad augendum valet ac si diceret, fideles in quibus vigebat purus Dei timor, non fuisse inebriatos deliciis Babylonici, ut spernerent hereditatē suam. Simul tamē ostendit neque obliuississe in suis malis, quin sentiret iustā Dei castigationē: nec contumaciter reluctatos esse Deo, quia fletus tā humilitatis & penitentiæ, quam mœoris signum fuit. Quod clarius patet ex recordatione Sion, quæ significat non fuisse terrenis commodis addictos, sed potius intentos fuisse ad cultum Dei: Sanctuarium erexerat Deus instar vexilli in monte Sion, cuius introitu continebantur in certa spe salutis. Quamvis ergo in regione sterili & sterunda quæ illecebris molles animos corrumpere poterat, longiorem morem traherent fideles, lachrymas tamen, quæ rictu arcescere dicuntur, semper sibi ex oculis fluxisse dicat: quia prohibebatur à solito Dei cultu, & hæreditate ibi promissa videbant se iure priuari.

2 *Super salices in medio eius.* Deploret interruptionem latitiam, cuius usum præceperat Deus in Templo suo. Scimus enim innotas Leuitis fuisse canendi partes, ut ad hoc petitis exercitium toti populo duces essent ac magistri. Si quis roget quorsum citharæ portarint tā procul à patria, hoc quoque tāquam insigne & fidei & patriæ æstimonium memorat Prophetæ: quoniam omnibus fortassis exstiterint Leuitæ, & publicæ tantum seruasse citharæ instar pretiosæ suppellectilis, quas rursus suo tempore in priorem usum aptarent. Et certè probabile est, veros Dei cultores reliquias Diuini cultus in summo pretio duxisse, & illis custodiendis sedulo dedisse ope

ut veniret restitutionis tem-  
pro videtur per salices notare  
labiles fuisse ripas illas quæ ad  
genium contigit erant salicibus. Ne  
igitur Prophetæ villas umbras, quan-  
tus iocunda essent, valuisse ad discuti-  
dum moerorem qui altius occupauerat  
piorum animos, quam vi profani sola-  
rii vel obiectationis quicquam admittere-  
rent. Certe ipsa loci commoditas, quum  
arborum vmbis obiecti ad ripas flumi-  
num sederent, os inuitare & allicere po-  
tuit ut arreptis citharis, doloris sui ca-  
nendo leniret: sed docet Prophetæ, grauius  
oppressos fuisse animos sensu iræ Dei  
quàm vi se vanis solatiis fallerent. Lō-  
gius etiam progreditur, vero & san-  
cto gaudio priuatos tunc fuisse. Nam  
et si neque pium neque consilium erat,  
exacerbare suum dolorem, non mirum  
tamen est publica cantica vsque ad redi-  
tum distulisse, quum eos festula Dei ad  
quammonas & luctum cogerent.

3 *Tunc qui fuerunt à nobis.* Non du-  
bium est, sub barbara illa tyrannide as-  
perè & duriter tractatos fuisse Israeli-  
tos. Idem tamen malorum cumulū  
fuisse intelligunt, quod probrosè in-  
sulauerint victores atque etiam illuse-  
runt: quia non tam propositum erat vul-  
nerare miseros exules, quam blasphem-  
ias in Deum iaculari. Neque enim sa-  
cra cantica audire Babylonis libebat,  
neque etiam forte patissent publice  
apud se celebrari Dei nomen: sed ironi-  
ca fuit loquutio, ac si probrosè iactarent  
Leuitas, qui prius solebant resonare sa-  
cra cantica, iam obmutuisse: quasi dice-  
rent, Am mortuus est Deus vester, cui au-  
te hac soliti estis canere? Nam si eum  
oblectaret vestra musica, cur cessatis? Po-  
stetius mēbrū versus variè torquet. Inter  
pretes, quidam enim nomē *לללללל*  
deducunt a verbo *ללל* quod est iula-  
re: ac veniunt, pro ulularibus nostris  
læriti im. Alii transferunt, suspensiores  
læriti im. Sunt qui participiū vice acci-  
piant, à verbo *ללל* quod est insanire:  
ac si, hæc esset, insipientes contra nos.  
Sed quū proximo versū verbū *לללללל*  
posuerit, radicem huius nominis pro fus-

pendere, simplicior mihi visa est illa  
quam sequutus sum lectio.

4 *Quomodo cantabimus.* Hic con-  
tra superbam insulationem excelsæ  
& magnifico responso fideles instruit  
Propheta, quod in terra polluta absti-  
neant à canticis, sicuti à sacrificiis lega-  
libus. Nam licet ludæos parant Chal-  
dæi exilii loco affixos esse, Propheta *ter-  
ram elionam* vocando, significat nonni-  
si ad tempus illic hospitari: præcipue  
tamen significat indignam esse Chal-  
dæam tanto honore ut illic personæ  
Dei laudes. Certum quidem est, filios  
Dei, vbicumque viverent, semper fuisse  
peregrinos in mundo: sed quia ter-  
ra Chanaan sacra erat eius quies, meri-  
tò dicit Propheta exteros & inquinatos  
fuisse in aliis regionibus: atque hoc mo-  
do semper ad reditum paratos & accin-  
ctos esse iubet, tacite confirmans Iere-  
miæ vaticinium, quo tempus exilii præ-  
fixum erat, Ierem. 25. 11, & 29. 10, ne pa-  
trix vnquam obliuiscerentur. Interea  
constantia fideles animat, ne quibus mi-  
nis territi se permisceant Babylois. si  
cuti hodie quauis sub Papatu instet  
graue periculum fidelibus, nisi ad reco-  
ptos mores se conforment, hoc tamen in-  
terstitio ab omni impia simulatione eos  
Spiritus sanctus disingit. Nā Gallis, Ita-  
lis, & Anglis, quibus cordi ac studio est  
sincera pietas, quādiu degūt sub illa ty-  
rannide, patria sua verè aliena est re-  
gio. Quanquam inter nos & veterem  
populum aliquid est discriminis. tunc  
enim nonnisi vno in loco fas erat Deū  
colere: nunc vbicumque duo aut tres cō-  
ueniunt in Christi nomine, Templum  
Dei est, modò ab omni idololatriæ pro-  
fessione distincti, se in puro Dei cultu  
contineant. Caterum noluit his verbis  
Propheta studium laudandi Dei pror-  
sus extinguere, sed potius afflictas men-  
tes hortari ad patientiā, donec restituta  
esset publica Dei colēdi libertas. ac si di-  
ceret, Orbati sumus Tēplo & Sacrificiis,  
expulsi à patria, vagamur in solo pollu-  
to. quid ergo restat nisi ut gemamus, ac  
nostræ abdicationis memores, suspire-  
mus promissam rederptionem?

5 *Si oblitus fuero tui Ierusalem, obliuiscatur dexte-  
ra mea.*

6 *Adhareat lingua mea palato meo, si non meminero tui: si non extulero Ierusalem super caput lætitiæ meæ.*

7 *Recordare Iehoua filiorum Edom, in die Ierusalem dicentium, Nudate, nudate usque ad fundamentum in ea.*

8 *Filia Babylonis vastata: beatus qui rependet tibi retributionem tuam quam retribuisti nobis.*

9 *Beatus qui apprehendet & allidet paruulos tuos ad petram.*

5 *Si obliuiscueris tui.* Confirmatio est proximæ sententiæ: unde etiam colligere promptum est quid sibi tunc uoluerit. Testantur enim Dei cultores, & quidem adhibita imprecatione, memoriam sanctæ urbis cordibus suis semper fore infixam, neque unquā deletum iri quicquid acciderit. Quia autem de cantu & musicis instrumentis hic agitur, imprecationis formam inde concipit Propheta, ut obliuiscatur manus artis suæ, lingua palato vel faucibus adhareat. Summa huc tendit, non debere priuatis incommotis fideles ita tristari, quin grauius tangantur communi Ecclesiæ clade: quia æquum est, zelum domus Dei palmam tenere in cordibus nostris, ut super omnes priuatos affectus emineat. Secundum membrum quidā sic interpretatur, si non hoc mihi erit præcipuū gaudium, videre rursus florentem statum Hierosolymæ. Alii, nunquam penetrabit in animum meum lætitia, donec me exhilaret Ecclesiæ restitutio. Sed Prophetam, meo iudicio, utrumque simul completur. Nec verò potest alterum ab altero diuelli: quia si Ierusalem extollimus ad caput lætitiæ nostræ, caput lætitiæ ipsius erit ex secundo prosperoque illius status: quod non fiet nisi moror ex eius malis conceptus, profanis omnibus gaudiis ianuam præcludat.

7 *Recordare Iehoua filiorum Edom.* Quam aliis quoque vicinis Gentibus, quæ in excidium Hierosolymæ conspirauerant, instaret vindicta, non dubium est quin per synecdochen eos omnes Propheta sub filiis Edom designet: vel quia odii crudelitate superauerant alios, vel quia minus tolerabilis erat eorum crudelitas in consanguineos & fratres, erant enim posterii Esau, & quā

populus Israel omnia hostiliter vastaret, Dei mandato pepercit Idumæis, Deut. 21. Nimis ergo excauit immanitas, accerere Babylonios fratribus tuis perdēdis, vel suis flabellis eorū sanctiā magis accendere. Sed notandum est, Prophetam hīc ad maledictiones & diras non temere prorumpere: sed Diuinum esse præconem confirmandis prioribus uaticiniis: Deus enim per Ezech. cap. 25. 13, & Ieremiam 49. 7, prædixerat de Idumæis pœnas se sumpturum. Et Abdias 11, rationem clarius exprimit, quæ respondet huic loco, nempe quia conspirauerant cum Babylonis. Consilium verò Dei fuisse scimus, sulcare hoc solatio animos populi in tristissima clade: quia alioqui videri poterat irrita electio Iacob, si eius filii impunē à proge Esaus tam immaniter fuissent lacerati. Nunc Spiritus instans præcatur Deum Propheta, ut re ipsa ostendat nō frustra hoc fuisse prædictum. Et quā dicit, Recordare Iehoua, promissionis memoriam reuocat in animos piorum, ut Deum vindicem fore persuasi, exitū patienter & moderatē expectent. Neque enim vindictam petere fas erat nisi quam promiserat Deus: & quidem aduersus reprobos & insanabiles. Nā aliis quantumuis infesti sint, optanda est sanamens, & respicientia. *Diem Ierusalem* vocat, vñtato Scripturæ more, tēpus uisitationis, cui finē Deus præfixerat.

8 *Filia Babylonis vastata.* Iam fidei oculis absconditum Dei iudicium inspicit Propheta, sicuti fidem scitē Apost. Heb. 11. 1, rerū absconditarū aspectū vocat. Quauis ergo incredibile foret, tam potenti monarchiæ, qualis tunc erat Babylon, posse quicquam cōtingere aduersū, omnesque vulgò putarēt mex-



pugnabile esse eius robur : cladem eius & interitum in verbi speculo intuetur Propheta. Et idem facere iubet pios omnes, ut cælestibus oraculis freti, scelerata urbis superbiam quasi ex alto despiciant. Quod si fiduciam & spem concipere discamus ex Dei promissionibus, quantumvis abiecti, poterimus tamen ex inferis attollere capita, & gloriari nos in extremis malis beatos esse, hostes vero nostros exitio deuoto: modo affectus omnes nostros sua reuerentia temperet Dei spiritus. Porro quum pronuntiat *beatos qui Babyloniis vindictam rependant*, non intelligit Persarum & Medorum obsequium placuisse Deo, quos ambitio & inexplabilis auaritia, deinde praua emulatio ad bellum impulit: sed quia bellum illud quasi Dei auspiciis gestum est, optabilem successum Propheta fore dicit. Quia enim statuerat Deus pœnam sumere de Babylone, be-

nedixit Cyro, & Dario: sicuti rursum Jer. 48. 10. simili ratione maledictos pronuntiat qui facient opus Dei negligenter: hoc est, qui non strenue operam Deo suam, vastando & perdendo, impendent, ubi conducti erunt ab eo carnifices. Et si autem crudele videtur, dum opor tene ros fortis & adhuc innoxios ad lapides allidi & conterri: quia tamen non impulsu proprio loquitur, sed verba petit ex ore Dei, nihil aliud quam iusti iudicii præconium est: sicuti quum pronuntiat Dominus, quæquæ mensura vsus fuerit erga alios, vicissim ei remensum iri, Mat. 7. 2 Sed de Babylone speciale vaticiniû ediderat Iesaias, 13. 16, cui haud dubie succinit nunc Propheta, Ecce Deus acuit ferrum, & intendit arcus, Medos & Persas emittit, qui non expetent argentum & aurum, tantum sitient sanguinem, &c.

#### ARGVMENTVM PSALMI CXXXVIII.

*Dauid memoria repetens quàm præclarè semper adiuuus esset à Deo, tam eius bonitatem quàm fidem expertus, his documentis primum se ad gratitudinem incitat, & accingit: deinde in posterum sibi promittit eandem beneficentia cursam, quia Deus perpetuo sibi constet. Quod si pericula, i. cœtingerit, spem sibi facili exitus.*

**D**Auidis. *Celebrabo te in toto corde meo, coram Diis psallam tibi.*

2 *Adorabo te ad templum sanctitatis tue, & canam nomini tuo super clementia tua & super veritate tua: quia magnificasti super omnia nomen tuum, sermone tuo.*

3 *In die quo clamaui ad te tunc exaudisti me, multiplicasti mihi in anima mea robur.*

4 *Celebrent te Iehoua omnes Reges terræ: quia audierunt verba oris tui,*

5 *Et canant in viis Iehoua, quia magna est gloria Iehoua.*

1 *Celebrabo te.* Sicuti memorandis Dei beneficiis ornatus fuerat Dauid, ita profitebatur se non vulgari modo gratum fore. Sed quia hypocritæ ficta & inani resonantia vitiant & contaminant hoc sacrificium, simul addit non labijs modo sed sincero corde gratias se Deo acturum. nam *totum cor* pro sincero accipitur, & duplici opponi, videmus Psal. 12. 3. Iam quia nomen *יהוה* nunc ad Reges, nunc ad Angelos transfertur, utrum

que præsentī loco non malè conueniet. Publicam gratiarum actionem promittit Dauid. Iam quia sacer conuentus quasi cæleste theatrum est, semus ornari Angelorum frequentia, & Cherubim idcirco Arcam fœderis cingebant, ut sciret fideles sibi adesse teste Angelos quoties in sanctuarium veniebant colendi Dei causa. Quia verò primò ordinem ducebant Principes, nō erit absurdū de ipsis accipere quod hic dicitur: sicuti & Psal

mo 107. 32. Celebrate Iehouā in seniorū concessu: hoc est celebri & honorifico, vt loquuntur. Quamquam nihil prior sensus magis arridet, eo quod fideles, quoties prodeunt in conspectum Dei, quasi segregati à mundo celos conscendunt, vt se coniungant Angelis. sicuti Paulus de ordine & decore ad Corinthios differens, admonet vt in publico totū saltem Angelos reuerentur. Et Deus olim sub figura Cherubim idem depingi voluit, vt visibile præsentiæ suæ pignus, fidelibus daret. Et mox sequitur explicatio, vbi dicit, *Adorabo ad templum sanctitatis tue.* Significat enim non modò priuatim se gratum fore, sed ex Legis mandato venturum se ad Sanctuarium, vt alios ad imitationem hortetur. Etsi enim spiritualiter Deum colebat, oculos tamen ad externa illa symbola conuertere oportuit quæ tunc vehicula prius erant ad tollendis sursum eorum mentes. Porro materiam laudandi Dei sibi proponit in eius misericordia & veritate: quia etsi encomia etiam sua meretur eius potentia & virtus, nihil tamen acrius stimulare nos debet ad celebrandum eius nomen, quàm gratuita bonitas: quia liberaliter nobiscum agendo, os nobis ad canēdas suas laudes aperit. Cæterum quia misericordiam non gustamus, vel saltem viuo animi sensu non apprehendimus absque Verbo, additur si des aut veritas. Atque hæc copula, vt iam sæpius admonui, diligenter notanda est: quia vtunque effectus se beneficium Deus ostendat, nisi tamen præluceat doctrina impeditur stupor noster ne eius bonitas in animos nostros penetrer. Hæc autem priore loco statuitur, quando nō alia de causa veracem se Deus nobis prestat nisi quia sponte se nobis gratuita promissione obstrinxit. Et certè in eo perspicitur inestimabilis eius misericordia, quod à se alienos præuenit in flamma bilis eius misericordia, quod à se alienos præuenit, & familiariter allosqui digatur vt ad se inuiter. In fine versus subaudiunt aliqui copulam in voce *sermonis*, atque ita reddunt, Magnificasti nomen tuum, & sermonem tuum super omnia: quod vt frigidum est, meritò à doctis Interpretibus repudiatur, qui tamē ipsi ad solum nimis coactum (meo iudi-

cio) confugiunt, sic vertentes, Magnificasti super omni sermone tuo nomen tuum. Ego verò non dubito quin Dauid prædiceret nomen Dei sua celsitudine supra omnia excellente inde specialem modum denotat, quo Deus nomen suum extulit, nempe quia veraciter præstitit quod liberaliter promiserat. Et certè quia pro stupore nostro excutimus ad Dei beneficia, hæc optima est ad nos ex pergefaciendos ratio, dum suauitate nos compellat Deus, & tandem est etiam quæ pollicitus est gratiā sancit & obignat.

3. *In die quo clamaui.* Quamuis sæpe vota nostra præueniat Deus & quasi dormientibus occurrat, ideo tamen suos vt plurimum Spiritus sui instinctu sollicitat ad preces: quo melius illustret suam gratiam, dum agnoscunt non frustra nec sine profectu se orasse. Iure itaque Dauid non posse hoc videri fortuitum colligit, quod emerferit ex periculis: quia palam apparuerit exaudium fuisse ab eo. Hoc ergo vnum est, preces nostras Dei gratiam propius nobis ostendere. In secunda parte versus nonnulli etiam copulam subaudiunt, Multiplicasti me, & in anima mea robur. sed ineptè: quum sensus verborum optimè sit: nihil addendo: siue legas quemadmodum prius verti, siue legere malis. Multiplicasti me in anima mea robore. Summa est, quum debilitatus esset malis adeptum esse nouam animi fortitudinē. Nisi forte magis placeat sic resolvere, Multiplicasti me, hoc est, benedixisti me, vnde in anima mea robur.

4. *Celebrans Iehouam.* His verbis docet, quàm expertus est gratiam, longè fore memorablem, vt fama eius per totum orbem spargatur. Cæterum Reges ipsos dicens audisse verba oris Dei, nō significat rite esse edoctos in pietate vt inferi debeant in Ecclesiæ corpus, sed hoc ubique fore notum, non alia de causa mirabiliter seruatum fuisse à Deo nisi quòd eius mandato vnctus fuerat in Regem. Quamuis ergo in illo cælesti oraculo non proficerent vicini Reges, valuit tamen ad commendationem gratiæ Dei, passim cognosci ab omnibus Dominus se fuisse vocatum. Et certè quum per tot annos, quibus acerrimè eū ad necē persequutus est Saul, se per iactauerit

se militare sub Dei vexillo, non potuit hoc esse obscurum Dei beneplacito & vocatione eum regnare. Tale ergo gra-

tia Dei fuit documentum, quod profanis etiam Regibus aliquam confessionem exprimeret,

6 *Quia excelsus Iehoua, humilem tamen respiciet, & excelsus eminens agnosceret.*

7 *Si ambulauero in medio tribulationis, vivificabis me: super iram inimicorum meorum mittes manum tuam, & servabit me dextera tua.*

8 *Iehoua rependet super me. Iehoua clementia tua in perpetuum: opera manuum tuarum non deseres.*

6 *Quia excelsus.* Hoc versu commendat Dei providentiam, qua totus mundus regitur. Est autem hoc apprimè vultu cognitum, nō negigi à Deo salutem nostram: quia etsi verum id esse fatentur omnes, repudatio tamē in minimo quoque discrimine diffidentiam nostram refellit, quia quisquis solide persuasus erit paternam Dei curam se foveri, non tam facile expauescet. Eū autem quidam excelsum interpretantur, ac si diceret David Deum in caelesti solio sedere ad regendam totum orbem, adversariū tamen positum esse censeo: ac si diceret, non ob stare Dei celsitudinem quoniam humiles & abiectos respiciat in terra. Quod idem confirmat secundo membro, ubi dicit sublimem procul vel e longinquo intelligere. Alii ׀׀׀ in accusativo casu legunt: qui etiā sensus non male quadrat: quasi diceret, Deum altos & superbos non dignari propinquo intuitu, sed contemptum despiciere: quum parvulos & abiectos, (qui videntur in speciem longius remoti) non secus ac sibi propinquos curet. Sunt etiam qui verbū ׀׀׀ vertant contere: quasi dictū esset Deū humiles fovendo, contere altos istos gigantes, qui sibi in sua prosperitate applaudunt. Sed quia vereor ne non tam argute loquutus sit David, mihi sufficit simplex repetitio eiusdem sententiæ, quāvis sublimis sit Deus, cognoscere tamen quæ fugere videntur eius curam. Sic vidimus Psalmō 113, 5, Exaltat se Iehoua ad habitandum, se tamen humiliat ad videndum tam in cælo quàm in terra. Summa est, Quamvis ea lis omnibus superior sit Dei maiestas, non arceri tamen longo intervallo, quominus sua providētia

ordinet totum orbem. Sublimis ergo Deus est, sed procul aspici: ut necesse non habeat locum naturæ, dem vultu descendere ad gerendam nostram curam. Nos, contempti & ignobiles, sed nō impedit misera nostra conditio quod Deus curam nostri suscipiat. Sic enī convenit immensam eius gloriam, qua cælos omnes superat, cum admiratione suspicere, ut tamen non dubitemus quasi paterno eius sinu nos foveri. Et appositè contexuit David hæc duo membra. primum, ne Dei maiestas abiecto terrore, sensum bonitatis eius & indulgentiæ tollat: deinde ne bonitas, qua se ad nos usque demittere non grauat, minuat gloriæ eius reverentiam.

7 *Si ambulauero.* Hic declarat David quomodo sibi Deum fore servatorem confidat: nempe qui mortuo restituat vitam, si opus sit. Qui locus notatu dignus est. nā ut delicata est cælo, cuperet quisque nostrum extra telorum iactum securus degere: itaque nihil minus tolerabile quam certare cominus cum mortis metu. Imò simulac discrimen aliquod obiectum est, sine modo exhorrescimus ac si angustia nostræ omnes Dei salutes prohiberent. Atqui hæc vera fidei regula est, in mortis tenebris cernere vitam lucem nec tantum inniti Dei gratiæ, quæ nos ab omni incommodo eximat, sed quæ nos singulis momentis in media morte vivificet: sicuti suos variis afflictionibus humiliat, ut mirabiliter tueatur: atque ita non modo vitæ custos, sed etiam liberator appareat. Porro quia semper in mundo hostes imminet fidelibus, pronuntiat David, quicquid illi machinentur, se Dei



auxilio tutum fore. Hinc ergo spem vitæ sibi esse docet, quia extenta Dei manu protegitur, quæ nouit multam esse, & omnium hostium victtricem. Vnde sequitur. Deum ita exercere filios suos continua militia, ut alterum in sepulchro pedem habentes, trepide sub eius alas confugiant, ut tranquillitate fruantur. Quam particulam *et* non accipiunt pro ita, sed pro etiam: atque ita legunt, Extende, etiam super inimicos. Sequitur tamē sum quod erat receptius: quia & sensus plenior est, nec quicquā habet coactum.

8 *Iehoua rependet.* Ambigua verbi *et* significatio sententiam quoque hanc dabitam facit. Significat interdum rependere, adeoque generaliter conferre: quia sepe ad gratuita beneficia cōfertur. Sed quæ sequuntur in contextu verba, videntur diuersum sensum exigere, nam quum addatur ratio, Iehoua misericordia tua in seculum, opera manuum tuarum non deseres: melius cōuenit, Iehoua perficiet pro me, hoc est, perget ostendere sibi curæ esse salutem meam, & quod cœpit perducet ad vltimum usque actum. Ergo quem ad modū liberatus fuerat Dei misericordia, statuit hoc fore perpetuum: quia Deus naturam non mutat, nec bonitatem, quæ præditus est, potest exuere. Et certè, ut nos bona spes in periculis sustineat, oculos in Dei bonitatem desigere necesse est, in qua fundata est salus nostra. Iam quum Deus, qui nullo iure nobis obstrictus est, vltro promittat nos sibi curæ futuros, optimè colligit Dauid, salutem

suam non fore caducam nec temporalem: quia æterna est Dei bonitas. Et hæc sententiam confirmat aliis verbis, Fieri nō posse ut Deus lassitudine, vel tedio (ut mortales solent) opus imperfectum abiciat. Nam eodem sensu hoc pronuntiat Dauid, quo docet Paulus dona & vocationem Dei carere penitentia. Nam quum homines vel inconstantia aliò rapti, quod stulte aggressi sunt, leuiter relinquunt: vel infirmitate cogantur omittere quod supra vires tentarūt: nihil tale in Deum competit. Ideoque timendam non est ne spem nostram in medio cursu frustretur. Solæ enim malitia & ingratitude nostra infatigabilē & perpetuum gratiæ eius tenorem abrumpit. Ergo quod firma fide amplexi erimus, nunquam auferet Deus, vel nobis effluere sinet. Nec verò Dauid pronuntiat Deum perficere suorum salutē, ut ipse torpori indulgeat: sed potius ut fidem suam confirmet, seque ad precandam acuat. Vnde enim pius sollicitudo & metus, nisi quia sua fragilitatis conscii, ab vno Deo pendentes? Interim solida certitudine recumbunt in eius gratiam: quia non dubitant quin perficere velit usque in diem Christi quod cœpit: sicut idem Paulus ad rom. Philippensium capite primo, 6. Hic autem est doctrina vsus, ut quoties labimur vel fluctuamus, veniat nobis in mētem. Atqui operatur est in me Deus in intellū salutis, ergo vsque in finem prosequetur. Hinc mox cōfugiātes ad preces, ne ignauia nostra continuo gratiæ Dei riuo, cuius fons est in exhaustus, aditum claudat.

## ARGVMENTVM PSALMI CXXXIX.

Dauid, ut sibi nebulas omnes, quibus se fallaciter maior paci mundi inuoluit, discutienti, hypocrisin purges ex corde succulens verbis differens, ut quomodo oculos Dei cautos latere: idque consumas ex creatione hominis, quia si Deus in vero matrem nobis figuram aperuit, & singulis membris a tribuit vim suam & munus, fieri non potest quin omnes actiones nostras perscrutetur sub eius oculis. Postquam verò hac meditatione ad sinceram Dei timorem se animauit, a peccatis & sceleribus Dei contemptoribus alienissimum se esse testatur: atque huius integritatis, cuius sibi conscius est, fiducia Deum implorat, ne in medio viæ cursu ab eo deseratur.

Psalmus CXXXIX.

**P** Resecti, Dauidis Psalmus.  
& cognoscis.

Iehoua explorasti me,

2 Tu cognouisti sedere meum & surgere meum, intelligis cogitationem meam procul.

3 *Semitam meam & accubitus meum obfides, & omnes vias meas intelligis.*

4 *Quia nullus sermo in lingua mea: ecce Deus cognoscis totum.*

5 *Retro & antè coarctas me, & posuisti super me manum tuam.*

6 *Mirabilis facta est sciētia tua supra me: exaltata est, nō potero ad eam.*

I *Iehoua explorasti me.* Præfatur David se non venire in Dei cōspectum quia putet se quicquam proficere simulando: sicut hypocrita, quasi velis obreptis, se care delicias sibi facienti: sed quia persusus sit, Deo nihil esse absconditū, sensus omnes suos vltro detegere vt se examinandum permittat. Tuum est, inquit, ō Deus perspicere quid in me latet, nec quicquam te fugiet. Addit etiā circumstantias, quibus significat nullam vitæ suæ partem Deo esse obscuram. Siue quiesco, inquit, siue ambulo, siue surgo: tu motus omnes meos obseruas. Porro quum **וְיָ** amicum vel socium significet, quidam Interpretes vertunt, Intelligis propinquitatem meam à lōge: quod multò apti⁹ quadraret, si quod occurreret simile exemplum. Est enim continua allusio, quod procul remotum est, sub oculis tamen Dei versari quasi propinquum. Sed quia receptior est altera lectio, discedere ab ea ausus nō sum. Sunt qui particulam **וְיָ**, transferant pridem: in qua significatione alibi quoque accipitur. ac si dictum esset, Domine quicquid animo concipio, antè sibi pridem compertum fuit. Sed illud alterum quod sequutus sum, magis placet, Deum non esse cælo inclusum, vt se otio oblectans (sicut Epicurei fingent) res humanas negligat: sed quantum longè ab eo peregrinemur, cum tamen non longè abesse. Quia verbum **וְיָ** nunc ventilare, nunc circumdare significat, commodè etiam posset in tertio versu exponi, Tu ventilas ō Deus semitas meas. Trita enim metaphora est, ventilari quod ex tenebris erutum, in lucem profertur. Sequatur ergo quisque quod magis placuerit. Nam alter ille sensus

quem posui, optimè responderet. In fine versus variant etiam Interpretes. Nam quia verbum **וְיָ** in coniugatione hiphil, sicuti hic habetur, significat prosperum reddere: putat quidam grauias agi Deo, quod actionibus det felicem successum. sed quia Dauidi aliud propositum est quàm Dei benedictionem celebrare, significatio illa nihil ad præsentem locum. Non minus enim coactum est quod alii afferunt, Fecisti assuescere vias meas: quasi diceret beneficiū Dei esse, quod præditus sit consilio. Ego igitur, quāquā sit verbum hiphil, neutraliter accipere non dubito: hoc sensu, Domine tu assueuisti viis meis, vt tibi familiariter notæ essent.

4 *Quia nullus sermo.* Duplicem sensum admittunt hæc verba: ideo sic resoluunt quidam, Domine, antequam sermo in lingua mea nascatur, cognoscis quid dicturus sim. Alii autè, Quāuis verbum nullum proferam, sed silentio tegere coner mea consilia, nihil te prorsus latet. Quia ferè eodem redit utraque versio, liberum sit hanc vel illam eligere. Summa est, Quum lingua vocetur inter nos character mentis, quia loquēdo quisque cum proximis suis communicat: Deum, qui cordium est cognitor, nō opus habere sermone. Et demonstratiua particula *ecce*, emphaticè addita est: ac si dixisset profundissimos mentis recessus adduci in rem præsentem. In quinto versu legunt multi, Retro & antè formasti me: sed quum **וְיָ** coarctare sæpe significet, non dubito quin dicere voluerit David, se omni ex parte circumdatū & conclusum teneri Dei conspectu, vt frustra effugere conetur quocunque se vertat. Nam qui viam sibi obstructā esse

videt

Videt, reflectit gradum. David autem se non minus à tergo, quam à fronte constitutum teneri dicit. Ac eodem pertinet secundum membrum, *Posuisti super me manum tuam*. Frigidè enim ad formationem alii trahunt quòd Deus, instar opificis, manum applicuerit ad opus suum formandum: nec satis attendunt ad contextum. quare multo rectius est, Deum quasi iniecta manu cunctos mortales subicere oculis suis, ut ne transuersam quidem lineam deflectere queant, nisi ipso conscio.

6 *Mirabilis facta est.* Particulam **וְיָדָד** duobus modis accipere licet: nempe quòd scientia Dei mirabilis sit: ex hominis creatione: sicuti veteri proverbio vocarunt hominem *מִפְּסֵי עֵצִים*: quia ubi reputamus quanto artificio compositum sit corpus hominis, & qui-

bus donbus anima excellat, necesse est quasi attonitos rapi. Sed contextus diversam sententiam exigit. David enim prosequi volens quod hactenus dixit, exclamat, perperam & stultè facere qui metiri volunt Dei scientiam suo modulo, quum mirabiliter supra nos em neat. Quia enim ubi Dei fit mentio, multi ex suo ingenio iudicium ferunt: hæc temeritas merito coarguenda fuit. Non plus Deo cognoscere vulgò permittunt, quàm ipsi capiant. David autem scientiã Dei fatetur sibi esse incomprehensibilem. quasi diceret nullis se verbis posse assequi hoc ipsum de quo differit, Deo scilicet nihil esse absconditum: quia huius scientia nullus sit modus, vel finis. Itaque nihil sibi esse residuum, nisi ut suæ imbecillitatis conscius, tantam altitudinem reuerenter suspiciat.

7 *Quò proficiscar à Spiritu tuo? & quò à facie tua fugiam?*

8 *Si ascendero in calos, illic tu es: si iacuero in sepulchro, ecce tu.*

9 *Sumam alas auroræ ut habitem in extremis maris:*

10 *Etiam illuc manus tua deducet me, & tenebit me dextera tua.*

11 *Si dixero, Saltem tenebræ operient me: & nox lux pro me erit:*

12 *Etiam tenebræ non obtenebrabunt abs te, & nox quasi dies illuminabitur, & tenebræ sicut lux.*

7 *Quo proficiscar.* Prosequitur, meo iudicio, David idem argumentum, nihil proficere suis subterfugiis homines dum conantur effugere Dei oculo. Spiritus non simpliciter pro virtute hic ponitur, ut pieiunque in Scripturis: sed pro mente & intelligentia. Nam quia in homine sedes intelligentiæ est spiritus, hoc ad Deum transfert, quod ex secunda parte clarius patet, ubi facies pro notitia vel conspectu ponitur. Sûma est, nõ posse Davidè locum mutare quin Deus animaduertat: imò fugiẽtẽ persequatur suis oculis. Itaque ad probandam essentia Dei immensitatem male detortus fuit hic locus. quia etsi minime dubium est quin Dei maiestas cælum & terram

impleat, aliud tamen voluit David: quemcumque angulum latebris captauerit, se manifestum fore Deo, cuius oculi cælum & inferos penetrent. Quamvis ergo supra calos euolet, aut in ultimis abyssis lateat, dicit sursum & deorsum omnia esse Deo conspicua. In aliis auroræ vel luciferi putchra est translatio, simul enim ac Sol terris exoritur, non secus ac celerissimo volatu splendorẽ suum repente in omnes mundi plagas transmittit. Et eadẽ etiã Metaphora occurrit Malachiæ 3. 2. Summa est, Etiam si quis æquaret celeritate Solis radio, nullum tamen recessum ab eo posse inveniri, quin sèper Dei imperio subiaceat. *Mens* enim hic vocatur potestas: ac si dixisset,



quoties se homines subducere tētabunt ab oculis Dei, in eius fore arbitrio mox retrahere fugitiuos.

12 *Si dixeris.* Induit David personam hominis ad omnes circuitus intēti, si qua fortē elabi queat ex suis angustiis. Postquam ergo ingas omnes confessus est sibi esse inutiles, iam de nouo remedio loquens, dicit, Si nulla mihi celeritas prodest quæ me extra Dei conspectum rapiat: saltem luce extincta venient tenebræ, quæ me ad tempus occultent, ut tantisper respirare liceat. Sed hoc quoque vanum fore dicit: quia non minus acutē cernat Deus in dēfissimis tenebris, quàm in meridie. Qui hæc duo membra separant, *Tenebræ operient me, & Nox lux pro me erit* ) quasi diceret tenebras in lucem conuerſum iri, ut ipse nihil videns, Dei tamen oculis appareat) meo iudicio falluntur: quia potius verba ex suo sensu contextens David, intelligit, modò tegumentum aliquod inueniat, sibi fore aliquid licentiæ: quemadmodum famibus & syluestribus feris nox pro die est, quodd tunc liberius vagentur. Si ergo promiserō mihi aliquas inducias, inquit, inter tenebras noctis, fru-

strabitur me opinio: quia tenebræ lucē tuam non obducunt. Et ex particula *U*, colligimus membra sic debere apartari. Sicuti autem superuacuis videtur hic sermo, nullum coram Deo discriminē esse inter lucem & tenebras, experientia satis coarguit, ægerrime summæque difficultate adduci homines ut nudi & aperti in Dei conspectum prodeant, Deum quidem omnia cognoscere fateamur omnes: sed quod nemo in controuersiā vocat, quisque apud se tacitē pro nihilo ducit: dum tam secure Deo illumus, nec vlla eius reuerentia nos coercet, ut saltem locum hominis mortalis apud nos obtineat. Pudore enim retinemur, ne quis hominum conscius sit ac testis nostræ turpitudinis: Dei verò iudicium non secus contemnimus, ac si interposito velo, scelera nostra abscondita essent eius oculis. Hæc nostra stupidas nisi acerrimē stimuletur, lucem nobis in densas tenebras subinde conuerteret. Quare non abs re David ad discutiendos vanitatis nostræ fumos tã prolixē insistit. Taurum superest, dum nobis obrepit nimia securitas, ut quisque his stimulis se pungat & excitet.

13 *Quia tu possedisti renes meos, operuisti me in utero matris mee.*

14 *Celebrabo te, eo quod terribiliter mirificatus sum: mirabilia opera tua, & anima mea cognoscet valde.*

15 *Non est abscondita fortitudo mea abs te, quam fecisti in occulto, contextus fui in infimis partibus terræ.*

16 *Informe meum viderunt oculi tui, in libro tuo omnia scribentur, diebus formata sunt, & non unum ex ipsis.*

13 *Quia tu possedisti renes meos.* Quam videtur continuare eandem doctrinam, paulò tamen longius procedit, non mirum esse scilicet si ita in occultis simas quasque hominum cogitationes disquirat qui renem aut cordium fictor est. Dicit ergo in ipsis renibus positum esse Deo tribunal, ex quo iurisdictionē suam exerceat: nec mirum esse si eum non fallant flexuosi cordium nostrorum recessus, qui nos adhuc clausos matris utero tam clarē intuitus est ac si essemus in media luce expediti. Nunc tenemus

qua occasione David ad creationē hominum nunc descendat. Eodem spectat proximus versus, in cuius verbis licet aliqua sit ambiguitas, sensus tamen facilis ac clarus est, mirabilibus modis Davidem fuisse formatum, & qui meritò admirationem terroremque incutiant: vnde cogitur in Dei laudes prorumpere. Inde enim tam secuta carnis indulgentia, quia non satis expendimus quam mirificē nos formauerit celestis opifex. Deinde à specie transcendit David ad genus, exclamās, quæcunque

Denique oculis nostris occurrunt Dei opera, totidem miracula esse quæ mētēs nostras ad se rapere debeant. Hæc enim (ut alibi diximus) iusta est operum Dei consideratio, quæ in admirationem definit. Quod autē addit *animam suam* v. *Idē cognoscere* miracula, quæ tamen in genū nostri captum excedunt, non aliō tendit, quā modesta sobriāque diligentia se attentum fore & solemtem, ut percepto gustu mirabilium Dei, immensam gloriæ altitudinem adoret. Non ergo hic ponitur cognitio quæ sensibus nostris subiciat quod Dauid sub miraculi nomine confessus est non posse comprehendere (sicut philosophos inflat sua arrogantia ut nihil Deo occultum relinquant) sed tantū pia attentio notatur, quæ nos ad reddendā Deo gloriam experefaciat.

15 *Non est abscondita.* Pergit Dauid à creatione hominis ratiocinari, nihil Deo esse absconditum: & Deum ostendit longē præcellere summos quosque artifices, qui oculorum adminiculo indigent ad formandum suū opus, quū Deus in visceribus matris nostræ nos formauerit. Siue autem de ossibus loquatur, siue de fortitudine, ad summam rei parum interest. quanquam malim de ossē accipere. Et deinde vterum matris *infinis terra cavernis* & penetralibus comparat. Siquis artifex in obscuro aliquo antro absque lucis adiumento opus aliquod velit aggredi, vnde incipiet? quænam erit progrediendi ratio? & qualis perfectio operis? Atqui Deus nulla luce adiutus, opus omnium perfectissimum, nempe hominem in vtero matris format. Et verbum *Q̄*, quod est con texere, ad amplificationem valet. Neque enim dubium est quin metaphorice exprimere velit Dauid inestimabile quod in figura corporis humani relucet artificium. Nam si tantū vngues inspicimus, non poterit tamen quicquam illic mutari, quin mox ostendat incommoditas aliquid esse luxatum. quid ergo si excutiantur singulæ partes? Huius tam multiplicis variæque texturæ quis phrygio sua industria & acumine centesimam partem assequi poterit? Non mirum igitur si Deus homines in lucem editos tam exactē cognoscat, quos in

matris vtero numeris omnibus absoluit.

16 *Informe meum viderunt oculi tui.* Quia *εἰσέμωρος*, ubi in vtero concipitur, nō statim formam induit, dicit hic Dauid se iam tunc cognitum fuisse Deo quum adhuc informe s. massa esset, quam Græci *το νεκρὸν* vocant. Nam *το εἰσέμωρος* illis fœtus vocatur à conceptione usque ad partum. Ratiocinatur autem à maiori ad minus Dauid: si antequam coaluisset in certam & distinctam formā, Deo cognitus fuit, multo minus posse nunc eius noticiam effigere. Dicit postea *in libro eius omnia esse scripta*, nempe totam rationem creationis Deo esse probè compertam. Nam quod ad nomē libri, similitudo ab hominibus semper est, qui libris & commentariis ad memoriam iuuandam vtuntur. Itaque dicitur Deus habere in actis suis scripta quæcumque nouit: quia nullis adminiculis eius memoria indiget. In secundo membro nō consentiunt Interpretes. Quidam enim *Q̄* legunt nominandi casu, quum dies formati sunt: & hunc eliciunt sensum, omnia ossa mea scripta erant in libro tuo, Deus, ab exordio mundi, quum primos dies creares: & tamen nullum re ipsa extabat. Sed diuersa interpretatio magis est probabilis, nempe temporis successu formari singulas humani corporis partes. Neque enim simul ac coalescit semen, apparet disposita aliqua species, vel membrorum proportio: sed progressu temporis digeritur, & aptatur massa illa in suam figuram. In altero etiam dissentiunt Interpretes. Nam quum in particula *Q̄*, sæpe contingat mutari literas *Q̄* & *R*, quidam ac si esset *Q̄* per *R*, nempe relatiuum pronomen, sic exponunt. Quanquam paulatim aptatum fuerit corpus, tamen semper vnum & idem fuisse in libro Dei, qui spatio nō indiget ad opus suum absoluendum. Verūm ut nihil mutetur, negatio non malè quadrat, nempe quum diebus siue paulatim creata sunt membra, nullum ex ipsis extitit: quia scilicet nulla erat cōcinnitas, vel distinctio, sed informe globulus. Ita commendatio erit providentiæ Dei, eo quod confusam illam putredinem in pulcherriam figuram tractu temporis digeras.

17 *Et mihi quam pretiosæ sunt cogitationes tuæ, Deus, quam fortes summa earum!*

18 *Si numerem eas, præ arena multiplicabuntur: expergefactus sum, & adhuc sum tecum.*

17 *Et mihi quam pretiosa.* Hic quoque **וְעַתָּה** cogitationem potius, quam socium vel amicū significat, sicuti multi post Chaldæum Interpretem verterunt: ac si iam descenderet Propheta ad discernendos à reprobis fideles. Contextus enim postulat hic adhuc de incomparabili Dei providentia fieri sermonem. Repetit ergo quod prius dixerat, neque id præter rationem: quia tam præclara arcana Dei sapientiæ documenta, quæ in hominis creatione exhibet, totaque vitæ gubernatione vel negligi videmus, vel non æstimari suo pretio. Quoddam raras vertunt, nihil aliud quam sensum obscurant. Utitur eodem verbo Sacra historia, fateor, quum dicit tempore Eli rara fuisse oracula, 2. Sam. 3. 1. Sed quum pretiosa intelligat, retinere satius est quod omni ambiguitate caret. Sic autem appellat, quia non subiaceant hominum iudicio. Quo sensu mox adiungit *summas* vel collectiones earum fortes esse ac validas, nempe quia ad obruendas hominum mentes sufficiunt. Hæc autem exclamatio admonet, nisi tam insipidi essent homines, vel potius stupidi, perculsum iri arcanis Dei iudiciis, ne pro more audacter illudant, sed trepide & suppliciter se sistant ad eius tribunal. Idem & proximo versu confirmat, *si quis numerare tentet* arcana Dei consilia, eorum immensitatem superare arenas maris. Vnde sequitur, modulum

nostrum millesimæ partis non esse capax. Quod sequitur continuo post, *exurrexi, & adhuc tecum sum*, quavis varie distrahan Interpretes, simpliciter ita accipere non dubito, quoties è somno suo expergiscitur David, novam materiam offerri ac suggeri meditandæ huius tam incredibilis sapientiæ Dei. Ergo quum dicit se exurgere, non debet hoc restringi ad diem unum: sed quemadmodum confessus est immensa magnitudine sapientiæ Dei absorberi sensus suos: ita nunc addit, Dum quotidie expergesco, mihi novum admirationis argumentum nascitur. Nunc tenemus genuinum Davidis sensum, Deum scilicet ita præesse generi humano, ut eum nihil prorsus lateat, ne profunda quidem cogitationes. Et quamquam multi bruta scordia se proiciant in omne scelus, ac si nunquam venturi essent in Dei conspectum, frustrà tamen eos sibi cavernas fodere: quia velint nolint trahentur in lucem. Atque hanc doctrinam eo diligentius expendere convenit, quia dum quisque manus & pedes suos respicit, sibi que placet in formæ elegantia, vix centesimus quisque fistoris sui memor est. Quod si qui tamen Deo acceptam referant vitam suam, nemo tamen ad hoc præcipuum caput descendit, audire, videre, & intelligere omnia qui aures finxit & oculos, & cor intelligentia præditum creavit.

19 *Si occideris, Deus, impium, tunc viri sanguinum declinate à me.*

20 *Qui loquuti sunt de te sceleratè, sumpserunt mendaciter adversarii tui.*

21 *Annon oses tuos, Iehoua, odio habebo, & cum insurgentibus contra te litigabo?*

22 *Perfecto odio odi ipsos, fuerunt mihi in hostes.*

23 *Explora me Deus, & cognosce cor meum: examina me, & cognosce cogitationes meas.*



24 *Et cognosce an via prauitatis in me sit, & deduc me in via seculi.*

19 *Si occideris Deus impium.* Quòd pendere quidam huac verbum à proximo existimant, coactum est. Optandi etiam modo accipere, vt volunt quidam, non placet, Vtinā, vel, ò si occidas Deus impium. Nihilò magis eorum sententiæ subscribo qui Dauidē gratulari sibi putant si è medio tollantur impii. Videtur enim mihi aliud magis velle, se confiderandis Dei iudiciis operam daturum, vt proficiat in eius metu, & pietate, quoties pœnam sumpserit de reprobis. Et certè ipsos Deus statuit in exemplum, vt inflit illis pœnæ electos ab eorum societate reuocent. Et si enim sponte ad cultum & timorē Dei propensus erat Dauid, opus tamen habuit, vt reliqui fideles fræno aliquo. sicuti etiam dicitur apud Iesaiam 26.9, vbi exercuerit Deus sua iudicia, iustitiam discent habitatores terræ. nempe vt se in Dei timore cõtineant. Interea non dubito quin se Propheta sistant coram Deo integritatis suæ testis: ac si diceret, liberè & ingenuè se prodire ad Dei tribunal, quia non sit vnus ex sceleratis Dei contemptoribus, nec quicquam habeat cum ipsis negotiis.

20 *Qui loquuti sunt de te.* Exprimat quòd licentiæ profluant impii quantisper illis parcit Deus, nec eos premit vltice manu. Nec enim statuant modo quiduis sibi impune cessurum, sed manifestas in Iudicem ipsum blasphemias euomunt. Scelestè enim loquutos dicit: quia suam malitiam nullis coloribus fucauerint, sicuti linguas suas cõtinent quibus aliquis residuus est pudor: sed palàm præ se tulerint Dei contemptum. Secundum membrum, vbi dicit *sumpsisse fallaciter nomen Dei*, nimis restrictè quidā exponunt quòd abusi fuerint Dei nomine ad sua periuria. Propius ad similitudinem veri accedunt qui dicunt, sumere in vanum impios Dei nomen, dū eum transfigurant in sua figmenta. Experiencia enim docet, maiorem hominū partem non sentire quid sit Deus, sed fabricare similem semimortuo. Vocatur quidem passim iudex mundi: sed mox euanescit illa confessio, quia iudicandi munus ei abdicant. hoc est sumere no-

men Dei fallaciter, quia obscurant eius gloriam, eumque quodammodo deformant. Sed quia non exprimitur nomen Dei, & verbum *sumpsisse* in sublimè tollere significat, commodius (meo iudicio) sic interpretari licebit, quòd seipso effert ventoso & mendaci fastu. Atque hæc elatio, petulantia cuius meminit, semper ferè coniuncta est. Vnde enim fit vt audeant virus proteruitæ suæ contra Deum euomere, nisi quia fastu temulentis non reputant ab vna parte se miseros esse homunciones, Deum verò sua potestate spoliant? Atque hac ratione vocat Dei aduersarios, quia quisquis supra legitimum gradum se effert, Gigantum more cum Deo bellatur.

21 *Annon o fores tuos.* Pergit ostendere quantum in illa meditatione Dei profecerit, nempe quod se reuocans ad Dei tribunal, ac se non posse effugere eius manum cogitans, cuius oculi in vltimas abyssos penetrent, sibi piè sanctæque viuendi Legem indixerit. Nam Dei contēptores sibi dicens fuisse odio, suā integritatem hoc elogio proficitur: non quòd purus fuerit ipse ab omni delicto, sed quòd pietati colendæ addictus, omnem impietate ex animo deestatus sit. Neque enim satis in cordibus nostris viger pietatis studium, nisi ex se odium scelerū generet, quale hinc prædicat Dauid. Deinde si in nobis ardet zelus ille domus Dei, cuius Psal. 69.10, meminit Dauid, inexcusabile est nostrum frigus, dū scilicet tacitè patimur nō modò violari eius iustitiam, sed sacrum eius nomē petulanter ab impiis calcari. Quod ad postremū verbū spectat, quū *Uir* significet rixari, vel cõtendere, hic in cōiugatione hichpaël eundē sensu retinet, nisi fortè aliquid expressius noter Dauid, se fuisse exasperatum, vt animū suū ad litigandū acueret. Videmus ergo, Dauidē, neglectis totius mundi odiis, strenuè certasse pro asserenda Dei gloria, vt bellum cum omnibus impiis susciperet.

22 *Perfetto odio odi ipsos.* Ad verbum, perfectione odii. Confirmat eandē sententiam, tanti sibi fuisse Dei gloriæ vt non sustinerit quicquam habere cō-

mune cum eius contemptoribus. Summa verò huc tendit, sibi nihil fuisse cōsensus cum operibus tenebrarum : quia quisquis ad scelera conuiuet, eaque fouet suo silentio, perfidus est causæ Dei proditor, qui nobis omnibus iustitiæ suæ patrociniū cōmendat. Hoc autem exēplo docemur fortibus altissimè animis superāda esse omnia improborum odia, vbi pro Dei honore certandum est : potiùsque renuntiandum esse terrenis omnibus amicitiiis, quàm blanditiis perperam foueamus eorum fauorem qui Dei odium cupidè in se accersunt. Atque hæc doctrina eo magis notāda est, quòd nos studium priuatae salutis, honoris & commoditatum, adeò rapit, vt nulla ceramina, simulac quispiam nos lædit, suscipere dubitemus : in asserenda Dei gloria plusquam meticulosi sumus & ignaui. Ergo vt quisque nostrum sibi addicū est suæque vilitati consulit, non alia nos causa ad dissidia, rixas, contentiones & bella impellit, quàm vt proprias iniurias vlciscamur : vbi violatur Dei maiestas, nemo se commouet. Atqui zelum Dei in nobis vigere testatur hæc magna nimis, vbi cum improbis & Dei contemptoribus bellum irreconciliabile gerere malumus, quàm in eorum gratiam alienari à Deo. Quanquam notandū est, odium cuius meminit Propheta, nō tam in personas quàm in vitia dirigi. Colēda enim nobis est pax cum omnibus, quoad licet : amanda est etiam omnium salus : & si fieri potest, humanitate & omnibus officiis reuocandi sunt in viam. Quare nus tamen Dei sunt hostes, eorum furori nos acriter opponere conuenit.

23 *Explora me Deus.* Confirmat se non alia de causa inimicum fuisse Dei contemptoribus. nisi quia Deum purè ipse reuerbatur, & ab aliis eodem animo timeri optabat. Rara quidem fiducia præditum esse oportuit qui se Dei iudicio examinandum tam intrepidè offert. Sed quia probè sibi conscius erat synceræ pietatis, nō temerè profiliit cum hac

securitate ad Dei tribunal : neque tamò immanem se profiteri voluit ab omni culpa, qui sub vitiorum suorum onere tristis gemebat. Et certum est Sanctos, quoties de sua integritate loquuntur, semper inniti gratuita veniæ. Ceterum quia persuasi sunt, vt cunquē infirmitate labantur, suam pietatem probari Deo, non mirum est si liberè se ab impiis separent. Et si autem sibi cor non esse fictum & duplex affirmat, non tamen se omni reatu eximit, sed tantum negat se prauitatem esse addicū. Nomen enim *3319*, non quodlibet delictum, sed dolorem & molestiam, vel prauitatem significat : interdum etiam metaphorice pro idolo sumitur. Quod postremum non conuenit præsentī loco : quia Diuid nō modo à superstitione, sed ab iniustitia tutum se fuisse testatur : sicut alibi dicitur, Iesa. 59. 7, in viis talium hominum esse molestiam & vastitatem. quia violentè per nefas omne grassantur. Alii ad malam conscientiam trahunt, quæ cæcis tormentis assidue impios cruciat, quod est nimis coactum. Quicquid sit, simpliciter affirmat Dauid, se, quauis homo esset vitiiis obnoxius, non tamen fuisse iniquitati deditum.

24 *Et deduc me.* Quod nonnullis videtur esse imprecatio, ac si caput suum Dauid pœnæ deuoueat, nihil habet coloris. Fateor viam vniuersæ terræ quandoque accipi pro communi interitu : sed verbum *ducendi* beneficium magis designat quàm pœnam. Deinde nescio an vsquam mors vocetur *via seculi*. Ego igitur non dubito notari continuum vitæ huius cursum : ac si peteret Dauid Deū sibi esse ducem stadii sui vsque ad metam. Nec me latet quid alii quidam sentiant : extendunt enim ad vitæ æternitatem. nec verò inficior comprehendi futuram vitam sub hoc complemento vitæ : sed mihi sufficit tenere simplicem verborum sensum, vt Deus seruum suum cui semel manum porrexit, vsque ad finē gubernet, neque deserat in medio spatio.

## ARGVMENTVM PSALMI CXL.

Conqueritur Dauid tam de implacabili sauitia hostium suorum, quàm de insidiis & virulentis calumniis. Postea Dei fidem implorat, ac sibi propitiam fore persuasus, se bona spe liberationis insitque in hostes viam ducit salutem.

Psalmus CXL.

I. Præfatio

**P**raefecto Psalmus Davidis.

2 *Eripe me Iehoua ab homine improbo, à viro iniuriarum custodi me.*

3 *Qui machinantur malitias in corde, quotidie congregant ad praelia. Selah*

4 *Acuerunt linguam suam quasi serpens: venenum aspidis sub labiis eorum.*

5 *Custodime Iehoua à manibus impii: à viro iniuriarum custodi me, qui machinantur ad precipitandum gressus meos.*

6 *Posuerunt superbi laqueum mihi: & fumbus extēderunt rete: ad viam seipita decipulas posuerunt mihi. Selah.*

1 *Praefecto.* Psalmum hunc ut restringam ad Doeg, sicuti magna pars interpretum in hanc partem inclinat, adduci nequeo: quia ex contextu liquebit sermonem haberi de Saule, eiusque consiliariis, qui Regem ipsum sponte plus satis furentem, non cessabant in sancti viri perniciem magis accendere. Porro quum gestaret Christi figuram, nō mirum est diaboli satellites tam atrociter in eum sēuisse. Atque hæc ratio est cur tam duriter eorum rabiem perfidiāque exagitet. Ceterum improbos & violentos nominans, significat nulla iniuria laceffitos, sponte & cupidè ad nocendum ruere. Suam igitur causam Deo commendat, quòd pacem cum ipsis coluerit, nulla in re eos læserit, sed iniuste persequuti sint nihil tale meritum. Atque eadem nobis ratio tenenda est, ut Deus contra vim & maleficia succurrat. Neque enim cōtuita euomit David, ut solet fieri in iurgiis, sed hoc innocentie suæ testimonio sibi fauorem Dei cōciliat: quia fieri non potest quin probis & tranquillis hominibus semper optuletur.

3 *Qui machinantur malitias in corde.* Hic iam interiorem eorum malitiam accusat. Ac videmus non vnum modò hominem notari, quia nunc ad plurale numerum transit (quod iam nobis satis familiare esse debet) ut à capite ad omnes improbitatis consortes & socios transitus fiat. Quamquam quæ hæcenus dixit in numero singulari, indefinitè accipere licet, ut Grammatici loquuntur. Cōfirmat interea quod nuper attigi

nulla sua culpa tam hostiliter se ab illis oppugnari. Itaque quo improbius nos vexabunt hostes, vel clandestinis artibus fraudulentius nos impetent, sciamus præsentaneum nobis remediū promitti à Spiritu sancto, qui per os Davidis hanc precandi formam dictauit. Secundum membrum tribus modis vertitur. ad verbum est, *qui congregant praelia*, & ita quidam accipiunt. Sed quia scimus Hebræos sæpe omittere præpositiones, non dubito quin significet eos falsis delationibus accendere omnium odia, atque ita esse belli tubas. Nam quod nonnulli verbum 177 accipiunt pro coire, vel simul concurrere, videtur esse & remotum & frigidum. Postea ex primit quomodo iniustum bellum excitent, nempe peruersis calumniis: quia vi & manu opprimere non poterant probum hominem, & innoxium, donec calumniis esset obrutus.

5 *Custodime Iehoua.* Querimoniis & accusationibus nunc iterum addit precationem. vnde melius constat quod attigi, tantum implorare Deum vindicæ. Est autem eiusdem sententiae repetitio, mutatis quibusdam verbis: quia vbi dixerat, *eripe me*, dicit *custodi*: & pro homine malo, ponit *manus scelerati*. Vbi verò dixerat *cogitare malitias*, mutat *machinari* quomodo miserum & incautum hominem precipitent. Quod etiā de fraudibus dixerat, metaphorice repetit non sine vehementia. Dicit enim rema ad se illaqueandum vndique extenta esse, nisi Dominus succurrat. Esi autem videtur primò intuitu obscuriores meta-



phoræ quàm simplex nudæque oratio, hæc tamē figura minimè obscurat quod prius dictum est, & plus energiæ in se continet. Iam ex nomine **דָּוִד**, quod altos & superbos Hebræis significat, colligimus non agi de gregariis hominibus, sed qui auctoritate præditi sperabant nihil sibi fore negotii in deiciendo pauperculo homine. Itaque eius ex-

emplo, quoties insolenter hostes nostræ se efferent, discamus ad Deum confugere, cuius est retundere impiorum ferociam. Neque tamen intelligit, sola vi & audacia grassatos, quum de retribus & decipulis queratur: sed utrumque coniungit, potentia sua, confisos fraudes excogitasse quibus eum perderent.

*7 Dixi Iehoua, Deus meus es: ausculta Iehoua voci deprecationis meæ.*

*8 Iehoua Domine mi, robur salutis meæ, posuisti tegumentum capiti meo in die armorum,*

*9 Ne permittas Iehoua desideria impii: cogitarunt, ne consummes, exaltabuntur. Selah.*

*10 Caput obsidentium me molestia labiorum eius operiat eum.*

*11 Cadant super eos carbones cum igne: precipitabit eos in profunditates, non resurgent.*

**7 Dixi Iehoua.** Docet his verbis sibi non nasci vora in labiis, sicut hypocritæ ostentationis causa clamor: Deū inuocant: sed se orare seriò, & recondito fidei sensu. Donec enim verè quis statuerit se Dei gratia saluum fore, nulla erit sincera inuocatio. Pulchre autem hic exprimitur fidei natura, dum Propheta se ab hominum oculis subducens, Deum seorsum alloquitur: quia hic interior cordis recessus hypocrisis omnem excludit. Hæc igitur vera precandi regula est, non futiliter vocem attollere, sed ex fide intus concepta proferre nostras preces. Porro Dauid ut penitus sibi persuadeat non frustra se à Deo salutem petere, sibi proponit quæ in ipsum Deus auxilia antè contulerat. Dicit igitur sibi fuisse instar clypei quoties periclitatus est. Vertunt quidam in tempore futuro, Operies caput meum in die prælii. Sed nō dubito quin commemoret Dauid se iam olim fuisse protectum manu Dei, fideique confirmationem ab hæc experientia colligat. Prodit enim non quasi nouitius & rudis tyro, sed miles variis certaminibus probè exercitatus. *Robur salutis* tantūde valet ac salus nō vulgari fortitudine alata.

**9 Ne permittas.** Posset etiam nominus commodè verti, ne stabilias, quàm sensus manebit idē: nepe ut Deus impiorum libidinem frangendo, quicquid tentant & conantur, irritum reddat. Vnde colligimus, in eius arbitrio esse, quoties visum est, praua hominum consilia, spēsque improbas frustrari, studia etiā frangere. Itaque quoties videmus non posse reuocari hostes ad sanam mentē, rogāus est ut quas diu coxerūt machinationes, momento dissipet atque euerat. In secūdo mēbro maior est ambiguitas: quia verbum **יִשְׁׁ** Hebræis nunc impingere vel cadere, nūc educere significat, non malè conuenit hæc versio, Ne perducatur Deus ad effectum quæ impii consultant. Sed probabilis quoque eorū sententia est, qui concise legunt, cogitatio eius, non impinges, ut mimeticè refert Dauid quas spēs sibi fabricent impii. Et simili propè forma alibi descriptis eorum superbiam, quod Dei prouidentia valere iussa, omnes euentus pedibus suis subiiciant, ac si mūdum regerēt solo nutu. atque ita optimè quadrabit verbum *exaltabuntur*: quasi diceret, impios fastu suo inflatos supra nubes efferri: quia nihil sibi accidere posse aduersi imaginentur. Si magis placeat altera

altera lectio, iterum negatio repetenda erit, ne sinas Deus emergere in suum effectum quod impii consultant, ne exaltentur. Hoc quidem certum est, perstringi à Davide securitatem hostium suorū, quia Deum pro nihilo ducentes sibi ad quidvis audendum habenas laxent.

10 *Caput obsidentium.* Dubium est an sub voce Capititis principem aduersæ factionis notet: quia posset esse tam ordinis inuersio quam mutatio numeri: hoc sensu, Recidat molestia quam sceleratis sermonibus mihi intendant, in capita ipsorum. Sed quia in priorem sententiam descendunt omnes ferè Interpretes, sequamur quod magis receptum est: nisi quòd Saulem potius notari existimo quam Doeg. Sequitur deinde communis imprecatio contra totam manum, ut cadant super eos carbonēs: ubi ad horribile Sodomæ & Gomorrhæ

exitum alludere videtur. Et alibi vidimus proponi à Spiritu Dei hoc vindictæ Dei exemplum ad terrendos omnes reprobos: sicuti, teste Iuda, hoc æterno documento testatus est semel Deus se omnium impiorum fore iudicē. Quod sequitur, nonnulli sic vertunt, In ignem delicias eos: quod est tolerabile. Sed quia *Verb* sæpe nota est instrumenti apud Hebræos, posset etiam commodè reddi, Delicias eos per ignem, vel, cum igne, sicuti Deus contra Sodomam & Gomorrhæm fulminauit. Optat autem submergi in profundas abyssos, unde nunquam resurgant. Nam quum Deus, quos duriter percussit, sanare interdum soleat, spem veniæ reprobis David præcitat. nepe quia videbat esse insanabiles. Nam si flexibiles fuissent ad respiciētiā, ipse quoque vicissim fuisset ad misericordiam propensus.

12 *Vir lingua non stabilietur in terra, virum violentiæ noxa venabitur ad expulsionē.*

13 *Cognoui quòd faciet Iehoua iudiciū pauperis, iudiciū afflicti.*

14 *Utrique iusti celebrabunt nomen tuum, habitabunt relictī coram facie tua.*

12 *Vir lingua.* Quod vertunt quidam Linguacem, nimis restrictum est, neque enim vel maledicū, vel garrulum, vel fatiē, & iactantiæ deditum intelligit: sed virulentum hominem, qui fraudibus & calumniis magis quam aperto Marte pugnat. Nam hoc sub altera specie ostendit, tam perfidiæ & astutis quam violentiæ deditos fuisse hostes suos: atque ita leonū simul & vulpiū fuisse similes: sicuti ante conquestus est, venenum aspidis aut viperæ esse sub labiis eorum. Ceterū quum verba sint futuri temporis, maior pars Interpretum in optandū modum resoluit, quod tamen si non repudio, malui tamen retinere futurum tempus: quia non tam videtur precari David, quam animum erigere ad spem liberationis. Ergo siue infidus obrepant hostes, siue palam furorem suum prodant, remedium in manu Dei fore sibi promittit. Et concinna est similitudo venationis: quia sicuti venator, ubi

undique terendit plagas suas, nullū belluæ effugium relinquit: ita docet quantumuis tergierentur impii, non posse tamen elabi ex Dei iudicio. Venatur autem eos malum in expulsionē quia impunitatem captando, magis se præcipitant in ruinam.

13 *Cognoui quòd.* Hic iam haud dubiè David, ut precationem suam obsequer, de providentiā Dei & iudicio secum dissentit: quia (sicuti iam dictum est) dubitanter orando nihil aliud quam opera luditur. Pronuntiat igitur quasi de re sibi certò nota & conperta, fieri non posse quin Deus afflicti tandem subueniat. Quia autem conuictus ad tempus probòsque & simplices misere vexari patitur, prudenter David huic tentationi opponit clypeum, facere hoc Deum consiliorò, ut afflictiòs subleuet, oppressorūque restituat. Idcirco diserte exprimit vindictam fore inopi: & afflicti. Hoc modo se & alios ad ærumnas patienter ferē-





nis illis ceremoniis minimè affixi erant Patres, debuit tamen Dauid hæc adminicula in usum suum aptare. Quia ergo secum reputat non temere adoleri quotidie suffitum in altari ex Dei mandato, nec frustra etiam offerri munus vespertinum, cum illo legali calu preces suas coniungit. *Elevatio manuum* haud dubie pro ipsa precatione sumitur. nam qui **הָנִיף** hoc loco vertunt manus, obscurant imò corrumpunt genuinum Prophetæ sensum. Quam frigide enim diceret? Munus meū tibi placeat, sicut manus vespertinum. Iam quū nomen hoc à **הָנִיף** deductum, elevatio sit Hebræis, optimè convenit, orationem notari ab externo gestu. Et facile consta Dauidem suo more idem bis repetere. Quorsum versè semper publico gentium omnium consensu receptum fuerit manus in cælum tollere inter precandum, alibi dictum fuit.

3 *Pone Iehoua* Quia effræni hostiū suorum fœuitia & libidinē concui potuit Dauid, vt se minus temperanter gereret, Diuinitus ge gubernari petit: nec modò manus suas cohiberi à vindicta, sed linguam quoque tam à maledictis, quam obstreperis vocibus. Nam & moderatissimis quibusque interdum contingit, si præter meritum laudantur, hostiū suorum ingratitudine turbari, vt ad se vlciscendos profiliant. Petit ergo Dauid linguam suam à Domino frænari, ne quod præposterum verbum effluat. Deinde cor suum retineri ab omnibus peruersis consiliis, ne iniurias retaliet. Quod postea sequitur, *ne comedam ex delictis ipsorum*, metaphoricum est: ac si diceret, Ne eorum prosperitas ad prauam æmulationem me alliciat. Debent enim hæc tria coniunctim legi. Sed præstabit singula propius excutere. Quia nihil difficilius est quàm iniuste afflictos ita linguæ suæ moderari, vt placide & cum silentio deuorent iniurias: non frustra opor-  
tat Dauid claustris os suum & custodia obserari, adeoque ostium oris sui clausum teneri à Deo, sicuti ianitor ingressus obseruat. si quidem **שָׁמַר** verbum est imperatiui modi potius quàm nomē. Secundò adiungit, *ne Deus cor ipsius inclinet ad rem malam*. **לֹא יִשְׁׁמְרֵנִי** enim, vt sapientia, pro negotio hic ponitur. Et men-

tiūam continuo post declarat, ne scilicet maleficiis certando, similis hostibus suis reddatur. Hoc Dauidis consilium si probè expendisset Monachus ille cuius mentio fit apud Eusebium, non tam insipide silentio totius septennii putasset se perfunctum esse optimi discipuli partibus. Quum audiret, rarè esse virtutis linguam compescere, contulit se in remotam solitudinem: nec ad magistrum reuerfus est nisi post septem annos. tūc verò rogatus de causa moræ, se meditatum esse respondit quod didicerat ex hoc versu. Sed rogandus simul erat an nihil interea cogitasset. Cohærent enim inter se ista duo, taciturnum esse, & immunem à prauis cogitationibus. Atqui fieri potuit, vt tacendo, multas secum impias cogitationes agitauerit quod deterius est quam futiliter obloqui. Crassum hoc delirium breuiter attingere placuit, vt discerent lectores quid sit, posthabito scriptoris consilio, verbum vnum mutilatum arripere. Porro Dauid tam sermones suos quam affectus Deo regendos commendans, fatetur non aliter quam arcana Spiritus moderatione & mentem & linguam in officio teneri: præsertim vbi ad intemperiem nos hostium petulantia impellit. Iam si lubrica est animis volubilis lingua, nisi Deus quasi custos & excubitor eam contineat, non minus necesse est intus cohiberi turbulentos affectus. Qualis enim officina est cor hominis, & quam varia concilia singulis ferè momentis fabricat? Facendum ergo est cum Dauide nisi Deus corda & linguas custodiat nulum fore modum prauis tam cogitationibus quam verbis: quia & linguæ modestia, singulare est Spiritus donum: & Saran nunquam multa suggerere desinet quæ nos facile, imò cupidè amplectemur nisi se Deus opponat. Nec absurdū videri debet si inclinet Deus ad res malas corda nostra, quæ sunt in eius manu, vt eius arbitrio huc illuc flectantur. Non quòd ad malas cupiditates nos ipse sollicitet: sed quia arcanis suis iudiciis, tradens Saran tyrannidi reprobos, & quidem efficaciter mancipās, merito dicitur excæcare & obdurare. Interim culpa scelerum extra homines querenda non est, in quibus residet con-

Cupiscentia: & quum naturaliter appetant bonum vel malum, non externo impulsu, sed spōte & proprio vitio ad malum inclinant. Vbi reddidi *ad patranda opera in pietate*, non malè quidā vertunt, Ad cogitandum cogitationes. Sed quia eodem recidit sensus, non adeo laboro. Per **וַיִּשְׂמַח** (quod nomē vertimus *delicias*) iucunditatem intelligit qua se fe oblectant impii quandiu pro sua in-

dulgentia Deus ad eorum scelera conuiet. Sicuti autem audacius insolecūt, ita periculum est ne fideles eorum propteritatem decepti, simul etiam diffuant. Ideoque non abs re David arcana Spiritus sancti freno retineri postulat, ne epuletur ex eorum deliciis: hoc est, ne fallaci amoenitate sese ad peccandi licentiam inebriet, atque ita in peccatis voluptuetur.

5 *Percutiat me iustus clemētia, & castiget me oleū pretiosū, nō frāget caput meū: quia adhuc oratio mea in malis eorū.*

6 *Deiecti sunt in loca saxosa Iudices eorum & audient sermones meos: quia suaves sunt.*

7 *Sicuti qui frangit & secat in terra, dispersa sunt ossa nostra ad os sepulchri.*

5 *Percutiat me.* Quia dum impios inescat Satan suis illecebris, simul ipsi quoque alii aliis blandiendo, se mutuò decipiunt: affirmat hic David multo sibi esse optabilius, castigationibus velut ferulis assidue expergesceri, quā falli inanibus blanditiis. Nam quia inter Dei contemptores non coarguitur qui hoc vel illo vitio infectus est, quisquis ad salutem aspirat, sedulo adiungere se probis hominibus debet, qui sanctis monitionibus resiliunt labentem, vel errantem in viam reuocent. Est quidem hoc carni minime iucundum, reprehendi quoties delinquimus: sed David ad docilitatem & tolerantiam sic composuerat animum, ut nulla obiurgatio acerba foret, quam seiret à Spiritu mansuetudinis profectam esse. Quia tamen in verbis subest aliqua ambiguitas, videndum est quisnam sensus optimè conueniat. Nomen **וַיִּסְמַח** commodè resolui posset in aduerbium clementer: vel subaudiri praepositio **IN**. & in hanc sententiam descendit maior pars. Interpretum, Instat optimi vnguenti Davidi fore correctiones quae spirabant humanitatem & clementiam, vel ex placido beneuolūque animo nascentur. Si placeat haec lectio, notandum erit Davidem non tam ad externum obiurgationis modum quā ad mansuetudinem cordis respicere. Etsi enim acriter excedant iusti, & seuerè verbis errantes ca-

stigent, non tamen alio quā fraterni amoris affectu mouentur. Imò asperitas ipsa verè ex pia sollicitudine emergit, dum fratrum saluti metuunt. Clementer ergo se geret semper iustus, quauis durior aut vehementior appareat: sicuti maleuoli, quauis leuiter tantum perstringant, sunt tamen inhumani. Denique hac nota David obiurgationes à sincero amore profectas discernere voluit à conuitiis quae ex odio vel inimicitis prorumpunt, sicut dicit Salomo, Prou. 10. 12. *Æquè tamen quadrat diuersa interpretatio quam posui, Corripiat me iustus, clementia erit: (vel, hoc deputabo in loco beneficii) corripiat me, & hoc mihi erit pretiosū vnguentū quod caput meū nō laedet. Hoc mēbrū secus alii exponūt, Oleū capitis ne frāgat caput meū: hoc est, ne me suis blādiitiis exitialiter demulceāt impii. Ita sub olei nomine notari volūt pestiferas adulationes, quibus nos in exitiū praecipitāt improbi, dum praetextu dulcedinis nos magis ac magis in profundā abyssū demergūt. Hoc modo plenior esset sententia, Davidē non modò esse morigerū & docile suscipiēdis correctionibus, sed etiā adulationes fugere non secus ac noxios Sirenū cātus. Et certè quauis primo gustu suauē sit laudari, quisquis tamē aures afflictionibus praebuerit, toto corde mox hauriet praesentissimū venenū. Ceterū discamus exēplo Davidis excutere omnes*

omnes blāditias, ad quas natura sumus nimii propensi, & perniciaci exuere: ne castigationes, quæ saluberrima sunt vitiis nostris remedia, respiciamus. Ad eò enim socordia perire magnam hominum partem iuvat, vt qui se damnare cogitur, cupiat tamen mundi suffragiis absolui.

Quorsum hoc, nisi vt torporem conscientie obducens sponte se exitio deuoeat.

5 *Quia adhuc.* Tribus modis exponitur hoc membrum, Quidam sensum huc eliciunt, Quia nihil magis procliuè est quàm corrumpi malis exemplis, Dauidem hoc deprecari, ne in malitiam eorum declinet. Secundus sensus est, Quia David eos quiduis improbè machinari videt, petere a Domino vt ab eorum malitia tutus seruetur. Tertii sic reddunt, Quando video esse desperatos, imprecor quod meriti sunt, vt se tandem contra eos exerat iusta Dei ultio. Contrarius sensus videri posset aptior, quòd obstinatio eorum non impediat tamen Dauidem quo minus illis bene precari pergat. Nam aduerbium *adhuc* emphaticè inferitur. Quid si etiam vaticinerur Dauid de infausso eorum exitu? ac si diceret, Quauis nunc lusciant impii, vbi paulisper quieuerit ipse breui fore vt ipforum miserescat. Et certè huc potius nos deducit verborum contextus. neque enim dicit, Adhuc oratio mea erit in malis ipsorum. sed videtur seorsum dicere, quia adhuc: quum interposita copula de inde adiungat, & oratio mea erit in malis ipsorum. Quia ergo timendum erat ne vnà cum illis euanesceret David, prudenter animum suum suspendit. ac si diceret, Paulisper adhuc maneamus integri, & tandem horribili clade ferientur, quæ mihi & omnibus aliis Dei filiis extorqueat misericordiam.

6 *Deiecti sunt.* Consentiant omnes fere Interpretes in mutando verbi modo. Præteritum enim tempus accipiunt loco futuri. deinde resoluunt in modum optatiuum, Deiciantur. Mihi videtur di

lucida fore mens Davidis, si vertamus hoc modo, Vbi deiectioni fuerint è rupibus vel in loca saxosa illorum iudices, tunc audient sermones meos, Certum quidè est, quia promiscuum vulgus errore & fallis delationibus captum contra se furere videbat David, culpam reicere in ipsos duces. Itaque vbi ablata illis fuerit dominatio, simplices ad sanā mentem redituros confidit. Metaphoricè autè hic ponitur deiectione è rupibus, vel in loca saxosa, respectu dignitatis in qua locati erant. Et si autem non prorsus extra culpam fuerunt qui malos duces sequuti, piū & sanctum virum iniuste persequabantur: meritò tamen de eorum resipiscencia melius sperat: quòd tunc sapere incipient vbi Deus in ipsa capita vindictam exercuerit. Videmus enim plebè impetu magis quàm delectu hoc vel illud probare, cæcisque prauis iudiciis ferri in res pessimas: rursus vbi aduersione fuerit, eadem facilitate cursum reflectere. Quauis ergo credulitas semper vitiosa sit, neque stulticia excuset, moneamur tamen exemplo Davidis, optandū esse sanum consilium errantibus, vt verum & æquum patienter audeant.

7 *Sicut qui frangit.* Hic conqueritur David hostes ad se interimendū nō vnā & simplici morte fuisse contentos, quia ipse & comites lacerati fuerint antequam in sepulchrum proiicerentur. Quum ergo latrones iugulari hominis cadauer proiciant integrum in foueam, crudelius se & comites tractos fuisse asserit David: quia scilicet ossa ipsorum dispersa fuerint: quemadmodum frustulatum scinduntur ligna, & lapides, vel terra effoditur. Hinc sequitur, mirabiliter ereptum fuisse Dauidem ex multis moribus, quemadmodum loquitur Paulus de se, 2. Corint. 1. 9. Vnde etiam spes nobis concipienda est vitæ & salutis, quauis ossa nostra fracta & dissipata fuerint.

8 *Quia ad te Iehoua, Domine mi, oculi mei, in te speraui: ne exinanias animam meam.*

9 *Custodi me à manibus laquei quem tetenderunt mihi, à retribus operantium iniquitatem.*



10 *Cadant in retia eius impii simul, ego semper transibo.*

8 *Quia ad te.* Si tenemus quid valeat illa offitium dispersio, cuius nuper meminit, perinde accipienda est hæc precatio, ac si frustra discepti & lacerati cadaueris ad Deum clamarent. Vnde colligimus quàm heroica fortitudine præditus fuerit David, qui tam alta mole obrutus, non destitit tamen coniectos in Deum habere oculos. sicuti proprium fidei munus est dissipatos sensus colligere, qui subinde alias evanescerent. Quauis ergo insigne Dei miraculum fuerit, dispersis ossibus seruare superstitices: duplex fuit miraculum, animas retinere in solida constantia ne deficerent.

9 *Custodime.* Fatetur se teneri inclusum hostium insidiis, nisi diuinitus liberetur. Deum tamen in his angustiis implorans, ostendit quantum tribuat eius gratiæ, sicut Psal. 68. 21, dixit eius esse mortis exitus: quia liberatione Deus sæpe differt, quo tandem sit illustrior

deinde quod machinati sunt impii in eorum capita retorqueret. Quod verò pronomen *eius*, ad Saulem quidam referunt, quasi diceret, Doeg & similes cadant in laqueos Saulis: videtur esse absurdum. Deum ergo tacito eius nomine designari arbitror. Prius dixerat, Custodi me Domine à plagis & laqueis impiorum: nunc laqueis quos tenderant impii ad circumueniendos simplices. opponit Dei retia, qui solet deprehendere astutos in malitia quam fabricant. Et quia negotium erat cum ingenti multitudine, dicit, *Cadant simul*: quia nisi per suadus fuisset, in manu Dei esse quicquid copiarum coaceruant homines, nullo negotio prostrernere, nulla spes erat effugii. Quod postea sequitur, duplicem sensum admittit. Vertunt multi, Ego perpetuò transibo. Sed potest esse inuersio ordinis, donec transeam. Hostes igitur suos irretiri optat, donec euadat ipse saluus.

## ARGVMENTVM PSALMI CXLII.

*Quum venisset Saul in speluncam in qua latebat David, potuit sanctus vir in tanto discrimine vel obstupescere metu, vel consternatione impelli quo non licebat: sicuti qui de vita desperant, vel iacent similes attoniti, vel auentia huc illuc rapiuntur. Hoc autem Psalmo testatur David se retinuisse compositum animum, & in Deum certa fide recumbens, nihil illicitum tentaret, sed acquiesceret in precibus & precibus.*  
Psalmus CXLII Ir

**E**Rudiens Davidis, quum esset in spelunca precatio.

2 *Voce mea ad Iehouam clamavi, voce mea ad Iehouam precatus sum.*

3 *Effundo coram facie eius meditationem meam, afflictionem meam coram facie eius narro.*

*Quum se inuolueret super me spiritus meus, & tu cognouisti semitam meam: in via qua ambulavi posuerunt laqueum mihi.*

5 *Aspiciendo ad dexteram, & videndo, nemo fuit mihi cognitor, perit fuga à me, nullus requirens animam meam.*

2 *Voce mea.* Mira fuit præstamia animi in Dauide, quod neque pauore exanimatus est, neque iracundia percitus, se ultus est de hoste: quod facile erat: neque desperatione impulsus est ad eius necem: sed vota sua compositio animo ad Deum direxit. Itaque non abs re posita est inscriptio ad circumstantiam

notandam: nec abs re testatur ipse David se Deo prorsus fuisse addictum. Quum undique cinctus esset Saulis exercitu, qui factum est ut se qui a sepulchro inclusum videns, manum tamen abstinuerit ab hoste implacabili: nisi quia precibus ad vincendas omnes tétationes se amauit? Huc spectat repetitio, qua  
fig.

significat perseveranter se orasse, ut cōtra omnes fluctus stare immobilis. Clarus etiam proximo versu exprimit se exonerasse suas curas in Dei sinum. nā effundere cogitationem, & tribulationē nuntiare, perplexis anxietatibus opponit, quas intus coquunt miseri homines, & quibus se exurunt, dum malunt frānū mordere quā cōfugere ad Deum: vel infans clamoribus quos in aerē proiciunt alii, qui ex paterna Dei providentia nihil solatii concipiunt. Itaque summa est, neque vlulasse bruto impetu apud homines, neque cæcis tormentis animum suum cruciasse: sed dolores suos familiariter exposuisse coram Deo.

5 *Quum se innolueret.* Quanquam hīc fateatur se anxio fuisse animo, confirmat tamen quod dixit de fidei suæ constantia. Concinna autem translatio est animi in se cōtorti & impliciti: quia ubi nullus in periculis exitus appareret, inter varias revolutiones animus alternat, & cōsilia hinc inde accersendo plus molestiæ accumulatur. Iam verò dicit, quāvis nulla constaret salutis ratio, Deum tamen semper sciuisse quomodo liberandus esset. Quidam hoc mēbrum, Cognovisti semitam meam, secus accipiunt, ac si integritatis suæ David testem faceret Deum. sed alterum illud quod

attuli, rectius est: quum ipse animum suū variis agitationibus sursum & deorsum versaret, & tamen inexplicabilis esset exitus, modum liberandi fuisse Deo cognitum. Quibus verbis docemur, quāvis post tentata omnia remedia, cōsilio destitui nos contingat, debere hoc nobis sufficere quod Deus mala nostra non ignoret, ac nostri curā suscipere dignetur. sicuti dicebat Abraham Gen. 22. 2. Dominus providebit. Hanc eandem regulam sequutus est David, dū mortis caligine obsepitus, clausis oculis, regendū se tradidit paternæ Dei providentiæ.

5 *Aspiciendo.* Confirmat se diros illos cruciatus nō abs re perpeßum esse, quum nec quicquam humanæ opis vel solatii sperandum esset, neque pateret vllum mortis effugium. Cæterum, quum dicit aspiciendo & videndo non reperisse inter homines amicum, non significat se, præterito Deo, mentem circūegisse ad humana subsidia, sed quoad fas erat quæsisse an vllus esset in terra adiutor. Si quis oblatum esset, haud dubiè sensisset esse ministrum gratiæ Dei: sed Deus hominum auxilio orbare eum voluit, quo mirabilis eum à morte eriperet. Requiere animam, in bonā partem hīc ponitur, pro eo quod est sollicitum esse de vitā hominis tuenda.

6 *Clamavi ad te Iehova, dixi, tu spes mea, portio mea in terra vivorum.*

7 *Intende ad clamorem meum, quia miseria laboro valde: libera me à persecutoribus meis, quia inualuerunt super me.*

8 *Erue à carcere animam meam, ut celebrem nomen tuū: me coronabunt iusti, quia rependeris mihi.*

6 *Clamavi ad te.* Iam quo Deus magis opem suam acceleret, attenuatū se David queritur redactūque ad extrema. & clamoris voce, ut alibi diximus, vehementiam notat. Tandem sibi redemptione opus esse dicit, quia captivus teneatur. Nam quod per carcerem quidam intelligunt speluncam, nimis restrictum est. Quod additur in fine, *coronabunt me iusti*, secus ab aliis vertitur, nempe expectabit me. Retinui veram & naturam significationem. Quanquam metaphorice poni fateor pro circunda-

re: ac si dixisset se fore omnibus spectaculo: quia omnes ad tam claram liberationem undique converterent oculos. Si cui magis placeat citra figuram legere, sensus erit, Non tantum mihi gratulabuntur iusti, sed, victoriæ causa, capiti meo coronam imponent. Sunt etiā qui sic interpretentur, Convenient ad gratulandum, & stabunt omni ex parte coronæ instar. Cæterum, quia ad verbū est, Coronabunt in me, quidam subaudiunt aliud pronomen, quod scilicet iusti ad gloriam suam transferent beneficium

Dauidi collatum: quia Deus quoties vnum aliquem liberat ex suis, alios omnes ad eandem spem inuitans, corona donat. Simplicius tamen est quod posui, gratiam hanc quasi in theatro, conspicuam omnibus fore, ut iustis celebre

sit documentum, ad fulciendam eorum fidem. Nam verbum *וְיָ* Hebræis latius patet quam rependere, & tantundem valet ac conferre beneficium, sicuti aliis locis diximus.

### ARGVMENTVM PSALMI CXLIII.

Quoniam Dauidi negocium erat cum sceleratis hostibus, qui non minus iniusti quam crudeliter eum premebant: quia tamen agnoscat hoc fieri iusto Dei iudicio, ut Deum sibi conciliet, suppliciter ad veniam deprecationem confugit. Deinde ubi conquestus est de hostium saevitia, & restatus est sibi nulla unquam iniustitia excessum fuisse Dei memoriam, tam restitui postulat, quam Dei Spiritu gubernari: quod residuum est vira pietati addicat.

Psalmus CXLIII.

**P**salms Davidis. *Iehoua audi precationem meam, Pausculi ad orationem meam, in veritate tua responde mihi, in tua iustitia.*

2 *Et ne intres in iudicium cum seruo tuo: quia non iustificabitur in conspectu tuo ullus viuens.*

3 *Quia persequutus est inimicus animam meam, prostravit in terra vitam meam: locauit me in tenebrosis, sicut mortuos seculi.*

1 *Iehoua audi.* Quum adeo dolenter & anxie mala sua deplorat Dauid, apparet extremam fuisse hostium saevitiam. Ostendit autem praefatio non leui merore tactum fuisse. Cur iustitiâ cum veritate coniungat alibi ratio exposita fuit. neque enim sub *iustitia* nomine imitari oportet meritum ac mercedem, ut in seite nonnulli faciunt: sed iustitia Dei vocatur bonitas qua inducitur ad suos tuendos. Eodem & *veritas* spectat, quia optima est fidei probatio, nunquam eos deserere quibus se auxilio fore pollicitus est. Suos igitur iuvando, tam iustum quam veracem se Deus ostendit: quia eorum spem non frustratur, deinde quia beneficentia specimen edit suae naturae. ideo ad precandi fiduciam Dauid merito sibi vrunque proponit.

2 *Et ne intres* Cur ad veniam petendam descendat, nuper admonui. Nam vnde cumque pronentiant res aduerse, statuendum est, esse Dei flagella, quibus nos ad poenitentiam sollicitat. Nā quum minimè oblectetur malis nostris, certum est peccata nostra causam dare cur nos asperius tractet. Itaque Dauid, tametsi cum improbis homini-

bus sit certamen, quorum respectu sibi erat optime conscius, reus tamen & simplex ingenuè coram Deo culpam fateatur. Atque hæc generalis regula tenenda est, si Deum nobis propitium esse cupimus, rogandum esse ut peccatis nostris ignoscat. Nam quum Dauidi vnicum asylum fuerit veniæ deprecatio, quis nostrum iustitiâ & integritate sua fretus, in Dei conspectum prodire audebit? Quoniam Dauid non tantum suo exemplo præscribit fidelibus qualiter precari debeant, sed pronuntiat, neminem mortalium, si ad causam dicendam vocetur, iustum fore. Hic verò locus continet vberissimam doctrinam. docemur enim, sicuti nuper attigi, non aliter Deum nobis fore propitium quoties ad eum accedimus, nisi deposita iudicis persona, gratis peccata remittens, nos sibi reconciliet. Vnde sequitur, omnes hominum iustitias concidere, simulac ventum est ad eius tribunal. Id vno verbo quanuis omnes fateantur, vix tamen ceterisimvs quisque serio agnoscit. Nam dum alii aliis moruò indulgent, securè omnes subeunt Dei iudicium: ac si tam facile esset illis satisfacere, quam absolvi hominum suffragiis. Sed quo rem tota



Iam probè teneamus, primò notandum est quid sit iustificari. Locus autem hic clarè demonstrat, iustificari, qui iustus coram Deo reputatur ac censetur, vel quem iudex ipse cælestis tanquam innocentem absolvit. Iam ab hac innocentie laude cunctos mortales excludens David, significat, si qua sit in Sanctis iustitia, non ita perfectam esse vt coram Deo stare queat: atque ita pronuntiat omnes obnoxios esse Deo, nec posse absolui nisi confessione iusti reatus. Certè poterat meritò iactare vnum se esse ex perfectissimis, si qui reperti essent in mundo: sciebat qualis fuisset Abrahamæ integritas, & sanctorum Patrum: quum nec sibi nec illis parcar. vnum omnibus placandi Dei modum definit, vt ad eius misericordiam confugiant. Vnde colligimus quàm diabolicus furor eorū mentes occupet qui hodie adhuc de perfecta iustitia garrunt, vt è medio tollatur peccatorum remissio. Certè nunquam eo superbiæ prorumperent, nisi bruto Dei contemptu intus referti. Magnificè regenerationem extollunt, ac si in puritate vitæ consisteret totum Christi regnum. Sed quum præcipuum a terni sœderis caput aboleant de gratuita reconciliatione, quam quotidie quærere iubentur fideles, seque & alios insipientes vana & plusquam ebrio fastu, barbariem suam produnt. Sint ergo nobis detestabiles, sicuti libenter conspuerent in faciem Dei. Hoc tamen vnum nondum sufficit: quia parentur etiam Papiæ, si Deus iudicis partes suscipiat in examinanda hominum vita, omnes subiaccere iustæ damnationi. Et in hac parte saniores sunt, modestiores, & magis sobrii, quàm prodigiosi isti Cyclope, de

quibus loquutus sum. Sed quanvis non sibi arrogent in solidum iustitiam: dum tamè merita sua & satisfactiones obtundunt, longè remoti sunt ab exèplo Davidis. Defectum aliquem semper agnoscant in suis operibus: ideoque vt gratiā obtineant, subsidium aduocant misericordiae. Atqui inter hæc duo, quæ Scriptura inter se opponit, nihil est mediū, iustificari operibus & iustificari fide. Stulte ergo Papiæ tertiam comminiscuntur iustitiam, quam partim suis operibus acquirant, partim Deus pro sua indulgentia imputet. Et certe hic David neminem mortalium corā Deo statarum affirmant, si opera in iudicium vocentur, non fingit duplicem illam iustitiam, sed recta nos ad hanc consequentiam vocat, Deum nobis fore propitiū quatenus est misericors. quia evanescit coram eo quicquid iustitiæ se afferre homines putabunt.

3 *Quo persequitur est.* Postquam confessus est David iustas se pœnas lucere pro peccatis: nunc ad hostes suos descendit, à quibus exordium facere præpostera fuisset ratio. Crudelitas autem ita exprimitur, quòd satiari nequeant nisi extenctio sancto viro. imò se iam vita spoliatum dicit, nisi celeriter Deus succurrat. Non enim simpliciter se comparat homini mortuo, sed putrido cadaveri: quia per *mortuos sicuti* intelligit qui pridem sublati sunt è mundo. Atque his verbis docet, non modò in morbo lethali confidere Deum sibi fore medicum, sed quanvis longa obliuione sepulta esset vita sua, in Dei tamen manu esse resurrectionem qua cineres in vitam restituat.

4 *Et inuoluitur super me spiritus meus, in medio mei attonitum est cor meum.*

5 *Recordatus sum dierum antiquorū, meditatus sum in omnibus factis tuis in opere manuum tuarum meditatus sum.*

6 *Expandi manus meas ad te, anima mea sicut terra sine aqua tibi. Selah.*

7 *Festina, responde mihi Iehoua, deficit Spiritus meus: ne abscondas faciem tuam à me, quia similis ero, descendantibus in foueam.*

4 *Et innoluim.* De externis calamitatibus loquutus, nunc facetur animi sui infirmitatem. vnde colligimus non saxeam fuisse eius fortitudinē, sed quū morore obrutus esset secundum carnis sensum, sola fide & Spiritus gratia subnixum stetitisse. Quo exemplo docemur, si quādo nos debilitent afflictiones, imò ferē exanimet, non esse tamen à lucta desistendum: quia dabit tandem Deus emergere, modò inter suas anxietates cor nostrum ad eum aspiret. Et proximo versu commemorat David sedulò se remedium quæsisse ad mitigandos dolores. Plerosque enim sponte se ignauiā dedentes, succumbere mirum non est: quia ex recordatione gratiæ Dei vigorem colligere negligunt. Verum quidem est exacerbari interdum mala nostra, dum memoria repetimus quā humaniter Deus nobiscum egerit: quia cōparatio, sensus nostros magis excitat & acuit. sed David aliū scopum sibi præfixit, vt fiduciam ex veteris Dei beneficiis sumeret. Et certè optima est dolori leniendo ratio, quum propè deficiamus, respicere ad antiqua Dei beneficia. Nec ea tantum intelligit David quæ ipse à puero expertus fuerat. nimis enim restrictè (meo iudicio) sic quidam interpretantur: quum vox *וְיָדַעְתִּי* longius pateat. Itaque nō dubito quin priuatæ suæ experientiæ veteres historias adiunxerit, in quibus perpetuam Dei erga suos bonitatem intueri promptum erat. Et nos quoque eius exemplo discamus, nō tantum expendere quæ in nos contulit Deus beneficia, sed reuocare in memoriam quoties opitulatus sit seruis suis, idque totum aptare in vsus nostros. Quòd si non statim mitescat acerbitas doloris, postea tamē sequetur profectus. Nam vtcunque hic queratur David nō statim hoc solatio leuatas fuisse curas suas & molestias, perrexit tamen in sua meditatione, donec opportunè tandem fructus suos exeret. Verbum *וַיִּשָּׁא*, vt alibi diximus, tam lingua proloqui

quā animo voluere significat. Idem vertunt quidam, disserui de operibus tuis. Sed quia verbum *חָנַן* significat etiam meditari, his idē repeti arbitror, & quidem assiduitatis notandæ causa. Sæpe enim accidit vt leuiter gustatis Dei operibus, aliò mox transuolent mētes nostræ. vnde non mirum est si nulla firma consolatio insideat. Quare ne euanescat cognitio, continua attentione iuuanda est.

6 *Expandi manus meas.* Hic apparet meditationis vilitas: quia animum Davidis ad precandi studium erexit: sicuti necesse est, vbi seriò reputamus qualem se Deus semper ostenderit seruis suis, & qualem etiam sumus nos experti, dulcedine bonitatis eius mentes nostras rapi ad eum querendum. Quāquam enim ex fide nascitur inuocatio: quatenus tamen fidem ipsam confirmant potentiæ & bonitatis Dei documenta, simul etiam optima sunt adminicula ad subleuandum languorem nostrū. Iam affectus sui ardorem pulchra similitudine declarat, *terra siticulosa animā suam* comparans. Videmus in summis caloribus terram dehiscere, ac si aperto ore potum è cælo appeteret. Significat ergo David se desiderio feruentem ad Deum accedere, ac si vitalis humor eū deficeret. quod sequenti versu clarius exprimit. Hic verò rursus se profert nō vulgare fidei specimen, quòd se deficere sentiens, sepulchròque propinquus, non tamen vacillanti animo huc & illuc circūspicit, sed manet in Deo solo defixus. Cæterum, quāuis ei cum propria infirmitate dura & ardua fuerit lucta, defectio tamē spiritus, de qua loquitur, acrior ad incitandum precandi studiū stimulus fuit, quā si Stoica cōtumacia suos metus, dolores, & ægritudines viciisset. Semper verò notandum est, vt se alliget vni Deo, omnes alias spes ex animo rescindere: deinde ipsam necessitatem sibi aptare instar vehiculi, quod ad Deum ascendat.

8 *Fac me audire manē clementiam tuam, quia in te speravi: ostende mihi viam qua ambulem, quia ad te leuavi animam meam.*

9 *Eripe me ex inimicis meis Iehoua, ad te occultauī.*

10 *Doce me ut faciam voluntatem tuam, quia tu Deus meus: Spiritus tuus bonus deducat me in terram rectam.*

11 *Propter nomen tuum Iehoua uiuificabis me, in iustitia tua educas ex angustia animam meam.*

12 *Et clementia tua dissipabis inimicos meos, & perdes omnes affligentes animam meam, quia ego seruus tuus.*

8 *Fac me audire.* Hoc versu iterū, postulat Dei gratiam sibi manifestari & quidem cum effectu. Quod dicit, *fac me audire*, videtur impropria esse locutio: quia sentitur potius Dei bonitas quam auditur. Sed quia percipere Dei beneficia parum nobis prodesset, nisi fidei gustu nobis saperent, meritō ab auditu incepit Dauid. Videmus enim vi illis se ingurgitent profani homines sine bonitatis sensu: quia ad verbum attenti non sunt, nec fides praeiucet, quae Deum ostēdat esse patrem. A duerbum *mane*, frigide quidam restringunt ad sacrificia. Sci mus enim quotidie his sacrificia offerre solitos, matutinum & vespertinum. Alii subtilius accipiunt, quod Deus mitius agens cum suis seruis, dicatur formare nouum diem. Alii metaphorā esse volūt, & notari prosperum latumque statum: sicut triste & calamitosum tēpus saepe notatur per tenebras. Sed miror in hac voce quā extraneos sensus, quā simpliciter repetit quod prius dixerat *festina*. Mane ergo tantumdem valet ac tempestiue, vel celeriter. *Spem suam*, ut alibi saepe, Deo obicit, quā nobis Deum quodammodo obstringimus: sicuti liberaliter se nobis offerens, & promittens se in patrem fore, humano more nobiscum paciscitur. Hæc igitur est quædam obligationis species. Verūm hoc modo tantum abest vt quicquam afferamus dignitatis vel meriti, vt spes nostra potius va cuitatis sit ac inopiæ testimoniū. Quod sibi patefieri viam petit quā ambulet, ad anxietates refertur. Significat enim se hæzere quasi attonitum, vt pedē mouere nequeat, nisi aperto sibi Diuinitus exitu: quā diceret, Domine, omnia animæ meæ desideria ad te ferūt: ergo in rebus tā perplexis cōsiliū mihi expedias.

9 *Eripe me ex inimicis meis.* Eodē serē tendit hæc precatio: quia omnes ei

exitus claudebat hostium importunitas. Porro verbū *eripe* vertunt quidam sperare: propria significatio est tegere, à qua recedere notū. Quidam tamen sic resoluunt, quod Dauid expositum se videns mille mortibus, conuulerit se sub tegumentum vmbrae Dei, ac sub tutela eius latuerit. Quæ expositio mihi videtur probabilis: certe magis eam amplector, quā alteram quæ propter argutiam nonnullis placet, Dauidē nō esse vagarum huc & illuc, sed vno Deo teste cōtentū, seorsum & occulte eū inuocasse.

10 *Doce me ut faciam.* Altius iam descendit. Neque enim tantum postulat ab externis molestiis liberari, sed (quod præcipuum est) gubernari Dei Spiritu, vt neque ad dextram neque ad sinistram decinans, contineat se in vera rectitudine. Quod votum statim occurrere nobis debet quoties nos tentationes durius exagitant: quia nihil difficilius quam nos ita subicere Deo, ac illius remedia appetamus. Quā ergo cura, metus, agnitiones, stadia, colores ad quiduis tentandum saepe multos impellant, exemplo Dauidis frænum à Deo nobis iniici petamus, ne carnis impulsu feramur quod non oportet. Sed diligenter notanda est loquendi forma: quia non tantum doceri cupit qualis sit Dei voluntas, sed doceri & formari ad obsequium, vt eam faciat. Prior enim docendi modus parū esset efficax: quia vbi ostendit Deus quid rectum sit, non protinus sequimur quod vocat, donec affectus nostros ad se traxerit. Ideoque necesse est Deum nobis non mortua tantum litera magistrum esse & doctorem, sed arcano Spiritus instinctu. imò tribus modis fungitur erga nos magistri officio: quia verbo suo nos docet: deinde Spiritus mentes illuminat: tertio cordibus nostris insculpit doctrinam, vt vero &



serio consensu obediāmus. Nam & verbi auditus per se esset inutilis: nec sufficeret intelligentia, nisi accederet voluntarium cordis obsequium. Nec verò dicit, doce me ut possim facere, sicut Papistæ somniant in hoc tantum valere Dei gratiam ut nos ad bonum flexibiles reddat, sed præsentem effectum statuit. Idem & proximo membro confirmat, quum dicit, Spiritus tuus bonus deducat me, &c. Ducem enim Spiritum Dei optat non modò quatenus illustrat mentes, sed efficaciter corda flectens, in consensum nos quasi manu ducit. Porro circumstantia loci admonet, ubi certamen nobis est cum improbis, sedulo cauendum esse ne arripiant nos præposterum affectum: & quia nobis ad eos frangendos & cohibendos non suppetit ratio vel facultas, Spiritum Dei semper optandum esse ducem, qui eorum intemperiam subigat. Interea docemur generaliter quid valeat liberum arbitrium: cui hic à Davide eripitur recta electio, donec cor à Spiritu Dei formatum fuerit ad sanctam obedientiam. Et verbum *duendi* confirmat quod nuper attigi, Davidem non fingere mediam gratiam de qua balbutiunt Papistæ, quæ hominera relinquat suspensum: sed efficaciam longe maiorem exprimere, sicut etiam Paulus docet, Philip. 2. 13, Deus est qui operatur in vobis velle & perficere pro suo beneplacito. *Terram rectam* metaphorice accipio pro rectitudine: quia significat David, simul ac despectimus à Dei beneplacito, in errorem nos abduci. Iam epitheton *Spiritus*, tacite prauitati nobis ingentæ opponitur: ac si dixisset David, vitiosas esse & tortuosas omnes hominum cogitationes, donec Spiritus gratia correctæ fuerint ad veram regulam. Vnde sequitur, nihil nobis à sensu carnis integrum vel sanum distari. Fateor quidem reprobos abripi spiritu Dei malo, quia Deus sua iudicia per diabolos exequitur. Sed hoc loco Davidem tam subtiliter loquutum esse non arbitror: quin potius, damnata sua prauitate, bonitatis, iustitiæ & sinceritatis laudem tribuisse Spiritui Dei. Iam quum dicit, *quia tu Deus meus*, ostendat nō aliunde quàm ex gra-

tuita adoptione & promissionibus se petere impetrandi fiduciā. Neque enim in arbitrio nostro est facere ut sit Deus noster, donec gratis nos preueniat.

11 *Propter nomen tuum.* Confirmat melius hoc verbo, non ex alio fonte, quàm mera liberalitate Dei, salutis fidem petere. nam siquid afferret proprium, non resideret in solo Deo causa. Atqui dicitur propter nomen suum nos inuare, ubi nihil in nobis reperiēs quod favorem conciliet, sola sua bonitate inducitur. Et eodem pertinet *inestitia* nomen: quia Deus fidelium salutem materiam sibi constituit illustrandæ suæ iustitiæ, ut alibi diximus. Simul etiam repetit quod dixerat de ingenti afflictionum suarum magnitudine: quia vivificari petens, fatetur quodammodo se esse exanimem, vel morti addictum, nisi arcana quadam resurrectione eum resituet Deus, penes quem sunt exitus mortis, Psal. 68. 21.

12 *Et in clementia.* Hoc quoque verbum rursus inculcat quod quater vel quinque prius dixit, se vitam sperare ex mera Dei bonitate. Nam licet seuerus appareat Deus in perdendis impiis, quā de illis exigit vindictam testimonium paternæ erga se gratiæ fore affirmat David. Et certe ut plurimum sibi mutuo occurrunt, Dei seueritas & misericordia: quia suis seruandis manum porrigere volens, iræ suæ fulmen contra eorum hostes exerit. Denique armatus prodit ad suos liberandos, sicuti apud Iesaiam cap. 63. 4, loquitur, Dies vindictæ in cor. de meo, & annus redemptionis meæ hic est. Porro seruum Dei se nominans, nequaquam officia sua iactat: sed potius commendat Dei gratiam, cui hoc acceptum referri debuit. Neque enim proprio Marte vel industria acquiritur hæc dignitas, ut censeamur inter Dei seruos, sed à gratuita eius electione pender, qua nos in suorum numerum & ordinem, antequam nati sumus, accensere dignatur: sicuti idē David alibi clarius exprimit, Ego seruus tuus, seruus tuus sum, & filius ancillæ tuæ, Psal. 116. 16. Tantundem enim hoc valet ac si Dei se clientem faciens, eius patrocinio vitam suam permitteret.

## ARGVMENTVM PSALMI CXLIIII.

*Psalmus hic gratiarum actione & precibus missus est: quia David magnifice extollens donorum Dei, quibus ornatus fuerat, amplius humis sue quod cursum totius vite humana multis incommodis obnoxium videret, siue quia restabat multum negotii cum hominibus peruersis, nota simul facit ut Deus eadem gratias ad finem usque prosequatur. Diff. ii. a Psalmo decimo octavo: quia illic peccato regno, rebusque prosperè fluentibus, tantummodo triumphas: hic verò aliquas sollicitudinis & metus notas aspergit: quia adhuc cum exercebans bestium reliqua.*

*Psalmus CXLIIII.*

**D**AUDIS. *Benedictus Iehoua, fortitudo mea, qui docet manus meas ad praelium, digitos meos ad bellum.*

*2 Beneficentia mea, & munitio mea, arx mea, & liberator meus mihi, clypeus meus, & in ipso speravi, subiciens populum meum sub me.*

*3 Iehoua, quid est homo ut agnoscas eum? filius hominis, ut de eo cogites?*

*4 Homo vanitati similis, dies eius quasi umbra prateriens.*

**1 Benedictus Iehoua.** Facile apparet, Dauidem, quum tam splendidis elogiis celebrauit Dei gratiam, non modò regno potitum fuisse sed insignes quoque victorias adeptum, Deum *robur suū* appellans, fatetur, quicquid habet fortitudinis, Diuinitus sibi fuisse inditum: nò modò quia ex pastore rustico factus erat strenuus bellator: sed etià quia perseuerantia singulare erat Dei donum. Videtur autem melius quadrare nomen hoc quàm rupi: quia exegetice còtinuò post addit se Dei magisterio formatum esse ad militiam. Nam certè his verbis agnoscit, quanuis militari esset animo, non tamen se fuisse natum ad bella gerenda, nisi nouus homo creatus esset. Quale enim rudimentum præbuit in Goliath? certè ridicula fuit illa aggressio, nisi quatenus arcana Dei virtute instructus, humanis adminiculis nò indiguit.

**2 Beneficentia mea.** Dura est locutio Latinis auribus in sensu passiuo, sicuti Hebræis accipitur: sicuti quum aliò Regem Deise nominat: Psal. 18. 51, nò quòd imperium exerceat in Deum, sed quia ab ipso creatur, & ordinatus erat. Quia ergo tot modis Deum expectus fuerat beneficium, bonitatem suam nominat, ab eo manare intelligēs quicquid posidet bonorū. Quæ sequitur verborum congeries, tamen si videri possit supercua, plurimum tamen ad fidei con-

firmationem valet. Scimus quàm lubricæ sint hominū mētes: præsertim quàm facile excidant à fidei cōstantia, vbi incubuit grauior tempestas. Si igitur vno verbo Deus nobis opem promittat in hac infirmitate ad nos retinendos, non sufficit: imò quamlibet multas futuras adhibeat, non modo subinde multas vacillationes patimur, sed obrepit etià gratiæ obliuio, quæ animos nostros prope modū deiicit. Quare sciam⁹, Dauidē nō testandæ modò gratitudinis suæ causa tot elogia colligere ad celebrandā Dei gratiam, sed vt pios vndique munia contra omnes Satanz mundique insultus. Porro non abs re in præcipuis Dei beneficiis recenset, quòd populum sub imperio suo cōtineat. Quòd **MY** quidam pro **MY** positum esse voluit, & vertunt populos: miror cur eos delecter tam coacta interpretatio, quum simpliciter intelligat Dauid, statum regni non tam suo consilio, virtute, artibus, & auctoritate fuisse compositum, quàm arcana Dei gratia. Et appositè vsus est verbo **MY**, quod extendere sign. fiat. Nā quòd quidā expansum populum intelligunt, quia latus ac sælix in otio sederet, lōgè pretiū videtur. Nihilò magis recipio quod alii volūt, præstratū fuisse quasi pedibus calcandum: quia violentia illa dominatio in electo populo, & sancta Dei hæreditate nō tam fuisset oprabilis.

Vbi autem libenter & sponte legibus obtemperat populus, placide se in ordinem quisque cogit, melius refulget Dei benedictio. Et concinne, vt diximus, expansio vocatur talis æquabilitas, in qua nihil est turbulentū, vel confusum. Postquam ergo Dauid quas adeptus erat victorias contra externos, Deo ascripsit, simul etiam gratias agit de ordinato Regis statu. Et certè quum esset ignobilis, deinde falsis calumniis exosus, vix credibile fuit posse vnquam tranquillū imperium consequi. Quod ergo præter spem repente se populus dedit, tam admirabilis mutatio præclarum fuit Dei opus.

3 *Iehoua quid est homo, &c.* Amplificat comparisonem, Dei gratiam. Vbi enim tam præclare secum esse actum narravit, conuertit in se oculos, & exclamans rogat, Quisnam ego sum, ad quem Deus se demittere edignatur? Sermo quidem generalis est de toto genere humani: sed hæc circumstantia notanda est, quod reputans quam sordida sit & abiecta sua conditio, Dei gratiam magis

commendat. Aliis locis producit in medium quæ priuatim ipsum humiliare poterant, sed nunc intra communem naturæ respectum se continet: imò quum excussa hominum natura, posset etiam alia referre, cur indigni sint Dei amore & cura: breuiter attingit fumo vel umbra esse similes. Vnde sequitur, Deum bonitati suæ diuitias erga immeritos explicare. Monemur interea, quoties obrepit nostri obliuio vt nos putemus esse aliquid: sola vitæ breuitate retundi debere omnem arrogantiam & fastum. Nā quæ de hominum fragilitate disserit Scriptura, simul coniungit quæ necessariò annexa sunt. Nam quum momento euanescat vita nostra, quid reperietur in nobis firmum? Discendum præterea est, nunquam satis probè à nobis expendi Dei gratiam, nisi in mentem nobis veniat nostra conditio: quia tunc verè tribuitur Deo quod suum est, vbi agnosceamus indignis cum benefacere. Reliqua petant lectores ex Psalmo octauo, vbi similis fere habetur sententia.

5 *Iehoua inclina calos tuos, & descende: tange montes, & fumabunt.*

6 *Fulmina fulmen, & dissipà eos: mitte sagittas tuas, & disperde eos.*

7 *Mitte manum tuam ab excelsso, eripe me ex aquis magnis, è manu filiorum alieni.*

8 *Quia os eorum loquutum est fallaciam, & dextra eorum dextra fraudis.*

5 *Iehoua inclina calos tuos.* Vbi pro merito extulit superiores Dei gratias, petit vt ad regni conseruationem suppetias ferat pro necessitate præsentis. Sicut autem heroico animo gloriarus in Deo fuerat, eandem in precibus quoque magniloquentiâ retinet, vt calos inclinet, forum eliciat ex montibus, aerem fulminando conturbet, sagittas iaculetur. quibus loquendi formis haud dubiè impedimenta omnia discutit, supra quæ emergere nobis difficile est, vt immensam Dei potentiam fide comprehendamus. Psalmo decimo octauo, quæ iam expertus erat Dei auxilia, iisdem ferè lo

quendi formis commendat, significans mirabiliter & insolitis modis se fuisse diuinitus seruatum. Etsi enim non semper tale aliquod signum apparuit quoties ei opitulatus est Deus, meritò tamen quæ præter spem contigerant, extollit supra communem naturæ vsum. Hic verò aliud propositum fuit, nempe quum se multæ mortes ingererent, quæ possent desperatione obruere eius mentem, conciperet incredibilem Dei virtutem, cui omnia mundi obstacula cedere necesse est. Certè non frustra hyperbolicis istis loquutionibus euectus est, ne salutem suam includeret humanis



humanis mediis: quia nihil magis præposterum tunc fuit, quàm Dei virtutem consuetis modis metiri.

7 *Mitte manū tuam ab excelsō.* Iam vno verbo intelligimus quorsum tendāt priores figuræ, nempe vt cessantibus terrenis subsidiis, manū suam è cælo Deus exerat: quia periculi magnitudo poscebat inusitatum iuuandi morem. Ideo hostes suos aquis magnis & profundis comparat. Quod alienos vocat, non tam ad generis originem, quàm ad ingenium & mores refertur. Malè enim hoc ad in circuncisos trahitur, quum degeneres potius ludæos perstringat Dauid, qui falsò gloriabantur in carnē. Et paulo post significat non tam sibi cum exeris esse negotiū, qui vi & armis ex professo

pugnarent, quàm cum intestinis hostibus. Per *dextram falsitatis* quidā intelligunt temerarios conatus, quos sperabat Dauid frustratum iri. Alii restringunt ad solennem iuramentandi ritum, ac si vocasset periuros. Alii exponunt, non minus exequi manibus peruersa consilia, quàm lingua mentiri. Sed quia in promissionibus recepti moris fuit, manus confere re, sicuti dicit Solomo, Prou. 11. 21, & 16. 5, Manus ad manum, non dubito quin significet perfidos, insidiosos, & fallaces. Optimè enim cohærent, hæc duo inter se, lingua fallax, & manus fraudulenta: ac si dixisset, quicquid promittant, nihil tamen sperandum est: quia tantum fallendi causa blandè loquantur, & manus porrigant.

9 *Deus canticum nouum cantabo tibi: innabulo, in psalterio psallam tibi:*

10 *Dans salutem Regibus, redimens Dauidem seruū suum à gladio noxio.*

11 *Redime me, & eripe me è manu filiorum alieni, quorum os loquutum est fallaciam, & dextra eorum dextra fraudis.*

9 *Deus canticum nouum cantabo tibi.* Iterum collecto animo se ad grātiās agendas comparat, non dubitans quin Deus ad extremum vique beneficia sua tueri velit. Diximus autem alibi per canticum nouum intelligi rarum & singulare. vnde sequitur, plus sperasse Dauidem, quàm caperet humana ratio: quia pro auxilii magnitudine promittit insolitum cantici genus, quod insigni epitheto à quotidianis sacrificiis separatur. Quantum ad *Nablon & Psalterium*, diximus alibi fuisse hanc partem legalis pædagogię. Præcipuè verò notandum est cantici argumentum, quòd scilicet Deus Regum seruator Dauidem sua autoritate & mandato creatum & vinctum Regem, non modò tutatus sit, sed redemerit à gladio. Quòd videtur quibūdā tacita fuisse antithesis inter Reges & plebeios, quasi diceret Dauid non modo gregarios homines diuinitus seruari, sed potentissimos etiam quosque, qui videntur propriis viribus satis superque esse tuti: nescio an satis firmū sit. Mihi diuersa ratio magis probatur,

quauis totum humanū genus Deus sustentet, peculiari tamen modo curā suā extendere ad tuendum ordinem politicum vnde pendet communis omnium salus. Perinde igitur est ac si vocasset regnorum præsidem & custodem: quia quum odiosa res sit nomen imperii, nec libenter quisquam alteri pareat, nec quicquam magis naturæ contrarium sit quàm seruitus, singuli excusso iugō, certatim solia Regum euerterent, nisi tegerentur arcano Dei præsidio. Interea Dauid ab aliis Regibus se distinguit, sicuti alibi dictus est primogenitus Regum: Psal. 89. 28, vel saltem in summo gradu se constituens, quia sacra vñctione præ aliis donatus fuerat, dicit excelluisse erga se Dei gratiam. Et honoris causā specialem serui Dei titulum sibi vindicat: quia etsi cuncti Reges, Dei sunt ministri & Cyrus *rex* *egorum* apud Iesaiam 45. 1, vocatur seruus Dei: quia tamen nemo vnquam profanus Dei vocationem agnouit, & tunc vnus in toto orbe erat Dauid legitima autoritate præditus, vt certa fide regnaret. meritò appo-

nitur hæc discriminis nota. Sub *gladio* noxio non dubito quin comprehendat pericula omnia quibus per tot annos defunctus fuerat, ut verè dici posset per

varias mortes peruenisse ad solium, & inter mortes ipsas stabilitum fuisse in folio.

12 Quia filii nostri sicut plantæ, quæ creuerunt in adoleſcētia sua: filia nostre sicut anguli politi in similitudinē palatii.

13 Recessus nostri pleni, exeuntes à specie in speciem: oues nostre in millia fecunda, in decem millia in plateis nostris.

14 Boves nostri ad onus assueti, non ruptura, neque egressus, neque clamor in plateis nostris.

15 Beatus populus cui sic, beatus populus cuius est Iehoua Deus.

12 Quia filii nostri sicut plantæ.

Hos tres ultimos versus quidam accipiunt in modo optandi. Alii Dauidem sibi gratulari putant, et tunc populo, quòd tunc feliciter bonorum omne genus à Dei benedictione fluebat. Nec cerè dubito quin Dauid cum gratiarum actione commemoret quàm liberaliter egisset Deus cum populo. Sed interea nò male còuenit simul precari ut salua maneat Dei beneficia, quorum propè abruptius fuisset cursus per sceleratos homines, & hostes domesticos, nisi rebus turbatis & confusis diuinitus subuentum foret. Hic ergo finis est, ne suat Deus tam splendidas benedictiones, quibus onerauit populū, collabi & euanescere. Et primò quidem à liberis incipit, in quibus *לְבָנֵי* laudare volens masculos plantis còparat quæ in adoleſcētia creuerunt: quia arbores nisi maturè grādescant, dum adhuc teneræ sunt, vix vnquā acquirūt proceritatem. Pullas similes esse dicit *angulus bonè & affabè excisus*, ut speciosū ædificiū faciāt: quasi diceret elegantiā & splendore domū ornare. Porro sobolem generosam & bene moratā primo loco poni inter terræ Dei beneficia, mirum non est. quæ de re alibi fusius differuimus. Cæterum quum loquatur Dauid in persona totius populi, suāsque fortunas communibus permisceat, hinc colligimus minimè priuatis suis commodis fuisse additum.

13 Recessus nostri pleni, exeuntes. Vertunt alii penuaria: quod non repudio. Sed quum nomen ab eadem radi-

ce deductum sit à qua, *רָוַן*, quod proximo versu habuimus, ad etymologiam melius congruere visum est quod verti, nempe recessus pleno, esse. Participium *רָוַן* transiitue quidam accipiunt & ventum producentes: sed eodem ferè redit sensus, quòd scilicet scaturiat omnis bonorum copia ex angulis omnibus. Porro vbi dicitur *רָוַן אֱלֵי* mihi potius videtur multiplex & distincta notari bonorum varietas, quàm quod quidam Interpretes volunt tam vberem prouentum affluere ut miscantur species, & ex immodica abundantia confusus aceruus fiat. Nihil enim opus est confugere ad duram illam hyperbolē: & verba diserte aliud sonant: quia si confusa fuisset congeries, dicendum simpliciter erat. *רָוַן*. Summa igitur est, populū non solum tritico, sed omni frugum genere ita esse locupletem, ut recessus omnes, quantum ad satietatem sufficit, quauis specie abundent.

14 Boves nostri. *בָּקָר* Hebræis propriè est portare Vnde *בָּקָר* quidam accipiunt pro robustis: quia nisi benè nervosi essent boves, non essent pars ad vecturam vel onus trahendum. Alii tamen oneratos pinguedine intelligunt. Quæ de re non adeò laboro, quia ad summam rei non admodum interest. Porius hoc notatu dignum, hoc nomine laudari paternam Dei indulgentiam erga suos, quòd minimis quibusque eorū commodis prospicere non gravatur. Ergo sicuti proximo versu, pecudum &

ouium

ouium fecunditatem ascripsit Dei gratiæ, ita nunc dicit ab eo saginari boues, vt sciamus nullam vitæ nostræ partem negligi. Quia verò parum profecerat affluere omni rerum copia, nisi ea frui liceret, subiicit Deique beneficio quietum & tranquillum esse populum. Ac primò per *rupturam* non dubito hostiles incursus notari: quasi diceret, hostes non perrumpere violenter effratis portis vel muris. *Egressum* miror cur plerique accipiant pro exilio: ac si dixisset, non rapi nec trahi populum extra patriæ suæ fines. Simpliciter enim (meo iudicio) docere voluit opus non esse eruptione aliqua ad repellendos hostes, quum nemovim aut molestiam inferat. Eodem pertinet *clamor in plateis* qui ex subito tumultu exoritur. Sensus ergo est, nulla inquietudine turbari vrbes: quia Deus hostes procul arceat.

15 *Beatus populus cui sic.* Concludit hoc modo, satis testatum esse & conspicuum erga suos Dei fauorem. Siquis obiiciat, nihil nisi crassum & terrenum spirare, quod de felicitate hominum æstimat ex caducis commodis: respondeo, hæc duo coniunctim legenda esse, beatos esse qui in sua abundantiâ Deum

sibi propitium sentiunt: & sic eius gratiam degustant in benedictionibus caducis, vt de paterno eius amore persuasi, aspirent ad veram hæreditatem. Nec verò absurdè hoc dicitur, beatos esse quibus in hoc mundo Deus benediceret, modò ne in ipsa fruitione & vsu excutiant, vel socordes ac stupidi negligant authorem. Nam quòd nonnullis vitæ subsidiiis desitui nos Deus patitur, hæc certè tam benigna eius providentia illustre rari amoris speculum est. Quid autem optabilius, quàm nos Deo curæ esse? præsertim vbi non ita inspidi animi sunt quin Deum colligant sibi esse patrem, qui tam liberaliter ab eo aluntur. nam ad hunc scopum referri debent omnia. Et alioqui inedia statim consumi præstaret, quàm satiari brutorum animalium instar: nec tenere hoc præcipuū caput, beatos esse quos Deus in populū elegit. Interea notandum est, quanuis partem aliquam felicitatis gustandam nobis Deus in potu & cibo delibet, non ideo tamen miseris esse fideles qui per inopiam & egestatem ægrè vitam trahunt: quia defectum hunc, qualiscunque est, solatis melioribus Deus supplet.

## ARGVMENTVM PSALMI CXLV.

*Propheta secum reputans admirabilem Dei sapientiam, bonitatem, iustitiam primùm in tota mundi gubernatione: præsertim verò tuendo, fouendo, & regendo genere humano, effertur ad celebrandas eius laudes. Postquam autem in genere elegia providentia eius recensuit, tandem descendit ad peculiarem gratiam quæ dignetur suis fidelibus.*

Psalmus. CXLV.

**L**Aus Davidis. Extollam te Deus meus Rex, & benedictam nomini tuo in seculum & vsque.

2 Quotidie benedicam tibi, & laudabo nomen tuum in seculum & vsque.

3 Magnus Iehoua, & laudabilis valde, & magnitudinis eius non est inuestigatio.

4 Generatio generationi laudabit opera tua, & potentiâ tuam narrabunt.

5 Decorem gloriæ excellentiæ tuæ, & verba mirabilium tuorum meditabor:

6 Et fortitudinem terribilium tuorum dicent, & magnitudinem tuam narrabo.



1 *Extollam te.* Non tantum quid facturum sit narrat David, sed tam se quam alios incitat & hortatur ad hoc pietatis officium, ut sacrificia laudis quæ meretur, Deo simul omnes offerat, Nam in hunc finem Deum humano generi tam beneficium esse admonet, ut pia gratitudine colatur. Studii quoque perseverantiam commendat, nam quum sua beneficia continuet, minime æquum est nos in eo laudando fatigari. Itaque sicuti novam subinde materiam laudum offert suis fidelibus, ita eos ad gratitudinem stimulat, ut toto vitæ cursu in ea se exerceant. Nam quum dicit *quotidie*, notatur assiduitas. Postea addit etiam si plura secula victurus esset, *se in finem usque id facturum.* Et repetitio ad notandam vehementiam non parum facit. Iam quum probabile sit, compositum fuisse Psalmum quo tempore florebat regnū David, hæc circumstantia notatu digna est, quod Deum Regem suum vocando, se & terrenos omnes Principes cogit in ordinem, nequa terrena altitudo obscuraret Dei gloriam. Quod etiam melius confirmat proximo versu, ubi exclamans magnitudinem Dei immensum esse, admonet tunc rite demum à nobis Deum laudari quum ad immensitatem potentie eius quasi obstupefacti, vel rapimur in ecstasi. Ex illo deinde fonte admirationis pro modulo nostro manabunt iustæ laudes.

4 *Generatio gener.* Hic in genere ostendit creatos esse in hunc finem cūctos mortales, & sustineri in vita ut studium suum impendant canendis Dei laudibus. Ac subest tacita antithesis inter æ-

ternum Dei nomen, & famæ immortalitatem, quam sibi magni viri rebus præclare gestis acquirere videntur. Est enim historiis celebrantur humanæ virtutes, Dei tamen lōgè diuersa est ratio qui memoriam operum suorum quotidie renouat, imò præsentis fructu eam fouet, vigereque facit in animis nostris ne vnaquam intercidat. Hac ratione etiā gloriosum dicit excellentia splendorem, vel decus, ut se & alios in eius admirationem melius attollat. *Verba mirabilium* pro incomprehensibili operum Dei ratione accipio: quia totidem sunt miracula quæ sensus nostros absorbent. Atque hinc colligimus, Dei magnitudinē non latere in arcana eius essentia, de qua omisissis operibus, qui subtiliter disputant, frigide tantum nugantur: quum vera religio non speculatiuam, sed practicam notitiam requirat. Postquam autem dixit *eloquar*, vel *meditabor* (verbum enim מְדַבֵּר utroque modo posse accipi, alibi vidimus) sermonem ad alios transferens, significat semper aliquos fore in mundo, iustitiæ, & bonitatis Dei præcones: simulque dignas esse virtutes Dei, quarum fama in omnium linguis vno cōsensu personet. Ceterum vterunque cessent alii, Deūque legitimo honore fraudent, ostendit tamen se nihilominus in suas partes intentum fore, ut silentibus aliis strenuè decantet Dei laudes. Per *robur terribilium* idem repeti quidam existimant. Quamquam videntur specialiter notari quæ aduersus profanos contemptores Deus exercet iudicia.

7 *Memoriam magnitudinis bonitatis tue eloquentur, & iustitiam tuam cantabunt.*

8 *Propitius & misericors Iehoua, tardus ad iram, magnus clementia*

9 *Bonus Iehoua omnibus, & misericordie eius super omnia opera eius.*

10 *Celebrabunt te Iehoua omnia opera tua, & mansueti tui benedicent:*

11 *Gloriā regni tui dicent, & potentiā tuam loquentur:*

12 *Ut notas faciāt filii hominū potentias eius, & gloriā*  
decoris

*decoris regni eius.*

13 *Regnum tuum regnum omnium seculorum, & dominatio tua in omnem generationem & generationem.*

7 *Memoriam magnitudinis.* Quia verbum **יָדַד** proprie scaturire significat, quum ad loquendum transfertur, quidam emphasim subesse volunt, ut sit non simpliciter le quis, sed plenis buccis effari sicuti copiosa aqua ex fonte profuit: & respondet posterius verbum **יָדַד** quod clamare vel sonore canere significat. Porro celebrare memoriam bonitatis Dei, tantumde valet ac Dei bonitatem, sicuti proprio sensu & experientia nobis cognita est, in memoriam reuocare, ut eam celebremus. Nam, ut quomodo fieri cogamur, Deum in omnibus suis vir tutibus laude esse dignum, nihil tamen magis nos afficit quam eius bonitas qua ad nos descendit, seque patrem exhibet. Ideoque David hac nos dulcedine allicit, ut sponte & alacriter feramur ad Deum laudandum: imò ut prorumpamus, sicuti sonat metaphora in priore verbo.

8 *Propitius & misericors.* Pluribus nunc verbis illustrat bonitatem illam, quòd Deus ad gratiam propensus sit. hoc enim proprie significat vox **יָדַד**. Deinde quòd miseris nostris velut con dolens, libenter succurrat. Notandum verò est, Davidem sumpsisse hæc elogia ex celebri illo Moysi loco, Exodi 34.6. nec mirum est, quum Prophetæ ex fonte Legis hauserint suam doctrinam, visio nem quæ illic refertur, summo illis in pretio fuisse: quia nusquam clarius vel familiarius exprimitur Dei natura. Ideoque David breuiter notare volens quid nos maxime de ipso Deo scire oporteat verba illinc mutuatur. Est autem hæc pars non vltima gratiæ, quòd nos ad se talibus blanditiis Deus allicit. Nam si potentiam suam proferret in medium, terrore nos illa deiceret magis quam attolleret: sicuti Papistæ Deum formidabilem describunt, qui à conspectu suo omnes profliget quum recta eius notitia ad ipsum quærèdum nos inuiter. Vnde quomodo quisque propius coniunctus est Deo melius in eius cognitione profecit. Iam si

Deus non tantum nobis vult gratificari ut ita loquar, sed miseriarum nostrarum sympathia tangi dicitur, ut sit nobis eo humanior, quò magis sumus miseri: cuius socordia esset non statim ad eum accurrere? Sed quia peccatis nostris bonitatem eius à nobis arcemus, nobisque obstruimus accessum: nisi hoc obstaculum superet Dei bonitas, frustra de eius gratia & misericordia differerent Prophetæ. Ideo quod sequitur, necessario addendum fuit: quia *magnus est clementia peccatis eum ignoscere, & tolerare vitia hominum ut etiam indignis propitius sit.* Et si autem, impios quoque patienter Deus sustinet, quia tamè percipiendæ veniæ capaces non sunt, peculiariter ad solos fideles dirigitur hæc doctrina, qui viuo fidei sensu Dei bonitatem percipiunt. Nam reprobis dicitur, Ad quid vobis di es Domini? tenebræ dies ille, & non lux: afflictio, & non lætitia, Amos 5.18. Et videmus quàm duriter statim ab initio contra eos fulminet Propheta Nahum 1.3. postquam enim elogia hæc ex Mose retulit, ne animos inde attollant, mox infert ex opposito, Deus rigidus est ac seuerus, terribilis & inexorabilis iudex. Restat ergo ut qui suis peccatis iram Dei prouocarunt, fauorem eius fide sibi reconcilient.

9 *Bonus Iehoua omnibus.* Latius patet hæc sententia quàm superior: quia hic commemorat David Deum non modo paterna indulgentia clementer ignoscere delictis, sed promiscuè beneficium esse erga omnes, sicuti oriri facit Solem suum super bonos & malos, Matth. 5.45. Quamvis ergo peccatorum remissio thesaurus sit clausus reprobis, non tamen Deum impedit ipsorum malitia & prauitas quominus in eos quoque suam bonitatem effundat Deus, sed quam sine seculo deuorant. Interea soli fideles norunt quid sit propitius Deo frui: sicuti alibi dicitur, Accedite ad eum & illuminamini & facies vestrae non pudebunt: gustate & videte quàm suavis sit Iehoua, Psal. 34.6.

Quod paulo pōst dicitur *miseretordia Dei se extendere ad omnia opera eius*, neque absurdum, neque durum videri debet. Nam quum peccata nostra totum mandū inuoluant Dei maledictione, ubique locus est misericordia Dei, vt brutis etiam animalibus subueniat.

10 *Celebrabant se Iehoua.* Concludit Dauid, quanuis multi impio silentio Dei laudes obruant, ubique tamen ipsas fulgere, spontēque occurrere & quasi resonare in mutis creaturis. Deinde speciale praeconium attribuit fidelibus, qui & oculis praediti sunt ad consideranda Dei opera, & scunt nihil esse potius quod agant, quā vt se exerceant in praedicandis eius beneficiis. Quod mox additur *Gloriam regni tui dicent* ad solos fideles refero. Quanquam si quibus magis pla-

ceat generaliter ad omnes Dei creaturas trahere, non repugno. Sed distincta ratio docendi, cuius hic meminit Dauid non nisi sanctis conuenit. Ideoque futurum tempus in verbis retineo, quod alii resoluunt in modum optandi. Caterū sub regni voce significat Dauid huc tendere manifestationem operum Dei, vt totus orbis in ordinem coactus, eius imperio se subiciat. Commendat verō regni praestantiam, vt sciant homines omnia esse peruersa & confusa, nisi emineat solus Deus. Postea exclamat regnum hoc minimē caducum esse, vt sunt terra omnia, sed firmum perpetuū stare. Atque vt haec aeternitas attentius reputetur, pra admiratione exclamans, sermonem ad Deum ipsum dirigit.

14 *Sustentans Iehoua omnes cadentes, & erigens omnes curuatos.*

15 *Oculi omnium ad te sperant, & tu das illis cibum ipsorum tempore suo.*

16 *Aperis manum tuam, & satias omne viuens beneplacito.*

14 *Sustentans Iehoua omnes.* Exempla quadam bonitatis & clementiae Dei recenset ex quibus apparet Deum non dominari nisi in publicam salutem humani generis. Per *cadentes & curuatos* metaphoricē intelligit quicumque rebus aduersis oppressi mox succumberent nisi Deus manum ad eos fulciendos porrigeret. Summa est, Deum respicere hominum arumnas, vt laborantibus succurrat. Vnde sequitur, dignum esse non modō quem reuerenter suspiciant cuncti mortales in caelo regnantem, sed cui regendos libenter & cupide se permittant. Interea admonet, minime frustratum iri quicumque solatium suis miseriis à Deo petent.

15 *Oculi omnium.* Documentum aliud bonitatis Dei profert Dauid, quod cunctis animantibus victum suppeditans, patrem familias

se illis exhibeat. Quidam Interpretes, adducti verbo *sperandi*, ad solos homines hoc restringunt ratione & intelligentia praeditos, vt alimenta à caelesti Patre petant: quia bruta animalia visu tantū & olfactu cibum quaerunt. Verūm quanuis ingenta illis non sit ratio vt pendeant à Dei prouidentia, quia tamen necessitas ipsa arcana quodam instinctu ea ad cibum quaerendum compellit, non abs re dicuntur in Deo sperare: sicuti alibi dicuntur eum inuocare pulli coruorum, Psal. cētesimo quadragesimo septimo, vers. nono. Qui verō ad homines restringūt, ne hoc quidē modo effugiat absurditatem: quia impii nihilo magis quam boues & asini, ad paternam Dei curam attentī sunt. Quando igitur ita compositus est naturae ordo, vt cuncta animalia ferantur ad suum opificem, non male



le conuenient affectum hñc pro re ipsa esse positum. Et proximo versu tollitur omnis ambiguitas, ubi dicitur omne animal saturari. Dicit autem illis dari *cibum suum & tempore suo*, quia varietas ipsa magis illustrat Dei prouidentiam, dum singulis diuersa est pascendi ratio & variaz alimentorum species in varios usus distributa & aptata sunt. Qua ratione vocat Dauid cibos ipsorum. Pronomine verò relatiuū quod cū tēpore cōiungitur, non est pluralis numeri: idēque intelligi non potest de animalibus. Suum ergo tempus vocat opportunum, quia & hac in parte admirabilem suam dispensationem commendat Deus, quòd scēnificatio, messi, vindemiis ordinauit certum tempus, & ita digessit anni vices, vt nunc herbis, nunc scēno vel palea alantur pecudes, glandibus etiam, fructibusque aliis. Nam si omnes eodem momento copias effunderet, valde incommoda esset perceptio. idēque in annuo frugum & alimentorum prouentu non parum laudis meretur opportunitas.

16 *Aperis manum.* Concinna est hypotyposis, quia enim miram Dei bonitatem, quæ in pulcherrimo hoc naturæ ordine conspicua refulget, maior pars clausis oculis præterit. Deum porrecta manu cibum animalibus distribuentem inducit Dauid. In terra, vnde

viſtus nobis prouenit, & naturalibus mediis perperam subſiſtimus. Hunc igitur errorem vt corrigat Dauid, apertam Dei manum ante oculos nostros pingit ac si in os cibum suggereret. In secundo membro nomen *יְיָ* quidam accipiunt pro desiderio: ac si dixisset, singulis animalium generibus viſtum pro voto ſuppeteret. Et certè paulo poſt hoc ſenſu ſumetur. Alii tamen referre ad Deum malunt quòd mera gratia & liberalitate pascat animalia: quia non ſufficeret tenere, ſuppeditari nobis viſtum Diuinitus, niſi accederet hoc ſecundum membrum, Deum gratis eſſe liberalem nec vlla cauſa extrinſeca moueri vt tā benignè cūctis animantibus proſpiciat. Ita cauſa hñc poſita erit pro effectu. Alimenta enim, effectu ſunt huius beneficii, ſicut *χρηματα the χρηματος*. Quòd autem ſape ciarunt & fame laborant tam homines quàm reliqua animalia, naturæ corruptelæ aſcribi debet. Nam poſt Adæ lapſum, vitiis noſtris ſape labascit pulcherrimus ille naturæ ordo quem ab initio Deus inſtituerat: & tamen in mutilis reliquiis ſemper apparet iſta Dei liberalitas quam prædicat Dauid: quia etiam in maxima frugum penuria nullus annus tam ieiuuus eſt ac ſterilis, quo non aperiat Deus manum ſuam.

17 *Iuſtus Iehoua in omnibus viis ſuis & clemens in omnibus operibus ſuis,*

18 *Propinquus Iehoua omnibus inuocantibus eum, omnibus qui eum inuocant in veritate.*

19 *Deſiderium timentium ſe faciet & clamorem eorum audiet & ſeruabit eos.*

20 *Cuſtodit Iehoua omnes diligentes eum, & omnes ſceleratos diſperdet.*

21 *Laudem Iehouæ loquetur os meum: & benedicet omnis caro nomini ſancto eius in perpetuum & uſque.*

17 *Iuſtus Iehoua.* Iam non de ſola Dei beneficentia diſſerit, quòd viſtum cunctis animalibus quotidie ſubminiſtret, ſed alias etiam eius prouidentia

partes complectitur: ſicuti quòd caſtigat hominum peccata, compescit ſceleratos: ſuorum quoque tolerantiam crucce examinat: denique iudiciis ſape

nobis incognitis, temperat mundi gubernationem. Et si autem vulgare hoc esse videtur elogium, quia in omnium ore volitat: rara tamen sapientia est caput hoc tenere, Deum in omnibus operibus suis esse iustum: ut hæc laus integra semper rebus sursum ac deorsum conuersis, ei maneat in corde nostro. Postquam enim confessi sunt omnes Deum esse iustum, maior pars simulacrum affligitur, de nimio eius rigore expositu latius protinus obtemperet votis, obstreperit: denique nihil magis visitatum est quam iustitia eius obloqui. Itaque non abs re iustitia hæc, quæ passim indigne laceratur malignis hominum iudiciis, contra tantam ingratitudinem asferitur: ac si diceret, Quamuis mundus obstreperis suis vocibus obscuret Dei iustitiam, constare tamen, & illam semper manere. Et diserte exprimit in omnibus viis, & in cunctis operibus: quia fraudatur Deus iusta laude, nisi æquabilem in toto operum eius cursu iustitia tenore agnoscimus. Atqui nihil difficilius est quam in rebus aduersis, ubi vel nos deserere vel ique persequi videtur, comperere carnis affectus, ne aduersus Dei iudicia ebulliant: sicuti de imperatore Mauricio memorabilis refertur historia quum à perfido & scelesto proditore Phoca filios suos videret iugulari, mox & ipse ad eandem rapiendus: subinde clausus, iustus es Domine, & iusta iudicia tua. Ergo vt sanctissimis tentationibus clypeum hunc vir non malus opposuit, sic & nos discamus frænum mentibus nostris iniicere, vt semper suam laudem obineat Dei iustitia. Quanquam vltimè progreditur David, Deum, ubi rigidissimus apparet, adeo à crudelitate remotum esse, vt durissima quæque iudicia æquitate & clementia temperet,

18 *Tropinquus Iehoua.* Hæc doctrina maximè est propria fidelium, quos singulari priuilegio Deus ad se inuitat, propitium se eorum votis fore promittens. Et certè otiosa, imò etiam mortua iaceret fides sine inuocatione, in qua se profert atque exerit adoptionis Spiritus, & qua testamur nobis certas ac ratas esse omnes eius promissiones. Summa igitur est, inestimabilem Dei gratiam erga fideles in eo patere, quod se

illis patrem exhibet. Iam verò quia multa nobis dubitationes obrepunt, quoribus rogandus est Deus, atque ita vel trepidè accedimus, vel fracti, & examinati deficiamus, vel metu languescit fides: ideo sine exceptione pronuntiat David Deum omnibus qui ipsum inuocant, exorabilem esse. Cæterum quia maior pars mundi suis figmentis Dei inuocationem corrumpit ac profanat, altero membro vera precandi ratio præscribitur, nempe in veritate. Quum frigidè ad Deum confugiunt homines, imò vel superbia iurgantes vel indignatione, cum eo inter præcandū ex postulēt, querunt tamē se nō exaudiri. Quasi verò inter precari & rixari, vel inter fidei testimoniū & hypocrisim, nullū sit discrimen. Maior pars sua infidelitate implicita, vix Deum in calo esse cogitat: alii eum inde libenter excutentes: alii vellent sibi esse obnoxium: alii defunctoriè eius placandum modum aliquem quærunt. ita vulgaris mos precandi nihil aliud est quam friuola & inanis ceremoniam. Et quum ad Deum in sua necessitate cursitet totus fere mundus, vix decimus quisque affert fidei aut pœnitentiæ guttam, arqui præstaret sepultum relinquere Dei nomen, quàm talibus ludibriis subicere. Ideo non frustra in precibus exigitur veritas, vt prodeat ex sincero corde. Porro mendacii quod huic sinceritati cõtrarium est, variæ sunt species ac prope innumeræ: infidelitas, dubitatio, impatientia, murmur, ficta humilitas, vitiosæ cupiditates totidem sunt mendacia. Iam quia hæc non levis momenti doctrina est, rursus eam exegericè proximo versu confirmat David. Atque hæc repetitio diligenter notanda est: quia adeo procliuem nobis ad incredulitatem ingenium est, vt paucissimi statuāt se vocante Deo non frustra preces concipere. Hinc fit vt peruersa agitatio huc & illuc vagas mentes impellat: sicuti in Papatu sibi excoGITARUNT innumeros parronos, quia pro nihilo fere ducebant, Dei promissiones quibus nos ad se inuitat, indubia fide amplecti. Ergo vt latius pateant fores, hic Spiritus sanctus per os Davidis inculcat Deum morem gerere piorum omnium desiderans. Quæ loquutio dici non potest quam efficaciter in animos nostros penet-

penetrare debeat. Quid enim est homo, ut eius voluntati se mingerum prabeat Deus: cuius altitudinem suspicere, & cuius imperio suppliciter parere nostrum est? ac qui ad hanc legem vitrò se demittit ut nostris desideriis obcèperet. Quāquam frano temperanda est hac libertas. neque enim licentia quidvis appetēdi permittitur, ut proterue quicquid libido tulerit, pii ab eo flagitent: sed antequam eorum vota se exauditura affirmet Deus, eorum affectibus legē obediētiæ & modestiæ edicit, quem admodum docet Iohānes, Scimus quod nihil nobis negabit, si quidem petierimus secundum eius voluntatem, .I. Iohan. 5. 14. Atque hac de causa formam precandi dictauit nobis Christus, Matth. 6. 10, Fiat voluntas tua: ut cācellos nobis circundaret, ne præposterē Dei beneplacitis nostra præferamus, vel sine delectu petamus quicquid in buccam venerit. Iam disertè exprimens Dauid *imentes Deum*, timorem, reuerentiam & obsequium prius illis commendat, quā proponat Dei indulgentiam: ne sibi plus optare fas esse putent, quā ille verbo suo probat & concedit. Quod additur de *clamore*, species est correctionis. Neque enim tam facilis semper apparet Deus, ut quod rogatus est, eodem momento præstet. Ideoque perseverantia opus est in hoc fidei examine, ut vota confirmet clamor. Postrema etiam particula, *seruabit eos*, vice correctionis posita est: ut sciamus quatenus, & in quem finem impleat Deus suorum vota, nempe ut re ipsa pateat fidum esse salutis eorum custodem.

20 *Custodit Iehoua.* Eandem doctrinam prosequitur, Deum seruis suis propinquum esse, ut in necessitate opē ferat: quia hic certus est effectus præ-

sentiæ Dei, quicquid accidat discriminum, saluos tamen & incolumes eius gratia semper euadere. Quod verò timoris loco nunc *dilectionem* ponit, notatu dignum est. hoc enim epitheto fideles inuigilians, quod Deum diligant, radicem veræ pietatis esse ostendit, voluntario affectu se Deo subiacere: quod ipsum, ex fide nascitur. Donec enim gratiæ suæ dulcedine nos Deus traxerit, nunquam sequetur placida hæc submissio. Quāquam fortè istud diligere, de quo loquitur Dauid, longius patet: quia non modò se Deo addicunt fideles, ut imperio pareant, sed quia sciunt nihil esse optabilius quā ei coniungi, ad hæc felicitatem toto animo aspirant. Inter ea tamen dubium non est, veræ sanctitatis & iustitiæ præcipuum caput hic notari, sicut & apud Moſen Deut. 10. 12, Et nunc Israel quid abs te petit Dominus Deus tuus, nisi ut ipsum diligas, &c. Hunc verò pietatis fructum, quod tuti saluque manemus sub Dei custodia, cōtrario membro Dauid amplificat: pronūtians iusta Dei vindicta male perituros omnes impios. Tandem ut primis vltima respondeant, iterum affirmat *se laudandum Deū se præconem*, & omnes suo exemplo ad hoc idem officium hortatur. Nā quod vertunt aliqui, omnis animas benediceret: mihi non probatur. Quum Moſes de diluuiο loquens, omnē carnē in qua erat spiritus vitæ, interiisse dicit, factor sub hac voce comprehendī bruta animalia: verūm vbicunque sine adiectione ponitur *euro*, nō nisi ad homines refertur. Neque tamen hic Dauid quid faciuri sint prædicat, sed quid facere debeant: ac si diceret, immensa & inexhausta Dei bonitate obstrictos teneri cunctos mortales ad Deum assidue & iugiter laudandum.

## ARGVMENTVM PSALMI CXLVI.

Postquam se & alios suo exemplo hortatus est Dauid ad canendas Dei laudes, morbum ferē omnibus ingenicum corrigi, ne spes suas lucē illuc spargendo, se decipiant. Simul ostendit remedium, ut tota eorum spes in Deo sit defixa. Quo autem alacrius ad eum se conferant, quādam potentia & gratia eius testimonia breuiter attingit.

Psalmus. CXLVI.

**H** Alelu Ia, *Lauda anima mea Iehouam.*  
 2 *Laudabo Iehouam in vita mea, psallam Deo meo quādiu fuero.*



3 *Ne confidatis in Principibus, in filio hominis in quo nō est salus:*

4 *Exibit spiritus eius, reuertetur in terram suam, in illa die peribit & cogitationes eius.*

5 *Beatus cui in auxilium est Deus Iacob, cuius spes est ad Iehoram Deum suum.*

1 *Halelu Ia.* Quinque ultimi Psalmi eadem, à qua incipiunt, voce clauduntur. Postquam autem generaliter iussit omnes laudare Deum, sermonem ad se, vel quod idem est, ad animā suam conuertit: nisi quod sub nomine animæ sensus suos magis emphaticè compellat. Secūdo versu quasi ad præstandam officium accinctus, omnes animat suo exēplo. Vnde colligimus nō leuem & volaticum fuisse motum (qualiter multi pigrum suam hac in parte accusant, sed mox in eam recidunt) sed firmum & constantem affectum, quē & sedulitas sequuta est, & effectus non fictum esse probauit. Videtur autem Dauid, quum sentiret impediri vel tardari Satanæ astutia pios conatus, prius stimulo adhibito feruorem suum incitasse, quàm aliis se ducem fore ac magistrum profiteretur. Nam quum vere & serio animatus esset, id tamen præ se ferre noluit, nisi collecto maiori ardore. Quod si Dauidi necesse fuit se ad laudandum Deum pungere, ubi celestis vita cum nostri abnegatione meditanda est, quàm acriter ad rem tam arduā stimulandi sumus? Interea sciamus, ad hoc pietatis exercitium, cuius nunc fit mentio, nunquam nos fore satis impigros, nisi strenui simus exactores. Tam quia in hunc finem alit & sustinet suos Deas in mundo, ut toto vitæ cursu se in ipso laudando exerceant, mentis Dauid usque ad finem vitæ hoc sibi agendum proponit.

3 *Ne co sitatis.* Tempestiuè inserritur hæc sententia: quia hæc exortio de causa est hominibus, quod mentes suas subinde inuoluunt multis figmentis, quo minus solui & expediri prodeat ad laudandum Deum. Ergo velaudam suam Deus in solidum obineat, corrigi atque aboleri Dauid spes omne perueras ad quas sumus alioqui nimium

propensi. Etsi autem consilium eius est, nō generaliter ab omnibus abstrahere, Principes nominat à quibus magis metuendum est quàm ab hominibus gregariis. Quid enim promitterent pauper-culi, & alienæ opis indigere Magnates vero & opulenti fallaciter nos suo splendore illecebrant, quasi nihil melius sit quàm latere sub eorum umbra. Quia verò ad eorum fortunā obstupescunt simplices, adiungit, potētissimum quēque ex mundi Principibus, esse tamen filium hominis. Quo satis stulticia nostra coarguitur, dū eos colimus quasi semideos: sicut etiam loquitur Iesaias 31.3, Aegyptius homo est, & non Deus: caro, & non spiritus. Vt cunque ergo viribus, pecunia, hominum manu, aliisque subsidiis instruiti sint Principes: admonet tamen Dauid, perperam in homine mortali & caduco locari nostram fiduciam, & stultè salutē queri ubi nō reperietur. Quod ipsum melius explicat proximo versu, ubi memorat quàm brevis & fluxa sit hominū vita. Etsi enim laxat Deus franū Principibus, ut quiduis machinādo, cælū quoque inuadant: migratio tamē animæ, quasi flatus aliquis transiret, consilia omnia & conatus repēte euertit. Quia animæ domicilium est, corpus, non malè de ea intelligi poterit quod hic dicitur. morte enī illā ad se Deus reuocat. simplicius tamē exponere licebit de flatu vitali: & contextui melius quadrabit, Si mul ac spirare desierit homo cadaver fore putredini obnoxii. Vnde sequitur pōdere ab euanido flatu quicunque in hominibus confidit. Et quum dicit *cogitationes omnes in illo die transire*, vel præterfluere, faciet hoc verbo perstringit vesani in Principum, quibus nullus finis vel modus est sperandi & appetendi, ut cælum ipsum non secus ac montibus coaceruatis transcendant. sicuti freneticus ille Alexander Macedo quum

audiret plures esse mundos, defleuit se noandum vno potitum esse, paulò post autem sarcophago contentus fuit. Et experientia ipsa demonstrat ingentes esse labyrinthos, principum consilia. Ergo ne spes nostræ perperam illis implicetur, pronuntiat David, in principibus quoque ceciderem & momentaneum fore vitæ tantum, cum qua simul omnia eorum consilia evanescent.

5 *Beatus.* Quia non satis fuisset vitium reprehendere, remedium subiicit unde pendet vera correctio: nempe tunc demum firmam & bene fundatam esse spem hominis, ubi soli Deo innititur. Huc usque enim perveniunt interdum profani homines, ut desipere agnoscat quisquis spem in carne locat. Ideoque sæpe sibi succensent, quòd tam inconsideratò salutem expectaverint ab hominibus: sed interea omisso remedio, se ab errore non explicant. Propheta igitur, damnata vanitate, quam omnibus ingentiam esse diximus, prudenter atte-

xit, beatos esse qui Deo confidunt. Eundem ordinem tenet Ieremias capite 17. 5-7, Maledictus qui confidit in homine, & ponit carnem brachium suum, &c. Deinde, Beatus vir cuius fiducia est Iehoua. Porro *beatos* pronuntians quibus in auxilium est Deus, beatitudinem fidelium ad præsentem sensum non restringit, ac si non aliter beati essent nisi dum palam & re ipsa Deus eorum auxiliator appareret: sed in eo felicitatem statuit, si verè persuasi sint se nostare nisi Dei gratia. Iam Deum Iacob nominando, eum à falsorum deorum turba discernit quibus tum gloriabantur increduli: & meritò, quia utique omnibus sit propositum, Deum querere, vix tamen centesimus quisque rectam viam tenet. Scimus autem verum Deum sua nota designari: sic ostendit non nisi certa adoptionis fide fieri ut quisque nostrum in eum recumbat. quia propitium nobis esse oportet, ut nobis paratò sit eius auxiliu.

6 *Qui fecit calum & terram, mare, & omnia quæ in illis sunt: qui custodit veritatem in perpetuum,*

7 *Ius reddens iniuste oppressis, dans panem famelicis, Iehoua solvens vinctos:*

8 *Iehoua illuminans cecos, Iehoua erigens curuos, Iehoua diligens iustos.*

9 *Iehoua custodiens peregrinos, pupillum & viduam subleuat, & viam impiorum disperdet.*

10 *Regnabit Iehoua perpetuò Deus tuus Sion in generationem & generationem. Halelu-Ia.*

6 *Qui fecit calum.* His omnibus epithetis confirmat superiorem doctrinam. Etsi enim creationis mentionem facere, videtur primo intuitu remotum, aptissime tamè cõuenit ut nobis succurrat Dei potentia quoties impendit aliquid periculi. Scimus enim quàm leuibus momentis nos ad diffidentiam Satan impellat: nos verò ad leuis imos quosque motus trepidè huc illuc agitur. Atqui si reputamus Deum esse cali & terre opificem, hunc ei honorè meritò tribuamus, In manu eius & arbitrio esse mundi quem creauit imperium. Est

igitur in primo elogio cõmendatio potentia, quæ metus omnes nostros absorbere debet. Sed quia non sufficeret, auxiliari Deum nobis posse, nisi accederet promissio qua testetur se etiam velie, atque facturum, secundo loco prædicat David fidem esse & veracem, ut iam dubitationi non super sit locus ubi nobis comperta est eius voluntas.

7 *Ius reddens.* Alias species enumerat tã potentia quàm bonitatis Dei, quæ totidem sint nobis bene sperandi argumenta. Ad hunc scopum tendunt omnia, optem Dei contempnissimus qui-

busque expositam fore ac paratā: ideoque obstaculo non fore nostras miseria quominus nos iuuet: imò hoc ferre eius naturā, ut pro cuiusque necessitate ad ferendam cuique opem propēsus sit. Primò dicit *ius reddere oppressis*, ut nobis in mentem veniat, quamvis, secundū carnis nostræ sensum, conuincat ad nostras iniurias, non tamen prætermittit quod officii sui proprium est, ut improbos ad reddendam violentiæ suæ rationem trahat. In summa, quoniam vult Deus suorum patientiam cruce experiri, diserte hic afflictos alloquitur, ne ærumnis succumbant, & liberatorem placidè expectent, qui ideo tardius occurrat ut iustus mundi iudex appareat. Sequitur, ipsum *dare panem famelicis*. Vnde etiam colligimus, non ita liberaliter semper agere cum suis, ut plena copia saturentur, sed benedictionem suam interdum subducere, ut succurrat postquā ad esuriē ventum fuerit. Si dixisset Propheta largiter pasci fideles, & quasi saginari à Deo, quis non in fame vel inedia statim desponderet animum? Non abs re ergo longius extēditur Dei gratia, ut esurientes pascat. Eodē etiā pertinent reliqua, Deum *vinclis sciure*, & *illuminare cecos*. Quia enim subinde cōtingit fideles anxietate cōstringi, vel hominum tyrannide premi, vel redigi ad extrema, acsi durissimis ergastulis inclusi forent: ideo hanc consolationem proponi necesse fuit, Domino esse faciles exitus quoties in tales angustias redacti erimus. Illuminare cecos: tātundē valet ac lucem dare ex tenebris. Itaque quoties destituimur consilio, perplexique hæremus, confusi denique iacemus & attoniti, acsi incumberent mortis tenebræ: discamus Deum ornare hoc eloquio, ut caligine discussa, nobis oculos aperiat. Sic quum *curuos erigere* dicitur, discamus colligere animum si quando sub onere gementes friscimus. Neque enim vult solum Deus hic celebrari laudes suas, sed excis, captiuis & afflictis manum quodāmodo ideo porrigit, ut curas suas & dolores in eum reiciat. Nec superuacuum est quod ter repetit nomē *Iehouæ*: quia hoc modo ad ipsum querendum sollicitat & pungit homines, qui sepe frangui rotundo, maluit

putrescere in suis miseriis, quā ad certum hoc asylum se conferre. Quod potestemò dicitur *Iehoua iustos diligere*, videtur species esse correctionis. Constat enim plerisque, licet duriter premantur, anxii suspirent, iaceant in tenebris, nihil tamen solati à Deo sentire: nempe quia tunc quoque sua contumacia Deū magis prouocant, ac vix centesimus quisque implorat eius gratiam, iustam ingratitudinis suæ mercedem reportant. Itaque non abs re Propheta quod generaliter dixerat, Deum miseris opitulari, nunc ad iustos restringit, ut syncero pietatis affectu ei se addicant qui eum experiri cupiunt liberatorem.

9 *Iehoua custodiens*. Sub peregrinis, pupillis & viduis, per synecdochen eos omnes Propheta complectitur quos deficiunt humana subsidia. Quia enim notis & propinquis quisque fauet, peregrinos scimus ut plurimum iniuriis esse obnoxios. Viduis & pupillis qui se defensores offerant ac vindices, non multi reperiuntur: quia videtur perdi opera, ubi spes nulla compensationis affulget. Ergo sub his exemplis docet Propheta, quacunque molestia grauemur, non nisi per nos stare quominus manu porrecta nos Deus eruat, qui tam suauiter ad se inuitat omnes miseros. Ex opposito impiis eius contemptoribus denuntiat omnia malè & infelicitate cessura. Diximus primo Psalmò, *vix no-nine totum notari vitæ cursum*. *Disperdet igitur Deus viam impiorum*, quia omnia eorum consilia, omnes actiones, quicquid tentarint vel aggressi fuerint, maledicet, ut nihil eis prosperè succedat. Quauis ergo polleant consilio, imò callidi sint & astuti, facultas etiam bonorum omnium suppetat, omnes eorum spes Deus euerdet. Nam sicuti manum suis porrigens, per quauis obstacula, imò per inuia eos deducit: ita rursus apertam & planam viam reprobis abruptet.

10 *Regnabit Iehoua*. Sermonem ideo ad Ecclesiam cōuertit, quo melius persuadeat piis omnibus re ipsa talem sensuro. Deum qualem antehac descripsit. Porro quum Deum vocat perpetuam Regem, simul tenendum est in quem finem regnet. Ac definitio ex superioribus elogiis petenda est. Vnde sequitur



quirit, tam in vita quàm in morte nos  
sub eius Regis custodia saluos fore, qui  
non nisi in salutem nostram regnat. Si  
simpliciter dixisset, Iehouam regnare

perpetuò, excipere promptum erat  
precul nos ditare ab incomprehensibili  
eius gloria. Ideo disertè exprimit sa-  
cro fœdere deuinũ esse electo populo.

## ARGVMENTVM PSALMI CXLVII.

Inuitat etiã hic Psalmus fideles ad Deum laudandum duabus de causis, quòd scilicet in generali  
mundi gubernatione, & singulis cali & terra partibus resurgant eius potentia, bonitas, sapientia, & reliqua vir-  
tutes, præsertim verò quod Ecclesiam, quam gratis elegit, peculiari gratia foueat & tueatur, collapsam etiã re-  
stituat, & dissipatam colligat.

Psalmus CXLVII.

**L**audate Deum, quia bonum est psallere Deo nostro, quia  
lucundum, decorat laus.

2 **Ædificans Ierusalem Iehoua, dispersos Israelis congre-  
gabit:**

3 **Sanans contritos corde, & colligans dolores eorum.**

4 **Numerans multitudinem stellarum, singulis nomina im-  
ponens.**

5 **Magnus Dominus noster, & multus virtute, inteli-  
gentiæ eius non est numerus.**

6 **Subleuans miseros Iehoua, deiciens impios vsque ad  
terram.**

1 **Laudate Deum.** Quanquam be-  
neficia hic commemorat quibus promif-  
cũ totum genus humanum Deus pro-  
sequitur, non tamen dubium est, sermo-  
nem propriè ad fideles dirigi, qui soli  
oculati sunt operum Dei testes: quũ in-  
credulos, mentis cæcitas & stupor intel-  
ligentia priuet. Nec solũ disserit de cõ-  
munibus Dei beneficiis, sed gratiã, quæ  
conspicua erat in populo electo, præci-  
puè commendat. Porro vt se ad canen-  
das Dei laudes alacrius accingat Eccle-  
sia, hoc genus exercitiũ bonum, iucundũ,  
& suauẽ esse dicit, obliquè perstringens  
omnium ferè prauitatem, quibus tãdò  
est quælibet Dei mentio: summa autem  
voluptas, Deum & seipsos obliuisci, quo  
sibi liberius indulgeant. Ergo vt se ob-  
lectare discant homines in hoc pietatis  
exercitio, Propheta admonet *decorã* vel  
optabilem esse *laudem*. Nã vtroque mo-  
do potest accipi dictio **אֲדֹנָיִם**.

2 **Ædificans.** Incipit à speciali  
gratia, quæ Ecclesiam suam dignatus est  
Deus, dum & gentem vnã aliis post-  
habitis adoptare voluit, & certum locũ  
eligere vbi inuocaretur. Nam quòd hic

vocatur Hierosolymæ conditor, nõ tam  
ad externam formam & ædificium id  
refertur, quàm ad spiritualem Dei cul-  
tum. Tria autem metaphora est in *ædi-  
ficiũ* vel templi nomine, vbi de Ecclesia  
agitur. Summa est, non humilitas ædi-  
ficatam fuisse Ecclesiam, seu celesti Dei  
virtute: quia neque loci dignitas hoc ef-  
fecit, vt Hierosolyma vnicũ Dei esset  
in terris domicilium: neque tantum ho-  
norem consilio, industria, labore, vel o-  
pibus hominum adeptæ est, sed quia Deo  
placuit eam sibi cõsecrare. Verum qui-  
dem est, hominũ opera & ministerio vsũ  
fuisse quum illic sibi Sanctuarium ere-  
xit: sed ideo eius gratiam obtuleri mi-  
nimè æquum est, quæ sola urbem sanctã  
à reliquis omnibus distinxit. Caterũ  
hoc consilio Deum Ecclesiæ architectũ  
& opificem nominat Propheta, vt scia-  
mus eiusdem virtute eam manere in fir-  
mo statu, vel si collapsa sit restitui. Vnde  
etiã colligit, in eiusdem manu & arbi-  
trio esse colligere dispersos. Hic enim  
miseros exules, qui huc & illuc dissemi-  
erant, solari voluit Propheta, vt se ex  
dissipatione collectum in sperarent

quia Deus non frustrà eos sibi adoptauerat vt coalescerent in vnum corpus. Ergo quum Templum & Altare sibi Hierosolymæ erigi iussisset, illicque sedem suam fixisset, Iudæos à patria sua extorres ad bonam spem reditus Propheta hortatur, ac si diceret, non minus proprium esse Dei opus, dirutam & euerfam Ecclesiā rursus instaurare, quam initio fuit eius fundamenta iacere. Non ergo simpliciter propositum fuit Prophetæ, in primis Ecclesiæ exordiis laudare gratuitā Dei bonitatē: sed ab ipsa origine ratiocinari, Deum minimè passurum vt prorsus intereidat Ecclesiā cuius semel fuit conditor, vt eā ad finē vsque tueatur: quia opus manuum suarum non deserit. Atque hæc cōsolatio hodie nobis occurrere debet in tā funesta Ecclesiæ laceratione, quæ passim cernitur, vt speremus electos omnes, qui insiti sunt in Christi corpus, quanuis miserè dispersi sint quasi lacera membra, collectum tamē iri in fidei vnitatem: & mutilum Ecclesiæ corpus, quod quotidie discerpitur, restituendū esse suæ integritati: quia opus suum prorsus intereungere Deus nō sinet. Proximo quoque versu eandem doctrinam continat. huc enim respicit similitudo, Quamlibet grauius morbis laboret, vel cōfecta sit Ecclesiā, quamlibet multis vulneribus cōfossa sit, facilem & promptam sanationem Deo fore. Vnde apparet diuerso loquendi modo idem repeteri: quanuis non semper floreat Ecclesiæ status, saluam tamen & incolumem semper fore, quia velut vlcerosum corpus Deus mirabiliter sanabit.

4 *Numerans multitudinem.* Quia incredibilis videri poterat collectio populi de qua disseruit Propheta, qui eā hoc versu confirmari putant, mouentur probabili ratione. Sic ergo contexunt Prophete verba, Quia difficilior nō est palatos & dissectos homines colligere, quam numerare stellas in cæle, nō esse cur profugi & exules Israelitæ de redi-

tu desperent: modò vno consensu se ad Deum, tanquam vnicum caput, conferant. Non minus etiam probabilis coniectura esset Prophetam alludere ad oraculum illud, Genes. 15. 5. Respice stellas cæli si numerare potes: sic erit semē tuum. Quia tamen de vniuerso naturæ ordine continēdō pōst differit Prophetæ, simplicius erit ( meo iudicio ) hunc quoque versum exponere de admirabili cæli opificio, in quo relucet incomparabilis Dei sapientia, dum varios, multiplices, ac flexuosos stellarum cursus ita moderatur, vt ne puncto quidem aberrent. Singulis attribuit certum ac distinctum munus, vt in tanta turba nihil sit confusum. Itaque meritò statim exclamat *Magnum esse Deum, & immensā virtutis quā intelligentiā.* Quo etiam docemur, nihil magis esse peruersum, quam sensus nostri modulo Dei opera velle metiri, in quibus sæpe incomprehensibilem sapientiam ac potentiam exerit.

6 *Subleuans.* Hoc Dei elogium propriè ad spei nostræ confirmationem valet in rebus aduersis, ne in examine crucis animi nostri deficiant. Vnde etiā colligimus, quanuis sub Lege mollius fouendi essent Patres, non fuisse tamen expertes eius militiæ, in qua nos hodie Deus exerceat, vt alibi quā in mundo, veram requiem quæramus. Si ergo duriter afflicti obtrepat dubitatio, vbi nā sit auxilium illud quod Deus præsto nobis fore pollicitus est: veniat in mētem hæc sententia; nos ideo humiliari, vt Dei manu postea in sublime tollamur. Si quando etiam vbi deliciarum videmus impios, vrat nos vel pungat amulatio, occurrat quod hic dicit Propheta, in sublime euehi, vt præcipientes ruāt. Nam *prosterndos vsque ad terram* esse dicēs, non dubium est quin eorum superbiam obliquè perstringat, qua sese efferunt supra nubes ac si non essent ex hominum numero.

7 *Canite Iehoua in laude, psallite Deo nostro in cithara:*  
8 *Qui operit celos nubibus, parat terræ pluuiam, germi-*  
*nare faciens herbam in montibus.*

9 *Qui dat inmento cibum suum, filiis cornuorum qui ad*  
cum

*eum clamant.*

10 *Non in fortitudine equi placebit ei, neque in cruribus viri oblectabitur.*

11 *Oblectatur Iehoua in iis qui ipsum timent, qui sperant in clementia eius.*

7 *Cantus Iehouæ.* Iterum hortatur ad canendas Dei laudes, & simul admonet minime deesse materiam: quia noua subinde documenta potentiae eius, bonitatis, & sapientiae oculis nostris ingerunt. Primò dicit *operire caelos nubibus*, quæ mutatio expergefaceret sensus nostros debet, nisi nimium stupidi essemus. Certè utcumque in caelo fulgeant innumera Dei miracula, si tamen eadem semper maneret serenitas, non tam conspicua esset eius virtus, quam ubi repente caeli obnubilans subducit Solis fulgorem, & quasi mundo nouam faciem induit. Postea admonet, hoc modo cunctis animalibus eum prospicere: quia & inde herbae germinant, & succus terræ ad vberitatem suggeritur. Ita cū potentiae suae documēto, gratiae paternique erga genus humanū amoris specimen ante oculos Deus proponit: imò demonstrat, ne feras quidem & pecudes se negligere. Atque hoc notatu apprimè dignum est, non cadere pluuiæ guttam in terras nisi iubente Deo. Inueniunt quidem Philosophi pluuiæ originem in elementis. neque verò negandum est ex crassis vaporibus quos terra & mare exhalat, nubes creari: sed mediæ causæ, Dei prouidentiam obscurare non debent quin humorem terræ supeditet gignēdis frugibus necessarium. Denique sicut terra calore dehiscens, quodammodo sitim suam ore aperto declarat: sic etiam vicissim Deus pluen- do, potum distillat. Posset quidem aliis occultis modis dare vigorem ne deficeret: sed irrigatio quasi oculare spectacula est continuæ quam de nobis gerit, curæ.

9 *Qui dat iumento.* Clarius specie vna proposita explicat quod dixit, Deum scilicet victum cunctis animalibus curare. Quòd autem iumēta potius & coruos quam homines pasci dicit, hoc ad amplificationem valet. Certum quidem est, hominis causam mundū esse

creatum, suæque fertilitate & copia ornari: & quo propius ad Deum accedimus, eo magis suam erga nos beneficentiam illustrat. Verum si ad bruta quoque animalia extendere non grauat, hinc facile liquet nobis vere patrem esse ac nutritium. Ideo coruos nominat contemptissimum auium genus, ut doceat, Dei liberalitatem penetrare ad omnes mundi partes. Quòd autem *pulli coruorum dicunt clamare ad Deum*, non dubium quidem est quin ad crocitum alludat. Interea tamen admonet fateri suam egestatem nisi Dominus è caelo alimēta porrigat. Nam quòd fabulantur Iudæi deserti à pullis suos coruos simul ac exclusi sunt, & vermes nasci in corticibus arborum ad eos pascendos, hoc suo more faciunt: quia nulla illis religio vel pudor est quiduis sine colore comminisci quoties aliquid ambiguum occurrit. Nobis autē hoc sufficiat, totum naturæ ordinem sic temperari à Deo ut ne pullis quidem coruorum desit eibus, qui crocitando fatentur se esse famelicos, nec sibi esse inopiæ remedium nisi Deus succurrat.

10 *Non in fortitudine.* Postquam docuit Prophetæ nullam mundi partē vacuam esse beneficentia Dei, nominatim pronuntiat nullas suppetere vires hominibus, nisi quas è caelo ipse idem inspirat: idque consultò addit refellendæ superbiae causa qua naturaliter inflati sunt ferè omnes, ut vrantur propria virtute. Sensus autem verborum est, veniat homo instructus suo robore, & ad iumenta omnia afferat quibus pascere sibi videtur, fumus erit & mendacium: imò si vel minimum quidpiam sibi arroget, solo hoc obiectu impeditur atque arcebit Dei gratiam qua sola stamus. Sub fortitudine equi, per synecdochen quodlibet praesidii genus designat. Ita quòd Deo per se displiceant quæ nolunt largitur adminicula: sed quia necesse est à praua eorum fiducia nos abstrahere.



quia nihil magis commune est simulac-  
facultas aliqua nobis ad manum suppe-  
tit, quàm vesano fastu inebriari. Ideo  
tam hominum quàm equorum fortitudi-  
ni opponit Dei timorem, & spem quæ  
in eius misericordia recumbit: ac si di-

ceret, hanc præcipuè modestiam à nobis  
requiri, vt pie sanctæque Deum colen-  
do, pendeamus ab eius gratia. Vnde  
colligimus non aliam fortitudinem  
damnari nisi quæ Deum honore suo frau-  
dat.

21 *Celebra Ierusalem Iehouam, lauda Deum tuum Sion:*

13 *Quia roborat vestes portarum tuarum, benedixit filijs  
tuis in medio tui.*

14 *Qui ponit fines tuos pacem, pinguedine frumenti sa-  
tiat te.*

12 *Celebra Ierusalem Iehouam.* Post-  
quam in genere dixerunt de beneficiis  
Dei, rursus sermonem ad fideles conuer-  
tit, eos solos antè diximus sano gustu  
præliatos esse, vt cum vera grauitudine  
percipiant quæ mundus ingurgitat bo-  
na. Porro totam Ecclesiam compellat  
sub nomine Ierusalem: quia illic sacros  
conuentus tunc agitant fideles, & qua-  
si confluiebant sub Dei vexillum. Quan-  
quam autem paulo pòst de vniuersali  
mundi gubernatione iterum verba faci-  
et, nunc Dei gratiam cōmēdat, quam  
nonnisi erga fideles suos exerit: nempe  
dum Ecclesiam suam defendit, benignè  
fouet, largiter bonis omnibus ditat, sal-  
uam denique ab omni noxa tranquil-  
lāque præstat. *Vestes enim portarum à  
Deo firmari* dicens, intelligit sanctā vr-  
bem optimè Dei præsidio munitam esse  
vt sibi ab hostibus metueret non debeat.  
Eodem spectat altera quæ paulo pòst  
sequitur loquutio *cunctos eius fines portas  
esse pacē.* Diuinitus scilicet arceri hostes,  
nequid molestiæ ac turbarum facessant.

Non quòd semper omni ex parte paca-  
ta sit Ecclesia, nullasque incursiones su-  
stineat: sed quia manum suam Deus ad  
impetus repellendos manifestè opponit  
vt securè hostes in circuitu despiciat. ni-  
si fortè latius extendere placeat nomen  
*pacis*: sicuti plerunque pro secundo &  
felici statu sumitur. Sed quia fit mentio  
finium, videtur prior ille sensus melius  
quadrare. Deinde adiungitur interior  
Dei benedictio, qua fit vt prospere & bea-  
tè in ea ciues habitent: & simul largè ad  
satietatem vsque pascantur. non quòd  
semper filiis Dei suppetant lauitia, quæ  
eos corrumpere, vt nimis propensa est  
caro ad lasciuia: sed quia in victu quo-  
tidiano clarius Dei liberalitatem perspi-  
ciunt quàm incredulī, quos vel exæ-  
cat sua sagina, vel inopia misera solici-  
tudine cruciat, vel etiam insatiabilis cu-  
piditas semper vrit. Præsertim verò olim  
Patribus sub Lege paternus Dei fauor  
in victus abundantia patefactus est: quia  
talibus rudimentis altius tunc deduci o-  
portuit.

15 *Dum emittit eloquium suum terra, valde celeriter cur-  
rit sermo eius.*

16 *Qui dat niuem sicut lanam, pruinam quasi cinerem  
argit*

17 *Proiicit glaciem suam quasi frusta: coram frigore eius  
quis consistet?*

18 *Mittet sermonem suum, & liquefaciet ea: stabit spi-  
ritus eius, fluent aqua.*

19 *Annuntiat sermones suos Iacob, edicta sua & indicia  
sua Israeli.*

20 *Non fecit sic cuilibet genti, & iudicia non manifestavit illis. Hallelu. Ia.*

15 *Dum enarrat.* Rursus operum Dei, quæ in naturæ ordine passim refulgent, quasdam species attingit. Sed quia aeris & terræ mutationes, quæ testimonium esse debebāt potestati eius, minus fortuito contingere imaginatur: an tequam de niue, pruina & glacie Propheta differat, diserte exprimit, eius imperio & nutu terram regi. *Emissio* enim sermonis nihil aliud est quam arcanus motus, quo omnia moderatur & temperat: quia nisi iubente ipso & ordinante, nulla in elementis eñet agitatio: nec proprio instinctu huc vel illuc ferrentur, nisi præiret arcanum eiusdem mandatum. *Velociter* autem dicit sermonem currere: quia simulac ostēdit Deus quid fieri velit, præstō ad parendum concurrunt omnia. Quod principium nisi teneamus, quantumvis subtiliter excutiamus medias causas, tota nostra perspicacia evanescet. Sicuti Aristoteles in Meteoris acumen suum ita exercuit, ut de causis naturalibus exactissimè disputet: omittat tamen præcipuum hoc caput, in quo rudissimis quisque idiota, vera salutem pietate imbutus, eam iuperat. Nam plus quam insipidum esse oportet quem tam subita niues ac pruina de hac verbi Dei celeritate non docent. Itaque nisi velimus prapostere in operibus Dei philosophari, semper ab hoc principio incipere convenit, singulas mundi partes ad Dei arbitrium intentas esse, ut totus naturæ cursus nihil aliud sit quam prompta eorum quæ mandavit executio. Nam certè dum se aquæ conglaciāt, dum per aerem spargitur grando, dum pruina cælum obscurant, hinc apparet quàm efficaciter loquatur. Quod si maior pars mundi ad hæc tot miracula obstupescit, frigoris asperitas qua obrigesunt corpora, nos Dei potentiam mirari cogat. Nam certè quem æstate nos torreat solis calor: deinde hyems succedens, omnia contrahat: mutatio hæc quæ extra vñ incredibile esset, aperte clamat aliquod regnare in cæli numē.

19 *Annuntiat se mores suos Iacob.* Hic alterius sermonis quàm paulo ante, sit mentio: quia aliter creaturis sensu ca-

rentibus præcipere dicitur Deus, quas arcana inclinatione tacitus in omniquum suum dirigit, quatenus hominibus intelligentiæ præditus, quos articulatē docet ut scientes & volentes sequantur quò ipse vocat. Eñ autem quæ prius recensuit beneficia non vulgari pretio digna sunt, hoc tamen longe præcellit, quòd in tradendæ pietatis doctrinā, quæ æternæ salutis thsaurus est, magistri officio erga electum populum fungi dignatur. Quātul. m enim hoc proficet cadecis bonis affluere Ecclesiam, & a hostium violentia defendi, si spes eius supra mundum non assurgeret. Hoc igitur summum gratiæ specimen est, cælestis vitæ lucem in verbo suo proponere. Idēque non abs re, tanquam veræ & solidæ felicitatis cumulus hic apponitur. Hinc verò discamus, non modò reuerenter piæque observantia excipere Dei doctrinam, sed amāter quoque amplecti: quia nihil suavius vel optabilius fingi potest, quam Deū salutis nostræ curam suscipere, idque familiariter testari dum porrecta manu ad se nos ducit. Hic enim scopus est doctrinæ, ut in densis huius mundi tenebris, & inter tot flexuosos errores, quibus humanum genus vagum circum agit Satan, nobis præluceat optimus pater, donec in cælestem hereditatem colligamur. Notandum verò ascribi Deo partes quæ eius mandato executi sunt Moyses & Propheta: quia tunc demum præstans doctrinā iustus deseruit honos, & pro suo merito æstimatur, ubi in Deum erigimus mentes: qui sic hominum vitium opera, ut si bi interim summi vñ ei doctoris munus minime abroget. Ergo ab authoris persona hic sua asseritur verbo maiestas: & tandem gratiam illam cōparatione amplificat Propheta, non ita reliquis Gentibus factum esse admonens. Nam si quæritur causa cur populū vñ reliquis Deus prætulerit, certè ad fontem gratitiæ electionis præstantia ipsa nos deducet: quia reperiemus non propria virtute distare filios Israël a reliquo munde, sed quia ipsos Deus reliquis præteritis adoptare dignatus est.

Quo melius & efficacius exprimat quàm laudabilis in suis operibus sit Deus, creaturas omnes sursum & deorsum ad canendas eius laudes aduocat. Quamvis enim incipiat ab Angelis, statim ad bruta animalia, mutaq; elementa sermone extendit: significans nullam esse mundi partem in qua non resonent Dei laudes: quia ubique Deus clarum & disertum testimonium potentiae suae, bonitatis & sapientiae reddit. Tandem ad homines delabitur, quos ipse legitimos laudum suarum praefatos in hoc mundo constituit. Sed quia increduli sicuti ad consideranda Dei opera caci sunt, ita etiam muti ad celebrandum eius nomen. Propterea in fine psalmi filios Israel quibus se propius Deus patefecit, quasi peculiarios testes compellat.

Psalmus CXLVIII.

**H** Alelu-ia. *Laudate Iehouam è celis, laudate eum in excelsis.*

2 *Laudate eum omnes Angeli eius, laudate eum omnes exercitus eius.*

3 *Laudate eum Sol & Luna, laudate eum omnes stellae lucidae.*

4 *Laudate eum calices calorum, & aqua super caelestes*

5 *Laudent nomen Iehouae: quia ipse mandauit, & creata sunt.*

6 *Et statuit ea in perpetuum, in seculum: posuit illis editum, & non praeeribit.*

1 *Laudate Iehouam.* Videtur tam stellis quàm Angelos hic complecti, atque adeò caelum ipsum, aerem, & quicquid illic gignitur: quia continuo postsequitur partitio, ubi Angelos primò, deinde stellis & aquas caelestes hortatur. Quàtù ad Angelos spectat, quia ideo còditi sunt ut in hoc pietatis officio sint assidui, non mirum est locari eos in primo ordine, ubi de laudibus Dei praedicandis agitur. Ideo in illa memorabili visione quae Iesaiæ 6.3, refertur, clamant Cherubim, Sanctus, Sanctus, Sanctus Iehoua exercituum. Et pluribus aliis locis Scriptura Angelos Deum talibus elogiis celebrantes inducit. Quibus ergo stimulis indiget tanta alacritas? Quòd si incitandi forent, quid tamen minus consentaneum quàm nos qui tanta seignitie torpemus, suscipere hortandi partes? Ergo David qui non modò Angelos zelo non æquabat, sed procul sequebatur, nequaquam idoneus illis esse hortator potuit. Sed neque tale fuit eius consilium: imò simpliciter testari voluit nihil sibi esse gratius, magis optabile, quàm pio cum electis Angelis consensu Deum laudare. Nec verò absurdum fuit, quo se alacrius accingeret ad ce-

lebrandas Dei laudes, Angelos qui sponte currebant, imò viâ monstrabant, vocare socios. Eosdem in secunda parte versus vocat *Exercitus Dei*: quia semper ad excipienda Dei iussa praesto adfuerunt. Myriades enim myriadum (ut est apud Danielelem 7.18) solium eius circumdant. Transfertur hoc nomen etiam ad stellis, tum quia mirabili ordine distinctae sunt, tum quòd incredibili celebritate exequentur Dei mandata. Sed hic eadem ratione Angeli dicuntur exercitus, quia alibi Principatus & potestates, Coloss. 1.16, quia per ipsorum manum virtutem suam Deus exierit.

3 *Laudate eum Sol & Luna.* Non suffragatur hic locus Platonis delirio, qui stellis finxit sensu & intelligentia pollere. Neque enim Propheta eas nunc in eodem locat gradu quem nuper attribuit Angelis, sed tantum significat, ubique fulgere Dei gloriam, quasi laudes eius personarent clara voce. Quo etiam oblique, perstringitur hominù ingratitude: quia hanc melodiam audit quisquis vel paucillum attentus erit ad consideranda Dei opera. Sol enim tam fulgore suo, quàm calore, aliisque singularibus donis, an non opificem suum celebrat?



celebrat? Stellæ quum peragunt cursum suum, cælosque ornando terram illustrant, an non etiam ebuccinant Dei laudes? Quia autem nos surdi & stupidi sumus, meritiò eos aduocat testes Prophetæ, ut tarditatem nostram corrigant. Iam quòd nominat *cælo: cælorum*, ad Sphæras haud dubiè referri debet. Nam eclipses, aliique aspectus palàm ostendunt etiam stellæ fixas superiores esse planetis quàm planetas ipsos diuersis orbibus sitos esse. Hanc artificii præstantiam non abs re commendat Prophetæ, cælos cælorum distèrtè exprimens: non quòd re ipsa plures sint cæli, sed quia non potest satis magnificè extolli admirabilis Dei sapientia quam in cælis creandis adhibuit: Solem, Lunam, & stellæ confusè non permiscens, sed singulis assignans proprium situm & domicilium, multiplices etiam cursus moderans. Iam quum sub nomine cælorum aerem comprehendat, vel saltem quicquid spatii est à media regione aeris sursum, pluuias vocat aquas supercælestes. Neque enī vlla ratio est cur singat quidā aquas residere super quatuor elemēta. Et Prophetæ pluuiæ descēsu clarè notat quū dicit aquas illas esse desup. Nimis etiā seruiliter li-tere se astringit qui imaginātur quoddam in cælis mare, ac si illic semper aquæ resideant: quum sciamus Mo- sen & Prophetas, vt se accommodent ad rudissimi cuiusque captum, populariter solere loqui. Ideoque præposterum esset, quæ apud eos leguntur, ad Philo- sophiæ regulas exigere. sicuti hoc loco, quòd Deus aquas in aere suspensas te- neat, hoc miraculum commendat Pro- phetæ: quia hoc videtur præter naturā

esse vt in sublimè conscendant: deinde quum fluidæ sint, tamen consistant in loco vacuo. Ideo Psal. 33. 7, dictum fuit, teneri illic quali veribus inclusas. In- terea formā loquendi mutatus est Pro- phetæ à Mose, Gen. capite 1. vers. 2, qui dicit aquas fuisse distinctas ab aquis.

5 *Laudent nomen.* Quia de crea- turis sensu carentibus verba facit, tran- sit ad tertiam personam: vnde colligi- mus, hæcenus in secunda persona lo- quutum esse, quo magis afficeret homi- nes. Neque enim aliam exegit laudem, nisi ex qua discamus neque à seipsis or- tas esse stellæ, neque fortuitò pluuias creati: quia quum tam præclara poten- tiæ Dei documenta assidue ante oculos nostros versentur, opificem fædo stupo- re præterimus. Itaque emphaticum est pronomen *ipse*: ac si diceret Prophetæ, non esse mundum æternum, sicuti som- niant profani homines, neque ex ato- mis constatum, sed Dei mandato re- pentè extitisse pulcherrimum hunc qui cernitur, ordinem. Porro de creatione loquutus, addit quod magis obseruatu dignum est, præceptū illis dedisse quod inuiolabile manet. Multi enim, licet concedant mundum Diuinitus creatum esse, postea tamen labuntur ad frigidas imaginationes, ac si nunc per se stare- ret naturæ ordo, Deus verò in cælis dormi- ret. Meritiò itaque Prophetæ hic insinuat cælestes creaturas non modò semel à Deo esse conditas, sed eiusdem arbitrio nunc moueri: nec tantum semel illis in- ditam esse arcanam virtutem, sed dum funguntur suis partibus, impèdere Deo suam operam ac ministerium ad desti- nato: vsus.

7 *Laudate Iehouam è terra dracones, & omnes abyssi:*

8 *Ignis & grando, nix & glacies, spiritus procella faciens verbum eius.*

9 *Montes & omnes colles, arbor fructifera & omnes ce- dri.*

10 *Bestia & omne iumentum, reptile, & avis pennata.*

7 *Laudate.* Jam ad inferiores mundi partes descendit: quanquam ite- rum non satis exacto ordine quæ in ae- re gignantur, vt fulgura, niuem, gelu & procellas, permiscet. debebant enim

hæc potius in priori classe statui: sed ad cognoscendum hominum captum respexit Summa huc tendit: quocunque verta- mus oculos, vbique nobis occurrere potentia Dei testimonia. Et incipit à

cetis: quia quum mox adiungat *abyssas*, non dubito quin per *U J J J N* marinos pisces intelligat, quales sunt balene. Nec verò absurdum est, ex mari quod tot miraculis repletum est, proferri laudum Dei materiam. Postea ad *grandiores* & *procellas* ascendit, quas dicit *facere verbum Dei*: quia neque calum fortuitò obnubilatur, neque gutta pluvie ex nubibus decedit, neque tonitrua excitantur, sed arcano Dei arbitrio reguntur omnes istæ mutationes, siue terras irrigans testari velit hominibus bonitatis suæ dulcedinem: siue procellis, grandinibus aliisque incommodis castigare eorum peccata. Multiplicem enim vñm continet hæc doctrina, vt sciamus quoties impendet penuria, quannvis terra continuo æstu exusta areseat, in pro-

ptu Deo esse pluviam, quæ simul ac annuerit Deus, siccitatem tollat. Si verò continuis imbris putrescat in terra semen, vel non perueniant ad maturitatem fruges: tunc quoque petenda est à Deo serenitas. Iam si mentes nostras percellant tonitrua, Propheta admonet invocandum esse Deum, cuius est sedare omnes motus, sicuti in nos iratus sua manu fulminat. Neque enim tam frigide debet accipi hæc doctrina, ac si virtutem sibi ab initio inditam proferrent creaturæ, De' autè se oblectaret in otio, sicuti balbutiunt profani homines: sed præcipue tenendum est Deū prospicere suis creaturis, nec quicquam nisi præsentis eius arbitrio moveri, sicuti Psalmo 104. 4. vidimus ventos esse eius nuntios, & ministros eiusdem esse ignes vrentes.

*11 Reges terra & omnes populi, Principes & omnes Iudices terra:*

*12 Iuvenes atque etiam virgines, senes cum pueris*

*11 Laudent nomen Iehoua: quia excelsum est nomen eius solum, laus eius supra terram & calos.*

*14 Et exaltauit cornu populi sui: laus omnibus mansuetis eius, filiis Israel, populo qui propinquus est ei. Halelu-Ia.*

*11 Reges terra.* Tandem ad homines vertit sermonem, quorum respectu præconium laudum Dei tam à terrenis quam à caelestibus creaturis exigit. Et quia Reges ac proceres excæcat suæ dignitatis splendor, vt mundum sua causa conditum esse putantes, Deum superbè contemnunt: peculiariter eos ad officium hortatur, & ab ipsis exordium faciens, eorum ingratitude coarguit, quòd præ aliis Deo obstricti, eum tamen debita laude fraudent. Nam certe quum ab ipsa origine æqualis sit generis humani conditio, quo quisque altius eminet, propiusque ad Deū accedit, sanctiore vinculo obstringitur ad prædicandam eius gratiam. Quo minus ferenda est ista malignitas, dum se à communi lege eximunt Reges & proceres, qui duces aliis & magistri esse debuerant. Vno quidem verbo hortari poterat cunctos mortales, sicuti etiam generaliter populos compellat: sed ter *Reges*

repetens, significat, nisi vrgeantur, ad officium hoc pigros & tardos esse. Sequitur deinde sexuum & ætatis partitione, vi sine exceptione intelligant omnes, se creatos esse in hunc finem: idèò que pomiscuè debere suas operas & studia coniungere. Quantum ad *senes* spectat, quo longius produxit Deus eorum vitam, eo magis exercitatos esse convenit in canendis eius laudibus: illis tamè socios adiungit *iuvenes*: quia tametsi minus habent experientiæ ex longo usu, excusabiles tamè nō sūt, nisi in suo vigore sentiāt vim gratiæ Dei. Vbi loquitur de puellis aut *virginibus*, particula *U* hoc est etiam, superuacua non est, amplificationis enim causa inseritur: ac si diceret ipsas quoque adulescēculas quæ nō tã liberaliter docētur vt masculi quia vidētur addomestica officia nata, cessare tamen in officio nisi laudē Dei partes simul cum reliqua Ecclesia obeant. Vnde sequitur, à minimo vsque ad maximum

communè

communi hac lege omnes obstringi.

14 *Et exultant coram.* Quia superiore Psalmo vidimus luculentius in Ecclesia spectari Dei virtutes quàm in vniuerso mundi opificio, ideo hanc clausulam apposuit Propheta, Dei manu protecti Ecclesiam, virtutèque armari contra cunctos hostes: ut in medius periculis tutò tamen habitet. Per cerna satis notum est robur vel dignitatem notari. Itaque nunc intelligit Propheta conspicuam esse Dei benedictionem in Ecclesia & electo populo, quia non nisi eius virtute viget ac florer. Subest autè tacita còparatio inter Ecclesiã Dei & omnes aduersas potestates, quia necesse est Dei præsidio muniri quæ vndique impetitur. Hinc colligit Propheta laudem esse omnibus Dei mansuetis quia scilicet pro singulari qua eos dignatur, gratia habent cur si

bi gratulentur, noménque eius prædicent. Iam filios Israël vocans *populum Deo propinquum*, in memoriam reducit gratuitum fœdus quod cum Abraham Deus pepigerat. Vnde enim ista propinquitas, nisi quòd obscurum & contemptum iniquitum Deus populis omnibus prætulit? Neque enim extra merum Dei amorem querenda est dignitatis ratio. Quum autem peræquè ad Deum pertineat totus orbis, familiariter se patefecit filiis Israël, propinquosque sibi reddidit, qui non minus alieni erant quam totum Adæ genus. Vnde illud Moysi Deur. 32. 8. Quum discerneret Excelsus gentes, ac distribueret populos: extendit in Iacob funiculum suum. Causam ergo ostendit cur tam præclaris donis populum vnum exiguum & contemptum ornauerit Deus, quia eum sibi adoptauit.

### ARGVMENTVM PSALMI CXLIX.

Si Psalmum hunc cum superioribus & cum proximo qui vltimus erit conferre libeat, hoc solum est discrimen, quod antea ac peculiarem gratiam qua Deus Ecclesiam suam fouet ac tuetur generali providentia qua mundum sustinet, permiscuit Propheta qui prout fuerit Psalmi author nunc tantum de beneficiis differt qui Ecclesiam suam prosequitur. Proximo autem Psalmo solum in genere fieri potentia Dei mentio.

**H** Alelu Ia. Cantate Iehouæ canticum nouum: laus eius in æternam mansuetorum.

Letetur Israel in factore suo: filii Sion exultent in Rege suo:

3 Laudent nomen eius in tibia, in tympano & cithara psallant ei.

4 Quia complacuit Iehoua in populo suo: glorificabit pauperes in salutem.

1 *Cantate.* Exordium hoc comprobatur quod nuper dixi, hanc scilicet exhortationem restringi ad solos fideles: quia vberior em laudis materiam illis suppeditat rara, qua priuatim eos prosequitur Deus, beneficentia. Ac probabilis coniectura est, eo tempore fuisse compositum quo exulabat populus, vel postquam reuerfusest in patriam ab exilio Babylonico. Videbimus enim in contextu promitti restitutionem collapsi status. Meo autem iudicio, animum addere voluit fidelibus Propheta ad sperandam plenam redemptionem, cuius præludia repente & præter spem in exitu promissis

so extiterant. Nam quia non statim instaurata fuit Ecclesia, imò vix longo temporis progressu colligere potuit vigorem, hæc consolatio apprimè vtilis fuit. Voluit etiam Spiritus sanctus futuris malis mederi: quia vix respirare cœperat Ecclesia quum variis incommodis rursùm vexata fuit: oppressa etiam dira tyrannide Antiochi, quam sequuta est horrenda dissipatio. Quare non abs re ad sperandum gratiæ Dei complementum pios animat Propheta, ut statuunt, manu Dei se protectum iri, donec surgat tandem Messias, qui colligat totum Israël. *Canticum enim nouum*, vt alibi vidimus, vult



garibus opponitur, quibus quotidie celebratur Dei laudes inter pios: sicuti hæc continua est eorum exercitatio. Vnde sequitur, de raro & insolito Dei beneficio haberi sermonem, quod insignem & exquisitam gratiarum actionem merito sibi vendicat. Ac mihi videtur quisquis fuerit author Psalmi, ad illum Iesaja 42. 10. locum alludere, Cantate Domino canticum novum: ubi de futura Ecclesie restitutione & æterno Christi regno cōtionatur. Secundo membro subest promissio, aut vaticinium. Quāvis enim hortari pergat fideles ad mutuam laudum Dei symphoniam, fore tamē ostendit vtriusque coalescat Ecclesia in vnum corpus ad celebrandas insolenni conuentu Dei laudes. Scimus enim sic disiectos fuisse Israelitas, vt cessarent apud eos sacra cantica, sicut etiam alibi queruntur se fuisse cum ludibrio prouocatos ad canendum, Quomodo cantabimus cantica Iehoua in terra aliena? Psal. 137. 3. Hortatur ergo vtex illa tristi dispersione rursus se ad habendos sacros cœtus comparent.

2 *Exultet Israel.* In eodem argumento adhuc insisit, vt certò sibi persuadeant fideles, non frustra genus suum electum esse ex toto mundo, sed Deum semper memorem fore sui fœderis, ne corcidant ac extinguantur quæ in illos collata erant gratia. Quāvis ergo ablata ad tempus illis esset hæreditas terræ Chanaan, quæ tessera erat adoptionis, Propheta Deum nominat eorum *factorem & Regem filiorum Sion*, vt in memoriam reuocent, quum fuerunt adoptati vt supra alias gentes excellerent, hanc

speciem fuisse nouæ creationis. Ita Psalm. 95. 6, vocantur Israelitæ opus manuum Dei, non tantum quia ab ipso creati erant vt reliqui homines, sed quia eos refinzerat, & ornauerat noua dignitate, vt essent à toto genere humano segregati. Nomen Regis longius patet: quia admonet Propheta, non modò semel hunc populum fuisse à Deo formatum, sed in hunc finem vt perpetuo eius imperio regatur. Musica instrumenta quorum meminit, ad tēpus pædagogia pertinent: ne stulta æmulatione in vltimo strum trahamus quod proprium fuit veteri populo. Confirmat autem Propheta quod nuper dixi, breui restituendos qui ad tempus aboliti fuerant, sacros cœtus, ubi Dei nomen legitimo ritu inuocent.

4 *Quia complacuit* De verbo מְצַח alibi vidimus: hic gratuitum fauorem exprimit, ac si diceret Propheta, Deum mero beneplacito adductum fuisse vt hunc sibi populum eligeret. Ex hoc fonte fluit quod additur secundo membro, Deum afflictis daturum nouum salutis decus. מְצַח Venim vocant Hebræi pauperes & afflictos: sed hoc nomen postea ad mansuetos transierunt: quia domari solet carnis superbia afflictionis, ut sicuti satietas ferociam parit. Opportuno igitur solatio mitigat Propheta præsentium malorum tristitiam, vt fideles ærumnis deiecti, spectamen ad gloriam quæ nondum æterniter aspirent. Summa est: quia populum electum Deus amore cōplexus est, fieri non posse vt perpetuò in tantis miseriis deferat.

5 *Exultabunt mansueti in gloria, iubilabunt in cubilibus suis.*

6 *Exaltationes Dei in gutture eorum, & gladius anceps in manu eorum:*

7 *Ad faciendam vindictam in Gentibus, castigationes in populis,*

8 *Ad vinciendos Reges eorum catenis & procures eorum compedibus ferreis.*

9 *Ad faciendum in illis iudicium scriptum: decor hic omnibus mansuetis eius. Halelu-Ia.*

3 *Exultabunt.* Hic lætitiā, iubilum & magnificā Dei exaltationem nominans, ab effectu clarius probat se non de vulgari Dei beneficio dissecere: quia nisi mirabiliter seruatus fuisset populus, non erat causā tantæ lætitiæ, atque etiā triumphī. quibus etiā verbi admonet, non ideo reducū esse populum ab exilio vltatim iterum disfluat, sed vt floreat omni genere benedictionis. Atque ideo *cubiliū* meminit, vt sub Dei protectione diurnam requiem fideles sperarent. Instruētos quoque armis & potentia fore denūciat nō modō ad hostes arcendos, sed etiā longē latēque profligandos, donec Reges & populos quibus prius fuerant obnoxii, ad obsequiū cogant. *Gladios autem duplicis oris vel ancipites* intellige, qui vtrinq; seindunt: quia tunc vulgō vna erat gladii acies.

7 *Ad faciendā vindictā.* Hoc certē tam exiliū tempore quā post reditū incredibile prorsus erat. Nec verō ante Christi aduentum impletū fuit. vtcunq; enim Machabæi & eorum posterī vicinis Gentibus iugum imposuerint, fuit tamen hoc duntaxat vmbatile præludium, quod pias mentes aliō duceret. Sed quemadmodum Haggæus. 2. 10, tunc clamabat gloriā secunditēpli maiore fore quā prioris: ita hīc promittitur status felicior quā omnibus seculis extitisset. Ergo quamlibet imminui essent Iudæi, resque eorum ac cise, denūciat Propheta cunctis Gentibus, quæ molestæ & infestæ fuerant, dominaturos. Ergo quum tributarii essent ac tantū precariō habitarent Hierosolymæ, fide eos amplecti oportuit quod videri poterat pro sensu carnis fabulosum, & animos attollere ad immensā Dei potentiam, quæ facile omnia mundi obstacula superat. Vindictā de qua loquitur, intellige non quā ipsi Israelitæ priuati doloris impulsu sumpturi erant, sed Dei mandato: ne quis hinc colligat, nobis licere iniurias nostras vlcisci. Proximus versus, vbi *Regum & procerum* fit mentio, amplificationē cōtinet: quia si tantū de populis & Gentibus loquutus esset, restringi hoc poterat ad ignobiles & gregarios. Hoc autem longē splendidius, Reges quoque

& alios primores catenis ad supplicium trahi. Porro tenendū semper memoria est quod nuper attigi, donec apparuit Christus, nunquam dimidiā tantī splendoris partem conspectā fuisse. Nam etsi populi opes non parum auctæ fuerunt sub Machabæis, vix tamen hoc in rationē venire debet, nisi quatenus illo remedio labentem populum Deus sustinuit vsque ad Christi aduentum. Tenendum enim est vaticiniū illud Iacob, Gen. 49. 10, Non exibit sceptrum ē Iuda, donec veniat Silo. Atqui ex alia tribu oriundi erant Machabæi. Vnde sequitur, legitimū ordinem tunc fuisse dissipatū, nec posse magis in illis victoris fundari felicem populū statum, quā si quis ædificiū in aere suspēdat. Et videtur consultō Deus tunc imperiū abstulisse à tribu Iuda, ne prosperitas illa inebriaret piorum animos: sicut maior pars insignibus illis victoriis superbiens, veram & solidā redemptionem neglexit. Quum ergo de perfectā populi sollicitate hīc differat Propheta, sequitur eum respicere ad Mesiam, ne eius spes ac desiderium in cordibus piorum tam prosperis quā aduersis rebus euanesceret.

9 *Ad faciendū.* Mitigat superiores sententias, quibus ad lætitiā populum Dei armare visus est. Hoc verō prima specie absurdū erat, qui paulo antē vocati fuerant mansueti, nunc strictis gladiis emitti ad strages vbique edendas, fundendūque humanum sanguinem. quid enim hoc cum mansuetudine affine habet? Sed vbi Deus ipse vindictæ est author, rectū iudiciū est, non crudelitas. Itaque quum hīc sit mentio *in iuncti scripti*, admonet Propheta Iudæos Dei mandato fuisse armatos ad libertatem, quā iniuste ab exteris & tyrannis priuati erant, vindicandā. atque ita non posse culpārī, quōd executi sint iudiciū scriptum. Frigidē enim exponitur hic locus vbi non tenetur hoc Prophetæ consiliū, quōd scilicet Iudæos ad præceptum Dei reuocet, nequid suscipiant propria libidine, frānūque iniūciāt ad cohibendū eorum feruorem: ac si diceret, non aliam permitti vindictā filiis Dei nisi quæ vocationi respon-

deat: quia ubi quisque proprio impetu fertur, nullus est moderatoni locus. Obici etiam posset alia quaestio. nam sicuti Christus, Matth. 12. 20, venisse dicitur sine clamore & strepitu, ut calamum quassatum non confringat: ita eandem suis personam imponit. solutio tamen facilis est, Christum simul ferro scepro armari, quo rebelles omnes conterat: & Iesa. 63. 2, describi sanguinolentum, qui caesis passim hostibus, cadendo tamen non fatigetur. Nec verò mirum est quum totus mundus plenus sit contumacia, clementiam quæ indignè respuitur, in severitatem conuerti. Iam doctrina hæc sic in usum nostrum probè accommodari poterit quod de gladio ancipiti dicitur, peculiatiter competere in Iudeos, nobis propriè non aptari. quibus idem iuris hodie permissum non est, nisi quòd Principes & Magistratus gladio etiam Diutius sint instructi ad puniendam omnem violentiam: sed specialis est vocatio. Quantum ad totum Ecclesie corpus spectat, alius nunc gladius nobis datur in manum, verbi scilicet, ac Spiritus, quo mactemus Deo in sacrificium qui prius fuerant hostes: vel

etiam quo eos tradamus in æternum exitium nisi resipiscant. Nam quod de Christo vaticinatur Iesaias cap. 11. 4, ad omnia eius membra patet, Cōfiet impium verbo oris sui, & spiritu laborum suorum interficiet. Si inter has vocacionis suæ metas placidè se contineant fideles, sentient tandem non frustra promissam illis esse vindictam de hostibus. Deus enim (ut nuper dixi) ad iudicium scriptum nos reuocans, tam animos nostros quam manus coercet, ne plus audeamus quàm ipse præcipit. In fine verus decorum hunc omnibus Dei mansuetis fore dicens, non solum nos hortatur ad pietatis studium, sed etiam solatium adhibet, ne putemus iaciuræ fore nostram mansuetudinem ac patientiam, sicuti maior pars ideo ad ferociam chullit, quia non putat se vitam suam posse aliter tueri, quàm vlulando cum lupis. Ergo quanuis fideles neque robusti sint instar Gigantum, nec digitum mouere audeant sine Dei iussu, animis etiam placidi sint, decorum tamen ac splendendum exitum omnibus eorum miseriis fore Propheta docet.

#### ARGVMENTVM PSALMI VLTIMI

petatur ex proximo.

**H**alelu-*la.* Laudate Deum in Sanctuario eius, laudate eum in firmanento potentia eius:

2 Laudate eum in fortitudine eius, laudate eum pro multitudine magnitudinis eius.

3 Laudate eum in clangore buccina, laudate eum in nablo & cithara,

4 Laudate eum in tympano & tibia, laudate eum in choridis & organo.

5 Laudate eum in cymbalis sonitus, laudate eum in cymbalis iubilationis.

6 Quicquid spirat, laudet Deum. Halelu-*la.*

1 Laudate eum. Psalmus hic in genere commendat spiritualem Dei cultum, qui laudum sacrificio constat. Per Sanctuarium minimè dubium est hoc loco celum intelligi, sicut alibi sæpe. Secundum enim membrum exegeticum est, quia idem repetitur. Atqui pro Sanctua-

rio potius *וְיִפְיָ*, hoc est cali expansio: cui additur epitheton *potentia*, quia illic relucet inastimabilis Dei virtus, & celorum conspectu in illius admirationem nos rapi necesse sit. Nam quod exponunt quidam, Laudate vos Angeli Deum qui celos incolitis, & vos homines



nes qui habitatis sub firmamento: coactum est ac remotum, quum Propheta quo melius homines expergefacias, qui alioqui frigent in canendis Dei laudibus, iubeat oculos attollere in caeleste Sanctuarium. Denique ut iustam reuerentiam in mundo obtineat Dei maiestas, cum in caelesti solo praesidentem Propheta inducit: & eandem sententiam continuat secundo versu, potentiam Dei, eiusque magnitudinem celebras, quam in caelo quasi in speculo proposuerat. Ergo si vere cupimus animos nostros accendi ad hoc pietatis exercitium, veniat nobis in mentem immensa Dei potentia & magnitudo, quae facile nobis omnem torporem excutient. Et si enia tantam immensitatem non capiunt mentes nostrae, solus tamen gustus serio nos afficiet. Deus autem quas pro modulo nostro obtulerimus laudes non respuet.

3 *Laudate eum in clangore.* De Hebraicis vocibus quae musica instrumenta significant, non laboro: tantum meminerint Lectores, hic multas species referri quorum usus viguit sub Legali cultu, quo melius exprimat, non posse minus sedulo satagere Dei filios in celebrandis Dei laudibus: ac si iuberet strenue conferre ad hoc pietatis officium quicquid habent, & in eo penitus occupari. Nec etiam abs re Deus sub Lege olim exegit multiplices illos cantus, ut à vanis, imò peruersis oblectamentis quibus minimè cupidè dediti sunt homines, ad sanctam vtilemque laetitiam traducere suorum animos. Exultat enim mira licentia caro nostra, ut etiam portenta quaedam sibi multi excogitent ad

se se oblectandos, interim summa illis voluptas est Dei memoriam suppressere. Haec prauitas non aliter corrigi potuit nisi Deus multis frans acque assiduus exercitiis retineret infirmum & rudem populum. Ideo Propheta hortari fideles volens, ut totum suum gaudium in Dei laudes profundant, coaceruat quaecunque tunc in usu erant musica instrumenta, & admonet debere omnia consecrari in Dei cultum.

6 *Quicquid spirat.* Quia vox **חַנּוּךְ** halitum vel flatum significat, & quicquid est animatum, vel spirat: ideo posse extendi sententia haec ad omne genus animantium: sicut Psalmis superioribus vidimus, creaturis etiam sensu carentibus attribui praeconiū laudum Dei. Sed quemadmodum si b carnis nomine saepe intelliguntur soli homines, ita minimè absurdum erit, sermonem ad homines dirigi, quia tamen si vitalem spiritum communem habent cum brutis animalibus, pra aliis tamen nomen spirantium sicut viventium obtinent. Ut ita accipiam, hac me ratio mouet: haec enim populum Legulibus caeremoniis assuetum hortatus Propheta ad canendas Dei laudes, se se ad totum humanum genus tandem conuertit: venturum tempus tacite ostendens quo vbique resonabunt eadem cantica quae tunc non nisi in Iudaea audiebantur. Acque hoc vaticinio nos in eandem symphoniam Iudaeis coniuncti fuimus, ut assiduus laudum sacrificiis colatur Deus inter nos: donec collecti in regnū caeleste, cum electis Angelis canamus perpetuum halelu-Ia.

*F I N I S.*



# INDEX EORVM QVAE IN

*his in Librum Psalmorum Commentariis exponuntur. Prior numerus Psalmum: alter verò, versum Psalmi ostendit.*

## A

- ¶ Abimelech, nomē Regibus Philisthinis commune 34.1  
Abnegatio sui ipsius quid 19.13, & 95.11  
Abraham quondam idololatris permittus 105.8  
abrahæ filii cum reliquo mundo conferuntur 24.1  
abrahæ filii duplices 68.26, & 69.35, & 78.8, & 86.9, & 87.5, & 97.8, & 115.11  
Abrogatio caeremoniarum 40.8  
abrogatio cultus legalis 40.8  
¶ Accessus ad Deum non nisi puris eius cultoribus pater 15.1  
Achis Rex Philistinorum 34.1  
¶ Adæ lapsu totum genus humanum à nativā suā origine excidit 8.6  
Adeps pro fastu 17.10  
Adoptio gratuita Deum nobis propitium reddit 103.13  
adoptionis nostræ finis 102.29  
Adulatio malum non minus pestiferum quàm vulgare 15.4  
adulatio damnatur 12.4, & 15.4, & 28.3  
אֵלֶּיךָ quid 19.7  
¶ Aegrotatio pro quovis incommodo vel tristitia 35.13  
¶ Afflictus diversi in piorū orationibus inter se aliquando cōfligunt 44.3  
affectus humani cur Deo interdum tribuntur 14.4  
Afflictiones vnde 43.3  
afflictiones à Deo 38.3, & 42.8, & 88.7, & 105.16, & 118.18  
afflictiones peccatis nostris imputadæ 38.5  
afflictiones piis ac impiis communes 37.19, & 109.8  
afflictiones cur piis immittuntur 41.2  
afflictiones cur variæ hominibus immittuntur 42.8  
afflictiones non semper sunt iræ Dei signa 6.2  
afflictiones piis non noxiæ 49.6.7  
vide afflictionum utilitas.  
afflictiones æquo animo ferendæ 109.28  
afflictiones Christi & fidelium communes 20.2  
afflictionum brevitās 30.6  
afflictionum finis 6.3, & 41.2  
afflictionum utilitas & fructus 6.2, & 30.8.9, & 34.19.20, & 39.6, & 44.1, & 50.14, & 94.12, & 119.71  
afflictionum tempore quid agendum 5.8, & 6.2, & 39.2  
אֵלֶּיךָ pro cerua, seu initio vulgaris cātilenæ 22.1  
עֲלֵמֹת initium celebris carminis 9.1, & 46.1  
¶ Ambulare coram Deo quid 116.9, & 119.168  
ambulare in latitudine 119.44  
ambulare in luce viuorum quid 56.14  
ambulare in rebus magnis 131.1  
Amicitia fucata quàm noxia 41.7, & 55.13.21, & 62.5  
אֲמַל metaphorice sumptum, pro delicti & frangi 6.1  
Amor Dei. vide Dei amor.  
אֲמַנָּה pro firma diuturnitate 37.3  
¶ Anabaptistæ quo prætextu se spirituales iactant 71.14  
Angeli sub figura Cherubim representati 18.9  
angeli non adorandi 89.7, & 96.4  
angeli quomodo dii dicantur 95.3  
angeli cur deorum filii 89.7  
angeli cur legitimi principatus vocentur 35.6  
angeli semper parati ad capeffenda Dei iussa 103.19.21, & 104.3  
angeli iudiciorum Dei ministri 78.44  
angeli salutis piorum ministri 34.8, & 35.6, & 55.19, & 68.18, & 91.11  
angeli ad quid conditi 148.1  
angeli cur principatus & potestates dicantur 148.1  
angelorum præcipua exercitatio 103.19  
anima pro corde 69.2  
anima pro vita 31.5  
anima pro parte vitali 44.16  
anima pro sede intelligentiæ & affectuū 3.3, & 103.1  
animæ vita, Lex 19.7  
animam effundere quid 42.5  
animam gestare in manu quid 119.109



# I N D E X

animam querere quid	54.4, & 142.5	augustini locus	18.21, & 31.19, & 85.11, & 88.6, & 99.5, & 101.1, & 115.5, & 118.25
animā suā cur unicū vocet David	35.17	אָלֵיךְ quid Hebrais	66.7, & 73.12
animæ corporibus exortæ intelligentia non priuantur	6.6	אֵלֵךְ quid Hebrais	31.10, & 38.5, & 40.13, & 55.2
animarum immortalitas	49.16, & 115.17	Aures perforare quid	40.7
Animalia bruta à Dei prouidentia pendunt	145.13	B	
animalia bruta quomodo in Deo sperare dicantur	145.10	¶ Baalpeor Madianitarū idolū	106.28
Antiochi fauitia & tyrannis in populū Dei	44.23, & 129.1	Babylonis excidium.	137.8
Anthropopathia	10.1	¶ Beatus quis cēsendus	1.1, & 4.7, & 16.11, & 31.1, & 34.9, & 40.5, & 119.1, 128.1
אֵלֵיךְ qui Hebrais	34.3	Beatitudo extra Deum nulla	48.3
אֵלֵיךְ quid	18.16	בְּרִיךְ quid	18.5, & 41.9
Apostatæ & degenēres Gentiles dicti	10.16	Benedicere quid	5.13
Apostolorum libertas in citandis Scripturæ locis	8.6, & 40.8	Benedictio Dei. Vide Dei benedictio	
¶ Aquæ elementum terra superius	24.2, & 33.7, & 10.49	benedictiones temporales non semper conspicuæ	37.19, & 12.3
aquæ num super quatuor elemēta resideant	148.3	benedictiones Dei terrenæ ad eius consilium restringuntur	37.33
aquæ pro tribulationibus	69.2	Beneficentia quā præclara virtus	72.12
aquæ in aere suspensæ	148.3	beneficentia commendatur	34.15, & 37.27, & 112.5.9
aquarum moles excelsæ supra terræ situm	104.9	Beneficia quæ in proximos nostros conferuntur in vsum nostrum sunt accommodanda	5.13
Aquilæ natura	103.4	beneficiorum Dei recordatio spē fouet	4.2, & 9.3, & 22.10, & 25.5, & 27.2.3
aquilæ senectus, prouerbiū	Ibidem	9, & 31.5, & 42.10, & 44.3, & 61.4, & 71.17, & 77.12, & 89.50	
¶ Arca fœderis, cur Iehoua dicebatur	47.6	beneficiorum Dei abusus	23.5
arca fœderis cur scabellum Dei	99.5, & 132.7	beneficia Dei. Vide Dei beneficia.	
arca fœderis præsentia Dei pignus & symbolum	20.3, & 84.7, & 106.19, & 132.9, & 138.1	Beneuolentia fraterna colenda.	16.3
Arididis gloriatio	86.1	¶ Boatus Papisticus	47.6
Aristotelis locus	29.7, & 127.3, 147.15	Bonitas pro effectu suo capitur	31.19
Arrogantia Idumæorum	44.14	Boni malis permisti	1.1, & 15.1, & 22.24
Ars incantandi	58.5	& 24.3, & 26.5, & 37.19, & 47.6, & 52.10, & 79.10, & 101.8, & 123.3, & 125.5	
artes malæ fugiendæ	27.11	bonum omne ex gratuita Dei misericordia	6.3.5
אֵלֵךְ pro congerere in aerem	26.9	boni & mali discrimen ex sola Dei Lege pendendum	19.8
אֵלֵךְ pro expletiva vel exegerica particula	8.1	¶ Brachium conterere quid	10.18
אֵלֵךְ pro quia	47.5	Breuitas afflictionum. Vide Afflictionū breuitas	
¶ Astutia cauenda	27.11	Breuitas humanæ vitæ. Vide Vita.	
astutia Rebecca vitiosa	34.1	C	
astutia Satana. Vide Satana astutia		אֵלֵךְ pro lingua	16.9, & 57.9
¶ Auaritia damnatur	39.7, & 111.2.10, & 119.16	אֵלֵךְ pro memoria	7.6
Augustinus Hebraicæ linguæ imperitus	58.2	Cacitas Iudæorum	22.17
augustini dictum de humilitate	9.21	Cadere à consiliis quid	5.11
augustini lepidum responsum ad Donatistas	26.5	Cæsuris diæterum	48.4
		cæsaris nomen Romanis Imperatoribus commune.	34.1
		cala-	

# INDEX.

Calamitates nō temere oriūtur	105.16	christus Rex gloriæ	24.8
calamitates bonis & malis communes		christus Rex & Sacerdos	110.4, 132.13
37.19, & 109.8, & 112.4		christus multa à linguis mendacibus	
Castra salutum	116.13	passus	27.12
Calumniatores maxime noxii	35.1	christus aceto potus	69.21
Casticū nouū quid	33.5, & 40.4, 144.1	christus piorum pastor	23.4
Caro pro vanis hominibus	78.39	christus cur Ecclesiæ præfectus	22.31
caro pro iolis hominibus	145.20	christus quomodo se à Deo derelictum	
carnis securitas	30.8, 139.13	questus fuerit	22.2
Castigationum finis	89.31	christus semen Dauid. s	18.51
Castitas spiritualis, Verbo Dei adhaerere	106.39	christus Angelis superior	8.6, & 89.27
Cathari refelluntur	26.5	christus uiuit in æternum	61.7
Catonis locus	15.5	christus ferro sceptro armatus	142.9
Causa interdum effectui suo subiicitur		christi affectus minime uiciosi	22.15
26.11		christi in ælum ascensus	68.19
causa pro suo effectui	145.16	christi horribile cum morte certamen	
Cautio stulta & inutilis	40.6	22.16	
¶ Ceremoniarum abrogatio	40.8	christi Diuinitas. Vide Christus Deus	
ceremoniarum usus	22.27	christi dominatio	18.44
Certamen Christi cum morte	22.16	christi esakano	21.4
Cerui certis anni temporibus ardentem		christi hostes qui	2
aqua expectant	42.2	christi hostium horrendus interitus	21.9
¶ Charitas mutua commendatur	122.3	christi nomen sanguis nō potest	45.17
charitas fraterna colenda	16.3	christi populus uoluntarius	72.15, & 110
charitas erga omnes	16.3	christi summa potestas	2.9, & 72.12, &
Christus Deus æternus	33.6, & 48.7	116.5.7	
christus, Deus manifestatus in carne		christi potentia aduersus hostes	149.9
21.13		christi regnum spirituale	71.2
christus hominū & Angelorū caput	8.6	christi regnum æternum	21.3
christus caput Ecclesiæ	40.8	christi regnum amplissimum	65.2, & 72
christus quomodo vitam suam Patri		8.10, & 110.3	
commendauit	51.5	christi regnum omnium celeberrimum	
christus fidelium custos	89.19	110.3	
christus intra omnes deiectus	22.7	christi regnum opulentissimum	72.15
christus cur ad nos descendit	28.2	christi regnum perpetuum	18.51, & 21.
christus quomodo è morte ereptus	22.22	3, & 72.17	
christus quibus formidabilis	110.7	christi regnum spirituale	2.4
christus Ecclesiæ fundamentum	118.25	christi regnum sacerdotio coniunctum	
christus quatenus à Patre genitus	2.7	2.4, & 110.4	
christus germen	132.17	christi regnum quàm charum & pretiosum	
christus imago Dei	97.9	21.10	
christus uerus Immanuel	112.2	christi regni præstantia	68.17
christus iudex mundi	21.4.9, & 101.8	christi regno nunquam hostes defuturi	
christus cur lapis angularis	118.25	21.8	
christus carnis infirmitate minime lapsus	22.2	christi resurrectionis præconiū	22.32
christus infirmitatibus carnis nostræ contra corruptelam duntaxat obnoxius	22.15	christi sceptrum	45.2.17, & 47.4
christus solus mediator.	50.14, &	christi sponta	45.11
84.9, & 110.4		christi zelus	69.10
christus Rex æternus	18.51, & 21.	christi & Ecclesiæ sacra cōiunctio	45.1
3, & 132.12		christi cum Melchisedec comparatio	
		110.4	
		christi & Solomonis collatio	45.7
		christo quomodo omnia subiecta	8.7
		christo quomodo imbuuntur fideles	

# INDEX.

vicia	40.8	benedictionum Dei custos	
Christū sedere ad dexterā patris	110.5	conscientiæ puritas vnde	35.11
Chus, Saulis confanguineus	7.1	conscientiæ bonæ testimonium, magni	
22 variè sumitur apud Hebræos	33.21	momenti est coram Deo	35.19
22 pro particula aduersatiua	37.20, & 44.20	conscientiæ rectæ studendum	31.23
22 pro quauis	8.4, & 18.18	conscientia mala, sæuissimus carnifex	32.2, & 55.24
22 pro 700	22.32	Consilium impiorum quid	1.1
22 loco aduerbii temporis	27.10	Consolatio ex Scripturis petēda	94.12
¶ Ciborum delectus sublarus	24.1	consolatio fidelium. Vide fidelium cō-	
Ciceronis locus	15.4, & 44.14, & 115.4	solatio.	
¶ Claudicatio pro casibus aduersis	35.15, & 38.18	consolationis munus Prophetis iniun-	
claudicatio Iacob patriarchæ	22.2	ctum	74.9
Clementia, Regum dos propria	4.4	Conuentus sacri Diuinitus præscripti	84.2
¶ Cœli mutatio testis præsentia Dei	18.9	Conuersio pro diuersa voluntate	7.13
cœli pro vniuersa mundi machina	33.6	Copula 1 amplificandi causa posita	31.11. Vide Et.
cœli quomodo testes ac præcones gloriæ Dei	19.1	Cor hominum in manu Dei	105.25, & 106.46, & 109.12, & 119.36
cœli omnium populorum veluti concionatores	19.4	cor totum pro integro vel sincero	9.2
cœli quomodo perituri	102.26	cordis duplicitas quid	12.3
cœlorum antiquitas gloriam Dei illustrat	68.32	cordis rectitudo. Dei donum	86.11
cœlorum inclinatio quid	18.9	cordis integritas seruāda	22.8, & 26.2
cœlorum sermo qualis	19.3.4	cordis & linguæ symphonia requiritur	15.2
Cœnæ Dominicæ vsus	110.4	Cornu pro robore vel dignitate	148.14
Communicatio sanctorum	16.3	Corporis humani inestimabile artificium	139.15
Concessio ironica	4.3	Correctionum vtilitas	141.5
Conciliatio quorundam locorum Scripturæ sacræ	8.3.6, & 16.10, & 19.7.8	¶ Creatio mūdi ad Dei prouidentia nos deducit	33.6
Concilium Lataranense & eius decretum	19.2	creationis nostræ finis	89.47
concilium Nicenum secundum	48.8	Creaturæ omnes ad Dei laudes incitantur	103.22
concilij Niceni bruta cæcitas	132.7	creaturæ ratione carentes quomodo Deo obediant	147.19
Concordia fraterna cōmendatur	133.1	Crudelitas nimia damnatur	15.3
concordia piis necessaria	Ibidem	crudelitas quā deo exosa & abominabilis	14.4, & 94.5
Vide Charitas fraternā.		crudelitas semper superba	10.2
Confessio oris necessaria	116.10	¶ Culpæ & pœnæ Papistica distinctio	32.1
confessio peccatorum qualis requiritur	19.12	Cultus quis Deo gratus	66.4.17
confessio auricularis à Papistis cōficta eueritur	19.12, & 32.5	cultus coactus vel seruilis Deo minime probatur	1.1
Cōscientia bona, optima saltura & ingens thesaurus	4.2, & 69.5, & 71.4, & 86.1, & 109.1, & 116.7	cultus legalis celebri encomio cōmendatus	24.7
conscientia bona, optimū patrociniū	109.1	cultus legalis abrogatio	40.8
conscientia bona, felicitis vitæ fundamentum	1.5	cultus Dei. Vide Dei cultus.	
conscientia bona, magnū in afflictione solacium	55.2	Cupiditas opes congerendi damnatur	39.7. Vide Auaritia.
cōscientiæ bonæ integritas fidelissima		Curæ seruida & præcipientes damnantur	39.7



# INDEX.

¶ Cyrus quomodo beatus	137.8	niam finxerit coram Rege Achis	34.1
D		dauid patria extorris vnice optabat in	
¶ Darius quomodo beatus	137.8	templo Domini habitare	27.4
Dauid à puero formatus ad pietatem		dauid quam dolenter ferebat à Sanctua-	
32.4		rio arceri	42.1.7, & 43.3
dauid licet neruosus, humilis tamen sta-		dauid de se in aliorum persona loqui-	
turæ fuit	18.36	tur	20.1
dauid magna animi mansuetudine præ-		dauid de solis circuitu populariter loqui-	
ditus	18.38	tur	19.4
dauid non est omnium Psalmorum au-		dauid de terræ situ philosophicè nō di-	
thor	42.1, & 44.1	sputat	24.2
dauidis lucta ardua cum propria infir-		dauid non fuit humanæ infirmitatis ex-	
mitate	144.6	pers	38.11
dauid communis Ecclesiæ doctor	42.1	dauid mali grauitate visus stultas &	
dauid quatenus pastor	28.9	temerarias voces profuder	39.4
dauid ad Psalmos legendos fideles hor-		dauid aliquid perturbationis passus	
tatur	1.1	39.14	
dauid spiritu prophetico in Christum		dauid prosperitate interdū abusus	30.7
maximè respexit	21.2	dauid cur suam conditionem miseram	
dauid quomodo Angelis præstantior		esse queratur	22.7
89.27, & 110.1		dauid cur fidem suam cuiusque perseue-	
dauid imago capitis Ecclesiæ	69.1	rantiam celebret	25.15
dauid mirabiliter ex multis mortibus		dauid quomodo suam iustitiam coram	
ereptus	141.6	Deo allegat	18.21
dauid typus Christi	18.38.44, & 20.1.	dauid quomodo integritatē suam iacer	
10, & 41.10, & 69.10.21, & 89.27, &		coram Deo	7.9, & 25.21
109.3, & 110.1, & 118.25, & 140.1		dauid quo iure sibi immanitatem à mor-	
dauid qualis Rex	101.2	te promiserit	16.10
dauid cur se Dei seruum nominat	18.1,	dauid quomodo sibi beatam vitam in	
& 13.13, & 23.1, & 36.1		mundo promittat	41.3
dauid cur Deum suum appellat	18.7, &	dauid quo affectu hostibus suis imprec-	
22.2, & 31.14		atus fuerit	55.16, & 59.5, & 69.23.
dauid strenuè vocationem suam sequu-		30, & 109.6.12.17	
tas	18.22	dauid creatus à Deo vindex Ecclesiæ	
dauid festis diebus sacros conuentus fre-		60.10	
quentauit	42.1	dauid suam ignorantiam fateatur	86.11
dauid suis opibus minimè excæcatus		dauid certamen habuit cum falsis cri-	
23.5		minibus	57.5
dauid à primo ætatis flore, toto ferè vi-		dauid cur templi meminerit quū nodū	
ta tractu variis afflictionibus exerci-		extractum esset	68.29
tus	18.1, & 27.12, & 30.6, & 38.9	dauid non sine lucta hostes suos vicit	
dauid variis calumniis expositus	7.1, &	69.21	
13.1, & 18.21, & 27.12, & 31.31, & 35.1,		dauid cur mortem tantopere exhorruet	
& 119.22		rit	6.6, & 30.10
dauid linguis fallacibus circumuentus		Dauidis agitatio	15.11
109.2.3		dauidis conscientia bona	7.6.10
dauid sinistris criminationibus obnoxius		& 11.4, & 58.2.7, & 69.5, & 71.4, &	
64.4		109.17, & 116.7	
dauid clādestinis artib <sup>9</sup> oppressus	55.23	dauidis constantia	38.6
dauid ex cōfuso & desperato statu ma-		dauidis culpa multiplex	51.5
rieriam sperandi petit	5.10	dauidis dies	116.1
dauid Dei præsidio fretus securè hosti-		dauidis electio Saulis dominationē se-	
b <sup>9</sup> suis insultat	27.1	peliuit	68.26
dauid an Spiritus sancti instinctu vesa-			

# INDEX.

dauidis exilium calamitosum	11.1	rius debitor	119.58
dauidis hyperbolica eloquentia	18.5	deus omni laude dignus	18.4
dauidis fides	22.3, & 38.22, & 40.1	deus fidelis & verax	31.5, & 54.7, & 89.31.35
dauidis fides vacillauit	22.2	deus cur interdum & quibus formidabilis inducitur	29.5, & 68.4, & 76.8 & 103.9
dauidis fides nunquam in eo extincta	40.13	deus exercituum cur dictus	59.5
dauidis rara fortitudo	116.7	deus hereditas fidelium	16.5, & 73.26
dauidis sancta gloria	18.26, & 27.1.3.5, & 109.28	deus totius mundi iudex	1.6, & 5.5, & 7.9, & 9.7.17, & 11.4, & 14.2, & 26.1, & 35.24, & 38.21, & 43.1, & 50.6, & 58.12, & 59.5, & 73.21, & 75.7, & 76.10, & 94.8, & 109.13, & 119.155
dauidis hostes implacabiles	35.20	deus cui iustus vocetur	103.17
dauidis hostium duo genera	41.7	deus fidelium liberator perpetuus	68.14.20
dauidis hostium malitia	140.3	deus natura misericors	25.6
dauidis integritas & innocentia	7.4.6.9.10, & 11.4, & 17.3, & 18.22.23, & 25.15.31, & 26.1.2, & 26.11, & 27.12, & 28.3, & 35.7.19, & 38.20, & 43.1, & 58.2.7, & 86.1	deus in celo minime otiosus	9.9, & 10.14, & 11.4, & 35.22. Vide Dei prouidentia
dauidis mansuetudo	38.14	deus populi sui pastor	28.9, & 55.23, & 77.20, & 78.52, & 80.2, & 95.7
dauidis insignis modestia	18.1, & 23.1	deus non est malarum causarum patronus	7.4, & 9.5, & 43.1, & 58.7
dauidis nomen magnum & celebre fuit inter vicinas gentes	22.23	deus pater noster	103.13
dauidis patientia	26.3, & 39.3, & 69.4, & 71.7, & 119.4	deus pater nutritius	104.15
dauidis continua peregrinatio	56.9	deus ubique praesens	66.5
dauidis regnum in Dei beneplacito fundatum	18.51	deus quibus propitius	1.1
dauidis regnum umbratile	2.1	deus Rex aeternus	10.16, & 29.10, & 145.10
dauidis stultitia	30.8	deus Rex totius mundi	24.1
dauidis tentationes grauissimae	42.4	deus cordium scrutator	7.10, & 17.3, & 139.1
dauidis vitae breuitas	21.4	deus seruator sperantium	17.7
dauidis zelus purus	18.38, & 42.11, & 69.10	deus semper sui similis	22.4, & 31.5, & 40.10.11, & 138.8, & 143.6
dauid unico Deo teste contentus	144.9	deus promissionum suarum tenax	3.4
¶ Quid	28.2	deus verax	31.5, & 105.8, & 116.11, & 117.1
¶ Deliciae temporales velut somnia euanescent	16.11	deus scelerum vltor	5.6
Derisores qui dicantur	1.1	deus quomodo dicitur non amare sacrificia	40.7
Desertum pro feris ipsis sumptum	29.7	deus variis modis auxiliatur	109.26
Desperationis signum	36.4	deus nunquam ab officio suo cessat	7.12
Deus quomodo in caelis	115.3, & 123.1	deus sola obedientia colitur	1.1
deus Epicuri qualis	44.24	deus cur homini ebrio confertur	78.65
deus quomodo quarēdus	28.2, & 105.4	deus opus manuum suarum non deserit	4.4, & 57.23, & 138.8
deus personarū acceptor non est	115.12	deus cur auxilium suum interdū differt	9.10.13.19, & 10.1.15.18, & 12.6, & 13.3, & 18.28, & 22.25, & 25.6, & 27.14, & 33.18, & 34.10.19.23, & 35.17, & 37
deus, mortis ac vitae arbiter	31.15		
deus solidi gaudii author	65.9		
deus cur bonus & rectus praedicatur	25.8		
deus in suis promissis certus, verus ac cōstans	12.7		
deus pura mente colendus	2.1		
deus suorū perpetuus custos. Vide Deus suorum curam gerit	16.2		
deus nemini debitor	16.2		
deus in suis promissis quasi voluntaria			

# INDEX.

- 37.13, 32.34, & 40.2, & 83.10, & 105.  
29.23  
deus cur pœnas impiorum differat 2.4,  
& 5.5, & 21.9, & 34.16, & 37.13  
deus quando vere exaudit 13.3, &  
78.26  
deus quomodo reprobos excæcat 69.  
28  
deus quomodo per angelos reprobos  
sua iudicia exercet 35.6  
deus spem verbo suo datâ minimè fru-  
stratur 48.8  
deus suorum curam gerit 1.6, & 3.  
9, & 5.13, & 11.7, & 12.8, & 14.5, & 17.  
7.13, & 18.7.26, 23.1, & 25.9, & 27.10,  
& 31.5.14, & 32.10, & 33.18.20, & 34.  
8.10.16.21.23, & 36.6.7, & 37.9.25.28.  
32, & 41.13, & 46.6, & 47.10, & 48.4.  
14, & 97.10, & 99.4, & 116.15, & 121.  
4, & 128.2, & 135.13  
deus, mortuorû etiâ curam gerit 9.13  
deus quomodo in tēplo habitabat 24.8  
deus quomodo suos instituat. 16.7  
deus cor & animum inuetur 66.17, &  
119.1, & 130.4  
deus quomodo peccatoribus irasci dica-  
tur 6.2  
deus num electis suis irascatur 74.1  
deus quomodo in piorum persona lædi-  
tur 5.11  
deus variis modis suos liberat 118.15  
deus quomodo semel loquutus 62.12  
deus quomodo piorum laudibus magni-  
ficatur 69.31  
deus humano captu nō metiēdus 90.2  
deus quomodo placandus 143.2  
deus fide possidetur 116.7  
deus in Verbo & Sacramentis se nobis  
conspiciendum præbet 27.8  
deus nos præuenit, non contrâ 25.8  
Vide Dei gratia nos præuenit.  
deus quomodo hostes suos profliget 8.3  
deus cur in Dauidem propensior fuit  
quâm in Saulen 28.8  
deus duobus modis quaritur 9.11  
deus tribus modis docet homines 144.  
10  
deus quomodo regnat 99.1  
deus quomodo peccata patrum in sinu  
filiorum reiecit 21.10  
deus quomodo suis mercedem iustitiæ  
rependit 18.21  
deus solus seruat. 3.9  
deus, verus hominum doctor 147.19  
deus vnus ac solus piis omnibus sufficit  
16.5, & 18.32, & 31.6, & 37.4, & 39.  
8, & 73.25, 27, & 77.14, & 119.57  
deus quomodo largire dicatur 9.20,  
& 10.12, & 94.22, & 79.10, & 102.14  
deus quomodo populum suum vende-  
rit 44.13  
deus quatenus viuere dicitur. 18.47  
Dei æternitas quomodo consideranda  
102.14.24  
dei amor erga Ecclesiam immensus 6.  
9, & 27.10, & 34.8, & 44.4, & 68.8, &  
69.4, & 80.2, & 103.8.13  
dei amor præcipuū caput pietatis 18.2  
dei arca, præsentia Dei symbolū, 105.4  
Vide Arca fœderis.  
dei auxilium humano sensu non meti-  
endum 3.7, & 68.20  
dei auxilium nunquam deest in suo cur-  
su pergentibus 4.4  
dei benedictio piis promissa 24.5, & 25.  
13  
dei benedictio, fons & causa bonorum  
omnium 37.21, 27, & 115.12  
dei benedictio terram fœcundat 132.15  
dei benedictio arcana iustos locupietat  
37.16  
dei benedictio etiam externa in regno  
Christi 85.13  
dei benedictio non semper æquali mo-  
do perspicitur 37.27  
dei benedictiones ad præsentem vitam  
spectantes non perpetuæ 91.15  
dei beneficentia nunquam exhauritur  
84.12, & 89.18, & 104.15  
dei beneficentia per singulos annorum  
circuitus conspicua 65.12  
dei erga omnes beneficentia 45.9, &  
145.16  
dei beneficia vnde fluant 28.8  
dei beneficia gratuita. 23.3  
dei beneficia priora spem augent, Vide  
beneficiorum Dei recordatio.  
dei beneficia non defunctorie reputan-  
da. 116.12  
dei beneficiorum abusus 23.5  
dei beneplacitum ex nuda experientia  
cognoscitur 41.12  
bonitas salutis nostræ causa 13.5  
dei bonitas immensa. 8.4, & 115.16, &  
145.8  
dei bonitas quasi peculiaris thesaurus  
piis designatur & reconditur 17.7,  
& 25.10, & 31.9.20, & 33.1



# INDEX.

dei bonitas quomodo gustanda	71.14	dei gratia homines praeuenit, nō contrā	25.8, & 33.12, & 65.5, & 67.2, & 89.
dei bonitas cum hominum infidelitate			21, & 105.6, & 111.2, & 119.10, & 144.
& malitia certat	31.22, & 106.43		10
dei bonitas potius sentitur quā audi-		dei gratia num aequaliter omnibus di-	
tur	145.8	stribuatur donec repudiata fuerit	81.12
dei brachium pro insigni eius virtute		dei gratiae abusus	8.4
77.16		dei gratiae cognitio ex verbo petenda	43.3
dei clementia magna	103.11	dei gratiae tenor continuus erga fideles	
dei clementia eius potentiae coniuncta	62.12	25.9, & 28.15, & 30.6, & 33.22, & 36.11,	
dei cognitio vera	130.4	& 37.26, & 40.11, & 41.13, & 44.25.	
dei cognitio quā necessaria	62.10, &	9, & 127.3	
67.3, & 103.7		dei gratiae reflexiones idonei qui	42.6
dei cognitio inuocationem parit	91.14	dei imperium minimē tyrānicum	99.4
dei cognitio qualis in reprobis	83.18.19	dei erga suos indulgentia	6.4, 19.11,
dei consilium quid	33.11	& 20.7, & 22.3, & 26.9, & 40.14, &	
dei consilium in verbi speculo inspicien-	25.14, & 33.11	44.24, & 89.36.39.47, & 99.8, & 102	
dum		3, & 104.15, & 105.8, & 106.29.31, &	
dei cōsilia quomodo expendēda	40.6	116.14, & 127.2	
dei cultores qui	103.17	dei ira sub caligine depicta	18.9
dei cultus verus & legitimus quis	16.3,	dei ira cur tineae confertur	39.12
& 22.26, & 33.18, & 50.4.23, & 54.8,		dei ira quā grauis	32.4
& 66.3, & 100.1		dei ira quā metuenda	18.9, & 39.12,
dei cultus in amore situs	18.2	& 42.5	
dei cultus ex eius notitia	22.28	dei ira breuis	30.6
dei cultus ex fide oritur	99.8, & 119.78	dei irae sensus necessarius	32.3, & 39.12
dei cultus spiritalis	4.6, & 40.7,	dei irae coniungenda sunt peccata no-	
& 138.1		stra	38.4
dei cultus voluntarius	54.8, & 66.3	dei iudicia aequissima	145.17
dei cultus dupliciter vitatur	78.58	dei iudicia occulta	28.5
dei facies lucida quid	67.2	dei iudicia recta	9.9, & 19.9
dei discipuli quales esse debeant	19.7	dei iudicia quomodo altitudo impiis	10.5
dei dona cur saepe sine effectu effluant	33.17	dei iudicia cur abyssō cōferuntur	36.7
dei facies quid	4.7, & 27.8.9, & 31.16,	dei iudicia incomprensibilia	28.5, &
& 42.6, & 67.2		36.7, & 109.13, & 115.3	
dei fœdus arcanum	25.14	dei iudicia pertimescenda	119.120
dei gloria infinita	103.19, & 113.5	dei iustitia quid	40.14
dei gloria in eius operibus conspicua	19.1, & 104.1, & 135.5	dei iustitia pro fide quam piis praestat	
dei gloria quanti faciēda	109.26	intuenda eorum vita	5.9, & 7.18,
dei gloria in sola Ecclesia verē celebra-	29.5, & 33.1	& 22.32, & 31.1, & 48.10, & 71.14, 16,	
tur		& 99.4, & 116.5	
dei gratia fons bonorum omnium inex-	37.26, & 112.5	dei iustitia pro eius bonitate	51.16
haustus		dei iustitia pro vitae sanctitate	69.28
dei gratia, vnica piis lux vitae	6.9	dei iustitia quomodo cōsideranda	11.7
dei gratia satis exhilarat	48.3	dei laudes in ore nostro quomodo per-	
dei gratia inera huius caducae vitae fines	30.6	sonandae	34.3
minimē includenda		dei laudes publicē & toto vitae nostrae	
dei gratia quomodo aestimanda	27.10	cuius celebrandae	9.15, & 18.50, & 26,
dei gratia quā nobis necessaria	19.13,	7.12, & 34.4, & 40.10, & 103.19, & 111,	
& 31.20		1, & 113.2, & 119.162, & 146.1	
dei gratia ante oculos statuenda tempo-	5.8	dei laudes ab omnibus celebrandae	148
re afflictorum		11, & 150.6	
		dei erga suos liberalitas	23.25, & 29,

# I N D E X.

15, & 36.9, & 89.47, & 99.8, & 104.15 & 115.12, & 116.12, & 145.16	dei patientia longè à conuiuentia dif- fert 7.12
dei liberalitas fons bonorum omnium 135.1	dei pœnitentia qualis 106.23
dei lumē pro eius fauore & gratia 43.3.4	dei potentia infinita 18.26, & 35.2.10, & 59.9, & 65.7, & 68.2.22, & 71.19, & 77.18, & 93.1, & 102.14, & 103.19, 114.3.5, & 113.5, & 124.2, & 126.2, & 135.5
dei maiestas formidabilis 50.1	dei potentia qualiter expendenda 33.12 & 38.4, & 46.8.9, & 62.12
dei manus pro eius virtute 78.42	dei potentia absoluta 38.4. & 39.10
dei memoria piis necessaria 20.8	dei potentia recitadini coniuncta 99.4
dei misericordia quid 40.11	dei præsentia quam vtilis 16.8, & 68.18, & 73.23, & 96.10, & 121.6
dei misericordia sempiterna 30.6	dei potentia immentia 148.7, & 150.1
dei misericordia immensa 145.9	dei præsentia nostra felicitas 6.5
dei misericordia principium & fons o- mnium promissionum 85.11	dei promissiones in grauissimis pugnis locum habent 37.14
dei misericordia vbique expansa 36. 6.11	dei prouidentia ad totum orbem pro- miscue patet 22.29
dei misericordia nemini non necessaria 19.12. & 143.2	dei prouidentia palàm apparet 8.3
dei misericordia ad dignos minimè re- stringenda 25.8	dei prouidentia à paucis consideratur 29.9
dei misericordia cum hominum impro- bitate certat 40.15	dei prouidentia quomodo reputanda 1, 6, & 8.3, & 11.4, & 22.29, & 23.4, & 28.5, & 31.5.15, & 33.4.5, 10, 13.15, & 34.16.18 & 35.22, & 36.6, & 37.5.18, 28, & 40.6, & 44.13, & 46.9, & 47. 10, & 55.23, & 56.5, & 58.12, & 59.10 & 69.20, & 71.20, & 73.16, & 75.7.9, & 85.13, & 88.6, & 91.9, & 93.1, & 94.8.18, & 95.3, & 104.15, 16.19, & 105 17, & 10.46, & 107.1.10, & 111.7, & 113.7, & 115.3, & 119.5.6.15.5, & 121.4, 124.8, & 127.1, & 135.6, & 138.6, & 104.13, & 145.15
dei misericordia quanti æstimāda. 103. 4.11	dei prouidentia specialis 135.6 & 136.2
dei misericordiarū tenor 36.11. Vide Dei gratiarū tenor.	dei prouidentia dandum spatium v- tandem se in necessitate proferat 9, 10, & 10.14
dei munus proprium 5.11, & 6.3, & 7, 2, & 9.4.14, & 13.4, & 14.7, & 17.7, & 18.26, & 22.12, & 24.5, & 25.4.8. 12.16, & 28.3, & 33.10, & 35.10, & 38.13, & 39.8, & 65.4, & 69.19, & 75.3, & 80. 4, & 119.25.126	dei secretum in Lege 25.14
dei natura 5.5, & 11.7, & 31.1, & 33.5, & 38.6, & 97.10, & 102.11, & 103.6 8.9, & 109.21, & 115.8	dei terror 9.21
dei naturæ insignis descriptio 86.14	dei timor pro tota pietate vel toto Dei cultu 111.10
dei nomen pro ipso Deo 20.2	dei timor pro sensu pietatis 40.4
dei nomen pro eius maiestate 9.11	dei timor pro ratione colendi Dei 19.9
dei nomen pro celebri eius notitia 8.1	dei timor pro ipsa piē viuendiregula 34.12
dei nomen pro eius potentia 75.3	dei timor piis quàm necessariis 2.11, & 34.10.12, & 111.10, & 119.7.8, & 128.1
dei nomen vnica salutis nostræ causā 31.3	dei timor in precibus 5.8
dei nomen sobriè sumendum 89.36	dei timor in mundo rarissimus 25.12
dei nomen falsè obdendi nō debet 15.1	dei tolerantia Vide Dei patientia
dei nomen in vanū sumere quid 139.20	dei verbum pro eius consilio vel man- L.Li.iii.
dei obliuio facillè nobis tempore pacis obrepit 23.1	
dei opera quomodo expendenda 33.3 4.5.6, & 66.5	
dei opera verbis exprimi nequeunt 8.1	
dei opera assidue reputanda 28.5	
dei patientia magna 77.10, & 78.38, & 85.6, & 89.31, & 103.8.13	

# INDEX.

dato	33.4	Diffidentia peccatum grauissimum	31.12
dei verbum pro promissionibus	18.31	diffidentia corrigenda ratio	31.5
dei verbum non semper pro doctrina	33.4	Diogenis dicta 10.5, & 73.2, & 128.1	
sumitur	33.4	Discipuli Dei quales esse debeant	19.7
dei verbum solum veritatem continet	29.9	discipuli Legis qui	1.1
dei verbum sobrie ac reuerenter tractandum	24.7	discipuli Legis literales perstringuntur	25.14
dei verbum perpetuum	119.96	Diffidia ex malorum impietate	34.15
Dei verbum seculum incorruptibile	22.31	Diffinitio peccati & culpa	52.1
dei verbum omnibus & semper necessarium 80.8, & 81.9, & 102.15, & 119.9, 136.1		distinctio dulcis & latriæ	109.35
dei verbi constantia	119.89	diuites a regno Dei non exclusi	22.30
dei verbi prestantia	12.7	diuites officii admonentur.	23.5
dei verbum quid	40.11	Diuitiarum fallax fiducia	62.11
dei veritas pro fide quam Deus in suis promissis prestat	36.6	Diuinum vocatur Ebrais quicquid ex-cellit	36.7
dei via pro ratione agendi quam tenet erga nos	18.3, & 44.18	¶ Deceptor verus quis	19.11
dei vindicta velocissima	58.10	Docilitas donum Dei	119.124
dei vindicta eo propius insiat quo insolentius ruunt homines ad peccandum	55.10	docilitas commendatur	32.9
dei horrenda vindicta aduersus hostes	149.7	Doctrina generalis in quotidianos vsus aptanda	10.14, & 92.10
dei vitæ quomodo consideranda	18.47	doctrina particularis necessaria	32.8
dei voluntas interdum nobis abscondita	135.6	doctrina legis quam necessaria	111.7
dei voluntas à solis electis perficitur	40.8	Doeg regis pastoribus praefectus	52.1
dei vox in tonitru	29.3, & 93.3	doeg peridia	109.6
dei & hominum discrimen	37.13	doeg superbia	52.9
dei & idolorum discrimen	9.12, & 95.3, & 99.5, & 115.4	Donatista refelluntur	26.5
deo cur domicilium in caelo assignetur	102.20	Denec, quomodo sumatur	110.1
deum esse impii non credunt	10.4.11	¶ Quod Ebrais 12.8, & 14.5, & 22.31	
deum audiri ab hominibus quid	81.14	¶ Dulcis & latriæ putida papillarum distinctio	106.35
deum inuocare quid	16.4	durities Stoica in sanctis non fingenda	50.12
deum quomodo poenitet 106.45, & 135.13			
deum querere quid 9.11, & 22.27, & 24.6, & 24.5			
deum scire quid	28.1		
deum scire quid 78.18, & 95.9, & 106.14			
deum tentare atrox contumelia	78.40		
dei tutelares quam vani	18.32		
¶ Diabolus cur malus Dei spiritus dicitur	35.6		
Dicere pro statuere in animo	116.11		
dicere pro imprecari	41.6		
Dies Dauidis	116.1		
dierum continua successio certum diuinae providentiae documentum	19.2		

## E

¶ Ebraei menses suos à luna supputant	104.19
ebraei saepe praepositiones omittunt	140.4
ebraeorum puncta non semper scribendo expressa	15.4
ebraeis trita temporis enallage	21.3
ebraeis tritum est relatiua omittere	19.3
¶ Ecclesia sub Dauide floruit	44.1
ecclesia vbi querenda	122.8
ecclesia ab omni sorde nondum purgata	26.5
ecclesia cur columna & firmamentum veritati.	78.4
ecclesia curæ Deo. Vide Deus suorum curam gerit	
ecclesia piorum omnium mater	47.4
ecclesia regina	Ibidem
ecclesia, quomodo perpetua	22.31, 32
ecclesia terra arabili similis	129.3
ecclesia	



# INDEX.

ecclesia cultu culturi confertur	74.19	28.3.7, & 30.7, & 31.5.19, & 32.1.2.5,	
ecclesie spes supra mundum assurgit	147.19	& 33.18, & 36.2.5, & 37.4.19.24.37, &	
ecclesia speculum gratie & iusticie Dei	111.5	38.5.6.7.10.20, & 39.8.12, & 40.8, &	
ecclesie insigne glorie Dei theatrum	76.2	41.5, & 44.4, & 47.5, & 52.3.8.11, &	
ecclesia omnibus aliis curis preferenda	102.4	54.8, & 55.24, & 56.14, & 58.12, & 65	
ecclesia super omnia mundi regna excellit	87.1	2, & 66.3.15, & 68.4.20, & 73.18, & 77	
ecclesia variis modis servatur	102.19	12, & 79.1, & 83.18, & 95.8.11, & 102.	
ecclesia variis afflictionum generibus obnoxia	66.10	11, & 103.3.9.13, & 105.4, & 106.2, &	
ecclesia nunquam hostibus caret	46.7	107.42, & 111.4.7, & 118.18, & 127.2,	
ecclesia papistarum qualis	45.11	& 147.14	
ecclesie edificatio proprium dei opus.	51.20	¶ Epicurus quid de Deo sentiat	44.24
ecclesie hostes caeci	69.24	epicuri commentum de mundi compositione	104.24
ecclesie hostes leonibus similes	74.4	epicurei qualem Deum somniant	33.13, &
ecclesie hostes furiosi	69.25	44.24, & 115.3	
ecclesie hostes domestici	41.10, &	Epicurei multi	128.1
55.13, & 59.5, & 83.6		Epicureorum fatuitas & dementia	107.
ecclesie hostes perimedi	68.22, & 99.2	43	
ecclesie ornatus internus	45.14	Epulum in sacrificiis fieri solitum	22.27
ecclesie perpetuitas asseritur	22.31.32	¶ Equus pro quouis auxilii genere	33.17
ecclesie purgatio semper optanda	26.5	¶ Errores cauendi	16.4
ecclesie puritas desideranda	22.26	¶ Et pro autamen	22.4, & 31.14
ecclesie redemptio descripta	18.7	& pro ergo	5.8
ecclesie fecunditas	110.3	& pro quia	6.3, & 7.10, & 8.6, & 37.
ecclesie regimen externum quorsu spectat	24.7	15, & 60.13	
ecclesie salus firmissima	48.8	& pro sed	3.4
ecclesie salus communia cum Dei iustitia	129.3	& pro ideo	55.20
ecclesie securitas vnde	46.6	& superuacuum	25.11, & 31.3
ecclesie unitas vnde estimanda	47.10	¶ Ethan quis fuerit	89.1
ecclesie & Christi sacra coniunctio	45.1	¶ Evangelium sceptrum Christi	45.17
¶ Effundere animam	42.5	euangelium ludæos a fœdere non abduxit	47.10
¶ Electio gratuita causa honorum omnium	33.12	euangelii vis	18.46
electio firma	3.4	Euentus quotidiani certi Diuinæ providentie testes.	33.10
Electiois nostre finis	24.1, & 105.44	euentus fidelium cur a Deo secundantur	37.13
Electi soli Dei voluntatē faciunt	40.8	¶ Exemplum bonū quam utile	34.4.7
electi soli sciunt se a Deo seruari	68.20	Exercitia pietatis non contēnda	26.8
electi sponte Deo seruiunt	110.3, vide	Experientia fidem adiuuat	43.3
Dei populus voluntarius		experientia stultorum magistra	49.11
Electorum & reproborum, piorū & impiorum, fidelium & infidelium, & iustorum & hypocritarum discrimen.	1.4, & 2.9, & 3.5.6, & 5.3, & 9.2.18.21, & 10.5.6.12, & 16.7.11, & 17.1.15, & 18.19.22.26.42, & 20.8, & 22.2.26, & 23.6, & 24.3.5, & 25.7.14, & 26.3, &	¶ Ezechias prosperitate abusus	30.7
		ezechias cur mortem tantopere exhoruerit	6.6
		F	
		¶ Facere pro mandare	99.4
		facere virtutem	118.15
		Facultas hominis, Vide hominis facultas	
		Facilitas commendatur	34.15
		Fama impiorum extinguitur	9.6
		Fama immortalitas quomodo paranda	11
		¶ Fanatici se & alios venia egere negant	

# INDEX.

103.11		fideles morte non extinguuntur 25.13, & 31.5, & 102.29, & 116.15	
Fanaticorum delirium de natura Angelorum	89.7	Fidelium beatitudo	116.9
fanaticorum error de perfectione iustitiae	103.11, & 106.6	fideliū communicatio	22.25
Fatum Stoicorum	105.19	fideliū iucunda ac suavis conditio	16.6
¶ Festinatio pia & sancta	13.5	fideliū misera in hoc mundo conditio 10.9, & 34.10, & 37.14, & 55.13, & 69.5, & 119.22, & 123.3	
festinatio vitiosa 31.22, & 34.23, & 41.2		fideliū consolatio 1.6, & 2.1.12, & 5.5, 9.16, & 12.6, & 14.5.7, & 20.2, & 21.9 13, & 23.4, & 31.10.12, & 37.17.18, & 38.21, & 40.14, & 46.7, & 49.1, & 52.4, & 57.5, & 64.8, & 68.2, & 69.8, & 71.14, & 83.3, & 92.10, & 94.12, & 102.9, & 109.8, & 119.165, & 129.1	
festinatio nimia quomodo corrigenda 55.23		fideliū inuicta constantia 31.24, & 109.28	
¶ Fidelis quilibet Christi sponsa 45.11		fideliū constantia à stupore differt 46.2	
fideles soli numeris omnibus beati 16.1		fideliū maximus cruciatus 42.4, & 102.11, & 119.136	
fideles ante mundum conditum electi 87.6		fideliū docilitas	73.16
fideles solo Deo contenti sunt 17.15, & 73.25.27, & 77.14, & 119.57		fideliū descriptio	36.11
fideles solo Dei presidio contenti 46.2		fideliū dignitas & praestantia 16.3, & 68.17	
fideles paucis contenti 37.21		fideliū euentus cur Deus secundat 37.13	
fideles sereno Dei aspectu recreantur 84.12		fideliū exercitia & studia 33.1	
fideles calumniis & falsis accusatoribus expositi 37.32, & 133.1, & 127.5		fideliū fiducia qualis 30.8, & 69.8, & 83.3, & 85.6, & 91.1.4.7, & 115.9	
fideles stupidi non sunt 46.2.4		fideliū fiducia timori coniuncta 56.5	
fideles soluti non sunt omni reatu 37.25		fideliū solida felicitas 16.11, & 21.6, & 23.1, & 25.13, & 37.24, & 119.124	
fideles non vno momento sed gradatim perficiuntur, ideo se semper imperfectos agnoscunt 15.4, & 19.13, & 25.11 & 32.1, & 65.5, & 119.1.12		fideliū felicitas quid 14.7.19	
fideles cur reprobis interdum invidiant 37.5		fideliū gaudium ubi situm 4.8, & 32.11, & 68.4, & 126.2	
fideles extra periculum 37.12		fideliū sancta gioratio 14.5, & 16.5.6, & 19.13, & 32.11	
fideles fratres Christi 22.23		fideliū hareditas Deus est 16.5	
fideles quomodo iusti 5.13		fideliū hareditas perpetua & quomodo 37.18.29	
fideles quomodo in sua iustitia gloriantur 4.2		fideliū infirmitas 22.2	
fideles in pretio habendi 15.4, & 16.3		fideliū integritas duabus partibus constat 73.12	
fideles quomodo haeredes terræ 37.27.29		fideliū lucta cum desperatione 42.6	
fideles cur mansueti dicantur 30.5		fideliū magnanimitas 18.22	
fideles cur multis arumnis obnoxii 34.20		fideliū memoria benedicta 112.6	
fideles cur rebus aduersis probentur 41.2		fideliū merces amplissima 5.19, & 58.12, & 112.9	
fideles quomodo se à Deo reiectos querantur 42.10		fideliū dura militia 37.9, & 39.4	
fideles recti corde dicuntur 32.11		fideliū militia perpetua 12.8, & 8.1, & 27.14, & 30.7, & 37.24, & 74.2.11 & 138.7	
fideles de cultus Dei perpetuitate solliciti 44.3		fideliū militia cum improbis 139.22	
fideles soli quomodo opus Dei 100.1		fideliū mors pretiosa 88.6, & 116.15	
fideles soli illuminantur 36.10		fideliū multitudo 110.3	
fideles soli Deum verè inuocant 105.1			
fideles soli gloriae Dei pracones 33.1, & 119.7			
fideles sponte se Deo subiiciunt 145.10			
fideles cur interdum sepultura careant 79.1			

# INDEX.

<b>Fidelium munitio optima</b>	5.13	<b>fidei prudentia</b>	119. 116
<b>fidelium orationes nunquam irritæ</b>	38. 10, & 65.2	<b>fidei externa professio quomodo colenda</b>	26.6
<b>fidelium panoplia</b>	18.3	<b>fidei regula</b>	138.7
<b>fidelium patientia qualis</b>	27.14, & 30.12, & 31.9, Vide patientia	<b>fidei veritas ex precibus cognoscitur</b>	22.5
<b>fidelium perfectio in quibus rebus sita</b>	33.18, & 119.21	<b>Fiducia maledicta quæ in carne fundata est</b>	118.8
<b>fidelium posteritas à Deo benedicta</b>	112.2	<b>fiducia fidelium, Vide Fidelium fiducia</b>	
<b>fidelium prærogativa</b>	68.17. vide fidelium dignitas	<b>Filii abrahæ duplices, Vide Abrahæ filii</b>	
<b>fidelium progressus</b>	16.7	<b>Filii Adæ pro plebens &amp; ignobilibus</b>	49.2
<b>fidelium prudentia</b>	14.6, & 22.10, & 26.4, & 38.3	<b>Fœlicitas vera quæ</b>	23.6, & 32.1, & 34.13, & 37.17, & 49.14
<b>fidelium salus Deo pretiosa</b>	22.32	<b>fœlicitas vera vnde</b>	67.2
<b>fidelium salus in manu Dei</b>	37.39, & 40.17, & 102.29	<b>fœlicitas in mundo non locanda</b>	49.14
<b>fidelium vera satietas</b>	17.15	<b>fœlicitas fidelium, Vide Fidelium fœlicitas</b>	
<b>fidelium securitas qualis</b>	3.6, & 4.9, & 30.7	<b>Fœnerator quo loco habendus</b>	15.5
<b>fidelium semen benedictum</b>	25.13, & 37.25.26	<b>fœnerari cur Deus vetuit</b>	Ibidem
<b>fidelium simplicitas qualis</b>	26.4, & 55.2, & 131.2	<b>Fœnoris species deterrima.</b>	Ibidem
<b>fidelium simplicitas impiis ludibrio</b>	123.3	<b>Fœtus in utero matris illæsus mirabiliter servatur</b>	22.10
<b>fidelium sobrietas</b>	119.98	<b>¶ Franciscani Scripturæ deprauatores</b>	109.6
<b>fidelium spes in Dei misericordia fundatur</b>	130.7		
<b>fidelium spes supra mundum affurgit</b>	147.19		
<b>fidelium stabilitas</b>	112.7		
<b>fidelium studia</b>	36.5		
<b>fidelium gravis tentatio</b>	77.8		
<b>fidelium virtus præcipua</b>	119.166		
<b>fidelium vitia improprie ad Christum transferuntur</b>	40.8		
<b>fidelium vnitas</b>	16.3. vide Charitas fraterna		
<b>fidelium zelus</b>	119.136.139		
<b>Fidelibus omnia cedunt in bonum</b>	1.3, & 17.5, & 18.38, & 34.10, & 37.3		
<b>Fides veræ pietatis radix</b>	78.21		
<b>fides non nisi verbo nititur</b>	43.3		
<b>fides mater inuocationis</b>	44.20		
<b>fides beatos reddit homines</b>	84.12		
<b>fides otiosa non est</b>	69.7, & 91.15, & 116.10		
<b>fides sola iustificat</b>	106.31		
<b>fides temporalis</b>	106.12		
<b>fides promissa præstanda</b>	15.4		
<b>Fidei natura</b>	22.8, & 37.7		
<b>fidei constantia à stupore differt</b>	46.2		
<b>fidei obedientia ex auditu est</b>	18.44		
<b>fidei natura</b>	137.8, & 142.5		
<b>fidei probatio</b>	11.4, & 31.14, & 37.9, & 40.17, & 56.4, & 71.14		
		<b>G</b>	
		<b>Gaudium duplex</b>	48.2
		<b>gaudium verum &amp; solidum</b>	35.27, & 37.4, & 71.22, & 100.1
		<b>gaudium verum vnde</b>	33.21
		<b>gaudium verum ex solo Deo</b>	65.9
		<b>gaudium verum ex solo Dei præsidio nascitur</b>	5.12.13, & 28.7
		<b>gaudium verum ex paterno Dei fauore</b>	16.11
		<b>gaudium verum ex fide</b>	16.9
		<b>gaudium verum ex Diuinæ Legis studio</b>	19.8
		<b>gaudium fidelium, Vide Fidelium gaudium</b>	
		<b>gaudium impiorum, Vide impiorum gaudium.</b>	
		<b>¶ Gemitus confusi precibus sanctorum permixti</b>	55.10
		<b>Gentes in suis sacrificiis sanguinem libare solebant</b>	16.4
		<b>gentium conuersio Christi ductu &amp; auspiciis facta</b>	22.29
		<b>gentium stulta gloriatio</b>	115.4
		<b>gentium vocatio</b>	2.8, & 18.44, & 19.4, & 22.28, & 57.10, & 65.2.6, & 66.4, & 67.3.4, & 68.32, & 71.22, & 86.9, & 87.5, & 96.1.7, & 97.1, & 102.22, & 106.47, & 110.2, & 113.2, & 117.1
		<b>¶ Gloria pro lingua</b>	16.9



# INDEX.

חַדָּל quid Hebrais	142.6	hominum ingratitude	29.9, & 71.5, & 103.4, & 104.29, & 105.11, & 148.3
Gradatio	39.13	hominum natura	5.10, & 14.2, & 19.13, & 106.43
Gratia Dei. vide Dei gratia		hominum natura ad idololatriam pro-	na
Gratiae certitudo unde petenda	44.20		114.7
Gratiarum actio seu gratitudo quam Deo accepta	5.8, & 40.10	hominum socordia magna	18.8
gratiarum actio, pars cultus Dei	66.13	hominum stupiditas	139.17
gratiarum actio pro acceptis Dei bene-		hominum vanitas	8.4, & 39.6, & 78.35, & 102.26, & 103.14
ficiis, fidelibus necessaria	5.	hominum & pecudum discrimen	85.14
12, & 7.18, & 9.2, & 13.5, & 18.47. 50, & 20.6.7, & 21.1.13, & 22.23, & 26.7, 12, & 27.6, & 28.6, & 30.1.12.13, & 31. 21, & 32.7, & 34.2, & 35.18, & 51.16, & 68.26, & 69.31, & 76.12, & 86.8.12, & 116.13.17, & 119.7	¶ Horatii locus	29.3, & 46.4, & 78.8	
חַדָּל quid Ebrais	8.1	¶ Hostes Christi. vide Christi hostes	
H		hostes Ecclesiae. Vide Ecclesiae hostes	
¶ Hereditas fidelium Deus	16.5	חַדָּל qui Ebrais	1.1
¶ Hermon mons pinguis & opimus	42.	חַדָּל quid Ebrais	31.22
7, & 133.2		¶ Humanitas commendatur	112.5.6.9
חַדָּל quid Hebrais	18.46	Humilitas precipuum fidei exercitum	39.10
¶ Homo mortalis & caducus	9.20, & 10.18.	humilitas coram Deo sufficit est boni-	
homo quam vilis & calamitosus	8.4	odoris	16.2
homo mera vanitas	39.6	humilitas hominis tota in sui notitia po-	
homo cur caro dicatur	56.5	sita	9.21
Hominis conditio antequam Deus illi medetur	103.4	humilitas piis necessaria	25.14, & 69.11
hominis misera conditio	39.6	¶ Hypocrisis Deo abominabilis	26.2
hominis dignitas & praestantia	8.6	hypocrisis cauenda	4.6, & 28.3, & 32, 2, & 41.6, & 78.34, & 119.47, & 125.5
hominis facultas ex Dei praeceptis non metienda	31.24	Hypocritae nomine Dei abutuntur	63. 12
hominis summa felicitas	25.13	hypocritae magni ceremoniarum obser-	
homines antequam crearentur Deo cu-		uatores	15.2, & 50.16
rae fuerant	24.2	hypocritae frustra nomen Dei prae-	
homines qua lege initio in Adā perfo-		xunt	15.1, & 18.42
na creati	33.12	hypocritae quomodo Deum querunt	24.6
homines cur in terra locati	6.6	hypocritae defunctorie Deum orant	27. 4, & 28.7
homines cuncti quales natura sunt	5.10. & 14.2, & 19.13, & 106.43	hypocritae ad suum commodum obten-	
homines natura ad incredulitatem pro-		dunt quicquid de iustis & rectis pra-	
pensi	145.18	dicat Spiritus Dei	37.30, & 103.17
homines omnes sine Dei benedictione		hypocritae Deum defunctorie colunt	40.7
miseri	1.1	hypocritae quomodo peccata sua faten-	
homines ad credendum tardi & diffici-		tur	32.5, & 38.6
les	22.19	hypocritae perfidi	50.17
homines cognitione Dei vacui inexcusa-		hypocritae extra Ecclesiam sunt	69.29
biles	19.2	hypocritae quo velo culpam suam te-	
homines morte non abolentur	88.11	gunt	51.7
hominum caecitas magna	33.13	hypocritae permulti	101.8
hominum corda in manu Dei	105.25, & 106.46, & 109.12, & 119.36	hypocritae perstringuntur	4.6.24.3, & 41.7
hominum indignitas	103.14	Hypocritarum confessio qualis	257, & 32.5
hominum ingenium & natura	106.43	hypocritarum ridenda iactantia	4.6, & 10.16

# INDEX

hypocritarum mos	4.6, & 44.18.22, & 63.12, & 65.4, & 103.17, & 132.14	impii ad tonitrua, grandines, procellas & similes impetus maxime expauescunt	29.3
hypocritarum fœcordia	50.21	impii semper famelici	37.21
hypocritarum & filiorum Dei discriminē	52.10	impii quasi Dei ferulæ	25.2
I		impii quatenus fugiendi	26.5
¶ Iacob pro electo populo	20.2, & 24.6	impii memoriam nominis Dei cum horrore fugiunt	5.12
Iacob Patriarchæ claudicatio	22.2	impii semper ad malū impelluntur	5.12
¶ Idololatræ stupidi	115.8	impii non manebunt impuniti	5.1
idololatræ strenuè laborādo nihil proficiunt	16.4	impii fidelibus infensū Deo bellum inferunt	40.11
idololatræ falsos deos muneribus ornantes quid proficiant	16.4	impii omnes insani	5.6
idololatrarum vana fiducia	115.8	impii cur tam audacter insolescant	9.20, & 10.11
idololatria damnatur	115.4, & 135.15	impii cur fidelibus insultent	89.51, & 109.24, & 119.69
idololatria externa cauenda	16.4	impii intractabiles	32.9
idololatriæ principium	115.4	impii propria astutia & insidiis irretiuntur	7.16, & 9.16
Idumæorum arrogantia	44.14	impii non nisi Dei permisso lasciuunt	10.15
Ieduthan vnus ex præcipuis cætoribus	39.1, & 62.1	impii non metuendi	7.15.16, & 34.22
Ieiunij vsus quis hodie	35.13	impii omnes miseri	1.1
Ierusalem duplex	87.5	impii quomodo Deum esse negent	10.4.11, & 14.1, & 36.2
Ierusalem vnde & cur sic dicta	76.2	impii non nocent quantam volunt	43.2, & 46.11, & 68.2, & 81.15, & 105.25
Ierusalem quo iure Dei ciuitas	48.1	impii sine examine quiduis sibi permittunt	10.4
Ierusalem spiritualis per omnes mundi plagas dispersa	48.8	impii sub Dei feralis non proficiunt	9.21
Ierolymæ laudes	122.23	impii quid sua duritie proficiant	18.26
¶ Ignauia. Vide Socordia.		impii cur non statim puniuntur	2.4
¶ Illuminatio donum supernaturale	36.10, & 119.73	impii in diem macerationis saginantur	17.14, & 37.20
illuminationis nostræ finis	119.17	impii brutis animalibus similes	17.14
¶ Imagines in tēplis non ferendæ	40.8	impii canibus similes	22.17
Imitatio præposita cauenda	27.13, & 28.4, & 40.14	impii lauro viridi similes	37.35
Immortalitas piis apparata	16.11	impii leonibus similes	17.11, & 22.14, & 57.5
Immortalitatis certū testimoniū	9.13	impii paleæ similes	1.4, & 35.5
Impatientia vnde	39.10	impii panno vel ligno quod tinea consumit comparantur	39.1
impatiencia damnatur	13.2, & 25.4, & 39.10	impii quisquiliis similes	1.4
impatientiæ corrigendæ ratio	39.10	impii tauris similes	22.13
Impietatis summus cumulus	12.5	impii tunulo vbi figi solet scopus, similes futuri	21.12
Impius quis	1.1	impii interdum serui Dei vocentur	102.15, & 115.3
Impii prosperitate abutuntur	10.3	impii cur stulti vocentur	73.2
5, & 28.5, & 37.35		impii cur non statim medio tollantur	59.12
impii sibi blandiuntur, ne sibi peccando displiceant	36.3	impii vt plurimum timidi	35.20
impii in clara luce cæcutiunt	28.5	impii timore Dei vacui	36.2, & 35.20
impii in sensum reprobū cōrecti	69.28		
impii filii iræ vltimo exitu deuoti	110		
impii à Deo non exaudiuntur	18.42, & 43, & 66.17		
impii indulgentia Dei corrumuntur	55.20		
impii sua prauitate excæcati	36.25		

# INDEX.

imp̃ii tandem ad caeleſte tribunal ven- turi	28.4	imp̃iorum proſperitas ideo deſluit, quia a Deo maledicta 1.6, & 4.7, & 17.10. 14, & 18.38, & 32.10, & 36.9.10, & 37. 1, & 52.7, & 73.4, & 90.11, & 92.10	
Imp̃iorum audacia vnde	9.20, & 10. 11, & 28.5	imp̃iorum ſecuritas 4.5, & 9.18, & 10.3. 5.6, & 11.6, & 28.5, & 30.7, & 33.15, & 64.4, & 94.11, & 116.9	
imp̃iorum cecitas	39.12	imp̃iorum ſemen maledictum 21.10, & 37.28	
imp̃iorum calix	11.6	imp̃iorum ſtupor	36.3
imp̃iorum conatus inanes & vani 2.1, & 7.16, & 9.16.20, & 21.11, & 31.20, & 33.10, & 35.6, & 37.13, & 90.16		imp̃ioru ſuperbia 10.2, & 12.6, & 17.10	
imp̃iorum quam miſera conditio	94. 12, & 112.10	imp̃iorum immanis truculentia	27.2
imp̃iorum ſtulta confidentia	61.6	imp̃iorum vita quomodo brevis	55.24
imp̃iorum conſcientia qualis	10.3	imp̃iorum vita maledicta	1.6, & 55.24
imp̃iorum conſcientia ſuſpida	28.5, & 36.3	imp̃iis nunquam ſatis eſt	37.21
imp̃iorum conſilium quid	1.1	Imprecatio i calūniatores	35.1.4.5.6.8
imp̃iorum conſilia irrita & vana	5.11, 33.10	imprecatio in crudeles	35.26
imp̃iorum conſilia mortifera	64.9	imprecatio in hypocritas	10.16.17
imp̃iorum conſilia quomodo diſcindi- tur	55.10	imprecatio aduerſus imp̃ios 5.11, & 7.7, & 28.4, & 40.15.16	
imp̃iorum conſortia fugienda	1.1, & 16.14, & 26.4.5, & 31.6, & 119.115	imprecatio in magniloquos	12.4
imp̃iorum deſcriptio	5.10	imprecationes quatenus piis licita	28. 4, & 35.6, & 79.6, & 109.6
imp̃iorum fama extinguitur	9.6	Impunitas, peccandi illecebra	101.8
imp̃iorum fallax iactantia	18.42	¶ In, loco præpoſitionis pro, vel ſecun- dum	5.9
imp̃iorum gaudium	48.2	Incantationes præſtigiis diaboli fiunt	58.5
imp̃iorum ignominia	18.43	Incredulitas quàm abominabilis Deo	78.21
imp̃iorum ignorantia qualis	28.5	Increduli omnes ſuperbi	119.21
imp̃iorum impudentia	73.8	Indulgentia Dei. Vide Dei indulgentia	
imp̃iorum indolentia	4.5	Infantium curam Deus ſuſcipit	22.10
imp̃iorum interitus grauis & ſubitus 2. 4.6, & 2.9.12, & 14.5, & 21.9, & 32.9. 10, & 34.22, & 35.5.8.26, & 36.13, & 37.9.15.34, & 58.9.10, & 60.4, & 64. 8, & 75.9, & 76.8, & 92.10, & 105.29, & 109.16, & 110.1.5, & 129.5		Ingratitudo damnatur	40.12, & 45.14
imp̃iorum interitus quàm Deo facilis	105.29	Iniquitas pro pœna	38.19
imp̃iorum ludibria quorſum tendant	38.17	iniquitas, Dei naturæ contraria	94.20
imp̃iorum ludibria quàm graua	42.11	iniquitas omnis Deo exoſa	5.5
imp̃iorum ludibria animos piorum a- criter vulnerant	25.2	iniquitatem deuoluere quid	55.2
imp̃iorum memoria extinguitur 9.6, & 34.17		Iniultitiæ ſpecies duæ	12.2
imp̃iorum merces reſoſita	11.6, & 21. 9, & 35.4, & 40.16	Integritas Dauidis. Vide Dauidis inte- gritas	
imp̃iorum mores fugiendi	1.1	integritati vitæ ſtudendum 31.20.23, & 34.10, & 43.10	
imp̃iorum multitudo	12.8.9	Intelligentia præſtantiſſima animæ fa- culas	19.7
imp̃iorum obſtinatio	4.3.5	intelligentia in Dei laudibus neceſſaria	48.6
imp̃iorum pœna	11.6	Intentio bona idololatrarum	106.37
imp̃iorum pœnæ, iræ Dei ſigna	39.12	Inuocare pro celebrare	116.13
imp̃iorum potentia infirma	129.7	inuocatio pro toto Dei cultu	14.4
		inuocatio vera quæ	143.18
		inuocatio ex Dei cognitione	91.14
		inuocatio ex fide naſcitur	44.20, & 59.14
		inuoca-	



# INDEX.

inuocatio, spei subiecta	57.2	tribuitur, & cur poenas sæpe in longū	
inuocatio sanctitati coniuncta.	66.17	tempus differat	7.12
inuocatio vana absque Dei cognitione	79.6	iudicium præceptis cauendum	37.10, & 41.2
inuocatio qualis in papatu	130.4	iudicia Dei. Vide Dei iudicia	
inuocationis partes duæ	61.8	iudiciorum nomine quid vates intelli-	
¶ Iobi sermones quibus quærelis refer-		gat	18.13
ti	39.5	Iulii Cæsaris dictum	73.4
¶ Ioh quid Ebrais	37.20	Iurare ecliptice Hebrais tritum	27.13
Ioseph a Deo missus in Aegyptū	105.17	iurare in Dei nomine quid	63.12
Ioseph non tyrannice dominatus in		Iusiurandi religio	24.4
Aegypto	105.20	Iustitia quid	37.30
Iosephi locus	48.7	iustitia vera quid	3.1
¶ Ira Dei. Vide Dei ira		iustitia fidei quid	32.1
iracundia damnatur	4.5	iustitia pro bona causa	4.2
Ismael quomodo sit fratrem persequu-		iustitia pro fructu iustitiæ	112.2
tus	42.11	iustitia quæ Deo probatur	64.10
Israelitarum duo genera	24.5, 6, & 68.	iustitia partialis à papistis cōficta	130.3
26. Vide Abrahæ filii duplices		iustitia Dei, Vide Dei iustitia	
israhelitæ degeneres	24.5.6	iustitiæ species duæ	12.2
israhelitæ fœdifragi	78.9.34	iustitiæ tres partes	37.30
israhelitarum contumacia	81.12	Iustus quis habeatur	5.13, & 32.12
israhelitarum idololatria	106.19	L	
israhelitarum ingratiitudo	106.7	¶ Labor manuum vilis	127.1, & 128.2
israhelitarum intemperies	78.23	Lachrymas in vtre ponere	56.9
israhelitarum murmur	106.16	Latriæ & dulciæ putida distinctio	106.35
israhelitarū progatiua	147.19, & 148.1.4	Laudare pro gloriari	56.5
israhelitarum fœcordia	78.65	Laudis sacrificium Deo gratissimum	
¶ Iudæ ministerium ad alium trāsistum		26.7, & 50.14.23, & 116.12	
109.8		¶ Leuitæ cur iusticiis instrumētis olim	
Iudæi cur aliis gentibus prælati	24.1	vñ	81.2, & 92.2
iudæi fœdifragi	78.9.34	לעזל quid	71.1
iudæi à fœdere per Euangelium mini-		Lex quid	19.7
me abducti	47.10	lex pro tota Scriptura	1.1
iudæorum apostasia	106.26	lex quorsum tradita	78.7
iudæorū prærogatiua	24.1.2, & 47.4.5,	lex quomodo suauis	19.10, & 119.103
& 65.5, & 67.2, & 97.8, & 95.7, & 105.		lex extra Christum quid valeat	19.8
6.12, & 115.15, & 147.19, & 148.14		lex æternæ fœlicitatis thesaurus	19.9.10
iudæorum prærogatiua vnde	105.12	lex vitæ animæ	19.7
iudæorum præstantia in quo sita	68.35	legis discipuli qui	1.1
iudæorum præstantia vnde pendeat	47.	legis discipuli literales perstringuntur	
10, & 105.12		25.14	
iudæorum indomita ad rixandum per-		legis Diuinæ excellentia	25.14
tinacia	22.17	legis doctrina omnibus necessaria	68.
iudæorum satisfactiones	32.1	35, & 103.107	
iudæorum fœcordia	78.9	legis promissiones quibus addita est cō-	
iudæorum & fidelium Noui Testamen-		dictio, quomodo accipiendæ	19.12
ti discrimen	33.2	¶ Liber vitæ in quo fideles descripti	
iudæis Deus per verbum suum innouit		sunt	40.8, & 69.29
19.7		Liberi quales optandi	127.5
Iudices iniqui perstringuntur	26.10	Liberi instituendi	22.32
Iudicium pro gubernatione vel publico		liberorum procreatio donum Dei	127.3
statu	94.15	Liberatio quomodo precibus fideliū	
iudicium quotidianum quomodo Deo			

# INDEX.

adscribatur, quum sit gratuita	102.18
liberationis piorum finis	9.11
Liberalitas commendatur	112.5.6.9
Libertatem hominis arbitriū vnde à Papi- stis astruatur	78.8, & 95.8, & 119.10.112
libertatem nominis arbitriū evertitur	16.
	7, & 27.14, & 86.11, & 100.1, & 119.
	17.105.133, & 144.10
Libertas vera ubi sita	40.8
Lingua purus mētus character esse de- bet	15.2, & 34.14
Lingua admodum lubrica	39.2
Lingua Ebraica concisa	19.3
Linguae exacta concordantia, rara virtus	19.14
linguae & cordis symphonia requiritur	13.2, & 34.14
linguam compescere, rara virtus	141.3
¶ Locus in Ecclesia quaerendus vt serue- mur	47.10
locus à ludris fraude corruptus	22.17
locus perperā ad picturas & idola de- torius	27.4
locus perperam ad vota deortus	15.4, & 22.26
locus vnde quidam colligunt mortuos carere omni sensu	6.6
Loqui sapientiam quid	37.30
Loquutio comparatiua	40.7.9
loquutio impropria	13.1
Lor pio zelo affectus	69.11
¶ Lumen vultus Dei, pro serena facie	4.7
Lux volitas	104.19
Lupus agnos de aqua turbata accusat, prouerbium	28.4
Lutheri locus	132.14
Lux pro favore & gratia	43.3.4
lux pro iucunditate & beata vitæ iun- cta	27.1

## M

¶ M littera saepe apud Ebraeos compa- ratur sumpta	31.11
¶ M modulationis species	16.1
Magistratus officii admonentur	2.10, & 29.1, & 81.3, & 101.5, & 106.3
magistratum legnitie, notatur	101.8
Magnates respicere quid	40.5
Maledicentia quam noxia	31.20
maledicentia damnatur	15.3, & 50.17, & 101.5, & 120.2
Malum bono vincendum	17.4
malum malo non rependendum	17.4, & 26.1, & 35.12, & 37.14, & 38.21. Vi-

de Vindicta prohibita	
malis bonis permixti. Vide Boni malis permixti	
Man quo sensu cibis spiritualis	78.23
man cor panis formam dicitur. Ibidem	
Manichaeorum delirium de animæ ef- fentia	73.26, & 104.29
Manuetudo ex spe gignitur	37.11
manuetudo pius necessaria	34.15, & 116.15
Manus pro imperio & potestate	49.16, & 139.7
manuum eleuatio	28.2, & 63.4, & 106.26, & 134.1, & 141.1
Mare Suph	106.7, & 136.13
mare Tharsis pro mari mediterraneo	48.7
Martini Lutheri locus	132.14
Martyrū mors pretiosa	106.38, & 116.15
Mauricii Imperatoris historia	145.17
¶ Media humana Dei gloriam obse- rare non debent	28.8
Melchisedec Rex & Sacerdos	110.4
Memoria Dei. Vide Dei memoria	
memoria impiorum. Vide Impiorum memoria	
Mēdicitas num omnis maledicta	37.25
Mercēs ampla piis apud Deum reposi- ta	19.11, & 24.5
merces quomodo operibus promissa	19.11, & 62.12
merces impiorum	40.16
merces operum	19.11, & 62.12
merces superbiorum	31.21
merces iustitiæ alibi quàm in terra quaerenda	41.9
merces iustitiæ quomodo piis rependa- tur	18.21
Meritū vnde à Papistis adstruatur	31.1
meritum humanum concidit & everti- tur	19.12, & 25.6.11, & 31.3, & 47.5, & 79.9, & 106.8
¶ Michtam quid	56.1
Militia fidelium. Vide fidelium militia.	
Misericordia Dei. Vide Dei misERICOR- dia	
misericordiae petendæ ratio	57.2
Missa papalis detestabile sacrilegium	110.4
Mizar montis nomen	42.7
¶ Modestia pius quam necessaria	25.14, & 60.6, & 69.11, & 105.4
Monachi cuiusdam historia	141.5
monachi Scripturarū corruptores	109.6

# I N D E X.

monachorum boatus in templis 134.3  
 Mortui num à laudibus Dei cessent 6.6,  
 & 30.10, & 104.33, & 115.17  
 mortui seculi qui 143.3  
 mortui non inuocandi 50.14  
 Mors non timenda 31.5  
 mors piis interitus non est 25.13,  
 & 31.5

mors fidelium. Vide fidelium mors  
 מִצוֹה quid 19.8  
 מִשְׁכָּל quid 42.15, & 44.1  
 Moses cur seruus Dei dictus 105.26  
 moyses cur vir Dei 90  
 moyses quomodo summo sacerdotio præ  
 ditus 99.6  
 moyses quomodo Mediator Ibidem  
 moyses & Aharon redemptionis ministri  
 non authores 105.27  
 moyses de rerum creatione populariter  
 loquutus 148.3

מִשְׁכָּל quid Ebræis 44.14, & 49.4, &  
 76.1

¶ Mundus in quem finem à Deo condi  
 tus 8.7

mundus per Christum fabricatus 33.6  
 mundus providentiæ Dei regitur 37.28,  
 & 138.6

mundus exitialibus corruptelis refertus  
 1.1

mundus fastuosus hominibus semper  
 plenus 40.5

inundus non est æternus 148.5

mundus totus in Christum cōspirauit 2.1

mundi creatio ad Dei prouidentiam nos  
 deducit 33.6

mundi ingratitudo 115.16

Munera iudicibus quam noxia 26.10

Musica quatenus in sacro cœtu permis  
 sa 33.2

musica instrumenta cur olim in usu 81.  
 2, & 149.2

musica instrumenta num in sacris con  
 uentibus ad canendas Dei laudes cō  
 gruunt 32.2

Mutationes dominiorum ex Dei prou  
 dentia 107.39

## N

נִבֵּל quid Hebræis 14.1, & 39.9

נִבְיָוִת pro tono vel certo cantus di  
 scrimine 6.1

¶ Nicodemita laruati 16.4

¶ Nomen pro memoria 30.5

nomen Dei. Vide Dei nomen.

Nouatiani refelluntur 26.5

Nox in quatuor vigiliis distributa 90.3

נִבְיָוִת quid Ebræis 16.10

נִבְיָוִת pro auersari vel remouere 27,  
 9, & 21.11

¶ Numeri mutatio Ebræis trita 22.30,  
 & 35.8, & 41.10, & 44.16, & 49.15, 19,  
 & 55.7, & 56.9, & 101.3

## O

¶ Obduratio ex peccandi consuetudi  
 ne 14.2

Obediendæ vera quid 40.8

obediendæ quouis sacrificio præstatio  
 119.113

obediendæ fidei ex auditu est, 18.44

Obrizon quid 19.10

Obstinatio damnatur 43.3, & 32.9, & 36,  
 35, & 36.7

obstinacorum poena 32.9.10

Obrectatio danatur 15.3, & 101.5, Vide  
 Maledicentia

¶ Occasione utendum 2.10, & 32.6, & 50  
 22

Oculi po omnibus affectibus 25.15

¶ Oleum latitiæ quid 45.7  
 olei vsus 104.15

¶ Opiniones impiæ cauendæ 16.4

Opus Dei, Ecclesiæ ædificatio 51.20

Opera num iustificent 106.31

operum merces 19.11

operarii iniquitatis qui 28.3

¶ Oratio coram Deo legitima quæ 22.5

oratio sine spe friuola est 5.4

oratio statim horis fieri solebat 55.17

orationis vsus & finis 17.9

orationes piis necessariæ 34.16. 18

orationes ecclesiæ quomodo exaudian  
 tur 20.24

orationes Ecclesiæ nunquam irritæ 38.  
 10.18, & 65.2

orationes fidelium. Vide Fidelium ora  
 tiones.

Orandi initium à peccatorum remissio  
 ne fieri debet 25.7.18

orandi alacritas vnde 38.10

orandi fiducia vnde 42.10, & 56.9

orandi fiducia ex hostium crudelitate  
 colligenda 41.11

orandi finis vnicus & legitimus 119.38

orandi forma 44.20

orandi vera regula 5.8, & 7.7, & 2.3,  
 & 25.1.7.15.18, & 33.22, & 38.3, & 39.  
 9, & 44.20, & 65.2, & 79.10, & 91.15,  
 & 106.47, & 115.1, & 119.10

orandum certa fide 56.10



Ordo in Diuinis literis non semper feruatus	37.31, & 135.8	papistarum commentum de partiali in	
ordo naturæ, paterni fauoris testimonium	65.11	stitia	130.3
ordo politicus duabus partibus constat	45.7	papistarum error de peccato originali	51.7
Orientales populi ad caeremonias præaliis proclues	30.12	papistarum error de peccatorum remissione	103.11
orientales magicis artibus valde additi	31.6	papistarum error de pœna & culpa	130.8
¶ Ossa pro robore vel potentia	14.15	papistarum distinctiones putidæ	32.1, & 106.35
¶ Ouidii locus	73.11	papistarum contumacia	97.7
P		papistarum supina hypocrisis	19.12
¶ Panis pro quolibet alimento	104.14	papistarum inanis iactantia	79.58
panis dolorum	127.2	papistarum crassa insciua	132.15
Papa antichristus	118.19	papistarum orationes inanes	65.2, & 130.4
papæ furor diabolicus totum orbem inflamat	83.6	papistarum fidei præparatiue	25.8.12
papæ quàm inanis iactantia	78.59	papistarum satisfactiones vnde	89.31
Papistæ veram deitatem quantum in se est abnegant	86.9	papistarum tēpla, satanæ prostibula	16.8
papistæ Deum formidabilem describunt	45.8	papistarum vota impia, stulta & sacrilega	50.14, & 66.13, & 132.2
papistæ scripturarum corruptores	24.7, & 27.8, & 96.7, & 130.14	Parentum erga liberos officium	22.32, & 44.3
papistæ simia sunt	92.2	Paruuli nomen in bonam partem sumptum	19.7
papistæ quo prætextu corrogunt caducas mundi opes	72.15	Patientia beatos reddit	84.12
papistæ securè pii insultant	123.3	patientia optima futura	34.16
papistæ se veros Dei cultores mentiuntur	103.17	patientia piis omnibus quàm necessaria	10.14.18, & 14.5, & 18.28, & 21.12, & 22.25, & 27.14, & 30.6, & 34.17, & 35.11.17, & 37.3.5.7.34, & 38.14, & 44.23, & 55.24, & 62.1.4, & 76.11, & 80.5, & 94.12, & 109.8.28, & 119.69.166, & 120.6, & 126.5, & 137.1
papistæ frustra superbiunt Ecclesiæ nomine	122.8	patientia fons	38.16
papistæ Christum superbè repudiant	45.	Patres cur sub Lege tanto mortis metu constricti fuerint	6.6
papistæ opera sua Dei gratiæ miscent	51.19	patrum orationes quomodo Deo acceptæ	20.4
papistæ Scripturam sacram promiscuè ab omnibus legi nolunt	119.130	patrum & fidelium Noui testamēti collatio	24.8, & 27.4
papistæ nomen Dei obscurant	100.1	patrum & fidelium Noui testamenti discernimen	9.12, & 33.2
papistæ patrum auctoritatem verbo Dei opponunt	95.9	patrum authoritas quid valeat	95.9
papistæ Deum præcipua gloriæ suæ parte spoliant	66.17	patrum præpostera æmulatio	78.8
papistæ vnde meritum stabilire conentur	62.12	patrum erga liberos officium	22.32, & 44.3, & 78.4
papistæ vnde liberum hominis arbitriū astruant	78.8, & 95.8, & 119.12	Pauperum consolatio	20.30
papistæ vnde mortuorum suffragiis nos iuuari eliciant	132.1	Paupertas æquo animo ferenda	104.15
papistæ vnde purgatoriū stabiliant	89.12	Pax quid Ebraeis	37.11
papistæ Deum erraticis suis figmentis impiè transformant	27.8	pax vera quæ	133.1
papistarum calumniæ	133.1	pax vera ex fide	19.8
papistarum cōmētū de Dei gratia	144.10	pax pro prosperitate	122.7
papistarum commentū de fide	91.14	pax quomodo fouenda	34.15, & 139.22
		pax constanter persequenda	1b. dem
		¶ Peccatum quid	51.7
			peccat

# INDEX.

peccatum pro pœna	39.19	tur	19
peccatum quomodo à parentibus transfertur in filios	51.7	pil. Vide Fideles	
peccatum semper cum stultitia vel amētia coniunctum	38.6	Piscium abundantia ex Dei benedictione	104.25
peccata nostra iræ Dei cōiūgenda	38.4	¶ Platonis diſum	45.7
peccata occulta quæ dicantur	19.12	platonis delirium	148.2
peccatorum confessio necessaria ibidē		platonis locus	104.29, & 148.3
peccatorum confessio qualis requiratur		Plauti locus	73.21
25.7.11, & 32.5		plebs à Scripturæ accessu non arcenda	
peccatorum recordatio quatenus prodest	32.5	25.14, & 119.130	
peccatorum remissio in primis necessaria	6.2, & 65.4, & 130.8	Pluvia ex Dei nutu & decreto	135.7
peccatorum remissionis utilitas	103.3	pluvia ex Dei liberalitate	65.11, & 68.10
peccatores qui	1.1	pluvia non creatur fortuito	148.5
peccatores stulti	107.17	¶ Pœna remittitur, culpa remissa	32.19, & 130.8
Pelagianorum error	51.7	pœnæ quas Deus infligit, cur pluvix comparantur	11.6
Perforare aures quid	40.7	pœnæ temporales bonis & malis communes	63.10. Vide Afflictiones.
Permissio quomodo in Deo consideranda	115.3	Pœnitentia non protrahenda	50.22, & 51.2
persecutio interna	42.11	pœnitentiæ donum cōmendatur	51.12
Perseuerantia donum Dei	17.5, & 68.29, & 71.16	pœnitentiæ gradus	34.15, & 83.14
perseuerā. finalis certa esse debet	16.8	Populus beatus quis	33.12.18, & 144.15
perseuerantia in precibus	7.2, & 13.5, & 22.3, & 27.4, & 55.17	populus Christi voluntarius	110.3
perseuerantia in precibus necess. 145.18		populi Orientales vt plurimum iaculatores in præliis	68.31
perseuerantia piis quàm necessaria	71.16, & 68.29, & 69.5.14, & 86.1, & 106.3, & 119.24.101.123	populi Orientales. Vide Orientales.	
personæ mutatio Ebræis familiaris	40.6, & 69.33	populi veteris & novi discrimen	92.2
personæ mutatio in verbis	27.8	Portæ templi quo sensu æternæ	24.7
Peruicacia. Vide Obstinatio		פֶּתַח מִקְדָּשׁ quid	19.8
Pedes in latitudine poni quid	31.8	Posteritas fidelium benedicta	25.30, & 37.2.26
¶ Pharaonomen Regibus Aegyptiis commune	34.1	posteritatis habenda cura in precibus	90.16
pharaon cur Leuiathan dictus	74.13	¶ Præparationes Papistarum fictitiæ	25.8.12
Philosophia quatenus vtilis	29.5	Preces in aduersis quàm necessariæ	17.1. Vide oratio.
philosophorum quorundam malignitas	107.43	Principes dii vocantur	82.6, & 110.1
Phinees zelus pius	106.29	principes, officii admonētur. Vide Magistratus.	
¶ Pietas quid	106.3	Promissiones Legis quibus addita est conditio, quomodo accipiendæ	19.12
pietas vera in quo sita	103.17	promissiones temporales quomodo sumendæ	112.2
pietas quanti æstimanda	15.4	Prophetix vis	18.45
pietas promissiones habet vitæ presentis & futuræ	27.13	Prophetarum scripta ad Philosophiæ regulas non exigenda	148.3
pietatis vera definitio	97.7	Prosperitas mundi fallax	49.19.20
pietatis natura	119.78	prosperitas impiorum. Vide Impiorum prosperitas.	
pietatis vera probatio	66.13	prosperitate non abutendum	23.1.4, & 30.7
pietatis exercitia non contēnenda	26.8		
pietatis summa	24.4		
Pii semper in prospero statu cōseruantur			

# I N D E X.

Providentia Dei. Vide Dei providentia		bent	28.9
Proximus quis censendus	15.3	regum huius mundi fastus & arrogantia	132.11
Prudentia vera	119.34	regum ignavia	45.2
prudencia in rebus aduersis à Deo petenda	5.9	Regula in precibus tenenda. Vide Orandi regula.	
prudencia fidelium. Vide Fidelium prudentia		regula bene viuendi	19.14
¶ Psalmi nō omnes à Dauide cōpositi. Vide, David non est omnium Psalmorum anthor.		Relatio mutua inter Dei promissiones & fidem nostram	30.10
Psalmi complures post mortem Davidis cōpositi	74.1	Relatium sine antecedente	19.4
¶ Psalmi pro simplicibus	116.5	Religio sacratissimum humanæ coniunctionis vinculum	55.13
¶ Pueri quo sensu gloria Dei præcones dicantur	8.3	religio ex Dei notitia nascitur	9.11
Puncta Hebræorum non semper scribendo expressa	15.4	religio nulla sine timore Dei	128.1
Purgatorium vnde à Papistis adstruitur	86.12	religio mutua inter homines æquitatis optima magistra	14.4
Q		Remissio peccatorum. Vide Peccatorum remissio.	
Querere animam, quid	54.4, & 142	Remissio pœnæ & culpæ	32.1
Querere Deum quid	9.11	¶ Quid Hebræis	30.3
Querere Deū certa pietatis nota	22.27	Repetitiones quorsum tendant	29.1.3, & 24.8, & 34.12
¶ pro versu in scripture	19.5	Reprobi quomodo Deum agnoscunt	83.18.19
R		reprobi hostes Christi	110.1
¶ Rabbi in fabricandis commentis perperam sudant	36.8	reprobi verè Deū non inuocant	22.2
¶ Rabi pro magnis	31.13, & 37.16	reprobi oblatam sibi lucem suffocant	31.19
¶ Rebecca astutia viriosa	34.1	reprobi ad Dei tribunal nonnisi tracti veniunt	32.5
Reconciliatio cum Deo in primis necessaria	32.3	reprobi omnes stultitiæ dānantur	39.9
reconciliatio cum Deo quomodo querenda	32.6	reproborum interitus. Vide Impiorum interitus.	
reconciliatio ex sola Dei gratia	79.9	reproborum pœnæ, iræ Dei signa	39.12
reconciliationis nostræ cum Deo finis	32.8	reprobis cur filii Dei inuideant	37.5
Recordationis duæ species in Deo	25.7	Respicere magnates quid	40.5
recordari pro attendere	20.4	S	
Redemptio Christi sanguinæ parta quanti aestimanda	31.5	¶ Sabbathum quomodo rite colitur	92.2.5
¶ Rabi quid Hebræis	35.20	שולחן pro inferro	9.18
Regnum Christi. Vide Christi regnum.		שולחן pro sepulchro	16.10
regnum Davidis vmbraile. Vide Davidis regnum,		שולחן pro tumulo vbi figi solet scopus	21.12
regni legitima administratio	72.4	Saccus in luctu veteri communis	30.12
regni duratio an hominum meritis nitatur	132.12	saccus & ieiunium precatōis adminicula	35.13
regni firmitas nonnisi in tribu Iuda	60.8	Sacramentorum contemptores miseri	26.8, & 27.4
regnum stabilitas	45.4	Sacrificium Deo gratissimum	16.3, & 86.6, & 51.19.21
Rex Christus. Vide Christus Rex.		sacrificium laudis Deo maxime acceptum	26.7, & 50.14.23, & 116.12
regi, officium	28.9 & 101.1.5	sacrificia quomodo non amittuntur à Deo	40.7, & 50.9
rego, publicæ utilitati addicti esse de-			52.2



# INDEX.

Sacrificiorum quatuor species	40.7	¶ Securitas carnis	30.8
sacrificiorum vsus ac finis legitimus		securitas impiorum. vide impiorum securitas	
26.7		Selah eleuationem in concentu notat	
Sacerdos Christus. Vide Christus sacerdos		3.3, & 9.17	
sacerdos Papistici omnes sacrilegi		Semen fidelium. vide fidelium semen	
110.4		semen impiorum. vide impiorum semen	
¶ Cetera melodia vel cantici species	7.1	Sepultura vltimæ resurrectionis testimonium	19.1
Salmon montis nomen	68.15	sepultura carere, maledictionis signum	
Salomonis & Christi collatio	45.7	63.10	
Salus non nisi à Christo speranda	20.10	sepultura cur interdum careant fideles	
salus nostra Deo committenda	33.20	79.1	
salus fratrum publica curanda	14.7	Sermo pro nutu vel mandato	33.6.8
salus piorum apud Deum reposita	12.6	sermo pro promissionibus	18.31
salus fidelium in manu Dei	37.39, & 40.17	Serpentes fascinis incantantur	53.5
Sanctuarium cur domus Dei	26.8	Serueti errores confutantur	73.26, & 74.19, & 104.29
sanctuarium iaterius solis Sacerdotibus apertum	84.2	Seueritas quæ Deo grata	101.8
sanctuarium caeleste	20.7	¶ Simplicitas Fidelium. vide Fidelium simplicitas	
sanctuarium pro celo	150.1	Sion quomodo Dei habitaculum dicatur	9.12
sanctuarii vsus legitimus	84.5.6	Sion montis præstantia	68.16
Sancti cur suam infirmitatem toties commemorant	38.3	¶ Sobrietas piis necessaria	119.98
sancti. vide fideles		Socordia hominum quæta	39.6, & 47.8
sanctorum communicatio	16.3	socordia multorum vnde	31.5
Sanguis pro morte	30.10	socordia Iudæorum	78.9
Sapientia vera quæ	107.43, & 111.10	socordia excutienda	18.23, & 42.8, & 30.7, & 31.5, & 34.9.13, & 50.22, & 66.5, & 68.32, & 69.7, & 84.7, & 90.3, & 103.2.3.22, & 111.2, & 119.15.60.128, & 134.1
sapientiam loqui, quid	37.30	Socratis dictum	44.23
Satan iudiciorum Dei minister	144.10	socratis responsio ad vxorem	69.5
satan quomodo fideles ad desperationem sollicit	55.5	Sodomæ & Gomorrhæ exitium Diuini in omnes impios iudicii documentum memorabile	21.9
satana astutia	17.4, & 19.12, & 30, & 39.2, & 44.20	Sol præcipuum luminis vehiculum	74.16
satana fallacia	32.2	sol quomodo occasum suum agnoscit	104.19
satana telum lethale	22.8	sol quomodo Deum laudibus suis celebrat	148.3
Satisfactiones vnde nata	89.31	sol & luna cur dicantur luminaria magna	136.7
satisfactiones Iudæorum	32.1	sol & luna honorificum Deo obsequium præstant	Ibidem
satisfactiones Iudæorum & Papistarum euertuntur	32.1	solis calor & vis	19.4
Saul hostis Davidis acerrimus	18.1	Solum sanctitatis quid	47.8
saul hostis Davidis perstringitur	25.22	Sofannim quid	69.1, & 80.1
sauius dominatio, Davidis electione sepulta	68.26	¶ Spes piis quæ necessaria	37.34, & 42.6
¶ Scandalum ex Ecclesiæ impuritate	15.1	spes ex præteritis Dei beneficiis concipienda. vide Dei beneficiorum recordatio	
scandalum ex impiorum prosperitate	37.1.7		
Scelerari per magistratus puniendi	106.3		
Sceptrum Christi. vide Christi Sceptrum			
Sciendi liberales non aspernanda	71.14		
Scriptura sacra Legis est expositio	1.1		
scripturæ lectio etiam plebi permittenda	25.14, & 119.30		
Scurræ mensarii perstringuntur	55.16		

# INDEX.

spes amplior concipi debet quo crudelius Ecclesiæ hostes insoleſcunt	38.17	templum ab hostibus euersum & incensum	74.5
spes sola mansuetudinē ex se parit	37.11	templi sumptuosum ædificium	24.7
spes & timor quomodo in fidelibus	56.4	templi partes tres	74.5
spei natura	42.9	templi mentio cur fiat à Dauide quum nondum extractum esset	68.29
spei legium probatio	45.2	templi portæ quo sensu æternæ	24.7
Spiritus pro mēte & intelligētia	139.7	templi profanatio	118
Spiritus num in electis extinguitur quādo peccant	51.12	Tempus præteritum continuum actum designat	10.14
Spiritus sancti officium	40.8, & 51.9	tempus uerbi futurum in generalibus sententiis continuum actum denotat	7.9, & 10.8
Spiritus sanctus tribus modis nos docet	144.10	temporis enallage Hebræis trita	21.3
Spiritus oris pro sermone	33.6	temporis serenitas à Deo petenda	
¶ Statuta quæ	18.23, & 19.7	Tenacitas damnatur	112.5, 148.7
statuta Domini recta	19.8	Tētare Deū quid	78.18, & 95.9, & 106.14
Stella quomodo laudes Dei ebuſcinēt	148.3	Terra vnde fructum suum proferat	65.10, & 85.13
stellarum ordo pulcherrimus	8.4	terra Chanana cur terra desiderii	106.24
Stoici quale fatum somnient	105.19	terra infra aquas subſidet	24.23, & 104.9
stoicorum altitudo quā vana	34.19	terra viuorum quæ dicatur	27.13
Stultitiæ nomine quid Hebræi intelligant	38.6	terra Vphaz vnde sic dicta	19.10
stulti plagis sapiunt, prouerbiū	78.32	terra recta pro ipsa reſtitutione	144.10
¶ Sui genere, pro cōſcendere tribunal, vel se accingere ad reſiſtendum	7.7	terra reſcūditas ex arcana Dei benedictione	65.10, & 104.10.25, & 107.33, & 132.15
Surgēdi verbum quomodo Deo tribuitur	9.20, & 10.12, & 74.22, & 76.10, & 102.14	terræ ſterilitas ex Dei maledictione	107.33
Superbia omnis ingenta	9.21	terræ ſtabilitas	104.5, & 119.89
superbia audaciæ mater	75.5	terræ mutatio teſtis præſentia Dei	8.9
superbia omnium iniuriarū mater	10.2	¶ Timiditas à Deo inſiſta	44.11
superbia fugienda	8.4, & 9.21, & 33.15, & 40.5, & 101.5.8	timiditas nimia damnatur	119.46
superbiæ corrigēda optimum remediū	39.12, & 75.7	timiditas nimia quomodo corrigenda	68.2
superbiæ pro apertis transgreſſionibus quibus adiuncta eſt contumacia	19.13	Timere à Domino quid	33.8
superbi facere perſtringuntur	31.23	timere & sperare quomodo inter ſe cōgruant	40.4
superborum merces	ibidem	Timor pro ratione colendi Dei	19.19
Superſtitionum deſenſores	16.4	timor pro lata & alacri reuerentia	52.8
¶ Synodus Nicena	99.5	timor qualis in fidelibus	46.2
T		timor & ſpes quomodo in fidelibus ſimul eſſe poſſint	56.4
TABULA quid Hebræis	34.1	timor quis piis neceſſarius	22.24
Tabula ſeunda Legis ſumma	37.27	timor Dei, vide Dei timor	
Tanninim pro marinis piſcibus	148.7	¶ Tonitru non niſi Dei imperio gignitur	18.14
¶ Temperantia piis neceſſaria	104.15	¶ Tribus Iehuda cæteris præſtantior	114.1
Templum ſanctitatis pro cælo	11.4, & 18.7	Tripudii vox in bonā partē ſupta	30.12
templum non fruſtra extractum	132.13	Taſſina duplex	42.5
templum erat præſentia Dei ſymbolum	27.5	¶ pro beneficētia vel gratuitis Dei muneribus & donis	21.3
templum quomodo Dei habitaculū	24.8	¶ Turcarum ſatiſfactiones	32.1
templum cur Dei ſcabellum	99.5	Veni	

# INDEX.

V

¶Venti non temere surgunt	104.3, & 107.29
ventorum multiplex agitatio opus Dei	135.7
Verbum pro Dei consilio vel mandato	33.4
verbum Dei. vide Dei verbum	
verba futuri temporis continuum actū designant	23.5, & 25.1, & 31.5
Veritas in sermone requiritur	34.14
veritas in solo Dei verbo lucet	29.9
¶Via pro viuendi ratione vel instituto	1.1, & 37.13
via Dei. vide Dei via	
via, pro negotiis omnibus	37.5
via Domini, pro virtute qua suos falcit	17.5
via Domini, pro fide promissionū suarum	25.4
via Domini, pro paterna quam in suis tuēdis & fouēdis tenet ratione	25.10
via iustitiæ pro facilibus & planis	23.2
Victoria vni, deo tribuēda	9.4, & 18.30.48, & 11.1, & 28.8, & 44.4.6.7.9, & 68.12 19.23
Vigiliæ in quatuor partes distributæ	130.6
Vindicta minimè appetenda	17.4, & 25.4, & 79.10, & 109.4
vindicta Deo relinquenda	17.4
vindicta quatenus à piis expeti possit	8.4, & 41.11, & 79.10
vindicta quomodo ab homine fieri possit	18.38.48
vindicta Dei. vide Dei vindicta	
Vini vsus legitimus	104.15
Viri pacis qui Ebrizis	41.10
Vita vera quæ	119.144
vita pro longa duratione	30.6
vita nostra in manu Dei	31.5.15
vita beata non nisi ex Dei benedictione speranda	34.13
vita æterna quomodo operum merces	

19.11

vita Dei. Vide Dei vita	
vita fons in Deo	36.10
vita bene instituēda ratio ex vna Dei Lege petenda	19.11
vita integritas necessaria	15.1
vita liber quis	40.8
vita humanæ definitio	90.3
vita humanæ breuitas	39.5.6, & 89.47, & 103.14, & 146.3
vita humanæ vanitas	102.12
vita humanæ finis	6.6, & 30.10.32
vita humanæ terminus cuique præfixum	42.7
Viri mortuos nullo officii genere prosequi aut iuuare possunt	31.12
¶Vnguentorum vsus	204.15
Vnicornis animal perniciosissimum	29.6
¶Vocatio electiōni adiuncta	65.5
vocatio Gentium. vide Gentiū vocatio	
uocationis legitime certitudo multum prodest	8.8
uocationi sedulo incumbendum	11.1
Vota non quælibet probanda	56.13
vota quæ Deo accepta	66.13
vota Papistarum impia, stulta ac sacrilega	50.14, & 66.13, & 116.14
votorum finis	116.14
Vox Dei in tonitru	29.3, & 93.3
¶Vibes prauis moribus imbutæ in æternum exitium deuocentur	55.10
¶Vsuræ nomen passim detestabile	15.5
vsuræ an omnes damnandæ	ibidem
vide Fœnus & fœnerator	
¶Vxor bona ex Dei benedictione	128.3

Z

¶Zelus pius & syncerus	119.136.139
zelus inconsideratus nō excusat	106.37
zelus præposterus damnatur	109.6
zelus Davidis purus & sanctus	18.38, & 42.11, & 69.10
zelus Lot	69.11
zelus Phinees	106.25
¶זלזל quid Ebrizis	26.10

## Errata

20 In lege, Iehoua seorsum

retur particula זלזל subaudio 2 similitudinis notam. Nec placet quod זלזל quidam



6  
7

$$\begin{array}{r}
 \# \quad \quad \quad \text{✓} \quad \quad \text{2} \\
 13 - 6 - 8 \\
 13 - 6 - 8 \\
 13 - 6 - 8 \\
 \hline
 40 \quad 0 - 0
 \end{array}$$

$$\begin{array}{r}
 6 \quad 13 - 4 \\
 6 - 13 - 4 \\
 6 - 13 - 4 \\
 \hline
 20 \quad 00 - 00
 \end{array}$$

$$\begin{array}{r}
 20 \\
 6 \quad 6 \quad 8 \quad 12 \quad 13 \quad 4 \\
 6 \quad 6 \quad 8 \quad 12 \quad 13 \quad 4 \\
 6 \quad 6 \quad 8 \quad 12 \quad 13 \quad 4 \\
 \hline
 20, \quad 00 - 00
 \end{array}$$









